

PATROLOGIÆ CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM

QUI

AB ÆVO APOSTOLICO AD INNOCENTII III TEMPORA
FLORUERUNT;

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA
ECCLESIE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,
PERQUAM DILIGENTER CASTIGATA;

DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;
OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS
DETECTIS, AUCTA;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUIUS MOMENTI
SUBSEQUENTIBUS, DONATA;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM
SUPERIOREM DISTINGUENTIBUS SUBJECTANQUE MATERIAM SIGNIFICANTIBUS, ADORNATA;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM
ECCLESIASTICAM POLLENTIBUS, AMPLIFICATA;

DUOBUS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID
UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO

SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES
ET IN QUIBUS OPERUM SUORUM LOCIS SINGULOS SINGULORUM LIBRORUM

SCRIPTURÆ TEXTUS COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS

TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANter

SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,

SEXCENTORUM FRAGMENTORUM OPUSCULORUMQUE HACTENUS HIC ILIC SPARSORUM,

PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,

LOCOS, LINGUAS FORMASQUE PERTINENTIBUS, COADUNATORUM.

SERIES SECUNDA,

IN QUÆ PRODEUNT PATRES, DOCTORES SCRIPTORESQUE ECCLESIE LATINÆ
A GREGORIO MAGNO AD INNOCENTIIUM III.

Accurante J.-P. Migne,

BIBLIOTHECÆ CLERI UNIVERSÆ,

SIVE

CURSUS COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA BINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. —

VENIUNT MILLE FRANCIS DUCENTA VOLUMINA EDITIONIS LATINÆ; OCTINGENTIS ET

MILLE TRECENTA GRÆCO-LATINÆ. — MERE LATINA UNIVERSOS AUCTORES TUM OCCIDENTALES, TUM
ORIENTALES EQUIDEM AMPLECTITUR; HI AUTEM, IN EA, SOLA VERSIONE LATINA DONANTUR

PATROLOGIÆ TOMUS CLIII.

S. BRUNO CARTHUSIENSII INSTITUTOR. GUIGO I, GUIGO II, PRIORES CARTHUSIÆ
MAJORIS S. HUGO LINCOLNIENSIS EPISCOPUS.

EXCUEBATUR ET VENIT APUD J.-P. MIGNE EDITOREM,
IN VIA DICTA D'ANBOISE, PROPE PORTAM LUTETIÆ PARISIORUM VULGO D'ENFER NOMINATAM,
SEU PETIT-MONTROUË.



1875, March 22.

Request of

James Walker, A.D., L.L.D.

(H. U. 1814)

President of Harv. Univ.

SÆCULUM XII

S. BRUNONIS

CARTHUSIANORUM INSTITUTORIS

NECNON EJUSDEM SÆCULI

PRÆCIPUORUM CARTHUSIENSIIUM PATRUM

OPERA OMNIA

EX VARIIS ET MELIORIS NOTÆ EDITIONIBUS NUNC PRIMUM IN UNUM COLLECTA

ACCURANTE J.-P. MIGNE

BIBLIOTHECÆ CLERI UNIVERSÆ

SIVE

CURSUM COMPLETORUM IN SINGULOS SCIENTIÆ ECCLESIASTICÆ BRANCHOS EDITORE

S. BRUNONIS TOMUS SECUNDUS, CÆTERORUM UNICUS

VENEUNT 2 VOLUMINA 14 FRANCIS GALLICIS

EXCUDERATUR ET VENIT APUD J.-P. MIGNE EDITOREM
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM
SEU PETIT MONTROUGE

1854

ELENCHUS

AUCTORUM ET OPERUM QUI IN HOC TOMO CLIII CONTINENTUR.

S. BRUNO CARTHUSIANORUM INSTITUTOR.

Expositio in omnes Epistolas Pauli.	col. 9
Epistolæ duæ.	569
Sermo de contemptu divitiarum	569
Confessio.	571

GUIGO I CARTHUSIÆ MAJORIS PRIOR GENERALIS V.

Epistolæ.	593
Meditationes.	601
Consuetudines Carthusienses.	631
Vita S. Hugonis episcopi Gratianopolitani.	759

GUIGO II CARTHUSIÆ MAJORIS PRIOR GENERALIS.

Escala paradisi.	785
Liber de quadripertito exercitio cellæ.	787

BERNARDUS CARTHUSIÆ PORTARUM PRIOR.

Epistolæ.	885
-----------	-----

JOANNES CARTHUSIÆ PORTARUM MONACHUS.

Epistolæ.	899
-----------	-----

STEPHANUS DE CHALMETO CARTHUSIANUS.

Epistola de perseverantia ordinis.	931
------------------------------------	-----

S. HUGO EPISCOPUS LINCOLNIENSIS IN ANGLIA ORDINIS CARTHUSIENSIS.

Vita S. Hugonis	937
Diplomata S. Hugonis.	1171

MAGISTER LAMBERTUS CARTHUSIENSIS DOMUS SQUILLACENSIS PRIOR.

Statuta.	1249
----------	------

DIVI BRUNONIS

CARTHUSIANORUM INSTITUTORIS

OPERUM TOMUS SEU PARS II

CONTINENS

EXPOSITIONES IN OMNES EPISTOLAS PAULI

RECENSITUS ET EMENDATUS

Studio ac labore P. Theodori PETRÆI, Campensis, Coloniensis Carthusiæ alumni; idque de voluntate reverendissimi Patris generalis, totius ordinis ministri.

Ego autem sicut oliva fructifera in domo Dei.
(Psal. LI, vers. 40.)

VENERABILI IN CHRISTO PATRI

DOMINO

HECTORI HENIO, VITENSI,

Carthusiæ Trevirensis Priori, ac provinciæ Rheni Visitatori prudentissimo.

Alphonsus, Aragoniæ rex, ut vir erat litteris et earum cultoribus apprime deditus, cum aliquando de pretiosarum rerum jactura sermo haberetur, admodum reverende in Christo Pater, persancte affirmavit malle se gemmas, uniones ac margaritas, quas quidem possidebat in omnem terrarum orbem diffamatisimas, quam libros qualescunque amittere: nimirum judicabat libros esse scientiarum scrinia, animorum pascua, divorum oracula; nec damnosius hominem ab ulla re quam hisce conchis et conalibus sapientiæ abesse posse. Quod si ille nec immensis opibus æstimavit quoscunque libros, nullum quippe rebatur adeo insulsum reperiri quin micam aliquam sanæ doctrinæ saperet; quanto pretio pendant oportet Carthusiani clientes sanctissimi patriarchæ sui volumina, quibus religiosæ perfectionis medulla et incognita illa filiis sæculi dulcedo concluditur? Hæc profecto spiritualis penaria sunt, ad omnium alumnorum vestrorum necessitatem sic instructa, et sacræ Carthusianorum familiæ propria, alieno ut comætu nihil egeat, iis vero deficientibus, mox exterorum ordinum implorare abundantiam cogeretur. Hæc domestica viridaria, quæ saluberrimas ægris sanisque animis herbas ac radices suppeditant. Hæc vestigia angelicæ doctrinæ, quam ut hæredes sui sequerentur, beatissimus Bruno tribus post se monumentis consignatam reliquit.

Uterioribus supersedeo; jam enim conspicaris, venerabilis in Christo Pater, quem in scopum hujusmodi a me commemorari cœpta sint, videlicet ut satis tibi factum judices semestri industria mea, qui curas et facultates eo contuli, quo hæreditaria illa suppellex operum divi patriarchæ vestri a pulvere ac squallore errorum tandem detergeretur, et vestigia, quæ dixi, cœlestis doctrinæ, usu et temporis diuturnitate propemodum deleta, reformarem. Atque hæc omnia zelo excitatus R. P. V., quæ a præsentis interitu vindicavit in Lotharingia Carthusiam Rutilanam; Trevirensis vero ea vigilantia hucusque tuetur, citius ut Argum fallas, quam in illam vitii facies, excubante Hectore Henio, irrepat.

Quæ cum ita sint, sicut dubitare nolim quin clarissimis utilissimisque passim facinoribus insius omnes

doni nimio pere afficiantur, ita et secundum hunc tomum præfati D. Brunonis, quem ad universi S. ordinis vestri emolumentum recudi, et R. P. V. singulatim nuncupare visum est, gratum optatumque ipsi obventurum confido. Valeat.

Coloniæ Agripp., prid. Kalend. Octob. 1611.

Venerabilis in Christo . v.
observantiss.

BERNARDUS GUALTERI, civis et bibliopola
Coloniensis.

DIVI BRUNONIS EXPOSITIO IN EPISTOLAS PAULI.

S. HIERONYMI

I PRÆFATIO IN EPISTOLAS PAULI.

Primum quæritur quare post Evangelia, quæ supplementum legis sunt, et in quibus nobis exempla et præcepta vivendi plenissime digesta sunt, voluerit Apostolus has Epistolas ad singulas Ecclesias destinare. Hac autem causa factum videtur, ut scilicet initia nascentis Ecclesiæ, novis causis existentibus, præveniret, et ut præsentia atque orientia rescicaret vitia; et post futuras excluderet quæstiones, exemplo prophetarum, qui post editam legem Moysi, in qua omnia Dei mandata legebantur, nihilominus tamen doctrina sua rediviva semper populi compressere peccata; et propter exemplum vivendi, libros ad nostram etiam memoriam transmiserunt. Deinde quæritur cur non amplius quam decem Epistolas ad Ecclesias scripserit. Decem sunt enim, cum ea quæ dicitur ad Hebræos; nam reliquæ quatuor ad discipulos specialiter sunt porrectæ. Ut ostenderet Novum non discrepare a Veteri Testamento, et se contra legem non facere Moysi, ad numerum primorum Decalogi mandatorum suas Epistolas destinavit; et quot ille præceptis a Pharaone instituit liberatos, totidem hic Epistolis a diaboli et idololatriæ servitute edocet acquisitos. Nam et duas tabulas lapideas, duorum testamentorum figuram habuisse viri eruditissimi tradiderunt. Epistolam sane quæ ad Hebræos scribitur, quidam Pauli non esse affirmant, eo quod non sit ejus nomine titulata, et propter sermonis stylique distantiam: sed aut Barnabæ, juxta Tertullianum; aut Lucæ, juxta quosdam; vel certe Clementis, discipuli apostolorum, et episcopi Romanæ Ecclesiæ post apostolos ordinati. Quibus respondendum est: Si propterea Pauli non erit quia ejus non habet nomen, ergo nec alienius erit, quia nullius nomine titulatur; quod si inconveniens absurdumque est, ipsius magis esse concedenda est, quæ tanto doctrinæ suæ fulget eloquio. Sed quoniam apud Hebræorum Ecclesias A quasi destructor legis falsa suspitione habebatur, voluit tacito nomine de figuris legis et veritate Christi reddere rationem, ne odium nominis in fronte prætitulati, utilitatem excluderet lectionis. Non est sane mirum si eloquentior videatur in proprio, id est Hebræo, quam in peregrino, id est in Græco, quo cæteræ Epistolæ sunt scriptæ, sermone. Movet etiam quosdam quare Romanorum Epistola in primo sit posita, cum eam non primo scriptam ratio manifestet. Nam hanc se proficiscentem Hierosolymam scripsisse testatur, cum Corinthios et alios jam ante, ut ministerium quod secum portaturus erat, colligerent, litteris adhortatus sit. Sed inde intelligi quidam volunt ita omnes Epistolas ordinatas, ut prima poneretur, quamvis posterior fuerit destinata, ut per singulas Epistolas gradibus ad perfectiora veniretur. Romanorum namque plerique B tam rudes erant, ut non intelligerent Dei se gratia et non suis meritis esse salvatos, et ob hoc duo inter se populi conflictarent. Idcirco illos indigere asserit corrigi, vitia gentilitatis priora commemorans. Corinthiis autem jam dicit scientiæ gratiam esse concessam, et non tam omnes increpat, quam cur peccantes non increpaverunt reprehendit; sicut ait: *Auditor inter vos fornicatio*. Et iterum: *Congregatis vobis cum meo spiritu, tradere hujusmodi Satanæ*. In secunda vero Corinthii laudantur, et ut magis ac magis proficiant commonentur. Galatæ vero jam nullius criminis arguuntur, nisi hoc tantum, quod callidissimis pseudoapostolis crediderunt. C *Ephesii* sane nulla reprehensione, sed multa laude sunt digni, quia fidem apostolicam servaverunt. *Philippenses* etiam multo magis collaudantur, qui nec audire quidem falsos apostolos voluerunt. *Thessalonicenses* nihilominus in duabus Epistolis omni laude prosequitur, eo quod non solum fidem inconcussam servaverint veritatis, sed etiam in ner-

secutione civium fuerint constantes inventi. *Colosenses* autem tales erant, ut, cum ab Apostolo visi corporaliter non fuissent, hac laude digni haberentur. *Etsi corpore, inquit, absens sum, sed spiritu vobiscum sum, gaudens, et videns ordinem vestrum* (*Colos. 11, 5*). De *Hebræis* vero quid dicendum est, quorum *Thessalonicenses*, qui plurimum laudati sunt, imitatores facti esse dicuntur. Sicut ipse ait:

A Et vos fratres imitatores facti estis Ecclesiarum Dei quæ sunt in Judæa: eadem enim passi estis et vos a contribulibus vestris, quæ et illi a Judæis? (I Thes. 11, 4.) Apud ipsos quoque *Hebræos* eadem commemorat, dicens: *Nam et vinctis compassi estis, et rapinam bonorum vestrorum cum gaudio suscepistis, cognoscentes vos habere meliorem et manentem substantiam (Hebr. x, 34).*

PROLOGUS SPECIALIS IN EPISTOLAM AD ROMANOS.

Romani sunt qui ex *Judæis* et gentibus crediderunt. Hi superba contentione volebant se alterutrum supponere. Nam *Judæi* dicebant: Nos sumus populus Dei, quos ab initio dilexit et fovit, nos circumcisi ex genere Abraham, sancta descendimus ex stirpe, et notus retro apud *Judæam* tantum Deus. Nos de *Ægypto* signis Dei et virtutibus liberati, mare sicco pertransivimus pede, cum inimicos nostros gravissimi fluctus involverent. Nobis pluit manna Dominus in deserto, et quasi filiis suis cæleste pabulum ministravit. Nos die noctuque in columna nobis ignisque præcessit, ut nobis in invio iter ostenderet. Atque, ut cætera ejus circa nos immensa beneficia taceamus, nos soli digni fuimus Dei legem accipere, et vocem Dei loquentis audire, ejusque cognoscere voluntatem. In qua lege nobis promissus est Christus, ad quos etiam ipse se venisse testatus est, dicens: *Non veni nisi ad oves quæ perierant domus Israel (Matth. xv, 24)*; cum vos canes potius quam homines appellaverit. *Æquumne* ergo est ut idola hodie deserentes, quibus ab initio deservistis, nobis comparemini; et non potius in proselytorum locum ex legis auctoritate et consuetudine deputemini? Et hoc ipsum non merebamini, nisi quia larga semper Dei clementia voluit vos ad nostram imitationem admittere. Gentes etiam econtrario respondebant: Quanto enim majora erga vos Dei beneficia narraveritis, tanto majoris vos criminis reos esse monstrabit. Semper enim his omnibus exististis ingrati. Nam ipsis pedibus quibus aridum mare transistis, ludebatis ante idola quæ fecistis; et ipso ore quo paulo ante ob necem adversariorum Domino cantaveratis, simulacra vobis fieri **3** poposcistis. Illis oculis quibus venerando Deum in nube vel igne conspiceretis, simulacra intuebamini. Manna quoque vobis fastidio fuit, et

B semper in deserto contra Dominum murmurastis: ad *Ægyptum*, unde vos manu valida ejecerat, redire cupientes. Quid plura? Ita patres vestri crebra pro-cavatione Dominum irritaverunt, ut omnes in eremo morerentur, nec plus ex senioribus eorum quam duo homines terram repromissionis intrarent. Sed quid antiqua replicamus, cum, etiamsi illa minime fecissetis, de hoc solo nemo vos dignos venia judicaret quod Dominum Christum, prophetarum semper vobis vocibus repromissum, non solum suscipere nolulistis, sed etiam morte pessima peremistis? Quem ut nos cognovimus, statim credidimus, cum nobis de eo antea non fuerit prædicatum. Unde probatur quod, si idolis servivimus, non obstinationis mentis, sed ignorantie deputandum. Qui enim cognitum illico sequimur, olim utique sequeremur, si antea cognovissemus. Sic autem vos de generis nobilitate jactatis, quasi non morum imitatio magis quam carnalis nativitas filios vos faciat esse sanctorum. Denique *Esau* et *Ismael* cum de stirpe sint *Abrahæ*, minime tamen in filiis reputantur. Illis taliter altercantibus, *Apostolus* se medium interponens, ita partium dirimit quæstiones, ut neutrum eorum sua justitia salutem meruisse confirmet, ambos vero populos et scienter et graviter deliquisse: *Judæos* quidem quod per prævaricationem legis Deum inhonoraverint; gentes vero quod, cum cognitum de creatura Creatorem ut Deum debuerint venerati, gloriam ejus in manu facta mutaverint simulacra: utrosque etiam, similiter veniam consecutos, æquales esse veracissima ratione demonstrat, præsertim cum in eadem lege prædictum et *Judæos* et gentes ad Christi fidem vocandos esse ostendat: quamobrem vicissim eos humilians, ad pacem et concordiam cohortatur.

ARGUMENTUM.

Romani sunt partis *Italiæ*. Hi præventi sunt a falsis apostolis, et sub nomine Domini nostri *Jesu Christi* in legem et prophetas erant inducti. Hos revocat *Apostolus* ad veram et evangelicam fidem, scribens eis a *Corintho*, per *Phœben*, ministram *Ecclesiæ Cenchreensis*.

PROLOGUS B. BRUNONIS.

Paulus nondum *Romam* venerat, sed per quosdam discipulos ibi prædicantes, fidem susceperant aliquot *Romani*, partim gentiles, partim *Judæi*, inter quos

erat inconveniens altercatio. Certabant enim *Judæi* se debere præferri gentilibus, et gentiles econtrario digniores *Judæis* debere se fieri asserbant. Causa

Judæorum hæc erat, quia repromissio hujus salvationis facta erat patribus eorum, ut Abraham, David et cæteris; quia etiam et Deus illis dederat legem et prophetas, quæ omnia præsignabant salvationem per Christum futuram, gentium autem in nullo horum meminerat; ideoque eos digne præferendos esse gentibus in hac salvatione. Econtrario gentiles opponabant, ideo Judæos debere judicari indigniores, quia si Deus tantam eorum diligentiam habuerat, ut quæ præmissa sunt illis tribueret, ipsi in omnibus abusi fuerant bonis Dei: prævaricando legem quam dederat: contemnendo prophetas quos miserat: ad ultimum Salvatorem sibi missum damnantes crucis patibulo; quare potius in his deprimi quam exaltari deberent; sed ipsi gentiles merito præferri deberent, qui, ut primum audierunt verbum Dei, fidem suscepunt, et si ante non crediderant, quia nec legem nec prophetas habuerant, excusabiles sese asserebant. Quam seditionem quia discipuli, quorum prædicatione conversi fuerant, sedare non sufficiebant, miserunt ad Paulum, ut per magistrum [id] efficerent, ad quod auctoritas eorum insufficientis erat. Hac autem Paulus accepta occasione, scribit ad illos hanc epistolam, in qua materiam habes Romanos,

A seu gentiles, ad fidem conversos; de quibus in hunc modum agit: comprimendo primum gentiles, ne efferendo se, seu de sapientia, seu de libertate arbitrii, sicque detrahendo gratiæ Christi, arbitrentur se digniores in fide quibuslibet qui fidem susceperint, cum per gratiam Dei solam fides et salvatio tribuatur. Si enim de libero arbitrio se efferunt, in eoque plurimum rei sunt, cum habuerint naturalem scientiam, qua cognoscere possent creatorem suum sine omni docente, negligentes Creatorem, creaturas adoraverunt, et cætera multa, ad deprimendam elationem gentilium ponit. In depressione autem Judæorum, quia eos magis obstinatos sensit, quasi qui plures causas obtenderent, diutius immoratur, probans non esse superbendum eis si legem et prophetas habuerunt, cum, in quibus placare Dominum debuissent, prævaricando semper offenderint Deum. Hæc et alia multa ad compescendos Judæos adducit, et eo fine sic agit ut utrosque, Judæos et gentiles, subjiciat gratiæ Dei, credentes nihil provenire Judæis ex genere, lege vel prophetis; neque gentilibus ex ignorantia quam obtendunt, seu ex libero arbitrio.

EPISTOLA AD ROMANOS.

CAPUT PRIMUM.

Paulus servus Jesu Christi, vocatus apostolus, segregatus in Evangelium Dei, quod ante promiserat per prophetas suos in Scripturis sanctis de Filio suo, qui factus est ei ex semine David secundum carnem, qui prædestinatus est Filius Dei in virtute, secundum Spiritum sanctificationis ex resurrectione mortuorum Jesu Christi Domini nostri, per quem accepimus gratiam et apostolatam, ad obediendum fidei in omnibus gentibus pro nomine ejus: in quibus estis et vos vocati Jesu Christi; omnibus qui sunt Romæ dilectis Dei vocatis sanctis. Gratia vobis et pax a Deo Patre, et Domino nostro Jesu Christo. Primum quidem gratias ago Deo meo per Jesum Christum pro omnibus vobis: quia fides vestra annuntiatur in universo mundo. Testis enim mihi est Deus, cui servio in spiritu meo in Evangelio Filii ejus, quod sine intermissione memoriam vestri facio semper in orationibus meis: obsecrans, si quomodo tandem aliquando prosperum iter habeam in voluntate Dei veniendi ad vos. Desidero enim videre vos, ut aliquid impertiar vobis gratiæ spiritualis, ad confirmandos vos: id est simul consolari in vobis, per eam quæ invicem est fidem vestram atque meam. Nolo autem vos ignorare, fratres, quia sæpe proposui venire ad vos, et prohibitus sum usque adhuc, ut aliquid fructum habeam et in vobis, sicut et in cæteris gentibus. Grecis ac Barbaris, sapientibus ac insipientibus debitor sum, ita quod in me promptum est et vobis, qui Romæ estis, evange-

lizare. Non enim erubescio Evangelium. Virtus enim Dei est in salutem omni credenti, Judæo primum, et Græco. Justitia enim Dei in eo revelatur ex fide in fidem, sicut scriptum est: Justus autem ex fide vivit. Revelatur enim ira Dei de cælo super omnem impietatem et injustitiam hominum eorum qui veritatem Dei in injustitia detinent: quia quod notum est Dei, manifestum est in illis. Deus enim illis revelavit. Invisibilia enim ipsius a creatura mundi per ea quæ facta sunt intellecta conspiciuntur, sempiterna quoque ejus virtus et divinitas, ita ut sint inexcusabiles. Quia cum cognovissent Deum, non sicut Deum glorificaverunt, aut gratias egerunt: sed evanuerunt in cogitationibus suis, et obscuratum est insipientis eorum. Dicentes enim se esse sapientes, stulti facti sunt. Et mutaverunt gloriam incorruptibilis Dei, in similitudinem imaginis corruptibilis hominis, et volucrum, et quadrupedum, et serpentum. Propter quod tradidit illos Deus in desideria cordis eorum in immunditiam, ut contumeliis afficiant corpora sua in semetipsis: quia commutaverunt veritatem Dei in mendacium, et coluerunt, et servierunt creaturæ potius quam Creatori, qui est benedictus in sæcula. Amen. Propterea tradidit illos Deus in passiones ignominiæ. Nam femine eorum immutaverunt naturalem usum, in eum usum qui est contra naturam. Similiter autem et masculi, relicto naturali usu femine, exarserunt in desideriis suis in invicem: masculi in masculos turpitudinem operantes, et mercedem, quam oportuit,

erroris sui in semetipsis recipientes. Et sicut non A probaverunt Deum habere in notitia, tradidit illos Deus in reprobum sensum, ut faciant ea quæ non conveniunt: repletos omni iniquitate, malitia, fornicatione, avaritia, nequitia: plenos invidia, homicidio, contentione, dolo, malignitate; susurrone, detractores, Deo odibiles, contumeliosos, superbos, elatos, inventores malorum, parentibus non obedientes, insipientes, incompositos, sine affectione, absque fœdere, sine misericordia. Qui cum justitiam Dei cognovissent, non intellexerunt: quoniam qui talia agunt, digni sunt morte: non solum qui ea faciunt, sed etiam qui consentiunt facientibus. »

EXPOSITIO.

Sicut mos est in Epistolis, salutem præmittit, dicens: Paulus qui prius Saulus a Saule et genus, et nomen, et sævitiam traxerat. Hoc autem nomen Paulus, Hebræa lingua sonat quietus. Unde sicut ex auctoritate, quia hoc nomen apud omnes notum et honorabile erat, sic etiam ex auctoritate sua valet ad intentionem. Hic enim Paulus ut quietos et tranquillios inter se redderet Romanos intendit; vel si Paulus Latine dicatur, quasi modicus, iterum bene ad rem. Hic enim laborat ut Romanos, modicos et humiles per epistolam redditos, subjiciat gratiæ Dei. Paulus, inquam, servus Christi Jesu. Quia omnibus modis ad humilitatem suadendam hic intendit, ideo nomini dignitatis, nomen præposuit humilitatis. Dicens: Paulus servus Christi Jesu regis et sacerdotis, qui solus regere valet, atque vespertino suo sacrificio salvare. Servus etiam Jesu, id est Salvatoris, præter quem nemo salvare sufficit: sic et vos exemplo meo nihil de vobis confidatis, sed penitus subjiciamini servitati Jesu Christi. Paulus, inquam, servus Christi Jesu, vocatus per gratiam Dei, non merito legis vel generis, sed per solam gratiam, ad hoc ut sit apostolus, cujus auctoritati vos obedire bonum est. Vel Paulus apostolus, non in occulto, sed vocatus ab omnibus, quia jam omnes cognoverunt me a Deo consecratum apostolum, unde magis mihi obediendum est. Quæ utraque sententia valet ad utrumque populum, Judæum seu gentilem comprimendum. Diversis modis vocationes Dei sunt. Hic autem Paulus vocatus est, et per afflictionem corporis exterius; et per vocem Christi dicentis: Saule, quid me persequeris? (Act. ix, 4.) et interiori inspiratione. Paulus hic segregatus, non determinat a quo, sed in quid, scilicet in Evangelium. Segregatus, inquam, vel ab aliis apostolis; quia illi constituti sunt prædicatores Judæorum, ego autem gentium. Cum enim Paulus ad fidem conversus, instructus esset per aliquot dies a discipulis qui erant Damasci (Act. ix, 27), continuo de Christo in Synagoga docere cœpit, quare præpositus Damasci voluit eum comprehendere, sed a fratribus per murum demissus est in sporta, et sic evasit manus ejus, et inde abiit in Arabiam, prædicans ibi gentibus tribus annis, post quos rediit in Hierusalem, ibique invenit Petrum et Jacobum, qui

satis prius mirati fuerant, audientes Paulum prædicantem gentibus, quem nunquam viderant, dederuntque Paulo et Barnabæ dextras societatis (Galat. ii, 9), approbantes doctrinam eorum, seque idem prædicare dicentes: Non quod Paulum consecrarent apostolum, quem ipse Deus consecraverat, sed concordantes doctrinam ejus, ut hi qui per eos converterentur, unius et ejusdem fidei se esse crederent. Vel segregatus a lege; quia cum ego pharisæus, id est custos, et de præcipuis in lege essem, et genere et scientia, videns eam non valere ad salvationem, separavi me ab ea. Quia si ego qui tantus eram in lege, legem deserui, quanto magis vos ab ea recedere debetis, qui longe me inferiores estis? Hæc ultima sententia spectat ad Judæos tantum, prior vero ad utroque. Hucusque commendavit propriam personam, tum per humilitatem, tum per auctoritatem. Hic incipit commendare prædicationem suam, dicens: Segregatus, inquam, seu a lege, seu ab apostolis aliis, veniens in Evangelium prædicandum. Evangelium bonum nuntium dicitur, Evangelium dico Dei. Nova lex Dei specialiter esse dicitur, qui non per ministrum, sed eam per propriam personam docuit. Vetus autem lex per angelum data est Moysi, et per Moysen data est Judæis; quare non ita proprie dicitur esse Dei, quod Evangelium, ante quam daretur, promiserat Deus, ut ille qui daturus erat. Promittere enim convenit ei, qui rem promissam daturus est. Unde Deus quidem promisit; prophetæ vero velut ministri, nec dare potentes, prædixerunt. In hoc autem quod ait Deum hoc promisisse ab æterno, notat magnam diligentiam Dei fuisse in hoc Evangelio, quod ante promiserat per prophetas, id est per eos qui futura præviderunt. Et quia fuerunt quidam pythionico spiritu futura prædicentes, quidam etiam divinitus inspirati prophetantes, ut Balaam, nec tamen officium hoc a Deo habentes, determinat prophetas suos, qui et scientiam futurorum, et ministerium prophetandi a Deo acceperunt. Et ut hæc prophetia perpetuo maneret, promissa est in Scripturis sanctis, id est vel per Spiritum sanctum editis, vel sanctificantibus eos qui, sicut Scripturæ docent, operantur. Hic ingreditur commendationem Christi, a quo præmissa commendatione, ejus se accepisse apostolatam D dicit: Scripturis, dico, habitis de Filio. Omnis enim Scriptura, etsi de Patre seu de Spiritu sancto agat, præcipue de Filio videtur agere, quia quæcumque in Scripturis prædicta fuerit, per Filium consummata sunt. De Filio, dico, non adoptivo, sed suo, id est consubstantiali ipsi et coæterno. Qui Filius factus est, id est facturam quamdam accepit.

Diceret aliquis: Quid hoc est miraculi, ut Filius cum Patre sempiternus factus sit in tempore? Contra hoc ait: Factus est dico, non secundum Deitatem, sed secundum carnem, quam in se Deitati personaliter univit in tempore. Carnem dico, assumptam ex semine, id est ex carne David; secundum genus matris Christi, in qua facturam carnis accepit. Ei, scilicet, Deo, id est ad manifestationem Dei Nisi enim Chri-

stus carnem assumeret, rara vel nulla de Deo notitia hominibus esset. Christus similiter de Salomone seu Roboan. natus esse dici posset; sed quia ad Abraham et David factæ sunt reponmissiones de Christo, ideo de altero eorum, vel utroque natus esse dicitur ubique. Hic autem causa est quare sileat Abraham, et præponat David. Per Abraham enim justus, quia justus fuit; per David peccatores plerumque, quia graviter deliquit, accipiuntur. Sed hic ad peccatores sermo erat, utique se peccatores confiterentur, Paulus intendebat; et idcirco David in memoriam peccatorum hic posuit. Qui Christus in tempore quidem factus est; sed **7** ab æterno *prædestinatus*, id est præordinatus et dispositus est *Filius Dei* esse, assumendo carnem. Christus dico secundum quod Filius Dei est permanens *in virtute*, id est in eadem divinitatis potentia semper cum Patre. Nec secundum Deitatem prædestinatus, sed secundum solam humanitatem. Prædestinare enim de re quæ non est dicitur; Filius autem Dei in principio semper fuit. Sed quia in Christo duæ naturæ considerantur, altera divina, altera humana, propter utriusque substantiæ indivisam copulam dicitur plerumque de divina quod proprium est humanæ: ut hic, ubi dicitur prædestinatus Filius, quod in natura Deitatis esse nequit; ea similitudine qua, considerantes in homine corpus et animam, plerumque propter affinitatem dicunt de anima quod proprium est corpori, et e converso: quod genus dicendi in Christo expressius convenit, cum ibi homo Deus, et Deus homo dicatur. In homine vero corpus animam, et animam corpus dicere non licet.

Cum autem referimus, sic qui Christus, neutram naturam excludimus. Sed cum per partes exsequimur, quod divinæ convenit divinæ, quod humanæ attribuamus humanæ. Christus, inquam, prædestinatus est fieri homo: non ex concupiscentia carnis, sed *secundum spiritum*, id est de Spiritu sancto conceptus est. Spiritum dico *sanctificationis*: qui cum sanctificavit in utero matris, immunem factum a peccatis. Quia Christus Filius Dei sit in virtute, apparet *ex resurrectione mortuorum*, per hoc quod resurgens a mortuis, mortuos fecit resurgere secum, quod utique inauditum facere non posset, nisi Deus esset. Mortuorum dico non omnium, sed eorum tantum qui fuerunt *Domini nostri Jesu Christi*. Non enim infideles secum resurgere fecit. Unde dicuntur illi potissimum consurrexisse Christo, qui cum Abraham in Ebron sepulti sunt. *Per quem Jesum Christum accepimus gratiam*, id est remissionem. Paulus, ut melius humilitatem suadeat, nomen humilitatis præponit nomini dignitatis. Accepimus etiam *apostolatam in omnibus gentibus*. Spiritus enim sanctus Apostolum gentium me constituit, ubi ait: *Segregate mihi Barnabam et Paulum ad opus, ad quod assumpsit [assumpsit] eos* (Act. xiii, 2). Accepimus, inquam, in gentibus apostolatam, *ad obediendum fidei*, id est ad hoc ut prædicaremus fidem, et post acceptam fidem, obediendum esse his quæ admonet

fidem, non superbiendo derogare gratiæ Dei; hoc autem debere fieri, *pro nomine ejus*, id est ad gloriam nominis Dei. *In quibus*, id est inter quas gentes, *estis vos Romani*, et gentiles, et Judæi *vocati*, id est per vocationem gratiæ Dei. Non ex merito vestro ad fidem electi estis, inquam, *Jesu Christi*, id est ad hoc ut sitis Jesu Christi; quia si modo Judæi velent objicere se non debere subijci Paulo, cum gentium tantum apostolus sit, errarent. Postquam enim inter gentes habitant, de apostolatu ejus sunt, cujus et gentes, ut si modo quilibet alienigenæ veniant in episcopium aliquod, etiamsi natione alieni sunt, propter habitationem tamen computantur de ipso episcopio. Sic illi Judæi, quia ad gentes contulerant se, in gentibus deputabantur. Paulus, inquam, talis et talis, apostolus Dei, scribit *omnibus qui sunt Romæ*. Ut autem infideles excludat, subdit: omnibus dico *dilectis Dei*, id est quos Deus diligit, et ut sui fierent prælegit. Illis dico ex dilectione et gratia Dei *vocatis sanctis*, id est ad hoc ut sint sancti, *sit vobis gratia*, id est remissio peccatorum vestrorum; *et pax*, id est tranquillitas animi, et perseverantia in bonis, *a Deo* qui potest, *Patre nostro*, et ideo voluntatem habet; *et a Domino Jesu Christo*, qui similiter et vult et potest. Paulus multiplici et aspera increpatione correcturus Romanos, ut benigne sustineant aspera quæ dicturus est eis, eosque sibi reddat benivolos, prædicat se, gratias agentem Deo pro bonis quæ jam acceperunt, et de his quæ adhuc necessaria sunt illis omni sollicitudine orare Deum. Quasi diceret: Ego de instructione vestri multa dicturus sum vobis, sed primum **8** ante omnia dicam quod amplius mihi gratum est, et de quo magis sum sollicitus: hoc scilicet, *gratias ago Deo*. Gratias agere Deo, est totum Deo attribuere, et nihil homini. Unde ait: Gratias ago Deo, id est bona quæ jam in vobis video, gratiæ Dei ascribo, et non vobis: *Deo meo*, qui quodam spiritali [speciali] modo meus est. *Per Jesum Christum*, quem solum medium habeo inter me et Deum. Vos autem per me transit ad Christum, et per Christum ad Deum. Et ideo gratias dico per Christum. Vobis autem gratiæ agendæ sunt per me Christo, et sic Deo. Fortassis putarent alteri, vel Judæi solum, vel gentiles, quod pro alteris tantum gratias ageret, id est bona eorum soli gratiæ Dei ascriberet; ne per hoc alter in alterum se efferat, ait: *pro vobis* Romanis, seu sitis Judæi, seu gentiles, omnibus ago gratias, et bonæ fidei vestræ ipsi soli ascribo. Determinat unde gratias agat, dicens: Inde gratias Deo refero, *quia fides Dei in vobis est*. Et vestra fides vobis solis non proficit, sed *annuntiat in universo mundo*. Audito enim quod Romæ sit recepta fides Christi, quæ est caput orbis, suscipiunt eam cæteri, imitando caput suum. Vere bonæ vestræ fidei jam habitum, gratiæ Dei bonæ ascribo, quia in orationibus meis memoriam vestri facio; id est pro bonis quæ habituri estis Deum orans ipsi totum ascribo. Si enim bona post fidem venientia, Dei gratiæ ascribuntur, maxi-

me pro fide agendæ sunt gratiæ Deo, quæ hominem de solis peccatis trahit ad justitiam. Et quod *memoriam vestri facio, mihi testis est Deus*; quem si ad testificandam quod falsum est advocarem, falsitatis eum judicarem.

Fortassis diceret aliquis: Quia Deum non curas, ideo leviter eum falsæ rei testem advocas. Contra hoc ait: *Cui Deo ego servio*; servus autem ad testimonium falsitatis, Dominum non vocaret. Servio utique Deo *in spiritu meo*, id est ex voluntate, non ex coactione; vel in spiritu, id est non in carnalibus, sed in spiritualibus servio Deo. Determinat in qua re serviat, scilicet *in Evangelio*, id est in annuntiatione Filii ejus. Hoc autem servitium magis tunc temporis gratum erat Deo, prædicare gloriam Christi, Filii Dei. Inde mihi testis est Deus quod *in orationibus meis* facio memoriam vestri, id est facio Deum memoriam vestri, sine intermissione, quia nunquam orans intermitto vos. Posset quidem orare semel in mense, et sic parvum esset eos tunc non intermissos fuisse. Ideo ait: *In orationibus semper*, id est omni die continuatis, memoriam vestri habeo, non solum orans, sed etiam *obsecrans*, in quibusdam sacramentis et conjurationibus Deum obnixè postulans, si exauditus habeam iter veniendi ad vos. Habeam dico. *Quomodo*, id est sub quacunque difficultate hoc fieret, seu latronem, seu tempestatem non curarem. Habeam hoc tandem. In hoc ostendit se diu desiderasse, nec potuisse se efficere. Habeam iter aliquando, id est in quocunque tempore, seu hieme, seu æstate hoc fieret, non curarem. Itcm dico pro spiritu in hoc, ut quod volo efficere, et quia multæ res effectum habent, quæ Deo displicent, addit: *In voluntatem Dei*. Nisi enim Deus hoc vellet, effectum hujus rei potius nollem quam cuperem. Ideo volui venire ad vos, quia *desidero videre vos*: ad hoc *ut impertiar vobis aliquid gratiæ*. Vos quidem gratiam fidei jam habetis, sed cum, ad custodiam hujus, aliæ gratiæ opportuniæ essent, ut gratia unitatis, non tamen determinat quam gratiam; quia ministraret eis omnem illam quam videret necessariam. Impertiar dico aliquid gratiæ, non sæcularis, ut esset si conciliaret illos cum quibuslibet principibus mundi, sed gratiæ *spiritualis*, id est quæ gratia nutriat spiritum in vitam æternam. Ne forte gratiam fidei, quam a discipulis Pauli acceperant, inutilem opinarentur, quia dixit se daturum illis gratiam, ait: Non dico ut impertiar vobis gratiam ad initiandum vos in fide (fidem enim sanam accepistis), sed *ad confirmandos vos*, id est ad confirmandam fidem vestram in his quæ fidem comitari debent, scilicet ut unitatem habeatis. Nec alter alterum digniorem, seu indigniorem gratia Dei judicatis. Hoc quod dico desidero confirmare vos, id est desidero *consolari in vobis simul*. Ubi ait simul consolari, ostendit se de errore eorum doluisse; ubi ait *simul*, innuit quod per doctrinam suam consolandi sunt; et propter utrumque æquanimiter debere eos tolerare quamlibet asperam increpationem Pauli, cum et per hoc conso-

landi sint, et Paulus de errore eorum doluerit, ut que errorem ab eis auferat sollicitus sit. Consolari, inquam, desidero in vobis *per fidem vestram atque meam*: factam eam, id est talem quæ est invicem, id est quæ eandem vicissitudinem habeat, ut sicut fides mea totum ascribit gratiæ Dei, sic vestra faciat. Vel aliter: Consolari cupit per fidem meam factam vestram, ut omne bonum eredatis esse per gratiam Dei; fidem vestram dico, factam eam, id est talem quæ est invicem, id est modo suo subservientem, ut sicut ego (quod magistri est) præcipiendo doceo, sic vos (quod discipulorum est) obediendo discatis. Ego utique desideravi venire ad vos, sed non potui, *quia prohibitus sum*. Prohibitiones hæ quandoque fiebant Paulo per Spiritum sanctum, plerumque per pericula latronum, seu tempestatum in mari. Quare autem venire prohibitus sum, *nolo vos ignorare, fratres mei in fide*.

Si enim causam hujus prohibitionis diligenter inquiratis, vobis proderit ad correctionem, dum pro peccato contentionis vestræ: me esse prohibutum intelligetis. Hoc inquam *nolo vos ignorare* quia sæpe proposui venire ad vos, et *prohibitus sum venire usque adhuc*. Ubi ait *adhuc*, ostendit se multoties prohibutum esse, quasi diceret: Sicut sæpè proposui, sic sæpè prohibitus fui. Venire, inquam, proposui ad vos, ideo *ut habeam in vobis*, quod et habeo in aliis, *aliquem fructum*, id est, vel ut vos me docente correcti, fructificetis in melius; vel ut ego fructum mercedis recipiam, quia laboravi in vobis. Habeam, dico, in vobis, *sicut habeo in cæteris gentibus*, id est, ut sicut alias gentes docui omnia referre gratiæ Dei, sic et vos edocti a me idem faciatis, nec a doctrina vestri et aliarum gentium cessare queo; ego enim *debitor sum*, id est ex debito prædico, sic enim mihi est injunctum a Spiritu sancto, *Græcis et barbaris*. Præter Græcos omnes gentes vocat barbaros: sed Græci semper sapientiam præ cæteris sectati sunt, et etiam in Græcia Paulus primum Ecclesias de gentibus constituit; et in illis seu Græcis, seu barbaris, debitor sum *sapientibus et insipientibus*; quia apud Græcos sunt sapientes et insipientes; et sic apud barbaros. Et sicut aliis gentibus debeo, sic debitor sum *evangelizare vobis*, Judæis et gentilibus conversis, *qui Romæ estis*. Quod scilicet evangelizare *promptum est*, id est paratum est, secundum hoc quod *in me est*, id est in quantum ad me pertinet. Videte ne vos imparatos auditores inveniam. Vere promptum est in me, ego enim *non erubescō Evangelium*. Tribus modis erubescit quis Evangelium: vel cum miserias Christi, crucem, mortem, etc., alte verecundatur prædicare; vel cum corrupte vivens, justitiam timet prædicare, ne reprehendatur aliter docere, et aliter vivere; vel [cum] ad confirmationem prædicationis suæ virtus miraculorum deficit.

Sed Paulus nullo horum modo erubescerebat. Propterea non erubescō Evangelium: *nam in Evangelio præsto est mihi virtus Dei*, qua et peccata dimitto,

et miracula operor. Quod Evangelium dico, valens A
 omni credenti in habendam salutem per fidem qua
 credidit: *omni credenti dico, scilicet Judæo primum,*
 tempore credenti; in Judæa enim cœpit Ecclesia
 Christi. Credenti etiam *Græco*, id est gentibus, quia
 Græci secundum scientiam caput erant gentium,
 ideo per Græcos quoscunque gentiles significat. Vel
 ita Evangelium salus est credenti Judæo, et Græco
 primum, id est maxime, quia sufficientem salutem
 dabit utrique. Vere per Evangelium habetur fides,
 et per fidem salus æterna. *Nam* in eo Evangelio
revelatur et cognitione et habitudine; *ex fide*, id est
 per fidem ex Evangelio acceptam, *justitia*, id est
 exsecutio honorum operum, per **IO** quam justitiam
 habetur salus æterna. Quia si per Evangelium fides,
 per fidem autem justitia, per justitiam vero salus
 æterna, igitur per Evangelium salus; addit quiddam
 amplius, quod ad rem valet, sic: *Revelatur ex fide*
eundo in fidem. Non sic ait ut diversas fides
 intelligat, sed ut doceat multos gradus esse in
 fide. Romani sanam quidem fidem habebant de
 Christo, sed in hoc errabant, quia non omnia gra-
 tiæ Dei attribuebant: in quo gradu fidei Paulus eos
 locare intendit. Ex fide habetur justitia, et inde sa-
 lus. *Sicut scriptum est* in Habacuc propheta: *Justus*
autem ex fide vivit (Habac. II, 4). Per prophetam
 confirmat Evangelium; ait enim propheta: Ex
 fide quæ per Evangelium habetur, fit homo justus,
 bene operando, et per justitiam vivit in æterna
 salute. Illicusque blanditus est Romanis, dicendo
 se sollicitum de salute eorum, ut æquo animo susci-
 piant correctiones Apostoli. Hic autem primo ag-
 greditur gentiles, quos facilius posse corrigi intelli-
 git, ut postea diutius in confutatione Judæorum
 immoretur; atamen autem sic dicens ingreditur:
 Vere ex fide justitia; et ex justitia salus. Nam per
 contrarium *ex impietate*, id est ex non fide, seu ex
 idololatria sequitur *injustitia*, id est mala opera; et
 ex *injustitia* sequitur *ira Dei*, id est damnatio æter-
 na, salutis contraria, quod æquipollenter sic ait:
 Vere ex fide revelatur justitia; et sic salus. Nam
 super omnem impietatem: super dicit, ad opposi-
 tionem impietatis; et cum dicit impietatem, magis
 est quam si diceret omnes impios. Si enim impios
 diceret, omnes quidem impios, sed non pro singu-
 lis impietatibus opprimendos diceret. Sed cum dicit
 omnem impietatem, et omnes impios pro singulis
 impietatibus puniendos esse insinuat. Super omnem
 utique impietatem; ex qua infidelitate procedit in-
 justitia, id est perversa cogitatio vel operatio; et
 super omnem injustitiam *revelatur*, id est cognoscitur
 esse ira Dei venturi de cælo in die judicii.
 Tunc enim revelabitur his qui usque ad diem illum
 non crediderint Christum esse judicem omnium.
 Vel *ira Dei revelatur de cælo*, quia ipsum elemen-
 tum in ornatu et factura sua ostendit metuendam
 esse iram ejus, qui talem creaturam formavit.
 Revelatur, inquam, *ira super injustitiam hominum;*
 eorum hominum dico, qui veritatem, id est veram

cognitionem de Deo, quam naturaliter habent,
 vel habere possunt, eam *detinent*, id est retrahunt,
 ne quod natura exigeret, ascendat ad aliquid magis
 de Deo agnoscendum. Detinent utique eam in *in-*
justitia, id est per mala quæ operantur. Vere impii
 veritatem Dei sic detinent; *quia quod notum est Dei*,
 id est quod cognosci potest de Deo, illud *manife-*
stum est, si non in actu rei, tamen in *illis*, id est in
 rationibus eorum, et in potentia intellectus sui. Vere
 quod notum est Dei, manifestum est in illis omnibus
 potentialiter. Nam *Deus manifestavit* in actu *illis*, id
 est quibusdam illorum, hoc quod notum est Dei.

Quod si quibusdam revelatum est in actu, constat
 quia manifestum est in potentia. Plato enim et
 quidam philosophi naturaliter cognoverunt esse
 unum Creatorem omnium, non tamen sine adjutrice
 gratia Dei. Probat quod Deus quibusdam actu reve-
 lavit hoc, et modum revelationis subdit, dicens:
 Vere Deus quibusdam revelavit. *Nam invisibilia*
ipsius divinæ essentiæ conspiciuntur a creatura
mundi, nec obscure sed lucide intellecta, *per illa*
quæ ea sunt; per invisibilia Patrem significat, quia
 a nullo ducit principium, sicut Filius et Spiritus
 sanctus a Patre. Ideo autem pluralem numerum
 posuit, quia infirmitas humani intellectus non suf-
 ficat considerare in Deo, nisi per interpositiones
 temporum, quæ in eo naturalia et simul sunt et uno
 ictu (si fieri potest) consideranda. *Sempiterna quoque*
virtus ejus, id est ejus divinæ essentiæ, id est Filius,
 qui virtus et sapientia Patris dicitur, semper cum
 Patre æternus, et *divinitas*, id est bonitas. Unde et
 bonos homines, divinos vocamus. *Bonitas*, id est
 dilectio ejus divinæ essentiæ, scilicet Spiritus
 sanctus, qui nihil aliud est quam bonitas et di-
 lectio Patris et Filii. Hæc, inquam, virtus et
II divinitas conspiciuntur intellecta, per ea quæ
 facta sunt. Homo enim invisibilia intelligere nequit,
 nisi per ea quæ videt. Sed cum aspicit aliquem regem
 magni imperii, per eum quodammodo intelligit, eum
 regem longe majorem qui istum creavit. Cum vero
 videt virtutem seu sapientiam in aliquo, cogitat
 multo magis virtutem esse et sapientiam in eo qui
 dedit illi. Sic de bonitate seu dilectione Dei, per
 bonitatem creaturæ potest cognosci. Hanc autem
 virtutem et divinitatem in Deo naturaliter pensare
 suffecisset, etsi illa nomina, id est Filius et Spiritus
 sanctus ignorarent. Idem enim est virtus et divinitas
 seu dilectio Dei, quod Filius et Spiritus sanctus virtus
 et divinitas Dei per ea quæ sancta sunt intelligun-
 tur. *Ita ut homines sint inexcusabiles ex hoc, quia,*
cum cognovissent Deum, si non actu, tamen per
 potentiam ejus intellectus naturalis, *non glorifica-*
verunt Deum, colendo et honorando eum *sicut Deum,*
aut gratias egerunt, id est bona cogitationis suæ,
 non gratiæ Dei, sed sibi attribuerant. Deo quidem
 non egerunt gratias, *sed in cogitationibus suis se*
effidentes evanuerunt, a similitudine fumi, qui
 quanto plus ascendit, tanto amplius nihil fit, et
 quia superbieudo evanuerunt, *ideo cor*, id est

intelligentia eorum prius subtilis *obscurata est* propter superbiam, adeo ut fieret *insipientis*. Evanuerunt utique. Nam dixerunt sapientes esse se, id est a seipsis, sine dono Dei, sapientiam suam esse. Et vere cor eorum obscuratum est: nam hoc *dicentes*, et ita esse credentes *facti sunt stulti*, et sic de superbiam in ignorantiam, de ignorantia in stultitiam lapsi præcipitati sunt: adeo quod *mutaverunt gloriam incorruptibilis*, id est invariabilis Dei, præter quem omnis creatura variabilis, et ideo corruptibilis est; gloriam utique eius Dei *mutaverunt* non in verum hominem, sed in *imaginem corruptibilis hominis*. Et ut expressum facerent sibi simulacrum, mutaverunt hoc in similitudinem imaginis, id est in similem imaginem, colentes creaturam loco Creatoris. Prius in similitudinem hominis; dehinc in similitudinem *volucrum*; postea in similitudinem *quadrupedum*; et post hoc in similitudinem *serpentium* mutaverunt cultum et religionem Creatoris gentiles. Sicut dictum est: Quia in intellectu superbierunt, ideo intellectu privati sunt. Quia iterum Creatorem respuerunt, in cultura creaturæ puniti sunt. Iterum quia, ut natura docebat, Deum glorificare noluerunt, sed, ad quod natura repugnat, creaturas coluerunt, ideo ad peccata quæ contra naturam sunt, devoluti sunt, sicut sequitur: *Propter quod*, id est quia quod contra naturam fuit, creaturas coluerunt. Ideo subtrahendo gratiam, *tradidit illos Deus in desideria cordis eorum*, ut animo cuperent. Dehinc in *immunditiam*, id est in opus desideratæ immunditiæ: ad hoc, inquam, sic tradidit illos, ut *corpora sua afficiant*, id est contaminent *contumeliis*, id est his pollutionibus, quæ si violenter inferrentur eis, pro magna contumelia haberent; afficiant dico in *semetipsis*, id est vel alter in alterum, vel in semetipsis. Hoc intellexerunt debere fieri non a Deo, qui prius de intellectu se efferebant.

Quod dixit superius *mutaverunt gloriam*, id repetit, ut enumeret modos mutationis, dicens: *Qui gentiles commutaverunt veritatem*, id est cultum quem naturalis veritas asserebat exhibendum esse Deo, in *mendacium*, id est in creaturas quas mendaciter flangebant esse deos, et postquam finxerunt, *coluerunt*, id est adoraverunt eos. Dehinc etiam *servierunt* offerendo, et immolando *creaturæ*. His tribus modis mutaverunt gloriam Dei: Prius mendaciter putaverunt idolum esse Deum; dehinc adorando; tertio, bestias immolando. Servierunt utique creaturæ, iudicantes hoc *potius esse quam servire Creatori*, qui Creator in aversione eorum nihil perdit: *est enim benedictus in omnia sæcula*, quidquid adoret illi: *amen*, id est profecto ita est. Quod iterum superius ait: *Tradidit illos Deus in desideria*, hic repetit idem, ut pœnam peccati comparet ipsi peccato. Quia sicut, quod natura exigebat, Creatori cultum **12** denegantes, ad non naturalem cultum creaturarum se contulerunt, sic ipsi in non naturalia peccata devoluti sunt.

Enumerat etiam ipsum peccatum quomodo in utrumque sexum sit diffusum, dicens: *Propterea*,

A quia servierunt creaturæ et non Creatori, *tradidit illos Deus* privatos gratia sua in *passiones ignominia*, id est in ignominiosa peccata [facta], quæ licet caro male concupisceret, tamen ipsa natura violentiam patiebatur, dum in se non naturaliter operaretur. Enumerat passiones ignominia, dicens: Traditi sunt utique in ignominias. *Nam femina* horum gentilium *immutaverunt naturalem usum viri in eum usum qui est contra naturam*, ut una abuteretur altera, quia naturalem cultum Creatori negaverant. *Similiter autem*, ut femina, *masculi, relicto naturali usu femina, exarserunt in desideriis suis in invicem*; ut alter alterum igne libidinis incensi concupierint, et sicut animus eorum desideraverat, opere *complentes turpitudinem, masculi in masculos*. Et sic recipientes **B** *mercedem erroris sui*, id est pœnam illius peccati. Quia, cum cognovissent Deum, non sicut Deum glorificaverunt, recipientes hanc non in damno possessionis, vel filiorum, sed in *semetipsis*, quia ipsi iidem hac pœna puniti sunt. *Quam* utique mercedem *oportuit*, id est conveniens fuit eos recipere; ut quia, quod natura monebat ne facerent, spreverunt Creatorem et adoraverunt creaturam, recte comparatum est ut, pro hoc non naturali peccato, in non naturale peccatum et pœnam peccati præcipitentur. Et *sicut*, quia in non naturali cultu creaturæ peccaverunt, per non naturalia peccata puniti sunt; sic quia *non probaverunt Deum habere in notitia*, id est quia non habuerunt Deum in cognitione sua, quem merito cognoscendum ipsa natura probabat, id est quia in cognitione Dei sibi naturaliter concessa, abutendo ea per superbiam peccaverunt: *ideo* opportune cognitione priori amissa, *tradidit illos Deus in reprobum sensum*, quia recto sensu uti noluerunt. Tradidit, inquam, ad hoc, *ut faciant ea quæ non conveniunt*, id est quæ ipsa natura satis aperte intelligeret non convenientia esse. Primum quia concessa cognitione abusi sunt, putantes hoc bonum naturalis intellectus a se et non a Deo esse, privati sunt concessio intellectu, et Creatorem derelinquendo contra naturam creaturas coluerunt, quare iterum per naturalia puniti sunt. Sed quia adhuc non pœnituerunt post non naturalia, in alia mala præcipitati sunt, sicut sequitur:

D Illos tradidit Dominus in reprobum sensum; illos dico *repletos omni iniquitate*, quia et omnes iniquitates habuerunt, et singulas ad plenum. Cum dixit *omni iniquitate*, comprehendit omnia quæ sequuntur; sed ut magis illos deterreat, singula genera iniquitatis enumerat, dicens: Vere omni iniquitate, quia repletos *malitia*. Malitiose enim agebant in proximos, auferendo bona eorum, vel verbis eos afficiendo. Repletos etiam *fornicationem*. Fornicationem vocat quidquid sit præter legitimam uxorem, quæ sicut causa generandæ prolis, sic causa vitandæ fornicationis dicitur. Repletos etiam *avaritia*, illicite retinendo sua, vel concupiscendo aliena; et repletos *nequitia*. Vel a nequeo, nequis, vel a nomine, quod est nequam, dicitur nequitia;

quia nequeunt se continere ab illicitis. Qui autem se continere nequit, non est dicendus aliquis. Plenos etiam *invidia*; quia, licet non sibi cupiant bona aliorum, tamen eos non habere vellent hæc bona. Plenos etiam *homicidiis*, quæ non solum manibus, sed tractatione et consensu fiunt. Plenos *contentione*; quia inter se clamoribus et opprobriis litigant. Plenos *dolo*; quia aliud agunt et aliud cogitant. Plenos *malignitate*; quia contraria benignitati semper in amaritudine animi sunt. Qui etiam sunt susurrones, mala de proximo ad proximum transferentes occulte; detractores etiam, bona quæ sunt auferentes, mala quæ non sunt imponentes. Ne hæc duo facilia viderentur; quia pro verbis tantum non se crederent damnari, **13** aggravat hæc duo, dicens: *Susurrones et detractores, edibiles Deo*. Eos etiam dico *contumeliosos*, id est contumelias turpitudinis inferentes sibi vicissim; *superbos*, id est se superponentes aliis, vel superponere cupientes; *elatos*, qui nec parcs sibi, nec se majores pati possunt; ut Cæsar, qui noluit pati majorem Pompeium, nec Pompeius patrem sibi Cæsarem, *inventores etiam malorum* seu malarum consuetudinum seu tormentorum; *non etiam obedientes carnalibus parentibus*, quod natura admonet etiam in pullis avium; *insipientes*, id est indiscreti ad bonum et ad malum; *incompositos* et vestimentis, et per immodificationem membrorum: per hæc enim quæ extra videmus, sic de interioribus pensamus; *sine affectione*, id est sine applicatione animi ad aliquod dignum; *absque fœdere*, id est sine colligatione animi: quia enim fœdera valent ad nutrimentum fidei, ut semper multiplicarentur, prohibita sunt conjugia in eadem cognatione, quæ jam satis vinculo propinquitatis fœderata est; qui etiam sunt *sine misericordia*: quia si quos viderint miseros, non habent ad eos viscera misericordiæ. In his omnibus gentiles pro præmissis peccatis puniti sunt. Sed quia necdum per hæc pœnituerunt, præcipitati sunt in aliud malum, ut exæcati promitterent sibi impunitatem peccatorum. Unde sic ait: Qui gentiles exæcati sunt *non intellexerunt: quoniam illi qui talia agunt, ut prædicta sunt, digni sunt morte æterna*. Hoc modo non intellexerunt, cum prius naturaliter cognovissent *justitiam Dei*: qua cognitione privati dicti sunt, quia inde superbierunt. *Digni utique sunt morte: non solum qui faciunt ea prædicta, sed etiam qui consentiunt facientibus*. Consentire, secundum Ambrosium, est si quæ possit reprehendere taceat, aut hæc audiens aduleatur. Si ergo facientes prædicta mala, et consentientes eis, damnatione digni sunt, nemo gentilium mortem hanc evadet.

CAPUT II.

Propter quod inexcusabilis es, o homo omnis qui judicas. In quo enim alterum judicas, teipsum condemnas. Eadem enim agis quæ judicas. Scimus enim quoniam iudicium Dei est secundum veritatem in eos qui talia agunt. Existimas autem hoc, o homo, qui judicas eos qui talia agunt, et

facis ea, quia tu effugies iudicium Dei? An divitias bonitatis ejus, et patientiæ, et longanimitatis contemnis? Ignoras quoniam benignitas Dei ad poenitentiam te adducit? Secundum autem duritiam tuam et impœnitens cor, thesaurizas tibi iram in die iræ, et revelationis justi iudicii Dei; qui reddet unicuique secundum opera ejus. His quidem qui secundum patientiam boni operis gloriam et honorem et incorruptionem quærunt, vitam æternam. His autem qui sunt ex contentione, et qui non acquiescunt veritati, credunt autem iniquitati, ira et indignatio. Tribulatio et angustia in omnem animam hominis operantis malum, Judæi primum et Græci; gloria autem et honor et pax operanti bonum, Judæo primum et Græco. Non enim est acceptio personarum apud Deum. Quicumque enim sine lege peccaverunt, sine lege peribunt, et quicumque in lege peccaverunt, per legem judicantur. Non enim auditores legis justi sunt apud Deum, sed factores legis justificabuntur. Cum enim gentes quæ legem non habent, naturaliter ea quæ legis sunt faciunt, ejusmodi legem non habentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum, et inter se invicem cogitationum accusantium, aut etiam defendentium, in die cum judicabit Deus occulta hominum, secundum Evangelium meum, per Jesum Christum. Si autem tu Judæus cognominaris, et requiescis in lege, et gloriaris in Deo, et nosti voluntatem ejus, et probas utiliora, instructus per legem; confidis teipsum esse ducem **14** cæcorum, lumen eorum qui in tenebris sunt, eruditorem insipientium, magistrum infantium; habentem formam scientiæ et veritatis in lege. Qui ergo alium doces, teipsum non doces; qui prædicas non furandum, furaris; qui dicis non *morchandum*, *morcharis*; qui abominaris idola, sacrilegium facis; qui in lege gloriaris, per prævaricationem legis Deum inhonoras. Nomen enim Dei per vos blasphematur inter gentes, sicut scriptum est. Circumcisio quidem prodest, si legem observes; si autem prævaricator legis sis, circumcisio tua præputium facta est. Si igitur præputium justitias legis custodiat, nonne præputium illis in circumcisionem reputabitur? et judicabit id quod ex natura est præputium, legem consummans, te, qui per litteram et circumcisionem prævaricator es legis. Non enim qui in manifesto, Judæus est; neque quæ in manifesto in carne est circumcisio; sed qui in abscondito, Judæus est, et circumcisio cordis in spiritu, non littera, cujus laus non ex hominibus, sed ex Deo est. »

EXPOSITIO.

Hucusque gentiles secundum priorem statum satis dehonestavit, ostendo quod de ignorantia excusari non possunt: cum naturaliter cognitionem de Deo habuerint, qua propter peccatum privati sunt. Illos autem de solis gentilibus dictum transfundit hic in

utrosque, id est in Judæos et gentiles, dicitur utrumque populum inexcusabilem. Quia si Judæus dicat se fuisse peculiarem populum Dei de genere Abraham natum, legem et prophetas habuisse, cumque sic Deo dilectus sit, non esse credendum quod Deus hunc permittat perire adeo dilectum, licet erraverit, impropereque gentili quod salvatione indignus sit, cujus nec aliquando Deus memor fuerit; si vero econverso dicat gentilis Judæum salute indignum, quia cum Deum per legem cognoverit, sicut Deum glorificare noluit, sequere ideo præferendum putet Judæo, quia, ut primum de Deo audivit, statim credidit, neque reum esse eorum quæ per ignorantiam peccavit: contra utrumque agit Apostolus dicens gentilem de ignorantia inexcusabilem, quia naturalem habuit cognitionem: Judæum vero frustra in lege vel genere gloriari, cum semper deterior fuerit, unde meliorari debuerit, prævaricando legem, fide degenerando ab Abraham, et similia. Quasi diceret: *Propter quod*, id est quia qui faciunt et qui consentiunt, digni sunt morte: ideo tu, homo unanimiter vivens et intelligens, omnis Judæus et gentilis, *inexcusabilis es*, tu, dico, *qui judicas*, id est damnas alium. Si enim tu, Judæe, dicis te præferendum gentili, quia dilectus Deo fueris, quem dicis nec aliquando memorem fuisse gentilis; vel si tu, gentilis, præferas te excusatum per ignorantiam Judæo, qui Deum per legem sibi cognitum inhonoravit. Uterque inexcusabilis es: et gentilis, quia naturalem cognitionem habuit; et Judæus, quem lex et naturalis intellectus de Deo docuit. Vere uterque inexcusabilis es, quia in eo condemnas teipsum, in quo tu judicas alterum, sive Judæus gentilem, sive gentilis Judæum. Si enim lex data damnat Judæum, quia non custodivit eam: lex naturalis similiter non custodita damnat gentilem. Vere teipsum condemnas. Nam tu agis eadem quæ judicas, id est damnas in alio. Si enim tu, Judæus, pro prædictis gentilem putas damnandum, tibi vero eadem scelera agenti, pro lege et genere putas esse parcendum, frustra opinaris. Econtrario, si tu, gentilis, damnas Judæum, quia legem habuit et non custodivit eam, in eo damnas teipsum prævaricatorem naturalis legis. Vere in quo judicas alterum, damnas teipsum. Nam nos, qui auctoritatis magnæ sumus, hoc, quoniam contra eos qui agunt talia sicut prædicta sunt, est *judicium Dei*, non secundum ignorantiam quam tu, gentilis, frustra præterdis: nec secundum genus Abraham, in quo tu, Judæe, gloriaris, sed *secundum puram veritatem*, id est secundum actus singulorum, Judæi et gentilis, **15** nos scimus; tu autem existimas, id est falso opinaris hoc, o homo, seu Judæus, seu gentilis, qui judicas eos qui talia agunt quæ prædicta sunt, et ea tu ipse facis. Hoc, inquam, existimas, quia tu effugies *judicium Dei*, id est unde alium damnandum judicas, ex eodem te impunitum evadere credis. Primum quia putant fieri *judicium Dei* secundum dignitatem vel indignitatem personarum, et non secundum

A dum opera, cadunt in hoc malum, quod impunitatem sibi pollicentur; et iterum per malum impunitatis sibi promissæ, ruunt in aliud, in hoc, scilicet quod abutuntur bonitate et patientia Dei, quod ibi supra ait, quia tu effugies *judicium Dei*, idem supra significaverat, ubi ait. *Non intellexerunt quoniam qui talia agunt, digni sunt morte*, (Rom. 1, 32); in utroque agens de impunitate, quam sibi promittunt. Sed ibi tantum de gentilibus, hic vero de utrisque intelligit, et ante putando te effugere *judicium Dei*, contemnis divitias ejus bonitatis; dictum a similitudine potentis: qui si porrigeret cibum alicui, ille vero cui porrigeretur indignans eo uti projiceret eum, videretur sic spernere non cibum, sed datorem cibi, Sic ille qui abutitur bonitate Dei, non utens ea ad correctionem, ad quam Deus dat, hic reus est non tantum præteritorum, sed etiam contemptæ majestatis. *Divitias bonitatis* ideo dicit, quia Deus et temporalia abunde dat malis, quibus nec digni essent, ut, considerantes benignitatem Dei, revertantur ad eum. Dat etiam magistros qui doceant, et intelligentiam qua ad Deum reverti bonum esse sciant, et multa alia. An *divitias bonitatis ejus contemnis*, et *divitias patientiæ ejus*, quia non in uno sed in mille peccatis te patitur; et *divitias longanimitatis*, quia per multa tempora correctionem tui sustinet, contemnis, inquam, *ignorans quoniam benignitas Dei per bonitatem, patientiam et longanimitatem, quantum in se est, adducit te ad penitentiam?* Benignitas Dei, quantum in se est, vocat te ad penitentiam; sed *secundum duritiam tuam*, id est secundum actus tuos obstinatos in malo, et secundum cor tuum impœnitens; quia nec a malo opere recedis, nec te male operari intelligis. Sunt enim quidam in malis operibus obstinati, qui tamen se male agere credunt. Tu, inquam, secundum cor impœnitens, *thesaurizas tibi iram*, id est congregas tibi propriam damnationem futuram *in die iræ*, id est communis damnationis impiorum. Die enim *revelationis justi judicii Dei*; quia in die illo Christus esse iudex omnium credetur ab impiis, qui semper hoc negaverunt. Tunc enim videbit eum omnis caro: *qui Deus reddet tunc unicuique*, et Judæo et gentili, *secundum opera ejus*, non parcens gentili pro ignorantia, nec salvans Judæum pro lege, vel genere Abraham. Quod dixit in toto, per partes exsequitur, dicens: *Unicuique reddet secundum opera. His quidem qui sunt boni operis*, id est qui bene operati sunt *secundum patientiam*, id est non abutentes patientia Dei, sed corrigentes se cum sustinerentur a Deo. Vel secundum patientiam, quia æquanimiter toleraverunt quæcumque adversa pro Deo. His utique reddet *gloriam*, id est claritatem corporis et illuminationem animæ. Et reddet *honorem*, quia in præsentia Christi inter honorabiles; quia cum angelis Dei reddet etiam *incorruptionem*, id est permanentem statum in gloria et honore, quæ per horam habere possent et perdere. His cum hæc determinatione dico *quærentibus vitam æternam*, id est si bene operentur amore vitæ æternæ; non quæ-

rentes inde temporalia lutra vel gloriam mundi; his qui sunt boni operis, sic reddet; *his autem qui sunt ex contentione*, id est qui se contentiose alternatim præferunt, hoc vitium maxime reposcit; quia in hoc laborabant, et ab hoc eos deterrere nititur. His, inquam, qui contendunt *et qui non acquiescunt veritati*, quando bonum suadetur eis; ut Romani qui nolebant acquiescere discipulis Pauli, *sed credebant iniquitati*, præferentes se alter alteri; his utique erit ira, id est æterna damnatio, et talis ira quæ sit indignatio. Impii enim in ignem positi graviter indignabuntur sibi ipsis, quod male egerint, et interim dum illud iudicium morabitur, *in omnem animam operantis* **16** *malum*. Judæi dico primum, id est maxime operantis malum; quia et naturalis, et datæ legis reus est, *et Græci*, id est gentilis, qui de naturali lege solum arguitur, in animam operantis malum. Judæi indifferenter et Græci erit *tribulatio*, id est damnatio *et angustia*. Hoc est illud quod dixit indignatio, quia determinat de malo quod fieret, et post iudicium et ante. De bono vero non ante, sed post iudicium dicit, quid illi futurum sit interim dum veniatur ad iudicium. Operanti malum erit tribulatio. Omni vero operanti bonum: *Judæo* secundum tempus *primum* bene operanti; in Judæa enim principium habuit Ecclesia Christi; *et Græco*, id est gentili, posterius tempore *operanti bonum*, erit *gloria*, id est illa claritas *et honor*, quia inter honorabiles erit; *et pax*, id est in gloria et honore diuturna tranquillitas. Vere Judæo et gentili indifferenter dabitur gloria, si solummodo bene operati sint.

Nam *apud Deum non est acceptio personarum*, ut Judæum male agentem salvet, quia habuit legem; gentilem bene meritum probeat, quia non fuit de carne Abrahamæ, cujus fidem melius est imitari, quam ab eo lineam generis trahere; cum multi de Abrahami carne, in gentes transierint, multi vero de gentibus, fidem Abrahamæ imitando, se dignos promissionibus Abrahamæ fecerint, et in Judæos reputati sint ut proselyti. Probat Deum non accipere personam Judæi seu gentilis; quia utrumque iudicabit, et modum iudicii futuri in utrumque exponit, dicens: Vere *apud Deum non est acceptio personarum*; quia iudicat omnes, et eos qui sine lege, et eos qui in lege sunt. *Quicumque enim peccaverunt sine lege*, id est non habentes legem scriptam, ipsi *peribunt sine lege*, id est damnabuntur non de prævaricatione scriptæ legis, sed tantum naturalis. Hoc de gentilibus dictum est, et *quicumque peccaverunt in lege*, id est habentes legem scriptam, ut Judæi, ipsi *iudicabuntur per legem*, id est de prævaricatione datæ legis adjuncta peccatis eorum damnabuntur. Opponeret Judæus, licet transgressus in lege fuerit, se tamen non damnari, sed parcendum sibi a Deo. Contra hoc Paulus: Vere habentes legem de peccato iudicabuntur, quoniam *apud Deum non sunt iusti*; et si *apud homines revereantur auditores legis*, id est qui solummodo legem audierunt, nec eam operati sunt ut Judæi. *sed factores legis*; si eam au-

dierint, sive eam solummodo operati sint; illi *justificabuntur*, seu fuerint gentiles, seu Judæi: solummodo opus legis compleverunt. Hic versus qui sequitur, solummodo de gentilibus agit: probans eos salvari per legem naturalem, facientes eadem quæ sunt scriptæ legis, et damnari si non fecerint. De utroque agit hic versus, et de salute gentilium propter opus legis, et de damnatione eorundem, si non operati sint legem, ac si opponeretur Paulo: Dicis quod quicumque factores legis fuerint, salvabuntur, sed gentiles salvari non debent, quia etiamsi opus legis faciunt, indifferenter hoc faciunt, non ducti ratione [nomine], sed casu [causa], ut illi qui de nullis per Scripturas instructi sint.

Contra hoc Paulus: Vere gentiles si fuerint factores legis, justificabuntur, et econtrario si malum operati sint, ira et indignatione damnabuntur; ex merito debent salvari pro bono, et puniri pro malo. *Quia ipsi sibi sunt lex*, id est naturalem legem in se ipsis habent: ipsi, dico, non habentes legem ejusmodi, id est scriptam sicut Judæi, et vere *ipsi sibi sunt lex*: cum hoc sit *quod gentes quæ legem scriptam non habent*, id est gentiles, *faciunt ea quæ sunt legis scriptæ*, id est, quæ scripta lex præcipit, *naturaliter*, id est naturalem legem sequentes. Nec indifferenter ea quæ legis sunt faciunt, quia *qui ostendunt* per operationem *scriptum esse in cordibus suis opus legis*, deserendo mala, adhærendo bonis; hoc enim est opus legis, declinare a malo et facere bonum. Quod si per legem naturalem non creditis gentiles salvari, nihil hoc salutem eorum impedit; quia *in die cum iudicabit Deus*, apparebit opus legis scriptum fuisse in cordibus eorum. Tunc in illo die conscientia ipsorum, quæ tunc omnibus palam fiet (ibi enim singulorum **17** opera omnibus palam erunt), reddente illis testimonium de bonis seu malis quæ fecerunt. Multos enim testes tunc habebunt, cum conscientia eorum nemini occultabitur, et sicut de operibus, sic conscientia eorum *reddente illis testimonium cogitationum*, quia sicut opera, sic justificabuntur etiam cogitata. Cogitationum dico accusantium eos, si malæ sint; aut etiam defendentium eos, si bonæ sint: et hoc inter se, quia quæ mala fuerint, accusabunt bona et invicem; quia econtrario bona impugnabunt mala. Hæc pugna fiet in illis, quorum bona vel mala incerta sunt; sed in quibus bona sine admistione malorum certa sunt, ut in sanctis, et in quibus mala sine refrigerio bonorum certa sunt, ut in valde malis, in his non erit accusationis hujus vel defensionis collectatio: sed certa salus, valde bonis; indubitata damnatio, valde malis: hoc autem testimonium operum et cogitationum reddet illis sua conscientia in die illo *cum iudicabit Deus occulta omnium hominum*, id est incerta eorum vel bona vel mala. Iudicabit utique *per Jesum Christum*, qui constitutus est iudex omnium *secundum Evangelium meum*, id est secundum quod ego annuntio, quia Deus per Christum iudicabit omnia. Probavit gentilem posse salvari naturaliter, facientem opus scriptæ legis. Nunc

autem probare incipit nihil prodesse Judæo, quod Judæus dictus est qui legem et circumcisionem habuit, nisi opus legis et circumcisionis impleverit, dicens: Gentilis legem naturalem habuit, tu autem, Judæe, et naturalem et scriptam legem habuisti.

Considerandum est quod de Judæo et gentibus secuudum priorem statum agat Apostolus: Tu, inquam, *cognominaris Judæus*, id est hoc dignitatis cognomen habes, quod Judæus diceris. Ante Judam Machabæum illi solum de tribu Juda Judæi vocabantur, Israel autem omnes dicebantur, sed a Juda Machabæo, propter probitatem ejus dicti sunt omnes Judæi. Concedo, ait Paulus, te cognominari Judæum, quia tu *requiescis in lege*. Aliæ enim gentes erroneæ sunt, non habentes documenta vitæ; sed tu quietem habes in scientia legis, et *gloriaris in Deo*, quia in Israel tantum dicitur notus Deus (*Psal. LXXV, 1*). Aliæ gentes quasi sine Deo sunt, unde te jactando gloriaris. *Nosti et voluntatem ejus*, scilicet Dei, quid fieri scilicet velit, quid non. *Et tu, instructus per legem, probus utiliora*, id est de utilibus legis utiliora discernere nosti. *Confidis etiam teipsum esse ducem cæcorum gentilium*; quia si qui de gentilibus in Judaismum transire voluerint, doces eos observare Sabbatum et cætera legis, cum adhuc nescientes quid hæc significant cæci sint. *Confidis etiam te esse lumen eorum qui in tenebris sunt*; cum enim illi observaverint Sabbatum, adhuc ignorantes mysterium Sabbati, illuminas eos docendo quid hæc significant, et ad quid valeant, et sic de tenebris ignorantia educis. *Confidis etiam te esse eruditorem insipientium Judæorum*; quia si qui in lege insipientes sint, doces eos esse sapientes. *Confidis etiam te esse magistrum infantium*; quia si quid simplices nec fari de lege noverint, doces eos disputare de lege; te etiam *habentem formam scientiæ*, quia si quis velit considerare de lege quanta sit, sciat eam tantam esse, quanta scientia tua in ea est; habentem etiam formam *veritatis in lege*, quia et scientia legis, et quæcumque docet vera esse nosti. Possumus enim habere scientiam Ovidii, nec tamen vera esse scimus, quæ ibi narrata intelligimus. Ergo, quoniam quidem dux es cæcorum, et de doctrina legis illuminans eos: *Tu qui alium doces, quare non doces teipsum?* Sic cum debes per legem proficere, rejiciendo opus legis, amplius reus esse convinceris. Tu etiam *qui prædicas non furandum*, quare *furaris?* Furabantur inter se Judæi res suas plerumque; quod autem deterius est, furabantur sanum intellectum de lege. Tu etiam, *qui dicit non esse mœchandam*, quare *mœcharis?* Mœchabantur ad litteram, mœchabantur etiam adulterinum intellectum ponentes in lege, postquam sanum sensum legis furati fuerat. Tu etiam, *qui abominaris idola*, id est qui gentiles, colentes idola, **18** nec homines vocandos esse judicas, quare *sacrilegium facis*, id est: tu ipse quare colis idola? Plerumque enim Judæi ad culturam idolorum lapsi sunt; faciebant sacrilegium, denegantes Christo cultum suum.

Sacrilegium enim est creaturam quod naturaliter Creatori debet negare, cultum scilicet Deo. Tu etiam *qui gloriaris in lege*, id est qui jactas te solum legem habuisse, quare *inhonoras Deum per prævaricationem legis?* Prævaricari in lege est non facere quæ faciendæ præcipit, et facere quæ fieri interdicunt. Judæi autem deserendo legem, faciendo contraria legi, Deum inhonorabant, quantum ad opinionem hominum, nihil tamen gloriae ejus detrahentes. Vere Deum, in quantum vobis est, inhoratis, *quia nomen Dei blasphematur per vos inter gentes*. Cum enim gentes videant vos contraria legi facere, justitiam Dei profanare, cibis gentilium communicare, et similia, dicunt et putant Deum sic vos instituisse, nec satis provide tales cultui suo delegisse. Hoc Ezechiel dixit, licet aliis verbis, de Judæis inter gentes dispersis, transeuntibus ad idololatriam. Unde Paulus sic ait: Hoc quod dico Deum blasphemari per vos, inter gentes dico, *sicut scriptum est*; Scriptura enim in hac re testimonium perhibet. Et quia prævaricatus es in lege, ideo *circumcisio tua præputium facta est*, id est non plus valet te esse circumcisum, quam gentilem præputiatum. Sicut superius asseruit nihil prodesse quod Judæus vocaretur, quodque legem haberet; ita probat hic nihil valere circumcisionem illi, qui circumcisionis mysterium non impleverit. Illa enim abscissio carnis significat carnalem generationem, quæ in peccatis est, debere abscindi, et spiritualem generationem exinde esse tenendam.

Diceret Judæus: Si circumcisio sit præputium, pro nihilo data est, cum non prosit. Contra hoc Paulus: *Circumcisio quidem prodest; si observes legem circumcisionis*, id est si, quomodo circumcisio signat, omnia vitia a te circumcidas, prodest quidem, observata lege; sed, si sis prævaricator legis circumcisionis, non abscindendo vitia cordis, circumcisio tua sic facta est præputium, id est non est utilior tibi quam præputium gentili. Circumcisio dicitur ipsa munditia carnis. Præputium, id est caro quæ amputatur, dicitur ipsa immunditia; quia caro ipsa reclinatorium sit libidinis. Et quia circumcisio lege circumcisionis non observata sit præputium, igitur præputium, si justitias legis circumcisionis custodiat, fiet circumcisio. Sed ne aliquis audeat contradicere, ponit sub interrogatione, dicens: *Si præputium*, id est gentilis (quem tu ipsam immunditiam judicas, te autem circumcisionem, id est ipsam munditiam), si, inquam, præputium custodiat justitias legis circumcisionis, quod vitia cordis abscindat, etiam carne non amputata, *nomen præputium illius custodientis legem circumcisionis reputabitur in circumcisionem*, id est: nonne sic prodierit illi quemadmodum circumciso lex custodita circumcisionis; et nonne præputium quod est consummans, id est implens, legem circumcisionis, et hoc ex natura, id est per naturalem legem, judicabit, id est damnabit, te comparatione sui? te, dico, qui es prævaricator legis servatæ per litteram; quia li-

teralem custodiam eligis, et spiritualem rejicis, A
 prævaricator etiam es per *circumcisionem* in carne
 habitam, et in corde non observatam. Vere circum-
 cisio fit præputium. Nam *qui in manifesto*, id est
 solo nomine Judæus est, hic non est credendus esse
 Judæus; neque circumcisio quæ est in manifesto,
 et ita *quod in carne tantum*, et non in corde, hæc
 non est dicenda circumcisio. Probat iterum quod
 præputium (sicut dictum est) fiet circumcisio, di-
 cens: *Judæus in manifesto*, non est Judæus, *sed ille*
qui in abscondito, id est in operum exhibitione *Ju-*
dæus est, etsi non vocetur hoc nomine; et *circum-*
cisio cordis facta in spiritu, id est spiritualiter
 impleta, non in littera, id est non litteraliter, ut
 carnalis; hæc utique spiritualis est et vera circum-
 cisio: *Laus cujus*, id est **19** quæ laudabilis circum-
 cisio non est ex hominibus, sed est ex Deo. Deus enim
 solus justitiam cordis dare potest; homines vero
 amputare carnem, et nihil aliud possunt.

CAPUT III.

« Quid ergo amplius Judæo est? aut quæ utilitas
 circumcisionis? Multum per omnem modum. Pri-
 mum quidem, quia credita sunt illis eloquia Dei.
 « Quid enim si quidam illorum non crediderunt?
 « Nunquid incredulitas illorum fidem Dei evacuavit?
 « Absit! Est autem Deus verax, omnis autem homo
 mendax, sicut scriptum est: « Ut justificeris in ser-
 monibus tuis, et vincas cum judicaris (Psal. L, 6). »
 « Si autem iniquitas nostra justitiam Dei commendat,
 quid dicemus? Nunquid iniquus est Deus qui in-
 fert iram? Secundum hominem dico. Absit! Alio-
 quin quomodo judicabit Deus hunc mundum? Si
 enim veritas Dei in meo mendacio abundavit in
 gloriam ipsius, quid adhuc et ego tanquam pec-
 cator judicor? Et non sicut blasphemamur et sicut
 aiunt quidam nos dicere, faciamus mala ut ve-
 niant bona, quorum damnatio justa est. Quid er-
 go? Præcellimus eos? Nequaquam. Causati enim
 sumus Judæos et Græcos omnes sub peccato esse, si-
 cut scriptum est: quia non est justus quisquam, non
 est intelligens, non est requirens Deum (Psal. xliii,
 2). » Omnes declinaverunt, simul inutiles facti sunt:
 non est qui faciat bonum, non est usque ad unum
 (Ibid., 3). » Sepulcrum patens est guttur eorum, lin-
 guis suis dolose agebant, venenum aspidum sub
 labiis eorum (Ibid.). » Quorum os maledictione et
 amaritudine plenum est, veloces pedes eorum ad ef-
 fundendum sanguinem (Ibid.). » Contritio et infeli-
 citas in viis eorum, et viam pacis non cognoverunt;
 non est timor Dei ante oculos eorum (Ibid.). » Scimus
 autem quoniam quæcunque lex loquitur, his qui in
 lege sunt loquitur, ut omne os obstruatur, et subdi-
 tus fiat omnis mundus Deo; quia ex operibus legis
 non justificabitur omnis caro coram illo. Per legem
 enim cognitio peccati. Nunc autem justitia Dei
 sine lege manifestata est, testificata a lege et pro-
 phetis. Justitia autem Dei per fidem Jesu Christi,
 in omnes et super omnes qui credunt in eum.
 Non enim est distinctio. Omnes enim peccaverunt,

et egent gloria Dei, justificati gratis per gratiam
 ipsius, per redemptionem quæ est in Christo Je-
 su; quem proposuit Deus propitiatorem per fidem
 in sanguine ipsius, ad ostensionem justitiæ suæ,
 propter remissionem præcedentium delictorum in
 sustentatione Dei, ad ostentionem justitiæ ejus in
 hoc tempore, ut sit ipse justus et justificans eum
 qui ex fide est Jesu Christi. Ubi est ergo gloriatio
 tua? Exclusa est. Per quam legem? Factorum?
 Non, sed per legem fidei. Arbitramur enim justi-
 ficari hominem per fidem sine operibus legis. An
 Judæorum Deus tantum? Nonne et gentium? Imo
 et gentium. Quoniam quidem unus est Deus, qui
 justificat circumcisionem ex fide, et præputium per
 fidem. Legem ergo destruimus per fidem? Absit!
 Sed legem statuimus. »

EXPOSITIO.

Quia probavit superius præputium fieri circum-
 cisionem, et e converso circumcisionem fieri præpu-
 tium, opponeret per hoc Judæus, nihilo plus sub
 Veteris Testamenti statu collatum esse sibi, quam
 gentili. Ad hoc refellendum ait Paulus inserendo
 objectionem Judæi: Quia dixi præputium reputari
 in circumcisionem, et e converso, ergo propter hoc
 dicturus est mihi: *Quid amplius collatum esse Ju-*
dæo in veteri statu, quam gentili? aut quæ utilitas
fuit circumcisionis Judæo, cum gentili idem valeat:
præputium? Pro nihilo videretur facta circumcisio,
lex superflue data, si absque his potuit bonum legis
et circumcisionis haberi, sicut ostenditur in gentili.
 Habuit utique Judæus in veteri statu multo amplius
 collatum sibi (etiam si non observavit), quam genti-
 lis; quod enim circumcisus est et edoctus de cæteri-
 bus in lege, præparationes bonæ fuerunt et quædam
 instructiones, ad intelligendum fidem Christi. Sed
 gentilis nullam penitus **20** instructionem, præter na-
 turalem intellectum habuit. Non tamen *amplius* dico
Judæo quod in fide Christi dignior habendus sit gen-
tili, sed utique magis præparatus est ad fidem.
 Quare si non consensus fidei, magis damnatus quam
 gentilis; si vero consensus, non tamen gentilem di-
 gnitate fidei excessit. Quæris quid amplius collatum
 sit Judæo! *Multum* utique, et *per omnem modum,*
 et secundum animam, et secundum corpus, et in
 unoquoque, et in corpore et in anima, multa bona
 facta sunt Judæo, quorum nihil gentilis habuit. In
 corpore, quia liberavit eos ab inimicis, et dedit eis
 terram repromissionis, etc. In anima, quia instruxit
 eos per legem, et habuerunt cognitionem Dei, etc.
 Et multa similia contulit eis, et in corpore et in
 anima. De quibus ait Paulus: Multa quidem reponere
 possem ad comprobandum amplius esse collatum
 Judæo quam gentili; sed *primum*, id est quia hoc
 præcipuum, est ad probandum quod intendo ponam
 istud, idem amplius collatum esse Judæo, *quia cre-*
dita, id est proposita sunt illa ad instructionem
eorum eloquia Dei, præcepta quæ Deus dedit in lege
et prophetis. Contra hoc Judæus iterum: Per data

eloquia amplius non fuit Judæo quam gentili, quia non credidit eloquiis Dei.

Vere ait Paulus: amplius per credita eloquia fuit Judæo; quia si quidam illorum Judæorum non crediderunt eloquiis Dei, et ideo reprobati sunt, quid impedit ad hoc ut non sit amplius collatum Judæo quam gentili? Nihil utique impedit; quia, quantum in Deo fuit, præparavit eos ad fidem, licet increduli permansissent. Vere si quidam illorum non crediderunt, nihil impedit; quia Deus, quod promiserat, propter incredulitatem eorum, implere non dimisit. *Nunquid enim incredulitas eorum quorundam evacuavit fidem*, id est impletionem promissorum Dei? Nihil utique eorum quæ promisit Deus inexpletum dimisit, et ideo nihil amplius impedit habuisse Judæum, licet quidam in incredulitate damnati sint. Quæro an propter incredulos evacuata sit fides Dei? Sed *absit hoc*, ut fides Dei aliquo modo possit vel credatur evacuari! quia, licet quidam illorum non crediderint, tamen *Deus est verax*, id est impletor omnium quæ promisit. Deus utique verax est, sed *omnis homo* quicumque sit, seu Judæus seu gentilis, *mendax est*, id est peccator. Deus enim ad salvandum veniens, omnem hominem sub peccato reperit, et secundum merita salute indignum. Unde palam est fidem et salvationem Dei Judæis et gentilibus æque provenire ex gratia. Mendacium dicitur omne peccatum; quia omnis creatura, quæ naturaliter obsequi debet Creatori suo, cum transgreditur mandatum Dei, mendosam facit naturam suam, deserens puritatem in qua creata est. Quia Deus sit verax, assero etiam per Scripturæ testimonium. Hoc enim dico *sicut scriptum est* de veritate Dei in psalmo: Deus procul dubio verax est. Ait enim David: *Justificeris in sermonibus tuis* (Psal. L, 6), id est: justificando me, verus appareas in promissionibus tuis. Illud ut ad continuationem psalmi legitur, in quo agebat David multorum criminum reus, ut de proditione militis, de morte proximi, de illicita concupiscentia et adulterio agebat, ut horum omnium consequeretur veniam, de qua certus erat per repromissionem sibi de Christo factam, quæ ad eos solum facta est qui per Christum salvandi erant; unde confidit se emaculandum ab hoc crimine, alioquin enim indignus esset futura salvatione.

Præterea notandum est quod cum David, nullum prætendens meritum, ex sola gratia confidat se salvandum, seque in peccatis confiteatur, quo nemo sanctior vixit in lege, neminem ex merito posse salvari, sed per solam gratiam. Justificeris utique in sermonibus tuis, et vincas impios, cum judicaris ab illis non esse Filius Dei, cum vincas eos de hoc justificando homines sicut promisisti. **21** Vel vincas cum judicaris, id est participaris alicui, ut mihi. Aiunt enim me non salvandum propter peccatum, licet mihi repromissus sis. Hic quiddam ingreditur Paulus, quod ab incepto alienum videtur; imponebatur enim ipsi et aliis apostolis, quod docerent bonum esse peccare, quia quanto plura essent

A peccata hominum, tanto gloriosior appareret Deus, dimittens omnia, quotquot essent, accipientes inde occasionem; quia *ubi abundavit delictum, superabundavit ibi gratia*, et similia. Quod hic destruere ingreditur Paulus, et satis bene ad rem. Hic enim probabit omnem salutem esse ex gratia Dei, et nihil ex merito hominis, dicens: Quia omnis homo mendax reus inventus est; Deus autem omnem reum justificans ex gratia in promissis verax est. Per hoc apparet quod *iniquitas nostra commendat* justitiam Dei, id est commendabilem facit Deum, per solam gratiam justificantem homines a peccatis; et hoc utique verum est, quia quanto gratia ejus copiosior est in remissionem peccatorum, tanto procul dubio commendabilior est Deus. Sed licet quæcumque peccata sicut dimittat, non tamen inde causam peccandi dat. Iniquitas nostra commendat Deum, sed si hoc est, quod ex iniquitate nostra commendabilior sit Deus, *quid ad hæc dicemus?* Mirabile quid videtur inde consequi. Ideo quid dicemus, quia *nunquid Deus iniquus est, quia infert iram*, id est ultionem, propter peccatum, quod commendabilior facit Deum? Æquitati videtur hoc esse contrarium. Hoc quod dico non satis esse æquum, quia punit peccatum quod commendat eum, quod totum *dico secundum hominem*, id est secundum carnaliter intelligentem. Sed ex me hoc dico: *absit hoc* ut Deus iniquus sit, quia peccatum punit! Et hoc probat ab impossibili, dicens: Vere Deus non est iniquus, inferens iram; quia *alioquin*, id est, si Deus iniquus esset, *quomodo judicabit hunc mundum?* Non est credendum ut ille qui constitutus est iudex totius mundi, iniquus sit, et hoc impossibile. Vere si iniquus est Deus, mundum non judicabit, quia nec me solum. Me autem ideo non judicabit de peccato, quia sic gloriam ejus augeo. Si enim in meo mendacio, id est propter meum peccatum: *abundavit veritas Dei*, id est abundantius ostenditur Deus ex veritate promissionis suæ dimisisset peccata. Abundavit dico in gloria ipsius Dei: quia quanto plura dimisit, tanto gloriosior de misericordia cognoscitur. Si utique peccatum meum causa est gloriæ ejus, *quid adhuc*, id est quare etiam in hoc mundo *et ego* (ut alios omittam) *judicor*, id est contemnor *tanquam peccator?* Deberem de peccato hoc argui, in quo augeo gloriam Dei? Cur etiam non facimus mala, ut bona misericordiæ Dei per hoc veniant in augmentum, *sicut nos blasphemamur a quibusdam credere?* Sicut etiam nos aiunt illi quidem non solum credere, sed etiam *dicere*, et prædicare hoc aliis, *facianus mala*, id est certatim peccemus, *ut veniant bona*, id est ut Deus habeat quod multipliciter remittat. *Damnatio quorum* ita nos blasphemantium *justa est*, id est juste damnandi sunt pro hac blasphemia. Quia si pro peccato blasphemix judico hos debere damnari, constat quod non prædico quod peccare bonum sit. Hi autem qui sic sentiebant de misericordia, in misericordia esse gratiam Dei prædicabant. Quia superius probatum est omnem hominem esse mendacem, et Judæur

et gentilem, igitur, o Judæe, dic mihi, *quid*, id est quæ causa est quare præcellere debeamus eos, scilicet gentiles in salvationem? *Nequaquam* utique *præcellimus eos*. Vere non præcellimus. *Causati enim sumus*, id est convenientibus causis et rationibus comprobavimus *Judæos et gentiles omnes* (neminem excipio) *esse non solum in peccato, sed ita sub peccato depressos*, quod nemo per se posset resurgere, sine gratia adjutrice. Probat de Judæis quod omnes sub peccato sint, dicens: In eo quod dico omnes **22** Judæos sub peccato esse, Scriptura mihi testimonium perhibet. Hoc enim assero *sicut scriptum est* in psalmo: *quia non est justus quisquam*. Illud quia in ordine psalmi legitur, non est utique quisquam justus, id est deserens malum et faciens bonum. Et hoc ideo, quia *non est quisquam intelligens*. Ideo autem non intelligunt, quia *non est quisquam requirens Deum*. Quia si Deum requirerent, utique intelligerent, et intelligentes sectarentur justitiam. Nemo in Judæis justus est, sed omnes declinaverunt male operando in seipsis. Quod nec sufficiens fuit illis, sed etiam *facti sunt inutiles*, id est depravationi aliorum intendentes; qui adeo declinaverunt, quod *non est inter eos qui faciat bonum*.

Nec dico ut, pluribus a bono exclusis, aliqui in bono remaneant; sed non est inter eos faciens bonum, eundo usque ad unum (*Psal. xiiii*): quia nec unus faciens bonum inter eos relinquitur. Vel non est faciens bonum, donec veniatur ad unum, id est ad Christum per fidem. Qui enim fide ad Christum venerit, hic utique bonum facit. Non est in eis qui bonum faciat, sed *guttur eorum est patens sepulcrum*; quod receptis cadaveribus fetet, et adhuc ad recipienda cadavera patet. Sic illi et de prioribus peccatis fetent, et adhuc ad patranda scelera inhiant; et (quod aperte facere non possunt) agebant *linguis suis dolose* (*Psal. xiii, cxxxix*), aliud cogitando, et aliud simulando, *et sub labiis eorum* (*Deut. xxxii*), id est in corde quod est sub labiis, est *venenum aspidum insanabile*: quia nemo, quandiu consenserit illis, poterit sanari. *Os quorum Judæorum plenum est maledictione*. Maledicebant enim Christo, dicentes eum filium fabri, et similia. Plenum est etiam os eorum *amaritudine* (*Psal. ix*). Amara verba dicebant, inclamantes: *Crucifige, crucifige eum* (*Marc. x, et Luc. xxiii*). Et *pedes*, id est affectiones eorum Judæorum, sunt *veloces ad effundendum sanguinem*. Prius enim voluntate effuderunt sanguinem Christi, quam actu. Et quia adeo iniqui sunt, ideo *in viis*, id est operibus, *eorum est contritio*, id est misera per orbem eorum dispersio, facta per Romanos. Est etiam in operibus eorum *infelicitas*, id est animarum damnatio, quæ sola infelicitas dicenda est. Et hoc totum fuit eis ideo, quia cognoscere *noluerunt viam pacis*, id est Christum, per quem itur ad veram pacem. Et sicut non cognoverunt eum dilectione, sic nec etiam timore. *Non est enim timor Dei ante oculos eorum*: quia etiamsi in natura timorem Dei haberent, et Deum timendum esse bene reminisce-

rentur, tamen timorem Dei tunc non habuerunt ante sed post oculos, quia contempserunt. Diceret fortassis Judæus hæc dicta esse de gentili. Contra quod Paulus: Tu, Judæus, fortassis arbitraris hæc non esse dicta de te; sed ego et quicumque sancti *scimus*, auctoritati quorum non est obnitendum, scimus utique *quoniam quæcunque loquitur lex*, id est psalmus iste, procul dubio *loquitur his qui sunt in lege*, id est Judæis; hoc nos scire dicimus, ut per hoc dictum *obstruatur omne os*. Judæo enim convicto non est qui repugnet, cum gentilem sub peccato non dubium sit ulli. Et sic convictis omnibus *subditus fiat omnis mundus*, tam in Judæis quam in gentilibus, *Deo*; id est confiteantur omnes per solam gratiam Dei se salvari. Et justum est ut omnis mundus subditus sit Deo, et nemo legi; *quoniam non justificabitur aliquis ex operibus legis coram Deo*, etsi in oculis hominum justus videatur. Sed *omnis* qui est in lege permanet ibi caro, id est carnalis. Vere nemo justificabitur ex operibus legis. *Nam per legem habetur cognitio peccati*, et non justificatio a peccatis. Quia si aliqui, ut Moyses et David, sub lege justificati sunt, non hoc habuerunt ex lege, sed per fidem Christi, quem Redemptorem credebant et expectabant. Sic omnes justii sub veteri lege non per legem, sed per Christum justificati sunt, quem credentes expectabant venturum.

Nota: in prima conditione hominis, homo superbiendo **23** cecidit; quem Deus diu exspectavit, ut, si posset, per naturalem intellectum resurgeret. Ad quod postquam homo se inefficacem comperit, dixit quia, si legem haberet, per quam mala a bonis, et e converso bona a malis discerneret, sic tandem resurgere posset. Deus autem, ut hominem ubique per se impotentem ostenderet, dedit legem qua bona a malis discernere posset; nec tamen sic liberari potuit. Deus utique sic futurum de homine bene cognoverat, sed pro voto hominis et naturalem intellectum dimisit, et postea legem indulsit, ut, per hæc concessa non liberatus, crederet se nihil esse per se, et sic ad gratiam Dei confugeret, quam Deus post naturalem intellectum, post legem, quæ ad justificationem non sufficiebant, convenienter indulsit, postquam jam nec putari poterat aliud genus salvationis. Et quia per legem sola cognitio peccati, igitur *nunc* tandem hoc ostenso, *manifesta justitia est Dei sine lege*, id est apertum est Deum justificare credentes, per solam gratiam sine omni lege. Illud autem illativum est: quæ justitia Dei *testificata est per gratiam fieri, a lege Moysi et a cæteris prophetis*. Probato quod justitia Dei fiat sine lege, subjungit per quæ fiat: per fidem scilicet, et per effusionem sanguinis Christi, dicens: Justitia Dei non fit per legem, sed fit *per fidem Jesu Christi in omnes illos qui credunt*. Quicumque enim in Christum credit, justificabitur a peccatis, et etiam super omnes; quia justificatus nunquam tantum mereri potest, quin gratia Dei meritum ejus retribuendo superet. Vere omnes justificantur per fidem. *Nam non est distinctio*, ut hic justificetur per meritum,

hic per gratiam, propterea non est distinctio, quia omnes, tam Judæi quam gentiles, peccaverunt, ut supra ostensum est; et ideo omnes egent gloria Dei. id est justificari per Deum: in qua re gloriosus apparet Deus.

Egebant utique gloria Dei, quia justificati sunt gratia sine merito eorum; per gratiam ipsius, id est per effusionem sancti Spiritus, cujus gratia data est per præcedentem redemptionem, quæ est in Christo Jesu, id est per datum prætium sanguinis Christi: quem Jesum Deus Pater proposuit, id est in propatulo hominem factum mundo exposuit propitiatorem. In Christo enim Deus propitiatus est mundo per fidem, id est his qui sanam fidem de Christo habent. Propitiatorem etiam in sanguine ipsius Christi; quia nec fides sine effusione sanguinis, nec sanguis sine fide ad salutem proficeret. Deus utique sic proposuit Christum ad ostensionem justitiæ, id est, ut ostenderet se justum et veracem, propter remissionem delictorum præcedentium, id est, ut remitteret delicta Abrahæ et justorum, præcedentia in sustentatione Dei. Deus enim delicta eorum cum fierent patienter sustinuit, donec in tempore gratiæ purgaret illos ab eis. Proposuit etiam Deus Christum propitiatorem ad ostensionem justitiæ, id est, justificationis ejus, scilicet, ut in hoc tempore gratiæ omnibus satis ostensum esset; cum neque naturalis intellectus, neque lex data a vinculo peccati liberaret, quod solus Deus justificare posset. Hoc, inquam, ostenderet ut sit Deus ipse justus, id est, verax in completionem promissorum; et ut sit justificans omnem eum a peccatis qui est ex fide Jesu Christi. Quandoquidem (ut supra probatum est) omnis justitia per fidem est, et in omnes. Non enim distinguitur Judæus a gentili, cum omnes æque peccaverint; ergo, o Judæe, ubi est tua gloriatio? Non tibi relinquitur unde jam glorieris in lege, cum per legem nulla sit justificatio, sed omnis per fidem. Propterea exclusa, id est ablata est tua gloriatio, qua per legem te præferebas gentili. Sed per quam legem exclusa est gloriatio tuæ legis? An per similem legem factorum ablata est? Lex vetus erat lex factorum; quia similiter necesse erat in ea operari immolando, cæteros ritus carnales observando, velut in agro aut vinea. Quia si Deus huic legi factorum aliam similem legem superinduceret, videretur incongruum et indifferens, ut per facta facta repelleret. Ideo ait non per legem factorum exclusa est gloria tua; sed per legem fidei, id est per fidem justificantem, cujus fidei lex est Evangelium. Vere per fidem excluditur gloriatio tua: nam fides sola justificat, sine omni opere legis. Et huic loco inserit auctoritatem, dicens: Ego et justi mecum arbitramur justificari hominem per solam fidem sine operibus legis, id est licet nulla præcesserint opera legis, sola tamen fides sufficit ad hominis justificationem.

Diceret Judæus: Concedo per fidem justificari, sed solos Judæos. Contra hoc Paulus: Non est credendum quod Deus Judæos solos per fidem justificet.

PATROL. CLIII.

An enim Deus creator est tantum Judæorum? Nonne sicut Judæorum ita et gentium creator est? Non solum Judæorum, imo etiam gentium Deus est. Quia si æque gentiles creavit ut Judæos, constat Deum utrosque velle æqualiter salvare. Vere qui Deus est Judæorum, est Deus gentium; quoniam quidem unus est Deus omnium. Quia si unus tantum est Deus, constat eundem esse Deum gentium quem et Judæorum. Quandoquidem unus gentium et Judæorum est Creator, constat quod hic unus idem est, qui justificavit circumcisionem, id est Judæos ex fide, et non per legem, et qui justificavit præputium, id est gentiles similiter per fidem. Hi qui insidiantur litteræ, dicunt quiddam expressius notari, per hoc quod ait ex fide, quam ubi ait per fidem. Vult enim designare dicens ex fide, quod nec etiam aliquod initium justificationis habuerint Judæi nisi ex fide. De gentibus vero quia nulla erat dubietas, non sic expressit. Sed Augustinus dicit æquipollere ex fide et per fidem, cum alibi dicat Apostolus Judæos per fidem, gentiles ex fide justificari. Et quia dicimus per fidem solam justificari sine operibus legis, ergo, id est an propter hoc destruimus legem per fidem inductam? Absit hoc ut fides legem destruat! Nos utique non destruimus, sed potius statuimus, id est stabilem et valentem comprobamus fuisse legem. Nisi enim fides sequeretur quæ justificaret, pro certo lex vetus irrita esset; quia neque res, neque figura flectet. Sed modo valens esse probatur, per hoc quod figuravit gratiam, quæ sic justificaret per fidem. Vult etiam comprobare per exemplum Abrahæ quod lex justificare non possit, et ad hoc fides sola sufficiat, qui priusquam legem circumcisionis haberet, per fidem solam justificatus est, dicens.

CAPUT IV.

Quid ergo dicemus invenisse Abraham patrem nostrum secundum carnem? Si enim Abraham ex operibus legis justificatus est, habet gloriam, sed non apud Deum. Quid enim Scriptura dicit? Creditur Abraham Deo, et reputatum est illi ad justitiam (Gen. xv, 6; Galat. iii, 6; Jac. ii, 23). Ei autem qui operatur merces non imputatur secundum gratiam, sed secundum debitum. Ei vero qui non operatur, credenti autem in eum qui justificat impium, reputatur fides ejus ad justitiam secundum propositum gratiæ Dei; sicut et David dicit beatitudinem hominis, cui Deus accepto fert justitiam sine operibus: Beati quorum remissæ sunt iniquitates et quorum tecta sunt peccata. Beatus vir cui non imputavit Dominus peccatum (Psal. xxxi, 1). Beatitudo ergo hæc in circumcissione tantum manet, an etiam in præputio? Dicimus enim quia reputata est Abrahæ fides ad justitiam. Quomodo ergo reputata est, in circumcissione, an in præputio? Non in circumcissione, sed in præputio. Et signum accepit circumcisionis signaculum justitiæ fidei quæ est in præputio, ut sit pater omnium credentium per præputium, ut reputetur et illis ad justitiam. Et sic [alias, ut]

• pater circumcisionis, non his tantum qui sunt ex
 • circumcissione, sed et his qui sectantur vestigia
 • fidei, quæ est in præputio patris nostri Abraham.
 • Non enim per legem promissio Abraham, aut se-
 • mini ejus, ut hæres esset mundi, sed per justitiam
 • fidei. Si enim qui ex lege **25** hæredes sunt, exina-
 • nita est fides, abolita est promissio. Lex enim iram
 • operatur. Ubi enim non est lex, nec prævaricatio.
 • Ideo ex fide ut secundum gratiam firma sit pro-
 • missio omni semini : non ei qui ex lege est solum,
 • sed et ei qui ex fide est Abraham, qui pater est
 • omnium nostrum : sicut scriptum est : « Quia pa-
 • trem multarum gentium posui te (*Gen. xvii, 5*), »
 • ante Deum cui credidisti : qui vivificat mortuos,
 • et vocat ea quæ non sunt, tanquam ea quæ sunt :
 • Qui contra spem in spem credidit, ut fieret pater
 • multarum gentium secundum quod dictum est ei :
 • Sic erit semen tuum, sicut stellæ cœli, et tanquam
 • arena maris (*Gen. xiii, 15*). » Et non infirmatus
 • est in fide, nec consideravit corpus suum emor-
 • tuum : cum jam fere centum esset annorum, et
 • emortuam vulvam Saræ. In repromissione etiam
 • Dei non hæsitavit diffidentia, sed confortatus ex
 • fide dans gloriam Deo, plenissime sciens quia
 • quæcumque promissit Deus, potens est et facere,
 • ideo et reputatum est illi ad justitiam. Non est
 • autem scriptum tantum propter ipsum, quia re-
 • putatum est illi ad justitiam, sed et propter nos,
 • quibus reputabitur credentibus in eum. Qui sus-
 • citavit Jesum Christum Dominum nostrum a
 • mortuis. Qui traditus est propter delicta nostra, et
 • resurrexit propter justificationem nostram. »

EXPOSITIO.

Quoniam quidem ex operibus legis nulla justifica-
 tio, sed per fidem tantum, ergo quid dicemus? Abra-
 ham patrem nostrum sic gentium ut Judæorum se-
 cundum fidem invenisse secundum carnem, id est se-
 cundum carnalis legis observantiam? Vel ita : Quid
 dicemus invenisse ex carnis circumcissione Abraham
 patrem nostrum, id est Judæorum, secundum car-
 nem, id est secundum propaginem carnis; qui om-
 nium credentium pater est secundum institutionem
 fidei? Nullam utique justificationem ex operibus le-
 gis invenit Abraham : quod ita probat, per quoddam
 inconveniens. Vere Abraham non est justificatus per
 legem. Nam si justificatus esse credatur ex operibus
 legis, habet quidem gloriam apud homines, sed non
 apud Deum gloriosus est, quia nec in conspectu ejus
 justificatus est, quod impossibile est ut quilibet ju-
 stificatus apud Deum sit ingloriosus. Vel ita : si
 Abraham justificatus est ex lege, habet inde refe-
 rendam gloriam meritis suis, sed non apud Deum,
 id est non esse hoc referendum gratiæ Dei : sed de-
 rogare gratiæ Dei, et derogantem justificari qui in-
 justus est, simul esse non possunt. Probavit per le-
 gem non posse justificari, per præmissum inconve-
 niens probat per fidem justificari, per sequentem
 auctoritatem, dicens : Impossibile est ex operibus
 legis justificari, sed fides justificat, teste Scriptura.

A Quid enim Scriptura dicit? Hoc scilicet, Abraham
 credidit Deo, et illud credere reputatum est ei ad ju-
 stitiam, id est per fidem qua Deo credidit, meruit
 justificari. Reputatum est, ideo dicit, quia multo-
 ties et diversis temporibus repromissit hoc illi
 Deus, et nulla vice Abraham hæsitavit, sed semper
 credidit. Quia dixit de Abraham, eum scilicet justi-
 ficatum per fidem, et non per opera legis, adaptat
 omnibus dicens : Non soli Abraham hoc fit, nihil sci-
 licet justificationis invenire ex operibus legis, sed
 etiam omni ei qui operatur, id est qui legem operum,
 id est veterem, et non gratiam sequitur : illi non
 computatur merces secundum gratiam, id est iste
 quærit remunerari non per gratiam Dei, sed secun-
 dum debitum, id est secundum quod meritis operum
 B suorum debetur. Ei vero qui non operatur, id est qui
 legem operum non sequitur, sed credenti in eum qui
 justificat impium, id est qui ex impio, si credidit, fa-
 cit justum, fides, inquam, ejus credentis reputatur
 illi ad justitiam : quia justificatur sine omni me-
 rito : per solam fidem, sicut supra ostensum est in
 Abraham. Vel aliter : Licet dixerim per fidem solam
 sine lege justificari, tamen ei qui operatur, id est
 qui tempus habet operandi, non est vacandum otio,
 sed bene operando credentium est venienti gratiæ.
 Non enim talibus qui ætatem operandi habent impu-
 tatur merces ; sed fit retributio, non gratia tantum,
 sed secundum debitum, id est sic debent mereri, **26**
 ut per meritum adjuvent gratiam. Ei vero qui non
 operatur, id est qui non habet tempus operandi ut
 C pueri statim morientes, sed credenti in eum qui per
 fidem justificat impium, illi reputatur fides ejus ad
 justitiam, id est sola fides sufficit ad justificationem
 ejus, cui tenera ætas opera negavit.

Sicut superius probavit per exemplum Abraham,
 omnem credentem justificari per fidem, ita hic pro-
 bare incipit per auctoritatem David, omnem justifi-
 cationem esse ex gratia. Sicut enim fides per gra-
 tiam, ita justitia ex sola gratia Dei habetur. Unde
 sic ait : « Fides reputatur omni credenti ad justiti-
 am : » quæ justitia est secundum propositum gratiæ
 Dei, id est omnis justificatio fit per gratiam Dei :
 quæ gratia proposita et præparata est omni credenti.
 Justitia utique fit per gratiam Dei, sicut non ego
 solus, sed et David dicit : hoc, scilicet ejus hominis
 D esse beatitudinem, id est vitæ hujus munditiam, et
 in futuro vitam æternam; cui Deus accepto, id est
 acceptabili Deo : vel cui Deus accepto, id est gratis
 sine merito fert justitiam, id est quem Deus ex gratia
 justificat, sine operibus justificationem promerenti-
 bus. Hoc utique ait David ita dicens (*Psal. xxxi,*
 1) : Beati sunt illi quorum iniquitates remissæ sunt.
 Non determinat per quem, sed sequens versus innuit
 a Domino has remitti. Illi utique sunt beati : iniqui-
 tates quorum, id est in quibus naturalis fomes pec-
 cati remissus et debilitatus est, quod jam in actum
 transire non potest, si velint uti libero arbitrio con-
 confortato. Sed quia remissum esse fomitem peccati
 non sufficeret ad salutem, nisi præterea peccata di-

mitterentur, addit *Et beati sunt illi, peccata quorum actualia tecta sunt in baptismo* Tecta ideo : quia Deus jam non videt ad puniendum. *Beatus etiam est ille cui Dominus non imputavit peccatum originale.* Hic non multum videtur agere de gratia. Sciendum tamen est quod totus psalmus versatur circa commendationem gratiæ Dei, et probat neminem posse justificari nisi per gratiam. Quoniam quidem ita legitur in David : *Ergo per auctoritatem hanc constat quod beatitudo, id est justificatio (sicut dictum est) fit per gratiam.* Sed cum sic fiat, videamus an hæc beatitudo maneat in circumcissione, id est in Judæis tantum : an sicut in Judæis, sic etiam in præputio, id est in gentilibus. Vult iterum probare per Abraham qui, priusquam circumcideretur, per fidem justificatus fuit, sic gentiles per gratiam justificari, ut Judæos, dicens : *Ideo quero an in circumcissione solum, an in præputio maneat hæc justificatio : quia nos dicimus quod fides Abraham reputata est ei ad justitiam, id est quod Abraham per fidem justificatus sit : et cum per fidem justificatus sit, ergo dicendum restat quomodo, id est in quo statu reputata est ei fides ad justitiam, an in circumcissione, an priusquam circumcideretur, dum adhuc esset in præputio, id est in gentilitate? Quero in quo statu, sed palam est quia in circumcissionis tempore non est justificatus per fidem, sed dum adhuc maneret in præputio. Quia si Abraham incircumciscus adhuc per fidem justificatus est, quare similiter gentiles incircumcisi non justificentur si fidem habeant? Oponeret iterum Judæus : Si circumcisio nihil ad justificationem Abraham profuit, quare postquam justificatus est se circumcidit? Opportune, inquam, ut veritatem rei quam habebat occultam in anima, figuraret in carne : intendens magis docere circumcissionem cordis quam carnis, quod æquipollenter ait. Et licet Abraham in præputio justificatus sit, tamen postea accepit in carne signum circumcissionis et justificationis habitæ, non ut per circumcissionem justificaretur, sed ut sic ostenderetur justus. Signum dico non apertum omnibus, sed signaculum, quod quiddam occultum contineret : a similitudine coræ cui imprimitur sigillum, quæ in se continet quod extra non apparet. Sic circumcisio carnis signum quidem erat interioris justitiæ, quod vix aliqui Judæi sane attendebant. Signaculum dico justitiæ fidei, id est justificationis habitæ 27 per fidem, quæ fides et quæ justitia est in præputio, id est consideratur in Abraham tempore præputii, et convenienter in eo statu Abraham justificatus est, ut ita sit pater, id est institutor secundum formam fidei, non solum Judæorum, sed et omnium credentium; sit, inquam, pater fidei omnium per præputium, id est per fidem in tempore præputii habitam. Et quemadmodum illi, sic illis omnibus credentibus reputetur credere suum ad justitiam. Et sicut Abraham pater est fidei, ita sit pater, id est institutor, circumcissionis, id est justificationis, quæ ex fide consequitur. Sit pater dico non his tantum qui sunt ex circum-*

sione carnis, id est Judæis, sed etiam omnibus his qui sectantur vestigia fidei Abraham, exemplo illius bene operando per fidem, quæ fides est habitata in tempore præputii, patris nostri Abraham. Vere Abraham pater erit omnium credentium, non per legem sed per fidem. Nam hujus rei promissio, scilicet, ut esset hæres mundi, quod idem est quod esse patrem omnium gentium : hæc, inquam, promissio non est facta per legem, id est merito legis, sed merito fidei : quod si non est promissum per legem, nec impleri debet per legem; quod sic ait : *Promisit quidem Deus Abraham aut semini ejus, id est Christo, ut esset hæres mundi; ubi dictum est : Dabo gentes hæreditatem tuam (Gen. xvii), etc.* Hoc, inquam, non promisit per legem, sed per justitiam fidei, id est quæ justitia ex fide sequitur, quam fidem et justitiam fidei oportet habere omnes, qui se volunt annumerari in hæreditatem Christi : Abraham autem fidem in se habuit, et justitiam quam oportet imitari filios ejus. Vere per legem non sit promissio : quia si tantum qui sunt ex lege, id est Judæi, sunt hæredes promissionis Abraham, ergo fides Christi est exinanita, id est inanis est, et frustra recepistis eam, o Judæi, si lex sufficiebat vobis, ut hæredes essetis : quod maximum inconveniens judicatis vosipsi, ut fides Christi frustra sit. Nec hoc solum est, sed etiam si Judæi solum hæredes sunt, sic abolita, id est deleta, est promissio et falsa : quod dictum est : *In semine tuo benedicentur omnes gentes (Gen. xvii), cum in solis Judæis hæc benedictio fiat.* Vere qui ex lege sunt tantum, non merentur hæreditatem. Nam lex operatur et meretur solummodo iram : quia si qui sub lege bene operati sunt, per fidem hoc fuit, et non per legem. Vere lex operatur iram; nam prævaricationem, et vere prævaricationem : nam si ubi non est lex, non est prævaricatio, et ubicunque est prævaricatio, ibi lex est. Propter supradicta qui ex lege sunt, hæredes non erunt : sed ideo qui ex fide sunt, hæredes erunt, ut promissio facta et implenda secundum gratiam firma sit omni semini, id est, omni imitanti Abraham per fidem : non ei solum qui ex lege est, id est Judæo, sed etiam omni ei qui est ex fide Abraham, id est, qui per fidem sequitur Abraham : qui Abraham est pater omnium nostrum, tam gentilium quam Judæorum, secundum formam fidei et justitiæ. Pater utique omnium est, sicut scriptum est in Genesi. Illud quia ad ordinem litteræ de qua sumptum est, respicit : hoc, inquam, scriptum est : *Ego disposui te, Abraham, futurum patrem secundum institutionem fidei multarum gentium : te dico per justitiam factum ante Deum, id est, in beneplacito Dei cui credidisti.*

Hinc sequuntur verba Pauli : *Qui Deus mortuos peccato vivere facit, justificatos per fidem : nec tantum vivificat, sed etiam per gratiam vocat ea quæ non sunt, id est gentiles, qui propter non habitam legem nihil esse videntur : tanquam ea quæ sunt, tñ est, quemadmodum vocat Judæos qui se solos esse per legem gloriantur. Probavit superius per Abra-*

ham omnem justificationem esse ex fide : ut autem A in plenitudine fidei perfecte imitemur Abraham, determinat qualitatem fidei Abrahæ : ut sicut quæcunque secundum visum hominum impossibilia credidit sibi per Deum impleri, sic et nos de potentia Dei non hæsitemus, oppositæ ei legem naturæ. Unde sic ait : Abrahæ **28** dictum est : *Posuit te patrem multarum gentium : qui Abraham credidit, contra spem in spem*, posset dicere contra opinionem. Spes Domini certa exspectatio rei futuræ dicitur ; sed congrue dixit *contra spem*, quia secundum legem naturæ visa annositate sua et sterilitate uxoris, certissime sperabat non jam se habiturum semen : sed contra spem, quam sibi lex naturæ porrigebat, credidit in spem, quam, fracto jure naturæ, omnipotentia Dei suggerebat. Credidit utique hoc *ut fieret pater multarum gentium* : de quo secundum hominem satis ambigere posset, cum videret se unius tantum filii procreatorem. Credidit, inquam, illud totum *quod dictum est ei*, id est credidit se patrem futurum multorum, non solum secundum propaginem carnis, sed secundum imitam formam fidei. Hoc, inquam, dictum est ei : *Sie erit semen tuum, Abraham, sicut stellæ cœli, et sicut arena maris (Gen. xv, 5)*. Per stellas cœli, spirituales filios Abrahæ, luce virtutum conspicuos, significat. Per arenam maris, infructuosos carnales filios. Sic promissum est Abrahæ, et accepta hac promissione quandiu differebatur, propterea *non est infirmatus in fide* : ut minus crederet firmæ promissioni sibi factæ ; utque firmus in fide promissæ rei perduraret, *non consideravit corpus suum mortuum*, id est non pensavit naturalem defectum generandi posse immutare voluntatem Dei, *cum esset fere centum annorum*, et tempus generandi jam in eo præterisset. Et non consideravit *vulvam Saræ mortuam*, id est genitalia uxoris defecisse, et vitio sterilitatis et annorum antiquitate. Non est infirmatus in fide primæ promissionis : in repromissione etiam Dei, quia Deus multoties idem ipsi repromisit. In repromissione utique illa, qua Deus, priusquam finiretur annus, se daturum filium promittebat, in hac utique *non hæsitavit diffidentia*. Hæsitavit quidem admirando et revolvendo secum mysterium rei, sed non hæsitavit per diffidentiam, ut diffideret non implendum sibi totum quod Deus promiserat, *sed confortatus est fide*. Cum enim posset oblicere rem toties promissam, diu sustinendo : Dubium ne mora facit, fortior in credulitate rei promissæ surrexit : *dans inde gloriam Deo* : nihil meritis suis de bono hujus promissionis ascribens : sed in omnibus glorificans Deum, *sciens hoc plenissime*, sine omni hæsitatione : *quia quæcunque promisit Deus, potens est etiam facere, juxta omnem modum quem promisit*. Et ideo quia sciens promissis Dei plenissime fidem adhibuit, non solum completum est ei promissum, quia sic credidit, sed etiam *reputatum est illi ad justitiam*, id est merito tantæ fidei meruit justificari. Quia modo satis modum fidei Abrahæ expres-

serat, quæ de eo dixit adaptat suæ intentioni, dicens : Quia sic credidit Abraham, ideo justificatus est. Hoc tamen de Abraham non hic scriptum tantummodo propter ipsum Abraham, de tanta fide laudandum. Hoc, scilicet, quia reputatum est illi ad justitiam : sed etiam scriptum propter nos, in fide Abrahæ conformandos, quibus credentibus credere nostrum (sicut in illo videmus) nobis ad justitiam reputabitur. Credentibus dico in eum qui suscitavit Christum Jesum Dominum nostrum a mortuis, id est sicut Abraham, quod contra naturam erat, a Deo se accepturum credidit ; sic neque nos hæsitemus credere et confiteri, licet contra jus naturæ sit Christum surrexisse a mortuis. Qui enim auctor est naturæ, sicut placuit potuit eam invertere. Hæc duo quæ sequuntur : *traditus est ad mortem, et resurrexit propter justificationem*, ad probationem præmissorum necessaria non erant, sed ad instructionem Romanorum vidit ea opportuna, et ideo subjunxit : *Qui traditus est* : non determinat ad quid, sed satis patet quia ad mortem. Et hoc propter *æliæ nostræ*, id est, ut nos mundaret a delictis nostris, qui etiam resurrexit propter justificationem nostram, id est, ut nos mundatos a delictis nostris, per positionem virtutum justos efficeret. **29** Non ideo, ait, mortuus est propter delicta nostra, resurrexit propter justificationem, quin mors ejus causa sit nostræ justitiæ, et resurrectio causa remissionis peccatorum. Sed ideo ait resurrexit, propter justificationem, ut ostenderet resurrectionem ejus sic esse causam nostræ justificationis, ut esset signum rei futuræ in nobis : duplicis scilicet resurrectionis. Prima est, qua in baptismo a morte peccati resurgimus, ad vivendum in justitia. Hæc autem resurrectio animæ, quæ prius mortua in peccatis, nunc autem confortato libero arbitrio potest obniti omni malæ suggestioni, Deumque cognoscit. Secunda resurrectio est futura secundum corpus : quando, impassibilitate et immortalitate resumpta, conregnabimus Christo, si prima resurrectio integre fuerit custodita, quæ resurrectio Christi et Pentecostes, quæ de eadem resurrectione pendet, ideo variis temporibus celebrantur, quia adhuc ventura præsignant, nec solum de præteritis agunt, ut festum Nativitatis.

CAPUT V.

Justificati igitur ex fide, pacem habeamus ad Deum per Dominum nostrum Jesum Christum : per quem habemus accessum per fidem in gratiam istam in qua stamus, et gloriamur in spe gloriæ filiorum Dei. Non solum autem, sed etiam gloriamur in tribulationibus : scientes quod tribulatio patientiam operatur, patientia autem probationem, probatio vero spem. Spes autem non confundit : quia charitas Dei diffusa est in cordibus nostris, per Spiritum sanctum qui datus est nobis. Ut quid enim Christus, cum adhuc infirmi essemus, secundum tempus pro impiis mortuus est ? Vix enim pro justo quis moritur. Nam pro

• bene forsitan quis audeat mori? Commendat autem
 • tem charitatem suam Deus in nobis, quoniam,
 • si cum adhuc peccatores essemus secundum tem-
 • pus, Christus pro nobis mortuus est, multo igitur
 • magis nunc justificati in sanguine ipsius, salvi
 • erimus ab ira per ipsum. Si enim cum inimici
 • essemus, reconciliati sumus Deo per mortem Filii
 • ejus, multo magis reconciliati salvi erimus in
 • vita ipsius. Non solum autem, sed et gloriamur
 • in Deo per Dominum nostrum Jesum Christum,
 • per quem nunc reconciliationem accepimus. Pro-
 • pterea sicut per unum hominem peccatum in
 • hunc mundum intravit, et per peccatum mors; et
 • ita in omnes homines mors pertransiit, in quo
 • omnes peccaverunt. Usque ad legem enim pecca-
 • tum erat in mundo. Peccatum autem non impu-
 • tabatur, cum lex non esset: sed regnavit mors
 • ab Adam usque ad Moysen, etiam in eos qui non
 • peccaverunt in similitudinem prævaricationis Adæ,
 • qui est forma futuri. Sed non sicut delictum, ita
 • et donum. Si enim illius delicto multi mortui
 • sunt, multo magis gratia Dei et donum in gratia
 • unius hominis Jesu Christi in plures [homines]
 • abundavit: et non sicut per unum peccatum [de-
 • lictum]: ita et donum. Nam judicium ex uno in
 • condemnationem, gratia autem ex multis delictis
 • in justificationem. Si enim in unius delicto mors
 • regnavit per unum, multo magis abundantiam
 • gratiæ et donationis et justitiæ accipientes, in vita
 • regnabunt per unum Jesum Christum. Igitur sicut
 • per unius delictum in omnes homines in condem-
 • nationem, sic et per unius justitiam in omnes
 • homines in justificationem vitæ. Sicut enim per
 • inobedientiam unius hominis, peccatores consti-
 • tuti sunt multi, ita et per unius [hominis] obe-
 • dientiam justii constituentur multi. Lex autem
 • subintravit, ut abundaret delictum; ubi autem
 • abundavit delictum, superabundavit et gratia, ut
 • sicut regnavit peccatum in mortem, ita et gratia
 • regnet per justitiam in vitam æternam, per Jesum
 • Christum Dominum nostrum. »

EXPOSITIO.

Quandoquidem sufficienter ex superioribus probatum est omnem justificationem esse ex fide; igitur justificati ex fide, habemus pacem, id est concordiam inter nos: ut neque Judæus gentili, nec gentilis Judæo in hac nova gratia se præferat. Ut autem magis eos et a discordia deterreat, et ad concordiam inducat, ait. *Habemus pacem ad Deum.* Si enim inter nos discordes fuerimus, ad Deum utique pacem non habemus. Habemus dico pacem per Dominum **30** nostrum Jesum Christum, cui in omnibus obedire debemus: qui tradi voluit ad mortem propter delicta nostra, etc. *Per quem* Christum non solum delicta dimissa sunt, vita et justitia data, sed etiam habemus gratiam istam, id est tam excellentem, ut depellere morbos facereque miracula. Sed ne Judæi opinarentur per meritum legis aliquem gradum habere in hanc gratiam, ait

A Paulus: *Per quem*, Christum, etiam accessum, id est primum gradum veniendi ad hanc gratiam, habemus: quam gratiam consequimur per fidem, sicut justificationem, quia et fides justificat; et fides gratiam hanc dat in qua gratia nos stamus, id est perseveramus. Adæ quidem multa gratia collata est, sed in ea non stetit. Et stando in hac gratia gloriamur in spe gloriæ filiorum, id est ex eo quia certissime speramus nos habituros gloriam quam habent filii Dei; non solum autem, spe hujus gloriæ, sed etiam gloriamur in tribulationibus. Hæc est maxima virtus, in hoc gaudere quod naturale est formidare: ideo in tribulationibus gloriamur, quia scientes sumus quod tribulatio patientiam operatur, id est quia usus et consuetudo tribulationum nutrit patientiam. Patientia autem operatur probationem, id est purgationem; quia sicut aurum purgatur per ignem, sic quod in istis purgandum est igne tribulationis excoquitur: unde eos qui in tribulatione vitam finiunt, sanctos sine aliqua hæsitatione confidimus, quia quicquid prius peccaverunt, ignis tribulationis totum excoxit. Eos vero qui in pace vitam finiunt, quantumcunque laudabiliter vixerint (nemo enim sine sarde est) sine certa miraculorum ostensione, in catalogo sanctorum non annumeramus. Probatio vero operatur spem; certissime enim sperare potest, qui sufficienter purgatus est. Spes autem sic post purgationem habita non confundit, id est, non facit erubescere eos qui sperant, quos faceret confusibiles si inexplata esset. Vere spes non confundit, sed implebitur, quod certum habemus per Spiritum sanctum qui datus est nobis. Spiritus enim sanctus, jam nos ex parte deificans, certitudinem dat: quia nos plenarie deificabimur in futuro, illuminati secundum animam majori cognitione Dei, et secundum corpus incorruptibiles futuri. Quia Spiritus sanctus datus sit nobis apparet ex eo, quia charitas Dei diffusa est in cordibus nostris, id est quia dilectio Dei amplificata est in cordibus nostris, quia parati sumus pro eo et pati et mori. Vel aliter: vere non confundit, sed implebitur: quod patet ex eo, quia charitas Dei diffusa est, id est, quia Deus abunde diligit nos, et quia charitas Dei adeo ferveat erga nos. Hoc sentimus in cordibus nostris illuminatis per Spiritum sanctum qui datus est nobis. Probat quod spes (sicut dictum est) impleatur, diversis de causis: tum quia si non impleretur, frustra Deus homo esset factus, mortem gustasset, nisi spem consummando quod cœperat pie perficeret. Tum etiam ideo, si cum impii essemus et damnationis meritum esset in nobis tantum, quid facere voluit ut pro nobis, impiis, difficultatem mortis subiret, non est ambigendum quin nos, jam justificatos et jam meritum salvationis prætententes, salvos faciat: quod facile est ei, quia non oportet eum amplius mori. Unde sic ait: Vere spes non confundit, sed implebitur, quia nisi sicut speramus consummaremur: *Ut quid* Christus mortuus est justus pro impiis? Vel vice

impiorum, quia impij mori deberent pro peccato suo, vel causa impiorum redimendorum. Diceret aliquis quia mortuus est, ideo non potest. Mortuus dico secundum tempus; die enim tertia surrexit. Iterum adversarius: impij quidem fueratis, sed jam tempore mortis ejus justificati: *impiis dico ita cum adhuc tempore mortis suæ infirmi essemus*, id est, in impietate perduravimus. Frustra justus mortuus est pro impiis, si justificatos salvare deserit. Non est credendum quod inexpectum dimittat, pro quo tantam difficultatem subiit. Diceret aliquis: Fuitne adeo magnum **31** mori pro impiis? Ita inquam. *Vix enim quis*, id est aliquis, vel morte dignus, vel cito moriturus, *moritur pro justo*, id est, vel vice vel causa justii. Unde magnum quid esse constat Christum, qui respectu justitiæ suæ non moriturus erat, mori pro impiis? Ideo dico vix aliquem mori pro justo: *nam forsitan aliquis audeat mori pro bono*. Quia si dubitas est utrum quis moriatur pro bono, magnum fuit mori Christum pijs pro impio. Vix aliquis audeat mori pro justo; sed Christus pro nobis mortuus est, et per hoc commendabilem facit *Deus quam charitatem in nobis; quoniam si cum adhuc essemus peccatores, mortuus est Christus*, quod tam difficile et indebitum fuit, justus pro nobis peccatoribus; igitur, id est propterea, multo magis credendum est quod nos justificati nunc, qui prius peccatores eramus, *in sanguine ipsius*, id est per effusionem sanguinis ejus, *salvi erimus*, liberati ab ira per ipsum, quem amplius non oportet a statu suo mutari, uti quando pro peccatoribus mortem subiit. Et quia possemus justificari, nec tamen pacem perditam recuperare cum Deo, ait; Vere justificati salvi erimus, dum jam justificationis meritum prætenidimus, quia *cum inimici essemus*, et meritum damnationis haberemus, *sumus reconciliati Deo per rem tam gravem, ut mortem Filii ejus*. Etsi prius inimici, modo morte Filii ejus sumus reconciliati, multo magis credendum est quod nos reconciliati, et jam quodammodo salutem promeriti, *salvi erimus*. Et satis leviter salvabit nos; quia *in vita ipsius*. Non enim jam oportet eum mori, sicut prius. Considerandum est quomodoq; singula singulis opponat. Peccatores justificati, inimici reconciliati, per mortem in vita, *non solum salutem futuram expectamus, sed etiam spe et gaudio illius gloriamur in Deum*, etiam dum hic sumus; gloriamur, inquit, *per Dominum nostrum Jesum Christum, per quem nunc paulo ante accepimus inimici reconciliationem ad Deum*.

Opponeret aliquis: Christus quidem satis justus fuit, sed non videtur justitia ejus sufficiens ad salvationem omnium. Quod Apostolus probat, dicens: Cum per unius inobedientiam omnis homo lapsus sit, dignum et æque comparatum videtur, ut per unius obedientiam lapsus humani generis reparetur, per Jesum solum. Propterea reconciliari potuimus ad salvationem, sicut per unum hominem intravit, non immissum a Deo, sed quadam violentia peccatum in

mundum hunc, id est, adeo miserum per peccatum factum, et consequenter per peccatum unius hominis intravit mors, et corporalis et spiritalis in eundem hominem: *et ita ab eo pertransiit mors in omnes homines*. Et merito ab eo in omnes, quia hic fuit *in quo peccaverunt omnes*. In lumbis enim Adæ tota illa massa humani generis peccato prævaricationis corrupta est. Quidam protendant hunc versum, usque ad illud longe inferius: igitur sicut per unius, etc. Sed sicut exposuimus, satis abbreviari potest. Vere omnes peccaverunt in Adam, etsi ante legem fere ab omnibus hoc ignoraretur. *Peccatum enim erat in mundo* ab Adam usque ad legem. Sed licet ita esset, tamen hoc peccatum non imputabatur, id est, nemo reus pro originali judicabatur ante Moysen, *cum lex non esset*, quæ, postquam venit, peccatum hoc patefecit, vel dicamus in toto. Peccatum hoc quidem erat in mundo ante legem, sed ideo nesciebatur, quia nullum peccatum imputabatur, cum lex non esset. Et licet peccatum originale ante legem non imputaretur, tamen per hoc satis dignosci potest quia mors corporalis, quæ pœna fuit pro originali, illa regnavit præmittendo ante se omnes miseras suas, sitim, famem, febres, et cætera. *Regnavit*, inquam, *ab Adam usque ad Moysen*, non solum in eos qui originali peccato sua peccata adjunxerunt, sed etiam in eos qui non peccaverunt. In similitudinem prævaricationis Adæ, id est, qui ex parte sua non similiter prævaricati sunt, **32** at Adam, Hi sunt parvuli qui non habuere tempus peccandi, sed solummodo de originali sunt puniti. Qui Adam est forma futuri Adæ, id est Christi. Adam forma Christi fuit, quia, sicut ille pater est omnium secundum carnem, sic Christus pater fidelium secundum fidem. Et sicut ex latere Adæ dormientis formata est Eva, sic ex latere Christi soporati somno mortis in cruce fabricata est Ecclesia. Et ideo Adam forma Christi, quia Deus decrevit per unum Christum emendare, quod per unum Adam peccatum est. Vel sic legamus secundum Ambrosium: Vere omnes peccaverunt in Adam; nam originale peccatum erat in mundo usque ad legem. Sed licet in mundo esset, tamen non imputabatur illud peccatum; quia lex non esset quæ peccatum hoc insinueret; sed licet nesciretur hoc peccatum, tamen pro pœna hujus peccati regnavit mors ab Adam usque ad Moysen, non solum in eos qui de actualibus rebus peccaverunt, sed etiam in eos qui peccaverunt in similitudinem prævaricationis Adæ, id est qui pro sola similitudine: quia fuerunt filii prævaricatoris Adæ damnati sunt. Ostendit superius Christum unum sufficientem esse ad salvationem omnium, quia solus Adam sufficiens fuit ad perditionem omnium. Et sicut personam Christi personæ Adæ contulit, sic causam Christi, id est obedientiam, opponit causæ Adæ, quæ est inobedientia: et effectum causæ Christi, id est justificationem in præsentem; et vitam æternam in futuro, opponit effectui illius, id est morti temporali, et æternæ damnationi.

Probat etiam gratiam Christi longe amplius abundare peccato Adæ. Cum enim ab Adam originale tantum contraximus, gratia Christi non solum originale, sed cum eo quæcunque actualia dimisit in baptismo. Littera sic jungitur : Adam vetus forma fuit futuri Adæ; sed licet una persona uni esset opposita, tamen causæ sunt dissimiles. *Non enim sicut fuit delictum Adæ, ita est etiam donum Dei quæ est gratia.* Vere non sic fuit donum Christi, ut delictum Adæ: nam donum Christi multo magis abundavit super delictum Adæ, quia delictum unum fuit quod vocamus originale; Christus autem et originale et quæcunque actualia dimisit. Et probat: Vere solus Christus sufficiens fuit ad justificationem omnium. Nam si delicto, id est per delictum, unius Adæ, et per unum (quod in sequentibus plenius determinabit), id est per inobedientiam: si per hoc, inquit, unum delictum (quod originale vocamus) multi peccato mortui sunt, contrahentes illud originale a primo patre (multi non ideo dicit, quin omnes hoc peccato pressi sint, sed non omnes in eo perdurantes detenti sunt, deponentes illud originale per acceptam fidem Christi): si, inquit, per unum delictum unius, *multi mortui sunt, multo magis* secundum dignitatem personæ Christi et causæ, abundavit *gratia Dei*, id est remissio peccatorum. Abundavit etiam *donum*, id est corroboratio per Spiritum sanctum. Postquam enim remissa sunt peccata, necessaria sunt arma Spiritus sancti, quibus resistamus diabolo male suadenti. Gratia, inquit, et donum abundavit *in gratia*, id est per gratiam *unius hominis*. Congruè ait per gratiam: quia quemadmodum contractio originalis fuit per necessitatem, sic salvatio facta est per gratiam, id est per voluntatem. Nemo enim nisi ex voluntate salvatur. Sicut, inquit, delictum unius diffusum est in multos, sic æque comparatum est, quod gratia unius hominis *abundavit in plures*. Non dicit in plures gratiam abundasse, quam delictum, sed *in plures*, id est in multos. Non enim omnes salvati sunt, quia noluerunt. Unius hominis dico, qui nihil minus potuit quam voluit: nam *Jesu Christi*, id est salvatoris et regis. Sicut causas Christi et Adæ diversificavit, sic effectus causarum opponendo distinguit dicens: Sicut donum Christi tale non fuit, quale delictum Adæ; sic etiam *non sicut fit per unum peccatum Adæ, ita fit per donum Christi*, id est effectus peccati Adæ et gratiæ Christi diversi sunt: quia peccatum **33** simplex, donum vero multiplex. Et hoc probat dicens: Vere effectus peccati Adæ, et effectus gratiæ Dei non sunt similes. *Nam judicium*, id est justa sententia Dei *fit in condemnationem*, id est condemnat filios Adæ *ex uno delicto*, id est solummodo propter originale; sed *gratia Christi fit in justificationem*, id est justificat filios suos *ex multis delictis*, id est sic de actualibus ut de originali.

Notandum est quod illud primum peccatum debilitavit quidem naturam nostram, et prioniorem fecit in casum, sed tamen non fuit causa actualium

A peccatorum, quibus naturali ratione (licet multa parte debilitata) possemus resistere. Videndum etiam quod, licet in peccato Adæ multa considerentur, ut superbia, gula, tamen unum solum dicitur: quia inobedientia probat, quod gratia justificaverit *ex multis delictis*, dicens: Vere per gratiam Christi justificantur homines ex multis delictis. Nam accepta justitia (quod majus est) regnabant cum Christo in vita æterna, quod æquipollenter ait. Homines accipientes abundantiam gratiæ ejus, id est, abundantem remissionem, quia non solum originalis, sed etiam omnium actualium; et *accipientes abundantiam donationis*, id est, dona Spiritus sancti ad confortationem in bono abundantem; et accipientes abundantiam *justitiæ*, id est, justæ operationis: quia postquam dimissa sunt peccata et Spiritus sanctus corroborat, sic demum licet bene operari: hæc, inquam, accipientes *conregnabunt* Deo positi *in vita æterna*, quæ omnia, et gratiam, et donationem, et regnum, accipient *per unum Jesum Christum*. Et vere per hunc unum: *quia si* in delicto unius Adæ quod causa fuit perditionis, regnavit mors, et temporalis et æterna *per unum delictum*, id est, per inobedientiam, multo magis secundum dignitatem personæ, causæ et effectus, hi qui sunt accipientes abundantiam gratiæ, donationis et justitiæ, regnabunt in vita per unum Jesum Christum. Quoniam quidem et similitudo est ibi, quia Adam unus, Christus unus: et majoritas secundum dignitatem, quæ dicta est: igitur a simili, et a majori inferre possum, quod *sicut per delictum unius Adæ* (delictum dicto transiens in omnes homines) ventum est in condemnationem, sic et per justitiam unius Christi transeuntem *in omnes homines*, secundum potentiam (Christus enim sufficiens pretium pro omnibus dedit), per unius, inquit, justitiam ventum est *in justificationem vitæ*. Ostendit satis superius quod Christus potens esset, et restaurare sufficeret quidquid lapsus fuerat per Adam, sed non determinaverat quid in hac reparatione ageret, seu per potentiam, seu per meritum, quod hic determinat, dicens: Quia quemadmodum Adam male merendo per inobedientiam omnes præcipitavit, sic Christus bene merendo per obedientiam omnes redemit.

D Littera sic jungitur: Vere per delictum unius omnes condemnantur. Nam *per inobedientiam* et sicut per inobedientiam *unius hominis constituti sunt multi peccatores*, quia non omnes remanserunt in peccato, *ita et per obedientiam unius Christi* hoc promerentem, *constituentur multi justi*. Multi ideo, quia non omnes justificari voluerunt. Cum modo dicat Christum justificare homines a peccatis, dicit quod etiam transgressores legis a prævaricatione acceptæ legis justificat. Et hoc ideo adducit ut comprobet Judæos magis obnoxios esse gratiæ Dei, quam etiam gentiles, quibus se præferebant in hac nova gratia: quia gentiles de naturali solum rei erant, Judæi vero et de naturali et scriptæ legis prævaricatione rei erant. Littera sic jungitur: Obedientia Christi multos ju-

atificavit : lex autem delictum abundare fecit : lex, A
 inquit, subintravit, quia peccatum prius intraverat.
Intravit lex ad hoc ut abundaret delictum, non quia
 lex mala esset, sed quia sub illa erant quos reos faceret, 34
 jubendo, non adjuvando. Lex tribus modis
 habebatur in tempore suo. Quibusdam enim
 erat solummodo in signum, ut Abrahamæ : qui circum-
 ciscus est, non ut per hoc justificaretur, sed in
 signum justificationis jam acceptæ per fidem. Aliis
 lex erat pædagogus : ut quemadmodum puerum ne
 insolescat vagando pædagogi coercet custodia ; sic
 lex minando pœnam coercerat quosdam ab actu
 peccati. Aliis autem erat lex causa prævaricationis.
 In his autem duobus quibus lex in signum justitiæ
 vel pædagogus erat nihil operabatur : quia qui
 justii erant ut Abraham, per fidem hoc erant non
 per legem ; qui vero se timore coercerant a malo,
 non hoc per legem, sed per donum Spiritus sancti,
 id est per spiritum timoris faciebant. Aliis vero lex
 causa erat delicti, quia prævaricationis. Per legem
 delictum abundavit, sed per gratiam evacuatum est.
Ubiunque enim abundavit delictum, vel sub lege
 vel extra legem, *ibi gratia abundavit super delictum* :
 quia non solum remisit peccata, sed et juste ope-
 rari concessit. Quia iterum aliqui errabant ex eo
 quod dictum est gratiam superabundasse ubi fuit
 delictum, dicentes se impune opportune etiam pec-
 care, quia gratia Dei omnia dimitteret, et quanto
 plura, tanto gloriosior esset, determinat quidem
 Paulus gratiam Dei, quotquot peccata sint, in bap-
 tismo omnia dimittere, sed postquam justificati
 sunt, si iterum peccant, non sicut prius ex gratia,
 sed merito pœnitentiæ dimittentur peccata. Unde
 sic ait : Gratia utique Dei abundavit hac legè : *Ut
 sicut peccatum ante justificationem regnabat ducendo
 in mortem, ita et gratia*, postquam remisit peccata,
*regnet per acceptam justitiam bene conservatam,
 eundo in vitam æternam* : non jam amplius respi-
 ciendo ad iniquitatem. *Regnet dico, per Dominum
 nostrum Jesum Christum*, qui, postquam justificavit
 per gratiam, dat vitam æternam.

CAPUT VI,

« Quid ergo dicemus? Manebimus in peccato, ut
 gratia abundet? Absit! Qui enim mortui sumus pec-
 cato, quomodo adhuc vivemus in illo? An ignora- D
 tis, fratres, quia quicumque baptizati sumus in
 Christo Jesu, in morte ipsius baptizati sumus. Con-
 sepulti enim sumus cum illo per baptismum in mor-
 tem, ut quomodo Christus surrexit a mortuis per
 gloriam Patris, ita et nos in novitate vitæ ambu-
 lemus. Si enim complantati facti sumus similitu-
 dini mortis ejus, simul et resurrectionis erimus.
 Hoc scientes, quia vetus homo noster simul cruci-
 fixus est, ut destruat corpus peccati, et ultra
 non serviamus peccato. Qui enim mortuus est,
 justificatus est a peccato. Si autem mortui sumus
 cum Christo, credimus quia simul etiam vivemus
 cum Christo : scientes quod Christus resurgens ex
 mortuis, jam non moritur, mors illi ultra non do-
 minabitur. Quod enim mortuus est peccato, mor-

tuus est semel ; quod autem vivit, vivit Deo. Ita et
 vos existimate vos mortuos quidem esse peccato,
 viventes autem Deo in Christo Jesu. Non ergo re-
 gnet peccatum in vestro mortali corpore, ut obe-
 diatis concupiscentiis ejus. Sed neque exhibeatis
 membra vestra arma iniquitatis peccato : sed exhibe-
 bete vos Deo, tanquam ex mortuis viventes, et
 membra vestra arma justitiæ Deo. Peccatum enim
 vobis non dominabitur. Non enim sub lege estis,
 sed sub gratia. Quid ergo? Peccabimus, quoniam
 non sumus sub lege, sed sub gratia? Absit! An ne-
 scitis quoniam cui exhibetis vos servos ad obe-
 diendum, servi estis ejus cui obedistis, sive pec-
 cati ad mortem, sive obediuntis ad justitiam?
 Gratias autem Deo, quod fuistis servi peccati, obe-
 distis autem ex corde in eam formam doctrinæ,
 in qua traditi estis. Liberati autem a peccato, servi
 facti estis justitiæ. Humanum dico, propter infir-
 mitatem carnis vestræ. Sicut enim 35 exhibui-
 stis membra vestra servire immunditiæ et iniqui-
 tati ad iniquitatem, ita nunc exhibete mem-
 bra vestra servire justitiæ in sanctificationem. Cum
 enim servi essetis peccati, liberi fuistis justitiæ.
 Quem ergo fructum habuistis tunc in illis, in qui-
 bus nunc erubescitis? Nam finis illorum mors est.
 Nunc vero liberati a peccato, servi autem facti
 Deo, habetis fructum vestrum in sanctificationem,
 finem vero vitam æternam. Stipendia enim pec-
 cati, mors. Gratia autem Dei, vita æterna, in Christo
 Jesu Domino nostro. »

EXPOSITIO.

Quandoquidem gratia regnare debet per justitiam
 conservatam semper, donec veniat in vitam æternam,
 ergo quid dicemus? *Permanebimus iterum in
 peccato justificati jam per gratiam, ut abundet gratia,*
iterum remittendo gratis quæ iterum deliquimus?
Absit hoc, ut tam perversa intentione revertamur
 in peccatum! Hic incipit loqui de duplici resurre-
 ctione. Prima qua secundum animam justificamur
 in baptismo, quod baptisma consecravit nobis
 Christus in morte sua, fundendo aquam remissionis
 de latere suo ; insinuans nos debere commori sibi
 in baptismo : ut quemadmodum ille semel mortuus
 ad actus veteris hominis non est reversus, sic et
 nos semel justificati in baptismo, omnem vetusta-
 tem peccati ibidem interficientes, resurrectionem
 animæ (ibi enim justificata resurgit) custodiamus :
 ambulando in novitate vitæ, quia, si resurrectionem
 animæ in justitia conservaverimus, futuram resur-
 rectionem corporum cum Christo, in incorruptione
 profecto habebimus. Revertamur ad litteram, ubi
 probat non debere reverti ad peccatum, dicens :
 Vere semel justificatis non est ulterius permanen-
 dum in peccato. Nam nos qui in baptismo mortui
 sumus peccato, id est ad hoc ne ultra operemur
 peccatum : mortui dico secundum depositam vetu-
 statem peccati, quomodo, id est qua ratione nos
 qui sic commortui sumus Christo, adhuc vivemus,
 id est perseverabimus in illo peccato? Et vere non

amplius vivere debetis in peccato illo, quia an ignoratis vos quicumque baptizati sumus in Christo Jesu, id est per institutionem Christi, vel per Christum consecrantem nobis baptismum. Nos utique baptizati, id est abluti a peccatis sumus in mortem ipsius, id est in similitudinem mortis ejus, ut sicut ille semel mortuus est et semper vivit, ita et nos semel in baptismo peccatis moriamur, et in justificatione semper vivamus. Sicut probavit quod semel justificati iterum peccare non debemus, sic etiam probat quod a peccato nos bene continere possumus, dicens: Vere justificati potestatem habemus, si volumus, non peccandi. Nam nos consepulti sumus, non solum mortui cum Christo, in mortem per baptismum, quod quemadmodum Christus in sepulcro positus potestatem non habuit secundum carnem manum vel pedem extendere ad actus veteris hominis, sic et nobis, si volumus, in baptismo potestatem dedit jam amplius non revertendi ad vetustatem peccati. Ad hoc utique consepulti sumus, ut quomodo Christus surrexit a mortuis, non amplius resumpturus actum mortalitatis (surrexit dico, per gloriam Patri, id est per Verbum sibi unitum, vel propter magnificandam gloriam Patris), ita nos positi in novitate vitæ, id est in resurrectione animæ per baptismum justificatæ, ambulemus proficiendo in accepta novitate. Vere in novitate vitæ possumus ambulare. Nam nos sumus similes resurrectionis ejus, quia, quemadmodum Christus resurgens novus homo fuit, ita et nos per baptismum vetustate peccati deposita, in novitate bonorum operum novi homines simus. Et vere similes resurrectionis erimus, si complantati sumus; nec per nos hoc potest fieri, sed per gratiam Dei facti complantati similitudini mortis ejus, id est si commortui fuerimus Christo, ea 36 similitudine, ut sicut ille semel depositis miseris veteris hominis, ad illas ultra non rediit, sic et nos, in baptismo semel deposita vetustate peccati, ad illud ultra non regrediamur. Si enim sic complantati sumus similitudini mortis ejus, simul etiam merito unitate mortis erimus complantati similitudinem resurrectionis ejus, in novitate operum proficientes. Complantati ab illa similitudine dictum est, qua ramus bonæ arboris, trunco malæ arboris inseritur, fructusque novos ibidem facit; sic et novitas justificationis inserta trunco nostræ vetustatis, extincto sapore veteri, fructus faciat insertæ novitatis. Similes utique mortis Christi debemus fieri: Scientes hoc quia vetus homo noster simul cum Christo affixus est cruci: ad hoc, ut destruat in nobis corpus peccati; ita destruat corpus nostrum in eo quod peccabat, ut ultra non serviamus peccato, sed imperium habeamus super peccatum. Dominus Jesus aliud genus mortis si vellet eligere posset, sed non sine mysterio cruci affigi magis voluit, significans nobis, ut quemadmodum manus et pedes, sensus scilicet humanos affixos habuit, sic et nos non solum opera, sed etiam sensus affixos habeamus, ne cogitemus vel operemur mala. Et bene debemus et

A possumus non servire peccato. Nam ille qui mortuus est in baptismo, a peccato liberatus est. Nec hoc solum, sed etiam justificatus a peccato.

B Postquam de prima resurrectione, quæ est animæ, sufficienter edocuit, quomodo esset observanda, subjungit de secunda, dicens: Nos eam habituros merito primæ bene custoditæ. Utque magis capiamur amore ejus, ponit commendationem ipsius, aperiens quam digna sit et quam utilis, dicens: Non solum mortui peccato justificamur, quæ justificatio est prima resurrectio, sed etiam si mortui sumus peccato, hoc est cum Christo, ut, quemadmodum Christus semel mortuus, nunquam ad depositam vetustatem rediit, sic et nos semel per baptismum in peccato mortui, non revertamur ad peccatum, credimus utique et nos etiam vivemus in secunda resurrectione simul, id est facti impassibiles et immortales; neque hoc alibi nisi cum Christo, id est in oculis ejus vivemus positi incorruptibiles. Si mortui sumus cum Christo, profecto credimus quod vivemus cum Christo, scientes hoc quod Christus surgens a mortuis jam non moritur, id est jam non ulterius mortem gustabit; quia semel mortuus ad justificationem omnium sufficiens fuit. Nec solum non moritur, sed etiam mors non illi ultra dominabitur. Domina mortis sunt: Fames, esuries, febres et quæcunque miseræ. Caput etiam et completio omnium miseriarum, mors. Sed nec mors, nec miseræ quæ sunt præuntia mortis, dominabuntur amplius Christo semel mortuo. Vere Christus jam non moritur. Nam hoc quod mortuus est peccato, id est ad destructionem peccati, mortuus est semel, id est semel mori sufficit.

C Et ideo semel commori illi in baptismo sufficiat nobis, perseverando in accepta justificatione. Probat etiam quod mors ultra non dominabitur Christo. Nam hoc quod vivit vivit Deo, id est vita Dei; quia si quemadmodum Deus vivit æternaliter et sine corruptione, profecto nullum dominium in eo mortis erit. Quod dixit in toto debere commori Christo, ut ei convivamus, adaptat modo Romanis, quorum hic intendebat instructioni, dicens: Quandoquidem necesse est commori Christo, si volumus vivere cum eo; ita, id est hac ratione edocti vos, Romani, D existimate vos quidem esse mortuos peccato, id est credite vos mortuos esse in baptismo, ne ultra manum porrigatis ad actum peccati; quod si ita mortui estis, existimate etiam vos viventes Deo, id est in accepta justificatione animæ viventes et hoc merito in corruptione corporum victuros: et hoc totum in Christo Jesu, id est per Christum Jesum, qui et in præsentem justificat, et in justificatione permanentibus vitam æternam præparat. Quod dixerat superius, nos mortuos esse peccato, et vivendum esse 37 Deo, videns hominem nullo modo posse in hac vita se cohibere a venialibus, determinat in quibus peccatis mori debeamus et possimus: sciens fomitem peccati naturaliter inesse cuicunque. Sed jam confortato libero arbitrio, possumus coercere femitem

peccati, ne prorumpat in actum. Et hoc determinans, ait : Quando quidem viventes estis Deo, ergo peccatum, id est, naturalis fomes peccati, non regnet in vobis. Regnare peccati est, consentiendo, agendo, et in opere peccati consuescendo. Peccatum utique non regnet in corpore vestro, id est, quod jam vestrum est, et per confortationem liberi arbitrii subjectum dominio rationis. Corpore dico licet justificato, tamen adhuc mortali, et (nisi ratione regatur) prono in opus peccati. Quare videndum est ne consentientes mortalitati vestræ non vivatis Deo. Non itaque regnet peccatum ut obediat concupiscentiis ejus, scilicet peccati, id est ut quod male suadet infirmitas carnis vestræ, opere perficiatis nec solum non obediat opere, sed neque exhibeat ita ut parata et opportuna per consensum faciat membra vestra peccato. Quia sicut nec operari, sic nec malo consentire debetis. Membra vestra dico tunc facta arma iniquitatis, si fuerint exhibita peccato. Si enim peccato consenseritis, tunc iniquitas armatur membris vestris, ut per hæc arma perficiat quod male cupit. Nolite vos exhibere delicto, sed exhibete vos Deo, id est, præparate vos bene operando idoneos Deo. Et justum est, vos dico factos viventes in justitia tanquam ex mortuis; mortui enim eratis in peccato. Nec solum actu exhibete vos Deo, sed etiam membra vestra in consensu et exhortatione bonorum præparate Deo. Membra vestra dico facta tunc arma justitiæ. His enim armis perficiet justitia, quod bene suadet et cupit. Debetis utique et potestis exhibere vos Deo. Nam peccatum, etsi naturaliter sit in vobis, non tamen dominabitur in vobis, si confortato libero arbitrio, velitis uti, sed potius vos dominabimini ipsi peccato, ne habeat actum. Vere peccatum non dominabitur in vobis : non jam enim estis sub lege, quæ reos faciebat jubendo, non adjuvando; sed estis sub gratia, quæ dimittit peccata et adjuvat operari bona.

Quia iterum errare ex eo quosdam sentit, quod dixerat per gratiam omnia dimitti, et hac fiducia se peccare, quia gratia parata erat, et sufficiens relaxare omnia, contra sic male operantes dicit hac intentione non esse peccandum, quia gratia omnia quidem dimittit, sed si aliquis peccando se subduxerit gratiæ, factus servus peccati, quomodo scit si ad gratiam reverti poterit, cum jam sub jugo peccati ligatus sit? Quandoquidem sub gratia sumus quæ sufficienter purgat omnia : ergo quid dicemus? An ideo licite peccabimus, quoniam non sumus sub lege, quæ jubendo gravat et non adjuvat, sed sumus sub gratia, quæ et peccata remittit, et bene operari adjuvat? Absit! Hoc, inquit, abesse debet, ut peccemus fiducia gratiæ; quia an nescitis quod servi ejus estis cui exhibuistis vos ad obediendum? Servi dico facti cui obedistis, id est, in ea hora qua cito obedistis. Ejus servi dico; sive peccati cui obedistis, ducentis ad mortem, id est ad damnationem; sive servi estis obediuntis, id est justitiæ ducentis vos ad majorem justitiam; quia obediendo peccato, servi pec-

cati efficiemini, nec hujus servitutis vincula rumpere potestis libertate perdita. Ideo bonum est ut servi facti justitiæ, a gratia non declinetis, quia servi facti peccati non potestis vestro jure reverti ad gratiam. Ideo in justitia perdurate, nec propter hoc solum, sed etiam ideo quia cum olim jugo peccati deposito, facti estis servi justitiæ, si iterum ad vomitum veteris servitutis relabimini, rei estis instabilitatis et justæ perditionis; quod sic ait : Non solum pro eo quod præmissum est perdurare debetis in justitia, sed etiam pro eo quod sequitur : Unde gratias ago Deo meo, qui vos gratis sine merito vestro a jugo peccati liberavit.

38 Inde utique gratias ago; quia vos aliquando fuistis servi peccati, sed jam obedistis, nec coacti, sed ex corde, id est propria voluntate eundo in formam doctrinæ, id est, in doctrinam quæ vos fecit Deo conformes. Imago enim Dei deformata et excæcata fuerat in vobis; sed per instructionem meam imaginem Dei in vobis reformavi. Formam dico illam, id est, tam excellentem sicut reformationem imaginis Dei; in quam formam traditi estis per misericordiam Dei et doctrinam nostram. Per vos enim insufficientes eratis reformari. Olim fuistis servi peccati, sed nunc liberati a peccato, facti estis servi justitiæ; et ideo nolite ulterius redigi in servitutem peccati. Et vobis factis jam servis justitiæ dico humanum, id est, præcipio vobis quiddam satis leve, ad quod humanitas vestra satis potest sufficere. Et hoc, quia spirituale est arduum, non præcipio vobis : facio propter infirmitatem carnis vestræ, id est, quia scio vos adhuc carnalitate premi, nec satis firmos in spiritualibus, humanum utique dico. Nam hoc humanum est, sicut exhibuistis membra vestra servire immunditiæ, id est luxuriæ, gulæ, libidini, servire etiam iniquitati, id est, omni contrario æquitati ad consummandam iniquitatem, saltem ita nunc fideles facti exhibete membra vestra servire justitiæ eundo in sanctificationem, id est in plenitudinem justitiæ. Hoc utique satis humanum est, ut quantum servistis diabolo, tantum serviat Deo, cui multo magis estis obnoxii. Vere quia servi facti estis Dei, servire debetis justitiæ. Nam cum prius essetis servi peccati, liberi tunc fuistis justitiæ, id est, expertes ab omni justitia, fideliter servientes peccato. Sed nunc facti servi justitiæ, longe fidelius servire debetis Deo. Quandoquidem amore peccati fecistis vos expertes totius justitiæ : ergo quem fructum, id est, quid utilitatis habuistis tunc ante conversionem de illis in quibus nunc post conversionem erubescitis? Ideo sic interrogando invehitur in eos, ut a servitute peccati magis deterreat. De temporali fructu peccati ideo solum requiro : nam de fine eorum satis constat finis illorum est mors, id est, in fine vitæ absorbet istos æterna damnatio. Servi facti peccati nullum fructum habuistis, sed nunc per gratiam liberati a peccato, servi autem facti Deo, habetis fructum vestrum, id est, fide suscepta dignum : fructum dico tendentem in sanctificationem.

id est, in plenitudinem justitiæ. Impii mortem habent, sed vos habetis *finem vitæ æternam*. Vere mors est finis illorum: nam *mors est stipendium peccati*, id est, peccatum ministrat hanc stipem, id est mortem. Stipendium dicitur, hoc quod tribunus, vel prætor, pensata mercede militis, ministrat ei in exercitu. Mors habetur ex peccato, sed *vita æterna habetur per gratiam Dei*. Licet enim aliquid meritum sit ibi, prima tamen justificatio fuit ex sola gratia. Et directio vitæ quæ sequitur, et eadem gratia longe amplius quam meruerit remunerat; gratia dat vitam æternam; et hoc in *Christo Jesu*, id est per Jesum Christum Dominum nostrum.

CAPUT VII.

« An ignoratis, fratres (scientibus enim legem loquor) quia lex in homine dominatur, quanto tempore vivit? Nam quæ sub viro est mulier, vivente viro alligata est legi, si autem mortuus fuerit vir ejus, soluta est a lege viri. Igitur vivente viro [marito] vocabitur adultera, si fuerit cum alio viro; si autem mortuus fuerit vir ejus, liberata est a lege viri, ut non sit adultera, si cum alio fuerit viro. Itaque, fratres mei, et vos mortificati estis legi per corpus Christi: ut sitis vos alterius qui ex mortuis resurrexit, ut fructificetis Deo. Cum enim essemus in carne, passiones peccatorum quæ per legem erant operabantur in membris nostris ut fructificarent morti. **39** Nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ. Quid ergo dicemus? Lex peccatum est? Absit! Sed peccatum non cognovi, nisi per legem. Nam concupiscentiam nesciebam, nisi lex diceret: « Non concupisces (Exod. xx, 17; Deut, v, 19). » Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. Ego autem vivebam sine lege aliquando. Sed cum venisset mandatum, peccatum revixit. Ego autem mortuus sum, et inventum est mihi mandatum quod erat ad vitam, hoc esse ad mortem. Nam peccatum occasione accepta per mandatum seduxit me, et per illud occidit. Itaque lex quidem sancta, et mandatum sanctum, et justum, et bonum (I Tim. 1, 8). Quod ergo bonum est, mihi factum est mors? Absit! Sed peccatum, ut appareat peccatum, per bonum operatum est mihi mortem; ut fiat supra modum peccans peccatum per mandatum. Scimus enim quia lex spiritalis est. Ego autem carnalis sum, venundatus sub peccato. Quod enim operor non intelligo. Non enim quod volo [bonum] hoc ago, sed quod odi [malum] illud facio. Si autem quod nolo illud facio, consentio legi quoniam bona est. Nunc autem jam non ego operor illud, sed quod habitat in me peccatum. Scio enim quia non habitat in me, hoc est in carne mea bonum. Nam velle adjacet mihi, perficere autem bonum non invenio. Non enim quod volo bonum, hoc facio; sed quod nolo

malum hoc ago. Si autem quod nolo illud facio, jam non ego operor illud, sed quod habitat in me peccatum. Invenio igitur legem volenti mihi facere bonum, quoniam mihi malum adjacet. Condelector enim legi Dei secundum interiorem hominem. Video autem aliam legem in membris meis, repugnantem legi mentis meæ, et captivantem me [captivum me ducentem] in lege peccati quæ est in membris meis. Infelix ego homo, quis me liberabit de corpore mortis hujus? Gratia Dei, per Jesum Christum Dominum nostrum. Igitur ego ipse mente servio legi Dei, carne autem legi peccati. »

EXPOSITIO.

Quia superius satis probaverat debere eos subiecti gratiæ, et serviendum esse Deo, ne modo in legalibus putarent se debere servire Deo (peccatum enim esse credebant, si etiam in tempore gratiæ legalia prætermitterent) probat Paulus non ulterius serviendum esse in legalibus, quæ si deserunt, non est peccatum; si faciunt, rei sunt. Non enim tenenda est umbra, postquam venit veritas, et cum carnalem legem expellat, spiritali legi alligat eos. Littera sic jungitur: Per Christum Jesum est vita æterna tantum. Nam per legem non; quia *an ignoratis fratres*, ut magis excitet ad intellectum hujus rei, et fratres vocat, et interrogat. Nec ignorare debetis (*scientibus enim legem loquor*) quia, si bene consultis, idem invenietis. An ignoratis dico quia lex quæcunque posita sit, *dominatur in homine*, non semper, sed *quanto tempore vivit* lex in eo homine, vel homo sub ea lege? Velut si in qualibet urbe præceptio aliqua poneretur, usque ad determinatos annos, qui intra hos annos præceptum positum non attenderet, reus esset transgressionis positiæ legis. Qui vero finitis determinatis annis faceret contra positam legem, reus inde non esset, quia tempus ejusdem legis jam præterisset. Sic de lege Judæorum, qui tempore Moysi usque ad tempus Christi eam non observaret reus esset. Sed postquam venit gratia, jam tempus ejus legis præterit, et sic reus non est qui eam deserit. Vere lex posita dominatur, quandiu homo vivit sub lege, vel lex in homine. Nam lex conjugalis ista est: *Mulier quæ est sub viro*, maritali modo fœderata, *illa alligata est legi viri*, vivente viro; *sed si mortuus fuerit vir ejus, soluta est mulier a lege viri*. Quandoquidem mulier vivente viro alligata est ei, *igitur si vivente viro suo, habuerit rem cum alio viro, vocabitur adultera*. Sed *si vir ejus mortuus fuerit, liberata est a lege viri, ita ut si fuerit juncta cum alio viro, jam non judicetur adultera*. Et ita, id est simili ratione fratres **40** mei vos estis mortificati veteri legi, quæ data fuit solummodo usque ad adventum Christi. Mortificati dico *per corpus Christi*, id est per Christum advenientem, qui corpus, id est veritas ipsius legis fuit, et cujus corporis lex umbra fuit. Nec mortificati ut vidui remaneatis, sed ut amodo sitis alterius, *ejus scilicet, qui resurrexit ex mortuis*, per quod satis commendabilis est vobis.

Resurrexit ad hoc ut per eum fructificaremus Deo, A id est per gratiam ad honorem Dei. Et modo tandem fructum facere licet sub gratia, quia cum essemus in carne, id est detenti in carnalitate, tunc *passiones peccatorum*, id est mala desideria, quæ licet sensualis homo affectaret, rationalis tamen *passiones* esse iudicabat, quæ *passiones erant notæ per legem et augmentatæ per delictum prævaricationis, operabantur in membris nostris, ut fructificarent morti*, id est ut facerent fructum damnationis. Sed nunc postquam venit gratia, sumus soluti a lege veteri, quæ erat nobis *lex mortis, in qua morte peccati detinebamur*, nec adjutorio legis surgere poteramus. Soluti, inquit, sumus a lege carnali: ita, id est propter hoc, ut amodo *serviamus in novitate spiritus*, id est spiritualiter renovantes nos quotidie bene agendo: juxta illud: «Renovamini spiritu mentis vestræ (Ephes. iv, 23), » et non amplius serviamus in vetustate litteræ, adhærentes litterali intellectui, ut vetustas consuevit.

Quia dixerat superius Judæos mortificatos esse veteri legi, nec esse revertendum ad eam, quia *passiones peccatorum erant per legem, et per eam fructificabant morti*, appellaverat etiam eam *legem mortis*, ne male opinarentur Judæi Paulum hoc intelligere, ut lex esset causa peccati efficiens, et ad peccandum compellens, probat legem, quantum in ea est, esse bonam. Quia vero Judæi amplius sub lege peccarent, hoc corrupta natura faciebat, non lex. Littera sic jungitur: Quandoquidem per legem fructificabamus morti, ergo quid dicemus? Dicemus quod *lex est peccatum*, id est causa peccati efficiens, et compellens ad peccandum? Absit hoc ut legem dicamus esse peccatum, quod si diceremus, et legem esse injustam probaremus, et Deum datorem legis de injustitia argueremus, qui legem dedisset compellentem ad peccatum. Per legem utique non est peccatum, sed bonum: cognitio enim peccati. Non enim cognovi peccatum nisi per legem. Ante legem utique fuit cognitio peccati, cum pincerna et pistor Pharaonis causa peccati in carcerem missi sunt. Sed per legem dicit cognitum esse peccatum, quia originale fere ab omnibus ante legem ignorabatur, et actualia multa nesciebantur esse peccatum ut concupiscentia de qua subdit; pœna etiam infernalis, quæ sequitur de peccatis, non ita sciebatur, nec meritum futurum non peccantibus. Putabant enim omnes in inferno permansuros, licet sub dissimilitudine pœnarum. Sed per legem cognitum est originale, cognita sunt etiam multa actualia, prius incognita. Nec etiam ea quæ cognita erant, tanta esse credebantur. Cognita est etiam futura damnatio pro peccatis, et ideo ait: Per legem cognovi peccatum, et originale, et actualia quanta erant, pœnamque pro iis futuram. Vere per legem cognovi peccatum. Nam hoc, scilicet concupiscentiam, quam esse peccatum nesciebam, nisi lex ita diceret: Non concupisces. Lex quidem bona est, quia dat cognitionem peccati; sed tamen per legem nihil bonum, sed om-

ne malum habui, licet non culpa legis, quod æquipollenter ait: Licet lex bona sit, tamen peccatum, id est corrupta natura, vel diabolus instigans, operatum est in me concupiscentiam omnem, id est voluntate, actu, consuetudine peccandi. Hoc, inquit, operatum est peccatum accepta occasione per mandatum, id est per legem mandatam hominibus. Accepta, ait, occasione, id est opportunitate ex lege; tum quia fragilitas humana magis tendebat in vitium, tum quia diabolus ferventius, accepta lege, insultabat homini, videns legem datam fore quemdam gradum homini redeundi ad ad salvationem, quem prius quieto jure possidens inquietare negligebat.

Notandum etiam quod peccatum corruptam vocat naturam. Sunt enim in unoquoque et sensualis homo et spiritualis. Sensualis dicitur pars illa animæ, cum corpore quæ sensificat corpus, et ita premitur mole carnis, ut per singulos sensus congaudeat voluptati, diligens suavia gustu, canora auditu, delectabilia visu, jucunda tactu, bene fragrantia odoratu. Illa vero pars animæ quæ non ita premitur carne, et hic dicitur rationalitas, contradicit sensualitati, et naturaliter appetit quod bonum est. Vere peccatum operatum est in me malum, per mandatum. Nam dum eram sine lege, mortuum erat peccatum, id est corrupta natura secundum quod minus impugnabatur a diabolo, minus cupiebat peccatum, quia non erat prohibitum. Peccatum tunc mortuum erat, ego autem vivebam, id est vivere mihi videbar cum essem aliquando sine lege; quia et minus cognoscebam, nec ita concupiscebam peccatum, nec diabolus adeo inardescibat. Ante legem mortuum erat peccatum; sed cum venisset mandatum, quod mortuum erat revixit peccatum, id est corrupta natura vires resumpsit, magis stimulante diabolo, et ut est vitium humanæ fragilitatis magis concupiscendo interdicta. Revixit ideo; quia in principio vixerat, et cognitum fuerat originale, cum adhuc recens erat. Veniente mandato revixit peccatum; ego autem sum mortuus, non solum de prioribus, sed etiam de prævaricatione datæ legis reus factus. Et quandoquidem per legem revixit peccatum, et ego mortuus sum, igitur mandatum quod erat mihi datum ad vitam secundum intentionem datoris, hoc mandatum, non jam ad vitam, sed inversum inventum est mihi esse ad mortem. Non quia me compelleret ad peccatum, sed quia causa fuit sine qua nec reus essem prævaricationis, et causa pro qua diabolus magis insurgeret contra quod lex non adjuvabat, sed præcipiendo impediabat. Congruè dicit inventum est ad mortem; non enim positum erat mandatum ad mortem. Probat mandatum esse sibi ad mortem, non tamen culpa legis, sed vitio corruptæ naturæ compellentis, dicens: Vere mandatum inventum est mihi ad mortem, nam peccatum, id est corrupta sensualitas seu diabolus accepta occasione, seu quia suasio delectationis ad peccandum vehementior est, cum adest prohibitio, seu quia diabolus ardentius incumbat. Sic utique

accepta opportunitate per mandatum, seduxit me, A ut consentirem peccato; et per illud seducere occidit me, præcipitando in actum peccati. Et quandoquidem mandatum erat ad vitam, ex culpa peccati, inversum est ad mortem. *Igitur lex sancta est, id est præcepta legis sancta sunt, et mandatum, id est opus præceptorum, ut jejunare, dare elemosynam, hoc, inquit, mandatum sanctum, id est sancitum et firmatum in bono est. Est etiam justum requitatem servans ad proximum. Est etiam bonum, id est utile implenti illud. Modo sufficienter probavit legem esse bonam in se.*

Sed diceret Judæus: Non curo an lex bona sit, cum sit mihi causa damnationis. Quo contra Paulus probat per legem neminem damnari, sed potius enutrirī in bono. Corrupta vero natura hæc, causa est compellens ad peccatum. Unde sic ait: Quando quidem mandatum sanctum est, ergo illud quod in se bonum est credi debet quod mihi factum est mors, id est causa compellens me ad mortem? Absit hoc, ut illud quod bonum est sit causa quæ malum efficiat! Mandatum utique quod bonum est, non est mihi factum mors; sed peccatum, id est corrupta natura: vel diabolus instimulans peccatum: ita dico ut appareat, id est, ut cognoscat esse peccatum: illud operatum est mihi mortem per bonum, id est accepta occasione a lege quæ bona est, coegit me magis peccare, prævaricari etiam quod prius non erat. Operatum est, dicit, ita per bonum ut peccatum fiat; peccans nunc in lege supra priorem modum, id est priusquam lex daretur per mandatum, id est per 42 prævaricationem mandati magis peccans. Vere lex non est operata mortem, sed peccatum. Nam nos scimus ab auctoritate vim habentē. Scimus utique quia lex est spiritualis, id est, vel data per Spiritum sanctum, vel nutriens spiritum hominis, quorum alterum si sit, constat quia non est causa mortis. Lex utique est spiritualis, sed ego sum carnalis, id est adharens carnalitati; vendidit, quem primus parens pro gustu pomi vendidit: nec ita ut sim solum in peccato, sed etiam sub peccato; quia et si volo, et diu laboro, per me tamen surgere nequeo.

Hic incipit ostendere quod lex et rationalis homo in voluntate boni consentiant; sed tamen ab illo tertio, id est a corrupta natura superantur. Et hoc de rationalitate quod bona sit et bonum velit convenienter probat. Sicut enim si lex mala esset, dator legis inde vituperaretur, sic etiam si naturalis ratio adversaretur bono, juste qui rationem dederat de malo rationis calumniaretur. Vere sub peccato sum. Nam quod ego operor, sive dimittendo bonum quod utique est operari malum, sive faciendo malum, quod, inquam, operor ego sensualis, intelligo ego rationalis non esse operandum. Vere operor dimittendo bonum, quod intelligo non esse operandum. Non enim ago hoc bonum quod ego rationalis volo; et vere operor faciendo malum quod intelligo non esse operandum. Nam ego carnalis facio illud quod ego rationalis odi. Et nunc quia lex spiritualis et bona est, rationalitas vero mea bonum vult cum

lege, inde apparet quod lex et ratio simul sentiant, licet carnalitas prævaleat. Ago, inquit, illud quod odi, id est illud quod nolo. Si autem rationalis nolo illud quod carnalis facio, ecce jam consentio legi, id est, idem volens testis sum legi de hoc quod bona est. Quandoquidem ego rationalis nolo illud quod carnalis facio (illud nunc illativum est), Ergo ego rationalis jam non operor illud quod me nolente operatur caro, sed peccatum, id est, fomes peccati, quod peccatum habitat, id est, assidue remoratur in me carnali. Et vere peccatum habitat in me, quia bonum non habitat in me. Quod sic ait: Scio quidem quia bonum non habitat in me, hoc quod dico in me est, id est in carne mea, id est in me carnali. Et hoc probat: Vere bonum non habitat in carne mea, nam neque per voluntatem, neque per actum. Per voluntatem quidem non habitat. Nam velle bonum adjacet mihi carnali, id est quodammodo approximatur carni: nemo enim tam impius quin aliquando saltem bonum velit. Quod si adjacet, ergo non habitat in me, velle bonum adjacet. Sed perficere bonum illud nullo modo invenio in carne mea. Vere perficere bonum non est in me carnali. Nam ego carnalis non facio hoc bonum quod volo rationalis. Sed ago carnalis hoc malum, quod volo rationalis. Vel aliter: Vere perficere bonum ex toto non invenio in me. Nam etiam hoc bonum non facio quod bonum esse cognosco, et ideo facere volo. Non enim omnia bona mihi nota sunt. De eo quod dixit superius ad aliud probandum: non quod volo hoc ago, iterum hoc per aliud probato, infert dicens: Quandoquidem ego rationalis nolo malum quod ago carnalis, ergo ego rationalis non operor illud malum, sed peccatum, id est corruptio naturæ: quod peccatum habitat in me carnali, operatur illud malum. Repetit locum unde inferat, si quod nolo illud facio. Quandoquidem ego rationalis nolo malum, lex autem (sicut probatum est) malum similiter non vult, Igitur ego rationalis invenio legem esse bonam, id est utilem mihi rationali volenti facere bonum. Lex bonum docens, et ratio bonum volens, consentiendo in bono se invicem inveniunt. Volenti facere bonum et non facienti, benedico, quoniam malum carnalitatē adjacet mihi rationali: et propterea bonum quod volo perficere nequeo.

Nota quoniam Paulus figurative sub persona sua de omnibus loquitur, assumens sibi personam, nuncians 43 legem nunc in lege. Vere bonum invenio in me. Nam ego condelector legi Dei: quia et illa bonum vult et ego cum ea. Condelector dico secundum interiorem hominem, quia interior homo rationalis vult quidem bonum: etsi nequeat operari. Cum modo dixerit quod lex et rationalitas bonum velint, ostendit utrumque superari a tertio, id est a carnalitate, quod tertium ostendit superandum esse per gratiam, et hoc satis idonee facit. Cum enim legem ostendat deprimi per carnalitatē, nec eos qui sub lege fuerant quidquam boni fecisse, nisi per gratiam, per hoc plane Judæos insinuat debere subijci penitus gratiæ Dei, et non amplius legi. Per hoc

Etiam quæ rationalitatem, cui hominum velle, sub-
cubasse tamen carnalitati dicit, gentiles, ne se de
libero arbitrio efferant, deprimit, et sic omnes gra-
tia Dei subicit. Licet secundum interiorem conde-
lector legi Dei; tamen video aliam legem in membris
meis, id est in carnalitate mea. Legem ideo dicit,
quia quemadmodum ratio dictat agere quod bonum
est, sic sensualitas quod malum est: legem mem-
brorum dico repugnantem legi mentis meæ, id est
bonis quæ ratio suadet. Nec solum repugnantem,
sed etiam captivum ducentem me in legem peccati:
ut operer ea quæ corrupta sensualitas dictat; quæ
lex peccati est in membris meis, id est in singulis
sensibus diffusa. Et quandoquidem lex membrorum
captivum me ducit in peccatum, ergo rationalis
sum infelix: quia sum homo, id est quia carnalitate
deprimor; et me infelicem quis liberabit de corpore
mortis huius? id est de morte peccatorum, quæ sunt
in corpore meo: vel de corpore mortis, id est de
tota hac massa peccatorum quæ ducunt ad mortem.
Lex non potest liberare me Judæum; non ratio na-
turalis me gentilem; cum hæc ir. utroque deficiant,
scio liberationem meam, gratiam Dei datam per Je-
sam Christum Dominum nostrum. Illa profecto libe-
rabit me, et ideo vos Judæi gratiæ efficaci, non
legi impotenti, vos iterum gentiles gratiæ Dei non
rationi debilitatæ, subijcimini. Considerandum est
quod duplex velle bonum sit in homine. Alterum
secundum naturalem rationem, quæ corruptione
peccati depressa, bonum quod vult operari non suf-
ficit. Alterum velle secundum inspirationem Spiritus
sancti per quem fomes peccati deprimitur, ut bo-
num operari possimus. Velle autem naturalis ratio-
nis hoc erat, de quo superius dicebat: Non quod
volo bonum hoc ago.

Dixerat superius interiorem hominem et legem
 condelectari in bono sola voluntate, non actu, quia
 contra hæc duo inualescebat fomes peccati, legem
 et rationem expugnans: sed postquam Deus ostendit
 utrumque bonum legis et rationis in homine defice-
 re, dedit ad ultimum gratiam suam, quæ liberum
 arbitrium confortavit; ut jam si velit homo
 bonum possit operari, et bene coercere fomitem pec-
 cati. Quia autem hominem redemptum per gratiam,
 Deus non penitus a fomite peccati divisit, causa hæc
 fuit, quia reliquit meritum homini. Si enim homo
 sola necessitate quia non posset, non peccaret,
 non esset meritum quo salvari deberet. Ut autem
 locus esset merendi, fomitem peccati reluctan-
 tem dimisit, debilitatum tamen et (si velit homo)
 subditum rationi. Quia iterum hominem a peccato
 redemptum, non in tanta dignitate restituit, in
 quanta fuerat Adam cum cecidit, factum est ne ite-
 rum homo de subita et tanta felicitate superbiendo,
 irreparabiliter caderet. Quare ad memoriam peccati,
 et ad custodiam humilitatis opportune relicta est
 pœna peccati; ut etiam per hoc ostendatur vis sancti
 Spiritus, adjutorio cujus rationalis homo subigit
 sibi carnalem: cui subjectus fuit, quandiu sine gra-

tia sit. Littera sic jungitur: Quandoquidem gratia
 Dei data per Jesum Christum me liberavit, igitur
 ego ipse qui ante gratiam subiectus eram carnalitati,
 jam quod bonum volebam potens operari, non solum
 volo, sed etiam servio mente, id est potestatem
 habeo secundum quod ratio admonet bene *opere-*
ndo servire legi Dei. Nec ita tamen ut fomes peccati
 penitus in me destructus sit, sed potestatem habeo
 servire *carni*, id est secundum carnalitatem *legi*
peccati. In hoc etiam maximum notat miraculum,
 quod fomes peccati, contra quem nihil prius poterat
 ratio, nunc subiaceat rationi, si velit homo.

CAPUT VIII.

Nihil ergo nunc damnationis est his qui sunt
 in Christo Jesu, qui non secundum carnem ambulat.
 Lex enim spiritus vitæ in Christo Jesu liberavit
 me a lege peccati et mortis. Nam quod impossibile
 erat legi, in quo infirmabatur per carnem Deus
 Filium suum mittens in similitudinem carnis
 peccati, et de peccato damnavit peccatum in carne,
 ut justificatio legis impleretur in nobis, qui
 non secundum carnem ambulamus, sed secundum
 spiritum. Qui enim secundum carnem sunt, quæ
 carnis sunt sapiunt: qui vero secundum spiritum
 sunt, quæ sunt spiritus sentiant. Nam prudentia
 carnis mors est: prudentia autem spiritus, vita
 et pax. Quoniam sapientia carnis inimica est
 Deo. Legi enim Dei non est subjecta, nec enim
 potest. Qui autem in carne sunt, Deo placere non
 possunt. Vos autem in carne non estis, sed in
 spiritu, si tamen spiritus Dei habitat in vobis. Si
 autem quis spiritum Christi non habet, hic non
 est ejus. Si autem Christus in vobis est, corpus
 quidem mortuum est propter peccatum, spiritus
 vero vivit propter justificationem. Quia si Spiritus
 ejus qui suscitavit Jesum a mortuis habitat in
 vobis, qui suscitavit Jesum Christum a mortuis,
 vivificabit, et mortalia corpora vestra, propter
 inhabitantem Spiritum ejus in vobis. Ergo fratres
 debitores sumus, non carni ut secundum carnem
 vivamus. Si enim secundum carnem vixeritis,
 moriemini. Si autem spiritu facta carnis mortificaveritis,
 vivetis. Quicumque enim Spiritus Dei aguntur,
 hi filii sunt Dei. Non enim accepistis spiritum
 servitutis iterum in timore, sed accepistis spiritum
 adoptionis filiorum Dei, in quo clamamus: Abba
 (pater). Ipse enim Spiritus testimonium reddit
 spiritui nostro, quod sumus filii Dei. Si autem filii,
 et hæredes: hæredes quidem Dei, coheredes autem
 Christi: si tamen compatimur, et ut et glorificemur.
 Existimo enim quod non sunt condignæ
 passionibus hujus temporis ad futuram gloriam,
 quæ revelabitur in nobis. Nam expectatio
 creaturæ revelationem filiorum Dei expectat.
 Vanitati enim omnis creatura subjecta est, non
 volens, sed propter eam qui subiecit eam in spe:
 quia et ipsa creatura liberabitur a servitute
 corruptionis in libertatem gloriæ filiorum Dei.
 Scimus enim quod omnis creatura ingemiscit et parturit

usque adhuc. Non solum autem illa, sed et nos ipsi primitias spiritus habentes; et ipsi intra nos gemimus, adoptionem filiorum Dei exspectantes, redemptionem corporis nostri. Spe enim salvi facti sumus. Spes autem quæ videtur, non est spes. Nam quod videt quis, quid sperat? Si autem quod non videmus, speramus: per patientiam exspectamus. Similiter autem et spiritus adjuvat infirmitatem nostram. Nam quid oremus sicut oportet, nescimus; sed ipse Spiritus postulat pro nobis gemitibus inenarrabilibus. Qui autem scrutatur corda, scit quid desideret Spiritus, quia secundum Deum postulat pro sanctis. Scimus autem quoniam diligentibus Deum omnia cooperantur in bonum, his qui secundum propositum vocati sunt sancti. Nam quos præscivit et prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos et vocavit; et quos vocavit, hos et justificavit: quos autem justificavit, illos et magnificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum. Quomodo non etiam cum illo omnia nobis donavit? Quis accusabit adversus electos Dei? Deus qui justificat. Quis est qui condemnet? Christus Jesus qui mortuus est, imo qui **45** et resurrexit, qui est ad dexteram Dei, qui etiam interpellat pro nobis. Quis ergo nos separabit a charitate Christi? Tribulatio? An angustia? An persecutio? An fames? An nuditas? An periculum? An gladius? Sicut scriptum est: « Quia propter te mortificamur tota die, aestimati sumus sicut oves occisionis (*Psal XLIII, 23*). » Sed in his omnibus superamus propter eum qui dilexit nos. Certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia [aliqua] poterit nos separare a charitate Dei, quæ est in Christo Jesu Domino nostro.

EXPOSITIO.

Quandoquidem mente servire possum lege Dei, Ergo nunc in tempore gratiæ nihil damnationis relictum est his qui sunt in Christo Jesu, id est qui in fide Christi renati sunt. Non quod modo boni sint, modo male agendo non sint, sed quia ita sunt in Christo Jesu, quod non ambulant secundum carnem, id est non delectantur in malis, sectando carnalitatem. Ambulare congrue removet. Impossibile enim est non invicem facere quæ carnis sunt. Propterea non dixit, qui sunt secundum carnem, sed qui ambulant, id est qui de malo non poenitent, sed consuescendo delectantur in eo. Vere nihil damnationis est his qui sunt in Christo Jesu. Nam lex spiritus, id est vel quam Spiritus sanctus dicit, vel ipsa rationalitas, spiritus dico datoris vitæ, id est qui dat hic vivere in virtutibus unde etiam provenit vita æterna: Vitæ dico habitæ in Christo

A Jesu, id est per Christum Jesum, liberavit me a lege peccati, id est a fomite peccati, et a lege mortis. id est ab actu fomitis peccati, ne quæ fomes male suadet, operatur. ~~Vere liberatus sum a lege peccati; non per Filium Dei.~~ Deus enim misit Filium suum: non quod Filius abesset alicubi, sed quia ipse natura invisibilis per unitam sibi carnem factus est visibilis, missus dicitur secundum cognitionem nostram. Misit utique Deus Filium suum, non in carnem peccati, sed in similitudinem carnis peccati, id est in carnem similem carni peccatrici. Christus enim omnem carnis materiam præter peccatum sustinuit; et per missum Filium damnavit peccatum, id est fomitem peccati, quod erat in carne nostra. De peccato, id est per Filium qui fuit hostia pro peccatis omnium oblata. Unde et Christus dictus est peccatum. Hostia enim pro peccato oblata, peccatum dicebatur, vel pro peccato. Vel ita: Damnavit peccatum, id est Satanam de peccato: quod diabolus fecit in carne Christi. Diabolus enim jus habebat in omnem hominem propter originale peccatum: de quo quia Christus reus non fuit (non enim in concupiscentia carnis natus est), in eum diabolus indebitum jus usurpavit; ideo jus quod concessum ipsi erat in omnes, perdidit, et sic quia incoocessa captavit, iuste concessa perdidit. Damnavit utique peccatum: ad hoc, ut impleteretur in nobis justificatio legis, id est quam lex præsignabat, et implere non poterat in nobis de termino: qui non ambulamus secundum carnem, id est sequendo desideria carnis; sed ambulamus secundum spiritum, id est secundum quod dicitur Spiritus sanctus vel ratio. Damnavit, dico, peccatum, quod scilicet damnare peccatum impossibile erat legi, Lex enim impotens erat liberare ab originali, in quo, id est in implenda justificatione, lex infirmabatur per carnem, id est quia carnalitatem sectabatur. Vere justificatio non impletur, iis qui ambulant secundum carnem; nam illi qui sectantur carnalitatem, sapiunt, id est saporem bonum capiunt, in his quæ carnis sunt. Amodo in sequentibus longe commendabit legem spiritualem per oppositum, deprimendo carnalem.

Quid inde diceret aliquis si sapiunt ea quæ carnis sunt? Malum utique multum est hoc. Nam prudentia carnis est mors, id est vacare iis quæ caro suadet, mors animæ est. His qui sequuntur spiritum implebitur justificatio legis. Nam qui sunt secundum Spiritum, sentiunt, id est sapiunt et sectantur ea quæ sunt Spiritus. **46** Et quid inde diceret aliquis? Multum equidem. Nam prudentia est spiritus vita, id est vivere hic in virtutibus, et est pax, id est tranquillitas animi, et quies a tentationibus. Non enim omnes qui vivunt in virtutibus, pacem hanc habent, sed admodum pauci; ideo prudentia carnis est mors, quoniam sapientia carnis est inimica Deo, quandiu inimicatur Deo, vivere nequit. Sed qui bonum carnalitatæ suæ Deo præponit, regnum Dei (quantum in se est) dimittit, subjiciens se regno carnis. Vere sapientia carnis est inimica Deo.

Nam non est subjecta legi Dei, sed imperio carnis. A Non est subjecta, quia nec esse potest subjecta, quando carnalitati adhæret. Quid enim enumerare quæro singula dicens, prudentia carnis est mors et inimica Deo? ut paucis comprehendam: *quicumque sunt in carne*, id est in carnalitate, quando ibi detinentur, *Deo placere non possunt*. Quia modo dixerat, qui in carne sunt Deo placere nequeunt, ne per hoc deterreret Romanos, qui prius justificatione accepta, ad aliqua peccata relapsi fuerant, demulcet eos blandiendo, tamen quæ facienda sint eis aperte insinuans. Qui in carne sunt Deo placere non possunt. Sed vos, o Romani, *non jam estis in carne*, nec vos in carne esse intelligo, *sed estis in spiritu*. Hac conditione tamen vos esse in spiritu pronuntio, *si Spiritus Dei quem in baptismo accepistis habitat,* id est perseverat in vobis. *Si quis autem* (non dico de vobis, sed quicumque ille sit) *qui non habet Spiritum Christi, hic non est ejus*, scilicet Dei, id est non habet partem cum Deo. Hic plane ostendit Apostolus Spiritum sic a Filio, ut a Patre procedere, ubi ait Spiritum Dei, et Spiritum Christi, et quod idem sit Spiritus Dei, et Spiritus Christi. *Si autem Christus, id est Spiritus Christi, est in vobis, corpus quidem vestrum mortuum est*, id est mortalitati adhuc subjacet *propter peccatum*, id est vel propter pœnam peccati, vel propter custodiam, ne iterum cadatis per elationem; corpus quidem adhuc est mortuum: *sed spiritus vester jam vivit propter justificationem*, id est per opera justitiæ quæ exercet justificatus a peccatis, ubi ait: Si Christus est in vobis, innuit Christum et Spiritum sanctum idem esse in substantia Deitatis. Nec solum per spiritum habitantem in vobis, vitam spiritus habebitis, sed etiam *si Spiritus ejus qui suscitavit Jesum a mortuis*, pro hac causa quia Spiritus sanctus in eo habitavit. Si, inquit, idem Spiritus habitat in vobis, *vivificabit etiam mortalia corpora vestra*, facta immortalia propter eandem causam, scilicet *propter inhabitantem Spiritum ejus in vobis*. Et quia sic de vobis facere possit, et facturus sit præsignavit, in eo quod jam *suscitavit Jesum Christum a mortuis*.

Quia si quæritur quare Christus ante omnes incorruptibilis suscitatus sit? respondetur ideo quia de Spiritu sancto conceptus sit; quia peccatum non fecit, et quia per eum incorruptionem omnes habituri sunt, dignum fuit ut omnes in hoc, et tempore præveniret, et plus omnibus acciperet. Quandoquidem Deus et jam animam vivificavit, et corpus vivificabit, *ergo fratres jam non sumus debitores carni*, id est jam nihil debemus carnalitati, sed spiritui; quia per spiritum vivimus, et adhuc vivificabimur. Debemus quidem carni quæ necessaria sunt ei, ut victum et tegumentum; sed non ita vivamus sequentes carnalitem. *Si enim secundum carnem vixeritis, non vivificabimini, sed moriemini. Si autem facta carnis mortua seceritis; per spiritum vivetis, et hic secundum animam, et in futuro secundum corporis incorruptionem*. Et mortificare debetis; nam Spiritu

Dei agimini, et vere vivetis, quia filii Dei eritis. Quod sic ait: Vere si mortificaveritis carnem, per spiritum vivetis. *Nam quicumque aguntur Spiritu Dei* (quod est mortificare facta carnis), *hi sunt filii Dei*, et hæc est vita æterna.

Postquam satis commendavit legem spiritus, ostendit quanta utilitas sit nobis per Spiritum sanctum, quod jam partim supra ostendit. Vere filii estis. *Non enim jam estis servi*, quod sic ait: Vos quidem accepistis spiritum, sed non spiritum servitutis: ut amplius servi sitis, et serviatu iterum in timore. Dum enim sub lege eratis, **47** timore pœnarum quas lex minabatur serviebatis: qui autem timore pœnæ servit, pœnam evadit, gloriam non meretur. Spiritum servitutis utique non accepistis, *sed accepistis spiritum adoptionis filiorum*, id est per quem adoptamini in filios Dei. In quo spiritu docente, nos clamamus: *Abba (pater)*. Abba Hebræum est, significans id quod pater, vel pater Græcum. Ideo hebræam vocem posuit, et vocem gentium, seu græcam, seu latinam, ut ostendat utrumque populum, Judæum et gentilem in novitate spiritus debere servire Deo, non jam in vetustate litteræ. Vere in spiritu clamamus: *Abba (pater)*. Nam Spiritus sanctus reddit testimonium spiritui nostro, id est docet rationem nostram hoc quod sumus filii Dei. Nisi enim Spiritus hoc insinuaret, nesciremus nos esse filios Dei. Si autem sumus filii, erimus etiam hæredes. Ecce quot utilitates sunt nobis per Spiritum. Prius adoptamur in filios. Dehinc clamamus. Hæredes etiam constituimur, nec vilis hæreditatis, sed *hæredes Dei*, quia Deus distribuet nobis hæreditatem suam, id est totius boni sufficientiam. Si querimus quomodo sumus hæredes Dei, cum usus habeat hæredem esse morte decessoris? respondetur quia Deus, quodammodo nobis morietur in futura beatitudine, secundum hoc quod nunc videmus eum per speculum et in ænigmate, tunc autem facie ad faciem sumus visuri. Hæredes erimus Dei, *cohæredes autem Christi*, quia eandem hæreditatem quam Christus, id est incorruptionem secundum carnem modo nostro accipiemus. *Hæredes dicit Dei*, velut ejus ejus est hæreditas, eamque distribuit. *Cohæredes Christi*, velut ejus qui nobiscum partem capiet hæreditatis. Cohæredes erimus Christi, hac tamen conditione dico: *si compatimur Christo non intentione laudis vel lucri temporalis, sed ut glorificemur*, desiderio tantum æternæ gloriæ. Compati utique debemus, ut glorificemur. Nam ego existimo (et verum est) quod omnes passiones hujus temporis, id est quæ temporales sunt, et hujus, id est tam brevis temporis, non sunt condignæ ad promerendam futuram gloriam, quæ revelabitur in nobis, quia nec nos ipsi qui eam habituri sumus, quam digna et magna sit intelligimus. Vere gloria hæc revelabitur in nobis. Nam expectatio creaturæ, id est totius Ecclesiæ expectat revelationem filiorum Dei, ut et ipsi inter filios Dei revelentur. Quia si omnis Ecclesia hoc

expectat, credendum est futurum esse quod expectat. Expectatio expectat, frequentiam notat. Creaturam vocat Ecclesiam, nam hæc specialiter creatura Dei est, quam etiam justificando novam creaturam fecit: et quia causa ejus bona omnia creata sunt, ideo creatura, id est Ecclesia expectat hanc revelationem, *quia subjecta est vanitati*, id est miseris carnis, quæ vanæ sunt. Si enim modo comedit, post modicum iterum esuriet; si bibit, iterum sitiet, et sic in cæteris. Et quia hæc omnia videt vana, ideo expectat hoc ubi nulla sit varietas.

Subjecta quidem est vanitati, sed *non volens*, quia nollet pati hæc vana, et licet non volens, *tamen propter eum* sustinet qui *subjecti* eam his miseris, ne iterum superbiendo periret. *Subjecti* dico in spe positam, ut spem haberet evadendi hanc vanitatem; in spe dico hac, *quia*, id est quod ut Christus, sic etiam ipsa creatura liberabitur a servitute corruptionis, id est variabilitatis, transferenda a servitute in libertatem, a corruptione in gloriam filiorum Dei. Bene dico *non volens subjecta est*: nam nos scimus quod omnis creatura, id est Ecclesia, *ingemiscit* animo et *parturit*, id est maximo conatu laborat operando quemadmodum parturiens fructum de labore expectans. Parturit dico *usque adhuc*, quia a primo justo semper in labore fuit Ecclesia usque ad hoc tempus. Creatura utique *ingemiscit*, *non solum autem illa* creatura, *sed etiam nosipsi*, qui tantæ dignitatis sumus quod etiam dii esse reputamur: nos dico *habentes primitias spiritus*, quia in primitiva Ecclesia prius omnibus et abundantius Spiritum sanctum accepimus, abundantius etiam prophetis qui præcesserunt: non enim semper per Spiritum sanctum loquebantur, quia aliquando recedebat Spiritus sanctus ab eis, et quæ falsa erant prædicebant: **48** ut Nathan quandoque et quidam alii: sed apostoli nunquam privati sunt semel accepto Spiritu sancto. *Nosipsi* habentes primitias spiritus, qui adeo digni sumus, etiam ipsi iidem a Deo fragiles sumus, quod gemimus quemadmodum creatura. Et ne putarentur gemere compassione subditorum, et non pro se, determinat: *Gemimus* dico *intra nos*, id est pressi tentationibus quæ nos conturbant interius. Prius ipsi, nota est dignitatis: alterum ipsi, fragilitatis. Per hoc Apostolus multum consolatur Ecclesiam, et invitat ad patientiam, quod dicit apostolos eadem fragilitate premi qua premuntur subditi. Subdit etiam magnam consolationem quam habent, dicens: *Gemimus* dico, *expectantes adoptionem filiorum Dei*, id est ut adoptemur in filios Dei.

Duplex adoptatio est: prima qua Dens peccata dimittit et justificat; secunda qua in æterna beatitudine sanctos cohæredes faciens Christi, eos remunerat. De hac autem secunda innuit se Paulus intelligere, cum ait: *Adoptionem* dico, id est *redemptionem corporis nostri*, id est in qua adoptione

PATROL. CLIII.

A corpus nostrum modo fragile, nulla corrumpetur mutabilitate. Per hoc quod dicit *expectantes*, innuit se de futura adoptione loqui, non de jam habita. Rem enim jam habitam non expectamus. Credendum est etiam Christum assumpsisse ideo corpus cum anima, ut utrumque liberaret a corruptione. Vere expectamus, quia spem habemus. Spes autem ista magnum habet meritum, nam salvos nos facit. Quod sic ait, *spe*, id est merito spei, quia rem invisibilem et etiam incogitabilem constanter speramus, hoc merito *salvi sumus*, et in hac spe *facti* sumus ab alio, non a nobis. Non enim fragilitas nostra nisi Spiritu sancto confortata speraret, quia nesciret, et sic nec meritum salutis haberet; spe salvi facti sumus, tantum meritum habet vera spes; sed illa *spes*, id est res sperata *quæ videtur*, *jam non est spes*, nec spei meritum habet. Spes enim est de re quæ non videtur: ut si speramus aliquem nobis daturum pecuniam, illud quod speramus, nondum videmus, scilicet nos habere pecuniam, etsi pecuniam ipsam videamus. Rei autem quæ jam habetur non est spes, sed jam usus habetur. Vere rei quæ videtur non est spes, *nam quod videt quis, illud quomodo vel quare sperat?* Non est amplius sperandum, sed eo utendum. Rei quæ videtur non est dicenda spes, sed si illud quod non videmus speramus, meritum hujus spei habemus. Nam *expectamus* rem speratam *per patientiam*, id est in expectando patienter omnia toleramus, desiderio rei quam speramus. Et hæc spes, quæ tanti est meriti, per Spiritum sanctum habetur. Nec hoc solum dat nobis Spiritus sanctus, sed etiam *similiter*, id est sicut spem, et per spem patientiam: sic idem *spiritus adjuvat nostram infirmitatem*. Sicut enim infirmi sine Spiritu sancto essemus in spe, sic etiam infirmemur in oratione, nisi doceret nos Spiritus. Vere Spiritus adjuvat nos infirmos. *Nam nos scimus quid oremus*, sicut scire oportet et orare, scimus quidem quomodo non oportet. Nos utique nescimus, *sed ipse Spiritus postulat*, id est postulare nos facit et insinuat. Postulat dico *pro nobis*, id est vel vice nostri, vel causa nostræ utilitatis: *gemitibus inenarrabilibus*. Gemitus ideo inenarrabiles dicit, quia ipsi contemplatores nescirent explicare, nec possent, quot et quantis desideriis æstuant. Ex eo quod dictum est, Spiritus postulat, quidam in errores lapsi sunt, dicentes Spiritum minorem Patre et Filio, quia qui postulat minor intelligitur eo a quo postulat; curialitatem Pauli, vertentes in hæresim. Sicut enim qui modo docuisset aliquem quo genere loquendi, et quibus verbis loqueretur cum principe, ille per illum instructum diceretur loqui eidem principi: sic Spiritus sanctus, quid et quomodo postulemus nos instruit, et per nos instructos dicitur postulare, non aliter.

Quod supra dixit: nescimus orare *sicut oportet*, hoc in ipso apertum est, qui contra salutem spiritum **49** Satanæ oravit auferri a se datum sibi ob custo

diam humilitatis; ne quia raptus erat ad tertium cœlum, et audierat quæ non licebat homini loqui, superbiret: sed per impellentem fragilitatem, pusillanimitatem carnis reminisceretur. Spiritus sanctus sperare nos facit, orare nos docet, et exaudiri nos facit. Quod sic ait: Spiritus *postulat*: ille autem qui *scrutatur corda*, id est Deus, *scit*, id est complet et approbat quod desiderat, id est desiderare nos facit Spiritus sanctus: Scit ideo quia Spiritus *postulat secundum Deum*, id est docet nos Spiritus postulare quod Deo bonum est concedere. *Postulat dico pro sanctis*, id est vel vice vel causa sancto-um. *Scrutatur* ab ea similitudine dictum est, quia quemadmodum ille, qui multo scrutinio rem investigat, melius rem ipsam cognoscit; sic Deus non quod scrutando laboret, sed quasi scrutator et longe melius occulta cordium novit. Non solum Spiritus spem dat, orare insinuat, exaudiri facit, sed et quæcunque prospera vel adversa contingant sanctis, omnia facit ille esse ad bonum. Littera sic jungitur: Orare sicut oportet per nos nescimus, hoc autem per Spiritum sanctum scimus, quoniam idem Spiritus cooperatur omnia, seu prospera seu adversa; in bonum, id est ad utilitatem sanctorum. Vel omnia cooperantur a Spiritu sancto in bonum, ut passive dicamus; vel in activo sensu omnia cooperantur in bonum, et iterum per Spiritum sanctum. Sententia non mutatur, cooperantur dico diligentibus Deum, nec qui modo diligant, modo peccando odiant, sed his, id est hujusmodi diligentibus qui a Deo vocati sunt; ad hoc ut sint sancti: et quia non omnes vocati electi, adjungit:

Vocati dico secundum propositum præscientiæ Dei, quæ nullo modo potest immutari. Vere secundum propositum vocati sunt, et omnia cooperantur illis in bonum. Nam Deus præscivit eos ab æterno sibi idoneos et electione dignos. Et quia præscivit ab æterno, prædestinavit etiam eos, id est præparavit in tempore congruo. Hæc præparatio fuit oblatio gratiæ, et interna aspiratio. Præscivit, inquit, et prædestinavit fieri conformes, id est imitatores imaginis, id est puritatis filii ejus: quia in hoc mundo per puritatem solam imitari licet Filium Dei, quem in futuro per majorem puritatem et invariabilitatem imitabuntur sancti. Hoc autem de divina essentia Filii dicimus, quia si per hoc Filium a Patre videmur diversificare, quia dicimus imaginem Filii, respondemus quod in substantia quidem per omnia idem sunt, sed in personis est varietas. Et in eo quod Pater sine principio, non ab alio: Filius autem a Patre principium habet, licet semper fuerit cum Patre, et sic ab alio. Si autem secundum humanitatem de Christo hic agimus, congrue sequentia consentiunt, quæ secundum carnem de Christo solummodo agunt, et dicemus: Simus conformes imaginis filii ejus, ut quomodo in novitate spiritus ambulavit, sic et nos ambulemus. Ita tamen conformes secundum utramque sententiam: ut ipse Filius sit primogenitus in multis fratribus, ut quemadmodum primogenitus Filius Dominus est paternæ hæredi-

tatis, et quod inde habent alii filii ab eo habent; sic et Christus Dominus est in hac hæreditate, et qui cunque aliquid inde habent, ab eo et per eum totum habent. Dicitur etiam primogenitus mortuorum, quia primus resurrexit a mortuis, etiam sicut cum eo incorruptibiles resurrexisse credantur quidam sancti. Si qui autem per Christum suscitati sunt, non surrexerunt a mortuis, quia iterum morituri.

Nec solum præscivit, sed quos prædestinavit, etiam vocavit: quia, postquam inspiravit eos, vocatores adhibuit interius præparatis, quorum vocatio frustra esset, nisi spiritus operaretur interius. Et quos vocavit, hos etiam justificavit, remittendo peccata, infundendo gratiam. Quos autem justificavit, illos etiam magnificabit in futuro, quando conregnabunt secum. Vel magnificavit secundum certitudinem futuræ rei dicit, et secundum quosdam, 50 qui jam cum Deo regnant, quantum ad animas. Quandoquidem Deus electos suos præscivit, præparavit, justificavit, et ad ultimum magnificabit, ergo quid dicemus ad hæc? Estne aliquid quod contraire possit huic divinæ dispositioni? Contra hoc utique nihil potest dici, quia Deus est pro nobis, et si Deus pro nobis, quis potest esse contra nos? Quis potest evertere, ne perficiatur quod Deus de nobis præordinavit. Vere Deus est pro nobis. Nam ipse est qui non pepercit etiam Filio suo, sed tradidit, id est disposuit illum tradendum ad mortem pro omnibus electis suis. Et cum rem tam difficilem fecerit, sicut est Filium præ omnibus filiis charum tradere morti pro nobis, quomodo, id est qua ratione non etiam donabit nobis omnia quæ restant, cum illo Filio quem longe chariorem omni re habuit, quem nobis in articulo mortis dedit? Non est credendum, ut qui Filium dedit, quæ minora sunt Filio nobis negaturus sit. Et quandoquidem Deus nos adeo dilexit, ut Filium traderet pro nobis, quis jam accusabit adversus nos electos Dei? Accusare est adversus electum, quomodo subvertatur disponere, quemadmodum Satan videns Job in terrenis abundare, quia in his putavit Job mente destitueri, pertractabat quod res ejus demoliendo justitiam ejus per impatientiam de damno rerum venientem destrueret: sed quia electus erat Job, Satan non potuit. A principio enim ex quo dixit: Ponam sedem meam ad aquilonem (Isa. xiv, 13), semper laboravit destruere regnum Christi, in quo adhuc male perseverat. Diabolus vult accusare, sed non potest, Deus autem potest, sed non vult: Deus enim est qui justificat. Quis est etiam qui condemnet electos Dei? Satan quidem condemnare vult, sed non potest; Christus quidem posset, sed non vult: quod ex eo palam est, quod Christus Jesus est, qui mortuus est pro nobis. Nec hoc solum, imo qui etiam resurrexit, ut et nos resurgere faciat; qui etiam est ad dexteram Dei, ubi et nos secum collocabit: qui etiam interpellat pro nobis, ubi est in dextera Patris, qui hæc omnia pro nobis fecit et facit: credendum est quod nos condemnet? Interpellare dicitur Christus, non quod voce clamet, sed

assumpta humanitas, quæ in oculis Dei est, semper A Deum pulsat, et memorem facit, ut perficiat illud pro quo Filium carnem assumere voluit: quemadmodum legatus, per solam repræsentationem personæ legationis suæ, memorem faceret ad quem missus esset in eo, quod se illi repræsentaret.

Quandoquidem Deus præcivit, justificavit, etc.; ergo quis nos separare poterit a charitate Christi, ut sic pervertat consilium Dei? Separabit nos tribulatio, id est quælibet afflictio carnis? An angustia? id est anxietas animi. An persecutio de loco ad locum? An fames? quia sæpe esuriit, ut etiam tæderet eum vivere. An nuditas? An periculum? id est comminatio mortis? An gladius? An ipsa occisio? Nihil utique horum nos separabit, sicut scriptum est in libro Psalmorum: illud quia jungitur in posterum: Propter te mortificamur tota die, æstimati sumus ut oves occisionis (Psal. XLIII, 24): non quæ reservantur ad fetus, sed quæ sunt occisionis, id est quæ steriles sunt occiduntur; et si propter te occidimur, constat quod a te non separabimur. Sed quæ cura si mortificamur? In his enim omnibus, tribulatione, angustia, et cæteris superamus, propter eum ferventes amore ejus, qui dilexit nos. Vere superabimus, quia neque mors, id est comminatio mortis; neque vita, id est promissio vitæ, vel gloriæ mundi; neque angeli, qui legatione Dei funguntur; neque principatus, id est neque ordo ille qui etiam super angelos principatum habet; neque virtutes, id est neque ordo ille cuius officium est operari miracula. Vel ista, si vobis de malis angelis intelligimus, inter quos etiam sunt discretionis officiorum. De singulis enim ordinibus aliqui lapsi sunt, ut dicamus: Neque angeli mali, quorum officium est explorare legationes; neque principatus, qui in genere malorum subditis angelis principantur; **51** neque virtutes, mali enim spiritus miracula faciunt. Neque instantia, id est præsentia seu prospera sint seu adversa; neque futura hujus mundi bona vel mala. Neque fortitudo, id est violentia cujuslibet fortissimi. Neque altitudo, id est promissio honoris. Vel altitudo ut illa quando diabolus purpuratum se et diademate renitentem ostendit. Neque profundum, id est etsi aperto inferno minaretur mihi in ipsum præcipitum. Neque creaturalia, id est si novam et non visam creaturam facerent. Nihil horum omnium poterit nos separare a charitate Dei, quæ est in Christo Jesu Domino nostro.

CAPUT IX.

Veritatem dico in Christo Jesu, non mentior. Testimonium mihi perhibente conscientia mea in Spiritu sancto: quoniam tristitia mihi est magna, et continuus dolor cordi meo. Optabam enim ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, et gloria, et testamentum, et legislatio, et obsequium, et promissa: quorum patres, ex quibus est Christus secundum carnem: qui est super omnia Deus benedictus in sæcula (II Cor. xi, 31). Amen. Non

autem quod exciderit [excidit] verbum Dei. Non enim omnes qui ex Israel [circumcisione] sunt, hi sunt Israelitæ, neque qui semen sunt Abrahamæ, omnes filii sunt Abrahamæ; sed in Isaac vocabitur tibi semen (Gen. xxi, 12), id est, non qui filii carnis hi filii Dei, sed qui filii sunt promissionis (Gal. iv, 28), æstimantur in semine. Promissionis enim verbum hoc est: Secundum hoc tempus veniam, et erit Saræ filius (Gen. xviii, 10). Non solum autem illa, sed et Rebecca ex uno concubitu habens, Isaac patris nostri (Gen. xxv, 24). Cum enim nondum nati fuissent, aut aliquid boni egissent, aut mali (ut secundum electionem propositum Dei maueret), non ex operibus, sed ex vocante dictum est ei: Quia major serviet minori (Gen. xxv, 23), sicut scriptum est: Jacob dilexi; Esau autem odio habui (Malach. i, 2). Quid ergo dicemus? Nunquid iniquitas apud Deum? Absit! Moysi enim dicit: Miserebor cui misereor [cui misertus sum], et misericordiam præstabo cui miserebor (Exod. xxxiii, 19). Igitur non volentis neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi [servavi] te, ut ostendam in te virtutem meam, et ut annuntient nomen meum in universa terra (Exod. ix, 16). Ergo cui vult miseretur, et quem vult indurat. Dicis itaque mihi: Quid adhuc quæritur? Voluntati enim ejus quis resistit? O homo, tu quis es qui respondeas Deo? Nunquid dicit figmentum ei qui se finxit: Quid me fecisti sic? (Sap. xv, 7; Isa. xlv, 9; Jer. xviii, 6.) An non habet potestatem figulus luti, ex eadem massa facere aliud quidem vas in honorem, aliud vero in contumeliam? Quia [quid] si Deus volens ostendere iram, et notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ, quæ præparavit in gloriam. Quos et vocavit non solum ex Judæis, sed etiam ex gentibus, sicut in Osee dicit: Vocabo non plebem meam, plebem meam; et non dilectam, dilectam; et non misericordiam consecutam, misericordiam consecutam (Ose. ii, 23; I. Petr. ii, 10). Et erit, in loco ubi dictum est eis non plebs mea vos, ibi vocabuntur filii Dei vivi. Isaïas autem clamat pro Israel: Si fuerit numerus filiorum Israel tanquam arena maris, reliquæ salvæ fient (Isa. x, 22). Verbum enim consummans, et abbrevians in æquitate: quia verbum abbreviatum faciet Dominus super terram. Et sicut prædixit Isaïas: Nisi Dominus Saath reliquisset nobis semen, sicut Sodoma facti essemus, et sicut Gomorrha similes fuissetus (Isa. i, 9). Quid ergo dicemus? Quia gentes quæ non sectabantur justitiam apprehenderunt justitiam, justitiam autem quæ ex fide est. Israel vero sectando legem justitiæ [justitiam], in legem justitiæ non pervenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in

« Sion lapidem offensionis et petram scandali; et
« omnis qui credit in eum, non confundetur (*Isa.*
« xxviii, 26; *I Petr.* ii, 7).»

EXPOSITIO.

52 Jam amplius non separabor a charitate Christi, sed olim separatus fui; et inde multum doleo, et de hoc quod doleo, *veritatem dico* positus *in Christo*, in cujus corpore mentiri non licet. Nec in uno verus, ut in alio mentiar. Sed non in aliqua parte mentior; nec solum Christo, sed etiam *conscientia mea mihi perhibente testimonium* quod non mentior: conscientia dico, fundata *in Spiritu sancto*, cum quo non perhiberet falsum. De hoc, inquit, dico veritatem: *quoniam tristitia magna est mihi secundum afflictionem corporis, et continuus dolor cordi meo* interius: dolor, inquit, est mihi, et merito. *Ego enim ipse, qui modo separari nequeo, optabam esse non solum separatus; sed etiam anathema*, id est separatio aliorum a Christo *pro fratribus meis*; quia hos qui modo fratres sunt in Christo separare volebam a Deo: *qui etiam sunt cognati mei secundum carnem*; quia, licet omnibus in dilectione obnoxii simus, domesticis tamen generis nostri hanc debemus impensius: *qui etiam sunt veri Israelitæ videntes Deum, quorum etiam adoptio filiorum*, id est qui adoptati sunt in filios Dei. Quorum etiam gloria miraculorum; quorum etiam est testamentum; Evangelium repromissum; quibus etiam est *latio legis*, id est spiritualis intelligentia quam fert lex; quibus etiam est *ad obsequium*, id est cultus Dei; quibus etiam facta sunt *promissa salvationis*; quibus etiam *patres* fuere illi *ex quibus Christus natus est secundum carnem*: qui secundum Deitatem Deus est ab initio, manens *super omnia, Deus* dico *benedictus æternaliter in sæcula. Amen.* Ideo Paulus plures et majores aliis apostolis sustinuit persecutiones; quia persecutus fuerat Ecclesiam Christi: quod idem perhibet dicens: « Quia plus omnibus laboravi (*I Cor.* xv, 10).» quæ tamen augmentatio persecutionis fuit ipsi ad custodiam justitiæ, et incrementum gloriæ. Probavit sufficienter superius quod electos Dei nulla res posset a Deo separare. In sequentibus autem probare vult hanc electionem filiorum non secundum propagationem carnis, sed ex vocatione Dei fieri. Littera sic jungitur: *Ego olim optabam esse separatio filiorum Dei a Christo; sed tamen non excidit verbum Dei, id est licet multum sævirem in servos Dei, aliqui subverterentur; tamen propterea non excidit verbum, id est non inexplata periiit promissio Dei, qua se promiserat redempturum Israel; quia licet multi secundum carnem de Israel a salvatione alienati sint; omnes tamen veri Israelitæ electi sunt, et sic impleta est promissio. Vere etsi aliqui separati sunt a Deo, propterea non excidit verbum Dei; quoniam non omnes hi qui sunt ex Israel secundum carnem, vocandi sunt Israelitæ.* Tempore enim Jeroboam multi Judæi

transierunt ad culturam idolorum, et reputati sunt inter gentes, multoties etiam fecerunt. Multi etiam de gentibus in ritus Judæorum transierunt, et inter Judæos reputati sunt. Non omnes qui ex Israel sunt secundum carnem, dicendi sunt Israelitæ. *Neque omnes vocandi sunt filii*, id est hæredes Abraham, ideo quia secundum carnem *sunt semen Abraham*; Ismael enim de semine carnis Abraham fuit, nec tamen hæres.

Unde scriptum est: «Ejice ancillam et filium ejus, non enim hæres erit (*Gen.* xxi, 12),» etc.; sic etiam nec filios Abraham dicimus degenerantes a fide ejus. Consuetudo enim patrum est, eum vocare filium suum, qui imitatur patrem. Eum vero qui contrarius est factis patris, dicit pater non esse filium suum, licet vere sciat de carne sua generatum. Non omnes qui secundum carnem sunt de semine Abraham sunt; sed qui in similitudine Isaac per repromissionem Dei nati sunt, hi vocantur filii Abraham. Sic enim testatur Scriptura, dicens: *In Isaac, id est in similitudine Isaac erit tibi semen.* Nec hoc secundum carnem, sed *vocabitur*, id est per vocationem et repromissionem Dei, erunt tibi filii, non tantum secundum lineam carnis, quantum per imitationem fidei. Isaac enim natus non lege carnis, quia de vetulo patre, et matre sterili, cujus genitalia jam marcida senio fuerant, significavit non vocandos filios Abraham propter lineam carnis, sed exemplo Isaac, secundum promissionem **53** Dei. Exponit Apostolus quid sit hoc. In Isaac vocabitur tibi semen dicens: *Id quod dico semen vocabitur tibi in Isaac*, sic est intelligendum. *Non qui filii carnis Abraham sunt, hi propterea sunt filii Dei: sed hi qui sunt filii promissionis*, id est per repromissionem electi, hi *æstimantur in semine Abraham*, imitatores fidei ejus, quemadmodum Isaac per repromissionem natus est. Et vere per repromissionem. *Nam hoc est verbum promissionis*, factæ de Isaac, quod verbum locutus est angelus ad Abraham determinans conceptionem filii diu ante promissi, dicens: «*Ego veniam secundum hoc tempus*, id est post revolutum annum hac eadem die, et postquam advenero, *erit Saræ filius* (*Gen.* xviii, 10).» Secundum Ambrosium (1), præmissa littera longe supra aliter jungitur, ita: *Ego optabam esse separatio bonorum a Christo, quod faciebam pro fratribus meis, id est amore fratrum meorum Judæorum et zelo legis, quam quia Christianos putabam invertere, dolebam: nec mirum si pro fratribus meis, quia sunt cognati mei secundum carnem, et qui esse debuissent veri Israelitæ, et quorum est adoptio filiorum Dei, id est qui debebant ad partem in filios Dei, nisi hoc malitia eorum averteret; et quibus erat gloria eloquiorum Dei creditorum, et quibus debebatur testamentum, id est Evangelium, et quorum erat legislatio et obsequium, id est cultus Dei. Et promissa debebantur eis. Patres quorum fuerunt illi, ex quibus secundum carnem natus est Christus.*

(1) Commentaria in omnes Pauli Epistolas non Apparatum.

putantur esse Ambrosii: de quo consule Possesini

Sed licet hæc promissa illis, iniquitate sua impediende non adepti sint, non tamen ideo dico quod propterea exciderit verbum, id est impletio promissionis Dei : quoniam si non omnes qui secundum carnem Judæi, tamen quicumque veri Israelitæ fuerunt, promissionem Dei acceperunt. Sequens littera non mutatur. Non solum autem hanc Sara promissionem habuit, sed etiam Rebecca. Convenienter de Rebecca inducit, in cujus filiis apertum est, ex electione tantum Dei, bonum aliquem fieri. Si enim ex genere non est causa quare Jacob magis eligatur quam Esau, in quorum electione vel reprobatione nulla parentum, nulla filiorum merita præcesserunt, et ideo per Rebeccam apertius probat, secundum promissionem filios Abraham fieri, quam per Saram, quæ solum electum habuit : accepti utique reprobationem Rebecca, *habens filios ex uno eodemque concubitu Isaac patris nostri*. Ut sciatur merita parentum non profuisse Jacob, nec nocuisse Esau, determinat eos esse generatos de eodem concubitu : ne si (ut quidam physici volunt) diversis temporibus generati essent, putarentur parentes esse grati Deo, cum genuerunt Jacob ; ingrati, quando genuerunt Esau. Sicut parentum, sic etiam merita filiorum excludit, dicens : Rebecca utique habuit promissionem. Nam *dictum est ei : Major serviet minori*. Sed antequam dicat promissionem, convenienter merita filiorum cum meritis parentum excludit, ut constet omnem electionem esse primum et principaliter ex gratia Dei, dicens : Rebecca habuit filios, qui cum nondum nati essent, per hoc excludit merita filiorum. Sed tamen quia in ventre matris luctati esse dicuntur, ne ideo putarentur ibi potuisse mereri, hoc determinans ait : *Aut cum nondum egissent aliquid boni vel mali*, pro quo hic deberet eligi, hic reprobari. Ideo priusquam agerent bonum vel malum, *dictum est ut propositum*, id est prædestinatio Dei qua hunc eligebat, alterum reprobabat, *maneret*, id est permanere comprobaretur, *secundum electionem Dei*, quæ electio non erat facta *ex operibus*, id est quia bene egisset Jacob, sed solummodo *ex vocante*, id est ex gratia et beneplacito vocantis Dei.

Hoc utique dictum est quia, id est quia *major serviet minori*. Non ideo dicitur servire, quod Esau aliquando servierit Jacob, sed plerumque dominatus sit ei, ut qui fortior erat in terra. Et ideo sic intelligendam est : *Major serviet*, id est utilis erit *minori*. Quanto enim Esau magis persequabatur Jacob, tanto magis meritum **54** patientiæ accrescebat patienti : et ita dictum est in Genesi : *Major serviet minori* (Gen. xxv, 23). Hoc autem dictum est Rebecca, antequam pueri nascerentur, quod dictum est sicut scriptum est per Malachiam de eisdem longe post eorum decessum. Hoc utique scriptum est : Ego dilexi Jacob (Malac. 1, 2), et pro hoc præcipue elegi eum. Esau autem quia odio habui, reprobavi. Odium enim Dei nihil aliud est, quam ex æquitate gratiam subtrahere. Convenienter sicut de præcedenti testimonium posuit, ut præcessisse merita eorum ex-

A cluderet ; ita et de sequenti testimonium posuit, ut ostendat sequens meritum Jacob insufficientem fuisse, et penitus per se indignum fuisse gratia Dei ; et ideo constare quod per misericordiam electus sit, ut etiam ostenderet quod Esau juste negata sit gratia, quia non esset cooperaturus gratiæ. Quæritur cur Jacob electus sit, et Esau reprobatus : cum in neutro meritum boni vel mali præcesserit, quæ causa fuerit electionis unius, et reprobationis alterius ? Ad hoc respondetur, Jacob electum esse per misericordiam ; Esau reprobatum secundum justitiam. Deus enim, cum primum creavit hominem, multiplici eum insignivit gratia : quam quia peccando a se repulit, indignum se fecit gratia Dei, et exinde Deus nihil homini debuit, sicque non est relictum homini unde juste posset conqueri, si destituitur gratia Dei.

B Quia si iterum quæritur, cum uterque ex justitia propter originale posset reprobari, nihilque meritum in ambobus repertum sit, pro quo huic sic data sit gratia, huic negata ; quare magis Jacob electus sit quam Esau ? Ad hoc respondetur quia Deus Jacob idoneum et cooperaturum gratiæ præcivit ; Esau vero non idoneum, quia non cooperaturum : ideo uni misericorditer tribuit, quod ab altero juste propter originale alienavit, quod satis aperte in Juda consideratur, quem licet Deus pro certo periturum cognosceret, permisit tamen illi gratiam miraculorum, ut aliis apostolis, cum jam fur esset, et loculos haberet. Non tamen ideo qui sciret illum irrevocabilem a malo, sed ut comprobaret nobis per hunc, juste se quibusdam omnem negare gratiam, ut pueris statim sine baptismo morientibus : quibus ideo omnem gratiam denegat, quia si tempus haberent operandi, et gratia eis concessa esset, abuterentur ea, et sic pro gratia longe gravius punirentur ; cui si cooperarentur, salvarentur. Ut autem hoc Deus notum faceret, dedit quibusdam gratiam, de quibus non hæsitabat quin abuterentur ea, sed ut etiam palam oculis haberemus, juste quibusdam omnem se denegare gratiam. herum aliud : Cum Deus omnia creavit, quædam necessaria, ut ortum solis et hujusmodi ; quædam voluntaria ut hominem et angelum constituit. Deus autem sic unum per misericordiam eligit, sicuti alterum per justitiam reprobat : ut tamen voluntariam facultatem in eis non destruat : quia etsi multos in hoc sæculo sanctos multiplici munivit gratia, non tamen coegit eos ut ex necessitate bonum agerent, nec ad malum si vellent declinare possent, sed adjuvit per gratiam, quia vidit eos gratiæ cooperaturos. Econtrario non ita Judæ subtraxit gratiam, ut, gratia subtracta, impelleret eum, vellet nollet, operari iniquitatem, sed ut appareret quid per se posset iniquitas. Si enim gratia data vel negata compellens esset ac necessaria, jam non esset relictum homini meritum salvationis vel damnationis. Quandoquidem Jacob nullo merito præcedente eligitur, Esau similiter sine merito reprobatur, ergo quid dicemus ? Nunquid iniquitas est apud Deum ? qui Jacob eligens sine merito, Esau reprobat

similiter sine merito? *Abiit* hoc ut propterea Deus A dicatur esse iniquus! Vere in electione Jacob et reprobatione Esau non est iniquus Deus, quia hunc eligendo misericors est, hunc reprobando justus est. De justitia sequitur inferius, ubi de Pharaone subdit, probat de misericordia dicens: Vere quia elegit Jacob non est iniquus, est enim misericors.

55 *Moyse enim dixit Deus (Exod. xxxiii, 19): Ejus cujus misereor in præscientia, miserebor in justificatione. Et cujus miserebor in justificatione, illi præstabo misericordiam in salvatione.* Hic satis ostendit omnia esse ex misericordia, quia præscientia, justificatio, salvatio, omnia fluunt a fonte misericordiae. Quandoquidem omnia (sicut ostensum est) fluunt per misericordiam Dei. *Igitur velle bonum non est volentis, ut ascribatur ei. Neque currere est currentis, id est operari non est operantis, sed miserentis est Dei.* Neque velle neque facere bonum potest homo, nisi misericordia Dei per Spiritum sanctum operetur in eo. Vere *miserentis Dei est velle et perficere*, quia non miserentis est neque velle neque perficere (hoc est reprobare) quod aperte in Pharaone ostenditur. *Dicit enim Scriptura Pharaoni in Genesi.* Convenienter de Pharaone inducit, cui Deus hanc gratiam proposuit: ut si vellet per doctrinam Moyse bene agere posset (Exod. ix, 16). Certum quidem Deus habebat Pharaonem nunquam poenitentem, sed ut in eo cui gratiam doctrinae concessit, eaque abusus est plane, nobis ostenderet gratiam juste negatam Esau priusquam mereretur, et omnibus quibus ita negatur: quia si Deus daret gratiam, abuterentur ea, et inde gravius punirentur: ideo etiam Deus Pharaoni doctores adhibuit, ut mala quæ prius in illo latebant, modo aperta fierent; dum Deo in tot et tantis resisteret, et prophetis et miraculis non acquiesceret. Hoc, inquam, *Scriptura dicit Pharaoni: quia in hoc ipsum; hoc quod in Genesi continuatur: in hoc ipsum in quo tu eras, id est, tu eras in malo, sed occultus, et in hoc malo excitavi te, subtrahendo gratiam ut appareres malus sicut eras.* Ideo utique *ut ostendam in te virtutem meam, id est signa miraculorum, quæ non ostenderem si acquiesceres.* Ideo etiam ostendam, *ut nomen meum annuntietur in universa terra, propter miracula facta in Ægypto.* Ubi-
cunque enim audiebantur signa Ægypti, dicebatur: Magnus est Deus Hebræorum. Quandoquidem Deus ex voluntate elegit Jacob, et ex voluntate reprobat Esau. Ergo palam est quod Deus *miseretur cujus vult* et quia videt eum cooperaturum gratiæ, *et indurat quem vult*: quia videt eum non idoneum gratiæ. Indurare Dei, est gratiam non accommodare. Quia dixi Deum misereri huic, et indurare hunc ex voluntate, itaque dicis, et objicis mihi: *Quid adhuc quaeritur a nobis ut bene agamus: qui reprobat bene agere non possumus? Vel ita. Quid adhuc quaeritur, id est conquæritur Deus de nobis, si offendimus cum indurati non offendere non possumus? Non est unde quaeratur. Vel quid a nobis requiratur: quia quis potest resistere voluntati ejus? Ubi nos indurat, videtur non*

velle nos bene agere, cujus voluntatem impossibile est mutari. Paulus hæc omnia ideo dicit, quia videbat Romanos in sapientia mundi nimium gloriari, et ad hujusmodi quæstiones supra modum insistere: ideo ut magis reprimat eos, sic totum attribuit gratiæ Dei, ut nihil videatur relinquere libertati arbitrii. Quod tamen satis commode intelligitur, quia nec ipsum initium bonum volendi ex nobis solum esse potest, si non inspiret gratia Dei. Unde sic ait: Tu dicis mihi quid adhuc quaeritur a nobis, sed o tu, homo adhærens humanitati: tu quis es qui respondeas Deo, id est qui si Deus mysterium hujus rei tibi enarraverit, intelligas illud? Vel tu quis es qui respondeas, id est qui litiges et disputes cum Deo de mysterio hujus rei? Non habes super hoc respondere Deo, sicut nec opus figuli habet de factura sui contradicere figulo, et est apta similitudo; quia quemadmodum figulus de luto, sic Deus hominem lutum, et omni pollutione infectum invenit. Non habes utique, quod respondeas Deo.

Nunquid enim figmentum dicit ei qui se finxit: Quid me sic fecisti breve vel longum, informe vel formatum? An non habet figulus potestatem luti, cujus est luti materia? Sic Deus vos omnes in luto sordidatos originali reperit. An non utique potest ex eadem massa, quæ tota in se immunda est, facere aliud **56** *quidem vas in honorem, quo bibatur: aliud vero in contumeliam, in quo sordida familiæ reponantur? Et sicut figulus potestatem habet in luto hoc vas facere, sicut placet honorabile. Hoc aliud, sicut materia vasis erat immunda, immunditiæ destinare: sic Deus omnem massam hominis corruptam propter originale inveniens, si partem hujus massæ munditiæ destinat, misericordiae est: quod vero aliam partem in immunditia sordescere deserit, æquitatis est: et contra æquitatem reclamare injustum est, sicut ostensum est. Si illud quod peccato suo sordidatum est, Deus sequendo justitiam in immunditia deserat, non habet homo super hoc quod contradicat Deo. Quid etiam dicitur de hoc, si Deus quibus non debet ex misericordia dat gratiam, et illi accepta gratia abutuntur, nonne qui hujusmodi sunt merito reprobantur? Quod æquipollenter ait. Si, inquam, Deus volens ostendere iram, id est damnationem impiorum apertam facere hominibus, sibi quidem notum erat nunquam eos gratiæ datæ cooperaturos: volens etiam notam facere potentiam suam, id est quanta potentia patientiæ faceret suos persecutiones impiorum tolerare, per quod nec in impiis reprobatis Deus operatur sine misericordia, cum patientiæ meritum accrescat suis per indurationem malorum. Volens utique Deus ostendere iram in impiis, potentiam in electis, sustinuit in patientia multa, et secundum tempus, et secundum numerum impietatum. Sustinuit dico vasa iræ, id est eos in quibus juste infundenda est ira, id est damnatio. Vasa dico apta in interitum, id est in perditionem propter solum originale, si nunquam daretur gratia qua abuterentur. Sustinuit ideo, ut ostenderet divitias gloriæ*

suæ, id est divitem gloriam suam in vasa misericordiae, id est in eos in quos infundenda erat misericordia; quæ vasa præparavit, id est prædestinavit Deus ad habendam futuram gloriam. Nec solum prædestinavit: sed quos, id est vasa misericordiae etiam missis prædicatoribus vocavit. Illud quos ad sententiam respicit, non ad litteram. Vocavit dieo nos, scilicet et quos nos? id est non solum ex Judæis, sed etiam ex gentibus: quia quemadmodum Judæos vocavit, sic et gentes. Probat quod vocatio gentium ex Deo sit dicens: Vere Deus vocavit gentes, sicut dicit non Osee, sed Dominus in Osee. Hoc utique dicit: Vocabo plebem meam non plebem meam, id est gentilitatem, quæ modo non plebs mea dicitur. Vocabo per gratiam, et faciam plebem meam (Ose. ii, 23), et non dilectam gentilitatem. Vocabo per gratiam, et faciam dilectam, justificando a peccatis: et eandem gentilitatem non consecutam misericordiam: faciam consecutam misericordiam in salvatione. In signum autem salvandæ gentilitatis hic Osee prædicaturus salutem gentium, jussus est a Deo ducere uxorem fornicationis, etc. Vocabo utique gentilitatem, et hoc erit, in loco ubi dictum est, Non plebs mea vos, id est in toto mundo ubi Judæi solum plebs Dei vocabantur, gentiles vero non ibidem vocabantur a modo gentes, sed vocabantur filii Dei vivi, qui vitam æternam quam habet daturus est eis quos ex electione vocavit. Vel ita: in loco, id est in Judæa, ubi dictum est, Non plebs mea vos: ibi vocabantur filii Dei; quia et de Judæis electi sunt apostoli, per quos gentes

confirmavit, probat per Isaiam salvationem Judæorum, et convenienter hoc probat. Gentiles enim improperebant Judæis, quod semel culpa sua repulsi et reprobati, ulterius indigni essent salvatione Dei. Osee sic dicit de gentibus: Isaias autem clamat et affirmat hoc pro Israël (Isa. x, 22), id est pro honorando Judaico populo, cui multoties mala sua improperebant. Hoc utique clamat. Si, id est licet, fuerit numerus filiorum Israel innumerabilis, tanquam arena maris, tamen reliquæ Israel, id est, viles et abjecti, qui nihil in carnalitate legis confident, hujusmodi reliquæ salvæ fient. Vel reliquæ, id est quos Deus sibi reliquit, et idoneos salvationi reservavit, hi salvabuntur. Determinat modum salvationis, ne per legem putarent se salvari. Vere salvæ fient reliquæ: nam per verbum, id est per doctrinam fidei, quod verbum erat lex consummans, id est perfecte justificans, et quod lex facere non potuit. Erit etiam abbrevians et præcepta legis, quæ omnia ad dilectionem Dei et proximi reducet, et sacrificia; quæ omnia ad unum sacrificium corporis Christi rediget. Et ne quia legem abbreviaret, injustum judicaretur, hoc verbum, ideo addit, in æquitate: quia etsi abbreviat legem, æquum tamen erit et justum. Quod palam est ex eo quod Dominus faciet hoc verbum abbreviatum, sicut dictum est

A secundum sacrificia et præcepta. Nec super Judæos solum, sed etiam super terram, id est super gentes. Vel ita: Salvæ fient reliquæ. Nam per verbum illud de quo dictum est: «In principio erat verbum (Joan. i, 1), etc. Quod verbum, id est Christus, erit consummans et abbrevians legem in æquitate, sicut dictum est. Quia Dominus faciet hoc verbum brevium, id est secundum assumptam carnem mortalitatis et passibilitatis ab angelis minoratum. Juxta illud (Psal. viii): «Minorasti eum paulominus ab angelis.» Et hoc verbum faciet super terram, id est quod in natura deitatis erat invisibile, per assumptam carnem hominibus in terrâ exhibebit visibile. Vere per verbum brevium salvæ fient reliquæ. Nam nisi Dominus reliquisset nobis hoc semen, perderemur; et hoc dico non solum ex me, sed etiam sicut prædixit Isaias vaticinans de eodem: Nisi Dominus Sabaoth (Isa. i, 9), id est exercituum tam cælestium quam terrenorum reliquisset nobis semen, id est Christum: quem ante tempora sic constituit, et in tempore dedit; vel semen, id est verbum prædicationis, per quod fructifitent credentes; vel nisi Dominus ascendens reliquisset nobis semen, id est apostolos, qui in nobis verbum fidei seminarent, nos utique facti essemus sicut Sodoma et sicut Gomorrha, id est penitus periclitaremur, et merito, quia similes fuissetis spernendo præcepta Dei.

Quod superius dixit de vocatione gentium per Osee (cap. ii, 23), ne Judæi negarent hoc dictum esse de gentibus, sed de se, qui multoties a Deo recedendo non plebs Dei facti sunt: exponit Paulus quomodo de gentibus hæc verba tantum agant. Quandoquidem superius dictum est, non plebem meam vocabo plebem meam, ergo quid dicemus? Et quomodo hanc auctoritatem accipiemus? Hoc utique in verbis Osee exponemus, quod gentes quæ non sectabantur justitiam, id est quæ neo legem habebant, nec bono rationis suæ utebantur, apprehenderunt non ex merito, sed ex gratia ingerente ejus justitiam: nec carnalem justificationem, sed justitiam quæ est ex fide. Partem iterum auctoritatis quam Isaias pro Israël protulit: hanc scilicet quod non numerositas filiorum Israel salvaretur, exsequitur Apostolus ponendo causam quare reproberetur, dicens: Gentes apprehenderunt justitiam: sed Israël, id est Judaicus populus sectando legem carnalis justitiæ, non pervenit in legem spiritualis justitiæ. Sed quare non pervenit? Ideo quia non ex fide credidit se justificari, sed præsumpsit quasi ex operibus posset justificari. Et quia non ex fide crederunt se posse justificari, ideo offenderunt, id est offensionem sibi fecerunt in lapidem, id est in Christum, qui lapis fuit, qui et inimicos contereret, et in quo fundamenta justorum consistent. Lapidem dico offensionis, id est qui lapis per humilitatem quam habuit aptus fuit in quo offenderent superbi, sicut scriptum est in Isaiâ: Ecce pono in Sion, id est in Judaico populo, lapidem offensionis, id est Christum, et petram scandali (Isa. viii, 14; I Petr. ii, 7).

Inter lapidem et petram nulla distantia est, sed A tur Apostolus Judæos ideo dicere reprobatos, nec offensionem vocat peccata facta in Christum. Scandalum vocat damnationem ex culpa peccatorum proveniente. Licet dicam quod Christus lapis offensionis fuerit Judæis, tamen non omnes offenderunt in eo : sed *omnis de Sion qui credit in eum lapidem, non erubescet se credidisse.*

58 CAPUT X.

« Fratres, voluntas quidem cordis mei et obsecratio ad Deum fit pro illis in salutem. Testimonium enim perhibeo illis, quod æmulationem quidem Dei habent, sed non secundum scientiam. Ignorantes enim justitiam Dei, et suam quærentes statuere, justitiæ Dei non sunt subjecti. Finis enim legis Christus ad justitiam omni credenti. Moyses enim scripsit [dixit] : quoniam justitiam quæ ex lege est qui fecerit homo, vivet in ea (Levit. xvii, 5). Quæ autem ex fide est justitia, sic dicit. Ne dixeris in corde tuo quis ascendet in cælum (Deut. xxx, 14) : id est Christum deducere ; aut quis descendet in abyssum, hoc est Christum a mortuis revocare ? Sed quid dicit Scriptura ? Prope est verbum in ore tuo et in corde tuo (Deut. xxx, 14). Hoc est verbum fidei quod prædicamus, quia si confitearis in ore tuo Dominum Jesum, et in corde tuo credideris quod Deus illum excitavit [suscitavit] a mortuis, salvus eris. Corde enim [autem] creditur ad justitiam, ore autem confessio fit ad salutem. Dicit enim Scriptura : Omnis qui credit in illum, non confundetur. Non enim est distinctio Judæi et Græci. Nam idem Dominus omnium, dives in omnia qui invocant illum. Omnis enim quicumque invocaverit nomen Domini, salvus erit (Joel. ii, 32). Quomodo ergo invocabunt, in quem non crediderunt ? Aut quomodo credent ei, quem non audierunt ? Quomodo autem audient sine prædicante ? Quomodo vero prædicabunt, nisi mittantur ? Sicut scriptum est : Quam speciosi pedes evangelizantium pacem, evangelizantium bona ! (Isa. lxi, 7 ; Naum. i, 15.) Sed non omnes obediunt Evangelio. Isaias enim dicit : Domine, quis credidit auditui nostro ? (Isa. lxi, 1.) Ergo fides ex auditu : auditus autem per verbum Christi [Dei]. Sed dico : Nunquid non audierunt ? Et quidem in omnem terram exivit sonus eorum, et in fines orbis terræ verba eorum (Psal. xviii, 5). Sed dico : Nunquid Israel non cognovit ? Primus Moyses dicit (Deut. xxxii, 1) : Ego ad æmulationem vos adduceam in non gentem, in gentem insipientem, in iram vos mittam. Isaias autem audet, et dicit : Inventus sum a non quærentibus me, palam apparui his qui me non interrogabant (Isa. lxxv, 1). Ad Israel autem dicit : « Tota die expandi manus meas ad populum non credentem, sed contradicentem mihi (Ibid. v, 2). »

EXPOSITIO.

Ne quia modo dixerat : Israel non pervenit in legem justitiæ, sed offenderunt in Christum, putare-

tur Apostolus Judæos ideo dicere reprobatos, nec ulterius posse salvari. Dicit se orare pro illis, pro quibus utique non oraret, si apud Deum reprobatos cognosceret. Unde sic ait : Licet Judæi offenderint in Christum, tamen *fratres, voluntas cordis mei fit pro illis*, id est bonam voluntatem habeo ad illos, quos si pœniteant confido salvandos. Nec solum voluntas, sed etiam *obsecratio fit ad Deum pro illis*, ad habendam illis salutem. Ideo utique obsecro Deum pro illis, quia *testimonium illis perhibeo, quod pro certo habent æmulationem*, id est dilectionem Dei ; vel æmulationem, id est indignationem adversus sanctos, zelo Dei et suæ legis. Existimantes enim sic tuendam esse legem suam, persequuntur sanctos. Habent utique emulationem Dei, sed non secundum scientiam. Non enim scienter sic diligunt legem, vel sic indignantur pro lege. Inde ait beatus Petrus : « Scio, fratres, quia per ignorantiam fecistis (Act. iii, 17), » etc. Vere non secundum scientiam, nam ipsi ignorantes justitiam Dei, id est omnem justificationem ex solo Deo esse, et quærentes statuere, id est confirmare suam justitiam quod per carnalia opera legis justificarentur : quæ utique justitia non Dei, sed eorum esset. Hoc utique quærentes non sunt subjecti justitiæ Dei, id est Deo justificanti : sed potius derogando Deo, justitiam quæ Dei est ascribebant sibi. Vere justitiæ Dei non sunt subjecti. Nam Christo noluerunt subijci ; qui *Christus est ad justitiam omni credenti*, id est qui omnem credentem justificat. Christus dico, qui est finis legis, et secundum impletionem ejus, et secundum hoc quod veniente Christo finita est lex illa, et jam per Christum locum habet gratia. Vere Christus est ad justitiam, nam lex non est ad justitiam. *Moyses enim sic scripsit, quoniam*, id est quod homo qui fecerit justitiam, quæ est ex lege, id est carnales observantias quas præcipit lex, ipse vivet in ea (Levit. xviii, 5) lege, id est hoc solum habebit ex impletione carnalis legis, quod non morietur iudicio legis. Qui enim legem facit, pœnam solummodo evadit, sed per eam non justificatur. De justitia legis sic ait. Sed de justitia quæ est ex fide, sic dicit idem Moyses : *Ne dixeris in corde tuo*, id est, nec corde credas nec ore loquaris hoc : *Quis ascendit in cælum ?* (Deut. xxx, 12) id est ne dubites etiam quosdam ascendisse in cælum, et adhuc quoscumque justos ascensuros esse. Id enim dicere, *Quis ascendit in cælum, est deducere Christum de coelo*, id est negare quod Christus in cælum ascenderit. Aut *ne dixeris in corde tuo quis descendit in abyssum*, id est in infernum ? quia hoc dicere est revocare Christum ex mortuis, quod nec Christus mortuus ad infernum descenderit, nec inde Abraham sanctosque suos abstraxerit, quod utrumque contra fidem est. Hoc ne credideris, sed hoc quod sequitur crede. *Quid enim dicit Scriptura per eundem Moysen ? Prope est verbum in ore tuo*, id est, paratum est verbum doctrinæ. Vel verbum Dei Christus in ore tuo, ut confitearis, et rationabiliter tuearis illud. Et hoc idem verbum, prope est etiam

in corde tuo (*Deut. xxx, 14*), ut credas illud. Et hoc verbum quod prope esse dico, est verbum fidei, id est, doctrina habilis ad credendum. Vel Christus in quem convenienter credi oportet, quod verbum nos predicamus. Hoc, scilicet, inde predicamus, quia, id est, quod si confitearis Dominum Jesum in ore tuo, et credideris in corde tuo, quod Deus excitavit illum a mortuis, et quæcunque impossibilia de eo credas, nec legem naturæ potuisse ipsi obsistere : si hoc, inquit, confitearis, et credas, non solum vives vita præsentis, ut per legem, sed etiam salvus eris æternaliter. Vere si corde credideris, salvaberis. Nam corde creditur ad habendam justitiam, id est justificationem a peccatis. Qui autem justificatus est, de salvatione secutus est. Et vere si confitearis ore, salvaberis. Nam confessio fit ore ad consequendam æternam salutem. Ideo salutem (quia majus videtur) posuit ad confessionem oris. Hoc enim confiteri, scilicet Deum, magnum et præcipuum erat in tempore Apostoli sæviente persecutione : quo tempore multi sane credentes non audebant palam loqui) nec confiteri. Probat quod credulitas cordis justificet, ab auctoritate Scripturæ : nec tamen determinat cujus sit hæc scriptura : sed in psalmis multoties æque valens invenitur.

Vere corde creditur ad justitiam. Nam Scriptura dicit : *Omnis*, sive Judæus, sive gentilis, qui credit in illum quem Deus excitavit a mortuis, non confundetur, id est non erubescet quasi male crediderit. Bene dico *omnis*. Nam non est distinctio apud Deum : Judæi et Græci, id est Deus in salvatione sua indifferenter accipit Judæum ut gentilem, et gentilem ut Judæum. Vere apud Deum nulla est distinctio Judæi et gentilis : nam *idem est Dominus omnium*. Qui enim creavit unam, creavit et alteram. Unde apparet quod æquam voluntatem habeat ad utrumque, et sicut voluntatem, sic etiam habet potentiam. Nam ipse est dives : et abundanter retribuens in omnes qui invocant illum. Probat quod confessio fit ad salutem. Respondet tamen littera ad proximum. Vere Deus est dives in omnes qui invocant illum. Nam *omnis quicumque* sit ille, sive Judæus, sive gentilis, qui invocaverit nomen Domini, salvus erit. Quandoquidem oportet eos invocare ut salventur. ergo oportet eos primum credere, ut postea invocent. *Quomodo enim invocabunt illum in quem non crediderunt?* quasi diceret : Quia credent invocabunt. *Aut quomodo credent ei quem non audierunt?* id est, quia audient credent. *Quomodo autem audient sine prædicante?* id est quia prædicabitur illis audient. *Quomodo vero prædicabunt nisi mittantur?* id est quia Deus mittet illos, 60 prædicabunt. Ex omnibus his interrogationibus intendit totum venire ex gratia Dei, a principio vocationis usque ad salvationem eorum. Cum enim dicit prædicatores a Deo missos quos audierunt : et post auditum credunt : et deinde invocant, et sic ad ultimum salvantur : totum innuit referendum esse gratiæ Dei. Vere prædicatores mittuntur a Deo, sicut scriptum est in Isaia :

Quam speciosi sunt pedes, id est adventus evangelizantium, id est bene annuntiantium pacem inter Deum et hominem, et evangelizantium bona (*Isa. v*), id est humilitatem, castitatem, et his similia. Quia supra dixerat eo quod audierunt crediderunt : ne putaremus quod solum audire sufficeret ad habendam fidem non operante Spiritu sancto interius, ait : Licet dixerim quia *audient credent* : tamen non omnes qui audiunt obediunt Evangelio. Nec solus hoc dico : sed *Isaias* mecum sentiens dicit hoc : *Dominus, quis credidit auditui nostro?* id est vel his quæ audierunt a nobis, vel his quæ nos audivimus a te et nuntiavimus illis? Per hoc quod ait *Quis credidit*, innuit multos audisse. et si non omnes, aliquos tamen credidisse. Et quandoquidem aliqui crediderunt : ergo *fides* habetur ex auditu, id est credunt aliqui, quia audiunt. Non tamen ex omni auditu habetur sana fides : sed ex auditu qui fit per verbum, id est secundum doctrinam Christi, fides est salubris. Licet pauci crederent auditui nostro : tamen dico, *Nunquid non audierunt?* quasi diceret : De hoc quod non crediderunt inexcusabiles sunt : quia verbum fidei audierunt. *Equidem in omnem terram exivit sonus*, id est fama, eorum prædicatorum. Nec solum fama : sed etiam *verba eorum*, id est eadem quæ ipsi prædicabant, audita sunt in fines terræ : et ita dico terræ quod orbis, id est orbiculatæ terræ. In omni enim parte terræ audita sunt verba apostolorum. Audierant utique, sicut probatum est. Nec solum eos audisse dico : sed dico quod etiam cognoverunt, quod interrogative ponit ut magis eos excitet, dicens : *Nunquid Israel*, id est Judaicus populus, *non cognovit?* Duo sunt genera cognitionis. Unum quo sicuti rem bonam esse cognoscimus, bonam hujus rei diligimus et approbamus : et hæc est bona cognitio. Alterum quo rem, sicuti dicitur, ita esse videmus, nec contradicere possumus : et tamen rem illam non diligimus, sed (quod solum possumus) iniquum velle ad illam habemus. Hæc est mala cognitio quam Judæi in Christum habuerunt. Probat auctoritate Moysi Judæos cognovisse Christum, dicens : Vere Israel cognovit. Nam *Moses primus* tempore secundum scripta : nemo enim ante eum scripsit prophetiam. Per hoc autem quod ait *primus*, innuit ejusdem rei multos testes esse, licet non reponat eos. Vel *primus*, id est præcipuus secundum dignitatem. *Moses*, inquit, *primus dicit hoc* : *Ego adducam vos*, o Judæi, *ad æmulationem*, id est ad invidiam et indignationem animi, *in non gentem*, id est contra gentilitatem quæ prius gens mea non dicebatur : quos vos ipsi canes vocabatis. Vel *in non gentem*, id est contra gentilitatem quam faciam non gentem, id est non sicut genita est dimittam eam, sed faciam novam creaturam : regeneratam aqua et Spiritu sancto. Nec solum adducam vos ut videatis : sed etiam *mittam vos in iram*, ut persequamini eos. *Mittam dico in iram*, id est contra gentilitatem insipientem, id est quæ prius erat insipiens, quia, licet multi philosophi

gentium scientiam haberent de mundanis, tamen A
insipientes erant cum veritatem divini cultus igno-
rarent.

Per hoc autem quod Judæi vident prophetiam
Moysi completam esse, in eo quia invident gentili-
bus factis Christianis, idololatriam deserentibus, et
novam legem sequentibus, cognoscunt advenisse tem-
pus illud de quo hoc prædicebat Moyses, sed amaritudo
eorum non vult acquiescere veræ cognitioni. Moyses
hoc dicit de Judæis. *Isaias autem audet, et dicit*
hoc de salvatione gentium et reprobatione Judæo-
rum. Audet utique. Hic enim Isaias quia manife-
stius **61** cæteris salvationem gentium prophetavit,
multa pertulit a Judæis, et ad ultimum interfectus
est ab eis. Ideo sic ait : Audet, id est non reformi-
dans, sed cum audacia dicit hoc : *Inventus sum a*
non quæreatibus me (*Isa. LXV, 1*). Ubi ait se inven-
tum et non quæsitum, quæ repugnare videntur,
ostendit ex sola misericordia Dei gentes invenisse
salutem. Inventus sum, inquam, a gentibus non
quærentibus me, naturali ratione, quam eis ad in-
telligendum me dederam, et *apparui his palam*, id
est in manifesto omnium positus. His dico *qui non*
interrogabant me, id est cognitionem mei ab aliquo
intelligente. Si enim me sua ratione quærerent, nec
cognoscere sufficerent, opportunum esset ut interro-
garent ab intelligente, quod ipsi minus intelligerent.
Sic ait Isaias de gentibus. *Ad Israel autem*, id est ad
Judaicum populum, dicit hoc. *Tota die*, id est toto
tempore per prædicatores; vel tota illa die qua pe-
pendi in cruce, *expandi manus meas*, id est affectio-
nes et opera mea, *ad populum* Judaicum, non cre-
dentem. Nec solum non credentem, sed etiam *con-*
tradicientem mihi. Expansio manuum Christi in
cruce significavit dilectionem, qua semper amplexari
voluit Judæos, qua etiam in cruce, si pœniterent,
paratus erat omnia dimittere. Ecce iterum in Isaias
ostendit Judæos cognovisse, cum videant hoc quod
dixit impletum esse. Ostendit etiam salvationem
gentium et reprobationem Judæorum.

CAPUT XI.

« Dico ergo : Nunquid repulit Deus populum
suum ? Absit ! Nam et ego Israelita sum ex semine
Abraham, de tribu Benjamin. Non repulit Deus
plebem suam, quam præscivit. An nescitis quid
dicit Scriptura in Elia : quemadmodum interpel-
lat Deum adversum [pro] Israel ? « Domine, pro-
phetas tuos occiderunt, altaria tua suffoderunt,
et ego relictus sum solus, et quærunť animam
meam (*III Reg. XIX, 10*). » Sed quid dicit illi di-
vinum responsum ? « Reliqui mihi septem millia
virorum, qui non curvaverunt genua ante Baal
(*III Reg. XIX, 18*). » Sic ergo in hoc tempore re-
liquiæ secundum electionem gratiæ Dei salvæ sient
[factæ sunt]. Si autem gratia jam non ex operi-
bus. Alioquin gratia jam non est gratia. Quid
ergo ? Quod quærebat Israel, hoc non est conse-
cutus ; electio autem consecuta est ; cæteri vero
excæcati sunt, sicut scriptum est : « Dedit illis

Deus spiritum compunctionis, oculos ut non vi-
deant, et aures ut non audiant, usque in hodie-
num diem (*Isa. VI, 9* ; *Matth. XIII, 14* ; *Joan. XII,*
40 ; *Act. XXVII, 26*). » Et David dicit : « Fiat
mensa eorum coram ipsis in laqueum, et in ca-
ptionem, et in scandalum, et in retributionem
illis. Obscurentur oculi eorum ne videant, et
dorsum eorum semper incurva (*Psal. LXVIII, 23*). »
« Dico ergo : Nunquid sic offenderunt, ut caderent ?
Absit ! Sed illorum delicto salus est gentibus, ut
illos æmulentur. Quia si delictum illorum divi-
tiæ sunt mundi, et diminutio eorum divitiæ gen-
tium : quanto magis plenitudo eorum ? Vobis
enim dico gentibus. Quandiu quidem ego sum
gentium Apostolus, ministerium meum honorifi-
cabo : si quomodo ad æmulandum provocem car-
nem meam, et salvos faciam aliquos ex illis. Si
enim amissio eorum reconciliatio est mundi, quæ
assumptio nisi vita ex mortuis ? Quia si delictio
sancta est, et massa ; et si radix sancta, et rami.
« Quod si aliqui ex ramis fracti sunt, tu autem cum
oleaster esses, insertus es in illis, et socius radi-
cis et pinguedinis olivæ factus es, noli gloriari ad-
versus ramos. Quod si gloriaris, non tu radicem
portas, sed radix te. Dicis ergo : Fracti sunt rami,
ut ego inserar. Bene. Propter incredulitatem fra-
cti sunt. Tu autem fide stas. Noli altum sapere,
sed time. Si enim Deus naturalibus ramis non pe-
percit, ne forte nec tibi parcat. Vide ergo boni-
tatem et severitatem Dei. In eos quidem qui ce-
ciderunt severitatem, in te autem bonitatem Dei,
si permanseris in bonitate. Alioquin et tu excide-
ris. Sed et illi si non permanserint in increduli-
tate, inserentur. Potens est enim Deus iterum in-
serere illos. **62** Nam si tu ex naturali excisus es
oleastro, et contra naturam insertus es in bonam
olivam, quanto magis hi qui secundum naturam
inserentur suæ olivæ ? Nolo enim vos ignorare,
fratres, mysterium hoc, ut non sitis vobisipsis sa-
pientes, quia cæcitas ex parte contigit in Israel,
donec plenitudo gentium intraret : et sic omnis
Israel salvus fieret, sicut scriptum est : « Veniet
ex Sion, qui eripiat et avertat impietatem ab Ja-
cob (*Isa. LIX, 20*). » Et hoc illis a me testamen-
tum, cum abstulero peccata eorum. Secundum
Evangelium quidem inimici propter vos, secun-
dum electionem autem charissimi propter patres.
« Sine pœnitentia enim sunt dona, et vocatio Dei.
« Sicut enim aliquando et vos non credidistis Deo,
nunc autem misericordiam consecuti estis, pro-
pter incredulitatem illorum ; ita et isti nunc non
crediderunt in vestram misericordiam, ut et ipsi
misericordiam consequantur. Concluserunt enim Deus
omnia in incredulitate, ut omnium misereatur.
« O altitudo divitiarum sapientiæ et scientiæ Dei,
quam incomprehensibilia sunt judicia ejus, et
investigabiles viæ ejus. Quis enim cognovit sen-
sum Domini, aut quis consiliarius ejus fuit ? (*Sap.*
IX, 15 ; *Isai. XL, 13* ; *I Cor. II, 16*.) Aut quis

• prior dedit illi, et retribuetur ei? Quoniam ex ipso, A
• et per ipsum, et in ipso sunt omnia, ipsi honor
• et gloria in sæcula sæculorum. Amen. »

EXPOSITIO.

Quia dico populum Judæorum non credentem, sed contradicentem; ergo dico, id est nunquid propterea dicere existimor quod *Deus repulit populum suum* Judaicum quem prius elegerat? Absit hoc ut Deus aliquando repellat populum suum! Vere non repulit. *Nam ego Israelita sum*, et multi alii qui non sumus repulsi. Nec ita Israelita, ut aliunde natus in Judaismum transierim, sed sum *ex semine Abrahamæ*. Nec iterum de Ismaele, vel de filiis Ceturæ, sed *de tribu Benjamin*. Hæc tribus aliis prælata fuit; quia qui de hac tribu fuerunt, non tam sæpe ut alii ad idolatriam delapsi sunt. Et quia ego de semine Abrahamæ non sum repulsus, apparet per hoc quod Deus *non repulit plebem suam*. Illam utique voco plebem Dei *quam præscivit*, id est prædestinavit ad salvationem. Non utique modo repulit, quemadmodum olim existimante Elia omnes præter se recessisse a cultu Dei; multi tamen, quos ipse ignorabat, reservati sunt a Deo. Sic modo multos Deus electos habet, quos ignoramus. Pro certo Deus non repulit plebem suam; quia *an nescitis quid Scriptura dicat in Elia*, id est ubi loquitur de Elia: *quemadmodum ille Elias interpellat Deum adversus [pro] Israel*, id est ad damnationem Judæorum, dicens hoc in tertio libro Regum: *Domine, Achab et Jezabel occiderunt prophetas tuos; suffoderunt etiam altaria tua* (III Reg. xix, 20). Fideles enim de Israel quia non audebant ad adorandum convenire in Hierusalem, latenter ideo in speluncis et silvis construxerant aras, ibique immolabant; quas aras etiam a fœdamentis eveherent idololatræ Israelitæ, quosque immolantes inveniebant, occidebant. Alios (inquit) prophetas occiderunt; *et ego solus relictus sum in cultu Dei, et adhuc quærunt animam meam*, ut me cum aliis interficiant. Sic ait Elias: *Sed quid dicit illi divinum responsum?* Hoc utique: Ego reliqui, id est reservavi mihi *septem millia virorum, qui non curaverunt genua ante Baal*, id est qui non adoraverunt idola. Non ideo dicit septem millia ut hic numerus determinatus esset in illis, quod neque plus neque minus ibi esset; sed quia per septem universitas designatur: ideo etiam certus numerus in incerta re ponitur, ut ostendatur hic numerus electorum Deo esse cognitus, etsi ab hominibus ignoretur. Quod de Elia præmisit, adaptat modo dictis suis ita: Quandoquidem in tempore Eliæ multi fideles reservati fuerant, quos tamen ipse ignorabat; ergo, id est propterea per simile credendum est quod sic, id est per misericordiam Dei sicuti tunc. Vel sic: Quia quemadmodum tunc ignorabatur, sic et modo electos Dei discernere non sufficimus. 63 Sic, inquit, nunc ut olim *etiam hoc in tempore gratiæ*, qua causa magis credendum est Deum misericorditer sibi reservasse electos magis quam olim, cum non erat tempus gratiæ. Hoc, in-

quam, in tempore gratiæ salvæ factæ sunt reliquæ, id est illi quos Deus sibi reliquit idoneosque salvationi præscivit. *Reliquiæ salvæ factæ sunt*, et hoc secundum electionem Dei, ab æterno prævisam: quæ electio non fuit propter merita, sed fuit gratiæ: quia et per gratiam elegit, et per gratiam salvavit. Si autem hæc electio est per gratiam, jam constat quod non est ex operibus, pro merentibus illam: alioquin si propter opera eligerentur, jam illud quod vocatur gratia, non esset pura gratia, sed meritum. Hoc autem convenienter de gratia inducit, ut nec illi quos Deus sibi reliquit putent se electos ex merito: sicut malos quia male meruerunt reprobatos; et hæc dicens bene servit intentioni.

Summam auctoritatum supra positaram hic breviter colligit, ut aperiat quod per illas auctoritates intendebat, dicens: Quia superius dixi, secundum Isaiam Judæos non credentes, sed contradicentes. Dixi iterum secundum eundem reliquias Judæorum esse salvatas. Ergo quid ex his dictis quæ sibi obviare videntur colligemus? Hoc utique dicemus quia *quod quærebat Israel*, id est Judaicum populus statuere, scilicet justitiam suam, et in ea salvari, hoc non est consecutus. *Israel in toto non est consecutus, sed electio consecuta est*, id est hi quos Deus elegit de Israel consecuti sunt salvationem. Cæteri vero qui non sunt electi, non solum non consecuti sunt, sed etiam sunt excæcati. Et hoc dico sicut scriptum est in Isaia; licet aliis verbis, eodem tamen sensu. *Dedit illis Judæis Deus spiritum compunctionis*, scilicet spiritum malignum qui pungeret eos, et cogere male agere. Vel *spiritum*, id est voluntatem compunctionis: qua pungerentur invidendo, et irascendo fidelibus. Dedit etiam illis *oculos*, id est naturalem rationem: sed ita ut non videant, id est ut bono rationis priventur. Dedit etiam *aures*, id est eandem rationem quasi quod per se non possent intelligere: debuerant audire et addiscere. *Non audiant dico, usque in hodiernum diem*. Hic dies hodiernus fuit prophetæ: hodiernus etiam usque ad finem mundi: sicut illud in balneis: « Hodie cum pretio, cras sine pretio. » Dicit etiam David de excæcatione Judæorum hoc: *Fiat mensa eorum*, id est Scriptura qua debuerant animadvertere bonum, fiat illis *in laqueum*, id est illaqueentur in illa quotidie deterius intelligendo: fiat etiam illis *in captionem*, quia capti sunt a Romanis: et fiat illis *in scandalum*. Miseriam eorum dispersorum per mundum vocat scandalum: fiat etiam illis *in retributionem* (Psal. lxxviii, 23). Cum *captionem* et *scandalum retributionem* posset vocare, æternum tamen interitum, quia permanens erit, retributionem intelligit. Vel ita *mensa eorum*, id est hoc quod se fellitos et acidos intulerunt Deo, qui de conversione eorum refici volebat, fiat illis *in laqueum*, id est illaqueentur ideo obsidione Romanorum. Cætera non mutantur. *Et oculi*, id est ratio eorum, *obscurantur ne videant*, et intelligant bonum. *Et dorsum eorum*, id est eandem rationem qua se ad cognitionem Dei erigere debuerunt, illud incurra in-

terrenis, semper magis et magis præcipitando in peccatis. Quia dixi Judæos excæcatos. Ergo nunquid propterea dico quod sic offenderunt, ut caderent inutiliter et irrecoverabiliter, quod solummodo in eis casus sit? Hic intendit reprimere gentiles, ne se præferant Judæis, licet eos dixit excæcatos: quia casus eorum est recuperabilis, et salvationi gentium plurimum utilis, dicens: Absit hoc ut licet offenderint irrecoverabiliter, ideo cadant, et inutiliter! Vere non inutiliter, sed delicto, id est per delictum eorum, scilicet Judæorum est facta salus gentium. Nisi enim Judæi respuerent verbum Dei, apostoli non transirent ad gentes. Salus utique facta est gentibus, ut gentes æmulentur, id est imitentur illos Judæos, qui fideles fuerunt, et quorum lex firmamentum est Novi Testamenti. Vel ita. Per delictum Judæorum est facta salus gentibus, ita ut Judæi æmulentur **64** illos, id imitentur gentes in fide Christi. Et secundum hoc probat, quod casus Judæorum sit recuperabilis. Quia si delictum eorum, pro quo Judæi repulsi sunt, divitiæ sunt mundi, id est causa fuit quare gentilitas ditaretur gratia Dei; quanto magis plenitudo eorum, id est Judæi plenarie salvati, erunt divitiæ gentium? Per hoc casus Judæorum recuperabilis probatur. Si enim Deus malum Judæorum utile fecit gentibus, multo magis credendum est quod bonum eorum longe utilius faciet gentibus. Delictum eorum sunt divitiæ mundi, et diminutio illorum, id est apostoli qui de Judæis electi secundum se partem Judæorum liminauerunt. Hæc, inquam, diminutio sunt divitiæ gentium: apostoli enim ditaverunt gentes verbo Dei. Non ideo dicit plenitudo, quod omnes salvandi sint: sicut nec universa gentilitas electa est, sed quia multi salvabuntur. Vere plenitudo Judæorum salvabitur. Nam etiam in tempore excæcationis eorum salvabuntur aliqui ex illis.

Et hoc dico vobis gentibus: quia semper quandoquidem ego sum apostolus gentium, ad quas solummodo missus sum, honorificabo tamen meum ministerium: quia cum officium meum hoc solum exigit prædicare gentibus, honorificum faciam illud supra hoc quod debeo: laborando in Judæis. Honorificabo dico si quo modo (quidquid enim paterer non curarem) provocem carnem meam; id est Judæos secundum carnem mihi propinquos ad æmulandum, id est ad imitandum me in fide, et ut sic provocando salvos faciam, id est Deus per me salvet aliquos ex illis. Causam reddit quare debeat laborare in eis: et idem videtur superius posuisse, sed ibi cum determinatione temporis, ubi ait: Plenitudo quam in finem mundi constat fore. Hic autem ad aliud ponit, et sine determinatione temporis, dicens: Ideo laborabo salvos facere aliquos ex illis. Nam si amissio eorum est reconciliatio mundi, id est si excæcatio eorum causa fuit ut gentilitas reconciliaretur Deo: quæ, id est qualis dicenda est assumptio Judæorum in quocunque tempore nisi vita ex mortuis? Quia si Deus per malum eorum reconciliavit sibi mundum multo magis credendum est quod per assumptionem eorum fa-

ciat Deus vivere multos in peccato mortuos: qui exemplo illorum provocati vivent in fide Christi. Probat quod genus eorum non impediatur assumptionem eorum, sed sola incredulitas, dicens: Bene dico, assumptio. Nam bene possunt assumptionem mereri. Si enim delibatio sanctorum est, id est si apostoli, et alii qui de genere eorum electi sunt, sancti sunt, constat quod etiam massa, id est illa plenitudo Judæorum salva esse potest. Si enim Apostolus nihil obfuit genus nec aliis obesse debet. Delibationem dicit ab ea similitudine: quemadmodum parum quid gustatur de cibo, per quod tota massa bene an male condita sit probatur: sic apostoli delibatio dicebantur totius massæ Judæorum, in quibus planum erat Judæis genus nihil obesse. Probat iterum idem per aliud. Ideo etiam constat eos bene posse assumi. Nam radix eorum, id est Abraham, Isaac et Jacob, quod et radix eorum sancta est, rami etiam sancti esse possunt. Dices iterum mihi quod rami illi fracti sunt: quod si aliqui ex ramis per incredulitatem a radice fracti sunt, tu autem insertus es in illis, id est loco illorum cum esses oleaster, id est sterilis, et a sancta radice alienus: factus es etiam socius radicis, id est prophetarum, in quibus radicata est fides. Et factus es socius pinguedinis, id est apostolorum: qui pinguedinem fidei, et abundantiam sancti Spiritus habuerunt. Radicis et pinguedinis dico olivæ, id est Judaici populi, quia prophætæ et apostoli Judæis nati sunt. Et si tu alienus a radice insertus es, noli gloriari adversus stantes ramos, neque te præferre illis, quasi tu propter meritum sis eligendus, illi propter genus abjiciendi. Quia si tu importune gloriaris, dicitur tibi: Frater, tu non portas radicem, sed radix portat te: quia in te nullum exemplum boni; in radice vero (ut in Abraham) exemplum totius fidei. Quia modo abstuli tibi gloriari adversus stantes ramos: ergo, id est propterea dices mihi: quia adversus fractos **65** gloriaberis ita. Naturales rami per incredulitatem fracti sunt, ut ego inserar loco eorum. Hoc bene est, et sic concedo, ait Paulus, sed illi non propter genus, sed propter incredulitatem fracti sunt. Tu autem stas loco illorum pro sola fide. Et ideo noli altum sapere, id est superbire contra fractos, sed time ne similiter frangaris: timendum utique est, quia, si Deus non pepercit naturalibus ramis, id est Judæis, ne forte nec parcat tibi, cui minus debere videtur non naturali, quia tu non natus es per gratiam insertus es; ille naturalis propter culpam repulsus est. Ergo vide bonitatem et severitatem Dei. In eos quidem qui ceciderunt, id est in Judæos, vide severitatem. In te autem qui per misericordiam insertus es, vide bonitatem Dei. Bonitatem ea lege dico, si tu permanseris in ea bonitate, cooperando acceptæ gratiæ. Alioquin si non permanseris, sicut Judæus excisus est, ita tu etiam excideris: et illi Judæi si non permanserint, in incredulitate iterum inserentur. Et bene dico inserentur: Nam Deus potens est iterum inserere illos, sicuti olim eosdem inseruit. Et vero Deus potens est, nam actum hujus potentiæ aliquos

licet paucos inserendo hoc tempore paulatim exercet : quod æquipollenter ait. Deus utique potest eos inserere : *nam si tu gentilis excisus es ex oleastro*, id est ex infructifera radice, oleastro dico naturali tibi per longam consuetudinem ; et si *insertus es per gratiam in bonam olivam*, et hoc *contra naturam*, id est contra consuetudinem, quæ diurnitate temporis in naturam transierat : *quanto magis hi Judæi inserentur suæ olivæ, quæ eorum est secundum naturam* ? Si tu non naturalis insertus es propter fidem, non est causa quare naturales rami non debeant inseri propter eandem causam.

Probat superius quod Deus potentiam haberet inserendi illos per actum suæ potentiae, quia revera inserentur, dicens : Vere Judæi iterum inserentur. Nam et nunc tempore excæcationis eorum secundum partem inseruntur, et ad ultimum omnis Israel salvus fiet. Quia nunc aliqui inseruntur concipimus ubi ait : « Cæcitas ex parte contigit in Israel. » Si enim in parte non in toto, quare non dicimus nunc etiam partem eorum reinseri ? Et, o fratres, nolo vos ignorare hoc contigisse, scilicet cæcitatem in Israel, ut intrarent gentes : quod utique *mysterium* est, quia si ordo rei consideratur, causa tamen excæcationis Judæorum, et illuminationis gentium non intelligitur. Quam cæcitatem et illuminationem, ideo nolo vos ignorare esse mysterium, *ut non sitis vobismetipsis sapientes*, id est ut non imputare possitis hoc sapientiae vestrae, quæ sacramentum hujus rei intelligere non sufficit. Si enim hæc causa non sub mysterio occultaretur, sed vobis aperta fieret, præsumendo imputaretis hoc sapientiae vestrae, quæ quia in cognitione hujus mysterii deficit, imbecillitatem suam intelligit, et miratur altitudinem divini consilii. Hoc, inquam, *nolo vos ignorare quia*, id est quod *cæcitas contigit in Israel*. Et hoc ex parte : non enim omnes excæcati sunt. Contigisse dicit, quantum ad ignorantiam hominum, quæ causas hujus mysterii nescit : cum tamen nihil contingentiae, nihil fortuitum in providentia Dei sit : qui sicut omnia, sic et causas omnium novit. Cæcitas utique contigit in Israel, *donec intraret plenitudo gentium*. Illud donec, et temporale est et causale. Quasi diceret : Ideo Judæi excæcati sunt, ut intraret, et tandem, donec intraret plenitudo gentium. Nec sic plenitudo ut singuli de gentibus salvarentur, sed eo respectu quo vix aliqui de gentibus prius salvabantur. Dicitur in tempore gratiæ fuisse plenaria salvatio gentium. *Et sic*, postquam introisset plenitudo gentium, *salvus fiet omnis Israel* : non tamen omnes Hebræi, sed quicumque essent Israel videntes Deum. Sententia tamen quorundam est omnes Judæos in fine mundi salvandos. Probat quod Judæi nunc partim salventur, et in fine plenarie per auctoritatem Isaïæ, dicens : Quia dico Israel salvum fieri, hoc non ex me, sed *sicut scriptum est*, assero. Hoc utique scriptum est (Isa. LIX, 20) : *Veniet ex Sion*, id est ex 66 Judaico populo, qui eripiat quadam violentia, et multo labore, ut modo sit in tempore excæ-

cationis, qui etiam quadam facilitate avertat quod erit in fine mundi, quando Judæi ultro properabunt ad salvationem. *Eripiat dico et avertat impietatem a Jacob*, id est a Judaico populo. *Impietatem* non dicit hic consuetam idololatriam, sed *denegare cultum Filio Dei*, quod Judæi faciebant, hoc vocat impietatem. Ritus enim eorum, postquam tempus gratiæ venit, vere idololatria fuit.

Determinavit per quem salus fieret Judæis. Determinat etiam tempus, quando hoc futurum sit, dicens : *Et hoc testamentum*, id est hæc testata promissio, complebitur *illis a me* : tunc *cum abstulero peccata eorum*, eosque justificavero : quod nunc paulatim fit, et in ultimis diebus plenarie. Nunc quidem eripiuntur ab impietate, et fiunt dilecti. Alii vero qui nolunt eripi, sunt *inimici* : et hoc *secundum Evangelium*, id est propterea quia Evangelio invident et detrahunt, per quod gentes convertuntur. Inimici utique sunt. Et hoc *propter vos*, id est ad utilitatem vestram. Nisi enim Judæi verbum Dei respicerent, apostoli utique non transirent ad gentes. Alii sunt inimici. Alii autem, id est prædestinati sunt *charissimi secundum electionem*, id est non propter meritum, sed quia Deus elegit eos per gratiam. Charissimi etiam *propter patres*, non tamen propter meritum patrum, sed ut impleantur promissiones factæ patribus eorum. Vere secundum electionem, et propter patres. *Nam vocatio Dei*, id est electio eorum, et *dona*, id est impletiones promissionum *sunt sine pœnitentia*, id est sine immutatione, quia quemadmodum promisit et elegit, sic complebit ; vel ita : Vere *charissimi secundum electionem*. Nam *dona Dei* ; id est remissio peccatorum, et *vocatio Dei*, id est instructio fidelium, quos, postquam in baptismo justificavit, per doctores instruit : hæc utique *dona* et *vocatio Dei* sunt sine aliquo merito. Nam sine pœnitentia corporalis afflictionis, quæ meritum pœnitentiæ præcelleret apud Deum, si *dona* et *vocatio* ejus fierent secundum meritum, Judæi utique eliguntur. Nam *sicut vos* Gentiles et quidam Judæi ante legem *vos aliquando non credidistis Deo* : nunc autem in tempore gratiæ *consecuti estis misericordiam*, id est ex misericordia salvationem, et hoc *propter incredulitatem* Judæorum. Quia enim verbum Dei non receperunt, hoc ad gentes transmisit apostolus. Sicut, inquit, vos olim non credentes, modo consecuti estis misericordiam ; *ita et isti Judæi, nunc non crediderunt, euntes in vestram misericordiam*, id est nolentes salvari, sicut vos per misericordiam Dei, ideo non crediderunt : *ut quemadmodum vos, sic etiam ipsi consequantur misericordiam*. Vobis incredulis misertus est Deus, ut hoc solummodo imputaretur gratiæ suæ, sic et Judæis disposuit in incredulitate dimersis misereri, ut uterque Judæus et gentilis æque totum referret gratiæ Dei, suamque imbecillitatem cognoscens, non superbiret. Deus enim videns diabolum et hominem utrumque cecidisse per superbiam, multum exinde studuit præcavere homini a superbia, quare utrumque Judæum et

gentilem labefactari permisit in incredulitatem, ut quanto magis infirmitatem suam cognoscerent, tanto amplius misericordiae Dei sese subjicerent. Vere incredulitas Judaeorum causa est ut misericordiam consequantur.

Nam Deus conclusit omnia, nunc gentiles, nunc Judaeos in incredulitate, ut omnibus factis incredulis, opportune miseretur omnium. Si enim alii vel utriusque in fide perstitissent, profecto quod misericordiae Dei erat, merito fidei suae ascriberent. Et causas horum quare nunc isti concludantur, nunc illi, noli investigare, sed admirare consilium Dei mecum, dicens: *O altitudo judiciorum Dei*, quibus nunc Judaei repelluntur, nunc gentiles inseruntur. Haec utique judicia sic alta sunt, quemadmodum sapientia et scientia Dei. Quod ita ait: *O altitudo*, id est profunditas divitiarum sapientiae, id est divitiis sapientiae et scientiae Dei. **67** Sapientia et scientia Dei dives dicitur secundum multam copiam. Alta dicitur, secundum inscrutabilem profunditatem. Sapientia Dei dicitur qua se quantus est cognoscit. Scientia qua quaecunque sunt creaturarum novit. *O altitudo sapientiae et scientiae Dei, quam incomprehensibilia sunt judicia ejus*, id est nemo sufficit comprehendere profunditatem judiciorum, quae pertractat apud se.

Diceret aliquis: Quoad apud Deum pertractantur judicia, verum est quod non intelliguntur; sed in actum deducta, satis comprehenduntur. Contra hoc Paulus: judicia Dei, dum apud Deum pertractantur, sicut comprehendi nequeunt; ita etiam via ejus, id est operationes ipsorum judiciorum sunt investigabiles. Probat per Isaiam, quod praemisit dicens: Vere sapientia et scientia Dei sunt investigabiles. Nam quis cognovit sensum Domini? Nemo utique quod Deus sensit, cognoscere potuit. Et vere judicia et opera judiciorum sunt investigabilia. Nam quis fuit consiliarius ejus (Isa. xl, 15), cujus consilio ordinaret sua? Vel quem in consilio dispositionis suae admitteret? Nemo utique. Et sicut nemini aperuit sensum suum, ita quaeque bona ex misericordia tribuit. Quis enim dedit illi? potuit quidem aliquis post acceptam gratiam in aliquo mereri. Sed quis dedit illi prior antequam Deus daret gratiam; et ei sic danti non gratis dabitur a Deo, sed retribuetur quia promeruit? Haec sunt Isaiæ; quae autem sequuntur verba sunt Pauli. Vere nemo prior dedit illi, quoniam ex ipso, et per ipsum, et in ipso sunt omnia. Per diversas praepositiones, ex ipso, per ipsum, in ipso, notat distinctionem personarum Trinitatis. Per idem pronomen ter repositum, notat identitatem substantiae, dicens: *Ex ipso*, id est ex Patre quod principium non est ab alio; *et per ipsum*, id est per Filium, qui a Patre principium habet, et per quem Pater fecit omnia; *et in ipso*, id est in Spiritu sancto, qui a Patre procedit et Filio, qui bonitas Dei dicitur, per quam bonitatem subsistunt creata. *Ex ipso*, inquam, et per ipsum, et in ipso sunt omnia: ipsi itaque de omnibus debetur gloria et gratiarum actio, pro omnibus bonis quae dat misericorditer. Et haec gloria sit in

saecula, id est aeternaliter; *Amen*, id est vobis ita fiat. Poterat hic finisse Epistolam, sufficienter enim utrumque populum, ne inter se vicissim superbirent represserat, multasque rationes inde praemiserat. Sed quia eis jam non intra se contentiose superbirent necessaria erat alternata dilectio. Admonet ideo eos jam a contentione sedatos subservire sibi invicem, unumque supportare alterum; ut per hujusmodi subservire, coalescat in eis et convalescat vinculum dilectionis.

CAPUT XII.

Obsecro itaque vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. Et nolite conformari huic saeculo, sed reformamini in novitate sensus vestri, ut probetis quae sit voluntas Dei bona, et beneplacens et perfecta. Dico enim per gratiam quae data est mihi, omnibus qui sunt inter vos, non plus sapere quam oportet sapere, sed sapere ad sobrietatem, et unicuique sicut Deus divisit mensuram fidei. Sicut enim in uno corpore membra habemus, omnia autem membra non eundem actum habent; ita multi unum corpus sumus in Christo, singuli autem alter alterius membra. Habentes autem donationes secundum gratiam, quae data est nobis, differentes: sive prophetiam, secundum rationem fidei; sive ministerium in ministrando; sive qui docet in doctrina, qui exhortatur, in exhortando, qui tribuit, in simplicitate, qui praest, in sollicitudine, qui miseretur, in hilaritate. Dilectio, sine simulatione. Odientes malum, adhaerentes bono (Amos v, 15). Charitatem fraternitatis invicem diligentes, honore invicem praevinentes (1 Petr. ii, 17). Sollicitudine non pigri, spiritu ferventes, Domino servientes; spe gaudentes, in tribulatione patientes, orationi instantes; necessitatibus sanctorum communicantes; hospitalitatem sectantes (Hebr. xiii, 2). Benedicite consequentibus vos; benedicite, et nolite maledicere. Gaudete cum gaudentibus, flete cum flentibus; id ipsum invicem sentientes; non alta sapientes, sed humilibus consentientes. Nolite esse prudentes apud vosmetipsos. Nulli malum pro malo reddentes; Providentes bona non tantum coram Deo, sed etiam coram omnibus hominibus (II Cor. viii, 21). Si fieri potest quod ex vobis est, cum omnibus hominibus pacem habentes (Hebr. xii, 14). Non vosmetipsos defendentes charissimi, sed date locum irae. Scriptum est enim: Mihi vindictam et ego retribuam, dicit Dominus (Deut. xxxii, 35; Hebr. x, 30). Sed si esurierit inimicus tuus, ciba illum; si sitit, potum, da illi (Prov. xxv, 21). Hoc enim faciens, carbones ignis congeres super caput ejus. Noli vinci a malo, sed vince in bono malum.

EXPOSITIO.

Littera sic jungitur: Quandoquidem ex Deo, et per Deum, et in Deo sunt omnia. Itaque, fratres, ob-

æcro, id est per omnia sacra moneo vos. Obsecro A utique per misericordiam Dei, id est per apostolatum mihi, non quia meruerim, sed per misericordiam traditum. Vel obsecro per misericordiam Dei, ex qua omnia bona esse superius probavi, ut exhibeatis, id est præparata faciatis, non solum animas, sed etiam corpora vestra. Exhibeatis dico hostiam, id est mortificatam secundum positionem sordium, et viventem secundum positionem virtutum. Nec ad tempus viventem, sed sanctam, id est in vita virtutum sanctam et perdurantem, et in hac vita et sanctitate non lucrum vel laudem mundi quaerentem, sed Deo per omnia placentem.

Et ne quia modo dixerat, exhibete corpora vestra hostiam, putaret aliquis affligendum esse corpus sine aliqua temperantia, ideo addit Apostolus: Ita dico hostiam, ut obsequium vestrum sit rationabile, id est ut cum discretione jejunetis, vigiletis, etc.

Modo diceret aliquis: Paratus sum exhibere me Deo, quandiu non conturbat me mundus, sed durum est resistere mundo cogenti me. Contra hoc Paulus: Vos utique tales exhibete, et nolite conformari, id est conformes fieri huic sæculo, ut in aliquo obtemperetis mundo, blandienti seu deterrenti vos. Nolite conformari sæculo, sed reformamini per baptismum, qui prius deformati estis per culpam Adæ, vel reformamini, id est quotidie innovamini, qui novam formam justificati accepistis. Reformamini dico, proficiendo assidue in nobilitate sensus vestri, id est semper magis ac magis bene operando innovamini, ut sic probetis, id est probabiliter cognoscatis, quæ sit voluntas Dei, voluntas dico bona, id est utilis facientibus eam, et beneplacens, his qui actu experiuntur eam, nec ita in uno bene placens, ut in alio displiceat, sed in omnibus perfecta. Corpora vestra hostiam exhibere Deo illud admoneo, sine aliqua restrictione obedientiæ. Hoc autem quod sequitur dico per gratiam, id est præcipio auctoritate nostri apostolatus. Considerandum est quare prædicta solum moneat; quæ autem sequuntur omni auctoritate interdicit: ea enim quæ offensionem generant, licet prælatum subditis vi obedientiæ interdiceret, sed postquam legem non violant, non ita cogendi sunt ad meliora, solummodo bene faciant, sed ex dilectione monendi. Si enim restrictione obedientiæ ad perfectiora cogerentur, magis in hoc damnaret eos prælatus, quam adjuvaret, cum si præceptum non facerent, damnarentur propter inobedientiam; et ideo potius admonitione trahendi sunt ad meliora, quam coactione, quare sic ait: Per gratiam apostolatus quæ data est mihi, dico et præcipio omnibus, et ita omnibus quod singulis, qui sunt inter vos: hoc scilicet dico, non plus laboretis sapere quam oportet sapere, id est quam fides sana exigit; nec vobis penitus interdico sapere, sed volo vos sapere ad sobrietatem. Nec iterum vos omnes ad eundem terminum volo de sapientia laborare, ut non satis sit vobis, nisi omnes

æquo modo sapiatis, et ideo unicuique sufficiat sapere, sicut Deus divisim dedit singulis mensuram fidei, id est dona sua mensurata, secundum modum et opportunitatem fidei vestræ. Ideo Romanos a nimietate sapientiæ reprimat, quia ipsi supra modum investigabant causas mysteriorum Dei. Hoc autem quod Deus nemini totum sapere dedit, sed per partes singulis divisit, multum valet ad hoc, ut sibi subserviant, et ut alteri vicissim sese contemperent. Cum enim unus ignorat, quod alter sapit, et econverso: in diversitate acceptarum gratiarum subservit alter alteri, de quo congruam similitudinem supposuit: quia quemadmodum diversa membra in uno corpore diversos sensus [actus] habentia: pes manui subservit, dum portat manum ad tangendum quod cupit; manus pedi, dum pedem vestit. Sic et nos diversa membra sumus, unum corpus Ecclesiæ efficientia. Sicut enim ab eadem anima diversa membra in eodem corpore sensificantur: ita nos in corpore Ecclesiæ per eundem spiritum omnes vivificamur. Littera sic jungitur: Deus utique dona sua divisim dedit. Nam sicut in uno corpore habemus quidem multa membra, sed non omnia membra habent eundem actum: ita nos multi unum corpus sumus in capite Christo: sed singuli sumus membra: ita quod alter alterius, id est, ut hic oculus subserviat illi pedi, et sic in cæteris, quæ contemperantia subservitionis plurimum est idonea ad custodiam humilitatis et unionis. Singuli sumus alter alterius membra: igitur, id est propterea quia voluit nos Deus ita vicissim subservire, sumus habentes donationes differentes: ut hic prophetiam, hic doctrinam, etc. Si enim singuli omnes donationes haberent, non esset unde alter alteri subserviret, vel necessarius esset, et sic alter in alterum superbiret, non relicto unde unus alteri se contemperaret. Habentes dico differentes donationes: et hoc secundum gratiam, id est per Spiritum sanctum, quæ gratia data est nobis per gratiam non recompensata per meritum. Donationes dico, ut sive habeamus prophetiam, id est certam de futuris cognitionem, vel quorumlibet secretorum revelationem, habentes dico prophetiam et hoc secundum rationem fidei. Non determinat cujus fidei, vel nostræ vel auditorum, et ad utrumque referri potest ita. Secundum rationem fidei nostræ, quia Deus secundum quod videt conveniens esse, et modum fidei nostræ, vel revelat secreta, vel præannuntiat futura: vel secundum rationem fidei auditorum, quia quemadmodum Deus videt fidem et capacitatem audientium, tantum dat prædicatoribus, ut revelent eis vel annuntient. Nos utique habentes prophetiam secundum rationem fidei: vel nostræ, vel auditorum simus alter alterius membra. Sive habemus ministerium administrandi fratribus temporalia, debemus alter alterius esse membra in ministrando, sicut nobis creditum est. Sive ille qui docet, docere dicit, quod et scientiam docendi et gratiam sermonis habeat, qui, inquam, docet, sit membrum alterius in doctrina. Ille vero qui exhortatur, sit

membrum alterius in *exhortando*. Docere est sapienti minus scientem, sed exhortari potest et animare ad bonum, minus sciens longe se prudentiorem, ut quilibet rusticus posset quidem exhortari ad bellum fortem militem, cujus tamen belli peritiam rusticus ignoraret. *Qui autem tribuit*, tribuat in *simplicitate*, id est non spe recipiendi, non amore terrenæ laudis, sed pro sola dilectione proximi. Ille vero *qui præest*, præsit in *sollicitudine*, id est omni vigilantia curam subditorum gerat. *Qui habet quod eroget*, *simpliciter* tribuat. Qui vero non habet quod tribuat, misereatur tamen animo : et ille *qui miseretur*, faciat hoc in *hilaritate*, id est non coactus præcepto legis, sed fervens spiritu dilectionis.

Et quia ut hoc modo sibi invicem subserviando, alter alteri se contemperarent, vidit necessariam esse dilectionem : subjungit de illa dicens, ut his modis alter alterius membrum fiat, sit in vobis *dilectio* : et hoc *sine simulatione*, ut et foris se ostendat, et intus ardeat dilectio. Nec ita diligatis, ut malo proximi adhæreatis, sed *odientes malum* 70 ejus, *bono* vero proximi suis *adhærentes*, id est cooperantes. Nec sufficiat in volisipsis habere dilectionem : sed etiam *diligentes charitatem fraternitatis*, id est bonæ dilectionis esse in fratribus vestris : charitatem dico *in vicem* habitam, quod alter in alterum operetur charitatem : vel ita. Sicut vos proximos diligere volo : ita volo vos esse diligentes charitatem fraternitatis, recompensatam invicem : quod si proximi aliqua opera charitatis recompensat vobis, libenter suscipite. Erant enim quidam qui bene faciebant proximis : sed ne remunerationem hujus meriti perderent, nolebant recipere aliquid invicem a proximis : et ut dilectio vestra incrementum semper habeat, sitis *honore prævenientes invicem*, id est alter alterum, ut qui citius potest assurgat alii : amplectatur proximum omni genere dilectionis : utque bonum fraternitatis accrescat in vobis, estote *non pigri sollicitudine*, ut omni vigilantia sollicitus sit alter alterius levare necessitatem. Hanc sollicitudinem superius præcepit prælati, quam hic fratribus ex quadam paritate commendat. Quia si non habent quod sollicite tribuant, sint tamen *serventes spiritu*, id est charitas ardeat in animo eorum, licet non habeant possibilitatem operandi. Et ne contemplatores malum putarent a culmine contemplationis descendere necessitatibus proximi, ait Paulus : In his omnibus sciatis nos esse *servientes Domino*. Deus enim hoc genus servitutis multum diligit. Cumque sic diligentes in cura proximi studueritis, ne expectetis præsentem mercedem, sed estote *gaudentes spe futuræ remunerationis*.

Ostendo quomodo se debeant exhibere bonis, determinat quomodo se habeant contra malos, dicens : Ne autem spe futura frustremini : estote *patientes in tribulatione*, id est patienter sustinete quæcunque pro Christo vos pati oportuerit. Ut autem in patientia perseveretis, estote *instantes orationi* : quia si in omnibus oratio commoda est, multo magis ad præ-

ferendum passiones, quæ adeo carni repugnant, est necessaria. Si vero non adeo ingruant vobis tribulationes, estote saltem *communicantes necessitatibus sanctorum*, ut indigentis horum qui patiuntur, vos et vestra communia faciatis. Nec solum *communicantes*, sed etiam *sectantes hospitalitatem*, ut sanctos quos impii persequuntur, vos intimidi hospitio recipientes, curam eorum habeatis. Patimini quidem tribulantes vos, nec hoc solum, sed etiam *benedicite persequentibus vos* : nec semel, sed assidue *benedicite* : nec ut respectu patientiæ vestræ benedicatis, et consideratione crudelitatis eorum maledicatis, sed *nunquam velitis maledicere*. Ut autem dilectio integra sit, debetis *congaudere gaudentibus*, et hoc de spiritualibus bonis haud dubium est, et de temporalibus quantum ratio admittit. Debetis etiam *flere cum flentibus*, si pœnitentia ductus affligitur : si etiam nimis vehementi dolore carnis angustiat, in quo tamen dolore modus est habendus. Ut autem verò lægetis cum lugentibus, estote *sentientes idipsum*, ut non tantum vultu, sed corde interius affligamini, et hoc invicem hic illi, ille isti, ut autem *idipsum* sentiatis ; estote *non alta sapientes*, id est non superbientes, *sed consentientes humilibus*, id est idem sentite cum abjectis, et ut noveritis consentire humilibus ; *nolite esse prudentes*, id est provisores eorum quæ expediunt solummodo *apud vosmetipsos* : sed etiam providete aliis, vos dico *non redentes alicui malum pro malo*. Prudentes, inquit, estote, *non tantum providentes quæ bona sunt coram Deo, sed etiam coram hominibus omnibus*, tam fidelibus quam infidelibus. Non enim sufficit testimonium conscientiæ nostræ solum, nisi et extraneorum testimonia convenient. Quare quæ laudis sunt, et apud Deum et apud homines, ea utique gerenda sunt. Ut autem bona vestra omnibus placeant, sitis *habentes pacem cum omnibus hominibus, si fieri potest*, ut et ipsi velint habere pacem vobiscum, quod si nolunt, fiat pax illa : quod, id est *quantum ex 71 vobis est*. Vel ita habetis pacem cum omnibus si fieri potest, ut caro vestra diligit affligentes se, quod tamen ex vobis est, quia si vultis ex ratione potestis omnes diligere. Quam pacem ut integram servetis : *non sitis defendentes vosmetipsos*, si mala inferunt vobis, vos dico si hoc feceritis, tunc *charissimi*. Ne, inquam, defendatis vos, *sed æquanimiter sustinendo, date locum iræ persequentium*, ut liceat sævire quomodo volunt ; vel ita : Patiendo malos *date locum iræ Dei*, Deus enim sic proposuit ulcisci de impiis, ut ad libitum eorum exercent iniquitatem suam, ut nulla miseria damnationi eorum deesse queat. Debetis dare locum iræ : vel hoc, vel illo modo. *Num scriptum est in Salomone dicente Domino : Mihi reservate vindictam, et ego retribuam impiis (Deut. xxxii, 35)*. Sic autem faciendum est, quia hæc *dicit Dominus*. Nec solum non defendatis vos ab impiis, sed etiam diligite illos et benefacite illis. Quod sic ait (*Prov. xxv, 21*) : *Si inimicus tuus esurierit, ciba illum. Si sitit, da illi potum. Nam*

hoc faciens, congeres super caput, id est super mentem ejus *carbones ignis*, id est vel fervorem dilectionis : quia admirando patientiam tuam, diligit et imitetur bonum tuum. Vel *carbones ignis*, id est ignitam poenitentiam : quia videns constantiam tuam, ardentem poenitebit et tibi assimilari mereatur ; utque super mentem inimici hujusmodi carbonem ingeras, *noli per impatientiam tuam vinci a malo illius, sed vince malum* inimici superando illud in bono indeficientis patientiæ.

CAPUT XII.

« Omnis anima potestatibus sublimioribus subdita sit. Non est enim potestas nisi a Deo (Sap. vi, 4). Quæ autem sunt, a Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali. Vis autem non timere potestatem? Bonum fac, et habebis laudem ex illa. Dei enim minister est tibi in bonum. Si autem malum [male] feceris, time. Non enim sine causa gladium portat. Dei enim minister est, vindex in iram ei qui male agit. Ideoque necessitate subditi estote, non solum propter iram, sed etiam propter conscientiam. Ideo enim et tributa præstatis. Ministri enim Dei sunt, in hoc ipsum servientes. Reddite ergo omnibus debita. Cui tributum tributum, cui vectigal vectigal, cui timorem timorem, cui honorem honorem (Matth. xxii, 21.) Nemini quidquam debeatis, nisi ut invicem diligatis. Qui enim diligit proximum, legem implevit. Nam non adulterabis. Non occides. Non furaberis. Non falsum testimonium dices. Non concupisces (Deut. v, 18), et si quod est aliud mandatum in hoc verbo instauratur : Diliges proximum tuum sicut teipsum (Levit. xix, 18). Dilectio proximi malum non operatur (Matth. xxii, 39). Plenitudo ergo legis et dilectio. Et hoc scientes tempus, quia hora est jam nos de somno surgere. Nunc enim propior est nostra salus, quam cum credidimus. Nox præcessit, dies autem appropinquavit. Abjiciamus ergo opera tenebrarum, et induamur arma lucis, sic ut indie honeste ambulemus. Non in comessionibus et ebrietatibus, non in cubilibus et impudicitis, non in contentione et æmulatione (Luc. xxi, 34); sed induimini [induite] Dominum Jesum Christum. Et carnis curam ne feceritis in desideriis (Gal. v, 16; I Petr. ii, 11). »

EXPOSITIO.

Postquam docuit quomodo vicissim interse agendum est subditis, docet illos quiddam majus debere prælati : etiam infidelibus, salva tamen integritate fidei. Erant enim qui crederent se fidelibus dominis nihil jam debere, quia fratres eorum erant in fide. Infidelibus autem dominis penitus omnem servitutum negabant; absurdum judicantes ut qui fidelis esset infideli subiceretur. Littera sic jungitur : Hæc quæ prædicta sunt, vicissim sibi debent subditi. Sed

PATROL. CLIII.

A quiddam majus, scilicet, subjectionem debent principibus : et ideo *omnis anima subdita sit potestatibus sublimioribus*, id est secundum voluntatem Dei sublimatis. Ideo per animam, quæ pars est hominis, totum hominem assignavit, ut ostendat non solum corpore, sed et etiam voluntate serviendum esse principibus. **72** Vere omnis homo debet subdi potestatibus. Nam *non est aliqua potestas*, bona seu mala, *nisi a Deo*, nec sic a Deo, ut hoc nolens permittat : quia *quæcunque sunt, a Deo ordinata sunt*, id est ordinabiliter disposita, non fortuito casu ruentia. Quandoquidem et potestas et omnia a Deo sunt ordinata, *itaque qui resistit potestati, resistit ordinationi Dei*, id est Deo potestatem hanc ordinanti. Nec sic resistere leve putetis, quia *qui sic resistunt*, per hujusmodi resistere *acquirunt ipsi sibi damnationem*, id est hæc sola causa sufficit ad damnationem eorum. Non est utique resistendum principi. *Nam principes non sunt timori boni operis*, id est qui bene operatur non est quare timeat principem : quia etiamsi pro bono opere infestus est ei, eumque persequitur, auget virtutem ejus et meritum. Quare bene operanti non est timori, *sed est timori mali operis*, id est qui male operatur, ille utique timere potest principem. Nunc ex præmissis consilium colligens ait : Princeps non est timendus bonis : quod si tu similiter *vis non timere potestatem, fac bonum, et bonum faciens habebis laudem ex illa* quæcunque sit, bona vel mala : quia si bona est, de bono laudabit te, si vero mala, persequetur te bene operantem, et ex virtute patientiæ laudaberis. Vere laudem habebis ex ea. *Nam hic idem princeps minister Dei est tibi in bonum*, id est ad utilitatem si bene feceris ; *sed si male feceris, time eum*. Timeadus utique est male facienti, nam hic *judex non sine causa portat gladium*. Vere non sine causa ; nam hic minister Dei est : *vindex ei*, id est ad damnum ejus *qui malum agit* : vindex dic *in iram*, id est in vindictam Dei faciendam : vel vindex in iram, id est in signum futuræ ultionis, quam animadvertunt per temporalem ultionem quam vident. Quandoquidem hic princeps minister Dei est, *ideo estote subditi* animo, huic *necessitati*, id est principi, cui velitis nolitis subjicimini, ut illud cupias quodcunque necesse est. Subditi, inquam, estote, *non solum propter iram* principis vitandam, *sed etiam propter conscientiam* vestram in puritate conservandam, quia nisi animo subiceremini principi, polluta esset conscientia vestra, obvians divinæ ordinationi. Debetis utique subditi esse principi ; *nam ideo*, id est in signum hujus subjectionis, *præstatis vos tributa*, et cætera debita. Vos dico in hoc ipsum quod *tributa præstatis*, potestatibus servientes Deo : *nam ipsi principes ministri sunt Dei*, id est ministrant Deo per accepta tributa, quæ dant eis vires et potestatem operandi quod Deus disponit. Vel ita, vos præstatis tributa et bene facitis. Nam hi principes sunt ministri Dei *servientes*, id est quos Deus constituit servire sibi *in hoc ipsum*, in tributis quæ a vobis accipiunt. Cum enim Deus

primum regem constituit Saulem, dixit eum non ulterius de labore suo victurum, sed de laboribus subditorum. Et quia vel vos in hoc ipsum quod tributa solvitis, Deo servitis, vel principes in hoc ipsum Deo serviunt, ergo omnibus principibus reddite debita.

Cui principi debetis tributum, reddite tributum. Cui debetis vectigal, reddite vectigal. Tributum dicitur, ut obsonia illa quæ domi solvebantur, vectigal, quod semper ad domos dominorum vehebatur, ut est hodie census. Cui debetis honorem solum, impendite honorem. Cui timorem, exhibete timorem et omnem reverentiam. Ut breviter omnia colligam, universaliter præcipio: *nemini quidquam debeatis*, neque tributum, neque vectigal, neque aliud, nisi ut diligatis invicem, quia volo vos semper debitores esse dilectionis: ita quod nunquam a dilectione cessetis, ideo vos volo semper diligere invicem: quia qui diligit proximum, legem implevit (Exod. xx, 14). Et vere legem implevit: *nam non adulterabis: non occides: non furaberis: non falsum testimonium dices: non concupisces* (Deut. v, 18): *etsi quod est aliud mandatum in lege, instauratur*, id est impletur hoc verbo: *Diliges proximum tuum sicut te ipsum* (Lev. xix, 18). Vere in dilectione proximi impletur omne mandatum legis. Nam dilectio proximi, malum non operatur (Matth. xxii, 39). Qui enim diligit proximum, 73 non adulterabit cum uxore ejus. Non occidet eum. Non furabitur res ejus, etc. Et quandoquidem dilectio proximi malum non operatur; ergo dilectio est plenitudo legis: qui enim malum non operatur, legem implevit (Galat. v, 14; Jacob. ii, 8). Scimus utique quia dilectio malum non operatur: nec hoc solum scimus de ea, sed hoc etiam scientes sumus de dilectione, quod facit nos de somno surgere bonumque operari. Vis tamen continuationis et summa sententiæ pendet ad illud quod sequitur: *Abjiciamus ergo opera tenebrarum*. Sed præmittit quasdam rationes, unde opportunius inferat dicens: Dilectionem non operari malum scimus: etiam hoc de dilectione scientes, quia, id est quod hora est, quasi diceret, tempus est; sed ideo per horam significavit illud tempus, ut ostendat breve esse et cito transiens, et nisi in eo poenitemus irrecuperabile. Scimus utique quia hora est jam, id est amodo ex quo per fidem justificati sumus surgere nos de somno, id est de calamitate corporis, quæ ad bene operandum pigros nos facit. Surgere dicit quasi bonis operibus omni studio invigilare. Sunt enim quidam qui postquam justificati sunt, cum fervere deberent in labore bonæ operationis, torpent et negligunt, quasi securi ex justificatione, et quia continent se a criminalibus. Vere de somno surgere debemus: nam credidimus, id est fidem accepimus, quæ fides propinquos nos fecit salvationi; sed nunc per meritum eorum quæ post acceptam fidem operati sumus, propior est nostra salus quam olim esset cum solum credidimus, id est cum gratia sola esset in nobis, et adhuc nullum meritum. Vel ita: *Nunc est propior secundum tempus*

nostra salus, id est dies nostræ salvationis, quam esse olim cum primum credidimus. Quotidie enim magis ac magis futuro judicio propinquamus, in quo remunerabimur. Vere nunc prope est nostra salus: nam *nox*, id est ignorantia in infidelitate habita præcessit, et ideo cavendum est ne in hanc noctem recidamus. *Nox*, inquit, præcessit, sed dies salvationis nostræ per premissos radios, ut per fidem, spem, dilectionem, et cætera, appropinquavit, id est prope esse intelligitur. Virtutes enim quæ habentur in præsentia, radii sunt futuræ jucunditatis. Et quando quidem nox esse desiit, et dies appropinquavit, ergo abjiciamus opera tenebrarum, id est quæ operati sumus dum in ignorantia essemus. Vel opera tenebrarum, id est digna tenebris, et digna non videri, sed semper occultari. Abjiciamus, inquit, hæc opera, et induamus nos opera lucis, id est veræ cognitionis, vel opera digna luce et manifestatione, quæ opera sunt arma quibus et fidem nostram tuemur et insurgentia vitia superamus, ut induti armis lucis, honeste ambulemus, id est de bono in melius proficiamus, sicut qui positi sunt in die, id est in cognitione veritatis. Positos enim in die decet opera noctis abjicere, et arma lucis assumere. Nos dico sic ambulemus in die non remanentes in comessationibus, id est in publicorum conviviorum conventiculis, et non mauentes in ebrietatibus ut nimis potationi incumbamus. Non etiam in cubilibus, ad quæ cubilia de nimietate saturitatis et potationis itur, ibique superflua quies habetur. Et non manentes in impudicitia, id est in delectatione libidinis; qui enim ebrius ad cubile descendit, consequenter urgetur facibus libidinis. Et non manentes in contentione; intemperantia enim potus et libidinis frequenter jurgia concitat. Et ne sitis in æmulatione, id est in invidia: quidam qui non audet contendere, quod potest, invidet proximo. In his itaque non remaneatis: sed induimini Dominum Jesum Christum, id est vestite nuditatem vestram fide Christi et virtutibus, quæ super hanc fidem ædificantur. Homo enim propter peccatum de paradiso nudus ejectus est (Gen. v, 16); sed nuditas ista velari debet ornamento fidei cæterarumque virtutum. Et vos induti Dominum Jesum Christum, ne feceritis, id est non facietis curam carnis. Nec curam quam 74 necessitas postulat prohibeo; sed ne feceritis curam carnis in desideriis, ut desideria carnis sectemini.

CAPUT XIV.

« Infirmum autem in fide assumite, non in discipationibus cogitationum. Alius enim credi se manducare omnia. Qui autem infirmus est, olus manducet. Is qui manducat, non manducantem non spernat, et qui non manducat, manducantem non judicet. Deus enim illum assumpsit. Tu quis es, qui judicas (Jac. iv, 12) alienum servum? Domino suo stat aut cadit. Stabit autem. Potens est enim Deus statuere illum. Nam alius judicat diem inter diem, alius autem judicat omnem diem.

• Unusquisque in suo sensu abundet. Qui sapit
 • diem, Domino sapit : et qui manducat, Domino
 • manducat. Gratias enim agit Deo. Et qui non
 • manducat, Domino non manducat, et gratias agit
 • Deo. Nemo enim nostrum sibi vivit, et nemo sibi
 • moritur. Sive enim vivimus, Domino vivimus :
 • sive morimur, Domino morimur. Sive ergo vivi-
 • mus, sive morimur, Domini sumus. In hoc enim
 • Christus mortuus est et resurrexit : ut et vivo-
 • rum et mortuorum dominetur. Tu autem quid
 • judicas fratrem tuum? (*Jac.* iv) aut tu quare
 • spernis fratrem tuum? Omnes enim stabimus
 • ante tribunal Christi [Dei]. Scriptum est enim :
 • Vivo ego, dicit Dominus : quoniam mihi flectetur
 • omne genu, et omnis lingua confitebatur Deo (*Isai.*
 • xlv, 23; *Phil.* ii, 10). Itaque unusquisque no-
 • strum pro se rationem reddet Deo. Non ergo
 • amplius invicem judicemus : sed hoc judicate
 • magis, ne ponatis offendiculum fratri vel scanda-
 • lum. Scio et confido in Domino Jesu, quia nihil
 • commune per ipsum, nisi ei qui existimat quid
 • commune sit esse, illi commune est. Si enim
 • propter cibum frater tuus contristatur, jam non
 • secundum charitatem ambulas. Noli cibo tuo
 • illum perdere, pro quo Christus mortuus est. Non
 • ergo blasphemetur bonum nostrum. Non est enim
 • regnum Dei esca et potus : sed justitia et pax, et
 • gaudium, in Spiritu sancto. Qui enim in hoc ser-
 • vit Christo, placet Deo, et probatus est hominibus.
 • Itaque quæ pacis sunt sectemur : et quæ ædifi-
 • cationis sunt, in invicem custodiamus. Noli pro-
 • pter escam destruere opus Dei. Omnia qui-
 • dem sunt munda, sed malum est homini qui per
 • offendiculum manducat. Bonum est non manu-
 • care carnem, et non bibere vinum, neque in quo
 • frater tuus offenditur, aut scandalizatur, aut in-
 • firmatur. Tu fidem quam habes penes temet
 • ipsum, habe coram Deo. Beatus qui non judicat
 • semetipsum in eo quod probat. Qui autem discer-
 • nit, si manducaverit, damnatus est, quia non ex fide.
 • Omne autem quod non est ex fide, peccatum est.

EXPOSITIO.

Quia Romani gravi inter se discordia discepta-
 bant, dicentes : Hi qui de Judaismo conversi erant,
 quosdam cibos esse immundos, nec eis uti debere.
 calumniabantur etiam Judæi gentilibus, quia comede-
 rant idolothyta, dicentes eos adhuc inhærere riti-
 bus gentilitatis; e contrario gentiles scientes omnes
 cibos mundos, utebantur illis, accusantes Judæos
 quod non haberent integram fidem; quia in huncmo-
 dum confligebant. Apostolus, volens eos revocare
 ad pacem, instruit eos non facere scandalum fratri-
 bus inter se nec de conscientiiis alter alterum judi-
 care. Scandalum faciebat ille, qui propter incitan-
 dam iram proximi comedebat quod proximum offen-
 debat : vel eum sub incredulitate comedere faciebat
 quod immundum putabat. Judicare de conscientiiis
 erat cum Judæus, credens quædam immunda, dam-
 naret gentilem, dicens eum ideo uti idolothytis, quia

a illic idolis adhæreret. Littera sic jungitur : Curam
 carnis ne feceritis, sed hoc facite : *Infirmum in fide*,
 id est eum qui non habet firmam fidem, credendo
 quasdam creaturas Dei immundas (et hic erat Ju-
 dæus), illam nolite scandalizare vos qui firmi estis in
 fide, sed *assumite* eum. Assumere est condescendere
 infirmitati ejus : abstinere a quibus abstinet, et sic
 alliciendo eum paulatim de integritate fidei doceat,
 donec ad perfectionem veniat. Hic scandalum remo-
 vit. **75** Assumite infirmum non remanentes in *dis-*
ceptationibus cogitationum ejus, scilicet infirmi, id
 est ne disceptetis judicantes aliquem de conscientia
 cordis, quæ soli Deo cognita est et non vobis. Vere
 infirmus debet assumi. *Nam alius* est perfectus qui
 assumere et docere eum potest. Alius autem est in-
 firmus qui assumptione indiget. Quod sic ait . Alius
se credit posse manducare omnia, sciens omnia esse
 munda, et hic est fide firmus. Alius autem est infir-
 mus, putans se non posse omnia manducare. Hic au-
 tem *qui infirmus est*, nolens uti carnibus gentilium,
manducet, id est permittatur manducare olus, id est
 si velit abstinere : utique bonum est, nec inquiet-
 tetur.

Hic incipit compescere Romanos, ne judicent de
 conscientiiis. Qui non vult manducare, permittatur
 abstinere. *Is autem qui manducat*, sciens omnes ci-
 bos esse mundos, *non spernat non manducantem*, id
 est gentilis comedens non contemnat Judæum absti-
 nentem, arguens eum de imperfectione fidei. *Et ille*
qui non manducat, id est Judæus, *non judicet*, id est
 non damnet *manducantem* gentilem. Non debet
 alter alterum spernere seu judicare : *nam Deus as-*
sumpsit illum, id est utrumque et manducantem, et
 non manducantem. *Assumpsit* dico per fidem quam
 jam habent ut servos. Et quandoquidem a Deo as-
 sumpti sunt facti servi ejus, *tu quis es qui judices*
servum alienum? Nec leges mundi hoc patiuntur, ut
 servus ab alio quam a domino suo judicetur. Non
 utique judicare debes alienum servum : quia servus
 ille *stat bene operando reservatus domino*, id est ju-
 dicio domini sui, *aut peccando cadit* a domino suo
 judicandus. Si etiam plane noveris eum cecidisse, ne
 tamen judices eum : quia cras potest poenitendo esse
 melior te, et de omnibus bona semper suspicio tenen-
 da est. Quia, si etiam cecidit, stabit autem fortassis
 cras, id est fortis apparebit in bono. Vere quod stabit
 suspicandum est de eo : *nam Deus*, cui servus est, *po-*
tens est iterum statuere eum. Quia Domini solum est
 judicare servum, tu non debes judicare eum, præ-
 terea ideo ne damnes eum. Nam quod facit, ex ju-
 dicio et sana intentione animi facit. Quod sic ait :
Alius seu Judæus s u gentilis *judicat diem inter*
diem, id est uno die abstinendum, alio non. *Alius*
autem judicat omnem diem in abstinentia observan-
 dum, et quicumque j dicat abstinendum sane sentit,
 et inde laudandus e; non damnandus. Qui judicat
 abstinendum, sive hic, sive ille, sane sentit : et vo-
 lo ut *unusquisque abundet in suo sensu*, id est in eo
 quod sapienter sentit et operatur, ut si modo bene

abstinet, postmodum melius absteineat, et cætera bona sectetur. Notandum est quod si abstinere eos malum esset, nollet eos Apostolus abundare in hoc sensu : ideo utique opto, ut in hoc sensu abundant; *quia qui sapit diem*, id est qui in abstinentia observat diem, *sapit hoc Domino*, id est ad honorem Domini : *et qui manducat, manducat similiter Domino*. Nam *manducans agit gratias Deo* : et pro sano intellectu habito de creaturis Dei, et quia sustentatur his beneficiis. *Et ille qui non manducat, non manducat Domino*, id est jejunit ad honorem Dei, *et gratias iterum agit Domino* pro abstinentia sibi collata : et per hoc satis ostenditur utrumque sane intelligere, neutrumque pro hoc debere damnari. Vel illud superius aliter legitur : Ne iudices alienum servum ; nam *alius*, id est homo, *judicat diem inter diem*, id est de præsentis solum. *Alius*, id est Deus, *judicat omnem diem*, sic de futuro ut de præsentis. Et cum homo sane iudicet de præsentis, volo ut unusquisque hominum *abundet in suo sensu bono* : cætera non mutantur. Uterque manducans et abstinens gratias agit Deo, et juste. *Nam nemo nostrum vivit sibi*, id est nemo debet quærere gloriam suam, dum vivit, *et nemo justorum moritur similiter sibi*. Vere nec vivimus nec morimur nobis, nam Domino : *sive enim vivimus, Domino*, id est ad honorem Domini vivimus ; *sive morimur, Domino morimur*. Et quia vivimus et morimur Domino, ergo sumus **76** *Domini, sive vivimus, sive morimur*. Quare tu, quicumque, ne iudices alienum servum. Vere Domini sumus : *nam in hoc mortuus est Christus et resurrexit*, ut per meritum mortis et potentiam resurrectionis dominetur mortuorum et vivorum. Et cum Deus omnium dominetur, *tu autem abstinens quid*, id est quare *judicas fratrem tuum manducantem, aut tu manducans quare spernis fratrem tuum jejunantem?*

Nolite vos alterutrum iudicare : *nam omnes stabimus ante tribunal Dei*, iudicandi a Deo. *Stabimus* dicit a similitudine expectantium sententiam iudicii. Tribunal dicit quasi Deus sessurus sit, ad modum cujuslibet potentis pro tribunali. Vere omnes stabimus : *nam ita scriptum est* : hæc dicit Dominus per Isaiam : *Ego vivo (Isa. xlv, 23)*. Ecce sacramentum, ut quod sequitur certissime credatur. Cum tamen Isaias dicebat *Vivo*, intelligebat de

A prohibere iudicium prælatorum in subditos, de quibus iudicare debent, sed solos subditos compescit ne se alterutrum præsumant iudicare. Postquam satis ostendit non debere se invicem iudicare de conscientis, prohibet eos a scandalis fratrum, dicens : *Ne iudicetis invicem, sed hoc magis iudicate, ne ponatis offendiculum fratri, vel scandalum*. *Offendiculum* vocat, ut si faceret fratrem peccare comedentem in incredulitate, vel si eo animo comederet, ut frater hoc abominans rixaretur et sperneret comedentem. *Scandalum* vocat contristationem fratris habitam ex eo quod videt eum comedere quod immundum putat. Objiceret Paulo ille qui omnibus utendum esse intelligit : Tu fortasse cum Judæo infirmaris, qui dicis me offendere cum utor creaturis Dei. Absit hoc, ait Paulus, ut ego accusem te, quin sane credas. Scio enim et hoc *confido in Domino Jesu*, id est per Jesum tibi testor, *quod nihil est commune*, id est immundum : et hoc *per ipsum*, id est per Christum qui nos solvit a lege, sub qua multa iudicabantur immunda ; sed quia evacuat hac lege libertas reddita est, jam commune dicendum est. Scio utique nihil esse commune nisi ei qui existimat aliquid commune esse : illi pro certo commune est, non propter ipsam creaturam, sed propter fidei suæ infirmitatem. Ne ponas scandalum fratri. *Nam si frater tuus contristatur propter cibum quem sumis, jam non ambulas secundum caritatem*, quia non geris curam proximi. Ut ab offendiculo fratris caveas, *noli cibo tuo* (qui vile quid est) *perdere illum* : ut vel facias eum comedere tecum in infidelitate, vel rixeris cum illo. Noli, inquam, pro tam villi re negligere eum, *pro quo Christus mortuus est*, id est quem Christus adeo dilexit, ut pro eo mori voluerit. Quandoquidem cibis vile quid est, perdere autem proximum grave est, ergo ne cibo nostro perdat proximus.

Bonum nostrum, id est sanus intellectus quem de creaturis habemus, hoc utique bonum non blasphemetur, id est non fiat blasphemabile, ut per hoc bonum fratrem simplicem offendamus. Determinat in quibus non sit offendendus proximus : in his scilicet quæ salvationem impediunt, et in quibus non sit sequendus ; in his scilicet quæ salutem animæ auferunt dicens : *Cibo non debes proximum perdere ; nam esca* **77** *et potus non est regnum Dei*, id est uti hæc esca et hoc potus, non dat regnum Dei : nec tollit, si abstineas ab his. Hæc non dant regnum Dei. *Sed justitia*, id est æquitas servata ad proximum ut in nullo eum offendamus ; et *pax*, id est concordia ex servata æquitate veniens. Et *gaudium*, quod alter in dilectione congaudere alteri ; quod gaudium in pace nutritum est in *Spiritu sancto*, id est, secundum quod dicitur Spiritus sanctus. Hæc, inquam, sunt regnum Dei : nam in his servitur Christo. *Qui autem in his*, id est pace, justitia, et gaudio, *servit Christo, hic placet Deo, et probatus est hominibus*, id est hæc servitus probabilis iudicatur ab omnibus ; nec est sicut tua comestio, in qua offenditur proximus. Ideo prius

ait, servit Christo, dehinc placet Deo; quia Christus A
 legem pacis et justitiæ dedit hominibus, qui nisi per
 Christum placere non possunt Deo. Quandoquidem
 servitus pacis placet Deo et ab hominibus approbat-
 ur, itaque sectemur ea quæ pacis sunt, non litigemus
 cum proximo, sed etiam sectemur ea quæ sunt ædi-
 ficationis: et hoc invicem, ut tu ædifices illum in
 tuo bono, et ille te in suo. Quod hic ait ædificatio-
 nis, idem est quod ait superius, infirmum assumite.
 Sectemur ea quæ sunt ædificationis, non ea quæ
 sunt destructionis, quod sic ait: *Noli propter escam
 tuam qua proximus offenditur destruere in eo opus
 Dei*, id est fidem quam jam operatus est in eo Deus.
 Si enim nimia districtione cogas eum, hoc tantillum
 boni quod habet deseret. Quare magis est nutrienda
 infirmitas ejus, quam nimia asperitate cogenda: quod
 Petrus idonee satis observabat, cum Judæos
 quos ad fidem Christi converterat, adhuc circumcidi
 et in quibusdam legalibus permittebat: de quibus
 si intemperanter cogeret eos, citius quod ab eo ac-
 ceperant dimitterent, quam ita repentine ad perfec-
 tionem ascenderent. Sciebat enim eos paulatim
 posse et debere ad perfectionem adduci, sicut fac-
 tum est. Noli propter escam destruere fidem pro-
 ximi, non quod esca immunda sit: *omnia quidem
 munda sunt; sed tamen malum est homini, qui man-
 ducat per offendiculum*, intendens offendere proxi-
 mum. Nec solum ut caveas ab offensione proximi
 debes abstinere ab his, sed etiam ab omni carne et
 ab omni potu in quo frater offenditur. Quod ita ait:
*Bonum est tibi non manducare carnem, nec bibere
 vinum, neque aliquid in quo frater tuus offenditur se
 peccando, vel offenditur a te et scandalizatur con-
 tristando, aut infirmatur in fide aliquantulum hæsi-
 tando. Ne offendas proximum, debes abstinere ab
 his. Tu quidem habes fidem sanam penes te ipsum;*
*habe illam coram Deo, id est sufficit tibi ut Deus in-
 telligat fidem tuam: non oportet ut coram absti-
 nente qui offenditur facias opus ejus fidei; ideo pe-
 nes te ipsum fidem hanc habeas, non coram absti-
 nente. Nam beatus est ille qui non judicat, id est
 qui non damnat se ipsum, in eo quod probat, id
 est quod probabiliter verum esse credit. Sed si tu
 uteris cibis quibus licet uti, ad offensionem proximi,
 in eo quod probas judicas te reum offensionis factæ
 in fratrem. Ille qui in eo quod probat se non dam-
 nat, beatus est; sed ille qui discernit cibos a cibis, di-
 cens hos mundos, illos immundos, hic, si in hac du-
 bitate manducaverit, damnatus est; non quia cibus
 immundus sit, sed quia non comedit ex fide ut cre-
 deret esse munda. Vere, quia non ex fide, damnatus
 est: nam omne quod non est ex fide, peccatum est.*

CAPUT XV.

Debemus autem nos firmiores imbecillitates in-
 firmorum sustinere, et non nobis placere. Unus-
 quisque vestrum proximo suo placeat in bonum,
 ad ædificationem. Etenim Christus non sibi pla-
 cuit, sed sicut scriptum est: *Improperia impro-
 perantium tibi ceciderunt super me (Psal. LXXVIII,*

10). Quæcunque enim scripta sunt, ad 78 no-
 stram doctrinam scripta sunt: ut per patientiam
 et consolationem Scripturarum, spem habeamus.
 Deus autem patientiæ et solatii det vobis idipsum
 sapere in alterutrum secundum Jesum Christum,
 ut unanimes uno ore honorificetis Deum, et Pa-
 trem Domini nostri Jesu Christi. Propter quod sus-
 cipite invicem, sicut et Christus suscepit vos in
 honorem Dei. Dico enim Christum Jesum mini-
 strum fuisse circumcisionis, propter veritatem
 Dei, ad confirmandas promissiones patrum: gentes
 autem super misericordia honorare Deum, sicut
 scriptum est: *Propterea confitebor tibi in gen-
 tibus, Domine, et nomini tuo cantabo (II Reg. 22,
 50).* Et iterum dicit: *Lætamini, gentes, cum
 plebe ejus (Psal. XVII, 5).* Et iterum: *Lau-
 date, omnes gentes Dominum, et magnificate eum;
 omnes populi (Psal. CXXVI, 1).* Et rursus Isaias ait:
*Erit radix Jesse, et qui exsurgit regere gentes, in
 eum gentes sperabunt (Isai. XL, 10).* Deus autem
 spei repleat vos omni gaudio et pace in credendo,
 ut abundetis in spe et virtute Spiritus sancti. Cer-
 tus sum autem, fratres mei, et ego ipse de vobis,
 quoniam et ipsi pleni estis dilectione, repleti omni
 scientia, ita ut possitis alterutrum monere. Auda-
 cius autem scripsi vobis, fratres, ex parte, tanquam
 in memoriam vos reducens, propter gratiam quæ
 data est mihi a Deo, ut sim minister Christi Jesu
 in gentibus, sanctificans Evangelium Dei, ut fiat
 oblatio gentium accepta et sanctificata in Spiritu
 sancto. Habeo igitur gloriam in Christo Jesu ad
 Deum. Non enim audeo aliquid loqui eorum, quæ
 per me non efficit Christus in obedientiam gentium,
 verbo et factis, in virtute signorum et prodigi-
 orum, in virtute Spiritus sancti: ita ut ab Jeru-
 salem per circuitum usque ad Illyricum repleverim
 Evangelium Christi. Sic autem hoc prædicavi
 Evangelium, non ubi nominatus est Christus, ne
 super alienum fundamentum ædificarem, sed sicut
 scriptum est: *Quoniam quibus non est annun-
 tiatum de eo, videbunt (Isai. LII, 15);* et qui
 non audierunt, de eo [al., non habet de eo] intelli-
 gent. Propter quod et impediebar plurimum ve-
 nire ad vos, et prohibitus sum usque adhuc. Nunc
 vero ulterius locum non habens in his regionibus,
 cupiditatem autem habens veniendi ad vos, ex
 multis jam præcedentibus annis. Sed cum in Hi-
 spaniam proficisci cæpero, spero quod præteriens
 videam vos: et a vobis deducar illuc, si vobis pri-
 mum ex parte fructus fuero. Nunc igitur profici-
 scar in Jerusalem ministrare sanctis. Probaverunt
 enim Macedonia et Achaia collationem [al., colle-
 ctionem] aliquam facere in pauperes sanctorum
 qui sunt in Jerusalem. Placuit enim eis, et debi-
 tores sunt eorum. Nam si spiritualium eorum par-
 ticipes facti sunt gentiles, dehinc et in carnalibus
 ministrare eis. Hoc igitur cum consummavero, et
 assignavero eis fructum hunc, per vos proficiscar
 in Hispaniam. Scio [al., sciens] autem quoniam

veniens ad vos, in abundantia benedictionis Christi veniam. Obsecro ergo vos, fratres, per Dominum nostrum Jesum Christum, et per charitatem Spiritus sancti, ut adjuvetis me in orationibus vestris ad Deum, ut liberer ab infidelibus qui sunt in Judæa, et obsequii mei oblatio accepta fiat in Jerusalem [al., Hierosolymis] sanctis, ut veniam ad vos in gaudio per voluntatem Dei, et refrigerer vobiscum. Deus autem pacis sit cum omnibus vobis. Amen. »

EXPOSITIO.

Ad hoc diceret ille qui sanæ fidei esset : Si ego, quod utique tu fateris, sanæ fidei sum, omnia munda credens, hic autem infirmatur in fide, justior causa videtur, ut infirmus firmum sequeretur, quam ego firmus sequerer infirmitatem illius. Non sic est, ait Paulus. Sed, licet tu sanæ fidei sis, hic autem infirmæ, tamen nos firmiores debemus sustinere, et quadam participatione imbecillitates infirmorum ad melius enutrire, et non debemus nobis placere in omnibus. Nobis non utique placeamus, sed unusquisque placeat proximo suo; et hoc in bono; quia ad ædificationem proximi, qui secundum charitatem ædificandus est. Nobis non utique placeamus : etenim Christus (quem per omnia sequi debemus) non placuit sibi, id est non consensit infirmæ carni, sed sicut **79** scriptum est in psalmo (LXVIII, 10) ait Christus ad Patrem : *Impropria impropertium tibi quadam mole ceciderunt super me, et in morte depresserunt me.* Quasi diceret : Quia ejeci de templo vendentes et ementes, in quo tibi impropertabant, ideo adjudicaverunt me morti. Quid inde, diceret aliquis, si ita scriptum est? Multum utique, quia quæcunque scripta sunt de Christo, ad nostram doctrinam scripta sunt, ut per doctrinam habeamus patientiam, et in patientia habeamus consolationem Scripturarum, quæ plurimum utilis est patientibus, et ut per patientiam et hanc consolationem habeamus spem futuræ retributionis. Et quia merita vestra et doctrinam meam insufficientia, video ad hæc obtinenda, opto ut Deus, dator patientiæ et solatii, det vobis sapere id ipsum, ut omnes veram cognitionem habeatis, et hoc in alterutrum, ut quod sane sentit iste, sentiat et ille e converso. Sapere dico secundum, id est per Jesum Christum : ut vos unanimes uno ore et una voluntate, et eadem confessione honorificetis Deum et Patrem Domini nostri Jesu Christi. Non quod Deus et Pater diversos significant, sed in eodem diversas causas assignat : dicens eum honorificandum tum quia Deus est, tum quia Pater est Domini Jesu Christi, per quem omne bonum provenit nobis.

Propter quod, id est ut id ipsum sapiatis, et eodem animo unaque confessione Deum honorificetis; suscipite vos invicem, ut alter alterum omni benigne suscipiat : ad instruendum supportantes vos in alterutrum. Suscipite dico, sicut et Christus in magna altitudine suscepit vos. Suscepit utique in honorem. Honor maximus fuit remittere peccata. Quam honorem augmentabis, reddendo incorruptio-

nem. Honorem dico Dei, id est a solo Deo datum. Deus enim per gratiam dat, et dabit hunc honorem, ad quem honorandum deficiunt merita nostra. Probat quod ait : *Suscepit vos Romanos* : nam Judæos et gentiles, et primum de Judæis ait : Vere Christus suscepit vos, o Judæi. Nam ego dico (cui credi oportet) *Christum Jesum ministrum fuisse circumcisionis*, id est Judæorum. Christus enim minister fuit, et quasi apostolus Judæorum, quibus in propria persona prædicavit. Hoc autem fuit non ex merito Judæorum, sed propter veritatem Dei, id est propter promissa Dei. Ideo propter promissa ad confirmandas, id est ut per ipsum actum confirmarentur promissiones patrum, id est factæ patribus eorum. Vel ita : Christus minister fuit propter veritatem Dei, id est propter completionem promissionum Dei : et ad confirmandas per veritatem facti promissiones patrum, id est quas fecerant patres, id est prophetæ, patres Judæorum. Deus enim et per seipsum promiserat, ut Abrahæ et frequentius per prophetas. Probavit Deum suscepisse Judæos, ad quod probandum nullam induxit auctoritatem, quia quasi omnibus patens erat. Probat idem de gentibus per auctoritates, quia dubietas quibusdam inde erat, dicens : De Judæis hoc dico. Dico etiam quod gentes debent honorare Deum, super, id est de misericordiis sibi facta. Et hoc dico sicut scriptum est in psalmo (Psal. XVII, 50). Illud propterea in ordine psalmi vim habet; vox Filii ad Patrem : O Domine Pater, ego confitebor tibi in gentibus, id est gentes faciam confiteri nomini tuo. Nec solum confitebor, sed etiam cantabo et exultabo nomini tuo. Et iterum dicit Scriptura per Isaiam : O vos gentes lætamini cum plebe ejus (Isa. XI, 10), id est cum Judæis, qui dicebantur peculiaris populus Dei, quas gentes frustra Isaias invitaret ad lætitiã, nisi consideraret earum susceptionem. Et iterum, David de gentibus. Omnes gentes, id est singuli de gentibus laudate Dominum (Psal. CXVI, 1) : nec solum laudate, sed etiam magnum ostendite eum operibus bonis, omnes populi, qui in singulis gentibus estis. Et rursus de eodem ait Isaias : Jesse, pater David, erit radix ejus originis, de qua nascetur Christus qui exsurgat regere gentes : et in eo rege sperabunt gentes (Isa. XI, 10). Exsurrexit Christus, quia solus immunis a peccato inter omnes. Surrexit altius **80** tertia die resumpta incorruptione, cum Deus Pater dedit omne iudicium huic filio regi. Moneo ut vos suscipiatis invicem, sed quia nec viribus vestris, nec doctrina mea, hoc perficere potestis, precor ut Deus spei in quem spero, et vos sperare debetis, repleat vos omni gaudio, id est perfectione dilectionis : quod gaudium ut digni sitis habere, repleat vos pace, id est omni concordia. Pace dico reformata in credendo, id est in una eademque integritate fidei, ut eadem fides faciat pacem in vobis. Pax vero nutriat gaudium : repleat dico fide, pace, et gaudio, ut abundetis in spe, id est ut quanto melius ageris, firmiter et abundantius speretis : et ne spes vestra perturbetur, abundantius

in virtute Spiritus sancti, id est Spiritus sanctus A copiosas vires ministret vobis perseverandi in bono.

Paulus incipit hic convenire quosdam Romanos, laudans eos de integritate fidei, de plenitudine dilectionis et omnis scientiæ. Sed tamen aliquantulum tangit eos; quia non correxerant imperfectionem errantium fratrum, cum bene possent, quia sapientes; cum deberent, quia eos diligerent; cum etiam necesse hoc esset, quia Paulus, intentus aliis, non sufficienter vacare posset correctioni Romanorum; quasi diceret: Conscientia vestra certa est de integritate fidei eorum: similiter etiam ego ipse certus sum, fratres mei, de vobis, quoniam ipsi pleni estis fide et dilectione. Nec litigatis cum fratribus vestris: repleti omni scientia; ita ut possitis monere alterutrum, id est instruere infirmam fidem aliorum. Et licet pleni sitis dilectione et scientia, tamen audacius, id est cum aliquantula audacia scripsi vobis fratres ex parte, id est secundum eam partem, qua aliquantulum imperfecte agendo, litigia fratrum non compescuistis. Scripsi quidem non vos docens, quos sapientes scio, sed tanquam reducens vos in memoriam eorum quæ credo vos scire, sed non satis eorum reminiscimini. Dicerent illi: Quia perfectos nos fateris, quare nos redarguis? Audacter ait Paulus propter gratiam, id est propter dignitatem apostolatus, quæ data est mihi a Deo, et hoc magisterium meum cogit me ut vos sic admoneam. Data est mihi gratia ideo, ut sim minister Jesu Christi in gentibus, id est per ministerium meum gentes subjiciam Christo, sanctificans Evangelium Dei: quod sanctifico dum idem operor quod prædico. Sanctificans ideo, ut fiat accepta Deo oblatio gentium, id est ego offerens gentes acceptus sim Deo, vel ut gentes oblatae acceptæ sint Deo. Oblatio dico accepta, et sanctificata in Spiritu sancto, quia per impositionem manus do Spiritum sanctum, quod pseudodoctores facere nequeunt. Et quia sanctifico Evangelium, igitur habeo gloriam, id est glorior multum in apostolatu meo. Gloriam dico referendam non ad me, sed ad Deum, et hoc in Christo Jesu, id est per Christum, qui me consecravit apostolum: ideo habeo gloriam, quia non audeo loqui aliquid eorum quæ Christus non efficit per me ministrum, ut faciant pseudo, qui dicant se fecisse quæ nunquam fecerunt. Ea non loquor quæ per me non efficit Deus, sed loquor ea quæ per me Christus efficit, in obedientiam gentium, id est ut vel ego obediam ipsi in gentibus, vel gentes per me obediant ei. Efficit dico per me verbo, Christus enim loquitur in me. Efficit etiam factis, id est in operibus meis, quia quod bene loquor operor. Efficit dico in virtute signorum et prodigiorum, ad quæ faciendâ dat mihi virtutem. Signa vocat, ut depulsionem morborum, prodigia, suscitare mortuos. Prodigiorum dico factorum in virtute Spiritus sancti. Vel efficit Christus per me in virtute Spiritus sancti, quem per manus meas distribuit. Sic, inquam, efficit, ut ego repleverim, id est plenarie prædicaverim Evangelium Christi, incipiendo ab

Hierusalem usque ad Illyricum mare: nec recta via, sed per circuitum, id est singula loca circumeundo.

B Sic autem prædicavi Evangelium, non in Judæa ubi Christus nominatus est, ne ædificarem super alienum fundamentum, id est super fidem quam alii apostoli prædicaverant.

Nec tamen hæc causa fuit quare ibi non prædicaverit, sed quia Deus ad gentes eum direxit. Ne ædificarem dico sic; sed sicut scriptum est in Isaia: Gentes quibus non est annuntiatum de eo, videbunt (Isai. LII, 15) Deum, et qui nec etiam audierunt, intelligunt. Propter quod quia rudibus et quasi lapideis prædicabam, plurimum impediabar venire ad vos, o Romani, quare necesse esset ut vos qui sani eratis, infirmos ædificaretis. Olim impediabar; sed nunc ulterius non habens locum in his regionibus, quia omnes conversi sunt: habens autem cupiditatem veniendi ad vos, ex multis jam præcedentibus annis, in quo notare potestis quantum diligentiam habeam ad vos. Cum ego proficisci cæpero in Hispaniam, spero quod videam vos, præteriens per vos, non enim causa est quare remorer vobiscum qui fideles estis. Videam vos dico, et deducur illuc a vobis, si tamen fructus prius fuero vobis ex parte, id est aliquando remorando vobiscum; quia hic ulterius locum non habeo et ad vos transire cupio. Igitur quod prius faciendum est operabor, scilicet ibi Hierusalem ministrare sanctis. Quando Petrus et qui cum eo erant Paulo et Barnabæ dextras dedere societatis (Galat. II, 9), injunxerunt eis, ut in Ecclesiis gentium collectiones facerent, unde ministrarent sanctis in Hierusalem, quibus infideles omnia abstulerant. Vadam ministrare sanctis, quid Macedonia et Achaia, id est Ecclesiæ eorum probum judicaverunt facere aliquam collectionem in pauperes sanctorum deferendam, id est, in pauperes sanctos, qui sunt Jerusalem. Probaverunt quidem hoc non a nobis coacti, sed, quia ita placuit eis; et si non placeret, debitores tamen sunt eorum et ex debito facere oporteret. Vere debitores sunt eorum. Nam, si gentiles facti sunt participes spiritualium bonorum eorum sanctorum, quia sancti illi spiritualia gentibus ministraverunt, debent etiam gentes ministrare sanctis in carnalibus. Quandoquidem hoc mihi prius faciendum restat, igitur cum hoc consummavero, cum assignavero, id est, sub sigillo eis reddidero fructum hunc, proficiscar in Hispaniam transiens per vos. Scio autem quoniam veniens longo desiderio actus, veniam ad vos in abundantia benedictionis Christi, id est, benedictionem Christi faciam abundare in vobis, impertiens illud gratiæ Dei quod deest. Et quia nunc iturus sum Jerusalem, igitur, obsecro vos fratres, per Dominum nostrum Jesum Christum, ut adjuretis me in orationibus fuis pro me ad Deum, ut hoc adjutorio liberer ab infidelibus qui sunt in Judæa, et ut ita oblatio obsequii mei, id est in qua obsequor, fiat accepta sanctis in Jersosolyma, sine diminutione illis præsentata; ut hoc prospere completo, veniam ad vos in gaudio per vo-

luntatem Dei, id est, sicut Deus disposuerit; et refrigere vobiscum perficiens in vobis quod imperfectum invenero. Sed quia ad hoc neque per vos, neque per me sufficitis: Deus pacis fit faciens pacem cum omnibus vobis. Amen.

CAPUT XVI.

Commendo autem vobis Phœben sororem nostram, quæ est in ministerio Ecclesiæ quæ est in Cenchris: ut eam suscipiatis in Domino digne sanctis [al., satis], et assistatis ei in quocunque negotio vestri indigerit. Etenim ipsa quoque assistit multis, et mihi ipsi. Salutate Priscam et Aquilam, adjutores meos in Christo Jesu (qui pro anima mea suas cervices supposuerunt: quibus non solum ego gratias ago, sed et cunctæ Ecclesiæ gentium) et domesticam Ecclesiam eorum. Salutate Epænctum dilectum mihi, qui est primitivus Ecclesiæ Asiæ in Christo Jesu. Salutate Mariam, quæ multum laboravit in vobis. Salutate **82** Andronicum et Juniam, cognatos et concaptivos meos, qui sunt nobiles in apostolis, qui et ante me fuerunt in Christo Jesu. Salutate Ampliatum dilectissimum mihi in Domino. Salutate Urbanum adjutorem nostrum in Christo Jesu, et Stachyn dilectum meum. Salutate Appellen probum in Christo. Salutate eos qui sunt ex Aristoboli domo. Salutate Herodianum cognatum meum. Salutate eos qui sunt ex Narcissi domo, qui sunt in Domino. Salutate Tryphænam et Tryphosam, quæ laborant in Domino. Salutate Persidem charissimam, quæ multum laboravit in Domino. Salutate Rufum electum in Domino, et matrem ejus, et meam. Salutate Asyncrytum et Philegontem, Herman, Patrobam, Hermen, et qui cum eis sunt, fratres. Salutate Philologum et Juliam, et Nereum et sororem ejus, et Olympiadem, et omnes qui cum eis sunt sanctos. Salutate invicem in osculo sancto. Salutant vos omnes Ecclesiæ Christi. Rogo autem vos, fratres, ut observetis eos qui dissensiones et offencicula præter doctrinam quam vos didicistis faciunt, et declinate ab illis. Hujusmodi enim Christo Domino nostro non serviunt, sed suo ventri, et præ dulces sermones et benedictiones seducunt corda innocentium. Vestra enim obedientia in omni loco divulgata est. Gaudeo igitur in vobis; sed volo vos sapientes esse in bono, et simplices in malo. Deus autem pacis conterat Satanam [al., Satan] sub pedibus vestris velociter. Gratia Domini nostri Jesu Christi vobiscum. Salutat vos Timotheus adjutor [al., habet frater] meus, et Lucas [al., Lucius] et Jason, et Sosipater cognati mei. Salutate vos ego Tertius, qui scripsi Epistolam hanc, in Domino. Salutat vos Gaius, hospes meus, et universa Ecclesia. Salutat vos Erastus arcarius civitatis, et Quartus, frater. Gratia Domini nostri Jesu Christi cum omnibus vobis, Amen. Et autem qui potens est vos confirmare, juxta Evangelium meum, et prædicationem Jesu Christi secundum revelationem mysterii temporibus æternis

taciti, (quod nunc patefactum est per scripturas prophetarum secundum præceptum æterni Dei, ad obedientiam fidei) in cunctis gentibus cogniti, soli sapienti Deo per Jesum Christum, cui honor et gloria in sæcula sæculorum. Amen. »

EXPOSITIO.

Finita Epistola, inserit salutationes suas, dicens: Cum his quæ superius commendavi commendo etiam vobis Phœben sororem nostram, quæ est in ministerio Ecclesiæ, id est quæ ministrat necessaria cuidam Ecclesiæ, quam constituit Cenchris. Hoc inquam de ea commendo, ut suscipiatis eam in Domino digne sanctis, id est vel quomodo vos sanctos decet eam suscipere; vel quomodo ea sancta suscipienda est: et ei susceptæ assistatis in quocunque negotio indigerit vestri. Per hanc Phœben euntem Romam, dicitur Apostolus misisse suam Epistolam, quam ideo commendat, ut Romani, audita auctoritate ejus, acquiescant ei in omnibus, quæ bene suadebit. Assistentum est ei: etenim ipsa assistit multis sanctis, et mihi ipsi ministrando. Salutate etiam Priscam et Aquilam, adjutores meos in Christo Jesu. Vel salutate in Christo, qui uterque supposuerunt suas cervices pro anima mea. Hi Paulo in multis periculis et carceribus subvenerunt. Quibus non ego solus gratias ago; sed etiam cunctæ Ecclesiæ gentium, qui modo non haberent apostolum suum, nisi per adjutorium istorum. Salutate et domesticam Ecclesiam, id est familiam eorum. Salutate Epænctum dilectum mihi, qui est primitivus Asiæ in Christo. Hic primus de Asia fidem accepit a Paulo. Salutate et Mariam, quæ multum laboravit in vobis, ab errore revocando vos. Hæc Maria dicitur nuntiasse Apostolo discessionem Romanorum: qua occasione scripsit eis hanc Epistolam. Et hæc Romam redierat, et ideo dicit eam laborasse. Salutate Andronicum et Juliam, cognatos meos, in genere Judæorum: et concaptivos meos; qui sæpe mecum capti fuerunt, qui sunt nobiles in apostolis. Hi de septuaginta duobus fuisse creduntur: qui et ante me fuerunt in Christo, qui prius Paulo ad fidem conversi sunt. Salutate Appellen probum in Christo. Salutate eos qui sunt ex domo Aristoboli, id est familiam quia fidelis est. Dominum nequaquam, quia **83** infidelitatis est reus. Salutate eos qui sunt ex domo Narcissi, nec omnes, sed eos qui sunt in fide in Domino. Aliqui enim ex ejus familia adherent domino suo in infidelitate. Salutate Rufum electum in Domino, et matrem ejus, ac meam. Ejus secundum carnem, meam secundum beneficium. Et, ut finem faciam, salutate vos invicem ex parte mea in osculo sancto, id est alter alteri dicat; aut ex parte Pauli, osculantes se in osculo pacis in loco ejus. Sicut ego, sic omnes Ecclesiæ Christi salutant vos. Ideo Paulus ex nomine probatas salutavit personas, ne, cum modo suadet Romanis a pseudo declinare, forte possent de aliquo horum dubitare quos salutavit. Vos autem fratres salutatos rogo ut observetis, id est ut callide custodiatis vos ab eis qui faciunt dissen-

siones, et etiam *offendicula*, præcipitando in peccatum. **A** id est familia ejus. *Salutat vos Erastus, arcarius, Docentes quod præter doctrinam est, quam vos a me didicistis; et, ut vos obserretis, declinando penitus, separamini ab illis, quia qui ejusmodi sunt non serviunt Christo Domino nostro, sed suo ventri. Querunt enim quæ sunt, non quæ Jesu Christi. Et hi tales seducunt corda innocentium, id est simplicium per dulces sermones, id est seductorios, et per simulatas benedictiones. Debetis declinare ab eis: nam obedientia vestra et bonum ejus divulgata est in omnem locum, et propterea gaudeo in vobis. Sed tamen volo vos sapientes et astutos esse in bono, et in malo simplices, ut malitia pueri sitis. Licet lixerim vos sapientes, tamen quia sapientia vestra parum ex se sola potest, precor ut Deus pacis conterat Satanam, et membra ejus sub pedibus vestris prostrata, et hoc velociter. His dictis salutatur eos Paulus, dicens: Gratia Domini nostri Jesu Christi sit vobiscum. Salutat vos Timotheus adjutor meus, et Lucas, et Jason, et Sosipater, vel pater Sosii, qui sunt cognati mei. Saluto vos ego Tertius, qui scripsi Epistolam in Domino. Hic Tertius erat notarius Apostoli, qui salutationibus aliorum suam inseruit. Ad salutationes suas revertitur Paulus, et ait: Salutat vos Gaius hospes meus, et universa Ecclesia,*

id est thesaurarius civitatis, et Quartus frater. Omnes isti sic dicentes: *Gratia Domini Jesu Christi cum omnibus vobis.* De omnibus autem bonis vestris ait Deo honor et gloria. *Ei dico qui potens est confirmare vos, juxta Evangelium meum, id est sicut ego prædico vobis, et juxta prædicationem Jesu Christi, cujus prædicationis eadem est cum meo Evangelio. Evangelii dico et prædicationis habiti secundum revelationem mysterii. Mysterium vocat salvationem hominum: quæ occulta fuit semper ante adventum Christi, sed per eum revelata. Mysterii dico taciti temporibus æternis ante Christum: quod mysterium nunc in tempore gratiæ patefactum est per scripturas prophetarum, nunc tandem intellectas per Christum.* **B** *Patefactum dico secundum præceptum æterni Dei, cui ab æterno hoc in patulo erat: Patefactum ideo ad obeditionem fidei in cunctis gentibus, id est ut cunctæ gentes obediant fidei. Quia si querere velis quare olim tacitum nunc revelatum, frustra hoc inquiris: quia mysterii dico cogniti soli sapienti Deo: qui solus semper causam ejus sapuit. Patefactum dico per Jesum Christum. Cui Christo, scilicet qui potens est, sit honor et gloria in sæcula sæculorum. Amen.*

PROLOGUS IN PRIMAM EPISTOLAM AD CORINTHIOS.

Epistola prima ad Corinthios multas causas **C** diverasque complectitur. Quarum partem relatione fratrum cognovit Apostolus. Partim ipsorum Corinthiorum sunt litteris indicatæ. Nonnullas vero pro officii sui cura aut ordinat aut emendat, et variis curationibus medetur diversa infirmitate languentibus. Nam apud eos primum curatur dissensionis vitium, quod multi pseudoapostolorum intulerunt, unitatem scindentes Ecclesiæ, ut proprii nominis facerent sectatores, quod his exprobrat **84** verbis Apostolus. *Hoc autem dico quod unusquisque vestrum dicit: Ego quidem sum Pauli: ego autem Apollo: ego vero Cephe: ego autem Christi (1 Cor. 1, 12).* Et ob hoc quidem horum se dicit facere nominum mentionem, ut nullo magis erubescant id se facere sub falsorum apostolorum nominibus: quod etiam **D** si sub Pauli et Petri fieret nomine, displiceret. *Secunda causa ejus inducitur, qui paternæ oblitus reverentiæ, uxorem sibi non erubuit facere de*

noverca. Quod facinus licet fornicationem appellaverit Apostolus, tamen ita condemnavit, ut in ultionem facti auctorem talis operis diabolo judicaverit deputandum: imposita judiciorum et litium tertia quæstione. *Quarto loco matrimoniorum jura tractantur his. Quinto loco virginitatis consilium velut e vicino conjungitur. Sexto loco de escarum licentia disputatur. Septimo atque octavo loco de attundendo viris, et mulieribus velando capite, et sacramentorum communionem præcipitur. Nono loco æmulatio quæ diversitate donorum spiritualium noscebatur, sub exemplo membrorum et corporis castigatur. Decimo resurrectionis spes multis et argumentis et rationibus approbatur. Ultimo de colligendis ad necessitatem sanctorum nomine charitatis cura vel ædificatio cultui imponitur. Interferuntur his pauca quæ aut (ut quibusdam videtur) pendent ex superioribus, aut habent, licet proprias, tamen parvulas actiones.*

ARGUMENTUM.

Corinthii sunt Achaici: et hi similiter ab Apostolo audierunt verbum veritatis, et subversi sunt multifarie a falsis apostolis. Quidam a philosophiæ verbosa eloquentia; alii secta legis Judaicæ inducti sunt. Hos revocat Apostolus ad veram fidem et Evangelicam sapientiam: scribens eis ab Epheso per Timotheum, discipulum suum.

ARGUMENTUM B. BRUNONIS IN EAMDEM.

Paulus prædicaverat Corinthiis, et eos ad fidem converterat: apud quos per annum et dimidium (sicut credimus) commoratus est: videns quod diu et in multis consulendum esset Corinthiis, quia

nimis adhærebant carnalitati. Quandiu autem Paulus præsens fuit, adhæserunt cum simplicitate præceptis ejus: quibus ipse quasi simplicibus simpliciter prædicaverat, sciens carnalitati eorum potius obesse.

mysteria fidei, si eis revelarentur quam prodesse : et ideo bonum iudicavit simplicitatem eorum magis in simplicibus fovendam esse, quam in altitudine mysteriorum Dei (de quibus potius hæsitarent quam crederent) corrumpendam. Sed Paulo a Corinthiis reverso, introierunt in eos pseudodoctores, qui bonam simplicitatem prioris doctrinæ inverterent : quorum doctrina quia in mundanis rationibus versabatur, quæ penitus spirituali doctrinæ contradiceret, cœpit magis allicere, et ad persuadendum sibi adducere Corinthios, quia magis mundo adhærebant quam Deo, et destruere in eis, calliditate humanæ rationis, quod Paulus ædificaverat, sequendo simplicitatem fidei. Corinthiis autem declinantibus ab instructione Pauli, præcipitati sunt in multos errores, ut æstimarent merita baptizantium prodesse baptizatis quanto majora essent, et nocere si minora fuissent. Et hoc modo homini tribuebant, quod solius Dei erat, scilicet dimittere peccata. Qua de re fiebat, ut qui a digniore baptizatus erat, iudicaret minus

A se dignum eum qui a minus digno baptizatus esset : in hoc utique derogando Deo errabant, etiam in eo, quia corpus Domini paululum discernebant ab aliis cibis. Iterum in eo quia viri velato capite, mulieres discooperato orarent. Erat etiam alius error, quia futuram resurrectionem non (sicut Paulus prædicaverat) **85** credebant. Accusabantur etiam inde, quia audiebatur inter eos fornicatio, quam nec paterentur gentiles. Quidam enim eorum novercam suam duxerat in uxorem : quem nec corrigendo emendaverant, nec participationem Ecclesiæ huic tam facinoroso interdixerant ; sed per illicitam patientiam huic incestui consentire videbantur. Quibus erroribus cognitis, Paulus per Sosthenem missum sibi cum Epistola a fratribus, qui erant Cloes, qui locus in archiepiscopatu Corinthiorum claudebatur, scripsit ad eos hanc Epistolam, in qua agit de Corinthiis errantibus : errores eorum enumerando, eosdemque congruis rationibus improbando, ea utique intentione ut ab his vitiis eos retrahat.

EPISTOLA AD CORINTHIOS PRIMA.

CAPUT PRIMUM.

« Paulus vocatus apostolus Christi Jesu per voluntatem Dei, et Sosthenes frater Ecclesiæ Dei, quæ est Corinthi, sanctificatis in Christo Jesu vocatis sanctis, cum omnibus qui invocant nomen Domini nostri Jesu Christi, in omni loco ipsorum et nostro. Gratia vobis et pax a Deo Patre nostro, et Domino Jesu Christo. Gratias ago Deo meo semper pro vobis in gratia Dei, quæ data est vobis in Christo Jesu : quod in omnibus divites facti estis in illo, in omni verbo, et in omni scientia . sicut testimonium Christi confirmatum est in vobis ; ita ut nihil vobis desit in ulla gratia, expectantibus revelationem Domini nostri Jesu Christi, qui confirmabit vos usque in finem sine crimine, in die adventus Domini nostri Jesu Christi. « Fidelis Deus, per quem vocati estis (*I Thess. v, 24*) » in societatem Filii ejus Jesu Christi Domini nostri. « Obsecro autem vos fratres, per nomen Domini nostri Jesu Christi, ut idipsum dicatis omnes, et non sint in vobis schismata : sitis autem perfecti in eodem sensu, et in eadem scientia. Significatum est enim mihi de vobis, fratres mei, ab his qui sunt Cloes, quia contentiones sunt inter vos. Hoc autem dico quod unusquisque vestrum dicit : Ego quidem sum Pauli ; ego autem Apollo (*Act. xviii, 25*) ; ego vero Cephæ ; ego autem Christi. Divisus est Christus ? Nunquid Paulus crucifixus est pro vobis ? Aut in nomine Pauli baptizati estis ? Gratias ago Deo meo quod neminem vestrum baptizavi, nisi Crispum et Caium, ne quis dicat quod in nomine meo baptizati estis. Baptizavi autem et Stephanæ domum : cæterum nescio si quem alium vestrum baptizaverim. Non enim mi-

« sit me Christus baptizare, sed evangelizare : non in sapientia verbi, ut non evacuetur crux Christi. « Verbum enim crucis pereuntibus quidem stultitia est, his autem qui salvi fiunt, id est nobis, virtus « Dei est. Scriptum est enim : « Perdam sapientiam « sapientium, et prudentiam prudentium repro- « habo (*Isai. xxix, 14*). » Ubi sapiens ? ubi scriba ? « ubi inquisitor hujus sæculi ? Nonne stultam fecit « Deus sapientiam hujus mundi ? Nam quia in Dei « sapientia non cognovit mundus per sapientiam « Deum : placuit Deo per stultitiam prædicationis « salvos facere credentes. Quoniam et Judæi signa « petunt, et Græci sapientiam quærunt. Nos autem « prædicamus Christum crucifixum : Judæis quidem « scandalum, gentibus autem stultitiam : ipsis autem vocatis Judæis atque Græcis Christum Dei « virtutem et Dei sapientiam ; quia quod stultum est « Dei sapientius est hominibus, et quod infirmum « est Dei fortius est hominibus. Videte enim vocationem vestram, fratres, quia non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, ut confundat sapientes ; et infirma mundi elegit Deus, ut confundat fortia : et ignobilia mundi, et contemptibilia elegit Deus, et ea quæ non sunt ; ut ea quæ sunt destrueret : ut non gloriaretur omnis caro in conspectu ejus. Ex ipso autem vos estis in Christo Jesu, qui factus est nobis sapientia a Deo, et justitia, et sanctificatio, et redemptio, ut, quemadmodum **86** scriptum est, « Qui « gloriatur ; in Domino gloriatur (*II Cor. x, 17* ; « *Jer. ix, 22*). »

EXPOSITIO.

Paulus, etc. Quia auctoritate opus erat ad præ-

mendam Corinthiorum superbiam, nomen auctoritatis ponit dicens: *Paulus*, quod utique nomen ubique notum est. Paulus dico, *vocatus* a Deo, id est *apostolus* divina vocatione constitutus. Vel *vocatus* ab omnibus; quia jam omnes noscunt eum esse apostolum. *Apostolus* dico, id est *legatus Christi Jesu*, id est non se præsumptuose ingerens ut pseudo, sed *legatus Christi Jesu*; nec a Christo missus per exercendæ iræ opportunitatem, ut Saul: sed *per voluntatem*, id est per beneplacitum Dei. Paulus utique *et cum eo Sosthenes frater*; non quia Sosthenes in hac Epistola quidquam scripserit, sed ut Paulus per hoc ostendat omnes errores se cognoscere, quia qui de eisdem erat, et inter eos conversabatur, ei nuntiaverat; ideo etiam ut ostendat Sosthenem errores eorum nuntiasse sibi, non malo animo contra eos habito, sed desiderio correctionis eorum. Paulus, inquam, et Sosthenes frater, scribunt *Ecclesiæ Dei, quæ est Corinthi*. *Ecclesiæ* dico *sanctificatis*, id est a peccatis in baptismo justificatis. Et hoc totum in *Christo Jesu*, non per meritum baptismatum. Quia ecclesia collectivum nomen est, satis congrue jungitur plurali, ut dicamus Ecclesiæ sanctificatis; nec solum per Christum sanctificatis, sed per gratiam ejusdem *vocatis sanctis*, id est ad hoc, ut sanctificarentur ut totum, et sanctificatio ad vocationem, ipsaque sanctificatio ex Deo esse cognoscatur, et omne meritum baptizati et baptizatoris excludatur. Paulus scribit Ecclesiæ Corinthiorum *eum omnibus*, id est et omnibus Ecclesiis, in eisdem erroribus detentis. *Omnibus*, dico, *qui invocant nomen Domini nostri Jesu Christi*, quem in eo quem invocant, confitentur solum esse justificantem. Nec omnibus Ecclesiis dico per mundum, sed his quæ sunt in *omni loco ipsorum Corinthiorum*, id est omni Ecclesiæ metropoli Corinthiorum suppositæ, et in eundem errorem lapsæ, quæ Ecclesiæ et si locus ipsorum Corinthiorum sunt, quia eis præferuntur *nostro* etiam loco, quia sic eas Corinthiis suppono: ut tamen providentiam meam illis semper adhibeam, quemadmodum Corinthiis. Hoc ideo Paulus ait, ne Corinthii dicerent: De nobis tantum habes judicare, nos vero de subditis. Cujus moris adhuc tenetur regula, quia summus pontifex, et si Ecclesiis Ecclesiis subjecerit, de omnium tamen errore discutit, sed ex jure mediantibus metropolitanis. Paulus et Sosthenes scribunt hoc Corinthiis: *Gratia sit vobis et pax*. Cum inter Corinthios quidam essent, qui gratiam sibi datam in baptismo custodissent integram, bene agendo: quibus utique remissio non erat optanda, quam jam acceperant, et acceptam firme tenuerant. Cum vero inter eosdem alii essent, qui gratiam acceptam errando annihilaverant, et his iterata remissio esset necessaria, pro hac diversitate perfectorum et imperfectorum, diverso modo optanda est hæc gratia, ut dicamus vobis, qui iterum peccatis, sit secunda gratia, id est iterato remittantur peccata; vobis autem qui acceptam justificationem non irritam fecistis peccando, sit gra-

tia, id est acceptæ justificationis perseverans custodia. Sic de pace: Peccatoribus sit pax animi restituta; non peccantibus tranquillitas animi perseveret. Gratia, inquam, et pax sit vobis *a Deo Patre nostro, et Domino Jesu Christo*, a quo solo credite esse omnem justificationem: excluso omni merito baptizatoris. Quia de Corinthiis quidam erant perseverantes in doctrina Pauli, non communicantes errori aliorum, primum separatim loquitur istis, ut audito quod bonum suum tantæ auctoritatis sit apud Apostolum, magis animentur ad bonum: ideo et ut per hoc magis incumbant correctioni errantium fratrum et ut errantes absque reclamatione obediant istis, cum audierint perfectionem eorum tanti esse apud Apostolum.

Unde sic ait: *Gratias ago Deo meo*, id est quem meum facio, non detrahendo ei, quemadmodum pseudo, qui dicunt merita baptizantis nocere vel prodesse baptizatis. Gratias utique ago Deo meo **87** *vobis semper*, id est in omni oratione mea. Ago, inquam gratias *in gratia*, id est in consideratione gratiæ Dei, perseverantis in vobis: *quæ gratia data est vobis in Christo Jesu*, id est per Christum Jesum, qui homini reconciliato Deo ministrat hanc gratiam. De hoc utique gratias ago; *quia*, id est quod *facti estis divites in omnibus*, quia et singulas gratias, et omnes copiose habetis. *Facti* dico *in illo*, id est per Christum, cujus sola misericordia dat gratiam. *In omnibus dico*, scilicet *in omni verbo*, id est in omni doctrina spiritualium, mediocrium, et simplicium; *divites etiam in omni scientia litterali, morali, et allegorica*: ita divites in omnibus, *sicut testimonium Christi*, id est doctrina de Christo attestata vobis per Scripturas, sicut, inquam hoc, *testimonium confirmatum est*, id est firmiter perseverat *in vobis*. Ad quem modum enim firmam tenuistis fidem Christi, ad eum modum ditavit vos Deus suis gratiis: cujus rei confirmatio vestra causa et similitudo fuit. Ita utique testimonium Christi confirmatum in vobis, *ut nihil desit vobis in ulla gratia*, id est ut omnem gratiam tam firmiter teneatis, quanta firmitate vobis tradita est. Vobis dico *expectantibus revelationem Domini nostri Jesu Christi*, id est propter securitatem quam ex conservata justificatione habetis, secure præstolamini diem vestræ dissolutionis in qua revelabitur vobis. Dum enim vivimus, anima nostra circumsepta carne nequit intueri divinam essentiam, quam plenius intuebitur, dum a mole carnis liberabitur. Quam revelationem qui bene agit, secure expectat; qui vero male, potius fugere hanc videtur quam expectare. Vos utique Christum expectatis, *qui quemadmodum vos confirmavit in præterito*, sic etiam *confirmabit continue usque in finem*, id est usque in diem dissolutionis vestræ. Nec ita dico *confirmabit*, ut a venialibus vos cohibere possitis, sed *confirmabit sine crimine*, id est immunes factos a capitalibus. *In finem dico*, scilicet *usque in die adventus Domini nostri Jesu Christi*, qui unicuique justo advenit, in dissolutione suscipiens animam

ejus transferendam. Ideo sic determinavit *sine crimine*, ne si forte viderent eos in venialibus cadere, insultarent et dicerent : Ecce nunc apparet justitia eorum quos Paulus tanti faciebat. Vere de cætero confirmabit; nam hoc promisit, dicens : « Ecce ego vobiscum sum omnibus diebus usque ad consummationem sæculi (*Matth. xxviii, 20*). » Deus utique, qui promisit, *fidelis est* et mentiri non potest : unde confido, quia confirmabit; confido etiam ideo, quia *per quem Deum vocati estis*. Qui si vos dum in peccato essetis, per misericordiam vocavit, credendum est utique quod jam justificatos et jam promerentes confirmet de cætero. Per quem utique vocati estis in habendam societatem *Filii ejus*, id est ut pro modo vestro in justitia cum Filio ejus permaneat. Nec adoptivi filii dico, sed *Jesu Christi* nostri proprii et consubstantialis.

Postquam perfectos in bono suo corroboravit, convertit sermonem ad eos qui peccaverant in prædictis, dicens : Vos perfectos de confirmatione vestri laudo; sed vos qui erratis *obsecro*, id est omni distributione conjuro *per nomen Domini nostri Jesu Christi*, quos tamen *fratres* appello, licet erraveritis. Ideo fratres eos vocat, ne si, non fratres eos appellaret, præ nimietate peccati desperarent. Obsecro, inquam, vos *ut omnes dicatis idipsum*, id est ut omnes consteamini solum Deum posse peccata dimittere; et hoc dicendo *non sint in vobis schismata*, id est aliquæ scissuræ infidelitatis. Schismata non sint; sed *sitis perfecti in eodem sensu*, id est in eadem voluntate, *et in eadem scientia*, ut idem et velitis et sciatis : sunt enim qui idem volunt, nec tamen idem sciunt. Sunt alii quorum diversa est voluntas, et tamen est eadem scientia. Propterea sic vos obsecro, *quia significatum est mihi per litteras de vobis fratres mei*, quod per eam prædicta repetit. Significatum est utique *ab his qui sunt Cloes, quia*, id est quod *contentiones sunt inter vos*, id est quod alter contendat in alterum. Cloes nomen est loci in archiepiscopatu Corinthiorum, unde hæc contentio mandata fuerat ipsi per Sosthenem. Quod nomen hic ideo ponit, ne errorem suum dissimulare velint Corinthii. Scientes quod Paulus ab eisdem qui inter eos conversantur, hoc agnoverit. Nec solum quod **SS** contendatis novi, sed etiam verba ipsius contentionis. *Hoc autem dico, quod dicit unusquisque vestrum præferens se de baptizatore suo alter in alterum*. Hoc utique dicit : Ego quidem longe majori justitia discretus ab illo, qui inferiorem habuit, baptizatorem. *Ego quidem sum Pauli. Ego autem Apollo, qui erat archiepiscopus Corinthiorum. Ego vero Cephæ*, id est Petri. Non ideo hæc nomina ponit quod de his gloriarentur, cum nec Petrum vidissent; sed ideo, quia si nomina illorum pseudo, de quibus gloriabantur, reponeret, dicerent Paulus quia invidetistis, nollet nos gloriari de nominibus eorum, sed bonum judicaret, si de nomine suo sociorumque gloriaremur. Ad hoc removendum posuit Paulus nomen suum et Petri ostendens quod suo nomine

A nollet eos gloriari. Quod si non de nomine Pauli, multo minus gloriandum est de pseudodoctoribus. Infideles hoc dicunt : Ego Pauli, ego Cephæ. Sed fidelis dicit : *Ego sum Christi* cujus gratia sola justificat. Et quia hic dicit se esse Pauli, hic alterius, *ergo Christus divisus est*, et jam non unus sed multi Christi sunt. Quisque enim baptizatorem suum facit Christum, dum dimittere peccata, quod Christi solum est, attribuit illi. Vel ita : Christus divisus est, quia divisim dat munera gratiæ suæ, dum minus per istum, magis per illum justificat. Vel quia sic male dicendo erratis, propterea Christus divisus separatus est a vobis. Vos Christum dividitis, faciendo quisque suum Christum. Vel creditis Christum divisim dare gratiam, sed nunquid Paulus, quem aliqui in vobis Christum suum faciunt, vel propter cuius meritum creditis Christum melius dare uni quam alii? Sed *nunquid Paulus crucifixus est pro vobis?* Hoc utique negare non potestis, quoniam per Christum redempti sitis, quem Paulus non attigit. *Aut nunquid in nomine Pauli baptizati estis?*

Si utique verba baptismi solerter attenderitis, quibus Deo soli confitemini, intelligeretis omnem justificationem esse ex Deo; et quandoquidem hoc bonum baptismi vobis errantibus fit in malum, ideo quia hoc bonum non feci, *gratias ago Deo meo quod neminem vestrum baptizavi nisi Christum et Gaïum*; propterea nolo aliquos baptizasse, ne dicat aliquis quod in nomine meo baptizati estis. Cum Crispo et Gaio baptizavi *et domum*, id est familiam *Stephanæ*. De his recorder; sed *nescio si forte aliquem alium baptizaverim*. Ideo tam paucos baptizavi, *quia Christus non misit me baptizare*. In hoc multum humiliat ministerium baptizandi, ubi dicit se non esse missum ad hoc, quod etiam facere possunt quilibet infideles, si necessitas poposcerit. In quo tamen Corinthii vicissim se præferebant alter alteri. Dicit hic sacramentum Ecclesiæ ideo tempore necessitatis concessum esse, etiam infideli; quia est illud, sine quo nemo potest salvari. Sed alia sacramenta promissa sunt ideo solis ministris, quia si ad salutem prosint, non sunt tamen ea sine quibus homo nequeat salvari; quia sola fides baptismatis (si integre servata sit) ad salutem sufficit. Hic de baptismo finem facit, et de prædicatione sua sermonem incipit, dicens : Christus non misit me baptizare, *sed evangelizare*. Prædicare quidem misit me, *non in sapientia verbi*, id est non in verbosa sapientia mundi; et hoc ideo, *ut non evacuetur crux Christi*. Si enim rationes humanæ sapientiæ sequerer, quæ penitus destruunt immortalem mori posse, mortuum iterum vivere, jam penitus comprobaretur Christum non gustasse mortem crucis, et sic destrueretur pretium totius salutis : quare non in verbosa sapientia mundi missus sum, secundum quas rationes facile evacuari potest crux Christi. Vere si sequerer sapientiam mundi, evacuaretur crux Christi. *Nam verbum*, id est prædicatio *crucis pereuntibus*, id est sapientibus

mundi, qui ideo pereuntes dicuntur, quia sapientia eorum cito peribit et destruetur. Vel quia propter hanc sapientiam peribunt et damnabuntur. Verbum utique crucis sapientibus *quidem* hujus mundi *stultitia est*; quia humana ratio neminem cogit ut Christus, qui immortalis erat in natura, mori potuerit, qui mortuus iterum vixerit. *Pereuntibus* quidem est stultitia; *sed his qui salvi fiunt*, id est, nobis, qui a verbosa sapientia declinamus, nobis utique verbum crucis est *virtus Dei*. Considerantes enim per tantam debilitatem (uti per mortem) superari antiquum hostem, cujus fortitudo in omne genus hominum prævaluerat, miramur in hoc magis virtutem Dei, ubi per debilitatem destruxit fortitudinem. Quia si per apertam fortitudinem minorem exstingeret potentiam, vere non in sapientia verbi misisset me Deus: sic enim scriptum est in Abdia: Ego perdam (ait Dominus) sapientiam sapientium (Abdi. 1, 8; Isai. xxix, 14); sive quia destruam illam, sive quia damnabo illos, propterea adhæserunt humanæ sapientiæ. Nec solum sapientiam perdam, sed etiam prudentiam, id est providentiam qua callide sciunt præmunire sententias suas, ne aliqua impugnatione frangantur. Quidam enim habent sapientiam artis, qui tamen nesciunt se satis præmunire contra cavillationes objicientis. Illam utique prudentiam reprobo; quia neminem de hujus mundi prudentibus in ministerio meæ prædicationis assumam; vel jungitur ibi ubi ait: pereuntibus. Vere pereuntes: nam scriptum est: « Perdam sapientiam sapientium. » et vere hujusmodi prudentes reprobatissimi sunt. Hæc sunt verba Apostoli. Nam ubi est sapiens, id est logicus ille qui in argumentatione sua confidit: et ubi est scriba, id est ethicus qui de moribus agit; et ubi conquisitor hujus sæculi, id est physicus, qui naturas omnium rerum conquirat? Si logicus ille dicat, si peperit, cum viro concubuit, mentitur; quia Maria sipe coitu virili de Spiritu sancto concepit. Si ethicus de moribus, de cultura idolorum doceat, repellitur; quia novi mores, novus cultus inductus est. Si iterum physicus dicat repugnare naturæ, ut virgo pariat, mortuus vivat, mendacii reus est. Quandoquidem et sapiens, et scriba, et physicus repelluntur, nonne per hoc palam est, quod Deus fecit, id est comprobavit esse stultam sapientiam hujus mundi; ideo Deus sapientiam hujus mundi repellit: nam sic placuit Deo; et cum audias hoc placere Deo, causam hujus ne quaeris. Placuit utique Deo per stultitiam prædicationis, id est et per stultam rem prædicatam et per stultos prædicatores salvos facere credentes in se: ideo per stultitiam placuit ei salvare credentes, quia mundus, id est homines mundi non cognoverunt Deum per carnalem sapientiam.

Quod si aliqui philosophi intellexerunt esse unum Deum, qui omnia creasset, non tamen hoc cognoverunt in sapientia Dei, id est ut intelligerent consilium Dei, quo ordine disponebat salvare perditum hominem per incarnationem Verbi, et cætera. Vel

ita, quod mundus non cognovit Deum per suam sapientiam. Hoc fuit in sapientia Dei, id est ita placuit sapientiæ Dei, ut mundanæ non admisceret suam. Vere per stultitiam salvavit credentes: nam et res prædicata stulta fuit, et prædicatores stulti. Vere per rem stultam prædicatam; nam quoniam Judæi qui jam per signa Deum ut in Ægypto cognoverant, petunt adhuc signa, ad comprobandum esse verum de Christo quod prædicatur; et Græci, id est gentiles qui Deum ignorant, querunt sapientiam, id est volunt sibi per mundanas rationes approbari quod de Christo dicitur: Nos autem, ut satisfaciamus Judæis, prædicamus Christum virtutem Dei, quia Judæi virtutem miraculorum requirunt: Græcis vero querentibus sapientiam prædicamus Christum esse sapientiam Dei, quod utrumque electis quidem Judæis et Græcis virtus est et sapientia, sed reprobatissimum est et stultitia. Et ideo diximus per stultam rem salvos fieri credentes. Nunc litteram exponamus. Vere per stultitiam Deus salvat credentes; quoniam Judæi quidem petunt signa, qui per miracula Deum cognoscere consueverunt. Et Græci mundanam querunt sapientiam, quia aliud non intelligunt. Nos autem stulti prædicamus rem stultam, scilicet Christum crucifixum: Judæis quidem scandalum, quia improprie eis quod regem suum crucifixerunt; Gentibus autem stultitiam, quia intelligere nesciunt qua ratione quem Deum dicimus, eundem mortuum fuisse dicamus. Judæis quidem et Græcis reprobatissimum est et stultitia; sed ipsis Judæis atque Græcis vocatis, id est a Deo electis, prædicamus Christum virtutem Dei, quod Deus majus miraculum operari non potuit quam per mortem destruere mortem. Prædicamus etiam Christum sapientiam Dei; quia major sapientia nequit inveniri quam per humilitatem superbiam et per debilitatem destruere fortitudinem. Vere Christus est sapientia Dei. Nam illud Dei quod est stultum secundum æstimationem hominum, sapientius est hominibus. Vel quia homines tantam sapientiam capere, vel tam sapienter operari nequeunt. Et vere Christus est virtus Dei. Nam illud Dei, quod est infirmum secundum carnales, hoc est fortius hominibus. Vel quia intelligere virtutem hanc nesciunt. Vel quia tanta fortitudine nihil facere queunt. Vel aliter superior littera jungitur ita: ideo mundus non cognovit Deum per sapientiam; quoniam Judæi petunt signa, et Græci sapientiam; nos vero prædicamus Christum crucifixum; Judæis quidem non signum sed scandalum; Græcis autem vel gentibus non sapientiam sed stultitiam. Et quia in cruce Christi nec virtutem nec sapientiam mundus intelligit: ideo Deum non cognovit. Et est ibi finis sententiæ. Sed licet reprobis Judæis atque Græcis Christi crux scandalum sit et stultitia,

tamen ipsis Judæis vocatis atque Græcis Christus est Dei virtus et Dei sapientia. Sequens littera non mutatur; probavit ex parte quod per stultitiam: nam per stultam rem prædicatam salvarentur credentes; probat nunc aliam partem scilicet, quod per stultos prædicatores salvaverit Deus credentes, dicens: Vere per stultitiam salvavit Deus credentes.

Videte enim vocationem, id est vocatores vestros per quos ad fidem vocati estis. Hoc, inquam, videte de eis; quia non multi sapientes, et cætera. *Sed quæ stulta sunt elegit Deus* in ministerio vocationis vestræ. Vel ita jungitur ad proximum. Vere illud Dei quod stultum et infirmum est, sapientius et fortius est hominibus. Nam modo videte vocatores vestros, invenietis eos stultos et infirmos. Et secundum hanc continuationem illud procedens, id est quod stultum et infirmum est Dei, sapientius et fortius est hominibus, respicit ad comprobandum prædicatores stultos fuisse; sicut in præcedenti voluit ad hoc ostendendum, quod res prædicata fuerit stulta. In sequenti etiam notatur effectus hujus stultitiæ et insipientiæ. *Videte, inquam, vocationem vestram*, id est per quos vocati estis fratres; quia in eis non sunt multi sapientes secundum carnem, id est carnalem sapientiam; non sunt multi potentes secundum carnem; non multi nobiles, secundum carnis generositatem. Dicunt sancti ideo Paulum dixisse, non multi, quia ipse fuit sæcularium litterarum perfectus, terrenarum opum dives, Romana parentela conspicuus. Vocatores utique vestri, nec sapientes nec nobiles, sed Deus elegit ea quæ stulta sunt mundi, id est quæ mundus stulta reputat, ut per hæc Deus stulta confundat, id est erubescere faciat sapientes mundi, videntes se non posse resistere argumentis suis stultis prædicatoribus Dei. *Elegit etiam Deus infirma mundi*: eos scilicet qui nullius potentiæ erant in mundo, ut per hæc infirma confundat fortia, id est potentes mundi erubescere faciat. *Et ignobilia mundi*, id est eos qui de genere suo non possent gloriari; *et contemptibilia*, id est eos, in quibus nec aliqua personarum reverentia; hæc elegit Deus, et (ut singula enumerem) *et ea quæ non sunt*, id est quæ nulla esse mundo videbantur, hæc elegit Deus, ut per ea quæ non sunt destrueret ea quæ sunt, id est quæ bona mundi esse videntur. Et hæc totum sic ideo fecit Deus, ut omnis caro non gloriatur, id est ut omni carni conveniat non gloriari in conspectu ejus, scilicet quia si prædicatores abjectionem sui considerarent: vel gentes eos conversæ intelligerent, nihil sibi, sed totum referendum esse gratiæ Dei. Vel ita: Ut ejus non sic obliquetur, non gloriatur omnis caro in conspectu ejus Dei, id est considerans virtutem Dei et infirmitatem suam; nec prædicator sibi nec subditi ascribant aliquid magistris, **91** sed totum gratiæ Dei. Sed licet prædicatores stulti essent et infirmi, vos tamen nihil minus propter hoc habuistis: estis enim in Christo Jesu fideles facti. Et cum tanta infirmitas prædicatorum appareat, vos tamen nihil minus habetis; constat

A per hoc totum esse ex ipso Deo, et nihil ex merito doctorum.

Hic optime consideratur effectus stultitiæ et infirmitatis. Vos, inquam, estis in Christo Jesu, qui Christus factus est nobis sapientia a Deo, quia Deus per Christum instruens nos, effecit nos sapientes ministeriorum Dei; et ut sapientes efficeret, factus est nobis justitia, faciens nos vivere in justitia virtutum. Ut autem in justitia viveremus, factus est nobis sanctificatio. Sanctificavit enim nos remittendo peccata; et ut sanctificaret, factus est redemptio, id est dedit pretium sanguinis sui, quo nos redimeret, ut redemptos sanctificaret; sanctificatos in justitia virtutum confirmaret, et in justitia manentibus sapientiam daret. Hæc omnia factus est nobis, ut quicumque gloriatur, gloriatur non in se, vel in doctoribus, sed in Deo: ad quem modum scriptum est in Jeremia sic: *In hoc gloriatur qui gloriatur scire et nosse me, quia ego sum Dominus (Jer. ix, 24).*

CAPUT II.

« Et ego cum venissem ad vos, fratres, veni non in sublimitate sermonis aut sapientiæ, annuntians vobis testimonium Christi. Non enim judicavi me scire aliquid inter vos, nisi Jesum Christum, et hunc crucifixum. Et ego in infirmitate et timore et tremore multo fui apud vos: et sermo meus et prædicatio mea non in persuasibilibus humanæ sapientiæ verbis, sed in ostensione spiritus et virtutis: ut fides vestra non sit in sapientia hominum, sed in virtute Dei. Sapientiam autem loquimur inter perfectos. Sapientiam vero non hujus sæculi, neque principum hujus sæculi, qui destruuntur, sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram, quam nemo principum hujus sæculi cognovit; si enim cognovissent, nunquam Dominum gloriæ crucifixissent. Sed sicut scriptum est: « Quod oculus non vidit, nec auris audivit, nec in cor hominis ascendit, quæ præparavit Deus his qui diligunt illum (Isai. LXIV, 4). » Nobis autem revelavit Deus per Spiritum suum. Spiritus enim omnia scrutatur, etiam profunda Dei. Quis enim scit hominum, quæ sunt hominis, nisi spiritus hominis, qui in ipso est? Ita et quæ Dei sunt nemo cognovit, nisi Spiritus Dei. Nos autem non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis, quæ et loquimur, non in doctis humanæ sapientiæ verbis, sed in doctrina Spiritus, spiritualibus spiritualia comparantes. Animalis autem homo non percipit ea quæ sunt Spiritus Dei: stultitia enim est illi, et non potest intelligere, quia spiritualiter examinatur. Spiritualis autem judicat omnia et ipse a nemine judicatur, sicut scriptum est: « Quis enim cognovit sensum Domini, aut quis instruat eum? (Isai. XL, 13;

(Sap. ix, 13; Rom. xi, 34.) › Nos autem sensum Christi habemus. ›

EXPOSITIO.

Dixi quod vocatores vestri stulti et contemptibiles fuerant : et quemadmodum illi, sic ego ipse cum venissem ad vos, o fratres, non veni per sublimitatem sermonis, id est, laborans artificiose loqui : et uti gloriosis verbis, cum utique propter insipientiam non dimisi ; aut non veni per sublimitatem sapientiæ, ut per mundanam sapientiam vobis prædicarem. Sunt enim quidam qui sublimes quidem sermones habent, nec tamen tantam sapientiam artis. Iterum quidam sciunt præcepta artis, non tamen satis habentes artificii locutionis. Ego, inquam, per sublimitatem sermonis aut sapientiæ non veni annuntians vobis Christum : et hoc per testimonium, quia quod de Christo dicebam, sic testificatum in prophetis ostendebam. Vere non in sublimitate sermonis aut sapientiæ prædicavi : **¶** non enim judicavi me scire aliquid inter vos, cum utique multa scirem, nisi Christum Jesum, et hunc secundum stultitiam gentium et infirmitatem Judæorum crucifixum. Non enim prætulit me aliis prædicatoribus pro sapientia mundi quam habueram ; sed eandem stultitiam, id est crucem Christi prædicavi, quemadmodum illi : per sublimitatem sermonis et sapientiæ non veni, nec etiam per reverentiam personæ ; sed ego fui apud vos in infirmitate, id est in multa tribulatione, et propter hanc infirmitatem sui in timore Dei et tremore corporis. Et licet hæc omnia paterer, tamen sermo meus quem habebam in privatis, et prædicatio mea in publico habita non fuit in persuasibilibus verbis humanæ sapientiæ, id est non tantum studui apposite loqui ad persuadendum ; sed fuit prædicatio mea in ostensione spiritus, id est ut Spiritus sanctus comprobaretur loqui per me. Et in ostensione virtutis, id est miraculorum Dei : et ideo in spiritu et virtute Dei solum, ut fides vestra, quam vobis ministravi, non sit in sapientia hominum, sed constet in virtute Dei. Et licet nihil me judicaverim scire apud vos, tamen nos sapientiam loquimur, sed inter perfectos, vobis autem quia imperfecti eratis, loqui non potui. Sed licet non loqueremur eam vobis, tamen habemus sapientiam, nec carnalem sed spiritualem, quæ longe dignior est carnali cui adheretis. Quod sic ait : Sapientiam quidem habemus, sed non eam quæ sit hujus sæculi, id est carnalium. Neque etiam eam quæ sit principum hujus sæculi, id est vel philosophorum, vel malignorum spirituum, qui principantur hominibus mundi, qui principes destruantur, et secundum doctrinam et secundum hoc quod propter falsam doctrinam damnantur. Sapientiam hujus sæculi non loquimur, sed loquimur sapientiam Dei, existentem in mysterio. Sapientiam Dei hic vocat illud consilium, quo Deus per incarnationem Filii humanum genus salvare disposuit. Sapientiam hanc loquimur latentem mysterio ; nec ita, ut quicumque possint eam animadvertere, ut mysterium baptismi et quædam alia, sed quæ abscondita est, et ne-

A mini nisi paucis per Spiritum sanctum revelata. Quam sapientiam Deus prædestinavit ante sæcula, id est Deus ab æterno sic futuram præordinavit, in gloriam nostram, id est omnium fidelium, ut omnes per hanc habeamus æternam gloriam. Vel ita in gloriam nostram, id est prædicatorum, qui ministramus hanc sapientiam. Conveniens quidem fuit, ut nos qui ministramus aliis, copiosius aliis de hac sapientia intelligeremus ; quia sapientiam nemo principum hujus sæculi, id est philosophorum vel dæmonum cognovit. Vere principes non cognoverunt : nam si cognovissent, nunquam crucifixissent, diaboli qui hoc posuerunt in cor Judæ, ut traderet eum, vel in corda Judæorum, ut crucifigerent Jesum. Nunquam utique crucifixissent, quem per hanc crucifixionem scirent esse Dominum gloriæ. Si cognovissent, non crucifixissent. Sed non cognoverunt, sicut scriptum est in Isaia. Hoc, inquam, scriptum est, quod oculus non vidit (Isai. LXIV, 4). Illud quod de littera Pauli est, et non Isaie sic dicentis : Oculis, id est sensualis homo, non per se vidit ; et auris, id est idem sensualis quod per se intelligere non potuit, ab alio docente non audivit ; nec etiam in cor, id est in ipsam rationem hominis, id est humaniter sapientis, ascendit ; quia si homo intelligeret, tunc utique quod non intelligens vile credit, ascenderet in eo, et magnum esse crederet. Hæc, inquam, nec vidit nec audivit quæ, id est quanta et quam digna Deus præparavit his qui diligunt eum. Vel illud quod nomen esse legatur sic. Scriptum est hic, quia illud quod oculus non vidit, et cætera : est illa quæ præparavit Deus diligentibus se. Et est satis bona relatio.

Diceret aliquis : Si in cor hominis hoc non ascendit, quomodo ergo tu nosti ? Ad hoc Paulus : Nemo quidem hujus sæculi cognovit ; sed nobis qui jam mundum exuimus, revelavit hoc Deus per Spiritum suum. Spiritus enim Dei docuit, in quo humana sapientia penitus deficit. Credendum est utique quod per Spiritum suum revelaverit nobis Deus : Nam Spiritus Dei scrutatur omnia, non quod ipse ignotum quid habeat, quare eum scrutari oporteat, sed quia aperit nobis omnia quæ maximo scrutinio sunt investiganda. Aperit etiam nobis profunda Dei, id est altiora et occultiora essentiae Dei, ut illud quomodo Trinitas in unitate, unitas in Trinitate maneat ; probat quod dixit a minori et a simili ita : Vere Spiritus Dei tantum scrutari potest ea quæ sunt Dei. Nam spiritus hominis tantum norit ea quæ in ipso homine sunt ; et si solus spiritus hominis novit ea quæ sunt ejus hominis, per simile et a majori constat, quod Spiritus Dei solus scrutetur ea quæ sunt Dei. Quod sic ait : Spiritus, inquam, scrutatur profunda Dei. Nam quis hominum scit ea quæ sunt hominis alterius, nisi spiritus ejusdem hominis qui est in ipso ? Nemo utique. Et quandoquidem nemo cognoscit quæ sunt hominis, nisi spiritus ejusdem ; ita simili ratione, et ea quæ Dei sunt, nemo cognovit nisi Spiritus Dei, qui nobis revelavit sapientiam Dei. Dixerat qui-

dem Deum revelasse sibi per Spiritum; sed nondum dixerat eos accepisse Spiritum illum, de quo subjungit: Nobis non tantum revelavit per Spiritum suum Deus, sed etiam nos accepimus spiritum non hujus mundi, sed Spiritum qui est ex Deo, ut per eum Spiritum sciamus mysteria Dei, quæ per gratiam donata sunt nobis a Deo, quæ etiam loquimur et manifestamus, non in doctis verbis humanæ sapientiæ hærendo; sed loquimur hæc in doctrina Spiritus, id est secundum quod dictat Spiritus sanctus, et docet nos. Nec quibuscumque loquimur hæc mysteria, sed tantum spiritualibus, nos dico comparantes, id est æquo examine trutinantes spiritualia spiritualibus; quia si spiritualem auditorem habemus, spiritualia ipsi damus; si carnalem, reticemus. Spiritualis spiritualia percipit; sed homo animalis qui sensualitate sola viget, ut aliud animal, non ratione, hic, inquam, non percipit ea quæ sunt Spiritus Dei. Propterea non percipit, quia stultitia est illi, id est quia quod spiritus docet stultum reputat adhærens carnalitati; et quia stultitia est illi, ideo non potest intelligere quæ sunt Spiritus Dei. Animalis utique non potest intelligere, quia examinatur, id est comprobatur animalitas ejus, et de impietate sua convincitur spiritualiter, id est per spiritualia illa quæ ipsi conceduntur. Deus enim quibusdam dat quasdam gratias, sciens eos pro certo gratiæ non cooperaturos; sed hoc facit ut manifesta sit impiorum justa damnatio. Vel ita ut impersonale sit, examinatur. Animalis ideo homo non percipit ea quæ sunt spiritus; quia examinatur, id est fit examinatio et approbata cognitio eorum spiritualiter vivendo. Hi autem qui carnaliter vivant, intelligere nequeunt. Animalis non percipit; sed spiritualis judicat omnia, id est discernit eligendo bona, reprobando mala. Et ipse spiritualis judicatur a nemine animali. Carnalis enim nequit animadvertere causam, quare spiritualis hoc eligat, alterum rejiciat. Vere spiritualis non judicatur a carnali. Nam spiritualis habet sensum Christi, quem carnalis cognoscere nequit. Quod ita ait: Quis animalis cognovit sensum, id est sapientiam Domini, ut noverit dispositiones ejus. Aut quis instruat eum quid faciendum ipsi sit, quid non faciendum? Animalis utique sensum Domini non cognovit, sed nos per spiritum quem accepimus, habemus sensum Christi; et ideo a nemine carnali possumus judicari.

CAPUT III.

Et ego fratres, non potui vobis loqui quasi spiritualibus, sed quasi carnalibus. Tanquam parvulis in Christo, lac vobis potum dedi, non escam. Nondum enim poteratis, sed nec nunc quidem potestis. Adhuc enim carnales estis. Cum enim sit inter vos zelus et contentio, nonne carnales estis, et secundum hominem ambulatis? Cum enim quis dicat, Ego quidem sum Pauli; alius autem ego Apollo, nonne homines estis? Quid igitur est Apollo? Quid vero Paulus? Ministri ejus cui creditistis. Et unicuique sicut Dominus dedit. Ego plantavi, Apollo rigavit: sed Deus incremen-

tum dedit. Itaque neque qui plantat est aliquid, neque qui rigat; sed qui incrementum dat, Deus. Qui autem plantat et qui rigat, unum sunt. Unusquisque autem propriam mercedem accipiet, secundum suum laborem. Dei enim sumus adjutores; Dei agricultura estis; Dei ædificatio estis. Secundum gratiam Dei quæ data est mihi, ut sapiens architectus fundamentum posui; alius autem superædificat. Unusquisque autem videat quomodo superædificet. Fundamentum enim aliud nemo potest ponere, præter id quod positum est, quod est Christus Jesus. Si quis autem superædificat supra fundamentum hoc, aurum, argentum, lapides pretiosos, ligna, fenum, stipulam, uniuscujusque opus manifestum erit. Dies enim Domini declarabit, quia in igne revelabitur: et uniuscujusque opus quale sit, ignis probabit. Si cujus opus manserit quod superædificavit, mercedem accipiet. Si cujus opus arserit, detrimentum patietur: ipse autem salvus erit, sic tamen quasi per ignem. Nescitis quia templum Dei estis, et Spiritus Dei habitat in vobis? Si quis autem templum Dei violaverit, disperdet illum Deus. Templum enim Dei sanctum est, quod estis vos (II Cor. vi, 16). Nemo vos seducat. Si quis videtur inter vos sapiens esse in hoc sæculo, stultus fiat ut sit sapiens. Sapientia enim hujus mundi stultitia est apud Deum. Scriptum est enim: Comprehendam sapientes in astutia eorum (Job. v, 13). Et iterum: Dominus novit cogitationes sapientium, quoniam vanæ sunt (Psal. xciii, 11). Nemo itaque glorietur in hominibus. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura. Omnia enim vestra sunt: vos autem Christi; Christus autem Dei.

EXPOSITIO.

Licet fratres spirituales simus, sicut ostensum est, et spiritualia doceamus, tamen ego, fratres, non potui vobis loqui quasi spiritualibus, sed quasi carnalibus locutus sum: et quia carnales eratis, dedi vobis tanquam parvulis in Christo, id est teneris in fide Christi lac potum. Per hæc significat dulcedinem doctrinæ; per potum, facilitatem. Dedi vobis lac, non escam, id est illam doctrinam in simplicitate vestra ruminare, quæ potius erat facilitate nutrienda, quam difficultate premenda. Ideo spiritualia non dedi, quia nondum capere poteratis, sed necdum quidem potestis, licet de novis doctoribus modo gloriemini. Vere nondum potestis. Nam adhuc carnales estis. Et vere carnales. Nam cum modo sit inter vos zelus, id est invidia animi, et contentio in verbis, nonne carnales estis? et nonne ambulatis secundum hominem, id est secundum carnalem doctrinam eorum hominum quos sequimini? Vere carnales estis et secundum hominem ambulatis; quia cum aliquis vestrum dicat: Ego quidem sum Pauli; alius autem dicat: Ego sum Apollo: nonne homines estis, id est nonne secundum hominem sapitis? Quia dicitis ego Pauli,

ego Apollo : igitur dicite mihi quid est Apollo, quid vero Paulus, et quid eos conferre vobis creditis? Hoc vere de eis sentire potestis, quia *ministri sunt ejus, cui vos credidistis*. Et nihil aliud sunt, nisi quod ex præcepto Dei ministrant vobis quæ Dei sunt, licet diverso modo. Quia *sicut Dominus dedit, unicuique nostrum, ad eum modum ego plantavi*, id est evangelizavi, et ad fidem vos traxi; *Apollo vero rigavit*, id est baptizavit, vos jam per me credentes; sed *Deus solus dedit incrementum bonorum per Spiritum suum*. Sequitur metaphoram plantatæ arboris, quam alius rigat, alius plantat, et [cui] Deus solus incrementum dat. Et quia solius Dei est incrementum dare, *itaque neque ille qui plantat est aliquid, quantum ad donum fidei, neque ille qui rigat*, aliquid est in remittendis peccatis, *sed Deus totum est qui solus dat incrementum fidei, et sequentis justitiæ*.

Diceret adversarius: Licet ministri sint Dei, tamen diversi sunt in meritis, et merita credo aliquid conferre mihi. Contra hoc Paulus: Licet alter dignior, alter minus, tamen **95** *qui plantat et qui rigat unum et indifferentes sunt in administrando, solummodo donum Dei dispensant, quod nec augeri potest, nec minui, bonis malive meritis eorum*. Licet qui plantat et qui rigat indifferentes sint, in eo quod ministri sunt Christi, in eo tamen differunt, quod *unusquisque accipiet propriam mercedem, mensuratam sibi secundum suum laborem*, id est pro modo quo in opere Dei laboravit. Plus enim ei debetur, qui plus meretur. Et hoc bene ad intentionem. Ubi enim ostendit se magis aliis in fide Corinthiorum promereri, et de se gloriandum non esse subditis, dicit: Longe minus in his qui minus merentur gloriandum, et nihil penitus esse ostendit. Revertamur ad litteram. Vere secundum proprium laborem accipiet mercedem: nos enim in vobis Deum plus aliis adjuvimus, et ideo plus aliis remunerabimur, quod ita ait: *Nos sumus adiutores Dei, id est operarii; et si servi ministrando præceptis Domini adjuvimus Deum in vobis, ministrando fidem ejus sicut ipse nobis disposuit. Vere Deum adjuvimus in vobis. Nam vos estis agricultura Dei, id est cultus agri, a quibus jam eradicatæ sunt spinæ peccatorum. Estis, inquam, agricultura per ablationem malorum, et estis ædificatio Dei, per positionem virtutum, quia super fidem vestram Deus jam alias virtutes ædificavit. Et quod estis agricultura et ædificatio Dei, hoc est per me. Ego enim posui fundamentum, id est fidem super quam fundantur aliæ virtutes. Posui utique ut architectus, id est princeps tecti, quia et si alios coadjutores in vobis habui, ego tamen princeps ibi fui. Architectus dico sapiens, id est cum discretione singulis, quod capacitati eorum sufficere poterat, impertiens. Hoc autem feci secundum gratiam Dei: fundare enim vos in fide non possem, nisi operaretur mecum gratia Dei, ad quam habendam non præmisi meritum, sed quæ ex misericordia data est mihi. Ego quod ad me pertinuit, sanum fundamentum*

PATROL. CLIII.

posui; sed alius cujus est ædificare super hoc fundamentum, videat quid superædificet. Alius enim est qui ædificat super hoc fundamentum; quasi diceret Quod meum fuit fundamentum, posui; quod vestrum est, videte ut bene superædificetis. Ille superædificare dicitur, qui vel virtutes ædificat, vel si peccat, non ita tamen ut fundamentum destruat: quod destruitur per criminalia, nisi per aptam poenitentiam deleantur. Destruitur etiam per venialia, quæ non solum ex necessitate habemus, cum etiam justus septies cadat in die (*Prov. xxiv, 16*). Sed per ea venialia, quæ ex voluntate, et impoenitentes in eis consentiendo admittimus. Ego quidem provide posui fundamentum. *Videat autem unusquisque vestrum quomodo ædificet super hoc fundamentum*: arbitrio enim vestro jam per acceptam gratiam confortato relinquitur hoc opus.

Notandum est quod superædificare dicuntur hi solum, quorum culpæ non destruitur fundamentum. Qui enim destruit, potius dicenda est eversio peccati, quam superædificatio. Videndum utique est vobis de superædificatione, ne varietur. Nam de fundamento securos vos reddo, quia unum est. *Nemo enim potest fundare aliud fundamentum quod sit præter id quod positum est a me, quod fundamentum, id est fides, est Christus Jesus*. Fides enim tua de Christo (juxta Augustinum) Christus est in corde tuo. Si quid enim aliud præter fidem ponitur, eversio fundamenti, non fundamentum est. Fundamentum quidem unum est, et aliud esse nequit, sed superædificationes sunt diversæ; quia alius aurum, aut argentum, alius fenum vel stipulam superædificat. Quod ita ait: *Si quis autem superædificat supra hoc fundamentum, id est fidem, aurum, argentum, lapides pretiosos*: per hæc tria, virtutes, sed discretæ intelliguntur. *Vel ligna, fenum, stipulam*, per hæc tria discreta mala, quæ tamen fundamentum non destruant, accipiuntur. Hæc autem omnia per ignem (sicut proxime subjunget) probabuntur. Per aurum perfecta justitia, ut eorum nihil penitus purgandum sit, qui utique per ignem transituri sunt; non ut ibi aliqua acerbitate detineantur, sed sicut purissimum aurum igni adhibitum, **96** non solum nullum patitur detrimentum, sed per hoc majori nitore fit splendidius, sic perfecti, ignis utique læsionem non sentiunt, sed probabiliore agilitate virtutum ab hoc igne facillime emergunt. Per argentum significantur justii, in quibus tamen aliqua levia purganda sunt; quia velut argentum in igne positum decoloratur: qui color arte artificis post ignem redditur; sic illi ignem quidem patientur, sed leviter, quia levia commiserunt. Per lapides pretiosos significantur justii, licet premantur aliquot venialibus; magis tamen adhæserunt justitiæ, et ideo patientur quidem in igne magis his prædictis; quemadmodum lapides pretiosi plus detrimenti per ignem sentiunt, quam argentum. Pluraliter ideo lapides dixit; quia in hoc gradu diversi crunt, et secundum diversitatem me-

ritorum sentient. Per hæc tria, genus perfectorum : A
per tria quæ sequuntur, signantur imperfecti. Per
ligna accipiuntur hi qui in mundo quidem remanent.
Uxores, filios et possessiones habent; quos pensare oportet,
quæ uxoris sunt, et filiorum, et ideo plurimum laborare.
Nec orationibus Ecclesia propter hoc quomodo deberent,
possunt interesse. Hi tamen, quia non sic diligunt mundum,
ut eum Deo præponant, salvabuntur quidem, sed tamen
diu per ignem punientur; quemadmodum lignum longa
materia est ignis, et multo spatio comburitur. Per
fenum signantur illi, qui aliquandiu quidem affliguntur
per ignem, sed velut fenum, quod cito in igne deficit,
cito evadent. Per stipulam vero quæ propter ariditatem
citius feno comburitur, signantur hi, quorum pœna
compendiosa erit in transitu ignis.

Si quis autem ædificat hæc vel hæc, *opus uniuscujusque*,
seu sit aurum, seu lignum, vel quodcumque aliud,
manifestum erit. Et hoc probat. *Nam dies Domini
declarabit* hoc opus. Diem Domini vocat ab hora
dissolutionis uniuscujusque usque ad iudicium.
Ex quo enim anima separatur a corpore, dies Domini
est in eo, quia nihil jam operari potest præter
voluntatem Dei; sed dum homo vivit dies hominis
est, et non Dei; quia operatur homo quod sibi placet,
bonum vel malum, ex libertate arbitrii. Vere dies
Domini declarabit. *Nam in igne revelabitur*, id est
palam fiet, opus ejus. Hunc ignem continuum dicit
sicut diem. In morte enim hominis paratus est
diabolus cum igne et tortoribus suis. Et si quid
purgandum est, purgat per adhibitum ignem. Si
vero nihil purgationis est opus (ut in beato Martino)
ipsa evasio ignis revelat bonitatem sui operis,
ut in eo quem torquet non fuisse aliquid sordis.
Sed quia nondum plane potest hoc videri, in igne
purgatorio singulis singulorum opera revelabuntur.
Vere *opus cujusque revelabitur in igne*. Nam ignis
ille probabit, quale sit opus uniuscujusque, seu sit
aurum, seu lignum, vel quodcumque sit. Vere ignis
probat singulorum opus. Nam est et bonum opus et
malum; bonum utique. *Si enim opus alicujus, quod
ædificavit super fundamentum manserit illæsum, hic
utique accipiet mercedem superædificati boni*. Malum
opus probabit ignis. *Nam si opus alicujus arserit, id
est ardere posse inventum fuerit, ut lignum, fenum,
stipula, hic utique patietur detrimentum et affligetur
per violentiam ignis*. Sed licet patiatur detrimentum,
tamen ipse salvus erit. Sic tamen dico salvum, quasi
per ignem transiturum. Prius enim quod dulce com-
mittere fuit, puniri oportet per amaritudinem
ignis.

Determinavit modo discretionem operum, quæ non
destruunt fundamentum, dicens omnes salvandos,
qui illud non destruunt: nunc subjungit de operibus
his, quæ destruunt fundamentum, et thesaurizant
æternum interitum, dicens: *Si quis non destruit
fundamentum, salvabitur; si quis au-*

tem violaverit templum Dei, disperdetur. Sed ut
compungat eos, præmittit interrogationem hanc,
dicens: *An nescitis quia vos estis templum Dei; Deus
autem sanctificat vos ut sitis sibi templum*. Et ita
dico templum, quod *spiritus Dei* **97** *omni assiduitate
habitat in vobis*. Si quis autem violaverit se
templum Dei, destruendo fundamentum fidei, vel
in se per criminalia, vel in auditoribus docendo
falsa, illum utique disperdet Deus in æternum
interitum. Et merito qui violat, disperdetur.
*Nam templum Dei sanctum est, et violari non debet,
quod templum vos estis*. Et quia templum Dei estis:
propterea videte ne aliquis pseudodoctorum
seducat vos per falsam doctrinam, vel nemo nostrum
seducat seipsum destruendo fundamentum fidei.
B *Nemo, inquam, seducat se; sed si quis manens
inter vos videtur sibi esse sapiens in hoc sæculo, id
est de sæculari scientia, fiat stultus, id est credat
et confiteatur se esse stultum, ut sic mereatur esse
vere sapiens: vere necesse est eum stultum fieri
ut fiat sapiens. Nam sapientia hujus mundi stultitia
est apud Deum. Et vere stultitia est apud Deum.
Nam scriptum est in Job de mundana sapientia sic
loquente Deo: Sapientes mundi ego comprehendam,
id est concludam in ipsa astutia eorum (Job v, 15),
id est in eo in quo se magis astutos intelligunt, nec
resistere poterunt. Et iterum de mundi sapientia
scribitur in psalmo: Dominus novit cogitationes
(Psal. xciii, 11) sapientium. Nostra translatio habet
C *hominum, id est humaniter sapientium. Hoc novit
de illis quoniam vanæ sunt. Quandoquidem hominis
sapientia probatur esse stultitia: itaque nemo
vestrum ulterius gloriatur in hominibus, id est in
his doctoribus, de quibus propter humanam sapientiam
gloriamini. Probat non esse gloriandum in his, tum
quia servi eorum sunt, qui eis prædicant, etiam
ipse idem. De re autem inferiori vel æquali gloriari
non licet, sed solummodo de majori se; tum ideo,
quia si de Paulo et Cepha non est gloriandum, multo
minus de illis carnalibus, quos constat longe esse
inferiores istis. Unde ait: Non est gloriandum vobis
in hominibus: nam omnia vestra sunt, id est servituti
vestræ deputata; sive etiam sit Paulus, sive Apollo,
sive caput eorum Cephas, id est Petrus, sive mundus
D *vester est: servit enim vobis; etsi ministrat
necessaria, et si aspera quælibet ad meritum
justitiæ vestræ inferat, sive vita vestra est. Nam ut
de male actis pœniteamini, et post bene agendo
promereamini, præsens vita conceditur vobis, sive
mors vestra est. Utile enim est amplecti mortem pro
Christo, si se ingesserit; sive præsentia, sive futura
bona, vel mala. Vestra sunt vere hæc prædicta:
nam omnia vestra sunt, vos autem solummodo
Christi estis, in quo solo gloriari debetis. Christus
autem est Dei, non quod Christus ab eo differat in
substantia, sed quia per mediantem Christum
reducimur ad Deum. Cephas, caput; Simon, obediens;
Barjona, filius columbæ dicitur. Quia autem hoc
nomen Cephas mutavit ei Deus, et vocavit Pe***

trum; inde consuetum est mutare nomina apostolorum.

CAPUT IV.

« Sic nos existimet homo ut ministros Christi, et dispensatores ministeriorum [mysteriorum] Dei. Hic jam quæritur inter dispensatores, ut fidelis quis inveniatur? Mihi autem pro minimo est ut a vobis judicer, aut ab humano die. Sed neque meipsum judico. Nihil enim mihi conscius sum, sed non in hoc justificatus sum. Qui autem iudicat me, Dominus est. Itaque nolite ante tempus iudicare, quoadusque veniat Dominus, qui et illuminabit abscondita tenebrarum, et manifestabit consilia cordium, et tunc laus erit unicuique a Deo. Hæc autem, fratres, transfiguravi in me, et Apollo, propter vos : ut in nobis discatis, ne supra quam scriptum est, unus adversus alterum [alium] infletur pro alio. Quis enim te discernit? Quid autem habes quod non accepisti? Si autem accepisti, quid gloriaris quasi non acceperis? Jam saturati estis, jam divites facti estis. Sine nobis regnatis. Et utinam regnetis, ut et nos vobiscum regnemus. Puto enim quod Deus nos apostolos novissimos ostendit, tanquam morti destinatos; quia spectaculum facti sumus mundo, et angelis, et hominibus. Nos stulti propter Christum, vos autem prudentes in Christo; nos infirmi, vos **¶** autem fortes; vos nobiles, nos autem ignobiles. Usque in hanc horam, et esurimus, et sitimus, et auri sumus, et colaphis cædimur, et instabiles sumus, et laboramus operantes manibus nostris. Maledicimur, et benedicimus; persecutionem patimur, et sustinemus; blasphemamur, et obsecramus : tanquam purgamenta huius mundi facti sumus omnium peripsema usque adhuc. Non ut confundam vos hæc scribo, sed ut filios meos charissimos moneo. Nam si decem millia pedagogorum habeatis in Christo, sed non multos patres. Nam in Christo Jesu per Evangelium ego vos genui. Rogo ergo vos, fratres, imitatores mei estote sicut et ego Christi. Ideo misi ad vos Timotheum, qui est filius meus charissimus et fidelis in Domino; qui vos commonefaciat vias meas, quæ sunt in Christo Jesu, sicut ubique in omni Ecclesia doceo. Tanquam non venturus sim ad vos, sic inflati sunt quidam. Veniam autem ad vos cito, si Dominus voluerit : et cognoscam non sermonem eorum qui inflati sunt, sed virtutem. Non enim in sermone est regnum Dei, sed in virtute. Quid vultis? In virga veniam ad vos, an in charitate et spiritu mansuetudinis? »

EXPOSITIO.

Quia modo adeo se humiliaverat Paulus, dicens, et Apollo vestri sunt, ne propterea inflarentur Corinthii, dicit se esse magnæ dignitatis, quia ministros Christi, etc. Littera sic jungitur, licet præmiserim ego Paulus et Apollo vestri sumus : tamen sic nos existimet homo quicumque est inter Corinthios, ut ministros Christi, id est ut eos qui digni sunt

A ministrare Christum et fidem ejus subditis; existimet etiam nos ut dispensatores ministeriorum Dei. Dispensamus enim ecclesiastica officia, hunc presbyterum, alium diaconum consecrando. Vel dispensatores mysteriorum, id est secretorum Dei : scimus enim et loquimur fidelibus consilia Dei. Propterea dico, sic nos existimet homo; quia hic, id est in hac Ecclesia Corinthiorum jam, id est ante opportunum tempus iudicii. In hoc enim mundo quia occulta sunt opera, iudicare non licet. Vel hic, id est hac occasione qua dixi nos debere existimari ministros et dispensatores; propterea jam quæritur inter dispensatores, quis eorum inveniatur ut fidelis, id est perfectus; et ejus justitia conferat discretum aliquid baptizatis suis. Ut fidelis dictum est : sicut ibi, « habitu inventus ut homo (Phil. 11, 7). » Sed quidquid alii dispensatores sentiant, ego tamen hoc respondeo : Quia mihi pro minimo est et parvipendo, ut a vobis judicer, id est ut vos me condemnetis; aut ut judicer ab humano die, id est ab homine, qui etiam propter subtilitatem ingenii dies dicatur. Vos me nescitis iudicare, sed neque ego ipse judico, id est, reprehendo meipsum in aliquo; ideo quia nihil conscius sum mihi, et sicut scientia mea non invenit quid iudicet; multo minus vos qui occulta conscientia scrutari non potestis. Sed licet conscientia mea nullius accuset me; tamen non in hoc justificatus sum, quia fortasse quedam æstimo bona, quæ de radice mala pullulant. Nec homo, nec ipsa conscientia mea iudicare me potest; sed ille qui iudicat, id est, qui iudicandi me potestatem habet, Dominus est, et præter eum nemo hoc potest. Et quando quidem Deus solus iudicare potest, homo vero non, quia nec seipsum satis intelligit. Itaque nolite iudicare me, vel alium ante tempus, id est, nunc cum adhuc occulta latent, quoadusque veniat Dominus ad iudicium : qui utique veniet, et illuminabit, id est palam faciet, abscondita tenebrarum, id est peccatorum, quia inter peccata quedam latent absconsa. Qui etiam manifestabit consilia cordium, id est opera bona, quæ ex consilio et deliberatione recti cordis facta sunt, et tunc in adventu illo unicuique qui ex consilio cordis recto egit, erit laus a Domino.

D Quod supra ait Corinthios dicere : Ego sum Pauli, ego sum Apollo, exponit hic quomodo figurative hoc dixerit, significando illos de quibus gloriabantur per nomen suum, et per Apollo quod utique fecit in exemplum humilitatis. Unde sic ait : Quod supra posui vos dicere, ego sum Apollo, ¶ ego Pauli, non ideo sic feci quod de nobis gloriamini; sed, o fratres, ego transfiguravi, id est transtuli, hæc in me, figurative loquens, dum nomina nostra illis pseudo attribuebam. Hæc utique transfiguravi in me et in Apollo, et hoc propter vos insinuandos, ut vos discatis in nobis, ne unus infletur adversus alterum pro se facto alio, id est digniori quam alter sit per meritum sui baptizatoris. Vel pro alio, id est pro justiori doctore quem habuit.

Ne inflemini dico, agentes quod supra. Scriptum est superius, ut qui gloriatur, non in merito hominis, sed in Domino gloriatur; non debes inflari adversus alterum: quis enim est qui te discernit ab alio, sciens merita singulorum? Stultus utique est, qui te discernere praesumit. Iterum non debes inflari; quia *quid habes* tu ab illo doctore de quo gloriaris quod non accepisti a me? Magis utique a me accepisti, quia fidem, quam ab illo. Iterum non debes inflari; quia *si accepisti* a me, *quid de alio gloriaris quasi non acceperis* a me quod ab illo? magis utique a me. Vel aliter: Noli inflari, quia quis est qui te discernit a massa perditorum in Adam, ut faciat te vas in honorem nisi Deus solus? Nemo utique, iterum ne inferis; quia quid habes tu boni ab aliquo, quod non accepisti a Deo? Deus totius boni est largitor. Iterum non debes inflari; quia si tu accepisti aliquid a Deo, quid gloriaris inde, ascribens hoc merito hominis, quasi non acceperis illud a Deo? Dico ne gloriemini, sed male dico; quia vos merito debetis gloriari: *jam enim estis saturati*, id est satis habetis bona in vobis; *jam etiam facti estis divites*, habentes quod dividatis singulis; *etiam regnatis*, id est vos ipsos bene regitis sine nobis. Haec omnia ironice, sed amodo serio. *Regnatis* dico (et *utinam* in veritate *regnatis*). Hoc enim cuperem, ut regimine nostro non indigeretis; ita regnetis ut et nos regnemus vobiscum, id est ut vos in regno illo dignitate vitae praecederetis. Mallem certe vos praere, et me sequi, quam converso; quia de me certior sum quam de vobis. Iterum ironice: Vos utique regnatis, nos minime; quia *puto quod* vos equidem putatis: hoc scilicet quod *Deus ostendit nos novissimos*, id est deteriores et nullius dignitatis apostolos. Nos dico *tanquam destinatos morti*, id est quia adeo affligimur pro Christo, ut solummodo ad mortem nati videamur: propterea vobis in mundo Arentibus, contemptui sumus. Ideo etiam quia *spectaculum facti sumus huic mundo*: conveniunt enim omnes ad oppressionem nostri, et mala nostra luctus est eorum. Huic mundo dico: nam et angelis malis, qui gaudent de afflictione nostri, et hominibus. Et ideo nos reputamur stulti; sed hanc stultitiam bonum esset imitari; quia *propter Christum vos stulti, vos autem prudentes in Christo*: quod utique nec estis, nec esse debetis. *Nos infirmi* et inbecilles mundo, *vos autem fortes* et de potentia mundi gloriantes. *Vos nobiles, nos autem ignobiles*. Vel aliter, ut sine ironia legatur: Vellem nos regnare vobiscum. Nam certus sum quod revera regnabimus: *puto enim, et hoc utique confido quod Deus ostendit nos novissimos apostolos*, id est similes novissimis, id est Enoch et Eliae; quia tanta patimur modo in principio Ecclesiae, quanta illi passuri sunt ab Antichristo in fine. Unde idem Paulus ait: « Nos sumus in quos fines saeculorum devenerunt (I Cor. x, 11). » Quare etiam Nero dictus est Antichristus, quia quemadmodum iste Enoch et Eliam, sic ille Petrum et Paulum interfecit. Vere

novissimi sumus: nam destinati morti; nam spectaculum mundo. Et caetera similiter exponantur, sed ironice. Nos stulti, vos prudentes; vos fortes, nos debiles; hic eadem ironia. Nec solum praemissa mala patimur, sed a principio praedicationis nostrae usque in hanc horam, et esurimus et sitimus; et nudi sumus, et colaphis caedimur, et instabiles sumus, de loco ad locum fugati; et laboramus operantes manibus nostris, unde victum habeamus. *Maledicimur* ab impiis, et nos *benedicimus* illos. *Patimur persecutionem*, 100 et *sustinemus* alacriter. *Blasphemamur, et obsecramus* impios, ne blasphement, vel Deum, ut ignoscat blasphemantibus. Et adeo saeviunt in nos, quod *facti sumus tanquam purgamenta hujus mundi*. Videtur enim illis quod mundus de nobis polluat, et per. interitum nostrum purgetur. Facti sumus utique *peripsema*, id est purgatio omnium; quia jam omnes purgarentur si non essemus, sed de nobis polluunt. *Peripsema* dicitur *purgamentum pomi*, vel *spuma ferri* secundum Ambrosium; tales facti sumus a principio mundi usque adhuc.

Quia aspere locutus fuerat Corinthiis, incipit eis iterum blandiri, dicens: Licet ironice dixerim vos prudentes, fortes et nobiles, tamen non scribo haec ut confundam vos, et erubescere faciam; sed moneo vos, nunc blande, nunc aspere, ut meos *charissimos filios*. Vere *filios*, nam si habeatis decem millia *paedagogorum*, id est magistrorum (etiam fidelium in Christo), tamen non habetis multos *patres*, secundum fidem: vere non multos, nam me solum. *Ego enim genui vos in Christo Jesu, per Evangelium meum*. Et quando quidem ego pater, vos filii. Ergo rogo vos, *fratres, estote mei imitatores*, ut filii patris. *Ideo enim quia filii estis, et ut imitatores sitis: misi ad vos Timotheum, qui est filius meus charissimus et fidelis in Domino, et huic acquiescite*. Misi ideo ut sit qui vos *commonefaciat vias meas*, ut sicut ego, sic et vos, in omni justitia ambuletis: quae viae sunt insistendae, quia sunt in Christo Jesu, et omnis Ecclesia sequitur eas. Quod ita ait: Sicut ego doceo ubique, nec passim in agris, sed in omni Ecclesia. Per hunc Timotheum dicitur Apostolus misisse hanc Epistolam Corinthiis: locutus est superius de baptizatoribus illis, et satis probavit non unum praefendum esse alteri. Causatus est etiam illos de mundana sapientia, quod nimiae laudis esset apud illos, et de contempta suo; nunc autem transit ad illud, de fornicatore quodam, qui novercam suam duxerat uxorem: quem ipsi nec a communionem Ecclesiae sejunxerant, nec de peccato fratris condoluerant, sed potius inflabantur inde dicentes: Quod si a bono baptizatus esset, nunquam in tantam peccati foveam rueret, quemadmodum apparerat, in quibus ne similiter peccarent, operabatur justitia baptizatoris. Littera sic jungitur: Ego sollicitus de vobis ut pater de filiis, mitto ad vos Timotheum; sed *quidam de vobis sunt inflati*; et fortasse propter superbiam suam non eum audituri, ideo de superbia hic tangit eos, ut in omni humi-

litate inveniatis eos obedisse Timotheo. Inflatique utique estis : sic *tanquam ego non sim venturus ad vos*, nec adventum meum reveremini, quem utique vereri vos oportet, nisi vos ipsos correxeritis. Fortasse creditis me non venturum, quia modo mitto Timotheum; sed scitote quia *cito veniam ad vos* : quod tamen juris non est, et ideo determino, *si Dominus voluerit*, cujus voluntati contraire non licet. Veniam utique et tunc *cognoscam*, id est approbabo juxta illud : « Novit Dominus qui sunt ejus (II Tim. II, 19). » Cognoscam utique non sermonem eorum, id est non curialitatem et artificium sermonis, cui adhærent hi qui per hujusmodi sermonem inflati sunt; sed cognoscam et laudabo in vobis *virtutem*, id est humilitatem, patientiam, etc. Hæc enim laudari debent, non sublimitas sermonis : ideo cognoscam virtutem et non sermonem; quoniam non in sermone hujus mundi est, id est acquiritur regnum Dei, sed in virtute integræ fidei et boni operis. Et quod duo vobis proposui sermonem, quem reprobo; virtutem, quam approbo : *Quid vultis*, id est quid horum eligitis? *veniam ad vos in virga*, id est in asperitate correctionis; *an veniam ad vos in charitate*, id est in lenitate? Et adeo quod in spiritu mansuetudinis, id est quasi assuetus manui et gaudens deservire vobis? Si in sermone invenero, veniam in virga; si in virtute, veniam in spiritu charitatis. Videtur ubi ait, *in virga an in charitate*, per hoc innuere, quasi correctio non sit ex charitate, si aspera est; quod utique falsum est : **101** sed dicit hoc secundum infirmitatem eorum, qui totum judicabant esse ex ira, quod voluntati carnis contraibat.

CAPUT V.

« Omnino auditur inter vos fornicatio, et talis fornicatio, qualis nec inter gentes, ita ut uxorem patris sui aliquis habeat. Et vos inflati estis : et non magis luctum habuistis, ut tollatur de medio vestrum, qui hoc opus fecit. Ego quidem absens corpore (Coloss. II, 5), præsens autem spiritu, jam judicavi ut præsens eum qui sic operatus est, in nomine Domini nostri Jesu Christi, congregatis vobis et meo spiritu, cum virtute Domini Jesu, tradere hujusmodi hominem Satanæ in interitum carnis, ut spiritus salvus sit in die Domini nostri Jesu Christi. Non est bona gloriatio vestra. » Nec scitis, quia modicum fermentum totam massam corrumpit? (Galat. v, 9.) Expurgate vetus fermentum, ut sitis nova conspersio, sicut estis azymi. Etenim pascha nostrum immolatus est Christus. Itaque epulemur, non in fermento veteri, neque in fermento malitiæ et nequitiae, sed in azymis sinceritatis et veritatis. Scripsi vobis in epistola : Ne commisceamini fornicariis; non utique fornicariis hujus mundi, aut avaris, aut rapacibus, aut idolis servientibus; alioquin debuistis de hoc mundo exiisse. Nunc autem scripsi vobis non commisceri. Sed is qui [si quis] frater nominatur inter vos, est fornicator, aut avarus, aut

idolis serviens, aut maledicus, aut ebriosus, aut rapax : cum hujusmodi nec cibum sumere. Quid enim mihi est [non habet est] de his qui foris sunt judicare? Nonne de his qui intus sunt vos judicatis? Nam eos qui foris sunt Deus judicabit. Auctore certe malum ex vobis ipsis. »

EXPOSITIO.

Utique veniendum est ad vos in virga, quoniam auditur inter vos esse fornicatio. Auditur utique omnino, id est secundum infamiam omnium : de quo, quia omnes infamant vos (fama etiam hoc attulit ad me) non est expectandus accusator. Nec quæ patienda sit, sed talis fornicatio, qualis nec auditur inter gentes, id est inter gentiles primæ genturæ adhuc adhærentes. Auditur ita ut aliquis de vobis habeat uxorem patris sui, id est novæcam suam duxerit uxorem. Dicerent illi : Quid ad nos? Multum ait Paulus; quia enim frater peccavit, ros inde inflati estis superbie, quasi melius illo per baptismum justificati; quia non similiter corruistis. Nec solum inflati, sed etiam nec habuistis luctum condolendo casui fratris, magis, id est quod eligendum esset vobis non inflari. Nec hoc curæ habuistis, ut tollatur de medio vestrum, id est ut a communione Ecclesiæ separatis eum, qui hoc opus fecit : qui uxorem patris sibi illicite usurpavit vos præsentem non tulistis eum de medio vestrum, sed ego absens utique corpore, præsens autem spiritu, id est auctoritate apostolica (dicunt etiam sancti, quod Spiritus sanctus nota fecerat ei etiam absentium facta); præsens utique spiritu jam judicavi, id est condemnavi eum, ut si præsens fierem corpore : eum dico qui sic operatus est cum uxore patris judicavi utique : et hoc sciatis me fecisse in nomine Domini nostri Jesu Christi, ne dicatis quod repulsio ejus detrimentum sit Ecclesiæ Christi, qui potius in hoc honoratur, quam Ecclesia ejus minoretur, quæ utique veneno hujus mali inficeretur, si non hic repelleretur. Judicavi utique vobis congregatis tradere hunc Satanæ. Vel illud, in nomine Domini, ad sequentem litteram respicit, sic : Hoc, inquam, de eo judicavi, ut vobis congregatis in nomine Domini Jesu Christi, et præsentem meo Spiritu, id est auctoritate mea vobis cooperante

Quid inde diceret impius, si spiritus tuus nobiscum sit? multum utique, ait Paulus. Nam Spiritu meo dico manente cum virtute Domini Jesu; quia virtus Dei mihi, et per me vobis cooperabitur. Judicavi, inquam, oportere vos tradere eum qui hujusmodi est, Satanæ. Tradere Satanæ dicit excommunicare. Quemalmodum enim diabolus omne jus habet in hominem priusquam per fidem justificetur; sic postquam pro culpa a **102** sacramentis Ecclesiæ, quibus armis contra Satanam muniti sumus, separatur, exinde sub jugo Satanæ religatur; quia nec per se resistere potest, nec fortasse vult, et ab auxilio Dei penitus destituitur. Tradere dico Satanæ in interitum carnis, id est ad hoc, ut caro ejus, quæ in peccato jucundata est, sensim intereat afflictione

morborem. Diabolus enim postquam videt hominem sine Deo, debilitatum, libere aggreditur eum, et per varios morbos vexat carnem ejus. Quod ideo Deus patitur, ut homo videns se, postquam a Deo recessit, per tot morbos angustiatum, confiteatur peccatum, et poenitendo revertatur ad Deum, *ut spiritus ejus salvus sit*. Vel ita: Tradere Satanæ in interitum; quia postquam non protegitur sacramentis Ecclesiæ, de malo quotidie præcipitatur in pejus: qui interitus animæ est, carnis, id est per carnem cui consentit male suadenti. Nec ideo tradere ut perpetuo pereat, sed ut, dum mole peccatorum premitur, condolens de peccatis poeniteat, et sic spiritus ejus salvus sit *in die*, id est in illuminatione Domini nostri Jesu Christi. Tunc enim Christus illuminat eum, cum poenitendi desiderio fervescit. Quod utique videndum est Ecclesiæ prælati, ut ea intentione reos excommunicent qua Paulus, scilicet, ut spiritus eorum salventur. Quandoquidem luctum non habuistis, nec eum de medio vestrum tulistis, inde apparet quod gloriatio vestra non est bona. Malum est enim eum de justitia gloriari, qui et salutem proximi negligit, et se morbo ejus inficit. Vere non bene gloriamini, quia an *nescitis vos quod modicum frumentum* si fuerit acidum *totam pastæ massam corrumpit* factam acidam? Sic et iste (modicum quid secundum numerum Ecclesiæ) corrumpit totam Ecclesiam, factam ream ex cohabitatione hujus cui participavit. Quandoquidem fermentum hoc Ecclesiæ massam corrumpit, ergo auferendo hunc et omne malum de medio vestrum, *expurgate fermentum*, id est inflationem vestram. Et si quod aliud scilicet peccatum est expellendum. *Fermentum dico vetus*. Nisi enim vos purgaveritis, estis membra veteris hominis. Expurgate itaque, *ut sitis conspersio*. Farina per aquam conglutinata sine fermento dicitur *conspersio*. Humanitas autem nostra quæ per se sterilis est et arida, per farinam siccam accipitur, quæ rore Spiritus sancti in baptismo conglutinatur, ut ariditate depulsa, fructum faciat; quemadmodum farina per aquam copulatur, ut utilitatem habeat. *Sitis*, inquam, *conspersio novæ*, id est facti membra novi Adæ, scilicet Christi qui vos per Spiritum sanctum renovavit. Nunc estote nova conspersio *sicut* prius in baptismo *fuitis azymi*, id est sine fermento totius peccati. Bonum est enim sic vos modo per poenitentiam (quæ est alter baptismus) purgari, sicut prius per baptismum purgati fuisistis. Azymus Græce, *sine fermento* dicitur Latine. Zymus est fermentum a sine, ut ibi acephali, id est *sine capite*. Vos utique expurgare debetis: *etenim Christus immolatus est in ara crucis*: quod Christus est nostrum pascha, id est noster transitus de morte ad vitam, de corruptione ad incorruptionem; per quem nunc tandem nos purgare possumus, qui prius sub jugo diaboli vincti, non poteramus.

Hic mittit nos ad historiam ubi filii Israel, ut a plaga Ægypti liberarentur, sanguine immolati agni postes linire jubentur (*Exod. xv, 7*): post ejus

agni immolationem de Ægyptiaca servitute liberati, transeunt ad terram repromissionis. Hoc enim festum immolationis agni paschæ dicitur apud eos; pascha apud Græcos, transitus apud nos. Ille utique agnus verum Agnum in quo macula non fuit, Christum significavit, per cujus sanguinem effusum liniuntur mentes nostræ, et sic liberamur a plaga percipientis angeli; ad esum cujus agni quotidie convenit Ecclesia, per hoc transitura ad veritatem rei, qua nunc utitur sub specie panis et vini, quorum licet species maneat, credimus tamen revera transire in veram substantiam corporis et sanguinis Christi: per hæc transituri in æternitatem. *Epulemur dico non manentes* **103** *in veteri fermento, sed neque in fermento malitiæ* in nobismetipsis habitæ; *nec in fermento nequitia*, ut ne quid agamus contra proximum, *sed manentes in azymis*, id est in humilitate, *sinceritatis*, id est puritatis conservatæ in nobis, et veritatis ne fraudemus proximum. Paulus jam ante de vitanda fornicatione scripserat Corinthiis; sed dicta ejus, male interpretantes, existimabant quod de gentibus vitandis, cum fornicarentur, præciperet. Nunc autem per hoc quod jam de hoc crimine scripserat illis, eos reprehendit, et quomodo scripturam quam miserat intelligere deberent, insinat, dicens: Jure utique arguo vos de hoc, quod non tulistis fornicatorem illum de medio vestrum. Ego enim *scripsi vobis* in Epistola jam missa, quod *non commisceamini fornicariis*, non utique præcipiens hoc de fornicariis hujus mundi, id est de gentibus qui non Deum sed mundum sequuntur. Scripsi etiam vobis ne commisceamini *aut avaris, aut rapacibus, aut serviens idolis*, id est his qui vel ad culturam idoli redeunt, vel qui idolis immolata sub veneratione idoli comedunt. Vere non de fornicariis gentilium hoc prohibui: *alioquin enim*, id est si aliter agens, de gentilibus vitandis hoc præceptum darem; jam si obedire velletis, *debueratis exisse de hoc mundo*, id est melius esset vobis mori negligendo quæcunque mundus habet, quam propter timorem aliter agentes communicetis fornicariis: olim scripsi, male intellexistis, sed nunc determino vobis quod scripsi non debere vos commisceri cum ejusmodi. Quod sic intelligendum est: *Si is qui frater est in fide, nominatur fornicator, aut avarus, aut serviens idolis cultu, vel comedendo idolothytum sub veneratione, aut maledicus, aut ebriosus*, id est consuetus detractioni et ebrietati, *aut rapax* nominatur cum illo qui est *ejusmodi*, ut omnem communionem excludam: quod levius videtur prohibeo scilicet *nec cibum sumere*. Notat beatus Augustinus in eo ubi ait: si nominatur et non dixit si est, hoc intellexisse Apostolum; quia si frater est criminis reus, et latet culpa ejus, non debet excommunicari. De incertis enim non est habendum iudicium, sed de crimine quod manifestatum et comprobatum est; et ideo dixit *nominatur*. De hoc utique non iudicandus est reus. Vere de fratribus debemus iudicare: nam

quid mihi, id est quid ad me pertinet et ad Ecclesiam de his qui foris sunt, id est, de gentilibus judicare? nihil utique. Et quod de his qui extra Ecclesiam sunt judicare non licet, *nonne vos judicatis*, id est judicare debetis, *de his qui intus sunt*, in Ecclesia. Vere de his qui intus sunt, judicatis tantum. *Nam eos qui foris sunt*, id est gentiles, *Deus judicabit*, et ad vos nihil pertinet de illis. Quandoquidem de fidelibus judicandum est vobis: igitur *auferite malum fornicatoris fratris ex vobis*, quod nisi auferatis: jam *ipsis*, id est, jam culpa ejusdem criminis vos contaminatis.

CAPUT VI.

« Audet aliquis vestrum habens negotium adversus alterum, judicari apud iniquos, et non apud sanctos? An nescitis, quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis. Nescitis quoniam angelos judicabimus, quanto magis secularia? Sæcularia igitur judicia si habueritis, contemptibiles [contendibiles] qui sunt in Ecclesia, illos constituite ad judicandum. Ad verecundiam vestram dico. Sic non est inter vos sapiens quisquam, qui possit judicare inter fratrem suum? sed frater cum fratre judicio contendit: et hoc apud infideles? Jam quidem omnino delictum est in vobis, quod judicia habetis inter vos. Quare non magis injuriam accipitis? Quare non magis fraudem patimini? Sed vos magis injuriam facitis et fraudatis, et hoc fratribus. An nescitis, quia iniqui regnum Dei non possidebunt? Nolite errare: neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt. Et hæc quidem [aliquando] fuistis: sed abluti estis, sed sanctificati estis, sed justificati estis, in nomine Domini nostri Jesu Christi, et in spiritu Dei nostri. Omnia mihi licent, sed non omnia expediunt. Omnia mihi licent, sed ego sub nullius redigar potestate. Escæ ventri et venter escis: Deus autem et hunc et hanc destruet. Corpus autem non fornicationi, sed Domino, et Dominus corpori. Deus vero et Dominum suscitavit et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis quoniam qui adhæret meretrici unum corpus efficitur? Erunt enim (inquit) duo in carne una (Gen. II, 24: Ephes. V, 31; Matth. XIX, 5). » Qui autem adhæret Deo, unus spiritus est. Fugite fornicationem. Omne enim peccatum quodcumque fecerit homo, extra corpus est. Qui autem fornicatur, in corpus suum peccat. An nescitis quoniam membra vestra templum sunt (II Cor. VI, 16). » Spiritus sancti, qui in vobis est, quem habetis a Deo, et non estis vestri? Empti enim estis pretio magno (I Petr. I, 18), » glorificate et portate Deum in corpore vestro. »

EXPOSITIO.

Hac occasione; quia de judiciis inco-pit, transit, ut mala ex judiciis provenientia corrigat in Corinthiis. Si quis enim eorum auferret quidquam alteri, non ille patienter hoc tolerabat, sed impatiens fratrem ad causam compellebat, nec coram ecclesiasticis judicibus, sed spretis illis, coram sæcularibus fraudem etiam faciebat fratri, dando munus iudici ad oppressionem fratris. Littera sic jungitur: Judicare quidem vobis licet de fratribus, sed non eo modo quo intemperanter audetis apud iniquos. Vel ita: Auferre malum ex vobis, bonum est. Sed quare audet aliquis vestrum. Ubi ait, *audet*, notat esse peccatum hujusmodi ausum. Cur, inquam, audet aliquis vestrum *habens negotium*, id est querelam de sæcularibus rebus *adversus alterum fratrem*, *judicare*, id est inire judicium cum fratre, *apud iniquos judices*, id est sæculares, *et non apud sanctos*, id est fideles Ecclesiæ judices?

Dicerent illi: Timemus inquietare sanctos ab orationibus suis. Non utique (ait Paulus), quia *an nescitis vos, quod sancti in futuro judicio judicabunt de hoc mundo? Et si in vobis*, id est in comparatione vestri *judicabitur hic mundus* in ultimo judicio, *an estis indigni qui hic judicetis de minimis* ad comparationem futurorum, scilicet de temporalibus Ecclesiæ rebus? Et sicut homines, sic etiam dæmones in similitudine nostra judicabuntur; quia *an nescitis vos, quia apostatas angelos judicabimus*, comparatione vestri. Quod si angelos, *quanto magis secularia licet judicare?* Homines judicabuntur mali in comparatione bonorum, quia cum ejusdem conditionis fuerint, nec idem cum bonis operati sint, hæc sola comparatio sententia damnationis eorum est.

Dæmones duplici modo in similitudine justorum damnabuntur, tum quia firmiores naturæ quam homo creati sunt, nec in bono perstiterunt: tum quia semper invident justis, nec eos superare queunt. Pro hujus pugnæ victoria justus damnabunt malos angelos. Nunc iterum ironice reprehendit eos de hoc, quod insipientes constituebant judices: quia de re fiebat, ut causæ Ecclesiarum transferrentur ad sæculares. Quandoquidem (sicut probatum est) Ecclesia judicare debet inter fratres: igitur *si habueritis secularia judicia*, id est lites inter vos pro temporalibus rebus. Per illud notat melius esse, si non haberent hujusmodi judicia. Si, inquam, habueritis hæc judicia, *constituite illos ad judicandum*, id est præfite vobis illos in judices, qui sunt *contemptibiles*, id est insipientiores, *in Ecclesia*. Et hoc ironice dicit, quia sic eos facere sciebat. Et hoc quod dico, *contemptibiles constituite ad judicandum*, hoc dico ad vestram verecundiam, non præcipiendo ut faciatis sed memorando quod facitis, ut verecundiam habeatis. Nam cum ita facitis *an sic*, id est, adeo insipientes facti estis; *quod non est inter vos quisquam sapiens 105 qui possit judicare inter fratrem et fratrem?* sed quia adeo omnes desipuistis: ideo *frater contendit cum fratre, judicio*, id est, per causam. Nec

malum contentionis sufficit : sed etiam hoc fit *apud infideles* iudices, penuria ecclesiasticorum iudicum. Quo quidem ex iudicio hoc malum evenit : quod contenditis vicissim, et jura Ecclesiae ad infideles refertis. Jam certe propterea omnino, id est, sicut omnibus patet, *delictum est in vobis*. De hoc quod iudicia habetis inter vos. Melius enim esset non reclamare sua, quam ex reclamazione tot mala provenire Ecclesiae. Et quia delictum est inter vos fieri iudicia, *quare non magis accipitis*, id est, sine reclamazione toleratis, *injuriam* ejus qui vestra tollit aperte? Et *quare non magis patimini fraudem*, id est occultum damnum fratris circumventionem factum, quam de reclamazione vestra sic vilescat Ecclesia? Bonum esset vos pati injuriam a fratre illatam, quia non solum non patimini, sed etiam vos facitis ei injuriam, re auferendo sua. Et etiam fraudatis, id est, occulte iudicem praeventis munere vestro ad oppositionem [oppressionem] fratris : et hoc totum facitis non extraneis, sed fratribus, quos supportare deberetis. Et hoc facientes fratribus inique agitis. Sed *an nescitis vos, quia iniqui non possidebunt regnum Dei?* Propterea ne a regno Dei alieni sitis, nolite errare fraudando et injuriando fratribus. Vere iniqui non possidebunt : nam neque fornicarii, neque qui serviunt idolis, neque adulteri, neque molles qui patiuntur, neque concubitores masculorum qui agunt, neque fures, neque avari, neque ebriosi, neque maledici, neque rapaces, regnum Dei possidebunt.

Ne modo Corinthii detererentur his, et desperarent : quia fortasse ad haec post baptismum redierant, consolatur eos Paulus blandiendo eis ; unde ait : Nolite terri praemissis : vos quidem et haec fecistis quae praemisi ; sed abluti estis ab his in baptismo, sed etiam sanctificati estis, id est confirmati donis sancti Spiritus, sed estis justificati possessione virtutum in nomine Domini nostri, id est Patris : et in nomine Jesu Christi, et in Spiritu Dei nostri, qui ab utroque procedit, quae nobis commemorata sunt in baptismo. Quia dixerat superius : *Quare non magis injuriam accipitis*, dicerent illi : Nonne licet, nobis repetere nostra? determinat Paulus : quia quaedam sunt, quae sic licent, ut melius prosint dimissa, et haec sunt res temporales. Quaedam sunt quae sic licent, ut iudicium eorum dimitti non debeat, et haec sunt criminalia, quae animam occidunt. Littera sic jungitur : Licet dixerim accipite injuriam magis quam reclamatis, scio tamen quod mihi et unicuique vestrum licent haec omnia, id est repetere sua, causam inire cum fratre, etc. ; sed quamvis liceant, tamen haec omnia non expediunt, id est non expeditos ad bona nos faciunt, imo impeditos. Idem iterum nunc subdit aliam causam : *Omnia mihi licent, sed tamen ego propterea non redigar sub potestatem ullius iudicis, aut alicujus rei ut magis charam habeam illam, quam pacem fratris*. Vel ita : Ego non redigar sub potestatem ullius iudicis, ut praemio, vel aliquo obsequio praevieniam eum ad oppressio-

nem fratris. Nec solum haec licita dimittenda sunt, sed etiam necessaria corporibus, pro quibus similiter non debet frater inquietari, ut pro *esca*, quae utique paratur ventri, et venter sustentatur escis. Sed licet adeo necessaria sit, tamen non est litigandum pro hac : quia *Deus et hunc ventrem et has escas destruet*. Pro his temporalibus, quia cito transeunt, nec damnant animam non repetita, ne curetis habere iudicium, sed fornicationem illam non patimini indemnata. Quod sic jungitur. *Esca debetur ventri, sed corpus non debetur fornicationi ; sed Domino servire debet per omnia : et Dominus debetur corpori ibi servienti : quia cum per se nudum sit, vestit eum Deus ornamento virtutum si servierit Domino*. Vere Dominus bene faciet corpori : nam *Dominus suscitabit nos* in incorruptionem : sed hujus rei probationem praemittit dicens. Vere Deus suscitabit nos : nam ipse suscitavit jam **106** *Dominum Jesum*, in quo carnem nostram suscitavit : et hoc in nobis perficiet. Et si quaeris quomodo suscitet? scito quia *per virtutem suam*. Hoc dicit ad comprehendendum Corinthios, qui de resurrectione dubitabant : quod in sequentibus declarabitur. Dixit causam quare corpus debeatur Deo : subdit causam quare non debeatur fornicationi, dicens : Corpus non est subdendum fornicationi : quia *an nescitis vos quoniam non solum animae, sed etiam corpora vestra membra Christi sunt?* Anima membrum est Christi, quia per rationem figit oculos interiores in admirationem Dei. Corpus membrum est Christi : dum per manum ministrat pauperi, pedibus visitat infirmum, etc. Et quando quidem membra Christi sumus : *ergo tollens membra Christi, faciam ea membra meretricis?* Absit hoc. Possunt utique fieri membra meretricis : quia *an nescitis vos quod qui adhæret meretrici, efficitur unum corpus cum illa?* Duobus modis adhærens meretrici corpus ejus efficitur : uno per illam commistionem carnis, per quam in quamdam unitatem astringuntur ; altero sit participatione peccati. Quod per conjunctionem carnis unum corpus efficiantur probat, quia de hoc magis ambigebatur, vere unum corpus efficiuntur : nam Moyses dicit in Genesi : « Erunt duo in carne una (Gen. II, 24). » Hoc tamen de legitimo matrimonio dixit : sed eadem conjunctio et identitas carnis fit in copula adulterii, sicut in matrimonio. Qui adhæret meretrici fit unum corpus cum illa, sed qui adhæret Domino, unus spiritus est, id est unitur Domino in identitate spiritus. Et quia tantum malum fornicationis est, propterea *fugite fornicationem*.

Notandum est quod ait : *Fugite fornicationem* ; hoc enim peccatum non est expectandum : sed antequam veniat, quibus adjumentis possumus ab eo fugiendum est : difficile enim est evadere ab ea postquam igneas sagittas fornicatio intorsit. et ideo dixit, fugite, et non expectate : quia ubi aliquos accessus habet, non est hominis inde eam expellere. Subdit causam quare fugienda sit fornicatio, di-

cens : Ideo utique fugere debetis fornicationem. Nam omne aliud peccatum quodcumque fecerit homo, extra corpus est : sed ille qui fornicatur, peccat intra corpus suum. Sunt utique quædam peccata, quæ penitus nullam delectationem afferunt carni : ut homicidium. Manus enim si occidit, non in eo delectationem sentit. Sunt tamen quædam alia in quibus delectatur caro, ut quando cibus bene respondet palato : vel quando videtur quod oculos pascit, auditur quod jucundum est auribus, et hujusmodi. Sed tamen hæc omnia dicuntur esse extra corpus, ad comparisonem fornicationis : quia qui fornicatur, peccat intra corpus suum : quia ipsa anima transit eo actu in ipsam carnalitatem : in hoc enim omnis sensualitas consentit et cooperatur, et in ipsam carnem transit. Vel aliter, secundum Ambrosium, ut fornicationem hic de adulterio solum intelligamus : *Fugite fornicationem*, id est adulterium : quia omne aliud peccatum est extra corpus, id est extra uxorem : sed qui fornicatur peccat in, id est contra, corpus suum, id est contra uxorem suam : quia pro peccato fornicationis uxor potest separari ab eo, et non propter aliud. Corpus viri dicitur uxor : quia cum maritus et uxor unum corpus efficiantur, vir quidem caput est, mulier autem portio viri in eodem corpore. Vel aliter secundum novitatem quorundam : et videbitur hæc sententia continuari ad illud, quod prius dixerat, fornicatorem illum ejiciendum ab Ecclesia. Omne peccatum quodcumque fecerit aliquis homo, id est utens ratione, illud est extra corpus, id est extra Ecclesiam, quæ capitis Christi corpus est : quia quæ ratione utens facit, venialia sunt : et propter hæc non separatur ab Ecclesia : sed ille qui fornicatur, peccat in corpus suum, id est contra Ecclesiam, cujus corporis membrum est : pro peccato enim fornicationis ab Ecclesia separatur. Iterum causa quare fugiant fornicationem, propterea fornicatio fugienda est : quia *an nescitis quod mem-*
107 *bra vestra templum sunt Spiritus sancti*, id est Spiritus sanctus membris vestris utitur, dum per manum nostram eleemosynam dat pauperi. Pedibus itur ad visitationem infirmi. Et quia membris vestris sic utitur Spiritus in administratione sua, nolite illum fornicando expellere a vobis. Iterum ideo, quia qui Spiritus in vobis est assidua mansione, nec ideo iterum repellatis eum, quia quem Spiritum habetis a Deo, ipse enim dator satis vobis commendabile facit donum suum. Et pro tot causis nolite membra vestra subdere fornicationi. An etiam ignoratis quod vos non estis vestri juris, sed Dei? Qui enim alterius est, imperio ejus mancipare se debet. Vere non estis vestri, *estis enim empti*, et ejus servi estis, qui vos emit. Nec empti *levi pretio sed magno*; quia sanguine Christi. Et ideo nolite fornicari, *sed glorificate Deum*. Glorificare Deum est munditia vitæ Dei gloriam nuntiare. Qui enim videt justitiam justî, glorificat Deum, causa cujus et adjutorio sic vivit. *Glorificate dico, et portate Deum*. Portare Deum est onus totius adversitatis, quæ causa Dei infertur, sustinere patien-

ter : et exemplo patientiæ Deum ad alios portare, qui, visa patientia hujus, gaudeant contumeliam pati pro nomine Christi (Act. v, 41). *Portate dico Deum non solum in anima, sed etiam in corpore vestro*, ut munditia corporis vestri digna sit portare jugum Christi.

CAPUT VII.

« De quibus autem scripsistis mihi : Bonum est homini mulierem non tangere ; propter fornicationem autem unusquisque suam uxorem habeat, et unaquæque suum virum habeat. Uxori vir debitum reddat, similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi : et iterum revertimini in id ipsum, ne tentet vos Satanæ propter incontinentiam vestram. Hoc autem dico secundum indulgentiam, et non secundum imperium. Volo autem omnes vos homines esse, sicut me ipsum. Sed unusquisque proprium donum habet ex [al., a] Deo : alius quidem sic, alius vero sic. Dico autem non nuptis et viduis ; bonum est illis si sic permanserint, sicut et ego. Quod si se non continent, nubant. Melius est enim nubere, quam uri. His autem qui matrimonio juncti sunt, præcipio non ego, sed Dominus, uxorem a viro non discedere. Quod si discesserit, manere innuptam, aut viro suo reconciliari. Et vir uxorem non dimittat. Nam cæteris dico ego, non Dominus. Si quis frater uxorem habet infidelem, et hæc consentit habitare cum illo, non dimittat illam. Et si qua mulier fidelis habet virum infidelem, et hic consentit habitare cum illa, non dimittat virum. Sanctificatus est enim vir infidelis per mulierem fidelem, et sanctificata est mulier infidelis per virum fidelem. Alioquin filii vestri immundi essent, nunc autem sancti [mundi] sunt. Quod si infidelis discedit, discedat. Non enim servituti subjectus est frater vel soror in ejusmodi. In pace autem vocavit vos Deus. Unde enim scis, mulier, si virum salvum facies? Aut unde scis, vir, si mulierem salvam facies? Nisi unicuique sicut divisit Dominus, unumquemque sicut vocavit Deus, ita ambulet, et sicut ubique in omnibus Ecclesiis doceo. Circumcisus aliquis vocatus est? non adducat præputium. In præputio aliquis vocatus est? non circumcidatur. Circumcisio nihil est, et præputium nihil est, sed observatio mandatorum Dei. Unusquisque in qua vocatione vocatus est, in ea permaneat. Servus vocatus es? non sit tibi curæ : sed et si potes fieri liber, magis utere. Qui enim in Domino vocatus est servus, libertus est Domini : similiter qui liber vocatus est, servus est Christi. Pretio empti estis ; nolite fieri servi hominum. Unusquisque ergo in quo vocatus est frater, in hoc permaneat apud Deum. De virginibus autem præceptum Domini non habeo : consilium autem do, tanquam misericordiam **108** consecutus a Domino, ut sim fidelis.

« Existimo ergo hoc bonum esse propter instantem
 « necessitatem, quoniam bonum est homini sic esse.
 « Alligatus es uxori? noli quærere solutionem. Solu-
 « tus es ab uxore? noli quærere uxorem. Si autem
 « acceperis uxorem, non peccasti; et si nupserit
 « virgo non peccavit; tribulationem tamen carnis ha-
 « bebunt hujusmodi. Ego autem vobis parco. Hoc
 « itaque dico, fratres : Tempus breve est : reliquum
 « est, ut et qui habent uxores, tanquam non habentes
 « sint; et qui sicut, tanquam non sicut; et qui
 « gaudent, tanquam non gaudentes; et qui emunt,
 « tanquam non possidentes; et qui utuntur hoc
 « mundo, tanquam non utantur : præterit enim figura
 « hujus mundi. Volo autem vos sine sollicitudine
 « esse. Qui sine uxore est, sollicitus est quæ Domini
 « sunt, quomodo placeat Deo. Qui autem cum uxore
 « est, sollicitus est quæ sunt mundi, quomodo placeat
 « uxori, et divisus est. Et mulier innupta et
 « virgo cogitat quæ Domini sunt, ut sit sancta corpore
 « et spiritu. Quæ autem nupta est, cogitat quæ
 « sunt mundi, quomodo placeat viro. Porro hoc ad
 « utilitatem vestram dico, non ut laqueum vobis injiciam,
 « sed ad id quod honestum est, et quod facultatem
 « præbeat sine impedimento Dominum obsecrandi
 « [Domino observandi]. Si quis autem turpem se
 « videri existimat super virgine sua quod sit
 « superadulta, et ita oportet fieri; quod vult, faciat :
 « non peccat, si nubat. Nam qui statuit in corde suo
 « firmus, non habens necessitatem, potestatem autem
 « habens suæ voluntatis, et hoc judicavit in corde
 « suo servare virginem suam, bene facit. Igitur et qui
 « matrimonio jungit virginem suam, bene facit : et qui
 « non jungit, melius facit. « Mulier alligata est legi,
 « quanto tempore vir ejus vivit; quod si dormierit
 « vir ejus, liberata est (Rom. vii, 2) : « cui vult nubat,
 « tantum in Domino. Beatior autem erit, si sic permanserit
 « secundum meum consilium : puto autem, quod et ego Spiritum
 « Dei habeam. »

EXPOSITIO.

Hic de fornicatore illo finis est; sed hac occasione, quia de fornicatione loqui cœperat, convenienter respondet Corinthiis, qui per litteras eum interrogaverant, scilicet et conjugia celebrare. An necessitas Christianæ religionis cogit eos, debere in continentia perdurare? Erant enim apud eos quidam supra modum religiosi, qui dicerent neminem in opere conjugii manentem posse salvari. Sed Apostolus sciens infirmitatem fidei eorum, patiebatur hoc in illis. Non quod crederet eos salvandos, sed ut sic enutrieret Ecclesiam paulatim ducendo in perfectionem. Littera sic jungitur. Fornicatio est fugienda : nec tamen sic ut conjugium destruamus, sed ut propter fornicationem vitandam unusquisque habeat suam. Et hoc dico respondens ad ea de quibus scripsistis mihi, interrogantes an liceret nubere, an necesse esset continere. Et de hoc respondeo vobis : Quod bonum est utique homini mulierem non tangere illo modo coeundi, sed tamen propter vitandam fornica-

tionem unusquisque habeat suam uxorem, et unaquaque mulier habeat suum virum, hoc concedo. Ubi ait suam uxorem, excludit eos quibus non licitum est legitime ducere uxorem, ut eos qui altari ministrant. Ubi ait mulier habeat virum, excludit eas, quæ non legitime copulantur, nec habent viros, juxta illud in Evangelio : Hic quem « nunc habes, non est tuus vir (Joan. iv, 18). » Licet unum bonum conjugii hic solummodo reponat, scilicet vitiationem fornicationis, ista tamen sunt, scilicet intentio sobolis, fides tori, id est ne fornicentur, et figura veri conjugii Christi et Ecclesiæ. Quando enim Deus primum feminam junxit viro, de costa viri formatam, figuravit Ecclesiam jungendam Christo de latere ejus in cruce formatam. Nec ita vir et uxor conveniant (sicut quidam pseudo prædicant) sine commistione, velut frater et soror cohabitent; sed vir reddat debitum uxori : similiter autem et uxor reddat debitum viro. Sciens hoc quia mulier non habet potestatem sui corporis, ut si velit contineat, sed vir. Similiter et vir non habet potestatem sui corporis, sed mulier, id est neuter potestatem habet continendi sine consensu alterius. Et propterea nolite fraudare invicem, id est non subtrahat se alter alteri in opere conjugii : nisi forte hoc fiat ex consensu utriusque : et hoc non continue, sed ad tempus, et pro hac causa ut purius vacetis orationi. Quod si legitime nuptos oportet continere, ut digne mereantur orare, multo magis illos qui fornicantur. Et eos qui non solum orant, sed quorum manus etiam Dominica sacra tractant, et populo dispensant. Et, tempore orationis præterito, revertimini in ipsum opus conjugii, ne vos a legitimo cessantes tentet Satanas, stimulans vos ad illicita. Et hoc dico propter incontinentiam vestram. Scio enim fragilitatem vestram, quæ magis per indulgentiam nutrienda est, quam per asperitatem deterrenda. Licet propter vitandam fornicationem concesserim vobis ducere uxorem, hoc tamen dico secundum indulgentiam, ne videar vos intemperate cogere. Non hoc dico secundum imperium, ut hujus rei præceptum faciam. Si hoc enim præceptum esset, jam omnes ex necessitate uxores ducerent. Et licet ita vobis indulgeam, tamen ego volo omnes homines esse sicut meipsum : ut quemadmodum ego, sic omnes continerent. Ex hoc verbo intelligitur, Paulus (et hoc testatur Ambrosius) virgo fuisse : sed quidam attestantur uxorem eum prius habuisse. Hic etiam objiciunt, quia, ait, volo continere omnes, quod conjugium destruere vellet, sed nihil est : quia si omnes exemplo Pauli continerent, ipsi idem aliquos ex seipsis conjugia inire cogent, ne bonum Dei institutum periret. Dicit etiam bene Augustinus (lib. De bono conjugii, cap. 10), quia si omnes essent sicut Paulus, cito civitas Dei et numerus fratrum impleretur.

Ne iterum, quia dixerat : Volo vos esse sicut me, putarent se non salvari, nisi per continentiam assimilarentur ei, contra hoc ait Paulus : Licet dicam quod vellem vos imitari me per continentiam,

tamen *unusquisque vestrum habet proprium donum*, A sufficiens sibi ad salutem : quod ego fortassis non habeo. Et hoc donum habet *ex Deo*. Alius quidem sic, quia largus in elemosyna. Alius vero sic, quasi fortis in patientia, magnus in oratione. Sic dico de conjugatis. Hoc autem dico non nuptis, id est virginibus in utroque sexu, et viduis in utroque sexu, quia bonum est illis si sic continendo permaneant : sicut plures, et ego continco. Quod si non se continent, id est continere nolunt, vel non possunt : secundum indulgentiam dico nubant : ideo nubere hujusmodi concedo : quia melius est nubere (non dico quam fornicari), sed (quod minus est) quam uri, id est desiderii libidinis agitari et vinci. Non nuptis et viduis alterum secundum indulgentiam alterum secundum consilium dico : sed *his qui matrimonio juncti sunt* : non solum dico sed *præcipio*, non ego, sed Dominus, id est non mea auctoritate, sed Domini præcipientis in Evangelio, uxorem non discedere a viro. Hoc præceptum quia satis notum erat, imperfectum posuit, prætermittens hoc nisi causa fornicationis. Quod si uxor a viro discesserit, propter fornicationem aut per consensum continentiae, præcipio illam manere in nuptam, aut reconciliari viro suo. Et vir similiter non dimittat uxorem, nisi propter causam præmissam fornicationis. Hic iterum præceptum imperfectum posuit, quia præmiserat. Et est ita intelligendum : Vir non dimittat uxorem nisi propter fornicationem; quam si propter hoc dimiserit, maneat in nuptam, vel uxori reconcilietur. In libro B. Ambrosii hoc tamen invenitur : ideo non totum de viro præceptum esse quod de muliere : quia uxor membrum viri est, et penitus viro subjecta : quare si a viro discedit, non licet adhærere alteri. Sed vir, quia sub se uxorem habet, et ubique dominatur ei : ideo licere viro si justa causa ab uxore discesserit, ducere alteram quod non licet uxori. His non ego præcipio : nam cæteris tantum ego dico non Dominus, id est ex auctoritate mea. Non quod Dominus non consentiat, sed quia auctoritatem ejus de hac re in Scriptura non invenio. Cæteris dico, id est fideli et infideli, et e converso lege conjugii junctis. Hoc utique dico quod si quis frater fidelis habet infidelem uxorem, **110** et hæc infidelis consentit habitare cum illo fideli, non dimittat illam, nec quia fidelis est aspernetur eam infidelem, et e converso. Si qua mulier fidelis habet virum infidelem, et hic infidelis consentit habitare cum illa fideli, non dimittat virum. Vere fidelis mulier non debet dimittere virum infidelem. Nam plerumque vir infidelis sanctificatus, id est fidelis factus est, per mulierem fidelem, cohabitantem ei, et sæpius commonentem eum ad fidem. Vel aliter : Fidelis mulier non dimittat virum infidelem, nam vir infidelis in ipso opere conjugii sanctificatus, id est mundus, est, et hoc per mulierem fidelem, id est per virtutem, fidei quam habet mulier. Et iterum : Vir fidelis non dimittat uxorem infidelem. Nam plerumque mulier infidelis sanctificata est accepta fide

per virum fidelem, inde docentem eam. Vel aliter : Mulier infidelis in ipso coitu sanctificata et munda est, prævalente fide viri sui. Non debent utique vicissim se dimittere propter præmissa, sed simul manere : quia alioquin, id est, si alter alterum dimiserit, filii vestri essent immundi, id est non legitimi, sed spurii. Si enim connubium solvitur, legitimum fuisse non creditur ; et ideo filii non legitimi si se dimittunt, filii sunt immundi : sed nunc, id est, si cohabitant : filii sunt sancti, id est, judicantur legitimi. Vel aliter : Ideo non separemini, alioquin, id est, si aliter fiat, filii vestri essent immundi, id est in infidelitate permanerent. Si enim alter parentum, cum infidelis esset, ad fidem transiret, filii utique illi parenti adhærerent, qui in priori secta remaneret : in qua filii nati essent, et in qua consuevissent. Et ideo amore filiorum bonum est parentes simul manere. Filii utique vestri essent immundi per infidelitatem. Sed nunc si simul manserint parentes, sunt sancti, id est per fidem purificati. Præcipio ne fidelis, sive vir, sive mulier, separetur ab infideli. Quod si infidelis, vel vir, vel uxor, discedit, et non consentit habitare cum fideli, discedat : non sequatur eum qui fidelis est. Ideo dico permittatur infidelis discedere, remanente fideli : Nam frater, aut soror fidelis, non est subjectus servituti in rebus ejusmodi, quæ fidem ejus destruant. Debent utique alter alteri subservire lege conjugii, sed non contra fidem. Dico si discedit discedat : sed tamen mallet vos in pace cohabitare. Nam deus vocavit nos ad fidem in pace, id est, ut conjugii copulam non rumperemus. Si enim nollet nos remanere in conjugio, prius utique amovendi eramus a conjugio, et deinde vocandi ad fidem.

Notandum, quædam esse in quibus Deus vocat hominem : in illis, scilicet opus quorum non contradicit fidei : ut Petrum in piscatione, cui post vocationem ad piscandum reverti licuit. Alia sunt a quibus vocat, ad quæ post fidem reverti non licet, ut Matthæum a teloneo vocatum, nec ad opus telonei postea reversum. Inde apparet, quia fides Christi nemini statum priorem aufert, solummodo fidem non destruat. In pace propterea vobis cohabitandum est, quia unde scis, tu, mulier fidelis, si salvum facies virum infidelem? Aut unde scis, tu, vir fidelis, si salvam facies mulierem infidelem? nisi sic ambulet quisque vestrum, sicut Deus divisim proposuit unicuique vestrum. Viro scilicet, ut regat uxorem, uxori ut subserviat viro : et unde adhuc hoc scitis nisi ambulet quisque vestrum ita sicut Deus vocavit unumquemque, ut si in conjugio vocatus fuit, maneat in conjugio? Si simul habitaveritis tunc sciri poterit, an fidelis infidelem lucrabitur : sed si separamini, quomodo hoc scietur? Et hoc dico vobis in conjugio simul manere, sicut in omnibus Ecclesiis doceo. Hoc ideo dicit, quia imponebant ei quidam quod Corinthiis (quia nimis carnales erant) conjugia indulgebat, quæ ab aliis Ecclesiis penitus interdicebat. Sicut modo dixit non esse

mutandum statum conjugii propter fidem, sic per A simile alios status, in quibus vocati sunt, concedit; salva tamen integritate fidei. Et illud: Sicut in omnibus Ecclesiis doceo, sequenti litteræ **III** conjungit, ita: Qui vocatus est in conjugio, permaneat in eo. Et sicut ego in omnibus Ecclesiis doceo: *Si aliquis circumcisis vocatus est, id est, in ritibus Judæorum qui fidem non violant, ille non cogatur adducere præputium, id est morem gentilitatis, ut cogatur uti cibus, quos non consueverunt, qui nec nocent, nec adjuvant comesi, vel non comesi. Iterum si aliquis vocatus est in præputio, id est in gentilitate, non circumcidatur, id est non cogatur sequi ritus Judæi. Neuter utique cogendus est, quia nec circumcisio aliquid est, nec præputium aliquid est, id est nec abstinere nec comedere hos cibos prodest, vel nocet ad beatitudinem, sed solummodo observatio mandatorum Dei ad habendam beatitudinem sufficit. Et sicut de circumciso et præputiato hoc universaliter dico, quod unusquisque veniens ad fidem, permaneat in eo statu in quo vocatus est; et sciat hunc statum vocationem Dei, quia (sicut supra dixi) si Deus hunc statum negligeret, nunquam vocasset eum ad fidem, quandiu in eo fuisset, et ideo si tu vocatus es servus, non sit tibi curæ manere in servitute; sed et si potes liber fieri aliquo modo, magis utere ipsa servitute, quia quanto plus nunc deprimeris, tanto plus in futuro exaltaberis. Ideo dico magis utere servitute; quia ille qui vocatus est servus manens in Domino, hic est libertus, id est servus Domini; et similiter servus est Christi ille, qui liber vocatus est. Servus et libertus hic idem significant, sed honestius vocabulum servo dedit, ut magis alliceret eum sibi. Quod quia uterque servi estis Christi, propterea nolite fieri servi hominum; ita quod in vobis pereat servitus Christi; et est præmissa causa: *empti enim estis pretio sanguinis Christi. Et licet dicam, nolite fieri servi hominum; tamen unusquisque frater, id est fidelis vocatus est in servitute vel in libertate, in hoc maneat, et ita quod apud Deum. Propter vitandam fornicationem, concessit superius unumquemque voluntatem habere suam. Dedit etiam præceptum Domini de conjugatis, ne a se invicem discederent. Dedit præceptum suum de his quorum alter esset fidelis, ne ab infideli discederet.**

Sed quia præceptum permanendi in virginitate non dederat, querere possent Corinthii, quare hoc præterisset. Ad hoc respondet Paulus. Littera sic jungitur: De conjugatis præceptum Domini; de his autem quorum alter fidelis est, meum præceptum dedi. Sed de virginibus præceptum ideo non determino; quia inde præceptum Domini non habeo. Non enim invenio in scriptis, Dominum præcepisse ut omnes perseverent in virginitate: et quia præceptum Domini super hoc non habeo, propterea do consilium illud supradictum: Bonum est virginibus, si sic permancant ut ego, etc.; nunc autem consilium istud approbat, dicens: Hoc utique consilium

meum tenendum est. Hoc enim dico; *tanquam misericordiam consecutus a Domino. Misericordiam vocat hic et remissionem peccatorum, et maxime apostolatam suam, quod utrumque per gratiam accepit a Domino. Ita misericordiam consecutus sum, ut sim fidelis in commisso apostolatu: fideliter enim dispenso mysteria fidei credita mihi a Deo, in quo quia fidelis sum, non est ambigendum, quin utile sit consilium meum. Et quia fidelis sum, ergo secundum fidem existimo hoc prædictum consilium esse bonum, scilicet permanere in virginitate, si possunt, ut ego. Bonum utique, est propter vitandam necessitatem instantem, id est, quæ quotidie instat conjugatis in nutriendis filiis, et in se alterutrum sustentandis, etc. Majus bonum est virginitatis beatitudo permanens, quæ merito virginitatis acquiritur, quam vitare penurias mundi, sed infirmis auditoribus temporale bonum virginitatis præterdit. Quia enim carnales, erant, sciebat eos magis utilitate carnis posse ad bonum induci, quam utilitate spiritus; quia spirituales non erant. Hoc ideo existimo bonum esse, quoniam ita est in veritate. Quod sic ait: *Bonum est homini utriusque sexus esse permanere, scilicet in virginitate vel continentia.**

III Quia adeo bonum continentiam prætulit, ne ideo putarent conjugati debere solvi matrimonia, et continere, contra hoc Paulus opponens ait: Licet dixerim bonum esse sectari castitatem, tamen si alligatus es uxori, noli querere solutionem, bona enim est castitas conjugalitatis. Opposita sententia. Sed quia melior est continentia vidualis, si solutus es ab uxore, noli iterum querere uxorem, sed contine. Iterum ne inapti dicerent: Verum quidem est quod conjugati non debent dissolvi, sed nos qui in lege conjugii non tenemur, peccatum facimus si nupserimus? contra hoc Paulus: Licet bonum sit homini esse in castitate, tamen si tu vir acceperis uxorem, non peccasti; et si virgo nupserit, non peccavit. Sed licet virginibus sine peccato nubere liceat, tamen si nupserint, habebunt tribulationem carnis hujusmodi, id est, quæ sequitur modum conjugii, scilicet gemitus ventris, nutrimenta filiorum, et similia. Conjugatæ habebunt quidem tribulationem carnis, sed ego vobis virginitatem custodire volentibus parco, dum ad ea vos provoco, quæ tribulationes carnis et memoratas sollicitudines excludunt. Postquam concessit, ut quæ nolunt continere nubant, determinat quomodo secundum salutem animæ in conjugio se debeant habere, dicens: Quia sine peccato accipere uxorem concessi, itaque, id est, ut sine peccato maneatis in conjugio, determino vobis, ut qui habent uxores, sint tanquam non habentes, id est, non magis voluptati quam Deo inservientes. Et qui flet de damnis sæcularibus, sic foris fleant ut interius per spem gaudeant; et qui gaudent ex prosperitate temporali, ut intus spiritualiter timeant, nec dolent se corrumpendos felicitati, nec adversitati frangendos. Quod autem sic se habere debeant hoc dico, fratres, quia tempus istud breve est, et in

proximo est finis. Unde quia tempus breve est, hoc *est reliquum*, id est, hoc solum salutem relinquitur, *ut qui habent uxores, sint tanquam non habentes; et qui flent, tanquam non flentes; et qui gaudent, tanquam non gaudentes*, ut quidquid in hoc mundo est pro parvitate temporis potius non esse videatur quam esse; *et qui emunt, sint tanquam non possidentes*, id est utantur velut sine quibus non possunt, sed non delectentur; *et qui utuntur hoc mundo, faciant tanquam non utantur*, id est totum ex necessitate, nihil ex delectatione: propterea sic respiciendus est mundus, *quia figura hujus mundi præterit*. Mundus quidem non præteribit, sed formæ substantiarum ejus destruentur, ut aurum rubore perditore dicitur in terram, et cætera similiter. Damnatis enim impiis, figura hujus mundi mundanorum ignium conflagratione peribit, sicut factum est mundanarum aquarum inundatione diluvium. Et quia figura mundi præterit, ideo *volo vos esse sine sollicitudine*, ne gravati terrenis damnum cœlestium incurrat. Sine sollicitudine dicit, ut conjugati quantum possunt exonerent se mundanis. Continentes sint expertes totius mundanæ sollicitudinis.

Et ita exsequitur dicens: Volo quidem omnes esse sine sollicitudine, sed tamen alter expeditior est ad hoc, alter impeditior. *Qui enim sine uxore est, virgo, vel continens sollicitus est*, id est sollicitus esse potest in his quæ sunt Domini, id est quæ ad Deum pertinent. Licet etiam esse sollicitum, *quomodo placeat Domino*. Ubi ait: *Sollicitus est quæ sunt Domini*, intelligit de his quæ salutem sufficiunt, et sine quibus nemo salvatur. Ubi ait: *Quomodo placeat Deo*, intelligit illam summam perfectionem, cui non sufficit hoc solum, quod necessarium est salutem, nisi bona sua pauperibus disperserit, mundam deseruerit, nudus nudam crucem secutus sit. Qui sine uxore est, sic ei licet: *qui autem cum uxore est*, cogente necessitate sollicitus est de his quæ sunt mundi, ut ministret uxori et pueris, sine quibus durare nequeunt. Sollicitus etiam est *quomodo placeat uxori*, dando monilia, **113** præparando ornamenta, et sic *divisus est*, quia ex maxima parte distrahitur in cultu uxoris, et cultura familiæ: et satis modica pars ejus obsequio Dei relinquitur. Sicut vir continens cogitat ea quæ sunt Domini: sic etiam mulier quæ innupta est, id est virgo et vidua, *cogitat ea quæ sunt Domini: ut sit sancta et corpore et spiritu*, id est per utramque integritatem corporis et spiritus. Ea vero quæ nupta est, *cogitat ea quæ sunt mundi*, id est necessaria domui, et *quomodo placeat viro* in superfluis; et cum ita commendem vobis continentibus continentiam bonum, porro, id est non aliter, hoc dico, quam ad utilitatem vestram, scilicet non ut per hoc injiciam vobis laqueum, cogens vos vivere virginitatem, quod votum postea frangatis: sed hoc dico, hortando vos ad id, quod est honestum, id est a contagione alienum, et quod præbeat facultatem obsecrandi vos Domino sine impe-

dimento tribulationis carnis. Per hoc enim potestis observare munditiam vestram, cum ad hoc non impediatur vos tribulatio carnis, quæ conjugatas premit. Fortassis dicerent parentes: Virginibus quidem nubere licet, sed nostra culpa est quod filias nostras, ut in virginitate maneat, non cogimus. Contra hoc Paulus ait: Licet continentem dixerim habere facultatem ut sine impedimento serviant Domino, quod non habent conjugatæ, tamen *si quis pater existimat se videri turpem*, id est timet se infamari super, id est, de virgine sua volente nubere: *quod illa sit non solum adulta: sed et superadulta: etsi ita oportet fieri*, quia nisi maritetur, in proximo est infamia, *faciat pater quod vult filia*. In hoc enim non peccat pater, *si nubat filia*, quæ mavult conjugium quam castitatem. Iterum, quia quidam patres filias in proposito virginitatis manere volentes, cupiditate dotis, et ut habeant incrementum generis, et pro hujusmodi cogunt violenter nubere, interdicit Paulus, ne hoc fiat. Littera sic jungitur: De Patre qui filiam volentem permittit nubere, dico quod non peccat: nam de illo qui filiam volentem concedit manere in virginitate, quid aliud dicam, nisi quod benefacit? Ille utique *qui statuit in corde suo*, id est qui rationabili disponit concilio: ille dico firmus, et perdurans, in hoc non utique habens necessitatem prædictam: quia de filia non timet infamiam: *sed habens potestatem suæ voluntatis efficiendæ*, quia filia consentit: *et qui hoc non solum statuit: sed etiam judicavit*, id est deliberationes in corde suo fecit: considerando pondus conjugii, admirando decus virginitatis. Hic utique si judicavit *servare virginem suam*, benefacit, dum eam volentem in virginitate custodit. Quandoquidem qui volentem permittit nubere, non peccat: et qui nolentem nubere bene facit, si conservat in virginitate. *Igitur et qui matrimonio jungit virginem suam, ita volentem bene facit: et qui non jungit nolentem jungi, bene et melius facit*. Sicut de virginibus dixi, non peccat quæ nubit: et quæ non nubit, melius facit: sic de mulieribus, quod illa quæ viro juncta est non peccat: sed quæ in castitate manserit, beatior erit. Quod ita ait: *Mulier alligata est viro, quanto tempore vivit vir ejus. Quod si dormierit vir ejus, liberata est a lege viri. Et licet nubere cui vult*, tantummodo in Domino, id est legali more conjugii. Sed quamvis liceat ei nubere: tamen erit perfectior si permanserit sic, id est innupta, agens secundum consilium meum. Quid inde dicerent illi, si tu ita consulis? Ad hoc Paulus: Non est spernendum consilium meum: quia *puto quod sicut alii apostoli: sic et ego habeam spiritum Dei*, et per spiritum, gratiam consilii.

CAPUT VIII.

De his autem, quæ idolis sacrificantur, scimus quia omnes scientiam habemus: scientia inflat, charitas vero ædificat. **114** Si quis autem se existimat scire aliquid, nondum cognovit quem admodum oporteat eum scire. Si quis autem diligit

Deum, sic cognitus est ab eo. De escis autem quæ
 idolis immolantur, scimus quia nihil est idolum
 in mundo : et quod nullus Deus nisi unus. Nam
 et si sunt qui dicantur dii, sive in cælo, sive in
 terra (si quidem sunt dii multi, et domini multi)
 nobis tamen unus Deus, Pater ex quo omnia, et nos
 in illo : et unus Dominus Jesus Christus, per quem
 omnia et nos per ipsum, sed non in omnibus est
 scientia. Quidam autem cum conscientia usque
 nunc idoli, quasi idolothytum manducant ; et con-
 scientia ipsorum cum sit infirma, polluitur ; esca
 autem nos non commendat Deo. Neque enim
 si non manducaverimus, deficiemus ; neque si
 manducaverimus, abundabimus. Videte autem ne
 forte hæc licentia vestra offendiculum fiat infirmis.
 Si quis enim viderit eum, qui habet scientiam in
 idolio recubentem : nonne conscientia ejus, cum
 sit infirma, ædificabitur ad manducandum idolo-
 thyta ? Et peribit infirmus in tua conscientia frater
 propter quem Christus mortuus est ? Sic autem
 peccantes in fratres, et percutientes conscientiam
 eorum infirmam, in Christum peccatis. Qua-
 propter si esca scandalizat fratrem meum, non
 manducabo carnem in æternum, ne fratrem
 meum scandalizem. »

EXPOSITIO.

Error erat in Corinthiis de usu ciborum. Quidam
 enim scientes omnia esse munda, sana fide come-
 debant omnia. Hi autem qui fide infirmi erant, cum
 viderent prudentiores se idolothyta comedere, cre-
 debant eos sub veneratione idoli sic agere, et dice-
 bant : Bonum est ut revertamur ad idolothyta. Nisi
 enim intelligerent aliquid esse idolum, non come-
 derent immolata illis hi, qui inter nos prudentiores
 sunt. Cum autem sic quidam eorum errarent nole-
 bant tamen desistere prudentiores a cibus illis, et sic
 percutiebant conscientias infirmorum. Et de hujus-
 modi incipit hic Paulus dicens : De conjugiiis per
 epistolam interrogastis me : sed de his quæ sacrifi-
 cantur idolis, nihil requisistis a me : nec oportuit,
 quia scimus, id est et vos scitis et ego scio ; et cum
 æqualiter sciamus, non oportuit vos quærere a me :
 et hoc dicit ironice. Scimus utique de his, quia
 omnes non hanc solam, sed habemus quamcunque
 scientiam. Modo improbat hanc scientiam, per
 malum quod inde sequitur, dicens nos utique
 scimus : sed scientia ista non satis laudanda est :
 quia inflat, id est facit vos superbire contra infirmos
 fratres, in quibus non ex charitate agitis, sed male :
 quia charitas ædificat, nutriens virtutes in perfec-
 tionis consummationem, et ideo scientia vestra
 inflat, quia non contemperatur charitate. Impro-
 bavit scientiam eorum per malum superbiz, conse-
 quens illam ; nunc ipsam scientiam : ostendens eos
 inscientes, in quo se existimant esse scientes. Li-
 cet dixerim vos scientes, tamen si quis existimat se
 scire aliquid, uti vos, sine charitate ; profecto hic
 mundum cognovit ad quem modum oporteat eum scire.

Modus enim hic est, scientiam contemperari chari-
 tate. Opposita sententia : Qui inflatur, scientiæ mo-
 dum non cognovit : sed si quis diligit Deum, quia
 habet charitatem proximi, hic utique cognitus et
 approbatus est a Deo. Nunc determinat scientiam
 eorum, in quo laudanda sit, et in quo reprobanda
 dicens : Scimus quod diligens Deum, a Deo cogno-
 scitur. De escis autem quæ immolantur idolis, scimus,
 id est, vos fide firmi mecum scitis, quod idolum
 nihil est in mundo, id est in creatione mundi. Deus
 quidem lapidem vel lignum unde formatur idolum,
 creavit, sed facturam idoli non fecit. Non enim
 creaturæ illi ex Deo hoc provenit, ut dicatur idolum,
 sed ab artifice. Et hoc etiam scitis, quod non est
 ullus Deus nisi unus solus, unde constat idolum non
 esse Deum. Vere unus tantum est Deus. Nam et si
 sunt qui dicantur dii : sive in cælo, ut angeli ; sive
 in terra, ut apostoli ; juxta illud : « Ego dixi : Dii
 estis (Psal. xxvii, 1). » Bene dico dicantur dii, qui,
 siquidem in veritate sunt multi dii : et in diis multi
 domini, **115** ut in cælo archangeli dominantur ange-
 lis ; in terra apostoli martyribus. Licet utique sint
 multi dii, nobis tamen est unus Deus Pater, ex quo in
 principio creata sunt omnia, et nos creati subsistimus
 in illo per gubernationem ejus ; et unus Deus
 est Dominus Jesus Christus. Et bene de unitate Chri-
 sti cum Patre subdidit. De hoc enim hæsitabant
 Corinthii, per quem Jesum Christum facta sunt omnia.
 Pater enim omnia condidit in Filio, et nos per
 ipsum Christum mediantem sumus in Deo. Sed licet
 in his sanam habeamus scientiam, tamen non in om-
 nibus scientia nostra æque perfecta. Vere non in
 omnibus ; quidam enim non integræ fidei, conscientia
 idoli manente usque nunc, qua idolum venerandum
 esse credunt, manducant quasi idolothytum, id est
 immolata idolo sub veneratione idoli. Et hoc fa-
 ciendo polluitur conscientia ipsorum, cum sit infirma
 pro imperfectione fidei : illos quidem polluit esca,
 qua utuntur, quia nos vident uti, sed illa esca non
 commendat nos Deo. Nunquam enim propter hanc
 escam chariores erimus Deo. Quare non in hoc de-
 beremus offendere. Vere hæc esca non commendat
 nos Deo : nam si non manducaverimus hanc escam
 neque ideo deficiemus a Deo, neque si manducave-
 rimus, propterea abundabimus in bono. Et quando-
 quidem nil impedit abstinere, nil adjuvat comedere :
 Videte ergo, ne forte hæc licentia vestra noceat. Li-
 cet utique secundum sanam fidem vestram, sed non
 ita licet ut per hoc fiat offendiculum infirmis fratri-
 bus, quod contuitu nostro manducando idolothyta
 peccent, quia sub veneratione idoli. Propterea dico
 ne fiat offendiculum ; quia si quis non sanæ fidei vi-
 derit eum recubentem in idolo, id est in loco ubi
 immolatur idolo ; eum dico qui habet scientiam quod
 omnis creatura Dei munda sit, nec contaminetur
 propter idolum si sana fides sit, videns hoc infir-
 mus, nonne conscientia ejus cum sit infirma anima-
 bitur exemplo tuo ad manducandum idolothyta, sub
 veneratione idoli ? Et sic per infirmam conscien-

tiam peribit infirmus frater in tua scientia, cujus A
exemplo comedit.

Nec hoc leve putes, quia hic est frater, propter
quem Christus mortuus est, et propter quem modicum
cibum non vis dimittere, nihil tibi conferentem? Et quia in tua scientia peribit frater, peccas
in fratrem. Sic autem peccantes in fratres, et per-
cipientes cibo vestro infirmam conscientiam eorum,
peccatis contra Christum qui mortuus est propter
infirmum. Quapropter, id est, quia peccare in fra-
trem, peccare est in Christum, si esca mea scanda-
lizat fratrem meum, non manducabo carnem in æternum.
Verum quidem est, quia in æternitate nemo
uleatur cibo carnis, sed ideo sic ait ut magis deter-
reat a scandalo fratris, cum dicit: Quia si in æternum
cibus carnis comederetur sibi, respneret eum B
ne poneret offendiculum fratri, ideo nollem in æternum
manducare carnem. Non ideo solum ne fratrem
meum peccare facerem, sed ne eum scandalizarem,
id est saltem animo contristem.

CAPUT IX.

« Non sum liber? Non sum apostolus? Nonne
« Christum Jesum Dominum nostrum vidi? Nonne
« opus meum vos estis in Domino? Et si aliis non
« sum apostolus, sed tamen vobis sum: nam si-
« gnaculum apostolatus mei vos estis in Domino.
« Mea defensio apud eos qui me interrogant, hæc
« est. Nunquid non habemus potestatem mandu-
« candi et bibendi? Nunquid non habemus potesta-
« tem mulierem sororem circumducendi, sicut et
« cæteri apostoli, et fratres Domini, et Cephas? C
« Aut solus ego et Barnabas, non habemus potesta-
« tem hoc operandi? Quis militat suis stipendiis
« unquam? Quis plantat vineam, et de fructu ejus
« non edit? Quis pascit gregem, et de lacte gregis
« non manducat? Nunquid secundum hominem
« hæc dico? An et lex hæc non dicit? Scriptum
« est enim in lege Moysi: « Non alligabis os bovi
« trituranti (Deut. xxv, 4; 1 Tim. v, 18). » Nunquid
« de bobus cura est Deo? An propter nos utique
« hoc dicit? Nam propter nos scripta sunt, quoniam
« **116** debet in spe qui arat arare; et qui tri-
« turat, in spe fructus percipiendi. Si nos vobis
« spiritualia seminavimus, magnum est si nos car-
« nalia vestra metamus? Si alii potestatis vestræ
« participes sunt, quare non potius uos? sed non
« usi sumus hac potestate. Sed omnia sustinemus,
« ne quod offendiculum demus Evangelio Christi.
« Nescitis, quoniam qui in sacrario operantur, quæ
« de sacrario sunt, edunt? Et qui altari deserviunt,
« cum altari participant? Ita et Dominus ordinavit
« his qui Evangelium annuntiant, de Evangelio vi-
« vere. Ego autem nullo horum usus sum. Non
« autem scripsi hæc, ut ita fiant in me. Bonum est
« enim mihi magis mori, quam ut gloriam meam
« quis evacuet. Nam si evangelizavero, non est mihi
« gloria: necessitas enim mihi incumbit: vae enim
« mihi est, si non evangelizavero. Si enim volens
« hoc ago, mercedem habeo; si autem invitus,

« dispensatio mihi credita est. Quæ est ergo merces
« mea? Ut Evangelium prædicans, sine sumptu po-
« nam Evangelium, ut non abutar potestate mea in
« Evangelio. Nam cum liber essem ex omnibus,
« omnium me servum feci, ut plures lucrifacerem.
« Et factus sum Judæis tanquam Judæus, ut Judæos
« lucrarer; iis qui sub lege sunt, quasi sub lege
« essem (cum ipse non essem sub lege), ut eos qui
« sub lege erant lucrifacerem; iis qui sine lege erant,
« tanquam sine lege essem (cum sine lege Dei non
« essem, sed in lege essem Christi), ut lucriface-
« rem eos, qui sine lege erant. Factus sum infirmis
« infirmus, ut infirmos lucrifacerem. Omnibus om-
« nia factus sum, ut quos facerem salvos. Omnia
« autem facio propter Evangelium, ut particeps ejus
« efficiar. Nescitis, quod hi qui in stadio currunt,
« omnes quidem currunt, sed unus accipit bravium?
« Sic currite ut comprehendatis. Omnis autem qui
« in agone contendit, ab omnibus se abstinet: et
« illi quidem ut corruptibilem coronam accipiant,
« nos autem incorruptam. Ego igitur sic curro, non
« quasi in incertum; sic pugno, non quasi aerem
« verberans; sed castigo corpus meum, et in ser-
« vitudinem redigo, ne forte cum aliis prædicaverim,
« ipse reprobus efficiar. »

EXPOSITIO.

Dissuadet iterum ab offendiculo fratris dicens:
Licet sana sit fides vestra, debetis tamen abstinere a
cibus pro quibus offenditur infirmitas fratris; quem-
admodum videtis me, qui cum habeam potestatem
accipiendi temporalia a Corinthiis, quibus prædico,
nolo tamen offendiculum præbere infirmitati eorum.
Et quod posset accipere ab eis jure prædicationis
præmittit, dicens: Possum quidem a vobis carnalia
accipere, si voluero; quia nonne sum ego liber?
Nonne habeo libertatem illam quam habent alii apo-
stoli, qui de prædicatione sumptus accipiunt? Sic
ideo ait, quia bonum suum illi pseudo verterant in
malum dicentes: Ideo non a vobis necessaria acci-
pit; quia scit se non esse apostolum, cum illi solum
sint apostoli, qui cum Christo in terris conversati
sunt, hic autem non vidit eum. Vere liber sum, ut
alii: Nonne ego sum apostolus? Non, dicerent illi;
quia non vidisti Christum. Contra hoc Paulus: Sum
utique apostolus. Nonne vidi Christum Dominum
nostrum? Vidit eum in hora vocationis, quando di-
ctum est ei: « Saule, Saule, quid me persequeris? »
(Act. ix, 4.) Vidit iterum eum, quando illi oranti in
templo dictum est: « Portabis nomen meum in gen-
tibus, » etc. (Act. xxiii, 11.) Sum apostolus, quia
vidi Christum. Sum etiam ideo, quia nonne opus
meum, id est mei apostolatus vos estis: et hoc in
Domino, cujus gratia in me, et in vobis operatur,
sine omni merito. Vos utique estis meum opus in
Domino quia etsi, id est licet, aliis non sum aposto-
lus (quod utique sum), sed tamen vobis apostolus
sum. Vere vobis præcipue. Nam vos estis signacu-
lum apostolatus mei, id est quia signatæ et expresse
sunt in vobis gratiæ Dei, per ministerium mei apo-

stolatus. Ideo vos estis approbatio apostolatus mei : et hoc totum in Domino, quia et apostolatus mei et gratiæ vobis datæ sunt, per misericordiam Dei. Hoc ideo dicebat, quia Corinthii acceperant diversas gratias, ut curationes, et genera linguarum, quam gratiam aliis præferebant, cum esset minima, **117** ut ipse dicitur est. Et quod per gratias acceptas estis signaculum mei apostolatus, hæc est mea defensio, id est, per hoc defendor et comprobor esse apostolus apud eos, qui me interrogant, id est, qui dubitant de me; quia non corpore cum Christo conversatus sim, utrum sim apostolus, an non. Postquam probavit se apostolum, probat quod jure apostolatus possit accipere temporalia ab his, quibus ministrat spiritualia, dicens : Quandoquidem (sicut probatum est) apostolus sum. Nunquid non habemus potestatem manducandi et bibendi apud eos quibus prædicamus? Et nunquid non habemus potestatem circumducendi mulierem, id est, ut circumquaque nobiscum ducamus mulieres, quæ nobis de suis temporalibus ministrent. Mulierem dico non in opere carnis, sed fide et pia conversatione sororem. Hanc formam habendi fideles mulieres in comitatu suo traxerunt apostoli a Domino Jesu, qui ideo mulieres secum cohabitare voluit, ut ostenderet sicut virum, ita se redimere mulierem. Unde quidam dubii erant propterea, quia mulier causa fuit totius perditionis. Nunquid, inquam, possumus hoc sicut et cæteri apostoli possunt; etiam fratres Domini, scilicet, Jacobus Hierosolymitanus, et Judas Zelotes, qui Jacobi frater dicitur, et sicut Cephias, id est, Petrus qui utique mulieres in suo comitatu habuit? Et cum omnes habeant, aut ego solus et Barnabas, qui mecum laborat in Evangelio, non habemus potestatem operandi hoc, id est, ut quemadmodum alii, sic et nos accipiamus a subditis? Quod licitum sit ei accipere probat, et humanis rationibus, et per legem veterem, et per Evangelium, dicens : Vere debemus ex licito hoc operari. Quis enim unquam militat in castris, vivens de propriis stipendiis? Lex militiæ non patitur hoc. Et, quis plantat vineam, et non edit fructum ejus? Et, quis pascit gregem, et non manducat de lacte gregis? Sed, nunquid secundum hominem, id est, secundum humanas rationes dico, et approbo hoc quod carnalia a subditis accipere debeam? Dico etiam hoc per legem; quia an etiam lex hæc non dicit? Dicit utique, quia sic scriptum est in lege Moysi : Non alligabis os bovi trituranti (Deut. xxv, 4; I Tim. v, 18) in area, sed comedet de his quæ triturat.

Diceret carnalis : Quid ad te? De bove enim hoc præceptum est, non de homine. Contra hoc Paulus : Nunquid Deo cura est bobus in lege, ut de eis præceptum ibi posuerit? De bobus utique non est hæc cura Deo. Sed an propter nos utique hoc dicit? Vere propter nos : nam etiam hæc alia propter nos scripta sunt, scilicet, quod ille, qui arat, debet arare in spe percipiendi temporales fructus, et ille qui triturat, in spe percipiendi fructus triturat. Arare dicit spi-

nas infidelitatis eradicare de bono fidei, cum qui infidelis est excolere. Triturare dicit, postquam jam sunt in Ecclesia, accepta fide triturat eos prædicator, separans grana a paleis, bonos a malis. Et qui arat, et qui triturat, meretur accipere temporalia. Probat iterum idem aliis rationibus dicens : Et si nos prædicatores seminavimus vobis spiritualia, magnum est modo, id est, nullius pretii reputari debet si nos metamus a vobis vestra carnalia? Et si alii, id est pseudodoctores, sunt participes vestræ rei, ita ut potestati suæ faciant de vestris quod placet, quare non potius nos, qui sanam doctrinam ministramus? Probato quod sit apostolus, et quod lege ministerii potestatem habeat accipiendi ab eis, tandem venit ad illud, propter quod incæpit dicens : Licet apostoli essemus et potestatem ex apostolatu haberemus, tamen non sumus usi hac potestate, ut aliquid a vobis acciperemus.

Dicerent illi : Fortasse non indignistis. Egemus utique, sed tamen sustinemus omnia, famem, sitim, nuditatem. Propterea ne demus aliquid offendiculum Evangelio Christi, id est, ne in aliquo videamur impedire bonum nostræ prædicationis. Timebat Paulus in hac re **118** plura offendicula; quia si acciperet ab eis qui minus erant avari, mallent non audire prædicationem, quam dare temporalia. Præterea, quia si Paulus acciperet, acciperent similiter pseudo: qui licet Paulo adversarentur, tamen in hoc ei in quibusdam eum sequebantur, non audentes facere quod Paulus non accipiebat; qui si exemplo Pauli occasionem accipiendi haberent, pro paucis cibis (quia gulosi erant) absolverent eos a magnis peccatis, et hac occasione ipsi Corinthii securius peccarent. Non utimur potestate, ne faciamus offendiculum. Ideo enim non dimittimus quin nobis liceat : nescitis enim, quod qui in sacrario, id est in opere templi, ut in cortinis, vel in aliqua reparatione operantur, edunt illa quæ sunt de sacrario? Sacrarium dicitur quasi secretarium post altare. Et, an nescitis, quod sacerdotes qui deseruiunt altari, partem capiunt cum altario? Pars enim super altare comburebatur, et pars sacerdotibus in cibis reservabatur. Vel aliter, ut illud præmissum de gentilibus dicamus : Nescitis quoniam hi qui operantur in sacrario gentilium, edunt ea quæ sunt de sacrario? Et qui serviunt altari Judæorum, participant cum altario? ita, id est eodem ordine, vivere, scilicet, de prædicatione, ordinavit Dominus his qui annuntiant Evangelium, ubi ait in Evangelio : Edentes et bibentes quæ apud illos sunt (Luc, x, 7), etc. Et licet Dominus sic ordinauerit, tamen ego non sum usus aliquo horum, vel cibo, vel potu, vel tegumento.

Dicerent illi : Callide Paulus agit ita loquens, quod prius simpliciter non accepit, modo duplicatum recipiat. Contra hoc Paulus : Licet ita scribam, tamen non ideo scripsi hæc, scilicet, me non fuisse usum aliquo horum, ut ita fiant in me deinceps, id

est, ut quod prius non cœpi, modo multiplicatum recipiam : ideo nec feci, nec amodo volo fieri in me, quia magis bonum est mihi mori nedom pati penuriam, quam ut quis evacuet gloriam meam, id est remunerationem quam exspecto de Evangelio. Si enim cum offendiculo fratris evangelizarem, gloriam utique meriti mei evacuarem. Vel ita : Bonum est mihi magis mori, quam modo moriar. Nunc enim multis tribulationibus morior, sed malle adhuc majori egestate mori, quam ut quis evacuet gloriam meam. Vere gloria mea ne evacuetur timendum mihi est. Nam si ego evangelizavero sic, id est cum offendiculo fratris, cupiditate accipiendi sumptus a vobis, jam non est mihi gloria, sed perit remuneratio mei. Vere non debetur mihi gloria : nam necessitas, id est egestas incumbit mihi quæ me evangelizare cogit, ut sic habeam stipendia. Vere necessitas incumbit : nam si non evangelizavero, est mihi vœ, id est dolor egestatis, famis scilicet et nuditatis. Si ex necessitate evangelizavero, non est mihi gloria. Si autem hoc ago volens, id est ex voluntate tantum, non pro cupiditate sumptuum : tunc habeo mercedem mei Evangelii. Vel aliter, ad hoc quod superius dixit : Malo mori, quam gloriam meam evacuari.

Diceret aliquis : Si Evangelium tuum res talis esset, pro qua, si non fleret, non deficeremus ; vel pro qua, si sit, non in melius abundemus, ut esset idolothyta sana fide comedere, credi posset quod gloria tua periret, si cum offendiculo fratris evangelizares. Sed quia Evangelium tuum res tantæ dignitatis est, per quam salventur homines, non est credibile quod pro offensione infirmi fratris pereat gloria tua de Evangelio. Evacuabitur pro certo, ait Paulus : Nam si evangelizavero tantum, et ab offendiculo fratris non declinavero, non erit mihi gloria pro solo evangelizare. Nullius enim meriti est sic evangelizare, ut offensionem fratris non caveamus. Vere non est multum evangelizare solummodo. Nam necessitas evangelizandi incumbit mihi, ex injuncto officio. Et vere necessitas officii mei evangelizare me cogit. Nam vœ, id est, damnatio mihi est si non evangelizavero. Et inde palam est quod non est tanti evangelizare, cujus gloria propter offendiculum fratris non pereat. Si ex necessitate

119 ministerii mei tantum evangelizavero, non est mihi gloria : sed si hoc ago volens, non ut cupiditate sumptus fratrem offendam, tunc habeo ego de Evangelio meo mercedem. Sed si hoc facio invitus, id est necessitate coactus, parvipendens offendere fratrem, hoc quidem verum est quod dispensatio donorum Dei credita est mihi, id est quod non minus propter peccatum meum dispensat Deus gratias suas, sed tamen sine mercede mea. In hoc verbo mihi invito et peccanti per offendiculum fratris credita est dispensatio gratiarum Dei, accipitur sancti auctoritatem : quod licet minister malus sit, dona tamen Dei per eum dispensata non minuuntur, propter peccatum illius, sicut nec augentur propter justitiam ejus. Et quia dixi si volens hoc ago, tunc ex voluntate

PATROL. CLIII.

mercedem habeo. Ergo dicamus modo quæ est merces mea, id est qualis debet esse voluntas, pro qua mihi merces veniat : talis esse debet voluntas, ut ego prædicans Evangelium ponam, id est colloquem Evangelium, et fundamentum ejus constituam, sine sumptu accepto a Corinthiis pro quo offenderentur. Ideo sine sumptu, ut non abutar, id est ut non male utar potestate mea, concessa mihi in Evangelio. Potens enim sum de Evangelio sumptus accipere, sed si fratrem in hoc offendero, male utor hac potestate. Credendum est quod sine sumptu ponam Evangelium, ne offendatur infirmitas auditorum : nam (quod sumptu majus est) cum liber essem ex omnibus, et nulli eorum aliquid deberem, feci me servum omnium, ut sic lucrificerem plures. Et qui pro utilitate eorum jugum servitutis sub omnibus habui : credendum est quod a sumptu contineam, timens offensionem fratris, pro quo lucrando servum me exhibui. Vere servum omnium me feci ; nam Judæorum, Samaritanorum, gentilium, et infirmorum fratrum. Quod ita exsequitur : Factus sum Judæis tanquam Judæus, condescendens ritibus eorum, abstinendo a carnibus a quibus abstinebant, ut sic lucrarer Judæos, libentius mihi acquiescentes, quia ritus eorum non aspernarer. His etiam qui sub lege sunt, id est Samaritanis, qui quinque libros Moysi tenent, sed prophetas non habent, factus sum quasi sub lege essem : cum tamen ipse non essem sub lege ; sed ideo feci ut hoc modo lucrificerem eos qui erant sub lege, id est Samaritanos. Samaritani sunt quos rex Assyriorum captivitatis filiis Israel posuit ad incolenda loca Samariæ, et sunt ex origine Persarum (IV Reg. xvii, 24) ; qui quinque libros Moysi receperunt, cum multis tribulationibus vexaret eos Deus, quia terram populi sui Israel sibi illicite usurpassent. His etiam qui erant sine lege, id est gentilibus, factus sum tanquam essem sine lege, cavens cibus eorum et asserens Deum elegisse eos, cum tamen non essem sine lege Dei, sed essem in lege Christi ; sic ideo factus sum ut lucrificerem gentiles qui erant sine lege. Factus sum etiam infirmis fratribus infirmus : abstinens a licitis cibus, ne generarem offendiculum eorum infirmitati, ut sic lucrificerem infirmos. Et quid enumerem singula ? Omnibus factus sum omnia : perfectus perfectis ; et sic in singulis, ut omnes salvos facerem. Hæc autem omnia facio propter collocandum Evangelium ; quod nisi sic facerem, evacuetur propter offendicula fratrum. Propter Evangelium ideo, ut efficiar particeps ejus, id est ut partem capiam remunerationis, quam Evangelium attestatur, et fidelibus promittit. Hic totum quod de se induxit adaptavit. Quasi diceret : Quemadmodum omnibus omnia factus sum propter Evangelium, sic et compatimini infirmitati fratrum ut participes sitis promissæ beatitudinis. Dixi abstinendum esse vobis a licitis, causa infirmorum fratrum, sicut ego apostolus vester a licitis abstineo, ne dem offendiculum Evangelio Christi ; quod totum ideo facio : ut accipere merear quod exspecto. Inductus exemplo co-

rum qui, ut temporalem coronam accipiant, abstinent ab omnibus quæ ad accipiendam coronam **120** eos impediunt. Quia an nescitis quod hi qui in stadio currunt, omnes quidem currunt, sed unus accipit bravium, id est coronam vel præmium cursus? Stadium dicitur spatium ducentorum et viginti quinque passuum, quantum Hercules uno anhelitu cucurrit, et non respiravit; et dicitur stadium a stando, quia statur in fine cursus. Quandoquidem currentes in stadio sollicitè intendunt ad accipiendum bravium, sic ergo currite abstinendo ab omnibus quæ impedire vos possunt, ut omnes comprehendatis bravium æternæ felicitatis. Si enim omnes hic currunt ubi unus tantum accipit bravium, multo sollicitius currere debetis, ubi omnes æternum bravium accipietis. Sic utique currere debetis abstinendo ab omni quod vos impedire possit. Nam omnis ille qui contendit in agone, id est in certamine cursus, abstinet se ab omnibus impediendis cursum. Et illi quidem currentes in stadio sic se abstinent, ut accipiant corruptibilem coronam: nos accepturi incorruptibilem, longe amplius abstinere nos debemus, quanto digniori corona remunerabimur. Et quia incorruptam coronam exspecto, igitur ego sic curro, non quasi in incertum. Ille currit in incertum qui modo male, modo bene agit. Cum enim bene agit, sperat se accepturum; quando vero male, diffidit. Currere dicit bene operari, sine impedimento illatæ tribulationis: Pugnare dicit quando infertur tribulatio, et fortiter resistit. Sic etiam pugno non quasi verberans aerem, ut quod bene dicam, opere in me non compleam: qui enim in vanum verba dicit, aerem solum verberare dicitur: Vel ita: Non quasi aerem verberans, id est non frustra ictus meos projiciens, sicut ille qui pugnat cum hoste, quando, projecto ictu, non tangit hostem, dicitur verberare aerem; sed ego conterens hostem, non verbero aerem, sed castigo corpus meum, id est carnis concupiscentias comprimo: et ita quod corpus redigo in servitutem, id est ut caro non solum non repugnet, sed etiam serviat spiritui. Ideo sic castigo et redigo, ne forte contingat quod contingere posset, ut, cum aliis prædicaverim, ipse efficiar reprobus et damnabilis. Ubi ait ne forte, bene ostendit Deum sic eligere suos ut non cogateos: ne libertatem arbitrii in eis destruat, quin si velint iterum cadere. possint.

CAPUT X.

« Nolo enim vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari (Exod. xiii, 21). Et omnes eandem escam spiritalem manducaverunt, et omnes eundem potum spiritalem biberunt. Bibebant autem de spiritali, consequente eos petra. Petra autem erat Christus. Sed non in pluribus eorum beneplacitum est Deo. Nam prostrati sunt in deserto (Num. xxvi, 65). Hæc autem in figura facta sunt nostri, ut non simus concupiscentes malorum, sicut et illi concupierunt (Psal. cv, 41);

neque idololatræ efficiamini sicut quidam ex ipsis, quemadmodum scriptum est: Sedit populus manducare et bibere, et surrexerunt ludere (Exod. xxxii, 6). Neque fornicemur, sicut quidam ex ipsis fornicati sunt (Num. xxv, 1), et ceciderunt una die viginti tria millia. Neque tentemus Christum, sicut quidam eorum tentaverunt, et a scriptis perierunt (Num. xxi, 6). Neque murmuraveritis, sicut quidam eorum murmuraverunt, et perierunt ab exterminatore. Hæc autem omnia in figura contingebant illis; scripta sunt autem ad correptionem nostram, in quos fines sæculorum devenerunt. Itaque qui se existimat stare, videat ne cadat. Tentatio vos non apprehendat, nisi humana. Fidelis autem Deus est, qui non patietur vos tentari supra id quod potestis, sed faciet etiam cum tentatione proventum, ut possitis sustinere. Propter quod charissimi mihi, fugite ab idolorum cultura. Ut prudentibus loquor: Vos ipsi iudicate quæ dico. Calix benedictionis cui benedicimus, nonne communicatio sanguinis Christi est? Et panis quem frangimus nonne participatio corporis Domini est? Quoniam unus panis, et unum corpus multi sumus: omnes **121** quidem de uno pane, et de uno calice participamus. Videte Israel secundum carnem: nonne qui edunt hostias, participes sunt altaris? Quid ergo? Dico quod idolis immolatum sit aliquid, aut quod idolum sit aliquid? Sed quæ immolant gentes, dæmoniis immolant, et non Deo (Deut. xxxii, 17). »

« Nolo autem vos socios fieri dæmoniorum. Non potestis calicem Domini bibere, et calicem dæmoniorum: non potestis mensæ Domini participes esse, et mensæ dæmoniorum. An æmulamur Dominum? Nunquid fortiores illo sumus? Omnia mihi licent, sed non omnia expediunt. Omnia mihi licent, sed non omnia ædificant. Nemo quod suum est querat, sed quod alterius. Omne quod in macello venit, manducate, nihil interrogantes propter conscientiam. Domini est terra, et plenitudo ejus (Psal. xxv, 1). » Si quis vocat vos infidelium ad cœnam, et vultis ire: omne quod vobis apponitur, manducate, nihil interrogantes propter conscientiam. Si quis autem dixerit: Hoc immolatum est idolis: nolite manducare propter illum, qui indicavit, et propter conscientiam. Conscientiam autem dico, non tuam sed alterius. Ut quid enim libertas mea iudicatur ab aliena conscientia? Si ego cum gratia participo, quid blasphemor pro eo, quod gratias ago? Sive ergo manducatis, sive bibitis, vel aliud quid facitis, omnia in gloriam Dei facite (Coloss. iii, 17). » Sine offensione estote Judæis et gentibus et Ecclesiæ Dei: sicut et ego per omnia omnibus placeo, non quærens quod mihi utile est, sed quod multis, ut salvi fiant. »

EXPOSITIO.

Quia Paulus dixerat: Castigo corpus meum, etc., ne ipse reprobus efficiar, ad hoc diceret aliquis: Quare tantopere laboras, ne reproberis? Non enim

credendum est Deum leviter reprobare nos, quibus baptismum, fidem et cætera sacramenta Ecclesiæ contulit, etiamsi injuste aliquando simus operati. Contra hoc Paulus probat nihil valere ad salutem sacramenta, si desint bona opera. Patres enim Veteris Testamenti eadem quæ habemus in veritate, habuerunt in figura; sed quia male operati sunt, non profuerunt illis sacramenta; sic nec nobis proderunt, si mala fuerint opera nostra. Littera sic jungitur: Propterea tantopere laboro, ne reprobus efficiar. Video enim non mihi sufficere accepta sacramenta, si defuerint opera; quemadmodum nec patribus nostris sub Veteri non suffecerunt, quia male operati sunt. Quod ut videatis, *nolo vos ignorare, o fratres, quoniam patres nostri*, id est Judæi, qui nos in cultu Dei præcesserunt, et docuerunt, et quorum figuræ veritatem nostram genuerunt. Illi, inquam, patres omnes, nullo separato, fuerunt sub nube. Nubes illa, quæ inter Ægyptios et Judæos posita fuit usque ad mare Rubrum, significavit divinam misericordiam, quæ catechumenos protegit, donec veniant ad baptismum. *Et omnes patres nostri transierunt mare Rubrum*, ita et nos omnes per baptismum transimus; *et omnes patres nostri in Moyse*, id est in regimine Moysi baptizati sunt, id est profecti sunt in nube, separante eos ab Ægyptiis, et in maris transitu. *Baptizati* dicit, cum nec ista vox de illis tunc dicta sit, nec mare illud veritas baptismi fuerit, quia figura tantum, sed nomen significatæ rei, pro ipso significante ponit; quia quemadmodum illi in ducatu Moysi protecti sunt, longe melius nos duce Christo protegimur in baptismo, in quo nobis peccata remittit, et liberum arbitrium nostrum confortat ut possit resistere diabolo male suadenti. Ideo etiam ait, *baptizati sunt*; quia quam efficax nobis est baptismus ad salutem, sic esset eis transitus maris, si credentes mandatis Dei obedirent. *Et omnes patres nostri manducaverunt eandem escam*, id est manna. Escam dico *spiritualem*, id est spiritualis escæ corporis et sanguinis Christi significativam. Ideo etiam *spiritualem*; quia quod esca corporis et sanguinis Christi facit in nobis, idem prodesset eis ad salutem manna illud, si in bono perstitissent. Non quod aliud fuerit quam manna. *Et omnes biberunt eundem potum*, id est aquam fluentem de petra: *potum* dico *spiritualem*; quia potum sanguinis Christi figurantem, et idem in fide valentem eis si boni essent. Nec semel inde biberunt, sed *bibebant* assidue *de petra*, id est de aqua manante de petra *consequente eos*, quia quocunque ibant in deserto, aqua illa sequebatur illos. *Petra* dico *spirituali*, id est *spiritualem* petram Christum significante. Quare non semel, sed continue bibebant; quia non sufficit nobis qui quotidie in peccatum labimur semel sumere sanguinem Christi, quia sicut quotidie cadimus, sic jugi medicamine egemus. *Petra autem* illa unde manabat aqua, *erat Christus*, de cujus latere fluxit aqua nostræ regenerationis. Et licet tot sacramenta habuerint patres nostri, *tamen non in pluribus*

A eorum beneplacitum est Deo; quia peccando, datis sacramentis indignos se fecerunt. Vere plures eorum non placuerunt Deo: *nam prostrati sunt in deserto*, provocantes super se iram Dei male agendo. Et hæc prædicta non solum causa eorum *facta sunt*, sed etiam *in figura nostri*. In omnibus enim prædictis figurata est veritas sacramentorum, quæ data est nobis per Christum. Ideo in figura nostri facta sunt, *ut non simus concupiscentes malorum, sicut et illi multoties mala concupierunt*.

Hic Paulus se inserit eis, ut melius eos retrahat, peccata quorum compatiendo sua facit. Nunc quædam peccata Judæorum reponit, quæ vidit in Corinthiis esse, dicens: Ne sitis concupiscentes malorum, scilicet, neque efficiamini idololatræ. Hic jam separat se ab illis quibus in idololatria non consentit, *ne, inquam, sitis idololatræ sicut quidam eorum fuerunt*. Corinthii autem idololatræ erant; quia vel sub veneratione idoli idolothyta comedebant; vel non curantes offendere fratrem manducando idolothyta, causa erant quare infirmus frater idololatra esset, et sic de idololatria accusabiles. Idololatræ fuerunt quidam Judæorum, *quemadmodum de eis scriptum est in Exodo: Sedit populus Judæorum manducare et bibere*, quæ immolaverunt vitulo conflatili, *et postea surrexerunt ludere (Exod. xxxii, 6)*, id est choreas ducere, et cætera coram idolo. Vel surrexerunt ludere, id est idolum adorare: quod ludus et derisio videbatur de his, qui per tot miracula erant instructi. *Neque fornicemur, sicut quidam ex ipsis fornicati sunt cum Madianitis, et propterea ceciderunt viginti tria millia (Num. xxv, 4)*. Fornicatio erat in Corinthiis, ut in eo qui duxerat uxorem patris, cujus per consensum alii erant rei. *Neque tentemus Christum, sicut quidam eorum tentaverunt*, dicentes: « Nunquid poterit Deus parare mensam in deserto (Psal. lxxvii, 49) »; et illi perierunt a serpentibus, venenantibus eos, donec Moyses serpentem æreum erexit in ligno, quem qui Judæorum videbat, ea die a læsione serpentum securus erat: qui serpens significavit Christum secundum humanitatem, ut idem in Evangelio perhibet: « Sicut exaltavit Moyses serpentem in deserto, sic oportet exaltari Filium hominis (Joan. iii, 14) ». Tentabant Corinthii Deum, dum de resurrectione dubitabant, quasi Deus non posset, quidquid ex bonitate vellet. *Neque murmuraveritis*, quod utique faciebant Corinthii, quorum quidam dicebant Paulum non esse apostolum, et similia: *sicut quidam Judæorum murmuraverunt*, ut filii Core et Dathan et Abiron, dicentes Moysen non ex præcepto Dei consecrare Aaron in sacerdotem, sed pro exaltatione sui generis; *et ideo perierunt ab exterminatore*, id est a percutiente angelo.

Notandum est quod, quia Judæi rudes erant, nec spiritualia capere possent; ideo in carnalibus servire Deo propositum fuit illis. Et sicut in carnali servitute offendentes, secundum carnem puniebantur; sic et nos quibus spiritualia data sunt, si in eis offendimus, secundum animam puniemur. Non so-

lum prædicta sacramenta in figura nostri præcesserunt, sed etiam hæc omnia, et peccata, et pœnæ peccatorum contingebant illis in figura nostri; quia si illi **123** manentes in umbra, pro transgressu umbræ damnati sunt, quanto magis nos, si in ipsa veritate peccamus? Non solum hæc illis in figura nostri contingere, sed etiam scripta sunt hæc ad corruptionem nostram, ut per exempla eorum corripiamur. Nostram dico, in quos devenerunt fines sæculorum; quia quantumcunque duratura sint hæc sæcula, nos tamen fines habemus; quia hi ritus, qui per Evangelium dati sunt, fiunt ultimi ritus. Et ipsi, quandiu mundus erit, non finientur. Vel ita: In nos devenerunt fines sæculorum, quia finita est omnis sæcularitas, scilicet veterum rituum carnalitas, et tradita est nobis ipsa veritas. Quandoquidem priora sacramenta patribus nostris nihil profuerunt propter peccatum, et hæc ad nostram doctrinam scripta sunt.

Itaque, id est propterea ille vestrum qui se existimat stare, scilicet qui sane intelligit de creaturis Dei, sibi que licere omnia, videat ne cadat per offendiculum fratris. Et, ne in hoc verbo quia dixerat videat ne cadat, turbarentur Corinthii, scientes justum etiam septies in die cadere, determinat Paulus de quo casu intelligat, dicens: Videat quisque ne cadat, sic ut non apprehendat vos tentatio, id est delectatio peccati, nisi quæ sit humana, id est necessitate carnis veniens, scilicet venialis. Quod ad vos pertinet, videte ut faciatis; quia Deus fidelis est et verax in promissis, qui fideles suos in nullo deserit; qui Deus non patietur vos tentari supra id quod pati potestis. Secundum enim quod videt fortitudinem vel teneritatem ejusque, tribulationes disponit. Nec solum non patietur vos supra modum tentari, sed etiam faciet vobis cum tentatione proventum, id est et augmentum virtutis qua perseveretis, et augmentum tribulationis: faciet, dico, ita ut vos possitis sustinere, ne in tribulatione deficiatis.

Propter quod, id est quia videndum est stanti, ne cadat, et Deus præsto est qui manum porrigat. Ideo fugite a cultura idolorum; si hoc facitis, tunc eritis mihi charissimi. Fugere a cultura idolorum dicit et infirmis qui sub veneratione idoli comedebant, et his qui, licet sanæ fidei essent, tamen causa erant qua fratrum infirmitas corrumpetur. Et ut fugiatis a cultura idolorum, rem subtilem dicturus sum, in qua loquor vobis non ut simplicibus, sed ut prudentibus; et ideo vos ipsi judicate, id est quanto subtilius potestis, apud vos discutite hoc quod vobis dico. Summam sententiæ breviter extra colligamus: Ideo fugere debetis a cultura idolorum; quia, sicut ille qui corpori et sanguini Christi communicat, unum quodammodo fit cum Christo, sic ille qui communicat idolo, idolothyta comedendo incorporatur diabolo.

Nunc litteram exponamus: Fugiendum vobis est a cultura idolorum, quia calix, id est sanguis Christi. Calix dico benedictionis, per quem benedictiones gratiarum accipimus: quia per sanguinem Christi,

si digne sumimus, et a prioribus peccatis liberamur, et contra venientia confortamur; cui calici nos benedicimus, laudantes eum, quod nunquam hujusmodi calix fuerit, qui et a peccatis liberaret, et ne ultra peccaremus confortaret. Vel calix benedictionis, id est quem ipse Deus benedixit et consecrat, et cui nos benedicimus per officium nostrum: Deus enim hoc efficit per sacerdotem ministrum. Hic itaque calix nonne est communicatio sanguinis Christi? id est: nonne per sanguinem assumptum unimur Christo, ipsique conformamur? Et panis, id est verum corpus Christi, qui sub specie sola panis accipitur. Panis dico quem nos in altari frangimus, ut quod unum est in veritate (licet ita videatur), scindi tamen non potest, dividentes significemus nos, qui diversæ personæ sumus, unum fieri in Christo. Hic, inquam, panis quem frangimus, nonne est participatio corporis Domini? id est: nonne per hoc corpus Deum in nobis capimus, cumque nobis incorporamus? Ideo in duabus substantiis, corporis scilicet et sanguinis sacrificium **124** hoc Deus instituit; ut per carnem in altari traditam ostenderet se redimere carnem nostram, per hæc sacramenta in incorruptionem quandoque transferendam; et per sanguinem quem tradit, insinuaret se similiter redimisse animam nostram; ad quod de anima insinuandum: quia re incorporali uti non potuit, digne per sanguinem, qui sedes animæ dicitur, animam figuravit. Nec in duas substantias distribuit, ut diversas partes ejus intelligeret. Qui enim sanguinem tantum, vel corpus solum, totum accipit: qui utrumque accipit, non magis per utrumque, quam per alterum accipit. Quod corpus sicut vera caro Christi est sub specie panis, ita per solam speciem atteritur, diminuitur, in partes dividitur, cum in veritate incorruptibile, indivisibile, impotens diminui permaneat. Vere per acceptionem sanguinis et corporis Christi unimur Christo; quoniam multi sumus unus panis, id est sicut in pane diversa grana in unitatem panis transcunt, ita et nos unimur fide, spe et charitate. Sumus etiam multi unum corpus secundum diversitatem membrorum sibi invicem in unitate dilectionis subservientium. Nos omnes sumus unus panis et uno corpus: qui participamus de uno pane et de uno calice, id est de corpore et sanguine Christi per quem cum unimur Christo, incorporantes eum nobis.

Modo secundum Ambrosium, quod sequitur dicitur: O Israel, id est o fidelis anima, quæ Deum iatueris, quod in spiritualibus modo vobis ostendi, videte idem fieri secundum carnem, id est per carnalium participationem idolothyti diabolo communicare. Nonne enim qui edunt hostias immolatas diabolo, participes sunt altaris diaboli? id est: nonne communicant ipsi diabolo per hoc quod participant quæ super altare idoli immolantur? Quemadmodum in spiritualibus, sic in carnalibus quin fiat, negari non potest. Quia dico comedentes immolata idolo participare diabolo, ergo quid dico, id est an hoc dicere existimor quod immolatum idolis sit aliquid aliud

quam esset priusquam immolaretur? Absit hoc ut videar hoc dicere quod idolum sit aliquid aliud quam lapis vel lignum, vel illud unde fabricatum est! quia per immolata ipsi dico hominem uniri diabolico. Non utique dico quod *immolatum idolis*, vel *idolum aliquid sit* quod prius non fuerit; sed hoc dico, quod *gentes quæ immolant hæc, immolant illa dæmoniis*, et per hoc uniuntur ipsis, non per carnem immolatam, quod aliud sit quam caro, neque per idolum, quod aliud sit quam prius fuerit. *Dæmoniis immolant, et non Deo*: quare diabolo sese incorporant. Vel aliter (ut extra librum adaptationem similitudinis accipiamus), ita: Quia communicantes corpori et sanguini Christi uniuntur Christo, ita per simile participant immolatis idolo uniuntur diabolo. Et hoc extra litteram accipiamus, ut quod per spiritualia ostendit, in carnalibus videatis: Videte modo Israel, id est Judaicum populum, secundum carnem, id est secundum carnales ritus agentem. Nonne enim qui apud Judæos edunt hostias immolatas Deo, participes sunt altaris, id est participant Deo cui immolant in altari? Eodem modo qui edunt idolothyta, participes sunt diaboli. Et hoc extra librum.

Sequens littera sic jungitur: Quandoquidem dico comedentem idolothyta participare diabolo, ergo quid videor dicere? Sequens littera non mutatur. Propterea volo vos fugere a cultura idolorum, quia nolo vos fieri socios dæmoniorum, sicut probatum est esse eos qui idolothyta comedunt. Ideo essetis socii dæmoniorum, nisi idola fugitatis, quia non potestis bibere calicem dæmoniorum et calicem Domini. Et non potestis esse participes mensæ Domini et mensæ dæmoniorum. Debemus fugere a cultura idolorum, ne associemur dæmoniis. Debemus etiam ideo, quia participando mensæ dæmoniorum, æmulamur, id est invidemus Domino, cuius regnum ex 125 nobis ipsis, et imitatoribus nostris diminuimus. Sed an æmulamur Dominum? Malo utique nostro invidemus ei, quia nunquid fortiores illo sumus? Qui autem fortioris se invidet, male agit, quia opprimitur ab illo.

Dicerent aut hæc, qui sana fide idolum illique immolata nihil esse crederent. Videris, Paule, intelligere immolata idolo aliquid esse, cum nos propterea dicas fieri socios dæmoniorum. Absit hoc! ait Paulus. Hoc enim plane profiteor, quod omnia ista licita sunt mihi, et cuiunque sanam fidem habenti ex fide comedere, sed tamen ideo non licere, quod non omnia expediunt, sed potius beatitudinem per offendiculum fratris impediunt. Iterum idem, omnia utique mihi licent, secundum sanam fidem, sed non omnia ædificant proximum, et in eo quod destruunt eum, non licent. Et quia ad ædificationem proximi omnia agenda sunt, propterea nemo quærat quod suum est tantum, et non proximi, sed quærat quod alterius, id est quod ad ædificationem proximi valet.

Quia modo dixit secundum fidem licere, propter offendiculum fratris non licere. Determinat modum quando his cibus uti liceat, et quando non, dicens .

Ne in prædictis offendatis, sic discernite: *Omne quod in macello venit*, id est venditur, *manducate, nihil interrogantes propter conscientiam*, quam in sequentibus determinabit. Manducate omnia, quia Domini est terra et plenitudo ejus (Psalm. xxv, 1). Si quis autem infidelium vocat vos ad prandium, et vultis ire, quod bene licet (quia de infidelibus non habemus judicare) *omne quod vobis apponitur manducate, nihil interrogantes propter conscientiam*, quam iterum determinabit, vos nihil interrogetis. Sed si quis dixerit vobis: *Hoc est immolatum idolis, nolite illud manducare propter illum qui indicavit, et propter conscientiam*, quam nunc determinat. *Conscientiam autem dico non tuam*, qui fide sanus es, sed propter conscientiam alterius, id est infirmi fratris, ne offendant te. Dixit conscientiam, primum notans conscientiam Judæi qui, si videat Christianum idolothyta comedentem, dicet non adhærendum esse Christianæ fidei; quia revertuntur ad culturam idoli. Secundo conscientiam gentilis, qui videns illud idem dicet: Quare dimitterem idola mea, cum Christiani ad ea revertantur? Tertio conscientiam infirmi fratris, propter causam sæpe dictam. Propter conscientiam alterius abstinere debes. Quia *ut quid libertas mea*, id est hoc quod mihi ex sana fide licet, *judicatur*, id est judicabilis fiat et damnabilis ab aliena conscientia, id est propter infirmam conscientiam fratris. Et si ego participo idolothytis cum gratia, id est comedens in nomine Domini, *quare blasphemor*, id est cur me blasphemabilem exhibeo, *pro eo quod gratias ago?* Putat enim me infirmus vel infidelis idola venerari, cum ago gratias Deo. Quandoquidem conscientia nullius lædenda est, ergo sive manducatis, sive bibitis, vel aliud quid facitis, hæc et omnia facite, non in licentiam fidei vestræ, sed in gloriam Dei, ut nemo juste vel injuste possit calumniari fidem Christi. Et ut in gloriam Dei omnia faciatis, *estote sine offensione Judæis et gentibus, et Ecclesiæ Dei*, id est infirmis fratribus, sicut supra determinatum est. *Estote dico et sicut ego placeo*, id est placere laboro omnibus per omnia, non quærens quod mihi solum utile est, sed quod utile sit multis, ut sic salvi fiant multi per me. Et ut multis utiles sitis, estote in hac re imitatores mei. Quod si mei eritis et Christi, sicut et ego Christi imitator sum.

CAPUT XI.

Imitatores mei estote, sicut et ego Christi. Laudo autem vos, fratres, quod per omnia mei memores estis; et sicut tradidi vobis præcepta mea tenetis. Volo autem vos scire, quod omnis viri caput Christus est; caput autem mulieris vir (Ephes. v, 25) caput vero Christi, Deus. 126 Omnis vir orans aut prophetans, velato capite, deturpat caput suum. Omnis autem mulier orans aut prophetans, non velato capite, deturpat caput suum: unum est enim, ac si decalvetur. Nam si non velatur mulier, tondeatur. Si vero turpe est mulieri tonderi aut decalvari, velet caput suum. Vir quidem non debet velare caput suum; quoniam imago et gloria

Dei est, mulier autem gloria viri est. Non enim vir ex muliere est, sed mulier ex viro. Etenim non est creatus vir propter mulierem, sed mulier propter virum. Ideo debet mulier velamen habere super caput suum, et propter angelos. Verumtamen neque vir sine muliere, neque mulier sine viro, in Domino. Nam sicut mulier de viro, ita et vir per mulierem : omnia autem ex Deo. Vos ipsi iudicate : decet mulierem non velatam orare Deum? Nec ipsa natura docet vos, quod vir quidem si comam nutriat, ignominia est illi : mulier vero si comam nutriat, gloria est illi; quoniam capilli pro velamine ei dati sunt. Si quis autem videtur contentiosus esse, nos talem consuetudinem non habemus, neque Ecclesia Dei. Hoc autem præcipio : non laudans, quod non in melius, sed in deterius convenitis. Primum quidem convenientibus vobis in Ecclesiam, audio scissuras esse inter vos, et ex parte credo. Nam oportet et hæreses esse, ut et qui probati sunt, manifesti fiant in vobis. Convenientibus ergo vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit, alius autem ebrius est. Nunquid domos non habetis, ad manducandum et bibendum? Aut Ecclesiam Dei contemnitis, et confunditis eos qui non habent? Quid dicam vobis? Laudo vos? in hoc non laudo. Ego enim accepi a Domino, quod et tradidi vobis, quoniam Dominus noster Jesus Christus in qua nocte tradebatur, accepit panem, et gratias agens fregit, et dixit : Accipite et manducate : Hoc est corpus meum, quod pro [omnibus] vobis tradetur; hoc facite in meam commemorationem. Similiter et calicem, postquam cœnavit, dicens : Hic calix novum testamentum est in meo sanguine; hoc facite, quotiescunque sumitis, in meam commemorationem. Quotiescunque enim manducabitis panem hunc, et calicem bibetis, mortem Domini annuntiabitis, donec veniat. Itaque quicumque manducaverit panem, vel biberit calicem Domini indigne, reus erit corporis et sanguinis Domini (Joan. vi, 59). Probet autem se ipsum homo, et sic de pane illo edat, et de calice bibat. Qui enim manducat et bibit indigne, iudicium sibi manducat et bibit, non dijudicans corpus Domini. Ideo inter vos multi infirmi et imbecilles, et dormiunt multi. Quia si nosmetipsos dijudicaremus, non utique judicaremur. Dum iudicamur autem, a Domino corripimur, ut non cum hoc mundo damnemur. Itaque, fratres mei, cum convenitis ad manducandum, invicem expectate. Si quis esurit, domi manducet, ut non in iudicium conveniatis. Cætera autem cum venero disponam.

EXPOSITIO,

Postquam de immolatis idolo reprehendit eos ne vel sub offendiculo fratris, vel sub veneratione idoli participarent illis, transit ad aliud, quod nimis impudice consueverant, scilicet ut viri velato capite orarent in Ecclesia; mulieres vero denudato : quod

ne ulterius fiat in eis, prohibet et lege conditionis eorum et auctoritate sanctorum, et quia natura repugnat. Littera sic jungitur : De hoc quod vel sub veneratione idoli, vel sub offendiculo fratris idolothyta comeditis, vos reprehendo. De hoc autem laudo vos, o fratres, quod estis memores mei per omnia quæ imperavi vobis. Memores ideo; quia, sicut tradidi vobis præcepta mea, sic tenetis nihil inexpectum prætermittentes. Et hoc totum ironice; quia mandatum ejus vix in aliquo tenuerant. Sed licet ita laudem vos, in eo tamen vitupero, quod vir velato capite, mulier nudato, deturpat se. Sed præmittit rationes, quibus sic non debere fieri approbet, dicens : Ne tam perverso more deturpetis capita vestra, volo vos scire quod Christus caput est **127** omnis viri divitis vel pauperis; a Deo enim principium habet non ab alio. Et quemadmodum in capite omnes sensus habemus, et nullum in corpore præter tactum, quem habemus iterum in capite; sic omnes sensus nostri consentire, et cooperari debent capiti suo Christo; Christus est caput viri : vir autem caput est mulieris, id est principium. De costa enim viri fabricata est mulier, et sic materiam principii sui traxit a viro : qui vir a Deo tantum habuit principium. Christus est caput viri; Deus vero est caput, id est principium Christi, secundum hominem caput specialiter; quia immunem a peccato per unitam ipsi divinitatem Christum Deus constituit. Secundum Deitatem Deus est caput Christi; quia Filius principium habet a Patre, Pater non ab alio. Et quia vir Christum solummodo caput habet, ideo *omnis vir orans in ecclesia* Dominicam orationem, vel quaslibet orationes, aut prophetans; prophetare dicit, vel symbolum dicere, in quo carnis resurrectio et vita æterna, quæ futura sunt prædicuntur; *vel prophetans*, id est legens in ecclesia et revelans quæ præterita sunt vel futura solummodo de Christo; vir ita faciens, *deturpat caput suum*.

Possemus hic dicere caput viri Christum quem, dum inhoneste agit, quantum ad se deturpare videtur, cujus jussa spernit; sed quia sequens littera sic non patitur, dicimus : Vir velato capite orans deturpat proprium caput, dum libertatem quam habet (quia sub nullo præter Christum est) tegit velamento : quod signum est erubescendæ subjectionis. Vir velato capite orans deturpat proprium caput; *sed omnis mulier orans aut prophetans* (sicut supra expositum est) *non velato capite, deturpat proprium caput*, quod semper velare deheret, in signum ejus erubescentiæ, quod totius perditionis causa sit mulier, et maxime cum in Ecclesia suo præsentatur iudici, cui omne genus hominum infestum fecit, dum diabolo consensit, et ad consentiendum eidem virum impulit. Vere, mulierem non velare caput, est deturpare caput. Nam *unum et idem est*, quod non velat caput *ac si decalvetur*, id est capillos in fronte discriminet, cum certum sit quod nolit tonderi. Decalvetur tantum desuit,

quod utique habet pro inconvenienti, quia sciebat illas nullo modo velle tonderi. Vere non velare caput est decalvari: nam si non velatur mulier, tondeatur: quod quia nullo modo faciet, sequitur ut non velato capite decalvetur. Ex non velato capite, sequitur necessario vel decalvari, vel tonderi; sed si turpe est mulieri, quod utique dedecet tonderi, vel decalvari, velet caput suum, quod deceret. Mulier velet caput, sed vir non debet velare caput, quoniam vir est imago Dei, a quo formam et principium habet, et est vir gloria Dei. Si enim bene egerit, gloriatur Deus in eo. Vir est imago et gloria Dei. Sed mulier est gloria viri; quia debet a viro gubernari; et si bene gubernata fuerit, gloriam habet super his quæ mulier bene gessit. Vere vir solius Dei gloria est, et mulier gloria viri. Nam vir non est ex muliere, id est in prima conditione vir non habuit originem ex muliere, quæ necdum erat; sed mulier principium habuit ex viro, quia de costa Adæ ædificata est Eva. Iterum vere vir est gloria tantum Dei, et mulier viri. Etenim vir non est creatus propter mulierem, ut serviret ei, quia Deo soli; sed mulier creata est propter virum, ut omni servitute maneret in adiutorio viri. Et quia mulier ad gloriam viri facta est, et ut semper viro subesset, ideo mulier debet semper habere potestatem, id est signum quod sit alienæ potestatis, supra caput, quod velare debet in signum subjectionis; et propter angelos, id est propter doctores Ecclesiæ, qui angeli dicuntur, quia Dei nuntii sunt, ne visa lascivia impudicarum mulierum, illicite moveantur ad eas. Vel propter angelos Dei, qui præsentés sunt in omnibus Ecclesiæ sacramentis, ne offendantur intemperantia tantæ libidinis. Vel propter angelos, id est propter patriarchas et priores sanctos, qui ne hoc fieret prohibuerunt. Quia modo adeo depresserat muliebrem sexum, sic per omnia 128 viro indigniorem factum. Nunc relevat et consolatur eum, dicens: Licet in prima creatione vir mulierem præcesserit, tamen in sequenti successione generandi, vir et mulier pares sunt; quia neque vir sine muliere, neque mulier sine viro generare queunt, sed participatione alterius æqualiter generat uterque. Nec tamen quod ex se procreari possint, sed totum in Domino: Dominus enim per conjunctionem masculi et feminæ creat hominem. Vere nec vir sine muliere, nec mulier sine viro: nam sicut mulier generatur de viro; ita et vir generatur per mulierem. Hic quidam insidiantur verbis Pauli, quare dixerit mulier de viro, vir non de muliere, sed per mulierem, dicentes de solius viri semine concipi puerum sine semine matris, sed tantum per mulierem foveri puerum in utero matris, nec mater habeat ibi semen, sed solam uteri nutrituram. Male exponentes verba Pauli, cum per tam bene sit materiale, quemadmodum de. Licet dicam mulierem generari de viro et e converso, tamen hæc et omnia quæcunque sunt ex Deo sunt; quia nec vir nec mulier per se possunt aliquid sine Deo.

Hæc præmissa leguntur sub allegoria sic: Vir qui in prima creatione factus fuit a Deo, in multa rationalitatis fortitudine significat rationem, quæ semper regere debet sensualitatem; mulier autem quæ non adeo fortis fuit, sicut vir, significat sensualitatem quæ, bene gubernata, obedire debet rationi. Quod utique diabolus subtiliter intuens virum se non posse pervertere, cum magis ratione vigeret, quam sensualitate mollesceret; aggressus est mulierem, quam sensit magis sensualitate premi, quam ratione erigi. Et secundum hoc, sic dicimus: Vir non debet velare caput, quoniam vir est imago Dei, id est per vim rationis imaginatur Deum, et per rationem agendo gloria est Dei. Glorificatur enim Deus in bene agentibus servis; mulier autem, id est ipsa sensualitas, gloria est viri per rationem Deum imaginantis: sensualitas enim bene operando consentiens rationi, gloria ejus est. Et licet per virum rationem, per mulierem accipiamus sensualitatem, non tamen negamus quin utrumque sit in utroque, et ratio in muliere vir dicitur; et sensualitas in viro mulier appellatur. Nec sic de ratione et sensualitate hic agimus, quin semper ad ipsas personas respiciamus. Vir debet esse gloria Dei, et mulier viri. Nam vir non est ex muliere, id est rationalitas non debet pendere ex sensualitate, sed mulier ex viro, id est sensualitas ex ratione. Vir utique non est ex muliere. Etenim vir non est creatus, id est ratio non ad hoc data est homini propter mulierem, id est ut sequatur sensualitatem, sed mulier propter virum, id est sensualitas creata est propter obediendum rationi. Et quia mulier propter virum creata est, ideo debet habere signum potestatis supra caput, et propter angelos, sicut dictum est. Sed licet virum tanta dignitate prætulim mulieri, tamen neque vir sine muliere, nec mulier sine viro, id est alter non præcedet alterum in Domino, id est in beatitudine, solummodo bene operentur: licet in prima creatione vir mulierem præcesserit, vere alter non præcedet alterum in salvatione; nam illud quod supra dictum est, mulier de viro, vir non de muliere, nihil nocebit, cum in successione generationis vir ita sit de muliere, sicut mulier de viro, licet in prima creatione mulier de viro solo generata sit, omnia autem ex Deo, sicut dictum est.

Probavit secundum ordinem creationis secundum instituta Patrum, virum non debere velari, nec mulierem denudare caput. Probat idem per naturam utriusque: quæ viro breviores capillos dedit in signum libertatis; mulieri prolixos in signum velandi pudoris. Licet enim quidam viri longiores habeant, hoc fit per artem, non per naturam. Si vero feminæ breviores habeant, hoc est ex aliquo vitio, non ex natura. Littera sic jungitur. 129 Probavi superius per ordinem creationis velandum esse caput mulieris. Nunc vos ipsi, Corinthii, judicate, quod non debere fieri probabo per naturam, Judicate, inquam, an decet mulierem non velatam

orare Deum? Non utique; quia *nec ipsa natura docet vos* sic agere, imo prohibet. Et cum natura prohibeat, *si vir quidem nutriat comam, ignominia est illi*, quia contra naturam agit. *Si vero mulier nutriat comam, gloria est illi; quoniam capilli longi dati sunt ei a natura pro velamine*, id est in signum velaminis, quod capiti semper debet supponi. Probavi per ordinem creationis, et per legem naturæ, virum non debere caput velare, nec mulierem denudare. Sed *si quis inter vos videtur contentiosus, nec consentit nostris rationibus*, hoc unum dicemus ei: *Frater, nos non habemus talem consuetudinem*, nec habuimus in synagoga Judæorum, *neque adhuc habemus in nova Ecclesia Dei*, ut vir velato capite, mulier non velato oret. Et quia consuetudo hoc non habuit, nec adhuc habet, propterea, quia admonitione nostra abuteris, jam non solum suadeo, sed ex auctoritate nostra præcipio ne ulterius fiat hoc inusuetum.

Postquam ab hoc malo coercuit Corinthios, transit ad alia, in quibus longe deterius offendebant: seducti enim a pseudomagistris, dereliquerant institutionem Pauli, quam eis tradiderat de susceptione corporis et sanguinis Christi. Suaserant enim eis pseudo, quod post cœnam communicari deberent: hæc enim hora Christus tradiderat hæc sacramenta discipulis suis participanda. Unde in multa mala devenerant; quia, cum inter eos essent schismata, ad unitatem corporis Christi accedere præsumebant; et aliud malum, quia prius cœnabant et inebriabantur, et hoc in ecclesia et in his cœnis eos qui tantos apparatus non habebant, erubescere faciebant, nec indigentibus aliquid ministrabant, et post hæc mala mensæ Domini se ingerebant. Littera sic jungitur: Hoc quod præmissum est ne fiat præcipio, illud aliud non laudans, sed magis improbens. Hoc scilicet, quod convenitis ad cœnam Dominicam, in qua deberetis unum fieri, vos dico non per hoc profecturos in melius, sicut deberetis, sed lapsuros in deterius. Et cum multa sint mala vestra, primum quidem omnium hoc repono, quod, *vobis convenientibus in ecclesiam, audio inter vos esse scissuras* et discordias, cum Ecclesia unitatem exigat, et, sicut audio, bene *credo ex parte*, id est propter partem de vobis, quos in schismatibus scio gloriari. Credo utique, nam oportet credere. Nam religiosæ personæ mandaverunt mihi. Vel ita: *scissuræ in vobis ideo sunt; nam oportet esse scissuras, id est quaslibet discordias, et (quod majus est) hæreses. Necesse est enim ut veniant scandala, ad hoc, ut qui probati sunt et a Deo electi, fiant manifesti in vobis*, perdurantes in tentationibus, et ut reprobi fiant similiter manifesti. Quandoquidem scissuræ sunt in vobis, *ergo convenientibus vobis in unum*, qui unitati contradicistis, *jam non est*, id est, pro sola causa discordiæ non licet *manducare Dominicam cœnam*, id est corpus et sanguinem Christi, quæ Dominus discipulis in cœna tradidit; vel jam, id est in hoc mundo, Dominica cœna vobis pro discordia interdicatur, sed in futuro

A *damnabimini penitus. Propter scissuras non licet corpus Christi accipere. Ideo etiam vobis non licet: quia unusquisque vestrum præsumit*, id est, præsumendo anticipat propriam cœnam, non solum ad apparandum, sed etiam ad comedendum. Et præterea aliud malum: quia *alius quidem (qui non habet unde sibi præparet) esurit*. Iterum aliud malum: *Alius autem ebrius est*. Sed sic in ecclesia comedentes, *nunquid non habetis privatas domos ad manducandum et bibendum?* quas si non haberetis, tolerabilius esset in platea comedere. *Aut contemnitis Ecclesiam Dei*, in qua inebriamini; *et confunditis eos*, id est verecundiam infertis pauperibus, *qui non habent quid sibi præparent?*

B Et quia sic impudenter agitis, *quid dicam vobis?* Certe sine charitate estis, contemptores Dei, sectatores gulæ, etc. *Laudo ego vos in hoc? utique non laudo*, imo vitupero. Vel ita: *Laudo vos* in quibusdam aliis, sed *in hoc nullatenus laudo*. Postquam vituperavit in eis ordinem in quo male consueverant, determinat eis quomodo sacramenta Christi accipere debeant, scilicet in abstinentia, non in ebrietate, sed in dolore, et in tribulatione. Littera sic jungitur: *Non laudo vos* quia corpus Domini ebrii suscipitis; sic enim non esset accipiendum, sed in commemoratione tribulationis et mortis Christi. Sed priusquam ad hoc veniat, commendat illud quod dicturus est auctoritate Domini, dicens: *Ego accepi ab ipso Domino quod jam tradidi vobis*, et nunc iterum tradam, hoc scilicet quod *Dominus noster Jesus Christus in illa nocte*, (nox autem signum est adversitatis et tristitiæ; in qua nocte non epulabatur, non inebriabatur, sed ad mortem pro peccatis nostris tradebatur) *accepit panem*, id est veram substantiam panis. *Et agens gratias Deo Patri de hoc*; quia, sicut per eum disposuerat, humanum genus redimebat, et in obedientia Patris perseverabat. In his verbis quibus Christus *gratias egit Patri*, dicitur substantia panis et vini apposita in altari, transire in veram carnem et verum sanguinem Christi. *Gratias*, inquam, *agens fregit* illud, quod unum et inseparabile durat in æternum; sed fregit, cum singulis totum dedit: ut per hoc insinuaret, nos, qui personis diversi sumus, debere unum fieri in dilectione Dei. *Fregit*, inquam, *et dixit: Accipite*, id est, acceptabile hoc habete, et subtiliter discutite mysterium hujus sacramenti; ut, quemadmodum ego pro vobis, sic et pro nomine meo et proximis pati gaudeatis. *Accipite*, inquam, *et manducate*. In qua re Christus insinuare voluit non sufficere nobis si credamus, nisi gustando videamus quam suavis est Dominus; sicut manducare non proficeret, nisi crederemus. Et *hoc* quod panis paulo ante erat, nunc vere est *corpus meum*; quod corpus traditur pro vobis in mortem, licet nunc illud vobis porrigam immortale et impassibile.

Notandum est hoc etiam sic esse signa substantiæ; ut nullam ibi qualitatem notent, neque mortalitatem, neque immortalitatem. Nec mirandum est si (quem-

admodum ait Augustinus) manibus mortalibus se immortalē ferebat, cum in transfiguratione (*Matth. xvii*), qui tunc et postea mortalis fuit, se in gloria immortalitatis et impassibilitatis Petro, Jacobo et Joanni ostendit. *Manducate*, inquit, *corpus meum* : et *hoc facite*, id est, continue sumite. Non in gaudio et ebrietate, sed in *meam commemorationem* : ut vos semper memores passionis et mortis meæ, et pati et mori velitis pro me. *Similiter* sicut corpus, *accepit calicem postquam cœnavit* (hic innuit, quod post cœnam corpus similiter dederit); *accepit*, inquam, *calicem, dicens* : *Hic calix* qui paulo ante vera substantia vini erat : hic utique calix est meus sanguis : et in hoc meo sanguine est novum testamentum, id est nova promissio. Lex enim vetus carnalia promittebat ; sed hoc sacramentum corporis et sanguinis mei rem novam, quia spiritualem beatitudinem promittit. Testamentum etiam ideo novum, quia nunquam est immutandum, ut alii ritus inducantur. Et hoc, scilicet sanguinem meum ; *facite*, id est sumite, in *meam commemorationem*, id est contrito et humiliato corde, non semel, sed *quotiescunque sumitis*. Et justum est ut hoc sumatis in memoriam mei ; *quia quotiescunque manducabitis panem hunc*, id est verum corpus meum, quod speciem et saporem panis retinet (ne sumentes illud abhorreant) ; et *quoties bibetis hunc calicem*, id est sanguinem **131** meum (propter saporem et speciem vini retinentem), *quoties*, inquam, hæc sumetis, *annuntiabitis*, id est representabitis *mortem Domini*, cui semper compati et commori debetis ; facientes hoc *donec Dominus veniat* ad iudicium, et seipsum vobis facie ad faciem tradat.

Notandum est cur Dominus Jesus post cœnam, celebrato veteri pascha, corpus et sanguinem suum, novum scilicet pascha discipulis tradiderit ; quod satis competenti ordine factum est. Si enim prius novum pascha, deinde vetus celebraret, non videretur per hoc novum sacramentum destruere vetera, nec finem esse veterum ; sed videretur innuere quod iterum, post hæc nova, reducturus adhuc esset illa vetera. Ut autem ostenderet omnia vetera in hoc novo sacrificio finem habere, nec illa unquam esse reducenda, congrue vetus pascha ad destructionem præmisit, et novum pascha, quod permansurum erat, supposuit ; in quo omnium veterum finis fuit, quandoquidem in *commemorationem* et in conformitatem Christi sumenda sunt hæc sacramenta. *Itaque quicunque manducaverit panem*, id est corpus Domini, *vel biberit calicem*, id est sanguinem Domini *indigne*, id est in scissura, in ebrietate, vel in hujusmodi malis, *ille erit reus corporis et sanguinis Domini*, id est damnabilis propter corpus et sanguinem Christi indigne acceptum. Ne autem reus fiat homo, *probet seipsum*, id est examinet et dijudicet se, non confitens illi qui male agit, quasi per hoc justitiam suam præferat ; sed seipse in contuitu infirmitatis suæ dijudicet. *Et sic probatus edat de pane illo, et de calice bibat*. Oportet ut homo sic seipsum probet.

Qui enim manducat et bibit indigne, hic manducat et bibit non indulgentiam, sed iudicium, id est damnationem sibi ; et merito, quia *non dijudicans*, id est parum discernens ab alio cibo *corpus Domini*, quemadmodum non discernabant Corinthii ; quia quod in toto præmiserat, de Corinthiis maxime intellexerat. Ex præmissis infert in eos : Quia indigne sumitis corpus Domini, nec ab aliis cibis illud dijudicatis : *ideo inter vos, o Corinthii, multi sunt infirmi*, febribus et hujusmodi passionibus ; *et multi imbecilles*, qui virtute membrorum privantur ; *et etiam dormiunt multi somno mortis*. Quia non examinamus nos, ideo sic affligimur ; *si vero nosmetipsos dijudicaremus*, id est mala facta nostra dijudicaremus, id est damnaremus flagello pœnitentiæ, *non utique iudicaremur*, id est damnaremur pro his a Domino. Unde enim homo seipsum iudicat, inde liber evadit iudicium Dei. Et licet per infirmitatem et imbecillitatem sic affligamur a Domino, tamen dum sic *iudicamur*, et, secundum quosdam de nobis male agentes, damnamur, nos alii, ne similiter peccemus, *corripimur a Domino* ; in quo enim Deus iudicio agit contra impios, in eo misericorditer castigat suos.

Corripimur dico, ut correcti non dannemur cum hoc mundo ; ideo non ait *cum Corinthiis*, sed *cum mundo*. Intelligit enim eis qui peccant non plus prodesse accepta sacramenta, quam his qui in mundo, id est in gentilitate, adhuc permanent : quandoquidem indigne sumentes damnantur ; et quia per damnationem impiorum *corripimur*. *Itaque, fratres mei*, ut digne et bene correpti suscipiatis, *cum vos convenitis ad manducandum cœnam Domini, exspectate invicem*, id est alter alterum, non anticipantes constitutam horam accipiendi Dominicam cœnam. Secundum enim traditionem Domini, consuevit Ecclesia in die cœnæ ad vesperum communicare. Dico ut exspectetis. *Si quis vero esurit*, et legitimam horam exspectare negligit, malo ut *manducet domi*, quam ante horam anticipet cœnam Christi ; non tamen, postquam comederit, participaturus mensæ Christi. Sic invicem exspectare vos volo, *ut non conveniatis in iudicium*, id est conventus vester non sit vobis causa damnationis. Hæc supradicta **132** modo vobis proposui, quia scio vos sine his non posse salvari. *Cætera autem*, sine quibus tamen salvari potestis, sed ad incrementum gloriæ proficua, illa *cum ego venero disponam* vobis.

CAPUT XII.

« De spiritualibus autem nolo vos ignorare, fratres. Scitis autem quoniam cum gentes essetis, ad simulacra muta prout ducebamini cunctes. Ideo notum vobis facio quod nemo in spiritu Dei loquens, dicit anathema Jesu. Et nemo potest dicere « Dominus Jesus, » nisi in Spiritu sancto. Divisiones vero gratiarum sunt, idem autem spiritus. Et divisiones ministrarionum sunt, idem autem Dominus. Et divisiones operationum sunt, idem vero Deus, qui operatur omnia in omnibus. Unicuique autem datur manifestatio spiritus ad

ut litatem. Alii quidem per spiritum datur sermo
 sapientiae; alii autem sermo scientiae, secundum
 eundem spiritum; alteri fides in eodem spiritu;
 alii gratia sanitatem in uno spiritu; alii operatio
 vitium; alii prophetia; alii discretio spirituum;
 alii genera linguarum; alii interretatio sermo-
 num. Haec autem omnia operatur unus atque
 idem spiritus, dividens singulis prout vult (Rom.
 xii, 6; Ephes. iv, 7). Sicut enim corpus unum
 est, et membra habet multa, omnia autem mem-
 bra corporis cum sint multa, unum corpus sunt;
 ita et Christus. Etenim in uno spiritu omnes nos
 in unum corpus baptizati sumus; sive Judaei, sive
 gentiles, sive servi, sive liberi; et omnes in uno
 spiritu potati sumus. Nam et corpus non est unum
 membrum, sed multa. Si dixerit pes, quoniam
 non sum manus, non sum de corpore; num ideo
 non est de corpore? Et si dixerit auris, quia non
 sum oculus, non sum de corpore; num ideo non
 est de corpore? Si totum corpus oculus, ubi au-
 ditus? Si totum auditus, ubi odoratus? Nunc
 autem posuit Deus membra, unumquodque eorum
 in corpore sicut voluit. Quod si essent omnia
 unum membrum, ubi corpus? Nunc autem multa
 quidem membra, unum autem corpus. Non po-
 test autem oculus dicere manus: Opera tua non
 indigeo; aut iterum caput pedibus: Non estis mihi
 necessarii. Sed multo magis quae videntur mem-
 bra corporis infirmiora esse, necessaria sunt.
 Et quae putamus ignobiliora membra esse corpo-
 ris, his honorem abundantiorum circumdamus.
 Et quae inhonesta sunt nostra, abundantiorum ho-
 nestatem habent: honesta autem nostra nullius
 egent; sed Deus temperavit corpus, ei cui deerat
 abundantiorum tribuendo honorem, ut non sit
 schisma in corpore, sed in idipsum pro invicem
 sollicita sint membra. Et si quid patitur unum
 membrum, compatiuntur omnia membra; sive
 gloriatur unum membrum, congaudent omnia
 membra. Vos autem estis corpus Christi, et mem-
 bra de membro. Et quosdam quidem posuit Deus
 in Ecclesia: primum apostolos, secundo prophe-
 tas, tertio doctores, deinde virtutes; exinde gra-
 tias curationum, opitulationes, gubernationes, ge-
 nera linguarum, interpretationes sermonum. Nun-
 quid omnes apostoli? Nunquid omnes prophetae?
 Nunquid omnes doctores? Nunquid omnes vir-
 tutes? Nunquid omnes gratiam habent curatio-
 num? Nunquid omnes linguas loquuntur? Nun-
 quid omnes interpretantur? Aemulamini autem
 charismata meliora [al., majora]. Et adhuc ex-
 cellentioram viam vobis demonstrabo.

EXPOSITIO.

Hic finis est de sacramentis altaris: nunc transit
 ut doceat eos de donis Spiritus sancti, in quibus
 graviter errabant. Qui enim majora dona accepe-
 rant, gloriabantur adversus eos quibus minores
 gratiae concessae fuerant. Hi autem qui minus acce-
 perant, desperabant, quia inferiores erant in donis

Spiritus sancti. Qui vero majoribus gratiis abunda-
 bant, arrogabant hoc meritis suis; et meritis in-
 feriorum hoc improperabant, in hunc modum dero-
 gando spiritui. Errabant etiam in hoc, quod gratias
 illas quae inferiores erant, ut genera linguarum,
 praeferebant caeteris, magisque appetebant. Ut au-
 tem hunc errorem depelleret, instruit eos sic, di-
 cens: **133** Caetera quae disponam cum venero praeter-
 mitto, sed de spiritualibus vos docere illud nullo
 modo differo. *Nolo, inquam, vos, fratres, ignorare*
de spiritualibus, id est de donis Spiritus sancti, quid
de his sentiendum sit vobis. Hoc autem de Spiritu
dico quod facit cessare a malo, et operari bonum.
Sed ad hoc inducendum praemittit similitudinem, di-
cens: Ideo scitote quod Spiritus sanctus faciat non
separari a Christo, quoniam scitis quod, cum adhuc
essetis gentes, id est gentiles, vel gentiliter viventes,
eratis euntes ad simulacra muta prout ducebamini a
maligno spiritu; quia alius ad immolandum, alius
ad thurificandum, alius ad adorandum ducebatur.
Ubi ait, muta idola, ostendit quod ratione non duce-
bantur, quae satis discernere posset, idolum non esse
Deum, sed per malignum spiritum. Et ideo quia a
maligno spiritu ad malum ducebamini, per simile
notum facio vobis, quod per Spiritum sanctum a
priori malo destistis. Quod aequipollenter ait: Hoc
facio vobis notum, quod nemo loquens in Spiritu Dei,
loquens actu, cogitatione et verbo: spiritus enim
qui res est invisibilis, non cognoscitur esse in ho-
mine, nisi per haec quae extrinsecus videntur vel
audiuntur. Nemo, inquam, loquens in Spiritu Dei,
dicit similiter actu, verbo, cogitatione, anathema, id
est separationem a Jesu. Nemo enim habens do-
num Spiritus sancti poterit operari, cogitare, vel
loqui, pro quo separetur a Jesu, quandiu Spiritus
in eo manserit. In hoc multum relevat desperatio-
nem eorum, qui minores gratias acceperant, cum
dicat non posse separari a Jesu, in quo Spiritus Dei
per aliquod donum manserit.

Nec solum facit Spiritus non separemur a Jesu.
 sed etiam nemo potest dicere verbo, opere, cogita-
 tione. *Jesus est Dominus meus, quia ego servus*
ejus, id est, nemo potest bonum operari, nisi in
Spiritu sancto, qui per eum operatur. Jesus est Do-
minus meus. Hoc nequit dicere, qui non est servus
ejus; quia, si non est servus, mentitur potius quam
verum dicat. Hic multum deprimit eos, qui de ma-
ioribus donis se praeferebant aliis; cum dicat nihil
esse ex merito hominis, sed totum in Spiritu sancto.
Licet hoc indifferenter det spiritus declinare a malo
et facere bonum; gratiae tamen ejusdem Spiritus
divisim distribuuntur diversis. Sed licet divisiones
sint gratiarum, tamen idem et indivisus est Spiritus,
qui divisas dat gratias. Et sicut sunt divisiones gra-
tiarum, ita sunt divisiones effectuum earum, sci-
licet ministrationum. Hic enim ministrat in episco-
pio, hic in sacerdotio, et sic in caeteris gradibus
Ecclesiae. Dicimus etiam ministrationes in quibus-
cunque, idonee ministramus proximo. Et licet divi-

siones sint ministracionum, tamen *idem* est Dominus qui dat gratiam in qua ministramus.

Sunt etiam divisiones operationum, quæ in nobis ipsis bene operamur, orando, vigilando, jejunando; et hæ operationes sunt effectus gratiarum. *Et licet divisæ sint operationes, tamen idem est Deus, qui operatur omnia* quæcunque opportuna videt saluti in omnibus. Quod ita ait: Idem Spiritus, idem Dominus, idem Deus; non quod diversas intelligat substantias, sed ut Trinitatem in personis, unitatem designet in substantia. Et licet sunt divisiones gratiarum, tamen *unicuique datur manifestatio Spiritus*, id est aliquod bonum per quod Spiritus operari in eo manifestetur, *ad utilitatem*. Sic enim utile est minus donum cui datur, sicut majus donum alteri. Deus enim non secundum merita hominum gratias suas distribuit: plerumque enim minus digno majus donum; plerumque digniori minus datur: secundum quod Deus videt hanc magis opportunum ad illud exercendum, illum ad aliud; enumerat gratias, dicens: Divisiones utique sunt gratiarum. *Nam alii quidem*, id est discrete datur per Spiritum sapientia, id est cognitio divinarum, *et sermo sapientiæ*, ut gratiose eloqui possit quod bene sapit. *Alii autem datur scientia* de humanis et sermo, ut expedite loquatur quod scit; et hoc *secundum eundem Spiritum*, excluso merito hominis. *Alteri datur fides*, id est **134** vel constantia fidei, ut pro fide tuenda non dubitet mori. Vel fides, quia novit sacramenta fidei; et hoc *in eodem Spiritu*. *Alii datur gratia sanitatum*, ut per virtutem spiritus possit depellere morbos; et hoc *in uno* eodemque Spiritu, quia tædebat eum singulis donis spiritum apponere, comprehendit cæteras gratias, et ad ultimum subdit omnes dari per Spiritum. *Alii datur operatio virtutum*, id est miraculorum quæ contra legem nature fiunt, ut cæcum illuminare, mortuum suscitare. *Alii datur prophetia*, id est revelatio futurorum, vel intellectus Scripturarum. *Alii datur discretio spirituum*; quia scit discernere, quo spiritu quisque operetur aliquid, vel loquatur. *Alii dantur genera linguarum*; quia scit loqui diversis linguis. *Alii datur interpretatio sermonum*; quod Græcum scit interpretari per Latinum, vel e converso. Vel interpretatio sermonum, id est expositio allegiarum. Et cum diversis hæc diversa dentur, tamen *hæc omnia operatur unus atque idem Spiritus*, quem supra vocavi Deum et Dominum: *Spiritus dico, dividens singulis prout vult*, id est per gratiam, non per meritum.

Hic incipit ostendere diversitatem membrorum in eodem capite, qui est Christus; et quomodo illa diversa unum fiant in capite Christo. Littera sic jungitur. Bene dico spiritus dividens singulis, id est diversis membris diversas conferens gratias. Nam Christus est unum corpus diversa habens membra: sicut vides quod corpus hominis, unum est, et tamen habet multa membra, id est diversos actus habentia; et tamen omnia membra corporis cum sint multa,

id est diversa, sunt unum corpus. Ita Christus diversa membra habet in Ecclesia; et tamen in eo capite unum sunt: nec mirum; quia sicut per eandem animam diversa membra vivunt, sic per eundem spiritum universa membra ejus reguntur. Vere Christus est unum corpus: *etenim omnes nos sumus baptizati et vivificati in uno Spiritu*, transeuntes in unum corpus Christi. *Omnes dico indifferenter, sive simus Jædæi, sive gentiles, sive servi, sive liberi*. Et sicut baptizati, sic etiam omnes post baptismum potati sumus uno eodemque Spiritu in confirmatione, et in cæteris ordinibus Ecclesiæ. Vere nos baptizati sumus omnes, id est vere sumus diversa membra. *Nam, sicut corpus hominis non est unum membrum, sed multa*; et per simile non est Christus unum membrum; sed multa. Illud etiam totam refert sententiam. Nunc infert a superiori, quod nos omnes uno Spiritu baptizati et potati, sumus unum corpus Christi; quia unum: igitur *si dixerit pes*, id est inferius membrum in Ecclesia, *quoniam non sum manus*, id est talis operator ut ille; ideo *non sum de corpore* Christi; *non ideo sequitur eum non esse de corpore* Christi. Quod est dicere: Ille qui est inferior non potest se abrumpere ab unitate Christi; quia habet alium superiorem se in eodem corpore Christi. Et sicut pes non abrumpitur, quia non est manus; ita *si dixerit auris*, id est ille quem per alium docentem oportet intelligere, *quia non sum oculus*, id est quia per me non omnia intelligo; ideo *non sum de corpore*; *non sequitur ideo non esse de corpore*.

Dixerat superius, quod corpus non est unum membrum, sed non dederat rationem. Quare et hoc nunc subdit, dicens: Vere auris, licet non sit oculus, tamen est de corpore; quia si ideo non esset, sequeretur quod oculus esset totum corpus. Sed si oculus esset totum corpus, ubi est auditus? Ecce penuria in corpore. Et si auditus est totum corpus, ubi est odoratus? Iterum penuria. Per odoratum, discretionem boni et mali accipimus. Ne autem in corpore esset hæc penuria, posuit nunc Deus diversa membra, unumquodque eorum in uno corpore, sicut voluit distribuens eis gratias. Non solum propter removendam penuriam, unum membrum non est totum corpus, sed etiam ideo esse non potest; quia *si essent omnia membra unum membrum, 135 ubi esset corpus?* Periret utique corpus, quia si omnia membra essent manus, nec sic esset corpus hominis. Si iterum omnes in Ecclesia essent apostoli, vel unum aliquid, nec ipsi iidem essent apostoli, cum non essent quibus prædicarent. Quandoquidem si unum membrum totum corpus dicitur, et penuria in corpore, et etiam defectus corporis sequitur. *Propterea nunc quidem multa et discreta sunt membra, corpus autem horum membrorum unum est*. Et quia ex necessitate inferiora ut superiora membra sic sunt in corpore, igitur non potest oculus dicere manui, id est superior inferiori: *Non indigeo operata; cum unum membrum ablatum penuriam faciat*

corpori. Per hoc satis apparet quod qui majus donum accepit, non habet unde se præferat ei qui minus accepit; cum inferior sic faciat penuriam corporis, ut superior, si removeatur. *Aut iterum caput pedibus*, superior similiter inferiori dicere non potest: *non estis mihi necessarii*; cum oculus purgatione per manum indigeat, caput ut pedibus portetur ad hoc quod gustare, audire, vel videre desiderat.

Inferiora non tantum sunt necessaria, sed etiam multo magis sunt necessaria aliquando ea membra corporis quæ videntur esse infirmiora. Plerumque etiam quilibet idiotæ magis necessarii sunt in procuratione ecclesiasticorum, quam hi qui magis sapientes sunt, secundum opportunitatem temporis. Et ea membra Ecclesiæ quæ putamus ignobiliora, quia labuntur, aliquando *his circumdamus abundantio-rem honorem*, id est hos tales solentiori cura fovere debemus, et reducere ad meliora. Nostra etiam membra quæ *inhonesta sunt*: ut pudenda in corpore; et fornicator ille qui uxorem patris duxerat in Ecclesia Corinthiorum; ut David quando peccavit in uxorem Uriæ; hæc *inhonesta habent abundantio-rem honestatem*, id est diligens et honesta cura exhibenda est eis, ne, si spernantur, desperent; quia fortasse eas perfecti erunt, ut in David visum est. Inhonesta indigent honestate: sed *honestas membra non egent ullius honoris impensi sibi ab alio*. Qui enim perfecti sunt, non egent alio. Honestas quidem nullo egent: sed *Deus temperavit*, id est modificavit corpus, ut honesta ornarent inhonesta. Temperavit, inquam, *tribuendo abundantio-rem honorem ei mem- bro cui aliquid deerat*, ut membrum ægrum majori dilectione foveremus, quam sanum. Ideo sic temperavit, *ut non sit schisma*, id est discordia, in corpore Christi; *sed omnia membra sollicita sint pro invicem*, id est alterum pro altero; *sentientes idipsum*, id est angustiam proximi judicantes propriam. *Et si quid molestiæ patitur unum membrum, compatiantur omnia membra; sive gloriatur unum membrum, congaudeant omnia membra*. Et quidquid dixi de unitate corporis Christi, totum spectat ad vos, o Corinthii; quia *vos estis unum corpus Christi, et diversa membra pendunt de membro Christi*, qui vos de fide docuit. Vel membra pendunt de membro, id est de capite Christo, qui supremum membrum est Ecclesiæ. Locutus est superius de diversitate membrorum Christi, quomodo unum sint in capite suo Christo; loquitur adhuc de eisdem membris secundum diversitates donorum quæ habent a Spiritu sancto; volens comparare dona illa inter se, quæ magis sint utilia, quam minus: ut charitas et prophetia, quæ maxima sunt. Loqui diversis linguis, longe his inferius. Et hæc ideo comparat, quia Corinthii genera linguarum (quæ ultima erat) præferebant omnibus gratiis.

Littera sic jungitur: Vos estis membra pendunt de membro, id est de capite Christo, in quo unum corpus estis; et in hac unitate discretio, quia quosdam

quidem, id est discrete, posuit Deus in Ecclesia. Primum, id est in primo et excellentissimo gradu ponens apostolos. Secundum post apostolos posuit prophetas, id est viros illuminati sensus, qui aperirent Scripturas. Tertio gradu sub prophetis posuit doctores, qui de moribus instruerent. In his tribus servavit ordinem, 136 reliqua sine ordine miscuit. Deinde post doctores posuit virtutes, eos scilicet qui in virtute Dei cæcos illuminarent, mortuos suscitarent. Exinde posuit gratias curationum, eos scilicet qui dono Dei morbos depellerent. Dehinc opitulationes, id est adjuutores prædicationis, ut Barnabam et Timotheum: quo officio adhuc funguntur legati Romanæ sedis. Post hæc posuit gubernationes, id est episcopos, presbyteros: qui Ecclesias fidelium gubernarent. Ad ultimum posuit genera linguarum, id est ultimam gratiam, quam vos, o Corinthii, maxime desideratis. Et congrue Deus diversitates gratiarum in Ecclesia ordinavit. Nunquid enim omnes fuerunt apostoli? Si omnes utique, nec unus. Nam si, cum omnes essent apostoli, non essent quibus prædicarent verbum Dei, quia omnes perfecti; iterum, nunquid omnes essent prophetæ? Sic jam nihil alicui posset revelari, quia singuli essent prophetæ. Nunquid iterum omnes erunt doctores? Non esset quem de moribus instruerent, quia omnes docti. Nunquid omnes virtutes? Sic nec esset, cui fierent miracula. Nunquid omnes habent gratiam curationum? Non: quia non esset quem curarent. Nunquid omnes variis linguis loquuntur? Sic jam vile et commune fieret donum Dei. Nunquid omnes interpretantur, id est, linguam in linguam transferre noverunt? Si omnes interpretes, pro nihilo fieret interpretatio. Cum autem sint tot dona Spiritus sancti, æmulamini, id est desiderate ea charismata, id est gratuita dona spiritus, quæ inter prædicta sunt meliora. Charisma gratuitum dicitur. Et præter hæc quæ supra monstravi, demonstro vobis adhuc viam excellentio-rem, id est charitatem, quæ via est, et omni dono excellentior; quia cætera omnia non sufficiunt ad beatitudinem sine charitate.

CAPUT XIII.

« Si linguis hominum loquar et angelorum, charitatem autem non habeam, factus sum velut æsonans, aut cymbalum tinniens. Et si habuero prophetiam, et noverim mysteria omnia, et omnem scientiam, et si habuero omnem fidem, ita ut montes transferam, charitatem autem non habeam, nihil sum. Et si distribuero in cibos pauperum omnes facultates meas, et si tradidero corpus meum, ita ut ardeam, charitatem autem non habuero, nihil mihi prodest. Charitas patiens est, benigna est. Charitas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate; congaudet autem veritati. Omnia suffert, omnia credit, omnia sperat, omnia sustinet. Charitas nunquam excidit; sive prophetiæ evacuabuntur, sive linguæ cessabunt, sive

scientia destruetur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate : tunc autem facie ad faciem. Nunc cognosco ex parte : tunc autem cognoscam, sicut et cognitus sum. Nunc autem manent fides, spes, charitas : tria hæc. Major autem horum est charitas. »

EXPOSITIO.

Quia vult Corinthios magis appetere charitatem quam linguas, probat charitatem excellentiorem esse quam loqui linguis, dicens : Charitas utique linguis est excellentior ; nam si ego loquar linguis omnium hominum, loquar etiam linguis angelorum (non quod angeli linguis loquantur, sed quibusdam signis alteri alter voluntatem suam significat), et si ego tantæ perfectionis essem, ut monitiones angelorum cognoscerem, **137** vel linguis angelorum loquerer (cum enim angeli assumpta forma aliqua hominibus loquuntur, necesse est ut verba humana proferant); si autem hæc eadem verba loquar. Vel ita : Si loquar linguis hominum, id est humaniter viventium : et linguis angelorum, id est eorum qui in hoc mundo contemplative vivunt, charitatem autem non habeam, factus sum inutilis velut æs sonans, quod infructuose quantum ad se pertunditur, aut velut cymbalum tintiens, quod aures hominum delectat, sequæ pertundit et dirihuit. Et si habuero prophetiam, ut illuminato sensu ventura prædicerem ; et si noverim omnia mysteria, id est figuras operum Dei (ut diluuium figura fuit baptismi et similia) ; et si noverim omnem scientiam, id est ipsorum mysteriorum significationem ; et si habuero omnem fidem, ita ut montes (ad litteram) transferam (hoc enim erat meritum fidei, ut si fidelis diceret monti tollere hinc, et mittere in mare [Matth. xxi, 21], ita pro certo fieret). Vel aliter : Si habuero tam perfectam fidem ut tollam montes, id est diabolos ab obsessis corporibus transferam in porcos vel in huiusmodi, charitatem autem non habuero, nihil sum, id est, nullius meriti propter fidem sine charitate iudicor. Et si distribuero, id est diversis tribuero, non superflua mea tantum ; sed etiam facultates meas, id est, quæ facultas et possibilitas esset mihi retinere : distribuero dico non in superflua, sed in cibos ; nec divitum, sed pauperum ; et omnes, quotquot sunt, facultates ; et si tradidero corpus meum, ita ut ardeam, sicut B. Laurentius, charitatem autem non habuero, nihil mihi prodest.

Cætera sine charitate non prosunt ; sed charitas, etiamsi per se considerari queat, patiens est, id est virtutem patientiæ habet, etiamsi nihil quandoque patiat. Est etiam benigna, id est larga et abundans dilectione proximi, etiam si non habet quid tribuat. Postquam bona in charitate posuit, mala removet ab eadem, dicens : Charitas non æmularur, id est nemini invidet. Non agit perperam, id est

perverse, aliquid ; non infatur, id est non superbit, de temporali bono vel spirituali ; non est ambitiosa, ut dignitates mundi concupiscat ; non quærit quæ sua sunt tantum, sed æque utilitati intendit proximi ut suæ. Vel non quærit, id est non requirit, quæ sua sunt, si quis abstulerit ei. Non irritatur, id est non provocatur ad iram, non cogitat malum, ut dicat vel inferat alicui. Non gaudet super, id est de iniquitate ; si videt inique agi in proximum, potius compatitur ; congaudet autem veritati, id est secundum veritatem loquenti vel agenti. Omnia etiam adversa quæ inferuntur, patienter suffert, tolerat ; omnia credit, quæcunque de Deo sane credi oportet. Omnia sperat, et in præsentibus virtutes, et in futuro gloriam. Omnia sustinet, id est, si differatur retributio, longanimis est in sustinendo. Alia excellentia charitatis, scilicet quia charitas nunquam excidit, id est, permanens est in æternum, et nunquam præterit. Vere charitas sola non excidit. Nam prophetiæ et scientia, quæ inter cætera magis stare videntur, illa destruuntur. Sive enim prophetiæ sint, evacuabuntur in futuro. Cum enim omnia omnibus aperta sicut, quid prophetarent ? Sive linguæ sint, illæ cessabunt, omnibus enim in futuro identitas erit sermonis ; sive scientia quæ nunc habetur, illa destruetur. Quia de scientia quibusdam videbatur quod permanens esset, probat quod revera scientia præsens destruetur ; quia nunc cognoscimus, id est scimus ex parte, id est imperfecte. Et vere prophetia evacuabitur. Nam nunc prophetamus ex parte, id est imperfecte ; sed in futuro cum venerit quod perfectum est, evacuabitur omne illud quod ex parte, id est imperfectum est.

Opponeret aliquis : Verum quidem est quod scientia nunc est imperfecta, sed perfecta erit in futuro ; sed tamen illa pars scientiæ quæ nunc est, non destruetur, sed in illa totalitate scientiæ claudetur. Et hoc per inductam similitudinem Paulus destruit, quod nec illa scientia quæ nunc est permaneat ; quia quemadmodum **138** puer nil per rationem, sed per sensus et per quasdam imagines intelligit : de lapide quod durus sit et solidus, et de aliis similiter ; cum autem idem puer factus est vir, dimissis imaginibus, jam non corporali sensu discernere quærens, sola vi rationis longe melius cognoscit de eisdem ; ita ut sensualis et imaginaria cognitio, quam puer habuit, nulla jam sibi ratione utenti esse videatur. Sic scientia huius mundi per quasdam similitudines imaginatur Deum ; ut quia videt aliquem potentem, pensat Deum qui hunc creavit, longe potentior ; et de cæteris similiter. Sed in futuro cognoscemus Deum sicuti est : quem non cognoscimus modo sicuti est, sed tantum imaginamur per quasdam similitudines. Et quia tunc perfecta, nunc imperfecta ; tunc secundum veritatem rei, nunc secundum imagines tantum : propterea dixit scientiam destrui. Dilectio autem non destruetur ; quia eundem tunc diligemus quem nunc diligimus, licet tunc perfectius. Vere quod imper-

fectum est evacuabitur, cum venerit quod est perfectum : quemadmodum videtis quod, cum essem parvulus, vim rationis ignorans, loquebar ut parvulus, sapiebam ut parvulus, cogitabam ut parvulus, omnia imperfecte. Sed quando factus sum vir, et vim rationis exercui, evacuavi ea quæ erant parvuli; quia jam ratione longe melius intellexi ea quæ, dum eram parvulus, vix per imagines et sensus aliquantulum cognovi.

Similiter, quemadmodum pueri, videmus nunc, id est in præsentī, Deum per speculum, id est non per veritatem rei sicuti est, sed per quamdam similitudinem qua Deum imaginamur; nec per speculum quod aliquantulum sit lucidum, sed positum in ænigmate, id est, in obscuritate tanta, ut veritas rei secundum quod est, nullo modo cognoscatur; sed tunc in futuro videbimus Deum facie ad faciem, id est, videbimus Deum sicuti est. Et quia sic erit, apparet quod præsens scientia penitus destruetur; sed charitas permanebit : dum eundem quem nunc diligimus, in futuro diligemus. De vobis utique sic erit, ut nunc imperfecte, tunc perfecte cognoscatis; quia ego ipse nunc cognosco Deum ex parte, id est imperfecte; sed tunc in futuro cognoscam eum tam perfecte, sicut et ego cognitus sum a Deo, cui nihil latet in me. Ideo charitas est excellentior, quia, cum alia destruentur, illa sola permanebit; et etiam nunc, dum in præsentī cum aliis virtutibus permanet, excellentior est omnibus illis. Sed littera sic jungitur. In futuro destruentur, sed nunc manent fides, spes, charitas. Per has omnes virtutes intelligit quod fidem, spem et charitatem, satis leviter habere potestis, quia non sunt nisi tria hæc; et cum tam pauca sint, præparant omnem gloriam. Et licet simul maneant, tamen charitas est major horum, id est inter hæc, vel major his, fide scilicet et spe; et quia permanebit in æternum, et nunc major est, ideo sectamini charitatem præcipue, non genera linguarum.

CAPUT XIV.

« Sectamini charitatem, æmulamini spiritualia, et magis autem ut prophetetis. Qui enim loquitur lingua, non hominibus loquitur, sed Deo. Nemo enim audit, spiritus autem loquitur mysteria. « Nam qui prophetat, hominibus loquitur ad ædificationem, et exhortationem, et consolationem. « Qui loquitur lingua, semetipsum ædificat; qui autem prophetat, Ecclesiam ædificat [at., Dei]. « Volo autem omnes vos loqui linguis, magis autem prophetare. Nam major est qui prophetat, quam qui loquitur linguis; nisi forte interpretetur, ut Ecclesia ædificationem accipiat. Nunc autem, fratres, si venero ad vos linguis loquens, quid vobis prodero, nisi vobis loquar, aut in revelatione, aut in scientia, aut in prophetia, aut in doctrina? Tamen quæ sine anima sunt vocem dantia, sive tibia, sive cithara, nisi distinctionem sonituum dederint, quomodo scietur id quod canitur 139, aut quod citharizatur? Etenim si in-

certam vocem det tuba, quis parabit se ad bellum? Ita et vos per linguam nisi manifestum sermonem dederitis, quomodo scietur id quod dicitur? Eritis enim in aera loquentes. Tam multa, ut putarentur linguarum sunt in hoc mundo, et nihil sine voce est. Si ergo nesciero virtutem vocis, ero tibi cui loquor barbarus, et qui loquitur mihi barbarus. Sic et vos quoniam æmulatores estis spirituum, ad ædificationem Ecclesie, quærite ut abundetis. Et ideo qui loquitur lingua, oret ut interpretetur. Nam si orem lingua, spiritus meus orat, mens autem mea sine fructu est. Quid ergo est? Orabo spiritu, orabo et mente; psallam spiritu, psallam et mente. Cæterum si benedixeris spiritu, quis supplet locum idiotæ? Quomodo dicet amen super tuam benedictionem, quoniam quid dicas, nescit? Nam tu quidem bene gratias agis, sed alter non ædificatur. Gratias ago Deo [at., meo] quod omnium vestrum lingua loquor. Sed in ecclesia volo quinque verba sensu meo loqui, ut et alios instruam, quam decem millia verborum in lingua. Fratres, nolite pueri effici sensibus, sed malitia parvuli estote, sensibus autem perfecti estote. In lege enim scriptum est : « Quoniam in aliis linguis et in labiis aliis loquar populo huic; et nec sic exaudient me, dicit Dominus (Isa. xxviii, 11). Itaque linguæ in signum sunt non-fidelibus, sed infidelibus : prophetiæ autem non infidelibus, sed fidelibus. Si ergo conveniat universa Ecclesia in unum, et omnes linguis loquantur, intrent autem idiotæ aut infideles, nonne dicent, quid insanitis? Si autem omnes prophetent, intret autem quis infidelis vel idiota, convincitur ab omnibus, iudicatur ab omnibus. Occulta enim cordis ejus manifesta fiunt, et ita cadens in faciem adorabit Deum, pronuntians quod vere Deus in vobis sit. Quid ergo est, fratres? cum convenitis, unusquisque vestrum psalmum habet; doctrinam habet; Apocalypsim habet; linguam habet; interpretationem habet : omnia ad ædificationem fiunt. Sive lingua quis loquitur secundum duos, aut ut multum tres, et per partes, et unus interpretetur. Si autem non fuerit interpres, taceat in ecclesia, sibi autem loquatur et Deo. Prophetæ autem duo aut tres dicant, et cæteri dijudicent. Quod si aliquid [aliis] revelatum fuerit sedenti, prior taceat. Potestis enim omnes per singulos prophetare, ut omnes discant, et omnes exhortentur; et spiritus prophetarum prophetis subjectus est. Non enim dissolutionis est Deus, sed pacis; sicut in omnibus ecclesiis sanctorum doceo. Mulieres in ecclesiis taceant : non enim permittitur eis loqui, sed subditas esse, sicut et lex dicit (Gen. iii, 16). Si quid autem volunt discere, domi viros suos interrogent. Turpe est enim mulieri loqui in ecclesia. An a vobis verbum Dei processit? aut in vos solus pervenit? Si quis videtur propheta esse, aut spiritualis, cognoscat quæ scribo vobis, quia Domini sunt mandata. Si quis autem ignorat, ignorabi-

• tur. Itaque, fratres, æmulamini prophetare, et lo-
• qui linguis nolite prohibere. Omnia autem ho-
• neste et secundum ordinem fiant in vobis. »

EXPOSITIO.

Postquam de charitate probavit, quod excellen-
tior esset non solum linguis, sed et omni virtute,
probat quod prophetare dignius et utilius sit in Ec-
clesia, quam loqui linguis. Et hoc probat multis
modis, dicens : Licet dicam præ omnibus *sectamini*
charitatem, volo tamen *æmulemini spiritualia*, id
est desideretis spirituales gratias. Et cum omnes
utiles sint, *tamen desiderate ut prophetetis magis*,
quam loqui linguis. Et magis utique est desideran-
dum ; quia ille qui loquitur lingua incognita, loqui-
tur non hominibus, id est non ad ædificationem ho-
minum, sed Deo, id est ad honorem Dei tantum,
qui linguam dedit. Vere non hominibus, nam nemo
hominum audit, id est intelligit quæ ille loquitur,
sed licet nemo audiat, tamen Spiritus sanctus loqui-
tur mysteria per illum loquentem lingua incognita.
Vere magis utile est prophetare quam loqui linguis ;
quia ille qui prophetat loquitur hominibus ad ædi-
ficationem. Vel jungamus ad proximum, ut tamen
eandem sit sententia : propter hoc quod *nam*, quia, enim
proximis respondere debent ; loquens linguis non lo-
quitur hominibus. Nam ille tantum qui prophetat,
id est qui obscuritates Scripturarum aperit, hic
loquitur hominibus ad ædificationem, id est ut in-
struat ruditatem 140 eorum ; et postquam instrui-
ti sunt ad exhortationem, ut ad meliora se erigant ;
et ad consolationem, ut in tribulationibus fortes appa-
reant. Ille vero qui loquitur lingua incognita, ut
plus ædificat semetipsum : quandoque nec se ; quia
non intelligit, opposita sententia. Sed ille qui pro-
phetat, dum Scripturas aperit, totam Ecclesiam ædi-
ficat. Et quia tanta utilitas est prophetandi, volo uti-
que vos omnes loqui linguis, sed tamen magis volo
vos prophetare. Propterea, quia ille qui prophetat
major est dignitate, et merito, et utilitate, quam ille
qui loquitur linguis, nisi forte (quod vix contingit)
ille interpretetur, id est exponat cognita lingua,
quod incognita loquitur, ut sic Ecclesia accipiat
ædificationem per ejus interpretationem, quæ inter-
pretatio idem valet quod prophetia. Probat per si-
militudinem sui, quod non debeant insistere varietati-
bus linguarum, dicens : Quia per linguam in-
cognitam Ecclesia non ædificatur, non sunt linguæ
ideo multum appetendæ, nec etiam ideo, quia sic
ego nunc etiam cum jam conversi estis, et linguas
habetis, venero ad vos, fratres, loquens linguis inau-
ditis, quid vobis prodero, nisi loquar vobis, aut in
revelationem, aut in scientia, aut in prophetia, aut in
doctrina, id est si nihil loquar vobis in aliquo genere
instructionis. Revelationem et prophetiam, dona Dei
intelligit, scientiam et doctrinam industrialia : ha-
beatur enim per industriam hominis. Et vocat do-
ctrinam, quod quis addiscit ab alio. Scientiam au-
tem hoc, quod studio et proprio exercitio intelligit
de Scripturis. Vel doctrinam de moribus, in quo

A operari oportet : scientiam de naturis rerum, in quo
speculatio sola sufficit. Prophetiam vocat continuum
futurorum cognitionem, non per figuras aliquas, sed
sola insinuatione Spiritus sancti ; revelationem
vero, subitam cognitionem futurorum, ut aliquis ab-
reptus a Spiritu subito futura prædixerit, et mox
Spiritus ab eo recesserit ; vel revelationem, id est
cognitionem futurorum per somnia, ut in Daniele et
Joseph, vel per res gestas, ut Noe per arcam.

Probat idem similitudine inanimatorum, dicens :
Licet de me ipso exemplum vobis adduxerim, tamen
non oportuit ; quia in his quæ sunt sine anima, vo-
cem, id est sonum dantia ; sive hoc sit tibia, sive ci-
thara : nisi dederint distinctionem sonituum, quomo-
do scietur quod canitur, aut quod citharizatur ? Sic
et vos, quia indistinctos sonos confunditis, non in-
telligitur quod dicitis. Iterum per aliud probo non
esse appetendam confusionem linguarum. Etenim
si tuba det incertam vocem, cum distincta sit vox
tubæ, invitans ad bellum, quis propter incertam vo-
cem parabit se ad bellum ? Nemo utique. Vel illud
etenim jungitur ad proximum. Cithara vel tibia con-
fuse sonans non intelligitur. Nam tuba per simile
dans vocem incertam non intelligitur. Et sicut tuba
dans incertam vocem non intelligitur, ita et vos, nisi
per linguam dederitis manifestum sermonem, quomo-
do scietur ab auditoribus id quod a vobis dicitur ?
Nescitur utique. Nam vos eritis loquentes in aera,
id est frustra verberantes aerem. Loquentes dico
tam multa ut puta, id est sicut genera linguarum in-
finita sunt in hoc mundo, et in singulis linguis nihil
est sine voce : unumquodque habet proprium et dis-
tinctum ab aliis vocabulum. Ergo quia linguæ sunt
diversæ, et voces distinctæ, si ego nesciero virtutem,
id est significationem vocis quam profero, ero bar-
barus ei cui loquar ; et qui loquitur mihi, barbarus
similiter videbitur ; sic estis et vos in alterutrum
barbari. Vel ut hic incipiat versus. Sic, id est hac
ratione ; quia incognita loquitur, barbarus judica-
tur ; vos etiam, quoniam estis æmulatores spirituum,
id est desideratores spiritualium honorum, quærite
ut abundetis in his donis quæ valent ad ædifica-
tionem Ecclesiæ, ut prophetia. Et ne intendatis
varietatibus linguarum ; quia illa dona appetere
debetis, quæ valeant ad ædificationem 141
Ecclesiæ. Ideo ille qui loquitur lingua incognita,
oret Deum ut interpretetur, id est ut sciat inter-
pretari audientibus, quod aliena lingua loquitur.
Vel ita : Qui loquitur lingua, oret, id est loquatur :
ita ut quod perorat interpretetur. Sic utique loquen-
dum est, ut interpretatio comes sit. Nam si ego ipse
orem, id est loquar, vel orem Deum lingua incognita,
spiritus meus, id est Spiritus sanctus mihi datus :
vel spiritus meus, id est ratio mea, quæ, licet non in-
telligat, bonum tamen scit esse quod dicit, quia ex
dono Dei : ratio, inquam, vel spiritus meus in me
orat Deum. Vel orat, id est loquitur : sed mens, id est
intellectus meus, est sine fructu, id est sine utilitate
compunctionis, quia per hoc quod non intelligo,

compungi nequeo. Quandoquidem si lingua incognita loquor, sine fructu sum, quia non interpretor. *Quid ergo est*, id est quomodo orandum est? Ita utique *orabo*, vel loquar *spiritu*, id est voce incognita quam spiritus dat, vel ratio est *et ita orabo* ut etiam *mente*, id est intelligentia, quia quod intelligam, illud tantum proferam. Vere orabo spiritu et mente : nam *ego psallam spiritu psallam et mente*. Psallere dicit orare Deum consona vocis modulatione, quæ consonantia diversarum vocum in Ecclesia innuit omnes in consonantia fidei et vitæ debere laudare. Bonum est spiritu simul et mente orare : *cæterum*, id est *sed si tu bene dixeris spiritu*, id est voce incognita tantum, *quis in tua oratione supplet locum*, id est *vocem idiotæ*? Consuetudo erat in Ecclesia ut idiotæ, id est rudes in fide, etiam illitterati quando perorabat sacerdos, responderent *amen*, et cum spiritu tuo : sed modo perorante aliquo lingua incognita, etiam prudentiores nesciebant ubi finis, ubi medium orationis, quia non intelligebant : et sic non poterant facere, nec illud quod idiotæ consueverant respondere. Idioma dicitur proprium, inde dicuntur idiotæ qui in proprietate naturæ adhuc sunt : nihil scientes nisi quod a matribus pueri didicerunt : vel illud, cæterum, nomen sit ita : Propter hoc quod præmissum est, non debetis orare lingua tantum : *cæterum*, id est aliud, propter quod ne faciatis idem, quia *si tu bene dixeris spiritu*, etc. Vere nemo supplet locum idiotæ : quando tu incognita voce peroras : *quomodo enim dicit amen, super tuam benedictionem*, etiam sapiens : *quoniam nescit quid dicas*? Non enim intelligit, quando tu, incognita lingua loquens, finire debeas aut procedere. De hoc quod proximus te non intelligit reprehendo te : nam secundum propriam personam te non reprehendo. *Nam tu quidem bene gratias agis* quantum in te est ; *sed* ideo male, quia *alter*, id est proximus, *non ædificatur* : quia nec intelligit. Vel ibi supra jungitur : *Iuste dixi benedixeris* ; nam tu quidem bene gratias agis, quantum in te est : sed frater non instruitur. Probat iterum exemplo et auctoritate sua, quod non adeo debeant sectari linguas, dicens : *Nolite loqui lingua, ita ut non sit instructio proximi : nam ego, quem imitari debetis, volo loqui in Ecclesia quandoque*, id est pauca *verba meo sensu*, id est intellectu, ut quod loquar intelligam. Per hoc notat eos sic quandoque loqui, quod nec ipsi se intelligerent. *Volo, inquam, loqui meo sensu : ut et me et alios instruam, quam electivum, quod nullo modo volo loqui : scilicet, decem millia*, id est infinitatem verborum lingua incognita : quod utique possem si vellem, et inde *gratias ago Deo : quoniam ego, si placet, loquor lingua omnium vestrum : sed*, id est tamen, *in Ecclesia volo*, etc. Ideo Paulus se dixit habere genera linguarum, ne dicerent Corinthii, quia non habet linguas. Ideo nobis de linguis impropert. Iterum aliud quare non appetant linguas, quia efficiuntur sic parvuli. Sed littera sic jungitur ad proximum : *Sicut in me videtis, loquimini vestro sensu : et similiter, fratres* ~

clando linguas quarum sensum non habeatis, nolite pueri effici sensibus, qui loquuntur quod non intelligunt ; *sed estote parvuli secundum malitiam* : et hoc dicit, quia erant multum malitiosi sensibus vel cogitatione, verbo et actu. Parvuli quidem malitia, *sed sensibus estote perfecti*, id est perfectam intelligentiam appetentes, ut prophetare possitis. Iterum ideo linguæ non sunt appetendæ vobis : quia fideles estis et *linguæ non fidelibus, sed infidelibus* prosunt. Et quod ita sit, auctoritatem præmittit isaia (xxviii, 11) : quam tamen in lege esse dicit, legis nomine prophetiam designans. Vere non fidelibus sed infidelibus. Nam *in lege scriptum est* illud, quoniam vel ibi continuatur, vel hic ponitur pro quod : *Hoc, inquam, scriptum est, quod in aliis linguis*, id est in varietate linguarum, *et in aliis labiis*, id est in aliis sermonibus : quia prius de carnalibus, nunc autem de spiritualibus *loquar populo huic* Judaico infideli, ut mirantes novitatem linguarum, audiant me : *et tamen nec sic*, id est pro tam evidenti miraculo, *exaudient me*. Quodque ita sit credito : quia hæc dicit Dominus (ait in aliis labiis nihil ad probationem, sed mos est ut auctoritates perfecte ponantur).

Nunc de lege præmissa infert Paulus. Quia populo incredulo diversæ linguæ propositæ sunt : *itaque per hoc apparet, quod linguæ in signum*, id est causa miraculi sunt *non fidelibus*, quorum fides non eget miraculis, *sed infidelibus*, qui novitate miraculorum ad fidem trahendi sunt. Opposita sententia. Linguæ non fidelibus sed infidelibus : *prophetiæ autem non fidelibus*, stultum enim esset mysteria fidei revelare incredulis, *sed fidelibus*. Et quia vos fideles estis, quærite prophetiam quæ fidelibus congruit. Iterum aliud quare non appetant linguas : quia si illis loquentibus in Ecclesia variis linguis, forte infideles intraverint : putabunt eos insanire. Littera sic jungitur : *Quia linguæ non sunt in signum fidelibus : ergo vos qui estis Ecclesia, quare propter linguas insani reputamini? Si enim conveniat universa Ecclesia in unum, et omnes loquantur linguis incognitis, illis autem varietate linguarum conclamantibus, intrent idiotæ Ecclesiam, aut infideles aliqui, nonne dicerent quod vos insanitis, quia phrenetico more tumultuatis? Varietate linguarum conclamantes insanos dicent. Sed si omnes in Ecclesia prophetent, aperiendo Scripturas, intret autem illis prophetantibus aliquis infidelis vel idiota, statim convincitur ab omnibus ibi prophetantibus. Audiens enim præcepta Dei mysteria fidei, sua conscientia convincit eum et arguit : et ita dijudicatur, id est judicabilem et damnabilem se cognoscit, instructus ab omnibus, qui ibidem prophetant, et tunc occulta cordis ejus manifesta sunt sibi ipsi : quia in quibus se peccasse non putabat, per doctrinam quam audit, graviter se reum cognoscit. Et ita convictus, cadens in faciem, adorabit Deum, ut accipiat remissionem peccatorum, pronuntians etiam palam omnibus, quod Deus vere sit in vobis prophetantibus : quos linguis tumultuantes paulo ante dicebat insanire. Quia nec*

indiscrete eos vult loqui linguis, ne iudicentur insani; nec iterum vult eos penitus rejicere donum Dei, scilicet, loqui linguis, determinat quomodo utantur hoc præcipue et aliis donis: omnia faciendo ad utilitatem proximi. Littera sic jungitur: Quandoquidem linguis tumultuantes insani dicimur. Prophetantes vero Deum in nobis habere dicimur. *Quid ergo faciendum est, fratres?* Prophetabitis semper, neglectis penitus linguis? Minime: sed cum convenitis, unusquisque habet donum suum. Alius habet psalmum, ut cantet, vel interpretetur psalmos in Ecclesia. Alius habet doctrinam, ut sciat instruere de moribus. Alius habet Apocalypsim, id est revelationem occultorum. Hæc tria posuit solum ad similitudinem; duo quæ sequuntur, ad intentionem. Alius habet linguam incognitam. Alius habet interpretationem Scripturarum, id est prophetiam: et cum hæc omnia habeatis: omnia fiant in vobis ad ædificationem Ecclesiæ. Sive illud faciatis, sive **143** aliud: sive aliquis loquitur lingua incognita, hoc fiat secundum duos, id est duobus tantum sic loqui permitto: aut secundum tres, ut multum dicam: non enim plus quam tribus hoc licere concedo: nec hic duo vel tres in eadem parte templi conclament; sed per partes, ut si ille in capite, hic in fine ecclesiæ. Vel per partes diei, ut hic hora tertia, ille sexta. Nec hi loquantur sine propheta, sed semper unus præsto sit: ut quod inusitato modo dicitur, populari lingua interpretetur. Si autem objicatis, quod quandoque non fuerit præsto interpres, malo ut loquens lingua in ecclesia taceat, quam sine interprete barbarum fremdat. Ecclesiæ non, sed loquantur sibi et Deo, id est instructioni sui et divinæ laudi. Sicut loquentes linguis, sic etiam propheta duo aut tres dicant in ecclesia, et per partes similiter. Dicerent alii: Nos [qui tantumdem scimus, nomine prophetabimus? Minime; sed cæteri propheta dijudicent ea quæ docentur ab illis fratribus, ut si quid male doceant, cæteri corrigant illos. Iterum aliud de prophetis. Si vero repente fuerit revelatum quid a spiritu alii sedenti, surgat et loquatur ille, et qui prior loquebatur, modo taceat. Contingebat enim plerumque ut spiritus subito arriperet aliquem: et de hoc præcipit Apostolus, ut quando hoc contigerit, hic talis permittatur loqui. Loquatur qui prius sedebat, et alter taceat. Et hoc ideo dico, quia vos omnes potestis prophetare: eundo per singulos: solummodo videatur, ut omnes discant, id est instruantur per prophetantem. Plerumque enim contingit ut qui sapientem se putabat, addiceret quod nesciret, per illum subito inspiratum. Discant dico, et sic omnes exhortentur ad meliora: ideo præcipio ut prior taceat. Nam spiritus prophetarum subjectus est prophetis, id est Spiritus Sanctus non compellit eos loqui, velint nolint, quia cum spiritus sit Deus, non est Deus dissensionis, quæ utique dissensio fieret, si conclamando litigarent. Sed est Deus pacis et concordiæ: quæ pax servatur si se alternatim supportaverint. Hoc autem de linguis

et prophetia et charitate, et omnibus præmissis dico vobis: sicut ego idem doceo in omnibus Ecclesiis, doctrinam quam imitamini: quia Ecclesiis sanctorum. Vel illud idem sequenti litteræ jungitur: Omnes quidem viri prophetare possunt, sed mulieres nunquam: et hoc dico sicut in omnibus Ecclesiis doceo: imo taceant mulieres in ecclesiis: non enim a me vel alio doctore permittitur eis in ecclesia loqui: sed præcipio eas ubique subditas esse viris, quibus se parificarent, si in ecclesia loqui præsumerent. Et hoc de mulieribus dico, quod subditæ sint, sicut etiam lex dicit in Genesi: « Sub viri potestate eris, et ipse dominabitur tui (Gen. III, 16). » Dicerent illæ: Nolumus loqui sed tantum interrogare. Non sic utique. Sed si quid volunt discere, interrogent viros suos, non in ecclesia, sed domi: in ecclesia nunquam. Nam loqui in ecclesia, turpe est mulieri, id est turpem et impudentem probat mulierem. Hæc de prophetis et mulieribus, et quæcunque supra docui, nolite superbicando repellere, ut novitates vestras inducat: quia an a vobis processit verbum Dei ad alias Ecclesias, ut modo novas inducat [inferatis] doctrinas? Aut gloriamini quasi in vos solos pervenerit verbum Dei, et vos soli Deum credatis? Nemo vestrum præsumendo quasi sapiens sit, negligat præcepta mea: sed si quis videtur inter vos esse propheta, id est Scripturas intelligens: aut etiam spiritualis, id est spiritualem vitam ducens, quicumque sit, cognoscat ea quæ scribo vobis, et oportet: quia hæc mandata non mea sunt, sed Domini. Si quis autem contumeliose se efferens ignorat, dedignans attendere hæc mandata, dico vobis de illo, quod pro certo ignorabitur a Deo: Quandoquidem ignorans hæc mandata, a Deo ignorabitur. Itaque, fratres mei, æmulamini, id est desiderate prophetare, sicut præcipio, et tamen loqui linguis nolite prohibere, sicut supra determinavi. Nolite prohibere, sed omnia fiant in vobis honeste, id est ad ædificationem Ecclesiæ: et **144** secundum ordinem, quem supra disposui, ut pauci loquantur vel prophetent, et per partes.

CAPUT XV.

Notum autem vobis facio, fratres, Evangelium quod prædicavi vobis, quod et accepistis, in quo et statis. Per quod et salvamini: qua ratione prædicaverim vobis, si tenetis, nisi frustra credidistis. Tradidi enim vobis imprimis quod et accepi: quoniam Christus mortuus est pro peccatis nostris secundum Scripturas: et quia sepultus est, et quia resurrexit tertia die secundum Scripturas; et quia visus est Cephæ, et post hæc undecim. Deinde visus est plusquam quingentis fratribus simul, ex quibus multi manent usque adhuc, quidam autem dormierunt. Deinde visus est Jacobo, deinde apostolis omnibus: novissime autem omnium tanquam abortivo, visus est et mihi. Ego enim sum minimus apostolorum, qui non sum dignus vocari apostolus, quoniam persecutus sum Ecclesiam Dei. Gratia autem Dei sum id

quod sum : et gratia ejus in me vacua non fuit, sed abundantius illis omnibus laboravi. Non ego autem, sed gratia Dei mecum. Sive enim ego, sive illi, sic prædicavimus, et sic credidistis. Si autem Christus prædicatur, quod resurrexit a mortuis, quomodo quidam dicunt in vobis quoniam resurrectio mortuorum non est, neque Christus resurrexit. Si autem Christus non resurrexit, inanis est prædicatio nostra, inanis est et fides vestra. Invenimur autem et falsi testes Dei, quoniam testimonium diximus adversus Deum, quod suscitaverit Christum, quem non suscitavit, si mortui non resurgunt. Nam si mortui non resurgunt, neque Christus resurrexit. Quia si Christus non resurrexit, vana est fides vestra. Adhuc enim estis in peccatis vestris. Ergo et qui dormierunt in Christo, perierunt. Si in hac vita tantum in Christo sperantes sumus, miserabiliores sumus omnibus hominibus. Nunc autem Christus resurrexit a mortuis primitiæ dormientium, quoniam quidem per hominem mors, et per hominem resurrectio mortuorum. Et sicut in Adam omnes moriuntur, ita in Christo omnes vivificabuntur. Unusquisque autem in suo ordine, primitiæ Christus : deinde hi qui sunt Christi, qui in adventu ejus crediderunt. Deinde finis, cum traderit regnum Deo et Patri, cum evacuaverit omnem principatum, et potestatem, et virtutem. Oportet autem illum regnare, donec ponat omnes inimicos sub pedibus ejus (*Psal. cix, 1*). Novissime autem inimica destruetur mors. Omnia enim subjecit sub pedibus ejus (*Psal. viii, 8*). Cum autem dicat : Omnia subjecta sunt ei, sine dubio præter eum qui subjecit ei omnia. Cum autem [Nam cum] subjecta fuerint illi omnia, tunc ipse filius subjectus erit illi qui subjecit sibi omnia, ut sit Deus omnia in omnibus. Alioquin quid facient, qui baptizantur pro mortuis? Si omnino mortui non resurgunt, ut quid et baptizantur pro illis? Ut quid et nos periclitamur omni hora? Quotidie morior propter vestram gloriam [pro vestra gloria], fratres, quam habeo in Christo Jesu Domino nostro. Si secundum hominem ad bestias pugnavi Ephesi, quid mihi prodest si mortui non resurgunt? Manducemus et bibamus, cras enim moriemur (*Sap. ii, 6; Isa. xxii, 13*). Nolite seduci. Corruptum mores bonos colloquia mala. Evigilate justi, et nolite peccare : ignorantiam enim Dei quidam habent. Ad reverentiam vobis loquor. Sed dicit aliquis : Quomodo resurgent mortui? Quali autem corpore venient? Insiapiens, tu quod seminas non vivificatur, nisi prius moriatur. Et quod seminas, non corpus quod futurum est seminas, sed nudum granum, ut putricitici, aut alicujus cæterorum. Deus autem dat illi corpus sicut vult, et unicuique seminum proprium corpus. Non omnis caro eadem caro : sed alia hominum, alia pecorum, alia volucrum, alia autem piscium. Et corpora cælestia, et corpora

terrestria : sed alia quidem cælestium gloria, alia autem terrestrium. Alia claritas solis, alia claritas lunæ, et alia claritas stellarum. *Stella enim a stella differt in claritate : sic et resurrectio mortuorum. Seminatur in corruptione, surget in incorrupti- ne. Seminatur in ignobilitate, surget in gloria. Seminatur in infirmitate, surget in virtute. Seminatur 145 corpus animale, surget corpus spiri- rituale. Si est corpus animale, est et spirituale, sicut scriptum est : « Factus primus homo Adam in animam viventem (*Genes. ii, 7*) » novissimus Adam in spiritum vivificantem. Sed non prius quod spirituale est, sed quod animale est, deinde quod spirituale est. Primus homo de terra terrenus : secundus homo de cælo cælestis. Qualis terrenus, tales et terreni ; et qualis cælestis, tales et cælestes. Igitur sicut portavimus imaginem terreni, portemus et imaginem cælestis. Hoc autem dico, fratres, quoniam caro et sanguis regnum Dei possidere non possunt, neque corruptio incorruptelam possidebit. Ecce mysterium vobis dico : Omnes quidem resurgemus, sed non omnes immutabimur. In momento, in iectu oculi, in novissima tuba : canet enim tuba, et mortui resurgent incorrupti, et nos immutabimur. Oportet enim corruptibile hoc induere incorruptionem, et mortale hoc induere immortalitatem. Cum autem mortale hoc induerit immortalitatem, tunc fiet sermo qui scriptus est : « Absorpta est mors in victoria (*Ose. xiii, 14*). » Ubi est, mors, victoria tua? Ubi est, mors, stimulus tuus? Stimulus autem mortis peccatum est, virtus vero peccati lex. Deo autem gratias, qui dedit nobis victoriam, per Dominum nostrum Jesum Christum (*I Joan. v, 5*). Itaque, fratres mei dilecti, stabiles estote et immobiles : abundantes in omni opere Domini, semper scientes quod labor vester non est inanis in Domino. :*

EXPOSITIO.

Postquam docuit eos de baptismo, de corpore et sanguine Domini et de donis Spiritus sancti, ad ultimum instruit eos de resurrectione mortuorum, quam partim credebant, partim negabant. Credebant enim Christum vere surrexisse a mortuis ; eos etiam qui in novissima tuba morerentur, et integra carne statim reviviscerent, hos tales credebant resurrecturos. Sed eos quorum corpora in cineres dissolverentur, dicebant nulla ratione posse resurgere. Naturalibus supra modum adhaerentes argumentis. Littera sic jungitur : De linguis et prophetia sic vos doceo. De resurrectione autem mortuorum, notum facio vobis, fratres : notum, inquam, facio Evangelium, id est, resurrectionem mortuorum ; quod maxima pars est meæ prædicationis ; quod Evangelium de resurrectione ego prædicavi vobis, ne obtendatis vos quasi ignoranter peccare ; quod etiam accepistis, et turpe esse debet quod semel bene credidistis : iterum negare, in quo etiam statis ; nisi enim resurrectionem credatis, frustra in fide

stetis; per quod etiam Evangelium salvabimini: A carnis enim resurrectionem partem dicimus fidei, sine qua nemo possit salvari. Salvabimini dico si tenetis hoc Evangelium ea ratione qua vobis predicari: et nisi hoc sit quod vos frustra credidistis, id est, nisi fidem vestram inutilem dicitis, quod Corinthii nullo modo faterentur eos, scilicet frustra credidisse. Trado vobis Evangelium. Nam hoc quod ego tradidi vobis in primis, id est, inter potiora fidei; quod etiam non a me habeo, sed accepi a Deo. Hoc, scilicet, Evangelium: quod Christus mortuus est pro peccatis nostris delendis; et si peccata nostra deleta sunt, quorum pœna mors est, quare in morte detinemur? Mortuus est Christus: et hoc dico secundum Scripturas prophetarum idem attestantium. Cum modo debeat probare de resurrectione, prœmittit Christum vere fuisse mortuum, ut veræ morti vera sit resurrectio. Hoc etiam tradidi vobis de Christo quod sepultus est, ne statim post mortem resurgens, diceretur: Non vere mortuus est. Hoc etiam tradidi vobis de eo quod resurrexit tertia die. Et hoc dico secundum Scripturas, quæ hoc perhibent.

Probat per testimonia Scripturarum, probat etiam Christum resurrexisse, per testimonia eorum quibus post resurrectionem visus est. Et hoc tradidi vobis, quia visus est Cephæ, id est, Petro. Hanc apparitionem ubi, et quomodo facta sit non legimus, sed tantummodo scriptum est: Surrexit Dominus et apparuit Petro, et post hæc visus est undecim apostolis, **146** quando Thomas erat cum eis (Luc. xxiv, 39). Deinde visus est plus quam quingentis fratribus simul: ex quibus multi manent usque ad hoc tempus; et si placet, quærite ab eis; quidam autem eorum dormierunt. Christum dicit mortuum, hos dormisse. Deinde etiam visus est Jacobo Hierosolymitano episcopo, qui videns Christum in cruce, devovit se non manducaturum panem, donec videret Christum resurrexisse. De his duabus apparitionibus, nihil in Evangelii invenitur. Deinde visus est omnibus apostolis (Act. ix, 3), in die Ascensionis. Novissime autem omnium visus est mihi (Act. xxii, 17); prius in via, post in templo oranti. Mihi dico, tanquam abortivo, id est vi quadam et compulsionem in apostolatam nato. Abortivum se dicit, quia extra tempus natus in Christo, apostolatam accepit, in cœlo recepto Domino cum carne. Bene dico abortivo. Nam ego sum minimus apostolorum, qui nec etiam dignus sum vocari apostolus, quoniam persecutus sum Ecclesiam Dei. Et licet dignus non fuerim, tamen sum id, id est apostolus qui utique sum per gratiam Dei, et licet prius persecutor fuerim, tamen ex quo recepi gratiam ejus, ipsa gratia non fuit vacua, id est otiosa in me, sed laboravi omni genere passionis abundantius omnibus aliis apostolis. Et licet dicam laboravi, tamen non ego per me hoc potui, sed gratia Dei operata est mecum. Cum dicat se tot et tanta sustinuisse, per hoc satis approbat resurrectionem, spe cujus omnia patitur. Re-

vertitur ad quod supra. Vere Christus resurrexit. Nam sic prædicamus, sive ego, sive illi alii apostoli, locus ab auctoritate. Vos etiam sic credidistis, quod Christus vere resurrexit: nolite negare. Si autem prædicatur et negari non potest, quod Christus surrexit a mortuis, quomodo quidam in vobis dicunt, quod non est futura resurrectio mortuorum? Si Christus resurrexit (quod utique verum est) resurrectio mortuorum sequitur ex necessitate. Probat superius auctoritatibus Scripturarum et testimoniis sanctorum, qui viderunt Christum vere surrexisse a mortuis, et ex eo intulit, quia si Christus surrexit, et resurrectio mortuorum erit. Hanc autem consequentiam sic probat: Vere si Christus surrexit et resurrectio mortuorum est. Nam si resurrectio mortuorum non est, neque Christus resurrexit. Hic locus a simili est, et inter causam et effectum diversis respectibus. Similitudo in eo est quia si Christus in morte detineri non potuit, quia peccatum, quod est causa mortis, in eo non fuit, nec nos pro modo nostro justificati a peccatis in morte detinebimur. Quia si mortem evadimus, tunc resurgemus, per hanc similitudinem, scilicet, quod peccatis iustificati sumus, cum Christo resurgemus; sed quia Christus longe major nobis est in iustitia, ideo major erit in gloria resurrectionis. Iterum resurrectio Christi et quæcumque operatus est in terris, omnia spectaverunt ut homo restitueretur perditæ beatitudini. Quia si hic effectus, scilicet, resurrectio mortuorum non sequitur, frustra causæ illæ præcesserunt, sed Christus resurrexit: et hoc probat per multa inconvenientia, ex eo non resurgente provenientia. Dico quod Christus surrexit. Nam si Christus non surrexit, ergo prædicatio nostra est inanis, id est sine re; quia res illa quam prædicat non sic est; et de eodem aliud inconueniens, quoniam fides vestra est inanis, id est infructuosa, si Christus non resurrexit, quod Corinthii, scilicet, fidem suam esse inanem nullo modo faterentur. Iterum aliud inconueniens, si Christus non resurrexit; quia tunc invenimur nos falsi testes Dei Patris, ideo quoniam diximus testimonium contra Deum: non enim placet Deo, si quis quod non fecerit Deus attribuat ei; hoc, scilicet testimonium quod Deus suscitaverit Christum, quem pro certo non suscitavit si mortui non resurgunt. Verum est quod mortui resurgunt sicut vos dicitis. Nam si mortui non resurgunt, neque Christus resurrexit: idem superius posuerat, sed ad aliud: ibi enim ut illam probaret veram si Christus surrexit et mortui resurgunt. Hic autem ut inferret veram eam quæ dicit non suscitatum esse Christum nisi **147** mortui resurgant. Diceret Corinthii: Mallem negare resurrectionem Christi, quam concedere quod resurgant mortui. Probat iterum per inconueniens Christum resurrexisse: Vere Christus surrexit, nam si non resurrexit Christus, fides vestra de Christo vana est. Nulla fuit illa fides, quam accepistis. Vere si Christus non resurrexit, vana est fides vestra. Nam adhuc estis in peccatis vestris. Legitur sur-

rexisse propter justificationem nostram. Quia si non A resurrexit, nec nos justificavit, sic igitur vana est fides vestra. Et quia adhuc homines sunt in peccatis, ergo illi qui dormierunt in Christo, id est mortui in Christi fide perierunt, id est damnati sunt. Iterum aliud inconueniens. Et si non resurrecturi sperantes sumus in Christo tantummodo in hac vita, sicut vos dicitis, futuram non habituri, tunc sumus miserabiliores omnibus hominibus: quia nec hac, nec alia vita fruemur: cum quotidie in angustiis devolvamur: quandoquidem tot inconvenientia ex negata resurrectione se ingerunt: igitur nunc, id est ex præmissis rationibus colligitur quod vere Christus resurrexit a mortuis. Christus dico primitiæ et secundum tempus, et secundum dignitatem. quia et si quidam ante eum suscitati fuerunt non a mortuis, sed in numero morientium relapsi sunt. Dignitate, quia majorem omnibus gloriam habebit, et quidquid alii, totum habebunt ab illo, et per illum. Christus dico primitiæ dormientium. Per hoc innuit, cum dicit Christum primitiæ, quod alii dormientes secuturi sint eum in resurrectione. Diceret aliquis: Non videtur ut per meritum unius hominis Christi omnes homines resurgere possint. Contra hoc Paulus: Vere cæteri dormientes per primitias suas, id est Christum, resurgent, quoniam quidem per hominem unum fuit mors omnium, ita et per hominem unum erit resurrectio mortuorum. Unde hoc a simili. Nam sicut in solo Adam omnes moriuntur, ita et in solo Christo omnes vivificabuntur. Si enim culpa solius Adæ, ad damnationem omnium sufficiens fuit, ut prætermissa majoritate similitudinem solam loquamar, quare simili modo justitia solius Christi ad justificationem omnium non sufficeret.

Postquam probavit resurrectionem omnium vere futuram, congrue subdit de ordine ejus resurrectionis: ut per hoc magis certificaret eos et invitaret ad eandem resurrectionem, dicens: Licet omnes æque resurgant, tamen unusquisque erit in suo ordine: qui enim plus promeruit, plus accipiet gloriæ: et ita quod Christus erit primitiæ tempore et dignitate, sicut superius. Deinde post Christum erunt in gloria ii qui sunt Christi. In eo dico eos esse Christi, scilicet, qui crediderunt in secundum adventum ejus, id est resurrectionem: et ita crediderunt integritate fidei et boni operis: euntes obviam in adventum Christi. Potuisset dicere, qui crediderunt in nativitatem Christi vel passionem; sed ideo in adventum dixit, quia resurrectionem commendare eis intendebat. Et postquam ii qui sunt Christi resurgent, deinde erit finis, id est impletio promissæ beatitudinis: cum Christus tradiderit regnum, id est Ecclesiam suam, quam cum potentia regit. Tradiderit dico Deo et Patri: tunc Christus dicetur tradere regnum Patri, cum Ecclesiam suam locabit in oculis Dei, ut quod hic vidit per speculum et in ænigmate, ibi videat facie ad faciem. Deo dicit et patri, ut ostendat eum qui ab alio initium non habuit. Ut etiam nolet eum et Creatorem esse, et

A creaturis paternam dilectionem adhibere. Cum tradiderit dico regnum: et cum evacuaverit omnem principatum, et potestatem, et virtutem.

Notandum est quod in angelis diversitates officiorum Deus posuerit, et hoc totum causata hominum, ut angeli administrent saluti eorum. Sed postquam homines jam in perfectione erunt, et nulla administratione egebunt, nomina illa destruentur in angelis, quibus vocabantur pro diversitate humanæ administrationis. Sunt enim quidam inter angelos, qui principatum habent super omnes alios. 148 Sunt etiam alii qui potestative perficiunt ea, quæ a principatu injunguntur eis. Sunt alii qui dicuntur virtutes, quia miraculorum sunt operatores. Similiter et in malis angelis quidam sunt principes super omnes alios. Alii habentes potestatem efficiendi quod principes præceperint: alii virtutes, qui aliqua nova inducant quasi miracula. Et hæc iterum in fine evacuabuntur. Quia sicut boni angeli ultra non habebunt in quo homines tueantur; sic nec mali in quo noceant hominibus. Sic etiam inter homines omnis differentia prælationis vel subjectionis destruetur: inter quos nulla erit regiminis inæqualitas. In fine tradet Christus regnum suum Patri: sed interim dum nondum finis est, oportet regnare, id est Christum cum potentia Ecclesiam suam regere. Oportet ideo dicit: quia sic prophetatum est in Scripturis, quas ex necessitate oportet impleri. Regnare dico, donec Deus ponat omnes inimicos Christi sub pedibus ejus, id est tam plenaria subjectione, sicut sunt aliqui pedibus aliorum prostrati. Vel sub pedibus ejus, id est subjectos humanitati Christi. Quæ per pedes ideo signatur: quia per humanitatem assumptam, divinitas venit ad homines. Et postquam hæc omnia erunt evacuata, tunc etiam destruetur mors novissima: quia postquam non erit peccatum: nec poena peccati, scilicet mors remanebit. Mors dico inimica: cui et homines inimicantur, et quæ inimicatur hominibus. Vere inimici ponentur sub pedibus Christi. Nam scriptum est in Psalmo: « Omnia subjecit Deus sub pedibus ejus (Psal. viii, 8), » id est Christi, sicut expositum est in Psalmo. Tamen habetur, subjecisti. Cum autem Scriptura dicat, omnia sine dubio subjecta sunt Christo, omnia præter eum qui ei, scilicet Christo, subjecit omnia, scilicet præter divinitatem. Deus, qui Christo subjecit omnia, non est Christo subjectus. Sed ipse Christus erit subjectus illi, id est Deitati: quæ subjecit omnia ipsi, id est Christo. Diceret aliquis: Interim quidem Christus erit subjectus Deo, donec sibi Deus subjecerit omnia: sed postea non. Erit utique (ait Paulus) quia cum subjecta fuerint Christo omnia, tunc ipse Christus subjectus erit Deo, qui ipsi subjecit omnia. Ita tamen subjectus, ut sit æqualis, scilicet, ut Christus sit Deus in omnibus, id est in singulis creaturis: et ita in omnibus quod omnia singulis, id est perfecta beatitudo, perfecta gloria, et pax superans etiam omne hominis desiderium. Revertitur ut probet resurrectionem mortuorum

dicens: Mors per Christum destruetur, et homines tunc resurgent: *alioquin*, id est si dicas non esse resurrectionem mortuorum, *quid facient illi qui baptizantur pro mortuis*? Tangit hic reprobum morem quorundam, qui, audito quod resurrectio futura esset eorum qui baptizarentur, cum essent baptizati, iterum loco infidelis patris jam mortui baptizabant se: ut sic pater vel mater salvarentur in resurrectione. Et hoc adducit ad verecundiam Corinthiorum: quia si illi perversi tantam fidem de resurrectione habebant, quanto magis Corinthii deberent resurrectionem credere? Littera sic est: Quid facient illi qui baptizantur pro mortuis spe resurgendi, *si omnino mortui non resurgunt*? *Ut quid etiam baptizantur pro illis justificandis*: cum nec illi justificentur? Si enim justificarentur a peccatis et resurgerent. Vel aliter sic: *Alioquin*, id est si resurrectio non est, *quid facient illi qui baptizantur pro mortuis* operibus, id est pro peccatis, quæ mortem operantur? Baptizantur dico spe resurrectionis. Et quid facient, si omnino mortui non resurgunt? *Ut quid etiam baptizantur pro illis*, id est, ut justificentur a peccatis? Vel aliter: *Alioquin* si non resurgunt mortui, *quid facient illi qui baptizantur pro se mortuis*, id est mortificandis peccato? Vel pro se mortificatis per peccatum Deo. Cætera sicut dicta sunt. Iterum si resurrectio mortuorum non est, *ut quid etiam nos apostoli periclitamur omni hora*? Non enim finem habent tribulationes nostræ, quas gaudemus pati spe futuræ resurrectionis. Vere periclitamur: nam *quotidie morior*, id est pericula mortis patior, fratres, *propter vestram gloriam*, ut vos digni sitis gloria resurrectionis. Vel secundum Augustinum: *Morior*, et hoc juro per vestram gloriam, fratres: *quam gloriam spe quidem jam habeo, in Christo Jesu Domino nostro*: qui jam in gloria cum carne mea resurrexit. Qui etiam ut secum resurgerem promeruit. Si iterum mortui non resurgunt: quid mihi prodest *si secundum hominem*, id est secundum humanæ rationis potentiam. Vel secundum hominem: quia ego homo, illi bestię. Secundum hominem utique *pugnaui contra bestias Ephesi*, id est contra Ephesianos bestiales: quia resurrectionem negando, hominem in hoc mundo solum vivere dicunt, quod et bestię faciunt.

Quid, inquam, illa pugna mihi prodest, nisi post mortem habiturus sim gloriam? Ephesii negabant resurrectionem: contra quos Paulus multo labore disputavit, approbans futuram esse resurrectionem. Et quandoquidem secundum vos vita non restat post hanc: nihil jam aliud agendum est: nisi ut desperantes *manducemus et bibamus*: quia non ultra victuri moriemur (*Isa. xxii, 13; Sap. ii, 6*). Hoc verbum dixerunt Judæi, cum affligerentur in captivitate Babylonis, et desperarent de adiutorio Dei. Similiter qui resurrectionem negant, de auxilio et potentia Dei desperant. Et quia, fratres, non sic est desperandum, sed de resurrectione confidendum, ideo nolite *seduci* a pseudoapostolis, qui non habent

fidem resurrectionis. Per hoc quod dicit *seduci*, notat seductores esse inter eos. Nolite credere seductoribus. Nam *colloquia* illorum mala non solum fidem violant: sed etiam *corrumpunt bonos mores*. Qui enim futuram vitam non credit, nescio quare bonis moribus laboret adhærere. Et ne a seductoribus corrumpamini, *evigilate* ad hoc ut sitis *justi*, et ut justitiam conservetis. *Nolite ulterius peccare*: necessarium est ut evigiletis. *Quidam enim inter vos habent ignorantiam Dei*, id est ignorant æquitatem, et fidem Dei: et hoc loquor vobis ad reverentiam, id est ad erubescendum), ut verecundemini de peccatis vestris.

Postquam Paulus per necessarias rationes, per inconvenientia quæ inde proveniunt, iterum per potentiam Christi, futuram resurrectionem approbavit, vult illam approbare per legem naturæ: quia humana sapientia magis argumentatur secundum passibilitatem [possibilitatem] naturæ. Quasi diceret: Licet superius resurrectionem satis approbaverim, tamen secundum legem naturæ obijciendo, dicit mihi aliquis: *quomodo resurgunt mortui* in pulverem jam dissoluti? Natura non videtur hoc pati. Iterum si aliquo modo pulvis ille conglutinatur, tamen *quali corpore venient* homines qui resurgent? Num credi potest ut tanta gloria possit venire dissoluto pulveri, ut tu prædicas? Priori respondet quæstioni. Natura bene patitur mortuos resurgere. Illud enim quod tu *insipiens*, qui de resurrectione dubitas, semen, inquam, illud, *quod tu seminas non vivificatur*, id est nullo modo vivere potest, nisi prius moriatur, et computrescat: quemadmodum vides quod oportet semen putrefieri, ut sic postea vivat: ne dubites jam hominem iterum post mortem vivere posse, cum per mortem oporteat vivere. Probat aliam quæstionem, futuram scilicet gloriam corporum, ejusdem seminis similitudine, dicens: Vere in majori gloria corporum venient. Nam *quod seminas tu, non seminas illud corpus quod futurum est, sed seminas nudum granum*: corpus autem de nudo grano futurum multa grana, paleas et culmos est habiturum. Similiter non sit tibi absurdum, si dicamus corpora nostra in majori gloria resurrectura quam hic seminantur. Tu seminas nudum granum, *utputa*, id est sicut est granum *tritici, aut granum alicujus cæterarum segetum*. -Tu seminas nudum granum; sed *Deus dat illi grano corpus sicut vult*, fertilitate granorum, spicarum et culmorum gloriosum: et unicuique tamen **150** *seminum reddit proprium corpus*: quia si seminatum est triticum, pullulat triticum; et sic in identitate seminum singula grana resurgunt, et hoc in exemplum melioratæ resurrectionis, non amissæ substantiæ. Cumque omnes in hoc conveniant, quod resurrectionis gloriam sunt habituri, in eo tamen differunt quod quidam gloriosiores sunt habituri: quidam non adeo, secundum differentiam meritum. Diceret aliquis: Cum omnis hominum materia ex eisdem constet elementis, videtur ut quidquid uni conferetur, totum in alio possideat similis ma-

teria. Quod Paulus (ut ad meliora semper provocet) per similitudinem aliarum creaturarum improbat : quia quemadmodum omnia animalia ex eisdem elementis facta sunt, eadem tamen materia non aufert, quin alia et alia inter se sint. In cœlestibus etiam creaturis ex eisdem materiis constitutis differentia est ad invicem claritatis ; sic in hominibus natura carnis omnibus eadem non impedit quin possint diversificari in gloria resurrectionis. Littera sic jungitur : Licet omnes resurgant in majori gloria carnis, tamen differenter : nec hoc impedit eadem omnibus materia conditionis : sicut vides quod *non omnis caro, eadem caro*, licet omnis ex eadem materia, *sed alia est caro hominum et alia est pecorum. Alia autem est caro volucrum : alia autem est caro piscium*. Et sicut terrena corpora inter se differunt, sic cœlestia a terrenis. *Sunt enim corpora cœlestia, et corpora terrestria* : et cum in hoc quod corpora sunt, convenient : tamen in hoc differunt quod *alia quidem est cœlestium corporum gloria, alia autem terrestrium*. Et sicut cœlestia a terrenis differunt, sic ipsa cœlestia inter se. Nam *alia est claritas solis, et alia est claritas lunæ, et alia est claritas stellarum*. In ipsis etiam stellis differentia : *nam stella differt a stella in claritate* : et sicut hæ creaturæ vicissim a se differunt claritate, sic etiam resurrectio mortuorum differens erit iustis in claritate gloriæ. Et licet in gloria resurrectionis differant, hoc tamen indifferenter habent quod hic *seminatur corpus hominis in corruptionem*, id est, ad hoc ut corruptioni subiaceat. Seminare dicit a die quo concipitur homo, usque ad diem resurrectionis omnium. Seminatur quidem in corruptione : *sed surget in incorruptione*, id est ut ab omni corruptione alienum sit, et hoc surgere erit in die iudicii. *Seminatur non solum in corruptione, sed etiam in ignobilitate*. In multa enim vilitate carnis homo generatur, *sed tunc surget in gloria*, perpetua habenda. *Seminatur hic in infirmitate*, omnibus enim morbis et diversis hic subjacet miseris : *sed tunc surget in virtute impassibilitatis et immortalitatis. Seminatur hic corpus animale*, quod quotidianis ciborum fomentis sustentari oportet, ut quodlibet animal : *sed tunc surget corpus spirituale*, quod spiritu solo regitur, sine usu corporei cibi. Vere animale corpus seminatur : siquidem hoc vestrum *corpus animale est, surget idem spirituale corpus* : siquidem spirituale tunc erit. Vel aliter : Vere corpus surget spirituale ; nam si corpus modo dicitur animale, vocandum est etiam idem corpus spirituale : nam animale non diceretur, nisi respectu spiritualis, ut quasi vim relativorum habeant, animale et spirituale : vere corpus hoc est animale, *sicut scriptum est in Genesi (Gen. 11, 7) : Primus homo*, hic autem dictus est *Adam, factus est in animam non vivificantem corpus* : quia cito morte dissolutum est, *sed in animam viventem*, id est quæ viveret ibi in carne : nisi enim corpus cibus aleretur, anima non viveret ibi. Et ideo dicitur vivens, quasi alienis viri-

bus, et non vivificans. Et vere surget corpus spirituale ; nam *novissimus Adam*, id est Christus, dicitur Adam, quia natus de ipso secundum lineam carnis : ideo autem novissimus, quia post eum non est futurus alius Adam, qui novam inducat generationem. Omnis enim homo, vel carnalis Adæ filius vel spiritualis. Hic, inquam, novissimus Adam, **151** *factus est in spiritum non viventem, sed vivificantem*. In illa enim resurrectione sic anima corpus vivificabit, ut nullo egens alimento vivat perpetuo.

Diceret ille : Licet Christus qui Deus fuit, ita potuit vivificari, ego non sic potero, qui tantum homo sum. Nihil impedit, ait Paulus, quia licet Christus Deus sit, tamen non prius fuit illud corpus quod est spirituale, *sed prius fuit illud corpus quod est animale* : et deinde fuit illud corpus, quod est spirituale. Vere primus homo factus est in animam viventem, nam primus homo factus est de terra terrenus, et secundus Adam factus est in spiritum vivificantem. Nam secundus homo factus est cœlestis veniens de cœlo. Et qualis fuit primus ille terrenus, tales sunt et terreni, qui adhærent ejus terrenitati. Et qualis fuit secundus ille cœlestis, tales etiam erunt imitatores ejus cœlestes. Et quandoquidem qui terrenum sectabitur, terrenus erit ; et qui cœlestem, cœlestis ; igitur *sicut portavimus imaginem terreni Adæ per peccatum, sic amodo portemus imaginem cœlestis Adæ, per justitiam vitæ* : ut, deposito onere terrenitatis, gaudeamus in levitate gloriæ cœlestis. Quia modo dixerat qualis fuit cœlestis, tales erunt adherentes ei. Dixerat etiam portemus imaginem cœlestis : ne occasione horum verborum putarcmus nobis ad salvationem sufficere veterem hominem in baptismo deponere, et novum hominem ibidem assumere. Determinat Paulus non satis esse hoc modo imaginem cœlestis portare, nisi continua imitatione operum portemus. Littera sic jungitur : Licet dixerim, portemus imaginem cœlestis, et erimus cœlestes, tamen *hoc dico*, id est determino vobis, *fratres, quoniam*, id est quod, *caro et sanguis*, id est, qui carni acquiescunt et sanguini, quædam enim peccata sunt ex carnalitate, ut mollis luxuria : quædam ex vitio sanguinis, ut ira ex melancholia : et quicumque carnem et sanguinem peccati sectantur, hi *non possunt possidere regnum Dei*, id est seipsum in futura gloria. Regnum enim Dei nihil aliud est, quam ipsi homines, in hac vita nemo possidet se : quia nulla dies est, qua non quisque possideatur a peccato, sed in futura beatitudine quisque justorum possidebit se. Ubi nemo tentatione carnis inquietabitur. Vere caro et sanguis non possidebunt regnum Dei : nam caro et sanguis est corruptio. Regnum autem Dei est incorruptio. *Corruptio vero non possidebit incorruptelam* : igitur caro et sanguis non possidebunt regnum Dei. Quia modo superius dixerat : Quicumque portaverit imaginem cœlestis, resurget in gloria. Dixerat iterum quod caro et sanguis nullo modo possidebunt regnum Dei : ne hæc verba in-

telligeret aliquis esse contraria, solvit illud absol-
vendo omnem contrarietatem, dicens : Ne prædicta
verba mea male interpretemini, *ecce dico vobis
mysterium*, id est aperio vobis rem occultam, ut
per ejus apertionem auferam a vobis hujus rei du-
bilitatem. Vere *quidem* est (sicut præfatus sum)
quod *omnes resurgemus*, id est omnes corpora resu-
memus, *sed tamen non omnes immutabimur*, in acci-
piendo gloriam : quia quidam resurgent ad pœnam
sibi augmentandam : alii ad gloriam. Resurgemus
quidem *in momento* ; et ut majorem facilitatem
resurrectionis aperiat, corripit quod dixerat, in
momento, dicens : *Resurgemus in ictu oculi*, id est,
quam cito oculus transit ad pervidendum aliquid :
vel, quam cito palpebra palpebræ jungitur. Hoc
autem fiet *in tuba novissima* : non quod vox tubæ
ibi audiatur, sed sicut vox tubæ victores invitat ad
palmam ; victis vero fit ad terrorem : ita vox illa
signum erit justis ut triumphi meritum accipiant,
impiis autem terrorem pœnæ incutiat. Novissima
ideo, quia cum multas voces dederit Christus in
mundo, unde terreret impios, lætificaret justos : vox
illa judicii novissima erit consummans justis gloriam,
impiis iram indeficientem. Et quia de tuba hac nihil
amplius dixerat, subdit : **152** Bene dico tuba. *Nam
canet tuba*. Non determinat utrum Christus vel
angelus tuba illa canere debeat. Vel ut sit nomina-
tivus, tuba illa canet *et* in voce tubæ *resurgent
mortui incorrupti*, id est in integritate membrorum
restaurati : quidam tamen dolore pœnarum corrup-
penti, sed *nos electi Dei immutabimur*, acci-
piendo gloriam resurrectionis. Vere *immutabimur* : *nam
oportet*, id est (ut vere sint Scripturæ) inevitabile
est : *oportet*, inquam, *corruptibile hoc*, id est, corpus
tot miseris attritum, *induere incorruptionem*. Et
quia incorruptum posset esse ad tempus, ut tamen
non evaderet ; addidit *et oportet mortale hoc corpus
induere immortalitatem*.

Vere hoc mortale fiet immortale : *nam mors
absorpta*, id est destructa et deglutita est, *in victoria
Christi*, quando morte sua mortem superavit : vel
in victoria sua, id est mortis : per hoc enim quod
mors invadere Christum præsumpsit, in quo non erat
peccatum, quod est causa mortis, in ipsa sua præ-
sumptione occubuit. Hæc autem auctoritas in Osee sic
invenitur : « O mors ero mors tua (Osee XIII). » Et
quia hanc scripturam quidam male interpretaban-
tur, dicentes hoc scriptum esse de morte animæ,
non corporis, præmittit Paulus expositionem hujus
auctoritatis dicens : Cum autem hoc mortale corpus
induerit immortalitatem. Non enim (sicut quidam
male suspicantur) anima sola evasura est mortem,
sed cum anima etiam corpus : tunc fiet, id est
implebitur sermo ille qui scribitur in Osee : Absorpta
est mors in victoria, sicut dictum est. Verba quæ se-
quuntur ejusdem prophete esse dicuntur, insultantis
ipsi mortis, quia destructa sit, et dicentis. Quando-
quidem absorpta est, *ubi est, o mors*, nunc, *tua vi-
ctoria*, qua juri tuo omnia subjiciebas ? Et, *o mors*,

A *ubi est modo tuus stimulus*, id est peccatum quod
in aculeo suæ caudæ, mortem loco veneni gestabat ?
Ait Paulus : bene dico stimulus : nam *peccatum est
stimulus mortis*, id est aculeo suo mortem homini-
bus instimulans. Pro eo quod Paulus quid sit sti-
mulus exponit, præcedentia verba putantur non
esse ipsius : vel si sunt Pauli, non tamen mulatur
sententia. Insultando enim dicit morti, quia modo
absorpta es. *Ubi est, o mors, tua victoria?* Cætera non
mutantur. Ne iterum dicerent : Cum destructo
peccato destruaturs mors, bene modo nobis est,
quia per legem destruemus peccatum. Contra hæc
Paulus : Peccatum est stimulus mortis. *Lex* vero
nullo modo debilitat peccatum : imo *est virtus*, et
augmentum *peccati*. Et hoc congrue removit, ut
sicut per Christum probaverat fieri resurrectionem,
sic per eundem ostendit esse omnem peccati rem-
issionem. Et quia lex auget peccatum, ideo nulla
legi *gratia*, sed *Deo* omnes agamus gratias : *qui
dedit nobis victoriam* peccati et mortis, et hoc per
Dominum nostrum Jesum Christum. Et quia ex Deo
et per Christum omnis *victoria* ; *itaque, fratres mei*,
et sitis Deo *dilecti, estote stabiles* in bono, dum in
quiete pacis estis. Estote etiam *immobiles* a fide,
si adversa irruerint. Vos dico *abundantes in opere
Domini*, ut semper melius et melius operemini. Vos
dico semper *scientes quod labor vester non est inani-*
is, id est sine fructu ; sed in gloria magna re-
surrecturi estis, et hoc *in Domino*, id est per Domi-
num misericorditer agentem in vobis.

CAPUT XVI.

C « De collectis autem, quæ fiunt in sanctos, sicut
ordinavi in Ecclesia Galatiæ, ita et vos facite. Per
unam Sabbati unusquisque vestrum apud se
reponat, recondens quod ei bene placuerit : ut
non, cum venero, tunc collectæ fiant. Cum au-
tem præsens fuero, quos probaveritis per Episto-
las, hos mittam perferre gratiam vestram in Je-
rusalem. Quod si dignum fuerit, ut ego cam,
mecum ibunt. Veniam autem ad vos, cum Mace-
doniam pertransiero. Nam Macedoniam per-
transibo. Apud vos autem forsitan ma-
nebo, vel etiam hycabo, ut vos me de-
ducatis **153** quocunque iero. Nolo enim vos
modo in transitu videre. Spero enim me aliquan-
tulum temporis manere apud vos, si Dominus
permiserit. Perma-nebo autem Ephesi usque ad
Pentecosten. Ostium enim mihi apertum est ma-
gnum, et evidens, et adversarii multi. Si autem
venerit Timotheus, videte ut sine timore sit apud
vos : opus enim Domini operatur sicut et ego.
Ne quis ergo illum spernat : deducite autem illum
in pace, ut veniat ad me : exspecto enim illum
cum fratribus. De Apollio autem fratre vobis
notum facio, quoniam multum rogavi eum, ut ve-
niret ad vos cum fratribus : et utique non fuit
voluntas ejus, ut nunc veniret ? veniet autem.
cum et vacuum fuerit. Vigilate, state in fide ; vi-
riliter agite et confortamini : omnia enim vestra

in charitate stant. Obsecro autem vos, fratres, A
 nostis domum Stephanæ, et Fortunati, et Achaici;
 quoniam sunt primitiæ Achaicæ, et in ministerium
 sanctorum ordinaverunt seipsos, ut et vos subditi
 sitis ejusmodi, et omni cooperanti et laboranti.
 Gaudeo autem in præsentia Stephanæ, et Fortu-
 nati, et Achaici: quoniam id quod vobis deerat,
 ipsi suppleverunt. Refecerunt enim et meum spi-
 ritum, et vestrum. Cognoscite ergo qui ejusmodi
 sunt. Salutant vos omnes Ecclesiæ Asiæ. Salu-
 tant vos in Domino multum Aquila et Prisca, cum
 domestica sua Ecclesia: apud quos et hospitor.
 Salutant vos omnes fratres. Salutate invicem in
 osculo sancto. Salutatio mea manu Pauli. Si quis
 non amat Dominum nostrum Jesum Christum, sit
 anathema, Maran Atha. Gratia Domini nostri
 Jesu Christi vobiscum. Caritas mea cum omnibus
 vobis in Christo Jesu, Amen. »

EXPOSITIO.

Postquam singula quæ præcipienda erant, dispo-
 suit, secundum ordinem rectæ fidei in fine Episto-
 læ, de quibusdam privatis eos admonet, scilicet ut
 sancti qui erant in Hierusalem, quos et rapina in-
 fidelium, et publica fames oppresserat, subvenirent,
 ministrantes aliquid de suis abundantis. Littera sic
 jungitur: De resurrectione mortuorum sic credite.
 De collectis autem quæ sunt deferendæ in sanctos,
 qui sunt in Hierusalem, ita et vos facite per unam
 diem Sabbati, id est septimanæ, sicut ordinavi de-
 bere fieri in Ecclesiis Galatiæ. Et ne putetis hæc
 collecta meis usibus me velle deputare, præcipio ut
 unusquisque vestrum reponat apud se: non tamen
 sic ut suum esse putet illud, sed recondens, et quasi
 alienum integre conservet: quod ei bene placuerit
 pauperibus sanctis erogare. Ideo dico facite per unam
 Sabbati, ut non cum venero, tunc primum collectæ
 incipiant fieri. Ut autem omnem suspicionem au-
 feram a vobis male suspiciosi, cum ego præsens
 vobis fuero, non proprios legatos, sed hos quos pro-
 haveritis (id est quos ex vobisipsis elegeritis) mittam
 perferre gratiam vestram, id est gratuitum donum
 vestrum in Hierusalem. Mittam dico per Epistolas,
 id est cum Epistolis meis, in signum ipsis traditis.

Dicerent Corinthii: Aliorum munera ipse defers,
 et nostra quare deferre dedignaris? Ad hoc Paulus:
 Certe si dignum fuerit donum vestrum, ut ego ire
 debeam, ibunt mecum legati vestri, ut ego simul ve-
 niens commendem gratiam vestram. Sic faciam de
 gratia vestra, Veniam etiam ad vos cum pertransiero
 Macedoniam: prius sum enim ad Macedonas iturus.
 Bene dico pertransiero: nam vere pertransibo Mace-
 doniam; sed postea manebo apud vos forsitan, id
 est si Deus concesserit. Vel etiam ut plus dicam:
 Hiemabo penes vos, ut vos deducatis me quocumque
 a vobis discedens iero. Ideo hiemabo; quia nolo
 vos modo videre in transitu. Ideo non in transitu
 videbo vos; quia spero me aliquantum manere apud
 vos, si Dominus permiserit. Et licet dicam me transi-
 turum ad vos, prius tamen permanebo Ephesi usque

ad Pentecosten. Et necesse est ibi permanere me;
 quia ostium apertum est mihi magnum, id est quia
 multi Ephesiorum ad fidem se præparant. Et ostium
 evidens; quia jam quædam signa fidei video in eis:
 et oportet me insistere; quia adversarii multi sunt,
 qui volunt eos subducere Christo. Ego modo Ephesi
 manebo. Si autem **154** Timotheus, deferens hanc
 Epistolam, venerit ad vos, videte ut sine timore sit
 apud vos. Quidquid enim mihi de vobis nuntiavit,
 ad correptionem vestram fecit, et ideo videte ne
 eum inquietetis, utique sine timore debet esse apud
 vos; quia opus Domini operatur in vobis, sicut ego,
 et alii discipuli, et quia opus Domini operatur: ergo
 videte ne quis spernat eum, sed obtemperate monitis
 ejus. Nec solum non spernatis eum, sed etiam illum
 revertentem ad me deducite in pace, ut illæsus ve-
 niat ad me: ego enim exspecto illum cum aliis
 fratribus. Apollo episcopus Corinthiorum fugias
 dissensionem eorum reversus fuerat ad Paulum,
 de quo Corinthii scripserant Paulo ut eis remitteret
 episcopum suum. Respondet eis Paulus quod
 Apollo nolit reverti, priusquam bene sint correcti,
 dicens: De Timotheo sic agite; de Apollo autem
 fratre nostro, et episcopo vestro, significo vobis, quoniam
 multum rogavi ut veniret ad vos: et utique non
 fuit voluntas ejus, ut nunc veniret ad vos, sed veniet
 cum vacuum ei fuerit, et vos bene correctos intel-
 lexerit. Ut autem adventum hujus patris vestri me-
 reamini, vigilate, id est studiose cavete vobis ne
 erretis, et state in fide, ut a sana fide non devietis,
 et in fide stantes agite viriliter, id est bene opera-
 mini. Nec ad horam sed in bonis actibus perseve-
 rando confortamini, studentes ut omnia vestra fiant
 in charitate, id est in dilectione Dei et proximi, in
 qua hucusque nimium tepuistis. Obsecro vos, fratres,
 ut subditi sitis Stephanæ, et Fortunato, et debetis.
 Nostis enim domum Stephanæ et Fortunati, et
 Achaici. Hoc, inquam, nostis quod isti sunt primitiæ
 Achaicæ. Primi enim de Achaia crediderunt. Corin-
 thus in Achaia est. Nostis etiam hoc quod isti ordi-
 naverunt seipsos in ministerium sanctorum: quibus
 propriis manibus et de suis rebus ministraverunt.
 Hoc, inquam, obsecro vos, ut subditi sitis his om-
 nibus quæ in vobis sunt ejusmodi, et omni coope-
 ranti illis in bono, et laboranti similiter in ministerio
 sanctorum. Ut autem subditi sitis illis, scitote quoniam
 ego gaudeo in præsentia Stephanæ, Fortunati,
 et Achaici: sic enim mihi est de illis quasi si præ-
 sentes eos habeam. Gaudeo, inquam, et merito;
 quoniam ipsi impleverunt in me et in sanctis hoc
 quod deerat vobis: ipsi enim ministraverunt nobis
 in temporalibus, quod cum vos debuissetis, ne-
 glexistis. Vere ipsi suppleverunt; nam refecerunt
 spiritum meum ministrando necessaria, et per hoc
 spiritum vestrum. Nisi enim bonis suis fovissent
 nos, non possemus tandiu immorari vestræ instru-
 ctioni. Et quia refecerunt spiritum meum et vestrum,
 ergo cognoscite, id est ex dilectione obedite eis, et
 omnibus qui sunt ejusmodi. Salutant vos, o Corin-

Uii, omnes Ecclesias. Salutant multum in Domino A non saluto; sed sit anathema, id est separatus a Deo anathema dico *Maranatha*. Hoc verbum ex Syro sermone conficitur et Hebræo, et sonat *Dominus venit*. Quasi diceret: Qui non amat Christum, separatur ab eo dum ipse Dominus ad iudicandum venit. Vel sit anathema, et malo suo; quia Dominus venit fortassis hodie vel cras, ut ulciscatur de eo. Hæc autem est mea salutatio, a qua impios separo. *Gratia Domini nostri Jesu Christi sit vobiscum, et charitas mea sit cum omnibus vobis*, id est omnes vos diligatis me, licet aliquantulum asperius vos correxerim et hoc sit *in Christo Jesu*, id est propter amorem Christi Jesu. Amen, id est ita fiat.

Mos erat Pauli, ut ipse idem manu propria Epistolam clauderet, ne dubitaretur quin a se mitteretur Epistola: et hoc propter pseudo, qui sub nomine Pauli furtivas mittebant epistolas. Ab hac autem salutatione sua excludit infideles, dicens: *Si quis non amat Dominum nostrum Jesum Christum, hunc*

Deo anathema dico *Maranatha*. Hoc verbum ex Syro sermone conficitur et Hebræo, et sonat *Dominus venit*. Quasi diceret: Qui non amat Christum, separatur ab eo dum ipse Dominus ad iudicandum venit. Vel sit anathema, et malo suo; quia Dominus venit fortassis hodie vel cras, ut ulciscatur de eo. Hæc autem est mea salutatio, a qua impios separo. *Gratia Domini nostri Jesu Christi sit vobiscum, et charitas mea sit cum omnibus vobis*, id est omnes vos diligatis me, licet aliquantulum asperius vos correxerim et hoc sit *in Christo Jesu*, id est propter amorem Christi Jesu. Amen, id est ita fiat.

155 PROLOGUS IN SECUNDAM EPISTOLAM AD CORINTHIOS.

In secunda ad Corinthios Epistola, quasi in parte B superiori, post tribulationum suarum relationes, reddit causas quare ad eos secundo non ierit; quoniam non levi mutatione consilii fecisse se asserit, sed ne adventu suo tristitiam incurreret, cum in peccato permanere discipulos reperisset. Deinde post agnitos fructus pœnitentiæ, reconciliat eum Ecclesiæ, quem in prima propter fornicationem, a consortio sanctorum iusserat amoveri. Tertio contra pseudoapostolos officii sui dignitatem tuetur, et Novi Testamenti ministros tanto anteire gratia ostendit, quanto Evangelium est lege præstantius. Immoratur etiam in causa illa plurimum, quam bre-

viter in prima contigerat; ut prompto ac libenti animo necessaria præsentis vitæ non habentibus, largiantur, et utilitate spiritualis commercii commutent præsentia cum futuris, atque abundantia sua sanctorum inopiam suppleant; ut vicissim eorum inopia sanctorum abundantia suppleatur. In fine repetit quod superius contra pseudoapostolos egerat, et iactationem eorum, prædicationesque de se gloriosas, vel collata antiquitate generis, vel catalogo injuriarum ac periculorum suorum evacuat; dicitque eos operarius subdolos, qui ad imitationem Satanæ transfigurentur in apostolos Christi, sub prædicationis spe lucra pecuniaria quæque sectantes.

ARGUMENTUM IN EAMDEM.

Post actam a Corinthiis pœnitentiam, consolatoriam scribit eis Epistolam Apostolus a Troade per Titum, et collaudans eos hortatur ad meliora; contristatos quidem eos, sed emendatos ostendens.

ARGUMENTUM B. BRUNONIS IN EAMDEM.

Paulus hanc iterum Epistolam scribit ad Corinthios, quorum alios sufficienter per priorem Epistolam correxerat; sed quidam eorum eo adhuc errore gravabantur ut pseudodoctores Paulo præferrent, accusantes Paulum de simplicitate sermonis, extolentes pseudo in sapientia carnali. Quare et in hac Epistola satis immoratur in depressione pseudo-doctorum, et in commendatione sui apostolatus. In primis etiam eos qui justi erant in Corinthiis, seu qui modo per Epistolam Pauli bene fuerant correcti, seu illos qui a principio acceptæ fidei perduraverunt, in bono consulendo. Hi enim multa patiebantur a fratribus perversis, quos illi pseudo concitabant in sanctos. Cumque omnes bonos indifferenter consoletur, eum quem ex nomine reprehenderat, quia uxorem patris ducere præsumpsit, quia bene correctum audivit, singulare præ-

ceptum de eo ponit, ut restitueretur Ecclesiæ, a qua pro peccato se alienatum humiliter toleravit. De collectis etiam, de quibus in prima Epistola illis scripserat, in hac diffusius agit, ut qui brevi admonitione abusi fuerant, iterata et magis producta admonitione de eodem contemere non audeant. In hac autem Epistola materia sunt ipsi iidem Corinthii correcti seu incorrecti. De his autem agit consolando bonos, ne deficiant in adversis; sed per patientiam tribulationum certatim proficiant in augmentum virtutum. Incorrectis vero errorem suum et peccatum improperat, ea utique intentione de utrisque habita, ut diversitatem eorum in quamdam redigat unitatem, scilicet ut et boni in melius proficiant, et mali declinando errorem suum, salubri imitatione bonos insequantur.

EPISTOLA II AD CORINTHIOS.

156 CAPUT PRIMUM.

« Paulus apostolus Christi Jesu, per voluntatem Dei, et Timotheus frater, Ecclesiæ Dei quæ est Corinthi, cum omnibus sanctis qui sunt in uni-

« versa Achaia. Gratia vobis et pax a Deo patre nostro, et Domino Jesu Christo. « Benedictus Deus et Pater Domini nostri Jesu Christi (*Ephæ.* « 1, 3; *I. Petr.* 1, 2). » Pater misericordiarum et

Deus totius consolationis, qui consolatur nos in
 omni tribulatione nostra, ut possimus et ipsi
 consolari eos qui in omni pressura sunt, per exhortationem,
 qua exhortamur et ipsi a Deo. Quoniam sicut abundat
 passiones Christi in nobis, ita et per Christum abundat
 consolatio nostra. Sive autem tribulamur pro vestra
 exhortatione et salute, sive consolamur pro vestra
 consolatione, quæ operatur tolerantiam earumdem
 passionum, quas et nos patimur : ut spes nostra firma
 sit pro vobis, scientes quoniam sicut socii passionum
 estis, sic eritis et consolationis. Non enim volumus
 ignorare vos fratres, de tribulatione nostra quæ facta
 est in Asia, quoniam supra modum gravati sumus,
 et supra virtutem, ita ut tæderet nos etiam vivere.
 Sed ipsi in nobis sponsum mortis habuimus, ut non
 simus fidentes in nobis, sed in Deo qui suscitatur
 mortuos : qui de tantis periculis nos eripuit et eruit :
 in quem speramus, quoniam et adhuc eripiet
 adjuvantibus et vobis in oratione pro nobis :
 ut ex multarum personarum facierum
 ejus quæ in nobis est donatio per multos gratiæ
 agantur pro nobis. Nam gloria nostra hæc est,
 testimonium conscientiæ nostræ, quod in simplicitate
 cordis et sinceritate Dei; et non in sapientia
 carnali, sed in gratia Dei conversati sumus
 in hoc mundo, abundantius autem ad vos.
 Non enim alia scribimus vobis, quam quæ
 legistis et cognovistis [cognoscistis]. Spero
 autem quod usque in finem cognoscetis, sicut
 et cognovistis nos ex parte; quia gloria vestra
 sumus, sicut et vos nostra, in die Domini nostri
 Jesu Christi. Et hac confidentia volui prius
 venire ad vos, ut secundam gratiam haberetis,
 et per vos transirem in Macedoniam, et iterum
 a Macedonia venire ad vos, et a vobis deduci
 in Judæam. Cum ergo hoc voluissem, nunquid
 levitate usus sum? Aut quæ cogito, secundum
 carnem cogito, ut sit apud me est, et non? Fidelis
 autem Deus, quia sermo noster qui fuit apud vos,
 non est in illo est et non : sed est in illo est
 [non habet sed est in illo est] : Dei enim Filius
 Jesus Christus, qui in vobis per nos prædicatus
 est, per me et Silvanum et Timotheum, non fuit
 in illo est et non, sed est in illo fuit. Quotquot
 enim promissiones Dei sunt, in illo est. Ideo et
 per ipsum : Amen Deo ad gloriam nostram. Qui
 autem confirmat nos vobiscum in Christo, et qui
 unxit nos Deus, et qui signavit nos, et dedit
 pignus Spiritus in cordibus nostris. Ego autem
 patrem Deum invoco in animam meam, quod
 parcens vobis, non veni ultra Corinthum : non
 quia dominamur fidei vestræ, sed adjuutores
 sumus gaudii vestri. Nam *ide statis.*

EXPOSITIO.

More suo salutem præmittit, dicens : *Paulus*
 (quod nomen tam humilitatis quam auctoritatis

est) *Paulus* inquam *apostolus*, id est legatus *Christi*
Jesu : gloriam enim *Christi* annuntiat. *Apostolus*,
 dico, non per temerariam præsumptionem ut pseudo,
 sed per voluntatem, id est per beneplacitum
Dei, et cum eo *Timotheus frater*, id est cooperator
 in opere *Christi*. Ideo *Timotheum* reponit, per quem
 primam Epistolam miserat, ut sciatur sibi cognita
 esse omnia quæ apud eos geruntur. *Paulus*, inquam,
 et *Timotheus* scribunt *Ecclesiæ*, id est convocationi
 fidelium. *Ecclesiæ* dico *Dei*, id est in qua gratia
 Dei tantum operatur, et non merita doctorum ut
 pseudo gloriantur. *Ecclesiæ* dico quæ est *Corinthi*.
Corinthiorum utique *Ecclesiæ* scribit cum omnibus,
 id est et omnibus sanctis, id est in baptismo per
 Christum sanctificatis : cum omnibus dico qui sunt in
 157 *universa Achaia*. Quasi diceret : *Ecclesiæ* *Corinthi*
 omnibusque *Ecclesiis* illi subjectis. *Achaia*
 enim dicitur provincia, in qua metropolis *Corinthus*
 sita erat. *Vobis Corinthiis* sit gratia, his qui peccaverunt
 secunda remissio : his qui bene correcti sunt,
 vel qui post acceptam fidem non peccaverunt,
 sit perseverantia gratiæ bene custoditæ. Et ei scilicet
 sit pax, id est bona tranquillitas animi a Deo qui
 potest : *Patre nostro*, qui pium ad nos affectum
 habet, et a Deo qui similiter potest, *Jesu Christo*, et
 vult : quia salvare nos officium ejus est. Nunc
 imprimis gratias agit Deo pro perseverantia eorum qui
 lapsi non fuerant, et pro correctione eorum, qui errore
 contempto bene se emendaverant : consolaturque
 eosdem exemplo suo, ut fortes sint in adversis,
 quæcunque oporteat eos pati, dicens : Quia vos in
 fide *Christi* laborare video, inde gratias agens dico :
Benedictus sit *Deus* Domini nostri *Jesu Christi* : et
Pater Domini nostri Jesu Christi. *Deus* ejus est,
 secundum quod *Christus* homo fuit : *Pater* *Christi*
 est, secundum deitatem in qua *Filius* æqualis est
 Patri : ipse tamen principium habens a *Patre*, non
 Pater ab eo. Qui si *Jesu Christi* Pater est, cum non
Christi filii simus : sic per *Christum Deum Patrem*
 habemus. Duo prædicta, *Deus* et *Pater*, spectant ad
Christum : eadem duo quæ sequuntur, spectant
 ad homines. *Benedictus* etiam sit qui *Deus* et *Pater*
 est *Christi*. *Pater* est etiam misericordiarum. Cum
 posset dicere dator misericordiarum, dixit pater :
 ut ostendat eum et datorem, et ex paterno affectu
 nobis bona dantem. *Pater*, inquam, misericordiarum,
 et *Deus totius consolationis*. *Misericordiæ* dicuntur
 omnia dona Dei, seu dentur in adversis, seu in
 prosperis : consolatio autem dicitur tantum ubi fuit
 desolatio. Posset etiam dixisse, si vellet, pater
 consolationis et *Deus misericordiarum*, idemque esset.
Deus dico consolationis non imperfectæ, sed totius,
 id est perfectæ. In quibuscunque enim desolamur,
 potens et præsto est consolari nos *Deus*; quia
 consolatio nunc eis fuerat opportunior : ideo circa
 bona consolationis magis immoratur, dicens : *Qui*
Deus consolatur nos, me scilicet et discipulos meos,
 in tribulatione nostra, quam patimur. Nec in
 quadam tantum, sed in omni. Ubi cunque enim
 tribulamur,

facile vel difficile secundum modum tribulationis, *A patimur* : nam nos supra modum gravati sumus in præsto est medicina consolantis : consolatur, inquam, non solum ut nos liberet, sed etiam ut possimus et ipsi qui tribulamur consolari eos, qui modo videbamur desolati : et per exemplum patientiæ nostræ, et per exhortationem sermonis. Consolari dico eos qui sunt in pressura tribulationum. Nec in quadam tantum, sed in omni pressura interiori vel exteriori, possumus eos consolari per exhortationem. Posset dicere per consolationem, sed ut ostenderet se non simpliciter consolari, sed etiam fortiores fieri : ait per exhortationem qua alii sancti et nos ipsi exhortamur a Deo : ut videntes Deum præsentem nobis in tribulatione, nihil dubitemus in quæcunque tormenta irrumpere, et alios ad exemplum ac virtutem patientiæ, verbo et exemplo invitare.

Et vere exhortamur a Deo : quoniam sicut abundant passiones Christi, id est quas vel pro Christi nomine, vel pro exemplo Christi pro nobis passim sustinemus. Sicut enim passiones abundant in nobis, ita copiose abundat etiam consolatio nostra per Christum nos consolantem. Vel per Christum : quia per exemplum patientiæ ejus consolamur. Et quæcunque patimur, et quandocunque consolamur, hoc non solum propter nos, sed etiam ad instructionem vestri : sive enim tribulamur, hoc fit pro vestri exhortatione, ut ad patiendas tribulationes fortes sitis, et sic pro salute æterna habenda : sive etiam consolamur, hoc fit pro vestri consolatione, ut sciatis vos similiter a Deo in tribulatione consolandos, et sic pro futura salute habenda : sive etiam exhortamur : hoc totum fit pro vestri exhortatione, ut vos exemplo nostro et doctrina exhortati sitis ad meliora, et **158** sic pro habenda vobis salvatione. Videndum est quod hæc verba, tribulamur, consolamur, exhortamur, hic in passiva significatione leguntur : vere totum pro vobis, quia quæ tribulatio, consolatio et exhortatio operatur in vobis, verbo et exemplo nostro, tolerantiam passionum etiam earumdem quas patimur etiam nos, qui tantæ auctoritatis apud Deum sumus : non ergo miremini, si vos inferiores Deus permittat vexari. Operatur in vobis tolerantiam, ut spes nostra habita pro vobis, qua et vos speramus in bono perseverare, et salutem æternam apprehendere : ut hæc spes sit firma, id est permanens : et veritate virtutis roborata. Non ait de vobis, sed pro vobis : ut ostendat suam charitatem pro bono eorum affectuose sollicitam esse. Patimur, inquam, scientes : quoniam sicut estis non dicam participes, sed socii passionum nostrarum, sic eritis etiam socii consolationis, quam futuram expectamus nobis et vobis in gloria. Et per hoc quod socios eos vocat, multum animat ad patientiam. Ea occasione quia de passionibus loqui cœpit, transit ad enumerandas difficultates, quas passus est in Asia ; hoc autem facit ne possent objicere Corinthiis : Exemplo tuo nos, Paule, provocas ad ferendas tribulationes, qui nunquam fortasse tam graviter ut nos tribulatus es. Littera sic jungitur : Bene dico

A patimur : nam nos supra modum gravati sumus in Asia. Sed priusquam hoc dicat, præmittit unde intendant totum spectare ad sese quidquid dicturus est. Gravati quidem sumus : et hoc non volumus vos ignorare, fratres, de tribulatione nostra, quæ facta est in Asia. Ibi enim apud Ephesum, quia puellam spiritum pythonis habentem mundavit, et sic dominus ejus quæstum quem de divinatione puellæ habebant abstulit : instinctu eorum tota civitas irruit in eum. Cumque rationem reddere vellet, ne audiretur conclamabant : Magna Diana Ephesiorum. Ibi que tot verberibus afflixerunt eum, ut in platea velut mortuus relinqueretur (Act. xvi, xix) : hoc, inquam, nolo vos ignorare, quoniam ibi apud Ephesum gravati sumus supra modum priorum tribulationum, et supra humanam virtutem. Virtus enim hominis tanta pati non posset. Ita utique gravati sumus, ut læderet nos, non dico pati, sed etiam vivere : nec tantum lædunt nos vivere, sed etiam ipsi habuimus in nobis, id est in anima nostra responsum mortis : quia consulentes animam nostram, si forte vivi evaderemus, respondebat nobis mortem. Ne per hoc quod dicit, lædebat nos in tormentis vivere, putaretur sibi contraire, ubi ait : Consolatur nos Deus in omni tribulatione, contra hoc ait : Ideo tantum gravati sumus usque ad tedium vitæ et responsum mortis, ut non simus fidentes in nobis, id est viribus nostris nihil ascribamus : sed in Deo tantum confidamus, qui suscitavit mortuos : me enim de morte, id est de eo pro quo alius homo moreretur, liberavit : qui etiam frequenter eripuit nos de tantis periculis quæ passi sumus, in quem euntes bene agendo speramus, quoniam ut olim, sic etiam adhuc in futuro eripiet, in hac erectione adjuvantibus aliis fidelibus et vobis in oratione, id est per orationem factam pro nobis : sic dico adjuvantibus, ut per multos adjutores agantur Deo gratiæ pro nobis : gratiæ dico ejus donationis, id est patientiæ et spei : et omnis bonæ donationis quæ in nobis est. Agantur dico ex personis multarum facierum, id est ex personis multiplici facie virtutum variatis. Sicut enim homo facie distinguitur ab alio, sic in Ecclesia hic per humilitatem quasi facie distinguitur ab alio : et alius per patientiam ab isto, et sic membra Ecclesiæ diversas virtutes distinctas habent facies. Ex personis autem multarum facierum, id est varietate virtutum distinctis, agantur gratiæ Deo pro nobis. Vel ita : Ex personis multarum facierum, id est ex diversitate ætatum et sexus : personas multarum facierum vocans pueros, juvenes et cæteras ætates utriusque sexus. Vel ita : Agantur pro nobis gratiæ **159** donationis quæ est in nobis. Agantur dico per multos, et quod dico per multos, hoc est ex personis multarum facierum. Per hoc quod ait, vobis adjuvantibus pro nobis satis commendat et allicit eos sibi quos tanti facit : ut pro Apostolo intercedere digni sint. In his enim verbis parificat eos sibi.

Hucusque de Corinthiis perfectos consolatus est. Hic transire videtur ad illos, qui nondum satis cor-

recti, adhærebant pseudo magistris : memorans hic quam digne conversatus sit apud eos : et quomodo in nullo gravis fuerit eis a quibus nec victualia recepit dicens : Dignum utique est, ut gratias agatis pro nobis : nam nos *conversati sumus apud vos in simplicitate et sinceritate*. Sed priusquam hoc dicat, præmittit testimonium hujus rei, dicens : Et si vos negetis nos bene conservatos esse apud vos, non curo. *Nam gloria nostra hæc est*, id est in hoc multum de puritate meæ conversationis gloriôr, habens *testimonium conscientiæ nostræ*. Conscientia enim mihi testis est quod in simplicitate non ut defraudarem vobis res vestras ut pseudo, sed in simplicitate nihil a vobis accipiens : et in *sinceritate Dei*, id est in puritate fidei : non admiscens (ut illi) falsa veris : et non in *sapientia carnali* : non enim adhæsi carnalibus documentis ut illi : sed in gratia Dei, id est in magnificando gratiam Dei : ex qua omne bonum et nihil ex carnali sapientia : in *gratia*, inquam, *Dei conversati sumus in hoc mundo* : abundantius tamen conversati sumus ad vos *apud quos* majora sustinui, cum nihil a vobis reciperem, ne arguendi vos auctoritatem amitterem. Dicerent Corinthii : Ideo Paulus hic conversationis suæ memoriam facit ; ut quod olim non accepit, modo multiplicatum recipiat. Contra hoc Paulus : Ne putetis intentione accipiendi a vobis conversationem meam apud vos memorare. *Non enim alia* in hac Epistola scribimus vobis, quam quæ in priori epistola legistis : in qua scripsi me nihil accepturum a vobis. Nec alia modo scribimus quam vos *cognovistis* de nobis : quandiu apud vos fuimus, nihil a vobis accipiendo : sed de labore manuum vivendo. Et sicut tunc cognovistis : sic etiam *spero quod usque in finem cognoscetis*, me nihil accipere a vobis : *sicut jam etiam cognovistis* nos manentes apud vos. Cognovistis dico *ex parte*, id est secundum opus quod exterius videbatis : sed aliam partem, id est voluntatem, ignorabatis : ideo talem me volui cognosci, scilicet nihil accipientem a vobis : quia nos *sumus gloria vestra, sicut et vos nostra*, id est, quia volui me gloriari in obedientia vestra : et vos gloriari in doctrina nostra : quæ utique gloria non esset, si gravarem vos, temporalia a vobis accipiendo. Malletis enim repellere Doctorem, quam eum sustentare : quæ gloria mihi de vobis et vobis de me apparebit *in die Domini nostri Jesu Christi* : quando vos de obedientia exhibita, ego de doctrina remunerabimur. Transit iterum ad aliud : Illi enim accusabant eum de levitate, quia in priori Epistola dixerat se venturum ad eos, et non venerat. De mendacio autem non poterant eum arguere. Dixerat enim : Veniam si Dominus permiserit. Littera sic jungitur : *Et hac confidentia*, vel quia simpliciter et sincere conversatus sum apud vos ; vel quia vos estis gloria mea, ego vestra : hac, inquam, vel hac confidentia *volui venire ad vos* : prius quidem volui, sed modo nolo. Volui utique tunc, ut per adventum meum *haberetis secundam gratiam*, id est quia post baptismum peccastis in secundam remis-

sionem, et volui per vos transire in *Macedoniam* : et a Macedonia revertens, iterum volui venire ad vos : et a vobis volui deduci in *Judæam*. Et quia sic prius volui : ergo cum voluissem hoc, id est venire ad vos, nunquid usus sum levitate, quia non veni sicut prius volui ? Aut quia non veni, an ea quæ cogito secundum carnem, id est carnale commodum cogito, ut ideo venire dimiserim, quia nihil me a vobis sperarem recepturum ? an, inquam, secundum carnem cogito ut propterea sit apud me, est, et non, id est affirmatio et negatio de 160 eodem ? Quod apud me non sit, est et non, apparet in illo sermone qui noster sermo fuit apud vos dum præsens essem inter vos : quia in illo sermone tunc habito non fuit est et non, id est affirmatio et negatio de eodem : et quod ita sit : Deus qui fidelis est et verax hoc novit. Vel aliter : Vere apud me non fuit est et non : quia Deus fidelis, id est verax est. Cum autem Deus doctores veritatis se daturum promiserit : si me doctorem falsitatis instituit, profecto mendacii reus est. Et quod Deus sit fidelis promittens doctores veritatis apparet in eo : quia sermo noster qui fuit apud vos, in illo sermone non fuit : est et non. Vere Deus fidelis est : nam in Christo Jesu qui *Christus Jesus Filius Dei* est, qui etiam *Christus prædicatus est in vobis per nos* : scilicet per me et Silvanum et Timotheum. In illo Christo non fuit est et non, id est affirmatio et negatio de eodem : sed semper fuit in illo, est, id est veritas seu negando, seu affirmando. Vere in illo non fuit est et non : nam quotquot sunt *promissiones Dei Patris in illo sunt est*, id est veræ et completæ ; vel etiam similiter. Et quia per Christum completæ sunt promissiones Dei patris in illo sunt est, id est veræ et completæ sunt promissiones Dei : ideo et per ipsum Christum dicimus amen, id est ita esse completum sicut promissum est, et hoc totum Deo, id est ad gloriam Dei, et ad gloriam nostram, quia per veritatem Dei comprobatur veritas nostra. Licet dicam ad gloriam nostram tamen non nobis, sed Deo debetur gloria : qui Deus confirmat nos vobiscum ut veritas in vobis sit : et hoc in Christo. Qui etiam Deus unxit nos oleo sanctificationis in baptismo. Qui etiam signavit nos, id est signum discretionis ab aliis (scilicet virtutes) dedit nobis. Qui etiam pignus spiritus dedit, id est Spiritum sanctum ut sit nobis arrha future gloriæ : quem spiritum dedit in cordibus nostris habitatorem continuum. Et cum Spiritus sanctus sit in nobis, non est credendum, quod levitas vel mendacium fuerit in nobis.

Postquam se excusavit, quod nec pro levitate, neque secundum carnem cogitans ad eos venire dimiserit, subdit causam quare non venerit, dicens : Pro levitate, vel quia carnaliter cogitarem venire non dimisi : sed ideo ut parcerem vobis non veni. Et ut credatis, ut vobis parcerem me non venisse, ego invoco Deum testem hujus rei. Mali quidem negligentes offendere Deum, testem falsitatis non multum curarent advocare Deum : sed Paulus qui se totum in Deo posuerat, non præsumeret Deum facere testem

ejus rei, quam veram non intelligeret. Aliter enim A
agens, mendacii Deum argueret. Deum utique invoco
testem : non solum contra corpus, ut si mendax
fuero, in solis me puniat corpore, sed etiam in, id est
contra animam meam, ut perdat eam cum corpore
si mendacii testem facio Deum. Inde Deum advoco
testem : quod parcens vobis, id est ut commodius
possem parcere vobis, non veni Corinthum ultra, id
est ulterius quam prima vice.

Priusquam dicat in quo eis non veniendo pepercerit,
determinat hic quod ait, *parcens*. Corinthii enim in-
sidiantes verbis ejus, dicerent : Ita ais te pepercisse,
ac si regia potestate habeas nos cogere ex tua volun-
tate. *Parcens non* ideo dico, quia nos dominamur fi-
dei vestrae : fides enim res est voluntaria, non nec-
essitate dominii cogenda. Dominari autem dicitur B
in potestatibus illis, ubi filius succedit patri usu nec-
essario : sed in praelatis Ecclesiae (etiam in saeculari-
bus qui non lege successionis, sed per electionem
presunt) potius dici debet servitus quam dominium.
Ideo ait non dominamur fidei vestrae : sed sumus
adjutores vestri, non cessantes orare Deum pro cor-
rectione vestri, adjutores dico gaudii vestri : in illa
enim re vos adjuvamus de qua habituri estis perman-
ens gaudium : quare nobis obsequi debetis. Vere
non dominamur vobis : nam vos statis fide : quae vol-
untatis res est, non necessitatis, si vos statis.

161 CAPUT H.

Statui autem hoc ipsum apud me : ne iterum
in tristitia venirem ad vos. Si enim ego contristo C
vos : et quis est qui me laetificet, nisi qui contri-
statur ex me? Et hoc ipsum scripsi vobis, ut non
cum venero tristitiam super tristitiam habeam,
de quibus oportuerat me gaudere ; confidens in
omnibus vobis, quia meum gaudium omnium vest-
rum est. Nam ex multa tribulatione et angustia
cordis scripsi vobis per multas lacrymas : non ut
contristemini, sed ut sciatís quam charitatem ha-
beam abundantius in vobis. Si quis autem con-
tristavit me, non me contristavit ; sed ex parte,
ut non onerem omnes vos. Sufficit illi, qui ejus-
modi est, objurgatio haec quae fit a pluribus, ita
ut e contrario magis donetis et consolemini : ne
forte abundantiori tristitia absorbeatur, qui ejus-
modi est. Propter quod obsecro vos, ut confirme-
tis in illum charitatem. Ideo enim et scripsi vobis,
ut cognoscam experimentum vestrum, an in om-
nibus obedientes sitis; Cui autem aliquid dona-
stis, et ego : nam et ego quod donavi, si quid
donavi, donavi propter vos in persona Christi, ut
non circumveniamur a Satana ; non enim igno-
ramus cogitationes ejus. Cum venissem autem
Troadem, propter Evangelium Christi, et ostium
mibi apertum esset in Domino, non habui requiem
spiritui meo, eo quod non invenerim Titum fra-
trem meum : sed valescens eis, profectus sum
in Macedoniam. Deo autem gratias qui semper
triumphat nos in Christo Jesu, et odorem notitiae
suae manifestat per nos in omni loco : quia Chri-

sti bonus odor sumus Deo in his qui salvi sunt,
et in his qui pereunt. Aliis quidem odor mortis
in mortem, aliis autem odor vitae in vitam. Et ad
haec quis tam idoneus? Non enim sumus sicut
plurimi adulterantes verbum Dei : sed ex sinceri-
tate, sicut ex Deo coram Deo in Christo loqui-
mur. »

EXPOSITIO.

Postquam determinavit quomodo dixerit *parcens* ;
determinat in quo pepercerit, dicens : Ego utique
non veni Corinthum, sed statui hoc ipsum quod in
priori Epistola statueram. Statui, inquam, apud me,
non praecipitio inconsideratae sententiae, sed apud
me diligenter pertractans ex consilio statui, ne ite-
rum venirem ad vos in tristitia, id est ad contristan-
dum vos. Iterum dicit, quia in prima Epistola vene-
nerat contristari eos, quia lapsi fuerant in pecca-
tum : si non praesentialiter, tamen per epistolam.
Vel ita : Ego jam semel veneram, sed ideo nolui
iterum venire, ne adventus meus esset vobis in tri-
stitia. Ideo Paulus venire noluit, quia si praesens
fieret, oporteret eum, ut impenitentes severitate ju-
dicii removeret ab Ecclesia : quia praesens non pos-
set uti tanta lenitate, videns mala eorum : quanta
temperantia erga illos per Epistolam utitur, et sic
malum hoc eveniret : ut cum in unitatem Ecclesiae
eos revocare deberet : potius per distractionem ju-
stitiae eos ab invicem separaret. quos absens per
lenitatem misericordiae, ad unitatem revocare po-
tuisset, quod utique fecit. Ideo nolui iterum venire :
quia si ego contristo vos quocumque modo, quis est
in vobis qui me laetificet, nisi ille qui contristatur ex
me, id est secundum meam voluntatem, ut contri-
stus de peccato poeniteat? Quod si venirem, non
fieret ut aliquis me hoc modo laetificaret. Me enim
praesente districtio justitiae magis vos deterreret
quam ad poenitentiam suaderet. Illud etiam innuit,
ac si diceret : Propter Deum quidem poenitere debu-
issetis et (ut illud omittam) pro eo solo ut me
doctorem vestrum laetificaretis. Et hoc ipsum, sci-
licet ne veniens in tristitia neminem qui me laetifi-
caret invenirem, scripsi vobis ideo : ut cum praesen-
tialiter venero, non habeam tristitiam super tristitiam.
Hujusmodi quidem tristitiam audiens vos peccasse
habebo secundam, si veniens vos incorrectos inve-
nero : utque vos correctos inveniam scribo nunc me
in eo laetificari tantum qui ad poenitentiam contri-
statur. Tristitiam dico habeam de vobis incorrectis :
162 de quibus modo primum oportuerat me gaudere
bene correctis. Et revera gaudebo sicut oportuit.
Nam confidens sum in omnibus vobis, quod de cor-
rectione vestri gaudebo : propterea quia quandiu
eram apud vos, gaudium meum erat gaudium om-
nium vestrum : quia ut primum videbatis me gau-
dentem, etiam non intellecta re de qua gaudebam
pia affectione congaudebatis mihi : et propterea con-
fido quod revera de vobis correctis gaudebo. Vel ita :
Confidens sum in vobis, quia gaudium meum est
gaudium omnium vestrum, id est quod gaudium

quod futurum exspecto (ut digni sitis habere Deum oro) et vos habituros confido. Ideo ait confidens in omnibus, ne peccantes putarent Paulum diffidere de salvatione sui. Quia dixit tristitiam habeam super tristitiam, dicerent illi: Habuistine tristitiam? Utique habui. *Nam ego scripsi vobis ex multa tribulatione corporis, jejunando, vigilando, ut Deus parceret vobis: et ex multa angustia cordis sollicitus de salute vestra scripsi vobis, affligendo me per multas lacrymas. Nec ideo me tribulatum et angustiatum esse memoro, ut vos mecum contristemini: sed ut sciatis quantam charitatem habeam ad omnes.* Charitatem dico abundantius in vobis ostensam: apud quos et diutius mansi: et nihil a vobis recipiens, de labore manuum vixi. Ostensa causa, quare ad eos non venerit, quæ causa ad suasionem correctionis idonea fuit, subdit de illo quem ab Ecclesia separari iusserat in alia Epistola: quia duxerat uxorem patris: cujus poenitentiam (quia audivit indulgentiam dignam) scribit Ecclesiæ Corinthiorum, ut eum recipiant: scientes Paulum indulsisse illi. Littera sic jungitur: Nolo ut vos contristemini; sed si quis contristavit me (ut ille qui uxorem patris duxit) non me tantum contristavit, sed vos: et hoc ex parte: non enim omnes contristati estis, sed boni tantum condoluere fratri peccanti. Ex parte ideo dico: *ut non onerem omnes vos*, id est indignum est hoc onus imponere vobis omnibus, ut fratri non compatiamini. Hoc autem ironice dicit propter eos qui superbierunt de lapsu fratris, cui condolere debuerant; vel ita: Non me contristavit tantum; sed vos ex parte, id est secundum partem honorum: et hæc partem excipio, ut non onerem omnes vos de contemptu peccantis fratris: quidam enim vestrum (sicut justum erat) condoluerant. De illo autem qui me et vos contristavit, scitote quoniam *sufficit illi qui est ejusmodi*, id est tantæ fragilitatis: quod (si nimia restrictione vexetur) desperabit. Illi, inquam, sufficit hæc *objurgatio*, qua cum objurgati estis, pellendo ab Ecclesia pro peccato. Objurgatio dico, *quæ fit illi a pluribus peccanti fratri juste condolentibus sufficit*: ita ut vos e contrario agentes, ut sicut ab Ecclesia prius separastis, nunc e contrario Ecclesiæ eum restituatis. *E contrario*, inquam, sicut amplius objurgastis et ille patienter sustulit, *ita magis donetis*, id est remittatis ei peccatum suum, et ne putet hoc vos agere, quasi non curantes de eo, *consolemini* eum frequenter per consolationes Scripturarum. Ideo dico donetis et consolemini, *ne forte* (quod cito contingere posset) hic *qui est ejusmodi*, id est multæ fragilitatis, *absorbeat*, id est desperans deglutatur *abundantiore tristitia*. Si enim supra modum coerceatis eum, desperabit de salute: et cito revolvetur etiam in deterius peccatum. Melior est enim misericordia ad salutem quam severitas justitiæ generans desperationem. *Propter quod*, ne ille absorbeat eum posse imperare: magis ex charitate, *obsecro vos ut charitatem* bene inceptam (charitas enim fuit quod eum ex præcepto meo, ut cor-

rigeretur ab Ecclesia expulstis) obsecro, inquam, ut charitatem *hanc confirmetis*, id est firmam et perfectam ostendatis *in illum*, indulgendo, et in Ecclesiam recipiendo, quam charitatem incoepistis eum abijciendo. Debetis indulgere ei: *nam ideo scripsi*, ut ceptam charitatem consummetis: et *ut cognoscam experimentum vestrum*, id est vos expertos cum eum ab Ecclesia ex **163** obedientia separastis; cognoscam, dico, *an obedientes sitis in omnibus*, ut sicut prius obedistis eum removendo, sic nunc obediatis indulgendo ipsi. Et, sicut moneo, debetis indulgere: quia *si vos alicui condonastis aliquid, et ego vobiscum induli*

Dicerent illi: Donasti fortasse, sed non propter nos. Ita, inquam: *nam quod ego donavi, si aliquando donavi aliquid, hoc propter vos donavi*. Ubi ita dictum suum reprimit: Si quid donavi, ostendit se paucis indulsisse pro alio, ut nos admoneat non pro carnali dilectione, sed magis pro fructu poenitentiae dimittenda esse peccata. Iterum ille. Quid inde si tu condonasti? Multum utique quia hoc *donavi in persona Christi*, idem valuit illi cui *donavi* ac si Christus donaret ei in propria persona. Oportet utique vos indulgere ei tum propter me, propterea *ut non circumveniamur*, id est ne decipiamur a Satana. Sicut enim in nimia mollitie decipit, sic in severitate quæ supra modum est, diabolus circumvenit: ideo moneo ne circumveniamini a Satana: *quia nos non ignoramus cogitationes ejus Satanae*, quam versutæ sint: ubi etiam intelligimus virtutem, ut in disciplinando peccatore suam inferat fallaciam. Ostendit iterum Paulus, quod culpa eorum fuit, dum propositum veniendi ad eos mutavit, quia eos incorrectos audivit. Non ultra veni Corinthum, sed veni usque Troadem. *Cum autem venissem Troadem propter Evangelium Christi prædicandum*: (ubique enim prædicabant) *et cum ibi, Troade, esset mihi apertum ostium*, id est, mentes eorum paratæ essent ad recipiendum verbum Christi, et hoc *in Domino* (Dominus enim corda eorum aperiebat) cum ita venissem, *non habui requiem spiritui meo*. Requiem se dicit non habuisse, quia in prædicando non potuit tunc laborare. Requiem non habui, *eoquod non inveni in Troade fratrem meum Titum*. Per Timotheum et Titum epistolam primam Corinthiis miserat: Timotheus autem reversus erat ad Paulum: sed Titus detinebatur adhuc Corinthi, laborando de correctione eorum. Hoc autem quod propter absentiam Titi Troadibus prædicare non potuit, culpa fuit Corinthiorum, quorum incorrectio Titum detinebat. Propter Titum noluit Troade prædicare Paulus: vel quia Titus prius eis prædicaverat, ne Paulus, eo absente prædicans, videretur minuere potestatem Titi. Vel quia Titus interpret erat Pauli, et linguam eorum expressius loqui poterat. Non utique requiem habui, *sed valescens eis*, Troadibus, *profectus sum in Macedoniam*. Hi Macedones in magno honore susceperunt Apostolum: ut etiam de rebus eorum quidquid vellet, disponere posset.

Hic incipit Paulus magnificare se, et ministerium suum : et pseudoapostolos multipliciter deprimere, quia quidam Corinthiorum illos præferebant Paulo. Profectus sum in Macedoniam : ibi autem sum constitutus triumphator in Christo, et inde gratias ago Deo qui semper triumphat nos, id est triumphare nos facit in Christo Jesu, id est per Christum Jesum, in quo non triumphant pseudo : et qui Deus manifestat odorem notitiæ suæ, id est Christum : per cujus humanitatem odoramus divinam et indivisibilem essentiam. Vel manifestat per nos odorem suæ notitiæ, id est prædicationem nostram, per quam virtus Dei manifestatur in omni loco quod prædicamus. Manifestat utique per nos : quia nos sumus bonus odor Christi, id est si quis puritatem actuum nostrorum considerat, potest odorare bonitatem Christi, cujus nos sumus ministri. Bonus, inquam, odor sumus : et si non quibusdam incredulis, tamen Deo, qui videt interiora cordis nostri. Bonus, inquam, odor sumus quantum ad Deum ; et in his qui salvi fiunt per Evangelium nostrum, et in his qui pereunt, per contemptum ejusdem Evangelii, quantum ad Deum ; in utrisque salvandis et perituris bonus odor sumus : sed quantum ad homines, aliis quidem sumus odor mortis. Increduli enim audientes a nobis fidem Christi, dicunt se odorare rem mortiferam. **164** Odor mortis, dico, valens eis in mortem, id est ad damnationem. Aliis autem, id est fidelibus, sumus odor vitæ. Per doctrinam enim nostram odorant vitam justitiæ, eundo sic in vitam æternam. Deus per nos manifestat odorem justitiæ suæ : et ad hæc manifestanda quis inter pseudo tam idoneus sicut ego et coapostoli mei? Nemo utique tam idoneus : nam nos non sumus sicut plurimi, scilicet pseudo, adulterantes verbum Dei : sicut enim adulter rem alterius usurpat illicite, sic pseudo ministerium prædicationis a nemine sibi injunctum. Sicut etiam adulter fructum sobolis non querit in opere turpitudinis suæ, sed solummodo explere libidinem : sic illi pseudo solummodo ut lucrari possint temporalia, non curant de eis quos docent, sive pereant, sive non pereant. Non, inquam, adulteramus verbum Dei : sed loquimur ex sinceritate, id est secundum puram fidei veritatem. Non iterum adulteramus : sed loquimur in Christo, id est secundum fidem et institutionem Christi loquimur ex Deo, id est secundum quod Deus loqui insinuat ; et coram Deo, id est in beneplacito Dei.

CAPUT III.

Incipimus iterum nosmetipsos commendare? Aut nunquid egemus (sicut quidam) commendatiis epistolis ad vos, aut ex vobis? Epistola nostra vos estis, scripta in cordibus nostris, quæ scitur et legitur ab omnibus hominibus, manifestati, quoniam epistola estis Christi, ministrata a nobis et scripta, non atramento, sed Spiritu Dei vivi. Non in tabulis lapideis, sed in tabulis cordis carnalibus. Fiduciam autem talem habemus per

Christum ad Deum : non quod sufficientes simus cogitare aliquid a nobis, quasi ex nobis ; sed sufficientia nostra ex Deo est qui et idoneos nos fecit ministros Novi Testamenti, non littera sed spiritu. Littera enim occidit, spiritus autem vivificat. Quia si ministratio mortis litteris deformata in lapidibus fuit in gloria, ita ut non possent intendere filii Israel in faciem Moysi, propter gloriam vultus ejus quæ evacuat, quomodo non magis ministratio spiritus erit in gloria? Nam si ministratio damnationis in gloria est, multo magis abundat ministerium justitiæ in gloria. Nam nec glorificatum est, quod claruit in hac parte, propter excellentem gloriam. Si enim quod evacuat per gloriam est, multo magis quod manet in gloria est. Habentes igitur talem spem, multa fiducia utimur. Et non sicut Moyses ponebat velamen super faciem suam (Exod. xxxiv, 35), ut non intenderent filii Israel in faciem ejus, quod evacuat, sed obtusi sunt sensus eorum. Usque in hodiernum enim diem, id ipsum velamen in lectione Veteris Testamenti manet non revelatum, quod in Christo evacuat, sed usque in hodiernum diem cum legitur Moyses, velamen positum est super cor eorum. Cum autem conversus fuerit ad Deum, auferetur velamen. Dominus autem spiritus est (Joan. iv, 24). Ubi autem spiritus Domini, ibi libertas. Nos vero omnes revelata facie gloriam Domini specularantes, in eandem imaginem transformamur a claritate in claritatem, tanquam a Domini spiritu.

EXPOSITIO.

Et quia dico nemo ad hæc tam idoneus, dicitis propterea quod iterum, ut in alia Epistola ubi dicebam Omnibus omnia factus sum (I Cor. ix, 22) (tc., incipimus commendare, id est magnificare nosmetipsos. Non utique : sed ministerium Dei in nobis. Aut nunquid egemus sicut quidam (scilicet pseudo) commendatiis epistolis missis ab aliis ad vos ; aut ex vobis, missis ad alios? Illi enim pseudo, ut magis possent lucrari, cum transibant de loco ad locum, precabantur ut illi a quibus irent commendarent eos per epistolas, illis ad quos transibant. Ego utique non egeo epistolis commendatiis : nam vos estis nostra epistola, quia signaculum mei apostolatus, qui vos in fide Christi fundavi. Epistola dico scripta in cordibus nostris, fidem enim vestram nunquam obliviscimur : sed de salute vestra sollicitè Deum rogamus : **165** quæ epistola scitur ab omnibus. Omnes enim sciunt vos per me ad fidem conversos, et quæ Epistola legitur ab omnibus. Si quis enim velit cognoscere qualis sim in vobis, me legit et cognoscit. Vos dico manifestati, quoniam estis epistola Christi : quia fides vestra et bona vita ostendit virtutem Christi. Epistola Christi dico, ministrata a nobis. Per hoc enim quod estis mea epistola qui vos instruxi, ego autem epistola Christi, sic me mediante estis epistola Christi : quem Christum vobis dispensavi.

Epistola dico *scripta, non atramento*, id est non de-
 lebiliter. Vel atramento, id est aliqua contagione
 ut pseudo suos sequaces polluant. *sed scripta Spi-
 ritu Dei*, id est indelebiliter. *Dei dico vivi*, qui et
 vos perpetuo vivere faciet: *non iterum scripta in ta-
 bulis lapideis*, id est induratis, et verbum Dei non-
 sentientibus: *sed scripta in talibus carnalibus*, id est
 sensibilibus: et verbum Dei ad fructum faciendum
 suscipientibus. Tabulis dico *cordis*, id est interioris
 intellectus, ubi ait: In tabulis lapideis, mitti nos
 ad memoriam veteris legis, quæ data est in lapideis
 tabulis (*Exod. xxxiv, 1*), significans corda Judæo-
 rum lapidea. Quia sicut lapis sculpturam quidem reci-
 pit, sed nihil sentit; sic corda Judæorum, corti-
 cem quidem legis, id est carnalem intellectum sus-
 ceperunt: sed medulam legis spiritualem, scilicet,
 intellectum non senserunt: Dixit superius. Nemo
 tam idoneus ut ego: iterum vos estis epistola mea,
 et per me estis epistola Christi, et ad hæc subdit ta-
 lem fiduciam, scilicet, quod fiducialiter dixi me ma-
 gis idoneum, etc. Hanc *salem fiduciam* non nobis
 præsumimus referendam: sed *habemus* hanc fidu-
 ciam referendam *ad Deum*. Quia enim idoneus sum,
 quod vos estis epistola mea: hoc totum Deus ope-
 ratur. Habemus, inquam, ad Deum, et *per Christum*
 mediantem: Christus enim secundum imperium Dei
 consecravit me idoneum Apostolum. Fiduciam uti-
 que hanc habemus ad Deum: *non ita quod sufficien-
 tes simus cogitare*, nedum operari *aliquid a nobis*, id
 est utilitatem nostram. *Quasi* hoc possit esse *ex nobis*,
 id est ex viribus nostris, sine cooperante gratia Dei.
 Et licet nihil sufficiamus ex nobis, tamen sufficientes;
sed illa sufficientia nostra non tantum cogitandi, sed,
 sicut præmissum est, idonee operandi. Omnis hæc
 sufficientia qualiscunque sit, *ex Deo est*.

Commendavit personam suam satis: nunc com-
 mendat ministerium suum, quod iterum retorquetur
 ad commendationem sui, dicens: *Qui Deus fecit nos
 idoneos ministros*. Quomodo idoneos supra satis
 ostendit, sed cujus rei ministri sint, illud subdit:
Ministros dico novi testamenti. Vetus Testamentum
 prius fuit, quod et delendum erat per Novum, et
 carnale secundum carnalitatem instruens.

Sed Evangelium testamentum novum est, docens
 et innovans spiritum hominis, nec alio testamento
 immutandum. Ministros dico Novi Testamenti exi-
 stentis: *non in littera tantum*, ut Vetus: *sed in spi-
 ritu et littera*. Vetus enim lex litteralia quidem
 præcepta dabat, sed quia gratiam Spiritus non ha-
 bebatur, ideo magis nocebat quam adjuvaret. Ideo dico
 novum testamentum esse in spiritu; quia si in lit-
 tera tantum esset, occideret. *Littera enim occidit,
 sed spiritus vivificat*. Lex vetus quæ in littera tantum
 existerat, occidere dicitur: non quia Deus dator leg-
 is, vel Moyses minister legis hoc faceret: sed impia
 carnalitas hominum, quæ non promeruit ut haberet
 adjutricem gratiam cum littera. Quæ littera ideo
 occidit, quia auget concupiscentiam peccati, dum
 prohibet: natura est enim nostræ fragilitatis, et

A avidius ruat in vitium: cumulat etiam peccatum
 prævaricationis, quod non erat ante legem datam.
 Littera quidem sic occidit: sed Spiritus, id est Evan-
 gelium cum adjutore spiritu datum, facit vivere in
 justitia. Commendato Evangelio suo, eandem com-
 mendationem refundit in se, dicens: Et quia mini-
 ster sum testamenti, existentis in spiritu, merito
 spiritualis administrationis habeo **166** gloriam.
 Vere ministratio spiritus erit mihi in gloria; quia
 ministratio mortis fuit Moysi in gloria. Hoc ita ait:
Quia si ministratio mortis, id est veteris legis: quæ
 et concupiscentia majore et nova prævaricatione
 mortem inferebat: Si, inquam, ministratio hæc
 mortis *litteris tantum formata* non adjutorio spi-
 ritus proficua facta: formata dico *in lapidibus*. In
 B tabulis enim lapideis lex Moysi data fuit, ut signifi-
 caret lapidea corda Judæorum. Si, inquam, hæc mi-
 nistratio *fuit Moysi valens in habenda gloria*: ita
 dico in gloria, *ut filii Israel non possent intendere in
 faciem Moysi propter gloriam vultus ejus, quæ gloria
 evacuatur*. Hanc enim gloriam vultus scimus cito
 elapsam a Moyse. Si, inquam, ministratio mortis
 fuit Moysi in tanta gloria: *quomodo ministratio spi-
 ritus*, id est Evangelii cum quo per manus meas
 Spiritus sanctus administratur; quomodo hoc *non
 erit mihi magis valens in habenda gloria* quam
 Moysi? Non hoc dicit ut se merito præferat Moysi,
 sed sola dignitate ministerii. Per manus enim Moysi
 præcepta sola dabantur, nulla gratia: sed a Paulo
 C et præcepta: et per impositionem manus ejus, gra-
 tia Spiritus sancti adjuvans, ut quæ præcipiebantur,
 posset homo operari. Quia ait in faciem Moysi non
 posse intendere Judæos, signum erat quod spiritua-
 lem intellectum legis capere non poterant: quem
 facies, id est intellectus Moysi lucide cognoscebat.
 Iterum quod gloria vultus ejus evacuata est: signi-
 ficavit illa quæ ministrabat temporalia esse, non per-
 manentia, pro quibus temporalem habebat gloriam.
 Vere ministratio spiritus erit mihi in gloria; nam
 administrare spiritum, est administrare justitiam.
 Ministerium autem justitiæ est valens in habenda
 gloria. *Nam si ministratio damnationis*, id est ve-
 teris legis, quæ et peccatum et prævaricationem pec-
 cati fecit; si, inquam, hæc ministratio Moysi *est in
 D gloria, multo magis ministerium*, id est administratio
 justitiæ *abundat mihi in gloria*. Abundat ideo, quia
 gloria mea permanens, illa transitoria. Ubi supra
 ait: Ministratio mortis, mortem peccatum intelligit.
 Hic autem per damnationem, penam peccati accipit.
 Vere ministratio mea abundat in gloria multo
 magis; *nam nec glorificatum est*, id est non debet
 dici glorificatum hoc quod *claruit in hac parte*, id
 est in facie Moysi *propter excellentem gloriam*, id est
 ad comparisonem gloriæ meæ excellentioris. Vel ita:
 Non debet dici glorificatum illud quod claruit in
 Moyse in hac parte, id est respectu hujus meæ par-
 tis: propter excellentem gloriam, quæ partis meæ
 est, et non partis Moysi. Vere gloria mea super ex-
 cellens est, nam mea permanet: illa autem transit.

Et vere illud quod manet est in gloria mihi, si Vetus Testamentum quod evacuatur Moysi est per gloriam : idem valet quod in gloria : multo magis Evangelium meum quod permanet est mihi sufficiens in habenda gloria.

Notandum est quod prius ait se ministrare spiritum, per spiritum vero justitiam, deinde quod permanet; Moyses vero ministravit litteram contra spiritum; damnationem contra justitiam. Hoc quod evacuatur, contra hoc quod permanet. Et sicut damnatio effectus est peccati, sic justitia effectus spiritus. Hucusque ministerium suum ministerio veteris legis prætulit, ubique deprimens pseudo, qui veterem legem reducebant. Si enim Moyses minister mortis est et damnationis, quanto magis hi qui tanta indignitate inferiores sunt Moysæ? Quia excellentem gloriam exspectamus : igitur nos habentes talem spem (scilicet permanentis gloriæ) utimur multa fiducia : non reprimentes verbum Dei formidine cujuscunque difficultatis. Utimur quidem fiducia : et non facimus sicut Moyses, qui ponebat velamen super faciem suam (Exod. xxxiv, 35); ideo, ut non intenderent filii Israël in faciem ejus : quod velamen modo per Evangelium nostrum evacuatur. In Evangelio enim aperitur quidquid in figuris veteris legis claudabatur. Diceret **167** ille : Quare dicis velamen legis evacuatum, quæ sicut prius ita et nunc obscuratur? Contra hoc Paulus : Evacuatum est quidem velamen legis, sed sensus impiorum peccato infidelitatis sunt obtusi. Et vere obtusi : nam a tempore datæ legis usque in hodiernum diem meum, id velamen ipsum quale prius erat, manet in lectione Veteris Testamenti non revelatum. Cum enim infidelibus exponuntur figuræ veteris legis, infidelitas claudit corda eorum, et sic velamen legis non est illis revelatum. Non quia Evangelium nostrum hoc velamentum non auferat, sed quoniam non accedunt ad Christum : in quo Christo, id est in fide cujus, evacuatur hoc velamen. Velamen quidem est Veteri Testamento, non ideo quin Vetus Testamentum per Evangelium apertum sit, sed quia usque in hodiernum diem, cum legitur et exponitur eis : Moyses, velamen infidelitatis est positum super impœnitens cor eorum, quod velamen evacuatum est in Christo, ad quem converti nolunt. Et quod ita dicendum sit, sequens littera innuit : Velamen super cor eorum, quia non accedunt ad Christum : sed cum conversi fuerint ad Dominum, ablato prius velamine cordis ex quo animum pœnitendi habuerant ; auferetur deinde velamen intelligentiæ, et aperte cognoscent mysteria legis. Vere, quia convertentur ad Dominum, auferetur velamen. Nam Dominus est spiritus : ubi autem spiritus est Domini, id est, spiritus Dominus intransitive dictum ; vel, spiritus Domini transitive, Deus enim seipsum dat : ubi autem est spiritus Domini, ibi remoto velamine est libertas intelligentiæ. Quod si Dominus est spiritus, spiritus autem auferit velamen, quia est libertas, igitur conversis ad Dominum auferetur velamen.

PATROL. CLIII.

Ubi est spiritus Domini, ibi est libertas. Nos vero habemus spiritum Domini : Habemus utique. Nam nos discipuli Christi revelata facie, id est illuminata mente, speculantes de alto virtutum in quo positi sumus. Vel speculantes, id est, per speculum non-dum perfecte intuentes. Vel hoc vel illo modo speculantes gloriam Domini, id est essentiam Deitatis : transformamur in eandem imaginem : quia quam subtiliter Christus scripturas intelligit, idem per spiritum nos docuit. Transformabimur plenius resumendo impassibilitatem eandem et immortalitatem. Transformamur dico a claritate virtutis, eundo in majorem claritatem. Vel a claritate fidei et spei, quæ nunc est, translati in claritatem rei, ut videamus Deum sicuti est. Transformamur, inquam, a claritate in claritatem tanquam a spiritu Domini, id est, quanto dignius et magis egregie spiritus Domini valet hoc efficere.

CAPUT IV

« Ideo habentes hanc administrationem, juxta quod misericordiam [Dei] consecuti sumus, non defecimus, sed abdicamus occulta dedecoris, non ambulantes in astutia, neque adulterantes verbum Dei : sed in manifestatione veritatis, commendantes nosmetipsos ad omnem conscientiam hominum coram Deo. Quia si etiam opertum est Evangelium nostrum, in his qui pereunt, est opertum : in quibus Deus hujus sæculi excæcavit mentes infidelium, ut non fulgeat illuminatio Evangelii gloriæ Christi, qui est imago [invisibilis] Dei. Non enim nosmetipsos prædicamus, sed Jesum Christum Dominum nostrum. Nos autem servos vestros per Jesum, quoniam Deus qui dixit de tenebris lumen splendescere, ipse illuxit in cordibus nostris ad illuminationem scientiæ claritatis Dei in facie Jesu Christi. Habemus autem thesaurum istum in vasis fictilibus ; ut sublimitas sit virtutis Dei, et non ex nobis. In omnibus tribulationem patimur, sed non angustiamur. Aporiamur, sed non destituimur. Persecutionem patimur, sed non derelinquimur. Humiliamur, sed non confundimur. Dejecimur, sed non perimus. Semper mortificationem Jesu Christi in corpore nostro circumferentes : ut **168** et vita Jesu in corporibus nostris manifestetur. Semper enim nos qui vivimus, in mortem tradimur propter Jesum : ut et vita Jesu manifestetur in carne nostra mortali. Ergo mors in nobis operatur, vita autem in vobis. Habentes autem eundem spiritum fidei, sicut scriptum est : « Credidi propter quod locutus sum (Psal. cxv, 1), » et nos credimus, propter quod et loquimur : scientes, quoniam qui suscitavit Jesum, et nos cum Jesu suscitabit, et constituet vobiscum. Omnia enim propter vos ; ut gratia abundans, per multos in gratiarum actione, abundet in gloriam Dei. Propter quod non defecimus : sed licet is qui foris est noster homo corrumpatur, tamen is qui intus est, renovatur de die in diem. Id enim quod in præsentem est momentaneum et leve tribulationis nostræ, supra modum in sublimitate æternam

gloriæ pondus operatur in nobis : non contem-
plantibus nobis quæ videntur, sed quæ non viden-
tur. Quæ enim videntur, temporalia sunt, quæ
autem non videntur, æterna sunt. »

EXPOSITIO.

Et ideo quia speculamur gloriam Domini, eundo a claritate in claritatem. Nos propterea habentes hanc ministrationem Evangelii, non propter meritum nostrum nobis traditam, sed juxta quod consecuti sumus misericordiam a Deo, non defcimus in hac administratione, quæcunque adversa se nobis ingerant: sed abdicamus non solum aperta, sed etiam occulta dedecoris, id est peccati hominem dedecorantis. Nos dico non ambulantes in astutia extorquendæ pecuniæ, ut pseudo a subditis: neque adulterantes verbum Dei, ut pseudo; sed, prædicando in manifestatione puræ veritatis: non enim ut illi curamus apposite loqui ad persuadendum, sed commendantes puritate sermonis et vitæ nosmetipsos, non ad oculum, ut illi, sed ad omnem conscientiam hominum. Licet enim verbo nos insequantur, tamen apud se laudant puritatem nostram. Commendantes dico coram Deo, id est in beneplacito Dei: cui placere pseudo parum, aut nihil curent. Vel ita: Quia ita sit de nobis, hoc dico coram Deo, ut ipse nobis testis sit, qui solus occulta nostra novit.

Quia dixit ibi in manifestatione veritatis, objiceret ille quibusdam occultatum esse Evangelium. Contra quod ait: Utique nos evangelizamus in manifestatione: quod etiam, si opertum est Evangelium nostrum, scitote quod opertum est in his, id est in peccato eorum, qui per infidelitatem pereunt: in quibus pereuntibus, excæcavit mentes eorum: quia adhuc infidelium Deus hujus sæculi, id est diabolus, qui his qui de mundo sunt dominatur; juxta illud: « Princeps mundi hujus ejicietur (Joan. XII, 31). » Vel dicamus: Deus hujus sæculi, id est qui non tantum cœlestia, sed etiam terrena gubernat. Fuit enim error quorundam, Deum cœlestia gubernare tantum, terrena solo casu fortunæ volvere. Vel ita: Deus hujus sæculi. Homines enim de mundo diversos sibi deos faciunt. Hic avaritiam colit, ille voluptatem, et ab hujusmodi deo excæcantur. Excæcavit ita ut illuminatio Evangelii, id est illuminatum Evangelium non fulgeat, sed opertum sit illis. Evangelii dico gloriæ Christi, id est in quo Christus gloriosus approbatur: qui Christus est imago Dei, id est repræsentans nobis Deum. Non sic imago, ut filius alius sit a Patre in substantia; sed ideo imago; quia qui videt Filium, videt et Patrem, imago Dei invisibilis: et quia Deus in natura Deitatis invisibilis, ideo oportuit ut per Christum fieret visibile, quod in natura sua est invisibile. Vera evangelizamus gloriam Christi. Nam non prædicamus nosmetipsos. Vel ibi supra jungitur: Vere non ambulamus in astutia, ut pseudo. Nam non prædicamus, id est prædicando commendamus nosmetipsos, id est hoc quod ex nobis ipsis est: sed prædicamus Jesum Christum Dominum nostrum. Nos autem prædicamus servos, non so-

lum Jesu, sed etiam vestros, per Jesum, id est ut charitatem Jesu in vobis ædificemus. Et merito per Jesum: quoniam Deus illuxit in cordibus nostris, aperiens nobis mysteria sua: ut docti simus evangelizare vobis. Illuxit Deus qui dixit, id est qui solo dicto fecit, splendescere 169 lucem de tenebris. Cum enim in principio massa totius creaturæ tenebrosa esset, nulla formarum varietate distincta, dixit: « Fiat lux (Gen. I, 3) », et in hoc dicto tenebras expulit, et fecit lucere illam massam, quæ in unum confusa erat, discernendo per varias formas. Hic, inquam, Deus illuxit in cordibus nostris, ad illuminationem scientiæ, id est ut nos illuminaret de scientia claritatis Dei, id est divinæ essentiæ: de qua nos illuminare non potuit, nisi in facie, id est, in cognitione et fide Christi Jesu. Nisi enim Christus se nobis visibilem ostenderet, in quo tota Deitas, nequaquam scientiam claritatis Dei intelligere sufficeremus. Commendavit se satis secundum spiritum, nunc se multum vilificat secundum corpus, et per hanc vilificationem commendans Evangelium sibi traditum. Nisi enim gloriam Evangelii sui mirabilem intelligere, nequaquam pro eo tot et tanta pati vellet. Illuminavit nos Deus de scientia divinæ claritatis, quæ licet adeo digna sit, tamen istum thesaurum claritatis Dei habemus nos in vasis fictilibus, id est in corporibus nostris. Thesaurum bene vocat. Thesaurus enim est, quod diligitur et erogatur. Vasa spiritus vocat corpora: quia spiritus nihil operaretur, nisi per administrationem membrorum. Manu enim porrigimus pauperi, et sic in cæteris. Fictilia dicuntur propter fragilitatem, quod omni corruptioni subjaceant corpora nostra. Ideo thesaurum istum habemus in vasis fictilibus, ut sit sublimitas virtutis Dei, id est ut in omnibus qui bene operantur virtutis Dei sola sublimetur, et extollatur: et appareat nihil esse ex nobis fictilibus: ideo competens fuit ut thesaurus Dei in fragili vase reconderetur, ne si virtus hominis aliqua esset, incaute sibi usurparet quod proprium Dei est. Vere et nos fictiles sumus, et virtus Dei est in nobis fragilibus. Nam in omnibus et locis et rebus patimur tribulationem corporis: sed tamen non angustiamur spiritu, imo dilatamur. Aporiamur, id est pauperamur exteriori, sed non destituimur a Deo interiori. Aporos Græce, pauper Latine. Persecutionem patimur de loco ad locum, sed non derelinquimur a Deo. Dejicimur, id est verberibus prosternimur, vel de alto præcipitamus, et tamen non perimus. Ut finem faciam, semper sumus circumferentes hac illac in corpore nostro mortificationem, id est illa quæ faciunt mortem: tribulationes, scilicet quæ sunt accessus mortis. Et debemus libenter pati: quia mortificatio hæc est Jesu, quam ipse pertulit pro nobis: et nos exemplo ejus hanc circumferentes: ut vita Jesu Christi non solum in animabus sed etiam in corporibus nostris manifestetur, reddita nobis immortalitate et impassibilitate. In depressione corporis sui adhuc immoratur: ostendens se hæc omnia pati ad commendationem Evan-

gellii sui et gloriæ Christi, dicens. *Benedico circumferentes mortificationem : nos enim semper tradimur.* Non ait semper, eo quod mori posset sæpius, quam semel : sed quia quotidie tanta patiebatur, quæ virtus hominis (nisi moriendo) non evaderet : sed per virtutem spiritus, Paulus in melius restaurabatur. Mortificationem vocat tribulationes, quibus paulatim propinquat ad interitum. Mortem vero dicit, ultimum ictum in quo dissolvitur. *Nos*, inquam, *tradimur in mortem* : superius dixit exemplo Jesu : hic ait, *propter Jesum*, id est amore Jesu. *Nos* dico, qui licet ita moriamur, tamen vivimus, id est vivere possemus in gloria mundi : longe melius quam pseudo vestri si reticeremus quæ Christus injunxit. Vel ita : Nos quidem secundum corpus tradimur in mortem : qui tamen per mortem carnis melius vivimus, secundum justificationem animæ. Vel ita : Nos quidem tradimur in mortem, secundum injuriam illatam corpori : qui tamen vivimus, non deficientes per virtutem Dei. Morimur propter Jesum : *ut vita Jesu manifestetur* sicut in anima, ita et in carne nostra. Idem in præcedenti versu 170 dixerat : sed repetit ut solvat quod hic posset objici. Vita Jesu erit in carne nostra. Quia si objicis, carnem nostram mortalem non posse fieri immortalem, quod et caro Jesu, utique dico quia in carne nostra mortali fiet vita Jesu et per Jesum caro quæ mortalis est, pro certo fiet immortalis. Quandoquidem in mortem tradimur : *ergo mors operatur in vobis*, quod sum est mortificando corpora nostra ; *sed in vobis* qui spreta imitatione nostra adhaeritis pseudo. In vobis utique est *vita*, id est vos nihil patimini, sed malo vestro. Vel ita : Quia vita Jesu manifestabitur in vobis mortificatis, ergo mors ista operatur, id est utile opus facit in vobis, scilicet, vitam Jesu. Quia si mors vitam Jesu in vobis operatur : tunc vita præsens quam diligitis operatur in vobis contrarium vitæ Jesu, scilicet, damnationem. Vel ita : Quia per mortem, vitam Jesu habituri sumus, ergo mors operatur in nobis quod bonum est, et per mortem nostram vita operatur in vobis : quia merito mortis nostræ in fide et justitia vivitis. Diceret aliquis : Non oporteret te a Deo mortificari, si justitiam tuam quietam haberes, nec fidem Christi in conspectum hominum assereres. Contra hoc Paulus ait se non posse reticere fidem Christi, quia habet spiritum : et per spiritum fidem : et quia fidem habet, ideo loquitur : et quia loquitur, mortificatur. Et quod sic oporteat eum facere, probat auctoritate David in persona martyrum agentis dicens : Ideo aporiamur, dejicimur, mortificamur : quia nos habentes spiritum datorem fidei, eundem quem David et alii sancti habuerunt : vel eundem quem vos habetis, si pro Christo pati velitis. Virtus enim spiritus nulli deficit : nisi ei qui sibi ipsi primum defecerit. Nos, inquam, habemus hunc spiritum, et ideo nos credimus propter quod, id est quia credimus. Loquimur etiam in conspectu hominum quod credimus. Quia tribulationes præmiserat non subdidit :

A Quia loquimur humiliati sumus verberibus, quoniam tamen inde sequitur. Credimus et ideo loquimur, agentes sicut scriptum est in David : « Credidi propter quod, » id est quia credidi, *locutus sum*. Et credendo et loquendo optimam fiduciam habemus : *scientes quoniam Deus qui suscitavit Jesum suscitabit etiam nos, cum Jesu loco et immortalitate ponendos : et ibi constituet*, id est in æternum mansuros locabit. *Constituet dico vobiscum*, quos paratus est, si vultis, suscitare cum Jesu. Ideo ait, *nos vobiscum constituet*, ne putarent illi se nulla vitæ justitia Apostolo posse pacificari : quare ostendit quod non secundum dignitates prælationum, sed secundum fructus operum singuli remunerabuntur. Per hoc etiam quod ait, *nos vobiscum*, multum eos allicit ad appetitum justitiæ. Ideo dico *vobiscum constituet : nam nos omnia patimur*, et operamur *propter vos* instruendos : *ut gratia abundans in me, abundet in vobis*. Quomodo in Paulo abundaret satis notum est. Ut gratia, inquam, abundans in me *abundet* hac re, scilicet, *gratiarum actione* : per vos multa facta in *gloriam Dei*. Qui merito debet glorificari a nobis, qui nobis abundantem gratiam dedit : ipse quidem non ait, abundet gratia in vobis : sed per hoc quod ad agendum gratias gloriæ Dei admonet, satis hoc innuit. Frustra enim agerent gratias Deo, nisi abundarent gratia Dei. Sicut hæc omnia se pati dixit ad gloriam Dei, sic modo totum retorquet ad utilitatem Corinthiorum, dicens : *Propter quod*, id est quia omnia patimur propter vos, ut modo de gloria Dei sileam : etiam pro sola utilitate vestra *non deficimus* quæcunque inferantur tribulationes. Diceret aliquis : Mirum est quod te dicis non deficere, quem quotidianis tribulationibus videmus corrumpi. Ad hoc ait : Utique non deficimus, sed renovamur. *Licet, is* id est tam vilis *noster homo*, id est caro quæ nostro imperio, id est spiritui semper obedire cogitur : *qui homo foris est* : ut pluvias, æstus, quæcunque adversa patiatur : licet, inquam, *is noster* 171 *homo corrumpatur : tamen is homo laudabilis qui intus est*, ubi debet vexatione exterioris hominis muniri ; *is*, inquam, qui intus est : quanto magis is qui foris est corrumpitur : tanto magis hic *renovatur de die in diem*, id est continue. Vel *de die in diem*, id est de virtute eundo in virtutem. Dico *non deficimus* : et merito. *Nam id* tribulationis nostræ quæcunque sit magna vel parva : *quod*, scilicet, *tribulationis in præsentem est momentaneum*, id est est citissime transiens, nec intolerabile, sed *leve* : hæc, inquam, talis tribulatio operatur in nobis *pondus gloriæ æternum* : pondus contra leve, gloriæ contra tribulationis, æternum contra momentaneum : et in sublimitate, id est in cælo contra hoc quod ait in præsentem. Pondus dictum est ab ea similitudine, quia quod in trutina pondus habet, carius est, illud autem quod leve, deterius. Ideo hæc quæ patimur levia et quasi nulla judicamus : quia *nobis non contemplantibus*, id est non affectantibus, ea quæ videntur, sed ea quæ non videntur. Ideo quæ videntur sper-

nimus : quia *temporalia sunt* quæ videntur. Ideo *quæ non videntur* desideramus, quia *æterna sunt* quæ non videntur.

CAPUT V.

Scimus enim quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, sed æternam in cælis. Nam et in hoc ingemiscimus, habitationem nostram quæ de cælo est superindui cupientes : si tamen vestiti, et non nudi inveniamur. Nam et qui sumus in tabernaculo isto, ingemiscimus gravati, eo quod nolumus exspoliari, sed supervestiri, ut absorbeatur quod mortale est, a vita. Qui autem efficit nos in hoc ipsum, Deus, qui dedit nobis pignus spiritus. Audentes igitur semper, et scientes quoniam dum sumus in hoc corpore, peregrinamur a Domino. Per fidem enim ambulamus, et non per speciem. Audemus autem, et bonam voluntatem habemus magis peregrinari a corpore, et præsentem esse ad Dominum [Deum], et ideo contendimus sive absentes sive præsentem placere illi. Omnes enim nos manifestari oportet ante tribunal Christi, ut referat unusquisque propria corporis prout gessit, sive bonum sive malum. Scientes ergo timorem Domini hominibus suademus, Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasionem damus vobis gloriandi pro nobis ; ut habeatis ad eos, qui in facie gloriantur, et non in corde. Sive enim mente excudimus, Deo : sive sobrii sumus, vobis. Caritas enim Christi urget nos : æstimantes hoc, quoniam si unus pro omnibus mortuus est, ergo omnes mortui sunt, et pro omnibus mortuus est Christus : ut et qui vivunt, jam non sibi vivant ; sed ei qui pro ipsis mortuus est, et resurrexit. Itaque nos ex hoc neminem novimus secundum carnem : et si cognovimus secundum carnem Christum, sed nunc jam non novimus. Si qua ergo in Christo nova creatura est, vetera transierunt, et ecce facta sunt omnia nova (*Isai. XLIII, 19 ; Apoc. XXI, 5*). Omnia autem ex Deo, qui nos reconciliavit sibi per Christum : et dedit nobis ministerium reconciliationis. Quoniam quidem Deus erat in Christo mundum reconcilians sibi : non reputans illis delicta ipsorum, et posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Obsecramus pro Christo, reconciliamini Deo. Eum qui non noverat peccatum, pro nobis peccatum fecit : ut nos efficeremur justitia Dei in ipso. »

EXPOSITIO.

Diceret aliquis : De æternitate invisibilium, quid scitur nisi ostendantur ? Utique ait Paulus. Quandiu in terrena habitatione tenemur, videre non possumus ; sed dissoluti statim accipiemus. Et causam ponit, quare videre non possumus, id est quia in mortalitate adhuc tenemur . et tempus notat, quando

hæc habituri sumus solum post dissolutionem, dicens : Vere quæ non videntur æterna sunt : nam nos quibus credi oportet, *scimus quoniam*, **172** id est quod *si terrestris domus nostra*, id est corpus nostrum, materia et loco habitationis terrenum : quia et de terra est, et in terra habitat. Domus ideo quia anima in eo habitat velut aliquis in domo. Si, inquam, *domus nostra hujus tam brevis et tam misera habitationis dissolvatur*, prædictis tribulationibus pro Christo passis : hoc, inquam, scimus, quia sic dissolvetur : et quando dissolvetur *quod habemus præparatum ædificationem ex Deo*, id est corpus immortale, nobis ædificatum a Deo : non quod Deus mortale corpus non fecerit : sed quia illud per ministerium masculi et feminae concrecere jussit. Immortale autem corpus sine ministro : et ipse idem in eo facit immortalitatem. Habemus utique ædificationem, scilicet, *domum, non mans*, id est non per ministerium alterius factam, sed *æternam in cælis* et permanentem. Per domum et per ædificationem, corpus immortale significat. Vere habebimus domum æternam in cælis : nam nos *ingemiscimus* non propter ea quæ patimur, non quod de habenda immortalitate timeamus : sed *ingemiscendo desideramus in hoc*, id est in hanc immortalitatem venire. Ingemiscimus, inquam, *cupientes superindui* : nos jam induti sumus justificationem animæ : et super hoc volumus indui habitationem nostram, id est corporis immortalitatem quæ habitatio est nobis veniens de cælo. Immortalitas enim nobis reservatur in cælis. Hac tamen conditione dico superindui : si nos *inveniamur* in die illo *vestiti* justificatione animæ, quæ in baptismo data est nobis prima vestis. Diceret ille : Sicut vestiti ita et nudi omnes indiscrete superinduentur. Hoc removet. Vestiti quidem induentur : sed nudi justitia animæ non vestientur corporis immortalitate. Notat hic duo genera bonorum : contemplativos, de quibus modo prædixit : et eos qui in activa vita manentes, justitiam tamen Dei custodiunt : de quibus subdit dicens : Vere perfecti ingemiscunt, cupientes superindui immortalitatem : nam etiam nos minus perfecti, *qui sumus in tabernaculo isto* : quibus bonum est esse in carne et nutrire eam : quæ caro tabernaculum dicitur : quia in ea militare debet anima Deo : nos etiam tales *ingemiscimus* : superindui similiter cupientes : licet *gravati* simus eo corpore : *quod tamen foventes nolumus exspoliari*, id est ab anima separari : sed (si possibile esset) volumus sine illata morte supervestiri immortalitate : ita *ut corpus quod nunc mortale est*, non gustando mortem, repente *absorbeatur a vita* superveniente : et sic fiat immortale. Et licet dicam, nos ingemiscimus et superindui cupimus : tamen non a nobis hoc est : sed *qui efficit nos* in hoc desiderio, et ita *in hoc ut sit ipsum*, id est permanens in nobis hoc desiderium : qui, inquam, hoc desiderare nos facit, *Deus* est. Vel aliter præcedens versus legitur sic : Debemus ingemiscere desiderio ejus habitationis, quæ est de cælo. Nam etiam de-

siderio terrenorum ingemiscimus. Quod ita ait : **A** Num hoc beneficium promeruit : gessisse dicitur mortuus quod vel disposuit fieri, vel promeruit. Quia omnes ante tribunal Christi manifestabimur : *ergo scientes* timendum esse Dominum, *suademus hominibus timorem Domini*, ut de conspectu iudicis referant bonum. Opponeret ei aliquis : *Suades hoc non tam ad utilitatem hominum, quantum ad commendationem tuam.* Contra hoc ait : *Suademus sic hominibus : Deo autem sumus manifesti*, qua intentione suademus, seu utilitati hominum, seu commendationi nostræ. Nec solum Deo : sed etiam *spero nos esse manifestos in conscientiis vestris* : quia etsi ore de nobis maledicitis, tamen intus nobismetipsis bene sentitis. Et hoc dicentes quod manifesti simus Deo et conscientiis vestris : **B** *non iterum* (sicut in alia epistola opposuistis) *commendamus nos vobis* : sed potius *damus vobis occasionem*, id est opportunitatem *gloriandi pro nobis*, magistris vestris. In excellentia enim magistri præcellitis alios. Pro nobis dico, ita *ut habeatis* quid respondeatis *contra eos qui gloriantur in facie*, id est in oculis hominum : *et non gloriantur in corde suo*; sed male torquentur in propria conscientia, hi sunt pseudo. Vere opportunitatem habetis *gloriandi pro nobis* : nam quidquid facimus, facimus vel ad gloriam Dei, vel ad utilitatem vestram. Quia ita ait : *Sive nos excedimus mente humanam naturam*, ut audiamus illa quæ non licet homini loqui ; *sive nos sumus sobrii*, id est deponendo ebrietatem secretorum Dei : *sobrie condescendendo infirmitati vestræ*, ut quando de conjugio præcipiebat et hujusmodi. Si, inquam, sobrii sumus, hæc *sobrietas vobis utilis est*. Et bonum est nos ita sobrios esse : *nam charitas Christi* (etiam si nollemus) *urget nos*, ut contemperemus nos vobis. Vult ostendere Christum solum ad justificationem et salutem sufficere, et veterem legem quam **174** pseudo nituntur reducere, nil prodesse, sed multum nocere, dicens : *Charitas Christi urget nos, existimantes hoc, quoniam si unus*, scilicet, *Christus mortuus est pro redimendis omnibus : ergo omnes mortui sunt originali peccato*, per mortem unius. Nec pro hoc solo mortuus est ut peccato moreremur; sed ut per mortem ejus justitiæ viveremus. Quod sic ait : *Est Christus mortuus pro omnibus : ideo ut qui mortui sunt peccato, et qui vivunt justitiæ, jam non vivant attribuentes hoc quod vivunt, sibi* (ut fiebat sub veteri lege), *sed vivant ei*, id est ad gloriam ejus, *qui mortuus est pro ipsis peccato mortificandis : et resurrexit pro eisdem*, ut in justitia resurgerent. Quando quidem in morte Christi mortui sumus peccato : et eo resurgente resurreximus justitiæ, id est, quia Christus ad omnem justificationem sufficit : *itaque nos ex hoc*, postquam Christus passus est, et resurrexit : *neminem novimus*, id est, approbavimus ambulantem *secundum carnem*, id est, secundum carnales ritus veteris legis. Objiceret ille . *Quare ita improbas legem, quam Christus approbavit et tenuit? Contra hoc Paulus. Etsi, id est quam-*

quod ita ait : **A** Num hoc beneficium promeruit : gessisse dicitur mortuus quod vel disposuit fieri, vel promeruit. Quia omnes ante tribunal Christi manifestabimur : *ergo scientes* timendum esse Dominum, *suademus hominibus timorem Domini*, ut de conspectu iudicis referant bonum. Opponeret ei aliquis : *Suades hoc non tam ad utilitatem hominum, quantum ad commendationem tuam.* Contra hoc ait : *Suademus sic hominibus : Deo autem sumus manifesti*, qua intentione suademus, seu utilitati hominum, seu commendationi nostræ. Nec solum Deo : sed etiam *spero nos esse manifestos in conscientiis vestris* : quia etsi ore de nobis maledicitis, tamen intus nobismetipsis bene sentitis. Et hoc dicentes quod manifesti simus Deo et conscientiis vestris : **B** *non iterum* (sicut in alia epistola opposuistis) *commendamus nos vobis* : sed potius *damus vobis occasionem*, id est opportunitatem *gloriandi pro nobis*, magistris vestris. In excellentia enim magistri præcellitis alios. Pro nobis dico, ita *ut habeatis* quid respondeatis *contra eos qui gloriantur in facie*, id est in oculis hominum : *et non gloriantur in corde suo*; sed male torquentur in propria conscientia, hi sunt pseudo. Vere opportunitatem habetis *gloriandi pro nobis* : nam quidquid facimus, facimus vel ad gloriam Dei, vel ad utilitatem vestram. Quia ita ait : *Sive nos excedimus mente humanam naturam*, ut audiamus illa quæ non licet homini loqui ; *sive nos sumus sobrii*, id est deponendo ebrietatem secretorum Dei : *sobrie condescendendo infirmitati vestræ*, ut quando de conjugio præcipiebat et hujusmodi. Si, inquam, sobrii sumus, hæc *sobrietas vobis utilis est*. Et bonum est nos ita sobrios esse : *nam charitas Christi* (etiam si nollemus) *urget nos*, ut contemperemus nos vobis. Vult ostendere Christum solum ad justificationem et salutem sufficere, et veterem legem quam **174** pseudo nituntur reducere, nil prodesse, sed multum nocere, dicens : *Charitas Christi urget nos, existimantes hoc, quoniam si unus*, scilicet, *Christus mortuus est pro redimendis omnibus : ergo omnes mortui sunt originali peccato*, per mortem unius. Nec pro hoc solo mortuus est ut peccato moreremur; sed ut per mortem ejus justitiæ viveremus. Quod sic ait : *Est Christus mortuus pro omnibus : ideo ut qui mortui sunt peccato, et qui vivunt justitiæ, jam non vivant attribuentes hoc quod vivunt, sibi* (ut fiebat sub veteri lege), *sed vivant ei*, id est ad gloriam ejus, *qui mortuus est pro ipsis peccato mortificandis : et resurrexit pro eisdem*, ut in justitia resurgerent. Quando quidem in morte Christi mortui sumus peccato : et eo resurgente resurreximus justitiæ, id est, quia Christus ad omnem justificationem sufficit : *itaque nos ex hoc*, postquam Christus passus est, et resurrexit : *neminem novimus*, id est, approbavimus ambulantem *secundum carnem*, id est, secundum carnales ritus veteris legis. Objiceret ille . *Quare ita improbas legem, quam Christus approbavit et tenuit? Contra hoc Paulus. Etsi, id est quam-*

vis nos olim cognovimus in tempore illo quo ad-
huc insistendæ erant figuræ Christum ambulante
secundum carnem, id est operantem ritus veteris
legis : sed, id est tamen, nunc postquam data est
gratia : jam olim quidem novimus : sed jam ampli-
us non novimus Christum secundum carnem.
Et quia jam neminem novimus secundum carnem,
ergo *vetera transierunt*. Præmittit locum unde in-
ferat, dicens : *Si qua creatura est in Christo*, id est
si hoc est quod homo secundum recreationem ani-
mæ accipiat in Christo nova, id est innovata : ve-
tustate peccati deposita, apparet quod vetera transi-
erunt. Et ecce in evidenti est. *Facta sunt omnia
nova* creatura in Christo. Adhuc objiceret ille : Et
si Christus hoc operetur, tamen quia legem a Deo
datam evacuat, non est sequendus : quia ex Deo
non operatur, sed contra Deum. Et Paulus in quo
adversarius volebat infirmare rationes suas, scilicet,
quia Christus secundum Deum hoc non faceret, in
eodem approbat dicens Deum operari per Christum
evacuationem veteris legis. In Christo facta sunt
omnia nova : hæc autem omnia quæ Christus ope-
ratur, sunt *ex Deo* : qui Deus per Christum hoc ope-
ratur. *Reconciliavit enim humanum genus sibi per
Christum*, id est per hominem illum, qui fuit medie-
tas in qua connecterentur duæ extremitates longe a
se differentes : homo, scilicet, et Deus : *et qui Deus
dedit nobis*, mihi et aliis apostolis, *ministerium re-
conciliationis*, id est ut ministrarem hominibus,
quomodo per Christum reconciliati sunt Deo, si
volunt ut reconciliati Christo reconcilientur Deo.
Quia iterum Deus posset hoc operari per hominem
Christum : ita quod non tota divinitas sic habitaret
in homine illo. Determinat Paulus quomodo Deus
fecerit per Christum, scilicet, plenitudine divini-
tatis habitante in eo corporaliter. Determinat etiam,
quomodo ipse factus sit minister reconciliationis,
scilicet, verbo tantum ut eam prædicaret gentibus.
Sed Christus sic fuit minister reconciliationis, vel-
uti per quem, et in quo res ipsa operata fuit : bene
dico Deus reconciliavit nos sibi per Christum, *quo-
niam quidem Deus erat in ipso Christo*, id est tota
divinitas in homine illo. Deus dico *reconcilians sibi
mundum*, id est homines mundi per Christum. Re-
concilians dico ita, scilicet, *non reputans*, id est
non exigens, sed indulgens *illis*, id est mundo, *de-
dicta ipsorum*. Et hujus rei ministerium ita dedit no-
bis, quod posuit in nobis verbum reconciliationis,
id est ut prædicarem reconciliationem factam
per Christum, ut homines reconcilians se Christo,
reconciliarentur Deo. Et quia Deus posuit in
nobis verbum reconciliationis, ergo nos *fungimur
legatione* Dei. Nec vilipendatis hanc nostram legatio-
nem, quia fungimur *ea pro Christo*, id est auctoritate
Christi : scientes contemptum meum, contemptum
175 esse Christi. Et quia hac legatione fungimur
pro Christo, *obsecramus vos, fratres, reconciliamini
Deo*, declinantes a malo, facientes bonum. Recon-
ciliamini dico, et hoc pro Christo, id est, amore

Christi, qui tanta charitate vos dilexit. Et obse-
crationem nostram nolite spernere; sed habeatis
eam *tanquam per nos Deo exhortante vos*, id est,
obsecrationem meam sciatis esse Dei exhortationem.
Bonum et dignum est vos reconciliari Deo, qui
Deus eum, id est, Christum *qui non noverat pecca-
tum* (licet per scientiam, non tamen per experien-
tiam facti) *illum fecit Deus peccatum* pro nobis
redimendis. Peccatum factus est Christus secundum
pœnam peccati quam pertulit : sicut aliquem inno-
centem suspensum diceremus furem, secundum
pœnam furti quam pateretur, licet actus furti non
esset in eo. Vel Christum dictus est peccatum.
Hostia enim illa quæ pro peccato offerebatur pecca-
tum vocabatur : sic Christus quia pro peccato
omnium oblatus est, peccatum dicitur. Pro nobis,
inquam, Deus Christum fecit peccatum, *ut nos ef-
ficeremur*, non tantum justi, sed etiam ipsa *justitia* :
nec falsa, vel legis; sed vera *justitia Dei*, et hoc in
ipso, id est per Christum.

CAPUT VI.

Adjuvantes autem exhortamur, ne in vacuum
gratiam Dei recipiatis. Ait enim : Tempore ac-
cepto exaudivi te, et in die salutis adjuvi te. Ecce
nunc tempus acceptabile : ecce nunc dies salutis.
Nemini dantes ullam offensionem, ut non vitu-
peretar ministerium nostrum. Sed in omnibus
exhibeamus nosmetipsos, sicut Dei ministros, in
multa patientia, in tribulationibus, in necessita-
tibus, in angustiis, in plagis, in carceribus, in
seditionibus, in laboribus, in vigiliis, in jejuniis,
in castitate, in scientia, in longanimitate, in su-
avitate, in Spiritu sancto, in charitate non ficta,
in verbo veritatis, in virtute Dei. Per arma justi-
tiæ, a dextris et a sinistris. Per gloriam et igno-
bilitatem, per infamiam et bonam famam. Ut
seductores et veraces : sicut qui ignoti, et cogniti.
Quasi morientes, et ecce vivimus : ut castigati, et
non mortificati. Quasi tristes, semper autem gau-
dentes : sicut egentes, multos autem locuple-
tantes : tanquam nihil habentes, et omnia possi-
dentes. Os nostrum patet ad vos, o Corinthii. Cor
nostrum dilatatum est. Non angustiamini in nobis,
angustiamini autem in visceribus vestris. Eam-
dem autem habentes remunerationem, tanquam
filiis dico, dilatamini et vos. Nolite jugum ducere
cum infidelibus. Quæ enim participatio justitiæ
cum iniquitate? Aut quæ societas luci ad tene-
bras? Quæ autem conventio Christi ad Belial?
Aut quæ pars fidelis cum infideli? Quis autem con-
sensus templo Dei cum idolis? Vos enim estis
templum Dei vivi, sicut dicit Deus, quoniam in-
habitabo in illis : et inambulabo inter eos, et ero
illorum Deus, et ipsi erunt mihi populus (*Lev. xxvi,
12*). Propter quod exite de medio eorum, et sepa-
ramini, dicit Dominus (*Isa. lii, 11*) : et immun-
dum ne tetigeritis, et ego recipiam vos : et ero
vobis in patrem : et vos eritis mihi in filios et
filias, dicit Dominus omnipotens (*Jer. xxxi, 9*). ▶

EXPOSITIO.

Obsecramus adjuvantes : nos autem ut efficiamini ustitia Dei adjuvantes per ministerium prædicationis Domini in vobis. Vel *adjuvantes* vos instructione et orationibus ad Deum, *exhortamur* vos, *ne gratiam Dei in vacuum recipiatis* : quasi diceret : Vos utique gratiam Dei recepistis, sed videte ne in vacuum, id est, ne inutilem vobis receperetis. Bene dico gratiam : nunc enim est gratia. *Ait enim Pater ad Christum integrum cum membris suis*, quæ est Ecclesia : Ego *exaudivi te*, id est complevi quod postulabas dimittendo peccata. *Exaudivi*, inquam, *te in tempore accepto* : et Deo cui in eo placuit misereri homini : et accepto homini, quia in eo se solum a morte peccati **176** gavisus est. *Exaudivi te*, dimittendo peccata. *Adjuvi etiam te confortatum ad bona opera similiter in tempore accepto* : *in die*, id est in claritate veræ cognitionis positum. *Dico, salutis*, quia per veram cognitionem iter est ad æternam salutem. Hòc legitur in Isaia (c. XLVIII, v. 3). Modo Paulus quando hoc tempus acceptum intelligendum sit, exponit, sic : Deus ait tempore accepto, et *ecce fratres nunc*, id est, a passione Christi, in posterum est illud *tempus acceptabile* : et *ecce nunc est illa dies salutis*, in qua Deo acceptum est exaudire et adjuvare. Et ideo sic exhortamur vos : nos *nemini dantes ullam offensionem*, id est, sic nos habentes moribus verbo et habitu ut nulli generemus offensionem, in aliquo horum. Ideo non dantes offensionem, *ut non vituperetur ministerium nostrum*, id est ne apostolatus noster vituperabilis sit, quod utique esset, si quod bene doceo, in meipso non ostenderem. Nullam damus offensionem ; sed exhibemus nos ministros Dei ; et ut in eo permaneamus Deus hoc concedat, ut exhibeamus nosmetipsos in omnibus quæ loquimur et agimus, *sicut*, id est, vere *ministros Dei*, ut ibi quasi modo geniti, scilicet *in patientia multa*, id est, multipliciter patiendi corpore et animo exhibeamus nos Dei ministros. Subdit partes patientiæ : in multa patientia dico, habita *in tribulationibus*, ut quocunque modo corpus nostrum tribuletur, æquanimitè toleremus. Habita etiam patientia *in necessitatibus*, ne aliqua indigentia deficiamus. Habita iterum patientia *in angustiis animi*, et *in plagis corporis*, et *in carceribus*. Patientia etiam in seditionibus quas adversum nos concitant infideles. Patientia iterum habita *in laboribus* : manibus enim nostris laboramus, ne aliquem gravemus (*I Thess. II, 9*). Patientia habita etiam *in vigiliis*, plerumque enim eum vigilare oportuit disputantem de fide. Habita etiam patientia *in jejuniis* : quia multoties eum jejunare oportuit, modo coactione, modo indigentia, modo voluntate. Hæc omnia præmissa partes sunt patientiæ, cætera cœquæva sunt illi. Exhibeamus nos sicut Dei ministros *in castitate*, quod casti simus animo et corpore. Exhibeamus nos etiam ministros Dei, *in scientia*, ut sufficienter de omnibus docti simus. Vel, ut castitatem et scientiam unum membrum dicamus :

A Simus ministri Dei, in castitate et in scientia, id est in casta scientia : non sit versipellis scientia nostra, ut scientia pseudodoctorum. Simus etiam ministri Dei *in longanimitate*. Quod si differtur corona, patienter tamen sustinemus onera. Simus etiam ministri Dei *in suavitate*, id est in leni mansuetudine habita, *in Spiritu sancto*, non adulatoria suavitate. Exhibeamus iterum nos Dei ministros, *in charitate non ficta*, ut vere diligamus Deum et proximum : et *in verbo veritatis*, ut in pura veritate sonent verba nostræ prædicationis : non ut pseudo qui intendunt fallere mendacibus verbis. Simus etiam boni ministri *in virtute Dei*, ut per signa miraculorum comprobem me esse idoneum magistrum. Exhibeamus etiam nos ministros Dei *per arma justitiæ*, habentes **B** justitiam loco armorum *a dextris et a sinistris*, id est, a prosperis et ab adversis, quod nec prosperis seducamur nec per adversa dejiciamur. Quæ amodo sequuntur, partes sunt dextri vel sinistri. A dextris dico ut *per gloriam*, quod si aliqui glorificent nos, ut ibi quando voluerunt ei ædificare aras, in hac gloria exhibeamus nos tanquam Dei ministros. A sinistris sicut *per ignobilitatem*, ut quando detrahunt nobis, dicentes nos falsa prædicare. In hac ignobilitate exhibeamus nos sicut Dei ministros. Iterum *per infamiam* quæ pars sinistræ est, ut quando dicebatur ei : « Insanis, Paule (Act. XXVI, 24). » Et iterum *per bonam famam* : ut quando ab aliis prædicatio ejus extollebatur, per hæc utraque exhibeamus nos sicut Dei ministros. Nos iterum habiti *ut seductores*, et ab aliis habiti *ut veraces*, exhibeamus nos sicut Dei ministros. Nos iterum **C** **177** habiti, *sicut qui ignoti sint Deo*, et secundum alios habiti tanquam Deo *cogniti*, in utroque exhibeamus nos sicut Dei ministros. Nos iterum habiti *sicut morientes*, id est in criminalia cadentes secundum quosdam, et *ecce secundum alios in justitia vivimus* : in utroque exhibeamus nos sicut Dei ministros. Nos iterum habiti *ut castigati*, secundum quosdam, qui post illata nobis verbera dicerent : Ecce non amplius audebunt loqui : et secundum alios habiti non castigati qui dicerent : Nunquam propterea reticebunt Dei verbum, quæ castigatio esset mortificatio : et ideo ait **D** *mortificati* : in utroque exhibeamus nos sicut Dei ministros. Nos iterum habiti *quasi tristes* secundum quosdam, quod contristemur adversis corpore vel spiritu, habiti autem secundum alios *semper gaudentes* corpore et spiritu : in utroque exhibeamus nos sicut Dei ministros. Nos etiam secundum quosdam habiti *egentes*, vel corporali bono vel spirituali secundum alios autem habiti quasi *locupletantes multos* in spiritualibus bonis : in utroque exhibeamus nos sicut Dei ministros. Nos iterum existimati *tanquam nihil penitus habentes boni temporalis*, seu spiritualis secundum quosdam : et secundum alios existimati tanquam *omnia*, id est Deum *possidentes* : in utroque exhibeamus nos sicut Dei ministros. Ut pseudodoctores in conspectu vestro deprimam :

o Corinthii, os nostrum modo patet ad vos : multa de gloria nostra et satis diffuse loquendo, qui in priori Epistola me servum omnium proposui. Et utique os nostrum digne patere potuit, quia *cor nostrum dilatatum est* : quæcunque enim de gloria nostra loquor, omnia in me circumspicit esse conscientia mea. Et quia os patet et cor dilatatum est, jam amplius *non angustiamini in nobis*. Quia enim simpliciter vos docui, quos rudes inveneram, dicitis culpam meam esse quod in charitate angustis estis : sed utique in exemplo nostro bene apparet quod non angustiamini in nobis : *sed angustiamini in visceribus vestris*, id est hujus tenacitatis et angustiae fomes est in cordibus vestris. Vel aliter, ut pauca superius mutemus : Hortamur vos, ne gratiam Dei frustra recipiatis : quod ne fiat nemini sitis dantes ullam offensionem pravo opere vel exemplo, ut ministerium nostrum, id est ne magisterium nostrum per vos offendentes sit vituperabile. Ne detis offensionem, sed exhibeamus nos in omnibus, ut melius eos alliciat ad bonum, cum eisdem se inserit dicens : nos sicut Dei ministros. Et secundum hoc sicut in propria significatione erit. Omnia quæ sequuntur non mutantur, nisi quod sicut ad Paulum, sic exposita ad eos spectare dicantur. Et quia, o Corinthii, nunc multa et ampla præcepta do vobis, modo patet os nostrum ad vos multa præcipiendo, qui me prius arguebatis vos commonitos esse de paucis. Nec mirum si patenti ore multa vobis præcipio, quia cor nostrum dilatatum est, id est omnia in me invenio quæ vobis operanda trado. Et ex hoc jam apparet : quia non angustiamini in nobis si pauca operamini, sed angustiamini in visceribus vestris. Nolite autem angustari, sed charitate dilatamini : sicut aliæ Ecclesiae ita et vos : et hoc dico vobis *tanquam filiis*, vos dico spe quidem jam habentes *eandem remunerationem* quam nos habemus, scilicet *coelestem gloriam*. Et ut in mandatis Dei dilatamini. *Nolite ducere jugum cum infidelibus pseudo*. Per jugum veterem significat legem, quæ graviter opprimebat observatores suos. Non debetis ducere jugum cum infidelibus : quia vos justi, illi iniqui : vos lux, illi tenebræ : in vobis Christus, in illis Belial : vos fideles, illi infideles : vos templum Dei, illi idolorum. Et quæ *participatio justitiæ cum iniquitate ? Aut quæ societas luci ad tenebras ?* Nulla utique societas debet esse membrorum, ubi est differentia capitem : sed Christus caput nostrum Belial caput illorum. Quæ autem *conventio Christi ad Belial ? Aut quæ pars fideli cum infideli ?* Quis autem consensus **178** *templo Dei cum idolis*, id est cum illis impiis, qui velut idolum sedes sunt dæmonis ? Sicut enim in idolo, sic in ipsis responsa dabit dæmon. Bene dico *templo Dei* : nam vos fideles estis *templum Dei vivi*, quia in vobisipsis vivit, dum vos in bono vivere facit. Et hæc dico, sicut dicit Dominus Deus per Ezechielem licet aliis verbis. Hoc, inquam, dicit Deus : *quoniam*, id est quod *inhabitabo in illis fidelibus* justificando eos per fidem, et etiam

inambulabo de virtute promovendo in virtutem. *Et ita* apparebit quod ego ero *Deus illorum*, et ipsi erunt *mihî populus*. Quicumque enim viderint justitiam eorum, dicent : Hi sunt *populus Dei*, et Deus habitat in illis. Nunc de hac auctoritate infert Paulus aliam de eodem Ezechiele sumptam. Ubi in captivitate Babyloniarum Judæis suadebat exire, et separari ab operibus malis gentilium. Quod si facerent, promittebat eis a Deo liberationem, dicens : *Propter quod*, scilicet, ut sitis *populus Dei*, *de medio impiorum exite* : non operantes quæ operantur. *Separamini etiam* ab eisdem voluntate, non tantum opere. Sic autem fieri necesse est, quia hæc dicit Dominus : *Ne etiam tetigeritis immundum*, id est nec etiam delectationem habueritis in immunditiis eorum, quod saltem placeant vobis. *Et si hoc feceritis, ego recipiam vos : et vobis receptis ero in patrem, et vos eritis mihî in filios, vel etiam in filias* quæ majori diligentia ornantur a parentibus. Et hæc omnia credere et facere vos oportet, quia hæc dicit Dominus omnipotens.

CAPUT VII.

Has igitur habentes promissiones, charissimi, mundemus nos ab omni inquinamento carnis et spiritus, perficientes sanctificationem in timore Dei. Capite nos. Neminem læsimus. Neminem corripimus. Neminem circumvenimus. Non ad condemnationem vestram dico. Prædiximus [Prædixi] enim quod in cordibus nostris estis ad commoriendum et ad convivendum. Multa mihi fiducia est apud vos, multa mihi gloriatio pro vobis. Repletus sum consolatione : superabundo gaudio in omni tribulatione nostra. Nam et cum venissemus Macedoniam, nullam requiem habuit caro nostra, sed omnem tribulationem passi sumus. Foris pugnae, intus timores. Sed qui consolatur humiles, consolatus est nos Deus in adventu Titi. Non solum autem in adventu ejus, sed etiam in consolatione qua [qui] consolatus est in vobis, referens nobis vestrum desiderium, vestrum detum, vestram æmulationem pro me : ita ut magis gauderem. Quoniam etsi contristavi vos in epistola, non me poenitet. Et si poeniteret videns quod epistola illa, et si ad horam vos contristavit, nunc gaudeo, non quia contristati estis : sed quia contristati estis ad poenitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, poenitentiam in salutem stabilem operatur : sæculi autem tristitia mortem operatur. Ecce enim hoc ipsum secundum Deum contristari vos, quam tam in vobis operatur sollicitudinem : sed defensionem, sed indignationem, sed timorem, sed desiderium, sed æmulationem, sed vindictam. In omnibus exhibuistis vos incontaminatos esse negotio. Igitur et si scripsi vobis, non propter eum qui fecit injuriam, nec propter eum qui passus est, sed ad manifestandam sollicitudinem nostram, quam habemus pro vobis coram Deo. Ideoque consolati sumus. In consolatione

• autem nostra, abundantius magis gavisi sumus
 • super gaudio Titi : quia refectus est spiritus ejus
 • ab omnibus vobis. Et si quid apud illum de vobis
 • gloriatus sum, non sum confusus : sed sicut om-
 • nia vobis in veritate locuti sumus, ita et gloriatio
 • nostra quæ fuit ad Titum, veritas facta est : et
 • viscera ejus abundantius in vobis sunt : remi-
 • niscentis omnium vestrum obedientiam, quomodo
 • cum timore et tremore exceperitis illum. Gaudeo
 • quod in omnibus confido in vobis.)

EXPOSITIO.

179 Quandoquidem vobis exeuntibus de medio impiorum (dicit Dominus) eritis mihi in filios et filias etc. Igitur, o charissimi, vos *habentes has*, id est præfatas *promissiones*, ut eas apprehendamus, *mundemus nos ab omni inquinamento carnis, et ab omni inquinamento spiritus*. Inquinamenta carnis vocat libidinem, ebrietatem et hujusmodi. Inquinamenta spiritus, ut iram, invidiam, et hujusmodi, quæ ipsam inficiunt animam sine contagio carnis. Sic nos in utroque mundemus a peccatis : *perficientes* dehiuc *sanctificationem*, id est, ut malis mundati in virtutibus perfecti simus. Hoc autem *perficientes in timore Dei*, id est, non timore hominum ut quæramus apparere justi in facie et non in corde sicut pseudo, sed in timore. Nec tantum pœnarum, ut per hoc solum modo pœnas evadamus, sed in timore Dei, ut Deum timeamus offendere, qui timor dicitur charitas. Vel aliter littera illa dividitur : Mundemus nos ab inquinamento carnis : ut sit ibi versus, et nos mundati perficientes sanctificationem spiritus, id est, secundum quod docet spiritus, vel illa ratio, vel perficientes sanctificationem spiritus, id est rationis, vel Spiritus sancti. Sententia est eadem. In timore Dei similiter. Et ut mundati perficiatis sanctificationem, *capite nos*, id est, accipite imitationem nostram. Vel ut ibi versus non sit : Vos perficientes sanctificationem, *capite nos*, id est, imitamini nos sicut dictum est. Nos utique capere debetis, *neminem* enim vestrum *læsimus* improperando, quod vel canes essetis, vel hujusmodi : me autem magnificando de genere Abrahæ, ut faciunt pseudo. *Neminem* iterum vestrum *corrupimus*, perverse docendo, vel pravo exemplo depravando, ut iterum pseudo, qui falsa veris admiscendo, corrumpunt fidem vestram : pravo etiam vitæ exemplo. *Neminem* etiam vestrum *circumvenimus*, quemadmodum pseudo, qui cum aperte nequeunt extorquere a vobis, fraudulenta seductione, eliciunt magis quam impetrent. Quod autem significo vos corruptos et seductos esse ab illis pseudo : hoc *non dico ad condemnationem vestram*, id est, ut per hoc intendam condemnare vos, quasi reprobatos a Deo. Quodque non dicam ad condemnationem vestram scire potestis ex eo, *quia prædixi* in hac eadem Epistola, *quod vos estis in cordibus nostris*, ubi ait : Vos estis Epistola nostra scripta in cordibus nostris. Quia si vos condemnatos intenderem, nequaquam in cordibus nostris vos insererem, sed estis in cordibus nostris ad

commoriendum, id est, ut velim vos mecum commori peccato, *ad convivendum*, id est, ut mecum vivatis justitiæ. Vel ita ut perfectioribus loquatur : Estis in cordibus nostris ad commoriendum, ut velim vos mecum mori in præsentī tribulatione, ut sic mecum sitis ad convivendum in æternitate : ideo dico *capite nos* : quia *multa fiducia mihi est apud vos de futuris bonis* : ut cito suasioni quam facturus sum acquiescatis. *Multa etiam gloriatio est mihi pro vobis*. Multa enim apud alias Ecclesias glorior de bono correctionis vestræ, præferendo vos illis in exemplum. Propterea multa fiducia mihi est apud vos de futuro : jam enim *repletus sum consolatione* in omni tribulatione, quæcunque sit seu facilis, seu difficilis, seu intus, seu foris : nec quoquo modo consolor de correctione vestra : sed in tantum quod *superabundo gaudeo* : magis enim de vestra correctione gaudeo, quam doleam de omni tribulatione nostra. Dicerent illi : Estne tibi tribulatio? Utique bene dico. *Nam alibi et etiam cum venissemus in Macedoniam : caro nostra non habuit ullam requiem . sed passi sumus omnem tribulationem : foris*, id est in corpore erant *pugnæ*, dum flagellis affligebant me : et *intus*, id est in animo erant *timores*, ne fideles passionibus meis scandalizarentur, et judicaret me non esse sequendum, quia condemnatum. Vel ita : *foris*, id est ab his **180** qui extra Ecclesiam erant, fidebant mihi *pugnæ*, sicut dictum est : *intus autem*, id est in Ecclesia, erant *timores*, ne a falsis fratribus seducerentur simplices. Foris et intus adeo patiebar : *sed Deus qui consolatur humiles*, id est afflictos, *consolatus est nos in adventu Titi*. Gavisus sum enim de receptione fratris qui participaret tribulationibus nostris. *Non solum autem in adventu ejus consolatus sum : sed etiam in consolatione qua idem Titus consolatus est in vobis* : per hoc solatium ejus correctionem vestram intellexi. Et ideo cum de reditu ejus gauderem simul consolatus sum : intelligens correctionem vestram in ejus solatio. Consolatus est, inquam, me Titus, *referens nobis desiderium vestrum*, quanto voto desideraretis adventum nostrum. Referens etiam *setum vestrum* id est quod lacrymis peccata dilueretis. Referens etiam *vestram æmulationem*, id est indignationem. **D** qua contra pseudo *pro me* quem improbant, indignamini. Ita referens hæc ut magis modo gauderem de penitentia vestra, quam prius contristatus essem de impœnitentia. Vel magis gauderem de vestra conversione, quam dolerem de mea tribulatione. Et hoc nosse debemus, quia cum Apostolus priorem Epistolam per Timotheum misisset Corinthiis, magis ad indignationem moti sunt, quam ad penitentiam, temerarium judicantes quod Apostolus tanta severitate auderet eos arguere : quo cognito, Paulus per Timotheum penituit eum scripsisse illis Sed Tito apud Corinthios diutius morante, et Epistolam Pauli sæpius relegente, sub admonitione Tit fecerunt fructum dignum penitentiae. Quo audito Apostolus magis gavisus est de penitentia, quam

prius dolnisset de impenitentia eorumdem. Quod sic ait : Vere per relationem Titi, factum est mihi ut gauderem : quoniam et si contristavi vos in Epistola prius missa, non tamen modo poenitet me audita relatione Titi, licet prius poeniteret audita relatione Timothei. Prius quidem poenituit, videns quod Epistola illa prius missa contristavit vos ad indignationem : licet ad horam : et ideo venialius me modo poenitet : nunc enim gaudeo, non ideo quia prius contristati estis, sed quia modo contristati estis ad poenitentiam. Merito utique gaudeo de vobis ad poenitentiam contristatis : nam contristati estis secundum Deum : deserendo mala, adhærendo bonis, ita secundum Deum, ut jam in nullo facto ex nobis patiamini detrimentum, quia et ipsa prior contristatio de qua verebar, ne vobis fieret ad detrimentum, correctæ est secundum Deum. Vere in nullo ex nobis patimini detrimentum : nam tristitia vestra, quæ est secundum Deum, operatur in vobis poenitentiam, valentem vobis in stabilem, id est æternam salutem. Tristitia secundum Deum operatur salutem : sed tristitia sæculi, quæ adhuc in quibusdam est apud vos, qui nolunt contristari ad poenitentiam, hæc tristitia operatur mortem, id est stabilem perditionem. Hoc congrue inservit ad deterrendum eos, qui nondum poenitebant. Vere tristitia secundum Deum operatur poenitentiam in salutem : nam operatur sollicitudinem, defensionem, et cæteras partes veræ poenitentiae. Quod sic ait : Ecce enim in evidenti est hoc ipsum tam exiguum ad comparationem salutis quam operatur : hoc ipsum dico, scilicet contristari vos secundum Deum : ecce quantam sollicitudinem proficiendi semper in melius operatur in vobis. Ista scilicet quæ sequuntur copulativa sunt, valentia tantum ad ornatum orationis. Operatur etiam in vobis defensionem : quia jam zelum Dei habentes defenditis me contra pseudo, qui me improbant. Operatur etiam indignationem, graviter enim indignamini contra eos, qui seduxerunt vos. Operatur etiam timorem. Timidi enim semper estis, ne in laqueum recidatis. Operatur etiam desiderium. Desideratis enim appetitum honorum, et æmulationem, id est imitationem justorum. Operatur etiam vindictam. Si quis enim in Ecclesia vestra delinquit, statim per injunctam poenitentiam vindicatis culpam **181** ejus. Et ut breviter bona vestra colligam, in omnibus exhibuistis vos esse incontaminatos negotio, id est religioni ecclesiasticæ. Vel incontaminatos esse a negotio sæculari, id est a peccato. Et quia in omnibus vos incontaminatos exhibuistis, igitur nunc apparet intentio mea quam habui in prioribus epistola, quia etsi scripsi vobis, non tamen propter eum solum qui fecit injuriam, ducendo uxorem patris, nec iterum propter eum solum scripsi qui passus est injuriam, tractus ad sæculares iudices : sed scripsi ad manifestandam sollicitudinem nostram, quam sollicitudinem habemus pro vobis : et hoc coram Deo, id est in beneplacito Dei : hoc enim bene placet Deo ut de salute vestra sollicitus sim. Vel hoc dico coram Deo, id est teste Deo, qui con-

scientiam meam novit. Cum enim Paulus de fornicatore illo ageret, non ad illum dirigebat sermonem, sed ad totam Ecclesiam, intendens ne unius pollutione multi inficerentur. Et quia sollicitudo nostra pro vobis habita nunc manifestata est, quia completa, ideo sumus consolati. In consolatione autem nostra gavisi sumus, et de correctione vestra, et de gaudio Titi abundantius, quam doluissem prius de peccatis vestris, vel de tribulationibus meis. Et cum de correctione vestra et gaudio Titi abundantius consolaremur, tamen magis abundantius gavisi sumus super gaudio Titi, quam de correctione vestra. Similis positio. Virgilius doctior est Horatio et Lucano : magis tamen doctior Lucano, quam Horatio. Ideo Apostolus magis de gaudio Titi, quam de correctione Corinthiorum gavisus est : quia si non esset gaudium Titi, nec eos correctos esse crederet. Ideo etiam quia nisi Titus de hoc gauderet, exanimatus ex toto deficeret : quod nec in Ecclesia Corinthiorum, nec alibi laborare vellet. Unde ipse vel causas ponit : ideo magis gavisus sum super gaudio Titi : quia spiritus ejus reffectus est ab omnibus vobis, etiam ab incorrectis, de quibus spem bonam habet corrigendi per eos, qui jam bene correcti sunt : qui spiritus penitus deficeret ab instructione, si Corinthios incorrigibiles inveniret. Et ideo etiam magis de gaudio Titi : quia sicut apud illum Titum gloriatus sum de vobis, o Corinthii : cum enim reformidaret venire ad vos, accusans inhumanitatem vestram, dicebam vos benignos esse, eumque honorifice recepturos. Si quid, inquam, gloriatus sum de vobis, non sum confusus in hoc : quasi sicut ei prædixi, tales vos invenerit ; et ideo me dixisse non erubui : sed gloriatio nostra quæ fuit habita ad Titum de vobis, ita facta est veritas, sicut dum apud vos essemus, omnia locuti sumus vobis in veritate, id est sicut manens apud vos vera dixi vobis de aliis : sic modo vera dixi Tito de vobis. Et ideo adhuc magis de gaudio Titi : quia viscera ejus abundantius modo sunt in vobis correctis, quam prius in incorrectis. Ejus Titi dico remniscentis obedientiam omnium vestrum, id est quam devote sibi obedistis, et nobis : remniscentis etiam, quomodo excepistis eum cum timore animi et tremore corporis, scilicet in omni reverentia. Et videns quomodo digne excepistis eum, gaudeo quod confido in vobis, non tantum in hac re, sed etiam in omnibus quæcunque mandavero exsequendis.

CAPUT VIII.

« Notam autem facimus vobis, fratres, gratiam Dei, quæ data est in Ecclesiis Macedoniæ : quod in multo experimento tribulationis abundantia gaudii ipsorum fuit : et altissima paupertas eorum abundavit in divitiis simplicitatis eorum. Quia secundum virtutem testimonium illis reddo, et supra virtutem voluntarii fuerunt : cum multa exhortatione obsecrantes nos gratiam, et communicationem ministerii, quod fit in **182** sanctos. Et non sicut speravimus, sed semetipsos dederunt, primum Domino : deinde nobis per voluntatem Dei,

ita ut rogaemus Titum, ut quemadmodum cepit, ita et perficiat in vobis, etiam gratiam istam. Sed sicut in omnibus abundatis fide; et sermone, et scientia, et omni sollicitudine, insuper et charitate vestra in nos, ut et in hac gratia abundetis. Non quasi imperans dico, sed per aliorum sollicitudinem etiam vestrae charitatis ingenium bonum comprobans. Scitis etiam gratiam Domini nostri Jesu Christi: quoniam propter vos egenus factus est, cum esset dives: ut illius inopia vos divites essetis. Et consilium in hoc do. Hoc enim vobis utile est: qui non solum facere, sed et velle cepistis ab anno priore. Nunc vero et facto perficite, ut quemadmodum promptus est animus voluntatis; ita sit et perficiendi ex eo quod habetis. Si enim voluntas prompta est, secundum id quod habet accepta est, non secundum id quod non habet. Non enim ut aliis sit remissio, vobis autem tribulatio, sed ex aequalitate in praesenti tempore, vestra abundantia illorum inopiam suppleat: ut et illorum abundantia vestrae inopiae sit supplementum, ut fiat aequalitas sicut scriptum est: Qui multum, non abundavit, et qui modicum, non minoravit (*Exod. xv, 18*). Gratias autem ago Deo, qui dedit eandem sollicitudinem pro vobis in corde Titi: quoniam exhortationem quidem suscepit; sed cum sollicitior esset, sua voluntate profectus est ad vos. Misimus etiam cum illo fratrem nostrum, cujus laus est in Evangelio per omnes Ecclesias. Non solum autem, sed et ordinatus est ab Ecclesiis comes peregrinationis nostrae in hanc gratiam, quae ministratur a nobis ad Domini gloriam, et destinatam voluntatem nostram: devitantes hoc, ne quis nos vituperet in hac plenitudine quae ministratur a nobis in Domini gloriam. Providemus enim bona, non solum coram Deo, sed etiam coram hominibus. Misimus autem cum illis et fratrem nostrum, quem probavimus in multis saepe sollicitum esse: nunc autem multo sollicitiorem, confidentia multa in vos, sive pro Tito, qui est socius meus et in vobis adjutor; sive fratres nostri, Apostoli Ecclesiarum, gloriae Christi. Ostensionem ergo quae est charitatis vestrae, et nostrae gloriae pro vobis, in illos, ostendite in faciem Ecclesiarum Dei.

EXPOSITIO.

In hoc enim uno quomodo de futuro facturi sitis intelligo. Nunc de collectis de quibus in prima Epistola compendiose dixerat, diffusius admonet: sua dens eis et exemplo aliarum Ecclesiarum, et multis inductionibus. Littera superius jungitur: Cum venissemus in Macedoniam, caro nostra non habuit requiem: sed licet in primis requiem non habere, tamen Deus in Ecclesiis Macedoniae dedit pacem et gratiam. Quod sic ait: *Notam facimus vobis, fratres, gratiam Dei, quae data est in Ecclesiis Macedoniae*. Gratiam Dei digno nomine vocat eleemosynas: intelligens majorem esse gratiam Dei ministrandi pauperibus, quam sint genera linguarum, et quaedam aliae gratiae. De hac gratia facio vobis no-

tum, quod in multo experimento tribulationis: multas enim et acres tribulationes expertae sunt Ecclesiae Macedonum. In multo, inquam, experimento tribulationis fuit *abundantia gaudii ipsorum*, id est abunde gavisi sunt: quia pro Christo contumeliam pati digni habitus sunt, et paupertas ipsorum. Infideles enim pauperabant fideles. *Paupertas*, inquam, *ipsorum altissima*, id est maxima. Vel *altissima*, id est dignissima. *Paupertas*, inquam, *abundavit*: quia quanta plus dederunt, tanto pauperiores effecti sunt. *Abundavit* dico *in divitiis* eorum: quia licet pauperes essent in habendo, divites tamen erant in ministrando eleemosynam. In divitiis dico, *simplicitatis eorum*. In simplicitate enim dabant, non putantes se propterea liberius posse peccare. *Abundavit* utique in divitiis: quia fuerunt voluntarii secundum virtutem et supra virtutem. *Secundum virtutem* dare est **183** quae sibi necessaria sunt, primum retinere, deinde quod superabundat in pauperes erogare. *Supra virtutem* dare, est nihil sibi penitus reservare. Et quod secundum virtutem et *supra virtutem voluntarii fuerunt*, inde *reddo illis testimonium*: nec coacti a nobis, sed *obsecrantes nos*, id est per quaecunque sacra adjurantes, cum multa exhortatione, dicentes: Ne sollicitus sis de nobis, quia laboriosi sumus, et de labore nostro (etiam si nihil nobis residuum sit) bene sustentabimur. *Obsecrantes* utique nos accipere gratiam, id est eleemosynas, ab ipsis, et *communicationem*, id est res suas, quas omnibus communicare intendebant. *Communicationem* dico *ministerii*, id est administrationis: quod ministerium sit deferendum in sanctos, qui erant Hierosolymis.

Hic notandum quod de abundantia nostra prius sustentandi sunt sancti; de eo autem quod residuum fuerit, quicumque egentes. Obsecraverunt utique nos: et non fecerunt sicut speravimus, id est non hoc animo ut vitia eorum multa pateremur, sed primum dederunt semetipsos Deo, emendantes vitia. Deinde dederunt se nobis, sumptus offerendo fratribus: et hoc per voluntatem Dei. Hoc enim vult Deus: prius seipsum, postea sua devovere: ita dederunt ut rogaemus Titum ut, quemadmodum bene cepit, ita etiam perficiat in vobis alias gratias: et etiam istam gratiam, exemplo Ecclesiarum Macedoniae. Non solum rogavimus Titum ut hanc gratiam perficeret in vobis, sed etiam ut per eum abundetis in hac gratia. Perficere ad Titum: Abundare, pertinet ad Corinthios. Vel ita: Non tantum rogavimus Titum perficere hoc in vobis; sed etiam ego ipse rogo vos ut, sicut abundatis in omnibus gratiis (scilicet in fide) sanam enim fidem, et bonis operibus abundantem habetis, abundatis etiam in sermone et scientia, quia expeditum sermonem ad exhortandum habetis, et scientiam ad intelligendum; abundatis etiam in omni sollicitudine: omni enim studio solliciti estis ut melius et melius operemini; abundatis in charitate, id est in dilectione vestra extensa in nos (sicut in his gratiis) sic rogo ut etiam in hac gratia eleemosynarum abundetis.

Et hoc non dico quasi imperans, id est non de hac re præceptum constituo : ne, si forte non obtemperatis imperio, rei essetis inobediendiæ. Non utique ex imperio dico : sed dico hoc comprobans ingenium, id est rationem cum voluntate. Debetis enim rationabiliter pensare quod detis, scilicet temporalia; et quid pro his recepturi sitis, scilicet æterna : et cum ratione debet esse voluntas libentissime dandi, comprobans, inquam, bonum ingenium etiam vestræ charitatis per sollicitudinem aliorum, id est per hoc quod solliciti estis supplere inopiam indigentium fratrum. Vel comprobans charitatem vestram per sollicitudinem aliorum, id est per hoc quod Titum et alios discipulos de vobis facio sollicitos.

Et utique debetis abundare in hac gratia, nam vos scitis gratiam Domini nostri Jesu Christi; quoniam, id est quod, cum esset dives, id est Deus in divitiis omnipotentis suæ, qui æternus erat, propter nos salvandos factus est egenus in tempore. Nec dives fieri voluit; sed factus est egenus, id est in omni egestate carnis vivens, præter egestatem justitiæ. Ideo factus est egenus, ut inopia, id est merito inopiæ illius vos essetis divites justitiæ. Et in hoc quod benignitatem Domini Jesu circa vos exhibitam vobis recorder, in hoc utique do. vobis consilium salutis. Et bene dico consilium. Hoc enim (scilicet abundare in eleemosyna) utile est vobis : qui non solum cœpistis facere, sed etiam incœpistis velle a priore anno.

Nota quod prius facere, postea augmentat velle; facere enim non sufficit, nisi ex voluntate; sed velle sufficit licet non sit copia faciendi. Cœpistis olim velle; nunc vero perficite id voluntate et facto, ita ut quemadmodum promptus est animus, id est discretio voluntatis **184** (quod supra vocavit bonum ingenium) ita fit promptus animus perficiendi. Et licet ita suadeam, perficiendi tamen dico ex eo, id est secundum hoc quod habetis, et ministrare fratribus ferre potestis. Ideo dico ex eo quod habetis, quia, si voluntas vestra prompta est ad dandum, secundum id quod habet, in hoc utique accepta est Deo, non solum in eo si dederit secundum id quod non habet. Quod ait secundum id quod habet, et quod non habet, idem est quod ait superius secundum virtutem et supra virtutem. Qui enim necessaria sibi reservat, et ea quæ superabundant, erogat, hic secundum quod habet dicitur dare; qui vero nihil sibi retinet, sed omnibus erogatis nudus nudam crucem sequitur, hic dat secundum id quod non habet. Sed quia hujus perfectionis non vidit eos capaces, hortatur ad id quod levius est. Opponeret aliquis: Cogis nos dare, ut, aliis de nostro ditescitibus, nos postea egeamus. Minime; sed secundum quod habetis, et non secundum id quod non habetis; ego enim non impero hoc ut per vestra data sit remissio aliis, et remissi torpescant otio, vobis autem inde sit tribulatio, unde illis remissio. Hoc quidem non impero, sed hoc rogo ut vestra abundantia, quæ est in temporalibus, suppleat inopiam illorum in præsentis tempore; et hoc fiat ex æqualitate, non ut illis tan-

tum detis quantum vobis reservabitis; sed tantum unde æqualiter ut vos securi sitis ab egestate.

Ideo abundantia vestra suppleat illorum inopia, ut etiam abundantia illorum, perfectorum quæ est in virtutibus, sit supplementum vestræ inopiæ. Qui si divites estis terrenorum, inopes estis cœlestium. Suppleat, dico, ita ut vicissim suppleti fiat æqualitas illis in æterno bono; ut, quemadmodum sancti in hoc mundo participant fructibus laborantium, sic in futuro hi qui modo ministrant sanctis, participant remunerationem eorum. Nec ita dico fiat æqualitas, ut tantum accipiant imperfecti quantum perfectiores, sed in hoc æqualitas, quod singuli singulos nummos accipient, id est perfectam et sufficientem beatitudinem. Ideo non statutum fuit ut alii hominum laborarent, alii orationi vacarent, ut oratores sustentarentur aliorum labore, laboratores vero salvarentur eorum oratione. Fiat, dico, æqualitas, sicut scriptum est figurative de futura æqualitate: qui multum habuit, non abundavit super modice habentem: et qui modicum habuit, non minoravit, id est, non habuit minus eo qui multum collegit. Qui enim multum habet de gloria cœlesti, non sic abundat ut is qui minus habet indigeat: sed utriusque et multum et modicum habenti æqualis est abundantia: quia utriusque quod satis est, licet tamen differentia sit illis in gloria. Hoc ad litteram scriptum est de manna, quod colligebant Judæi; quia qui multum collegerat, licet amplius quam plenum gomor, non plus habuit quam gomor: et qui minus collegerat quam gomor, non minus habuit quam plenum gomor (Exod. xv, 18).

Dixi superius quod rogavi Titum. De hoc autem gratias ago Deo, qui dedit in corde Titi eandem sollicitudinem pro vobis, quam et in corde meo. Eandem bene dico, quoniam ipse quidem bene suscepit exhortationem pro vobis factam, sed etsi benigne suscepit, tamen profectus est ad vos cum esset sollicitior de vobis, sua voluntate quam mea exhortatione. Misimus etiam cum illo scilicet Tito, fratrem nostrum: laus cujus est in Evangelio. Hunc fratrem alii dicunt Lucam, alii Barnabam. Si Lucam dicimus, laus cujus est in scribendo Evangelio; si Barnabam, ita laus cujus est in prædicando Evangelio per omnes Ecclesias. Omnis enim Ecclesia laudat eum. Non solum autem laudatur in Evangelio, sed etiam ab Ecclesiis ordinatus est comes nostræ peregrinationis. Hoc magis de Barnaba videtur dicere: quem cum Paulo fratres qui erant Hierosolymis miserunt in gentes ad prædicandum Spiritu sancto dicente illis: « Segregate mihi Barnabam et Saulum in opus quo assumpsi eos (Act. xiii, 2). » Peregrinationis ideo dicit; cum enim a Judæa mittitur in gentes, exit patriam, et ad loca peregrina transit. Comes, dico, factus **185** in hanc gratiam eleemosynarum similiter prædicandam; quæ gratia a nobis recipientibus, a vobis ministratur sanctis qui sunt Hierosolymis; de quo gaudere debetis, quia ministratur ad gloriam Domini. Et vere Deus in hac ad-

ministracione glorificatur; et, ut de gloria Domini A
sileam, si non esset aliud, ministrare deberetis ad
complendam voluntatem nostram, doctrina cujus
filii Dei estis.

Voluntatem dico utique sequendam, quia *desti-*
natam, id est in hoc velle ordinatam Deo. Deus enim
me sic velle disposuit. *Misimus* Titum et *cum illo*
alium *fratrem*, devitantes hoc ne quis nos vituperet
in hac plenitudine eleemosynarum, quæ a nobis mi-
nistratur sanctis in Hierosolymis. Ideo Paulus tot
idoneos testes mittebat ad accipiendas collectas, ne,
si per suspiciosam personam hoc faceret, vituperarent
eum, dicentes quod de copia eleemosynarum in
suos usus retineret. Dico *ne quis nos vituperet*, et
bene; *nam* nos sic facientes *providemus bona non*
solum coram Deo, sed etiam coram omnibus homini-
bus. Nemo enim aliquid vituperabile poterit suspi-
cari, ubi tot idoneos testes viderit. In hoc verbo
Pauli concipitur quod qui se talem exhibet ut de eo
sinistra possit oriri suspicio, etiam si non sit reus
iude, peccat tamen, dum, per negligentiam suam
minus provide agens, in fratre suscitatur culpam.
Cum Tito autem et cum illo alio fratre misimus
etiam *fratrem nostrum quem in multis probavimus*,
et *sepe sollicitum esse* de vobis. Hunc fratrem non
nominat; sed credimus hunc esse Apollo, episcopum
eorum, qui, in prima Epistola rogatus a Paulo, no-
luit ire (*I Cor. xvi, 12*), audiens illos adhuc incor-
rectos; sed nunc audito per Titum quod essent cor-
recti, revertitur ad illos. Dico eum fuisse *sollicitum*;
sed sciatis *nunc multo sollicitiorem esse* de vestra
salute, *confidentia multa habita in vobis, sive pro*
Tito qui commendavit correctionem vestri illi, sive
pro his qui sunt fratres nostri, id est et pro Tito et
pro his. Pro Tito dico, *qui est socius meus* in omni-
bus, et maxime adiutor in vobis, et pro his qui sunt
fratres nostri *apostoli*, id est legati *Ecclesiarum* *g'o-*
rie Christi, id est ad prædicandum gloriam Christi.
Et quia tam probatas personas ad vos misimus.
Ergo ostendite in illos charitatem vestram, et (ut
plus dicam) ostendite in illos *ostensionem quæ osten-*
sio est charitatis vestræ. Si enim vos ingratos exhi-
bueritis, palam erit vos ex timore quod in peccatis
eratis, et non ex charitate ministrasse Tito et aliis;
sed benignitas vestra nunc ad istos exhibita erit
ostensio vestræ charitatis, quia approbabit vos ex
charitate fecisse quod prius fecistis. *Ostendite etiam*
ostensionem nostræ gloriæ habitæ apud illos pro vo-
bis; multum enim gloriatus sum et promisi quod
honorifice eos suscipietis. *Ostendite dico in facie*
ceterarum Ecclesiarum, ut vos sitis facies et forma,
quorum similitudini imprimantur alix Ecclesiæ.

CAPUT IX.

« Nam de ministerio quæ sit in sanctos, ex abun-
danti est mihi scribere vobis. Scio enim promptum
« animum vestrum, pro quo de vobis gloriatur apud
« Macedones; quoniam et Achaia parata est ab anno
« præterito, et vestra æmulatione provocavit plurimos.
« Misimus autem fratres, ut ne quod gloriamur de vo-

« bis evacuetur in hac parte, ut quemadmodum dixi,
« parati sitis; ne cum venerint Macedones mecum,
« et invenerint vos imparatos, erubescamus nos, ut
« non dicamus [*al.*, dicam] vos in hac substantia. Ne-
« cessarium ergo existimavi rogare fratres, ut præ-
« veniant ad vos et præparent repromissam benedic-
« tionem hanc paratam esse, [*al.*, sic] quasi benedic-
« tionem, non quasi avaritiam. Hoc autem dico: Qui
« parce seminat, parce et metet; et qui seminat in
« benedictionibus, de benedictionibus et metet; unus-
« quisque prout destinavit in corde suo, non ex tri-
« stitia aut ex necessitate. « Hilarem enim datorem
« diligit Deus (*Eccli. xxxv, 11*). » Potens est autem
« **186** Deus omnem gratiam abundare facere in
« vobis, ut in omnibus semper omnem sufficientiam
B « habentes, abundetis in omne opus bonum, sicut
« scriptum est: Dispersit, dedit pauperibus, justitia
« ejus manet in sæculum sæculi (*Psal., cxi, 9*). Qui
« autem administrat semen seminanti, et panem ad
« manducandum præstabit. Et multiplicabit semen
« vestrum, et augebit incrementa frugum justitiæ
« vestræ, ut in omnibus locupletati abundetis in
« omnem simplicitatem, quæ operatur per nos gra-
« tiarum actionem Deo. Quoniam ministerium hu-
« jus officii non solum supplet ea quæ desunt sanctis,
« sed etiam abundat per multas gratiarum actiones
« in Domino per probationem ministerii hujus, glo-
« rificantes Deum in obedientia confessionis vestræ
« in Evangelio Christi et simplicitate communi-
« cationis vestræ in illos et in omnes; et in ipsorum
C « obsecratione pro vobis, desiderantium vos propter
« eminentem gratiam Dei in vobis. Gratias ago Deo
« super inenarrabili dono ejus.

EXPOSITIO.

Ut charitatem vestram in illos ostendatis, admo-
neo. Nam *scribere vobis de ministerio*, id est de col-
lectis illis, quod ministerium sit transferendum in
sanctos, de hoc, inquam, scribere est mihi ex abun-
danti, id est superfluum judicavi. Propterea ex abun-
danti, *quia scio animum vestrum promptum esse* ad
ministrandum; *pro quo* scilicet quia parati estis,
glorior de vobis ita in charitate diffusis, *apud Mace-*
donas, dicens. *Quoniam* non solum Corinthus, sed
etiam tota Achaia sub Corintho, parata est mini-
strare sanctis ab anno præterito, et sic vestra æmu-
latio, id est imitatio *provocavit plurimos* ad idem
faciendum. Videndum est quanta subtilitate Paulus
in primis, exemplo Macedonum, inducat Corinthios;
nunc e converso Macedonas exemplo Corinthiorum.
Et licet animus vester promptus sit, tamen *misimus*
ad vos hos fratres; ut quod gloriamur apud alios de
vobis, ne evacuetur, id est non destruat in hac
parte, id est in parata administratione. Misimus, in-
quam, *ut, quemadmodum* in alia epistola dixi *pa-*
rati sitis, ne, cum Macedones mecum venerint ad vos,
et invenerint vos imparatos, erubescamus nos in hac
substantia, id est eleemosyna non præparata. Nos
dico *erubescamus* ut non dicamus quod vos erube-
scatis, qui utique si imparati estis, merito erubesc-

tis. Eleemosynam vocat substantiam : quia per eam subsistimus in præsenti. Et quia vos imparatos nolui, ergo existimavi necessarium rogare hos fratres, ut præveneriant me ad vos, et vos præveneriant benedictionem eleemosynarum, non parandam cum venero, sed esse paratam : hanc benedictionem dico reprobissam a vobis ; videte ne in promisso infideles sitis. Præveneriant dico, benedictionem, sic, quasi benedictionem, id est largam donationem, et non quasi avaritiam. Si enim modicum dant, magis avaritia judicabitur quam donum. Volo ut ipsi præveneriant ; ego etiam propria voce hoc ipsum dico ; et admoneo ut affluenter detis, quia qui parce seminat, id est qui avare eleemosynam dat, metet quidem, id est remunerabitur, sed parce. Seminare dicit eleemosynam dare, quia, sicut ille qui seminat, ad præsens perdit quod in futuro multiplicatum recipiat, sic qui dat eleemosynam, ad præsens perdit quod centuplicatum colliget in gloria.

Qui seminat parce, metet parce : et qui seminat in benedictionibus, id est in affluentia dandi, hic utique metet de benedictionibus, id est de copiosis remunerationibus. Et, licet adeo affluenter dare suadeam, tamen unusquisque tribuat prout destinavit, id est sicut posuit in corde suo, id est ex arbitrio propriæ voluntatis. Non tribuens ex tristitia, ut doleat se tribuere. Aut ex necessitate coacta voluntate tribuat. Posset enim coactus velle, tamen sine tristitia. Non, inquam, ex necessitate, sed ex hilaritate. Hilarem enim datorem diligit Deus, qui hilaris hilare donum tribuit. Supponit causas quare hilariter dandum sit, quia temporalibus **187** bonis præterea virtutibus in præsenti ; in futuro cœlesti gloria merito eleemosynæ abundabit, dicens : Date in hilaritate, quia potens est Deus abundare facere in vobis omnem gratiam, id est et copiam temporalium, et virtutes, et futuram gloriam, ita ut vos semper habentes omnem sufficientiam ; et in omnibus, id est in singulis his gratiis. Habentes, inquam, omnem et in omnibus desiderio harum gratiarum abundetis in omne opus bonum ut eleemosynam et copiose et hilariter, iterum tam in vestitu quam in victu sine omni querela tribuat. Abundetis, dico, in hoc opus bonum, sicut scriptum est in psalmo de eleemosynario justo (*Psal. cxi, 9*). Dispensit, id est non uni, sed diversis sua bona distribuit, nec intentione recipiendi ; sed dedit, nec eis qui non egerent, sed pauperibus et ideo justitia, id est merito justitiæ, ejus permanet in æternum.

Opponeret aliquis : Malo mihi in futurum reservare quam modo dispergere, et in tempore egestatis indigerè. Contra hoc Paulus exponens etiam quid supra intellexerit, dicens omnem gratiam. Debetis utique abundare in omne opus bonum, quia ille qui administrat semen seminantis, id est res temporales eleemosynam danti ; ille etiam præstabit panem in sequenti anno, non ad superfluitatem, sed ad manducandum. Multiplicabit etiam semen vestrum, ut affluenter habeatis ad iterandas eleemosynas. Ecce

gratia in temporalibus. Augebit etiam merito eleemosynarum frugem, id est meritum justitiæ vestræ in vobis habitæ sine aliqua distributione eleemosynarum. Augebit, inquam, incrementum frugum justitiæ vestræ, accrescere faciens meritum privatæ justitiæ per meritum eleemosynæ ; ita augebit, ut vos locupletati in omnibus, et in multiplicatione seminis, et incremento justitiæ abundetis merito in omnem simplicitatem, id est in perfectam et simplicem erogationem. Nunc iterum subdit plura bona de eleemosynis provenientia, dicens : Quæ simplicitas operatur per nos actionem gratiarum Deo, quia de administratione vestra gratias agimus Deo, ecce unum bonum : Et merito gratias, quoniam ministerium hujus officii, id est ministratio vestræ simplicitatis non solum supplet ea quæ desunt sanctis, sed etiam abundat in Domino, id est in gloria Domini actione gratiarum facta per multos. Abundat etiam per probationem ministerii hujus, quia omnes approbant et magnificant hujusmodi ministrationem. Per multos, dico, glorificantes Deum in obedientia confessionis vestræ, id est in eo quod fidei confessionem fecistis in Evangelio Christi cui creditis, et in obedientia, quia fidem habentes confitemini et statim Christo obedistis. Glorificantes etiam Deum in simplicitate communicationis, id est in eo quod simplicitate quæ propria sunt communia facitis. Communicationis dicit factæ in illos sanctos et in omnes. Glorificantes etiam in obsecratione ipsorum quibus ministratis. Obsecratione dico facta pro vobis : Ipsorum dico desiderantium videre vos. Non pro eo quod temporalia ipsis datis, sed propter gratiam Dei quam sciunt eminentem esse in vobis. Et quia tot bona de hac administratione consequuntur, ideo gratias ago Deo super, id est de dono ejus quod vobis contulit, scilicet gratiam eleemosynarum. Dono, dico, enarrabili, id est ut omnibus enarraretur in exemplum. Vel dono inenarrabili, enarrari enim nequeunt quot bona de hoc dono proveniant.

CAPUT X.

Ipse autem ego Paulus obsecro vos per mansuetudinem et modestiam Christi, qui in facie quidem humilis sum inter vos, absens autem confido in vobis. Rogo autem vos, ne præsens audeam, per eam confidentiam qua existimor aedere in quosdam, qui arbitrantur **188** nos tantam quam secundum carnem ambulemus. In carne enim ambulantes, non tamen secundum carnem militamus. Nam arma militiæ nostræ non carnalia sunt, sed potentia Deo ad destructionem munitiorum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulcisci omnem inobedientiam, cum impleta fuerit vestra obedientia. Quæ secundum faciem sunt videte. Si quis confidit Christi se esse, hoc cogitet iterum apud se, quia, sicut ipse Christi est,

ita et nos. Nam et si amplius aliquid gloriatus fuero de potestate nostra, quam dedit nobis Dominus in ædificationem, et non in destructionem vestram, non erubescam. Ut autem non existimer tanquam terrere vos per Epistolas, quoniam quidem Epistolæ, inquit, graves sunt et fortes, præsentia autem corporis infirma, et sermo contemptibilis; hoc cogitet qui ejusmodi est, quia quales sumus verbo per Epistolas absentes, tales et præsentis in facto. Non enim audemus inse-
rere aut comparare nos quibusdam, qui se ipsos commendant; sed ipsi nobis nosmetipsos metientes, et comparantes nosmetipsos nobis. Nos autem non in immensum gloriabimur, sed secundum mensuram regulæ quam mensus est nobis Deus (*Ephes. iv, 71*), mensuram pertinenti usque ad vos. Non enim quasi non pertinentes ad vos, superextendimus nos. Usque ad vos enim pervenimus in Evangelio Christi, non in immensum gloriantes in alienis laboribus, spem autem habentes crescentis fidei vestræ, in vobis magnificari secundum regulam nostram; in abundantia etiam in illa quæ ultra vos sunt, evangelizare, non in aliena regula in his quæ præparata sunt gloriari. (Qui autem gloriatur, in Domino gloriatur (*I Cor. i, 31; Jer. ix, 23*).) Non enim qui seipsum commendat, ille probatus est; sed quem Deus commendat.)

EXPOSITIO.

Postquam de gratia eleemosynarum multiplici commendatione correctos sufficienter admonuit, transit ad increpandum incorrectos, qui adhuc pseudo præferabant sibi; quos pseudo plurimum hic deprimit, auctoritatem suam multipliciter et idonee commendans. Non ut per hoc quærat gloriam suam, sed hoc solum intendit ut, vilificatis pseudo, Corinthii non ultra adhæreant, sibi que tam gloriose commendato exinde gaudeant adhærere. Littera sic jungitur: Vos bene correctos de gratia eleemosynarum adhortor; vos autem incorrectos hoc non admoneo, quos gratiæ Dei indignos scio; sed obsecro, id est per quæcunque sacra adjuro vos ipse ego Paulus.

Nota quod ait ipse ego. Dicebant enim Corinthii quod, quandiu Paulus præsens fuit, illis humiliter satis, et non ad læsionem alicujus quidquam locutus fuit, umens fortassis; nunc vero absens imperiose minabatur eis, ac si potestatem imperialem haberet in eos. Propterea ait: Ego ipse Paulus nunc imperiose agens, qui olim humiliter, obsecro vos per mansuetudinem et modestiam Christi. Mansuetudinem dicit, ubi gratis sine judicio omnia dimisit. Modestiam dicit, quia cum ageret judicio, modeste judicabat, condiens æquitatem misericordia. Per mansuetudinem utique et modestiam Christi obsecro vos ego Paulus, qui humilis quidem, et omnia patiens existimor fuisse inter vos; quæ humilitas quidem, secundum quod opinamini, in facie fuit, et non in corde: simulabam enim extra humilitatem intus fovendo superbiam. Dum præsens fui secundum vos

humilis eram; sed modo *absens confido*, id est confidenter et imperiose ago in vobis, quod quasi non auderem in aliis Ecclesiis. Non solum quasi postulans obsecro, sed quasi rem debitam exigens rogo, *ne præsens audeam*, id est: sic vos corrigere studeatis, ne, cum præsens fuero, audeam, id est secundum vos audacter præsumam. *Audeam* dico in, id est contra, quosdam adhuc incorrectos agere per eam confidentiam, id est tam confidenter et potestative, qua confidentia existimor a quibusdam absens per epistolam audere.

189 Contra quosdam dico, qui arbitrantur tanquam nos ambulemus secundum carnem. Ambulare Paulus secundum carnem, si vel amore temporalium, quæ ab eis acciperet, parceret eisdem. Vel si male sibi conscius timeret pati pro Christo. Bene dixi tanquam; nos enim vere non militamus secundum carnem. Militiam vocat suam prædicationem. Diceret aliquis: Tu quidem aliquid singulare donum Dei habes: quo ita possis egredi carnem: quod donum quia non habemus, necesse est carnem sequi. Contra hoc ait: Non militamus secundum carnem. Nos utique ambulantes in carne; similiter enim ut vos onus carnis patimur; et tamen eam superamus. Vere non militamus secundum carnem: nam arma militiæ, id est prædicationis, et omnis vitæ nostræ, non sunt carnalia. Arma militiæ vocat miracula, per quæ prædicationem suam confirmabat. Arma dicit etiam virtutes, et quæcunque bona opera. Arma militiæ nostræ non sunt carnalia: si enim carnem sequeremur, profecto arma illa statim nos desererent; sed arma nostra sunt potentia Deo, id est per Deum, vel ad gloriam Dei. Potentia sunt ad destructionem munitionum; ut facile per hæc arma destruamus quasi-bet munitissimas hæreses, vel philosophicas rationes. Vere arma nostra sunt potentia destruere. Nam etiam in actu sumus destruentes: ubi actus est, potentia abesse nequit. Littera tamen ibi jungitur. Non militamus secundum carnem; nos, dico, destruentes consilia, id est exquisitas rationes. Destruentes etiam omnem altitudinem physicalis scientiæ, extollentem se adversus scientiam Dei; ut illos qui per naturæ legem opponunt non potuisse virginem parere, mortuum resurgere; nec solum destruentes, sed etiam redigentes omnem intellectum cujuscunque infidelitatis in captivitatem, quia superatis infidelibus deponunt jugum diaboli, et captivant se sub jugo Christi. Redigentes utique in captivitatem ducendo eos in obsequium Christi: ut qui prius male obsequiebantur diabolo, amodo bene obsequantur Christo. Quod ait omnem intellectum, omnem altitudinem, non quod singulos infideles converterit, sed quia de omni genere infidelitatis aliquos ad fidem traxit. Redigentes quidem in obsequium Christi: quod si aliqui sunt nolentes redigi, sumus habentes in promptu ulcisci omnem inobedientiam, id est apostolica auctoritate omnem inobedientem damnare. In promptu hoc habet, quia nec conscientia mala eum revocat, nec temporali mu-

nere seducitur. Diceret aliquis : Quandoquidem in promptu habes ulcisci, quare ergo non ulcisceris ? Ulciscar utique, non tamen modo, sed *cum impleta fuerit vestra obedientia*, id est, cum separavero de medio malorum per patientiam expectationis eos qui de vobis obediri sunt fidei ex voluntate.

Diligenter intuenda est subtilis modestia Pauli, qui ultionem reproborum differt, videns in hac sua expectatione electorum salutem. Si enim inultos pateretur reprobos, atque hac causa reus esset, hos tamen benigne patiendo iudicat, ne cum lolio frumentum eradicet. Quia non secundum carnem militemus, probavi per hoc quod destruimus altitudinem mundanæ scientiæ, et rebelles captivamus in obsequium Christi; quæ rationes non adeo videntur singulis; sed modo videte et cognoscite idem, scilicet, quod non ambulamus *secundum carnem*. Videte, inquam, per ea quæ sunt *secundum faciem*, id est quæ sunt secundum corporalem visionem, et sine omni obstaculo videri possunt. Vel ita : Illos qui secundum faciem sunt, id est qui in facie se bonos simulant : intrinsecus autem lupi sunt, illos modo videte. Si quis pseudo, confidit non Deo sed sibi : præsumptor enim est non electus ; si quis, inquam, *confidit sibi se esse Christi*, id est quod ipse sit apostolus Christi, non hoc solum, sed hoc iterum similiter cogitet; nec inaniter, sed *apud se*, subtiliter discutiens : *quia sicut et ipse Christi est discipulus, ita et nos sumus*. Vere **190** sicut ipse est Christi, ita et nos. Nam nos sumus ita amplius eo. Quod sic ait : *Si aliquid amplius fuero gloriatus de potestate nostra*, qua incorrectos ab Ecclesia separare possum, et de cæteris apostolicæ potestatis : *quam potestatem dedit mihi Dominus*, sed vobis pseudo non dedit : utique mihi dedit in *ædificationem vestram*, id est ut vos in fide et virtutibus ædificarem, et non dedit in *destructionem vestram*, sicut male opinantur quidam, scilicet me destructorem Ecclesiæ : si, inquam, amplius gloriatus fuero, *non erubescam* inde; quia gloria mea vere major est.

Opponeret aliquis : Cum debeas ædificare, et non destruere, noli impatienter nos cogere, ne forte potius destruas quam ædifices. Contra hoc Paulus : Licet mihi opponatis quod, cum debeam ædificare, destruam; tamen scitote *quia quales sumus per epistolam absentes, tales erimus præsentem in facto*; et hoc ideo ut non existimer tanquam terrere vos absens per epistolam. Tanquam terrere bene dicit : quia si minaretur absens quod implere formidaret præsens, hoc utique non esset terrere, sed tanquam terrere. Existimer ideo dico, *quoniam quidem ipsi inveniunt*. Epistolæ Pauli graves sunt, id est ponderosæ et multæ severitatis; et fortes, id est fortitudinem et quoddam imperium minitantes, sed *præsentia corporis ejus infirma* est. Contra hoc quod ait, *fortes, et sermo præsentis ejus fuit contemptibilis*, id est humilis satis et rudis : nunc autem gravis : ut, inquam, non existimer tanquam terrere vos; hoc cogitet qui hujus-

A modi est, id est qui me dicit contemptibilem et infirmum. Cogitet, inquam, *quia quales sumus absentes, in verbo per epistolam misso, tales erimus etiam præsentem*, non solum in verbo, sed etiam in facto; quia quod per epistolam minamur, idem verbo et opere præsentem exercebimus. Vere quales sumus absentes verbo, tales præsentem erimus in facto. Non enim sumus de vestris pseudo, qui se impudenter inserunt, id est ingerunt, non missi a Deo, nec certe *audemus nos inserere*, ut (quod nobis commissum non esset) usurpemus illicite. Aut non audeamus inserti a Deo nos *comparare quibusdam*, id est pseudo, qui non a Deo commendati seipsos commendant, commendatitias epistolam hinc inde deferentes : his non audeamus nos comparare, ut mensuram officii nostri inpletam negligamus. Quidam enim ex electione regulariter inserti, postea perverse agendo, perversis se comparant. Non ausi sumus inserere nos; sed ipsi sumus *metientes nosmetipsos in nobis*, ut mensuram a Deo nobis traditam non excedamus : quod alienum est usurpando, ut illi qui se inserunt. Sumus etiam *nosmetipsos comparantes nobis* : nihil inuncti officii linquentes inpletum. Comparantes nos nobis, non subsistentes intra propositam metam. Et licet metiamur et comparemus nos nobis, tamen nos non *gloriamur in immensum*. Vel potest hucusque constructio duci, non supplendo sumus ita. Nos metientes et comparantes nos nobis non gloriamur. Nos autem qui utique digne possemus, non gloriamur in immensum, sed gloriamur *secundum mensuram regulæ*, qua me et subditos idoneos regulavi. Tuuc fortasse diceret aliquis : Hanc mensuram tibi usurpasti. Contra quod Paulus : *Quam mensuram mensus est nobis Deus*. Iterum ille sed non usque ad nos. *Mensuram utique dico pertingendi usque ad vos*. Et vere pertingimus usque ad vos. Non enim *superextendimus nos quasi qui non sumus pertingentes ad vos* secundum mensuram nobis a Deo mensuratam. Vere non superextendimus nos. Nam usque ad vos ex mensura Dei pervenimus in Evangelio Christi, prædicando. Opponeret iterum : Ingressus es in alienum laborem. Contra hoc ait : Pervenimus ad vos, non *gloriantes in alienis laboribus*, id est super alienum fundamentum non ædificavi, non *gloriantes* dico; et non in immensum duplicanda est illa negatio; vere pervenimus usque ad vos. Nam etiam ultra vos, quod sic ait : **191** Non in immensum gloriantes, sed *habentes spem crescentis fidei vestræ*, id est, per crescentem fidem vestram magnificari in vobis : viso enim fructu fidei vestræ dicitur : Magnus est doctor et institutor fidei hujus. Magnificari dico in vobis secundum regulam nostram, id est, secundum hoc quod ex omni æquitate regulavimus vitam vestram, magnificabimur in vobis. Spem etiam habentes evangelizare in illa loca quæ ultra non sunt; et hoc in abundantia. In multis enim locis evangelizabo. Vel evangelizare in abundantia signorum et sermonis : et non habentes spem gloriari in aliena regula, id est, in alieno regimine : scilicet, in his locis quæ præparata, id est

evangelizata sunt ab aliis apostolis. Ego nolo *gloriarī* in aliena regula. Similiter autem *quicumque gloriat̄ur*, videat ut *glorietur in Domino*, mensurante sibi : nec temere sibi usurpet, quod Deus alii mensuravit. Omnem utique gloriantem oportet gloriarī in mensura Domini. *Non enim ille qui seipsum commendat*, id est, qui se sine Deo alterius ingerit regimini, ut pseudo, *ille utique non est approbatus a Deo, sed ille quem commendat, et cui propriam mensuram distribuit.*

CAPUT XI.

Utinam sustineretis modicum quid insipientiæ meæ, sed et supportate me. Æmulor enim vos Dei æmulatione. Despondi enim vos uni viro virginem castam exhibere Christo. Timeo autem ne, sicut serpens Evam seduxit astutia sua (Gen. III. 4), ita corrumpantur sensus vestri, et excident a simplicitate quæ est in Christo Jesu. Nam si is qui venit, aliam Christum prædicat, quem non prædicavimus, aut alium spiritum accipitis, quem non accepistis, aut aliud Evangelium, quod non recepistis, recte paterimini. Existimo enim nihil me minus fecisse a magnis apostolis. Nam etsi imperitus sermone, sed non scientia, in omnibus autem manifestus sum vobis. Aut nunquid peccatam feci, meipsum humilians, ut vos exaltemini? Quoniam gratis Evangelium Dei evangelizavi vobis. Alias Ecclesias exspoliavi, accipiens stipendium ad ministerium vestrum, et cum essem apud vos et egerem, nulli onerosus fui. Nam quod mihi decrat, suppleverunt fratres qui venerunt a Macedonia, et in omnibus sine onere me vobis servavi, et servabo. Est veritas Christi in me, quoniam hæc gloria non infringetur in me, in regionibus Achaïæ. Quare? Quia non diligo vos? Deus scit. Quod autem facio et faciam, ut amputem occasionem eorum qui volunt occasionem, ut in quo gloriantur, inveniantur sicut et nos. Nam ejusmodi pseudoapostoli sunt operarii subdoli, transfigurantes se in apostolos Christi. Et non mirum. Ipse enim Satanas transfiguratur se in angelum lucis. Non est ergo magnum si ministri ejus transfigurentur velut ministri justitiæ; quorum finis erit secundum opera ipsorum. Iterum dico : ne quis putet me insipientem esse. Alioquin velut insipientem accipite me, ut et ego modicum quid glorier. Quod loquor, non loquor secundum Deum, sed quasi in insipientia, in hac substantia gloriæ. Quoniam multi gloriantur secundum carnem, et ego gloriabor. Libenter enim suffertis insipientes, cum sitis ipsi sapientes. Sustinetis enim si quis vos in servitute redigit, si quis devorat, si quis accipit, si quis extollitur, si quis in faciem vos cædit. Secundum ignobilitatem dico, quasi nos infirmi fuimus in hac parte. In quo quis audeat (in insipientia dico), audeo et ego. Hebræi sunt, et ego. Israëlitiæ sunt, et ego. Semen Abrahæ sunt, et ego. Ministri Christi sunt, et ego. Ut minus sapiens dico, plus ego. In laboribus

plurimis, in carceribus abundantius, in plagis supra modum, in mortibus frequenter. A Judæis quinque quadragenas una minus accepi. Ter virgis cæsus sum. Semel lapidatus sum. Ter naufragium feci. Nocte et die in profundo maris fusi in itineribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus : in labore et ærumna, in vigiliis multis, in fame et siti, in jejuniis multis, in frigore et nuditate : præter illa quæ extrinsecus sunt, instantia mea quotidiana, sollicitudo omnium ecclesiarum. Quis infirmatur, et ego non infirmor? Quis scandalizatur, et ego non uror? Si gloriarī oportet, quæ infirmitatis meæ sunt, gloriabor. Deus et Pater Domini nostri Jesu Christi scit, qui est benedictus in sæcula, quod non mentior. Damasci præpositus gentis Aretæ regis custodiebat civitatem Damascenorum, ut me comprehenderet (Act. ix, 24), et per fenestram in sporta dimissus sum per murum, et sic effugi manus ejus.

EXPOSITIO.

Dico qui gloriat̄ur, gloriatur in Domino, et sustineretis modicum quod insipientiæ meæ, id est patienter ferretis aliquantulum meæ gloriationis, quæ secundum reprobos insipientia dicitur, quod utique verum concederem, si per hoc gloriā meam quaererem, sed per commendationem mei hoc solvum intendo, ut vos ab errore pseudodocitorum retraham. Quare dicitur quidem insipientia, sed non est insipientia. Dico quasi postulans, *utinam sustineretis* : non hoc modo; *sed etiam præcipio, supportate me*, non contradicentes imperio meo, ut filii patrem, discipuli doctorem. Me utique supportare debetis, *ego enim æmulor vos*, id est ferventi motu animi diligo : et hoc *æmulatione*, id est dilectione, non mei, ut vos mihi ascribere velim, sed *æmulatione Dei*; quia Dei solius vos esse volo. Tractum est a similitudine ejus qui sponsam alterius diligit non sibi ipsi, sed ad utilitatem et honorem sponsi : sicut Joannes, quando sponsus Ecclesiæ, id est Christus esset putatus dilexit Ecclesiam, id est sponsam non sibi, sed sponso Christo dicens : *Qui sponsam habes, sponsus est; amicus autem sponsi stat et audit eum* (Joan. iv, 29). *Æmulatio dicitur motus animi sive ad iram, sive ad amorem. Vere æmulatione Dei æmulor vos* : ego enim *despondi vos*. Hæc desponsatio Ecclesiæ incipiens a baptismo durat usque ad diem resurrectionis omnium : in quo Ecclesia nuptui tradetur sponso suo Christo, recipienti tunc eam in amplexibus : quam a principio fidei subarhavit annulo Spiritus sancti. Despondi utique vos mihi; et si mihi, ergo non mihi. Et *upi viro*, id est qui legitimus; non sicut ille de quo dictum est : *Hic quem nunc habes, non est tuus vir* (Joan. iv, 18). Despondi vos *upi viro castibere*, id est ut exhibeam vos illi uni viro *Christo virginem*, id est incorruptos actu peccati. Virginem dico *castam* id est carentem

æstu, quod nec voluntate consentiat iniquitati. Ego quidem volo vos exhibere Christo; *sed timeo ne, sicut serpens astutia sua seduxit Evam (Gen. III. 4), ita sensus vestri seducti corrumpantur ab istis pseudo, et corrupti excidant a simplicitate fidei, quæ simplicitas est in Christo Jesu.* Fides enim Christi in simplicitate consistit, non in versuta duplicitate infidelitatis.

Valde Corinthios deprimit, dum eos comparat Evæ, doctores vero eorum venenato serpenti. Timeo ne corrumpantur. Ne autem corrumpamini ab eis, non debetis eos pati. *Nam si is, id est pseudo, qui venit a se, non a Deo. Vel qui venit, id est qui venditur, vobis (hic enim prædicationem suam optime venditat); si is, inquam, prædicat alium Christum, quem nos non prædicavimus vobis; aut si ab eo accipitis alium Spiritum, quem non accepistis a nobis; aut si ab eo recipitis aliud Evangelium, quod Evangelium non recepistis a nobis, si hæc, inquam, essent, tunc recte pateremini eum; sed quia alium Christum non prædicant, Spiritum sanctum non tribuunt quem a nobis accepistis, et aliud Evangelium non prædicant; ideo a vobis patiendi non sunt. Eos utique pati non debetis, sed me; quia (ut de illis sileam) existimo me nihil minus fecisse per quod minus separatus sim a magnis apostolis, id est a Petro, et ab illis qui videbantur esse columnæ; de quorum magisterio hi pseudo (falso tamen) se mihi præterunt, quia nec illorum discipuli sunt. Hic callide respondet eis qui objiciebant ei quod, quia non esset apostolus, non acciperet sumptus de prædicatione, ut Petrus et alii. Nihil* **193** *utique minus illis feci: nam etsi visus sim vobis imperitus sermone, quia simpliciter locutus sum vobis, tamen scitote quod non sum imperitus scientia. Sed quid hoc dico? vobis autem in omnibus tam scientia quam sermone sum manifestatus in nullo esse imperitus. Vere nihil minus magnis apostolis feci, quia etiam plus illis. Et hoc latenter dicit, quasi sub quadam minoritate sui redigens, hoc modo dicens: Aut nunquid peccatum feci, humilians meipsum, subripiendo mihi id quod jus prædicationis exigit, ut vos per meam humiliationem exaltemini? Nisi enim me ita humiliarem, nihil accipiendo, malissetis verbum Dei respuere, quam mihi ministrare. An, inquam, peccavi, quoniam gratis, id est nihil accipiendo a vobis, evangelizavi vobis Evangelium Dei?*

Quærent illi: Unde ergo vixisti? Ait: Ego quidem exspoliavi alias ecclesias, accipiens ab illis stipendium ad ministerium vestri, id est ad administrandum vobis Evangelium. Iterum illi: Forsitan nullo indigebas. Et ille: *Cum essem apud vos, et pro certo omnibus egerem, nulli tamen vestrum fui onerosus. Ubi ait onerosus, plurimum eos de avaritia arguit. Iterum illi: Unde ergo supplebas egestatem? Bene ait Paulus: Nam quod mihi deerat, fratres qui venerunt a Macedonia suppleverunt, et ita in omnibus tam vestimento quam victu servavi me vobis sine*

onere, et similiter servabo de cætero. Et in hoc quod me revera sic servabo, veritas Christi est in me. Quasi diceret: Per veritatem Christi sic me servaturum assero. Veritas, inquam, Christi est in me, de hoc quoniam, id est quod hæc gloria, scilicet, quod sic me servabo, non infringetur in me hæc gloria: non tantum in Corintho, sed nec in regionibus Achaiæ. Iterum sic agis, quia nobis inimicaris. Contra hoc Paulus: Non utique infringetur; sed quare? Dicitis me ideo facere, quia non diligo vos? Deus scit quia vos diligo: sed quod facio et faciam, nihil scilicet accipiendo, hoc ideo facio, ut amptem occasionem eorum pseudo, qui a me volunt habere occasionem accipiendi; quia, si ego acciperem, tunc et illi. Amputem dico ut illi inveniantur sicut et nos, nihil accipientes: in quo tamen facere aliquid sicut nos valde gloriantur, licet nos persequantur. Vel ita: Ut amputem occasionem pseudo, qui volunt occasionem accipiendi in quo gloriantur, id est in accipiendo: non enim quærent aliam gloriam, nisi ut aliqui, qui eliciant in eo inveniantur sicut nos nihil accipientes. Intuenda est subtilitas Pauli. Si enim Paulus acciperet, continuo et illi; postquam autem de bonis eorum viverent, auctoritatem viderentur habere prædicandi eis: quod si ex auctoritate prædicarent, procul dubio fidem eorum corrumpere: et in hunc modum similitudo Pauli intrumentum esset corruptionis Corinthiorum. Dicit aliquis: Tu dicis ut inveniantur sicut et nos, possuntne pseudo inveniri similes nobis? Utique ait Paulus: Nam hujusmodi pseudoapostoli sunt adoli operarii, in eo quia, transfigurantes se in apostolos Christi, accipiendo si illi accipiant, abstinendo si illi abstineant, et in cæteris. Et non est mirum si in apostolos Christi sese transfigurant, quia ipse Satanæ, caput eorum, plerumque transfiguratur in angelum lucis; et quia Satanæ transit in angelum lucis, ergo non est magnum admirandum si ministri Satanæ, id est pseudo, transfigurantur facti velut ministri justitiæ; finis quorum et ministrorum Satanæ et ministrorum justitiæ erit secundum opera ipsorum.

Gloriatus est superius de apostolatu suo, tradidit sibi a Deo; gloriatus est etiam de hoc quod plus omnibus laboravit, gratis evangelizando Evangelium Dei, et de cæteris, in quibus utique juste poterat gloriari; nunc vero transit ut referat quædam secundum carnem de gloria generis, quod tamen (sicut aperte innuit) nullam intelligit gloriam; sed tamen necesse erat ut de carnalitate generis gloriretur. Cum enim pseudo de hujusmodi se extollerent nisi Paulus idem haberet, gloriarentur sibi esse privilegium quod Paulo deesset, et **194** sic insipientium Corinthiorum fidem facilius subverterent, quam gloriam Pauli; dum in se esse ostendit, nihilque sibi conferre, vituperat eos qui de hac re gloriantur in qua fructus non est. Littera sic jungitur: Dixi superius: Utinam sustineretis insipientiam meam; nunc iterum de eodem dico, ne quis me putet

insipientem esse, de præmissa gloriatione. *Alioquin*, A id est si propter præmissam gloriam insipientiæ me arguitis, nunc *accipite me velut insipientem*, dum de carnalitate glorior, quæ longe præmissa gloria est inferior. Dicit *velut insipientem*: non enim iudicandus est vere insipiens, quia gloriando de carnalitate non quærit in hoc gloriam suam, sed solam Corinthiorum ædificationem, quod palam est in eodum idem reprobat carnis gloriam. *Accipite me velut insipientem*, ut sicut pseudo sic *et ego glorier*, id est referam de gloria carnis: quod, scilicet, hoc modo gloriari, *modicum* quid est, nec vere gloriæ immorandum. Bene dico *insipientem*; quia *quod loquor* de gloria carnis, *non loquor secundum Deum*, apud quem humilitas commendatur: carnis gloria deprimitur, *sed quasi in insipientia* hoc loquor. *Quasi* dicit, quia non vere insipiens, dum non veram esse credit carnis gloriam. Loquor quidem in insipientia immorando *in hac*, id est carnali gloria, ubi est *substantia*, id est in qua subsistere et pedem figere debemus. Et hoc ironice: quia in gloria carnis nullo modo subsistendum esse intelligit. Diceret aliquis: Cum gloria carnis non sit secundum Deum, quare in hac immoraris? Ideo utique *quoniam multi*, id est pseudo, *gloriantur secundum carnem*, ideo *et ego gloriabor*, id est pauca referam de eadem gloria. Gloriabor, tum quia multi sic gloriantur, præterea *quia vos suffertis*, id est grave onus eorum portatis. Suffertis, dico, *insipientes*, id est illos pseudo, in insipientia gloriantes. Suffertis, dico, *libenter*, id est a nullo coacti, quia sic libet vobis, *cum sitis ipsi* C *sapientes*, ironice, id est cum vobis arrogetis sapientiam, male consonat hoc quod suffertis eorum insipientiam. In quibus illos sufferant exsequitur, dicens: Utique suffertis, *sustinetis enim si quis* illorum pseudo *redigit vos in servitutum*, id est cogit deservire sibi ut servos: *Si quis* etiam eorum *devorat bona vestra*. Illi enim pseudo voraciter res eorum consumebant. Sustinetis etiam *si quis* eorum *accipit*, id est capit vos ad se dolo, id est si quis vos decipit. *Si quis* etiam eorum *extollitur*, dicendo se de genere Abraham, vos autem canes; hæc duo, *decipere et extolli*, opportuna erant ad devorandum bona eorum et ad redigendum eos in servitutum.

Sustinetis si quis extollitur, et *si quis* se extollendo *cædit vos*, id est impropereat vobis quod incircumcisi estis, et huiusmodi. Cædit, dico, non in absconso, sed *in faciem*, id est in oculis vestris præsumit impropereare vobis. Cædit vos, *dico, secundum ignobilitatem generis*, quam impropereat vobis. Illos utique sustinetis; nos autem minime *quasi fuerimus infirmi in hac parte*, id est impotentes gloriari secundum carnem. Sed non sumus in hoc infirmi; quia *in quocunque aliquis* eorum *audet gloriari, audeo similiter ego*. Ubi ait *audet* et *audeo*, notat potius præsumptionem esse quam veram gloriam. Et quod dico, *ego audeo*, hoc *dico in insipientia*, sapientia enim admonet, neque se præferre, neque

alium deprimere. Vere in quo audet quis, audeo et ego. Nam si illi *sunt Hebræi*, id est Hebraica lingua disertis, *et ego* similiter. Hebræi dicuntur ab heber, prudentia, cujus hæc lingua reservata est. Si illi iterum gloriantur quod *sunt Israelitæ, et ego* similiter Israelita sum. Hebræi et Israelitæ possent esse, nec tamen de Abraham, ut proseliti, qui a gentilitate in circumcisionem transibant. Ideo addidit: Si illi *sunt semen Abraham* secundum carnem, similiter *et ego*.

Postquam in gloria generis se contulit illis, transit ad gloriam ministerii; non enim 195 sufficeret illis pseudo in veteribus gloriari, nisi etiam gloriantur in discipulatu Christi. Unde sic ait: Si gloriantur quod *sunt ministri Christi*, prædicantes Christum, *et ego* similiter administro Christum. *Dico*, *et ego*; plus etiam ego sum minister Christi quam illi. Et hoc *dico ut minus sapiens*, dum me præfero, illos humilio. Quod ait *plus ego*, exsequitur ita per partes: Ostensus sum plus esse minister Christi, *in laboribus pluribus*, quos, et manibus laborando, et immensis periculis sustinendo, sæpius illis pertuli. *Abundantius* etiam ostensus minister Christi *in carceribus*, quam illi, qui, ut viderentur apostoli Christi, quandoque se patiebantur incarcerationi. Ostensus etiam minister Christi *in plagis supra modum humanæ virtutis toleratis*. Et *frequentius* ostensus minister Christi *in mortibus*, id est in pœnis quæ mortem cuicumque inferre sufficerent, et mihi secundum hominem, nisi quia Spiritus sanctus reservabat me. C Plagas enumerat dicens: In plagis bene dico; *a Judæis enim accepi quadragenas*, id est quadraginta percussiones *minus una* (Deut. xxv, 3). Nec hoc semel, sed *quinq̄ies*, id est quinque vicibus.

Traditio Judæorum sic habebat, ut aliquis contra Synagogam agens quadraginta ictibus puniretur, si immisericorditer contra eum agerent; sed si misericordes essent, de quadraginta quot vellent, ictus dimittere possent. Modo quia Paulum a verbo prædicationis compescere nequibant, secundum ritum suum ducebant in Synagogam: et ne penitus immisericordes arguerentur, unum ictum crudeli astutia relaxabant adhuc de plagis. *Ter* etiam apud gentiles in Macedonia *cæsus sum virgis* (Act. xvi, 22). *Semel* ab Ephesiis *lapidatus sum* (Act. xiv, 18), quando puellam a Pythonico spiritu liberavi (*ibid.*, 9). *Ter* etiam *feci naufragium*, id est ter in mari naufragatus sum. *Nocte etiam et die in profundo maris fui*. De hoc non legitur, sive, quemadmodum Jonas, in mare demersus sit ibique a Deo reservatus, sive in profundo, id est in medio alti maris diei et noctis continuum passus sit naufragium. Hæc naufragia patiebatur, dum ad prædicandum transiret navigio. Ostensus etiam plus minister Christi *in itineribus sæpe*. *Periculis*, id est per pericula *fluminum*, quorum impetus passus sum, et *per pericula latronum verberantium et spoliantium me*. Et *per pericula ex genere meo*, id est quæ a Judæis patiebar. Et *per pericula ex gentibus*, id est quæ patiebar a gentilibus.

Et per pericula in civitate sæpe mihi illata; et per pericula latronum vel bestiarum in solitudine tolerata, dum causa prædicationis nemora pertransirem; per pericula etiam prætermissa in mari sæpe tolerata, per pericula etiam quæ in falsis fratribus sæpe pertuli; per hæc omnia præmissa ostensus sum plus esse minister Christi quam illi. Ostensus sum etiam minister Christi in labore et ærumna, id est in ærumnoso labore, quando febres vel aliquos morbos patiebar, et me tamen laborare oportebat. In labore, dico, etiam habito in multis vigiliis; quia, cum tota die prædicasset, nocte laborabat unde viveret. Vel orationi plerumque invigilabat. Ostensus sum etiam minister Christi, in fame et siti, et in jejuniis multis, modo sponte, modo penuria toleratis. Ostensus sum etiam minister Christi in frigore et nuditate; quia, si frigus me cogebar, nuditas erat quæ frigus fovebat. Hæc de quibus modo gloriatus sum, in corpore pertuli; sed præter illa quæ extrinsecus, id est in corpore sunt tolerata, est aliquid quod me vexat interius, scilicet, quotidiana sollicitudo omnium Ecclesiarum, id est quod omni die sollicitus sum de statu totius Ecclesiæ. Hæc sollicitudo est mea instantia, id est assidue mihi instat, et pungit, et graviter me stimulat. Plus est instantia quam sollicitudo. Instantia enim vexatio dicitur corporis et animi; sollicitudo solius animi.

Vere pro omnibus sollicitus sum, quia quis fratrum infirmatur, cadens in peccatum, vel etiam per morbum corporis, et ego statim non infirmor, id est non judico infirmitatem ejus meam esse condolendo. Et quis fratrum scandalizatur vel in cibo, vel in aliquo alio, et ego statim non uror, id est propter scandalizatum fratrem anxietate animi non comburor? Gloriatus sum in præmissis de his quæ sunt meæ infirmitatis: et adhuc de eisdem gloriabor, si me gloriari oportet, sicut revera necesse est ut deprimentur pseudo, et ædificetur Ecclesia. Et in his de quibus gloriatus sum et gloriabor, Deus scit quod in nullo horum mentior: qui est Deus et Pater Domini mei Jesu Christi: et per Jesum Christum familiaris mihi: qui Deus est benedictus in sæcula per Christum Jesum; et per meam prædicationem. De hoc, inquam, non mentior, quod Damasci, id est apud Damascum præpositus illius gentis, præpositus dico Aretæ regis, id est sub Aretæ rege, qui ibi imperavit, hic præpositus, conductus prece et pretio Judæorum, custodiebat civitatem Damascenorum, ut me comprehenderet. Paulus enim baptizatus ab Anania, aliquandiu remoratus Damasci, affirmabat ibi in Synagoga, quoniam hic est Christus (Act. ix, 22-24), etc. Quo zelo commoti Judæi convenerunt cum iudice urbis, ut Paulus comprehenderetur, qui reus esset. Præpositus volebat me comprehendere, et ego per fenestram in sporta demissus sum a fratribus per murum (domus enim in qua hospitabatur, hærebat muro), et sic effugi manus ejus præpositi (Act. ix, 25). Non effugit ut reformidaret pati pro nomine Christi; sed ut impleretur quod vox divina

A dixerat de eo: « Vas electionis est mihi iste, ut portet nomen meum coram regibus et filiis Israel (Act. ix, 15). » Ego enim ostendam illi quanta oporteat eum pro nomine meo pati.

CAPUT XII.

« Si gloriari oportet (non expedit quidem), veniam autem ad visiones et revelationes Domini. Scio hominem in Christo ante annos quatuordecim, sive in corpore, sive extra corpus, nescio, Deus scit, raptum hujusmodi usque ad tertiam cælum. Et scio hujusmodi hominem, sive in corpore, sive extra corpus, nescio, Deus scit, quoniam raptus est in paradysum, et audivit arcana verba quæ non licet homini loqui. Pro hujusmodi gloriabor: pro me autem nihil, nisi in infirmitatibus meis. Nam et si voluero gloriari, non ero insipiens. Veritatem enim dicam. Parco autem, ne quis me existimet supra id quod videt in me, aut audit aliquid ex me. Et ne magnitudo revelationum extollat me, datus est mihi stimulus carnis meæ, angelus Satanæ, qui me colaphizet. Propter quod ter Dominum rogavi ut discederet a me, et dixit mihi: Sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Cum enim infirmior, tunc potens sum. Factus sum insipiens; vos me coegistis. Ego enim a vobis debui commendari. Nihil enim minus feci ab his qui sunt supra modum apostoli. Tametsi nihil sum, signa tamen apostolatus mei facta sunt super vos in omni patientia, in signis et prodigiis, et virtutibus. Quid est enim quod minus habuistis præ cæteris Ecclesiis, nisi quod ego ipse non gravavi vos? Donate mihi hanc injuriam. Ecce tertio hoc paratus sum venire ad vos: et non ero gravis vobis. Non enim quero quæ vestra sunt, sed vos. Nec enim debent filii parentibus thesaurizare, sed parentes filiis. Ego autem libentissime impendam, et superimpendar ego ipse pro animabus vestris; licet, plus vos diligens, minus diligar. Sed esto. Ego vos non gravavi, sed cum essem astutus, dolo vos cepi Nunquid, per aliquem eorum quos misi ad vos, circumveni vos? Rogavi Titum, et misi cum illo fratrem. Nunquid Titus vos circumvenit? Nonne eodem spiritu ambulavimus, nonne eisdem vestigiis? Olim putatis quod excusemus nos apud vos? Coram Deo in Christo loquimur. Omnia autem, charissimi, propter ædificationem vestram. Timeo enim ne forte, cum venero, non quales volo inveniam vos, et ego inveniar a vobis, qualem non vultis, ne forte contentiones, æmulationes, animositates, dissensiones, detractiones, susurrations, inflationes, seditiones, sicut inter vos, ne iterum, cum venero, humiliet me Deus apud vos, et luceam multos ex his qui ante peccaverunt, et non egerunt peni-

« tentiam super immunditia et fornicatione, et im- A
« pudicitia quam gesserunt. »

EXPOSITIO.

Gloriatus sum superius de meis infirmitatibus. Si iterum *gloriarī oportet* (sicut utique propter pseudo opportunum est. Interpositio), si oportet, *non expedit quidem*, id est me in nullo facit expeditum hæc gloria. Si, inquam, oportet, *veniam ad visiones, etc.*; aut jungitur ibi: Licet quantum ad me non expediat, tamen veniam ad visiones et revelationes *Domini*, et in illis gloriabor. Visiones dicit et revelationes, quia quod vidit revelatum est ejus cognitioni; sed quidam habuerunt visiones, ut Pharaon et Nabuchodonosor, nec tamen visionum revelationes. Nunc de se loquendo per tertiam personam, visiones enarrat, dicens: *Scio hominem* (me scilicet) positum in *Christo, raptum, etc.*; et hoc factum est ante annos quatuordecim, nunc transactos. Quod tot annis reticuit, nondum aperiret, nisi contemptus sui ministerii eum vehementer urgeret. *Raptum, sive in corpore nescio, sive extra corpus raptum, nescio, Deus scit.* Si Paulus in corpore raptus est ad hanc visionem, corpus quidem localiter motum non est; sed anima, quæ in carne premitur, incarcerata mole carnis, ita ut nihil sentiat, nisi prius aliquo sensu corporeo excitata, anima quidem hujus ita expedita fuit in tempore ejus revelationis ut nihil sentiret carneæ molis; ipsum autem corpus ita creditur temperatum ut nullo pondere sui agilitatem animæ perturbaret. Si vero extra corpus anima quidem, libera pondere carnis, quo Deus voluit, potuit duci, sed sive alio ducta sit, sive ibidem subsisterit, nihil impedit, quia postquam non sensit molem carnis ex voluntate Dei, videre potuit eum quem in futuro videbit sicuti est. *Hominem hujusmodi scio raptum usque ad tertium cælum*, id est usque ad tertii ordinis visionem. Visio cælum dicitur, quia pluribus cælatur, paucis aperitur. Primum cælum, id est prima visio dicitur, qua Deus corporaliter ostendit aliqua secreta; ut Gedeoni in sicco vellere et madida area (*Jud. vi, 38*), et Machabæis qui viderunt ignitas acies in aere, præfigurantes bellum (*II Mach., v, 2*). Secundum cælum, id est secunda visio est quando, non per rem corpoream, sed per imaginem aliquid ostenditur, ut D beato Petro imagines omnium reptilium ostensæ sunt, quando dictum est ei: « Macta et manduca (*Act. x, 11*); » quarum imaginum res ibi non erant. Tertium cælum, id est tertia visio dicitur illa, a duabus prædictis diversa, quando neque per rem, neque per imaginem rei ostenditur; sed sicuti proprietates rei est, simplici veritate aperitur. Et hoc tertio modo manifesta sunt Paulo arcana Dei, non per rem, neque per imaginem.

Vel aliter: Sicut Dionysius Areopagita novem ordines angelorum in tres redigit, angelos, archangelos, virtutes dicens primum esse ordinem; principatus, potestates, dominationes secundum; thronos, Cherubim et Seraphim, dicens ordinem certium. Et

in quanta perfectione hic tertius ordo intuetur Deum, tam perfecte Paulus vidit et cognovit arcana Dei. Vel aliter: Ut dicamus primum **198** cælum corporeas cæli creaturas, solem, lunam, etc.; secundum cælum, incorporeas, ut angelos; tertium cælum, divinam essentiam, ad cujus cognitionem raptus est Paulus. Scio etiam hominem hujusmodi, *sive in corpore sive extra corpus, nescio, Deus scit*; hoc scio quoniam, id est quod, *raptus est in paradysum*, id est in tam deliciosam quietem mentis ut nihil sentiret carneæ molis. Paradysus enim dicitur hortus deliciarum. Et hic homo, ita raptus, *audivit arcana verba quæ non licet homini loqui*, id est quæ, juxta quod homo est, nemo intelligere sufficit. Dicit beatus Augustinus hæc arcana esse quod vidit quomodo Trinitas in Unitate, Unitas esset in Trinitate. Et pro ejusmodi homine qui sic raptus audire meruit *gloriabor, sed pro me*, id est secundum vires meas nihil unquam gloriabor, nisi in meis infirmitatibus. Ideo dico *gloriabor. Nam et si voluero gloriarī*, sive in revelationibus illis, sive in infirmitatibus meis, *non ero insipiens. Ideo quia veritatem in omnibus dicam*; sed neque hoc adhuc sufficit, ut de omni veritate liceat gloriari, addendum est quia et veritatem dicam, et ad ædificationem Ecclesiæ per hoc proficiam. Quod idem in sequentibus ponit: Et licet ita possim gloriari, *tamen parco*, id est parce de gloria refero, *ne forte quis existimet me esse supra id quod videt in me*. Videt enim me hominem miseris pressum; sed quia ex altera parte videt per me fieri miracula, putat de me supra humanitatem quam videt in me, ut illi qui voluerunt illi construere aras (*Act. xiv, 12*). Vel existimet de me supra id quod audit ex me, quem audit sentire, algere, cæteris miseris subjacentem. Parco quidem gloriari, et bene facio, quia *ne magnitudo revelationum extollat me in superbiam, datus est mihi stimulus carnis meæ, scilicet angelus*, id est legatus Satanæ, principis dæmoniorum; quem immisit ut me *colaphizet*, id est ut, si ex magnitudine revelationum erigere cervicem volo, colaphum incutiat tentatio; et sic quod Satanæ intelligit ad poenam, disponit mihi Deus ad perfectionem.

Quidam dicunt per stimulum carnis, quascunque tentationes intelligi; alii solum tentationem libidinis. Propter quod, id est quia Satanæ colaphizat me, *rogavi Dominum ter* (finitum pro infinito) id est multipliciter, ut hic angelus *discederet a me; et Dominus dixit mihi roganti: Quia ita tentavis, Paule, hoc est gratia mea; et hæc gratia sufficit tibi*, id est est tibi sufficiens ad salutem; si enim hæc gratia, scilicet custodia humilitatis, tibi deesset, omnis gratia tibi collata irrita foret. Hæc, inquam, gratia sufficit. Nam omnis virtus perficitur in infirmitate, bene tolerata. Virtus enim quæ habet infirmitatem contrariam, cum qua legitime certet ut postea coronetur, perfecta est. Hucusque verba Domini, nunc Pauli: Quia virtus perficitur in infirmitate, *igitur libenter amodo gloriabor in infirmitatibus meis, ut*

merito bene toleratæ infirmitatis, *inhabitabit in me virtus Christi*, quam oportet in infirmitate perfici. *Propter quod*, quia per hoc inhabitabit in me virtus Christi, amodo bene placeo mihi in infirmitatibus meis, scilicet, in contumeliis, quas verbo et opere pro Christo gaudeo pati, et in necessitatibus victus et vestimenti, et in persecutionibus de loco ad locum fugatus, et in angustiis animi, his omnibus pro Christo toleratis. Ideo in infirmitatibus placeo mihi, quia, cum infirmior in corpore, tunc merito, infirmitate carnis, potens sum spiritu. Nunc multis modis gloriatus sum; et ita me commendando factus sum insipiens, sicut sæpe dictum est, me extollens, alium deprimens; sed vos coegistis me ad hanc insipientiam. Vos utique me coegistis ut me commendarem. Nam ego debui commendari a vobis quod, quia non fecistis, oportuit me facere. Utiq̄ue commendari debuissim **199** a vobis, quia nihil minus fecit per quod separatus sim ab his qui secundum vos sunt apostoli supra modum meum. Illi secundum vos supra me sunt; sed licet nihil sim reputatione vestra, tamen signa apostolatus mei facta sunt super vos, per quæ revera apostolus esse comprobatur.

Facta dico in omni patientia apud vos habita, et in signis, curando claudos, illuminando cæcos; et in prodigiis, suscitando mortuos; et in virtutibus ut in curationibus febrium et hujusmodi. Vel, in virtutibus, humilitate, sobrietate et cæteris. Vere nihil minus illis feci, quia quid est hoc quod habuistis minus cæteris Ecclesiis, per quod illæ sint præ vobis, nisi hoc quod ego ipse qui debuissim, non gravavi vos, aliquid a vobis accipiendo? Ironice: Donate mihi hanc injuriam, quia injuriosus fui dum vobis indulsim, in quo nemo alius suis indulsit Ecclesiis. Et sicut in præterito non gravavi vos; ita de cætero non ero gravis vobis, ego qui paratus sum venire ad vos. Ecce hoc tertio apparatu; ideo non ero gravis vobis, quia non quæro quæ vestra sunt, sed vos ipsos. Et juste vestra non requiro, quia filii carnales non debent thesaurizare parentibus carnalibus, sed parentes filiis. Licet filii spirituales hoc debeant parentibus spiritualibus, sed ego non solum quæ spiritualis pater debet filiis; sed etiam omnem dulcedinem carnalis patris exhibeo vobis. Non quæro quæ vestra sunt, sed ego libentissime impendam vobis et spiritualia: et si qua habuero carnalia quæ velitis; et super hoc etiam quod impendam, ipse ego impendam pro animabus vestris, id est paratus sum mori pro vobis salvandis, licet ego plus diligens vos, quia et spirituali et carnali lege minus diligam a vobis. Licet plus diligens vos, minus diligam a vobis, tamen esto, id est concedatur istud; non enim curo propter hoc insequi vos modo.

Objicietis iterum mihi, quod callide ne quid in propria persona a vobis acciperem me continui, ut per legatos meos callidius et amplius acciperem. Quod sic ait: Ego quidem non gravavi vos (sicut probatum est) accipiendo quiddam a vobis in pro-

pria persona; sed dicetis hoc quod, cum essem astutus et ex astutia ipse nollem accipere, dolo vos cepi, id est dolose decepi vos, quod per me nolui, per alios a vobis extorquendo.

Vel aliter ut tota littera dicat hoc solum ita: Ego quidem (sicut ostensum est) non gravavi vos; sed esto, id est istud concedetis quod negare nequitis, scilicet quod ego non gravavi vos in propria persona. Sed tamen objicietis istud quod, cum essem astutus, dolo vos cepi. Sic dictum est: Non utique decepi vos, quia, si hoc facerem, per aliquem eorum quos misi, vos deciperem, sed per neminem eorum decepi vos. Quod sic ait: Nunquid per aliquem eorum quos misi ad vos, circumveni vos? Minime. Circumveniret, si discipulis suis injungeret ut commendando se, quæcunque possent sibi callide congregarent. Vere per neminem eorum quos misi, circumveni vos. Nam neque per Titum, neque per alium. Quia sic ait: Ego quidem rogavi Titum, ut iret ad vos, et cum illo misi fratrem. Hic frater creditur fuisse Barnabas, qui frater et coadjutor erat prædicationis. Paulo enim et Barnabæ leguntur apostoli dedisse dextras societatis (Gal. 11, 9). Titum utique misi: sed, nunquid Titus circumveni vos? Minime. Nonne ego et Titus ambulavimus in verbo Domini eodem spiritu, id est eadem voluntate, vel eodem Spiritu sancto repleti? Et nonne ambulavimus iisdem vestigiis, id est iisdem operibus; quod id et non aliud quam ego Titus operatus est? Sicut enim vestigia indicia sunt ambulationis, sic opera voluntatis. Quod dico me nihil accepisse a vobis et cætera præmissa olim, id est ex quo incepi commendare, putatis quod per hanc commendationem quasi rei in aliquo excusent nos inde apud vos, id est quod hæc non loquamur secundum veritatem, vel ad instructionem vestri; sed ut sic legamus culpam nostram. **200** Scitote autem quod quiddam loquimur, coram Deo, id est quasi in præsentia Dei loquimur; si enim ipse Deus adesset, nihil eorum quæ dico timore falsitatis mutare oporteret. Loquimur coram Deo nos positi in Christo; loquimur hæc non solum quia vera sunt; sed etiam propter vestram ædificationem, ut vos per hæc ædificati a pseudo non seducamini. O charissimi, ideo hæc omnia loquimur. Hic bene supplevit dicendo propter vestram ædificationem, quod supra dixerat, ubi ait: Licet gloriari, veritatem enim dicam. Ideo autem ædificationi vestræ tam studiosè incumbo, quia timeo ne forte (quod facile contingere potest) inveniam vos non quales volo, id est incorrectos, cum venero; et tunc ego inveniar a vobis qualem me invenire non vultis, id est ex districtione justitiæ culpas vestras punientem. Hæc duo scilicet, ne inveniam vos non quales volo, primum exsequitur; deinde illud, ne inveniar a vobis qualem non vultis, dicens: Videte ne inveniam vos quales non volo, scilicet ne forte (ad quas leviter declinat) sint inter vos contentiones, quod de benignitate baptizantium litigabant vicissim. Ne etiam sint emu-

lationes, id est invidiæ (quod alter alteri invidet), A de merito baptizatoris; neve sint inter vos *animositates*, quod alter alterum cogeat agere causam coram infidelibus iudicibus; neve ideo sint *dissensiones*; propterea enim discordia erat inter eos et odium; neve sint *detractiones*, quod bona proximi quæ sunt detrahendo, mala quæ non sunt imponatis; neve sint *susurrationses*, id est occultæ proximorum depravationes; neve sint *inflationes*, id est ne hic qui oculus est in Ecclesia, spernat eum qui pes est, ne forte pro hac inflatione sint inter vos *seditiones*, ut alter alterum verberibus præsumat affligere. Cavete hæc non sint inter vos; ne iterum cum venero, iterum humiliet, id est affligat me Deus apud vos, si incorrectos invenero. Quando prima vice venit: omnesque infideles reperit; humiliatus quidem est apud eos, et afflictus diversis vexationibus; sed nunc deterius humiliabitur, si quos fideles fecit, apostatantes adhuc repererit. Humiliet me Deus, et *lugeam multos*: si enim tres sunt, multi videntur. Multos dico, ex his qui ante prius missam Epistolam peccaverunt; et admoniti per Epistolam, non egerunt penitentiam de prædictis malis. Etiam super, id est de immunditia, cum omne carnis peccatum immunditia dici possit; illud libidinis, quod est contra naturam, antonomastice vocat immunditiam. Nec de fornicatione, nec impudicitia, quam gesserunt, id est quam in gestu, et assiduo usu habuerunt, penitentiam egerunt. Fornicationem vocat non lege conjugali tangere mulierem. Impudicitiam vocat impudicum habitum. Cum uxore enim qui se intemperanter habet, impudicus est.

CAPUT XIII.

« Ecce tertio hoc venio ad vos, et in ore duorum vel trium testimonium stabit omne verbum (Deut. xix, 15). » Prædixi enim et prædico, ut præsens vobis, et nunc absens, his qui ante peccaverunt et cæteris omnibus, quoniam si venero iterum, non parcam. An experimentum quæritis ejus, qui in me loquitur Christus? Qui in vobis non infirmatur, sed potens est in vobis. Nam etsi crucifixus est ex infirmitate, sed vivit ex virtute Dei. Nam et nos infirmi sumus in illo, sed vivemus cum eo ex virtute Dei in vobis. Vosmetipsos tentate si estis in fide; ipsi vos probate. An non cognoscitis vosmetipsos quia Christus Jesus in vobis est? Nisi forte reprobi estis. Spero autem quod cognoscitis quia nos non sumus reprobi. Oramus autem Deum ut nihil mali faciatis; non ut nos probati parcamus, sed ut vos quod bonum est, faciatis. Nos autem ut reprobi simus. Non enim possumus aliquid adversus veritatem, sed pro veritate. Gaudemus enim quoniam nos infirmi sumus, vos autem potentes estis. Hoc et oramus vestram consummationem. Ideo enim hæc absens scribo ut non præsens durius 201 agam secundum potestatem, quam Dominus dedit mihi in ædificationem, et non in destructionem. De cæte-

ro, fratres, gaudete. Perfecti estote. Exhortamini, id ipsum sapite. Pacem habete, et Deus pacis et dilectionis erit vobiscum. Salutate invicem in osculo sancto. Salutant vos omnes sancti Gratia Domini nostri Jesu Christi, et charitas Dei, et communicatio sancti Spiritus sit cum omnibus vobis Amen. »

EXPOSITIO.

Ostendit quid intelligeret, dicens: non quales volo. Nunc ostendit quod dicebat: *Inveniar a vobis qualem non vultis*. Littera tamen ibi jungitur. *Ne cum venero, etc.* Dicerent illi: Tu ne venturus es? *Ecce*, ait Paulus, tertio, hoc apparatu non dico veniam; sed jam venio ad vos. Nec cum venero, patiar vos; sed stabit, id est stare oportebit, omne verbum, seu eorum qui accusant, seu qui defendunt. Stare verbum dicitur, cum verum esse probatur. Stabit dico, in ore duorum vel trium, nec quarumlibet personarum, sed testimonium, id est eorum qui idonei sunt ad testificandum. Dicerent illi: Minitaris te venturum, sed cum veneris, quid facies? Contra hoc Paulus: Veniam utique et non parcam, quia prædixi vobis, cum essem præsens, me non parciturum ulterius, et idem nunc absens prædico per Epistolam, ut præsens, id est tanta virtute quanta præsens vobiscum agebam. Prædico, inquam, his qui ante prius missam Epistolam peccaverunt, nec adhuc correcti sunt, et cæteris omnibus quicumque in peccatum labuntur, hoc utique prædico quoniam, id est quod si venero iterum (sicut dispono) non parcam iterum, sicut prius peperci, cum ex ignorantia peccavissetis. Dicerent iterum illi: Quidquid modo minetur, tamen, cum venerit, leviter poterit placari. Ad hoc Paulus: Quod non parcam, satis non creditis; sed an quæritis vos experimentum ejus Christi, id est ut ideo maneatis incorrecti, ut potentiam ultionis Christi experiamini, qui Christus loquitur in me? Non enim hæc quæ loquor a me sunt, sed a Christo. Salubrius est, ut vos corrigatis quam, dedignantur corrigi, validam manum Domini experiamini. Qui Christus non infirmatur inter vos, id est non infirmus apparuit vobis, non operando miracula; sed potens est in vobis, id est potentia ejus manifestata est vobis per miracula quæ Christus operatus est per nos in medio vestri. Vere Christus potens est. Nam et si objicatis mihi eum in cruce damnatum, impotentem apparuisse, fateor quidem crucifixus est, sed ex infirmitate, id est secundum infirmitatem mortalitatis et passibilitatis quam in carne nostra assumpsit; sed licet ita crucifixus sit, tamen vivit, id est potentialiter agit ex virtute Dei, id est secundum deitatem, cujus virtus ab eo non recessit, et in quo omnis divinitas corporaliter habitavit.

Vere Christus vivit ex virtute Dei; nam nos longe inferiores illo vivemus ex virtute Dei. Quod sic ait. Nos quidem infirmi sumus in illo, id est in similitudine illius, ut quemadmodum ille pro nobis, sic et nos pro eo patiamur. Sic quidem infirmi sumus; sed vivemus, id est potentialiter agemus in vobis et

virtute, id est per virtutem Dei, quam habemus familiariter in eo, scilicet Christo. Ne autem nos viventes ex virtute Dei districtius agamus in vobis, *testate vosmetipsos*, id est subtili consideratione investigate vos. Tentate dico, *si adhuc estis in fide* quam accepistis per me. Si enim in meritis baptismatum confidunt, si vetera reducunt, in fide non sunt, quia gratiae Dei detrahunt. Tentate si estis in fide; et vos in fide inventi ipsi probate vos, id est bonis operibus probabiles facti, fidem vestram decorete. Quod si in fide non estis, vos soli damnamini. Nihil a me requiritur, quia *an non cognoscitis vosmet ipsos in eo quod Christus Jesus*, id est fides Christi Jesu, in vobis posita est per ministerium meum, nisi forte, quod leviter esse potest, vos *estis reprobi*, id est a Deo reprobat, dum vos indignos exhibuistis sacramentorum fidei. Dicerent illi: Nec mirum si vos reprobi, cum ipse reprobis sis. Ad hoc 202 Paulus. Quidquid vos opponatis; tamen *spero* quod bene cognoscitis hoc de nobis *quod nos in nullo sumus reprobi*; et licet in nullo reprobi, sed in omnibus inveniamur probati, tamen nolumus vos esse malos, ut quidam praelati, qui ut videatur prebitas eorum exercendo praelationem suam, gradent culpis subditorum. Nos autem non sic, *sed oramus Deum ut vos nihil mali faciat; et non oramus hoc ut nos appa- teamus probati*. Si ex auctoritate praelationis vindicaret culpam subditi, tunc probatus appareret. Hoc non oramus, *sed ut vos faciatis quod bonum est; nos vero nihil dignam ultione invenientes in vobis ut simus*, id est appareamus, reprobi. Tunc praelatus non est quidem, sed apparet reprobis, quando non invenit in quo exercent potestatem commissi iudicii. Iterum sunt quidam praelati, qui licet subditi eorum boni sint, vexant tamen eos ex imperio susceptae potestatis. Contra hos Paulus: Ideo oramus ut non simus reprobi, vobis facientibus quod bonum est, *quia nos non possumus aliquid adversus veritatem*, id est, ubi vera justitia est, eam impugnare non licet; *sed possumus pro veritate tuenda*, si quis eam male vel agendo vel dicendo impugnat. Ideo oramus ut vos faciatis quod bonum est, *quia gaudemus quando nos infirmi sumus*, et potestas nostra locum non habet perfectis omnibus. Vos autem estis po-

tes, parans habentes conscientiam, et ideo iudicium nostrum non formidamus. Non solum gaudeamus, *sed etiam oramus hoc*, ut vos potentes sint, scilicet *vestram consummationem*, id est justitiae vestrae perfectionem. Et ideo quia gaudemus et oramus hoc, ego *absens scribo haec vobis*; propterea ut cum fuero praesens non agam durius, *secundum potestatem apostolatus mei*. Nec utique si ex potestate agerem, grave vobis esse deberet, quia *hanc potestatem dedit mihi Dominus in edificationem vestram, et non in destructionem*.

Postquam de his quae fecerant satis eos corripuit, transit ut in his quae de futuro restabant corripiat illos, dicens: In his praemissis sic vos habete ut doceo et *de caetero*, id est in futuro, *fratres, gaudete*, id est sic agite ut de opere vestro gaudium semper expectetis, et ut vere gaudeatis; *perfecti estote*, et vos perfecti *exhortamini* imperfectos ad perfectionem. Vos vero imperfecti *idem sapite cum perfectis* exhortantibus vos, et *habete pacem cum illis*, id est ne abutamini correctione eorum; sed cum omni modestia amplectimini iussa eorum, quia si idem sapite et pacem habetis, sic *erit vobiscum Deus pacis*, qui discordes abjicit, concordem eligit. Et idem Deus dilectionis erit vobiscum, quia non sufficit pacem habere, nisi secundum Deum sequatur diligere. Et ut pax et dilectio Dei sit vobiscum, *salutate vos invicem in osculo*, id est alter osculetur alterum, mortificata omni contentione inter vos. In osculo dico non quod ore tantum fiat, et non corde, sed in osculo *sancto*, quod nulla irae scintilla in occulto cordis lateat. Et sic debetis vos invicem salutare, quia *salutant vos omnes sancti*, commendantes vobis dilectionem exemplo sui. Salutatio propria Pauli sequitur. *Gratia Domini nostri Jesu Christi*, id est Dominus noster Jesus Christus dans gratiam, qua peccata dimittit. *Et charitas Dei*, id est Deus Pater cuius charitas pro salute hominum, Filium voluit incarnari. *Et communicatio sancti Spiritus*, id est Spiritus communiter procedens a Patre et Filio. Vel communicatio sancti Spiritus, id est Spiritus sanctus communicans vobis gratias suas, *sit cum omnibus vobis, amen*; et ut ita fiat vos laborate, et Deus concedat.

203 ARGUMENTUM IN EPISTOLAM AD GALATAS.

Galatae sunt Graeci. Hi verbum veritatis primum ab apostolo acceperunt; sed post discessum ejus tentati sunt a falsis apostolis, ut in legem et circumcisionem verterentur. Hos Apostolus revocat ad fidem veritatis, scribens eis ab Epheso.

PROLOGUS BEATI BRUNONIS IN EAMDEM.

Galatia locus quidem est in Graecia, et in ea Paulus per aliquod tempus conversatus fuerat, praedicans Galatis verbum Dei, quos etiam in fide fundaverat. Et quandiu Paulus apud eos remoratus est, satis honeste se habuerunt in fide; sed Paulo inde

reverso, pseudodoctores (quorum labor erat persequi Ecclesiam Christi) introierunt ad eos impie destruendo quod Paulus religiose edificaverat, dicentes Paulo non esse credendum, neque doctrinam ejus tenendam, quia nec cum Christo conversatus

fuerat in terris, nec ab eo edoctus vel electus, nec saltem a Petro, vel ab his qui cum Christo conversati fuerant erat instructus. Hi etiam pseudo gratiæ Dei plurimum derogabant, dicentes eam non sufficere ad salutem nisi circumcisio, et cætera veteris legis tenerentur. In quo Paulum male docuisse arguebant, cum legem destrueret quam (sicut omnibus notum est) Deus per Moysen dederat; quam ipse Christus, dum inter homines conversabatur, observaverat, et hoc dicentes apud eos qui simplices erant, videbantur inducere congruas rationes. Quibus fallaciis jam adeo fuerant seducti quod, nisi sollicitudo Pauli cito per hanc Epistolam occurreret, jam se disponebant ad circumcidendum et ad cætera legalia. In hac autem Epistola Paulus agit de commendatione personæ suæ, quam pseudo deprimebant. Agit etiam de destructione veteris legis, non quod improbet eam, eo quod tenenda fuit. Agit etiam de commendatione gratiæ Christi. Hæc tria sunt hic materia: Se in hunc modum commendat quod, cum illi objiciant ei se non vidisse Christum, nec ab eo electum vel instructum probat quod longe dignius aliis apostolis electus sit a Christo et edoctus; illos enim, dum mortalis inter mortales conversaretur, elegit et

A docuit secundum infirmitatem carnalis intellectus; adhuc enim carnales erant, nec mysteria divinitatis capere poterant, quia licet accepissent Spiritum, nondum tamen datus erat, nisi tantum ad remissionem. Quod idem Jesus plane innuit, ubi ait: « Multa habeo vobis dicere, sed non potestis portare modo. Cum autem venerit Spiritus (Joan. xvi, 12), » etc., illos, inquam, adhuc mortalis quasi carnales docuit, sed Paulus jam factus immortalis, jam sedens in dextera Patris, jam dato Spiritu sancto elegit, vocavit et docuit, et sic apparet quod, in quo Paulus videbatur inferior, longe cæteris est gloriosior. Veterem legem sic improbat, ostendens eam datam ut esset in tempore, et veniente gratia statim finem haberet, velut umbra, veniente corpore; quæ lex, quauddiu duravit, nihil aliud quam grave jugum et onus importabile et inutile fuit, quia neminem justificare potuit. Destruata lege gratiam Christi commendat, ut eam quæ sola sufficit ad salutem, et sine qua nec ante datam gratiam nec post, aliquis potuit salvari. De his omnibus sic agit, ea intentione ut Galatas volentes judaizare retrahat ne faciant, nec ultra pseudomagistros audiant.

EPISTOLA AD GALATAS.

204 CAPUT PRIMUM.

Paulus apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis, et qui mecum sunt omnes fratres, Ecclesiis Galatiæ, gratia vobis et pax a Deo Patre nostro, et Domino Jesu Christo, qui dedit semetipsum pro peccatis nostris, ut eriperet nos de præsentis sæculo nequam, secundum voluntatem Dei et Patris nostri, cui est gloria in sæcula sæculorum. Amen. Miror quod sic tam cito transferimini ab eo qui vos vocavit in gratiam Christi in aliud Evangelium, quod non est aliud, nisi sunt aliqui qui vos conturbant, et volunt convertere Evangelium Christi. Sed licet nos, aut angelus de cælo evangelizet vobis præterquam quod evangelizavimus vobis, anathema sit. Sicut prædiximus, et nunc iterum dico: Si quis vobis evangelizaverit præter id quod accepistis, anathema sit. Modo enim hominibus suadeo, an Deo? an quæro hominibus placere? Si adhuc hominibus placerem, Christi servus non essem. Notum enim vobis facio, fratres, Evangelium, quod evangelizatum est a me, quia non est secundum hominem. Neque enim ego ab homine accepi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequabar Ecclesiam Dei, et expugnabam illam, et proficiebam in Judaismo supra multos coætaneos meos in genere meo, abundantius æmulator existens pater-

C narum mearum traditionum. Cum autem placuit ei qui me segregavit ex utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus, continuo non acquievi carni et sanguini. Neque veni Hierosolimam ad antecessores meos apostolos, sed abii in Arabiam, et iterum reversus sum Damascum. Deinde post annos tres veni Hierosolimam videre Petrum, et mansi apud eum diebus quindecim. Alium autem apostolorum vidi neminem, nisi Jacobum fratrem Domini. Quæ autem scribo vobis, ecce coram Deo, quia non mentior. Deinde veni in partes Syriæ et Ciliciæ. Eram autem ignotus facie Ecclesiis Judææ, quæ erant in Christo. Tantum autem auditum habebant, quoniam qui persequabatur nos aliquando, nunc evangelizat fidem, quam aliquando expugnabat; et in me clarificabant [glorificabant] Deum. »

EXPOSITIO.

Paulus, etc. In hoc principio hæc tria, circa quæ maxime versatur, scilicet commendationem sui, improbationem legis, approbationem gratiæ breviter colligit, dicens: Paulus apostolus nomen suum (quod in omni Ecclesia notum fuerat) ad auctoritatem ponit. Paulus, inquam, apostolus, non ab hominibus, eligentibus eum, neque per hominem, consecrantem eum, ut illi objiciunt per Ananiam. Ideo ait, non ab hominibus neque per hominem. Quidam enim non ab hominibus, sed a Deo electi; per hominem tamen sunt consecrati, et e converso. Vel ita: Paulus apo-

stolus non ab hominibus eligentibus, vel consecran-
 tibus eum, neque per hominem, id est non per
 Christum mortalem, et in humanitate viventem, *sed*
per Jesum Christum suscitatum. De eo quod sequi-
 tur, *suscitavit*, convenienter accipimus suscitatum.
 Dicerent illi : Etiam si Christus legem destruat,
 non credimus, quia dissentit a Deo, qui legem de-
 dit. Ideo subdit Apostolus per Christum suscitatum,
 et per *Deum Patrem, qui suscitavit eum a mortuis* ;
 quem frustra mori vellet, si alio modo per legem ju-
 stificare posset hominem ; sed quia legem irritam
 vidit, legem exclusit, ut per gratiam Christi perfe-
 ret in quo lex deficiebat. Paulus, inquam, et omnes
 fratres qui mecum sunt, scribimus *Ecclesiis Galatiæ*.
 Ideo fratres sibi in salutatione jungit, quia objicie-
 bant pseudo Paulum **205** solum esse in destructione
 legis, quam Petrus et alii in suis paterentur Ecce-
 lesiis. Ubi ait se non ab homine, sed a Christo susci-
 tato, et a Deo Patre factum apostolum, satis in hoc
 se commendavit. *Vobis, o Galatæ, sit gratia*, id est
 his qui peccaverunt, sit secunda remissio. His qui in
 justitia permanserunt, sit perseverantia gratiæ. Sit
 etiam vobis *pax*, id est tranquillitas animi, a *Deo*
Patre nostro et Domino Jesu Christo, qui uterque et
 potest et vult.

Modo commendabit gratiam Christi per oppositum
 improbando legem dicens : *Qui Christus dedit se-*
metipsum non aliud sacrificium, quia nihil præter
 eum sufficeret. Semetipsum dico, qui tantus erat.
Semet, ad discretionem, *ipsum* ait ad magnitudinem.
 Dedit semetipsum *pro peccatis nostris* delendis ; quæ
 si lex destruere posset, monstrum putaretur, quia
 jam Pater superflue in mortem traderet Filium. Nec
 ut peccata præcedentia solummodo tolleret, mori
 voluit, sed ut, destructis peccatis, *eriperet nos de*
præsenti sæculo, in quo vidit neminem posse morari
 sine peccato. In quo notatur maxima virtus Christi,
 qui in fornace peccatorum nos liberat ab incendio
 peccati [*eriperet de præsenti sæculo nequam*, id est
 de conformitate præsentis mundi, qui non allicit,
 et tanto plus capit, quanto æterna minus videntur].
 Eriperet, dico, quasi vi conversationis bonæ de
 sæculo, sed *nequam*, id est secundum nequitiam pec-
 cati, Christus a sæculo suos eripit. Quod Christus
 in mortem se dedit, hoc factum est *secundum volunta-*
tem Dei et Patris nostri, qui quia legem inutilem
 vidit, ut nos salvaret, ex pietate Filium in mortem
 tradidit. Et quia Christus dederit se pro peccatis
 nostris in mortem per voluntatem Dei, scitote ex
 eo, quia cui Christo cum Deo *est gloria* de remis-
 sione peccatorum, non legi in hæc præsentia *sæcu-*
la : et permanebit in sæcula horum *sæculorum* con-
 secutiva. *Amen*, id est *vere ita est*, quod Christo glo-
 ria, non legi. *Amen* quandoque affirmativum,
 quandoque optativum est. Et quia Christus dedit se
 pro peccatis nostris secundum voluntatem Dei, et
 legem evacuavit, *miror ergo quod sic*, id est tam
 vehementer omnibus mandatis meis derelictis ; et
 tam cito : parum enim est temporis ex quo discessi

A a vobis. Miror, inquam, de hoc quod *transferimini*.
 Ut gravius eos deprimat, sic ait. Transferuntur
 enim insensibilia, ut lapides, ducuntur irrationalia.
 Aguntur ratione homines ; sed istos judicat insensi-
 biles. Unde in sequenti vocat eos insensatos. Miror
 quod transferimini *ab eo*, scilicet Deo, qui Deus *re-*
cavit vos non merito legis, sed per gratiam. Vocavit
 dico et interius aspirando, et prædicatores adhiben-
 do in *gratiam* Christi, id est ad hoc ut essetis par-
 ticipes gratiæ Christi. Transferimini dico in *alias*
Evangelium. Secundum illos, veterem legem vocat
 Evangelium ; quod tamen Evangelium non est aliud
 a nostro, nisi sunt illi aliqui qui vos conturbant, id
 est pseudo, qui veterem legem carnaliter docentes,
 dissentire faciunt ab Evangelio Christi ; cum quo
 B idem est intellectum spiritualiter. *Conturbant*, dic-
 tum est a similitudine turbatæ aquæ, in qua nihil
 clare discerni potest. Ita isti intellectum Galatarum
 turbaverant, quod jam malum a bono non discer-
 nebant. Conturbant vos, et volunt convertere *Evangelium*
Christi.

Convertere dictum est, a similitudine alicujus iter
 agentis, qui ab obstante sibi retro, convertitur ; sic
 et isti Galatæ, accepta fide Christi per Evangelium
 Pauli, jam bene directi fuerant in semita boni ope-
 ris, a quo volebant eos convertere illi pseudo. Ubi
 ait *volunt*, innuit Galatas nondum opere consensisse
 illis, licet assensu. Illi volunt convertere, sed *li-*
cet nos, id est ego vel ipse Petrus, aut angelus
 C malignus veniens de cælo, id est in splendida figura ut
 facilius suadere possit. Si enim emergens de tene-
 bris inferni torvum et informem sese ingereret ad
 decipiendum, non tam idoneus esset. Vel, angelus
 bonus veniens de cælo, si *evangelizet præterquam*,
 id est præter hoc quod *evangelizavimus vobis*, sive
 sit apostolus seu angelus, illum non solum audeo
 separare a corpore Christi, sed etiam sit *anathema*
 ut ipse separatus sit separatio illorum. Hic callide
 respondet illis, qui objiciebant illi, **206** quod Ju-
 daicos ritus non pateretur in Ecclesiis suis, non
 intelligentes Petrum ideo pati, non quod illud appro-
 baret, sed ne ruditatem fidei eorum potius his con-
 cessionibus nutriendam, quam nimia asperitate
 destruendam terreret. Hoc autem solis patiebatur
 D Judæis : sed Paulus qui gentibus prædicabat, non
 habebat eis indulgere in his in quibus nunquam
 fuerant. Quod etiam postmodum, ut fides Christi
 solida esset, difficiliore labore destruere oporteret.
 Et quia nec angelum, nec apostolum pateremur
 aliud vobis prædicantem, igitur si quis pseudo evan-
 gelizaverit vobis præter id quod accepistis a me,
 anathema sit. Et hoc nunc iterum dico de pseudo,
 sicut modo prædixi de nobis et de angelo. Vel ita :
 Prædixi vobis cum apud vos essem, me omnes pseudo
 excommunicaturum ; sic etiam nunc iterum dico. Si
 quis vobis evangelizaverit, præter id quod accepistis,
 anathema sit. Dico *anathema sit*, et hoc et cætera
 præmissa, zelum Christi habens dico, quia an modo
 suadeo hominibus, id est an secundum voluntatem

hominum suasibiliter loquor : an suadeo Deo, id est A
 ad gloriam Dei? Quasi diceret : Ideo dico, *anathema*
 is, etc., quia olim quidem ante fidem suadebam
 hominibus, prædicans legem; sed modo in fide sua-
 leo gloriam Dei; ideo non jam suadeo hominibus,
 quia non quero placere illis. An enim quero amplius
 placere hominibus? Si legem prædicaret, quam ho-
 minibus : sed nolo placere, quia si adhuc placerem ho-
 minibus, prædicando legem, jam non essem servus
 Christi. dum quod attribuerem legi, detraherem
 gratiæ Christi. Vel ita : An modo suadeo hominibus,
 an Deo? Si legem prædicaret, hominibus suaderet ;
 quæ enim lex præcipit, homo satis potest operari,
 ut abscondere pelliculam, immolare pecudem et hu-
 jusmodi. Quod si per hæc salvum diceret hominem,
 Deo detraheret salutem hominis, et ascriberet ho-
 mini. Cætera non mutantur.

Ad illud quod superius dixit, non ab hominibus,
 neque per hominem, hic respondere incipit. Littera
 tamen prope jungitur : ideo hominibus placere non
 quero, sed Christo, quia Evangelium meum non
 est secundum hominem, sed a Deo. Et ideo facio
 vobis notum, fratres, Evangelium : non illud vetus,
 sed quod evangelizatum est a me; hoc de eo facio
 vobis notum, quod non est mihi traditum secundum
 hominem. Et hoc probat : Vere non secundum ho-
 minem, qui neque accepi illud Evangelium ab homine,
 consecrante me in hoc ministerium, neque didici
 illud ab homine. Posset consecrari a Deo, et tamen
 postea discere præcepta illa ab homine. Non accepi
 ab homine, nec didici, sed per revelationem Jesu
 Christi, id est per Jesum Christum aperte revelan-
 tem mihi, non per parabolas loquentem, sicut alios
 apostolos docuit, dum in carne esset adhuc mortali-
 s, et illi intellectu infirmiores : vere non didici
 illud ab homine, quia nec ante conversionem, nec
 post conversionem. Ante conversionem prius osten-
 dit, dicens : Audistis conversationem meam aliquan-
 do, id est tempore infidelitatis habitam in Judaismo;
 hoc audistis quoniam, id est quod persequer bar Ec-
 clesiam Dei supra modum persecutorum : nemo enim
 tam violens erat in servos Dei. Persequer bar dico et
 expugnabam illam secundum quosdam multos enim
 volentes converti, adhuc spirans minarum et cædis,
 retrodixi. Plures etiam jam fideles fidem negare
 coegi; expugnabam, dico, et proficiebam in Judai-
 smo. Lex enim mea magis ac magis per me in in-
 crementum proficiebat. Proficiebam dico agendo su-
 pra multos coætaneos, qui juvenes et laboriosi
 erant, ut ego. Coætaneos dico, non proselytos, sed
 in genere meo, ita filios Abrahamæ ut ego et in lege
 nutritos. Et dico existens æmulator, id est imitator
 et amator; non tantum legis, sed etiam paternarum
 traditionum. Prophetæ enim, præter legem, quasdam
 traditiones dederunt, ut Zacharias jejunium primi,
 et jejunium quarti (Zach. viii, 19.), etc. Traditionum,
 dico, mearum, quia tam bene operabar illas,
 quod quasi meæ propriæ esse videbantur, et cum ero

ita persequer Ecclesiam Christi, apparet quod ante
 conversionem Evangelium non didici.

Subdit quod post subdicionem non didicerit. Ego
 ita persequer Ecclesiam Christi; sed cum placuit
 ei, ex gratia, non ex merito, ei dico qui quam
 potentialiter me segregavit de utero matris meæ, de
 quo nunquam exirem, nisi misericordia ejus extra-
 heret me, tam misericorditer vocavit me per gratiam
 suam ad fidem. Vel ita : Qui me segregavit de matre
 mea, id est a Synagoga, in qua puer nutritus et
 doctus fueram, nec de sinu vel gremio, sed de ipso
 utero Synagogæ. Phariseus enim eram inter prin-
 cipes legis, et me inde segregatum vocavit ad fidem
 per gratiam suam, non quia zelum legis habueram.
 Vocavit, inquam, ut revelaret in me Filium suum.

B Si quis enim vocationem mei considerat, intelliget
 omnem salutem ex Christo, nullam ex lege, quæ
 mihi non profuit. Nec ideo solum vocavit ut in
 similitudine mei revelaret gratiam suam, sed ad hoc
 etiam ut evangelizarem illum in gentibus, et notam
 facerem misericordiam Dei. Cum ita Deo de me
 placuit, continuo non acquievi carni et sanguini, id
 est Judæis male suadentibus mihi, qui nihil aliud
 sunt quam caro voluptuosa. Et sanguis, id est anima
 non secundum rationem, sed secundum quod per
 motum sanguinis turpia cupit. Neque continuo veni
 Hierosolymam ad apostolos antecessores meos, quia
 me in fide antecesserant, ut docerer ab illis, sed
 continuo abii in Arabiam. Hæc Arabia est in qua
 est mons Sina, prope Ægyptum in deserto. Et iterum
 ab Arabia reversus sum Damascum. Deinde post
 annos tres veni Hierosolymam, non ut quasi minus
 sapiens interrogarem, sed solummodo videre Petrum.
 Et mansi apud eum diebus quindecim, et tam brevi
 spatio, si indigere, non satis possem doceri. Petrum
 ibi vidi; sed alium apostolorum neminem illo tempore
 vidi, nisi Jacobum fratrem Domini, qui episcopus
 erat Hierosolymis. Et sic apparet quod post con-
 versionem nihil didici; quæ autem scribo vobis,
 scilicet quod nec ante, nec post didicim, credite
 quia in his non mentior. Ecce enim loquor hæc coram
 Deo. Quod si Deus præsens adesset, nihil in sermone
 meo falsitatis argueret. Deinde visis Petro et Jacobo,
 veni in partes Syriæ et Ciliciæ. Ego vero eram igno-
 tus facie Ecclesiis Judææ, quæ erant in Christo;
 quod si me non viderint, apparet me nihil ab eis
 didicisse. Facie quidem eram ignotus, sed auditum
 tantummodo habebant de me. Hec, inquam, audie-
 rant quoniam, id est quod Paulus qui persequer batur
 nos aliquando, id est tempore infidelitatis, nunc
 evangelizat fidem Christi, quam fidem expugnabat
 aliquando. Et hoc audientes in me converso, et
 sic prædicante clarificabant Deum, et magnificabant
 misericordiam Dei.

CAPUT II.

Deinde post annos quatuordecim, iterum as-
 cendi Hierosolymam cum Barnaba, assumpto et
 Tito. Ascendi autem secundum revelationem, et
 contuli cum illis Evangelium, quod prædico in

gentibus. Seorsum autem his qui videbantur aliquid esse, ne forte in vacuum currem, aut cucurrissem. Sed neque Titus qui mecum erat cum esset gentilis, compulsus est circumcidi, sed propter subintroductos falsos fratres, qui subintroierunt explorare libertatem nostram, quam habemus in Christo Jesu, ut nos in servitutem redigerent. Quibus neque ad horam cessimus subjectioni, ut veritas Evangelii permaneat apud vos. Ab his autem qui videbantur esse aliquid (quales aliquando fuerint, nihil mea interest; Deus enim personam hominis non accipit [Deut. x, 17; Rom. ii, 19]. Mihi autem qui videbantur esse aliquid, nihil contulerunt. Sed e contra cum vidissent quod creditum est mihi Evangelium præputii, sicut et Petro circumcisionis; qui enim operatus est Petro in apostolatu circumcisionis, operatus 208 est et mihi inter gentes. Et cum cognovissent gratiam, quæ data est mihi, Jacobus, et Cephæ et Joannes, qui videbantur columnæ esse, dexteras dederunt mihi et Barnabæ societatis, ut nos in gentes, ipsi autem in circumcisionem, tantum ut pauperum memores essemus. Quod etiam sollicitus fui hoc ipsum facere. Cum autem venisset Cephæ Antiochiam, in faciem ei restitit, quia reprehensibilis erat. Prius enim quam venirent quidam ab Jacobo, cum gentibus edebat. Cum autem venissent, subtrahebat et segregabat se, timens eos qui ex circumcisione erant. Et simulationi ejus consenserunt cæteri Judæi, ita ut Barnabas duceretur ab eis in illam simulationem. Sed cum vidissem quod non recte ambularent ad veritatem Evangelii, dixi Cephæ coram omnibus: Si tu, cum Judæus sis gentiliter vivis, et non Judaice, quomodo gentes cogis judaizare? Nos naturam Judæi, et non ex gentibus peccatores. Scientes autem quod non justificatur homo ex operibus legis, nisi per fidem Jesu Christi; et nos in Christo Jesu credimus, ut justificemur ex fide Christi, et non ex operibus legis. Propter quod ex operibus legis non justificabitur omnis caro (Rom. iii, 20). Quod si quærentes justificari in Christo, inventi sumus et ipsi peccatores, nunquid Christus peccati minister est? Absit! Si enim quæ destruxi, iterum hæc reædifico, prævaricatorem me constituo. Ego enim per legem legi mortuus sum, ut Deo vivam. Christo confixus sum cruci. Vivo autem jam non ego, vivit vero in me Christus. Quod autem nunc vivo in carne, in fide vivo Filii Dei, qui dilexit me, et tradidit seipsum pro me. Non alijcio gratiam Dei. Si enim per legem justitia, ergo Christus gratis mortuus est. »

EXPOSITIO.

Deinde post annos quatuordecim a primo adventu transactos, iterum ascendi Hierosolimam cum Barnaba, assumpto etiam et Tito. Ascendi dicit secundum situm loci. Paulus ideo secundo venit Hierosolimam, adducens secum idoneos testes, Barnabam

de Judæis, Titum de gentilibus, quia Ecclesiæ quibus prædicabat, opponebant ei, quod dissentiret in prædicatione a Petro et ab aliis. Quam dubietatem remove volens, cum testibus ascendit Hierusalem, non quod dubius esset in aliquo, sed ut certum fieret his qui dubitabant quod non dissentiret a Petro. Ascendi non tantum quia sic volui, sed etiam ascendi secundum revelationem, id est quia revelavit mihi Deus sic oportere fieri; et tunc non didici ab illis, sed contuli cum illis Evangelium, dicens: Sic et sic prædico. Nonne et vos eodem modo? Diceret aliquis: Retiicisti quædam, quæ gentibus prædicæ. Non utique ait Paulus, sed Evangelium quod prædicæ in gentibus. Nec inde verbum subitici, contuli publice cum tota Ecclesia. Seorsum autem, id est separatim contuli cum his qui videbantur esse aliquid, id est cum apostolis, non tamen seorsum cum his et alios excluderem, et private cum his agerem; sed prius sermo meus publice fuit ad omnes, nunc ad istos. Vel ita: Contuli cum illis seorsum factis his, id est apostolis, ne viderer impotens esse defendere Evangelium meum sine auxilio eorum. Ideo se contuli ne forte (quod contingere posset) currem, id est currere putarer, aut cucurrisse, in vacuum, nisi per hanc collationem approbarem meum Evangelium. Nec tantum conferendo illud comprobavi, sed neque etiam Titus qui mecum erat, cum eum natione gentilis, compulsus est circumcidi. Per hoc quod ait compulsus, innuit illos pseudo multum laborasse contra Paulum, ut circumcideretur Titus. Nec tantum Titus non est compulsus ad hoc; sed neque etiam ad horam cessimus subjectioni. Quia sic ait: Non est compulsus circumcidi; nec propter subintroductos falsos fratres. Infideles enim Judæi, quibus Paulus quia infidelibus, non responderet, præmio conducebant falsos fratres, per quos Paulum impugnarent. Propter illos, inquam, qui dolose subintroierunt explorare libertatem nostram, id est fidem quæ nos liberos facit a iugo legis; quam libertatem habemus in Christo Jesu. Explorare 209 ideo, ut nos, si possent, redigerent in servitutem, id est in veterem legem quæ gravis servitus est. Per hoc fidem Christi multum commendat, quia vocat libertatem, legem deprimit quam vocat servitutem. Propter illos, inquam, neque saltem ad horam cessimus subjectioni, id est legi quæ cedentes sibi subjicit servituti. Ideo non cessimus, ut veritas Evangelii nostri permaneat apud vos, id est ut sicut prædicavimus legem esse inutilem, gratiam esse sufficientem, ita semper crederetis.

Paulus alio tempore Hierosolimam veniens, ut omnem de se suspensionem tolleret, Timotheum jam circumcisum iterum fecit circumcidi, non quod crederet aliquid jam conferre circumcisionem, sed quia imposuerant ei quidam ipsum dixisse legem omni tempore fuisse inutilem. Quod ut nihil esse probaret, Timotheum exhibuit ad circumcidendum; sed modo Titum circumcidi nulla ratione voluit, quia, si modo cum venisset Hierusalem, ut proba-

et nihil esse circumcisionem, eum circumcideret, Aicerent Ecclesiæ gentium: Ecce falsitas Pauli uem, uellet nollet, Titum, in Hierusalem circumcidere oportuit. Ostendit per illam collationem Evangelii quod post conversionem non sit inventus inferior Petro et aliis. Adjungit etiam quod ante conversionem longe dignior illis fuerit sub lege; callide tamen quasi pro nihilo sibi sit dignitas quam ante fidem habuit. Littera sic jungitur: Contuli cum illis, et apparui secundum post acceptam fidem irreprehensibilis, sicut illi; sed quales fuerint aliquando, id est ante fidem Petrus et alii, qui uidebantur ab his secundum carnem sapientibus esse aliquid, hoc memorare quales illi fuerint qualis ego sub lege nihil mea interest, id est nihil confert in mea re. Verum quidem est quod ego tunc dignior illis eram, sed tamen non curo hujusmodi gloriam. Videbantur dicit, quantum ad illos qui Petrum et alios ita iudicabant magnos. Paulum nihil. Ideo quales tunc fuerint, dicere prætereo. Sclo enim quod Deus non accipit personam hominis, id est Deus non habet acceptum hominem propter personam generis diuitiarum vel scientiæ. Dicere quales prius fuerint; ideo nihil interesse dico in mea re, quia hoc solum mihi sufficit ad commendationem quod Petrus et alii qui dicebantur esse aliquid, nihil mihi contulerunt, id est in nullo me correxerunt. In nullo mihi profuerunt, dum contuli cum eis Evangelium. Vel per, autem, copuletur dicere, quales fuerint ante fidem nihil mihi confert; sed hoc dicere quod illi qui uidebantur esse aliquid, nihil mihi contulerunt; satis est ad commendationem. Nihil quidem contulerunt mihi, sed etiam affectantes societatem nostram, mihi et Barnabæ discipulo meo dederunt dextras societatis. Quod sic ait: Nihil contulerunt, sed econtrario cum illi uidissent quod creditum est mihi a Deo Evangelium præputii, id est gentilitatis eadem dignitate sicut Petro creditum est Evangelium circumcisionis, id est in Judæos. Econtrario dicit secundum opinionem eorum qui Paulum indigniorem iudicabant Petro. Bene dico cum uidissent, uiderunt enim, quia idem Deus qui operatus est Petro, id est ad gloriam et commendationem Petri, miracula per eum fecit in apostolatu circumcisionis, similiter operatus est et mihi, id est ad mei commendationem inter gentes; gentium enim Apostolus erat. Cum uidissent creditum esse mihi Evangelium, et cum idem per effectum cognouissent, uidentes gratiam quæ data est mihi (plures enim quam illi uertebam ad fidem). Cognouissent dico Jacobus, et Cephas, et Joannes, qui uidebantur esse columnæ, id est sustentatores Ecclesiæ. Ii enim honoratiores cæteris erant, quia Christus eos in secretioribus suis semper admittebat, coram quibus transfiguratus fuit in monte (Matth. xvii, 2). Ii, inquam, hoc cognoscentes, dederunt mihi et Barnabæ dextras societatis, intelligentes nos non inferiores illis, sed pares, non discipulos sed socios. Coniungere dextras, signum erat concordiæ, quo se inuicem confederabant antiqui.

Societatem nobiscum pacti sunt, ita ut nos 210 prædicaremus in gentes, ipsi autem in circumcisionem. Hoc tantum singulare nobis imponentes, ut essemus memores pauperum, qui erant Hierosolymis, quod illi nisi per nos non poterant. Quod, scilicet, benefacere pauperibus non solum uolui, sed etiam sollicitus fui facere, ita quod hoc ipsum, id est non minus feci quam illi precati sunt.

Postquam ostendit illos nihil contulisse sibi, et se potius necessarium illis, secundum memoriam pauperum, addit quoddam majus, scilicet quod, cum ipse esset irreprehensibilis, reprehensibilem etiam ostendit Petrum dicens: Conferens cum Petro (et aliis nihil mihi contulit, sed ego contuli Petro. Quia cum uenisset Cephas Antiochiam ego restiti ei; nec in occulto, sed in faciem, id est in conspectu Ecclesiæ. Ideo restiti, quia erat reprehensibilis; et si non per intellectum, tamen per exemplum. Ideo Paulus restitit Petro in faciem, quia Petrus non peccabat in se, de quo quidem secreto esset corrigendus, sed peccabat in cauta simulatione, corrumpendo Ecclesiam, et qui in publico peccabat, publice arguendus erat; qui enim uiderant offensionem, necesse erat ut iidem uiderent offensionis emendationem. Petrus utique erat reprehensibilis, quia priusquam ueniret quidam conversi de Judæis ab Jacobo, qui cathedram habebat Hierosolymis, priusquam hi uenirent, Petrus edebat cum gentibus, sine discretionem ciborum. Prius sic faciebat; sed cum illi uenissent, subtrahabat se a mensa gentilium, nec latenter subtrahabat; sed segregabat se, id est seorsum faciebat Judæorum mensam a grege gentilium vel in alia domo, vel in alia mensa, timens offendere eos qui erant ex circumcisione, id est Judæos, si participaret gentilibus, et huic simulationi ejus (non enim credebat discretionem ullam Judæi et gentilis, sed tantum pro evitando scandalo simulabat) simulationi, inquam, ejus consenserunt cæteri Judæi, ita ut etiam Barnabas, discipulus meus, duceretur ab eis Judæis in eandem simulationem, et nollet communicare gentilibus. Petrus simpliciter non considerans per hoc corrumpi fidem Ecclesiæ, declinabatur a scandalo Judæi fratris, per hanc simulationem. Sed ego, cum uidissem, quod non recte ambularent Petrus et qui cum eo erant, non recte dico ad comprobandum ueritatem Evangelii, qui prædicauerant ritus Judaicos jam inuiles, nec esse tenendos. Cum hoc uidissem, dixi Cephæ coram omnibus (sic enim oportebat, dum ejus simulatio totius Ecclesiæ esset corruptio): Hoc, inquam dixi, si tu, Petre, cum sis natione Judæus uivis, id est uivere soles gentilibus, nihil iudicans immundum, et non uivis ultra judaice, ut secundum ritus illos cibos de immunditia damnes; si, inquam, tu naturalis Judæus non judaizas: quomodo, id est qua ratione gentes quæ nunquam judaizauerunt, cogis judaizare, exemplo tuo, licet non ita prædices? Nisi enim in hoc publice correctus esset a Paulo, seque ideo reprehensibilem confiteretur, putarent

non solum Judæi, sed etiam gentiles inutilem esse a fidem sine lege.

Hucusque satis probavit se non esse inferiorem Petro, et aliis, imo necessarium et correctorem eorum. Modo transit ad improbandam legem, quod nullo modo tenenda sit, dicens: Gentes utique non debent judaizare: quia nos per naturam Judæi; si amodo judaizamus, inutiliter agimus. Quod sic ait: Nos quidem sumus Judæi per naturam in Judaismo nati, et semper insistentes operi legis. Judæi sumus, et non sumus peccatores ex gentibus, id est non peccavimus ad similitudinem gentium, adorantes idola et hujusmodi: quod non fecerant Judæi. Et cum simus per naturam Judæi, tamen non justificamur ex operibus legis. Et nos hoc scientes quod nullus homo justificatur ex operibus legis, nisi per fidem Jesu Christi, ut gentiles, sic et nos Judæi credimus in Christo Jesu, ut sic justificemur ex fide Christi tantum, et non ex operibus legis. Propter quod, id est quia nos Judæi ex fide sola justificamur non ex lege. Ergo omnis caro, id est omnis gentilis carni obediens, Deum nesciens, non justificabitur ex operibus **211** legis, si ea fecerit. Si enim Judæo non prosunt opera, multo minus gentili. Carnem vocat gentilem, quia nunquam in cultu legis Dei, sed semper fuit in opere carnis. Vel ita, quia si Judæus non est justus ex lege, multo minus caro, id est peccator ex gentibus. Probat iterum idem per impossibile et inconveniens. Dico quod ex fide Christi justificabimur; quod si ita non est, hoc est quod ait: Si nos quærentes justificari in Christo, id est per fidem Christi, non dico putati existimationem stultorum non curo, sed si per fidem Christi quærentes justificationem inventi sumus ut gentiles etiam nos ipsi peccatores, quia legem deseruimus, ad fidem Christi transeuntes; si hoc, inquam, est, tunc Christus minister est peccati; ipse enim docuit legem non esse tenendam, sed ex fide esse omnem justificationem. Sed quia exhorrebat Christum dicere ministrum peccati, dicit hoc sub admiratione sic: Nunquid aliquis insensatus audet dicere quod Christus minister est peccati? Absit hoc ut Christus minister sit peccati!

Vere Christus non est minister peccati. Nam ego destruxi legem, quam non reedifico, ne me constituam prævaricatorem. Si enim destructam legem reedificans, ideo prævaricationis reus sum. Tunc bene sequitur quod Christus, quia legem exclusit, non est minister peccati. Quia sic ait: Si legalia quæ destruxi hæc iterum reedificabo, docens ea esse tenenda, tunc profecto constituo me prævaricatorem legis, quam reduco. Ipsa enim lex præcipit se contemni, postquam venerit gratia, ut ibi per Moysen: « Prophetam suscitabit vobis Deus de fratribus vestris; ipsum audietis tanquam me (Deut. xviii, 15). » Quasi diceret: Interim donec veniat, audite me. Cum venerit (me derelicto) confugite ad eum. Reedifico ideo dicit: Imponebant enim ipsi quidam quod prius stulte docuisset legem non esse tenendam; sed mo-

do correctus, reducebat legem. Vere si legem reedifico, prævaricatorem legis me constituo. Nam ego deserui legem, per ipsam legem ita præcipientem, ne veniente gratia teneretur. Et non dicit deserui, sed mortuus sum legi, id est ita legem destruxi sicut nunquam amplius ad illam reversurus, quomodo a morte non sit reversio ad vitam. Legi ideo mortuus sum, ut rivam Deo, id est per gratiam Dei. Vere deserens legem, vivit Deo per fidem; nam cessat a malo, et operatur bonum. Quod sic ait: Confixus sum cruci Christi, id est affixos habeo sensus meos per virtutem crucis Christi, ne quando in fide Christi sum, liceat porrigere manum vel pedem ad opus malum. Confixus sum cruci Christi, id est ad gloriam Christi, qui me sic confixit, et per hæc habemus cessare a malo. Christus si voluisset, aliud genus mortis elegisset, sed voluit ut nec ipsum genus mortis misterio careret, præsignans hoc in affixione suorum membrorum, quæ secundum veterem hominem possibile et mortalis usque ad diem crucis sustinerat, ut sicut membra sua confixa, secundum virtutem hominis ad aliquos actus extendere non potuit, quod in illa cruce sic configebat hominem justitiam, ut quando fidem Christi non violaret ad actum injustitiæ declinare non posset. Confixus sum cruci, cessans a malo. Vivo autem jam non ego, qui eram secundum legem; sed vivit in me Christus, id est vivo ego ipse factus Christus per conformitatem, et per hanc partem habemus operari bonum. Vivo utique Deo per fidem, per dilectionem, per traditionem. Hoc ita ait. Ego vivo; quod autem nunc in me positus in carne, quia licet caro impugnet spiritum, tamen spiritus in me vivit, et jugulat desideria carnis, quod miraculum est ita vivere in carne. Quia vero sic vivo in fide, id est per fidem Filii Dei vivi, et non per opera legis, sed per dilectionem Christi, qui dilexit me, hominem personaliter uniens sibi. Vivo etiam et per traditionem, quia Christus tradidit semetipsum in mortem pro me, redimendo a morte, quod non poterat effici per legem. Et quia per fidem vivo, et non per legem, igitur non reduco legem. Quod tamen sic ponit: Non abjicio gratiam Dei, quia reducere legem, **212** esset abjicere gratiam. Ideo non reduco legem, quia non per legem justitia. Si enim per legem esset justitia, ergo Christus gratis, id est superflue mortuus est, ut justificaret, cum per legem habeatur justitia; sed Christum superflue, mortuum nolletis concedere.

CAPUT III.

« O insensati Galatæ, quis vos fascinavit non obedire veritati ante quorum oculos Jesus Christus proscriptus est, et in vobis crucifixus? Hoc solum a vobis volo discere. An ex operibus legis spiritum accepistis, an ex auditu fidei? Sic stulti estis ut, cum spiritu cœperitis, nunc carne consummemini? Tanta passi estis sine causa? si tamen sine causa. Qui ergo tribuit vobis Spiritum, et operatur virtutes in vobis, ex operibus legis, an ex auditu fidei? Sicut scriptum est: « Credidit Abra-

ham Deo, et reputatum est ei ad justitiam (*Gen. xv, 6; Rom. iv, 3*). Cognoscite ergo, quia qui ex fide sunt, hi sunt filii Abrahamæ. Providens autem Scriptura, quia ex fide justificat gentes Deus, prænuñtiavit Abrahamæ, quia benedicentur in te omnes gentes (*Gen. xii, 3*). Igitur qui ex fide sunt benedicentur cum fideli Abraham. Quicunque enim ex operibus legis sunt, sub maledictio sunt. Scriptum est enim: « Maledictus omnis [homo] qui non permanserit in omnibus quæ scripta sunt in libro legis, ut faciat ea (*Deut. xxvii, 26*). » Quoniam autem in lege nemo justificatur apud Deum, manifestum est, quia justus ex fide vivit (*Habac. ii, 4; Rom. i, 17*). Lex autem non est ex fide: sed qui fecerit ea, vivet in illis (*Levit. xviii, 5*). Christus autem nos redemit de maledicto legis: factus pro nobis maledictum, quia scriptum est: « Maledictus omnis [homo] qui pendet in ligno (*Deut. xxi, 23*), » ut in gentibus benedictio Abrahamæ fieret in Christo Jesu, ut pollicitationem spiritus accipiamus per fidem. Fratres (secundum hominem dico) tamen hominis confirmatum testamentum nemo spernit, aut superordinat (*Hebr. ix, 17*). Abrahamæ dictæ sunt promissiones, et semini ejus. Non dicit et seminibus, quasi in multis, sed quasi in uno, et semini tuo qui est Christus. Hoc autem dico, testamentum confirmatum a Deo. Quæ post quadringentos et triginta annos facta est lex, non irritum facit ad evacuandam promissionem. Nam si ex lege hæreditas, jam non ex promissione. Abrahamæ autem per repromissionem donavit Deus. Quid igitur lex? Propter transgressionem posita est, donec veniret semen, cui promiserat, ordinata per angelos in manu Mediatoris. Mediator autem unius non est; Deus autem unus est. Lex ergo adversus promissa Dei? Absit! Si enim data esset lex, quæ posset vivificare; vere ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus. Prius autem quam veniret fides, sub lege custodiebamur; conclusi in eam fidem quæ revelanda erat. Itaque lex pædagogus noster fuit in Christo, ut ex fide justificemur. At ubi venit fides, jam non sumus sub pædago. Omnes enim filii Dei estis per fidem, in Christo Jesu. Quicunque enim in Christo baptizati estis, Christum induistis. Non est Judæus, neque Græcus; non est servus, neque liber; non est masculus, neque femina. Omnes enim vos unum estis in Christo Jesu. Si autem vos Christi, ergo semen Abrahamæ estis, secundum promissionem hæredes. »

EXPOSITIO.

Et quandoquidem per fidem justitia, et non per legem, oïnsensati Galatæ, quis vos fascinavit ut non crederetis veritati? Veritatem habetis in vobis, scilicet fidem Christi, quæ vere justificat, et non creditis ei. Fascinator dicit, accusans insipientiam eorum; non enim diffe-

runt a vetulis, quæ credunt quosdam fascinatores solo visu posse corrumpere quos volunt. Vos dico fascinatos ante oculos quorum (quia ipsam veritatem habetis et cognoscitis) et in oculis vestris Christus Jesus proscriptus est. Proscriptus dicitur, qui a regno et hæreditate sua depellitur. Ii autem Christum a regno et hæreditate sua depellebant, dum seipsos in quibus regnare debebat, et qui ejus erant hæreditas, Christo subducebant. Non solum proscriptus; sed etiam Christus est in vobis crucifixus. Non enim magis viluit Christus in oculis Judæorum et Pilati, quam in vobis, qui sic eum contemnitis. Vel ita! Ante oculos quorum Christus proscriptus est in aliis, quos malo exemplo depravastis, et etiam in vobis ipsis, qui Christum repellitis a vobis. Et licet ita sit proscriptus, tamen ipse pro vobis est crucifixus, nec ita esset proscribendus. Hoc evidenter inseruit. Modo revertitur ad illud. O vos insensati, licet modo satis probaverim fidem valere, legem irritam esse, et licet vos insensati sitis, tamen vos ipsos faciam confiteri et probare quod ex fide sit justitia, et non ex lege. Quod sic ait: Multa alia occurrunt per quæ hoc probare possem, sed hoc solum sufficit, et hoc volo discere a vobis an accepistis Spiritum sanctum ex lege, an ex fide. Ex lege non, quia vos, gentiles, legem non habulistis. Et non ita simpliciter ponit, sed addit. Ex operibus legis, an ex auditu fidei, deprimens legem, cujus opera erant importabilia, commendans fidem, quæ facillime ex solo auditu habetur. Et cum ex fide Spiritum accepistis, sic modo stulti estis ut cum per Spiritum cœperitis salvari, nunc carne, id est per carnalem legem consummemini, id est perficiamini. Plurimum desipitis cum illud quod minus est (scilicet incipere) Spiritui datis, et illud quod majus (id est perficere) attribuitis carni. Et quia per carnem consummationem quæritis, sine causa estis passi tanta. Vos quidem multa passi estis ab infidelibus, sed frustra. Sine causa dico vos tanta passos; tamen hac conditione, si sine causa, id est si incorrigibiles estis. Si enim pœniteatis, præsto est indulgentia. Et sic dicens revelat spem eorum. Per illos quos ex fide sola probavit habere Spiritum, quia nunquam legem habuerant. Vult modo probare de se quod, cum utrumque habuerit, legem et fidem; per fidem tamen Spiritum accepit, non per legem. Quod nisi probaret, dubietatem relinqueret.

U. de sic ait: Quandoquidem vos ex fide Spiritum accepistis, et non ex lege, ergo Paulus qui tribuit vobis Spiritum, id est per manus cujus accepistis Spiritum sanctum, et qui operatur virtutes et miracula in vobis, dicite modo an ex operibus legis habuit Spiritum, an ex auditu fidei? Ex vobis per simile judicare potestis, quia ex fide non ex lege, licet utrumque habuerit. Ex fide habetur Spiritus. Ex fide habetur justitia, et ex fide promissio. Littera sic jungitur: Ex fide sic habetur Spiritus, sicut ex eadem fide habetur justitia. Justitia utique ex fide. Nam Abraham credidit Deo, id est fidem habuit, et

hoc credere, *reputatum est ei sufficiens ad habendam A* *justitiam*. Et quia Abraham per fidem habuit justitiam, ergo cognoscite quia, *quicumque sunt ex fide*, et non ex lege (sicut nec Abraham tunc erat) *ii per fidem sunt filii Abraham*, id est. justii, quia imitatores fidei sunt Abraham. Non solum per fidem habetur Spiritus et justitia, sed etiam in fide habetur benedictio, sicut ibi legitur. O Abraham *in te*, id est in similitudine fidei tuæ, *benedicentur* non solum Judæi, sed etiam *omnes gentes*. Sed antequam ponat hanc auctoritatem, prædicit quomodo intelligendum sit illud, *in te*, dicens: *Scriptura* in Genesi *providens*, id est ostendens Deum providisse; sic enim ab æterno Deus deliberavit, providens, inquam, hoc *quia*, id est *quod Deus justificat* non solum filios carnis Abraham, sed etiam *gentes*, justificat, dico, non ex lege, sed *ex fide*. Illa Scriptura longe ante tempus gratiæ prænuntiavit, id est ostendit Deum prænuntiasse Abraham, quia in te per imitatum fidem benedicentur omnes gentes (Gen. xii, 3).

Notandum est quod, cum debeat probare de benedictione, ait: *Justificat ex fide*, intelligens quod ubi præcedit justitia, ibi ex necessitate sequitur benedictio. Quod hic vocat benedictionem, idem intelligit promissionem, testamentum, hæreditatem. Præterea videndum est quod non incongruo ordine ex fide prius habetur Spiritus, dehinc justitia. Ad ultimum benedictio. Post fidem enim statim datur Spiritus, sine quo nemo potest bene operari. Dehinc per adjuvantem Spiritum, sequuntur opera justitiæ. Post justitiam sequitur benedictio, **214** id est justorum operum retributio. Et quia Scriptura sic ait per fidem mediante, justitia benedictionem consequi, *igitur ii qui sunt ex fide*, id est qui esse suum collocant in fide, quod utique David et multi alii cum essent sub lege, subsistere tamen habebant ex fide. *ii utique qui sunt ex fide benedicentur cum Abraham*, non circumciso, sed *fideli*, id est non per legem, sed per fidem. Nec hoc prætereundum est quod Abraham ex fide justificatus sit priusquam circumciscus fuerit. Vere ex fide solum habetur benedictio; nam ex lege non habetur, sed potius maledictio. *Quicumque enim sunt*, id est subsistere se credunt *ex operibus legis*, *ii sunt sub maledicto*. Et hoc probat: Vere sunt sub maledicto; nam ita scriptum est in Deuteronomio, id est in abbreviacione legis, quando Moyses datam legem breviter recapitulavit, et omnibus præceptis collectis postea ait: *Omnis ille qui non permanserit in omnibus quæ scripta sunt in libro legis hujus* (non dico permanserit voluntate: sed ita ut faciat omnia ea) *maledictus sit* (Deut. xxvii, 26). Et hoc dicens Moyses idem erat ac si diceret: Hanc legem non trado vobis, ad habendam in ea justificationem; sed ad deprimendam duritiam vestram. Et scitote fugiendum vobis esse ad gratiam, ut maledictum legis evacuet gratia Christi. Ipse etiam Petrus dicit tantum esse

onus legis, quantum nec ipsi patres eorum portare potuerunt.

Probavit modo, per Abraham et Moysen, justitiam haberi ex fide, et benedictionem (Act. xv, 11), hoc utrumque esse ex fide iterum probat per Habacuc. Et considerandum est quomodo fidem semper præferat legi, et per Abraham qui fuit ante legem, et per Moysen ejusdem legis datorem, et per Habacuc, sub ipsa lege viventem. Ex fide habetur justificatio. *Quia autem in lege nemo justificatur* (non dico apud existimationem hominum) *sed apud Deum, manifestum est in Habacuc, quia ait quod ex fide fit homo justus*, et qui justus est, *vivit*, id est promissam benedictionem apprehendit, et si ex fide sola justus vivit, tunc non ex lege. Opponeret ille: Verum quidem, quod per fidem oportet justificari hominem; sed tamen lex adjuvat fidem, et quodammodo necessaria est fidei. Quod ita infert. Ex fide *vixit justus*, non ex lege. *Lex autem non est*, id est non pendet *ex fide*, nec ullum adjumentum est fidei. Sed vultis scire quid melius faciat? Hoc, scilicet, *qui fecerit ea, quæ lex præcipit, vivet in illis*, id est quod habet dimittitur ei; sed nihil merito legis augmentabitur ei. Quia dixerat superius: *Maledictus omnis qui non fecerit præcepta legis*, diceret ille: Quandoquidem Moyses sic ait: *Licet simus in fide, necesse tamen est ut faciamus legem, ne maledictum Moysi incurramus*. Contra hoc Paulus: *Licet Moyses maledixerit omni non facienti legem, non tamen ideo adhæreatis legi; Christus enim redemit nos de illo maledicto legis*. Quod et Moyses cum malediceret, intellexit. Redemit nos Christus *factus pro nobis redimendis*, non solum maledictus, sed etiam *maledictum*. Si quis enim crucifigentium Christum voluit maledicere alicui, maledicebat, dicens: Sic tibi contingat, quomodo illi crucifixo. Vere pro nobis factus est maledictus, *quia scriptum est in Deuteronomio*: « Omnis qui pendet in ligno sit maledictus (Deut. xxi, 25). » Christus autem in ligno pendens, non utique ex culpa proprii criminis, sed in eo solo maledictus, quod poenam maledicti sustinuit. Moyses enim præceperat, ut si quis reus damnaretur, in ipsa damnatione ipsi malediceretur. Vel ita omnis qui pendet in ligno sit maledictus. Deus enim primo homine creato, benedixit ei, si in obedientia persistisset; sed quia peccavit, maledixit ei; Quod maledicere nihil aliud fuit nisi spoliare eum de concessa impassibilitate et immortalitate. Christus vero, carnem veteris Adæ assumens, fuit maledictus, quia passibilis et mortalis. Quod in eo palam fuit, dum in ligno pependit; pati enim non posset, si impassibilis esset. Objiceret ille gentilis: Et si Christus solvit maledictum legis, nobis non habentibus legem nihil profuit. Contra hoc Paulus: *Christus redemit nos, ut sicut in Judæis, sic in gentibus 215 fieret benedictio*, id est repromissio *Abraham habenda in Christo Jesu*, non per legem. Fieret dico promissio, ita ut accipiamus *pollicitationem*, id est rem frequenter pollicitam.

Pollicitationem dico Spiritus, id est factam nobis per Spiritum; vel Spiritus, quia jam Spiritum sanctum per quem jam partim deificamur arrham habendæ beatitudinis accepimus. Accipiamus dico, non per legem, sed per fidem. Quod modo probavit per auctoritatem legis et prophetæ, scilicet per fidem accipere benedictionem, idem probat per legem humanæ consuetudinis, dicens: Quia sicut testamentum cujuslibet hominis legaliter factum destrui non potest, ita lex testamentum Dei irritum facere non potest. Quod si obijciunt legem esse antiquiorem hoc testamento, et vetus non debere destrui per novum, nihil dicunt, cum hæc promissio facta sit Abrahæ longe apte legem. Littera sic jungitur: Quod per auctoritates modo probavi, idem fratres nunc dico secundum hominem, id est per humanas consuetudines affirmo sic: Testamentum hominis, licet sit cujuslibet vilis hominis, tamen testamentum hoc confirmatum, id est legaliter factum, ut sint ibi testes: Moriturus testator, etc. Hoc testamentum nemo spernit, ut inpletum deserat. Aut nemo super hoc, aliud testamentum ordinat. Et sicut testamentum hominis nemo destruit, ita lex testamentum Dei non facit irritum. Antequam hoc ponat, præmittit quod vere testamentum Dei factum sit, et postea quod testamentum antiquius lege fuerit. Testamentum hominis nemo spernit, testamentum autem a Deo factum est, quia Abrahæ dictæ sunt promissiones. Non dicit quod de diversis fuerint promissiones, sed idem multis repetitionibus et diversis temporibus est pollicitum. Abrahæ dictæ sunt promissiones, et per Abraham dictæ sunt semini ejus, id est Christo. Sicut quando promittitur patri fecunditas filiorum, augmentum hæreditatis, licet filius ejus nondum sit, tamen in patre promissio fit filio. Promissio facta est semini, hoc dicit, et non dicit, facta est seminibus. Vel ita: Semini dicit, non dicit, in seminibus quasi in multis debeant hæreditare gentes, sed quasi in uno, id est semine tuo hæreditabunt gentes; qui semen est Christus. Bona est relatio, qua proprium sequitur. Hic ostendit testamentum Dei factum esse ad Abraham, nunc ostendit testamentum esse antiquius lege. Dico promissiones factas Abrahæ, de eodem autem dico quod hoc testamentum confirmatum est a Deo, juravit enim Deus illud se impleturum. Hoc, inquam, testamentum lex non facit irritum; quæ post quadringentos et triginta annos facta est. Si enim testamentum cujuslibet hominis non fit irritum, quanto magis testamentum Dei, quod cum juramento pollicitus fuit, et Abrahæ tanto viro, et tanta antiquitate temporis irritum non erit! Lex non facit irritum ad evacuandam promissionem, id est ut evacuetur promissio.

Quod ait lex non facit irritum, sic debemus intelligere facit irritum, ut ipsa lex justificet, benedictionem tribuat, sicut per fidem fieri promissum est Abrahæ. Vere evacuetur promissio, si testamentum sit irritum per legem. Nam si hæreditas habetur ex

PATROL. CLIII.

A lege, quod tamen esse nequit, si ex lege; jam non habetur ex repromissione. Quia si non ex repromissione, falsus est Deus qui promisit. Quod si ita est, ergo nec ullo modo habetur. Sed verus est Deus qui promisit. Ergo ex repromissione ejus et non ex lege. Si ex lege, non ex repromissione; sed ex repromissione habetur. Vere ex repromissione, quia Abrahæ donavit Deus hæreditatem per repromissionem. Ergo non per legem. Et quia probo per legem, nec justitiam, nec haberi benedictionem. Igitur oppones mihi quid profuit lex? Frustra videtur esse data, cum neque justificet neque salvet. Verum quidem ait Paulus, quod neque justificat, neque salvat, nec tamen ideo inutilis, quia posita est propter transgressiones multiplicandas, addidit enim peccatum prævaricationis quod non erat. Et necessæ erat ut abundarent transgressiones. « Ubi enim abundavit delictum, superabundavit gratia (Rom. v, 20). » Vel ita: Posita est lex propter vitandas transgressiones; lex enim puniens reum, timere facit peccatum. Iterum ille: Si propter transgressiones; ergo lex utilis tenenda. Minime ait Paulus, quia lex ad tempus posita est, donec veniret semen, id est Christus, de quo ait: In semine tuo, etc., cui semini promiserat, id est promissio facta fuerat. Lex dico ordinata, id est non permansura; sed secundum ordinem suum in tempore disposita. Prius enim lex naturalis; dehinc ista lex scripta. Ad ultimum gratia, ordinata, dico, per angelos, id est per Moysen et Aaron, qui fuerunt nuntii Dei ad populum; vel, per cælestes angelos, quorum ministerio tradita fuit lex Moysi. Iterum ille: Quod per angelos factum est, destruere malum est. Contra hoc Paulus: Ita dico per angelos ordinata ut esset in manu, id est in potestate Mediatoris Christi. Angeli enim quicumque fuissent, hoc voluerunt, ut, veniente fide, evacuetur lex. Et quia modo dixerat mediatoris; qui enim medius est duas extremitates conjungens, videtur diversus esse ab iis quæ conjungit, ne putaretur Christus, dum mediator esset inter Deum et hominem, vel non esse Deus, sed aliud a Deo, qui conjungebat hominem. Vel si Deus esset, putarentur duo, unus qui conjungeret medius duo extrema; alter Deus, cui conjungeretur homo.

Et ad removendum hoc subdit: Dico mediatoris; Mediator autem concedo quod non est unius rei tantum mediator, sed duarum extremitatum, quia propter unum non diceretur medius. Et, licet non sit unius mediator, sed duorum, tamen propterea non sequitur quod sint duo dii, sed unus tantum est Deus. Vel aliter: Lex est posita in manu mediatoris; hic autem mediator non est unius, id est Judaici populi tantum; sed est unus, id est æque gentilis sicut judæi. Hoc inde constat, quia est Deus tam bene gentilis sicut Judæi. Infert a superiori: quia testamentum hominis nemo spernit, aut superordinat. Testamentum autem ante legem factum est. Ergo lex non destruit promissa Dei. Sed hoc sub interro-

gatione sic ponit : An fatendum est quod *lex sit adversus promissa Dei*, ut per legem habeatur quod per fidem promittitur? *Absit hoc ut lex sic advesetur promissis Dei*, ut efficiat benedictionem, quæ per fidem promittitur! Vere lex non est adversus promissa Dei, ut possit benedictionem dare. *Nam si lex data esset quæ possit vivificare*, id est promissam benedictionem dare, tunc *vere justitia esset ex lege*, nisi enim justitia præcesserit, benedictio nequit apprehendi; sed ex lege non est justitia. *Scriptura enim conclusit*, id est ostendit conclusa. Vel *Scriptura*, id est eadem lex, et, per additum, peccatum quasi violenter conclusit, et conclusa esse ostendit *omnia sub peccato*. Ideo omnia conclusa sunt sub peccato, ut sic conclusi crederent, et illis tandem credentibus, *daretur promissio*, id est promissa benedictio, non ex lege, sed *ex fide Jesu Christi*; posset enim putari quod, licet crederent, non tamen merito fidei acciperent benedictionem.

Nota : ideo conclusit omnia sub peccato, ut crederent; nisi enim homines ita ligarentur sub vinculo peccati, quod nec viribus suis respirare possent, nunquam ad misericordiam quæ in fide constat, confugerent. Sed quamvis lex vivificare non possit, tamen opportuna fuit; quia, *priusquam veniret fides*, nos Judæi positi *sub lege custodiebamur*, id est sub custodia legis nutriebamur ad venturam gratiam. Sub lege dico *nutri*, id est constricti in carcere velut servi. Minabatur enim pœnam, non promittebat requiem. Custodiebamur dico, ex hac custodia transituri *in eam fidem quæ tunc figuris legis velata, erat revelanda per Christum*. Et quia sub lege custodiebamur in fidem, *itaque lex fuit pædagogus noster*, nutriens nos ponendos *in Christo*, ideo in Christo, ut nos Judæi *justificemur ex fide Christi*, non ex lege. Pædagogus dicitur nutritor pueri, qui semper sequitur pedes ejus. Similiter lex pædagogus noster fuit, nutriens pueritiam et simplicitatem nostram, sicut solet puer nutriri verberibus et minis. Nos pueri eramus sub pædagogo. *At ubi*, id est postquam, **217** *venit fides*, id est maturitas morum, et jam adulti sumus; nos Judæi, *jam non sumus sub pædagogo*, id est sub lege. Ideo nos Judæi amplius non sumus sub lege, *quia vos omnes, Galatæ, gentiles estis filii Dei per fidem*, habitam in Christo Jesu non minus quam nos. Et si vobis nihil minus est apud Deum per fidem quam nobis, frustra teneremus legem, quæ per nos probatur nihil conferre nobis. Quia si nos Judæi legem, quia inutilem dimittimus, utique vos qui non habuistis, insania esset apprehendere.

Bene dico vos filios Dei in Christo Jesu. *Quicumque enim baptizati estis in Christo*, id est in institutione Christi Jesu, *induistis Christum*. Induere dicit. Homo enim per peccatum nudus et penuriam patitur et ignominiam; sed in baptismo veniens ad Christum induit eum, et ad tegendam nuditatem suam et ad gloriam. Bene dico *quicumque non est enim Judæus*

neque Græcus, non est servus neque liber; non est masculus neque femina, id est non natio, non conditio, non sexus differens est in fide Christi. *Omnes enim vos unum corpus estis per fidem in Christo Jesu. Si autem vos estis Christi, cum Christus sit Abrahamæ supra enim dictum est et semini tuo qui est Christus, ergo per Christum vos, gentiles, estis semen Abrahamæ. Et si semen, ergo hæredes benedictionis ejus, non per legem, sed secundum p̄missionem. In eodem quod superius probavit adhuc immoratur; sicut enim probavit non amplius revertendum esse ad legem, quia pædagogus fuit: fide autem perfectis, pædagogo non est opus; idem adhuc aliis rationibus probat, scilicet Judæos non amplius debere operari sub lege, propterea quia lex loco tutoris et actoris fuit: quo tutore et actore non indiget maturitas fidei. Et hoc probat per similitudinem pupilli quem pater moriens sub tutore et actore esse disponit, donec maturitas ætatis faciat eum dignum libertate. Tutor pueri dicitur, qui contra impugnantem tuetur eum, ne exhæredari possit. Actor pueri dicitur, vel idem, vel alius; sed pro diversa causa, scilicet quia agit et dispensat bona pupilli, solvit census, respondet pro eo in causis. Lex similiter tutor et actor dicitur. Homines enim parum habentes divinæ cognitionis, et in eodem satis miseri et pupilli, indigebant prius lege quæ constringeret eos ut servos, ut, sub hæc distinctione nutriti, migrarent ad perfectionem fidei; et tunc lex erat eis tutor per præcepta quæ dabat, dicens: Ne facias hoc et illud. Quod si feceris, morte morieris. Sic per data præcepta tutabatur eos lex, et defendebat contra irruentia vitia, a quibus timore cessabant, nondum dilectione. Lex etiam erat ejusdem populi actor, per sacrificia quibus agebatur apud Deum ut expiarentur a peccatis. Littera sic jungitur. Non solum per id quod præmissum est, scilicet quia lex pædagogus fuit probo non ultra manendum esse sub lege, sed etiam per hoc quod lex loco tutoris et actoris fuit. Quibus quia ultra non indigemus, legem tenere injustum est. Vel aliter jungitur, ut sit adversa sententia, ita: Quia unum sumus in Christo et per fidem semen Abrahamæ sumus, verum quidem est quia propter hæc non jam debemus tenere legem; sed tamen necessaria fuit, dum tutore et actore adhuc pupilli indigebamus. Et secundum hanc continuationem causa quæ prius non erat reddita modo supplebitur.*

CAPUT IV.

« Dico autem : Quanto tempore hæres parvulus
 « est, nihil differt a servo, cum sit dominus omnium;
 « sed sub tutoribus et actoribus est usque ad præ-
 « finitum tempus a patre. Ita et nos cum essemus
 « parvuli, sub elementis mundi eramus servientes.
 « At ubi venit plenitudo temporis, misit Deus Fi-
 « lium suum factum ex muliere, factum sub lege,
 « ut eos qui sub lege erant redimeret, ut adoptionem
 « filiorum reciperemus. Quoniam autem estis Filii
 « Dei, misit Deus Spiritum Filii sui in corda vestra
 « [nostra] clamantem : Abba, Pater. **218** Itaque

• **jam** non est servus, sed filius. Quia si filius, et
 • **hæres** per Deum. Sed tunc quidem ignorantes
 • **Deum**, his qui natura non sunt dii serviebatis.
 • **Nunc** autem cum cognoveritis Deum (imo cogniti
 • **estis** [sitis] a Deo), quomodo convertimini iterum
 • **ad infirma** et **ægena** elementa, quibus denuo ser-
 • **vire** vultis? Dies observatis, et menses, et tem-
 • **pora** et annos. Timeo [vos] ne forte sine causa
 • **laboraverim** in vobis. Estote sicut ego, quia et
 • **ego** sicut vos, fratres, obsecro vos, nihil me læ-
 • **sistis**. Scitis autem quia per infirmitatem carnis
 • **evangelizavi** vobis jampridem et tentationem ve-
 • **stram** in carne mea non sprevisistis, neque respui-
 • **stis**; sed sicut angelum Dei accepistis me, sicut
 • **Christum** Jesum. Ubi est ergo beatitudo vestra?
 • **Testimonium** enim perhibeo vobis, quia si fieri
 • **potuisset** [posset], oculos vestros eruissetis et
 • **dedissetis** mihi. Ergo inimicus vobis factus sum,
 • **verum** dicens vobis? **Æmulantur** vos non bene,
 • **sed** excludere vos volunt, ut illos æmulemini.
 • **Bonum** autem æmulamini in bono semper, et non
 • **tantum** cum præsens sum apud vos. Filioli mei,
 • **quos** iterum parturio, donec formetur Christus in
 • **vobis**. Vellem autem esse apud vos modo, et mu-
 • **tare** vocem meam, quoniam confundor in vobis.
 • **Dicite** mihi, qui sub lege vultis esse, legem non
 • **legistis**? Scriptum est enim quoniam Abraham
 • **duos** filios habuit, unum de ancilla (*Gen. xvi, 15*),
 • **et** unum de libera (*Gen. xxi, 2*). Sed qui de an-
 • **cilla** secundum carnem natus est: qui autem de
 • **libera**, per repromissionem; quæ sunt per allego-
 • **riam** dicta. Hæc enim sunt duo testamenta. Unum
 • **quidem** in monte Sina, in servitutem generans,
 • **quæ** est Agar. Sina enim mons est in Arabia:
 • **qui** conjunctus est ei, quæ nunc est Hierusalem,
 • **et** servit cum filiis suis. Illa autem quæ sursum
 • **est** Hierusalem, libera est, quæ est mater nostra.
 • **Scriptum** est enim: **«Lætare** sterilis quæ non
 • **paris**. Erumpe et clama, quæ non parturis: quia
 • **multi** filii desertæ, magis quam ejus, quæ habet
 • **virum** (*Isa. liv, 1*). » Nos autem, fratres, secun-
 • **dum** Isaac promissionis filii sumus. Sed quomodo
 • **tunc** is qui secundum carnem natus fuerat, per-
 • **sequebatur** eum qui secundum spiritum, ita et
 • **nunc**. Sed quid dicit Scriptura? **Ejice** ancillam et
 • **filium** ejus. Non enim hæres erit filius ancillæ, cum
 • **filio** liberæ. Itaque, fratres, non sumus ancillæ filii,
 • **sed** liberæ, qua libertate Christus nos liberavit. »

EXPOSITIO.

Dixerat quidem non amplius opus esse pædagogo,
 sed causam non posuerat quare. Quam hic subdit,
 dicens: Licet vos modo unum in Christo pædagogo
 non egeatis, tamen dico quod vos jam indignistis,
 sicut videtis quod, *quantocumque tempore* secundum
 dispositionem patris *parvulus est*, hic qui est hæres
 futurus quanto tempore, sive xx, sive xv, parvulus
 est. Licet sit destinatus hæres, tamen *nihil differt a*
servo, quia sæpe constringitur, et verberatur a tutore
 suo: *Cum*, id est quamvis, *futurus sit dominus*

A *omnium*, nihil differt, sed pupillus ille est sub *tutori-*
bus, qui tuentur hæreditatem ejus, ne violenter au-
 feratur, et sub *actoribus* qui causas pro eo agunt,
 et de hæreditate ejus disponunt. Est utique sub illis
usque ad tempus quod *præfinitum* est a patre suo,
 id est, quando pater suus constituit eum esse alieni
 juris. Consuetudo enim erat usque ad **xxii** annos
 puerum esse sub patrono, ne dissiparet illicite sub-
 stantiam suam. Quia Paulus non adaptat omnem
 similitudinem, bonum est ut adaptemus singula.
Quanto tempore (hoc enim fuit a primo homine
 usque ad Christum) hic qui est futurus hæres, sci-
 licet Judaicus populus: cui erat repromissa salus,
 quando hic hæres est parvulus omni tempore usque
 ad Christum, in cognitione Dei parvulus fuit, et
B cum parvulus est, nihil differt populus ille a servo.
 Si enim præcepta sibi faceret, vitabat poenam; sin
 autem, torquebatur ut servus asperrime; nihil in-
 terim differt a servo, licet sit futurus dominus
 omnium bonorum hæreditatis; sic populus ille pres-
 sus servitute legis, si de lege transiret ad fidem,
 constituendus erat dominus celestis hæreditatis.
Parvulus nihil differt a servo, sed est sub tutoribus et
actoribus, id est sub lege quæ tutatur eum per præ-
 cepta: et agit pro eo per sacrificia. Est utique sub
 illis usque ad tempus quod **219** *præfinitum* a Deo
 Patre in quo tempore de servitute legis transferretur
 ad libertatem fidei. Et quemadmodum parvulus
 hæres *sub tutoribus et actoribus est, ita et nos cum*
essemus parvuli in cognitione Dei, *eramus* non liberi,
C *sed servientes sub elementis*, id est sub legalibus.
 Quia sicut puer per elementa alphabeti transit ad
 cognitionem litterarum, sic per legem transeundum
 erat ad cognitionem Dei, in fide habendam. Ele-
 mentum dicitur vel quasi elevamentum; per hoc
 enim ad scientiam quis elevatur. Vel quasi elimen-
 tum, ab *elimo*, *climas*, etc. Vel quasi hylementum;
 hyle enim *materia*. *Eramus sub elementis mundi*, id
 est, quæ lex et mundana promittebat, et carnalia
 docebat.

Prius sic parvuli eramus. *At ubi*, id est postquam,
venit plenitudo temporis, sive tempus plenitudinis:
 plenitudo ideo, quia quæcumque expectata fuerant
 in anteactis sæculis, tunc fuere completa; tunc
D enim perfecta justificatio, quæ antea non fuerat;
 tunc præsens et plena salvatio, quam ante diem
 illum expectabat Abraham cum cæteris sauctis. Vel
 aliter: *Postquam venit plenitudo*, id est finis et con-
 summatio temporis, quod constituerat primum præ-
 terire Deus, tunc *misit Deus Filium suum*. Cum Fi-
 lius Dei ubique totus et præsens esset, hoc mittere
 nihil aliud fuit, quam quod eum qui invisibilis erat,
 in forma servi visibilem exhibuit. Filium dico, quem
 adeo humiliavit, ut *factum ex muliere*, id est ut eum
 qui infactus et sempiternus erat, facturam novam
 ex muliere vellet suscipere. *Factum etiam sub lege*,
 quia sub lege vixit, et legem implevit, dum hostia
 pro illo data fuit. Ideo sub lege, *ut pretio sanguinis*
dato redimeret eos qui erant sub lege. Nisi enim sub

lege fieret, legemque teneret, a lege liberare, et legem destruere non posset, sicut oportuit ut mortem gustando, mortem destrueret. *Ut redimeret, et ut redempti reciperemus adoptionem filiorum*, id est essemus filii suscipientes adoptionem, id est hereditatem æternam, quam nobis gratia Dei adoptavit. Ubi ait *factum ex muliere*, quæritur, cum ubique Deus totus esset, quomodo magis fuerit in utero Virginis. Cujus rei ponunt sancti similitudinem hujusmodi, quod, sicut anima, dum est in corpore, corpus ipsum sensificat, regit et vivere facit; segregata a corpore, alibi quidem tota similiter est, nec tamen ibidem officium facit: ita divinitas, licet alibi tota sit, ut in utero Virginis, non tamen sequitur quod idem operetur alibi quod in utero Virginis. Superius notasse debuimus quod, quemadmodum parvulus ille, si prius quam veniat ad maturos annos moritur, hereditatem amittit; sic qui de lege ad maturitatem fidei transire noluerit, expers fit hereditatis.

Dicerent Galatæ: Vos quidem, Judæi, recipietis adoptionem filiorum: sed quid proderit nobis? Ad hoc Paulus: Non solum nos sumus filii, sed quod vos gentiles similiter estis filii. Probat hoc quod *Deus misit Spiritum Filii sui*, id est eundem quem Filius habuit, vel quem Filius dedit. Misit, dico in corda nostra, id est clamare nos facientem: *Abba, Judæos; Pater, gentiles*. Et quandoquidem utrique filii sumus et clamamus. *Itaque jam non est aliquis servus, sed filius. Quia si Filius, erit etiam hæres beatæ hereditatis*. Et quod ita futurum sit, testor vobis per Deum. Vel ita: *Hæres erit per Deum*, id est per misericordiam Dei, non per legem. Nunc reducit eis ad memoriam priorem statum, quem habuerunt in cultura idolorum, probans pro nihilo idola dimisisse, si legem accipiunt. Lex enim jam est idololatria ex quo venit gratia. Quia qui legem putat esse ad justificandum necessariam, derogando Deo, quod Dei est, legi attribuit, quemadmodum idololatræ attribuebant quod Dei erat, idolo. Nunc etiam si legem accipiunt, deterius erit quam prius; tunc enim per ignorantiam, nunc vero scientes et prudentes manum mittent in ignem. Littera sic jungitur: Nunc estis filii, sed tunc quidem ante conversionem serviebatis his qui non erant dii. Et si per opinionem, **220** non tamen per naturam. Tunc sic serviebatis, sed nunc, *cum cognoveritis Deum*, contra hoc quod ait *ignorantes*; et dicens *cum cognoveritis Paulum dixisse eos et corripi*, imo cum vos *cogniti*, id est approbati estis a Deo, quomodo, id est qua ratione *convertimini iterum*, quia olim in eodem eratis, *ad elementa*, id est ad illa legalia *infrma*, id est etiam tempore suo impotentia justificare quemlibet; et etiam in illa infirmitate *egena*, id est alieno auxilio egentia. Hoc enim tantulum quod faciebat [iebat] nisi per auxilium futuræ fidei non poterat, *quibus elementis modo servire vultis et denuo*. Lex enim amodo vobis erit

idem, quod idolum fuit olim. Vere convertimini ad legem; *nam vos jam observatis dies*, id est Sabbata; *observatis etiam menses*, id est innovationes lunæ; *et tempora*, id est jejunia Hebræorum, in temporibus statuta; *observatis etiam annos*, id est septimum annum, et jubilæum more Hebræorum.

Et quia sic agitis, *timeo vos*, id est nihil adeo in vobis timeo sicuti vos. Timeo, inquam, *ne forte* (quod cito contingere potest) *laboraverim in vobis sine causa*, id est sine fructu utilitatis. Sed ne ve frustra laborasse contingat, *estote sicut ego*, non curantes legalia, *quia et ego* fui olim legalis *sicut vos* esse vultis, et deserui. Modo videte, quam insipienter hoc velitis. Vel ita: *Estote sicut ego*, quia ego sum sicut vos, gentiliter vivens. Imponebatur Paulo ab illis pseudo, quod odio haberet Galatas, et ideo non aperuisset illis omnem veritatem. De quo modo excusat se, et laudat eos de priori conversatione, in qua se multum benignos exhibuere Paulo. Ideo etiam sic blanditur, quia post pauca verba asperius est eos aggressurus. Littera sic jungitur: *Estote sicut ego, et obsecro vos* ut sitis *fratres mei*, piam affectionem habentes erga me; *nihil enim læsistis me* in aliquo. Quare ego odians vos debuerim subcuisse veritatem. Nihil me læsistis; sed scio (et vos bene scitis) *quia evangelizavi vobis per infirmitatem carnis*; non tamen spiritus, quia si infirmabar et contemptibilis eram secundum carnem, in virtute Spiritus per miracula fortis apparebam. Prædicavi per infirmitatem: nec paucio tempore, sed jam pridie, quod tædio vobis esse posset mea infirmitas. Et cum tanta me premeret infirmitas, *vos tamen non sprevestis* cum prædicabam, neque respuistis, cum primum ad prædicandum veneram, *tentationem restram factam in carne mea*. In infirmitate enim mea tentabat vos Deus, quasi diceret: Si infirmitatem Pauli abjiciunt, rei sunt. Si benigne suscipiunt, dii sunt. Respuere plus est quam spernere, sicut penitus abjicere magis est quam patiando contemnere. Non me sprevestis, *sed excepistis me sicut angelum Dei, et sicut Christum Jesum*. Et cum per hoc appareat nullam odii, sed multam esse causam dilectionis, male sentit qui suspicatur inimicari vobis. Et quia in exceptione mei adeo benigni fuistis, *ergo ubi est beatitudo vestra*, qua sic prius Evangelio obedistis? Et vere beatitudo, *quia ipse testimonium perhibeo vobis, quod si fieri posset eruissetis oculos vestros, et dedissetis mihi*. Posse fieri intelligit quod opportunum est fieri.

Et quia tanta vi dilectionis mihi devincti eratis, *ergo* nec credendum est quod ego *factus sum inimicus vobis*. Quod ideo putatis quia sum *dicens verum vobis*. Si veritatem reticerem, et vos blandimentis palparem, sic me judicaretis amicum. Ego non sum inimicus vobis; sed illi *æmulantur*, id est diligunt vos non bene; sed ideo quia *volunt vos a fide Christi excludere*, ita ut, postquam vos plenius in errorem suum duxerint, vos *æmulemini illos*, et exigant a vobis imperiose quod voluerint. Sed nolite æmulari

illos; sed *æmulamini* et me et quemlibet *bonum*; A nec aliquando in malo, si forte suadeam, sed *semper in bono*; et non tantum cum *præsens sum apud vos æmulamini* me, sed etiam cum absens fuero. Idem quod superius probavit, scilicet legem nos esse tenendam, adhuc probat per verba ipsius ejusdem legis. Sicut enim postea ostendit veniente **221** libertate fidei repudianda est servitus legis. Littera sic jungitur: *Æmulamini* me, et quemlibet *bonum*. Illos vero ne *æmulemini*; quod si eos *æmulari* vultis, *o filii mei*, dicite mihi. Illuc usque pendet constructio: Eos qui prius erant filii secundum integritatem fidei, diminutive filiolos appellat, quia volentes adhærere perversis, plurimum diminuti erant in bono filiationis. *Filii mei*, quos *ego parturio*, id est de quorum instructione, maximo B conatu laboro. Parturire enim dicitur labor ille, quem in emissionem pueri mater patitur, priusquam puer extra mittatur. *Quos parturio iterum*; olim enim cum infideles eratis, multum laborem habui in vobis. Parturio et laboro in vobis, donec in Christo reformemini in fide cujus reformati estis, quia illis pseudo saltem consensistis. Nec ait *donec* reformemini, sed *donec Christus formetur in vobis*. Christus enim deformatus est, et formam suam perdidit in vobis seductis. Vel, deformatus est in vobis, id est in similitudine vestri. Audientes enim alii quomodo fidei Christi detrahitis, dicunt exemplo vestro insufficientem esse ad salutem fidem Christi.

Ut magis eos deterreret, aggravavit dictum dum ait *donec formetur Christus*, quem, quasi diceret, deformatistis. Filiolos vos appello; sed, licet *absens*, dicam filiolos. Tamen modo *vellem esse præsens apud vos, et sic mutare vocem meam*, quia si modo vos appello filiolos, præsens dicerem vos alienos detrahentes Deo, et multa alia opprobria. Quæ Paulus licet diceret, si præsens esset, noluit tamen in Epistola scribere, sciens Epistolam permansuram, et de correctione eorum confidens, quorum improprium durare noluit; et merito, cum essent corrigendi. Si apud vos essem, mutarem vocem, ideo *quoniam nunc confundor*, id est verecundor *in vobis*. Laudaveram enim fidem vestram apud alias Ecclesias, quæ, audientes corruptionem vestræ fidei, æstimant me reum mendacii, et super hoc erubescio. Vos filii mei, *dicite mihi*. Vel, si placet, non oportet illuc usque protendere sic continuando: *Æmulamini* me, quod utique debetis, quia vos estis filii mei quos iterum parturio, etc. Sententia verborum non mutatur. Et quia *confundor in vobis* seductis, modo dicite et respondete mihi: *Vos qui sub lege vultis esse, non legistis vos legem?* Complexionem facit illis utrinque; ferientem, quia si legem non legerunt, stultum est transire ad illud quod nesciunt. Si autem legerunt, cum eadem lex veniente fide prohibeat se teneri, plurimum desipiunt qui eam tenere volunt. Alterum tamen membrum complexionis exsequitur, hoc est, si legem legerunt.

Dicerent illi: Quid inde si legem legimus? Ideo

quæro an legistis quoniam ipsa lex se non esse tenendam aperte innuit. *Scriptum est enim in lege* quoniam *Abraham habuit duos filios*. Multos quidem filios habuit Abraham, sed de his duobus conveniens figura fuit ad fidem et legem. Hæc autem verba non eadem inveniuntur in Genesi; sed æque valentia. De quibus duobus Moyses totum ad finem usque descripsit, quod non fecit de cæteris. Quia Paulus non secundum singula allegoriam sequitur, bonum est ut eisdem verbis eam aperiamus. Abraham qui interpretatur *pater multarum gentium*, habens duos filios, id est duos populos, significat Deum habentem duos filios, Gentilem scilicet et Judæum. Non tamen quod singuli eorum sint filii Dei, nisi qui in utroque populo, digni fuerint inventi. *Duos filios habuit Abraham, unum de ancilla*, id est Ismael de Agar, *et unum de Libera*, id est Isaac de Sara. Filius de ancilla significat Judaicum populum, filium ancillæ, id est legis, qui bene dicuntur filii ancillæ, qui velut servi serviebant timore pœnæ et amore carnalium in carnalibus. Filius autem liberæ significat populum fidelem, qui in libertate fidei Deo ex dilectione servit, non ex timore nec propter temporalia, sed propter æterna. Et licet uterque esset filius Abrahæ, tamen diverso **222** modo nati. *Qui enim fuit de ancilla*, scilicet Ismael de Agar, hic *natus est secundum carnem*, quia et Agar juvenula erat et fecunda. Similiter legalis populus natus est de ancilla, id est de lege secundum carnem, quia et in carnalibus et amore carnalium serviebat; si peccaret, statim in carne puniri timebat. *Filius autem qui fuit de libera*, scilicet Isaac, de Sara natus est non secundum carnem. Sara enim vetula erat et sterilis, sed *per repromissionem* Dei. Deus enim, sicut pie promiserat, virtute sua nasci facit filium de sterili et decrepita. Similiter populus fidelis, qui fuit de libera, id est natus ex fide, quæ libera est per dilectionem, non sicut ex ancilla per timorem. Hic populus natus est per repromissionem, quia Deus misericorditer promiserat se per fidem facere salvationem. Ideo erat per repromissionem, quia non servit Deo desiderio carnalium, quæ videt, sed amore spiritualium quæ nemo vidit, sed per solam repromissionem Dei habiturum se confidit.

Quæ omnia, scilicet Abraham habuisse duos filios, hunc de ancilla secundum carnem, hunc de libera per repromissionem, hæc omnia *dicta sunt per allegoriam*, id est per alium intellectum quam sit litteralis hic habendum. Ipse tamen non singulorum allegoriam exsequitur, nisi solum de ancilla et libera. Vere sunt dicta per allegoriam. *Hæc enim*, id est ancilla et libera, *sunt*, id est significant, *duo Testamenta*, Vetus et Novum. *Unum quidem Testamentum*, id est legem *generans filios in servitute*, quia et timore pœnæ et pro carnalibus serviebant. Illud unum dico datum *in monte Sina*; ibi enim lex data fuit in deserto. Sina interpretatur *mandatum*, et per montem altitudinem superbiæ accipimus, ut dicamus *generans in servitute in monte Sina*, id est in superbia mandati. Judæi enim, qui soli legem

hábebant, superbiebant, dicentes se populum Dei, alios non populum, sed canes. Unum Testamentum datum est in monte Siná, quæ est Agar, id est quod Testamentum significat Agar. Relatio bona est per quæ, quia sequitur proprium feminini generis. Agar interpretatur alienatio, ex ipso nomine innuens Vetus Testamentum alienandum esse et destruendum. Idem significavit hoc quod non in terra repromissionis, sed in deserto datum fuit, quod nunquam per opera hujus legis venturi essent in veram terram repromissionis. Vere in servitutem, nam Sina est mons in Arabia. Per hoc enim quod, dum essent in captivitate, accipiebant hanc legem, significabatur quod lex in captivitate data generabat eos in servitutem; nunquam per opera legis venturos in libertatem. Idem allegoricus innuit intellectus. Arabia enim humilitas vel afflictio interpretatur. Unde sic dicimus: Sina mons est in Arabia, id est mandatum, et superbia est in afflictis seu, quod idem est, humiliatis. Per hoc enim quod superbiebant de mandato, et sæpissime velut mali servi affligebantur per legem, apparet quod lex illa generasset eos in servitutem. Sina mons est in Arabia, qui mons conjunctus est, id est assimilatus ei Hierusalem, id est Judaico populo videnti Deum, quia aliæ gentes tunc temporis nesciebant Deum. Hierusalem dico, quæ nunc est, id est quæ in præsentibus videt, et colit Deum non in spiritalibus, et ideo non visura in futuro.

Mons ille conjunctus est, non quod radices ejus porrigantur usque Hierusalem, sed assimilatus Judæis, quia per montem Sina significatur superbia eorum, qua de mandato superbierunt. Per Arabiam significatur afflictio eorum, qua peccantes per legem affligebantur more servorum. Ei, Hierusalem, quæ nunc est, et quæ servit timore pœnæ, non amore. Servit dico cum filiis suis, id est cum proselytis, qui de gentilitate in circumcisionem transeunt. Vel servit tota insimul Synagoga cum filiis suis propriis. Hic illo genere servitutis, hic alio. Hierusalem quæ nunc est servit, sed illa Hierusalem quæ est sursum, id est non carnalia, sed spiritalia appetens, hæc est libera, quia non ex timore, sed servit ex dilectione: **223** nec temporalia quærit, sed æterna. Hæc est Ecclesia fidei, quæ superior Hierusalem est mater nostra. Ecclesia enim nos genuit in libertatem fidei. Vere libera; nam lætatur, erumpit et clamat: Vere mater; nam filii ejus multi. Quod sic ait: Libera est mater nostra. Nam sic de ea scriptum est in Isaia: Lætare tu. Sara sterilis, quæ modo non parit; erumpe et clama, quæ non parturis (Isa. iv, 1), id est quæ nec de pariendo laboras. Ideo lætare, quia magis multi filii tui desertæ Saræ quam sint filii ejus Agar, quæ nunc habet virum. Habebat Agar Abraham cohabitatione, non tamen dilectione. Carebat Sara Abraham cohabitatione, quem tamen habebat dilectione, quia colebat et diligebat eam ut legitimam uxorem. Isaïas, qui post longa sæcula fuit ab Abraham, frustra sic loqueretur de Sara et Agar.

Ad litteram, quare sic intelligendum est? Vere libera est, nam sic ait Isaïas: O tu sterilis Ecclesia! Quia quædam steriles, quæ postea pariunt per gratiam, ut eadem Sara et Elizabeth, ideo addit: Tu sterilis, quæ non paris, lætare animo. Erumpe etiam exteriori gaudio et clama, id est invita alios ad congaudendum tibi. Tu dico quæ non solum non paris, sed nec etiam parturis, id est spe carens in tempore legis de pariendo, non conaris. Prohavit quod sit libera; probat etiam quod sit mater. Littera tamen respondet ad proximum. Ideo lætare, etc., quia filii desertæ, id est Ecclesiæ, quæ in tempore legis cohabitatione a Deo derelicta fuit non dilectione. In tempore etiam legis magis dilexit Deus libertatem fidei quam servitutem legis.

Filii, inquam, desertæ magis multi sunt quam sint filii ejus legis, quæ nunc habet virum. Tunc enim lex multos generabat, sed qui fideles erant, ut Moyses et prophætæ, videntes duritiam eorum, nec saltem cogitabant eos de spiritalibus docere, quos quotidie in carnalibus mandatis videbant transgressores esse. Lex quidem tunc habebat virum, id est Deum cohabitatione, non tamen dilectione. Duæ matres sunt: altera libera, altera ancilla. Sed nos fratres, ego et quicumque fideles, sumus filii, non servitutis, sed promissionis, id est per promissam gratiam Dei, secundum, id est in similitudinem Isaac, qui non lege carnis, sed virtute divini promissi natus fuit. Ostendit nos esse natos in similitudine Isaac, quia eadem signa quorum figura præcessit in illo, videntur hodie in filiis Ecclesiæ. Et tamen adversatur conjunctio litteræ, hoc modo: Licet simus filii promissionis, tamen quomodo tunc in tempore Abraham, hic qui secundum carnem natus fuerat, id est Ismael, persequatur eum qui secundum spiritum natus est, scilicet Isaac. Ismael enim natus major verberabat Isaac adhuc tenerum; quem videbat dominum sibi et hæredem futurum. Ita etiam fit nunc, quod qui carnales sunt persequuntur spiritales et affligunt, et quia sicut Isaac affligebatur ab Ismael, ita et nos spirituales affligimur a carnalibus. Itaque, fratres, per hoc apparet quod non sumus filii ancillæ; fuimus quidem servi olim sub lege, sed jam sumus filii liberæ, id est gratiæ. Sed interserit quædam dicens: Qui secundum carnem sunt, persequuntur nos, sed non est curandum; ipsi enim ejicientur, et nos in hæreditatem introibimus.

Quod sic ait: Quid dicit Scriptura? In eodem Moyse invenitur quia, cum Sara vidisset Agar et puerum ejus superbiebant contra se et Isaac, ait ad Abraham: Ejice ancillam et filium ejus (Gen. xxi, 16). Similiter filii gratiæ dicunt: Domine, ejice ancillam, id est legem, et filium ejus, id est Judaicum populum. Non enim filius ancillæ, id est legis, hæres erit in promissa beatitudine cum filio liberæ, id est fidei, quemadmodum filius Agar ancillæ non fuit hæres cum filio Saræ liberæ. Itaque, fratres, jam non sumus filii ancillæ (sicut expositum est), sed liberæ,

qua libertate, id est per hanc libertatem quam habemus, *Christus* habens eandem liberavit nos per eam.

224 CAPUT V.

« State et nolite iterum jugo servitutis contineri. Ecce ego Paulus dico vobis quoniam, si circumcidamini, *Christus* nihil vobis proderit. Testificor autem rursus omni homini circumcidenti se quoniam debitor est universæ legis faciendæ. Evacuati estis a *Christo*, qui in lege justificamini; a gratia excidistis. Nos enim spiritu ex fide spem justitiæ exspectamus. Nam in *Christo Jesu*, neque circumcisio aliquid valet, neque præputium, sed fides, quæ per charitatem [dilectionem] operatur. Currebatis bene: quis vos fascinavit [impedivit] veritati non obedire? Nemini consenseritis. Persuasio hæc non est ex eo qui vocavit vos. Modicum fermentum totam massam corrumpit (*I Cor.* v, 6). Ego confido in vobis in Domino quod nihil aliud sapietis. Qui autem conturbat vos, portabit iudicium, quicumque est ille. Ego autem, fratres, si circumcisionem adhuc prædico, quid adhuc persecutionem patior? Ergo evacuatum est scandalum crucis. Utinam et abscondantur qui vos conturbant! Vos enim in libertatem vocati estis, fratres, tantum ne libertatem in occasionem detis carnis, sed per charitatem spiritus servite invicem. Omnis enim lex in uno sermone impletur: Diliges proximum tuum sicut teipsum (*Matth.* xxii, 39). Quia si invicem mordetis et comeditis, videte ne ab invicem consumamini. Dico autem in *Christo*. Spiritu ambulat et desideria carnis non perficietis. Caro enim concupiscit adversus spiritum, spiritus autem adversus carnem. Hæc enim sibi invicem adversantur, ut non quæcunque illa faciatis. Quia si spiritu ducemini, non estis sub lege. Manifesta autem sunt opera carnis, quæ sunt fornicatio, immunditia, impudicitia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessiones, et his similia, quæ prædico vobis, sicut prædixi, quoniam qui talia agunt, regnum Dei non consequentur. Fructus autem spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt *Christi*, carnem suam crucifixerunt cum vitis et concupiscentiis (*I Petr.* ii, 11). Si vivimus spiritu, spiritu et ambulamus. Non efficiamur inanis gloriæ cupidi, invicem provocantes, invicem invidentes. »

EXPOSITIO.

Licet enim *Christus* sub lege fuerit, lex tamen non est dominata ei qui peccatum non habuit; sed ex sola libertate fecit, quidquid fecit. Et quia filii liberæ sumus; et per *Christum* libertatem apprehendimus, sicut ex eadem lege aperte colligitur, insania est ut, qui per fidem liber est, servum se faciat per legem. Et ideo quia liberi estis state, id est

A perseverate in hac libertate fidei, et nolite contineri jugo servitutis, id est atteri onere legis iterum. Et bene iterum, quia si vos fideles jam circumcidimini, idem est quod ad idola converti, quibus antea serviebatis. Dicerent illi: Nolumus omnem legem suscipere nisi solam circumcisionem quam habuit Abraham, qui fuit sine lege. Contra hoc Paulus: Nolite contineri jugo legis, quoniam *Christus*, id est fides *Christi*, nihil proderit vobis, si circumcidamini, et ecce ego Paulus, cujus auctoritas ubique vulgata est, hoc dico et affirmo vobis quod si circumcidamini, fides *Christi* non proderit vobis. Non solum quia *Christus* non proderit vobis, sed etiam propter importabile onus legis non debetis circumcidi. Quia sic ait: Testificor rursus, id est vel sicut olim dum eram in lege testificabar. Vel rursus, id est iterum, hoc adduco ad idem dissuadendum quod per præmissa dissuadebam. Testificor omni homini circumcidenti se quoniam, id est quod, ipse est debitor universæ legis faciendæ. Circumcisio enim exigit ut sequantur cætera opera legis, quemadmodum fides post baptismum exigit ut sequantur opera fidei. Et ne putetis vos posse circumcidi, nisi onus legis per omnia portetis. Vere *Christus* nihil proderit vobis; nam si circumcidamini, evacuati estis a *Christo*, id est inanis facta est vobis fides *Christi*. Dicerent illi: Malumus a *Christo* evacuari quam non circumcidi, sicut Deus mandavit. Ad hoc Paulus: Non solum a *Christo*, sed etiam excidistis a gratia Dei vos, quicumque in lege justificamini, id est per legem justificationem quæritis. Illic bene determinat quomodo prohibeat circumcisionem, scilicet ut per eam non quærant justificationem, cum tamen passus sit circumcidi *Timotheum*, ut tolleret a se suspicionem, uterque tamen Paulus et *Timotheus* intelligens nihil conferre justitiæ circumcisionem. Vere nemo justificatur in lege; nam nos solum qui sumus ex fide, exspectamus spem justitiæ, id est beatitudinem quæ ex justitia speratur. Et quod expectatio nostra certa sit, constat ex eo quia exspectamus per Spiritum, sic nos sperare insinuantem. Ideo ex fide tantum spem habemus; nam in *Christo Jesu*, id est in fide *Christi Jesu*, neque circumcisio aliquid valet, neque præputium, sed sola fides, quæ tamen non sit otiosa, sed operetur; nec contumeliose, sed per dilectionem Dei et proximi.

Fides sola valet in *Christo*, et in hac fide vos bene, id est per dilectionem currebatis, id est operabimini. Sed quis impedivit vos male suadendo non obedire veritati, quam a me didicistis? Ut autem obediat veritati, ne consenseritis alicui carnalium, quia hæc persuasio eorum non est ex eo, id est secundum Deum, qui per gratiam suam vocat vos ad regnum. Ideo ne consenseritis, quia modicum fermentum, id est vel saltem consensus, vel sola persuasio, vel illi pauci male suadentes. hoc, inquam, modicum corrumpit totam massam, et facit acidam, id est vel totam Ecclesiam, vel omnia bona eorum. Modicum quidem fermentum corrumpit totam mas-

sam; sed vos non corrumpemini. *Ego enim confido in vobis*, et hoc *in Domino*, id est per cooperantem vobis gratiam Dei, *quod nihil aliud sapietis quam quod sanum est*, et ego vos docui. Vos non aliud sapietis; *sed ille qui conturbat vos*, id est qui puritatem fidei vestræ admistione infidelitatis turbidam facit, ille *portabit iudicium*, id est sustinebit damnationem; etiamsi sit Petrus, aut angelus de cœlo. Modo respondet ad illud quod imponebant ipsi pseudo, scilicet quod prius quidem destruebat circumcisionem; sed, modo Hierosolymis correctus a Petro et ab aliis, prædicabat circumcisionem. Quod falsum esse comprobatur dicens: Illi vos conturbant, sed ego non conturbo vos. *Si autem, fratres*, sicuti illi imponunt, *adhuc prædico circumcisionem*, adhuc ideo, quia, dum erat Judæus, prædicabat eam: si, inquam, sic prædico adhuc, sicut a principio prædicationis patior persecutionem a Judæis. Quia sicut imponunt si prædico circumcisionem, *ergo evacuatum est scandalum crucis*. Judæi enim scandalizabantur in hoc quod per solam crucem prædicabam justificari hominem. Quod si cruci admisceam circumcisionem, et ex utroque dicam justificari, placati sunt mihi Judæi. Ego non vos conturbo, sed illi conturbant vos. Et *utinam non solum pellicula præputii, sed fenitus abscindantur illi qui vos conturbant*. Non intelligit Paulus membrorum abscisionem, sed sicut abscisi testicali non generant, sic isti abscindantur, ne quemlibet generare possint in errore suo. Conturbant utique vos, dum in servitute legis redigere volunt. *Nam vos, fratres, vocati estis in libertatem Dei*. Hoc tantummodo videte, *ne libertatem vestram detis in occasionem carnis*, id est ne propter libertatem licentiam vos posse peccare credatis. Nec hoc faciatis, *sed servitate invicem per charitatem spiritus*, id est, per spiritalem dilectionem agentes.

Accepta occasione vult ostendere, eis facilitatem novæ legis quæ in uno sermone impletur, et hac iterum occasione corripit eos a detractone, dicens: Servite invicem per charitatem. *Nam omnis lex impletur 226 in uno sermone*, in hoc scilicet: *Diliges proximum tuum sicut teipsum*, sicut in epistola ad Romanos exposuimus (Rom. III). Lex præcipit dilectionem, *quod si spernentes legem invicem mordetis*, detrahendo alter alteri, nec solum mordetis, sed etiam *comeditis*, id est bona proximi per invidiam penitus devoratis. *Videte ne consumamini*, id est ne devoremur invicem, id est tu, quia detrahis proximo; ille, quia detrahit tibi. Posteaquam satis probavit legem non esse tenendam, incipit nunc approbare fidei gratiam et gratiam. Littera sic jungitur: *Videte ne consumamini secundum suasionem carnis*, mordendo et comedendo vos invicem; *sed dico vobis: Ambulate spiritu*, id est perficite bene operando secundum quod hortatur vos spiritus, id est ratio. *Ambulate dico spiritu*, et hoc *in Christo*, id est quod tantum licet facere per Christum; et non aliud, ut quis secundum rationem operetur. Si in Christo

oestis, secundum spiritum ambulabitis. Etiam aliud bonum inde provenit, quia *desideria carnis*, et si per impugnationem sentiatis, non tamen actu perficietis. Sed licet non perficiatis, tamen *caro concupiscit adversus spiritum*; et sic impugnationem sentitis. Vel dicamus iterum: Bene dico desideria carnis, nam caro concupiscit adversus spiritum, *et spiritus*, id est ratio concupiscit ea quæ sunt *adversus carnem*. Vere caro et spiritus alter adversus alterum concupiscit. *Hæc enim*, id est caro et spiritus, *adversantur sibi*, non caro carni, nec spiritus spiritui, sed *invicem*, id est caro in spiritum, spiritus in carnem. Adversantur, ita *ut non faciatis omnia illa quæcunque vultis*, seu carnales, seu spirituales. Nemo enim adeo justus, qui non ad vicem cadat. Nemo adeo malus qui nos ab aliquo quod caro suadet, se aliquando cohibeat. Dixit quod si vivimus, spiritus ambulare possumus. Quia si spiritum sequimur, desideria carnis non perficimus, quia caro pugnat adversus spiritum. De qua pugna carnis et spiritus modo vult dijudicare, dicens: *Caro contra spiritum; spiritus pugnat contra carnem*. *Quia si vos ducimini spiritu*, id est ratione, *jam non estis sub lege*. Lex enim posita est ut peccatores cohibeat, sed si secundum spiritum agitis, jam non peccatis, et qui non peccat, liber est a lege. Qui spiritu ducitur, non est sub lege; qui autem carne, is captivatur sub lege. Quod æquipollenter ait: *Opera spiritus neminem redigunt sub lege*; sed *opera carnis illa sunt manifesta*, non oportet improperare ea. Turpitudine enim eorum omnibus est nota et captivitas. Ideo non curat detestari carnis opera, quia sola eorum nomina satis assignant foeditatem. Opera carnis dico quæ sunt hæc, scilicet *fornicatio, immunditia, imprecidia, luxuria*. Fornicationem vocat cum meretricibus, vel conjugatis pollui; immunditiam, turpitudinem illam quæ fit præter naturam. Et etiam in incestis osculis, et in tractatione polluta. Impudicitiam vocat etiam, si non sit fornicator, vel immundus, sed in verbis et habitu, et motatione membrorum non sit pudice temperatus. Luxuriam vocat superfluitatem carnis, sive in gula, sive in coitu. Quæ luxuria etiam haberi potest in uxore si superflue ea utatur.

Opera carnis etiam sunt *servitus idolorum, veneficia, inimicitia*, id est longa odia, *contentiones* in verbis, *amulationes*, quod quilibet invidens laborat usurpare sibi bonum alterius. Sunt etiam *ira*, id est subitæ commotiones animi. Et de ira *risæ*, quando res agitur pugnis. Sunt iterum *dissensionis*, quæ sæpe fiunt in Ecclesia. Sunt etiam *sectæ*, pro quo in Græco habetur hæreses. Sunt etiam *invidiæ*, id est malus livor animi; qui licet se non consecuturum sciat rem proximi, invidet tamen ei, eumque eam habere nollet. Iterum *homicidia, ebrietates*, id est consuetæ supra modum potationes, et *comestiones et similia his quæ modo prædico vobis, sicut olim prædixi*, cum vobis primum prædicavi, ut caveatis ab illis, *quoniam qui talia agunt, hi*

non consequentur regnum Dei, si in hoc actu A
227 comprehensi sunt. Hæc prædicta sunt opera
 carnis; sed opera spiritus sunt hæc. Et non
 ait opera, sed ad commendationem, ait fructus
 Spiritus. His enim operibus frui prodest et oportet.
 Fructus, inquam, Spiritus est *charitas*, id est dilectio
 Dei et proximi, de qua charitate sequitur *gaudium et pax*.
 Gaudium vocat lætam conscientiam; pacem ad omnes ex
 dilectione concordiam. Est etiam Fructus Spiritus
longanimitas, id est spes. Si enim tardat retributio;
 non tamen minus sperat, vel impatienter expectat?
 Et est opus Spiritus *patientia*, qua quæcunque
 toleramus adversa; et *bonitas*, id est pia affectio
 animi; etiam si non habet quid tribuat; *benignitas*,
 id est largitas communicandi quæ habet: *mansuetudo*,
 quod ita attractabilis B et affabilis est omnibus;
 et *fides* quæ recte credit in Deum; *modestia*,
 id est temperantia verborum et actus; *continentia*,
 qua etiam a licitis continet se aliquis; *castitas*,
 quod caste utitur licitis, ut vir uxore. Hæc sunt
 opera Spiritus, et adversus opera hujusmodi non est
 lex; sicut supra diximus, non estis sub lege. Hæc
 sunt opera carnis. Hæc sunt opera Spiritus; qui
 autem sunt Christi, faciunt opera Spiritus. Quod
 sic ait: *Crucifixerunt hi qui sunt Christi, carnem
 suam*, quod nullos sensus quando in Christo sunt,
 inclinare queunt ad vitia. Illi dico certantes cum
 vitis et cum concupiscentiis. Vitia accipit in actu;
 concupiscentias, in voluntate. Non solum carnem
 crucifigamus, ne malum operemur; sed etiam
 ambulemus Spiritu, id est proficiamus bene operando
 secundum quod admonet ratio; justum est ut
 ambulemus Spiritu, quia vivimus Spiritu; et si
 justificati vivimus Spiritu, sequitur ut etiam
 ambulemus Spiritu. Vivit homo per justificationem
 fidei. Ambulat cum operatur ea quæ fides exigit.
 Et si vivimus et ambulamus, in hac ambulatione
 non efficiamur cupidi inanis, id est mundanæ
 gloriæ. Non est peccatum si bene agentes laudamur,
 sed si laudari cupimus; non simus cupidi inanis
 gloriæ. Nos dico qui hoc cupimus invicem
 provocantes; quia superbia quæ non patitur
 parem, nisi præferatur omnibus, indignatur,
 provocans ad litem. Et si non aperte provocare
 audentes, saltem animo invidentes invicem, id est
 alter alteri.

CAPUT VI.

« Fratres, et si præoccupatus fuerit homo in
 aliquo delicto, vos qui spirituales estis, hujusmodi
 instruite in spiritu lenitatis, considerans
 teipsum, ne et ut tenteris. Alter alterius onera
 portate, et sic adimplebitis legem Christi. Nam
 si quis existimat se aliquid esse cum nihil sit,
 ipse se seducit. Opus autem suum probet unusquisque,
 et sic in semetipso tantam gloriam habebit,
 et non in altero. Unusquisque enim onus
 suum portabit. Communicet autem is qui catechizatur
 verbo, qui se catechizat in omnibus bonis. Nolite
 errare. Deus non irridetur. Quæ

enim seminaverit homo, hæc et metet. Quoniam
 qui seminat in carne sua, de carne et metet
 corruptionem; qui autem seminat in Spiritu,
 de Spiritu metet vitam æternam. Bonum autem
 facientes non deficiamus; tempore enim suo
 metemus, non deficientes. Ergo dum tempus
 habemus, operemur bonum ad omnes, maxime
 autem ad domesticos fidei. Videte qualibus
 literis scripsi vobis mea manu. Quicumque enim
 volunt placere in carne, hi cogunt vos circumcidi;
 tantam, ut crucis Christi persecutionem non
 patiantur. Neque enim qui circumciduntur,
 legem custodiunt, sed volunt vos circumcidi,
 ut in carne vestra glorientur. Mihi autem
 absit gloriari nisi in cruce Domini nostri
 Jesu Christi, per quem mihi mundus crucifixus
 est, et ego mundo! In Christo enim Jesu,
 neque circumcisio aliquid valet, neque præputium,
 sed nova creatura. Et quicumque hanc
 regulam secuti fuerint, pax super illos et
 misericordia et super Israel Dei. De cætero
 nemo mihi molestus sit. Ego enim stigmata
 Domini Jesu in corpore meo porto. Gratia
 Domini Jesu Christi cum spiritu vestro, fratres.
 Amen. »

EXPOSITIO.

228 Postquam in communitate omnem Ecclesiam
 correxit et instruxit, nunc divisim admonet prælatos,
 ut in lenitate instruant peccantes subditos, et
 e converso admonet subditos ut æquo animo in
 obedientia audiant prælatos, dicens: Quia vivitis
 Spiritu, ambulate Spiritu; vos autem qui
 spirituales estis, id est prælati: omnis enim
 perfectus etiam si officio careat, imperfecto
 tamen prælatus est; vos, inquam, spirituales
 licet in aliquo delicto præoccupatus fuerit
 aliquis; nec mirum si peccat quia homo: præoccupatus
 dicit non quod ex industria peccaverit, sed
 quia providere sibi nescivit, vos, inquam,
 prælati instruite hominem hujusmodi
 in spiritu, non furoris, sed in spiritu lenitatis.
 Nunc de plurali transit ad singularem,
 loquens similiter cuiuslibet prælato. Cum
 lenitate corrige delinquentem tu, quicumque
 prælate, considerans teipsum, ne tu etiam
 tenteris similiter. Sæpe enim Deus sic pie
 disponit ut, qui indignando obhorret casum
 proximi, in idem præcipitur, vel in pejus.
 Nec solum instruat delinquentem, sed etiam
 portate onera alter alterius, prælatus onus
 subditi. Portate dico compatiendo, orando,
 et jejunando ut fiat ei remissio. Et sic
 vicissim supportando vos adimplebitis legem
 Christi. Christus enim nescius peccati, dum
 peccata nostra in cruce portavit, hanc in se
 legem attulit, ut alter sic portaret peccatum
 proximi. Considera teipsum, ne similiter
 tenteris. Nam si quis inconsiderate agens,
 existimat se esse aliquid, cum ex se nihil sit,
 et si gratia in eo aliquid sit, ipse sic opinans
 seducit seipsum, id est seductor sui ipsius
 est. Nolite seduci, sed unusquisque probet,
 id est videat, an probabile

sit opus suum, et sic probatus habebit gloriam tantummodo in semetipso, id est apud se in conscientia, et non in altero, id est non in consideratione et contemptu alterius. In se debet gloriari non in altero. Nam unusquisque seu justus, seu peccator, portabit in die illo onus suum, id est manipulum suum, quem opera sua colligere digna sunt, seu bonum, seu malum. Vel ita de peccatore tantum sermo sit. Tu, ut juste, ne glorieris in contemptu peccatoris. Nam unusquisque peccator portabit onus suum, id est pondus peccati sui.

Admonitis praelatis, quales se debeant exhibere subditis, admonet subditos ut reverenter obediant praelatis, dicens: Praelatus cum lenitate instruat subditum. *Is autem qui catechizatur*, id est qui instruitur, licet non exemplo boni operis: sed saltem verbo: is, inquam, *communicet et obediat et in omnibus bonis* quæ facit et hortatur. *Ei dico qui se catechizat*, id est qui instruit illum. Dico communicate his qui vos instruunt, et *nolite errare*, id est nolite vos excusare, dicentes non esse obediendum eis qui verbo bene docent, et non sic agunt, ideo nolite sic errare, quia *Deus non irridetur*, id est non calva occasione decipietur. Quod si deciperetur, irrisibilis esset. Vere non irridetur, *quia quæ seminaverit homo, hæc utique metet*. Et vere seminata metet, *quoniam qui seminat in carne sua*, id est qui operatur corruptibilia carnis desideria, hic utique metet de carne corruptionem, quia seminavit corruptionem. *Qui vero seminat in Spiritu*, id est secundum rationem, hic metet de Spiritu spiritualia, scilicet, vitam æternam. Postquam divisim praelatos, deinde subditos instruxit, iterum omnem Ecclesiam mistim admonet, dicens: Vos praelati in lenitate subditos instruite. Vos subditi in omni bono his qui vos instruunt, communicate. Omnes autem, tam praelati quam subditi, *æque bonum facientes non deficiamus bene operando*. Nec deficere debemus in operando, quia metemus mercedem operis tempore suo, id est opportuno, *non deficientes in metendo*. Et quia metemus non deficientes, *ergo, dum tempus operandi habemus*, id est in hoc mundo: *operemur bonum ad omnes, maxime tamen ad domesticos fidei*. Prius enim fidelibus necessaria ministrare debemus, de-
hinc si superabundat etiam infidelibus.

Ab hoc loco Apostolus propria manu præscripsit Epistolam, ne Galatæ ambigerent hanc Epistolam esse Pauli, quia destruebat hic circumcisionem, de quo illi pseudo dixerant Galatis quod modo Paulus doceret circumcisionem. Unde sic ait: Ut hæc præcepta credatis esse mea, *videte qualibus litteris scripsi vobis*, ab hinc *mea propria manu*, ut cognitione

scripturæ meæ certi essetis hanc Epistolam esse meam. Et his quæ scripsi obedire debetis, non illis. *Quicumque enim volunt placere illis Judæis in carne*, id est in carnalibus persuasis, *hi cogunt vos circumcidi*. Cogunt utique, quia importuno sermone vos compellunt ad id quod rationibus comprobare nesciunt. Cogunt vos circumcidi, hoc tantummodo intendentes, *ut non patiantur a Judæis persecutionem crucis Christi*, quam prædicant. Judæi enim crucem Christi cum circumcissione bene concedebant prædicari. Vere ideo tantum ne patiantur, quia amore legis nihil faciunt. Quod sic ait: *Hi pseudo qui circumciduntur non custodiunt legem, sed pro eo solo volunt vos circumcidi, ut glorientur apud alios in carne vestra circumcisa*. Aiunt enim illis: *Videte quantum incrementum per nos lex vestra habeat, illi gloriantur in carne*. *Sed mihi absit gloriari, nisi in cruce Domini nostri Jesu Christi!* Ego enim nec quæro, nec prædico gloriam, nisi crucis. *Per quem crucem*. Crux enim secundum Priscianum, de dubiis generibus est; et secundum Haimonem, in Græco, masculini, et ideo translator noluit mutare relationem. Per quem crucem, vel per quem Christum crucifixum, quod idem valet. *Mundus est mihi crucifixus*, ita quod nihil amplius de suis oblectamenti offerat mihi mundus. Ego etiam crucifixus sum mundo; quod si mihi mundus aliqua offert, ita crux Christi me confirmatum astrinxit quod non possim declinare ab illa. Ideo in cruce tantum glorior, *quia in Christo Jesu neque circumcisio valet aliquid, neque præputium, sed solummodo nova creatura*, id est fides quæ innovat mentem, et etiam carnem quam facit a peccatis liberam. Non ideo addidit præputium, quod aliquid putaret illud valere ad fidem, sed ut ostenderet circumcisionem non plus conferre in Christo quam præputium. Ego tantum glorior in cruce, *et quicumque hanc regulam crucis secuti fuerint, ut in eam tantum glorientur, pax sit super illos Galatas qui non peccaverunt, et misericordia*, id est secunda remissio his qui lapsi sunt. Et non tantum super illos, sed etiam *super omnem Israel*, non qui fuerit carnis, sed Dei. In Christo tantum quærite gloriam. *De cætero*, id est de circumcissione (quam excludo) *nemo mihi molestus sit*. Vel ita in præterito me molesti estis, sed de cætero, id est amodo, videte ne quis mihi molestus sit. Nec debetis me molestare. *Ego enim porto in corpore meo stigmata Domini Jesu Christi*. Stigma dicitur signum, quod fit calido ferro. Hic autem Paulus catenas et cætera tormenta sustinens, pro Christo stigmata, id est signa, quod miles Christi esset, in corpore portabat. *Gratia Domini nostri Jesu Christi sit cum spiritu vestro, fratres. Amen*.

ARGUMENTUM IN EPISTOLAM PAULI AD EPHESIOS.

Ephesii sunt Asiani. Hi accepto verbo veritatis, perstiterunt in fide. Hos collaudat Apostolus, scribens eis ab urbe Roma de carcere, per Tichicum diaconum.

PROLOGUS B. BRUNONIS IN EAMDEM.

Ephesus civitas est in Asia. Non hæc est Asia quæ dividit orbem, sed est provincia quædam in Græcia, habens septem civitates, quarum Ephesus metropolis est, quibus Joannes, relegatus in Pathmos insulam, scripsit Apocalypsim. Hi Ephesii audito verbo fidei a Paulo, crediderunt, et opera fidei laudabiliter **230** operati sunt. Quibus Apostolus, dum Romæ esset in carcere, scripsit hanc Epistolam, sollicitè providens eis ne forte de eo quod in fide bene persisterant superbirent, et hoc virtuti suæ ascriberent. Quod, sicut incoeperat in eis misericordia Dei, pie consummabat. In hac autem Epistola materiam habet beneficia Dei. De quibus in hunc modum agit, ostendens ea esse non ex merito hominis, sed ex beneplacito Dei. Ostendit etiam beneficia Dei esse hujusmodi, quod nemo tanta perfectione ascendit in illis, quin adhuc relinquatur ei quo ascendere possit. Sicut enim homo semper habet quo

recidat, ita semper habet quo crescat. Agit etiam hic, quomodo patres debeant præesse filiis, filii parentibus subjici. Similiter de dominis et servis; de uxoribus et maritis, quanta confœderatione sibi vicissim pro modo conditionis et sexus debeant subservire. De beneficiis Dei in hunc modum idco agit, ne Ephesii de bono quod agunt occasionem habeant superbiendi, dum nihil ex se, sed totum se habere audiunt ex misericordia Dei. Iterum ideo ne torpeant in bene agendo, dum audiunt se posse invenire quo crescant in obsequio Dei. Hos Ephesios Paulus discedens ab eis in unum convocavit, dicens eis: Ecce sanam fidem tradidi vobis, videte ne hanc irritam faciatis. Ego enim amodo liber sum, sed si male egeritis, Deus hoc requiret a vobis (*Act. xx, 27*). Pro his verbis et hujusmodi solertiores fuerunt providere sibi.

EPISTOLA AD EPHESIOS.

CAPUT PRIMUM.

Paulus apostolus Jesu Christi per voluntatem Dei, sanctis omnibus qui sunt Ephesi, et fidelibus in Christo Jesu, gratia vobis et pax a Deo patre nostro, et Domino Jesu Christo. Benedictus Deus et Pater Domini nostri Jesu Christi, qui benedixit nos in omni benedictione spirituali in cœlestibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in charitate. Qui prædestinavit vos in adoptionem filiorum per Jesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo, in quo habemus redemptionem per sanguinem ejus in remissionem peccatorum, secundum divitias gratiæ ejus, quæ superabundavit in nobis in omni sapientia et prudentia, ut notum faceret nobis sacramentum voluntatis suæ, secundum beneplacitum ejus quod proposuit in eo, in dispensatione plenitudinis temporum instaurare omnia in Christo, quæ in cœlis et in terra sunt in ipso. In quo etiam nos sorte vocati sumus, prædestinati secundum propositum ejus, qui operatur omnia secundum consilia voluntatis suæ, ut simus in laudem gloriæ ejus nos qui ante speravimus in Christo. In quo et vos cum audissetis verbum veritatis, Evangelium salutis vestræ recepistis. In quo et credentes signati estis Spiritu promissionis sancto, qui est pignus (arrha) hæreditatis nostræ in redemptionem acquisitionis in laudem gloriæ ipsius. Propterea et ego audiens fidem vestram quæ est in Christo Jesu, et dilectionem in omnes sanctos, non cesso gra-

tias agens pro vobis, memoriam vestri faciens in orationibus meis, ut Deus, Domini nostri Jesu Christi Pater gloriæ, det vobis Spiritum sapientiæ et revelationis in agnitione ejus; illuminatos oculos cordis vestri, ut sciatis quæ sit spes vocationis ejus, et quæ divitiæ gloriæ hæreditatis ejus in sanctis, et quæ sit supereminens magnitudo virtutis ejus in nos, qui credimus secundum operationem potentæ virtutis ejus, quam operatus est in Christo Jesu, suscitans illum a mortuis. Et constituens ad dexteram suam in cœlestibus super omnem principatum, et potestatem, et virtutem, et dominationem. Et omne nomen quod nominatur non solum in hoc sæculo, sed etiam in futuro; et omnia subjecit sub pedibus ejus. Et ipsum dedit caput supra omnem Ecclesiam, quæ est corpus ipsius **231** et plenitudo ejus qui omnia in omnibus adimpletur. »

EXPOSITIO.

Paulus, etc. Paulus apostolus Christi Jesu, quem Christus Jesus Apostolum gentibus consecravit. Unde apparet quod vobis Apostolus sit. Paulus, inquam, apostolus Christi, non per meritum suum, sed per solam voluntatem et bonum placitum Dei. Sic et vos quod boni estis non merito vestro, sed gratiæ Dei referatis. Paulus, inquam, apostolus, per voluntatem Dei scribit omnibus sanctis, id est perfectioribus qui in virtutibus sanciti sunt; scribit etiam fidelibus, id est minus perfectis, qui tamen bene servaverunt integritatem fidei. Fidelibus dico in Christo Jesu, id est qui fidem Christi Jesu custodiunt. Sanctis dico et fidelibus qui sunt Ephesi. Optat hoc Paulus. Gratia sit vobis perseverans, qui non peccavistis; his qui

saltem in venialibus lapsi sunt, sit gratia secundæ A remissionis. Sit etiam vobis *pax a Deo Patre nostro, et Domino Jesu Christo*, sicut sæpe expositum est. Ut ostendat omne beneficium esse ex misericordia Dei, in primis de beneficiis suis Deo gratias agit, dicens : *Benedictus sit Deus et Pater Domini nostri Jesu Christi*, qui si Pater est Christi, nos autem fide filii Christi; sic per Christum Pater nobis est. Benedictio nostra in Deo, nihil aliud est quam laudare et magnificare gloriam ejus. Benedictio autem Dei in nobis, exaltatio nostri est et proventus nostræ salutis. Hic nunc exsequitur duas electiones Dei in nobis. Primam, qua nos ab æterno tales futuros elegit; alteram in tempore, quando nobis Spiritum cooperantem nobis misericorditer infudit, et utriusque electionis completiones adjungit. Primum ponens B eam quæ tempore ultima sit, in qua immortalitatem et impassibilitatem recuperaturi sumus. Hanc autem quia dignior est, proponit ei quæ complebitur, ubi anima per misericordiam Dei ab onere peccatorum liberatur, dicens : *Benedictus sit Deus qui benedixit*, id est exaltavit nos. Ideo per præteritum quod futurum est designavit, ut ostenderet se adeo certum de hac futura benedictione, quomodo aliquis certus est de eo quod videt præterisse. Ideo etiam sic ait, quia intellexit sanctos jam secundum animas conregnare Christo. *Benedixit nos Deus in omni benedictione. Omni*, ideo quia sufficiens : *Benedictione dico spiritualis*, licet enim secundum corpus fiat hæc benedictio, tamen est spiritualis, quia sicut spiritus hominis solo intuitu gloriæ Dei sustentabitur, sic corpus pabulo visionis Dei saturabitur. *Benedictione dico habita jam quibusdam secundum animas, et plene sanctis omnibus honoranda, non in hac terra, sed in caelestibus*, ut etiam dignitate loci benedictio hæc commendabilior sit. *Benedixit dico, sic in Christo Jesu*, id est in operatione Christi Jesu, in quo Pater omnia operatur.

Ostensa impletione alterius electionis, subdit electionem quæ secundum justificationem animæ impletur hoc tempore, determinans prædictam impletionem esse ex misericordia Dei per electionem, de qua subdit, dicens : Sic nos Deus ex gratia benedixit, sicut ex sola gratia elegit nos ante constitutionem mundi. Ubi planum est non præcessisse meritum hominis. *Elegit nos dico in ipso Christo in quo omnia fecit, vel in ipso permansuros. Ad hoc elegit ut essemus sancti et immaculati* : sancti positione bonorum, immaculati emundatione malorum. *Essemus utique tales in conspectu ejus*, id est ut conspiceremus eum solum et in nullo mundum attenderemus. *Vel, in conspectu ejus*, id est qui ab eo conspicemur. *Elegit nos, dico, in charitate*, id est in sola dilectione. Dicta electione quæ hic completur secundum justitiam animæ, subdit illam electionem cujus jam præposuit completionem, dicens : *Elegit nos ut essemus sancti*; quia etiam prædestinavit, id est præordinavit ab æterno; vel præparavit in tempore nos in adoptionem filiorum habendam. Noluit dicere im-

mortalitatem, sed ut totum referret gratiæ Dei in adoptionem, id est in incorruptionem filiorum ex sola adoptione Dei nobis concessam. Adoptionem dico habendam per Jesum Christum. Nos dico venturos in ipsum, ut sicut ipse, sic et nos immortales 232 et impassibiles. *Prædestinavit dico secundum propositum voluntatis suæ*, id est secundum voluntatem suam propositam. *Propositam*, id est sic ab æterno præordinatam; vel *propositam*, id est oblatam omnibus salvandis, nisi culpa eorum impediierit. *Prædestinavit, inquam, ex sola voluntate in laudem gloriæ, gratiæ suæ*; id est ad hoc ut laudetur gratia sua, in qua gratia multiplex est gloria. Sunt enim quædam gratiæ Dei, ut ista temporalia quæ pie ministrat; in quibus non est gloriandum, sed in incorruptione multiplex est gloria. Et hoc dixisse debueramus, quia primum incipit communiter a benedictionibus, quæ fiunt publice omnibus justis. Dehinc descendit ad illas quæ fiunt apostolis. Tertio subdit de illis, quas Deus dedit Ephesiis.

Posita duplici electione et dignioris completionem præmissa, subdit completionem alterius, dicens : *In qua gratia gratificavit nos*, id est in gratia nos fecit dilecti Filii sui, id est in fide dilecti Filii sui, quem quia diligit et nos filios Filii sui diligit. *In quo Filio habemus redemptionem*. Nec per vile pretium, sed per sanguinem Filii effusum. *In quo etiam habemus remissionem peccatorum*. Omnes habent redemptionem, quia pretium sufficiens redemptioni omnium si vellet, datum est. Sed hi soli habent remissionem, qui se dignos redemptione Christi exhibuerunt. *Habemus remissionem secundum divitias ejus*, id est secundum gratiam ejus in hoc divitem, quia et originalia et actualia, et sive pauca fuerint, sive multa, omnia sine differentia remisit. Enumeratis beneficiis quæ sanctis fiunt in publico, ab hac communitate, descendit ad apostolos, dicens : *Quæ gratia abundavit in nobis apostolis, super*, id est magis quam in cæteri. Et dignum fuit, quia ab his accepturi erant alii. *Abundavit dico in omni sapientia et prudentia*. Sapientiam de cognitione divinorum dicit : prudentiam, quasi providentiam qua Paulus bene sciebat providere suis Ecclesiis. *Omni, non quia omnia scirent, sed quia quicquid sibi necesse erat, tam de divinis D quam de humanis, in promptu habebant. Ita super-abundavit ut nobis apostolis notum faceret sacramentum*, id est secretum voluntatis suæ, id est ordinem redemptionis humanæ. Sacramentum dicitur quasi secretum, eo quod non omnibus, sed paucis illud liceat aspicere. *Notum faciet sacramentum hoc, scilicet instaurare secundum bonum placitum ejus*, non secundum meritum hominis, quia nullam erat quod bonum placitum in eo Christo præposuit, id est præordinavit ab æterno. Vel *proposuit*, id est palam exposuit, Deus bonum placitum suum, si velit. *Proposuit dico in dispensatione plenitudinis temporum*. id est in plenitudine temporum. Tempus enim gratiæ, plenitudo temporum dicitur. Vel quia omnia ante prædicta et expectata in eo per Christum fuere

completa. Vel plenitudo, id est finis et consummatio temporum quæ Deus ante tempus gratiæ præire constituerat. Plenitudine dico congrue dispensata. Prius enim voluit Deus experiri homines, quod libertate arbitrii et naturali lege nihil possent. Dehinc scriptam legem tradidit, per quam iterum impotentes evadere peccatum apparuerunt. Et postquam homo undique se cognovit impotentem, tunc demum apposuit Deus opportune gratiam cujus adiutorio posset homo quod per se non poterat.

Instaurare dico omnia in Christo, id est per Christum, quæ in cælis sunt imperfecta, et quæ in terra sunt per peccatum corrupta. Ad hoc enim Deus fecit hominem et redemit ut diminutionem angelorum reintegraret salvato homine. Ideo etiam Christus carnem accepit ut hominem corruptum in peccatis restauraret in justitia. Sed hoc *restaurare* diversis modis accipitur. Christus enim fuit causa restorationis angelorum; non quantum ad eos necessitas. Angeli enim puri erant, licet quibusdam sociis imminuti. Christus vero causa et necessitas restorationis hominum. Causa ut per eum reintegraretur lapsus angelorum. Necessitas ideo quia nisi restauraretur a Christo, perditus erat per peccatum. *Instaurare dico quæ in terra sunt*, ita quod in ipso permaneant. Nisi enim in fide ejus permasserint, restauratio **233** eorum nulla erit. Vel aliter: *Instaurare in Christo ea quæ in cælis sunt*, id est sanctos quorum animæ jam in cælis regnant cum Christo, et ea quæ in terra sunt, in ipso, id est justos, qui si adhuc conversatione tenentur in terra, puritate tamen vitæ jam in ipso sunt. Dicerent Ephesii: Vos quidem apostoli ad tantam altitudinem vocati estis ad quam nos posse pervenire stultum esset saltem opinari. Ad hoc Paulus: *In quo Christo etiam nos apostoli vocati sumus*, non merito nostro, nec dignitate generis, sed *sorte*, id est divina electione. Sors dicitur divina electio, ut quando humanum iudicium deficit, conferunt se homines ad electionem Dei. Non solum gratia vocati sumus, sed etiam *prædestinati*, id est præparati, sumus *secundum propositum ejus*, id est secundum quod pietas ejus de nobis proposuit. *Ejus dico, qui* sicut hæc in nobis, sic *operatur omnia in singulis secundum consilium voluntatis suæ*, id est secundum voluntatem suam consilio et discretionem agentem. Vel ita: Non solum vocat nos ex gratia, sed etiam *qui omnia*, quæ post vocationem sequuntur, *operatur in nobis secundum consilium suæ voluntatis*, sicut dictum est. Ideo vocati et prædestinati, ut *simus in laudem gloriæ ejus*, id est ut digna laude glorificemus Deum qui vult laudari a nobis. Non quod laus nostra quidquam conferat illi, sed ut habeat causam benefaciendi nobis. Simus dico, *nos qui antequam vos speravimus in Christo*. In tempore tantum vos præcedimus, sed si vultis, in gloria non præcedimus. Sed fortassis præcedetis nos, cum dona Dei in sola electione consistant, non in genere, vel in prioritate temporis.

Nunc ab apostolis descensum facit ad beneficia

Dei, ipsis collata Ephesiis, dicens: *In quo Christo vos vocati estis sicut nos, et prædestinati non ex merito vestro, sed cum audissetis verbum veritatis*, quia ex sola gratia misit ad vos prædicatores, et vos interius inspiratos audire fecit. Nee solum vocati, sed in quo Christo vos etiam credentes *signati estis*, ut appareatis de militia Christi, *Spiritu sancto*. Spiritu dico *promissionis*, id est vel quem Deus nobis promisit, vel qui Spiritus, jam secundum animam deificans nos, promittit nobis immortalitatem corporis in futuro. *Qui Spiritus est pignus*, id est arrha et principium habendæ *hæreditatis nostræ*, nobis promissæ in futura gloria. *Signati estis in redemptionem*, id est ut appareatis de his quos Christus redemit. *Redemptionem dico acquisitionis*. Per hanc enim et nos Deum acquirimus, et Deus non acquisivit. *Vocati estis et signati, etc. In laudem gloriæ ipsius*, id est ut per vos laudetur gloria ejus. Modo determinat intentionem suam, dicens: Quia vocati credidistis, et Spiritu sancto signati estis; *Propterea ego* (et sancti qui mecum sunt,) *ago gratias pro vobis*, et agens gratias non cesso. Hic bene innuit non esse torpendum illis securitate suæ justitiæ, sed omni hora de incremento perfectionis laborandum. *Ego, inquam, non cesso audiens fidem vestram quæ est in Christo Jesu*. Hoc ad minus perfectos respicit, de quibus in principio ait, *fidelibus in Christo Jesu*. *Audiens etiam dilectionem vestram habitam in omnes sanctos*. Hoc ad perfectiores respicit. De quibus ibidem ait *omnibus sanctis*. *Non cesso, gratias agens pro vobis, faciens memoriam vestri in orationibus meis*, pro habendis bonis. Quasi diceret: Sicut jam accepta bona intelligo esse ex gratia Dei, sic sentio de omnibus quæ habituri estis. Facio memoriam vestri, ut *Deus Domini nostri Jesu Christi*, cujus secundum humanam naturam Deus est, et Pater gloriæ ejus; Christus enim secundum deitatem quæ in eo gloria est, Dei Filius est, ut Deus et Pater det vobis *Spiritum sapientiæ et revelationis*, ut revelate possitis intelligere mysteria Dei. Sapientiæ dico, et revelationis habitæ *in agnitione ejus*, ut Deum ejusque mysteria cognoscatis.

Det etiam vobis *illuminatos oculos*, non dico corporis, sed *cordis vestri*. Tangit hic stultum errorem quorundam (maxime gentilium) qui in primitiva fide, qui consueverant idola sua, quæ habebant manu tractare, **234** putabant cæca mente Deum rem hujusmodi esse, quæ et oculis carnis videri, et manibus posset palpari. *Det vobis illuminatos oculos, ut sciatis quæ*, id est quam digna res, et quam valens sit spes. Non tantum res sperata, sed solummodo sperare beatum est. *Quæ sit spes vocationis ejus*, id est rei ad quam vocamus, vel vocatorum, id est electorum ejus. *Et quæ sint divitiæ gloriæ hæreditatis ejus*, id est quam digna sit hæreditas ejus, in qua sunt divitiæ, id est nulla penuria, sed omnis copia. In qua etiam est gloria, id est permanens gaudium sine admistione doloris. *Hæreditatis dico distribuendæ in quibuslibet sanctis*. Et ut sciatis quæ sit *magni-*

udo virtutis, id est virtus ejus magna et incomprehensibilis. Et cum hæc magnitudo futura sit per omnes sanctos, *supereminens* tamen futura in nos apostolos, qui prius aliis credidimus. Et quod hanc virtutem Deus operetur in nos, probo per hoc quia jam est operatus eam in Christo. Quod sic ait: Virtutem hanc futuram in nos affirmo *secundum operationem potentiae virtutis ejus*, id est secundum virtutem ejus potentialiter operantem, *quam virtutem operatus est in Christo*. Et hanc virtutem exponit, approbans per hoc quod similiter et possit et operetur in nobis. *Operatus est virtutem in Christo, suscitans illum a mortuis*, per quod et nos suscitabit, et apparet quod possit. *Et illum, scilicet Christum, suscitatum constituens ad dexteram*, id est ad æqualitatem suam in cælestibus, et ita quod *supra omnem principatum, et potestatem, et virtutem, et dominationem*.

Hic quatuor ordines angelorum habemus; et per hoc quod sequitur *omne nomen*, intelligimus reliquos ordines. *Quod nomen nominatur*, id est nominabile est, *non solum in hoc sæculo, sed etiam quodcumque nominabitur in futuro*. Hoc ideo addidit, ne quis objiceret ei: Secundum hoc quod parum de angelis modo cognoscitis, concedo Christum supra poni illis, sed secundum hoc quod de illis in futuro plenius cognoscetis, caro Christi non supraponetur illis. Contra hoc ait: Non solum quod nominatur in hoc sæculo, sed etiam supra omne illud quod de angelis cognoscetur in futuro, eum supraposuit omnibus et omnia supposuit ei. Quidam enim sunt suprapositi multis, qui, licet inferiores, non tamen sunt subjecti eis. Unde ait: *Omnia subjecit sub pedibus ejus (Psal. viii, 8)*, id est tam plena subjectione, ut ille qui pedibus substernitur, vel *sub pedibus*, id est sub humanitate Christi omnia subjecit. Diceret ille: Et quid per hoc probas, si Christum suscitatum super omnia posuit, et omnia ipsi subjecit? Bene per hoc probo, ait Paulus, *quod ipsum Christum Deus dedit caput supra omnem Ecclesiam; quæ Ecclesia est corpus ipsius Christi*. Et putatis quod in capite gloriosus, et in corpore remaneat ignominiosus? Ecclesia est corpus, et *plenitudo ejus Christi*, qui Christus per eam adimpletur. Nisi enim justi resuscitentur eundo usque ad ultimum justum, corpus Christi remanet imperfectum. *Qui Christus licet plenitudine Ecclesiae adimpleatur, ipse tamen est omnia, id est omnis perfectio, in omnibus, id est in singulis membris, quia nec ipsa membra possunt adimplere eum, nisi per ipsum*.

CAPUT II.

Et vos [convivificavit] cum essetis mortui delictis et peccatis vestris, in quibus aliquando ambulastis secundum sæculum mundi hujus, secundum principem potestatis aeris hujus spiritus; qui nunc operatur in filios diffidentiae, in quibus et nos omnes aliquando conversati sumus in desideriis carnis nostræ, facientes voluntatem carnis et cogitationum. Et eramus natura filii iræ, sicut et

cæteri. Deus autem qui dives est in misericordia, propter nimiam charitatem suam qua dilexit nos, et cum essemus mortui peccatis, convivificavit nos in Christo, cujus gratia estis salvati. Et convocavit et consedere fecit in cælestibus in Christo Jesu, ut ostenderet in sæculis supervenientibus abundantes divitiis gratiæ suæ in bonitate super nos **235** in Christo Jesu. Gratia enim salvati estis per fidem et hoc non ex vobis; Dei enim donum est, non ex operibus, ut ne quis glorietur. Ipsius enim sumus factura, creati in Christo Jesu in operibus bonis, quæ præparavit Deus ut in illis ambulemus. Propter quod memores estote quod aliquando vos qui gentes eratis in carne, qui dicebamini præputium ab ea quæ dicitur circumcisio in carne manufacta; qui eratis illo in tempore sine Christo, alienati a conversatione Israel et hospites testamentorum, promissionis spem non habentes, et sine Deo in hoc mundo: nunc autem in Christo Jesu vos, qui aliquando eratis longe, facti estis prope, in sanguine Christi. Ipse enim est pax nostra, qui fecit utraque unum, et medium partem maceræ solvens inimicitias in carne sua. Legem mandatorum decretis evacuans, ut duos condat in seipso in uno novo homine faciens pacem, ut reconciliet ambos in uno corpore, Deo per crucem, interficiens inimicitias in semetipso. Et veniens evangelizavit pacem vobis qui longe fuistis, et pacem his qui prope, quoniam per ipsum habemus accessum ambo in uno Spiritu ad Patrem. Ergo jam non estis hospites et advenæ, sed estis cives sanctorum et domestici Dei, superædificati super fundamentum apostolorum et prophetarum, ipso summo angulari lapide Christo Jesu; in quo omnis ædificatio constructa crescit in templum sanctum in Domino, in quo et vos coædificamini in habitaculum [tabernaculum] Dei in Spiritu sancto.

EXPOSITIO.

Dixit superius Ephesios ex electione Dei vocatos, Spiritu sancto signatos, seque pro eis orare ut quod Deus pie cepit in illis quotidiano perficiat incremento; et postquam tam dignos eos dixit in hac novitate gratiæ, reducit eis ad memoriam priorem statum quem habuerunt in peccatis, ut memores immunditiæ suæ non audeant præsumere, nisi de gratia Dei, quasi merito suo aliquid novitatis habuerint. Iterum propter hoc commemorat eis statum infidelitatis, ut cum videant quod gratia Dei eos de injustitia ad justitiam traxerit, certum habeant quod, si jam justi laborent, Deus qui illis injustis contulit, multo amplius et libentius conferet jam justificatis, si promereri voluerint. *Litæra sic jungitur: Nos apostoli credidimus, et vos similiter credidistis; vel ibi: Deus suscitavit Christum a mortuis, et vos similiter suscitavit a morte peccati; vel cum verbo quod inferius sequitur, sic construere possumus. Christum dedit caput supra Ecclesiam, et vos convivificavit Christo. Quocumque*

tamen jungatur, ibi tamen pendet sententia, ubi ait : **A** Christum dedit caput supra Ecclesiam, et vos dedit membra ipsius. Vos, inquam, cum essetis mortui delictis et peccatis. Mortui ideo, quia ita consepulti peccato quod nulla vi humana poterant evadere laqueum peccati. Delicta vocat, quando quod Deus præcipit non faciendo deserimus. Peccata dicit actus illos, fornicari, furari, et hujusmodi. Peccatis dico vestris, id est quæ jam consuescendo in illis, quasi vestra propria feceratis. Quomodo in peccatis fuerint exsequitur, dicens : *In quibus peccatis vos aliquando*, id est tempore infidelitatis, *ambulastis*, id est de malo in pejus præcipitabamini, *secundum sæculum mundi hujus*, id est sequentes sæcularitatem, quæ nunquam de Deo, sed semper sollicita est de mundanis. Et ut magis aggravet peccatum, addit non solum secundum sæculum, sed etiam *secundum principem spirituum*, id est secundum diabolium qui princeps est, imperium habens super cæteros malignos spiritus ; vel *secundum principem spiritus*, ut collective accipiamus, quasi dæmoniorum ; vel *secundum principem spirituum*, id est aliorum dæmonum. Sicut enim in bonis angelis quidam prælati sunt, quidam subditi, sic in malignis distinctiones eædem sunt, et tamen unus solus omnibus prælatus esse creditur. *Principem* dico *potestatis aeris hujus*, id est qui potestatem habet in hoc aere ; commovet enim plerumque ventos et turbines in aere, quibus nocet hominibus, et fructibus terræ, ut ventus ille qui a regione deserti veniens, subruit domum, et filios Job oppressit **236** ab eo (*Job* 1, 19), permissione tamen Dei, creditur immisissus. Quos malignos spiritus ideo in aere conversari Deus disposuit, quia si in terra cum hominibus essent, et fructus terræ corrumperent, et homines ipsos intolerabiliter affligerent. Per hoc autem quod eos vocavit spiritus, vult curiosos reddere homines ut provide agant, quia hostis qui imminet, invisibilis est. Per hoc iterum quod in aere esse dixit, de eodem nos admonet, quia insidiator prope est.

Qui princeps diabolus nunc, quando vos gratia Dei ab eo liberavit, *operatur in filios diffidentia*, id est de quorum salute nos diffidimus ; Spiritus enim significabat Paulo in quibus laborare deberet, et in quibus non, sciens cor eorum impœnitens. Vel, in *filios diffidentia*, qui diffidunt de salute ; audientes enim quod resurrecturi sint, cælum ascensuri, stultum hoc judicant, et ideo nolunt converti. Et cum de tantis peccatis gratia Dei ad justitiam vos traxerit, videte ne, unquam præsumentes, gratiæ Dei detrahatis. Quod ad augmentum perfectionis pervenire possint ex sequentibus indicat, quasi respondendo objicientibus sibi Ephesiis. Nobis tanto onere peccati prius depressis, non licet sperare de aliqua perfectione, sed sufficit si aliquo modo possimus salvari. Ad hoc Paulus removendum, se et apostolos parificat illis, quia ante fidem similiter fuerunt in peccatis, tamen dissimili modo, sicut indicabunt sequentia. Unde sic ait : *In quibus pec-*

catis etiam nos apostoli, sicut vos Ephesii omnes, etiam Petrus, *aliquando*, id est ante fidem, *conversati sumus*. Vere in peccatis ; nam in *desideriis carnis nostræ*, ut quod caro suggerebat, desideraremus. Nec solum in desideriiis, sed etiam *facientes opere voluntatem carnis*, sicut comedere ad superfluitatem, et luxuriari. Facientes etiam voluntatem *cogitationum*, in quibus non ita caro delectatur ut laborare de gloria mundi ; vel, dictante avaritia multa pati pro congregandis multis. Nec tantum in actualibus istis, sed etiam *eramus*, nos Judæi, *filii iræ*, id est geniti ad vindictam tolerandam, *natura*, id est propter originale nos Judæi, sicut et cæteri, licet tunc falso opinaremur per circumcisionem mundari a peccato Adæ. Ira Dei nihil aliud est quam vindicta. Si continuemus, vel ad illud quod ait : Nos credidimus, et vos credidistis ; vel ad illud : Suscitans Christum et vos suscitavit ; tunc hic beneversus erit. Si autem inferius ad illud, *convivificavit*, porrigatur constructio, nondum finitur versus ita dicendo. *Cum essetis mortui, convivificavit vos Christo* ; Deus autem fuit qui convivificavit ; vel, si ibi finis est, versus sic continuabimus : Nos quidem eramus in peccatis, *sed Deus qui dives est et copiosus in misericordia*, misericordia enim ejus super omnia opera ejus (*Psal.* CXLIV, 9), Deus utique *propter charitatem suam nimiam*, id est, incomprehensibilem *qua charitate dilexit nos*. Putarent illi : Dilexit nos justificatos, sed non quod diligit aliquos in peccato. Ad hoc Paulus : Dilexit dico etiam *cum essemus mortui peccatis*. Ne videatur absurdum, quod Deus diligere dicitur hominem in peccatis ; creaturam enim suam ubique semper diligit, sed malum quod in ea est, odit.

Deus, inquam, quia dilexit nos *convivificavit*, id est vivere nos fecit per justitiam animæ, *Christo*, id est ad similitudinem Christi, quod sicut ille justus, sic et nos justus. *Gratia cujus*, scilicet, Dei ut nos, sic etiam vos *estis salvati*, id est convivificati per justitiam animæ ; vel si pendeat infra constructio, ut dicamus convivificavit nos et vos Christo ; tunc dicemus cujus gratia estis salvati de futura salvatione. *Convivificavit* nos prima resurrectione animæ, *conresuscitavit* etiam secunda corporum resurrectione. **D** Propter certitudinem quam inde habet, quod futurum est significat per præteritum. *Et nos conresuscitatos Christo fecit consedere*, ut jam in quiete regnatos. *Consedere* dico Christo in *cælestibus*, ut hæc beatitudo commendabilior sit etiam ex loco : *Consedere* dico Christo in *Christo Jesu*, et **237** cum eo et per eum, ideo convivificavit, et resuscitatos consedere fecit, ut per hoc ostenderet in *sæculis supervenientibus* his, id est futuris, *divitiarum gratiæ suæ*, id est divitem gratiam suam *abundantem in nobis*. Gratia dico factæ in *bonitate*, id est ex solo beneplacito suo, quia ad promerendum gratiam nullum præcessit meritum. Bonitate dico facta *super nos*, id est quæ nos superavit, quia tanta est quod nec eam intellectus noster capere sufficit. Et hæc

omnia dico in Christo Jesu; in ipso enim, et per ipsum, hæc omnia in nobis operatur Deus. Ideo voluit Deus hæc nota fieri his qui erant futuri, ut intelligeret homo quanta (si vellet) sperare posset de bonitate Dei. Modo ponit illud quod meritum videtur hominis, id est fidem, et meritum non esse ostendit. Vere in bonitate, nam vos per gratiam salvati, id est justificati estis. Concedo etiam ut apponas per fidem; etenim, id est fides non est ex vobis promerentibus ut fidem habeatis. Vere fides non est ex vobis, nam est donum Dei, et non ex operibus vestris. Et ideo Deus omnia ex gratia, et nihil ex operibus esse voluit, ut non gloriaretur aliquis. Videns enim angeli casum et hominis fuisse ex superbia, multum præcavere voluit homini a superbia. Et sicut fides ex dono Dei, sic opera quæ fidem sequuntur per gratiam Dei. Bene dico, ut ne quis gloriatur in fide; nam etiam in operibus quæ sequuntur fidem, non reliquit Deus homini unde posset gloriari. Quod sic ait: Nos sumus factura ipsius Dei, cum nihil in bono essemus creati in Christo, id est per Christum Jesum in bonis operibus, quæ opera præparavit nobis Deus, ut in illis ambulemus, per eum proficiamus et crescamus. Vel, factura sit ablativus, ita factura, id est per facturam Dei sumus creati in Christo. Nihil ibi mutatur.

Quod supra ait: Nos sumus in peccatis sicut vos, modo determinat dicens Judæos non tam graviter peccasse, sicut gentiles, sed licet ante fidem etiam viles Judæi abominarentur gentiles, Deus tamen sine discretionem personarum purificavit eos, non illis qui prius impropertant eis, sed sanctis ac perfectis. Et per hoc probat eos et gratiæ Dei multum obnoxios, et quod de incremento justitiæ, secure si volunt, possunt laborare, dicens: Propter quod, ut ne quis vestrum gloriatur, estote memores quod aliquando tempore infidelitatis vos gentes, id est tales quales in peccato geniti eratis in carne, id est in operibus carnis. Vos dico qui præputium, id est ipsa immunditia dicebamini ab ea circumcissione, id est Judæis, quæ dicitur circumcisio, id est ipsa munditia. Et nihil est, quia hæc circumcisio in carne erat non in corde, facta etiam manu cujuscunque, non per Spiritum sanctum. Memores etiam estote quia illo tempore infidelitatis eratis sine Christo, quia Christus non promittebatur vobis. Eratis et alienati a conversatione Israel, id est Judaici populi; non enim tunc conversabantur vobis; vel, si forte cum eis conversabamini, ut proselyti; eratis hospites testamentorum, id est instabiles, id est modo euntes, modo redeuntes ad legem ducebamini. Testamentum ideo pluraliter dicit, quia Moyses suum, Isaias suum, et quilibet propheta suum habebat Testamentum. Eratis etiam tunc non habentes spem promissionis factæ ad Abraham, nec enim licebat tunc gentibus sperare salutem; et eratis sine Deo, idola adorantes. Vos dico in hoc mundo, id est his mundanis adherentes. Olim sic eratis, sed nunc vos, qui aliquando eratis longe a Deo et a Judæis, facti estis

A prope, utriusque in Christo Jesu, id est per Christum Jesum. Et quomodo per Christum determinat: In sanguine, id est per effusionem sanguinis Christi. Probat de utroque, sed de Judæis primum, dicens: Vere facti estis prope Judæos, quia ipse Deus est pater nostra, id est pacificavit nos simul, gentiles et Judæos, qui Deus facit utraque, id est Judæum et gentilem, unum per unitatem fidei et morum et sacrificii. Unum autem hoc modo: solvens parietem medium, id est qui in medio positus, alterum separabat ab altero. **238** Hic paries fuit ex parte Judæorum, observationes eorum; ex parte gentilium, cultus idolorum. Et hunc parietem eorum solvit, dum idolatriam et ritus Judaicos evacuavit. Parietem dico maceriarum. Maceria dicitur, secundum quosdam, paries firmiter compactus et connexus. Hic paries erat maceria, id est fortis et ad destruendum difficilis, quia Judæi, auctoritate legis et prophetarum, ritus suos tuebantur. Gentes autem, per philosophiam, suam (in quo male consueverant) defendebant; vel dicitur maceria congeries lapidum sine cemento congregata. Sic ille paries fuit maceria, id est debilis et Christo levis ad diruendum, ut sicut congregatio lapidum, et, soluto medio pariete, solvit in carne sua quam assumpsit inimicitias utriusque populi. Destructis enim ritibus Judæi et gentilis, jam non erat unde inimicarentur sibi. Quomodo solverit inimicitias ostendit in parte Judæorum, quorum ratio magis oppugnabat; sed quia gentibus nulla ratio erat, de his nihil subdidit. Solvens inimicitias, quia evacuans legem carnalium mandatorum, decretis, id est datis mandatis ex discretionem inventis, ideo evacuans, hinc legem, inde idolum, ut duos, id est Judæum et gentilem, condant utrumque in semetipso; et quia in se condere posset adhuc divisos addit. Condant, inquam, faciens pacem, id est pacificans eos sibi vicissim. Et in quo pacem fecerit, subdit: Faciens pacem dico in se uno novo homine. Novo, quia homo gratiæ, ideo novo; quia, si esset legalis, oppositus esset gentili; si iterum gentilis, oppositus esset Judæo, et neuter consentiret inimico suo. Probavit quod gentilis sit prope Judæum; probat eundem esse prope Deum, dicens: Et ideo solvens inimicitias ut reconciliet Deo ambos, id est Judæum et gentilem copulatos in uno corpore, id est in Ecclesia. Reconciliationis modum subdit. Reconciliet dico, interficiens ipse Christus in semetipso inimicitias quæ erant inter Deum et hominem. Ita in semetipso quod per crucem, id est per mortem crucis.

Hæc autem omnia parum prodessent, nisi prædicata forent; ideo addit: Et ipse Christus veniens in carnem evangelizavit per apostolos pacem ad Deum restitutam vobis gentibus, qui longe fuistis a Deo, quia sine Christo et sine Deo in hoc mundo eratis. Evangelizavit etiam pacem his, id est Judæis, qui prope erant, quia Deum colebant. Hoc prædicare fecit, quoniam per ipsum Christum ambo et Judæus et gentilis, habemus accessum ad Patrem Deum, non ambo positi in uno Spiritu fidei, cum hic prius esset

in Spiritu legis, hic in spiritu idoli. Et quia ambo in eodem Spiritu positi accessum habemus ad Deum, ergo vos gentiles Ephesii *jam non estis hospites Testamentorum*, sicut illi improperebant. *Et jam non estis advena*, id est non ultra vocamini proselyti, quia licet tunc stabiles essent in lege, semper tamen dicebantur adventitii. *Non estis hospites, sed estis concives*; nec eorum qui vobis improperebant, *sed sanctorum*, id est quorumlibet perfectorum. *Et non estis advena, sed domestici*, id est naturales de domo; nec eorum, *sed domestici Dei*. Vos dico *superædificati* hodie pietas; cras super hanc ædificabitur humilitas. Et sic *superædificati super fundamentum*, id est doctrinam apostolorum et prophetarum, quorum doctrina fundata est Ecclesia. Vel *super fundamentum*, id est Christum, super quem apostoli et prophetae fundati sunt. *Ædificati ipso dico Christo Jesu existente lapide*, propter firmitudinem, *summo*, id est consummante justitiam vestram, *angulari*, id est utrumque populum Judæum et gentilem in se connectente. Lapis iste ubi ad litteram fuerit, certum non habemus; fuisse tamen credimus quod, donec in consummatione utriusque parietis, non idonee poni potuit; sed in summo mirabili convenientia utrumque parietem coagulavit. Hic lapis significavit Christum, Judæum et gentilem in perfectione fidei copulantem. Qui Christus sicut est summus consummator **239** justitiæ, sic est et principum justitiæ. Quod sic ait: *In quo lapide omnis ædificatio constructa per fidem, crescit per operationem in templum sanctum*, ut sit homo templum in quo habitat Deus. Sanctum dico *in Domino*, id est per Dominum. *In quo etiam lapide Christo, vos gentes coædificamini cum Judæis in habitaculum*, id est ad hoc ut sitis habitaculum Dei. Coædificamini dico *in Spiritu sancto*, id est per Spiritum sanctum, purificantem vos Deo.

CAPUT III.

« Hujus rei gratia, ego Paulus vincetus Christi Jesu pro vobis gentibus, si tamen audistis dispensationem gratiæ Dei, quæ data est mihi in vobis. « Quoniam secundum revelationem notum mihi factum est sacramentum, sicut supra scripsi in brevi (Sap. 1, 19), prout potestis legentes intelligere prudentiam meam in ministerio [al., mysterio] Christi, quod in aliis generationibus non est agnoscitur filiis hominum, sicuti nunc revelatum est sanctis apostolis ejus, et prophetis in spiritu, esse coheredes gentes, et concorporales, et participes promissionis ejus in Christo Jesu per Evangelium, cujus factus sum minister, secundum donum gratiæ Dei, quæ data est mihi, secundum operationem virtutis ejus. Mihi enim omnia sanctorum minimo (I Cor. xv, 9) data est gratia hæc, in gentibus evangelizare investigabiles divitiæ Christi, et illuminare omnes quæ sit dispensatio sacramenti absconditi a sæculis in Deo qui omnia creavit, ut innotescat principibus [principibus] et potestatibus in cælestibus per Eccle-

« siam, multiformis sapientia Dei, secundum prædicationem sæcularum, quam fecit in Christo Jesu Domino nostro. In quo habemus fiduciam et accessum in confidentia per fidem ejus. Propter quod peto ne deficiatis in tribulationibus meis pro vobis, quæ est gloria vestra. Hujus rei gratia flecto genua mea ad Patrem Domini nostri Christi, ex quo omnis paternitas in cælis, et in terra nominatur, ut det vobis, secundum divitiæ gloriæ suæ, virtutem corroborari per spiritum ejus in interiorem hominem, Christum habitare per fidem in cordibus vestris, in charitate radicati et fundati, ut possitis comprehendere cum omnibus sanctis, quæ sit latitudo, et longitudo, et sublimitas, et profundum; scire etiam supereminentem scientiæ claritatem Christi, ut impleamini in omnem plenitudinem Dei. Ei autem qui potens est omnia facere superabundanter quam petimus, aut intelligimus secundum virtutem quæ operatur in nobis, ipsi gloria in Ecclesia et in Christo Jesu, in omnes generationes sæculi sæcularum. « Amen. »

EXPOSITIO.

Ut magis obnoxios reddat gratiæ Dei, dicit quod Deus fecerit eum Apostolum propter illos; vincetus est etiam pro eisdem; revelavit etiam e. Deus mysteria sua propter eorum utilitatem. *Vos coædificamini in Christo, et gratia hujus rei ut et vos coædificemini. Ego Paulus vincetus Jesu Christi, quem afflictum non oportet contristari. Vincetus utique pro vobis gentibus*; si enim saluti vestræ non predicarem, nequaquam in vinculis essem. *Pro vobis dico, ita tamen si audistis dispensationem gratiæ Dei, id est gratiam, scilicet, apostolatam ex gratia Dei mihi traditam. Gratiam dico dispensatam a Deo, quia Deus bene dispensavit apud se, quare me Apostolum constituit. Vel quam gratiam ego dispenso vobis et cæteris Ecclesiis. Si, inquam, audistis gratiam, quæ data est mihi in vobis, id est sicut vere credidistis me esse Apostolum vobis, ita vere credite me esse vincetum pro vobis. Gratia utique hæc data est mihi, quoniam sacramentum, id est secretum Dei, factum est mihi notum secundum revelationem, id est ita ut revelate sciam inde loqui. Notum factum est dico, sicut supra scripsi vobis in brevi sermone, ubi ait: Ipse est pax nostra, et est vera, usque ad ergo non estis hospites. Ita scripsi prout bene potestis intelligere. Potestis utique legentes, id est si attente perlegistis illud. Intelligere dico, non tantum sacramentum, sed etiam potestis intelligere prudentiam meam, habitam in mysterio. Idem est **240** quod in sacramento Christi, quia et mysterium novi, et prudenter aperire scio, quod mysterium non est cognitum filiis hominum in aliis generationibus, id est in aliis ætatibus. Vel si aliquibus non ita cognitum sicut nunc revelatum est sanctis apostolis ejus, nec in hoc videat gloriari quia revelatum est in Spiritu sancto etiam prophetis, id est quibuslibet illuminatis sensu hoc mysterium, scilicet, gentes esse coheredes Judæis in*

futura ætate; et hic esse *concorporales*, id est in eodem corpore Christi; id est in Ecclesia esse etiam *conparticipes promissionis* factæ ad Abraham. Co-hæredes dico concorporales comparticipes esse in Christo Jesu, qui fecit utraque unum esse sic in Christo, et hoc per Evangelium, prædicatione cujus, ad fidem veniunt.

Quod Evangelium non est meum, sed *cujus Evangelii factus sum minister*. Nec hoc ex merito meo, sed *secundum donum gratiæ Dei*: quam gratiam iterum non promerui ut haberem, sed *quæ data est mihi secundum operationem virtutis ejus*, quia virtus ejus operata est multa per meam infirmitatem. *Data est mihi*. Et cui mihi? Mihi utique *minimo omnium sanctorum, data est gratia hæc*, scilicet *evangelizare in gentibus divitias Christi investigabiles*, id est incomprehensibiles. Datum est etiam mihi *illuminare omnes* de hoc; *quæ*, id est *quam digna sit dispensatio*, id est impletio *sacramenti absconditi a prioribus sæculis*. In Deo tamen, id est in notitia Dei existentis; qui Deus ignorare non potuit, *quia omnia creavit*. Ideo *evangelizare, illuminare, ut sapientia Dei per ecclesiam quæ in prædicatione nostra constituitur, sapientia, inquam, Dei per hoc innotescat principibus et potestatibus*, id est ordinibus angelorum, existentibus in *cælestibus*. Angeli enim nescientes *salvationem hominum*, mirantur et laudant Deum, cum, per prædicationem Apostolorum, visa conversione, intelligant *salvationem eorum*. *Sapientia Dei multiformis*, quia hunc lenitate sermonis, hunc asperitate infirmitatis convertit *in diverso modo in diversis*. *Multiformis* dico, ostensa *secundum præfinitionem sæculorum*, id est in sæculis a Deo ordinante præfinitis. *Quam præfinitionem*, id est hoc quod in sæculis se facturum præfinitur, *fecit*. id est *complevit in Christo Jesu Domino nostro, in qua*, id est per quem Christum habemus *fiduciam* accedendi ad Deum. Nec solum *fiduciam*, sed etiam habemus *accessum ad Deum*, non timentes *repulsionem*, sed *in confidentia*, id est de introductione *confidentes*. *Confidentia* dico habito *per fidem ejus*, scilicet Christi, cui et in quem credimus.

Commemoravit se propter utilitatem eorum consecratum a Deo Apostolum. *Vinctum* etiam se propter eos, *revelata sibi esse mysteria Dei ad instruendum eos*. *Propter quod*, quia hæc omnia facta sunt propter vos, quia etiam *accessum habetis ad Deum per fidem Christi nobiscum*, propter hoc non modo *precor*, sed quasi rem debitam *peto*, et a vobis *exigo, ne deficiatis in tribulationibus meis*. Ideo per hanc exhortationem vult eos præmunitur Paulus, quia dubitabat ne forte tribulatione et afflictione magistri contemptui haberent, quod ab eo qui contemptibiliter tractabatur didicissent. *Tribulationibus dico meis*, habitis *pro vobis*. Ideo enim Deus me permittit affigi ut qualis vestra sit fides in tentatione mea apparere faciat. Deus enim Abraham et quoslibet alios non ideo tentavit, quod quid futurum esset ignoraret, sed ut fidem eorum probabilem indicaret

A mundo, *quæ tribulatio est gloria vestra*. Si enim a tribulatione mea vires boni operis sumitis, tunc digni estis gloria. Si autem propter me tribulatum deficiatis, ignominia digni estis. *Et gratia hujus rei*, id est ne deficiatis, quia hæc res grata est mihi, vos scilicet non deficere, ideo *flecto genua*. Sicut per genu erigitur corpus, et humiliatur, ita per genu erectum et flexum, elatio mentis et humiliatio accipitur. Paulus utique genua carnis flectebat, ut humilitatem spiritus innueret. *Flecto genua ad Patrem Domini nostri Jesu Christi*; qui et Pater nobis est, cum simus filii Christi, *cujus Pater 241 est. Es quo Patre*, id est: ex institutione et exemplo cujus est nobis *omnis paternitas*, id est sunt nobis omnes patres, *quos vel in cælis habemus angelos provisores nobis, vel quos habemus in terra ut episcopos, et quoslibet Ecclesiæ Patres*. *Paternitas* non ita simpliciter est, sed *nominatur*, id est quicumque nominabiles dignitate virtutum sunt nobis Patres. Vel ita: *Paternitas nominatur*, id est si provisores nostri patres dicuntur solo nomine, id est non nuncupative tantum, non substantialiter quod Deus solus est. *Flecto genua ad Deum: ut det vobis secundum divitias gloriæ suæ*, id est abundanter et gloriose, scilicet, cum potentia. *Det dico virtute corroborari*, id est ut vos corroborati sitis in bono. Et hanc virtutem in vobis non vestram esse credatis, *sed per spiritum ejus*, ut gratiæ Dei omnia ascribatis. *Det dico virtutem non exterius, sed in interiore homine*.

Ideo Deus virtutem justitiæ in anima ordinavit, quia si esset in corpore quod omni adversitati expositum est, sicut corpus, tam cito deficeret virtus quæ longe melius sedet in anima, de quo ait Christus: « Postquam occiderint corpus, animæ non habent quid faciant (Matth. x, 28), » ut det vobis Spiritum, et ut det vobis *habitare Christum in cordibus vestris*: non quod ibi corporaliter sedeat: sed *per fidem*. Licet ubi Spiritus, ibi Christus, tamen neutrum est superfluum, quia Spiritus per dilectionem, Christus per fidem. *Flecto genua* ideo ut vos *radicati et fundati in charitate*. A similitudine arboris in altum radicatæ, et ex abundantia humorum, quibus in alto radices abundant copiose fructificantis, ait *radicati*, id est fructificantes in charitate, *et fundati*, id est super fundamentum in quo firma sit et crescat ædificatio domus Dei. *Ut vos, inquam, radicati et fundati possitis comprehendere*, intellectu et utilitate *cum omnibus sanctis*, id est sicut comprehendunt omnes sancti, *quæ sit latitudo, et longitudo, et sublimitas, et profundum*. Latitudo, a dextera in sinistram crucis Christi, amplitudinem dilectionis significavit qua etiam pro inimicis oravit. Longitudo crucis a capite in pedes, perseverantiam dilectionis significavit, quia cum dilexisset suos, in finem dilexit eos (Joan. XIII, 1). Sublimitas crucis, id est pars illa quæ supereminet capiti, in qua Pilatus titulum scripsit, respectum divinum significavit, ut innueret Christus se non amore mundi pati, sed ut faceret voluntatem Patris sui, qui est in cælis. Pro-

fundum, dicta est pars illa crucis quæ in terra fixa A fuit, quod profundum designat occultam gratiam Dei, qua sine merito bona multiplicat suis eisdem nescientibus quare sic faciat. Hæc tamen in ipsis intelligimus, sic exponendo : Possitis comprehendere quæ sit latitudo, id est quam latos oporteat vos esse in charitate, ut etiam bene faciatis his qui vos oderint. Et longitudo, id est quam longos et perdurantes in dilectione oporteat vos esse, ut etiam si expedit non formidetis mori pro Deo vel proximo. Et quæ sit sublimitas, quomodo superno respectu, non respectu mundi quælibet bona faciatis. Et quod sit profundum, id est occulta gratia Dei in vobis, qua vos sine merito justificavit, et provehit ut etiam possitis scire charitatem Christi, id est quomodo Christus vos dilexerit.

Charitatem dico supereminentem omni scientiæ. Nulla enim scientia comprehendere sufficit quanta sit charitas Christi. Vel ita : Possitis scire charitatem scientiæ Christi, secundum scientiam. Ignorantes enim plerumque diligimus, sed, si cognitionem rei quam diligimus habeamus, multo magis in bonitate rei cognitæ diligenda accendimur. Ideo ait charitatem scientiæ Christi, id est secundum scientiam de Christo habitam. Charitatem scientiæ dico supereminentem charitati ignorantæ. Bonum quod ignoratur minus diligitur. Possitis comprehendere et scire, ideo ut impleamini eundo in omnem, id est in omnium bonorum plenitudinem Dei, id est ex Deo habitam. Ego flecto genua ut vos possitis comprehendere et scire. Ipse autem Deus potens est facere omnia quæcumque opportuna 242 sunt. Facere dico abundanter supra quam petimus, aut supra quam intelligimus. Nemo enim hominum auderet hoc petere a Deo ut Filium suum Deum, hominem faceret; quod tamen fecit. Nemo etiam intelligere posset quo ordine pietatis hominem perditum restauravit, et innumera bona quæ facit, et ideo bene ait, supra quam petimus, aut intelligimus. Et quod tanta potens sit facere probare possumus, eundo secundum virtutem, quæ virtus ejus operatur in nobis, quia, si considerantur ea quæ nobis contulit potestas miraculorum, et multa alia, per hæc plane colligimus quod ex voluntate potens sit de cætero consummare omnia in nobis. Ei autem qui sic potens est facere, ipsi soli non humanæ virtuti, sit gloria in Ecclesia, id est in consideratione bonorum, quæ confert Ecclesiæ, et etiam in Christo Jesu, quia nec ipsi Christo secundum hominem de bonis quæ gessit gloria debetur, sed Deo. Gloria dico permanens in omnes generationes; ab Abel enim primo justo nulla præterit generatio, quæ non haberet aliquos in quibus gloriaretur Deus. Generationes dico sæculi, a principio usque ad finem. Sæculi dico sæculorum, in quo multa sæcula continentur, ipsi gloria. Amen, pro certo ita est.

CAPUT IV.

Obsecro itaque vos ego vincetus in Domino ut dignè ambuletis vocatione qua vocati estis, cum

omni humilitate et mansuetudine, cum patientia, supportantes invicem in charitate. Solliciti servare unitatem spiritus in vinculo pacis (Rom. xii, 10). Unum corpus, et unus spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus et Pater omnium, qui super omnes, et per omnia, et in omnibus nobis. Unicuique autem nostrum data est gratia secundum mensuram donationis Christi. Propter quod dicit : Ascendens in altum captivam duxit captivitatem, dedit dona hominibus (Psal. lxxvii, 19). Quod autem ascendit, quid est, nisi quia et descendit (Joan. iii, 15) primum in inferiores partes terræ. Qui descendit, ipse est et qui ascendit super omnes cælos, ut adimpleret omnia. Et ipse dedit quosdam quidem apostolos, quosdam autem prophetas. Alios vero evangelistas, Alios autem pastores, et doctores (Cor. xii, 28), ad consummationem sanctorum in opus ministerii, in ædificationem corporis Christi : donec occurramus omnes in unitatem fidei, et agnitionis filii Dei, in virum perfectum, in mensuram ætatis plenitudinis Christi : ut jam non simus parvuli fluctuantes, et circumferamur omni vento doctrinæ, in nequitia hominum, in astutia ad circumventionem erroris. Veritatem autem facientes in charitate, crescamus in illo per omnia, qui est caput Christus, ex quo totum corpus compactum, et connexum per omnem juncturam subministracionis, secundum operationem in mensuram uniuscujusque membri, augmentum corporis facit in ædificationem sui in charitate. Hoc igitur dico et testificor in Domino, ut jam non ambuletis, sicut et gentes ambulant in vanitate sensus sui, tenebris obscuratum habentes intellectum, alienati a vita Dei per ignorantiam, quæ est in illis propter cæcitate cordis ipsorum; qui desperantes, semetipsos tradiderunt impudiciæ, in operationem immunditiæ omnis, in avaritiam (Rom. i, 21-31). Vos autem non ita didicistis Christum, si tamen illum audistis, et in ipso edocti estis, sicut est veritas in Jesu. Deponite [a., deponere] vos secundum pristinam conversationem veterem hominem qui corrumpitur, secundum desideria erroris (Col. iii, 8). Renovamini autem spiritu mentis vestræ, et induite novum hominem, qui secundum Deum creatus est in justitia et sanctitate veritatis (Rom. vi, 48). Propter quod deponentes mendacium, loquimini veritatem unusquisque cum proximo suo (Hebr. 12; I Petr. ii, 3), quoniam sumus invicem membra. Irascimini, et nolite peccare (Psal. iv, 5). Sol non occidat super iracundiam vestram. Nolite locum dare diabolo. Qui furabatur jam non furetur (Jac. iv, 7); magis autem laboret, operando manibus suis quod bonum est, ut habeat unde tribuat necessitatem 243 patienti. Omnis sermo malus ex ore vestro non procedat; sed si quis bonus est ad ædificationem fidei, ut det gratiam audientibus. Et nolite contristare Spiritum

• tum sanctum Dei, in quo signati estis in die re-
 • demptionis. Omnis amaritudo, et ira, et indigna-
 • tio, et clamor, et blasphemia tollatur a vobis,
 • cum omni malitia. Estote autem invicem benigni,
 • misericordes, donantes invicem (*Colos. III, 12, 13*),
 • sicut et Deus in Christo donavit vobis. »

EXPOSITIO.

Postquam admonuit eos diversis modis ne intemescerent de bonis gratiæ Dei, neve torperent, sed semper de proficiendo in melius vigilarent, quæ utraque admonitio videtur versari circa magis perfectos, transit ad moralem instructionem, quæ magis pertinere videtur ad minus perfectos. Prius instruens omnes in communi, dehinc conditiones sexus et ætates divisim. Littera sic jungitur: Quia Deus potens est facere vobis supra quam petimus aut intelligimus. Itaque obsecro, id est per omnia sacra vos adjuro, ego vincitus in Domino, id est propter Dominum, quem in vinculis offendere non est minima culpa. Obsecro, inquam, ut ambuletis per gradus virtutum digne, vocatione qua vocati estis; non enim vocati estis ad complenda desideria carnis, sed ut secundum spiritum carnem mortificetis, scilicet, ambuletis cum omni humilitate, et in animo habita, et foris ostensa. Culpa enim est intus esse humilem, et foris simulare superbiam, cum sic de se occasionem tribuat maledicendi, et occultetur virtus cujus imitatione potuit instrui proximus. Foris autem hamilem, intus esse superbium. nulli dubium quin sit culpabile in omni humilitate, et in omni mansuetudine, ut tractabilis sit ad omnes et affabilis, et cum omni patientia servata in quibuslibet adversis, supportantes invicem alter alterum, si molestiam intulit ei. Vel supportantes, id est compatiendo proximo si forte lapsus fuerit, eumque adjuvando oratione, et jejunio. Supportantes dico in charitate, non in exspectatione vindictæ. Vos dico solliciti servare unitatem in vobis, ut sit apud vos idem velle, idem nolle. Unitatem dico Spiritus, id est quam dicit Spiritus sanctus servare eam in vinculo pacis; quæ pax exterius servata vinculum est, et nutrimentum spiritualis unitatis. Et ut hanc unitatem servetis, estote unum corpus, id est unum in operatione. Et estote unus spiritus, id est unum in voluntate. Ita sitis unum corpore et spiritu, sicut res illa ad quam vocati estis una est. Quod sic ait: Vos estis vocati in una spe, id est ad unam rem speratam. Spe dico vocationis vestræ, id est qua digna est vestra vocatio. Iterum debetis esse unum corpus, et unus spiritus, quia Dominus unus vobis dominatur, et fides vestra una est, et indifferens; et baptisma vestrum unum est, omnes æque justificans; non secundum quod quidam dicunt, secundum merita diversorum baptizantium dignius vel indignius. Et est unus Deus, id est creator omnium, et unus Pater omnium, qui vos secundum dilectionem filiorum gubernat. Qui, Dominus Deus Pater dominando, creando, diligendo, est super omnes potestate. Est etiam per omnia loca, nec ulla-

tenuis ab eo licet effugere. Qui si ita communiter est super omnes et per omnia, tamen in omnibus electis est familiaris, dando gratias suas.

Hic potest intelligi Trinitas. Super omnes, Pater; per omnia, Filius; in nobis, amor Patris et Filii, id est Spiritus sancti. Quia dixerat summus unum corpus, unus spiritus, unus est nobis Dominus, una fides, ne per hoc male opinarentur omnes æqualiter esse in hac nova gratia, ut nemo prælatus, nemo subditus, nemo servus, nemo Dominus, determinat hoc dicens: Licet unum simus, unamque Deum, et unam fidem habeamus, tamen unicuique nostrum data est gratia Dei, non eadem omnibus, sed secundum mensuram donationis, id est donatoris Christi. Huic illa gratia, huic ista, et plerumque in eadem gratia diversitas, quia hic minus, hic plus habet de eadem gratia. Propter quod comprobandum 244 (scilicet quod sit donator gratiarum Spiritus sanctus dicitur Psalmo (*Psal. LXVII, 19*): Homo Christus ascendens in altum, id est super altitudinem cælorum, captivitatem, id est humanam naturam prius a paradiso et cælo expulsam reduxit in se homine captivam, quia a loco (qui ipsi pro peccatum naturalis erat) ablatam revexit ad cælos, scilicet ad patriam prius ipsi (nisi peccaret) destinatam. Homo enim, in puritate creatus, paradisum habuit ad habitandum, ut tibi peracta obedientia inde transferretur ad cælos; sed quia peccavit et repromissum cælum perdidit, et a loco habitationis, id est a paradiso depulsus in terra ista captivatus est. Quam terram peccatum ita homini fecit naturalem, sicut justitiam, quandiu in ea fuit paradisum naturalem fecit. Iterum Christus destructo peccato hominis, humanam naturam a miseria ista (qui locus jam ipsi per peccatum naturalis erat) captivam; quia a naturali loco ablatam reduxit ad priorem patriam, scilicet ad cælos. Sed quanto prior captivitas miserior, tanto secunda gloriosior. Ascendens Christus utique in altum, dedit dona hominibus, quia misit Spiritum sanctum in corda discipulorum. Et quia dedit dona, probatum est Christum esse donatorem gratiarum. Quis autem intellectus colligi debeat ex eo quod ait ascendens in altum, vult explanare, non tamen digrediens ab intentione. Dico ascendens. Sed quid est, id est quid per hoc intelligendum est quod Dominus ascendit? Ascendens et ascendit pro eodem habet, nisi hoc intelligamus quod, si ascendit, sequitur quod prius quam ascenderet descendit, id est in humili loco fuit. Si enim ascendit, sequitur quod de inferiori ad superius ascendit. Descendit dico in inferiores partes terræ, id est in infernum qui utique in terra, sed in inferiori parte esse creditur. Ideo probavit eum qui ascendit, prius in humili loco, sicut verum hominem habitasse, ut scientes Christum datorem gratiarum, sicut nos sumus, in esse hominem, fiducialibus ab eo petamus gratias suas, qui nisi comparticipasset humanitati nostræ, multo nobis inexorabilior esset. Et quia ille ascendit primum, igitur qui descendit et qui ascendit super

omnes caelos, ipse unus et ideam est indivisus Christus, A homo Deus.

Vel aliter : Quid est quod ascendit humanitas Christi, nisi quia primum descendit divinitas in inferiores partes terræ, id est ad uniendam sibi humanitatem inter homines? Si enim usque ad globum solis et lunæ descenderet, infra esset, sed ad terras descendere fuit inferius. Et licet alius videatur ascendens, id est, homo alius descendens, id est Deus; tamen qui descendit et qui ascendit super omnes caelos, ipse idem est unus divisa persona. Sic iterum bene ad intentionem : Quia cum tantam videamus ejus potentiam ut homo Deus super caelos ascenderit, fiducialiter postulare possumus ab eo qui omnia potest. Ascendit ideo *ut adimpleret omnia donis suis, juxta quod idem ait : « Nisi ego abiero, Paracletus non veniet ad vos (Joan. xvi, 7). Postquam probavit Christum donatorem gratiarum, ostendit diversitatem donorum. Bene dico adimpleret omnia, et enim ipse Christus dedit quosdam quidem, id est discrete ab aliis apostolos. Quosdam autem dedit prophetas, qui revelarent Scripturas; alios vero evangelistas, id est prædicatores; alios autem pastores et doctores, id est episcopos, qui de mensa corporis Christi subditos pascant, et de Novo et Veteri Testamento doceant. Ideo alios et alios dedit in opus ministerii, quia si uni omnia daret, dum unus ad omnia non sufficeret, ministeria Christi imperfecta remanerent. Ministerii dico valentis ad consummationem sanctorum, id est ut qui jam justi sunt ad perfectionem ascendant. Ministerii etiam valentis in ædificationem corporis Christi, id est ad hoc ut de iis qui adhuc sunt increduli ædificetur corpus Christi, id est Ecclesia. Dicerent illi quos (ne propter unitatem Ecclesiæ se debere esse æquales putarent) admonuit. Parum prodest quod fidem accepimus, si semper in subjectione nos oporteat permanere. 245 De hoc consolatur eos dicens : Ne grave sit vobis si alii subjiciuntur, alii præferuntur. Cito enim hujus diversitatis erit finis. Diversitatis dico non amplius duraturæ, nisi donec occurramus secundum desiderium sanctorum ait. Occurramus omnès existentes in unitate fidei, id est quibus una de Christo fides, et existentes in unitate agnitionis filii Dei, id est in unitate bonorum operum fidem sequentium, per quæ opera filius Dei agnoscitur. Vel, in unitate agnitionis Dei, ut de cognitione Deitatis non laboremus, donec occurramus in virum perfectum, id est ut simus perfectus vir, impassibilitate et immortalitate recepta. In virum perfectum dico, scilicet in mensuram, id est in metam ætatis Christi. Ætatis dico plenitudinis, id est in qua Christus plenitudinem habuit, scilicet post resurrectionem factus impassibilis et immortalis. Vel aliter : Occurramus in virum perfectum, sicut dictum est, et in metam ætatis Christi triginta trium annorum et dimidii; quæ ætas fuit plenitudinis.*

Postquam enim ad istam ventam est, non est quo

creseat caro, nec in augmento virium, nec longitudinis. Omnes enim, sive juniores sive seniores, in eodem puncto ætatis resurrecturi sumus in quo Christus mundum exivit et resurrexit. Ideo alios prophetas, alios doctores vel pastores dedit, ut jam olim quidem sic fuimus, sed amodo non simus parvuli intellectu. Nec simus ex nobis fluctuantes, modo bene, modo male agentes, et ut non per alios circumferamur modo hac, modo illac, omni vento doctrinæ. Alludit similitudini. Mare enim, mundum; ventus, seductores; navis, Ecclesiam, quæ modo infra, modo supra persecutione malorum depellitur, significat. Doctrinæ dico factæ in nequitia hominum; nequissimi enim sunt seductores hujusmodi. Doctrinæ etiam factæ in astutia, latenter seducunt B simplices. Astutia dico tendente ad circumventionem erroris, id est ut nos circumveniant de errore suo. Non simus fluctuantes, sed crescamus in charitate, id est in dilectione Dei et proximi. Veritatem, id est puram a mendacio doctrinam non solum audientes, sed etiam facientes opere. Crescamus eundo per omnia bona cooperatione et consensu. Crescamus dico in illo adjuvante in quo satis crescere possumus, quia qui est caput, id est altitudo in qua semper ascendendum est et qui est Christus rex noster, ex quo capite Christo totum corpus Ecclesiæ compactum est per fidem. Et quia nondum sufficit, possint enim compingi in eandem fidem, et se invicem non sequi, sicut ligna solummodo compacta, si trahatur unum, non sequitur alterum. Et hoc malum C esset si membra caput non sequerentur, ideo addit corpus Ecclesiæ compactum per fidem, et connexum per charitatem. Dilectio enim clavus est, quo sine divisione ligantur. Compactum dico et connexum per omnem juncturam fidei, charitatis, et omnium virtutum. Juncturam dico quæ est causa subministrationis, id est alterum membrum subministret alteri. Subministrationis dico factæ secundum operationem quæ fit in mensuram uniuscujusque membri Ecclesiæ. Aliud enim membrum magis, aliud minus, secundum quod facultas sibi est, subministrat. Totum, inquam, corpus sic compactum et connexum facit augmentum corporis Ecclesiæ. Secundum incrementum justitiæ in fidelibus facit, et valens in ædificationem sui corporis, id est Ecclesiæ cujus membrum est, ædificationem, sicut supra, secundum incredulos qui ædificantur ad fidem. Augmentum et ædificationem dico factam in charitate, id est secundum dilectionem Dei et proximi.

Vel ita construamus, non mutata sententia : *Ex quo totum corpus compactum et connexum per omnem juncturam subministrationis facit augmentum corporis in ædificationem sui, facit dico secundum operationem distributam in mensuram uniuscujusque membri, et hoc totum in charitate, quia Deus quosdam dedit apostolos, alios evangelistas, alios doctores, hoc autem ad consummationem 246 vestri. Iterum, quia totum corpus Ecclesiæ compinxit et comexuit per juncturam fidei et charitatis, igitur hoc dico et præ-*

cipio vobis, nec simpliciter dico, sed *etiam testifcor in Domino*, id est in hac admonitione vestri Deum testem adduco, ne amplius quidquam de vobis a me, sed (si peccatis) de manibus vestris requirat. Hæc verba Paulus habuit ad illos, quando convocata Ecclesia Ephesiorum ait: « Non amplius faciem meam visuri estis: state in eo quod vos docui: Mundus enim ego sum amodo a sanguine vestro (Act. xx, 25). » Videte quid feceritis, quia requiretur de manibus vestris. *Testifcor*, inquam, *in Domino*, ut jam non ambuletis sicut olim ambulastis, et gentes adhuc ambulant. Ubi ait jam, significat eos prius ambulasse. Non ambuletis sicut gentes ambulant in vanitate, id est in sæcularitate sui sensus. Sensus enim mundi vanitas est. Gentes dico habentes intellectum, id est naturalem rationem obscurata tenebris, id est adeo ut per totum tenebræ et nihil sit luminis. Gentes dico alienati a vita Dei, id est ab æternitate in qua Deus vivit. Alienati cognitione et participatione sicut idem ait: Alienati per ignorantiam, quia ignorant vitam Dei, quæ ignorantia est in illis propter cæcitate cordis, id est propter excæcatum cor eorum. Cum enim prius prædicatum est illis verbum Dei, facultatem habuerunt intelligendi; et non intelligendi, sed quia elegerunt ignorare, ideo excæcati sunt adeo quod jam impotentes sint quod bonum est animadvertere. Hæc non ideo loquitur illis, quod Ephesii in aliquo male erraverint, sed quia verebatur ne faciles essent ad ritus gentilium retrahi, in quibus ante fidem fuerant conversati. Quod non erraverint colligitur ex eo quod paulo inferius vocabit eos sanctos; qui excæcati desperantes. Cum enim audiunt: Homo resurget in gloria, conregnabit Christo etc., frivolum hoc putantes desperant, et ideo tradiderunt semetipsos, et non tantum consensu et voluntate euntes in operationem omnis immunditiæ, quia quod male voluerunt, deterius operati sunt. In operationem immunditiæ dico, in avaritia. Quanto enim immundius operabantur, tanto avidiores facti sunt immunditiarum.

Vel aliter: Tradiderunt se in immunditiam et in avaritiam. Gentes sic impudice et immunde ambulant; vos autem non ita didicistis Christum ambulasse, quem sequi debetis. Hac tamen conditione dico, si audistis, id est intellexistis illum Christum, et si edocti estis in ipso, id est in informatione ipsius. Quod utique verum est, quod audistis eum, et in ipso edocti estis, non de falsitate, sed sicut est veritas in Jesu. His enim quæ docui vos de Christo, nihil falsitatis admiscui, ut Nicolaitæ, qui prædicant Christum non improbase communem usum mulierum, et cæteris falsitatibus veritatem Christi confundunt. Et quia secundum veritatem edocti estis in Christo, igitur deponite vos veterem hominem. Vel ita: Edocti utique estis in Jesu deponere vos veterem hominem, non quod carnem ab eo derivatam deponatis, quæ semel deponitur per mortem, sed deponite eum secundum pristinam conversationem, id est secundum vetustatem operationis peccati. Deponite

etiam eum secundum desideria erroris, id est vel de errore venientia, vel in errorem præcipitancia, qui vetus homo in ipso suo opere corrumpitur. Quanto enim frequentius peccat, tanto ipsa caro magis debilitatur et deformatur. Vel in eadem sententia recte sequamur litteram. Deponite veterem hominem qui corrumpitur, non solum secundum opus, sed etiam deponite secundum desideria erroris. Veterem deponite, novum autem hominem induite. Et ideo renovamini, jam enim per baptismum semel novi facti sunt, ait: Iterum renovamini in Spiritu sancto illuminatore mentis vestræ. Vel intransitive renovamini spiritu mentis vestræ, id est sequendo spiritalem mentem vestram, et sic renovati induite novum hominem. Novum ideo quia nova facit omnia, qui novus homo creatus est, 247 non secundum legem carnis, sed secundum Deum, de Spiritu sancto conceptus et natus. Induite dico Christum in justitia servata ad proximum, et in sanctitate, id est possidentes vos ipsos in sanctificationem Deo. Sanctitate dico et justitia non simulationis, sed veritatis, ne simulemus nos esse justos, cum mali simus. Propter quod, id est quia vetus homo deponendus est, novus induendus, ideo assumamus membra novi, deponentes membra veteris scilicet deponentes mendacium quod membrum veteris est. Loquimini unusquisque veritatem cum proximo suo. Veritas enim membrum est Christi. Veritatem loqui debemus cum proximo, quoniam sumus membra invicem, id est alter alterius. Sic qui defraudat proximum, in corpore suo fraudem facit, iterum induendo novum.

Irascimini contra peccatum fratrum, et in irascendo nolite sic peccare, ut de contemptu peccati improvide ruatis in contemptum proximi. Sic enim peccatum odiendum est ut nihil minus diligatur creatura Dei. In irascendo autem non peccabitis, si sol, id est divinitas illuminans vos, vel sol, id est illuminata ratio vestra non occidat, id est non destruat super, id est propter iracundiam vestram, quod ira in vobis non superet rationem. Sol occidat super iracundiam, a similitudine eorum dictum est quibus, in valle positus, mons magnus superesset super quem eis occideret sol, dum altitudo montis a valle solem averteret. Vel aliter quasi diceret: Video vos non posse penitus contineri ab ira. Patior vos. Irascimini et ita quod nolite peccare, id est iram actu consummare. Et hoc cavendum utile erit, si sol non occidat super iracundiam vestram, id est si priusquam veniat vespera, deponatur ira. Dicerent illi: Præcipis nolite peccare, sed quomodo potest hoc ne peccemus fieri? Ad hoc ait: Ut peccatum evadere possitis, nolite locum, id est opportunitatem peccandi dare diabolo in vobis, sed fugite eum. Nolite locum dare diabolo; sed ille qui prius furabatur, jam amodo non furetur. Ad litteram Sed magis laboret, id est laborare eligat operando manibus suis, non homicidia vel hujusmodi, sed quod bonum et utile est. Et adeo laboret ut habeat sibi, et unde tribuat proximo necessitatem patienti. Iterum aliter: Omnia

sermo malus non procedat, id est nullus sermo malus *A* procedat ex ore vestro. Sed si quis sermo est bonus et utilis ad *edificationem fidei*, id est ut proximum *edificet in fide*, ille procedat. Ita tamen *ut det gratiam audientibus*, ut gratus sit iis qui audiunt, et loco, et tempore. Vos praelati (sicut dictum est) docete. Et, vos auditores, *nolite contristare*, non dico solum eos qui vos instruunt, sed qui in eis loquitur *Spiritum sanctum*. Spiritum, dico, *Dei*. Videte quam gravis culpa, quia si prae dicatorem, et spiritum in eo loquentem; et si spiritum, offenditis et Deum; ita qui prae dicatorem offendit, Deum offendit: *Nolite contristare Spiritum, in quo Spiritu signati estis*; vos enim cera, Spiritus sigillum impressum vobis. Signati dico *in die redemptionis*, id est baptisimi, in quo ab omni peccato redempti estis. *Nolite contristare Spiritum, sed tollatur a vobis amaritudo animi, et ira*, id est subita commotio animi et indignatio. Si enim ignobilis superabundat vobis nobilibus, ne indignemini. *Et clamor*, ne inordinate inclametis litigando, *et blasphemia facta in Deum vel proximum*. Qui enim sic ait: Quare hoc Deus fecit? Videtur dixisse quod Deus non bene fecerit. Ut breviter omnia removeam; *haec cum omni malitia, id est omnis malitia tollatur a vobis*. Ne sitis amari vel blasphemi, *sed estote benigni*, id est largi invicem alter dando alteri. Et si non habetis quid detis, estote saltem *miseri cordes animo, donantes invicem*, id est indulgendo alter alteri, *sicut Deus donavit vobis peccata in Christo*. id est per Christum.

248 CAPUT V

« Estote ergo imitatores Dei, sicut filii charissimi, et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. Fornicatio autem, et omnis immunditia, aut avaritia, nec nominetur in vobis, sicut decet sanctos, aut turpitudō, aut stultiloquium, aut scurrilitas, quae ad rem non pertinet, sed magis gratiarum actio. Hoc enim scitote intelligentes, quod omnis fornicator, aut immundus, aut avarus, quod est idolorum servitus, non habet haereditatem in regno Christi et Dei. Nemo vos seducat inanibus verbis; propter haec enim venit ira Dei in filios diffidentiae. Nolite ergo effici participes eorum. Eratis enim aliquando tenebrae, nunc autem lux in Domino; ut filii lucis ambulate: Fructus enim lucis est in omni bonitate, et justitia et veritate: Probatentes quid sit beneplacitum Deo. Et nolite communicare operibus infructuosis tenebrarum; magis autem redarguite. Quae enim in occulto fiunt ab ipsis, turpe est et dicere. Omnia autem quae arguuntur, a lumine manifestantur. Omne enim quod manifestatur lumen est. Propter quod dicit: Surge qui dormis, et exsurge a mortuis, et illuminabit te Christus. Videte itaque, fratres, quomodo caute ambuletis, non quasi insipientes, sed ut sapientes (Col. iii, 5), redimentes tempus, quoniam dies mali sunt. Pro-

pterea nolite fieri imprudentes, sed intelligentes quae sit voluntas Dei (Rom. xii, 2; I Thess. iv, 5). Et nolite inebriari vino, in quo est luxuria, sed implemini Spiritu sancto, loquentes vobismetipsis in psalmis, et hymnis, et canticis spiritualibus, cantantes et psallentes in cordibus vestris Domino, gratias agentes semper pro omnibus, in nomine Domini nostri Jesu Christi, Deo et Patri. Subjecti invicem, in timore Christi. Mulieres viris suis subditae sint, sicut Domino; quoniam vir caput est mulieris, sicut Christus caput est Ecclesiae (I Cor. xi, 3); ipse salvator corporis ejus. Sed sicut Ecclesia subiecta est Christo, ita et mulieres viris suis in omnibus. Viri, diligite uxores vestras (Col. iii, 18; I Petr. iii, 1), sicut et Christus dilexit Ecclesiam, et seipsum tradidit pro ea, ut illam sanctificaret, mundans lavacro aquae in verbo vitae, ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta et immaculata. Ita et viri debent diligere uxores suas, ut corpora sua. Qui suam uxorem diligit, seipsum diligit. Nemo enim unquam carnem suam odio habuit, sed nutrit et fovet eam, sicut et Christus Ecclesiam: quia membra sumus corporis ejus de carne ejus et de ossibus ejus. Propter hoc relinquet homo patrem et matrem suam, et adhærebit uxori suae, et erunt duo in carne una (Gen. ii, 28; Matth. xix, 5). Sacramentum hoc magnum est. Ego autem dico, in Christo et in Ecclesia. Verumtamen et vos singuli, unusquisque uxorem suam sicut seipsum diligit, uxor autem timeat virum suum. »

EXPOSITIO.

Et quia Deus donavit peccata, ergo estote imitatores Dei, sicut filii charissimi, dimittendo alter alteri. Nec solum donando imitamini, sed etiam ambulate in dilectione, ut alter alterum diligit, sicut et Christus dilexit nos. Dilexit utique; etenim tradidit semetipsum pro nobis oblationem et hostiam Deo in odorem suavitatis. In veteri lege oblationes dicebantur panes propositionis, luminaria, et hujusmodi. Hostia vero, quod mactabatur in altari. In Christo vero, oblatio fuit omnia illa bona quae gessit usque ad diem mortis. Hostia autem dictus est, quando seipsum obtulit in ara crucis, et illa vetus hostia dicebatur esse suavissimus odor Deo, secundum sacrificium Christi, quod praefigurabat; secundum se enim fetidum erat. Estote imitatores Dei, non autem fornicatores. Quod sic ait: Fornicatio omnis immunditia (sicut saepe exposuimus) aut avaritia, non solum dico non sit, sed nec etiam nominetur in vobis, id est ne vos tales improprie exhibueritis unde quis male saltem possit opinari. Dico non nominetur in vobis, sicut decet sanctos, quod estis vos, non tantam coram Deo, sed etiam providere bona coram hominibus. **249** Vocans eos sanctos, innuit se non scribere haec, quia peccaverint, sed propter hoc solum et sibi de-

cætero provideant. Fornicatio non nominetur in vobis, aut turpitudine, aut stultiloquium, aut scurrilitas. Turpitudinem vocat atrectationes et illas mulierum deosculationes; stultiloquium, in illis qui laborant apposite loqui mulieribus ad persuadendum. Scurrilitas est pectere et ornare se, ut placeant illis qui iudicant curialitatem, quæ scurrilitas non pertinet ad rem, id est non spectat ad aliquam utilitatem, et ideo non nominetur in vobis, sed magis actio gratiarum, id est sic honeste vos habete, ut in vobis agant gratias Deo qui bona vestra viderint. Ideo hæc non nominentur in vobis, quia qui huiusmodi est, non habet hæreditatem in regno Dei. Vel ita: Non solum ideo non nominentur in vobis, quia non pertinent ad rem; sed etiam ideo quia auferunt regnum Dei. Quod sic ait: *scitote hoc, intelligentes*, id est subtili intelligentia hoc discutientes, quod omnis fornicator, aut immundus, aut avarus, quod, scilicet avarum esse est servitus idolorum. Dum enim avarus magis diligit pecuniam quam Deum, eam sibi facit Deum. Fornicator, inquam, cum illis non habet hæreditatem in regno Christi et Dei, et ne ab hæreditate regni alieni sitis videte. *Nemo seducat vos: verbis inanibus*, id est falsis et mendacibus. Hoc ait propter illos Nicolaitas, qui suadebant Deo non displicere quæcumque carnalia.

Videte, nemo seducat vos; Nam propter hæc quæ superius prohibita sunt, venit ira, id est vindicta Dei in filios diffidentia, id est de quorum salute diffidimus, vel qui de salute Dei diffidunt. Et quia propter hæc venit ira Dei, ergo nolite effici participes eorum, id est fornicationis, immunditæ, aut avaritiæ. Ideo non debetis participare his, quia modo difficultius esset vobis peccare, quam olim; tunc enim per ignorantiam, sed nunc prudentes manum mitteretis in ignem. Quod sic ait: *Eratis aliquando*, id est ante fidem tenebræ, id est ignorantes; nunc autem lux in Domino, id est illuminati per Dominum. Et ideo ambulate ut filii lucis debent ambulare. Ambulate dieo in omni bonitate habita in vobis, et iustitia servata ad proximum, et in veritate ut vera verba dicatis. Ideo in his quia sic ambulare est non simpliciter opus, sed fructus lucis, id est fructiferum opus illuminatorum. Ambulate ut filii lucis, probantes, id est probabiliter considerantes, quod est beneplacitum Deo. Et ut quod beneplacitum est ei faciatis, nolite communicare operibus tenebrarum, id est tenebrosorum. Operibus dico infructuosus et inutilibus, nolite communicare, sed magis redarguite opera tenebrarum. Non debetis communicare, quia tunc est etiam dicere, nedum facere ea quæ sunt ab ipsis in occulto. (Qui enim male agit lucem odit (Joan. iii, 20).) Opera tenebrarum redarguite. Modo assumit: *Omnia autem quæ arguuntur a lumine*, id est reprehenduntur ab illuminatis, manifestantur per confessionem, et dum arguuntur poenitet se male egisse. Et utile est si manifestantur. Omne enim quod sic per confessionem manifestatur lumen est, id est jam incipit esse in lumine iustitiæ,

A cum poenitet se male egisse. Vel aliter: Quonia quæ arguuntur a lumine (sicut dictum est) manifestantur ipsis qui reprehenduntur; prius enim ignorabant pondus peccati sui, quod per reprehensionem agnoscunt. *Omne autem quod sic manifestatur lumen est*, quia in eo quod jam cognoscit peccatum suum, quodammodo illuminatur, et appropinquat iustitiæ. Propter quod comprobandum, scilicet quod tenebræ fiunt lumen per manifestationem, dicit Spiritus sanctus in me. Hæc enim auctoritas alibi non invenitur in Scripturis. Dicit, inquam, ita: *Tu qui dormis per ignorantiam in peccato: surge per cognitionem peccati, seu per confessionem, et cognito peccato exsurge a mortuis*, id est a peccatis quæ generant mortem. Vel a mortuis, id est a numero mortuorum, id est peccatorum, faciundo fructus dignos poenitentia, et sic tibi exurgenti illuminabit Christus, in fundendo gratiam

Dixit superius redarguite opera tenebrarum; quæ enim arguuntur per manifestationem, de tenebris 250 fiunt lumen, et quia de redargutione tanta sequitur utilitas ut quod tenebrosum est fiat lumen. Itaque fratres redarguite opera tenebrarum: et ut libere redarguat, videte quomodo ambuletis caute, id est ne forte inveniatur in vobis, quod in aliis redarguitis. *Caute ambuletis, non quasi insipientes*; qui enim quod in se est, in alio reprehendit, insipienter agit, dum quod sibi in alio displicet in se sibi placet: *Non quasi insipientes, sed ut sapientes*, id est prius purgantes conscientiam, et tunc libere mala proximi redarguentes. *Caute*, inquam, ambulate. Nos dico, *redimentes tempus*: Secundum beatum Gregorium tempus redimere, est anteacta mala fletibus diluere. Cum enim male agimus, tempus perdimus; eum vero mala quæ gessimus per poenitentiam emendamus, et deinceps bene agimus, tempus perditum redimimus. Vel *redimentes*, id est præparantes vobis tempus. Tunc enim tempus redimimus, cum nos ad agendum quod bonum est idoneos præparamus. Sicut enim qui male agit, tempus perdit, sic qui bene agit tempus quidem habet, sed non redimit; sed præparando se, ut sit idoneus ad bene agendum, his præparationibus tempus redimere dicitur. Videte ut caute ambuletis, et tempus redimatis, quoniam dies mali, id est homines in diebus istis mali sunt. Et propterea quoniam dies mali sunt, nolite fieri imprudentes, id est improvide arguentes, sed intelligentes, id est ex intelligentia et calliditate mala proximi corripientes. *Intelligentes*, dico, quæ sit voluntas Domini. Voluntas enim Dei est magis humiliter condescendere proximo, quam nimia asperitate eum detertere. Nolite fieri imprudentes, et nolite inebriari vino, in quo vino est cum ebrietate luxuria; sed inebriamini Spiritu sancto. Quod sic ait: *Implemini Spiritu sancto, loquentes vobismetipsis*, id est cum intellectu eorum quæ profectis. *Loquentes*, dieo, in psalmis. Psalmus dicitur cantus ille qui motu manuum fit in instrumento illo, quod dicitur psalterium. Unde sic ait: *Loquentes in usat*

nis, id est in his quæ pertinent ad instructionem mortalitatis. *Loquentes in hymnis.* Hymnus dicitur laus Dei cum cantico; hymnos etiã hic vocat, vel laudes Dei vel gesta sanctorum similiter ad gloriam Dei. *Loquentes etiã in canticis spiritalibus.* Canticum dicitur exultatio de cœlesti bono, et ideo ait spiritalibus: quibus canticis maxime utuntur monachi, agentes ibi in desiderio futuræ beatitudinis. Non solum cum intellectu loquentes psalmos, hymnos, cantica, sed etiã operantes quod loquuntur. Quod sic ait: *Cantantes in hymnis et canticis, et psallentes,* id est bene operantes in psalmis. Cantare in hymnis et canticis pro modo suo operari est. *Cantantes dico,* et *psallentes Domino in cordibus vestris,* id est ex dilectione non quasi coacti; *agentes etiam gratius semper* Deo et Patri, qui et creavit et diligit. *Gratias dico pro omnibus* seu adversis, seu prosperis. *Agentes dico in nomine,* id est ad glorificandum nomen *Domini nostri Jesu Christi.* Vos dico, *subjecti invicem alter alteri in timore,* id est in dilectione *Christi.*

Postquam hæc præcepta in publico dedit, admonet separatim sexus et conditiones, quomodo cohærere debent alter alteri. Littera sic jungitur: *Dico subjecti estote invicem, sed mulieres* alio genere subjectionis *subditæ sint viris suis,* ita subditæ sicut *Domino.* Ideo viris subjiciantur ut *Domino, quoniam vir caput,* id est rector est et principium *mulieris, sicut et Christus caput est Ecclesiæ,* gubernando eam quam formavit de latere suo. Sicut enim de costa viri mulier (*Gen. 11, 21, 22*), sic de latere Christi Ecclesia. *Ipsæ etiã Christus salvator est corporis ejus,* id est Ecclesiæ, eam enim salvat; sed vir regere quidem potest mulierem, sed salvare nequit. Et licet in hoc differant, quod Christus salvat Ecclesiam, vir non salvat mulierem; tamen non propterea minor sit subjectio. Sed sicut *Ecclesia subjecta est Christo, ita et mulieres subjectæ sint viris suis in omnibus* quæ oportet. Mulieres subdantur viris. Vos autem *virî non dico estote subditi mulieribus, sed diligite uxores vestras;* nec parum, *sed sicut Christus dilexit 251 Ecclesiam.* Dilexit utique; et enim *tradidit seipsum in mortem pro ea, ut sanctificaret eam a peccatis, mundans eam lavacro aquæ.* Hic aquam ostendit necessariam absolutioni. Mundans dico in verbo. Verbum dicit prolationem Trinitatis. Verbo dico vitæ, id est in quo Verbo accipitur vita justitiæ. Vel Verbo vitæ, id est Christo qui in baptismo vitam nobis justitiæ restituit. Sanctificaret ideo ut in die nuptiarum ipse sibi exhiberet Ecclesiam, decore virtutum gloriosam, non habentem maculam, id est aliquid criminale, aut rugam, id est dolositatem: aut aliquid ejusmodi, quod vel macula videatur esse vel dolus, sed ut sit sancta, positione virtutum, et ut sit immaculata, remotione vitiorum.

Sicut Christus Ecclesiam, ita diligant viri uxores; ita etiã debent diligere ut corpora sua. Vere ita ut corpora. Qui enim attigit suam uxorem, diligit seip-

sum. Uxor enim caro viri est, et ideo debet eam diligere. *Nemo enim unquam habuit odio carnem suam, sed nutrit cibus, et fovet eam* vestimentis. Martyres etiã qui carnes suas tradiderunt ad ignem, dicuntur dilexisse carnem, dum eam voluerunt pati ad horam, ut sic requiesceret in æternum, Sicut infirmus qui carnem suam medico tradit ad urendum, et secundum, ut per asperitatem unius diei habeat longo tempore quietam sanitatem corporis. Nutrit dico et fovet, sicut Christus nutrit et fovet Ecclesiam scilicet nos qui Ecclesia ejus sumus; ideo nutrit nos, Ecclesiam suam, qua sumus membra corporis ejus Christi, id est Ecclesiæ. Nos dico existentes quidam de carne ejus. Hi sunt infirmi minus fortes in Ecclesia. Quidam vero existentes de ossibus ejus, id est de robustioribus in Ecclesia. Christus carnem habuit, secundum infirmitatem cujus lædebat et pavebat. Habuit ossa, id est rationem secundum quam dicebat: « Spiritus promptus est (*Matth. xxvi, 41*). » Sic hodie in Ecclesia quidam caro, quidam ossa dicuntur. In hoc etiã mittit nos ad primam creationem, quando Adam videns Evam creatam ait: « Hoc nunc os de ossibus meis, et caro de carne mea (*Gen. 11, 25*). » Propter hoc, quia uxor caro viri est, *relinquet homo patrem et matrem suam, et adhærebit uxori suæ, et erunt duo, vir et uxor, in carne una.* Cum homo caro sit patris et matris in carne, quorum originem habuit; magis dicitur vir caro mulieris, et secundum naturam creationis, quæ de viro mulier formata est. Et secundum vim illius conjunctionis in qua mirabiliter trauserunt in unitatem carnis, adeo ut dicant physici quod, si sanguis viri et mulieris, qui carnaliter commisti sint, in eodem vase ponatur, indivisibiliter commiscetur. Si vero sanguis eorum qui rem simul non habuerint, similiter ponatur, non sic admiscetur, sed sanguis viri per se et mulieris, sicut ante vel post positum est, remanet. Propterea quia una caro sunt, vir debet uxorem diligere. Præterea ideo quia hoc, id est relinquet homo patrem, etc., est magnum, id est magnæ rei sacramentum. Quod enim ait: *Relinquet homo patrem,* significat Filium Dei reliquisse Patrem, dum ipsi per naturam deitatis invisibilis sicut Pater, sub forma servi præbuit se visibilem. Reliquit iterum matrem, id est Synagogam in qua nutritus erat, et adhæsit uxori suæ, id est Ecclesiæ quam sibi annulo fidei desponsavit. Hoc, inquam, est sacramentum. Ego autem dico rem hujus sacramenti existere in Christo, et in Ecclesia, sicut dictum est. Si omnia alia causa in conjugio cessaret, celebrandum tamen esset pro sola dignitate rei cujus figura est. Sed licet res hujus sacramenti in Christo tantum sit et in Ecclesia, non in viro et muliere, verumtamen et vos singuli, non ille uxorem proximi, sed unusquisque diligat suam sicut seipsum; uxor autem non solum diligat, sed etiã timeat virum suum. Sic viri ad uxores, et uxores se habeant ad viros.

CAPUT VI.

Filii, obedite parentibus vestris in Domino
 (Col. iii, 20) : hoc enim justum est. Honora pa-
 trem tuam, et matrem tuam, quod est mandatum
 primum in promissione, ut bene sit tibi, et sis lon-
 gævus super terram (Exod. xx, 12; Eccl. iii, 9;
 Matth. xv, 4). **252** Et vos patres nolite ad ira-
 cundiam provocare filios vestros: sed educate illos
 in disciplina et correptione Domini. Servi, obedite
 dominis carnalibus cum timore et tremore, in
 simplicitate cordis vestri, sicut Christo. Non ad
 oculum servientes, quasi hominibus placentes,
 sed ut servi Christi facientes voluntatem Dei ex
 animo. Cum bona voluntate servientes, sicut Do-
 mino et non hominibus; scientes quoniam unus-
 quisque, quodcumque fecerit bonum, hoc recipiet
 a Domino, sive servus, sive liber. Et vos do-
 mini eadem facite illis, remittentes minas: scien-
 tes quia et illorum et vester Dominus est in cœlis;
 et personarum acceptio non est apud eum
 (Rom. ii, 11; Act. x, 34; I Petr. i, 17). De cætero,
 fratres, confortamini in Domino, et in potentia
 virtutis ejus. Induite vos armaturam Dei, ut pos-
 sitis stare adversus insidias diaboli; quoniam non
 est nobis colluctatio adversus carnem et sangui-
 nem, sed adversus principes et potestates, adver-
 sus mundi rectores tenebrarum harum, contra
 spiritualia nequitiae in cœlestibus. Propterea
 accipite armaturam Dei, ut possitis resistere in
 die malo, et in omnibus perfecti stare. State ergo
 succincti lumbos vestros in veritate, et induti lor-
 rica justitiae, et calceati pedes in præparationem
 Evangelii pacis, in omnibus sumentes scutum
 fidei, in quo possitis omnia tela nequissimi ignea
 extinguere. Et galeam salutis assumite, ac gla-
 dium spiritus (quod est verbum Dei), per omnem
 orationem et obsecrationem orantes omni tem-
 pore in spiritu, et in ipso vigilantes in omni in-
 stantia et obsecratione pro omnibus sanctis; et pro
 me, ut detur mihi sermo in apertione oris mei,
 cum fiducia notum facere mysterium Evangelii;
 pro quo legatione fungor in catena ita, ut in ipso
 audeam, prout oportet me, loqui. Ut autem et vos
 sciatis quæ circa me sunt, quid agam, omnia vo-
 bis nota faciet Tychicus, charissimus frater et fi-
 delis minister in Domino: quem misi ad vos in
 hoc ipsum ut cognoscatis quæ circa nos sunt, et
 consoletur corda vestra. Pax fratribus, et chari-
 tas cum fide, a Deo patre et Domino Jesu
 Christo. Gratia cum omnibus, qui diligunt Domi-
 num nostrum Jesum Christum in incorruptione.
 Amen.

EXPOSITIO.

Vos etiam, filii, obedite parentibus vestris, ita
 tamen quod in Domino; in his enim quæ contra
 fidem sunt, parentes audiendi non sunt. Obedite
 dico; hoc enim justum est, hoc scilicet honora patrem
 tuam et matrem, quod mandatum primum est in se-
 cunda tabula. Duæ tabulæ datæ sunt Moysi. In pri-

ma posita sunt tria mandata, pertinentia ad Deum
 scilicet diliges Deum tuum, et Dominum Deum tuum
 adorabis, et illi soli servies. Et non assumes nomen
 Dei tui in vanum, etc. In secunda tabula septem
 mandata posita sunt, ad homines pertinentia. Hoc
 autem: *Honora patrem*, præpositum est aliis sex.
Hoc etiam mandatum fuit datum in promissione,
 quia statim post mandatum subjuncta est mandati
 promissio; hæc scilicet *ut bene sit tibi honoranti*
patrem, et ut sis longævus super terram hanc, et in
 vera terra repromissionis longævus, quia perma-
 nens. Filii obediant parentibus. *Et, vos patres nolite*
filios vestros provocare ad iracundiam, sed educate
illos in disciplina, docentes eos quæ eis addiscenda
 sunt, et in correptione, ut si peccaverint, quomodo
 decet corripiatis. Disciplina et correptione dico Do-
 mini, id est secundum Dominum facta. Filii obedite
 parentibus; vos etiam, servi, obedite dominis, etiam
 carnalibus. Obedite dico cum timore animi et tremore
 corporis. Et in simplicitate cordis vestri, id est sine
 omni dolositate, obedite illis sicut Christo obedire-
 tis. Vos dico non servientes illis ad oculum, id est ut
 in facie Domini devoti sitis; retro autem superbi.
 Dico non servientes ad oculum, quasi per hoc pla-
 ceatis hominibus, sed sicut servi Christi, ex animo,
 non coacti, facientes voluntatem Dei, id est sicut
 bonum esset vobis facere voluntatem Dei, ita sitis
 servientes illis cum bona voluntate sicut Domino, et
 non sicut hominibus. Ideo ait sicut Domino, cum enim
 pro peccato suo vel parentum servi facti sint, si
 hanc pœnam peccati patienter tulerint Deo magis
 obedire videntur quam homini, qui eos sub hac
 conditione pro peccato rededit. Servite illis sicut
253 Domino, scientes quoniam unusquisque, sive ser-
 vus sive liber, percipiet a Domino remunerante sibi
 quodcumque bonum fecerit. Servi, obedite dominis,
 et vos domini facite illis eadem, non quod illis ser-
 viatis, sed ut labores eorum pie remuneretis. Eadem
 facite illis, remittentes minas, id est nolite eos re-
 xare minis, scientes quia idem Dominus illorum et
 vester est in cœlis, et scientes quoniam acceptio
 personarum non est apud Deum; non enim minus
 diligit servum quam liberum; solummodo bonus
 sit.

Postquam singulares admonitiones ad sexus et
 condiciones fecit, revertitur ad communem Ecclesie
 admonitionem, timens defectum eorum, et sciens
 eos non amplius visuros faciem suam. Sic filii ad
 parentes, servi ad dominos se habeant, et e converso.
 Vos autem fratres, in communi de cætero, id est
 in futuro, confortamini, id est fortes estote in Do-
 mino, et ut confortemini state in potentia virtutis
 ejus, id est potentes estote per virtutem ejus. Vir-
 tutem hic vocat arma quæ sequuntur, quibus poten-
 tes sunt contra hostes. Ut autem fortes et potentes
 sitis, induite vos armaturam Dei, ut armis Dei in-
 duti possitis more pugnantium stare adversus insi-
 dias diaboli, id est diabolum insidiantem vobis, et
 ne in hac pugna negligentes sitis, quis non est ne-

bis colluctatio adversus carnem et sanguinem, id est **A** scutum et protectionem vobis. *In quo scuto fidelis possitis extinguere omnia ignea tela illius nequissimi adversarii. Assumite etiam galeam salutis*, id est spes et desiderium æternæ salutis sit vobis galea, qua caput hoc involvatis. Sicut enim caput dignius membrum est, sic futura salus dignior respectus est. Assumite etiam *gladium Spiritus sancti*, quod, id est *qui gladius verbum Dei est*. Et hoc gladio, scilicet verbo Dei feriuntur hostes et cadunt. Vos dico *orantes per omnem*, id est per omnimodum *orationem* **254** *et per omnem obsecrationem*. Oratio dicitur ut simpliciter : Deus adjuva me; obsecratio, cum adjuramento, ut : Per passionem tuam, libera nos, Domine. *Orantes*, dico, *omni tempore non lingua tantum, sed spiritu*, id est ex corde. **B** *Et in ipso*, id est in orando sitis *vigilantes in omni instantia et in omni obsecratione*, facta pro omnibus sanctis, facta etiam pro me ad hoc ut detur mihi sermo in apertione oris mei, id est ut aperto ori accommodetur gratia sermonis. Et ut detur mihi cum fiducia notum facere mysterium, id est secretum Evangelii mei. Pro quo mysterio revelando fungor legatione positus in catena. Ita detur cum fiducia ut audeam in ipso Evangelio loqui, prout me oportet, non amplius venturus ad vos. De his quæ vobis agenda sunt, sic vos docui. Ut autem et vos sciatis tribulationes, quæ circa me sunt; et quid ego agam in illis. *Tychicus, charissimus frater et fidelis minister in Domino, nota faciet vobis omnia.*

C *Quem Tychicum misi ad vos in hoc ipsum ut cognoscatis per eum quæ circa nos sunt, et ut consolatur corda vestra cum audieritis me pati pro nomine Christi, pro quo omne onus leve est, omne jugum ferre suave est (Matth. xi, 30). Hic Tychicus fuit per quem hanc Epistolam misit, intendens per utrumque eos consolari. Vobis fratibus sit pax et charitas cum fide*, id est et fides a Deo Patre et Domino Jesu Christo. *Gratia sit cum omnibus qui diligunt Dominum nostrum Jesum Christum. Diligent dico in incorruptione*, id est in integritate dilectionis. Dictum est a similitudine sponsæ, quæ se maritum diligere probat, dum ei integritatem suam reservat. Vel ita : *Gratia sit illis in incorruptione*, id est in spe incorruptionis, id est vitæ æternæ. Amen.

ARGUMENTUM IN EPISTOLAM AD PHILIPPENSES.

Philippenses sunt Macedones. Hi accepto verbo veritatis, perstiterunt in fide, nec receperunt falsos apostolos. Hos collaudat Apostolus, scribens eis a Roma de carcere per Epaphroditum

PROLOGUS B. BRUNONIS IN EAMDEM.

Philippi civitas est in Macedonia : inde Philippenses. Hi autem de numero eorum fuerunt, quos in secunda Epistola ad Corinthios adeo magnificavit Paulus, dicens : Seipso primum dederunt; deinde

D sua (II Cor. iii, 5). Apud hos Philippenses aliquandiu conversatus fuerat Paulus, prædicans eis verbum Dei, et per eum susceperunt fidem Christi; quibus confortatis in mandatis Dei, discessit ab eis.

Sed cum Romæ esset in vinculis, propter absentiam et tribulationem pastoris, existimaverunt persecutores justitiæ et pseudo apostoli, depravatores veritatis, sibi datam esse opportunitatem aggrediendi quos Paulus instruxerat Philippenses, ut et facilius cederent persecutioni, propter afflictionem et contemptum magistri, et ut pseudo opportunius perverterent fidem eorum, absente Paulo qui confirmaret eos. Quam utramque pugnam (scilicet persecutorum et pseudodotorum) Paulus intelligens, scripsit eis hanc Epistolam, in qua agit de illa duplici pugna persecutorum et pseudodotorum, eo

modo ut approbet eos persecutionem libenter debere pati pro fide Christi, cum Apostolum suum gaudentem audiant in vinculis, qui dignus habitus sit pro nomine Jesu contumeliam pati; cum etiam sciant Jesum pro salute eorum passum. Iis et aliis causis patientiam cum humilitate commendat eis. Iterum doctrinam eorum pseudo illis adeo deprimit ut vocet eam stercora, et multas dat rationes, quare non sint audiendi. Et in hunc modum agens de hac utraque pugna, intendit eos armare in hoc bello per hanc Epistolam, ne vel cedant persecutioni, vel consentiant errori.

EPISTOLA AD PHILIPPENSES.

255 CAPUT PRIMUM.

Paulus et Timotheus, servi Jesu Christi, omnibus sanctis in Christo Jesu, qui sunt Philippis cum episcopis et diaconibus. Gratia vobis et pax a Deo Patre nostro, et Domino Jesu Christo. Grattias ago Deo meo in omni memoria vestri, semper in cunctis orationibus meis pro omnibus vobis, cum gaudio deprecationem faciens, super communicatione vestra in Evangelio Christi a prima die usque nunc, confidens hoc ipsum, quia qui cepit in vobis opus bonum, perficiet usque in diem Christi Jesu. Sicut est mihi justum hoc sentire pro omnibus vobis, eo quod habeam vos in corde, et in vinculis meis et in defensione et confirmatione Evangelii, socios gaudii mei omnes vos esse Testis enim mihi est Deus, quomodo cupiam vos omnes in visceribus Jesu Christi. Et hoc oro, ut charitas vestra magis ac magis abundet in scientia et in omni sensu, ut probetis potiora, ut sitis sinceri, et sine offensa in diem Christi, repleti fructu justitiæ per Jesum Christum, in laudem et gloriam Dei. Scire autem vos volo, fratres quia quæ circa me sunt, magis ad profectum venerunt Evangelii, ita ut vincula mea manifesta fierent in Christo in omni prætorio, et in cæteris omnibus, et plures e fratribus in Domino confidentes in vinculis meis, abundantius auderent sine timore verbum Dei loqui. Quidam quidem, et propter invidiam et contentionem, quidam autem et propter bonam voluntatem Christum prædicant; quidam, ex charitate, scientes quoniam in defensione Evangelii positus sum. Quidam autem ex contentione Christum annuntiant non sincere; existimantes pressuram se suscitare vinculis meis. Quid enim? Dum omni modo, sive per occasionem, sive per veritatem Christus annuntietur, et in hoc gaudeo, sed et gaudebo. Scio enim quia hoc mihi proveniet ad salutem per vestram orationem et subministrationem Spiritus Jesu Christi, secundum expectationem et spem meam, quia in nullo confundar, sed in omni fiducia, sicut semper, et nunc magnificabitur Christus in corpore meo,

sive per vitam sive per mortem. Mihi enim vivere Christus est, et mori lucrum. Quod si vivere in carne, hic mihi fructus operis est, et quid eligam ignoro. Coarctor autem e duobus: desiderium habens dissolvi, et esse cum Christo, multo magis melius; permanere autem in carne, necessarium est propter vos. Et hoc confidens scio quia manebo et permanebo omnibus vobis ad profectum vestrum, et gaudium fidei, ut gratulatio vestra abundet in Christo Jesu in me, per meum adventum iterum ad vos. Tantum digne Evangelio Christi conversamini, ut, sive cum venero et videro vos, sive absens audiam de vobis, quia statis in uno spiritu unanimes, collaborantes fidei Evangelii, et in nullo terreamini ab adversariis; quæ est illis causa perditionis, vobis autem salutis, et hoc a Deo: quia vobis donatum est pro Christo, non solum ut in eum credatis, sed ut etiam pro illo patiamini: idem certamen habentes, quale et vidistis in me, et nunc audistis de me.

EXPOSITIO

Paulus, etc. Nomina dignitatis hic non apposuit, sciens Philippenses non dubitare de apostolatu Pauli, quem magistrum et Apostolum suum confitebantur, dum, sicut illis tradiderat Paulus, in fide operabantur; sed intendens commendare eis humilitatem, cum patientia humilitatis nomen (se servum dicens) inseruit. Unde sic ait: *Paulus et Timotheus*. Non ideo Timotheum apposuit quod cum Paulo Epistolam scripserit, sed quia in eadem voluntate Paulo concessit; ideo etiam, quia, sicut in sequentibus innuit, missurus erat eis in proximo Timotheum. Cui ut in omnibus obedirent, dignum fuit præscribere commendatione Pauli. Paulus et Timotheus, *servi Jesu Christi*, sic et vos servitatem Christi in omni humilitate patientes custodite. Paulus, inquam, et Timotheus scribunt *omnibus sanctis qui sunt Philippis*. Sanctis dico in Christo Jesu, id est in fide Christi Jesu sanctis et confirmatis. Ubi ait *omnibus sanctis*, communitatem Ecclesiæ intelligit, id est, subditus, quibus in eadem salutatione præla-

vos adjungit, dicens : **256** Scribunt omnibus sanctis, id est subditis cum episcopis, id est et episcopis et diaconibus in eadem Ecclesia. Hic per episcopos accipiuntur presbyteros; cum in eadem civitate non sint, putandum plures esse episcopos. Vel si etiam Philippi regio esset diversas habens civitates, absurde transiret ab episcopis ad diacones, intermissis presbyteris. Nec absurdum est, si sacerdotes dicantur episcopi, cum, secundum Augustinum, quilibet paterfamilias, quia super intendit domui, episcopus possit dici. Paulus, inquam, et Timotheus sic scribunt : *Gratia vobis et pax a Deo nostro Patre, et Domino Jesu Christo.* Sicut saepe expositum est. Hic modo in primis mistim de utraque pugna commendans eis humilitatem cum patientia agit, usque illud inferius, ubi ait : *Scire autem, etc.* Quasi diceret : Audiens fidem et patientiam vestram, *gratias ago Deo meo*, id est mihi bene in vobis faventi. Nostrum dicimus Deum, quando pie concedit quod precamur. *Gratias, inquam, ago Deo meo in omni memoria vestri*, quia, quoties audio aliquid de vobis (quia digna fide Christi sust), *gratias ago Deo*, non in quadam, sed in omni memoria vestri. In omnibus bonum audiens de vobis, *gratias, inquam, ago Deo in omni memoria vestri faciens deprecationem pro vobis omnibus*, quia nemo se indignum mea intercessione facit : Et hoc cum gaudio. Si peccarent illi, precaretur quidem pro eis, sed in tristitia.

Quia vero perfecti sunt, restat ut oret pro eis cum gaudio. *Faciens, inquit, deprecationem in cunctis orationibus meis.* Nunquam enim oro quod praetermittam vos. Orationibus dico non raro, sed semper, id est continue celebratis. *Ago, inquam, gratias semper, id est de communitate vestra ostensa in Evangelio Christi.* Communicastis enim Evangelio Christi, credendo quam cito audistis. Faciendo etiam opera fidei, et praedicando aliis mecum fidem Christi. Vel ita : *Gratias ago super communicatione vestra*, id est de hoc quod rea vestras communes exhibuistis omnibus sanctis. *Communicatione* dico facta in Evangelio, id est secundum Evangelium Christi, quia vos primum Deo, dehinc vestra sanctis tradidistis, et in Evangelio per haec et omnia praeccepta adimplendo. *Communicatione* dico incepta a prima die conversionis vestrae usque nunc, id est ad praesentem diem. *Ago gratias, faciens pro vobis deprecationem, et hoc ipsum*, id est sicut postulo integrum confidens me impetraturum; non tamen ex virtute vestra, sed ideo confidens, quia Deus qui cepit in vobis bonum opus, ipse idem perficiet. Ideo ait *cepit et perficiet*, et, ut superius, *gratias ago*, ut ostendat principium et finem justitiae suae totum ex gratia Dei esse. Ideo etiam ait *confidens*, quia si pietas Dei bona cepit in illis qui mali erant, multo magis credendum est ut in iis qui jam justi sunt, perficiat consummationem. *Perficiet* dico usque in diem Christi Jesu, in morte cujusque, quantum ad eum qui moriatur, incipit dies Christi. Ex hoc enim jam nihil facit praeter voluntatem Christi, qui, dum viveret

A diem suum habuit, faciens bonum vel malum, quod voluit. Vel si dicimus diem Christi, diem iudicii, tunc erit ad probationem. Ita perficiet in vobis opus bonum usque, id est, assidue faciens hoc in justis usque in diem Christi Jesu, id est, quandiu mundus durabit. Confidens et faciens deprecationem tantam sicut est justum; id est, non minus precor pro vobis quam iustitia vestra et benignitas, qua me honorifice suscepistis exigit. *Iustum, inquam, est mihi qui nullius beneficio ingratus sum, sed benigne recompenso.* Sicut, inquam, *justum est mihi non solum deprecari, sed etiam sentire hoc pro vobis*; sentio enim tribulationem vestram ex vi compassionis, ac si eam in carne mea sustinerem. *Pro vobis dico omnibus, quia omnes perfecti estis. Sentire me dico et sentio, eo quod habeam vos non in labiis tantum, sed in ipso corde.* Tribulor enim interius pro vestris tribulationibus. Habeo vos in corde, et dum sum in vinculis, et dum sum in defensione, et positus in confirmatione Evangelii. In vinculis meis habeo vos in corde, memorans vos **257** pati persecutionem sicut et me. *Et in defensione Evangelii*, id est in quo defendo fidem contra pseudo, qui nituntur pervertere eam. Habeo vos in corde, memor quod vos cum pseudo pro tuenda fide vestra decertatis. Per vincula et defensionem utriusque pugnae eorum faciens mentionem, confortat eos in utraque. Habeo etiam vos in corde, in confirmatione Evangelii, id est quando simplicibus Christianis confirmo fidem suam per Scripturas etc. Memor sum vos similiter fidem simplicium confirmare.

Et sicut memor sum tribulationum vestrarum, sic et vos estote participes humilitatis meae. Inutilis enim est patientia, quam non comitatur humilitas. Quales habeo vos in corde : tales, scilicet omnes vos esse socios gaudii mei, remunerationis meae in aeterno gaudio, sicut enim tribulationis meae, participes eritis gaudii. Vere habeo vos in corde. *Testis enim mihi est Deus, quomodo*, id est quam infinito desiderio ego cupiam omnes vos esse, non in pedibus Christi, sed in visceribus Christi Jesu, id est non in inferioribus; sed inter magis dilectos Dei qui dicuntur viscera ejus. Et quia sic cupio de vobis, ideo oro hoc ut charitas vestra magis, proficiendo abunda, temperata in omni scientia, id est in omnimoda discretionem. Ideo scientia necessaria est charitati, quia, si sine discretionem fuerit, plerumque sic obhorrebit aliquid veniale in proximo ut intemperate reprehendendo suscitet litem, vel aliquid majus crimen, cum, si discrete ageret, melius per lenitatem proximum corrigeret, ideo ait *charitas abundet in omni scientia.* Et quia quidem habentes scientiam, plerumque actum ejus obliviscuntur, addit, *et in omni sensu*, id est in omni animadversione, ut semper memoriter animadvertamus et in prompta habeamus scientiam. *Abundet ita ut non tantum bona a malis, sed etiam probetis, id est probabilius eligatis potiora, id est de bonis meliora.* Pro-

bellis ita ut sitis incerti, id est puri in vobis, et sine *A* *offensione* ad proximum, sic eundo in diem Christi, quod nihil in die iudicii mundandum invenitur in vobis. Vos dico *repleti* tunc in die Christi *fructu*, id est remuneratione *justitiæ* vestræ quam hic habuistis. *Repleti* dico per *Jesum Christum*, distributorem illius fructus. *Justitiæ* dico habitæ in *gloriam et laudem Dei*, id est ita ut dicatur in vobis gloriosus et laudabilis Deus in sanctis suis. Vel ita. Tales sitis in diem Christi. Vos dico interim dum vivitis *repleti* non *justitia* (quæ facultatem non habeat operandi) sed *fructu*, id est operibus *justitiæ*, ut et *justitia* et opera *justitiæ* in usu vobis sint. *Repleti* dico per *Jesum Christum*, ex quo omnis *justitia*. Et hoc in *gloriam et laudem Dei*, id est ut Deo totum et vobis nihil ascribatis. Gloria Dei, dicitur claritas deitatis. Laudem Dei accipimus in iis quæ videmus corporalibus oculis. *Sinceri*, si componimus ex *sin* et *cæra*, perducitur media syllaba, nominativus, singularis *sincerus*, habens duo pluralia *sinceri* et *sinceres*, ut diaconus diaconi et diacones. Si secundum *Isidorum*, ex *sine* et *carie* componimus, media syllaba corripitur, et singulari caret.

Hucusque mistim de utraque pugna tractavit; hic separatim de pugna persecutorum incipit, dicens. Audiens bona de vobis, *gratias ago*. Deprecor eum gaudio *confidens* de vobis. Ego sic ago: Vos autem volo scire, fratres, ea quæ circa me sunt. Hæc ideo eis notificat ut exemplo suo ad patientiam et humilitatem eos inducat. Scire, inquam, vos volo, quia ea quæ circa me sunt. Circa, ideo quia ubdequo circumvallant me mala. Vel circa, quia extra in corpore affligor, sed intus, in anima vires congreco. Ea, inquam, quæ circa me sunt, venerunt ad profectum Evangelii magis quam ad detrimentum, sicut ipsi putaverunt quod ligato Paulo, alligatum esset verbum Dei. Venerunt ad profectum, ita ut vincula mea, id est utilitas vinculorum meorum manifesta fierent in Christo, id est in magnificatione nominis Christi. Manifesta dico in omni prætorio, et in cæteris omnibus, id est apud principes, et apud inferiores. Et si enim ubique non sciatur Paulus esse in vinculis, tamen utilitas vinculorum suorum ubique diffunditur, dum fides Christi 258 D per eum dilatata ubique prædicatur. Vel ita: Venerunt ad profectum, ita ut ipsa eadem vincula mea fierent manifesta in Christo, id est quæ pro Christo patiebar. Manifesta dico in omni prætorio, et in cæteris omnibus locis. Ubique, enim dicebant: Videte constantiam. Pauli, qui etiam in vinculis non cessat prædicare fidem Christi. Ita fierent manifesta, ut plures ex fratribus confidentes in Domino, vinculis meis, id est propter vincula mea in quibus positus audacter prædicabam, exemplo meo confisi auderent abundantius loqui gentibus sine timore verbum Dei; qui prius propter timorem non audebant. Ii sunt boni fratres, sed quidam quidem, id est discreti a bonis, quia perverse prædicant Christum et propter

invidiam, quia volunt diminuerè nomen Pauli, in quo non est alligatum verbum Dei. Et si non putent se posse usurpare sibi laudem Pauli, prædicant etiam propter contentionem, certantes se parificare Paulo in laude prædicationis. Quidam autem qui boni sunt prædicant Christum; et si non patiantur tribulationem propter bonam voluntatem habitam ad omnes, quia vellent venire omnes homines ad agnitionem veritatis. Quidam etiam similiter boni ex charitate, id est privata dilectione, quam habent erga me, prædicant Christum, scientes quoniam ego positus sum in vinculis in defensione, id est propter defensionem Evangelii. Vel ita: Scientes quoniam ego sum positus, id est ordinatus a Deo in defensione, id est ad hoc ut defendam Evangelium, ii prædicabant ex privata charitate dicentes: Dilectus noster Paulus; quia ligatus est, non potest modo instruere Ecclesias suas, suppleamus vicem ejus, ne forte quod ædificavit, evertant illi pseudo. Et sic carnalis dilectio erat ad profectum Evangelii.

Quidam autem perversi, sicut illi, ex privata charitate, sic isti ex contentione, id est ex privato odio annuntiant Christum, non sincere, id est non in peritate, existimantes se hoc modo suscitare pressuram, id est aggravationem vinculis meis, id est mihi posito in vinculis. Ii enim perversi disputaverant cum Paulo, et Paulus superaverat eos; nunc autem quod audierant ab eo prædicabant, ideo ut cum diceretur eis: Quare verba ejus scilicet damnati Pauli prædicatis? dicerent hoc, non a nobis, sed sic ab illo accepimus, portet ille pœnam istorum, et iis verbis infideles concitati vehementius desæviebant in Paulum. Objiceret aliquis ad hoc quod superius ait: Vincula mea venerunt ad profectum Evangelii, in bonis quidem qui exemplo tuo animati prædicaverunt, profuerunt quidem; sed in iis qui ex invidia et contentione prædicabant, vincula tua nil profuerunt. Ad hoc Paulus. Profuerunt utique etiam in iis; quid enim nocet dum, id est solum modo annuntietur Christus omni modo, scilicet sive per occasionem suscitandi mihi pressuram, ut faciunt pseudo, sive per veritatem, ut annuntiant boni? Ego non caro quicumque sit annuntians; solummodo auditores in fide proficiant. Gaudeo in hoc quod Christus annuntietur per occasionem, et in hoc gaudeo, quod suscitant mihi pressuram, nec modo solum, sed semper gaudebo in eodem. In Deo gaudeo et gaudebo, scio enim quia hoc, id est quod pressura mihi suscitatur, proveniet mihi in salutem per vestram orationem intercedentem pro me, et per subministratorem, id est per fulcimentum et sustentaculum Spiritus. Sicut enim columna in medio posita sustentat domum, ne cadat; sic Spiritus fulcit me. Spiritus dico Jesu Christi, id est quem Christus dat, pro quo patior proveniet dico in salutem secundum expectationem et spem meam, id est non minus salutis conferens quam expecto et spero. Expectatio dicitur longanimitas in sustinendo, sine certitudine tamen. Spes vero certa præstolatio; ideo secundum spem,

quia non confundar, id est non erubescam in aliquo, ut ego deficiam in Evangelio Christi propter instantem tribulationem. *Non confundar, sed sicut semper, id est de præterito magnificatus est, ita et nunc, id est in futuro magnificabitur Christus, non solum in anima, sed etiam in fragiliori parte, id est in corpore meo. Magnificabitur utique sive per vitam sive per mortem, id est in vita corporis et in morte.* Debeo magnificare Christum per vitam, **259** nam *Christus est vivere mihi, id est ego ad aliud non vivo, nisi ut magnificem Christum. Debeo magnificare per mortem; nam Christus est mihi lucrum mori, id est ad moriendum, ipsum enim Christum accipiens lucror, si pro Christo morior. Vel ita: Per mortem debeo magnificare Christum; nam mori est mihi lucrum, id est nam in morte lucror ego, accipiens in cælis retributionem laborum meorum. Et cum mori sit mihi lucrum, restat ut eligam mortem.*

Adversa sententia, sed tamen licet mori sit lucrum, *vivere in carne est mihi fructus operis, hic scilicet quod per vitam magnificabitur Christus. Et quia mori mihi est lucrum tantæ beatitudinis, et vivere in carne est mihi fructus magnificandi Christum, en, id est ecce, quid horum eligam ignoro, vitam an mortem, ideo ignoro quia coarctor. Vel non solum ignoro, sed etiam coarctor, habens desiderium e duobus, id est de dissolvi, et de permanere in carne; sed dissolvi et cum Christo esse multo melius, quantum ad me. Permanere autem in carne necessarium est propter vos, ut Christus per me magnificetur in vobis. Et hoc, id est quod necessarius et utilis ero confidens. Scio quoniam manebo et etiam diu permanebo omnibus vobis ad profectum vestrum, et ad gaudium fidei vestræ, id est ut de merito fidei gaudeatis. Tunc habet justus gaudium de fide, cum jam non tinet adversa, et securus est de præmio. Permanebo vobis ad profectum, ita ut gratulatio, id est exsultatio vestra, vel actio gratiarum, utrumque enim significat gratulor, et gaudeo et gratias ago, gratulatio, inquam, vestra abundet in Christo, id est in laudem Christi Jesu, in me, id est in consideratione mei. Abundet dico per meum adventum iterum factum ad vos. Abundabit utique tantummodo videte ut vos conversemini digne Evangelio Christo, id est sicut decet et docet Evangelium, quod accepistis. Ita digne, ut sive cum venero et videro vos, sive absens quocunque modo fuero, vel absens vel præsens audiam de vobis hoc, quia statis in uno Spiritu sancto justificante vos. Et quia in eodem spiritu stare possent; hic in humilitate, hic in castitate; tamen non habentes inter se dilectionem, ideo addit unanimes in dilectione, et collaborantes per patientiam tribulationum fidei Evangelii, id est quam fidem in Evangelio didicistis. Audiam etiam quod vos in nullo terreamini ab adversariis, quæ causa, scilicet quod volunt terrere vos, est illis causa perditionis, vobis autem, qui interriti statis, est causa salutis. Et hoc vobis a Deo quod non ter-*

remini, ideo, quia vobis donatum est pro Christo, id est pro merito Christi, non solum ut cre'atis in eum, sed etiam ut patiamini pro illo. Vos dico, habentes idem certamen quale et vidistis in me, cum apud vos essem, et quale nunc audistis de me quod patior Romæ. Vos autem imitamini quod me in humilitate pati videtis, sectantes patientiam et humilitatem.

CAPUT II.

Si qua ergo consolatio in Christo, si quod solatium charitatis, si qua societas spiritus, si qua viscera miserationis, implete gaudium meum, ut idem sapiatis, eandem charitatem habentes, unanimes idipsum sentientes. Nihil per contentionem, neque per inanem gloriam, sed in humilitate superiores sibi invicem arbitantes, non quæ sua sunt singuli considerantes, sed ea quæ aliorum. Hoc enim sentite in vobis, quod et in Christo Jesu. Qui cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen: ut in nomine Jesu omne genu flectatur, cælestium, terrestrium, et infernorum. Et omnis lingua confiteatur, quia Dominus Jesus Christus in gloria est Dei Patri. Itaque, charissimi mei, (sicut semper obedistis) non in præsentia meâ tantum, sed multo magis nunc in absentia **260** mea, cum metu et tremore vestram salutem operamini. Deus est enim, qui operatur in vobis et velle, et perficere, pro bona voluntate. Omnia autem facite sine murmurationibus et hæsitationibus (*I Petr. iv, 9*), ut sitis sine querela, et simplices filii Dei, sine reprehensione in medio nationis pravæ et perversæ; inter quos lucetis sicut luminaria in mundo; verbum vitæ continentes ad gloriam meam in die Christi, quia non in vacuum cucurri, neque in vacuum laboravi. Sed et si immolor supra sacrificium, et obsequium fidei vestræ, gaudeo, et congratulor omnibus vobis. Idipsum autem et vos gaudete et congratulamini mihi. Spero autem in Domino Jesu, Timotheum me cito mittere ad vos, ut et ego bono animo sim, cognitis quæ circa vos sunt. Neminem enim habeo tam unanimem, qui sincera affectione pro vobis sollicitus sit. Omnes enim quæ sua sunt quærunt, non quæ sunt Jesu Christi (*I Cor. xiii, 5*). Experimentum autem ejus cognoscite, quia, sicut patri filius, mecum servivit in Evangelio. Hunc igitur spero me mittere ad vos, mox ut videro quæ circa me sunt. Confido autem in Domino, quoniam et ipse veniam ad vos cito. Necessarium autem existimavi Epaphroditum fratrem et cooperatorem et commilitonem meum, vestrum autem apostolum, et ministrum necessitatis meæ, mittere ad vos, quoniam quidem omnes vos desiderabat, et moestum

erat propterea quod audieratis illum infirmatum. Nam et infirmatus est usque ad mortem: sed Deus misertus est ejus, non solum autem ejus, verum etiam et mei, ne tristitiam super tristitiam haberem. Festinantius ergo misi illum, ut viso illo iterum gaudeatis, et ego sine tristitia sim. Excipite itaque illum cum omni gaudio in Domino, et ejusmodi cum honore habetote; quoniam propter opus Christi usque ad mortem accessit, tradens animam suam, ut impleret id quod ex vobis de-
rat erga meum obsequium. »

EXPOSITIO.

Dixit superius: Vincula quæ circa me sunt, venerunt ad profectum Evangelii; quod etiam vos patimini, vobis est causa salutis, et ita vobis pati donatum est pro merito Christi. Ex istis nunc infertur dicens: Quia et me pati profectus est Evangelii, et quæ pro Christo similiter patimini vobis est causa salutis; ergo, fratres, implete gaudium meum, quod gaudium jam incepistis, ex quo pro Christo contumeliæ passi estis. Implere gaudium intelligit, si ita pro Christo patiantur ut habeant humilitatem patientiæ semper associatam. Hic enim apertius hortabitur eos, ut cum patientia habeant humilitatem, ne, si patiantur pro Christo, ideo se quasi digniores cæteris præferant. Patientia enim sine humilitate inutilis est. Implete gaudium meum si qua consolatio vobis est in Christo, id est si ex Christo consolationem queritis in aliquo. Vel (ut de Christo alleam) si quod solatium charitatis, id est fraternæ dilectionis habere vultis, tunc implete gaudium meum. Vel ita: Si qua consolatio mihi datur apud vos in Christo, id est propter amorem Christi, et si quod solatium charitatis, id est fraternæ dilectionis mihi est apud vos quod me pro fraterna charitate consolari velitis, tunc implete gaudium meum; et, si est vobis qua, id est aliqua societas spiritus, id est si in Spiritu sancto societatem habetis cum aliis Ecclesiis; et si sunt in vobis aliqua viscera, id est aliqui pii affectus miserationis, id est exhibitionis misericordiæ, implete gaudium meum. Viscera hic ponuntur quasi misericordia; pius autem affectus (etiam si nihil operetur) misericordia dicitur. Effectus autem misericordiæ misratio vocatur, ideo tam obnixe obtestatur eos quia vult eos tenere humilitatem, sine qua patientiam eorum intelligit irritam. Implete dico gaudium, ita ut sapiatis idem, id est ut prosperitates proximi tam bene sapiant in vobis ac si vestræ sint. Sapiatis dico, habentes eandem charitatem, id est ad omnem proximum æquam dilectionem. Licet enim quandoque oporteat habere majorem familiaritatem ad quosdam, sicut Christus habuit ad Joannem, hæc tamen non est dicenda charitas, sed major familiaritas, quæ habetur secundum quod quidam sunt opportuni-
ores ad 261 quædam, alii minus.

Sitis etiam sentientes id ipsum in adversis proximi, ut angustiam ejus non solum in animo sentiatis, sed sic pungat vos ut propria. Vos dico unanimes,

id est æquum animum compassionis ad omnem proximum habentes. Vos iterum nihil facientes per contentionem, ut alter qui magis patitur contendat se præferre alteri minus patienti. Vel, nihil disponentes de rebus ecclesiasticis per contentionem, neque facientes aliquid per inanem, id est propter mundanam gloriam, sed estote arbitrantes alios superiores vobis invicem; quod alter reputet alterum se superiorem; nec hoc facta superbia, sed in humilitate, ut, sicut alter præponit sibi alterum, sic eandem humilitatem habeat in corde putans eum, quem præponit, superiorem se. Et quomodo alter alterum sibi superiorem arbitretur, consilium ponit, dicens: Ut arbitremini alter alterum superiorem sibi, non sitis considerantes singuli bona, quæ sua sunt; sed ea tantum bona considerate quæ sunt aliorum. Si enim (postpositis vestris) virtutes aliorum attenditis, sic eos vobis superiores arbitrabimini. Ut utrumque commendet eis, humilitatem et patientiam, exponit quanta fuerit humilitas et patientia Christi, dicens: Bene dico in humilitate; nam hoc debetis habere in vobis quod non solum in me, sed etiam in Christo Jesu præcipue videtis. Nec solum habetis hoc, sed etiam sentite, id est per experientiam rei probate. Ideo ait sentite. Multi enim sunt qui existimant se omnia posse pati pro Christo, qui, si forte venirent ad experimentum, deficerent. Sentite, inquam, in vobis humilitatem, patientiam; quod in me et in Christo Jesu præcipue videtis; qui Christus Jesus cum esset in forma, id est in æqualitate Dei patris, ita invisibilis, coæternus, et consubstantialis illi scivit se esse æqualem Deo. Et in hoc quod scivit, major humilitas. Si enim ignorata altitudine sua, ita se humiliaret, humilitas ejus propter ignorantiam non adeo commendabilis esset. Sciens utique se esse æqualem Deo, non arbitratus est rapinam, ut sibi usurparet rem alienam. Vel sic in eadem sententia: Arbitratus se esse æqualem Deo, non faciendo rapinam, sicut malignus angelus, quod dicens: « Ponam sedem meam ad aquilonem, et ero similis Altissimo (Isa. xiv, 13); et homo cui serpens dixit. « Eritis sicut dii (Gen. iii, 5). » Hic uterque rapinam fecit, dum quod Dei proprium erat, male sibi usurpare voluit. Christus autem non rapinam, quia arbitratum est rem propriam.

Et licet Christus esset in forma Dei, tamen exinanivit, id est evacuavit claritatem deitatis, dum eam sub forma servi posuit. Exinanivit dico semet, id est ipsam deitatem, ipsum, id est in eodem, tamen cum Patre permanentem; sic enim assumpsit quod non erat, ut maneret quod erat, et in hoc multa humilitas. Si enim quilibet rex amisso jure regni humilis sit, non multum est; sed si habens jus regni, ab eo se in humilitate manens alienat, commendabilis est ejus humilitas. Exinanivit, dico, accipiens formam servi. Incomparabilis est humilitas, ubi Dominus elegit esse servus. Iteram formam servi posset accipere sine corruptione, ut non sentiret miseras carnis. Ideo addit, factus, id est fa-

cturam novam accipions in similitudinem hominum. Sic enim passibilis fuit et mortalis ut alii homines. Iterum in similitudine hominum esse posset, manus habens et pedes, et non haberet se ut homo. Ideo subdit et habitu, id est, in habendo se inventus est ut homo, a tentatore diabolo. Diabolus enim investigabat eum an esset Deus, an homo; sed, cum invenit eum esurientem, putavit eum solummodo hominem. Nec solum factus est in similitudinem hominum, sed etiam humiliavit semet (qui tantus erat) ipsum, scilicet in gloria tamen deitatis perdurantem. Humiliavit dico, factus obediens Patri in omnibus, usque ad mortem, nec mortem personae quae digna esset, sed mortem crucis. Quod genus mortis prae omni alio ignominiosius erat. Ubi ait mortem, commendat in eo patientiam. Ubi ait crucis, humilitatem. Propter quod, id est quia, in tanta humilitate et patientia Deo obedivit, ipse se merito suo et Deus secum exaltavit, id est in magna altitudine posuit, **262** illum, scilicet ad dexteram suam. Et illi exaltato donavit nomen, id est honorificentiam, quod nomen est super omne nomen, id est superius omni nominabili, ita super, ut in nomine, id est ad honorem, *Jesu omne genua flectatur*, id est omnia ipsi plene subjiciantur, sicut ille qui genuflectit, subjicitur. Omne genu dico, quia caelestium, id est angelorum, et terrestrium, id est hominum, et infernorum, id est daemonum et animarum, quae ibi sunt, flectatur genu, et omnis lingua confiteatur. Hoc erit in die judicii, quando, velint nolint, Christum confitebuntur impii.

Cor. fiteatur dico, quia, id est quod, Dominus Jesus Christus est in gloria, id est in aequalitate Dei Patris, secundum divinitatem, et post Patrem primus, quantum ad humanitatem super omnem creaturam; quod Christus adeo patiens et humilis fuit, et per utramque sic exaltatus: itaque, *charissimi mei, operamini vestram salutem*, id est vestri exaltationem, conjungentes in vobis patientiae humilitatem. Vos, inquam, sicut semper obedistis mihi, quando apud vos eram, ita modo cum metu animi et tremore corporis, timendum enim semper est stanti ne cadat. Operamini vestram salutem, ut non in praesentia mei tantum dicamini obedisse, sed multo magis nunc in absentia mea probetur vestra obedientia. Ideoque nunquam securi, sed semper cum metu et tremore, quia Deus est qui operatur in vobis (ut nihil vobis relinquam) etiam velle; et postquam per gratiam dederit velle, similiter in vobis operatur perficere. Nec hoc pro vestro praecedenti merito, sed solummodo pro bona voluntate sua, Deus omnia operatur in vobis; vos autem, cooperantes Deo, facite omnia sine murmurationibus, ne si diu vos pati necesse sit, contra Deum impatienter marmuretis, quasi vos injuste permittat affligi. Omnia etiam facite sine hesitationibus, id est ne dicatis: Cras vigilabo, jejunabo cras, pro Christo pati incipiam sic. Ideo facite ut sitis sine querela, id est ut non sit in vobis de suo erga vos homo juste possit conquiri. Et ut sitis

A simplices filii Dei, id est ut simplex filiatio Dei per innocentiam sit in vobis, ut etiam sitis sine reprehensione; quod nec aliqua occasio appareat in vobis, unde reprehensibiles videamini, licet culpa non sit in vobis. Dicerent illi: Grave est sine reprehensione vivere inter tot invidentes justitiae. Ad quod ille: Verum quidem est, quia vos habitatis in medio nationis pravae et perverae in se, id est pervertentis alios, inter quos tamen per fidem et bona opera lucetis, sicut luminaria in mundo. Sicut enim sol et luna mundum illuminant, sic justitia vestra tenebras eorum illuminat. Vos, dico, continentes verbum vitae, id est Evangelium Christi, in fide cujus vitae aeterna habetur. Continentes dico ad modum vasculi quod liquorem infusum sibi bene continet et propinat alii; sic et vos, in vobis verbum Dei custoditis, et aliis ministratis. Continentes dico ad gloriam meam; quod si ego gloriam habiturus sum de hoc quia verbum vitae continetis, multo magis vos qui promeremini. Gloriam dico, mihi habendam in die Christi, quando Christus suos remunerabit. Habebo utique gloriam meam, quia ego non cucurri in vacuum, neque laboravi in vacuum.

Cucurrit secundum illos quos facile convertit. Laboravit secundum difficiliore in accessu fidei. Cucurri quidem et laboravi in vobis, nec me poenitet; sed etiam, si oporteat me immolari pro vobis, in hoc congratulor vobis. Quod sic ait: Etiam si ego immolor supra sacrificium fidei vestrae, et supra obsequium fidei vestrae, id est, ego fidem vestram obtuli Deo, quasi sacrificium in odorem suavitatis. Et obsequium, id est bona opera vestra in quibus post fidem Deo obsecuti estis. Sed si adhuc post hos labores oporteat me immolari pro vobis, gaudeo inde et congratulor, id est gratias refero. Vel congaudeo cum omnibus vobis, qui gaudere debetis, si voluntas Dei fuerit ut ego immoler pro vobis. Vos autem id ipsum recompensando mihi, ut pro me similiter immolemini, gaudete et congratulamini mihi, qui vos ad rem tam dignam argavi; sicut est pro **263** Christo immolari. Iterum: Scio, vos ad patientiam et humilitatem per Epistolam aedifico. Spero autem in Domino Jesu cito me mittere Timotheum ad vos. Ideo ut ego, cognitis quae circa vos sunt, sim bono animo et securo de vobis; quos propter instantem utrinque pugnam vereor perturbari. Ideo Timotheum magis mittam ad vos, quoniam enim habeo tam unanimem vobis, et qui tam sincera affectione sollicitus sit pro vobis. Vere neminem; omnes enim qui modo mecum sunt, quaerunt quae sua sunt, non ea quae sunt Jesu Christi. Illum pro vobis sollicitum mittam ad vos. Vos autem honorifice eum suscipiendo cognoscite.

Non dicit eum simpliciter, sed experimentum ejus, id est eum mihi bene expertum. In multis enim experimentum habui. Experimentum bene dico, quoniam ita servivit mecum in Evangelio, sicut filius obediens patri. Et quia sincera affectione vos diligit, et sicut patri mihi servivit. *Igitur spero, etiam vos*

mittere ad vos, mox ut videro finem eorum quæ circa me sunt. Ideo sic ait. Nero enim disposuerat se in proximo daturum de eo sententiam, an eum occideret, an reservaret. Sperabat autem se evasurum, quia plures de domo Cæsaris instruxerat ad fidem, qui de sua liberatione laborabant. Propterea subdidit: *Confido autem in Domino, quoniam ipse ego cito veniam ad vos.* Et licet me venturum dicam, et Timotheum missurus sim, tamen interim *necessarium existimavi mittere ad vos Epaphroditum fratrem meum et cooperatorem* in prædicatione, et commilitonem in tribulatione. *Vestrum autem apostolum*, id est vel legatum, quia hunc legaverant ad Paulum, vel apostolum, id est prædicatorem eorum, vel episcopum eorum, et *ministerium necessitatis meæ*, id est qui quæ misistis mihi, ministravit in tempore necessitatis. Ideo existimavi hunc mittendum ad vos, etsi necessarius esset mihi, *quoniam quidem desiderabat omnes vos, et erat mæstus*, non pro se verberato, sed propterea *quod audieratis illum infirmatum*, et nolebat vos contristari pro eo. Hic Epaphroditus, dum Paulo ministraret, interceptus a custodibus, vehementer afflixerunt eum verberibus. Infirmatum dico ideo; nam utique *infirmatus est usque ad mortem, sed Deus misertus ejus, non solum autem ejus, verumetiam in eo misertus est mei.* Et quia vos dolebatis de eo, ergo *festinantius quam facerem (necessarius enim mihi erat) misi illum*, ideo at *viso eo, gaudeatis iterum.* Olim enim cum apud vos erat, gaudebatis. Et ideo misi ut ego *sim sine tristitia*, quia de vobis contristatis pro eo tristitiam habeo. Et quia adeo diligit vos, et vos eum, mittimus ad vos. Itaque *excipite eum cum omni gaudio*, non in citharis et tibiis, sed gaudio habito *in Domino*, et hominem ejusmodi qui tanta passus est pro vobis, et adeo vos diligit, *habetote cum omni honore*, et iustum est, *quoniam ipse accessit usque ad mortem propter opus Christi*, quod operabatur in me, *tradens animam suam, et ut impleret ergu meum obsequium id quod deerat ex vobis*; vos quidem pecuniam mittebatis, sed præter eum nemo erat qui auderet ministrare mihi. Per hunc Epaphroditum Paulus hanc illis Epistolam misit.

CAPUT III

De cætero, fratres mei, gaudete in Domino. Eadem vobis scribere mihi quidem non pigrum, vobis autem necessarium. Videte canes, videte malos operarios, videte concisionem. Nos enim sumus circumcisio, qui spiritu servimus Deo, et gloriamur in Christo Jesu, et non in carne fiduciam habentes, quanquam et ego habeam confidentiam in carne. Si quis alius videtur confidere in carne, ergo magis circumcisus octavo die ex genere Israel, de tribu Benjamin, Hebræus ex Hebræis, secundum legem Phariseus (Act. xxiii, 6), secundum æmulationem persequens Ecclesiam Dei, secundum justitiam quæ in lege est conversatus sine querela. Sed quæ mihi fuerunt lucra, hæc arbitratus sum propter Christum de-

trimenta. Verumtamen existimo omnia detrimentum esse, propter eminentem scientiam Jesu Christi Domini mei, propter quem omnia detrimentum feci, et arbitrator ut stercorea, ut Christianam lucrifaciam, et inveniari in illo non habens meam justitiam, quæ ex lege est, sed illam quæ ex fide est Christi Jesu, quæ ex Deo est justitia in fide ad cognoscendum illum, et virtutem resurrectionis ejus, et societatem passionis illius, configuratus morti ejus, si quomodo occurram ad resurrectionem quæ est ex mortuis; non quod jam acceperim, aut jam perfectus sim. Sequor autem, si quo modo comprehendam, in quo et comprehensus sum a Christo Jesu. Fratres, ego me non arbitror comprehendisse. Unum autem, quæ quidem retro sunt obliviscens, ad ea vero quæ sunt priora extendens meipsum, ad destinatum persequor, ad bravium supernæ vocationis Dei in Christo Jesu. Quicumque ergo perfecti sumus hoc sentiamus; et si quid aliter sapitis, et hoc vobis Deus revelavit [revelabit]. Verumtamen ad quod pervenimus, ut idem sapiamus, et in eadem permaneamus regula. Imitatores mei estote, fratres, et observate eos qui ambulant, sicut habetis formam nostram. Multi enim ambulant quos sæpe dicebam vobis (Rom. xvi, 17), nunc autem et flens dico, inimicos crucis Christi, quorum finis interitus, quorum Deus venter est, et gloria in confusione ipsorum, qui terrena sapiunt. Nostra autem conversatio in cælis est. Unde etiam salvatorem expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem virtutis suæ, qua possit etiam subijcere sibi omnia.

EXPOSITIO.

Postquam eos sufficienter instruxit in pugna persecutorum, commendando semper cum patientia humilitatem, instruit eos in alia pugna, quam inferebant illis pseudodoctores, deprimendo eis legem et extollendo fidem. Quasi diceret: Sicut vos docui, patientes et humiles estote ad persecutores; de cætero, id est de alia pugna quam vobis inferunt pseudo, ita vos instruo, fratres mei, *gaudete in Domino*, id est ne quæeratis gaudium alibi, sicut illi male docent in carnalibus. Sed omne gaudium vestrum ponite in Domino. Ipse enim solus justificat, et nihil eorum ad hoc prodest quæ prædicant pseudo. Propterea non in carnalibus, sed gaudete in Domino. Et ut gaudere sciatis in Domino, *mibi quidem qui promptus sum et diligens ad instructionem aliorum, non est pigrum*; quod fortassis repetere pigeret alios non loqui, Verba enim cito a memoria elaberentur; sed *scribere vobis*, ut manente scriptura perduret in vobis traditionum mearum memoria, mihi non pigrum. *Vobis autem erat necessarium me non pigere, sed scribere.* Ut autem gaudeatis in Domino, *videte canes*, id est providete vobis ab illis pseudo, qui congrue canes dicuntur. Quia sicut canis ei, quem videre consuevit, applaudit etiam si ille

veniat ad destructionem domus, vel ad interfectionem sui; illis autem quos non consuevit oblatrat, etiam si illi veniant ut pascant eum, vel ad utilitatem domus: sic isti pseudo carnalibus quos consueverunt, applaudunt, licet sit in hoc et mors eorum et destructio domus, id est Ecclesiae; praedicatoribus autem veritatis oblatrant, solummodo, quia non consueverunt in istis qui tamen veniunt ad vivificandum eos, et ad aedificationem domus Dei. Et de hujusmodi pseudo ait: Videte canes applaudentes consuetae carnalitati, oblatrantes insolitae spiritualitati: quibus non sufficit contradicere veritati, sed etiam sunt mali operarii superseminantes zizania, et hos malos operarios videte, ne falsa doctrina seducant vos. Videte etiam vos eosdem concisionem, qui sicut concisa pellicula caesum habent corpus, sic omnem intellectum caesum et separatum habent a bono. Qui non solum concisi sunt, sed etiam sunt concisio aliorum quos seducunt. Vere illi carnales sunt concisio, nam nos spirituales soli sumus circumcisio, id est, purificatio 265, id est, non solum purificati, sed etiam doctrina et exemplo sumus aliorum purificatio. Abscisio enim illius superfluae pelliculae signum erat omnia superflua circumcidenda esse a corde. Illi vero concisa pellicula cor habent incircumcisum: nos vero rem tenentes, id est circumcisionem cordis, umbram eorum negligimus.

Nos, inquam, sumus circumcisio, qui servimus Deo, non in carne quae vile quid est, sed in digniori parte, scilicet in spiritu; quantum enim spiritualitas praeminet carnalitati, tantum servitus nostra eorum servituti: servimus Deo in spiritu, et gloriamur in Christo Jesu, id est, Christus Jesus est gloria nostra et gaudium nostrum, et nulla gloria nobis in alio. Ita gloriamur in Christo Jesu, non dicam ut non gloriamur in carne, sed etiam non habentes vel minimam fiduciam in carne, id est in carnalibus quae suadent. Dicerent illi: Fortassis nec tibi esset unoe confideres in carne: Nam se, etc. Ad haec ille: Non erubescio vel confido in carne, quanquam ego habeam, id est habere possem, confidentiam si qua esset in carne. Ego utique haberem confidentiam, si qua esset in carne; nam si quis videtur confidere in carne: (hic dico alius, id est longe diversus a me, qui in Christo tantum confido) ego utique magis illo in carne possem confidere. Magis ideo, quia ego circumcisus octava die secundum legem; ille fortassis jam adultus transiens ad Judaismum, fuit circumcisus. Circumcisio quae fiebat octava die, significabat quod per justitiam cujus forma erat circumcisio, reversuri eramus ad illam octavam, quam per culpam Aedae perdidimus. In signum cujus octavae diem Dominicam celebramus. Hic enim mundus per septem dies volvitur; finito autem mundo, incipiet haec octava non habitura finem in aeternum. Quia circumcidebantur octava die etiam qui non erant de Israel, ut illi proselytorum; ideo addit: Ego etiam sum de genere Israel, quia iterum quidam secundum alterum

A parentem de Israel, secundum alterum de gentibus ut David, qui secundum alteram partem fuit de genere Ruth. Gentilis ideo addit natus de tribu Benjamin; quia iterum quidam de Benjamin ad idola lapsi sunt, apposuit Hebraeus natus sum ex Hebraeis. Fui etiam Pharisaeus, id est egregius secundum legem, et per intellectum, et per completionem legis. Phares divisio; inde Pharisaeus divisus, quia separati erant a populo, egregii in lege, intellectu et contemplatione. Fui etiam persequens Ecclesiam Dei secundum emulationem, id est propter zelum et dilectionem defendendae legis. Ut omnibus illis in lege praelatus esse videar, conversatus sum in lege sine querela; sic enim me servavi quod nemo de me potuit conqueri. Sine querela dico secundum justitiam, non quae vera est, sed eam quae est in lege, quam homo satis potest operari per se. Abscindere enim pelliculam illam, mactare hircum, et hujusmodi, facile quilibet potest operari. Et quia tantus in lege fui, si qua in carne gloria esset, nulli major quam mihi, tam praeminens in lege fui; sed tamen ea quae ante gratiam fuerunt mihi lucra; lucrum enim erat operari figuras, dum adhuc expectaretur veritas.

Haec utique prius lucra, modo arbitratus sum detrimenta, id est verum bonum destruentia propter Christum amplectendum. Quoad enim in umbra essem, corpus, id est Christum, non comprehenderem. Sed licet dicam propter Christum haec vetera me dimisisse, verumtamen ut hanc causam, id est Christum, sileam, existimo ego omnia esse decentia verum bonum solummodo propter eminentem scientiam quam modo in Scripturis assecutus sum. Prius enim dum eram in lege, videbar habere scientiam legis, quam in veritate non habebam; sed veniens ad Christum, tunc primum habui veram scientiam Scripturarum longe eminentem illi quam prius habere putabar. Scientiam dico Jesu Christi Domini mei, id est quam Jesus Christus venientibus ad se distribuit. Secundum Ambrosium, amore motus Dominum suum dixit. Propter quem Christum comprehendendum non solum arbitratus sum, sed etiam feci videri aliis, haec omnia carnalia detrimentum. 266 Nec solum ea arbitror detrimentum, sed etiam ut stercorea. Omnem enim adhaerentem sibi coinquinant, haec ideo arbitror stercorea, ut sic Christum faciam lucrum meum, quia deserens illa, lucrum mihi Christum in futuro plenus habendum; ideo etiam sic arbitror ut interim dum nondum plene accipio Christum, inveniar membrum in illo, id est in corpore ejus. Ego dico jam non habens meam justitiam; meam utique, quia quae justitia est ex lege. Opera autem legis quilibet potest operari, scilicet habens illam justitiam quae est ex fide Jesu Christi, id est quam habemus per hoc quod in Christum Jesum credimus. Diceret ille: Justitiam legis dicis esse tuam; illam autem quae est ex fide Christi, opponis quasi tua non ait. Ita ait Paulus: Mea non est, sed quae justitia est ex Deo. Justitia dico sicut habetur per fidem ita perdurans in fide. Quia opinaretur

aliquis: Verum quidem est quod ex Deo fides, et nisi per fidem non potest haberi iustitia; sed iam habita iustitia, non est ultra necessaria fides, ideo ait, quia sicut per fidem ortum habet iustitia, sic perdurare habet in fide, et non sine illa.

Dixit superius quod per Christum habebatur eminentis scientia, etiam in hoc mundo. Nunc autem subdit quod per eum habeatur longe major cognitio; sed hæc in futuro, quando Dominum visuri sumus sicut est. Quæ iustitia est in fide. Iustitia dico valens ad agnoscendum illum in gloria, sicut est, non sicut modo per speculum, et ad virtutem resurrectionis ejus, id est ad resurgendum in immortalitate; quæ nostra resurrectio virtus est resurrectionis ejus. Resurrectio enim ejus hoc efficit, ut nos similiter resurgamus. Iustitia iterum valens ad habendam societatem passionum illius ut, quemadmodum ille pro nobis, sic nos pro eo patiamur. Passiones Christi vocat, quæ ante crucem toto tempore [corpore] toleravit. Valens etiam ad habendam configurationem mortis ejus, ut nos omni modo configuremur morti ejus. Ut sicut ille ex sola dilectione mortuus est pro nobis, sic et nos in dilectione ejus mori gaudeamus. Id quod diximus significant verba ejus, quæ tamen sic construuntur: *Inveniar in illo ego, dico, configuratus morti ejus.* Diceret aliquis: Quare ita vis configurari morti ejus, cum iustitia tua sine morte ad habendam gloriam sufficiat? Ad hæc Paulus: Ideo configurari volo morti ejus; si quomodo ego non curarem quocumque genere passionis vel mortis hæc haberem. Si quo modo, inquam, occurrerem. Servus et dominus sibi invicem occurrant; hic bene serviendo, ille bene remunerando. Sic Paulus occurrit Christo, dum moritur pro eo, sicut Christus mortuus est pro Paulo. Occurram dico tendens ad resurrectionem. Vel ita: Si quo modo occurram ad resurrectionem, ut in occurrere desiderium sanctorum nolemus, quæ resurrectio est ex mortuis. Nos enim extra societatem mortuorum resurgemus, sed in illi non resurgent ex mortuis, quia de die in diem morientur. Ideo dico si quo modo; quia non intelligo quod jam acceperim aliquid de gloria illa ad quam tendo; aut quod jam perfectus sim in cognitione Christi, ad cujus cognitionem sic modo utimur fide, sicut aliqua vitur speculo ad cognitionem cuiuslibet rei. Nondum accepi, sed sequor sicut rem non habitam, et quam desidero. Sequor, inquam, si quo modo (sicut supra dictum est) comprehendam eum. Ex abundantia affectionis ait, comprehendam. Ac si diceret: Si eum consequi possem, in amplexibus meis includerem. Comprehendam dico in eo modo in quo comprehensus sum a Christo Jesu, quando ut signat Christus me perfecte cognovit sicut sum, ita ego cognoscam eum sicut est. Vel ita: Comprehendam Christum in eo modo claritatis in quo ego comprehensus sum a Christo Jesu, quando me vocavit in via, ut in quanta claritate tunc erat, possem eum amplexari. Ideo dico comprehendam, quia ego, fratres, et si raptus sum ad tertium caelum, tamen

A non arbitror me comprehendere Christum, nisi per speculum fidei. Non arbitror me comprehendere, sed persequor unum, id est rem unam, de qua uno ille clamabat: « Unam petii a Domino, hanc requiram (Psal. xxvi, 4). » Unum sequitur, qui in eadem operatione boni semper est. Duo sequitur, qui modo bonum, modo malum operatur. Persequor unum ego quidem obliviscens ea quæ retro sunt, id est temporalia et quæcumque carnalia. Vel ita: Obliviscens quæ retro sunt, id est præterita merita; ad ea vero quæ sunt priora, id est potentia, quia æterna, vel ad ea merita quæ sunt priora utilitate, et si posteriora præcedentibus tempore. Ideo ultima priora, quia præcedentia irrita essent, nisi sequerentur ista quæ faciunt vim illa habere. Ad illa quæ sunt priora B omni desiderio extendens meipsum et carne et spiritu, eundo sic ad destinatum, id est ad rem mihi destinatum, scilicet ad bravium, id est ad præmium laboris. Bravium dico vocationis Dei ad quod accipiendum vocat me Deus.

Vocationis dico supernæ, id est in supernis caelorum habendæ, in Christo Jesu, distributore hujus bravi sui certatoribus. In his verbis et certitudinem et commendationem rei quam expectat, inserit. Per destinatum et vocationis certitudinem, per supernæ et Dei, et in Christo Jesu, dignitatem ejus rei significat. Quia ego Paulus nondum accepi aliquid, nec adhuc perfectus sum: sed sequor ut comprehendam; extendens me ad destinatum bravium supernæ vocationis, ergo vos quicumque perfecti estis hoc idem sentite, scilicet, vos nondum Christum eo modo accepisse, aut in cognitione ejus adhuc perfectos esse. Nec hoc per secundam personam dicit, sed more suo, ut eos melius inducat sese interserit, dicens:

Quicumque perfecti sumus, hoc sentiamus. Quod supra ait: Non quod jam perfectus sim, videtur oppositum ad hoc quod hic ait, perfecti sumus, sed non impedit. Ibi enim ait de perfectione cognitionis Dei, in qua nemo in hoc mundo perfectus est. Hic ait de perfectione virtutum, quam habere possumus in hoc mundo; in qua perfectione multi gradus sunt. Paulus enim perfectior alio, et quilibet sine nævocriminali vitam ducens, perfectus dicitur. Et quis dixit sentiamus nos sic imperfectos, ne ideo de solemnibus, quia si quid aliter, id est minus perfecte, sapitis, Deus qui quod jam sapitis vobis revelavit, hanc etiam quod sapiendum restat vobis revelabit. Vel ita: Si quid aliter sapitis, id est quod jam ad aliquem gradum cognitionis pertingitis, Deus hoc revelabit vobis, et sic faciet illud quod restat. Vel ita: Sentiamus nos imperfectos, et si vos aliquid aliter sapitis, quam sapiendum sit, a carnalibus decepti, Deus revelabit vobis hoc quomodo sentire debeat, qui jam aliquid fecit in vobis. Dicerent illi: Et quia, sicut dicis, sumus imperfecti, ideo stare non possumus, nec mirandum si labimur. Ad hoc Paulus: Licet nondum perfecti simus, verumtamen oportet ut sapiamus, id est intelligamus idem omnes. Nec in

carualibus idem, sed illud idem ad quod intelligendum fide pervenimus, et oportet ut permaneamus in eadem regula, id est in eadem rectitudine vivendi. Ut autem in eodem permaneat, o vos, fratres, estote mei imitatores, quia, si opponitis me, quem non videtis non posse imitari, ad hoc respondeo: *Observate*, id est diligenter considerate, eos qui ita secundum fidem ambulant, sicut adhuc habetis, credo, in memoria formam nostri, quemadmodum docebamus et vivebamus dum apud vos essemus. Sicut enim faciem hominis olim visi quis recolligit, sic et vos formam nostrae doctrinae et morum. Ideo dico, qui ita secundum formam nostram ambulant; multi enim ambulant in genere mali, quos multos saepe cum apud vos eram, dicebam vobis esse inimicos cruci Christi, dum enim aliunde quam per crucifixum Christum dicitur hominem justificari, pro certo inimicantur cruci Christi. Tunc si dicebam vobis, nunc autem idem dico dolens et fletus, et de damnatione eorum, et de seductione vestri.

Ut ab huiusmodi consensu Philippenses retrahat, improbat illis pseudo; partem vero suam approbat, dicens: *Finis quorum inimicorum Christi est interitus*, id est aeterna damnatio, et *Deus quorum est venter*, id quod continet 268 pro eo quod continetur, id est esca. Deum enim per escam se purificari credunt; quod Dei est, escae attribunt. Vel ita: *Quorum Deus venter est*; non enim amore Dei praedicant, sed ut ventrem impleant, et gloria ipsorum qui terrena sapiunt, id est qui carnalia sectantur et docent, est in confusione. Dicuntur enim truncati. Erubescere etiam possunt, dum illi rationales credunt, se justificari per immolationem irrationalis hirci. Finis eorum est interitus, sed *nostra*, non solum voluntas, sed etiam *conversatio* qui crucem Christi diligimus, est in caelis; terrenis enim postpositis, anhelamus ad caelestia. Unde, id est quia, conversatio nostra est in caelis, hac fiducia securi expectamus ad iudicium salvatorem Dominum nostrum Jesum Christum, qui corpus humilitatis, id est abjectionis nostrae (nos enim per peccatum nosmetipsos abieciimus a gloria in qua conditi eramus): corpus, inquam, hoc reformabit, quando enim primum hominem creavit, in multa eum claritate formavit. In resurrectione autem majore adhuc claritate reformabit corpus nostrum configuratum corpori, id est in eadem figura positum in qua suum corpus erit, nec corpori mortalitatis, quod prius habuit, sed corpori claritatis suae; quam claritatem immortalitatis accepit in resurrectione, et in hac eadem claritate immortalitatis corpus nostrum reformabit. Et hoc notandum quod nostra humilitas ejus fuit claritas. Quia autem potens sit reformare, subdit dicens: Reformabit agens secundum operationem; in qua operatione non solum hoc facere, sed etiam possit sibi omnia subficere

CAPUT IV.

Itaque, fratres mei charissimi et desideratissimi, gaudium meum et corona mea, sic state in Domino, charissimi: Evodiam rogo, et Syntychem

A deprecor, id ipsum sapere in Domino. Etiam rogo et te, Germane compar, adjura illas quae mecum laboraverunt in Evangelio cum Clemente, et ceteris adiutoribus meis, quorum nomina sunt in libro vitae. Gaudete in Domino semper, iterum dico: Gaudete. Modestia vestra nota sit omnibus hominibus. Dominus enim prope est. Nihil solliciti sitis, sed in omni oratione et obsecratione, cum gratiarum actione petitione vestrae innotescant apud Deum. Et pax Dei, quae exsuperat omnem sensum, custodiat corda vestra et intelligentias vestras in Christo Jesu. De cetero, fratres, quaecunque sunt vera, quaecunque pudica, quaecunque justa, quaecunque sancta, quaecunque amabilia, quaecunque bonae famae, si qua virtus, si qua laus disciplinae, haec cogitate. Quae et didicistis, et accepistis, et audistis, et vidistis in me, haec cogitate et agite, et Deus pacis erit vobiscum. Gavisus sum autem in Domino vehementer, quoniam tandem aliquid quando restitistis pro me sentire, sicut et sentiebatis. Occupati autem eratis. Non quasi propter penuriam dico. Ego enim didici in quibus sufficiens sum. Scio et humiliari, scio et abundare. Ubique et in omnibus institutus sum, et satiari, et esurire, et abundare, et penuriam pati. Omnia possum in eo qui me confortat [confortavit]. Verumtamen bene fecistis, communicantes tribulationi meae. Scitis autem, et vos Philippenses, quod in principio Evangelii, quando protectus sum a Macedonia, nulla mihi Ecclesia communicavit in ratione dati et accepti, nisi vos soli, quia et Thessalonicam semel et bis in usum mihi misistis. Non quia quero datum, sed requiro fructum abundantem in ratione vestra. Habeo autem omnia, et abundo. Repletus sum acceptis ab Epaphrodito quae misistis in adorem suavitatis hostiam acceptam, placentem Deo. Deus autem meus impleat omne desiderium vestrum secundum divitias suas in gloria in Christo Jesu. Deo autem et Patri nostro gloria in saecula saeculorum. Amen. Salute omnem sanctum in Christo Jesu. Salutant vos qui mecum sunt fratres. Salutant vos omnes sancti, maxime autem qui de Caesaris domo sunt. Gratia Domini nostri Jesu Christi cum spiritu vestro, Amen.

EXPOSITIO:

269 Et quia reformabit nos qui conversamur in caelis, itaque, fratres mei, sic nobiscum conversamini. Fratres dico charissimi, pro jam bene gestis, et desideratissimi, id est qui me multum desideratis. Vel desideratissimi, id est plurimum a me desiderati. Vos dico gaudium meum in praesenti; bonum enim mihi est gaudere de vestra perfectione; vos et corona mea in futuro, pro vobis enim coronari confido. Vos, fratres, state in Domino sic, id est vel sicut vos docui, vel sicut usque modo stetitis, sicut charissimi de praeterito, ita charissimi pro futuro bono. Vos ita in communi admoneo; sed Evodiam, quasi quae cito consentiat, rogo, et Syntychem, quae minus videtur

exorabilis, *deprecor, sapere utrasque idipsum*, id est unitatem fidei. Idipsum dico non in lege, sed in Domino. Hæ duæ matronæ erant, quæ ministraverant Apostolo et discipulis in prædicatione; sed per muliebrem levitatem quod fecerant Apostolo, idem faciebant illis pseudo, putantes se bene agere, et super hoc redarguuntur a Paulo. *Rogo etiam te, o Germane, qui mihi compar es in prædicatione Evangelii, adjuva illas docendo, ne sic errent ulterius, (et dignum est,) quia quæ laboraverunt mecum in Evangelio, de suis mihi ministrando; quæ etiam laboraverunt cum Clemente et cæteris adjutoribus meis, similiter ministrando. Nomina, id est merita, quorum, per quæ coram Deo nominabiles sunt, nomina, inquam, sunt in libro vitæ. Liber vitæ mens divina dicitur, in qua boni ab æterno memoriter scripti sunt. Hic Germanus erat coadjutor Pauli in prædicatione. Has personas ex nomine sic admoneo, in commune autem hoc præcipio: Gaudete non in lege, non in carnalibus, sed in Domino (sicut admonui in principio); nec ad horam, sed semper gaudete in Domino, et iterum idem dico: Gaudete in Domino. Si semel diceret gaudete, non videretur hoc velle quam aliud; sed quia hoc magis suadere intendit, nunquam nimis dicit quod nunquam nimis sit. Ita autem gaudete in Domino ut modestia vestra nota sit omnibus hominibus, ad exemplum boni. Modestiam dicit quasi mensuram, ut sic mensurati sint, ne ultra Dominum gaudium quærant, nec infra gaudere præsumant. Ultra Dominum gaudium quærit, qui fidei adjungit carnalia. Infra subsistit, qui in propriis viribus gaudium quærit.*

Dicerent illi: Bonum esset ad cultum Dei legem adjungere fidei. Ad hoc Paulus: Sic estote modesti, quia Dominus prope est, id est paratus semper est auxiliari modestis. Iterum illi: Si teneremus disciplinam legis, ad corrigendum inquietos esset utilis. Ad hoc iterum Paulus: Nihil sitis solliciti, id est ne sitis dubii de auxilio Dei, quod vobis accelerat dimisso legis. Vel latius accipiamus hoc ita ut ad utramque pugnam respondeant hæc verba. Quasi diceret: Vos utrinque impugnamini, sed gaudete in Domino semper, quia digni estis a persecutoribus, et a pseudo pro nomine ejus pati. Iterum dico: Gaudete. Duplex est pugna, duplex exhortatio. Sic autem gaudete, ut molestia, id est temperantia, patientiæ vestræ nota sit omnibus hominibus. Ut autem modesti sitis, scitote quia Dominus prope est, qui non deserit sperantes in se. Et quia prope est, nihil ergo solliciti sitis, id est ne persecutores dubitetis, Ne sitis dubii, sed petite in omni oratione, et obsecratione, et cum gratiarum actione. Oratio dicitur, quando res impetrabilis petitur et deprecative. Obsecratio dicitur, quando per adjurationem et quod ad impetrandum difficile videtur postulamus. Redditio etiam gratiarum ad impetranda futura utilis est, sicut ingratum esse nocuum est. Sic autem petite ut petitiones vestræ innotescant apud Deum, id est cognitæ et approbatæ sint apud Deum. Tunc apud

Deum innotescit petitio, si qui petit justus est, et si quod petit, idoneum est. Petitiones dicuntur de rebus quæ modo opportuna sunt, modo transeant, ut pluvia in siccitate, æstus in messe. Quod ex vobis potestis, facite, et in quo vos deficitis Deus ex pietate suppleat. Quod sic ait: Pax Dei, id est Deus pacis, et congrue 270 (quia pugnam patiebantur) nominat hic Deum pacis: pax, inquam, Dei quæ exsuperat omnem sensum: intellectus enim hominis eam capere non sufficit; pax, inquam, hæc custodit corda, id est voluntates vestras, et intelligentias vestras in Christo Jesu, qui totius boni custodia est. Quidam idem intelligunt, sed non idem volunt. Quidam idem volunt, qui tamen idem non intelligunt.

De præteritis sic vos instruxi; de cætero, id est de futuro, fratres, cogitate quæcunque sunt vera, quæcunque pudica. Hæc duo, vera et pudica, circa fidem accipiuntur, quorum alterum sine altero licet nequeat esse in fide. Si enim veritas est in fide et pudicitia, quia si falsa fides est, est etiam adultera, tamen non sunt superflua, quia verum et pudicum, diversas laudes signant in fide. Cogitate etiam, quæcunque justa ad proximum, quæcunque sancta in vobis, quæcunque etiam sunt amabilia, id est pro quibuscunque amatur religio vestra, et quæcunque sunt bonæ famæ, id est de quibuscunque bona loquantur homines. Ita tamen dico bonæ famæ si qua virtus est in eis. Vel si non est tanta virtus, sit ibi saltem aliqua laus disciplinæ; sufficit enim solummodo disciplina Christiana, ut appareat laudabilis. Cogitate, inquam, hæc omnia, quæ et didicistis a me, et etiam accepistis a me; et turpe est ut deseratis quæ bene incæpistis, quæ etiam audistis esse in me, et cum apud vos essem vidistis in me. Hæc non solum cogitate, sed etiam agite, et tunc Deus pacis erit cooperando vobiscum. Sic vos de futuris admoneo, de præteritis autem gavisus sum vehementer in Domino, scilicet, quod tandem multo tempore præterito, et tunc aliquando, id est semel non amplius refluistis. Cum enim apud vos eram, tunc circa me floristis, nunc autem refluistis non solum ministrare, sed etiam sentire pro me. Sic enim gravis fuit vobis mea egestas, ac si vos eisdem indigeretis. Sentire dico, sicut olim cum apud vos eram, pro me sentiebatis. Refloruistis convenienter ait. Sicut enim de flore, ita fructus expectatur de hac administratione. Nunc tandem refluistis, sed prius occupati eratis, et ideo excusabiles estis, si aliunde impediti non ministrastis. Gavisus sum utique, et non hoc dico quasi propter penuriam, quæ mihi gravis esset; ego enim didici esse sufficiens in quibuscunque sum. Scio enim et humiliari, id est pauperari. Scio etiam abundare. Ille scit humiliari, qui non frangitur egestate; scit abundare, si cum auctoritate novit subditis imperare, non tamen sibi ad gloriam, sed ad utilitatem Ecclesiæ. Scio humiliari et abundare; ego enim sum inatitutus, id est assuetus ubique, id est in omni loco, sive sint ibi pauci, seu plures, seu pauperes, seu divites. Et in omnibus rebus sum ego institutus, et saturari,

et esurire; et (ut latius dicam) scio abundare et penuriam pati. Et licet dicam scio pati, etc., tamen hæc omnia possum, non in viribus meis, sed in eo adjuvante qui me per gratiam suam confortavit. Et licet dixerim me non propter penuriam gavisum esse, verumtamen non sum ingratus beneficiis, sed bene fecistis communicantes tribulationi meæ, id est mihi tribulato. Dico scio abundare et penuriam pati; vos autem, o Philippenses, hæc scitis, quia quando projectus sum a Macedonia, in principio Evangelii, nulla Ecclesia communicavit mihi in ratione, id est in consideratione dati et accepti, ut consideraret me dare sibi spiritualia, et me debere ab eis accipere carnalia. Vel e converso quod acciperet a me spiritualia, et deberet dare temporalia.

Nulla, inquam, communicavit, nisi vos soli, qui misistis mihi Thessalonicam et semel et bis, non tamen in congregandum thesaurum, sed in usum, id est quod usui meo sufficeret. Dicerent illi: Ideo nos laudat, ut sic nos ad dandum inducat. Ad hoc Paulus: Non ideo vos laudo, quia quero datum, id est ut detis mihi, sed requiro abundantem fructum in ratione, id est in administratione vestra ex ratione facta. Quasi diceret. Non amore accipiendi quero a vobis, sed ut exhibeam me capacem materiam vestræ **271** benignitati, ut sic fructificare possit. Ideo non quero datum, quia ego habeo omnia, quæ oportet, et abundo in illis. Abundo utique, quia repletus sum acceptis ab Epaphrodito quæ misistis in odorem suavitatis

A Deo. Per incensum (qui dicitur odor suavis Deo) significatur oratio. Hæc autem elemosyna non minus grata fuit Deo quam devota oratio. Misistis et hanc eandem hostiam acceptam Deo, nec quoquomodo acceptam, sed bene placentem Deo. Hostia vocabatur, quod pro devictis vel devincendis hostibus offerebatur. Hi autem, si se vel verberibus, vel jejuniis mactarunt, ut invisibilis hostis tentationes superarent, non magis placerent Deo quam hæc administratio. Repletus sum a vobis; Deus autem meus impleat omne desiderium vestrum. Non secundum hoc quod meruistis, sed secundum divitias suas. Impleat dico in gloria et hoc in Christo Jesu, distributore gloriæ. Quia me replevistis sic oro pro vobis; Deo autem et Patri nostro pro his et pro omnibus quæ bene gerimus, sit gloria in sæcula horum sæculorum consecutiva. Amen. Salutate omnem sanctum in Christo Jesu. Hoc ait de discipulis suis, si forte pertranscentes viderent illos. Salutant vos fratres qui mecum sunt. Hoc iterum de discipulis suis qui secum erant ait. Salutant vos omnes sancti; hæc ait de conversis. Maxime autem salutant vos hi qui sunt de domo Cæsaris. Voluit significare eis, de familia Neronis quosdam per eum conversos esse, quorum ope existimabat se evasurum ut visitaret eos. Signum Epistolæ. Gratia Domini nostri Jesu Christi cum spiritu vestro sit, ut in spiritualibus Deo serviatis, in quo et semper gaudetis. Amen.

ARGUMENTUM IN EPISTOLAM PAULI AD COLOSSENSIS.

Colossenses, sicut et Laodicenses, sunt Asiani; et ipsi præventi erant a pseudoapostolis. Nec ad hos accessit Apostolus, sed et hos per Epistolam corrigit. Audierat enim verbum ab Archippo, qui et ministerium in eos accepit. Ergo Apostolus jam ligatus, scribit eis ab Epheso, per Tychicum diaconum, et Onesimum acolythum.

PROLOGUS B. BRUNONIS IN EAMDEM.

Hi Colossenses Asiani erant, affines Laodicensibus, quibus in Apocalypsi Joannes scribit cum cæteris Ecclesiis, quibus similiter Paulus Epistolam scripsit, quia tentabantur similiter a pseudoapostolis, et præcepit ut Epistola Colossensium legeretur in Ecclesia Laodicensium; et e converso. His autem Colossensibus non prædicaverat Paulus, nec ad eos venerat, sed Archippus discipulus Pauli, filius fortasse Philemonis, cui Paulus pro Onesimo reconciliando scribit, prædicaverat illis, et ad fidem eos converterat. Quibus jam sic in fide promotis, Epaphras quidam, ex eodem populo natus, instructus et in a Paulo in fide, supervenit, affirmans quod Archippus prædicaverat illis. Quem libenter audierunt concives sui, et per eum incrementum acceperunt fidei. Dum autem florent in fide ambulantes

C secundum doctrinam Archippi et Epaphræ, supervenerunt pseudo, prædicantes illis legem. Populus autem adhuc rudis, existimans eos esse audiendos non minus quam illos priores, fere incipiebat consentire eis. Sed Epaphras, audiens Apostolum prope esse Ephesi, pertransiit ad illum, nuntians illi ordinem rei, et postulans ab eo ut prædicationem suam, **272** et Archippi confirmaret per Epistolam illis missam, eorum vero partem qui contradicebant, improbaret. Hac occasione Paulus scribit eis hanc Epistolam, in qua materiam habet Christum et legem; hi enim Christum, illi legem prædicabant. De his sic agit approbando fidem Christi, multis et evidentibus causis, et improbando legem non ultra jam esse tenendam. Ea intentione de utroque sic agit ut confirmet eos in puritate fidei qui est Christus.

EPISTOLA AD COLOSSENSIS

CAPUT PRIMUM.

Paulus apostolus Jesu Christi per voluntatem

Dei, et Timotheus frater, his qui sunt Colossis, sanctis, et fidelibus fratribus in Christo Jesu.

Gratia vobis et pax a Deo patre nostro. Gratias
 agimus Deo et Patri Domini nostri Jesu Christi,
 semper pro vobis orantes, audientes fidem ve-
 stram, in Christo Jesu, et dilectionem quam ha-
 betis in sanctos omnes, propter spem quæ repo-
 sita est vobis in cœlis, quam audistis in verbo
 veritatis Evangelii, quod pervenit ad vos, sicut et
 in universo mundo est, et fructificat et crescit
 sicut in vobis, ex ea die qua audistis et cognov-
 istis gratiam Dei in veritate, sicut didicistis
 ab Epaphra; charissimo conservo nostro, qui
 est fidelis pro vobis minister Christi Jesu; qui
 etiam manifestavit nobis dilectionem vestram in
 spiritu. Ideo et nos ex qua die audivimus, non
 cessamus pro vobis orantes et postulantes, ut im-
 pleamini agnitione voluntatis ejus in omni sa-
 pientia et intellectu spiritali, ut ambuletis dignè
 Deo per omnia placentes, in omni opere bono
 fructificantes, et crescentes in scientia Dei, in
 omni virtute confortati secundum potentiam cla-
 ritudinis ejus in omni patientia et longanimitate,
 cum gaudio gratias agentes Deo et Patri, qui di-
 gnos nos fecit in partem sortis sanctorum in lu-
 mine. Qui eripuit nos de potestate tenebrarum, et
 transtulit in regnum Filii dilectionis suæ. In quo
 habemus redemptionem et remissionem peccato-
 rum, qui est imago Dei invisibilis, primogenitus
 omnia creatura, quoniam in ipso condita sunt
 universa in cœlis et in terra, visibilia et invisi-
 bilia, sive throni, sive dominationes, sive princi-
 patus, sive potestates, omnia per ipsum et in ipso
 creata sunt. Et ipse est ante omnes, et omnia in
 ipso constant: et ipse est caput corporis Eccle-
 siæ, qui est principium primogenitus ex mor-
 tuis (I Cor. xv, 20), ut sit in omnibus ipse
 primatus tenens, quia in ipso complacuit omnem
 plenitudinem divinitatis inhabitare, et per eum
 reconciliari omnia in ipsum, pacificans per san-
 guinem crucis ejus, sive quæ in cœlis, sive quæ
 in terris sunt. Et vos cum essetis aliquando ali-
 enati et inimici sensu, in operibus malis, nunc au-
 tem reconciliavit in corpore carnis ejus, per mor-
 tem, exhibere vos sanctos, et immaculatos, et ir-
 reprehensibiles coram ipso, si tamen permanetis
 in fide fundati, et stabiles, et immobiles a spe
 Evangelii, quod audistis, quod prædicatum est in
 universa creatura, quæ sub cœlo est, cujus factus
 sum ego Paulus minister; qui nunc gaudeo in
 passionibus pro vobis, et adimpleo ea quæ desunt
 passionum Christi, in carne mea, pro corpore
 ejus, quod est Ecclesia, cujus factus sum ego mi-
 nister secundum dispensationem Dei, quæ data
 est mihi in vobis, ut impleam verbum Dei. My-
 sterium quod absconditum fuit a sæculis et gene-
 rationibus; nunc autem manifestatum est sanctis
 ejus, quibus voluit Deus notas facere divitias
 gloriæ sacramenti hujus in gentibus, quod est
 Christus, in vobis spes gloriæ, quem nos annun-
 tiavimus corripientes omnem hominem, et docentes

in omni sapientia, ut exhibeamus omnem hominem
 perfectum in Christo Jesu, in quo et laboro, cer-
 tando secundum operationem ejus quem operatur
 in me in virtute.

EXPOSITIO.

Paulus, etc. Quia hic auctoritas necessaria erat,
 dignitatis nomen non intermisit, dicens: *Paulus*
apostolus, 273 non legis, sed *Christi Jesu*. Aposto-
 lus dico per voluntatem Dei. Scitote quia, qui mihi
 contradicit, contradicit et voluntati Dei: qui autem
 Archippo et Epaphrae discipulis [consultatoribus] meis,
 similiter et mihi et Deo, Paulus, inquam, et Timo-
 theus frater scribunt his qui sunt Colossis. His dico
 sanctis, id est qui sancti sunt et confirmati in ju-
 stitia fidei. Sanctis, inquam, et fidelibus fratribus,
 id est minus perfectis. Sanctis et Adelibus dico in
 Christo Jesu, quia si Christus Jesus vobis ad sancti-
 ficandum sufficit, frustra legem apprehendere vultis.
 Timotheum ideo secum in salutatione ponit, quia
 notus erat illis, et habebant eum magnæ auctoritatis.
 Hic autem auctoritate sola opus erat. Non enim con-
 tradicebant Petro vel Paulo, vel cuiquam Christum
 prædicanti, sed simpliciter opinabantur illos pseude-
 sic esse ex Paulo, ut illos veros. Paulus, inquam, et
 Timotheus sic scribunt. *Gratia vobis: et pax a Deo*
patre nostro, sicut sæpe expositum est. Nunc in pri-
 mis commendat fidem eorum, quam tradiderant illis
 Archippus et Epaphras, dicens: *Audientes fidem ve-*
stram gratias agimus Deo: pro qua utique non age-
 rem gratias, si esset imperfecta. Sed agimus gratias
 Deo, et Patri Domini nostri Jesu Christi, cujus fides
 tradita est vobis. Cui sicut ego consentio, sic Chri-
 stus et Pater ejus Deus. Videte ne vos negligentes
 discipulos contemnatis me magistrum, quia si me, et
 Christum et Patrem ejus Deum contemnitis. Gratias
 agimus nos, orantes pro vobis, ut in fide quam acco-
 pistis proficiatis, quod utique non orarem nisi fidem
 hanc approbarem. Orantes dico non raro, sed semper.
 Videte ne laborem orationis meæ irritum faciat.

Unde gratias agat, proxime subdit, commendando
 fidem, sicut tradiderant illis Archippus et Epaphras,
 dicens: *Gratias agimus, audientes fidem vestram esse*
in Christo Jesu, et audientes bonum effectum vestræ
 fidei, scilicet dilectionem, quam habetis in omnes
 sanctos quibus ex charitate vestra communicatis.
Dilectionem dico habitam propter spem, id est propter
 rem speratam; quæ spes est posita, id est abscondita
 vobis, et reservata in tam digno loco sicut in cælis.
 Per hoc quod dicit, speratam positam esse et abscon-
 sam, commendat meritum eorum, qui sperant a Deo
 quod nec viderunt nec audierunt. Ubi autem in cælis,
 dignitatem speratæ rei ex loco in quo futura est,
 ostendit. Dicerent illi: Spes ista ex lege habetur.
 Ad hoc Paulus: *Quam rem speratam et audistis et*
intellexistis in verbo veritatis. Neque hæc veritas in
 lege fuit, sed veritatis Evangelii. Lex enim falsitatis
 est verbum, sed Evangelium verbum est veritatis.
 Iterum illi: Malumus non obedire tibi, quam rem
 inauditam suscipere. Ad hoc Paulus: *Quod Evan-ge-*

lium (pertransiens jam multas Ecclesias) venit ad vos. Quod autem omnis Ecclesia tenet, vosne repellere vultis? Iterum illi: Pervenit utique ad nos, sed non sic integrum ut ad alios. Ad hoc ait: Pervenit utique ad vos, sicut pervenit in universum mundum. In hac enim eadem fide quam tradiderunt vobis, totus mundus post Christum abit. Peruenit dico et est, id est sic permansit in universo mundo, et fructificat bene operando, et crescit tam numero quam cognitione Dei. Non per aliud quam traditum est vobis, sed sicut isti posuerunt in vobis. Dicerent illi: Crescit quidem in nobis, ex quo cepimus audire hos qui noviter intraverunt. Minime, ait Paulus, sed crescit ex ea die qua audistis fidem ab Archippo, et cognovistis per testimonium Scripturarum, approbatam vobis gratiam Dei quae est in fide. Gratia enim legis in manu abscidentis pelliculam veteris consistit.

Gratiam Dei dico in veritate, credite mihi, quia haec est vera gratia Dei. Gratia legis umbra erat. Audistis dico, et sicut vos didicistis, et utique turpe est didicisse, quod dereliqueretis, et e converso: Didicistis dico ab Epaphra charissimo nostro, qui ita servit Christo in Evangelio, ut Petrus vel ego. Ne ergo minus audiat eum. Dicerent illi: Vocas eum conservum; sed alia ministravit nobis, quae a te non didicit. 274 Minime, ait Paulus, quia qui est fidelis minister, nil addens, nil diminuens. Minister dico Christi Jesu, id est vel quia Christum ministrat, vel quia Christus instituit eum ministrum, vel minister ad honorem Christi. Et quod minister est, hoc certe pro vobis, qui populus ejus estis, quia nisi pro dilectione vestra esset, credo non ministraret. Qui etiam manifestavit nobis non odium vestrum, non dissensionem, sed dilectionem vestram esse in spiritu, id est contemnere carnalia, diligere spiritualia.

Ostendo unde gratias agat cum approbatione acceptae fidei, subdit quod orat pro eis inserendo approbationem legis, dicens: Et quia manifestavit nobis dilectionem vestram in spiritu, ideo oramus pro vobis et non cessamus orantes, ex ea die qua audivimus fidem et dilectionem vestram. Orantes dico et postulantes, id est quasi rem justitiae vestrae debitam, cum fiducia petentes ut impleamini agnitione voluntatis ejus, id est ut plenarie cognoscatis voluntatem Dei. Impleamini dico in omni sapientia. Sapientiam hic ponit quasi scientiam, et quod ait in omni sapientia idem valet quod in omni cognitione activae vitae. Impleamini etiam in omni spiritali intellectu, ut, sicut in corporalibus, sic voluntatem Dei intelligatis in spiritalibus. Ut intelligentes voluntatem ejus ambuletis per omnia, id est bene operemini. Ambuletis dico, digne Deo, id est ut sitis digni habere Deum. Vel digne Deo ut Deus dignum judicet habitare in vobis. Vos dico sic ambulando placentes. Vel ambuletis placentes per omnia, quod idem valet. Nec in ambulanda subsistere velitis, sed in omni opere bono fructificantes, id est incrementum habentes. Vos

A dico sic fructificando crescentes in scientia Dei, id est in cognitione divinae essentiae, quam nemo habere potest nisi prius operetur quae sunt Dei; non enim per cognitionem ad opera, sed per opera praemissa ad cognitionem ascenditur. Haec scientia Dei et agnitio voluptatis ejus quam praemisit longe a se differunt: ibi enim ait, quid velit Deus, quid non velit; quod facile patet quibuslibet: hic autem de cognitione divinae essentiae, quam aperit puritas vitae, convenienter ascendit. Prius enim intelligenda est voluntas Dei; quae intellecta, ambulandum est in ea, nec ibi subsistendum, sed in melius fructificandum. Tum demum patet introitus ad cognitionem divinae essentiae. Quo postquam venit, restat solummodo perseverare. Unde ait: Postquam fructificaveritis et creveritis in scientia Dei, estote confortati, id est roborati et perseverantes, in omni virtute, id est humilitate, temperantia et quaecunque sunt.

Confortati dico secundum potentiam ejus, id est ita confortati sicut ipse potens est vos confortare. Potentiam dico claritatis ejus, id est quae vos clarificavit. Qui enim cum essetis in tenebris peccatorum, vos clarificavit justificatos, facilius poterit et debet consummare jam justos. In omni virtute dico, scilicet in omni patientia et longanimitate confortati cum gaudio. Quia has duas virtutes vidit magis necessarias ad perseverandum, ideo subjungit in omni patientia, id est ut sicut acerbiter malorum, sic et opprobria patiamur. Qui enim pati non vult contendit, repercutit, et sic dilectio perit. Addidit etiam in longanimitate. Qui enim longanimis in sustinendo non est, si differtur remuneratio, projicit onus Dei, et sic omnis virtus in illo perit. Hierum patientes et longanimes esse malum est, nisi ex voluntate, et ideo addit cum gaudio, ut non tristentur; sed gaudeant pati et diu expectare. Vult illis modo improbare legem, dicens ne et alios apostolos qui in lege nati fuerunt, quia in tenebris tunc erant, legem deseruisse, et gratias agere Deo, ex eo quod ad fidem vocavit eos; et si naturales legis, illa neglecta, adhærent fidei. Stultum est eos qui nunquam in lege fuerunt, et fidem acceperunt, confundere puritatem fidei admitione legis. Unde sic ait: Non cessamus orantes pro vobis, et gratias agentes Deo Patri, qui nos fecit dignos in partem sortis, id est participationem hereditatis sanctorum, id est, quam habitari sunt sancti. Nos dico positos in lumine, id est in vera cognitione. Vel in lumine, id est 275 est in Christo illuminante nos. Patrem ait secundum diversos possessores, non quia ibi sint segregatae partes, quia omnibus una beatitudo. Hereditatem sanctorum vocat sortem, quia non per meritum hominis datur, sed sorte, id est divina electione. Quomodo dignos hac sorte fecerit subdit, dicens: Posuit, inquam, in lumine, qui primum eripuit nos de potestate tenebrarum, id est vel daemonum vel peccatorum, vel ignominiae. Potestatem ideo dicit, quia vis humana per se non poterat evadere. Et nos creptos transfudit, id est transformavit, in re-

gnum Filii, id est ut Filius suus regnaret in nobis. *Filii dico dilectionis suae.* Omnes enim praeter istum filii fuerunt irae. Omnes enim in peccato nati; sed hic solus Filius dilectionis, quia a peccato immunis. De quo Pater ait: « Hic est Filius meus dilectus, » etc. (*Matth. III, 7.*) Modum ereptionis subdit: *In quo Filio habemus redemptionem;* pretium enim sanguinis in cruce datum est omnibus sufficiens. Per quem etiam habemus *remissionem peccatorum* in baptismo; *qui Filius secundum divinam naturam est imago Dei invisibilis,* id est plena representatio Patris, quia quidquid in Patre, totum est in Filio, non tamen *imago*, quod aliud sit, nisi quantum ad distinctionem personarum, sed plena identitas in substantia. Possumus construere, *invisibilis imago Dei, vel imago Dei invisibilis.* Et ex his verbis habemus Filium consubstantialem Patri, quia, si omnia de substantia Filii quae de substantia Patris dicuntur, profecto consubstantialis est ei.

Filius dico *primogenitus omnis creaturae,* id est ante omnem creaturam genitus ex Patre; ipse solus genitus, caetera creata non modo illius genita; nec ipse creatus, et in his verbis habemus eum coaeternum Patri. Vere genitus est ante omnem creaturam, *quia universa sunt condita in ipso,* id est per ipsum, juxta illud: « Omnia in sapientia fecisti (*Psal. CIII, 24*), » hoc est in Filio. Universa dico, quia *visibilia et invisibilia in caelis,* ut angeli, sol et luna, et *visibilia et invisibilia in terra,* ut spiritus animalium, et omnia ~~tam~~ corpora. *In caelis hunc dico,* quia *sive throni, sive dominationes, sive principatus, sive potestates, omnia creata sunt per ipsum,* et ita per ipsum quod creata continentur *in ipso,* id est intra amplitudinem ejus; ipse enim in omnibus et jam extra. *Et ipse est ante omnes dignitate secundum utramque naturam,* et omnia creata constant *in ipso,* id est existere habent *per ipsum.* Sicut enim esse non poterant, nisi per ipsum, sic nec creata consistere, nisi per ipsum, et *ipse Christus est caput,* id est principium et regimen *Ecclesiae.* Quod ita ait: *Caput corporis Ecclesiae,* quia sicut corpus hominis omnes sensus habet in capite, sic *Ecclesia omnes vires suas habet in Christo, capite, principio suo et rectore.* Opponeret ille: *Quare dicis Christum caput Ecclesiae, cum Abel et multi justii fuerint prius illo, tempore?* Hoc ita removet: *Vere caput Ecclesiae, quia, qui est principium Ecclesiae.* Licet enim multi sancti carnem Christi praecessissent tempore, nunquam tamen salvarentur, nisi per fidem membra essent capitis Christi. Potuit itaque caput esse Ecclesiae, quia *primogenitus est ex mortuis.* Primus enim omnium surrexit ex mortuis. Et *primogenitus, quia ipse habet omnem haereditatem Patris.* Et quicumque inde aliquid habet, oportet ut ab illo habeat. Sicut *primogenitus filius habet omnem haereditatem patris, et nemo quidquam nisi ab eo.* Nec *primogenitus repudiandus, ut Esau;* sed ita *primogenitus ut ipse sit tenens primatum in omnibus creaturis.* Princeps enim constitutus est omnium.

A ideo primatum tenens, *quia se complacuit Deo Patri habitare in ipso Filio plenitudinem omnium bonorum, sicut Joannes ait: « De plenitudine ejus omnes accepimus (*Joan. I, 16*). Et placuit Deo per eum Filium reconciliare sibi omnia, tam gentiles quam Judaeos.*

Omnia tamen dico manentia *in ipso.* Qui enim in ipso non manserit, expers erit reconciliationis. Placuit reconciliare *pacificans mundum sibi, vel Judaeos et gentiles inter se per sanguinem non fustum aliquo genere honestae mortis; sed per sanguinem crucis ejus;* quod genus mortis contemptibilissimum

276 erat. *Pacificans dico Deo, sive quae in caelis sunt,* id est sanctos quorum animae jam regnant in caelis, *sive quae in terris sunt,* id est eos qui adhuc peregrinantur in terra. Vel ita: *Sive quae in caelis sunt,* id est angelos, *sive quae in terris sunt,* id est homines. Ante Christum inter angelos et homines dissidium erat: sed justificatus homo, mox pacem habuit eum angelo. Nunc tandem descendit ad illud quod intendebat ex praemissis, dicens: *Nos Judaeos pacificavit, et vos gentiles similiter reconciliavit.*

Vos dico, cum, id est quamvis, essetis aliquando, id est tempore infidelitatis, *alienati a Deo per ignorantiam: et essetis inimici,* id est inimicaremur Deo, *sensu, id est ex voluntate.* Inimici etiam *in operibus malis.* Vel, quamvis essetis inimici sensu, tamen reconciliavit vos, *nunc autem reconciliavit in corpore, nondum immortali, sed corpore carnis ejus, id est adhuc mortalis.* Et si in corpore mortali hoc fecit, quid faciet in immortali? Longe amplius. Reconciliavit in corpore *per mortem;* ut enim vos reconciliaret, pati voluit mortem, id est ut exhibeat vos sanctos positione virtutum, et *immaculatos, remotione malorum, et irreprehensibiles coram ipso Deo.* Quod nec subtilitas ejus (cujus oculis omnia nuda sunt) inveniat in eis quid reprehendat. Ita tamen dico exhibeat, si vos *permanetis fundati et firmi in fide.*

Et si *permanetis stabiles quantum ex vobis est. Et immobiles* si immineat persecutor a spe, id est a sperata re. *Spe dico Evangelii, id est quam speratam beatitudinem promittit Evangelium; quod Evangelium audistis a discipulis nostris.* Nec debetis illud refellere, quia sic accipiunt omnes justii. Et hoc ita ait: *Quod Evangelium praedicatum est universae creaturae, et permanet sic in universa creatura.* Creaturam vocat justos per excellentiam, quia licet omnes sint creaturae Dei, justii tamen privilegio quodam creaturae dicuntur in quibus prior generatio quae fuit in delicto carnis per baptismum deleta est, et novitas fidei generavit eos novos filios in Christo. Unde sic ait: *In universa creatura, id est in omnibus justis in fide Christi nova creatura factis.* Universam dico, non unius regionis, sed *quacunque sub caelo est.* Vel ita: *Creatura quae sub caelo est, id est quae adhuc peregrinatur in mundo, post medicum, merito fidei transferenda super caelos.* Et in hoc verbo satis commendat fidem illis.

Modo ponit auctoritatem suam, quae necessaria erat illis ad confirmationem dicens: *Cujus Evangelii*

ego Paulus (cujus auctoritati contraire non licet) *A* factus sum a Deo, non utique dator, sed minister; qui etiam ut magnificem Evangelium, nunc patior positus in vinculis, et in passionibus illis gaudeo pro vobis instruendis. Si enim viderent Paulum refugientem pro fide pati, vituperarent fidem ex ipso Paulo qui ostenderet in se non esse patiendum pro ea. Gaudeo, inquam, et gaudens adimpleo ea passionum Christi quæ adhuc desunt, et implenda mihi restant. Passiones suas dicit esse Christi, et quia Christus sic eum pati instituit, et quia patitur pro nomine Christi. Adimplere se dicit, quia ad mortem vadit, in qua est consummatio passionum. Vel ita: Adimpleo ea passionum Christi, quæ adhuc desunt. Christus multas passiones habuit, patiendo opprobria, vexationes, et flagella, ad ultimum, mortem. Sic Paulus opprobria, verbera, multas afflictiones passus erat, et ad mortem festinabat, ut sicut Christus pro eo, sic ipse moreretur pro Christo. Adimpleo passiones Christi: non in damno rei, non in opprobriis solum, sed in carne mea. Ipsam enim carnem exhibeo ad poenam, et hoc pro corpore ejus, scilicet Christi multiplicando. Non corpore quod receptum est super caelos, sed pro corpore quod est Ecclesia. Potuisset dixisse simpliciter pro Ecclesia; sed ubi ait: Pro corpore ejus quod est Ecclesia, plurimum commendavit fidem, quæ facit hominem membrum hujus corporis, cujus caput est Christus. Cujus iterum Ecclesie ego factus sum minister secundum dispensationem, quia scio dispensare unicuique pro modo suo; huic majorem, illi **277** minorem gratiam. Dispensationem dico Dei, id est quia vel Deum ipsum dispenso, vel quia Deus me dispensatorem instituit, secundum dispensationem quæ data est mihi in vos. Videtur hoc superfluere, quæ data est mihi in vos, quia dixerat, secundum dispensationem; sed quibusdam tradita est dispensatio, qui tamen præventi martyrio, non habuerunt tempus dispensandi; sed Paulus et officium dispensationis accepit, et data est ei facultas dispensandi.

Licet ad illos non fuerit, dicit tamen sibi datam esse dispensationem in eos, quia de apostolatu ejus sunt, et per discipulos ejus edocti. Data est mihi ideo, ut impleam verbum Dei, quod et locutus ab æterno, et in tempore vaticinatus est per prophetas suos. Magnæ auctoritatis apud Deum Paulus se asserit, cum dicat per se compleri quod tot ante tempora prædictum fuit, et donec ad ipsum inexpectum remansit, scilicet salvationem gentium. Verbum Dei dico, id est mysterium quod absconditum fuit a prioribus sæculis, et ita a sæculis quod etiam a generationibus, id est quod quicumque in priori generatione erat, hoc secretum ignoraret. Licet pauci tunc cognovissent, et hi justificati per fidem venturi ut Abraham. Olim fuit absconditum, sed nunc in diebus gratiæ, manifestatum est sanctis ejus, scilicet Christi, nec omnibus, sed illis quibus Deus voluit. Ut ibi apparuit, quando discipuli reprehenderunt

A Petrum, quia recepisset gentilem Cornelium, nondum plene cognoscentes mysterium Dei de salute gentium; quibus Deus voluit notas facere divitias gloriæ. Divitias ideo, quia infinita sunt dona Dei; Gloriæ, quia gloria est in omnibus illis. Divitias dico sacramenti hujus, cujus minister factus sum. Sacramenti dico in gentibus; salus enim gentium fere omnibus occulta erat, sed de salute Judæorum non dicitur mysterium, quia illis aperte Christus promissus erat in lege, cum in gentibus non esset Deus, quod sacramentum est Christus, qui in lege sub mysterio fuit promissus. Christus dico spes gloriæ in vobis, id est in quo vobis sperare licet omnem gloriam et remissionem peccatorum, et justitiam vitæ, et futuram gloriam. Quem talem scilicet spem totius gloriæ (futuræ) nos annuntiamus, omni fiducia corripientes omnem hominem et docentes, corripientes errantem a veritate, vel fidei contradicentem. Docentes et eum qui nihil scit, vel adhuc simpliciter sapit, corripientes et docentes in omni sapientia, id est tam de corporeis rebus quam de spiritualibus, ideo, ut exhibeamus non Judæum tantum, sed omnem hominem, nec gentilem minus, Judæum perfectius; sed omnem hominem æque perfectum in Christo Jesu, qui solus ad perfectionem sufficit. In quo, id est in qua re, ut omnem hominem perfectum exhibeam, non solum corripio et doceo, sed etiam laboro, certando. Laborat jejunando, vigilando, et per hujusmodi certat contra persecutores sustinendo, contra pseudo fidem confirmando. Laboro et certo agens secundum operationem ejus quam operatur in me in virtute miraculorum, id est, sic Deus cooperatur mihi in labore et certamine, sicut in operatione miraculorum, in quo etiam infideles virtutem Dei constituentur in me esse.

CAPUT II.

« Volo enim vos scire qualem sollicitudinem
 « habeam pro vobis, et pro his qui sunt Laodicæ,
 « et quicumque non viderunt faciem meam in carne,
 « ut consolentur corda ipsorum, instructi in cha-
 « ritate, et in omnes divitias plenitudinis intellectus
 « in agnitione mysterii Dei Patris et Christi Jesu,
 « in quo sunt omnes thesauri sapientiæ et scientiæ
 « absconditi. Hoc autem dico, ut nemo vos decipiat
 « in sublimitate sermonum. Nam et si corpore
 « absens sum (*I Cor. v, 3*), sed spiritu vobiscum
 « sum, gaudens et videns ordinem vestram, et firmamentum
 « ejus quæ in Christo est fidei vestræ.
 « Sicut ergo accepistis Jesum Christum Dominum
 « nostrum, in ipso ambulante, radicati et superadfi-
 « cati in fide, sicut et didicistis, abundantes **278** in
 « illo in gratiarum actione. Videte ne quis vos
 « decipiat per philosophiam et inanem fallaciam,
 « secundum traditionem hominum, secundum ele-
 « menta mundi, et non secundum Christum, quia
 « in ipso inhabitat omnis plenitudo divinitatis cor-
 « poraliter, et estis in illo repleti, qui est caput
 « omnis principatus et potestatis. In quo et circum-
 « cisi estis, circumcissione non manufacta in ex-

e spoliatione corporis carnis, sed in circumcissione A
 e Jesu Christi, conscripti ei in baptismo, in quo et
 e resurrexistis per fidem operationis Dei, qui susci-
 e tavit illum a mortuis. Et vos cum mortui essetis
 e in delictis et præputio carnis vestræ, convivifica-
 e vit cum illo, donans vobis omnia delicta, delens
 e quod adversus nos erat chirographum decreti,
 e quod erat contrarium nobis, et ipsum tulit de
 e medio, affigens illum cruci, et exspolians princi-
 e patus et potestates, traduxit confidenter palam,
 e triumphans illos in seipso. Nemo ergo vos judicet
 e in cibo, aut in potu, aut in parte diei festi, aut
 e neomeniæ, aut Sabbatorum, quæ sunt umbra
 e futurorum; corpus autem Christi. Nemo vos
 e seducat volens in humilitate et religione angelo-
 e rum, quæ non vidit ambulans frustra inflatus
 e sensu carnis suæ, et non tenens caput, ex quo
 e totum corpus per nexus et conjunctiones submi-
 e nistratum et constructum, crescit in augmentum
 e Dei. Si ergo mortui estis cum Christo ab elementis
 e hujus mundi, quid adhuc tanquam viventes mundo
 e discernitis? Ne tetigeritis, neque gustaveritis,
 e neque contractaveritis; quæ sunt omnia in
 e interitu, ipso usu, secundum præcepta et doctri-
 e nas hominum, quæ sunt rationem quidem haben-
 e tia sapientiæ, in superstitione et humilitate. et
 e non ad pascendum corpori, non in honore aiquo:
 e ad saturitatem carnis.

EXPOSITIO.

Ideo *laboro et certo*, quia *solicitudinem habeo pro*
vobis, et hanc *volō vos scire qualem*, id est quam
 infinitam, *solicitudinem habeam pro vobis* confir-
 mandia, et *pro his qui sunt Laodicæ*. Quos contra
 eandem rem arguit per Epistolam illis missam.
 Solicitus etiam sum pro his affinibus vestris,
quicumque non viderunt faciem meam in carne.
 Fama enim viderunt me, ideo *solicitudinem habeo*,
 ut ipsi *consolentur corda ipsorum*, id est sua. Ipsi
 dico *instructi per me in charitate*, id est in dilectione
 Dei, ut memores Christum pro sola dilectione pas-
 sum esse pro eis, accensi dilectione ejus patiēdo
 festinent occurrere illi. *Instructi dico in charitate*,
 et *instructi in agnitione mysterii Dei*, ut cognoscant
 aliqua mysteria (secreta) Dei. Vel quomodo Trinitas
 in Unitate sit, et e converso, vel aliquid hujusmodi.
 Si quis enim cognoverit quodlibet mysterium Dei,
 pro certo per hoc augmentabitur in dilectione ejus.
 Et quia ad invisibilia humanus sensus penetrare
 nequit nisi per visibilia, præmittit *instructi in cha-
 ritate et in omnes*, id est transeundo per omnes
divitias plenitudinis intellectus: omnes divitias, ut
 de omnibus rebus aliquid sciant, licet non perfecte;
 plenitudinis, ut de singulis plenariam habeant
 cognitionem. Vel plenitudinis, ut de tribus vel qua-
 tuor ad plenum omnes divitias, ut de omnibus
 plena sit illis cognitio. Et per omnes divitias pleni-
 tudinis *intellectus instructi in agnitionem mysterii
 Dei Patris Christi Jesu*. Ut enim perveniamus ad
 altitudinem cognitionis divinæ, primum oportet

nos considerare corporea, quæ subjacent oculis;
 dehinc incorporea in nobis, id est animas. Per
 animas, iterum incorporea in cœlis, ut angelos, et
 ab angelis conscendimus ad Deum, intelligentes eum
 ex puritate creaturarum magis purum, magis spiri-
 talem et incomprehensibilem. *In quo Jesu Christo
 sunt omnes thesauri sapientiæ et scientiæ*, id est in
 quo omnis sapientia de spiritalibus, et scientia de
 corporeis recondita est, sicut in thesauro; ipse enim
 est thesaurus. De plenitudine omnes sine dimini-
 tione ditantur. *Thesauri dico absconditi*, id est
 paucia revelati.

Dicerent illi: *Thesaurus istos non vidimus, ut
 in utroque sapientiam et scientiam habeamus*.
 Ad hoc Paulus: *Et si in Christo* 279 *totius boni
 thesaurum invenitis, frustra legem fidei adjungere
 vultis. In Christo sunt thesauri sapientiæ et scientiæ.*
*Hoc autem ideo dico in Christo, scilicet omnes esse
 thesauros, ut nemo decipiat vos in sublimitate, quia
 illi pseudo plurimum student in sublimibus verbis.*
*Sublimitate dico sermonis, quia hæc sublimitas in
 sermone tantum est, non in sententia, sed fideles
 simplicitatem habent in verbis, sublimitatem in sen-
 tentiis. Ideo dico: Nemo vos de futuro decipiat;*
*nam nondum decepti estis. Et si, id est licet enim
 absens sum a vobis corpore, sed, id est tamen, vobiscum
 sum præsens spiritu.* Hanc gratiam multi san-
 ctorum habuerunt, ut Martinus et Nicolaus, quam
 creditur præcipue habuisse Paulus, ut absens sciret
 per spiritum, quid Episcopatus suæ facerent, vel ad
 quid se disponerent. *Spiritus vobiscum sum gaudens*.
 In hoc verbo innuit eos nondum lapsos. *Gaudens
 dico de vestra perfectione, et videns ordinem vestrum,*
 id est quam congruo ordipe ad singula vos contem-
 peretis; parum est enim bona agere, si fiant sine
 ordine, ut ille qui jejunit incomposita veste, et
 intemperato sermone, in jejunio suo se judicat.
 Videns etiam *firmamentum fidei vestræ*, id est con-
 firmatam fidem vestram quæ est in Christo, non in
 lege, et quia confirmati estis in fide, et ego con-
 gaudeo ordini vestro. *Ergo, sicut accepistis non le-
 gem, sed Dominum Jesum Christum; sic ambulate
 non in lege, sed in ipso.* Possent enim Christum ac-
 cepisse, et in lege ambulare. *Ambulate, radicati*
 secundum fructum piæ operationis, et edificati, ut
 sitis domus Deo ad inhabitandum. Hæc bene ad præ-
 latorum, in quibus Deus sedens distribuabat gratias
 suas subtilis, per manus prælatorum, *edificati hodie
 et cras superedificati*, et sic semper in incre-
 mento boni operis. *Radicati dico et superedificati in
 ipso, et confirmati in fide*, ut in bono perseveretis.
In fide dico non alia, sed sicut vos didicistis (non
 enim aliam trado). Et confirmati *in actione gratiarum,*
 quæ plurimum valet ad impetrandum de fu-
 turo. Et justum est ut confirmati gratias agatis,
 quia jam estis abundantes multis bonis in illo Chris-
 to acceptis.

Dico *ambulate*. Ut autem libere ambuletis, videtur
 ne quis decipiat vos. Hæc dicens, ad illud supra

respielt nemo vos decipiat. Decipiat dico per philosophiam. sicut illi reputant, et quam ego dico inannem fallaciam. Fallacia, quia nulla veritas ibi, inanis, id est sine utilitate. Sunt enim multa mendacia, ut poetarum quæ sunt inutilia. Philosophiam et inannem fallaciam dico, existentem secundum traditionem hominum, id est humaniter sapientium, scilicet secundum legem; quæ lex ante Christum quidem fuit traditio Dei. Sed ubi Veritas venit, et Deus eam cessare voluit—jam non Dei, sed traditio hominum lex fuit. Secundum traditionem hominum et fallaciam dico, exercitatum secundum elementa. Eandem legem elementa vocat, quia, sicut pueri per elementa prius addiscunt, ut sic transeant ad perfectionem litterarum, sic illa legalia elementa dicta sunt, quia populus carnalis impotens capere spiritalia instruebatur per carnalia, ut in his assuetus in cultu Dei transiret, postmodum ad servendum in spiritalibus. Elementa dico mundi, quia et præcepta carnalia erant, et carnales qui accipiebant. Hæc philosophia est secundum elementa mundi, et non secundum Christum, quem accepistis et didicistis. Vere qui legem tradunt, non sunt secundum Christum, quia in ipso Christo est omnis plenitudo; quod illi non credunt qui extra Christum, scilicet in lege aliquam justitiam querunt. In ipso Christo habitat omnis plenitudo divinitatis. Habitat bene ait. Quia sic est divinitas in Christo ut in æternum permaneat in illo. Plenitudo divinitatis, id est plenaria et perfecta divinitas, quæ nullatenus est imperfecta. Omnis in Christo, quia omnes gratiæ quæcunque in omnibus fuerunt, in Christo sunt, et abundantior adhuc gratia, quia in eo dicitur humanata divinitas, quia, sicut anima unitur corpori, sic ipsa divinitas personaliter unita est homini illi. Divinitas diversis modis est ubique. Est enim **280** in omni creatura, secundum quod nec esse habet sine divinitate, nec permanere. Hoc et alio modo est in sanctis, quia, per gratiam; et hoc utroque modo fuit in Christo, et adhuc abundantius, quia (sicut dictum est) ad quem modum anima in carne hominis humanatur, sic divinitas humanata est in Christo. Plenitudo divinitatis habitat in Christo corporaliter, id est impletive, non quod divinitas facta sit corpus, sed quia umbræ præcesserant, et in Christo veritas umbrarum fuit, quia, impletio omnium quæ prædicta vel præfigurata erant.

Probat iterum idem. Vere tradentes legem non sunt secundum Christum. Nam vos estis repleti omnibus bonis in illo, id est per Christum, quod dicunt non posse fieri sine lege. Qui Christus est caput, id est principium et regimen omnis principatus et potestatis. Per hos duos reliquos ordines accipiamus. In his verbis ostendit posse Christum omnia replere, quia, si angelos, haud de hominibus dubium est. Vult veritatem omnium quæ lex præcipit in Christo ostendere, dicens: In quo Christo non solum repleti, sed etiam circumcisi estis, circumcissione non manu facta, sicut in lege, in exspoliatione cutis

A *carnis*. Nihil enim aliud fuit ibi, nisi quod absceiditur cuticula carnis, sed estis circumcisi in circumcissione Christi, qua vos Christus purificavit. Vel ita construamus: Circumcisi estis circumcissione non manufacta. Circumcissione dico facta in exspoliatione corporis; quod corpus erat carnis, id est superabatur a sensualitate. Exuistis enim corpus secundum carnalitatem, ut jam obediat spiritui, circumcissione non manufacta, sed in circumcissione Christi, qua Christus omnia superflua, et dependentia vitia a vobis amputavit; in hac circumcisi et purificati estis. Exspoliamur corpore carnis in baptismo, in quo peccata deponuntur, et liberum arbitrium hominis accepta justitia confortatur, ut jam, si velit, bene agere possit. Non solum sumus circumcisi depositione peccatorum, sed etiam *consepulti Christo in baptismo*, ubi confortandum est arbitrium nostrum. Consepulti itaque, quia Christus sepultus ad actus veteris hominis ultra non rediit; sic nos, si velimus uti ratione, confortati in baptismo non revertemur ultra ad actum vetustatis peccati. In quo etiam Christo resurrexistis, quantum ad justificationem animæ. Resurrexistis dico per fidem operationis Dei, id est quam fidem Deus operatur in vobis. Resurrectio Christi duplicem resurrectionem operatur in nobis: primam quam jam adepti sumus, secundam animam; alteram quam exspectamus in immortalitate corporis reparata. Et quod futuram corporum resurrectionem habituri simus, probat per resurrectionem Christi, quæ et causa est et figura nostræ resurrectionis, dicens: Sicut resurrexistis prima resurrectione animæ, sic etiam vos convivificabit in immortalitate corporum. Sed hujus rei probationem præmittit, dicens: Qui Deus sicut suscitavit Christum a mortuis, ita et vos, cum, id est quamvis, essetis mortui, ita ut viribus vestris ad justitiam nullo modo respirare possetis. Mortui dico in delictis, id est in prævaricatione naturalis legis. Delictum enim dicitur, quando quod debetur, negligitur. Mortui etiam in præputio carnis vestræ, id est in originali peccato, quod congrue per præputium significat, in quo sedes est generationis. Hoc autem originale contrahimus, quia in concupiscentia parentum generati sumus.

D Licet ita essetis mortui, tamen convivificavit. Quod futurum est, per præteritum dicit, ostendens se ad certum de hoc futuro sicut de præterito. Convivificavit ponendos cum illo in eadem dignitate loci; posset enim reddita immortalitate convivificare, et alibi quam cum Christo ponere. Convivificavit, inquam, donans vobis gentibus omnia delicta, et originalia et actualia. Et sic vos ab originali per fidem liberavit; sicut etiam nos Judæos, qui falso putabamur per circumcissionem inde liberari. Quod ita ait: Delens similiter chirographum decreti, id est legis, in qua Deus quid vellet fieri **281** decreverat. Quod chirographum erat adversum nos Judæos. Chirographum dicitur scriptio, quod in duo partitur ut utrinque memoria factæ rei teneatur. Hujus autem chirographi partem

Labebat diabolus, qua Judæos accusabat apud Deum de transgressione legis; alteram partem habebat Judæus, quem similiter propria accusabat conscientia. Unde sic ait: *Chirographum*, id est memoriam peccati, quod de decreto, id est de lege veniebat, et adversabatur nobis, illud delevit; nec solum chirographum, sed etiam ipsum decretum, id est ipsam legem, quæ erat contraria nobis, quia et magis nos instimulabat diabolus, et majori ardore in vetitum tendebamus, et peccatum prævaricationis lex adjugebat. *Ipsam*, inquam, decretum tulit de medio, id est de communitate, ut nec Judæo relinqueret nec gentili tenendam. Posset enim auferre peccatum legis, et dimittere legem. Ipsum tulit de medio, *affigens illud cruci*, id est ipsam legem confixit, ut ultra non teneretur, quando expi-

raans ait: « Consummatum est (Joan. xix, 30); ostendens finem esse et completionem omnium eorum quæ in lege præcesserant, et ulterius umbram non esse tenendam, postquam veritas orta est. *Affigens dico illud cruci*. In cruce enim (sicut diximus) finem legi posuit, omnibus consummatis, sicut prædicta fuerant.

Opponerent illi: Quomodo dicis nos non posse, nisi per Christum justificari, cum Abraham et cæteri sancti qui præcesserunt, sine eo justificati sint? Probat Paulus eosdem similiter liberatos per Christum, dicens: Sicut nos contemporaneos sibi liberavit a lege et a peccato legis, sic ipse *exspolians principatus et potestates* apud inferos. Non ait de quibus exspoliavit, sed per *exspolians* significat Christum spolia sua ab inferis revexisse. *Exspolians*, inquam, *traxit*, ceu victor prædam per medios raptores, ipse dico *triumphans illos* principatus inferorum *confiteri*, id est non dubius de triumpho. *Triumphans* dico, *in semetipso*, non per angelum, vel quemlibet ministrum, sed per seipsum. Quod (eum scilicet triumphasse) *palam* est angelis et hominibus. Quia Christus donavit omnia delicta. Peccatum legis et legem tulit de medio. Videte ergo nemo vos ulterius inducat in legem. Et ut magis deterreat, ait: *Nemo vos judicet*, id est faciat judicabiles, id est damnabiles. *Judicet* dico, si non reductos in tota lege, saltem in aliquo, quia pro minima traditione damnaremini. Quod ita ait: *Nemo vos judicet in cibo*, vel vitato propter immunditiam, vel sumpto propter munditiam, *aut in potu*, sumpto si militer vel vitato, *aut in parte diei festi* observata. Dies festus quiddam totum apud illos erat, partes habens, neomeniam, sabbatum, exitum de Ægypto, introitum terræ repromissionis, etc. Unde subdit *aut in parte neomenie*, id est innovationis lunæ, *aut in participatione sabbatorum*, quæ Judæi celebrare consueverunt. Ideo, per *aut*, unamquamque partem disjungit, ut ostendat vel minimam partem sufficere ad damnationem observantis. Si autem copulasset per *et*, videretur pro omnibus simul, et non pro uno tantum observantem judicari. Neos *nova, mene luna*; inde neomenia, *innovatio lunæ*;

quam celebrare signum erat innovationis corporis nostri, quam futuram expectamus in incorruptione. Quæ neomenia et sabbatum jam non debent celebrari, quia *sunt umbra futurorum*, id est præfigurantia futuram veritatem, sicut umbra visa prope corpus esse designat. *Futurorum* ait, secundum tempus legis, quando præsens erat umbra, futura veritas. Hæc sunt *umbra futurorum*. Sed *Christus est corpus*, id est veritas et impletio omnium horum; vel *corpus est Christus*, id est impletio pertinet ad Christum; ipsius enim est implere quæ figurata fuerant.

Quia dixerat: *Nemo vos judicet*, subdit modos illos in quibus timendum erat ne seductos illos condemnarent dicens: Ut autem non judicemini, videte: *Nemo vos seducat* **282** *in humilitate* sermonis, id est occultorum foris ostensa, et in religione habitus barbarum vel jejuniorum simulata *humilitate et religione* dico *angelorum*; non enim magis humiles aut religiosos se exhiberent angeli Dei, apparentes hominibus, quam isti pseudo ad oculum. Vel, *angelorum*, id est verorum prædicatorum, qui nuntii Dei sunt ad populum, quorum auctoritatem isti pseudo simulatorie sibi usurpant. *Nemo*, inquam, vel hoc vel illo modo *seducat vos, volens*, id est amans, et facere in se et vobis persuadere ea, quæ non vidit, id est quæ nunquam intellexit, quia figuras videt et veritatem nescit. Ille dico *ambulans* et in sacramentis Ecclesiæ quæ recepit et hoc *frustra*. Nihil enim illi proderit baptismus qui detrahit fidei. Qui licet humilitatem foris ostendat, *inflatus* tamen est intus *sensu*, quia gloriatur subtiliter se sentire, quod simplicitas aliorum capere non sufficit; et hic morbus elationis maxime regnat in hæreticis. *Sensu* dico *carnis suæ*; hic enim secundum sensum carnis judicat de singulis, non aliter intelligens quam subministrant ei oculi et aures carnis; in quo non differunt a mutis animalibus, quæ etiam sensum habent de rebus secundum quod vident et audiunt. *Inflatus* utique et non tenens caput, id est non concordans capiti suo Christo. Ille non tenet caput Christum qui aliunde quam a capite, unde vigeat, requirit, et sicut membrum non est capitis, si aliunde vigorem capit, quod fieri nequit; sic qui fidei unitatem relinquit, Christo non valet conjungi.

Ex quo capite totum corpus Ecclesiæ constructum per conjunctiones fidei et cæterarum virtutum, et subministratum quod alteri subministretur ab altero *per nexus*, id est per charitatem, quæ clavus est et nervus connectens membrum membro. Sicut enim in humano corpore membra prius constructa, id est simul congregata, si non jungerentur, id est unumquodque loco suo aptaretur, sine nervis adhuc alterum membrum non sequeretur alterum; et ideo oportet ut conjuncta membra nervis connectantur, et tunc tandem alterum alteri subministrat; sic in corpore Ecclesiæ nos diversa membra in unum construimur, et congregata secundum discretionem

virtutum, conjunguntur per fidem, etc. Sed quia nondum alterum colligatum est alteri, necessaria est dilectio, quo clavo conexa membrorum diversitas sibi invicem coherendo subserviat. *Corpus*, inquam, sic *constructum et subministratum crescit et numero membrorum, et incremento virtutum, donec veniat in augmentum Dei*, id est usquequo augetur in mensuram quam Deus proposuit, id est donec impleatur numerus fratrum, ultimo justo appposito. Nunc aliquantulum aspere invehitur in quosdam eorum qui jam incipiebant, et si non operari, saltem animo consentire et discernere dicentes: Quare melius sequeremur illos quam istos? et hujusmodi. Unde sic ait: Quia per Christum tota Ecclesia *crescit in augmentum Dei*, quare igitur *discernitis* quasi dubii cui adherere debeatis, Christo an legi? Sed præmittit quare non debeant discernere, dicens: Si vos *estis mortui cum Christo*, quia mors Christi operata est in vobis mortem peccati; *mortui dico ab elementis*, quia prius elementa, solem, lunam, et cætera colebatis, quod idem facitis, si legem accepta gratia tenetis; *elementa dico hujus mundi*, quia et mundani qui colunt, et mundana sunt quæ coluntur: si, inquam, *mortui estis ab elementis*, quod nec respirare ad horum culturam debetis, *quid*, id est quare, *adhuc tanquam viventes in mundo*, id est carnaliter sicut prius in cultura mundi *discernitis*, dicentes *ne tetigeritis cadaver?* vel hujusmodi, quidquid lex prohibet ne tangatur. *Neque gustaveritis porcum?* vel aliquid hujusmodi. *Neque contrectaveritis* quæ scilicet tangere non licet? ut sunt pudenda contrectare, *quæ omnia sunt in interitum*, id est operantur damnationem. Non tamen semel facta, sed *ipso usu*, id est, si quis negligens traditiones legis, hæc in usu **283** habuerit.

Quod dico ea esse *in interitum*, hoc non secundum me, sed *secundum præcepta et doctrinas hominum*, id est humaniter sapientium dico. Præcepta vocat, quod solo imperio auctoritatis suæ compellebant hoc facere. Doctrinas, quando aliquas rationes ad probandum quod suadebant videbantur adducere. Hæc sunt præcepta hominum, quæ etiam sunt *habentia*, id est videntur habere, *rationem quidem sapientiæ*, a qua longe discreta sunt. Rationem dico *habentia in superstitione*. Superstitio dicitur, veræ religioni superaddita falsa religio. Hi autem qui acceptæ fidei legem superaddebant, merito superstitiosi dicuntur. *In superstitione dico et humilitate* foris simulata, videntur rationem habere. Quæ etiam sunt secundum verba eorum *ad non parcendum corpori*. Dicunt enim nos non tenere legem, ut liberius indulgeamus nobis in his quæ jucunda sunt corpori, se autem more legis Dei nolle parcere corpori. Quæ etiam non sunt illis *in honore aliquo*. Dicunt enim se ideo secundum legem humiliari quia non quærunt honorari a populo sicut nos; quæ etiam non sunt illis *ad saturitatem carnis*. Dicunt enim se, ut legem observent, velle macerare carnem, et nos destruere legem ut de omnibus liceat ingurgitare ven-

trem. Vel aliter, ut non *ad parcendum corpori*, etc. serio dicantur a Paulo, sic: Quæ dicunt rationem videntur habere, sed utique non habent. Quæ etiam sunt *ad non parcendum corpori*, et stultum est ut in quo damnant animam, corpori saltem non parcant. Quæ etiam non sunt *in honore aliquo*. Dum enim fidei Christi legem quasi necessariam apponunt, in hoc dehonorent Deum. David etiam et alios sanctos qui in lege nullam dixerunt esse justitiam, inhonorant, dum legem apponentes fidei, contradicunt eorum testimoniis. Quæ etiam non sunt *ad saturitatem carnis*. Extremæ autem est amentitiæ, ut damnum animam, carnem affligere.

CAPUT III.

Igitur si *conresurrexistis cum Christo*, quæ sursum sunt *querite*, ubi Christus est in dextera Dei sedens; quæ sursum sunt *sapite*, non quæ super terram. Mortui enim estis, et *vita vestra abscondita est cum Christo in Deo*. Cum autem Christus apparuerit, *vita vestra*, tunc et vos apparebitis cum ipso in gloria. *Mortificate ergo membra vestra*, quæ sunt super terram. Fornicationem, immunditiam, libidinem, concupiscentiam malam, et avaritiam (*Ephes. v, 3*) quæ est simulacrorum [idolorum] servitus; propter quæ venit ira Dei super filios diffidentis [incredulitatis] in quibus et vos ambulastis aliquando, cum vivetis in illis. Nunc autem deponite et vos omnia, iram, indignationem, malitiam, blasphemiam, turpem sermonem de ore vestro. Nolite mentiri invicem, exspoliantes vos veterem hominem cum actibus suis, et induentes novum (*Ephes. iv, 23*) eum qui renovatur in agnitionem Dei secundum imaginem ejus, qui creavit eum ubi non est gentilis et Judæus, circumcisio et præputium [masculus et femina], barbarus et Scythæ, servus et liber, sed omnia et in omnibus Christus. Induite vos ergo sicut electi Dei (*Ephes. vi, 11*), sancti, et dilecti viscera misericordiæ, benignitatem, humilitatem, modestiam, patientiam, supportantes invicem et donantes vobismetipsis; si quis adversus aliquem habet querelam, sicut et Dominus donavit vobis, ita et vos. Super omnia autem hæc, *charitatem [al. add. continuam]* habete, quod est vinculum perfectionis. Et pax Christi exsulet in cordibus vestris; in qua et vocati estis in uno corpore, et grati estote. Verbum Christi habitet in vobis abundanter, in omni sapientia docentes et commentes vosmetipsos, in psalmis et hymnis et canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini nostri Jesu Christi, gratias agentes Deo et Patri per ipsum (*I Cor. x, 31*). Mulieres, subditæ estote viris, sicut oportet, in Domino (*Ephes. v, 22*; *I Petr. iii, 1*). Viri, diligite uxores vestras, et nolite amari esse ad illas. **284** Filii, obedite parentibus per omnia; hoc enim placitum est in Domino. Patres, nolite ad indignationem (iracun-

a. [djam] provocare filios vestros, ut non pusillo A
 e [pusillanimes] animo fiant (*Ephes. vi, 4*). Servi,
 e obedite per omnia dominis carnalibus, non ad
 e oculum servientes, quasi hominibus placentes,
 e sed in simplicitate cordis timentes Dominum (*I*
 e *Petr. ii, 18*). Quodcumque facitis, ex animo opera-
 e mini sicut Domino, et non hominibus, scientes
 e quod a Domino accipietis retributionem heredita-
 e tis. Domino Christo servite. Qui enim injuriam
 e facit, recipiet id quod inique gessit (*Rom. ii, 14*).
 e Et non est personarum acceptio apud Deum
 e (*Ephes. vi, 9; Act. x, 34*). »

EXPOSITIO.

Et quia *mortui cum Christo*, jam ultra non vivitis
 mundo. *Igitur quærite quæ sursum sunt*, id est cœ-
 lorum jucunditatem, et omnem justitiam, ad id quod
 sursum est ducentem. De *sursum* dicitur quidquid
 de mundo non est. *Quærite dico, si consurrexistis*
cum Christo, id est quia resurrectionem animæ per
 Christum adepti estis, quæ sursum sunt, et potestis
 et quærere debetis. *Sursum dico, scilicet ubi Chri-*
stus in dextera Dei sedens, id est in æqualitate Pa-
 tris quiescens et judicans. Christus autem, in dex-
 tera Patris sedens, causa, signum et certitudo est
 nos cum Christo surrecturos. Nec solum *quærite*,
 sed *sapite*, id est dulcedinem prælibate eorum quæ
 sursum sunt. *Sapite, inquam, quæ sursum sunt, et*
non ea quæ sunt super terram. Non debetis sapere
 quæ sunt super terram; vos enim *mortui estis terre-*
nis. Debetis sapere quæ sursum sunt. Nam *vita ve-*
stra est in Deo, et in tanta dignitate quod cum *Chri-*
sto. *Vita dico abscondita*, id est non omnibus, sed
 paucis revelata. In hoc verbo multi erraverunt, di-
 centes stultum esse hominem pro eo laborare quod
 homini revelatum non sit. Nunc illa vita vestra est
 abscondita; *sed cum apparuerit Christus*, veniens ad
 judicium, Christus, dico, *vita vestra*, in cujus æter-
 nitate vobis paratur æternitas, tunc, apparente
 Christo, vos etiam *apparebitis cum ipso* ponendi in
 gloria. Lege satis improbata et fide sufficienter com-
 mendata, sicut in Epistola ad Ephesios, subjungit
 moralem instructionem, prius docens in publico
 Ecclesiam, deinde sexus, ætates, et conditiones, di-
 cens: Quia vita vestra in Deo est, apparituri estis
 cum Christo in gloria, ergo *mortificate membra quæ*
vestra sunt super terram, id est in terrenis hærentia.
 Hæc membra vocat peccata, quæ membra sunt cor-
 poris peccati, sicut in sequentibus innuit. *Membra*
mortificate vestra, scilicet *fornicationem*, ut est hæ-
 bere rem cum uxore proximi. Aliud membrum *im-*
munditiam et libidinem, id est libidinosam volunta-
 tem, et *concupiscentiam*. Et quia de bonis concupi-
 scentia dicitur, addidit *malam*, ut est concupiscere
 rem alienam. Mortificate etiam in vobis *avaritiam*,
 quæ est illicita congregando et retinendo, quæ avari-
 tia est *servitus idolorum*. Qui enim Deum postpo-
 nit ut pecuniam augere possit, spreto Deo, pecu-
 niam colit. *Propter quæ supradicta venit ira*, id est
 viudicta Dei etiam *super filios incredulitatis*. Quod si

hi qui fidem non acceperant, damnati sunt pro hu-
 jusmodi, quid putatis de vobis qui fidem accipiendo,
 hæc omnia abdicastis? *In quibus membris corporis*
peccati, vos etiam sicut alii increduli ambulastis ali-
quando, cum viveretis in illis, scilicet tempore infi-
delitatis.

Olim ambulastis in illis. Sed nunc, jam fideles
 facti, *deponite vos*, et prædicta, et omnia quæ ac-
 quuntur, scilicet *iram*, id est subitam commotionem
 animi, *indignationem*, id est ne de aliqua prosperi-
 tate inferioribus vobis indignemini. Deponite etiam
malitiam et animi et corporis, et *blasphemiam* in
 Deum et proximum. Deponite etiam omnem tur-
 pem sermonem de ore vestro. Et *notite mentiri in-*
vicem, ut alter alterum decipiat. Utique breviter
 omnia hujusmodi interdico, sitis *exspoliantes vos*
veterem hominem, id est habitum peccatorum 285
cum actibus suis. Quidam enim habitum deponunt
 peccati, qui quandoque cogente fragilitate in actum
 peccati labuntur. Non tamen resumentes habitum
 peccati, licet actum, quia post casam festinant ad
 poenitentiam. Exspoliantes vos *veterem hominem*,
 et *induentes novum*, id est habitum virtutum, cum
 scilicet *qui renovatur* quotidie crescens in novitate
 justitiæ. *Renovatur dico, tendens in agnitionem Dei*,
 quia semper crescit in cognitione deitatis quantum
 in virtutibus ascendit. *Renovatur, inquam, secundum*
imaginem, id est puritatem ejus qui creavit eum pro-
 modo suo ei se conformando, *ubi*, id est in quo novo
 homine non est *masculus et femina*, id est nemo reci-
 pitur vel abjicitur propter sexum. Ubi etiam non
 est *gentilis vel Judæus*, id est nil nocet esse genti-
 lem, nil prodest fuisse Judæum; gentilis et Judæus
 dico generatione. Et quia quidam de Judæis in gen-
 tilitatem, et quidam de gentibus transierunt in cir-
 cumcisionem, ideo addit *ubi non est circumcisio et*
præputium, quia non plus prodest fuisse circumci-
 sum quam esse præputiatum. Ubi iterum non est *Bar-*
barus et Scythæ, qui barbarior est barbaris. Ubi non
 est *servus et liber*; sic enim in corpore virtutum,
 servus suscipitur ut dominus. Substantiæ enim nec
 nocent, nec prosunt in novo homine, quia omnia
 substantia creatura bona Dei est, sed qualitates, ut
 justitia, vel iniustitia, quæ a nobis superadduntur,
 hæc vel prosunt vel impediunt. Gentilis et Judæus ibi
 non sunt, *sed Christus*, id est virtus veniens ex
 Christo, *est omnia*, id est omnis perfectio. Et ita
 quod *in omnibus*, id est in singulis, sit omnia.

Et quando quidem novus homo induendus est, ergo
induite vos membra novi hominis. *Induite* dicit et
 secundum decorem, quia nuditate peccati deturpati
 eramus et secundum depulsionem frigoris iniquita-
 tis, *Induite, inquam, vos, sicut electi Dei*, id est
 quos Deus ab æterno et in tempore per ministros ad
 fidem vocando elegit. *Electi dico et sancti*, id est
 positione virtutum in bono sancti, et in utroque,
 id est in electione et sanctificatione *directi induite*
 vos misericordiam. Et ad majorem incitationem
 expressius ait: *Viscera misericordiæ*, ut in ipsis vi-

sceribus redundet pia affectio. Induite vos etiam cum A misericordia animi hoc membrum novi hominis, scilicet *benignitatem* largiendi, et *humilitatem* in verbo et inessu, et *modestiam*, id est temperantiam in omnibus, et *patientiam*, si adversa incumbunt. *Supportantes* vos invicem, id est alternis orationibus et jejuniis alter alterius onera portando. *Et si quis vestrum habet querelam*, id est justam repetitionem cujuslibet rei, *adversus aliquem fratrem, donantes vobismetipsis* invicem, nec ut pretium relaxetis, et minus solito diligatis, sed *sicut Dominus donavit vobis*, debitum dimittendo, et dilectionem superaddendo, *ita et vos* condonate vobis invicem. *Patientiam*, etc., *induite*; *super hæc autem omnia*, id est superiorem et digniorem his omnibus, *habete charitatem*. Vel ita : *Super hæc*, id est magis laborate ad B habendam charitatem quam ad præmissa. *Quod*, scilicet, habere charitatem est *vinculum*, id est colligamentum perfectionis, id est cæterarum virtutum quæ perfectum faciunt. Omnes enim virtutes congregatæ sine charitate, sunt quasi pulvis dissolutus, cui facile ad impulsionem venti (quia sine cæmento fuit) dispergitur. Sic enim virtutes sine cæmento charitatis congregatæ facile cedunt cuilibet tentationi. Et ut in charitate perfecti sitis, *pax*, id est exterior concordia, *pax* dico *Christi*, id est quam Christus in mundo habuit, et habendam docuit, sit in vobis, ita quod in *cordibus vestris*, non coactione, sed ex voluntate pacem habeatis ad omnes, et ita sit in cordibus quod ibi *exsulat*, id est de quotidiano gaudeat incremento. *In qua*, id est ad quam, pacem habendam *vocati estis* a Deo in uno corpore, id est non tantum ut ad unitatem corporis veniatis, sed ut in illa unitate permaneat. Pax sit in cordibus vestris. *Et vos estote grati*, id est gratias 286 semper agentes Deo de collatis vobis beneficiis. *Grati* dico, *docentes et commonentes vosmetipsos*.

Sed in quo docere et commonere se debeant præmittit, dicens : Ut possitis vos docere et commonere, *verbum*, id est doctrina, *Christi*, id est vel de Christo, vel quam Christus docuit, *habitet* continue in vobis. Et ita quod *abundanter*, id est abundantiam habeatis in *omni sapientia*, id est in omni genere intellectus historici, moralis et allegorici, *docentes vosmetipsos*, studendo in Scripturis, et bene docti *commonentes* alter alterum. Plurimum enim valet exhortatio, etiam in rebus quas bene scimus. *Docentes et commonentes* dico in *psalmis*, in quibus bona moralitas continetur; et in *hymnis*, in quibus laus Dei, vel sanctorum ad gloriam Dei refertur; et in *canticis spiritualibus*, id est de spiritualium bonorum gaudio agentibus. Nec solum *docentes et commonentes*, sed etiam *cantantes Deo*, id est ad gloriam Dei, non solum in labiis, sed etiam in *cordibus vestris*. *Cantantes* dico in *gratia*, id est in consideratione gratiæ Dei, qua peccata condonans vos justificavit. Ut paucis absolvam quid vobis faciendum sit : *Omne quodcumque facitis in verbo, aut in opere*, hæc et omnia seu in habitu, seu in cogitatione, ja-

PATROL. CLIII.

cite in nomine, id est ad honorem, *Domini nostri Jesu Christi*. Vel aliter : *Omne quodcumque facitis in verbo, aut in opere*, ita quod sit *omne*, id est perfectum, non pro laude hominum factum, facite in *nomine Domini nostri Jesu Christi*. Vos dico, *semper agentes gratias Deo et Patri, per ipsum Christum*, per quem omnia bona vobis contulit. Actio enim gratiarum plurimum valet ad impetrandum.

Postquam in communi Ecclesiam admonuit, separatim instruit sexus, ætates, conditiones, dicens : Invicem vos supportate, sed vos, *mulieres*, amplius quam cæteri *estote subditæ viris vestris, sicut oportet*. Opportunum enim est mulierem subditam esse viro. *Subditæ tamen in Domino*, id est secundum Dominum. Si enim volunt vos supponere adulteris, in hoc nolite subdi. Vos autem, *viri, diligite uxores vestras, et nolite amari esse ad illas*. Nimia enim austeritas quandoque peccatum generat. Et vos, *fili, obedite parentibus* per omnia, ita tamen quod in *Domino*, non in cultura idoli vel homicidio. Obedire dico, *quia hoc*, scilicet obedire parenti, *placitum est Deo*. Et vos, *patres, nolite provocare ad iracundiam filios vestros, ut non fiant pusillo*, id est modico, animo, in patiando, et percussi a vobis, repercutiant vos. Et vos, *servi, obedite per omnia dominis, etiam carnalibus, non servientes illis ad oculum*, id est quandiu estis in oculis eorum, *quasi per hanc servitatem placeatis hominibus tantum, sed in simplicitate cordis servite illis, timentes in hoc Dominum Deum* qui pro peccato vestro vel parentum, vos servos constituit, ut de filiis Cham legimus (*Gen. ix, 25*). Nec objiciatis quod domini male retribuunt vobis, *scientes quod vos accipietis a Domino Deo retributionem hæreditatis*, id est hæreditatem retributam vobis, quia jugum impositum vobis a Deo patienter sustinuistis. Et cum dicam mulieres subditas esse, viros diligere, filios obedire, servos servire, in omnibus his *servite Domino Christo*, ne, propter obsequium hominis, contemnatis Deum: Vos, servi, sic operamini, quia *quicumque facit injuriam*, sive sit servus, sive sit dominus, *recipiet id quod inique gessit*, id est mercedem iniquitatis in futuro. Ideo dico *quicumque injuriam facit, quia apud Deum non est acceptio personarum*, ut hic acceptus sit, quia liber; ille projectus, quia servus.

CAPUT IV.

Domini, quod justum est et æquum servis præstate, scientes quoniam et vos Dominum habetis in cælo. Orationi instate [instantes], vigilantes in ea in gratiarum actione, orantes simul et pro 287 nobis, ut Deus aperiat nobis ostium sermonis, ad loquendum mysterium Christi (propter quod etiam vincit sum), ut manifestem illud, ita ut oportet me loqui. In sapientia ambulate (*Ephes. v, 15*) ad eos qui foris sunt, tempus redimentes. Sermo vester semper in gratia sale sit conditus, ut sciatis quomodo oporteat vos unicuique respondere. Quæ circa me sunt omnia vobis nota faciet Tychicus, charissimus frater et fi-

dells minister, et conservus in Domino, quem mi-
 si ad vos ad hoc ipsum ut cognoscat quæ circa
 vos sunt, et consoletur corda vestra, cum One-
 simo charissimo, et fideli fratre, qui est ex vobis.
 Omnia quæ hic aguntur nota faciet vobis. Salu-
 tat vos Aristarchus concaptivus meus, et Marcus
 consobrinus Barnabæ, de quo accepistis mandata.
 Si venerit ad vos, excipite illum. Et Jesus, qui
 dicitur Justus, qui sunt ex circumcissione. Hi soli
 sunt adjutores mei in regno Dei, qui mihi fuerunt
 solatio. Salutat vos Epaphras, qui ex vobis est,
 servus Jesu Christi, semper sollicitus pro vobis
 in orationibus, ut stetis perfecti et pleni in omni
 voluntate Dei. Testimonium enim illi perhibeo,
 quod habet multum laborem pro vobis, et pro his
 qui sunt Laodicæ, et qui Hierapoli. Salutat vos
 Lucas (II Tim. iv, 11), medicus charissimus, et
 Demas. Salutate fratres qui sunt Laodicæ et
 Nympham, et quæ in domo ejus est ecclesiam.
 Et cum lecta fuerit apud vos Epistola hæc, facite
 ut et in Laodicensium Ecclesia legatur. Et dicite
 Archippo: Vide ministerium quod accepisti in
 Domino, ut illud impleas. Salutatio mea manu
 Pauli. Memores estote vinculorum meorum. Gra-
 tia Domini nostri Jesu Christi vobiscum. Amen.

EXPOSITIO.

Servi, obedite dominis, et vos, domini, præstate
 servis quod justum est, et secundum quod meren-
 tur, et quod est æquum, id est ut pensetis eos æque
 homines esse sicut vos, scientes quoniam servi et
 vos domini habetis eundem Dominum in celo. Ad-
 monitis his personis, iterum ad publicam instruc-
 tionem Ecclesiæ revertitur, dicens: Vos, servi et do-
 mini, sic vicissim agite: Universa autem ecclesia,
 instate orationi vigilantes, vel nocturnis vigiliis, vel
 studiosi in ea vigilantes semper in actione gratiarum,
 orantes, simul etiam pro nobis, quando oratis pro
 vobis. Vel simul, id est tota ecclesia pro me com-
 munem orationem faciat, ut Deus aperiat nobis
 ostium sermonis, id est labia per quæ egreditur ser-
 mo. Aperiat dico ad loquendum mysterium Christi,
 id est salutem gentium, quæ usque ad Christum sub
 mysterio latuit. Aperiret Deus sibi os, si sermo
 ejus auditoribus fuerit gratosus. Quia propter
 compositiones verborum, propter subtilitates sen-
 tentiarum, nunquam os erit apertum, nisi Spiritus
 operetur in cordibus auditorum, propter quod, id
 est quia, loquor mysterium Christi, post multas af-
 flictiones, etiam nunc victus sum ad loquendum,
 ita ut ego manifestem illud mysterium, ita sicut
 oportet me loqui pro loco, tempore ac capacitate au-
 ditorum. Et sicut ego loquor verbum Christi, ita
 et vos prædicare. Ambulate ad eos qui foris sunt, id
 est ad infideles. Ambulate dico in sapientia, id est in
 omni discretionem prædicando. Vos dico redimentes
 tempus, id est comparantes vobis opportunitatem
 ambulandi in sapientia. Hoc esset redimere tempus,
 si vocarent ad cœnam, et captarent ibi benevolen-
 tiam, ut sic ad id quod vellent, facilius inducerent.

A Ut in sapientia ambuletis, sermo vester semper sit in
 gratia, id est gratosus auditoribus, et ex eo, quod
 sit conditus sale, id est temperatus sapienti dis-
 cretione. Vel ita: Sermo vester sit conditus sale,
 ita quod semper sit in gratia, id est in commenda-
 tione gratiæ Dei, et nunquam in lege. Ita conditus
 sale, ut sciatis quomodo oporteat vos respondere uni-
 cuique interroganti, pro simplicitate ejus vel pru-
 dentia. Sic vos de præmissis instruo; omnia autem
 quæ circa me sunt, et vincula et cætera, nota faciet
 vobis Tychicus, charissimus frater et fidelis minister.
 Credite illi quia nihil præter fidem ministrabit, et
 conservus in Domino, quia, sicut ego, sic 288 servit
 Domino in Evangelio, et patitur pro eo. Quem
 Tychicum misi ad vos, ad hoc manifestandum, et ad
 ipsum, ut cognoscat quæ circa vos sunt, et ego per
 eum, et consoletur corda vestra, desolata pro vin-
 culis meis. Nota faciet Tychicus, cum Onesimo char-
 issimo et fideli fratre; audite eum, quia natus est
 ex vobis. Hi duo facient vobis nota omnia quæ hic
 aguntur. Ideo commendavit eos, ut crederent illis,
 sicut et sibi. Salutat vos Aristarchus concaptivus
 meus, qui, sicut ego, pro Evangelio in vinculis
 captivatur. Salutat vos etiam Marcus, consobrinus
 Barnabæ. De quo utroque non recipiendo accepistis
 mandata a me. Sed si uterque modo venerit ad vos,
 excipite illum, utrumque reconciliatos mihi. Hic
 Marcus nolens obedire Paulo in quadam legatione
 divisus est ab illo; Barnabas autem, amore carnali
 nimium ductus, abiit cum Marco (Act. xv, 39). Pau-
 lus vero ne quid extra fidem prædicarent segregati
 ab illo, scripsit Ecclesiis ne audirent eos qui modo
 correcti, erant cum Paulo; et ideo de eis excipiendis
 iterum scripsit. Salutat vos etiam Jesus, qui dicitur
 Justus, testimonium justitiæ habens ab omnibus.
 Qui Marcus, Barnabas, Jesus, sunt ex circumcissione,
 et hi soli ex circumcissione sunt adjutores mei, in
 prædicando regno Dei. Qui etiam fuerunt mihi solatio
 in vinculis. Salutat vos Epaphras, qui est natus ex
 vobis. Ille dico servus Christi Jesu, et sollicitus pro
 vobis in orationibus, semper habitus. Pro vobis, in-
 quam, ut stetis perfecti in eo quod accepistis, non
 ut aliud accipiatis. Et ut stetis pleni in omni ro-
 luntate, id est plenarie cognoscentes omnem volun-
 tatem Dei. Vere sollicitus pro vobis; nam ego per-
 hibeo illi testimonium, quod habet multum laborem,
 vigilando, orando pro vobis, et pro his qui sunt La-
 dicæ, et qui sunt Hierapoli. Vicinæ Ecclesiæ erant
 Colossensibus. Salutat vos Lucas, medicus charis-
 simus. Hic fuit evangelista. Et Demas vos salutat.
 Salutate fratres qui sunt Laodicæ. Salutate etiam
 Nympham illam matronam, et ecclesiam quæ est in
 domo ejus. Hæc solita erat ministrare prædicatori-
 bus, et timebat Paulus ne seducta ministraret illis
 pseudo. Et cum fuerit lecta apud vos hæc Epistola,
 facite ut etiam legatur in Ecclesia Laodicensium, et
 ut vos legatis eam quæ est Laodicensium. Et dicite
 Archippo, episcopo vestro, qui, quia contemptus est
 a vobis, ab officio cessavit, dicite illi: Vide, id est

provido, age ministerium quod accepisti in Domino, A ut impleas illud, quia modo correcti parati sumus obedire tibi. Dignum est enim ut quem contemptus vester deposuit, obedientia vestra restituat. Hic Archippus, iratus quia audierant contra se illos pseudo, dixerat se non amplius episcopaturum eis.

Salutatio scripta mea manu; mea-dico non notarii, sed mea Pauli. Præmittit quiddam salutationi. Estote memores vinculorum meorum, ut vel mihi ministretis in vinculis. Vel, ut exemplo meo pro Christo patiamini. Salutatio hæc est: Gratia Domini nostri Jesu Christi vobiscum. Amen.

ARGUMENTUM IN EPISTOLAM PRIMAM AD THESSALONICENSES.

Thessalonicenses sunt Macedones. Hi in Christo Jesu accepto verbo veritatis perstiterunt in fide, etiam in persecutione civium suorum. Præterea nec receperunt falsos apostolos, nec ea quæ a falsis apostolis dicebantur. Hos collaudat Apostolus, scribens eis ab Athenis per Tychicum diaconem, et Onesimum acolythum.

PROLOGUS B. BRUNONIS IN EAMDEM.

Thessalonicenses sunt in Macedonia. Hi, au- B dito verbo fidei a Paulo, crediderunt, accepta multa gratia in ipso exordio fidei. Sed Paulo reverso ab eis, quidam (sicut ab eo acceperant) imitatores Pauli perstiterunt in bono; quidam autem eorum paulatim corrupti sunt, labentes in 289 foveam fornicationis. Cœperunt etiam esse otiosi, laborare nolentes, et curiosi, rumores urbis multo studio perquirentes. Errantes etiam dubitando de resurrectione mortuorum. Quare etiam se supra modum affligebant in morte amicorum, putantes eos non amplius resurrecturos. Cum autem duæ partes eorum essent, altera directo itinere Pauli incedens; altera, sicut dictum est, a via veritatis

aberrans, Paulus ab Athenis Timotheum ad eos direxit. Quo reverso, ubi Paulus quorundam fidem, aliorum errorem per Timotheum certus cognovit, scribit illis hanc Epistolam, in qua utramque partem eorum, perfectos scilicet et errantes, habet materiam: bonos de perfectione fidei collaudando, et ad incrementum bonorum, quæ cœperunt adhortando; errantes a curiositate, otio, fornicatione, et a dubitatione habita de futura resurrectione congruis rationibus retrahendo. In qua re aperta satis est ejus intentio, scilicet ut boni de incremento laborent; alii, dimisso errore, bonorum perfectioni fide et opere se conforment.

EPISTOLA I AD THESSALONICENSES.

CAPUT PRIMUM.

Paulus, et Silvanus et Timotheus, Ecclesiæ Thessalonicensium, in Deo Patre nostro et Domino Jesu Christo. Gratia vobis et pax. Gratias agimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, et laboris, et charitatis et sustententiæ spei Domini nostri Jesu Christi, ante Deum et Patrem nostrum, scientes, fratres dilecti a Deo, electionem vestram, quia Evangelium nostrum non fuit ad vos in sermone tantum, sed et in virtute, et in Spiritu sancto, et in plenitudine multa, sicut scitis quales fuerimus in vobis propter vos. Et vos imitatores nostri facti estis, et Domini, excipientes verbum in tribulatione multa cum gaudio Spiritus sancti, ita ut facti sitis forma omnibus credentibus in Macedonia et in Achaia. A vobis enim diffamatus est sermo Domini, non solum in Macedonia et in Achaia, sed in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annuntiant qualem introitum habuerimus ad vos, et quomodo conversi estis ad

C Deum a simulacris servire Deo vivo et vero, et exspectare Filium ejus de caelis (quem suscitavit ex mortuis) Jesum, qui eripuit nos ab ira ventura.

EXPOSITIO.

Paulus, etc. Sicut moris ejus est, salutationem præmittit, dicens: Paulus, et Silvanus, et Timotheus; Sylvanum secum in salutatione ponit, quia in conversione eorum secum collaboravit, auctoritatem habens apud ipsos. Timotheum ideo, quia ex consilio Timothei qui ab eis reversus fuerat, hanc eis Paulus scribit Epistolam. Ideo etiam Timotheum ponit, ut noverint nihil eorum quæ fiunt apud eos latere Paulum. Paulus et Silvanus et Timotheus scribunt Ecclesiæ Thessalonicensium. Ecclesiæ dico D existenti in Deo Patre, et Domino Jesu Christo, id est hoc quod est Ecclesia, habet a Deo Patre et Jesu Christo. Perseveret itaque in fide ipsius, a quo jam nomen accepit electionis. Hoc, inquam, scribunt, gratia vobis et pax. In primis partem eorum quæ fidei integritatem servaverat, alloquitur; fidem eorum magnificans, et gratias illis in principio fidei concessas, ut per laudem Apostoli, animentur in melius, dicens: Audientes fructum fidei vestræ,

agimus gratias Deo, nec raro sed semper, et pro omnibus vestris, qui in eo quod vobis tradidi, perseverastis. Agimus gratias, facientes memoriam, id est Deum memorem vestri in orationibus nostris, habitis sine intermissione, quia et jugis est oratio, et in nullo vos prætermitto. Unde **290** gratias agat, subdit: Gratias agimus memores operis fidei vestræ. Cum multa sint opera fidei, hoc præcipuum [principium] fides habet confiteri quod credit. Hi autem in conspectu persecutorum non formidabant Christum confiteri. Memores etiam laboris vestri. Hi enim pauperati ab infidelibus, laborabant unde viverent. Memores etiam charitatis vestræ. Adeo enim proximos diligebant ut illis otiosis fructum laborum suorum communicarent. Memores etiam sustinentiæ vestræ. Multa enim patiebantur ab infidelibus. Sustinentiæ dico spei, id est speratæ rei. Res enim quam speratis, tantam patientiam operatur in vobis. Spei dico Domini nostri Jesu Christi. Ad Christum enim pertinet impletio hujus spei, habitæ ante Deum et Patrem nostrum. Sic enim confidenter sperabant, ac si jam Deum præ oculis haberent.

Commendata fide et charitate eorum, dicit magis miras gratias Deum contulisse illis in initio fidei quam aliis Ecclesiis. Et hæc dicit ad incitationem eorum, facientes memoriam vestri in orationibus nostris, scientes, fratres dilecti a Deo, electionem vestram, id est quos quia dilexit, elegit. Et iterum post electionem amplius dilexit, ideo dilecti præposuit electioni, ut ostenderet bona eorum esse ex dilectione Dei. Scientes dico electionem vestram; hanc, scilicet, quod Evangelium nostrum non fuit ad vos tantummodo in sermone, ut scilicet sola verba fierent in vestra conversione; sed fuit in virtute miraculorum, et in Spiritu sancto. In ipsa enim acceptione fidei multas gratias habuistis; et ita in virtute et in Spiritu, ut in multa plenitudine et miraculorum et gratiarum spiritualium. Sic ista, scilicet et virtutes miraculorum et gratias Spiritus sancti fuisse in vobis scimus, sicut vos scitis hoc visibile de nobis quales, id est quam vehementer tribulati fuerimus in vobis; et hoc propter vosipsos lucrandos, non propter aliud commodum. Sic fuit ad vos Evangelium nostrum, et vos statim facti estis nostri imitatores, et quia nostri, ideo imitatores Dei, quem gloriosum est imitari. Imitatores dico in multa tribulatione tolerata, excipientes, id est in excipiendo, verbum; ut primum enim accepistis verbum fidei, statim cum fide incæpistis pati. Tribulatione dico accepta non invita, sed cum gaudio Spiritus sancti, quia affluentia gratiarum, quæ erat in vobis, faciebat vos gaudere in tribulationibus. Fuitis nostri imitatores, ita ut facti sitis forma patientiæ omnibus credentibus in Macedonia et in Achaia, qui prius vobis crediderunt. Videntes enim vos præcedere illos ad coronam, laudabant fidei vestræ velocitatem, accusando suam tarditatem. Illis utique facti estis forma; sermo enim Domini diffamatus est a vobis, id est notificatus exemplo vestro, non solum in Mare-

donia et Achaia, sed etiam in omni loco adjacente illis. Nec solum sermo Domini, sed etiam fides vestra plurimum profecta est, quæ fides est ad Deum, id est gloria mundi spreta, Deum solum desiderat. Ita est profecta ut non sit nobis necesse loqui quidquam de introitu nostro ad vos, vel de conversione vestra. Ideo non est necesse quidquam loqui, quia ipsi eidem annuntiant de vobis, id est ad gloriam vestræ fidei, qualem, id est quam difficilem, introitum habuerimus ad vos. Multa enim passi sumus in veniendo et apud vos, propter quæ tamen non sprevisis verbum ex me. Annuntiant etiam de vobis, id est quam perfecte conversi estis ad Deum a simulacris. In quibus, simulatio tantum, nulla veritas. Conversi dico non tantum credere, sed etiam servire Deo vivo, id est æterno qui vitam æternitatis daturus est vobis. Deo vivo et vero, id est in quo veritas, sicut in idolo simulatio. Nec quoquomodo servire, sed etiam conversi estis expectare Filium ejus, venturum de cælis ad judicium. Adeo enim bene agendo securi sunt, ut gaudeant occurrere judici, non formidantes pœnam, sed de præmio securi. Quem Filium Deus suscitavit ex mortuis factum nobis Jesum, id est Salvatorem, **291** cujus suscitatio nostram operatur resurrectionem; qui Filius eripuit nos ab ira, id est ab ultione, ventura impiis. Eripuit utique in baptismo dimittens peccata.

CAPUT H.

Nam ipsi scitis, fratres, introitum nostrum ad vos, quia non inanis fuit, sed ante passi multa, et contumeliosi affecti (sicut scitis) in Philippis, fiduciam habuimus in Deo nostro, loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium; ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis; neque in occasione avaritiæ, Deus testis est; nec quærentes ab hominibus gloriam, neque a vobis, neque ab aliis, cum possemus vobis oueri esse, ut Christi apostoli. Sed facti sumus parvuli in medio vestrum, tanquam si nutrix fovcat filios suos. Ita desiderantes vos cupide, volebamur tradere vobis non solum Evangelium Dei, sed etiam animas nostras, quoniam charissimi nobis facti estis. Memores enim estis; fratres, laboris nostri et fatigationis: nocte et die operantes, ne quem vestrum gravaremus, prædicavimus vobis Evangelium Dei. Vos testes estis et Deus quam sanete et juste et sine querela vobis qui credidistis, affuimus, sicut scriptis, qualiter unumquemque vestrum (tanquam pater filios suos) deprecantes vos, et consolantes, testificati sumus, ut ambularetis digne Deo, qui vocavit vos in suum regnum et gloriam. Ideo et nos gratias agimus Deo sine intermissione, quoniam cum accepissetis a nobis verbum auditus Dei, accepistis illud, non ut verbum hominum,

sed, sicut est vere, verbum Dei, qui operatur in A
 « vobis qui credidistis [ul. add. in ipsum]. Vos enim
 « imitatores facti estis, fratres, Ecclesiarum Dei,
 « quæ sunt in Judæa, in Christo Jesu, quia eadem
 « passi estis et vos a contribulibus vestris, sicut et
 « ipsi a Judæis, qui et Dominum occiderunt Jesum
 « et prophetas, et nos persecuti sunt, et Deo non
 « placent, et omnibus hominibus adversantur, pro-
 « hibentes nos gentibus loqui ut salvi fiant, ut im-
 « pleant peccata sua semper. Pervenit enim ira
 « Dei super illos usque in finem. Nos autem, fra-
 « tres, desolati a vobis ad tempus horæ, aspectu,
 « non corde, abundantius festinavimus faciem ve-
 « stram videre cum multo desiderio, quoniam vo-
 « luimus venire ad vos. Ego quidem Paulus et semel
 « et iterum, sed impedivit nos Satanus. Quæ est
 « enim nostra spes aut gaudium, aut corona glo-
 « riæ? Nonne vos ante Dominum nostrum Jesum
 « Christum estis in adventu ejus? Vos enim estis
 « gloria nostra et gaudium. »

EXPOSITIO.

Dicendo superius *qualem introitum* et quales fra-
 tres, his significaverat vobis difficultatem introitus
 sui; quam, quia exsecutus non fuerat, modo satis
 callide inserit, dicens: Non oportet me dicere qua-
 lem introitum habuimus ad vos: *nam, vos ipsi fra-*
tres, satis scitis introitum nostrum ad vos, quia, id est
quod, non fuit inanis, id est inutilis. Inanis esset si
pro rebus mundi pateretur, vel si pati resurgeret,
vel, si in eis fructum fidei non faceret. Non fuit
inanis, sed ante, id est in veniendo, passi sumus in
Philippis acerbitatem tribulationis, et etiam affecti
contumeliis, id est afflicti opprobriosis verbis. Passi
et affecti dico sicut vos ipsi scitis. Nos, inquam, ita
passi et affecti fuimus apud vos in multa sollicitu-
dine, id est curiosi de domesticis rebus. In multa
enim penuria eramus, et curiosi ne vos, videntes
contemptum nostrum, contemneretis in nobis ver-
bum Dei. Et licet in tanta sollicitudine essemus, tamen
habuimus fiduciam loqui ad vos Evangelium
Dei. Habuimus dico in Domino nostro; præ nimia
enim difficultate vis humana in nobis deficiens com-
pellebat nos Deum consulere. Ideo fiduciam habui-
mus quia exhortatio nostra facta ad vos non erat
292 *de errore, id est de suasionem erroris, ut doce-*
rem vos errare in fide, neque de immunditia, sicut
illi Nicolaitæ qui suadent mulieres omnibus esse
communes. Neque exhortatio nostra est in dolo, id
est in deceptione. Posset enim esse neque de errore,
neque de immunditia, et tamen in dolo, si intenderet
a cipere ab eis. Non fuit in dolo, sed sicut probati,
id est probabiliter sumus inspecti a Deo, ut ab illo
cederetur nobis Evangelium. Sicut probati sumus,
ita loquimur, id est non minus in nobis Deus inve-
nit quam se inventurum prævidit. Loquimur dico,
non solum non placentes, sed nec etiam facti quasi
placentes hominibus, sed quærentes placere Deo,
qui probat corda nostra, id est cui etiam aperta est
 nostra voluntas

Vere non quasi placentes hominibus, *neque enim*
aliquando fuimus in sermone adulationis, sicut vos
scitis, et vos in testes appello. Neque fuimus in ser-
mone avaritiæ; nec etiam in occasione ut saltem
suspitari posset de nobis; et Deus inde testis est.
Et non fuimus quærentes gloriam ab hominibus, quia
neque a vobis, neque ab aliis. Non fuimus in occa-
sione avaritiæ, cum, id est quamvis, possimus vobis
esse oneri, accipiendo temporalia a vobis ut apostoli
Christi. Non quærentes gloriam, sed facti sumus par-
vuli in medio, id est humiles in communitate vestrum.
 Nullus enim fuit cui non condescenderim. *Parvuli*
dico, tanquam nutrix condescendens parvulo, et
multa sustinens ab illo. Nec nutrix conducta pretio,
sed si foveat proprios filios, quibus ex dilectione
 sola parvula sit; nihil ibi quærens præter filios.
 Tanquam nutrix filios ita desiderantes vos, non res
 vestras cupide, *volebamus tradere vobis non solum*
Evangelium Dei, sed etiam, si oporteret, animas ve-
stras. Ideo quoniam facti estis nobis charissimi, facti
sumus utique parvuli tanquam nutrix. Vos enim,
fratres, memores estis laborum nostri et fatigationis:
 posset enim laborare non usque ad fatigationem,
 sed plerumque a Deo laborabat ut magis defessus
 desisteret quam voluntarius. Bene dico *laboris et*
fatigationis; nos enim prædicavimus in vobis Evan-
gelium Dei, operantes nocte ac die, quantum diei re-
siduum erat a prædicatione et oratione. Ideo sic
operantes, ne quem vestrum gravaremus; et quod ita
 fecerim, *vos estis testes et Deus quam sancte in me,*
 et quam *juste ad proximum, et sine querela, id est*
 innocenter, sine omni malo, *sumus vobis qui credi-*
distis. Quia sancte et juste sumus vobis, sic notum
habetis sicut scitis hoc, qualiter testificati sumus
unumquemque vestrum, deprecantes vos et consolantes
tribulatos tanquam pater consolaretur filios suos.
 Testificati sumus *ut ambularetis digne Deo, id est*
 ut essetis digni habere Deum. Vel, ut dignum sit
 Deum habitare in vobis: *qui Deus vocavit vos in*
suum regnum, id est ad hoc ut modo regnaret in vo-
bis, qui prius eratis regnum diaboli, et in habendam
gloriam in futuro. Et quia in regnum Dei vocati
estis, ideo nos gratias agimus Deo sine intermis-
sione, quoniam, cum a nobis accepissetis verbum au-
ditus, id est ex solo auditu exciperetis verbum Dei,
accepistis illud, non ut verbum hominum, sed sicut
verbum Dei (quod vetum est), qui Deus operatur in
vobis quotidie qui credidistis. Et vere operatur in
vobis. Nam vos, fratres, facti estis imitatores Eccle-
siarum Dei, quæ sunt in Judæa; quæ sunt dico
in Christo Jesu. Imitatores in hoc, quia passi estis
eadem et vos a contribulibus vestris, sicut et ipsi
passi sunt a Judæis. Qui Judæi non mirum si perse-
quuntur eos, quia occiderunt Dominum Jesum et pro-
phetas. Nos etiam persecuti sunt, in quo nique non
placent Deo, licet perseguendo nos, arbitrentur ob-
sequium se præstare Deo. Qui etiam Judæi adver-
santur omnibus hominibus, id est utilitati omnium
hominum, prohibentes nos loqui gentibus, ut salvæ

fiant. Prohibentes ideo ut semper impleant peccata A sua, donec juste et sufficienter probati sint, et 293 impii ad cumulum damnationis veniunt. Ideo sic prohibent quia ira, id est excæcatio, Dei venit super illos usque in finem, quando Deus auferet velamen de cordibus eorum, et tunc reliquæ salvæ fient (Rom. ix, 27; xi, 5). Vel, usque in finem, id est ad mortem, quando tradentur perpetuo igni. Et quia vos eadem passi estis, ideo, fratres, nos desolati a vobis, causa enim desolationis nostræ veniebat a nobis, non quia plangeremus casum, sed quia timebamus : desolati dico ad tempus, id est ex quo Timotheum ad vos misimus, donec per eundem constantiam vestram audivimus; ubi ait ad tempus, innuit eos non peccasse : desolati dico remoto ore, id est sermone nostro a vobis, et aspectu remoto : non tamen remoto corde abundantius, quam prius festinavimus videre faciem vestram cum multo desiderio. Bene dico cum desiderio, quoniam volumus venire ad vos, et in ipso itinere jam eramus. Ego quidem Paulus, quidquid alii formidarent, et semel et iterum venire volui; sed Satanus impedivit nos. Satanus ideo, ut, remota consolatione magistri, facilius vos pervertere posset. Deus ideo hoc consensit, ut vos de tentatione superata gloriosiores haberet; ideo Satanus impedivit, quia vos estis spes nostra, etc. Vel ita: Ideo venire volumus, quia quæ est nostra spes habenda in futuro, aut quod est gaudium tunc iterum mihi paratum, aut corona gloriæ, id est gaudium illud non erit mediocre, sed corona gloriæ, id est, corona gloriosa : dico quod est gaudium et corona mea? Sed nonne vos estis per puritatem vitæ positi nunc ante Dominum nostrum Jesum? Estis dico corona præparata mihi in adventu ejus. Vere tunc eritis gaudium mihi et corona, quia etiam jam, ubi carne pressus, minus intelligo, estis vos gloria nostra et gaudium.

CAPUT III.

Propter quod non sustinentes amplius, placuit nobis remanere Athenis, solis [at., solos]; et misimus Timotheum fratrem nostrum, et ministrum Dei in Evangelium Christi, ad confirmandos vos et exhortandos pro fide vestra, ut nemo moveatur in tribulationibus istis. Ipsi enim scitis quod in hoc positi sumus. Nam et cum apud vos essemus, prædicebamus vobis passuros nos tribulationes, sicut et factum est et scitis. Propterea et ego amplius non sustinens, misi ad cognoscendam fidem vestram, ne forte tentaverit vos is quis tentat, et inanis fiat labor noster. Nunc autem veniente Timotheo ad nos a vobis, et annuntiante nobis fidem et charitatem vestram, et quia memoriam nostri habetis bonam semper, desiderantes nos videre, sicut nos quoque vos; ideo consolati sumus, fratres, in vobis in omni necessitate et tribulatione nostra per fidem vestram, quoniam nunc vivimus, si vos statis in Domino. Quam enim gratiarum actionem possimus Deo retribuere pro vobis in omni gaudio quo gaude-

mus propter vos ante Dominum Deum nostram, nocte ac die abundantius orantes, ut videamus faciem vestram, et compleamus ea quæ desunt fidei vestræ? Ipse autem Deus et Pater noster, et Dominus Jesus Christus [at. deest Christus] dirigat viam nostram ad vos. Vos autem Dominus multiplicet, et abundare faciat charitatem vestram in invicem, et in omnes, quemadmodum et nos in vobis ad confirmanda corda vestra sine querela, in sanctitate ante Deum et Patrem nostrum, in adventu Domini nostri Jesu Christi cum omnibus sanctis ejus. Amen. »

EXPOSITIO.

Propter quod quia eadem passi estis, et quia nos desolati sumus a vobis, et quia vos estis gaudium, et corona nostra, propter hoc non sustinentes amplius, sustinentes ideo ait quia, donec per Timotheum 294 consolatus eos est, et per eundem quomodo in fide starent accepit, quasi grave pondus timens casum eorum sustinuit. Non sustinentes amplius, placuit nobis, mihi et Silvano, remanere Athenis, solis, id est ita ut soli essemus a solatio Timothei, qui necessarius erat nobis. Hic significat ab Athenis hanc se direxisse Epistolam. Remansimus Athenis, et misimus Timotheum fratrem nostrum, et ministrum Dei in Evangelium Christi. Commendo eum vobis, ipsum audite. Misimus, inquam, ad confirmandos vos, ut in melius proficeretis. Confirmandos et exhortandos dico pro fide vestra custodienda, ne erret vel deficiat. Confirmandos dico, ut nemo vestram moveatur in tribulationibus istis, quas et vos patimini et nos patimur. Ubi ait : Nemo moveatur, innuit eos nondum motos, et se nolle saltem unum a fide moveri. Nec debetis moveri; ipsi enim bene scitis, quod nos et vos positi sumus in hoc ut adversa patiamur. Scitis utique. Nam cum apud vos essemus, prædicebamus vobis nos esse passuros tribulationes, sicut utique pro dicto meo factum est, et vos bene scitis esse factum. Propterea, id est quia, passus sum tribulationes, ne tribulatio magistri causa esset defectus vestri, ego non amplius sustinens, misi ad cognoscendam fidem vestram, ut per legatum fidem vestram cognoscerem. Misi ideo, ne forte tentaverit vos is qui tentat, id est, cujus officium est tentare : et ne sic labor noster fiat inanis vobis, succumbentibus tentationi. Olim misi : nunc autem Timotheo a vobis veniente ad nos, et eo annuntiante nobis fidem quam firmiter tenetis, et charitatem vestram, qua omnes nos diligere probatis : annuntiante etiam quia, id est quod, habetis memoriam nostri bonam, sicut debetis : desiderantes semper videre nos, sicut nos quoque desideramus videre vos : illo hoc annuntiante, consolati sumus, fratres, in vobis. Ideo, id est pro eo quod sic annuntiante de vobis, et non propter aliud. posset enim hoc ipsi annuntiarum, et pro alio consolari : consolati sumus in vobis per fidem, id est propter fidem vestram firmiter stantem. Vel, per fidem vestram juro me consolatum esse, quam diligens non pejerarem. Consolati dico

in omni necessitate, id est penuria : et in omni A
tribulatione nostra, quam a persecutoribus patiōr :
quia nec etiam afflictio mea potest gaudium pertur-
bare quod habeo de vestra firmitate. Ideo dico nos
consolatos : quoniam nunc etiam in tribulatione et
penuria vivimus, id est in gaudio nos vivere credi-
mus : si vos statis in Domino, quod utique verum
est, quia statis. Illud si approbativum est.

Merito ideo vivimus : quia quam actionem gratia-
rum possumus retribuere Deo pro vobis : in fide et
charitate manentibus. Possumus dico nos positi
in omni gaudio, quo gaudemus propter vos, existentes
ante Deum nostrum. Vel, gaudemus ante Deum
nostrum propter vos : placet enim in conspectu
Dei, quod oblitus meæ tribulationis, congaudeo
bonis vestris. Retribuere ideo dicit, quia bona quæ B
Deus tribuit Ecclesiis Pauli, Paulus annumerat col-
lata esse sibi. Gaudemus non solum gratias agen-
tes : sed etiam orantes nocte et die abundantius,
quam prius nondum audita perfectione vestra :
orantes hoc, ut videamus faciem vestram : et præ-
sentes ea compleamus in vobis quæ adhuc desunt
fidei vestræ. Paulus cum primum tradidit illis fidem,
quia adhuc simplices erant, non sufficientes capere
mysteria Dei, secundum ea quæ fidei necessaria
erant, eos initiavit : sed quia modo perfecti sunt,
si modo esset apud eos, aperiret Scripturas et
mysteria Dei : quæ sicut prius superflua essent
eorum simplicitati, sic modo deerrat eorum per-
fectioni. Oramus videre faciem vestram : ipse au-
tem Deus et pater noster, et Dominus Christus diri-
gat viam nostram, id est faciat directum iter nostrum
ad vos. Sive autem veniam, sive non veniam, Dominus
semper multiplicet vos secundum augmentum membro-
rum : et faciat abundare charitatem vestram in invicem :
quod omnes vicissim diligatis vos in Ecclesia : et in om-
nes, id est etiam ad infideles, transeat charitas vestra.

295 Faciat abundare, quemadmodum et nos abun-
damus charitate in vobis. Abundare dico, ad confir-
manda corda vestra, ut voluntas vestra in omni bono
sit confirmata. Confirmanda dico, sine querela, ut
nulla sit ibi injustitia, et confirmanda in sanctitate,
ut in bonis sanciti sitis et confirmati. Sanctitate
dico, habita ante Deum et Patrem nostrum, id est in
beneplacito Dei Patris. Corda dico sic confirmanda
in adventu, id est in consideratione adventus Domini
nostri Jesu Christi. Qui enim bene semper memor
erit adventus Christi ad iudicium, timebit peccando
provocare eum. Vel ita : Confirmanda in adventu, id
est usque in adventum Domini nostri Jesu Christi.
Christi dico venturi cum omnibus sanctis suis, qui
cum eo iudicaturi sunt mundum. Vel, confirmanda
cum omnibus sanctis ejus, ut sic confirmet et vos
quemadmodum confirmavit sanctos suos. Amen,
id est ita fiat, ut vos sic confirmemini.

CAPUT IV.

De cætero ergo, fratres, rogamus vos et obse-
cramus in Domino Jesu, ut quemadmodum acce-
pistis a nobis quomodo oporteat vos ambulare et

placere Deo, sic et ambuletis ut abundetis magis.
Scitis enim quæ præcepta dederim vobis per Do-
minum Jesum. Hæc est enim voluntas Dei san-
ctificatio vestra (Rom. xii, 2; Ephes. vi, 17), ut
abstineatis vos a fornicatione, ut sciat unusquisque
vestrum vas suum possidere in sanctificatione et
honore, non in passione desiderii, sicut et gentes
quæ ignorant Deum. Et ne quis supergrediatur,
neque circumveniat in negotio fratrem suum,
quoniam vindex est Dominus de his omnibus,
sicut prædiximus vobis, et testificati sumus. Non
enim vocavit nos Deus in immunditiam, sed in
sanctificationem. Itaque qui hæc spernit, non
hominem spernit, sed Deum, qui etiam dedit Spi-
ritum suum sanctum in nobis. De charitate au-
tem fraternitatis non necesse habuimus scribere
vobis. Ipsi enim vos a Deo didicistis ut diligatis
invicem (Joan. xiii, 34). Etenim illud facitis in
omnes fratres, in universa Macedonia. Rogamus
autem vos, fratres, ut abundetis magis, et ope-
ram detis ut quieti sitis, et vestrum negotium
agatis; et operemini manibus vestris, sicut præ-
cepimus vobis, et ut honeste ambuletis ad eos qui
foris sunt, et nullius aliquid desideretis. Nolumus
autem vos ignorare, fratres, de dormientibus, ut
non contristemini, sicut et cæteri qui spem non
habent. Si enim credimus quod Jesus mortuus est
et resurrexit, ita et Deus eos qui dormierunt per
Jesum adducet cum eo. Hoc enim vobis dicimus
in verbo Domini, quia nos qui vivimus, qui residui
sumus, in adventu Domini non præveniemus eos
qui dormierunt. Quoniam ipse Dominus in jussu
et in voce archangeli, et in tuba Dei descendet de
cælo, et mortui qui in Christo sunt, resurgent
primi. Deinde nos qui vivimus, qui relinquimur,
simul rapiemur cum illis in nubibus obviam
Christo [al., Domino] in aera, et sic semper cum
Domino erimus. Itaque consolamini invicem in
verbis istis.)

EXPOSITIO.

Hucusque partem perfectorum collaudavit, et ad
incrementum perfectionis adhortatus est. Nunc inci-
pit instruere partem illam, quæ videbatur cor-
rumpi fornicatione, curiositate, otio, et de resur-
rectione dubitando, dicens : Vos perfectos sic laudo,
et ad incrementum invito. De cætero ergo, fratres,
id est ad alteram partem agens, rogamus vos quasi
rem debitam, et obsecramus mitius agentes, dum
precamur quod imperare licet : obsecramus, in-
quam, in Domino Jesu, si de illo gaudere vultis,
ut quemadmodum accepistis a nobis quomodo oporteat
vos ambulare et placere Deo; ambulare dicitur,
in his quæ ex dilectione sine quibus homo nequit
salvari; placere in his quæ ex dilectione homo
superaddit, ut servare **296** virginitatem, nihil possi-
dere in mundo; quæ si non faceret, posset tamen
salvari : oporteat ambulare, sicut credo, quod am-
bulatis, licet sic vos admoneam : rogamus et obse-
cramus, ut abundetis magis, ambulando et placendo.

admoniti a me, quam prius. Et oebetis abundare; *A* scitis enim quæ, id est quam digna, præcepta dederim vobis per Dominum Jesum, sic instituentem mihi. Digna utique præcepta dedi vobis. *Num hæc est voluntas Dei vestra sanctificatio*, id est ut vos sanctificati sitis, remoto omni vitio a vobis. Hæc est, inquam, vestra sanctificatio, *ut vos abstinence a fornicatione*, ne corrumpatis uxorem proximi. *Et ut sciat unusquisque vestrum vas suum possidere*, id est suum corpus. Sicut enim miles in tabernaculo, sic spiritus in corpore militare debet Deo: manibus, ministrando pauperibus; pedibus, visitando infirmos, et similia, in cæteris membris. *Possidere* ideo dicit, quia corpus ita debet domari a spiritu ut possideatur quasi servus rationis, portans quodcumque onus imponitur sibi. *Possidere* dico in sanctificatione, ut fiat sanctum in habitatione virtutum, et possidere in honore, ut non inclinetur ad actum turpitudinis, et non in desiderio, ut saltem desideret turpem actum, nedum operetur. Desiderio dico quod est esse in passione. Gravis enim passio est animi vivere in desiderio carnis. Vivere in passione desiderii, sicut falsi Christiani, et gentes quæ ignorant Deum, faciunt. Abstineat a fornicatione, et ab adulterio. Quod sic ait: *Ne quis supergrediatur fratrem suum in ullo privato negotio cum uxore ejus habito, neque circumveniat in eodem*. Supergredi esset, si violenter raperet alterius uxorem. Circumvenire, si seductione pretii vel precis subverteret uxorem proximi consentire sibi. Hanc sententiam non satis aperte innuunt verba libri, sed priora et sequentia hanc velle videntur. Vel illa priora mutantur. Abstineat a fornicatione cum metreticibus, ut sciat unusquisque vestrum possidere suum vas, id est suam uxorem quæ corpus est viri in sanctificatione, id est, in munditia et in honore. Non in turpitudine, et non in passione desiderii, id est ne nimis carnaliter afficiatur circa uxorem, sicut gentes faciunt quæ Deum ignorant. Illud quod sequitur non mutatur, ideo nemo circumveniat fratrem, etc., quoniam Dominus vindex est de his omnibus, tam de fornicatione, quam de adulterio, sicut prædiximus vobis cum essemus apud vos, et testificati sumus testimoniis Scripturarum.

Vere Dominus vindex est de his; nam Deus non *D* rocauit nos in immunditiam operandam, sed in sanctificationem habendam, et quia non in immunditiam, sed vocavit nos Deus in sanctificationem. Itaque qui spernit hoc cavere, scilicet a fornicatione et adulterio, non spernit hominem, sed Deum, qui vocat in sanctificationem: spernit etiam hospitem suum Spiritum sanctum. Quod sic ait: *Qui Deus dedit Spiritum suum sanctum in nobis, quem si Deum spernitis, cum Deo spretum perditis*. De fornicatione et adulterio sic vos instruimus; sed de charitate fraternitatis non habemus necesse scribere vobis, quia vos ipsi didicistis a Deo vel interius inspirante, vel in Evangelio hoc docente, ut diligatis invicem, ubi ait: « Hoc est præceptum meum

(Joan. xv, 12), » etc. Ideo iterum non est necesse scribere vobis, quia vos facitis illud præceptum dilectionis in omnes fratres existentes in universa Macedonia. Sed licet non sit necesse ideo scribere vobis, tamen rogamus vos omnes, fratres, ut magis solito abundetis in charitate, et detis operam ut sitis quieti, non ita per urbem curiosi rumoribus inquirendis; et ut sitis quieti, agatis vestrum negotium, ne, contemptis propriis, aliena negotia curetis. In his verbis vitium curiositatis interdicat. *Et ut sitis quieti, operemini manibus vestris*, unde vobis habeatis, ne otiosi alienos labores illicite commutatis. Hic otiositatem prohibuit, *Operemini* dico, **297** sicut parentes præcepimus vobis. Operemini, quia præcepimus vobis, et ut honeste ambuletis ad eos, qui foris sunt, id est in conspectu infidelium, ne habeant in quo possint detrahere vobis. Ideo etiam operemini, ut nullius aliquid desideretis, id est ut habentes de proprio labore res alterius non concupiscatis, quod egestas veniens ex otio desiderare compellit.

Nunc dubietatem quam de resurrectione habebant, congruis rationibus absolvit, dicens: De charitate non est necesse scribere vobis; sed de dormientibus nolumus vos ignorare, fratres. Dormientes vocat mortuos, ut ostendat tam facile Deum resuscitare mortuos quam facile est dormientem suscitari e somno. Ideo nolumus vos ignorare de dormientibus, ut non contristemini immoderate super mortes propinquorum, sicut gentiles et etiam falsi *C* Christiani, qui non habent spem resurrectionis futuræ. Et de resurrectione desperantes sic contristari non debetis, quia, si credimus quod Jesus resurrexit, et ut veram ejus resurrectionem probet, præmittit: *Jesus vere mortuus est et resurrexit*; si hoc, inquam, credimus, ita et credere debemus quod eos qui, vivendo per Jesum, dormierunt per Jesum, id est vita quorum et mors in Jesu fuit, eos, inquam, adducet Deus cum eo, id est cum Jesu impassibiles, immortales in gloria. Falsam quorundam opinionem, qui dicebant corpora in die illo adhuc integra posse resurgere, ea vero quæ essent dissoluta in cineres, nunquam resurgere, destruit, dicens: Vere qui dormierunt adducuntur cum Jesu; nam hoc dicimus vobis in verbo Domini. Deus enim hoc nobis revelavit, quia, id est quod, nos qui vivimus in adventu Domini, et qui residui sumus tot malis. Ponit se quasi futurum in die ultimo, ideo quia persecutio apostolorum et fidelium sub Antichristo futurorum, simili difficultate comparabitur. Unde idem alibi. Nos sumus et in quos fines sæculi devenerunt (I Cor. x, 11). Nos, inquam, qui residui sumus in adventu Domini, non præveniemus eos qui dormierunt in resurrectione qui ante nos dormierunt, ut Abraham et cæteros. In hoc versu utrumque fecit, et veritatem resurrectionis omnium approbavit, et de quibus dubitabant, eorum resurrectionem prius futuram esse ostendit.

Hic tamen notandum quod justorum resurrectionem solummodo approbat. Vere nos residui non

præveniemus priores, quoniam ipse Dominus Christus descendet de cælo in jussu et cum imperio, qui olim descendit in obedientia et humilitate; descendet etiam in voce archangeli. Sive hic, archangelus significet Christum propria voce insonaturum, sive alium angelum determinatum, non habemus quis illam vocem daturus sit ad quam resurgent mortui. In voce archangeli et in tuba Dei; vox enim illa erit quasi tuba, quæ suos excitat, adversarios terret, sic vox illa invitabit sanctos ad palmam, impios deterrabit ad pœnam. Sic, inquam, Jesus descendet, et tunc mortui qui jam diu sunt in Christo, ut Abraham et cæteri, surgent primi. Et deinde post illos nos qui vivimus, in tempore illo, et qui relinquimur tot persecutionibus Antichristi, simul rapiemur cum illis prioribus in nubibus. Nubes enim portabunt nos obviam Domino in aera, ubi de omnibus iudicabit, et exinde erimus cum Domino semper nos electi. Erimus, inquam, sic, id est cum corporibus resumptis in incorruptione. Et quia ex his verbis approbata est vobis veritas resurrectionis, itaque consolamini invicem in verbis istis, id est alter alterum, dicentes: Vere resurgemus impassibiles, cum Domino erimus, etc.

CAPUT V.

De temporibus autem et momentis non indigetis ut scribamus vobis. Ipsi enim diligenter scitis, quia dies Domini sicut fur in nocte, ita veniet (Apoc. III, 3). Cum enim dixerint 298: Pax et securitas, tunc repentinus eis superveniet interitus, sicut dolor in utero habentis, et non effugiet. Vos autem, fratres, non estis in tenebris, ut vos dies illa tanquam fur comprehendat. Omnes enim vos filii lucis estis, et filii diei: non sumus noctis neque tenebrarum. Igitur non dormiamus sicut et cæteri, sed vigilemus et sobrii simus. Qui enim dormiunt, nocte dormiunt, et qui ebrii sunt, nocte ebrii sunt. Nos autem qui diei sumus, sobrii simus, induti loriceam fidei et charitatis, et galeam spem salutis (Ephes. VI, 17). Quoniam non posuit nos Deus in iram, sed in acquisitionem salutis per Dominum nostrum Jesum Christum, qui mortuus est pro nobis, ut sive vigilemus, sive dormiamus, simul cum illo vivamus: propter quod consolamini invicem, et ædificate alterutrum, sicut et facitis. Rogamus autem vos, fratres, ut noveritis eos qui laborant inter vos, et præsent vobis in Domino, et monent vos, ut habeatis illos abundantius in charitate, et propter opus illorum pacem habete cum eis. Rogamus autem vos, fratres, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat, sed semper quod bonum est sectamini in invicem et in omnes. Semper gaudete, sine intermissione orate (Eccli. XVIII, 22; Luc. XVIII, 1), in omnibus gratias agite. Hæc est enim voluntas Dei in Christo Jesu, in omnibus vobis. Spiritum nolite extinguere, prophetias nolite spernere.

Omnia autem probate, quod bonum est tenete, ab omni specie mala abstinete vos. Ipse autem Deus pacis sanctificet vos per omnia, ut integer spiritus vester et anima et corpus sine querela in adventu Domini nostri Jesu Christi servetur. Fidelis est qui vocavit vos, qui etiam faciet. Fratres, orate pro nobis. Salutate fratres omnes in osculo sancto. Adjuro vos per Dominum, ut legatur Epistola hæc omnibus sanctis fratribus. Gratia Domini nostri Jesu Christi vobiscum. Amen.

EXPOSITIO.

Postquam resurrectionem corporum satis dilucide approbavit, subdit de illa ultima die, quæ justis ad gloriam, impiis futura est ad pœnam, ut terrore illius diei hi qui in peccato fornicationis, curiositatis et otii erant, respiscant; desiderio futuræ gloriæ conformitati bonorum se inserant. Littera sic jungitur: De resurrectione mortuorum quia ignorabatis, scripsimus vobis; sed de temporibus, futuris usque ad diem judicii, id est quot tempora, seu centum, seu mille anni futuri sint usque ad diem judicii: vel, de temporibus, id est, an æstate an hieme, an die, an nocte futurum sit iudicium, et de momentis, id est qua hora diei vel noctis, æstatis an hiemis. De his utique, fratres, non indigetis ut scribamus vobis. Ideo non indigetis, quia vos ipsi diligenter, id est diligenti investigatione Scripturarum, scitis hoc quod nos inde scimus, id scilicet, quia dies Domini ita veniet sicut fur venit in nocte. Diem non ideo dicit, quod determinate sciat in die futurum iudicium, sed ideo, quia tunc in illo iudicio omnia erunt quasi in die, id est in aperta manifestatione quæ prius fuerant occulta, domini dicit hunc esse diem, quia tunc incipient omnia fieri ex voluntate et imperio Domini, sed nunc fiunt in hoc mundo non ex voluntate Dei multa, sed fiunt ex permissione. Dies, inquam, Domini veniet ita sicut fur, ut magis occultus sit veniens in nocte. Fur quidem si in die veniat, facilius providere nobis possumus ab eo; sed si in nocte, nox ipsa opportunitatem ministrans adjuvat furis iniquitatem. Ideo dies illi venire dicitur sicut fur in nocte, quia, sicut quilibet dives, sero multa circumdatus opulentia, nocte interceptus a fure, in crastina se nudum invenit, sic illi qui in peccatis negligunt a die illo providere sibi, sero divites in mundanis, in crastina sublatis de mundo inveniuntur nudi, perditis temporalibus, et æternis mancipati incendiis. Dies Domini licet maxime intelligitur dies judicii; quæ tamen dies Domini in morte uniuscujusque incipit.

299 Notandum etiam quod dies illa impiis quidem, nolentibus providere sibi, sicut fur in nocte veniet; sed justis semper vigilantibus, quacunque hora veniat, non venit sicut fur, quia potius tunc augebuntur quam in aliquo diminuuntur. Vere ita veniet sicut fur, quia cum illi amatores mundi dixerint: Pax est nobis in presentibus et securitas de futuro, tunc superveniet eis repentinus interitus, id est improvisa damnatio. Repentinus dico, sicut dolor

Abenti in utero repentinus supervenit. Non determinat quid in utero habeat, sed hoc esse dictum de prægnante muliere satis intelligitur. Et propter utrumque, prægnantis dolori comparavit, et quia ille dolor subitus est, nec scit prægnans determinare sibi horam certam, sed ubicunque intercepta fuerit, parit; et propter majorem angustiam hujus doloris, sic in illo die et improvisus venit interitus et omni plenus angustia. Ne videretur hic interitus esse transitorius, sicut dolor prægnantis, subjungit: Superveniet quidem interitus, *et non effugient* impii illum interitum semper in eo perdurantes. Quia modo tanta asperitate verborum eos deterruit, in sequentibus demulcet eos dicens eos non esse quibus debeat hic interitus supervenire. Impii quidem non effugient repentinum interitum, *sed vos, fratres, non estis in tenebris*, id est in ignorantia et obscuritate peccati, *ut illu dies comprehendat vos, tanquam sur*. Comprenderet eos si in peccatis impenitentes inveniret. Vere non estis in tenebris. *Nam vos omnes estis filii lucis*, id est geniti in luce fidei, *et estis filii dici*, id est in bonis operibus generati, quia sicut lux præcedit, dies sequitur; sic fides prior est, opera bona sequuntur. Filii lucis et *non estis filii tenebrarum*, id est ignorantia, et *non filii noctis*, id est densitatis peccatorum. Sicut enim tenebræ noctem præcedunt, sic prius ignorantia veritatis, et per ignorantiam venit in densitatem peccati. Et quia filii lucis et diei sumus, non noctis et tenebrarum, *igitur non dormimus*, id est non torpentes simus sicut infideles, et etiam falsi fideles; *sed vigilemus*, id est in bono operando studiosi simus et *sobrii*, id est non amore temporalium inebriati simus.

Debemus vigilare et sobrii esse, quia *qui dormiunt*, id est torpescunt, *illi dormiunt nocte*, id est propter noctem, id est densitatem peccatorum in quibus sunt, *et qui sunt ebrii*, amore temporalium, obliiti coelestium, *hi sunt ebrii nocte*, id est propter noctem, id est (sicut dictum est) densitatem peccatorum. Qui ebrii sunt, nocte sunt ebrii, *sed nos qui sumus non noctis sed diei, simus sobrii*, id est non amore temporalium exæcati. *Simus*, inquam, *sobrii, induti lorricam fidei*. Et bene fidem lorricam comparavit, quia sicut in lorica multi hami sunt concatenati in unum, sic in fide multa sunt ad credendum necessaria, concatenata tamen in eandem unitatem. Induti etiam lorricam *charitatis* qua Deum diligamus et proximum, securi simus: et bene protecti fide et charitate ad omnem impetum hostium. Et *induti galeam* hanc, scilicet *spem futuræ salutis*, ut sicut galea protegit caput, ita mens nostra spe futuræ beatitudinis obvolvatur. Debemus sperare salutem, *quoniam Deus non posuit nos in iram*, id est in perditionem, *sed posuit nos in præmissis, fide, charitate et spe, in acquisitionem salutis*, id est ut per hoc acquiramus perpetuam salutem. Salutis dico habendæ, *per Dominum nostrum Jesum Christum*. Ponit meritum Christi, quo istam salutem nobis promeruit, dicens: *Qui Christus mortuus est pro nobis, ut nos vivamus*

simul cum illo in æterna gloria. *Sive vigilemus*, id est sive vivi in adventu Christi inventi fuerimus, *sive dormiamus*, id est sive mortui inveniamur. *Propter quod*, id est quia fidem, charitatem et spem dedit nobis in acquisitionem salutis, ideo *consolamini invicem eos* qui noverunt hæc, *et edificate alterutrum eos* qui ignorant *sicut* credo quod vos etiam facitis.

Postquam partem perfectorum de fide et bono fidei satis collaudavit, alteram vero partem de correctione admonuit, **300** subditos et prælatos ab hinc alternatim ædificat quomodo se contemperare debeant subditi prælatis, et e converso, dicens: Bonos de incremento laborare, errantes a peccatis declinare admoneo. *Vos autem, fratres*, qui subditi estis, *rogamus ut noveritis eos qui laborant inter vos*, id est, prælatos, qui jejunando, orando et docendo, de salute vestra laborant: *noveritis* dicit, ut in his quibus indigent, ministrent illis: *qui laborant* dico, *et præsumt vobis in Domino* sic disponente, *et qui monent vos ad meliora*; non solum *ut noveritis*, sed etiam *ut abundantius habeatis illos in charitate quam soliti sitis*. Et *habete pacem*, id est concordiam, *cum eis*, si vos acrius reprehendunt, *propter opus illorum*, id est scientes quia sic exigit opus ministerii illorum, ut vos aberrantes ad viam justitiæ compellant. Subditos sic rogamus; *vos autem, fratres*, qui prælati estis, *rogamus hoc, corripite asperiori correctione inquietos*, id est curiosos vagantes per urbem, *consolamini pusillanimes*, pusillum animum in passione tribulationum habentes. Vel *pusillanimes*, id est pusillam confidentiam de misericordia Dei habendo, pro immanitate scelerum desperantes; *suscipite infirmos*, id est eos qui infirmæ sunt fidei, de resurrectione desperantes, *suscipite ad sanandam infirmitatem fidei*, sicut medicus suscipit ægrotum. *Et estote patientes ad omnes*, et ad inquietos, et ad pusillanimes, et ad infirmos, ne, si contradicunt, conferatis ideo manus ad litigium. Dicerent illi: *Patimur quidem illos, sed non ultra docebimus eos*. Ad hæc Paulus: *Estote patientes, et in patiando videte ne quis reddat alicui malum pro malo*, subtercentes verbum instructionis, licet prius impatienter audium, *sed semper sectamini id quod bonum est*, id est utile ad instructionem Ecclesiæ. *Sectamini* dico et *invicem*, id est inter vos in Ecclesia, *et etiam trans-eundo in omnes*, docendo etiam infideles. Et *semper*, sive pati oporteat, sive non, *gaudete, et orate sine intermissione* determinatarum horarum, ut certa tempora orationis non negligatis. Vel, *orate sine intermissione*, ut, sive dormiatis, sive vigiletis, semper oretis. Et, juxta hanc sententiam, dicunt sancti illum semper esse in oratione qui in nullo offendit, sed, sive vigilet, sive dormiat, semper ad Christum anhelat. *Et in omnibus quæcunque facitis, vel dicitis, agite gratias Deo*, sive incumbant adversa, sive demulceant vos prospera. *Orate et agite gratias, quia voluntas Dei hæc est in omnibus vobis*: ut omnes oretis et agatis gratias. *Est* dico *in Christo Jesu*, id

est in institutione Christi Jesu, cumque sit institutio Dei et voluntas, oportet orare, gratias agere. Quod ibi ait : *Semper gaudete, etc.*, ad praelatos spectat; et ad subditos, omnes *gaudete et orate*. Vos autem, praelati, *nolite extinguere Spiritum*, ut ea quæ Spiritus sanctus ministraverit subditis, occultetis. Et vos, subditi, *nolite spernere prophetias*, id est revelationes Scripturarum, factas vobis a praelatis. Et licet dicam *nolite spernere*, tamen *omnia probate*, id est probabiliter prius considerate, ne admistione falsitatis decipiarnini. Et postquam probaveritis, *tenete illud quod bonum*, id est utile est, et *abstinete vos non solum ab eo quod malum est*, sed etiam *ab omni specie mala*, id est ab eo quod aliquam imaginem mali retinet, etiamsi malum sit. Ideo maxime dixit *a specie mala*, quia illi hæretici mutuabant voces fidei, ut per æquipollentias vocum, simplices traherent in errorem. Vos, praelati et subditi, facite quod

potestis; *ipse autem Deus pacis perficiat in vobis illud in quo deficitis*, scilicet *sanctificet vos per omnia*, et in sanctificatione ab eo data vos conservet perseveranter. Quod ita ait : *Sanctificet vos, et servetur integer*, id est non corruptus aliqua tæbe mali, *spiritus vester*, id est ratio vestra, ne velit consentire sensualitati, et *anima*, id est sensualitas, ne male suadeat rationi, et *corpus servetur sine querela*, ne polluat opere cujuslibet turpitudinis. *Servetur dico in*, id est usque, *adventum*, vel *in adventu*, id est in consideratione adventus Domini nostri Jesu Christi. **301** *Orate et cætera quæ sequuntur facite*, quia *fidelis est Deus qui vos per gratiam vocavit, qui etiam faciet*, id est in vobis consummabit, id ad quod vocati estis. Nos ita laboramus pro vobis, et, vos, *fratres, orate pro nobis, et salutate omnes fratres ex dilectione nostra in osculo sancto*, ut alter osculetur alterum.

ARGUMENTUM IN EPISTOLAM SECUNDAM AD THESSALONICENSES.

Ad Thessalonicenses secundam scribit Epistolam Apostolus, et notum facit eis de temporibus novissimis, et de adversarii dejectione. Scribit hanc Epistolam ab Athenis per Titum diaconum et Onesimum acolythum.

PROLOGUS B. BRUNONIS IN EAMDEM.

Hanc iterum Epistolam scribit Thessalonicensibus, ideo quia in præcedenti epistola ex verbis Pauli, ubi dixerat : *nos qui vivimus rapiemur obviam Domino in æra, etc.*, sumpserant hanc suspicionem ut ipsis viventibus futurum putarent Antichristum diemque judicii. Unde et plurimum erant perterriti. Sed quia malum erat eos de falsitate terreri, judicavit Paulus ideo iterum scribere eis, ne si non determinaretur hæc ambiguitas, dum post dies Pauli invenirent non contigisse quod Paulum putabant sic prædixisse, et in hoc et in omnibus quæ docuerat, arguerent Paulum de mendacio, et sic a via veritatis, quam illis tradiderat, recederent. Præterea aliud malum ex hac dubietate posset contingere ut si Satanas, videns illos credentes in proximo futurum judicium, ostenderet se in aere insignitum diademate, seque Christam venientem ad judicium asserens, falleret Thessalonicenses, de quibus pervertendis tanto amplius laborabat quanto eos perfectiores esse sciebat, vel, in somniis apparendo, eos in eodem ludificaret.

Ideo etiam hanc iterum scripsit, quia illi curiosi et otiosi non ad imperium Pauli fuerant correcti. Scripsit iterum ideo, quia persecutiones ad patientiam quarum eos in priori armaverat, nondum defece- rant; sed fortassis augmentatæ fuerant. Hæc tria, persecutiones, diem judicii, et illos incorrectos, materiam habuit, armando eos ad patienda omnia, ostendens justis gloriam qui tribulantur, eosque tribulantibus futuram damnationem. Determinans etiam certis et evidentibus signis futuram diem judicii. Illosque incorrectos præcipiens a communione Ecclesie sequestrari, non tamen jam eis, sed scribens Ecclesie de illis. Ea utique intentione sic agit ut qui patiuntur pro Christo perseverantes sint in pati- endo, et qui territi erant propinquitatem putantes judicii, non terreantur de falsitate : et qui adhuc incorrecti fuerant, saltem erubescendo, se a commu- nione aliorum projectos respiciant. Salutationem præmittens ait :

EPISTOLA II AD THESSALONICENSES.

CAPUT PRIMUM.

Paulus et Silvanus et Timotheus, Ecclesie Thessalonicensium in Deo Patre nostro et Domino Jesu Christo. Gratia vobis et pax a Deo Patre nostro et Domino Jesu Christo. Gratias agere debemus semper Deo pro vobis, fratres, ita ut dignum est, quoniam supercrescit fides vestra, et abundat charitas uniuscujusque vestrum in invicem, ita ut et nos ipsi in vobis gloriemur in Ecclesiis Dei pro patientia vestra et fide, et in omnibus persecutionibus vestris et tribulationibus, quas sustinetis in exemplum justii judicii Dei, ut digni

gnum est, quoniam supercrescit fides vestra, et abundat charitas uniuscujusque vestrum in invicem, ita ut et nos ipsi in vobis gloriemur in Ecclesiis Dei pro patientia vestra et fide, et in omnibus persecutionibus vestris et tribulationibus, quas sustinetis in exemplum justii judicii Dei, ut digni

e habeamini in regno Dei, pro quo et patimini, si A
 e tamen justum est apud Deum retribuere 302 t.
 e bulationem [tribulationem] his, qui vos tribulant,
 e et vobis qui tribulamini requiem nobiscum in re-
 e velatione Domini Jesu de caelo cum angelis virtutis
 e ejus, in flamma ignis dantis vindictam illis, qui
 e non noverunt Deum, et qui non obediunt Evan-
 e gelio Domini nostri Jesu Christi. Qui poenas da-
 e bunt in interitu æternas a facie Domini, et a glo-
 e ria virtutis ejus, cum venerit glorificari in sanctis
 e suis, et admirabilis fieri in omnibus qui credide-
 e runt, quia creditum est testimonium nostrum su-
 e per vos in die illo. In quo etiam oramus semper
 e pro vobis, ut dignetur vos vocatione sua Deus no-
 e ster, et impleat omnem voluntatem bonitatis suæ
 e [non hab. suæ], et opus fidei in virtute, ut clarifi-
 e cetur nomen Domini nostri Jesu Christi in vobis,
 e et vos in illo, secundum gratiam Dei nostri et
 e Domini Jesu Christi.

EXPOSITIO.

Paulus, et Silvanus, et Timotheus scribunt Eccle-
sia Thessalonicensium existenti in Deo Patre nostro
et Domino Jesu Christo. Sicut totum in priori Epi-
 stola exposuimus, in primis collaudat eos de passio-
 nibus suis, supponendo gloriam eorum qui patiun-
 tur, et poenam eorum qui passiones inferunt, sic
 eos armando ad patientiam, dicens: *Gratias agere*
debemus Deo, id est non solum gratias agimus, sed
 semper debitores gratiarum sumus Deo pro vobis,
 quia fratres estis. Agere dico, ita ut dignum est:
 quia magna sunt dona Dei, et multa, oportet et ma-
 gnas et multiplices agere gratias, ideo quoniam *fi-*
des vestra supercrescit. Vel super hoc quod prius
 erat majorata. Vel super tribulationes crescit, quas
 omnes superat, et ideo agere gratias, quoniam *abun-*
darit charitas, id est dilectio uniuscujusque vestrum
 in invicem. Hoc tantum ad perfectos spectare intel-
 legendum est. Ita supercrescit fides, abundat chari-
 tas, ut etiam nos ipsi qui non gloriaremur de parva re-
 ceptione celestis Dei, gloriemur in vobis, id est in osten-
 sione perfectionis vestre. Glorior apud alias Eccle-
 sias in obedientia vestra, qua pro Christo patimini
 et pro fide vestra in integritate, servata fide
 et castitate. Dico habita in omnibus persecutionibus
 vestris, quando de loco ad locum fugamini, et in
 tribulationibus, quando verberibus et opprobriis tri-
 bulamini, quas persecutiones et tribulationes vos
 sustinetis in exemplum justii iudicii Dei, id est ex
 justo iudicio Dei. Justum enim est sanctos tribulari,
 ut purificentur; impios potestatem habere in justos,
 ut impietas eorum consummetur. Et ita sustinetis
 ex justo iudicio, ut sitis in exemplum justii iudicii.
 In vobis enim exemplificare possumus aliis quam
 justum sit iudicium Dei. Sustinetis ideo ut digni ha-
 beamini in regno Dei, id est in quibus Deus regnet in
 presenti. Vel digni sitis recipi in futuro regno Dei.
 Vos, sicut intelligo, sustinetis ut digni habeamini
 pro eo, quo eodem ut digni habeamini in vos, etiam
 secundum intellectum et voluntatem vestram pati-

mini. Quod iudicium Dei justum sit, quo justus ad
 purificationem affliguntur, impiis ad consummatio-
 nem iniquitatis hic prosperantur, probat per affectus,
 et finem utriusque justus et impius. Ideo per finem;
 quia per ista quæ videntur non posset dare idoneas
 causas quare justus affigeretur, impius prosperaretur;
 juxta illud quod ait David in eo psalmo
Quam bonus (Psal. LXXII, 16): Existimavi ut co-
 gnoscerem, quare hic poena justo, prosperitas tri-
 buatur impio; sed hoc cognoscere labor est, id est,
 si attendo tantum ea quæ sunt ante me, id est
 presentia, iudicium Dei justum est, quo justus ad
 purificandum in presenti affliguntur, impius ad au-
 gmentum impietatis prosperantur.

Hac tamen conditione justum esse dico, si justum
 B est apud Deum. Apud homines enim qui secundum
 visum judicant, sanctos affligi, malos prosperari in-
 justum est. Si, inquam, *justum est apud Deum re-*
tribuere in futuro tribulationem, qui vos modo tri-
bulant, et vobis qui modo tribulamini in futuro
 retribuere requiem, tunc est justum vos justos
 hic per tribulationes purificari, et impios con-
 cessione prosperitatis ad futuram tribulationem pra-
 parari: *Vobis utique retribuere requiem nobiscum*
 303 habendam, in eadem enim gloria eritis in qua
 et nos apostoli. Nunc determinat modum gloria
 justorum, et damnationes impiorum, ut justos læti-
 ficet, impios deterreat, dicens: *Retribuet impiis tri-*
bulationem, nobis requiem, in revelatione Domini
 C *Jesu*, id est quando Dominus Jesus, qui nunc infide-
 libus occultus est, omnibus in iudicio revelabitur.
Jesu dico, venturi ad iudicium de caelo. Ubi ait *de*
caelo, potentiam venientis indicat. *Venturi dico de*
caelo cum angelis virtutis ejus. In illo adventu an-
 geli virtutis esse dicuntur, quia tunc omnia poten-
 tialiter, et bonos in requiem, et malos porrigent in
 ignem; sed in presenti quandoque eos etiam quibus
 præsumt ab impiis patiuntur affligi, tunc autem non
 sic. In his verbis æque et lætificat justos, quibus ve-
 niet ad salutem, et deterreat malos, quibus veniet ad
 poenam. Modo subdit quæ tantum sunt ad deterren-
 dum malos, dicens: *Veniet Jesus de caelo in flamma*
ignis, id est in ignita flamma. Illa flamma præci-
 pue ignis esse dicitur, quia flamma presentis ignis
 D contemperatur admistione aquæ, et cæterorum ele-
 mentorum, sed futura flamma adeo terrens et aspera
 erit quod nullius elementi admistione videbitur con-
 temperari. *In flamma ignis* Christus dicitur venire,
 non quod flamma circa eum sit, sed quia eo adve-
 niente consurget illa, sicut quilibet princeps dicitur
 venire in igne et occisione, quia eo adveniente et
 multi occiduntur, et multa comburuntur. Ignis dico
dantis vindictam, id est poenam his qui non noverunt
 Deum, id est qui fidem non habuerunt, non tamen
 solum, sed etiam his qui si fidem habuerunt, non
 tamen obediunt Evangelio Domini nostri Jesu Chri-
 sti; qui utrique, et non cognoscentes Deum, et non
 obediens Evangelio dabunt æternas poenas in inter-
 itum, id est in locum poenarum, projecti a facie Do-

mini, ne ultra videant eum : et projecti a gloria A virtutis ejus, juxta illud : « Tollatur impius ne videat gloriam Dei (Isa. xxvii, 10). » Dabunt ea similitudine dicit, quia non majoris donum gaudii possunt dare sanctis quos affixerunt quam pœnas quas patientur.

In his verbis impios perterruit. In sequentibus lætificat justos, dicens : Impii dabunt pœnas cum Christus venerit glorificari, id est ut gloriosus appareat in sanctis suis remunerandis, quia et si in hoc mundo per miracula et quædam alia gloriosus videtur in sanctis, tunc longe amplius glorificabitur in illis, quando illos ab omni inquietudine ereptus, gloria indeficienti circumvallabit. Nec solum glorificari, sed etiam (quod majus est) admirabilis venerit fieri in omnibus qui crediderunt, id est qui per solam B fidem salvabuntur, si ætatem operandi non habuerint. Ideo retribuet vobis requiem, quia testimonium nostrum in die illo, id est hoc, quod testificati sumus vobis de die illo quo sanctis requiem, impiis retribuet tribulationem : hoc, inquam, creditum est a vobis, quia bene credidistis huic testimonio nostro, quod testimonium fuit super vos, quia bene supposuistis dorsum oneri quodcumque imponebamus, credentes et operantes quod docebamus, in quo die ut Dominus dignetur, id est faciat vos dignos sua vocatione, nos etiam semper oramus pro vobis, ut in futuro dignetur vos, et ut in præsentibus impleat omnem voluntatem bonitatis, id est in omnibus ad plenum bonam voluntatem habeatis, et ut impleat in vobis opus fidei. Consteri Christum in oculis persequendum, hoc est opus quod fides exigit. Opus fidei dico, in virtute : cum enim constat quis fidem coram persequente, tunc necessaria est virtus constantiæ. Oramus etiam ut nomen Domini nostri Jesu Christi in hoc mundo clarificetur in vobis, secundum fidem agentibus, et ut vos in futuro clarificemini in illo remunerante vobis, non secundum meritum vestrum, sed secundum abundantem gratiam Domini nostri Jesu Christi.

304 CAPUT II.

« Rogamus autem vos, fratres, per adventum Domini nostri Jesu Christi et nostræ congregationis in ipsum, ut non cito moveamini a vestro sensu. Neque terreamini, neque per spiritum, neque per sermonem, neque per Epistolam tanquam per nos missam, quasi instet dies Domini. Ne quis vos seducat ullo modo. Quoniam nisi venerit discessio [dissensio] primum, et revelatus fuerit homo peccati, filius perditionis, qui adversatur et extollitur supra omne quod dicitur Deus, aut quod colitur, ita ut in templo Dei sedeat, ostendens se tanquam sit Deus. Nonne retinetis quod, cum adhuc essem apud vos, hæc dicebam vobis ? Et nunc quid detineat scitis, ut reveletur in suo tempore. Nam mysterium jam operatur iniquitatis, tantum ut qui tenet nunc, teneat donec de medio fiat. Et tunc revelabitur ille iniquus, quem Dominus Jesus interficiet spiritu oris sui, et destruet

« illustratione adventus sui eum, cujus est adventus secundum operationem Satanæ, in omni virtute, et signis, et prodigiis mendacibus, et in omni seductione iniquitatis his qui pereunt, eo quod charitatem veritatis non receperunt, ut salvi fierent. Ideo mittet illis Deus operationem erroris, ut credant mendacio, ut judicentur omnes qui non crediderunt veritati, sed consenserunt iniquitati. Nos autem debemus gratias agere Deo semper pro vobis, fratres dilecti a Deo, quod elegerit nos Deus primitias in salutem in sanctificatione spiritus, et in fide veritatis, in qua et vocavit vos per Evangelium nostrum, in acquisitionem gloriæ Domini nostri Jesu Christi. Itaque, fratres, state, et tenete traditiones quas didicistis, sive per sermonem, sive per Epistolam nostram. Ipse autem Dominus noster Jesus Christus, et Deus et Pater noster, qui dilexit nos, et dedit consolationem æternam et spem bonam in gratia, exhortetur corda vestra et confirmet in omni opere et sermone honore. »

EXPOSITIO.

Postquam ad patientiam sufficienter eos armavit, determinat certa et evidentialia signa dando futurum diem, pro quo illi territi erant, putantes prope instare illum diem. Quasi diceret : Spe futuræ retributionis ad patientiam sic vos armamus ; ne autem cito moveamini, rogamus vos quia fratres : rogamus, inquam, per adventum Domini nostri Jesu Christi, id est, si in ipso adventu Christum salutarem habere vultis, et per adventum nostræ congregationis in ipsum, id est, si cum congregatione fidelium obviam Christo advenire vultis, vel congregationis venturæ in idipsum quod Christus est, scilicet in incorruptionem : hoc, inquam, rogamus vos, ut non cito moveamini. Cito esset, si toto tempore vitæ moverentur. Moveamini dico a vestro sensu, id est ab eo quod sensistis, et per me docentem intellexistis. Neque terreamini quasi instet dies Domini, quia revera non instat. Terreamini dico neque per spiritum malignum, quocumque modo significantem hæc vobis ; neque per sermonem, id est per doctrinam illorum pseudo ; neque per epistolam missam a deceptoribus, tanquam per nos. Signabant enim epistolas nomine Pauli, ut hoc genere fraudis seducerent Ecclesias Pauli. Rogamus, ne terreamini, et ne aliquis unquam seducat vos præmissis modis, vel ullo alio modo, ut credatis instare diem Domini, quoniam non instabit hic dies, nisi primum venerit discessio. Discessionem vocat Ambrosius, quoniam Romanum, id est Christianum imperium, quocumque mutetur, sive Constantinopoli, sive alibi, nihil impedit solummodo Christianum duret imperium. Quoniam, inquam, hoc Christianum imperium dissolvetur, quod nec reges erunt qui hæreticos puniant, pervasores ecclesiarum destruant, nec Romano pontifici, qui spiritale imperium habet ; mundus in unitate fidei subjectus erit, sed sic ab utroque Christ anc imperio, et sæculari, sicut sunt reges, et spirituali, ut 305 papa, mundus discedet ; tunc primum para-

tum erit jumentum quod ascendet Antichristus, id est infideles, qui membra Antichristi certatim in destructione fidei cooperentur tali capiti, et facta. hac dissectione veniet Antichristus in sua opportunitate. Sed si modo veniret mundo, obediente ex majori parte Romano pontifici in unitate fidei, et regibus Christianis adhuc fidem tuentibus, imparatum haberet jumentum, quod ascenderet, et non suo modo proficere posset. Quando tamen futura est illa discessio in sede beati Petri, etsi in paucis, fides tamen perdurabit. Quod dicunt sancti obtinuisse illam orationem Christi, de qua Petro ait : « Ego pro te rogavi, Petre, ut non deficiat fides tua (Luc. xxii, 32).

Alii vocant dissectionem (ut de sæculari imperio taceant) quando homines ab unitate fidei discedent, et diversas erroris vias ingredientur, tunc veniet ascensor Antichristus strato jumento quod ascendat. Nisi, inquam, *primum venerit discessio, et facta dissectione revelatus fuerit*, qui modo occultus est homo. Contra hoc quod dicturus est, Deum vocat eum hominem, ab omni deitate alienum. *Homo, inquam, peccati*, quia sicut Christus homo justitiæ, sic iste totius peccati; *et filius perditionis*, id est genitus ad perditionem suorum, sicut Christus ad salvationem justorum; qui etiam et nomine et opere *adversatur* Christo. Unde et Antichristus vocabitur; *et qui extollitur supra omne quod dicitur Deus*, id est quod nuncupative Deus dicitur, et non est substantialiter, ut sunt sancti, secundum illud : « Ego dixi : Dii estis (Psal. xxxi, 6) : » Qui etiam extollitur *supra omne quod colitur Deus*, et vere Deus est. Extollitur, *ita ut sedeat in templo Dei* (ad litteram in Hierusalem) in quo Christus docuit, asserens se esse verum Deum, Christum autem fuisse deceptorem et magum. Sedeat dico in templo Dei, *ostendens se sicut sit Deus*. Nisi, inquam, hæc signa præcesserint, non prius instabit dies Domini. Et credere etiam debetis non aliter instare diem Domini, quia *non retinetis memoriter, quod cum adhuc essem apud vos dicebam vobis hæc præcessura esse diem Domini*. In eo quod ait, *cum adhuc essem*, significat se circa horam discessus sui hæc tradidisse illis. Mos enim erat Pauli in primis simplicitatem Ecclesiarum simplicibus fovere documentis; sed, illis jam perfectis, eoque volente recedere, tunc primum revelabat illis occulta mysteriorum Dei.

Facta dissectione veniet Antichristus, *et quid hoc sit quod nunc detineat eum, ne ad præsens veniat, vos bene scitis, hoc scilicet detinet eum, ut reveletur in suo*, id est in sibi opportuno tempore; sed si, durante unitate fidei et Christiano imperio, veniret, in suo non tempore revelaretur. Vere in suo tempore revelabitur, *nam etiam jam non suo tempore operatur mysterium iniquitatis*, id est mysticam et velatam iniquitatem, per membra præcedentia hoc nefandum caput. *Tantummodo* hoc residuum est ad revelationem ejus, *ut qui nunc tenet*, id est detinet eum, ne veniat, scilicet Christianum imperium et unitas fidei, *detineat eum tandiu, donec*, ut i-

tas fidei et Christianum imperium *fiat de medio*, id est sublatum auferatur de communitate. Ab ea similitudine dictum est, qua dicimus : Hic homo mortuus factus est de medio, id est sublatu de communitate hominum. Vel ita : Tantummodo hoc moratur Antichristum *ut qui nunc tenet Christianum imperium et unitatem fidei, teneat hoc tandiu, donec*, iniquitas, quæ modo est sub mysterio, *fiat de medio*, id est de communitate, ut sicut modo fides in communi est, iniquitas in occulto, sic in tempore Antichristi fides sit in occulto, iniquitas in communi, quia membra ejus non plus erubescunt actum impietatis quam pietatis, et qui fidem habeant, paucissimi erunt. Et tunc postquam hic qui nunc detinet eum, auferetur de medio, vel postquam iniquitas flet de medio, *tunc, inquam, revelabitur ille iniquus, quem Dominus Jesus interficiet Spiritu oris sui*. Dicit beatus Ambrosius Jesum se ostensurum Antichristo, et clamante **306** Jesu, interficietur hic impius; sed quid clamabit, nescimus. Dicunt alii quod Michael solo terrore suo interfectorus sit hunc Antichristum. Jesus quidem interficiet eum, et postea destruet eum damnatum et in corpore et in anima.

Destruet dico illustratione adveniens sui, id est. eo adveniente ad iudicium in magna claritatis illustratione. *Eum dico adveniens, cujus est secundum operationem Satanæ*; quia sicut Christus operatione Spiritus sancti, sic iste secundum operationem Satanæ adveniet. *Operationem dico quam facturus est in omni virtute, scilicet in signis et prodigiis*. Signa minora, prodigia vocat; majora, miracula. Signis et prodigiis dico *mendacibus*, vel quia non erunt in rei veritate, sed ita, per magicam, videbuntur esse. Vel *mendacibus*, quia, etsi miracula vera sint, ideo tamen mendacia, quia quod probare intendunt, exitus rei falsum probabit, Antichristum scilicet non esse Deum; ad quod probandum miracula præcesserant. Erit etiam adventus ejus *in omni seductione iniquitatis*, quia omni genere impietatis seducet. *Seductione dico facta his qui pereunt*, quia justi non seducentur. *Pereunt merito, eo quod non receperunt charitatem veritatis*, id est Christum qui est pura veritas, et in quo tanta charitas ut in mortem traderet se pro nobis. Non receperunt, *ut salvi fierent per eum*, ex quo omnis salus. Et *ideo quia noluerunt salvari mitte illis Deus operationem erroris*, id est erroneum operatorem Antichristum, *ut credant mendacio, et ut judicentur*, id est damnentur, *omnes qui non credunt veritati*, id est Christo; *sed consenserunt iniquitati*, id est Antichristo.

Quia dixerat superius venturum Antichristum *in omni virtute signorum et prodigiorum, et in omni seductione*, ut damnentur omnes non credentes veritati, sed consentientes iniquitati, ne in his verbis deterrerentur illi, timentes hunc esse venturum in diebus suis, super hoc consolatur eos Paulus, dicens non eos visuros diem Antichristi. Littera sic jungitur : Veniente quidem Antichristo judicabatur consentientes iniquitati; nos autem debemus

semper agere Deo gratias Deo (sicut supra exposuimus) pro vobis, *quia fratres estis dilecti a Deo*, id est quos Deus dilexit. Ideo præcipue gratias agere quod ex dilectione elegerit nos, me et vos Deus, non finem Ecclesiæ, in quos veniat Antichristus, venturus in novissimis. Sed elegit nos *primitias*, id est primitivos in fide; elegerit, inquam, in habendam æternam salutem per hoc quod posuit nos in *sanctificationem Spiritus*. Per Spiritum enim sanctum justificavit nos in baptismo, quæ sanctificatio via est in illam salutem. Et ut sanctificaret, posuit nos in *fide veritatis*, ut confiteremur Christum, qui est pura veritas, sicut Antichristus error et mendaciam. In qua fide habenda, sicut elegerit nos, ita et vocavit vos per *Evangelium nostrum*, ut totum vobis esset ex gratia.

Vocavit, inquam, non in otium, sed in *acquisitionem gloriæ*, id est ut, operando quomodo fides exigit, gloriam vobis cum dignis operibus acquiratis. *Gloriæ dico, Domini nostri Jesu Christi*, id est eandem quam habet Dominus Jesus Christus, ad illam acquirendam vos vocavit. Considerandum est quomodo præpostero ordine omnia posuerit. Prius enim vocatur; deinde in fide continentur; fidem continentem per baptismum sanctificantur; sanctificatis (si perseverant) salus æterna reservatur. Quandoquidem, fratres, vocati estis in sanctificatione Spiritus, et in acquisitione gloriæ. *Itaque state*, id est fortes estote in bono opere, quod cœpistis: *et tenete perseveranter traditiones vitæ fidei et habitus, quas a me didicistis, sive per sermonem, dum prædicaverim vobis, sive per Epistolam nostram*, ad vos directam. Moneo, state et tenete. Ut autem tenere possitis, ipse Dominus noster Jesus Christus, et Deus, et Pater noster voluntatem jungit semper cum potentia. Pater, nomen piæ voluntatis; Deus, est potentia. *Qui dilexit nos et dedit nobis æternam consolationem*, in 307 præsentem enim tribulationem incipit nos consolari, continuans consolationem usque in æternam requiem. Qui etiam dedit nobis *spem bonam* singulariter dicendam. Spes enim de cœlesti gloria super omnia quæ sperantur, dicenda est bona. Hanc utique spem dedit nobis in gratia, quando nobis remisit peccata; in baptismo solvere, scilicet nos a peccatis, tribuit nobis spem habendæ gloriæ. Ipse, inquam, Deus, qui per gratiam tot bona jam tribuit *exhortetur corda*, id est voluntates vestras stare in quo estis, et de incremento laborare, et confirmet, id est fortes et perseverantes faciat in omni opere bono, et in omni sermone bono, ut nulla vobis desit perfectio.

CAPUT III.

De cætero, fratres, orate pro nobis, ut sermo Dei currat et clarificetur, sicut et apud vos, et ut liberemur ab importunis et malis hominibus. Non enim omnium est fides. Fidelis autem Deus est, qui firmabit vos, et custodiet a malo. Confidimus autem de vobis, fratres, in Domino, quoniam quæ [quæcumque] præcepimus, et facitis, et facietis. Dominus autem dirigat corda vestra in charitate

Dei. et [al. add. in] patientia Christi. Denuntiamus autem vobis, fratres, in nomine Domini nostri Jesu Christi, ut subtrahatis vos ab omni fratre ambulante inordinate, et non secundum traditionem quam acceperunt a nobis. Ipsi enim scitis quemadmodum oporteat imitari nos, quoniam non inquieti fuimus inter vos, neque gratis panem manducavimus ab aliquo, sed in labore et fatione nocte et die operantes, ne quem vestrum gravaremus. Non quasi non habuerimus potestatem, sed ut nosmetipsos formam daremus vobis ad imitandum nos. Nam et cum essemus apud vos, hoc (hæc) denuntiabamus vobis, quoniam si quis non vult operari, nec manducet. Audivimus enim inter vos quosdam ambulare inquiete, nihil operantes, sed curiose agentes. His autem qui ejusmodi sunt, denuntiamus, et obsecramus in Domino Jesu Christo, ut, cum silentio operantes, suum panem manducet. Vos autem, fratres, nolite deficere beneficientes. Quod si quis non obedierit verbo nostro per Epistolam, hunc notate, et non [ne] commisceamini cum illo, ut confundatur. Et nolite quasi inimicum existimare, sed corripite ut fratrem. Ipse autem Deus [Dominus] pacis det vobis pacem sempiternam in omni loco. Dominus [Deus] sit cum omnibus vobis. *Salutatio mea manu Pauli, quod est signum in omni Epistola. Ita scribo: Gratia Domini nostri Jesu Christi cum omnibus vobis. Amen.*

EXPOSITIO.

De patientia conservanda, de cognitione ultimæ diei et adventu Antichristi vos instruxi. Nunc, fratres, de cætero, id est de alia re, vos adhortor, scilicet hoc: *Orate pro nobis, ut sermo Domini currat*, id est multos in fide per nos comprehendat, et ita ut in omnibus clarificetur sermo Domini integritate fidei et executione pii operis. In quibusdam enim currit sermo Domini, qui satis cito credit, sed quia in vitiis remanent, non clarificatur in illis. *Clarificetur dico*, sicut in aliis Ecclesiis clarificatus est, et apud vos. *Orate etiam ut ego*, et qui mecum prædicant, *liberemur ab hominibus importunis*, qui quem arripiunt multa importunitate afficiunt et malis. Duplex malum notat, importunitatem, scilicet de suasionem mali esse importunum. Ideo dico orate ut liberemur, *quia fides non est omnium*, id est, quia nondum omnes fideles sunt, sed multi fidem persequuntur. Vel ita: *Orate ut liberemur ab importunis et malis*, quia fides non est omnium illorum, id est, in omnibus illis non est qui fidem habeat. Neque quia dixerat *orate ut liberemur*, dicerent illi *Quid sperandum est de nobis, cum magister noster adeo sibi timeat?* ad hoc ait: *Licet dixerim, orate ut liberemur*, tamen confido quia Dominus fidelis est, qui pro se patientibus ait: *Ecce ego vobiscum sum, usque ad consummationem sæculi (Matth. xxviii, 20): Deus, inquam, est fidelis, qui (ut de me sileam) confirmabit vos in bono quo estis, et custodiet a malo, ne cadatis. Volens quiddam novum suadere*

308 illis, scilicet ut subtrahant se ab illis otiosis et curiosis, qui per priorem Epistolam noluerunt corrigi, captat eos collaudando de præmissis, dicens : De observatione patientiæ, de die iudicii, de oratione faciendâ pro nobis nos quidem sumus vos adhortati, sed bene confidimus de vobis in Domino, quoniam quæcunque præcepimus et modo facitis, et in futuro facietis. Ut autem benefaciatis, Dominus dirigat corda vestra, id est faciat directas voluntates vestras in charitate Dei, ut sicut Deus vos dilexit, et vos eum diligatis, et in patientia Christi, sicut Christus passus est pro vobis, ita et vos pro Christo patiamini. Nos autem dico, scientes vos facturos quæcunque ex Deo præcipimus, denuntiamus vobis. Scitote hoc præceptum Dei esse, non nostrum, nisi tantum quod vobis, fratres, nuntiamus in nomine Domini nostri Jesu Christi, id est, si curatis nomen et honorificentiam Domini Christi. Hoc ex eo denuntiamus, ut subtrahatis vos ab omni fratre ambulante inordinate, id est naturalem ordinem deserente. Hoc enim etiam gentiles inordinatum asserunt negligere propria, curare aliena, ut quidam curiosi inter vos faciunt. Fratre etiam dico, non ambulante secundum traditionem quam acceperunt a nobis, id est quo modo tradidimus illis, et pollicentes se sic servaturos sicut acceperunt. Ideo simpliciter dico, sicut acceperunt a nobis tradentibus illis, et non expono hanc traditionem, quia vos ipsi bene scitis quemadmodum oporteat vos imitari nos.

Ne illi aberrando dicerent : In oratione, jejunio, vigiliis scimus te imitandum, determinat quid intendat dicens : Imitamini in hoc quod non sumus inter vos inquieti, id est curiose discurreres per urbem ; neque manducavimus apud vos panem otiosum sumptum ab aliquo ; nec nostrum panem gratis, id est sine labore otiosi, sed fuimus operantes nocte et die, et in labore et fatigatione, id est laborantes usque ad fatigationem. Nocte ideo præponit, quia nocte maxime vacabat operibus, orationi et prædicationi præcipue vacans in die. Operantes ideo, ne gravaremus aliquem vestrum, accipientes a vobis necessaria. Paulus non ab istis, sicut nec a Corinthiis quidquam accipere voluit, diversa tamen intentione. A Corinthiis enim noluit, quia erant avari. Ab istis noluit, sed magis operari, ut in se daret eis exemplum depulso otio laborandi. Operabamur, ne

quem vestrum gravaremus ; tamen non ideo quasi non habuerimus potestatem accipiendi a vobis si vellemus, sed ut daremus vobis nosmetipsos formam ad imitandum nos, ut deserentes otium, exemplo meo de labore viveretis. Intendebamus utique dare vobis formam operandi. Nam etiam cum essemus præsentibus apud vos, denuntiabamus hoc vobis quod si quis vacans otio, non vult operari, nec manducet de laboribus alienis. Ideo præcipio nolentem operari non manducare, quia audivimus quosdam inter vos ambulare inquiete, nihil operantes, sed agentes curiose, rumores urbis sollicitè perquirendo. His autem qui sunt ejusmodi, id est nihil operantes et curiosi, denuntiamus ex auctoritate Dei, et obsecramus in Domino Jesu Christo, id est præcipimus et precamur, si in Christo salvari volunt, ut ipsi operantes pulso otio et cum silentio, non de rumoribus curiosi, manducet panem suum, id est non alienum, sed proprio labore lucratum. Ne autem quia dixerat : Unusquisque manducet suum panem, putarent illi qui solebant ministrare pauperibus, non ultra esse ministrandum illis, ait : Licet dixerim manducet suum panem, vos tamen, fratres, bene facientes fratribus qui indigent, nolite deficere bene faciendo, quia non omnibus potest sufficere suus labor. Denuntiamus illis ut operentur, etc. Si vero aliquis eorum non obedierit huic nostro verbo mandato per epistolam, hunc notate, id est significate mihi quis ille sit, et interina non commisceamini cum illo, ut, vobis non communicantibus illi, confundatur, id est erubescat de peccato suo. Et licet non commisceamini cum illo, tamen nolite eum existimare quasi inimicum, ut eum odio habeatis, sed ex dilectione corripite eum ut fratrem. **309** Ut autem in omnibus quæ præcepi vobis perfecti sitis, ipse Dominus pacis det vobis pacem sempiternam, id est hic et in futuro, et in omni loco, id est apud domesticos et apud extraneos. Et ut veram pacem habeatis, Dominus sit cum omnibus vobis. Salutatio scripta mea manu. Hæc dico Pauli, quod signum ita scribo in omni Epistola, quam mitto. Hoc signo discernite ne fraudulenter sub nomine meo inferant vobis suam epistolam illi pseudo qui dicebant vobis me intelligere propinquum esse diem iudicii. Hæc, inquam, est salutatio : Gratia Domini nostri Jesu Christi cum omnibus vobis. Amen.

ARGUMENTUM IN EPISTOLAM PRIMAM AD TIMOTHEUM.

Timotheum instruit et docet de ordinatione episcopatus, et diaconii, et omnis ecclesiasticæ disciplinæ : scribens ei a Laodicea per Tychicum diaconum.

PROLOGUS B. BRUNONIS IN EAMDEM.

Consuetudo erat apostolorum ut cujuslibet civitatis populo, doctrina eorum converso ad fidem, non ibi subsisterent, sed (consecrato ibi episcopo, qui fideles factos instrueret de his quod post fidem tenenda sunt,) transirent ad alios populos congregandos ad fidem. Cujus rei formam Paulus tenens

conversis Ephesiis, consecravit illis in episcopum Timotheum, collaboratorem Evangelii, ut, Paulo prætereunte ad Macedonas convertendos, haberent Ephesiani Timotheum, qui eos de singulis instrueret, ne forte, illis sine doctore dimissis, periret labor Pauli in eis. Quos Ephesios Paulus primus

ad fidem convertit; quibus Joannes evangelista postmodum in episcopum præfuit, Timotheo in opus Evangelii a Paulo revocato. Hanc autem Epistolam cum tribus aliis quæ sequuntur, scribit ad personas: duas ad Timotheum; tertiam ad Titum; quartam ad Philemonem; cæteras scribit ad Ecclesias. Consecrato (sicut dictum est) Timotheo Ephesiis in episcopum, consurgunt contra eum pseudodoctores, dicentes, licet nova lex inducta sit, cum ea tamen tenendam esse circumcisionem et veterum ritus sacrificiorum. Quò intellecto, Paulus Epistolam hanc dirigit ad Timotheum, non quod de eo ambigat quod in aliquo consensurus sit pseudodoctoribus, sed ut doctrina ejus, roborata auctoritate Pauli, idem cum Timotheo docentis, majoris auctoritatis

sit et reverentiæ, Ephesianis audientibus a Timotheo idem doceri quod a Paulo, cui tradita est hæc doctrina a Christo. In hac autem Epistola Paulus agit de ecclesiastico ordine, docens ab Ecclesia repellendos pseudodoctores, illisque denuntiandum ne perverse doceant; quod si ideo non desistant, populis denuntiandum est, ne eos audiant. Docet hic etiam Paulus Timotheum de ordine sacerdotali et levitico, quomodo eligendi sint et probandi. Docet etiam de ordine viduarum, quomodo ministrare deceat illas in Ecclesia. Docere autem, etiamsi sapientissimæ sint, nunquam mulieribus permittendum. Sic docendo de ecclesiastico ordine intendit Paulus ut, pro modò doctrinæ suæ, teneat Ephesiana, omnisque cum ea Ecclesia.

EPISTOLA I AD TIMOTHEUM.

CAPUT PRIMUM.

Paulus apostolus Jesu Christi, secundum imperium Dei Salvatoris nostri, et Christi Jesu spei nostræ. Timotheo dilecto filio in fide gratia, misericordia, et pax a Deo Patre et Christo Jesu Domino nostro. Sicut rogavi te, ut remaneres Ephesi, cum irem in Macedoniam, ut denuntiarem quibusdam ne aliter docerent, neque intenderent fabulis et genealogiis interminatis, quæ quæstiones præstant magis quam ædificationem Dei, quæ est in fide. Finis autem præcepti est charitas, de corde puro, et conscientia bona, et fide non ficta. A quibus quidam aberrantes, conversi sunt in vaniloquium, volentes esse legis doctores, non intelligentes neque quæ loquuntur, neque de quibus affirmant. Scimus autem quia bona est lex, si quis ea legitime utatur, scientes [sciens] hoc quia justo lex non est posita, sed injustis, et non subditis, impiis et peccatoribus, sceleratis et contaminatis, parricidis et matricidis, homicidis, fornicariis, masculorum concubitoribus, plagiaris [plagariis], mendacibus, et perjuris, et si quid aliud sanæ doctrinæ adversatur, quæ est secundum Evangelium gloriæ beati Dei, quod creditum est mihi. Gratias ago ei qui me confortavit in Christo Jesu Domino nostro, quia fidelem me existimavit, ponens in ministerio. Qui prius fui blasphemus, et persecutor, et contumeliosus; sed misericordiam Dei consecutus sum, quia ignorans feci in incredulitate. Superabundavit autem gratia Domini nostri cum fide et dilectione, quæ est in Christo Jesu. Fidelis sermo et omni acceptione dignus, quia Christus Jesus venit in hunc mundum peccatores salvos facere, quorum primus ego sum. Sed ideo misericordiam consecutus sum ut in me primo ostenderet Christus Jesus omnem patientiam ad informationem eorum, qui credituri sunt illi in vitam æternam. Regi autem sæculorum immortalis, invisibili, soli

Deo honor et gloria in sæcula sæculorum. Amen. Hoc præceptum commendo tibi, filii Timothee, secundum præcedentes in te prophetias, ut milites in illis bonam militiam, habens fidem et bonam conscientiam, quam quidam repellentes, circa fidem naufragaverunt; ex quibus est Hymeneus et Alexander, quos tradidi Satanæ, ut discant non blasphemare.

EXPOSITIO.

Paulus, etc. Scripturus discipulo, salutem præmittit dicens: *Paulus*; quod quidem nomen est humilitatis. Paulus enim *quasi modicus* dicitur. Hic autem ubi auctoritate opus est, auctoritatis nomen est; Paulus enim nomen multum notum erat. Unde ut magis refelleret pseudodoctores ait: *Paulus apostolus*, id est *legatus* vel *missus*. Cum autem omnes sancti, legati Dei sint, præcipue apostoli sic vocantur, sub quibus omne genus sanctorum, supra quos vero solus Christus, invenitur. *Apostolus*, inquam, *Christi Jesu*, quia a Christo solum apostoli missi sunt. Ab apostolis autem cæteri sancti, ut a Paulo Timotheus. Quia si Paulus apostolus Christi sit, constat quod qui Paulo contradicit, contradicit et Christo, qui Paulum misit; qui vero Timotheo a Paulo misso, et in Paulum et in Christum offendi. Paulus, inquam, apostolus Christi Jesu *secundum imperium*. Poni in aliis Epistolis *secundum voluntatem*, sed ut majorem distinctionem signaret, posuit hic *imperium*. Volumus enim quædam, quæ non imperamus; quæ autem fieri imperamus; et volumus, et, ne non fiant, prohibere videmur. Unde ait *secundum imperium Dei Patris*. Deus enim Pater imperavit me apostolum fieri. *Dei dico Salvatoris nostri*, id est qui imperio suo obediens salvat; non obediens vero a salute alienat. Unde timendum est, non parentibus imperio Timothei, quia, nec mihi, nec Deo, qui imperavit me Apostolum esse, obediunt, et sic a salvatione Dei alieni sunt. *Secundum imperium Dei Patris dico*; et secundum impe-

rium *Christi regis et sacerdotis*. Secundum hominem dico qui et immolavit seipsum in ara crucis, ut nos mundaret a delictis, seque immolandum nobis quotidie in altari dedit. Regis etiam, quia et bona dat, et in bonis regit. *Christi* dico Jesu, id est *Salvatoris*, qui et in præsentem salvat a malis, et in futuro salutem æternam daturus est suis. Christi Jesu dico, auctoris *spei nostræ*, id est recuperandæ impassibilitatis et immortalitatis, quas per eum nos recuperaturos speramus, qui carnem nostram in se verbo Dei unitam extulit supra omnem creaturam, nihil supra eam relinquens præter divinitatem sibi coherentem. Spes enim dicitur, non de his quæ habemus, ut justificationem **311** a peccatis in baptismo, sed de his quæ nos habituros credimus, ut immortalitatem et impassibilitatem per Christum. Spes enim est expectatio futuræ bonæ rei cum desiderio.

Paulus, inquam, apostolus sic et sic optat, mandat, vel aliquid tale *Timotheo filio* bene imitanti se, quem genuit in fide, quia, cum infidelis esset, fidelem eum fecit *Filio* dico dilecto peculiari et speciali modo, quia, cum omnis utique fidelis diligendus sit, quidam tamen in eis sunt qui privilegio amoris diligendi sunt. Paulus, inquam, mandat *Timotheo* hoc, sibi, vel tibi, *Timothee, gratia, misericordia, et pax*. In aliis ponere solet *gratia tantum et pax*, significans ibi per gratiam, quod hic per misericordiam, remissionem scilicet peccatorum; quæ gratia dicitur, quia gratis sine pretio vel merito nostro dimittuntur. Misericordia, remissio dicitur, quia per misericordiam Dei peccata dimittuntur. Misericordia itaque, id est remissio peccatorum, et pax, id est tranquillitas animi quam hic habent sancti prælibantes per hoc dulcedinem æternæ pacis. Hæc, inquam, misericordia et pax sint perseverantia tibi. Non ideo hoc optat, cum bene sciat remissionem peccatorum factam esse *Timotheo*, sibi que partem sanctorum esse, sed ut in his permaneat. Hæc duo, *misericordia et pax*, omni fidei optanda sunt, et provenire possunt; hoc autem tertium, id est *gratia*, prælati tantum optandum est et provenire potest. Accipit enim per gratiam donationem Spiritus sancti, qui utique, non a prælati, sed per ministerium eorum, sine differentia meritorum, sive justis, sive injustis sint prælati (solummodo pura sit consecratio eorum), datur his quos sanctificant, si idonei sint in quibus habitare debeat Spiritus; « non enim habitabit in corpore subdito peccatis (*Sap. 1, 4*). » Quia si quaeritur cur subditi, propter peccata, Spiritum sanctum accipere non mereantur, cum per ministerium prælatorum qui peccatores sunt (solummodo justa sit sacratio eorum) detur? Ad hoc respondendum est quia a Deo, et non a prælato, qui quod non habuit dare non potuit; datur tamen per ministerium prælati. Nec sine causa Deus per ministerium hoc dare voluit, cum, si sine ministris Spiritus sanctus daretur, unusquisque, præsumendo Spiritum sanctum

A se habere jactaret, et sic ministri Ecclesiæ, etiam qui justis essent, in contemptum venirent. Cujus rei Christus formam relinquens, suscitato Lazaro, dixit discipulis: « Solvite eum et sinite abire (*Joan. 11, 24*), » ostendens neminem posse solvi nisi per ministros, quibus hæc ministeria credita sunt. *Gratia* utique *misericordia*, et *pax*, sit tibi a Deo qui, cum Deus sit, hæc et omnia potest. Deo dico *Patrem*, qui, ex eo quod Pater est, voluntatem et piam affectionem circa te et omnem filium habet. Sit etiam tibi hoc idem a *Christo Jesu*, qui cum sit rex, et salvare venerit, voluntatem similiter habet. A *Christo* dico *Domino nostro*, quem, quia Dominus est, hoc et omnia posse apparet.

B Finita salutatione incipit Epistolam dicens: O *Timothee*, ita fac subaudi, *sicut rogavi te*, ubi ait *sicut*, notat quantitatem. Quasi diceret: Ego multis modis frequenti repetitione monui te, ut docendo insisteres, et *sicut* monui te omnibus modis, omni assiduitate fac. Ubi ait: *Rogavi*, cum qui prælatus erat, dicere posset ut discipulo præcepi, satis commendat *Timotheum*, insinuans eum talem qui non ex imperio coerendus esset, sed ex quadam paritatis dignitate cohortandus. Sicut, inquam, *rogavi te ut remaneres Ephesi ad ordinandum ibi ecclesiasticum ordinem, cum ego, conversis Ephesianis, irem in Macedoniam*, ut Macedonas verbo prædicationis converterem, in quo et tu mihi necessarius esses, teque mecum iturum ex voluntate obtulisti; videus tamen quod major necessitas incumberet, dimisi te, ut Ephesianos instrueres. Hic primum incipit de pseudodoctoribus repellendis, dicens: *Remaneres, inquam, ideo ut denuntiares*. Nuntiare dicimus in ter pares; denuntiare autem, ut a prælato subditis. Denuntiares utique *quibusdam*, id est doctoribus illis qui singularem doctrinam inducunt a communionem Ecclesiæ declinantes. Hoc, inquam, denuntiares **312** ne docerent aliter, id est quidquam alienum a doctrina mea qua Ephesios docui, et tu adhuc doces. Quia si doctores te denuntiante illis nolent desistere, denuntiares subditis ne intenderent doctrinis eorum, vel audirent eos. Cujus rei forma adhuc servatur in Ecclesia. Prius enim perversus prælatus ab Ecclesia prohibetur. Quia si inobediens non cessat, subditis dehinc interdicitur obedire illi. Non intenderent, dico *fabulis pseudoprædicatorum*, qui dicunt circumcisionem et vetera sacrificia tenenda esse in nova lege. Fabula dicitur illud ubi verba tantum sunt, res autem non est; sic in doctrina eorum. Verba quidem erant nuda a rei veritate, quia circumcisio et illa quæ docebant, salvare non poterant. Intenderent, inquam, *fabulis et genealogiis*, id est sermonibus de generatione sua factis. Dicant enim quod sibi, natis de carne Abraham et David, salus solum repromissa sit, et non aliis. Genealogiis, dico, *interminatis*, id est prohibitis ne aliquis confidat in illis. Vel interminatis, id est nullum terminum, nullumque finem habentibus ubi subsistant probata sicut dicunt. Si quis enim considerat, vide-

bit multos filios Abrahamæ secundum carnem reprobatos, ut Esau; inveniet etiam multos, non de carne Abraham genitos, quos tamen Deus elegit, ut Job.

Quæ genealogiæ præstant quæstiones, id est liti-
gia, et nullas solutiones. Hoc, inquam, præstant
magis quam ædificationem, quam nullo modo præ-
stant. Hic enim magis electivum est de non partici-
pantibus agens. Ædificationem utique virtutum non
præstant; quæ ædificatio est non per circumcisonem,
sed quæ est in fide, id est per fidem. Omnis enim
justificatio est ex fide, quæ ut fundamentum jacitur;
et super hanc quasi fundamentum cæteræ virtutes
ædificantur. Probat quod in fide sit ædificatio Dei,
dicens: Si ex fide procedit bona conscientia, id est
spes: ex spe autem purum cor, et de puro corde
charitas. Charitas vero sit finis, id est impletio
totius præcepti, seu novæ seu veteris legis. Quia
si hoc modo ex fide sequitur omnis præcepti impletio,
tunc in fide est omnis ædificatio Dei, et non alibi.
Sed in fide est impletio totius mandati, igitur et
ædificatio Dei. Quia transverso ordine sic ponit:
Vere in fide est ædificatio Dei; finis enim, id est
quia impletio totius præcepti veteris seu novæ
legis est charitas, id est dilectio Dei et proximi,
in quo mandato universa lex pendet et prophetæ
(Matth. xxii, 40). Qui enim hoc mandatum, id est
charitatem impleverit, novam et veterem legem
procul dubio implevit. Vel autem legatur ibi sic
continuatim. Ubi ait superius, ne docerent et ne
intenderent, innuit quosdam perverse et docentes et
intendentes. Unde sic ait: Licet illi pseudo aliter
doceant quam ego, tamen finis, id est omnis impletio
legis charitas est, sicut ego doceo. Unde quod
ipsi docent vetera non sunt reducenda. Charitas
procedit de puro corde, id est de munda intelligentia;
quod aliquis purum intellectum habeat conservans
se in puritate qua Deus purificavit eum in
baptismo. Intelligens diligendum sibi esse creatorem
suum, nec in aliquo offendendum. Charitas etiam
procedens de conscientia bona, id est de spe. Non
quia conscientia sit idem quod spes, sed ea affinitate
qua illi cui malæ conscientiæ scrupulus abest, et
ubique in animo se circumspectans, nihilque quod
eum mordeat inveniens; sic tandem sperare licet:
qui enim se peccatorem conspicit, timendum illi
est de peccato, non sperandum. Charitas etiam
procedens de fide non ficta. Nos enim credimus
Christum verum Deum et verum hominem, non
fingentes illum vel hominem sine Deo, vel Deum
sine homine. Et ut quidam pseudo dicunt
habuisse Christum non verum, sed aereum corpus.
Vel ita: Fide dico nostra robusta et inviolabili
non ficta, id est non fragili ad modum fictilis vasis,
sicut est doctrina pseudodoctorum.

Commendata parte sua, improbat partem adversariorum
dicens: A quibus charitate, scilicet, conscientia bona,
et fide: quidam aberrantes, id est illi singularem
doctrinam inducentes separati

A 313 et per hoc errantes. Separatio enim a veritate
error est. Aberrantes utique conversi sunt, non ad
fidem, sed in vaniloquium, loquentes quæ vana et
inutilia sunt, circumcisionem scilicet tenendam
esse dicentes. Quibus non sufficit hæc vana apud se
loqui, sed, quod deterius est, volentes esse doctores
legis, id est docentes tenendas esse carnales obser-
vantias legis. Et hoc satis impudenter, non intelli-
gentes neque ea quæ loquuntur, id est circumcisonem,
quam docent, ideo sub veteri lege in carne
tenuisse, ut figuraret circumcisionem cordis tenendam
esse in tempore gratiæ, et non carnis. Neque etiam
intelligentes Scripturas prophetarum de quibus,
id est per quas affirmant circumcisionem et vetera
sacrificia, quæ loquuntur, tenenda esse in
tempore gratiæ, vel e converso. Non intelligentes ea
quæ loquuntur de prophetis ad probandum quod
tenenda sint ea quæ docent. Neque intelligentes
circumcisionem et sacrificia, cujus rei mysteria
essent, cum fierent, de quibus ipsi affirmant quod
adhuc tenenda sunt. Quia improbavit partem
adversariorum, dicens non intelligentes, etc. Hoc
utique non sufficeret, nisi et partem suam commendaret,
et causam commendationis insereret. Posset enim
aliter sic ipsi objici. Si doctrina pseudodoctorum
perversa est, tua vero non melius approbanda,
unde melius adhærendum tibi iudicas quam illis?
Ad hoc refellendum, improbata parte adversariorum,
subdit et approbat suam, dicens: Pseudo utique
doctores non intelligunt legem, nos autem scimus,
id est intelligimus legem. Et quidam amplius
addit quod valet ad causam, dicens: Scimus utique
non solum legem, sed etiam hoc de lege scimus
quia lex est bona, id est utilis et justificans
spiritualiter intellecta, secundum quod nos
intelligimus. Sed; secundum carnalem
intellectum eorum potius non bona, quia
neminem justificat, et crudelis est. Unde
quod ipsi de lege intelligunt, non est
reducendum. Lex utique bona est, si quis
utatur ea, id est intelligentia ejus legitime,
id est secundum quod lex ipsa docet et
præcipit, scilicet, ut spiritualiter intelligatur.
Scimus utique de lege quod bona est, scientes
hoc etiam, de eadem lege, quia lex vetus non
est posita justo, id est sub nova lege
justificato. Nec etiam sub ipsa veteri lege
posita est alicui justo. Lex enim data est
ut vel puniret reum, vel peccare volentem
coerceret ne delinqueret. Sed qui justus est,
non est coercendus; non enim voluntatem
habet peccandi, nec est per legem puniendus.
Macula enim in illo nulla est qui justificatus
est. Unde et justis illis qui sub veteri lege
fuerunt, quantum ad se, non esset
necessarium tenere legem, qua tamen
congrue uti sunt, ne, illis respuentibus
legem, contemptui fieret lex, utque
auctoritate eorum devotius tenerent
eam hi quibus propter peccata
necessaria erat. Ideo etiam justi
tenuerunt veterem legem ut quod
ipsa præfigurabat de Christo et de
tempore gratiæ, ipsi attestarentur
implendo legem. Justo utique non est
posita lex, sed injustis id est Judæis

quibus ante legem datam Moyses moralia præcepta dedit, quæ non observando injusti facti sunt. Injustis utique, *et non subditis*, id est Judæis, qui Deo, danti per Moysen legem, noluerunt subdi ut ab injustitiis recederent. Quos vocet injustos et non subditos exponit, dicens : Lex utique posita est *impiis*, id est irreligiosis animo contra Deum, *et peccatoribus*, id est quod irreligiose cogitant, irreligiose operantibus, *et sceleratis*, id est eis qui videntes sacrificare idolis vel hujusmodi, placuit illis ut similiter prævaricarent. Lex etiam posita est *contaminatis*, id est illis qui violentia tormentorum compulsi sunt sacrificare idolis. Hæc quatuor contra Deum principaliter fiunt. Cætera quæ sequuntur contra se et contra proximum fiunt, non quod omnia peccata contra Deum non sint, sed quia quatuor prædicta Deum specialiter sine aliquo medio videntur offendere. Posita est etiam lex *parricidis*, id est interfectoribus patrum, quibus, cum multum deberent, ex eo quod homines essent, longe ideo magis patres erant; *matricidis* etiam similiter **314** *et homicidis*, et *fornicariis*, id est maculantibus se adultorio, vel quolibet genere fornicationis, et *concupitoribus masculorum*, quod deterius est, quibus non sufficit se maculare, nisi etiam corrumpant alios; et *plagiariis*, id est plagas proximo inferentibus; vel *plagiariis* quasi plagiosipis, id est plagam de re viva inferentibus, ut si quis furaretur patri filium suum, vel hujusmodi. *Mendacibus* etiam qui fallaciis incumbunt, quodque mendacio Pauli deterius est *perjuris*, his et hujusmodi posita est lex. Præter hæc etiam imposita est illi *si quid aliud* a prædictis quod *adversatur sanæ doctrinæ*, id est naturali et morali legi. Moralia enim præcepta sicut in veteri, sic in nova lege perdurant. Unde ait : *Quæ sana doctrina est secundum Evangelium*, id est sequitur novam legem. Evangelium dico *gloriæ*, id est quod prædicat gloriosum Deum. Vel Evangelium *gloriæ*, id est quod sequentibus se dat æternam gloriam. *Gloriæ dico Dei beati*. Qualem enim beatitudinem Deus habet, talem ab eo habituri sunt sancti. Beatus enim dicitur cui nihil deficit; sanctis autem, cum Christo nihil defuturum est. Hoc nomen Deus nullo adjectivo indiget, ut dicatur beatus, vel aliquid horum, sed ut innueret cujusmodi gloriam habiturus sit Deus et daturus suis apposuit *beati*, quasi diceret : Gloria quam Deus habet et dat, et sibi et quibuscunque dat, sufficit. Et quia sana doctrina et Evangelium se invicem sequuntur, ideo hæc tantum tenenda sunt et non reinducenda circumcisio et vetera. Hic ingreditur ostendere quod quia recessit a veteri lege, omnia bona sibi collata sint; cui legi quandiu adhæsit, semper in præceptum malorum ruit.

Unde sic ait : *Quod Evangelium creditum est mihi*, id est prævidit misericordia Dei me idoneum, cui crederet Evangelium. Evangelium autem bonum nuntium dicitur, *eu enim bonum; angelium verò nuntium*. Unde angelus *nuntius* dicitur. Et ideo quia

A Deus credidit mihi Evangelium, *gratias ago ei*, et non legi, pro hoc beneficio, et pro his quæ sequuntur, qui Deus *existimavit me fidelem*. Hic aiunt quidam insidiosa esse verba Pauli, quasi diceret : Inde gratias ago Deo quia, cum infidelis essem, fecit me fidelem. Quodque dignus essem qui fidelis fierem existimavit, id est providentia Dei quæ falli nescit ab initio præordinavit, meque factum fidelem confortavit, id est fortem fecit, quod neque mors, neque gladius poterit me separare à charitate ejus. Et postquam mihi credidit Evangelium pacis, *ponens me in ministerio*, id est in ipso opere prædicandi; multis enim prælatis creditur Evangelium; qui tamen torpentes non ministrant subditis quod creditum est illis. Positus sum in ministerio *Christi Jesu*, id est ad honorem et gloriam Christi Jesu Domini nostri. Vel confortavit me in Christo Jesu Domino nostro, qui mihi cædes anhelanti, in via apparuit. Ego utique fidelis factus sum, etc., postquam descrens legem subdidi me gratiæ Dei. *Qui prius cum essem sub lege in omnia mala præcipitabat*. Fui enim tunc *blasphemans*, Christum dicens eum hominem sine Deo, filium fabri et similia. Fui etiam *persecutor* quorumlibet justorum (*Actor. ix, 1*). Fui etiam *contumeliosus*, quia si quos comprehendere poteram contumeliis et verberibus afflicebam; sed qui adeo perversus sub lege eram, statim ut hanc dimisi *consecutus sum misericordiam*, id est remissionem peccatorum. De hoc autem consecutus sum misericordiam, quia, id est *quod ignorans feci*, id est ignoranter peccavi, et quia Christum ignorabam, ideo *in incredulitate* manebam. Sic quia pro quod legimus; non enim sufficeret ad causam, ut quia ignoranter peccaverit, ideo misericordiam consecutus sit. Alio modo tamen quia legitur ad causam. Quasi diceret aliquis : Tu olim sub lege, legem prædicabas tenendam. Tu vero, relicta eadem lege, legem prædicabas relinquendam. Cui ergo credi debeat, vel tibi sub lege, vel tibi non sub lege ambigimus.

Contra hoc ait : Mihi sub lege non fuit credendum, quia ignorans feci, et quia ignoravi, ideo in incredulitate **315** mansi. Nec solum misericordiam, id est remissionem peccatorum consecutus sum, sed etiam *gratia Domini nostri abundavit in me* super misericordiam : quia et peccata remisit, et multas alias gratias dedit, ut cognitionem divinæ essentia, etc. Vel aliter. Dum persecutor eram Ecclesiæ Christi, multum zelum legis habui, sed tamen nunc superabundavit gratia Dei in me, quia si tanta oportuisset me pati pro veteri lege quanta pro Christo patior, utique defecissem. Cætera sicut dicta sunt. Superabundavit, inquam, gratia *cum fide et dilectione* : quia fides et dilectio Dei semper creverunt in me; quæ fides et dilectio est in Christo Jesu, id est habetur per Christum Jesum, et non per legem. Hanc autem misericordiam quam ego consecutus sum, facile est et vos consequi. Ut enim peccatores salvi fierent, Christus Jesus in hunc venit mundum. Sed

antequam hoc dicat, præponit commendationem rei quam diciturus est sic : *Sermo iste quem vobis manifesto, est fidelis*, id est talis cui fides adhibenda sit, et qui bene sit credibilis. Nec solum fidelis est, sed etiam dignus acceptione, id est qui acceptabilis esse debeat. Sunt enim multi sermones credibiles, non tamen acceptione digni, quia inutiles. Hic autem sermo, et credibilis, et acceptus, quia utilis. Dignus utique acceptione non una vel in uno solo tempore ut vetus lex, sed omni, id est et in præsentibus et in futuro, et secundum corpus et secundum animam, quia in omni tempore, et secundum utrumque salvat. Hic, inquam, est ille sermo, quia, id est quod Christus Jesus venit in mundum hunc, id est adeo despicabilem, et in quo tot miserias eum pati oportuit. Venit, inquam, salvos facere peccatores, qui si per legem salvari possent, frustra Deus Christum suum in miserias hujus mundi deponeret. Quorum peccatorum ego et quicumque legalis primus, id est præcipuus et deterrimus sum. Deteriores enim invenit Deus Judæos, legi adhærentes, quam quoscunque exleges.

Quod supra posuit absolute, hic ponit cum causa, dicens : Licet deterrimus in peccatoribus essem, tamen consecutus sum misericordiam, ideo, ut Christus Jesus in me primo, id est maxime peccatore, vel primum, id est maxime ostenderet et patientiam; non in qualibet una re, sed omnimodam. Pertulit enim me blasphemantem, persequentem, et contumelias sanctis inferentem. Omnem utique patientiam ostendit in me, ad informationem eorum qui credituri sunt illi, id est ut per me doceret nemini desperandum, propter immanitatem scelerum, quin credat in eum. Credituri sunt enim illi in vitam æternam, id est ut per fidem hanc habeant vitam æternam. Et quandoquidem Christus salvare peccatores venit, ad quod lex insufficiens fuit, Christo igitur regi sæculorum inde sit honor et gloria : quia nec legi, nec alii præter Christum debetur inde gratia.

Aut sic continuatur. Christus in me ostendit omnem patientiam; illi autem Christo Regi sæculorum immortalis, id est immutabilis, qui semper in eodem est, et invisibilis, id est cujus deitatem nulla creatura sufficit intelligere; huic Deo Creatori soli (salvare enim solus potest), huic tanto et tali sit honor et gloria. Honor dicitur, ut de virtutibus, humilitate, prudentia, et hujusmodi, quæ homo potest habere. Gloria dicitur de his quæ Dei solum sunt et non hominis, ut resurgere tertia die, et hujusmodi. Honor, inquam, illi sit et gloria in sæcula præsentium sæculorum consecutiva, et hoc quod præcor amen, id est certe ita erit. Quandoquidem ex Christo Jesu omnis salvatio, et ex lege nulla, ideo, o Timothee fili, commendo tibi hoc præceptum, ut in omnibus palam sit te nulli posse parcere vel tolerare in hac re. Hoc enim præceptum est quod transgredi non licet, summaque tibi obedientia commendatum, ut milites excludendo ab Ecclesia pseudodoctores; milites, etiam disponendo alium ecclesiasticum ordi-

nem, milites utique bonam militiam. Si semel vel in uno militaret, implesset quod dixerat, milites, sed ut semper et in omnibus se velle eum militare ostenderet : 316 addidit militiam bonam, id est utilem. Utile enim erit sic te militare. Commendo, inquam, ut milites in illis prophetiis, id est in omni visione et intellectu quem habes de Deo. Prophetia enim visio; propheta videns dicitur. Milites moneo secundum prophetias præcedentes in te, id est secundum quod tempore præcedenti edoctus es in sacris Scripturis. Timotheus enim patre gentilis, matre vero Christiana editus (Act. xvi, 1), ab ipsa pueritia traditus est sacris litteris imbuendus. Unde ait secundum prophetias in te præcedentes. Vel aliter : Commendo tibi ut milites secundum prophetias præcedentes in te, id est de te. Spiritu enim prophetiæ edoctus, assumpsi te in opus Evangelii. Vide autem ne degenerando a fide mendacem facias Spiritum, qui ut te eligerem docuit me. Militare debes, tum quia bonum et utile est : tum quia bene potes, habens fidem per quam plene justificatus es, habens etiam conscientiam bonam; non enim tibi prædicanti objici potest quod bene doceas et male vivas. Modo paulisper revertitur ad pseudodoctores, dicens : quam bonam conscientiam quidam repulerunt a se. Qui enim perverse agit et docet, non habet unde sibi bene conscius sit : et quia repulerunt hanc, ideo naufragaverunt circa fidem, id est fregerunt navem suam, circumeuntes fidem, et non ingredientes ad eam. Ex quibus pseudodoctoribus naufragantibus est Hymenæus et Alexander principes eorum qui circumcisionem reducere volebant, quos ego tradidi Satanæ (I Cor. v, 5), id est separavi excommunicatos ab Ecclesia. Nec ideo ut in æternum pereant : sed ut sic discant non blasphemare, id est ut hoc modo correcti et poenitentes, quiescant a perversitate sua, et jam non blasphemantes auferantur iterum Satanæ, recepti in sinum Ecclesiæ. Nota quod excommunicare est tradere Satanæ, quia cum excommunicatur quis, Satanæ traditur, cujus erat priusquam per baptismum justificaretur.

CAPUT II.

Obsecro igitur primum omnium fieri obsecrationes, orationes, postulationes, gratiarum actiones, pro omnibus hominibus, pro regibus, et pro omnibus qui in sublimitate sunt constituti, ut quietam et tranquillam vitam agamus, in omni pietate et castitate. Hoc enim bonum est et acceptum coram Salvatore nostro Deo, qui omnes homines vult salvos fieri, et ad agnitionem veritatis venire. Unus enim Deus, unus et Mediator Dei et hominum homo Christus Jesus, qui dedit redemptionem semetipsum pro omnibus. Cujus testimonium temporibus suis confirmatum est, in quo positus sum ego prædicator et apostolus (II Tim. i, 11). Veritatem dico, non mentior; doctor gentium in fide et veritate. Volo ergo viros orare in omni loco, levantes puras manus sine ira et disceptatione. Similiter et (et., autem) mulieres in

habitu ornato cum verecundia et sobrietate ornantes se, non in tortis crinibus, aut auro, aut margaritis, vel veste pretiosa (*I Petr. III. 3*): sed, quod decet mulieres, promittentes pietatem per opera bona. Mulier in silentio discat cum omni subjectione. Docere autem mulieri non permitto (*I Cor. XIV. 34*), neque dominari in virum, sed esse in silentio. Adam enim primus formatus est (*Gen. I. 27*), deinde Eva, et Adam non est seductus, mulier autem seducta in prævicatione fuit. Salva bitur autem per filiorum generationem si permanserit (permanserint) in fide, et dilectione, et sanctificatione cum sobrietate.

EXPOSITIO.

Postquam Paulus admonuit Timotheum ut militaret, consequenter insinuat in quibus eum militare præcipiat, dicens: Quandoquidem Christus salvare peccatores venit in hunc mundum, in cuius rei prædicandæ ministerio me constituit, ut et per eum salvemini, et prædicatio mea in vobis fructificet. *Igitur*, id est propter hæc præmissa, obsecro ut oretis. Nisi enim Deus per Spiritum sanctum operetur in cordibus vestris, sermo meus **317** inutilis erit. Obsecro igitur *primum omnium*, id est potissimum ante omnia *feri obsecrationes*, etc. Quia vidit Apostolus in omni genere orationis prævalere celebrationem missæ, in qua memoria sit passionis Christi, per quam omne hominum genus redemptum est, ideo cum et aliis modis orandum sit, hoc genus orationis, quia prævalere vidit, præposuit, dicens: Primum omnium, id est ante omnia obsecro fieri obsecrationes. *Orationes* illas quæ obsecrationes, id est juxta et antequam corpus Dominicum sacretur, præcedunt (ut in principio missæ) vocat obsecrationes, quasi juxta sacrationem dietas. *Orationes* autem et *postulationes*, et *gratiarum actiones* fieri obsecro. *Orationes* vocat preces illas, in quibus, cum dicuntur, substantia illa panis et vini, in altari aposita, transit in corpus et sanguinem Christi. *Postulationes* vocat preces quæ sunt post communionem, ut illud: « Perfice in nobis, Domine, quod terra sancta continent, » id est postquam nos pavisti hoc corpore et sanguine tuo, restat hoc quasi ex debito, ut quod pie cœpisti perficias, pascens nos indeficienti cibo gloriæ tuæ in cœlis, quod hic in altari prælibamus. *Postulatio* enim dicitur, quasi oratio facta de re quæ jam misericordia vel merito debetur. *Gratiarum actiones* vocat, ut illud quod in fine missæ dicitur *Benedicamus Domino, Deo gratias*. Ut hoc dicentes innuamus totum referendum esse gratiæ Dei quod dedit, et quod in æternum daturus est. Hæc autem obsecro fieri *pro omnibus hominibus*, ut salvi fiant ex voluntate Dei. Quod si quaeritur cur pro omnibus jubeat orare Apostolus, cum quidam a Deo reprobati sint, pro quibus qui orat videtur offendere [Deum, qui eos reprobat. Contra hæc dicitur quod Deus quidem ex benignitate et clementia sua velit omnem hominem salvum fieri, quia,

A quantum in se est, in Deo non remanet, sed benignitatem Dei injustitia impiorum avertit.

Unde in Deo duplex voluntas consideratur. Altera benignitatis et clementiæ, qua omnes vult salvos fieri; altera est voluntas justitiæ Dei, qua malos reprobat, bonos eligit. Secundum autem voluntatem benignitatis Dei, præcipit Apostolus orare pro omnibus, ut quod Deus pie vult, et nos, sequendo pietatem ejus, velimus, utque voluntas Dei fiat oremus, quod si non fieret, a clementia Dei dissentire videremur. Vel aliter præcedentia legamus, ut demissa mentio in his non sit. *Obsecro fieri obsecrationes*, id est adjurationes illas, ut in lætania, ubi adjuratur per passionem, per resurrectionem et similiter, quasi si quis adjuraret Deum pro conversione cujuslibet sceleratissimi, quod vix a Deo impetrari posse videretur; impio autem illo per preces justis converso faceret, justus orationes pro eo, ut Deus cum fide daret illi virtutes quæ sequuntur. Quibus acceptis jam restarent postulationes (sicut dictum est) pro cœlesti gloria quæ jam habenti virtutes debetur. Pro his autem omnibus, id est conversione, possessione virtutum, concessione cœlestis gloriæ, sequuntur gratiarum actiones; quod fecit Justinus presbyter, qui, suscepto spiritu Laurentii in cœlis, in actionem gratiarum sacrificium laudis Deo obtulit. Obsecro autem hoc fieri pro omnibus hominibus (sicut dictum est).

Quia fortassis putarent quidam non esse orandum pro principibus et tyrannis, qui premunt Ecclesiam Dei, adjungit: Sic dico orandum pro omnibus, ut nec etiam persecutores Ecclesiæ excludam, sed orate etiam *pro regibus, et pro omnibus qui in sublimitate sæculari sunt*, seu ducibus, seu consulibus. Et pro eis vos orare non solum proficiet illis, sed etiam vobis. Ad hæc ut, illis a tyrannide sua cessantibus, *agamus vitam quietam* a persecutione, nec in una re, sed *etiam tranquillam*, id est in omni re quietam. Tranquillitas Ecclesiæ plurimum prodest quibusdam tenerioribus, qui in pace Ecclesiæ justificationem suam conservant; quos si tormenta comprehenderent, fortassis a fide recederet. **318** Et ideo orandum esse dicit pro regibus et principibus. *Agamus dico vitam tranquillam in omni pietate*, id est religione, et in omni castitate, id est in integritate fidei; quæ si persecutio ingrueret, non sic in omnibus integra perduraret, ideo moneo orare pro omnibus. *Hoc enim* ut ore tur pro omnibus *bonum*, id est utile est ad profectum Ecclesiæ, et tale bonum quod sit acceptum et gratum Deo. Nec sicut in tempore placeat, et in tempore displiceat, sed sic acceptum ut sit *coram Deo*, id est ut semper maneat in oculis beneplaciti ejus. Deo dico *Salvatore nostro, qui quomodo nos salvavit, vult omnes homines salvos fieri*, secundum voluntatem benignitatis suæ, sicut supra dictum est. *Et ut salvi fiant, vult omnes venire ad agnitionem veritatis*, id est veræ fidei per quam iter est ad salutem. Probat quod dixit. Vere Deus vult omnes salvos fieri; quod pa-

tet ex eo, quia unus est Deus, id est creator omnium. Cumque Deus omnium creator sit, non est causa: quare benignitatem suam neget uni, et det alteri creaturæ, quam impius utique sibi negat, quia impie agit, salva et integra perdurante ad omnes benignitate Dei. Inde etiam palam est quod Deus velit omnes salvos fieri, quia unus est mediator Dei et hominum, et non plures mediatores. Unde constat quia omnibus æque velit proficere, factus est omnium mediator. Christus mediator dicitur, quia duo extrema et a se prorsus divisa, Deum scilicet; in quo omnis justitia et nihil injustitiæ, et hominem, in quo omnis injustitia et nihil justitiæ, conrordes fecit per assumptam sibi humanitatem, justificans hominem. Probat adhuc Deum velle omnes salvari dicens: Hic autem mediator, cum in deitate gloriosus esset, homo factus est, tam vilis res et tam contumeliosa quod nunquam fieret, nisi vellet salvare homines. Hic autem mediator est Christus, immolans sacrificium pro nobis semetipsum Deo, et rex dirigens nos ad salvationem. Hic autem est Jesus salvator quem hoc nomen designat Salvatorem omnium, qui Christus Jesus dedit redemptionem, nec aurum vel argentum, sed semetipsum pretium dedit pro omnibus redimendis.

Sed licet non omnibus pretium illud profuerit, quia in impietate perduraverunt, Christus tamen pretium dedit, quod sufficiens esset saluti omnium, si omnes boni esse vellent. Et quia pro omnibus redemptionem dedit, omnes æque salvare voluit, **C** *cujus rei (scilicet, quod omnes vult salvos fieri) testimonium confirmatum est*, quia quod prophetæ testati sunt ante Christum de eo Salvatore, confirmavit Christus, implendo omnia quæ de se prophetæ prædixerant. Hæc autem per impletionem confirmata sunt temporibus suis, id est congruis, ut nativitas Christi quodam tempore in alio, passio et cætera de Christo diversis temporibus. Nisi enim Christum testimonia prophetarum præcessissent, parum vel nihil crederetur ei, quod idem innuit, cum duobus discipulis post resurrectionem apparens ait: « O stulti et tardi corde ad credendum in his quæ locuti sunt prophetæ (Luc. xxiv, 25), » etc. Quod etiam ipse alibi in Evangelio ait: In hoc est verbum verum: quod alius est qui seminat, et alius qui metit (Joan. iv, 37). » Prophetæ quidem seminaverunt, Christus autem cum apostolis suis seminis fructus collegit. Ad idem probandum, quod Deus vult omnes salvos fieri, auctoritatem suam adducit, dicens: In quo, id est in qua re prædicanda, scilicet quod Deus pro salute omnium pretium dederit semetipsum et cætera quæ præmissa sunt, ego positus sum prædicator a Deo, ut hoc prædicem omnibus, et magnæ dignitatis prædicator, quia etiam Apostolus ad hoc prædicandum constitutus, et ego procul dubio dico veritatem, nec in qualibet una parte sed ita quod non alicubi mentior, et ego jam constitutus sum doctor gentium in fide et veritate, id est jam multos discipulos docui, qui fideles sunt et veritatem præ-

dicant. Quia si discipuli mei veri sunt, constat me doctorem eorum non esse mendacem. Quia prædicatorem et Apostolum se nominat, non elationis verba sunt, sed ut per hanc auctoritatem dictorum suorum fidem corroboret.

319 Quoniam quidem, sufficienter probatum est orandum esse pro omnibus hominibus, ergo volo omnes viros, et mulieres orare, ut secundum voluntatem Dei salventur. Volo utique viros orare non tantum in ecclesia, sed etiam in omni loco, habentes puras manus, etc. Hic docet quales se præparare debeant ad orandum. Puras manus vocat mundas affectiones, ut nihil velint dari sibi a Deo, quod Deum dare nefas sit, sed maxime omnium salvationem postulent. Puras dico levantes per incrementa boni operis et piæ orationis, et hoc sine ira, id est sine odio proximi. Qui enim odit proximum, ab unitate Ecclesiæ se discerpit. *Etsine disceptatione*, id est sine diffidentia, orate, facti tales quales timore peccati non oporteat disceptare an Deus daturus sit vobis quod petitis, necne. Quasi diceret: Orate cum dilectione Dei et proximi. *Mulieres etiam eum viris volo orare, similiter sine ira et disceptatione existentes in habitu*, non qui ornet illas, sed ornato, id est qui ornetur ab illis, quod tanta sit reverentia mulierum ut etiam earum vestimenta videantur ornata, quia sanctæ mulieres illis utantur. *Manentes cum verecundia*, ut pudibundæ omnia faciant, et cum sobrietate cibi, potus et verborum. Cum aliis virtutibus has duas maxime commendat mulieribus, quia vidit eas maxime laborare morbo impuditiæ et intemperantiæ. *Mulieres dico ornantes se non in tortis crinibus, aut auro, aut margaritis, vel veste pretiosa*, id est non studentes cultui corporum, sed per bona opera quæ foris operantur, *promittentes pietatem*, id est in propatulo mittentes religionem mentis per bonam operationem exhibitam foris. In orando volo viros et mulieres similes esse; sed in docendo, vel interrogando volo dissimiles esse. *Mulier enim discat*, audiat sermonem in ecclesia, non interrogando, neque respondendo, sed sit in silentio, et si in aliquo hæsitat, cum venerit domum, virum interroget. *Discat autem in silentio cum omni subjectione*, post viros stando capite velato, aspectu in terram fixo. Cum enim in ecclesia convenimus, ibi **D** *Judici representamur, quem per seductionem mulieris in iram provocavimus; cuius rei memor mulier, quod totius perditionis auctor fuerit, in præsentia Judicis multum debet verecundari. Ut discat*, concedo mulieri. *Docere autem virum doctrina spiritali illud nullo modo permitto mulieri, neque dominari aliquo spiritali dominio in virum, sed semper esse non solum in silentio interrogandi vel respondendi, sed etiam in silentio confabulandi cum aliquo in ecclesia*

Ideo mulier non debet dominari in virum, quia Adam primus formatus est, deinde Eva. Ordo autem creationis eorum signat virum debere dominari in mulierem, non mulierem in virum. Cum enim ante

hominem, vel eodem momento cum homine, Deus, A
 si vellet, creare posset mulierem, non siq̄ re tem-
 pore posteriorem viro fecit, ideo adhuc mulier non
 debet in virum dominari; etenim *Adam non est se-*
ductus illo modo quo mulier, ut crederet se gustu
 pom̄i fieri Deum, sed in hoc quidem seductus fuit
 quia, suadente sibi muliere quam Deus in adjuto-
 rium sibi dederat, utrumque existimavit posse fieri,
 et uxori se morem gerere, et patrati sceleris acta
 p̄nitentia a Deo se posse veniam obtinere. Adam
 non est seductus, *mulier autem seducta fuit*, credens
 se fieri Deos ut serpens suaserat, in *p̄varicatione*,
 id est in actu peccati, scilicet in comestione pom̄i.
 Et propter tot causas mulier semper subijci debet
 viro, non p̄ferri; spiritali p̄latione dico, si enim
 servos habet, licet bene dominari in illis s̄culari
 dominio. Potest etiam mulier mulieribus spiritali
 modo p̄esse, sed viro nunquam. Ne autem alicui
 videretur mulierem non posse salvari, quia causa
 fuerit totius perditionis, et quia idem Paulus adeo
 detestatus sit mulierem, subdit de salute ejus di-
 cens: Licet mulier seducta sit non seducto viro,
 tamen mulier salvabitur. Non solum virgo vel con-
 tinens, sed etiam vadens *per generationem filiorum*,
 id est etiam nupta. Hac conditione dico **320** *si per-*
manserit in fide, quod sanam fidem habeat, et in
dilectione Dei et proximi, et in *sanctificatione* quam
 accepit in baptismo. Permanserit dico in his *cum*
sobrietate, quam ideo repetit quod in hac plurimum
 soleant peccare mulieres, ideo conjugatas salvari
 posse dixit, quia, si de virginibus vel viduis solum
 dixisset, putaretur intellexisse salvari non posse
 conjugatas, quæ cum salvandæ sint, constat per hoc
 de salute virginum et viduarum. Vel contiuuemus
 aliter: Licet *mulieri non permittam docere* in Eccle-
 sia, tamen *salvabitur*, id est poterit salvationem me-
 reri *per generationem filiorum*, id est spiritaliter
 instruendo domi filios suos, salvabitur hac lege si
 (quantum in illa erit) filii ejus *permanserint in fide*,
 et *dilectione*, et *sanctificatione*, *cum sobrietate*, sicut
 dictum est.

CAPUT III.

Fidelis sermo. Si quis episcopatum desiderat,
 bonum opus desiderat. Oportet enim episcopum
 irreprehensibilem esse unius uxoris virum, so-
 brium, ornatum, prudentem, pudicum, hospita-
 lem, doctorem, non violentum, non percusso-
 rem, sed modestum, non litigiosum, non cupi-
 dum, sed suæ domui bene p̄positum, filios ha-
 bentem subditos cum omni castitate. Si quis
 autem domui suæ p̄esse nescit, quomodo Ec-
 clesie Dei diligentiam habebit? Non neophytum,
 ne in superbiam elatus, in iudicium ineidat dia-
 boli. Oportet autem et illum testimonium habere
 bonum ab his qui foris sunt, ut non in opprobrium
 incidat, et in laqueum diaboli. Diacones similiter
 pudicos, non bilingues, non multo vino deditos,
 non turpe lucrum sectantes, habentes mysterium
 fidei in conscientia pura. Et hi autem probentur

primum, et sic ministrent, nullum crimen ha-
 bentes. Mulieres similiter pudicas, non detrahen-
 tes, sobrias, fideles in omnibus. Diacones sint
 unius uxoris viri, qui filiis suis bene p̄sint, et
 suis domibus. Qui enim bene ministraverint, gra-
 dum sibi bonum acquirunt, et multum fiduciam
 in fide quæ est in Christo Jesu. Hæc tibi scribo,
 fili Timothee, sperans me venire ad te cito. Si
 autem tardaveri, ut scias quomodo oporteat te in
 domo Dei conversari, quæ est Ecclesia Dei vivi,
 columna et firmamentum veritatis. Et manifeste
 magnum est pietatis sacramentum, quod manife-
 statum est in carne, et justificatum est in spiritu,
 apparuit angelis, p̄dicatum est gentibus, credi-
 tum est in mundo, assumptum est in gloria. »

EXPOSITIO.

Postquam communitatem Ecclesie admonuit ora-
 re, et ex hoc publicum p̄ceptum in omnibus de-
 dit, subdit quædam divisa p̄cepta, quæ non de
 omnibus agant, scilicet de sacerdotio et diaconatu,
 insinuans quales, et quomodo ad istos ordines sint
 promovendi. Quod p̄ceptum quia vidit onerosum et
 difficile quibusdam, antequam proponat commendat,
 dicens: Hic sermo quem dicturus sunt *fidelis* est,
 id est credi debet, et nemini est onerosus. Hic uti-
 que est sermo quem commendo: *oportet episcopum*
esse irreprehensibilem. Hic autem per episcopum si-
 gnificat sacerdotem. Superflue enim Timotheum,
 qui Ephesiorum episcopus erat, de ordinando epi-
 scopo Ephesiis instrueret, cum eo ibi episcopante,
 alium ibidem episcopari absurdum esset, nec cre-
 dendum est. Præterea si de diaconibus p̄ceptum
 daret (p̄termissio sacerdotali ordine qui p̄cedit)
 absonum videretur et inordinabiliter factum. Nec
 mirum si per episcopum signat presbyteram, cum
 in hac eadem Epistola, per presbyterum significet
 episcopum. Et quia volentem episcopari irreprehen-
 sibilem esse necesse est, ideo *si quis desiderat epi-*
scopatum, id est super sibi commissos intendere,
 hic desiderat non aurum, non divitias, non jucun-
 ditatem sæculi, sed *opus*, id est laborem bo-
 num, id est utilem sibi et his supra quos in-
 tendit. Episcopus enim *superintendens* dicitur,
 scopos enim *intentio*, epi *super* interpretatur. Et
 quoniam qui desiderat episcopatum, operari
321 bonum desiderat, ergo oportet episcopum,
 id est necesse est volentem episcopari esse irrepre-
 hensibilem, quia si sit reprehensibilis quandiu in eo
 est, bonum operari nequit. Irreprehensibilem vocat
 nullius criminalis reum, qui, etiam licet crimen
 non habeat, custodit se sic quod nec in eo aliqua
 criminis occasio videatur, unde criminosus suspi-
 cetur. Hunc autem episcopum, id est volentem sa-
 cerdotio fungi, oportet fuisse *virum unius uxoris*,
 quod unam tantum uxorem (dum sibi uxoris licuit)
 habuerit. Non quod in episcopatu eam habeat, vel
 quod si nullam habuit, repudiari debeat, sed magis
 accipi. Ideo viro multarum uxorum negat sacer-
 dotium, quia, illo soluto a priore uxore, cum se-

cundas nuptias contraxit, indicavit se continere non posse, incontinentem autem episcopari non licet. Et ut irreprehensibilis sit, oportet episcopum esse sobrium et verbo, et opere. Prudentem etiam qui sciat de thesauro pectoris sui novam et veterem legem proferre.

Oportet etiam eum esse non violentum, jugi potatione dissolutum. Non etiam percussorem corporali percussione, habet enim spiritalia arma, quibus uti debet contra adversarios, verbum scilicet Dei, quare non oportet eum uti corporalibus armis. Non percussorem, sed modestum, id est totius moderationis custodem. Oportet eum esse non litigiosum, id est non convicium pro convicio reddentem, sed ad omnia patientem. Non etiam cupidum, ne cupiditas prohibeat eum bona Ecclesiae erogare in pauperes, quorum patrimonia sunt, non propria episcoporum. Oportet etiam cum fuisse bene praepositum domui suae, quod privatam familiam suam bene coeruerit a quibusque vitiis; nec solum reliquam familiam, sed etiam filios habentem subditos, id est qui nec in filiis coercentis paterna affectione deceptus sit. Nec ita dico ut post patratum vitium correxerit eos; sed cum omni castitate, id est omni integritate servata, quia adeo districtus fuit in custodia filiorum quod ad actum sceleris eis pervenire non licuit. Sic scientem praesse domui suae, bonum est in sacerdotium promoveri. Sed si quis nescit praesse privatæ domui suae, in qua pauca disponenda sunt, quomodo hic habebit diligentiam, id est diligentem custodiam Ecclesiae Dei, in qua tot et tanta procuranda sunt? Praeter praedicta oportet eum non esse neophytum, id est noviter conversum, ne, si adhuc rudis in fide promoveatur in sacerdotium, elatus in superbiam cogitando secum, Si modo non essem conversus, non esset praeter me qui sciret praesse Ecclesiae, sic superbiendo incidat in iudicium, id est damnationem diaboli, qui per superbiam damnatus fuit, ut et hic neophytus similiter per superbiam damnatur. Neque haec solum necessaria sunt illi, sed etiam oportet, id est necesse est illum habere bonum testimonium, non solum a fidelibus, sed etiam ab his qui sunt foris, id est extra fidem, scilicet ab infidelibus, ut non incidat in opprobrium, quia si modo infideles videant illum sacerdotem factum, praedicantem verbum Dei, conviciantur ei dicentes: Tu qui paulo ante furabaris, adulterabas, etc., jactas te modo magistrum nostrum, in cujus ore etiam bona contemptibilia sunt. Hic autem hoc audiens, accensus ira alterna reddat opprobria, et hoc modo incidat in laqueum diaboli, qui illis dolis laborat illaqueare eum. Quare oportet eum qui promovetur in sacerdotium, etiam cum infidelis fuit, sine querela conversatum fuisse inter suos.

Quales presbyteros oportere esse diximus, oportet esse diaconos sobrios, et caetera quae non reponit. Per hoc quod ait similiter intelligenda esse in ordinatione diaconorum significavit, qui ordo parum dignitate discrepat a sacerdotio. *Diaconos*, inquam,

oportet esse pudicos, id est custodes castitatis, et non bilingues, id est non inter fratres discordias seminantes, non deditos multo vino, quo quidem sobrie licet uti; non sectantes turpe lucrum, ut nec foverent, nec negotientur; habentes etiam mysterium, id est secretum fidei, ut cognoscant illa secreta fidei nostrae, quae simplicitas vulgi capere non sufficit. Diaconorum enim officium est evangelizare verbum Dei populo: 322 in cujus rei signum traditur eis Evangelium ad legendum. Quare oportet eis nota esse arcana fidei qui de fide sunt docturi. Et licet haec omnia habeant, tamen antequam ordinentur, probentur primùm interrogationibus illis, quibus ante ordines solent interrogari, ut illud. Vis servare castitatem et similia? Hi utique probentur, et similiter sacerdotes de quibus hoc non praemiseraat. Et sic demum ordinati ministrent, id est res Ecclesiae in necessariis usibus distribuunt, ut in cibis pauperum et similibus.

Statutum enim fuit etiam in primitiva Ecclesia, ut illi septem diaconi res ecclesiasticas et domesticas disponerent, pauperibus ministrarent (Act. vi, 2), etc., ut apostoli hujusmodi curis soluti, liberius vacarent praedicationi. Unde adhuc si jure sit, per manus diaconorum ministeria distribuuntur Ecclesiarum. Ministrent dico non habentes ullum crimen actu, nec etiam suspitione, tanta enim vigilantia debent se circumspicere, quod occasionem non habeat hostis, vel suspicari criminale quid de illis. Non habentes crimen, idem est quod supra ait irreprehensibilem. Hic inserit praecipuum de mulieribus ante et post agens de diaconibus, quod intersertum nisi ad diaconos aliquomodo pertineat, inconvenientis hic ordo videtur. Ut autem quod ait de mulieribus convenienter insertum iudicetur, sic exponimus: *Mulieres* quae nuptae fuerint his qui in diaconatum promoventur, similiter oportet esse pudicas, id est necesse est profiteri castitatem, sicut viros earum. Melius enim esset ut cum viris in castitate conjugii manerent, quam separatae a viris impudice viverent.

Et ideo viri earum non recipiantur in Ecclesia, nisi et mulieres eorum profiteantur castitatem, quae non solum pudicas esse oportet, sed etiam non detrahentes, quia si detractioni vacant, melius fuisset esse cum viris, qui corrigerent eas. Oportet etiam eas esse sobrias in cibo, in potu et in vestitu. Sicut etiam fideles in omnibus, id est justificationem a peccatis, quam per fidem acceperunt, salvam per omnia custodiunt. Vel ita: Fideles sint in omnibus, quod si quid de ecclesiasticis committitur illis (ut ministrare pauperibus) fideliter exsequantur. *Diaconos etiam sint*, id est fuerint viri amicos uxoris, qui filiis suis bene praesunt, et suis domibus, sicut de episcopo fuit expositum. Vel si placet mulieres diaconissae, scilicet moniales, similiter oportet esse pudicas, etc., sicut dicta sunt. Ne autem cuilibet difficile esse videretur sic se preparare pro habendo diaconatu, ait: Non sit vobis onerosum tales et.

tales fieri ut hunc ordinem conscendatis, quia qui bene et religiose ministraverint in diaconatu, acquirant per hoc sibi majorem gradum; bonum, id est utilem sibi, presbyteratum scilicet seu episcopatum. Et si forte non accepto majori gradu moriantur, quia bene ministraverunt in diaconatu, acquirant multam, id est multiplicis boni fiduciam, scilicet cœlestis: in fide, id est justificari per fidem quæ est in Christo Jesu. Vel ita, ut quamdam privatam fidem intelligamus. Sic acquirunt fiduciam in fide, quæ est in Christo Jesu, id est in persona Filii. Licet non in una persona plena fides sit, sed in tribus. Fidem privatam in Christo dicit, quod per redemptionem et cætera, quæ propria personæ Filii sunt: confidit se salvari. Hoc de ordine sacerdotali et levitico et cætera scribo tibi, fili Timothee, sperans me tamen (licet modo tibi scribam) cito venire ad te.

Ubi ait se scribere cum cito sit venturus, multam necessitatem (ut observentur ea quæ scribens imperat) per hoc innuit. Cito quidem spero me venturum ad te; sed si forte tardavero, scribo, ut per hoc scias quomodo oporteat te conversari in domo Dei, id est quanta vigilantia custodire debeas fideles, in quibus Deus ut in domo habitat. Et quia domus de paucis dici possit, addit: Quæ domus est Ecclesia, id est in qua Deus multos ad fidem convocavit. Ecclesia dico Dei vivi, id est qui vitam æternam, quam habet, dat suæ Ecclesiæ. Quæ Ecclesia est columna secundum quosdam firmos et directos in fide, qui columna dicuntur quantum ad se. Firmamentum etiam veritatis dicuntur, quantum ad alios debiles in fide, qui, nisi firmarentur exemplo et exhortatione istorum, titubarent in fide; in qua Ecclesia est sacramentum, id est Christus: et hoc sacramentum pietatis, id est totius religionis magnum est, quia magnitudinis ejus non est finis. Est utique hoc sacramentum in ea manifestum, id est apparens per multa miracula quæ operatur Deus per membra Ecclesiæ. Christus ab ea similitudine sacramentum dicitur, sicuti sub veteri lege quædam sacramenta in templo recondebantur quæ non licebat videre populo, sic in Christo licet multa videantur, tamen multa in eo absconsa sunt quæ nulla creatura comprehendere sufficit. Sacramentum autem res mysteriorum involuta dicitur. Quod sacramentum, id est Christus, manifestatum est in carne, quia per verbum Dei incarnatum, deitas quodammodo per carnem visibilis facta est; quæ, nisi in carne, penitus invisibilis erat. Hoc ideo sacramentum, id est Christus justificatum est, non quod peccatum haberit, sed homo ille quem Deus assumpsit justus factus est in spiritu, id est per spiritum, scilicet per deitatem cœlestem sibi, quia cum alii homines ex concupiscentia carnis concipiuntur, Christus ex dilectione patris conceptus est. Hoc iterum sacramentum apparuit angelis, id est fecit se Christus cognosci ab angelis, per hæc quæ homo factus operatus est in terris. His enim visis, multum profecerunt angeli de cognitione Dei, non enim omnia

mysteria revelata fuerant illis. Hoc etiam sacramentum prædicatum est gentibus ab apostolis, creditum est etiam in mundo, mundus enim jam credit in Christum. Assumptum est etiam in gloria, ubi sedet in dextera Patris, occurrentibus illi angelis in die ascensionis suæ.

CAPUT IV.

« Spiritus autem manifeste dicit, quia in novissimis temporibus discedent quidam a fide, attendentes spiritibus erroris, et doctrinis dæmoniorum, in hypocrisi loquentium mendacium, et cauteriatam habentium suam conscientiam, prohibentium nubere, abstinere a cibis quos Deus creavit, ad percipiendum cum gratiarum actione fidelibus, et his qui cognoverunt veritatem. Quia omnis creatura Dei bona est, et nihil rejiciendum quod cum gratiarum actione percipitur. Sanctificatur enim per verbum Dei et orationem. Hæc proponens fratribus, bonus eris minister Christi Jesu, enutritus verbis fidei et bonæ doctrinæ quam asssecutus es. Ineptas autem et inanes [aniles, i. e. infructuosas] fabulas devita (1^a Tim. 11, 23). Exerce autem te ipsum ad pietatem. Nam corporalis exercitatio ad modicum utilis est. Pietas autem ad omnia utilis est, promissionem habens vitæ, quæ nunc est, et futuræ. Fidelis sermo, et omni acceptione dignus. In hoc enim laboramus et maledicimur, quia speramus in Deum vivum, qui est salvator omnium hominum, maxime fidelium. Præcipe hæc et doce. Nemo adolescentiam tuam contemnat; sed exemplum esto fidelium in verbo, in conversatione, in charitate, in fide, in castitate. Dum venio attende lectioni, exhortationi et doctrinæ. Noli negligere gratiam, quæ in te est; quæ data est tibi per prophetiam cum impositione manuum presbyteri [presbyterii]. Hæc meditare, in his esto, ut profectus tuus manifestus sit omnibus. Attende enim tibi et doctrinæ, insta in illis. Hoc enim faciens et te ipsum salvum facies, et eos qui te audiunt. »

EXPOSITIO.

Ne modo Timotheus objiceret Paulo: quoniam tantum sacramentum (ut ais) in Ecclesia est, non multum me vigilare oportet pro custodia ejus, quia per hoc sacramentum sufficienter custodietur. Contra hoc Paulus ait: Scias omni vigilantia conservandam esse Ecclesiam Christi, quia in novissimis temporibus discedent quidam a fide. Hoc autem non leviter a quolibet accipi, sed Spiritus sanctus dixit mihi non sub aliquibus figuris, sed manifeste, quia in novissimis temporibus discedent quidam hæretici a fide Christi, attendentes spiritibus erroris, id est dæmonibus loquentibus per ora seductorum, attendentes non tantum rationibus eorum, sed etiam doctrinis, id est assertionibus doctrinarum eorumdem dæmoniorum, loquentium mendacium in hypocrisi, id est in simulatione boni, cum vere mali sint, et habentium suam conscientiam, id est 324 mentem suam totius mali conscientiam, cauteriatam, id est falsis

manifesta adustione signatam. Caeteri a *caveo*, A in fide, sciens quod in Christum credere oporteat. *caves*, dicitur, cauterium enim adustio illa dicitur, quæ fit deprehensis furibus, ut qui viderint illos, per hoc signum caveant sibi ab illis, scientes quod faures sunt. Ab ea similitudine dicit *habentium conscientiam cauteriatam*, quia dolosæ mentis suæ quædam signa foris emittunt, per hoc quia prohibent nubere. Hæc est enim coctura illa quæ nobis aperit malum conscientia eorum, quod *prohibent nubere*, id est quod præcipiunt non nubere : et præcipientium adhuc *abstinere a cibis quos Deus creavit ad percipiendum fidelibus*, et hoc cum actione gratiarum, quia de hoc agenda sunt gratiæ creatori Deo, ne forte si sine benedictione perciperemus (quod sæpe auditum est) diabolus cum iis ingrederetur. Creavit utique ad percipiendum fidelibus, et ^B *his*, id est etiam eisdem talibus qui *cognoverunt veritatem*, hanc scilicet quia omnis creatura Dei, in eo quod a Deo creata est, bona et utilis est omni hoc credenti ; si autem nociva est alicui, ut coluber, propterea fit quia non credidit bonam esse sibi hanc creaturam Dei, ut, si modo crederet quis non esse bonum se comedere carnem etiam licitam, et tamen comederet, peccaret, quia uteretur eo quod bonum esse dubitaret. Cognoverunt etiam fideles nihil esse rejiciendum. Determinat quod dicit non rejiciendum. Illud scilicet quod percipitur, id est quod percipiendum est cum actione gratiarum, non enim omnis caro comedenda est. Percipere, inquam, et agere gratias bonum est, quia creatura illa quæ in cibum sumitur, *sanctificatur per verbum*, id est per Filium ^C Dei. Per Filium enim et omnia creavit, et omnia creata sanctificavit. Sanctificatur etiam per orationem, id est et per benedictionem quæ præcedit, et per gratiarum actionem quæ sequitur.

Nota, cum de tempore Antichristi Timotheum Paulus instruat, innuit membra Antichristi per longa tempora caput suum præcedere. Innuit etiam quod hæc instructio omni Ecclesie, et secundum omnia futura tempora facta sit. Hæc quæ superius dicta sunt, nuptiis non deträhere, cibos, quos Deus ad percipiendum fidelibus creavit, non derogare, et cætera præmissa tu *proponens*, id est in propatulo ponens *fratribus*, licet sie proponendo quibusdam videaris nimis remissus et indulgens carnalitati, sic tamen *eris minister Christi Jesu bonus*, id est utilior illis qui modum nimia restrictione excedentes prohibent nubere, et uti carnalibus. Sic debes proponere, tum quia sic bonus, id est utilis eris, præterea quia potes ; tu enim *enutritus*, id est extra rudimenta et nutrituram puerilem positus doctus es *verbis fidei*. Nosti enim in quem, et quomodo te oporteat credere. Enutritus etiam es verbis *bonæ doctrinæ*, id est utilem morum instructionem didicisti, *quam doctrinam plenarie assecutus es* per me, qui et te baptizavi, et quæ adhuc docenda erant sufficienter docui. Hic enim Timotheus a matre fidei litteris sacris addiscendis puer traditus est, non tamen donec a Paulo baptizatus est ; et ideo dicit eum enutritum esse

in fide, sciens quod in Christum credere oporteat. Enutritum etiam bona doctrina, id est instructione morum. Talia proponere fratribus ; *sed fabulas ineptas quæ nullam veritatem habent, ut de prohibitione ciborum et nuptiarum ; fabulas ineptas etiam inanes*, id est inutiles, quæ, licet veritatis similitudinem teneant, ut reducere circumcisionem, sine omni utilitate tamen sunt ; illas non solum sicut præmonui interdicas, *sed evita*, si quis inde tecum secreti velit discutere ; nec etiam solus studeas in illis, sed potius *exerce te*, nec partim, sed *teipsum totum* et corpore, et animo *ad pietatem*, id est ad doctrinam et custodiam religionis, utque totus fortiter vacare possis pietati, ne supra modum carnem tuam affligere velis. Nam hæc *corporalis exercitatio* per jejunia utilis quidem, sed respectu pietatis *ad modicum* valet. Quid enim prodest prælatum sic se affligere, ut præ debilitate carnis instructioni subditorum ³²⁵ nequeat vacare ? Afflictio corporis parum est utilis : *pietas autem*, id est ex pietate miserationis intendere filiorum instructioni : hæc, inquam, *pietas utilis est* ; non ad quædam, *sed ad omnia*. Ideo de afflictione corporis Timotheum sic quodam modo redarguit : quia noverat eum adeo jejunare, et a potu vini se cohibere, quod stomachus ejus ideo debilitaretur : quare præcipit illi in sequentibus uti vino. Quæ pietas est *habens promissionem vitæ quæ nunc est*, id est vitationem mali et augmentum justitiæ, quæ in hac vita licet habere. Habet etiam promissionem *future* et perpetuæ vitæ. Hic autem *sermo*, quem dixi intendere pietati, nec ita corpus affligere, ut impediatur pietas, *fidelis est, et est dignus omni acceptione* : quia confortato corpore fovetur pietas utilis ad omnia. Quodque acceptum esse debeat exercere ad pietatem apparet inde : quia *in hoc*, id est in pietate *laboramus* nos, cibos de labore manuum quærentes. *Maledicimur* etiam ab infidelibus : ideo *quia speramus* intendentes in *Deum virum*, qui vitam æternam quam habet dabit sperantibus in se. In eo merito sperandum est *qui est Salvator omnium hominum*, bonorum et malorum salvatione temporalis : quia « solem suum facit oriri super justos et injustos (*Matth. v. 45*). » Cumque sit omnium Salvator, *maxime* tamen et præcipue ^D *fidelium est*, quibus vitam æternam dabit, quam negabit impiis : quos tamen in hoc mundo salvat in temporalibus bonis. Quoniam quidem exercere te ad pietatem bonum est, et nos in eodem laboramus : quos tamen in hoc mundo imitari debes.

Tu igitur vacando pietati *præcipe* his qui sciunt, sed pigri sunt ad operandum : *hæc* scilicet præcepta quæ præmissa sunt. Si qui etiam sunt nescientes, *doce* eos et hoc utrumque cum tanta severitate et munditia, ut *nemo contemnat tuam adolescentiam* ; ut honestas vitæ et habitus ætatem tuam annis juvenilem moribus faciant maturam. Nemo, inquam, te contemnat : *sed esto exemplum* quorumque *fidelium in verbo* : in humilitate alloquens omnes in *conversazione*, omnibus omnia factus in *charitate*, id est

in dilectione proximi *in fide*, id est in justificatione permanens. Et *in castitate*, quæ virtus gemma virtutum est in juvene. Ideo de castitate juvenem instruit, adolescentia enim ætas est magis lascivire appetens quam alia. Et ut sis exemplum fidelium *attende lectioni*, id est assidue revolve sacram paginam, *dum*, id est donec ego venio. Postquam enim ad te venero sufficienter monebo te : viva enim vox magis animat quemcunque quam lectio : sed tamen multi satis sciunt, qui, nisi lectione incitarentur, torperent dum monitor eorum abesset ; et ideo ait : Attende lectioni, et attende *exhortationi*, id est exhortare eos qui docti sunt, et tamen ad operandum pigri. Attende etiam *doctrinæ*, id est doce eos qui nesciunt : et ut in his attentior sis, *noli negligere gratiam* Spiritus sancti quæ est in te collata. Gratiam dico pontificalem, quæ data est tibi per prophetiam, id est per prævisionem ; spiritu enim prophetiæ prædoctus, vidi te idoneum pontificali gratiæ : et hæc data est tibi cum impositione manuum presbyterii, id est episcopi qui consecrando te episcopum, manus tibi imposuit. Vel presbyterii, id est presbyteratus : quia licet unus specialiter manus imponat et consecret, tamen cæteri episcopi qui astant eum. Item cum illo consecrant.

Nota quod per impositionem manus Spiritus sanctus datur : non ideo fit, quin sine hoc posset dari ; sed ideo manus imponitur, ut plenam subjectionem per hoc discat exhibere Deo et consecratori suo ille qui sacratur. Unde sacrator ille hanc prælationem habet super eum quem consecrat, quod nunquam ab eo ultra iudicabitur. Prophetia etiam illa quam dixit, quia non ita modo potest fieri, non enim sic modo spiritales sunt episcopi, fit tamen secundum quod potest fieri : ubi qui consecrandus est præsentatur consecratori, et requiritur de fide et cæteris ut habet Ordo. Et (ut conserves gratiam quæ in te est) *meditare hæc* quæ moneo : et *esto in his* per operationem **326** ut sic meditando et operando *profectus tuus manifestus sit omnibus*, et exemplo tuo proficiant. Utque sic proficere possis, attende tibi subtiliter, corripere vitam tuam, et te undique circumspice *attende doctrinæ*, id est doce alios. Vita enim tua si sit laudabilis prædicationem tuam commendabit, et ideo *insta in illis*, id est in directione vitæ et doctrina subditorum. *Hoc enim faciens*, id est instando in illis *teipsum salvum facies*. Attendendo tibi, *eos etiam* salvos facies per doctrinam quæ te audiunt.

CAPUT V.

Seniorem ne increpaveris, sed obsecra ut patrem, juvenes ut fratres, anus ut matres, juvenculas ut sorores in omni castitate. Viduas honora, quæ vere viduæ sunt. Si qua autem vidua filios aut nepotes habet, discat primum domum suam pie regere et mutuam vicem reddere parentibus. Hoc enim acceptum est coram Deo. Quæ autem vere vidua est et desolata, speret in Deum : et instet obsecrationibus et orationibus nocte ac die.

Nam quæ in deliciis est vivens, mortua est. Et hoc præcipe, ut Irreprehensibiles sint. Si quis autem suorum (et maxime domesticorum) curam non habet, fidem negavit, et est infideli deterior. Vidua eligatur non minus sexaginta annorum, quæ fuerit unius viri uxor, in operibus bonis testimonium habens : si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est. Adolescentiores autem viduas devota. Cum enim luxuriatæ fuerint, in Christo nubere volunt : habentes damnationem, quia primam fidem irritam fecerunt. Simul autem et otiosæ discunt circuire domos : non solum otiosæ sed et verbosæ et curiosæ, loquentes quæ non oportet. Volo ergo juniores nubere, filios procreare, matresfamilias esse, nullam occasionem dare adversario maledicti gratiæ. Jam enim quædam conversee sunt retro post Satanam. Si quis fidelis habet viduas, subministret illis ut non gravetur ecclesia : ut his quæ vere viduæ sunt sufficiat. Qui bene præsumt presbyteri, duplici honore digni habeantur, maxime qui laborant in verbo et doctrina. Dicit enim Scriptura : Non alligabis [in freno] os bovi trituranti (*Deut. xxv, 4 ; I Cor. ix, 9*). Et : Dignus est operarius mercede sua. Adversus presbyterum accusationem noli recipere, nisi sub duobus aut tribus testibus (*Deut. xix, 15, 43*). Peccantes coram omnibus argue, ut et cæteri timorem habeant. Testor coram Deo et Christo Jesu, et electis angelis ejus, ut hæc custodias sine præjudicio, nihil faciens in alteram partem declinando. Manus cito nemini imposueris, neque communicaveris peccatis alienis. Teipsum castum custodi. Noli adhuc aquam bibere, sed vino modo utere propter stomachum tuum et frequentes tuas infirmitates. Quorumdam hominum peccata manifesta sunt, præcedentia ad iudicium, quorumdam autem et subsequuntur. Similiter autem et facta bona manifesta sunt, et quæ aliter se habent, abscondi non possunt.)

EXPOSITIO.

Et ne Timotheus (quem sic admonuit, *præcipe, doce*, etc., indiscretè doceret, non attendens diversitates ætatum et sexuum, subjungit Paulus quomodo singula ætas docenda sit, dicens : Licet dicam *præcipe, doce*, vide tamen ne cum austeritate increpaveris seniorem ætate, sed obsecra cum tanta diligentia, ut patrem ; juvenes autem obsecra, ut fratres ; anus vero, ut matres ; juvenculas, ut sorores. Et quia Timotheus juvenis erat, ideo cum de juvenculis diceret, *in omni castitate* apposuit ; rectissime enim in alloquio juvenularum juvenis de omni castitate admonetur, ne saltem minima carnis titillatione circa eas moveatur. Timotheo instructo qua discretionem docere deberet subdit præceptum de viduis, determinans quæ de bonis Ecclesiæ debeant sustentari, et quæ non, dicens : Juvenulas sic obsecra ; Viduas vero confugientes ad Ec-

cleras *honora* eo modo quo honorandæ sunt : **A** **327** dando scilicet victum et vestimentum illis solum *quæ sunt vere viduæ*, nolentes ulterius reverti ad ea quæ mundi sunt, ut amplius nubere velint; illis etiam quæ sunt desolatæ, quod subdit inferius. Desolatas vocat quæ filios vel parentes non habent qui eas sustentare queant, vel cum quibus ipsæ rebus suis, si quas habent, possint uti et instruere eos. Honora, inquam, eas quæ vere sunt viduæ, sed *si qua vidua habet filios aut nepotes*, hæc utique quia desolata non est, *discat* (primum quam sumptus Ecclesiæ accipiat) specialiter *regere domum suam*, id est filios ac nepotes : et si parentes adhuc habet; *discat reddere mutuam vicem parentibus*, qui eam aluerunt cum infans esset. Benefaciat, inquam, parentibus quia *hoc*, id est et suos specialiter regere, **B** *acceptum est coram Deo* magis quam si parentes in calumitate desereret. Vidua quæ filios habet non transeat ad Ecclesiam, *sed illa quæ vere vidua est* nolens amplius reverti ad conjugium; et quæ est *desolata* non habens filios aut nepotes, illa *speret in Deum*, id est sustentetur bonis Ecclesiæ, et ibi *instet obsecrationibus et orationibus nocte et die*.

Vel aliter ut in hoc versu determinetur quæ sit vere vidua. Dico alendas ab Ecclesia vere viduas; ne autem decipiari in illis, scito quod illa vere vidua est et desolata, quæ sperat in Deum, et non in filios aut nepotes, et quæ instat obsecrationibus et orationibus nocte et die. Quæ vere vidua est hæc solum sperat in Deum, vel speret. Nam illa *vidua quæ est in delictis carnis, vivens mundo, mortua est Deo*, **C** et talis non debet recipi in Ecclesiam. *Hoc etiam præcipe de viduis* quod cum sint vere viduæ et desolatæ, *sint et irreprehensibiles*, id est nec crimen habentes, nec occasionem criminandi se in aliquo tribuentes. Vidua quæ habet filios aut nepotes regat eos, *quia si qua vidua non habet curam suorum* quos regere debet, et *maxime præ cæteris curam domesticorum*, id est filiorum aut nepotum, hæc talis *negavit fidem*, quam promisit Deo. Planum est enim quod, curam proximi non habens, proximum non dilexerit, et sic nec Deum diligit. Qui enim non diligit fratrem, quem videt, Deum, quem non videt, quomodo potest diligere? Quia si nec Deum diligit, fidem plane negavit. *Est etiam deterior infideli*, qui nunquam fidem habuit, quia reus est pacti quod Deo pepigit, et sic irritum fecit. Vel ita : Vidua regat filios et nepotes; si quis autem eorum expellat matrem viduam volentem sustentari ab illis, quod æquipollenter ait : Si quis non habet curam suorum, fidem negavit, et est infideli deterior. Hæc autem vidua est, si quæ præmissa sunt habet. *Non tamen eligatur ad recipiendum in Ecclesia minus sexaginta annorum, quæ etiam fuerit uxor unius viri*, ne ducendo secundum, rea incontinentiæ visa sit, quæ etiam vixerit studiosa in operibus bonis. *Habens etiam bonum testimonium ab Ecclesia : si filios educavit* spiritualibus documentis; *si pauperes hospitio recepit; si lavit pedes sanctorum*, id est si omne pietatis opus prædicatori-

bus exhibuit; non formidans minas persecutorum qui damnabant quoscunque ministrantes sanctis; *si etiam subministravit patientibus tribulationem*, id est sanctis incarceratis. Ut omnia comprehendam, *si subsecuta est omne bonum opus*, eligatur.

Viduæ sexaginta annorum eligantur, *adulescentiores autem viduas*, quæ non sunt tot annorum, illas volo nubere, et ideo *devita*, non accipias eas in ministerium Ecclesiæ. Devita ideo *quia si suscipias, cum*, id est postquam fuerint luxuriatæ, id est præ nimia abundantia lascivientes, *volunt nubere*. Et hoc *in Christo*, id est legaliter non meretricari, tales illæ *habentes damnationem, quia sic frangendo vota, fecerunt irritam etiam primam fidem*, quam in baptismo pollicitæ fuerant, ubi a diabolo se abrenunciare dixerant, cui frangendo votum continentiæ quam voverant, se iterum mancipaverunt, patenter innuentes, quia egentes confugerunt ad subsidia Ecclesiæ, non amore continentiæ. Quæ non solum **328** nubere volunt : sed etiam *simul congregatæ discunt circumire domos*. Et hoc ideo quia *otiosæ sunt, et non solum otiosæ, sed etiam verbosæ*, inquirentes rumores urbis. *Loquentes etiam curiose, et cum multo studio ea quæ non oportet*, scilicet quælibet impudica. Et quia propter otium in tantam perniciem delabuntur, ergo propter hoc *volo juniores viduas*, quæ præfixos annos non habent, volo, inquam, eas *nubere, filios procreare, matresfamilias esse, ut habeant quibus intendant*, et non solito modo otientur. Et sic volo eas *non dare ullam occasionem adversario*, id est infideli **C** *gratia maledicti*, id est cui valde gratum est, habere occasionem maledicendi de fidelibus. Propterea malo eas nubere quam recipi in Ecclesia, *jam enim quædam voverunt continentiam conversæ sunt ab eo quod voverunt, euntes retro post Satanam*. Quod si hæc viduæ non inveniunt cui possint nubere, volo quod si qua, vel *si quis fidelis habet has viduas, vel matrem, vel sorores, vel filias, subministret illis, et non gravetur Ecclesia in sustentatione illarum, ut possit sufficere his quæ sunt vere viduæ et desolatæ*.

Dato præcepto de viduis, insinuat quibus modis presbyteri sint honorandi a populo, dicens : Sic præcipe de viduis. Præcipe etiam ut *presbyteri habeantur digni duplici honore*, et spiritali, ut inclinetur eis, **D** et obediatur eorum præceptis, et corporali ut temporalia ministrentur eis sufficienter a subditis. Hi utique presbyteri *qui præsumunt bene*, id est quorum prælatio utilis est subditis, quia vel vacant instructioni eorum, vel orant pro eis. Cumque hic duplex honor omni presbytero debeatur, his tamen *maxime impendatur qui laborant in verbo fidei, docentes quid credere oporteat, et in doctrina*, id est in instructione morum. Duplicem honorem dixit exhibendum esse presbyteris, quorum alterum, id est spiritalem, quia vidit nulla ratione posse negari, ad eum probandum nihil subdidit. Sed alterum scilicet de rebus populi sustentare sacerdotem : quia vidit quosdam avaros hoc negaturos, probat hoc auctoritate Veteris et Novi testamenti, dicens : Sicut præ-

cipio digni habēdi sunt presbyteri, quia dicit Scriptura : *Non alligabis os bovi trituranti* (*Deut. xxv, 4; I Cor. ix, 9*). Mos fuit veteribus (et adhuc est in aliquibus partibus) ut segetes in area positae contererent boves, et cætera docta ad hoc opus animalia; sed tamen proprium bovum hoc erat ut hoc modo contrita messe, grana seligerentur a paleis. De quibus præcepit Moyses ne bovi conterenti in area alligaretur os, sed de eo in quo laborabat licenter comederet, hoc præcipiendo intendens aliud, scilicet ut prædicator triturans in area Domini de labore suo sufficientia sibi suscipere ab illis pro quorum instructione laboraret. Dicit etiam Dominus in Evangelio. « *Dignus est operarius mercede sua* (*Luc. x, 7*), » id est prædicator ab his in quibus instruendis operatur, quæ necessaria sibi sint accipiat. Quia iterum vidit Apostolus quod, presbytero reprehendente vitia sublitorum, quidam male moverentur, volentes depravare vitam presbyteri, ne hoc temere crederetur, ait : Presbyter sic honoretur a subditis, *adversus quem presbyterum noli recipere accusationem factam de crimine, nisi sub duobus vel tribus testibus.*

Quod si de debito, vel de qualibet re sæculari convenitur, respondeat singulis. Nunc utique, quia magis ac magis in deterius lapsi sunt homines, nec multo pluribus testibus, conceditur hodie, ut respondeat presbyter, nisi interpelletur de hæresi. Sub duobus vel tribus testibus respondeant presbyteri. Si autem *peccantes* sint, id est si presbyteri in eo quo arguuntur, peccasse convincantur, *argue eos coram omnibus*, ut sicut crimen eorum, sic pœnitentia criminis omnibus palam sit, ne forte si privatim pœniteant, non pœnitere putentur qui ab omnibus peccasse deprehensi sunt. Ideo coram omnibus argue ut hoc viso *timorem habeant peccandi cæteri sacerdotes*, **329** scientes simili pœna se plectendos, si peccaverint. Vel cæteri, id est subditi, qui viso quanta districtione coerceantur prælati, magis timeant sibi qui sunt subditi. Ne autem aliquos presbyteros contingat sic de peccato convinci (non enim parvum malum est eos in scelere deprehendi, qui forma boni esse debent aliis); ne hoc utique contingat, præcipio ne quem consecres sacerdotem sine præcedenti examinatione. Ut autem hoc mandatum nulla causa prætereas, *obtestor te coram Deo Patre* ut Deus hoc non a me, sed de manu tua requirat, si tamen feceris. *Testor etiam coram Christo Jesu*, qui futurus est iudex omnium, ut in iudicio non me, sed te inde arguat. *Testor etiam coram electis angelis* : ministerio quorum in die iudicii boni separabuntur ab impiis, ut in die illo rei hujus mihi testes sint, nec me ideo repellant a parte piorum. *Testor te*, inquam, *ut hæc quæ dicturus sum custodias*, scilicet nihil facias, id est neminem ad sacerdotium promoveas *sine præjudicio*, id est sine præcedenti examinatione. Præjudicium accipitur hic, quasi præcedens iudicium : sed in canonibus præjudicium præcipitata sententia dicitur. Cumque præmisso ju-

dicio quemlibet examinaveris, si eum indignum sacerdotio per examinationem inveneris, *nihil facias declinando in partem aliam* ab eo quod docuit examinatio : ut quem malum examinando invenisti, postea seductus aliquo modo consecres in sacerdotem. Si vero probatus inventus sit dignum secundum quod modo visum est, tamen *nemini eorum cito manus imposueris*, id est non statim consecres, sed differas adhuc per congruum tempus, ut si forte quid latet in eo quod examinatio facta non invenerit, per dilationem temporis inveniat. Et nihil faciendi sine præjudicio, nec præceps in consecratione alicujus non *communicaveris alienis peccatis*. Si enim non examinares, vel nimis cito consecrasses, particeps esses omnium criminum quæ injuste consecratus committeret in sacerdotio : Utque alios subtiliter examines, digne consecres : *custodi teipsum castum*, id est in omni virtute integrum.

Quia autem de castitate eum admonuit, ob ejus custodiam vino non utebatur : quare et stomachus ejus debilitabatur, ne penitus a vino abstinendum sibi esse crederet, ait Paulus : *Noli bibere aquam adhuc*. Per hoc quod dixit *adhuc*, designavit eum prius uti aqua. Noli bibere aquam, *sed utere non semel, sed in usu habe*. Utere, inquam, *vino* : sed *modico*, id est custodiendo modum, scilicet non propter ebrietatem, sed *propter stomachum tuum*, id est propter morbum crebro stomacho insidentem; *et propter frequentes tuas infirmitates*, id est propter multiplices accessus et æstuationes ejusdem morbi, ut quilibet febricitans morbum quidem semper in se habet, licet modo acrius, modo remissius patitur, sed accedentes æstus febris vicissim patitur, et non semper. Sic iste Timotheus naturam quidem morbi in stomacho jugiter habebat, sed accessus morbi vicissim difficillime patiebatur. Ideo necessaria est examinatio priusquam presbyter consecratur, quia *peccata quædam quorundam hominum manifesta sunt præcedentia ad iudicium*; quia priusquam veniatur ad iudicium vel ad discussionem, præcesserunt discussionem illam quædam peccata illorum qui probandi sunt satis cognita per solam famam. De his autem quæ palam sunt non oportet discutere. *Quosdam autem subsequuntur peccata* discussione facta : quia priusquam de his discussio fieret, occulta erant crimina quæ per discussionem aperta sunt, et propter hæc occulta crimina necessaria fuit discussio. *Similiter* ut de malis quædam *bona facta* eorum qui probandi sunt *manifesta sunt*, et examinatione non egent, et e converso bona eorundem *quæ habent se aliter*, id est quæ non sunt manifesta, *abscondi non possunt* in discussione : ad quæ bona inveniendae opportunum fuit discutere. Et quia sic in quibusdam peccata, in aliis **330** bona facta occulta sunt : ideo necesse est eos qui conscrandi sunt examinare, ut qui mali inventi fuerint, reprehendantur; qui vero boni, promoveantur. Hæc sententia beati Augustini est. Ambrosius autem sic ad proximum verba jungit : *Moneo te uti vino, in*

quo te obedientem esse bonum est : quia licet non omnibus appareat hoc te bene agere, ne ideo reformides : quia verum quidem est quod quædam bona facta manifesta sunt, et quædam facta quæ aliter se habent, id est quæ manifesta non sunt, non possunt abscondi in die iudicii ; ita si modo non videris bene agere utendo vino, quia prius noverunt te omnes abstinere ab hoc ob custodiam sobrietatis, ne cures : quia licet non modo, tamen in die iudicii manifestum erit te bene egisse, dum, mihi obediendo, usus es vino. Quod quædam bona manifesta sint, quædam vero non, apparet per contraria, quia peccata quorundam hominum manifesta sunt præcedentia ad iudicium : quorundam autem et subsequantur, sicut expositum est. Similiter in ordine literæ legitur.

CAPUT VI.

Quicumque sunt sub iugo servi dominos suos omni honore dignos arbitrentur, ne nomen Domini et doctrina blasphemetur. Qui autem fideles habent dominos, non contemnunt, quia fratres sunt : sed magis servant, quia fideles sunt et dilecti : quia beneficii participes sunt. Hoc doce et exhortare. Si quis aliter docet, et non acquiescit sanis sermonibus Domini nostri Jesu Christi, et ei quæ secundum pietatem est doctrinæ, superbus est, nihil sciens, sed languens circa quæstiones et pugnas verborum : ex quibus oriuntur invidiæ, contentiones, blasphemiæ, suspiciones malæ, conflictationes hominum mente corruptorum : et qui veritate privati sunt, existimantium quæstum esse pietatem. Est autem quæstus magnus, pietas cum sufficientia. Nihil enim intulimus in hunc mundum, haud dubium quia nec auferre quid possumus. Habentes autem alimenta et quibus tegamur, his contenti simus. Nam qui volunt divites fieri, incidunt in tentationem et in laqueum diaboli, et desideria multa et inutilia et nociva, quæ mergunt homines in interitum et perditionem. Radix enim omnium malorum est cupiditas : quam quidam appetentes, erraverunt a fide, et inseruerunt se doloribus multis. Tu autem, o homo Dei, hæc fuge. Sectare vero iustitiam, pietatem, fidem, charitatem, patientiam, mansuetudinem. Certa bonum certamen fidei : apprehende vitam æternam in qua vocatus es, et confessus bonam confessionem [fidem] coram multis testibus. Præcipio tibi coram Deo qui vivificat omnia, et Christo Jesu qui testimonium reddidit sub Pontio Pilato, bonam confessionem, ut serves mandatum sine macula irreprehensibile usque in adventum Domini nostri Jesu Christi : quem suis temporibus ostendet beatus et solus potens Rex regum et Dominus dominantium, qui solus habet immortalitatem, et lucem habitat inaccessibilem : quem nullus hominum vidit, sed nec videre potest : cui honor et imperium sempiternum : Amen. Divitibus hujus sæculi præcipe non sublime sapere, neque sperare in incerto divitiarum, sed in Deo vivo, qui præ-

stat nobis omnia abunde ad fruendam, bene agere, divites fieri in bonis operibus, facile tribuere, communicare, thesaurizare sibi fundamentum bonum in futurum, ut apprehendant veram vitam. O Timothee, depositum custodi, devitans profanas vocum novitates, et oppositiones falsi nominis scientiæ : quam quidam promittentes, circa fidem exciderunt. Gratia tecum. Amen. »

EXPOSITIO,

Quia iterum vidit Paulus quosdam servos ad fidem conversos indignari, nec velle servire dominis suis infidelibus, putantes absurdum esse, ut si quis fidelis esset serviret infideli : nec etiam fidelibus dominis, dicentes, cum omnes fideles in Christo **331** fratres sint, debere fieri omnes ejusdem conditionis. Ut malum hujus opinionis refelleret, ait : Sicut prædixi de consecrandis presbyteris observa ; præcipe etiam hoc, ut *quicumque servi sunt sub iugo infidelium dominorum, arbitrentur dominos suos dignos omni honore* ; fide tamen in omnibus custodita. Ideo per jugum infideles signavit, qui difficiliter premebant servos quam fideles domini. Ideo sic dominis subjiciantur, ne, si aliter fieret, *blasphemetur nomen Domini*, dicentes Deum injustum, qui conditiones mutaverit, et servos qui pro peccatis suis seu parentum servi facti sunt, ut Cham filius Noe, cum generatione sua (*Gen. ix, 25*), quia pudenda patris detexit, liberos non fecerit, ideo etiam servant dominis, ne *doctrina*, id est prædicatio sanctorum blasphemetur et contemptibilis fiat, dum quæ sua sunt, dominis auferat. Illi autem servi qui habent fideles dominos, non contemnunt eos quia fratres sunt in Christo ; sed magis, non quod plura debita solvant, sed majori dilectione servant eis, ideo quia fideles sunt, et dilecti a Deo, et quia participes sunt beneficii Dei, id est justitiarum quæ habentur in præsentem, et futuræ beatitudinis. Hos scilicet servos subjectos esse dominis doce eos, qui nesciunt, et exhortare superbos, qui sciunt et servire dedignantur. Si quis vero pseudo aliter docet, servos scilicet non debere servire dominis, et a te prohibitus ne hoc doceat, non acquiescit sanis sermonibus Domini nostri Jesu Christi, et non acquiescit ei doctrinæ quæ est secundum pietatem. Doctrina enim Dei pia est, non mutans conditiones, nulli tollens quod suum est. Etiam ideo pia quia per hoc dominos multum invitatur ad fidem et allicit, quam utique doctrinam, si servos eis auferret, intolerabilem judicarent et abjicerent. Servis etiam per hæc pia est : quia cum pro peccatis suis, seu parentum servi facti sunt, si poenam hanc peccati patienter sustinent, merentur justificari per humilitatem ; si vero renuunt, damnantur per superbiam. Si quis, inquam, aliter docet, nec prohibitus desistit ; hic abjiciatur ut *superbus et nihil sciens, cum se putet aliquid scire*, et omnes homines unius conditionis esse asserat. Nihil, inquam, sciens, sed languens, id est dissolutus et languidus circa quæstiones quas objicit et absolute nescit ; et circa pugnas verborum, id est circa

pugnancia verba, ut illud : « Si vos Filius liberaverit, vere liberi eritis (Joan. viii, 36) : » et illud : « Reddite Cæsari quæ sunt Cæsaris (Luc. xx, 25), » quæ tamen sibi contraria non sunt.

Ex quibus pugnis verborum oriuntur invidiæ, quod domini invident superbientibus servis. Oriuntur etiam contentiones, quia domini contendunt cum servis verbis. Oriuntur etiam blasphemiæ, quia (sicut dictum est) blasphematur inde Deus, et doctrina ejus. Oriuntur etiam malæ suspensiones, quia putant domini quod prædicatores accipiant munera a servis. Oriuntur etiam confictiones hominum prædicantium hoc, quia etiam pugnant cum his qui hoc prædicant. *Hominum* dico, id est perditorum *mente corruptorum*, id est qui corruptum habent intellectum, qui etiam privati sunt omni veritate verborum.

Hominum dico adhuc existimantiam pietatem, id est Christianam doctrinam esse quæstum, id est qui ex doctrina sua putant licere sibi per hoc congregare divitias, sed falso putant, quia pietas non est quæstus temporalium, sed est quæstus magnus, id est magnæ et incomparabilis rei pietas, cum sufficientia, id est cum victu et vestitu, quod cuique sufficere debet. Ideo quia nos nudi nati nihil intulimus in hunc mundum, et haud dubium est quin exeuntes de mundo non possumus auferre quid inde. Ne autem, quia se nudos dixerat intrare mundum, nudosque reverti, putaret in nuditate conversandum esse in mundo. Contra hoc ait : Licet nihil intulerimus in mundum : tamen dum in eo manemus simus habentes alimenta et indumenta quibus tegamur : non in quibus luxuriemus, et his alimentis et tegumentis sumus contenti : ideo quia videmus **332** eos qui volunt divites fieri quod incidunt in tentationem animi, et per hanc in laqueum diaboli, id est in opus tentationis. Postquam etiam divites facti sunt, incidunt in multa desideria : cupiunt enim domos et prædia. Desideria dico inutilia : nec solum sine utilitate, sed etiam nociva : quia mergunt homines desiderantes in interitum, et post mortem in æternam perditionem. Vere hæc desideria sic mergunt homines. Nam cupiditas est radix omnium malorum : non quod singula mala fiant per cupiditatem pecuniæ, sed nullum genus est mali, in quo genere non sit factum aliquod malum per cupiditatem divitiarum. Quam cupiditatem quidam appetentes, erraverunt a fide : negantes Deum desiderio divitiarum, quas ut cupide auferent, inseruerunt se multis doloribus, vexantes corpora sua et animas, per mare, per terras. Qui cupiditati vacant, errant.

Sed tu, o homo Dei, Timothee, fuge hæc desideria, hæc fuge, sectare vero justitiam, erogando tua indigentibus proximis, quod cupiditas nunquam facit. Sectare etiam pietatem, quia si tam rara habes, ut non inde possis dare proximo sine tua indigentia (quod faceres justitia non te cogeret), impertire tamen ei ex pietate. Sectare etiam fidem, quam quidam negaverunt propter cupiditatem. Sectare etiam charitatem, id est dilectionem Dei et proximi. Se-

ctare etiam patientiam, id est patienter sustine, si quis tua rapuerit. Sectare etiam mansuetudinem, id est noli litigare sicut cupiditas facit. Sectare hæc, et certa certamen : frequentiam notat. Certamen dico fidei, quod bonum et utile est pro fide Christi certare : et apprehende vitam æternam, in quam habendam vocatus es de infidelitate per gratiam. Confessus es etiam (dum in episcopum consecraberis) coram multis testibus, qui te tecum consecrabant, confessionem, a qua recedere non debes : quia bona, id est utilis est tibi et subditis, si in ea perseveraveris. Monui superius ut cupiditatem fugeres, et contraria cupiditati sectareris, quod ut facias non solum moneo, sed et præcipio tibi, faciens cum admonitione mandatum : ut si hoc transgrediaris, reus inobedienciæ convincaris. Præcipio, inquam, tibi hæc coram Deo Patre, ut nihil Deus amplius requirat de manu mea, qui Deus vivificat omnia. Vide ergo ut (implendo quæ præcipio) vivas in eo per quem vivunt omnia. Præcipio etiam tibi hoc coram Christo Jesu, qui judex omnium nihil horum a me requirat in die iudicii, qui Jesus reddidit testimonium sub Pontio Pilato. Cum enim interrogaretur a Pilato : Filius Dei es tu ? respondit : Tu dixisti : quia revera Filius Dei ego sum (Matth. xxvii, 14) : sic et tu, Timothee, confitere Christum, etiam si tormenta vel mors immineat.

Reddidit, inquam, testimonium, scilicet confessionem bonam, id est utilem, quid enim tam utile ad redemptionem quam et quod fuit, et confessus est se esse Filium Dei ? Profecto si negasset, non crucifigeretur, nec genus humanum redimeret : et ideo utile fuit confiteri quod esset Filius Dei. Pilatus a Ponto insula Pontius vocabatur. Quia nec hæretici invertere possent dictum esse de alio Jesu, vel alio Pilato : multi enim tunc Jesus dici poterant, ideo Paulus addidit Pontio. Præcipio, inquam, ut serves hoc mandatum quod amplius sine culpa præterire nequis. Mandatum dico sine macula, quia in nulla parte doctrinæ meæ maculatio aliqua potest inveniri : sed in doctrina hæreticorum licet aliquid bonum præmittatur, ut sic melius fallant, macula tamen cito invenitur inserta. Mandatum dico non solum sine macula, sed etiam irreprehensibile : quia nec occasio reprehendendi inde potest concipi, si quis sane attendat. Servas dico usque in adventum Domini nostri Jesu Christi, id est usque in diem mortis tuæ : quando enim moritur quis fidelis, eo die dicitur Deus ad eum venire, quia tunc recipit eum Deus in gloria, quem, quasi alienum a se in miseris mundi dum viveret, dereliquerat : quandiu **333** enim justus detinetur in mundo, videtur Deus non venire ad eum, quia ibi permittit eum affligi, sed cum justus carne solvitur, venire Deus ad eum dicitur, cujus animam suscipit in requie. Diceret fortassis Timotheus : Sustinerem Deum, si non tardaret ejus adventus. Contra hoc ait Paulus : Bone vir, sustine : quia quem adventum ostendet Deus suis, id est, congruis temporibus : quando enim

tempus idoneum viderit, adveniet tibi. Causam ponit quare sustinere debeat dicens : Servare debes hoc, donec Deus adveniat, quia ille *beatus* beatitudinem dabit tibi si sustineas : et ille *solus potens* potentem te faciet super omnes persecutores. Rex etiam *regum* regem te faciet : quia nec persecutorem, nec tentationem cum eo positus timebis : qui etiam *Dominus est dominantium* : et faciet te dominari inimicorum tuorum.

Nota quod quidam potentes sunt, nec tamen dominantur aliorum. *Qui Deus solus habet immortalitatem*, id est immutabilitatem : quia semper in eodem statu permanet : qui etiam *habitat lucem*. Loquitur de Deo a similitudine illius qui habitaret in splendida regione. Habitat, inquam, lucem : quia omnis vera lux habitat in eo. Lucem dico *inaccessibilem*, id est ad quam lucem intelligendam nullus accedere potest : quod ipse determinat, dicens *inaccessibilem*, ideo, quia quam lucem in Deo, vel quem Deum in luce, *nullus hominum* secundum hominem vidit, sed nec de futuro secundum quod homo est *videre potest* : cui Deo est gloria secundum deitatem ; honor, secundum hominem ; imperium, secundum iudicium quo iudicat, et iudicaturus est omnes. Imperium dico duraturum in *sempiternum* : et quod opto ut sit ei gloria et honor, *Amen*, id est certe ita erit et deesse nequit. Nota quod dicit Nullus hominum Deum vidit : in eo quod homo est accipi debet : quia et Paulus raptus est ad tertium cœlum, ubi audivit quæ non licebat audire homini : cum tamen Paulus et antequam raperetur, et post, homo fuerit. Et cum de Joanne evangelista idem factum sit, ideo homo secundum quod est homo, lucem Deitatis videre non sufficit : quia anima hominis incarcerata deprimitur in carne, ideoque nec aliquid videre potest, vel cogitare, nisi excitata aliquo corporeo sensu, visu, vel auditu, vel huiusmodi. Quia si quando anima in carcere carnis clauditur, nequit facere quidquam ; si non excitetur per corporeos sensus : de quibus planum est, quod vix parum de Deo intelligunt : credendum est quod nec anima hominis, quando in homine est, in cognitione Dei corporeos sensus excedit. Si autem anima Pauli, seu Joannis, de Deo vidit quod videre homini non licuit, credi oportet quod vel anima ejus penitus illa hora corpus deseruit, vel si in corpore mansit, omnes sensus corporis excessit, et secundum hæc extra hominem fuit : quia tunc temporis quasi mortui fuere corporei sensus. Unde visiones magis dormientibus ostenduntur quam vigilantibus. Dum enim

A homo dormit, corporei sensus nihil tunc sentiunt : anima vero tunc sola vigilat.

Quia superius dixerat Paulus : Habemus alimenta et indumenta quibus tegamur ; ne ideo Timotheus arbitraretur pauperes tantum recipiendos, divites vero ab Ecclesia repellendos, contra hoc ait : Licet alimentis et tegumentis contentos nos esse debere dixerim, ne tamen abjicias divites, sed *divitiis hujus sæculi præcipe non sapere sublime*, id est non propter divitias superbire ; *neque sperare in incerto divitiarum*, id est in incertis divitiis, quasi qui hodie habet, cras fortasse non habiturus est, *sed sperare in Deo* ; et causam subdit quare : *qui Deus præstat nobis omnia abunde* : non solum ad utendum, sed etiam *ad fruendum*, id est, cum jucunditate utamur illis. Frui dicimus de re quæ suavis est et utilis : uti vero de re, quæ, licet utilis sit, amarum tamen usum habet ; ut plures potationes quæ amarum gustum habent, et utiles sunt. Præcipe etiam divitiis *bene agere* : eosque *feri divites in bonis operibus* : quæ auro et argento potiora **334** sunt. Præcipe etiam *facile tribuere* sua pauperibus ; nec hoc solum, sed etiam in bonis suis *communicare* pauperibus, ut divitias non magis faciant proprias sibi, quam egenis ; et sic distribuendo sua, præcipe illos *thesaurizare sibi fundamentum*, id est virtutes in quibus firmiter fundati sint. Qui enim hodie castus est, cras incestus, hic quasi in lubrico et non in fundamento eam habuit. Fundamentum dico *bonum*, id est utile, *in futurum* ; ad hoc ut *per illud apprehendant vitam æternam* qui hic in virtutibus fundati sunt. Ut autem de divitiis et de omnibus quæ præcepti sanam observantiam faciatis, ideo, *o Timothee, custodi depositum*, id est commissum et creditum tibi donum Spiritus sancti. Utque bene custodias, esto *devitans novitates*, id est alternas æquipollentiæ vocum fidei nostræ : quia profanæ sunt. Hæretici enim voces quibus fidem Dei confitemur, mutant, ponendo æquipollentes : donec sensim per has æquipollentias incautum fidelem deceiverint : quare præcipit novitates vocum devitare. Devita etiam *oppositiones*, id est disputationes sophistarum. Oppositiones dico *scientiæ* quæ est *falsi nominis* : falso enim vocatur scientia, quia vero nomine vocaretur insipientia. *Quam falsam scientiam quidam promittentes*, id est jactantes se habere, *exciderunt circa fidem*, id est perierunt : qui noluerunt ingredi ad fidem. Et ut hoc depositum custodias, *gratia Dei sit tecum, Amen*, id est ita certe erit ; vide tamen ut perseveres.

ARGUMENTUM IN EPISTOLAM SECUNDAM AD TIMOTHEUM.

Item Timotheo scribit de exhortatione martyrii, et omnis regulæ veritatis : et quid futurum sit temporibus novissimis : et de sua passione, scribens ei ab urbe Roma.

PROLOGUS B. BRUNONIS IN EAMDEM.

Præmissa Epistola a Roma missa dicitur esse Timotheo a Paulo. Quia si primam constat, quia et a

Roma hanc secundam misit. Postquam enim Paulus Romam venit, inde non discessit donec pro Christo

martyrium sustinuit. Hanc iterum Paulus cum esset Romæ in vinculis Timotheo rescripsit. Audierat quidem de eo multa bona, sed tamen aliquantulum remissum: et timore passionum et mortis, non (sicut deberet) prædicationi instantem: quare in hac Epistola agit ad eum de passionibus et morte: præten-

A dens passiones suas illi cum passionibus Christi et morte: ostendens quantus fructus de passionibus his proveiat: easque multis modis commendat ei: eo fine ut sic exhortatus, paratus sit pati et mori pro Christo; et quasi morti ultro se ingerens, omni instantia prædicet verbum Dei.

EPISTOLA II AD TIMOTHEUM.

CAPUT PRIMUM.

Paulus apostolus Jesu Christi per voluntatem Dei, secundum promissionem vitæ, quæ est in Christo Jesu: Timotheo charissimo filio gratia et misericordia et pax a Deo Patre et Christo Jesu Domino nostro. Gratias ago Deo meo cui servo a progenitoribus meis in conscientia pura [bona], quod sine intermissione habeam tui memoriam in orationibus meis, nocte ac die: desiderans te videre, memor lacrymarum tuarum, ut gaudio implear. Recitationem accipiens ejus fidei quæ est in te non ficta, quæ et habitavit primum in avia tua Loide, et matre tua Eutice [at., Eunice]; certus sum autem quod **335** et in te. Propter quam causam admoneo te, ut resuscites gratiam Dei quæ est in te, per impositionem manuum mearum. Non enim dedit nobis Deus spiritum timoris, sed virtutis, et dilectionis, et sobrietatis. Noli itaque erubescere testimonium Domini nostri, neque me vinctum ejus, sed collabora Evangelio secundum virtutem Dei: qui nos liberavit et vocavit vocatione sua sancta: non secundum opera nostra, sed secundum propositum suum et gratiam, quæ data est nobis in Christo Jesu ante tempora sæcularia. Manifestata est autem nunc per illuminationem Salvatoris nostri Jesu Christi, qui destruxit quidem mortem, illuminavit autem vitam et incorruptionem per Evangelium: in quo positus sum ego prædicator, et apostolus, et magister gentium. Ob quam causam etiam hæc patior, sed non confundor. Scio enim cui credidi, et certus sum quia potens est depositum meum servare in illum diem. Formam habeo [habens] sanorum verborum quæ a me audivisti in fide et in dilectione in Christo Jesu. Bonum depositum custodi, per Spiritum sanctum qui habitat in nobis. Scis enim hoc, quod aversi sunt a me omnes qui in Asia sunt, ex quibus est Philetus et Hermogenes. Det misericordiam Dominus Onesiphori domui: quia sæpe me refrigeravit, et catenam meam non erubuit: sed cum Romam venisset, sollicitè me quæsivit, et invenit. Det illi Dominus invenire misericordiam a Domino in illa die: et quanta Ephesi ministravit mihi, tu melius nosti. »

EXPOSITIO.

Paulus, etc. Paulus apostolus Christi esse per voluntatem Dei, sicut in præcedenti expositum est. Apostolus dico secundum promissionem vitæ. Pro-

B missa est utique vita legitime certantibus: quam promissionem bene sequor, legitime certans. Tu vero animatus sequere mecum *promissionem vitæ*: non præsentis, sed ejus vitæ quæ est in Christo Jesu, id est æternæ. Si enim legitime certamus, vitam æternam utique habebimus. Paulus scribit hæc: *Timotheo charissimo filio: sint tibi gratia, misericordia et pax a Deo Patre et Christo Jesu Domino nostro*, sicut supra exposuimus. Hic in primis blanditur ei Paulus, ut sic melius inducat eum in id quod suadere nititur dicens: *Gratias ago Deo cui ego servo edoctus a progenitoribus meis*, id est ab Abraham, Isaac et Jacob. Hic enim Paulus de tribu Benjamin. *Servo dico in pura conscientia*: in nulle enim conscientia mea carpit me; sic et tu puram habe conscientiam, et sic servare poteris commissam tibi gratiam. De hoc utique *gratias ago*, quod habeam memoriam tui sine intermissione in orationibus meis, id est, quia Deus te talem fecit, cujus me velit et dignum sit semper esse memorem: ita quod nec semel orare possum sine tui memoria, *nocte ac die*, id est continue, *desiderans videre te*. Si enim te viderem, non utique me præsentem formidares mortem. Ego dico *memor tuarum lacrymarum*, quas effudisti: quia in pace te dimitterem Ephesi. volentem mecum transire et sustinere vincula et mortes. Vide ut sicut me præsentem, sic modo, visa epistola mea, ultro te ingeras passionibus et morti. Ideo utique *te videre desidero, ut implear gaudio*. Si enim præsens essem, mortem utique non formidares: de quo plurimum gauderem. Accipiens etiam *recitationem ejus fidei quæ est in te non ficta*, id est non inventitia, vel non fragilis: *quæ fides habitavit et jam primum in avia tua Loide, et in matre tua Eunice*. Quia si in progenitricibus tuis et in muliebri sexu exemplum habes fidei, quasi jam naturalis sit tibi, debes utique per hoc plurimum fervere in fide. *In matre et in avia tua fides fuit. Certus autem sum quod etiam in te habitat fides: sed utinam ferveret!*

Propter quam causam, quia et fidem et exemplum fidei, quasi naturale in te video, *admoneo te, ut gratiam Dei quæ est in te per impositionem manuum mearum* (cum enim te consecrarem episcopum per impositionem manuum mearum, gratiam Spiritus sancti accepisti); volo utique ut illam gratiam aliquantulum in te sopitam *resuscites*, id est evigiles: et æstuante illa gratia in te, gaudeas pati et mori pro

336 nomine Christi. Memor illius : quia *Deus dedit nobis Spiritum sanctum : non spiritum timoris sed virtutis*, id est constantiæ : ut virtuose tolereremus omnia ; et spiritum dilectionis Dei. Dedit etiam spiritum sobrietatis, id est temperantiæ. Temperantia enim nutrit dilectionem, dilectio virtutem : ubi enim dilectio, ibi profecto non est timor. Perfecta enim charitas foras mittit timorem. Vide ergo ut, sicut socius mihi fuisti suscipiendi gratiam Spiritus sancti, sic imitator sis passionum mearum. Et quandoquidem spiritum virtutis et dilectionis mecum accepisti : itaque *noli erubescere testimonium Domini nostri Jesu Christi*. Quia si improperatur tibi quod crucifixum adores, confitere plane quia sic adoras. *Neque etiam erubescas me vinctum ejus*. Quia si quis iterum improperat : Ecce magister tuus in vinculis damnatus est ; ne ideo verecunderis, *sed collabora Evangelio et prædica mecum secundum virtutem Dei*, id est, sequendo constantiam quam dilectio Dei nutrit : *qui Deus liberavit nos a jugo diaboli, et vocavit nos vocatione sua sancta*, id est ad hoc ut essemus sancti. Et ad hanc sanctitatem non vocavit nos merito operum nostrorum, *sed secundum propositum suum*, id est secundum provisionem suam qua nos misericorditer prævidit idoneos sibi futuros : et sicut vocatio, sic nec provisio fuit ex aliquo merito, sed secundum gratiam, quæ data est, id est quæ præordinata est nobis dari in Christo Jesu ante tempora sæcularia, id est ab æterno ante hæc tempora nostra, quæ voluntur per sæcula. Olim promissa fuit hæc gratia dari nobis. *Nunc autem in tempore Christi manifestata*, id est impleta est, sicut promissa fuerat *per illuminationem Salvatoris nostri Jesu Christi*, id est per Christum in lumine cognitionis nostræ positum per assumptam sibi humanitatem.

Ad quod forte diceret Timotheus : Nolo mori, sed manere in hac illuminatione. Contra hoc Paulus ; Ne timeas mori ; quia Christus moriendo quidem destruxit mortem, et etiam destructa morte illuminavit, id est revelavit et cognitam fecit, vitam non transitoriam, sed incorruptionem, id est vitam incorruptibilem, in qua impassibiles et immortales erimus. *Illuminavit dico per Evangelium suum : in quo Evangelio prædicando ego positus a Deo prædicator, et apostolus, et magister gentium* : quem pro tot auctoritatibus justum est, ut non erubescas imitari. *Ob quam causam*, id est quia hoc Evangelium docui gentes, passus sum multa. *Hæc etiam vincula nunc patior : sed tamen non confundor*, id est non erubescas, sed gaudeo pati pro Christo ; sic et tu ne erubescas. Ideo patiens non confundor : quia scio cui credidi, id est in quo fidem habui : scilicet in Deo. Vel ita : *Scio cui credidi*, id est cui commisi passiones meas et opera : *et certus sum de mercede horum ; quia ille cui commisi potens est depositum, id est commissum, meum servare usque in illum diem remunerationis omnium*. Et quia vides quod Deus custodit quod penes eum deponitur, tu igitur exem-

plo illius custodi depositum, id est episcopalem gratiam tibi commissam. Hoc enim depositum bonum, id est utile, est, si custodiat. Neque hoc viribus tuis custodire te posse opineris, sed per coadjuvantem Spiritum sanctum qui habitat in nobis. Utque depositum bene custodias, *esto habens formam sanorum verborum, quæ a me audisti*, id est adeo expresse conformare mihi, ut videaris esse Paulus. Formam meam utique habe in fide conservanda et in dilectione habenda : quæ fides et dilectio sunt in Christo Jesu. Plurimum autem necesse est ut tu depositum custodias : eo quod aversi sunt a me omnes discipuli, qui, me relicto, sunt in Asia : et hoc idem tu bene scis : ex quibus est Philetus et Hermogenes.

Hos ideo determinat sibi ex nomine, ne si venient ad eum, putans adhuc eos fideles, facilius possent suadere ipsi, et quasi ex parte Pauli fallere. Ephesus enim in Asia erat. Hi aversi sunt a me, sed Onesiphorus permansit : et ideo det Dominus non soli, sed etiam domui Onesiphori misericordiam, id est retributionem misericordiæ quam mihi **337** fecit : quia sæpe refrigeravit me, et in fide consolando, et necessaria ministrando : et non erubuit catenam meam. Vide ne et tu erubescas : sed amplectaris. Non utique erubuit : sed cum venisset Romam, sollicitè quæsit me, et quæsitum invenit. Et quia me invenit, det illi Dominus Pater invenire misericordiam, id est fructum hujus misericordiæ, a Deo, id est a Christo iudice, in illa die, iudicii. Romæ in vinculis sic ministravit. Quanta etiam Ephesi ministravit, tu nosti melius, quam hæc quæ modo ministravit : vel, melius quam alii discipuli.

CAPUT II.

Tu ergo, fili mi, confortare in gratia, quæ est in Christo Jesu : et quæ audisti a me per multos testes, hæc commenda fidelibus hominibus, qui idonei erunt et alios docere. Labora sicut bonus miles Christi Jesu. Nemo militans Deo implicat se negotiis sæcularibus, ut ei placeat cui probavit. Nam et qui certat in agone, non coronatur nisi legitime certaverit. Laborantem agricolam oportet primum de fructibus accipere [percipere]. Intellige quæ dico . dabit enim tibi Dominus in omnibus intellectum. Memor esto Dominum Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans : sed verbum Dei non est alligatum. Ideo omnia sustineo propter electos : ut et ipsi salutem consequantur, quæ est in Christo Jesu cum gloria cælesti. Fidelis sermo. Nam si commortui sumus, et convivemus : si sustinemus, et coregnabimus : si negaverimus, et ille negabit nos : si non credimus, ille fidelis permanet, negare seipsum non potest. Hæc commune [commone] iustificans coram Deo. Noli contendere verbis, ad subversivum audientium. Sollicite autem cura te ipsum

probabilem exhibere Deo operarium inconfusibilem, recte tractantem verbum veritatis. Profana autem et vaniloquia devita. Multum enim proficiunt ad impietatem, et sermo eorum ut cancer serpsit. Ex quibus est Hymenæus et Philetus, qui a veritate exciderunt, dicentes resurrectionem esse jam factam, et subverterunt quorundam fidem. Sed firmum fundamentum Dei stat, habens signaculum hoc: cognovit Dominus qui sunt ejus, et discedit ab iniquitate omnis qui invocatur [nominatur] nomen Domini. In magna autem domo non solum sunt vasa aurea et argentea, sed et lignea et fictilia: et quædam quidem in honorem, quædam autem in contumeliam. Si quis ergo emundaverit se ab istis, erit vas in honorem sanctificatum et utile Domino ad omne opus bonum paratum. Juvenilia autem desideria fuge: sectare vero justitiam, fidem, spem, charitatem et pacem, cum his qui invocant Dominum [nomen Domini] de corde puro. Stultas autem et sine disciplina quæstiones devita, sciens quod generant lites. Servum autem Domini non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati: ne quando det illis Deus poenitentiam, ad cognoscendam veritatem, et respiciant a diaboli laqueis, a quo captivi tenentur ad ipsius voluntatem.

EXPOSITIO.

Quia propter aversionem quorundam magis necessarius es: quia etiam exemplum perseverantium de fortitudine admoneris: ergo tu, fili mi Timothee, confortare, id est fortis esto, non paveas. Confortare, inquam, in gratia quæ est in Christo Jesu, id est in pontificali doctrina, cujus gratiam contulit tibi Deus. Vel, confortare in gratia, id est in remissione peccatorum, et vita æterna prædicanda. Hæc enim est gratia quæ est per Jesum Christum. Utque confortatus magis proficias, hæc quæ tibi docenda commendo, commenda et tu fidelibus, id est constitue sub te prædicatores, qui tecum prædicent populo Dei: hi autem sint sanæ fidei: cumque sint fideles, oportet esse tales qui erunt idonei et scientia et gratia eloquentiæ docere alios sibi commissos. Talibus, inquam, commenda hæc quæ tu audisti a me, id est quæ ego doctui te, approbando ea per multos testes, id est per multa testimonia legis **338** et prophetarum. Quod enim te de fide Christi docui, totum in lege et prophetis præsignatum ostendi. Ne forte Timotheus putaret se modo posse quiescere, constitutis sub se prædicatoribus, contra hoc ait Paulus: Licet quosdam ut doceant alios præfeceris, ne tamen ideo tu torpeas: sed labora sicut miles Christi Jesu, id est memor esto te militare in castris Christi. Labor autem congruit militanti, non otium. Labora sicut miles bonus, id est utilis. Quomodo bonus determinat in sequentibus, dicens: Si miles bonus fueris, sæcularibus negotiis non implicabis te. Nemo enim

A militans Deo, implicat se sæcularibus negotiis, id est non intendit discussionibus sæcularium causarum, sed spiritualium. Habet enim mundus sæculares judices, qui judicant de temporalibus. Episcopi autem vacare debent doctrinis spiritualibus. Vel ita: Militans Deo non se implicat negotiis sæcularibus, ut in prædicatione sua negotietur et vendat eam, requirens ideo pretium ab auditoribus. Ideo militans Deo, se non implicat his ut placeat ei, scilicet Deo, cui bene vivendo bonam existimationem de se præbendo, per anteactam vitam probavit se placiturum. Probat ab eo quod minus est, militans Deo non implicat se mundanis, et sic placeat Deo. Nam etiam (quod minus est) ille qui certat in agone, id est in certamine aliquo, ut in palæstra vel in stadio, hic nisi certaverit legitime, id est secundum legem ejus certaminis, non coronatur, id est non accipit laudem vel bravium.

Ne modo opinaretur Timotheus quia interdixerat ei negotia sæcularia, nihil in temporalibus accipiendum esse a subditis, ait Paulus: Licet interdixam tibi sæcularia negotia, tamen volo te accipere de fructu prædicationis temporalia. Te enim laborantem in cultura Dominici agri oportet accipere de fructibus illius agri, id est temporalia quæ ager, id est populus, dare potest. Accipiat, inquam, primum de fructu quod sibi sufficiat: et si superabundat, secundo accipiant pauperes. Vel primum, id est multum inde accipiat: quia res quam ministrat, plurimum digna est. Accipere autem de prædicatione quod sufficiat, non est negotium sæculare. Vel ita jungamus: Dico non implices te sæcularibus, nec necesse tibi est; quia de fructibus prædicationis in qua laboras, accipies quæ opportuna fuerint tibi. Quod æquipollenter ait, ne forte Timotheus absurdum judicaret vivere de prædicatione: quia Paulus non ita, sed de manuum labore viveret. Ait Paulus: Ea quæ dico, id est te de fructu prædicationis opportuna accipere, intellige causam quare non accipiam quod jubeam te accipere. Hujus rei causam dicunt esse sancti, quod quia Timotheus infirmus erat, et si, laboraret manibus, prædicationi non posset insistere: Paulus autem, fortis et laboriosus, erat ad utrumque sufficiens, ideo ipse nihil accipiebat, et ideo accipere Timotheum volebat. Poteris utique causam hanc intelligere: quia Dominus dabit tibi intellectum, et in hac re et in omnibus. More boni militis labora sicut præmonui. Et ut ita labores, memor esto resurrectionis Christi: et te cum eo (si bene laboraveris) resurrectorum. Spem, inquam, habens resurgendi, memor esto Christum Jesum resurrexisse a mortuis. Solus Christus a mortuis resurrexit: quia postea nec actum mortalitatis habuit, nec mori potuit: sed Lazarus et quicumque resuscitati, mortem iterum passi sunt.

Diceret fortassis Timotheus: Quia Deus fuit, et potuit resurgere. Contra hoc Paulus: Resurrexisse dico Jesum ex semine David, id est secundum quod

horro fuit; quia secundum carnem solum filius David fuit. Resurrexit utique *secundum Evangelium meum*, id est secundum quod ego prædico; cui erendum est, quia apostolus a Deo missus sum. Vel ita: Ex semine David fuit Christus secundum Evangelium meum: *in quo* quia resurrexit, prædicando ego *labore usque ad vincula*. Propterea enim quia sic prædico, in vinculis positus constringor, *quasi male operans*, **339** id est quasi deprehensus in aliquo crimine. Quasi diceret: Et pœnam patior, et (quod amplius gravat) opprobria. Si enim putarent me pati pro iustitia, solatio mihi fieret. Et ego quidem in vinculis teneor: *sed verbum Dei non est alligatum*: quia etiam in vinculis prædico. Vide igitur, ne et in timor alliget *verbum Dei*. Memor esse debes Christum surrexisse: quia *ideo* quod memor sum, scilicet resurrectionis illius, *crede* me resurrecturum: per eum, *sustineo omnia* vincula et opprobria. Diceret aliquis: Etiam si hæc non sustineres, munditia vitæ et fides sana sufficeret. Contra hoc ait: *Sustineo utique propter electos Dei salvandos: ut et ipsi prælecti a Deo consequantur salutem*, id est justificationem a peccatis in præsentia, *quæ salus est in Christo Jesu*. Consequantur, inquam, hanc salutem *cum cælesti gloria*: quia per remissionem peccatorum, *quæ hic fit*, pervenitur ad æternam gloriam. Illic autem *sermo* quem dixi, laborandum scilicet esse spe resurrectionis, *fidelis* est et bene credibilis. Fidele est utique et bene credibile: quod si legitime laboras, resurges quemadmodum Christus. *Nam si sumus commortui*, derelinqentes actus veteris hominis Adæ, *convivemus* etiam cum ipso, facti impassibiles et immortales ut ille; Christus utique quandiu in mundo conversatus est, actus omnes veteris hominis (præter peccatum) habuit. Esurivit enim (Matth. iv), sitiivit (Joan. xix), fatigatus est, ut patet in Evangelio Joannis (Joan. iv, 6), ad puteum cum Chananzæ (Joan. iv) loquens qui vere mortalis et passibilis erat. Sed postquam mortem pro omnibus pertulit, neque manum, neque pedem, ad actus veteris hominis extendit: factus impassibilis et immortalis. Si vero nos commorimur ei in baptisate, quod in cruce ad justificationem hominum consecravit, effundens aquam de latere suo, ut iustificati per baptismum ulterius ad actus veteris hominis, id est ad miseras

negare enim Dei est bona æterna non tribuere. Diceret fortassis Timotheus: Incredibile videtur, quod Deus propter peccatum abneget eum qui fidei confessus sit. Contra hoc Paulus: Si non credimus quod negantem se sit negaturus Deus, *ille tamen permanet fidelis*, id est verax et credibilis, qui ait: « Qui erubuerit me coram hominibus, ego erubescam eum coram Patre meo (Luc. ix, 26). » Sic autem permanet fidelis, quod impossibile est eum non veracem esse. *Non enim potest negare seipsum*, id est se esse Deum: si enim mentiretur, utique Deus non esset. *Hoc*, scilicet, ut commoriaris Christo, et sic doceas alios spe convivendi ipsi, *commoneo, te testificans*, hoc tibi *coram Deo*, ne amplius requirat Deus sanguinem Timothei de manu Pauli. Et licet te tanta restrictione commoneam, tamen *noli contendere verbis*, immoderate docendo quod doceo. Vel ita: *Hoc*, id est commoriendum esse Christo spe convivendi, *commoneo* alios, testificans *hæc* eis coram Deo: ne sanguis eorum de manu tua requiratur. Et in commonendo *noli contendere verbis, ad nihil enim utile est litigare, nisi ad subversionem audientium*. Si enim insipientes audiant quoslibet litigare, eos qui magis clamosi sunt, putant justiorum causam habere. Stultorum est enim stultis ad hæerere. Si vero neuter litigantium clamore superaverit, **340** dubitant simplices, uti magis adhaerendum sit. *Noli contendere: sed sollicitè cura exhibere teipsum totum, et corpore et animo probabilem*, id est laudabilem Deo. Ut autem sis probabilis, oportet te esse *operarium inconfusibilem*: quod non erubescas prædicare crucem Christi, etc. Et *recte*, id est sine contentione, cum omni modestia, *tractantem verbum veritatis*. Ut autem recte queas tractare verbum Dei, *devita profana*, id est illa penitus abominanda. Devita etiam *inani loquia*, id est quæ si non ita profana sunt, inutilia tamen sunt. Devita ideo, *quia hæc inania verba multum proficient ad impietatem persuadendam: et sermo eorum, inania loquentium, serpit paulatim ut cancer*, qui morbus paululum carnis primum occupat, sed paulatim magis ac magis augmentatur, donec occidat. Et sic hæretici prius callide iuducunt, quod nec prodesse nec nocere videatur, et dehinc alternando rationes, sensim in maximam hæresim excrescit doctrina eorum. *Ex quibus vaniloquis est Hymenæus, et Philetus, qui exciderunt a veritate fidei*.

Determinat quæ sit hæresis eorum, ut si forte venerint ad Timotheum, præcaveat sibi: *dicentes resurrectionem jam esse factam*, vel in his qui cum Christo surrexerunt, vel in baptismo, in quo a morte peccati ad vitam virtutum resurgimus. Illa enim trina immersio, sepulturam Christi trium dierum: elevatio vero, resurrectionem Christi significat. Et sic dicentes *subvertunt fidem quorundam*. Sed licet illi subvertant, tamen *fundamentum Dei*, id est in quibus fides bene fundata est, et qui e converso in fide per Deum fundati sunt: hoc, inquam, *fundamentum est firmum habens signaculum*. Hoc dictum

est a similitudine strenui ducis, qui signum dat militibus suis, quo discreti fiant ab aliis. Sic Deus signat suos ut, viso signo, diabolus prætereat eos, sciens nihil sibi esse cum illis. Signum autem hoc est : *Cognovit Dominus qui sunt ejus*; hoc Paulus ex parte sua ponit, significans electionem Dei in justis, dicens : *Dominus cognovit* ab æterno qui futuri sunt *ejus*. Hoc autem sequens Isaiam ait. Agens de potestate liberi arbitrii dicens : *Discedat omnis homo qui potens est per libertatem arbitrii et qui invocat nomen Domini fide et opere, ab iniquitate*. Divina electione et libero arbitrio, quod per bona opera occurrit divinæ electioni. His duobus signati sunt, qui in justitia sunt permansuri. Deus enim sic unumquemque electum prævidit futurum bonum, ut et opera bona simul in eo prævideret. Quicumque autem electione Dei et bonis operibus liberi arbitrii signantur, Dei fiunt. Ne tamen ideo mireris, si in domo Dei hoc fit, ut quidam a fide recedant : alii in fide perseverent : quia etiam in qualibet magna domo non solum sunt vasa aurea et argentea : sicut in domo Dei quidam sunt perfectiores, alii perfecti sub illis ; sed etiam sunt in eadem domo lignea vasa et fictilia : sicut in domo Dei quidam mali, alii deteriores. Et quædam quidem eorum vasorum sunt in honorem, in quibus potiones bonæ reconduntur. Quædam autem sunt in contumeliam : ut ad recipiendum urinam, et hujusmodi : tamen sicut honorabiliora vasa in domo sunt necessaria, eodem modo vasa contumeliosa. Sic in Ecclesia Dei mali et boni utriusque modo suo necessarii sunt. Si enim mali non essent, non esset meritum honorum. Si enim non sit persecutio, ubi patientia honorum ?

Quoniam quidem vasa aut in honorem sunt, aut in contumeliam : et nihil ibi medium est : ergo si quis mundaverit se ab istis, id est si quis non fuerit vas in contumeliam, erit vas in honorem Deo. Vas dico sanctificatum, id est justificatum a peccatis et etiam utile Domino : quia paratum est ad omne opus bonum faciendum. Profana devota : nec hoc solum : sed etiam fuge desideria juvenilia, id est quæ lubricam juventutem instimulant. Hæc fuge, sectare vero justitiam, id est æquitatem ad omnes. Fidem in Deum : castitatem carnis et animi. Pacem, id est concordiam, 341 habeto cum his qui de puro corde invocant Dominum. Nec solum juvenilia fugias, sed etiam devota quæstiones stultas in quibus nec scientia est, nec esse videtur. Devota etiam eas quæ licet non ita stultæ sint, sunt tamen sine fructu Christianæ disciplinæ, ut dialecticæ quæstiones : sciens hoc quod quæ sunt hujusmodi, generant lites. Servum autem Domini (quod tu es, et esse debes) non oportet litigare : sed oportet esse mansuetum, id est in omnibus moderatum et ad omnes, scilicet, docibilem, id est cum habilitate docentem alios ; patientem etiam quæcunque inferantur ei : et corripientem cum modestia eos qui resistunt veritati, non cum litigio : ideo sic corripientem, ne quando, id est ut aliquando, set Deus illis pœnitentiam. Fortassis enim aliquando

A se male egisse pœnitebunt, veniendo sic ad cognoscendam veritatem fidei : et agnita fidei veritate restipiscant a laqueis diaboli, id est a peccatis quibus diabolus illaqueaverat eos : a quo diabolo tenentur captivi, quandiu in peccatis sunt. Tenentur, inquam, ad exsequendam ipsius diaboli voluntatem.

CAPUT III.

Hoc autem scito, quod in novissimis diebus instabunt tempora periculosa : et erunt homines seipsos amantes, cupidi, elati, superbi, blasphemii, parentibus non obedientes, ingrati, scelesti, sine affectione, sine pace, criminatores, incontinentes, immites, sine benignitate, proditores, protervi [procaces], cæci, tumidi : voluptatum amatores magis quam Dei, habentes speciem quidem pietatis, virtutem [veritatem] autem ejus abnegantes. Et hos devota. Ex his enim sunt qui penetrant domos, et captivas ducunt mulierculas, oneratas peccatis, quæ ducuntur variis desideriis : semper discentes, et nunquam ad scientiam veritatis pervenientes. Quemadmodum autem Jamnes et Mambres restiterunt Moysi (Exod. vii, 11) ; ita et hi resistunt veritati, homines corrupti mente, reprobi circa fidem : sed ultra non proficiunt. Insipientia enim eorum manifesta erit omnibus, sicut et illorum fuit. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones : qualia mihi facta sunt Antiochiæ, Iconii, Listris, quales persecutiones sustinui : et ex omnibus eripuit me Dominus. Et omnes qui pie volunt vivere in Christo Jesu, persecutionem patientur. Mali autem homines et seductores proficiunt in pejus ; errantes, et in errorem mittentes. Tu vero permene in his quæ didicisti et credita sunt tibi : sciens a quo didiceris : et quia ab infantia sacras litteras nosti, quæ te possunt instruere ad salutem per fidem quæ est in Christo Jesu Omnis enim scriptura divinitus inspirata utilis est ad docendum, ad arguendum, ad corripiendum, ad erudiendum in justitia : ut perfectus sit homo Dei, ad omne opus bonum instructus.

EXPOSITIO.

Devota stultas quæstiones : devota etiam homines habentes speciem pietatis, etc. Sed priusquam hoc ponat, præmittit causas, quare tales devitandi sint, dicens : Non solum quod præmissum est faciendum esse scias, sed etiam hoc scito, quod in novissimis diebus, id est circa finem mundi, instabunt tempora periculosa, id est in tempore illo instabunt docendo, et eos qui non consentient affligendo periculosi doctores : qui credentes sibi in multa demergent pericula : et tunc in temporibus illis erunt homines amantes seipsos, id est carnalitati suæ morem gerentes his modis. Erunt enim cupidi, id est amatores pecuniæ. Erunt etiam elati, id est aliis se superponere cupientes. Erunt superbi, id est in adeptis

honoribus hinc gloriantes. Erunt etiam *blasphemi* A contra Deum et doctrinam ejus. Erunt etiam *non obediētes parentibus*, seu carnalibus (quod nefas est), seu spiritalibus, ut episcopis et presbyteris. Erunt *ingrati* : quia si quis bona docuerit eos, unde grati esse debuerant, molesti erunt doctoribus suis. Erunt etiam *scelesti* : homicidia et hujusmodi scelera patrantes. Erunt *sine affectione*, piam voluntatem non habentes ad proximum; **342** etiam si nihil dare queunt. Erunt *sine pace*, id est sine concordia : sed semper in litigio. Erunt *criminatores*, id est justis crimina imponentes : cum ipsi sint *incontinentes* : sed passim ruunt ad quæcunque scelera. Erunt *immites*, id est sine omni mansuetudine crudeles. Et *sine benignitate*; id est sine largitate, non erogantes sua indigentibus. Erunt etiam *proditores*, tradentes justos ad mortem. Erunt etiam *protervi*, id est de maledictis inverecundi : et etiam si reprehenduntur, inde impatientes. Erunt etiam *tumidi*, id est inflati animo : etiam si nec honorem nec spem honoris habeant : et hi tales erunt, *amatores voluptatum*, id est totius luxuriæ, *magis quam Dei* : quem in nullo videntur diligere. De his autem subtiliter cavendum est tibi. Hi enim sunt *habentes speciem pietatis*, id est simulantes se religiosos, et virtutem ejus pietatis, id est dilectionem, quæ virtus est totius religionis. Valida enim est sicut mors dilectio. Vel *virtutem*, id est veritatem religionis, opere *abnegantes* : et hos tales devita.

: Diceret Timotheus : Quare de his præmunis me, qui futuri sunt circa finem mundi? Ideo ait Paulus : C Hos devita; quia *ex his futuris in novissimis diebus sunt illi qui penetrant domos*, etc. Notandum est quia ex quo cœpit mundus, habuit in eo Deus regnum suum, et diabolus suum. In Abel enim Deus, et in Cain diabolus regnare cœpit. Deus autem regnum suum assumendo carnem, et quæ secuta sunt operando consummavit regnum suum, remittendo peccata, etc., quomodo consummari potuit in præsentibus : quod regnum ad plenum consummabit in futuro, dando vitam æternam. Sicut autem Deus in bono : sic diabolus in perfectione iniquitatis consummaturus est regnum suum circa finem mundi per Antichristum. Et sicut patriarchas et prophetas adventum Christi Deus præcedere voluit; sic multa D membra Antichristi præcedent caput suum, id est Antichristum. Contra cujus membra Paulus instruit Timotheum, dicens : Ex his quos descripsi, sunt pseudodoctores, qui penetrant domos, non audent docere in plateis, ne doctrina eorum pateat in audientia honorum : sed ut liberius seducant, privatim in domibus docent, et sic *mulierculas* (quæ quolibet vento doctrinæ leviter falluntur) *ducunt seductas* quolibet inductu illo factas *captivas* : quia captivatae sunt a Deo, et datæ sunt sub jura diaboli. Vel ad cumulum improprietatis sicut feminas : sic et viros vocat mulierculas; id est molles omni vento doctrinæ cedentes : ut audito nomine improprietatis sui citius erubescant et convertantur ad Dominum.

Mulierculas dico *oneratas peccatis*, dum seductæ sunt diabolo : quæ mulieres ducuntur variis desideriis : quia *semper discentes*, et nunquam *pervenientes ad scientiam veritatis*, id est semper laborantes, et nunquam ad perfectionem venientes. Et isti tales non tantum in domibus privatis docent, sed etiam hi homines resistunt veritati in aperto : *quemadmodum Jamnes et Mambres*, duo fratres magi in Ægypto, *resisterunt Moysi* coram Pharaone, faciendo quædam per incantationes suas quæ Moyses faciebat, nec tamen omnia (*Exod. vii, 11*). Hi *homines* dico *corrupti mente*, id est depravati intellectu et opere : et circa fidem errantes. Ad quam quia non ingrediuntur, reprobati sunt a Deo.

B Ne modo his prædictis deterreretur Timotheus, consolatur eum Paulus, dicens : Tales quidem futuri sunt; sed ne timeas quia *ultra non proficient*. Ideo quia *insipientia illorum* sicut Jamnæ et Mambres ad ultimum *manifesta erit*, illi non ultra proficient : tu autem, quasi diceret, *proficere debes et potes* : tu enim *assecutus es meam doctrinam* in scientia : et *meam institutionem* in dispositione vitæ et in moribus : et *meum propositum*, quia sicut vitam æternam finem laboris mei proposui : ita et tu assecutus es etiam *fidem* : quia sane credis ut ego; et *longanimitatem* in spe : quia paratus es, quandiu Deo placēbit, mecum sustinere. Habes etiam *dilectionem Dei et proximi* : et *patientiam*, id est ipsam virtutem : etiamsi nihil operari necesse sit, et actus illius patientiæ, scilicet *persecutiones* de loco ad locum, et *passiones tormentorum*. **343** Nosti etiam *qualia facta sunt mihi Antiochiæ, Iconii, Lystris*, et, præter hæc, *quales persecutiones ego sustinui in multis locis*. Sed quid inde timendum? *Ex omnibus enim eruit me Dominus*; et sic eruet te de his quæ te pati contigerit. Incitari debes ad continentiam exemplo meo, et omnium religiosorum. *Omnes enim qui volunt pie*, id est religiose, *vivere in Christo Jesu, patientur persecutionem* : et ideo ne turberis si aliqua pateris. *Pie viventes patientur* : *homines autem mali in se et seductores aliorum proficient quidem in mundanis* [immundiis]. sed hoc totum erit illis in penis, et in damnationem. Ipsi dico, *errantes in se*, et ideo mali *mittentes* D etiam alios *in errorem*, et ideo seductores. Ipsi errant : *tu vero permane in his præceptis quæ didicisti a me*, et in his quæ *credita sunt tibi*, id est in pontificali gratia, *sciens et rememorans hæc a quo* et quanto doctore *didiceris* ista. Si enim recordaris meæ auctoritatis, contemptui fiet tibi falsa doctrina. Et te inde memorem esse volo : *quia tu nosti sacras litteras ab infantia*, traditus scholis a matre tua, quæ fidei fuit : *quæ omnia possunt te instruere ad habendam salutem æternæ vitæ*, ad quam itur per fidem, quæ fides est in *Christo Jesu*. Vere sacras litteras possunt te instruere ad salutem : quia *omnis scriptura inspirata divinitus*, id est spiritualiter secundum Deum intellecta, *utilis est ad docendum eos qui nesciunt*, et *ad arguendum*, id est ad convin-

endum eos qui fidei contradicunt, et ad corripiendum peccantes et se peccasse non abnegantes, et ad erudiendum eos qui adhuc rudes sunt et simplices. Erudiendum dico in *justitia*, id est ad hoc ut iustificentur, exuendo rudimenta infidelitatis. Sic, inquam, erudiat ut quantum in doctore est, sit ille qui, eruditur *perfectus homo* Dei. Perfectus ita ut sit *instructus ad omne opus bonum* faciendum.

CAPUT IV.

Testificor coram Deo et Christo Jesu, qui iudicaturus est vivos et mortuos, et per adventum et ipsius regnum ejus: *prædica verbum*, insta opportune, importune; argue, obseca, increpa in omni patientia et doctrina. Erit enim tempus, cum sanam doctrinam non sustinebunt: sed ad sua desideria coacervabunt sibi magistros prurientes auribus: et a veritate quidem auditum avertent, ad fabulas autem convertentur. Tu vero vigila, in omnibus labora; opus fac evangelistæ, ministerium tuum imple, sobrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex: non solum autem mihi, sed et his qui diligunt adventum ejus. Festina venire ad me cito. Demas enim me dereliquit, diligens hoc sæculum, et abiit Thessalonicam, Crescens in Galatiam, Titus in Dalmatiam. Lucas est mecum solus. Marcum assume et adduc tecum: est enim mihi utilis in ministerio. Tychicum autem misi Ephesum. Penulam, quam reliqui Troade apud Carpum, veniens affer tecum, et libros, maxime autem membranas. Alexander ærarius multa mala mihi ostendit: reddet illi Dominus secundum opera ejus; quem et tu devota, valde enim restitit verbis nostris. In prima mea defensione nemo mihi affuit; sed omnes me dereliquerunt: non illis imputetur. Dominus autem mihi assistit et confortavit me, ut per me prædicatio impleatur, et audiant omnes gentes, quia liberatus sum de ore leonis. Liberavit me Dominus ab omni opere malo, et salvum faciet in regnum suum cælestis: cui gloria in sæcula sæculorum. Amen. Saluta Priscam et Aquilam, et Onesiphori domum. Erastus remansit Corinthi. Trophimum autem reliqui infirmum Mileti. Festina ante hiemem venire. **344** Salutant te Eubulus, et Pudens [al., Prudens], et Linus, et Claudia: et fratres omnes [al. non habet omnes] ejus. Dominus Jesus Christus cum spiritu tuo. Gratia vobiscum, Amen.

EXPOSITIO.

Et quia Scriptura Dei nota tibi utilis est ad docendum, et ad arguendum, et ad corripiendum: ideo *testificor* tibi coram Deo, ne hoc ultra a me exigat. Et coram Christo Jesu, qui iudicaturus est vivos et mortuos: quos invenerit vivos in hora iudicii, qui sub momento dissolventur et resurgent. Iudicaturus est etiam ante diem iudicii mortuos.

Vel iudicaturus est vivos ac mortuos, id est justos et peccatores. Testificor etiam tibi *per adventum ipsius Christi*, ut ita paratus sis quasi qui quotidie iudicem advenientem exspectet, ut timore ejus facias quæ hortor. Testificor etiam tibi *per regnum ejus*, in quo ipsi conregnabunt sancti, ut amore conregnandi Christo studiose facias quod moneo. Hoc, inquam, *testificor* tibi: *Prædica verbum*, id est doctrinam Dei, et prædicando *insta opportune* eis qui libenter audiunt. Insta etiam *importune* eis qui primitus ad audiendum difficiles sunt, sed postmodum cognita ratione libenter audiunt. *Argue* etiam, id est convince, contradicentes fidei. *Obseca* etiam justos, ut semper in melius promoveantur. *Increpa* etiam debita austeritate deprehensos in peccatis. Hæc autem fac *in omni patientia*: ut quæcumque inferantur libenter sustineas; nec ita ut docere desistas, sed semper esto *in doctrina*. Ideo tanta instantia te docere commoneo: quia *eris tempus* circa finem mundi, cum homines non sustinebunt sanam doctrinam. Si autem in tempore illo non roboretur Ecclesia doctrina apostolica, peribit fides. Sanam doctrinam non patientur, sed coacervabunt sibi magistros juxta sua desideria. Si luxuriosi fuerint, luxuriosum: et sic in cæteris. Homines dico tunc prurientes auribus, id est nova et inaudita audire cupientes; in quibus veritas non erit: et a veritate quidem avertent auditum suum, sed ad fabulas (in quibus rei veritas non est) convertentur.

Illi sic intendunt fabulis: tu vero vigila, id est omni sollicitudine præcave tibi: et labora in omnibus (si potes) convertendis. Utque labor tuus idoneus sit, fac opus evangelistæ, id est prædicatoris: scilicet quod operandum prædicas, operare. Et ita fac ut impleas tuum ministerium, id est officium prædicatoris, quod non infra subsistas, sed quidquid prædicatoris est facias, et laborando in aliis et in te opere complendo quod alios docueris. Et licet sic moneam, fac opus evangelistæ: tamen esto sobrius, non ultra modum abstinence deditus, ne nimietate jejuni debilitatus (quomodo decet) incumbere nequeas prædicationi. Propterea tanta instantia te commoneo: quia ego jam delibor, id est sacrificor, et paulatim in vinculis quotidie deficio: et tempus meæ resolutionis, id est dies mortis meæ, instat et in proximo est: quem diem instare ex eo certus sum, quia certavi certamen (frequentiam notat) bonum, id est utile Ecclesie Dei. Certavi utique patiendi quæcumque pati oportuit, et cursum, id est velocitatem bene agendi, ubi non ita pati necesse fuit, hunc utique consummavi: quia adeo ascendit mea justitia, quod ultra non habet quo ascendat; et in certando et in currendo servavi fidem. Et quia jam consummavi cursum, ideo in reliquo, id est in vita quæ nobis futura relinquitur, reposita est, id est custoditur, mihi corona justitiæ, id est promerita per justitiam: quam coronam quasi debitam reddet mihi Dominus in illa die futuræ retributionis, nec mihi negare potest: quia est justus

judex : et iustitia exigit ut hoc tibi reddatur. Mihi quidem, sed non solum mihi, sed etiam omnibus tibi qui diligunt adventum ejus iudicii, id est qui puram habent conscientiam : qui enim sibi male consci sunt, hi utique adventum iudicis non diligunt, sed formidant. Per hoc plurimum animat Timotheum, quod ait preparari coronam justitiae diligentibus adventum Dei.

Instructo Timotheo in his quae publice agenda erant, de quibusdam propriis mandat ei, dicens : **345** Quia in proximo dies meae resolutionis instat : ideo festina cito venire ad me : et necessarius mihi es : quia Demas apostatando reliquit me, diligens hoc praesens saeculum, et ille abiit Thessalonicam. Crescens vero, alius discipulus in fide permanens, abiit in Galatiam. Titus vero abiit in Dalmatiam. Et sic, aliis dispersis, solus Lucas mecum est. Veni, inquam, et in veniendo assume Marcum, et adduc tecum ad me. Hic enim est mihi utilis in ministerio. Fortassis missurus erat eum Apostolus in aliquam legationem. Tychicum autem misi Ephesum, ubi tu episcoparis. Tu vero veniens ad me affer tecum penulam quam apud Carpum reliqui Troade : affer etiam libros : et maxime praeter ceteris affer membranas, quibus opus habeo ad mittendas Epistolas. Penula vestis erat tradita Tharsensibus a Romanis : propterea quia sponte, et non bello in imperium Romanorum devenerant : quam ideo iubeat afferri, ut comprobaret se esse civem Romanum, sicut appellaverat apud Festum. Seu penula alia vestiserat : quam contra frigus afferri sibi postulabat, acturus hiemem in carcere. Dum autem

A venies ad me, cave tibi ab Alexandro : hic enim Alexander ararius (nomen dignitatis) ostendit mihi mala mala : nec inde curo : quia Dominus reddet ei secundum opera ejus. Quem Alexandrum tu etiam devota : hic enim valde restitit verbis nostris. Veni utique : quia necessarius es. In prima enim defensione mea, quando defendi me in conspectu Neronis, nemo discipulorum affuit mihi : sed omnes dereliquerunt me. Ut autem hoc non imputetur illis, precor : illi dereliquerunt me ; sed Dominus assistit mihi : et astando sortem fecit me : ideo et adeo ut praedicatio impletur per me, non cedentem inimicis ejus. Si enim consentirem ipsi, inexplata fieret praedicatio : ideo etiam confortavit : ut haec audiant gentes : et hoc etiam audiant quod liberatus sum, ut non consentirem, de ore leonis, id est Neronis, vel diaboli, per Neronem invadentis me : nec solum a Leone, sed liberavit me Dominus ab omni opere malo, ne quid male operarer : et me liberatum salvum faciet, translatum in regnum suum caeleste : cui Domino est gloria in saecula saeculorum, Amen. Accepta autem hac Epistola, saluta Priscam et Aquilam, et familiam Onesiphori. Erastus autem remansit Corinthi : et Trophimum reliqui Mileti infirmum : et quia tot absentes sunt, festina venire ad me ante hiemem. De his autem qui nobiscum sunt, salutant te Eubolus, et Pudens, et Linus, et Claudia, et omnes fratres. Et ego saluto te. Dominus Jesus Christus sit cum spiritu tuo : et concedat ut gratia sit nobiscum, id est dilectio inter me et te cepta perseveret. Amen.

ARGUMENTUM IN EPISTOLAM AD TITUM.

Titum commonefacit et instruit de constitutione presbyterii : et de spirituali conversatione, et haereticis vitandis : qui traditionibus Judaicis credunt ; scribens ei a Nicopoli.

PROLOGUS B. BRUNONIS IN EAMDEM.

Paulus, conversis Cretensibus, consecravit ibi Titum archiepiscopum, qui eos instrueret de quibuscunque opportunum videret. Cum autem Paulus isset Nicopolim (quod haec Epistola videtur inuere in sequentibus), scripsit hanc Epistolam ad Titum. Audierat enim de eo, quod nimis simpliciter episcopale exercebat officium : quia haereticos, seu quoslibet perversos, non expellebat ab Ecclesia pontificali imperio, sicut deceret. Denuntiabat quidem eis quod male agerent, et desistere deberent : sed eis ab incepto malo non cessantibus (quod pontificalis dignitas exigeret), non coercebat eos, sed humiliter patiebatur. **346** Quare Paulus hanc Epistolam scribit ad Titum : agens in ea de pontificali officio : eo modo

D ut instruat eum quales consecrare debeat episcopos per civitates sui archiepiscopatus : maxime circa hanc instructionem immorans, ut potestate et imperio pontificali utatur : quia licet simplicem esse bonum sit, tamen nimia humilitas episcopi incommo- dum facit regimini Ecclesiae : et ideo monet Titum, ut cum imperio episcopali doceat, exhortetur, et arguat : et si qui haeretici corrigi nolunt, ab Ecclesia depellat. Et sic de episcopali officio agens, intendit Titum perfectum reddere episcopum. Ut per exemplum istius, quoscunque episcopos nimis simplices animatos redderet, et episcopali imperio utentes.

EPISTOLA AD TITUM.

CAPUT PRIMUM.

Paulus servus Dei, apostolus autem Jesu Christi secundum fidem electorum Dei et agnitionem

veritatis, quae secundum pietatem est in spem vitae aeternae : quam promisit, qui non mentitur, Deus ante tempora saecularia : manifestavit autem temp-

coribus suis verbum suum in prædicatione, quæ credita est mihi secundum præceptum Salvatoris nostri Dei. Tito dilecto filio secundum communem fidem gratia et pax a Deo Patre et Christo Jesu Salvatore nostro. Hujus rei gratia reliqui te Cretæ, ut ea quæ desunt corrigas, et constituas per civitates presbyteros sicut et ego disposui tibi : si quis sine crimine est, unius uxoris vir, filios habens fideles, non in accusatione luxuriæ aut non subditos. Oportet enim episcopum sine crimine esse, sicut Dei dispensatorem : non superbum, non iracundum, non violentum, non percussorem, non turpis lucri cupidum : sed hospitalem, benignum, prudentem, sobrium, justum, sanctum, continentem, amplectentem eum qui secundum doctrinam est fidelem sermonem, ut potens sit exhortari in doctrina sana, et eos qui contradicunt arguere. Sunt enim multi etiam inobedientes, vaniloqui et seductores : maxime autem qui de circumcisione sunt, quos oportet redargui : qui universas domos subvertunt, docentes quæ non oportet, turpis lucri gratia. Dixit quidam ex illis, proprius illorum propheta : Cretenses semper mendaces, malæ bestiarum, ventres pigri. Testimonium hoc verum est. Quam ob causam increpa illos dure, ut sani sint in fide : non intendentes Judaicis fabulis, et mandatis hominum aversantium [al., avertentium] se a veritate. Omnia munda mundis : coinquinatis autem et infidelibus nihil est mundum, sed inquinatæ sunt eorum et mens et conscientia. Confitentur se nosse Deum, factis autem negant : cum sint abominati [al., abominabiles] et incredibiles, et ad omne opus bonum reprobi.

EXPOSITIO.

Paulus, etc. Sicut mos ejus est, salutationem præmittit dicens : Paulus servus Dei, id est simplex et humilis ad modum servi. Hic innuit bonam quidem esse simplicitatem. Servus utique Dei, sed tamen apostolus Jesu Christi, id est agens et coercens singulos quomodo apostolicæ sublimitatis imperium exigit. Tu itaque exemplo meo sic esto simplex, ut pontificale imperium non impediatur nimia humilitas. Non ideo dixit servus Dei et apostolus Christi, quin et apostolus sit Dei et servus Christi : sed ideo ut innuat, quod per Christum Deus Pater in ministerium apostolatus Paulum direxerit. Apostolus dico secundum fidem electorum Dei. Sequitur enim et prædicat fidem quam tenuerunt prophetæ, et quicumque electi Dei. Apostolus etiam secundum agnitionem veritatis, id est secundum quod agnovit de vera cognitione Dei. Non cujuslibet veritatis dico, sed ejus quæ est secundum pietatem, id est quæ veritas sequitur cultum Dei. Fides dico et agnitio veritatis, euntia in spem vitæ æternæ : 347 quia per fidem acceptam, et per agnitam veritatem, speramus nos consequi vitam æternam. Nec frustra : quia quam vitam promisit, id est se daturum præordinavit : nec de hac promissione dubita-

A re licet : promisit enim hæc ille qui non mentitur et mentiri non potest : quia Deus est. Nec in tempore promisit : sed ut diligentia promissæ rei in Deo consideretur, promisit hæc ante tempora secularia, id est ab æterno sic præordinavit ante tempora, quævolvuntur per sæcula. Promisit, inquam : manifestavit autem, id est complevit quod promiserat suis, id est in congruis temporibus vitam æternam : quia Abel vidit inde aliquid, perfectius autem Abraham : et ita paulatim prophetæ, quanto amplius propinquabat redemptio, tanto magis de ea cognoverunt : et Joannes magis omnibus, qui digito demonstravit vitam æternam, id est Christum : sed maxime in tempore gratiæ manifestavit Deus vitam æternam, scilicet Verbum suum, id est Filium incarnatum, natumque et aliis modis. Manifestavit etiam hoc Verbum in prædicatione, quæ credita est, id est per prædicationem quæ commissa est mihi. Credita utique mihi est secundum præceptum Dei, id est quia Deus ita præcepit. Dei dico nostri Salvatoris. Paulus, inquam, talis et talis scribit, Tito dilecto quodam speciali modo.

Tito dico filio secundum communem, id est catholicam, fidem, in qua eum genui, et non secundum carnem. Catholicum enim commune vel universale dicitur. Vel Tito filio optat sapere secundum communem, id est vulgarem, fidem : et non secundum privatas doctrinas hæreticorum. Sit tibi, Tite, gratia : et secundum remissionem peccatorum, et secundum episcopale officium. Sit etiam tibi pax, id est tranquillitas animi, quanta hic haberi potest. Hæc utique tibi sint a Deo Patre qui potest, et qui voluntatem habet. Et a Jesu Christo, qui similiter et potest, Salvatore nostro, et voluntatem habet. Finita salutatione, sic alloquitur Titum : O Tite, ego reliqui te consecratum archiepiscopum Cretæ gratia hujus rei, id est pro hac re, quæ, si fiat, grata erit mihi. Res autem illa hæc est : ut tu corrigas, id est ut corrigendo quæ corrigenda sunt perficias ea quæ desunt. Hoc autem dictum est de moribus. Et corrigendo mores constituas etiam presbyteros, id est episcopos per singulas civitates subjectas tuo archiepiscopatu. Constituas, inquam, eo modo sicut et ego tibi disposui. Ubi ait : Sicut ego tibi disposui, notat quod cum apud eum esset, instruxerit eum de consecratione episcoporum. Eum scilicet constitue episcopum, si quis fuerit sine crimine, id est, sine actu et infamia cujuslibet criminalis. Qui etiam fuerit vir unius uxoris, ut idem alibi exposuimus. Habens etiam filios fideles, id est, qui in fide sana filios suos instruxerit : et non habens eos in accusatione luxuriæ : quod nec etiam malus rumor inde exierit. Si enim filios suos permisit luxuriari, exemplum dedit non se bene correcturum filios Ecclesiæ. Aut non habens filios non subditos, id est inobedientes sibi. Si enim remissus apparuit in privatis filiis, ostendit quod non sufficienter coerceret credidam sibi Ecclesiam. Ideo volo ut qui sine crimine fuerit, constituatur episcopus : oportet enim episcopum

esse sine crimine, et actu, et suspitione, *sicut dispensatorem Dei*, id est, sicut eum qui Deum ipsum dispensat his quibus prædicat. Oportet etiam episcopum non esse *superbum*, id est, non cupientem se superponere aliis. Non *iracundum*, sed bene regat animum. Non *vinolentum*, id est non multo vino deditum. Non *percussorem*, id est qui corporalibus armis non percutiat; habet enim arma sancti Spiritus: vel non percutientem conscientias auditorum; ne tale quid prædicet unde prava opinio oriatur. Non *cupidum turpis lussi*, id est non negotiis sæcularibus implicitum: sed *hospitalem*, qui pauperes hospitio receperit: receptisque pauperibus, et quibuscunque *benignum*, id est, large sua ministrantem. *Sobrium* etiam cibo, potu et vestitu. *Iustum* etiam **348** et ad proximos sibi. *Sanctum* etiam ad Deum. *Continentem* etiam, ut exemplum continendi sit aliis. Et præter hæc oportet eum esse *amplectentem*, id est diligenter et assidue tractantem, *sermonem fidelem*, id est veracem: nec omnem verum, sed eum qui est *secundum doctrinam*, id est qui idoneus est ad prædicationem. Sunt enim multa vera quibus intendere episcopum culpa esset.

Et ideo amplectatur hunc sermonem, ut et per usum et per scientiam potens sit exhortari fideles in doctrina sana. Possit etiam per usum et per scientiam arguere eos qui contradicunt sanæ doctrinæ, id est convincere infideles qui fidem impugnant. Et necesse est ut sic potens sit arguere: quia sunt multi inobedientes episcopis. Sunt etiam *vaniloqui*, loquentes inutilia: et in hac vana locutione sunt *seductores*, id est habent artem et calliditatem seducendi auditores per vaniloquia. Possent enim vana loqui sine calliditate seductionis: et maxime præ omnibus seducant illi qui sunt de circumcissione Judæi: quos ideo oportet redargui: quia præcipui seductores sunt. Illi enim qui de circumcissione venerunt, *subvertunt* non solum patremfamilias domus: sed etiam *universas domos*, id est omnem familiam, *docentes gratia*, id est amore, *turpis lucri ea quæ non credere, nec docere oportet*. Vere in Cretensibus sunt mali seductores: quod approbat quidam ex illis Cretensibus *proprie*, id est naturalis ipsorum; quare magis credendam est ei: hic autem *propheta*, id est videns, secundum quod subtiliter consideravit vitia Cretensium: hic autem dictus est Epimenides, qui dixit hoc de illis: *Cretenses semper sunt mendaces* et sunt *bestia*, bestialiter meditantur; et *mala*, id est quomodo meditantur, sic crudeliter operantes. Sunt etiam *pigri ventres*, id est luxuriantes et onerantes se cibis. Ideoque ad omne bonum tardi. Ne autem de veritate horum dubitaretur, quia gentilis fuit ille qui hoc dixit, asserit hoc Paulus dicens: *Testimonium hoc*, quod Epimenides testatus est de Cretensibus, *verum est: ob quam causam*, quia mendaces sunt, etc., *inrepa eos*, scilicet Cretenses *dure*, id est scilicet austeritate et pontificali imperio, *ut sani perseverent in fide*, non intendentes *Judaicis fabulis*: quia quod de circumcissione reducenda docent, fa-

bulæ sunt, nec rei veritatem habent. Non debent intendere his, quia fabulæ; et quia sunt mandata hominum, et non Dei: olim enim sub veteri lege Deus quidem mandavit circumcissionem et cætera; sed postquam venit tempus gratiæ, Deus præcepit hoc non fieri. Et ideo ait: Non intendant *mandatis* non Dei, sed *hominum aversantium se a veritate*. quia veritatem legis, spiritalem scilicet intellectum, nolunt accipere. Ex quibus sequentibus innuit, quod hi tales a quibusdam cibis abstinendum esse prædicarent, dicens: Non est intendendum fabulis Judæorum, qui judicant quosdam cibos immundos, cum omnia quibus uti consuetudo est, sint *munda mundis*, id est his qui in munditia et sanctitate percipiunt ea.

Hos enim cibos Deus condidit ad sustentationem servientium sibi: quare *munda* et digna sunt his qui mundo corde et opere Deo serviunt. Omnis etiam creatura in eo quod a Deo creata est, *munda* est. Hic tamen non est necesse de omnibus agere. *Mundis* conscientia et fide omnia sunt *munda*, sed *coinquatis* conscientia et *infidelibus*, etiam quod mundum reputant, non est illis *mundum*. Cum enim in Creatorem non credant, et inquinatam habeant conscientiam, injustum est eos uti aliqua creatura Dei. Nihil illis est *mundum*: sed *mens*, id est intellectus; fides scilicet, *eorum et conscientia sunt inquinata*: quare nihil eis est *mundum*. Fortassis diceret aliquis: Quare isti sunt inquinati, cum confiteantur Deum? Scio quidem (ait Paulus) quod *confitentur ore se nosse Deum*, sed quid hoc prodeat? *Negant enim Deum in factis suis*. *Negant pro certo, cum sint abominati*, id est male ominati: vel a numero hominum redempti per Deum. Cum etiam sint *incredibiles*, id est non habiles credere pro nimietate impietatis **349** suæ. Cum etiam sint *reprobati ad omne bonum opus*: quia nihil quod boni simplicitatem habeat operantur. Plerumque enim quidam infideles faciunt talia, quæ licet vere bona non sint, bona tamen esse videntur.

CAPUT II.

Tu autem loquere quæ decent sanam doctrinam, senes ut sobrii sint, pudici, prudentes, sancti in fide, in dilectione, in patientia, anus similiter in habitu sancto, non criminatrices, non multo vino servientes, bene docentes, ut prudentiam doceant adolescentulas ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvenes similiter hortare, ut sobrii sint. In omnibus te ipsum præbe exemplum bonorum operum, in doctrina, in integritate, in gravitate. Verbum sanum, irreprehensibile: ut is qui ex adverso est vereatur [at., vincatur]: nihil habens malum dicere de nobis. Servos dominis suis subditos esse: in omnibus placentes, non contradicentes, non fraudantes, sed in omnibus fidem bonam ostendentes: ut doctrinam Salvatoris nostri Dei ornent

e in omnibus. Apparuit enim gratia Dei Salvatoris
 e nostri omnibus hominibus, erudiens nos, ut ab-
 e negantes impietatem et sæcularia desideria, se-
 e b. i. e, et juste, et pie vivamus in hoc sæculo :
 e expectantes beatam spem, et adventum gloriae
 e magni Dei, et Salvatoris nostri Jesu Christi. Qui
 e dedit semetipsum pro nobis, ut nos redimeret
 e ab omni iniquitate : et mundaret sibi populum
 e acceptabilem, sectatorem honorum operum. Hæc
 e loquere et exhortare, et argue cum omni imperio.
 e Nemo te contemnat. »

EXPOSITIO.

Reprobi sic perverse agunt : tu vero non sic, sed
 loquere ea quæ decet loqui, sanam doctrinam. Hoc
 scilicet loquere senibus, ut senes sobrii sint, non
 dediti potationi. Sint etiam pudici, id est casti.
 Sint prudentes, ut noverint docere juniores : sint
 sani in fide. sint sani in dilectione : ut sicut domesti-
 cos, sic omnes alios diligant. Sint etiam sani in
 patientia : quod non sic patiantur convicia, quod ad
 opprobria impatientes sint. Anus similiter admone,
 ut sint in habitu sancto, id est qui sanctitatem ear-
 rum indicet : et ut non sint criminatrices, id est non
 imponant crimina quibuslibet, qui morbus maxime
 veterarum est. Non sint etiam servientes multo vino,
 sed bene docentes : nec in ecclesia vel viros doceant ;
 sed ita dico, ut adolescentulas doceant prudentiam :
 hanc scilicet, ut ament viros suos, et non adulteros :
 et etiam diligant filios suos omni sollicitudine, so-
 ventes eos : et doceant eas esse prudentes, et castas,
 et sobrias, et in cibus, et in ornamentis : et ha-
 bentes curam domus, id est, laborent cum viris bene
 procurare familiam. Doceant etiam eas esse benig-
 nas in erogatione elemosynarum, et subditas viris
 suis : non super viros habentes imperium. Hæc
 omnia admone fieri : ut verbum, id est prædicatio, Dei
 non blasphemetur : si enim mulieres contra viros
 superbirent, si essent incestæ, etc., opinarentur insi-
 pientes sic contineri in Christiana doctrina, et
 ideo blasphemarent verbum Dei. Juvenes similiter
 hortare, ut sobrii sint, et temperati. Ut autem omnes
 convenienter corrigas, præbe teipsum exemplum aliis
 honorum operum : nec in quibusdam, sed in omni-
 bus operibus. Præbe, inquam, te exemplum eis in
 doctrina : ut quod utile auditoribus sit doceas : et
 in integritate omnium virtutum, quod perfectus et
 in teneris sis in bonis ; et doce in gravitate, id est cum
 a severitate et imperio pontificali. Et verbum doctri-
 næ tuæ sit sanum : nihil infidelitatis habeat admi-
 ptum ; sit etiam irreprehensibile : quod nec aliqua oc-
 casio reprehensionis inde queat concipi : et hoc ideo
 expedit, ut is qui est ex adverso, id est infidelis insi-
 diator, vereatur malum dicere de nobis : nihil habena
 unde male dicere possit. Hortare etiam servos esse
 subditos dominis suis, ne superbiant contra eos :
 sed bene sint placentes **350** eis in omnibus sibi
 imperatis : non contradicentes eis in aliquo, et non
 fraudantes, vel de rebus sibi creditis, vel de labore
 sibi imperato : ut cum laborare debent vacent otio :

A sed ostendentes in omnibus actionibus suis fidem
 Christianam esse bonam, id est utilem : ut sic
 faciendo orant in omnibus doctrinam Dei Salvatoris
 nostri.

Cum enim servi facti fideles non subducant : sed
 devotius dominis utique serviant, ornatur per hoc
 doctrina Dei et laudatur, quæ servos sic instruit fi-
 deles et subditos esse dominis, ideo moneo te labo-
 rare in omnibus : seu servi sint, seu domini, seu
 senes, seu juniores : quoniam Deus pro omnibus
 salvandis apparuit. Apparuit utique cum Verbum
 Patris factum caro in utero Virginis præbuit se vi-
 sibile hominibus. Apparuit, inquam, gratia Dei, id
 est, Deus per gratiam : non ex meritis hominum :
 sed per solam misericordiam, Dei dico nostri Salva-
 toris : et sicut pro nobis salvandis apparuit quod
 jam per fidem justificati sumus, sic pro omnibus
 hominibus salvandis apparuit : et ideo in omnibus
 laborare debes. Et quia apparere Dei non ad salu-
 tem sufficeret, nisi ab eodem instrueremur, ait, ap-
 paruit Deus per gratiam erudiens nos omnes ; hoc
 scilicet : ut nos abnegantes impietatem, id est cul-
 turam idolorum, et abnegantes desideria sæcularia,
 id est quæ et sæculum ministrat, et quorum causa
 est, vivamus sobrie, id est temperate in nobis ipsis :
 et juste ad proximum : et pie vivamus ad Deum :
 etiam in hoc tam fragili corpore, in quo vix juste
 vivere licet : sic sobrie, juste et pie vivendo exspe-
 ctantes beatam spem, id est sperantes beatitudinem,
 et expectantes adventum gloriae Jesu Christi, id
 est, quando Christus qui prius in humilitate ut
 erudiret nos apparuit, adveniet cum gloria judicare
 sæculum, Christi dico, magni Dei et nostri Salvatoris :
 quia tunc in judicio, velint nolint, constabuntur
 cum magno Deo et Salvatore sanctorum : venientem
 tunc cum potestate magna et majestate :
 qui usque ad illum diem nunquam confessi sunt
 Christum esse Deum. Qui Christus Jesus inter hos
 duos adventus dedit semetipsum pro nobis : ideo ut
 redimeret nos ab omni iniquitate, id est et a fragili-
 tate carnis, et a potentia et suggestione diaboli.
 Priusquam enim Christus in cruce nos redimeret,
 non poteramus obniti diabolo, et suggestioni ejus,
 nec fragilitati nostræ carnis : a quo periculo nisi
 nos Deus liberaret, etiamsi mundaret nos ab om-
 nibus peccatis, nihil tamen prodesset : nisi et virtutem
 daret resistendi suggestionibus diaboli et fragili-
 tati carnis. Qui enim primum hominem in tanta
 virtute creatum subvertere potuit, quanto magis
 eum qui tot miseriis passibilitatis et mortalitatis
 premitur ? Dedit etiam semetipsum ut nos mundaret
 ab omni delicto : seu originali, seu actuali, in bap-
 tismo. Nos dico, factum populum acceptabilem sibi
 post emundationem baptismatis : per hoc quia sectato-
 rem honorum operum : prius enim ab imperio
 diaboli et fragilitate carnis eruit, dehinc ab omni
 delicto mundat, et hoc utrumque in baptismo : post-
 ea per positionem honorum facit nos acceptabiles
 Deo Hæc predicta, Deum scilicet apparuisse per

gratiam, venturum autem in iudicium cum gloria etc., loquere et doce eos qui nesciunt : et exhortare eos qui sciunt : ut praeparent se dignos secundo adventui. Quod si admoniti obedire renuunt, argue eos cum omni imperio, id est episcopali severitate : ita ut nemo te contemnat, id est ut nimia humilitas tua non generet contemptum pontificalis auctoritatis.

CAPUT III.

Admone illos principibus et potestatibus subditos esse, dicto obedire; ad omne opus bonum paratos esse : neminem blasphemare, non litigiosos esse, **351** sed modestos, omnem ostendentes mansuetudinem ad omnes homines. Eramus enim aliquando et nos insipientes et increduli, errantes, servientes desiderii et voluptatibus variis, in malitia et invidia agentes, odibiles, odientes invicem. Cum autem benignitas et humanitas apparuit Salvatoris nostri Dei, non ex operibus iustitiae quae fecimus nos, sed secundum suam misericordiam salvos nos fecit per lavacrum regenerationis et renovationis Spiritus sancti, quem effudit in nos abunde, per Jesum Christum Salvatorem nostrum, ut justificati gratia ipsius, haeredes simus secundum spem vitae aeternae. Fidelis sermo est. Et de his volo te confirmare, ut curent bonis operibus praesse qui credunt Deo. Haec sunt bona et utilia hominibus. Stultas autem quaestiones, et genealogias, et contentiones, et pugnas legis devita. Sunt enim inutilis et vanae. Haereticum hominem post unam [al., primam] et secundam correptionem devita, sciens quia subversus est qui ejusmodi est, et delinquit, cum sit proprio iudicio condemnatus. Cum misero ad te Artemam, aut Tychicum, festina ad me venire Nicopolim. Ibi enim statui hiemare. Zenam legisperitum et Apollo sollicito praemitte, ut nihil illis desit. Discant autem et vestri bonis operibus praesse ad usus necessarios, ut non sint infructuosi. Salutant te qui tecum sunt omnes. Saluta eos qui nos amant in fide. Gratia Dei cum omnibus vobis. Amen.

EXPOSITIO.

Ne modo Titus, quia dixerat Paulus omni imperio, opinaretur commissum sibi populum, sibi tantum subjici debere, et non potestatibus mundi, haec removendo ait : Admone illos, Cretenses, subditos esse principibus mundi, ut regibus et caeteris potestatibus, solvendo tributa, et census debitos illis. Admone etiam illos obedire dicto, id est praecipis, principum, nec tamen ad opus nefarium ; sed paratos esse ad omne opus bonum, quod praecipitur eis a principibus suis. Si enim ad culturam idoli ire juberent eos principes, seu ad quodlibet nefarium, non esset eis eundem : Oportet enim magis obedire Deo quam hominibus (Act. v, 29). Admone eos etiam, neminem dominorum suorum blasphemare : nec etiam litigiosos, id est nec decertare contra dominos, sed modestos et bene temperatos, ostendentes omnem

mansuetudinem et humilitatem : non tantum ad dominos, sed etiam ad omnes homines. Propterea sic volo omnes obedire etiam infidelibus dominis, quia fortassis qui modo infideles sunt fient cito fideles sicut et nos. Eramus enim aliquando, id est paulo ante, insipientes, etiamsi sapientes mundi essemus. Et quia de cognitione Dei nihil sapiebamus, ideo eramus increduli, non habentes fidem Dei. Eramus etiam errantes, id est peccantes, et servientes desiderii, quia si desiderabamus pecuniam seu honores, multo labore serviebamus ad haec consequenda ; servientes etiam voluptatibus carnis variis, id est secundum omnes sensus. Quod enim oculus videbat, vel auris audiebat, manus hoc comprehendere laborabat. Nos dico, agentes in malitia, quia quae mala licet erant, inferebamus proximis, agentes etiam in invidia, quia cum amplius non poteramus, proximis invidiebamus. Nos dico odibiles aliis, et e converso odientes alios, eundo invicem, id est in compensationem odii. Tales prius eramus, sed cum benignitas Dei, id est Deus per benignitatem, et humanitas Dei apparuit : designat quare, et per quid hoc factum fuerit, propter benignitatem scilicet et per humanitatem : cum utique Deus causa benignitatis per humanitatem cunctam Verbo Patris apparuit mundo ; Dei dico, nostri Salvatoris, quia sicut pro nobis, sic pro eis qui adhuc infideles sunt salvandis apparuit : nec hoc fuit ex operibus iustitiae quae nos aliquando fecimus, id est, hoc, ut Deus appareret, nunquam promerueramus ; sed secundum suam misericordiam fecit nos salvos Deus per lavacrum regenerationis, id est per baptismum in quo prima generatio, quae in peccatis est, destruitur : et secunda spiritualis, scilicet generatio habetur : et per lavacrum renovationis. Baptismus enim quia praecedit, tales nos efficit, qui quotidie crescendo in melius, magis ac **352** magis renovamur ; juxta illud : Renovamini spiritu mentis vestrae (Ephes. iv, 23). Unde ait : regenerationis, per evacuationem malorum ; et renovationis per positionem honorum : quod utrumque et regeneratio et renovatio est Spiritus sancti ; per spiritum enim sanctum et remittuntur peccata, et accipiuntur virtutes. Quem Spiritum sanctum effudit Deus in nos abunde, id est sufficienter ad remissionem omnium delictorum ; effudit, inquam, per Jesum Christum Salvatorem nostrum secundum hominem hoc intellectum. Deus enim qui in homine illo erat, per hominem illum dedit Spiritum sanctum : ad hoc ut nos justificati per gratiam ipsius Dei, simus haeredes vitae aeternae : et hoc secundum spem, id est secundum quod speramus dum in hoc mundo tenemur.

Hic sermo quem dixi, scilicet per lavacrum regenerationis nos salvari, et haeredes futuros esse vitae aeternae, etc. : hic, inquam sermo fidelis est et bene credibilis. Et ideo de his quae praedixi, volo te, o Tite, confirmare Cretenses, ut haec firmiter credentes, curent praesse bonis operibus, ut si hodie bene operantur, cras meliora operando utraesse faciant.

hodiernis bouis. Curent etiam præesse aliis, dando exemplum bonorum hi qui credunt Deo. Et hæc, scilicet præesse bonis operibus, sunt bona illis ipsis, et sunt utilia hominibus eos imitantibus. De his confirma Cretenses; sed stultas quæstiones et genealogias et contentiones quæ certant inter se de intellectu Scripturarum, et pugnas legis, id est quæ sibi invicem videntur contraire, quæcunque sunt huiusmodi, devita. Sunt enim inutiles, sine aliquo fructu, (quodque pejus est) vanæ, id est sine veritate; quæstiones has devita. Devita etiam hæreticum hominem, id est ab unitate fidei divisum. Devita dico, si incorrigibilis fuerit post unam, id est primam, et secundam correptionem, quia si bis admonitus non penituerit, hic qui est ejusmodi, id est hæreticus, subversus est; non per ignorantiam, sed sciens et prudens manum mittit in ignem, et hic talis delinquit proprio judicio, id est ex propria deliberatione, nullo impellente eum, et ideo condemnatus est a Deo.

Nota quod ex hoc loco colligitur quod si quis imprudenter errat, et errorem suum non defendit, hic non est judicandus hæreticus: sed ille tantum qui quod male de fide sentit (quod deterius est) incorrigibilis asseverat et defendit. Quod si hac ratione Simoniacos negamus esse hæreticos: sciunt enim se male agere, nec approbant, sed ambitiose cæcantur: contra hoc dicitur, quia quid ipsi intenderint pretio comparantes dona Spiritus sancti nescitur; soli enim Deo occulta cordium revelata sunt, sed secundum quod in exterioribus eorum factis dona

videmus, judicamus de interioribus: quia enim in episcopatu eos manere videmus, quem per pretium adepti sunt, judicamus de eis ut de credentibus pecunia posse possideri Spiritum sanctum. Quod si dicunt beneficia temporalia solum se emisse, et non consecrationem, ideoque non esse Simoniacos, longe deterius sentiunt. Scriptum est enim: Qui separaverit se, dicatur illi anathema. Sicut enim corpus et anima nequeunt separari ut alterum vivat; sic beneficium temporale a spiritali in episcopo nequit separari. Hoc sentiendum de ordinibus et temporalibus honoribus.

Postquam docuit Titum de rebus ecclesiasticis, scribit ad eum de quibusdam privatis dicens: *Cum misero ad te, o Tite, Arthemam aut Tythicum, festina venire ad me Nicopolim; ibi enim statui hiemare.* Et antequam venias, præmitte Zenam peritum legis, vel Scripture divinæ, vel sæcularis, et cum eo Apollo. Hos utique præmitte sollicitè, id est bene procuratos, dando illis quæ necessaria sunt; ita dico sollicitè, ut nihil desit illis. Quod si quæris unde hæc accipias, volo et jam ut nostri Cretenses discant præesse bonis operibus, de die in diem meliorando: sic utique præesse, administrando necessarios usus prædicatoribus, ut hi Cretenses non sint infructuosi doctoribus suis; sed ministrent quæcunque usui eorum necessaria sunt. « Laborantem enim agricolam oportet primam de 353 fructibus accipere (II Tim. II, 6). » Salutant te omnes qui tecum sunt, et tu saluta eos qui nos amant in fide, id est fideles. *Gratis Dei sit cum omnibus vobis. Amen.*

ARGUMENTUM IN EPISTOLAM AD PHILEMONEM.

Philemoni familiares litteras facit pro Onesimo servo ejus, scribens ei ab urbe Roma de carcere per ipsum Onesimum.

PROLOGUS B. BRUNONIS IN EAMDEM.

Paulus familiares litteras scribit ad Philemonem, quem ad fidem converterat, Romæ victus in carcere. Accepta inde occasione, quia quidam servus Philemonis Onesimus, cum adhuc infidelis esset, a domino furtim elapsus, de pecunia domini secreta asportaverat. Dumque se absentaret a domino, venit Romam ad Paulum in carcere. Ibi accepto verbo fidei, a Paulo baptizatus est ministravitque

D Paulo exinde et fortassis de furata pecunia. Quem Paulus reconciliare cupiens, remittit servum cum hac Epistola ad dominum, in qua agit de Philemone, obsecrans eum multis et diversis causis ut indulgeat servo quod peccavit. In qua re intendit nos instruere, et orandum esse pro delinquente, si penituerit, et parcendum esse (ab eo qui habet potestatem) delinquenti, si ad misericordiam confugerit.

EPISTOLA AD PHILEMONEM.

« Paulus victus Christi Jesu, et Timotheus frater, Philemoni, dilecto adjutori nostro, et Appia sorori charissimæ et Archippo commilitoni nostro, et Ecclesie quæ in domo tua est. Gratia vo-

« bis et pax a Deo Patre nostro, et Domino Jesu Christo. Gratias ago Deo meo, semper memoriam tui faciens in orationibus meis, audiens charitatem tuam, et fidem quam habes in Domino Jesu, et in omnes sanctos, ut communicatio fidei

tuæ evidens fiat in agnitione omnis operis boni in Christo Jesu. Gaudium enim magnum habui, et consolationem in charitate tua, quia viscera sanctorum requieverunt per te, frater. Propter quod multam fiduciam habens in Christo Jesu imperandi tibi quod ad rem pertinet, propter charitatem magis obsecro, cum sis talis, ut Paulus senex, nunc autem et victus Jesu Christi, obsecro te pro meo filio, quem genui in vinculis, Onesimo, qui tibi aliquando inutilis fuit, nunc autem et mihi et tibi utilis, quem remisisti tibi. Tu autem illum ut mea viscera suscipe [filium meum charissimum]. Quem ego volueram mecum detinere, ut pro te mihi ministraret in vinculis Evangelii. Sine consilio autem tuo nihil volui facere, uti ne velut ex necessitate bonum tuum esset, sed voluntarium. Forsitan enim ideo discessit ad horam a te, ut in æternum illum reciperes, jam non ut servum, sed pro servo charissimum fratrem, maxime mihi. Quanto autem magis tibi et in carne et in Domino? Si ergo habes me socium, suscipe illum sicut me. Si autem aliquid nocuit tibi aut debet, hoc mihi imputa. Ego Paulus scripsi mea manu. Ego reddam, ut non dicam tibi quod et teipsum mihi debes. Ita, frater, ego te fruar in Domino, recte viscera mea in Christo [Domino]. Confidens in obedientia tua scripsi tibi, sciens quoniam et super id quod dico facies. Simul autem et para mihi hospitium. **354** Nam spero per orationes vestras donari me vobis. Salutatur te Epaphras concaptivus meus in Christo Jesu, Marcus, Aristarchus, Demas et Lucas, adjutores mei. Gratia Domini nostri Jesu Christi cum spiritu vestro. Amen. »

EXPOSITIO.

Paulus victus, etc. Ut citius ad misericordiam moveat Philemonem reticendo hic dignitatum nomina, ut, *apostolus Christi, etc.*, inducit nomina miseriarum quas patiebatur, dicens: *Paulus victus Christi Jesu*, quem ideo gravius est offendere, quia in vinculis premitur. Videretur enim Paulus contemptui esse Philemoni vel in nullo compati, si audiens eum victum esse, clauderet servo, pro quo precabatur, viscera misericordię: cum nec Paulus victus esset pro culpa sua, sed pro Christo Jesu. Utque quanto plures viderit deprecantes, tanto citius indulgeat Philemoni, ait: *Paulus et Timotheus fratres scribunt Philemoni*, quadam spiritualitate; nec hoc solum dilecto, sed etiam adjutori nostro, qui non cessat adjuvare et sustentare de rebus suis fideles nostros. Scribunt etiam Paulus et Timotheus Appiæ uxori Philemonis, sorori nostræ secundum fidem, et quadam singularitate dilectionis *charissimæ*. Ideo Apostolus scribit mulieri, ut illa videns sibi ab Apostolo fieri quod in sexu muliebri non consueverat, conveniundo dominum suum, flectet eum ad parcendum servo. Scribunt etiam Paulus et Timotheus Archippo filio Appiæ et Philemonis, *nostro commilitoni*, militat enim Deo nobiscum in prædicatione. Hic est Archippus qui Colosseuses fundavit in fide,

A quem ideo in hac Epistola salutatur, ut benevole hortetur parentes indulgere Onesimo. Scribunt etiam *Ecclesiæ*, id est familiæ ad fidem Christi convocatæ, *quæ Ecclesia est in domo tua*: ideo totam familiam salutatur, quam tam digno nomine, id est ecclesiam appellat, ut omnis familia secum pro Onesimo apud Philemonem intercederet, dicens: *Vobis omnibus patrifamilias, matri, filio, et familiæ sit gratia*, id est remissio peccatorum, *et pax*, id est tranquillitas animi. Sint, inquam, vobis hæc a Deo patre nostro: qui potest et vult, *et a Domino Jesu Christo*, qui similiter vult et potest.

Ut Apostolus exorabilem faciat, ait: *Ego audiens charitatem tuam*, id est dilectionem Dei et proximi, audiens etiam *fidem*, id est te in fide Christi perseverare; ideo charitatem præposuit, quia intendebat eum movere ad indulgendum proximo: *quam charitatem habes in Domino Jesu*, ut in eo qui fundamentum est dilectionis, quam etiam habes in omnes sanctos, id est in omnes sanctificatos per baptismum; quare et in Onesimum sanctificatum in fide, habenda est charitas, et bonitas: hoc, inquam, audiens, *ago gratias Deo meo, faciens memoriam semper in orationibus meis*. Ego enim de concessis bonis gratias ago, et ut semper incrementum habeant, oro *ut communicatio fidei tuæ*, id est ut fides tua, quæ bona tua sanctis commulcat, *fiat evidens*, id est omnibus appareat esse, *in agnitione omnis boni*, id est per fidem promovearis ad omne bonum, et illud sit omnibus agnitus, ideo pro incremento charitatis tuæ sic oro. *Ego enim habui gaudium magnum, et cum gaudio consolationem in tua charitate*, id est in administratione tuæ charitatis, et gavisus et consolatus sum, *quia viscera sanctorum*, id est conversi per prædicationem sanctorum, *requieverunt per te administrantem eis*. O frater Philemon, multam enim quietem habuerunt per te depellentem frigus, et esuriam eorum. *Propter quod*, id est quia tantam charitatem circa sanctos habere consuevisti, *ex eo habens multam fiduciam non tantum quia sic meruerim, sed in Christo Jesu imperandi tibi*. Possum enim, si volo, auctoritate apostolatus, accepta a Christo Jesu, imperare tibi *quod ad rem pertinet*, id est ad utilitatem tuam. De eo enim quod utile est cogere te possum, si placet, sed imperium prætermittendo, **355** obsecro te propter charitatem magis quam imperem propter auctoritatem. Et obsecrandus es a me: *cum tu sis talis ut Paulus, scilicet, senex*. Ætas enim consimilis hortatur ut senex seni consentiat, nec hoc solum, sed etiam magis ad exaudiendum invitat hoc quod Paulus *nunc*, id est, in tempore quo obsecro, est *victus Jesu Christi*. Qui enim eum in vinculis non exaudit, profecto Jesum Christum, pro quo victus est, offendit. *Obsecro*, inquam, te per hæc præmissa, *pro meo filio quem genui in vinculis*. Sicut enim si parentes filiam generarent in carcere, acceptior esset illis, quia in adversitatibus suis natus esset, sic Paulus commendat Onesimum, quem incarceratus baptizavit, qui fidem

Christi non erubuit, propter vincula Pauli. Præmissa multa recommendatione, ejus nomen ad ultimum subdit.

Obsecro, inquam, pro fillo quem ego spiritualiter genui, scilicet Onesimo, qui fuit tibi inutilis, furtim elabendo a te, aliquando, id est cum infidelis esset, nunc autem factus fidelis, utilis fuit mihi ministraudo in vinculis, et per hoc utilis tibi. Quidquid enim ipse boni fecit, inde tibi debetur, cujus et servus est, et fortassis pecunia fuit. Quem Onesimum remisisti tibi cum hac Epistola. Tu autem suscipe eum sicut mea viscera, id est scito hunc esse in visceribus meis. Quare si hunc non suscipis, mea viscera abjicis. Quem Onesimum volueram detinere mihi; etenim esset mihi necessarius ut hic mihi ministraret, mihi detento in vinculis Evangelii, id est quæ vincula patior, propter Evangelium quod prædico; quæ ministratio esset pro te, id est pro tua utilitate. Si enim hic servus tuus demptus mihi ministraret, tibi qui dominus eras mercedem acquireret. Sed licet mihi necessarius esset, tibi autem, si demptus mihi ministraret, utilis, tamen nihil horum facere volui sine tuo consilio, ideo ut ne, id est ut non esset bonum hoc tuum velut ex necessitate, id est velles nolles, sed ut esset voluntarium. Debes eum suscipere, ideo quia discessit ad horam a te, forsitan propter hoc ut modo reciperet eum æternum, id est perpetuo manentem tecum. Si enim in infidelitate perdurans conspectui tuo semper astaret, in hoc sæculo (quod parum est) tecum esset, quia mortuus cum impiis deputaretur, tu vero cum justis: sed modo quia fidelis est, et nunc et in futuro tecum est permansurus, ideo ait forsitan, quia dispositio Dei incerta est hominibus. Et jam amplius non habeas eum ut servum solummodo, sed habeas eum charissimum fratrem in Domino pro servo, id est in loco servi. Vel quod habere scilicet ut fratrem, plus servo, id est quam haberet servum charissimum, mihi pro certo charissimum. Quia si mihi adeo charus est, cui tantum in Deo frater est, quanto magis autem tibi charus esse debet, et in carne secundum quam servus est, et in Domino, in quo tibi frater est. Quandoquidem adeo charus est mihi, ergo suscipe illum sicut me, si vis habere me

A socium. Si enim odisti eum, qui tibi proximus est profecto nec Deum diligis: et non diligenti Deum non est habenda ulla communiõ. Modo fortassis diceret ille: Reddat quæ abstulit, et ego indulgeam ipsi. Bene enim justum est dimittere, sed pecuniam repelere religio Christiana non prohibet. Contra hoc Paulus: Suscipe illum. Si autem nocuit tibi aliquid, subducendo se tibi, aut si debet aliquid, quod, te nescio, asportavit, ideo non minus misceraris ei - sed hoc totum imputa mihi, quasi ego horum debitor sim. Et mihi sane imputare debes et potes. Ego enim Paulus scripsi mea manu: Ego reddam tibi quod debet Onesimus. Ideo ait mea manu; ponebat enim quædam signa in Epistolis suis, ut suas esse nemo dubicaret qui signa videret. Quod ille debet ne renuas imputare mihi: ut non dicam tibi indurato et indulgere nolenti, quod tu debes mihi non hoc solum, sed etiam teipsum. Paulus jus habebat super eos, et in rebus eorum quos ad fidem converterat. Ut negationem obtendere non audeat, subjungit adjurationem, dicens: Frater Philemon ita ego fruar te in Domino, si indulseris Onesimo, ut est illud Horatii (3, 1): Sic te diva potens, etc. Et ideo refice viscera mea, id est Onesimum in Christo Jesu, id est propter Christum. Hoc ut, scilicet, reficias eum. Et præmissa scripsi tibi, confidens de obedientia tua: confido enim te obediturum mihi super his. Sciens etiam quod tu facies Onesimo quod dico, et etiam super his postulo, quia non solum indulgebis: sed reddita ipsi gratia tua (si quibus indigeat) ministrabis. Sic facias. Simul etiam cum istis mandatis, para mihi hospitium. Nam spero me donari vobis per orationes vestras. Per hoc etiam quod se adventurum dicit, Philemonem ad miserandum servo inducit. Si enim Apostolus veniens inveniret dominum immisericordem, severius corripere eum. Salutat te Epaphras in Christo Jesu. Vel captivus meus in Christo Jesu: qui propter Christum Jesum captivitatem mecum patitur. Salutant te etiam Marcus, Aristarchus, Demas, Lucas, adjutores mei. Gratia Domini nostri Jesu Christi sit cum spiritu vestro, id est cum Philemone et ejus familia. Amen. Sicut in principio, sic in fine omnes salutavit, ut omnium affectiones circa Onesimum mitigaret.

ARGUMENTUM IN EPISTOLAM AD HEBRÆOS.

In primis dicendum est cur apostolus Paulus in hac Epistola scribenda non servaverit morem suum, ut vel vocabulum nominis sui, vel ordinis describeret dignitatem. Hæc causa est quod ad eos scribens qui ex circumcissione crediderant, quasi gentium apostolus et non Hebræorum: sciens quoque eorum superbiam, suamque humilitatem ipse demonstrans, meritum officii sui noluit anteferre. Nam simili modo etiam Joannes apostolus propter humilitatem in Epistola sua nomen suum eadem ratione non prætulit. Hanc ergo Epistolam fertur Apostolus ad Hebræos conscriptam Hebraica lingua misisse; cujus sensum et ordinem retinens Lucas evangelista, post excessum apostoli Pauli Græco sermone composuisse dicitur.

PROLOGUS B. BRUNONIS IN EAMDEM.

In Judæa erant Ecclesiæ, in fide Christi constitutæ, et de Christo incarnationem, mortem, et resurrectionem, et cætera bene credebant; sed in eo plurimum errabant, quod circumcissionem, et quædam legalia observabant; credentes sine his neminem

posse salvari, et in hoc detrahentes eminentiæ et fidei Christi. Et super hoc multas verisimiles adducebant rationes, scilicet quod Christus sub lege natus, legem per omnia observasset, et si quando de solutione legis incusaretur, reddebat rationes quod legem in nullo solveret, ut ibi, quando opposuerunt ei quia in Sabbato curaret non observare Sabbatum, reddidit rationem et ait: *Si vos in die Sabbati bovem vel asinum solventes adaquatum ducitis sine transgressione legis, quomodo ego solvendo hominem a dæmonio legem transgredior?* (Luc. XIII, 15.) Non recordantes quod Christus finem illi legi posuisset, dum vetus Pascha celebravit, et illi veteri mox novum Pascha (novum scilicet sacrificium) consecravit, tradens corpus et sanguinem suum apostolis suis; ostendens quidquid præcæserat umbram fuisse, nunc autem primum veritatem se tradere. Propter hoc quia Christum legem viderant observasse, quia iterum Petrus et alii, qui prædicaverant Judæis a circumcissione et hujusmodi legalibus, non eos coegerant recedere, timentes impatientiam eorum quia mallet omnem fidem deserere, quam **357** his in quibus consueverant renuntiare. Sciebant enim Petrus et alii quod sic enutrient eos in pueritia, non posse eos aliter perducere ad virilitatem perfectionis. Propter hoc, inquam, circumcissionem cum fide Christi tenebant; sed Paulus videns Christum inutilem illis esse, quandiu legem cum fide tenerent, juxta illud quod ad Galatas ait: « Si circumcidamini, Christus vobis nihil proderit (Gal. v, 2), » ex superabundanti hanc illis Epistolam scripsit, cum tamen gentium tantum Apostolus esset, agens secundum quod ad Romanos ait: « Honorificabo ministerium meum, si quomodo ad æmulationem provochem carnem meam (Rom. xi, 14), » etc. Quare, quia non erat eorum Apostolus, nomina dignitatis in hac Epistola præponere noluit, sicut solet in singulis.

Ideo etiam hæc reticuit quia exosus erat illis, propterea quia legem persequebatur, et ubique destruebat. Unde sæpius incusaverunt eum, imponentes ei quod legem a Deo non esse datam diceret, et omni tempore fuisse inutilem. Quare ut se purgaret ab istis, oportuit eum in Hierusalem secundum ritus Judæorum purificare et purificationem in templum ascendere (Act. xxi, 26; xxiv, 18), et Timotheum discipulum circumcidere (Act. xvi, 3). Si autem, cum ut persecutorem legis suæ eum odio haberent, dignitatis suæ nomina præposuisset, in principio obstreperent, dicentes nec audiendum illis esse inimicum suum, etiam si secundum rationem suaderet. Propter hæc devitanda dignitatis suæ mentionem non fecit. Quasi diceret: Nulla mea auctoritas vos compellit, sed attendite auctoritates legis vestræ et prophetarum, et ex ipsa lege et prophetis intelligetis in Christo fuisse finem legis. Et quia in cæteris nomen suum non præposuit, dixerunt quidam hanc non esse Pauli; sed alii Barnabæ, alii Lucæ, alii Clementis esse dicebant. Contra quos sic argumentatur Hieronymus: Si quia Pauli nomine non titulatur, Pauli non est, ergo, quia nullius nomine titulatur, sit nullius. Lucas atque hanc de Hebræo transtulit in Græcum. In hac autem Epistola materiam habet eminentiam Christi et inutilitatem legis comprobans per eandem legem et prophetas eorundem in Christo finem habuisse; legalia quæ nec eo tempore quo esse debebant alicui proderant, nisi per fidem venturi, sed Christus sic ad justificationem sufficit, ut adjutorio legis non indigeat, et si lex admisceatur, fidem irritam faciat. Eo fine sic de Christo et lege ait, ut Judæi legalia deserant, et in eminentia Christi justificationem quærant et accipiant. Circa finem etiam Epistolæ instruit eos de moralitate, quia sicut vitium naturale Judæis semper fuit, luxuriosi nimis erant in cibis et in libidine.

EPISTOLA AD HEBRÆOS.

CAPUT PRIMUM.

« Multifariam multisque olim Deus loquens patribus in prophetis, novissime [in] diebus istis locutus est nobis in Filio, quem constituit hæredem universorum, per quem fecit et sæcula. Qui cum sit splendor gloriæ et figura substantiæ eius, portansque omnia verbo virtutis suæ, purificationem peccatorum faciens, sedet ad dexteram maiestatis in excelsis, tanto melior angelis effectus, quanto differentius præ illis nomen hæreditavit. Qui enim dixit aliquando angelorum: Filius meus es tu, ego hodie genui te; et rursum: Ego ero illi in Patrem, et ipse erit mihi in Filium. Et cum iterum introducit Primogenitum in orbem terræ, dicit: Et adorent eum omnes angeli Dei. Et ad angelos quidem dicit: Qui faciunt angelos suos spi-

ritus, et ministros suos flammam ignis. Ad Filium autem: Thronus tuus Deus in sæculum sæculi, et virga æquitatis virga regni tui. Dilexisti justitiam et odisti iniquitatem, propterea unxit te Deus tuus oleo exultationis [lætitiæ] præ participibus tuis, et tu in principio, Domine, terram fundasti: et opera manuum tuarum sunt cæli. Ipsi peribunt, **358** tu autem permanebis, et omnes ut vestimentum veterascent; et velut amictum mutabis eos et mutabuntur, tu autem idem ipse es, et anni tui non deficient. Ad quem autem angelorum dixit aliquando: Sede a dextris meis, donec [quoadusque] ponam inimicos tuos scabellum pedum tuorum? (Psal. cix, 1, 2.) Nonne omnes sunt administratorii spiritus in ministerium missi, propter eos qui hæreditatem capiunt salutis?

EXPOSITIO.

Multifariam, etc. Nunc in principio probare intendit Christum Filium Dei audiendum esse, confutando eum prophetis, qui, si ideo audiendi fuerunt quia Deus per eos ut per instrumentum locutus est, multo magis observanda sunt præcepta Christi, in quo Deus locutus est, ut in Filio. Confert iterum Christum angelis, quia si verba angelorum per eos prophetarum prolata observabantur, observanda sunt verba Christi longe amplius, qui longe melior angelis est effectus. Et hæc omnia quæ præmittit spectant ad conclusionem [illationem] inferius positam, ubi ait : *Propterea abundantius*, etc. Quasi diceret : Observate quæ dicta sunt a Filio, quia *Deus olim loquens patribus nostris*, id est prioribus Judæis qui et in carne et in cultu Dei patres nobis sunt, loquens, inquam, patribus in prophetis. Non enim prophetarum erant, quæ loquebantur, sed Dei loquentis per eos ut per instrumentum. In hoc nomine quod Deus est, multum opponebant Paulo, dicentes quia Deus immutabilis esset. Legem autem Deum dedisse negari non posset, immutabilem debere esse legem, quam, qui mutari non poterat, dedisset. *Olim*, inquam, *Deus loquens patribus in prophetis multifariam*, id est multoties, ut cum positione dictionis non insistamus. Multoties, inquam, quia et Abraham, et Isaac, et Jacob, et unicuique eorum multis vicibus. Loquens etiam *multis modis*, quia modo per somnia ut Danieli, modo aperta voce, ut Moysi, nunc interiori aspiratione, ut David. Vel *mutifariam*, id est diverso genere locutionis, ut huic in somnio, illi sermone aperto, illi interius aspirando, et ideo diversis modis, quia si in somnio tantum, putaretur inane quod ita fuisset auditum, sed ubi hic aperto sermone, hic in somnio, alius interna aspiratione, omnes idem et de eodem perhibebant, certiores fidem tot modis intellectæ rei faciebant. *Multifariam*, inquam, id est multo genere locutionis, et *multis modis*, id est diversis operationibus, ut in ardenti rubo Moysi, in vellere sicco et udo Gedeoni, et similiter multis aliis. Olim loquens patribus in prophetis, *locutus est nobis in Filio*. Quod ad illud antiquius præsens tempus, ponit loquens, et ad illud quod quasi præsens erat, posuit præteritum locutus, significat idem se loqui per Filium quod locutus est per prophetas, nisi quod in prophetis occulta veritas, et adhuc complenda, in Filio autem aperta veritas et completa. Dicens etiam Deus loquens patribus *locutus est nobis filiis eorumdem patrum*, innuit eidem populo non diversa fuisse locutum, sed si per prophetas Judæis per Filium solis loqueretur gentibus, posset opinari ad diversos populos de diversis fuisse locutum. Locutus est nobis *novissime*, scilicet in *diebus istis*, adhuc enim multi supersunt qui eum loquentem et audierunt et viderunt. Vel ita : Locutus est diebus istis, sicut dictum est.

Locutus dico novissime, quæ hæc locutio Dei per Filium novissima fuit, nullius novitate locutionis

A ulterius immutanda, sed olim locutus in prophetis est novissime, quia veritatem locutus in Filio destructurus erat umbram, quam loquebatur in prophetis. Et si prophetas audistis, quia Deus locutus est in prophetis, *abundantius* observate quæ de Deo in Filio audistis. Nunc incipit magnificare Filium, modo secundum humanam, modo secundum divinam, modo secundum utramque simul substantiam dicens : *Quem Filium Deus Pater constituit*, id est firmiter stabilivit *heredem universorum*, id est firmum possessorem omnium non heredem quasi Pater ejus decesserit, **359** quod in humanis legibus fit, sed heredem secundum quod idem ait : « Omnia quæcunque habet Pater, mea sunt (Joan. xvi, 15). » Hæc constitutio secundum quod homo est, facta est in eo, in quo secundum divinam ab æterno fuit omnis plenitudo; *per quem iterum fecit* non solum coelestia, sed etiam *sæcula*, id est quæcunque sæcularia videtis, juxta illud : « Omnia in Sapientia fecisti (Psal. ciii, 24). » Hoc secundum divinam dictum est de Filio; qui *Filius cum sit splendor gloriæ*, id est divinæ essentia Patris, quæ divinitas per excellentiam gloria dicitur, et consideratione illius nihil gloriosum videtur. Filius, inquam, splendor est gloriæ, quia sicut radius solem significat lucere, ita Filius radius est, notificans Patrem, non tamen aliud a Patre, sicut nec radius aliud est a sole. Hoc autem secundum utramque naturam, maxime secundum divinam dictum est de Filio. Qui Filius etiam cum sit *figura substantiæ ejus*, id est plena ostensio essentia Patris. Figura autem, non quod diversus a Patre, sed idem; eadem enim substantia Filius est cum Patre, hæc secundum divinam tantum. *Portans etiam omnia*, quia, sicut nisi per Filium creari non poterant, sic nisi per Filium creata subsistere non possent. *Portans omnia verbo*, id est sola voluntate, sicut quemlibet regem judicarem potentem, qui solo verbo gubernaret imperium suum. *Portans, inquam, omnia verbo virtutis suæ*, id est virtuoso verbo suo.

Hæc omnia nihil adhuc ad illos, quia dicerent : Quid prodest nobis si per eum facta sunt omnia, si splendor sit gloriæ, etc. Ad hoc Paulus respondet : *Filius dico faciens purgationem peccatorum*, id est purgans homines a peccatis, et quod purgare possit comprobatur ex præmissis; per quem facta et portata dicuntur omnia, et qui cum Patre eadem est substantia, etc. Quod etiam tempore legis Judæi confitebantur, ubi dicebant eidem Christo : « Quis potest dimittere peccata nisi solus Deus? » (Marc. ii, 7.) Hæc plane ostendebant neminem posse salvari a peccatis per legem. Purgationem peccatorum faciens. Hoc de Filio dictum est secundum divinam. Qui Filius cum sit talis et talis, *sedet ad dexteram majestatis*, id est ad æqualitatem paternæ majoritatis. Majestas enim dicitur essentia Dei, nec in illo paradiso unde pulsus est Adam, sed sedet in *excelsis cælorum*, locutus in dextera Patris, hoc se-

cundum humanam. Nunc Filium comparat angelis, ita tamen ut longe præferat illis dicens: Filius, inquam, effectus tanto melior angelis, quanto differentius hæreditavit nomen, id est honorificentiam postquam resurrexit et ascendit. Differentius ideo quia cum adhuc esset passibilis et mortalis, differens nomen habuit, quia angeli ministrabant ei (*Matth. iv, 11*), sed ascendens multo differentius nomen possedit. Et quia differentius esse posset, non tamen præ angelis, ideo ait *differentius*, ita ut sit præ illis angelis. Vere nomen hæreditavit præ angelis. Nam vox Patris ait ad illum: *Filius meus es tu* (*Psal. ii, 7*); quod nulli angelorum dixit. Sed ad majorem confirmationem sub interrogatione, hoc ita ait: *Cui angelorum dixit aliquando*, id est nec priusquam confirmarentur, nec postquam per casum aliorum confirmati sunt: Dixit, inquam: *Tu es filius meus* consubstantialis, non adoptivus, ego enim Pater genui te hodie (*ibid.*), id est in æternitate. Propter infirmitatem intellectus nostri, cum hodie (quod nota præsentis temporis est) posuit præteritum *genui*, ne si diceret hodie gigno te, suspicaremur cum non ab æterno genitum de Patre. Et ideo genui dixit, secundum infirmitatem nostram, *hodie* secundum divinitatem in qua nihil præteritum, nihil futurum, sed omnia ibi hodie præsentia.

Et rursus cui angelorum dixit hoc aliquando? vel sine interrogatione. Rursum Pater hoc ait de Filio. Ubi ait rursus de eodem significat esse dictum. Ait Pater: *Ego ero illi*, id est ad honorem illius, ero illi in patrem et ipse filius erit mihi in filium (*II Reg. vii, 14*) ad me magnificandum. *Ero et erit* posuit, non quia hic Pater, ille Filius non sit **360** ab æterno, sed quantum ad communem notitiam hominum. Nec ad hoc ille Pater, nec iste Filius, sed in die iudicii erit Pater, erit Filius, cum omnes impii cognoscent Christum esse Christum Filium Dei; quod viventes negaverunt. Hæc duo secundum divinitatem dicta sunt de Christo. Et iterum dicit Pater de eodem Filio, *adorent eum omnes angeli Dei* (*Psal. xcvi, 7*), sed præmittit quando hoc dictum sit. Cum Pater introducit, id est ostendit introducendum *Primogenitum*, suum Christum in orbem terræ. Introducit ideo quia in interiora cordium ductus est; cum, inquam, introducendum ostendit, dicit. Illud et jungitur in littera psalmi, *adorent eum*, scilicet Filium secundum humanam naturam *omnes angeli Dei*. Et hoc de eo post resurrectionem accipiendum est. Illud præcedens *ero illi in Patrem*, in Isaiâ invenitur, in psalmo etiam: *Misericordias Domini*, quod idem valet, ibi habetur: *Ipse invocabit me, Pater meus es tu* (*Psal. lxxxviii, 27*). Illud quod sequitur, *adorent eum*, habetur in psalmo: *Domine regnavit, exultet terra* (*Psal. xcvi, 7*), nisi quod ibi est *adorate*, hic *adorent*. Dicit etiam Pater de eodem Filio pertinens ad angelos. Hoc, scilicet, *qui Filius facit cœlestes spiritus suos angelos*, id est suos legatos mittens eos quo placet. Nec tantum illos inferiores: sed etiam *flammam ignis*, id est se-

raphim, qui ordo dignitate alios præcellit. Facit ministros suos etiam secundum humanam naturam obsequentes illi. Hoc Pater ait, pertinens ad angelos. Hoc autem idem ait ad Filium. O Deus Fili, *thronus tuus*, id est judicialis sedes tua *permanet in sæculum sæculi*. Et merito, quia *virga regni tui est virga æquitatis*, id est directa æquitas et inflexibilis. Virga regis recta, et ideo de ære solet fieri, ut signum sit directæ et inflexibilis æquitatis, quæ æquitas in Christo directa est et inflexibilis. Merito iterum *thronus tuus est in æternum*: quia tu *dilexisti justitiam*, id est omne bonum non coæctus, sed ex dilectione amplexatus es. Et sicut dilexisti justitiam, ita odisti iniquitatem, id est omne malum. Quidam enim sic diligunt justitiam ut tamen quasdam injustitias odio non habeant.

Et propterea ut thronus tuus esset in æternum, ut virga æquitatis esset tibi; ut diligeres justitiam, propter hæc omnia ut existerent in te, o Deus Fili, Deus Pater unxit, ego scilicet qui loquor, unxi te. Alii per ministros ut David et Saul uncti sunt; Christus autem propria operatione Patris. Unxit te, inquam, *Deus tuus* consubstantialis tibi, oleo, id est Spiritu sancto, quia sicut oleum carnem, sic Spiritus sanctus fovet et demulcet animam. Oleo dico *exultationis*. Et merito dicitur exultationis, quia homo ille per spiritum de quo conceptus est, a peccato permansit immunis. Unctus est Christus Spiritu sancto in utero Matris. Accepit iterum Spiritum sanctum in baptismo, quando in specie columbæ super eum visus est (*Matth. iii, 16*), non tamen in baptismo Spiritum accipiens, quasi nova justificatione indigeret, sed ut ostenderet quod Spiritum sanctum hominibus in baptismo ad justificandum tribueret. Unxit te Deus oleo *præ participibus tuis*, id est præ apostolis et cæteris, qui Spiritum sanctum acceperunt. Præ illis ideo quia Christus de Spiritu sancto, omnes alii de semine carnis concepti sunt. Hæc omnia secundum humanitatem de Filio dicta sunt; hæc Pater dixit de Filio, et iterum propheta ad Patrem de eodem Filio, secundum divinitatem. O Domine Pater, *tu fundasti terram*, id est firmiter stabilisti hanc Ecclesiam: quæ terra dicitur comparatione superioris Ecclesiæ angelorum. Fundasti dico *in principio*, id est per principium quod est Filius juxta quod idem de se ait: *Ego principium qui et loquor vobis* (*Joan. viii, 25*). Fundasti terram, et cœlum, id est majores sanctos, ut apostolos, qui mysteria tua compluunt subditis. Hos, inquam, non solum fundasti, sed dicendi sunt propria opera manuum tuarum. In excellentia enim horum apparet manus tua fuisse operata, sicut quilibet artifex diceret: Hæc imago egregia opus meum est, sed in illa deterius facta non cognosco me, cum tamen utraque opus ejus sit. Et ipsi **361** *cœli peribunt*, id est morte destruetur quidquid ex natura sua erunt, sed *tu permanebis in illis*, id est justitia et cætera quæ tu operaberis, in illis permanebunt, et omnes sive cœli, sive terra vetera-

ascendit, id est paulatim corrumpentur miseria carnis.

Veterascent dico, et peribunt *ut vestimentum*, id est secundum corpus quod in eis est, circumdans animam tanquam vestimentum. Ipsi peribunt, *et tu mutabis eos velut amictum*, id est corpus, quod quasi amictus animæ est. Mutabis impassibile factum et immortale. *Mutabuntur* etiam secundum animas gloriosiores factas, et in cognitione Dei proficientes. Ipsi peribunt et veterascent, *tu autem es idem ipse*, id est immutabilis contra hoc quod ipsi veterascent, *et annitui non deficient*, id est æternitas tua permanens est. Contra hoc quod illi morte peribunt, non solum per præmissa major angelis comprobatur, sed etiam per hoc dictum Filio: «Sede a dextris,» quod nulli dictum est angelo. Quia ad quem angelorum dixit Pater aliquando, sicut idem verbum supra notavimus, *Sede*, id est judica et quiesce *a dextris*, id est in potioribus meis, *quoadusque ponam inimicos tuos scabellum pedum tuorum* (Psal. cix, 1, 2), id est ita plenarie subjectos tibi, ut scabellum subjicitur pedibus? Per pedes tamen humanitas Christi intelligitur, quæ ultima pars in illo. Hæc autem plena subjectio, consummanda est in ultimo iudicio secundum humanitatem Filii. Vere nulli angelorum dixit hoc quod dixit Filio, *sede a dextris*, quia angeli ministri sunt Filii, hoc autem repugnans est ut ministri sint Christi, et ejusdem dignitatis. Quod ita ait: Ideo constat hoc non esse dictum alicui angelorum, quia *nonne omnes angelici spiritus quotquot sunt, sunt administratorii*, id est dispositi ut administrarent Christo? Et quia quidam ministri constituti sunt, quibus imperare non audent domini, ad hoc removendum addit, Ita dico administratorii, quod *missi in ministerium* quocumque sibi placet etiam *propter eos*, id est propter homines. Multam subjectos constat esse Christo, imperio cujus deserviant etiam hominibus, qui minores sunt angelis. Propter eos dico, *qui cænant hæreditatem salutis*, id est qui possidebunt æternam salutem in hæreditatem, id est firmam sibi possessionem.

CAPUT II.

«Propterea abundantius oportet observare nos ea quæ audivimus, ne forte perefluamus. Si enim qui per angelos dictus est sermo, factus est firmus, et omnis prævaricatio et inobedientia accepit justam mercedis retributionem, quomodo nos effugiemus, si tantam neglexerimus salutem? Quæ cum initium accepisset enarrari per Dominum, ab eis qui audierunt, in nos confirmata est, con-testante Deo signis et portentis et variis virtutibus, et Spiritus sancti distributionibus secundum suam voluntatem. Non enim angelis subjecit Deus orbem terræ futurum, de quo loquimur. Testatus est autem in quodam loco quis dicens. Quid est homo quod memor es ejus, aut filius hominis quoniam visitas eum? Minuisti eum paulo minus ab angelis, gloria et honore coronasti eum, et constituisti

eum super opera manuum tuarum. Omnia subjecisti sub pedibus ejus. In eo enim quod omnia ei subjecit, nihil dimisit non subjectum ei. Nunc autem necdum videmus omnia subjecta ei. Eum autem qui modico quam angeli, minoratus est, videmus Jesum, propter passionem mortis, gloria et honore coronatum, ut gratia Dei pro omnibus gustaret mortem. Decebat enim eum, propter quem omnia, et per quem omnia, qui multos filios in gloriam adduxerat, auctorem salutis eorum per passionem consummare. Qui enim sanctificat et qui sanctificantur, ex uno omnes. Propter quam causam non confunditur fratres eos vocare, dicens: Nuntiabo nomen tuum fratribus meis, in medio Ecclesiæ laudabo te. Et iterum: Ego ero fidens in eum. Et iterum: Ecce ego et pueri mei quos dedit mihi Deus. Quia ergo pueri communiter caverunt carni et sanguini, et **362** ipse similiter participavit eisdem, ut per mortem destrueret eum, qui habebat mortis imperium, id est diabolum, et liberaret eos, qui timore mortis per totam vitam obnoxii erant servituti. Nusquam enim angelos apprehendit, sed semen Abrahamæ apprehendit. Unde debuit per omnia fratribus assimilari, ut misericors fieret et fidelis Pontifex ad Deum, ut repropitiaret delicta populi. In eo enim in quo passus est ipse et tentatus, potens est et eis qui tentantur auxiliari.»

EXPOSITIO.

Ex omnibus superioribus infert; ad hoc enim comprobandum omnia adduxit, dicens: Quia si in prophetis et in Filio locutus est Deus, quia per Filium omnia facta sunt, quia major est angelis, quia dictum est Filio: «Sede a dextris,» quod nulli dictum est angelo, *propterea oportet nos observare ea quæ audivimus* a Filio abundantius quam ea quæ audivimus a prophetis. Prophetas quidem abundanter, sed Filium abundantius oportet audire, *ne forte non audiendo Filium, perefluamus*. Nos multis miseris et peccatis quotidie effluimus, sed, si non observemus mandata Christi, perefluimus, quia omne bonum elabatur a nobis, et poena totius justitiæ nobis residua erit. Probavit Filium esse audiendum, tum quia in Filio locutus est Deus, sicut in prophetis, tum quia Filius major est angelis, et hoc per auctoritates eorumdem probavit; modo mandata Filii observanda dicit ideo quia non effugient poenam qui neglexerint propositam sibi a Filio salutem. Quod ita probat: Vere quæ audivimus a Filio nisi observaverimus, perefluemus, id est puniemur, quia si sermo angelorum non impletus poenam intulit non observantibus, tunc salus Filii neglecta, qui major est angelis, poenam inferet negligentibus. Quod ita: *Si sermo*, id est ostensio voluntatis Dei, seu in lege, seu in prophetis, *qui sermo dictus est per angelos*. Angeli enim et Moysi legem et cæteris prophetis ministrabant, quæcumque illi docebant, si, inquam, hic sermo *factus est firmus*, id est confirmatus est, sicut lex data Moysi, per quædam

miracula, id est per tonitrua ibi audita, etiam A quibusdam minis et pollicitationibus confirmata: Si, inquam, sermo per angelos factus est firmus, et ideo *omnis prævaricatio et inobedientia*. Prævaricationem vocat, non solum dimittere quod præcipitur in lege, sed etiam contra legem facere, ut qui jubetur diligere proximum, non tantum non diligit, sed etiam occidit. Inobedientia dicitur non implere quod in lege præcipitur; etiam si nihil contra legem operetur: ut qui jubetur diligere non diligit. Ideo ait omnis prævaricatio et inobedientia, et non omnis prævaricator et inobediens, significans unam solam prævaricationem, vel inobedientiam non effugere poenam. Prævaricator autem vel inobediens multarum prævaricationum vel inobedientiarum reus esse potest. Si, inquam, omnis prævaricatio et inobedientia *accepit retributionem mercedis*, id est mercedem retributam. Merces dicitur quæ, pro qualitate facti, sive malum sive bonum sit, redditur. Retributio significat quantum meruit tantum esse redditum ei. Retributionem, dico, *justam*, quia sic retribuendo Deus agit ex justitia, nec putetis eum sic misericordem esse ut obliviscatur justitiæ.

Si, inquam, prævaricatio vel inobedientia sermonis dicti per angelos accepit retributam mercedem, *quomodo nos effugiemus* illud perefluere *si neglexerimus*, non dico prævaricatores exstiterimus, sed (quod minus est) si saltem neglexerimus, id est intelligere contemnimus, non dico sermonem, sed *salutem*? Verbum enim Christi creditum credentibus, causa efficiens est salutis. Salutem dico *tantam*, id est inefficentem. Salus enim hæc quando remittuntur peccata principium habet; positionem virtutum habet incrementum, in æterna beatitudine consummationem. Nec eos reddit inexcusabiles, quod nequeant opponere se, quasi remotos hanc audisse salutem dicens: *Quæ salus cum accepisset initium* non constitutionis, quia ab æterno **363** sic fieri erat dispositum; sed *initium enarrari per Dominum angelorum*, id est per Christum quod Christus enarrare cepit hanc salutem. Tunc, inquam, cum accepisset hoc initium *confirmata est in nos*, id est in vos Judæos *ab eis qui audierunt* ab ipso ore Christi, scilicet per apostolos, quorum justitia et auctoritas firmitatem hujus salutis vobis commendavit. Confirmata dico, *Deo contestante*. Ipsi enim apostoli auctoritate sua satis hanc attestabantur, sed Deus idem testabatur cum illis *signis et portentis*. Signa vocat, ut morbos depellere, quod ars medicinalis posset efficere. Portenta autem, quæ contra naturam erant, ut cæco nato oculos aperire, Lazaram suscitare: quæ et aliud significabant. Contestante autem etiam Deo *varis virtutibus*, hic veras virtutes significat, ut justitiam, prudentiam, et hujusmodi, quæ ministrabat fidelibus suis. Contestante etiam *distributionibus*, id est per distributiones *Spiritus sancti*, huic enim genera linguarum, illi revelationes Scripturarum, et cæteris cæteras gratias distribuere.

His omnibus factis *secundum voluntatem suam* (non enim considerabat meritum, sed beneplacitum misericordie suæ) dixit quod negligentem salutem Christi non effugient ejus vindictam. Nunc subjungit, quod vindicandi in omnes habeat potentiam. Dixi: *Quomodo nos effugiemus*, et vere non effugiemus vindictam negligentem salutem Filii, cum prævaricatores sermonis angelorum puniti sint, quia Filio subjiciet orbem terræ quem angelis non subjecit. Hic locus fidem facit a minori. Quod ita ait: *Deus pater non subjecit orbem terræ angelis*, ministerio quidem eorum multa in orbe fiunt. Sed omnia spectant ad Dei imperium. Orbem terræ dico *futurum* subjectum ei *de quo loquimur*, scilicet Christo. Vel ita: Orbem non subjecit angelis, quod, scilicet, ut subjiciatur, futurum est ei, de quo loquimur, Christo. Quod autem orbis subjiciendus sit Christo, probat auctoritate David; qui tamen de hac subjectione futura loquitur, quasi de præterita, sicut admissus in divino consilio. Et ut certius exaltationem Christi super omnia probaret, præmittit humilitatem ejus, ne si (tacita humilitate) exaltationem assereret, ambigeretur alium esse qui humiliatus, alium qui exaltatus est. Unde sic ait: Non ego solus dico orbem subjiciendum Christo, sed etiam *testatus est idem mecum quis dicens in quodam loco* (*Psal.*, viii, 5, 6). Hæc auctoritas adeo nota erat, quod nec auctoris, nec loci in quo erat nomine indigeret. Hæc, inquam, testatur David loquens ad Patrem. O Domine, *homo ille Christus quid est*, admirative, id est magnum quid futurus est, sed quantum quid sit; hoc tamen totum per hoc quod tu *memor es ejus hominis*. Memor fuit Deus hominis Christi, quando eum immunem a peccato conservavit. Hominem eum appello, aut ut expressius dicam homo ille Filius hominis magnum quid est in eo *quod tu visitas eum*. Sicut medicus ut visitet, ingreditur ad infirmum, sic Deus visitavit Christum in sepulchro, ingrediendo ad eum ut incorruptibilis resurgeret. Ubi ait *Filius hominis et verum hominem*, et non de semine viri natum ostendit, hominis enim: Filius, non hominum. Et sicut cognovi ejus incarnationem, sic minorationem ejusdem, *minuisti enim eum* Filium Dei in virtute per assumptam naturam passibilitatis et mortalitatis. Minuisti dico *paulo minus*, id est minus per paulum, quia licet mortalis, tamen in hac mortalitate imperabat angelis. Minuisti paulo minus separatim *ab angelis*, id est ab illa dignitate loci, Deus enim homo factus inter homines est conversatus.

Posita humiliatione Christi, incipit de exaltatione dicens: *Coronasti eum gloria*, id est claritate immortalitatis *et honore*: quia ipsi flectitur omne genu. Coronasti ab ea similitudine dicit, qua sicut victor revertens de triumpho, coronam suscipit; sic Christus triumphata morte, gloria et honore coronari meruit. Et eum coronatum *constituisti super opera manuum tuarum* super homines et angelos, quæ proprie dicuntur opera manuum Dei, et ita super

opera, quod omnia subiecisti sub pedibus **364** ejus, id est ipsi plenaria subiectione. Posset enim superior esse dignitate; quod non tamen inferiora aliqua subiectione essent ei obnoxia. Modo Paulus quod David ait omnia subiecisti, quomodo intelligendum sit, exponit dicens, ait David: Omnia subiecisti. In eo autem quod Scriptura subiecit, id est ostendit subjecta ei omnia, nihil dimisit non subjectum ei, quia ubi ait omnia nihil excipit. Si enim habetur, superius jungitur. Benedico orbem futurum Christo subiectum, quia in eo quod subiecit ei omnia, nihil dimisit non subjectum ei. Et licet dixerit omnia subiecisti, tamen nondum videmus omnia esse subjecta ei, quare dicebam futurum subjectum ei. Hodie enim aliquid subiecit, sed necdum omnia, cras iterum aliquid, et necdum omnia, et istud necdum dici poterit, donec in iudicio etiam subiecientur ipsi impii.

Opponeret aliquis: Sicut necdum subjecta sunt, sic nec in æternum subiecientur. Ad hoc Paulus: Licet necdum subjecta sint ei omnia, tamen quia partem prophetiæ in eo completam videmus, scilicet coronatum gloria et honore, certi sumus partem quæ restat implendam, scilicet ut subiecientur ei omnia. Quod ita ait: Eum qui minoratus est modico, id est per modicum quam angeli; posset enim ab eo quod erat minorari, ut tamen remaneret major angelis, ait minor factus quam angeli. Eum, inquam, videmus jam Jesum, id est salvantem suos, coronatum gloria et honore, id est claritate immortalitatis, et quod omne genu flectatur illi. Coronatum, inquam, non sine merito, sed propter passionem, quæ passio non quoquomodo tolerabilis; sed passio mortis. Hic jam ostendere incipit, non solum propter potentiam et ultionem mandata Christi debere observari, sed (ut illa prætermittamus) propter dilectionem qua nos adeo dilexit ut pro salvatione nostra mortem eligeret. Minoratus ideo, ut gustaret mortem pro omnibus prædestinatis, vel pro omnibus universaliter. Pretium enim datum est omnibus, si velint, sufficiens. Gustaret dicit, propter amaritudinem mortis, quæ interius illi sapuit. Vel gustaret, quia mors illa cito præteriens, quasi in gustu fuit, non inebrians per moram. Gustaret, inquam, et hoc gratia, id est per gratiam, Dei, non enim hoc orômeruerat homo. Ideo gustaret mortem pro omnibus quia decebat eum, id est Deum Patrem propter quem glorificandum facta sunt omnia, et per quem facta sunt omnia. Eum dico qui adduxerat, id est adducendos prædestinaverat multos filios, id est homines justificatos ad gloriam, id est ad salvationem. Eum, inquam, decebat auctorem salutis eorum filiorum (scilicet Christum) consummare per passionem mortis sicut promisit. Frustra enim facta essent omnia, si homo non redemptus periret. Omnis enim creatura terrena homini deservit; ut homo in illis materiam habeat laudandi Deum. Si autem nomen non salvaretur, dispositio Dei falleretur, qui propter se glorificandum fecerat omnia, cum in

nullo glorificaretur, damnato hominæ. Et cum propter Deum glorificandum, et per Deum facta essent omnia, consilium ejus impleri oportuit, ut glorificaretur in creaturis, ne, non providere salutem his quæ fecerat, absurdum esset. Consummatio Christi in resurrectione incipit, perfectionem habitura in die iudicii, quando omnia subiecientur ei.

Probat quod deceit consummare Christum per passiones, quia dicerent illi satis indecens esse ut quod auctor erat salutis, cui omnia deberent subijci, eum in ignominias passionis deponere. Unde ait: Vere sic eum consummare non dedecuit quia qui sanctificat prædestinatos ad gloriam, id est Christus, et qui sanctificantur, id est prædestinati omnes pendent ex uno, id est ex Deo Patre. Sic enim Christus homo potestati Dei subiectus est, sicut hi qui per eum salvantur. Et cum Christus ex Deo pendeat, non dedecuit si disposuit de eo quomodo sibi placuit. Probat quod sanctificans et sanctificati ex uno pendent per auctoritates, sic dicens: Propter quam causam, quia sanctificans et sanctificati ex uno sunt, propter hoc, inquam, non confunditur, id est non erubescit

365 Christus eos vocare fratres, dicens in psalmo: Nuntiabo nomen tuum (id est honorificentiam tuam) fratribus meis, et laudabo te positus in medio Ecclesie (Psal. xxi, 23), quasi columna sustinens et fulciens domum, ne quid in ea ruat. Et iterum probat idem auctoritate Isaie loquentis in persona Christi sic: Ego Christus ero fidens in eum (Psal. xvii, 5), id est in Deum Patrem. Cumque in Deum se dicat confidere, apparet eum sicut alios ex Deo pendere. Et iterum probat quod sanctificans et sanctificati ex uno sint, dicens in Isaia: Ecce ego Christus paratus sum obsequio Dei et pueri mei, quos Deus dedit mihi (Isai. viii, 18). Ubi ait: Ecce ego, et Deus dedit mihi, ostendit se ex Deo pendere. Probavit quod non dedecuit, concludit modo quod per passionem oportuit Christum auctorem esse salutis hominum, dicens: Quia Christus qui sanctificat, et homines qui sanctificantur ex uno sunt. Ergo Christus participavit eisdem hominibus, similiter ut passibilis et mortalis fieret. Et quare qui sanctificat participavit eisdem? Ideo quia pueri quos sanctificabat communicaverunt carni et sanguini, id est corpori et animæ. Per sanguinem enim animam accipit, non quod sit anima, sed quia sedes est animæ. Communicare carni et sanguini dicit, veros homines esse. Et quare Christus ideo participavit humanitati? quia pueri quos sanctificabat homines erant; propterea, scilicet ut per mortem pro puerorum salute passam destrueret eum, qui habebat imperium mortis, id est diabolus, qui imperabat lege mortis omni homini. Nisi enim per mortem non posset destrucere mortem; mori autem non posset, nisi homo fieret, et ideo oportuit eum participare eisdem similiter. Deus enim hominem primum purum et in libertate creavit, quem diabolus seductum (quia imperium Dei transgressus est) imperio suo ut servum mancipavit. Homo autem corruptus per peccatum nulla

virtute hanc servitutum evadere potuit. Cum autem homo per se servus factus esset, si per alium liberaretur quam per hominem, violentia esset, et diabolus injuriam sibi fieri juste reclamaret.

Propterea ut homo redimeretur, oportebat inveniri hominem in quo peccatum non esset, ut diabolus, in eo usurpans sibi potestatem in quo, quia peccatum non esset, nullam haberet, per hoc quod homini sine peccato mortem (quæ pœna est peccati) inferret, usurpando quod suum non erat, juste pro hac præsumptione perderet omnem hominem quem juste possederat. Homo autem sine peccato inveniri non potuit inter homines, quia omnes in concupiscentia nati. Si autem (ut quidam opponunt) angelica natura incarnaretur, cum uterque angelus et homo in natura habeat peccare, facillime caderet, cum utramque naturam per se constet cecidisse. Sic relinquunt humanam naturam nullo modo sine peccato posse consistere, nisi uniretur ei divinitas. Ideo etiam (sicut aiunt sancti) Deus voluit homo fieri ut per hoc homines redderet magis obnoxios suæ dilectioni. Ostendit Christum non solum per mortem destruxisse mortis imperium, sed etiam merito mortis suæ legem (quæ Judæos in servitute tenuerat) evacuasse. Unde sic ait : *Ut per mortem destrueret diabolum, et ut per mortem liberaret eos, Judæos ad quos hic sermo erat, qui per totam vitam timore mortis obnoxii fuerant servituti*, id est legi, quæ ut servos coegit eos, dicens : Si hoc feceris, morte morieris. Sed Christus, nolens vos servire timore mortis, legem evacuavit, ut sicut servi prius timebatis, sic modo per gratiam liberi diligatis. Vere participavit similiter ut homines sanctificaret, *nusquam enim apprehendit*, id est in nulla Scriptura legitur apprehendisse angelos, id est angelicam naturam, ut angelos redimeret, *sed apprehendit*, id est legitur apprehendisse semen Abraham, carnem sumens de Abraham, ut qui per fidem semen sunt Abraham, eos salvaret. Unde quia semen Abraham apprehendit, *debit similari fratribus per omnia passibilis factus et mortalis, ut misericors* (quod erat in natura) *fieret operis exhibitione, et 366 pontifex*, id est factus nobis pons, quo transeamus ad Deum. Pontifex dico *fidelis*, quia nec ab his quos ducebat, nec a Deo cui tradebat munera suæ ductionis quæsivit. Similari etiam ideo, *ut repropitiaret*, id est propitiando remitteret, *delicta populi*. Et vere potens est repropitiare delicta populi, *nam in eo*, id est in inferiori ejus substantia *in qua ipse passus est sub Pilato, tentatus a diabolo, potens est ipse auxiliari eis quicunque tentantur*, et a tentationibus liberare.

CAPUT III.

Unde, fratres, sancti vocationis cœlestis participes, considerate apostolum et pontificem confessionis nostræ Jesum : qui fidelis est ei, qui fecit illum, sicut et Moyses in omni domo ejus. Amplioris enim gloriæ iste præ Moyse dignus habitus est, quanto amplio rem honorem habet domus qui fabricavit illam. Omnis namque domus

fabricatur ab aliquo. Qui autem omnia creavit Deus est. Et Moyses quidem fidelis erat in tota domo ejus, tanquam famulus, in testimonium eorum quæ dicenda erant ; Christus vero tanquam filius in domo sua. Quæ domus sumus nos, si fduciam et gloriam spei usque ad finem firmam retineamus. Quapropter sicut dicit Spiritus sanctus : Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto, ubi tentaverunt me patres vestri, probaverunt et viderunt opera mea quadringenta annis. Propter quod offensus [infensus] fui generationi huic, et dixi : Semper hi errant corde. Ipsi autem non cognoverunt vias meas, quibus juravi in ira mea, si introibunt in requiem meam. Videte, fratres, ne forte sit in aliquo vestrum cor malum, incredulitatis discendendi a Deo vivo. Sed adhortamini vosmetipsos per singulos dies, donec hodie cognominatur, ut non obduretur quis ex vobis fallacia peccati. Participes enim Christi effecti sumus ; si tamen initium substantiæ ejus usque ad finem firmum retineamus, dum dicitur : Hodie si vocem ejus audieritis, nolite obdurare corda vestra, quemadmodum in illa exacerbatione. Quidam enim audientes exacerbaverunt, sed non universi qui profecti sunt ab Ægypto per Moysen. Quibus autem infensus est quadraginta annis ? Nonne illis qui peccaverunt, quorum cadavera prostrata sunt in deserto ? Quibus autem juravit non introire [quibus autem juravit ut non introirent] in requiem ipsius, nisi illis qui increduli fuerunt ? Et videmus quia non potuerunt introire in requiem ipsius propter incredulitatem. »

EXPOSITIO.

A superioribus infert quod ex vindicta et potentia Christus timendus est, quia iterum ex dilectione pro vobis mortem gustavit rediligendus a vobis, quia potens et præsto est tentatis auxiliari. Unde, id est per hæc omnia, o vos sancti fratres, facti participes cœlestis vocationis. Ad participanda enim cœlestia bona vocati estis. Vos, inquam, diligendo et operando quæ præcipit, considerate Jesum, id est Salvatorem, Apostolum quem Pater legavit ad vos, et pontificem, id est factum nobis pontem, quo transeamus in gloriam, Jesum pontificem confessionis nostræ : quia quidquid alii faciant, nos eum fide confitemur Salvatorem nostrum. Comparavit Jesum prophetis, comparavit eum angelis, ita ut illis omnibus majorem ostenderet. Nunc eum comparat Moysi, ita iterum ut digniorem Moyse asserat, quanto filius dignior est dispensatore servo. Unde sic ait : Considerate Jesum, qui Jesus fidelis est ei, id est Deo Patri qui facit illum, id est qui facturam humanam univit Filio. Fidelis ideo quia non suam, sed Patris gloriam semper quæsivit, nec timore territus, vel amore seductus mandata Patris occultavit. Fidelis, inquam, est ei, sicut et Moyses fidelis fuit in omni domo illius Jesu, vel Dei Patris, in quæ Moyses non

dominus, sed minister erat. In omni ideo, quæ in omnibus quæ necessaria erant et in docendo, et in pascendo, et in ducendo domum illam, id est populum Judæorum, fideliter nutriebat. Vel ita construamus. Jesus fidelis est Deo, sicut Moyses fidelis fuit. **367** Jesus dico fidelis in omni domo illius, tam in Judæis quam in gentilibus : non in quadam domo sicut Moyses in Judæis. Illud sicut similitudinem tantum notat, non quantitatem ; probat per effectum quod ait : Vere Jesus fidelis est, sicut Moyses. Nam Jesus habitus est dignus ; iste, inquam, Jesus, qui filius longe præcellit ministrum dignus est gloriæ, sicut Moyses, qui etiam amplioris gloriæ dignus est præ Moyse, id est quam Moyses vel præ Moyse existens in merendo. Tanto utique amplioris, quanto amplio rem honorem domus, id est in domo apud eos, scilicet qui in domo sunt. Vel domus, id est de domo fabricata habet ille qui fabricavit illam domum. Amplio rem dico quam ille qui dispensator est in ea. Nunc duo residua sunt ad probandum, et quod domus non a se, sed ab alio fabricata sit, et quod Christus eam fabricaverit

Hæc autem omnia de spiritali domo accipienda sunt. Sæpe enim contigit ut, in domibus nostris honorabilior esset qui in ea ministrabat quam ille cujus erat domus. Quasi diceret : Bene dico qui fabricavit illam ; per se enim non potest fabricari, omnis namque domus fabricatur ab aliquo. Ad hoc ille : Si ab aliquo, non tamen a Deo. Ad hoc Paulus : Vere domus fabricatur a Deo ; nam Deus est qui creavit omnia, quod si omnia creavit, constat quod et domum ; quam quia fabricavit, sequitur ut amplioris gloriæ habeatur in illa quam qui in domo tantum ministrat. Propterea quia fabricavit domum, in qua Moyses dispensavit, præ Moyse ideo dignus habitus est. Propterea etiam amplioris gloriæ est, quia Moyses quidem ut famulus in domo non sua ; Christus vero Filius in domo sua. Quidem, et vero, distributivæ conjunctiones sunt. Moyses quidem fidelis erat in tota domo ejus, scilicet Dei Patris vel Christi, tanquam famulus, quia solummodo famulabatur in ea. Famulus autem qui hodie est in domo, cras fortassis expelletur, nunquam adeo fidelis erit, sicut filius qui hæreditate possessurus est domum. Moyses tanquam famulus erat in testimonium eorum, id est ut solummodo testificaretur ea, non ut gratiam adjutricem ad operanda mandata dare posset ; eorum, dico, quæ dicenda erant, id est quæ conveniebant dici illi carnal populo, qui spiritalia capere non posset. Moyses tanquam famulus in domo non sua ; Christus vero sic erat fidelis tanquam filius, quem illius domus manebat hæreditas. Filius, dico, in domo non alterius, sed sua. Quæ domus Christi nos renati per gratiam sumus, hac conditione dico, sumus domus, si retineamus fiduciam spei, id est spem futuræ beatitudinis cum fiducia, ut fiducialiter speremus ; et si retineamus gloriæ spei, id est gloriosam spem, quia de jucunditate cœlesti. Retineamus dico fiduciam spei firmam, id

est perdurantem usque ad finem vitæ, quando quod modo speramus accepturi sumus. Quapropter quia retinendo fiduciam et gloriæ spei sumus domus Christi. Propter hoc videte, fratres, ne forte quod contingere potest, sit in aliquo vestrum. In aliquo ideo ait quia plures sciebat in Ecclesia posse esse perfectos, ne, inquam, sit in aliquo vestrum cor incredulitatis, ut increduli sitis, putantes Christum non sufficere ad justificationem, sed legem esse necessariam. Cor dico incredulitatis malum, id est in multa mala præcipitatum. Ex quo enim incredulus est aliquis, præceptum ruit in actum peccati. Nec parum nocet cor incredulitatis, quod est habere cor discedendi a Deo. Et male vobis si a Deo disceditis, quia Deo dico vivo, a quo qui discedit, vitam perdit, qui ad eum incedit, vitam invenit.

Videte ne sit in aliquo cor incredulitatis quod ego prohibeo, sicut idem prohibens dicit Spiritus sanctus in David his verbis (Psal. xciv, 8, 11) : Hodie, id est in tempore gratiæ, sic enim David loquebatur quasi spiritu præsens in diebus Christi. Per hodie autem totum tempus gratiæ, a Christo usque in finem mundi intelligitur. Hodie, inquam, in diebus Christi, nolite obdurare corda vestra ; si audieritis vocem ejus, sicut revera audietis. Illud si affirmativum est. Nolite obdurare cor, **368** agentes sicut in exacerbatione, id est multoties exacerbando me fecerunt patres vestri. De multis exacerbationibus unam reponit, dicens : Nolite obdurare secundum diem, id est sicut illi obdurati sunt in die tentationis, quando tentaverunt me, dicentes : « Nunquid poterit hic parare mensam populo suo ? » (Psal. lxxvii, 19.) Tentationis dico factæ in deserto, ubi magis confugiendum illis esset ad auxilium Dei, quam ad provocandum eum per tentationem. Vos autem positi in deserto mundi hujus, videte ne per tentationes Deum irritetis, ubi, id est in quo deserto tentaverunt me patres vestri. Videte si secundum carnem patres sunt, ne sint patres secundum imitationem. Tentaverunt, inquam, et probaverunt, id est probabilem me invenerunt ; etenim viderunt opera mea quadraginta annis, in quibus me omnia posse experti sunt. Propter quod, scilicet quia tentaverunt me, offensus fui, id est iratus huic tam pessimæ generationi, et dixi de illis. Isti semper errant, et hoc corde, id est ex propria deliberatione, quia serio peccant, potentes et scientes recte agere. Et, licet sic dicerem illis, tamen ipsi non cognoverunt vias meas, id est cognoscere noluerunt opera mea, in quibus ambulare debuissent ; sed quia non cognoverunt, si ipsi introibunt in requiem meam, quam illis pollicitus eram ? Defectio orationis, ut intelligantur quælibet inconvenientia, quasi diceret : Si introibunt, nemo mihi credat ulterius. Vel quælibet hujusmodi. Illud si quidam dicunt esse quasi non, attendentes vim sententiæ, non dictionis. Si introibunt dico ut ego juravi, id est firmiter stabilivi eos non intraturos ; juravi utique in ira mea, id est quando iratus eram illis ; quod utrumque et ira et

juramentum aufert eis introire in requiem. Si, quibus, ibi, sit eadom manet in sententia sic : Si intrabant in requiem meam illi, quibus in ira mea juravi quod non essent in requiem intraturi. Et quia, fratres, propter cor in incredulitate obduratum patribus vestris requies negata est, ideo, fratres, videte ne forte sit in aliquo vestrum cor malum incredulitatis discedendi a Deo vivo, sicut expositam est. Ne, inquam, sitis increduli, sed adhortamini vosmetipsos de incremento virtutum dicentes per singulos dies : *Venite, exsultemus*, etc., donec, id est *quandiu cognominatur in vobis hodie*, id est tempus gratiæ. *Cognominatur*, ideo ait, ne remoti a diebus Christi putarent minus sibi conferre Christum quam temporaneis. *Hodie*, inquam, *cognominatur*, quia hæc gratia quæ etiam ultimis tribuitur, cognata est gratiæ datæ in diebus Christi, tantum valens postere quantum primitivis.

Adhortamini, inquam, *ut non obduretur aliquis ex vobis fallacia*. Scitote enim quod diabolus vos fallit, si forte obduramini. Fallacia dico causa peccati, quia, postquam deceptus est aliquis, magis ac magis dehinc præcipitatur in peccatum. Debetis vos adhortari et non obdurare, quia, quod non eramus, effecti sumus per gratiam, *participes Christi*, id est partem capientes cum Christo in hæreditate Patris. Hac tamen conditione dico participes, *si retineamus firmum neque ad finem vitæ*, quod nunquam deseramus *initium substantiæ ejus*, id est fidem quæ est initium honorum, et per quod jam deificamur, et divinæ substantiæ quodammodo participamus. Retineamus, dico, *dum*, id est quandiu, *dicitur in nobis* : *Hodie si vocem ejus audieritis, nolite obdurare corda vestra, quemadmodum patres vestri obduraverunt in illa exacerbatione præfata*. Bene dico in exacerbatione. *Quidam enim eorum, audientes mandata Domini, exacerbaverunt Deum. Non tamen universi qui profecti sunt ab Ægypto per Moysen*, id est per ducatum Moysi exacerbaverunt Deum, quia nec Caleb, nec Josue. Similiter et vos profecti ab Ægypto per Moysen, id est a tenebris infidelitatis per Christum consecrantem vobis aquam remissionis, nolite exacerbare Deum. Vere quidam exacerbaverunt, quia quibus *infensus est Deus quadraginta annis, nonne illis qui peccaverunt* (et non impune) ne impunitatem promittatis vobis, quia *cadavera quorum peccantium prostrata sunt in deserto* ? Illis utique Deus infensus fuit. Iterum ad idem : *Quibus autem juravit Deus non introire in requiem ipsius*, id est in caelestem Hierusalem, ubi est vera requies, *nisi illis qui fuerunt increduli* : et in verbis Domini fidem non habuerunt ? Quibus pro peccato prostratis sicut abstulit terram repromissionis ; sic veram requiem quæ significabatur per illam terram : Videte itaque ne vos increduli (quod utique estis) si legem quasi necessariam fidei reduciatis non credentes posse justificare Deum pro incredulitate non intretis in requiem. Deus quidem juravit eos non intraturos in requiem et sicut juravit, impletum videmus : quia

A non potuerunt intrare in requiem propter incredulitatem suam.

CAPUT IV.

« Timeamus ergo, ne forte relicta pollicitatione introeundi in requiem ejus existimetur aliquis ex nobis deesse. Etenim et nobis nuntiatum est, quemadmodum et illis : sed non profuit illis sermo auditus, non admistas fidei ex his quæ audierunt. Ingrediemur enim in requiem qui credimus : quemadmodum dixit. « Sicut juravi in ira mea, « si introibunt in requiem meam (*Psal. xciv, 14*). » Et quidem operibus ab institutione mundi perfectis : dixit enim quodam loco de die septima sic : « Et requievit Deus die septima ab omnibus operibus suis (*Gen. 11, 2*). » Et in isto rursus : Si introiebunt in requiem meam. Quoniam ergo superest introire quosdam in illam, et hi quibus prioribus annuntiatum est, non introierunt propter incredulitatem, iterum terminat diem quemdam, hodie in David, dicendo, post tantum temporis (sicut supra dictum est) : Hodie si vocem ejus audieritis, nolite obdurare corda vestra. Nam si eis Jesus requiem præstitisset, nunquam de alia loqueretur posthac die. Itaque relinquitur Sabbatismus populo Dei. Qui enim ingressus est in requiem ejus, etiam ipse requievit ab operibus suis, sicut et a suis Deus. Festinemus ergo ingredi in illam requiem : ut ne in idipsum quis incidat incredulitatis exemplum. Vivus est enim sermo Dei et effectivus, et penetrabilior omni gladio ancipiti, et pertingens usque ad divisionem animæ ac spiritus ; compagum quoque ac medullarum, et discretor cogitationum, et intentionum cordis (*Eccli. xv, 20*). Et non est ulla creatura invisibilis in conspectu ejus. Omnia autem nuda et aperta sunt oculis ejus, ad quem nobis sermo. Habentes ergo pontificem magnum qui penetravit cælos, Jesum Filium Dei, timeamus apci nostræ confessionem. Non enim habemus pontificem, qui non possit compati infirmitatibus nostris, tentatum autem per omnia pro similitudine absque peccato. Adeamus ergo cum fiducia ad thronum gratiæ ejus, ut misericordiam consequamur, et gratiam inveniamus in auxilio opportuno. »

EXPOSITIO.

Et quia propter incredulitatem intrare non potuerunt in requiem, igitur timeamus ne forte aliquis ex nobis existimetur secundum veritatem deesse ab illa requie. Sed præmittit possibilitatem introeundi nobis concessam dicens. Timeamus, inquam, *ne relicta pollicitatione*, id est frequenti promissione *introeundi in requiem ejus*, scilicet Dei : unde nos habere constat facultatem introeundi, ne, inquam, hac relicta per incredulitatem existimetur aliquis nostrum deesse a requie. Bene dico pollicitatione ; *etenim nobis nuntiatum est (quemadmodum et illis)* per fidem posse intrare in requiem. Illis quidem nuntiatum fuit, *sed tamen non profuit illis sermo nuntiationis auditus tantum, et non admistas fidei*, ut crederent

his qui a Deo audiebant. Fidei dico acceptæ ex his quæ audierunt, ut sicut audiebant, sic Deum implereturum crederent. Vel ita : Sermo auditus et non admistus fidel, ex his, id est propter ea quæ audierent ab illis exploratoribus reversis, non profuit illis. Secundum hanc sententiam ad historiam nos mittit, quando duodecim exploratores missi a Moysse revertentes terruerunt filios Israel, dicentes (Num. XIII, 28, 34) : Terram quidem esse fructiferam : sed filios Enachim ibi esse giganteæ staturæ, quorum in conspectu stare non possent; quibus et hujusmodi auditis dixerunt : « Faciamus **370** nobis duces et revertamur in Ægyptum (Num. XIV, 4), » in incredulitate exacerbantes Deum. Vere sermo auditus tantum quia non est admistus fidei, non profuit illis : nam quia in nobis est admistus fidei proderit nobis. Locus a contrariis. Quod ita ait : Nos qui credidimus, id est qui fidem auditis admiscuimus, ingrediemur in veram requiem : cujus et figuram et veritatem illi (quia increduli) perdidit. Nos, inquam, ingrediemur; quemadmodum dixit nos per fidem ingressuros; ubi ait : Sicut juravi in ira mea : Si introibunt in requiem meam. Et hoc dicere fuit per contrarium, quia ubi illos propter incredulitatem non intraturos dixit in requiem, ibidem per contrarium nos, quia credimus dixit ingressuros in requiem. Vel singula reddamus singulis. Nobis nuntiatum est de requie illa, quia nos qui credidimus ingrediemur requiem : illis non profuit sermo auditus tantum, quemadmodum dixit : sicut juravi in ira mea si introibunt in requiem meam.

Dixit superius : Videte ne sit in aliquo vestrum cor incredulitatis, quia propter incredulitatem non intraverunt in requiem pollicitam, de qua requie nuntiatum est vobis, quod si fidem habeatis, hanc requiem habere potestis. Quibus autem modis, et quibus temporibus nuntiatum sit subjungit, ostendens duas nuntiationes de hac requie factas esse in figura, quia nemo adhuc requiem illam habere poterat : cujus requiei tertia nuntiatio facta est, non in figura, sed in ipsa veritate, quando jam et haberi poterat, et habebatur ipsa requies, scilicet in diebus gratiæ. Littera sic jungitur : De requie illa utique nuntiatum est nobis : nam et in hoc loco et in illo, et in alio. Illud et diversitates locorum ubi de requie agitur significat : illud quidem discretionem temporis : quia tempus quo primum de requie hac nuntiatum est, scilicet constitutio mundi, longe distabat a tempore impletionis, scilicet a diebus Christi. Unde sic ait : Nuntiatum quidem nobis est de requie : et quidem operibus perfectis incipiendo ab institutione mundi : nuntiatum est nobis de requie illa. Facto homine, perfecta dicuntur esse opera Dei, cum omnis creatio mundi fuerit propter hominem : si homo caput creaturarum deesset, imperfecta essent omnia propter hominem creata. Et quia a Deo perfici et consummari secundum opinionem quorundam possent, et non principium habere a Deo, Ideo ait incipiendo ab institutione mundi. Vere per-

A fectis operibus nuntiatum est nobis. Dixit enim Scriptura vel Moyses in quodam loco de septima die sic. Ideo non determinans locum dicit in quodam loco, quia et hic locus Scripturæ satis notus erat illis, et quia hic locus discretus et egregius erat, ubi de salvatione sermo habebatur : dignitate, inquam, discretus ab illis, ubi de tauro immolando habetur sermo. Vel si ibi non sit, enim, nihil oportet repetere, sed dicamus operibus perfectis. Dixit in quodam loco de die septima, sic illud et quod sequitur vim habet in ordine litteræ, unde sumptum est; quasi diceret : Hoc et hoc fecit Deus; et his factis requievit die septima. Non dicitur Deus requievisse, quasi qui labore aliquo vexaretur; sed ut per hoc significaret requiem futuram ait : Deus requievit, id est cessavit ab omnibus operibus suis, quod nihil postea operaturus sit; cujus materia vel similitudo in priori creatione non præcesserit, materia in rebus corporeis; similitudo in corporeis ut in animabus. Statim sexta feria facto homine, Sabbato requievit, quasi per hoc diceret homini : Si obediens mihi fueris, hæc eadem requies peracta obedientia parata est tibi. Ubi ait : requievit die septima, sic de requie nuntiatum est, ut et figura requiei expectaretur, scilicet terra repromissionis. Et veritas figuræ in diebus Christi, ante quem nemo veram habuit requiem. Sicut in præfato loco, sic etiam in isto rursus nuntiatum est. Vel dicit Scriptura de requie illa ubi ait rursus de eodem significat esse dictum.

C Sic, inquam, nuntiatum est : Si introibunt in requiem meam. Ubi enim hoc dicendo incredulis negabat requiem, significabat esse requiem fidelibus possidendam. Hæc autem Scriptura invenitur in David, qui jam **371** de figura, scilicet de terra illa promissionis non poterat prophetare : quam filii Israel jam multo tempore possederant. Et ita secundum David non de figura quæ jam habebatur, sed de veritate rei quæ in Christo expectabatur hæc prophetia erat. Secundum Moysen autem qui hoc idem dicebat filiis Israel prophetia erat, et de figura nondum habita, et de veritate in Christo accipienda. Præmissis de eadem requie duabus nuntiationibus in figuris, subjungit tertiam secundum impletionis veritatem, dicens : Quia hoc et illo modo de requie illa nuntiatum est, ergo ut implerentur prædicta, terminat iterum agens de eadem requie, diem quemdam Spiritus sancti dicendo hodie in David. Diem hunc dicit quemdam, id est discretum et omnibus qui ante fuerunt præcellentem : quia in hoc die impletur salus, quæ in antea diebus nuntiari tantum potuit nunquam impleri. Dicendo hodie in David post tantum temporis. Multum enim tempus præterierat a Josue qui terram promissionis Judæis distribuit, usque ad diem David : unde apparet David aliam requiem intellexisse futuram, quam illam terram quam jam diu possederant. Dicendo, inquam, hodie, sicut supra dictum est ibi. Hodie si vocem ejus audieritis, nolite obdurare corda vestra, quia sicut priores patres

propter incredulitatem etiam figuram perdidit: A sic et vos (si increduli fueritis) veram requiem non possidebitis. Post tantum temporis ideo terminat: quoniam superest, id est restat adduc quosdam introire in illam requiem. Ideo etiam ait nolite obdurare corda: quia hi quibus prioribus annuntiatum est de requie propter incredulitatem suam: nec saltem introierunt in figuram, nedum in ipsam veritatem. Vel ita manente eadem sententia. Quia sic et sic pollicita est requies illa: ergo ut impleantur promissa: superest quosdam introire in illam requiem. Et quoniam superest quosdam introire, ideo iterum terminat quemdam diem, post tantum temporis, dicendo hodie in David. Et quoniam hi quibus prioribus annuntiatum est de requie illa, propter incredulitatem non introierunt in eam: ideo hodie si B vocem ejus audieritis nolite obdurare corda vestra: sicut supra dictum est patribus vestris. Vere superest quosdam intrare in illam terram: nam (sicut falso putatur a quibusdam) Jesus, id est Josue non praestitit eis illam requiem. Si enim hic Jesus, id est Josue praestitisset eis hanc requiem, nunquam David loqueretur de alia requie longe post Josue: dicendo hac die, id est est hodie. Vel ita: Nunquam David loqueretur de alia die post hac, id est si intellexisset a Josue veram requiem distributam esse. Assumatur ita: Sed Jesus Josue non praestitit illis veram requiem. Et quia promissa est, et nondum praestita, itaque hoc solum ex praemissis relinquitur, scilicet Sabbatismus populo Dei. Sabbatismus dicitur jucunditatis: et illa delectatio quae fit in Sabbato significans jucunditatem veri Sabbati. Et bene dico Sabbatismus. Nam quicumque ingressus est in requiem ejus, sive Abraham, sive quilibet sanctus, invenit hunc Sabbatismum. Quod ita ait: Non solum Christus sed etiam ipse qui ingressus est requievit ab operibus suis, id est ab omni labore: sicut et Deus quievit a suis operibus. Quies enim Domini, signum et causa fuit nostrae quietis. Deus enim sexta die hominem fecit, sexta aetate redimere venit, sexta die, et ejusdem diei sexta hora eum redemit, quiescens Sabbato in sepulcro, significans secum in aeterno Sabbato quieturos. Et quia requies relinquitur populo Dei, et quicumque ingrediens in illam, sicut Deus ita requiescit: ergo bene operando, et sane C credendo, festinemus ingredi in illam requiem: ita festinemus ut ne quis nostrum incidat in idipsum exemplum incredulitatis, id est in eandem incredulitatem, in quam patres nostri inciderunt. Nos dico, gravius nunc offendentes, quia nos habemus illos in exemplum cavendi nobis, illi sine praecedenti exemplo ceciderunt. Festinare nos oportet in requiem, et non incidere in incredulitatem: quia sermo Dei, id est verbum patris juxta illud: « Omnipotens sermo tuus, Domine, a regalibus aedibus venit (Sap. xvii, 15). » 372 Hic, inquam, sermo Dei est vivus, id est vitam habens, suisque vitam ministrans. Cumque sit vivus est etiam efficax, id est faciens quodcumque vult, remunerando pios, damnando impios:

et cum tantam habeat potentiam, non minorem habet sapientiam. Est enim penetrabilior omni gladio, id est omni humano ingenio: quod quia occulta penetrat, dicitur gladius perforans interiora. Gladio dico, ancipiti: quia sicut gladius anceps qui in medio tenetur ante et retro percutit; sic humanum ingenium: et de sapientia spiritali, et de scientia humana intelligit. Sermo etiam Dei est pertingens usque ad divisionem animae ac spiritus, quia scit bene discernere quae sint animae, id est sensualitatis: et quae sint spiritus, id est rationis. Discernit etiam ipsos actus sensualitatis inter se et dispositiones: quia aliquando sensualitas rationem secum trahit in peccatum, modo bene operando consentit spiritui. Scit etiam discernere ea quae sunt spiritus inter se, quomodo nunc repugnet sensualitati, quandoque consentiat: quandoque bene operari secum cogat, pertingens usque ad divisionem compagum. Vel (quod idem valet): Discretor etiam compagum animae et spiritus: quia scit seriem illam quodam ordine compactam: nunc in sensualitate, nunc in spiritu: sicut quando sensualitas desinit male agere, et dehinc bene operando consentire spiritui, et sic gradatim ascendit etiam spiritus, primum bene operari incipit: dehinc contemplari illa coelestia, a coelestibus transiens, figit oculum in ipsum Deum. Discretor etiam medullarum, id est omnis subtilitatis animae et spiritus: quia nulla subtilitas eum latere potest. Discretor etiam omnium cogitationum: quia novit quidquid homo cogitat, nec solum cogitationum, sed etiam discretor intentionum cordis, quia novit quidquid per cogitationes intendat. Et (ut sapientiam ejus breviter comprehendam) non est ulla creatura invisibilis, id est quae non appareat in conspectu ejus, qui tantus est ut simul omnia comprehendat. Et cum sermo Dei ita sit efficax ut potentiam efficiendi quidquid velit habeat, et cum adeo sit sapiens, bene et poterit, et sciet quid unicuique debeat retribuere. In conspectu ejus nulla creatura invisibilis: sed omnia sunt nuda, id est revelata et (quod majus est) etiam interiorius aperta oculis, id est perspicacitati ejus, ad quem tam potentem, tam subtiliter omnia prospicientem, nobis est sermo: huic enim reddaturi sumus rationem de singulis. Festinate ergo ad eum relicto malo incredulitatis. Comparavit quidem Jesum, et majorem ascendit prophetis, et angelis, dicens eum Filium Dei, sed quomodo in eo penderet tota salus hominum, needum dixerat: ad quod possent illi obijeere: Quid prodest nobis si major angelis sit Filius Dei, cum Deus in eo non disposuerit non salvari? Ad haec respondet Paulus dicens, quod in eo Deus omnem salutem proposuit per sacerdotium Christi, Leviticum destruens sacerdotium, et per gratiam Christi inutile pondus veteris legis. Littera sic jungitur: Quia ad istum tam potentem, tam sapientem nobis est sermo: ergo tenemus confessionem spei nostrae, id est fidem per quam nobis conceditur sperare futuram gloriam. Tenemus, inquam, habentes ponti-

fiscem, qui factus est nobis pons in salutem. Pontificem dico magnum longe præ omnibus Leviticis: qui pontifex noster *penetravit caelos* in sublimitate potentiae, sacerdotes autem de Levi semel in anno licebat introire in sancta sanctorum, ubi tamen non erant nisi manufacta. Hic autem potentialiter penetra-
 t atis caelis, sedet in dextera patris. Pontificem istum dico *Jesum*, id est salvatorem nostrum et potentem salvare, quia *Filium Dei*. Nos talem habentes pontificem, teneamus spei nostrae confessionem. Iterum ne præ magnitudine Jesu desperarent infirmi fratres, dicendo quia Filius est Dei, quia caelos penetravit, nunquam dignabitur condescendere infirmitatibus nostris ait Paulus. Sine diffidentia teneamus confessionem: *quia non habemus pontificem, qui licet Filius Dei sit, non tamen possit compati et condescendere infirmitatibus nostris*, et secundum fragilitatem naturae, et etiam lapsis, sed habemus pontificem *tentatum* in carne *per omnia* genera tentationis. Tentatum dico *pro similitudine*, id est quia similis fuit nobis, mortalis et passibilis. Vel, tentatum pro similitudine, id est ut exemplum in se daret nobis resistendi tentationibus, et sic tentatum tamen *absque peccato*. Ex eo enim quod tentatus est, scit compati; ex eo autem quod sine peccato, potest liberare. Ergo, quia et compatiens et potentem liberare habemus pontificem, ergo *cum fiducia adeamus ad thronum gratiae*, id est ad Christum, in quo non quaedam gratia, sed thronus et sedes est omnis gratiae. De plenitudine enim ejus omnes accepimus (*Joan. 1, 16*), adeamus ideo, ut per eum *consequamur misericordiam* de commissis, et apud eum *inveniamus gratiam in auxilio*, id est auxiliatricem ad bene operandum de futuro. Auxilio, inquam, non pro velle nostro sed *opportuno*, quia quocumque modo Deus opportunum videat, nunquam suos inadjuutos deseret.

CAPUT V.

Omnis namque pontifex, ex hominibus assumptus, pro hominibus constituitur in his quae sunt ad Deum, ut offerat dona et sacrificia pro peccatis, qui condolere possit his qui ignorant et errant, quoniam et ipse circumdatus est infirmitate. Et propterea debet quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo tanquam Aaron. Ita et Christus non semetipsum clarificavit ut Pontifex fieret, sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es sacerdos in aeternum secundum ordinem Melchisedech. Qui in diebus carnis suae preces supplicationesque ad eum qui possit [posset] illum salvum facere a morte; cum clamore valido et lacrymis offerens, exauditus est pro sua reverentia. Et quidem cum esset Filius Dei, didicit ex his quae passus est obedientiam, et consummatus factus est omnibus obtemperantibus sibi causa salutis aeternae, appellatus a Deo pontifex, juxta ordinem Melchisedech. De quo nobis grandis sermo, et in-

terpretabilis ad dicendum, quoniam imbecilles facti estis ad audiendum. Etenim cum deberetis magistri esse propter tempus, rursum indigetis ut vos doceamini quae sint elementa exordii sermonum Dei, et facti estis quibus lacte opus sit, non solide cibo. Omnis enim qui lactis est particeps, expertus est sermonis justitiae, parvulus enim est. Perfectorum autem est solidus cibus, eorum qui pro consuetudine exercitatos habent sensus ad discretionem boni ac mali.

EXPOSITIO.

Dixit superius *adeamus Christum cum fiducia*, ut per hunc pontificem *consequamur misericordiam et gratiam in auxilio*. Nunc autem probat a minori, quod per hunc pontificem Christum possumus misericordiam consequi, dicens: Vere per Christum possumus consequi misericordiam in auxilio. Namque per ministerium omnis pontificis homines sub eo possunt misericordiam consequi, qui pontifex longe minor quia sumptus ex hominibus; Christus autem pontifex ex Deo. Et in quibusdam verbis pontificem istum Christo comparabit, et in aliis minorem ostendet. Nec hoc repugnare videatur quod ait: Omnem pontificem constitui, ut per ministerium ejus misericordiam consequantur subditi. Cum in multis hoc defuerit, quia licet hoc deesset, vel propter peccatum ministri vel populi, ad hoc tamen pontifex consecratus fuit ut per ministerium ejus misericordiam consequeretur populus, nisi in altero peccaverit. Quod ita ait: *Consequamur misericordiam per pontificem Christum. Namque omnis pontifex ex hominibus*. Quia antequam eligatur, sic est ex hominibus, quod non plus possit conferre alii quam ille sibi. Hic, inquam, pontifex *assumptus*, id est divina voluntate electus. Electio enim divina qua *374* assumitur, hoc efficit in eo ut possit intercedere pro populo, qui priusquam sic assumatur, impotens est in hoc: velut alius homo. Assumptus, inquam, *constituitur pro hominibus*, qui paulo ante erat ex hominibus. Constituitur, inquam, pro hominibus, non ut praesit eis in saecularibus, sed *in his quae sunt*, id est quae pertinent ad Deum, scilicet ut obsecret et sacrificet pro illis.

In his ad Deum ita constituitur *ut offerat dona et sacrificia pro peccatis* populi delendis. Dona vocabantur in lege veteri illae minores oblationes. Sacrificia autem, quando immolabatur taurus vel hujusmodi. In Christo autem preces et quaecumque fecit usque ad horam passionis dona dicuntur. Sacrificia autem quando seipsum in ara crucis obtulit. Ubi ait *assumptus ex hominibus*, ibi ostendit majoritatem Christi, qui ex electione Dei assumptus sit; in his quae praedicta sunt, similitudinem, quia, si per illum pontificem offerentem dona et sacrificia consequuntur homines misericordiam, quare non similiter per Christum haec eadem offerentem? Constituitur, inquam, pontifex *qui possit*, id est qui in usu habet *condolere his qui ignorant*, id est ignoranter ex simplicitate peccant, et his qui *errant*, id est scienter ir-

cidunt in peccatum. Talis enim debet elegi qui omnibus infirmitatibus fratrum sciat compati, non qui impatienter præcipitet sententiam damnationis in subditos. In hoc bene Christus similis, qui tentatus per omnia compatitur infirmitatibus nostris. Dico possit condolare, et utique debet, quoniam, sicut subditi, ita etiam ipse circumdatus est infirmitate, id est et fragilitate carnis, et sæpius actu peccati. In hoc autem Christus major quia absque peccato. Et quia ipse circumdatus est infirmitate: *propterea quemadmodum offert pro populo absolvendo a peccatis, et conservando de futuro, ita etiam eodem modo debet (et necesse est) offerre pro semetipso*, in quo est infirmitas conservando de futuro, et pro peccatis præteritis delendis. In hoc iterum Christus major quia non indiget ut offerat pro se, nisi tantum pro populo. Quomodo hic pontifex assumendus sit, subjungit, dicens: Hic pontifex sic debet offerre, et *quisquam horum pontificum non sumit*, id est non se ad sumendum honorem ingerit. Sumit dico sibi, id est respectu eorum quæ sua sunt. Sumeret sibi, si per pecuniam, si propter personam, si propter genus, propter sæcularem potentiam, vel hujusmodi ingeratur in honorem.

Hæc enim omnia ex eo sunt, sed quæ propter virtutes, patientiam, humilitatem et hujusmodi, sumeretur ad honorem, hic non sibi, id est ex eo quod suum est, sed ex virtutibus quæ Dei sunt, sumeret honorem. Nemo sumit sibi honorem, sed ille qui vocatur a Deo, id est qui divina vocatione eligitur. Non dicitur, vocatur a Deo, quod vox divina sibi audiatur, sed, si propter virtutes Dei ab his qui sani sunt eligitur, idem valet ac si Deus diceret: Veni quia dignus es accipere pontificatum. Vocatur a Deo *velut Aaron* a Deo vocatus est. Aaron tamen non communi electione electus est, quia filii Core contradixerunt. Quare illato igne alieno, thurificantes ab igne consumpti sunt, et Dathan et Abiron pro eodem murmurantes, a terra absorpti sunt (*Num. xvi, 31*). Sed Moyses ex præcepto Dei, et per miraculum assumpsit Aaron in sacerdotium. Præcepit enim ut de XII tribubus XII virorum XII virgæ in tabernaculo ponerentur, ut cujus virga florisset, pontifex secundum manifestam voluntatem Dei fieret. In electione autem Aaron ostendit quod, si pauci sint qui juste eligant et multitudo contradicat, tamen paucorum sententia canonice eligentium sequenda est, multitudinis error reprobandus (*Num. xvii, 2, 10*). Pontifex ille si tanquam Aaron vocatus sit, non se ingerens in honorem, hominibus prodesse potest. Sic et Christus simili de causa suis auxiliari potest, quia *Christus non clarificavit*, id est non se magnificando ingressit ad hoc, ut fieret pontifex, sed Pater clarificavit Christum qui locutus est ad eum, dicens: *Tu es Filius meus* 375 *ego hodie genui te*, sicut in principio Epistolæ exposuimus. Hæc autem non sunt verba, quibus Pater eum clarificavit; sed in quibus Christum sacerdotio dignum ostendit: quando autem, dum Christus baptizaretur, ait: *Hic est Filius meus*, in quo mihi

A bene complacui (*Matth. iii, 17*). In his verbis Filium clarificavit. Adjungens autem: *Ipsum audite (ibid.)*, in hoc verbo pontificem consecravit. Ut Pater ostenderet dignitatem Filii: tu es Filius meus. Ita de Christo ait, quemadmodum de pontificatu ejusdem etiam in alio loco ejusdem Scripturæ ait: *Tu es sacerdos*, duraturus in æternum secundum ordinem, id est secundum dignitatem ordinis Melchisedech. Sacerdotium autem Leviticum non in æternum, sed in tempore duraturum. Ideo sacerdotium Christi necesse est ut maneat in æternum, quia sicut, nisi per eum, beatitudo non potest haberi, sic, nisi per eum habita, non potest retineri. In hoc iterum quod in æternum prælatus est sacerdotio Levitico, quia, illud in tempore. Et si destruendum sacerdotium prodesse potuit, multo magis æternum sacerdotium Christi; quod etiam alterius est dignitatis, quia secundum ordinem Melchisedech. Qui Christus ut certi sitis vos in eo consecuturos misericordiam, *in diebus carnis suæ*, id est passibilitatis et mortalitatis suæ. Naturale enim est carnis pati et mori. In his, inquam, diebus obtulit preces et supplicationes ad Deum. Preces vocat quascunque postulationes ante passionis articulum fecit. Supplicationes, dicit quando, instante hora passionis, tanta intentione oravit ut sanguineum sudorem emitteret. Obtulit, inquam, ad eum, *qui possit salvum facere illum a morte*. Non ut non moriatur, sed ne mors ipsi diu dominetur. Intendens per se liberatum a morte, humanum genus ab eadem liberandum. Obtulit, inquam, ad eum *cum clamore valido*, non quod ita alte clamaverit, sed cum valido clamore, id est cum maxima intentione, et cum lacrymis. Alibi non invenitur eadem hora lacrymasse Christum, nisi in hoc Evangelio Pauli; cui non minus est credendum, quia, si pro Lazaro et pro destructione Hierusalem, miserando ubique humano defectui, lacrymasse dicitur, multo magis lacrymasse dicendus est, ut, consummatione obedientiæ suæ, defectum humani generis sanaret. Offerens, inquam, preces cum lacrymis exauditus est, completo quod postulabat, *pro sua reverentia*, id est pro sua religione. Vel pro sua reverentia, id est pro obedientia quæ se Patrem semper reveritum fuisse probavit. Non tantum preces cum lacrymis obtulit, sed etiam didicit, non cognitione, sed per experientiam rei obedientiam ex his quæ passus est, id est per mortem; cum, id est *quamvis esset Filius Dei potens omnia*, sic tamen sacerdotium suum implere voluit. Et ipse consummatus, id est mortuus. Vel consummatus, id est in dextera Patris, ut nihil imperfectum haberet constitutus, *factus est causa salutis æternæ omnibus obtemperantibus sibi*, non illis qui sibi ratiunt obedire. Causa utique salutis bene potest esse, quia appellatus est pontifex non ab hominibus, sed a Deo, nec secundum Leviticum, sed *juxta dignitatem ordinis Melchisedech*. Diciturus eis quomodo sacerdotium suum legale destruat sacerdotium, et quomodo omnia legalia in eo finem habeant, quomodo

vero suum sacerdotium præcesserit legale, et in æternum sit permansurum. Primum eos (secundum partem tamen) aspera invectione aggreditur, et convenienter primum eos corrigit, ut correcti devotiores sint ad audiendum, et proniores ad credendum, dicens: *De quo*, id est quomodo Christus sit pontifex secundum ordinem Melchisedech restat *nobis sermo grandis*, id est multa comprehendens, et *ininterpretabilis*, id est qui modo non possit interpretari, nec a me, quia non habeo congruos auditores, nec vobis interpretabilis, quia capere non potestis. Ininterpretabilis dico *ad dicendum*, id est ad exponendum vobis, *quoniam vos facti estis imbecilles ad audiendum*, id est ad intelligendum. Vel sermo iste grandis est et interpretabilis, **376** quia multa sacramenta hic continentur, quæ oportet exponi. Grandis ideo dico quoniam vos facti estis imbecilles ad audiendum. Vere imbecilles, *nam cum deberetis esse magistri propter tempus*, prolixum quod habuistis ad discendum; vos enim in ipso initio prædicationis conversi estis. Cum, inquam, deberetis esse magistri, nunc *rursum indigetis ut vos doceamini quæ sint elementa exordii sermonum Dei*. In sermonibus Dei multi gradus continentur: primum simplex instructio, dehinc media ad ultimum perfecta. Exordium autem vocat, ut quando aliquis docetur credere incarnationem, passionem Christi, et hujusmodi simplicibus opportuna. Elementa autem exordii sunt, ut seriatim enarrare materiam passionis, vel aliquid hujusmodi. Vos etiam facti estis tales *quibus opus sit lacte*, id est puerili insinuatione, et ita lacte quod non *solido cibo*, id est perfecta doctrina. Vere ita lacte, quod non opus sit solido cibo. *Nam omnis ille qui particeps est lactis*, id est cui necessaria est insinuatio puerilis, hic talis *expers sermonis est justitiæ*, id est doctrinæ justorum, id est perfectorum; ideo *expers, quia parvulus est sensu*. Vos autem perfecti malitia, sensibus vero pueri. Parvulorum est lac, *sed perfectorum est solidus cibus*, id est solida doctrina; perfectorum, id est eorum qui habent sensus, id est intellectus suos *pro consuetudine*, id est pro assiduitate studii *exercitatos ad discretionem boni et mali*, ut bonum discernere sciant a malo, et etiam de bonis, quæ magis sint bona quæ minus, sciunt discernere; et de malis, similiter.

CAPUT VI.

Quapropter intermittentes inchoationis Christi sermonem, ad perfectionem feramur, non rursus jacentes fundamentum pœnitentiæ ab operibus mortuis, et fidei ad Deum, baptismatum doctrinæ, impositionis quoque manuum, ac resurrectionis mortuorum, et iudicii æterni. Et hoc faciemus, si quidem permiserit Deus. Impossibile est enim eos qui semel sunt illuminati, gustaverunt etiam donum cœlestis, et participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, et pro lapsi sunt, rursus renovari ad pœnitentiam, rur-

sus crucifigentes sibi metipsis Filium Dei, et ostentui habentes. Terra enim sæpe venietem super se bibens imbrem et germinans [generans] herbam opportunam illis a quibus colitur accipit benedictionem a Deo; proferens autem spinas ac tribulos, reprobata est, et maledictio proxima, cuius consummatio in combustionem. Confidimus autem de vobis dilectissimi meliora et viciniora salutis, tametsi ita loquimur. Non enim injustus Deus ut obliviscatur operis vestri et dilectionis, quam ostendistis in nomine ipsius, qui ministrastis sanctis et ministratis. Cupimus autem unumquemque vestrum eandem ostentare sollicitudinem, ad expletionem spei usque in finem, ut non segnes efficiamini, verum imitatores eorum qui fide et patientia hæreditabunt promissiones. Abrahæ namque promittens Deus, quoniam neminem habuit per quem juraret majorem, juravit per semetipsum, dicens: Nisi benedicens benedicam te, et multiplicans multiplicabo te. Et sic longanimiter ferens, adeptus est repromissionem. Homines enim per majorem sui jurant, et omnis controversiæ eorum finis ad confirmationem, est juramentum. In quo abundantius volens Deus ostendere pollicitationis suæ hæredibus immobilitatem consilii sui, interposuit jusjurandum, ut per duas res immobiles quibus impossibile est mentiri Deum, fortissimum solatium habeamus, qui confugimus ad tenendam propositam spem, quam sicut anchoram habemus animæ tutam ac firmam, et incedentem usque ad interiora velaminis, ubi præcursor pro nobis introivit Jesus, secundum ordinem Melchisedech pontifex factus in æternum. »

EXPOSITIO.

377 Eis duriter increpatis, iterum blanditur, inserendo se, dicens. *Quapropter*, id est, quia propter tempus magistri esse deberetis, et quia exercitatos sensus in lege Domini vos oportet habere, ideo nos, *intermittentes sermonem inchoationis Christi*, id est elementa exordii, quibus aliquis inchoat in cognitione Christi, hanc, inquam, pueritiam deserentes, *feramur ad perfectionem*, ut sciamus quomodo in principio erat Verbum, et Deus erat Verbum, etc. *Feramur, inquam, ad perfectionem, non rursus jacientes fundamentum pœnitentiæ ab operibus mortuis, etc.* Opera mortua vocat, vel peccata, quæ mortificant, vel priora bona, propter peccatum superveniens mortificata. Pœnitentia autem ab operibus mortuis est fundamentum, quia nisi hic lapis primum ponatur, nihil ædificabitur; fundamentum etiam fidei, quæ sit ad Deum; qui enim aliunde quærit justificationem, vel non omnes partes fidei credit, hic fidem non habet ad Deum; fundamentum etiam doctrinæ baptismatum. Pluraliter ideo dicit baptismatum, quia est baptismus in aqua; dicitur etiam baptismus in lacrymis pœnitentiæ; tertio modo, in effusione sanguinis pro Christo. *Fundamentum etiam impositionis manuum*; nisi enim quis

credat quod per impositionem manus et peccata dimittantur, accipiendo Spiritum sanctum, et contra futura mala robaremur, hic fundamentum non habet, quia irritum est quidquid superædificat; fundamentum etiam *resurrectionis mortuorum*, nisi enim quis credat resurrectionem Christi effecisse resurrectionem mortuorum, fidem perdidit, et non habet supra quod ædificet; fundamentum etiam *judicii æterni*. Æternum dicit iudicium, quia quidquid isti constituetur de bonis sive malis, in æternum durabit. Qui autem futurum iudicium non credit, fundamentum non habet, quia infidelis est.

Hæc omnia propterea dicuntur fundamentum, quia, nisi hæc in fundamento præcesserint, nemo aliter potest bonum operari. Hæc autem omnia necessaria erant illis, scilicet fundamentum poenitentiae ab operibus mortuis, quia peccaverant graviter, et bona opera quæ in eis præcesserant, sicut supra ait, multa eos passos pro Christo a contribulis suis, peccando irrita fecerant. Iterum fides ad Deum, quia si intelligerent quomodo ex fide Christi omnis justificatio habeatur, non recurrerent ad circumcisionem, quasi sibi necessariam. Si iterum de baptismo bene docti essent, quomodo in illo omnia peccata dimittantur, legalia confiterentur esse superflua. Si etiam scirent quomodo per impositionem manus Spiritus sanctus et priora dimittat, et confortet contra venientia mala non curarent legalia. Si iterum resurrectionem Christi crederent esse efficientem causam nostræ resurrectionis in gloria, nihil præter Christum quærerent. Iterum, si pensarent quomodo Christus iudex futurus sit omnium, per fidem Judicis soli studerent placere Judici. Quia his omnibus indigebant, propterea ait: Feramur ad perfectionem jacentes (sicut lapis in fundamento jacitur) fundamentum poenitentiae, et sequentia, sicut exposita sunt. Jacentes dico non rursus, id est non iterato priori modo, ut sicut prius jecimus in vobis omnia hæc, et vobis peccantibus destructa sunt rursus eadem iterata destruuntur. Ut secundum hanc sententiam illud rursus negemus tantummodo. Vel si ad omnia ponatur negatio, sententia manet eadem sic: Feramur modo ad perfectionem, ita ut simus rursus, id est amplius jacentes fundamentum poenitentiae; modo quidem jaciemus, sed videte ne rursus oporteat jacere. Sic ad omnia ponatur negatio, manente sententia. Moneo feramur ad perfectionem, et utique *hoc faciemus*, id est ad perfectionem feremur, *si quidem Deus permiserit*, id est si in vita hac spatium concesserit quo peccata nostra possint redimi. Ideo dico si Deus promiserit, *quia impossibile est* in alia vita per poenitentiam renovari; ibi enim locus accipiendi quod meruit; hic locus **378** merendi. Quod ita ait. Si Deus permiserit, ideo dico, quia in futura vita non permittet.

Impossibile enim est renovari per recuperatam justitiam aliquos in alia vita motos ad poenitentiam; quod renovare rursus esset. Hic enim licet quod ibi

iterari non potest, scilicet ut quis ibi renovetur. Renovari dico, *eos qui semel illuminati* per fidem quia crediderunt, qui etiam, postquam fidem confessi sunt, *gustaverunt*, quasi suavem gustum et jucundum, *cælesti donum* scilicet remissionem de peccato per baptismum; quod donum desursum est. Hæc duo circa fidem. Qui etiam *facti sunt participes Spiritus sancti* quod genera linguarum, vel cætera dona habuerunt. Qui etiam (quod majus est) *gustaverunt nihilominus* quam nos *bonum*, id est jucundum *verbum Dei*, id est divinitatem Filii intellexerunt. Qui etiam gustaverunt, id est quadam anticipatione prælibaverunt *virtutes venturi sæculi*, id est impassibilitatem et immortalitatem, eos qui etiam hæc omnia habuerunt, *et prolapsi sunt*; impossibile est renovari rursus motos ad poenitentiam, et impossibile est eos *rursus* esse *crucifigentes Filium Dei sibi*met ipsis, id est in alia vita impotentes efficere ut ulterius valeat sibi crucifixio Christi, *et rursus non habentes Filium Dei ostentui*, id est ostensioni ut imitentur ejus ostensionem. Quasi diceret: Rursus impotentes imitari Filium Dei. Vel aliter ut iterationem baptismi negemus in hoc versu: Impossibile est *etsi* qui tales et tales fuerunt, nedum inferiores rursus renovari, id est rebaptizari motos ad poenitentiam. Ipsi dico si rebaptizantur, rursus crucifigentes sibi *metipsos Filium Dei*, non quod in re iterum crucifigant, sed in peccati paritate, quia una fides, unum baptisma, et Christus consecrans illud semel pro peccatis nostris mortuus est. Ideo dicuntur rursus sibi crucifigere Filium Dei paritate peccati, quia, si prius per baptismum justificati postea peccaverunt, primum baptismum putant propterea sic irritum esse ut si poenitentiam de futuro ad justificationem non valeat. Hi tales iterum volunt crucifigere Christum, ut ex iterata crucifixione iteratam habeant remissionem, nescientes quod unum baptismum et una mors Christi, ita post peccatum sicut ante (solummodo si poeniteat), ad omnem justificationem sufficiat. Ostentui in priori sententia pro ostensioni inusitate quidem ponitur, sed satis bene est secundum originem vocis: ab *ostendo, ostendis*. Ubi supra ait prolapsi: illud pro, gravitatem casus designat, scilicet in criminale. Dixit superius feramur ad perfectionem, et quibusdam interpositis adjuvit. Hoc, inquam, faciemus, id est ad perfectionem feremur, si Deus permiserit, et de eodem subdit: Vere id faciemus quod ad perfectionem feremur: et justum est quoniam *terra bibens imbrem*. Per terram homines accipit, qui ut fructum faciant, excoluntur verbo Dei.

Hæc, inquam, terra bibens imbrem, id est cum magno desiderio suscipiens divini verbi doctrinam, sic ut enim imber siccitam et induratam terram inebriat, sic verbum Dei cor induratum mollescere facit, et temperat, ut fructus facere possit. Terra, inquam, bibens imbrem *sæpe venientem*. Sæpe ideo quia nec assidua, ne vilescat, nec nimis parca, ne opportunitatem fructificandi amittat, debet esse divina doctrina; sed

sæpe ut sit opportunior utrinque contemperata. Venientem *super se*, quia et a Deo et a prælati, qui superiores sunt in Ecclesia, descendit doctrina. Terra, inquam, sic bibens imorem et generans herbam, id est fructum boni operis. Herbam dico *opportunam illis a quibus colitur*, id est prædicatoribus qui eam excolunt. Opportunam ideo quia facit non degenerem, sed fructum divinitatis, id est secundum quod docentur operari, et vident in doctoribus suis. Hæc, inquam, terra sic generans *accipit benedictionem*, id est multiplicationem honorum a Deo. Bona terra accipit benedictionem. *Terra autem proferens spinas ac tribulos, reprobata est.* Vel si habetur enim, ita jungatur non mutata sententia. Vere terra, generans herbam opportunam accipit benedictionem. Nam terra proferens spinas ac tribulos reprobata est.

379 Proferens, notat tam male peccare, ut pravo exemplo corrumpat alios. Per spinas, peccata accipit minus pungentia; per tribulos (qui asperius pungunt) graviora. Terra, inquam, spinas ac tribulos proferens reprobata est, id est inimica Deo, et proxima maledicto, id est perditioni. Ubi ait proxima, significat pœnam quidem prope esse, sed adhuc per pœnitentiam posse evadere. *Consummatio*, id est finis *cujus* reprobæ terræ erit *in combustionem*, id est in perpetuum ignem nisi pœniteat. Idem versus proximæ litteræ conjungitur, non tamen sic idonee. Vere in alia vita nemo potest renovari ad pœnitentiam; nam terra, id est homo in hac vita tantum bibit venientem imbrem, id est potest niti ad emendationem. Hic enim locus merendi, ibi recipiendi. Vel secundum aliam sententiam, impossibile est renovari, id est rebaptizari. Nam terra semel bibit imbrem, id est homo semel suscipit aquam baptismatis.

Quia satis duriter eos increpavit, dicens superius, cum deberetis esse magistri; rursus indigetis ut doceamini, etc. Per hoc iterum quod prope dixit de benedictione bonæ terræ, suasit eis fructum opportunum facere, et per contrarium deterruit, nunc blanditur eis, ut sicut minis concussit, ita modo foveat blandimentis, dicens: *Tametsi ita loquimur*, increpando vos superius, tamen, o *dilectissimi* nos *confidimus de vobis meliora*, quam combustionem, et *viciniora salutis* vestræ, quam sint spinæ et tribuli. Ubi ait *de vobis*, significat talem naturam esse in eis, quæ sit idonea correctioni. Meliora et viciniora hæc comparatio non fit inter participantia. Propterea de vobis *confidimus* quia multa bona olim operati estis; quæ si (postquam pœniteritis) Deus non retribuere, injustus esset, sed *Deus non est injustus ut obliviscatur operis vestri*; quo omnia vestra omnibus communia fecistis, et *dilectionis* quia hoc opus non timoris, sed ex dilectione processit, *quam dilectionem ostendistis in nomine ipsius*, id est ad honorem Dei. Operis vestri bene dicit, quia vestra *ministrastis sanctis*, et adhuc eadem dilectione *ministrastis*. Triplex bonum notat in eis, scilicet opus bonum, et dilectionem et honorificentiam Dei in

A opere suo. Ministrastis olim et adhuc in eodem estis; *cupimus autem de futuro unumquemque vestrum, ut nec unus desit ab hoc opere ostentare*, id est frequenter ostendere eandem sollicitudinem, administrandi sanctis usque in finem vestrum. Ostentare dico ad expletionem spei, id est in futura beatitudine compleatur in vobis quod modo speratis. Ita cupimus ostentare, *ut non efficiamini segnes* in hac sollicitudine, *sed sitis imitatores eorum*, id est sanctorum *qui hæreditabunt promissiones*, id est promissas beatitudines: non propter genus, sed *fide et patientia*, id est per fidem, et quia diu sustinendo non fuerunt fatigati.

Quia sciebat Paulus multum placere illis si patribus eorum diceret repromissam salutem, ait, ac si quilibet interrogaret: Suntne factæ promissiones? Sunt utique; nam Abrahæ. Et tria subjungit quod et promissiones factæ sint, et per jusjurandum confirmatæ, et in Abraham jam impletæ dicens: *Deus promittens Abrahæ juravit per semetipsum*, et ideo per semetipsum, *quoniam neminem habuit majorem per quem juraret*; et quare? Ideo quia majorem non habuit, per se juravit subdit, sed verba jusjurandi præmittit: juravit, inquam, dicens: *O Abraham nisi benedicam te*, id est incremento virtutum ditaverote in hac vita. Benedicam dico, *benedicens*, id est ita ut in officio benedicendi semper maneat, et nisi *multiplicabo te* in futura beatitudine remunerando fidem tuam. Multiplicabo, inquam, *multiplicans*, id est non hujus multiplicationis finem faciens nisi hoc fecero, (defectio locutionis) sequatur quodcumque inconveniens. *Et sic Abraham certificatus, Abraham ferens longanimitatem*, quia et diu et multa adversa sustinuit, *adeptus est tandem repromissionem*, id est sæpe promissam beatitudinem. Ideo juravit quia homo jurat. Ideo per se, quia major eo non est; *homines enim 380 jurant per majorem sui*; ideo Deus post promissionem juravit condescendens consuetudini hominum, quorum usus est certos fieri per jusjurandum, sicut Jesus diebus suis secundum morem illius regionis, in parabolis et similitudinibus loquebatur illis, cum tamen jurare Dei nihil aliud sit, quam immutabiliter stabilire. Homines jurant per majorem sui, et *juramentum fuit est omnis controversiæ*, id est altercationis eorum, valens ad confirmationem alterius partis, in quo, scilicet per juramentum, *Deus volens abundantius ostendere*. Abundanter enim per promissionem, sed abundantius ostendit per juramentum. Volens ostendere *immobilitatem*, id est immutabilitatem sui consilii. Consilium Dei fuit (quod vix aliqui cognoverant) per fidem Christi salvare homines.

Hoc, inquam, consilium ostendens immobile *terredibus pollicitationis*, id est frequentis promissionis, *posuit jusjurandum inter promissionem et impletionem medium*. Ad hoc posuit, *ut per duas res immobiles*, scilicet per promissionem et jusjurandum, in quibus impossibile est mentiri Deum, quia nec in altero; per has duas res *habeamus solatium fortissimi*

num, id est quod in omni adversitate fortes nos faciat, volentes ad horam pati ut in æternum regnemus. Jusjurandum dicitur, quasi quod jus est ad jurandum. Perjurium autem non jusjurandum, sed *jus non jurandum* dicitur. In hoc juramento Dei auctoritatem habemus jurandi, ita tamen ut nec superflue juremus, etiamsi veritatem dicamus, nec, ubi necesse est, veritatem juramento confirmare deseramus. Habeamus solatium *nos qui confugimus* in omni tribulatione ad *spem* tenendam, non propter adversa deserendam. *Spem* dico *propositam* jam nobis in Abraham et impletam. Vel *propositam*, id est omnibus in fide sperantibus oblatam. Ille confugit ad *spem*, qui tribulationem spernit gaudio beatitudinis, quam sibi futuram sperat. *Quam spem habemus sicut anchoram animæ tutam ac firmam*; ut sicut anchora navim tenet ne submergatur; sic spes animam nostram faciat tutam, ne submergat^r consentiendo iniquitati, et firmam quod nunquam refugiat pati saltem in minimo titubans. *Spem* etiam dico *incedentem usque in interiora velaminis*, id est in interiorem et velatam beatitudinem, quam nemo viventium vidit. Interiora velaminis dicebatur locus Sancta sanctorum quæ post velamen erant. Ante velamen autem locus dicebatur Sancta, in quo stabant sacerdotes, sed ad sancta sanctorum semel in anno ingrediebatur pontifex; quæ interiora velaminis significabant cœlestem beatitudinem, nobis in hac vita velatam. Et sicut speramus illuc utique incedemus, quia *ubi*, id est in quæ interiora *introiit Jesus præcursor*, id est præ nobis currens ut eum sequamur, *cursor* ideo quia nulla culpa cursum ejus aliquando reflexit. Introiit, inquam, pro nobis introducendis. Pro nobis optime dico, quia *factus est pontifex noster duraturus in æternum, secundum dignitatem ordinis Melchisedech*.

CAPUT VII.

« Hic enim Melchisedech rex Salem, sacerdos Dei summi, qui obviavit Abraham, regresso a cæde regum, et benedixit ei, cui et decimas omnium dicitur visit Abraham, primum quidem qui interpretatur rex justitiæ, deinde autem rex Salem, quod est rex pacis, sine patre, sine matre, sine genealogia, neque initium dierum, neque finem vitæ habens, assimilatus autem Filio Dei, manet sacerdos in perpetuum. Intuemini autem quantus sit hic, cui et decimas dedit de præcipuis Abraham patriarcha. Et quidem de filiis Levi sacerdotium accipientes, mandatum habent decimas sumere a populo secundum legem, id est a fratribus suis, quanquam et ipsi exierunt de lumbis Abraham. Cujus autem generatio non adnumeratur in eis, decimas sumpsit ab Abraham et hunc qui habebat reprobationes **381** benedixit. Sine ulla autem contradictione, quod minus est, a meliore benedicitur. Et hic quidem morientes homines decimas accipiunt, ibi autem contestatur quia vivit. Et ut ita dictum sit per Abraham et Levi, qui decimas accepit de-

PATROL. CLIII.

« cimatus est. Adhuc enim in lumbis patris erat, quando obviavit ei Melchisedech. Si ergo con-

« summatio per sacerdotium Leviticum erat (populus enim sub ipso legem accepit) quid adhuc

« necessarium fuit secundum ordinem Melchisedech

« alium surgere sacerdotem, et non secundum ordinem Aaron dici? Translato enim sacerdotio,

« necesse est et ut legis translatio fiat. In quo enim hæc dicuntur, de alia tribu est, de qua nullus altari præsto fuit. Manifestum est enim quod ex

« Juda ortus sit Dominus noster, in qua tribu nihil de sacerdotibus Moyses locutus est. Et amplius

« adhuc manifestum est, si secundum similitudinem Melchisedech exsurgat alius sacerdos, qui non secundum legem mandati carnalis factus est,

« sed secundum virtutem vitæ insolubilis [dissolubilis]. Contestatur enim, quoniam. Tu es sacerdos in æternum secundum ordinem Melchisedech.

« Reprobatio quidem fit præcedentis mandati, propter infirmitatem ejus et inutilitatem. Nihil enim ad perfectum adduxit lex. Introductio vero melioris spei, per quam proximamus ad Deum, et quantum est non sine jurejurando. Alii quidem sine jurejurando sacerdotes facti sunt; hic autem cum jurejurando per eum qui dixit ad illum: Juravit Dominus et non poenitebit eum: tu es sacerdos in æternum. In tantum melioris testamenti sponsor factus est Jesus. Et alii quidem plures facti sunt sacerdotes, idcirco quod morte prohiberentur permanere; hic autem eo quod maneat in æternum, sempiternum habet sacerdotium. Unde et salvare in perpetuum potest, accedens [accedentes] per semetipsum ad Deum, semper vivens ad interpellandum pro nobis. Talis enim decebat ut nobis esset pontifex, sanctus, innocens, impolutus, segregatus a peccatoribus, et excelsior cœlis factus. Qui non habet necessitatem quotidie, quem admodum sacerdotes, prius pro suis delictis hostias offerre, deinde pro populo. Hoc enim fecit semel seipsum offerendo. Lex enim homines constituit sacerdotes, infirmitatem habentes; sermo autem jurisjurandi qui potest legem est, Filium in æternum perfectum. »

EXPOSITIO.

Quomodo secundum ordinem Melchisedech, multis interpositis tandem exsequitur, dicens: Bene dico Jesum pontificem secundum dignitatem Melchisedech. Hic enim Melchisedech rex Salem, quæ nunc Hierusalem, tunc dicebatur Salem; sed, propter Jebusæos eam postea inhabitantes, additum est *Hieru ad Salem*, et exinde nomen habuit *Hierusalem*. Hic, inquam, rex Salem, fuit sacerdos Dei summi, id est non ab hominibus neque per hominem, sed de dignitate sua confidens assumpsit sibi sacerdotium Dei; qui Melchisedech obviam venit Abraham regresso a cæde regum, qui Lot nepotem suum ducebant captivum, et ei Abraham benedixit Melchisedech, cui benedicensi sibi Abraham dicitur decimas omnium

spoliorum (*Gen. xiv, 20*). Hic primum quidem dictus est Melchisedech, qui id est quod nomen interpretatur rex justitiæ. Deinde autem dictus est rex Salem, quod est interpretatur rex pacis. Hic iterum Melchisedech, sine patre, sine matre, non quod parentes non habuerit, sed quia Scriptura eum habuisse nullatenus dicit. Fuit etiam sine genealogia, non habens filios vel filias, neque initium dierum habens, neque finem vitæ, quod Scriptura loquatur, fortassis serio prætermittens. Hic autem Melchisedech assimilatus in præmissis Filio Dei, manet sacerdos, id est sacerdotium ejus durat in perpetuum. Quomodo assimilatus Filio Dei, revertentes exsequamur per singula. Melchisedech dicitur rex justitiæ: quis autem rex justitiæ nisi Christus, qui per procellas mundi, suos regit in justitia. Christus etiam rex Salem, id est pacis: quia, postquam suos in justitia rexit, in pace vera angelorum locatos regere non desinit. Sacerdos Dei summi: quis autem tantus sacerdos sicut Christus, qui propter inobedientiam **382** Patris seipsum obtulit in ara crucis qui obviam venit Abrahæ regresso a cæde quinque regum. Quinque reges, quinque sensus corporis sunt, per quos omnia vitia in homine dominantur, ut, per visum, cupiditas, dum desiderat quod vidit; et sic per cæteros sensus, juxta quod in Evangelio mulieri dictum est: « Quinque viros habuisti (*Joan. iv, 18*). »

Per Abraham quicumque fidelis intelligitur; unicuique autem fideli revertenti a cæde hostium, id est vitiorum, per quinque sensus dominantium, obviam venit Christus, dando incrementum boni operis. Legitur etiam ibi obtulisse Abrahæ panem et vinum (*Gen. xiv, 18*), quod hic non habetur; quæ panis scilicet et vinum, corpus et sanguinem Christi significant quorum participatione et peccata dimittuntur, et suscipiens de futuro contra vitia confortatur. Cui divisit, Abraham (*Ibid., 20*), id est fidelis decimas omnium, id est perfectiones omnes quæ habuit. Quisque enim fidelis omnem perfectionem suam Christo attribuit per decem, qui numerus perfectus est (quia usque ad decem numerus crescit, nec ultra sed a principio recapitulat dicendo, undecim, id est unus et decem) perfectio designatur. Primum quidem dictus Melchisedech, qui interpretatur rex justitiæ. Deinde rex Salem quod est rex pacis; ita Christus prius regit suos in justitia hujus vitæ; in alia vita regit eos in pace. Sine patre Christus secundum carnem, sine matre secundum deitatem, sine genealogia, quia filios carnis non habuit, non habens initium dierum, nec finem secundum divinitatem, coæternus Patri. Per præcedentia satis commendata est dignitas Melchisedech, sed nunc etiam ad augmentum dignitatis ejusdem intuemini, quantus sit hic Melchisedech, cui Abraham patriarcha, id est princeps patrum nostrorum, Isaac et Jacob, dedit decimas, quasi servus ejusque tributarius, et de præcipuis quæ habebat. Et hoc etiam alio modo intuemini, quantus sit Melchisedech: per

A hoc quod aliqui de filiis Levi accipientes sacerdotium, habent mandatum sumere decimas a populo, nec alio modo auderent, et hoc secundum legem, in qua servi sunt. A populo dico, id est a fratribus suis, qui, propterea quia fratres, libenter tribuunt eis, in hoc quod sumunt decimas, differunt a populo; quamquam etiam ipsi filii Levi exierint de lumbis Abrahæ, sicut reliqui de populo. Filii Levi sumunt decimas a fratribus, sed Melchisedech generatio, cujus non adnumeratur in eis, id est in Judæis, hic, inquam, sumpsit decimas ab Abraham et benedixit hunc in tempore majoris dignitatis suæ, scilicet, quando jam habebat repromissiones a Deo.

Nunc ex præmissis colligit, Abraham dedit, Melchisedech benedixit, sine ulla contradictione. Nullus enim hoc contradicere potest, quin illud quod minus est benedicetur a meliore. Etiam enim si, secundum aliud, major sit qui benedicitur, in eo tamen constat esse minorem quod ab eo qui benedicit, hoc quod non habebat qui benedicitur, accipit. Hoc etiam modo intuemini dignitatem Melchisedech, quia hic quidem, id est in sacerdotio Levitico morientes homines accipiunt decimas. Ibi autem in superiori loco Scripturæ contestatur Moyses, quod Melchisedech vivit, dum de vita loquens de morte nil adjunxit. Hoc etiam modo intuemini dignitatem ejus, quia Levi qui decimas accipit, ipse etiam Leviticus ordo decimatus est, id est decimas dedit. Et hoc dico, ut ita dictum sit decimas dedisse Levi per Abraham, id est per materialem causam. Quando enim Abraham decimas dedit, adhuc omnes erant in lumbis Abrahæ. Quod optime sequi videtur. Si enim omnes in Adam peccavimus, quia in lumbis ejus, quando peccavit, eramus, quare Levi dedisse decimas non dicatur, qui in lumbis Abrahæ erat, Abraham dante decimas? Et vere Levi decimas dedit per Abraham dantem, quia adhuc Levi erat in lumbis patris sui Abrahæ, quando Melchisedech obviam venit ei Abrahæ danti sibi decimas. Si enim tunc temporis **383** esset Isaac, non diceretur Levi tunc in lumbis Abrahæ fuisse, sed in lumbis Isaac: sed quia adhuc erat in lumbis Abrahæ per Isaac, similiter et Levi. Levi dicitur decimatus in lumbis Abrahæ, et non Christus, licet filius sit Abrahæ: quia Christus non secundum concupiscentiam carnis de lumbis Abrahæ natus: Levi autem per legem membrorum, quæ est concupiscentia carnis, de lumbis Abrahæ natus est.

Ostendit superius, sacerdotem esse Christum secundum ordinem Melchisedech, sufficienterque probavit hoc sacerdotium, et tempore et multa dignitate excellentius esse sacerdotio Levi: quod iterum multis modis depressit. Nunc autem commendato sacerdotio Christi, transit ut ostendat quomodo per sacerdotium Christi, Leviticum destruat sacerdotium: quo destructo, ex necessitate probat sequi destructionem legis. Littera sic jungitur: Quandoquidem Christus factus est sacerdos secundum ordinem Melchisedech, et hoc sacerdotium omnimodo præesse

Levitico satis probatum est : Ergo, tu legalis, A responde mihi de hoc quod sequitur : Si per sacerdotium Leviticum erat consummatio, id est, habebatur perfecta justificatio. Et bene dico per sacerdotium debere fieri consummationem : quia populus accepit legem existentem sub ipso sacerdotio. In manu enim sacerdotis lex erat, et lex impleri non poterat, nec saltem minimum operari, nisi ministerio sacerdotis. Si, inquam, consummatio erat per Leviticum sacerdotium, quid adhuc postquam vetus sacerdotium consummaret, necessarium fuit dici a propheta David surgere sacerdotem alium a Leviticis, et secundum tribum. Surgere secundum dignitatem ordinis Melchisedech. Et ne ille diceret, utique surgat secundum hunc ordinem ita ut commistim teneat ordinem Aaron. Ad hoc ait ita dici secundum ordinem Melchisedech, ut non sit in aliquo secundum ordinem Aaron. Surgere ideo ait quia Levitici sacerdotes depressi erant impotentes excutere, vel a se, vel a populo jugum peccati per legem. Hic autem Christus surrexit, per cujus sacerdotium fideles excutientes jugum peccati ad beatitudinem exsurgunt. Quasi diceret : Si per Leviticum sacerdotium, esset consummatio, frustra surgeret aliud sacerdotium secundum Melchisedech ad consummandum : sed surrexit aliud sacerdotium, Leviticum igitur non consummabat : habemus assumptionem translato sacerdotio, etc.

Littera tamen sic jungitur. Quasi diceret aliquis : Quare dicis legem sub sacerdotio, et sacerdotium esse destructum, surgente alio sacerdote? Quid per hoc intendis? Ideo utique dico legem sub ipso, et ipsum Leviticum sacerdotium esse destructum, quia translato sacerdotio, necesse est ut fiat translatio legis ejus sacerdotii, cum lex sit in manu sacerdotis. Destructionem autem legis probare intendo, dum sacerdotium ejus destruo. Vere alius surrexit sacerdos, et vere sacerdotium est translatum, quod idem est : nam alius secundum tribum et secundum ritum. Vel quia translatum est, quia et secundum tribum et secundum ritum. Secundum tribum esse translatum prius ostendit, dicens : Vere translatum est, vel vere sacerdos alius est ; nam Christus in quo, id est in cujus consideratione dicuntur hæc ; de alia tribu est, et non de tribu Levi, de qua alia tribu nullus fuit præsto, id est præstabili ter altari. Et vere de alia tribu : quia manifestum est quod Dominus noster Christus ortus sit ex Juda, in qua tribu Moyses nihil locutus est de sacerdotibus, ut quilibet de illa tribu deberet sacerdos fieri. Translatio autem sacerdotii secundum tribum jam præcesserat in Samuele, reprobatis filiis Heli, qui secundum lineam generis hæredes erant sacerdotii : quæ transmutatio significabat veram (quæ futura erat in Christo) transmutationem [translationem]. Probat iterum secundum ritum translatum esse sacerdotium quod non amplius visum fuerat ; quia 384 licet tribus reprobaretur, ritus tamen non sunt mutati. Unde ait : Probavi secundum tribum transferri sacerdotium. Adhuc etiam

manifestum est amplius, id est ampliori et firmiori ratione, quia magis valet probatio de ritu quam de tribu. Manifestum est, inquam, translatum sacerdotium esse, si hoc est quod secundum similitudinem et ritum Melchisedech exsurgat sacerdos alius, sicut prædictum est : qui alius non est factus sacerdos secundum legem mandati carnalis, id est quæ lex solummodo mandabat et promittebat carnalia : sed factus est sacerdos secundum virtutem, id est deitatem quæ erat in eo.

Virtutem dico vitæ insolubilis, id est per quam dabat credentibus in se vitam insolubilem, id est æternam. Vel ita : Non est secundum legem mandati carnalis, id est secundum carnalem intellectum legis, sed secundum virtutem ipsius legis, spiritalem, scilicet, intellectum. Virtutem dico vitæ insolubilis, quia spiritalis operatio legis vitam promittit æternam, sicut infirmitas vitam carnalem. Dico translatum est sacerdotium, si surrexit alius sacerdos ; sed sacerdos alius surrexit et hoc ab auctoritate probat, dicens : Vere surrexit alius sacerdos, quia David contestatur, id est mecum vel cum multis aliis Scripturis testatur. Quoniam tu, Christe, es sacerdos in æternum secundum ordinem Melchisedech. Cum deberet dicere, Christus est sacerdos ut fideliter poneret verba prophetiæ, ait : Tu es sacerdos. Causam quare vetus sacerdotium sit destructum, et novum inductum subjungit ne adversarius opponeret. Quare dicis Deum dedisse aliud sacerdotium ad reprobationem veteris, qui vetus utique sacerdotium instituit? Ad hoc respondens ait : Reprobatio quidem præcedentis mandati fit et veteris legis propter infirmitatem ejus, id est quia etiam tempore quo tenebatur infirma erat : quia et si aliquam non tamen [perfectam dabat justificationem : reprobata propter inutilitatem ejus : quia jam non solum est infirma si tenetur, sed etiam damnosa. Vere infirmitatem habuit. Tempore enim quo tenebatur lex, nihil adduxit ad perfectum, id est nihil adducere valuit ad perfectionem, quia et si aliqui sub ea fuere perfecti, non per eam, sed per fidem venturi. In eo quod lex dicitur præcedens, significatur aliud debere consequi ad corrigendam legis imperfectionem. Reprobatio quidem præcedentis mandati, introductio vero fit melioris. Ut magis commendet, non ait mandati sed spei : quia hoc novum mandatum Christi tale est, in quo habeatur spes, non carnalis sed gloriæ cœlestis : per quam spem non solum propinquamus, sed etiam proximamus ad Deum. Legem fuisse infirmam, mandatum autem Christi causam esse qua proximemus ad Deum, multum est ad laudem novi sacerdotis. Et quantum hoc iterum est ad commendationem ejus, quod non sine jurejurando Jesus factus est sacerdos : Alii quidem, id est Levitici facti sunt sacerdotes sine jurejurando, tanquam illud quod deberet mutari : hic autem Jesus cum jurejurando, factus est sacerdos per eum, id est per Deum Patrem, qui dixit ad illum Jesum : Tu es sacerdos in æternum. Et quod sacerdotium tuum sit in

æternum : *juravit Dominus et de hoc non pœnitēbit* A *eam*, id est non immutabit tuum sacerdotium. Ait quidem David, Deum hoc jurasse, sed ubi, vel quando, vel quibus verbis hoc juraverit non ait. Inquantum cum iurejurando Jesus, illi autem sine iurejurando, et inquantum per Jesum proximanius ad Deum, et per legem nemo adducebatur ad perfectum, *intantum Jesus factus est sponsor*, id est firmator et assertor *testamenti melioris*, id est meliora, quia æterna, promittentis. Sicut promissis sic etiam hac dignitate quæ sequitur : Jesus Leviticis sacerdotes præcellit, quia *alii quidem*, id est Levitici *sacerdotes facti sunt plures*. Idcirco plures quod permanere in vita prohiberentur morte superveniente. *Hic autem Christus habet sempiternum sacerdotium, eo quod maneat in æternum*. Unde quia manens in æternum sempiternum habet sacerdotium, *salvare etiam potest in perpetuum*, 385 cum constet mortales legis sacerdotes tempore sacerdotii sui potuisse aliquas salvationes conferre.

Ostenso quomodo, per sacerdotium Christi, vetus sacerdotium, et lex destruatur, et ipso sacerdotio Christi satis commendato, commendat etiam nunc actum et exhibitionem sacerdotialis officii in Christo, deprimendo per contrarium operationem veteris sacerdotii, dicens : Potest Jesus salvare in perpetuum, ipse, dico, *accedens ad Deum*, non per alienas hostias animalium, *sed per semetipsum*, hostiam vivam in ara crucis oblatum. Jesus, dico, *semper vivens ad interpellandum Patrem pro nobis*, quia caro ejus ad hoc semper in cœlis vivit, ut representatione sua jugiter pulset Patrem pro nobis. Dico *accedens per semetipsum* ; *decebat enim* et necessarium erat ut *talis*, et per semetipsum *accedens, esset nobis pontifex, sanctus* in se possessione virtutum, *innocens* ad proximum, et, cum sanctus habitu honorum, *impollutus* etiam absentia vitiorum. Nec modo *impollutus* ut aliquando fuerit pollutus, sed omni die *segregatus a peccatoribus*, id est a grege peccatorum segregatus, *factus etiam excelsior cœlis*, id est omni cœlesti creatura. *Qui pontifex talis et talis non habet necessitatem quotidie offerre pro se, quemadmodum sacerdotes Levitici necessitatem habent offerre hostias, prius intercedentes pro suis delictis, deinde pro delictis populi*. Non ait quotidie, quasi aliquo die necesse sit Christo offerre pro se, sed ut removeat a Christo quod attribuit illis quotidie habentibus necessitatem offerendi pro se. Non habet Christus necessitatem hanc. *Hoc enim, scilicet offerre, fecit semel*, non tamen pro suis, sed pro delictis populi ; fecit, inquam, *offerendo se*. Et ejus semel facta oblatio sufficiens fuit omnibus ad remissionem omnium. Quare non est necesse ut iteretur. Sacerdotes illi habent necessitatem quotidie offerendi pro se, *quia lex sacerdotes constituit homines habentis infirmitatem* et fragilitatis naturæ et peccati. Lex tales constituit sacerdotes, *sed sermo iurejurandi qui post legem datam per David dictus est, constituit sacerdotem non hominem, sed Filium Dei*

non habentem infirmitatem, sed duraturum in æternum et perfectum.

CAPUT VIII.

Capitulum autem super ea quæ dicuntur. Talem habentis pontificem, qui consedit in dextera sedis magnitudinis in cœlis, sanctorum minister, et tabernaculi veri, quod fixit Deus, et non homo. Omnis enim pontifex ad offerenda munera et hostias constituitur. Unde necesse est et hunc habere aliquid quod offerat. Si ergo esset super terram, non esset sacerdos, cum essent qui offerrent secundum legem munera ; qui exemplari et unbræ deserviunt cœlestium, sicut responsum est Moysi, cum consummaret tabernaculum. Vide, inquit, omnia facito secundum exemplar, quod tibi ostensum est in monte. Nunc autem melius sortitus est ministerium, quanto et melioris testamenti mediator est, quod in melioribus repositionibus sancitum est. Nam si illud prius culpa vacasset, non utique secundi locus inquiretur. Vituperans enim eos dicit. Ecce dies veniunt, dicit Dominus, et consummabo super domum Israel et super domum Juda testamentum novum : non secundum testamentum quod feci patribus eorum in die qua apprehendi manum illorum, ut educerem illos de terra Ægypti, quoniam ipsi non permanserunt in testamento meo, et ego neglexi eos, dicit Dominus. Quia hoc est testamentum quod disponam domui Israel post dies illos, dicit Dominus : Dando [datō] leges meas in mentem eorum ; et in corda eorum scribescribam eas, et ero eis in Deum, et ipsi erunt mihi in populum. Et non docebit unusquisque proximum suum, et unusquisque fratrem suum, dicens : Cognosce Dominum, quia omnes scient me, a minore [minimo] usque ad majorem eorum ; quia propitius ero iniquitatibus eorum, et peccatorum [peccatum] illorum jam non memorabor [commemorabor]. 386 Dicendo autem novum, veteravit prius. Quod autem antiquatur et senescit, prope interitum est. »

EXPOSITIO.

Quasi pauca dixisset de hoc sacerdote, breviter complectitur modo dignitatem ejus, super hoc quam in præmissis complexus sit. Quasi diceret : Multa quidem dixi de laude hujus sacerdotis, sed nunc faciam capitulum, id est brevem multorum complexionem. Capitulum dico, *super ea*, id est superius et dignius ad laudem Christi continens quidem ea omnia quæ dicuntur in præmissis ; hoc, inquam, est capitulum. Nos habemus talem pontificem qui jamdiu est ; quod *consedit cum Patre* quiescens et judicans. *Consedit dico in dextera*, id est in æqualitate sedis magnitudinis, id est sedentis divinitatis. Magnitudo enim Pater dicitur qui similiter sedens quiescit et judicat. *Consedit dico in cœlis*, id est vel super illos materiales cœlos, vel super thronos et dominationes. Hic pontifex dico tibi minister sanctorum. In cœlis enim ministrat gloriam

per Sancta sanctorum significatam, minister et jam A
 ibidem veri *tabernaculi*, id est veritatis, quam taber-
 naculam vetus præfigurabat, scilicet justitiam in
 præsentī Ecclesia, gloriam in futura. Quod verum
 tabernaculum *fixit Dominus* in æternum perman-
 suram; illud vero umbratile legis tabernaculum,
 non fixum, sed erat portabile de loco ad locum.
 Diceret Judæus: Et legale quidem tabernaculum
 fixit Dominus per ministrum Moysen. Utique ait
 Paulus, sed hoc fixit Dominus, ita quod non fuit hic
 cum eo cujus ministerio fingeret; sed propriam per-
 sonam fixit. Vere Christus minister est; nam *omnis*
pontifex constituitur ad ministrandum, scilicet ad
offerenda munera et hostias. Unde quia omnis pon-
tifex constituitur ad offerendum, necesse est hunc
etiam pontificem Christum habere aliquid quod offer-
rat, et cum necesse sit eum habere aliquid ad offer-
endum, aut illud erit super terram, aut cœlestē,
sed non super terram. Si enim super terram, jam
non esset sacerdos, nedum pontifex. Ergo cœlestē
erit quod offerret. Super terram esse dicit quicquid
in carnalibus et pro carnalibus offerret. Si esset su-
per terram quod Jesus offerret, non solum nego cum
pontificem, sed nec esset sacerdos; frustra enim in
carnalibus sacerdos esset, cum essent multi sacer-
dores qui offerrent munera secundum legem, id est super
terram. Diceret ille: Multi quidem sunt offerentes,
sed quia nemo sic digne possit offerre, bonum erat
ut Jesus offerret secundum legem, et hoc removet,
dicens: Cum essent qui secundum legem offerrent,
et qui deseruiunt exemplari. Exemplar dicitur illud
ad cuius similitudinem fit aliquid. Exemplum au-
tem similitudo, quæ ab exemplari capitur. Quando
Deus Moysen vocavit in montem, ibi revelavit ei
omnem (quæ implenda erat) de cultu Dei veritatem.
Sed Deus cum Moysē intelligens populum illum car-
nalem non statim posse capere spiritualia, dixit Moy-
si, ut, sicut veritatem quam ibi videbat, faceret figu-
ras illi populo carnalibus in quibus puerilis populus tan-
diu enatiretur, donec de pueritia figurarum transire
posset ad maturitatem virtutis, et hoc modo veritas
prius ostensa exemplar fuit figurarum factarum, ad
similitudinem prius ostensæ veritatis.

Iterum alio respectu figuræ dicuntur exemplar
 veritatis, secundum impletionem illius, ad similitu- D
 dinem figurarum præcedentium, et secundum hunc
 modum figuras hic vocat exemplar. In sequentibus
 autem veritatem prius in monte Moysi revelatam,
 exemplar vocat respectu figurarum ad similitudinem
 ostensæ virtutis [veritatis] inventarum. Deserviunt,
 inquam, exemplari, id est figuris, et quia exemplar
 quandoque est veritas, non figura, addit et *umbræ*,
 quia illæ figuræ, exemplar erant, non veritatem,
 sed umbram habentes veritatis, per Christum le-
 viter depellendam. Cum essent, inquam, qui deser-
 viunt *umbræ cœlestium*, ita complendo omnia,
 sicut a Deo responsum est Moysi, et eum illi sa-
 cerdotes 387 bene legem impleverunt: frustra Jesus
 hoc sacerdotium assumeret. Responsum est Moysi

non cum inciperet, sed cum consummaret *tabernacu-*
lum. Quasdam enim figuras per se invenire potuit:
 sed cum omnes per se non posset invenire, rever-
 sus est ad Deum, ut sicut de veritate, sic de figuris
 edoceret. Cui Dominus inquit: *Vide, Moyses, fa-*
cito omnia, id est figuras omnes secundum exemplar,
id est secundum veritatem, quod exemplar ostensum
est tibi in monte: illi habent ministerium deservire
exemplari et umbræ; sed Jesus sortitus est ministe-
rium melius: quia et in spiritualibus ministrat, et
spiritalia dat. Sortitus dico nunc postquam osten-
sus est eum non offerre, quod sit super terram.
 Ministerium dico tanto melius quanto et ipse Jesus
 dator est *testamenti melioris*, id est meliora, quia
 æterna promittentis. Et non ait dator, sed *mediator*,
 quoniam medius inter Deum et hominem a Deo
 accipit, quod homini tribuit. Quod *testamentum*
sancitum, id est confirmatum, est duraturum in
 æternum. Sancitum dico *repromissionibus*, id est
 multis ac diversis pollicitationibus. Repromissioni-
 bus dico *melioribus* sicut sæpe dictum est. Dixit
 ibi: Christus est dator melioris testamenti, et hoc
 probat dicens: Vere *testamentum Christi melius est*
testamento priori. Nam illud prius testamentum
non vacavit a culpa, Christi autem testamentum va-
cavit a culpa. Si enim illud prius testamentum vacas-
set a culpa, non daretur secundum testamentum;
sed quia secundum datum est, apparet primum
fuisse imperfectum, et secundum perfectum. Fru-
stra enim prius testamentum destrueretur, nisi
esset imperfectum. Et frustra secundum daretur ad
correctionem prioris imperfecti, si non esset perfe-
ctum. Quod ita ait: Si illud prius testamentum va-
casset a culpa, non ait si homines sub illo vacassent
a culpa, sed illud ipsum testamentum vacasset, id
est vacuum esset a culpa; in hoc enim ipsa lex non
esse vacua videbatur a culpa, quam præcipiebat et
gratiam adjutricem quam ministraret non habebat:
sic omnes legales faciens culpabiles.

Si, inquam, illud prius vacasset a culpa (idem
 pro certo dico vobis) non inquireretur locus, id est
 opportunitas *secundū* testamenti dandi. Inquireretur
 ideo ait quia Deus primum per Noe, deinde per pa-
 triarchas, postea per legem et prophetas; in lege
 paulatim instruendo carnalem ruditatem hominum,
 inquirebat locum, quo, illis ad perfectionem instru-
 ctis, opportune daret spiritale testamentum. Si, in-
 quam, prius testamentum vacasset a culpa, non in-
 quiretur locus *secundū* testamenti. Sed locus *se-*
cundū inquiritur, et hoc probat per testimonium
 Jeremiæ dicentis: Vere inquiritur. Nam Spiritus
 sanctus vituperans eos legales, dicit per Jeremiam.
 Ecce veniant paulatim propinquando magis ac ma-
 gis dies. Tempus Christi dies vocat, quia veniente
 Christo, tenebræ pulsæ sunt. Et illuxit dies, id est
 veritatis cognitio. Et hoc quod veniant hi dies: non
 ego, sed Dominus dicit: credite illi, et in diebus
 illis consummabo, id est dabo *testamentum novum*,
 quod erit consummans vetus: quia ad perfectum

adducens : quomodo novum satis in sequentibus A
determinabit. Consummabo, inquam, illud in domo
israel et in domo Juda. Ad litteram per Israel et
Judam, Judæi tantum intelliguntur, sed secundum
interpretationes vocum, omnis videns et confitens
Deum intelligitur. Israel et Juda dividit, quia post
mortem Salomonis, qui in utrisque regnum habuit,
Roboam filius ejus tribum Juda et dimidiam tribum
Benjamin tantum habuit, et aliæ tribus Israel ab eo
die, recedentes ab eo adhæserunt Jeroboam (*III Reg.*
xii, 19). Hoc testamentum novum *dabo super do-*
num, id est ut quasi de supernis veniens domine-
tur *Israel et Judæ* : et non sit quasi lex vetus an-
cilla in manu sacerdotis. Et quia posset esse testa-
mentum novum, quia nova terrena promitteret et
præciperet, determinat hoc dicens : Novum ita ut
non sit *secundum illud testamentum* **388** *quod ego*
feci patribus eorum. Et quia quibusdam patribus, ut
Abraham, spiritale testamentum fecerat, ideo deter-
minans ait quod feci in *die qua apprehendi manum*
illorum, ut educerem illos de terra Ægypti. Appre-
hendi manum, ea similitudine dicit qua aliquis man-
num in luto jacentis, et per se surgere impotentis
apprehendit, et erigit ; sic Deus eos per se impo-
tentes apprehendit, et de ærumna Ægyptiorum
extrahit.

Quomodo eos vituperaverit nunc ait : Ego qui-
dem apprehendi manum eorum, sed *quoniam ipsi*
non permanserunt in testamento meo, ipsi neglexe-
runt me, et ego *neglexi eos* : et si dico vos neglectos
a Deo, ne molesti sitis mihi : quia hoc *dicit Domi-*
nus : Vere dabo testamentum novum, et non *secundum*
illud quod dedi patribus eorum : quia hoc est
testamentum quod ego disponam, id est ordinabiliter
dabo *domui Israel*, id est omnium videntium Deum,
nec modo, sed *post dies illos* determinatos, et hoc
iterum credite : quia sic *dicit Dominus*. Disponam
utique *dando leges meas in mentes*, id est in intelli-
gentias *eorum*, nec solum disponam, sed etiam *scri-*
bam eas, ut in æterno maneant, in *corda*, id est in
voluntates *eorum* : quia et intelligent et ex voluntate
leges meas operabuntur. Scribam dico quasi illud
quod superesse debet eisque dominari, et postquam
in mente et in corde eorum leges meas scriptas ha-
bebunt ; *ero eis in Deum*, quia dicitur : Vere Deus in
istis habitat, qui tot refulgent miraculis, et *ipsi*
erunt mihi in populum : quod dicitur de eis. Hi re-
vera sunt populus Dei. Hæc pars prophetiæ imple-
tur in hoc mundo ; quod sequitur implendum res-
tat in futuro. Erunt mihi in populum, et *non doce-*
bit unusquisque proximum suum. Diceret aliquis
fortassis, quia non curabit de eo, ideo addit *nec*
unusquisque docebit etiam *fratrem suum*, quem mul-
tum diligit, *dicens* ita : *Frater, cognosce Deum*. Ideo
alter non docebit alterum, *quoniam scient me a mi-*
nore usque ad majorem eorum. Hoc autem comple-
bitur in die judicii, quando etiam impii confitebun-
tur Christum Filium Dei. Notant sancti, quod ait a
minore usque ad majorem. et non e converso : ut

ostendat omnes tunc perfecte Deum cognoscere ; a
minore enim hoc impossibile est doceri majorem.
Et ero eis in Deum, omnes iterum scient me, et hæc
omnia faciam eis, *quia propitius ero iniquitatibus*
eorum, et jam non memorabor peccatorum illorum.
Iniquitates ait, quando non servant æquitatem ad
proximum suum ; peccata, quando in seipsis male
agunt. Vel ut peccatum et iniquitatem idem accipia-
mus, ita dicitur, dicit : Propitius ero iniquitatibus
eorum. Et quia propitiatio dici posset, si absque
ultione dimitteret in præsentem, ideo addit : Ita pro-
pitius ero quod jam ultra non memorabor peccato-
rum eorum in futuro. Habent quidam libri, pecca-
tum illorum, et secundum hanc litteram intelligitur
originale. Ab hoc loco incipit Paulus. Dixit pro-
pheta : Dabo testamentum novum. *Dicendo autem*
novum, veteravit prius testamentum in activa signi-
ficatione. Vel veteravit, id est vetus factum est prius
testamentum, in passiva. Est bene dico veteravit
prius, quia prope interitum est : quod ita ait : *Quod*
autem antiquatur sicut in animatis, et senescit, sicut
in animatis, omne hoc est *prope interitum*. Senectus
enim et antiquatio prænuntiæ sunt mortis.

CAPUT IX.

« Habuit quidem et prius justificationes culturæ
« et sanctum sæculare. Tabernaculum enim factum
« est primum : in quo erant candelabra, et mensa,
« et propositio panum quæ dicitur Sancta. Post
« velamentum autem secundum tabernaculum, quod
« dicitur Sancta sanctorum, aureum habens thuri-
« bulum, et arcam testamenti circumtectam ex omni
« parte auro, in qua urna aurea habens manna, et
« virga Aaron quæ fronderat, et tabulæ testa-
« menti, **389** superque eam erant Cherubim gloriæ
« obumbrantia propitiatorium ; de quibus non est
« modo dicendum per singula. His vero ita compo-
« sitis, in priori quidem tabernaculo semper introi-
« bant sacerdotes sacrificiorum officia consum-
« mantes. In secundo autem semel in anno solus
« pontifex, non sine sanguine, quem offerret pro
« sua et populi ignorantia ; hoc significante Spiritu
« sancto nondum propalatum esse sanctorum viam,
« adhuc priore tabernaculo habente statum. Quæ
« parabola est temporis instantis, juxta quam mu-
« nera et hostiæ offeruntur, quæ non possunt juxta
« conscientiam perfectum facere servantem, so-
« lummodo in cibis et in potibus, et in variis bap-
« matibus, et justitiis carnis usque ad tempus cor-
« rectionis impositis. Christus autem, assistens
« pontifex futurorum bonorum, peramplius et per-
« fectius tabernaculum non manufactum, id est non
« hujus creationis, neque per sanguinem hircorum
« [taurorum] aut vitulorum, sed per proprium san-
« guinem introivit semel in sancta, æterna redem-
« ptione inventa. Si enim sanguis hircorum et tau-
« rorum et cinis vitulæ aspersus inquinatos sancti-
« ficat ad emundationem carnis, quanto magis
« sanguis Christi, qui per Spiritum sanctum sancti-
« ipsum obtulit immaculatum Deo, emundabit con-

scientiam nostram ab operibus mortuis ad ser-
 viendum Deo viventi. Et ideo novi testamenti me-
 diator est, ut morte intercedente in redemptionem
 earum prævaricationum quæ erant sub priore tes-
 tamento repositionem accipiant qui vocati sunt
 æternæ hæreditatis. Ubi enim testamentum est,
 mors necesse est intercedat testatoris. Testamen-
 tum enim in mortuis confirmatum est. Alioquin
 nondum valet, dum vivit qui testatus est. Unde
 nec primum quidem sine sanguine dedicatum est.
 Lecto enim omni mandato legis a Moysse universo
 populo, accipiens sanguinem vitulorum et hirco-
 rum cum aqua et lana coccinea et hyssopo, ipsum
 quoque librum et omnem populum aspersit, di-
 cens: Hic sanguis testamenti, quod mandavit ad
 vos Deus. Etiam tabernaculum et omnia vasa
 ministerii sanguine similiter aspersit. Et omnia
 pene in sanguine secundum legem mundantur,
 et sine sanguinis effusione non sit remissio. Ne-
 cesse est ergo exemplaria quidem celestium his
 mundari; ipsa autem celestia melioribus hostiis
 quam istis. Non enim in manufactis sanctis Jesus
 introiit exemplaria verorum, sed in ipsum cœ-
 lum, ut appareat nunc vultui Dei pro nobis. Ne-
 que, ut sæpe offerat semetipsum, quemadmodum
 pontifex intrat in sancta per singulos annos in
 sanguine alieno. Alioquin oportebat eum frequen-
 ter pati ab origine mundi. Nunc autem semel in
 consummatione sæculorum, ad destitutionem
 [destructionem] peccati per hostiam suam appa-
 ruit. Et quemadmodum statutum est hominibus
 semel mori, post hoc autem iudicium; sic et
 Christus semel oblatus est ad multorum exhau-
 rienda peccata. Secundo sine peccato apparebit
 expectantibus se in salutem per fidem [deest per
 fidem]. »

EXPOSITIO.

Sed licet prius testamentum sit prope interitum;
 tamen habuit quidem etiam prius testamentum jus-
 tificationes non veras, sed pro modo culturæ suæ,
 id est carnales, quia carnalis erat cultus, et habuit
 sanctum non spiritale, sed sæculare, quia ab homi-
 nibus quidem putabatur ibi sanctitas, quæ tamen
 non erat, et hoc probat. Vere prius testamentum ha-
 buit sanctum, nam tabernaculum primum habuit et
 secundum. Quod ita ait: Factum est primum taber-
 naculum, in quo primo erant candelabra. Licet plura-
 liter dicat candelabra, unum tamen erat candelabrum,
 habens hastile in medio, in quo innitebantur
 sex brachia, tria a sinistra (Exod. xv, 32); et
 erat in illo tabernaculo mensa statim post introitum,
 et super hanc mensam erat propositio panum, id
 est duodecim panes Deo per sanctificationem pro-
 positi, de quibus si forte per necessitatem aliquis
 absumeretur (hic enim sanctificatus panis erat nec-
 cessarius ad sacrificia) paratus erat panis similiter
 de simila, qui statim loco assumpti substituebatur.
 Hi autem duodecim panes in Sabbato ponebantur:
 quibus in sequenti Sabbato ablatis, alii duodecim

restituuntur (Ibid., 30). Quod tabernaculum conti-
 nens hæc dicitur 390 Sancta. Erat autem extra hoc
 tabernaculum altare sub dio, super quod immolabantur
 animalia. Post velamentum autem erat secundum
 tabernaculum. Velum enim interpositum fuerat,
 quod prius tabernaculum a secundo separabat. Quod
 secundum tabernaculum dicitur Sancta sanctorum.
 Secundum tabernaculum dico habens thuribulum
 aureum, et habens arcam testamenti, id est conti-
 nens testamentum, in circuitu tectam auro. Et quia
 exterius circumtectata posset esse auro et non inte-
 rius, ideo addit tectam auro ex omni parte et intus
 et extra; in qua arca erat urna aurea, id est gomor
 de auro factum, habens manna, ut memoriter tene-
 rent quo pane Deus paverat eos in deserto. Et erat
 in eadem arca virga Aaron, quæ fronderat, id est
 per quam electus est in sacerdotem, et erant ibi-
 dem tabulæ testamenti, in quibus lex scripta fuit, et
 super eam arcam erant cherubim, id est duo angeli.
 Cherubim dico gloriæ, id est gloriose decorata, et
 illa Cherubim erant obumbrantia propitiatorium. Ta-
 bula erat super arcam quæ dicebatur propitiato-
 rium, eo quod inter duo cherubim super eandem
 tabulam confixa apparere solebat angelus, dans di-
 vina responsa. Et in hoc secundo tabernaculo erat
 altare incensi; in templo vero erant duo tabernacula
 quæ velum interpositum dividebat. Erat in primo
 tabernaculo juxta introitum mensa, et super eam
 duodecim panes, et super singulos eorum thus.
 Erat et candelabrum ex una quaque parte habens
 tria brachia medio stipiti cohærentia, in quibus
 brachiis erant spherulæ: post spherulas lilia, post
 eas scyphuli.

Primum itaque tabernaculum Ecclesiam fide-
 lium quæ in mundo est significat, in qua ministri
 Ecclesiæ orationes quaque die offerunt et sacrifi-
 cia. Mensa autem in templo juxta portam, Scrip-
 tura divina intelligitur, quæ per fidem intran-
 tibus Ecclesiam pro eorum capacitate ministratur.
 Panes vero duodecim sunt duodecim apostoli, quo-
 rum doctrina fideles in Ecclesia reficiuntur. Hoc
 autem quod superveniente aliqua necessitate aliquis
 de panibus sumebatur, et alius substituebatur loco
 illius, scilicet significat quod, aliquo apostolorum vel
 suorum successorum de mundo ablato, alius qui
 ejus vice fungatur, loco illius substitui debet. Qui
 panes omnes in Sabbato absumuntur: quia post-
 quam ad veræ gloriæ requiem in die iudicii perven-
 ientur, jam nullum episcopi officium vel eccle-
 siasticæ curæ exercebitur. Hi panes de simila di-
 cuntur fuisse, quia in apostolis nihil nisi in-
 nocentiæ puritas et virtutum perfectio fuit, neque
 in eorum successoribus debet esse. Thus autem su-
 perpositum, cujus odor jucundus est, orationes sunt
 eorum, quæ Deo acceptabiles sunt, et suis subjectis
 jucundæ et utiles. Hastile vero candelabri, cui tria
 brachia ex dextera parte inhærebant et totidem ex
 sinistra, Christus est, cui quasi firmo stipiti tam ve-
 teris Ecclesiæ fideles quam novæ inhærent, et hoc to-

tum quod sunt vel fuerunt ex eo habent. Tres enim rami qui ex dextera parte sunt, tres ordines fidelium hujus Ecclesiæ (quæ dignior est quam vetus) ostendunt, hos habes in Evangelio ubi dicitur: « Duo erunt in lecto: unus assumetur, alter relinquetur. » Duo in agro, unus assumetur, alter autem relinquetur. Duo in molendino, unus assumetur, et alter relinquetur (*Luc. xvii, 34, 35*). Duo in lecto, continentes, quorum illi relinquentur qui vel pro favore mundi abstinentes, vel pro Deo hoc facientes, tamen deficiunt. Illi autem qui pro Christo hoc faciunt et perseverant, in gloria assumuntur; duo in agro, sunt laborantes in Ecclesia quæ Dei ager est, quorum (sicut de aliis dictum est) quidam ad gloriam assumuntur, quidam ad pœnam relinquentur; duo in molendino, demonstrant hujus sæculi possessores in volubilitate mundanarum rerum manentes, qui laborant quomodo vir placeat mulieri, et mulier viro. Horum illi relinquentur, quod ipsius mundi delectatio in crimina et perniciem trahit. **391** Illi vero assumuntur, qui in crimina non incidunt, et de mammona iniquitatis amicos sibi faciunt (*Luc. xvi, 9*).

Illi autem tres rami, qui sinistra parti inhaerent, tres ordines fidelium sub veteri ostendunt: quos habes per Daniele, per Noe, per Job. Daniel enim qui vixit caste, continentes sub veteri lege ostendit. Noe vero fabricator et artifex arcæ Domini, doctores legis præsignavit. Job vero qui in conjugio et rerum possessione fuit, demonstrat illos qui in conjugii et rebus mundanis Deo placuerint. In omnibus autem his ramis erant sphaerulæ, quia rotunditas perfectionis erat in omnibus, et æqualitas justitiæ. Has autem sphaerulas lilia sequebantur, quia postquam aliquis perfectus est gratus odor Deo, et in Ecclesia exemplo bonorum operum redolens efficitur. Post lilia vero succedunt scyphuli, quia cum aliquis probatur perfectus, et exemplo bonæ operationis tanquam liliam sua odore cognoscitur, restat ut efficiatur prædicator, et catholicæ doctrinæ indigentibus propinator. Qui operatione et doctrina talis effectus, et seipsum igne charitatis accendit, et aliis lumen in tenebris ostendit. Secundum autem tabernaculum a primo veli interpositione dividebatur, in quod pontifex solus et semel in anno cum sanguine ingrediebatur.

Tabernaculum illud cœlestis Ecclesia est. Illud autem obtegitur velo, quia dum sumus in hac adhuc mortali carne vel Ecclesia, quæ et quanta Deus suis præparet ignorantia cæcitate cognoscere non possumus. Pontifex autem qui semel in anno, et cum sanguine introibat, Christus est, qui, in perfectione temporum semel sanguinem suum offerens, viam cœlestis patriæ nobis initiavit. Quod vero ipsa hostia uno quoque anno reiterabatur, imperfectionem ipsius hostiæ ostendebat, et ex ipsa sua iteratione aliam hostiam quam iterari non oporteret, expectari præcipiebat. Thuribulum aureum Christus est, qui in eo quod perfectam sapientiam habuit, et de

A mundanis et de cœlestibus jure aureus fuisse dicitur. In eo autem quod igne charitatis in Deum et in proximum plenus fuit, et jucundum orationum odorem pro mundo Deo effudit, thuribulo jure assimilatur ignem continenti, et odorem thuris in superiora emittenti. Idem etiam est arca testamenti, id est in qua reservabatur testamentum et latebat, quia in sapientia Patris, cum qua idem personaliter erat, præcepta veteris legis et novæ latebant, et jam ex ejus dispositione pendebant; qui etiam ea claudit et nemo aperit, aperit et nemo claudit (*Apoc. iii, 7*). Hæc arca omni parte tam interius quam exterius auro tecta erat, quia ipse et anima et corpore omnium consummatione virtutum enituit, et nulla ei defuit justitia. In hac arca erat urna aurea, quia in corpore Christi erat vera et humana anima, et eadem omni virtute et perfecta sapientia plena. In urna erat manna absconditum, quia in anima Christi est ipsa divinitas; quæ est panis et refectio angelorum. Erant etiam in arca virga Aaron et tabulæ Testamenti. Virga Aaron verum significavit sacerdotium. Tabulæ Testamenti corda eorum sunt, in quibus legis præcepta insident et quiescunt.

Sunt itaque in arca virga Aaron et tabulæ Testamenti, quia in Christo verum est sacerdotium, et unusquisque fidelis; unde in Evangelio ait: « Manete in me, et ego in vobis (*Joan. xv, 4*). » Super arcam erat tabula quæ vocabatur propitiatorium, in qua Deus apparens per angelum propitiabatur peccatis eorum. Super propitiatorium, duo cherubim semper inclinato vultu illud aspicientia, et conjunctione alarum suarum desuper extensarum illud obumbrantia. Idem Christus propitiatorium est, secundum quod ab eo quæ volumus, postulamus, et sua misericordia nostris peccatis, propitiatur. Super eum sunt duo cherubim, quia etiam altiores cœlorum virtutes ei innituntur, et firmamentum suæ stabilitatis habent illum. Eadem cherubim propitiatorium semper aspiciunt: **392** sed desuper obdurant, quia cœlestes virtutes misericordiam Dei semper contemplantur, sed, quo intentius eum aspiciunt, tanto obscurior et magis ignotus efficitur, « quoniam misericordia Domini abyssus multa (*Psal. xxxv, 7*). » In arca autem quatuor erant annuli, in quibus vectes immittebantur, et sic arca quo res posebat deferrebat. Quatuor annuli, quatuor sunt Evangelia; vectes, sancti predicatorum, qui, in doctrinam Evangelii immissi, et Christum et ejus fidem quo Deus vult et præordinat deferunt. Hoc autem, quod de lignis setim (quæ imputribilia sunt) facta est, corpus Christi post passionem immortale et impassibile futurum præsignavit. Hæc in primo et secundo sunt tabernaculo (*de quibus non est modo dicendum*) cundo per singula eorum interpretanda. De singulis quidem non est discendum, sed de his ita compositis est dicendum hoc, scilicet quod in prius quidem tabernaculum semper introibant sacerdotes consummantes officia sacrificiorum id est perficientes

sacrificia secundum ritum officii sui in prius semper.

Sed in secundum tabernaculum semel in anno introibat solus pontifex, et non sine sanguine, quo accepto, de animali foris immolato, tingebat de eo cornua altaris incensi; quem sanguinem offert sacerdos pro ignorantia sua, et pro ignorantia populi dimittenda, Spiritu sancto significante per hoc quod in prius omnes introibant, in secundum nullus praeter solum pontificem, vicem sanctorum nondum esse propalatam, id est sanctos non posse introire in caelos, quæ via propalanda erat eis in Christo eo resurgente. Et adhuc quando nondum propalata erat via sanctorum, sed Abraham et omnes sancti tenebantur in tenebris, tunc, inquam priore tabernaculo habente statum. Donec enim via sanctorum, Christo celebrante novum Pascha, propalata fuit, vetus lex statum suum ex Deo habuit. Quæ omnia de omni priori et vero tabernaculo est parabola instantis temporis, id est figura pertinens ad hoc tempus quod nunc instat, quia quidquid ibi figuratum fuit, nunc in Christo impletum est. In prius tabernaculum semper introibant sacerdotes consummantes sacrificia, quia in præsentem Ecclesiam quotidie introimus consummantes spirituale sacrificium Christi. In secundum autem tabernaculum pontifex semel ingrediebatur in anno, quia Christus verus pontifex ingressus est in caelestem Ecclesiam semel, non ulterius reversurus a gloria. Quod verus sacerdos singulis annis introitum illum secundi tabernaculi reiterabat, verum pontificem Christum nondum introisse in suum tabernaculum in caelis, sed adhuc intraturum expectabat. Legalis pontifex non introibat sine sanguine, quia Christus non penetravit caelos, nisi prius sanguine suo effuso in redemptionem omnium; quem sanguinem Christus obtulit non utique pro sua, sed pro totius populi delenda ignorantia. Juxta quam parabolam, id est figuram offeruntur in veteri lege munera, id est minores oblationes.

Offeruntur etiam hostiæ animalium. Sic in hac præsentem Ecclesia munera nostra sunt orationes in odorem suavitatis Deo, et hostiæ sunt illi qui pro Christo mactantur, ut Laurentius, etiam qui seipsum mactant jejuniis, vigiliis, et multimodis afflictionibus. Quæ munera et hostiæ in veteri lege non possunt facere perfectum servientem in his. Et si perfectus est secundum reputationem hominum, non tamen perfectus juxta conscientiam suam, quia se reum sceleris factum, et non mundatum per legalia, conscientia sibi jugiter insurrat. Nec mirum si non perfectus, quia servientem dico illum solummodo in cibis et in potibus: quia copiose manducat et potat, et in variis baptismatibus, id est ablutionibus factis secundum ritus legalium; servientem etiam in justitiis, sed carnis, quia carnales sunt illæ justitiæ; corpus quidem a pœna legis liberantes, sed animam in vinculis peccati deserentes. Justitiis carnis, dico, impositis ut durarent usque ad tempus

A *correctionis, id est usque ad Christum, perfectione testamenti cujus corrigeretur imperfectio veteris. Munera et hostiæ legales neminem possunt facere perfectum, sed Christus invenit æternam redemptionem, quod est dicere Christus facit perfectum. Sed per quid æternam redemptionem invenit præmittit dicens: Christus assistens, non determinat cui assistat. Et possumus dicere: Christus assistens Patri representatione sua, semper interpellans pro nobis. Vel Christus assistens, pro nobis erigens infirmitatem nostram ad caelestia, porigendo nobis manum auxilii. Christus, inquam, assistens pontifex non carnalium, sed bonorum futurorum, id est caelestium. Vel honorum futurorum, id est præsentis justitiæ et æternæ beatitudinis; quæ omnia tempore legis futura erant. Christus, inquam, pontifex talis introivit tabernaculum, nomine significantis designat significatum.*

Tabernaculum dico peramplius, quia si illud vetus mille vel plura millia hominum capiebat, caeleste tabernaculum etiam peramplius est late capiens infinitatem omnium ingredientium in illud. Tabernaculum perfectius, quia in illo tabernaculo totius beatitudinis accipitur perfectio. In legali tabernaculo ubique erat imperfectio. Tabernaculum dico, non manu factum; et ne quilibet hoc perverse acciperet, putans non esse factum manu, id est operatione Dei, determinat dicens: Id quod dico non munus factum, est dicere illud tabernaculum non est hujus, id est humanæ creationis, sicut vetus. In quo mulieres nebant cortinas, fabri in genere suo operabantur, et similiter cæteri artifices. Introivit quidem hoc tabernaculum neque per sanguinem hircorum et vitulorum effusum, quod oportebat fieri in introitu secundi tabernaculi, sed introivit per proprium sanguinem effusum in caeleste tabernaculum, scilicet in Sancta sanctorum. Introivit utique; semel, et per sanguinem semel effusum. Quod enim semel introire et sanguinem semel effundere dicit, significat perfectionem ejus sacrificii; quod non oportuit iterari. Quod autem sacrificium vetus toties iterabant, significabat in illo non esse nec adhuc venisse perfectionem. Introivit in Sancta inventa redemptione. Non determinat a quo inventa an se, an ab alio, et utrumque dicere possumus. Redemptione inventa a Christo, quia hic pontifex in sacrificio suo invenit redemptionem hominum a peccatis: in qua inventione legales semper defecere pontifices, vel redemptione inventa a nobis. Nos enim in Christo redemptionem nostram invenimus. Redemptione dico æterna, quia quos redimit æternos facit. Probat hoc a minori dicens: Vere per sanguinem Christi inventa est redemptio, quia si sanguis hircorum et taurorum, et si cinis vitulæ combustæ aspersus super populum, sanctificat inquinatos, id est mundat pollutiones peccatorum: Sanctificat dico valens ad emendationem non utique animæ, sed carnis tantum, quia carnem liberat a pœna legis, anima polluta remanet; si, inquam, sanguis illorum animalium aliquo modo

sanctificat quanto magis sanguis Christi emundabit nos? qui Christus obtulit non hircum, non taurum, sed semetipsum Deo: se dico immaculatum, quod nullum sacrificium potuit esse in lege. Immaculatum dico per Spiritum sanctum, unitum sibi in utero matris de quo conceptus est, factus per hoc immunis a peccato. Vel obtulit se per Spiritum sanctum, dictantem sibi ut in omni patientia obediret Patri.

Quanto magis, inquam, sanguis Christi emundabit, non dico carnem, sed etiam conscientiam nostram; quod nec relinquitur unde conscientia sibi formidet. Emundabit utique ab operibus mortuis, id est a peccatis mortem operantibus, ad servendum Deo. Hæc enim duo sanguis Christi efficit in nobis, quia et mundat a peccatis, et virtutem liberi arbitrii restituit, ut Deo servire possit. Deo dico viventi positum ad causam, quia servientibus sibi vitam æternam dabit. Obtulit semetipsum: et est mediator, id est dator Novi Testamenti. **394** Medius inter Deum a quo accipit, et hominem cui tribuit, ideo dator Testamenti Novi, ut morte ejus intercedente, id est interveniente media inter dispositionem et completionem testamenti. Morte dico necessaria in redemptione, non dico gentilium de quibus constat, sed in redemptione eorum prævaricationum, quæ erunt sub priori [veteri] Testamento. Lex enim illa prior præcipiendo prævaricationes addebat, a quibus nullo modo solvere poterat. Ut, inquam, intercedente morte, accipiant repromissionem æternæ hæreditatis, id est æternam hæreditatem frequenter sibi promissam: accipiant, non omnes, sed qui vocati sunt a Deo, electi ab æterno. Postquam Christus Novum Testamentum disposuit, pro confirmatione ejus testamenti necesse fuit eum mori: tum quia si captus a Judæis negaret quod antea dixerat, et pro assertionem eorum refugeret pati, putarent discipuli Christum non intellexisse vera esse quæ docuerat, dum ea timore mortis negaret. Præterea mori oportuit ut, a morte resurgens quæ se prædixerat impleturum consummaret, scilicet redemptionem Israel. Vitula de qua superius, diximus, rufa erat, typum gerens sanguinis Christi, et tota comburebatur in cinerem redacta, ut esset holocaustum Domino: cujus cinis aspergebatur aqua: ita Christus multis tribulationibus attritus, et morte tandem quasi in cinerem redactus fuit. Cinis autem vitulæ, qui super homines projiciebatur, significat memoriam contritionis Christi, quæ semper ingerenda est hominibus. Sic, frater, esto memor Christum pro te passum et contritum, et peccando noli eum provocare. Si autem cinis vitulæ emundabat carnem, longe dignius cinis Christi emundat animam.

Dixit superius, Christum datorem Novi Testamenti morte intercedente: nunc autem quod oportuerit eum mori pro confirmatione Novi Testamenti, approbat consuetudine humanæ legis. Quasi diceret aliquis: Quid opus fuit ut ad confirmationem Testamenti Novi mors Christi intercederet? Oportuit utique, ait Paulus, ut morte intercedente daret Te-

stamentum, quia ubicunque fit testamentum in humanis legibus, necesse est ut intercedat, id est inter dispositionem testamenti et completionem media veniat mors testatoris, id est testamentum facientis. Ideo necesse est mortem testatoris intervenire, quia omne testamentum confirmatum est in mortuis testatoribus, id est per mortem eorum qui testamenta disponunt. Alioquin, id est si aliter sit quod mors testatoris non interveniat, nondum valet dispositum testamentum, dum, id est quandiu vivit ille qui testatus est. Si enim testator mortem evadit, iterum si placeat testamentum mutabit. Unde quia omne testamentum sanguine et morte confirmatur. Primum quidem testamentum non est dedicatum, id est confirmatum sine sanguine. Utique non est dedicatum sine sanguine: lecto enim omni mandato legis: omni ideo quia si quædam dimitteret, videretur dimissa reprobare, et tantummodo lecta confirmare. Lecto, inquam, omni mandato a Moysse, idem enim Moyses legit, universo populo audiente. Tunc Moyses postquam legerat, accipiens sanguinem vitulorum et hircorum cum aqua mistum: accepta etiam coccinea lana et hyssopo de quibus sit aspersorium ipsum etiam librum, et omnem populum aspersit sanguine, dicens ita: Hic sanguis de quo vos aspergo est testamenti, id est ad confirmandum testamentum quod Deus mandavit ad vos. Sicut librum, sic etiam tabernaculum et omnia vasa ministerii similiter aspersit de eodem sanguine. Et omnia pene, ait Paulus, secundum veterem legem mundantur in sanguine: Et quidquid de aliis sit remissio peccati non sit in veteri lege sine effusione sanguinis, id est nullum peccatum remittebatur, nisi quodlibet animal in sacrificium occideretur. Similiter Christus, qui per Moysen significatur lecto omni mandato novæ legis suæ in cena, universo populo discipulorum audiente: postquam omnia legit, Jesus accipiens sanguinem vitulorum et hircorum, id est proprium sanguinem, qui Christus dicitur vitulus propter virtutem **395** crucis: cujus cornibus impios ventilavit. Qui etiam Christus dictus est hircus, propter similitudinem carnis peccati, et quia hostia pro peccato fuit, dum peccata nostra super lignum portavit. Accipiens, inquam, Christus sanguinem suum cum aqua egressum de latere suo in cruce: per aquam sanctificans baptismum, pretio sanguinis redimens nos a peccatis: accipiens illum cum lana coccinea: qui color igneus est et cum hyssopo. Lana enim significat charitatem Christi, quod coccinea fuit similis igni fervorem dilectionis Christi: hyssopus autem qui valet ad depellendum tumorem pulmonis, humilitatem Christi, qui per fervorem dilectionis et humilitatem pro redemptione nostra sanguinem suum effudit. Ipsum etiam librum, id est Evangelium suum quod intercedente morte confirmavit, et omnem populum fidelium aspersit, id est sanctificavit sanguine suo dicens: Hic est sanguis Novi Testamenti affirmator, quod Testamentum Deus mandavit ad vos. Hic Moyses multum fideliter pro-

havit, dicens eadem verba quæ Christus, cum post A
 cœnam calicem sui sanguinis tradidit dicens : Hic
 calix Novi Testamenti est in meo sanguine. Aspersit
 librum, aspersit etiam tabernaculum similiter san-
 guine. Eadem allegoria accipitur per tabernaculum,
 scilicet Ecclesiam Christi sanguine ejus redemptam,
 quæ supra per omnem populum accipiebatur.
 Aspersit etiam omnia vasa ministerii, quia Chri-
 stus doctores Ecclesiæ in quibus continentur mini-
 stria sua, et sanguine redemit, et redemptis spiri-
 tum sapientiæ et scientiæ tribuit, et omnia secun-
 dum legem Christi mundantur in sanguine ejus.
 Illud pene nihil habet in allegoria. Et sine effusione
 sanguinis Christi non fit remissio cujuslibet peccati.
 Et quia omnia oportet mundari in sanguine, et sine
 effusione sanguinis nulla fit remissio.

Ergo necesse est exemplaria quidem cœlestium, id
 est legalia quæ sunt figura spiritalium, mundari his
 supra dictis, scilicet vitulorum et hircorum. Exem-
 plaria verorum necesse fuit mundari *his hostiis, sed*
ipsa cœlestia, cujus hæc erant figura necesse fuit
 mundari *melioribus hostiis* quam istis prædictis,
 hircu et vitulo. Et vere melior hostia fuit qua mun-
 data sunt cœlestia : nam Jesus, et vere ista sunt
 cœlestia, nam non manu facta, etc. Quod ita ait :
Jesus introiit non manens in sanctis manu factis,
quæ manu facta sancta quidem fuere exemplaria
verorum, sed introiit in ipsum cœlum. Ad hoc introiit,
 ut nunc postquam ostensum est, inutilia esse
 manu facta sancta *appareat vultui*, id est beneplacito
 Dei pro nobis in cœlum secum introducendis. Introiit
 quidem in cœlum, sed neque ita introiit, ut sæpe
 inde revertens iterum offerat semetipsum quasi non
 omnibus, et omni tempore sufficiat sacrificium suum
 semel oblatum. *Non ut sæpe offerat quemadmodum*
pontifex legalis per singulos annos quia non sufficit,
sacrificium suum iterans intrat in Sancta sanctorum :
 non in suo sicut Christus, sed *in alieno sanguine.*
 Quare, quia alienus sanguis est, justificare non po-
 test. In hoc et sacrificium suum sufficiens, et legale
 insufficientis ostendit.

Alioquin, id est si aliter vis dicere, ut Christus
 sæpe debeat se offerre, tunc procul dubio (si ita est)
 oportebat eum frequenter pati, incipiendo ab origine
 mundi. Si enim illis tantum qui in tempore suo fue-
 runt, passio ejus profuit, et singulis futuris ætatibus
 oporteat eum iterato pati : tunc utique necesse erat
 ut incipiendo a diebus Abel singulis ætatibus, sin-
 gulas cruces portaret, vel Abraham et cæteri sancti
 non erunt redempti. Sic quidem oporteret. *Sed nunc*
postquam ostensum est tantum inconveniens inde
consequi, dicendum est quod semel Christus appa-
ravit in consummatione sæculorum. Tempus Christi
 dicitur consummatio : quia Christus, quicquid præ-
 dictum de eo fuerat, consummavit. Et cum ante in
 nullo fuerit consummatio, id est vera perfectio, ipse
 omnium perfectionem attulit. *Apparuit, inquam, ad*
destitutionem, id est ad destructionem per hostium
 non alienam, sed *suam.* Quia plene peccatum

destruxit non oportet iterum Christum pati, ideo
 etiam non debet altera vice mori : quia cæteri ho-
 mines semel tantum moriuntur. *Et quemadmodum*
statutum est hominibus mori semel; post hoc autem
quod mortui sunt, restat de illis judicium. Sic et
 Christus semel quidem oblatus Deo per mortem ad
 exhauriendam, id est evacuanda peccata multorum.
 In hoc quidem quod semel mortuus est similis est
 homini : sed in hoc quod homo moritur, judicetur
 Christus, ut judicet dissimilis. Quia ita ait : *Se-*
cundo adventu veniens ad judicium apparebit Chri-
 stus *sine peccato*, id est non in similitudine carnis
 peccati, sed glorificatæ per claritatem immortalita-
 tis et impossibilitatis. Vel apparebit sine peccato,
 id est non veniens ut sicut prius iterum fiat hostia
 pro peccato. Apparebit utique in salutem, non im-
 piis, sed *expectantibus se in justitia et timore.*

CAPUT X.

Umbram enim habens lex futurorum bonorum,
 non ipsam imaginem rerum, per singulos annos
 eisdem ipsis hostiis quas offerunt indesinenter,
 nunquam potest accedentes perfectos facere. Alio-
 quin cessassent offerri, ideo quod nullam ha-
 berent ultra conscientiam peccati cultores se-
 mel mundati. Sed in ipsis commemoratio pecca-
 torum per singulos annos fit. Impossibile enim
 est sanguine taurorum et hircorum auferri pec-
 cata. Ideo ingrediens mundum dicit : Hostiam et
 oblationem noluit, corpus autem aptasti mihi.
 Holocaustomata et pro peccato non tibi placue-
 runt. Tunc dixi : Ecce venio. In capite libri scri-
 ptum est de me : Ut faciam, Deus, voluntatem
 tuam. Superius dicens, quia hostias et oblationes
 et holocaustomata et pro peccato noluit, nec
 placita sunt tibi quæ secundum legem offeruntur.
 Tunc dixi : Ecce venio, ut faciam, Deus, volunta-
 tem tuam : aufert primum, ut sequens statuatur. In
 qua voluntate sanctificati sumus per oblationem
 corporis Jesu Christi semel. Et omnis quidem sa-
 cerdos præsto est quotidie ministrans, et easdem
 sæpe offerens hostias, quæ nunquam possunt au-
 ferre peccata. Hic autem unam pro peccatis offe-
 rens hostiam, in sempiternum sedet in dextera
 Dei : de cætero exspectans donec ponantur inimici
 ejus scabellum pedum ejus. Una enim oblatione
 consummavit in sempiternum sanctificatos. Con-
 testatur autem nos [nobis] et Spiritus sanctus.
 Postquam enim dixit : Hoc autem Testamentum
 quod testabor ad illos post dies illos dicit Domi-
 nus. Dando [dabo] leges meas in cordibus eorum,
 et in mentibus eorum superscribam eas, et pec-
 catorum et iniquitatum eorum jam non recorda-
 bor amplius. Ubi autem horum remissio jam non
 est oblatio pro peccato. Habentes itaque, fratres,
 fiduciam in introitu sanctorum in sanguine Chri-
 sti, quam initiavit nobis viam novam et viventem
 per velamen, id est carnem suam : et sacerdotem
 magnum super domum Dei, accedamus cum vero
 corde in plenitudine, fidei aspersi corda a coa-

scientia mala, et abluti corpus aqua munda, te-
 neamus spei nostræ confessionem indeclinabilem.
 Fidelis enim est qui repromisit. Et consideremus
 invicem in provocationem charitatis et honorum
 operum, non deserentes collectionem nostram,
 sicut consuetudinis est quibusdam, sed consolantes
 et tanto magis, quanto videritis appropinquan-
 tem diem. Voluntarie enim peccantibus nobis post
 acceptam notitiam veritatis, jam non relinquitur
 pro peccatis hostia; terribilis autem quædam ex-
 spectatio iudicii et ignis æmulation, quæ consum-
 ptura est adversarios. Irritam quis faciens legem
 Moysi, sine ulla miseratione duobus vel tribus te-
 stibus moritur, quanto magis putatis deteriora me-
 reri supplicia, qui Filium Dei conculcaverit, et
 sanguinem Testamenti pollutum duxerit in quo
 sanctificatus est, et Spiritui gratiæ contumeliam
 fecerit? Scimus enim qui dixit: Mihi vindictam,
 et ego retribuam. Et iterum: Quia iudicabit Do-
 minus populum suum: Horrendum est incidere
 in manus Dei viventis. Rememoramini autem pri-
 stinos dies, in quibus illuminati magnum certamen
 397 sustinuistis passionem: et in altero quidem
 opprobriis et tribulationibus spectaculum facti, in
 altero autem socii taliter conversantium effecti.
 Nam et vinctis compassi estis, et rapinam bono-
 rum vestrorum cum gaudio suscepistis; cogno-
 scentes vos habere meliorem et manentem sub-
 stantiam. Nolite itaque amittere confidentiam ve-
 stram, quæ magnam habet remunerationem. Pati-
 entia enim vobis necessaria est, ut voluntatem
 Dei facientes reportetis promissionem. Adhuc
 enim modicum aliquantulumque, qui venturus
 est veniet, et non tardabit. Justus autem meus ex
 fide vivit. Quod si subtraxerit se, non placebit
 animæ meæ. Nos autem non simus subtractionis
 filii in perditionem, sed fidei in acquisitionem
 animæ.

EXPOSITIO.

Christus ideo oblatus est ad exhaurienda peccata,
 quia lex non potest facere perfectos, scilicet non
 exhaurire peccata. Et quare lex non possit facere
 perfectos præmittit, dicens: *Lex habens umbram
 futurorum bonorum*, id est futuræ justitiæ in præ-
 senti Ecclesia, et salvationis in futura. Ita habens
 umbram quod *nec ipsam imaginem rerum*, quod nec
 habet in se aliquam partem veritatis. Imago enim
 saltem figuræ membrorum singulas ostendit, umbra
 autem confuse omnia commiscet. Lex, inquam,
 habens umbram eisdem ipsis hostiis quæ semper
 idem, id est imperfecte erant, *quas hostias offerunt
 per singulos annos*, et hoc *indies*, id est vel
 singulis mensibus, vel singulis hebdomadibus. Lex,
 inquam, eisdem hostiis toties repetitis, *nunquam
 potest facere perfectos accedentes ad se*. Quod non
 faciat perfectos probat per hoc, quia si modo
 absolventur ab illo: si iterum peccarent, et pro
 novo peccato iterum immolarent, faciebat sacerdos

A memoriam prioris peccati, pro quo jam immolaverat,
 ostendens imperfectionem sacrificii illius, per quod
 si justificatus esset, frustra vetus peccatum recapitu-
 laret. Quod ita ait: *Alioquin*, id est si hostiæ legis
 perfectos facerent, procul dubio *cessassent illæ hostiæ*
 pro præteritis peccatis. Ideoque cultores sacrifi-
 ciorum semel immolata hostia, mundati, *non ultra
 haberent ullam conscientiam præteriti peccati*. Ces-
 sassent quidem offerre, sed hostiæ pro præteritis
 non cessarent offerri: *in ipsis enim hostiis pro
 recentibus culpis per singulos annos oblati sit com-
 memoratio præteritorum peccatorum*, igitur hostiæ
 illæ perfectos facere non possunt. Et necesse est ut
 per singulos fiat commemoratio præteritorum, *quia
 impossibile est auferri peccata sanguine hircorum et
 taurorum*. Ideo quia per sanguinem taurorum et
 hircorum auferri nequeunt peccata: *propterea
 ingrediens mundum*, id est Propheta inducens Filium
 Dei mundum ingredientem per assumptionem car-
 nis, dicit in voce filii ad patrem. O Domine Pater,
 tu *noluisti hostiam et oblationem* secundum legalem
 traditionem. Hostias de animalibus, oblationem de
 panibus et luminariis dicit. Ha quidem *noluisti sed
 aptasti*, id est aptare mihi voluisti *corpus*, ut de
 corpore meo hostia tibi flet beneplacens et munda.
 Corpus Christi aptum fuisse dicitur, quia et immune
 a peccato, et passibile, et mortale fuit. Nisi enim
 sine peccato esset, hostia munda esse non posset.
 Si autem impassibile et immortale flet, mortem
 non destrueret, quam immortalis mortem gustare
 non posset. Sed quia et immunis a peccato, et
 impassibilis, et immortalis fuit, ideo congrue ait:
 Corpus aptasti mihi, hostiam et oblationem noluisti;
holocaustomata etiam, id est sacrificium totum in-
 census, et *pro peccato*, id est hostia quæ vocabatur
 peccatum vel pro peccato. Hæc, inquam, *non placue-
 runt tibi*, et tunc postquam vidi hoc displicere tibi,
 ut munda et placens hostia offerretur tibi; *disxi*, id
 est deliberavi apud me hoc: *Ecce opportune venis*,
 quia nunc reprobatis illis legalibus, hostia nova ero
 et beneplacens Deo.

Venio ad hoc ut *faciam voluntatem tuam*, id est ut
 pro modo voluntatis tuæ offeram tibi meipsum
 sacrificium novum, in odorem suavitatis. Quod ita
 D construere debeamus: Venio ut faciam, 398 idem
 docet in sequentibus: *Faciam voluntatem tuam*;
 sic enim *scriptum est de me in capite libri*. Liber
 dicitur Christus homo, qui in exemplum justitiæ
 expositus est omnibus. Caput libri dicitur divinitas
 habitans in Christo, quod regit eum in omni per-
 fectione. Vel in capite libri, id est in principio
 Genesis vel Psalterii scriptum est in lege Domini
 voluntas ejus, etc. Præmissa auctoritas quomodo
 intelligenda sit, Paulus exponit, ita Propheta in
 voce Filii, dicens superius ad respectum superioris
 partis, ait *superius*. Dicens, inquam, hoc, *quia*, id
 est quod, tu Pater, *noluisti oblationes et holocausta
 et pro peccato*, id est non postulasti hæc ab eis ut
 fierent tibi, nec (etiam si faciunt injussi) non sunt

placita tibi. Diceret aliquis fortasse: Ideo non placet, quia non sunt ordinabiliter secundum legem. Ad hoc removendum ait: *Non sunt placita tibi ea quæ offeruntur secundum legem*, id est licet fiant secundum legis institutionem tunc reprobatis legalibus hostiis dixi: Ecce venio ut faciam voluntatem tuam, o Deus, hæc, inquam, dicens. In his verbis *aufert primum testamentum*, ita ut *statuat*, id est perpetuo durandum stabiliat *sequens*, Novum scilicet Testamentum, *in qua voluntate*, id est in quo Novo Testamento ex voluntate Dei constituto, nos *sumus sanctificati*, positione virtutum post emundationem malorum. Sanctificati dico, *per oblationem Christi Jesu*, id est per corpus Christi oblatum *semel*, in qua semel facta oblatione sufficiens fuit ad purgationem omnium macularum.

Opponeret aliquis: Sacrificium pontificis ideo insufficientes erat, quia semel tantum in anno fiebat; sed quotidiana sacrificia proderant ad auferenda peccata. Ad hoc removendum ait: Sicut pontifex semel facto sacrificio auferre peccata non poterat, sic etiam omnis quidem legalis sacerdos *quotidie ministrans præsto est*: et ipse sæpe repetendo referens easdem hostias heri hircum, hodie iterum hircum, quia sicut non heri, sic nec hodie proderat; offerens, inquam, easdem hostias, quæ hostiæ nunquam possunt auferre peccata. Pontifex seu *quilibet sacerdos* legalis repetens hostias, peccata nequit auferre, sed hic pontifex Christus *offerens hostiam* non repetitam, sed *unam* solam *pro peccatis* omnium, *sedet*, id est quiescit et regnat *positus in dextera*, id est in æqualitate Dei patris *sessurus ibi in sempiternum*. Nec reversurus ut iterum offerat, quasi hostia ejus fuerit insufficientes, sed *de cætero*, id est de futuro *expectans* ibi in dextera Dei *donec inimici ejus ponantur scabellum pedum ejus*, id est omni modo subjectionis subjiciantur ei, quod futurum est in die judicii. Offerens hostiam unam, ideo unam, *quia una sola oblatione sanctificavit*, et *sanctificatos* virtutum perfectione *consummavit*, *permanens in sempiternum*. Nos quidem dicimus Christum una oblatione sanctificatos consummasse. In hoc autem *contestatur*, id est confirmat nos; idem nobiscum affirmans etiam *Spiritus sanctus*, *quia postquam dixit* in Jeremia: *Hoc autem est testamentum quod testabor ad illos, et hoc dicit Dominus: post dies illos dabo leges meas in cordibus eorum, et superscribam eas in monte eorum*. Postquam hoc dixit, adjunxit *Spiritus sanctus*: et jam *amplius non recordabor peccatorum*, iniquitatum *eorum*. In his autem verbis *contestatur Spiritus sanctus unam oblationem consummasse sanctificatos*: quia *ubi est peccatorum remissio, jam non est necessaria oblatio pro peccato*.

Postquam per pontificium Christi, sufficienter vetus pontificium destruxit, et vetera sacrificia reprobata, et in sacrificio Christi semel oblato, omnem justificationem consistere perhibuit, faciens finem de hujusmodi, transit ad instructionem mora-

lem, adhortans eos in primis ut puro corde integritatem fidei teneant; et si incumbat persecuti, audacter confiteantur, gaudentes pati pro Christo, et sic in fide, et confessione firmam spem habeant. Unde sic ait: Quia pontifex Christus semel offerens sanctificat veteres, nec quotidianis sacrificiis **399** prodesse possunt. *Itaque fratres, nos habentes fiduciam in introitu*, id est de introitu *sanctorum*, scilicet quod nos Sancta sanctorum vere introibimus. Habentes, dico, fiduciam *in sanguine Christi*, quem semel offerens pro nostra emundatione fudit: *quam viam*, id est introitum sanctorum *viam dico nova*, id est noviter in Christo reseratam (nemo etiam ante Christum ambulavit hanc viam *quam initiavit nobis Christus*). *Viam novam et viventem*, id est perdurantem in æternum. *Initiavit* dico *per velamen*, id est per significatum illius velaminis, quod duo tabernacula dividebat, id est per *carnem suam*. Velamen enim illud quod Sancta sanctorum occultabat, carnem Christi, quæ deitatem sibi unitam velabat, præfigurabat. Unde, expirante Christo in cruce consummatis omnibus, scissum est velum templi (*Matth. xxvi, 51; Mart. xv, 38; Luc xxiii, 45*), significans apertam esse viam in Christo intrandi in Sancta sanctorum. Vel ita initiavit nobis viam per velamen, id est per carnem suam, cujus carnem et sanguinem in accessu mortis accipimus viaticum ad patriam.

Carnem dico et sanguinem specie panis velatam. *Initiavit nobis per carnem suam*, et per se *sacerdotem* quotidie Patrem pro nobis interpellantem. *Sacerdotem* dico *magnum* ad comparisonem legalium. *Magnum* dico *constitutum super domum Dei*, id est presentem et futuram Ecclesiam. Nos, inquam, fratres, habentes talem fiduciam *accedamus*, id est appropinquemus ad Dominum *cum vero corde*, id est cum recta intelligentia *in plenitudine fidei*, id est habentes fidem, non de quibusdam tantum, sed de omnibus credendis plenariam. *Accedamus*, inquam, *aspersi corda*, id est habentes mundata corda, non solum a peccato, sed etiam *a mala conscientia*, quod nec cujuslibet mali conscientia nos mordeat; *et abluti corpus aqua munda*, id est habentes purificatam carnem baptismo mundante nos, *teneamus opere et corde confessionem*; quod si ingruant mala, inde non formidemus ideo confiteri Christum. *Confessionem* dico *indeclinabilem*, quod nec in dexteram declinemus, nec ad sinistram, quæ confessio est *cæsa nostræ spei*. Si enim fidem Christi in conspectu persecutorum non timuerimus confiteri, tunc pro certo sperare possumus futuram gloriam sanctis. Diceret ille: Quis tandiu, et tanta tolerando, posset sperare rem fortasse nunquam habendam? Ad hoc Paulus: Si audacter confitemini, salva spes est vobis, *quia Deus est fidelis*, et mentiri non potest, *qui repromisit* confidentibus se bona quæ speratis. *Teneamus confessionem et consideremus invicem*, id est alter alterum, non in litigio et detractioe: sed *in provocatione charitatis et bonorum operum*, id est

alter exemplo alterius provocetur ad dilectionem et ad bene operandum.

Nos, dico, non *deserentes collectionem nostram*, id est congregationem Ecclesie, timore urgentium persecutorum territi, *sicut est consuetudinis quibusdam*, ut « ad tempus credant, et in tempore tentationis recedant (Luc. VIII, 13). » Non *deserentes, sed consolantes collectionem Ecclesie; tanto magis laborantes in hoc, quanto amplius videritis appropinquantem diem mortis*. Vel ita provocemus fratres ad charitatem, non *deserentes collectionem nostram*, id est si peccaverint fratres, non ideo superbe indignantes separemur ab eis, sicut est consuetudinis quibusdam, ut labenti fratri dedignentur compati; sed *consolantes nostram collectionem, et tanto magis per compassionem revocate eos a malis, quanto videritis appropinquantem diem retributionis*. Malis male, bonis bene. Ideo teneamus fidem et confessionem non *deserentes collectionem nostram*. Hæc omnia prædicta ideo faciamus, *qui nobis peccantibus voluntarie*, id est ex voluntate et propria deliberatione in peccato manentibus, *post acceptam notitiam veritatis*, id est postquam Christum qui est ipsa veritas cognovimus, fidemque suscepimus: si voluntas peccandi perdurat in nobis, *jam non relinquitur*, nihil proderit nobis Christus factus hostia pro peccatis delendis. Vel ita *jam non relinquitur*, id est non reservatur Christus; ut pro iterum peccantibus, iterum fiat *hostia pro peccatis*. Sed hoc relinquitur nobis, scilicet, *quædam 400 terribilis expectatio iudicii futuri*; et relinquitur nobis *æmulatio*, id est invidia ignis, quæ æmulatio *consumptura est adversarios veritatis*.

Probat a majori puniendos esse peccantes in Christum, dicens: Vere qui voluntarie peccat, in veritate punietur. *Nam aliquis prævaricando faciens irritam legem Moysi*, quæ non erat nisi umbra veritatis, *moritur sine ulla miseratione convictus de peccato sub duobus vel tribus testibus*. Et si prævaricans in lege Moysi moritur, *quanto magis putatis eum mereri deteriora supplicia, qui conculcaverit Filium Dei?* Ille conculcabilem et nimis vilem intelligit Filium Dei, qui ad remittenda peccata eum impotentem dicit, nisi adjungatur circumcisio; et *qui duxerit*, id est intellexerit *sanguinem testamenti esse pollutum*, id est sanguinem Christi, quo confirmatum est testamentum novum. Sanguinem Christi dicit ille pollutum, qui in eo dicit non posse mundari omne delictum. Si enim Christus munda hostia fuit, etiam ab omni culpa mundare potuit: quod si mundare non potuit, sequitur ut polluta hostia fuerit, *in quo sanguine sanctificatus est quicumque baptizatus*. Ille etiam deteriora meretur qui *fecerit contumeliam Spiritui sancto*. Qui aliunde quam per Spiritum dicit peccata remitti, in Spiritum contumeliose agit. *Spiritui dico gratiæ qui gratis datur, et gratis peccata remittit*. Diceret ille: Licet lex Moysi quæ sine misericordia erat, damnaret prævaricatores suos, Christus tamen qui misericordiam et

gratiam attulit, licet peccemus, non tantum non damnabit, sed indulget. Ad hoc removendum Paulus probat Christum esse judicem, nec propter misericordiam deseruisse iudicium, dicens: Vere conculcans Filium Dei, deteriora patetur. *Nos enim scimus eum qui dixit hoc in Deuteronomio (Deut. xxxii, 35): Mihi reservate vindictam, si proximus peccat, mea est ultio in proximum, et ego retribuam eis*, in tempore pro modo delicti. Quod si peccare in proximum non deserit inultum, quanto magis peccare in seipsum? *Et iterum Scriptura approbans iudicium Dei ait: Quia iudicabit Dominus populum suum*. Et quia Dominus iudicans reddet unicuique vindictam peccati, videte ne peccetis ait Paulus. *Quia horrendum est incidere in manus Dei viventis*, id est quæcunque vult potentis.

Postquam asperius corripuit illos, nunc rememorando priora bona illorum, blanditur eis ut quos terrore iudicii concussit, quibusdam blanditiis alliciat, dicens: Videte ne incidatis in manus Dei, *sed rememoramini pristinos dies in quibus vos illuminati per fidem, statim accepta fide sustinistis magnum certamen passionum*; multa enim tunc passi estis a contribulibus vestris. Sustinistis utique passiones, et enim in altero, id est in una parte quidem facti estis *spectaculum mundo, opprobriis*, id est propter opprobria et tribulationes illatas vobis. *In altero autem*, id est ex una parte *effecti estis socii conversantium taliter*, sicut nos, id est omnium illorum qui in religione fidei conversabantur vobiscum. Vere socii. *Nam et vos compassi estis vincitis*, ministrando eis in vinculis necessaria de bonis vestris, et opprobria et tribulationes passi estis. Vos enim *suscipistis cum gaudio rapinam bonorum vestrorum, cognoscentes vos habere in caelis substantiam meliorem*, quia spiritalem et permanentem. Et quando quidem tales in principio fidei fuistis, *itaque nolite degenerando amittere confidentiam vestram*, id est bona opera, per quæ licet confidere quæ confidentia si perseverat, *magnam habet remunerationem*. Dicerent illi: Difficile est tot vexationes, et tantum pati. Ad hoc Paulus: Nolite patientiam amittere, sed estote longanimis in patiendo, *quia patientia longanimis est vobis necessaria, ut patiendo facientes voluntatem Dei, reportetis promissionem*, id est promissam gloriam. Nec semper oportebit pati, *quia adhuc modicum quidem temporis et aliquantulum passionis*, sed leve et momentaneum restat. Et post hoc *veniet vobis ille qui venturus est*. Et postquam venerit, *401 non tardabit*, id est non tarde dabit vobis gloriam quam promisit, martyribus non tardatur gloria, sed statim exeuntibus de mundo datur. His autem qui in pace Ecclesie quiescunt tardare videtur, propterea quia de quibusdam quæ illicite contraxerunt, necesse est prius pœnitentiam agere. Qui venturus est veniet et non tardabit, et interim dum venit, vos *justi ex fide vivetis, quia dixit Deus per prophetam: Justus meus ex fide vivit (Habac. ii, 4)*. Si vero *justus subtraxerit se a fide*,

non placebit animæ, id est voluntati meæ. Dico si A
subtraxerit se, sed nos non sumus filii subtractionis,
ituri sic in perditionem, sed sumus fidei in acquisi-
tionem, id est ad hoc ut per fidem acquiramus sa-
lutem animæ nostræ.

CAPUT XI.

Est autem fides sperandarum substantia rerum,
argumentum non apparentium. In hac enim testi-
monium consecuti sunt senes. Fide intelligimus
aptata esse sæcula verbo Dei, ut ex invisibilibus
visibilia fierent. Fide plurimam hostiam Abel
quam Cain obtulit Deo, per quam testimonium
consecutus est esse justus, testimonium perhibente
muneribus ejus Deo; et per illam defunctus adhuc
loquitur. Fide Henoch translatus est, ne videret
mortem, et non inveniebatur, quia transtulit il- B
lum Deus. Ante translationem enim ejus testimo-
nium habuit placuisse Deo. Sine fide autem im-
possibile est placere Deo. Credere enim oportet
accidentem ad Deum quia est, et inquirentibus se
remunerator sit. Fide Noe, responso accepto de
his quæ adhuc non videbantur, metuens aptavit
arcam in salutem domus suæ, perquam damnavit
mundum, et justitiæ, quæ per fidem est, hæres est
institutus [factus]. Fide qui vocatur Abraham, obe-
divit in locum exire, quem accepturus erat in
hereditatem, et exiit nesciens quo iret. Fide de-
morusus est in terra repromissionis, tanquam in
aliena, in casulis habitando cum Isaac et Jacob,
cohæredibus repromissionis ejusdem. Expectabat C
enim fundamenta habentem civitatem, cujus ar-
tífex et conditor Deus. Fide et ipsa Sara sterilis
virtutem in conceptione seminis accepit, etiam
præter tempus ætatis, quoniam fidelem credidit
esse eum qui repromiserat. Propter quod et ab
uno orti sunt; et hoc emortuo, tanquam sidera
cæli in multitudine, et sicut arena quæ est ad
oram maris innumerabilis. Juxta fidem defuncti
sunt omnes isti, non acceptis repromissionibus,
sed a longe eas aspicientes, et salutantes, et confi-
dentes quia peregrini et hospites sunt super terram.
Qui enim hæc dicunt, significant se patriam in-
quirere. Et si quidem illius meminissent, de qua
exierunt, habebant utique tempus revertendi.
Nunc autem meliorem appetunt, id est cœlestem. D
Ideo non confunditur Deus vocari Deus eorum.
Paravit enim illis civitatem. Fide obtulit Abra-
ham Isaac cum tentaretur, et unigenitum offere-
bat in quo susceperat repromissiones, ad quem
dictum est: Quia in Isaac vocabitur tibi semen;
arbitrans [cogitans] quia et a mortuis suscitare
potens est Deus. Unde eum et in parabola accep-
pit. Fide et de futuris benedixit Isaac, Jacob et
Esau. Fide Jacob moriens singulos filiorum Joseph
benedixit, et adoravit fastigium virgæ ejus. Fide
Joseph moriens de protectione filiorum Israel me-
morusus est, et de ossibus suis mandavit. Fide
Moyses natus occultatus est mensibus tribus a
parentibus suis, eo quod vidissent elegantem in-
fantem, et non timuerunt regis edictum. Fide

Moyses grandis factus, negavit se esse filium filia-
Pharaonis, magis eligens affligi cum populo Dei
quam temporalis peccati habere jucunditatem,
majores divitias æstimans thesauro Ægyptiorum,
improperium Christi. Aspiciebat enim in remune-
rationem. Fide reliquit Ægyptum, non veritus
animositatem regis. Invisibilem enim tanquam vi-
dens sustinuit. Fide celebravit Pascha, et san-
guinis effusionem, ne qui vastabat [vastaret] pri-
mitiva, tangeret eos. Fide transierunt mare Ru-
brum, tanquam per aridam terram: quod experti
Ægyptii devorati sunt. 402 Fide muri Jericho
corruerunt, circumitu dierum septem. Fide Raab
meretrix non periit cum incredulis, excipiens ex-
ploratores cum pace. Et quid adhuc dicam? Desi-
ciet enim hæc tempus enarrantem de Gedeon, Ba-
rac, Samson, Jephthe, David, Samuel, et prophe-
tis, qui per fidem vicerunt regna, operati sunt
justitiam, adepti sunt repromissiones, obturave-
runt ora leonum, exstinxerunt impetum ignis. Ef-
fugaverunt aciem gladii, convaluerunt de infir-
mitate, fortes facti sunt in bello. Castra verterunt
exterorum, acceperunt mulieres de resurrectione
mortuos suos. Alii autem distenti sunt, non sus-
cipientes redemptionem, ut meliorem invenirent
resurrectionem. Alii vero ludibria et verbera ex-
perti, insuper et vincula, et carceres, lapidati
sunt, secti sunt, tentati sunt, in occisione gladii
mortui sunt. Circuierunt in melotis, in pellibus
caprinis, egentes, angustii, afflicti, quibus di-
gnus non erat mundus, in solitudinibus errantes,
in montibus et speluncis, et in cavernis terræ. Et
hi omnes, testimonio fidei probati, non accepe-
runt repromissionem, Deo pro nobis melius
aliquid providente, ut non sine nobis consumma-
rentur. »

EXPOSITIO.

Quia de fide sermonem incepit, dicens: Nos su-
mus filii fidei etc., subjungit quasi definitionem fidei;
quæ tamen non est definitio, sed fidei commenda-
tio. Ad cujus fidei commendationem diu immoran-
do, multa veterum exempla supponet. Ait autem:
Nos sumus filii fidei: Fides autem est substantia, id
est existentia et acquisitio rerum sperandarum, id est
futurorum bonorum, quæ singulariter et præcipue
speranda sunt. Fides, inquam, sic est substantia
futurorum bonorum, quia nec sine fide in quolibet
subsistunt, nec nisi per fidem acquiruntur. Vel ita
dicamus: Fides in præsentia habita est in futuro
substantia rerum, id est bonorum cœlestium. Me-
rito enim hic habitæ fidei tunc subsistunt bona illa
in eo qui fidem in hoc mundo habuit; rerum dico
nunc per fidem sperandarum. Fides etiam est argu-
mentum, id est approbatio rerum non apparentium,
id est bonorum, quæ (dum in hoc mundo manemus)
videre non possumus. Si quis enim considerat Abra-
ham, quomodo merito fidei possedit gloriam, idem
de se potest sperare quod, si per fidem imitabitur
Abraham, sicut ille, quam non vidit, per fidem pos-
sidebit gloriam. Dico fides est substantia futurorum

honorum et argumentum. Propterea sic commendo A fidem, quia in hac, id est in fide, senes, id est antiquiores patres consecuti sunt bonum testimonium. Senes dicit non ætate, sed temporis præcessionem. Abel enim, etsi junior annis, senior tamen quam Abraham antiquitate præeuntis temporis. Sed opponeret aliquis: Fidem dicis argumentum esse rerum, quæ non apparent. Sed quomodo credi possunt quæ videri nequeunt? Ad hoc Paulus: Fides utique argumentum est rerum non apparentium. Nam fide, id est per fidem intelligimus sæcula aptata, id est apte formata esse. Aptata dico verbo, id est Filio vel imperio Dei, quod idem est. Et si de sæculis credimus, quod per verbum Dei formata sint (quod tamen nemo vidit hominum) credamus similiter per fidem de rebus nondum apparentibus. Sæcula, inquam, credimus aptata verbo Dei, ita ut fierent visibilia, id est res visibiles ex invisibilibus, quando enim chaos erat sicut scriptum est: «Tenebræ erant super faciem abyssi (Gen. 1, 2).» Tenebræ ideo, quia elementa illa videri non poterant, etiamsi tunc esset, qui visum humanum haberet. Sed postquam elementa separata sunt, et creaturis formati in quendam spissitudinem coalescendo creverunt, elementa prius invisibilia, jam fuerunt visibilia. Néc mirum si videri non poterant, licet res essent corporeæ, cum humorem illum, qui est in grano seminis, unde culmus et spica pullulat, videre nec discernere possimus, licet in illa massa grani contineatur. Vel ita sunt verbo Dei ut fierent visibilia ex invisibilibus, id est secundum invisibilia quæ præcesserant in consilio 403 Dei. Prius enim Deus ab æterno in consilio suo omnium creaturarum formas disposuit, et secundum quod singula in consilio præordinata fuerant, invisibilia adhuc secundum modum illum facta sunt visibilia in tempore formationis singulorum.

Vere senes consecuti sunt testimonium per fidem Abel enim fide, id est per fidem obtulit hostiam plurimam, id est magis acceptabilem Deo quam fuerit hostia Cain. Hostia Abel grata Deo fuisse cognoscitur, quia agnus quem obtulit igne divino consumptus sit. Hostia Cain reprobat, quia, non superveniente igne, manipulus frugum quem obtulit integer mansit. Per quam fidem Abel justus consecutus est testimonium hoc, scilicet se esse justum. Ait enim Christus in Evangelio. «A sanguine Abel justus (Matth. xxiii, 35),» etc. Moyses autem justitiam Abel commendat, et multi prophetarum. Consecutus est Abel testimonium Deo perhibente testimonium muneribus ejus sicut præfati sumus, et per illam fidem Abel defunctus loquitur adhuc, quia facit nos loquentes de fide ejus. Henoch etiam per fidem quam habuit, translatus est ad alias patrias, ideo ne videret mortem, et translatus non inveniebatur; quia Deus transtulit illum; qui si ab homine translatus esset, facile inveniretur. Deus ideo transtulit eum quia ante translationem habebat testimonium placuisse Deo. Per fidem sic isti placuerunt Deo. Sine

fidem autem impossibile est aliquem placere Deo. Vere sine fide nemo placebit Deo; nam accedentem, id est volentem approximare ad Deum, oportet credere quia Deus unus est, et quia Deus sit remunerator inquirentibus se. Si hoc solum crederent gentes, quod creator unus esset, et singulis pro eorum actibus retribuere, satis esset illis. Noe etiam accepto responso de his quæ non videbantur adhuc, id est de diluvio futuro, metuens illud diluvium per fidem quam habuit in verbis Domini, aptavit arcam in salutem domus suæ, id est in qua salvaret filios suos et filias. Per quam fidem, quia secundum verbum Dei futurum credidit diluvium, damnavit, id est damnabilem fecit mundum. Dum enim Noe credidit, et homines stultum esse crediderunt quod præparabat arcam, in qua salvaret domum suam, comparatione fidei ejus damnati sunt. Et ipse Noe est institutus hæres justitiæ ejus quæ est per fidem.

Nunc ad patres Judæorum descendit, ostendens in eis et in prioribus omnem justitiam ex fide habuisse originem. Ille etiam qui merito fidei nunc vocatur Abraham, prius dictus Abram per fidem, obedivit Deo exire de Ur Chaldæorum in locum illum quem merito fidei accepturus erat in hereditatem. Obedivit, inquam, et exiit de terra nationis suæ, nesciens quo iret. Idem Abraham per fidem moralis est in terra repromissionis tanquam in aliena, habitando ibidem in casulis, id est in tentoriis cum Isaac et Jacob, non quod Jacob eodem tempore quo Abraham fuerit, sed quia Jacob eandem terram sicut Abraham habitavit, inquirens cum patribus suis non illam, sed veram terram repromissionis. Isaac et Jacob dico, coheredibus ejusdem repromissionis; illis enim frequenter Deus, sicut Abraham, repromisit. Abraham ideo habitabat in casulis, quia expectabat civitatem habentem fundamenta, id est stabilitatem æternitatis, cœlestem, scilicet Hierusalem, cujus civitatis Deus est artifex, id est arte sua disponens sibi singula; et idem eorum quæ disponit est conditor ipsemet fabricans illa. Abraham habitans in casulis ostendebat se non curare Hierusalem terrenam, sed inquirere cœlestem. Ipsa etiam Sara sterilis, et nonagenaria per fidem accepit virtutem in conceptione, id est concipiendi seminis. Ipsa dico non solum sterilis, sed etiam præter tempus ætatis, quia (sicut dictum est) nonagenaria erat, accepit ideo, quoniam credidit Deum esse fidelem, id est veracem qui illi promiserat semen, propter quod quia Deum credidit fidelem, et ab uno ventre vel ab uno patre, et hoc uno emortuo vel ventre, vel patre, orti sunt filii tanquam sidera cœli, nec secundum 404 claritatem virtutum comparo sideribus, sed eundo in multitudinem eorum. Orti sunt etiam sicut arena, nec iterum secundum sterilitatem tantum arenæ comparo; sed quæ est innumerabilis, id est secundum innumerabilitatem eorum; quæ arena est ad oram maris, id est juxta litus gentilitatis. Multi enim de filiis Abraham virtutibus micaverunt,

ut sidera, multi steriles et infructuosi in littus A [at., ritus] gentillum sunt præcipitati. Et omnes isti, Abraham, scilicet, Isaac et Jacob, defuncti sunt, etiam cum morerentur, existentes juxta fidem; id est credentes se accepturos promissa Dei. Defuncti, inquam, sunt, non acceptis repromissionibus in vita, sed aspicientes eas repromissiones futuras a longe, id est in diebus Christi, et salutantes, sicut nautæ patriam, quam a longe videntes multum desiderant, et confidentes de se quia ipsi sunt super terram peregrini, semper ad alia transeuntes, et hospites, id est aliunde venientes. Ideo et sic confidentes; qui enim dicunt hæc, scilicet, se peregrinos esse et hospites, his verbis significant se veram patriam inquirere.

Diceret aliquis: Inquirebant alienam, quia fortassis ad suam patriam reverti non poterant. Ad hoc Paulus: Hæc dicebant, et si quidem meminissent illius patriæ, de qua exierant, volentes illuc reverti, utique habebant tempus, id est opportunitatem, revertendi. Sed nunc, postquam illius non meminerant, appetunt meliorem patriam, id est cœlestem. Et quia cœlestem appetunt, ideo Deus non confunditur, id est non erubescit rovari Deus eorum: ut dicatur Deus Abraham, Isaac et Jacob. Ideo Deus eorum vocatur, quia paravit illis cœlestem civitatem. Abraham iterum per fidem obtulit Isaac, cum tentaretur; Deus non tentabat Abraham, quasi qui fidem ejus ignoraret, sed ut ipse Abraham et mundus virtutem suæ fidei cognosceret. Et, ne putaretur Abraham ideo immolare Isaac quia in alio filio implendas expectaret repromissiones ait. Et ipse Abraham qui suscepit repromissiones ad quem dictum est: Quia in Isaac vocabitur tibi semen, ipse offerebat hunc unigenitum, arbitrans quia Deus potens est eum suscitare a mortuis, et per eum suscitatum Abraham vocari semen. Unde quia ita credit, accepit eum filium, et in multiplicationem seminis, et in parabolam, id est in figuris Christi. Aries enim, qui inter vepres cornibus hærens repertus est, et Isaac, unum Christum Deum et hominem significabant. Per hoc igitur quod aries quidem est immolatus, Isaac vero morti subtractus, significatum est Christum, secundum carnem, passurum, secundum divinitatem vero, mortis discrimen non esse sensurum. Aries enim immolatus, carnem Christi immolandam; Isaac vero subtractus, divinitatem Christi non lædendam per passionem præfiguravit. Isaac etiam benedixit Jacob et Esau, habita fide et de illis, quomodo major serviret minori, et de futuris, quorum typum gerebant, scilicet, quomodo primogenitus Judaicus populus primogenita sua (cultum scilicet Dei) desereret, et minor, gentilis sibi usurparit. Jacob in Ægypto moriens, per fidem benedixit singulos filiorum Joseph, scilicet Manassem et Ephraim, et adoravit fastigium virgæ ejus Joseph, qui secundus a rege Ægypti sceptrum gerebat, in signum suæ dignitatis, adoravit fastigium virgæ, id est Christum, per Joseph figuratum, cui virga æquitatis virga est regni

PATROL. CLIII.

sui (Psal. XLIV, 7). Joseph moriens fide, id est per fidem, memoratus de profectione filiorum Israel, quod profecturi essent de Ægypto, et hoc memorans, mandavit de ossibus suis, ut deferrentur ad sepulturam Abraham, confidens et resurrecturos esse cum Christo illos quibus facta erat repromissio, si corpora eorum invenirentur in terra repromissionis.

Moyses natus per fidem, quia crediderunt parentes hunc magnum futurum, videntes ejus elegantiam, occultatus est tribus mensibus a parentibus suis, eo quod vidissent infantem elegantem, et non timuerunt edictum regis, qui omnem masculum in pueris Hebræorum jusserat interfici. Moyses etiam grandis factus, negavit se esse filium filię Pharaonis per fidem, eligens magis affligi cum populo Dei quam habere jucunditatem temporalis peccati, et improperium Christi, quod in se patiente pro Christo præfigurabat, existimans esse divitias majores omni thesauro Ægyptiorum. Ideo sic existimans quia aspicebat in remunerationem futuram, non in laborem præsentem vel jucunditatem. Moyses per fidem reliquit Ægyptum, educens inde populum Judæorum, non veritus animositatem regis Ægyptiorum. Ideo non veritus quia sustinuit invisibilem, id est expectavit Deum, quem videre non poterat, tanquam corporaliter eum videns, adhibens fidem sermonibus Dei. Idem Moyses celebravit Pascha effusione sanguinis agni per fidem, ideo, ne qui vastabat primogenita Ægypti tangeret Judæos. Fidem habuit in sanguine agni, quod per virtutem agni innocentie (id est Christi quem præfigurabat) posset salvari. Filii Israël per fidem transierunt mare Rubrum tanquam per aridam terram. Et ne quis dicat hoc fuisse casum, quod scilicet transire mare Ægyptii experti, devorati sunt. Muri Jericho per fidem corruerunt circuitu septem dierum. Raab meretrix excipiens exploratores Judæorum cum pace, non perit cum incredulis, propter fidem qua credidit quod Deus traderet urbem in manus Judæorum.

multa de laude fidei dixi, et quid adhuc amplius dicam? tempus enim (si exsequar omnia de fide) deficiet, id est deseret me enarrantem de Gedeon, qui vellus in area posuit; de Barac, qui fide populum liberavit; de Samson, qui per fidem multa operatus est; de Jephthe, qui dux populi liberavit populum, licet stulto voto filiam immolaverit; de his quatuor in libro Judicum plenius invenitur; de David etiam, qui multa per fidem fecit, et de Samuele, et aliis prophetis, qui vicerunt regna, id est reges superaverunt per fidem, qui etiam operati sunt justitiam per fidem; adepti sunt repromissas beatitudines per fidem; obturaverunt ora leonum per fidem, ut Daniel; extinxerunt impetum ignis, ut tres pueri; effugarunt aciem gladii, ut Judas Machabæus; convulnerunt de infirmitate, ut Ezechias; fortes facti sunt in bello complures; everterunt castra exterorum, illis fugatis; mulieres acceperunt mortuos suos de resurrectione venientes, ut vidua Sareptana per Eliam filium uni-

eum, et Sunanimitis per Elisæum. *Alii autem dissentient* sunt in eculeis, ut septem Machabæi, *non suscipientes redemptionem*, id est nolentes a tormentis redimi, ut merito passionum *invenirent meliorem resurrectionem*. Quanto enim magis quis patitur, tanto melius coronabitur. *Alii vero sunt experti ludibria, et verbera, insuper, et vincula et carceres, lapidati sunt, secti sunt*, ut Isaias; *tentati sunt*, ap timore pœnæ negarent fidem; *mortui sunt in occasione gladii; circumierunt* fugiendo hac illac in *melotis*. Melota est (ut aiunt) vestimentum de pilis camelorum. Vel melus animal est quod dicitur taxo, et a melo melota dicitur. Circumierunt etiam in *pelibus caprinis, egentes temporalibus, angustiati animo, afficti corpore, quibus sanctis mundus non erat dignus*, ut tales haberet, vel quibus dignus non erat mundus, secundum verba impiorum dicentium: *Illi tales inquinamentum mundi sunt, purgetur mundus ab illis. Errantes in solitudinibus* ut Matathias, et qui cum eo erant, et in *montibus, et in speluncis, et in cavernis terræ*. Speluncæ naturales foveæ sunt. Cavernæ, arte cavatæ. *Et hi omnes probati testimonio fidei, non acceperunt reprobationem*, id est repromissam hæreditatem, *Deo providente aliquid melius pro nobis, scilicet ut priores sancti non consummarentur* in perfectione jucunditatis *sine nobis*. Si enim sine **406** incarnato Christo acciperent illi æternam beatitudinem, Christus non incarnaretur, quia frustra, cum alio modo salus existeret, et sic priores sancti salvarentur sine nobis.

CAPUT XII.

Ideoque et nos, tantam habentes impositam *nubem testium, deponentes omne pondus, et circumstans nos peccatum, per patientiam curramus* ad propositum nobis certamen, respicientes in *auctorem fidei, et consummatorem Jesum, qui proposito sibi gaudio sustinuit crucem, confusionem contempta, atque in dextera sedis Dei sedet. Recogitate enim eum qui talem sustinuit a peccatoribus adversus semetipsum contradictionem, ut non fatigemini animis vestris deficientes. Nondum enim usque ad sanguinem restitistis, adversus peccatum repugnantes, et oblitistis consolationis, quæ vobis tanquam filiis loquitur, dicens: Filii mi, noli negligere disciplinam Domini, neque fatigeris, dum ab eo argueris. Quem enim diligit Dominus, castigat; flagellat autem omnem filium quem recipit. In disciplina perseverate. Tanquam filiis vobis offert se Deus. Quis enim filius, quem non corripit pater? Quia si extra disciplinam estis, cujus participes facti sunt omnes, ergo adulteri, et non filii estis. Deinde patres quidem carnis nostræ eruditores habuimus, et reverebamur eos. Num [non] multo magis obtemperabimus patri spirituum, et vivemus? Et illi quidam in tempore paucorum dierum, secundum voluntatem suam, erudiebant nos: hic autem ad id quod utile est in recipiendo sanctificationem ejus. Omnis autem disciplina in præsentem quidem videtur non esse*

gaudii, sed mœroris; postea autem fructum pacatissimum exercitatis per eam reddet justitiæ. Propter quod remissas manus et soluta genua erigite, et gressus rectos facite pedibus vestris, ut non claudicans quis erret; magis autem sanetur. Pacem sequimini cum omnibus et sanctimoniam, sine qua nemo videbit Deum. Contemplantes ne quis desit gratiæ Dei, ne qua radix amaritudinis sursum germinans impediatur, et per illam iniquentur multi. Ne quis fornicator aut profanus, ut Esau, qui propter unam escam vendidit primitiva [al., primogenita] sua. Scitote enim quoniam et postea cupiens hæreditare benedictionem, reprobatus est. Non enim invenit pœnitentiæ locum, quanquam cum lacrymis inquisisset eam. Non enim accessistis ad tractabilem montem, et accessibilem ignem, et turbinem, et caliginem, et procellam, et tubæ sonum, et vocem verborum; quam qui audierunt, excusaverunt se, ne eis fieret verbum. Non enim portabant quod dicebatur: Et si bestia tetigerit montem, lapidabitur. Et ita terribile erat quod videbatur. Moyses dixit: Exiterritus sum et tremebundus. Sed accessistis ad Sion montem et civitatem Dei viventis Jerusalem coelestem, et multorum millium angelorum frequentiam, et Ecclesiam primitivorum, qui conscripti sunt in coelis, et judicem omnium Deum, et spiritum [spiritus vel spirituum] justorum perfectorum, et Testamenti Novi mediatorem Jesum; et sanguinis aspersionem melius loquentem quam Abel. Videte ne recusetis loquentem. Si enim illi non effugerunt recusantes eum, qui super terram loquebatur, multo magis nos qui de cœlis loquentem nobis advertimus, cujus vox movit terram tunc; nunc autem repromittit, dicens: Adhuc semel, et ego movebo non solum terram, sed et cœlum. Quod autem adhuc semel dicit, declarat mobilium translationem, tanquam factorum [facturam] ut maneant ea quæ sunt immobilia. Itaque regnum immobile suscipientes, habemus [habemus] gratiam, per quam serviamus, placentes Deo cum metu et reverentia. Etenim Deus noster ignis consumens est.

EXPOSITIO.

Adductis tot commendationibus fidei, infert ex omnibus: Quandoquidem fides tot testimoniis commendabilis est, *ideo sicut priores, ita et nos habentes tantam nubem testium, commendantium fidem impositam nobis. Nubem ideo dicit, quia sicut nubes ab æstu protegit et pluvia, sic præfatorum sanctorum exempla muniunt nos contra irruentia mala. Nos etiam sicut illi deponentes per pœnitentiam omne pondus peccati quod perpetravimus, deponentes etiam peccatum nos circumstans undique, id est omnem pravam suggestionem per patientiam curramus, non reflexi a bono certamen propositum nobis, non enim ad blanditias vocati sumus, sed ad tolerandos labores. Curramus, inquam, imitando aspicientes in Jesum auctorem fidei nostræ, id est qui*

nos consummabit in gloria, si fides nostra perduret **A** integra. Qui Jesus sustinuit crucem, contempta non tantum acerbitate, sed etiam confusione, id est erubescencia de ignominioso genere mortis. Sustinuit, inquam, gaudium proposito sibi in gloria merito passionis. Vel, proposito sibi terreno gaudio, id est terrenis facultatibus propositis sibi a crucifixoribus suis, si vellet se diffiteri Filium Dei. Atque ideo quia crucem sustinuit, confusionem contempsit, *sedet in dextera sedis*, id est in æqualitate sedentis Dei Patris. Curramus propositum certamen imitantes Jesum, qui contempta confusione sustinuit crucem; eum, inquam, aspice crucem in morte sustententem; *recogitate etiam eundem Jesum qui sustinuit contradictionem*, ut sicut in morte, sic etiam imitemini eum in patienda contradictione. Quidquid adversitatis tulit Jesus usque ad horam passionis significat hic per contradictionem. Vel si habetur enim, ita jungatur. Debetis aspice Jesum sustententem crucem, nam etiam hoc quod in Christo minus est, scilicet contradictionem quam sustinuit, recogitate, id est frequenter debetis mandare memoriæ. Quod ita ait: *Recogitate Jesum qui sustinuit contradictionem talem*, id est adeo contemptibilem et difficilem, quodque magis potuit gravare eum, ipse qui peccatum non novit, illatam sibi a peccatoribus sustinuit, non adversus Petrum, vel quemlibet discipulorum, sed *adversus semetipsum*. Recogitate, inquam, hanc contradictionem, ad hoc, *ut memores ejus non fatigemini*, id est ne sitis fessi patiundo adversa, vel si fatigamini corpore, ne fatigemini in animis vestris, **C** sed carne infirma spiritus tamen prompti sint. Si enim tanta sit contradictio ut fatigentur animi, sicut item Paulus de se ait: « Gravati sumus supra modum, ita ut tædeat nos vivere (II Cor. 1, 8); » non tamen deficientes, sicut nec Paulus defecit, licet fatigatus esset animus. Deficerent, si timore tribulationum fidem negarent, debetis utique sine fatione et defectu sustinere, *quia et si restitistis, nondum tamen usque ad sanguinem*, id est nondum effusus est sanguis vester, quod si oportet, pro fide patiendum est.

Nondum usque ad effundendam sanguinem restitistis, vos tamen *repugnantes adversus peccatum*; ita dicent in altero laudat eos quia repugnaverunt. In altero ostendit adhuc posse ascendere, scilicet ad effusionem sanguinis. Repugnantes, inquam, adversus peccatum ne locum haberet in vobis. Dum enim impiis consentire renuitis, contra peccatum statis, quibus si consentiretis, peccatum statim locum haberet in vobis. Repugnastis olim adversus peccatum, et nunc *quare oblitiscitis consolationis*, id est divinitatis vos in tribulatione consolantis? *quæ divina consolatio loquitur nobis non tanquam alienis*, sed tanquam *filiiis*, quos *lovere* intendit dicens in Salomone (Prov. 11, 4): *O tu fili mi, noli negligere disciplinam*, id est persecutiones et verbera quæ sunt disciplina. In his enim homo addiscit quanta sit fragilitas sua, et quam parum viribus suis possit,

nisi præsto sit gratia Dei. Disciplinam dico non persecutorum, sed *Domini*; ipsi enim nihil possunt nisi ex permissione Dei, hoc modo purgare filios suos volentis. Noli negligere disciplinam, *neque fatigeris*, id est ne fessus refugas pati dum argueris, id est reus esse convinceris a Deo per hanc disciplinam indulgente tibi. Per hanc etiam disciplinam, homo et fragilitatem suam cognoscit, et (si patienter sustineat) indulgentiam promeretur de peccatis.

408 Non debes fatigari dum argueris, *eum enim quem diligit Dominus castigat*, id est in castitate et continentia vitiorum per disciplinam agit; illum quem diligit, castigat, *omnem autem filium quem recipit*, priusquam recipiat, *flagellat*. Licet enim peccata dimittat, nulli tamen poena remittitur, quin vel in hac vita, vel in futura solvatur, vel ab ipso homine spontanea voluntate, quod opus acceptius est, vel alio sibi inferente. Sicut per originale probare possumus, quod quidem in baptismo dimittitur, poena tamen ejus peccati (mortalitas scilicet et passibilitas) relinquitur. Et quando quidem disciplina Domini adeo commendabilis est, igitur *perseverate in disciplina*, id est in patientia tribulationum, in qua utique perseverare debetis; *Deus enim offert se vobis in tribulationibus adiutorem tanquam filiiis*. Bene dico tanquam filiiis, quia *quis est filius quem non corripit pater?* Deus utique filium non habebit incorrectum. Filius non erit nisi qui corripitur. *Quod si*, id est si vero vos estis *extra disciplinam*, quod subtrahatis vos a disciplina Domini, *cujus disciplinæ participes facti sunt omnes filii Dei*. Si, inquam, extra disciplinam estis, ergo non estis filii legitimi, sed *estis filii adulteri*, id est adulterini quibus pater non adhibet pædagogos, quia eos non curat. Vel estis filii adulteri, id est diaboli, adulterantes vos.

Probavit per testimonia Scripturæ, debere eos perseverare in disciplina; nunc rationibus humanæ consuetudinis idem approbat, quasi diceret: Quia in disciplina perseverandum nobis sit, per auctoritates ostendi, deinde post testimonia Scripturarum, humanæ consuetudinis rationes induco, ad idem probandum. Nos *quidem* habuimus *patres* non animarum, sed *carnis nostræ*: lineam enim carnis ab ipsis traximus, et carni nostræ a carne parentum derivatæ Deus animam contulit. Hos autem *patres habuimus eruditores, et reverebamur*, honorem eis exhibendo timebamus eos. Revereri enim est, cum timore honorem impendere. Et si *patres carnis reverebamur, nonne multo magis obtemperabimus Patri spirituum*, id est Deo qui dat animas longe corpore digniores? cui obtemperantes vivemus in æternum quod *patres carnis* nec sibi nec nobis conferre queunt? Patri utique spirituum magis obtemperandum est quia *illi quidem* *patres carnis* in *tempore paucorum dierum erudiebant nos secundum voluntatem suam*, hic ad grammaticam, ille ad fabrilem artem; plerumque ad *instillia*. *Hic autem Pater spirituum, ad id quod pro certo scire est, erudit nos per*

disciplinam in recipiendo sanctificationem ejus, id est patientiam et cæteras virtutes, positione quarum suos sanctificat. Quia illi possent objicere, dicentes: Quis potest pati hujusmodi disciplinam, in qua semper mæror, nunquam gaudium? ipse idem ut solvat objicit sibi, dicens: Ego quidem commendo vobis patientiam disciplinæ, sed tamen confiteor quod omnis disciplina in præsentī tempore quidem videtur, his qui superficiem rei tantum aspiciunt, non esse gaudii, sed solummodo mæroris. Mæror enim hic semper est, nunquam gaudium. Nunc solutionem subdit, videtur quidem in præsentī esse mæroris, sed postea, id est in futuro exercitatis per eam disciplinam, non adulterinis extraposis reddet Deus fructum justitiæ. Fructum dieo non sicut fructus est mundi, qui nunquam est in tranquillitate, sed fructum paantissimum, id est in omni quiete possidendum. Propter quod, quia exercitatis per disciplinam adeo fructuosa erit justitia sua, erigite ideo remissas manus, id est operationes charitatis, prius intensas, modo dissolutas. Erigite etiam genua soluta, id est fortitudinem prius habitam, nunc timore disciplinæ resolutam. Ideo per genua soluta, amissionem virtutis significat quia in genibus prius apparet tremor, si fuerint dissoluta; erectio si fuerint confortata. Erigite genua et facite pedibus, id est affectionibus vestræ fidei, rectos gressus. Primus gressus fidei est, confiteri; deinde, si necesse sit, pati: ita rectos facite, ut non erret aliquis vestrum recedens a via fidei, nec saltenu sit claudicans in via; posset enim fidem tenere, sane credens, 409 et claudicare in ea, si timeret confiteri. Et pro assertione fidei non erret aliquis, sed magis sanetur ab errore, si forte erraverit. Et autem recti sint gressus vestri, sequimini pacem cum omnibus, etiam cum inimicis. Sequimini etiam sanctimoniam, id est omnem sanctitatem, sine qua pax et sanctimonia nemo videbit Deum.

Quomodo sanctimonia sequenda sit, insinuat, dicens: Sequimini sanctimoniam, contemplantes ne quis vestrum desit gratiæ Dei; gratia enim Dei parata est vobis, videte ne repellatis eam; contemplantes etiam ne aliqua radix, id est suggestio peccati, Radix dico amaritudinis, licet quidam patent esse dulcedinis, videte, inquam, ne radix hujusmodi impediatur vos, germinans sursum, id est prorumpens in actum peccati. Tunc enim suggestio sursum germinat, cum quod male suadet per actum consummat. Videte ne qua radix sic vos impediatur, et per illam sursum germinantem inquinentur multi, prones ad imitationem turpitudinis, quam honestatis. Contemplantes etiam ne quis vestrum sit fornicator aut profanus, cultum Dei deserens, sicut fuit Esau, qui propter unam escam lenticularum vendidit primogenita sua fratri suo Jacob. De fornicatione Esau non alibi invenimus. Vel si allegoriæ insistimus, dicamus ita ne sit quis fornicator in cultu Dei. Fornicatores erant qui fidel Christi necessariam esse circumcisionem credebant; aut, ne quis sit profanus, fidem penitus deserens. Ne sitis sicut Esau, putan-

tes vos infructuosa pœnitentia damnationem evadere, quia scitote hoc de Esau, quod et ante venditionem, et postea cupiens hæreditare benedictionem primogeniti, reprobatus est, et si non a patre, tamen a Deo. Vere reprobatus, non enim invenit locum pœnitentiæ; pœnituit quidem se vendidisse primitiva, sed hæc pœnitentia locum opportunitatis non habuit, quanquam inquisisset eam pœnitentiam cum lacrymis. Si enim lacrymaretur confitendo peccatum, et puniendo iniquitatem suam, locum haberet ejus pœnitentia, sed quia in ipsis lacrymis indignabatur de electione fratris, cogitans interficere fratrem, si posset, ideo locus pœnitentiæ ipsi negatus est. Debetis pacem et sanctimoniam sequi. Videte ne amaritudinis radix germinet in vobis, etc., quia non accessistis ad legem importabilem et terribilem cam facienti et inutilem, sicut prior lex, sed accessistis ad legem multa facilitate jucundam, ad gratiam adjutricem, ad cœlestium repromissionem. Quod diffuse ait sic incipiens: non accessistis ad ignem tractabilem et accessibilem. In datione enim veteris legis ignis fuit corporeus, si pateretur Deus qui posset tractari humanis manibus, et ad quem possibile esset accedere. Nec accessistis ad turbinem, et caliginem, et procellam. Turbo enim, id est ventorum commotio ibi fuit, et tenebrosa caligo et procella. Ventis enim percellentibus se invicem, contusio erat grandinis. Nec ad sonum tubæ, et vocem verborum; clangor enim tubarum et vocalia verba ibidem audita sunt, quam vocem Judæi qui audierunt, excusaverunt se, obtendentes fragilitatem suam, ne ferret eis verbum, id est ne Dominus loqueretur eis, sed Moysi, et Moyses illis: ideo sic se excusaverunt quia non portabant, id est non poterant portare illud quod dicebatur eis. Deus ideo in tanta asperitate terroris legem dabat eis, quia sciebat per lenitatem dilectionis nil boni eos operaturos, et ideo quasi servos per supplicia cogendos. Præsignabatur etiam in tanta multiplicitate terrorum eos nunquam posse portare legem illam.

Et dictum erat in acceptione legis, quia si bestia tetigerit montem illum, in quo dabatur lex, lapidabitur (Exod. xix, 12). Vel secundum quosdam ex judicio, vel secundum alios ex grandinis confusione. Hæc omnia per oppositam figurabant dationem novæ legis. Nos enim accipiendo gratiam, accessimus ad ignem, id est ad ardorem Spiritus sancti, nec tractabilem, nec accessibilem, sed spiritualem. Sonus tubæ qui 410 fuit ibi, suggestionem significavit, quæ sic ad actum peccati, ut tuba provocat ad bellum. Quanto magis enim Judæis prohibebatur, tanto ardentius ruebant in vetitum. Ibi iterum fuit turbo, id est commotio suggestionum, actus scilicet peccati. In nova gratia et suggestio, et actus peccati removetur. Ibi iterum fuit procella, id est contusio grandinis, scilicet consuetudo peccandi. Fuit iterum caligo, id est excecatio, ex consuetudine peccandi procedens. In gratia ista et consuetudo peccandi remota est et omnis cæcitas illuminata; ibi fuit vos

verborum, quam audire potuerunt. Hic inspiratio interiorius, quam qui prælibat, multo desiderio currit ut comprehendat. Illi non portabant quod dicebatur. Onus autem hujus leve, et jugum suave est (*Matth.*, xi, 30). Ibi dictum fuit : Si bestia tetigerit montem lapidabitur (*Exod.* xix, 12), quia hic si quis bestialis vitæ, et intellectus posuerit os suum blasphemando in montem, id est in divinitatem, lapidabitur, contusus potentia deitatis, et eo quod adeo terribilis erat quod videbatur, ita dixit ipse Moyses : *Extremus sum animo, et tremebundus corpore. Ad legem terroris et inutilem non accessistis, sed ad Sion, id est ad vitam speculativam. Sion dico montem, id est altitudine virtutum eminentem, et ad civitatem Dei viventis, id est civibus suis vitam æternam dantis, scilicet ad cœlestem Hierusalem, et ad frequentiam multorum militum angelorum, ut cum eis in gloria Dei personetis, et ad Ecclesiam primitivorum, id est patriarcharum et prophetarum, qui conscripti sunt senatores in cœlis, et ad Deum Patrem omnium judicem, et ad spiritus justorum et perfectorum, id est quos Spiritus sanctus justos facit et perfectos, propter diversitates donorum. Sicut Joannes solet, pluraliter ait Spiritus. Et accessistis ad Jesum datorem Novi Testamenti. Vel ita dicamus ad Dominum omnium, et ad Deum spirituum, id est animarum justorum perfectorum.*

Accessistis etiam ad aspersionem sanguinis, id est ad sanguinem Christi, quo aspersi mundati estis. Sanguinem Christi dico loquentem melius quam sanguinem Abel de quo scriptum est : « Sanguis fratris tui Abel clamat ad me de terra (*Gen.* iv, 10); » ideo melius quia sanguis Abel ultionem, sanguis Christi clamat remissionem. Et quia sanguis Christi loquitur pro vobis, videte itaque ne male agendo, recusatis illum loquentem pro vobis quia malo vestro, si recusatis. Si enim illi recusantes eum qui loquebatur super terram, id est Moysen, vel angelum, non effugerunt ultionem, multo magis nos non effugiemus qui avertimus Deum loquentem nobis, non de terra, sed de cœlis. Vox cujus loquentis, tunc in datione veteris legis terram movit, nunc autem repro-mittit in Aggæo, dicens : *Adhuc semel*; adhuc ideo, quia jam moverat terram, *Ego movebo, non solum terram, quam olim movi, sed etiam cælum* (*Agg.* ii, 7), mutabilem eorum transferens in immutabilitatem. Nunc Paulus exponit : *Quod autem dicit propheta adhuc et semel, per adhuc declarat translationem mobilium. Translata enim elementa, de mobilitate fiunt immobilia. Translationem dico mobilium tanquam factorum, id est sicut eorum quæ fecit. Qui enim ea de nihilo fecit, facta levius transferre potuit. Semel dicit ut translatione facta ea maneat immobilia, quæ modo sunt mobilia. Et quandoquidem omnia in immobilitatem transferentur, itaque nos suscipientes regnum immobile, id est nos in immobilibus regnaturi, habemus aliquam gratiam in nobis a Deo præmissam. Nisi enim præcederet in nobis aliqua gratia Dei, non susciperemur ab*

eo in immobilitate regnaturi. Vel ita, quia translata manebunt omnia immobilia, itaque nos qui tunc erimus suscipientes regnum illud immobile, habemus aliquam gratiam, per quam placentes Deo serviamus ei, cum metu animi et reverentia, id est timore corporis et exhibitione honoris. Necessè est enim ut serviamus Deo cum metu et reverentia; etenim *Deus noster est ignis consumens, id est excoquens* 411 omnis peccati rubiginem, et ideo necessè est ut purgandos inveniat non purgandos.

CAPUT XIII.

Charitas fraternitatis maneat in vobis, et hospitalitatem nolite oblivisci. Per hanc enim placuerunt quidam angelis hospitio receptis. Mementote vinctorum, tanquam simul vincti, et laborantium, tanquam et ipsi in corpore morantes. Honorabile connubium in omnibus, et torus immaculatus. Fornicatores enim et adulteros judicabit Deus. Sint mores sine avaritia, contenti præsentibus. Ipse enim dixit : Non te deseram, neque derelinquam ita ut confidenter dicamus : Dominus mihi adjutor est, non timebo quid faciat mihi homo. Mementote præpositorum vestrorum, qui vobis locuti sunt verbum Dei; quorum intuentes exitum conversationis, imitamini fidem. Jesus Christus heri et hodie, ipse et in sæcula. Doctrinis variis et peregrinis nolite abduci. Optimum est enim gratia stabilire cor, non escis, quæ non profuerunt ambulanti in eis. Habemus altare, de quo edere non habent potestatem qui tabernaculo deserviunt. Quorum enim animalium infertur sanguis pro peccato in sancta per pontificem, horum corpora cremantur extra castra. Propter quod et Jesus ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem, sed futuram inquirimus. Per ipsum ergo offeramus hostiam laudis semper Deo, id est fructum labiorum consentientium nomini ejus. Beneficentiæ autem et communionis nolite oblivisci. Talibus enim hostiis promeretur Deus. Obedite præpositis vestris, et subjacete eis. Ipsi enim pervigilant quasi rationem pro animabus vestris reddituri, ut cum gaudio hoc faciant, et non gementes. Hoc enim non expedit vobis. Orate pro nobis. Confidimus enim quia bonam conscientiam habemus, in omnibus bene volentes conversari. Amplius autem deprecor vos hoc facere, quo celerius restituar vobis. Deus autem pacis, qui eduxit de mortuis Pastorem magnum ovium, in sanguine testamenti æterni Dominum nostrum Jesum Christum, apert vos in omni bono, ut faciatis voluntatem ejus, faciens in vobis quod placeat coram se per Jesum Christum, cui est gloria in sæcula sæculorum. Amen. Rogo autem vos, fratres, ut sufferatis verbum solatii. Etenim perpauca scripsi vobis. Cognoscite fratrem vestrum Timotheum dimissum, cum quo si celerius venerit, videbo vos. Salutate

« omnes præpositos vestros, et omnes sanctos. Sa-
 « tant vos de Italia fratres. Gratia cum omnibus
 « vobis. Amen. »

EXPOSITIO.

Cum metu et reverentia servite Deo. *Charitas* etiam perseveranter maneat in vobis. *Charitas* dico *fraternitatis*, quam fraternitas reposit. Hoc enim quod fratres estis exigit ut vos invicem diligatis; et nolite oblivisci *hospitalitatem*, quæ est pars charitatis, in qua olim valuistis. Per hoc quod ait, nolite oblivisci, signat eos prius devotos in hospitalitate, nunc remissos esse. Ideo sectanda est hospitalitas, quia per hanc virtutem placuerant quidam Deo, ut Abraham et Lot, quos Deus inde significavit sibi placuisse, angelis receptis hospitio. Ideo enim angelos suos immisit, quasi hospites, ut per hoc hospitalitatem gratam sibi esse cognoscerent. *Charitas* maneat in vobis. *Memento* etiam *vinciturum*, id est his ministrare, qui in vinculis opprimuntur, tanquam simul vincti, id est memores vos simul esse vinctos, quia si illi in carcere, vos vincti molestia carnis. Vel ita: *Memento* vinctorum tanquam simul vincti, id est sicut velletis reminisci vestri, si similiter in vinculis essetis. *Memento* etiam *laborantium* quocumque genere mundanæ miseris tanquam et ipsi laborantes sitis; quod idem ait 412 tanquam morantes in corpore. Quicumque enim premitur onere carnis, nunquam expers est ærumnæ et laboris. Sit etiam in omnibus vobis *honorabile concubium*; hic removet fornicationem. Et conjugis celebratis sit *torus immaculatus*; hic adulterium abdicat. Ideo moneo concubia, castitatem tori, removendo fornicationem et adulterium, quia Deus judicabit, id est damnabit fornicatores et adulteros; non quod homicidia et reliqua mala judicare non debeat, sed nunc de his duobus tantum sermo erat. *Mores* etiam vestri sint sine avaritia, ut non concupiscatis superflua. Vos dico *contenti presentibus*; Dei enim est providere de crastinis. Debetis esse sine avaritia. *Ipsi enim* Deus dixit ad Josue, et per eum ad omnem fidelem. O tu Josue, seu quicumque fidelis, ego non deseram te penitus abjectum, neque saltem aliqua hora derelinquam te inadjutum; Deus hoc dixit ita, ut supra hoc quod prius diximus: nos scilicet contentos esse presentibus, nunc confidenter dicamus: Dominus est mihi adjutor, et ideo non timebo quid faciat mihi homo, etiam si tollat presentia.

Memento etiam *præpositorum vestrorum*, ut ejus conformemini, qui locuti sunt vobis verbum Dei quorum exitum, id est finem bonum esse intuentes. Exitum dico *conversationsis*, id est bonæ operationis in qua conversantur. *Imitamini* primum *fidem* eorum, ut sic bona conversatio et bonus exitus similiter sit in vobis. Dicerent illi: Non possumus perfectionem eorum sequi, quia ipsi, ab ipso Christo edocti, habuere majorem affluentiam gratiæ quam nos possimus habere. Ad hoc Paulus: Bene, inquit, imitari potestis; *Jesus Christus* enim qui fuit heri, quan-

tum ad illos, *hodie* etiam est paratus in eodem quantum ad vos; ipse etiam præsens erit in omnia sæcula sperantibus in se, quibus ait: « Ecce vobiscum sum usque ad consummationem sæculi (Matth. xxviii, 20). » *Imitamini fidem præpositorum*, sequentes doctrinam eorum. Et *doctrinis* veris, quæ nunc unum nunc aliud asserunt, et peregrinis, id est extraneis aliunde quam a nobis procedentibus; his, inquam, doctrinis nolite abduci ab eo quod a nobis accepistis. Erant enim quidam seductores, qui dogmatizabant, ex eo quod Paulus omnes cibos mundos esse et sanctificatos a Deo dixerat, ut quanto magis ingurgitarent ventrem opulentia escarum, tanto magis essent grati Deo, qui omnes cibos sanctificaverat ad edendum. Inde ait: Nolite hujusmodi doctrinis abduci, quia optimum est, non corpus, sed cor stabiliri et confirmari gratia, id est ex libertate quam Deus intulit nobis in usu omnium, quam stabiliri escis, id est multiplicatione voluptatis, quæ escæ non profuerunt ambulanti in voluptatibus, et supra modum locum dantibus eis. Escis utique non debemus cor stabilire, quia habemus altare, id est corpus Christi, quod in altari consecratur; supra quod principatum a nobis vota et orationes Deo offerimus. De quo altari, id est corpore Christi non habent potestatem edere quicumque deserviunt tabernaculo, id est corporis voluptatibus; sic enim ad horam mansuri sumus in corpore, sicut miles in tabernaculo militari. Probat duplici auctoritate veteris primum, deinde novæ legis, eandem sensum in utraque colligens auctoritate quod promisit, dicens: Vere qui deserviunt tabernaculo voluptatis, non habent facultatem edere de hoc altari, qui non sunt extra castra, id est quia secundum dimissiones voluptatum non exeunt corpora sua. Quod ita ait: *Eorum animalium quorum sanguis inferretur per pontificem in Sancta sanctorum pro peccato* populi delendo, et hoc semel in anno. *Eorum animalium corpora cremantur extra castra*. Mos erat (sicut sæpe fati sumus) ut pontifex legalis semel in anno sanguinem inferret in Sancta sanctorum. Hic autem sanguis, assumebatur de 413 animalibus, extra castra crematis. Pontifex autem ille Christus est, qui pro peccato omnium delendo sanguinem suum in cruce fusus intulit in Sancta sanctorum. Quod autem illud animal cremebatur ut cinis fieret, signum erat contritionis Christi, quam sustinuit, cinis cujus, id est memoria passionis debet aspergi super capita, id est in mentibus singulorum. Quod extra castra cremebatur, significabat omnem volentem mundari oportere, ut exeat extra castra id est carnales voluptates.

Nunc subjungit Novi Testamenti auctoritatem idem cum Veteri sentientem dicens: *Propter quod* comprobandum scilicet, quod qui tabernaculo deserviunt, non habent edere de hoc altari, vel propter quod præfiguratum in Veteri, nunc implendum. *Jesus etiam passus est extra portam*, significans participantibus altari suo debere fieri: extra portam, id

est extra sensus voluptatis. Sensus enim portæ sunt A animæ, quia per oculos ducitur ad concupiscendum quod videt, et sic per cæteros sensus. Jesus passus est extra portam, ideo ut per proprium sanguinem sanctificaret populum. Quia Jesus extra portam passus est, igitur exeat ad eum, positi extra castra, id est extra voluptates tabernaculi; nec hoc solum, sed etiam portantes (si necesse fuerit) improprium ejus, id est mortem crucis. Et utique sic debemus exire, quia etiam si volumus hic manere, non habemus hic manentem civitatem, sed inquirimus futuram, id est æternam. Et quandoquidem futuram inquirimus, ergo ut apprehendamus eam, offeramus per ipsum Jesum hostias laudis, id est laudes non minus quam hostiæ promerentes Deo, et hoc semper. Et quod dico hostias laudis, est dicere: Offeramus B fructum labiorum. Per labiorum, facilitatem, per fructum designat utilitatem. Labiorum dico confitentium nomini, id est gloriæ ejus. Offeramus laudes. Beneficentiæ autem, id est largitatis eleemosynarum et communionis (postquam non propria, sed communia dicebatis) nolite oblivisci. Nec debetis oblivisci, quia talibus hostiis, id est per beneficentiam et C communionem. Deus promeretur in passiva significatione. Ut autem horum memores sitis, obedite præpositis vestris, qui perfecti sunt, et bene vos instruunt, et subjacete eis, id est obedite, ut omnem subjectionem verbo et opere exhibeatis illis. Debetis utique subjacere eis, quia ipsi pervigilant pro vobis, quasi illi qui reddituri sunt rationes pro animabus vestræ, sibi commissis. Et ideo sic subjacete eis, ut faciant hæc, id est pervigilant pro vobis cum gaudio, et non gementes, pro duritia et intemperantia vestra. Dico non gementes; non enim expedit vobis hoc, ut eos gemere faciatis. Obedite præpositis et orate pro nobis. Dicerent illi: Tu gentem nostram et ritus nostros persequeris, et quomodo dicis, orate pro nobis? Ad hoc Paulus: Orare pro nobis debetis. Nos enim confidimus, id est confidenter vobis dicimus quod habemus bonam conscientiam in omnibus, id est ad omnes volentes bene conversari ad illos. Ubi autem conscientia pura est, et opus mundum est, ne ergo molesti sitis mihi.

Dixit superius orate pro nobis; nunc autem deprecor vos amplius hoc facere, id est orare pro nobis instantius, quo, id est eo ut restituatur vobis celerius, deferens mecum fructus eleemosynarum, si forte solvar a vinculis. Dico orate pro nobis, ego autem sic oro pro vobis. Deus pacis aptet vos in omni bono, qui Deus eduxit Dominum nostrum Jesum Christum de mortuis, id est a numero mortuorum. Jesum dico Pastorem magnum, id est super omnia magnificentum. Pastorem dico non luporum, sed ovium, id est mansuetorum. Pastorem dico factum in sanguine, id est per oblationem sanguinis sui. Sanguinem dico confirmatorem testamenti æterni, id est in æternum duraturi. Hic, inquam, Deus aptet vos in omni bono. Aptatos eos intelligit, si bona voluntas in eis fuerit. Aptet ita, ut faciatis voluntatem ejus Dei, nec viribus vestris, sed ita faciatis ~~ut~~ ut ipse sit faciens in vobis hoc quod placeat coram se, id est in beneplacito ejus, facias dico per Jesum Christum, qui est gloria in sæcula sæculorum. Amen. Quia aliquantulum asperius correxerat illos, nunc blanditur eis, ne moveantur visa asperitate verborum, dicens: Deus sic aptet vos, ego autem, fratres, rogo vos, ut hoc verbum non reprehensionis (ut forte aliqui de vobis existimant), sed Epistolam solatii sufferatis, id est in omni patientia suscipiatis. Et potestis satis sufferre, quia scripsi vobis perpaucis. Hic significat eos impatientes, quibus multo plura scripsisset, si patienter audituros cognosceret. Sufferte verbum et fratrem vestrum Timotheum a me dimissum ad vos, vel a vinculis quibus ligatus mecum erat, nunc dimissum. Eum, inquam, delatorem hujus Epistolæ, cognoscite, id est honorifice et cum omni charitate suscipite, cum quo ridebo vos, sicut autumo, si celerius revertens a vobis, venerit ad me. Salutate omnes præpositos vestros. Ipsi enim, quia perfecti erant, non scribebat Epistolam, sed quibusdam subditorum incorrecis. Salutate etiam omnes sanctos in Ecclesia vestra. Erant enim quidam subditorum, perfecti, quibus similiter non scribebat. Salutant vos fratres de Italia. Gratia Dei cum omnibus vobis. Amen. Signum Pauli quod Epistola ipsius esset.

EPISTOLA B. PAULI AD LAODICENSES,

Nuper in antiqua bibliotheca inventa :

Sed quia inter catholicas vulgo non legitur, non est a B. Brunone elucidata.

Paulus, apostolus non ab hominibus, neque per hominem, sed per Jesum Christum, fratribus qui sunt Laodicæ. Gratia vobis et pax a Deo Patre nostro et Domino Jesu Christo. Gratias ago Christo per omnem orationem meam, eo quod permanentes estis in eo, et perseverantes in operibus bonis, promissum expectantes in die judicii. Neque destituant vos quorundam vaniloquia innoquantium, ut vos avertant a

veritate Evangelii, quod a me prædicatur. Et nunc faciet Deus ut qui sunt ex me ad profectum veritatis Evangelii, deservientes sint, et facientes benignitates operum quæ sunt salutis vitæ æternæ. Et nunc palam sunt vincula mea, quæ patior in Christo, quibus lætor et gaudeo, et hoc mihi factum est ad salutem perpetuam, quod ipsum factum orationibus vestris, et administrante Spiritu sancto, sive per ritam, sive per

mortem. Est enim mihi vivere, vita in Christo, et mori gaudium (vel lucrum). Et ipse in vobis faciet misericordiam suam, ut eandem dilectionem habeatis et sitis unanimis. Ergo, dilectissimi, ut audistis præsentiam Domini, ita retinete et facite in timore Dei, et erit vobis vita in æternum. Est enim Deus qui operatur in vobis, et facite sine retractu vel peccato quæcunque facitis. Et quod est optimum, dilectissimi, gaudete in Christo, et præcavete sordidos omnes in

lucro. Omnes sint petitiones vestrae palam apud Deum, et estote firmi in sensu Christi, et quæ integra, et vera, et pudica, et casta, et justa, et amabilia sunt, facite. Et quæ audistis et accepistis, in corde retinete, et erit vobis pax. Salutate omnes fratres in osculo sancto. Salutant vos sancti omnes. Gratia Domini nostri Jesu Christi cum spiritu vestro. Et hanc facite legi Colossensibus, et Colossensiam vobis.

FINIS EPISTOLARUM B. PAULI APOSTOLI.

415 HECATOSTICHON APOLOGETICUM D. JACOBI HIERONYMI

CARTHUSIÆ PARISENSIS ALUMNI,

Quo Phrasin B. BRUNONIS, quæ nasutis humilior videatur a calumnia defendit, et sententiarum pondera lance justa appendit.

Quis novus harmonico mukcens stridore lyristes
 Allobrogum longi saxa nivosa jugi
 Transiliens colles, saliens in montibus? O quam
 Per cælum auritas omne moratur aves,
 Ore senem, cultu macieque professus eremum,
 Et nihil agresti pectine agreste sonans!
 Frons erecta polo est, pedibus calcantur honores,
 Septenium in capitis vertice sidus inest.
 Deliciis mollique toro nemo arguet usum,
 Nec quidquam a studiis et pietate vacans.
 Non aurum digiti, nec habet lyra dia smaragdos,
 Nec fucum allophylum sancta camena petit.
 Nec sibi calvitium sacra veridicentia textit,
 Nec calami stratas captat ab arte comas.
 Alter an Amphion, redivivus an inclytus Orpheus,
 Hæcebræ nervis surda elementa trahens,
 Restituens sensum, quibus hunc natura negavit?
 An lyra naturæ robore majus habet?
 Oppida jam putent inculca, arridet eremus.
 Dum fremit armorum turbine mundus hebes.
 Dum tam grata canunt superis epinicea silvæ,
 Angelicisque opplent in via lustra choris,
 Militet ut sancto jam omnis doctrina parenti
 Spiritui, vertens signa aquilina cruci.
 O videam charites Christo connubia pactas,
 Atque eadem castas fœdera Castalides.
 Imo adeo cunctas deserto Helicone videbo,
 Deserti fabricam jamque levare novi.
 Alternum miscere melos sub nomine Christi,
 Per templum hildis e regione choris.
 Nec tacitis cellis deerit symphonia psallens
 Spiritu, et alternæ lectio juncta preci.
 Hiccine Carthusi, Bruno, caput ordinis, olim
 Clarum agiographiæ nomen in orbe gerens,
 Quo schola Francorum nequaquam invidit Athenis,
 Rostraque Romano nil theodoxa foro?
 Ecce movet citharas, et naula prophetica ductor
 Ordinis, et vitæ consona plectra suæ.
 Exemplum signumque suis illustre reliquit
 Vivere, et æthereo Principe digna loqui.
 Compellare virum propriusque audire juvabit.
 Nempe (nisi auditu fallor) et ipse vocat.

B Assuite, errantes (ait) atque audite, tenelli,
 Cum lyrico Domini rege docebo metum.
 Ille ego qui malens inhonoris honoribus illuc
 Cedere, quo puppim numinis aura vocat.
 Parisii mundo profugum quem perpulit horror
 416 Funeris, ut cœli hæc septimus astra sequar.
 Astra dedere viam, divi arrisere tot esse
 Millia, sic hamis illaqueanda meis.
 His agor auspiciis. Ceu vox clamantis eremo,
 Pertæsi mundum sterno Tonantis iter.
 Baptistæ reparando vias disjectaque membra,
 Castra monoptolemis singula condo meis.
 Deserto deserta placet Carthusia Christo,
 Tuscala cui laudum nocte dieque calent.
 Invia Psalmologi deserta inaquosaque terræ est,
 C Qua pateat virtus gloriaque alma Dei.
 Unde columbinis avidè latera instruit alis,
 Discat ut huc fugiens seque Deoque frui.
 Discipulis eadem tribus hæc in monte refulsit
 Gloria, quo fieri vult tria castra Petrus.
 Cernere Zacchæus per turbam nescit Jesum:
 Cui, Turba opprimeris, discipulique canunt;
 Sic, mouache, infesti fugiens contraria mundi,
 Naviter effectum nominis hujus habe.
 Hasce igitur partes mihi delegavit Jesus,
 Asperula in planas sternere lustra vias.
 Læviget ut Christo rigidos citharædia saltus:
 Militiæ tollens hic nova signa piæ.
 Nulla Madaurensis Milesia habemus aselli.
 D Nulla Lycambæ conscia tela necis.
 Semina divinæ mihi sunt uberrima flammæ,
 Devoto nihil est dignius otio.
 Exuro, gelidos exurgere cogo jacentes;
 Et nunc illecebras, nunc quoque vim facio.
 Nunc lyra Davidis, nunc Pauli buccina pleuo
 Ore quidem hæc, digitis concrepat illa meis.
 Hæc, Carthuse, tibi ratio est præscripta silendi;
 Ut, claudens homini labra, loquare Deo.
 Quippe ad eum, Paulo aut Davide interprete, fari est
 Et jactura tuum nulla silere quatit.
 Nec Latæ offendat linguæ neglectior usus,
 Dictio si tritæ est corporis æqua togæ.

Sublimes humili sensus attempero linguæ :
 Nec mihi ab ore sed ex pectore verba fluunt.
 Niliacis ornate alii delubra tropæis,
 Laudo ; sed in præsens causa aliena mihi est.
 Humanæ verbis sophiæ inclarescere nolens,
 Paulus adest doctis debitor et rudibus.
 Cum David cinere, et cilicino horrescat amictu,
 Rhetoricis compta quis volet esse rosis?

A Jam mihi purga aures atque excute fæces palatua,
 Vel magis intra animi septa redito tui.
 Non linguæ, sed cordis ad hæc delectus habendus :
 Nam mihi cum rebus tota palæstra fuit.
 Ne sensu hæc sapias, sed quo sunt prodita gustes
 Spiritu, et hoc animæ viscera pascere bono.
 Consultum pariter summis minimisque volebam,
 Et ratio captus omnis habenda fuit.

Sequitur in editione Coloniensi tomus seu pars III Operum S. Brunonis. Continet, præter sermones quosdam, opuscula De laudibus Ecclesiæ, De ornatu Ecclesiæ, De novo mundo, De festiuitatibus festiuitatum. Quæ tamen non sunt Brunonis Carthusiani, sed Brunonis Astensis episcopi, et ejus Operibus anaumerantur. (Vide infra ad annum 1125.) Opuscula supradicta excipiunt S. Brunonis epistolæ binæ, Sermo De contemptu diuitiarum et appendix De origine sacri Carthusiensis ordinis.

DIVI BRUNONIS

EPISTOLÆ BINÆ

Quas scripsit ex eremo Calabriæ cum ex urbe Roma ad eam se solitudinem, in qua et obiit, postliminio se recepisset.

I.

Ad Radulphum Viridem, Ecclesiæ Remensis præpositum, ad contemptum mundi, vitam eremiticam contemplatiuamque optimam Martæ partem, insuper ad voti implentionem, exhortatoria.

(Vide inter Acta S. Brunonis, n. 683, hujus tomi col. 420.)

II.

Ad filios suos Majoris Carthusiæ.

(Vide ubi supra col. 418.)

SERMO DE CONTEMPTU DIVITIARUM.

Facilius est camelum per foramen acus transire, quam diuitem intrare in regnum cælorum (Matth. xix, 24). Hoc autem significabat illa amphora, in qua impietas clausa erat, de qua ne egredi posset, massa plumbea os amphoræ claudebat (*Zach. v, 6, 7*). Qua in re datur intelligi quam difficile sit de ventre avaritiæ hominem avarum vel extrahi vel separari posse. Narrat enim Zacharias propheta se vidisse amphoram egredientem, de qua cum interrogaret quid esset, dictum est ei : *Hæc est amphora egrediens, et hic est oculus eorum in universa terra ; et ecce talentum plumbi portabatur : et ecce mulier una sedens in medio amphoræ (ibid.)*. De qua cum interrogaret quæ esset, dictum est ei quod esset impietas. Quæ autem amphoræ massa plumbea clausum erat. *Et ecce duæ mulieres egredientes, quæ habebant alas quasi milvi, leuauerunt amphoram inter terram et cælum ut ædificetur ei domus in terra Sennaar, et stabiliatur, et ponatur ibi super basim suam, etc.* Quid enim per amphoram nisi avaritia significatur? *Hic oculus eorum*. Quorum eorum? Eorum videlicet qui eam diligunt in universa terra. Omnes enim ad eam spectant, omnes ad eam tendunt, quoniam sicut

scriptum est : *Pecuniæ obediunt omnia (Eccel. x, 19)*. In hac autem sedet impietas, quoniam diuites et avari, quia misericordiam et pietatem non habent, non solum impii, verum etiam impietas recte vocantur. Sed quid melius per duas illas mulieres quæ amphoram ferunt, quam sollicitudo et deceptio intelligi potest? Semper enim avari solliciti sunt in acquirendo, et deceptores alieno aliena rapiendo. Unde et alas milvi hæ mulieres habere dicuntur, quoniam milvus inter alias aves rapacissimus est : qui semper pusillis et mansuetis avibus insidiatur. Ferunt autem hæ mulieres, id est deceptio et prava sollicitudo, amphoram in terram Sennaar, sive Babylonis, quia his duobus vitiis diuites et avari in perditionem rapiuntur. De hac enim Babylone scriptum est : *Cecidit, cecidit Babylon illa meretrix : et facta est habitatio dæmoniorum (Apoc. xiv, 8)*. Miseri igitur et per omnia infelices, qui inter dæmonia habitaturi sibi in terra Sennaar domum inuenerunt. A qua nos eruat mitissimus Dominus noster Jesus, qui cum Patre et Spiritu sancto vivit et regnat Deus per æterna sæcula. Amen,

CONFESSIO S. BRUNONIS.

(Edidit MARILL., *Analect.* nov. edit., p. 447.)

Fidem magistri Brunonis, quam communiter fratribus suis protestatus est, cum horam sibi appropinquare sensisset, ut omnis carnis viam ingrederetur, scriptam servare curavimus, eo quod satis intime coram Deo nos illius fidei testes esse rogaret.

Credo firmiter in Patrem, et Filium, et Spiritum sanctum, Patrem ingenitum, Filium unigenitum, Spiritum sanctum ex utroque procedentem, et has tres personas unum Deum. Credo quod idem Dei Filius conceptus sit de Spiritu sancto ex Maria Virgine. Credo quod virgo castissima fuerit ante partum, virgo in partu, et post partum virgo in aeternum permanserit. Credo quod idem Dei Filius conceptus sit inter homines, ut verus homo, sine peccato. Credo quod idem Dei Filius invidiose a perfidis Judæis captus sit, injuriose tractatus, injuste ligatus, consputus, flagellatus, mortuus et sepultus. Descendit ad inferos, ut captivos suos inde liberaret, descendit propter redemptionem nostram, et resurrexit. Ascendit ad cælos, inde venturus est judicare vivos et mortuos. Credo sacramenta quæ

A catholica credit et veneratur Ecclesia, et nominatim quod consecratur in altari, verum corpus esse, veram carnem, et verum sanguinem Domini nostri Jesu Christi, quem et nos accipimus in remissionem peccatorum nostrorum, in spem salutis æternæ. Credo carnis resurrectionem, vitam æternam. Amen. Confiteor et credo sanctam atque ineffabilem Trinitatem, Patrem, et Filium, et Spiritum sanctum, unum Deum naturalem, unius substantiæ, unius naturæ, unius majestatis atque virtutis. Et Patrem quidem non genitum, non creatum, sed ingenitum profitemur. Ipse Pater a nullo originem ducit, ex quo Filius nativitatem, et Spiritus sanctus processionem accepit. Fons ipse igitur et origo est totius divinitatis: ipse quoque Pater essentia quidem ineffabilis, substantia sua Filium genuit ineffabiliter, nec tamen aliud quam quod ipse est. Genuit Deus Deum, lux lucem. Ab ipso ergo est omnis potentia in cælo et in terra. Amen.

APPENDIX AD S. BRUNONEM

DE ORIGINE SACRI CARTHUSIENSIS ORDINIS

AUCTORE ZACHARIA BENEDICTO, VICENTINO, CARTHUSIANO.

Quis Carthusiaci jecit fundamina primum Ordinis, et quæ causa illi, vis nosse viator? Historiam hanc sequere, hos etiam tu perlege ver-

[sus.

Fructum si quæras, aderit compunctio sancta.

In Senonum planis urbs præstantissima campis Emporium Sophiæ, turrito vertice surgit, Quam Parides, fugiens Trojana incendia, fertur Extruxisse, patriisque memor dixisse Parisos Cultores, illisque insignia et arma dedisse. Sequana vorticibus qua multis alluit arces Et peregrina suas transmittit ad æquora merces. Hic est assiduæ secunda academia cultu; Huc et Cecropidum translata est Pallas ab oris, Missaque de summis ingens sapientia rebus.

Hic ita clarus erat virtutibus omnibus, atque His disciplinis (quæ libera tempora poscunt) Doctor ut, ascenso suggesto sive cathedra, Esse videretur magni vox inclita Pauli, Atque verecundis in moribus alter Ioseph. Hunc, veluti cæli divum de culmine lapsum, Totus adorabat populus, namque ille sacerdos.

Inclita Virginei post incunabula partus Elapsis annis mille octoginta duobus, Contigit huic homini postremum claudere tempus. Atque subire grave imperium, jura aspera lethi, Jamque jacet vivo gelidum sine sanguine corpus; Rurior ubique strepit, dolor anxius undique man-

[sit,

C Et gemini sexus resonant lætenta per urbem. Heu! bonus interit pastor, vir sanctus obivit, Per fora clamabant, nemo dabit amplius illa Docta salutiferi sermonis et aurea verba. Funeris interea lugubris pompa paratur, Exsequiæ multo fiunt et menia facta. Conveniunt passim cives, clerus, schola tota Docta coit, crepitant ex ictibus æra sonoris. Fertur honoratum majora ad templa cadaver, Marmore sub Pario condendum et aromata subter, Triste sacerdotes recitando in carmine fatum, Ardentes faculas, et cerea lumina portant, Procedunt queruke longo simul ordine turmæ, Atque vias omnes nigro velamine complent. Accidit inter tot res admiranda relatu, Judicium celeste, et formidabile cunctis: Et sane ipsa Dei sententia, grandis abyssus, Cui soli detecta manent abscondita cordis (Ps. xxiv). Quos sibi delegit, vel quos privavit olympo, D Solus habet notos, solus discrevit ab ævo. Nos homines cæci rerum secreta videmus, Sicut Apollineum discernit noctua lumen. Ecce sub argento qui portabatur et ostro Mortuus, et tanto fuerat cumulatus honore; Cum foret ad fanum sublimi in mole locatus Quo melius posset cerni, cunctisque patcret, Responde mihi, dum legitur, res ecco stupenda, Eminus atollit vultus, exsanguæque pectus, Ac circumspiciens torvo cum lumine turbat,

Clamore horribili feretro sic dixit ab alto :
 Consilio superum secreto, et legibus æquis,
 Heu me! accusatus, peto Iudicis ora tremondi.
 Deposuitque caput taciturnus, et arida membra.
 Contremuit primo aspectu, ac obmutuit omnis,
 Cuncta silent, cunctique pavent, plebs arrigit au-
 res.

Prodigium insuetam vix credit mente labanti.
 Stant pollinctores trepidi, et terrore subacti,
 Audentque exanimum minus hoc contingere cor-
 pus.

Obriguere comæ, et tremulis vox faucibus hæsit.
 Ingentes strepitus post ipsa silentia sunt
 Confusus sonitus vocum juvenumque senumque
 Longius auditur; discurreit fama per urbem.
 Gens agoræa (2) venit, properando vulgus anhelat.
 Concava templa crottant variis rumoribus, et gens
 Non capitur, premitur pede pes, et tergore tergas,
 Vi faciunt aditus, procumbunt cardine postes.
 Hique gradus summos, illi pinnacula scandunt :
 Ut nova prospiciant isthæc miracula ab alto.

Extollens iterum liventia mortuus ora,
 Hucque illucque tuens oculis terrentibus omnes,
 Mugitu insolito dixit : Væ, væ mihi, namque
 Iudicium jam in me latum est a Numine sancto.
 Utque prius jacuit nullo cum murmure vocis.
 Ina tremor gelidus languorque per ossa cucurrit
 Corda pavent, trepidant pueri, terrentur et ipsi
 Hac novitate senes; nuptiarum implentur acutis
 Infantum, juvenumque sacræ clamoribus aulae;
 Exorant veniam superos, et pectora tundunt,
 Atque aliis suspensis auribus aiunt :
 Quidnam hoc esse potest? hic vir sanctissima sem-
 per

His populis mandata dedit, vixitque probate,
 Sese accusatum tamen, ac audisse supremum
 Iudicium a superis miseranda voce fatetur.
 Hæc portenta aliquid certe mirabile signant.

An tumulto tradi sacroto debeat, omnis
 Ambigit; ancipiti præsul venerabilis urbi
 Servari supra tellurem consultit, usque
 Dum Deus ex alto, quid sit, declarat, agendum.
 Tum rursus exanimus feretro caput extulit alto,
 Atque infelicem, se contemplando, locutus,
 Sic ait immenso luctu grandique boatu :
 Parcite funeribus, mihi nil prodesse valetis.
 Infortunatum cur me genuere parentes?
 Ah! miser æternos vado damnatus ad ignes.
 Indecque conticuit semper, jacuitque supinus.
 Extasis et planctus turbas invadit, et omnis
 Aedes sacra sonat gemitu varioque tumultu,
 Fœmineis late resonant ululatibus aedes.
 Hique tenent postas amplexi, illique columnas,
 Prægravibusque oculis quasi somnia habere viden-
 tur.

Mirantur tanti de perditione magistri,
 Mirarique satis nequeunt extincta fuisse
 Tot bona, totque pios pro religione labores.

Protinus e sacro benedictæ margine terræ,
 Perfusi lacrymis populi extraxere cadaver,
 Atque in telluris foveam clausere profanæ.
 Hinc sambucus olens oritur, tristisque cicuta.
 Oceanitidibus Titan se merserat undis
 Deliaque albentes monstrabat ab æthere vultus,
 Quando vulgus iners, cives, simul agmina docta,
 Mentibus attonitis in propria lecta redibant,
 Languida cum strato cessassent membra cubili
 In somnis videre faces, dirasque figuras,
 Errantes Erebo manes, furiasque triformes,
 Quæ quasi lethæum noctu incussere timorem.
 Parisius nec adhuc horum est oblita diærum,
 Tempore ab hoc siquidem prorsus tremefacta recusat
 (Responde mihi) cantare hæc, sed lectio quarta
 Incipit hic. Quantas habeo; res flebilis ævo!
 Bruno sacerdotum splendor, rectorque scholarum,

A Quem genuit celebri germana colonia partu.
 Vir pius, et sapiens, ac præstantissimus omni
 Munere doctrinæ, templi Remensis alumnus,
 Tunc sacra Parisiæ genti documenta legebat,
 Exsequiis aderat multo comitatus honore :
 Menteque conceptum nequiens celare dolorem
 Talibus ostentis, mox ut sua septa petivit,
 Solus inexhausto lacrymarum flumine planxit.
 Hei mihi dicebat : Væ, væ quia tempora trivi.
 Quid faciam demens? ex quo qui ut sanctus ab omni
 Plebe colebatur, sic infeliciter ardet,
 Ad loca Cerberei rictus, immane barathrum?
 Hisque animum verbis, nunc huc, nunc dividit illic
 Pervigil, in melius cupiens convertere vitam.
 Mane scholas repetens Bruno, circumdatus am-
 plo

Servorum numero, cathedram conscendit, amictus
 Cyclade lugubri, defixaque lumina terris
 Fert, et erant multo rubra atque tumentia luctu,
 B Qualia somni expertus habet, ut crudelia dudum
 Pervigiles inter noctes suspiria duxit.
 Aggrediturque suos tali sermone sequaces,
 Innumerus quasi cœtus erat, tacitusque manebat :
 Huc ego non veni facturus inaniam verba.
 Hactenus humanis soliti rationibus uti,
 O docti juvenes, omnes erravimus una,
 Sed satis atque super; divum modo jussa sequamur.
 Huc veni, ut referam quid sentio, quodque tenea-
 dum

Consilium duxi, quidquidve sit utile nobis,
 Ut pedicas hujus seculi fugiamus, et illud
 Hesternæ lucis dirum, et miserabile fatum.
 Quis, precor, ex nobis hominem pensasset iturum
 Ad Stygæ, Cocytique ardentia guttura, tantis
 Moribus illustrem, tantoque nitore docendi
 Perspicuum, et tantis naturæ dotibus almum?
 Vidimus, heu! quantum nos lippi fallimur, et quot
 Nostra per errores versatur opinio fallax.

C Quid miseris nobis longo peccantibus usu
 Eveniet, si tanta homini damnatio perpes
 Est data? si in viridiligno hoc factum est, quid in ipso
 Arenti flet? (Luc. 25) quæ nos vindicta moretur,
 Cernite discipuli dulces, librate parumper,
 Quanta tot ingentes purgabunt februa sordes.
 Hujus ad hoc etenim mundi sapientia nil est
 Et justum apparere foris sanctumque videri.

O chari comites, vestros miserescite casus :
 Cernite, vicino mors est in limine, curvam
 Extendens harpea, viridesque secat in herbas,
 Temnite divitias, quas nec deferre valetis
 Vobiscum post fata, precor, si verba magistri
 Perdedit; et si me digno servatis honore,
 Linquite Pentapolim, fugitivaque sæcula mecum,
 Atque specus cum Lot, montesque subite latentis.
 Aspiciatis, quantum præsens hæc vita caduca est;
 Quæ dicenda magis mors est quam vita, fatebor.
 Erigite ad cœlum mentes; ibi patria nobis,
 D Nostra quies illic, æternaque mansio pacis :
 Vita hæc exsiliium nobis, et pondus iniquum,
 Sunt ubi tot clades, totque adversantia tela.
 Ast ubi tot quondam terraque marique potentes
 Sunt reges? ubi, quæso, duces? diademata superbam
 Induperatorum toto spectabile mundo?
 Nunc ubi bellorum quondam virtute periti?
 Aut oratores ubi sunt, clarique poetae?
 Pictores, medicique graves, sophiæque magistri?
 Hi periere omnes, pessumque abiere sub imas
 Terrarum caveas, ubi mors trulentula moratur,
 Et solum monumenta sui liquere sepulcra;
 Immundos cineres et fetida corpora bustis.
 Heu vitæ fallacis amor! qui spargere flores
 Et violas per agros, ac lilia odora videris.
 Atque metis spinas, telos et toxica demum
 Et risum in fletus, et gaudia in anxia vertis.
 Viveni servire Deo suavissima res est.

(2) Ἀγορεύς, id est forensis.

Sunt lacrymæ dulces, suspiria dulcia, dulces
 Prolixæ excubiæ, jejunia dulcia, dulce
 Subdere se imperiis, atque inter septa morari.
 Quid debet nunc esse polis, ubi carne soluti
 Et miseris curis, locaque in secura recepti
 Læta vident claris obtutibus ora supremi
 Principis: unde fluunt felicia gaudia semper.
 Quid facimus, chari comites? ad claustra quieta
 Nos citat omnipotens, per tot miracula, Numen.
 Cur sumus ignavi tanti ad spiraminis auram?
 Pergendum quo dextra vocant nos sidera, quo nos
 Rorifer impellit zephyrus caurusque secundat.
 Cedamus patria, moniti meliora sequamur;
 Quippe mihi mens est urbana relinquere tecta,
 Et petere incultos aditus, taciturnaque saxa:
 Atque inter Faunos, et semina dura leonum
 Antoni mores amplecti, et nitrea Pauli
 Lustra sub exesis latitabo incognitus antris.
 At vos, egregii comites generosa propago,
 Experti toties humana pericula mecum;
 Mene sequi vultis per tot discrimina rerum?
 Mene iuvat, veluti semper fecistis, habere
 Ductorem, fidumque patrem, dulcensque magi-

strum?
 Dux ego vester ero. Nunc, nunc comitabor cunctes.
 Sic ait et tepidos fundentia lumen fletus,
 Sæpius admoto siccat velamine Bruno.

E numero tanto sex surrexere priores
 Ingenio et sophia, rebusque ac sanguine prisco:
 Andreas, Hugoque sacer, Vegetusque Garinus,
 Laudunus, Stephanus Burgensis, icemque Diensis.
 Hi duo postremi Libyci doctoris alumni,
 Et canonum assædæ magni de cælibe Ruffi
 Cænobio, mira et pollebant dogmatis arte,
 Et successive rupere silentia, tali

Ordine: Præceptor, cui non est alter in orbe
 Equandus, te nos sumus a puerilibus annis,
 Sectati, et semper sumus parere parati
 Imperiis, dictisque tuis, per numina, per tot
 Quot per olympiacos scintillant sidera tractus
 Testamur, sine te possemus vivere nunquam.
 Per medios ignes, te per media arma sequemur,
 Eveniat quacunq; tibi fortuna sinistra
 Fare, mori tecum mens est, et ducere vitam.

Vivite felices, veraque in pace valete,
 O comites, tanto non possumus absque magistro
 Degere sub membris, et grata luce potiri.
 Incedat quocunq; libet, comitamur ovantes.
 Nos igitur pariter spelæa petemus et antra.
 Vos iterum socii, vos et terrena valete:
 Tuque Parisina urbs, nostrorum theca laborum.
 Germani valeant, valeant utrique parentes,
 Divitiæ atque domus, et pinguis rura, valete.
 Nos sequimur superos, pereuntia temimus arva;
 Nos fugimus terram, et cæli properamus ad ar-

tem.
 Finierant, cunctique ruunt in dulcia pacis
 Oscula, et amplexus lacrymisque rigantur utrin-

que.
 Sicque revertentes in propria tecta gemchant.
 Bruno capit nullam tacita sub nocte quietem;
 Sed qualem reperire locum (quo tutus ab omni
 Sit strepitu gentis, maneatque latentior) anceps
 Cogitat, et secum versat, crebro atque reversat.
 Vertitur interea cœlum, et Latonia lampas,
 Oppositas primo nebulas scindebat in ortu,
 Cumque diu orasset superos, arisque dedisset
 Mystica cum gemitu libamina, jusque Minervæ
 Pasceret, ardentem lynchnum suspensa tenebat,
 In multam solus vigilans præcordia noctem:
 Opprimitur somno, et tepido dat membra cubili:
 Procumbit languens, et mox ut lumina texit
 Matutina quies, facies incedere cernit
 Angelicas, labisque sales nascere modestis.
 Assit nitidæ fidei signacula fronti,
 Atque ait: O, tali quæ vos sub imagine fertis,
 Gaudentes animæ, per maxima sceptrâ Tonantis

A Adjuro, a Stygiis estis vel missæ ab olympo?
 Illæ alacri vultu, facieque et fronte decora,
 Ne trepida, dixerè: Dei sacrate minister,
 Mittimur huc etenim summis e sedibus ad te.
 Et paradisiaci ferimus mandata Parentis.
 O te felicem, quem de tot millibus unum
 Elegere poli, monachos reparare labantes!
 Perge, tuum completo animum, tua vota secunda,
 Illoc tibi divinus Sator imperat, ito citatus
 Granopolim, dicunt vulgari idiomate Galli,
 Hugoneumque petas antistitem, et ille docebit,
 Quem tibi condidimus sublimi in vertice campus,
 Voce sub Hebræa Carthusia dicitur, hoc est,
 Sermone Ausonio, perfecta vocatio divum.
 Vos quoque sumatis tanto de nomine nomen,
 Et Curthusiaci vestri appellentur alumni.
 Vade igitur felix, te totus honorat olympus
 Bruno, tibi que dabit divinum in sæcula nomen.
 Talibus effati fluxere in nubila vultus

B Angelici, et sumptæ densato ex aere formæ.
 Mox abiere, torusque omnis spiravit amomo.
 Ille gemens, tantique labans dulcedine verbi,
 Corripit e strato corpus, tenditque supinas
 Ad superos cum voce manus, gratesque rependit.
 Numina (tum dixit) cœli quæ limen habetis,
 Si mihi sint totidem linguæ quot lumina fertur
 In membris habuisse Argus, persolvere dignas
 Haud possem laudes, istud quod manus obire
 Me facitis dignum; tua sunt hæc munera, Christe.
 Est nihil excellens in me, vos omnia fertis,
 Optima cepta date, gressusque parate secundos,
 Cœlicolæ, quibus est humanæ cura salutis.

Bruno jubet socios ad se sub mane vocari.
 Continuo adveniunt, illis ea singula narrat.
 Irriguus inter fletus, roresque tepentes,
 Inter complexus, inter sancta oscula, dexteras
 Dant pariter, fideique arrhas, et fœdus amoris.
 Constituere omnes opus accelerare futurum,
 C Atque reservatis paucis ad fana struenda,
 Cætera pauperibus bona distribuere per urbem.
 Præcipiunt famulis ut equos adducere certent
 Ac sellas et frena parent; tunc ocuis omnes
 Imperio parere student, et iussa facessunt.
 Codicibus jumenta onerant et plaustra citati.
 Fit strepitus, vocesque per ardua tecta volutant
 Mirantur subitos dominorum ex æde recessus,
 Parcere nec possunt lacrymis, miseroque dolori.
 Convertere pios ad summa palatia vultus,
 Singultuque gravi, et gemitu dixere patienti,
 Aula superba, vale, redimita aula, valete,
 Non critis per nos ultra visenda, colonis
 Linquimus externis vos esse habitanda, valete.
 Inus ad ignotas (nunquamque redibimus) oras.
 Sicque viam carpunt, et equis calcaria figunt.

Mox igitur septem stellas ex æthere summo
 Demisere poli, quibus una nitentior ibat
 Ante alias, nec non Phœbi nascentis ab ortu,
 Ferre videbatur gressum ad sublimia tecta
 B Præsulis Hugonis, rigidumque ascendere callem,
 Qui vicinus erat, celsoque incumbere saxo.
 Talia, cum dulci decumberet ille sopore,
 Suscipit. A somno postquam expergiscitur, omne
 Mente agitatur factum, pensat secum atque repensat.
 Quid bone vult Deus, hoc, inquit mirabile signum?
 Quid, rogo, portendunt hæc septem sidera mundo?
 Altius hæc igitur dum cogitat, imminet urbi,
 Sex sociis doctor comitatus, et introit ædes
 Pontificis, quem se secreto affamine dixit
 Visere velle. Intra penetralia ducitur aula.
 Et comites seni se inclinant, oscula figit
 Sacratæ manibus Bruno, sicque incipit ore:
 Grande decus fidei, rectissima norma Parentum
 Hugo, ab olympiacis moniti per somnia divis,
 Venimus huc ad te, nostram quoque pandimus
 Quam superi tetigere suo spiramine, mentem,
 Terruit horrendo nos summa potentia monstro,

Quod puto non lateat quoque te, cum Gallia tota
 Hac novitate rei multis sit plena diebus.
 O quam cruda dies, grandique tremenda pavore,
 Illa fuit, quæ nos tanto calcfecit amore.
 Singula tu nosti melius, sanctissime pastor,
 Quem Deus illustrem majori lumine fecit.
 Hi sex discipuli rigidum descendere montem
 Religionis in his mecum regionibus optant.
 Uno anno cuncti in vasta vellemus eremo
 Degere et in rigidis vitam deducere septis.
 Jam saturi mundo, nos fastidimus in illo
 Quidquid adest, omnesque pari inflammamur amore:
 Ergo locum nobis aptum, Pater inelyte, pande,
 Pande, rogo. Scimus quoniam patefecit olympus
 Tanta tibi, temetque juvamina grata daturum
 Hoc in opus, nobisque ducem ad deserta futurum.
 Sic Bruno. At verbis socii assensere loquentis.

His Pater auditis nequirit cohibere cadentes
 Ex oculis fluvios, levat ac amplectitur illos,
 Suspiciensque polos, mox verba erupit in ista:
 O supreme Dator, devolvens ætheris orbis,
 Influxus in eos, qui tempora læta ministrant,
 Aureaque effusa deducunt sæcula pace!
 Quali ego te digne verbo laudare vel actu,
 Affectu queam, nostro qui tanta sub ævo
 Mira facis, tantoque hominem dignaris amore
 Demere de luteis, et ad axem attollere curis.
 Visa mihi in somnis ea septem sidera. Quid? ni
 Hosce viros signant, hæc septem pectora monstrant,
 Plena Deo, occiduos collustrata penates
 Namque stnos ad nos oriens transiit honores,
 Gallia tu felix, quæ tanto germinare gaudes,
 Quamve peregrino decorant a climate gentes.
 Mox illis dulci sic est sermone locutus:
 Arbitror esse locum, vobis divinitus aptum,
 Qua declinarunt septem de nubibus astra.
 Ipse situm rocolo, memorique in pectore servo;
 Ardua deducit gibbosaque semita rupis
 Illuc, effectus locus est et frigidus, ultra
 Quam dici possit; sunt saxa albertia semper,
 Assiduis nivibus surgente carentia sole,
 Mane soporati simul ibimus, inspicimus,
 Quidquid erit, campos ibi contemplabimur arctos.
 Interea mecum, nati, maneat in aula,
 Et ineniores estote mei, memoresque meorum.
 Sicque quieverunt hic facto fine loquendi.

Cumque diurna novo sole intervalla redirent,
 Tum montana petunt omnes et culmen apricum
 Ad supremum igitur tandem venere cacumen.
 Hærica saxa vident, horrentesque undique rupes.
 Non arbuta illic, non ligna ferentia fructus.
 Vix ibi sunt herbæ virides, humilesque genistæ.
 Hicque rigore loci præsul perterritus, inquit,
 O quantum doleo fratrum dilecta corona,
 Tam sterile adisse sinus, sublimia septa.
 En infecundæ vallant nos undique cautes.
 Vix solem aspiciamus, vesperque manere videtur
 Hic semper, nebulæque graves, hic nulla ferarum
 Lustra tuor, nullos aditus, vestigia nulla.
 Non avis huc, non vir, non bellua forsitan ulla
 Accessere, horrent sane hæc loca frigida, semper
 Perpetuis nivibus surgente carentia sole.
 Ergo homines vivant, remunt ubi vivere bruta?
 Pandite quid factus, sique hic habitare valetis?
 Sicque loquebatur. Repetentem singula Bruno
 Ilis interruptis verbis: O caudate princeps,
 Nonne putas melius sufferre incommoda montis
 Iujus, et algores gelidos quam ferre vel uno
 Inferni tormenta die, variosque dolores?
 Ad superos attollo acies, et mente revolve
 Jucundos sine morte dies, et munera semper
 Duratura olim, nullumque videntia finem.
 Ilac vocat Omnipotens nos, et manifesta dedere
 Signa poli, et modicis damnis terribimur Iujus
 Vitæ infelicis, vitæque decore carentis?
 Absit! sum potius discrimen iturus in omne.
 Hic igitur sit nostra quies, et sancta voluptas.

A Dixit, et unanimes cuncti assensere loquenti.
 Res memoranda statim vir præstantissimus Hugo,
 Cum Brunone simul cunctisque sodalibus, ista
 Ore uno dixere alacres in carmine verba:
 O salve semper regio tutissima mundi,
 O salve quæsitæ diu, tu saxea moles,
 Purgatura piæ longa a rubigine mentes,
 Et multos missura animos in tecta deorum.
 O salve, superum mons impinguatus amore,
 Cujus terra, licet sterilecat munere glebæ,
 Culturaque carens et frugibus, haud tamen unquam
 Est caritura illis fruticetis atque virore
 Illo, ex quo sancti gignuntur in æthere fructus.
 Herbis aret humus, sed ager virtutibus almis
 Pinguescet semper, meritis cumulatus opimis.
 Salvete, o tacitæ silvæ, tenuesque myricæ:
 Sumite nos hilari vestra in consortia vultu,
 Venimus huc victuri omnes, simul et morituri.

Post hæc artifices cœpere excidere saxa
 Cotibus ex altis, calcemque parare tenacem.
 B Hi sodiunt, ast hic cumulos componit arenæ.
 Ille solum sternit, lateres hic portat et undas.
 Scalpra sonant, dolabræque graves, duræque bi-
 [pennes.

Longius auditur strepitus, rumorque virorum,
 Pluvie in summa cellæque et sana struantur:
 Christiparæque sacrum genitrici ac ara dicatur.
 Ille locus privatus erat pluvialibus undis.
 Non ibi cisternæ, puteusque nec ullus ibidem:
 In fovea tantum pluvialis lymphæ manebat
 Mortua: et interdum luteo fetebat odore.
 In mœrore omnes incommoda tanta ferebant.
 Sed quid certa fides non impetrat atque meretur?
 Se dedit in lacrymas, oravitque inelytus ille
 Coctus, et obtinuit supplex quod ab axe petivit.
 Namque statim in dura fodere crepidine rupis.
 Nec mora, continuo latices fluxere recentes,
 Et rivos egere amplos, ad fluminis instar,
 Lambit adhuc curvo fons ille cacumina cursa,
 C Cellarumque hortos vitreo circumfluit amne.
 Durat adhuc signum renovans miracula Mosis,
 Qui sterili deduxit aquas de marmore dulces:
 Quando Hebræa cohors arabum deserta petivit.

Jamque dies solemnis erat, quo machina surgens
 Hospitio poterat monachos servare decenti.
 Hugo ciet clerum, civesque invitat ab urbe
 Ad summos aditus, incultaque limina montis,
 Visuros fieri festivi encenia templi,
 Atque viros tantos habitum persumere sanctæ
 Rusticitatis, et excas latitare per alpes.
 Ipso igitur clero comitante, cacumina silvæ
 Scandit; at hic ægre Bruno fratresque ferebant
 Agmina tot gentis, tot per pia tecta tumultus.
 Præsul adest, sacras solito capit ordine vestes,
 Et decus imponit capiti, bifidamque tiam:
 Fumus odoratus veniens e thure Sabæo,
 Altius ascendit, sanique volumina complet.
 Pontifici cathedram parat ille, hic stragula sternit,

D Jamque sacerdotes æquo discrimine vocum
 Incipiunt cantus, rutilas assurgit ad aras
 Pastor, et erectis cœli ad fastigia palmis
 Mystica sancta litat, superis et munera libat.
 Dedicat interea templum claustrumque sacerdos,
 Sitque novæ domui nomen Carthusia, mandat:
 Condendasque domos habituras nomen ab illa.
 Prædia donavit, donavit pinguis vilæ
 Jugera quo monachi sine quæstu vivere possent.
 Tuno adyta ingreditur Bruno, senique sodales.
 Singulus exiit prædosis usque lacernis
 Mollibus, atque trahunt crepidas e cruribus omnes
 Confestim, tondent formoso e vertice crines.
 Apparent juvenum formosa et lactea membra,
 Nudatique manent, genubusque et corpore flexi.
 Mox operit lugens villosa tegmine pastor
 Candida doctoris, fratrumque tenerrima docta,
 Atque rudi sacco, nivcumque imponit amictum
 Virgine de lana, nivea tum cannabe cingit.

Atque tegit scapulas albo chamoque cucullo,
Indicio aeternae clausurae munditiaeque.
Innumerae astabant turbas, cunctique gemebant.
Nec poterant retinere pios pia pectora planctus.
Tunc etiam summi nifido de vertice caeli
Angelici venere chori, cantuque sonoro
Festa celebrarunt; hos murice clarus et ostro
Praecedens David citharam pulsabat eburnam.
Huc et Joannes villosa pelle cameli
Cinctus, praedulces circumplexurus alumnos
Venerat; hic Paulus tectus velamine palmæ,
Hic erat Hilbarion celebrisque Antonius heros,
Candentique toga Benedictus et ore verendus
Spectaturi aderant solemnia tanta parentes,
Qui latebras olim fuerant saltusque secuti.

Discite mundano vos qui insudatis honori,
Qui caput erigitis, tumidum qui pectus habetis
Praesenti speculo, et tanta dulcedine moti,
Alta supercilia elata deponere frontia.

Tum pater excelsae Christi qui praefuit aulae
Victor, olympiacos forte aspiciebat in axes,
Felicesque choros vidit splendore corusco,
Sedibus e summis lætam associare Tonantem,
Carthusiae sanctos pergentem invisere colles.
Obstupuit, montes illos et clima notavit,
Cursoremque illuc celerem, celeresque tabellas
Misit, et Hugoni visa hæc miracula scripsit.

Hugo admiratus, quodcumque evenerat illo
Tempore rescripsit, quæve in confinibus illis
Egerat Omnipotens, calamo dat nota volanti,
Doctorem et senos comites a turbine mundi
Conversos, septem stellarum lumina, necnon
Ordinis incepti seriem, strictumque rigorem.
Nuntius abscessit, Latiamque rediit ad urbem.

Maximus ut pastor cepit nova nuntia, gaudens
Convocat extemplo Patres, sanctumque senatum,
Quos Romana facit sublimes purpura : pandit
Omne quod acciderat factum, et divinitus auctum
Confirmavit opus, votis concordibus aulae.
Divinisque illud, confecto grammate, donis
Munivit, variisque effecit dotibus almum,
Servanturque notis signata bifrontibus æra.
Hoc et idem plures summi fecere Parentes
Qui caput excelsum triplici diademate cingunt.
Hugo autem nusquam potuit desistere ceptis,
Quos semel adjuvit, fovit quoque semper et auxit.
Jugiter inter eos studuit consistere, claustrum
Conditus, albentes tunicas quoque sumpsit ab illis,
Nonnisi inter eos voluit decedere vitam.
Femineos vultus ibi quadraginta per annos
Asperit nunquam, nullosque ambivit honores.
Demum est in divos post funera sancta relatus.
Tunc etiam divi Theophredi maximus abbas,
Guillelmus, cessit mitrae, baculumque reliquit
Sacratum, necnon monachorum ditia templa,
Degereque elegit solus sub paupere tecto,
Sub Brunonis ope, et niveum suscepit amictum.

Victore assumpto, successit honoribus urbis
Cluniacæ gentis princeps, Urbanus, in omni
Præclarus sophia; fuerat Bruno illius olim
Doctor, et idcirco cupiens in rebus agendis
Præceptoris ope, et monitis sapientibus uti,
Consiliisque ejus, Romana mittit ab urbe,
Ad Carthusiaci gelidissima culmina montis
Nuntium : ut in sanctæ Brunonem convocet aulae
Obsequium, hincque Patris summi mandata capessens,
Pergit, et optatas cursu pervenit ad ades.

Pontificis chartas accepit Bruno, legensque,
Anxius addubitat sibi quid tunc esset agendum,
An tentare viam, seu respondere precando,
Ne se proposito retrahat, ne grata relinquat
Antra, quibus latitare nihil contingere posset
Dulcius. At, postquam partes evolverat ambas,
Bruno, reluctari votis, jussisque supremi
Pontificis putat esse nefas, concludit eundem.
Sic licet invidus, Carthusia deserit arva.
Heu quantos gemitus, heu quot lamenta, perosus

A Romuleos fascas, curas atque aspera cellas
Exsilia emisit Bruno, emisero sodales?
Ceu clavo amisso, ac veluti temone refracto,
Puppis erant, adeo dispendia multa tulere.
Tunc omnes. Laudumnus erat moderator ovilis.

Protinus ut summi Bruno pervenit ad aulaam
Pontificis, toto prostratus pectore figit
Oscula sacratis pedibus; sed papa jacentem
Atollit manibus, venienti applaudit amico.
Dat faciles aditus, et læta fronte magistrum
Suscipit hospitio, multoque exceptus honore,
Pontificis lateri consul fidissimus hæret.
Hujus et hortatu motus, diversa coegit
Consilia Urbanus, generosa Placentia testis,
Sunt testes Melphi. Clarus mons testis, ibidem.
Multa sacrosancti decrevit Pneumatis aura;
Instituit Mariæ celebrari Virginis horas
Quotidie a cleris; huic Sabbata cuncta dicari
In Mahumetanorum (quæ gens contraria Christo est)

B Millia multa hominum, fidei succensus amore,
Armavit, qui signa crucis subiere, parati
Christo immortalis mortalem reddere vitam.
Dux Godfredus erat, Billonius optimus armis:
Sanguineque antiquo, virtuteque magnus et audax,
Auxilio superum Turcas prostravit, et urbem
Ingressus sanctam, capiti diadema recusat
Imponi regale suo, cum Christus in illa
Urbe coronatus sit spinis dispare forma.
Interea doctor nequiens tolerare tumultus
Urbis, apostolicos interpellasse parentes
Fertur, ut optatas sinerent se visere silvas;
Atque frui solitæ dulci solamine pacis.
Nolentes vero tantum sub nubis nitorem
Celari, renuere Patres, fecerunt Remis
Pontificem toto populo exultante; sed ille
Cessit, et indignum tanto se dixit honore;

Atque onere; agnoscebat enim, discrimine quanto
Quisque subire queat prelati nomen, et ingens
Pondus; at instanti discessum ex urbe rogata
C Obtinet, ad Calabram exiit protinus oras,
Pristina non repetens Carthusi habitacula montis
Ne fortasse sequi Romani antistitis aulaam
Arte videretur tacita; nam papa quietos
Tum fines adiit Gallorum, urbemque reliquit.
Ad Carthusiacæ cultores scripsit eremi
Bruno, quid impediatur reditum, et quæ causa remota
Transtulit in Calabros, quippe illi firma voluntas,
Perstitit, antiquos aliquando revisere colles,
Dum foret optatis occasio commoda rebus.

Optata gaudens de libertate recessus,
Alloquitur Bruno charos hac voce sodales:
Vidistis, comites, Romanæ tot mala gentis
Quis numerare potest? memet narrare volentem
Impediunt lacrymæ; sunt mille pericula, mille
Sunt laquei, et nostræ sunt mille incommoda vitæ.
Bella, nece, rixas, et litigiosa popelli
Jurgia, livores, odia inveterata, tumultus
Vidimus, et misera quosdam ambitione lumentes,
D Hinc, precor, advertamus iter; Deus evocat hinc n. a.
Eripit a tenebris; dum lux præcedit, eamus.
Antiqui repetamus iter, repetamus amorem
Propositi, cellas humiles, silvasque quietas,
Atque intermissæ solatia dulcia vitæ.

Dixit, et ad cursum promptos sermonibus urget,
Optatasque vias concordia mente sequuntur.
Post hæc discipulos alios hinc inde coegit,
Linquebant opulenta alii patrimonia, cultus
Corporis, et ventris caras, ditissima castra.
Denique quidquid habet fallacis gloria mundi,
Spreverunt penitus, per inhospita saxa secuti
Brunonem, quocumque manus divina vocasset,
Purpura calcatur; Bruno feliciter artus
Veste tegit nivea, dat vestimenta salutis.
Insontes, humilesque notans hos esse futuros,
Hos tenues habitare specus, et lustra docelat.
Hoc fervore animi, quod sex instruxerat antea.
Dum Carthusiacis Bruno degebat in antris.

Per nemus umbrosum sibi construxere cavernas,
Finitibus in Calabria : nam paupertate coacti,
Non poterant cellas sublimi attollere tecto.

At princeps Calabria fungens ditione Rogerus,
In nemus ire parat venatum. Læta juvenus.
Retia rara ferunt, venabula, odora canunque
Agrina deducunt, sonipes spumantia mandit
Frena, ruunt equites cinctis ad terga pharetris.
Postquam frondiferi ventum est ad culmina montis,
Invia lustra patent, dejectæ a vertice saxi,
Ecce feræ aufugiunt, et pulverulenta fatigant
Crura jugis, vallesque petunt, camposque patentes.
Tela sonant, clamantque viri, volitantque sagittæ.
Dantque lyciscæ agiles saltus, cervosque sequuntur:
Antra petunt ubi Bruno latet, sanctique sodales.
Majestate virum moti, tellure cadentes
Inflexere genu, caudasque movendo sub illis,
Numen adorant, implent latratibus auras.
Et dux errat equo mediis in vallibus atque
Baubatus varios audit, forsanique reperit
Credid aprum, aut aliquem descendere rupe leonem.

Insequitur cursu nuncque hos, nunc præterit illos.
Ad latebras tandem pervenit, easque, lyciscas
Aspicit oranti caudis applaudere sancto,
Popliteque incurvo lixos accumbere terra.
Mox descendit equo, faciem vultusque verendos
Contemplatus, humi cecidit causamque requirit,
Tam vasta audendi deserta tenere. Beatus
Singula narravit doctor, verbumque salutis
Protulit atque ducem superum calfecit amore.
Mox fieri delubra jubet, cellasque domosque,
Divitiasque dedit, terrasque ac oppida princeps,
Jumenta atque pecus varium. Carthusia nobis
Ista secunda fuit virtutibus inclyta multis.

Hinc dux Brunonis precibus, comitunque piorum
Confusus sperabat opem, si quando necesse
In dubiis quidquam bellorum eventibus esset.
Hunc etiam nec spes, nec opinio vana fefellit,
Quando quidem Capuæ dum muros undique circum
Obsidet, agminibus late implens oppida multis :
Sergius, excubiis noctis præfectus ab illo,
Sancta datæ fidei violavit fœdera, falso

A Quæ juramento divum promiserat aris.
Principi enim Capuæ tacita sub nocte latentes,
Se patefacturum ad sibi credita castra Rogeri.
Res infanda ! aditus animo promissit avaro.
Jamjam nox aderat, qua proditor impius omnem
Patraturus erat (ni obstarent numina) fraudem.
Oppositæ stabant acies, properabat iniquus
Sergius hostiles fartim introducere turmas.
Dux tenuem in somnium tunc declinavit ocellis.
Bruno quiescenti (res admiranda), repente
Astitit illacrymans, et scissis vestibus iras
Denudans in eum Capuani militis, inquit :
Surge, cape arma, vide, princeps, si numina cœli
Teque tuosque velint a proditione parata
Eripere. Attonitus somno sese excitat, agmen
Excitat, ut, veri quid haberet visio, nosset.
Arma capit, sicut strepitus, it clamor in auras.
Anxia turba ducem sequitur, licet inscia motus
Tam subiti, castris mox Sergius atque sequaces
Aufugiunt, Capuamque petunt, dux impiger illos
Persequitur Capuani obsant, pugnatur utrinque.
Tela sonant telis. Tandem victore Rogero,
Detexere dolos istis incursum, hostes
Devicti captique. Memor certusque Rogerus,
Quod Brunonis ope hanc fraudem evasisset, adivia
Hunc, et ob id grata magnis cum vocibus egit.
Non ego, Bruno inquit, sed, cœli missus ab axe
Astans principibus, bellorum tempore fraudes
Angelus, in somnis tibi præmonstravit iniquas.
Bruno post longi victricis bella laboris,
Cœlitibus sanctam delegit reddere mentem,
Innocuumque animum cœnoso a carnis odore,
Cujus et illustres obitus, sublimia passim.
Agmina spirituum cantu venerat superne,
Usque ad sidereos comitata fuere senatus.
Qua Pater excelsos æterna pace triumphos
Aspicit, et divos mira dulcedine vultus :
Hic pro eremicolis magno dat vota Tonanti.
Innumeris etiam post inclyta funera claret
C Prodigis, nam fons vivus de fauce sepulcri
Continuo emanat, multis languoribus aptus
Curandis, et adhuc Brunonia lympha vocatur.

ANNO DOMINI MXXXVII.

GUIGO I

CARTHUSIÆ MAJORIS PRIOR GENERALIS QUINTUS.

NOTITIA.

(Histoire littéraire de la France, tom. XI, pag. 646.)

§ I. — Vita

Guigues, surnommé, selon les uns, du Châtel, selon les autres, du Pin, naquit, l'an 1083, d'une famille noble et vertueuse, dans le bourg de Saint-Romain, au diocèse de Valence, en Dauphiné (MART. amp. Coll. t. VI, p. 163; LABBE Bib. mas. t. I, pag. 639; An. Carth.; Mir. Script. pag. 431). Il reçut une éducation conforme à sa naissance et à la piété de ses parents. Sur le point de s'établir dans le monde, il le quitta (l'an 1107) pour aller s'ensevelir dans le désert

D de la Grande-Chartreuse. Le détail des vertus qu'il pratiqua dans cette sainte retraite n'est point du ressort de notre histoire. Nous nous bornerons à dire que l'étude, celle qui convient à un solitaire, ne fut point bannie de ses exercices. On sait que les premiers Chartreux employaient, à copier des livres, le temps que la prière leur laissait. Ce genre de travail plut infiniment à Guigues par la facilité qu'il lui procurait de se familiariser avec la parole divine et les plus beaux monuments de la tradition: Il amas-

sait ainsi, dans le silence, un trésor de savoir qu'il comptait ne devoir servir qu'à sa propre édification. Mais la Providence en avait autrement disposé. Trois ans s'étaient à peine écoulés depuis son entrée en religion, que les pieux compagnons de sa retraite jetèrent les yeux sur lui pour le mettre à leur tête. La sagesse de son gouvernement fit voir que le Saint-Esprit avait présidé à ce choix. Puissant en paroles et en œuvres, il montra, par ses instructions, la voie qu'il fallait tenir et la fraya par ses exemples. L'ordre était encore renfermé dans la Grande-Chartreuse. La réputation de Guigues servit à l'étendre et à le multiplier. Pressé par des personnes de mérite et de crédit, il envoya successivement sept colonies de son désert en différentes contrées de la France. On a eu tort, néanmoins, de conclure de là, qu'il a été le premier général des Chartreux. D. Martène (*ibid.*, préf. n. 37) a solidement prouvé que les disciples de saint Bruno ne formèrent proprement un corps de congrégation que sous le successeur de Guigues, en 1140; que ce fut alors qu'ils commencèrent à reconnaître pour chef commun le prieur de la Grande-Chartreuse, et à tenir des chapitres généraux où tout se déterminait sans l'autorité de l'évêque diocésain. Mais ce qui manquait à Guigues du côté de la juridiction, il le regagna par l'attachement, la confiance et le respect que lui témoignèrent, en toute occasion, les monastères qui lui devaient leur établissement. Ses talents ne brillèrent pas moins dans l'économie des choses temporelles que dans le gouvernement des âmes. L'extérieur de la Grande-Chartreuse reprit une nouvelle face par ses soins et son habileté. Il en fit reconstruire les édifices renversés, l'an 1155, par un accident terrible, leur donna une meilleure forme, et y mit toutes les commodités nécessaires au maintien du bon ordre et aux besoins de ceux qui devaient les occuper (MART. *ibid.*, pag. 164; LABBE *ibid.*, p. 639).

Les progrès des Chartreux et la célébrité qu'ils acquirent de son temps et par ses soins ne lui inspirèrent aucun sentiment contraire à l'humilité. Il s'estima toujours, lui et les siens, au-dessous des autres moines, loin de regarder son ordre comme le centre et l'asile unique des vertus du cloître. Il eut pour celui de Cîteaux une vénération singulière dont il donna des preuves marquées en diverses rencontres. Ce fut par ses avis que Pons, seigneur de Lazare, au diocèse de Lodève, embrassa cet institut, l'an 1135, après s'être distingué dans le monde par sa valeur et son esprit (*Hist. du Languedoc*, t. II, p. 422). Etienne d'Obazine étant venu le consulter, la même année, sur l'observance qu'il devait établir dans sa maison, Guigues lui fit la réponse suivante (MAB. *Annal.*, LXXVI, n. 72) : « Les Cisterciens tiennent la voie royale. Leurs statuts peuvent conduire à toute perfection. Chez nous le nombre des personnes que nous pouvons admettre est fixé comme la quantité des fonds qu'il nous est permis de posséder. Pour vous qui avez déjà plusieurs moines sous votre gouvernement et qui êtes résolu d'y en ajouter beaucoup d'autres, vous devez préférer la vie cénobitique dont le mérite ne dépend ni du nombre de ceux qui la pratiquent, ni des possessions dont ils jouissent, mais de la religion et de l'exercice des vertus qu'elle prescrit. » Telle était la façon de penser modeste, équitable et désintéressée de Guigues.

Parmi les amis illustres que lui attira son mérite, on n'en voit point qui lui aient été plus étroitement unis que Pierre le Vénéral et saint Bernard. Non contents d'être en commerce de lettres avec lui, l'un et l'autre voulurent se procurer la satisfaction de le voir et de s'édifier au milieu de sa respectable communauté. L'abbé de Cluni fit souvent le voyage de la Grande-Chartreuse, du vivant de Guigues. Il est

bon de l'entendre, lui-même, raconter les charmes qu'il goûtait dans sa conversation : « Les fréquents entretiens, dit-il, que j'ai eus avec cet homme incomparable, m'enlevaient comme hors de moi-même. Ses paroles m'enflammaient comme si c'était été des étincelles sorties de sa bouche. Je ne tenais plus à la terre en l'écoutant, et toutes les idées de ce monde s'évanouissaient de mon esprit. »

Les dernières années de sa vie furent exercées par de fréquentes infirmités. Il suppléa, par son courage, aux forces qui lui manquaient. Mais enfin il succomba sous le poids de sa faiblesse, le 27 juillet de l'an 1137, dans la cinquante-quatrième année de son âge (BOLL. 1 Apr., p. 37).

§ II. — *Scripta genuina.*

Guigues s'est distingué dans la carrière littéraire sous deux titres, celui d'éditeur et celui d'auteur. Ce qui lui mérita le premier fut principalement le soin qu'il prit de ramasser en un seul corps les lettres de saint Jérôme auparavant éparées en divers manuscrits, d'en corriger le texte grossièrement altéré par l'ignorance des copistes ou la malice des hérétiques, et d'en séparer celles qui portaient faussement le nom du saint docteur. Il rend compte de ce travail dans une lettre aux Chartreux de Durbon publiée, pour la première fois, dans les *Analecta* de D. Mabillon, p. 464, et insérée ensuite au sixième tome de la nouvelle édition de saint Bernard (BENX. Op. nov. édit. t. VI, p. 1056). Guigues nous y apprend qu'une pareille entreprise n'était pas son coup d'essai dans ce genre et qu'il avait déjà rendu le même service à d'autres Pères. « Entre les ouvrages des écrivains catholiques, dit-il, que nous nous sommes occupé à ramasser et à corriger, les lettres de saint Jérôme ont particulièrement fixé notre attention. Nous les avons fait rechercher de toutes parts, et après les avoir purgées, suivant le degré de lumières que Dieu nous a donné, des fautes et des mensonges qui s'y étaient glissés, nous les avons rédigées en un seul grand volume. Or, dans l'examen que nous en avons fait, quelques-uns nous ayant paru très-peu dignes d'un si grand homme, soit par la différence du style et des pensées, soit en consultant les écrits des autres docteurs, nous avons cru devoir les retrancher. » Il en nomme huit de cette espèce et donne les raisons de critique qui en démontrent la supposition. Nous ne pouvons dire s'il existe encore des exemplaires de cette édition manuscrite. Il serait aisé de les reconnaître à la lettre de Guigues aux Chartreux de Durbon, qu'il recommande expressément de mettre à la tête de son recueil pour lui servir de préface. Le nouvel éditeur de saint Jérôme n'indique aucun de ceux-ci, et il ne paraît pas que les bibliothèques des Chartreux lui aient fourni les plus légers secours pour la publication des œuvres de ce Père.

En qualité d'auteur, Guigues composa : 1° une grande quantité de lettres, dont six seulement, y compris celle que nous venons de rapporter, ont échappé aux injures du temps. La première, imprimée parmi celles de Pierre le Vénéral (*Bibl. Clun.*, pag. 654), est une réponse à cet abbé, lequel, en envoyant un crucifix au prieur de la Grande-Chartreuse, avait accompagné ce présent d'une lettre pleine d'estime et d'affection pour lui et pour toute sa communauté. Guigues témoigne être aussi reconnaissant du présent que confus de la lettre. Il conjure son ami d'être à l'avenir plus ménager de ses louanges envers des personnes qui en méritent si peu, de consulter autant leur intérêt que sa propre édification en leur écrivant et de craindre que par des expressions trop flatteuses il ne les expose, faibles comme ils sont, au danger de la vaine gloire. « Surtout, ajoute-t-il, dispensez-vous (c'est une grâce que je vous demande à genoux) d'honorer du nom de Père (1) un homme

(1) D. Mabillon (*Not. in Op. S. Bern.* n. 28) remarque que jusqu'au treizième siècle, le nom de

aussi indigne que je le suis de cette qualité. C'est assez, c'est même trop, que vous daigniez m'appeler votre frère, votre ami, votre fils. Le nom de serviteur serait encore au-dessus de ce qui m'est dû. » Cette lettre est la seule que nous ayons de Guignes à Pierre le Vénéral. Mais il est certain qu'ils s'en écrivirent un très-grand nombre. *Scribebam ei frequenter*, dit l'abbé de Cluny en parlant de Guignes à saint Bernard, *et scpe cum eo . . . litteris familiaribus delectubar et eum in epistolis meis patrem nominabam* (*Ibid.*, p. 895 E).

La seconde lettre de Guignes, adressée à Hugues de Paganis, prieur et instituteur des chevaliers du Temple, renferme une instruction très-solide sur les devoirs de cette nouvelle milice (BERN. *Op.* t. VI, p. 1054). Elle fut écrite peu de temps après le concile de Troyes, tenu l'an 1128, auquel Hugues assista et où il obtint la confirmation de son ordre.

Sa troisième, écrite au pape Innocent, de la part de tous les solitaires de la Grande-Chartreuse, a pour objet les affaires de l'Eglise de Grenoble. Elle n'explique pas néanmoins la nature de ces affaires, parce que Hugues, abbé de Pontigni, qui en était le porteur, s'était chargé de les détailler au Saint-Père. Guignes se contente, sur ce sujet, d'exposer l'état de caducité de l'évêque Hugues, état qui le mettait presque au rang des morts par rapport à l'exercice des fonctions de son ministère. *Qui, quod sine lacrymis non scribimus, dissolutus morbis et senio inter defunctos, quantum ad episcopale spectat officium, potest annumerari*. De là il passe à ce qui regarde la personne d'Innocent et le schisme excité par Anaclet, son compétiteur. Il s'étend ensuite sur les prérogatives du Saint-Siège et finit par recommander à Sa Sainteté les deux ordres naissants de Cîteaux et Fontevrault. Cette lettre, ayant été remise au pape durant la tenue du concile de Reims, célébré l'an 1151, fut lue en pleine assemblée par Geoffroy, évêque de Chartres. Innocent et tous les assistants en parurent extrêmement satisfaits (MAR. *An.* l. LXXV, n. 121). Elle est rapportée tout au long dans le second livre de la Chronique de Morigny (*Chr. Maur.*, pag. 379, ap. DUCHESNE *script. Her. Franc.* IV, 579).

La quatrième porte les noms de Hugues, évêque de Grenoble (Hugues II), de Guignes et de la communauté de la Grande-Chartreuse. Elle est adressée au concile assemblé à Jouarre l'an 1155, pour délibérer sur ce qu'il y avait à faire par rapport au meurtre commis en la personne de Thomas, prieur de Saint-Victor. La conformité de style que nous remarquons entre cette lettre et les autres de Guignes nous porte à croire qu'elle est également de lui, du moins pour les expressions. L'auteur insiste sur la nécessité de punir les meurtriers en faisant voir les suites funestes de l'impunité. Il ne s'agit point ici de peines séculières, mais de pénitence canonique. Guignes demande surtout que les chefs de l'attentat, qui étaient ecclésiastiques, soient privés de leurs bénéfices. Le concile fit droit à ces remontrances. Il parait par la réponse d'Innocent qu'on y exerça la même sévérité contre les assassins d'Archambaut, sous-doyen de l'Eglise d'Orléans. Jean Le Picard a le premier fait part au public de cette pièce dans les notes sur les lettres de saint Bernard (BERN. *Op.* vol. I, not. sus., p. 25). Le P. Labbe l'a reproduite dans le dixième tome des conciles (pag. 975).

La cinquième lettre est adressée au cardinal Haimeric, chancelier de l'Eglise Romaine (BERN. *Op.* t. VI, pag. 105, 1053). Ce prélat, étant venu à la Grande-Chartreuse, y avait contracté une liaison très-étroite avec Guignes. Celui-ci lui écrivit quelque temps après (vers l'an 1154) pour le remercier de sa visite.

Mais à son remerciement il crut devoir mêler un témoignage réel de sa reconnaissance, par des avis relatifs à la situation du cardinal et à l'état des affaires de la religion. Tout était alors en combustion par la guerre ouverte qu'Innocent et son rival commençaient à se faire, les armes temporelles à la main. Aussi attaché qu'Haimeric au parti du premier, le prieur de la Grande-Chartreuse ne pouvait néanmoins approuver les moyens violents que l'on mettait en usage pour rendre la paix à l'Eglise. Il croyait voir la source de cet abus dans les mœurs de la cour romaine. Accoutumée à imiter les cours séculières dans le faste et la mollesse qui leur sont propres, elle avait achevé, selon lui, de se confondre avec ces dangereux modèles, en se servant de leurs armes pour combattre ses ennemis. C'est sur quoi roule cette lettre, où Guignes s'attache à faire connaître au cardinal les deux ennemis intérieurs que l'homme a le plus à redouter, savoir, l'orgueil et la volupté. Il montre combien ces deux vices sont odieux par eux-mêmes et combien surtout ils sont déplacés dans des temps de calamité. Il rappelle à ce sujet la conduite des Juifs en pareilles occasions et, la comparant à celle des Chrétiens, il gémit de voir ceux-ci surpasser en dureté ce peuple grossier et charnel. « Car les Juifs, dit-il, avaient recours aux jeûnes et aux cilices pour fléchir la colère divine, tandis que nous, au milieu des périls qui nous environnent, et sous le poids des péchés dont nous sommes accablés, nous ne mettons aucunes bornes à notre orgueil et à notre sensualité. Ce n'est plus un mouton ni un veau que nous prenons dans le troupeau pour satisfaire notre avidité, c'est le troupeau tout entier que nous dévorons. Tels qu'Amalech, nous traînons une multitude innombrable d'hommes et de chevaux dont nous inondons tous les diocèses, saisissant tout ce qui tombe sous notre main, n'épargnant ni le profane ni le sacré, dépouillant les églises, renversant les autels, enlevant tables saintes, croix, images, calices, et pour quelle fin? Est-ce pour soulager les pauvres, fonder des monastères, racheter des captifs? Non certes, mais pour réunir des machines de guerre, pour solder des archers, des cavaliers, des fantassins et les employer à la ruine des Chrétiens; les employer, dis-je, à piller et égorger ceux pour lesquels nous devrions être prêts à sacrifier notre vie. O douleur inexprimable! Aujourd'hui les souverains pontifes et, à leur exemple, les autres pasteurs par toute la terre, ne rongissent pas d'armer le frère contre le frère, j'entends le Chrétien contre le Chrétien; et l'or du sanctuaire devient le nerf de ces funestes expéditions. Voilà les triomphes dont s'applaudit aujourd'hui l'Eglise notre mère, et l'aveuglement est tel que, la conscience souillée de meurtres et les mains teintes de sang, on monte sans hésiter à l'autel pour y célébrer les divins mystères. Ah! si l'on doit tolérer de pareils excès, qu'y a-t-il donc maintenant à reprendre? Je prévois néanmoins ce que vous allez me répondre. Ces armes, direz-vous, sont tirées du palais de l'empereur. J'en conviens. Mais plutôt à Dieu qu'elles y fussent toujours demeurées, au lieu d'être transportées dans les lieux saints! Car, lequel des deux vaut-il mieux, dites-moi, que l'Eglise donne des lois aux palais, ou qu'elle en reçoive elle-même du palais? Est-ce en effet aux palais que les Eglises ont été confiées pour les instruire, ou bien sont-ce eux-mêmes que les Eglises ont droit d'enseigner? Les palais ont-ils donné Jésus-Christ aux Eglises, ou bien ont-ils appris d'elles à le connaître? Ah! qu'il serait bien plus convenable que les rois reçussent de nos mains le cilice que d'emprunter nous-mêmes la pourpre des rois? Qu'il serait bien plus avanta-

Père ne se donnait, parmi les moines, qu'aux seuls abbés. C'est la raison pour laquelle notre auteur le refusait,

geux que nous leur communiquassions notre pauvreté, nos jeûnes, notre humilité, que d'adopter, comme nous faisons, leur avarice, leur délicatesse, leur vanité? » Le reste de la lettre est de la même force. Il paraît qu'elle n'avait pas été faite pour le seul Haimeric, mais pour toute la cour de Rome. Guigues le prie, au cas qu'elle ne fasse aucune impression sur les autres, de s'appliquer à lui-même les vérités qu'elle renferme. On a l'obligation à Horstius d'avoir tiré cette importante pièce des ténèbres pour la joindre à la seconde et à la troisième dans son édition des œuvres de saint Bernard. D. Mabillon lui a donné le même rang dans la sienne.

2^o Guigues rédigea par écrit les coutumes de son ordre que saint Bruno s'était contenté de tracer de vive voix et par son exemple, laissant à la ferveur de ses disciples le soin de les maintenir et de les perpétuer. Ce fut par l'ordre du B. Hugues I^{er}, son évêque, et, à la prière des trois prieurs des Portes, de Saint-Sulpice et de Meyria (environ l'an 1128), que notre auteur entreprit ce travail (FLEURY, *Hist. eccl.*, t. LXVII, n. 58).

Il déclare dans sa préface que jusqu'alors les Chartreux n'ont rien observé que ce qui est renfermé dans les *Epîtres* de saint Jérôme et la Règle de Saint-Benoît. D. Mabillon tire de là sa principale preuve pour montrer que les premiers Chartreux ont reconnu saint Benoît pour leur Père (MAB. *An.*, t. LXXVI, n. 75); preuve qu'il renforce de l'autorité d'un ancien manuscrit dont le titre est : *Statuta Guigonis Carthusiæ prioris et aliorum Patrum secundum regulam sancti Benedicti*. Mais l'auteur des *Annales des Chartreux* (*An. Carth. mss.*) soutient, au contraire, que ni saint Bruno, ni ses premiers disciples, n'ont jamais prétendu s'astreindre par préférence à aucune des règles monastiques établies avant eux, s'étant toujours réservé, dit-il, la liberté de prendre partout indifféremment, dans les écrits comme dans les exemples des anciens, ce qu'ils trouvaient de plus conforme à la perfection de la vie érémitique. C'est une question où le plan de notre Histoire ne nous permet pas d'entrer plus avant. Le corps de l'ouvrage est partagé en quatre-vingts chapitres, dont voici les endroits qui nous ont paru les plus dignes de remarque.

Cap. 1. Les frères dispersés un à un dans leurs cellules (ils étaient deux à deux sous saint Bruno) n'en sortaient, les jours ouvriers, que pour aller dire en commun vêpres et matines à l'église. Ils récitèrent le reste de l'office en particulier. Le samedi ils se confessaient au prieur ou à celui qu'il avait chargé de les entendre.

Cap. 34. Le dimanche après prime on s'assemblait dans le chapitre. La messe conventuelle se disait avant tierce, à moins que le célébrant n'eût quelque cause de différer. On retournait au cloître après none, pour s'entretenir de choses utiles et édifiantes. Là, le sacristain donnait à chacun de l'encre, du parchemin, des plumes, de la craie, des livres, soit pour lire, soit pour copier. Le cuisinier pareillement leur distribuait des légumes, du sel, et le soir après souper ils recevaient encore un pain bis, *tortam*, et retournaient dans leurs cellules.

Cap. 31. Ils ne se servaient point de signes pour suppléer à la parole comme dans la plupart des monastères, « parce que vivant seuls, dit notre auteur, ils n'ont besoin d'aucun artifice pour communiquer leurs pensées, et que d'ailleurs ils croient la langue l'instrument le plus naturel et le plus convenable pour cette fonction. » Ainsi, lorsqu'ils avaient quelque chose de nécessaire à dire, ils le faisaient de vive voix et en peu de mots.

Cap. 33. Les jeûnes étaient continus comme dans la Règle de Saint-Benoît, depuis le 14 de septembre jusqu'à Pâques. Pendant le reste de l'année ou jeûnait trois jours seulement chaque semaine.

A Le dîner consistait en des œufs ou des légumes que chacun apprêtait soi-même lorsqu'il mangeait dans sa cellule. Au réfectoire, où l'on se rassemblait les jours de fête, on ajoutait du froumage et des fruits.

Cap. 58. On usait rarement de remèdes, à l'exception du cautère et de la saignée. Celle-ci, nommée *minutio*, se pratiquait cinq fois l'année en des temps marqués. Ceux qui voulaient s'en dispenser profitaient des mêmes soulagements qu'on accordait aux autres pendant trois jours consécutifs.

Cap. 28. Les habits et les meubles étaient pauvres. C'étaient, entre autres, des peaux pour les couvertures de lit, et des pelisses à cause du grand froid des montagnes. « Car, dit Guigues, c'est à nous particulièrement, entre les moines, qu'il convient de porter des vêtements grossiers et d'exprimer dans tout ce qui est à notre usage la pauvreté et l'humilité. »

Cap. 12, 15, 14. Lorsqu'un frère était dangereusement malade, on commençait par lui administrer l'extrême-onction, ensuite on lui essayait le visage, et chacun venait lui donner le baiser comme pour lui dire adieu. Cela fait, il recevait le viatique. Dès qu'il entra en agonie, on l'étendait sur la cendre. Le jour de son enterrement, la communauté mangeait au réfectoire comme un jour de fête.

Cap. 77. Les fugitifs, lorsqu'ils revenaient et donnaient des marques d'un sincère repentir, étaient reçus, mais au dernier rang, ou bien on leur permettait de passer dans un autre ordre.

Cap. 4, 14. Il n'y avait d'autre argenterie dans l'église que le calice et un chalice pour prendre le précieux sang à la communion. Le prêtre hebdomadaire disait une messe pendant la semaine pour tous les bienfaiteurs du monastère, pour les habitants du lieu et pour les défunts. « Car, on dit ici rarement la messe, ajoute l'auteur, parce qu'on s'y attache principalement au silence et à la retraite. »

Cap. 36. On ne permettait l'entrée du chœur à aucun étranger qu'aux religieux, et eux seuls pouvaient coucher dans la maison d'en haut. Les laïques couchaient dans la maison d'en bas. C'était celle où demeuraient les frères convers ayant à leur tête le procureur pour les conduire. Le prêtre y descendait de temps en temps, et c'était le plus loin où il pouvait s'étendre. Car il ne lui était pas permis de sortir des bornes de la Chartreuse.

Cap. 78, 79. Le nombre des religieux de chœur était fixé à treize, celui des convers à seize. Guigues conseille à ses successeurs de diminuer encore ce petit nombre si les facultés du monastère ne sont pas suffisantes pour l'entretenir, plutôt que de recourir à la nécessité de mendier et de vaguer. « Car nous avons en horreur, dit-il, la coutume d'aller de côté et d'autre et de quêter, comme très-dangereuse; c'est avec douleur que nous la voyons établie chez plusieurs personnes dont nous louons d'ailleurs la sainte manière de vivre, et cela sous prétexte de charité pour avoir de quoi donner aux servants. »

Tels sont les principaux articles des coutumes de la Grande-Chartreuse rédigées par Guigues. Le ton dont il s'explique d'un bout à l'autre est plutôt celui d'un historien que d'un législateur. Content de rapporter ce qui s'observait dans la Grande-Chartreuse, il ne paraît pas vouloir assujettir les autres maisons aux mêmes usages, sans doute parce que, n'ayant aucune juridiction sur elles, il croyait devoir laisser aux supérieurs locaux le soin d'en faire autant de lois pour ceux qui leur étaient soumis. Du reste en proposant la lettre, il a toujours soin d'en montrer l'esprit en peu de mots et d'ennoblir jusqu'aux plus minces pratiques du cloître par des vues puisées dans les sources les plus pures de la morale chrétienne. Nous venons

d'en donner des exemples. Pour connaître à quel point ces coutumes de Guigues furent respectées par les anciens Chartreux, malgré les altérations qu'elles souffrirent dans la pratique, il est à propos de rapporter le décret que l'ordre fit à ce sujet dans le chapitre tenu l'an 1259. « Quoiqu'on ait fait, y est-il dit, quelques changements quant à l'observance dans les coutumes de D. Guigues, néanmoins le chapitre ordonne que chaque maison les conserve sans rien changer au texte, et que, si l'on en a rayé quelque endroit, il soit au plutôt rétabli (Oudin, *Script.*, t. II, p. 1133). Ordonne en outre qu'à chaque année bissextile on en fera la lecture en communauté, afin que tous apprennent par là combien nous sommes déçus de la perfection de nos premiers pères. » Ce fut sans doute pour se conformer à l'esprit de ce décret que D. Grior, prieur de la Chartreuse du mont Saint-Jean, près de Fribourg, les mit à la tête de son recueil des anciens et nouveaux statuts des Chartreux, imprimé l'an 1510 à Bâle, chez Amerback, en un gros volume in-folio. Cette édition (2), extrêmement rare aujourd'hui, renferme de plus les privilèges de l'ordre, précédés, ainsi que les statuts, d'un ample répertoire ou table des matières. Non content de redonner le texte des coutumes de Guigues dans sa pureté originale, l'auteur du premier volume des *Annales des Chartreux*, publié l'an 1683 à la Correrie, a jugé à propos d'y joindre un Commentaire, dans lequel il les compare avec les règlements qui ont été faits depuis. Enfin, en 1703 D. Innocent Masson renouvela l'édition de 1510 avec une préface et des remarques de sa façon, à Paris, chez Dezallier, dans un volume in-folio dont le titre est : *Disciplina ordinis Carthusiensis in tres libros distributa*.

5^o Guigues composa la Vie de saint Hugues (BOLL. Apr., p. 37), premier du nom, évêque de Grenoble, le père, le protecteur, l'ami et même pendant quelque temps le compagnon des solitaires de la Grande-Chartreuse. Dès que l'illustre prélat eut quitté la terre, notre auteur souhaite que quelque plume habile fit connaître au public ses vertus. Mais, quoique fortement sollicité par Hugues II, successeur du premier, et par l'évêque de Maurienne, d'entreprendre lui-même cet ouvrage, il n'osa, dit-il, s'en charger, tant il croyait la matière au-dessus de ses forces. Il fallut un ordre exprès du pape Innocent II pour lever ce scrupule. Par sa lettre datée de Pise le premier de mai de l'an 1131, ce pontife lui manda, qu'ayant appris le détail de la vie de Hugues et les merveilles que Dieu opérât par son intercession, il avait jugé à propos, de l'avis des archevêques, évêques et cardinaux assemblés en concile dans cette ville, d'ordonner qu'il fût honoré d'un culte public, et d'assigner le jour de sa fête à celui de sa mort : « En conséquence, ajoute-t-il, nous vous enjoignons, instruit comme vous êtes de tout ce qui concerne la personne de ce prélat et des miracles qui ont manifesté sa sainteté, de mettre ce que vous savez au-dessus par écrit, pour l'édification de la postérité. »

Telle était la soumission de Guigues pour les volontés du Saint-Siège, que ni le préjugé où il était de son incapacité, ni les infirmités dont il se trouvait accablé, ne lui permirent d'en éluder ou même d'en différer l'exécution. Il prit aussitôt la plume, et envoya, dans la même année, au pape, la première partie de son travail, c'est-à-dire l'histoire de la vie du saint telle que nous l'avons dans Surius et Bolandus. Il restait encore à traiter de ses miracles. Nous ne savons s'il a rempli cet objet; du moins il n'en subsiste plus de vestige.

(2) Il est bon d'avertir que tous les exemplaires de cette édition ne sont pas complets. Dans les uns, comme, par exemple, dans celui de Saint-Germain

A 4^o Guigues composa des méditations dont le mérite a fait multiplier les éditions; elles furent imprimées et réimprimées à Anvers l'an 1550, l'an 1554 et l'an 1589, chaque fois en un volume in-24, lequel, outre ces méditations, renferme celles de Guillaume de Saint-Thierry. Le même recueil fut remis sous presse à Paris, en 1600, dans un format plus petit. On joignit à l'écrit de Guigues, dans une quatrième édition qui parut à Munich, l'an 1685, deux autres opuscules, l'un de saint Eucher de Lyon, l'autre de saint Martin de Brague. Enfin, ces méditations ont été placées dans les trois grandes Bibliothèques des Pères. (*Bibl. PP. Paris.*, suppl. t. 1, pag. 787; *Colon.* t. XII; *Lugd.* t. XXII, pag. 1104.)

L'auteur les a distribuées en vingt chapitres, dont chacun, à l'exception des trois derniers qui forment des discours suivis, consiste en pensées détachées, mais relatives à un même sujet. Ces pensées, B courtes, nobles et solides, sont exprimées avec force et onction. Guigues s'attache également, dans cet ouvrage, à convaincre l'esprit et à toucher le cœur.

Le P. Labbe (*Bibl. mss.* suppl. 8) dit avoir vu, dans la bibliothèque des Chartreux de Paris, un manuscrit qui contient cent méditations de Jean de Sotorien, avec un pareil nombre de celles du vénérable Guigues. Le manuscrit n'y existe plus; mais il y a bien de l'apparence que les méditations de Guigues sont les mêmes que celles dont nous venons de rendre compte.

C'est ici que se termine la liste des écrits sincères de notre auteur qui ont passé jusqu'à nous. Ils sont en petit nombre; mais ils suffisent pour justifier les éloges qui ont été donnés de tout temps à la beauté du génie et à l'excellence de la piété de Guigues. On y aperçoit en effet de très-beaux sentiments, un certain air de noblesse, et de ces traits vifs et perçants que saint Bernard (ep. 1) admirait dans les lettres qu'il reçut de lui, et dont on ne voit de traces que dans les réponses de ce saint. La liberté avec laquelle il s'élève contre les abus de la cour de Rome en écrivant au cardinal Haimeric, montre une âme élevée au-dessus des préjugés de son siècle et incapable de déguiser la vérité. Il fut le seul qui osa blâmer ouvertement l'usage que faisait le pape Innocent des armes temporelles pour la défense de sa cause. Sa morale est puisée dans les grands principes de la religion. Les applications qu'il fait de l'Écriture sont fréquentes et presque toujours heureuses. Sa diction n'est pas la même dans tous ses écrits; elle est plus correcte dans ses lettres, parce qu'elles étaient adressées à des personnes instruites; ailleurs elle est plus négligée. On doit lui pardonner les expressions barbares qu'il emploie quelquefois dans le recueil des coutumes de son ordre. Des termes plus recherchés n'eussent pas été aussi facilement entendus de tous ceux à l'édification desquels D cet ouvrage était consacré.

§ III. — *Scripta supposititia*.

Nous n'hésitons point de mettre à la tête des œuvres supposées de notre auteur un écrit que le public cependant ne semble plus lui contester, et qui réellement est digne de sa plume à plusieurs égards; c'est la célèbre lettre aux Chartreux du Mont-Dieu sur l'excellence et les devoirs de la vie solitaire. Avant dom Mabillon, les critiques en faisaient honneur tantôt à saint Bernard, tantôt à Guigues, tantôt à Guillaume de Saint-Thierry. Mais ce savant l'a revendiquée au dernier par des preuves qui ont réuni tous les suffrages de son temps (BERN. *Opert. cur.* vol. II, præf. in hunc tract., p. 196). Dom Martène est venu depuis, et s'est déclaré pour Guigues avec le même succès, en sorte qu'il a entraîné

des Prés, on chercherait inutilement l'ouvrage de Guigues; dans d'autres manquent les privilèges de l'ordre.

Jusqu'à ce jour tous les gens de lettres dans son opinion. Cependant les raisons dont il l'appuie sont plus spécieuses que solides, et pour les anéantir d'un trait de plume, il suffirait d'observer que la lettre en question est adressée non pas à Geoffroi, premier prieur du Mont-Dieu, mais à Haimon, qui lui succéda en 1144, c'est-à-dire huit ans après la mort de Guigues. Il est surprenant que dom Martène et ceux qui l'ont suivi ne se soient pas aperçus de cet anachronisme, sur lequel dom Mabillon les avait prévenus. Il ne l'est pas moins que nul d'entre eux n'ait senti combien les éloges que l'on donne à la vie des Chartreux, dans cet écrit, sont mal assortis aux sentiments et au langage de notre auteur. Comment, par exemple, a-t-on pu supposer à Guigues ce début ? *Fratribus de Monte-Dei orientale lumen et antiquum illum in religione Ægyptium fervorem tenebris occiduis et Gallicanis frigidibus inferentibus.... occurre et concurre in gaudio sancti Spiritus anima mea.... Auditur auris audieramus, nec credebamus, legebamus in libris et mirabamur de antiqua vitæ solitariæ gloria.... cum subito invenimus eam in campis silvæ, in Monte-Dei.* Reconnait-on là celui qui avait coutume de s'intituler, dans ses lettres, *l'humble prieur des pauvres Chartreux* ; qui se croyait indigne, lui et les siens, de toute louange, et qui regardait comme la plus dangereuse des tentations celle qu'il était obligé de recevoir ? Est-ce encore le prieur de la Grande-Chartreuse qui parle ainsi de sa maison : *Salva per omnia Carthusiæ debita sanctitate et cum omni laude prædicanda reverentia ?* Ajoutons un dernier trait qui montre, avec la même évidence, que cette pièce est étrangère à Guigues. L'auteur, dans le prologue, dit qu'il avait fait un voyage au Mont-Dieu. Or, les statuts de la Grande-Chartreuse, rédigés par Guigues, défendent au prieur de passer les limites de la montagne. Est-il vraisemblable que Guigues ait enfreint une loi que ses prédécesseurs avaient si religieusement observée et que lui-même venait de renouveler ?

Ces remarques nous dispensent d'entrer dans la discussion des preuves tirées, de part et d'autre, de l'autorité des manuscrits. Il y a des exemplaires pour Guigues, il y en a pour Guillaume, et quelques-uns qui ne désignent l'auteur que par la lettre initiale W, commune aux noms de nos deux écrivains. Les der-

A nières ne décident rien ; mais entre les seconds celui de l'abbaye de Signi, où Guillaume finit ses jours, mérite d'autant plus de considération que c'est en ce lieu surtout qu'a dû se conserver le souvenir de ses véritables écrits.

Un autre ouvrage que nous croyons devoir également refuser à notre auteur est un traité moral, en forme de lettre, qui se rencontre dans toutes les éditions de saint Augustin et de saint Bernard. Il est intitulé dans les premières *l'Echelle du Paradis*, et dans les dernières *l'Echelle du cloître*. D. Mabillon a fait voir (BERN. Op. vol. II, p. 314) qu'il n'appartenait ni à l'un ni à l'autre de ces Pères, mais à un Guigues, chartreux, suivant cette inscription qu'il porte dans un manuscrit de la Chartreuse de Cologne : *Epistola domni Guigonis ad fratrem Gervasium de vita contemplativa* ; et ensuite : *dilecto fratri suo Gervasio frater Guigo, delectari in Domino.* Reste présentement à savoir si c'est le premier ou le second des deux Guigues qui ont gouverné la Grande-Chartreuse. Dom Mabillon ne prononce rien là-dessus. Mais voici des raisons qui nous paraissent suffisantes pour décider en faveur du second. D'abord, cette lettre renferme plusieurs pensées et plusieurs expressions empruntées de saint Bernard, comme tout homme, versé dans la lecture de ses écrits, peut s'en apercevoir en la lisant. De plus, lorsqu'elle fut écrite, il devait y avoir d'autres Chartreuses que la grande, puisqu'elle suppose que Gervais, à qui elle fut envoyée, était lui-même Chartreux. Cependant l'auteur la composa dans les premières années de sa conversion. Car, non-seulement, il mande à son confrère qu'il lui dédie les prémices de son travail, mais il s'annonce lui-même comme une plante nouvellement édiflée dans la solitude. *Hæc nostri laboris initia tibi primitus offero ut novellæ plantationis primitivos fructus colligas.* Ce n'était donc pas ce même Guigues sous le gouvernement duquel furent fondées les premières colonies de l'ordre. Nous pourrions ajouter une troisième raison, mais elle trouvera mieux sa place à l'article de Guigues II. C'est au même article que nous réservons à prouver que Duchesne a pris un des Guigues pour l'autre, en donnant au premier un traité *Des quatre degrés spirituels*, et un opuscule *De la vérité et de la paix* (Bib. Clun., pag. 112, not.)

NOTITIA ALTERA.

Opp. S. Bernardi edit. MABILL., not., pag. xv.

Guigo I, cognomento de Castro, natione Gallus, patria Delphinus, nativitate Valentinensis, Carthusiæ majoris a B. Brunone prior generalis quintus, Bernardo charissimus, ut constat tum ex epist. 11, tum ex lib. III Vitæ S. Bern., cap. 1, vir insignis modestiæ, uti suis se ipse coloribus depinxit in quadam epistola ad Petrum Cluniac. (exstat lib. I Epist. Petri Ven. ord. 25) : *Petimus, inquit, per eam qua in nos indignos vestra fervent viscera dilectionem, ut quando nostræ exiguitati vestra scribere dignatur serenitas, ita de propria cogitetis ædificatione, ut infirmitatem nostram periculosa non insetis elatione. Et illud præ omnibus et super omnia quæsumus, et defixis in terram genibus obsecramus, ne vilitatem nostram PATRIS nomine dignum ulterius aestimetis. Satis et superatis est, si frater, si amicus, si filius appellerit, qui nec servi nomine dignus habetur. Quo quidem exemplo ipse Venerab. Petrus ad Bernardum scribens postmodum usus est, ut videre licet epist. 388 ; uterque forsitan æmulatus Bernardum epist. 72. Scripsit vero et ipse plura, quibus, inquit Tri-*

D themius, nomen suum immortalitate donatum est; nempe *Vitam S. Hugonis Gratianopolitani episcopi*, quæ Innocentio II dicata reperitur apud Surinm tomo II, die 1 Aprilis : *Meditationes*, quæ exstant in Biblioth. PP. *Tractatum de veritate et pace*, ms. in biblioth. Carthusiæ Coloniens. *Institutorum Carthus. lib. unum*, item *librum De contemplatione, epistolæque varias*, ex quibus quatuor hic habes tomo VI, aliis a me post Horstium inutili diligentia perquisitis. Cum enim ea de re scripsissem ad reverendissimum P. D. Joannem Pegon, priorem Carthusiæ Majoris atque ordinis generalem, hoc ab eo responsum habere merui, nimirum post sex incendia, quæ sacra illa domus ab incunabulis passa est, vix quidquam superesse instructissimæ illius mss. supellectilis quam majores sui summa cura et diligentia adornaverant. Tributur etiam eidem Guigoni lib. de *Scala claustralium*, relatus tomo V. Nec omittendum quod de illo refert Trithemius, scilicet quod epistolas S. Hieronymi nimio scriptorum vitio depravatas diligenti studio ad veritatis limam emenda-

verit et in unum comportaverit. Guigonis hac de re epistolam habes hic ex tomo I Analectorum. Porro quinquagesimum ætatis agens annum, inquit Sutor, lib. II Vit. Carth., cap. 5, conversionis vero xxx,

A prioratus sui xxvii, vel circiter, non sine sanctitatis opinione spiritum Domino reddidit an. Domini 1137, ab inchoatione vero ordinis LIII. Ita ille.

GUIGONIS I

CARTHUSIÆ MAJORIS POST S. BRUNONEM PRIORIS QUINTI

EPISTOLÆ.

I.

Ad Durbonenses (5) fratres. — De supposititiis beati Hieronymi epistolis.

(MABILL. *Analect.* nov. edit., p. 464.)

Amicis et fratribus in Christo dilectissimis. LAZARO Durbonensi priori, et cæteris in eadem eremo Deo famulantibus, Carthusiæ prior vocatus Guigo, æternam a Domino salutem.

Inter cætera catholicorum virorum, quæ ad eruditionem fidelium elaboraverunt opera, quæ nostra quoque parvitas congregare studuit vel emendare; etiam epistolas beati Hieronymi, quotquot potuimus, undecunque quæsitæ, et pro concessa a Deo facultate mendaciis expurgatas, in unum grande volumen redeimus. Abscidimus autem ab eis quasdam, quas vel ex aliorum doctorum scriptis, vel ex styli sententiarumque distantia, titulo tanti viri comperimus indignas: ex quibus illa est cujus est titulus ad Demetriadem, hoc habens initium: *Si summo ingenio parique fretus scientia.* Hanc quippe beatus Augustinus in opere contra Pelagium De gratia Christi et de peccato originali, ejusdem Pelagii esse dicit, quædam ipsius frustra tractatui suo interferens atque redarguens. Huic adduntur et istæ, ad Titatum de morte filię, cujus initium tale est: *Charitatis tuæ scripta percepi.* Ad Oceanum consolatoria, tale habens initium: *Diversorum opprobria, tribulationes multiplices.* Ad viduam, quæ sic incipit: *Magna humilitati nostræ fiduciam scribendi.* Ad virginem, sive ad filiam Mauricii (dupliciter quippe intitulata reperitur) exordium istud accipiens: *Quantam in celestibus beatitudinem.* Item de lapsu virginis, sive de penitentia, ad Susannam: uterque enim titulus in diversis codicibus invenitur. Quæ tam diversis titulatur auctoribus, ut eorum nullius sit decoranda vocabulo, cujus hoc est in quibusdam libris initium: *Puto leve esse crimen.* In aliis istud: *Quid agis, anima? quid cogitationibus æstuas?* Ad Desiderium de XII lectoribus a nescio quo in irrisionem doctorum composita. Ad Celantiam sicincipiens: *Veteris scripturæ celebrata sententia est.* Hæc stylo quidem nobiliore est scripta, sed nec sic beato Hieronymo digna. Postrema est de origine animæ disputatio, quasi inter beatos Hieronymum et Augustinum, ubi licet multa ex eorum scriptis ponantur, falsa tamen

B est: tum quia præfati doctores nunquam inter se præsentialiter sunt locuti, tum quia eadem quæstio nec apud eos, nec apud cæteros fidei catholicæ sectatores adhuc usque potuit liquido definiri. Hujus disputationis tale reperitur principium: *Cum apud vos cælestis eloquentia purissimi fontis.* Ne autem prædicti doctoris epistolæ sine rationabili causa apud imperitos suo videantur numero diminutæ, has nostræ parvitatæ litteras in principio collocatæ. Valete. Orate pro nobis.

II.

Ad Petrum Venerabilem, Cluniacensem abbatem. (*Bibliotheca Cluniacensis*, p. 653.)

Domino et Patri in Christo reverentissimo abbati Cluniacensi PERO, dignationis ejus servus et filius, Carthusiensium pauperum inutilis Guigo famulus, perpetua pace gaudere per Christum.

Crucifixum, crucifixus et ipse, crucifigendis misistis. Gratias itaque reddimus, pro qualitate muneris, charitati muneratoris. Verumtamen vestra in litteris quas misistis expressa charitas, nostræ etsi magnam præstat consolationem infirmitati, non minorem tamen humilitas confusionem ingerit extremitati. Unde petimus per eam, qua in nos indignos vestra fervent viscera, dilectionem, ut quando nostræ exiguitati vestra scribere dignatur serenitas, ita de propria cogitetis ædificatione ut infirmitatem nostram periculosa non inflatis elatione. Et illud præ omnibus et super omnia quæsumus, et defixis in terram genibus obsecramus, ne vilitatem nostram Patris nomine dignam ulterius æstimetis. Satis et super satis est, si frater, si amicus, si filius appelletur, qui nec servi nomine dignus habetur. Valete. Salute reverendos Patres et dominos nostros, quibus paternam curam impenditis, quorum pariter et vestris precibus nostram illuminari cæcitatem, roborari infirmitatem et aboleri petimus iniquitatem. Domni Arberti majoris prioris infirmitatibus, tanquam antiqui ac familiaris amici, nostro dolore compatimur. Domnum quoque Petrum, vestris litteris specialiter inditum, specialiter et ipsi salutamus. Pro visitatione etiam quam nobis vir egregius prior claustrensis et dominus Hugo de Creceio nuper exhibuere, paternitati vestræ gratias agimus. Incolumem vos assiduo virtutum profectu, ad no-

(5) Carthusia Durbonensis in Provincia, diocesis Vapincensis.

strum et totius Ecclesie gaudium, clementia divina conservet. Apud fratres nostros nostra commendatione non indigetis. Ipsemet enim vestris meritis vestrisque litteris eorum visceribus vestram memoriam insolubiliter alligastis.

III.

Ad Haymericum cardinalem et cancellarium. — Monet duos esse hostes quibuscum maxime sit pugnandum, et contra Ecclesie adversarios non armis corporalibus, sed humilitate et pœnitentia utendum.

(Opp. S. Bern. edit. MABILL., vol. II, p. 4051.)

1. Domino et amico in Christo reverendissimo, sedis apostolicæ cancellario HAYMERICO, amici (si tamen dignum est) ejus, et sui Carthusienses fratres, terrena despiciere, et amare cœlestia.

Quam grata fuerit nobis vestra præsentia recordatione sentimus unde, quæsumus, sic agite ut cum ab his diebus qui secundum Apostolum mali sunt, et secundum Psalmistam sicut umbra deficiunt, ad dies bonos et annos æternos transieritis, non de nostra (quid enim nos vel sumus vel erimus?) sed de illius visione et societate cum sanctis omnibus lætemini, propter quem nostram et obscuritatem nosse, et necessitatem supplere, et, quod longe pluris ducimus, tot et tantis ecclesiasticis, quibus nunquam caretis, interpositis negotiis, latebras nostras, non solum humiliter, sed et laboriose penetrare, nosque ipsos oculo ad oculum invisere, et ore ad os loqui, non est dedignata vestra sublimitas; a quo solo summo beneficio et bono, societate scilicet et visione Dei, non spatiis locorum aut temporum (semper enim est et ubique, et in ipso vivimus, movemur et sumus) sed meritis scjungimur peccatorum, sicut scriptum est: *Non est abbreviata manus Domini, ut salvare nequeat; neque aggravata auris ejus, ut non exaudiat: sed peccata vestra dividerunt inter vos et Deum vestrum (Isa. LIX, 1).* Quæ quoniam pene cuncta de mentis elatione aut de carnis veniunt voluntate, quorum nobis alterum cum belluis, alterum cum angelis est commune, sed reprobis, vitendum summopere est ut et mentis superbia prematur humilitate, et carnis luxuria sobrietate. Hinc Dominus: *Videte, inquit, ne graventur corda vestra in crapula, et ebrietate, et curis hujus vitæ (Luc. XXI, 34).* Itemque: *Discite a me quia mitis sum et humilis corde (Matth. XI, 29).*

2. Non ergo in multa nostra diffundatur intentio. Duo sunt tantum adversus quæ nobis totis est viribus dimicandum: elatio in mente, voluptas in corpore. Illis superatis, nil remanebit vincendum, nil supererit metuendum. Cupiditas enim rerum exteriorum non ob aliud inflammatur, nisi ut his modis omnibus serviatur. Contra quæ si nostrum sentimus non satis esse conatum, divinum imploremus auxilium; sed imploremus humiliter, imploremus devote, corde, ore, actu, habitu. Dictum quippe Israelitico, cum peccasset, est populo: *Jam nunc pone ornatum tuum. Deposuerunt ergo ornatum suum de monte Oreb (Exod. XXXIII, 5).* Itemque alias luxit

populus, et nullus eorum indutus est ex cultu suo. Sicut et Ninivitarum rex, homo gentilis, ad unius hominis ignoti vocem et naufragi, *descendit de solio suo, et abjecit vestimenta sua a se, et indutus est sacco, et sedit in pulvere, et clamavit ad Dominum (Jon. III, 6);* eandem austeritatem non solum omnis ætatis et sexus homines, sed jumenta subire compellens. Et nos itaque Dominici corporis, quod est Ecclesia, cruentam scissionem, quam non nisi nostris evenisse credendum est meritis, nec immotis visceribus, nec siccis aspiciamus oculis; alioquin pretiosis ornati vestibus, herminis et griseis confoti pellibus, numerosis et exquisitis refecti dapibus, phumis instar Sardanapali non tam impositi quam immersi mollibus, divinam indignationem quomodo nostris putamus placandam precibus? et non magis metuimus ne tum prophetica contra nos dirigatur invectio, dicaturque: *Væ qui opulenti estis in Sion, et confiditis in monte Samariæ, optimates, capita populorum, ingredientiæ pompaticæ domum Israel! qui comeditis agnum de grege, et vitulos de medio armenti, qui dormitis in lectis eburneis, et lascivitis in stratis vestris! (Amos VI, 4.)* de quibus concluditur, et nihil patiebantur super contritione Joseph.

3. Erubescamus ad hoc, dulcissime, sero cognite, brevi conspecte, cito rapte, et corporalibus oculis nunquam deinceps forte conspiciende: ab amoris tamen nostri complexibus nullis casibus, nullis avellende temporibus. Erubescamus ad hoc, nosque ipsos, si possumus, desicemus, quod et Judaicam et gentilem videamur superasse duritiam, dum illi divinam severitatem media ciborum et vilitate simul atque asperitate nitigant vestium, nos in peccatis multis atque periculis, nec gloriæ modum damus, neque deliciis. Neque enim agnum jam de grege, aut vitulos tantum de medio armenti, sed greges integros et armenta tota consumimus. In modum quippe Amalech, cum innumera multitudine hominum et jumentorum supervenientes ecclesiis cuncta complem, quidquid tetigerimus, devastantes; nec his contenti, tabulas, cruces, calices, et sacras spoliamus imagines, Et ut quid hoc? forte ut pauperes sustententur, monasteria construantur, captivi redimantur? Non ita: sed potius ut ad interficiendos Christianos et sagittarii, et ballistarii, equites et lancearii conducantur: et his eripiant res et animas, pro quibus debuissent ponere suas. Proh dolor! a summis hodie pontificibus, et per totum pene orbem, exemplo sedis apostolicæ, frater in fratrem, id est Christianus in Christianum, sacra pecunia conducitur et armatur: et talibus triumphis Ecclesia mater gratulatur, et post hæc totis manibus cruenta conscientia divina pergitur ad sacrificia. Si hoc ferendum, quid reprehendendum?

4. At regalia, aiunt, hæc sunt, et de imperatoris sumpta palatio. Non negamus. Atque utinam in palatiis mansissent semper, non in sacriariis, imo magis nec in palatiis unquam fuissent, nec in ec-

clesiis! Quanto enim melius Ecclesiæ palatiis leges, quam palatia darent Ecclesiis? nunquid enim Ecclesiæ palatiis, et non potius palatia docenda commissa sunt Ecclesiis? aut palatia Christum Ecclesiis, non Ecclesiæ dedere palatiis? Quanto ergo rectius a nobis reges cilia, quam nos ab eis purpuras sumeremus! Quanto utilius ipsi nostram paupertatem, nostra jejunia susciperent, atque humilitatem, quam nos eorum avaritias, delicias atque elationem? Quod si quis in Ecclesiis vel ecclesiasticis tentaverit quid horum arguere personis, nonne statim respondebitur hoc agentibus: Quid agis? Quid me meis, contra evangelicam sententiam, meliorem vis facere magistris? Nunquid non Ecclesia Romana variis, griseis, herminis, marturinis, jugulatis, et lumbatis (4), nec non et sericis abutitur indumentis? Nunquid Ecclesia Romana convivia respuit, exercitum non conducit, bella non conficit? Non est autem discipulus supra magistrum, neque apostolus major eo qui misit illum; sed potius perfectus omnis erit, si sit sicut magister ejus. Quid ad hæc dicitur? Videtis in quam arcto constituti sumus. Aut enim quod malum est, bonum dicere, aut Deo regente prorsus non faciemus; aut apostolicam sedem (quod quis audeat?) reprehendere; aut, quod forte tutius est, omnino tacere compellimur. Et o apostolorum tempora infelicissima, in quibus ad Dei regnum, nisi per famem et sitim, frigus et nuditatem aditus non patebat! O viros illos ignorantie tenebris involutos, et omnimiseratione dignissimos! qui ut ad vitam quoque pertingerent, propter verba laborum Dei, tam duras vias custodiebant, et hæc nostra compendia nesciebant.

5. Hæc non doctoris aut reprehensoris auctoritate, sed dolentis et lamentantis affectu fuderimus, zelo domus Dei, cujus diligimus decorem, rodente viscera nostra, rogantes et obsecrantes, si non in cæteris, in vobis saltem nonnihil proferant fructus. Si, inquam, hi cum quibus conversamini, saluti suæ aut nullam, aut parvam, aut non sufficientem adhibeant curam, vos tamen, vestri non immemores, animam vestram nolite negligere. Scriptum est enim: *Custodi temetipsum et animam tuam sollicite* (Deut. iv, 9); et iterum: *Miserere animæ tuæ placens Deo* (Eccli. xxx, 24); itemque: *Omni custodia conserva cor tuum* (Prov. iv, 23); et Dominus: *Quid prodest, ait, homini, si mundum universum lucretur, animæ vero suæ detrimentum patiat? aut quam commutationem dabit homo pro anima sua?* (Luc ix, 25.) Non igitur ejus vobis curam eripiat aut favor principum, aut nitor ornamentorum, aut frequentia negotiorum, aut gloria pomparum, aut deliciae conviviorum, aut oblatorum quantitas ulla donorum. Semper et ubique vestro versetur in animo, quia crescit in tremendo Christi judicio cum quibus futuri sitis, utrum cum illis quibus dicitur: *Ite, maledicti*, aut cum illis qui audiunt: *Venite, bene-*

dicti. Valete. Deus Pater, qui eduxit de mortuis Pastorem magnum ovium in sanguine Testamenti æterni, Dominum nostrum Jesum Christum, aptet vos in omni bono, ut faciatis voluntatem ejus faciens in vobis quod placeat coram se, per Jesum Christum, cui est gloria in sæcula sæculorum, amen. Nobis autem misereatur idem ipse omnipotens Deus, per vestras et totius Ecclesiæ Romanæ intercessionem et opera sacra, exhilarans corda nostra fragrantissimis et saluberrimis odoribus famæ vestræ, et continuis in veritate profectibus. Iterum valete. Salute nobis reverendos Patres Albanum scilicet et Ostiensem episcopos [Matthæum et Albericum]: et si quos alios vestræ visum fuerit discretioni. Valete tertio. Habetote, quæsumus, domum istam in mente vestra, sicut ipsa vos recludit in sua.

IV.

Ad Hugonem S. militiæ priorem. — Docet qua ratione bellum spirituale sit agendum.

Dominis et amicis in Christo charissimis ac reverendissimis, HUGONI, sanctæ militiæ priori, et omnibus qui reguntur ejus consilio, servi et amici Carthusiæ fratres, spiritualium simul et corporaliū Christianæ religionis hostium victoriam plenariam, et pacem per Christum Dominum nostrum.

1. Quoniam in revertendo, sicut in veniendo, præsentis vestræ gratissima allocutione frui nequimus, visum est nobis ut per litteras vobiscum saltem pauca colloqueremur. Ad corporea quidem bella pugnasque visibiles dilectionem vestram exhortari nequaquam novimus; ad spiritualia vero, in quibus et quotidie versamur, etsi excitare idonei non sumus, admonere saltem desideramus. Frustra quippe exteriores hostes impetimus, si non prius intimos superamus. Et pudendum nimis est et indignum quorūlibet velle ditioni nostræ subjicere agmina, si non prius nostra nobis subjecta fuerint corpora. Quis enim ferat exterius in amplas terras extendere velle nos dominationem, et exiguis cespitibus, id est carnibus nostris, ignominiosam perpeti vitiorum servitutem? Acquiramus itaque, dilectissimi, prius nosmetipsos, ut secure deinceps ad externos pugnemus inimicos; mentes nostras prius a vitiiis, dehinc terras purgemus a barbaris.

2. Non igitur regnet peccatum in nostro mortali corpore ad obediendum desideriis ejus, nec exhibeamus membra nostra arma iniquitatis peccato, sed exhibeamus nos Deo, tanquam ex mortuis viventes, et membra nostra arma justitiæ Deo, et caro concupiscit adversus spiritum indomabiliter. *Hæc enim, inquit Apostolus, sibi invicem adversantur, ut non quæcunque vultis faciatis.* Vellemus namque omni, si fieri posset, carere concupiscentia. Sed si in hac vita, quæ tota tentatio est, concupiscentia ad plenum carere non possumus, concupiscentiis saltem non serviamus. Ad quod quia viribus nobis parum sufficientes sumus, confortemur in Do-

(4) Lumbatæ sunt braccæ modicæ et breves.

mino et in potentia virtutis ejus, induamusque armaturam Dei, ut possimus stare adversus insidias diaboli. *Non enim, sicut ibidem sequitur, colluctatio nobis est adversus carnem et sanguinem, sed adversus principes et potestates, adversus mundi rectores tenebrarum, contra spiritualia nequitiae in caelestibus, id est contra vitia et eorum inceptores nequissimos spiritus. Qui si (quod et David rogat) nostri dominati non fuerint, tunc immaculati erimus, et emundabimur a delictis maximis.*

3. Stemus ergo succincti lumbos nostros in veritate, et calciati pedes in præparatione Evangelii pacis, in omnibus sumentes scutum fidei, in quo possumus omnia tela nequissimi ignea extinguere; caput galea salutis obiectum, dexteram gladio salutis munitam habentes. Curramus, non quasi in incertum; pugnemus, non quasi aerem verberantes: sed castigemus corpus nostrum, et subjiciamus servituti, quia hic est hominis, id est animalis ad Dei imaginem conditi, status ordinatissimus, cum et caro servit spiritui, et spiritus subditur Conditori. In hoc bello tanto erit quisque robustior, tantoque, regente et protegente Deo, numerosis prostratis hostibus triumpho gloriosiore sublimior, quanto per omnia sategerit esse humilior; tantoque contra ad omnia bona infirmior et inconstantior, quanto voluerit esse superbius. Deus enim resistit superbis. Non ergo opus est ut ad debellandos eos aliunde quaeratur pugnator, quibus omnipotens resistit præliator. Quos contra David dicit: *Custodiens parvulos Dominus; atque id ipsum expertus in seipso subjunxit: Humiliatus sum et liberavit me.* Utamur exemplo, si simili cupimus uti remedio. Faciamus quod fecit, si desideramus quod accepit; humiliemur, ut a malis omnibus liberemur. Apostolus etiam de Domino Jesu Christo: *Humiliavit, inquit, semetipsum, factus obediens usque ad mortem, mortem autem crucis. Nec incassum. Propter hoc enim, ait, et Deus exaltavit illum, et donavit illi nomen, quod est super omne nomen, ut in hominis Jesu omne genu flectatur, caelestium, terrestrium, et infernorum; et omnis lingua confiteatur quod Dominus Jesus Christus est in gloria Dei Patris.* Et hinc quoque vel maxime sumamus exemplum, si ardemus ad præmium. Faciamus quod fecit, ut sequamur quo præcessit. Sectemur viam tantæ humilitatis, ut perveniamus ad gloriam Dei Patris. *Omnis enim qui se humiliat exaltabitur, et qui se exultat, humiliabitur, testante eodem Domino nostro Jesu Christo, qui cum Patre et Spiritu sancto vivit et regnat Deus, per omnia sæcula sæculorum. Amen. Omnipotentissima misericordia, et misericordissima omnipotentia Dei, tam in spiritualibus, quam etiam corporalibus præliis faciat vos semper et felicissime pugnare et gloriosissime triumphare. Optamus vos bene valere, et in sacris quæ tuemini locis, nostri, cum oratis, memoriam habere, charissimi et præstantissimi, et meritis insignissimi fratres. Has litteras per duos diversos nuntios transmisimus, ne quo impedimento*

(quod absit) non quirent pervenire, quas petimus, ut cunctis fratribus exponi faciatis.

V.

Ad Innocentium papam II. — Consolatur summum pontificem adversus schismatis molestias.

Domino et Patri charissimo ac reverendissimo apostolicæ sedis summo pontifici INNOCENTIO, servi et filii Carthusiæ pauperes, illam quam mundus dare non potest pacem, suæque paternitatis devotam servitatem, et non necessariam licet obsequium.

Multas ad vestri apostolatus sacratas aures, etc. *Vide in Innocentio II, ad an. 1143.*

VI.

Hugonis Gratianopolitani episcopi, Guigonis et Carthusiensium fratrum epistola ad Patres in synodo I Oltrensi congregatos propter necem Thomæ, Sancti Victoris Parisiensis prioris, ab impiis crudeliter occisi.

(LABBE, Concil., X, col. 975.)

Dominis et Patribus in Christo reverendissimis, archiepiscopis, episcopis et cæteris religiosis personis in præsentem locum defendendæ justitiæ gratia congregatis, Huco, Gratianopolitanæ Ecclesiæ vocatus episcopus, et filii ejus, Carthusiensium pauperum servus inutilis Guico, et qui secum sunt fratres, agenda cognoscere, cognita viriliter adimplere per Christum Dominum nostrum.

Quod homines sumus, ad naturam; quod justi, ad meritum; quod episcopi, vel presbyteri, vel archidiaconi, vel aliquid hujusmodi, ad ecclesiasticum pertinet officium. In primo existimus, in secundo salvamur, in tertio providendi aliis quæ subtiliora sunt, potestatem accipimus. Duo ergo priora ad nos, tertium refertur ad proximos. Quod si manifestum fuerit, iuxta illud ficulneæ evangelicæ exemplar, quæ tandiu expectata fructum non attulit, officium nos inutiliter habere susceptum, nulla justa cur in eo relinquamur remanebit occasio. Quid ergo si non solum inutiles Ecclesiæ, sed etiam perniciosi, vel verbis vel exemplis exstiterimus? Nonne non solum dejici, sed etiam digni sumus puniri? Etsi igitur beati Thomæ, et cæterorum qui recenter lotis in sanguine Agni stolis suis ad caelestia demigrarunt, in conspectu Domini mors pretiosa mundana ultione non egeat, tamen si Ecclesiam Dei, sine qua nec publicæ res salvæ sunt nec privatæ, utilitate careat disciplinæ, rogamus supplices et obsecramus, quatenus armatura fidei protecti, et rectitudinis zelo succensi, et sanctorum Mosis, Phineæ, Mathathæ, beatorum quoque apostolorum Petri et Pauli adversus Simonem, Ananiam et Barjesu pie deservicium, maximeque ipsius Domini venditores de templo cedendo proturbantis, exemplis animati, in sacrilegos homicidas ecclesiastici rigoris intrepide gladium producat, eosque, si fieri potest, omnibus sacrorum officiis privetis et beneficiis, quatenus omnis Israel audiens timeat, et nequaquam ultra quispiam faciat simile. Ipsi enim magis quam homicidæ, in quorum cruentas delicias, vota complenda, et odia satianda, sanctorum sunt corpora laniata. Qui nisi

tantæ nequitiae non solum fructu caruerint, sed et poenam senserint, omnibus apud nos justitiæ defensoribus similia sunt metuenda. Valet. Orate pro nobis, et, sacris elevatis dextris super partem mundi in qua siti sumus, benedictionem et obsecrationem

A profundite. Iterum valet. Participes nos faciat Deus sanctorum operum vestrorum, gestorum et gerendorum. Valet tertio cum reverendis principibus Blesensi et Nivernensi.

GUIGONIS

MAJORIS CARTHUSIÆ PRIORIS GENERALIS QUINTI

MEDITATIONES.

(*Bibliotheca Patrum Lugdun.*, tom. XXII, pag. 1164.)

CAPITULUM PRIMUM.

De veritate et pace, et quomodo per solam veritatem pax habetur.

Veritas ponenda est in medio, tanquam pulchrum aliquod. Nec iudices si quis eam abhorret, sed compatere. Tu vero cum ad eam venire desideres, cur respuis eam, cum de tuis vitiis increparis? Vide quanta patiatur veritas. Dicitur ebrioso: Ebriosus es; luxurioso, superbo linguosoque, similiter. Hoc autem verum est. Insaniunt tamen illi protinus, et veritatem in suo prædicatore persequuntur et occidunt. Vide quantum honoratur mendacium. Dicitur pessimis et vitiorum omnium servis: Boni domini. Placantur, gaudent et mendacium ipsum in ita loquente venerantur.

Sine aspectu et decore, crucique affixa adoranda est veritas.

Quanto quæque creatura nobilior est et potentior, tanto libentius subditur veritati; imo hinc potens et nobilis, quia subditur ei.

Pungunt temporalia, cur non fugis ad alia, id est ad veritatem?

Idco ultra omnia adversa amara est nobis veritas, quia singulæ adversitates, singulas aut plures oppugnant voluptates. Veritas autem simul omnes calcumniatur.

Si colores omnes, et cætera quæ per oculos experiri possunt esses expertus, aut ab aliis sensibus corporis sis expertus, si rumores omnes aut recitates, aut audires, quæ utilitas? Sic nec in tantis quæ expertus es vel audisti.

Neminem odisse potes, nisi tua iniquitate. Nam etiam iniquis optare bonum, sanctorum est. Veritatem tantum et pacem, quæ ex ea procedit, amare oportet.

Minister veritatis amet quod ministrat, et cui ministratur. Et, cum id ipsum ab alio ministratur sibi, cum gratiarum actione suscipiat, tanquam id quod amat.

Charitas sit tibi causa dicendi veritatem, tanquam mœdendi. Quod si quis etiam non recipit, aut com-

patet ei, aut non eum diligit, aut id quod spernit vile ducis, tanquam si respuat æger salubrem medicinam.

Veritatem sine fine pax sequitur communis cum angelis; mendacium, labor et dolor, communis cum diabolo. Non defenditur veritas, sed tu illa indiges.

Amara et insuavis est veritas generi tuo nimis valde, non suo, sed eorum vitio; sicut lux fulgens, infirmis oculis. Vide ergo ne tu eam amariorem facias, dum non eam sicut debes dicis, id est charitate; sicut enim pius medicus, qui salubrem et amaram ægro dat potionem, linit oram vasis melle, ut quod (dum est dulce) libenter sumitur, etiam quod salubre est, hiatu facile capiatur. Prodesse autem hominibus tuum officium totum.

Si dicis veritatem non amore veritatis, sed desiderio lædendi, alium, non præmium dicentis veritatem, sed poenam conviciatoris assequeris.

Vide quantum supplicii passurus es, cum lux vera perfecte ostenderit te tibi; si tantum cruciatur, cui uno verbo aliquid malorum suorum ostendis. Tunc enim patebunt consilia cordium.

Æqualiter peccas cum vel alium vituperas, vel ab alio vituperaris; in utroque enim veritatem aut pro male recipis, aut pro malo irrogas. Qui ergo te flagellare voluerit, vitam tuam, id est veritatem arripit; per illam te cædat et cruciet.

Veritas est vita et salus æterna. Debes ergo compati ei cui displicet. In tantum enim est mortuus et D perditus. Tu autem perversus non ei dices veritatem, nisi putares amaram illi esse atque intolerabilem. Ex te enim metiris alios. Sed hoc pessimum est quando ut placeas hominibus, dicis veritatem, quam diligunt et mirantur sicut dices mendacia aut adulationes. Non ergo vel quia displicet vel quia placet, dicenda est veritas, sed ut prosit. Silenda est autem tantum ne noceat, sicut lux infirmis oculis.

Panis, id est veritas, confirmat cor hominis ne succumbat corporum formis.

Beatus, cujus mens solummodo cognitione et amore veritatis movetur sive afficitur, corpus vero ab ipsa tantummodo mente. Ita enim et corpus a sola veritate movetur. Si enim nullus in mente motus nisi veritatis, nullus in corpore nisi mentis, nullus quoque in corpore esset nisi veritatis, id est Dei.

Propter pacem facis omnia, ad quam iter est per solam veritatem; quæ est adversarius tuus in hac vita. Ergo aut illam tibi, aut te illi subjice. Non enim aliud tibi restat.

Adversitas monet pacem desiderare. Tu autem cæcatus id desideras quod, dum amas atque desideras, impossibile omnino est te pacem habere.

Cur rapis in te id quod in alio ita displicet, id est ira? Irasceris ergo, quia ille irascitur. Imo jam tibi irascere, quia irasceris. Si ita ipsa tibi vere displiceret, non admitteres eam; sed fugeres. Quod fit tantummodo tenendo pacem.

Non gloriatur lacus quod abundet aqua; de fonte enim est. Sic de tua pace. Semper enim aliud aliquid est causa pacis. Tanto ergo infirmior et fallacior est pax tua quanto mutabilius est id unde oritur. Quam vilis est ergo cum oritur ex jucunditate humanæ faciei?

Tutus appetit esse omnis homo. Quod tanto minus est quanto magis potest inquietari. Tanto enim magis potest inquietari quanto sunt paratiora habere se, aliter quam vult, ea quæ diligit. Dicat ergo aliquis hominum tibi: Ego tibi malum faciam; ego tibi pacem auferam. Cogitabo quippe de te malum aut dicam. Ecce quam paratus es mortificari et turbari.

Non sint temporalia causa pacis tuæ; tam vilis enim et tam fragilis erit quam illa. Hæc pax tibi communis erit cum brutis; tua sit cum angelis, id est, quæ de veritate procedit.

Quidquid ob pacem et beatitudinem tenueras et amaveras, contemne, nisi pacem et beatitudinem omnino vis perdere.

Pax est bonum illius animi in quo ipsa est. Propter seipsam igitur appetenda est, tanquam bonus sapor. Tanta sit in te, ut et malos non excludas.

Non turbetur cor vestrum, neque formidet (Joan. xiv, 27), Sabbatum est verum. Hoc celebrat, qui nec illicitur nec cogitur, hic habet se in potestate, hic potest de se cleemosynam facere; ut sicut alius widerit expedire, iratus sit aut placatus.

Amor temporalis pacis necessario parit inquietudinem mentis. Qui ergo habet hanc pacem et amat, necessario caret pace.

Si malefacientibus tibi non invidas, erit tibi pax cum eis.

Sicut per similitudinem et pacem consistunt, ita per dissimilitudinem et discordiam cuncta inæreunt.

CAPITULUM II.

De utili displicentia sui ipsius, et de humili confessione peccati.

Initium redeundi ad veritatem, est displicere sibi in falsitate. Emendationem præcedit vituperatio. Non enim libet mutare nisi quod displicet. Quia ergo semper indiges mutari, semper indiges tibi displicere.

In omni cura quam pro salute tua geris, non est ullum officium vel medicamentum utilius tibi quam teipsum vituperare atque contemnere. Quicumque ergo hoc facit, adiutor est tuus. Hoc enim agit quod tu agebas, aut agere debuisti, ut salvus fieres.

Ideo tibi places quia nihil te boni a te habere non intelligis. A te tibi nil nisi malum. Nullas ergo tibi grates debes. Malum omne a te tibi est. Pœnas itaque magnas pro vindicta debes.

Facile est iter ad Deum, quoniam exonerando itur; esset autem grave, si onerando iretur. In tantum ergo te exonera ut, dimissis omnibus, teipsum abneges.

Qui se vilem esse novit, vituperationes suas tanquam suas sententias quietus suscipit et humilis. Laudes vero respuit, tanquam non suas sententias.

Cum aliquis de te malum dicit, si non est ita, eidem nocet, non tibi; sicut si vocet aurum stercus, quid auro nocuit. Si verum est quod dicitur de te malum, doceris quid caveas. Qui autem quod bonum est dicit, non ei quem laudat, sed sibi ipsi prodest. Cum vero bonum tibi de te dicitur, ut quid rumores quos tu melius nosti, narrantur? Tu te solum vitupera.

Sua vitia quisque fugiat; nam aliena non nocent.

Continuum mendacium est habitus tuus, et corona tua, quoniam quod deest significant.

Cum aliquis dolet se commisisse furtum, ob tantum sibi inde opprobrium, non eum pœnitet furti, sed dolet opprobrium incurrisse. Nec horret aut malum ducit peccare, sed puniri. Justis autem non aliud est peccare et aliud puniri. Ipsum nimirum peccatum atrocissimam pœnam ducunt, et ideo nullam iniquitatem impunitam posse esse, eo quod iniquitas peccati magna pœna sit, nihilque pejus ea cuique valeat irrogari. Et ideo ipsam præ omnibus malis cavendam ac fugiendam censent, etiam si nihil aliud mali eam sequatur.

Si quem odisse debes, neminem ita ut te. Nemo enim tantum nocuit tibi.

Si nihil melioratur, nisi prius vituperatum, tunc qui non vult vituperari, non vult utique meliorari. Scriptum est enim: *Qui odit increpationes, insipientis est (Prov. xii, 1); Qui autem acquiescit increpationibus, possessor est cordis (Prov. xv, 32).*

De confessione.

Nullus publicano esse poterat ad salutem reditus,

nisi humiliter confessus fuisset, quod ei Pharisæus A superbe improperearet.

Hoc solè justus es, si ob peccata tua te damnandam agnoscas et dicas. Si justum te dicis, mendax es, et a Domino veritate damnaris, ut contrarius ei. Dic te peccatorem, ut verax Domino veritate convenias liberandus.

Magnorum est pro confitentibus intercedere, ut eis ignoscatur; majorum autem, pro his etiam supplicare benignè qui nondum suum recognoscunt reatum, ut cognoscant, et pro his qui, aut quia erubescunt, aut quia amant reatum suum, non confitentur, ut confiteantur.

Omnis anima rationalis volens ulcisci se, hoc irrogat alteri quod sibi ipsi metuit, et abhorret et malum ducit. Nihil autem libentius ad ulciscendum se quam veritatem arripit, nec ullum malum venenatiore mente infligit. Ergo nil sibi magis abhorret fieri quam veritatem dici. Hoc quippe adversarius de alio dicit quod, si is cui dicitur humiliter recognoscit, salutem mereatur æternam. Qui enim adulterum, adulterum vocat, hoc ei dicit pro malo quod ipse pro salute sua fateri debet gratis. Libenter ergo hoc recipiat, nec qua intentione, sed quid sibi dicatur attendat.

Qui non videri, sed esse verax veraciter diligit; nec videri, sed esse mendax veraciter metuit, statim ut se mentitum advertit, sibi contradicit, nec ab hoc ulla eum vel impropria vel damna revocant. Mavult enim verax mori, quam mendax vivere, si tamen vivit mendax, cum scriptum sit: *Os quod mentitur occidit animam* (Sap. 1, 11).

Hoc quod vis abscondere, id est peccatum tuum, improba et jam non erit quod abscondere debeas. Delere enim illud potes, abscondere non potes. Nihil enim opertum quod non reveletur, nec occultum quod non sciatur. Quare ergo morbum mavis celare quam sanare? Quomodo morbos tui corporis libenter aliis, ut compatiantur, ostendis, et si nolunt credere, miserum te habes, augeturque dolor, sed et irascaris, et ita de animæ ægritudinibus ipsis facito.

CAPITULUM III.

De voluptatibus ac vitiis delectationibus quinque sensuum.

Vide duas experientias ingestionis et egestionis, quid te magis beatificet quod per hanc, an quod per illam experivis. Illa onerat inutilibus, hæc exonerat. Quid prosit utrumque, circumspice. Hoc est totum devorasse expertum esse. Nil ultra spei remanet. Sic in omnibus sensualibus. Vide ergo quid beatitudinis omnia hujusmodi, sive in spe, sive in re, in te effecerint, et sic cogita de futuris. Cogita, inquam, prospera præterita, et sic futura judica. Quæ speras, peritura sunt omnia. Et tu quid post hæc? Aliquid ama et spera quod non trans-eat.

Pingi vis ligna coloribus, igne consumenda, cum ea quæ consumis, vis esse decora, seu cibos, seu

vestimenta. Vestibus indiges contra frigus, non colore illo vel illo, sic cibo contra famem, non sapore illo aut illo.

Voluptas bestialis, ex sensibus carnis; diabolica vero, omnis fastus et invidiæ et fallaciæ; philosophica vero, nosse creaturam; angelica, nosse et amare Deum.

Quæ in transitoriis plus delectant, hæc magis mortifera sunt.

Eadem aut peior est stultitia, genuflectere his quæ tu feceris, et animum inclinare his quæ destruis, id est saporibus vel aliis sensibilibus.

De regionibus congregavit eos, a saporibus scilicet et odoribus, et carneis tactibus eruens animos sanctos, in se colligit.

B Ita conantur homines facere veram voluptatem sive beatitudinem, quasi aut nulla sit, aut fieri possit, cum ipsa sola sit, fieri vero nullo modo possit. Id autem est facere sibi beatitudinem et Deum; et putare non esse beatitudinem, et non esse Deum.

Vide si omnes homines, dimissis omnibus aliis rebus quibus intendunt, uni tantum colori aut saporis ex toto intendant, quam miseri fœdi stulti erunt. Sic sunt et modo, cum tam multis ad diversis rerum qualitatibus intendunt. Non enim magis plures aut universæ creaturæ, Deus noster aut nostra salus sunt quam una quælibet earum.

C Cum gaudemus unde et bruta, id est de luxuria, ut canes; de voracitate, ut porci, et cætera, anima nostra fit similis animabus illorum, et non horremus. Ego autem mallem corpus habere canis quam animam. Et tamen si corpus nostrum in tantam canini corporis transiret similitudinem, in quantam animæ caninæ similitudinem anima nostra per luxuriam transit, quis nos ferret? quis non horreret? Melius autem ac tolerabilius esset, corpus nostrum in bestiam commutari, anima in sua dignitate, id est Dei imagine, permanente, quam, corpore manente humano, animam fieri bestialem. Et hæc mutatio tanto est horribilior magisque deflenda, quanto anima præminet corpori. Unde David: *Nolite fieri sicut equus et mulus, quibus non est intellectus* (Psal. xxxi, 9). Non enim de corporis hoc similitudine, ne sit ridiculum, dici putandum est.

D Coaptare aliquid, sicut cibum aut potum, tantummodo ut plus delectet, diabolo cooperari est in perniciem nostram, et acuer gladium, quod facilius et altius nostra possit viscera penetrare. Quanto enim, his amplius delectamur, tanto gravius ac profundius vulneramur.

CAPITULUM IV.

De vanis timoribus, doloribus, et cruciatibus filiorum hujus sæculi, quos contrahunt ex periturorum cupiditate et amore.

Sponte se implicat homo corporum ac vanitatis amori, sed, velit, nolit, cruciatur timore ac dolore pro eorum interitu, sive cum auferuntur ipsa corpora, sive cum ipse vituperatur. Amor enim peritur-

rorum est quasi fons timorum inutilium et dolorum, ac sollicitudinum universarum. Pauperem ergo a potente liberat Dominus, solvendo eum a vinculo mundani amoris. Qui enim nil periturum diligit, ubi a quolibet potente lædatur non habet, et omnino inviolabilis est, quia sola inviolabilia sicut diligenda sunt, diligit.

Si omnes capillos capitis tui abscindat quis, non te lædet, nisi cum eos qui capiti adhærent tetigerit. Sic te non lædent, nisi ea, quæ per concupiscentiam in te fixere radices, quis tangat. Quæ quo plura fuerint et magis amata, eo plures hac vehementiores dolores parient.

Aut exstingue penitus concupiscentiam, aut para te ad conturbandum, id est ad timendum et dolendum unde non debes.

Anima humana tandiu in se cruciatur quandiu potest cruciari, id est quandiu aliquid amat præter Deum. Deum enim nequit amittere nolens. Dimittere ergo eum potest, non amittere. Nemo enim læditur nisi a seipso.

Quot rerum amoribus, quæ tibi, vel quibus tu periturus eras, te Dominus liberavit a totidem te tristitiæ timoribus et doloribus absolvit.

Dum corporum species vel formæ, quibus tibi adhærentibus fœdaris, pereunt (tanquam syllabæ suis temporibus, Deo modulante), cruciaris. Eraditur enim quæ increverit rubigo.

Nil tibi laboriosius quam non laborare, id est contemnere omnia unde labores oriuntur, universa scilicet mutabilia.

Vide quanta turba generis tui pro mundo laboravit, et non solum non sunt adepti, sed insuper seipsos miserunt. Tu autem si studueris, plus acquires sine ulla comparatione quam est id propter quod omnes laborant aut laboraverunt.

Turbatio animi stulta, ipsa est misera; hæc fere semper fit in te, cum causas mortis tuæ, id est ea quibus male adhærebas, corrumpit Deus, ut ea deserens vivas.

Ancillam diligis turpiter, id est creaturam; ideo tantum cruciaris, cum Dominus ejus, id est Deus tuus, agit de ea quod bene vult.

Uni ex syllabis magni carminis adhæsisti, ideo turba is cum canendo procedit cantor sapientissimus. Subtrahitur enim tibi syllaba, quam solam amabas, et succedunt aliæ ordine suo. Non enim canit tibi soli, nec tuæ voluntati, sed suæ. Quæ autem succedunt syllabæ, ob hoc tibi contrariæ sunt, quia impellunt eam quam male amabas.

Quod syllaba in carmine, hoc loci aut temporis obtinet unaquæque res in mundano discursu, ideo ergo cruciaberis quia deterioribus inhæsisti, et suo ordine transeunt tanquam syllabæ in carmine.

Hæc omnia quæ dicuntur adversa, non sunt adversa nisi malis, id est amantibus creaturam pro Creatore.

Si ille aut ille tantum laboraret propter Deum,

A quantum laborat propter mundum, natale ejus tanquam martyris ageretur.

Sicut ex glacie frigus, ita ex temporalium amore timor inutilis animam invadit, et cæteræ miseræ. Remove a te universa quæ tibi timendi causa sunt, sicut quæ frigoris. Remove dico non a loco, sed ab animo. Non est enim timendum nisi quod potest et quod expedit vitari, id est peccatum. Quidquid autem vitari expedit, vitari et potest, adjuvante Deo, id est iniquitas.

Vide quam sis in potestate hominum ad turbandum et cruciandum. Quam facile est eis vituperare te verbis, aut cogitationis opinione, tam facile est perturbare. Quid ergo? Si displices eis, perturbaris. Ergo in eorum es potestate. Sive quis hæc faciat, sive non; tu tamen ita ex præparatione mentis expositus es. Si in bono displices eis, ipsis hoc nocet, non tibi. Labora ergo tunc mutare corda eorum, non bonum tuum. Si in malo displices eis, non ipsum displicere tibi nocet, imo prodest, sed ipsum malum tuum.

Dicunt martyres Deo: *Propter te mortificamur tota die (Psal. XLIII, 22); tu quibuslibet vilitatibus: Propter vos conturbor tota die.*

Restringe te et collige undique; ne forte volubilitas mutabilium inveniat te in ipsis, et crucieris.

Quod aliquo modo cruciaris, sive timendo, sive irascendo, sive odiendo, sive quolibet modo dolendo, tibi tantummodo imputa, id est concupiscentiæ tuæ, ignorantæ, vel torpori. Quod si quis vult te lædere, ejus imputa concupiscentiæ. Læsura tua et dolor, indicium est peccati tui; amasse te scilicet læsibile aliquid, Deo dimisso.

Læsis spectaculis doles. Tibi et errori tuo hoc imputa, quia læsibilibus inhæsisti. Nam in tantum consuevit homo malum omne in aliud retorquere, ut si aut in lapidem offenderit, aut igne adustus fuerit, ipsas Dei creaturas culpæ ac maledicere audeat; quæ nisi hoc facerent, tanquam invalidæ atque emortuæ merito culparentur, et non potius suæ debilitatis lugere miseriam.

Vide quomodo, tanquam mare tam innumerabilium formarum corporearum et animorum humanorum nunquam in eodem statu permanentium, nunquam sinaris quiescere.

Quamvis sciat nutrix parvulum accepto passere lætaturum, timet tamen summopere ne accipiat, ac tanto magis, quanto magis eundem inde lætaturum existimat, certe omnes homines et se, et quos amat, gaudere optant. Cur ergo id nutrix puero non solum non optat, sed insuper tanquam magnum malum, ne habeat cavet? Certe vult cum gaudere. Cur ergo et unde gavisurum scit subtrahit? Cur nisi quia futuram tristitiam attendit, cujus esse causam iam novit esse lætitiæ? Scit enim profecto, tanto post hæc graviorem tristitiam animum pueri subituram, quanto vehementius gaudium tale præcesserit, et quantitate præsentis utique lætitiæ, futuræ tristitiæ metiens magnitudinem. In quo facto quid aliud mu-

licet ista suggerit esse faciendum, nisi omnia illa gaudia quæ subsequuntur lamenta, tanquam pestem venenumque vitanda? Nec attendendum quid suavitatis habeant in præsentia dum adsunt, sed quid amaritudinis generent in nobis cum abeunt. Talia sunt omnia temporalia gaudia. Cur non ergo vineam possidendam, pratum, domum spatiosam, agrum; cur non aurum argentumque, cur non opiniones hominum laudesque, ac cætera similia, eadem causa provida cautela devitem? O quis dabit decrepito puero et tamen stulto, id est humano generi toti o bi diffuso, quamdam magnam, quamdam sapientissimam nutricem, quæ tali cura ac sollicitudine subtrahat ei, vel revocet eum a gaudiis, quæ futurorum semina sunt dolorum? Sed unde tantus in toto orbe gemitus fletuum, nisi quia hæc nutrix piissima ac potentissima nunquam cessat, sive per semetipsam, seu aliter, humano generi, causas dolorum, id est temporalia, tanquam passerem puero, auferre aut non dare.

CAPITULUM V.

De cupiditate, amore, et gloriatione terrenorum et temporalium, et quomodo per ea vera miseria non tollatur, sed augetur.

Duobus modis, cum duæ res sunt æquales, potest hæc major illa fieri, aut suo proprio augmento, aut sociæ detrimento. Hoc posteriore modo omnes principes et potestates sæculi aut gaudent, aut nituntur cæteris omnibus esse majores, eorum, videlicet, dejectione et detrimento, non sua, id est corporis aut animi sui erectione aut augmento. Neque enim aut corpora eorum, aut mentes ullo modo meliorantur, sed videntur sibi profecisse et crevisse, quia Xpi defecerunt et decreverunt. Quod si ita omnia diminuta essent, ut in nihilum redacta essent, in quo cresceret ex hoc anima vel corpus tuum?

Sicut qui vult lateres facere, plateam præparat, ubi interim ponat, non utique ibi remansuros, sed, cum exsiccati fuerint, alibi transferendos; et ita platea illa nullis specialiter lateribus parata est, sed omnibus æqualiter qui faciendi sunt, ita hunc locum humanæ habitationis, creandis hominibus et alibi peracto suo tempore transferendis, fecit Deus. Et, sicut figulus alios aufert, ut recenter facti in eorum succedant locum, ita Deus morte, tanquam translatione priorum, successuris præparat locum. Stultus ergo et insanus est qui in platea cordis amore inhæret, ac non potius quo sit transferendus hinc semper sollicitus meditatur. Nec injustum aut austerum videri lateribus debet, cum hinc transferuntur, nimirum cum hac intentione positi fuerint. Neque videbitur nisi his qui se hinc necessario transferendos non cogitant, qui commune et nulli proprium, sed innumerabilibus futuris communiter deputatum, insana cupiditate tanquam suum vindicant proprium. Vide in hac eadem re aliam insaniam nihilo minorem. Cum enim hi lateres fere omnes ejusdem sint quantitatis, vix tamen eorum ullus, unius tantum spatio contentus est, imo ejectis aut

A contractis quod potest multorum laterum, uni sibi vindicat locum.

Quid tibi videtur de eo qui totam intentionem suam, et tempus impendit ad fulciendam aliquam domum, quam fulciri est impossibile ex his rebus ex quibus nil omnino fulciri potest, vel si possit, ipsæ futuræ indigent totidem futuris aliis quot ipsa domus quæ ex his fulcienda est; et illæ futuræ totidem, et ita in infinitum? Vita hæc, domus; fultor, tu; futuræ, temporalia, quæ nunquam in eodem statu permanent, et nec fulcire, nec fulciri omnino possunt.

Longam tentationem petit, qui longam vitam petit. *Tentatio est enim vita hominis super terram (Job. vii, 1).*

B Quod in suis amicis vel parentibus non amavit Deus, id est potentiam, nobilitatem, divitias, honores, non ames tu in tuis.

Laqueos comedis, bibis, vestis, dormis; omnia laqueus.

Exsules amore, voluptate, affectu, non loco. Exsules in regione corruptionis, passionum tenebrarum, ignorantiae, malorum amorum et odiorum.

Quantum diligis te, id est hanc vitam temporalem, tantum diligas transitoria, sine quibus esse non potes, necesse est. Et quantum spernis hanc vitam, et ejus fomenta.

Grave est tibi hoc vel illud amisisse. Ne queræ ergo amittere. Querit enim amittere, quisquis ea diligit et acquirit, quæ retineri non valent.

C Omnis miseria in hoc est. Omnes amant aliquid principaliter, ubi semper intentionem habent fixam. Tu vero quid? Ecce omnes quasi thesauro invento arreptis mundi partibus singulis, singuli intendunt, aut certe inter plures scinduntur, ac si canis inter duo frusta carnis positus, ignoret cui potissimum appropinquet, alterum timens amittere.

Si hæc in quibus confidis aut delectaris, facerent hoc in semetipsis, irrideres tanquam stulta, imo lugeres tanquam perdita. Et si omnes ita insaniant, nunquam bonum est tibi insanire? Si teipsum tam immundum toleras, cur non quemlibet alium? Quot ea quæ diligis casibus subjacent, totidem et animus tuus.

D Qui hoc amat quod amandum non est, miser est et stultus, etiamsi nunquam vel ipse, vel illud pereat. Nunquid enim idololatra propter hoc tantum miser est, quia periturum est quod adorat? Ergo non esset miser, si illud non periret? Certe manente idolo ejus, miserrimus est adorator, licet incolumis corpore, et temporalibus bonis plenus.

Non te faciunt adversa miserum; sed ostendunt fuisse et docent. Prosperitates vero excæcant animum, tegendo et augendo miseriam, non auferendo.

Vide quomodo capiatur anima rebus corporeis, et capta crucietur, utpote in puero. Capitur enim viso passere, quem, cum acceperit, subjacet tot casibus, quot passer ipse. Quomodo autem est tutariusquam

talibus capiatur? Ea enim quæ placent tenent illam, A ut possit adversis multari.

Data nave, flatibus ferebamur ad gaudendum seu dolendum alternatione occurrentium formarum.

Quomodo non gloriatur aut superbiat de fortitudine vel pulchritudine, quando de infirmitate vel turpitudine gloriatur homo? Gloriatur enim si vehatur equo, aut ejus turpitudine pannorum decore veletur, cum potius gloriari posse videretur, si equum sua ipse virtute portaret, aut certe eo non indigeret, et fulgore suo vestes ipse decoraret, aut earum saltem decore non indigeret. Hæc enim et his similia indigentiam ejus ac turpitudinem protestantur.

Quam libenter ostentaret homo suam pulchritudinem si haberet, qui tam libenter ostentat alienam, videlicet in vestibus sive pellicis, sive cujuslibet modi!

Non minus dolendum est pro eo qui gaudet temporalium adeptione quam qui amissione dolet. Uterque enim febre vexatur, id est amore mundi.

CAPITULUM VI.

De inutili et vili appetitu laudum et gloriæ, vel favoris humani.

Si bene scires naturam ac potentiam humanæ opinionionis, vel favoris, nunquam vel exigue pro eis laborares, aut gauderes, aut contristareris. Nil enim prosunt cui impenduntur; sicut colores, et cæteræ formæ, corpora, vel res quibus insunt, deturpant, et ipsis nil prosunt aut obsunt. Quid enim profuit soli aut lunæ quod eos pagani deos putaverunt? Aut quid eis, quod tu eos creaturas esse cognoscis, obest? Quod si etiam stercora eos esse putares, quid eis noceret? Quare, sicut naturam et potentiam illius aut illius herbæ sive ligni, ita harum rerum scrutare. Facile, adjuvante Deo, id poteris, ex cujus opinionionibus vel favoribus cætera metienda.

In hoc cognoscis quæ soli Deo debentur, quia exhibita cuicunque rei nil prosunt, ut cognitio, amor ad favendum, timor, reverentia, admiratio, etc. Hæc enim, eo ipso quod ei cui exhibentur nil prosint, ostendunt se ei soli degeneri qui nullo eget. Si enim laudari vel cognosci aut admirationi esse prodesset, quis non quotidie mercede conduceret tanquam operarios, qui hæc sibi exhiberent assidue, ut sine intermissione proficere posset? Quæ mater filiis suis id non sine cessatione impenderet? Quis non vestes, prædia, jumentaque, seipsumque die noctuque bona diceret, ut sic meliora laudando redderet? Nihil ergo ista prosunt, cui impenduntur. Quis autem exhibet, exhibendo deterior aut melior efficitur. Si autem amat, aut admiratur, aut timet id quod debet, melior; si autem non debet, deterior utique fit. Similiter, in cæteris. Quam ergo pius est Dominus, qui nihil a nobis exigit, ut sibi prosit, multumque a nobis sibi serviri reputat, si quod nobis est utile semper agamus.

Sicut radicum, herbarum, vel cæterarum rerum naturas, ita opinionionis, favoris, laudis, vel vituperationis, expende.

Amor uniuscujuscunque hominis est omnium. Singuli enim omnes amare debent. Qui ergo hunc sibi specialiter exhiberi vult, raptor est, et ideo reus contra omnes efficitur.

Ecce huic corpori immistus, satis miser eras; omnibus enim ejus corruptionibus usque ad morsum pulicis, vel sorunculi subjacebas. Non sufficit hæc tibi. Immiscuisti enim te aliis, qua i corporibus, opinioni hominum, admirationi, amori, honori, timori, et aliis similibus, et sicut ex corporis, ita ex horum læsione, dolore afficeris. Ipsemet ligna, quibus combureris, tibi adhibuisti. Læditur nempe honor tuus cum contemneris; sic de cæteris. Ita etiam de formis corporum cogita.

Quo te ille aut ille vitio contempsit, eodem tu te contemptum tanquam timidus doluisti, scilicet superbia. Et quo tibi vitio abstulit, eodem tu doluisti ablata, id est amore periturorum.

Nisi contempseris quidquid possunt homines vel adversando, vel adjuvando, non poteris contemere eorum affectus, id est odia vel amores; quare, nec opinioniones bonas aut malas.

Vide quomodo vendis amorem et cæteros affectus animi tui ad obolatas aut nummatas, sicut in taberna vinum. Rursum attende qualiter emas opinioniones et amores ac cæteros affectus, sive motus humanorum animorum, ad obolatas et nummatas, sicut in taberna vinum.

Hic homo dedit pro laudibus omnia sua; ille, pro voluptate ventris et gutturis. Quis horum pejus operatus est? Hoc quidem nescio, sed scio alterum porcina, alterum diabolica voluptate actum.

Quari vis amari ab hominibus? Utique, ut adsint mihi, id est huic vitæ meæ. Ergo quia sentis te infirmum, et eorum violentiæ succumbere paratum. Quasi dicas: Si voluerint homines, moriar; si voluerint, vivam. Quod falsum est. Necessario enim morieris, sive illi velint, sive nolint. Quid enim ages ut non moriaris? Ergo optas magna de te vel bona opinari homines, ut te ament aut timeant. Ament autem vel timeant, ut prosint, vel non obsint. Econtra metuis vel abhores prava de te vel mala opinari homines, ne oderint aut contempnant, aut ne nocent, aut certe ut non prosint. Hoc autem propter ipsam experientiam infirmitatis atque debilitatis quam contraxisti, a Deo recedendo, et instabilibus atque infirmis inhærendo et innitendo. Si enim non sentires eorum vilitatem atque infirmitatem, non timeres pro eis, atque doleres. Sed times pro eis ac doles, cum videlicet pereunt aut auferuntur. Ergo cognoscis eorum vilitatem et infirmitatem. Quapropter nullam potes omnino excusationem prætere, quod ea diligis, aut eis inniteris. Mirum tamen valde est alicujus rei infirmitatem sentire, et tamen inniti ei, vilitatem nosse, et amare sive mirari. Dum ergo propterea doles aut metuis, duo in te, quæ simul posse esse non videntur esse demonstras, id est et nosse te et sentire eorum infirmitatem ac vilitatem, et tamen amare et inniti eis. Nam nisi he-

rum alterum inesset tibi, id est, si aut non amares aut non nosses eorum vilitatem, nullo modo doleres pro eis pereuntibus.

CAPITULUM VII.

De vera laude justorum, et vituperatione malorum, et quis sit laude dignus vel indignus.

Esto talis qui lauderis; non enim bene laudatur, nisi bonus, quod non est qui laudis cupidus est, non ergo laudatur. Cum ergo laudatori blandus es, jam non tuo laudatori blandus es; non enim jam tu laudaris, quippe tam vanus.

Cum dicitur quam bonus, quam justus, qui hoc est laudatur, non tu qui non es, imo etiam vituperaris non parum, quippe tam malus, tamque injustus. Laus enim justis, injustis est vituperatio. Ergo tua, ut injusti. Cum ergo laudatori justis applaudis, tuo verissimo vituperatori applaudis, quia injustus es. Non est enim justus, qui se justum putat, nec unius diei i. fana.

Qui gaudet laudibus, perdit laudes. Si amas laudes, noli laudes sciri, hoc est, si vis laudari, ne velis laudari. Non enim potest vere laudari qui vult laudari. Ille laudatur, cujus bona jactantur. Qui autem vult laudari, non solum vacuus est omni bono, sed insuper plenus est magno et diabolico malo, nimirum magna arrogantia. Non ergo laudatur. Justus autem econtrario semper laudatur; cujus vituperatio nulla esse potest. Vituperatio quippe est malorum improbatio; quæ autem justus non habet, non possunt ei impropere, quare non potest vituperari. Universaliter autem omnis justorum laudatio, injustorum est vituperatio, et omnis injustorum vituperatio est justorum vera laudatio. Cum vero quis de bono laudatur, non laudato, sed laudatori prodicit.

Laudat te quis propter sanctitatem, sursum tendit. Ultra te est enim quod ei placet, id est sanctitas. Tu vero si amas illum non tanquam cui placet sanctitas, sed tu deorsum tendis.

Qui dolet aut irascitur amisso aliquo temporali, eo ipso se dignum qui amitteret ostendit. Similiter qui accepto convicio irascitur, aut dolet, eo se dignum fuisse demonstrat. Tantum enim vellet laudari, quantum noluit conviciari.

Contemptus aut parvi habitus doluisti; hoc ipso contemnendum ac parvi habendum fuisse, et ideo jure id factum demonstraris. Nisi enim contemnendus ac parvi habendus fuisses, contemni nec parvi haberi nequaquam timuisses aut doluisses. Hoc enim ipso solo, vel maxime contemnendus et parvi habendus es, quod id times aut doles. Prorsus non timet vilis haberi nec contemni, nisi vilis et contemni dignus.

CAPITULUM VIII.

De his qui volunt amari et admirationi haberi, et quomodo per talem appetitum homo diabolo assimilatur, et seipsum facit idolum cæterorum.

Vere colit Deum ille solummodo qui in eum vere intendit, cum vero timoris, vel amoris, honoris vel

A reverentiæ atque admirationis affectu. Sic enim solus cultus verus et perfectus. Quicumque ergo alicui rei præterquam Deo hunc exhibet, idololatra verus est. Qui vero hæc vult sibi exhiberi, cujus, nisi diaboli veraciter locum tenet, qui modis omnibus hæc ab hominibus conatur extorquere? Itaque omnes quærelæ hominum in hoc sunt quod scilicet aut pereunt, aut auferuntur eis dii eorum, id est creaturæ, quibus hunc verum et divinum exhibebant cultum, sive quod talis eis non exhibetur cultus. Vide ergo quantum adhuc in te, et in toto mundo regnet idololatria.

Nulla res debet velle amari tanquam bonum, nisi quæ eo ipso quod amatur, suum beatificat amato-rem. Nulla autem hoc facit, nisi quæ amatore non eget, id est cui non prodest nec ab alio amari nec amare aliud. Crudelissima igitur res est, quæ vult ut quis in ea intentionem suam et affectum et spem constituat, cum ipsa ei prodesse non possit. Hoc faciunt dæmones, qui pro Dei servitio, suo volunt homines occupari. Clama igitur tu amatoribus tuis: Cessate jam, miseri, nunc me admirari, revereri, ve, quolibet honorare modo, quoniam ego miser nec mihi nec vobis auxilium ullum ferre possum, imo ego egeo vestro.

Quantum in te est, omnes homines perdidisti, interposuisti enim te inter Deum et ipsos, ut, verso in te intuitu, et dimisso Deo, te solum admirarentur, intuerentur, atque laudarent; tibi que et eis omnino hoc inutile, nec dicam damnosum.

C Nil dignius in creaturis rationabilibus, mentibus præsertim piis, nil vilius corruptionibus corporum. Cum itaque vis esse admirationi hominibus, hac ipsa superbia cæcatus, vide ad quam miseranda deveneris. Vide ergo justitiam Dei. Tu enim proposuisti te Deum, id est admirandum excellentissimæ parti creaturarum, et ille subjecit te infimæ. Tu enim voluisti et fecisti, quantum in te fuit, te ab omnibus hominibus sciri, videri, laudari, admirationi et venerationi haberi, amari, timeri, honorari; quæ omnia ab excellentissima omnium creaturarum parte, id est solis rationabilibus mentibus, soli Deo debentur. Juste ergo factum est ut qui Deum dignissimis creaturæ partibus te proponebas, quod in ea vilissimum est, ut Deum acciperes, et qui ab excellentissimis, quidquid soli Deo debebatur, extorquere per-versa usurpatione voluisti, quidquid ipse debebas, soli Deo vilissimis, id est corruptis corporum cadaveribus impenderes. Nam omnia quæ superius posuisti, soli Deo debita amorem scilicet, etc., istis exhibes toto corde. Dum ergo usurpas quidquid est Dei, laudari scilicet, etc., amisisti quidquid est hominis, laudare Deum, ad quod creatus es, etc. Et quia supra summum locus non est, nec infra infimum, dum supra summum tendis, infra infimum rursus es. Qui enim aliquo fruatur, ei necesse est per amorum subdatur. Tu autem frueris infimis. Ergo infra infima trusus es, ubi locus nullus est.

Amicitia mundi hujus, ut beatus Jacobus dicit,

inimica est Deo. Qui enim voluerit esse amicus sæculi A hujus, inimicus Dei constituitur (Jac. iv, 4). Qui autem diligit vel unam muscam in hoc mundo, totum mundum diligit necesse est. Totus enim ei quam diligit rei necessarius est. Porro quandiu amor hujus mundi, tandiu inimicitiae inter Deum et homines sunt. Cum ergo ab eis te vis diligi, ut inimici Deo fiant vis. Prædicas autem ut quidquid est creatum, contemnatur, quatenus Deo reconcilientur. Nunquid ergo te solum excepturus es, dicturusque hominibus: Omnia contemnite propter Deum præter me, ut scilicet nil sit aliud quod impediatur reconciliari homines Deo, nisi tu, atque ita propter te solum inimicitiae inter Deum et homines perseverent, sitque nemo salvus, dum diligendo te, totum mundum diligere coguntur tanquam sibi necessarium? Aliud B est autem diligere homines in mundo vel propter mundum, aliud in Deo vel propter Deum, aliud cupide vel misericorditer.

CAPITULUM IX.

De anima quæ per fruitionem et amorem temporalium a Deo recedit, et a dæmonibus constupratur.

Dicant temporalia bona: Si Deus sanaverit nos a morbo corruptionis, quid ages? In ipso usu considera in quo melior ex nobis fias, vel quid inde spes in posterum. Expertus es nos. Quid ergo? Vis in nos mutari, an nos in te? Quid tibi et nobis? Quid doles de transitu nostro? Maluimus interire, secundum Domini voluntatem, quam manere secundum tuam cupiditatem. Nullas tibi pro hoc amore tuo referimus gratias, sed potius ut stultum irridemus. Cui enim potissimum obedire debemus, Deo an tibi? Dic, si audes, nonne hoc est fere tuum totum officium, nos in putredines devorando convertere?

Hæc tua utilitas, tua potentia, ut per te nostra sanies transeat affluenter; non enim facere vales ut maneat hoc tuum studium. Hæc tua beatitudo, ut nostris non careas sordibus, quibus votive succumbis, corrumpente et constuprante te per eas diabolo, non sine sua voluptate magna, et gaudio de tua deceptione et interitu.

Quacunque forma frueris, ea quasi masculus est tuæ menti. Cedit enim et succumbit ei; et non ipsa tibi, sed tu ipsi conformaris et assimilaris. Eiusdemque formæ imago remanet impressa tanquam simulacrum in templo suo, cui non bovem, non hircum, sed animam rationalem et corpus, id est te ipsum totum immolas, cum ea frueris.

Vide quomodo, quasi in taberna, amorem tuum quasi venalem prostitueris, et ad mensuram munerum pariter ipsum hominibus impendis. Nihil in hac taberna accipit qui nihil dat, aut daturus speratur. Et tamen nec quod venderes haberes, nisi tibi nil danti gratis casset datum desuper. Recepisti ergo mercedem tuam.

Evacuatio et elongatio a Deo præparat ad concupiscendum.

Qui te in te frui vult, eas a te gratias meruit quas muscæ et pulices, tuum sugentes sanguinem.

Si hæc (quibus in mente tua impressis admiratione et amore, qui cultus soli Deo debetur, succumbis) in aliquo angulo domus, seu sculpta, seu picta, admiratione seu amore, seu corporis inclinatione venereris, et innotesceret populo, quid de te faceret?

Mulier quæ propter hoc non fornicatur, et deserit proprium virum, quia non invenit adulterum diu mansurum, non vitat adulterium, sed quærit diuturnum. Tu autem ad mali cumulum divaricasti crura mentis tuæ omni transeunti, ut vel momentaneis adulteriis fruereris, quia diuturnis vel æternis non poteras.

B Hæc est prorsus pravitate humanæ summa, meliora se deserere, id est Deum; et minoribus se intendere, fruendoque eis inhærere, id est temporalibus.

Scarabæus dum supervolat, cuncta intuens nil pulchrum aut sanum sive durabile eligit, sed, siculi stercora jacent fetentia, eis protinus insidet, spreis tot pulchris. Ita animus tuus cælum terramque, et quæ in eis magna et pretiosa sunt, intuitu pervolans, nulli adhæret, contemptisque omnibus, vilia multa ac sordida, quæ cogitanti occurrant, libens amplectitur. Erubescere ex his.

CAPITULUM X.

De impudentia et frontositate animæ fornicantis, quæ petit a Deo in suo scelere confoveri.

C Cum rogas Deum ut non auferat tibi aliquid cui inhæsisit cupide, ita est ac si mulier, a viro suo in ipso adulterio deprehensa, cum debeat petere veniam criminis, roget potius ne interrumpat ei ipsius adulterii voluptatem.

Non satis tibi est a Deo fornicari, nisi ipsum ad hoc inclines, ut ea quibus corrumpis fruendo, augeat, conservet, et coaptet, id est formas corporum, sapores et colores.

Quæ est adeo impudens mulier ut dicat viro suo: Quære mihi illum aut illum cum quo dormiam, quia placuit mihi plus te, alioquin non quiescam? Tu tamen facis hoc viro tuo, id est Domino, cum præter ipsum aliquid diligens, id ipsum ab eo petis.

D Cum dicis Deo: Da mihi hoc aut illud, hoc est dicere: Da mihi in quo te offendam, et a te fornicat. Cum enim aliquid aliud ab eo quam ipsum petis, ipsa petitione tua reatum ei tuum et fornicationem ab eo ostendis, et nescis.

Misericors vindicta, si sponsus, sponsam suam adulteram deprehendens, ea tantum subtrahit ei cum quibus fornicabatur. Quam vero impudica et inverecunda est ipsa, si ad injuriam hoc accipiat! Nulla alia fere tibi est causa dolendi, nisi talis, id est de subtractis fornicationibus tuis. Ipsæ ergo dolores tui arguunt fornicationes tuas, ita ut non sit opus aliis testibus.

Hæc solet a sponsi oculis quamlibet inverecunda et impudica mulier abscondere, lacrymas quas pro damnis quæ contingunt adultero, et quas pro injuriis

ab adultero, sibi irato, illatis fundit; ipsas quoque A injurias, similiter et gaudia. Vide nunc si id saltem tu ad Deum facias, si non aperte coram eo pro damnis adulterii tui, id est mundi hujus, luges, et prosperis exsultas. *Frons ergo meretricis mulieris facta est tibi (Jer. III, 3).*

CAPITULUM XI.

De ignorantia sui ipsius qua homo, per amorem terrenorum extra seipsum effusus, se considerare non potest.

Penuria interioris spectaculi, id est Dei (non quod non insit, sed quod a te interius lippo non videatur), facit ut a tuis interioribus foras libenter excas, imo in te tanquam in tenebris nequeas commorari, et exterioribus corporum formis, seu opinionibus hominum vaces admirando. Nec imputes formis corporeis, quod te aut detinent aut terrent, sive aliquo modo movent, sed tuæ cæcitati, atque a summo bono vacuitati.

Vide quantum te ipsum ignores. Nulla est enim regio tam remota et ignota tibi, de qua facilius credas falsa narranti.

Aliquando malum displicet sine mercede boni, velut, si duo velint in domo una propriam superbe exercere voluntatem, uterque malum vult. Horum si alterutrum sibi displiceant voluntates, non odio superbiæ sit, sed amore. Odit enim illius superbiam, hic qui amat suam, quæ impeditur ab illo. Hic laqueus est valde occultus.

Ita te habes in hoc mundo, quasi ad spectandum et mirandum formas corporum huc adveniens.

Si spectaculis interioribus non careres, nunquam ad exteriora exires, sive vacares.

Sicut in fabula puella defecit intuenso solem, ita es tu ad necessario perituras corporum formas et opiniones humanas.

Hoc spectaculum nullius oculis in hac vita, nisi Dei maxime, et tuis pro captu tuo patet quam videlicet corporibus, et eorum formis, vel opinionibus humanis et favoribus superferatur animus tuus, aut subjaceat.

Vide quomodo aversus a Deo intrasti in hunc mundum, inhiante ore ad omnia præter ipsum.

CAPITULUM XII.

De vera utilitate hominis, et qualiter omnium hominum est una et eadem utilitas.

Beatus qui eligit ut secure laboret. Hæc est autem secunda electio, et labor utilis, id est omnibus velle prodesse, ita ut talis velis esse eis qui tuo non egeant auxilio. Tanto enim minus agunt quod expedit, quanto propriis utilitatibus videntur intendere. Hæc est autem propria uniuscujusque utilitas, omnibus velle prodesse. Hoc autem quis intelligat? Qui ergo propriam quærit agere utilitatem, non solum nullam suam utilitatem invenit, sed etiam magnum animæ suæ detrimentum in-

PATROL. CLIII.

A currit. Dum enim propriam quærit, quæ nulla esse potest, a communi repellitur, id est a Deo. Sicut enim omnium hominum una est natura, ita et utilitas.

Felix est omnis qui nihil vult quod sibi prosit. Potest ergo homo velle quod sibi aut non prosit, aut obsit? Utinam vel semel in vita tua tota velis quod expedit sicut volendum est! O misera sors, non posse nolle quod obest!

Si interrogas homines quare sint miseri, utrum non velint quod sibi sit utile, an quia non habeant quod nolunt, respondebunt statim quia non possunt habere quod volunt. Hoc autem est dicere: Illuminati quidem sumus, et bene quid utile nobis sit novimus et amamus, sed infirmamur. Quod falsum est. Quis enim sæcularium omnium diligit aliquid quod eum facere potest meliorem? Nil optant homines quod non sit vilius ipsis. Et quomodo id quod melius et pretiosius est ac dignius, ex deterioribus ac vilioribus et indignioribus potest meliorari? Heu quot sunt qui agunt quod volunt, quam pauci qui velint quod sibi prosit adeptum! Et tamen quis unquam poterit hoc persuadere filiis Adæ? Quando credentur non amare utilitatem suam, cum parati sint jurare, nihil se sibi male optare, et omnia quæ patiuntur in tot laboribus propter suam utilitatem se tolerare? Tanquam si dicas idololatræ quia non colit Deum. Statim enim insiliet, jurans se colere Deum, et quanta in cultu ejus expendat annumerabit, ipsumque etiam quem colit Deum, digito demonstrabit. Et tamen non colit Deum, sed, errore deceptus, pro Deo habet. Ita homines sine dubio non utilitatem suam diligunt aut volunt, sed quod errantes utilitatem suam putant. Et ideo quidquid pro re tali aut agunt aut patiuntur, pro utilitate se agere putant aut pati. Non autem vult aut diligit utilitatem suam, nisi qui Deum diligit. Ipse quippe solus, tota et sola est utilitas humanæ naturæ. Scriptum vero est: Quoniam qui manet in charitate, id est qui Deum diligit, in Deo manet, et Deus in eo (I Joan. IV, 16). Talis est ergo utilitas humana ut eam, nisi qui habet, diligere nemo possit, et quæ a suo dilectore non possit omnino sejungi. Hoc ergo ipsum quod dicunt homines diligere se quidem utilitatem suam (quis est enim qui hoc non sit jurare etiam paratus?) sed eam non habere, hoc ipsum, inquam, testimonium est, eos aliud diligere, non ipsam suam utilitatem. Nihil enim aliud homini faciendum est ut utilitatem suam habeat, nisi diligere. Sed ipsi homines conantur assidue facere eam quasi non sit, sicut pagani Deum. Nam si solus Deus utilitas est hominum, quò carere non potest, nisi qui eum nequaquam diligit, non facienda utique est, cum sit æterna, sed tantum diligenda. Hoc solum prorsus est totius miseræ nostræ causæ, quod scilicet utilitatem aut non cognoscimus et non amamus, aut non quantum vel sicut cognoscenda et amanda est, cognoscimus et amamus.

CAPITULUM XIII.

De prudenti cautela qua utendum est ad suam utilitatem quibuslibet prosperis vel adversis.

Ecce contristatus et conturbatus, quereris de illo aut illo, quod contumeliosa et odio plena tibi dixerit verba. Doles ergo aut talia tibi, aut tali mente esse locutum. Bene omnino, si propter ejus utilitatem doles.

Non enim hoc ei expedit. Si autem propter te, prave. Nil enim tam sanctum ac bonum : tam sancte ac bene tibi dicere potuisset, quod esset utilius tibi quam hæc erunt, si bene eis utaris. Sive enim bona sive mala, bene vel male dicat tibi quis vel faciat, talia tibi erunt qualiter eis usus fueris. Sibi autem qui fecit aut dixit, talia erunt, quali ea voluntate fecit aut dixit. Sicut enim mentitur iniquitas sibi tantummodo, non tibi, si non consentias, et si redarguas, ita omnia mala facit sibi ac dicit, id est ad perniciem suam, si pie ac compatienter non consentias, sed redarguas. Et ergo qui malum tibi fecit aut dixit, condolere debes, non tibi, cui etiam aliena mala in bonum, si eis bene utaris, cedent, et in tam bonum quam bene eis uteris. Ergo et tantum in malum quam male uteris eis, sive mala sint, sive bona quæ facta vel dicta tibi sunt, *quoniam diligentibus Deum omnia cooperantur in bonum* (Rom. viii, 28), in tantum omnia, ut etiam aliena mala. Odientibus autem Deum, econtrario omnia cooperantur in malum ipsorum, et in tantum omnia, ut etiam bona. Totam igitur querelam in teipsum male utentem verte. Nam et si re vera mala sunt quæ facta aut dicta sunt tibi, tibi certe mala esse nullo modo poterunt, nisi eis male utaris; sic nec bona bona, nisi bene eis usus fueris.

Hoc semper intuendum quid fiat in animo tuo; nec quid sive boni sive mali alii faciant, sed quid tu de ipsis eorum factis facias, quomodo scilicet utaris bonis et malis eorum, quantumque ex eis proficias sive favendo et adjuvando, sive compatiendo et emendando. Tunc enim de omnibus factis hominum bene operaris, cum nullis eorum beneficiis illiceris ad favorem, nullisve malefactis detereris ab amore. Tunc enim gratias amas. Non enim est ullius meriti pacem habere, nisi cum iis qui eam nobiscum non habent.

Quidquid fiat tibi, dummodo animus tuus nec iræ, nec odii, nec tristitiæ, nec metus motum incurrat, neque horum causam, in futuro sæculo nihil nocebit.

Oppone duas pilas radio solis, unam de argilla, alteram de cera; quamvis sit unus idemque radius, non tamen idem in utraque operari potest, sed secundum præparationes earum, diversa in eis agit, hanc indurans, illam liquans, neque enim terream liquare, aut ceream durare potest. Ita et una metalli species, aurum scilicet, conspectum a pluribus, diversos in eis, secundum præparationem mentium

A eorum, excitat motus. Alius enim accenditur ad rapiendum, alius ad furandum, alius autem ad pauperibus erogandum. Qui stultus est, dicit beatum ejus possessorem; qui sapiens, luget ejus amatorem. Nec in bona mente malam, nec in mente mala bonam voluntatem excitare valet, sed omnino et hæc, et aliæ seu corporum seu rerum aliarum species sive causæ, mentes humanas, secundum præparationes earundem, movent. Et ideo tota causa malitiarum nostrarum nobis ipsis imputanda est, non ipsis rebus in quibus peccamus. Ergo nihil aliud nobis faciunt, nisi probare. Ostendunt enim quales in occulto eramus, non faciunt nos tales. Quam enim firmo et immobili amore sponsa sponso adhæreat, aliorum virorum probat intuitus. Si enim bene casta est, nullius alterius pulchritudine permovetur. Ita quoque tu, si firmissimo affectu adhæreres Deo, nullius creaturæ illicereris aspectu. Omnia namque hæc, tuam erga Deum, quanta sit, probant castitatem.

CAPITULUM XIV

De adversitatibus hujus sæculi, qualiter toleranda sunt, quia per eas cogimur utiliter ad Deum redire.

Vide quomodo te pungat Deus, quocumque extra eum extenderis per concupiscentiam in creaturis, tanquam nutrix pueri brachium extentum extra cunas ne pereat frigore.

Propitius tibi sit Deus, ne inveniat ubi requiescat pes mentis tuæ; ut saltem coæta, o anima, redeas ad arcam, sicut columba Noe.

Egestas ipsa, vel asperitas, temporalis tortoris vice cogit nos bona, atque his diversa desiderare. Sed quia nos tantum temporalibus assueti sumus, nihilque aliud novimus, non multum diversa ab his quæ patimur desideramus, et vel iras eorum, id est asperitates, temperamento, quasi quadam reconciliatione, ad momentum interrumpere, vel non multum diversa ab his, subire optamus.

O homo qui dolorem pateris, vis eum lenire? Volo. Temporaliter an æternaliter? Æternaliter. Æternum ergo linimentum, id est Deum, desidera; nam ideo te percussit, ut eum desideres, non herbas, non D ligaturas.

Una febris aufert omnia contra quæ pugnas, id est oblectamenta quinque sensuum. Quid restat ergo, nisi ut Deo gratias pro collata victoria referas? At tu contra quæris cui succumbas, odiens libertatem.

Quæ spes est, si laqueis inimici gratis incambis et jaculis, si hæc non solum non caves, sed insuper libenter amplecteris, teque illis detegis, ab illis ad illa confugis? Ea putas remedium, ea solatium, ea desideras, et abesse non pateris:

Prosperitas laqueus est, culter incidens hunc laqueum, adversitas; career amoris Dei, prosperitas; confringens hunc aries, adversitas

Dicit tibi adversitas: Niteris ut recedam. Quod

certe nullo modo prohiberes; si bene velis, poteris. A Non enim possum Domino modulante manere, quippe syllaba.

Si erga homines pessimos velut agnus esse debes, quidam Deum, cum ab eo corripere flagello aliquo?

Vide quomodo sis quasi in bello: Sitis torret, opponis potum; fames cruciat, opponis escas; frigori, vestem aut ignem; morbis, medicinam. Contra hæc omnia opus est patientia, et mundi contemptu, ne alio bello, quod hinc surgit, supereris, catervis videlicet vitiorum.

Quando quidem sola voluptate caperis, sola delectabilia sunt cavenda. Nusquam ergo secura est anima Christiana, nisi in adversis.

De his quæ diligis, tibi fecit Deus virgas. Prospera fugiendo, in adversa irruendo cruciaris. B Omnia flagella sunt, præter ipsum, qui flagellum destruit, quasi filius est qui virgam patris verberantis frangit.

Corpus a validioribus victum aut impellitur aut attrahitur, similiter voluntas. Tu vero non quod corpus vincendo moveat, sed mentem et voluntatem cura.

Væ non his qui perdidit temporalia, sed his qui perdidit sustentiam. Nulla enim passio superatur, nisi per ipsam. Non enim edendo contrahitur fami, sed servitur, sicut bibendo siti. Ad hoc enim tendunt ista ut scilicet ad fruendum exterioribus corporum formis inclinent animum. Quod quando fit, non superantur, sed regnant, C sinem suum, id est animi inclinationem et præparationem ad faciliorem et majorem inclinationem obtinentes.

Omnium dolorum et cruciatuum sola medicina est contemptus eorum quæ læsa sunt, et conversio mentis ad Deum.

Quot voluptates carnales et quam vehementes spernis, totidem et tam validos diaboli laqueos devitas. Quot tribulationes, præsertim pro veritate, fugis, totidem medicinalia remedia spernis.

CAPITULUM XV.

De vera patientia, qua tolerandi et amandi sunt peccatores et infirmi, pie sperando correctionem eorum.

Vide quomodo in spe diligere possis frumentum, in herba triticum gibbosum: sic eos dilige qui nondum boni sunt. Talis esto erga omnes, qualis erga te Veritas existit. Qualem te sustinuit et amavit ut meliorem faceret, tales sustine et ama, ut meliores facias.

Blasphemias medicum, desperando ægrotum. Tam facilis enim est ejus sanitas, quanta illius in medendo potestas et benignitas.

Vide ne, propter opus hominis, contemnas opus Dei. Opus enim hominis, homicidium est, adulterium est, et cætera similia; opus vero Dei, ipse homo. Qui diligit aliquid, sicut domum aut ali-

quid hujusmodi, materiam quoque unde illud fieri possit, amat, ligna scilicet aut lapides. Omnis ergo qui bonos diligit, malos, eo quod nunquam aliunde boni fiant, diligat necesse est. Cur enim non amas id unde potest angelus fieri, si illud amas unde scyphus fieri possit? Scriptum namque est de hominibus: *Erunt æquales angelis Dei* (Luc. xx, 36).

Quam pulchra ars vincere in bono malum; contraria enim a contrariis superantur.

Positus es quasi signum ad retundenda jacula inimici, id est ad destruendum malum, oppositione boni. Reddere autem malum pro malo non debes unquam, nisi forte medicinaliter, quod jam non est malum pro malo, imo bonum pro malo, reddere.

Qui mundum amant, artem qua id quod amant assequantur vel fruuntur, laboriose addiscunt; tu Deum vis assequi, et artem qua acquiritur, id est retribuere bonum pro malo, contemnis.

Aut hinc recede, aut propter quod hic positus es age, id est medere, patere

Hic stultus est, id est homo inimicus; ille callidus, diabolus scilicet qui per hunc te impugnat. Circa hunc blandus, ut eum liberes, esto; contra illum, cautus.

Turbaris, quia ego turbatus sum; turbatus turbatum reprehendis. O pudor! Loripedem rectus derideat, Æthiopem albus. Ego quidem corrigar, nec amplius hoc malum faciam. Tu autem quid facies de hoc vitio tuo, quo non solum mihi mederi non vales, sed nec ferre salutem potes?

Quare vis fratrem illum dimittere? Quia iracundia et omnibus vitiis plenus est? Sic ergo faciat tibi Deus. Ex ore tuo probasti quod non debeas eum dimittere. *Non est sanis opus medicus, sed male habentibus* (Matth. ix, 12). Si matrem interroges quare filium suum derelinquat, et responderit quia debilis est et ægrotus, interroga si idipsum velit ipsa fieri sibi a filio. Et cum dixerit: Non; adde: Mala ergo causa odisti. Sic est de medico.

Non sit exactor vindictæ qui petitor est veniæ.

Si te ipsum tam immundum toleras, cur non etiam quemlibet alium?

D Hierusalem eant alii, tu usque ad patientiam aut humilitatem, hoc est enim te ire extra mundum, illud intra.

Qualem erga te Deum et homines voluntatem habere vis, quantumcunque aut quomodocunque offendas; talem te aliis exhibe, quantumcunque aut quomodocunque delinquant.

CAPITULUM XVI.

De pia compassione et medicamine infirmorum, et quomodo mente incorrupta vivendum est inter eos.

Læsa mater a filio non requirit in vindictam læsuram ejus, eo quod hanc quoque suam deputet. Quare si quis eam ulcisci volens lædat

filiū, non putandus est ei fecisse vindictam, sed iterasse læsuram. Ita debet esse omnis Christianus ad omnes homines, misereri scilicet desiderantis certissimas causas doloris sui, id est peritura.

Tam facile est inter fratrem tuum et vitium ejus discernere quam inter bonum et malum. Denique viso homine, quis irascitur, quis indignatur? Viso vitio ejus, quis non offenditur, nisi quis valde sapiens et bonus, qui norit hoc potius eidem obesse quam cuiquam alii, ac per hoc eidem compatiendum esse?

Charitate, sapientia repletur frater, nec communicas; ira, odio, furoreque repletur, nec evadere potes quin communices. Insanus sanis indiget, ut eum vel servent, vel curent.

Quod solum tibi a Deo exhiberi desideras, id est benignitatem, hanc omnibus hominibus exhibe, sive flagello, sive lenitate. Quid insultas cæcis et infirmis? Tu, idipsum; aut si aliud, non per teipsum, nec a teipso.

Cogita, si omnes homines ita semper et insania agerentur, quid tibi agendum esset. Nunquid ideo turbari deberes? Cur ergo, cum unus aliquando turbatur, turbaris? Medicinam ei debes, nonurbationem. Quomodo enim insania insaniendo curari potest?

Cur tibi tui generis placent cruciatus? An quia justum est? Ergo et tui Deo placeant, quia justum est. Hæc autem sententia ignibus te tradit æternis.

Stultus medicus nolens opinionem suam minuire, quidquid non bene contingit, licet culpa sua sit, ipsis tamen imputat ægris. Ita facis tu subjectis tuis.

Qualem animum haberes ad omnes homines, si remotus esses ab eis cogitans eorum peccata atque miserias, omnino satem nunc talem habeto, cum videas oculis perire eos aut cæcitate, aut infirmitate: aut enim falluntur a diabolo per temporalia, aut superantur.

Horresce inscrutabilia judicia Dei super te. Quidquid enim es super alios, nescis quare ipsi non fuerint super te. Talis ergo esto ad illos quales vides illos esse debuisse ad te, si essent super te.

Non secundum profectum subjectorum, sed secundum desiderium tuum et conatum erit merces tua, sive illi proficiant, sive non.

Cum bene probaveris illum esse sceleratum, erit tibi necesse ut lugeas peccatum ejus, quia et Dominus luxit tuum. Cur enim rimaris languidi morbum, si cognito morbo non solum non condoles nec mederis, sed etiam insultas.

Dum vides vel audis mala aliena, respice animum tuum, ut probes quantum ei veræ dilectionis erga homines insit.

Non gaudendum tibi est, si cæteris te meliorem esse contingat, sed dolendum potius eos de

bonitate minus habere, computandumque id tibi deesse.

Indue enim prius quem judicare vis aut corripere, ut, sicut tibi expedire senseris, si ita sis, sic ei facito. In qua enim mensura mensus fueris, in eadem remetietur tibi, et in quo iudicio judicaveris, in eodem iudicaberis (*Matth. vii, 2*), nam et Christus prius induit hominem, quam iudicaret.

Non tibi conandum est ut domini tui, quorum servitio ab eorum Patre, id est Domino Deo tuo deputatus es, quod tu vis, sed quod eis prosit agant. Te enim ad eorum utilitatem, non eos ad tuam voluntatem inclinare debes, quia non ut præsis, sed ut prosis eis, tibi commissi sunt, sicut et æger medico, non ut ei dominetur, sed potius medeatur, committitur. Nec contra ægrum, sed pro ægro, id est contra ægritudinem ejus, est medicus, totamque et sufficientem vindictam pro omnibus quæ ab eo patietur, salutem ejus habet; neque enim aliquid ei imputat, sed ipsi morbo, et ideo plena est ei ultio, morbi ipsius extinctio.

Duobus medicis commissi fuerunt quatuor homines; sanus unus cum ægro uno, uni, et sanus alius cum ægro alio, alii; promissaque est merces pro cura sive conservandæ sive recuperandæ sanitatis. Itaque alter eorum fecit, susceptis quidquid pro conservanda vel restituenda salute fieri debuit, et tamen mortui sunt. Alter nihil eorum quæ fieri debuerunt fecit, et tamen qui sanus erat ita mansit, et æger convaluit. Quis horum mercede dignus est, cujus suscepti ambo mortui sunt, an cujus vivunt et valent? Ille sine dubio, qui quod debuit fieri, pia voluntate fecit, laude et mercede non minus dignus est quam si illi viverent et valerent. Ille vero qui noluit facere quod debuit, poena non minus dignus est quam si illi mortui essent.

Duo ergo perficiunt medicum: voluntas bona, et perfecta scientia. Nam ut omnes quibus curam impendit sanet, hoc non est ejus. Non enim scire quisquam potest qui desperabiliter, vel qui cum spe salutis ægrotet. Et ideo omnibus adhibenda est cura, et cum omni benignitate, tota in singulis ars exequenda. Sic enim apud Patrem omnium non minus gratiæ et præmii pro defunctis quam pro sanis mererimur.

Para te ad cohabitandum malis mente incorrupta, quod est angelicum. Quæ autem gloria est, hoc facere cum sanctis?

Angelorum virtus est, vivere cum vitiosis, nec eorum corrumpi vitiis. Summorum medicorum est degere cum ægris, et insanis, et non solum minime corrumpi, sed salutem eis restituere.

CAPITULUM XVII.

De virtute et effectu amoris Dei et proximi, et quemadmodum charitas optanda est et impendenda.

Qui fruitor aliqua forma corporis, quod sibi bene

videtur ex ea non sibi, sed eidem formæ imputat, A et propter hoc eam mente laudat et amat. Sed nec se bonum, sed illam ducit; se autem bonum, ex ea. Nec in seipso remanet, sed in illam tendit et transit: tanto utique nisu mentis et motu voluntatis, quanto magis eam fruendo miratur et diligit. Et ideo si quis eandem formam aut læserit aut abstulerit, non ei, sed sibi injuriam factam putat. Et quia paradus et beatitudo ei erat, eidem inhærere infernus ac miseria ei est, ab ea separari. Ita esto tu ad Deum.

Si imago stercoris ex auro fiat, melior est utique substantialiter quam imaginaliter. Substantialiter namque aurum, imaginaliter vero stercus erit. Si autem angeli imago auro imprimatur, imaginaliter erit melior quam substantialiter. Imaginaliter enim substantia viva spiritualis ac rationalis, substantia B autem corpus insensatum, et sine vita. Itaque cum mens tua corporibus mortuis ac perituris cum amore afficitur, melior est utique substantialiter quam imaginaliter. Substantialiter enim vita est rationalis ad Dei imaginem facta; imaginaliter vero talis est, qualia sunt ea quibus intendit ac fruitur. Cum ergo a seipsa effusa per corporis sensus, in ea intendit, a meliore perfecto, id est a substantia viva ac rationali, quod est ipsa, in deteriora tendit; quantoque id vehementius agit, tanto deterior efficitur. Cum autem super seipsam effusa, veritate, id est Deo afficitur, melior sane et pretiosior est formaliter quam substantialiter. Substantialiter enim anima: formaliter autem (si dici fas est) Deus est. C *Ego enim dixi: Dii estis, et filii Excelsi omnes (Psal. LXXXI, 6).* Cum itaque a seipsa in ipsum tendit, a deteriore in id quo nihil melius esse potest, tendit; quantoque id efficacius aget, tanto melior efficitur.

Cum volitur bonum quod indiget aliquo bono, non miseria excluditur, sed indigentia cumulatur et augetur. Ergo velis bonum quod non indiget alio bono. Omnia autem bonitate bona sunt. Igitur omnia egent bonitate ut bona sint. Bonitas autem nullius eget; per se enim est bona. Hanc itaque ama, et beatus eris.

Vide quale est bonum cujus ultima vestigiorum vestigia, id est temporalia, tot et tantis laborum errorumque discriminibus a tot rationabilibus et irrationabilibus appetuntur.

Nil gaudendum est tibi in te omnino, vel in alio, nisi in Deo.

Omnia vitia et peccata quia propter creaturam sunt, id est ultimum bonum, bonitati Creatoris ad-versantur, id est summo bono.

Si tantum appetitur ventus generis nostri, id est opinio vel laus, quantum appetenda est salus generis nostri, id est Creator! Si tam dulce est dici bonum, ut etiam qui hoc esse nolunt, mali, hinc gaudeant, quanto est dulcius esse! Et si tam amarum et foedum est dici malum, ut etiam qui lætantur, cum male fecerint, et exsultant in rebus pessimis (*Prov. II, 11*), hoc nequeant tolerare, quanto est deterius esse!

Appetit aliquid creatum homo, vel inhæret ei sensu corporis et sui obliviscitur, quando tu ita ad Creatorem?

Beatitudinem tibi præcipit Dominus, id est perfectum amorem sui, unde venit non formidare nec turbari, id est pax et securitas.

Declinare a malo sola veritas novit, et solus ejus amor potest. Ergo non localiter declinatur a malo. Amato quod amando carere nequeas, id est Deum.

Si adhærere Deo, totum et solum bonum est tibi, ita separari ab eo, totum et solum malum est tibi, et nihil aliud. Hoc tibi gehenna, hoc tibi infernus.

Ablactare amodo ab istis corporum formis, pudeat te non posse esse sine istis. Et quia ista, velis nolis, quandoque es amissurus, fac modo volens, cum magna mercede aut gratia, quod etiam non sine magno supplicio quandoque facturus es. Nunquid enim, et si nullus auferat, non es hanc vitam, et omnia quæ ad illam pertinent contempturus? Ecce habeto omnia; nunquid non es his omnibus quandoque cariturus? Fac ergo modo quod facturus es quando omnia amiseris, id est, disce esse sine istis, disce vivere et gaudere de Domino

De dilectione proximi gratuita.

Qui omnes diligit, salvabitur sine dubio; qui vero ab hominibus diligitur, non ideo salvus erit. Sicut odium tui omnibus est impedimentum ad vitam, ita omnium tibi. Expedi ergo tibi omnes diligere; illis quoque prodest diligere te.

Optanda est dilectio gratis, id propter suam dulcedinem propriam, tanquam nectar suavissimum; etiam si omnes insaniant, non vendenda ulla mercede. Nobis enim utilis est, nosque beat quidquid alii faciant.

Si amas quia amaris, vel ut ameris, non tam amas quam redamas, amorem pro amore rependens; cambitor es, recepisti mercedem tuam

Ad eum qui injuriam tibi fecit, affabilem magis et privatum te exhibe; ad eum cui tu fecisti, supplicem et erubescens.

Sicut quidquid boni ab hominibus fit tibi, Dei munera æstimas, et ei totam gratiam referendam credis; ita quidquid tu boni hominibus exhibes, ejus D beneficia, non tua deputa.

Cum amas aliquem ut amicum, optas autem ei divitias tanquam bonum, excellentius eas amas quam ipsum. Eum enim ut egentem, has autem ut sufficientiam amas, paratior nimirum isto carere quam illis.

Qui in iniquitate sua occidit iniquum, eo quod odio habet iniquitatem, et vult eam delere, fallitur. Mortuo enim iniquo in sua iniquitate, æterna est iniquitas. Qui ergo odit iniquitatem, det operam ut corrigatur iniquus, et sic peribit iniquitas ejus.

Deus charitas est (I Joan IV, 8). Qui ergo charitatem exhibet alicui, nisi propter ipsam, Deum vendit, beatitudinem suam vendit: non enim bene illi est, nisi amando.

Si charitas, et ejus signa, id est alacritas, etc., ita A
filii placeant in alio, cur non in animo tuo multo
dulcior est?

Qui dat alicui aliquid, vel quia dedit, vel quia da-
turus est aliquid, non habet a Deo gratiam; sic tu
de pace et dilectione.

Si amas tantum, si ipso amore cogeris, objurga,
verbera; si aliter facis, teipsum condemnas. Omnia
eo animo quo tibi a Deo vis fieri, facito aliis.

*Charitas Dei diffusa est in cordibus nostris per
Spiritus sanctum, qui datus est nobis (Rom. v, 5).*
Tu autem nec Deum, nec proximum, nisi propter
temporalia beneficia diligis. Per temporalia ergo
diffunditur in te, non per Spiritum sanctum, non
est charitas quæ ita diffunditur, sed cupiditas.

Ecce nullum aliud est officium tuum quam erat
antequam prior fieres. Votis enim ac precibus et
affectibus agebas quod nunc factis agere incepisti,
id est prodesse hominibus. Non autem debent opera
affectus ipsos minuere, sed incitatione augere.

In quacunque re castitatem erga Deum, in eadem
poteris etiam erga proximum tuum justitiam custo-
dire, quod fit non concupiscendo.

Difficile credunt homines ex charitate fieri quod
sibi molestum est.

CAPITULUM XVIII.

*De perfecta angelorum justitia, et quæ sit differentia
inter justitiam illorum et nostram.*

Cum qualibet re perfecte quis fruatur sui oblitus,
se quasi derelicto et contempto tendit in illam, nec
attendit quid in se, sed quid in illa agatur, nec qualis
ipse, sed qualis ipsa sit. Ergo angeli magis se
contemnunt quam nos. In Deum quippe toto nisu
tendentes, seipsum cum cæteris creaturis post se
tota intentione derelinquunt; nec saltem respicere
se se dignantur, ita se viles ducunt. Tota se utique
mente contemnent, suique oblitus, toti ad illum
vadunt, nec quid aut quales ipsi, sed ipse sit, atten-
dunt. Et quanto se amplius contemnunt, sequæ a
seipsis avertunt, suique obliviscuntur, tanto simili-
iores ei, et ideo meliores fiunt.

Angelos ducit Christus in amplexum sponsi sui;
nos avellit ab adultero, id est a mundo. Illos fortes
et constantes efficit ad fruendum sponso, nos ad
carendum adultero, id est mundo. Illos tenet in
specie seu re, nos in fide et spe. Illis perfectum dat
gaudium in vera beatitudine, nobis tolerantiam in tri-
bulatione. Illis, beatam vitam, nobis autem, ut mul-
tum, pretiosam mortem. Illis, vivere sibi, id est,
Deo; nobis, mori mundo. Illis, gaudere de suis
bonis; nobis, dolere de nostris malis. Illis, læta
corda; nobis, contrita. Illis, justitiam; nobis, pœni-
tentiam. Illis, finem; nobis, initium boni. Confiden-
ter juro angelos nullum a Deo percepisse munus
majus aut dignius, pretiosus sive utilius, et, ideo
optabilius, nec pulchrius, charitate. Quis hoc intel-
ligat aut credat? *Deus enim charitas est.* Et ideo
qui majus aliquid aut melius charitate habet, ali-
quid majus aut melius Deo habet.

CAPITULUM XIX.

*De vera et interiori anima: pulchritudine, et in quo
consistat omnis hominis vera perfectio.*

Nullam rem cernis, quæ non in suo genere natu-
ralem quandam pulchritudinem habeat atque per-
fectionem. Quæ cum deest aliquo imminuta modo,
jure tibi displicet, ut, verbi gratia, si hominem naso
truncatum contingit videre, statim improbas. Sentis
enim quid ei desit ad perfectionem naturalem hu-
manæ naturæ; ita est in omnibus rebus usque ad
folium arcticæ vel cujuslibet herbe. Quis vero negat
humanam mentem naturalem quandam ac pro-
prium habere pulchritudinem atque perfectionem?
Quæ utique, in quantum adest ei, merito approba-
tur; in quantum deest, justo vituperatur. Hujus
itaque pulchritudinis atque perfectionis quantum
tuæ menti desit, adjuvante Deo, considera, atque
hoc improbare non cesses. Quæ est ergo naturalis
animæ pulchritudo? Devotam esse erga Deum.

Et quantum? *Ex toto corde, et ex tota anima, et
ex omnibus viribus (Luc. x, 27).* Adhuc pertinet ad
eamdem pulchritudinem, benignam esse erga pro-
ximum. Quantum? Usque ad mortem. Quod si hoc
non fueris, cujus erit damnum? Dei quidem vul-
lum; proximi fortasse aliquod; tuum autem sine
dubio summum. Naturali enim pulchritudine ac per-
fectione privari, nulli rei non potest esse damno-
sum. Nam si rosa desistat rubere, vel liliuum bene
olere, damnum mihi quidem nonnullum esse vide-
bitur voluptates hujuscemodi diligenti; sed eis, id
est, rosæ vel lilio, multo majus multoque infestius
naturali ac propria pulchritudine viduatæ.

Rationalis creaturæ vera perfectio est, unamquam-
que rem tanti habere, quanti habenda est. Nam
pluris vel minoris eam habere, errare est. Porro
omnis res naturaliter aut supra ipsam, aut juxta
ipsam, aut infra est. Supra, Deus; juxta, proximus;
infra, cætera. Deum itaque tanti debet habere quanti
habendus est. Tanti vero habendus est, quantus est.
Tanti autem quantus est, habere eum nemo poterit,
nisi quantus est noverit. Sed quantus sit, non nisi
a seipso nosci poterit perfecte. Quantum enim no-
stram ejus essentia, tantum nostram ejus de seipso
vincit notitia. Unde sicut essentia ejus nostra col-
lata, nihil est; ita notitia ejus de se, si nostra com-
paretur, cæcitas et ignorantia est. Sola igitur ejus
de se perfecta, ac sibi æqualis notitia est. Unde Do-
minus: *Nemo novit Patrem nisi Filius (Matth. xi,
27).* Sicut ergo sola ejus de se sibi perfecta cogni-
tio; ita sola ejus de se æqualis et par est ex toto di-
lectio. Solus quippe, se quia perfecte quantus est
novit, perfecte quantus est diligit.

Redi nunc ad illam definitionem quam in princi-
pio posui. Subtilius enim inspecta, non rationali
creaturæ, sed tantum Deo convenire convincitur.
Nam ut cætera taceantur, seipsum, sicut ostensum
est, non nisi ipsemet tantum ex toto quantus est et
novit, et diligit. Quæ ergo creaturæ rationalis per-

fectio est? Ea scilicet ut omnia et superiora, id est Deum, et æqualia, id est proximum, et inferiora, id est spiritus brutos, etc., tanti habeat, quanti a se, id est a creatura rationali habenda sunt. Quanti autem habenda sint, sic collige. Deo nihil præfertur, nihil æquatur, nihil pro media, nihil pro tertia, vel pro quantacunque usque in infinitum parte comparatur. Nihil ergo pluris, nihil tanti, nihil pro media, vel pro quantacunque in infinitum parte habeat. Nihil plus, nihil tantum, nihil pro aliqua parte ad comparationem illius diligat. Hinc ipse Dominus: *Diliges Dominum Deum tuum ex tota corde tuo, et ex tota anima tua et ex omnibus viribus tuis, et ex omni mente tua* (Luc. x, 27), hoc est, nihil aliud ad fruendum, ad innitendum diligas. Habes de superioribus. Æquales autem naturaliter, id est quantum ad naturam attingit, sunt omnes homines. Omnes itaque tanti habere debet, quanti se. Ergo sicut de superioribus, id est de Deo in dilectione nec præferre, nec æquare, nec ulla debet ex parte comparare, ita nec saluti cujuslibet hominis, et quidquid pro sempiterna sua salute facere vel pati debet, id ipsum totum facere vel pati debet pro sempiterna salute cujuslibet hominis. Hinc enim ait Dominus: *Diliges proximum sicut teipsum*. Habes de mediis. Inferiora vero sunt quæcunque post spiritum rationalem sunt, id est sensualis vita, communis cum pecoribus, et quæ vegetat corpus, communis cum herbis et arboribus, et substantia corporis cum formis et qualitatibus, cum metallis communis et lapidibus. Sicut itaque nihil plus quam superiora, nihil tantum in comparatione eorum debet diligere, ita nihil minoris quam inferiora, nihil tam parvi, nihil in comparatione eorum, pro quantacunque usque in infinitum parte, vile debet habere. Et hoc est quod scriptum est: *Nolite diligere mundum, nec ea quæ in mundo sunt* (I Joan. ii, 15). Habes de inferioribus. Habebit itaque talis superiora gaudium, æqualia ad consortium, inferiora ad servitium. Devotus erit ad Deum, benignus ad proximum, sobrius ad mundum, Dei servus, hominis socius, mundi dominus; sub Deo constitutus, erga proximum non elatus, mundo non subditus; redigens inferiora ad utilitatem mediorum, media ad honorem superiorum; nec impius, nec blasphemus, nec sacrilegus ad superiora; nec elatus, nec invidus, nec iracundus, ad æqualia; nec furiosus, nec flagitiosus, ad inferiora; nihil ab inferioribus, nihil ab æqualibus, sed totum a superioribus suscipiens; a superioribus impressus, inferiora imprimens; a superioribus motus, inferiora movens; a superioribus affectus, inferiora afficiens; superiora sequens, inferiora trahens: ab illis possessus, ista possidens; ab illis in eorum similitudinem redactus, ista in sui similitudinem redigens. Ad hanc perfectionem in hac vita tendimus, quam tamen non nisi in futura perfecte obtinebimus. Hanc tanto tunc plenius obtinebimus, quanto nunc ferventius affectamus. Nullus tunc erit motus in mente, nisi a Deo; nullus in corpore, nisi

ab anima, atque ita nec in anima, nec in corpore nullus nisi a Deo. Nec erit peccatum, id est perversitas voluntatis, nec pœna peccati, corruptio videlicet et dolores et interitus carnis. Nuda mens, nuda adhærebit veritati, nullis verbis, nullis sacramentis, nullis similitudinibus, ut ad eam perveniat, indigens, aut exemplis. Ibi enim non docebit vir fratrem suum, dicens: *Cognosce Dominum. Omnes enim a minore usque ad maximum scient me, dicit Dominus* (Jer. xxxi, 34); nam omnes erunt docibiles Dei (Joan. vi, 45).

CAPITULUM XX.

De incarnatione Verbi, et quemadmodum in seipso nobis perfectionem prædictam plenissime demonstravit.

Has virtutes seu justitiæ lineas etiam nunc in hac mortali vita, si valde munda esset anima, per semetipsam in ipsa veritate atque sapientia Dei videret. Videret etiam non solum se, id est animam humanam immortalem atque æternam fore, sed etiam carnem suam talem in resurrectione futuram. Nam et eandem resurrectionem ibidem, id est in Dei Verbo et Sapientia, clare conspiceret, sed quia hæc non poterat propter immunditiam suam, adita est Verbo mens humana, quæ ipsum Dei Verbum plenissime suscipiens, eique omnino conformis atque consimilis, coque solo tota et ex toto impressa. Sicut scriptum est: *Pone me sicut signaculum super cor tuum* (Cant. viii, 6). In ejus itaque similitudinem tota redacta, sicut ad sigilli similitudinem cera redigitur, ipsum nobis in seipsa videndum sciendumque exhiberet. Sed nos ita cæci eramus ut non solum Dei Verbum, sed nec humanam animam videre possemus, idcirco additum est etiam corpus humanum. Pone enim hæc tria, Dei Verbum, humanam mentem, corpus humanum. Si primum, bene videre possemus, non indigeremus secundo. Quod si saltem secundum videremus, non indigeremus tertio. Sed quia nec primum, nec secundum, id est nec Dei Verbum, nec humanam mentem videre poteramus, additum est tertium, id est corpus humanum. Atque ita Verbum caro factum est, et habitavit nobiscum (Joan. i, 14) in exterioribus nostris, ut vel sic nos introduceret aliquando ad interiora sua. Anima itaque rationalis, habens carnem, addita est Verbo, quæ per ipsam carnem quidquid nobis docendis et corrigendis necessarium erat, doceret, faceret, pateretur. In illa sola perfectissime fuerunt, quæ supra tractavimus, id est devotio ad Deum, benignitas ad proximum, sobrietas ad mundum. Nihil enim Deo prætulit, nihil æquavit, nihil pro parte aliqua comparavit, nihil pro quantacunque parte ad comparationem illius. Unde ait: *Voluntatem ejus, id est Patris, facio semper* (Joan. viii, 29). Proximum vero perfectissime dilexit sicut seipsum. Nulli enim ex iis quæ infra se, id est infra rationalem mentem erant, pepercit, sed omnia ad utilitatem proximi convertit, et vitam, sed sensualem, et eam quæ carnem vegetat, et ipsam carnem. Nam et dolores pro

nobis sustinuit acriores, et mortem contra vitam A ipsum Dei Verbum et Sapientia tripliciter, id est vegetabilem, et vulnera contra ipsam carnem. Ad mundum autem tantam sobrietatem, tantumque habuit contemptum, ut non habuerit Filius hominis ubi saltem caput reclinaret suum. Nil ab inferioribus, nihil a mediis, sed totum a superioribus, id est Dei Verbo, cui ad unitatem personæ conjuncta est, suscepit. Non sacramentis, non verbis, non exemplis, sed Dei tantummodo Verbi præsentia est docta ut intelligeret, et accensa ut amaret. Per eam nobis

ipsam Dei Verbum et Sapientia tripliciter, id est sacramentis, verbis et exemplis, quid agendum, quid tolerandum, et per quid esset ostendit. Non enim sequi homo debebat nisi Deum, nec poterat, nisi hominem. Assumptus est igitur homo ut, dum sequitur quem potest, sequatur et quem debet. Item non poterat conformari nisi Deo, ad cuius imaginem factus est; nec poterat nisi homini. Itaque Deus factus est homo, ut, dum conformatur homini cui potest, conformetur et Deo, cui prodest.

GUIGONIS

CARTHUSIÆ MAJORIS PRIORIS QUINTI

CONSUETUDINES.

(*Annales ordinis Carthusiensis, curante D. Innocentio LEMASSON, Correria 1687, fol. t. I, p. 30.*)

MONITUM.

AD FRATRES CARTHUSIENSES.

Antequam ad elucidationem et explicationem Consuetudinum R. Patris Guigonis deveniamus, debemus et nos ad imitationem tanti viri pauca vobis proloqui, ut perfectius possitis intelligere tam mentem auctoris, tum suscepti a nobis operis propositum, dum istas Consuetudines, quæ nunc vulgo statuta vocantur, hic referre et de novo imprimi curamus.

Qui facit veritatem venit ad lucem, ut manifestentur opera ejus (Joan. III). Hac ergo Christi voce edocti et invitati thesaurum nostrum, id est prima instituti nostri rudimenta et documenta veluti de tenebris erimus, ne illum abscondere velle ultra videamur, his præsertim de causis:

Primo, ut sit vobis veluti lucerna accensa et posita super candelabrum, cujus beneficio possitis instrui, dirigi, et accendi. Instrui de primorum ordinis Patrum religiosa conversatione; dirigi in vestra vocationis adimplenda modo et fidelitate; accendi in illorum imitationis et charitatis non fictæ æmulatione.

Secundo, ut ex veritatis coram vobis expositæ lumine, quo videbitis qualiter ordo in vigore et spiritu sui instituti, ex singulari Dei protectione conservatus fuerit, consolationem accipiat: et dissipatis nebulis inquietudinum, quas in quorundam pusillorum animos quædam opinio ingesserat decidii ordinis Carthusiensis, novum fervorem concipiat honorandi institutum nostrum tam singulari Dei protectione honoratum, et huc usque conservatum, atque digne Deo ambulandi in hac sancta vocatione, qua vocati

estis, nec unquam ab avita Carthusiensi observantia degenerandi. Censorum notas præviderat reverendus Pater Guigo, et forte jam suis temporibus expertus erat, a quo ideo teneras bonorum Carthusianorum conscientias, ne inde in scrupulos deciderent, aut in animi perplexitates, contra illorum argutias prævenire voluit, ut ex variis locis vobis apparebit, et maxime ex cap. 20, et ex cap. 57, n. 4, et aliis locis.

Tertio, ut tandem fervorem a pluribus conceptum et varie exhibitum circa antiqua ordinis statuta compescamus, quorum aliqui ex devotione, quam habent erga ordinem, quædam exemplaria e cellulis nostris sublata, magno pretio a mercatoribus emerunt, illius veluti elementa et ipsi nosse cupientes, alii vero ex ipsis antiquis statutis contra præsentem statum ordinis sinistras opiniones sibi formaverunt.

Quod ergo quodammodo latebat, publicum reddimus, ne ultra quorundam animos subeat temeraria suspicio, qua veluti degeneres filii habeamur, qui Patrum præclara gesta abscondere conantur, ne inde illorum appareat decidium. Sic enim his extremis temporibus (quod dolentes et lugentes referimus), sic, amici et fratres in Christo charissimi, charitas refringit; imo anrum illud optimum charitatis, quo caput cælestis Sponsi constare asserit sponsa Cantici (*Cant. v*), obscuratum est, et color ejus optimas mutatus, ut non tantum querere iniquitatem in domo justis, et vastare requiem ejus, contra S. Spi-

ritus emulam (*Prov. xxiv*), quidam licitum esse a
 zstiment; sed etiam ea quæ in aliqua parte dubia
 esse videntur, non in meliorem partem interpretari
 sed in pejorem, novo jure introducto, quod certe nec
 Dei nec Ecclesiæ est, jam liberum sibi esse credant;
 imo ea quæ vere et absque ulla dubietate bona sunt,
 sinistra interpretatione absque ullo scrupulo, veluti
 conspurcare posse putent, ut fœlere incipiant; et
 sic, quod prius boni odoris erat et œdificationis,
 nauseam excitare incipiat.

Legantur Evangelia, libri apostolici attente revol-
 vantur; ibi legitur: *Charitas non æmulatur, non
 agit perperam, non cogitat malum (II Cor. xiii)*, et
 alia plura similia. Sed nihil reperimus unde licitum
 esse probetur, famam proximi ledere, et ut
 longe lateque ejus defectus sive veri sive falsi spar-
 gantur, quasi super lecta ascendere. Si sic agere
 cum singulari persona illicitum esse Scripturæ san-
 ctæ decernant, quid de communitate, quid de ordine
 integro, cujus fama integra est, censendum est?

Christi et sacrarum Scripturarum sensum seque-
 batur D. Thomas, dum paradigmate hominis qui
 trigiata facies haberet, quique in pulchriori ab in-
 tuentibus procul dubio aspiceretur, utabatur, ut sen-
 sum suum super hac re exprimeret, quem sensum
 amplecti et in omnibus sequi debemus. Non enim ad
 succensendum his qui de nobis minus bene sentiunt,
 hæc pauca de immutato charitatis colore diximus,
 sed ut meliora charismata semper æmulemur, et
 caveamus a prava interpretatione verborum illorum
 Apostoli dicentis: *Spiritualis judicat omnia, et ipse
 a nemine judicatur (I Cor. ii)*, quibus nonnunquam
 spirituales viri, proprio sensu decepti et obcæcati,
 incidunt et ipsi in laqueum diaboli.

Tentationes spirituales non minus cavendæ sunt
 quam carnales, imo longe cautius et subtilius, ma-
 xime a solitariæ vitæ professoribus, quia a carnali-
 bus objectis et desiderii abstracti evanescentes
 facile in cogitationibus suis et in judicis temeraria
 inciderent, nisi a dæmone meridiano propriæ opi-
 nionis, et proprii judicii laqueos ipsis ponente, sol-
 licite sibi caverent. Ipse enim Satanas transfigurans
 se in angelum lucis minus cautos et in hac parte sibi
 ipsis fidentes decipit, ac in errorem semel dejectos,
 proprio sensu deinde obcæcatos, strictius ligat et a
 correctione tandem fere totaliter alienos efficit.

Hi sunt miseri gradus descensionis, quos sibi fa-
 bricant Spirituales a proprio judicio non sibi satis
 caute caventes, a quibus longe distabimus, si
 semper ob oculos habeamus illa Christi Salvatoris
 nostri verba: *Nolite judicare, et non judicabimini
 (Luc. vi)*; et illa D. Pauli: *Quis es tu qui judicas
 servum alienum? Domino suo stat aut cadit (Rom.
 xiv)*. Itemque: *Nolite ante tempus judicare, quoadus-
 que veniat Dominus, qui illuminabit abscondita tene-
 brarum, et manifestabit consilia cordium: et tunc laus
 erit unicuique a Deo (I Cor. iv)*.

Nunc ergo quiescent, ut speramus, qui tanta avi-
 ditate statuta ordinis nostri, aut legere, aut carpere

voluerunt, dum viderint a nobis ipsis omnia ingenue
 et sincere proferri, in nihilo nobis ipsis parcendo, nihil
 occultando, sed potius nos ipsos (quantum veritas, justitia
 et charitas permittunt) data occasione objurgando.

Absit a nobis ut sanctitatem illam, quæ merito
 primis Patribus nostris tribuitur, nobis velimus
 usurpare; sed id tantum nobis concedi petimus, quod
 a nemine, qui justitiæ osor non sit, potest negari,
 nempe ut corpori ordinis et animæ, ut ita dicam,
 instituti nostri non imputetur, quod singularium
 personarum culpis tantum debetur, a quibus ordinem
 nec ipso reverendi Patris Guignonis tempore exem-
 ptum fuisse constabit ex cap. 77 istarum Consuetu-
 dinum. Clament quantum velint, Tolle, tolle, contra
 statutorum ordinis transgressores et ab ejus spiritu
 aberrantes, non abnuemus; sed et succlamabimus:
 Puniantur, puniantur. sic enim non cum modica
 nostra et honorum omnium consolatione, factum
 fuisse in ordine a die suæ institutionis usque ad hæc
 nostra tempora apparebit, per chartas et ordinatio-
 nes capitulorum generalium, quas antiquis statutis
 ex professo data occasione atteximus, ut hæc scri-
 pta et propalata existant in generatione altera, et
 populus qui cresbitur laudet Dominum, qui talentum
 selum, unanimiorem, propositi tenacitatem dedit
 miseris homuncionibus, natione, educatione, genio
 naturali tam diversis, etiam tempore illo, quo Eccle-
 sia Dei per defendendum schisma in plures partes di-
 visa, ordinem nostrum in tot partes etiam scissum
 post se traxerat, sub finem quarti decimi sæculi et
 initium decimi quinti, donec concilium Pisanum ce-
 lebraretur, ut suo loco dicetur. Id velut grande mira-
 culum a Domino factum oculis mentis apparet, quod
 dum intueor obstupesco et succlamo: *Digitus Dei est
 iste; non enim similes fructus profert terra cordis
 humani spinas et tribulos ex se tantum germinans.*
 Porro de rei veritate judicant qui opus istud in
 sensu pietatis et spiritu charitatis lecturi sunt.

De quibusdam adhuc monitis vos esse volo, ante-
 quam ad interpretationem Consuetudinum istarum
 R. Patris nostri Guignonis deveniamus, quibus moni-
 tis ad faciliorem intelligentiam sensus et verborum
 piissimi scriptoris perveniamus.

Primo ergo notandum est illum succincte admo-
 dum scribere, tum ut exhibeat se in scribendo etiam
 leges silentii servare velle, dum superflua verba re-
 secare studet, et ea tantum proferre quæ necessaria
 videntur, tum quia Carthusiani propositi observato-
 ribus scribit, qui ideo uno vel, ut ita dicam, dimi-
 diato verbo quicquid sibi volebat reverendus Pater
 Guigo intelligebant, nec indigebant ut omnia veluti
 minutatim exprimeret. Consuetudines ergo tantum
 veluti substantiales, majoris et primariæ Carthusiæ
 sociis et fratribus communicat, id a se postulanti-
 bus, ut uniformitas illa, quæ ab initio et deinceps in or-
 dine fuit in tanto pretio habita et continuo studio
 servata, introduceretur:

Secundo, plura quæ in antiquis statutis continen-
 tur nec in Consuetudinibus R. P. Guignonis expri-

muntur, non ideo novitatis debere argui, quia R. ille Pater nullam de illis mentionem facit, sed ad rationem condendorum statutorum pertinere; crescente enim numero domorum et personarum ordinis, cum statuta essent condenda quæ simplices consuetudines in quasdam veluti fixas regulas verterent, et quæ actus multorum hominum in variis agendis in unam consonantiam et praxim uniformitatem adducerent, ut in eandem veluti regulam colharerent, necesse prorsus erat ut enucleatior fieret expressio singulorum agendorum, et modi quo singula erant agenda, ne in hac multitudine ex singularum personarum abundantiori multiplicatione composita, facillior pateret aditus singularibus personis, ad quædam secundum propriam sensum interpretandi et detorquenda, unde uniformitatem in praxi sensu depravandam fore, nemo non videt.

Tertio, sanctum illum virum, qui erat in utrisque litteris divinis et humanis apprime eruditus, styli elegantiam, quam ad manum habebat, nonnumquam deseruisse, ut in scribendis Consuetudinibus ordinis simplicitatem sectaretur, et inde nos instrueret quantum a loquendi aut scribendi modis, qui fastum aliquem redolent, abstinere debeamus. Scintille autem cœlestis eloquentiæ simul et humanæ, quibus pollebat quasi æris candentis, ex illius nihilominus calamo non raro proruperunt, ut videre est in illo mirabili capitulo *De vitæ solitaria commendatione*, ex quo discimus quantum versatus esset in colligendis ex sanctarum Scripturarum campo floribus, ex quibus prudenter collectis et venuste contextis sertis componere noverat cœlestem odorem exhalantia. Unde etiam instrumur in nullo nos lædere simplicitatem Carthusianam, si sacrorum istorum librorum eloquentiam addiscamus, ut qui jam per consolationem Scripturarum spem habemus, in loquendo etiam eloquia illa Domini casta eructare æmulemur, et sic optatum B. Petri apostoli in nobis compleatur dicentis: *Si quis loquitur, quasi sermones Dei (1 Petr. iv).*

Quarto, plura reperiri in ipsis Consuetudinibus quæ a solis Carthusiani propositi observatoribus possunt bene intelligi, cum verbis satis barbaris nonnumquam sint expressa, et, ut supra diximus, non

A sunt sufficienter explicata, ut possit illorum gentium sensus capi ab his qui ritus Carthusianos per praxim non norunt, etiam si alias docti et cordati viri. Inde oritur ratio indulgendi his qui vellent secundum suum sensum istas Consuetudines in quibusdam locis intelligere et applicare, quibus ideo illud apostolicum posset in hoc, salva illorum reverentia, applicari, *non intelligentes, neque de quibus loquuntur, neque de quibus affirmant (1 Tim. i).*

Porro circa tempus quo R. P. Guigo has Consuetudines scripsit, nihil potest certissime assignari; sed supputando annos ab accessu S. Patris nostri Brunonis ad rupes Carthusiæ, eas scriptas videtur 44 aut 45 circiter annis post inceptum ordinem.

Adhuc enim vivebat S. Hugo episcopus Gratianopolitanus, ut ex ipso Prologi textu innoscit. S. P. Bruno ad eremum Carthusiæ venerat cum sociis anno circiter 1084, et a die sui adventus usque ad ejus obitum effluerunt 17 anni. Decem quidem annis præfuit in domo Carthusiæ B. Lauduinus, unus e sociis; sed S. Bruno in Calabria degens, adhuc in vivis erat, supervixit enim B. Lauduino, inter martyres merito collocanda, integro anno et 19 diebus.

Cui B. Lauduino successit R. Pater Petrus Francus, et is annis tantum duobus præfuit: eique successit R. P. D. Joannes primus, qui R. P. Guigonem Ecclesiæ Gratianopolitane decanum recepit in ordine, ubi tantum profecit, ut post tres aut quatuor annos in priorem Carthusiæ, anno videlicet 26 ordinis nati, electus sit.

C His ergo 26 annis si 18 aut 19 addantur, donec prior existens scripserit Consuetudines istas, anno 44 aut 45 post ordinem natum, ut supra diximus, eas scriptas fuisse constabit. Ex his etiam apparet R. Patrem Guigonem venisse ad ordinem quinque aut sex tantum annis post mortem S. Brunonis, et tum per opera, tum per verba, ab ejus discipulis qui etiam cum S. institutore vixerant ea omnia didicisse, quæ in istis scriptis Consuetudinibus posteris reliquit, quæ Consuetudinum nomen non mereretur, nisi a pluribus jam annis instituta fuisset, et moribus utentium approbata et confirmata. His prænotatis nunc ad rem veniamus.

PROLOGUS D. GUIGONIS.

Incipit Prologus Consuetudinum domini Guigonis prioris Carthusiæ.

1. Amicis et fratribus in Christo dilectissimis, BERNARDO Portarum, HUMBERTO S. Sulpitii, MILONI Majori prioribus et universis qui cum eis Deo serviunt fratribus, Carthusiæ prior vocatus Guigo et qui se cum sunt fratres, perpetuam in Domino salutem.

2. Charissimi ac reverendissimi nobis Patris Hugonis Gratianopolitani episcopi, cujus voluntati resistere fas non habemus, jussis et monitis obtemperantes, quod vestra non semel dilectio postulavit, Consuetudi-

COMMENTARIUM.

PROLOG.—Num. 2, *Consuetudines domus nostræ...* Quæ a S. Patre Brunone instituta erant, et ser-

vata tum ab illo tum a sociis in domo seu potius eremitorio Carthusiæ, a successoribus illorum fideli

res domus nostræ scriptis memoriæ mandare curavimus [al. curamus]. A quo negotio rationabiliter, ut putamus, de causis diu dissimulavimus, videlicet quia vel in epistolis B. Hieronymi, vel in Regula beati Benedicti seu in cæteris Scripturis [al. cæteris libris] authenticis, omnia pene quæ hic religiose agere consuevimus contineri credebamus. Et nos, qui tale aliquid facere possemus vel deberemus, dignos minime putabamus.

3. Huc accedebat quia doceri magis quam docere ad humilitatis nostræ propositum pertinere noveramus, tutiusque esse aliæ potius bona quam sua prædicare. Scriptura dicente: *Laudet te alienus, et non os tuum; extraneus, et non labia tua* (Prov. xxvii, 2). Domino quoque in Evangelio præcipiente: *Videte ne iustitiam vestram faciatis coram hominibus, ut videamini ab eis* (Matth. vi, 1).

COMMENTARIUM.

ter custodiebantur. Pro statutis illis erant tunc charitas et pietas, quarum impulsu ea quæ a Patribus tradita erant et commendata opere complebant; nihil tunc de sua observantia scriptis mandaverant, quia adhuc illorum propositum velut in cunis erat; et observantiæ ordinis, veluti sub Incude et experientię malleo adhuc versabantur. Vile suum propositum, ut alibi loquitur piissimus scriptor, non considerabant veluti fontem illum parvulum, qui erescere debebat in fluvium; imo nec hac de re cogitabant. Filios Rechab imitabantur, quibus pro lege et statutis erant ea quæ a patre sibi commendata fuerant et tradita; et tunc institutum Carthusianæ, quod ubique solo *propositi* nomine scriptor exprimit, sola traditione constabat.

De consuetudinibus ergo a R. P. Guigone scribendis hic agitur, non proprie de statutis. Cur autem in capitibus paginarum libri typis mandati habetur *Statuta Guigonis*? Accipe rationem: Cum ordo jam crevisset et necessarium visum fuisset statuta condere quibus tum politia externa, tum disciplinæ regularis forma, tum observantiæ Carthusianæ seu austeritatis et solitariæ vitæ ratio, tum demum instituti Carthusiani mens exprimerentur et scriptis mandarentur; ac per modum legalis instituti omnibus servanda traderentur: R. P. D. Rifferius prima illa, quæ *antiqua* vocamus, statuta condidit, in quibus ea omnia transcripsit quæ in Consuetudinibus R. P. Guigonis habentur, paucissimis exceptis quæ ex professo notabimus, ut omnibus perspicuum sit, quantum errarent qui occasione capitali *De reprehensione* (quod quartum in secunda parte primorum illorum statutorum numeratur) non secundum sensum auctoris, intellecti, decidium ordinis ab initio jam evenisse putarent.

Inde ergo accidit ut quod simpliciter *consuetudo* primo vocabatur sub reverendo Patre Guigone, in quamdam juris speciem sensim per mores utentium transiret, sicut fert ipsa consuetudinis definitio apud jurisperitos: sicutque accedente postea quadam approbatione S. D. N. Innocentii papæ II atque etiam ordinatione capituli generalis, sub S. Anselmo circa annum 1143 celebrati, ubi dicitur *servandas esse præscriptas consuetudines*, jam in statuta transierant tempore reverendi Patris Rifferii. Qua ratione factum est ut dum statuta typis essent mandanda circa

A annum 1309, nomen *statuti* etiam Consuetudinibus Guigonis in capite paginarum fuerit præfixum, sicut et statutis antiquis, quæ ex professo composita fuerant, ut vere essent constitutiones sive statuta ordinis, quamvis in titulo nomen etiam *consuetudinis* adhuc legatur.

Ibid. *Scriptas memoriæ mandare*. Id est scribendo cognitioni hominum et posteritatis memoriæ servandas exposuimus et tradidimus. Phrasis est monastica, capti et modo loquendi tunc temporis usitato potius accommodata quam regulæ puræ latinitalis. Quod hic semel notatum sit pro omnibus; nam in plerisque locis similibus phrasibus et verbis sanctus vir utitur.

Ibid. *Quia vel in epistolis B. Hieronymi...* Omnia pene quæ hic religiose agere consuevimus contineri credebamus. Hinc patet libertas, qua S. Bruno et successores ejus voluerunt propositum et modum sibi vivendi eligere, et componere, prout spiritus et prudentia suggererent, et non se astringere ad illas regulas seu constitutiones específicas, quæ in variis ordinibus monasticis sive in Oriente sive in Occidente jam dudum fuerant conditæ. Nihil sibi elegit S. Bruno pro vivendi modo, quod non esset sanctorum Hieronymi, Benedicti et aliorum scriptis laudatum, sed non ideo illorum regulis se addixit; quamvis inde veluti spiritualis apis collegerit unde mel et ceram propriam componeret. Non ergo merito improperari potest sui instituti professoribus, quod has vel illas sanctorum sive Antonii, sive Climaci, sive Benedicti, sive Bernardi aut veterum orientalium Patrum instituta et praxes non sequantur, quia sui propositi non sunt, nec illas servandas sibi elegerunt.

Ibid. *Et nos qui tale aliquid possemus*. Inde etiam apparet quod de condenda nova et singulari regula non cogitarent, sed tantum formam quamdam *eremiticæ* simul et *cænobiticæ* vivendi, sibi ipsis componere proponerent. Cujus exemplo attracti, Bernardus Portarum et alii in Prologo nominati, sodalium piorum in idem genus vitæ conjuratorum, singuli sibi etiam fecerunt, et eremos sibi elegerunt, ubi eremitoria construxerunt, quæ hodie sunt antiquiores domus ordinis.

Num. 3. *Quia doceri magis quam docere*. In abscondito faciei Dei latere, conversationem in cœlia

4. Verum quia tantorum precibus et auctoritati, siue dilectioni, resistere non debemus, quod Dominus dederit, eodem ipso iuvante, dicamus; et a digniori parte, officio videlicet divino sumentes exordium, in quo cum cæteris monachis, multum, maxime in Psalmodia regulari, concordēs inveniamur [al. invenimur].

INCIPIUNT CONSUE TUDINES D. GUGONIS.

CAPITULUM PRIMUM.

De officio divino.

1. A Kalendis itaque Novembris usque ad octavas Pentecostes, omni die, exceptis duodecim lectionum solemnitatibus, tres lectiones cum tribus responsoriis dicimus; illud observantes ut si ante quintam feriam prædicti mensis Kalendæ contigerint, in præcedenti Dominica responsoria et prophetas incipiamus; sequenti et deinceps feria tres lectiones cum responsoriis de libris eisdem recitantes.

2. Sin autem quinta vel post quintam, sequenti Dominica eosdem prophetas cum suis responsoriis inchoemus; dierum qui inter Kalendas et Dominicam sunt, alterum cum tribus propter martyres, alterum cum una lectione transigentes.

CAPITULUM II.

Item de eadem re.

1. Sabbato primæ adventus Dominicæ coherenti commemorationem de cruce usque ad secundam post octavas Paschæ Feriam; de sancta vero Maria usque ad primam post octavas Epiphaniæ diem intermittimus.

2. In prædicta Dominica sinitis Ezechiele et duodecim prophetis (nam Daniele in refectorio legimus) Isaiam incipimus, usque ad vigiliam Nativitatis eo contenti. In quo toto spatio capitulis, versibus et orationibus ad adventum pertinentibus utimur, *Gloria in excelsis* usque ad primam in Nativitate missam tacentes.

COMMENTARIUM.

semper querere, amare ab omnibus nesciri et pro nihilo reputari, et quidquid ad veram et profundam humilitatem conducit, omnium virtutum radicem et veluti fontis gratiæ Dei canalem, in omnibus amplecti, hoc instituti Carthusiani summa et finis est.

Num. 4. *Verum quia tantorum precibus.* Hic habes formam sanctæ libertatis adimplendæ et obstinationis in suo sensu a Carthusianis fugiendæ, et qualiter charitas et obedientia, scientia et humilitas in vitæ solitariæ statu, simul possint et debeant a nobis concordari, et inde simplicitas Carthusiana componi, ut nihil unquam queratur a vero Carthusiano ex propriæ voluntatis instigatione, quod a vitæ absconditæ centro illum retrahat; sed nihil obstinato animo fugiatur, quando ad agendum aut loquendum ex Superiorum iudicio impellitur. Quod adhuc evidentiùs patebit infra, ubi de obedientia Carthusiana agetur.

Ibid. *in quo cum cæteris... multum.* Non dicit in totum, quia revera in componendo divino officio Carthusiano ritus quidem monasticus in duodecim psalmis, tribus canticis et 12 lectionibus et aliis similibus assumptus est, sed non pauca etiam ei adjuncta fuerunt ex ritibus tum Ecclesiæ Lugdunensis, tum Gratianopolitanæ, in cujus diocesi sita est Carthusia, ut probari potest ex antiquis Missalibus Ecclesiæ Gratianopolitanæ, et modo celebrandi missam tunc ibi usitato, quæ in nostris ad unguem fere referuntur; itemque ex veteribus Antiphonariis et pre-

ciis quæ ab Ecclesia Lugdunensi in nostrum usum constat fuisse transumpta.

CAP. I.— *Capitulum.* Hoc verbum, quo in statutis nostris distinctio materiarum notatur, nunc communiter per verbum *Caput* exprimitur; sed ad reverentiam Patrum antiquorum hoc verbum in ordine retinuimus, sicut et alia similia: imo et modos quosdam pronuntiandi, qui etiam in antiquis statutis expresse designabantur, adeo semper apud nos in pretio habitus est stabilitatis et antiquitatis venerandæ tenacitas.

Num. 1. *A Kalendis.* Totum hoc capitulum reperitur transcriptum in prima parte Statut. antiq., cap. 21, n. 8 et 9, et nulla est differentia nisi quod ea quæ hic succincte dicuntur, ibi latius explicantur, prout ratio condendorum statutorum exigit. Idem prorsus etiamnum a nobis observatur.

CAP. II.— Idem Capitulum reperitur transcriptum, cap. 2, 1 part. antiq. Statut., num. 3, 5, 6, 8 et 9.

Num. 2. *Gloria in excelsis*, usque ad... *tacentes.* Ex hoc loco et aliis infra notandis patebit, non bene opinari eos qui putant quod olim in ordine raro missa a nostris celebrabatur. Certum est illos tunc tantum habuisse unum altare, et raro duo; quod ex charta cap. generalis anni 1250 probatur, ubi dicitur: *De duobus altaribus suscipiendis requiratur consensus conventuum.* Raritatem ergo istam non ad

3. Antiphonas *O sapientia*, cum aliis sex, et antiphonas proprias ad matutinas laudes ita incipimus, ut die ante vigiliam Natalis Domini finiantur.

4. Singulæ adventus Dominicæ propriis responsoriis et antiphonis ad matutinas laudes decorantur, sed et cæteris diebus semper ad *Magnificat* et *Benedictus* antiphonas de adventu dicimus.

CAPITULUM III.

Item unde supra.

1. In Sabbato juniorum temporalium sextam et missam cum quinque, excepta epistola, lectionibus, et deinde nonam continuatim in ecclesia cantamus; idem in cæteris jejuniis similibus facientes, nisi quod in mense primo post nonam propter Quadragesimam.

2. In Sabbato infra octavas Pentecostes inter tertiam et sextam, et in mense septimo post sextam missam ipsam celebramus, nonam usque post dormitionem in cellulis dicendam differentes.

CAPITULUM IV.

Item unde supra.

1. A quarto Nonas Januarii usque ad Septuagesimam, beati Pauli apostoli Epistolas legimus.

2. Ab altera post octavas Epiphaniæ die usque ad Septuagesimam, serialia dicimus responsoria, prima post ipsas Dominica *Domine, ne in ira tua* incipientes.

3. In Sabbato quod primam Septuagesimæ Dominicam antecedit, ad vesperas tantum dicimus *Alleluia*, ad Missam similiter sancti Sabbati recepturi.

4. Ab ipsa autem Dominica usque ad Dominicam de Passione Domini Heptaticam tam in ecclesia quam in refectorio legimus, prima et secunda Dominica, *In principio*, cæteris vero Dominicis usitata Responsoria decantantes.

5. In Capite jejunii capitula nocturna et diurna, et orationes mutamus: sextam et missam et nonam in ecclesia cantamus.

6. Hac die cruces cooperimus in Parasceve detegendas.

7. Ante missæ initium cinis post confessionem sacerdoti benedicendus offertur; quo benedicto et aqua sancta resperso, omnes per ordinem genibus ante presbyterum flexis participant, dicente ipso: *Recongnosce, homo, quia pulvis es, et in pulverem reverteris*; cæteris vero Antiphonas istas canentibus: *Exaudi nos, Domine; Juxta vestibulum*, etc. Quibus finitis subdit sacerdos: *Dominus vobiscum*, et istam orationem *Concede nobis, Domine*; eadem hora duobus sequentibus diebus Missas facimus.

8. Sabbatum sequens missa caret.

9. In hoc Sabbato Dominicalia capitula mutamus ad vesperas.

10. Capitulum, *Domine, miserere nostri*, in Quadragesima et in Adventu festivis diebus ad primam dicimus.

11. A sequenti secunda feria usque ad Comam Domini septem psalmos cum litanis post primam in cellulis quotidie, exceptis duodecim lectionum festis, exsolvimus.

COMMENTARIUM.

conventuales missas, sed ad privatas tantum pertinet officia divina singularibus diebus assignata recensentur. A ter officia divina singularibus diebus assignata recensentur.

CAP. IV. — Textus hujus capituli usque ad ista verba, *Sabbatum sequens*, etc., de verbo ad verbum refertur cap. 5 primæ partis antiq. Statutorum, n. 56; cap. 7, n. 1; cap. 9, n. 1 et 2; cap. 10, nn. 1, 2, 3 et 4.

Num. 5. *Sextam et missam et nonam*. Hic etiam de missa quasi ordinate celebranda fit mentio.

Num. 8. *Sabbatum sequens missa caret*. Hic autem locus sic exprimitur: 1 part., cap. 11, n. 1, antiq. Statut. *Missæ propria caret, et cantatur missa de B. Maria in conventu*; quibus verbis sensus R. P. Gaigonis clarius exprimitur circa missam de jejuniis, quæ etiam nunc vacat in nostris Missalibus, et celebratio missæ de beata Maria Virgine, diei illi assignatur.

Num. 9. *In hoc Sabbato*, usque ad hæc verba si sacerdotum. Idem textus refertur de verbo ad verbum cap. 11 primæ partis antiq. Statut., nn. 2, 3, 5 et 10.

CAP. III. — *Item unde supra*. Id est de eadem materia, de qua jam superius actum est.

Textus hujus Capituli reperitur de verbo ad verbum relatus cap. 3, 1 part. antiq. Statut., num. 8; cap. 11, 1 part., num. 10, cap. 19, ejusdem partis num. 7, et cap. 27, num. 5. *De dormitione* idem refertur cap. 34 ejusdem partis.

Totum ergo capitulum istud fuit in statuta antiqua transfusum, et eadem prorsus nunc observamus, excepta dormitione diurna, quæ est abrogata.

Num. 1. *In mense primo*, etc. Hinc probatur quod B. mensis Martius tunc adhuc primus reputabatur, nam in mense isto jejunia temporalia communiter occurrant.

Num. 2. *Missam celebramus*. Ecce hic adhuc fit missæ mentio quæ communiter celebratur, et in-

12. Nonam et missam cum præfatione de Quadragesima et vespas omni die in ecclesia cantamus, si sacerdotum adsit copia, vel qui adsunt aliqua rationabili non impediuntur de causa.

13. Dominica de Passione capitula mutamus, consueta suffragia usque ad secundam post octavas Paschæ feriam intermittimus; a quo die usque ad Cœnam Jeremiam partim in ecclesia, partim in refectorio, propter noctium brevitatem legimus. In quo temporis spatio, nisi duodecim lectionum solemnitas intersit, ad invitatorium et ad Responsoria et ad introitum *Gloriam* non dicimus.

14. De festo trium lectionum commemorationem tantum facimus.

15. Sabbato quod Dominicæ Palmarum jungitur, missam non dicimus.

16. Ad vespas capitulum, *Hoc sentite*, responsorium, *Fratres mei*, usque ad Cœnam.

17. Dominica in Palmis cantata tertia, et induto casula sacerdote, post confessionem rami benedicuntur, aspersique aqua benedicta omnibus a sacerdote traduntur; et interim cantatur antiphona, *Collage-runt*; sequitur *Dominus vobiscum* et oratio ista: *Omnipotens sempiterne Deus*.

18. Si Annuntiatio vel festivitas sancti Benedicti quartam hujus hebdomadæ transierint feriam, nullam postea de ipsis facimus mentionem.

19. In Cœna festum facimus, novem sicut clerici lectionibus contenti, ad *Benedictus* lucernam extingui-mus, Ecclesiæ morem tantilla ex parte imitantes.

20. Ad primam convenimus, post capitulum tertiam in cellis dicimus, et munditias singuli facimus, sextam quoque ibidem cantantes, nonam et missam et vespas in ecclesia celebramus.

21. In missa, hostia Domini corporis integra in Parasceve a sacerdote sumenda servatur.

22. Post refectorem omnes, in quantum possibile est, monachi et laici ad mandatum in capitulum convenimus, ibique pedes cunctis a priore vel cui hoc ipse injunxerit, ipsique ab eo qui prior est ordine abluuntur, tergentur, osculantur, cæteris congruas antiphonas canentibus. Dehinc priore aquam infundente, lotis omnium manibus, accensa candela evangelium legitur, stantibus cunctis usque ad id, *Cum recubisset iterum*.

23. A quo loco eandem lectionem sedentes audimus, usque dum dicatur, *surgite, eamus hinc*. Tunc enim, præcedente diacono, in refectorem pergimus, quod superest lectionis sedentes audituri; qua finita vinum a ministris apponitur singulis. Dataque a sacerdote benedictione, bibimus et abimus. Post quæ nudatur altare.

24. Hac die post prandium, sive post mandatum, duorum sequentium lectiones et responsoria prævident fratres, tanquam usque ad Sabbatum post refectorem, ad claustrum non reversuri.

COMMENTARIUM.

Num. 12. Si sacerdotum adsit copia, vel qui adsunt aliqua rationabili non impediuntur de causa. Hæc verba non reperiuntur in antiquis statutis relata, ex quibus et conditione apposita colligitur quod si omnes monachi tempore R. P. Guigonis ad sacerdotium nondum essent promoti, plures tamen erant, et omnes ad clericatum idonei, ut ex cap. 73 istarum Consuetudinum patebit. Ex præmissione autem verborum istorum, in antiquis statutis non relatorum, id tantum colligitur quod tempore quo statuta antiqua condita fuerunt, apud nos sacerdotes sæpius celebrabant quam tempore R. P. Guigonis, unde conditionem illam ponere jam fere superfluum esse visum fuit. De causa illa rationabili impedimentum afferente suo loco agetur.

Cætera hisdem fere verbis referuntur prima parte Statut. antiq. cap. 11, 12, 13, 14, 15, 17, 18 et 19.

Num. 13. Partim in ecclesia, partim in refectorio. Innotescere incipit usus, qui semper in ordine viguit, ut Biblia sive in ecclesia, sive in refectorio, sive in colloquio singularis annis, ex integro legantur.

Ibid. Propter noctium brevitatem. Quod de noctium brevitate hic dicit, refertur ad vigiliis, quæ olim in ordine juxta noctium longitudinem aut

brevitatem ordinabantur, et lectiones longiores, vel breviores fiebant in matutinis, juxta noctium qualitatem. Agitur autem hic de fine Quadragesimæ, quo tempora constat dies fieri longiores et noctes breviores. De istis vigiliis infra agetur suo loco.

Num. 19. Novem... lectionibus contenti. His verbis vult exprimere, his tantum diebus austeriores vigiliis a nobis paululum relaxari, ac lampadem ad *Benedictus* extingui; sicque tribus illis diebus, quæ sunt tantilla pars respectu totius anni, nostras matutinas Ecclesiæ usui esse conformes.

Num. 20. Munditias singuli facimus. A solis Carthusianis id potest intelligi, et significat consuetudinem quæ hucusque in ordine conservata est in die Cœnæ Domini, ut privatim in cellis pedes mundemus et lavemus antequam ad capitulum, ubi a priore lavari debent, veniamus. Id vocat R. Pater Gaigo munditias facere.

Num. 24. Hac die post prandium sive... ad claustrum non reversuri. Hic obscure indicat nam recordationum, quæ in claustris fiebant, quem non plene exprimit quia res erat communis et nota his ad quos scribebat, et inde elucet qualiter res potius aliquando innuere contentus fuerit R. P. Gaigo quam illas late explicare. Quid essent autem istæ recordationes, et quomodo fieri deberent, sub titulo

25. Completorium poste sonatur.

26. In Parasceve genua flectimus, *Miserere mei, Deus*, dicimus.

27. Totisque his tribus diebus preces singuli quique in silentio dicimus in omnibus horis, hac una oratione contenti, *Respice, quæsumus, Domine*; totumque fere officium juxta clericorum morem exsequimur. Psalterium aliis omissis operibus frequentamus; a sacrista laicis juvantibus mundatur ecclesia. Signo aliquanto tardius quam solet dato, sexta et nona continuatim in cellis dicuntur, et interim sacerdos induitur, datoque iterum signo ad ecclesiam convenientes officium ex more celebramus. Præcedit lectio, sequitur tractus et oratio *Deus a quo et Judas*; item alia lectio, et tractus, deinde passio absque *Domine vobiscum*, post quam orationes; quibus finitis exiit sacerdos casula, nudamus pedes, oblatamque a diacono cruce venerabiliter osculamur, dicentes intra nos singuli: *Adoramus te, Christe, et benedicimus tibi, quia per sanctam crucem tuam redemisti mundum*. Interim conventus cantat antiphonam, *Nos autem gloriari oportet*, et Responsoria, *Popule meus* et *Expandi manus meas*. Post quæ ad locum pristinum cruce relata, sacerdos lotis manibus casulaque indutus, calicem cum vino corpore Domini superposito, a diacono suscipit, inchoante eodem communionem, *Hoc corpus*. Quibus in altari compositis, post modicum silentium incipit sic, *Oremus, præceptis salutaribus moniti*. *Agnus Dei* non dicitur, nec in Sabbato. Percepto autem a sacerdote Domini corpore, vespere alterutrum cum silentio dicimus.

28. Sabbato, cantatis in cellulis sexta et nona, et interim sacerdote induto, ad ecclesiam congregati, præmissis quatuor lectionibus cum tribus tractibus et litanis perbrevis, missam a *Kyrie eleison* solemniter inchoamus; *Gloria in excelsis Deo* dicimus, duas candelas accendimus, pacem accipimus, incensum vero non adolemus. Quibus expletis pulsato tintinnabulo vespere juxta morem monachicum solemnissime cantamus.

29. In die sancto Paschæ inter matutinas et primam, cunctis, in quantum eorum sinunt obedientiæ, laicis presentibus et communicantibus, ea celebritate qua Dominicis solet diebus missa cantatur, duobus vel tribus monachorum sacerdotem juvantibus.

30. In majori missa communicat conventus, et qui de laicis communicaturi sunt.

31. Totos quatuor hos dies celeberrimos ducimus. Feria secunda, tertia, quarta in matutinis laudibus duas candelas accendimus incensumque offerimus. Feria quarta recedunt laici. Quinta, sexta, Sabbato, sextam in ecclesia cantantes simul reficimus. Hebdomadarum Paschæ et Pentecostes prioribus diebus quatuor nullum omnino sanctorum festum celebramus. Tribus vero posterioribus, si trinam lectionum festum occurrerit, solam commemorationem, sin autem duodecim, totum facimus. Responsoria paschalia quatuordecim diebus cantamus.

32. Actus apostolorum tribus hebdomadibus, canonicas vero Epistolas exinde usque ad Ascensionem; et ab Ascensione usque ad Pentecosten Apocalypsim tantummodo, partim in ecclesia, partim in refectorio perlegimus.

33. Feria tertia Rogationum semel reficimus, sed coquinam facimus.

COMMENTARIUM.

speciali cap. 35 primæ partis antiquorum Statutorum fuse expressum habetur, prout ratio condendorum statutorum exigit. Monachi in claustrum simul conveniebant certis diebus, et alia faciebant de quibus suo loco agetur. Hic tantum adnotamus nihil novi debere imputari ex hoc loco posterioribus R. Patri Guigoni Patribus, qui in antiquis statutis egerunt de recordationibus: nam late tantum explicant et firmant usum antiquum recordationum, qui hic indigitatur; sed clarius, succincte tamen, exprimitur infra cap. 9.

Num. 28. *Sabbato cantatis in cellula*. Id est per solutis, nam extra choram apud nos nunquam officia divina fuerunt cantata, et piissimus scriptor fere ubique verbum *cantare pro persolvere* usurpat.

Num. 29. *Duobus vel tribus monachorum sacerdotem juvantibus*. Inde apparet quod tunc recto tantum loco missam istam cantarent; nunc monachi omnes huic missæ assistunt, et cum notis decantant.

Num. 31. *Feria secunda, etc., duas candelas, etc.*

A Hic apparere incipit usus festorum solemnium, quæ ideo *candelarum* in antiquis statutis et veteribus libris ordinis appellantur, quia in signum solemnium gaudii in matutinis et vespere Hilarum festivitatum cerei accendebantur.

Num. 33. *Feria tertia Rogationum semel reficimus, sed coquinam facimus*. In antiquis Statutis 1 part. cap. 47, n. 6, legitur: *Feria tertia et secunda Rogationum semel reficimus, sed feria tertia caseo et ovio licet uti*. Ad intelligendum autem quid sibi velit R. P. Guigo verbo *coquinam* in hoc et aliis locis, sciendum est tunc fuisse in usu apud nos, idque per plura sæcula continuatum fuisse, ut monachi partem victus sui sibi coquerent in propria cella, offas nempe et quædam legumina eisque tantum ministraretur a coquinario, et dispensatore communi panis, vinum et id quod in plerisque locis Consuetudinum R. P. Guigonis *pitantis* appellatur. Coquinam ergo istam semper sibi faciebant exceptis diebus abstinentiæ, et diebus refectorii, quibus tunc simul in refectorio comedebant. Locus antiquorum statutorum expri-

34. In vigilia Ascensionis sextam et missam in ecclesia cantamus; Ascensionem cœterum colimus.

35. In vigilia Pentecostes nonam et missam in ecclesia dicimus, totamque hebdomadam sicut Paschalem decurrimus, nisi quod feria quarta et Sabbato, sextam post missam sine intervallo cantamus. Ille quippe hebdomada jejunia Quatuor Temporum facimus.

CAPITULUM V.

Item unde supra.

1. Post hebdomadam banc, die quacunque festum occurrerit, libros Regum incipimus, responsoria vero ejusdem historię sequenti Dominica.

2. A Kalendis Augusti usque ad Kalendas Septembris, Parabolas, Ecclesiasten, librum Sapientię, et de Ecclesiastico quantum tempus permittit, legimus.

3. Kalendas Septembris, Job duabus septimanis sive tribus, duabus sequentibus Tobiam, Judith, Esther.

4. A Kalendis Octobris usque ad Novembrem, Machabœorum libros.

5. Totoque hoc tempore, id est a Pentecoste usque ad Novembris Kalendas, una, nisi festum intersit, lectione, sicut cœteri monachi, contenti sumus.

6. Nunquam autem pro trium lectionum festo, lectiones Historię dimittimus, nisi in vigilia Natalis Domini, et tribus post festum Innocentium diebus et hebdomadibus Paschæ et Pentecostes, et infra octavas Assumptionis beatę Marię.

7. Invitatorium igitur tantum et versiculi, et responsoria et orationes, et matutinę laudes, sed et ad primam antiphona, ad tertiam quoque et sextam, si semel prandendum est, sin autem bis ad tertiam tantum, antiphonę, versus et orationes pro tali festo dicuntur.

8. Dominus regnavit non solum in talibus festis, sed etiam a Nativitate usque ad octavas Epiphanię, et a Pascha usque ad octavas Pentecostes, ad matutinas laudes quotidie dicimus.

CAPITULUM VI.

Item unde supra.

Et hoc sciendum quod in nulla solemnitate processionem facimus, nec ullum festum vel vigiliam transmutamus.

CAPITULUM VII.

De officio Dominicali.

1. Omni Sabbato post nonam in claustrum convenimus; lectiones et cœtera necessaria recolimus.

2. Et quia tota hebdomada in cellis silentium tenemus, peccata nostra priori, vel quibus ab eo injunctum est, confitemur.

3. Quod si nova responsoria inchoanda sunt, magnum responsorium in vespere cantamus.

COMMENTARIUM.

mit tantum quod hic subauditur, sed in aliis locis A Consuetudinum R. P. Guigonis idem satis exprimitur, ubi explicatur quando ovis et caseo uti licitum esset.

Eadem quę in hoc capitulo continentur etiam nunc observantur, imo rigidius, quia usus simul conveniendi in claustrum ad recordationes faciendas abrogatus est.

Cap. V.— Quidquid hic habetur, etiam in antiquis Statutis reperitur, cap. 21 prim. part., nn. 1, 2, 3 et 4. Itemque cap. 20, n. 1; cap. 21, n. 13; cap. 30, n. 1; cap. 5, n. 42; cap. 4, n. 4.

Num. 7. Si semel prandendum est, sin autem bis. Id est si sit dies qua his comedatur, et cœna sicut et prandium ministraretur, sicque bina refectio habeatur; unde in ordine usus invaluit, ut dies quibus non jejunatur, dies binę refectiois vo-centur.

Num. 8. Dominus regnavit, etc., ad matutinas laudes. Hic locus indicat illum loqui de solis laudibus, quando alibi his verbis utitur, nempe, *matutinis laudibus*.

Cap. VI.— Idem refertur cap. 2 prim. part. an-

liquo. Statut., n. 16. Nunc aliquas processiones faci-mus, tum ex præscripto Ecclesię, ut in solemnitate Corporis Christi, tum aliquando ex devotione; et hoc potius ad pietatis augmentum pertinet, quam ad defectum.

Cap. VII.— Num. 1. *Omni Sabbato post nonam, etc.* In Statutis antiquis, cap. 35, sic legitur: *Omni sabbato et in vigiliis festorum duodecim lectionum et in vigilia Cœna Domini*. Idem autem exprimit infra R. P. Guigo, cap. 9, n. 3. Sed hic de Sabbato tantum mentionem facit ad exprimendum quod fieret in Sabbato primo recordatio, ac deinde confessio sacramentalis.

Num. 2. *Et quia tota hebdomada in cellis silentium, etc.* Subaudi, nisi casu advenerit, quo juxta ejusdem R. Patris Guigonis Consuetudines silentium frangi permittitur, ut infra notabitur. Idem refertur cap. 11, n part. antiq. Statut.

Ibid. *Priori vel quibus ab eo injunctum est*. Inde patet quod tunc temporis deputabantur quidam ad confessiones audiendas, prout nunc fit, et libertas dabatur pœnitentibus, quem velent eligendi.

4. Dominica, post primam, capitulum tenemus. Inde fratribus ad cellas redeuntibus, si missa ea die cantanda est, id est si sacerdos vel sacerdotes rationabili non impediuntur de causa, statim signum pulsatur; alias enim usquequo tertia sit dicenda differtur: quod spatium, quatenus infirmitas necessitateve permittit, spiritualibus profectibus attribuitur.

5 Post hæc sacerdos, tempore congruo ad ecclesiam reversus, induitur, signoque tertia [al. terna] incisione pulsato, presentibus cunctis aqua sacrat. Quam sacerdos spargendo, al. are circuei; ante ipsum altare monachis, ad ostium chori laicis dispergit, canentibus cæteris antiphonam, *Asperges me*; reversusque ad lectorium addit preceam, *Ostende nobis, Domine, misericordiam tuam*, deinde, *Dominus vobiscum* et orationem hanc, *Exaudi nos, Domine, sancte Pater*. Post, tertiam inchoat, quam sequitur missa.

6. *Gloria in excelsis Deo* in omnibus solemnitatibus, præter Adventum et Septuagesimam, cantamus.

7. *Credo in unum Deum* tam in Dominicis diebus quam in cæteris, exceptis confessorum et martyrum festivitibus, et tribus diebus Paschæ et Pentecostes, dicimus.

8. Post missam ad cellas aquam sanctam ferentes, parvum facimus intervallum; deinde signo pulsato ad ecclesiam redeunt sextam cantamus; et sic in refectorium pergitur, animarum pariter et corporum escam sumpturi. Exeuntes autem de refectorio a Kalendis Novembris usque ad Purificationem Beatæ Mariæ statim nonam cantamus, ex quo die usque ad Pascha, spatium quod ibi, id est inter prandium et nonam, facimus, lectioni vel aliquibus talibus exercitiis deputatur. Exinde tota æstate, pro dierum quantitate nunc brevius, nunc longius quieti datur.

COMMENTARIUS.

Num. 4. Si missa ea die cantanda est, etc. Hic A locus obscurus apparet. At ibi de missa conventuali non agitur, sed de missa privata, quæ illa die ultra majorem sive conventualem celebrari consueverat, quod satis probatur per verba sequentia: *Post hæc sacerdos tempore congruo*. Ex quibus patet superius dicta esse omnino diversa a missa conventuali, cujus celebratio et modus eam celebrandi necnon officia post missam dicenda, fixe designantur: sed id amplius probatur ex n. 4, cap. 8, ubi dicitur: *Secundam missam post matutinas laudes incipiente luce, sicut fieri solet in Dominicis diebus, cantamus*.

Ibid. 4. *Quod spatium, quantum infirmitas necessitateve permittit, spiritualibus profectibus...* Inde incipit apparere, quod plenius ex sequentibus patebit, primos nostri propositi institutores discretionem B semper in pretio habuisse, veluti solitariæ vitæ in primis necessariam, sicque ab omnibus excessibus et extremitatibus sibi ac successoribus suis cavere voluisse, ut omnia viribus humanis gratiæ cœlestis auxilio adjutus, et habita personarum qualitate, ut sæpius insinuavit, essent accommodata. Infirmitatis ergo aut necessitatis mensuræ, et mensuram etiam exercitiorum spiritualium volunt adaptari.

Num. 8. *Exeuntes autem de refectorio... statim nonam*, etc. Id tantum nunc observamus diebus non festis intra Octavas Nativitatis Christi. Cæteris autem festis intra idem tempus occurrentibus idem intervallum facimus, quod postea R. P. Guigo exprimit. *Ex quo*, etc.

Ibid. *Exinde tota æstate, pro dierum quantitate nunc brevius, nunc longius quieti datur*. A Purificatione usque ad Pascha, spatium inter prandium et nonam dari perhibetur, et tui occupationi spatium illud destinetur, exprimitur: et postea subditur, *Exinde tota æstate*, etc., id est a Pascha usque ad Kalendas Octobris, ut ex cap. 29 colligitur, inter prandium et nonam dormitio diurna ordinatur. Hæc dormitio a nostris religiose servabatur vel-

ut observantia regularis, et sic stricte, ut de hac re loquens R. P. Guigo cap. 29, n. 5, dicat: *Non enim monemur solum, sed et jubemur horis ad quietem deputatis, dormitioni magnum impendere studium*. Unde patet magna Patrum discretio, qui nolebant aliquid per propriam voluntatem detrahi ex his quæ ad vires tum corporis tum animi conservandas necessaria esse sciebant.

Circa illud longius vel brevius spatium dormitioni impendendum, aliquid procul dubio præscriptum erat, quo omnes possent se uniformiter ordinare. At nihil de hac re scriptum reperimus, et ideo traditioni relictum fuisse putamus, quod in plerisque etiam aliis evenisse indubitatum est. Pro exemplo sit abstinentia a carnibus, etiam in morbis, de qua nulla est mentio apud R. Patrem Guigonem. Porro dormitio illa diurna per statuta ordinata, jamdudum apud nos fuit abrogata eo tempore quo vigiliarum ordo mutatus est, ut suo dicitur loco: illa siquidem ætatis tempore concedebatur, ut suppleretur quod minus spatii assignatum erat ad dormiendum nocte, propter noctium abbreviationem. Nam post matutinas ad lectum nullo redibant tempore; et sicut noctes sensim crescunt et decrescunt, sic spatium dormitionis diurnæ brevius vel longius noctium cursum sequebatur, ut tempus ad dormiendum tam nocte quam die destinatum esset æquale, et in idem spatium fere collimaret. Hieme autem ea vicissitudine dormitionis diurnæ opus non erat, cum ex longis noctibus spatium esset ad sufficienter dormiendum et absque divisione somni, prout illos tunc observasse ex infra dicendis apparebit.

Num. 9. *Post nonam... de utilibus locuturi*. Inde evidens est illorum silentium non fuisse perpetuum, et usum colloquiorum ab initio in ordine fuisse usitatum, sicque tempus loquendi et tempus tacendi fuisse semper apud nos observatum. In eo tunc licitum illis erat, quod nunc non licet, nempe a coquinario plura petere et accipere.

9. Post nonam in claustrum convenimus, de utilibus locuturi. In hoc spatio incaustum, pergamenum, pennas, cretam, libros seu legendos seu transcribendos a sacrista; a coquinario vero legumina, sal et cætera hujusmodi poscimus et accipimus.

10. Post cœnam singulas tortas tanquam Christi mendici accipientes, cellas repetimus.

11. In omnibus autem similibus festis pene similiter facimus.

12. Dominicis autem quæ sunt infra octavas Natalis, Apparitionis, Ascensionisve Domini, antiphonas, responsoria, versus et octo priores lectiones de ipsis solemnitatibus dicimus, quatuor posteriores de hominibus Dominicalium evangeliorum: Evangelium quoque ipsum post *Te Deum laudamus*, et antiphonam ad *Benedictus et Magnificat*, et oratio et missa, Dominicalia sunt: sed postea fit commemoratio de solemnitatibus. Similiter agitur Dominica quæ inter octavas Natalis Domini et Apparitionem est, nisi quod priores etiam octo lectiones Dominicales, id est de Epistolis beati Pauli legimus, et commemorationem de Nativitate non facimus.

13. De sancto Sylvestro commemoratio tantum fit; verum de his quæ quadam speciali dignitate solemniter celebramus, specialiter quoque dicendum putamus.

CAPITULUM VIII.

Item de officio divino.

1. Igitur Omnium Sanctorum, Natalis Domini, Paschæ, Ascensionis, Pentecostes, sancti Joannis, beatorum apostolorum Petri et Pauli, Assumptionis beatæ Mariæ vigiliis in pane et aqua facimus, missasque, in æstate quidem cum sexta, in hieme vero nonam supponentes, continuamus: altare paramus, in vespere et matutinis et missa itemque vespere duas candelas accendimus, incensum ponimus.

2. Porro in vigilia Natalis Domini in matutinis laudibus genua non flectimus; *Dominus regnavit* dicimus, *Miserere mei, Deus*, tacemus, duas ad missam candelas accendimus, sed thus non adolemus, pacem sumimus.

3. Si Dominica in hac vigilia occurrerit, versum ante evangelium et totum deinceps officium de vigilia dicimus, commemorationem tantum de Dominica facientes. Eodem modo in vigiliis Paschæ et Pentecostes missas celebramus.

4. In matutinis quatuor ultimas lectiones de Evangeliiis legimus. Primam missam inter nocturnum et laudes celeberrimam facimus, secundam post matutinas laudes, incipiente luce, sicut fieri solet in Dominicis diebus, cantamus, in qua laici communicant, in hac etiam commemoratio fit de S. Anastasia.

5. In majori missa communicat conventus, pacemque a sacerdote et ab invicem omnes monachi accipiunt. Hoc ipsum in omnibus festis talibus agimus, excepta Circumcisione Domini, et Natali beatorum apostolorum Petri et Pauli, et Dedicationis, et sancti Michaelis. Sequentes tres dies fere similiter celebramus. Die quarta laici recedunt, sicut in Pascha et Pentecoste.

6. Reliquis tribus diebus sextam in ecclesia dicimus, et nonam, prandium simul et cœnam facientes.

7. Circumcisionem, Apparitionem, Purificationem, Annuntiationem, Ascensionem, Natalem sancti Joannis, beatorum apostolorum Petri et Pauli, Assumptionem, Dedicationem, Nativitatem beatæ Mariæ semper Virginis, festum angelorum simili colimus ritu.

8. Porro in Purificatione beatæ Mariæ ante missam post confessionem candelas benedictas de manu sacer-

COMMENTARIUS.

Ibid. *Legumina, sal et cætera hujusmodi.* Per verba illa et cætera, apparet plura, quæ in istis Consuetudinibus specificata non sunt, monachos tunc potuisse petere et accipere a fratre coquinario, unde sibi ipsis facerent coquinam illam in cellis suis, de qua supra fit mentio, cap. 4, n. ult., et sibi ipsi quædam esculenta condirent.

Num. 10. *Post cœnam singulas tortas.* Quid esset torta illa, et ex quo grano componeretur, habebis infra cap. 34, n. 2. Hic autem nullo modo dicitur quod torta illa daretur pro tota hebdomada, prout quidam censuerunt: sed erat tantum piæ cæremonia, quæ eo fine introducta erat, ut paupertas, quæm vomimus, eo mendicitatis actu amplius honoraretur, et nos Christi mendicos esse protestaremur. Quæ cæremonia etiam nunc integre servatur. Id autem evidenter probatur ex cap. 31, n. 2, et ex c. 46, n. 1, ubi fit mentio de pane petendo et accipiendo.

Porro ea omnia quæ in præsentis capit. 7 habentur,

referuntur in antiquis statutis fere de verbo ad verbum, cap. 35, prim. p., n. 1, cap. 11, sec. p., n. 1, cap. 20 1 part., n. 12, cap. 34, n. 3, cap. 45, n. 3; cap. 32, n. 3; cap. 34, nn. 12, 13, 5, 7, 10 et 9. Item cap. 6, n. 6; cap. 17, n. 19; cap. 5, n. 45. Lectorem vero non moveat quod hic loca antiquorum statutorum inverso ordine citemus. Id enim fit ut ordinem scribendi a R. Patre Guigone servatam sequamur, et sic facilius possit fieri locorum ad invicem collatio.

In nullo ergo per statuta antiqua hic contentis fuisse derogatum perspicuum est, quæ etiam apud nos nunc plene servantur, imo rigidiori modo, nam dormiendi interdiu licentia nobis ablata est; itemque facultas loquendi cum coquinario, et ab illo alicujus esculenti materiam petendi et recipiendi, ac demum libertas coquinam nobis faciendi in cellula.

CAP. VIII. — Ea omnia quæ in hoc capitulo habentur fere de verbo ad verbum in antiquis statutis re-

dotis monachi, et qui de laicis adsunt, accipimus, cantantes antiphonam, *Lumen ad revelationem gentium*, et evangelium, *Nunc dimittis*, ac per versus singulos antiphonam repetentes. Sequitur *Dominus vobiscum*, et oratio, *Exaudi quæsumus, Domine*, deinde missa; candelas autem post evangelium offerimus.

CAPITULUM IX.

Quoties radamur in anno.

1. Sexies in anno radimur servato silentio; in vigiliis Paschæ, Pentecostes, Assumptionis, Omnium Sanctorum, Natalis Domini, et in capite jejunii.

2. In vigiliis beatorum Jacobi, Laurentii, Bartholomæi, Matthæi, Simonis et Judæ, et Andreæ semel quidem reficimus, sed coquinam, si talis dies est, facimus, missasque non cantamus.

3. In cæteris duodecim lectionum festis, quibus capitulum non tenemus, nec missam dicimus, in vigilia tantum post nonam in claustrum pro recordatione convenimus.

COMMENTARIUS.

feruntur, cap. 14, n. 1 sec. part. Itemque cap. 4 prim. par., nn. 4 et 10, cap. 5, nn. 2, 3, 19 et 38. Itemque cap. 32, n. 1, cap. 8, n. 4.

Apponitur tantum in antiquis statutis conditio ista, circa abstinentias in pane et aqua in istis vigiliis servandas, nisi veniant in festis duodecim lectionum, de qua circumstantia non sit expressa mentio in Consuetudinibus R. Patris Guigonis; sed ex cap. 52, n. 1, satis subintelligitur.

Porro eadem a vobis etiamnum servantur, exceptis abstinentiis in pane et aqua, de quarum dispensationis ratione, imo necessitate, suo loco agetur.

CAP. IX. — Num. 1. *Sexies in anno.* Idem habetur in antiquis statutis cap. 15, sec. part. n. 16, et ex cap. 23 præsentium Consuetudinum apparet quod singuli haberent novaculam ad caput.

Num. 2. *In vigiliis beatorum*, etc. Idem refertur cap. 14, ejusdem sec. part. Si talis dies est, id est, si ea die occurrant qua coquinam facere licet, et illis diebus non eveniant abstinentiæ deputatis, quæ in præsentibus Consuetudinibus notantur.

Ibid. *Missæque non cantamus.* Id in antiquis statutis omittitur. An autem intelligi debeat tum de missa majori, tum de privatis, a quibus, illis specificatis diebus, utpote jejuniis destinatis, tempore R. Patris Guigonis abstinere, aliqua apparet dubitandi ratio, maxime propter verbum illud *non cantamus*, quia conventuali missæ tantum applicari posse videtur. At ut supra cap. 4 sub finem notavimus, verbum illud a R. Patre Guigone communiter etiam usurpat, pro *persolvimus* aut *dicimus*. Id ergo de missis privatis potest intelligi, cum etiam in jejuniis quadragesimali omni die missa conventualis, id est major, celebraretur, prout ex n. 12, cap. 4, probatur. Probabilius tamen est, quod his tantum diebus missam conventualem celebrarent, quibus missa propria ex præscripto missalis tunc era assignata. Missæ quoque pro defunctis conventuiter celebrabantur, prout in aliis locis clare videtur.

Num. 3. *In cæteris*, etc., *nec missam dicimus.* Hic et offert occasio facile errandi nisi sequentia cum præcedentibus prudenter concordentur, et inde concludendi quod missa conventualis tempore R. Patris

A Guigonis, nec etiam diebus festis duodecim lectionum celebraretur, quod veritati adversari credimus. cum de missa majori etiam privatis diebus apud nostros frequenter celebrari consuetudine evidenter pateat ex locis tum supra relatis, tum infra referendis. Id ergo intelligendum esse nobis videtur de missis privatis, a quibus, illis etiam diebus festis duodecim lectionum communiter tunc abstinere, sed non semper, prout infra apparebit ex n. 1, cap. 14. Quæ abstinentia a missis celebrandis, per antiqua statuta probata non fuit, atque ideo aliter de hac re in melius dispositum est: nam missarum celebratio ad pietatis et spiritualis exercitationis augmentum pertinet. Ex antiquo etiam usu ordinis in vetustis codicibus expresso, notatur in Kalendaris *missa*, sub festis sanctorum, quæ ibi scribuntur celebranda cum tribus tantum lectionibus, ut fiat discretio inter festa hujusmodi, quæ missam conventualem de festo habent, et alia quæ non habent. At nihil simile notatur, nec in solemnitatibus, nec in festis capituli, nec in festis duodecim lectionum, quæ ultima festis duplicibus coequantur. Certum est autem quod nec diebus solemnitatibus, nec diebus festorum capituli missam conventualem omitterent, et inde potest concludi quod ista festa omnia æqualiter missam propriam et conventualem haberent, sicut universaliter observari videmus in Ecclesia, circa festa duplicia.

Ibid. 3. *In vigilia tantum post nonam.* Ibi clare expressum habes usum recordationum iisdem diebus fieri solitum, quæ in antiquis statutis specificantur: et inde perspicies in antiquis statutis ea ordinate et expresse fuisse posita, quæ in Consuetudinibus R. Patris Guigonis sparsim tantum, succincte et veluti implicite fuerant scripta: et probatur a habebis quod in Prologo de hac diximus.

Cur rasura nunc pluries fiat apud nos? Id pertinet ad majorem reverentiam adhibendam in missarum celebratione, quæ frequentior nunc est apud nos quam primis ordinis temporibus, ut suo loco videbitur. Sed ex ipsa rasurarum multiplicatione, rigorem nostræ observantiæ potius auctum esse quam diminutum, proprio experimento facile discent, qui rem in dubium vocare volent.

CAPITULUM X.

Quales hospites introducantur in chorum.

1. In chorum nostrum hospites tantum religiosos introducimus, cum quibus in claustro communem licet habere sermonem.

2. In partem vero ducere aliquem, vel duci, aut quasi secreto aliquid intimare, aut mandare aliquibus non licet, nisi licentiam dante priore. Quam licentiam non ad nos, sed ad eos, si tanti habent, attinet petere. Nunc de his quæ pro defunctis vel circa defunctos gerimus, aliquid est dicendum.

CAPITULUM XI.

De officio defunctorum.

1. Altera itaque post Omnium Sanctorum festum die, nisi in Dominica evenit, pro defunctis univiersis agendam post nocturna cum novem lectionibus dicimus, hac una tantum oratione contenti, *fidelium Deus omnium*; dehinc, post primam, missam præsentem conventu celebramus.

2. In nullo autem duodecim lectionum festo, vel infra octavas Natalis Domini, Paschæ, vel Pentecostes defunctorum officium facimus, nisi forte defunctus præsens fuerit, vel tricenarium agi contigerit. Quod tamen tribus diebus ante Pascha, et ipso die Paschæ, vel Pentecostes, seu Natalis Domini, si forte eveniret, quantum ad missam [*al. officium missæ*] attinet, minime faceremus.

3. Ab hoc igitur die, id est a quarto Nonas Novembris usque ad Septuagesimam, agendam in ecclesia post nocturna dicimus. A Septuagesima vero usque ad prædictam diem post vespervas jejunii die, alias post cœnam [*additur in ms. vel ante*] idem officium in cellis exsolvimus. Quod si anniversarium fuerit, in ecclesia statim post vespervas cum novem lectionibus et antiphonis agitur.

4. In Quadragesima tamen, ne fratres graventur, post refectionem in cellis dicitur.

CAPITULUM XII.

De visitatione ægroti.

1. Cum autem frater ægrotus morti propinquare putabitur, congregatur conventus ad visitandum eum,

COMMENTARIUS.

CAP. X. — Num. 1. *In chorum nostrum*, etc. Quandoquidem ingressus in chorum licentiæ silentium frangendi per commune colloquium cum quibusdam hospitibus tunc temporis conjunctus erat, non est mirum cur fieret selectus personarum, quæ chorum ingrederentur; alioquin silentio perniciem fuisset illata, et hac de causa scrupulose arcebantur a chori ingressu aliæ personæ. Illis vero temporibus, quando licentia colloquium commune habendi cum hospitibus abrogata est, ingressum chori omnibus quidem passim non permittimus, sed non tam scrupulose interdiciamus. Ingressus ille olim pertinebat ad observantiam regularem personalem, propter silentii custodiam; nunc sublata ista licentia colloquendi, ad politiam mœre externam pertinet, quæ potest, habita temporum et causarum ratione, absque ulla observantiæ regularis læsione relaxari. Per observantiam autem personalem intelligo, ea quæ per se tendunt ad macerandam carnem, et propriam voluntatem frangendam.

Num. 2. *In partem ducere... nisi licentiam dante priore*, etc. Inde evidens est quod tempore R. Patris Guigonis, sicut et nunc servatur, cum licentia prius per extraneos a priore petita et obtenta, non per nosmetipsos, ipsi extranei poterant nobiscum privatim colloqui, et inde observatur etiam nunc, ut sæculares licentiam obtinere debeant a priore, antequam possint a nobis in cellam ad colloquendum admitti. Quod autem primis illis temporibus extranei possent etiam in cellas nostras recipi, ex ipso S. Brunonis exemplo innotescit, qui tum sanctum Hugo-

rentii, sibi invicem quotidianas suæ cellulæ opellas rapientes pie expellebat dicendo: *Ite ad oves reatas*, etc.

Eadem prorsus habentur in antiquis Statutis cap. 9, num. 1 et 28 secundæ partis.

CAP. XI. — Eadem prorsus quæ in hoc capitulo habentur, in antiquis Statutis referuntur cap. 23 prim. part., n. 5, et cap. 49, num. 1, 14, 7 et 11.

Num. 1. *Agendam post nocturna*. Agenda, quo nomine officium defunctorum, id est vespervas, matutinas et laudes, ab antiquis vocamus, in choro a quarto Nonas Novembris usque ad Septuagesimam tunc tantum dicebatur; cæteris vero anni temporibus in cella post vespervas, nisi officium illud in conventu pro anniversario reddi debuisset. Nunc vero agendam in choro semper exsolvimus, excepto Quadragesimæ tempore.

Num. 3. *Quod si anniversarium... cum novem lectionibus*. Per istam expressionem *novem lectionum*, anniversariis specificè attributam, innuit usum qui extensus explicatur in antiquis statutis, et qui talis erat, ut communes agendæ cum tribus tantum lectionibus et novem psalmis redderentur.

Nihil ergo in hac parte reperitur relaxatum, imo potius aliquid auctum, quia nunc agenda semper in choro dicitur post vespervas, et semper cum novem lectionibus.

CAP. XII. — Idem capitulum integre refertur in antiquis statutis cap. 47 prim. part.

Num. 2. *Tunc confitetur peccata sua*. Id de confessione sacramentali non intelligitur, et ne inde suspicio oriretur confessionis publicæ, quæ nunquam

et dicit sacerdos, *Pax huic domui et omnibus habitantibus in ea*, spargens aquam sanctam; respondetur *Amen*.

2. Tunc constitetur peccata sua, et post absolutionem dicit idem [*al. item*] sacerdos: *Salvum fac servum tuum; Esto ei, Domine; Nihil proficiat, Dominus vobiscum, Deus qui famulo tuo, Deus qui per apostolum*

3. Deinde dicitur psalmus, *Domine, ne in furore tuo*, primus, post cujus finem inungitur ei visus et dicitur: *Per istam unctionem et suam piissimam misericordiam indulgeat tibi Deus quicquid peccasti per visum*.

4. Et ita post singulorum psalmorum septem finem, repetitur hæc eadem oratio ad singula in quibus inungitur loca, id est ad auditum, ad odoratum, ad gustum sive loquelam, ad tactum, id est ad manus, ad incesum, id est ad plantas, ad ardorem libidinis, id est ad renes.

5. Postea tergitur os ejus, et ab omnibus, tanquam profecturnus, pie exosculatus communicat, cantantibus qui adsunt communionem: *Hoc corpus*.

6. Post hæc dicuntur orationes istæ, *Respice, Domine; Deus, qui facturæ tuæ; Deus, qui humano generi*.

CAPITULUM XIII.

Quomodo tractandus sit qui moritur.

1. Cum jam [*al. jamjam*] mori videbitur, ab his qui ei serviunt signo dato, postposita omni occasione accurrunt cuncti, nisi cum [*al. tamen*] divinam in ecclesia contigerit officium celebrari.

2. Tunc enim prior, vel cui ipse injunxerit, cum duobus aut tribus ad morientem festinat. Depositoque eo super benedictam cinerem, litaniam prout res patitur longam vel brevem faciunt. Sequitur, *Pater noster*, et preces, *Salvum fac, Esto ei, Nihil proficiat*, deinde oratio hæc, *Misericordiam tuam*; post hanc quinque psalmi, *Verba mea, Domine, ne in furore*, primus, *Dilexi quoniam, Credidi, De profundis, Pater noster, A porta inferi*; oratio, *Deus, cui proprium est*. Exinde agenda plenaria cum laudibus et vesperis; post hanc, Psalterium.

3. Interea defunctus abluitur et induitur; monachus cilicio et cuculla, caligis et pedulibus; laicus tunica et caputio, caligis et pedulibus, inde imponitur seretro et intermissa psalmodia dicit sacerdos, *In memoria æterna, Ne tradas bestiis, Ne intres in iudicium*; post hæc orationem istam, *Deus, cui omnia vivunt*.

4. His expletis fertur in ecclesiam, et cantatur responsorium, *Credo quod Redemptor*; post hæc dicit sacerdos: *A porta inferi, Nihil proficiat, Ne intres, Oremus, Suscipe, Domine, animam*.

5. Posito autem in ecclesia defuncto, repetitur psalmodia ubi fuerat intermissa; et hoc omnino procuratur ut duo ad minus psalteria dicantur, unum in ecclesia, alterum in cellis cum veniis; si vero de illo quod in ecclesia dicendum est, resisterit aliquid, redditur in cellis; nam si tempus permittit eadem die, non tamen nisi post missam pro eo cantatam, sepelitur. Sin autem, servatur in crastinum, noctemque ipsam monachi cum laicis, et pro sui numero et pro ipsius quantitate dividunt, circa corpus psalterium frequentantes.

6. In crastino autem, missa cunctis presentibus cantata, sepelitur hoc modo. Stat chorus juxta corpus, et dicit sacerdos, *Pater noster*; preces *A porta inferi*; orationem *Deus, vitæ dator*; responsorium, *Credo quod Redemptor, Kyrie eleison, Pater noster*; preces *Ne intres*, orationem *Deus, qui animarum*; responsorium, *Ne abscondas me, Kyrie eleison, Pater noster*; preces, *Ne tradas bestiis*, oratio *Non intres in iudicium*; responsorium, *Ne intres, Kyrie eleison, Pater noster*; preces, *Requiem æternam*; orationem, *Fac, quæsumus, Domine*.

7. Tunc portatur ad tumulum, cum his psalmis, *In exitu Israel, Miserere mei, Deus, Confitemini cxvii, Quemadmodum, Memento, Domine, probasti me, Inclina, Laudate Dominum de cælis, Benedictus Dominus Deus Israel, Magnificat*.

COMMENTARIUS.

fuit in usu apud nos, nisi pro certo genere culparum abstatu, eratque devota occupatio eorum, qui custodiebant corpus defuncti. Exinde id conversum fuit, per consuetudinem a singularibus domibus introductam, in quoddam beneficium, quod secularibus etiam aliquando concederetur. Contra hanc consuetudinem ne exresceret, et inde monachi gravarentur, reclamaverunt antiqui Patres, ut videre est prim. part. antiq. Statut. cap. 49, num. 15 et 16, et in ordinationibus plurium capitulorum generalium, de quibus alibi fusius tractabitur.

Eadem ad litteram nunc servamus.

Cap. XIII. — Idem capitulum integre refertur in antiquis statutis cap. 47 prim. part.

Num. 2-5. Post hanc Psalterium, etc., hoc omnino procuratur, ut duo ad minus Psalteria dicantur, unum in ecclesia, alterum in cellis cum veniis. Sic habes originem suffragii, quod monachatum vocamus, et tunc pro presentibus tantum mortuis redde

batur, eratque devota occupatio eorum, qui custodiebant corpus defuncti. Exinde id conversum fuit, per consuetudinem a singularibus domibus introductam, in quoddam beneficium, quod secularibus etiam aliquando concederetur. Contra hanc consuetudinem ne exresceret, et inde monachi gravarentur, reclamaverunt antiqui Patres, ut videre est prim. part. antiq. Statut. cap. 49, num. 15 et 16, et in ordinationibus plurium capitulorum generalium, de quibus alibi fusius tractabitur.

In statutis modernis eadem prorsus referuntur, sed latius et distinctius ordinata.

8. Cum ventum est ad sepulcrum, dicit sacerdos, *Pater noster, A porta inferi*; orationem, *Tibi, Domine, commendamus*. Tunc benedicit fossam et aspergit aqua sancta et thurificat, deinde ponitur corpus in ea; et dum operitur dicit sacerdos orationes istas, cæteris prædictos psalmos canentibus, *Obsecramus, Deus, apud quem, Te, Domine, Oremus, fratres, Deus qui justis, Debitum humani, Temeritatis quidem, Omnipotentis Dei, Inclina, Domine*.

9. Quibus pariter et Psalmis expletis sequitur *Pater noster*, et orationes *Tibi, Domine, commendamus, et Deus, cujus miseratione*. Dehinc a sepulcro redeunt cantantes *Miserere mei, Deus*, et in ecclesia hac oratione totum complent officium, *Fidelium Deus*.

CAPITULUM XIV.

Item de cura mortuorum.

1. Ab ipso autem sepulturæ die usque ad tricesimum, quotidie pro eo, non tamen in conventu, missa cantatur, et prima in agendis oratio ei specialiter deputatur. Notatoque in Martyrologio obitus ejus die, semper anniversaria in conventu pro eo missa, hieme post, æstate ante primam, celebratur.

2. Eo autem die quo defunctus sepelitur, cellas fratres tenere non coguntur, et consolationis gratia, his, nisi præcipuum jejunium fuerit, simul vescuntur.

3. Et hoc sciendum, quod sine ulla personarum acceptione, pro omnibus defunctis nostris idem et par officium facimus, nihil pro monacho plus quam pro laico, vel pro prælatæ quam pro subdito [*al. subjecto*].

4. Pro benefactoribus vero nostris, excepta assidua commemoratione, quæ sit semper in precibus ecclesiastici officii, penultima in omnibus agendis oratio dicitur, et per singulas hebdomadas tam pro eis quam pro omnibus hujus loci habitatoribus, et universaliter pro cunctis fidelibus defunctis ab hebdomadario, æstate ante primam, hieme post, missa una cantatur.

5. Raro quippe hic missa canitur, quoniam præcipue studium et propositum nostrum est silentio et solitudini cellæ vacare juxta illud Jeremiæ: *Sedebit solitarius et tacebit* (*Thren. III*); et alibi: *A facie manus tuæ solus sedebam, quia comminatione replesti me* (*Jerem. xv*). Nihil enim laboriosius in exercitiis disciplinæ regularis arbitramur quam silentium solitudinis et quietem. Unde et beatus Augustinus dicit: *Amici hujus mundi nihil esse laboriosius quam non laborare*. Sed hæc hæc hactenus; nunc cætera prosequamur.

COMMENTARIUS.

CAP. XIV. — Num. 1. *Ab ipso autem sepulturæ die usque ad tricesimum*. Hic habes originem suffragii, quod nunc *tricenarium* vocamus, et per privatas missas redditur, excepta prima, quæ conventionaliter dicitur in die sepulturæ. Et ex hoc capitulo abundantius probatur usum frequenter celebrandi apud nos missas conventuales, atque etiam non raro privatas fuisse ab initio observatum.

Num. 2. *Cellas fratres*, etc. Usus iste fuit apud nos postea correctus, et nunc diebus sepulturæ nullum habetur colloquium; his tamen adhuc simul comedimus in refectorio.

Num. 3. *Idem et par officium*. Inde nobis indicatur quam sedulo primi ordinis Patres charitatis exhibitæ æqualitatem inter suos servari vellent, quam imitari debemus, et non tam facile singularia beneficia post mortem reddenda postulare aut concedere. Singularitas enim charitati derogare videtur, dum alius illi præfertur in auxilio præstando. Inde etiam apparet quantum nos omnes distare vellent a personarum acceptione. Superiores vero ab omnibus, quæ supercilium, fastum, aut singularitatem redolent.

Num. 4. *Ab hebdomadario æstate ante primam*, etc. De sacerdote *hebdomadario* hic fit mentio et de missa quæ pro benefactoribus et pro cunctis fidelibus defunctis singulis hebdomadibus privatim celebratur. Quid ergo sibi vult R. P. Guigo, dum subdit: *Raro quippe hic missa canitur*? Facile hic erratur nisi intelligatur de quibus missis hic loquitur vir sanctus. Agitur ergo hic præcipue de missis quæ ultra com-

munis et in his Consuetudinibus designatas, a secularibus expeterentur, et maxime de illis contra quas invehitur cap. 41, n. 4, ubi dicit: *Audirimus enim, quod non probamus, plerosque toties splendide convivari, missasque facere paratos, quoties aliqui pro suis eis voluerint exhibere defunctis*, etc. Statim ergo atque egit de speciali missa pro benefactoribus et cunctis fidelibus defunctis, singulis tantum hebdomadibus celebranda, prout etiam nunc observatur, ad missas illas convertitur, quas temporibus illis parentes defunctorum expetebant celebrari a monachis, ad quos simul mittebant bonum prandium, de quo loquens sanctus vir dicit, *splendide convivari*, etc. Has ergo missas specialiter in mente habuisse arbitramur, dum dicit: *Raro quippe hic* [*subaudi hujusmodi*] *missa canitur*; et subdit rationem, *quoniam præcipue studium et propositum nostrum est, silentio*, etc. Parentes enim ipsi ad monasterium acclebant missam audituri, et forsitan postea ibidem pransuri, quod a silentii et solitudinis proposito et studio alienum erat. Sed quia locus iste valde obscurus erat, ista verba, *raro quippe hic missa canitur*, in antiquis statutis non fuerunt posita. Cætera vero in ipsis referuntur prim. part. cap. 48, n. 1, cap. 47, n. 28. Item cap. 48, num. 8 et 15, et cap. 9 secundæ part., n. 26.

Num. 5. *Nihil enim laboriosius in exercitiis*, etc. Hic loqui incipit de solitudinis et silentii proposito et natura. Nihil vere laboriosius est naturæ humanæ quam societate sibi similibus, et loquendi libertate

CAPITULUM XV.

De ordinatione prioris.

1. Cum priorem domus hujus obire contigerit, post ejus sepulturam convocatis fratribus, tribuantur cunctis indicitur jejunium, maneque et vespere in ecclesia psalmus, *Ad te levavi*, expleto officio, communi devotione cantatur, procumbentibus super fornias omnibus: *Kyrie eleison*, *Pater noster*, et preces, *Salvos fac servos tuos*, *Mitte eis auxilium de sancto*, *Nihil proficiat inimicus in eis*, et oratio, *Præterde, Domine*, supponuntur. Quinta autem die mane missa de Spiritu paracleto in conventu devotissime celebratur. In die in capitulum convenientes, majorum meliorumque consilio ex seipsis unum eligunt, aut sacerdotem, aut ad sacerdotium promovendum, statimque in prædecessoris transferunt locum. Totamque diem illam gaudio dedicantes, bis nisi præcipuum jejunium fuerit, in refectorio comedunt.

COMMENTARIUS.

se privare, quia nihil est in quo propensius tendat; A ususque libere conversandi et loquendi, est quoddam germen delectationis naturalis, quo per solitudinis et silentii exercitium quodammodo suffocato, vim patitur, quia ne sursum germinet impeditur. Sed nihil est quod naturam corruptam possit amplius et securius edomare, atque a periculis servare, quia iade occasiones ei auferuntur se in conversatione hominum dissipandi, et in profusione verborum sese evacuandi, ex quibus communior peccandi materia componitur, et dum ambæ istæ viæ societatis et colloquutionis, solitudine et silentio, veluti spinis spiritualibus sepiuntur, homo se ad Deum et ad seipsum convertere cogitur.

Per silentium et solitudinem mundo et vanitatum objectis januæ clauduntur; et dum a sensibus humanis renouentur ea quæ carnalia desideria atque etiam mentalia excitare consueverunt, anima sibi et Deo liberius vacare discit et assuescit. Si ergo silentio et solitudine naturæ corruptæ propensio velut opprimitur, et cum sit ex amicis mundi, laboriosius ei nihil sit, secundum D. Augustinum hic laudatum, quam non laborare, id est secundum suam propensionem agere, loqui, conversari, certum est quod in utriusque exercitio magis quam in aliis quibuscunque vim patitur. Nihil æque naturam mortificat, quia aliæ mortificationes carnem macerant, sed hæc etiam ad animum pertingit; at dum sic angustiantur vasa carnis, dilatari possunt spatia charitatis, et exercitatio illa, licet in præsentem videatur esse mororis et lædii, fructum tamen pacatissimum exercitatis reddit salutis et intimæ consolationis: nam per eam gustatur et videtur quoniam suavis est Dominus, et quæ sit illa Christi pax exsuperans omnem sensum, corda atque intelligentias custodiens, suavissimo dignoscitur experimento, si tamen exercitationis illius susceptio cœlesti vocatione fuerit præventa, et, ut par est, secundum mentem et discretionem ordinis a nobis observata, qui in omnibus providit. *Ne quid nimis.* In solitudine enim servanda modus etiam adhibendus est, ne ex excessu communem hominum statum superante, animus hebetetur, aut etiam in suo naturali statu lædatur, quibus incommodis prudenter in ordine provisum est. Nam ex exercitiis sibi invicem succedentibus, et veluti intertextis, inter quæ conversationi quandoque datur locus quantum satis, sit quædam salutaris composi-

tio, quæ ex concurrentia corporalium et spiritualium exercitiorum simul prudenter mistorum et temperatorum, statui humano sic est cum debita proportionem accommodata, ut secure proverbium illud dicamus: *Serva ordinem, et ipse te servabit*, non tantum in anima, sed et in corporis atque etiam animi bona valetudine, et pia hilaritate.

Omnia etenim sunt discretè in statutis nostris temperata, ad servandam perseveranter solitudinem, viribus humanis prudenter accommodata, et desuper a Domino benedicta. Quod continuis et quotidianis experimentis probatum habemus in his omnibus qui suæ professionis habitus sibi comparare a juventute religiose studuerunt, et in cella se utiliter occupare. Secus autem si ordo non bene servetur. Væ enim Carthusiano illi, statim clamamus, quia tribulationem et dolorem invenit, laborem et afflictionem spiritus sæpe patitur in mente, et per suam indiscretionem, id est per aliqua opera aut exercitia non secundum ordinem aut præter ordinem, proprii iudicii et propriæ voluntatis ductu suscepta, deficit in corpore; et lapsus spiritualem incurrit in interiori homine. De laboribus vitæ solitariae nunc hæc pauca dixisse sufficiat.

Sed cur R. Pater Guigo de vigiliis et abstinentiis, de aliis duris et asperis quæ in ordine observantur nullam hic mentionem fecit, ac si pro nihilo illas austeritates reputaret? Quia essentia instituti Carthusiani in cellæ et silentii observantia, atque perfecta propriæ voluntatis abnegatione consistit: unde alias austeritates solum æstimat, in quantum ad obedientiam referuntur, prout ipse explicat cap. 35, n. 3, ubi ait: *Licet enim multa sint et diversa quæ observamus, uno tamen et solo obedientiæ bono, cuncta nobis fructuosa futura speramus.*

CAP. XV.—Num. 1. *Cum priorem domus hujus, etc.* Loquitur tantum de domo Carthusiæ, quia non leges aliis præscribere, sed tantum consuetudinem introductam, et jam per usum confirmatam in domo Carthusiæ, aliis communicare intendit. Nulla de forma juris servanda inter eos fit mentio, nec de confirmatione habenda, quia de titulo fixo superiori inter nos dando nec cogitabant. Unde semper in ordine nomen *prioris* usurpatum est ad designandum eum qui aliis præpositus est, ut indicaretur, eum qui aliis præest inter nos, esse tantum primum inter pares, et æqualium directorem ac ministrum.

2. Qui quamvis omnibus verbo et vita prodesse debeat, et cunctorum sollicitè gerere curam, monachis tamen, ex quibus sumptus est, quietis et stabilitatis et cæterorum, quæ ad eorum vitam pertinent exercitiorum, exemplum maxime præbere debet.

3. Quatuor itaque fratres officium in cella cum cæteris monachis exactis, quintam facit cum laicis. Quo spatio ejus erga fratres officium aliquis ab eo jussus exsequitur.

4. Ipse tamen eremi terminos non egreditur. Sedes ejus ubilibet, vel vestitus nulla quasi dignitate vel pretiositate differt a cæteris, nec quidquam gestat unde quod sit prior appareat. Supplicatur ei, et hoc modice, solummodo ad lectionem eunti et redeunti, vel cum ante eum transitur, et cum ad aliquos venit assurgitur.

COMMENTARIUS.

non dominum. Illic libet referre locum illum exhortationis quam ab antiquis prior Carthusiæ singulis annis in fine capituli generalis solet astantibus facere, ubi sic loquitur prioribus: *Cogitent se domorum suorum ministros esse, non dominos, quibus, ut ait Apostolus, dispensatio credita est.* Ecce quæ sit mens ordinis et qualiter singulis annis prioribus publice proferatur. Eadem autem nunc forma servatur in electione, additis tantum iis quæ ex juris dispositione necessario erant addenda, quando statuta in ordine fuerunt condita, et jamdudum institutum Carthusiense inter monasticos ordines fuerat relatum.

Num. 1. *Præcipuum jejunium.* Id est jejunium tota Ecclesia sub præcepto servari solitum, non vero jejunium illud quod tantum ex ordinis præscripto institutum est.

Num. 3. *Quatuor ergo septimanis... quintam facit.* Ad locum illum bene intelligendum, sciendum est, ut ex sequentibus patebit, fratres conversos tunc temporis non habuisse fixum domicilium in dono monachorum, quæ superior vocatur, quia in eminentiori loco rupium Carthusiæ sita est, quam alia, quæ ideo inferior vocatur, sed in illa inferiori mansisse. Quatuor ergo hebdomadibus cum monachis transactis, prior ad inferiorem pergebat, et ibi per hebdomadam integram cum conversis morabatur, ut pastorem curam circa eos vicinè exerceret, et sic domum inferiorem perlustrans nihil ibi ab observantia regulari deviare permetteret.

Ibid. *Aliquis ab eo jussus.* Illic apparere incipit officium vicarii, quod tunc fixum non erat, nec uni singulari monacho assignatum; sed postea fixum fuit et merito, quia ad politiam ordinis prudenter disponendam sic maxime conveniebat.

Num. 4. *Ipse tamen eremi terminos, etc.* Terminorum nomine apud nos intelliguntur certi limites designari, intra quos statutum fuit ab initio, ut possessiones possemus habere, quæ sufficerent ad singularum domorum ordinis sustentationem, ita ut non indigeremus vagari et quærere ad procurandum nobis unde sustentaremur: quia id erat proposito nostro contrarium, et absque dubio in brevi tempore fuisset nostri instituti destructivum. Duplex autem apud nos terminorum species distinguitur, quorum una possessionum, alia monachorum vocatur. Qui termini monachorum longe angustiores olim erant quam possessionum: nam intra eos continerentur, et spatium designabant intra quod mo-

nachi aliquando, quamvis raro, vel præsentè vel permittente priore simul deambulabant recreationis gratia, et sic spatiabantur. Hinc nomen *spatiamenti*, quo deambulatio illa intra terminos assignata designatur, ortum accepit, et lucusque in ordine servatum est.

Terminos illos possessionum tunc temporis non tantum prior Carthusiæ non egrediebatur, prout nunc ab eo servatur, sed idem observabant communiter alii domorum priores et par erat ratio in omnibus, quia cum possessiones domorum intra terminos inclusæ essent, nulla instabat necessitas inspectionem et curam pastorem exercendi, nisi tantum in his rebus ad nos spectantibus, quæ intra terminos continebantur. Dixi, *communiter*, nam certum est necesse aliquando fuisse ut priores terminos suos egredierentur, exempli gratia, ad fundationes domorum acceptandas et dirigendas, et similia peragenda, quæ personalem industriam et præsentiam requirebant.

Hæc autem cura possessionum primis ordinis temporibus solis prioribus competebat, ut suo loco probabitur, quam tamen per procuratorem et fratres conversos administrabant, ea tantum per se facere et disponere contenti, quæ eorum personalem præsentiam requirebant intra istos terminos: quos tamen aliquando ex morali necessitate, sed cum magna cautela, fratres conversi et non alii, egredi poterant cum licentia. De quibus terminis qualiter in ordine tunc assignarentur, necnon de aliis prælibatis plura suis locis dicentur. Nunc de eremo Carthusiæ, extra quam prior Carthusiæ (qui nunc *reverendus Pater* dicitur) non egreditur, pauca dicemus.

Amplissima est illa eremus, plures habens altissimos montes et profundas valles, ita ut vix credi possit quanta spatia illic contineantur pascuorum et nemorum intra rupium prærupta nascentium et ibi morientium, quia non patet via ad ligna inde transportanda, et his novissimis tantum temporibus, cum magnis laboribus intra quasdam rupes via aperta est, cujus beneficio aliqua pars istarum silvarum potest esse utilis, mediantibus officinis ferrariis. Tota vero illa eremus non pertinet ad Carthusiam, sed tantum magna illius pars, quæ sensim ad suos possessionem devenit. Quando enim primi patres nostri ad Carthusiam venerunt, sanctus Hugo episcopus Gratianopolitanus, et venerabilis Signinus abbas Casæ-Dei dederunt S. Brunoni et sociis ejus quidquid juris in ea habebant: sed postea crevit in

5. In Nativitate quoque et Pascha et Pentecoste, et cum frater aliquis professionem facturus est, missam cantat majorem. Quod idcirco scribimus, ne quis forte posterorum cornua sibi velit assumere, vel nomen suum quacumque gloriæ vel eminentiæ celebrare.

6. In Adventu autem et Quadragesima propter arctiorem sui custodiam, a prædicta etiam abstinet visitatione, nisi aliqua magna necessitas coegerit vel utilitas. Sed et cæteris temporibus non passim aut leviter et pro quacumque vel persona vel causa ad domum descendit inferiorem.

COMMENTARIUS.

eadem eremo Carthusiana possessio, per pietatem A proborum sæcularium, qui illis ex charitate dederunt quod in ea possidebant, etiam aliquando id posulantibus nostris eremitis, ut ab inquietudinibus, quas non raro a rusticis patiebantur, eximerentur, nec non ut terminus illius Carthusiensis eremi, maxime a parte Sancti Laurentii, per naturales terminos, id est per præruptas rupes, notarentur et clauderentur.

Sic ergo sensim creverunt termini Carthusiæ, juvantibus etiam certatim illustrissimo capitulo Gratianopolitano et aliis, unde Carthusiæ obvenerunt pascua illa ampla, quæ in summitate altissimi montis vocati *Charman-son* (quod Latine sonat *amnis-simam summitatem*) sita sunt. Et inde est quod termini Carthusiæ bifariam distinguantur, nempe in terminos privilegiatos, et terminos possessionum. Termini privilegiati dicuntur illi qui initio ordinis designati fuerunt, per gratiam summorum pontificum sub protectione sedis apostolicæ positi, et variis privilegiis decorati, prout sunt prohibitiones, ne mulieres possint illos ingredi, ne homo possit intra illos capi, quod est aliqua immunitatis ecclesiasticæ participatio, et alia hujusmodi, quæ antiquis et primis illis terminis fuerunt concessa. Termini vero possessionum dicuntur illi, qui aliis terminis sensim per varia tempora accesserunt, ex donationibus et attributionibus nemorum, pascuorum, et etiam agrorum, quæ tamen antiquis terminis sunt contigua, et in ipsa magna eremo continentur. Sine quo terminorum augmento certum est nunquam domum Carthusiæ potuisse, crescentibus in dies oneribus, subsistere absque vagandi et quærendi necessitudine, quæ per se nostri instituti destructiva est, ut omnibus cordatis pervium est. Quam etiam de causa non vagandi nec quærendi necesse fuit, ut tum in majori Carthusia tum in aliis domibus licentia possidendi augeretur, ut suis locis probabitur. Sed quæ et quanta esse jam inciperent illa onera tempore R. P. Guigonis, ipse narrabit inferius cap. 19.

Crescentibus ergo sic terminis possessionum Carthusiæ in ipsa eremo, quasi per juxta positionem, crevit etiam ratio in prioribus Carthusiæ inspiciendi quid ageretur, aut quid agendum esset intra dictos terminos. Et inde est quod ab initio ordinis servaverunt sibi libertatem personaliter invisendi quicquid antiquis terminis contiguum de novo accederet, cum semper ad eremum Carthusiæ pertinere censerentur. Quippe in eremo a concursu hominum, a pagis et villis remota consistunt, atque de terminis non scrupulose et physice, sed moraliter intelligendis hic agitur.

Hunc laudabilem usum terminos non egrediendi semper servaverunt priores Carthusiæ, subaudi extra casus urgentis necessitatis, prout sunt bellorum tumultus, pestis, vocatio summi pontificis et alia hujusmodi, quæ legem non habent, et non semel evenerunt in ordine. Nec ab hoc laudabili usu unquam, Deo protegente, discedent, æd aliorum Priorum ordinis exemplum, quamvis circa illos, necessitate cogente, res aliter sancita fuerit, ut suis locis notabitur.

Hæc autem stricta residentia prioris Carthusiæ intra propriam eremum necessaria judicata est, non tantum ut eo exemplo cæteri priores ab inutilibus discursibus extra terminos domorum suarum abstinere, et concessa ex necessitate extra eos egrediendi libertate non abuterentur, sed etiam ut negotia ordinis, quæ undique ad illum, sive per litteras, sive per expressos nuntios deferuntur, sic damnum ex responsionum dilatione non paterentur, cum semper in domo Carthusiæ, vel saltem intra eremi ambitum prior Carthusiæ certo reperiri sciatur. Hæc pauca de eremo Carthusiæ et de priorum eius residentia nunc dixisse sufficiat.

Ibid. *Sedes ejus ubilibet vel vestitus.* Ex hoc loco incipit apparere cur in ordine titulus abbatis, nec ab ipso priore Carthusiæ ordinis generali, etiam impellente aliquando S. sede apostolica, fuerit acceptatus. Mens enim ordinis, amici et fratres in Christo dilectissimi (iisdem enim verbis, quibus socios alloquitur R. P. Guigo, erga vos uti non desinam), mens, inquam, ordinis est, hic et ubique in statutis postea expressa, ut in dilectione et humilitate ambulemus, et priores nihil sibi usurpent, nec in titulis nec in rebus, sive ad victum, sive ad vestitum, sive ad suppellectilem pertinentibus, quod eos a monachis distinguat. Et quicquid apparet in his per statuta monachis non esse concessum, sibi ipsis etiam debent credere non licitum, exceptis iis quæ ita prioratus munitis sunt annexa, ut absque illis non possint bene et juxta mentem ordinis adimpleri.

Num. 5. *Quod idcirco scribimus... cornua sibi velit*, etc. Istum loquendi modum e Scripturis sacris assumpsit R. P. Guigo, in quibus non raro ambitus ille se supra alios exaltandi, per cornua assumpta exprimitur, veluti psal. LXXIV: *Nolite extollere in altum cornu vestrum.*

Num. 6. *Sed et cæteris temporibus non passim*, etc. Hic patet quod hospitalitatis gratia, personas graves et honestas prior deducebat ad domum inferiorem, vel ibi eas visitabat; nam tunc temporis ibi cameras, in quibus hospites communiter ad pernociandum in hac majori Carthusia exciperentur, existisse

CAPITULUM XVI.

De procuratore domus inferioris.

1. Præficitur enim ab eo eidem domui unus e monachis diligens procurator, sic enim eum volumus appellari. Qui universorum strenue curam gerens, si magnum aliquid aut præter consuetudinem agendum est, ad prioris recurrit semper consilium, nec grande aliquid, præter ejus licentiam, donare præsumit aut agere.

2. Sed et ipse, quamvis exemplo Marthæ, cujus suscepit officium, circa multa sollicitari et turbari necesse habeat, silentium tamen et quietem cellæ non penitus abjicere aut abhorreere solet. Sed potius, quantum domus negotia patiuntur, quasi ad tutissimum et quietissimum portus sinum, ad cellam semper recurrit, ut legendo, orando, meditando et turbulentos animi sui motus ex rerum exteriorum cura vel dispositione surgentes sedare, et in arcanis sui pectoris aliquid salubre, quod fratribus commissis in capitulo suaviter et sapienter eructet, possit recondere. Tanto enim frequentioribus prædicationibus indigent, quanto minus litteras norunt.

3. Qui si, quod absit, negligens aut prodigus aut contumax inventus fuerit, sæpiusque corruptus emendare noluerit, subrogato in locum ejus meliore, ad cellæ protinus custodiam revocatur, ut qui nequit alienam, suam saltem operetur salutem.

CAPITULUM XVII.

De infirmo qui mittitur ad inferiorem domum.

1. Quod si quem alium ex monachis ad inferiorem domum fecerit prior descendere (sit autem raro, magna quadam et pene inevitabili necessitate, vel ad importabile lædium relevandum, vel ad periculosam aliquando tentationem sedandam, vel ad genus aliquod morbi gravissimi mitigandum), si quem ergo tallium [*al. alium*] inferius descendere prior fecerit, de dispositionibus et negotiis totiusque domus cura nulla se curiositate intronnet.

2. Non enim expedit habitatori cellæ nosse hujusmodi, tum etiam totius domus paci contrarium est.

COMMENTARIUS.

certum est, quamvis etiam aliqua diversoria in superiori domo haberentur, ut infra videbitur. A exsequendi in ordine. Cui si se conformare studcant officiales, non obstante ipsa rerum externarum administratione, veri Carthusiani esse perseverabunt;

Porro ea omnia quæ in hoc capitulo continentur, de verbo ad verbum relata habentur in antiquis statutis II part. cap. 5, nn. 1 et seqq.; cap. 6, nn. 1, 23, 30, 2, 3 et 24; et ideo nihil prorsus ex hoc capitulo fuit omissum quod in vetera statuta non fuerit transfusum.

CAP. XVI. — *De procuratore domus inferioris.* Ea omnia quæ in hoc capitulo habentur, procuratori domus inferioris possunt tantum applicari: nam in domibus in quibus domus inferior non erat, plura quæ hic dicuntur non faciebat, prout per ordinationes capitulorum generalium deinceps determinatum fuit, ut suis locis videbitur. Cur autem domus inferior constructa fuerit in domo Majoris Carthusiæ, et postea ad ejus imitationem in antiquioribus domibus ordinis, quæ etiam *Correria* vocantur, nomine assumpto ab illo inferiori domo Carthusiæ quæ *Correria* dicitur? Id factum credimus ut a domo superiori, ubi monachi habitabant, omnis strepitus ille arceretur, qui rei familiari procurandæ naturalis est, et ne ex tumultu recedentium quies monachorum in suis cellulis turbaretur.

Num. 1. *Qui universorum, etc., aut præter consuetudinem.* Hic procuratoris cura qualis esset, et ad quæ se extenderet exprimitur, nempe ad universa quæ geri solebant in domo inferiori, et juxta consuetudinem, nam statim atque quid præter consueta gerendum occurrit, ad priorem hic remittitur.

In hoc capitulo, quod de verbo ad verbum relatum habes in antiquis Statutis, part. II, cap. 8, n. 1 et n. 33, habetur egregia forma ministerium Marthæ

si vero in rerum temporalium curas ita se immergant, ut studium orationis intimæ, cellæ secretum, et spiritualis lectionis occupationem a se abjiciant, hic contra se habent judicium conscriptum.

CAP. XVII. — Ex hoc capitulo apparere incipit discretio quam sibi pro regula principali posuerant instituti nostri fundatores, et ibi exprimuntur casus in quibus aliquid levamen, salva propositi nostri substantia, infirmis dare tunc consueverant. Sed id non est amplius in usu apud nos, eo quod post primum ordinis sæculum, in omnibus fere domibus quæ constructæ fuerunt, nulla fuerit ædificata domus inferior a domo superiori separata, quia consultius judicatum est, ad perfectionem instituti nostri observantiam, ut omnes tam monachi quam conversi intra unius et ejusdem domus ambitum morarentur sub ejusdem prioris oculis, et sub iisdem spiritualibus exercitiis constituti, ædificatis tamen separatim a claustro officinis, et aliis similibus, ubi absque monachorum interturbatione hospites reciperentur, et res familiares perficerentur. Usus ergo ille antiquus est in melius mutatus, et subsidia intra eandem domum cautius nunc ministrari possunt infirmis, adinstar eorum quæ in illa domo inferiori antiquitus poterant concedi.

Num. 2. *Non enim expedit habitatori cellæ, etc.* Hic expressum habemus quantum curiositas se immiscendi negotiis temporalibus domorum nociva ab initio iudicata sit viris pio Mariæ exercitio addiscendo et exercendo deputatis: et illud idem est

Extraneis, nisi iussus, non loquetur, nec. conversis passim et quibuslibet, sed his tantum quibus prior vel dispensatori placuerit : ut si talis est qui erudire et consolari potens sit, cum his loquatur qui erudiri et consolari egent; sin autem ipse consolatione vel eruditione opus habet, cum his ovi hæc prestare noverunt.

CAPITULUM XVIII.

Item de procuratore.

Hoc etiam omittendum non est, quod pene tamen obliti fueramus, quia prædictus procurator in domo inferiori vices prioris exercens, hospites suscipit, osculatur, et si tali (id est circa sextam) vagiant tempore, et tales personæ, hoc est religiosæ sunt, et præcipuum non est jejunium, prandet cum eis, abstinentiæ censura soluta, et ad priorem quos dignos judicat congruenter transmittit.

COMMENTARIUS.

quod statuta nostra tam antiqua quam moderna tantopere commendant, eadem verba repetendo quæ hic scribit R. P. Guigo, et alia plura addendo.

Nam. 2. *Extraneis nisi iussus, etc.* Id significat quod cum extraneis, ad domum inferiorem passim advenientibus, monachus infirmus illic missus loqui non poterat sine licentia (hoc sibi vult verbum *nisi iussus*, quo etiam pro licentia significanda alibi utitur R. Pater Guigo), nec etiam cum quibuscumque conversis. De dispensatoris autem placito hic fit mentio, quia, ut infra videbitur, ad conversum, qui officium dispensatoris exercebat, pertinebat in absentia prioris et procuratoris dare aliis conversis licentiam loquendi, sine qua licentia silentium frangere illis illicitum erat, nisi in casibus qui per statuta determinantur.

Ibid. *Ut si talis est, etc.* Inde apparet quantum in dandis colloquendi licentiis habenda sit ratio majoris utilitatis spiritualis, secundum mentem R. Patris Guigonis, ut solatium externum interno et spirituali non remaneat destitutum, servata prudentiæ discretionem juxta qualitatem infirmi et infirmitatis.

CAP. XVIII. — *In domo inferiori, vices prioris exercens, etc., hospites suscipit.* Inde evidens est quod procurator vicem agebat prioris in domo inferiori, et quod tunc hospites ad Carthusiam venientes in domo inferiori primo recipiebantur, et postea ad priorem ad domum superiorem mittebantur, servata discretionem hic notata, qui tamen prior ad hospites invisendos, si id mererentur, ad domum inferiorem descendebat, ut supra cap. xv, n. 6, exprimitur.

Circa sextam, etc., et præcipuum non est jejunium, prandet, etc. In hoc apparet quantum abesset a primis ordinis professoribus obstinata quædam adhærentia suis abstinentiis, quas subdendas esse aliquando charitati et semper obedientiæ, verbis docebant et exemplis demonstrabant. Quo fine id facerent? Ut propriam subditorum ordinis voluntatem ad omnia semper flexibilem redderent, et exhiberent ad nostri instituti rationem pertinere, ut omnia omnibus, quantum satis, fieri studeamus. Hospitalitatis ergo gratia hospites advenientes, sic probata charitatis urbanitate apud nos recipi vole-

bant, ut etiam jejunium ordinis posset frangi a procuratore illos excipiente. Verbum autem, *prandet*, quo etiam cœnam exprimit R. Pater Guigo, tectorem movere non debet cum alibi, nempe cap. 5, n. 7, eodem verbo ad exprimendum tam cœnam, tum prandium utatur.

Hospitalitatis itaque religiosæ urbanitas, quæ huc usque in ordine fuit commendata, a primis Patribus nostris originem sumpsit, quæ si semper et ubique in domibus servetur juxta moderationem et discretionem in modernis statutis expressam, tunc immunes erimus ab omni nævo justæ reprehensionis. Secus vero, si limites honestæ mediocritatis, servata personarum et locorum qualitate, excedamus, cum id tum per antiqua statuta, tum per nova vetitum sit, nisi ad id nos cogat inevitabilis necessitas. Explico exemplis. Viget bellum, domus aliqua ordinis undique militibus circumdata, et in periculo est maxima damna incurrendi, nisi ducum et officialium gratiam sibi conciliet, prout tot annis experti sumus in domibus Picardiæ, Belgii et Germaniæ: quis cordatus possit juste reprehendere officiales domus illius si invitent duces, et splendida quædam instruant convivia (5) ad captandam virorum militarium benevolentiam, qui nesciunt statutis regularibus attendere, sed putant injuriam sibi fieri nisi mensam opipare paratam inveniant; cui si aliquid desit quod suæ conditioni deberi putant, irascuntur et occasiones se vindicandi quærunt, prout identidem experti sumus, imo nec excusationes admittunt ab impossibilitate reperiendi pretiosiora esculenta deductas. Idem nonnunquam accidit circa quosdam nobiles sæculares, quorum favoribus in certis casibus absolute indigemus, quibus si mensa illorum qualitati aut appetitui convenienter parata non offeratur, se offensos reputant, et ex amicis fiunt nobis infensi. Videre est miseriam. In istis ergo casibus, quibus ceditur tantum necessitati, temere judicarent, qui hæc videndo nos de nimio in epulis illis splendore condemnarent.

Cessantibus vero istis causis, id est, si eadem faceremus, quando cum cordatis et piis viris nobis agendum est, qui seiunt bene perpendere quid a veris Carthusianis possit, servata decencia et quali-

(5) Quando de instituendis pro viris militaribus splendidis conviviis loquimur, id non intelligimus secundum usum sæcularis splendoris, sed secundum usum ordinis, id est quod convivia ista splendida &

nobis assumantur ex respectu ad usum consuetum ordinis. — Hæc Editor Carthusianus in *Monito ad Lectorem. ad calcem voluminis.*

CAPITULUM XIX.

De equitaturis hospitum.

1. Ipsorum autem hospitum personas tantum, non etiam equitaturas procuramus, talesque lectos eis et cibos qualibus ipsi vescimur, præparamus. Quod (videlicet quod equos non procuramus) ne cui forte videatur austerum, et non discretioni sobriæ sed duritiæ potius et avaritiæ imputet vitiosæ; consideret, quæsumus, quam arcta, quam dura, quam pene sterili maneamus in eremo, et quod nihil; hoc est nullas possessiones nullosque redditus extra possideamus. Præterea frequentiam attendat hospitum, quibus nequaquam pasturæ, nedum annonæ possent nostræ sufficere, quippe quæ nec nostris sufficiunt animalibus, nam et sagmarios nostros et oves extra mittimus hyematum.

2. Accedit etiam ad hoc quod vagandi et quæsitandi horremus omnino, tanquam periculosissimam, COMMENTARIUS.

tatis personarum reverentia, desiderari: non tantum mereremur de relaxatione argui, sed etiam irriteri. Et hæc videndo prudentes hospites jure et merito possent in corde suo dicere: Hi, si essent veri Carthusiani, scirent utique quæ et qualia a se ministrari debeant suis hospitibus, ut religiose cum eis agatur.

De hoc ergo pronuntio nos potius mereri irrisionem quam approbationem, si notabiliter et scienter in hac parte excedamus. Sed fatendum est etiam in hoc posse facile errari et temere judicari ab extraneis, qui nescientes causas et rationes, quibus non raro quasi invite movemur ad mensam paulo lautius instruendam, statim nos condemnarent, et quod necessitati tantum tribuendam est, nostræ liberæ voluntati imputarent.

Omnibus tandem occurreret, si discretio in postremis statutis notata bona fide servetur, ubi res per hæc verba concluditur: *Quanto rarius, tanto melius.*

Demum si aliquando in quibusdam domibus et ab aliquibus officialibus in hac parte erraretur, nec ordini nec conventui regulari domorum id imputandum esset. Conventus enim, quo corpus ordinis componitur, nisi prorsus commune habet cum receptione hospitum, et nullo modo participat istis excessibus, cum pitantiam æqualiter ordinatam semper habeant in cella singuli conventuales. Imo nec sciant quid in camera hospitum ministretur, sed ad solos priores et procuratores pertineret ista personalis transgressio, quæ ad visitorum examen in sequenti visitatione adduci, et condigna animadversione plecti deberet.

Idem judicandum est de aliis similibus transgressionibus, quæ personales sunt, et quæ nunquam in ordinem poterunt juste refundi, quandiu per condignas reprehensiones et animadversiones contra eas reclamabitur, et pro possibili punientur; hi enim tantum qui tacent consentire videntur.

Totum hoc R. Patris Guigonis capitulum transmissum habetur cap. 8 et sec. part. antiq. Stat.

CAP. XIX — Num. 1. *Ipsorum autem hospitum etc., non etiam equitaturas.* Ex hoc et sequentibus capitulis debet hauriri unde postea capitulum 41, ubi de fugienda cupiditate agitur, possit recte intelligi. Perspicuum enim est quod cupiditati aliquid possidendi extra terminos renuntiarent primi

A Patres nostri, sed non justo desiderio habendi intra terminos sibi assignatos unde pacifice possent subsistere, et necessitatibus suis sufficienter providere, et non tantum illis necessitatibus quas absolutas vocamus, sed etiam illis quæ morales dicuntur, cum ex præsentis et sequentibus capitulis pateat illos tunc habuisse non tantum unde hospites advenientes honeste exciperent, sed etiam unde elemosynas facerent.

Rationem assignat pius scriptor, cur non procurarent equitaturas hospitum, quæ ratio adhuc subsistit. Nam in tanta omnigenarum hospitum multiplicatione ad invisendam domum Carthusiæ undique confluentium (quorum numerus ad septem aut octo millia hominum in anno nonnunquam extenditur), nec redditus nec œconomia Carthusiæ possent sufficere, si equitaturæ nobilium hospitum a nobis procurarentur sive alerentur. Hac de causa, numero hospitum in dies crescente, adacti fuimus nuperis annis ad construendum hospitium publicam extra pontem Carthusiæ, in quo publicus hospes equitaturas, et cursores, ut vocant, hospitum exciperet. Si qui vero de hac re contra nos murmurent, respondeat illis pro nobis R. P. Guigo, qui frequentiam illam hospitum Carthusiam invisentium jam suo tempore natam, imo et quasi adultam Tuise nos edoret.

Ibid. *Talesque lectos eis et cibos, etc.* Hic locus intelligendus est in sensu discretionis. Nam absurdum esset putare quod diebus abstinentiæ deputatis, panem tantum et aquam cum sale suis hospitibus tunc offerrent, sicut de monachis ordinatur, sed id intelligendum est in genere de escis illis quibus uti solebant, prout sunt pisces, ova, caseus et fructus, servatis tamen forsitan temporibus, ut in Adventu et aliis diebus per statuta ordinis assignatis, nec ova, nec caseus, etiam ipsis hospitibus, excepta rationabili causa, ministrarentur.

Ad lectos autem sæcularibus præparandos, non habebant matalitia, sed eosdem honeste coopertos offerebant, quibus nostri utebantur, nempe in modum abaci compositos, secundum morem qui etiam nunc perseverat et in omnibus Carthusianorum cellulis videtur. Qui modus satis commodus est, maxime in locis frigidis, prout est Carthusia, quia qui in ipsis dormiunt sunt velut in abaco conclusi, et sic a majori frigore servantur. Si vero vosteris

consuetudinem, quam in multis, quorum pios labores et sanctam in Christo conversationem satis laudare non sufficimus, occasione misericordiae, ut scilicet quod supervenientibus tribuatur acquirant, multum inolevisse dolemus.

3. Sed et ipsis hospitibus non parum hoc expedire putamus, qui nostris spiritalibus seu corporalibus ita debent bonis communicare, ut nos ad mala non cogant declinare. Ad mala autem declinare tunc faciunt, si suis nos expensis ad vagandum quærendumque compellunt.

CAPITULUM XX.

De pauperibus et eleemosynis.

1. Pauperibus sæculi panem vel aliud aliquid, quod vel facultas offert vel voluntas suggerit damus, raro tecto suscipimus, sed ad villam magis mittimus hospitatum. Non enim propter alienorum temporalem curam corporum, sed pro nostrarum sempiterna salute animarum in hujus eremi recessus aufugimus. Et ideo mirandum non est si plus familiaritatis et solatii his qui pro animabus quam qui pro suis huc corporibus veniunt, exhibemus. Alioquin non in tam asperis et remotis et pene inaccessibleibus locis (quo quicumque corporalis solatii venerit gratia, plus patiat laboris quam assequatur remedii), sed in strata potius publica olim debueramus utique consedisso.

COMMENTARIUS.

temporibus aliquid apud nos indultum sit circa lectos hospitum, id ad meram politiam externam et ad temporum decentiam pertinet, nec in ullo lædit observantiam regularem, cum ad personas ordinis non spectet, quæ eisdem semper lectis utuntur quibus primi Patres ordinis utebantur.

Num. 1. *Sagmarios nostros extra mittimus hiematum.* Per sagmarios mulos intelligit, quorum adminiculo ea tantum possumus etiam nunc habere quæ extra eremum nascuntur aut crescunt, prout sunt vinum, triticum, oleum, etc. Nam currus non possunt ex pede rapium usque ad Carthusiam ascendere; unde mulorum dorsis ea ad nos advehi necesse est. Adhuc etiam cogimur vaccas et alia animalia extra eremum mittere hiematum. Sagmarii autem nomen, a *sagmate* formatum est, quod verbum pro jumentis sella, sive strato, accipitur, a quo sagmarius vocatus est mulus sagmati portando destituatus.

Ex hoc autem loco evidens est quod, licet renuntiarent optimi Patres cupiditati aliquid possidendi extra eremum, id stricte intelligendum est de speciebus rerum quæ in capitulo 41 inferius exprimentur. Nam certum est illos tunc habuisse stabula et pascua in confinibus eremi Carthusiæ, ad pedes videlicet rapium existentia, quorum adminiculo animalibus suis tempore hiemis providerent. Erat enim inevitabilis necessitas id habendi, alioquin magno pretio illis elocanda fuissent stabula, et fenum emendum ad nutrienda animalia, ac sic expensarum gravitas res familiares integre absorbuisset. Id quidem satis probatum habetur per cap. 76 Consuetudinum præsentium: sed nullus remanet scrupulo locus, dum visuntur adhuc rudera veterum istorum stabulorum, quæ animalibus excipiendis inserviebant. In quo etiam loco congregabantur triticum et alia necessaria, quæ postea per horribilem transitum, qui vocatur *le Frou*, humeris hominum ad summitatem ejusdam rupis deferebantur; unde postea dorsis mulorum imposita per villam vocatam *Rucheriam* ad domum Carthusiæ transvehebantur.

Num. 2. *Vagandi et quæsitandi*, etc. Merito contra hanc consuetudinem, quasi contra rem nobis

A horrendam, invehitur R. P. Guigo, quia ex diametro pugnat cum instituto nostro, ad quod servandum unum e duobus eligendum est: nempe, vel habendum est unde personæ et domus ordinis pacifice sustententur, absque ulla necessitate quærendi, cum vitæ solitariae ratio id exigit, et necesse sit ut monachus cesset esse solitarius, statim atque quærere sibi necessaria extra domum cogitur; vel si non habeatur, jam ex necessitate sibi providendi cesset etiam esse solitarius, ac proinde Carthusianus. De hac ergo re idem dicendum est quod de nive. Non potest esse nix calida; statim enim atque calida est, desinit esse nix.

Zelum autem suum hic discrete exercit sanctus vir, et videndo quo prætextu quidam monachi tunc temporis prurimum possessiones multiplicandi et absque ullo fine acquirendi velabant, occurrit nobis et velamen illud aufert et rejicit, ne quando tentatio eo utendi nostros invaderet, prout hic legitur. Habeant ergo idem R. Patris Guigonis responsum officiales ordinis, qui apud nos etiam semper nova acquirendi prurimum velent, ementito illo pietatis prætextu et colore admittere, et audiant a me domos et officiales ordinis eadem via et eodem gressu a sui instituti et a suæ professionis spiritu discedere, quo absque justa et necessaria causa, novas et superfluas possessiones conantur et student sibi comparare. Sic enim ex spiritalibus sensim fiunt temporales, et ex monachis sæculares. At nihil horum ad nostros spectat claustrales, quibus ordinis corpus componitur, sed ad officiales qui sunt tantum istius corporis membra singularia. Claustrales enim, etsi possessiones augeantur, ac inde ex temporalium multiplicatione officialium, sollicitudines etiam multiplicentur, semper remanent in claustro quieti, nec quidquam illorum attingit eos, imo nesciant nec quid domus habeat aut possideat, nec quid ab officialibus agatur.

CAP. XX. — Num 1. *Pauperibus sæculi panem*, etc., sed ad villam, etc. Sæculi nomine intelligit pauperes sæculares, in quibus juvenandis qualitatem facultatum, et in dando libertatem servari volebat.

2. *Habet itaque Martha* laudabile quidem, sed tamen non sine sollicitudine et perturbatione ministerium, nec sororem sollicitet Christi vestigiis inherentem, et quoniam ipse est Deus vacando videntem, spiritum suum scopentem, suamque orationem in sinum suum convertentem, et quid sibi in se loquatur Dominus audientem, sicque ex quantula, per speculum et in ænigmate parte potest, quam est suavis gustantem et videntem, et tam pro ipsa quam pro cunctis taliter laborantibus exorantem.

3. Quod si sollicitare non desinit, habet illa non solum justissimum iudicem, sed etiam fidelissimum advocatum, ipsum videlicet Dominum, qui propositum ejus non solum defendere, sed etiam commendare dignatur dicens: *Maria optimam partem elegit quæ non auferetur ab ea* (Luc. x). Dicendo *optimam*, non tantum commendavit, sed et sororis laboriosis actibus prætulit. Dicendo *non auferetur*, defendit, et ne sollicitudinibus ejus et perturbationibus, quamlibet piis, sese insereret, excusavit.

COMMENTARIUS.

Cur vero raro, id est extra magnam necessitatem, A apud nos tecto tunc susciperentur? Hi prudentissime fiebat, ne inde attraherentur ad hanc eremum pauperum catervæ, quæ solitudinem nostram interturbarent et totam rem familiarem absorberent, ne etiam sub prætextu paupertatis venirent ad nos vagi et otiosi homines, imo non raro scelesti, qui commissis enormibus criminibus, fixum non audentes habere domicilium, assumptis peregrinorum insigniis ubique discurrunt. A longe præsentiebat vir sanctus quod postea domui huic irremediabiliter accidit, per concursum omnigenum hominum et peregrinorum, quibus pro posse mensa, lectum et pecuniaria elemosyna ministrantur, et quibus nunquam sufficerent redditus et œconomia hujus domus, nisi ea quæ illustrissima comitissa provincie domui huic contulit a primis temporibus, in ova, butyrum, caseum, pisces et similia esculenta impendere per commutationem cum vicinis rusticis liceret.

Usus ergo iste sensim introductus est, et charitate, cujus viscera ex præsentibus vagorum istorum necessitatibus sive veris sive fictis movebantur, impellente, tandem in consuetudinem versus est, ita ut ex quodam fictitio jure ab illa consuetudine exorto, velut in axioma publicum aliquando transierit, quod cuique liberum esset ad Carthusiam venire, et ibi per tres dies continuos hospitii beneficio frui, tanquam ex fundatione talibus hospitibus debito. Quid inde inquietudinis, laboris et expensarum (quæ longe melius in juvandis veris pauperibus circumvicinis impenderentur) huic domui Majoris Carthusiæ evenerit, vix potest explicari. Ut enim paupertatem melius fingant, non raro calcros et tibias inter vepres abscondunt, priusquam ad limen domus accedant, ut seminuli et discalceati apparentes, etiam vigente frigore, recipiant calecos et alia quibus tegantur. Quæ lepide dicta sint, ut agnoscat quæ sit peregrinorum nostrorum astutia et industria. Præsentiebat ista vir sanctus, sed crescente sensim ordine et hujus eremi opinione per totum orbem se divulgante, impossibile fuit, moraliter loquendo, hanc vicissitudinem devitare, a qua etiam impossibilis est se unquam liberare. Id vero una ex præcipuis causis fuit, cur domus Carthusiæ possessio-

nes augere debuit. Alioquin non potuisset absque quærendi (quod horrendum est R. P. Guigoni) necessitate subsistere.

Principium hujus capituli usque ad illa verba, *mittims hospitatum*, relatum habetur eisdem verbis cap. 26 secundæ part. antiq. statut., n. 1. Cætera vero in antiqua statuta non fuerunt transfusa, quia statutorum condendorum rationi non conveniunt, cum tantum contineant zelosam quamdam rationis sui facti et dicti redditionem, quam tamen indiscussam non prætermittimus.

Jam probabiliter prodire cœperant tempore R. Patris Guigonis susurrations et murmurations eorum qui institutum nostrum inutile quid in Ecclesia Dei esse blaterabant, et contra nostros solitarios murmurabant, quod sibi solis vacare volentes, avara quadam sedulitate advenientium sæcularium (etiãsi egeni essent) turbas quantum possenti sua eremo repellerent. Hæc et similia per vulgus spargebant isti indiscreti aut invidi æmulatores; et ne ex illorum sparsis rumoribus pusilli scandalizarentur, occurrit illis R. P. Guigo, et ingenno æque ac prudenti et acuto doctoque modo, vanas illorum rationes refutat.

Num. 1. *Non enim propter alienorum temporalem curam corporum*, etc. *si plus familiaritatis*, etc. Illic plene convincit errare eos qui duritiæ imputabant sedulitatem illam arcendi a sua eremo mendicos extraneos; et explicat a nostro proposito non esse alienum, cum pia familiaritate eos excipere, qui pro spiritali profectu quærendo ad nos veniunt.

Num. 2. *Habet itaque Martha*. Hic pie simul et docte occurrit argumentis eorum qui vitam Carthusianam impetere volunt, et de inutilitate aut otiositate arguunt. Si autem tanti viri ineluctabilibus rationibus addere aliquid nobis liceat, hæc dicemus: Certe quando aliquis concionator intra scrinii secretum se recipit, ut ibi componendis concionibus vacet, nemo est qui tam utili operi incumbentem de inutilitate arguat. Ad hoc enim tantum ab oculis et a consortio hominum se retrahit, ut præparet unde possit verbis compositis veritates Christianas illis exponere, et ad regno cœlorum vim faciendam incitare. Quo autem veritates ab illo prædicandæ

4. Ergo ego relicta cella mea, claustro meo, et quid proposuerim oblitus, propter gyrovagos gyrovagus, propter paltonarios paltonarius, et propter suscipiendos pascendosque sæculares efficiar sæcularis? Illi, illi ipsi eant potius ut cœperunt, mundumque circumeant, ne si et ego iero, ipsorum de me numerositas angeatur. Aut si urgent penitus ut eam ego, cessent ipsi, faciantque quod ego facio, ut merito religiosorum labore pascantur atque periculo.

5. Hic fortasse dixerit quispiam: Quid ergo de his quæ vobis superant facitis? Qui mordenti hoc quærit animo, audiat sui se potius trabem, quam alieni oculi curare debere festucam. Qui autem amica hoc dicunt voluntate, noverint abundare sanctos viros vel congregationes, quorum inopiæ multo magis quam sæcularium compati debeamus, secundum illud Apostoli: *Operemur bonum ad omnes, maxime autem ad domesticos fidei* (Galat. vi).

COMMENTARIUS.

sublimiores sunt, et ad voluntatis Christi propositum et executionem facilius et efficacius capiendum atque in synopsis veluti redigendum magis conducunt, eo pluris laborem et applicationem istius latentis et ab hominibus separati concionatoris æstimandum esse nemo est, qui inficias eat. Porro omnibus perspicuum est prædicationem quæ fit per exempla, longe præcellere illa quæ fit tantum per verba.

His ergo ex omnium cordatorum consensu et nomine discrepante admissis et positis, facile est probare cuius utilitatis sit in Ecclesia Dei bonus Carthusianus, et studium illius posse cum studio celeberrimum concionatorum merito comparari.

Si intra claustrum residet et in cella latet, id fit ad componendam præciosam concionem exempli, non quæ per horam tantum duret, prout durat communiter prædicatione per verba, sed quæ per dies integros, per menses, per annos, imo per totum vitæ curriculum, illam componentis et prædicantis, perduret.

Materia illius concionis est omnium veritatum Christianarum quasi synopsis, et inter præcipuas practicas prima: nam de perfecta sui abnegatione ibi agitur, et ad eam omnibus Christianis, per illam exempli concionem, via paratur et facilior redditur. Operibus enim exhibet nihil esse inter res humanas, etiam illas quarum homines credunt vix unquam privationem ferri posse, quod non possit generose abnegationi propter Deum susceptæ conjugari; sicque fortiter et suaviter suadet talis sermo exempli, renuntiandum esse quibuscunque rebus et seipsum perfecte abnegandum, ad Christum ubique sequendum.

Porro talis concio tot habet rationes ad persuadendum hominibus studium obediendi Christo et sequendi illum, abnegando seipsum, quot concionator actus suæ professionis facit; per quos omnibus hominibus demonstrat omnia esse possibilea his qui Christi vocem audire volunt, et illum sequi.

Absit autem a me, amici et fratres in Christo dilectissimi, ut inde ad aliquam vestri bonam opinionem velim vos provocare, sed id tantum dicimus ut convenientem de nostro instituto opinionem habeamus, illud, ut par est, æstimemus et honoremus, et inde etiam sanctum timorem concipiamus ne ex nostra culpa vel infidelitate ad bene implenda

nostræ professionis munia, obicem ponamus ordinationi divinæ, quæ nostrum institutum nasci voluit, eo proposito, ut vita nostra a mundo separata et a rebus humanis abstracta esset prædicatione continua, quæ homines indesinenter continuo exemplo instrueret de necessitate abnegandi seipsum, et suaviter ad illius abnegationis praxim alliceret. Sed si tum nostra propria salus, tum utilitas ordinis in Ecclesia Dei, in abnegatione sui ipsius sint fundatæ, altera peribit, et altera ad nihilum valebit, si a spiritu et praxi istius pretiosæ abnegationis declinemus.

His tandem paucis verbis rem istam perstringo. Valde utilis est Ecclesiæ Dei bonus Carthusianus, qui praxi veræ abnegationis sui ipsius studiose vacet, et illam aliis per exemplum annuntiat; modicæ utilitatis est, qui in hac exercitatione remisse agit: sed nullius utilitatis illum esse pronuntio, qui in hac exercitatione prorsus desidiosus est, quia nec Deo gratus, nec aliis utilis esse potest, cum nec sibi utilis sit. Attamen etsi corporis ordinis membrum sit desidiosus ille et inutilis monachus, non impedit quoniam propositum Dei in corporis ordinis institutione effectum suum habeat, nam etsi membra quædam debilia ordo habeat aut non sana, corpus illius nihilominus vivit ac viget, et communitas Carthusiana Ecclesiæ et oculis hominum apparet ut corpus, non ut membrum.

Num. 4. *Ergo ego relicta cella mea, etc., propter paltonarios.* Verbum istud paltonarii quorundam animos non modice discruciat ad detegendum quid sibi vellet per hoc verbum R. Pater Guigo. Sed talia verba potius temporanea sunt quam Latina: et ex cognomine certo hominum generi vago, otioso simul, et forte sub aliquo pietatis prætextu mendicanti imposito ortum habuit, ex vulgari idiomate temporis illius primum assumpto, et postea Latine expresso. Eiusdem certe speciei esse credendum est cum verbo *Hugonoti*, quo in Gallia Calvinistæ indignantur.

Habent hic boni officiales Carthusiani quid respondeant importunis et indiscretis sæcularibus, qui crederent omnia negotia ab ipsis esse deserenda, ut colloquiis superfluis secum vacarent, mensas sibi in domibus nostris semper debere offerri, et sæcularia officia reddi. *An propter suscipiendos pascendosque sæculares, ait R. P. Guigo, efficiar sæcularis?*

Num. 5. *Quid ergo de his quæ vobis superant facitis?*

6. Sunt etiam hic villæ proximæ, notis nobis plene pauperibus, quo portari distribuique possit, si quid nobis reliquum fuerit. Hoc enim melius rectiusque putamus, ut si quid plusculum distribuendum est, illuc magis quidquid est deportetur, quam inde huc multitudo vocetur.

7. Verum qui domus hujus expensas noverit, non de superfluis quæret quid faciamus, sed potius stupebit quare non egeamus.

8. Hæc, fratres dilectissimi, si prolixius forte quam decuit prosecuti loquaciusque sumus, patimini et indulgete nobis.

COMMENTARIUS.

is? Doctissime simul et fortissime hic diluit argumenta mordentium, qui nodum semper in scirpo quærentes, hoc sæpe tantum residui habent ex suis argutiis, quod sibi nomen malum fecerint, et proximos scandalizaverint. Qualiter autem ordinem simul et prudentiam in charitate servare debeamus, egregie hic exprimit.

Num. 6. *Sunt etiam hic villæ proximæ plene pauperibus, etc., quam inde huc multitudo vocetur.* Optima et irreprehensibilis propositio. Sic enim agnosceremus an veris pauperibus nostra daremus; in multitudine vero illa per eleemosynas ad nos attracta; quis verus pauper sit nescimus. Mittendo residuum facultatum nostrarum ad domos pauperum, eremum nostram et solitudinem a tot adventantium hominum concursu liberam redderemus, sed hic dando, multitudo ad nos indirecte vocatur. Hanc tanti viri propositionem libentissime observaremus; sic enim pios et honestos tantum hospites, qui devotionis causa ad nos venirent, in hac eremo exciperemus, vicinorum pauperum, quibus abundamus, egestati uberius consulere possemus, et a magnis curis et laboribus domus ista liberaretur; at impossibile est aliquid in hac parte nunc mutare. Rem optimam habemus in desiderio et voluntate; sed illam plene exsequi non valemus in opere. Tumultus vero iste hospitem claustra'es nostros, qui, ut dixi, corpus ordinis efficiunt, in nullo tangit aut inquietat: monachi enim Carthusiæ æque quiete et solitarie in claustro degunt, ac si rarissime hospites ad nos venirent.

Num. 7. *Verum qui domus hujus expensas, etc.* Facile adhibebunt fidem lectores piissimo scriptori, quia sciunt Carthusiam tunc amplas possessiones non habuisse. Nunc vero, quia de magnis possessionibus et divitiis cumulatis ubique audimus, quasi paradoxum videretur, si nos eadem verba nobis usurparemus. Sed vere et absque ullo mendacii timore eadem proferre non dubito, et testis est mihi Christus quia non mentior. Ut autem aliquo modo via credulitati id legentium aperiatur, hic animi gratia aliquid de quotidianis domus hujus Carthusiæ oneribus dicemus.

Ducentas quinquaginta et ultra personas domus Carthusiæ habet quotidie alendas et de omnibus providendas, hospitibus adventantibus non numeratis, qui non raro quinquaginta, sexaginta, imo fere octoginta aliquando in una die Carthusiæ pernoctantes non semel numerati sunt. Quot milis opus est, quorum dorsis omnia necessaria huc advehi

A tantum possunt? Quot boum aratris ad providendum de his quæ tot hominum necessitatibus sufficiant? Certe octoginta mille libris annui redditus opus esse nemo cordatus id audiens statim non censebit, ad tam amplam familiam sustentandam, ut unusquisque modicum quid accipiat. Sed verissimum esse protestor omnes redditus fixos Carthusiæ vix tertiam partem summæ istius superare, casuales vero ex venditione lignorum, nutrimento pecorum et similibus (si officinas ferrarias nuper ædificatas ad ligna inter rupes pereuntia utiliter consumenda excipias) vix ad sex mille libras ascendere. Quis hæc audiendo non obstupescat? Soli ergo providentiæ divinæ, res nostras sub honestæ parcimoniæ et œconomix regulis disponenti et dirigente, impetanda est subsistentia domus Carthusiæ. Et si alii nolint de hac re obstupescere, ego certe ipse obstupesco, dum rem intueor, et nobis ipsis applico hæc Prophetæ verba: *Hæc dicit Dominus: Comedenti et super erit (IV Reg. iv, 43).*

Sed dicet aliquis: Cur tantum numerum familiarium personarum apud vos habetis? Nullam prorsus superfluum apud nos servari ex infra diceadis constabit.

Tres domus nunc unitæ sunt, et in unam veluti conflatae in domo Carthusiæ, nempe ipsa domus Carthusiæ, domus Curreriæ et domus Calesii, quæ ambæ postremæ nunc intra terminos eremi Carthusiæ late sumptos sitæ sunt, et olim quælibet earum suum conventum habuit. Cum autem istæ domus parvæ essent, maxime post incendium domus Calesii, ab hæreticis postremo sæculo factum, convenientissimum judicatum est etiam domum Calesii domui Carthusiæ Majoris unire, sicut ante trecentos annos jam ei unita fuit domus Curreriæ, et inde factum est ut claustrum Carthusiæ augeri deberet, novis cellis constructis, quasi pro tribus monasteriis.

Numerus ergo monachorum in ipsa domo Carthusiæ commemorantium, ad quadraginta quinque communiter solet ascendere. Cum vero missæ et alia divina officia recto tono aut saltem submissa voce in domibus Curreriæ et Calesii persolvi debeant prudenter ordinatum fuit ut monachi et conversi seniores, debiles et infirmi ad domum Curreriæ mitterentur, cum sufficienti familia ad eis inserviendum, in qua ideo communiter decem tam monachi quam conversi residere solent: in domo vero Calesii tres monachi cum tribus vel quatuor plus minusve fratribus. In domo vero Carthusiæ tot fere

De mulieribus.

1. Mulieres terminos intrare nostros nequaquam sinimus, scientes nec sapientem, nec prophetam, nec iudicem, nec hospitem Dei, nec filios, nec ipsum Dei formatum manibus protoplastum potuisse blauditias evadere vel fraudes mulierum.

2. Salomon, David, Sanson, Lot, et qui acceperunt sibi uxores quas elegerant et Adam in mentem veniant, nec posse hominem aut ignem in sinu abscondere, ut vestimenta illius non ardeant, aut ambulare super prunas plantis illæsis, aut picem tangere nec inquinari.

3. His expletis, de cæca observantiis disseramus. Et quoniam incipientes *novitios* vocamus, de ipsis primo quæ occurrerint intuemus.

CAPITULUM XXII.

De novitio.

1. Novitio itaque misericordiam postulanti dura proponuntur et aspera totaque vilitas et asperitas vitæ, quam subire desiderat, prout fieri potest, ante oculos ponitur. Ad quæ si imperterritus manserit et immotus, elegitque, juxta beatum Job (vii, 13), suspendium (a temporalium videlicet amore) anima ejus, et mortem (de qua dicitur: *Si commovemur et convivemus [II Tim. II.] ossa ejus*; promptissime spondens propter verba labiorum Domini paratum se custodire vias duras; tunc demum suadetur ei, omnibus qui adversus eum aliquid habent, juxta Evangelium, reconciliari. Et si quid aliquem defraudavit, et si non quadruplum, ut Zachæus, simplum saltem, si habet unde, restituere. Et quia congregationis hujus quotus esset debeat certus est numerus, certus ei, usque ad quem venire debeat, datur et terminus.

COMMENTARIUS

sunt fratres laici quot monachi. Junctis ergo simul A monachis Carthusiæ, Curreniæ et Calesii, numerus eorum ad quinquaginta quinque circiter ascendit, fratrum vero totidem: et sic totalis numerus personarum ordinis, quibus conventus Carthusiæ intus et extra componitur, ad centum et decem extenditur.

Sed restant adhuc centum et quadraginta capita ut numerus hominum supra assignatus impleatur. Quid opus est vobis tot mercenarios et tot servos habere? Oh! si qui, inde, de superfluitate servorum vellent nos arguere, eremum istam ad tempus incolerent, ubi propter viarum et locorum asperitates et inæqualitates, non nisi magno labore opera possunt perfici, in brevi silentium sibi imponerent. Ad onera tantum vehenda plus quam viginti quinque servis incessanter operantibus; ad ligna componenda et scindenda, tum ad ignem, tum ad dolandum, tum lecta grangiarum scienda, etc., plus quam quadraginta fabris lignariis, cæmentariis et mercenariis continue occupatis opus est; ad animalia pascenda et providenda numero notabili. Certe tempus mihi in narrando deficeret, et plus quam decem aut quindecim supra numerum designatum reperirem, si capitatim recensere illos hic vellem.

Si vero his omnibus addatur numerus latomorum et fabricorum, qui ab anno 1676 quo accidit totale incendium, vel potius incineratio domus Carthusiæ usque ad hanc diem stipendium acceperunt et accipiunt, fere miraculosum apparebit, quonam modo tot expensis provideri poterit. At non tantopere stupebunt, qui sciverint quanta charitate omnes domus ordinis in hoc casu matri Carthusiæ subvenerint, ita ut nonnullis dicere debuerimus; jam sufficit, ut sic veluti staret oleum charitatis in vasa nostra decurrentis quandiu vacuum vas habuimus et indigimus. Absit autem a matris tenera erga filios

PATR. CLIII.

A charitate, ut eorum in dando illi propensione unquam abuti voluisset; omnibus enim dicit: *Non querimus quæ vestra sunt, sed vos (II Cor. XII, 14)*. Accepit tantummodo quantum satis, ut posset de propriis reliqua perficere. Ista ad consolationem posterorum nostrorum paulo fusius explicuimus; et si loquacius hic aliquid de hac re diximus, indulgeri etiam nobis cum R. P. Guigone apprecamur.

CAP. XXI.—Num. 1. *Mulieres Terminos intrare nostros nequaquam*, etc. Hac de causa primi Patres obtinere curaverunt a S. sede apostolica privilegia, de quibus supra dictum est cum de terminis ageretur. Sed ista privilegia soli domui Carthusiæ competunt, omni nec aliis domibus convenire possunt, cum in eremo Carthusiæ omnia sint unita simul et contigua, nec B aliquis sæcularis ibi aliquid habeat quod continguitatem illam interrumpat. In aliis vero domibus, intra ambitum terminorum assignatorum, plures sæculares habent suas possessiones, a quarum accessu cum uxoribus et liberis promiscui sexus non possunt impedi. Id tamen hic exponit R. Pater Gulgo, ut omnes scirent quanta circumspectione studerent primi Patres nostri a sua eremo mulieres abigere. Causas diserte assignat vir sanctus, quæ omnibus hominibus filiis Adam notæ sunt; qui cujuscunquo virtutis sint, quo minus de seipsis in hac parte dissident, eo magis ad cadendi facilitatem accedunt. Semper ergo verba ista SS. Augustini et Gregorii ob mentis oculos habere debemus: *Filii hominum homines sunt. Reminisci debemus quia caro sumus.*

C CAP. XXII.—Num. 1. *Novitio misericordiam*, etc. Ab hac expressione, qua usi sunt primi Patres nostri ad significandum in genere quidquid petebant, usus ille ordinis natus est, ut quidquid conventualiter petimus sub *misericiendi* nomine petamus. Et quia in singulis capitulis generalibus priores potunt a suis officiis absolvi sub titulo *misericiendi*, inde

2. Ad datum autem terminum veniens, post supplicem in conventu postulationem, in examinatione ad minus annua ponitur, suis omnibus integre usque ad diem professionis omnino reservatis. Quod ei non nisi sub tali sponione conceditur, ut si forte nostrum nequiverit aut noluerit tolerare propositum, ad seculum nequaquam redeat, sed aliquod potius aliud religionis genus quod ferre possit accipiat. Quod si in ipsa examinatione laudabiliter se habens mortuus fuerit, quidquid pro professore et sacrum habitum gestante facimus, pro eo similiter faciemus.

3. Cui in cellam introducto seniorum aliquis deputatur, qui eum per unam, vel amplius si opus fuerit, hebdomadam, horis competentibus visitans, de necessariis instruat.

4. Qui tamen blande leniterque maxime tractatur in primis, nec ei totam subito institutionis asperitatem subire conceditur, sed paulatim, et ut ratio vel necessitas postulare videtur; nam et cum coquinario quandoque loquendi licentiam habet, et a priore sæpius visitatur.

COMMENTARIUS.

sit ut in chartis capitularibus domorum ordinis nomina ordine antiquitatis sigillatim scribantur, et in singulis dicatur priori domus N.: *Non fit misericordia*, id est petitio illa non est admissa, qua sub nomine misericordiae prior a prioratu absolvi petit. Sed quando dicitur, *Fit misericordia*, tunc indicatur petitionem suam fuisse admissam, et illum absolutum esse a prioratu. Hæc notamus, ut extranei istam, ut vocant, *miseriordiam Carthusianorum*, mirari desinant.

Hic autem tradere incipit R. P. Guigo formam quam sequi debemus in probandis, imo, ut ita dicam, in tentandis juvenibus qui ad nos accedunt Ordinem petitori, ita ut terrere eos potius conemur, quam blandimentis delinire ut afficiantur. Alioquin imperterritus non maneret postulans, sicut optat sanctus vir, si illum ex charitatis et prudentiæ industria veluti ferrere non conaremur, et merito: nam Institutum nostrum, cum sit durum et asperum, neminem debet admittere qui non tantum vocatione cœlesti appareat præventus; sed etiam naturali quadam animi fortitudine, sana vero atque hilari corporis constitutione sit præditus; qui enim constitutionis melancolicæ, sive atrabiles sunt, solitudini nostræ non sunt apti. Hic autem rigor probandi, imo terrendi postulantes, quem suggerit vir sanctus, si semel a nobis sub indiscreto prætextu charitatis relaxetur, infirmis et debilibus domos nostras replebimus, a quibus propositi Carthusiensis observantia non poterit servari; et quid inde eveniet? Nemo non videt. Ex dispensationibus enim multiplicatis nascuntur consuetudines; ex consuetudinibus contra instituta monastica semel introductis nascitur prava libertas, et ex hac libertate ruina observantiæ regularis. Ecce quo tandem perveniret quædam mollitia in probandis et educandis novitiis, si apud nos admitteretur.

Ibid. 1. *Et quia congregationis, etc. certus numerus, etc.* Numerus monachorum apud nos non potest excedere numerum cellularum quæ in qualibet domo constructæ sunt. Cum enim soli degamus in singulis cellulis, ad solitudinem servandam dispositis, novitii sicut et monachi debent soli habitare. Et hæc est ratio cur terminum, id est certum tempus postulantis assignemus, quo elapso, si postulans non adsit,

A et alius idoneus se præsentet, illum libere recipimus, quia a promissione nostra liberi sumus.

Num. 2. *Quod ei non nisi sub tali sponione, etc.* Hoc est singulare, et illis tantum temporibus licitum fuisse credendum est; libertatem enim aliquam adimebat, nostrum ordinem ingredi volentibus. Unde hæc conditio non fuit in antiquis statutis nostris relata, quia fuerat correctæ.

Num. 3. *Seniorum aliquis deputatur, qui eum per unam, etc., hebdomadam.* Hic oriri incipit usus semper deinceps in ordine servatus, ut unus ex monachis deputetur ad horas dicendas cum novitiis, ut addiscant qualiter et cum quibus cæremoniis officium divinum persolvere debeant, quæ ideo monachus secundum majorem vel minorem novitii in hoc addiscendo sagacitatem, plus vel minus ad eum pergit.

Num. 4. *Qui tamen blande, etc., nec ei totam subito institutionis asperitatem, etc.* Ecce qualiter antiqui Patres nostri discretionis regulas in omnibus servandas sibi proposuerunt. Terrere volunt postulantes prima fronte, ut inde discernant quo spiritu ducatur et ordinis ingressum petat. Sed postea scientes quod omnia debeant suaviter disponi circa humanam infirmitatem, ut ad finem fortiter attingatur, gradus observant in probationis exercitiis; visitatur sæpius a priore novitius, ut in spiritualibus instruat, et sic spiritualibus alimentis nutritus adolescat in suo proposito, donec ad Institutum servandum per professionem et vota emissa se obliget. Tales autem licentiæ loquendi cum coquinario nostris novitiis non amplius dantur, et integræ observantia ab illis exigitur, quia sufficere creditur, si spatium cum monachis semel in hebdomada habeant.

Hæc veterum Patrum nostrorum circa novitios disciplina bonis de causis et per varias experientias confirmatis, fuit aliqua parte in melius mutata, per posteriora statuta, sicut videmus factum esse per sacra concilia posteriora, quæ tempus probationis et ætatem professionis aliter determinarunt quam priora. Poterunt tunc ab ordine expelli monachi, si valde discolori aut vitiosi fuissent effecti, ut videbitur infra cap. 77, et sic ovilia monastica ab ovibus lue infectis purgari. Nunc vero aliter jurius ecclesiasticis et civilibus sancitum est.

5. Cum autem tempus quo benedici debeat institerit, si probabilis apparuerit et in petendo misericordiam sedulus fuerit, dies ei quo, si perseveraverit, in totum suscipi debeat certus constituetur. In quo cum in capitulo itidem misericordiam humiliter postulaverit, facultas ei seu recedendi si voluerit, seu sua omnia quomodo vel quibus placuerit, distribuendi libera tribuetur. Quod si perseveraverit pulsans, optatus ei tribuetur assensus, et tunc vel ipse vel alius, si scribere nescit, hanc ei professionem scribet.

CAPITULUM XXIII.

 Professio Novitii.

1. « Ego frater *ille* promitto stabilitatem, et obedientiam, et conversionem morum meorum, coram Deo et sanctis ejus et reliquiis istius eremi, quæ constructa est ad honorem Dei et beatæ semper Virginis Mariæ, et beati Joannæ Baptistæ, in præsentia domni *illius* prioris. » ✕

COMMENTARIUS.

Num. 5. *Vel alius si scribere nescit.* Id intelligendum est non de totali scribendi imperitia, nam qui scribere nescisset ineptus ad clericatum fuisset, ad quem apti esse debebant omnes qui ad statum monachorum admittebantur, prout inferius cap. 73 probabitur, sed de imperitia pulchre scribenbi, prout scribere docebantur nostri ad libros transcribendos, sicut habetur cap. 28, n. 2.

Porro totum capitulum istud, excepta conditione illa supra notata, relatum invenies sec. part. antiq. statut., cap. 23, nn. 5, 9, 16 et 20, itemque cap. 24, n. 1.

CAP. XXIII. — Num. 1. *Promitto stabilitatem.* Omissa discussione eorum quæ passim a variis scriptoribus circa votum stabilitatis dicta sunt, ea tantum proferemus quæ apud nos circa illud tum ex statutorum tenore, tum ex capitulorum generalium ordinationibus, tum demum ex praxi ordinis pro certo habendæ sunt.

Primo. Per stabilitatem illam recognoscitur adhærentia fixa, et quodammodo indissolubilis statui monastico et carthusiano debita, cui monachus professionem emittens, sciens et volens se per votum alligat. Et inde dicere non dubitamus monachos qui ad episcopatum vocantur, non posse ullo modo eximi ab iis observantiis instituti carthusiensis, quæ cum episcopalibus muniis possunt concordare, prout est abstinentia a carnibus, quia per votum emissum stabilitatis servandæ in proposito carthusiensis ad id obligantur, et obligatio voti servandi est de jure divino. Quibus autem causis opus sit ad valide dispensandum in re quæ divini juris est, lectorem remitto ad D. Thomam, Toletum et illos probatissimos doctores.

Secundo. Per stabilitatem intelligitur adhærentia loco, id est domui, sive in qua professionem monachus emittit, sive ad quam per obedientiam ordinis mittitur. Ad quam stabilitatem sive adhærentiam per votum etiam se astringit, ut satis id explicat ipse sanctus Pater Bruno loco infra citando, et tum ex antiquis chartis capitularibus, tum ex antiquis statutis pervium est, ab hac instabilitate, id est pruritu aut importuna petitione mutandi domum, a nostris esse abstinendum, veluti a re voto stabilitatis adversa, prout suis locis plenius probabitur. Sed certum est ex continua praxi ordinis, quæ optima legum interpretis est, votum illud quoad hanc partem mutationis

A domus, esse tantum sub hac conditione emissum, nempe ut non fiat mutatio loci absque causa, quam ordo justam judicaverit. Inde certum est monachum Carthusianum, qui absque necessitate, et ex propria voluntate, sive sub fictis prætextibus, sive subreptitiis modis licentiam obtinet, vel potius extorquet domum mutandi, peccare contra votum stabilitatis.

Hæc autem stabilitas sic intellecta nostro instituto essentialis est, quia ad vitæ solitariæ rationem et ad illius habitus assumendos necesse est.

Primo. Ingenio humano ad novitates mire propenso aditum occludere, et stabilitatis praxi propensionem illam mortificare et subjugare, ut sic addiscat sensibus ab objectis externis jam abstractis aliquam habitualem dissuetudinem procurare, quæ solitarii animi quietius agere sinat.

Secundo. Per firmam et stabilem in claustro mansionem cavere, ne tot importunis phantasmatibus, ex rerum relictarum objectis de novo mentem illius ex præsentia ferientibus, et ex rei novitate violentius sese imprimantibus, iterum animus ejus vulneretur. Qua de causa non debet, nec in solo transitu, sæculum videre velle.

Finis ergo illius stabilitatis subvertitur, dum monachus Carthusianus mutationem domus appetit et obtinet, nam et appetendo mente jam in novitatum tentationes lapsus est, et per sæculum ambulare incœpit; et obtinendo quod desiderat, tentationes illas ad actum deducit. Unde natura ad cellam postea reversa, et ad primum privationis statum reducta, ibi litigare, imo per imaginationum collisiones quasi furere in istum ambulatorem denuo incœpat, qui ideo justam in se instabilitatis suæ mercedem recipit. Non mirum ergo est si in proverbium apud nos versa sint verba illa auctoris libri. *De imitatione Christi: Raro sanctificantur, qui multum peregrinantur*, quia id verum esse experientia docente didicimus, in his qui apud nos (subaudi ex propria voluntate) de domo in domum pergere ad suam instantiam quærunt.

Si instent aliqui et dicant se mirari quod apud nos quasi pro criminibus habeantur quædam, quæ in aliis ordinibus veluti licita et innoxia æstimantur, ac facile permittuntur; breviter respondebimus eis, statuum diversitatem in hoc esse attendendam, et sicut in statu sæculari plura quibusdam personis nociva non reputantur, quæ aliis valde peri-

2. In ipsa autem missa, qua suscipiendus est, post Offerendam ad gradum ante altare venit, inclinatusque versus hunc tertio repetit, choro respondente eundem: *Suscipe me, Domine, secunam eloquium tuum et vivam; et non confundas me ab expectatione mea.* Post cujus tertiam repetitionem additur, *Gloria Patri, Kyrie-eleyson, Pater noster.* Interim novitius ante singulos monachos genua flectens dicit, *Ora pro me, Pater.* Post hæc rediens, in eodem quo prius, stat inclinatus loco. Tunc sacerdos ad illum conversus subdit: *Et ne nos inducas, Salvum fac servum tuum, Mitte ei, Esto ei, Dominus vobiscum:* sicque cucullam super gradum ante novitium positam benedicit, dicens.

COMMENTARIUS.

culosa aut indecora esse censentur, ac ideo prohibentur, sic plura vitæ solitariæ professoribus noxia sunt, et ideo prohibenda, quæ aliis regularibus non tantum noxia non sunt, sed etiam non raro utilia, et ideo ipsis a suis superioribus injungenda, quod exemplis probare in promptu esset, sed ad propositum nostrum non pertinet.

Stabilitas ergo ista in ordine Carthusiensi, velut nervus a quo pendet illius perseverantia in suo instituto, consideratur; ex illius enim voti emissionem et observantiam, Deo singularem gratiam ipsi adjungente, laudabilis illa tenacitas adhærendi suis antiquis usibus, et nihil innovandi in his, quæ ad naturam et substantiam sui instituti spectant nata est, ex qua firmitas illa veteris observantiæ servandæ ad hæc usque tempora pervenit.

Si quid enim mutatum videtur in numero et qualitate abstinentiarum in pane et aqua, de quibus suo loco agitur; revera quasi non mutatum censendum est, quia ab initio ad nutum superioris tantum servandæ erant: et si nunc non plene servantur ut antiquitus, id ex necessitate subveniendi indigentibus et conservationi corporum processit, et exigente experientia, a superioribus in capitulis generalibus legitime congregatis fuit ordinatum, ut jam cap. 7 diximus.

Nihil prorsus mutatum est in ordine, nisi quod experientia multorum annorum prius docuit, in melius esse convertendum, idque non voluntate inferiorum, sed generalium capitulorum judicio factum est. Pro exemplo sit forma electionis priorum, prout in nova collectione statutorum ante centum annos facta statuatur cap. 2, II, part., n. 33. Datur ibi facultas, quæ in antiquis statutis non erat concessa, nempe quater repetendi scrutinium in eadem die, sed auferitur ibi libertas remittendi actum eligendi in diem crastinum, quia experientia docuerat inde notabilia evenisse damna, ex pactis et aliis similibus industriis, quæ Spiritum sanctum ab ipsa electione arcebant, ut ipsorum statutorum verbis utamur.

Imo, si quid additum esse videtur per ordinationes capitulorum generalium, id tantum factum est occasione irrepentium abusuum, ad quorum effectus, vel præveniendos vel corrigendos, aut erroneas interpretationes destruendas remedium per istas ordinationes appositum est, ut videri potest in nova editione statutorum, in qua plures ordinationes insertæ habentur. Id ergo non veluti novum quid, aut stabilitati adversum reputandum est, cum

et contrario sit remedium appositum, ne quid sensim mutetur ex humana infirmitate, quod antiquo proposito Carthusiensi adversetur.

Hoc stabilitatis votum multum, inquam, confert ad antiquum ordinis propositum iilibate servandum: et sic ad hoc pertinere constat ut ipse S. Pater Bruno in homilia de Purificatione, de monachis loquens, id diserte exprimat, dicendo: *Franguntur axellæ, quia vagandi licentia tollitur, et loci propositique stabilitas imperatur.* Quibus verbis proposito, locum etiam adjungit, ut indicet secundum mentem suam, stabilitatem in utroque esse servandam. Id amplius ex nova collectione statutorum ordinis probatur, ubi dicitur cap. 22, n. 61: *Qui vero præsumpserint per litteras suppressis nominibus infamare ordinem nostrum, aut prælatos ejus, vel aliquem ex ipsis, aut tentaverint instituti nostri naturam evertere et immutare, ipso facto omni officio et voce priventur, et excommunicationis sententiam incurrant, a qua non possint absolvi, nisi per reverendam Patrem, aut aliquem ex visitoribus.* Talis ergo attentatus reputatur materia peccati, et quidem mortalis, cum excommunicationis pœnæ subiaceat; et merito, quia igitur de voti transgressione in materia gravi, qualis est attentatus iste procurandi eversionem et infractionem stabilitatis veteris et sancti instituti quod a tot annis per stabilitatem in vigore perseverat. Si enim qui machinantur aliquid contra pacem et utilitatem civium unius civitatis, graviter peccant; quid de monachis censendum est, qui post votum emissum stabiliter inhærendi proposito sui instituti, illud evertere et immutare conantur?

Aliquas immutationes et alterationes quærere in antiquo usu et instituto Carthusiensi, et illud evertere, idem est; inde enim ordinis Carthusiensis laudabilis illa tenacitas, et in suis antiquis usibus stabilitas destrui incipit. Nam si qui monachi solitarii semel in hac parte ad suam instantiam aliquid obtinere niterentur, vel etiam per modos subreptitios a S. sede apostolica obtinerent, inde janua illis aperiretur ad quaslibet novitates excogitandas, appetendas et quærendas. Mentes illorum intra cellæ parietes cogitabundæ mille signenta componerent, quæ, instigante diabolo et amore privato lenocinante, velut justissima et convenientissima reputarent, nec quiescerent, donec media reperirent ad suum intentum obtinendum, et donec tandem totaliter amore privato obcæcatæ arbitrarentur etiam obsequium se præstare Deo, si institutum vetus evertere niterentur.

Domine Jesu Christe, qui tegimen nostræ mortalitatis induere dignatus es, obsecramus immensam tuæ largitatis abundantiam, ut hoc genus vestimenti, quod sancti Patres, ad innocentis vel humilitatis indicium, sacculo abrenuntiantes ferre sanxerunt, ita benedicere digneris, ut hic famulus tuus, qui hoc usus fuerit, te induere mereatur. Qui vivis et regnas cum Deo Patre. Dehinc cappa detracta [al. tracta] cuculla novitium induit, sicque ad cornu accedens altaris, professionem suam aperte et distincte, audientibus omnibus, legit, letitiamque super exæsculatam offert altare. Inclinasque ad sacerdotis pedes, tali deprecatione suscipit benedictionem

COMMENTARIUS.

Ibid. *Et obedientiam.* Non additur *secundum regulam*, quia vovemus eam absolute et absque ulla conditione, est enim apud nos *supra regulam*, et est velut substantia regulæ, ut infra manifestabit R. P. Guigo cap. 35, et ibi de hac re fusius agemus.

Ibid. *Et conversionem morum meorum.* Per illud votum exprimitur promissio semper aspirandi ad meliora, et nunquam recedendi a proposito se emendandi; unde concludendum est illum monachum apud nos, qui sola voluntate, vel actibus desereret propositum proficiendi aut se emendandi, peccare contra hoc votum graviter aut leviter secundum rationem materiæ de qua ageretur. Si de simplici imperfectione, in qua hæere vellet, similem culpam incurreret contra conversionem morum; si de peccato veniali infirmitatis, idem peccatum; si de peccato veniali voluntario, similiter, si vero de aliquo peccato mortali, lethaliter etiam peccaret contra votum conversionis morum. Duplicatur ergo culpa ratione voti, sicut duplicatur meritum ex fidei adimplerione voti emissi. Hac ratione videant, quomodo se possent extricare aut excusare a peccato, qui vellent aliquas observantias statutorum ordinis negligere, et in ista negligentia quiescere, sub hoc prætextu, quia simplex statutum per se non obligat ad peccatum.

Votum ergo illud exigit a Carthusianis, ut ad perfectionem suæ professionis et virtutum aspirant, et continuis studiis et conatibus tendant, vim sibi et naturæ corruptæ inferendo, quæ vis qualis esse debet, pulchre nova statutorum collectio exprimit, cap. 49, n. 5, ubi dicitur: *Debent enim professi omnes, imitentur ex necessitate voti suæ professionis, habere animum paratum resignandi in manibus præsentis sponte et libere ea omnia quæ sibi concessa sunt, sive libri fuerint, aut aliquid aliud carum vel vile, quoties superior voluerit, et fieri mandaverit. Nec si hoc fecerit, debent murmurare aut conquiri, alioquin nondum se et sua reliquerunt, et propterea pauperem Christum sequi, et ejus imitatores, et discipuli fieri non possunt, nec ejus paupertate ditari.*

De paupertate ibi agitur, at etiam inde videtur quam strenue nostri debeant ad perfectionem in omnibus tendere.

Si ergo, ut perspicuum est, tota meriti actuum Carthusiani monachi ratio, in obedientia consistat, et ad ejus perfectionem adipiscendam ex vi voti conversionis morum aspirare teneatur, debet per

A gradus obedientiæ a sanctis Patribus descriptos semper ascendere, illosque in corde suo pie disponere. Si vero e contrario gradus descensionis sibi disponat, quærendo media ad propriam voluntatem liberius exsequendam, imo ad rumpenda vincula sui instituti, in quo et secundum quod Deo servire promisit, perspicuum est illum peccare tum contra votum obedientiæ, tum contra votum conversionis morum, quibus ligatus est, et sic ligatus ex vi voti emissi, ut, juxta instituti Carthusiensis normam, propriam voluntatem integram absque ulla restrictione aut exceptione, virtuti sacræ obedientiæ devoverit. Gradus autem obedientiæ a sanctis Patribus assignati tales sunt.

Primus est, ut res a superiore jussæ sedule compleantur exterius.

Secundus gradus est, ut intus voluntas inferioris conformet se plene voluntati superioris, ita ut propriam reclamantem abneget. De hoc loquitur divus Joannes Climacus grad. iv, art. 3, dum dicit: *Obedientia est sepulcrum propriæ voluntatis et excitatio humilitatis.*

Tertius gradus est, ut intellectus obedientis conformetur intellectui præcipientis, ut jam, secundum D. Bernardum, similis sit apostolo Paulo, de quo dicitur in Actibus apostolorum (cap. ix, 28): *Apertis oculis nihil videbas, ad manum autem illum trahentes, etc.*

Ecce qui et quales sunt gradus quos sibi debet disponere monachus Carthusianus, ex obligatione et necessitate votorum obedientiæ et conversionis morum, quæ emisit juxta statutorum formam, quam non ignoravit, imo sciens et volens relative ad illam, professionem emisit in ordine Carthusiensi.

Totum hoc capitulum relatum habes in antiquis statutis, cap. 24, u part. nn. 4 et 5, et eadem prorsus apud nos etiam nunc observantur.

CAP. XXIV. — Idem refertur in antiquis statutis u part., cap. 24, num. 5, et eadem forma a nobis servatur. Cucullæ autem nomine, intelligimus vestem illam superiorem et talarem, cui adhæret caputium, et cujus utraque pars per vittam latam copulatur, et sic fit, ut quamdam crucis formam ante et retro feramus, quando in publicum apparemus; nam dum soli in cella sedemus, et divinorum officiorum recitationi non vacamus, deposita illa talari cuculla, parvam quæ funiculis alligatur assuemus ut liberius operari possimus.

CAPITULUM XXV.

Oratio super novitium.

1. *Domine Jesu Christe, qui es via sine qua nemo venit ad Patrem, quæsumus benignissimam clementiam tuam ut hunc famulum tuum, a carnalibus desideriis abstractum, per iter disciplinæ regularis deducas; et quia peccatores vocare dignatus es dicens: « Venite ad me, omnes qui onerati estis, et ego vos reficiam; » præsta ut hæc invitationis tuæ vox ita in eo conualescat, quatenus peccatorum onera deponens, et quam dulcis es gustans, tua refectio sustentari mereatur, et sicut attestari de tuis ovibus dignatus es, agnosce eum inter oves tuas, ut ipse te sic cognoscat [al. agnoscat] ut alienum non sequatur, sed neque audiat vocem alienorum, sed tuam, qua dicit: « Qui mihi ministrat me sequatur. » Qui vivis et regnas, etc.*

2. *Ex hoc tempore qui susceptus est, ita se ab omnibus quæ mundi sunt intelligit alienum, ut nullius prorsus rei, nec sui quidem ipsius, sine prioris licentia habeat potestatem. Cum enim ab omnibus qui regulariter vivere decreverunt, obedientia magno studio sit servanda, ab his tamen tanto devotius ac sollicitius, quando districtius asperiusque subire propositum, ne si, quod absit, ista defuerit, tanti labores, non solum careant præmio, sed et supplicium damnationis incurrant.*

3. *Hinc enim Samuel: Melior est enim [al. inquit] obedientia quam victimæ, et auscultare magis quam offerre adipem arietum, quoniam quasi peccatum ariolandi est repugnare, et quasi scelus idololatriæ nolle acquiescere (I Reg. xv, 22). Quod unum testimonium et obedientiæ laudem et inobedientiæ sufficientem habet vituperationem.*

CAPITULUM XXVI.

De ordine congregationis.

Ordinem autem, sive in refectorio, sive ubicunque, eum cuncti tenemus, quem singulis suis dedit adventus, nisi quem forte prior aliquam vel supposuerit, vel præposuerit ob causam.

CAPITULUM XXVII.

De ætate suscipiendorum.

Pueros sive adolescentulos non recipimus, quia [al. quæ] per eos monasteriis multa contigisse dolemus et magna, spiritualia simul et corporalia pericula formidantes; sed viros qui, juxta præceptum Domini per manum Moysi, viginti ad minus annorum sacra possint ad bella procedere. His expletis, quo de cella promissimus exsequamur.

COMMENTARIUS.

CAP. XXV. — Num. 1. Eadem forma benedicendi. A noyum professum refertur in antiquis statutis, II part. cap. 24, num. 5.

Num. 2. *Et hoc tempore*, etc. Hic disertis verbis exprimit sanctus vir, quod obedientia sit veluti centrum instituti Carthusiani, de qua re loqui remittimus infra, sub cap. 35. Eadem vero relata reperies de verbo ad verbum in antiquis et novis statutis.

CAP. XXVI. — Gradus et locus, juri quodammodo naturali annexus, hic assignatur, at totum obedientiæ obsequio subditur, dum prioris arbitrio subjacere dicitur, ob causam, de cujus validitate aut sufficientia iudicium illi, absque ulla conditione relinquitur. Eadem prorsus relata habentur tum in antiquis, tum in novis statutis.

CAP. XXVII. — Per experientiam temporum sensim discitur, quarum rerum capax sit humana infirmitas, quidve magis illi conveniat. Unde non est mirandum si, juxta diversitatem temporum et experientiarum, quædam, quæ prius valde bona videbantur, per eventum experientiam non tam bona esse appareant quam existimabantur, imo etiam aliquando nociva esse postea reputata sint, et ideo mutata aut abrogata. Unde summopere cavendum est in ordine ne quasdam mutationes, cum maturo consilio et matura deliberatione factas, vel incaute arguamus, vel corrigere attemptemus, ne proprio experimento, et cum proprio damno denuo addiscamus quod Patres nostri forte cum suo didicerunt, et sic vulgare

proverbum nobis conveniat: Adhuc majori pretio nos emere, quod jam illis magno pretio constitit. Cur divina providentia sic sensim ad cognitionem inconvenientiæ quarumdam rerum, quæ aliquando valde convenientes visæ sunt, nos devenire permitta? Id ita fieri censendum est, ut evidenter nobis appareat quam incertæ sint providentiæ nostræ, quantum a proprii iudicii opinione, et in nostro sensu pertinacia cavere debeamus, quantumque duritia cordis nostri in plerisque rebus indigeat experientia, qua veluti malleo tundatur atque emolliatur, ut non facile sibi fidat, propria desideria non sequatur, et proprio experimento emat firmitatem, qua veritati propriis laboribus, et, ut ita dicam, propriis expensis agnitæ adhæreat, nec ab ea tam facile per innatam levitatem et mobilitatem recedat. Discat etiam non temere arguere mutationes, quas aliquando fieri necesse esse proprio experimento videt, et sic agnoscat imprudenter valde sapere et agere eos, qui nimis tenaciter vellent adhærere antiquitati, et nullam unquam in antiquis monasticæ vitæ usibus mutationem admittere.

Experimento ergo alieno edocti Patres nostri, pueros a se rejiciunt, nec apud se, etiam sub pio prætextu illos educandi a teneris in disciplina Domini, volunt admittere, sed tantum viros aut saltem juvenes, quibus maturitas deliberationis ad nostram propositam assumendum necessaria adesse creditur. Quod eo strictius a nobis nunc servandum est,

CAPITULUM XXVIII.

De utensilibus cellæ.

Accipit itaque cella incola ad lectum paleam, filtrum, pulvinar, cotum vel coopertorium de grossissimis ovium pellibus, et panno rustico coopertum. Ad vestitum autem, duo cilicia, duas tunicas, duas pellicias, unam deteriolem, alteram meliorem, duasque similiter cucullas, tria paria caligarum, paria pedulium quatuor, pelles, cappam, sotulares nocturnos et diurnos, sagimen quoque ad unguendum, lumbaria duo, cingulum, omnia canabina et grossa, et quicquid prorsus ad lectum vestitumve [*al. vestimentumve*] pertinet, cuius grossitudinis colorisque sit non curabit. Cum enim ad omnes monachos, tum maxime ad nos, humilitatem attritionemque pannorum, et universorum quibus utimur, vilitatem, paupertatem et abjectionem certum est pertinere. Habet etiam acus duas, filum, forficem, pectinem, novaculam ad caput, cotem vel calculum, et corrigiam ad acuendum.

2. Ad scribendum vero, scriptorium, pennas, oretam, pumices duos, cornua duo, scalpellum unum, ad radenda pergamena novaculae sive rasoria duo, punctorium unum, subulam unam, plumbum, regulam, postem ad regulandum, tabulas, graphium. Quod si frater alterius artis fuerit (quod apud nos raro valde contingit, omnes enim pene quos suscipimus, si fieri potest, scribere docemus), habebit artis suae instrumenta convenientia.

3. Adhuc etiam libros ad legendum de armario accipit duos, quibus omnem diligentiam curamque præbere jubetur, ne fumo, ne pulvere, vel alia qualibet sorde maculentur. Libros quippe tanquam sempiternum animarum nostrarum cibum cautissime custodiri, et studiosissime volumus fieri, ut, quia ore non possumus, Dei verbum manibus prædicemus.

COMMENTARIUS.

quo jam exclusa est janua expellendi et rejiciendi a nobis discolos, quæ non tantum temporibus R. P. Guigonis patebat, prout ex cap. 77, istarum Consuetudinum innotescit, sed pluribus adhuc sæculis postea in ordine aperta fuit, ut ex infra dicendis videbimus. Hac ergo necessitate, quæ introducta est, supposita, bonos et malos in ordinibus regularibus servandi, pronuntiare non dubito satius esse pro bono totius ordinis Carthusiensis, uni ex cellulis claustrorum nostrorum ignem admoveo, ut flammis devoretur, quam in illa admittere monachum, qui vocationem bonam et bene probatam, quantum fieri potest, non habeat, et congruis mentis et corporis dotibus, ac devota voluntate Deo, ut par est, serviendi in ordine destitutus sit. Dum id menta cogito, veluti fervore repleor, non dubitans affirmare majora ordinum regularium damna inde ortum accepisse et accipere. Sed calamum hic reprimamus, ne quid diffusius de hac re scribamus.

Cap. XXVIII.—Num. 1. *Ad lectum: paleam, etc.* Inter suppellectilem illam quæ ad lectum componendum et ad indumentum concedi solita recensetur, nostros nunquam renuntiasse pellium usui, et ab initio eas sibi adhibuisse manifestum est. Imo tunc quæ pellicia in hac Majori Carthusia singulis assignabantur, quarum altera quotidie induebantur, eratque illis pro tunica talari et superiori, altera vero diebus solemnibus utebantur; sicque contra frigus in istis frigidis locis erant bene muniti. Nunc vero vestes nostræ ab illis differunt, nam pellicea tunica superiori hieme et nocte tantum utimur, et interdum alia ex gressu panno patriæ composita, Qui tamen usus pelliciarum etiam interdum gestandarum, haud ita pridem adhuc vigeat in hac domo, prout a testibus oculatis audivimus, et adhuc legimus in libris rationum domus Carthusiæ. Quod tamen pro temporum ratione mutatum est, cum homines delicatius

et subtilius judicare, et facilius carpere visi sunt, ne inde scandalizarentur. Ovium pellibus ad lectum eadem ratione amplius non utimur.

Ibid. *Cujus grossitudinis colorisque sit non curabit.* Non inde credendum est quod de diversitate coloris hic agatur, ut alii rufa vestis, alii nigra, alii candida, ministrari posset. Ridiculum enim esse simile quid vel cogitare, sed de colore plus aut minus albo, intra eandem tamen speciem id debet intelligi.

Ibid. *Humilitatem attritionemque, etc., et universorum quibus utimur.* Hic iudicium conscriptum habemus contra nos, si res curiosas et pretiosas ultra honestam decentiam ad usum nostrum adhibeamus.

Num. 3. *Libros tanquam sempiternum, etc.* Hoc verbo vult exprimere libros esse speciem cibi qui per usum non consumitur; et ex hoc loco patet quantum primi Patres vellent nostros circa librorum scripturam occupari; quæ ideo illorum tunc erat communior occupatio, ut ex hoc capitulo evidenter apparet.

Ibid. *Ut, quia ore non possumus, Dei verbum manibus prædicemus. Quot enim libros, etc.* Publicæ ergo utilitati etiam vacabant Patres nostri, maxime cum tunc temporis nondum inventa esset ars typographica, et nulla pateret lectioni et studiis via, nisi manuscripti codices haberentur. Si sic opinarentur antiqui Patres et vellent nos nostro modo prædicationi vacare, transcribendo libros ab aliis compositis, non recusabant eos qui a nostris componerentur, etiam posse transcribi. Unde durius quam convenit eos loqui censendum est, qui a componendis libris vellent nostros omnino repellere, et sub prætextu vitæ occultæ et solitariæ, illos tantum Deo pro hominibus, non vero de Deo hominibus, nec etiam per calamum, loqui debere existimarent. Qui sic opinarentur à sensu R. Patris Guigonis per excessum aberrarent, et tacite condemnarent tot egregios, et pios scriptores, qui in ordine numerantur. At fas

4. Quot enim libros scribimus, tot nobis veritatis præcones fabere videmur, sperantes a Domino mercedem pro omnibus, qui per eos, vel ab errore correcti fuerint, vel in catholica veritate profecerint, pro cunctis etiam qui vel de suis peccatis et vitiis compuncti, vel ad desiderium fuerint patriæ coelestis accensi.

5. Et quia sicut cæteras necessitates quæ ad vilitatem et humilitatem pertinent, coquinam etiam ipsi nobis facimus, dantur et ollæ duæ, scutellæ duæ, tertia ad panem, vel pro ea mantile, quarta grandioscula est ad faciendas muaditias, cochlearia duo, cultellus ad panem, justa, scyphus, vas aquarium, salaria, patella, duo ad legumina sacculi, manutergium. Ad ignem focile, esca, lapis [*al.* lapis ignitus], ligna, securis. Ad opera vero dolabrum. Hæc qui legerit nec irrideat, quæsumus [*al.* quis], nec reprehendat, nisi forte prius in cella, inter tantas nives et tam horrida frigora, longiore fuerit tempore commoratus.

6. Ideo enim uni tanta concedimus, ne, quod illicitum ducimus, exire de cella compellatur. Hoc enim nequaquam conceditur, nisi eum ad claustrum aut ecclesiam convenitur; quod hoc ordine fieri consuevit.

CAPITULUM XXIX.

Quo tempore de cella exeatur, et de vigiliis et distinctione horarum.

1. Omni tempore, exceptis duodecim lectionum festis, et Natalis Domini, Paschæ quoque et Pentecostæ
COMMENTARIUS.

tendum est magnam cautelam apud nos in hac parte adhibendam esse, ne ex pruritu scribendi et libros edendi, vanæ sui ipsius opinioni detur locus, aut ex minori peritia scientiarum, quæ in viris solitariis ab academicis exercitationibus remotis raro superabundat, quædam in publicum non satis castigata composita proleant. Sed circa hæc, moderna statuta prudentissimos modos posuerunt et sanxerunt, quibus adhærendo omnia moderate et discrete perficiuntur. Scripta ergo Carthusianorum non sunt à prælo penitus excludenda, dummodo ab iis nihil scribatur quod cum intentione R. P. Guigonis non concordet, atque ideo de iis tantum materiis à Carthusiano tractetur, quæ ad catholicæ veritatis assertionem, vitiorum extirpandorum et virtutum acquirendarum studium, præmovendum conducunt.

Num. 5. *Hæc qui legerit nec irrideat, etc., nisi forte prius in cella, etc.* Prævenire conatur vir sanctus humanam infirmitatem, seu potius insipientiam, quæ, dum sensum proprium vult sequi, circa ea quorum experimentalem cognitionem non habet, in suis cogitationibus et opinionibus sæpe delirat. Prudenter ergo vir sanctus provocat tales iudices ad experimentum, qui, si vel una hebdomada intra cellulæ parietes continerentur, tunc aperirentur oculi cæcorum et aures surdorum paterent, et quod superfluum prius arbitrabantur esse in cellula Carthusiana, in hortulo, in instrumentis ad laborem manuum aptis, jam necessarium omnino esse protestarentur. Cur autem solitariis nostris sic provideatur de rebus ad occupationes externas necessariis, rationem subdit, *ne, inquit, quod illicitum ducimus, de cella exire compellatur.* Non enim credendum est quod homo intra cellulæ parietes possit diutius commorari, nisi ibi habeat quædam bene ordinatas se occupandi materias. Cum autem non possit semper rebus spiritualibus applicari, nec id possit aggredi fragilitas humana absque periculo amittendæ sanitatis, tum mentis, tum corporis, necesse est etiam ut habeat unde animum per aliquam occupationem externam relaxare possit et recreare. Imprudenter ergo, imo et insipienter cogitant, qui videntes monachum Carthusianum aliquando opusculis fabrilibus vacare, id

fastidient, putantes ista minus seriosa monachum dederere, qui totus spiritualis esse deberet: et hi sunt, quos R. Pater Guigo ad experientiam provocat.

Ex hoc capitulo apparet quam discrete semper, et in omnibus agendum esse, nos docuerint primi Patres, et quantum ab extremis esset cavendum, ac et nobis conveniret axioma illud philosophicum: omne violentum non est durabile. Corporalibus enim solitariorum necessitatibus, cum honesta mediocritate, hic providisse videmus, maxime ne frigore vexarentur, delicias a nobis in hoc arcere tantum contenti, et ne otiosi unquam remaneremus, tot instrumenta singulis monachis hic determinate assignant, alia etiam indeterminate concedenda esse præscribunt, dum dicitur, ei qui inhabilis esset ad scribendos libros, et alterius artis esset, ministranda esse instrumenta arti suæ convenientia.

Num. 6. *Hoc enim nequaquam conceditur, nisi cum ad claustrum, etc.* Id moraliter intelligendum est, nam certum est tunc nostros potuisse aliis etiam de causis e cella egredi, prout manifeste apparet ex cap. 17 et 32, et ex aliis variis locis, suadetque ratio. Poterant enim ad priorem accedere ad exponendum illi suas necessitates et petendas licentias. Egressus ergo ille e cella non concessus, idem erat quem etiamnum egressum e cella inordinatum, id est superfluum, et absque morali necessitate factum vocamus, de quo culpam nostram debemus dicere in capitulo. Imo persuasum habeo quod nonnunquam daretur eis licentia deambulandi intra crenum recreationis gratia, prout ex vetustissimo ms. codice qui in postremo domus incendio flammis infelicitè absorptus est. Ibi enim legi qualiter res disponerentur, quando deambulatio intra rupes Carthusiæ concederetur, maxime dum pergerent ad montem qui dicitur, *le Grand Son*, quod Latine sonat, *magnam summitatem*, et imminet Carthusiæ, ad quem scandendum ampliori temporis spatio et labore opus est.

Porro totum hoc capitulum relatum habes in antiquis statutis, parte II, cap. 16.

CAP. XXIIX.—Num. 1. *Omni tempore exceptis, etc.* Ex ista exceptione errandi daretur occasio, et cæ

hebdomadibus, signo pulsato nocturnum ecclesie officium congruis vigiliis in cella praevenimus. Quae ab Idibus Septembris sensim paulatimque crescendo in Kalendis Novembris perfectae, quinquaginta psalmis non nimis festine cantandis sufficiunt. A quo tempore usque ad Februarii Kalendas taliter perseverant. Inde usque ad Pascha decrescendo paulatim, ad tantum spatium, quod matutinis sanctae Mariae sufficiat, rediguntur. Ex quo usque ad praedictas Septembris Idus in eadem quantitate perdurant.

2. Secundo autem signo pulsato, ad ecclesiam festinantes, tertii signi finem praevenire satagimus, ubi super formas, preventente priore vel cui hoc injunxerit, procumbentes, et ter *Pater noster*, caeteris semel horis, graviter devoteque persolvimus, sargonesque psallere divino cum timore incipimus.

3. Cantatis autem nocturnis breve facimus intervallum, quod ad plus septem psalmos poenitentiales capere valeat. Sequuntur deinde matutinae laudes, quas a Kalendis Octobris usque ad Pascha lux terminat, COMMENTARIUS.

dendi quod diebus istis qui excipiuntur, statim post A primum signum pergendum fuisset ad ecclesiam, nisi explicaretur quid vigiliarum nomine sibi velit R. P. Guigo.

Vigiliarum ergo nomine intelligendum est spatium illud temporis quod ultra necessarium ad persolvendas matutinas de B. Maria protenditur, quae quotidie a nobis in cellulis dicuntur inter primum psalmum matutarum et secundum, ita ut, dum spatium tantum sufficiens ad istas matutinas devote persolvendas datur, vigiliae istae communes sint: cum vero ultra protenditur, id vigiliis auctas vocemus. Sensus ergo R. Patris Guigonis est ut, diebus hic exceptis, sive aestate sive hieme venerint, nullae unquam serventur vigiliae ultra tempus necessarium ad persolvendas matutinas et laudes de beata B Maria.

Ibid. *Quae ab Idibus Septembris sensim paulatimque crescendo*, etc. Jam explicaturus est qualiter vigiliae istae ordiantur. Ad quarum faciliorem intelligentiam ad memoriam revocandum est quod jam supra cap. 7, num. 8, dictum est de longioribus aut brevioribus noctibus, quas sensim crescere apud se reputabant ab Idibus Septembris, id est a vigilia Exaltationis sanctae crucis usque ad Kalendas Novembris, sive festum Omnium Sanctorum. A qua die usque ad festum Purificationis beatae Mariae se ordinabant, ac si in eodem longitudinis statu noctes permanerent. Exinde usque ad Pascha noctes decrescere reputabant, sed a Pascha usque ad Exaltationem sanctae crucis, noctes in eodem statu perseverare, quoad nocte surgendi horam, censebant.

Ibid. 1. *Quinquaginta psalmis*. Ad hoc hora integra et ultra opus est; id ergo significat quod vigiliae istae crescerent sensim ab Exaltatione sanctae crucis, usque dum pervenirent ad spatium horae integrae in ipsis Kalendis Novembris. In quo spatio horae integrae perseverabant usque ad festum Purificationis. A qua die vigiliae istae ad instar noctium sensim decrescentes ad primum tandem statum redibant in Paschate, id est circa tempus Paschae; nam in ipsa die Coenae Domini cessant istae vigiliae.

Idem prorsus nunc observamus circa iatas vigiliis, et vigiliarum etiam cursum sequitur pulsus completorii, nam sensim pulsus ille anticipatur a festo Exaltationis sanctae crucis prout ab antiquis Patri- D bus servabatur, donec ad festum Omnium Sancto-

rum deveniatur. Exinde serialibus diebus in eodem statu permanet usque ad festum Purificationis B. V. Mariae, a qua die sensim retardatur usque ad Pascha, quo tempore ad pristinum statum redit. Quae omnia paulo fusius explicamus, ut inferius dicenda facilius intelligantur.

Num. 3. *Cantatis nocturnis breve*, etc. Spatium durationis istius intervalli exprimit. Sed quid durante intervallo illo fieret non exprimit. Animi attentionem sic relaxare voluisse credimus, et ideo ad cellam interim reverti poterant, prout ex antiquis statutis constat.

Ibid. *Sequuntur deinde matutinae laudes, quas a Kalendis Octobris usque ad Pascha lux terminat*. Id est ea hora tunc finiuntur, qua jam dies clara est, vel saltem clarescit. *Exinde inchoat*. Id est ea hora diei incipiunt qua dies illucescit. Ex hoc loco evidens est quod nocturnae vigiliae tunc ab eis alio modo quam nunc a nobis servarentur, dormirentque absque interruptione quantum satis, toto tempore quod inter Kalendas Octobris et Pascha occurrit. A Paschate autem usque ad praedictas Kalendas, in lecto jacebant, juxta noctium majorem aut minorem breviter, quam sequebatur etiam matutarum brevitatem (nam tunc lectionibus carent, nisi occurrat festum), sed quod minus dormirent nocte, supplebant per dormitionem diurnam, quae illis assignabatur inter sextam et nonam: unde non mirum est si nunquam post matutinas ad lectum redirent.

Qua hora tunc pulsaretur ad matutinas conjecturis tantum astruere possumus, et ex eis judicare quod tunc vigiliae nostrae nocturnae, ab illis quae in Regula S. Benedicti praescribuntur, non multum differrent. Ut autem res evidentiis pateat, hic adnotabimus quod non tantum conjecturis, sed assumptis etiam experientis discere conati sumus.

Constituta ergo quadam veluti epocha Calendarum Novembris, quo tempore sicut et aestate completorii pulsus fieri debet cum adhuc legi potest, id est dum dies sic in noctem vertitur, ut adhuc in libro litterae legi possint, exploravimus ex professo, qua hora id contingeret, et reperimus serena die inter montes Carthusiae, et in eodem loco ubi stat sacellum sancti Brunonis id contingere paulo post sextam, illo vero tempore, imo a Kalendis Octobris, prout supra dicitur, matutinas laudes lux terminabat, ac proinde illas tunc terminatas fuisse circa sextam

exinde inchoat. Ad lectos autem post matutinas, nullo reditur tempore. A prædictis Kalendis similiter usque ad Pascha primam lux inchoat, exinde solis ortus expectat, exceptis tantum diebus solemnibus, usque ad Kalendas Novembris, in quibus reliquos dies imitatur æstatis. Sed et in Quadragesima diebus itidem solemnibus, ut diutius orationi vacari possit, pene usque ad ortum differtur solis. Cæteria vero diebus, quibus tenetur capitulum a Kalendis Novembris usque ad Quadragesimam, donec possit in libro legi, protelatur. Qua autem hora a Pascha usque ad Kalendas Octobris prima, eadem a Kalendis Octobris usque ad Quadragesima tertia pulsatur, sole scilicet [al. videlicet] summus irradiante montes. Spatium autem vel a prima usque ad tertiam hiemis tempore, vel a matutinis usque ad primam æstate, exercitiis spiritualibus mancipatur. A tertia vero usque ad sextam hieme, et a prima usque ad tertiam æstate, manuum deputatur operibus, quæ tamen opera brevibus volumus orationibus interrumpi, et qua sibi vicinitate in hieme sexta et nona, eadem in æstate tertia sextaque conveniunt. Tali autem inter se spatio separantur, quo regularis hora et duæ de S. Maria valeant explicari. Spatium vero quod sexta nonæque interest, nunc brevius, nunc longius, quieti deputatur æstate. Et quod nonam vespertasque disternat [al. determinat], manualibus occupatur operibus, semperque in operando ad breves et quasi jaculatas licet orationes recurrere. A vespere usque ad completorium spiritualibus opera datur.

COMMENTARIUS.

matutinam credendum est. Si ergo supputentur horæ quibus durabat divinum officium nocturnum, adjunctis vigiliis illis de quibus supra diximus, reperiemus per experientiam, quam etiam nunc facimus, quatuor horas integras communiter numerari, quæ si demantur ab undecim circiter horis, quæ excurrunt inter mediam circiter post sextam vespertinam et sextam matutinam, restabant septem et ultra horæ, quæ dormitioni absque interruptione erant deputatæ. Sed in vetustissimo codice reperiimus scriptum, quod circa festum Omnium Sanctorum octo horæ non interruptæ dormitioni deputabantur.

Quo tempore mutatio illa facta sit certum non habemus, quam tamen ducentos annos vix superare credimus, cum ad manum habeamus manuscriptum codicem, qui non adeo vetustus apparet, ubi de dormitione diurna monachorum non interturbanda per discursum sive deambulationes in claustro omnes astantes in capitulo generaliter inter alia monere solemus. Eodem autem tempore quo ordinem vigiliarum per somni intercisionem mutatum esse credimus, dormitionis diurnæ consuetudinem etiam cessasse putamus.

Qua ratione mutatio illa antiquarum vigiliarum in austeriores ex intercisione somni facta sit, nullibi scriptum reperiimus, sed coniecimus id factum fuisse, ut, licet ex isto dimidiato somno natura aliquid majoris lædii pateretur, vires tamen animi ex tam longa applicatione ad diurnum officium, quod fere tunc nocturno conjunctum erat, non nimis fatigaretentur, et per somni interpositionem discrete sic reparatæ conservarentur; maxime cum cantus Gregorianus apud nos in usu esset (quem temporibus primorum Patrum admissum fuisse in ordine non credimus), et eo cantu officii divini prolixitas non mediocriter aucta fuisset.

Num. 3. A prædictis Kalendis primam lux inchoat. Inde colligitur quod brevi intervallo post matutinas facto, die paulo amplius lucida, hac anni parte, pulsaretur ad primam. Exinde solis ortus expectat. Id est altera anni parte a Pascha usque ad Kalendas Octobris, secundum varios solis ortus tardiores aut

A citiores ad primam pulsatur, quod sic observant ut possent vere et ad litteram dicere, *Jam lucis orto sidere*, in hymno qui quotidie ad primam dicitur.

Ibid. *Exceptis tantum diebus solemnibus.* Sensus est quod dies solemnnes inter Kalendas Octobris et Novembris occurrentes, ritum dierum æstivalium sequerentur.

Ibid. *Sed et in Quadragesima ut diutius orationi, etc.* Ex hoc loco obstruuntur ora eorum qui dicunt nullum apparere tempus præfixum apud Carthusianos pro oratione mentali; quibus breviter respondeamus, istam temporis expressam determinationem fere superfluum visam fuisse R. Patri Guigoni et aliis, quia vita boni Carthusiani est oratio mentalis fere assidua, quamvis ex hoc loco perspicuum sit, semper in ordine tempus ad hoc piæ exercitium fuisse specialiter assignatum.

Ibid. *Cæteris vero diebus quibus tenetur capitulum.* Id est festis quæ ideo capituli vocamus, quia in eis semper capitulum tenetur, *Donec possit in libro legi*; id est circa sextam horam: quod adhuc eodem modo a nobis observatur, excepto solis ortu quem æstate jam sequi non possumus propter somni introductam interruptionem. Eadem enim fere hora qua surgebant æstate antiqui Patres, nos stratum post persolutas matutinas nunc repetimus.

Ibid. *Qua autem hora a Pascha usque ad Kalendas Octobris, etc. Sole videlicet summus irradiante montes.* Non de uno tantum monte loquitur, sed de pluribus. Est autem rupes altissima vocata, *la pointe du Midi*, ac si diceretur, *acus meridionalem lineam designans*, cui radios infligit sol statim atque ortus est in æstivo solstitio, paulo post quartam, sed antequam montes sic sint irradiati hora quinta est, unde colligimus quod æstate inter finem matutinarum et primam vix sæpe hora intercederet, vel ad summum hora et media.

Ibid. *Exercitiis spiritualibus.* Ecce expresse notatum tempus ad orationem mentalem et devotas lectiones apud nos semper assignari solitum. Et si plures horæ orationi mentali impendendæ apud nos non assignentur, meminerit lector, vitam boni Carthusiani dictam a nobis supra fuisse, orationem

4. In completorio autem pulsando illud attenditur, ut quando plus differtur cum adhuc legi potest pulsatur. Post cuius finem oratione Dominica ter tantum cum devotione finita, nequaquam ultra differimus accubare.

5. Non enim monemur solum, sed et iubemur, horis ad quietem deputatis dormitioni magnum impendere studium, quo temporibus cæteris alacriter vigilare possimus.

6. Generaliter autem in ecclesia matutinas et vesperas, in cellis vero semper completorium dicimus. Alias enim, nisi festiviis diebus, aut vigiliis, aut anniversariis ad ecclesiam non venimus.

CAPITULUM XXX.

De his qui in cella manentibus importune se ingerunt, et de coquinario.

1. Si aliquis importunus ad cellam venerit, vel nutibus, vel, si non intelligit, verbis ad coquinarium eum mittimus; amplius cum illo [al. eo], nisi iussi, non loquimur, nec si sit germanus.

2. Coquinarius autem portam servat, advenientibus respondet, elemosynam petentes ad inferiorem transmittit domum. Domos et universa quæ ad communes usus pertinent custodit. Porro coquinariæ terminos, æstium videlicet refectorii, quo ad eam tenditur, nemo nisi iussus transgreditur.

COMMENTARIUS.

mentalem continuam, prout statim amplius probatur.

Ibid. *A tertia vero usque ad sextam hieme, etc.* Ibi habes tempus operibus manualibus mane assignatum, quæ nunquam ab orationis studio apud nos separari debent. et sic nobis exhibet R. P. Guigo qualiter verba illa Christi possimus et debeamus implere: *Oportet semper orare et non deficere (Luc. xviii).*

Ibid. *Et qua sibi vicinitate in hieme sexta et nona, etc., valeant explicari.* Per regularem horam intelligit officium dici, et per duas de S. Maria intelligit sextam et nonam de B. Maria; unde concluditur quod spatium inter sextam æstate erat tantum medise circiter horæ: nam ad illa parva officia devote persolvenda medise horæ tantum spatio opus est.

Ibid. *Spatium vero quod sextæ nonæque interest, etc., quieti deputatur.* Ecce dormitio diurna pro æstatis tempore assignata, de qua jam diximus cap. 7, n. 8.

Ibid. *Et quod nonam vespersaque, etc., manualibus.* Hinc patet quod bis in die quolibet tempore operibus manualibus monachi apud nos vacarent, semel mane ut supra dicitur, et semel vespere, inter nonam et vesperas.

Ibid. *A vespere usque ad completorium spiritualibus, etc.* Ecce adhuc tempus designatur ad orationem et exercitia spiritualia.

Num. 4. *In completorio autem, etc., ut quando plus differtur.* Nihil certum ex hoc loco possumus colligere circa horam qua ad completorium pulsabatur æstatis tempore; nam de hieme id potest facile determinari, prout supra diximus, nempe paulo post sextam. Sed inde evidentiùs probatur ex magna diversitate pulsandi ad completorium, quod vigiliarum nocturnarum ordo longe diversus erat ab eo quem nunc servamus, quia lucente adhuc solè ad completorium pulsamus æstate, hic vero dicitur illos tantam pulsare solitos esse, cum adhuc in libro legi posset, quod non nisi post solis occubitum accipit. Tempus vero quo plus differtur circa Pascha incidit et eodem modo continuatur usque ad Kalendas Octobris. Quo tempore, scilicet circa Pascha, hora

circiter septima adhuc potest in libro legi, et hoc bene concordat cum vigilia, quæ per Regulam S. Benedicti assignatur.

Num. 5. *Non enim monemur solum, sed et iubemur, etc.* Hinc probatum habemus spiritum ordinis a nobis exigere ut nihil ex propria voluntate detrahere attentemus sub quolibet prætextu, subsidiis corporalibus quæ ordo instituit, quod est maximæ discretionis indicium, quam sic necessario servandam esse, circa vitæ solitariæ professores bene dirigendos, proprio experimento sciebant antiqui Patres, ut in hac parte, nec ullum exercitationis aut mortificationis zelum admittere vellent. Quod amplius ex cap. 35 probabitur.

Num. 6. *Generaliter autem in Ecclesia matutinas et vesperas, etc.* De missa nihil habetur in codice impresso; at in vetustissimo codice manuscripto legimus, *matutinas, missam et vesperas*, unde merito credimus mendum esse typographicum. Sed quidquid sit, satis jam de missa in primis capitulis dixerat. Et si missam hic omiserit, potest dici illum de horis tantum canonicis hic loqui voluisse, et sensum illius esse, ut generaliter omnibus diebus matutinæ et vespere dicantur in ecclesia, et completorium semper in cellis, quod hodie eodem prorsus modo observatur.

Porro hoc capitulum integre refertur 1 p. antiq. statut. cap. 41, n. 4, 9, 10, 12 et 13.

CAP. XXX. — Num. 1. *Si aliquis importunus.* Illic loquitur de extraneis, qui ad domum Carthusiæ venientes, et claustrum ingressi non reperiunt quem alloquantur, pergunt ad cellulæ januam, qua pulsata venit monachus, qui audita pulsantis petitione, habet hic qualiter se gerere debeat, etiam cum germano fratre.

Ibid. *Nisi iussi.* Hoc est, nisi cum speciali licentia ab eo petita, qui vult nos alloqui, juxta ea quæ jam supra cap. 17, n. 2, diximus.

Num. 2. *Coquinarius, etc.* Coquinarius erat tunc œconomus universalis, et vices procuratoris agens in domo superiori.

3. Quod si ex nostris ad cellam venerit aliquis volens loqui nobis, interrogatur prius, si prior jusserit; aliter ad colloquium non recipitur.

4. Ipsi quoque coquinario in cellis residere et fabulari non licet, nisi quem forte ægrotare contigerit.

CAPITULUM XXXI.

Item de cella.

1. Hic ita prælibatis, ad cellam redeamus, cujus habitatorem diligenter ac sollicitè decet invigilare, ne quas occasiones egrediendi foras, vel machinetur vel recipiat, exceptis his quæ generaliter institutæ sunt; sed potius sicut aquas piscibus, et caulas ovibus, ita suæ saluti et vitæ cellam deputet necessariam. In qua quanto diutius, tanto libentius habitabit, et quam si frequenter et levibus de causis exire insueverit, cito habebit exosam. Et ideo statuta ad hoc horis petenda jubetur petere, et accepta tota diligentia custodire.

2. Quod si qualibet vel sua vel alterius negligentia, pane, vino, aqua, igneve caruerit, vel insolitum strepitum aut clamorem audierit, vel periculum ignis extiterit [*al. inatiterit*], licebit exire, et subsidium præstare vel petere, et si periculi magnitudo poposcerit, silentium etiam solvere.

3. Soli enim degentes signa cœnobiorum, aut nullâ aut pauca novimus, sufficere putantes linguam solam, non etiam cæteros artus reatibus implicare loquendi. Et ideo si tanta necessitas urget, uno vel duobus, aut certe paucissimis verbis quod res postulat maximum [*al. malum*] indicari.

CAPITULUM XXXII.

De fratribus qui in aliquo opere occupantur.

Cum aliqui ex monachis, emendandis vel ligandis libris, vel alicui tali operi mancipantur, ipsi quidem loquuntur ad invicem, cum supervenientibus vero nequaquam, nisi priore presente aut jubente.

COMMENTARIUS.

Num. 3. *Quod si ex nostris, etc., interrogatur, si prior jusserit, etc.* Inde evidens est quod monachi se etiam aliquando visitarent cum prioris licentia. Id semper intelligendum est, quoties R. Pater Guigo verbo *jussionis* utitur.

Num. 4. *Residere et fabulari, etc., nisi quem forte ægrotare, etc.* Coquinarius ergo ille, qui tunc procuratoris vices gerebat in domo superiori, habebat licentiam, sicut et nunc habet procurator, ad ostium cellæ pauca verba loquendi, et forsitan tunc etiam intrandi cellam, ratione suppellectilis coquinariæ ordinandæ, quia tunc monachi singuli coquinam sibi faciebant eo modo qui supra, cap. 28, exprimitur, sed non ibi residendi aut fabulandi: quo fabulationis verbo indicantur verba ultra necessitatem prolata. Tempore vero quo ægrotabant monachi, coquinarius poterat libere cellam ægroti intrare, et illi conveniens auxilium præstare.

Totum hoc capitulum relatum habetur in antiquis statutis II part., cap. 17, n. 5, et item III part., cap. 10, n. 1. Eadem? prorsus nunc observantur etiam rigidiori modo, quia extra casum infirmitatis coquinarius nunquam ingreditur cellas monachorum, absque speciali licentia.

CAP. XXXI. — Nihil nobis addendum est verbis R. P. Guigonis, qui discrete et paucis verbis exprimit quid vitæ solitariæ professor observare debeat, si velit honos habitus sibi formare, ut pacifice et quiete vitam transigat in statu suo.

Num. 1. *Exceptis his quæ generaliter institutæ sunt.* Semper inducit piissimus et expertissimus vitæ solitariæ professor, unde a mente solitariorum abigit indiscretas singularitates, et excessus eliminat, propter causas de quibus agemus infra cap. 35.

Ibid. *Statutis ad hoc horis petenda, etc.* Hinc

A patet quod non tantum festis diebus in colloquio possent necessaria petere a coquinario, sed etiam quando id necessitas postulabat, certis tamen horis.

Num. 2. *Quod si qualibet, etc., pane, vino, etc.* Hic adimit omnem scrupuli occasionem, exprimendo quod per cellæ et silentii indictam custodiam non ideo privatur Carthusianus libertate egrediendi, et etiam loquendi, quando id exigit justa ratio aut necessitas, qualis hic exprimitur. Ex pane autem hic notato, et libertate petendi panem cum deficit, inquitur tortam illam panis, quæ supra cap. 7, n. 10, dari memoratur singulis monachis, tanquam Christi mendicis, post rectorium, datam non fuisse pro tota hebdomada, sed donec consumpto pane illo, alius ministraretur, diebus infra hebdomadam statutis.

Num. 3. *Soli degentes signa cœnobiorum.* Inde innotescit quantum primi Patres amarent simplicitatem et sinceritatem, quantumque utrasque nobis transferre vellet, nolendo uti alia re ad sensum suum exprimendum, quando necessitas id exigebat, quam eo membro, quod ad id a Deo destinatum est et repellendo ea omnia, quibus fallendi nasci posset occasio, et a nostri Instituti Proposito sensim aberrandi. Nam sicut videmus mutos per nutus miscere colloquia, ita etiam silentio addicti idem addiscere, et exsequi possent, si ablata loquendi libertate, signorum usus fuisset introductus, et passim permissus.

C Totum hoc capitulum relatum habes in antiquis statutis II part., cap. 17, n. 1 et sequentibus.

CAP. XXXII. — Ex hoc capitulo evidenter apparet quod non tantum primis Carthusianis licitum esset nonnunquam se invicem visitare, quando prior ex rationabili causa id permittebat, sed quod non raro plures monachi simul convenirent ad aliquod opus

CAPITULUM XXXIII.

De jejuniis atque cibis.

1. Nunc de jejuniis cibusque dicendum est. Secunda, quarta, sextaque feria, pane, et aqua, et sale, si cui placet, contenti sumus.

2. Tertia, quinta et Sabbato legumina, vel aliquid hujusmodi ipsi nobis coquimus, a coquinario vinum, et in quinta feria caseum, vel aliquid cibi lautioris accipientes.

3. Ab Idibus Septembris usque ad Pascha, exceptis solemnitatibus, non nisi semel in die manducamus.

4. A Pascha autem usque ad prædictum terminum, tertia, et quinta feria, nec non et Sabbato iterato reficimus.

5. Ad cœnam, vel ad prandium, cum semel edimus, herbas crudas, vel fructus, si adsint, accipimus. Quæ retinentes quandiu sufficiunt, alia ejusdem duntaxat generis non accipimus. De caseo namque seu piscibus aut ovis, vel si quid ejusmodi, quæ pitantias vocamus, semel sumimus, quod superest reddimus.

6. Vinum non nisi in prandio vel cœna potamus.

COMMENTARIUS.

sibi a priore commissum perficiendam, et sic convenientes, soluta tunc silentii lege, inter se libere loqui possent, sed non cum supervenientibus, nisi priore præsentem aut permittente.

Idem de verbo ad verbum refertur in antiquis statutis II part., cap. 18, n. 2. Et nunc etiam eodem prorsus modo præscribitur et servatur.

CAP. XXXIII. — Num. 1. *Secunda, quarta sextaque feria, etc.* Subaudiendum est, nisi in ipsis diebus occurreret festum capituli. Id per cap. 52 evidenter apparet, ubi fratres ipsa etiam feria sexta, quæ vulgariter dies Veneris dicitur, ex superveniente festo ab abstinentia servanda eximuntur, quamvis illam semel tantum in hebdomada servarent. Hic autem exprimitur, quæ et quales essent abstinentiæ illæ, quas initio ordinis a nostris observatas fuisse constat, circa quas a quibusdam nunc de relaxatione arguimur, quia non eodem modo servantur. Sed antequam rationem de hac re suis locis reddamus, et probemus non ideo institutum Carthusianum ullo modo fuisse relaxatum, cum ista observantia non absoluta, sed semper sub conditione fuerit introducta et observata in ordine: Notet lector conditionem illam esse expresse declaratam in sequenti capitulo 35, ubi dicitur: *Sed et si cui pitantiam aliquam, seu cibi, seu somni, vel alterius cujuslibet rei facere, id est præstare, prior voluerit, repugnare fas non habemus, etc.* Ex quibus verbis luce clarius patet istas abstinentias ab omnibus et a singularibus personis, tantum tunc fuisse servandas et servatas, quando et quandiu posse et convenire prior judicaret, absque sanitatis illarum detrimento. Dico, *sanitatis*, quia superflua prorsus et inutilis fuisset ista conditio, si sanitatis corporalis nulla fuisset habenda ratio, et in hoc elucet magna discretio, quam veluti instituti sui basim posuerunt primi Carthusiani, cavere volentes, ne ex nimia austeritatibus corporalibus adhærentia, plures et suis in via solitariæ vitæ deficerent, sicut jam evenisse sciunt antiquis quibusdam anachoretis et aliis. Quæ discretio mirum in modum profuit ad servandum ordinem in suo vigore.

Num. 2. *Tertia, quinta, et Sabbato legumina, vel aliquid hujusmodi ipsi nobis coquimus, etc.* Hic refrendenda est memoria eorum quæ jam cap. 7 diximus

A circa coquinam illam, quam sibi ipsis faciebant singuli monachi in cellula, ad quam faciendam ordinate ministratur illis a coquinario provisio quarundam rerum comestibilium, quas apud se servabant, ut inferius dicitur, donec deficerent, et tunc novas peterent et acciperent. Et advertit quod nulla huc usque sit mentio de pitantia, et per verba illa, *aliquid hujusmodi*, non possumus certo scire quid hoc esset, quod etiam sibi coquere possent.

Ibid. *A coquinario vinum, etc. In quinta feria caseum vel aliquid cibi lautioris, etc.* Ecce apparet incipit quod feria quinta portio casei, ultra solum ordinate ministraretur, vel aliquid cibi lautioris, sed nondum hic fit mentio ovorum et piscium, quamvis etiam dici possit quod per aliquid cibi lautioris B id ipsum indicaretur.

Num. 3. *Ab Idibus Septembris, etc., exceptis solemnitatibus, non nisi semel, etc.* Per solemnitates intelligi debent festa capituli, hoc enim verbo utitur R. P. Guigo, etiam de festis duodecim lectionum loquens, prout ex cap. 4, n. 13, probatur. Hic vero designatur tempus quo jejunium ordinis servatur, quod semper fuit et est eodem tempore observatum.

Num. 4. *A Pascha autem, etc., tertia et quinta feria, necnon Sabbato iterato reficimus.* Id est non tantum prandium sed et cœnam sumimus, unde et hi dies vocantur apud nos, dies binæ refectionis.

Num. 5. *Ad cœnam vel prandium, cum semel edimus, herbas crudas, vel fructus si adsint accipimus. Quæ retinentes, etc.* Ex hoc loco non est intelligendum quod diebus jejunii ordinis ad prandium cum semel ederent, herbis tantum crudis vel fructibus, si adessent, uterentur; contrarium enim evidenter apparet n. 2, ubi dicitur quod sibi met legumina coquerent: sed tantum id significat quod herbis crudis, id est oleribus quorum provisio illis dabatur, vel fructibus quando habebant, tunc libere uti illis licitum esset, quæ ideo apud se servare poterant quandiu durabant; id autem exprimitur ad distinctionem rerum comestibilium quas in cella servare poterant, et esculentorum quæ sumpta refectioe reddere debebant, de quibus subditur.

Ibid. *De caseo namque, seu piscibus aut ovis, aut si quid hujusmodi quæ pitantias vocamus.* Hic aperte exprimitur quod non tantum caseo, sed et piscibus

7. Quod panis et vini superest, Sabbato redditur. Quando in refectorio reficimus, caseus, vel aliqua talis pitantia, oleribus vel leguminibus superadditur, et in cœna, vel fructus vel herbæ crudæ, si adfuerint apponuntur.

8. In Adventu nec ovis nec caseo vescimur.

CAPITULUM XXXIV.

De mensura vini et casei.

1. Mensura vini sive in cellis sive in refectorio eadem perseverat, eodemque modo temperatur.
2. Nam puro [*al.* puro namque] non utimur.
3. Panis, quamvis de tritico, torta [*al.* tamen torta] est, album enim panem non facimus.

COMMENTARIUS.

et ovis, aliisque hujusmodi ad victum uterentur, et inde componeretur portio cibi singulis monachis ministrandi, quam *pitantiam*, et aliquando pulmentum vocabant. Quibus autem diebus ministraretur talis pitantia? Certum est quod diebus Dominicis et festis in refectorio daretur; Itemque feria quinta, ut ex n. 2 præsentis capituli conjicitur, sed et aliis etiam diebus juxta domus facultates, et prioris ordinationem, nonnunquam ministrari perspicuum erit ex sequentibus, exceptis tantum diebus abstinentiæ deputatis.

Num. 5. *Semel sumimus, quod superest reddimus.* Id est, quod sumpta refectioe ex pitantia sibi ministrata, non poterant monachi ex illa aliquid reservare, vel in cœnam, vel in crastinum, sed quod residuum erat, debebant in fenestella reponere, a coquinario resumendum, prout semper in ordine fuit et est observatum.

Ex his autem verbis liquido constat quod non tantum diebus festis, sed etiam ferialibus pitantias a coquinario acciperent; non enim possunt applicari diebus festis, quibus in refectorio comedebant, quia ibi pitantia illis ministrabatur, et finito prandio residuum a ministrantibus resumebatur, ut mensa esset vacua, quando lectori refectorii signum dabatur ut lectioni finem imponeret, superfluum fuisset de pitantiis in refectorio ministratis dicere, *semel sumimus, quod superest reddimus.* Id enim in comedentis libertate non erat, quando in refectorio comedebat, necesse ergo est ut id pitantiis in cella ministratis applicetur.

Num. 6. *Vinum non nisi in prandio vel cœna potamus.* Id significat quod extra prandium et cœnam ordinate vinum bibere non debeamus. Sed inde apparet quod primi Carthusiani, exceptis diebus abstinentiæ deputatis, vino in refectioe mane et vespere communiter uterentur.

Num. 7. *Quod panis et vini superest, Sabbato redditur.* Ibi videtur quod etiam ex vino sibi ministrato, aliquid in cella servare possent, quod tamen Sabbato reddere debebant, sicut et residuum panis ministrati. Vinum autem in cella sic servare nobis nunc non licet.

Ibid. *Quando in refectorio reficimus, caseus, etc., oleribus vel leguminibus superadditur.* Inde apparet quod bina fercula in refectorio ministrarentur. Illud nempe quod pitantiam vocabant, et insuper legumina aut olera.

Totum autem hoc capitulum relatum habetur in

A antiquis statutis II part., cap. 14, nu. 5, 6, 9, 10, 11, 13, 17 et 19. Et ut ex hujus capitali recta intelligentia via pateat ad plura alia recte intelligenda, quæ in Consuetudinibus R. P. Guigonis passim occurrunt, et errandi occasio tollatur, illius capitali elenchum hic addimus. Ex hoc ergo capitulo ista eruuntur: 1. Primi Patres recipiebant a coquinario provisionem leguminum, id est fabarum, pisorum, etc. Itemque olerum, quæ sibi coquebant, atque etiam fructuum, et hæc apud se servabant, donec consumpta essent, quibus consumptis alia petebant et recipiebant. 2. Vinum et panem recipiebant, et servare in cellula poterant usque ad Sabbatum, vinoque tum in prandio tum in cœna utebantur, exceptis diebus abstinentiæ deputatis. 3. Ultra ea quæ sibi in cella coquebant, statutis diebus pitantiam a coquinario recipiebant, ex qua nihil in sequentem refectioem reservare sibi poterant, subaudi semper sine prioris licentiâ; et hæc pitantia ex caseo, ovis, vel piscibus, aut aliqua re hujusmodi constabat. 4. Diebus refectorii, pitantiæ legumina in prandio addebantur. 5. A festo Exaltationis S. crucis usque ad Pascha, jejunium, quod vocamus *ordinis*, servabant, et illud vocatur jejunium non præcipuum, quod procuratori et aliquando priori in gratiam hospitem frangere permittebatur. Præcipuum vero dicebatur, quod ex præcepto Ecclesiæ erat servandum. 6. A festo Paschæ usque ad festum Exaltationis S. crucis, binam refectioem sumebant, id est prandium et cœnam, exceptis diebus abstinentiæ vel jejunio deputatis.

Plura adhuc de hac re dicenda occurrent sub capitulo 52.

CAP. XXXIV. — Num. 1. *Mensura vini.* Nulla ergo fiebat distinctio inter dies festos et alios circa vini mensuram, cum semper æqualis esset. Additur in novis statutis prohibitio et pœnitentia ei e nostris qui purum biberet vinum.

Num. 3. *Panis quamvis de tritico torta est, album enim panem, etc.* Per *tortam* intelligit panem subrufum, qualis adhuc fit in ordine, idemque nomen tortæ retinet, et semper ministratur monachis simul cum parvo pane albo eadem quantitas tortæ, ut sic media pars panis, qui nobis ministratur, torta sit, et alia panis albus. A plerisque autem nostrum, hæc torta præfertur pani albo, quia certe plus sapit. Sed quia albus levior est, et stomachum minus gravat, hac de causa usus ejus in ordine introductus

4. Caseus eodem, tam in cellis quam in refectorio pondere datur.

CAPITULUM XXXV.

Quod nulli liceat majora exercitia favere, nisi favente priore.

1. Abstinencias vero, vel disciplinas, vel vigiliis, seu quælibet alia religionis exercitia, quæ nostræ institutionis non sunt, nulli nostrum, nisi priore sciente et favente, facere licet.

2. Sed et si cui pitantiam aliquam seu cibi seu somni vel alterius cujuslibet rei facere, aut durum et grave aliquid imponere voluerit, repugnare fas non habemus, ne cum ei resiterimus, non ei sed Domino, cujus erga nos agit vices, restitisse inveniamur.

3. Licet enim multa sint et diversa quæ observamus, uno tamen et solo obedientiæ bono, cuncta nobis fructuosa futura speramus.

COMMENTARIUS.

est et inolevit, ut portio panis albi simul cum torta A monachis ministraretur.

Ex hac autem sollicitudine advehendi triticum in istas rupes Carthusiæ, unde panis monachis conficeretur, evidenter apparet quam discrete omnia disponenda esse docuisset alumnos suos S. Bruno institutor noster, ut perseveranter possent illæsa sanitate in suo proposito servire Deo, et æquali passu in sui instituti præxi semper incedere, atque cavere ne illis eveniret, quod pluribus evenisse sciebat, qui extremitatibus gaudentes rigidas abstinencias quidem suscipiebant et aliquo tempore pertinaciter exercebant, sed postea læsa inde corporis valetudine, ad omnes sensim observantias inhabiles reddebantur, et deinceps non solum ad exercitia spiritualia relinquenda, sed etiam ad corpus studiose fovendum et nutriendum compellebantur. His ergo inæqualitatibus aditum ocludere volens, de bono pane triticeo voluit suis provideri. Triticum autem non fert eremus Carthusiæ sicut nec vinum. Accessus rupium erat tunc valde difficilis et dorsis tantum animalium, vel solis hominum humeris ex aliqua parte, poterat huc afferri. Triticum et vinum magno pretio constabant; at nihilominus panem ex tritico voluit monachis confici, quod semper uterentur, vinumque semper ministrari. Sciens enim bonum panem, vinum, et ova esse apud nos præcipuam materiam unde sustentemur et firmam valetudinem servemus, hæc nostris ministrari præscripsit. Legimus quidem pro solis infirmis pisces emi solitos fuisse, at de ovis nihil tale scriptum est.

Num. 4. *Caseus tam in cellis, etc.* Inde apparet bene ordinata stabilitas et conveniens proportio, quam ubique a nobis servari volebat, rejectis singularitatibus, id est rebus ex propria voluntate susceptis, et non ex superioris licentiæ aut præscripto, quas sciebat a vitæ solitariæ professoribus magno studio esse proscribendas. Ex illis enim non raro nascitur quoddam vanitatis supercilium, aut pacis turbatio; ex sequenti autem capitulo evidenti apparet, quanta circumspectione primi S. Patris nostri Brunonis successores voluntarias singularitates et indiscretionem a suis vellent eliminare, et qualiter in sola obedientia rerum Carthusianarum summam et instituti nostri rationem ponerent.

Totum hoc capitulum in antiquis statutis refertur parte II, cap. 14, nn. 15, 16 et 18.

CAP. XXXV. — Ex his R. P. Guigonis verbis innotescit quod obedientia Carthusiana a primævo instituto in illa est apud nos existimatione, et talis esse debet, ut præter eam nihil proficuum aut validum reputetur in ordine, ipsaque censeatur veluti cor instituti Carthusiani.

Hoc autem capitulum non solum in antiquis statutis relatum habetur in part. II, cap. 14, nn. 25, 27 et 28, sed etiam in novam statutorum collectionem idem de verbo ad verbum translatum est. Et nemo inter Carthusianos numeratur, qui votæ suæ non emisit sciens et volens, relative ad verba in hoc statuto contenta. Ex his autem verbis liquet.

Primo, monachum Carthusianum per professionem suæ obedientiæ, abrenuntiasse etiam quibusdam operibus pietatis, quæ aggredi non potest, nisi priore sciente et favente; quod maximæ prudentiæ est, ut solitariis auferatur occasio incidendi in graves indiscretionem, quibus præ cæteris statutis obnoxius esset solitariorum status, nisi obedientiæ regimine duceretur.

Secundo, paratum esse debere ad recipiendum indulgenter a superiore levamina quædam in cibo, potu, somno præter statutum; quod etiam vere discretiõnis est, ut ex superioris judicio sanitatis solitariorum cura pendeat, et a solitario monacho omnis obstinationis in proprio judicio, et indiscretionis occasio amoveatur; status enim ille, ut jam dictum est, discretione indiget, ut in eo cum sanitate et alacritate absque interruptione aut relaxatione Deo jngiter serviatur.

Tertio, illum similiter ad obediendum teneri in duris et gravibus præter statutum, quæ ei a superiore injunguntur. Unde patet Carthusianum ex vi professionis suæ voluntatem propriam sic obedientiæ virtuti subjecisse, ut eam Deo obtulerit, æstinandam sicut ovis occisionis.

Quarto, hanc vim obedientiæ in eo statu monachum Carthusianum constituere, ut in persona superioris Deum ipsum considerare debeat.

Quinto et postremo sensum ordinis et spiritum instituti Carthusiani in obedientia sic consistere, ut ex illa sola observantias Carthusianas vim meriti assumere, et extra eam nullius meriti esse, pro certo habendum sit.

Inde factum est ut qui formam celebrandi capitulum generale instituerunt, R. Patris Guigonis et

CAPITULUM XXXVI.

De hospitibus suscipiendis.

1. Pro episcopis et abbatibus et cunctis in religioso habitu constitutis (tales enim a priore ad mensam suscipiuntur), si tali hora venerint, jejanium ab eodem, nisi sit [al., fuerit] præcipuum, solvitur; non enim vel gyrovagi, vel a religione refugæ, vel personæ laicæ ad ejus mensam suscipi consueverunt.

2. Episcopi autem et abbates etiam sedem prioris tam in ecclesia quam in cæteris tenent locis. Sed episcopi benedictiones etiam dant; abbates sola sedis honorificentia sunt contenti; benedictiones autem juxta morem sacerdos hebdomadarius tribuit.

3. Quos, id est episcopos et abbates, cum veniant inclinati et usque ad terram flexis genibus, cæteros autem reverenter tantum supplicantes osculamur.

4. In superiori autem domo non nisi religiosi hospites jacere consueverunt. Et quoniam de priore sermo se intulit, addendum est qualem se in susceptæ domus negotiis soleat exhibere.

COMMENTARIUS.

primorum Patrum vestigiis inhærentes, ibi expresse A bet imputari ista mutatio, quæ est in melius facta notaverint formam et circumspectionem, quæ servanda esset quando capitulum generale in aliqua re rigorem ordinis minuendum esse censeret; servata etiam similiter libertate observantiis antiquis aliquid novi et durioris addendi, quod ad finem instituti nostri consequendum magis conducere, pensata temporum personarum et experientiarum ratione, sibi videretur. Quod eodem modo huc usque observatum esse suis locis probabitur; sicque nec a mente nec a littera in hoc cap. 35 per R. P. Guigonem expressa, capitulum generale ordinis, atque ideo ordinis corpus aberrasse, cuique cordato pacifice et in spiritu charitatis res pensare volenti perspicuum erit.

CAP. XXXVI. — Num. 1. *Pro episcopis et abbatibus cunctis*, etc. Jam cap. 18 fuerat expressum qualiter et quam benigne hospites essent a procuratore suscipiendi. Nunc vero R. P. Guigo declarat quomodo a priore suscipi debeant, qui etiam hospitalitatis gratia jejunium ordinis frangit, et ad mensam non tantum episcopos et abbates, sed et cunctos in religioso habitu constitutos recipere debet. Quod nunc temperatius exercetur, ne ex necessitate toties suscipiendi hospites, ipse prior a sui officii muniis retrahatur. Unde in modernis statutis id limitatur ad hospites, quibus id commode negari non potest, et insuper additur: *Quanto rarius, tanto melius*. Quantum enim temporis insumitur in similibus, quod alibi fructuosius impenderetur? Quot superflua verba proferuntur? Res ipsa loquitur.

Ibid. *Non enim gyrovagi, etc., vel personæ laicæ, etc., consueverunt*, etc. Non absolute dicitur quod laici ad ejus mensam prorsus non suscipiantur, sed tantum dicitur quod non sit consuetum eos ibi recipere, sicut recipiuntur alii qui in religioso habitu sunt constituti, qui cuncti suscipiuntur, laici vero non, nisi illius qualitatis sint cui id negari non possit, et in hoc convenit sensus R. P. Guigonis cum modernis statutis ubi dicitur, cap. 3, 11 part., n. 31: *Prior in domo sua cum hospitibus advenientibus non debet passim et indifferenter comedere, sed tantum cum honestis personis et talibus, quibus hoc commode negari non poterit; et tunc etiam quanto rarius, tanto melius*. Temporibus etiam rationi ex aliqua parte de-

dummodo res intra metas mentis statutorum semper contineatur.

Num. 2. *Episcopi autem et abbates, etc.* Inde edocemur quantum distare debeamus ab omni specie jurgiorum, quæ non raro nascuntur hodie pro gradibus servandis. Videmus enim quod in omnibus episcopis dignitatem characteris indistincte honoraverint primi Patres nostri, servata tamen semper singulari reverentia pro episcopo diocesano. Ab hoc ergo spiritu nunquam aberrare debemus; *cui honorem, honorem superabundanter potius quam parce reddendo*, ut in hoc cognoscant omnes, quod simus primorum Carthusianorum discipuli, humilitatem animi, humanitatem conversationis, hospitalitatem ac sinceram dilectionem in omnibus exhibendo.

Ibid. *Benedictiones autem juxta morem sacerdos hebdomadarius tribuit*. Hic locus confirmat quod jam diximus de frequenti apud nos missarum conventualium celebratione, cum expressa fiat mentio sacerdotis hebdomadarii. Unde raritas illa missarum, de qua loquitur R. P. Guigo in quibusdam locis, longe aliter intelligenda est quam quidam censuerunt.

Num. 3. *Quos, id est episcopos, etc.* Habemus hic qualiter humilitatis spiritum, quo intus abundare debemus, etiam exterius in actum reducere debeamus; nec unquam apud nos admittere quidquid sæcularis fastus aut supercilii tenuem habet umbram.

Supplicantes, id significat apud nos inclinationem corporis, qua salutationes facimus, imo ea utimur in ecclesia loco genuflexionis. *Osculamur*; inde evidens est quod forma salutandi in osculo sancto, prout dicit Apostolus, apud nos semper fuerit in usu; sed hac forma salutandi utendum tantum est, habita ratione personarum et decentiæ, temporum et regionum.

Num. 4. *In superiori autem domo non nisi religiosi, etc.* Ibi ergo tantum pernoctabant, qui ad mensam a priore debebant suscipi, in chorum ingredi, et ad colloquium admitti cum monachis; nam simul ista conjungi videmus ex hoc loco et ex capitulo decimo.

Porro totum hoc capitulum refertur in antiquis statutis part. 11, cap. 9, nn. 27, 3, 2 et 28.

De tractando consilio.

1. Si quid igitur magnum vel grave tractandum fuerit, prior omnes in unum monachos præcipit convenire. Ibi que cum omnes quid sentiant libere pronuntiaverint, quod melius rectiusque existimat, sine ulla personarum acceptione, exsequitur.

2. Et hoc omnino tanquam utilissimum rectissimumque servatur, ut nemo vel alterius, vel suam contentiose præsumat defensare bententiam; ne bonum, quod absit! consilii in discordiam furoremque vertatur.

3. In levioribus vero rebus et magis consuetis suo tantum et maturiorum est contentus consilio.

4. Qui ne forte temporalium cura rerum, ac sollicitudine prægravatus, spiritualibus minus possit intendere, tales singulis obedientiis fratres satagit deputare, quorum eas fidei secure valeat credere.

CAPITULUM XXXVIII.

De cura infirmorum.

1. Qui cum erga omnes, præcipue erga infirmos ac debiles atque in tentationibus positos, sollicitum, benignum atque misericordem debere se noverit existere: *Non enim, secundum sententiam Domini, sanis est opus medicus, sed male habentibus (Matth. ix, 12)*: qui tamen et ipsi secundum B. Benedicti dicta, ne superflua vel impossibilia petendo, vel forte murmurando servientes sibi contristent, diligentius admonentur attendere, et ut memores arrepti propositi, ut sanos a sanis, ita ægrotos ab ægrotis sæcularibus debere cogitare discrepare, nec illa in eremis, quæ vix in urbibus inveniuntur, exposcere.

2. Isti igitur Christi passiones, illi suadentur attendere miserationes. Hinc isti fortes ad ferendum, illi prompti ad subveniendum; dumque propter Christum et isti sibi serviri, et illi servire considerant, nec isti superbiunt, nec illi deficiunt, ab eodem utriusque Domino mercedem sui præstolantes officii, isti patiendi, illi miserendi.

COMMENTARIUS.

CAP. XXXVII. — Hoc capitulum totum refertur in antiquis statutis in part., cap. 7, n. 4, et adhuc enucleatius exprimitur in modernis statutis.

Ex hoc autem capitulo apparet quod antiquitus apud nos, nulla habita rerum distinctione nec suffragiorum quantitate, cum omnes libere pronuntiassent quid sentirent, prior quod melius rectiusque existimabat, sine personarum acceptione, exsequatur. Rationem subdit R. P. Guigo cur res ita ab eis observaretur. Sed quia jus ecclesiasticum plura deinde instituit circa novitiorum receptionem et alia similia, quæ observare ordo debuit, inde factum est ut in statutis aliqua addita fuerint, quæ in certis rebus priorem ad accipienda ex necessitate et sequenda suffragia monachorum adigunt.

Num. 4. *Qui ne forte temporalium cura rerum, etc.* Inde evidens est quod cura temporalium tunc temporis pertinebat ad priorem, qui ideo monetur singulis obedientiis, id est coquinæ, portæ pontis, agriculturæ, etc., ut ex infra dicendis patebit, tales fratres præponere, ex quorum sedulitate et industria posset illius sollicitudo minui et temperari. Ex antiquis statutis id liquidius constabit, et quod computa, id est rationes receptorum expensorum, ipse prior scriberet et redderet.

Ex hoc autem loco via aperitur ad recte intelligendum quid sibi velint statuta antiqua et capitula generalia, quando officialibus succensere videntur. Non de clericis sive monachis agitur, e quorum numero assumebatur tantum unus procurator, qui nunquam terminos egrediebatur, sed de conversis, qui a primævo instituto, ut in istis consuetudinibus videtur, foras ex necessitate egrediebantur.

CAP. XXXVIII. — Num. 1. *Qui cum erga omnes.*

PATROL. CLIII.

Hic apparet forma humanitatis, discretiouis et charitatis, quæ juxta casuum indigentiam a prioribus apud nos semper debet servari, maxime erga ægrotos, et id suadet ratio. Cum enim solitarius opus habeat occupatione tum spirituali tum corporali ad tempus utiliter in solitudine transigendum, et ideo seipso, ut ita loquar, uti debeat, idque præstare non plene valeat dum ægrotat: tunc ergo per providentiam pastorem prioris id debet supplere, tam per se quam per alios. Qui si in aliis debet agere ut pater, in casibus hic expressis se gerere debet ut mater, et factis probare quod, si cœli stellas posset advehere ad auxilium præstandum afflicto ægrotato in lecto jacenti, id libentissime faceret. Ecce qualis debet esse affectus charitatis in priore, et quid ab eo requirit R. P. Guigo, qui fere oblivisci videtur austeritatis Carthusianæ, dum de infirmorum cura agitur. Sed tum ipse prior tum ægrotus subditus debent semper arrepti a nobis propositi rationem habere et a virtutis Christi praxi nunquam discedere; quod optime statim explicat.

Ibid. *Qui tamen et ipsi, etc.* Hic blande inducit ægrotos ad quædam vitanda, nempe ut superflua et impossibilia non petant, nec murmurando servientes sibi contristent, ut illa demum in eremis non exposcant, quæ vix in urbibus reperiuntur; ad quem finem illis utitur verbis; *ut sanos a sanis, ita ægrotos ab ægrotis sæcularibus discrepare debere cogitent.* Inde evidens est quantum distet mens R. Patris Guigonis a sensu illorum qui vellent ejus auctoritate uti ad probandum durum et quasi inflexibilem modum agendi, etiam circa monachos ægrotos, esse servandum. Hoc enim semper a Carthusiano spiritu et usu alienum fuit. Porro nihil religiosius

3. Propter hos solos, si tanta fuerit ægritudo, pisces emere solemus.

CAPITULUM XXXIX.

De minutione.

1. Medicinis autem, excepto caetero et sanguinis minutione, perraro utimur. Minuimur autem in annis quinquies. Post Octavas Paschæ, post solemnitate[m] apostolorum Petri et Pauli, secunda hebdomada Septembris, septimana ante Adventum et hebdomada ante Quinquagesimam. In quo tempore, ieiunationis scilicet, per tres continuos dies bis reficimus, aliquid cibi melioris accipientes.

COMMENTARIUS.

et disertius potest scribi, quam quæ hic dicitur. A veritate etiam corporum diversitas potest in testimonium adduci. Ossa primorum Patrum cum veneratione in quodam sacello, sub quo est cavea, servamus, quæ si cum nostris comparentur, nos adolescentium, illi vero virorum perfectorum ossa habuisse evidens est, in comparatione nostrorum.

Num. 3. *Propter hos solos, etc. Pisces emere solemus.* Non inde concludendum est quod pisces tantum comederent primi patres nostri, quando ægrotarent. Idem falsum esse convincitur ex cap. 33, aut quod piscibus tantum vescerentur, cum eis ab extraneis darentur. Sed sciendum est intra eremum Carthusiæ torrentem fluere qui optimos fert pisces, et in ea abundantia, quæ certe tunc temporis pro parvo conventu communiter sufficiebat. Sensus ergo auctoris est, quod eo tantum casu pisces emere solerent, id est pro ægrotis, quando vel ex proprio torrente obvius (nam certis temporibus impossibile est piscari), vel ex vicinorum charitate oblates non haberent. Nihil simile dicit de ovibus.

Totum autem hoc capitulum refertur in antiquis statutis, parte prim. cap. 44, nn. 1 et 4.

CAP. XXXIX.—Num. 1. *Medicinis... perraro, etc.* Subaudi extra tempus ægritudinis, nam tunc medicorum ordinationi standum est.

Ibid. *Minuimur in anno, quinquies, etc.* Hunc locum miramur omnes: nam id tantum ad servandam firram valetudinem tunc a nostris adhibitum fuisse pro certo habemus. Et ex hoc capitulo satis probatur; nam in cibo, somno et aliis rebus sibi magis indulgere videntur; quod certe ridiculum esset, si ex spiritu mortificationis ex una parte sic se minui sanguine per venæ apertionem certis temporibus carassent, et ex alia quædam corporalia commoda extra communem regulam procurassent. Si autem tale quid istis temporibus attentarem, omnes fere monachos in brevi necarem, imo magna cautione opus nobis est, ut vel semel aut bis in anno alicujus monachi venam absque infirmitatis necessitate nunc aperiri sinamus.

Ex hac ergo necessitate, quæ sensim sese protulit, abstinendi ab hac vicissitudine minuendi monachos, probatur habemus vires corporum veluti senescere mundo imminutas esse, et longe minores nunc esse quam tunc erant; sicque vera ad litteram esse verba illa D. Gregorii, qui robur corporum sui temporis cum antiquis conferens, et mundum etiam senescere ac deficere probare volens, ita loquitur: *Mundus in annis prioribus velut in juventute viguit, ad propagandam humani generis sobolem robustus fuit; salute corporum viridis, opulencia rerum pinguis. At nunc ipsa sua senectute deprimitur, et quasi ad vicinam mortem, molestiis crebrescentibus urgetur. Pro-*

certis etiam corporum diversitas potest in testimonium adduci. Ossa primorum Patrum cum veneratione in quodam sacello, sub quo est cavea, servamus, quæ si cum nostris comparentur, nos adolescentium, illi vero virorum perfectorum ossa habuisse evidens est, in comparatione nostrorum.

Unde ergo ista virium corporaliū diminutio, quæ tantæ erant, ut primi Patres sanguinis emissionem quinquies in anno faciendam sibi præscriberent, absque periculo diminutionis virium? Nos vero vix semel in anno id audemus permittere, absque causa, experimentis edocti de necessitate abstinendi a minutione sanguinis, qua vires nostrorum enervantur, ita ut, si id permittatur, deficient, et infirmitates habituales non raro incident, quibus tandem ad observantias ordinis inhabiles, et nonnulli inutiles personæ efficiuntur? Id ex tribus causis evenisse persuasum habeo; quarum:

Primam ex natura simul cum mundo sensim faciente procedere credo.

Secundam, quæ præcipua mihi videtur, ex usu sensim introducto, aucto, et quotidie crescente delicatius vivendi et pueros educandi in sæculo, provenisse arbitror; ex qua delicatiori vivendi et pueros educandi consuetudine variæ necessitates subortæ sunt. Modus enim nutriendi corpora, ex consuetudine in habitum, et ex habitu in necessitatem versus est, et inde factum est ut corpora nostra, quæ, antequam ad ordinem adduceremus, in sæculo per viginti ad minus annos fuerant delicatius nutrita et istis necessitatibus assueta, jam communitè non valeant ea ferre quæ antiquorum Carthusianorum corpora ferre facile valebant, prout sunt abstinentiæ illæ in pane et aqua, de quibus suis locis dicemus. Has nēdum permittere nunc vix audemus, sed quibusdam etiam petentibus negare, imo prohibere cogimur, adeo experientia edocti sumus quid istæ abstinentiæ efficerent his temporibus in plerorumque solitariorum corporibus, si in pane et aqua servarentur. Quod supra diximus probatur in rusticis, quorum pueri in pane et aqua et caseo nutriti longe robustiores sunt quam honestorum urbicorum filii, et plura ferunt et faciunt quam isti. Cur autem monachi Carthusiani juniores, ad eundem vivendi modum, qui rusticis ordinarius est, per consuetudinem vivendi prout in sæculo vivebant, devenire nequeunt? Ad hoc respondemus medium et modum constitui debere in rebus, ultra quod progredi vitiosum est.

Juvenes ad nos ex sæculo venientes in magnam

2. Primaque die, ne quid adversi ex minutionis occasione contingat, ad colloquium refecti convenimus; post prandium etiam vinum bibendi licentiam habemus, non tamen in alterius cella.

3. Nihil enim unquam alimentorum in aliena licitum habemus sumere cella.

4. Per hos tres dies mane redimus ad lectos, necessaria dicimus coquinario, a quo duobus prioribus diebus etiam tria ad coenandum ova suscipimus.

CAPITULUM XL.

De ornamentis.

1. Ornamenta aurea vel argentea, præter calicem et calamum, quo sanguis Domini sumitur, in ecclesia non habemus, pallia tapettaque reliquimus.

COMMENTARIUS.

satis incidunt mutationem per labores, per vigiliis, per jejunia, quibus statim in ordine addicuntur, per vivendi modum, per animi applicationem, cujus labor opera corporalia longe superat, quibus omnibus, si ipsi robustiores rustici applicarentur, nonnulli statim deficerent. Qua de causa discretione opus esse perspicuum est, ne a justo medio tolerabili, et absque mutatione aut relaxatione, portabili atque durabili, aberretur.

Omnes fere ad ordinem venimus in adolescentia circa vicesimum annum, dum ætas viget et alimento convenienti indiget, quod ideo saltem ex aliqua parte possit cum naturali usu in sæculo assumpto concordare, quodque si discrete non ministraretur in nostro statu solitario, maxima pars nostrorum juvenum inhabilis esset ad plures observantias regulares antequam trigesimum annum attingeret. Quid autem inde eveniret, et quo deveniret nostra observantia? nemo non videt.

Sed maxime ad prudentiam regiminis solitariam vitam proficientiam in genere, et discretam agendi formam singulorum in specie pertinet, ut res nostræ Carthusianæ in eo semper medio constituantur, ad quod minus robusti possint pertingere sicut et robustiores, ut ex infra dicendis cap. 54 evidentius patebit, et sic in eandem mensuram conveniende omnes possint Deo alacriter servire, in bona valetudine perseverare, in eadem semper observantia permanere, frequentioribus dispensationibus non indigere, ad solatia quæ in ordine nostro prohibita sunt (ut est exire e monasterio) non aspirare, et absque singularitate unanimes in domo Dei ambulare.

Iste semper fuit scopus ordinis in rebus nostris disponendis qui scopus a R. P. Guigone fuit jamdudum nobis assignatus, a capitulis generalibus semper deinceps intentus, in statutis expressus, ac denique a posteris nostris semper intuendus, ut vestigiis Patrum tam veterum quam recentiorum in omnibus inhaerentes, ne quid nimis aut minus, ordinem in sua integritate conservent.

Tertiam tandem rationem enervationis virium corporalium ex majori Ingeniorum vivacitate ipsas vires corporis exhauriente procedere credo. Hæc autem paulo fusius notavimus, ut indiscretis quorundam argumentis occurramus.

Num. 2. *Primaque die ne quid adversi*, etc. Hic

A explicat licentias et recreationes, quæ tunc diebus minutionum dabantur.

Ibid. *Non tamen in alterius cella.* Hinc evidenter apparet quod licentia etiam daretur a priore se invicem visitandi in cella, sed nunquam ibi comedendi aut bibendi, prout etiam nunc stricte servatur; nam frustra mentionem faceret R. P. Guigo de vino nunquam in alterius cella bibendo, si alterius cellam ingredi cum licentia non licuisset.

Porro totum hoc capitulum relatum habes in antiquis statutis parte sec., cap. 15, nn. 3, 6 et 7.

CAP. XL. — Num. 1. *Præter calicem et calamum*, etc. De isto calamo, quo sanguis Christi sumebatur, nulla fit mentio in antiquis statutis, sed tantum de calice: unde colligitur adhuc tempore R. P. Guigonis viguisse consuetudinem nonnunquam communicandi sub utraque specie, quod tamen soli diacono concessum fuisse credimus. Quam consuetudinem apud nos jam extinctam fuisse arbitramur temporibus R. Patris Riffertii, qui centum et viginti circiter annis post Consuetudines a R. P. Guigone scriptas, statuta illa edidit quæ antiqua vocamus, quia de illo calamo nullam amplius mentionem facit.

Hic apparet simplicitas quam etiam in supellectili ecclesiastica servare volebant primi Patres. Sed notandum est quod illis temporibus, quando nondum detectæ erant a nostris Indiæ Orientales et Occidentales, aurum et argentum atque etiam bombycinum sive sericum, valde rara erant in istis partibus, ita ut a solis regibus et principibus vestimenta serica, vel auro intertexta, usurparentur; unde res satis insolita fuisset, si a primis Patribus id genus vestium sericarum admissum fuisset, quorum divitiæ in paupertate et simplicitate jacebant. Per *pallia et tapetta* forsitan intelligit vir sanctus aulæ, et his similia, quibus nullibi in domibus nostris utimur, quamvis in quibusdam, solemnibus tamen duntaxat diebus, tapete operiatur gradus, sive pedestalium altaris. Cur autem candelabra, lampades et similibus supellex argentea in plerisque domibus ordinis nunc habeatur? Id primo processisse a fundatoribus domorum credendum est, qui talia dederunt in usum Ecclesiæ, deinde quia plures ecclesiæ ordinis in vicinio magnarum urbium constructæ sunt, ad quas plerique sæculares veniebant ex devotione ut sacris interessent, congruum visum est ad cultum Dei de-

2. Feneratorum et excommunicatorum munera non accipimus.

3. Chartulam quoque, quam de quibusdam talibus rebus conscripseramus, huic scripturæ injectimus.

CAPITULUM XLI.

Ut nulla extra eremum possideantur, et de sepultura peregrinorum.

1. Cupiditatis occasiones nobis et nostris posteris, quantum Deo juvante possumus, præcedentes, præsentis scripti sanctione statuimus, quatenus loci hujus habitatores, extra suæ terminos eremi nihil omnino possideant, id est non agros, non vineas, non hortos, non ecclesias, non cœmeteria, non oblationes, nec decimas et quæcunque hujusmodi.

COMMENTARIUS.

centius et honorificentius coram sæcularibus istis **A** tur pro omnibus, singuli sibi providere cogentur, et sic omnes a cellulæ quiete arcerentur); qui, inquam, ad hujusmodi officium assumitur, si laxet habenas cupiditatis habendi, acquirendi et possidendi quidquid potest et obvium venit, necesse est ut statim sese immergat in dissipationes, discursus, evagationes et similia quæ æque contraria sunt spiritui suæ professionis, ac strepitibus forensibus aut militaribus exercitiis ipsa cellulæ custodia. Unde evidens est illum spiritu Carthusiano esse destitutum, ac proinde cessare esse Carthusianum, statim atque in istam cupiditatem decidit, quam radicem omnium malorum merito vocat Apostolus, et post illum R. P. Guigo. Sed hanc radicem perditionis vocare non dubito pro monachis, maxime Carthusianis, cum per professionem monasticam et statim a se libere susceptum isti infelicissimæ cupiditati renuntiare Deo promiserint, quam postea in suæ professionis contemptum sequi volentes, merentur a Deo tradi in reprobum sensum.

Niam nihilominus in hoc sumptuositate reprobamus, maxime dum urgent necessitates pauperum, pro quibus sublevandis omnia ista distrahi debent et in cibos illorum erogari. Sed illas domos multum laudamus, quæ (servata tamen in omnibus religiosa decencia et locorum ratione) simplicitatem antiquam student semper, etiam in istis, æmulari.

Porro plus vel minus in hac materia adhibere, nihil confert ad personalem observantiam monachorum, qui nihil inde commodi hauriunt.

Num. 2. *Feneratorum*, etc. Ibi videtur quam scrupulose boni Patres nollent communicare peccatis alienis.

CAP. XLI. — Antequam ad explicationem hujus capituli deveniamus, quædam notanda veniunt, quibus ad sensum R. P. Guigonis absque erroris periculo capiendum lector disponatur, et ideo quæ superius attigimus, hic iterum repetere non dubitamus.

Primo, certum est nihil esse magis oppositum solitariae vitæ professoribus, quam cupiditas acquirendi et possidendi bona temporalia, ultra id quod necessarium est ad honeste et quiete vivendum in suo statu, consideratis circumstantiis personarum, temporum et regionum. Ad quid enim venit monachus ad cellulam, si ibi inclusus, mentem et desideria ad possidenda temporalia anhelet? Quomodo ad pedes Christi se cum Maria recipiet, et pio ejus otio fructur audiendo verba Christi, si mente et desideria per mundum divagetur? Non tantum inutile, sed etiam stultam esse dicendum est, se in cella inclusisse, ut sic concupiscentiæ frena laxarentur.

Secundo, quas sollicitudines, quot labores et studia requirat temporalium rerum cura, quot discursus et difficultates pariat experimento quotidiano videtur. Qui ergo ex solitariis eligitur ad officium ordinis, cui annexa est cura providendi aliis, ut per unius ministerium cæteri Mariæ exercitio vacare possint in cella (nam si unus ad id non constituere-

B Tertio, ad temperandas sollicitudines eorum qui ad providendum necessitatibus totius conventus solitariorum, qui, nec temporalium rerum, nec sui ipsorum ullam sollicitudinem habere debent ex sui instituti præscripto, atque ad subveniendum familiæ integræ ac oneribus tum certis tum casualibus totius monasterii, certum est habendam esse honestam sufficientiam bonorum temporalium. Honestam voco, quæ quamdam rationabilem latitudinem habeat, ita ut quando, sive per calamitates communes, sive per defectum solutionis a conductoribus rerum nostrarum, redditus annuus non integre percipitur, possit nihilominus communibus indigentibus domus provideri absque vagandi et quærendi necessitudine. Quod eo justius in domibus nostris debet admitti, quod secandum spiritum professionis nostræ tenacius horere debemus ab exercitio vagandi, quærendi et exteriorum favores et dona nobis conciliandi, ut possimus subsistere; et merito, nam id solitariae nostræ professioni et instituto Carthusiensi prorsus contrarium est. Unde sequitur unum e duobus eligendum esse, aut instituto Carthusiensi renuntiare, aut labore possessiones ac redditus qui sufficiant, modo in morali latitudine constituta, ad sustentationem totius conventus et ad opera illius portanda.

D His postis dicendum est mentem S. Inimicis nostri, et post illum R. Patris Guigonis, in illis tribus supra notatis consistere, quod ex jam dictis

2. Simili etiam tenore sancitum est, ut neminem prorsus, sive intra, sive extra eremum istam defunctum suo sepeliant in cœmeterio, nisi forte aliquem hujus propositi hic obire contigerit.

3. Sed et cæterarum religionum, si quis hic defunctus fuerit, quem sua congregatio hinc asportare, aut nequiverit, aut neglexerit, hunc sepeliant.

4. Nomen vero cujusquam in suo non scribent Martyrologio, nec cujusquam anniversarium ex more facient. Audivimus enim, quod non probamus, plerosque toties splendide convivari, missasque facere paratos, quoties aliqui pro suis eis voluerint exhibere defunctis. Quæ consuetudo et abinentiam tollit et venales facit orationes, dum quotus pastuum numerus totus est et missarum; nec ullum ibi vel jejunandi certum, vel obsecrandi constat propositum, ubi non devotione facientis, sed de pascentis potius pendet arbitrio. Nulla quippe die convivium vel missa deerit, si qui pascat nunquam defuerit. Quod si quis talem consuetudinem contentiose jurat laudabilem, non resistimus, agat ut libet, redditurus illi rationem, qui scrutans corda et probans renes reddet unicuique juxta viam et juxta fructum adinventionum suarum.

COMMENTARIUS.

probari potest, et ex infra dicendis amplius probabitur; ex jam dictis autem constat:

Primo, quod primi Patres renuntiassent odibilibus, ut aiunt, vagandi et querendi exercitiis, ad quod necesse erat ut haberent unde in sua solitudine, absque illa vicissitudine, pacifice viverent;

Secundo, quod vellent procuratores ordinis ad eorum quietem et secretum semper aspirare et recurrere, veluti ad salutis suæ portum;

Tertio, quod haberent sufficientiam rerum temporalium, ea morali latitudine sumptam, quam supra explicuimus. Nam habuisse illos constat unde sibi et hospitibus et familiæ providerent, atque etiam elemosynas pauperibus erogarent.

Nam. 1. *Cupiditatis occasiones, etc., loci hujus habitatores, etc.* Hic pro domo Carthusiæ specificè loquitur; nam fore sola est inter omnes domos ordinis in vasta eremo constituta; et quæ ideo possit amplos habere terminos, intra quos nulli compossessores reperiantur, quod certe domibus aliis convenire non potuit. Fundatores enim domorum liberum non erat, sic in unum veluti globum, possessiones necessarias ad domus sustentationem congregare; unde ad fundationes donorum constituendas dare coacti fuerunt redditus huc illucque dispersos. Et hæc est prima causa eorum, primis sæculis ordinis, licentiæ speciales datæ fuerint quibusdam domibus ordinis aliquid extra terminos possidendi, quæ tamen similia bona in emphyteusim, quantum poterant, dare solebant, ut sic curia se extricarent. Certum tamen est in ordine fuisse religiose servatum, ut certi termini assignarentur singulis domibus, extra quos possessiones agrorum haberi non possent, ut jam cap. 15, num. 4, diximus.

Dum hæc scriberet R. P. Guigo, bona fide illum putasse indubitatum est, quod ea quæ tunc possidebant Patres nostri intra eremum Carthusiæ, adjunctis aliis de quibus statim dicitur, sufficere semper debuissent ad quiete vivendum et onera domus portanda in ea mediocritate, quam inferius exprimit dicendo: *Nostrum quaecumque velle propositum penuriam, Deo gratias, raro sentit, aut abundantiam.* Et notandum est quod ista renuntiatio versetur tantum circa ea quæ sunt extra terminos: unde in rebus eas statim nominatim explicat subaudiendum

A est, quoad alias domos ordinis, nisi talia intra terminos sint: nam de hujusmodi rebus extra terminos non possidendis, hic tantum agitur.

Ibid. *Nihil omnino possideant, id est non agros, etc. quaecumque hujusmodi.* Inter ista specificata, quibus domus Carthusiæ incolas pro se et suis posteris renuntiassent assertit vir sanctus, non ponit pascuæ ad animalia nutrienda, nec etiam certos redditus, qui absque fundi proprietate aut ulla possessione haberi possunt, prout est assignatio certi annui census super quedam loca aut prædia recipiendi, aut a quadam cathedrali aut collegiata ecclesia solventi. Quæ tunc Carthusiam possedissee, non tantum ratione sed experientia probatur, nam (ut supra diximus cap. 19) tempore R. P. Guigonis, domum Carthusiæ habuisse certum est pascuæ et jura pasuorum ad pedes rupium, et extra terminos sita, atque grangias constructas, ad quas necesse erat deducere animalia ad hemandum, cum in rupibus Carthusiæ ab initio mensis Novembris usque ad finem mensis Maii non reperiantur herbæ, quibus animalia nutrirî possint, unde necesse est foras querere, ut satis explicat ipse R. P. Guigo.

Quoad redditus illos, absque fundi proprietate et possessione, id etiam experimento constat, per eos quibus adhuc hæc domus Carthusiæ gaudet, et qui a capitulis tum cathedralis ecclesiæ, tum S. Andreae Gratianopolitani ei adhuc quotannis solvantur. Et certe qui statum eremi Carthusiæ noverunt, pro re indubitata facile habebunt domum Carthusiæ nunquam potuisse cum istis oeribus hospitum et pauperum subsistere, nisi ista subsidia extra eremum habuisset, quod ideo in statutis antiquis clarius expressum fuit.

Nam. 2. *Neminem prorsus, etc.* Loquitur relative ad usum temporis illius, quo, pro sepulturis jura sibi specialiter attributa stricte servari, nec in ulla parte lædi volebant clerici et parochi, qua de causa jurgia et lites tunc facile movebantur: atque etiam relative ad nostræ vitæ solitariae statum, quem volebant per sepelendas secularium intorturbari. Id sic intelligendum esse satis innuitur per libertatem hic relictam sepeliendi non tantum aliquem propositi nostri, id est quamcumque personam ordinis diem extremum hic claudentem, sed etiam religiosos qua-

5. Nostrum quaecumque vile propositum, penuriam, Deo gratias, raro sentit aut abundantiam. Nam si quisquam nobis pisces aut hujusmodi miserit aliquid, ea mensura, et die reficiendis infertur fratribus, quae propositum poscit et inatitatio.

CAPITULUM XLII.

De divino officio fratrum laicorum.

1. Quae ad monachorum pertinent consuetudines, prout potuimus, explicatis, ea quae laicorum sunt, quos conversos vocamus, Domino juvante, dicamus. Semper cum ad matutinas surgendum est, his parvo interposito spatio signum pulsatur. Primo praeparantur, secundo ad ecclesiam servata gravitate concurrunt. Et si quidem monachus, qui eis praepositus est, adest praesens, divinum eis officium, pene ut supra scriptum est, festinantius tamen, persolvit. Quem ipsi summo studio, silentium quietemque servantes, ad inclinationes et caeteros religiosos corporis motus sedulo imitantur.

2. Ex quibus in vigiliis solemnitatum, in quibus capitulum tenetur, medietas, prout eorum patenter obedientiae, ad vesperum cum a suis disjunguntur laboribus, ad superiorem conscendunt ecclesiam, matutinas et caeterum sacrum officium audituri; ibique post monachorum capitulum, verbum Dei a priore vel ab eo cui hoc ipse injunxerit audiunt, et si quae habent confitentur offensas.

COMMENTARIUS.

rumcunque religionum, si illa hic obire contigisset. A Num. 4. *Nomen vero cujusquam, etc., nec cujusquam anniversarium ex more facient, etc., Audivimus enim quosdam, etc.* Hic rationem affert R. P. Guigo cur ista anniversaria repudiaret. Consuetudo enim istis temporibus vigeat, de qua jam cap. 14 diximus, et ibi explicuimus qualiter intelligendus est locus ille, raro hic missa canitur, quod hic repetere superfluum esset.

Ibid. *Quae consuetudo abstinentiam tollit et venales, etc.* Hinc patet quo semper zelo flagraverint Patres nostri, quem etiam in statutis, tam antiquis quam modernis expressum videmus, ad eliminandum a nobis quidquid pactum redolet pro beneficiis defunctorum. Hic autem videtur quae et qualis erat consuetudo, contra quam invehitur vir sanctus, B modesto tamen, nam statim subdit: *Quod si quis talem consuetudinem contentiose juxta laudabilem, non resistimus, etc.* Sed nihilominus intra limites generosi zeli stare non desistit, provocans talium consuetudinum auctores et fautores ad iudicium Dei considerandum.

Num. 5. *Nostrum quaecumque, etc., penuriam, Deo gratias, raro sentit aut abundantiam.* Hic videtur quam modeste et humiliter de se sentirent primi Patres nostri, qui vilitatis epithetum suo proposito attexunt, ut ostenderent quantum distarent ab intentione opinionem hominum sibi inde conciliandi, et quantum humilitas, abjectio et vilitas a veris Carthusianis essent semper in pretio habendae. Apparet etiam quod res nostras in ea mediocritate C constitui vellent, quam a Deo petebat Salomon dicens: *Mendicitatem et divitias ne dederis mihi, etc.* (Prov. xxx, 8).

Ibid. *Nam si quis nobis pisces aut hujusmodi miserit aliquid, etc.* Hic loquitur per oppositionem consuetudini illi quam supra reprehendit in missas facere paratis, toties nempe splendide epulandi quoties aliqui pro suis eis voluerint exhibere defunctis; et exprimit qualiter utendum nobis sit muneribus ad nos missis pro pastu conventus, quae his tantum diebus ministrantur, quibus per statuta licet.

Capitulum istud relatum habetur in antiquis statutis secunda parte, cap. 19, num. 1; cap. 49 prima parte, num. 20, 21 et 17, et cap. 14 secundae partis, num. 20.

CAP. XLII. — Num. 1. *Et si quidem monachus qui eis praepositus, etc. Divinum eis officium, pene ut supra scriptum est, festinantius tamen, persolvit.* Per monachum procuratorem intelligit, et ex hoc loco colligi potest quod primi Patres recto tono psallerent. Nam cum certum sit procuratorem solum non potuisse cum notis totum officium persolvere; et hic dicatur quod divinum officium eis persolvit pene ut supra scriptum est de monachis, ea tantum serrata differentia, ut festinantius officium persolvat; inde evidenter apparet quod procurator recto tono cantaret, sicut in antiquis statutis aperte exprimitur. Exstat tamen quidam prologus in capite quorundam Antiphonariorum positus, qui R. P. Guigoni tribuitur. Sed cum ibi tantum de Antiphonarii compositione agatur, et cantus studium ibidem parvipenditur, fortior videtur praesentis loci auctoritas, quam prologi istius, qui de solo selectu et compositione litterae Antiphonarii intelligi potest, vel si aliquem cantum admittat, diversum a Gregoriano, quo nunc utimur, et eo succinctiorem fuisse non dubitamus.

Ibid. *Quem ipsi summo studio.* Ex hoc loco et ex sequenti capitulo apparet quod, praesente clerico, qui divinum officium eis sic persolveret, nihil ex sua parte dicerent, sed sola assistentia, attentione C et caeremoniarum imitatione, quas per religiosas motus exprimit reverendus scriptor, officio satisfacerent.

Num. 2. *Ex quibus in vigiliis solemnitatum in quibus capitulum tenetur, etc.* Ex hoc loco evidens est quod R. P. Guigo quodecumque festum capituli solemnitatem vocat.

Ibid. *Matutinas et caeterum sacrum officium audituri, etc.* De auditu solo officii hic fit mentio, non de recitatione aliqua. Cur autem id mutatum fuerit, et nunc nostri conversi, canente conventu, officium suum persolvant, prout absente clerico illos tunc

3. Ascensuri autem, ad coquinarium veniunt, et cum ejus licentia, servato pergunt silentio, quod præceperit portaturi; ibi quoque, id est superius, sicut ubique, a completorio usque post primam, et a capitulo usque post nonam, in silentio permanentes.

4. Coquinario tamen et adjutori, sive adjutoribus ejus, de necessariis loqui licet. Cum silentio etiam descendunt, quod jussi fuerint reportantes, vespas in capella a deputato sibi monacho audituri.

CAPITULUM XLIII.

Item de eadem re, et quo tempore ad lectos redeant.

1. Quoties autem sunt sine clerico, Orationem Dominicam pro psalmis habent, et de ea horas omnes, et totum, ubicunque sint, complent officium.

2. In matutinis igitur, si duodecim lectionum festum est, inclinati tantum, alias enim super formas semel, *Pater noster* cum magna dicunt attentione; deinde erecti eandem sexies repetunt orationem, per singulas supplicantes, et *Gloria Patri* dicentes. Deinde considunt et eandem orationem bis et vigies repetunt. Et postea surgentes eandem cum supplicatione, et, *Gloria Patri* sexies iterant, ac deinceps in stando perseverantes ipsam eandem sine *Gloria* et supplicatione viginti et duabus vicibus dicunt. Quam etiam pro collecta semel subjungunt.

3. Post matutinas ad orationem constitutam festinant. Quam ideo scribere nolumus, quia, vulgaribus verbis, aliis ab aliis insinuat.

4. Et quia a Kalendis Octobris usque ad Pascha non reditur ad lectos, in spatio quod usque ad primam remanet, pro quantitate noctium longum vel breve, vestes suas suunt, vel sotulares unguunt, vel rapas radunt, vel si quid aliud eis injunctum est, sive strepitu duntaxat, operantur. Si nihil tale urget, intendunt orationi quantum possunt.

5. A Pascha usque ad Kalendas Octobris ad lectos redeunt, in que toto temporis spatio, orto sole prima pulsatur. In messe tamen, prout necessitas postulat, citius. Abinde usque ad Pascha summo mane primam ita incipiunt: *Adjutorium nostrum in nomine Domini, qui fecit celum et terram*; deinde, *Pater noster* cum *Gloria Patri*, et venia, vel supplicatione secundum tempus, tertio; quarto etiam pro collecta. In cæteriis horis similiter, excepto quod in vespas unum additur *Pater noster*. Post completorium lectos adeunt, et; ut dormiant, satagunt, ne forte, cum vigilare debuerint, dormire compellantur.

COMMENTARIUS.

facere debuisset in sequenti capitulo describitur. Id A provenisse arbitramur ex dissuetudine introducta ædificandi in nostris domibus domos inferiores. Unde factum est ut omnes conversi in domo superiori existentes ibi nocturnis officiis interesse deberent, quibus ex cantu prolixioribus effectis, ista precum vocalium occupatio eis assignata fuit, ne in otium, aut tedium, aut somnum, durantibus matutinis, deciderent.

Ibid. *Et si quas habent culpas confitentur*. Id potest intelligi tum de confessione sacramentali, tum de publica recognitione culparum, nam utraque solet fieri apud nos post capitulum. Sabbato quidem post recordationes ad confessionem sacramentalem tempus monachis assignatur supra cap. 7, num. 2. Sed quia conversi tunc non aderant et circa alia occupabantur, aliud tempus, nempe post capitulum, eis assignatur.

Num. 3. *Ascensuri autem ad coquinarium, etc.* Jam diximus quod coquinarius erat veluti præcipuus œconomus, qui etiam vices procuratoris agebat, et in multis licentias dabat.

Ibid. *Ibi quoque, id est superius, sicut ubique a completorio, etc. et a capitulo, etc.* Sensus illius loci est quod fratres in domo superiori existentes, a capitulo usque post nonam, debent eodem modo servare silentium, quo ubique extra domum superiorem existentes, illud servare debent a completorio usque post primam.

Num. 4. *Vesperas in capella, etc., audituri*. Adhuc de simplici auditu hic fit mentio.

Totum hoc capitulum relatum habes in antiquis statutis parte III, cap. 1, num. 1 et seqq.

CAP. XLIII. — Num. 1. *Quoties autem*. Inde evidens est quod absente tantum procuratore tunc ipsi, met matutinas persolverent, et pro psalmis Orationem Dominicam haberent, illam recitantes modo et numero qui hic exprimitur. Unde constat officium nostrorum conversorum tunc fuisse longe minus prolixum quam nunc est. Nam tunc 58 vicibus Orationem Dominicam repetebant et 12 vicibus *Gloria Patri* pro toto officio nocturno; pro diurno autem 25 vicibus Orationem Dominicam, et 24 *Gloria Patri*; nihil vero reddebant pro officio de B. Maria.

B Num. 3. *Post matutinas ad orationem constitutam, etc.* Hic agitur de quadam formula devotæ orationis quam adhuc *maternam* vocant, quia materna lingua sit, et ab invicem illam addiscunt.

Num. 4. *Et quia a Kalendis Octobris, etc.* Non opus erat tunc ut redirent ad lectos, quia ritum monachorum imitantes, absque interruptione dormiebant quantum satis.

Ibid. *Intendunt orationi quantum possunt*. Nihil eis in hac parte fixum assignatur, quia juxta quantitatem operum manualium et necessitates occurrentes plus vel minus otii habebant.

Num. 5. *A Pascha usque ad Kalendas Octobris ad lectos redeunt, etc.* Cur illis id permitteretur quod

6. Sive autem dormiant sive vigilent, quiete ac sine ullo, quantum potest fieri, strepitu manere jubentur.

CAPITULUM XLIV.

Qui præsidere vel respondere debeat.

1. Cumque absente qui sibi prælatus est monacho, ad ecclesiam conveniunt, is præest officio qui præest ordine. Similiter et in cæteris locis vel operibus, nisi forte obedientia, in qua fuerint, alicui specialiter sit injuncta. Tunc enim cui proprie injuncta est cæteris præsidet, tacentibusque aliis adventantibus vel obviantibus respondet.

2. Non enim passim vel sine licentia, licet eis, quod, vel cum quibus, vel quandiu voluerint, loqui.

3. Unde obviantes vel supervenientes inclinato tantum licet capite resalutare, viam ostendere, ad interrogata, est vel non, respondere, et quod amplius loquendi cum eis licentiam non habent [*al. habeant*] excusare.

CAPITULUM XLV.

Quod cum prælato suo fratribus loqui liceat.

1. In qualibet autem constituti obedientia, cum prælato sibi possunt de necessariis loqui fratres [*al. fratres*], petita per signum licentia. Habent enim signa pleraque rusticana, et ab omni facetia vel lascivia aliena, per quæ de his quæ ad sua pertinent officia, rebus vel instrumentis possunt ad invicem sine voce commemorari.

2. Aliena autem discere signa, vel sua docere alienos licitum non est eis.

CAPITULUM XLVI.

De coquinario.

1. Nunc per singulas curramus obedientias. Coquinæ præsidet unus e fratribus, qui solitos cibos, legumina scilicet et hujusmodi, fratribus præparat et dispensat. Horis competentibus signum pulsat: A quo etiam panem, vinum statutis diebus, sal, cochlear, scutellas, lumbaria, acum, filam, ceram ad cerandum accipiunt. Aliud autem quidquam præter procuratoris licentiam eis dare non potest. Qualia autem aliis generaliter ministrat, talia sumit et sibi.

2. Dare vel accipere ab his qui domus hujus non sunt, sine procuratoris præcepto nihil audeat. Qui si forte absterit et aliqua interim necessitas acciderit, ita faciet quemadmodum ipsum, si adesset, facturum fuisse existimaverit, redeuntique quid et quomodo egerit indicabit. Fratrum aliquem in coquinam, nisi iustæ causa necessitatis inducere non potest, inductumque transacta necessitate statim emittit, inviolate, quantum res sinit, silentio.

COMMENTARIUS.

tunc monachis non erat concessum? Quia conversis, A laboribus manuum deputatis dormitio diurna non erat permessa, tota enim die labori incumbebant.

Ibid. *Post completorium lectos*, etc. His etiam præscribitur ut tempus dormitioni deputatum sedulo impendant, et sic omnia et singula suo quæque tempore ordinate perficiantur.

Idem capitulum relatum habes in antiquis statutis part. III, cap. 2, n. 1.

CAP. XLIV. — Num. 1. *Cumque absente qui sibi prælatus*, etc. Nomine ergo prælati R. P. Guigo intelligit eum qui aliis præpositus est, sive conversis in genere ut est procurator, sive quibusdam tantum ut est conversus, cui per obedientiam demandatum est aliquod opus, ad quod perficiendum dantur illi adiutores, tunc is cui talis obedientiæ directio est injuncta, adiutoribus sibi concessis dicitur prælatus in illo opere.

Ibid. *Tacentibusque aliis adventantibus et obviantibus respondet*. Silentium illud tunc servandum ad advenientes vel occurrentes spectat, non autem ad fratres simul laborantes, nam tunc loqui inter se possunt, servato moderamine, de quo in sequenti capitulo. In hoc autem capitulo et in sequenti assignatur conversis modus loquendi et tacendi, et relatum habetur in antiquis statutis parte III, cap. 3, n. 1.

CAP. XLV. — Num. 1. *Habent enim signa pleraque rusticana*, etc. Inde notandum est primos conversos domus Carthusiæ fuisse ut plurimum pios rusticos ex eadem regione; quod hic annotamus ad faciliorem intelligentiam cap. 55 istarum consuetudinum.

Num. 2. *Aliena autem discere signa*, etc. Id refertur ad ea quæ, cap. 31, jam expressa sunt pro monachis. Si enim signa quædam a se invicem discerent, possent sic sibi mutuo loqui ex signis condictis, sicut cum mutis fieri solet, quod esset a silentii sine et proposito alienum.

CAP. XLVI. — Num. 1. *Qui solitos cibos*, etc., *fratribus præparat et dispensat*, etc. Monachos coquinam sibi facere in cella superius vidimus, sed non sic cum conversis agitur, quia ad laborem manuum huc illucque dispersi non poterant coquinam sibi facere, id ergo facit pro omnibus frater coquinarius.

Num. 2. *Dare vel accipere*, etc. Semper et in omnibus præscribitur nostris forma obediendi, non tantum dando sed et accipiendo, quia obedientia veluti instituti Carthusiensis principium, est attendenda et consideranda, ut discrete exprimit ipse R. P. Guigo supra cap. 33.

3. Ecclesiam custodit, portæ præest, adventibus respondet, ferramenta communia servat; domus et universæ communis suppellectilis curam gerit. Ex quibus omnibus, si aliquid deperierit, prostratus humi reum se culpabilemque clamabit. Hæc eadem servat quicumque vices ejus exsequitur.

4. In diebus solemnibus vel ipse, vel qui supplet locum ejus, advenientibus de villa proxima nihil habet dare vel commodare, sed tantum ut recedant, jubetur respondere, ne per tales dies assuescant iniquitatem et molestiam facere.

CAPITULUM XLVII.

De pistore.

Pistor annonam recipit, siccatur, custodit, ventilat, molit, panes conficit et dato adjutorio coquit, et coquinario in pistrino reddit.

CAPITULUM XLVIII.

De sutore.

Sutor coria tenet, incidit, solutares facit ac reficit.

CAPITULUM XLIX.

De præposito agriculturæ.

Qui præest agriculturæ, grangiarum et boum, et cunctorum, quæ ad illam pertinent obedientiam, diligentiam habet.

CAPITULUM L.

De magistro pastorum.

1. Pastorum magister cunctas illius obedientiæ res et instrumenta custodit. Et emendo, et vendendo ad suum pertinentia ministerium, cum extraneis commercium facit. De rebus aliis fabulandi eum eis licentiam non habet. Cui negotio vel verbis, sociorum, nisi quem advocaverit, nullus se intermiscet [scilicet intermiscet].

2. Ipse vero juramenta, mendacia, fraudes et cætera quæ talibus interesse solent negotiis, vitare præcipitur mala, sempiternamque animæ suæ salutem temporalibus rebus et commodis anteferro. Ipse etiam et socii ejus grangiam magna ex parte custodiunt. Domus in qua sunt casei, quam vocamus arcellam, ad eorum propriam curam pertinens, sicut aliqua de cellis servanda præcipitur. Generaliter autem in alterius cellam nullus nisi jussus ingreditur. Cum ad hiemandam foras exeunt, nihil vel accipere vel dare præceptum habent. A puero mercenario qui est cum eis ad molendinum itur, panis coquitur, vinum emittur, ne ipsi, quod periculosum est, ad villas, in quantum vitari potest, ire cogantur. Tertia feria et Sabbato ultra communem fratrum morem vinum habent. Ea quoque die qua locum mutant, quia cibos sibi præparare non possunt, vinum accipiunt. Hæc autem misericordia propter continuos labores et multa quæ ibi patiuntur incommoda, eis impenditur.

COMMENTARIUS.

Num. 4. *Advenientibus de villa proxima, etc.* Id est de pago Carthusiæ, inter rupes Carthusiæ sito versus Gratianopolim, qui hodie nomine parochiæ Carthusiæ vocatur, ad distinctionem domus Carthusiæ. Hoc capitulum refertur in antiquis statutis part. III, cap. 11, nn. 1, 2, 4 et 5.

CAP. XLVII. — Hoc capitulum relatum habes in antiquis statutis part. III, cap. 12, n. 1. Istitis autem singularibus officiis conversus deputabatur, qui per se opus complebat, dato tamen sibi adjutorio, cum solus opera perficere non poterat.

CAP. XLVIII. — Per solutares intellige calceos. His verbis utebatur vir alias eruditissimus, quia ex vulgari usu introducta erant, et Gallico idiomati similiora, illis temporibus facillius intelligebantur. Nec verebatur de corrupta latinitate argui, sicut nec de sermone elegantia cupiebat laudari.

Idem refertur in antiquis statutis part. III, cap. 13.

CAP. XLIX. — Agricultura illa exercebatur in loco qui vocatur Chartroussette, ubi adhuc stat grangia boum, atque etiam in montis declivitate, quæ a Correria usque ad molendinum protenditur. Sed

agri illi avenam tantum ferunt, et aliquando favas et similia, triticum vero nunquam.

CAP. L. — In istis apparet œconomicus agendi et res disponendi modus, quem R. P. Guigo et sui prædecessores ordinaverant, ut rem familiarem promoverent et a disperditione servarent, servato religioso et innoxio agendi modo, qui hic describitur, et ex simplicitatis fragranti odore piorum lectorum animos non modice recreabit.

Num. 1. *Cum extraneis commercium facit. De rebus aliis fabulandi, etc.* Quam pulchrum esset nunc videre tales mercatores, qui etiam in suo commercio a verbis ad rem non pertinentibus abstinerebant.

Num. 2. *Ipse vero juramenta et mendacia, etc., quæ talibus interesse solent negotiis, etc.* Ecce quam sincere in suis innoxiiis commerciis nostros vellent agere, et a sæcularibus agendi et loquendi modis omnino abstinere.

Ibid. *Cum ad hiemandum foras exeunt, nihil vel accipere, etc.* Hic evidenter apparet quod jam supra attigimus cap. 41. Foras exibant, id est, extra terminos eremi et pecora ad hiemem transigendam ad vicina loca deducebant. Ex prohibitionem autem ali-

CAPITULUM LI

Quo tempore vinum fratres habeant.

1. Ceteri autem fratres qui domi sunt, quinta tantum feria, et in solemnitatibus quæ capitulum habent, semel in die vinum accipiunt. In Natali tamen Domini diebus quatuor, Circumcisione, Apparitione, Purificatione, Annuntiatione, si Dominica die contigerit, Paschæ diebus quatuor, Ascensione, Pentecostes diebus tribus, solemnitate S. Joannis, apostolorum Petri et Pauli, Assumptionis, Dedicacionis, Nativitatis B. Mariæ, Sancti Michaelis, Omnium Sanctorum, bis habent vinum.

2. Ascendentibus etiam propter aliquod festum in crastino celebrandum, si monachos in refectorio cœnare contigerit, vinum datur. Hoc autem non evenit nisi duo festa, quibus in refectorio comeditur, sibi coheserint.

COMMENTARIUS.

quid ibi accipiendi aut dandi nobis indicatur, quanta cura primi Patres vellent nostros retrahere, et servare a familiaritate sæcularium attrahenda per munuscula data aut accepta. Sciebant enim quid periculi suis conversis ex ista familiaritate sensum enasci posset, qui ex loci paulo amœniori situ, ex relictis, licet exigente necessitate, monasterii communibus exercitiis, si his contracta cum extraneis familiaritas adjungeretur, facile possent primo in naturæ laqueos laborem fugientis et appetentis relaxationem incidere, et postea in diaboli laqueos etiam decidere.

Utinam semper præ oculis habeamus hoc primorum Patrum exemplum et ab illo nunquam deflectere satagamus, sollicitè curantes, ut ad exemplum illorum neminem e nostris extra monasterium degere permittamus, nisi quantum et quandiu exigit inevitabilis necessitas, quia inde graviora ordinis damna in utroque statu temporali et spirituali evenire posse indubitatum est.

Dixi, inevitabilem necessitatem, quia, quandiu vitari potest, aut per aliquam industriam suppleri, id pro maximo lucro, id, inquam, pro maximo lucro æstimandum est. Sufficiat hic unam pro multis rationem jam in superioribus allatam iterum tangere. Homines monasterii exercitiis assueti, et ab objectis sæcularibus videndis ex solitariæ vitæ professione remoti et dissueti, ab ipsis postea occurrentibus vivacius et vehementius tanguntur, quam qui illis videndis sunt assueti; ab assuetis enim, ut dicunt philosophi, non fit passio, et ideo ab illis sunt cautius vitanda, rejectis mille figmentis amoris privati, quibus necessitates fingere novit, ubi revera nulla occurrit.

Ibid. *A puero mercenario, etc.* Turbam famulorum tunc post se non trahebant optimi opifiones isti, sed per se omnia faciebant. Alioquin tenuem rem familiarem, integram per mercenarios cito devorassent. Ad hoc tantum operapueri mercenarii dabatur, *ne ipsi, quod periculosum est, ad villas, in quantum vitari potest, ire cogantur.* Periculosum videbatur istis sanctis viris pissimos conversos tunc extra monasterium ad tempus, quasi tamen habitualiter (quod notandum) degentes, sinere ad proximas villas ire, in quantum, ut aiunt, *vitari potest*: nam a dis-

cretæ intelligentiæ regulis nunquam recedebant. Videamus nunc, si tantis viris nos meliores esse credamus, ut timendum jam nobis non sit, quod tunc illi timebant, et tanta cura cavebant pro suis extra monasterium, quasi habitualiter, aliquo tempore degentibus. Alibi loquetur R. P. Guigo de his qui in solo transitu, extra limites iter agebant.

Ibid. *Tertia feria et Sabbato ultra communem fratrum morem, etc.* De hoc more dicitur in sequenti capitulo. *Misericordiæ* autem nomine intelligitur indulgentia aliqua, quæ ex mente primorum Patrum discrete conceditur, prout hic videtur, quoties id postulat rationabilis causa, ab extremis enim omnibus cavebant, et justum mediâ sequebantur.

CAP. LI. — Num. 1. *Quinta tantum feria, et in solemnitatibus quæ capitulum habent semel in die, etc.* Nomine solemnitatum, ut jam notavimus, omnia festa capituli intelligebat R. P. Guigo. Non est autem putandum quod vinum hic semel in die fratribus ministrandum ea tantum mensura daretur quæ sufficeret uni refectio, sed quæ prandio et cœnæ sufficeret, ut ex infra dicendis patebit, et ex antiqua consuetudine hujus domus Carthusiæ adhuc probatur, qua fratribus ministrabatur vinum pro utraque refectio, quod in cella apud se servabatur.

Cur autem fratribus gravibus manuum operibus addictis, non tam frequenter vinum assignetur quam monachis? Quia labor mentis longe gravior est quam corporis, et vinum reparationi exhaustorum spirituum multum confert.

Ibid. *In Natali tamen Domini, etc., bis vinum habent.* Hic enarrat R. P. Guigo præcipua festa, quæ nunc solemnitates vocamus, ad differentiam festorum quæ sunt tantum capituli. His ergo diebus, cum bis in refectorio comederetur, mane videlicet et vespere, bis etiam fratribus vinum ministrabatur.

Num. 2. *Ascendentibus etiam, etc. Si monachos in refectorio, etc.* Id cum præcedentibus concordat, nam quia tunc monachi in refectorio comedunt, vinum etiam ministratur fratribus ad domum superiorem ascendentibus, ut sic fiat quædam observantiæ in utrisque conformatio.

Hoc autem capitulum relatam habes in antiquis statutis, p. III, cap. 19.

CAPITULUM LII.

De jejuniis fratrum.

1. Sexta semper feria pane et aqua et sale contenti sunt, exceptis solemnitatibus. In Adventu quoque et Quinquagesima et jejuniis Quatuor Temporum, quarta etiam feria ea eadem abstinentiam faciunt. Vigiliis Paschæ, Ascensionis, Pentecostes, sancti Joannis, Petri et Pauli, Assumptionis, Omnium Sanctorum, Natalis Domini similiter vivunt.

2. In vigiliis vero apostolorum Jacobi, Bartholomæi, Matthæi, Simonis et Judæ, Andree, S. Laurentii martyris, semel quidem comedunt, sed pulmentum habent. Cæteris autem diebus, ne nimio labore frangantur, bis comedunt, sed semel tantum pulmentum accipiunt.

3. Generaliter autem communes hujus domus sibi sale tantum condiuntur. Quinta feria et solemnitatibus capituli, ultra consuetam, aliquid melioris escæ suscipiunt. Paschæ tamen et Pentecostes feria quinta, et altera post festum Innocentium die, si hac, id est quinta feria, ibi contigerit, vinum sine aliqua [al. alia] pitantia sumunt.

COMMENTARIUS.

CAP. LII.— Num. 1. *Sexta semper feria, etc., exceptis solemnitatibus, etc.* Semel ergo tantum in hebdomada abstinentiam faciebant, idque feria sexta, nisi festum capituli occurreret, tunc enim ab illa abstinentia eximebantur, quod etiam circa monachos observatum fuisse indubitatum est. Cur enim monachi non fuissent eadem ratione exempti, qui tres in hebdomada faciebant abstinentias, cum fratres, qui unam tantum observabant, ab ea, ratione supervenientis festi capituli hic eximantur? Nulla sit mentio translationis abstinentiæ, unde perspicuum est quod eo casu inobservata transiret; nunc vero non sic, nam quando festum capituli occurrit feria sexta, abstinentia ad aliam diem transfertur.

Ibid. *In Adventu quoque, etc., quarta etiam feria.* Id etiam nunc observatur, iisdemque diebus abstinentia fit a fratribus, eo modo quo nunc iste abstinentiarum ritus servatur apud nos.

Num. 2. *In vigiliis apostolorum Jacobi, etc. Sed pulmentum habent, etc.* Pulmenti nomine pitantia intelligitur, nam quasi synonyma ista esse ex eodem capitulo innotescent; et inde magis probatum habebis quod supra diximus, sub cap. 33, et qualiter intelligenda sint ista verba R. P. Guignonis, n. 5 ejusdem capituli, *ad cœnam, vel ad prandium cum semel edimus, herbas crudas vel fructus, si adsint, accipimus.* Herbas crudas vocat ad differentiam coctarum. Absurdum autem esset credere quod herbas istas crudas comederent absque ullo condimento, prout a bestiis comeduntur, nam quedam illorum sanitati multum obfuissent.

Ibid. *Cæteris autem diebus, etc., bis comedunt, sed semel tantum pulmentum accipiunt.* Sensus est quod jejunia ordinis, quæ servantur a monachis a festo Exaltationis S. crucis, conversi non servant, excepto Adventus tempore, semel tamen illis ministratur pitantia, et insuper herbas, aut fructus, aut radices accipiunt pro cœna, quæ etiam pulmento in prandio adduntur diebus jejunii, quando tantum semel comedunt, quod illis verbis intelligendum est, *in prandio si semel comedunt.* Cum enim a jejuniis ordinis ex professo eximerentur, ne nimio labore debilitarentur, incongruum esset credere quod diebus jejunii, quibus semel comedere licitum est, solis

A herbis crudis, fructibus aut radicibus pascerentur, cum illis eadem laborandi adesset necessitas quæ aliis diebus.

Num. 3. *Generaliter autem communes hujus domus cibi sale tantum condiuntur.* Erat magna differentia inter modum esculenta condiendi illis temporibus, et eum quem nunc ubique servari videmus; non enim tunc habebantur species aromatum, et butyrum vix erat in usu. Tunc etiam erat, prout nunc videmus, in variis regionibus, magna circa rem istam diversitas, secundum consuetudines varias cibos condiendi, ex quarum usu quo semel natura imbuta est, nascitur nausea circa cibos aliter præparatos, et talis nausea quæ vix vinci possit. Quod in hac nostra domo experimento non semel probavimus tempore capituli generalis, cum Patres Germani, Itali, Hispani, Belgæ, Poloni, Galli, simul conveniunt; qui tamen Gallicæ consuetudini in hoc facilius assuescunt, quam aliarum regionum. Et ut vicinius rem tangamus, boni Patres Hispani butyrum in condimentis vix ferre possunt, piscesque cum aqua, sale, herbis, et similibus cocti eis sapiunt, sed cum vino coctos mirantur. Quæ hic tantum notamus, ut advertatur distinctionem in similibus faciendam esse juxta differentias temporum, regionum et consuetudinum. Porro hic loquitur de communibus cibis, nec inde potest concludi, quod in omnibus nec oleo, nec herbis ad condiendas pitantias uterentur. Sale tantum utebantur et non aliis aromatum speciebus, quæ tunc raræ erant, imo forsitan a splendide et delicate convivantibus tantum impendebantur.

Ibid. *Quinta feria et solemnitatibus capituli, etc.* De pulmentis etiam diebus jejunii ministrari solitis supra sit mentio, et hic etiam feria quinta aliquid ultra consuetum dari perhibetur. Quid hoc esset ignoramus: sed certum est quod ultra consuetum aliquid melioris escæ susciperent.

Ibid. *Paschæ tamen et Pentecostes, etc., sine, etc.* Illis festivitibus in domo superiori erant et diebus hic notatis inde recedebant, ut ad domum inferiorem redirent, ubi eis consueta ministrabantur, et hæc est ratio cur vinum tantum et nihil aliud reciperent his diebus.

4. Herbas crudas, fructus aut radices, cum adsunt, in cœna tantum, vel in prandio, si semel comedunt, accipiunt. Pulmenti vel pitantiæ quidquid ubi prandio superfluit reddunt: vinum datum non nisi in prandio vel cœna bibunt.

5. Quidquid ex pitantiis remanet, vel pulmentis, quod usui aptum sit, coquinario redditur, ne quis forte non concessam occulte faciat abstinentiam.

CAPITULUM LIII.

Quo tempore vescantur avenario pane.

A Kalendis Novembris usque ad Pascha avenæ vescantur pane. In Adventu tamen et Quadragesima per singulas hebdomadas, singulas triticeas ex pitantiâ recipiunt tortas.

COMMENTARIUS.

Num. 4. *Herbas crudas, fructus aut radices, cum adsunt, in cœna tantum, vel in prandio si semel comedunt, etc.* Hic clarius exponit R. P. Guigo quod succinctius et ideo obscurius dixerat, cap. 33, de monachis loquens. Hic enim clare videtur differentia inter res comestibiles quas apud se servare poterant monachi et conversi quandiu durabant, quasque monachi in cellis sibi parabant et coquebant, et pulmentam sive pitantiâ quæ ex coquina illis ministrabatur. Junge hunc locum cum his quæ hic dicuntur, n. 2, et videbis quod etiam diebus jejunii ecclesiastici ministraretur eis pulmentum sive pitantiâ, quacunque specifica die unius hebdomadæ evenissent, exceptis tantummodo diebus abstinentiæ deputatis, et inde conclude a fortiori eadem fuisse observata pro monachis quæ pro conversis.

Ibid. *Vinum datum non nisi in prandio, etc.* Si licitum illis erat bibere vinum in cœna sicut et in prandio, et tamen semel in die communiter vinum reciperent; inde potest conici quod vinum eis daretur in ea mensura, quæ utriusque refectioni sufficere posset: et illud *vel* non disjunctive sed copulative accipiendum est ut sensus sit, quod extra prandium et cœnam vinum non deberent bibere, quod monachis etiam præscriptum erat.

Num. 5. *Quidquid ex pitantiis remanet, etc., ne quis non concessam forte faciat, etc.* Ex hoc loco apparet quanta et quam subtili circumspectione velent primi Patres ab indiscretis abstinentiis nostros atterere, nihilque in illa parte velent omnino admittere, quod obedientiæ, directioni et discretioni non plene subjaceret; tantum momenti erat apud illos, solitariæ et Carthusianæ vitæ professores a voluntariis et arbitrariis exercitationibus repellere, ne caput aut corpus sibi læderent, et pro obedientiâ, sub abstinentiarum prætextu, singularitatem, privatum amorem, subtilem vanitatem et in suo sensu pertinaciam, quæ revera sunt vitæ solitariæ carcinomata, substituerent et enutrent.

Volunt ergo quotidie omnia reddi coquinario, ut videlicet scirent an convenienter ex pulmenti aut pitantiis quiddam comedisset, statimque exigi posset ratio a recente pitantiâ, qua de causa non comedisset, an agrotaret, atque de hac re statim posset superior moneri. Hic locus valde notabilis est, et demonstrat evidenter qualis semper fuerit spiritus ordinis circa abstinentias et alias exercitationes, quas ex professo notat R. P. Guigo, capite 35, nostræ institutionis non esse.

Capitulum istud relatam habes in antiquis statutis, III part., cap. 20, n. 1.

CAP. LIII. — Num. 1. *Avenæ vescantur pane, etc.* Hic locus fere intolerabilem austeritatem sonat his qui usum iatius patriæ non norunt, nam in aliis regionibus ubi triticum abundanter crescit, vix tempore famis possunt rustici ex hujusmodi pane comedere, quia non sunt assueti, et non habent industriam bene conficiendi panem ex avena. Sed desinent mirari, quando scient in hac regione panem avenæ esse consuetum alimentum rusticorum, imo honestorum civium vicorum et villarum circumvicinarum, cui comestioni sunt assueti ab ipso e cunis egressu, et inde sunt robusti et vegeti, adeo ut possint vix reperiri in opulentis regionibus, qui sanius et diutius vivant, et quorum proles magis multiplicetur. Unde iste usus comedendi panem avenæ? Quia triticum valde rarum est in istis regionibus, quod rustici servant ad offas aliquando componendas, avena vero pro conficiendo pane utuntur, quæ satis abunde in istis montibus crescit, et præcellit avenis quæ alibi crescut. Insuper necessitas, omnium magistra, eos docuit qualiter panem satis bonum inde conficerent; nam priusquam ad molam deferant, avenam siccant in elibano tepido, unde fit ut perfecte molatur et extrahatur candidissima farina, qua postea panem conficiunt. Talis est communis panis patriæ. Non ergo tantopere mirandum est si fratres conversi, qui pro maxima parte erant ex incolis patriæ, ut jam, cap. 45, notavimus, tunc per quinque menses vescerentur pane avenario, cum convicanei ifforum toto anno simili pane vescantur. Sed tempore R. Patris Guigonis, conversis ex alia patria oriundis, qui simili speciei panis non erant assueti nec poterant assuescere, dabatur ex eodem pane quo monachi alebantur.

In Adventu, etc., singulas triticeas ex pitantiâ recipiunt, etc. Multum errarent qui ex hoc loco crederent his anni temporibus tortam panis triticeæ pro tota materia pitantiæ singulis hebdomadibus fuisse tantum singulis ministratam, ex supradictis enim apparet quod ministraretur illis pulmentam sive pitantiâ; sed sensus est quod in Adventu et Quadragesima panis triticeus eis daretur quasi pro augmento pitantiæ, et prima die hebdomadæ recipiendo pitantiâ pro prandio, simul reciperent et tortam illam triticeam pro tota hebdomada. Ad cuius rei memoriam adhuc apud nos servatur in plerisque domibus ordinis, ut tempore Adventus et Quadra-

CAPITULUM LIV.

De minutione eorum.

1. Quater in anno minuuntur, circa Kalendas Maii, circa Idus Julii, circa Kalendas Octobris, circa Kalendas Februarii. Minutis tribus diebus pitantia mane, vinum autem bis datur. Duobus prioribus diebus, tria, si adsunt, ova adduntur cœnæ.

2. Si siterint post prandium, vitium bibunt, non tamen in alterius cella. Hoc enim uequaquam conceditur, ut quilibet in cujuslibet cella quidquam vel bibat vel comedat. A laboribus vacant, ad lectos redeunt, a post prandium usque ad vespas colloquium de bonis faciunt. Qui vero non minuitur eandem quam minuti compellitur accipere refectionem.

CAPITULUM LV.

De silentio ad prandium.

1. Edentes, ubicunque sint, silentium tenent; quod licet et prius, tamen post exemplum reverendissimorum ac Deo dilectorum Cisterciensium [at. Deo dilectissimorum Cistellensium] monachorum, quos et religione et numero in brevi multum crevisse gaudemus, perfectius custodimus. Ipsorum enim laici sive monachi non loquuntur in prandio.

2. Nostri etiam, in quacunque obedientia constituti, cum alterius obedientiæ fratribus loqui non habent.

CAPITULUM LVI.

Quid agendum sit in periculis.

Si alicubi vel morbi subitanei, vel ignis, vel alicujus talis periculi necessitas ingruerit, soluto silentio, qui prius potest succurrit.

CAPITULUM LVII.

De vestitu fratrum, et utensilibus cellæ.

1. Ad vestitum habent tunicas tres, caligarum paria tria, pedulum duo, sotulares nocturnos et COMMENTARIUS.

simæ ministretur fratribus feria secunda in prandio placentula triticea, modico oleo et sale mista, de qua comedere possunt per totam hebdomadam, nam illam apud se servant sicut et panem. Ex istis tortis pluries comedimus.

Idem relatum habes in antiquis statutis, part. III, cap. 20, num. 12.

CAP. LIV. — Num. 1. *Quater in anno, etc.* Quinque minuebantur monachi, conversi quater tantum, ea forsitan ratione, quia per laborem violentum se facilius ab humoribus superfluis vacuabant. Hic vero exprimuntur subsidia corporalia et recreationes, quæ illis concedebantur, eis non abstinentes quas monachis concessas fuisse vidimus, cap. 39.

Num. 2. *Qui vero non minuitur eandem quam minuti compellitur, etc.* Ex hoc loco evidenter apparet quantum mens primorum Patrum, et spiritus instituti nostri distet a scrupulosa et obstinata austeritatum corporalium interpretatione, a spiritum coactionis, et singularitatis, et e contra velit a nobis observari piam et discretam spiritus libertatem, animi flexibilitatem, et singularitatem, etiam in rebus bonis, eliminationem. Ecce enim hic videmus fratrem conversum bene valentem non minutum, nec ideo istis subsidis et recreationibus indigentem. At nihilominus boni Patres volunt, imo si recuset, compellent illum ad utendum iisdem beneficiis quibus alii utuntur. Quare hoc? nisi ut doceant nos, ut diximus, qualiter priores Carthusianos solitarios dirigere debeant, et qualiter monachi Carthusiani sincere debeant se a superioribus dirigi? Inde non est mirandum si prudentes superiores nunc aliquando negent quibusdam monachis licentiam servandi abstinentiam in pane et aqua, quia id in dissuetudi-

nem ex justa causa abiit, et esset aliquid singulare, quod nec ab aliis servatur nec servari posset, sic enim juxta hic expressa compelluntur eandem quam alii accipere refectionem. Credo etiam S. Patrem Brunonem, virum æque sanctitate ac prudentia et doctrina præditum, hunc spiritum et agendi modum successoribus suis inajnuasse hæc maxime de causa, quia sciebat spiritum sanctæ libertatis solitarii bene dirigendis esse necessarium ut in scrupulos et animi anxietates non deciderent, ab obstinatione in suo sensu serventur, et ab his rebus, quæ occultam complacentiam movere aut nutrire possunt, removeantur.

CAP. LV. — Num. 1. *Edentes... silentium tenent.* Ecce qualis est lex silentii ab eis servandi in mensa, sed id non spectat ad alia tempora et exercitia, in quibus silentio illos non sic astringi perspicuum est.

Ibid. *Quod licet et prius, tamen post exemplum, etc.* Hoc exemplo vult incitare fratres conversos ad strictius servandum quod jam ab ipsis ex ordinis instituto servabatur.

Num. 2. *Nostri etiam in quacunque obedientia constituti, cum alterius obedientiæ fratribus, etc.* Sed inter se dum simul laborant in eadem obedientia loqui possunt, ut ex capitulis 44 et 45, et aliis locis evidens est.

Idem refertur in statutis antiquis, part. III, cap. 3, num. 8 et 5.

CAP. LVI. — Idem refertur in antiquis statutis, ut part., cap. 22, num. 1.

CAP. LVII. — Num. 3. *In superiori dormitorio, etc.* Cellas singulas distinctas habuisse tunc fratres conversos ex ipso titulo liquet. At nihilominus dor-

diurnos, pelliciam, pelles, mantellum, caputium, mitanas [*al.* mitaneas] lanceas unas, lumbaria duo, cingula duo, sotulares eorum de bovina pelle fiunt.

2. A Kalendis Novembris unam tunicam veterem reddunt, unamque novam accipiunt: similiter par caligarum reddunt, et par caligarum parque pedulium sumunt. Pelles et pellicias accipiunt veteres, eas videlicet quas reddunt monachi, cum novas accipiunt. Habent adhuc ad lectum paleam, filtrum, pulvinar, cotum.

3. A Pascha usque ad festum S. Michaelis a prima usque ad completorium nocturnis sotularibus non utuntur. In superiori etiam dormitorio communes lectos, pellicias, sotularesque nocturnos habent. In omnibus hujusmodi aliud nihil curatur, nisi ut frigus arceatur et nuditas tegatur. Nam et ligaturas sotularium et renun cingula de cruda gerunt canabe lumbariaque ipsa canabina sunt. Adeo non quid vanitas aut voluptas, sed quod [*al.* quid] sola necessitas aut utilitas postulat cogitatur.

4. Habent et scutellas duas ad cibos, ad panem unam mantilis loco, ad munditias unam gradiorum, justam scyphum, salariam, cochlear et cultellum, vas aquarium, ferramenta etiam, securim, fossorium, dolabrum, subulam, falciculam, acus duas, filum forfices terebrum. Hæc quicunque legerit ridere vel reprehendere non festinet, nisi prius vitam hujusmodi in tali solitudine et inter tanta duxerit frigora.

CAPITULUM LVIII.

Quod loquendi cum extraneis licentiam non quærunt.

1. Colloquendi simul cum his qui domus hujus non sunt licentiam non quærunt, nec [*al.* ne] cum germano quidem.

2. Nihil omnino, nisi cum licentia apud se tenent.

3. Accusati, sine mora prostrati veniam petunt. Reprehensorem in eadem die non reprehendunt.

CAPITULUM LIX.

Quid fiat de re alicui nostrum missa.

Si alicui nostrum sive laico sive monacho, ab aliquo, vel amico vel propinquo, vel vestis vel aliquid hujusmodi missum fuerit, non ei sed alii potius datur, ne quasi proprium habere videatur.

COMMENTARIUS.

ditorium erat in superiori domo, id est ampla camera separatis ab invicem lectulis repleta, ad quam divertebant fratres a domo inferiori ad superiorem diebus festis ascendentes. Impossibile enim erat ut duplices cellas singuli haberent, unam in inferiori, et alteram in superiori domo. Per *communes lectos* intelligit, qui occupabantur a singulis fratribus prout occurrebat, ita ut alicui singulari proprius non assignaretur, qui eo absente ab alio non posset occupari.

Num. 3. *In omnibus hujusmodi aliud nihil curatur nisi ut frigus, etc.* Hic haberent iudicium contra se conscriptum qui apud nos vellet sive in panno quo vestes componuntur, sive in ipsa vestis compositione aliquid curiose quærere, quod nitorem sæcularem redoleret. Sed, ut prudenter statim subdit R. P. Guigo, si eliminandæ sunt a nostris vestibus vanitas et voluptas, necessitas aut utilitas non sunt repudiandæ.

Num. 4. *Hæc quicunque legerit, etc.* Hic repetit circa fratres quod jam dixerat circa monachos, cap. 28. Sciebat enim vir sanctus mundam abundare censoribus indiscretis, qui seipso negligentes, iudiciis nihilominus, censuris, atque factis aliorum indiscriminatim arguendis, fere totum vitæ tempus impendunt, et ne inde nostri ad scrupulos moverent prævenit eos, et ita hic ex professo loquitur.

Totum hoc capitulum relatam habes in antiquis Statutis, part. III. cap. 23, n. 4, 4 et 5.

CAP. LVIII. — Num. 1. *Cum his qui domus hujus*

A non sunt licentiam non quærunt, nec cum, etc. Idem jam dixit pro monachis R. P. Guigo, cap. 3. Ad conversum non pertinet quærere licentiam sicut nec ad monachum, ut loquatur etiam cum germano fratre; sed nihilominus tum germanus frater, tum alii possunt licentiam, illam petere a præsidente et obtinere, prout ex cap. 10 et 30 evidenter constat. Non sic de his qui domus sunt: nam licentiam petere cum his colloquendi, nec hic nec alibi prohibitum esse comperimus.

Num. 3. *Accusati sine mora, etc. Reprehensorem, etc.* Hic formam habemus mortificationis intimæ, quam profitebantur primi Patres nostri, in qua servanda modum non apponebant sicut in austeritatibus corporalibus illos studiose apposuisse constat, sed volebant amoris private in excusationibus nuntium absolute remitti. Quod certe genus mortificationis omnes austeritates corporales longe superat, et ad studium conversionis morum, de qua volumus emittimus, spectat, sicque ad medullam veræ mortificationis et sui ipsius abnegationis in homine interiori, ubi Deus invenitur, nos aspirare debere exemplo illo docebant, quod in prologo modernorum statutorum, ubi de Deo in interiori homine querendo agitur, diserte explicatur.

Idem relatam invenies in antiquis Statutis, part. III, cap. 3, num. 4. Item cap. 23, num. 5, itaque cap. 12 II partis, num. 13.

CAP. LIX. — *Non ei sed alii potius datur, etc.* Inde apparet quam stricte vellet omnem proprie-

CAPITULUM LX.

Quid de re inventa faciendum sit.

1. Si intra [al. infra] terminos nostros aliquid inventum fuerit, ei protinus cujus est, si adest, sin autem, procuratori redditur. Si autem extra terminos aliquid a nostris inventum fuerit, fratribus, aut suo domnic statim, si fieri potest, redditur, aut ei, per quem melius et fidelius reddi posse putatur, commendatur; alias intactum dimittitur.

2. Vestiti singulis tunicis et cincti jacent in cellis et dormitorio.

CAPITULUM LXI.

De brachis et parvis pellicias fratrum.

1. Pastores autem habent brachas canabinas, quas tunc induunt cum caseos faciunt; aliter lineis omnino non utuntur [al. utimur] vestibus, ne feminalibus quidem.

2. Concessimus adhuc pastoribus pellicias parvulas, quæ duabus fore vervecinis pellibus possint fieri, quibus, nisi cum hiematum foras exeunt, non utuntur.

3. In mulgendo, ubicunque sint, semper silentium tenent.

CAPITULUM LXII.

De fratre qui sagmarios curat.

1. Frater qui sagmarios curat, quando foras egreditur, in culcitra non jacet, nihilque nisi hospitium quærit, nisi vel prior vel procurator aliquid ei specialiter injunxerit.

COMMENTARIUS.

tatis speciem a se excludere. Si autem quisquam a A perseverantiæ totius ordinis in genere, ex suis statutis et ordinationibus capitulorum generalium debent colligi, quia inde ea tantum sunt haurienda quæ toti ordini possunt imputari, non autem ex quarundam singularium personarum actibus.

Primo, in voluntatis propriæ abnegatione, qualem requirit R. P. Guigo;

Secundo, in amoris privati, ut ita dicam, suffocatione, qualem describit in præcedenti capitulo;

Tertio, in omnis proprietatis abdicatione, qualem hic notat;

Et quarto, in solitudinis devota observantia, cui adsint studium orationis intimæ et a rerum temporalium inutilibus curis et concupiscentiis elongatio, nam si illa deficiat, solitudo nec potest esse devota nec quieta.

Ad hæc pondera debet quisque nostrum voluntatis suæ propositum, actus suos et voluntarios affectus adducere, ac secundum quod plus minusve ab his ponderibus aberrabit, secure pronuntiare plus vel minus ad spiritum nostri instituti et primorum Patrum vicinius accedere aut longius ab eo distare. Parum attendendum est diminutioni illi abstinentiarum in pane et aqua, quia id primi Patres nostri sub obedientiæ regimine constituerunt, et sub hac tantum conditione admiserunt, ne veluti res nostras in istis consistere putarem, quas fere pro nihilo R. P. Guigonem habuisse constat, ex cap. 35, in comparatione obedientiæ. Unde ex hac parte nulla relaxatio potest juste ordini imputari, ut suis locis probabitur. Nec etiam est attendendum temporalium rerum et curarum augmento, dummodo intra metas per moderna statuta præfixas et expressas contineatur, quia id temporum rationi et necessitati imputandum est. Et insuper res ista ad paucos officiales spectat, non ad claustrales, quibus conventus regularis et corpus ordinis conficitur. Sed et quatuor principis supra notatis omnia argumenta nostræ singularum perseverantiæ in primo Carthusiensi instituto debent deduci. Argumenta autem

B mus:

Hæc quatuor componunt scopum, ad quem tendere debemus, quemque nobis, sicut et sibi constituerunt S. P. Bruno et ejus successores, et ad quem studiorum suorum et affectuum jacula emittebant, proponere debemus. At cum certum sit illos ut homines nihilominus aliquando tunc peccasse, non debemus etiam nunc res æstimare, ac si possemus et deberemus esse impeccabiles. Si ergo interdum erramus ut homines, nunquam ab hoc scopo recedamus, sed semper in proposito et studio habeamus:

Primo, abnegationem propriæ voluntatis;

Secundo, amorem correptionis ac studium continuæ emendationis, per relationem ad votum conversionis morum quod emisimus;

Tertio, abdicationem proprietatis;

Et quarto, observantiam devotæ solitudinis a temporalium rerum cura et concupiscentiâ dissitæ.

Idem relatum habes in antiquis statutis part. II, cap. 22, n. ult.

CAP. LX.— Num. 1. *Alias intactum dimittitur.* Hic apparet quanta puritatis conscientiæ circumspectione nolent nostri rem alienam habere, cum nec in hoc casu a suis tangi illam vellent. Et hoc exemplo demonstrant quantum a rerum terrenarum concupiscentia liberi esse debeamus.

Idem relatum habes in antiquis statutis part. II, cap. 22, n. 2.

CAP. LXI.— Linum distinguunt a canabæ, et primi usum rejiciunt, quia est delicatius. Hic autem exprimit quidquid ad frigus arcendum, et modestiam in opere de quo agitur servandam conducit.

2. Nullius nostrum vel verba vel salutes ad aliquem exteriorem, nulliusque exterioris ad aliquem nostrum, nisi priore vel procuratore iubente, fert aut refert. Sæculares rumores ubi audit, ibi iubetur dimittere.

CAPITULUM LXIII.

De hortis.

Hortus et quæ ad eam pertinent uni deputatur e fratribus, qui de omnibus ad procuratorem recurrit, eique de cunctis rationem reddit.

CAPITULUM LXIV.

De custode pontis.

1. Pontis custos cum nullo prorsus, nisi specialiter iussus, fabulandi licentiam habet; nutibus tantum, vel, si non intelligitur, etiam verbis eos qui non debent transire, repellit. Idipsum servare iubetur, quicumque vices ejus exsequitur.

2. Et omnino quicumque in quacunque obedientia cujuslibet agit vices, nihil omnino in ea sine licentia mutare permittitur. In cellis quoque ipsis sive superius sive inferius, nihil nisi prius ostensum et iussum mutari ferive sinitur, ne domus laboriose factæ curiositate deteriorentur [at. deterantur] vel destruantur.

CAPITULUM LXV.

De disciplinis fratrum.

1. In Adventu et Quinquagesima per singulas hebdomadas singuli singulas accipiunt disciplinas.
2. Quod si domi non fuerint, septies pro disciplina *Pater noster* cum veniis dicunt.

CAPITULUM LXVI.

De cinere.

Cinere[m] qui adsunt in inferiori capella de manu procuratoris accipiant. Qui non adsunt, ter *Pater noster* cum veniis dicunt.

CAPITULUM LXVII.

Quid faciant pro missa.

Item ter *Pater noster* a Capite Jejunii usque ad Pascha, post nonam prostrati pro missa solvunt.

CAPITULUM LXVIII.

De Cœna Domini.

In Cœna Domini, qui inferius remanent, veniunt post prandium ad coquinam, et ab eo qui prior est ordine lavantur cæteris pedes, offerturque singulis vinum, et bibentes recedunt.

COMMENTARIUS.

Idem habetur in antiquis statutis part. III, cap. 18, A n. 17; cap. 5, n. 2; cap. 18, n. 18.

CAP. LXII. — Ex hoc capitulo evidenter apparet, quod supra diximus, sagmariorum nomine mulos significari, et quantum nostris cavere vellent a pruritu curiose discendi quid in sæculo agatur, aut rumoribus publicis attendendi.

Idem refertur in antiquis statutis part. III, c. 26, n. 1.

CAP. LXIII. — Ex hoc capitulo et aliis, ubi de rei familiaris administratione agitur, apparet quam ordinate cuncta disponi et sub obedientiæ merito constitui vellent.

Idem refertur in antiquis statutis c. 15, part. III, n. 1.

CAP. LXIV. — Pons iste situs est inter duas præruptas et excelsas rupes ex parte itineris Gratianopolitani, inter quas præterfuit torrens aquarum ex montibus et fontibus circumvicinis confluentium. Qui torrens, quando ex pluviarum vel nivium liquefactionum abundantia inflatur, tantò impetu et boata inter saxa decidit et excurrit, ut fragores tonitruum æmuletur.

In hoc autem capitulo nihil aliud notandum occurrit, præter eandem silentii et obedientiæ formam servandam, quæ in omnibus per istas R. P. Guigonis Consuetudines assignatur.

Idem habetur in antiquis statutis part. III, cap. 27, n. 1; cap. 28, n. 30.

CAP. LXV. — Idem in antiquis statutis, part. III, cap. 4, n. 1, refertur, et eodem modo etiamnum servatur.

CAP. LXVI. — Loquitur R. P. Guigo de feria quarta ante Quadragesimam, quæ *Cinere[m]* vocatur, eo quod ea die cinis capitibus imponatur.

Idem refertur in antiquis statutis part. III, cap. 5, n. 1.

CAP. LXVII. — Hic statuitur pietatis pensum, quod pro missa Quadragesimali solvant, quæ quotidie in superiori domo conventualiter celebratur.

Idem refertur in antiquis statutis cap. 6, part. III, n. 1.

CAP. LXVIII. — Domus inferior non poterat ab omnibus deseri; maxima ergo parte ad domum superiorem ascendente, qui domi remanebant ceremoniam lotionis pedum exsequebantur, quam tantum hic innuere videtur, adeo succinacte de illa scribit R. P. Guigo, quod et in pluribus aliis similiter fecit.

Offerturque singulis vinum, et bibentes recedunt. Imitabantur in hoc ritum qui a monachis servari præscribitur supra cap. 4, n. 25.

Idem refertur in antiquis statutis part. III, c. 7, n. 3.

CAPITULUM LXIX.

De Parasceve.

1. In crastino, hoc est in Parasceve, qui ibidem, hoc est inferius, sunt, post nonam, quæ plus ea die quam cæteris differtur, veniant ad ecclesiam, ibique *Pater noster* semel pro Ecclesia, semel pro papa, pro episcopis et cunctis sacris ordinibus, pro imperatore, pro catechumenis, pro cunctis afflictionibus et periculis, pro hæreticis, pro Judæis, pro paganis, veniis, exceptis Judæis, ad singula subjunctis, dicunt.

2. Deinde oblatam a coquinario crucem venerabiliter osculantur, dicentes intra se: *Adoramus te, Christe, et benedicimus tibi, quia per sanctam crucem tuam redemisti mundum.* Qui hoc non scit, dicit semel, *Pater noster.*

CAPITULUM LXX.

Quomodo se habeant in solemnitatibus.

Omni totius anni die quo capitulum tenetur, qui sursum non ascendunt, nisi prohibuerint obedientiæ, cellas tenent, et spatium quod inter Tertiam et Sextam est, orationi impendant.

CAPITULUM LXXI.

Quid faciant pro defunctis.

Pro recenter defuncto trecentas Orationes Dominicas debent, quarum medietatem cum veniis reddunt. Et in singulis anniversariis, novem tam totidem veniis.

CAPITULUM LXXII

De rasura fratrum.

1. Quoties monachi, toties raduntur et laici. Sed laici insuper etiam capita lavant. Omnia autem obsequia, quamlibet privata, quæ sibi ipsi singuli non occurrunt aut non possunt facere, ab aliis humiliter devotè que complentur; ita ut felicem se putet cui tale quidquam fuerit imperatum.

2. Obviantes etiam sibi invicem, amica alacritate et humili supplicatione mutuo locum dantes, servatè pertranseant silentio. In quo juniores, id est qui posterius venerunt, satagunt prævenire majores.

CAPITULUM LXXIII.

De novitio suscipiendo.

1. Laicis ad professionem suscipiendis, idipsum pene fit quod et clericis, nam similiter data proponuntur eis et aspera.

COMMENTARIUS.

CAP. LXIX. — Ibi notantur quædam publica pietatis exercitia a remanentibus in domo inferiori peragenda, et idem refertur in antiquis statutis, part. III, cap. 7, n. 4.

CAP. LXX. — Hic luce clarius apparet nomine solemnitatis p'xim scriptorem intellexisse quodlibet festum capituli. Hic etiam statuitur qualiter tempus impendere debent qui in domo inferiori diebus festis remanent.

Idem refertur in antiquis statutis, part. III, cap. 8, n. 1.

CAP. LXXI. — Id tantum reddebant pro recenter defunctis in propria domo, nam tunc temporis nulla ferebat mentio Beneficiorum pro aliis per suffragia reddendorum.

Veniaram nomine intelligimus piam cæremoniam qua genua flectimus, et scamnum aut terram osculamur. Idem refertur in antiquis statutis, part. III, cap. 9, n. 1.

CAP. LXXII. — Num. 1. *Sed insuper etiam capita lavant.* Omnium nunc capita lavantur et raduntur. Nullam autem mentionem facit de barbibus conversorum longioribus, quia tunc fere similes habebant monachi, cum sexties tantum in anno raderentur. Præcipuam rationem istius mutationis assignavimus supra, cap. 9.

Ibid. *Omnia autem obsequia, etc.* Hic habemus formam humilitatis et charitatis quam sequi debe-

mus omnes in mutuis obsequiis nobis invicem reddendis.

Num. 2. *Obviantes autem sibi invicem, etc.* Hic videmus quam alienum esset a spiritu et praxiprimorum Carthusianorum illa vultus et gestuum asperitas quæ spiritum melancholicum redolet, cum e contra vultum potius gaudii et piæ hilaritatis velint a suis in occurso fratrum assumi, et longe ab illa rustica inurbanitate distantes exigant comitatis et, ut ita dicam, urbanæ charitatis praxes a nobis modeste servari. Male ergo intelligunt statuta, qui verbum *sanctæ rusticitatis* ibi reperientes, putant omnia a nobis cum incompta rusticitate esse agenda. Non sic, amici et fratres in Christo dilectissimi, non sic rusticitas illa intelligenda est, sed per sanctam rusticitatem intelligere debemus modos agendi simplices, sinceros et ingenuos, qui nos a mundi spiritu et vanitatibus longe distare testentur, quosque in omnibus servare debemus.

Idem refertur in antiquis statutis, III parte, cap. 21, num. 1 et 4, cap. 3, num. 2.

CAP. LXXIII. — Num. 1. *Laicis ad conversionem, etc.* Inde natus est usus in ordine vocandi conversos illos fratres qui ad clericatum non sunt apti aut dispositi.

Ibid. *Idipsum pene fit quod et clericis.* Per clericos R. P. Guigo intelligit monachos. Unde patet quod tunc (prout etiamnum servatur) nullum recipere-

2. Jubentur etiam adversum se habentibus aliquid reconciliari, et in quanta priori placuerit, non minus tamen quam annua, admittuntur probatione, et ad eorum inter quos conversati sunt, laicorum scilicet, suscipiantur testimonium, sicut clerici ad testimonium monachorum.

3. Ea autem die qua eorum professionem facturum est aliquis, ad capitulum perducitur monachorum, ubi de stabilitate et obedientia cæterisque necessariis audiens, cum immobilis imperterritusque permanserit, rogat aliquem ore proprio, ut suam sibi scribat professionem, in cujus fine ipsemet manu propria signum crucis depingit. Quam etiam manu gestans, post evangelium et offerendam ad cornu dextrum appropinquat altaris, camque, sicut est in ejus dextera, diaconus, cunctis audientibus, legit ita dicens.

CAPITULUM LXXIV.

Professio laici.

1. *Ego frater ille, promitto obedientiam et conversionem morum meorum, et perseverantiam omnibus diebus vitæ meæ, in hac eremo, coram Deo et sanctis ejus et reliquiis istius eremi quæ constructa est ad honorem Dei et beatæ semper virginis Mariæ, et sancti Joannis Baptistæ, pro timore Domini nostri Jesu Christi et remedio animæ meæ, in præsentia domini, illius, prioris. Quod si aliquo tempore unquam hinc auferere vel abire tentavero, liceat servis Dei qui hic fuerint me plena sui juris auctoritate requirere, et coacte ac violenter in suum servitium revocare.*

2. Post hæc hanc ipsam chartam offert super altare, et osculato altari incurvatur ad pedes sacerdotis, tali obsecratione benedicendus: *Salvum fac, Mite ei, Esto ei, Dominus vobiscum, Oremus, Domine Jesu Christe, qui es via.* Require superius.

CAPITULUM LXXV.

Quomodo se habeat frater postquam susceptus est.

Ab hoc tempore noverit [*al. novit*] se nihil omnino, neque baculum quidem quæ sit immittitur, sine prioris habere licentia; quippe cum nec ipsemet suus sit. Erga quem idipsum quod superius de monacho diximus, servabitur, ut scilicet pro eo nihil minus fiat, si intra examinationis tempus acceptabiliter agens mortuus fuerit, quam si professus esset.

COMMENTARIUS.

ad statum monachorum qui ad clericatum non esset idoneus. Inde nata est vetus illa interrogatio quæ fit novitio in ordine antequam admittatur: *An possit ad sacros ordines ascendere?* Sensus est, an aliquod impedimentum sive corporale, sive spirituale, habeas, quo a sacris ordinibus arcearis. Omnes ergo, R. Patris Guigonis tempore, poterant ad sacerdotium promoveri. Sed quamvis plures sacerdotes essent in monasterio, certum est quod non omnes tunc celebrarent, eo modo et tempore celebrare contenti, quæ in primis istarum consuetudinum capitulis exprimuntur.

Ibid. *Nam similiter dura proponuntur, etc.* Probatio conversorum non minus severa debet esse quam monachorum, quia conversi nisi bona vocatione, id est celesti, aut putata tali, ad monasterium fuerint adducti, et nisi intenso studio suæ vocationis officiis adimplendis strenue vacent, per exercitia externa quibus destinati sunt, facilius in dissipationem, deinde in relaxationem habitualement, et postmodum in varias peccandi occasiones decidere possunt, quod monachis in claustris semper degentibus non tam facile evenire potest.

Num. 2. *Et in quanta priori placuerit, non, etc.* In prioris ergo tunc erat arbitrio tempus probationis ultra annum et quantum vellet prorogare; et de testimonio a laicis tantum recipiendo, non de suffragio necessario requiringo tunc agebatur, de qua re jam quædam diximus c. 37. Inde non est mirandum si bonis de causis et ex rationibus experimentalibus, probatio quinque annorum in statu donatorum

A communiter assignata sit apud nos his temporibus antequam frater laicus ad statum conversorum admittatur.

Num. 3. *Rogat aliquem ore proprio, etc.* Id ita struitur, quia maxima pars conversorum Carthusianorum erat ex statu mechanico aut rustico oriunda; quamvis postea viri valde nobiles statum illum ex humilitate et devotione amplexi sint, qui ordinem magno virtutum splendore decoraverunt.

Idem capitulum refertur in antiquis statutis, III parte, cap. 24, n. 1.

CAP. LXXIV. — Num. 1. *Et perseverantiam.* Id æquivaleret verbo *stabilitatis*, quod proferunt monachi in sua professione, imo aliquo modo superat, quoad exprimendam stabilitatem manendi in eodem loco.

Ibid. *Quod si aliquo tempore, etc.* Ista expressionis extensio fiebat, ut obligationem stabilitatis ab eis servandæ plenius intelligerent, et ex consensu expresso in illam conditionem, qua possint per vim ad servitium domus reduci, scirent se in servitium Dei et ordinis per votum expressum devenisse, et conditionem servorum pro Dei amore voluntarie assumpsisse. Ex qua conditione videtur quod non sint comprehensi sub conditione fugitivorum, de quibus inferius, cap. 77.

Idem refertur III parte antiquorum statutorum, cap. 24, num. 5.

CAP. LXXV. — *Ne baculum quidem, etc. Sine prioris habere licentia, etc.* Insinuat noviter professis R. Pater Guigo qualis debeat esse simeipsorum

CAPITULUM LXXVI.

De hospitio Fratrum qui foras mittuntur.

Cum aliqui foras mittuntur in vicinis montanis, id est, a Cornelione superius, et a Bocoirone, et ab Intermones, et a Scalis, nec escam a quoquam nec hospitium accipiunt, nisi aut specialiter jussi, aut aliqua inevitabili et inopinata necessitate coacti.

CAPITULUM LXXVII.

De fugitivis, sive expulsis.

Si quis habitatorum loci hujus vel aufugerit, vel pulsus fuerit, et ductus pœnitentia redierit, promittens earum emendationem perversitatum, et ejus proprie vitii propter quod pulsus fuerat vel aufugerat, tractabit prior causam ejus communi consilio, et sicut vel fratrum numerus vel domus utilitas, vel etiam salus ipsius postulare videbitur, faciet ei; et si consilium recipiendi placuerit, ad probationem humilitatis in ultimo constituetur loco. Sin autem, dabitur ei licentia ad aliquam aliam religiosam eundi domum, in qua suam possit animam salvam facere.

COMMENTARIUS.

abnegatio, in proprio non habendo et in propria voluntate deserenda. A sed super peccatore gement, compaterentur et sibi caverent

De licentia autem prioris hic tantum fit mentio, quod ad obedientiam refertur, et nihilominus de paupertate perfecte servanda etiam agitur. Ratio est quia licet votum paupertatis non explicite emittamus, sicut nec votum castitatis, certum est quod in voto obedientiæ contineantur veluti infans in utero matris, et ita semper fuit intellectum in ordine. Unde non est mirum si R. Pater Guigo obedientiam veluti omnium bonorum nostrorum fontem ubique consideret et prædicet, quia est veluti mater in sinu habens alia vota paupertatis et castitatis, cunctasque observantias ordinis; si autem mater lædatur aut moriatur, quid de progenie ejus sperandum est? Hæc comparatio si non plene, certe valde convenit sensui R. P. Guigonis, et nostro instituto exponendo, et recte capiend.

Idem refertur tertia parte antiquorum statutorum, cap. 25, num. 1.

CAP. LXXVI. — *Foras mittuntur*: id est extra terminos. Hic autem exprimuntur loca in vicinis montanis aut planis sita, ad quæ communius poterant mitti conversi; ubi hospitium et escam a quoquam recipere prohibentur, idque ea de causa quam supra attigimus, ne in familiaritatem et inde in relaxationum occasiones inciderent.

CAP. LXXVII. — *Vel aufugerit vel pulsus fuerit*. Hic expressum habemus modum agendi tunc usitatum cum his qui erant aut fugitivi, aut propter pravos mores e monasterio expuls. Non est autem mirandum si in quibuscunque communitatibus, etiam in propositi sui nativo fervore constitutis, reperiantur homines qui in similes casus decidunt. Status enim monasticus, quantumlibet sancte institutus et acquirendæ sanctitati atque conservandæ aptissimus, non potest efficere ut homines cessent esse homines, cum nec status apostolicus effecerit ut Judas non fuerit proditor, ac deinde suiipsius homicida. Cur ergo tam alte exclamant homines super casu alicujus monachi? Quia seipsos ne sciunt, et propria opinione cæcati seipsos non attendunt, et quotidie cadentes ut miseri homines, adhuc ignorant quid sit esse hominem. Si ergo saperent et intelligerent, zelum quidem contra peccatum exercerent, 1) humilitatis, etc. Hinc apparet quod antequam ad

Hic videtur quid tunc fieret ut causæ monasticæ ab infectis ovibus purgarentur, ne alias inficerent. Non specificatur casus pro quo monachus aut conversus potuisset expelli, sed generaliter perversitatum et vitii nomina usurpantur. Non dicitur etiam quod fugitivos monachos requirerent. Id tamen subaudiendum esse videtur, cum in forma professionis conversorum innuatur, quamvis huic interpretationi obstare videantur verba sequentia. Sed omnia conciliabuntur, si fiat distinctio inter fugitivum simpliciter, et fugitivum simul et perversum, et dicatur primum ad se etiam coacte revocare potuisse, secundum autem noluisse, quia causa perversitatis etiam expelli merebatur.

Et ductus pœnitentia redierit. Hic non de coacto reditu agitur, sed de libero pœnitentiæ ac intimæ conversionis motivo procedente.

Promittens suarum emendationem perversitatum. Perversitatum nomen in plurali positum graves culpas indicat, et quasi habituales effectas, ex solo enim peccandi habitu, homo perversus et quasi moribus depravatus dicitur; peccator vero tantum dicitur, qui ex humana infirmitate in peccatum incidit, nec peccare perseverat.

Tractabit prior causam ejus, etc. Talis ergo fugitivus aut expulsus, etiam sponte reversus et pœnitentia ductus, non statim recipiebatur; unde apparet quantum illis temporibus circumspecte agerent boni Patres, et cum scrupulo cavere vellent ne ovem aliquam morbidam reciperent, quæ aliis damnum inferre posset, bonum communitatis præferendo utilitatibus privatæ personæ.

Et sicut vel fratrum numerus, vel domus utilitas, vel etiam salus, etc. Ex fratrum numero gravitatem consilii ex plurium conglobato sensu provenientem vult exprimere R. P. Guigo; et hic varia capita consideranda seu ponderanda assignat, ex quibus veluti principiis convenientior deduceretur conclusio, qua communitatis utilitas, et quod saluti expulsi aut fugitivi magis conveniebat simul concordarentur.

Et si consilium recipiendi placuerit, ad probationem

CAPITULUM LXXVIII.

De numero habitatorum.

1. Numerus habitatorum hujus eremi, monachorum quidem tredecim est, non quod semper tot simus, nunc enim non sumus tot; sed quod tot, si Deus eos miserit, suscipere instituimus. Sed et si talis aliquis unus, cujus utilitas et honestas videatur vix posse recuperari, misericordiam postulaverit, addetur et quartus decimus, si tamen facultas domus tolerare posse putabitur.

COMMENTARIUS.

pristinum statum expulsus aut fugitivus admitteretur, fieret probatio humilitatis, ut ex probata humilitate veritas conversionis agnosceretur. In qua probatione, ad instar ejus quæ sit in novitiis antequam ad professionem admittantur faciendam, credendum est quod si defecissent, iterum pulsi fuissent, nec ad plenam reconciliationem in ordine admissi.

Sin autem, dabitur ei licentia, etc. Tunc ergo licitum erat propria auctoritate dare licentiam transcundi ad alium ordinem, quod nunc non licet.

In hoc capitulo videtur qualis erat tunc politia monastica, jure etiam antiquo canonico approbata, qua caulas monasticas primi Patres purgare poterant a morbidis ovibus, reliquumque gregem immunem reddere a tot damnis, vexationibus et scandalis, ex discolorum tepida aut mala conversatione provenientibus. Ex qua purgatione certum est disciplinam monasticam, et saniozem, et puriozem et durabiliorem tunc potuisse servari: habebant enim ad manum remedium efficax, quo possent malum de medio sui auferre. Nunc vero gravibus de causis ad publicum bonum, status tum ecclesiastici, tum civilis, pertinentibus, jurisprudentia illa mutata est, et si quæ ex ovibus ad professionem semel admissis morbidæ aut vitiosæ fiant, cum bonis mixtas in eadem caula nunc servare cogimur, reseccato illo pristino purgationis remedio, quod tantum ex raris causis nunc conceditur.

Magnam inde cladem statui monastico evenisse videtur. At majoribus damnis minora postponi debere justissimum est. Ex multiplicatione enim monasteriorum et religiosorum, atque etiam ex majori facilitate ad religiosam professionem admittendi juvenes, sub illa fiducia quod si non religiose viverent, possent expelli, multiplicatus est etiam numerus istorum expellendorum et expulsorum, qui ad sæculum reversi Ecclesiam et familias non raro vago, otioso, et inordinato vivendi modo scandalizabant et perturbabant. Sensim ergo crescente isto e monasteriis expulsorum numero, et scandalo publico inde augmenta capescente, sensim etiam crevit Ecclesie attentio ad Januam expulsionis ocludendam.

Si de hac re conqueramur, respondebitur nobis: Attendite vobis et cauta discussione rigorosaque examine probate eos quos ad professionem admittitis, nulla vis vobis inferatur ad recipiendos monachos. Portate ergo quos libere et voluntarie monachos fecistis; non est enim justum ut pro vestro commo republica detrimentum et Ecclesia scandalum ex tot decucullatis religiosis patiantur. Circumspecte agite, cum recipitis novitios ad professionem; illos bene in disciplina regulari educate; corripite, incar-

A ceratè discolos, et satius est ut vitiosi intra monasterii septa reclusi comprimantur, quam ut in libertate positi pristinum vitæ austerioris usum per vitiosam conversationem compensare sinantur

Ad hæc quid respondebimus? Unum tantum mihi occurrit, salvo meliori judicio, objiciendum. Occurrunt certi casus, in quibus revera ordinibus monasticis valde compatiendum est, et in quibus provisio aliqua de convenienti remedio optanda esset; et hi casus ex deceptione procedunt, atque ex sæcularium mera culpa, qui ut rebus suis provideant, infelices monachos facere student. Sunt enim juvenes qui vel a parentibus incitati, vel mera necessitate pressi, vel aliis motivis merè humanis ducti, veniunt ad monasterium absque ulla vocatione cœlesti, ubi per annum novitiatas se cohibentes, ac satis modeste et religiose viventes, conventum quidem regularem, sed seipsum magis quam alios decipiunt. Nam professione emissa seipsum jam ferre non valentes, quales sint manifestare incipiunt, et pro zelo semper in via Dei proficiendi, relaxationum quærendarum industriam substituunt, et in praxim reducunt: circa ista damna lugenda et remedia eis adhibenda disserere desinamus, sed quod nostrum est facere curemus.

His ergo temporibus, quibus remedium purgationis caularum nostrarum ablatum est, quid agendum esse? Si temporibus R. Patris Guigonis, cum remedium in manibus haberent, tam circumspecte circa receptionem eorum qui volebant fieri Carthusiani, se gerebant, longe circumspectius et rigidius cum postulantibus nunc agamus, et omni industria probare satagemus, et scire an vocatione cœlesti attracti, Deum in professione Carthusiana quærere veniant, et an dispositiones ad onera ordinis portanda habeant.

Porro humanum dicendo, cum Apostolo, propter infirmitatem humanam, quæstionem istam his verbis concludamus. Nunquam fuit nec erit congregatio monastica, quantumlibet bene ordinata, quæ cum bonis et mediocribus aliquos non habeat qui vocationis suæ gratiam ex culpa sua neglexerint vel amiserint. Ex hoc capite et alio quod supra notavimus de intrantibus in religionem absque vocatione cœlesti, et ex nimia indulgentia in puniendis excessibus et transgressionibus, nascuntur fere graviora damna in monasteriis.

CAP. LXXVIII. — In isto capitulo nihil præfixum habetur unde concludi possit quod mens primorum Patrum esset, ut singulæ domus ordinis admittere tantum debuissent certum aliquem numerum monachorum, ultra quem non esset progrediendum.

2. Laicorum autem numerus, quos conversos vocamus, sexdecim statutus est; nunc vero plures sunt, nonnulli namque eorum senes ac debiles erant et laborare non poterant, et ob id alios sumus coacti suscipere. Unde pro his qui nunc fragiles sunt, cum obierint, alios non accipiemus.

CAPITULUM LXXIX.

Quare tam parvus sit numerus.

1. Hanc autem numeri paucitatem eadem consideratione delegimus qua nec hospitum equitaturas procuramus, nec domum eleemosynariam habemus; videlicet ne ad majores quam locus iste patitur expensas coacti quærere et vagari, quod horremus, incipiamus.

2. Quod si posteri nostri hunc ipsum tam parvum numerum aliquibus occasionibus, quas ignoramus, hoc in loco sine quærendi et vagandi odibilibus officiis procurare nequiverint, si nostris voluerint acquiescere consiliis, ad eam redibunt quantitatem quam sine prædictis possent portare periculis. Nos enim qui in præsentiarum hic degimus, quamvis pauci simus, multo pauciores esse mallems quam ad illa mala, servato vel multiplicato numero, pervenire.

3. Attendentes igitur non munera quæ mittuntur, neque enim propter incerta beneficia, onera certa quæ nec portari nec deponi sine grandi possint periculo subeunda nobis videntur; non ergo munera considerantes, sed quid hæc ipsa in qua sumus eremus, sive ex agricultura, sive ex pecorum nutrimento reddere possit; putamus præfatum numerum hominum hic vivere posse, si tamen humilitatis, paupertatis, sobrietatis, in victu et vestitu et cæteris ad usum pertinentibus rebus, idem quod lucusque fuit studium perseveret, et si postremo mundi contemptus et Dei amor, propter quem ferri et fieri omnia debent, profectum in dies accipiat.

COMMENTARIUS.

Explicat tantum R. Pater Guigo quod apud se statuerat pro domo Carthusiæ, concordando numerum personarum et onera domus Carthusiæ cum ejus facultatibus, ut statim videbitur. Sed ista in antiquis statutis enucleatius expressa reperientur.

Hoc capitulum relatum habes in antiquis statutis, part. II, cap. 25, nn. 1 et 5, et cap. 34, part. III, n. 2.

CAP. LXXIX. — Hic aperte exprimit R. Pater Guigo rationem cur habitatorum eremi Carthusiæ numerus ad tredecim aut quatuordecim monachos et sexdecim conversos fuerit determinatus, *ne ad majores quam locus iste patitur, inquit, expensas coacti, quærere et vagari, quod horremus, incipiamus.* Idipsum repetunt et sæpe inculcant tum vetera tum moderna statuta, et magno studio semper in ordine servatum est, ita ut si omnium domorum ordinis habitatores in unum conflarentur, bis mille et quingenti circiter monachi, mille et trecenti circiter conversi et donati, ac 170 moniales invenirentur, qui per singulas domos distributi, vix ad duodecim monachos et novem laicos pro singulis domibus computarentur.

Domus Carthusiæ, ut jam dixi, quadraginta quinque monachos habere posse censenda est, sed pro tribus domibus nempe Carthusiæ, Currieriæ et Calesii reputatur. Domus Parisiensis quadraginta monachos capit, itemque domus Avenionensis, Papiæ, Neapolis, aliæ etiam quatuor aut quinque ad summum circa amplissimas civitates constructæ eundem numerum habere possunt. Quædam vero viginti usque ad triginta monachos possunt recipere. Sed reliquæ domus pro maxima parte fundatæ sunt et ædificatæ pro tredecim monachis, id est, duodecim monachis cum priore, qui numerus convenit cum numero hic a R. Patre Gulgone expresso. Reperiuntur tamen non paucæ, quæ octo, novem aut decem tantum monachos habent. Sed omnimodis conari debemus ut ad numerum illum tredecim monachorum aliquando assurgant, et sic possint integram observantiam regularem in cantu et lectura refectorii adimplere, quod certe a parvo numero raro potest discrete exigi propter senes et valetudinarios: unde sit ut pondus totius cantus et lectionum in quatuor aut quinque monachorum humeros decidat. Qua de causa statuta ordinis ordinant cantandum esse recto tono in illis domibus quæ octo monachos non habent.

Numerus ergo habitatorum in domibus ordinis, Deo ita providente, non nisi mediocris est; amplius enim locis et sumptibus opus est ad construendam et dotandam domum in ordine, quia ex Instituto nostro quisque monachorum domunculam sive cellulam ab aliis separatam habere debet, prout in claustris nostris visitur, ad quod magnus claustris ambitus necessarius est. Insuper sustentatio monachorum Carthusianorum plaris constat quam aliorum, quisque enim habere debet in cellula singularem seculum, suppellectilem et similia, quæ alibi in communi ministrantur. Hæc autem explicatias annotamus ut mens ordinis, prout semper fuit et est, circa numerum monachorum evidentius agnoscatur, quam hic etiam satis explicat piissimus scriptor, n. 2.

Num. 2. *Quod si posteri nostri, etc.* Non satiare videtur vir sanctus repetere officia illa quærendi et vagandi, quæ odibilia nominat ex cordis abundantia, adeo persuasum habebat id in horrorem posteris suis esse vortendum, quod et factum est. Nam Patres ordinis in veteribus et novis statutis adhuc æverius de hac re loquuntur.

Num. 3. *Attendentes igitur non munera quæ mittuntur, etc.* Hic apparet evidenter quanta prudentia polleret R. P. Guigo, et quam aptus esset ad omnia discrete disponenda et prævidenda. Recipiebantur quidem tunc munera, nam de præsentibus loquitur, sed cessationem illorum prævidens, omnia disponit ac si jam cessassent.

Num. 5. *Attendentes igitur non munera quæ mittuntur, etc.* Hic apparet evidenter quanta prudentia polleret R. P. Guigo, et quam aptus esset ad omnia discrete disponenda et prævidenda. Recipiebantur quidem tunc munera, nam de præsentibus loquitur, sed cessationem illorum prævidens, omnia disponit ac si jam cessassent.

CAPITULUM LXXX.

De commendatione solitariæ vitæ.

1. Habetis, dilectissimi, sicut petistis, consuetudines qualescunque nostras quoquo modo descriptas, in quibus multa villa sunt et minuta, quæ scribi forsitan non oportuerat, nisi quia vestra dilectio compellebat nihil judicare, sed cuncta potius parata complecti.

2. Non tamen ita omnia ut nihil omnino remanserit, putamus nos hoc scripto potuisse concludere. Sed facile, si quid effugit, colloquutione præsentis poterit indicari.

3. De commendatione autem hujus vitæ, solitariæ scilicet, pene tacuimus a multis sanctis et sapientibus et tantæ auctoritatis, ut eorum vestigia non simus calcare digni, copiose commendatam scientes, et vobis quod æque aut melius nostis ostendere superfluum judicantes.

4. Nostis enim, in Veteri et in Novo maxime Testamento, omnia pene majora et subtiliora secreta, non in turbis tumultuosis, sed cum soli essent Dei famulis revelata, ipsosque Dei famulos, cum vel subtilius aliquid meditari, vel liberius orare, vel a terrenis per mentis excessum alienari cuperent, fere semper multitudinis impedimenta vitasse, et solitudinis captasse commoditates.

5. Hinc est, ut aliquid inde tangamus, quod in agrum ad meditando Isaac egreditur solus (*Genes. xxxii*), quod ei non casuale, sed consuetudinarium fuisse credendum est. Quod Jacob præmissis omnibus solus remanet, facie ad faciem Deum videt, benedictione simul et nominis in melius mutatione felix efficitur (*Genes. xxxii*), plus assecutus uno momento solus quam toto vitæ tempore comitatus.

6. Moyes quoque, Elias atque Eliseus solitudinem testis est Scriptura quantum diligant, quantumve per eam in divinorum secretorum revelationibus crescant, quoquo modo et inter homines periclitentur assidue et a Deo, cum soli sunt, visitentur.

7. Sed et Jeremias, quod et superius commemoravimus, solus sedet quia Dei comminatione repletus est (*Jer. xv*), postcens etiam dari aquam capiti suo, et oculis suis fontem lacrymarum, ut lugeat interfectos populi sui; locum quoque, ubi se tam sancto possit in opere liberius exercere, postulat dicens: *Quis dabit*

COMMENTARIUS.

Num. 3. Putamus præfatum numerum hominum hic vivere posse, si tamen, etc. Hic habemus pulcherrimam lectionem, quam ubique in domibus nostris scriptam legere et ante oculos habere debemus; ex qua lectione discemus quanam ratione fieri possit ut ex paucis redditibus multa faciamus, prout in multis domibus ordinis videmus et miramur, maxime in illis quæ a concursu hominum remotæ sunt. Unum pro pluribus exemplum mihi hic referre sufficiat. Domus quædam monialium habet sexaginta circiter personas ordinis, quibus si addatur numerus famulorum et mercenariorum ad rei domesticæ administrationem necessariorum, numerus iste ad septuaginta et amplius extenditur. Domus autem ista sex mille libras annui redditus vix habet, ultra ea quæ sibi ad usum proprium ex œconomia agraria assumit. Quis crederet esse possibile ut cum tam parvis redditibus tam ampla familia posset subsistere? Attamen res certissime ita se habet. Centum domos ordinis in medium afferre possem, quibus idem experimento probatur: et inde gaudeo, sed et gaudebo. Majora onera domorum ordinis ut plurimum non ab intrinseco oriuntur (nam cum res ordinate et religiose fiunt, vix credere possent sæculares quam multa fiant ex paucis), sed ab extrinseco nascuntur; a concursu nempe expensarum fere inevitabilium, quas temporum, locorum, negotiorum et personarum externarum ratione facere coguntur. Et inde fit ut paucissimæ reperiantur quæ intra decem annos possent accumulare unde uno anno subsistere possent, si redditus annuus totaliter deficeret.

Porro eadem quæ hic dicit R. Pater Guigo non tantum referuntur in antiquis statutis, p. II, cap. 25, n. m. 5, sed etiam latius expressa sunt in modernis,

A ubi cum magna animi consolatione legi possunt.

CAP. LXXX. — Num. 1. *Multa sunt villa et minuta*, etc. De illis vult loqui quæ circa officia sutoris et pistoris, de brachiis fratrum, id est femoralibus, et similibus dixit, etc. *Nihil judicare*, id est nihil discernere, sed indiscriminatim cuncta complecti, quæ optari a vobis credebamus.

Num. 2. *Non tamen ita omnia*, etc. Id refertur ad ea quæ diximus, illum non enucleate omnia suscepisse proferenda, sed eo modo qui sufficeret, juxta illud Proverbi: *Intelligenti pauca*.

Num. 3. *De commendatione autem hujus vitæ*, etc. Id relationis habet cum sacris Scripturis ista vitæ solitariæ commendatio, ut quoties legatur, novum semper suavitatis gustum in anima legentis excitet, quamvis illam centies jam legerit. Ibi enim reperitur quædam styli suavitas, quæ sinceris et veluti naturalibus argumentis et modis rationem ipsam prævenit et convincit, ac tandem suaviter rapiens pronuntiare compellit, virum certe fuisse Spiritu sancto afflatum qui ista scripsit, cui Scripturæ velut pro lingua maternæ erant, quique in cælestis seriæ atramento calamus intingebat. Certum est autem quod de solitudine physica hic agat, id est de solitudine illa quæ vere hominem solum, a sociis separatum, cum solo Deo existentem efficit, nihilque prorsus dicat quod alii solitudinis speciei ullo modo convenire possit. Res ita per se evidens est, ut superfluum judicemus hic per aliquas glossas hujus rei veritatem probare.

C Num. 7. *Omnia pene quæ in hac nostra institutione sunt optima, quiete et solitudine, silentio et superiorum appetitione*, etc. Hic brevissime recenset piissimus scriptor vitæ Carthusiæ principia, quæ sunt, *quies*

mihi diversarium viatorum in solitudine? (Jer. ix.) Tanquam hoc eum in civitate facere non vacaret; hoc modo indicans quantum [al. quam] impediunt socii gratiam lacrymarum. Qui etiam cum dixisset: *Bonum est præstolari cum silentio salutare Dei* (Thren. iii); cui negotio maximum præstat solitudo suffragium; addidissetque: *Bonum est viro cum portaverit jugum ab adolescentia sua*, ubi nos plurimum consolatur, qui propositum istud pene omnes a juventute subivimus; adjecit et ait: *Sedebit solitarius et tacebit, quia levabit se supra se*, omnia pene quæ in hac nostra institutione sunt optima, quiete et solitudine, silentio et superiorum appetitione significans.

8. Quæ studia suos alumnos quales efficiant postea manifestat dicens: *Dabit percutienti se maxillam, saturabitur opprobriis*, quorum in altero patientia summa, in altero perfecta refulget humilitas.

9. Joannes quoque Baptista, quo *inter natos mulierum*, juxta Salvatoris præconium, *major nemo surrexit* (Matth. xi), quid solitudo securitatis quidve utilitatis afferat evidenter ostendit; qui nec divinis oraculis quibus prædictum fuerat quod ab utero Spiritu sancto repletus (Luc. i), in spiritu et virtute Eliæ Christum foret Dominum præventurus, nec mirabili nativitate, nec parentum sanctitate securus, frequentiam hominum fugiens tanquam periculosam, deserta solitudinis tanquam tuta delegit, tandiu pericula mortemque nesciens, quandiu eremum solus incoluit, ubi quid virtutis lucratus quidve sit meriti Christi baptismus et pro justitia mors suscepta monstravit. Talis enim factus est in solitudine, ut dignus esset lavantem omnia Christum solus lavare, et pro veritate nec carcerem nec mortem declinare.

10. Jesus ipse Deus et Dominus, cujus virtus nec secreto juvari, nec publico poterat impediri, ut suo tamen nobis consuleret exemplo, priusquam prædicaret vel signa faceret, tentationibus atque jejuniis quasi probatus est in solitudine, de quo Scriptura refert quod, relictis turbis discipulorum, in montem solus ascenderet orare (Matth. xiv). Qui et imminentis jam tempore passionis apostolos reliquit solus exoraturus, isto vel maxime insinuans exemplo quantum solitudo prosit orationi, quando comitibus, licet apostolis, non vult mistus orare.

11. Jam vos ipsi, sancti ac venerabiles Patres Paulus, Antonius, Hilarion, Benedictus et cæteri nobis innumerabiles quantum in solitudine mente profecerint, per vos considerate, et probabitur suavitates psalmodiarum, studia lectionum, fervores orationum, subtilitates meditationum, excessus contemplantionum, baptismata lacrymarum, nulla re magis quam solitudine posse juvari.

12. Non autem hæc vobis pauca quæ diximus sufficiant exempla, ad suscepti laudem propositi; sed ipsi potius vobis plura coacervate, vel de rerum usu præsentium, vel de sanctorum paginis Scripturarum: quanquam ipsum tali commendatione non egeat, quoniam et sua raritate et suorum sectatorum paucitate sufficienter sese commendat. Si enim, juxta Domini verba, *arcta est via quæ ducit ad vitam, et pauci inveniunt eam* (Matth. vii); et e contra *ampla est quæ ducit ad mortem, et multi vadunt per eam*, inter Christianæ religionis instituta, tanto se unumquodque melioris et sublimioris ostendit meriti quanto pauciores, et tanto minoris et inferioris quanto plures admittit. Bene vos semper valere et nostri meminisse optamus.

Explicunt Consuetudines D. Guigonis prioris Carthusiæ.

COMMENTARIUS.

a mundanis rebus et affectibus, *solitudo* ab hominum A conversatione et vanitatum visione, *silentium* a verbis inutilibus, et *superiorum appetitio*, id est ea quæ sursum sunt quærendo et sapiendo. De cæteris non loquitur, quia quasi accidentia referuntur ad substantiam propositi Carthusiensis, quæ est obedientia in quiete, in solitudine et in silentio reddita.

Num. 12. *Quoniam et sua raritate et suorum sectatorum paucitate sufficienter sese commendat*, etc. Ostendit statim R. P. Guigo unde argumentum istud sibi sumat, ne aliquid paradoxum aut quibusdam injuriosum proferre videatur. Ex hoc autem argumento ad nostrum profectum istas conclusiones deducere debemus. Solius Dei est faceere monachos, et quoties humano consilio aut humana industria monachorum multiplicatio attentabitur, miserabilium B potius personarum quam virorum sanctorum numerus augebitur. Statutorum ergo mentem semper stricte sequamur, tum circa domos novas non nisi cum magna discretione recipiendas, tum circa subditos in ordine admittendos.

Cognovit Dominus qui sunt ejus (II Tim. ii, 19). et quos in ista nostra vocatione Carthusiana comprehendere veli, nos nescimus. Caveamus ergo in re tanti momenti ne nostrum sensum aut affectum sequamur, sed voluntati Dei tantummodo adimplendæ attendentes, illam unice circa eos qui ad ordinem veniunt exsequi satagamus, ea devote et sincere observando, et in spiritu veræ charitatis exsequendo, ex quibus et vocatio celestis et voluntas Dei dignosci possunt in hac vita.

Nec nos unquam decipiant argumenta ex illo Evangelii loco desumpta: *Compelle intrare, ut impleatur domus mea* (Luc. xiv, 32). Id enim vocationi ad fidem Christianam tantum convenit, quæ ad salutem omnino necessaria est, et nihil tradit circa mores, quod ab omnibus cum Dei gratia non possit et debeat adimpleri, sed non vocationi ad statum monasticum, et maxime Carthusianum. Ille siquidem status non homines tantum in fide stabiles requirit, sed eos qui ex singulari Dei vocatione ad illud vivendi genus advocentur, quod ad lucendum speciali quo-

dam modo in Ecclesia sua disposuit, et ad hunc finem super candelabrum poni et accendi voluit: in quo vivendi genere plura occurrant quibus vires humanæ impares sunt, et in actu veluti permanente servari nequeunt absque speciali gratia, quam Dei vocationi ad statum illum annexam esse firmiter credimus. Multi quidem ad fidem vocati, pauci vero ad Carthusiensem ordinem præordinati.

Meminerimus virorum illorum de quibus fit mentio in libro primo Machabæorum, cap. v, ubi dum quidam volunt fortiter agere et certamen inire, eadem multis inferunt; et pro ratione ibi dicitur, quod *non erant de semine virorum illorum per quos salus facta est in Israel*. Idem nobis eventurum fore pronuntiare non dubito, si humana industria Carthusianos monachos facere attemptemus.

Novit Deus quandiu subsistere et quo monachorum numero componi debeat ordo Carthusiensis. Divinæ ergo providentiæ rem totam committamus, et quod nostrum est tantum facere religiose studeamus,

A hoc semper in mente habentes, nempe quod si ordo, Deo ita disponente, ex defectu subditorum dedecere debeat, tunc res absque Dei injuria, absque Ecclesiæ scandalo et absque ullo ordinis dedecore eveniet, nam quasi in proprio lecto cum honore morietur. At non sic, si ex incauta et indiscreta subditorum receptione, illum repleamus hominibus, qui a Deo ad fidem tantum vocati sunt et non ad Carthusianam religionem. Stragem enim in ordine, loco boni certaminis exhibebunt, per relaxationes et affectuum inordinatorum execrationes, imo per bella ordini eos cohibere volenti forsitan iudicia, et inde eveniet et tandem ordo, cum Dei injuria, cum Ecclesiæ scandalo, et cum ipsius dedecore misere pereat. Indulgei autem mihi precor, ad exemplum R. Patris Guigonis, si de hac re paulo fusius scribam.

Ecce habetis, fratres et amici in Christo dilectissimi, prima Carthusiani propositi instituta, ad quæ, velut ad principia, omnia quæ deinceps in ordine introducta et ordiata sunt.

VITA SANCTI HUGONIS

EPISCOPI GRATIANOPOLITANI

or *Wigo de Pons (Fr. Guigones, or Guigone Prior of Carthusians)*

AUCTORE GUGONE PRIORE CARTHUSIENSI.

(BOLLAND., Acta sanct., April., t. 1, p. 36.)

MONITUM.

1. Inter illustres viros qui eximio sanctitatis splendore sæculo Christi ix et xii floruerunt, censeri potest S. Hugo, episcopus Gratianopolitanus in Delphinatu superiore, familiaris S. Brunoni Carthusiæ fundatori, et S. Bernardo abbati Claravallensi. Natus est S. Hugo anno Christi 1053, episcopus ordinatus anno 1080, cum ferme annorum esset viginti septem, ut infra in Vita, numer. 5, legitur. Ad Dominum migravit anno ætatis suæ lxxx, consecrationis in episcopum 32, Christi 1152, kalendis Aprilis, sexta ante Dominicam Palmarum feria, uti infra numer. 33 legitur. Erat annus ille bissextilis, quo cyclo lune 12, solis 21, fueris Dominicalibus CB, Pascha celebratum fuit die 10 Aprilis. Hæc de ejus ætate.

2. Excepit S. Brunonem anno episcopatus sui sexto, eumque in condenda Carthusiæ strenue adiuit; quo ab Urbano II, pontifice maximo, Romam evocato, Carthusiam rexit Laudinus, primus S. Brunonis in vita religiosa socius. Hoc aliisque duobus, qui pro Carthusiæ supremo regimine successerant, vita funebris, substitutus est, circa annum Christi 1110, quintus Carthusianorum prior Guigo, mortuus anno 37, supra millesimum centesimum; adeoque superfluit annis solum quinque post obitum S. Hugonis, cui sanctissima semper fuit amicitia conjunctus. Qua autem dilectione utrumque amplexus fuerit S. Bernardus Claravallensis, explicat in hujus Vita Gaufridus monachus his verbis: « Cum jam Dei famulus Bernardus aliquot in Claravalle annos peregrisset, subiit animum ejus, ut S. Hugonem Gratianopolitanum episcopum et Carthusienses fratres devotionis gratia visitaret. Quem prædictus episcopus tam gratanter et tam reverenter suscepit, divinam intelligens in ejusdem hospitii visitatione presentiam, ut prostratus solo tenus adoraret. Videns autem servus Christi episcopum, ætate grandævum, celebrem opinionem, sanctitate conspicuum, coram se procedentem, vehementer expavit, ipse quoque pariter corruens ante eum, et ita demum susceptus in osculo pacis, humilitatem suam tanti viri veneratione confusam, non sine gravi gemitu causabatur. In cujus pectore singularem obtinuit ex eo tempore locum, ut fierent deinceps duo illi illi splendoris cor unum et anima una, et se invicem fruenter in Christo. Sicut enim regina Saba de Salomone testatur, uterque sese in altero longe amplius, quam fama vulgasset, invenisse gratulabatur. Carthusiæ quoque a viro reverendissimo Guigone priore, et a cæteris fratribus, eadem affectu et eadem veneratione, susceptus est servus Christi, exsultantibus illis in gaudio, qui qualem eum per epistolam prius noverant, talem invenerunt et presentem. »

3. Hæc ibi. Exstant inter epistolas S. Bernardi duæ ad dictum Guigonem num. 11 et 12, ex quibus quilibet facile potest advertere quanta tunc sub dicto Guigone in Carthusiæ vitæ sanctitas et puritas floruerit. At quanta Guigoni aliisque Carthusiæ Majoris monachis fuerit rerum omnium, pro Ecclesiæ defensione,

cum S. Hugone communicatio, indicat epistola horum omnium, anno 1130, ad concilium Jotrense pro justitia congregatum, cum B. Thomas, prior abbatiae S. Victoris Parisiensis, esset crudeliter ab impiis pro justitia occisus. Epistolae dictae haec est inscriptio : « Dominis et Patribus in Christo reverendissimis, archiepiscopis, episcopis et ceteris religiosis personis, in presentem locum defendendae justitiae gratia congregatis, Hugo Ecclesiae Gratianopolitanae vocatus episcopus, et filii ejus, Carthusiensium pauperum servus inutilis Guico, et qui secum sunt fratres, agenda cognoscere, cognita viriliter adimplere, per Christum Dominum nostrum. » Omitimus illam epistolam receisere, concilio Jotrensi insertam; de ipso B. Thoma acturi ad 20 Augusti; ejus Vitam, et martyrium a se an. 1665 editum, nobis obtulit Philippus Gourreau, dictae abbatiae prior.

4. Erat eo tempore, cum Jotrense concilium haberetur, Innocentius II papa in Gallia; qui ad archiepiscopos Remensem, Rothomagensem et Turonensem, eorumque suffraganeos litteras dedit, atque ad vindicandam dicti prioris necem incitavit. Huic pontifici optime innotueram Guigonis et aliorum Carthusiensium sancti mores atque virtutes, et intima animorum conjunctio cum S. Hugone : quem anno sui pontificatus tertio pie ac sancte mortuum, anno dein pontificatus quinto sanctorum catalogo ascripsit, in concilio Pisano, anno Christi 1134, uti indicat in epistola, Pisis scripta x Kalendas Maii, ad Guigonem, Carthusiae priorem, huic mandans ut vita ac miracula S. Hugonis diligenter describeret. Priorem praeccepti apostolici partem explevit Guigo, qua res gestas S. Hugonis a prima nativitate ad obitum usque deduxit; alteram vero partem, quae ejus coruscantia miracula debebat complecti, non attigit; morbis et morte, ut rennar, impeditus; anno, ut diximus, 1136, vita functus. « Erat autem Guigo de castro Valentiniensis diocesis (verba sunt Petri Sutoris lib. II, Vitae Carthusianae tract. 5, cap. 7), claris ortus parentibus, ingenio praestans, memoria tenax, clarus eloquio, exhortatione efficacissimus, litteris saecularibus et divinis mirum in modum eruditus, nec minus conversatione quam doctrina venerabilis; qui quatuor post S. Brunonem majoris Carthusiae prior effectus, antecessores suos fama et auctoritate longe praecessit, et rigorem ordinis observavit ad unguem. » Haec ibi. Habemus hanc Vitam in duobus codicibus antiquis optima notae in pergamento, quam cum Suriana editione collatam nostris annotationibus illustramus. Eandem in compendium contractam ediderunt Vincentius Bellocensis, lib. XXI Speculi historialis, cap. 8; Petrus de Natalibus, lib. IV, cap. 22; Petrus Dorlandus, lib. II Chronici Carthusiensis, c. 1; Zacharias Lippelous, Franciscus Haræus, et passim alii Vitarum hujusmodi collectores.

5. Nomen S. Hugonis exstat variis fastis sacris ascriptum, tam manu exaratis quam prelo editis. Ex his sunt Grevenus et Molanus, in Auctario Usuardi; Maurolycus, Galeainius, Canisius; et ex monasticis, Wion, Menardus Dorganius. Bucelinus ei longum encomium texiit; Natalibus canonicorum ascripsit Constantinus Ghinius; in Martyrologio Gallicano plurimum eum laudat Saussaius, cum quibus omnibus ita celebratur in Martyrologio Romano : « Gratianopoli S. Hugonis episcopi, qui multis annis in solitudine vitam exegit, et miraculorum gloria clarus migravit ad Dominum. »

EPISTOLA INNOCENTII II PAPAE.

INNOCENTIUS episcopus, servus servorum Dei, dilecto filio Guiconi, priori Carthusiensi, salutem et apostolicam benedictionem. Divinis respondentes beneficiis, cognita vita ejus et auditis quae per B. Hugonis merita fiunt miraculis, supernae majestatis clementiam collaudavimus, et archiepiscoporum, episcoporum et cardinalium atque aliorum qui nobiscum aderant, communicato consilio, ipsum inter sanctos et electos honorari praecipimus, et diem ejus assumptionis cum gaudio solemniter celebrari. Quia igitur ipsius vita quam pie duxit in corpore, et mi-

raculorum coruscatio (6) qua Deus eum facit apud homines praefulgere, tuae maxime dilectioni non exstant incognita, auctoritate B. Petri et nostra tibi mandamus quatenus ea quae tibi super hoc nota fuerint diligenter describendo posterorum memoria tradas, ut et Deus honoretur in sancto, et clerus legens ac populus audiens gratias agant Domino, atque ipsius intercessionem peccatorum veniam percipere mereantur. Orantes pro vobis, dilectos filios nostros Carthusienses fratres per te in Domino salutamus ac benedicimus. Data Pisis x Kal. Maii (7).

INCIPIT VITA.

PROLOGUS

Ad pontificem Romanum.

Domino et patri charissimo, ac reverendissimo sedis apostolicae pontifici, INNOCENTIO, Carthusiensium pauperum servus inutilis Guico, perpetuam salutem et pacem in Domino, et si quod apud Deum tanti potest peccatoris oratio.

(6) Videtur Guigo voluisse miracula tractatu singulari describere, cum ea in hac Vita non attingat;

B 1. Non pepercit nostrae vel verecundiae vel imperitiae apostolatus vestri imperiosa dignatio. Sicut enim huic opusculo praefatae vestrae serenitatis indicant litterae, B. Petri auctoritate et vestra mandatis, ut vitam B. Hugonis Gratianopolitani episcopi, noscendam posteris, scripto commendaremus. Rogaverant quidem idipsum jam pridem complures alii, sed eorum necdum vestigium reperimus.

(7) Anno 1134.

sed maxime non spernendo auctoritatis Arialdu (8) et Hugo (9), Mauriennensis (10) et Gratianopolitanus episcopi. E quibus prior, habitu et vita regularis, beati viri in tractandis ecclesiasticis rebus per triginta fere comes exstitit annos; posterior vero, ex nobis monachus, ita ei in ecclesiastico regimine successit ut propter diuturnam ac vehementem infirmitatem ipsius, in ejus locum, ipso petente vestraque pietate jubente, priusquam obiret ipse, consecraretur. Et erga eos quidem quos præ longa familiaritate vel convictu latere non poteram, nostra nos imperitia seu verecundia, et quæ sorte non minus impediabat carnis infirmitas, sufficienter poterant excusari: ad tantæ vero pondus auctoritatis, ne mutire quidam præsumpsimus, ne dum ei non obedimus cui totus commissus est mundus, eum offendere minus a quo factus est mundus; et dum apud homines vitæ imperitiæ confusionem, apud Deum incurreremus damnationem. Obsecramus autem eos qui hæc legerint, ne tacti sanctitatem Patris, nostra non solum facundia, sed et cogitatione longe majorem ex ista scriptura metiantur, et maxime, ne putent nos, ultra quam sua postulant merita, nostris eum sermonibus efferre potuisse. Tantum enim abest ut sanctitatis illius magnitudinem plus æquo valerimus, quasi favorabiliter, extollere, ut nec illam ipsam sanctæ conversationis ejus prærogativam, quod sine fictione dicimus, tum propter imperitiam, tum propter sermonis inopiam, ut erat dignum, poterimus explicare.

CAPUT PRIMUM.

S. Hugonis parentes, studia, canonicatus.

2. Cum ergo præfati Patris sanctissimi mores et opera, Deo placentia, sufficientem sermoni adeo præstent materiam, ut non solum nostram, sed et quorumlibet vincant facundiam, carnis ejus tacendam ex toto duceremus originem, eo quod indifferenter de bonis bonos, de malis malos, de bonis malos et de malis bonos, per divini iudicii inscrutabilem altitudinem, nasci quotidie nullus ignoret, nec referat aliquid qualibus sit ortus quisque parentibus, sed qualibus vixerit moribus, nec augmenta conferat meritorum potentia, divitiis et nobilitate terrena claruisse, sed hæc omnia pro Christo contempsisse, cum videamus et Dominum pauperibus ortum parentibus, et in apostolis insigniores sumptos ex piscatoribus. Unde et beatus ad Corinthios scribens Paulus: « Videte, inquit, fratres, vocationem vestram, quia non multi sapientes secundum carnem, non multi potentes, non multi nobiles; sed quæ stulta sunt mundi elegit Deus, ut confundat sapientes, et infirma mundi elegit Deus, ut confundat fortia, et

(8) Arialdu, in mss. nostris *Airaldus*, et *Ailardus*, alibi *Ayardus*, ex monacho et priore Carthusiæ Portarum, diocesis Lugdunensis, factus episcopus anno 1145, mortuus an. 1167.

(9) Hugo II, ex professo Carthusiæ Majoris, episcopus Gratianopolitanus, dein an. 1155 factus archiepiscopus Viennensis.

(10) Maurienna, vulgo *S. Joannis de Maurienne*, ad

ignobilia mundi et contemptibilia elegit Deus, et ea quæ non sunt, ut ea quæ sunt destrueret; ut non gloriatur omnis caro in conspectu ejus (*1 Cor. 1, 26*). Verum quoniam ii qui de virtutibus tractavere sanctorum, etiam carnales inveniuntur non tacuisse natales, dicamus et nos breviter quod B. Hugo, natione Valentinensis, loco juxta Isaram (11) fluvium sito, cui Castrum-Novum nomen est, parentes habuit et secundum sæculi dignitatem non infimos, et (quod excellenti) sanctitatis prærogativa conspicuos. E quibus pater, Odilo nomine, præter alia quamplurima, quæ militari licet in habitu laudabiliter gessit vel habuit, veritatis et castitatis amator exstitit. Nam et mendacia, ingenua mentis affectione, religiosis quam plurimis amplius evitabat; et licet duas, priore defuncta, citius fuerit sortitus uxores, nullos tamen, quod his temporibus et hac temporum labe (præsertim in potentibus) monstro simile ducitur, præter uxorios est expertus amplexus. Idemque ipse ævo jam gravis, sanctissimo momente filio, tanto fervore contempsit sæculum, ut senectutis immemor et delicatæ consuetudinis, duras, quas Carthusia propter verba labiorum Dei custodit, vias aggredi non dubitaverit; ubi annis fere decem et octo in tanta sobrietate, tanta vixit humilitate, ut cunctis ibidem Deo famulantibus charus, cunctis haberetur veneratione dignissimus. Cui viam universæ carnis ingressuro (erat quippe ferme jam centenarius) venerabilis affuit filius, eumque propriis et inunxit et sacra communione replevit manibus; expletoque condigna veneratione tam sancto funere, obitus diem, sicut et matris, eleemosynis, quoad vixit, celebrem duxit et sacrificiis.

3. Quæ videlicet venerabilis mater ejus, cum post abscessum viri (præter quem nullum peperit noverat) vellet et ipsa cuncta relinquere, quia feminarum religiosarum rara tunc erant monasteria, pii filii salubribus instructa monitis, continentia et eleemosynis, orationibus atque jejuniis, ac reliquis sanctis operibus in domo propria, quod reliquum erat impendit temporis, filios etiam suos, militaribus strenuos actibus, ab immoderatis, quantum poterat, frenans excessibus. Cui decumbenti, ea qua obiit ægritudine, optata filii adest presentia; adoranda tradit mysteria, extrema non multo post sepultura solvit obsequia, prompta solvens obedientia quod imperat Deus lege Mosæ, dicens: « Honora patrem tuam et matrem, ut sis longævus super terram (*Exod. 11, 12*). » De qua utique terra Psalmista Domino dicere creditur: « Tu es spes mea, portio mea in terra viventium (*Psal. cxli, 6*). » Hæc autem dicere fuerat solita, quod dum prægnans suis eum ferret visceribus,

Arcum fluvium e monte Ciniso defluentem, in ducatu Sabaudia, versus orientem, distans Gratianopoli xi M. P., sed montibus interrupto itinere.

(11) Supra Valentiam Rhodano influit Isara, ad quem adjacet Castrum Novum, adhuc hoc tempore *Châteauneuf* dictum. Perperam Wion, in Notis ad Martyrol. Benedict. Valentiam Hispanicam assignat.

visum sibi per somnium fuerit elegantem creasse parvulum, quem sistendum Dei conspectibus, sancti (in quibus et beatus erat Petrus) deferebant in cœlum. Hinc factum est, eadem adnitente, ut discendis applicaretur litteris; sperabatur enim (nec frustra) singularis apud Deum gratiæ futurus et meriti.

4. Amavit autem studia litterarum non mediocriter; propter quæ etiam in exteris profectus regiones, multa sustinuit. Inerat quippe illi, et usque ad ultimam senectam inesse non desinit, verecunda sobrietas; quæ eum et inter suos etiam necessariorum sæpe cogebat ferre inopiam, dum nec amicis, si quid eum angebat, pudore victus poterat confiteri; quo quasi freno a multis comprimebatur illicitis. Cum autem a scholis reversus, Valentia, ubi majoris canonicus erat ecclesiæ, inter sæculares et lubricos, juvenis licet, pudibundus demoraretur et sobrius (statuerat enim, sicut ipse dicebat, ab omni deinceps contaminatione immunem se, Deo juvante, servare), contigit dominum Hugonem, Galliarum omnium ex præcepto beatæ memoriæ Gregorii septimi (12) legatum, ad eandem venire civitatem; virum scilicet in ecclesiasticis negotiis strenuum et famosum, Ecclesiæ Diensis tunc præsulem (13), postea Lugdunensem archiepiscopum. Qui cernens juvenem elegantem vultu, statura procerum, eloquio temperatum, moribus verecundum; edoctusque ab eis qui noverant enjus esset eruditionis et generis et, ut erat tam in rebus humanis quam divinis ingenii perspicacis, agnoscens in eo magna quædam futuræ probitatis et sanctitatis insignia, hilariter et affabiliter amplexatus est, rogans ut ad se veniret, suorum certaminum comes futurus et particeps. Quibus non solum adversus laicos, qui ecclesias, decimas ac cœmeteria sacrilege detinebant, sed et contra sacerdotes, quorum vitam inhonesta conjugia maculabant, Simoniacos etiam, qui cupiditate cæcati, sacra profanaque miscebant, paucis juvantibus, acerrimus insudabat. Quod ipse libenter amplexus est.

CAPUT II.

Episcopatus Gratianopolitanus susceptus.

5. Aliquanto dehinc temporis exacto spatio, idem legatus apud Avenionem, non ignobilem Provinciæ civitatem, grande celebravit concilium (14), in quo multa ad Dei honorem et Ecclesiæ utilitatem præconio digna patravit. Ad hoc concilium, episcopo carentes et episcopum quærentes, Gratianopolitani venerunt canonici; compertoque præfatum juvenem conventui interesse præsentem, petierunt suppliciter, suffragante concilio, ab ejus venerabili patrono, cui gratæ officium societatis exhibebat, ut hunc sibi daret sine dilatione episcopum. Quibus ille protinus gratulabundus assensit, tum dilecti comitis gaudens ho-

noribus, tum Ecclesiæ favens profectibus, enjus etiam sacris officiis futurum non dubitabat opportunum. At vero ille, repentino timore concussis ab imo visceribus, toto renitit corpore, magnisque clamare vocibus, et sese ætate, scientia et postremo moribus et vita tantis mysteriis imparem cœpit affirmare, nec ullatenus pati, in suæ salutis periculum, sua vilitate officia veneranda sædari. Quam utique de se sententiam, profundissima humilitate conceptam, usque ad finem non exiit; semper enim, in quantiscunque sanctitatis et honorum profectibus operum, inutilem se servus et pontificatus administratione indignum protestari non erubuit, semperque ad deponendum, sicut ex consequentibus liquet, paratus fuit. Vir autem profundi consilii, qui prædictis eum concesserat clericis, etsi gaudebat quod in hac ætate et habitu (erat enim habitu sæcularis, et annorum ferme viginti septem) honores non modo non appeteret indebitos, sed et repudiaret oblatos, cœpit tamen, rationabili qua pollebat facundia ejus erigere trepidationem, solari verecundiam, frangere pertinaciam, asserens, in talibus vel subeundis vel portandis oneribus, non de sua quemquam virtute, sed de Dei potius debere benignitate præsumere, a quo deberet sperare bonum quod deerat, et ad quem referre quidquid acceperat. Hujus itaque et cæterorum, qui aderant, virorum gravium consolationibus fractus atque hortatibus, tandem aliquando cessit electioni.

6. Præerat autem eo tempore Viennensi Ecclesiæ archiepiscopus, Garmundus nomine (15), quem propter Simoniam, cujus sustinebat infamiam, sibi manus imponere non admisit. Cunctis itaque, præter episcopi, a non sine reverentia memorando legato sumptis ordinibus, eodem comitante profectus est, ut a sedis apostolicæ summo consecraretur antistite. Ubi dum, consecrationis statutum opperens diem, commoraretur, in ipsis quodammodo divinæ servitutis initiis, et in primis sacræ militiæ tirociniis, gravissimam hostis antiqui impugnationem, rudis et talium inexpertus, incurrit; quæ sanctam ipsius animam, usque ad illam ægritudinem qua et decubuit moriturus, die noctueque, nunc acrius, nunc mitius, non destitit excruciare. Quia enim sanctæ conversationis et illustrium operum insignibus meritis, magnam in populo Dei famam, magnam fuerat habiturus et gloriam, ne forsitan extolleretur, angelum Satanæ, sicut et beatus Apostolus, qui se colaphizaret, accepit (II Cor. xii, 7). Sic etiam apud prophetam Zachariam, Jesu sacerdoti magno, veri Salvatoris mysterium præferenti, Satan stabat a dextris, ut adversaretur ei (Zach. iii, 5). Nec hoc mirandum, cum conditorem et rectorem omnium

Valentia distans diei itinere.

(14) Anno 1080, in quo, deposito Achardo, Gibilinus factus est Arelatensis archiepiscopus.

(15) Guarmandus alii, sedit ab anno 077 ad 1083.

(12) S. Gregorius VII, papa, ante Hildebrandus dictus, creatus 22 Aprilis an. 1073, mortuus an. 1086 die 25 Maii, quo inscriptus est Martyrol. Rom.

(13) Diensis episcopus creatus est Hugo an. 1073, ac translatus ad archiepiscopatum Lugdunensem an. 1092. Est sita urbs in medietullo Delphinatus,

Deum, humana carne vestitum, impiis ausibus tentare præsumpserit; et postremo, ostensis totius mundi regnis cum sua gloria, « Hæc, inquit, omnia tibi dabo, si prostratus adoraveris me (Math. iv, 9). » idololatriæ etiam scelus persuadere conatus fuerit. Sicut ergo ipsi Domino incredibili præsumptione idololatriam, sic et ejus servo suggererat viperea machinatione blasphemiam, scilicet ut de Deo, vel de his quæ ad Deum pertinent, aliquid cogitaret indignum. Sed sicut a Domino, sic, eodem juvante, ab ejus servo victus et confusus abscessit.

7. Cum igitur impugnationem, ut diximus, insuspicabilem sensisset hostis antiqui, reputans ne forte indignatus adversum se fuisset Dominus, quod eligentibus cesserat vel invitus, electioni in se factæ abrenuntiare modis omnibus deliberavit, et sacras administrationes, quibus in dies se magis ac magis deputabat indignum, nullo pacto contingere. Quam deliberationem, ut putabat, saluberrimam, simul cum ipsa tentatione, ab imo corde lacrymis profusis atque suspiriis, ei, qui se duxerat, festinavit ostendere. At ille defectu ejus, et nimio (quanquam a religione profecto) timore, ex parte interim rationabili responsione sedato, ad memoratum papam pergere, et quidquid ejus angebat animum (utpote Christi vicario) totum revelare suasit. Quod cum humiliter devotique fecisset, tanta consolationis ab ejus ore sagina perfusus est, tantumque erga se dilectionis expertus affectum, ut de hac ipsa, quæ in desperationem eum pone compulerat, tentatione gaudere, et felicioris insuper spei materiam sumere cogeretur. **C** Decuit enim beatus papa, utpote in rebus his nec rudis nec inexpertus, arguere Dominum et castigare quæ diligit, et omnem filium flagellare quem recipit (Hebr. xii, 6), et ideo quanto durius cordi ejus imposuerat flagellum, tanto evidentius paternæ in eum dedisse dilectionis indicium. Præsensisse etiam jam jamque diabolus quanta per eum ipse damna passurus, quanta Dei populus virtutis foret incrementa sumpturus, et ideo omnes inveteratæ malignitatis insumere conatus, ut a sacris eum quoque modo deterrere possit officiis, permittente Deo, ad ipsius quidem ignominiam et pœnam, ad hujus autem coronam et gloriam.

8. Hujusmodi sermonibus, et veritate plenis et auctoritate roboratis, non quidem tentatione penitus extincta, sed tamen consolatione suscepta, animæ-quiior effectus, consperationem ab eodem post modicum suscepit episcopalem. Tantus autem et in ipsa consecratione, et toto illo quo ibidem demoratus est tempore, illius viri tanti amor in eum ostensus est, ut patenter ostenderetur, divinæ in eo gratiæ magnam aliquod præsensisse præaugurium. Sed et comitissa Mathildis (16), habitus quidem feminei, sed animi per cuncta virilis, quæ rerum humanarum tumultus atque pericula, iastat prophetissæ Deborah,

(16) Acta collegit et edidit Italice Franciscus Maria Florentinus. Plurima de ea dicuntur in Vita

A prudenter sedare et fortiter noverat tolerare, in suo Deum venerans famulo, diei consecrationis ejus necessaria cuncta subministravit, pastorem, quo usus est, baculum dedit, additis psalmodiarum secundum B. Augustinum Explanationibus, cum B. Ambrosii volumine, cujus est titulus De officiis, totoque quo deinceps tempore vixit, tanquam verum Dei famulum sincera devotione specialiter honoravit et coluit, sitiens ejus instanter et consiliis instrui et oratione defendi.

9. His ita non solum prospere sed et religiose peractis, ad susceptam reversus Ecclesiam, invenit clerum et populum, in divinis nimis rudem et incompositum, et sanctarum observationum in tantum inscium, ut non solum gradus inferioris clerici, sed et sacerdotes uxores ducerent, nuptias publice celebrarent, emere ac vendere sancta non hæsitarent, ecclesias, oblationes, decimas et cæmeteria laici, et eorum ditioni sacerdotes subditi possiderent; usurarii sive sœneratores injusta ex alienis damnis læra coarcervarent, nec ob hoc tamen minus eorum aliqui vel ecclesias intrarent, vel mysteria sacrosancta perciperent. Adeo erant omnes disciplinæ totius expertes. Porro substantia domus episcopalis, dissipantibus non tam episcopis quam tyrannis qui præcesserant, pene fuerat tota consumpta; unde multas ibidem etiam necessarii victus inopias per plures pertulit annos, eo quod nec illicitis contractibus (sicut pluribus mos est) suas indigentias supplere volebat, et mutuare, unde redderet non habere se cogitans, minime præsumebat. Verum tot et tanta suscepti populi vitia vel peccata, quanta vigilantia quibus prædicationis et disciplinæ flagellis persecutus fuerit; quos ibidem labores, quos discursus, quasve sollicitudines insumpsit; quæ jejunia, quas vigiliæ, quas psalmodias, quos gemitus, quas preces, quosque lacrymarum imbres, ad propitiandum pro eis Dominum, paterna pro eis compassione profuderit, non est nostræ facultatis evolvere. Sed nec, quis ex tantis laboribus provenerit fractus, nostris exponi verbis aut potest aut opus est, cum rerum in melius manifesta mutatio idipsum cernentium evidenter ingerat oculis.

CAPUT III.

D *Monachus Cluniensis per annum. Frequens in Carthusia cum S. Brunone et aliis conversatio. Inierit afflictiones donum lacrymarum.*

10. Ipse vero interim, pennatorum in Ezechiele animalium, coram sua semper facie gradientium, sedulus imitator, sese ante se ponere, et sua vel pericula vel profectus subtili examinatione discutere non cessabat. Contemplans itaque suam vel iratam, vel morum imperfectionem (in quam præcipue usque ad mortem mentis oculos intentos et ipse habuit et alios habere persuasit) et suscepti pondus officii, necdum duobus post consecrationem expletis annis

S. Anselmi ep. Lucensis, a nobis edita, ad diem 18 Martii, potissimum cap. 2.

contemptis omnibus, Casa Dei (17) ordinis Cluniacensis factus est monachus: ibi quippe majus tunc pauperitatis et humilitatis studium visebatur. Ubi sanctorum, quorum ibidem aderat copia, virorum succensus exemplis, eosque suis, quanquam novitius, non minus ipse succendens, annum fecit; cum cæteris bonis, tum præcipue humilitate (cujus præcunctis virtutibus sectator existit indefessus) cunctis amabilis. Ita namque sese gerebat ut cunctorum imitatione pariter et veneratione dignus existeret. Post hoc cogente, qui se sacraverat, memorato sedis apostolicæ præsule Gregorio septimo, ad episcopatum a monasterio, quo fervens intraverat, ferventior est reversus, ex unius anni studiis tanta virtutis incrementa reportans, quanta de diuturnæ vitæ laboribus vix assolent multi; pro claustrum circumspeditionem habens pervigilem, qua non tantum sui sensus corporis, sed et cognitiones comprimeret cordis; pro abbate justitiam, a cujus mandatis nec prosperis unquam potuit nec adversis abduci; pro congregatione autem religiosos (quibus, propter illud: « Cum sancto sanctus eris, et cum viro cinnocente innocens eris [II Reg. xxii, 26], » carere nunquam voluit) socios, ino totam universaliter Ecclesiam, quam tam sinceræ dilectionis complectebatur affectu, ut ejus nec adversa nec prospera inconcussis posset movere visceribus. Nam juxta illud Apostoli: « Quis infirmatur, et ego non infirmor? quis scandalizatur, et ego non uror? » (II Cor. xi, 29), semper Ecclesiæ et lætabatur prosperis et torquebatur adversis.

11. In his agebat, et ecce tribus necdum in episcopatu, post monasterii reditum, completis annis, est magister Bruno (18), vir religione scientiaque famosus, honestatis et gravitatis ac totius maturitatis quasi quoddam simulacrum. Habebat autem socios magistrum Landuinum (qui post eum Carthusiæ prior extitit), duos Stephanos, Burgensem et Diensem (hi S. Rufi (19) canonici fuerant, sed desiderio vitæ solitariæ ei, abbate favente, sese junxerant), Hugonem etiam, quem cognominabant Capellanum, eo quod solus ex eis sacerdotis fungeretur officio; duos laicos, quos appellamus Conversos, Andream et Guarinum. Quærebant autem locum eremiticæ vitæ congruum, necdumque repererant. Hac ergo spe, simul et suavi sanctæ conversationis ejus odore trahente, ad virum sanctum venerunt. Quos ille non solum grateranter sed et reverenter suscepit, tractavit, et voti compotes fecit. Ipso namque consulente, juvante, comitante, Carthusiæ solitudinem intraverunt atque exstruxerunt. Viderat autem circa id tempus per somnium in eadem solitudine

(17) Casa-Dei monasterium in Arvernia, fundatum a S. Roberto primo ibidem abbate, mortuo anno 1058, die 24 Aprilis, ad cujus Acta plura de illo monasterio dicuntur. Wion perperam S. Hugonem appellat abbatem Caslestensem.

(18) Hæc latius referuntur in Vita S. Ermonis, ad 6 Octobris, hinc ob sinceritatem et antiquitatem illustranda. Lib. I Speculi Carthusiæ, cap. 5, dicitur « S. Hugo credi socius in scholis fuisse magistrum

A Deum suæ dignationi habitaculum construente, stellas etiam septem ducatum sibi præstantes itineris. Erant vero et hi septem. Quapropter non istorum tantum, sed et qui successerunt eis, consilia libenter amplexus est, et usque ad mortem Carthusiæ habitatores consiliis fovit semper et beneficiis.

12. Licet vera et prius divini amoris totus arderet incendiis, non aliter tamen ad disciplinæ celestis exercitia eorum exemplis et familiaritate inferuit quam si flammanti quis facit plures circumponat alias ardentes. Erat cum eis, non ut dominus aut episcopus, sed ut socius et frater humillimus, et ad cunctorum, quantum in ipso erat, obsequia paratissimus, adeo ut vir vespereabilis Guilhelmus, prior tunc S. Laurentii, postea S. Theofredi (20) abbas, magistro Brunoni etiam ipse religiosa devotione non mediocriter alligatus, B. Hugonis contubernalis (bini quippe tunc per singulas inhabitabant cellas apud magistrum Brunonem), non leviter conquereretur quod pene omnia, ad humilitatem aspectantia, intra cellam sibi præriperet officia; et episcopus non secum, saltem ut socius, sed potius conversaretur ut famulus, non licere sibi tristis asserens ex servilibus operibus quidquam attingere, quæ juxta morem debebant per vices efficere, eo sibi cuncta præripiente. In tantum autem eremum devotus incolebat sedulus, ut eum magister Bruno nonnunquam exire compelleret: « Ite, dicens, ite ad oves vestras; eisque, quod debetis, exsolvite. » Eo tempore, magnæ pauperitatis et humilitatis ardore succensus, voluit equitaturas suas cunctas vendere, et, diviso pauperibus pretio, propriis pedibus in prædicatione discurrere. Sed homo profundi cordis, magister Bruno scilicet, cujus consiliis non aliter quam præceptis obtemperabat abbas, non consentit, timens ne apud se forsitan extolleretur, aut a cæteris de singularitate judicaretur episcopis, aut (quod dubium non erat) idipsum propter asperitatem et inæqualitatem itinerum consummare non posset.

15. Factum est autem, ut, dum contemptis carnalibus, spiritualia zelo ferventiore sectaretur, præ nimis vigiliis, jejuniis et lectionibus, orationibus et meditationibus, et reliquis sacris exercitationibus, capitis et stomachi gravissimam decideret in ægritudinem, cujus molestiis et cruciatibus, omni fide frequentioribus et acrioribus, per quadraginta ad minus annos, quoad vixit, nequaquam caruit, atque ita ad illum, cujus supra meminimus, Satanæ angelum, quo multiplicius colaphizatus minus extolleretur, alter est additus. Quantum autem his dualibus afflictionibus, tentatione videlicet et ægritudine, tau-

Brunonis. »

(19) Erat tum hoc S. Rufi monasterium ad muros urbis Aventonensis; sed postea ab Athigensibus vastatum, dein Valentiam translatum est.

(20) Monasterium S. Theofredi, a S. Calminio duce Arvernorum exstructum, sex leucis distat eodid, in cujus est diocesi. Coluntur S. Calminius 19 Augusti, et S. Theofredus 18 Aug.

quam aurum in fornace, decoctus atque purgatus, in spiritualem erga Deum devotionem, et in omnium afflictorum veram compassionem excreverit, nec ipse adhuc vivens ad plenum, si vellet etiam, posset exponere. Quo enim per hæc magis affligebatur, eo vehementius spretis, quæ mundi sunt, in Deum, refugium verum et unicum, totus efferebatur, voluptatem inde, sicut aiebat, tanto plenior hauriens atque suaviorem, quanto fuerat angustiam passus acerbiorem, juxta illud psalmi: « Secundum multitudinem dolorum meorum in corde meo, consolationes tuæ letificaverunt animam meam (Ps. xciii, 19). » Hujusmodi alteritatum (21) in eo ad finem usque non cessare vicissitudines; nunc enim in superna totis viribus spiritalibus erectis oculis, gustando et videndo quoniam suavis est Dominus, ineffabilibus recreabatur gaudiis; nunc infirmitatibus humanæ pondere relapsus ad solita, prioribus non vacabat angustiis. Utrobique lacrymæ; ibi pro gaudio, hic pro tædio. Quid plura? Faciæ sibi fuerant lacrymæ suæ panes die ac nocte; non has illi prospera, non has siccabant adversa; vix legere, vix psallere, vix sine his divina meditari. Adeo namque harum in eo excreverat gratia ut frequenter nec edenti, nisi frenatæ, deessent; multoties enim per has sibi et sociis convivium, maxime aliquot ante finem annos, vel impediabatur, vel fuscabatur.

14. Habebat quippe lectorem, a quo sanctos codices, quorum non paucos scribi fecerat, et alibi et præcipue sibi ad mensam legi faciebat, ut duplicatis deliciis sese suosque saginaret. Cumque lectori de divinis vel severitatibus vel miserationibus aliquid occurrisset insigne, id ipsum bis aut ter dicere compellebat; nec mora, spiritali per Scripturam voluptate gustata, concussis ab imo visceribus, tantis lacrymarum infundebatur irriguis ut voluptatem ventris et gutturis, et sibi funditus tolleret, et in sociis temperaret. Edocit itaque per experientiam comites, cum tales motus cernerent imminere, inuebant lectori celere et aliquantisper a legendo cessare, ut taliter molestiam hanc possent ad tempus declinare. Hanc autem divini muneris gratiam peccatores, ob confessionem ad eum venientes, vel maxime sentiebant, clementer enim hos humilliterque suscipiens, patientissime audiebat; aliquando fletus ipse cum fletibus, aliquando vero ad lacrymas suis eos excitans fletibus: quod uno liquet sufficienter exemplo. Vir Deo charus Gausterius (22), cognomento Calnesius, qui apud nos in monachatu diu laudabiliter vixit et oblit, solebat referre, quod cum in sæculo positus, suas ei confiteretur offensas (erat enim in Ecclesia Gratianopolitana litteris et honore præclarus), incubuerit ipse super caput ejus, et tantam verticis lacrymarum infuderit copiam ut madefactis capillis, deorsum et in rivuli per contenti ora defluerent. Porro mulierum confessiones non minus caute quam benigne suscipiebat; non enim in au-

gulis, aut obscuris aut secretis locis eas audire solitus erat; sed potius tibi a pluribus applicabat, et aurem quidem satis familiariter applicabat, oculorum autem in alteram partem vertebat aspectum, auditum solum, propter insidias diaboli, hæcmodi negotiis asserens applicandum.

CAPUT IV.

Oculorum et aliorum sensuum ac linguæ sanctæ custodia.

15. Prædictam suorum oculorum custodiam incredibilem semper et ubique circumspectione servabat, ita ut cum potentes ac nobiles mulieres juxta illud Apostoli: « cui honorem, honorem (Rom. xiii, 7), » ad colloquium honorifice hilariterque frequenter susciperet, multa coram se diuque tractantium facies penitus non videret. Dicebat enim cogitationes illicitas difficillime posse vitari, nisi quis corporis sensus vigilantia multa compresserit; intrare autem, secundum Prophetam, mortem per has quasi fenestras, et ingredi domos nostras (Jer. ix, 21). De qua etiam cohibentia sensuum dum vice quadam cum religiosis quibusdam colloqueretur (inter quos erat vir litteris et puritate conspicuus: dominus scilicet Airdus, archipresbyter tunc ipsius, nunc Mauriennensis episcopus), respondit idem vir Domini Airdus passim se mulieres aspiceret, nec earum sibi nocere contuitum; est enim castissimus. Ad quod ille, non a mulierum tantum, sed a virorum quoque vultibus religiosæ mentis avertendum respondit intuitum; asserens (quod experientia sua potest quisque conjicere), per communionem humanæ mutabilitatis atque compassionem, fieri ut affectiones conspecti frequenter ad conspicientem inestimabili velocitate pertranseant, et, verbi gratia, de irato iratus, et de tristi tristis, et de lasciviente fiat lascivens; quas passiones satis esse habere quemquam proprias, non in se transcribere taliter alienas: nullius se totius episcopatus sui mulieris, præter unius, ita faciem aspexisse, ut ex consideratione vultus, si occurreret, quænam esset, posset agnoscere. Quid hac responsione castius? quid circumspectius? quid philosophia vera refertius? Talem utique se mulieribus exhibuisse, castissimum; talia in humanis affectionibus advertisse, sapientissimum. Hinc fuit illud quod cum de matre mea (quæ cum eo, quæ voluit, quandiu voluit, locuta fuerat) ab eo quæsissem utrum eam valde senecta fregisset, paululum secum præmeditans, « Nescio, inquit, utrum sit velus an non. » Hinc et illud, quod muliere quadam, potentia nobilitateque præclara, cujus nomen edicere nolumus, in ejus conspectu, quam morose placuit, multa loquente; cum et ipse, quod libuit, respondisset, illaque discessisset, dicerentque socii ejus, quos prudentes et religiosos semper habere curabat, cur non eam corripuisset, quod se suamque faciem tam facete tamque lascive poliret, respondit ille, non sine horrore quodam et execratione, faciem ejus se penitus non vult ita dicam, alteritate corpus afficiunt. »

(22) Alii Gausterius et Gualterius.

(21) Alteritas, vicissitudo. S. Augustinus De musica, lib. vi: « Cum adhibentur ea, quæ nonnulla,

disse. Et quidem mirum, quod faciem illius unius non viderat, qui nullam noverat? Ubi nunc sacerdotum, ubi plurimorum in sacro habitu constitutorum curiosa lascivia, lascivæque curiositas? Attendant hæc et imitentur, si possunt; mirentur et revercantur, si non possunt. Sed et qui sanctitatem sine miraculis nihili ducunt; quæ nos ideo non magni facimus, quoniam ab electis hæc et reprobis haberi communiter scimus, et in majoribus patriarchis multisque aliis qui Deo valde placere sanctis vel nulla vel pauca reperimus: qui tamen, ut dicere cœperamus, miracula quærent, etiam atque etiam considerent utrum mirabilius ab homine, mortali carne circumdato, quidquam debeat exigi; et utrum cuiquam possit non impossibile videri, per quinquaginta et amplius annos grandem episcopatum a quolibet homine regi, et præter unius, nullius omnino femine faciem sciri. Et certe erat hæc ipsa parum quidem formosa, sed consilii ejus satis indiga. Et tamen ad ipsius præsentiam, non solum ex suo, sed etiam ex aliis episcopatibus, seu pro confessione, seu aliis causis innumeris, tanto devotius frequentiusque venerant, quanto sanctiorem cognoverant.

16. Non autem hunc solum, id est, oculorum sensum, sed et cæteros omnes simili diligentia cohibebat. Aures namque et linguam cum a cæteris illicitis, tamen quam maxime ab obrectationibus frenans, aiebat sufficere unicuique propria peccata, nec esse necesse ut alienis, suam vel audiendo conscientiam, vel loquendo, contaminet linguam. Rumores nec interrogabat, nec facile referebat. Veracem autem eum fuisse in suis sermonibus, quo certius quam inimici testimonio probare poterimus? Guigo (23) comes, ad ea quæ mundi sunt homo satis idoneus, circa eundem etiam Dei famulum tranquillitatis tempore valde devotus, invictissime pro justitia resistenti, molestias non parvas nec paucas intulit, his namque, ut multa taceamus, ab eo pro suis est excommunicatus excessibus, his eum episcopalibus expulit dominibus. Itaque cum grande placitum inter eos haberetur, in præsentia Guidonis (24) Viennensis archiepiscopi, qui postea papa Calixtus effectus est, et vir Dei, juxta illud quod scriptum est: « Justus quasi leo confidens absque terrore erit (Prov. xxviii, 1), » justitiam adversus comitem aperta contradictione defenderet, indignatus ille atque iracundiæ facibus inflammatus, paratusque, sicut apparuit, quidquid potuisset objicere, quasi pro gravi crimine intulit, dicens: « Audiavi aliquando a vobis ego, quod verum non erat dici. » Ad hæc sanctus episcopus, coram cunctis qui aderant (aderant autem diversi ordinis non pauci) interrogavit utrum se scientem audisset mentitum. Tunc ille, quanquam iratus, quanquam furore repletus, veritatis tamen pondere pressus,

23) Floruerunt isto tempore Guigo Cræsus, filius Guigonis veteris, qui et comes Albonensis, et Guigo comes Forestensis, de quibus agit Nicolaus Chourenus, lib. II Delphinatus pag. 797. At quisnam hic ἀπομαρτυρῶν; Guigo comes appellatur, dijudicent

A eum se respondit scienter nullatenus audisse mentitum. De veriloquio igitur ipsius hoc unum hostis et irati sufficiat testimonium.

17. Et quanquam digressivus forsitan arguamur, quia tamen per comitem beati viri patuit veritas, per eundem monstretur consequenter etiam charitas. Infestissimus, ut dictum est, erat ei, adeo ut non in suis domibus, sed aut nobiscum, aut Lugduni demoraretur; ejus quippe civitatis Ecclesia magnam illi reverentiam, magnamque in suis tribulationibus præsidium semper exhibuit, ejusque consiliis in gravioribus uti negotiis pergratum habuit. Cum ergo die quadam de comite pariter loqueremur, ait ipse bonam se de salute illius spem gerere, nec assecutorum Dei misericordiam desperare, quia nunquam delectabilius aut ferventius quam pro eo solitus fuisset orare. Miranda charitas, sed et stupenda non minus humilitas! Quid enim charitate plenius, quæ deo apud homines singularius quam orare non segnius pro persequente quam obsequente? Quid autem humiliter quam hanc ipsam devotionem non ad sua, sed ad ipsius referre merita, non quæ jam esse sciret, sed quæ futura speraret? Quia igitur certum est ab eo mandatum esse impletum, quo dicitur: « Diligite inimicos vestros, benefacite his qui oderunt vos, et orate pro persequentibus et calumniantibus vos (Matth. v, 44), dubitari non licet assecutum etiam mercedem quæ sequitur: « Ut sitis filii Patris vestri, qui in cœlis est, qui solem suum oriri facit super bonos et malos, et pluit super justos et injustos (ibid., 45). » Qua profecto mercede nihil beatius, ut et præcepto nullum sublimius. Accedant itaque, qui cordis non carent oculis, ut videant cujus sit meriti qui talis exsecutor præcepti, tanti compos est præmii.

18. De tactu vero vel odoratu superflue facimus mentionem; quorum alterum, id est odoratum, ad hoc solum curabat, ut putores propter passiones cerebri non admitteret; alteri vero, id est tactui, et antequam ordinaretur, in totum valefecerat. Nec ideo se suosque sensus ab intuitu feminarum tam disciplinate frenabat, quod circa libidinis vitium se sentiret infirmum (quippe quæm et præfata tentationes atque infirmitatis angustia, et ecclesiasticæ dispensationis multiplices curæ, et maxime assiduum legendi, psallendi, orandi, meditandi, speculari que divina studium, ad hujusmodi delectationes pene fecerant insensibilem), sed ut sui habitus et officii, qualem decebat, maturitatem severitatemque servaret; et contra inveterati hostis insidias, circumspeditionis infirmioribus, quæ sequerentur, exempla monstraret; docens non debere quemquam de quantalibet puritate vel firmitate præsumere, cum et homo, testante Job, in eodem statu non perseveret (Job. xiv, 2); et adversarius rugiendo sicut leo circumalii.

24) Guido, e nobilissima comitum Burgundiæ familia, creatus archiepiscopus anno 1083, dein legatus apostolicus, papa electus est an. 1119, et Calixtus II dictus, mortuus an. 1124.

cuniens, quærat sine cessatione quem devoret (I Petr. v, 8); David et Salomonem pro oculis ponendo, quorum, quia se circa mulieres exhibere licentius, alter ex summa innocentia in adulterium decidit et homicidium; alter de sapientia, qua mortales cunctos excesserat, in servitutem usque desipuit idolorum. Desideria porro ventris et gutturis vir beatus instantia quanta represserit, res ipsa, tacentibus nobis, certioribus probat indicis. Capitis namque dolores et stomachi, his maxime creati studiis, satis et super satis eum ab hujuscemodi monstrant abstinentisse deliciis.

CAPUT V.

Eleemosynæ factæ, munera spreta, dissidia sublata, conciones, auctoritas summorum pontificum defensa.

19. Eleemosynæ sane fuit et per se diligens executor, et in aliis etiam fervidus exhortator; exceptis enim domus suæ duntaxat necessitatibus, cuncta pene, quæ consequi poterat, non in thesauros congregabat, posteriorum vel dissipanda litibus, vel consumenda luxibus, sed sciens illud Apostoli: « Hilarum datorem diligit Deus (II Cor. ix, 7), » distribuit lætus egentibus. Denique annulos aureos et gemmatos, calicem etiam similiter aureum vendidit, tempore magnæ famis, horreis defectum minantibus, et alendis impendit pauperibus. Adjuvantes etiam non minime hanc in eo gratiam potentes et nobiles, qui sanctæ conversationis ejus, longe lateque salubriter suaviterque fragrantis, odore percepto, de remotis etiam regionibus, quamvis eum non vidissent, ob divinam tamen reverentiam beneficia multa mittebant. Procul non a mensa tantum ejus, sed a totis etiam atris, histriones tanquam vasa perditionis et organa falsitatis, procul militares clientes, tanquam rapinarum et cædium et totius instrumenta crudelitatis, procul etiam equites, nisi rari, et ipsi raro, respectuque quam maximi specialis (25) utilitatis. Non enim æquum putabat ecclesiarum bona, quæ patrimonia sunt æstimanda pauperum, in aliorum expendi, præsertim malorum, usibus hominum; imo magis semetipsum, tanquam ex pauperibus unum, graviter accusabat, quod sibi ac sociis, de rebus sibi commissis competentem sumeret copiam, ac non potius sustineret cum pauperibus et ipse præuper inopiam. Eleemosynam igitur, ut diximus, libenter faciebat, sedule suadebat, pro satisfactione etiam penitentibus injungebat. Hæc namque tria præcipue culpas suas emendare cupientibus sectanda præcipiebat, orationem, jejunium, et eleemosynam, non humanam in hoc temeritatem, sed evangelicam sequens auctoritatem. Dicit enim Dominus pessimum demoniorum genus ejici non posse, nisi in oratione et jejunio (Marc. ix, 28). Alibi quoque Phariseis loquens: « Date, inquit, eleemosynam, et ecce omnia munda sunt vobis (Luc. xi, 4). »

20. Verum si scribere velimus quanta modera-

lione hæc ipsa pro personis, viribus, affectibus et facultatibus dispensare solitus erat, quamque sapienter et sobrie res suas in suorum et suos spirituales et corporales usus, nec non et pauperum solatia distribuerit, erit quidem non solum sanctitatis ejus, sed et solertix documentum evidentissimum: sed lectoris debemus vitare fastidium. Illud sane quo pacto præterire possumus, quia vel breviter attingamus, quod cum frequentissime suorum et alienorum causas mundanas et ecclesiasticas audiret, irritaret, terminaret; cumque in subditis sibi clericis per tam prolixum vitæ spatium toties consecrationes, degradationes, reconciliationes, pro personarum et ecclesiarum competentibus causis et necessitatibus, celebraret, manus suas tamen ab omni, secundum propheticum præconium, excussit munere (Isai, xxxiii, 15). Eo iudice, nulli unquam, personæ dignitas, nulli pecuniæ profuit quantitas, nullum paupertas, nullum quantacunque officiorum sive natalium rerum fecit extremitas; non mitiorem amicus, non durior expertus est inimicus; non de argentatam convictis vel contentibus imposuit penitentiam, non lucrosam in placitis defendit ediditve sententiam; non considerabat personam pauperis, non honorabat vultum potentis: quod beati viri eo præclaris illustrat meritum, quo rarius vel in presentibus, vel in præteritis habet exemplum. Quanta nobis hoc loco, si laudare comparatione malorum bona velimus, offertur materia in presentium temporum fæces invadendi; in quibus, cum dedecore atque eversione honestatis et æquitatis, pecunia templa penetrat, altaria maculat, sacerdotia venundat, innocentiam exterminat, omnia divina profanaque contaminat: Excæcant nunc munera oculos sapientum, et subvertunt verba justorum; omnes diligunt munera, sequuntur retributiones; a minimo usque ad maximum omnes avaritiæ student, a propheta usque ad sacerdotem cuncti faciunt dolum, non deficit de plateis nostris usura et dolus, postremo in capite omnium avaritia, et pecuniæ obediunt omnia. Sed hæc hactenus; non enim ista suscepimus.

21. Ad Dei igitur hominem verba vertamus, qui temporalium negotiorum litigiosas causas æternorum amore non amare, sed tolerare, magistra pietate, didicerat. Dicebat enim omni febre molestiora sibi placita, modisque omnibus his abrenuntiaturam, si non in hoc Deum se sciret offensurum. Intererat autem illis tantummodo pacis obtentu, maxime pauperum atque ecclesiarum; his etenim noverat gravius moles nocere guerrarum. Ubi vero inexorabilia in aliquibus odia et inexpiables repererat iras, tunc deum fortissime, de Dei sisu auxilio, totusque in charitatis atque humilitatis solutus affectum, instantissime devotissime, offensis, pro his qui offenderant, supplicabat. O quoties salutis humanæ quasi cæcatus desiderio, in cænoxa se pro talibus causis loca pro-

(25) Loco specialis in altero nostro ms. legitur spiritualis, quod et argenti apud Sarium appositum est.

fecit! quoties ad pedes contemptibilium etiam personarum diu prostratus jacuit! Nec facile, imo pene nunquam frustrabatur optatis; nam et si qui negassent, non solum gratis, sed et cum satisfactione pœnitentes, offerebant postea non roganti quod negaverant supplicanti. Tantam quippe omne genus hominum ei reverentiam deferabat, ut Deum graviter offendisse se crederet quisquis ei postulata negasset.

22. Fuit etiam prædicator egregius; erat quippe non mediocriter litteratus. Sed et ingenio et memoria bene præditus erat, in quantum molestia capitis non obtundebat; nam et litteras suas ipse dictabat, eas præsertim quarum ei cura propensior erat. Ideo autem prædicans facilius suadebat, quia quod verbis dicebat, operibus ostendebat. Ut enim commissam efficacius instrueret plebem, faciendo præveniebat sermonem, sicut et de Domino scriptum est: « quia cœpit Jesus facere et docere (Act. i, 4). » Instruebat igitur ad confessionem, excitabat ad pœnitentiam, promptam ad ignoscendum divinam monstrando clementiam; nec quærebat in quo a litteratis quasi sapiens laudaretur, sed quod ab auditoribus et melius intelligeretur et utilius retineretur. Denique in tantum auditores ejus interdum prædicatione ejus movebantur, ut capitalia etiam aliqui crimina, Deum magis verentes quam homines, publice faterentur; quod sequens declarabit exemplum: Apud Vinnai-cum castrum (26), populo multo, ad dedicationem ecclesiæ congregato, verbum fecit quo in multas lacrymas audientium corda resolvit. Ibi mulieres duæ, quæ (sicut apparuit) ejus verba profundius aure cordis imbiberant, audientibus pluribus scelera confessæ sunt quæ commiserant; et posterior quidem quid dixerit, non satis habemus compertum; prior autem suum se prodidit occidisse maritum. Cunque vir Dei necis exquireret modum, retulit in escam illi se dedisse venenum; post quæ jussit præsentem abscedere, ut ei cæteri, quod volebant, liberius posset ostendere. Tanta vero ad cōfitemdum fuit reliquæ plebis instantia, ut ne dimidiam quidem partem ejus, in tali opere valde licet devota, auscultare quiverit tolerantia. Hoc a viro ætate et sanctitate reverendo Wilhelmo, S. Theofredi nunc abbate, tunc monacho, nos audivimus, qui beati viri per annos plusquam viginti comes exstitit individuus.

23. Sed quando nos omnia bona ejus, vel breviter tangendo, memoriæ mandare poterimus? Congesserat namque in illum unum divina gratiæ virtutum ornamenta plurima, quæ dispertita per singulos, plurimos illustres sufficienter facere possent atque conspicuos. Si enim laudatur castitas, quis illo mundior? si sermonis veritas, quis in loquendo cautior? si Dei charitas, quis ferventior? si proximi, quis benignior?

(26) Vinnai-cum castrum, vulgo *Vinay* oppidum, sex M. P. ab Antoniano cœnobio distans. In altero ms. legitur *Insuai-cum*; et Surio adiegitur est *Ju-suicium*.

(27) Successit Calixto II pontifici Honorius II,

A si humilitas, quis dejectior? si elemosyna, quis largior? si oratio, quis devotior? si lacrymarum gratia, in quo effusior? si contemplatio, in quo sublimior? si tolerantia, quis in tribulatione fortior? si justitia, quis districtior? si prudentia, quis circumspectior? si temperantia, quis moderatior? Verum, cum talis esset ac tantus, ipse tamen, juxta illud Evangelii: « Cum feceritis omnia, dicite: Servi inutiles sumus (Luc. xvii, 10); » se infructuosum, se semper accusare non cessabat inutilem, qui episcopi locum occuparet, episcopi honorificentiam susciperet, episcopalia bona consumeret, episcopi vero nec merita, nec fructus haberet. Et certe præsto erant quæ possent menti ejus non modo solamen afferre, sed et in superbiam, nisi tam solida esset, extollere. Ut enim taceamus quæ clero pariter et plebi per eum bona provenerant, eremus Carthusiæ, Calesiensis abbatia, excubiarum eremus, regularium canonicorum apud Miserenum et apud S. Georgium domus, ipso adnidente cœperant, ipso spiritaliter et corporaliter fovente profecerant. Sed ipse imperfectionem suam, qua nec Apostolus carebat, dicens: « Non quod jam acceperim aut perfectus sim (Phil. iii, 12), » tantummodo cogitans; et cum Psalmista dicente: « Ut sciam, quid desit mihi (Psal. xxxviii, 5); » non quid sibi virtutis adesset, sed quid deesset subtili admodum discussione considerans, episcopalem sarcinam modis omnibus exuere desiderabat; qua sententia vel desiderio, sicut in principio diximus, ab initio suæ promotionis ad mortem usque non caruit.

C 24. Hac igitur voluntate in dies augmenta sumente, Romam legatos et litteras in hoc ipsum ad venerandæ memoriæ papam misit Honorium (27). Sed cum legati postulata non impetrassent, imo magis litteras ad eum consolatorias et ad perseverandum exhortatorias accepissent, ipsemet, quamvis morbis ac senectute gravatus, spe tamen in posterum quiescendi roboratus, eundem Romanum pontificem adire curavit, rogans suppliciter et obtestans dari senectuti suæ licentiam quiescendi, et Ecclesiæ Gratianopolitanæ meliorem in suum locum pastorem substituendi. Sed nec ipse (quamvis multas, ut putabat, justas et animi et corporis allegaret occasiones) impetrare valuit, ut sibi tantum et Deo vacare permitteretur. Creditum est enim quod sola auctoritate et sanctæ conversationis exemplo plus posset plebi prodesse subjectæ debilis et ægrotus, quam quivis alius, robustus licet et sanus. Concessis itaque cæteris quæ petebat, honoratusque a summo pontifice et consolatus ut potuit, ad propria remeavit; dimittendi tamen episcopatum olim conceptum non deposuit desiderium.

25. Defuncto autem Honorio (28), cum per tyrannicam et schismaticam rabiem, non suis meritis, sed

anno 1124, 14 Decemb. Et obiit mense Februarii anni 1130.

(28) Successit jam dictis mense et anno Innocentius II.

cognatorum et fratrum fultus præsidiis, Petrus Leonis (29) adversus vestram innocentiam, quæ beatæ memoriæ Honorio successerat, emersisset, atque hoc vir Dei certissime comperisset, morbis licet, ut diximus, et ætate consumptus, zelo tamen domus Dei, cuius diligebat decorem, perrexit Anicium (30), ut eundem cum aliis episcopis excommunicaret schismaticum. Quæ profecto excommunicatio, propter auctoritatem tanti viri, contulit multum et profectum Catholicis et detrimentum schismaticis. Et certe tam idem Petrus, quam pater ejus, sancto viro multas olim venerationes et obsequia præstiterant; sed beatus homo in tali negotio, id est, ubi periclitabatur justitia, nec amicitia flectebatur, nec potentia terrebatur. Nam et ante aliquot annos, cum Henricus Imperator papam Paschalem, cum clericis et parte civium, in ecclesia B. Petri nefanda prodicione cepisset, et eorum qui secum erant capti, pietate victum, ad illicita pacta coegisset, ipse præ cunctis, ut apud Viennam (31) excommunicaretur, effecit; qua excommunicatione, Ecclesiæ suæ Domino roborante sententiam, tyranni illius in contrarium est mutata prosperitas, et imperiali dignitate privata posteritas. Declinante igitur persecutiones præfati schismatici serenitate vestra, et Gallias ingressa, occurrit ei Valentian B. Hugo, cum lacrymis rogans et obsecrans (quod et pridem ab antecessore vestro petierat), ut scilicet cunctis sarcinis et honoribus ecclesiasticis absolveretur, et utilior in Ecclesia Gratianopolitana pastor eligeretur; sed nunc tunc quidem impetrare potuit, quod tam efficaciter humiliterque petivit.

CAPUT VI.

Morbus, visitantibus monita data, mors, sepultura.

26. Ab hoc tempore cœpit in dies magis magisque detrahere. et morti crebrescentibus molestiis propinquare. E quoque namque Satanæ angelis, quos ei ad colaphizandum, ne extolleretur, datos supra retulimus, tentatione videlicet atque infirmitate, alter, id est tentatio, ita extinctus est ut nec vestigium ejus nufum relinqueretur; alter vero, hoc est infirmitas, excrescere quotidianis non cessavit augmentis, donec illo obeunte, ipse quoque pariter finiretur. Sed cum et antea semper verbis et operibus, in ejus beata anima Deum habitare claruerit, tum præcipue in hac infirmitatis afflictione postrema, quis vel quanti foret meriti, et quam sincero Dominum veneraretur affectu, et quam vera dilectione in tam diuturna vita sua justitiam veritatemque defensasset, latere non potuit; nam per ejusdem infirmitatis nimiam violentiam, deleta vel perturbata est pene tota memoria, in ea duntaxat parte quæ bonis malisque communis est, et bonis ad bonos, malis ad malos indifferenter usus deservit, localium et temporalium rerum con-

(29) Petrus Leonis Romanus, anno 1120, creatus cardinalis, antipapa dictus Anacletus II, de quo egimus 10 Febr. in Vita S. Guilielmi eremitæ, occasione Guilielmi ultimi ducis Aquitanicæ, a S. Bernardo ab hujus schismate ad Innocentii II obedientiam reducti.

tinens formas. Ea ergo memoriæ parte obliterata sive confusa, pars illa quæ veritatis et justitiæ totiusque divini cultus impressa lineis in hominibus sanctis et angelis tantum congruit pietatis actibus, non solum æque ut prius, verum etiam constantior interdum ferventiorque innotuit, adeo ut litanis et palmis pectorisque contusionibus, diebus ac noctibus divinæ clementiæ aures interpellando, religiosi, qui sibi serviebant, onerosus plerumque fieret fratribus.

27. Aderant namque ad serviendum ei, tam ex sociis propriis quam ex nostra et Calesiensi, nec non et Excubiensi domibus, octo vel novem, et interdum etiam decem, partim litterati, partim sine litteris, omnes religiosi fratres; nec ulla prorsus persona sæcularis ad ipsius admittebatur obsequium. Hi vero die noctuque corporalibus ac spiritualibus necessitatibus ejus devotissime serviebant. Erga quos, servitores videlicet suos, quantum in humilitate (quam inter cæteras virtutes præcipue sectatum supra retulimus) profecerat, quamque profunde puri cordis sacris eam impresserat recessibus, manifestis ostendit indicia. Nam si quid opus habebat, non a quoquam eorum jubendo tanquam dominus, sed rogando; nec humanam, sed divinam potius remunerationem imprecando, suppliciter exposcebat, verbi gratia: « Exhibe vel fac mihi hoc aut illud propter Deum, ut Deus hoc tibi retribuatur in futuro. » Mirabantur autem et vehementer stupebant quod qui subjectos omnes, et propriam præsertim familiam tanta auctoritate tantaque severitate regere consuevit, in ægritudine, quando solent alii, morbi stimulante molestia, ad irarum et indignationum motus esse procliviores, tantam mansuetudinem, tantam indocrat humilitatem. Nam, etiamsi quis vel modice reprehendisset eum, vel aliquam molestiam in ejus famulatu se pertulisse dixisset, protinus pugnis graviter pectus verberans, se reum clamabat, et virgarum disciplinam imponi sibi devotissime flagitabat. Quod quia cuncti propter multam circa eum reverentiam recusabant, fiebat ubertim, confessionemque illam, qua mysteria celebraturus uti fuerat solitus, innumerabiliter repetebat. Psalmos quoque et divinarum Scripturarum sententias, litanias etiam et orationes ecclesiasticas die noctuque incredibili instantia frequentabat, ita ut nocte una (sicut nobis veraci narratione relatum est) Dominicas orationes trecentas expleverit. Cumque a servientibus sibi corripeteretur, quod hæc agendo non solum suo fatigationem corpori, sed etiam augmenta præberet infirmitati, respondebat ille, non solum non hinc suis incrementa miseriis, sed insuper magna provenire remedia.

28. Ita quippe his assueverat studiis, et ita dulcedinem divinæ laudis et obsecrationis medullitus im-

(30) Anicium seu Podium B. Mariæ in Arvernia, ubi Gerardus ep. Engolismensis depositus est.

(31) Anno 1112, præside Guidone archiep. Viennen., et valde collaborante S. Godefredo, ep. Ambianensi, qui colitur 8 Novemb.

biberat, ut cum cætera pene omnia per passionem, A ut prædiximus, capitis de memoria diffugissent, hæc prorsus de sanctissima ejus mente nulla vel phrenesis vel alterius morbi vi potuerint aboleri. Imo tanto hæc instantius et delectabilius revolvebat, quanto cætera, oblivione quoque juvante, rarius incurabant. Et cum plerumque, hac ipsa oblivione cogente, ubi esset, vel cum quibus esset, nesciret, interrogatus tamen de his quæ ad justitiam religionemque pertinebant, sine cunctatione veracissime sapientissimeque respondebat. Nam cum falsus rumor exisset quod comiti Amedeo (32), qui comitis Umberti, patris videlicet sui, secutus exemplum, non exiguam beato seni reverentiam exhibebat, filius natus fuisset, quærentesque qui assistebant ei an eum vellet ipse baptizare, illico non sine aspernatione respondens : « Non, inquit, a quo quis baptizetur curandum est (33), cum baptismus, a quocunque datus, sit semper idem. » Item discipulantibus inter se qui aderant quis successorem ejus, eo ipso petente jam electum, in sacerdotem consecraret, similiter indignatus respondit non eligendum intra Ecclesiam catholicam ordinatorem, cum, licet diversis et a diversis datum sacerdotium, non possit esse diversum. Indignabatur autem in talibus facilius et vehementius, quia vel dubitare in his blasphemiam deputabat.

29. Accurrentibus etiam ad visitandum eum clericis et laicis, satis multum venerabiliter ac devote, pro personis et officiis, monitus saluberrimos infundebat. Inter quos Guigonem Desiderii, unum de majoribus post comitem, erga se præ multis devotum, cum flexis genibus (ita quippe omnes faciebant) ante lectum ejus benedictionem flagitaret, severa increpatione corripuit, dicens eum, injustas in subditos exactiones faciendo, animæ suæ perpetua tormenta lucrari. Ad quæ ille stupefactus ait non hæc sibi ab illo qui jam pene inter mortuos deputari poterat, sed a Deo potius, qui ei revelaverat, dici, asserens gravissimam revera recenter terræ suæ multam imposuisse, necdumque accepisse, nec post hæc ejus monita accepturum deinceps esse.

30. Carnotinus etiam episcopus, dominus Gaufridus (34), servo Dei ex quo notus singulariter etiam charus, post visitationem (quam et tanto gratiore quanto magis desideratam exhibuerat) Valentiam, ubi tunc eratis, ad vestri præsentiam reversurus, cum, quid ex sua vobis parte dici præciperet, quæreret, ait ille ut pro se vestra benignitas Dei clementiam exoraret. Sed et hic cum quæreret quid pro se vellet orari : « Ut Deus, inquit, in me mundanum extinguat, et suum accendat amorem. » Idipsum religiosos fratres, qui sedulum sibi exhibebant obsequium, sæpissime precabatur, reum se et indignum

divinis beneficiis non sine pectoris contusione contestans. Quadam autem vice quidam ex sociis, tantis ejus fletibus atque suspiriis motus, quasi consolaturus : « Quid, inquit, Pater, tantum plangis, cum nec homicidium, nec perjurium, nec aliud quid criminale commiseris? » Protinus ille : « Quid hoc, inquit, refert, cum sola cupiditas et vanitas, si divina non adsit clementia, perditioni possint humanæ sufficere? » Quid prudentius aut compendiosius ab incolumi et integræ memoriæ potuit responderi? Omnia quæ vel boni piis studiis aversantur, vel mali perniciosi nisibus consectantur, duobus verbis, cupiditatis et vanitatis, inclusit.

31. Diensis etiam episcopus dominus Odolricus (35), unus ex ejus alumnis, et in Ecclesia Gratianopolitana per omnes honores usque ad decanatum (qui post episcopatum major ibidem est dignitas) ab ipso provectus, vitæ regularis habitum per reverendas manus sanctissimi senis desiderans sumere, devotus advenit, ipso jam multa, morbis ingravescentibus, debilitate gravato. Cujus adventus causa, ministris indicantibus, vir beatus audita, tanto exsultavit gaudio, tantaque protinus et repletus lætitia, ut oblitus infrunitatis, venienti occurrere gestiens, pene se de lectulo præcipitaverit. Accedente autem illo, osculatus est eum, et præ gaudio lacrymas fundens : « Exuat, inquit, te Deus veterem hominem cum actibus suis, et induat te novum, qui secundum Deum creatus est in justitia et sanctitate veritatis, » memoria, ut jam dictum est, ad communia ultra fidem deficiente, ad divina solito nonnunquam amplius exuberante. Nam et post multa sanctissima et saluberrima monita cum abiret, necdum atria cuncta transisset, id etiam mandare curavit ut de caligis pedules absunderet, quatenus præter pedes totus jaceret vestitus; dolebat enim nonnullos in religioso habitu, ad sanctitatis injuriam, tibiis dormire nudatis. Post hæc, juvantibus ministris, in planum descendit solum, prostratusque in faciem, magnas Deo, pro eo quod factum fuerat, cum lacrymis gratias obtulit; his iudiciis, quantum salutem desideraret humanam, pene jam defunctus ostendens.

32. Ridere autem, vel otiosis vacare verbis, aut rumores inutiles recitare, servitores suos, nequamquam patienter habebat; statim enim hoc ipsum severa increpatione frenabat, asserens tempora fletibus debita et poenitentiae, occupanda lamentis, nec cachinnis, nec nugacibus relationibus, nec otiosis terenda sermonibus. Unde, quæsumus, etiam etiamque considefent, qui mirari nisi insolita non norunt, utrum vel in Scripturis, vel in humanis relationibus tale quidquam nosse potuerint, et utrum non omnino impossibile et contra naturam, et ideo incredibile etiam videatur, potuisse hominem corporalia et a

(32) Hic est Amedeus II, comes Sabaudia, filius Humberti II, cui, anno 1103, mortuo successit, in Cypro insula defunctus Kalendis Aprilis, an. 1149.

(33) Scilicet sive is episcopus fuerit, sive parochus sacerdos.

(34) Sedit Gaufridus ab anno 1116 ad 1138, legatus apostolicus Innocentii II, quem anno 1130 excepit Carnuti et jam reducebat in Italiam.

(35) Aliis Odoricus et Uldricus, qui traditur vixisse usque ad annum 1144.

puero consueta de memoria perdere, et divina non potuisse, cum id potius naturæ vel consuetudinis exigat ratio, ut spiritualia et divina, tanquam subtiliora in minus assueta, captuque difficiliora, prius abscedant; illa vero, utpote familiariora et humanæ infirmitati ad cogitandum facilia, diutius maneant. Quod si ea, quæ circa sanctos contingere solent, quo rariora eo sunt etiam mirabiliora, quid eo mirabilius, cujus pro sui raritate, nec in scripturis ullum, nec in humanis rebus exstat exemplum? Et sentiat quisque quod vult, nobis autem videtur (nec aliter peritiores, eos maxime qui physicam norunt, sensuros existimamus) non minus singulare, minusve, imo forte amplius fuisse mirabile, inter tot tamque diuturnas et acerbas cerebri passiones, divinam cognitionem atque invocationem et religiosam non perdidisse devotionem, quam inter eculeos ardentisque laminas et succensas craticulas insuperabili constantia Christianam non negasse fidem. Ibi enim, quod infestat, exterius totum ingeritur; hic ipsa rationis instrumenta ipsaque divinorum et humanorum sensuum, quasi cellarium memoria, intrinsecus impugnantur; et qui eis præsidet animus, non aliunde nec alibi quam ex eis et in eis quibus juvari debuerat, dignioribus scilicet et sublimioribus, sibi que pro sui subtilitate conjunctionibus sui corporis partibus, attentatur. Horum alterum in reverendis martyribus, alterum miramur in B. Hugone. Verumtamen hoc illi nec novum nec recens fuerat, in suæ namque mentis excessibus, quos utique crebros et sublimes habebat, relictis non solum cæteris, sed et semet sub se, supernam dulcedinem delectabiliter gustare solitus fuerat; unde etiam ad id recurrebat afflictus, quod incolumi fuerat dulcius. Apparet igitur B. Hugonem, sicut et sanctum Job, ideo tantis tribulationum procellis exagitatum, tantisque dolorum fornacibus instar auri decoctum, ut et ad societatem sanctorum purior et clarior hinc exiret, et quod non superficie tenuis, sed ex totis medullis Deam dilexerat, mundus agnosceret, dum ab ejus invocatione nec doloris nec phrenesis vis eum ulla compeceret. Quid plura? In his usque ad ultimum perseveravit spiritum. Erga suam Carthusiam, ejusque priorem indignum (quod sine lacrymis non scribimus) specialem dilectionem, eorum in tantis afflictionibus memoria non carento, demonstrans.

33. Anno itaque ab Incarnatione Domini millesimo centesimo trigesimo secundo, ætatis porro suæ ad minus octogesimo, mense quarto, consecrationis autem itidem ad minus quinquagesimo secundo, Kalendis Aprilis, sexta ante Palmarum Dominicam

A feria, circa gallicinium, B. Hugo, inter sui temporis episcopos operibus et fama singularis, pacata domo et cunctis referta bonis, commissa etiam Ecclesia ac plebe tranquilla pace fruente, migravit ad Dominum, successorem substitutum jam sibi Carthusiensem (sicut diu multumque desideraverat ante) relinquens. Servatum est autem corpus ejus insepultum, usque ad tertiam sequentis hebdomadæ feriam, serenis diebus et calidis, ita ut nemo desideraret ætatem, mirantibus plurimis, quod nec clementia aeris, nec circumstantis constipatæ multitudinis æstu, nec ce-reorum calore tabesceret. Ad cujus venerandas exsequias tres accurrerunt episcopi, Diensis, Gratianopolitanus, Carnotinus; qui præcedenti die, post secundam, quam ei in hac sua ultima debilitate visitationem exhibuerat, vix tandem recesserat; rogans, ut si brevi deficeret, post eum (quod et factum est) protinus mitteretur.

34. Statim vero ut ejus obitus fama percrebuit, accurrerunt, non ex suo tantum episcopatu, sed ex remotis quoque regionibus innumerabiles populi, cereos ac diversi generis oblationes afferentes. Omnis ætas, sexus atque conditio devotissime osculabantur pedes ejus, intantum ut sandalia ipsa, tanquam tineta pellis, saliva pariter et lacrymis obscurarentur; nam et lactentes offerebantur parvuli, quo tam sancti corporis tactu adversus omnia manerentur adversa. Nonnulli etiam sandalia ipsa, ardentiori fide osculando, mordebant; aliquid inde ob sanctificationem secum ferre volentes. Annulli ac nummi et res aliæ sancto applicabantur corpori, ut eo sepulto pro reliquiis haberentur. Aderant ex nostris et Calesiensibus atque Excubiensibus plures conversi, sanctissimæ glebæ custodes assidui, monachorum quoque et clericorum cum ecclesiasticis apparatus gregesquam plurimi; tantus autem concursus undique fuerat populi, et tam grata cunctis etiam defuncti præsentia, ut vix tandem eum permiserint sepeliri. Denique quinta defunctionis die, tertia, ut diximus, post Palmas feria, deceperunt turbas, promittentes quod ipsum extra ecclesiam efferrent, ut eum liberius et intuerentur et tangerent. Ilac itaque spe exeuntibus, et ita ecclesia Beatæ semper virginis Mariæ, ubi sepeliendus erat, ex parte vacuata; obseratis protinus firmissime januis, sacri corporis venerandæ reliquiæ, in præparato sarcophago, cum multa reverentia et ingenti lamentantium pariter et psallentium clamore, ponuntur. Frequentia porro turbarum circa sepulcrum ejus, modo rarior modo densior, ob spem divinæ in se miserationis, propter ingentia beati viri merita, nunc usque perseverat.

ANNO DOMINI MCLXXXVIII.

GUIGO

CARTHUSIÆ PRIOR GENERALIS

HUJUS NOMINIS SECUNDUS

BERNARDUS, JOANNES, STEPHANUS DE CHALMETO

CARTHUSIANI

NOTITIA IN GUIGONEM

(FABRIC., *Bibliotheca mediæ Latinitatis*, III, 135.— De aliis vide infra Præfationem Petri Francisci Chiffletii)

Guigo II, Carthusiæ prior generalis, qui abdicato an. 1176 generalatu, diem obiit an. 1188, auctor habetur libri in capita 36 divisi, *De quadripartito exercitio cellæ*, rerum sæcularium declinatione, meditatione, oratione et opere manuum. Hunc cum aliis antiquis monumentis non dissimilis argumenti edidit Petrus Franciscus Chiffletius S. J. Divione 1657, 8°, in libro cui titulus: *Manuale Solitiorum, ex veterum Patrum Carthusianorum cellis depromptum*. Recusum cum iisdem in Bibl. Patrum Lugd. tom. XXIV, pag. 1468-1501. Fortasse huic Guigoni tribuenda etiam *Scala paradisi* sive *Scala claustralium*, seu tractatus *de modo orandi, et de vita contemplativa ad fratrem Gervasium*; editus inter S. Augustini Opera in appendice, tom. VI, pag. 643, edit. Amst., et inter S. Bernardi, tom. II, edit. novæ, pag. 325-330

SCALA PARADISI

SEU TRACTATUS

DE MODO ORANDI ET DE VITA CONTEMPLATIVA

Guigoni II fortasse ascribendus.

(Exstat inter S. Augustini Opera, tom. VI, seu *Patrologiæ* tom. XL, append., col. 997.)

~~Guigo or Hugo Angelus (Fr. Seraphicus, Prior of M...~~
GUIGONIS CARTHUSIÆ PRIORIS

EJUS NOMINIS SECUNDI

LIBER DE QUADRIPERTITO EXERCITIO CELLE.

ACCEDUNT

BERNARDI Carthusiæ Portarum primi prioris; JOANNIS, Stephani DE CHALMETO, ejusdem Carthusiæ monachorum,

EPISTOLÆ

NECNON

Alexandri III papæ ad Arthaudum priorem Carthusiæ Alverie Epistola.(Bibl. PP. XXIV, 1463, ex *Manuali Solitariorum*, cura et studio Petri Francisci CHIFFLETU, societatis Iesu presbyteri, edito.)**DE SEQUENTIBUS OPUSCULIS PRÆFATIO.**

Quia hæc opuscula euris nostris lucem nunc primum aspiciunt, et ignota fuisse videntur etiam Theodoro Petracæ, qui nusquam eorum meminit in Bibliotheca Carthusiana, nostra sane interesse credimus, ut quibus ex bibliothecis, et quam vetustis ex codicibus prodierint, quibus ab auctoribus conscripta fuerint, et qualia denique sint, per nos ipso in operis vestibulo intelligatur.

1. *Liber De quadripartito exercitio cellæ, auctore (ut videtur) Guigons, prioris Carthusiæ, ejus nominis secundo.*

Hunc librum ex codice Carthusiæ Portarum descripsimus, deinde ex codice Carthusiæ Parci, in Cenomanis, acceptas variantes aliquot lectiones, ubi opus fuit vel textui ut saniores alligavimus, vel ad nostrum exemplar inter uncas adnotavimus, præmissis litteris *Par*: quibus Parcensis codex significaretur. Qui autem has diversas lectiones ad me transmisit vir humanissimus, atque admodum venerandus, dominus Joannes Chauvet, generalis scriba ordinis Carthusiensis, simul admonuit eum codicem Parcensem de illorum esse numero quos sanctus Gaudfridus de Lauduno, Cenomanensis episcopus (sic enim vulgo nuncupatur, quamvis nulla Romanæ sedis auctoritate vindicatus), Carthusiæ Parci fundator secundus, ei domui contulit circa annum Christi 1244. Quod si ita habet, affirmare necesse erit descriptum esse Parcense illud exemplar ante annos circiter quadringentos. Portarum vero codex, etiam vetustior ex eo deprehenditur, quod habet voces quasdam remotioris ævi, et a puro Latino magis abhorrentes, quæ in Parcensi emendatæ

reperiuntur. His quasi vestigiis deducti, illum B. cui tractatus iste inscribitur, priorem Carthusiæ Wittheamensis, haud alium esse censuimus a Bovone, magnæ religionis et spiritus prophetici viro, quem S. Hugonis Lincolniensis episcopi Vita proluxior, quique in libros digesta ab auctore ejus domestico, Hugoni ex priore Wittheamensi ad episcopatum assumpto, anno Christi fere 1186, in ejusdem Wittheamensis Carthusiæ administratione successisse confirmat, cum ante quinque admodum annos magnopere auctor fuisset, ut Anglorum regi Hugo idem Wittheamensi domui præfuturus concederetur: sic enim habet Vita illa S. Hugonis, lib. II, c. 3; in consultatione Patrum Carthusiensium super eo negotio: *Unus Bovo, quem postea priorem Witthamie hoc sæpius referentem audivimus, a Deo exisse verbum regis asserbat;* de Hugone hæc subjiciens: *Credite meæ parvitati. Inter præcipua Ecclesiæ sanctæ luminaria ipsum in brevi audietis, super candelabrum ecclesiasticæ regiminis sublevari. Dudum mihi virtutibus Hugo, episcopus potius visus est quam monachus existisse.* Notatu autem digna res est, quod in dedicatoria scribitur: *B. Prior pauperum Christi, qui in Wittheam commingentes: ordinem sunt Carthusiensem professi.* Qua forma et Guigo prior V majoris Carthusiæ sic orditur prologum Vitæ S. Hugonis episcopi Gratianopolitani. *Domino et Patri charissimo, ac reverendissimo sedis apostolicæ pontifici Innocentio, Carthusiensem pauperum servus inutilis Guigo, perpetuam salutem, etc., et Carthusienses Majorevi, inter epistolæ Petri Cluniacensis, lib. VI, epist. 23: Petro Venerabili et honorando Dei gratia Cluniacensium abbati,*

frater humilis pauperum Majorevi prior vocatus, cum A *eisdem pauperibus, æternam a Domino salutem.* Ut minime dubium sit quin Carthusiani prisco ævo *pauperes* vulgo cognominati fuerint; quod scilicet eorum victus ac vestitus vel tenuitas vel asperitas præ cæteris emineret: quam in rem, videndus præter alios Petrus Venerabilis, lib. II De miraculis, c. 28 et 29, qui et quanti fecerit Carthusiense institutum sæpe alias declarat; præsertim vero libri sexti epistola duodecima ad Eugenium papam, vicesima quarta ad fratres Majorevi, et quadragesima ad Basilium priorem Carthusiæ. Nunc porro procedamus ad inquirendum hujus auctorem operis: quem etsi neuter codex de nomine appellavit, quibusdam tamen inspersis rerum adjunctis, ad Guigonem ex priore Carthusiæ, ejus nominis secundo, nos quasi manu **B** deluxit qui nimirum abdicato generalatu, ad annos duodecim superstes, privatam in Carthusia vitam egit; obiit autem v Kalendas Octobris, anno Christi 1188, cum jam ante biennium Bovo Wittheami priorem agere cœpisset. Nam in primis auctor, capite 15, et passim aliis locis Carthusianum se prodit. Deinde cum citet pluries juxta antiquam fornax statuta Guigonis, quæ postea anno Christi 1259, aliter digesta sunt; medio tempore inter Guigonem primum (qui scripsit circa annum 1130) et annum 1259 scripsisse illum necesse est. Ad hæc eodem illo capite 15, et locis aliis, loquitur tanquam potestatem habens, ac priores ipsos totius ordinis Carthusiensis velut in generali capitulo præsentem **C** alloquitur, et ea sententiarum gravitate compellat, quæ aut generalis præpositi auctoritatem, aut saltem ejus magistratus olim gestæ reliquias redolet. Fuit igitur auctor et Carthusiæ incolæ, et præcipuè in ea dignitatis. Atque hæc omnia vix invenias in quem apte conveniant, cum ab uno hoc Guigone discesseris: de quo hæc tradit quidam ejus ordinis scriptor: *Magnus sane vir, admirabili docilitate, et prudentia sine dubio humana majore, contemplationi ac quieti impense deditus, a capitulo generali absolutionem petiit et accepit, onus illud sibi longe gravissimum excutiens, quod se minus idoneum putaret, propter inexperientiam rerum humanarum, quas multa divinorum contemplatione neglexerat. Pius tandem Guigo spiritum ad lucem emittit perpetuam, v Kalendas **D** Octobris 1188, anno 12 post absolutionem: non tam vivendi ratione commendabilis, quam quibusdam supra humanam naturæ cursum dictis factisque admirabilis. Appellabatur ideo a plerisque omine non inani Angelus; qui ob vitæ innocentiam, angelorum serias postea a morte luce apud superos agere meruit.* Ita, si nostræ conjecturæ locus est, ediderit, Guigo opus istud ad Bovonem Witthamiam priorem circa annum Christi 1187, spiritalis ejus uteri filium se appellans, fortasse quod illo præfecto spiritus, aut conscientie suæ arcanorum conscio arbitroque usus fuisset in Carthusia. Sane Bovonis præ Guigone excellentiæ nonnullius argumentum est, quod in tabulis rei gestæ inter abbatem Bonævallis et Jocclinum Carthusiæ

priorem, datis ad annum 1185, testes inscribuntur, priore loco Bovo Carthusiæ monachus, tum Guigo ex priore donus ejusdem. Et hæc quidem impræsentiarum ex conjectura. In posterum si quid diversam in sententiam novæ lucis affulserit, nos in eam ultro ac lubentes concedemus.

Cæterum in hoc opere mirari quis possit quod ait auctor, cap. 23, reprobos angelos charitatem nunquam habuisse, adeoque charitatis quidem capaces fuisse, non tamen charitatem capientes; Ezechielem pro se allegans, cap. xxviii, versu 13, juncta interpretatione sancti Gregorii papæ. Ruperti sane instituisse videtur vestigiis, hoc ipsum asserentis lib. 1, De operibus Trinitatis, cap. 16, et eodem ex loco Ezechielis, imo et Gregorii papæ, quem hic sublegit **B** ac pene transcripsit. At istos seu Patres seu doctores auct qui explicant de charitate actuali, quam angelos reprobos nunquam habuisse haud improbable est, præsertim posita quorundam sententia, asserentium eos uno tantum instanti a primo suo conditu ad lapsum usque perstitisse. Quia tamen probabilius est tam brevem non fuisse angelorum viam, et quia frustra infusi viderentur habitus supernaturales, si nullum unquam in actum prorupissent; malim dicere cum Joanne Martinon, disp. 43, de Angelis, sect. 5, n. 41, Ezechielem cum Gregorio potius intelligendos *de charitate, non simpliciter, sed aucta per merita; ut indicat verbum repleti; vel etiam consummata per beatitudinem et gloriam, ubi charitas in actu secundo tanto major et intensior est, quanto visio Dei præstat actui fidei.* Minus autem probabile est quod aiunt Hugo de Sancto Victore in Summa Sentent. tract. 2, c. 2; Petrus Lombardus in 2, dist. 3, part. II; Bonaventura ibidem, dist. 4, art. 1, quæst. 2, et alii nonnulli, angelos malos in statu puræ naturæ creatos fuisse, nec ulla gratia seu charitate habituali præditos; quod angelico Doctori adversatur, quæst. 62, art. 3, imo et sanctis Patribus Græcis æque ac Latinis, si bene illarum mens percipiatur. Vide interpretes Ezechielis, ad locum propositum, et theologos scholasticos in citata loca Magistri et S. Thomæ, necnon Petavium, tom. III Theologicorum dogmatum, lib. 1, cap. 16.

II. Bernardi Carthusiæ Portarum primi prioris **D** epistolæ tres.

Hujus Bernardi, Portarum primi prioris, et ejus discipulorum Joannis ac Stephani, quas hic dedimus epistolas, uni debemus membraneo et bonæ notæ ms. codici inclyti monasterii Juriensis, quod olim a primo suo exortu *Condatescense*, exinde *Sancti Augendi* sive *Eugendi*, novissime *Sancti Claudii* nuncupatum est.

A fundata Portarum Carthusia, hoc est, ab anno Christi 1115 usque ad annum circiter 1260, quinque omnino Bernardos priores ei domui præfuisse compertum nobis est, vel admonitu domini Hugonis Buat, in Carthusia Majorevi coadjutoris, viri humanissimi, et sui maxime ordinis historiarum scientissimi; vel inspectione ipsa autographarum

veterum tabularum. In quarto et quinto discernendis nihil admodum negotii fuit. Quartum enim, cognomento *de Turre*, ex priore Portarum præfuisse constat toti ordini Carthusiensi ab anno 1253 ad 1258. Quinto cognomen fuit *de Samia*, qui et ab anno circiter 1256 ad 1260, Portarum priorem egit. At alios Bernardos tres superioris ævi Portarum priores (quos plerique scriptores in unum conlarunt) disinguere sane quam operosum est. Paucis rem exsequar, quoad tamen argumenti ratio feret.

Primus Bernardus Portarum prior, idem et fundator fuit, ex monacho Benedictino Ambroniacensi, anno Christi 1115, unde et Portarum Carthusia, primum a majore Carthusiacis Alpes jure antiquitatis locum obtinet, et est ordinis totius post secundam Calabricam tertia. Hujus obitum hac forma adnotatum legi in Neerologio Majorevi (cujus nominis originem indicabimus in appendice hujus Manualis, num. 31). *Pridie Idus Februarii obiit Bernardus, primus prior Portarum, MCLII.* Sed jam multo ante abdicaverat. Etenim ex tabulis Majorevi, anno Christi 1147, die festo S. Thomæ apostoli, meminit Bellicensis sui episcopatus abdicati Bernardus de Portis, idemque Portarum tunc prior. At erat jam episcopus Bellicensis Willelmus Kalendis Septembris 1141. Testatur enim Falco Lugdunensis archiepiscopus, eo anno Christi 1141, indictione iv, pontificatus Innocentii papæ II anno xii, sui porro episcopatus anno secundo, Kalendis Septembris, luna 27, venisse ad se Bernardum Portarum priorem, cum Ponceo, Bosone, et Stephano ejusdem domus monachis, qui ab anno Christi 1115, per viginti quinque amplius annos in eremo Portarum Christo Domino deservierant, ut de suæ ditionis limitibus orta inter vicinos controversia, ipsius Faleonis archiepiscopi, necnon Guillelmi Bellicensis episcopi, atque Ismionis Ambroniacensis abbatis arbitrio dirimeretur. Fuit autem exinde Willelmus Bellicensis episcopus saltem usque ad annum 1157. Cum igitur Bernardus de Porta (quem a Bernardo de Portis non distinguimus) tantum monachus Portarum legatur in diplomate Portensi, dato ad annum 1135, in Nonas Maii (de quo et nos infra, in Stephano de Ghalmeto), illum medio tempore inter in Nonas Maias 1135, et Kalendas Septembris anni 1141, episcopum Bellicensem fuisse necesse est; imo medio tempore inter annos 1135 et 1138. Nam Bernardus de Portis fuisse quoque asseritur Mauriennensis episcopus post Airaldum, cujus obitum anno Christi 1138 ascribunt Mauriennenses. Meminit certe Airaldi et Bernardi episcoporum Mauriennensium ex monachis, Gaufridus abbas Altecumbæ in Vita sancti Petri Tarentasiensis episcopi (ut est in ms. meo exemplari) lib. 1, cap. 16, et utrumque e Portarum Carthusia assumptum affirmant Mauriennenses. Videtur ergo Bernardus de Portis fuisse Mauriennensis episcopus ex Bellicensi, ab anno 1138 usque ad annum saltem 1146, cum appellatum legerimus in mss. tabulis Ecclesiæ Vien-

nensis *Bernardum Moriennensem episcopum*, in privilegio eidem Ecclesiæ concesso, a Conrado Romanorum rege, anno regni ejus octavo, die Apparitionis Domini (nempe 6 Januarii), anno vero ab Incarnatione Domini 1146. Abdicavit autem anno eodem, vel proxime sequenti 1147, quo illum vidimus Portarum duntaxat priorem, die mensis Decembris 21. Hic est Bernardus de Porta, seu de Portis, ad quem adhuc privatam sunt epistolæ S. Bernardi Clarevallensis abbatis 153 et 154, in quibus testatur se ejus hortatu et crebris epistolis incitatum, sermones aliquot conscripsisse in Cantica Salomonis. Eundemque Bernardum de Portis ab Innocentio papa II vocatum fuisse ad aliquem episcopatum in Longobardia, Mediolanensem dicunt nonnulli, nescio quo certo et fide digno auctore testatur idem S. Bernardus, sequenti epistola 155, qua rogat impense Innocentium, ut Bernardus de Portis congruentiori loco atque alteri populo reservetur. Nec frustra; nam ille pro Longobardio episcopatu sortitus est Bellicensem per id tempus quod designavimus. Dicitur autem *de Portis*, a quopiam hujus nominis prædio? Eodem ipso fortassis, in quo Portarum Carthusia fundata est, cui sese addixit. Saltum enim illum jam olim *Portas* appellabant, quod in eo nativæ ipsæ rupes, certis locis velut artificis manu excitas portas eminententur. Dicit quispiam, veteri se ut Bernardus Mauriennensis a Bellicensi fuerit plane diversus; argumento necrologii Majorevi, in quo ad xvii Kalendas Januarii hoc tantum ascribitur: *Obiit Bernardus de Portis, monachus et episcopus Bellicii, MCLII.* Adnotandum enim videbatur etiam episcopatus Mauriennensis si eidem quoque obtigisset. Verum cum moriens Bernardus de Portis, nec esset Mauriennensis episcopus, nec Bellicensis, sed tantum Portarum prior, a Bellicensi potius episcopatu appellandus fuit, ad cujus titulum primo consecratus fuerat. Nunc reliqua prosequamur. Prior erat Portarum Bernardus de Portis anno 1147, ex episcopo Bellicensi et Mauriennensi. Igitur Bernardus Portarum primus prior ac fundator, qui vixit usque ad annum 1152, Bernardum de Portis jam ab anno saltem 1147 sibi suffecerat. Obiit autem uterque hic Bernardus anno 1152, fundator pridie Idus Februarii, alter xvii Kalendas Januarii; sed tamen hic prius illo; quia more Gallorum veterum, annus hic 1152 ducendus est a Paschate, vel ab Incarnatione, hoc est, a 25 Martii, non autem, ut nunc, a Kalendis Januariis. Ab obitu Bernardi de Portis, usque ad obitum Bernardi domus Portarum fundatoris, sunt dies omnino 58. Per hoc tempus superstes Bernardus fundator Antelnum seu Nantelnum, suum olim novitium, tunc autem ex priore Carthusiæ, Bernardo de Portis in Portarum prioratu substituit. Unusque et idem est Bernardus prior Portarum, de quo auctor æqualis Vitæ S. Antelmi, cap. 2, dicit quod Antelnum in Carthusia Portarum receperit; et cap. 10, quod jam senio gravis, domus Portarum prefecturam in Antelnum derivavit. Præ-

fuit Antelmus fere bicennio, usque ad annum 1154, A indeque ad suam cellulam in Carthusiam primariam rediit. Post novennium, nempe anno 1163, consecratus est in episcopum Bellicensem ab ipso Alexandro papa III, die Nativitatis beatæ Mariæ virginis, quæ tum in Dominicam incurrebat : cum nempe esset littera Dominicalis F. obiit autem anno 1178, episcopatus sui xv, sexto Kalendas Julii, post Completorium : et ejus depositio, seu dies sepulturæ sic est adnotata in Necrologio Majorevi : v *Kalendas Julii obiit Nantelmus Bellicensis episcopus*. At in Ecclesia Bellicensi colitur ipso die obitus, sexto Kalendas Julii, sub nomine Antelmi, cum tamen et eum Carthusiani, et ipse se Nantelmum appellaret. Vide appendicem, num. 2.

Nantelmo excedenti e Portarum prioratu, anno B 1154, successit Bernardus, tertius ejus nominis Portarum prior, et exinde Diensis episcopus, de quo nomenclatura priorum Carthusiæ, antiquis statutis et impressis manuscriptis adnexa, sub Guigone priore Carthusiæ, hujus nominis secundo, circa annum Christi 1176 : *Eo tempore floruit dominus Bernardus, olim prior Portarum, postea episcopus Diensis, qui mortuos suscitavit, leprosos mundavit, et innumeris aliis claruit miraculis*. Et in codice ms. Portarum legisse se asserit, jam supra a nobis laudatus dominus Hugo Buat, hæc ipsa verba ad paginam 42 : *Sub beato pontifice Alexandro tertio, nobis ereptus est dominus Bernardus prior quondam noster, vere vir Dei et sanctus, ut episcopus Diensis præficeretur*. Tum pagina sequenti : *Itaque sanctus vir Bernardus episcopatum Diensem mira patientia, majori pietate, et ferventissima charitate gubernavit, ovesque propria mirabili dexteritate de sauce tartari eripuit et liberavit*. Bernardo huic tertio, cum ad episcopatum Diensem vocatus est, successisse videtur Stephanus prior Portarum, cujus mentio ad annum Christi 1171, in bulla Alexandri papæ III. Ac fortasse hic ipse est Stephanus de Chalmeto, de quo infra. Stephano successit Rosthannus, quem appellat bulla Lucii papæ III, data ad iii Nonas Februarias 1182, indictione i. Bernardum vero tertium quia plerique omnes scriptores, etiam Carthusiani recentiores, ut Petrus Sutor, Petrus Dorlandus, Theodorus Petrus et Laurentius Surius in Vita S. Stephani Diensis episcopi, cum Canisio nostro, et Saussayo in suis Martyrologiis, et aliis plerisque, nunc cum Bernardo primo, modo cum secundo confuderunt, sic nobis illi ex dictis discernendi sunt.

Primus Bernardus, fundator domus Portarum anno 1115, ex monacho Ambroniacensi, prioratum jam abdicaverat die sancti Thomæ apostoli 1147, Bernardum de Portis ex Bellicensi episcopo sibi substituens. At Bernardo de Portis mortuo 1152, xvii Kalendas Januarii, ei superstes Bernardus prius Nantelmum ex priore Carthusiæ, Portarum priorem constituit. Nec multo post, nempe diebus 58 post obitum Bernardi de Portis, excessit e vivis Bernardus prius, pridie Idus Februarii, anno (ut hodie

numeramus) a nativitate Christi vel a Kalendis Januariis 1153, qui tamen adhuc erat tantum 1152, Gallis a 25 Martii sequente suum annum 1153 auspiciaturis.

Post Bernardum secundum, cognomento de Portis, fuit Nantelmus prior Portarum tertius, fere per biennium, hoc est ab anno 1152 ad 1154. Cui abdicanti, ut in suam Carthusiæ solitudinem se reciperet, successit Bernardus tertius : qui deinde creatus ab Alexandro papa III Diensis episcopus, virtutibus et miraculis claruit.

De Bernardo primo hæc in codice ms. Portarum se legisse mihi testatus est dominus Hugo Buat : *Nonnullas epistolas ad virtutem et ad vitam religiosam commonentes scripsit, quarum præcipue habentur, ad Falconem decanum Lugdunensem, et ad eundem jam episcopum factum, ad Aymondum de Rohieres, ad Rainaldum inclusum, ad moniales de Lugduno, ad Berlionem episcopum Bellicensem, ad moniales de Blesio, ad Eugenium papam, ad divum Bernardum Clarevallis abbatem, et ad Ismionem abbatem Ambroniacensem, quæ omnium sunt pulcherrima, in qua declarantur causæ cur monasterium dereliquerit, et ad eremum Portarum transfugerit ; incipiens in hæc verba : [In montem salvum te fac, ne et tu simul pereas.] Ex his epistolis tres tantum ad nos pervenerunt.*

Prima ad Aymonem de Varennes, et Aymonem de Rohoria, De fuga sæculi. De quibus viris meminit his verbis tabularium Arverniæ, inter ejus domus benefactores. *Aymo et Hugo de Varennes ædificaverunt Ecclesiam, nempe Arverniæ. Aymo de Rivoria fecit dormitorium fratrum.*

Secunda est ad sanctimoniales Lugdunenses, hortatoria ad capessendam magno animo, quam recens susceperant, regularem disciplinam. Duo puellarum asceteria Lugdunensia memorat Leidradus Lugdunensis archiepiscopus, in epistola ad Carolum Magnum : *In eadem, inquit, civitate alias restauravi ecclesias. Unam quidem in honorem Sanctæ Eulaliæ (ubi fuit monasterium puellarum) in honorem S. Georgii : quam de novo operui, et ex parte maceris ejus de fundamentis erexi*. Tum paucis interjectis : *Monasterium quoque puellarum, in honorem sancti Petri dedicatum, ubi corpus sancti Annemundi martyris humatum est (quod ipse sanctus martyr et episcopus instituit) ego a fundamentis tam Ecclesiam quam domum restauravi : ubi nunc sanctimoniales numero 32 secundum institutionem regularem viventes habitare videntur*. Cum autem nunc sateat Lugdunum monialium cœnobiis, de S. Petri monasterio Benedictinarum, etiannum opibus ac religione inclyto, Bernardi Portensis epistolam accipio ea ratione quod ejus ævo unicuique Lugduni fuisse existimem. Nam vetus illud S. Eulaliæ (ubi nunc ædes S. Georgii) suo tempore jam desitum indicat Leidradus. Alia porro omnia puta Clarissarum, Carmelitanarum Annuntiarum, et cætera, post Bernardum fundata esse non dubium est.

Tertia ad Rainaldum inclusum, qualiter coram Domino sit vivendum. Equis esset Rainaldus iste inclusus, docuit me vetus membrana e tabulario Majorevi, quæ incipit, *Guido de Aranda*, descriptaque est a nobis in Appendice hujus Manualis. Ea charta sine nota temporis, cum inter testes Hugonem Majorevi procuratorem subscriptum habeat, quem aliæ tabulæ circa annum Christi 1134 id muneris gessisse significant; vel ex hoc indicio, Rainaldi ad S. Ragnebertum inclusi ætatem agnoscat licet, quod et ex ipso tabularum caractere deprehendere est. Fuit igitur hic Rainaldus eremita inclusus, seorsim a fratribus cellam habens, hæud procul a monasterio S. Ragneberti Benedictinorum, quod duabus admodum leucis horariis abest a Portarum Carthusia: et a Ragneberto Radeberti ducis filio nomen habet, quem olim Ebroini nequitia martyrem fecit. Prius autem id monasterium Bebronnense nuncupabatur, a Bebronna quo alluitur torrente: ac fundatum fuerat a S. Domitiano abbate, ad Kalendaras Julias Martyrologiis inscripto. In cujus vita, quam ex veteri ejusdem monasterii codice olim descripsimus, emendandum est illud, quod S. Domitianus Juliani Apostatæ persecutionem fugisse dicitur. Non enim id convenire potest cum iis quæ adduntur de Domitiani congressibus cum Vincentio Lirinensi, Hilario Arelatensi, et Eucherio Lugdunensi, quos annis fere centum post Julianum floruisse omnes norunt.

III. Joannis Portarum monachi epistolæ quinque.

Carthusiæ Portarum se monachum proficitur Joannes hic, initio epistolæ quintæ ad Bernardum nepotem; quem cum his alloquitur verbis: *Novimus enim, de domo in qua es, et de Carthusiensi, et de nostra, et de aliis hujus propositi, particulares exisse; quorum nonnulli post paucos dies, aliqui vero post paucos menses obierunt*, Carthusianum quidem eum fuisse significat, non tamen de primaria Carthusia, aut etiam de domo Portarum. Fratrem autem se dicit *carne et spiritu*, Stephani illius quem epistola sua prima vehementer cohortatur ad vanitatem sæculi abdicandam. Quo mihi arridet conjectura, hunc ipsum esse Joannem de Monte medio, Carthusiæ Portarum monachum, cujus mentio ad initium primæ epistolæ Bernardi Portarum prioris; qui fratri suo Stephano de Chalmeto auctor fuerit atque hortator ad vitæ sæcularis sarcinam abjiciendam. Diversis enim cognominibus distingui fratres, in nobilibus præsertim familiis, uti nunc passim videmus, ita et prioribus sæculis in usu fuit. De hoc ipso Joanne, accipiendum puto antiquum auctorem Vitæ S. Antelmi Bellicensis episcopi, cap. 13, apud Surium, 26 Junii. Antelmus, inquit, ex priore primariæ Carthusiæ factus prior Portarum, post Bernardum qui senio gravis præfecturam suam in eum derivarat, *Domno Bernardo præstabat reverentiam, illum sibi anteponebat. Idem erat erga religiosum Christi servum Joannem, cui adventanti solebat reverenter assurgere. Nec id unquam prætermisit, etiam cum*

A episcopi, abbates, aut cujuscunque dignitatis personæ adessent. Nam S. Antelmus prioratus majoris Carthusiæ abierat anno Christi 1151. Inde vero ex privato prior Portarum fuit per biennium, ab anno scilicet 1152 ad 1154, quæ tempora cum Joanne de Montemedio apte comparantur. Vix autem adducor ut harum epistolarum auctorem agnoscam Joannem quemdam, ex abbate Abundantiæ, monachum Arverniæ; hoc est, ex Augustiniano Carthusianum qui nonnullis in schedis legitur anno Christi 1202 e viris abuisse: quia iis quæ dixi argumentis Joannes hic noster et Portarum Carthusianus, et illo Joanne antiquior deprehenditur.

IV. Stephani de Chalmeto, monachi Portarum, epistola ad novitios Sancti Sulpicii, De perseverantia ordinis.

Richardus de Benuntia (ut legi in autographis tabulis, datis ad tertium Nonas Maii, anno Christi 1135) aliquot fundos dedit Carthusiæ Portarum, in manu domni Bernardi prioris: sub testimonio monachorum ejusdem loci, Bernardi de Porta, Bosis procuratoris, Stephani de Chalmeto adhuc novitii. Nec raro alias in eodem archivio Portensi hunc Stephanum ascriptum reperias, nunc novitium, nunc monachum Portarum. Hæc porro habet codex ejusdem Carthusiæ. *Stephanus de Chalmeto, nobilis genere, nobilior pietate, fuit Portarum monachus anno 1135. Nonnulla pia opuscula conscripsit, et epistolas ad diversos, ejus sanctitatem redolentes, transmisit. Diversus est hic Stephanus a primo et quarto ejusdem nominis prioribus Majorevi et utroque junior. Nam Stephanum Majorevi primum priorem obiisse certum est 4 Januarii 1118. Quartus autem præesse cepit anno 1130 vel 1131. Dubitari verisimilius possit, num Stephanus de Chalmeto, idem ipse sit Stephanus prior Portarum, cujus mentio in Bulla Alexandri papæ III, Portensibus data anno 1171, qui erat ab ejus conversione ad vitam monasticam annus 36 vel 37. Cæterum, S. Sulpicii domus, cujus novitios spectat hæc epistola, diocesis Bellicensis fuit, ordinis porro Cisterciensis; fundata ab Amedeo, Sabaudix comite, anno Christi 1130, ex Pontiacensi monasterio monachis eo deductis; ut docent foundationis tabulæ antiquæ, apud Sannuelem Guichenon, virum eruditum, in Historia Bressiæ et Bugeyi. Certe hos novitios, ad quos scribit Stephanus de Chalmeto non fuisse Carthusienses vel ex illis ejus verbis intelligitur; Quia vero quidam, cum ad nostrum vel vestrum propositum venerint, solent vel de nostro ad vestrum, vel de vestro ad nostrum suspirare; ne vero et nobis hujusmodi suggestionibus tentator illudat, audiamus Apostolum dicentem: Unusquisque in qua vocatione vocatus est, in ea permaneat (I Cor. vii, 20).*

Fuisse tamen per hæc ipsa tempora ejusdem tituli domum aliquam ordinis Carthusiensis, ex eo probari videtur quod circa annum Christi 1130, Guigo primariæ Carthusiæ quintus prior, statuta sui ordinis a se recens conscripta nuncupavit Bernardo Portarum, S. Sulpicii et Miloni Majorevi prioribus.

Quomodo enim disciplinæ suæ domesticæ arcanas A leges homini externo recognoscendas vir prudentissimus transmitteret? aut quomodo cum duobus Carthusianis prioribus tertium Cisterciensem illarum arbitrium esse pateretur? Hujus S. Sulpicii Carthusiæ vestigia etiamnum superesse nonnulli affirmant, haud procul abbatia S. Sulpicii Cisterciensium, in diœcesi Bellicensi, loco ejusdem montis abditissimo ac pene inaccesso, quem hodieque ab indigenis Carthosam vocitari dicunt. At Guichenonus, in Historia citata, exstare ait in episcopatu Gratianopolitano monasterium quoddam S. Sulpicii nomine, quod olim Carthusiensium fuisse asserit. Hæc si vera sunt, harum Carthusiarum alterutri ille (opinor) præfuerit Humbertus prior, cujus in statutorum præfatione meminit Guigo.

V. *Alexandri Papæ III epistola ad Arthaudum priorem Arverriæ, de schismate sui temporis.*

Hujus epistolæ pontificiæ autographum vetus perlegimus ipsi in Carthusia Arverriæ. Celebrato Turonis concilio ad annum c. 1163, Alexander papa ad civitatem Senonensem moraturus accessit, quoniam ipsa metropolis valde formosa erat et fertilis. In quo loco a Kalendis Octobris usque ad Pascha secundi anni moram diuturnam faciens, universalis Ecclesiæ negotia inibi pro sui debito officii tractavit. Sic Acta hujus pontificis, ex codice Vaticano, apud Baronium anno Christi 1163, num. 18. Cum igitur ex his constet Alexandrum pontificem in civitate Senonensi habitasse, a Kalendis Octobris anni 1163 usque ad Pascha anni 1165, et data sit hæc ad Arthaudum epistola, Senonis quarto Kalendas Martii, quam diem ibidem egit annis duobus consequentibus; dubium hæret an ad annum 1164, vel 1165, referenda sit.

De Arthaudo, sive Artholdo priore Arverriæ (qui ut beatus apud suos colitur pridie Nonas Octobris) hæc in sacris fastis adnotata sunt: *Vir Dei Arthaudus, ex Carthusiano grege ad Bellicensem præsulatum aretatus, senio confectus ad claustrum sui quietem rediens, in Arverriæ eremo in pace Deo spiritum reddidit.* Episcopus Bellicensis post Rainaldum fuisse scribitur, ad anno Christi 1184 ad 1190. Exinde privatus vixit ad ultimam usque ætatem, et annum Christi 1206. Sane cum illum in eremo Arverriæ latentem invisit S. Hugo episcopus Lincolniensis (æstate nimirum anni 1200), processerat in diebus suis, ut Vitæ S. Hugonis auctor, ejus æqualis, qui et addit: *Nec dissimiles erant animi pontifici nostro, licet in ætate dissimili.* Nimirum sexagenarius tum erat S. Hugo, quatuor fere ante obitum suum mensibus, cum erat affectæ jam ætatis B. Arthaudus, ac fortasse nonagenario major. Interim vel ex hujus epistolæ argumento intelligis, quam vere affirmet antiquus scriptor Vitæ S. Anselmi, cap. 15, adjutum maxime a Carthusianis atque a Cisterciensibus Alexandrum papam, in negotio schismatis perquam difficili: quod et ex Gaufrido Alæcumbæ abbate colligere possis, in Vita S. Petri archiepiscopi Tarentasiensis.

VI. *Appendix, probattones continens eorum quæ de primis tribus Bernardis Portarum prioribus, et his illigato Nantelmo, ad hujus præfationis numerum secundum disputata sunt.*

Hic moram facere possit, ad hujus Appendixis n. 4, diploma Rainaldi Lugdunensis archiepiscopi, de nomine et origine Majorevi, et quæ in eo describuntur superius ævum spectantia. Vidimus certe his oculis in archivo Majorevi, tabulas Rainaldi autographas, datas Aprilii mense anni 1213, et ejus sigillo munitas. Ut minime dubium sit, quin si in probando excutiendoque Valentiniani privilegio peccatum est, id erroris Rainaldo ipsi archiepiscopo, aut ejus cancellario tribuendum sit. Nec tamen a Rainaldo describuntur Valentiniani ipsius tabulæ, sed quædam tantum beneficii ab eo in Majorevum collati declaratio, quæ pluribus post Valentinianum sæculis a tabellione quopiam, apud Isernoros, sive Isarnodorum conscribi potuit; ac meminisse privilegii Majorevo jam olim concessi. Quod refert adnotasse, ne quis hic ascriptionem consulatus, aut cæteram rescriptorum imperialium formam desideret; vel causetur absentiam Valentiniani ab Isarnodoro (Insulæ Gallicæ et Sebusianorum, seu mavis Segusianorum oppido) anno 385, cum Gallias obtinente Maximo tyranno, Valentinianus sese in Italia contineret. Nam datum esse potuit a Valentiniano privilegium Romæ, aut Mediolani, aliove Italiæ loco, quod longo tempore datis Isarnodori tabulis declararetur. Hujus vero declarationis si Rainaldus archiepiscopus aurei sigilli a se visi emblemata descripsisset, de fide illius atque antiquitate liberet ratiocinari. In cæteris, quod scriptum falsi redarguat, nihil agnosco. Cæsus est dolo Arbogæstis Valentinianus junior, anno imperii sui 17, Arcadio II et Ruffino consulibus; et quidem (ut notat Epiphanius in libello de mensuris et ponderibus) Idibus Maii, die Sabbati, pridie Pentecostes quæ tum in xvii Kalendas Junias incurrebat, quæ omnia annum designant æræ Christianæ 392. Sed jam pridem inter Arbogastem et Valentinianum invaluerant odia et suspiciones, ut colligere est vel ex Zosimo, libro quarto. Inierat Valentinianus idem post mortem patris cognominis, a die x Kalendas Decembris, anno Christi 375, P. C. Gratiani III et Equitii decimo post anno, Christi 385. Majorevi Valentiniano a cubiculis, tentari jam potuit fides ab Arbogaste, ac probatæ regia merces decerni. De Jovino Popa templi Montis ægrorum, cujus ad coerceda latrocinia Majorevum castrum exstructum dicitur, illum ego non alium fuisse censeo a Jovino, qui dudum promotus a Juliano per Gallias magister armorum (ut ait Ammianus lib. xxvi) in eodem munere magistri utriusque militiæ, sequentibus aliquot imperatoribus fidam operam navavit. Qui et consul cum Lupicino ad annum æræ Christianæ 367, quo etiam anno Remis data sunt ad eum duo rescripta Valentiniani et Valentis Imp. leg. 9 et 10 Cod. Th., *De re militari.* A quo et originem duxit uxor Consentii, de qua sic Sidonius in Narbone (carm. 23):

*Hæc summi ingenii viro, simulque
Summæ nobilitatis atque formæ
Juncta est femina, quæ domum ad mariti,
Frisici insignia transferens Jovini,
Implevit trabes larem sophistæ,*

Qui et *Christianissimus* in testamento S. Remigii, et apud Flodoardum lib. 1 Hist. Remensis, cap. 6, illiusque Remensis basilicæ fundator, quæ olim a Beato Agricola, nunc a Sancto Nicasio nuncupatur. Cujus etiam ibidem anniversaria memoria recolitur ad VII Idus Septembris. Unde et minime dubitandum reor quin huic ipsi Jovino excisum fuerit monumentum marmoreum, quod nunc post primarium templi ejus ostium, ad dextram, aliquot columnis impositum visitur: cujus monumentis emblema ex æneo typo expressum edidit, et eleganti commentario illustravit Tristanus Sanctamantius in Hadriano. Sed huic additum velim, non veram aliquam ferarum infectionem olim a Jovino peractam signis illis representari, sed symbolicam duntaxat, et emblematicam. Vix enim quis credat confectum leonem ab homine Gallo, cujus nec ab Amuniano, libris XXI, XXII, XXVI et XXVII (ubi de illo agit), nec ab aliis scriptoribus, extra Gallias, Italiam, Germaniam et Britanniam (quæ regiones leonum feraces non sunt) res gestæ ullæ memorantur. Aprum autem, aut dammam, aut cervum venabulo confluisse, et viri Christianissimi, et militum magistri frigida sane laus erat, neque digna quæ tam operoso mausolæo ad sempiternam memoriam omnibus posteris commendaretur. Cum igitur legam apud Anmianum locis citatis, in iis quas diximus regionibus non semel a Jovino perdomitos Romanorum hostes; et apud Prosperum lib. III, De promissionibus et prædictionibus, cap. 38, *Theodosii religiosi principis imperio, per Jovinum et Gaudentium comites omnia templa exspoliata*; intelligo demum cur ille in æterno marmore, et aprî, et cervi, et damæ, et leonis domitor exhibea-

A tur; quibus feris vel barbaros populos ab eo profugatos, vel exauctoratos suisque exturbatos sedibus cacodæmones apte designari negaverit nemo. Simul deprehendo cur fuerit Jovinus a Majorevo contumeliose appellatus. Erat scilicet Majorevus, ut plerique qui tum vel palatinam vel castrensem militiam profitebantur, more majorum suorum, idolorum cultui addictus. Graviter ferebat a Jovino disturbari idola, ac eorum delubra opibus suis atque ornamentis spoliari. Illum idcirco nefarium et ferocem appellavit Popam templi Montis ægrotum: adeo tamen præpotentem eum agnoscens, ut ab ejus invasionibus, etiam castro exstructo cavendum sibi putaret. Ethnici nimirum et militaris hominis est convitiium istud: Excubare in Æsculapii templo solitos ægrotos innuunt Solimus cap. 7, Polyhistoris, et Plautus in Curcutione. Æsculapio autem consecratum fuisse templum in monte Lybiæ, testatur Trismegistus in Asclepio: et fere id observatum ab antiquis, ut Æsculapio templa, et in montibus ad auræ salutem, et haud procul ab aquis ad ægrotorum comoda constituerent. Plurima hodie castra *Aigremont* Gallorum vulgus nuncupat, quod est Mons ægrotum, ex eo quem dixi ritu. Fuerat fortasse Jovinus noster aut alicui Æsculapii templo quondam præfectus, priusquam Christo se addiceret, aut jam Christianus nosocomium aliquod excelso loco, cum æde sacra, ritibus Christianis fundaverat. Hinc Popa templi Montis ægrotum Majorevo dictus, per ludibrium, ac per contumeliam; quia templa idolorum, Christianissimi principis jussu pessumdabat. Hæc satis, ex conjectura, ne Rainaldi Lugdunensis archipræsulis prudentiam temere redarguas, qui fidem habere visus est huic diplomati de castro Majorevo; in quo Carthusiensibus domus posita est, jam ab anno Christi 1116, inter domus totius ordinis secundum foundationis antiquitatem sexta.

LIBER DE QUADRIPERTITO EXERCITIO CELLÆ

AUCTORE, UT VIDETUR, GUIGONE, PRIORE CARTHUSIÆ, EJUS NOMINIS SECUNDO.

Ex mss. codicibus Carthusiæ Portarum, et Carthusiæ Parci.

PROLOGUS.

Reverendissimo domino, et Patri in Christi visceribus dilectissimo, B. priori pauperum Christi, qui in Wittheam commanentes, ordinem sunt Carthusiensem professi, Dei servorumque Dei servus indignus, spiritualis uteri vestri filius, in præsentî sanctitatem in merito, et in futuro felicitatem in præmio.

Si vocare liceret in jus vel patrem suum filio, vel dominum servo, nonnihil (mi Pater reverende)

D mea fortassis parvitas haberet, super quo nec injuste, ut sibi videtur, in vestram sub iudice magnitudinem agere posset. Nam ecce dum attendit potens auctoritas vestra, quid in me sibi liceret, attendere quoque supersedit moderamen discretionis vestræ quid infirmitas mea valeret. Hinc prædicator egregius, cum omnia sibi asserat licere, negat nimirum omnia expedire. Ut enim quod pro tempore et loco, pro causa et negotio pertinet ad rem, imponat jubendo pater filio, et prælatus subjecto, sententiæ

quidem est : sed videndum prius si ad ferendum quod imponitur , tam unus quam alter quantum ad scire et posse sufficiens est. Sane velle nunquam debet deesse , ne tunc quidem cum scire et posse contingerit non adesse. Hæc idcirco prælibavi , quia in junxit veneranda paternitas vestra mihi , ut scripto conarer ostendere quibus potissimum exercitiis in cella debeat intendere , qui sanctum ordinem Carthusiensem professus , in ea debet solitarius manere : nec aliquo de ea tempore , nisi causis rationabilibus exigentibus (quæ juxta ejusdem ordinis tenorem expressæ sunt) occasione aliqua exire. Utile (ut verum non diffitear) opus ; sed ad id solus sufficit expertus. Ego autem non ignoro ad hæc me idoneum non esse , qui scio quidem mel esse dulce , sed magis audita quam gustu. Scio etiam , ut ait philosophus ille , quod nescio , videlicet hæc dicere ex sententia. Nec scio ore meo loqui , quasi legens quod Prophetam fecisse ejus notarius asseruit. Certe de Sapientia *perditio et mors dixerunt : Auribus nostris audivimus famam ejus (Job xviii, 22)*. Nunquid oculis viderunt decorem ejus ? nequaquam. Nunquid faucibus suis perceperunt suavitatem ejus ? ne hoc quidem. Solus in eis ad famam viguit auditus , sed nec ad speciem visus , nec ad dulcedinem gustus. Et ego quid loqui digne possem de dulcedine cellæ , quem constat (sicut negare non valeo , sic nec volo) aliquid de ea vel tenuiter audisse : quæ vero , qualis quantave sit , vel nihil omnino , vel modicum certe aliquando expertum fuisse ? Verum ardiculandi currere peccatum et scelus idololatriæ metuens ; et magis deprehendi ea vacuus quæ inflat , quam quæ ædificat , eligens ; vim mihi ipsi inferens , ut jam essem volens , qui ante fueram nolens ; institi ut potui : docens quod non didici , et tradens quod non accepi. Consequens proinde est quod nisi ad excusandam hanc magnam in me temeritatem et præsumptionem , obedientia cum charitate , charitas cum obedientia procedat ; illis jure debeam adnumerari , quos asserit Apostolus esse conversos in *vaniloquium : volentes esse legis doctores : non intelligentes neque quæ loquuntur neque de quibus affirmant*. Sed esto. Ecce factus sum insipientis , sed sapienter ; quia vos me coegistis. Inde est quod si accusat præsumptio , sed excusat coactio. Nam etsi a me silentium exigit imperitia mea , sed os meum aperuit jussio vestra. Inde mecum actum est quod silere timui , qui loqui erubui : magis volens per imperitiam locum in me dare confusio , quam pro eo , si resisterem potestati , ac perinde et Dei ordinationi , subijci damnationi. Igitur vestrum pro posse aggrediens exsequi præceptum , applicare curavi et studio animum , et calamo manum , et quod mihi de hac materia ad præsens occurrit , pro eo quod ut de ea tractarem , vestra me paternitas compulsi ; sicut in studio deprehendi sic scripto digessi. Quia vero in rigore capituli generalis , quod singulis apud Carthusiam annis convenientibus in eodem loco de longe et de prope ejusdem ordinis prioribus , teneatur vigor totius ordinis et robur consistere non de-

bitatur : ab eo hujusmodi locutionis curavi exordium sumere. Sicque in quibus ipsa ordinis summa consistat ; et maxime quæ illa sint sanctæ religionis exercitia , qui lus inhabitator cellæ intendere debeat : assumptis hinc inde (prout ratio exigebat) sacre Scripturæ testimoniis , conatus sum pro posse demonstrare. Sunt autem quatuor exercitia illa , studium sacre lectionis , maturitas defecata meditationis , devotio puræ orationis , strenuitas utilis actionis. Quatuor hæc : major horum oratio est. Hinc est quod huic libro hunc titulum , videlicet *De quadripartito officio cellæ* dignum duxi præponendum , nisi forte paternitati vestre aliud fuerit visum. Capitula quoque ante libri exordium universa posita sunt , eo quoque ordine quo sibi invicem succedunt : ut cum aliquid quæritur , absque omni statim difficultate reperiat. Non solum autem , sed et in ipso libro , eadem capitula in locis sibi singula convenientibus apponuntur ; ut cum præfixum capitulum attenditur , unde tractet quod sequitur evidenter agnoscat. Accipiat jam dilecta mihi in Domino paternitas vestra munus quidem parvum , non parva tamen ejus devotione oblatum : et si fortè non multum in eo viderit quod ipse jure debeat approbare , devotam saltim offerentis voluntatem dignetur acceptam habere. Obsecro etiam vos ut pro eo quod , omissis aliis quibusdam quibus intendere mihi dulcius esse (etsi forte non utilius) vestram sum , etsi non ut cæbui , certe ut potui , jussionem exsecutus , hanc mihi pro labore meo mercedem reddatis , ut in orationibus vestris mei reminisci velitis : sitque remuneratio promptæ obedientiæ meæ , instantia pro me ad Deum orationis vestræ devotæ. Venerandam paternitatem vestram Deus omnipotens Pater , per dilectum Filium suum , in sancto utriusque Spiritu ab omni malo custodiat , diesque vestros in sua pace disponat , atque ab æterna damnatione vos eripi , et in electorum suorum jubeat grege numerari. Amen.

CAPITULORUM SERIES.

I. *De modo et causa adventus priorum ordinis Carthusiensis ad annum capitulum , et de triplici fructu adventus eorum.*

II. *De suavitate sublimi , et sublimitate suavi , quæ in ordine Carthusiensi in tribus specialiter consistit.*

III. *De spiritali conversatione fratrum Carthusiensium in qua evnt post Christum , per Christum , ad Christum.*

IV. *Quid spiritaliter debeat accipi per vilitatem et asperitatem habitus Carthusiensium , et de paupertate victus eorum.*

V. *De puritate contemplationis internæ , quæ ad cellæ potissimum solitudinem spectat.*

VI. *Qualiter suavis cellæ quies , et quieta ejus suavis in quibusdam sacre Scripturæ locis expressa sit.*

VII. *De eadem quiete cellæ : qualiter per viros sanctos a Moyse usque ad Isaiam ejus secretum sit expressum.*

VIII. De quibusdam viris sanctis qui fuerunt ab A
Isaia usque ad Christum : et de quibusdam qui fue-
runt post adventum Christi, qualiter per eos figurata
sint cellæ quies.

IX. De quiete cellæ; et quod non expedit ei qui in
ea habitat, ut curiositate temeraria nimis diu extra
eam moretur.

X. De eo quod cella, ab eo qui eam inhabitat, jugi-
ter tenenda est; et quod ei periculum eveniat si
temerarie ab ea fuerit egressus.

XI. De magnis multisque periculis quæ ille incurrit
qui habitator est cellæ, et de illa male exit; et de eo
quod magnam animæ sanctæ confert quietem plena
et perfecta abjectio sæcularium rerum.

XII. De sæcularium (cui precipue intendunt Car-
thusienses) negotiorum et sollicitudinum ac possessio- B
num abiectione.

XIII. De loco sanctæ voluptatis, et de spirituali
fuga sancti Job.

XIV. Quomodo spiritualiter egrediebatur fluvius de
loco voluptatis ad irrigandum paradisum : et quis ille
fluvius sit.

XV. Quod qui ad annum conveniunt capitulum
priors, ordinis debent diligenter intendere renova-
tioni : et de quatuor exercitiis sanctis, quibus solli-
cite studere debet omnis qui in cella vult fructuose
commorari.

XVI. De commendatione cellæ, et de quatuor ca-
pitibus illis in quæ fluvius dividitur qui ad irrigan-
dum paradisum de loco voluptatis egreditur

XVII. Quod qui habitator est cellæ, omnem debeat C
illicitam devitare locutionem : et quæ illa sint bona ad
quæ ros sacra lectio provehit.

XVIII. De generibus sanctarum meditationum, quibus
intendere debet qui in cella solitarius sedet : et de
studiosa sacræ Scripturæ recordatione.

XIX. De illo meditationis modo qui in animo me-
ditantis, timoris gignit causam et doloris, qui in octo
modos dividitur.

XX. De generali resurrectione mortuorum, et
pænis damnatorum, et qualiter repelli debeant illi
octo modi, in quibus timoris existit causa et doloris.

XXI. Qualiter in animo meditantis, timor expellit
elationem; et de tertio meditationis modo, qui occa-
sionem administrat amoris et consolationis.

XXII. De quarto meditationis modo, qui causam
gignit in animo meditantis, pietatis et compassionis :
et quod quædam quæ videmus ab aliis mala fieri,
magis debeamus intra nos plerumque excusare quam
temere iudicare.

XXIII. Qualiter quintum meditationis modum op-
ponere debeamus in mente nostra, contra illam qua
jugiter pulsamur tentationem carnis, et diaboli, et
mundi.

XXIV. De tædio quod aliquis patitur qui cellæ
habitator est : et quomodo illud a se repellere, sequè
renovare et reparare possit.

XXV. De his quæ in carne operatus est Christus;
et de laboribus sanctorum suorum.

XXVI. De septimo meditationis modo, qui stupor
in mentis meditantis causam gignit et admirationis:
et de eo quod per ea quæ facta sunt conspicitur ip-
sè qui fecit.

XXVII. De vocibus et locutionibus quas anima
spiritualiter audit : et qualiter anima ad imaginem
Dei facta sit, et quem motum suscipiat, et cuius mo-
tus susceptibilis non sit.

XXVIII. De illis beatis spiritibus, quæ videlicet
illa sint quæ ad eos pertinent; et quid de illis in pura
meditatione sua, cellæ debeat intra se habitator re-
volvere.

XXIX. De illo meditationis genere quod intra nos
in ipsis intimis cordis nostri debemus habere, cum de
Deo studemus cogitare : et qualiter de illo nos decet
et liceat sentire.

XXX. De Trinitate personarum, de unitate sub-
stantiæ quæ Deus est, et quod præiudicium aliquod
nec Trinitati unitati, nec unitas facit Trinitati.

XXXI. De diligenti sollicitudine, et sollicita dili-
gentia quam orationi nostræ quando ei incumbimus
debemus impendere : et de magna instabilitate qua
in corde, orationis tempore, per otiosa et nociva, di-
persis cogitationibus nostris misere ac miserabiliter
fluctuamus, et per innumera evagamur.

XXXII. De mentis evagatione, quam nobis orationis
tempore inesse sentimus : et qualiter et quare per
tertium qui de loco voluptatis egreditur fluvium, qui
et Tigris vocatur, orationis accipienda devotio sit.

XXXIII. Quales nos exhibere debeamus priusquam
ad orationem accedamus, ut cum ad eam venerimus,
sic eam Deo offeramus, ut ipse eam sibi acceptam,
et nobis misericorditer efficiat fructuosam.

XXXIV. De eo quod cum ad orationem accedimus,
et illis qui in nos deliquerunt, ex puro corde dimitte-
re, et si sunt qui habent aliquid adversum nos, plene
eis ac perfecte reconciliari debemus.

XXXV. De quatuor cogitationum generibus, quæ
nobis necessarium est in mente habere, si pure, et de-
vote, atque fructuose Dominum volumus orare.

XXXVI. De opere manuum, cui debet cellæ in-
habitator intendere, et quibus horis spiritualibus exer-
citiis, et quibus insistere debeat manuum operibus,
et de pluribus aliis quæ ad eundem cellæ incolam
pertinent. D

CAPITULUM PRIMUM.

De modo et causa adventus priorum ordinis Carthusiensis ad annum capitulum, et de triplici fructu adventus eorum.

De adventu venerabilium Patrum nostrorum, or-
dinis Carthusiensis priorum ad annum capitulum,
magnus ordinis ejusdem universitati provenit fru-
ctus. Sane conveniunt in eremo Carthusiensi sicut
omnes ex locis diversis, sic et multi eorum ex lo-
ginquis. Et ut non diffiteamur quod verum est,
conveniunt non sine magno [Cod. Parci, multis]
labore, cum ingenti devotione, sed hilaritate, sed
alacritate, sed humilitate, sed simplicitate, sed be-

nignitate, sed pietate [Cod. Parisi, puritate], sed A charitate. Et hæc quidem adventus illorum est causa. Primum quidem ut ostendant debere se promptam et humilem (sicut decet tam sinceræ conscientiæ viros) antiquæ ordinis institutioni obedientiam exhibere. Ipsa nimirum est qua tenentur annis singulis, tempore illo quo generale teneri debet capitulum, in prædicto loco convenire. Excipiuntur quoque illi qui ne forte plerumque possint adesse, justam habuerint occasionem et causam, eisque ut remaneant, ab ipso fuerit discrete capitulo ac misericorditer indulutum. Secundo vero, ut sese in omni jucunditate spiritali, etiam corporaliter videant, mutuamque in invicem dulcissimæ in Domino fraternitatis charitatem magis ac magis adaugeant. Tertio quoque ut ordinem quem sunt professi, pro posse ac posse suo, cum zelo secundum scientiam, discretionem prævia ex communi consilio et assensu reparent, et in statu bono solident ac confirmet. Et tam in destruendo noxia, quam in construendo utilia, intentos se in omni secundum Deum et sollicitudine fervida, et fervore sollicito exhibeant: sicque illum in hoc gemino salutis opere studiosè imitentur, quem ad hoc constituit Dominus super gentes et regna, ut evelleret, et destrueret, et disperderet, et dissiparet, et ædificaret, et plantaret. Et est funiculus triplex, quo ligati in Christo Patres et Domini nostri conveniunt; fortitudo humilitatis profundæ, dulcedo charitatis fraternæ, sollicitudo curæ sibi commissæ. Qui nimirum difficile rumpitur, imo penitus impossibile ut in sanctis duntaxat viris rumpatur, roborante eum Domino, ac in sua magis ac magis integritate conservante. Cum enim ipse dicat humilitatis amator et auctor: *Discite a me, quia mitis sum et humilis corde* (Matth. xiii, 29), nimirum quos constat perseveranter usque in fluentem veritatis esse discipulos, patet et eos consequenter suavi humilitatis esse vinculo ligatos. Item cum juxta Apostolum: *Qui proximum diligit, legem implevit* (Rom. xiii, 8); et ut idem in continenti concludit, *plenitudo ergo legis est dilectio* (Job 10); liquet aperte hujus apud illum funiculi integritatem in nullo posse dissolvi, apud quem imo intra quem fraternæ constat charitatis perfectionem non minui. Et de eo quid possumus, sive quid debemus dicere, D qui præest in sollicitudine? Nonne pastoribus vigilantibus, et custodientibus vigiliis noctis supra gregem suum, angelus stat juxta illos, et claritas Dei circumfulget illos? Patet quia non timent sibi ab aliqua læsione, qui juxta se habent angelum stantem; non ab aliqua obscuritate, qui claritatem nihilominus Dei habent se circumfulgentem. Et unde eis hæc duo eximia bona? Inde utique quod vigilabant, et vigiliis noctis supra gregem suum custodiebant. Porro sic vigilare sicque custodire, quid est aliud quam mala destruere, bona vero construere?

CAPITULUM II.

De suavitate sublimi, et sublimitate suavi quæ in ordine Carthusiensi in tribus specialiter consistit.

Diximus aliqua de modo et causa adventus dominorum ac Patrum nostrorum, priorum videlicet, ad generale capitulum, et quis de hoc eorum adventu proveniat fructus. Nunquid eis tali modo talique ex causa convenientibus dicendum esse putamus, quod quibusdam Corinthiorum dicit Apostolus, videlicet quod *jam non est Dominicam cœnam manducare?* (I Cor. xi, 20.) Absit. Imo sic convenientibus eis in unum jam est Dominicam cœnam manducare! Cœnam diximus Dominicam, non Holophernis, quæ plena est voluptate: sed nec Herodis, quæ polluta est sanguine; sed cœnam Domini, in qua munditiæ linteo præincti, pedes suorum lavent discipulorum, qui sunt affectiones et intentiones eorum. Et con-surgentes diluculo, atque offerentes holocausta per singulos, obstant omnibus quibus potuerint modis, ne forte peccent, et benedicant Deo in cordibus suis. Sicque digni erunt ut ad illam cœnam, quam homo quidam fecit magnam, perveniant. Ipsa est ad quam ne velint venire, adhuc hodie multos impediunt, et villa vanitatis, et jugum quinaræ curiositatis, et uxor voluptatis. Igitur faciant hi viri sancti quam sollicitè, prout possunt, propter quod conveniunt. Ordinis institutioni obediunt in eo quod conveniunt: convenienter vero se invicem corporaliter visitant, sicque mutuum in se fraternæ charitatis amorem multiplicant. Superest jam ut tertiam pro qua conveniunt causam adimpleant. Quod nimirum faciunt, cum de ordine colloquentes, tam extirpare quæ eis apparuerint mala, quam apponere quæ bona, et in devotione sollicita, et sollicitudine devota, simul universi studeant. Igitur egrediatur fluvius de loco voluptatis, ad irrigandum paradisum. Quid putamus nos posse convenienter per hunc accipere paradisum juxta tropologicum, secundum quem incedere proponimus, sensum? Accipiamus per eum, ordinis quem professi sumus suavitatem in Domino sublimem, et sublimitatem nihilominus suavem, nisi forte alicui aliud visum fuerit quod melius, verius et congruentius sit. Certe si quid aliter quis alius sapit, et hoc ei Deus revelavit. Et nobis videtur quidem sic posse non interim sentire absque præjudicio duntaxat sententiæ melioris. Intuemur enim quæ, et qualis, ac quanta utriusque boni hujus in eo prærogativa sit: unde est quod sic audentur sentire. Non solum autem, sed et illud nonnunquam, etsi perraro, vel tenuiter nobis experiri datum. Sane consistit hujus gemini boni prærogativa in his tribus: in externa exercitatione, in jugi solitudine cellæ, in plena hujus sæculi abjectione. Itaque commendant præcipue quoque ordinis, quem paradiso assimilavimus, sublimitatem suavem, et suavitatem nihilominus sublimem, inter cætera multa et magna, quæ ei insunt bona, probabilis externa exercitatio, jugis cellæ solitudo, perfecta sæculi abjectio. Tria hæc. Major autem horum est cellæ solitudo: et ideo major, quia ipsa est quæ nec utilis esse valet exercitatio externa, nec sæculi abjectio perfecta. Si quidem ut illa tam Deo quam hominibus placere,

et eam exercenti prodesse queat, occasionem et casusam præstat, et istam absque consumptione consummat. Nos autem, ut primum hoc magnum bonum vel breviter attingamus, ad externam exercitationem referimus vilitatem, asperitatem, parcitatem; vilitatem in habitu, asperitatem in cilicii usu, parcitatem in victu.

CAPITULUM III.

De spirituali conversatione fratrum Carthusiensium, in qua eunt post Christum, per Christum, ad Christum.

Et nunc obsecramus vos, Patres in Domino venerandi, et fratres dilecti, ut æquanimiter sinatis nos in medium proferre, et in altam efferre religiosam et sanctam conversationem vestram. Et hoc ad vestram quidem quantulamcumque consolationem, sed est ad illius potissimum gloriam et laudem, qui ei est causa pariter ut sit, et forma nihilominus ut talis sit. Ipse est quem Pater sanctificavit, et misit in mundum (Joan. x, 36), ut vivamus per eum. Quod tunc fit cum sapientis oculi, ut ait Ecclesiastes, in capite ejus (Eccle. II, 14); ut (sicut monet Joannes) qui se in eo manere dixit, ambulet sicut ille ambulavit (Joan. II, 6); unde et hæc vox ejus: Nemo venit ad Patrem nisi per me, sed et ista est quæ tunc temporis dicta est: Non vultis venire ad me, ut vitam habeatis? (Joan. XIV, 6.) Duobus quoque fratribus, quos hominum fecit piscatores, venite, ait, post me (Math. XI, 28), o, post me, o, per me, o, ad me, His tribus viis ambulatis et vos, venientes post eum, venientes per eum, venientes denique ad eum. At itaque, post me, per me, ad me. Quare nobis, o dulcis et bone Jesu, eundem est post te? Utique quia via es. Et quare per te? nimirum quia veritas es. Quare etiam ad te? certe quia vita es. Ego, inquit, sum via, veritas et vita (Joan. XIV, 6). Verum est hoc, quia tu via, tu veritas, et tu vita; via plane in exemplo, veritas in promisso, vita in præmio. Via nobis es, o mediator Dei et hominum, Deus et homo, Christo Jesu, in humanitate tua, quam de nobis sumpsisti pro nobis, quia sanctæ nobis in ea monstrasti conversationis exemplum. Vita nobis es in divinitate tua, in qua Patris es coæqualis, coæternus, et consubstantialis. Quia sicut habet ipse Pater vitam in semetipso (Joan. v, 26), sic dedit tibi Filio vitam habere in teipso. Dedit, quia genuit. Nequaquam dedit Filio quod ante non habuit: sed illud dare, ab æterno gignere fuit, imo est. Et dedit vitam, non qualem aliam quam illam quæ ipse est, ut sit vita data a vita, Filius genitus a Patre, Deus de Deo, lumen de lumine; et una eademque vita ille qui dedit, et ille cui dedit, sicut non alius et alius, sed unus idemque Deus, et gignens et genitus. Inde est quod sicut habet Pater in semetipso, sic dedit et Filio habere in semetipso, ut credamus quia non est genitus gignente posterior, sicut nec gignens genito prior, licet a nullo Pater sit, quia est Pater; Filius vero a Patre sit, quia est Filius. In eo quod audivimus, quia sicut habet Pater vitam in semetipso, sic

dedit et Filio habere in semetipso (Joan. v, 26), intelligimus quia unum sunt et coæquales, et coæterni, et substantiales Pater et Filius. In sola vero hujus vitæ visione et participatione, et gaudii nostri plenitudo, et tota nostra consistit beatitudo. Porro veritas es, o bone et benigne Jesu, in utraque natura tua, et assumente et assumpta, quia quod nobis promittis homo, reddis Deus. Vos itaque, o domini et fratres nostri, vos, inquam, itis post ipsum; itis et per ipsum, ut perveniatis ad ipsum. Sic ire desiderabat ipse, cujus erat oratio hunc habens modum: Deduc me in via tua, et ingrediar in veritate tua. Lætetur cor meum (Psal. LXXXV, 11). In hac via sinceritas est in rectitudine; in hac veritate claritas est in cognitione; in hac lætitia, vera felicitas est in beata et beatificante Dei visione. Idem etiam eundem in alio psalmo alloquens: Tenuisti, ait, manum dexteram meam, et in veritate tua deduxisti me, et cum gloria suscepisti me (Psal. LXXII, 24). Tenuisti, deduxisti, suscepisti. Tenet vestram dexteram manum qui via est, ut eatis post ipsum; in bona voluntate sua deducit vos, qui veritas est, ut eatis et per ipsum, cum gloria quoque suscipit vos qui vita est, ut in fine perveniatis ad ipsum, et sine fine sitis cum ipso. Et quidem vera esse verba hæc clamare non cessat excellens religio vestra. Volitat de ea longe lateque fama bona. Vos autem modis omnibus studete ut non sit inferior illa, sancta conversatio vestra: Alioquin si falsa fuerit, quod absit, quæ de vobis dispergitur fama, quid ni infamia erit? Non solum autem, sed et ruboris maximi erit occasio et causa. Ut enim Boetius dicit: « Qui falso prædicantur, suis ipsi necesse est laudibus erubescant (De cons. phil. I, III, pr. 6). » Idcirco providete ut qui de vobis audiunt quæ probabilia sunt, hoc de vobis dicere possint; quod de se dudum confessa est regina Saba illi magnifico regi Salomoni: Probavi, inquit, quod media pars mihi nuntiata non fuerit (III Reg. x, 7).

CAPITULUM IV.

Quid spiritualiter debeat accipi per vilitatem et asperitatem habitus Carthusiensium; et de paupertate victus eorum.

Superexcellens quoque hæc conversatio vestra penitus est a mundo et his quæ sunt mundi segregata: unde et jure valet, et debet paradisus videri, sed eam duntaxat amanti, et cum ingenti eam fervore, totis conatibus exercenti. Est itaque vilitas, est et asperitas in habitu vestro. Quid in his vester vobis habitus innuit, nisi duo illa eximia bona, solius autem Dei dona; humilitatem videlicet cordis, et mortificationem carnis? Nos enim ad humilitatem referimus vilitatem, asperitatem vero ad mortificationem. Et illa quidem tumorem in mente premit elationis, hæc autem fetorem in corpore perimit corruptionis. Hæc profecto sunt duo pravitatis sæe vincula, quibus in reprobis antiquus ille hostis genus ligat humanum. Ipse nimirum est serpens, verus et tortuosus; pectore (ut in translatione veteri legitur)

repens, et ventre. Nam mundi ille rector tenebrarum harum, hinc quosdam erigit inaniter supra se, hinc quoque alios enerviter prosternit subtus se. Illic sic et hos sua fortitudine vincit, quam habet in lumbis suis, propter sexum superiorem; et in umbilico, propter inferiorem. Hæc autem in electis suis venit dirumpere vincula, qui de puella humili et incorrupta natus est, humilis ille Dei hominumque mediator, et sanctus, docens eos super jumenta terræ, et super volucres cœli: erudiens eos. Quod etiam in ipsa cruce sua et morte excellenter expressit. *Mors*, inquit, *turpissima condemnemus eum* (*Sap. 11, 20*). Vox est Judæorum in mortem Salvatoris conspirantium. In eo sane quod auditis eos velle condemnare illum morte, notate asperitatem: quid enim magis asperum quam mors? In eo autem quod proponunt et deliberant, ut eadem mors non modo turpis, sed et turpissima sit, ipsam vos sciatis debere intelligere crucem ejus. Quod enim magis vile genus mortis quam crux? Nam crux probrosus supplicium est. Et opprobrium referte ad vilitatem, supplicium ad asperitatem. Itaque factus Dei Filii obediens Patri usque ad mortem: et ne hoc quis modicum putaret, dignum dedit Apostolus addere, *mortem autem crucis* (*Phil. 11, 8*). Talem pro nobis mortem patiendo præfiguravit quidem in semetipso, quod notare potestis non inconvenienter in habitu vestro. Et quid hoc ad utilitatem vestram? Multum per omnem mundum. Ut humiliantes nimirum vos sub potenti manu Dei, exaltari ab eo mereamini in tempore visitationis. Simili modo spiritu facta carnis mortificantes, ad vitam perveniat. Et humilitatem (ut jam dictum est) habitus vestri vilitas, et mortificationem asperitas notat. Sane parcitas victus principi resistit coquorum, ne destruat muros Jerusalem, et ipsa profecto valde necessaria nobis; quia si verum est quod Salomon ait: *Qui delicate a pueriliis nutriti seruum suum, postea eum sentiet contumacem* (*Prov. 29, 21*). Nonne tantum, taleque possidere bonum, quemdam est possidere paradisum? Nam elevati estis supra mundum, de cujus amatore Dominus dicit, quia *Induebatur purpura et bysso, et epulabatur quotidie splendide* (*Luc. xvi, 19*). In purpura color, in colore species, in specie nitor, in nitore vanitas, in vanitate superbia est. In bysso autem mollities, in mollitie suavitas, in suavitate carnis pruritus, in pruritu titillatio, in titillatione voluptas, in voluptate luxuria est. Itaque elatum eum fuisse purpura, et lubricum byssus ostentat. Quod autem non interpolatis diebus, sed quotidie epulabatur splendide, notamus eum gastrimargiæ fuisse subditum. Vos autem non sic. Magis autem mendico illi vos assimilamus, quia et mendicare alicujus est vilitatis. Qui erat ulceribus plenus, non mendaciter eum asseruimus, quantum ad hoc in asperitate fuisse. Nam in eo quod cadentes micæ non accipit, ab eo qui epulabatur quotidie splendide longe disjunctus fuit.

CAPITULUM V.

De puritate contemplationis internæ, quæ ad cellæ putissimum solitudinem spectat.

Contuendum post hæc, quia jugis cellæ solitudo secundum bonum est, quod ad spiritualem retulimus paradisum. Certe a vero illum deviare non puto, qui jugem solitudinem cellæ dicit paradisum. Sed nunc putabit aliquis, qui quæ, qualia, ac quanta ei insunt bona per experientiam novit. Cur enim verear celam vocare paradisum, quam constat esse ipsum cœlum? Ut enim ex re nomen habeat, et id vocetur quod sonat; quid cella, nisi cœli aula? Vere Dominus in cella, quia non est ipsa aliud nisi domus Dei et porta cœli (*Gen. xviii, 17*). In ea namque angelorum fit ascensus et descensus supra Filium hominis in scala charitatis. Quod præfiguravit in se venustus vultus Rachelis decoræ; quod læta, et lætificans quies sedentis et audientis Mariæ, hoc totum habet in se jugis cellæ solitudo: et in re quidem magis quam in significatione: non in solo olfactu, verum etiam in gustu. Ignorat laboriosam turbationem Marthæ; gaudet autem vehementer super placida, sed tranquilla, sed quieta, sed suavi, sed dulci, sed jucunda, sed bona, sed serena, sed amœna, sed speciosa, sed luminosa, sed deliciosa sessione Mariæ, Et quando sufficienter quæ in hac cœli aula sunt bona poterimus admirari, enarrare, collaudare? In tantum certe et omnem eorum et magnitudo mensuram, et multitudo excedit numerum, ut ad eorum immensitatem explicandam sic aliqua lingua sit loquens; sicut est stilla parvula tenuiter cadens, ad flumen latissimum et profundissimum perenniter fluens. Num hyperbolice aut adulatorie loquimur? Absit. Imitamur namque in hoc pro posse, illum qui, ut de se dicit Neriæ filius, *ex ore suo loquebatur quasi legens* (*Jer. xxxvi, 18*): Nimirum quia lectio divina tam falli quam fallere nescia, est experientia copiosa. Ista est quæ nos ex nonnulla parte super his eruditos reddit, et certos, propter quod et loquimur. Discurremus jam ex more, si placet, per amœna et secunda prata Scripturarum, et videamus quibus et qualibus, quam pulchris videlicet et odoriferis, quam suavis et salubribus respersum habeat flosculis, hæc cœli aula, illum qui in ea est lectulum; ut possit unusquisque vestrum dicere ex sententia: *Lectulus noster floridus* (*Cant. 1, 16*). In amore quidem exercitii hujus tam salubris et religiosi studii, ostenditis vos plene scire, in quantum sancta in se solet Scriptura hanc et figurare placidam Sanctorum quietem, et approbare. Ecce, cum in protoplastum sopor immittitur formatam ex se feminam statim intuetur: et aliquid in se esse quod regat virile, et aliquid quod regatur muliebre. Quaudiu sanctus Abel intus fuit, nimirum non in morte, sed in vita fuit. Ex quo certe ad suggestionem Cain foris exiit, ipsam quoque mortem incurrit. Vox itaque Cain ista est: *Egrediamur foras* (*Gen. 1v, 8*). Est autem suggestio eorum, qui terrena illicite possident; qui et agricolæ ac per hoc terreni, non cœlicolæ

sunt; quia illos decipere nituntur, qui præsens A nomen est viventis et videntis (*Gen. xv, 11*), ut sit in anima devota, quæ ad æternæ exultationis risum festinat, et visio vivens, ne cæca caliget a vero; et vita nihilominus videns, ne pigra torpeat a bono. Dormit profugus iræ fratris Jacob, ad caput habens lapidem (*Gen. xxviii, 11, 12*), mentem in Christ: sanctosque nuntios puris intuetur oculis, in secla charitatis ascendentes et descendentes super Filium hominis; ut hinc mente excedant Deo; hinc vero sobrii sint nobis. Moritur, sed vitaliter sanctus Joseph centum et decem annorum (*Gen. l, 25*), in sanctitatis perfectione decalogum custodiens; quia et numerus centenarius perfectionem, et denarius innuit legem. Et odoriferis spiritualium virtutum aromatis conditus, deponitur intra seipsum, in interni secreti loculo, dum corpore est, in hujus sæculi *Ægypto*, et ita sit in mundo, ut non sit de mundo.

CAPITULUM VI.

Qualiter suavis cellæ quies, et quieta ejus suavitas in quibusdam sacræ Scripturæ locis expressa sit.

Delectat adhuc intendere iis quæ in manibus habemus, ut quæ et quanta sit cellæ quies demonstreminis. Ecce sanctus Enoch pro eo quod cum Deo ambulat, non apparet, quia tollit eum Deus (*Gen. iii, 24*). Quod, juxta tropologiam, quid aliud est, nisi quod illi qui soli Deo se dedicant, dum illi militant, negotiis se sæcularibus non implicant. Ut autem ei medullitus placeant cui se probaverunt, exteriora a se universa pro posse excludunt. Sic, sic, dum solis internis intendunt, in occupationis immoderate publico apparere refugiunt. Justus coram Deo Noe, ut juxta interpretationem nominis sui requiem habeat, quo vehementius inundare super terram aquas diluvii considerat, eo libentius ipsius se aræ latibulis occultat: sed et columba ubi requiescat pes ejus, foras non inventiens, intus sibi requiem quarit (*Gen. vii et viii*); quia sancta anima, simplex et Innocens, eo delectabilius in interioribus pansat, quo se studiosius omnium prorsus exteriorum delectatione evacuat. Super Abraham irrui sopor, in quo magnus eum invadit horror (*Gen. xv, 12*); et dum dici sibi verbum absconditum audit, quasi furtive auris sua venas susurri ejus suscipit. Hoc est, sanctarum cogitationum pater animus sanctus, per contemplationem quidem excelsus, eo magis plerumque in interna meditatione pavere compellitur, quo plenius ut ei libere possit intendere, omnis in eo exteriorum negotiorum cura sopitur. Sicque dum per infusionem inspirationis intimæ, in sublimitatem silenter intra se loquentis contemplationis elevatur, causas quoque ejus, et origines, occasiones, et modos in intimo sanctæ puritatis secreto delectabiliter rimatur. Sara moritur, et mortua in spelunca duplici sepelitur (*Gen. xxiii, 2, 19*). Quod utique tunc spiritualiter fit, cum in anima sancta et pura, omnium visibilibus affectum, et appetitum, plenus eorum contemptus, et abjectio exstinguit perfecta. Sicque de cætero gemino huic sancto exercitio, contemplationis videlicet defecate, et actionis egregiæ diligenter intendat: et hoc modo vitaliter mortua, in Deo vitam cum Christo absconditam habeat. Juxta puteum habitat, Isaac cujus

B loculo, dum corpore est, in hujus sæculi *Ægypto*, et ita sit in mundo, ut non sit de mundo.

CAPITULUM VII.

Item de eadem quiete cellæ, qualiter per viros sanctos a Moyse usque ad Isaiam ejus secretum sit expressum.

Pascit oves Moyses, minans eas ad interiora deserti ut magnam videns visionem, in rubo absque combustione (*Exod. iii*), ignis deprehendat ardorem. Nutrit verbo Dei cogitationes intra se simplices et innocuas animus sanctus, easque perducens ad intima secreti, puro conspicatur vere fidei intuitu: et divinam in una eademque Christi persona naturam, et humanam: et tanto talique fœdere utramque sibi invicem unitam, ut nec glorificatio consumat inferiorem, nec assumptio minuat superiorem. Non solum autem, sed in una singularis meriti puella, præcunctis quæ sui sexus sunt, nitere virginitatem, sed secundam; fecunditatem, sed virgineam; sicque in se utramque habeat, ut neutrum alteri præjudicium faciat. Et adhuc aliud quod eidem Moyse in hac visione præfiguratum est; ut videlicet sciret quod illius populi ducatum habiturus erat, qui sic legis ignem susciperet, ut peccati spinam non vitaret. Cernunt promissionis terram de longe Galeph et Josue, quam et asserunt lactis et mellis rivis fluere (*Num. xiii*); idque agnosci posse per botrum qui portatur in vecte, Christum videlicet qui adoratur in cruce: Dormit in tabernaculo, ubi arca Dei est, puer Samuel (*I Reg. iii*); qui a Domino meretur vocari, et quid respondere vocanti debeat, doctus a sene puer, sic dicit: *Loquere, Domine, quia servus tuus audit*. Rapitur et ardet ingenti et sancto desiderio sanctus David qui dicit: *Quis dabit mihi pennas sicut columbæ, et volabo, et requiescam?* (*Psat. liv, 7*.) Ut autem nobis ostendat ubi in his pennis columbæ et sancto volatu isto requiem invenire queat, adjungit, *Ecce elongari fugiens, et mansi in solitudine* (*ibid., 8*). Igitur in elongatione aut fuga, et maxime in mansione solitudinis requies ejus. Merito dicitur de eo quod habeat ætatis plurimos dies, virtutum scilicet spiritualium multas claritates, nec aliquam in fallacibus mundi hujus bonis delectationem habeat; quia *cum operiretur vestibus, non calefiebat* (*III Reg. i, 4*). Nam ter-

reca omnia quasi quædam corporis sunt indumenta. A Idcirco dormit in suavibus Abisag amplexibus, quæ *patri mei rugitus* interpretatur, per quam vera sapientia designatur. Hæc est adolescentula speciosa, quæ sita in omnibus finibus Israel; et inventa adducta est ad regem, quæ stat coram eo ad rectitudinem, fovet eum ad suavitatem, dormit cum eo ad quietem, calefacit eum ad verum et castum amorem. Quæ ita calida est ut in eo accendat ardorem divinæ charitatis; et tam casta est, ut eum non stimulet neque excitet ad libidinem mundanæ, seu carnalis, vel diabolicæ vanitatis, voluptatis, curiositatis. Nam, ut Scriptura dicit: *Rex David non cognovit eam* (*ibid.*, 4). Nam cognosceret si de data sibi desuper sapientia inaniter superbiret. Sanctus Elias minas meretricis et veneficæ meinens (*III Reg. xix*), et dimittens puerum suum (puerilem videlicet sensum), pergit ad latibula deserti, et projiciens se, dormit in umbra juniperi. Desiderium vero habens dissolvi et cum Christo esse, petit ut tollatur anima sua, et universa quæ sua sunt, in dilectione Dei, et proximi constituitis, his soporatus, bis excitatus, bis denique reflectus, abiit in fortitudine cibi illius. Donec post observationem Evangelii et legis, quasi post quadraginta dies veniat ad montem Dei; ubi in carnis manens spelunca, post spiritum grandem et fortem, qui et altitudines dejecit, et duritias conterit; post commotionem timoris, post ignem amoris, sibilum audit auræ tenuis, in subtilitate puræ contemplationis; et hoc audito sibilo, quasi qui claustra cupit carnis exire, egressus stat in ostio; et ne scrutator majestatis opprimatur a gloria etiam vultum suum operit pallio. Eliseus moritur, et mortuus sepelitur (*IV Reg. xiii*, 20). Cur hoc erat dicendum, cum non sit novum, sed antiquum? non alicui singulare, sed omnibus absque ulla exceptione commune? Ideo quidem, ut valde venerabile sepulcrum illius ostendatur, quia, cum in illo [*Cod. Parisi.*, illud] nescio quis mortuus projicitur, tactis ejus sanctis ossibus etiam vitæ pristinæ redonatur. Religiosus rex Ezechias, in promissione a propheta accipit, quia quod de Juda salvatur, et quod reliquum est, mittet radicem deorsum (*IV Reg. xix*), quantum ad occultum mundæ cogitationis; et fructum faciet sursum, quantum ad publicum egregiæ actionis. Qui etiam ad peccatorum suorum qui inter ipsum et Deum dividit parietem, convertens faciem (*IV Reg. xx*, 2), dicit prius iniquitates suas ut justificetur: imitatus in hoc illum qui ait: *Iniquitatem meam ego cognosco, et peccatum meum contra me est semper* (*Psal. l*, 5). Et ideo plorans orat, et orans plorat, et diluere studens peccata magna magno fletu, sicut pullus hirundinis sic clamat, meditatur ut columba.

CAPITULUM VIII.

De quibusdam viris sanctis qui ab Isaia fuerunt usque ad Christum, et de quibusdam qui fuerunt post adventum Christi, qualiter per eos figuratu sit quies cellæ.

Vidit Isaia Dominum sedentem super solium ex-

celsum et elevatum (*Isa. vi*, 1), ipsum in puritate contemplationis internæ intuens; universitatis Conditorum intellectui præsidere creaturæ angelicæ, in sua permanentis sublimitate, et humanæ per unum mediatorem a lapsu erectæ. Sed hoc non nisi in anno quo mortuus est rex Ozias, præsumptuosus scilicet ille et leprosus. Et ut quid hæc? Nimirum ut sciamus illi non posse adesse puritatem contemplationis, in quo per affectum adhuc et effectum dominatur et vivit, et tumor elationis, et fetor corruptionis. Denique post hæc dicit: *Secretum meum mihi. Secretum meum mihi* (*Isa. xxiv*, 16). Cor suum percutit Josias cum lectionem audit libri quem in domo Dei Helchias reperit (*IV Reg. xxii*): eumque consolatur Oida quæquam femina, quæ habitat in secunda. Jeremias virgam videt vigilantem (*Jer. i*, 11), quatenus sciat quia vigilat Dominus super verbum suum ut faciat illud; quem de luto profundo, et profundoso luto levant funes, quibus intersunt imo subtersunt [*Par. subsunt*] panni veteres. Et ideo quidem hoc, ut ascendens a convalle plorationis, et cantans cantica graduum, vulnerato a charitate Christi corde ejus, gestet verba ejus in visceribus quasi sagittas acutas. Et hoc quidem propter funes. Sane propter pannos veteres, gestat etiam exempla servorum Dei, quos de mortuis vivos, et de nigris lucidos facit, tanquam carbonem vastatores. Ezechielem in cincinnis capitis sui, missa ad eum similitudo manus apprehendit (*Ezech. viii*, 3); et elevatum inter terram et cælum, in Jerusalem de Chaldæa in spiritu ducit, ut abominaciones quæ ibi sunt aspiciens, de funiculis factis flagello, et ementes et vendentes ejiciat de templo, dicendo: *Quoniam zelus domus tuæ comedit me* (*Joan. ii*, 17). Daniel cum tribus sociis suis abstinere ab eo quod suave est ventri, ut ad id pertingere possit quod non falla ceter dulce est menti; dignus effectus extunc, percipere intelligentiam omnium visionum et somniorum. Non solum autem, sed et super flumina Babylonis sedens, et in recordatione supernæ Sion flens, fenestris cordis sui ad Deum apertis, tribus vicibus orat in die contra Jerusalem; suspirans in vera spiritus sui claritate, et ad securitatem supernæ pacis, et ad beatam et beatificantem visionem sempiternæ Trinitatis. Præparat cor suum Esdras scriba doctissimus et velox, ut investiget legem Domini (*I Esdr. vii*, 10), faciens et docens præceptum in Israel et iudicium; sciens animal esse mundum quod pariter ruminat et ungulam findit. Et bene primum faciat, deinde doceat, ut et a mandatis Domini intelligat, et in ornatu pontificis prius superhumerali, deinde rationale ponendum agnoscat. Consolator Nehemias, juxta interpretationem nominis sui muros reparat Jerusalem (*II Esdr. iii*), ædificans in eis portas sex, quæ sunt fortassis visus, auditus, gustus, odoratus, affatus et tactus. Ecce porta Gregis, porta Piscium, porta Vetus, porta Vallis, porta Sterquilini, porta Fontis. Et ut ad tempora gratiæ veniam, videns Jesus turbas, ascendit in montem (*Matth. v*, 1); et alia

vice ascendit in montem solus orare (*Matth. xiv, 23*). Dominus futurus præcursor beatus Joannes adhuc puer, crescit et confortatur spiritu manens in desertis, usque ad ostensionis suæ diem ad Israel (*Luc. i, 80*). In superiora Petrus ascendit ut oret, nec absque esurie; præclara Cornelii fide (*Act. x, 9*) postmodum, ac post modicum satianus. Monet Timotheum prædicator egregius Paulus (*I Tim. iv, 13*), ut dum venit attendat lectioni, exhortationi, doctrinæ (*ibid., 16*); asserens quod hæc faciens, et semetipsum salvabit, et eos qui illum audiunt (*ibid., 8*). Qui et dicit, corporalem exercitationem ad modicum utilem esse, utilem vero ad omnia esse pietatem: quam et asserit promissionem habere vitæ quæ nunc est, et futuræ. Cum fores sunt clausæ, ubi propter metum discipuli congregati sunt venit Jesus, et stat in medio, et dicit eis: Pax vobis (*Joan. xx, 26*). Succedent tria hæc videlicet, venire, stare et dicere; si hæc tria præcesserint, scilicet sero, die illo, una Sabbatorum. De manu angeli stantis super mare et super terram, Joannes apostolus in Apocalypsi (*x, 9*) accipit librum, et ab eo devoratus facit amaricari ventrem suum. Sed est in ore suo tanquam mel, dulcis. Sacram quippe Scripturam adimplevit opere, ille magni consilii angelus, potens in opere et sermone Dominus Jesus; circumcisionem, quæ ad terram refertur justificans ex fide; et præputium quod ad mare, per fidem, ut cum aquilo dat auster non prohibeat. Quem librum, cum accipit Joannes, amaritudo quidem in ventre, sed dulcedo fit in ore; una in adimplerione et experientia, altera vero in recordatione et intelligentia. Hæc omnia (o Carthusienses) et singula si diligenter intenditis, quæ, et qualis, et quanta sit cellæ quies evidenter deprehenditis. Cui nimirum, ut novit qui expertus est, quo instantius intenditis, eo dulciorem, sed suaviorem, sed jucundiorum, sed sereniorum, sed delectabiliorem, sed faciliorem, sed clariorem sentietis.

CAPITULUM IX.

De quiete cellæ, et quod non expedit ei qui in ea habitat, ut curiositate temeraria nimis diu extra eam moretur.

Hoc autem unicuique qui moratur in cella sciendum, et diligenter est ei in tenaci memoria recordandum, quod non vult hæc de qua loquimur cella, ut qui in ea conversatur, nimis diu extra eam temere demoretur. Et quis diu extra eam temere morari amat, nisi qui quanta ei insunt bona penitus ignorat? Et quidem quantum in ea morari fructuosum, tantum extra eam longe vel diu vagari periculosum. Non enim diutius habitator cellæ vivere potest spiritualiter extra cellam, quam corporaliter piscis extra aquam. Considerate quia pisciculus illi, qui halec dicitur, unum idemque momentum est, et extra aquam esse, et expirare. Et cella quidem formatur ex hac dilectione halec cum convertitur. Et putant aliqui non recte considerantes, illis qui aliquo (ut nonnunquam solet evenire) in cella tædio affi-

ciuntur, in hoc consulere, si faciant eos exire. Sed hi nimirum sola quædam minus providæ discretionis imagine falluntur. Id enim penitus non expedit. Scaturitur certe utcumque momentanea quædam sine quiete quies, et sine dulcedine dulcedo, et sine consolatione consolatio; sed succedit absque mora perturbata amaritudo, et amara perturbatio, et intolerabilis omnino desolatio. Mox enim ut ad cellam redierit, apprehendet ac penetrabit, ac circumdabit eum intrinsecus, durissima agonia et durissima angustia spiritus, gravissimum tædium cordis, atrocissima visceratio mentis. Quia quoties minus diu extra eam in evagatione curiosa et vana moraturus quis temere cellam egreditur, toties quasi novus inhabitator revertitur, aliumque se sensit et invenit regressus, quam erat antequam fuit egressus. Accedit ad hoc quod de se quædam ait, quia egressa est plena, et vacuam reduxit eam Dominus: unde, nec amplius Noemi sed Marath se voluit extunc vocari (*Ruth. i, 21*); quia quæ pulchra erat priusquam egrederetur, regressam vero jam se esse sibi et in se auaram experitur. Et de quo loco egressa est? nonne de Bethleem? Et quæ suæ egressionis causa? nonne fames? Et quo egressa est? utique in regionem Moabitidem. In qua certe, ut verax historia dicit, morabatur sic quod in ea peregrinabatur. Et ideo quandiu ibi fuit peregrina fuit. Et quare peregrina, nisi quia ibi non fuit in proprio, sed in alieno? Nam propria habitatio non alias ei quam in Bethleem. Quid in his vobis videtur de his? Cur veremur cellam, quandam vocare itaque audemus, sed spiritalem non temporalem [*Par., corporalem*], non historiam sed moralem. In historica illa Bethleem, Beata mater semel peperit Jesum Christum; in hac autem topologica, ut novit omnis qui aliquoties est expertus, quotidie, inno indesinenter confert nobis mater gratiam sanctitatis suavem pariter et salubrem fructum. Suavem propter unctionem, quod sonat nomen istud quod est Christus; salubrem vero, propter salvationem, quod in se habet hoc nomen quod est Jesus. Nam unctum, ut scitis, sonat hoc nomen quod est Christus; Salvatorem vero, beatum hoc nomen quod est Jesus. Igitur si vultis recipere, illi qui cellam inhabitat eo modo quo inhabitare debet, spiritalem veræ sanctitatis confert gratia fructum, et propter exultationem qua intrinsecus gaudet, jucundum et suavem. Quod est, Beata Mariam, quantum ad hunc attinet secundum (quem modo incedimus) tropologicum sensum, in Bethleem parere Christum, et propter religionem quam exterius exercet, utilem et salubrem? quod ex juxta eundem sensum, ipsam beatam Mariam in Bethleem parere Jesum. Verum cum hæc dicimus, nemo putet quod aliquam faciamus differentiam seu divisionem inter Jesum et Christum, quantum ad illam duntaxat personam spectat, quæ sic dicitur; quia, qui Christus, ipse quoque Jesus esse non dubitatur. Sed propter diversam horum nominum interpretationem, diversam quoque in eis accipimus significationem.

Nam persona quidem una, significatio quoque nominum ejusdem personæ diversa. Itaque aliud notat hoc nomen quod est Jesus, aliud istud quod est Christus: non tamen alia persona notatur per Jesum, alia per Christum, quia non alius et alius, sed unus idemque est Jesus Christus, Filius Dei, Dominus noster; mundi Redemptor, et Deus et homo, Dei hominumque mediator. In eo quod homo, Patri pro nobis supplicans; in eo quod Deus, cum Patre (cui per omnia æqualis est) nobis propitiatus. Itaque ei qui in cella fructuose est, a matre gratia spiritualem conferri fructum, suavem, et salubrem; hoc est (secundum quemdam quodam modo sensum moralem) in Bethleem nasci Christum Jesum. Sed licet juxta nominis sui interpretationem, in Bethleem sit panis (utpote quæ domus dicitur panis), est tamen nonnunquam in ea præsentia famis. Nam adest ei nimirum præsentia famis, cum adest ei absentia panis. Liceat audenter dicere ad vos, quia cum tædium cordis (ut nonnunquam contingere solet) pro eo quod multis repletus miseriis homo nunquam in eodem statu, permanset et torpor spiritus in eum qui habitator est cellæ irruit; tunc nimirum in Bethleem famis fit. Verumtamen non egrediatur propter hanc famem (consulo) de Bethleem Noemi; sed sciat quia post tempus inopie, veniat tempus abundantie. Quod si egressa fuerit, sciat se regressuram omnino amaram; et (sicut de se dicit ipsa Noemi) revertetur vacua, quæ egressa fuit plena. Et eo accedet hoc, ut ipsamet se judicet, non de cætero Noemi vocandam, sed potius Marah. Ecce quia ubi aliquando pulchritudo, jam ibi amaritudo. Similiter vero ubi dudum plenitudo, ibi jam vacuitas est. Et tam magni, tamque horribilis mali causa est, sola illa quæ juxta hunc sensum egressio facta est.

CAPITULUM X.

De eo quod cella ab eo qui illam inhabitat jugiter tenenda est: et quod ei periculum eveniat si temerarie ab ea fuerit egressus.

Quædam de cella diximus, et quod ei qui eam inhabitat, omnino non expedit ut nimis pueriliter de ea egrediatur; et egressus (quod tamen raro, et non nisi rationalibus ex causis contingere debet) nimis temeraria vagatione extra eam demoretur. Nam ut ostendamus nunc plenius, sicut jam ex parte ostendimus, quam periculosa talis egressio sit; ecce quia verax historia dicit, quod Dina egressa est, et egressa est ut videret, non quidem viros, sed mulieres (*Gen. xxxiv, 2*), et ipsa quidem mulier. Nec mirum; nam vulgo dicitur: Similis similem querit; testimonium hoc verum est. Et quid accipimus per mulierem nisi molliem? Non enim nunc in sexum agimus, sed quæ illa sit, quæ per naturalem ejus accipi potest infirmitatem, utriusque sexus debilitas reprehensibilis notatur. Omnis igitur qui reprehensibiliter mollis est, juxta quemdam quoque modum mulier est: etsi non naturaliter quantum ad sexum, tamen reprehensibiliter quantum ad actum. Dicit sane vir sa-

piens: *Qui mollis et dissolutus est in opere suo, frater est sua opera dissipantis* (*Prov. xviii, 9*). Nonne vobis videtur iste quodammodo mulier esse, quem constat molli et dissoluto ac dissipanti similem esse? Talis est egrediens Dina, per quem notatur ille qui reprehensibiliter exit de cella. Et quæ talis est, ad hoc egreditur ut videat tales, mulier, videlicet mulieres. Et quid ejus est videre, nisi amare? Quo enim se amor extendit, illic et oculus tendit, et ubi aspectus, ibi et affectus. Nam dilige iniquitatem tu, et diliget te iniquitas. Unde et quæ egressa est ut videret, et ipsa visa est; nam Scriptura dicit: *Quam cum vidisset Sichem, et addidit, adamavit* (*Gen. xxxiv, 2*). Nimirum illud videre, adamare fuit, quia profecto ubi visio temeraria præcessit, ibi consequenter et illicitus amor successit. Neque lavantem se mulierem David illicite concupisset, nisi eam primitus incaute vidisset. *Et dormivit cum ea*; haud dubium, quin Sichem cum Dina. Quod non est aliud, nisi mollem hunc et dissolutum, atque dissipanti similem, qui temerariam de cella non vitavit egressionem; carni, mundo ac diabolo damnabiliter consentiendo, illiottam ad se et in se admittere suavitatem; per cujus experientiam, ad æternam pertingat perditionem [*Par. damnationem*]. *Ut opprimens virginem*. Ecce, quia ante egressum virgo fuit, post vero corrupta. Quid enim est eam opprimi, nisi corrumpi? Verum quæ est oppressa vi, patet nimirum quia non ideo quidem ut opprimeretur egressa est; attamen quia temerariam admisit egressionem, quia ad illicitam aspiravit visionem, ex hac gemina culpa quæ præcessit, digna fuit et meruit, ut et illam quæ non tam successit quam accessit, licet violentam, incurreret oppressionem. Sed jam de ista sic egressa, sic visa, sic adamata, sic corrupta, sic et oppressa quid in fine dicit historia? Ecce advertite: *Tristemque blanditiis delinivit*. Et ecce quia Dina quidem tristatur, sed blanditiis eam corruptor ejus et oppressor delinire conatur. Et hæc est seductoria vox, qua tristem delinire studet. Quare tristis est anima tua, et quare teipsam conturbas? Num doles quia egressa es? quid deliquisti in hoc? quod sacramentum est ut sedeas sola in domo inclusa? Quæ ista religio, si tamen religio, ut nocte ac die sola maneat in domo? quæ auctoritas talis religionis? Num eam beatus instituit Benedictus? Num magnus ille Augustinus? Ergone religiosi et sancti non sunt Cluniacenses, Cistercienses, et alii quamplures ordines qui talem vitam non ducunt? Et si hoc fortassis in quibusdam aliis tolerabile est, sed in te nequaquam quæ talis ac tanta es. Abundat namque in te præ multis aliis scientia profunda, eloquentia nitida, acumen sentiendi in corde, verbum eruditionis in ore. Quæ tamen utilitas in omnibus his? Nam universa hæc abscondita sunt. Manifesta ergo te mundo, et esto in mundo, in quo, si vis, ita esse potes, ut non sis de mundo. Noli itaque diutius includi in domo; sciens multo tibi esse utilius et fructuosius, ut tecum salveas multos, quam te solam. His quidem blandimentis de-

Inſta ſtulta hæc, ſeductorios libenter audit cantus ſirenæ; nec ſalvat jam aliquem, inſuper et ſeipſam perdit. Ecce quæ et qualia, quot et quanta mala jam incurrit quæ temere egreſſa fuit. Nam omnia hæc quæ dicta ſunt de Dina, ad eum referimus qui curioſitate nimis temeraria, et temeritate nihilominus curioſa, tam mente quam corpore egreditur de cella.

CAPITULUM XI.

De magnis multisque periculis, quæ ille incurrit, qui habitator eſt cellæ, et de illa male exit, et de eo quod magnam animæ ſanctæ confert quietem plena ac perfecta abjectio ſæcularium rerum.

Itaque, ut Scriptura dicit, egreſſa eſt Dina, et ad hoc egreſſa eſt ut videret. Egreſſa vero ad vivendum, et ipſa ad magnum malum ſuum viſa eſt. Porro viſa, etiam eſt adamata. Sic etiam adamata corruptionem ſuam ſuſtinuit; ad quam quidem coactione quadam violenta, fortassis tamen voluntaria attracta fuit. Carnalis etenim delectatio in cauſa fuit, quod ſic trahi potuit; et ideo potuit quia non nimis ſulte reſtitit, nec voluntate plena contradixit. Siquidem diu eſt ex quo primum dictum eſt: *Trahit ſua quemque voluptas*. Et ne poſt hæc omnia, miſera hæc et ſtulta prævaricatrix rediret ad cor, et contriſtaretur ſecundum Deum ad poenitentiam, etiam tris blanditiis delinitur. O quam magna et quam multa mala! Et eorum omnium quæ fuit occaſio et origo, vel quæ cauſa? Utiq; temeraria egreſſio ejus; nullum enim horum malorum incurriſſet, ſi ſe intus tenuiſſet. Sed quia curioſe exiit, ad hæc mala damnabiliter pervenit. Nam, quia curioſitas in cauſa fuit ut exiret, per hoc nimirum patet, quia, teſte Scriptura, ad hoc egreſſa eſt ut videret. Erat autem et huic curioſitati voluptas adjuncta, quia egreſſa eſt ut videret mulieres. O curioſitas ſupra modum periculosa! Nam pretioſum foras depositum perdidit quod nunquam poſtea recuperare potuit denique virgo exiit, et corrupta rediit: ſicque illum ſublimis puritatis ſtatum foras ſe amiſiſſe doluit, ad quem ulterius conſcendere nequivit. Sic et piloſus ille ac in modum pellis biſpidus (*Gen. xxvii*), nimiam foris moram faciens, a benedictione paterna ſe fecit alienum, nec ad eam deinceps potuit pervenire. *Cupiens enim (ut ait Apoſtolus), hæreditare benedictionem, reprobatus eſt. Non enim (ut idem ſubjungit) invenit poenitentia locum, quanquam cum lacrymis requiſiſſet eam (Hebr. xii. 17)*. Non itaque ut longe ſuperius dictum eſt, egreſſio de cella, illi qui aliquo forte in ea nonnunquam tædio afficitur, confert conſolationem, ſed infert duplicem deſolationem. Et ſit quidem hoc ad inſtar hydrofici, qui quo avidius bibit, eo et vehementius in ſe ſitim accendit, ut hoc ſit eum amplius ſitim; multum bibere. Quid ergo eſt? Utiq; cum quis tædio ſe ſentit affici, quaſi pro obſide det corpus ſuum parieti cellæ, et de egreſſu funditus non cogitans recurrat ad orationem, lectionem, meditationem, atque ad utilem aliquam actionem. Aderit certe ex more ſine mora, Pater ille miſeri-

A cordiarum, et Deus totius conſolationis, qui poſt hanc tempeſtatem tranquillum faciat, et nubium in ſerenum vertat, confortabit puſillanimum, lætificans moeſtum, invalidum roborans, et vacillantem confirmans, nutantem ad ſtabilitatem ducens, et fugatis undique ventis, ſedatis et fluctibus, mare turbidum in placidum et ſecurum litus commutans. Eunt proinde diſcite quid ſit: *Ipe Deus meus, Salvator meus, adjutor meus, non emigrabo (Pſal. lxi. 7)*. Tunc vos arctius in cella contineatis, cum aliquo in ea forte, ut evenire plerumque ſolet; tædium vos ſuſtinere ſentitis. Revocate ad memoriam quia illa puella, genitrix Dei ſalva virginitate mox futura, intus in ipſis penetralibus eſt inventa, quando a Gabriele eſt viſitata. Sic enim legitis: *Ingreſſus angelus ad eam (Luc. i. 28)*. Patet quia non foras, ſed intus erat, ad quam angelus niſi ingrederetur, quaſi venire non poterat. Sed ex abundanti eſt, ſuper hoc commonere vos; in pleno namque ac perfecto exercitio iſtorum præveniſtis et nos, et ſermones noſtros. Hæc tamen ideo diximus, ut quis ſit in ſilentio et ſolitudine cellæ fructus ſpiritualis, ex parte aliqua vobis oſtenderemus. Quæ vobis quidem magis antiqua quam nova ſunt; utpote quæ jam ex longo tempore, favente Domino, per jugem experientiam didiciſtis. Inde eſt quod ſuper his per locutionis noſtræ miniſterium erudiri non indigetis. Porro quantus in plena ſæculi abjectione et quam quietus ſit animæ fructus, et quies fructuosa, evidenter ex multumodis, quas perferunt anguſtiis, ii qui curis illius et ſollicitudinibus implicantur, perpendere valemus. Et quia nimis longum, imo impoſſibile eſt nobis eaſdem anguſtias ſingillatim exprimere in præſenti, unum libet nunc exemplum ſatis congruum ponere, per quod poſſunt qui indigent, quantæ inter eorum occupationem, et ſanctorum qui Deo in otio ſine otio ſerviunt, diſtet quietem, addiſcere. Ecce ipſi tepidi, et de ſua multoties vita penitus incerti, ſed et omni plerumque ſpe fruſtrati, contra procellas tempeſtatum, contra ſævities fluctuum, contra violentias ventorum anxia laborant. Iſti vero ab iis omnibus, et cæteris quæ in hunc modum ſunt periculis prorsus alieni, ſecuri et læti, in ſerena et amœna tranquillitate, in tranquilla et amœna ſerénitate, in ſerena et tranquilla amœnitate enjuſdam placidiſſimi littoris ſtant. O quantum diſpendium apud illos, quantum compendium apud iſtos qui ſunt tanquam nihil habentes et omnia poſſidentes. Deſperant namque, nec ultra jam vivunt, gaudentque vehementer ex inventione ſepulcri eligente ſuſpendium anima eorum, et mortem oſſibus eorum; et ideo dormientes ſilent, et ſomno ſuo requieſcunt, malorum timore ſublato. Sciunt enim in tempore vacuitatis ſcribendam eſſe ſapientiam, et quod qui minoratur actu ipſe inveniet eam: eiſque eſſe vacandum, ut videant Deum, quia Dominus ipſe eſt Deus. Et quia *abyſſus dicit de Sapientia: Non eſt in me, et mare loquitur: Non eſt mecum (Job xxvii. 14)*.

CAPITULUM XII.

De sæcularium (cui præcipue intendunt Carthusienses) negotiorum, et sollicitudinum, et possessionum abiectione.

Hanc quidem a sæculo segregationem vos abundantè habetis, qui de redditibus ecclesiarum, parochiarum, et decimarum vos non introuitit; contenti paupertate vestra, plena diuitiis. Nihil enim extra terminos vestros vultis possidere, sicut nec debetis, ut abundantius quieti et paci vestræ consulatis. Ut autem hac via ad regnum Dei compendiosa, secunda et munda incedatis, vestri vos et exemplo et verbo docere prædecessores, et Patres qui magis volebant pauperes esse quam diuites: quia (si non mentitur Paulus) *qui volunt diuites fieri, incidunt in tentationem, et desideria multa inutilia et nociva, quæ mergunt homines in interitum et perditionem* (I Tim. vi, 9); et adiungit: *Radix enim omnium malorum est cupiditas quam quidam appetentes erraverunt a fide, et inuenerunt se doloribus multis* (ibid., 10). Et ecce statim admonitio salubris: *Sectare vero iustitiam, fidem, charitatem, patientiam, mansuetudinem* (ibid., 11). Et in præcedentibus: *Habentes, inquit, alimenta et quibus tegamur, his contenti simus* (ibid., 8). De hac abiectione sæcularium negotiorum et terrenarum possessionum, ut immutata et inuicta in ordine perpetuis temporibus habeatur, teneatur, custodiatur, ita pie memoriæ (ut ipsi scilicet) vir vitæ venerabilis, dominus Guigo (*Statutorum* cap. 41), homo magnæ religionis scribit: Cupiditatis occasiones nobis et posteris nostris, quantum Deo iurante, possumus præcedentes, præsentis scripti sanctione statuimus; quatenus loci hujus habitatores, extra suæ terminos eremi nihil omnino possideant, id est, non agros, non vineas, non hortos, non ecclesias, non cœmeteria, non oblationes, non decimas, et quæcunque hujusmodi. His etiam hoc modo vir Dei adiungit. Simili etiam tenore sancitum est, ut neminem prorsus sivo intra, sive extra eremum istam defunctum suo sepeliant in cœmeterio, nisi forte aliquem hujus propositi hic obire contigerit. Sed et cæterarum religionum, si quis hic defunctus fuerit, quem sua congregatio hinc asportare aut nequiverit, aut neglexerit, hunc sepeliant. Nomen vero cuiusquam in suo non scribent Martyrologio, nec cuiusquam anniversarium ex more facient. Quod profecto ne forte alicui nimis durum et crudele videri debeat, quam rationabili causa, et intentione discreta, et ad quæ præcauenda mala hoc institutum fuerit: prædictus Jesu Christi famulus, homo magnæ suæ tempore (ut adhuc hodie apparet) tam religionis quam scientiæ evidenter manifestat, hoc modo subdens; audivimus enim, (quod non probamus) plerosque toties splendide convivari: missasque facere paratos, quoties eis aliquis pro suis voluerat exhibere defunctis. Quæ consuetudo et abstinentiam tollit, et venales facit orationes; dum quousque pastuum numerus, totus est et missarum. Nec ullum ibi vel jejunandi, vel obsecrandi constat

A propositum, ubi non de devotione facientis, sed de pascentis potius pendet arbitrio. Nulla quippe dieconvivium vel missa deerit, si qui pascat, nunquam defuerit. Et de his usque huc. Dicit autem et superius idem vir (Guigo, *Statutorum* cap. 40) hoc modo: Ornata aurea, vel argentea, præter calicem et calammum quo sanguis Domini sumitur in ecclesia non habemus; pallia tapetiæque relinquimus: feneratorum et excommunicatorum munera non accipimus. Et ita prædictus homo Dei scribit de his. Vos autem, o Carthusienses, hæc quidem diligenter et cum omni sollicitudine custoditis, et bene facitis; et ideo bene facitis, quia quo minus de sæculo accipitis, eo et minus ei debetis. Sed hoc addendum, quia quo minus sæculo, et his quæ sæculi sunt, non solum per affectum, sed et per actum intenditis, eo liberius et purius, eo sincerius et suavius, eo per amplius et perfectius soli Deo intendere potestis, ut ad perfectionis tendentes desertum, ne unquam quidem in Ægypto remanere permittatis ex omnibus, quæ ad sacrificium divinum necessaria sunt. Sed plene ac perfecte intellexistis hæc omnia, quæ ad hæc tria diximus pertinere; videlicet ad externam exercitationem vestram, ad jugem quam tenetis cellæ solitudinem, ad plenam denique sæculi, et eorum quæ sæculi sunt abiectionem. Non vobis (ut arbitramur) videri debet absurdum, quod ordinis vestri, quem hæc tria commendunt, suavitate sublimem, et sublimitatem quoque suavem, quemdam diximus esse paradysum. Vere paradysus est, hortus utique deliciarum, omni delectatione refertus, et amantitate omnimoda plenus. Sed rigetur iste paradysus, hoc enim probabile et valde bonum. Porro irrigatio ejus, augmentatio ejus; irrigatio ejus, profectus ejus. Nam tunc irrigatur, cum robur ei et incrementum confertur. Et paradysus est, et irrigari ei necessarium est. In conversatione quippe spirituali non proficere delicere est. Dum enim (ut Scriptura dicit) *cum consummaverit homo, tunc incipit* (Ecl. xviii, 6), paradysum quidem patet, paradysum esse, et irrigatione tamen indigere. Amplius: Cum juxta quod beatus Job dicit (*Job* xiv, 1), et nos omnes jugiter experimur, nunquam in eodem statu natus de muliere permaneat homo, vel ascendit ad alta munere roborantis eum gratiæ, vel descendit ad ima pondere infirmitatis propriæ. Ideo ex his luce clarius patet, quia qui de augendo spirituali profectu suo solliciti non sunt, nimirum in defectum teterrimum corruunt. Qui enim hujusmodi sunt *ibi* (ut longe ante nos dictum est) *defectandi incidunt periculum; ubi proficiendi deposuere appetitum*. Idcirco ipse paradysus irrigatur, quia qui lotus est, indiget quoque ut pedes lavet. Et cum omnibus apostolis plus laboraverit Paulus, indignum se tamen asserit ut vocetur apostolus.

CAPITULUM XIII.

De loco sanctæ voluptatis et de spirituali fuga sancti Jacob.

Quomodo, ait, aliquis, iste paradysus irrigabitur?

In Genesi quid scriptum est? quomodo legitis? A Nonne Scriptura dicit, quia *fluvius egrediebatur de loco voluptatis ad irrigandum paradysum?* (Gen. ii, 10.) Et quis fluvius iste? imo quis hic voluptatis locus? Nam hoc prius quaerendum, quia nimirum sicut de fluvio hoc procedit irrigatio, sic et de loco voluptatis sit fluvii egressio. Itaque ut patet ex his, difficile, imo impossibile, ut paradysus iste irrigetur, nisi prius de loco voluptatis quicumque ille sit fluvius, egrediatur. Idcirco ex quo ita est, quis hic voluptatis locus est? Nobis videtur (si ita vobis sedet) quod dulcis et suavis sinceræ charitatis unanimitas, quam secundum Deum in invicem habetis puram ac defæcatam, bonam pariter et jucundam, in omni (pro nosse, ac pro posse in Christo) et ad omne malum nolle, et ad omne bonum velle, quidam non incongrue possit et debeat dici locus voluptatis. Vere locus hic, locus voluptatis est, voluptatis inquam non carnalis, sed spiritualis; non qua caro vel spiritus inquinatur, sed magis qua et spiritus et caro purificatur, adornatur, decoratur. Hic locus est ad quem venit qui a facie mortem ei comminantis pilosi fugit, in quo vult requiescere occumbente iam sole. Sic enim in historia veracj continetur: *Cumque venisset* (haud dubium quia Jacob) *ad quemdam locum, et vellet in eo requiescere post solis occubitum* (Gen. xxviii, 11). Quis fugiens iste, nisi ille de quo præcipitur in onere in Arabia per Isaiam iis qui in terra Austri habitant, ut ei cum panibus occurrant? Ipse est electus quilibet fidelis, qui a superfluitate carnali seu mundiali, magis se ac magis elongat ne mortem incurrat. Cui necessarium valde ut eum panibus occurratur ab inhabitantibus terram austri, quatenus qui spirituales sunt, instruant in spiritu lenitatis huiusmodi; et eos qui triduo sustinent illum, in domos suas Dominus jejunos non dimittat, ne deficiant in via. *A facie*, inquit, *gladiatorum fugerunt, a facie gladii inveniatis, a facie arcus extenti, a facie gravis prolii* (Isa. xxi, 15). Hæc omnia ad mortem spectant, quam minatur pilosus leni, Esau Jacob: quam ne incurrat, per fugam sibi consulere parat. Itaque fugiens venit ad quemdam locum. Et ipse est voluptatis locus, quia locus quietis est: nam et hæc sequitur. *Et vellet in eo requiescere post solis occubitum*. Quando sol occubuit? quando fervor tentationis deseruit. Impossibile ut hic fugiens requiescat, antequam iste sol occumbat; quia quædiu mentem exurit ardor tentationis, in aëreno non pauat internæ quietis; ac per hoc nec adhuc ad locum pervenit spiritualis voluptatis. Nam quomodo ibi suavitas ulla, ubi tranquillitas nulla? Sed tunc fugiens iste, et ad hunc locum venit, et in eo requiescit, cum sanæ secundum Deum quietem, et quietam nihilominus suavitatem apprehendit, apprehendens tenet, tenens non dimittit. Jam tollat de lapidibus qui jacent, de viris videlicet divitiarum, qui in civitate Domini virtutum, in veræ fortitudinis multitudine se humiliant: illum omnium sanctorum sanctum, eamque mentis suæ capiti per hilitatio-

nem supponat; sicque ei inhaerens dormiat in eodem loco; dormiat, inquam, quantum ad quietem; in eodem loco, quantum ad suavitatem, ut ait Ilium et quies suavis et suavis quietis. Sicque in suavitate hæc, in quiete hæc, purificata videns oculis mentis charitatis scalam; et in imis per compassionem proximi demissam, et in summis per desiderium Dei delixam: angelorum quoque, qui sunt veritatis præcones, et per contemplationem ascensum, et per actionem intueatur descensum: eamque qui reddet mercedem laborum sanctorum sanctorum, eidem scalæ innixum. Jam cum pavore obstupescens et cum stupore expavescens, evigilando ad se reversus exclamet, et dicat: *Vere Dominus est in loco isto*. Ubi enim Dominus, nisi in quiete cui deest omnis perturbatio? nisi in suavitate cui inest omnis dulcedo, et nulla prorsus amaritudo? *Et ego*, inquit, *nesciebam*. Nec mirum non enim hoc eo potuit sciri, quoad usque id ei datum est experiri. Verum extorrens scivit, ex quo ad locum illum venit, de lapidibus tollit, tollens capiti suo supposuit; supponens dormivit, dormiens, scalam et quæ in ea agebantur vidit. *Nec sic* dicimus quia scivit veniens, tollens, supponens, dormiens; quasi ei hanc scientiam conferre possent, si non scalam, et ad eam pertinentia vidisset. Sed quia hæc quatuor ad hoc præcesserunt, ut quantum succedere posset, cui sextum, hoc est scientia, non tam successit quam accessit. Igitur tunc scivit quando vidit; et sicut nisi videret non sciret, sic non videret nisi dormiret, nec dormiret nisi supponeret, non autem supponeret nisi tolleret; sed non tolleret nisi veniret. Itaque quando vidit tunc scivit, quia quando expertus est, et quantum expertus est, nimirum tunc et tantum scivit. In tanta quippe tali quæ re, tantam et non amplius comprehendi scientiam, quantum sentit ipse experientia. Addidit etiam ad hæc: *Quam terribilis est locus iste!* Nihil verius. Nam terribilis diabolo, terribilis mundo, terribilis et homini pravo; et sic terribilis, ut castrorum acies ordinata. Illi soli amabilis est, illi soli accessibilis est, qui fugit a facie pilosi, et in morem pellis hispidi, cum sit ipse lenis. *Non est hic aliud nisi domus Dei, et porta cæli*. Verum et hoc, neque aliquid sub cælo verius vel est, vel esse potest in hoc D quippe loco potissimum manet Deus, sed et ad cælum per ipsum introitus est.

CAPITULUM XIV.

Quomodo spiritualiter egrediatur fluvius de loco voluptatis ad irrigandum paradysum, et quis ille fluvius sit.

Iste specialiter locus Dei est, ubi et auditur vox commotionis magnæ, benedicta gloria Domini de loco suo. Nam sudarium, quod fuerat super caput Domini sepulchri ipso etiam resuscitato inventum est separatim involutum in unum locum. Quare hic locus dicitur unus, nisi quia locus est voluptatis? Non enim in scissura mentium sed in unitate Deus est; et ubi illa decet, ibi vera animæ suavitas ac a est. Hic locus est talis unanimitas vestra, quæ a

nobis superius breviter descripta est. De hoc loco emanant fluvii magni et multi : siquidem locus est fluviorum, ubi rivi latissimi et patentiores. Sed ille quam maxime fluvius de loco illo egreditur, ut paradisi vester irrigetur. Nulla fluvio hanc participatio, societas, et conventio cum fluviiis illis, de quibus Dominum alloquens Psalmista : *Tu, inquit, siccasti fluvios Eihon (Psal. LXXIII, 15)*; sed nec cum illis de quibus eidem Domino dicit Habacuc : *Fluvios scindes terræ (Habac. III, 10)* : multo minus cum illis qui dicuntur Abana et Pharphar, fluvii Damasci. Magis autem assimilari et valet et debet fluvio, qui Jordanis appellatur; in quo lavatur, et lotus mundatur Naaman Syrus (*IV Reg. v, 12, 14*); et aquis Siloe, in cujus natoris lotus illuminatur cæcus natus (*Joan. ix, 7*). Valet etiam ex parte assimilari fluvio illi, de quo sanctus Joannes in Apocalypsi, visione septima hoc modo scribit; *Ostendit mihi (haud dubium quin angelus) fluvium aquæ vivæ, splendidum procedentem de sede Dei et Agni (Apoc. xxi, 1)*. Nam quod sedes Dei et Agni, locus incomprehensibilis cujusdam voluptatis sit, nemo qui contradicere velit vel possit. De hac sede fluvius procedit incomprehensibilis illa superabundans, viva et æterna felicitas, qua in æternum fruenter electi; in contemplatione indeficienti divinæ visionis. Dicit enim Dominus de hoc electis suis : *Mensuram bonam, et confertam, et coagulatam, et superfluentem dabunt in sinum vestrum (Luc. vi, 38)*. Ecce mensura sine mensura, de qua quod superfluit, dicitur; verum hoc non in præsentis est, sed in futuro erit. Et tamen non solum possunt verba hæc de illa intelligi felicitate, qua fruenter qui digni habebantur, in præmio, quia possunt, et de sanctitate qua nunc ditantur in merito. Ut autem vos diutius non protrahamus, videtur nobis quod fervens et indeficiens puræ mentis vestræ devotio, quidam sit fluvius perenniter-fluens; qui tunc quidem egreditur de loco voluptatis, apud vos extrinsecus apparens, quasi ad publicum procedens, et inde tamen non recedens, non exeundo exit de secreto (qualem in præcedentibus descripsimus) vestræ unanimis. Ipsa itaque qua intrinsecus erga Deum et ea quæ Dei sunt inflammata estis mentis devotio, iste est fluvius, qui tunc egreditur quando certis foras indicis manifestatur, cum eam cohibere præ nimia ejus vehementia ipse quoque animus non sinitur. Et iste est fluvius qui egreditur de loco voluptatis ad irrigandum paradysum. Ecce quia quis iste sit paradysus quis etiam locus voluptatis, quis vero iste fluvius, quidve sit hunc paradysum irrigari, diximus vobis jam, et audistis.

CAPITULUM XV.

Quod qui ad annum conveniunt Capitulum priores, ordinis debent diligenter intendere renovationi : et de quatuor sanctis exercitiis, quibus sollicite studere debet omnis qui in cella vult fructuose commorari.

Itaque si est apud vos, imo intra vos (vobis autem dico, reverendi Patres nostri priores, qui ad annum

Capitulum convenistis) : si, inquam, est apud vos et intra vos fluvius iste, imo quia est, scitote quia jam tempus non tam læstat quam existat, ut egredietur ad irrigandum paradysum. Et dicitis : *Quomodo fiet istud? Quomodo superius ostensum est. Conventio in unum spirituales secundum Deum, ex Deo, pro Deo, cum Deo consensus, sicut in unum jam convenistis corporalem locum, et tam singuli quam simul omnes, cum magna devotione, et illo qui secundam scientiam est, zelo, id est, discreto de ordinis reparatione, renovatione, corroboratione, tam in sinistris, et quæ sunt, corrigendis, quam in bonis instituentis, adaugendis, confirmandis, strenue vos intromittite. Itaque levate oculos vestros; et videte regiones si albæ sunt jam ad messem, an (quod absit) siccæ ad ignem. Mane surgite ad vineas, videte si floruit vinea, si flores fructus parturiant, si floruerunt mala panica. Ibi potissimum dabit spona ubera sua sponso. Quo autem hæc atlineant, ideo devotius oportius exponere, scrutari profundius, profusius edicere, quia hæc nullo modo potestis, quantum ad ipsam dumtaxat experientiam spectat, ignorare, si vestrum studetis tam jugiter quam viriliter pro loco et tempore, pro negotio et causis, pro mensura et modo, ut licet, decet et expedit officium exercere. Hoc autem quam sollicite procuret fluvius iste, ut sic egredietur de loco voluptatis ad irrigandum paradysum, quatenus inde dividatur in quatuor capita. Nam sic verax refert historia (*Gen. ii, 10*): nos autem, si in præsentis melius non habetis, hæc quatuor capita referimus ad totidem sanctas religionis exercitia, in quibus ipsa consistit totius ordinis nostri forma [*Par., summa*]. Sunt autem, lectio, meditatio, oratio, actio : quatuor hæc, major autem horum est oratio. Omni quippe hora cum ab ipsis corporalibus necessitatibus vacamus (quibus quandiu hic vivimus, servire compellimur) in aliquo istorum quatuor inveniri, eique quam sollicite intendere tenemur. Et oportet quidem ut lectio evidentior intelligatur et memoriter retineatur : meditatio, ut nullius phantasmatum caligine obscuretur, sed plena veritatis luce illustretur; oratio quoque, ut cœlesti in omni puritate sincera et sinceritate pura desiderio inflammetur, et integra, recta, directa atque erecta plarum lacrymarum effusione humectetur. Actio vero ab omni prorsus tepore, segnitie, et perturbatione, ac murmure aliena, omne quod potest obesse omittendo, nulla malitiæ alicujus peste corrumpatur; sed magis cum perfecta sollicitudine, alacritate, hilaritate, strenuitate, quidquid valet prodesse, pro posse et nosse admittendo, omni probabili exercitio adornetur. Nisi sanctis his quatuor exercitiis sanctitatis intendere diligenter et indesinenter curemus, fructuose in cœlis nostris morari non valeamus. Quam dulce, quam suave, quam bonum, quam jucundum, quam delectabile, quam amabile videri servo Dei debet, latenti in cella, his quatuor intendere et nunc studiosæ intendat lectioni, nunc paræ incumbat orationi, nunc necessariæ suam impendat dili-*

gentiam actioni; et ita ut in singulis his nulla hora vel momento mens sua defæcatur desit meditationi. Ipsa namque cum singulis his absens est, nulla penitus in exercitio suo plene fructuosa est. Et enim absque præsentia ejus, nec lectio valet per intelligentiam apprehendi et retineri, nec oratio in summis suspendi et morari, nec actio ad necessaria et utilia extendi et dirigi. Idcirco necessarium valde ut unamquamque reliquarum trium ista præcedat, et comitetur, et subsequatur: præcedat dico unamquamque, ut bene incipiatur; comitetur, ut bene incepta, plene consummetur; subsequatur, ut plene consummata, firmiter roboretur. Consolare (tibi dico, qui inhabitator cellæ es) consolare, inquam, et lætare in Domino, cum Domino, pro Domino, quia illam quam te speras in futuro habiturum quietem, jam modo in quibusdam suis quodammodo primitiis habes et tenes. Audenter dicimus tibi, quia si eo modo quo esse debes, in cella es, juxta quendam modum in ipso coslo es. Ecce legis et oras, meditaris et operaris: hæc sunt exercitia quibus intendis in cella. Quam sanctum os tuum, quam sancta et auris tua! Cum oras (si tamen eo modo oras, quo orare debes), os tuum in aure Dei est. Et ego verebor illud os sanctum dicere quod in ipsius aure Dei video esse? Cum vero legis, et os Dei in aure tua est. Et aurem hanc ego sanctam non dicam? Sive ergo tu loquaris Deo (quod utique facis cum oras): sive loquatur tibi Deus (quod tunc nimirum fit cum legis), beatum te incunctanter assero. Quid dicam de meditatione pura? quid de actione egregia? Nam illa sanctificat animam, hæc autem exornat manum. Quis neget Deum esse intra te, cum in mente tua nihil non bonum et sanctum, nihil non sincerum et religiosum, nihil non mansuetum et pi-um, nihil non purum et mundum, quantum duntaxat ad crimen pertinet; sed quod est sanctitatis et bonitatis, quod sinceritatis et religionis, quod mansuetudinis et pietatis, quod puritatis et munditiæ, in ea versatur. Quis etiam tunc neget eum esse apud te, cum nihil nisi quod utile est operaris? Sunt itaque quibus in cella jugiter intendis, qui habitator es cellæ, quatuor exercitia hæc lectio studiosa meditatio pura, oratio medullata, actio necessaria.

CAPITULUM XVI.

De commendatione cellæ, et de quatuor capitibus illis in quæ fluvius dividitur, qui ad irrigandum paradisum de loco voluptatis egreditur.

Quid melius, quidve jucundius, tu qui habitator cellæ es, æstimare debes, quam has die ac nocte diligenter alternare vices? Sane tam dulce tibi intendere his, tantamque in unoquoque eorum suavitatem invenis, ut quando uni intendis, vix ab eo evelli possis ut ad aliud accedas. Eo magis singula hæc tibi sapere et dulcescere sentis, quo magis eorum saporem et dulcedinem nec tam sæpe quam semper, nec tam frequenter quam indesinenter percipis. Et quidem comedis et bibis cum his studiose intendis;

sed hæc in te comestio magis famem adauget quam minuit: et multum bibere nihil est aliud quam amplius sitire. Sicque verum esse invenitur quod ipsa de se Sapia dicit: *Qui edunt me, adhuc esuriunt, et qui bibunt me adhuc sitiunt* (Eccli. xxiv, 29). Quando te poterit arripere pusillanimitas spiritus, animi tempestas, agonia cordis, vel contristare aliquod tædium, cum quadripartitum hoc apud te vigerit exercitium? Quare quidam cellæ solitudinem et quietem [Par.; silentium] abhorrent, et suffere grave deputant; nisi quia quas, qualis quantaque sit eorum suavitas et dulcedo penitus ignorant? Cui comparabo te, vel cui assimilabo te, qui amator et inhabitator es cellæ; qui eam et amando inhabitas, et inhabitando amas? Quis in hac vita homo in hac te dulcedinis experientia superior? quia talis ut mihi videtur nullus invenitur. Sed quis tibi vel æquari poterit? Num aliquis eorum qui summi sunt rerum domini? Nullus omnino. Nempe superiores te esse fortassis videntur, quantum ad quamdam nomine tenus, et superficie tenus dignitatem periculosam; de qua et pro qua in districto Dei iudicio reddituri sunt rationem. Sed longe sunt te omnes inferiores et minores quantum ad singularem hanc, in qua tu exultas et tripudias suavitatem; sed jucunditatem, sed dulcedinem, sed hilaritatem, sed alacritatem, sed amœnitatem, sed serenitatem, sed sinceritatem, sed delectationem, sed omnis denique (ut brevi multa sermone concludam) boni plenitudinem et quamdam illius ad quam suspiramus beatitudinis cœlestis imaginem, et similitudinem. O quam magna quamque multa in his quatuor exercitiis dulcedo, in lectione, in meditatione, in oratione, in actione! Magna; nec ad eam attingit mensura; nulla; nec video quod aliquis sit ejus numerus. Et quatuor hæc, fortassis illa quatuor sunt capita in quæ fluvius ille dividitur, qui ad irrigandum paradisum de loco voluptatis egreditur. Videamus jam quid dicat Scriptura de quatuor capitibus istis: *Nomen uni Physon, nomen secundi fluvii Gyon, nomen tertii fluvii Tygris; fluvius vero quartus est Euphrates*. Et de Physon dicitur quod circuit omnem terram Evilath, de Gyon quod circuit omnem terram Æthiopiæ, et Tygris vadit contra Assyrios. Non autem dicitur quod Euphrates aliquam terram circumbeat, vel quo vadat; sed solummodo dicitur, quod fluvius quartus ipse est Euphrates. Num aliquid istorum otiose dictum est? Non utique. Jam ergo intendamus his. Os pupillæ dicunt sonare Physon. Et si hoc verum est, sicut ad pupillam visio, sic ad os locutio referri potest; nam in ore lingua est qua loquimur, in oculo pupilla qua videmus. Et ubi quod verum est videmus, ne in caligine falsitatis aberremus, nisi in studiosa sacræ Scripturæ lectione? Et quando ex ordinis indulgentia diebus festis locuturi convenimus, unde quæso loqui debemus, nisi de iis quæ lectio in se continet sacræ Scripturæ? Merito per os et pupillam, studium sacræ lectionis exprimitur, in qua lux fulget veritatis, per quam ad claritatem pertingimus luminosæ cogni-

timis; et legimus verbum sacræ eruditionis, de quo conferimus ad invicem ad documentum tam propriæ quam fraternæ ædificationis. De eo autem quod primo loco posuimus, loquitur in secunda Epistola sua Petrus, *Habemus, inquit, firmiorem propheticum sermonem, cui bene facitis attendentes, sicut lucernæ lucenti in caliginoso loco (II Petr. 1, 19)*. De eo vero quod secundo, sanctus David ipsum communem Dominum omnium alloquens: *Lucerna, inquit, pedibus meis verbum tuum, et lumen semitis meis (Psalm. cxviii, 105)*.

CAPITULUM XVII.

Quod qui habitator est cellæ omnem debeat illicitam devitare locutionem, et quæ illa sint bona ad quæ nos sacra lectio provehit.

Tu ergo, serve Dei, qui in cella solus; et non tamen solus habitas; si omnia quæ pertinent ad sacram Scripturam per plenam notitiam apprehendis ad clarissimam quandam in mente visionem pertingis. Cum vero quoties tibi indultum fuerit ut loquaris, si in his linguam tuam occupare studueris, jam non solum visum intrinsecus clarificatum, sed et os tuum mundum intrinsecus habebis et ornatum. Sic, sic, non sine causa interpretari os pupillæ dicere poteris Physon, per quod sacram nos posse per lectionem accipere diximus; dum per eam tantam acquiris et in intuitu interno claritatem, et in ore exterius verbum veritatis, ad tuam et eorum qui te audiunt ædificationem. Absit semel et iterum, absit sæpe et semper, ut in claustris festis diebus cum os tuum ad loquendum aperies, loquacitatem in eodem ore tuo inordinatam assumas: hoc enim gravitatem et maturitatem tuam omnino non decet. Non multum apparet, quod diebus aliis studiosæ lectioni, puræ meditationi, medullatæ orationi intentum te exhiberis, si os ad loquendum aperiens, loquacitati aut garrulitati, et maxime disceptationi et contentioni linguam tuam ex prava consuetudine accommodaveris: hæc enim omnia, sed et omne verbum stultum et vacuum, mendax, dolosum, otiosum, impudicum, excusatorium, detractorium, comminatorium, iratum, superbum, ab illis spiritualibus exercitiis, quibus in cella intendere debes, prorsus aliena sunt. Memento quid per semetipsam Veritas dicat: *Omne verbum otiosum quod locuti fuerint homines, reddent rationem de eo in die iudicii (Matth. xii, 36)*. Si ergo est reddenda ratio de verbo otioso, quanto magis de noxio? quanquam non possit esse non noxium etiam verbum otiosum. Sed noxium hoc loco verbum vocamus, verbum deceptorium, adulatorium, litigiosum, falsum, et cætera in hunc modum verba criminalia, si quidem est crimen plerumque in ore, sicut et in corpore. Cætera, inquam, in quibus et Deus multum offenditur, et omnis qui audit non medioctiter læditur, ipse etiam qui loquitur, gravi peccato addicitur: ipso Domino teste: *Sicut ex verbis tuis justificaberis, sic et ex verbis tuis condemnaberis (Matth. xii, 37)*. Vide quanta debeat præcavere cura ne illud incurras, quod te condemn-

net. Hinc Pater et dux atque advocatus monachorum beatus Benedictus, in Regula monachorum sic scribit: *Scurrilitates, vel verba otiosa, et risum moventia, æterna clausura in omnibus locis damnamus, et ad tale eloquium discipulum aperire os non permitimus [Regula S. Benedicti, c. 6]*. Setto, dilectissime nobis, qui habitator es cellæ, quia fabulationes et nugæ, quæ in ore mutorum sæcularium fere indesinenter sunt, in ore virorum religiosorum, et maxime in ore Carthusiensium, blasphemix sunt. Certe, ut ait Dominus, *bonus homo de bono thesauro profert bona (Matth. xii, 35)*. Si in thesauro cordis tui reposita est per amorem ardentem, et exercitium continuum lectio, meditatio, oratio, utilis actio profertur utique lingua, aliqua istarum cum se moverit ad loquendum. Si hoc modo egeris, sensus tuus illustrabitur, et exterius os tuum venustabitur; et utrumque hoc bonum per studiosam tibi lectionem conferetur; ut non sine magno mysterio Physon, os pupillæ interpretetur. Hæc autem, de qua jam quædam diximus, lectio studiosa erudit nos, ut canteamus Domino canticum novum et sanctæ semper vitæ novitatem parturiamus, quia et Physon circuit omnem terram Evilath. In hac sanctæ novitatis parturitione, veræ sapientiæ nascitur aurum, et terræ illius aurum horum (haud dubium quin Evilath) optimum est. Quia nimirum est *sapientia quæ desursum est, primum quidem pudica est, deinde pacifica, modesta, suadibilis, bonis consentiens, plena misericordia et fructibus bonis, judicans sine simulatione (Jac. iiii, 17)*. Sapientia sanè nonne sapida scientia est? Et aurum quod non solummodo bonum, sed quod optimum est, in terra Evilath nascitur, quando et ab anima pia, et in qua per studium sacræ lectionis visus interior [Par., intrinsecus] ad illustrationem, et apud quam extrinsecus nihil profertur in ore, nisi quod pertinet ad ædificationem? cum sanctæ novitatis parturitioni intendit, diligit bonum, et in ipso interno palato suo, cum subjecta prorsus omni dulcedine illicita, nihil ei dulcescit nisi solus Deus, sapit ei quod omnium est honorum optimum. Et sic est uni nomen Physon: et sic circuit omnem terram Evilath, ubi nascitur aurum, et aurum terræ illius optimum est.

CAPITULUM XVIII.

De generibus sanctarum meditationum quibus intendere debet qui in cella solitarius sedet, et de studiosæ sacræ Scripturæ recordatione.

Porro nomen secundi fluvii Gyon, qui cum sit præruptio, circuit omnem terram Æthiopiæ. Ipsa est meditatio, quæ quidquid est Æthiopiæ nigredinis, ad peccati pertinentis deformitatem, priusquam per consensum animam deformem reddere possit, viriliter et valenter resistendo perfrumpit. Cum enim internæ meditationis puritati anima sancta ex omni parte se intendit, nulla eam sibi quantumlibet violenta tentatio per consensum subjicere valet. Mox quippe ut ad ipsam mentis januam pulsare tentatio incipit, si in defæcata meditatione perfectæ mens

occupata fuerit. Ejus nimirum vires, non tam quæ jam nocuerint abruptit, quam ne de novo nocere valeant perrumpit [*Par.* perrumpit]. Idcirco, tu, qui habitator es cellæ, sicut tibi sapit studiosa lectio, quæ est Physon, cum ejus aquas bibis, (quæ circuit omnem terram Evilath, ubi optimum nascitur aurum;) sic nihilominus sapiat tibi meditatio pura, quæ et circuit omnem terram Æthiopiæ. Nam nimis periculose evomis quicquid scribendo de aquis sumpsisti Physon, nisi statim de aquis bibas Gyon. Sicut enim legere et non intelligere negligere est, sic profecto lecta et intellecta oblivisci, quid aliud est quam omnino perdere quicquid legendo et intelligendo acquisisti? Sunt autem plures meditationum modi, quibus cum studiose intenderis, ad stabilem nimirum mentem tuam maturitatem, et maturam stabilitatem restringere poteris. Sicque coges eam ut solide subsistat in se, nec se vel inaniter elevet supra se, vel enerviter dejiciat subtus se. Nec sordescat, inquam, cum fuerit ab illo summo magistro super turmenta terræ edocta; nec inanescat cum super volucres cæli erudita. Sicut autem hujus de qua loqui proponimus meditationis diversi modi sunt, ita et diversas in animo meditantis causas gignunt. Nos autem illum primo loco modum ponimus, quo in meditantis mente causa procedit eruditionis; secundo, qui causam gignit doloris et timoris; tertio vero loco ponimus illum, qui occasionem administrat amoris et consolationis; quarta quoque, de qua percipit mens causam pietatis et compassionis; quinto verò, de quo discretionis causa venit et abjectionis; sexto loco illum ponimus modum, de quo venit in anima renovationis suæ causa et reparationis; septimo quoque, de quo stuporis causa venit et admirationis; octavo illum ponimus modum, quo in mente meditantis illa revolvuntur, quæ sunt invisibilia et spiritalia; sed et illum nihilominus ponimus, quo mens sobria et sancta ab omni non solummodo affectione impari, sed et ab omni cogitatione otiosa prorsus expers effecta et aliena, per visionem non jam spiritualem, sed nec rationalem, sed per visionem potius intellectualem, in ipsis veris ipsam veritatem beatis conspiciat. Hic puræ mentis beatus fit excelsus in Deum, qui jam non simplex meditatio, sed excellens valet contemplatio vocari. In ea eamque pia et succensa mens, omne corpus, omnesque corporeas imagines similitudinesque transcendens, in ipsa luce Veritatis, in qua vere et vera sunt omnia, præterita præsentia et futura; nec aliter præterita, quam futura vel præsentia; nec aliter præsentia, quam præterita vel futura; nec aliter futura, quam præsentia, vel præterita; sed simul, et semper, et eodem modo omnia, quæcumque et Veritas revelavit, simplici intuitu contemplatur. Quidquid in hac fuerit visione ab anima sancta pure comprehensum, vere luminosum esse constat, et certum. Ipsa est quæ remota visione imaginaria pariter et phantastica, visionem sensualem et spiritualem clarificat, ut fiat in te videns, vel mysteria loquens, vel occulta patefa-

ciens, vel ventura prænuntians. Sunt autem et alia fortassis meditationum genera quæ rationabiles et convenientes ex se causas producant; sed ista nobis in præsentia occurrerunt. Et nunc audi plenius et perfectius, tu qui habitator cellæ es, quædam quæ pertinent ad hæc. Itaque, ut primum de primo modo sermonem habeam ad te, sedens in cella tua, mente per omnes divinæ paginæ libros discurre; comitante silentem hanc ruminationem et recordationem tuam intelligentia, eamque clarificante, revolve apud te, imo intra te, in mente, quæ in libris sunt legalibus, et libris prophetarum, et agiographorum; sed et quæ continentur in libris quæ ad Novum pertinent Testamentum, evangelistarum videlicet et apostolorum, atque doctorum catholicorum narrationes et generationes, eventus et gesta; sive quæ historice, sive quæ allegorice aut tropologicæ, vel certe anagogicæ, recte et catholice intelligenda sunt. Duc considerationem tuam ab ipso mundi exordio, per ea quæ per quatuor successuum variationem [*Par.* narrationes] sunt facta et dicta, per ætates sex, per tempora tria, per status duos: et a tempore Incarnationis Christi usque ad hujus temporis fecem, quæ ad ipsum Christum, quæ etiam ad apostolos, et martyres, et confessores, et virgines spectant. Quam magnum sub silentio in corde tuo multiloquium in singulis! Num quando hæc omnia et singula intra te ruminas, esse solus in cella dicendus es? Non utique tunc solus es, quia cum his diligenter intendis, universæ de quibus agit vetus et nova Scriptura, et de quibus in Scripturis Patrum qui post Incarnationem fuerunt mentio fit, tecum quodam modo personæ sunt. Nisi quia hoc fortassis peramplius et perfectius est, quia in te quoque sunt: et magnam quidem ac multam hic percipies eruditionem, qui ipsam intra te sacræ Scripturæ comprehendis universitatem.

CAPITULUM XIX.

De illo meditationis modo, qui in animo meditantis timoris gignit causam et doloris, qui in octo modis dividitur.

Meditationi huic succedit alia, et est (o tu, qui habitator es cellæ) quæ specialiter pertinet ad te. Sedens itaque in cella tua recogita in amaritudine animæ tuæ annos et dies tuos; volvens intra te et revolvens quæ et quanta et qualia mala, ubi et quando, qua voluntate et intentione, sed et quando sive in mente sive in carne tua commisisti. Cogita et recogita intra te, quam sis et mente et corpore infirmus, quam proclivis ad vitia, quam invalidus ad virtutes, quam multis sis timoribus contractus, doloribus afflictus, erroribus vagus, curis anxius, suspicionibus inquietus: quibus quantisque periculis sis expositus, vinculis ligatus, sordibus inquinatus, piaculis repletus, quam magnorum sis multorumque malorum molibus oppressus. Qualiter fere incessanter alienis a te, dilanieris in te, dilacereris intra te, disperis extra te, dejiciaris infra te (et prosternearis subtus te, sed et inaniter elevetis supra te. Et quia nimis longum est, imo impossibile no-

his est omnes numerare calamitates, quas intus et extra miser patitur homo, cogita quomodo sis ipse similis descendentibus in lacum: et nisi tibi gratuita Conditoris tui adsit gratia, talis es in tentatione, qualis est vel cera a facie ignis, vel pulvis levissimus in flatu vehementissimi venti. Representet tibi post hæc in mente tua ipsa meditatio tua, quam terribilis sit ipse universæ creaturæ Conditor in consiliis super filios hominum, reproborum nec mala diluens, nec bona acceptans, insuper et corda eorum justo sed occulto iudicio suo non emolliens, sed etiam indurans, ne convertatur et sanet eos. Cogita intra te quod Ecclesiastes dicit, quia *sunt iusti et sapientes, et opera eorum in manu Dei sunt; et tamen nescit homo utrum amore an odio dignus sit* (Eccl. ix, 4); sed omnia in futurum servantur. Tunc crunt certa, quando ut se emendet homo, nec locum jam habebit, nec tempus. Dicit item idem ipse: *Considera opera Dei, quod nemo possit corrigere, quem ille despererit* (Eccl. vii, 14). Statue post hæc ante oculos considerationis tuæ, ipsum animæ tuæ a corpore egressum depingens modo intra te, quam terribilis tibi erit hora illa, et ideo non mediocriter etiam nunc metuenda? quanta erit tunc, et in anima tua trepidatio, et in corpore tuo afflictio, quando duos istos (at sic dicam) socios, qui simul aliquando fuerunt (dico autem de corpore tuo et de anima tua) separabit ab invicem amara et inimica mors. Meditare nunc apud te, imo intra te, quæ tunc erit tibi in mente, non solum omnium quæ in hoc mundo sunt rerum, sed et cunctorum charorum, anticorum et parentum oblivio. Et erit tunc quidem hinc egressio, sed ignoratur penitus quo emigratio; sicut quidem ait de seipso: *Egrediar, sed nescio quo, sed nescio quando*; nec aliqua spiritus ad corpus ante novissimum diem speratur reversio, juxta illam veram sancti viri sententiam, quæ talis est: *Homo cum dormierit non refulget, donec atteratur cælum, non exiglabit, nec consurgat de somno suo* (II Cor. v, 40). Deserit corpus spiritus, ipsoque illud deserente moritur corpus. Itaque corpus quod vivit ex anima, sit exanime. Ut enim beatus dicit Augustinus (quod et nos quotidie in his qui nos præcedunt intuemur; sicut et in nobis, cum tempus nostrum advenerit, qui erunt superstites intuebuntur) discedente anima, qui ambulabat læcet, qui loquebatur tacet: elausi oculi lucem non capiunt, aures nulli voci patescunt, omnia membrorum officia conquiescunt. Non est qui moveat egressus ad ambulandum, manus ad operandum, sensus ad percipiendum. Nonne ista est domus, quam nescio quis invisibilis habitator ornabat? recessit qui non videbatur, remansit quod cum dolore videntur. Hæc beatus Augustinus de his. Convertat se jam ad aliud meditatio tua, et prævideat prout potest præsentationem animæ tuæ a corpore exatæ, ad tribunal illius iudicis terribilis, iudicis districti. Ut enim Apostolus ait: *Omnes nos manifestari oportet ante tribunal Domini nostri Jesu Christi; ut unusquisque referat propria*

A corporis, prout gessit, sive bonum, sive malum (Joan. xiv, 30). Unus homo erat, qui pro eo solus ingressus est sine macula, qui et solus liber inter mortuos fuit, solus quoque dicere potuit: *Veni ad me Princeps mundi hujus, et in me non habet quidquam*. Non est aliquis nostrum in quo non habeat aliquid suum. Intuere post hæc considerationis tuæ oculo, in ipsa interna meditatione tua, quid de tuo corpore erit, postquam ab eo anima tua recesserit. Non autem necesse habet multum laborare in prævidendo hoc meditatio tua; quia quid super hoc debeat sentire, ipse quoque te certum reddit corporalis aspectus. Nam vade modo, et cujus volueris mortui sepulcrum aperi et inspice. Nonne si hoc feceris, in tantum et aspectui erit et olfactui quod apparebit horrore, ut neutrum aliquo possit modo vel ad momentum sustinere? Certe apparebit cadaver horribiliter fetens, putredine scatens, vermibus scaturiens: et usque ad hoc deveniet istud de quo loquimur corpus, ut sit post exitum animæ, fetor, post fetorem, putredo; post putredinem, vermis; post vermem, omni pulvere abjectior, vilior, fedior, et fetidior pulvis.

CAPITULUM XX.

De generali resurrectione mortuorum, et penis damnatorum, et qualiter repeti debeant illi octo modi, in quibus timoris existit causa et doloris.

Jam tibi, qui habitator es cellæ præmonstret, de qua sermonem habeo ad te, tua meditatio, aliqua de futura illa in novissimo die resurrectio mortuorum generali; quando in fine sæculi veniet ipse Rex regum, et iudex vivorum et mortuorum. Et veniet in potestate magna et majestate iudicaturus, qui in infirmitate et humilitate dudum venit iudicandus. Et eum (sicut ipse promisit) sic venerit, venient et omnes angeli ejus cum eo, et congregabuntur ante eum omnes gentes. Tunc dicit iustis, et ideo salvandis: *Venite, benedicti*; iniustus, et ideo damnandis: *Discedite a me, maledicti*. Illis dicit: *Possidete regnum*; istis vero: *Ite in ignem æternum*. O! possidete regnum. O! ite in ignem æternum. Erit tunc impletum veraciter quod de reprobis in Apocalypsi sua sanctus Joannes narravit quasi præteritum, quod adhuc est futurum. *Sustulit, inquit, angelus lapidem quasi molarem magnum, et misit in mare, dicens: Hoc impetu mittetur Babylon illa civitas magna, et ultra non inveniatur* (Apoc. xviii, 21). Hic angelus ille est, qui vocatur magni consilii angelus; fortis quidem, quia *Dominus ipse fortis et potens* (Psal. xxiii, 8). Ipse magnam illam reproborum stipulum siccam æternis incendiis preparatam (quæ lapis dicitur, propter insensibilem duritiam; molaris vero, quia *in circuitu impiis ambulanti* [Psal. xi, 9]) mittet in mare æternæ damnationis. Qui lapis molaris, illa est Babylon magna, quæ sic in hoc mare mittetur, quod ultra non inveniatur. Et magnam quidem solet hæc in anima meditatio facere moram, depingens apud eam, imo intra eam illum iudicis qui tunc apparebit, maximum terrorem, omnium oculorum aperitionem. Nam iudicium sedebit et libri

præteritarum conversationum et internarum conscientiarum aperientur; et iudicabuntur singuli, secundum id quod scriptum habebunt libri. Depinge quoque virtutes cœlorum motas, cœlos et terras ardentis, ipsam quoque terribilem et horribilem quam in reprobos exercebit vindictam, *ponens eos at clibanum ignis in tempore vultus sui, quos ipse conturbabit, et devorabit eos ignis (Psal. xx, 10)*. Ignis utique qui ut legimus, non exstinguitur. Et multa alia terribilia, et horribilia, atque tremenda, quæ potest anima utcumque prævidere, quæ huic studuerit meditationi sollicitè et diligenter intendere. Jam vero post hæc circumeat meditatio tua, et perambulet terram illam tenebrosam, et operam mortis caligine, terram miseræ et tenebrarum, ubi umbra mortis et nullus ordo, sed sempiternus horror inhabitat (Job x, 21, 22). Videat in terra illa pœnas æternas reproborum, gehennam infernalem, ubi ignis erit inexstinguibilis, vermis immortalis: ubi etiam (ut innumera verbo brevissimo concludamus) nihil aderit boni, nihil deerit mali. Ecce meditationes octo, quas tibi, qui habitator es cellæ, proposui; sex quidem in capitulo præcedenti, duas vero in hoc sequenti. In has vero octo meditationes illud secundum meditationum genus dividitur, in quo timoris pariter causa consistit et doloris. Has quoque meditationes octo, repetitione volumus compendiosa enarrare, ut eas et prætius in memoria retinere, et cum volueris intra te possis revolvere. Prima est; de multis quantum ad nos absque numero, et de magnis sine mensura excessibus, quos et in mente et in carne damnabiliter commisimus. Secunda, de miseris, quæ et ipsæ mensuram excedunt, et numerum non admittunt, quas in corde et in corpore sustinemus; tam illis quæ ad culpam pertinent quam polluimur, quam quæ ad pœnam qua cruciamur. Tertia est, de secretissima, severissima, et in æternitate immobiliter fixa animadversione, qua ille terribilis super filios hominum, justus et oculatus, atque districtus iudex Deus vigilat super creaturam rationabilem reprobam; quam et ab æterno reprobat, et in æterno damnat. In qua meditatione deprehendimus nos, non absque grandi timore et terrore ignorare, in qua via habitat lux, et tenebrarum quis locus sit, et nescire utrum amore simus an odio digni. Quarta quoque est de illa resolutionis hora terribili, in qua corpus ab anima et animam a corpore continget separari. Quinta est de manifestatione animæ ante tribunal iudicis; quando talis ibi præsentabitur, qualis hinc egreditur: cui apparebit et hostis, de omnibus eam quæ commisit illicitis, quæ per poenitentiam et confessionem et satisfactionem deleta non sunt, accusans: et conscientia iis attestans, et ipse iudex secundum sua ei merita reddens. Sexta profecto est de eo quod evacuatam anima corpus sepulturæ traditur, terra terræ commendatur, cinis in cinerem revertitur, caro vermis esca datur, in putredinem redigitur post putredinem abjectissimus pulvis efficitur. Septima est de

A generali resurrectione mortuorum, et de tremendo iudicio illo, ad quod ipsa congregabitur generis humani universitas; de terrore iudicis in quo reprobis apparebit; de prolatione terribilis sententiæ, quæ talis erit: *Ite, maledicti, in ignem æternum (Math. xxv, 41)*. Octava est de suppliciis eorundem reproborum in æternum damnatorum; ad quæ pertinet ille de quo Isaias dicit, ignis exurens, vermis corrodens (Isa. lxvi, 24), et utriusque æternitas; quia de illo dicitur quod erit inexstinguibilis; de isto vero quia erit immortalis.

CAPITULUM XXI.

Qualiter in animo meditantis timor expellit elationem, et de tertio meditationis modo, qui occasionem administrat amoris et consolationis.

B Istæ meditationes, quas numero octo tibi qui habitator es cellæ, proposuimus, ad illum pertinent meditationis modum quem secundo loco proposuimus, de quo etiam diximus quod doloris gignat causam et timoris. Et verum quidem diximus: quid enim in singulis octo his aliud animus invenit meditantis, quam quod validi ei timoris causam occasionemque gignat, et doloris? Istæ sunt meditationes, quæ mentem cum eis diligenter intenderit; pungunt et percutiunt, verberant et flagellant, vulnerant et cruciant, ad compunctionem provocant et ad lacrymas excitant. Dolet quippe supra modum anima his intra se meditationibus diligenter intendens; dolet inquam et timet. Dolet multum, quia se sentit in præsentem pati tam gravia; sed magis timet, quia formidat ne in futuro patiatum valde graviora. Hunc in se habuit dolorem et timorem, qui concussus et compunctus, illi terribili iudici hoc dicebat: *In me transierunt iræ tuæ, et terrores tui conturbaverunt me (Psal. lxxxvii, 17)*. Postquam iræ tuæ in nos transierunt, terrores etiam sui nos conturbant, quia cum supra modum nobis videantur dura quæ nunc toleramus, metumus quoque ne exigentibus culpis nostris, ad toleranda in fine sine fine longe duriora perveniamus. Iste meditationis modus, quem in octo modos divisimus, tibi qui habitator es cellæ, quemdam dat ignitum sentire affectum; sicut præcedens ille, ad luminosum quemdam et præclarum te perducit intellectum. Et cum uterque modus sit admodum bonus, magis tibi iste est necessarius, quia ille quidem te instruit, sed iste te afficit; ille quasi multas divitias ostendit, iste vero ad earum te possessionem perducit. Vide quia ille dici dives debet qui divitias multas possidet, non autem ille qui eas solummodo (cum sint alterius, et non suæ) oculis videt. Ibi percipies scientiam, hic autem sapientiam; ibi ut agnoscendo scias, et sciendo agnoscas; hic autem ut timendo doleas, et dolendo timeas. Quod ibi est, quasi tenuiter fragrat in olfactu, quod vero hic est, plene sapit in gustu. Illi intendere, nisi similiter intendas et isti, periculosum est tibi; quia ille nonnunquam administrat elationem, hic autem semper humilitatem, nam scientia inflat, et cognitio mentem inaniter exaltat: dolor vero, dum compun-

gendo flagellat, inflationem detrahit facit; et timor, dum quasi minando excruciat, inanem in mente exaltationem premit. Itaque causa est multoties scientia et cognitio, elationis; sed est dolor et timor semper causa profundæ humilitatis. Itaque in primo illo meditationis modo, quasi cernis quamdam maximam lucem; in hoc secundo quemdam maximum sentis calorem: et idcirco statim postquam diligenter intenderis illi, intende non minori diligentia et isti, ut si forte inquinasti in illo pedes tuos, in isto quoque laves eos. Verum, sicut primus ille modus indiget isto secundo, ne nimis inaniter per tumorem elationis erigat; ita nihilominus et iste secundus indiget quodam tertio, ne nimis lethaliter per horrorem desperationis deficiat. Quia igitur nihil in hoc secundo meditationis modo tua, o, qui habitator es cellæ, mens invenit nisi quod est doloris, quod magnæ est amaritudinis; ne forte (quod absit) abundantiori tristitia absorbeatur quando hæc cogitat, bene facit si sibi læta quædam et dulcia, ad mitiganda tristitia hæc, et ad minuenda ne in id quod nimis est se extendant amara ista, representat. Idcirco representet hic tertius meditationis modus tuæ intrinsicæ menti, quantæ sit dulcedinis et pietatis, quantæ clementiæ et bonitatis ipse Deus, quod suavis est universis, quod miserationes ejus super omnia opera ejus, quod multus est ad ignoscendum, quod præstabilis super malitia, quod longanimis est in exspectando, quod multum misericors in remittendo, quod Pater est misericordiarum et Deus totius consolationis, qui consolatur suos in omni tribulatione eorum, quod quomodo miseretur pater filiorum ita [Par., ipse.] quoque timentibus se miseretur. Id autem quam maxime meditatio, hæc menti tuæ representet, quod proprio Filio suo non pepercit, sed pro nobis omnibus tradidit illum: omnia nobis in illo donans; et in ipso, et per ipsum, mundum sibi reconcilians. Quod idem Filius in tantum nos dilexit quod lavit nos a peccatis nostris in sanguine suo; quod pro nobis indutus est carne, turpatus cruce, multatus morte. Quod carnem suam et sanguinem suum dedit nobis, et animam pro nobis; carnem ad duram, et diram, et ignominiosam passionem; sanguinem vero ad largissimam de quinque locis sacratissimi corporis sui effusionem, animam ad emissionem. Et si volumus aliquid interius in his scrutari, nobis et carnem dedit in cibum, et sanguinem in potum, et animam in pretium. Quid hoc ad nos? multum per omnem modum; ut reficiamur videlicet jejuni, potemur aridi, relinamur captivi. Qui tot et tanta passus est pro te putas quod deserat te? Absit ut hoc putes. Quam multos, qui longius quam tu, recesserant ab eo vocavit ad se? Nam ipse est, qui ubi abundavit delictum, superabundavit gratiam facit. Testis est sanctus David, qui peccavit peccatum grande. Nam, adulterio pollutus, homicidio cruentus, adauxit quoque geminum malum hoc abominatio proditionis. Erat autem quo li-

gatus fuit funiculus triplex; adulterium, homicidium, proditio; fœdus ipse, cruentus et dolosus. Et difficile quidem imo impossibile ut rumperetur, nisi quia ubi abundavit delictum, superabundavit, in eo et gratia. Nam hæc ejus peccata erant; Incestus, crudelitas et dolus. Sed ubi abundavit incestus, superabundavit munditia; ubi abundavit crudelitas, superabundavit pietas; superabundavit et simplicitas puritatis, ubi abundavit dolus proditionis. Certe multiplicantur super numerum qui tales sunt, si velimus (quod tamen non possumus) revocare ad memoriam universos quorum misericors Deus et pius remittit iniquitates, legit peccata; abluens eos, et justificans, ac sanctificans in Spiritu sancto. Sic sic, quantum distat ortus ab occidente, longe fecit ab eis iniquitates eorum, ponens in eis bonum ubi erat malum, ubi injustitia ibi meritum, et gratiam ubi culpa. Et hic est tertius meditationis modus, de quo tibi diximus, qui habitator es cellæ, quia occasionem gignit et causam amoris et consolationis; sicut præcedens, qui secundus est, timoris administrat causam et doloris. Et necessarium valde ut hic modus tertius succedat primo, quatenus quemadmodum secundus in primo evacuat tumorem elationis, ita et tertius horrorem a secundo auferat desperationis. Sicque in duobus his modis, secundo videlicet et tertio mens tua Deo cantare valeat, non solum misericordiam, ne eam elevet temeraria præsumptio, nec solum judicium, ne eam absorbeat mortifera desperatio; sed misericordiam pariter et judicium, ut nequaquam in unam sui partem claudicat; ne (quod absit) a recta semita exorbitet, sed via recta incedere curet: non declinans, vel a dextris, insipienter in spe vana [Par., vacua] exultans; vel a sinistris, damnabiliter in desperatione profunda trepidans.

CAPITULUM XXII.

De quarto meditationis modo, qui causam gignit in animo meditantis pietatis et compassionis: et quod quædam quæ videmus ab aliis mala fieri, magis debeamus intra nos plerumque excusare, quam temere judicare.

Meditationis quoque quartus modus est, de quo percipere debes tu, qui habitator es cellæ, causam pietatis et compassionis. Et apte modus iste, illi succedit tertio modo, qui causam tibi administrat consolationis; ut tu nimirum consolatus quoscunque videris vel miseria afflictos, vel culpa contaminatos magis prostratus ad compatiendum, quam ad judicandum; magis ad consolandum te promptum exhibeas, quam ad exprobandum. Hoc ideo diximus, quia illi, qui habitu religionis induti videntur, seu monachi, seu etiam clerici regulares, in claustris suis morantes, vel nos quoque anachoretæ et eremitæ, qui soli degimus (et utinam soli), cum aliquid intuentur ipsi quod eis displicet, intuemur et nos nulla discretionis præ oculis habita, abaque compassione aliqua. Et illi multoties ad judicandum potius quam ad consolandum concurrunt, concurrimus quam sæpe et nos.

Ut quid tu qui in angulis cellæ tuæ latitas, alios judicas; non quidem jam ad similitudinem lupi rapacis, sed magis mordens ad instar pulicis mordacis? Nec judicas, ut ille judex justus, in æquitate, sed magis ut judex iniquus, qui nec homines times, nec Deum revereris, in iniquitate. Nam impingis in priorem tuum, aut in eum qui loco ejus, ipso absente tibi præest, seu in provisorum tuum, vel in aliquem fratrum tuorum. Nunquam aliquem istorum reperies, qui non tibi multoties reprehensibilis appareat, etsi nususquisque veraciter irreprensibilis, sicut homo esse potest existat. Quomodo, ait, erit istud, ut cum aliquis eorum merito reprehendi non debeat, mihi quoque unusquisque eorum jure reprehendendus appareat? Ex eo quidem est quod tu superbus et iracundus, immitis et impatiens es, et nunquam propitiam tuam, quantumcumque fuerit perversa, voluntatem vis frangere; sed eam semper contra jus et fas, protervus et rebellis, atque quantum in te est penitus invincibilis conaris adimplere. Cumque omne quod in te est, sic sit in te, ut non ab aliquo alio, sed a teipso sit; tu tamen non id tibi, sed aliis potius imputas, quia oculos quidem tuos ad alios aperis, ad teipsum autem ex toto eos claudis: unde fit ut salubriter teipsum videre non possis, dum nunquam te, sed semper alios attendis. Si enim tuus te oculus plene videret, nullas multoties tibi alius quisquam quam tuipse, tibiipsi reprehensibilis appareret. Sed quia quadam nimis gravi infirmitate deprimeris eos qui etiam bene tibi in omnibus ministrant, semper reprehendis: cum hoc te cogat facere non eorum aliqua (quia prorsus nulla est) negligentia, cum omni tibiipsi serviant diligentia; sed tua potius infirmitas magna. Nec ista idcirco diximus, quod omnia quæ ab aliis vides fieri, semper debeant laudari, et nunquam pro loco et tempore, pro persona et causa a te reprehendi (cum non tam sæpe, quam fere semper magis reprehendenda videas quam laudanda), sed ut sic, cum causa exigit, alios accuses, ut in his in quibus tuipse digne accusari debes, te nunquam excusos. Et sic fiet ut dum incessanter attendis quam gravis tua mala propria, tolerabiliora tibi videantur aliena; ut dum zelus tuus plene temperatus fuerit etiam nimis esse non possit; Eritque hoc cum nunquam nimis vel sublesteas citra, vel se extendens ultra, sub modo se cohibeat et mensura; via quidem regia ambulans et nequaquam nimis temere vel a dextris vel a sinistris declinans. Itaque tu qui habitator es cellæ, cum nonnulla vel audieris vel videris a quibusdam mala committi, sic ea per solum et rectitudinem accuses, ut ex nonnulla parte per pietatem et compassionem excuses. Nequaquam laudandum putes quod jure debet reprehendi, sicut nec reprehendendum, quod merito laudari: ne illud propheticum incurras quod tale est: *Vae qui dicunt malum bonum, et bonum malum; ponentes amarum in dulce, et dulce in amarum, ponentes lucem tenebras, et tenebras lucem (Isa. v. 20)*; sed sicut semper cum laudas, adulatio debet abesse;

ita nihilominus cum reprehendis compassio debet adesse. Idcirco cum sinistram aliquid fieri videris, puta id evenire ex infirmitate, puta ex subreptione, puta ex casu. Excusa intentionem operantis, si excusare non potes ipsum opus. Quod si nec ipsam videris prorsus aliquam excusationem admittere, puta tentationem nimis fuisse vehementem. Cum itaque aliquem videris spiritualiter ægrotare, sic ejus tibi displiceat ægrotatio, ut placeat tamen tibi qui ægrotus jacet: nec tibi placeat quod ægrotus est, sed ille tibi placeat qui ægrotus est. Sic, sic diliges hominem, et persequeris peccatorem: qui tamen placere tibi debet, non quia peccator est, sed quia homo est. In malis proinde, quæ videris apparere in hominibus, nec zelus tibi, nec compassio desit: et sic tam illam quam ista in te sit, et utriusque causa, principium quoque, et medietas, atque finis, sincera et ordinata charitas adsit.

CAPITULUM XXIII.

Qualiter quintum meditationis modum opponere debeamus in mente nostra, contra illam, qua jupiter pulsamur, tentationem carnis, diaboli et mundi.

De quinto meditationis modo, despectionis causa venit et abjectionis, et venit hoc modo. Japis te experientia debet reddere certam, qui habitator cellæ es, quia nullatenus absque tentatione esse potes. Si enim vera est illa sancti viri sententia: *Tentatio est vita hominis super terram (Job 1, 7)*, imo, quia vera est, tentatio nunquam deesse potest quando vita super terram est? Consequens proinde est, ut cum jam non super terram amplius vivis, scias quod nequaquam ante, sed tunc primum sine tentatione sis. Nunc te tentat caro, tentat mundus, tentat et ille hostis antiquus. Trahere te nititur caro ad voluptatem, mundus ad vanitatem, diabolus ad illum quo ipse plenus est, superbie et tumoris, invidie et livoris, iræ, odii, et aliorum quæ in hunc modum sunt vitiorum spiritualium horrorem. Tu autem cum aliqua istarum tentationum pulsari te sentis, stans te ante te, sedens in cella tua: et in interna meditatione tua vide et considera qualiter eam despiciere, et a te abjicere possis. Cum te caro tentando alloquitur, voci ejus nefarie non præbeas aurem, sed absque omni mora fac eam silere: fac autem hoc modo. Considera in meditatione tua quam impura, quamque fœda sit hæc caro quam portas, quam immunda et brevis sit omnis delectatio ejus, quod post modicum morti est tradenda, et post mortem futura est vermis, et putredo, et fœter; post vermem vero, fœterem et putredinem, abjectissimus et vilissimus pulvis. Cum igitur ad experientiam illicitæ et sceleratæ, ac ideo mortiforce dulcedinis trahere te nititur, depicta ab illo aeductore callide coram mentis tuis oculis, carnalis species formæ; considera, non quidem qualis utcumque extrinsecus videtur apparere, sed magis qualis in ipsa rei veritate, in seipsa etiam nunc in vita sit, et qualis post mortem futura sit. Videbis aperte, quia quasi sacculus quidem foris nitidus apparet, sed intus omni spurcitiâ, et immunditiâ, et

corruptione intolerabili fetet. Nunc mentis tue conspectibus talis per omnia appareat vivens, qualis erit mortua in sepulchro jacens, et vermicibus seaturiens, et evidenter deprehendes quod cum illa concupiscitur, nihil aliud quam tabes et pulredo desideratur. Sic cum beato Job, testa sanient rades (*Job* 11, 9); sic ad petram miseræ filix Babilonis parvulos allides. Cum autem in auribus tuis es aperit mundus innotundus, suggerens tibi ut illum qua ipse plenus est desideres vanitatem, considera quod fumo similis est omnis altitudo ejus, et annis gloria ejus ad finem ignominiam velocissime tendit. Cum aliquem videris in eo exaltatum, et elevatum sicut cedros Libani, transi, et ecce non est. Nam Jans ejus brevis est, et gaudium ejus ad instar puncti. Si ascenderit usque ad coelam superbia ejus, et caput ejus nubes tolligerit, quasi ætquilibrium in fine perdetur, et qui eam viderant, dicent: Ubi est? Velut somnium avolans, non invenietur; transibit quasi visio nocturna (*Job* 21, 5-8); et cetera quæ ab inimicis sancti viri, mendaciter quidem, de eo dicta sunt, sed veraciter de superbo quolibet et impio, qui contemptus omnino cœlestibus, sola quæ mundi sunt cogitat et amat. Jam vero ad destruendam vocem amici versipellis et malitiosi, nihil (ut mihi videtur) vivacius poterit opponi, quam omnimoda perfectio illa sanctitatis (quam in corde habuit, et in ore protulit, et opere ostendit) Salvatoris tui. Ut clavus clavum expellit, in nihilum penitus redigat in corde tuo abundantiam malitiæ diaboli, habita semper præ oculis mentis tue, inestimabilis [*Par.*, ineffabilis] illa plenitudo sanctitatis Domini et Redemptoris nostri Jesu Christi. Nihil omnino ad mortem pertinens ille tibi per consensum infundere poterit, quod non suaditus annihilat in mente tua, superabundans sanctitas hujus, cum plene et perfecte per puram meditationem, cum devotione et amore intra te perseveranter manserit. Hæc itaque meditatio est, causam tibi conferens cujusdam bonæ despectionis et abjectionis: docens videlicet te despiciere in te, et abjicere a te, quidquid tibi suggerit susurrans in interna aure tua, vel caro ad sædam voluptatem, vel mundus ad instabilem vanitatem, vel ille magnus hostis noster ad omnimodam perditionem.

CAPITULUM XXIV.

De tædio quod aliquis patitur qui cellæ habitator est, et quomodo illud a se repellere, sequæ renovare ac parare possit.

Ad ea vero in quibus renovationis tue existit causa et reparationis, tibi dico, qui habitator cellæ es, ætius meditationis pertinet modus, quam hoc modo intra te debes habere. Apprehendit te multoties cum solus in cella es, inertia quædam, languor spiritus, lædium cordis; quoddam et quidem valde grave fastidium sentis in te ipso; tu tibi oneri es, interna illa qua tam feliciter uti solebas suavitas, jam defecit tibi. Dulcedo quæ tibi inerat heri et nudius tertius jam in magnam amaritudinem versa est; ex toto aruit illè quò abundantissime perfundi solebas

PATROL. CLIII.

A lacrymarum humor; spiritalis in te emarcuit vigor, interit decor. Distantiam et dilaceratam, confusam et discissam, tristem et amaricatum portas animam tuam; et ubi eam ad quietem componas non habes. Non jam sapit tibi lectio, oratio non dulcescit, solitas meditationum spiritualium imbres non invenis, et quid amplius dicemus? Nihil in te remansit hilaritatis, alacritatis, jucunditatis spiritualis. Ad cachinnos, ad fabulationes et otiositates promptus et velox es; ad silentium vero, ad agendum aliquid utile, et ad omne spirituale exercitium tardus omnino et piger es. O quam misera mutatio studiorum! Jam idem ipse non es qui aliquando fulsti, sed ex toto alius. Sed consurge, excutere de pulvere, solve vincula colli tui. Copare qui sic disciasus es reparare te: et renuntiâns huic vetustati, intendis totis viribus tue renovationi. Quomodo hoc, inquis, facere poteris? Audi, et intellige quomodo hoc possis facere. Representa tibi coram oculis tuis sociorum [*Par.*, sanctorum] præcedentium et labores magnos, quos sustinuerunt in tempore, et præmia longe majora quæ jam perceperunt in æternitate. Conjunge vectes vectibus, in interno tabernaculo tuo, corde tuo: ipsis quoque annulos aureos impono, ut firmum sit ædificium mentis tue, et non vacillet. Vectes utique vectibus conjungantur, cum virtutes virtutibus copulantur. Vide quomodo vectes vectibus ille apostolorum princeps in secunda epistola sua conjungat, qui in ea sic ait: *Ministate in fide vestra virtutem, in virtute autem scientiam, in scientia autem abstinentiam, in abstinentia autem patientiam, in patientia autem pietatem, in pietate autem fraternitatis amorem, in fraternitatis amore charitatem* (*II Petr.* 1, 5). Quanta autem ex hac vectium insimul copulatione utilitas proveniat, subdendo manifestat: *Hæc enim si vobiscum adsint, asperent, non vacuos nec sine fructu vos constituent in Domini nostri Jesu Chr. i cognitione* (*Ib.*, 8). Sed vectes hos annulis aureis impone: hoc est, considera in mente quæ et qualia, et quanta sint præmia quæ jam perceperunt. Nam per aurum claritas, per annulum vero, in quo nec initium nec finis valet inveniri, perpetuitas designatur. Ut scias nimirum, ineffabiliter prætorum suorum et perpetuitatem esse claram, et claritatem perpetuam. De ipsis quoque vectibus simul copulatis, et annulis aureis, hoc modo Psalmista facit mentionem: *Ibunt de virtute in virtutem: videbitur Deus deorum in Sion* (*Psal.* LXXXIII, 8). De virtute ire in virtutem, ad vectes: videre. Deum deorum in Sion ad annulos aureos spectat.

CAPITULUM XXV.

De his quæ in carne operatus est Christus, et de labrius sanctorum suorum.

Vade ergo, et in primis considerationis tue oentis pone illum Sanctum sanctorum, qui tuam et electorum omnium caput est, ut sic te probes esse sapientem: Nam *oculi sapientis in capite ejus*. Itaque vide eum absque omni impuritate conceptus, et natum, et pannis involutum, et in præsepio reclinatum,

lacte materno nutritum, circumcisioni subditum; A apparentem Magorum fidei Deum æternum, Regem omnipotentem, hominem mortalem; in templo præsentatum, in Ægypto cum matre ductum, et in terra Juda reductum, proficientem sapientia, et ætate, et gratia. Considera eum baptizatum, jejunantem, esurientem, tentatum, cum hominibus conversatum, ex itinere fatigatum, conversantem per omnia sancte: operantem mira, prædicantem salubria, docentem vera, patientem dura, sustinentem indigna, tacentem ad convicia, tolerantem opprobria, lavandis discipulorum pedibus se humiliter inclinantem, corporis sui ac sanguinis sacramenta porrigentem, in agonia factum prolixius orantem, sudorem sanguinis emittentem. Aspice eum venditum, emptum, osculo traditum, cum gladiis et fustibus captum, ligatum, adductum, falso accusatum, injuste judicatum, crudeliter damnatum, apudis illitum, colaphis cæsum, velatum, alapis passum. Certe eum flagellatum, derisui habitum, chlamyde coccinea indutum, spinea corona caput sanctissimum habentem dilaceratum, sceptrum arundineum tenentem, purpura ad ignominiam tectum, in derisu adoratum, ab Herode et exercitu suo contemptum, in veste alba illudum, a militibus male tractatum, crucem suam bajulantem, clavis cruci crudeliter affixum, verbis duris conviciatum, felle cibatum, aceto potatum, caput inclinantem, spiritum emittentem, dilectam illam animam suam in manus Patris commendantem. Intuere illum lancea militis in latere vulneratam, et ex eo sanguinem ad nostram redemptionem, et aquam ad nostram spiritualem ablutioem, effundentem, de cruce depositum, sepultum, inferos spoliantem, ipsum infernum mordentem, mortem mortificantem, resuscitatum, apparentem, cum discipulis convalescentem, ascendentem ubi erat prius; qui nec inde recessit cum huc venit, nec hinc abiit cum illo accessit. Hoc modo habe oculos tuos in capite tuo. Quod si diligenter hæc omnia, et alia quæ hoc modo de eo sunt, cum devotione debita, et compunctione pia, apud te, imo intra te ruminaveris, putamus quod ab hac inertia tua ex nonnulla parte eripi poteris. Nam in quanto honore et gloria illa sit exaltata natura in dextera Patris, quæ et sine omni contagio alicujus prorsus peccati, processit ex matris Virginis utero, et magnam tolerans diræ mortis agoniam pependit in ligno, ut id tibi possimus explicare, omnino non possumus comprehendere. Hoc tamen indubitanter, veraciter promittente ipso scimus, quod ubi est ille, ibi et minister ejus erit. Et est ejus eratio ad Patrem, hunc habens modum: *Valo, Pater, ut ubi ego sum, et illi sint mecum; ut videant claritatem meam quam dedisti mihi (Joan. xvii, 24)*. Appareat inter hæc (ut a capite descendamus ad membra), appareat, inquam, internæ considerationis tuæ oculis Baptista Joannes capite truncatus; Petrus pedibus sursum erectis, et capite deorsum pendente crucifixus; Paulus decollatus. Appareat Andreas, biduo in cruce vivens, Jacobus occisus gladio, alter vero

Jacobus prostratus, Joannes in ferventis olei dolium, et demum in exilium missus; et cæteri omnes apostoli consummati, illi vero bimuli, testimonium Christo non voce, sed morte ferentes. Appareat et sanctus Stephanus lapidatus, Laurentius assatus; et (quia nimis longum, imo impossibile est, singulatum universorum qui pro Christo passi sunt martyrum referre passiones) repræsentata tibi prout poteris, et quantum poteris, eorum in utroque sexu, in diversa ætate, admirabiles agones et triumphos. Sed et sanctorum confessorum venerabiles conversationes, qui etsi per sanguinis sui effusionem per apertum martyrium non migrarunt, vitam tamen sanctam martyrio non dissimilem duxerunt. Si his diu immoratus fueris, putamus quod ab hoc quo gravaris et oneraris tædio, continuo liberaberis; atque alleviatum et exhilaratum, et alacrem effectum sentire te poteris. Consulimus autem ut hæc sollicitus tunc quidem facere studeas, quando aliquid tibi forte (ut nonnunquam evenire solet) contra voluntatem tuam dictum factumve fuerit; per quod, et propter quod nimis effeceris pusillanimis et tristis, turbatus et iratus; disceptationibus amaris, susurris, iniquis comminationibus, objectionibus, responsionibus, intrinsicis miserabiliter vastatus. Curre tunc, cum hæc fuerit in mari cordis tui tempestas magna, et projecto a te silente clamore, et clamoso silentio, strepente, et horribiliter tumultuante in foro mentis tuæ; suscita pium Jesum, qui adiutor est in opportunitatibus, in tribulatione; petens ut periclitanti tibi succurrat. Idcirco veniat ante oculos mentis tuæ sanctus Abel a fratre occisus, Jacob per fugam humilem germanæ iracundiæ cedens, Joseph a fratribus venditus, quia peccare noluit, quod peccaverit accusatus, sine culpa carceri mancipatus, et innocens in lacum missus. Veniat ad cor tuum, imo intra cor tuum, mitissimus super omnes homines qui morabantur supra terram, Moyses sanctus, pro populo iniquo lapidare se volente intercedens; contradictionem et rebellionem contentiosam a Nathaan, et Abiron atque Chore sentiens: et fratris sui, et sororis detractionem sustinens? Veniat etiam ille, quem accusare nemo juste potest, conversatus sine querela ab adolescentia usque ad canos, qui grande se peccavit peccatum committere, si non pro deiciente eum a principatu populo intercederet. Qui et lugere non cessavit regem a Deo abjectum, nec tunc quidem quando se ab eo timuit occidendum. Veniat nihilominus et ille qui persecutorem suum humiliter fugit ut dominum; et se ulciscendi occasionem accipiens, et locum, non recognovit inimicum: quem etiam stendo planxit occisum, cum se tamen non ignoraret ejus in regno successorem futurum. Ipse est qui pietate pectus habens plenum, parricidam filium delfet extinctum: et interdicti se feriatur servus maledicens ei, cum sit ab eo vir sanguinum, vir Belial vocatus. Et ut montes et colles transilientes omittamus (ne fastidium tibi ingeramus), alios innumeros viros misericordiæ, quorum

justitiæ oblivionem non acceperunt, et saltum faciamus ad caput eorum; scis ipse quia homo vocatus est vorax, et potator vini, amicus peccatorum et publicanorum, et dæmonium habere dictus est, et Samaritanus vocatus: et cum accusaretur a multis, nihil respondit; qui et sicut agnus ad immolandum ductus est, et non aperuit os suum. His condimentis refove viscera tua, cum lethali ea veneno studet contaminare pacis ille turbator, et unitatis divisor, qui fervere facit ollam quasi profundum mare; omne sublime videns, et rex super omnes filios superbiæ existens. Hoc enim salubre tibi ut facias; quatenus depulsa a te turbida et tenebrosa, qua cooperitur mens tua, nube hac, repareris pariter et renoveris: et surgente Jesu in fluctuante, et vacillante, et fluctibus jam cooperta, atque periclitante navicula cordis tui, et imperante tentationum ventis, et profundæ atque tumsidæ amaritudinis mari, tranquillitas magna fiat.

CAPITULUM XXVI.

De septimo meditationis modo qui stuporis in mente meditantis causam gignit, et admirationis, et de eo quod per ea quæ facta sunt conspicitur ipse qui fecit.

Modus vero meditationis quem septimo loco posuimus, ille est qui in te, qui habitator es cellæ, cum in eo aliquandiu moraris, stuporis causam administrat et admirationis. Hunc si habere in te modum desideras, oportet ut solitarius sedens, et cogitationem tuam puram et stabilem, ab ipso mundi exordio, per ætates et generationes singulorum, usque ad hoc tempus in quo tu es perducas, et quæ in eis illæ universæ creaturæ conditor, atque dispositor mirabilia mirabiliter, ipse mirabilis operatus sit, diligenter attendas. Considera absque exceptione aliqua omnia quæ præter ipsum sunt de non esse ad esse ipso volente prodixisse et venisse: ipsumque qui vivit in æternum creasse omnia simul: et tamen primo omnium creatam quidem sapientiam; cum verax quoque dicat Scriptura quia: *In principio creavit Deus cælum et terram (Gen. 1, 1).* Sed in his nullam prorsus esse contrarietatem putes: quin potius inter ipsum temporis initium et prærogativam dignitatis, distinctionem factam agnoscas. Quantum enim ad id quod primo loco posuimus: *Qui vivit in æternum, creavit omnia simul, et in principio creavit Deus cælum et terram (Eccl. xviii, 1).* Quantum vero ad id quod secundo, primo omnium creata est sapientia, quæ est rationalis creatura. Visibilis quoque creatura, primum in rudi, et quodammodo informi apparuit materia; quæ ad illa quatuor pertinet elementa, quæ sunt, ignis, aer, aqua et terra; deinde per intervalla sex dierum in formam redacta. Sane in tribus hanc de qua loquimur creaturam comprehendimus; in informi creatione non existentium, in formatione sic creatorum, in dispositione quoque formatorum. In ipso quippe initio temporis, ante omnem diem, in illis quatuor elementis informis et rudis, de non esse ad esse prodixit materia. Postea tribus præcedentibus diebus elementa in

A locis sibi competentibus sunt disposita; sicque creatura visibilis est formata. Nam prima die lux facta est, et a tenebris divisa. Secunda die firmamentum inter aquas superiores et inferiores locatum. Tertia die aquæ in unum locum sunt congregatæ, quarum congregationes maria sunt appellatæ, et terra graminibus et arboribus est vestita. In tribus quoque subsequentibus diebus ordine convenienti exornantur. Primum sunt luminaria, sol, luna et stellæ. Die quinta sunt pisces et volatilia. Et sexta repentia, jumenta ac bestia terræ; et ipse homo, omnium visibilium dominus futurus. In Sabbato vero, die videlicet septimo dicitur quiescisse, quia nihil legitur in eo fecisse. Itaque si diligenter intra te consideraveris informem creaturæ corporeæ creationem, si creatorum formationem, formatorum dispositionem, primi hominis creationem, institutionem, post lapsum reparationem, et sex ætatum eventus qui in eis contigerunt, putamus quod stuporis tibi causa non deerit et admirationis. Inter hæc in ipsa mentis tuæ meditatione tange, et audi. Habet namque ipsa mens tua quemdam tactum, habet et quemdam auditum; sed utrumque spiritualem, quia et ipsa mens spiritus est. Contingat itaque tactus ejus spiritualis tria quæ insunt creaturis. Primum est quod ex se: secundum quod ex creatore: tertium vero bifarium est, digno merito condignum reddens stipendium; vel ut justitiæ, vitam; vel ut nequitia mortem. In primo contemptus operis; in secundo gloria conditoris; in tertio famulationis beneficium, admonitionis consilium, damnationis supplicium. Horum itaque trium primum quidem auxiliatur, secundum exhortatur, tertium comminatur. Inter hæc accedat tactus tuus spiritualis ad tria visibilia visibilium creaturarum, et primum quidem immensitas est, formositas secundum, utilitas tertium. In prima reperit tactus iste spiritualis admirationem, in secunda approbationem, in tertia revelationem [Par. revelationem]. Nam earum prima multitudinem et magnitudinem vendicat sibi, et est multitudo in similibus, in diversis, in permixtis: magnitudo vero in mole, quæ est in massa, et pondere; et in spatio, quod est in longo et lato, profundo et alto. Multitudinis vero testes sunt stellæ cæli, arena maris, guttæ pluviarum, dies sæculorum, horæ dierum, momenta horarum, pili animalium, gramina camporum, folia arborum, squamæ piscium, pennæ volucrum, et universa hujusmodi. Magnitudinis vero testes sunt, moles montium, concava vallium, tractus fluminum, altitudo cæli, latitudo terræ, profundum abyssi, et innumerabilia in hunc modum. Quantum ad nos, nec illa numerum, nec ista admittunt mensuram. Porro formositas admiranda, illa quatuor comprehendit: situm, motum, spæciem, qualitatem. In situ compositio, et dispositio, quæ sibi vendicat res, loca, et tempora. Motus vero quadrifarius est; localis, qui est ante et retro, sursum et deorsum, dextrorsum et sinistrorsum, et circum; naturalis, qui auget et minuit; animalis, qui appe-

lit et sentit; rationalis, qui discernit et facit. Speciem quoque hæc quinque mirabilem clamant: formositas, deformitas, immanitas, parvitas, raritas. Qualitatem vero hæc quinque mirabilem asserunt, quæ totidem sensus corporis pascunt; decor colorum demulcens aspectum, melos sonorum auditum, fragrantia odorum olfactum, suavitas saporum gustum, aptitudo corporum tactum. Utilitatem quidem creaturarum hæc quatuor exornant: aptitudo, gratitudo, placitum, necessitas. Non potes utique non obstupescere et admirari, tu qui habitator es cellæ, cum hæc intra te diligenter cogitas et meditaris. Visibilium namque et sensibilibum creaturarum Dei diligens inspectio, magna et pervalida tibi erit admirationis causa et occasio. In eis si quidem ipsa invisibilis sapientia quodammodo videtur, quæ in semetipsa a nemine sicuti est, in præsentis exsiliis cæcitate videri potest. Hinc illud est quod quidam de Sapientia dixit: *In viis suis ostendit se hilariter illis* (Sap. vi, 17). Viæ invisibilis Sapientiæ, ipsius sunt visibiles et sensibiles creaturæ: in quibus profecto viis se ostendit, quia in suis iuxta quemdam modum operibus apparet; quæ in semetipsa nos adhuc latet. Et bene dictum est *hilariter* quia quasi quædam admodum delectabilis cuiusdam jucunditatis hilaritas est, in inspectione operis, visio conditoris. Vide igitur intra te in meditatione tua, quatuor ista elementa, et ex eis formata corporalia universa. Vide omnia sub terra repentia, de terra germinantia, super terram gradientia, in aere volantia, in aquis natantia, in firmamento lucentia: et quæcumque sunt a Deo corporalia et visibilia creata, formata et disposita: et scito has esse invisibiles Sapientiæ vias, in quibus se tibi hilariter ostendit. Ut enim Apostolus ait: *Invisibilia ipsius, a creatura mundi, per ea quæ facta sunt, intellecta conspiciuntur* (Rom. i, 20). Non autem alia sunt invisibilia Dei, aliud ipse Deus; quia quod habet, hoc est. Unde et adjungit Apostolus: *Sempiterna quoque virtus ejus, et divinitas*: et nihil est aliud, hæc invisibilia Dei, per ea quæ facta sunt conspici, quam ipsum invisibilium factorem, in iis quæ fecit et per ea quæ fecit, quodammodo videri. Sed sic videntur modo invisibilia hæc creatura mundi; quia ratione utens creatura nobilis, anima videlicet humana, hoc modo adhuc exultans, in ipsis visibilibus invisibilem conspiciat, et in factis factoris notitiam apprehendit. Nam creatura cœli (ipsa est angelica) non hoc facit: non enim indiget in creatura videre creatorem quæ ipsum indesinenter videt in seipso. Tu autem qui hoc necdum potes; interim cum qui fecit conspice in iis quæ fecit. Ait quidam: *Ipsæ dedit mihi horum quæ sunt scientiam veram, ut sciam dispositionem orbis terrarum, et virtutes elementorum initium et consummationem, et medietatem temporum, vicissitudinum permutationes et commutationes temporum, anni cursus et stellarum dispositiones; naturas animalium et iras bestiarum, viam ventorum et cogitationes hominum, et differentias virgultorum, et virtutes*

A radicem, et quæcumque sunt absconsa et improbia didici. Omnium enim artificem docuit me Sapientia (Sap. vii, 17-21). Igitur si hæc omnia intra te diligenter ruminaveris, habebis profecto in hac meditatione tua nonnihil, unde obstupescas et admireris.

CAPITULUM XXVH.

De vocibus et locutionibus, quas anima spiritaliter audit: et qualiter anima ad imaginem Dei facta sit, et quem motum suscipiat, et cujus motus susceptibilis non sit.

Tempus est jam, ut ad illum accedamus octavum meditationis modum, quo diximus, in anima meditantis quæ spiritalia et invisibilia sunt revolvi. Hæc autem, de quibus loqui proponimus, spiritalia et invisibilia, ad animam pertinent humanam, ad creaturam angelicam, ad naturam etiam divinam. Et quidem de his tribus, hoc est, de anima humana, de ipsis angelis, et de Deo aliqua tractare in his capitulis proxime subsequentibus, in proposito habemus. Tu ergo, qui habitator es cellæ, et solus in ea consistens, et non solus, in primis erige intra te auditum illum spiritualem, quem superius diximus in anima haberi, et audiat trium spirituum vocem. Primus noster est, secundus angelicus, tertius vero ille est qui condidit istos. Dicit enim de illo spiritu, qui Deus et homo est: *Spiritus est Deus* (Joan. iv, 24). Habet autem unusquisque istorum spirituum vocem suam, et unamquamque quietem tunc tu vocem aulis, cum de unaquaque diligenter ac pure meditaris. Quæ illorum voces cum ad firmamentum pertineant; prima sub ipso, secunda de ipso, tertia supra ipsum est: et in hac gradum coguntur animalia figere, et alas submittere. Percipiat etiam auditus iste, et audiat spiritum increatum, hos quatuor alloquentem: angelos, sanctorum animas, diabolum, homines. In locutione prima, infusio est divine animadversionis: in secunda, immissio spontanea expectationis. Tertia vero quatuor recipit modos. Primus increpationem continet nequitiae, secundus laudem justitiæ, tertius tentationis concessionem, quartus vero prohibitionem. In duobus vero distinguitur verbum illud, quod Spiritus de quo nunc loquimur, increatus quasi dicit ad homines. Illud namque per se, aut per subjectam format creaturam; per creaturam videlicet angelicam, et in octo modis reperitur: nam formatur verbis, rebus, simul verbis et rebus, imaginibus cordis oculis ostensis, imaginibus et ante corporeos oculos ad tempus ex aere assumptis, cœlestibus substantiis, terrenis, simul cœlestibus et terrenis. Sed in quod formetur illa quæ per se est, animalis homo non percipit. Sane hoc tandiu latet intellectum, quandiu et experimentum. Illum adhuc qui eis loquitur, hos quatuor audit alloquentes. Modo uno angelos, et animas uno: illos, incomprehensibilem divinitatis infirmitatem admirando: istas vero vindictam sanguinis expectando. Diabolum tribus modis, et totidem homines. Illum, malitiam celare non volendo, innocentiam injuste accusando, et eam ad tentandum malitiose

expetendo : homines quoque, precando veniam peccatorum, gratiam meritorum, gloriam præmiorum. Lege secundum, et vigesimum octavum librum Moralium beati Gregorii; in eis invenies, quam profunde, quamque nitide idem vir de his disserat, quem inter cæteros constat fuisse doctores et ingenio acutum, et in eloquio decorum. Vide inter hæc, in ipsa meditatione tua interna, quod ex duabus substantiis homo factus est; una corporea, incorporea altera. In quantum (ut ante nos longe dictum est) ex corporea est, cum cæteris animalibus communis naturæ habet participationem : sed in formæ compositione, ad alia animalia differentiam habet. Nam illa formam ad terram habent inclinam et pronam : quo significatur, præter ea quæ terrena sunt, ab eis nullâ esse appetenda. Hominis vero forma in altum erigitur, et sursum elevatur; qui et præter cætera animantia [*Par.*, animalia] rectum habet incessum, et ad superna aspectum. Quo liquide declaratur, et eum quæ sursum sunt sapere debere, et tota mentis intentione illuc tendere ubi Christus sedet in dextera Dei Patris. Unde et quidam ait:

*Pronaque cum spectent animalia cætera terram,
Os homini sublime dedit, cælumque videre [tuere]
Jussit, et erectos ad sidera tollere vultus.*

(OVID., *Metam.*, l. 1, 84.)

Sic ergo homo ex corporis forma adinonetur, in appetitu bonorum a cæteris differre animalibus, quanquam cum eis corporis communem habeat naturam. At secundum animam, cum aliis animantibus non habet proprietatis communionem. Ea namque sola ad imaginem Dei et similitudinem facta est. Ad imaginem, ut aiunt, Dei facta est, secundum substantiam et puritatem rationis. Sed ad similitudinem, secundum imitationem puritatis et amorem charitatis. Vel, ad imaginem Dei facta dicitur, quantum ad veritatis cognitionem : ad similitudinem vero, quantum ad naturæ et rationis puritatem. Est autem anima imago Dei ad imaginem : nec ejusdem naturæ cum Deo, sed longe ab eo differentis; quia profectus et defectus capax est, et ideo variationi subjecta est. Et in hoc longissime a Deo distat (quanquam, imago ejus quædam sit, et similitudo), unde et ab illa imaginè valde remota est, quæ cum ipso Deo circumquaque idem est, id est a Filio Dei Patris, qui circumquaque idem cum Patre est. Inest autem animæ naturalis simplicitas essentiae suæ. Est etiam ei idem esse quod vivere. Non autem dicimus quod est vivere, vel bene quantum ad sanctitatem, vel beate quantum ad felicitatem. Cum enim non possit ex quo creata est aliquid non vivere, sicut nec aliquid non esse, potest tamen vivere male, cum est iniqua; et misere, cum est damnata. Est in ea et libertas arbitrii, qua inter bonum et malum discernit, et quod eorum voluerit diligit et eligit, ut in iis meritum ejus sit. Ecce in anima, essentiae simplicitas, vitæ perpetuitas, arbitrii libertas. Suscipit quidem motuum

A variationem, quia mutabilis est. Est autem motus secundum locum, secundum tempus, secundum formam. Illius vero motus, qui secundum formam est, tres quidam dicunt species esse, augmentum, diminutionem, alterationem. Movetur quidem aliquid secundum locum, cum ipsum de loco ad locum, mediante loco transit : quod ad solum corpus pertinet; non enim hoc spiritui humano, vel angelico convenit. Secundum tempus alia moveri dicuntur, quæ prius et posterius suscipiunt. Secundum augmentum vel diminutionem illa moventur quæ quantitate augentur vel minuuntur. Motum autem alterationis illa suscipiunt, quæ formarum et actuum diversitate quodammodo alterantur. Sunt autem res quædam, quæ omnium generum motuum susceptivæ sunt; velut res corporeæ, quia loco et tempore moventur. Spiritus quoque creati variis affectibus moventur quos incipiunt habere, et desinunt. Et ita motum secundum formam, semper sequitur motus secundum tempus. Spiritus ergo creati, quia de bono in malum moventur, de malo in bonum, de bono in bonum, de malo in malum, duabus speciebus motuum moventur. Motus vero secundum locum, animæ convenire non potest; sed illius qui secundum tempus, et secundum formam fit, susceptibilis est. Nam per varias affectiones sæpe variatur, quod sine motu temporali fieri non potest. Non enim mediante loco, ad locum de loco movetur, quia localiter non movetur. Dicit quoque beatus Augustinus : « Nihil quod corpus non est, in loco est. » Sed et Boetius in libro de Trinitate nec quantitates, nec qualitates in loco dicit esse : quas tamen verum est in subjecto esse. Etenim aliud est esse in subjecto, aliud in loco : sicut aliud est animam esse in corpore, aliud animam esse in loco. Quæ enim in loco sunt, locum replent, locum occupant, quod soli corpori convenit. Nam non sine causa philosophus dicit quod « singulæ particulæ loci, obtinent singulas particulas corporis (lib. iv, *Physico*). » Corpus quippe in loco esse, est ipsum corpus locum replere; est ipsum distantiam facere; id est sursum, deorsum, retro et ante, dextrorsum et sinistrorsum. Hoc nimirum animæ non convenit, quæ sic est in loco, et sic circumscriptibilis est, quod nullius loci ambitu continetur et includitur, sicut continetur et includitur corpus. Hoc autem falsum esse nullus dicit, qui quantum natura spiritus a corporea distet natura comprehendit.

CAPITULUM XXVIII.

De illis beatis spiritibus, quæ videlicet illa sint quæ ad eos pertinent, et quid de illis in pura meditatione sua, cellæ debeat intra se habitator revolvere.

Nunc autem tibi, qui habitator cellæ es, aliqua de istis cælestibus spiritibus dicere libet. Nam tua potissimum conversatio cum illis esse per puritatem, et aviditatem, atque per desiderium debet. Non enim putare debes quod quando in cella es, solus in ea sis. Nam nunquam minus solus es, quam cum in ea solus es (ita dicimus hoc), si in illa eo es modo

quo esse debes. Tunc tunc solus es, cum in interno puræ et defecatæ mentis tuæ cubiculo inclusus, clauso ostio cordis contra universa inutilia, oras in spiritu Patrem tuum? Solusne tunc es, cum in ipsis internis animi tui, quibusdam maturis et integris intellectus luminosi, et affectus succenssi passibus, exclusis a te hora eadem universis cogitationibus levibus et otiosis, lucidas et pulcherrimas perambulabulas et circumlatis mansiones spirituum beatorum, qui in cœlis semper vident faciem Patris? Quomodo tunc solus es, cum in dilatatis et purificatis, et in longis præteriis spiritus tui, in lumine et ardore magno, non absque gaudio ineffabili et exultatione, discurras per cuneos patriarcharum, per collegia prophetarum, per senatum apostolorum, per decoratas rosas martyrum, per formosas violas confessorum, per amœna et suave olentia lilia virginum? Quam bonum est hic te esse! quam dulce est et suave formosæ et speciosæ columbæ, et animæ (cujus hæc vox est: *Dilectus meus mihi, et ego illi (Cant. ii, 16):* sed et ista: *Vulnerata charitate ego sum (Ibid., 5),* inter ejusdem dilecti lævam et dexteram dormire? ubi eo securius pausat, quo sollicitius et diligentius pro illius quiete ipse vehementer, ipse zelans omne quod hunc vigilem ejus soporem turbare valet, et diminueret, ac impedire, procul repellere non cessat. Denique cum adjuvacione quadam admirabili alloquitur Alfas Jerusalem: *Ne suscitetur, ait, neque evigilare faciat dilectam, donec ipsa velit (Cant. iii, 5).* Et nunc, dilectissime nobis, tu qui inhabitator cellæ es, dans in quantum potes, transitoriis tergum terrenis et infimis, faciem vero sempiternis, cœlestibus et supernis, erige cordis tui cogitationem ad ea quæ de spiritibus illis cœlestibus sentienda et tenenda sunt. De non esse ad esse, volente Deo [Par. illo] omnipotente universæ creaturæ Conditor proderunt. Non enim Deo coæterni sunt, sicut nec coæquales, nec consubstantiales: quia licet valde præcelsæ et dignæ, creaturæ tamen sunt. In ipso mundi exordio creati sunt, quando cœlum et terra primum condita sunt. Et simul quidem creati fuerunt, et boni qui perstiterunt, et mali qui corruerunt; sicut simul et aversi præcipitati, et conversi confirmati. Sic enim asseruerunt, et in suis scripturis reliquerunt doctores catholici, qui de iis tractaverunt. Creati rationales, et omnes quidem, tam illi qui futuri erant mali, quam illi qui futuri erant boni, charitatis creati sunt capaces. Non autem dicimus quod charitatem omnes erant capientes, sed charitatis capaces. Nam qui se a Deo averterunt, et in æternum damnati sunt, nunquam charitatem habuerunt, sed nec unquam habebunt; et ideo charitatem capientes et habentes, mali creati non sunt, sed charitatis capaces. Nam habere potuerunt, sed contra Conditorum suum intumescerent, eam habere noluerunt. Dicit ergo propheta Ezechiel, de illo qui ruinæ illorum auctor existit hoc modo: *Aurum, opus decoris tui, et foramina tua in die qua conatus es, præparata sunt (Ezech. xxviii, 13).* Ecco

A quia foramina sua in die qua conditus est dicit præparata, quia charitatis quidem capax fuit; sed nunquam impleta, quia charitatem capiens non fuit. Exponit namque hoc modo hæc verba prophetæ [Par., prophetæ] beatus Gregorius in libro Moralium trigesimo secundo (cap. 18): « Aurum, inquit, opus ejus existit, quia sapientiæ claritate canduit, quam bene creatus accepit. Foramina vero ideo in lapidibus sunt, ut vinculati auro, in ornamenti compositione jungantur; ut nequaquam a se discedant [Par., discedant] quos interfusum aurum repletis foraminibus ligat. Hujus ergo lapidis in die conditionis suæ foramina præparata sunt, quia videlicet capax charitatis est conditus: quia si repleti voluisset, stantibus angelis, tanquam positus in regis ornamento lapidibus potuisset inhaerere. Si enim charitatis auro sese penetrabilem præbisset, sanctis angelis sociatus, in ornamento (ut diximus) regio lapidis fixus maneret. Habuit ergo lapis iste foramina, sed per superbiam vitium, charitatis auro non sunt repleta. Nam quia ideoque ligantur auro ne cadant; ideoque iste cecidit, quia etiam perforatus manu artificis, amoris vinculis ligari contempsit. Nunc autem cæteri lapides, qui similiter fuerant perforati, penetrante se invicem charitate ligati sunt, atque hoc in munere isto cadente meruerunt, ut nequaquam jam de ornamento regio cadendo solvantur. » Hæc beatus Gregorius, et hoc modo de his. Hæc autem quatuor in ipsa sua creatione, angeli suscepisse creduntur: substantiam videlicet simplicem et immaterialem; discretionem personalem sapientiæ, et intelligentiæ veritatis ac bonitatis divinæ; formam rationabilem, et libertatem arbitrii, id est, facultatem bonum a malo discernendi, et in alterutrum per electionem selectendi. Ideo simplicem et immaterialem substantiam, quia ex nulla diversitate partium subsistent. Ex partium etiam compositione, sed nullius dimensionis suscipiunt quantitatem: id est, nec longitudinem, nec latitudinem, nec altitudinem. Sunt autem omnes in personali proprietate differentes. Scientiæ vero aptitudinem habuerunt, et tanto majorem, quanto purioris substantiæ sunt. Hæcabilitas cognoscendi erat, per quam scire poterant quid conditori, quid sibi, et quid consortibus suis deberent. Eorum vero potestas tripartita dicitur esse. Nam ad se (ut dicitur) potestatem habebant, et inter se, et ad ea quæ erant extra se. Quam vero ad se habuerunt potestatem, non omnes habuerunt æqualem; quia secundum substantiæ suæ subtilitatem, ac naturæ puritatem, in hac erant potestate differentes. Quanto enim quis subtilioris naturæ ac perfectioris erat, tanto in hac potestate alium superabat, et hoc promptior erat ad contemptum mali, et appetitum boni. Et hac potestate quam ad se habuisse dicuntur, facile poterant et bonum assequi, et malum aspernari. Verum illa quam inter se habent, dominationis esse dicitur, in qua potestate dominationis alii superiores, alii infe-

riores : eo quod isti præcipiunt, illi præcipientibus A pro debito subjectionis obediunt. In qua potestate non solum sunt excellentes, sed et differentes. Nam et ab illis quibus dominari debent, ex eo quod eis dominantur differunt. Potestas vero quæ ad externa est, potestas administrationis a quibusdam nominatur. Nam illa circa bonos operantur quæ eorum salutem necessaria sunt, aut ad bonam eos voluntatem inclinando, aut ad habitam exemplam vires præbendo, et a contraria potestate eos tuendo. Mali etiam homines per eos sæpissime puniuntur, quia, quemadmodum ait Augustinus, « per bonos angelos et per malos, homines malos nonnumquam Deus flagellat. » Sed quod per angelos bonos unquam Deus homines bonum flagellaverit, dicit se legisse non recollere. Hujus autem potestatis non minima pars est, libertas arbitrii eorum. Est autem liberum arbitrium, iudicium voluntatis liberum : quo quippe fere modo et a philosophis descriptum invenitur. Aiunt enim : « Liberum arbitrium est, liberum de voluntate iudicium. » Id est, liberum arbitrium est potestas discernendi inter bonum, et malum cum voluntaria electione boni et reprobatione mali. Nam arbitrium ad discretionem iudicium [Par., iudicii] pertinet, unde arbitros iudices dicere solemus : libertas vero ad voluntatem, quam liberam habet creatura rationalis. Nam libere bonum vult illa quæ bonum vult : et libere malum vult illa quæ malum vult. Sed illud fit gratia Dei præveniente, id est, quod creatura rationalis vult bonum : hoc autem fit gratia Dei deserente, id est, quod creatura rationalis vult malum : sed semper utrumque fit voluntate. Nam nec gratia Dei adjuvans, voluntatem premit necessitate, nec deserens spoliatur libertate. Inde est quod voluntas præmium meretur et pœnam, quia libere et absque omni coactione ad utrumque se inclinat, id est ad bonum et malum. Non autem sine causa dictum est liberum voluntatis iudicium, vel liberum de voluntate iudicium. Sola vero voluntas semper creaturæ rationalis est. Nam ad voluntatem habendam nullo indiget extra se posito creatura rationalis : quod in mala voluntate omnes esse novimus. Nam ad eam habendam ex se sola, creatura rationalis sufficiens est : sed ad bonum habendum, ex se sola, creatura rationalis sufficiens non est, nisi sit adjuva a gratia Dei. Sed licet sine gratia Dei, bonam voluntatem habere non possit, non tamen aliquo extrinseco eget ad bonam voluntatem habendam. Nam nisi culpa creaturæ rationalis obstat, nunquam gratia Dei deest ad bonam voluntatem habendam. Nihil est ergo quod sic sit potestatis creaturæ rationalis, sicut est ipsa voluntas, quam semper libere habet ratione discernente an bona sit vel mala. Bene ergo liberum arbitrium dicitur liberum voluntatis iudicium, vel liberum de voluntate iudicium, eo quod (ut dictum est) creatura rationalis semper habet potestatem libere volendi bonum vel malum, cum electione hujus, id est boni, et iudicio reprobationis illius, id est mali. Illi vero

spiritus qui ad Deum conversi sunt, glorificationis præmium acceperunt beatitudinem æternam, qua pro meritis digni facti sunt gratia Dei adjuvante, absque coactione quidem, et in æternum Deum videntes, in ipso, de ipso, et cum ipso sine fine gaudent [Par., gaudebunt]. At vero qui a Deo aversi sunt, inferni sunt rudentibus traditi (quod ex culpa meruerunt Deo deserente, absque oppressione tamen), et in æternum Deum non videbunt. Dispositio vero bonorum in duobus consistit : in laude videlicet divina, in qua jugiter perseverant, et in officio administrationis multarum in hoc mundo gerendarum, sive circa homines, sive circa alias quascunque res, in quarum administratione divinæ obediunt dispositioni. Maxima vero eorum administratio circa homines consistit, tam in corporalium, quam in spiritualium beneficiorum exhibitione : quæ quidem sine omni labore, sed tamen non sola voluntate adimplere possunt (quod solius Dei est, cuius velle facere est), sed aliquo vel visibili, vel invisibili, prout eis competit, actu. Ordines vero ipsorum beatorum spirituum, secundum tres hierarchias distincti sunt, quarum quælibet ordines continet tres. In prima hierarchia sunt tres ordines isti, seraphim, cherubim et throni. In secunda, dominationes, principatus et potestates. In tertia virtutes, archangeli et angeli. Qua vero ratione et causa talia ordines isti sortiti sunt nomina, satis superque multorum catholicorum doctorum ostensione notissimum est, et idcirco necesse non est, ut de illa nos ratione et causa aliquid in præsentem loquamur. Sed ut ad te veniamus, qui habitator es cellæ, pro quo et cui hæc omnia dicimus, erige quatenus licet, imo quatenus tibi datum fuerit, defæcatis puræ considerationis tuæ oculos ad hos novem beatorum spirituum ordines, ut ex parte videas quæ eorum sint sublimitates et dignitates. In ipsa intra te interna recordatione, stude olfactu memoriæ vel tenuiter odorare : et gustu amoris, in quantum potes, aliquid de gaudiis cœlestium spirituum prægustare, qui in singulis ordinibus sunt : quomodo singuli in seipsis sunt incorrupti et integri, jucundi et læti : in amore sincerissimo, ardentissimo, et perseverantissimo invicem benevoli et benigni : pace imperturbabili tranquillissimi, in perfectissima certitudine securi, individui, puri, sereni, ipsum Deum facie ad faciem videntes, Deo incessanter adhærentes nulla interposita re alia : in Deo et ex Deo beati existentes, Dei indesinenter in plenitudine veræ et in æternum indeficientis dilectionis, et exsultationis, laudibus et præconiis insistentes : quibus (ut multa brevi sermone concludamus) nihil penitus adest, nihil deest boni. O quanta suavitas et dulcedo in verbis istis ! Si tu aquila es, imo quia es, si tamen sicut in cella esse debes, ita in ea es, elevare, elevare ab eis quæ sunt infra te, et ab eis quæ sunt extra te : et elevare mediantibus his quæ sunt intra te ad ista de quibus loquimur, sublimitia et magna, perfecta et integra, tranquilla et

quieta, secreta et certa, festiva et læta, jucunda et amœna, lucida et præclara, dulcissima et suavissima (et quia verba sunt hæc) et omni denique quod appetendum est plenæ, et ab omni nihilominus quod fugiendum est aliena quæ sunt supra te. Sic, sic pone in arduis nidum tibi, et in petris manens, et in præruptis silicibus commorans, atque inaccessis rupibus; inde contemplare escam. Cum itaque hoc modo in pura consideratione, cum pleno amore et desiderio, et te sedens in cella illis beatis spiritibus, et illos tibi repræsentas, scito quia intus duxit te rex in cellam vinariam, ut ordinaret in te charitatem, qui et potes jam dicere cum Paulo: *Nostra conversatio in cælis est* (Philipp. III, 20), et illud: *Consedere nos fecit in cælestibus, in Christo* (Ephes. II, 6). Tunc Paulus, ut beatus Gregorius dicit, in carcere fortassis tenebatur, cum se sedere in Christo in cælestibus testaretur. Sed ibi (ut subjungit beatus Gregorius) erat, ubi ardentem jam mentem fixerat, non illic, ubi illum necessarie pigra adhuc caro retinebat. Vade, et tu in cella tua fac similiter, et poteris cum redieris ad nos, dans gloriam Deo, dicere nobis, quod in arduis posuisti nidum tibi, in petris etiam mansisti, in præruptis silicibus es commoratus, et in inaccessis rupibus contemplatus es escam.

CAPITULUM XXIX.

De illo meditationis genere quod intra nos in ipsis intimis cordis nostri debemus habere, cum de Deo studemus cogitare, et qualiter de illo nos deceat et liceat sentire.

Jam quidem eo usque pervenimus ut tecum aliquid, qui inhabitator cellæ es, de ipsis invisibilibus Dei conferamus. De quibus invisibilibus prædicator egregius sic dicit: *Invisibilia ipsius, a creatura mundi, per ea quæ facta sunt, intellecta conspiciuntur* (Rom. I, 20). Et certe non aliud hæc ejus invisibilia sunt, quam id quod ipse est. Unde et idem Apostolus, ut nos instruat quid de his invisibilibus sentire debeamus, adjungit: *Sempiterna quoque ejus virtus et divinitas*. Sna ipsius sempiterna virtus et divinitas ipse est, qui Deus sempiternus est. Si quidem habet sempiternam virtutem et divinitatem; sed quod habet, hoc est. Locuturi autem de Deo, quid ipse sit dicere non possumus, quia hoc cogitare non valeamus. Quod ergo comprehendere non possumus mente, consequenter nec exprimere possumus ore. Certe quidquid est vel ipse est, vel est creatura quam condidit ipse. Sed a suo esse, creaturæ esse tam longe est, quod de ea dici potest, quod ipsa secundum quemdam modum non est, sed quod ipse solus est. Est namque viri sancti sententia de hoc, hunc habens modum: *Ipse enim solus est, et nemo potest avertere cogitationes ejus; et anima ejus quodcumque voluit, hoc fecit* (Job XXIII, 13). Et Apostolus dicit quod *solus habet immortalitatem*, (I Tim. VI, 16). Quomodo non solus immortalis est, qui etiam solus est? Solus utique est, cui soli idem est esse quod est. Ipse sibi esse, ipse et omnibus

esse est. Sed ipse qui solus est, qui solus habet immortalitatem, quid est? Nihil eorum quæ condidit, ipse est: quia ab æterno est, non ex tempore. Omnium creaturarum creator ille est; unde constans est quia ipse creaturam non est. Scimus tibi dicere, qui habitator cellæ es; quid Deus non sit, sed quis dicere potest quid sit? Dicit enim de his hoc modo beatus Dionysius in libro angelicæ Hierarchiæ, capitulo secundo: «Itaque et colendam superessentialis divinitatis beatitudinem manifestivorum eloquiorum mysticæ traditiones, aliquando quidem ut rationem, et intellectum, et essentiam laudant; divinam rationalitatem et sapientiam ejus declarantes, et vere existentem substantiam, et eorum quæ sunt substantiæ causam veram: et quasi lumen eam formant, et vitam vocant, tantis mirabilibus formationibus castioribus invenientibus, et materiales formationes excellere quoquo modo probatis deficientibus, et sic divina ad veritatem similitudine. Est enim super omnem scientiam et vitam, nullo quidem ipsam lumine characterizante, omnique ratione et intellectu, similitudine ipsius incomparabiliter derelictis. Et aliquando vero dissimilibus manifestationibus ab ipsis eloquiis, supermundane laudant eam invisibilem, et infinitam, et incomprehensam, vocantibus: et quæ, et ex quibus non quid est, sed quid non est significatur. Hoc enim, ut æstimo, potentius est in ipsa. Quem quidem (ut occulta et sacerdotalis traditio subintrodixit) hoc quidem non esse secundum quid eorum quæ sunt, eam vere dicimus. Ignoramus autem superessentialiam ipsius, et invisibilem, et ineffabilem infinalitatem. Si igitur negationes in divinis veræ, affirmationes vero incompactæ, obscuritati arcanorum magis apta est per dissimiles formationes manifestatio. » Hæc beatus Dionysius de his verba quidem perplexa, sed intelligentia in eis latet profunda. Ecce quia nos dicit ignorare superessentialiam ipsius, et invisibilem, et ineffabilem colendam infinalitatem. Ecce, quia subjungens assertit, negationes in divinis veras, affirmationes vero incompactas. Et idcirco dicit obscuritati arcanorum magis aptam esse per dissimiles formationes manifestationem. Certe, superessentialis ipsius, et invisibilis, et ineffabilis infinalitas nihil est, nisi id quod ipse est. Et qui hanc ipsius infinalitatem ignoramus cum hæc infinalitas sit ipse, quid ipse sit quomodo non ignoramus? Si autem negationes in divinis sunt veræ, affirmationes vero incompactæ, vera est nostra negatio cum dicimus: hoc non est, quia quod non sit scimus; incompacta vero confirmatio, cum affirmantes dicimus: hoc est, quia quid sit nescimus. Et tamen si nescimus hoc quod ipse est, scimus utique quia ipse est. Nisi enim sciremus eum esse, quomodo possemus eum diligere? Nam quod nescimus esse, quantum ad nostram duntaxat cogitationem nec habet esse. Et ideo quomodo a nobis diligi potest, quod quantum ad nos nec est? Sed eum esse nos scimus, eumque super omnia diligimus, et ad

cum totis præcordiis suspiramus. Sed quem tantum eum amando, et ad eum suspirando esse scimus, quid eum esse scimus? Et quidem electo famulo suo dixit se esse, cum ait : *Ego sum qui sum*. Hoc etiam de se sciscitantibus voluit de se responderi : *Ego sum*, inquit, *qui sum*. *Hæc dices*, ait, *filii Israel : Qui est, misit me ad vos* (Exod. iii, 14). Dixit quia est : non autem dixit quid hoc sit quod est. Sed fortassis dicens quia est, in hoc utique dixit quid hoc sit quod est, quod dixit quia est. Nam quidquid de eo potest catholice credi, quidquid veraciter dici, in hoc verbo instauratur quod est, est. Et quando strepitus oris nostri ubi verbum incipitur et finitur, aliquod emittet verbum, quo sufficienter possimus exprimere Deum? Et quidem Deus Dei Filius, a Deo Patre genitus, unus idemque cum Patre, et sancto utriusque Spiritu Deus existens, ipse est Verbum; sed Verbum non transeuniter prolatum, sed æternaliter genitum, non factum; eique cujus est Verbum, coæquale, et consubstantialia, atque coæternum, quo in principio erat et apud Deum erat, et Deus erat. *In principio erat Verbum* (Joan. i, 1). Ecce æternitas ejus : quod enim in principio erat, nunquam factum erat; sicut de cælo et terra dictum, est : *In principio creavit Deus cælum et terram* (Gen. i, 1). Sed erat; hoc est, ab æterno erat. *Et verbum erat apud Deum*. Ecce quia diversa Verbi persona ab illius persona cujus est Verbum. Si enim alius apud alium erat, alius profecto ille qui erat, alius ille apud quem erat. Sed ne putes aliud : *Et Deus*, inquit, *erat Verbum*. Ecce divinitas Verbi : nec alia, sed eadem quæ ejus est, cujus est Verbum. Igitur Verbum quod apud Deum erat, idem ipse cum eo Deus erat apud quem erat, ut sit utique Verbum alius apud quem erat, non quidem alius Deus, sed alia persona a Patris persona, cum quo tamen unus idemque Deus, ex Deo Dets, ex Patre Deo Filius Deus. Non certe aliud, quia eadem cum eo substantia, æternitas et divinitas. Itaque alius, propter personarum diversitatem; sed non aliud, propter substantiæ divini unitatem. Sed cum totum hoc dicimus, quid dicimus? quando verba habebimus, quibus quid sit Deus dicere possimus? *Multa dicemus*, ait sapiens quidam, *et deficiemus verbis* (Eccli. xliii, 29). Vere verbis deficiemus, magis quam ad id quod intendimus perfecte dicendum proficiamus; et quando multa dicemus. Et verba quando utunque sunt, quid aliud quam voces mentis sunt? Et quidem vel necdum sunt, vel jam non sunt, quia nisi transeundo non sunt. Sed antequam transire incipiant, necdum sunt, et cum transierint, jam non sunt. Unde, vel quando mihi verba, quibus tibi qui habitator es cellæ, loquendo ostendam quid sit Deus? Ecce in cella absque cessatione Deum ardentissime amas, Deum devotissime oras, ad Deum medullitus pervenire desideras; sed sic amando, sic orando, sic desiderando, quid Deum esse cogitas? Scis quia invisibilis est, nec est aliqua creatura invisibilis coram eo : principium sine principio, finis sine fine;

A super omnia est, sed non exaltatus; subtus omnia, sed non substratus; intus et extra, nec inclusus tamen, nec exclusus : semper ipse, et ubique ipse; sed nec unquam tempus, nec usquam locus. Est qui est, et idem ac eodem modo, nec ei quidquam vel evenerit, inerit, vel transit, inquit, *Magna virtus ejus, et sapientiæ ejus non est numerus* (Ps. cxlvi, 5). Et, o manus omnia potens! o nihilominus et oculus omnia videns! non est quod illam effugere, quod istum possit latere. Ipse plenus seipso, et sine ipso nihil, qui sibi et omnibus est, quia suum ipsius et omnium est. Nusquam est, in eo quod loco non clauditur; et tamen nusquam non est, quia non excluditur loco. Et quis sine eo locus? Ex ipso, per ipsum, in ipso, ipsi gloria. Cui ipsi? Regi quoque sæculorum immortalis, invisibili soli Deo. Deus est sæculorum, cui nequaquam ipsa vel accedere poterunt vel decedere : nec tamen coæterna sunt. Quæ enim in se aliquando vel erant, vel erunt, in ipso semper sunt : et quidem sicut ab æterno, sic et in æternum. Neque enim ipsi vel quod fuit transit antiquum, vel quod erit eveniet novum : sed utrumque ei stat, inest; tam quod jam est, quam quod necdum est. Et, o quam mirabilis in seipso est, qui rerum omnium creator est, cum tam mirabilia sint quæ ab ipso creata sunt! Et quidem valde sunt mirabilia, ipsuniquè eis longe clamitant mirabiliorum. Ostendunt enim se creata quæ condidit bona bonus : ostendunt, inquam, se bona, pulchra, dulcia, multa et magna. Nam bona ad usum, pulchra ad visum, doleia ad gustum, multa ad numerum, et ad mensuram magna. Hæc, inquam, se ostendunt, et mirabiliter se ostendunt : sed hæc se ostendendo, creatorem suum ostendunt longe meliorem, pulchriorem, dulciorem et majorem, qui est omnium honorum optimus, omniumque pulchrorum pulcherrimus, omnium dulcium dulcissimus, omnium magnorum maximus : utpote vera, summaque et æterna sui ipsius bonitas, pulchritudo, et (si ita dicere licet) multitudo, magnitudo. Quidquid in hoc mundo, de hoc mundo videmus, audimus, gustamus, odoramus et tangimus, non est ipse. Quid ergo est ipse Dominus Deus noster; quid, queso, est? Non est decor multus, et magnus, quem aspectu cerno corporeo : non vox est quam corporaliter audio : non odor, quem olfacio, non sapor quem gusto, non aptitudo quam tango. Et tamen quædam quodammodo quasi multitudo est, quædam magnitudo, quidam decor, quædam vox, quidam odor, quidam sapor, quædam aptitudo. Quasi quædam multitudo, sed cum una simplicitate, et simplici unitate, in quam nullus numerus cadit. Magnitudo, sed sine quantitate, quam nulla mensura comprehendit. Decor, quem nulla offuscet deformitas. Vox, quam nullum rapit tempus. Odor, quem nullus dispergit flatus. Sapor, quem aliqua non minuit comestio. Aptitudo, quam aliqua non contaminat corruptio.

CAPITULUM XXX.

De Trinitate personarum, et unitate substantiæ quæ Deus est, et quod præjudicium aliquod nec Trinitas unitati, nec unitas facit Trinitati.

Ecce quæ tibi, qui habitator es cellæ, diximus de Deo. Et multa quidem diximus, sed quid in his omnibus diximus? nunquid non verbis deficiamus? *Multa dicemus, inquit, et deficiemus verbis (Eccli. XLIII, 29).* Si multa sunt verba quæ dicimus, quare verbis deficiamus? Nimirum quia eum, de quo verba multa dicimus, quid sit ad plenum non exprimimus. Dicimus quoque, si tamen ita dicere licet, quia unus cum sit multus est, sed sine numero, magnus sed sine quantitate; simplex, sed sine extenuatione; bonus, sed sine qualitate; semper, sed sine tempore; ubique, sed sine loco; in omni re, sed sine sui diffinitione; in omni tempore, sed sine aliqua sui mutabilitate. Nec potest ullo modo, vel pro sui puritate maculari, vel pro sua simplicitate dividi, vel pro sua immensitate comprehendere, vel pro sua infinalitate mensurari. Nec potest ullatenus cognitione variari qui sapientissimus est, nec affectu mutari qui optimus est. Cujus potentia omnis effectus subicitur, cujus sapientia omne occultum manifestatur, cujus deliberationem omnis eventus sequitur, cujus æternitatem non capit tempus, nec bonitatem virtus, nec sapientiam sensus, nec potentiam opus. Ipsi gloria qui rex est sæculorum, colendus et adorandus, metuendus et tremendus, ac dominans Deus, immortalis, invisibilis; ex quo, et per quem et in quo omnia. Nam omnia ex ipso, quia omnium ipse principium et auctor. Omnia et per ipsum, quia per ipsum, omnibus confertur ut subsistant, sicut et collatum est ipsis ut essent. Sed et in ipso omnia. Nos tamen potius virtutis debemus mirari magnitudinem, quam loci alicujus somnare dimensionem. Dicimus adhuc (si tamen hic aliquid dicere vel scimus, vel valemus), Deus Pater, Deus Filius, Deus Spiritus sanctus : personæ tres, quarum nulla est alia; et substantia una. Et libenter hoc catholica suscipit auris. Sed cum hoc dicimus, quid dicimus? Multum, ais, et magnum quid dicimus, cum hoc dicimus. Dicimus enim, ais, in uno eodemque Deo, præter quem alius non est, esse et personarum Trinitatem, et substantiæ unitatem. Bene, inquam. Sed nunquid aliud esse dicis ibi personarum Trinitatem, quam substantiæ unitatem? Non, inquis; sed habent personæ istæ proprietates suas : quia solius Patris est gignere, et ideo a nullo est; solius Filii est gigni, et ideo a Patre est; solius autem Spiritus sancti est procedere, et ideo a Patre et Filio est. Sed non sic a Patre et Filio Spiritus sanctus est, sicut est Filius a Patre; quia procedit ab utroque (a Patre videlicet et Filio Spiritus sanctus) sed a neutro gignitur. At vero Filius a solo Patre gignitur; et ideo Pater quidem gignens est, Filius autem genitus : et inde est quod Pater Pater est, et Filius est. Alioquin plures essent in illa Trinitate Patres, et Filii, quod nimirum credere, nimis abominabile, et horribile, et su-

A pra modum nefas est. Sunt ergo hæ tres personæ : Pater gignens, Filius a Patre genitus, Spiritus sanctus a Patre et Filio procedens. Quarum quidem personarum nulla altera est; quia non est una persona, sed tres. Nam una persona non potest gignere se, et gigni de se, et procedere a se. Hæ tamen tres personæ una substantia sunt, natura una, divinitas una, majestas una, æternitas una. Recte quidem fidem catholicam tenes, tu qui habitator es cellæ. Sed quid est (quæso te) quod mihi numerum sine numero proponis, eumque mihi das, et statim enim tollis? Nam si tres sunt, nonne numerus est? Si autem tribus est substantia una, si natura, si divinitas, si majestas, si æternitas una, ubi numerus? Numerus, ais, ad personas refertur, quia tres sunt; non autem ad substantiam, quia una est. Bene dicis, sed nunquid aliud istæ tres personæ sunt, quam est ista una substantia? aut aliud hæc una est substantia, quam istæ sunt tres personæ? Non, inquis, quia istæ tres personæ, ista una substantia sunt : et hæc una substantia, illarum est trium personarum. Nulla namque trium personarum est ea quæ altera; sed unaquæque tamen est id quod altera. Quia Pater quidem alius est quam Filius, vel Spiritus sanctus, sed non aliud; et Filius est alius quam Spiritus sanctus, vel Pater, sed non aliud. Spiritus sanctus alius quam Pater vel Filius, sed aliud non est : quia Pater, et Filius, et Spiritus sanctus, est unus naturaliter, idemque Deus. Sic damus singulis personis suam proprietatem, quod substantiæ non tollimus unitatem : quia in nullo præjudicat vel substantiæ unitas, personarum Trinitati, vel personarum Trinitas, substantiæ unitati. Quocirca nec a substantiæ unitate, personarum Trinitas; nec a personarum Trinitate, substantiæ unitas seorsum est cogitanda, vel separanda; sed potius et unitas in Trinitate, et Trinitas in unitate veneranda et adoranda. Si, ut dicis, ita est, imo quia ita est, quomodo ita est? Non plene, ais, per scientiam capio quomodo est, sed pie per fidem credo quia ita est. Optime dicis; nam credere pietatis est, discutere temeritatis : plene autem ac perfecte nosse, vita, et vita æterna est. Dicit autem beatus Augustinus quod tantus est solus Pater, vel solus Filius, vel solus Spiritus sanctus, quantus est simul Pater, et Filius, et Spiritus sanctus; cujus nunc libet verba tibi, qui habitator cellæ es, ad memoriam revocare, quæ in sexto libro de Trinitate, ultimo videlicet capitulo ejusdem libri posuit, occasione illorum trium profundorum verborum Hilarii, quæ sunt, æternitas in Patre, species in imagine, usus in munere. Scribit itaque beatus Augustinus hoc modo : « Horn verborum, id est, Patris et imaginis et muneris, æternitatis et speciei et usus, abditam scrutatus intelligentiam in quantum valeo, non eum secutum arbitror in æternitatis vocabulo, nisi quod Pater non habet Patrem de quo sit : Filius autem de Patre est, ut sit, atque ut illi cœternus sit. Imago enim, si perfecte implet illud cujus imago est, ipsa cœquatur ei, non illud imagini suæ. In

qua imagine speciem nominavit, credo, propter pulchritudinem, ubi jam est tanta congruentia, et prima æqualitas, et prima similitudo, nulla in re dissidens, et nullo modo inæqualis, et nulla parte dissimilis, sed identidem respondens ei cujus imago est. Ubi est prima et summa vita, cui non est aliud vivere, et aliud esse, sed idem et esse et vivere : et primus ac summus intellectus, cui non est aliud vivere, aliud intelligere, sed id quod est intelligere, hoc est vivere. Hoc esse est, unum omnia, tanquam Verbum perfectum; cui non desit aliquid, et ars quædam omnipotentis et sapientis Dei, plena omnium rationam, viventiam incommutabilem : et omnes unum in ea, sicut ipsa unum de uno, cum quo unum. Ibi novit omnia Deus, quæ fecit per ipsam : et ideo cum decedant vel succedant tempora, non decedit vel succedit aliquid scientiæ Dei. Non enim hæc quæ creata sunt, ideo sciuntur a Deo, quia facta sunt, ac non potius ideo facta sunt, vel mutabilia, quia immutabiliter ab eo sciuntur. Ille igitur ineffabilis quidam complexus Patris et imaginis, non est sine perfectione, sine charitate, sine gaudio. Illa ergo dilectio, delectatio, felicitas, vel beatitudo (si tamen humana voce aliquid dignum dicitur) usus ab illo appellatus est breviter, et est in Trinitate Spiritus sanctus non genitus, sed genitoris, genitique suavitas, ingeniti [*f. ingenti*] largitate atque ubertate perfundens omnes creaturas, pro captu earum; ut ordinem suum teneant, et locis suis acquiescant. Hæc igitur omnia quæ arte divina facta sunt, et unitatem quamdam in se ostendunt, et speciem, et ordinem. Quidquid enim horum est, et unum aliquid est, sicut sunt naturæ corporum, ingentiaque animarum, et aliqua specie formatur (sicut sunt figuræ vel qualitates corporum, ac doctrinæ, vel artes animarum); et ordinem aliquem petit aut tenet, sicut sunt pondera vel collocationes corporum, et amores aut delectationes animarum. Oportet igitur ut Creatorem per ea quæ facta sunt intellecta conspicientes, Trinitatem intelligamus, cujus in creatura quomodo dignum est, apparet vestigium. In illa enim Trinitate, summa est origo rerum omnium, et perfectissima pulchritudo, et beatissima delectatio. Itaque illa tria, et se invicem determinari videntur, et in se infinita sunt. Sed hic in rebus corporeis, non tantum est una, quantum tres simul : et plus aliquid sunt duæ, quam una res. Cæterum in summa Trinitate, tantum est una, quantum tres simul; tantum duæ quantum una. Itaque et singula sunt in singulis, et omnia in singulis, et singula in omnibus, et omnia in omnibus, et unum omnia. Qui videt hoc, vel ex parte, vel per speculum et in ænigmate, gaudeat cognoscens Deum, et sic Deum honoret et gratias agat. Qui autem non videt, tendat per pietatem ad videndum, non per cæcitatem ad calumniandum; quoniam unus est Deus, sed tamen Trinitas. Nec confuse accipiendum est, ex quo omnia, per quem omnia, in quo omnia : nec diis multis, sed ipsi gloria in sæcula. » Et hæc beatus Pater Augustinus et

A doctor insignis de his. Nos autem de his loqui diutius nolumus, quia dum tantus talisque sol, et lucens illuminat, et ardens inflammat, dignum est ut luccerna lutea recedat, et ne ultra appareat, sub silentii latibulo se abscondat.

CAPITULUM XXXI.

De diligenti sollicitudine, et sollicita diligentia quam orationi nostræ (quando ei incumbimus) debemus impendere, et de magna instabilitate qua in corde, orationis tempore per otiosa et nociva dispersis cogitationibus nostris, misere ac miserabiliter fluctuamus, et per innumera evagamur.

In transvadando fluvium illum secundum, qui egreditur de loco voluptatis, cui nomen est Gihon, aliquam fecimus moram. Nec debet, ut arbitramur, vel ipsa quam fecimus mora reprehendi, vel super ea aliquis nimium admirari, qui quanta duntaxat, vel ejus sit latitudo et profunditas non ignorat. Nunc autem ad tertium qui de loco voluptatis egreditur fluvium, cui Tigris nomen est, accedamus, ut per eum transeamus. Nos vero per hunc fluvium, qui dicitur Tigris, quantum ad moralem duntaxat attinet sensum, devotam diximus accipiendam esse orationem; sicut per illum qui Gihon vocatur, puram meditationem. Et de meditationum quidem generibus aliqua tibi, qui habitator cellæ es, diximus; et utinam tam sint dicta tibi fructuose, quam sunt a nobis dicta profuse! Nunc autem de devotione orationis aliqua tibi dicenda sunt; quæ (si quid de ea sufficienter dicere vel sciremus, vel possemus) eo magis tibi debent esse necessaria, quo inter omnia quibus in cella intendis exercitia, in frequentissimo soles hanc usu et consuetudine habere. Sed quid tibi de ea dicere vel scimus vel valemus? Ut autem scias, tu qui habitator cellæ es, qualiter ei intendere debeas, magis illa indiges quæ de omnibus docet unctione, quam nostra eruditione. Dicit enim Apostolus quia *quid oremus sicut oportet, nescimus; sed ipse Spiritus postulat pro nobis gemitibus inenarrabilibus* (Rom. viii, 26). Utique pro nobis postulat, quia quos replet, postulantes facit : et ex ejus solius munere, et gratiæ suæ infusione nobiscum agitur, ut sicut oportet orare sciamus. Magis quidem cum interno gemitu et dolore magno conqueri et nosmetipsos accusare debemus, quod fere nunquam sicut oportet oramus, quam ut alios orare doceamus : quia qualiter sicut oportet oremus nos certe nescimus. Nunc quid tunc sicut oportet oramus, quando in oratione nostra, vel nihil penitus, vel omnino modicum (et hoc rarissime), omnium eorum quæ ore proferimus, corde versamus. Quando vero sic nobis ipsis absentes, et quod ore dicimus, funditus nescientes, orare nos arbitramur, periculose nimium fallimur; eisque per omnia similes effecimur, de quibus Dominus per prophetam dicit : *Populus hic labiis me honorat, cor autem eorum longe est a me* (Isa. xxxix, 15). Dicit autem beatus Augustinus clericis suis, in Regula (cap. 4) eorum : « *Psalmis et hymnis cum oratis Deum, hoc versetur in corde quod proferitur in ore.* » Sed et beatus Benedictus sic de hoc in Regula

monachorum (cap. 19) dicit : « Ubique credimus divinam esse presentiam, et oculos Domini in omni loco speculari bonos et malos : maxime tamen hoc sine aliqua dubitatione credamus, cum ad opus divinum assistimus. Ideo semper memores simus quod ait Propheta : *Servite Domino in timore (Psal. II, 11)*, et iterum : *Psallite sapienter (Psal. XLVI, 8)*; et : *In conspectu angelorum psallam tibi (Psal. CXXXVII, 1)*. Ergo consideremus qualiter oporteat nos in conspectu divinitatis et angelorum esse, et sic stemus ad psallendum, ut mens nostra concordet voci nostræ. » — « Si cum hominibus potentibus volumus aliqua suggerere, non præsumimus, nisi cum humilitate et reverentia, quanto magis Domino Deo universorum cum humilitate et puritatis devotione supplicandum est? Et non in multiloquio, sed in puritate cordis et compunctione lacrymarum nos exaudiri sciamus. Et ideo brevis debet esse et pura oratio : nisi forte ex affectu divinæ inspirationis gratiæ protendatur (*Reg. S. Ben., c. 20*). » Hæc illi eximii viri hoc modo senserunt de his. At nos miseri cum oramus, imo cum nos orare decepti putamus, vel somno inertis sæpissime deprimimur, vel cogitatione instabili extra nos, non tam frequenter quam fere incessanter, per quæque otiosa et frivola, per noxia et inutilia vagamur. Si talem orationem Deo esse placitam putamus, absque dubio fallimur. Quod si pertinaciter insistentes, et arroganter instantes, illam contendimus contra conscientiam nostram Deo placere, mentimur, et veritatem non facimus, et veritas in nobis non est. Non enim talis est oratio ad quam nos Paulus invitat, qui nos monet ut oramus in spiritu, et vigilemus in oratione, in omni instantia. Sed et ipse Dominus apostolos alloquens, et ad orandum exhortans : *Vigilate, inquit, et orate (I Cor. XIV, 15)*; præmisit *vigilate*, per hoc erudiens nos, quatenus si et Deo placitam, et nobis fructuosam nostram esse orationem præoptamus, omni nimirum studio et conata contra insolentes et instabiles, contra nocivas et inutiles cogitationes, et ante tempus orationis, et in ipsa quam maxime vigilemus oratione (*Coloss. IV, 2; Ephes. VI, 18; Marc. XIV, 38*) : ne quod lingua quasi orando proferre videtur, efficiente hoc cogitationum instabilium evagatione, omni penitus fructu spirituali privetur. Ut enim ait Ecclesiastes : *Musce morientes perdunt suavitatem unguenti (Eccle. X, 1)* : et (ut non tam frequenter, quam fere indesinenter experimur) descendant volucres super cadavera. Et est valde necessarium ut abigat eas Abram ; ne forte penitus quod offert perdat, si contigerit (quod absit!) ut ab eis rapiatur. Sed et mulieres (ut eorum quæ gessit Dominus, relator egregius sanctus Lucas nobis manifestat) ad monumentum Domini venerunt, *portantes quæ paraverant aromata (Luc. XXIV, 1)*. Et quæ sunt hæc aromata, nisi suavia et odorifera sanctarum orationum odoramenta? Unde et petit Psalmista, orationem suam dirigi in conspectu Domini sicut incensum (*Psal. CXL, 2*) : et

A sanctos Joannes in Apocalypsi assorit, viginti quatuor seniores habere *phialas aureas, plenas odoramentorum (Apoc. V, 8)*. Et ut sciamus quid per hæc odoramenta accipere debeamus, adjungit, *quæ sunt orationes sanctorum*. Quæ sunt hæc phialæ aureæ, nisi mentes sanctæ, puritate munditiæ claræ, et maxime amoris Dei et proximi decore pretioso adornatæ? In talibus phialis integra et incorrupta conservantur odoramenta, quia a cordibus puris et charitate plenis accepta Deo emittuntur et offeruntur piarum orationum incensa. Unde et dicitur quod illæ mulieres portaverunt aromata quæ paraverant (*Luc. XXIV, 1*). Nam minus quidem nos parata aromata portamus, cum Deo tales orationes (si tamen orationes) offerimus, quas instabilium et immoderatum cogitationum abjectissimus pulvis exinanit et corrumpit, et ipsis divinis auribus indignas reddit. Sed prius aromata parentur, et sic aromata ad Dominum portentur. Hoc est, prius orationes nostras puras efficiamus, et tunc eas omnipotenti Deo, ut ei acceptabiles sint, devote offeramus. Verum, heu nos miseri! minus parata ad eum aromata portamus, qui quando nos orare putamus, quid ore proferamus, in corde nec per intellectum, nec per affectum multoties et fere semper versamus. Et quomodo nos illam a Deo exaudiendam esse orationem sperare possumus, quam sic offerimus, quod nos qui eam utcumque videmur offerre, nec per amorem, nec per intelligentiam sentimus. Et quando hæc aromata mulieres parata portaverunt? utique una Sabbati, valde diluculo. O stabilitas! o tranquillitas! o et claritas! itaque una Sabbati, valde diluculo portaverunt quæ paraverant aromata, ut sciamus debere nos habere cum oramus, intra nos, et unitatem quantum ad cogitationum nostrarum stabilitatem; et quietem quantum ad pacem, et claritatem quantum ad cognitionem; quatenus orationis tempore nec per otiosa aliqua et illicita nos in mentis evagatione permittamus, sed quantum per Dei gratiam possumus, illis solis quæ ore proferimus, per cogitationem intendamus. Sed nec aliquam intrinsecus perturbationem revolvanus; sed in plena erga omnes homines, et maxime erga fratres et patres nostros, quibus cohabitare tenemur unanimes in domo, pace quieti sumus. Ad extremum nec alieujus phantasmatis calligine obscuremur, sed potius lucis cujusdam spiritualis a Deo a nobis immixtæ illustratione clarificemur.

CAPITULUM XXXH.

De mentis evagatione, quam nobis orationis tempore inesse sentimus, et qualiter et quare per tertium qui de loco voluptatis egreditur fluvium, qui et Tigris vocatur, orationis accipienda devotio sit.

Cogit nos ut tecum, qui habitator cellæ es, aliquid adhuc agamus de his; cogit nos, inquam, magna quæ satis deprimimur miseria, nostri non oblivisci. Non enim possumus non suspirare et gemere, super ingenti instabilitate miseri et miserabilis cordis nostri. Supra modum vagum et profugum est, et se sibi fere

incessanter furatur, et antequam soniât, atque deprehendat, extra se fufum committitur, et per innumera dispergitur. Sic autem committatur et dispersum vix se permittit ad se revocari et colligi, et intra se redintegrari: et si forte vel aliquando ad se fuerit collectum, nec uso (ut ita dicamus) intra se momento permittit se demorari. Et cum tantis ac talibus indesinerenter miseris miserabiliter devastetur, operetur, prematur, tunc quidem magis ab eis vexatur cum ad orationem coarvoritur. Nam quando vel in codice legimus, vel manuali alicui operi intendimus, aliquantum nonnunquam cor apponere valeamus, et ut iis de quibus nos intromitamus, utcumque licet multam renitens et reluctans, morari se permittat efficiamus: veram cum ad orandum accedimus, confesum quasi hoc supra modum exosum, et in pleno ac perfecto odio cor nostrum habeat, se sibi furari, se a se extrahere, longe a se recedere [*Par.*, recedere], et iis quæ in ore proferuntur dorsum vertere velociter fugiens festinat. Et si forte ad se vel rarissime redit, statim a se recedit, et rursus vagationi pristinae se tradit. O magna miseria! quam bene illud dictum est: *Factum est silentium in celo quasi media hora!* (*Apoc.* viii, 1.) Nequaquam plena hora, sed dimidia stabilitas et quies sit in animo; quod est fieri silentium in celo. Sed nec illa dimidia, saltem ut dimidia sentitur, quia et quasi præmittitur. O cordia ingens morbus! et quidem omnino incurabilis quoad corpus quod corrumpitur aggravat animam, et deprimit terrena inhabitatio sensum multa cogitantem. Ubi nobis in tanta miseria spes, nisi in sola misericordia Dei, qui exercitio illi, quod inter omnia quibus intendimus exercitia magis est nobis necessarium, sicut debemus, intendere non valeamus? Quid de ipsis apertis malis nostris dicemus, quando ipsa bona nostra, non posse bona esse videmus? Quid inter hæc? Nosmetipsos incessanter et acriter in conspectu Dei arguamus, reprehendamus, accusemus, et miseram animam nostram in manibus nostris portantes, carnes nostras laceremus dentibus nostris. Erit fortassis apud pium Conditorum nostrum, qui cognoscit figmentum nostrum, qui et recordatur quia caro sumus, aliqua hujus nostræ fragilitatis excusatio, ipsa nostra accensa et humilis accusatio. Et quidem quasi *pannus menstruatæ*, ut ait Isaias, *omnes injustitiæ nostræ* (*Isa.* lxxv, 6); ut absque dubio sciamus quid de ipsis injustitiis nostris sentire debeamus, qui justitias quoque nostras (hi tamen justitias) a tanto propheta tali rei assimilari audimus. Corregionem proinde severam, et redargutionem acutam, atque accusationem mordentem intrinsecus in corde, extrinsecus in ore, semper et ubique coram Deo circumferamus; ipsum devote exorantes, quatenus nobis pie concedere dignetur, ut sit impetratio veniæ, humilis hæc nostra cum interna contritione cordis, et pura confessione oris, cognitio culpæ: nos quoque aliquo modo coram se in hoc deputet justos, in quo nos plene ac

A perfente sine omni excusatione reputamus injustos. At tu fortassis, qui cellæ habitator es, ita nobis respondes ad hæc: inultum me in verbis istis sollicitum et pavidum reddidisti, multumque turbasti, commovisti, concussisti: nam plene mihi ac plane miseriam meam magnam, qua supra modum hac in parte oneratus ac vastatus sum demonstrasti, et omnem mihi penitus excusationem abstulisti. Si quidem omnia hæc ita in me sentio, sicut ea te dicere audio. Est utique quidquid dicis verum, et non est in his verbis tuis aliquod mendacium. Omnia enim quæ dicis, sic esse ut dicis, certissimum me reddit non solum scientia, sed et quotidiana, imo continua mea experientia. Sed quid mihi prodest quod valida (sicut ego ipse eo plenius scio, quod molestius eam sentio) me dicis ægritudine vexari, nisi et mihi ostendas quomodo possit et debeat curari? Dic proinde, quæso te, prout tibi occurrit, qualem me in oratione exhibere debeam, ut eam offerre Deo possim acceptam. Et nos tibi sic respondemus: Hoc ille tibi in corde tuo silenter dicit, absque cujus solius munere, oratio tua nec illi accepta, nec tibi valet esse fructuosa: cujus plerumque dixisse, fecisse est. Diceret tibi fortassis et per nos; licet loqui de hoc sine magna nostra confusione et dolore non possumus. Nonne confusio debet esse nobis quod alios docemus, nos ipsos autem non docemus? quod pulchrum depingimus hominem, ipsi pictores fedi? quod alios cibo potuque rescimus, qui fame ac siti perimus? quod alios vestimentis optimis induimus, et ipsi nudi ambulamus? Et in tantum nudi, quod enotis apparet confusio auditis nostræ, et videtur ab omnibus turpitudine nostra. Igitur ut ad tuam ædificationem, tu qui habitator cellæ es, intendamus his, retulimus (sicut ipse scis) longe superius, et adhuc referimus juxta tropologicum sensum, ad hunc tertium fluvium qui egreditur de loco voluptatis, puritatem devotæ orationis. Ejus vero nomen est, ut verax dicit historia, Tigris. Est ergo Tigris sagitta, oratio pura et devota: quæ quidem velox est, perforans et penetrans, scindens et pertingens. Certe ad instar sagittæ velocissime volantis, et ipsa volat usque ad ipsum Deum. Denique oratio justî penetrat nubes. Quid ei obsistere potest? universa quæ visibiliter apparent quasi dura et clausa, ipsa perforat et penetrat, a puro spiritu emissa, et ab eo non amissa. Sed et quæcumque quasi obviantia spiritualis suæ puritatis acumine scindit, nec unquam resilit, si usque ad ipsum qui super omnia est pertingit. Non solum autem, sed et omnia quæ sunt nobis adversantia, quæ sunt contraria, quæ sunt nociva, ipsa debellat, exsuperat et annihilat. Et hoc fortassis est, quod de fluvio isto dicitur quia vadit contra Assyrios. Nam per populum Assyriorum quidquid spirituali nostræ militat læsioni, putamus esse accipiendum. Contra hos Assyrios vadit iste fluvius Tigris, quia omnibus quæ nocere nobis possunt (nisi forte ut prosint, et ut eorum obsesse nihil aliud quam prodesse sit) similis acutæ

sagittæ, citissime volantis, puritas resistit et contradicit devotæ orationis. Si nos fatigat alicujus vehementia tentationis, si nos premit (ut nonnunquam assolet) moles ponderosa alicujus furentis adversitatis, contra hos et universos alios qui intra hunc mundum sunt Assyrios, vadit fluvius iste Tigris; quia valenter obsistit eis devotæ sinceritas orationis; cum nos plerumque fatigant, nunquam nos exsuperent, nec aliquando nos opprimant, etsi multoties premant. Num menti nostræ excidit, quia venit dudum Amalec ut pugnaret contra Israel? Quod nimirum adhuc hodie fit, cum reproborum populus terrena et transitoria per affectum et desiderium quasi lingens, pravis suis tam exemplis quam monitis, ad peccati delectationem ac perpetrationem, mediante illicito consensu pertrahere contendit. Sed ut sciamus quomodo vadat fluvius Tigris contra Assyrios; percutit eum Josue usque ad internecionem, cum in monte manus levat Moyses (*Exod. xvii*). Nam juxta hunc secundum, quem modo incedimus sensum, unum quid innuit; et Moyses ut expugnetur Amalec, in monte manus levans; et fluvius Tigris contra Assyrios vadens. Et quis iste Moyses? Num his insistendum est vobis, ut tu, qui habitator cellæ es, ædificeris? An a nobis est retrahendum, ne id quod dicimus putans esse nimium, incurras fastidium? Sed quis sapientum dicit esse nimium, quantumcunque fuerit in verbis prolixum, dummodo possint singula verba spirituales in audientibus sanctæ ædificationis augere profectum? Quis ergo iste est Moyses, nisi tu qui verus et sincerus cellæ inhabitator es? Nam nomen hoc Moyses, quod more multorum celebre et frequens habetur, ex aqua assumptus interpretatur. Et nonne tu ex aquis es assumptus, qui visitante te gratia Dei, a fluxu es mundanæ conversationis ereptus, et ad suavem ac dulcem cellæ quietem translatus? Sed Moyses dicitur manus levare, quia tu in cella sine intermissione, juxta admonitionem apostolicam, debes orare (*1 Thess. v, 17*). Et ad hoc ut effugetur Amalec, manus levat Moyses; quatenus fluvius Tigris vadat contra Assyrios. Sed oportet ut montem conscendat, ponatur lapis super quem sedeat, et uterque (tam Aaron videlicet quam Hur) manus ejus sustentet. Quoad levatæ fuerint, superabit Israel et superabitur Amalec; cum autem vel ad modicum quasi lassatas deposuerit manus, superabit Amalec, et superabitur Israel. Sed ne hanc ipsis Israelitis valde periculosam manus ejus lassitudinem incurrant, eas Aaron et Hur sustentent. Quid sibi volunt hæc? Conscendat montem Moyses, ut sanctæ conversationis apprehendas sublimitatem, tu qui cellæ inhabitator es. Sed et super lapidem seleas, ut in firma cogitationum mundarum stabilitate, et stabili earum firmitate requiescas. Ad extremum vero ne manus tuæ lassentur, et lassatæ deponantur, ab Aaron et Hur sustententur. Nam ne cogitationes tuæ (tibi dicimus, qui habitator cellæ es) in oratione tepescant, ac proinde nec Deo acceptæ, nec tibi fru-

ctuosæ existant, alacres eas et robustas exhibeant tam imum humilitatis, in infirmo eas ne superbiant premens; quam ardor charitatis, et in Deum eas et in proximum ne frigescas inflammans. Nam Aaron *mons fortitudinis* interpretatur. Et quidem verè humilitatis virtus et sublimis est, et fortis; quia illam quam ex toto occupat mentem, et excelsam redit et robustam. Nam qui vere humilis est, quo magis in suis est oculis in imo, eo magis in divinis est oculis in excelso, et quo sibi apparet infirmior, eo coram Deo existit fortior: quia nimirum virtus in se habet humilitatis et fortitudinem humilem, et humilitatem fortem, ut neutra alteri præjudicet; quatenus humilitatis sanctæ virtus et in imo sit in oculis propriis, et in excelso in oculis divinis. Porro Hur *ignem sonat*, et charitatis ardorem designat. Itaque hæc virtutes eximie, fortis videlicet celsitudo, celsaque fortitudo humilitatis, et inexstinguibilis ardor charitatis, ne lassentur, tuarum devotionum sustentent manus: tibi dicimus, qui habitator cellæ es, qui verus ac sincerus juxta hunc sensum Moyses es. Et hæc omnia idecirco diximus, ut quomodo moraliter accipiendum sit ostendamus, quod fluvius tertius qui egreditur de loco voluptatis (per quem devotam esse accipiendam orationem asserimus) adhuc hodie sed spiritualiter vadat contra Assyrios. Ecce quanta ac qualia contra cuncta adversa, contra quæque nociva, virtus orationis, cum ei intendimus eo modo quo intendere debemus, solatia nobis et auxilia impendit: ut pateat nobis, quod nequaquam otiose Scriptura dicit, quia Tigris contra Assyrios vadit. Et quis ille est modus quo ei intendere debemus? Nam quis sit ille, quæris, qui habitator es cellæ, sciens nimirum tibi esse fructuosum hoc scire, fructuosius autem opere et veritate per experientiam exercere. Hoc autem non a nobis, sed ab experto quærere debes, id enim quid sit, sola experientia capit. Verum quia inde nos aliquid dicere compellis, loquimur quod Dominus dederit nobis, qui nos non vis philosophos putari, quod fortassis fieri si taceremus. Videtur nobis quod si fructuose orare desideras, tria quædam diligentissime considerare debeas. Primum quidem, qualis ad orationem accedas. Secundo qualem te Deo in ea offeras. Tertio quoque qualem te post tempus orationis exhibeas. Quam mundus videlicet et quietus ad eam venias, quam purus et integer in ea persistas, quam gravis quoque ipsa devote celebrata et finita, quamque maturus quoad potes permaneat; itaque de oratione te in cella tua intromittens, quo sollicitius hæc tria exereveris, eo nimirum oratio tua et acceptior Deo, et fructuosior erit tibi. Si his modis Patrem in illius nomine qui et vocabulo dicitur et re esse Jesus petieris, absque dubio quod sic petis impetrabis, sed universis quæcunque illa sint quæ tibi adversari moliantur, efficaciter et valide resistere, ut ea devincas et destruas, potenter valebis, quatenus ipsa te tua certum experientia reddat, qualiter fluvius iste tertius

qui de loco egreditur voluptatis, qui et Tigris vocatur, contra Assyrios vadat.

CAPITULUM XXXIII.

Quales exhibere debeamus priusquam ad orationem accedamus, ut cum ad eam venerimus, sic eam Deo offeramus, ut ipse eam et sibi acceptam, et nobis misericorditer efficiat fructuosam.

Antequam fluvium illum quartum intremus, qui de loco voluptatis egredi legimus, cui nomen est Euphrates, petis tu qui habitator cellæ es, ut de oratione tecum adhuc aliquid agamus, quo enim ei frequentius incumbis, eo nimirum erudiri qualiter ei intendere debeas, ardentius concupiscis. Annuimus, gerimus tibi morem, et pro posse et scire nostro tuam in hoc parati sumus implere voluntatem. Diximus, si reminisceris, circa finem illius quod istud proxime præcedit capituli, ut oratio tua, et a Deo accepta haberi, et tibi fructuosa possit fieri, tria quædam debere a te diligentissime considerari. Primum quidem est, ut attendas sollicite, qualis ad eam accedas. Secundum quoque est, qualem te Deo in ea offeras. Tertium vero, qualem te post finem orationis exhibeas. Ut autem primum de primo in hoc capitulo agamus (non enim de tribus his simul sufficienter tractare in hoc capitulo valeamus) ut, inquam, primum in capitulo hoc de primo agamus, instanter te, qui habitator cellæ es, admonemus, obnixè exoramus, opportune quoque tibi et importune in Domino præcipimus ut, cum ad adorandum Dominum Deum tuum properas, et maxime cum immolare Patri Filium, ubi specialiter Deus est in eodem Christo mundum reconcilians sibi, accedere cogitas, diligenter in memoria habeas, et absque omni dubio scias, cum in omni loco oculi Domini speculentur bonos et malos, tunc te potissimum in conspectu Dei et sanctorum angelorum, qui præsentibus adsunt, atque omnium sanctorum apparere. Et quod orando offers Deo, tam illo quam illis beatis cælestis curiæ spiritibus, sed et omnibus sanctis (et cum in cella solus non solus, et cum in oratorio cum aliis oras) præsentibus te offerre. Et si hoc ita est, imo quia ita est, attende diligentissime qualiter accedas, et qualem te in hoc accessu exhibere debeas. Et dicis mihi? Ad te attinet me docere, qualiter me debeam hora illa exhibere; ad me autem, et humiliter audire, et pro posse ac nosse effectui devote mancipare. Et ego, ita fiat, ut dicis: precorque Deum ut sic faciamus. Itaque ad orationem accedens, diligenter stude, et totis viribus conare, ut cor mundum per omnia afferas, quatenus et Deo placentem et tibi salubrem orationem offeras. Quomodo, ais, fiet istud? Audi, et intellige, et audiens atque intelligens, etiam opere perfice. Quidquid conscientiam tuam remordet, imo quidquid conscientiam tuam illicite a te vel per cogitationem, aut per locutionem, seu certe per operationem, aut quocumque modo commissum remordere valet, pœnitentia prius plena; confessione pura, et humili, et fideli; satisfactione condigna, cum per-

fecto, per gratiam Dei, de cætero continendi proposito emendare, et a te abjicere stude. Idecirco dico, quidquid conscientiam tuam remordere valet, quia sunt quamplures qui nullum fere semper in cunctis excessibus suis morsum conscientiæ suæ sustinent, cum tamen indesinenter quod illicitum est committere non cessent. Non est enim timor Dei ante oculos eorum, non propriæ salutis desiderium. Inde est, quod in nullis quæ committunt illicitis, ad suam sciunt conscientiam redire: et cuncta quæ committunt mala cæca mente pertranseunt, nec se etiam in aliquo reos æstiment, cum constet quod in innumeris delinquant. Cum vero plerumque aliquid quasi boni, vel tenuiter, et superficietenus videntur utcumque agere, hoc etiam apud se introrsum indesinenter, non in Domino sed in se gloriantes, revolvere, et exterius ore laudem quærentes humanam, non cessant arroganter referre. Non sic tu, qui habitator cellæ es, non sic, sed in omnibus quæ vel mente revolvis vel ore dicis, vel opere committis, ad conscientiam tuam semper et ubique testimonium revertere, et ipsam in plena veritatis luce pervidens, quod ipsa veraciter de singulis tuis et revolutionibus internis, et moribus externis judicaverit; hoc tu tam in iis quæ ipsa reprobatur arguendis, culpandis, corrigendis, quam in iis quæ approbat, acquirendis, retinendis, exercendis, adaugendis, per omnia ratum habet. Itaque in balteo cordis tui, acutum semper gerens propriæ accusationis paxillum, sede te humiliando, fode te corrigendo, ut sic quod a te fode ac fetide non tam per naturam egestum, quam per culpam gestum est, cooperas pœnitendo, sciens et beatos esse quorum tecta sunt peccata, et quia in sanctis animalibus, sicut duæ pennæ singulorum jungebantur, sic nihilominus et duæ tegebant corpora eorum. Quid autem sibi velint hæc, beatus Gregorius te doceat, magis autem propria te experientia certum reddat. Sed et si aliqua quasi bona videris in te, in primis certissime scias ipsa non esse a te, deinde non ignores quia ipsam quoque Jerusalem justus ille, et districtus iudex scrutabitur in lucernis: et cum acceperit tempus, ipse etiam justitias judicabit. Quia nimirum sicut si venerit ad te, non videbis eum, sic quoque etsi abierit, non intelliges, ut si quando ridet ad te, non credas ei. Sicque bonum tibi, quatenus experimento discas, honorum esse, tibi culpam æstimare, ubi culpa non est. Itaque illa mortiferæ excusationis protoplastorum a te sanditus projice perizomata, quibus innumerum hodie sua ad magnam insipientiam sibi tegunt verenda. Sicque scias, nihil aliud esse culpam excusare, quam et simplicem geminare, et exiguum adaugere. Magis autem in ipsis internis tuis quoddam rigidum capitulum ratio quidem teneat; conscientia vero parcere, silere, ac celare nescia, proclamationes faciat. Ipsa nihilominus mens ab omni excusationis, defensionis, contradictionis, tergiversationis penitus macula obmutescat; abjectis potius prævæ (quibus tegebatur huc usque) tacitur-

nitatis vestibus; per parvam confessionem, nudam se et despoliatam faciat: et in præsentia rationis huic capitulo præsentis, profunde se humilians, rigidam prout ipsa iudicaverit, cum firmo de cætero emendandi proposito, condignæ satisfactionis disciplinam subire parata et prompta existat. Cum autem hæc omnia hoc modo, tu qui habitator cellæ es, penes te debeas habere; sed tunc quam maxime ea te decet exercere, cum ad orationem proponis accedere; quia et de se dicit Psalmista, quod iniquitatem si aspexit in corde suo, non exaudiet Dominus; sic adjungit: *Propterea exaudivit Deus, et attendit voci deprecationis meæ* (Psal. LXV, 19). Subaudis: quia non aspexit ego, exaudivit, attendit Deus. Si vero tu quæ dicta sunt, et eo modo quo dicta sunt, exercueris, cum gaudio confide exaudiendam esse orationem tuam a Deo; quia jam iniquitatem non aspicias in corde tuo. Si enim aliqua in eo aliquando fuit, jam ante deleta est.

CAPITULUM XXXIV.

De eo quod cum ad orationem accedimus, et illis qui in nos deliquerunt ex puro corde dimittere, et si sunt qui habent aliquid adversum nos, plene eis ac perfecte reconciliari debemus.

Inter hæc, tu qui habitator cellæ es, apostolicum illud habe diligenter in memoria præceptum et quidem saluberrimum, de quo in Epistola sua dilectum et electum alloquens discipulum: *Levantes, inquit, puras manus, sine ira et disceptatione* (I Tim. II, 9). Quam putamus esse distantiam inter disceptationem et iram? Videtur utique nobis quod qui adversus aliquem nimis injuste et indiscrete, nimis acriter et crudeliter movetur; hic certe in ira est. Qui vero illum, adversus quem commotus est, etiam corpore absentem sibi in mente repræsentat, cumque in interno cordis susurro, silenti quodam clamore, seu (si ita congruentius dicitur) clamoso quodam silentio, cum tumultuosa turbatione, et turbato tumultu alloquens; allegationes multimodas, et omnes (ut sibi videtur) rationabiles, sed veraciter omni ratione carentes emittit: responsiones suscipit, ipso solo et non alio cum eo existente. In his et qui opponit, et qui reponit, iste nimirum in disceptatione est. Si quidem disceptat et disputat, et cum altera nullo amara voce litigans, se semper excusans, et lirum adversus quem commotus est, acriter accusans; silenter (utpote a nullo nisi a se solo auditus) et amare clamat. Sed absque utroque hoc malo nostræ in nostra oratione manus levandæ sunt; ut moveri adversus aliquem cessantes, nec alium aliquem in corde nostro, clamose taciti, et tacite clamosi, nos excusantes accusemus; nec alium accusantes, nos excusamus, ipsi in his et nullus alius existentes, qui et nos alium accusando excusamus, et nos excusando alium accusamus. Sine utroque hoc horribili malo (tibi dico, qui habitator cellæ es) levare debes manus in oratione; ut et Deo accepta, et tibi possit esse fructuosa. Et ad hoc utrumque damnabile malum, a nobis orationis tempore depel-

lendum, geminum se habet Domini præceptum. Hoc autem unum est: *Cum stabitis ad orandum, dimittite si quid habetis adversus aliquem* (Marc. XI, 25); aliud vero est: *Si offers munus tuum ad altare, et cætera quæ sequuntur*. Sed de eo quod primo loco posuimus, prius agamus, antequam ad aliud accedamus. *Cum stabitis, ait Dominus, ad orandum, dimittite si quid habetis adversus aliquem*. Et item: *Si dimiseritis hominibus peccata eorum, dimittet et vobis Pater vester cælestis peccata vestra; si autem non dimiseritis hominibus, nec Pater vester dimittet peccata vestra* (Matth. VI, 14, 15). Ecce addisti, tu qui habitator cellæ es, et quid nos Dominus exhortetur, et quid nobis comminetur. Exhortatur siquidem, ut cum accedimus ad orandum, dimittamus; comminatur vero quod si nos non dimittimus, nec dimittetur nobis. Exhortatio, fateor, valde salubris, comminatio vero valde terribilis. Si dimittimus, et dimittetur nobis: si non dimittimus, nec nobis dimittetur. Ecce quia in nostra voluntate positum est, utrum nos foveat gratia, an feriat ira. Ita que accedens ad orationem, tu qui habitator cellæ es, dimitte ut dimittatur tibi; sed eo modo dimitte, quo tibi cupis dimitti. Dicis fortassis tu: *Quid est dimittere?* et sic nos respondemus tibi: hoc est dimittere, de mente emittere, ut nihil eorum in mente penes te et intra te retineas, quæ tibi a quoquam perperam dicta vel facta sunt. Si enim aliquid eorum quæ tibi vel durius ab aliquo dicta, vel durius acta sunt, commotus et dolens, tristis et conquerens, iratus et amarus, disceptans, et disputans intra te revolvis, et aptum reddendi talionem et vicem tempus exquiris; et si quid ei contigerit adversi, ab alio quidem, non per te illatum, tu quoque inde lætaris, audeenter dicimus quia non dimittis. Nec fructuose quandiu sic intra te actitari sentis, ad orandum accedere potes. De mente namque tua id quod actum vel dictum est tibi, necdum emisisti, sed adhuc mortifero veneno plenam habes, quo eam tu ipso implesti. Quod si hoc facere vel non audes vel erubescis, seu certe non potes, sed eum tamen adversus quem commotus es, saucio et torvo oculo, demissis superciliis aspicias, eique vultus tui serenitatem tollis, et vel cum eo loqui non dignaris, vel (si forte loqueris) verba in eum amara hac de causa jacularis, et dulcis ei, sicut debes esse fratri tuo in mente non existis, scito pro certo quia necdum dimittis, et quod adhuc ad orationem accedere idoneus non sis. Ad hæc fortassis tu hoc modo: *Durus est hic sermo tuus; quis te potest audire?* Quando ergo dimitto, si tandiu non dimitto, quandiu sic intra me agi sentio? Et nos tibi hoc modo: *Scito nihil placere Deo impurum qui summa puritas est, nihil simulatum qui vera æquitas est*. Si patienter nos audis, dicemus tibi quando dimittis. Ecce, adverte: si quod tibi dictum vel actum est, ita ex toto de mente emittis, quod illud funditus oblivisceris: et illum qui tibi contrarii aliquid vel verbo vel facto intulit, absque omni eorum recordatione sereno

oculo aspicias, et cum perfecta illius mentis benevolentia et dulcedine alloqueris, nullamque eorum quæ tibi illata sunt amaram vel in præsentia ejus, vel in absentia, illi qui tibi intulit, aut loquendo, sen alio quocunque modo mentionem facis, videtur nobis quod tunc dimisisti. Nam tunc dimittis non verbo et lingua, sed opere et veritate, Implens illud quod Dominus dicit: *Si non remiseritis unusquisque fratri suo de cordibus vestris (Math. xviii, 35)*. Scias absque omni dubio quia omne quod sincerum non est, sic Deo non potest placere, sicut nec eum potest latere. Si quidem plena talis oblivio, ipsa est plena remissio. Nam in Lege scriptum est: *Nec memor eris injuriæ civium tuorum (Levit. xix, 18)*. Sed et mortuo et sepulto patre eorum Jacob, fratres Joseph mandaverunt ei: *Pater tuus præcepit nobis antequam moreretur, ut hæc tibi verbis illius diceremus: Obsecro ut obliviscaris sceleris fratrum tuorum, et peccati, atque malitiæ quam exercuerunt in te (Gen. l, 17)*. Ut autem sciamus quia talis oblivio dimissio sit, addiderunt: *Nos quoque oramus ut famulo Dei patri tuo dimittas iniquitatem hanc*. Ecce, quia quod prius vocabant oblivionem, jam vocant dimissionem. Quod si forte reminisceris, sed nullo prorsus dolore tangeris, dicimas tibi quia dimittis. Nam plerumque tristium læti reminiscimur, et jam perfecte sani, ægros nos aliquando fuisse absque dolore aliquo recordamur: et in mente, sine omni quoque caligine illius priores quæ jam quantum ad se transierunt, tenebras intuemur. Ut autem finem jam imponamus his, tunc nobis videtur quod dimittis, quando reminiscens talia te pertulisse, gaudes et lætaris; illum in hoc imitans, qui se dicit libenter gloriari in infirmitatibus suis ut inhabitet in eo virtus Christi: qui etiam adjungit: *Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis, pro Christo (II Cor. xii, 10)*. Si autem tantæ perfectionis nondum es, ut gaudere et lætari possis, cum talium recordaris, sed ea tamen in hac recordatione tua sine aliqua intra te commotione revolvis: et ea pro nihilo penitus habens, eum qui tibi adversi aliquid intulit non minus diligis quam ante dilexisti, vel diligeres si nunquam intulisset, certe dimisisti. Igitur tunc fructuose accedis ad orandum, cum se remittens, Dominicum adimplet præceptum. Sen sicut non vis adversus alium habere quidquam, sic quoque necesse est ut non permittas aliquid habere adversus te, quantum fieri potest, et quantum in te est, quemquam: ut etiam illud Domini impleas præceptum, quod superius secundo loco posuimus, quod et tale est: *Si offers munus tuum ad altare, et ibi recordatus fueris quia frater tuus habet aliquid adversus te, relinque ibi munus tuum ante altare, et vade prius reconciliari fratri tuo, et tunc veniens offeres munus tuum (Math. v, 23, 24)*. Ecce quia, ut beatus Gregorius dicit (*Hom. 8 in Ezech.*): « Munus non accipitur, nisi prius ab animo discordia pellatur. » Ubi nimirum tibi intelligenti-

A dum est, quia non minus debes discordiam portare ab animo fratris tui, qui adversus te habet quem læsisti, quam eam depellis a tuo, qui eum læsisti, *Relinque, ait, et vade prius reconciliari fratri tuo*. Quid est munus relinquere, et ut te fratri tuo reconciliæ ire, nisi humiliter interior ab oratione cessare, quousque fratri tuo fueris reconciliatus? Et si ita est, cur interim est ab oratione cessandum, nisi quia nec Deo acceptam, nec tibi fructuosam offerre orationem poteris, nisi prius fratri tuo reconciliatus fueris? Et quidem hoc facere potes et debes, si præsens fuerit frater tuus, quem recordaris quia habet aliquid adversus te. Si autem tam longe a te absens in hac tua recordatione fuerit, ut statim ad eum gressu corporali pertingere non possis, fac in corde tuo, coram eo qui ejusdem cordis inspector est, fratri tuo (licet longe sit absens) quod ei opere facere deberes, si adesset præsens. Et hoc interim facias, quousque fratrem tuum habere præsentem queas, ut ei facias tunc præsentem in aperto, quod nunc ei coram Deo facis absenti in occulto. Et quomodo, ais, fiet istud? Ecce, adverte quo modo fiet: Munus tuum, hoc est, orationis tuæ devotionem offerre Deo proponens, et hora illa, quia frater tuus habet aliquid adversus te, reminiscens, orationem tuam interim offerre differas, quousque quod dicimus modo tibi facias. Vade in ipso corde tuo ad fratrem tuum, licet longe a te corporaliter positum, et in humilitate profunda, in poenitentia vera, te ei in mente, teste Deo qui præsens est, prosterne, et ad pedes ejus humiliter jacens, et te acriter reprehendens, veniam ab eo cum omni instantia pte, emendationem ei de cætero promitte, et sic fratri tuo reconciliatus, ad offerendum munus tuum accedas. Hoc videtur innuere verbum istud, quod est *tunc*. Nam quid est dicere, *tunc offeres*, nisi *priusquam hoc facias, offerre non debes*; quia munus oblatum nec Deo placeret, nec tibi prodesset, si aliter faceres. Sed est in hoc Domini præcepto magna habenda discretio, est et aliqua in eo intelligenda exceptio. Non enim compelli debemus ut hoc faciamus, quotiescunque recordamur quod frater noster quocunque modo putat se habere aliquid adversus nos. Si (væbi causa) fratrem tuum pro salute animæ suæ, tempore et loco corripis. Si proclamationem super eum justam charitative in capitulo facis, et eo per omnia modo quo secundum ordinem facere debes; et ob hoc turbatus et commotus, putat se aliquid adversus te habere; non nobis videtur quod tenearis ire ad reconciliandum. Nihil enim, quantum in te est, mali in illum commisisti, imo bonum ei magnam facere voluisti. Verum ipse magnum tui bonum, animositate et impatientia sua vertit sibi in magnam malum, magisque infirmi est quam medici culpa quod ipse infirmus ægrotat, etiam de medicina. Hinc beatus Augustinus sic in Regula clericorum (cap. 8) scribit de hoc: « Nec vos, inquit, judicetis esse malevolos quando hoc indicatis. Magis quippe, innocentes non estis, si fratres vestros quos indicando

corrigere potestis, tacendo perire permititis. Si enim, frater tuus vulnus haberet in corpore quod vellet occultari, dum timeret secari, nonne crudeliter a te sileretur, et misericorditer indicaretur? Quanto ergo potius debes manifestare, ne deterius putrescat in corde? » Ecce, quia crudeles sunt, qui spiritualia fratrum suorum vulnera celant; et misericordes sunt, qui ea ut sanentur indicant. Item si prælatus aliquis subjectorum suorum aliquem pro culpa sua (quia et hoc tenetur ex officio suscepto facere) pie ac paterne ut emendetur corripuerit, num putas tu eundem ei ut reconciliet se fratri suo, si frater ille injuste commotus, putat se propter hoc aliquid habere adversus eum? Non puto, ais, nisi modum in correptione sua excesserit. Nos autem dicimus, quia nec tunc. Contingit namque multoties, quod ipse quo ardentius diligit, eo et citius in corripiendo modum excedit. Nam quia mens præsidentis, prout debet et quantum debet amat, suam plerumque correptionem plusquam debet exaggerat: nec de aliqua se debet hic reconciliatione introumittere, quia hoc ipsi discipulo magis obesse posset quam prodesse. Unde et sic beatus Augustinus in præfata regula (cap. 54.) scribit de hoc, loquens ipsis prælatis: « Quando autem necessitas disciplinæ in moribus coercendis dicere vos dura verba compellit, si etiam vos modum excessisse sentitis, non a vobis exigitur ut a vobis subditis veniam postulatis; ne apud eos, quos oportet esse subiectos, dum nimium servatur humilitas, regendi frangatur auctoritas. Sed tamen petenda est venia ab omnium Domino, qui novit etiam eos quos plus justo forte corripitis, quanta benevolentia diligatis. Non enim carnalis, sed spiritualis inter vos debet esse dilectio. » Certe si de manubrio in cassione lignorum, ferrum exsiliens, amicum percusserit et occiderit, amicus ille, et tamen occisor amici, vivere poterit, si ad unam trium urbium fugerit (*Deut. xix*). Ita dicimus, si simpliciter ad silvam abierit. Et hæc ideo diximus, ut sciamus quales ad orationem accedere debeamus.

CAPITULUM XXXV.

De quatuor cogitationum generibus quæ nobis necessarium est in mente habere, si pure et devote atque fructuose Dominum volumus orare.

Ecce, ex parte aliqua (ut arbitramur) habes, tu qui habitator cellæ es, qualem te debeas per gratiam Dei præparare, cum ad orandum Deum tuum proponis accedere (cap. 35). Quidquid de oratione diximus, et adhuc fortasse dicemus, ad illum fluvium tertium referimus, qui et de loco voluptatis egreditur, et Tigris vocatur; de quo et legimus quia vadit contra Assyrios. Diu in eo morati sumus quia ob magnam nimirum ejus tam profunditatem quam latitudinem, cito eum pertransire non potuimus. Nunc autem tu quæris, ut te quod superius secundo loco posuimus, qualiter videlicet in ipsa oratione persistere, et quid intra te hora illa in cogitatione revolvere debeas, pro scire et posse nostro iustria-

mus. Hoc autem indubitanter scire debes (quod et ipse, ni fallimur, frequenter expertus es) quia in nullo spirituali exercitio laborem certe majorem, et luctam graviorem sentimus, quam cum in oratione persistimus, si eam tamen talem habere, qualis ipsa nobis est necessaria studemus. Nam supra modum tunc potissimum fatigat vexatque nos, et magna instabilitas cordis nostri, et malitia hostis antiqui. Sciens autem versipellis et malitiosus ille, qui mille habet artes nocendi, per devotam quam maxime orationem, suas et occultas fraudes delegi, et apertas vires debellari; quatenus fructum ejus funditus evacuet, molestiorem se nobis, cogitationes tunc cordi nostro immitendo illicitas, efficere solet. Sed et ipsa instabilitas, et evagatio mentis nostræ, magis in oratione (ut longe superius cum magno gemitu conquesti sumus) quam in aliquo alio exercitio nos devastat: in tantum ut tunc animo nostro cogitationum otiosarum, immundarum et nocivarum multitudo, etiam nobis nolentibus et tota virtute contradicentibus, ex abrupto et antequam prævidere possimus, se ingerat; a quibus alienus et quietus aliis quoque temporibus erat. Unde necessarium nobis admodum esse sciamus, ut cum ista intra nos sentimus, ipsum miserum cor nostrum toto conatu stabiliamus; et ingerentibus se cogitationibus vagis et stultis inhærere illud, pro posse non permittamus. Si autem tu, qui habitator cellæ es, scire desideras quomodo pure orare valeas, imo quia (sicut ipsi certissime scimus) et ardentem desideras, conare totis viribus ut hæc quatuor orationis tempore in cogitatione tua revolvas et illum videlicet quem oras, et illum per quem oras, et illud quod oras, et te ipsum qui oras. Oportet ut cor tuum valde latum sit, quatenus hæc in se quatuor simul comprehendere possit. O quam lætus erat beati Benedicti animus, cui oranti et videnti ad cælum ferri animam sanctam visum est, quasi totus esset sub uno solis radio mundus collectus: ut evidenter agnosceret quia illi a quo universitatis videtur creator, angusta est omnis creatura. Itaque tu quando oras, illum præ oculis cordis tui habeas, quem oras. Et quis ille nisi ipse Deus? Quid, ais, cogitabo cum Deum meum cogitabo? Nos autem respondemus tibi, quia hoc te magis docebit magistra quæ docet de omnibus unctio, quam aliqua humana eruditio. Ipsa te docebit unctio cogitare Deum tuum quamdam sempiternitatem, quia nec initium nec finis; quamdam immensitatem, quia nullus locus; quamdam incommutabilitatem, quia nullum tempus; quamdam omnipotentiam, quamdam charitatem, pacem quæ exsuperat omnem sensum, ubique essentialiter presentem, quem et desiderando amamus, et amando desideramus, complectentes eum quasi quibusdam ulnis sinceri amoris, de quo scimus quod magnitudinis ejus non est finis. Hunc cogitet in oratione mens tua, dilata in amore illius, ut pure oret, cumque sibi soli solum representet. Illum coram te, et te coram illo statue; et præ magno amore, quo

eum super omnia diligis, in dulcedine ineffabili quam tibi ab eo infusam sentis, in læto ac lætificante quodam Jobilo, te tibi furare, te ipso privatus, illi inhære, in ipso agglutinator. Qualiter vero cum pure oras, ille se tibi manifestet quem oras, non a nobis requiras, quia nos in his penitus ignorantes sumus. Et ideo ignorantes, quia vel id rarissime, vel nunquam sumus experti. Hoc autem scimus, quia cum mens sancta et sincera, mens munda, et defecata, et pura, in pleno ac perfecto amore et desiderio orat, tunc eidem menti quam maxime interna sua et occulta, suavitas et dulcia, per secretam suam infusionem manifestat. Secundo loco posuimus, ut illum attentissime consideremus per quem oramus. Quis iste est, nisi mediator Dei et hominum, Deus et homo Christus Jesus? qui est in eo, quod homo est, una nobiscum, et longe meliore modo quam nos, pro nobis Patri supplicans: et in eo quod est Deus, nobis est cum Patre et Spiritu sancto cum quibus unus idemque est Deus, propitiatus. Ipse si quidem est advocatus noster apud Patrem justus, et ipse non solum divinus propitiator, sed et propitiator pro peccatis nostris. Ecce altare aureum, humanitatis videlicet in Christo natura, in qua nihil prorsus est quod non sit ab omni culpa purum et alienum; super quod orationes nostras offerimus Deo Patri: ut illi omnipotens et misericors Pater Deus, non immerito propitiatur nature, in homine etiam puro, quam pro homine, personali intuetur unione copulatam Filio suo Deo. Igitur appareat tibi, tu qui habitator cellæ es, cum oras, interioris tuæ considerationis oculis Filius Dei, Patri per omnia sanctoque Spiritui coæqualis et coæternus, et consubstantialis: appareat inquam tibi cum in oratione consistis, in magna lætitia, Patris præsentans vultibus victricis carnis gloriam. Ipse namque altare aureum est, Christus videlicet in natura apparens humana quæ ab omni peccato fuit aliena, et ideo aurea: super quod altare aureum, orationum nostrarum hostias immolamus, ut in eo nobis peccatoribus summus ille Pater propitiatur, in quo naturam nostram eidem Filio suo, non autem culpabiliter, sed solummodo naturaliter, in unitate personæ copulatam intuetur. Itaque appareat interioris tuæ considerationis oculis Christus, de Spiritu sancto conceptus: incarnatus sine corruptione, natus absque læsione: apparens Magis Deus sempiternus in thure, rex omnipotens in auro, homo verus et adhuc mortalis in myrrha. Appareat tibi, matris virginis ubera sugens, pannis involutus, in præsepio positus, circumcisioni subjectus, in templo oblatu, fugiens obsequio parentum in Ægyptum, et inde rediens; subditus parentibus, sapientia, ætate et gratia proficiens. Appareat tibi baptizatus, jejunans, esuriens, tentatus, cum hominibus conversatus: in factis malitiosos sustinens observatores, in dictis pertinaces contradictores. Appareat tibi vera et salubria docens, nova et mira faciens, discipulorum suorum pedes ablvens, sacramenta eis corporis sui ac sanguinis tradens, in agonia proluxius orans, ita

ut fieret sudor ejus sicut guttæ sanguinis decurrentis in terram. Appareat tibi et quam maxime, quidquid pro te durum, et durum, et ignominiosum, et crudele pertulit; quod venditus est, quod traditus, captus, ligatus, adductus, interrogatus, judicatus, damnatus, sputis illitus, velatus, colaphizatus, alapas passus, flagellatus, chlamyde coccinea indutus, in derisu adoratus; in veste alba illusus, arundinem in dextera tenens, crucem suam bajulans, cum iniquis reputatus. Felle mistum acetum ei oblatum; pissimi sanguinis non guttam, sed undam per quinque vulnera sacratissimi sui corporis fundens: pro transgressoribus orans, dilectam illam animam in manu Patris commendans, caput inclinans, spiritum emittens. Appareat tibi sepultus, resuscitatus, in multis argumentis per dies quadraginta discipulis apparens, ubi erat prius ascendens, ad Patris dexteram sedens; venturus cum potestate magna et majestate judicaturus, qui in humilitate venit judicandus; in æternum in electis suis regnaturus, faciens illos discumbere, et transiens, eisque ministrans. Ecce per quem, Patrem orare debes, tibi dicimus, qui habitator cellæ es. Itaque quibusdam mentis tuæ brachiis, quando oras; amplectere hunc advocatum tuum, et talem eum cum oras præsentat in ipsa mentis tuæ puritate, vultui Patris. Talem illum offerre ei cum exultatione et fide stude, qualem eum tibi modo monstravimus. Quid ad tuam salutem pertinet, in hac præsentatione et oblatione a pio Patre obtinere non possis, orans et petens in nomine dilecti Filii sui, si fides in te non fluctuat, si spes non diffidit, si charitas non tepescit? Intende quoque in his et ipsis verbis tuæ petitionis, et ante Deum Patrem omnipotentem coram tota illa cœlesti curia stans, et advocatum tuum Patri præsentans, quo l dicis ore, revolvam in corde; ut concordet vox tua cum mente tua, et hoc cogitet illa quod sonat ista. Hoc est quod superius tertio loco posuimus, quatenus sic illum attendas quem oras, ut attendere non omittas quid illud sit, quod oras, ut quod lingua sonat, animus intelligat. Hoc, ais, ab omnibus fieri non potest, ut quod eorum lingua sonat, hoc eorum animus intelligat: nec dico solummodo propter instabilitatem quæ in eorum mente est, sed propter ignorantiam quæ in illis est. Nam sunt quamplures qui fere nihil eorum quæ dicunt intelligere valent, quia nullam pene, quantum ad intellectum, litterarum notitiam habent. Quamvis enim habeant quantum ad exteriorem verborum prolationem; sed non habent quantum ad interiorem qui in eisdem verbis latet, sensus cognitionem. Nunquid horum dicis orationem omni coram Deo fructu carere, quia quod per vocem proferunt ore, per intelligentiam non capiunt in mente? Nos autem hoc modo tibi ad hæc. Absit a nobis ut hoc dicamus. Non enim de illis arbitramur dictum: *Ignorans ignorabitur* (1 Cor. xiv, 38). Nam licet hanc intelligentiam non habeant; si corde devoto, et intentione bona, et recto modo sacra verba proferant, cum fide, spe et

charitate; confido de illius pietate quem orant, quia ipse in eis supplebit quod ipsi in se non habent; nec fructui orationis eorum præjudicium faciet talis ignorantia eorum, Neque enim credendum est quod ab eis districte debeat exigi quod eis datum non est, et quod eorum salutis magnum hoc detrimentum inferat, quia non reddunt quod nequaquam acceperunt. Sed sicut illi aliquam fortasse in his possunt excusationem habere, sic quoque tu non poteris nimirum excusabilis esse, qui eorum quæ profers notitiam et intelligentiam habes, sed eis intendere ob magnam tuam negligentiam non curas. Igitur appone cor iis quæ ore sonas, quando Deum tuum oras: nec solum quando sonas tu, sed et quando alios, vel psalmos, vel hymnos audis ore proferre. Cum in choro aliquid vel ad psalmos pertinens audis, vel cum cantas, seu certe cum legis, hoc intra te per intellectum versetur in corde, quod exterius per sonum profers in ore. Cum vero alios vel dicere versus psalmodum audis, seu cantare, aut certe legere; iis quæ ipsi proferunt per intentionem tu adesto: et cor tuum per intelligentiam cum aure iis appone, quæ ipsos audis proferre. Et hoc est quod jam diximus, debere videlicet te considerare et quod oras. Quod vero quarto loco posuimus, ut attendas scilicet et te ipsum qui oras, tunc tu adimpleres, quando Deum Patrem per Filium suum Christum Jesum, advocatum tuum, corde et ore deprecans, peccata tua et delicta, facinora et flagitia, et fragilitates multas, et magnas, quibus et in mente et in corpore deprimeris, ante te hora illa congregas et coacervas, et præterita tua, præsentia quoque, atque futura, pro posse ante considerationis tuæ oculos ponis, ut et circa infructuosam arborem fodiens, et stercora mittens, fructum eam facere compellas, et agnum assum cum lactucis agrestibus comedas. Sic orationem tuam Deo reddes placitam, sic signata quasi in sacco habens delicta, gaude et lætare pro eo quod tua est iniquitas curata. Sic quoque cum publicano qui a longe stetit, et ad cælum oculos levare noluit, sed pectus suam percussit, descendes postmodum ac post modicum justificatus in domum tuam. Si autem, et nonnunquam contingere solet, suggerente hoste maligno (qui cum semper nobis nocere molitur, sed in oratione quam maxime, ut omnem ejus nobis fructum subripiat, nobis molestus est) aliqua cum incumbis orationi cogitatio illicita, qualem aliquando vel ira, vel commotio, seu vanitas, vel curiositas, aut certe voluptas quocumque modo format, violenter se ingerens, vehementer te vastaverit, in tantum ut mentis ab ea non possis oculum avertere; consilium est ut, intermissis aliis petitionibus quibus intendebas, contra molestiam hanc orando viriliter te erigas, et ab hac erectione tua nullo modo cesses, quousque, miserens Deo, ipsa superata pacem invenias.

Ecce hæc illa quatuor sunt quæ te movemus qui habitator cellæ es, in mente tua orationis tempore

A revolvere, videlicet quis ille sit quem oras, quis ille per quem oras, quid illud quod oras, quis deique tu sis qui oras. In revolutione prima, Dei Patris omnipotentis ineffabilem intueris majestatem; in secunda, Salvatoris tui immensam pietatem; in tertia tranquillam quamdam puritatem, et puram tranquillitatem: in quarta propriam tuam quam in corde et corpore oneratus es infirmitatem. De eo quod superius diximus, quia scire nobis necessarium est, quales nos post tempus orationis exhibere debeamus, hoc breviter tibi dicimus, qui habitator cellæ es. Oportet ut oratione celebrata quandiam per gratiam Dei poterimus, in eadem gravitate, maturitate et integritate nos testemur. Quia si fluxas in corde cogitationes suscipimus, et ad cachinnos et risus, ad venenosas detractiones et otiosas fabulationes statim redimus, timendum nobis valde ne, talia agentes, orationis nostræ fructum perdamus. Imitemur quam sollicitè illam mulierem de qua legimus, quod oravit Dominum *flens largiter, loquens in corde suo: et labia ejus tantummodo movebantur, et vox penitus non audiebatur: vultusque ejus non sunt amplius in diversa mutati* (1 Reg. 1, 13, 18).

CAPITULUM XXXVI.

De opere manuum, cui debet cellæ inhabitator intendere, et quibus horis spiritualibus exercitiis, et quibus insistere debeat manuum operibus; et de pluribus aliis quæ ad eundem cellæ incolam pertinent.

C Dui sumus in hoc fluvio tertio qui Tigris dicitur demorari, et fortassis non ad insipientiam nobis. Est enim admodum utile tibi, qui habitator cellæ es, qualiter orationi insistere debeas scire, quem constat huic spirituali sanctoque exercitio tam frequenter intendere. Sed jam de fluvio hoc tertio exeamus, et illum (si tibi placet) quartum intremus. Ipse quidem, Euphrates vocatur, qui etiam et ipse de loco voluptatis egreditur. De quo sacra Scriptura non narrat quod aliquam terram circumeat, sicut de Phison, qui omnem terram Evlath circumit; sicut de Gyon, qui circumit omnem terram Æthiopiæ: nec quod vadat contra aliquos populos, sicut de illo qui Tigris dicitur, qui vadit contra Assyrios. Sed tantummodo simpliciter et brevis: *Fluvius, ait, quartus, ipse est Euphrates* (Gen. 11, 14). Et hoc ideo fortassis, quia utile et fructuosum manuum opus (ad quod juxta nominis sui interpretationem, fluvium qui est Euphrates referimus) magis est quam plaribus commune, quam aliquod trium probabilius exercitiorum, de quibus hucusque, juxta illum sensum tropologicum, secundum quem incedimus, vel studium videlicet lectionis, vel puritas meditationis, vel devotio orationis. Non enim omnes quos religionis habitu videmus indutos, ad illa semper tria videmus sufficienter idoneos, ut satis superque possint universi, vel studio lectionis insistere, vel in ipsis mentis internis puræ meditationi instare, vel devotæ quoque orationi incumbere [Par. vel devotioni q. orationis i.] Sed qui est, qui si in om-

uibus membris corporis sanus fuerit, non aliquid quod bonum sit, pro necessitate et tempore manibus suis possit operari? Igitur quis *pietas* (ut Apostolus dicit) *ad omnia utilis est, promissionem habens vitæ quæ nunc est, et futuræ* (I Tim. iv, 8), merito fortassis et de duobus fluviis dicitur, quod terras circumueunt, et de tertio quod vadit contra Assyrios. Quam utilitatem retulimus ad fluuios illos: ad Phison quoque propter studium sacræ lectionis, ad Gyon propter puritatem internæ meditationis, ad illum qui Tygris vocatur, propter sinceritatem devotæ orationis. Quia vero corporalis exercitatio ad modicum utilis est, (quam ad Euphratem, qui quartus fluuius est, referimus), in eo quod utilis est, quasi de loco voluptatis egreditur. Sed quia non ad omnia ut pietas, sed ad modicum utilis est, de fluuiio illo quarto, per quem actionem accipimus, non dicitur, vel quod terram aliquam circumueat, vel quod contra aliquos populos vadat, sed solummodo (sicut jam diximus) simpliciter ei breuiter: *Fluuius vero quartus, ipse est Euphrates* (Gen. ii, 14). Et si hæc ita stare possunt, et si forte non possunt, quocumque modo rectius et congruentius intelligenda sunt, hoc quidem scire debes, tu qui habitator cellæ es, quod valde tibi pluribus de causis necessarium, ut operi manuum horis et temporibus constitutis, prout licet, dicet, et expedit, insistas. Nam fastidium tollit, oblectamentum parit, confert utilitatem magnam, et otiositatem, quæ inimica est animæ, sibi prævalere non sinit. Et eo desiderabilius et iucundius ad illa tria spiritualia exercenda, lectionem videlicet, meditationem et orationem redis, quo libentius ea propter bonæ actionis fructum aliquando intermititis. Quod si queris cui debeas insistere operi, breuiter respondemus tibi, ut illi videlicet insistas, quod ut ei insistas, a tuo tibi fuerit priore injunctum. Porro, si ita providerit prior, unum est cui in operatione specialiter intendere debes, ut videlicet et scribere discas (si tamen addiscere potes), et si potes et scis, ut scribas. Hoc quodammodo opus, opus immortale est; opus (si dicere licet) non transiens sed manens; opus utique, ut sic dicamus, et non opus, opus denique quod inter omnia alia opera magis decet viros religiosos litteratos. Semper enim viri religiosi, qui tamen litterati sunt, prout eis posse corporalis sanitas administrat; cum ab oratione, lectione, meditatione, et necessitatibus (quod nequaquam tacendum est) corporalibus, et necessariis substantaculis corporis vacant; in quantum tempus et ratio exegerit; non quidem prout eorum voluntas elegerit, magis autem sicut præsentis auctoritas discreta, et discretio authentica dictaverit; libris utique vel præparandis, vel conficiendis, vel ligandis, vel emendandis, vel orandis, vel illuminandis, vel intitulandis, vel iis quæ ad ista pertinent ordinandis, faciendis et perficiendis, sollicite intendere debent. Et cum hoc in omni ordine decens et congruum sit, sed magis in ordine nostro Carthusiensi, aptum utique hoc est, et pulchrum. Ut quid

A dico aptum? pulchrum et conveniens; quasi hoc sufficere possit. Certe dico, et sic oportet ut faciamus. Quis enim semper absque aliquando intervallo, aut lectioni, aut meditationi, aut orationi indefessus intendere valet? Et idcirco quamvis fere nullus de opere manuum fructus proveniret, est tamen bonum, ut ei nonnunquam diligens nostra sollicitudo, et sollicita diligentia pro tempore et modo intendat. Quatenus a nobis repellamus fastidium (ne nimis pondere pusillanimitatis onerati simus) et otiositatem, quæ inimica est animæ, quæ (ut quidam sapiens dicit), *multa mala docuit* (Eccli. xxxiii, 29): ne supra modum ab omni niens nostra utili exercitio marcescat. Sanctus quoque Paulus nos instruit quam necessarium quæque salubre nobis opus manuum sit. Scribit namque sic, sicut ipse scis: *Rogamus vos, fratres, ut abundetis magis, et operam detis ut quieti sitis, et ut vestrum negotium, agatis, et operemini manibus vestris, sicut præcepimus vobis; et ut honeste ambuletis ad eos qui foris sunt, et nullius aliquid desideretis* (I Thes. iv, 11). Sciamus autem quia et quod docuit hoc et ipse fecit; ipsi, inquit, *scitis quemadmodum vos oportet imitari nos. Quoniam non inquisti fuimus inter vos, neque gratis panem manducavimus ab aliquo; sed in labore et fatigatione, nocte et die operantes, ne quem vestrum gravavimus* (II Thess. iii, 7, 8). Et ut ostendat nobis quia aliter posset facere si vellet, dicit: *Non quasi non habuerimus potestatem; sed ut nosmetipsos formam daremus vobis ad imitandum nos* (ibid., 9). Et item: *Cum essemus, inquit, apud vos, hæc denuntiabamus vobis, quoniam si quis non vult operari, ne manducet* (ibid., 10). Et paulo post subjungit: *Audivimus enim inter vos quosdam ambulantes inquieti; nihil operantes, sed curiose agentes. Iis autem qui ejusmodi sunt denuntiamus, et obsecramus in Domino nostro Jesu Christo, ut cum silentio operantes, panem suum manducent* (II Thess. iii, 12). Quare putamus tantum doctorem tam sollicitè et tam diligenter suos super hoc voluisse discipulos commonere; nisi quia ut hoc facerent, utile sciebat esse eis, et valde salubre: Vade tu qui habitator cellæ es, et fac similiter et omni die quo licet operari; aliquid utile, et ad fructum pertinens communem (si corpore plene sanus fueris) non quidem quod tu tibi propria voluntate elegeris, sed quod tibi a tuis fuerit prælati injunctum, hilariter et ordinate, pro tuo scire et posse, manibus tuis opereris. Memento quod venerabilis Ivo, Ecclesiæ Carnotensis episcopus (epist. 10); virginibus in Dunensi monasterio manentibus, de hoc inter cætera sic scribit: « Ut semper, inquit, intentæ sitis orationi, aut lectioni, aut operi, ut diabolus nec vos inveniat otiosas nec mentes vestras nocivis et vagis cogitationibus expositas. » Et adjungit: « Iste mos fuisse legitur in monasteriis Ægyptiorum, ut neminem reciperent qui nollet operi operam dare, non propter necessitatem, sed propter vitandam otiositatem, quæ inimica est animæ. » Sed et beatus Benedictus de hoc in Regula monachorum

(cap. 48) sic dicit : « Otiositas inimica est animæ, et ideo certis temporibus occupari debent fratres in labore manuum, certis iterum horis in lectione divina. » Ecce qualiter de opere manuum magni et summi viri sentiunt : ecce quæ de eo in suis scriptis reliquerunt, quod nos per quartum illum fluvium, qui de loco voluptatis egreditur, secundum sensum moralem accipimus, de quo dicit Scriptura : *Fluvius quartus, ipse est Euphrates*. Et certissime scimus nos, quod nisi valde fructuosum, valdeque salubre illud esse exercitium scirent, nullo modo de eo monendo, præcipiendo, scribendo, tam concorditer sentirent. Hæc meditare tu, qui habitator cellæ es ; in his esto. Attende tibi, et operi manuum tuarum. Insta in illo. Hoc autem esse debet specialiter opus tuum ut (sicut tibi superius intimavimus) libris scribendis operam diligentem impendas. Hoc siquidem speciale esse debet opus Carthusiensium inclusorum. Hinc bonæ memoriæ, et cum omni honorificentia nominandus venerabilis Guigo, quintus Carthusiensis eremi prior, litteris (ut legimus) sæcularibus et divinis admodum eruditus, acer ingenio, memoria tenax, facundiæ admirabilis, exhortator efficacissimus ; hic, inquam, tantus ac talis vir, in libro Institutionum Carthusiensis propositi, quem ipse scripsit, ita de hoc dicit, capitulo ejusdem libri vigesimo octavo : « Omnes pene quos suscipimus, si fieri potest, scribere docemus. » Et post pauca : « Libros quippe, tanquam sempiternum animarum nostrarum cibum cautissime custodiri, et studiose volumus fieri. Ut quia ore non possumus Dei verbum manibus prædicemus. » Quæ autem ex hoc utilitas proveniat, ostendit subdens : « Quot enim libros scribimus, tot nobis veritatis præcones facere videmur, sperantes a Domino mercedem, pro omnibus qui per eos vel ab errore correcti fuerint, vel in catholica veritate profecerint. Pro cunctis etiam, qui vel a suis peccatis et vitiis compuncti, vel ad desiderium fuerint patriæ celestis accensi. » In libro quoque Vitæ beati Martini legimus, quod « ars tibi, exceptis scriptoribus, nulla habebatur. » Et subditur : « Cui tamen operi minor ætas deputatur. Majores orationi vacabant (Sulp. S., in *Vit. S. Martini*, c. 7). Quibus autem temporibus huic sancto manuum operi insistendum sit, præfatus venerandus

suam operam dare, ita scribit : « Spatium autem, vel a Prima usque ad Tertiam, hiemis tempore, vel a Matutinis usque ad Primam æstate, exercitiis spiritualibus mancipatur. » Item capitulo septimo : « Exeuntes de refectorio, inquit, a Calendis Novembris usque ad Purificationem B. Mariæ, statim Nonam cantamus. Ex quo die usque ad Pascha, spatium quod (id est, inter prandium et Nonam) facimus, lectioni, vel aliquibus talibus exercitiis deputatur. » Item in eodem libro, vigesima nono capitulo : « A Vesperis usque ad Completorium, spiritualibus opere datur. » Itaque habes cui specialiter operi et quibus ei temporibus, pro scire et posse tuo intendere debeas. Hoc autem scias, quia quæ hausimus apud te, propinavimus tibi : induimus te, sed vestimento proprio ; pavimus te, sed cibo tuo ; dedimus tibi, sed quod habebas ; ditavimus te, sed eo quo abundas. Et hæc tibi de opere manuali in præsentia dicta sufficiant, quod per illum accipimus fluvium quartum, qui de loco voluptatis egreditur, de quo verax dicit historia : *Fluvius quartus, ipse est Euphrates* (Gen. II, 14). Ecce, habes quod magis recognoscas, quam agnoscas, qualiter videlicet tu, qui habitator cellæ esse, illis quatuor sanctis ac sanctificantibus exercitiis insistere debeas ; quæ sunt, studium lectionis, puritas meditationis, devotio orationis, utilitas actionis. Nihil tibi in libello posuimus novum, sed antiquum, quia juxta conicum : « Nihil est dictum, quod ante non sit dictum. » Et Ecclesiastes dicit : *Nihil sub sole novum : nec valet quisquam dicere : Ecce, hoc recens est*. Et adjungit, jam præcessit in sæculis quæ fuerunt ante nos (Eccle. I, 10). Nobis autem conscii non sumus aliquid veritati contrarium nos scripsisse. Verumtamen quod nihil omnino aliter se habens scripserimus, pertinaciter non negamus, scientes honorum esse, ibi plerumque culpam æstimare, ubi nulla est. Portantes si quidem animam nostram in manibus nostris, ori nostro sic parcere volumus, ut non carnes nostras dentibus nostris laeceremus, dummodo apud nos eas esse deprehendamus. Sed tuæ et sagacitatis providæ, et providentis erit sagacis, sic colligere rosam, ut in manu non assumat spinam ; sicutque (ut operius dicamus) quod bonum est tenere, ut ab omni specie mala studeat abstinere. Verum jam finem imponamus his ; quia multa quidem diximus ; et utinam tibi, qui cellæ habitator es, tam sint fructuosa quam sunt profusa. Devota quoque te humilitate, et humili nihilominus devotione, et si corpore absentes, tamen spiritu presentes, exoramus, ut si quid in omnibus quæ hic exarata sunt, tua sanctitas invenerit, ex quo fructum aliquem percipere possit spiritualem, pro anima illius miserissimi peccatoris ple intercedere velit, qui hæc utcumque non quidem ut debuit, sed ut potuit, in unum collegit.

*us Portarium, bp. of
Beiley*

BERNARDI
CARTHUSIÆ PORTARUM PRIMI PRIORIS
EPISTOLÆ TRES.

(Ex codice ms. monasterii S. Augendi Jurensis seu S. Claudii.)

EPISTOLA PRIMA.

AD AYMONEM DE VARENNES ET AYMONEM DE RORORIA.

De fuga sæculi.

BERNARDUS Portarum prior, et filii ejus, JOANNES DE MONTEMEDIO, et Stephanus de CHALMETO, reverendissimis et in Christo dilectissimis AYMONI DE VARENNES, atque AYMONI DE RORORIA. Querere Dominum dum inveniri potest; ad quod caravimus qua Domino donante potuimus, invitatione exhortari præsentibus, ad id ipsum præsentibus notis cupimus invitare, et excitare absentes.

Qualescunque igitur summi patrisfamilias servi, ipsius ad vos legatione fungentes, ad cœnam ejus, et ad nuptias vos invitamus; ipso injungente adjicientes, tauros et altitia ejus esse occisa, atque omnia parata, et sine dilatione veniendum esse ad nuptias (*Luc. xiv*). Obsecramus ergo, seponite occasiones illas quibus quidam excusare solent, alius dicendo: *Uxorem duxi, et ideo non possum venire*; alius vero dicendo: *Juga bouum emi quinque, et eo probare illa*; alius autem: *Villam emi, et necesse habeo exire, et videre illam*. Qui enim sic excusant, non se defendunt, sed patrisfamilias, qui eos invitavit, offendunt. Sepositis igitur his et omnibus excusationibus, accelerando venite. Dicente enim angelo ad Joannem apostolum: *Beati qui ad cœnam nuptiarum agni vocati sunt* (*Apoc. xix, 9*); ne forte ipse (quod absit) merito indignatus dicat: *Nuptiæ quidem paratæ sunt, sed qui invitati erant, non fuerant digni* (*Matth. xxii, 8*); aut certe illud quod terribilius sonare videtur: *Amen dico vobis, quod nemo virorum illorum qui vocati sunt, gustabit cœnam meam* (*Luc. xiv, 24*). Cum dicat Scriptura: *Beatus qui loquitur in auribus audientis* (*Ecclesi. xxv, 12*), id est intelligentis; scientes nos nequaquam imperitis, sed eruditis auribus loqui; præmissarum sententiarum pondus, atque gravitatem, verborum nostrorum expositione extenuandam minime judicamus. Quo præmissa invitatio trahit, ut, contempta mundanæ superbiz vanitate, Christi humilitatem sequantur; quantumcunque divitiis, vel deliciis in mundana conversatione affluerint, gaudia non amittunt, sed mutant. Imo vero (exceptis æternis bonis, quæ nec oculus vidit, nec auris audivit, nec in cor hominis ascenderunt quæ præparavit Deus diligentibus se) incomparabiliter, atque ineffabiliter majorem inveniunt in

A divino famulatu, quam in sæcularibus gaudiis potuerunt experiri, jucunditatem, et delectationem. Non enim sine jucunditate sunt, qui dicunt: *In via testimoniorum tuorum delectatus sum, sicut in omnibus divitiis* (*Psal. cxliii, 14*). Et: *Bonum mihi lex oris tui, super millia auri, et argenti* (*ibid., 72*) Et: *Judicia Domini vera, justificata in semetipsa: desiderabilia super aurum, et lapidem pretiosum multum, et dulciora super mel et favum* (*Psal. xviii, 10, 11*). Et alia quæ longum esset numerare. Eos quippe, qui pro coelestibus terrena, pro sempiternis peritura et immunda oblectamenta contempserunt, non sinit Spiritus sanctus, qui hæc testimonia in Scripturis digessit, expertes, et inexpertos esse harum quæ in divinis eloquiis significantur delectationum; quæ quanto majores sint mentis, quam ventris; quantum potiores spirituales, quàm carnales, inexperti audire possunt, intelligere autem, vel nosse, omnino non possunt. Noverat autem Apotolus, qui dicebat: *Repletus sum consolatione, superabundo gaudio in omni tribulatione nostra* (*II Cor. vii, 4*). Non dixit, in prosperitate, sed in tribulatione; nec in aliqua, sed in omni. Qui si diceret: *Gaudeo in tribulatione, magnum quid et rem mirandam dixisset*. Si etiam diceret, *abundo gaudio in tribulatione, rem plus mirandam proposuisset*. Dicendo vero: *Superabundo gaudio in omni tribulatione nostra, excellentiam gaudii sui expressius significare non potuit*. Qui ergo suis hic ita consolatur in omni tribulatione ipsorum, quantæ eis consolationis gaudia paravit illic, ubi nulla poterit esse tribulatio? Qui eos sic lætificat, et reficit in peregrinationis via, quomodo lætificabit eos, et satiabit in æternæ mansionis patria? Sed de his hactenus. Quidam autem præmissæ cœnæ Dominicæ, nuptiarumque invitationem contemnentem, et sanctorum gaudia, vel quæ hic habent, vel quæ in futuro eis præmissa sunt, aut non credentes, aut negligentes; juxta quod scriptum est: *Ducunt in bonis dies quos, et in puncto ad Inferna descendunt* (*Job xxi, 13*). Qui quia mala sua relinquere nolunt, si aliqua forte bona opera faciunt, non sunt accepta coram Deo; quia sicut scriptum est, cum dederit illis Deus tempus penitentiz, ipsi abutuntur eo in superbia, et peccata multiplicando *thesaurizant sibi iram in die ire, et revelationis justii judicii Dei* (*Rom. ii, 5*). Tales quando non ipsi, sed Deus vult

imponere finem malis eorum, et reddere quod merentur, id est circa obitus sui diem, si forte permittuntur peccata sua constiteri; juxta quod dicit beatus Augustinus: Loquuntur, non constantur, quia non acceptat Deus confessionem oris, ubi non est sincera poenitentia, et sacrificium contriti cordis et humiliati. Nec tantum poenitet eos peccasse, quantum dolent sibi peccandi licentiam ablatam esse. Neque possunt, nisi cum dolore relinquere quæ cum amore possederunt. Tunc quantumcumque pecuniam, quasi pro redemptione animæ suæ effundant, dura, terribilisque est adversus eos illa a Spiritu sancto per Salomonem prolata sententia: *Non proderunt divitiæ in die ultionis, justitia autem liberabit a morte* (Prov. 11, 4). Diem ultionis dixit tempus quo jam ingruente ægritudine necessitas mortis imminet. Non proderunt autem, dixit, illis qui justitiam non sunt operati. Audite quoque quam terribiliter talibus contemptoribus comminetur ipsa Sapientia, id est Dei Filius, apud eundem Salomonem: *Quia, inquit, vocavi, et renuistis; extendi manum meam, et non fuit qui aspiceret; desperastis omne consilium meum, et increpationes meas neglexistis; ego quoque in interitum vestro ridebo, et subsannabo, cum vobis quod timebatis adveniret* (Prov. 1, 24, 26). Et adjecit adhuc de talibus loquens: *Cum irruerit repentina calamitas, et interitus quasi tempestas ingruerit: tunc invocabunt me, et non exaudiam; mane consurgent, et non invenient me, eo quod exosam habuerint disciplinam, et timorem Domini non susceperint, nec acceperint consilio meo, et dextraverint universam correptionem meam. Comedent igitur fructus viæ suæ, suisque consiliis saturabuntur* (ibid., 27-32). Addidit quoque. *Aversio, inquit, parvulorum interficiet eos, et prosperitas stultorum perdet illos*. Quos significavit nomine parvulorum, eosdem exponendo expressit vocabulo stultorum. Nec de numero talium parvulorum excipiuntur, de quibus per Jeremiam dictum est: *Sapientes sunt ut faciant mala, bene autem facere nescierunt* (Jerem. 14, 22), licet Apostolus dicat, quod *sapientia hujus mundi, stultitia est apud Deum* (I Cor. 3, 19). Nolite ergo, obsecramus vos, nolite effici participes eorum. Illos namque solos sacræ Scripture de hac vita securos exire pronuntiant, qui aut nullis post baptismum commissis, aut certe per dignos poenitentiae fructus deletis criminibus, alla in exitu suo quæ consteantur peccata non habent, nisi illa de quibus dicit apostolus Joannes: *Si dixerimus quia peccatum non habemus, nos ipsos seducimus, et veritas in nobis non est* (I Joan. 1, 8). Quod dicendo, nequaquam aliqua crimina, sed illa tantum quotidiana et levia voluit significare peccata, sine quibus (quantumcumque sobrie et juste vivatur) hæc vita non deducitur. Omne autem crimen est peccatum, sed non omne peccatum est crimen. Peccata enim dicuntur ea, quæ etiam loquendo, aut cogitando, inania committimus; qualia per quotidianam confessionem, et Dominicam orationem dimittuntur. Crimina vero non nisi illa gravia dicuntur,

quæ a Deo separant hominem: scilicet quæ vel per Decalogum prohibentur, vel de quibus Apostolus dicit: *quoniam qui talia agunt, regnum Dei non consequentur* (Gal. 5, 21). Perfecta et diligentissime perscrutata universa Novi ac Veteris Testamenti pagina, nusquam illis aliquam veritæ securitatem, vel certitudinem promittit, qui carnis et sanguinis operibus dediti, ante tempora obitus mala sua non relinquunt. Tunc enim (sicut supra dictum est) non ipsi, sed Deus ponit finem malis eorum. Quod autem in sacris litteris non invenitur, stultissime prædicatur, et infelicissime creditur. Potest autem Deus, de quibus ei placuerit, facere quod fecit de evangelico latrone. Sed unicuique et singulare exemplum in doctrinam generalem recipi non debet. Quod ergo incertum est, relinquatur, et quod certitudinis et securitatis plenum est, teneatur. Currite igitur, currite ad misericordem, ne sentiatis postea Judicem, currite donec dies est, ut non tenebræ vos comprehendant. Dicente enim Domino: *Venit nox, quando nemo potest operari* (Joan. 12, 4); qui dissimulat et negligit donec dicatur ei: *Stulte, hæc nocte repetent animam tuam a te, quæ autem parati cujus erunt?* (Luc. 12, 20.) frustra tunc implorat jam ferientem, quem contempsit prius misericorditer vocantem. Qui enim nunc ineffabilem prorogat misericordiam, ex tunc non novit nisi æveram, districtamque irrogare sententiam: *Exite* (ait vox coelitus emissa); *exite de Babylone, populus meus, et ne participes sitis delictorum ejus* (Apoc. XVIII, 4). Et propheta: *O Sion, fuge, quæ habitas apud filiam Babylonis* (Zach. 1, 7). Ne ergo inter filios Babylonis inveniamini, et involvat vos ruina ejus, exite, fugite, accelerare, sequentes, et lotis visceribus pietatis amplectentes consilium Sapientiæ, quo dicit: *Fili, ne tardes converti ad Dominum, neque differas de die in diem, exilio enim veniet ira ejus, et in tempore vindictæ disperdet te* (Eccli. 5, 8, 9). Juxta petitionem vestram, quotidie pro vobis apud Dominum intercedentes, nunc apud vos ipsos, pro vobis ipsis intercedamus; certissime scientes obtinuisse nos apud Dominum effectum petitionis nostræ, si vos non fueritis magis quam ipse inexorabiles. Si agimus hic causam negotii vestri, nolite credere: si autem vestri, nolite negligere. Quod si aliquis vestrum movetur ad faciendum quod per nos monet Christus, alio forte non moto; eum qui nondum movetur obsecramus, et ei denuntiando coram Domino testificamur, et testificando denuntiamus, ut non præsumat revocare, vel retardare quem Dominus vocare dignatur; sed potius oret, ut et ipse trahi mereatur. *Nemo enim* (sicut dicit Veritas) *venit ad me nisi Pater, qui misit me, traxerit eum* (Joan. 6, 44). Audiat dicentem sibi Sapientiam: *Noti prohibere benefacere eum qui potest; si valeo, et ipse benefac* (Prov. 11, 27) Spiritus et sponsa dicunt: *Veni; et quisquam audeat dicere: Noli?* Cui Christus non promittit diem crastinum, quisquam audeat suspendere usque ad annum alterum? Christus enim dicit: *Orate ne fiat fuga vestra*

*hieme, vel Sabbato (Matth. xxiv, 20) : et quisnam dicit; Mecum poteris fugere anno secundo vel tertio? Cujus autem cor Christus movit modis omnibus, dicit operam, ut qui non est motus moveatur, aut parum motus confirmetur. Alioquin audiat non illum revocantem, sed Christum dicentem : Si oculus tuus scandalizat te, erue eum, et projice abs te. Bonum tibi est cum uno oculo ad vitam intrare, quam duos oculos habentem mitti in gehennam ignis (Matth. xviii, 9). Idem de manu dixit, et de pede. Quidam enim eos, quos Christus vocat, quasi consulendo revocant, vel retardant; incaute quidem et simpliciter, sed tamen non innocenter agunt partes diaboli contra Christum. Scimus plerosque qui, relictis omnibus, ad servendum Deo se contulerunt: nonnullos etiam qui idipsum se in proximo facturos voverunt, hanc a Domino consolationem ardentissime exspectare, et desiderantissime flagitare, ut nostro et instituantur exemplo, et erudiantur eloquio, et fulciantur consilio. Obsecramus vos, si estis obliti vestri, miseremini illorum; necnon et mulierum, quibus exemplo, et imitatione vestra januam pietatis suæ aperire paratus est Dominus. Alioquin vos videritis quam rationem de talento, quod hactenus reconditum in terra tenuistis, sitis Domino redditori, jamjam ecce venturo. Hæc quæ non in doctis humanæ sapientiæ verbis, sed in doctrina Spiritus, prout donare ipse dignatus est, calamo percurrente exaravimus, faciat Dominus ita in cordibus vestris operari; ut in proximo et nos de effectu intentionis nostræ gratias ei agamus, et uterque vestrum sincera pietate eorum ipso dicere mereatur: *Cogitavi vias meas, et converti pedes meos in testimonia tua (Psal. cxviii, 59), et: Ab omni via mala prohibui pedes meos, ut custodiam verba tua (ibid., 101). Valet.**

EPISTOLA II.

AD MONIALES DE LUGDUNO.

Mortatur illas ad capessendam magno animo, quam recens susceperant, strictiorem disciplinam.

BERNARDUS Portarum prior vocatus, et qui cum eo sunt fratres, venerandis, et in Christo charissimis sororibus, abbatissæ Lugdunensi, et aliis sanctimonialibus sub ejus regimine Christo servientibus, devotissimam in Domino salutem.

Gratias agimus Deo, quod tandem vobis donare dignatus est, ut sub regulari disciplina religiose et sancto viveretis. De hoc gratias Dei circa vos beneficio angeli gratulantur, sancti lætantur, Ecclesia Christi gloriatur et exsultat. Jam ipse Christus coronam vobis præparavit in cœlis, quia, ipso donante, mundum et diabolum vicistis. Mundum namque vicistis, quia quamvis adhuc in mundo sitis, jam tamen per Dei gratiam de mundo non estis. Apostolis enim Dixit Christus et cum apostolis, vobis: *De mundo non estis, sed ego elegi vos de mundo (Joan. xv, 19). De mundo enim sunt qui mundum diligunt, et secundum mundi concupiscentias vivunt. Diabolum autem vicistis, quia arma in quibus confidebat abstulistis: fugiendo opportu-*

*nitatem peccandi, quam ille præparat omnibus quos seducere potest; et laqueos quos vobis tendebat disruptistis. Non autem vos, sed ille, cui gratias agentes, dicitis: Dirupisti vincula mea, tibi sacrificabo hostiam laudis (Psal. cxv, 17). Et de quo iterum dicitis: Abscondit me in tabernaculo suo, in die malorum protexit me, in abscondito tabernaculi sui (Psal. xxvi, 5). Ipsa quoque gloriosissima Dei genitrix Maria, jam pro vobis intercedit, et gaudet vos in numero sanctarum computari feminarum. A modo Ecclesia Christi, quæ de vestra inordinata conversatione prius dehonestabatur, vestris apud Deum orationibus adjuvabitur, et quantum prius contristabatur de vestra irreligione, tantum gloriabitur, et lætabitur de vestra emendatione. Cum ergo et angelis in cœlo, et hominibus in terra gaudium sit de vestra conversatione; quantum vos debetis de propria salute gaudere? quantas Deo gratias agere pro vestra liberatione? Devotissime namque dicere debetis illud quod in psalmo canitur: *Confitebor tibi, Domine Deus meus, et glorificabo nomen tuum in æternum. Quia misericordia tua magna est super me, et eruisti animam meam ex inferno inferiori (Psal. lxxxv, 12-13). Hoc autem scitote, multum expedire vobis, et salutare esse, ut bonum quod cœpistis, cum hilaritate et gaudio faciatis. Sic enim opus bonum debere fieri docet Apostolus, dicens: Non ex tristitia, aut ex necessitate, hilarem enim datorem diligit Deus (II Cor. ix, 7). Unde in Psalmo: *Servite Domino in lætitia (Psal. xcix, 2). Quod si forte aliquæ ex vobis adhuc tristes sint de hac sancta, et Deo placita, quæ eis facta est, violentia, vos quæ prudentiores, et meliores estis, debetis eas in Verbo Dei consolari, et intimare eis quod sancta Scriptura dicit: Sicut linea vestimento, et vermis ligno, ita tristitia nocet cordi (Prov. xxv, 20). Dicit etiam Apostolus: Quæ secundum Deum tristitia est, pœnitentiam in salutem stabilem operatur, sæculi vero tristitia mortem operatur (II Cor. vii, 10). Debetis etiam pro eis orare, et eas ad orandum invitare, ut per gratiam Dei, necessitatem convertant in voluntatem. Et sicut beatus Hieronymus docet (epist. 10 ad Furiam), faciant de necessitate virtutem. Hoc pro eis si vos, et illæ pro se instanter oraverint, charitas Dei per Spiritum sanctum diffundetur in cordibus earum, et tunc veraciter dicent: *Viam mandatorum tuorum cucurri, cum dilatasti cor meum (Psal. cxviii, 31). Tristitia enim in corde facit angustias, ut bonum opus oneri sit et tædio. Charitas autem dilatet cor, ut opus bonum cum hilaritate, et sine difficultate fiat. Omnes quoque communiter facite quod dicit Apostolus: *Mulier inupta, et virgo, cogitat quæ sunt Domini, ut sit sancta corpore ac spiritu (I Cor. vii, 34). Corpore sancta est quæ habet corpus immaculatum. Spiritu sancta est, quæ cogitando ea quæ Domini sunt, servat cor ab immundis, et illecebrosis cogitationibus mundum, unde illud: *Omni custodia serva cor tuum, quoniam ex ipso vita procedit (Prov. iv, 23). Cor autem ita bene custodi-******

tur, si sanctis semper cogitationibus, quantum fieri potest, occupatum teneatur: juxta quod legitur: *Cogitatio sancta servabit te* (Prov. II, 11 sec. LXX). Hoc autem vigilanter, et studiosè facere debetis, modo per orationem, modo per sanctam meditationem, aliquando per manuum in silentio operationem, dicente Apostolo: *Qui non vult operari, non manducet* (II Thess. III, 10). Sape vero per psalmodiam cordibus et vocibus consonantibus; sicut idem Apostolus docet: *Cantantes, et psallentes in cordibus vestris Domino* (Eph. V, 19). Quæ licet omnia studiosissime faciatis, impossibile tamen est ut pravis omnino suggestionibus careatis. Tribus autem modis peccatum perpetratur: suggestionem, quæ fit a diabolo per cogitationem; delectationem, quæ fit per carnem, eodem diabolo inflammante concupiscentiam; consensu, qui fit per animum. Sed nullum est periculum, nullum est omnino peccatum, si cogitationes, inuscarum more, importune irruentes, instanter abigat animus, super custodiam sui vigilanter excubias agens. Si autem mens dormitat, et passim quashibet immundas, et noxias cogitationes non solum ingredi, sed etiam moram in animo facere permittit, increpat nos sermo divinus per Prophetam: *Usquequo morabuntur in te cogitationes noxiæ?* (Jer. IV, 14). Si autem post pravam suggestionem per nimiam negligentiam, delectatio, sive concupiscentia mota fuerit, tunc saltem expurgiscatur animus, et per invocationem nominis Christi ignem excitatum extinguendo, hostes, jam intra januam admissos, viriliter resistendo excludat, ne et ipse (quod absit) per peccati consensum captivus trahatur, vel etiam perimatur. Si vero post delectationem sequatur consensus, ut scilicet, quod caro concupiscit, animus decernat esse faciendum, jam omnino peccatum imputatur, etiamsi non subsequatur factum: quoniam rea tenetur, etiam sine opere malo voluntas mala. Sicut enim bonam voluntatem reputat Deus homini ad justitiam, etiamsi non habeat facultatem bene operandi, ita voluntatem malam reputat ad peccatum, quamvis non habeat opportunitatem peccandi. Hæc de cordis custodia breviter diximus, ut intelligatis qualiter juxta apostolicum, quod supra diximus, testimonium, non tantum corporis, sed et mentis sanctimoniam sectari debeatis. Quam quanto studiosius sectatæ fueritis, tanto magis Christo Domino, cui desponsatæ estis placebitis, et ab ipso audire merebimini illud, quod legitur in Cantico canticorum: *Ecce, tu pulchra es, amica mea, ecce tu pulchra es. Oculi tui columbarum* (Cant. I, 24). Bis dixit, pulchra; pulchra scilicet interius et pulchra exterius; pulchra interius per cordis puritatem, et pulchra exterius per vitæ integritatem. Item pulchra interius per bonam intentionem; et pulchra exterius per bonam operationem. Pulchra interius per bonam voluntatem, pulchra exterius per sanctam conversationem. *Oculi tui*, inquit, *columbarum*, quia more columbarum, quarum natura simplex est, et sine felle, nihil vident oculi tui quod animus male concupiscat.

Quando autem de hac vita exibitis, liberatæ ab æternis cruciatibus impiorum, perfruemini æterna felicitate justorum, et videbitis Regem in decore suo, in quem desiderant angeli prospicere. Audite Dominum in Evangelio dicentem: *Vigilate omni tempore orantes, ut mereamini fugere mala quæ ventura sunt in novissimis diebus, et stare ante Filium hominis* (Luc. XXI, 36). Et Apostolus: *Non sunt condignæ passionis hujus temporis, ad futuram gloriam quæ revelabitur in nobis* (Rom. VIII, 18). Hæc cogitate, hæc assidua meditatione recite: et nihil laboriosum, nihil onerosum æstimabitis, quo possitis ignis æterni supplicia evadere, et beatitudinis æternæ præmia obtinere.

EPISTOLA III.

AD RAINALDUM INCLUSEM.

Qualiter coram Domino sit vivendum.

BERNARDUS Portarum Prior vocatus, RAINALDO fratri incluso, in sancto proposito viriliter agere.

Rem quidem honestam, sed cui forte justam possemus excusationem obtendere, postulas; ut qualiter tibi coram Domino vivendum sit, scripto digermus. Sed ne magis videamur charitati defuisse quam rationabiliter excusasse, non quidem prout expedit, sed sicut charitas suggerit, tuæ petitioni satisfacere aggredimur. Commoneari autem te volumus, nos nequaquam fixam tibi et certam vivendi regulam statuere; sed quæ compendiosa videntur, ex his quæ ecclesiastica religio observare consuevit, tibi breviter insinuare. Si quæ vero dixerimus, quæ vel dura nimis videantur, vel levia; tum erit vel dura levioribus temperare, vel levia robustioribus mutare; prout Dominus voluntatem tibi dederit pariter, et facultatem: servata tamen ubique (quod nullum moneamus) discretionem, quæ et ad profectum, et ad perseverantiam religionis plurimum valere dignoscitur. Incipientes enim, quos novitios vocant, plerumque majora viribus aggressi (eo quod fervorem eorum soleat indiscretio comitari) aut, quod graviter dolendum est, perseverantiam perdunt; aut gravem corporis, quandoque vero et mentis invaliditudinem incurrentes, ad leviora, et nimis remissa quæ omnino reliquisse debuerant, redire compelluntur.

De silentio. — His igitur præmissis, de silentio prius dicamus. Hoc omnino tibi observandum videtur, ut a Completorio usque ad Primam æstivo tempore, hiemali vero tempore, usque ad Tertiam silentium teneas. Cum enim semper (quantum res ipsa permittit) silentium captare et sectari debeas, maxime noctu non est violandum, nisi vehemens necessitas compellat, ut paucis verbis, et cum modestia prolatis, res necessaria significetur. Otiosa vero verba, et nullius utilitatis pondus habentia, non solum non debes aliquando loqui, sed nec ab aliquo audire. Nullus tibi fabulas, vel scurrilitates, nullus rumores exteriorum negotiorum audeat referre. Ilud tantum audi libenter, unde Deo gratias agas, si beneficia divina sunt, vel unde coram Deo precet effundas, si tristitia sint vel adversa. Omnis qui ad te venit, vel a te bona audiat, vel tibi bona dicat. Si

vero religiosi vel eruditi viri te visitant, paratior A
semper esto bona ab eis audire quam dicere. Hæc
si observare studueris, non impedient devotionem
cordis tui phantasmata vanitatum, in psalmodia et in
oratione. Quanta vero necessitas hæc observandi
tibi incumbat, his testimoniis Scripturarum sancta-
rum advertete. Dominus in Evangelio dicit : *Omne*
verbum otiosum quod locuti fuerint homines, reddent
rationem de eo in die judicii (Matth. xii, 36). Item
scriptum est : *In multiloquio non effugies peccatum*
(Prov. x, 19), et : *Vir linguosus non dirigitur in terra*
(Psal. cxxxix, 12) : et *mors et vita in manibus linguæ*
(Prov. xviii, 21). Fac igitur quod dicis in psalmo :
Dixi, custodiam vias meas, ut non delinquam in lin-
gua mea; posui ori meo custodiam (Psal. xxxviii,
23) : ubi et sequitur : *Obmutui, et silui a bonis* B
(*Ibid.*, 5). Si ergo juxta Prophetam, debes propter
gravitatem silentii, aliquando silere etiam a bonis,
quam longe debent a te esse quæ bona non sunt?

Contra otiositatem. — Nunc de occupatione spiri-
tualium vel corporalium operum prosequamur. Quo-
niam constans est otiositatem inimicam esse animæ,
et Apostolus dicit : *Qui non operatur, nec manducet*
(II Thess. iii, 10), oportet ut aliquo spiritali opere
occupatum te omni tempore quo vigilaveris tentator
inveniat. Congruum etiam nobis videtur, ut juxta
eundem Apostolum, *secundum ordinem* (I Cor. xiv,
40), hæc eadem opera tua distinguas. Matutinum
igitur tempus, usque ad Tertiam in hieme, in æstate
vero usque ad Primam spiritalibus exercitiis in-
pende. *Spiritalia* vero opera appellamus, orationem, C
sacram lectionem, sanctam meditationem, et psal-
modiam. Per reliquum autem tempus dici, usque ad
Vesperas, aliquo utili opere manuum occupatus esto;
ita ut brevi bus orationibus illud interrumpas. Post
Vesperas autem spiritalibus operibus vacare, sed
et tunc, quantum poteris, silentio operam dare me-
mento. Post Completorium vero, quieti membra
dare non differas. Diebus festis maxime debes spiri-
tualibus studiis operam dare, prout tibi Dominus in
eis fervorem, et gratiam præstare dignabitur. Nove-
ris tamen melius esse ad aliquod opus manuum vi-
cissim recurrere, quam dormitando lectioni insistere,
et ex prolixitate lectionis lædium incurere : ut
præcurso aliquo opere, grata vicissitudine rursus ad
orationem vel lectionem ferventior consurgas. Tale
autem opus tunc facito, quod quiete, et sine sonitu
possit fieri, ne turba indiscreta scandalum sumat.
Cave autem ne unquam eam sollicitudinem circa
opus aliquod corporale habeas, quæ te tardum, vel
tepidum faciat ad orationem, vel, ad cætera quæ
spiritaliter sunt facienda. Non enim corporalia
exercitia spiritalibus præferenda, sed multo excel-
lentius spiritalia sunt corporalibus anteponenda.
Quæ corporaliter facies, suo tempore strenue, et im-
pigre fiant. Absit autem ut tuum fervorem, vel de-
votionem quæ circa spiritalia debes habere, sui
cura vel sollicitudine impediant. *Nihil solliciti sitis,*

(1) *Coturn*, Gallis *coussin*, ex Teutonico *Kussen*.

A ait Apostolus, *sed in omni oratione : et obsecratione*
cum gratiarum actione, petitiones vestrae innotescant
apud Deum (Phil. iv, 6). Ejusdem quoque Apostoli
auctoritate : *Corporalis exercitatio ad modicum pro-*
dest ; pietas autem ad omnia est utilis (I Tim. iv, 8).

De pretio operum. — De pretio operum tuorum. quæ
tibi necessaria erunt ad continuationem operis tui
comparabis, quæ vero supererunt, in his quæ tibi
necessaria erunt ad vestitum expendes. Nec ab alio
expensam in vestibus accipere cures, si tibi eas de
opere tuo sufficienter poteris comparare. Nam victum
scimus te de monasterio habere. His vero quæ supra
dicta sunt exceptis caveto omnino, et abominabile
ducito, aliquid tibi quasi proprium recondere, vel
retinere. Sed quidquid tibi post expensam quæ ne-
cessaria est ad vestes, et ad præparationem operis
tui supererit ; vel de his quæ tibi forte ab aliquibus
servis Dei dabuntur, vel de pretio operum tuorum,
continuo (prout tibi videbitur) necessitatibus indi-
gentium impende ; ut, juxta Apostolum, *operando ma-*
nibus tuis quod bonum est, habeas unde tribuas ne-
cessitatem patienti (Ephes. iv, 28). Quod si aliquan-
do tibi vult aliquis dare quod necessarium non ha-
beas, memento scriptum esse : *Beatius magis est*
dare quam accipere (Act. xx, 15). Absit enim ut ali-
qua vel levi cupiditate mentem tuam macules, et
gratiam illius, qui te vocavit, a te repellas, vel
retinendo, vel concupiscendo quod necessarium non
habet ; qui non solum mundo, et universis concupi-
scentiis ejus abrenuntiasti, sed etiam temetipsum
abnegasti, ut crucem tuam post Jesum portando, ad
ejus promissa pervenias.

Quibus vestibus utendum. — De vestitu vero ita
nobis videtur, quod a lineis vestibus omnino absti-
nere possis et debeas, et laneis, atque pelliciiis in-
dumentis contentus esse. Quod si tibi ita placuerit,
habe pro camisiis duabus duas tunicas. Caligarum
duo paria vel tria, propter hiemalia frigora. Pedu-
lia quæ suffleant. Pelliciam unam, aut duas, si ne-
cessarias judicabis, et pelles, et cappam. Ad lectum
habeto stramen, siltum, coopertorium de grossis
ovium pellibus rustico panno cooperum, vel cotu-
m (1), pulvinum, ad caput. Habe quoque duas acus,
sillum, et forfices, et hujusmodi suppellectilem quam
tibi videbis esse necessariam, ne cogaris talia pe-
tendo ab aliis, silentium rumpere, vel indigentiam
patiendi sollicitudinem habere. Videtur etiam nobis,
quod canonicalem habitum. Videtur etiam nobis,
quod episcopus, accipere debeas, ut non solum locus, sed
et habitus commonefaciat te ad sobrie et pie viven-
dum coram illo qui absconditorum est cognitor.

Quomodo jejunandum. — De abstinentia vel jeju-
niis ita accipe. Dicit quidem Apostolus : *Castiga*
corpus meum, et in servitum redigo (I Cor. ix, 27).
Et iterum : *Qui autem sunt Christi, carnem suam*
crucifixerunt cum vitiis et concupiscentiis (Gal. v,
24). Sed quoniam hujusmodi habitatio, quam Deo
inspirante elegisti, solet sanitati capitis propter

acrem inclusum obesse, quod et crebra jejunia facere noscuntur; non arbitramur tibi expedire quod magnum abstinentiæ rigorem assumas. Igitur satis esse credimus, ut sexta feria semel reficias, per totum annum: abstinendo quidem a vino, sed pulmentum sumendo; nisi festi dies, vel octavæ sacrarum solemnitatum Natalis Domini, Paschæ et Pentecostes occurrerint, vel sanguinem minueris, vel forte ægrotus fueris. Quod si quarta feria eadem abstinentia tibi transigena videatur, nihil ulterius addendum censemus. Jejunia enim in pane et aqua, ea quam supra diximus causa, non arbitramur tibi esse commoda: nisi forte videatur tibi sic esse transigendas vigiliis harum solemnitatum, Natalis Domini, Paschæ, Pentecostes, Ascensionis et S. Joannis Baptistæ, Petri et Pauli apostolorum, Assumptionis beatæ Mariæ, et Omnium Sanctorum. Reliquum vero tempus totius anni, more monachorum tibi transigendum putamus; ut scilicet, ab Idibus Septembris usque ad Pascha semel comedas; a Pascha vero usque ad eandem Idus bis reficias. Vinum quoque ad mensuram monachorum, sed nunquam purum bibendo, et cætera, quæ tibi ab eis ministrabuntur, cum gratiarum actione percipiendo: excepto quod a carnibus et sanguine (nisi quando ægrotaveris) tibi abstinendum putamus. Illud autem Evangelicum oportet te in refectione semper attendere, quod Dominus ait: *Attendite ne graventur corda vestra in crapula et ebrietate (Luc. xxi, 34)*. Et quod ait Apostolus: *Carnis curam ne feceritis in desideriis (Rom. xiii, 14)*. Mediocre enim cibum et potum, et mediocre somnum, et animæ, et corpori saluberrimum esse, et ad munditiam cordis, et carnis plurimum prodesse notissimum est. Hanc tu mediocritatem sectari memento, ita ut eandem, quantum Domino adjuvante poteris, mensuram refectionis semper servando, neque in vilioribus cibus aliquid naturali necessitati substrahas, neque in lautioribus et accuratioribus, plus solito, vel plusquam naturæ satis est, concupiscentiæ carnis indulgeas. Hæc temperantia victus, et Deo erit acceptior, et ad munditiam carnis pariter et cordis utilior, et corpori salubrior, quam si robustiora jejunia sectando, postmodum indiscreta saturitate jejunium compensares.

De divino Officio. — In Officio divino usum clericorum sequaris; unde non habes necesse ut scribamus tibi. Ut autem observes hanc distinctionem temporis in eodem divino Officio persolvendo, quantum poteris diligentiam adhibe: ut scilicet, vel ad gallorum cantum, vel ad signum monachorum, vel ad æstimationem tuam tali tempore surgas. Ut a Kalendis Octobris usque ad Pascha ante auroram; a Pascha vero usque ad prædictas Kalendas, paulo post auroram nocturnum Officium finias. Primam cantabis in hieme, lucescente aurora: Tertiam, oriente sole, sextam vero et Nonam, Vesperas et Completoriam ad signum monachorum. Si præscriptum tempus surgendi ad nocturnum officium poteris observare, ad lectum matutinum horis nunquam

redeas. Tunc autem, sicut supra diximus, spiritualibus studiis, non somno debes operam dare. Raro enim qui studiosi sunt in spiritualibus, tali tempore, nisi forte minutionis causa dormire solent. Quod si aliquando productior hora superesset usque ad hanc, et dormiendum tibi putares, orationem solitam, si somno nimis gravatus non esses, deberes prius facere; et postea, si ita oporteret, paulisper somnum gustare. Si autem libros necessarios ad nocturnum officium non haberes (quos tamen tibi defuturos non arbitramur), deberes vel ante, vel circa auroram, ad orationem, et ad aliquid aliud spiritualiter agendum exsurgere. In ætate quoque, quod pene oblit fueramus, debes post meridiem, sicut et monachi, dormire.

De oratione communi. — Orationi instantissime, et intentissime intendere memineris. Ab hac nulla unquam sollicitudo, nulla ægritudo, vel molestia te revocet. Ora autem non pro tua, sed et pro omnium fidelium vivorum, nasciturorum, et defunctorum salute, et pro eis quorum solatio sustentaris, simul et pro nobis. Tunc fretus Spiritus sancti auxilio, qui docet orare sanctos *gemitibus inenarrabilibus (Rom. viii, 26)*, juxta Dominicam exhortationem; intra in cubiculum cordis tui, et clauso ostio pectoris contra vanitates, et immundas cogitationes, quibus hostis irrumpere nititur, ora Patrem tuum in abscondito. Omni hora, quantum Domino præstante poteris, sed tunc præcipue, omni custodia conserva cor tuum.

Ut mentis et linguæ concordia sit. — Cum autem steteris coram Domino ad psallendum, omne studium, omnem vigilantiam adhibe, ut mens cum lingua conveniat; ut facias quod ait Apostolus: *Cunctantes et psallentes in cordibus vestris Domino (Eph. v, 19)*; et quod de se dicebat: *Psallam et mente (I Cor. xiv, 15)*. Et quod ait: *Psallite sapienter (Psal. xlvi, 8)*, et: *In conspectu angelorum psallam tibi (Psal. cxxxvii, 1)*. Hæc faciendo, infundente Spiritu sancto rorem suavitatis suæ plerumque non prophetiam vel verba ab alio dictata promere, sed ipsa verba devotissimæ orationis coram Deo fundere tibi videberis.

De tempore matutino. — Post psalmodiam, vel orationem, matutino maxime tempore meditare in lege Dei, prout ipse gratiam tibi dederit: et quid tibi præcipiat Dominus, qualiter illud impleas, in secreto cordis tui scrutare: et ad regulam divinorum mandatorum, et ad exemplar sanctorum Patrum, fortitudinem cordis tui et morum tuorum dirige. Idem si quando in lecto dormire non poteris, facere stude sine intermissione, quod monet Scriptura, quod et paulo ante commemoravimus: *Omnis, inquit, custodia conserva cor tuum, quoniam ex ipso vita procedit (Prov. iv, 23)*. Res enim instabilis est humanus animus, et nisi semper, quantum Dominus adjuvare dignatur, sanctis meditationibus occupatus magno studio teneatur; postquam defluxit per vanitates, et immunditias, quas tentator suggerere, et ingerere

non cessat, non facile in oratione vel psalmodia A devotus invenitur.

De lectione. — Ad lectionem quoque devotus, et cum spiritali desiderio accede, ut vel aliquid libi audias quod in exemplum tuæ conversationis trahas; vel prout Dominus tibi dispensare dignabitur, dulcedine divinorum eloquiorum, et mysteriorum reficiaris. Hoc studio, hac intentione lege vicissim omnes quas poteris habere divinas Scripturas, non autem ut scientia inferis, sed ut charitate ædificeris. Quas vero Scripturas intellectu non penetrabis, humiliter tanquam divina secreta venerare: et pie differ intelligentiā, donec intres in sanctuarium Dei, intelligas in novissima. Pro his autem quæ intellexeris, auctori muneris humiliter gratias age. Libris qui tibi accommodabuntur omnem diligentiam adhibe, ne vel fumo vel pulvere, vel alia qualibet sorde maculentur.

De molestia corporis. — Si quando corporis molestiam aut ægritudinem sustinueris, aut ab aliquo forte, vel verbo vel facto læsus fueris, meminisse debes passionum et injuriarum Christi. Angustias quas Domino disponente tolerabis, non solum patienter sustine, verum etiam gratias age illi, qui flagellat omnem filium quem recipit, si tibi dignatur flagella paternæ pietatis impendere. In his vero quæ a proximis patieris, non reddas malum pro malo, vel maledictum pro maledicto, sed e contrario, non verbo tenus tantum, sed corde intimo, et placito benedicas, et pro calumniantibus et persequentibus ores, ut sis filius Patris tui, qui in cælis est. Hujusmodi ab homine injurias licet nullas aut raras te passurum arbitremur; si quid tamen (prout sunt humana) contigerit, volumus pectus tuam adversus hujusmodi immune fore. Sed neque tibi ipsi irascaris, quod quibusdam indiscretis solet evenire, dum aliquam difficultatem in aliquo opere faciendo patiuntur.

Impedimenta orationis. — Solent etiam qui soli commorantur, ad semetipsos turbari, et quamdam nebulam tristitiæ agente diabolo contrahere. Novit enim hostis inveteratus, diversis generibus nocendi, orationes servorum Dei, et sancta eorum studia impedire. Ille modo tristitiam vel iram irrationabilem, modo elationem superbiæ, modo memoriam alicujus injuriæ, modo vanam eorum quæ aliquando vel dicta, vel facta, vel faciendæ sunt recordationem, modo immundas cogitationes, modo teporem animi vel torporem somni nititur ingerere, ut a sancta intentione animum possit avertere, vel impedire. Quod si in minoribus sentit sibi non resisti, majora continuo tentationum vincula necit. Mavult enim supplantare quam impedire. Quos vero supplantare non potest, impedire (quantum prævalet) non cessat. *Sed fidelis est Deus,* ait Apostolus, *qui non patietur vos tentari supra id quod potestis, sed faciet cum tentatione proventum, ut possitis sustinere (1 Cor. x, 13).* Tum vero adversus hæc, et omnia omnino tentationum genera, adversus quoque nocturnas illusiones,

et clypeum illum arripe de quo ait Apostolus: *In omnibus sumentes scutum fidei, in quo possitis omnia tela nequissimi ignita extinguere (Eph. vi, 16),* etc. Sincerus enim amor, et fervens fides crucis Christi, universa machinamenta inimici irrita facit: et effusa cum lacrymis oratio, omne genus tentationis superat, et repellit.

De humilitate. — Hæc sunt spiritualia instrumenta et certamina militiæ tuæ coram Rege, cui cœpisti militare. Scire namque debes ob hoc te clausum esse corpore, et ab exterioribus curis separatam, ut corde possis ad ista vacare. Coram hominibus magnus habebis, quia reclusus diceris: sed nisi ista omni studio coram Deo, omnique vigilantia exsequaris, magnus esse minime poteris. Nam homines sola exteriora advertunt: de interioribus autem judicabit Altissimus. Ubi vero te minus ad hæc exempla sufficere videbis, indevotionem et imperfectionem tuam coram Deo humiliter confitendo, auxilium gratiæ ipsius omni devotione expostula, qui dicit: *Sine me nihil poteris facere (Joan. xv, 5).* Necessè est enim ut sæpe tepidum, sæpe torpidum te invenias. Ob hoc igitur illius gratia ad tempus se subtrahit, ut de illius auxilio confidas, non de tua virtute præsumas. Sic Pater clementissimus novit superbiām humilitate sanare. Nisi enim ille aliquando gratiam suam subtraheret, elata mens humana, et se sibi ad justitiam sufficere credens, in superbiām gravius rueret. Sed sic ille deserit elatum, ut clementiori gratia redeat ad humiliatum: sic dormit in tempestate, ut excitatus precibus, imperet ventis et mari, et faciat tranquillitatem magnam. Plenissime te docebunt Scripturæ, omnium virtutum custodem esse humilitatem, et omnem virtutem sine hæc viduam et infirmam esse, imo nec virtutem esse. Jejunanti tibi, oranti, psallenti, non deerunt invisibiles inimici, applaudentes tibi, et dicentes: *Euge, euge, quis tibi similis? quis ita placet Deo? O si scirent homines sanctitatem tuam! Quibus tu continuo in corde tuo propheticæ voce responde: Ferant confestim confusionem suam, qui dicunt mihi Euge, Euge (Psal. xxxix, 16).* Et adde: *Ego enim mendicatus sum et pauper (ibid., 18).* Revera enim quantum eamque de virtute in virtutem ambulando proficias, egenus eris semper et pauper, nec plenam de invisibili hoste poteris obtinere victoriam: donec ad illum pervenias, cui dicit: *Adimplebis me lætitia cum vultu tuo (Psal. xv, 11), et satiabor cum apparuerit gloria tua (Psal. xvi, 15).* Si quisquam forte homo te coram te laudaverit, noli plus alienis verbis quam propriæ conscientiæ credere, reminiscens Scripturæ dicentis: *Qui te beatum dicunt, ipsi te decipiunt (Isa. iii, 12).* Ut ergo de profectibus tuis apud te non extollaris, in mente habe quod Apostolus ait: *Quid habes quod non accepisti? et si accepisti, cur gloriaris quasi non acceperis? (1 Cor. iv, 7.)* Ut vero appetitum humani favoris fugias, audi Dominum dicentem: *Attendite ne justitiam vestram coram hominibus faciatis ut rideamini ab eis (Matth. vi,*

1). *Alioquin mercedem non habebitis apud Patrem aëstrum, qui in cœlis est* (Matth. vi, 5). Item de talibus dicit : *Amen dico vobis, receperunt mercedem suam* (ibid., 5). Noli autem arbitrari, malum esse ab hominibus laudari, si non adulationis causa fiat : cum e contra scriptum sit : *Væ homini, per quem nomen Domini blasphematur* (Rom. 1, 24; Isa. lxx, 5). Sed malum est, laudem appetere, vel amare.

De Charitate. — Postquam autem didiceris a Christo, mitis esse, et humilis corde, ille qui superbis resistit, et humilibus dat gratiam suam, petenti, quærenti, pulsanti tibi dabit per Spiritum sanctum charitatem, qua majorem nulli homini in hac vita dat gratiam. Hæc postquam cœperit in corde tuo fervere, ita dilatabit illud, ut quidquid tibi in divinis mandatis durum videtur, vel difficile, fiat facillimum. Ita, inquam, dilatabit cor tuum, et quæcunque tibi dura videntur, vel aspera, jucunda faciet et levia, ut veraciter dicas : *Viam mandatorum tuorum cucurri cum dilatasti cor meum* (Psal. cxviii, 34) : Et illud : *In via mandatorum tuorum delectatus sum, sicut in omnibus divitiis* (ibid., 14). Hanc tu charitatem, nihil aliud quam dilectionem Dei et proximi intellige. Nam duo sunt præcepta, sed una est charitas. Cum de duobus mandatis Dominus loqueretur : *In his, inquit, duobus præceptis universa lex pendet et prophætæ* (Matth. xxiii, 40). Cum autem de charitate, quæ una est, Apostolus loqueretur, ait : *Plenitudo legis est caritas* (Rom. xiii, 10). Duo ergo sunt, quæ jubentur ; sed una est charitas per quam implentur. Præcepta quæ jubentur sunt in lege ; sed charitas per quam implentur est in corde. Sed non potest esse in cordibus nostris, ex nobis ipsis, vel per nosmetipsos ; sed *charitas Dei*, ait Apostolus, *diffusa est in cordibus nostris, per Spiritum sanctum qui datus est nobis* (Rom. v, 5). Hanc tu instantissime, incessanter et devotissime ab illo pete, a quo est omne datum optimum, et omne donum perfectum. Quomodo sine charitate nullum opus bonum possit esse

perfectum, imò sine charitate nihil possit prodesse, illa apostolica lectio te poterit edocere, quæ sic incipit : *Si linguis hominum loquar, et angelorum* (I Cor. xiii, 1; Rom. viii, 38, 39), etc. Felix cujus animus ita plenus est charitate, ut veraciter possit dicere : *Certus sum quia neque mors, neque vita, neque creatura aliqua poterit me separare a charitate Dei, quæ est in Christo Jesu Domino nostro.*

De confessione. — Aliquem spiritalem virum de monasterio, opportunis (prout tibi et illi videbitur) temporibus ad te venire postulabis, non quemlibet, sed religiosum virum et discretum, cui humiliter quasi Patri confitearis offensas, quibus te coram Deo reprehensibilem esse animadvertes. Non solum enim negligentias actionum, vel temeritates locutionum, sed et peccata cogitationum debes discutere, et in cera notata, vel membrana memoriter confiteri : et quæ ab eo tibi injungentur, devote exsequi, et ut pro te oret humiliter deprecari, juxta illud : *Confitemini alterutrum peccata vestra, et orate pro invicem ut salvemini* (Jac. v, 16). Per confessionem enim et pœnitentiam, cum sacrificio orationis et præterita peccata diluuntur, et futura caveantur, et insidiæ atque illusiones dæmonum caveantur, et vacuantur. Scire quippe debes, religiosus et magni et ardui propositi viris, pro gravibus culpis deputari quasdam offensas, quæ leves, et veniales in sæculari conversatione habentur. Itaque memento quod beatus Job ait ad Dominum : *Verebar omnia opera mea, sciens quod non parceret delinquenti* (Job ix, 28). Confortare igitur in Domino, et virili or age, non enim tibi deerit Christus, nec te sua promissione fraudabit, quia dicit : *Ecce ego vobiscum sum omnibus diebus usque ad consummationem sæculi.* Ipse autem qui te per gratiam suam vocavit, ita tibi et nobis auxilio tuarum orationum adjutus dignetur adesse, ut mutua nos in regno suo visione faciat sine fine gaudere. Amen.

JOANNIS *Portarum* (*Fr. Jean de Portes*)
CARTHUSIÆ PORTARUM MONACHI
EPISTOLÆ QUINQUE

(Ex codice ms. monasterii S. Augendi Jurensis seu S. Claudii.)

EPISTOLA PRIMA.

AD STEPHANUM FRATREM CARNE ET SPIRITU.

De fuga sæculi.

STEPHANO dilectissimo in Christo, JOANNES frater ipsius carne ac spiritu, in Christi visceribus inveniri, et ab auditione mala non timere.

Qui sit, charissime, in Christo desiderantisime,

D ut cum omnes circumquaque populi Christianæ religionis professores simus, mandatis Dominicis, tantorum qui intra Ecclesiam continentur multitudine non solum obedientiam non deferre, faciendo imperata, verum etiam obstinatis animis adversari, faciendo prohibita, inveniatur? Qui utrique, tam quæ imperata non faciunt, quam quæ prohibita facere non

metuant, si quæ sunt in nobis viscera misericordiæ, si quæ pietatis, assiduo lugendi fleu, assiduo sunt plangendi dolore. Utrique enim, etsi non eandem forte pœnam, eandem tamen, nisi in pœnitentia perdurent, incurrunt damnationem. Adeo quippe repleta est terra iniquitate, et quod in novissimis diebus Dominus futurum prædixit (*Math. xxiv, 14*), abundante iniquitate, refrigescere cœpit charitas multorum; ut facilius invenias qui laudet peccatorem in desideris animæ suæ, quam qui corr'piat eum ab errore viæ suæ. Quod si de otiosis sermonibus redditori sumus rationem in die iudicii, qui voluptatum et illicitorum hujus mundi desideriorum sunt amatores magis quam Dei, quo ibunt a spiritu illius, et quo a facie ejus fugient; qui quidem in humilitate judicatus, venturus est cum potestate, et majestate judicare sæculum per ignem? Quomodo poterunt habitare cum igne devorante, et ardoribus sempiternis? Si neque ab oriente, neque ab occidente patet locus effugiendi judicem Deum, quando justus vix salvabitur, impii et peccatores ubi parebunt? Terribilis est ergo nimis, et supra quam vel dici, vel excogitari potest formidabilis, etiam justis, expectatio illa iudicii quo oportet omnes nos præsentari ante tribunal Christi. Horrendum quippe est incidere in manus Dei viventis. Sed non hæc cogitare, non hæc volunt animadvertere, qui variis et illicitis hujus vitæ desideris deservientes, quæ de illo tremendo examine dicuntur, aut non credunt, aut contempnunt; vel etiam si credunt, diabolica tamen inspiratione levigante timorem, in contemptum, et oblivionem ducunt, quæ quantum fieri posset, etiam dormiendo, ante oculos mentis habere deberent. Quod si ea est causa levigandi timoris, quia scilicet dies illa iudicii longe esse videtur; vel illa novissima decessus sui dies, quæ uniuersique propinqua est, deberet unumquemque terrere, et sollicitum facere, et torporem et teporem mentium ad vigilandum excitare: in qua singulos pro meritis, quæ nec augeri amplius, nec minui poterunt, necesse est invenire ea, quæ vel bona in sempiternum non poterunt in deterius commutari, vel mala in melius converti. Sunt autem multi, imo infinita hominum multitudo, qui cum assiduis suis peccatis, mala sua multiplicent; peccatores quidem se esse recognoscunt; sed tamen converti dissimulant; exemplo scilicet illius Evangelici latronis nimis inhaerendo, quadam præsumptione divinæ misericordiæ, una novissima tempore obitus sui confessione, deleri confidentes peccatorum suorum multitudinem, quam nec æstimatione comprehendere possunt. Horum multi dum incaute de misericordia confidunt, verenda nimis et occulta, sed tamen justa divini iudicii severitate damnationem incurrunt. Quam rem quidem ita se habere subiti casus immaturæ mortis, et corda multorum sub indulgæ confessionis tempore, impœnitentia lacrymabilibus, et miserabilibus modis nimis frequenter manifestant. Quam impœnitens autem cor, multi illius ultimæ confessio-

nis tempore habeant, in illis maxime manifestatur, qui postquam de vita desperaverant, post illam quancumque confessionem, de ægritudine convalescentes, ad consueta peccata redeunt, et deteriora quam prius aliquando committunt. Si enim vere pœnituisent, descendenda rursus atque dolenda committere caverent. Qui si illius invaliditatis tempore mortem subirent, utrum ad regnum Christi perventuri essent Deus viderit. Qui igitur ab hac vita ita egrediuntur, hujusmodi etiam confessione non carentes; sicut salus eorum dubia, ita et damnatio incerta: sicut non est de eis desperandum, ita nec præsumendum. Quomodo enim finem invenient supplicii, qui finem nunquam imposuere peccatis? Si enim amplius viverent, forte amplius et peccarent. Quare autem illius venerabilis latronis confessio huic eorum confessioni non sit conferenda, alterius loci et temporis est disserere. Et hoc non nostra opinione, sed sanctorum Patrum auctoritate præferimus. Terribilem vero de talibus profert Apostolus sententiam: *An ignoras, inquit, o homo, quoniam benignitas Dei ad pœnitentiam te adducit? Tu vero, secundum duritiam tuam et cor impœnitens, thesaurizas tibi iram in die iræ, et revelationis justi iudicii Dei (Rom. ii, 4, 5)*. Sapientes igitur qui non acceperunt in vano animam suam, et qui illud operi suo posuere fundamentum, præter quod nemo potest aliud ponere, quod est Christus Jesus, nunquam sub hujusmodi incertitudine salutem suam posuerunt. Anchoræ enim speciei suæ firmissimæ immobiliter inhaerentes, in hoc vitam suam instituunt, hoc modo ad normam divinorum mandatorum, omnes non solum actiones, sed et cogitationes, et locutiones suas dirigunt, ut quanto certius, quanto securius possunt, novissimam decessus sui horam, novissimam quoque magni iudicii diem præstolentur: ut securi et sine confusione loquantur in porta exitus sui, et dicant: *Veni princeps mundi hujus, et in me non habet quidquam (Joan. xiv, 30)*. Hi impientes cum Apostolo dissolvi, et esse cum Christo, non solum non formidant, verum etiam summo cum desiderio novissimam tremendi examinis diem expectant, scientes repositam esse sibi coronam justitiæ, quam reddet illis Dominus in illa die, et jam cessante voce, cordis desiderio frequenter ingeminare non cessant dicentes: *Quando veniam, et apparebo ante faciem Dei? (Psal. xli, 3)*. Quando adimplebis me lætitia cum vultu tuo? quando apparebo conspectui tuo et satiabor, cum apparuerit gloria tua? quando inebriabor ab ubertate domus tuæ, et potabor torrente voluptatis tuæ? Scio quidem te mirari, vel etiam forte conqueri de prolixitate verborum? sed attende quia res, de qua ago, grandis, et negotiosa est. Negotium siquidem de quo ago, salus tua est. An tibi tantum negotium potest incumbere? Non te igitur pigeat legere, quod mihi scribere non fuit pigrum: tibi enim arbitratus sum esse utile. Hæc enim tibi scribere, ea me causa compulit, ea mihi ratio persuasit, quia scilicet omnium, si fieri posset, hominum, maxime vero fide-

liam salutem desiderans, non possum de tua salute non esse sollicitus, et eam quo possum affectu, et desiderio apud Dominum flagitare. Hanc in orationibus meis a Deo postulare non cesso. Raro pro me, sine tui memoria, ad Deum deprecationem facio. Inspirante gratia Dei, visum est mihi non satis esse orationibus insistere, nisi et tentarem animum tuum, et verbo exhortationis, prout Dominus dare dignaretur, excitarem.

Petita igitur a domino priore licentia et data, quod Dominus inspirare dignabitur aggressus sum. Adsit igitur vivificans Spiritus sanctus, et pectus tuam flatu sancti desiderii, sua inspiratione potius quam mea exhortatione afflare dignetur. Ecce igitur Domino inspirante, favente Spiritu sancto, in nomine Domini Jesu Christi exhortans exhortor te, non mea voce, non mea auctoritate, sed Domini. *Vade*, inquit, *vende omnia quæ habes, et da pauperibus, et habebis thesaurum in cælo (Matth. xix, 21)*, et nullus sequere me. *Nisi enim quis abrenuntiaverit omnibus quæ possidet, non potest meus esse discipulus.* Durumne tibi videtur, aut difficile quod jussit. Animadvertite (mi delectissime) circa hoc Dominicum mandatum, quantum ipse auctor mandati præmonstrare dignabitur, hæc quinque. Primum, non difficile; deinde, quis sit qui jubet; postea causam mandati, quarto loco rationem ipsius; quinto quid ipse fecit pro te qui jubet. Quæ eodem ordine ipsæ adjuvante consideremus.

Primum si difficile videtur et laboriosum, cogita quod labor brevis, præmium grande, opus paucorum dierum, merces sempiterna et requies sine fine. Si pensas laborem, pensas et mercedem. Non est timendus labor, quem tanta præmia commendant. Sed difficultatem aut nullam aut modicam caso. Via enim jam trita est a multis: et quotidiana conversorum exempla hoc declarant. Quod si etiam cætera desint, ad ostendendum non esse difficile, illius sufficit testimonium, cui non credere, a salute resilire est. *Jugum*, inquit, *meum suave est, et onus meum leve (Matth. xi, 30)*. Cujus sententiæ virtutem et veritatem haud facile, nisi experti intelligere possunt. An forte jubet te relinquere, quod non sis accepturus? *Habebis*, inquit, *thesaurum in cælo (Matth. xix, 21)*, ubi fures non timentur, et depositum fideliter custoditur, putasne accipies simplum? *Centuplum*, inquit, *accipies, et vitam æternam possidebis (Matth. xix, 29)*. An vero jubet te dimittere quod semper eras habiturus? Non, nam *nudus egressus es de utero matris tuæ, et nudus illuc revertaris (Job i, 21)*. Et Apostolus, *Nihil* inquit, *intulimus in hunc mundum, haud dubium quod nec auferre quid possumus.* Quis igitur hæc sciens et intelligens, dubitat relinquere, imo commutare pro æternis bonis, bona quæ non solum non possunt esse æterna, sed nec diuturna. O spes, o amor, o fructus temporalium inanis, utinam inanis tantum, non etiam perniciosus! *Cum enim dicitur factus fuerit homo, et cum multiplicata fuerit gloria domus ejus cum interierit, non sumet omnia,*

nec descendet cum eo gloria ejus (Psal. xlviii, 17, 18). Quo vero descendet? ubi in æternum non videbit lumen. Relinquet autem alienis divitias suas et inanis quidem erit arca, sed inanior conscientia. Sed multi, inquis, post factum poenitent. Et quidam post factum retro respicientes, propositum derelinquunt. An ignoras quarundam palearum tantam esse levitatem, ut nec aræ ventilationem expectent, sed facili impulsu venti levissimi recedant? Nonne abeuntibus paleis, remanent grana in horreum recondenda? Quare plus proficit apostasia paucorum recedentium ad desperationem, quam exempla multorum perseverantium ad propositi confirmationem? Nunquid propter scelus unius Judæ, Christi apostoli sunt in crimine?

Sed quis sit, qui illud mandatum abrenuntiandi propriis facultatibus tradidit, aut cujus auctoritatis sit qui hoc jubet, videamus. Omnipotens hoc jubet; Deus tuus, qui ossibus et nervis compegit te, et in pulverem reducet te, et de mane usque ad vesperam finiet te. Ille cujus auctoritati esset parendum, si nulla, etiam parendo sequeretur utilitas. Vide enim omnia animata, tam sensibilia, quam insensibilia, vide ipsam molem elementorum, et quidquid in eis factum est; *Omnia*, inquit *Propheta, servient ei (Psal. cxvii, 91)*. Væ miseris, væ peccatoribus nobis! universa irrationalis creatura nec in modo voluntati et imperio creatoris sui renititur, nos vero qui ad imaginem et similitudinem ejus facti sumus, quibus æterna ipsius beatitudine perfrui concessum est, non solum non obedimus, sed etiam (quod nequissimum, et supra quam dici posset, impiissimum est) reluctari et adversari ei non cessamus: et juxta prophetam, *eum labiis honoramus, cor autem nostrum longe est ab eo (Isa. xxiv, 13)*. Et iterum. *Confitemur nos nosse Dominum, factis autem negamus (Tit. i, 16)*. Sed quid? juxta Apostolum ille fidelis est, negare seipsum non potest. Impios vero et peccatores gebenna suscipiet.

Diximus paulo ante, ut tertio et quarto loco, causam et rationem mandati considerarem. Causam vero ejus considerare facile est. Nam ipsius causa, vita est æterna. Neque enim quidquam præcipit nobis Dominus (qui bonorum nostrorum non eget) propter se, sed propter nos; non ut bene sit illi, sed ut bene sit nobis. Rationem igitur paulo attentius consideremus. Omnibus mundanis jubemur abrenuntiare, quod quidem sola, sicut paulo ante dictum est, auctoritate jubentis, si nulla etiam esset difficultas et labor, si nulla esset spes et causa præiit, si nulla ratio persuaderet, si etiam quoddam quasi irrationabile jubere videretur, omni studio tamen et diligentia implere deberemus. Ratio quoque cur hoc jussit, magna est, et vehemens, et immensæ necessitatis pondus tarditati nostræ impingens. Ut enim rationem hujus mandati ostenderet, clamat Apostolus Jacobus, dicens. *Adulteri, an ignoratis quod amicitia hujus mundi, inimica est Dei? Quisquis enim voluerit amicus esse hujus sæculi, inimicus constituetur*

Dei (Jac. iv, 4). Primum quoque mandatum legis, A et maximum est dilectio Dei. Quia igitur juxta Jacobi sententiam, non possumus diligere Deum simul et mundum; ad Deum autem, nisi juxta præceptum legis ipsum diligendo, pervenire non possumus; evidentissima et vehementissima ratio nos compellit, relictis omnibus Christum sequi; ut sic eum diligendo, ad ipsum perveniamus. *Adulteri*, inquit, in sacro namque baptisate, cœlesti et vero sponso Christo animam tuam desponsasti: ibi diabolo, et omnibus operibus, et pompis ejus abrenuntiasti. Sed quid est abrenuntiare diabolo, nisi abrenuntiare mundo? Quæ sunt vero opera diaboli, et pompæ, nisi opera et pompæ hujus mundi? Princeps quippe mundi nujus, teste Domino, diabolus est. *Nunc*, inquit, *princeps mundi hujus ejiciatur foras* (Joan. xii, 31). Qui- dam etiam ait :

Innatis mundo pars est cum principe mundi.

Si igitur omnino aliud quam Christum diligis : si mundum, cui in baptismo abrenuntiasti sequeris, et amplecteris, animam tuam ream adulteri facis; et non hominis, sed Dei, (quod gravissimum est) aduiter esse convinceris. Quid ergo aliud moneo, vel quid a te aliud, nisi quod in baptisate vovisti exigit Christus? *Inimicus*, inquit, *Dei constituitur*. Tu ergo vis esse amicus mundi, ut inimicus Dei constituaris? Eamdem quoque, quæ circa dilectionem Dei ostensa est, circa dilectionem proximi considerare rationem, quam facile est. Quanta enim œdia, iræ, rixæ, contentiones, similitates inter proximos, propter temporales possessiones contrahantur (adeo ut rara sit etiam concordia fratrum) non ratione monstrandum, sed quotidiano hominum usu inaspiciendum est. Quantum autem ad habendum geminæ charitatis effectum, temporalia bona impediunt, abrenuntiatio eorum proficiat; soli experti sunt, qui, relictis omnibus, ad diligendum Dominum et proximum se contulerunt. Si igitur, juxta Domini- cam sententiam, *in his duobus mandatis* (id est dilectione Dei et proximi) *pendet universa lex, et prophete* (Math. xxii, 40); et juxta Apostolum, *plenitudo legis est dilectio* (Rom. xxxi, 10): cum divitiæ simul et charitas haberi vix aut nullo modo possint; amari autem divitiæ, et charitas haberi, nullatenus possint; quis sapiens, quis hæc intelligens, cuncta- tur vel modicum omnia relinquendo Dominum dili- gere, diligendo quærere, quærendo invenire, cum invento sine fine regnare? Undique igitur circum- specta, undique circumventa est tergiversatio nostra. Auctoritas jubentis nos premit, difficultas nulla impedit, causa persuadet, ratio convincit, postremo vero ineffabilis necessitas præmiorum atque pœnarum, ineffabiliter cogit, arctat et impellit. Aut enim obedientes præmia obtinebimus, quæ *nec oculus vidit, nec auris audivit, nec in cor hominis ascenderunt, quæ præparavit Dominus diligenti- bus se* (I Cor. ii, 9): aut inobedientes supplicia sempiterna luemus, ad quæ quicumque lapsu irremediabili cadent, nulla eos in æternis cruciatibus

positos manebit ulterius consolatio, nulla omnino spes remedii, nulla vel ad modicum indulgetur respiratio. Hæc igitur age (mi dilectissime) hæc cogita; hæc ante oculos cordis tui incessanter habeto. Si non invitant præmia, terreat vel supplicia; si non trahit amor, impellat te ille omnium maxi- mus tremendi judicii, et æternorum cruciatuum timor. Nam *initium sapientiæ timor Domini* (Prov. i, 7). De timore namque pervenies ad amorem. Quod si quo forte modo, ut solet, ille æterni judicii in animo tuo levigatur timor: in mente habe illum ex- itus tui diem, quem sicut incertum habes, ita propinquum esse certum habes: in quo pro meritis vel bona vel mala, (sicut supradictum est) invenies, quæ in sempiternum non mutantur. Sicut enim læta est spes bonorum, ita terribilis est incertitudo ma- lorum. Nisi hic caves lapsum, postquam illic decide- ris, frustra suffragia amicorum flagitabis, frustra divinam misericordiam implorabis. Non tibi amici, non fratres illic poterunt opem ferre, non omnes sancti, non angelorum chori (audacter dico), non ipse Deus inde te poterit eripere. Justus est, injustos et impœnitentes salvare non potest. Non illic inve- nies remedia, quæ non quæsieris prius in vita. Si igitur peccatorem te esse recognoscis, imo quia re- vera peccator es (*non est enim sine peccato, nec in- fans cujus est dies unius vita super terram* (Job xiv, 4, sec. LXX). Quia, inquam, peccator es, aut hic, aut illic, pœnitebis, sed illic infructuose; nam in in- ferno nulla est redemptio. Nunquid enim Christus iterum pro eis qui descendunt ad inferna patietur? Resurgens a mortuis jam non moritur. Vide igitur, et omni studio, et vigilantia animadvertite, quanta tibi necessitas incumbit, ut sive pro levibus, sive pro gravibus commissis, dignos pœnitentiæ fructus facias. Sed quid dixi, levibus? Utinam leve æstima- ret Dominus aliquod peccatum! Quomodo leve est putandum aliquod peccatum, cum Christus pro peccatis nostris mortuus sit? Tam gravis, tam gran- dis, tam difficilis res peccatum, ut non potuerint peccata mundi deleri, nisi Dei Filius pro omnibus gustaret mortem. Et leve audent homo æstimare ali- quod peccatum? Levia quidem et venialia sunt om- nia peccata in eis qui dignos pœnitentiæ fructus faciunt; in impœnitentibus autem omnia, et quæ levia videntur, gravia et damnatione plena sunt. Quomodo autem digniores pœnitentiæ fructus facere potes, quam ut (juxta Domini præceptum, et ipsius voluntatem) omnia relinquendo, et nudus nudum Christum sequendo, non solum voluntatem, sed et locum, et opportunitatem peccandi fugias, et Deo corde et corpore vaces? Dura, inquis, sors si soli salvantur, qui mundo abrenuntiant. Dissimulantis est hæc vox, non Deum timentis. Qui hoc dicit, non cum eis qui in agone certant, coronari contendit, sed solo agonis nomine victus fatiscit. Noli, mi cha- rissime et desideratissime, noli animadvertere quid alii faciant, sed vide, et aliud attende, et attentius considera, quid ipse facere debeas. Quæ stultitia,

imo quæ insania est, si cæci in foveam cadant, videntem quoque cadere velle? si quos vesania agitat, in ignem desiliant, prudentem quoque et scientem velle pariter desilire? et si cancelli damnentur, damnationem non cavere, neque formidare? Quare non audis: *Angusta est via quæ ducit ad vitam, et pauci sunt qui inveniunt eam?* (Matth. vii, 14.) Quare non audis: *Pusillus est grex, cui complacuit Domino dare hæreditatem?* (Luc. xii, 32.) Quare non audis: *Multi vocati, pauci electi?* (Matth. xxviii, 10.) Ego, mi dilectissime, non possum aliud, nisi monere te. Si enim ad quod salubriter moueo, et utinam salubriter, te possem et salubrius compellere (crede mihi) vix bidui dilationem tibi concederemus! Hæc quidem et mihi ad persuadendum, et tibi ad consentiendum sufficere posse videntur.

Sed restat adhuc quod quinto loco superius inspicendum dixi, scilicet quid Dei Filius pro te fecerit, quantum ipse oculos cordis illuminare dignabitur, considerare; ut videamus utrum forte aliquid majus jusserit te facere pro se, quam ipse fecerit prior pro te. Primum igitur attendo eum, hominem factum, adeo pauperem et egenum ut non haberet ubi caput reclinaret. Post hoc animadvertite, et attentius quasi in quodam thesauro mentis tuæ considera; fame, siti, lassitudine laborantem; opprobriis, contumeliis, blasphemis, et conviciis affectum: ipsum quoque proditorem usque ad mensam, in ipsa vero prædicatione usque ad osculum pertulisse: demum autem vincitum, sputis linitum, alaps excussum, flagellis cæsum: falsos testes nequissimos accusatores, et iniquum judicem sustententem, spinis coronatum, crucem sibi portantem, cum latronibus deputatum, nudum in cruce pendentem, ibi ludibrium populi habitum, aceto potatum, postremo mortuum. Hæc omnia, inquam, circa ipsum, quanto diligentius potes, quasi sub oculis posita considera. Quæ quidem omnia perferendo, et mysterium redemptionis implebat, et viam tibi imitationis monstrabat. Sed quid est hoc? quid, inquam, est Deum hæc pati? Attende, animadvertite attentius. Quid igitur est Deum hominem fieri? Vide quid sit Deus. Vide quid homo. Quid est Deum hominem fieri? Quid est illum omnia illa pati, qui omnia visibilia et invisibilia regit et condidit? Quid est illum crucifigi, qui crucifixores suos non solum a scelere prohibere, verum etiam solo nutu poterat omnes quasi culicem unum contere? Quæ tanta humilitas, quæ tanta patientia vel excogitari alias potest? Quæ vero bonitas? quæ clementia, ut Deus hæc pro homine, Creator pro creatura patiat? Ad hoc meditandum, ad hoc mirandum, cujusquam animus tepet, cujusquam mens torpore languida marcet? Et mihi quisquam aliquod ipsius præceptum durum, vel difficile audet nominare? Quid enim retribuemus Domino pro omnibus quæ retribuit nobis? Si invenis aliquid quod facias pro ipso majus, quam ipse fecerit pro te, consilium laudo. Nam hoc utique debes Creatori et Redemptori tuo. Quis enim servus gratus

A est Domino suo, si non faciat plus pro Domino quam Dominus pro servo? Si vero tale quid nec in præceptis ejus invenire, nec apud te excogitare potes, par saltem pro pari debes reddere Creatori tuo. Quod si nec hoc invenire potes, vel ad illud exiguum faciendum, quod ego moneo; et ipse jubet, noli ulterius dissimulare. Quod quidem ei debes, ex eo quod Christiana, sicut supra dictum est, professione censeris; si etiam in innocentia, quam in sacro baptismate acceperas, perseverasses. Quod si peccator es, imple mandatum, cujus faciendi debitor es, et quære quid facias pro satisfactione peccatorum. Si vero pro utrisque nihil majus, nihil tibi efficacius suppetit, fac voluntatem Domini, impledo mandatum, et reputabitur tibi pro satisfactione peccatorum. Si inexpertus te monerem, rectius forte calculationem difficultatis opponere posses. Nunc vero qui hoc moneo cum expertus, et difficultatis timorem removerim et (ut minus sapiens loquor) exemplum monstraverim, ut vel sequaris, qui præcessisse debueras, nullus tibi apud me calculationis, nullus apud Deum excusationis, nullus omnino relinquatur dissimulationis locus. An ignoras quod ex facto meo pendet judicium tuum? Quod si adhuc dissimulare contendis, certus sum quod præsentem exhortationem accedet mihi aliquid præmii a Domino: tibi autem agebitur peccatum pro contemptu. Et quid dicam? lassescit manus, et non fatiscit vel affectus; languescit dextera, et non tepescit, imo fervescit et ignescit charitas. Adhuc ergo ad mysterium redemptionis, unde superius agebatur, revertamur, et videamus quid tibi illa quæ prædicta sunt patiendo Dominus contulerit, si forte tua namque ignescat charitas, vel moveatur affectus. Adsit ergo ille qui linguas infantium facit disertas, et quæ sibi placita sunt dicere donet. Adsit, inquam, Spiritus, et eo igne inflammet viscera animæ tuæ pariter et meæ, quem Dominus Jesus venit mittere in terram, et voluit vehementer ardere. Primum igitur (ohomo) sine Deo eras in mundo, Deum et Creatorem tuum ignorans: in præsentem vitam ad labores ei pericula nascebaris, de præsentem vero miseria ad cruciatus sempiternos irremediabiliter ruebas: et (quod miserabilis est!) hunc ipsum perditionis tuæ modum ignorabas, unde et teipsum nesciebas. Qui enim neque finem, neque principium tuum noveras, quomodo teipsum sciebas? Venit itaque miseratus ab alto, venit ad te Filius Dei, et lumen verum tibi in regione umbræ mortis habitanti illucescens ignorantie tuæ tenebras repulit; Deum et Creatorem tuum tibi ostendendo, et statum tuum (scilicet unde esses, et quomodo esses) tibi manifestando. Qui eras filius perditionis, qui eras vas iræ et contumeliæ, inter vasa honoris, misericordie posuit; non solum ab æterna damnatione eripiendo, sed ad vitam æternam miserabiliter reparando. Paradisum perdidideras, cælum recepisti. Qui eras particeps demoniorum, factus es conscius et socius angelorum. Sed quid dicam? plus adhuc dicam, de servo adoptatus es in

filium. Quid dicit? Ita, inquam. Qui enim eras servus, A non Dei, cui servire regnare est, sed servus peccati, servus dæmoniorum adoptatus es in filium. Sed cuius filium? Audacter dico, confidenter dico, lætanter dico, in filium Dei. Inquit enim: *Quotquot receperunt eum, dedit eis potestatem filios Dei fieri* (Joan. i, 12). Vis rem apertius designari? Iterum fidelialiter et exultanter dico; Filius Dei factus est Filius hominis, ut in filius Dei efficereris. *Narrabo, inquit, nomen tuum fratribus meis* (Psal. xxi, 23), et: *Ille, nuntiate fratribus meis* (Matth. xxviii, 10). Si autem filius, et hæres, hæres quidem Dei, cohæres autem Christi. Et quid adhuc dicam? naturam tuam Filius Dei coæternus, coomnipotens et consubstantialis Patri, sibi in unam personam unitam, supra omnes cælos, supra omnem principatum et potestatem, usque ad B concessum Patris, usque ad dexteram majestatis exultavit. Natura cui dictum fuerat: *Terra es, et in terram ibis* (Gen. iii, 19), ad tantam gloriam, ad tantam honorem, non dico ad inæqualitatem angelorum, sed supra omnem sublimata est celsitudinem archangelorum, ita ut audierit: *Sede a dextris meis* (Psal. cix, 1). Sed ad quid? Ut ipse solus sit ibi? Non. Imo ut tu sis ibi cum eo. *Ut ubi, inquit, ego sum, et illi sint mecum* (Joan. xvii, 24). Et: *Volo, pater, ut ubi ego sum, ibi sit et minister meus* (Joan. xii, 26). Sed, quid est hoc? Aperti oculus cordis, cordis, inquam, oculos aperi, excita fidem, accende charitatem; ignoscat desiderium, fluant lacrymæ pietatis et humilitatis; lacrymæ pii desiderii. Quid igitur est hoc? quid (inquam) est hominem fieri C filium Dei? Quid est filium hominis, imo filium perditionis, fieri fratrem et cohæredem Filii Dei, ad possidendam hæreditatem Patris? Quæ est ista dignitas, quæ nostre naturæ collata est, ut sedeat ad dexteram Altissimi? Quæ est ista excellentia ut homo supra omnem naturam angelicam, usque ad dexteram majestatis sit sublimatus, qui usque ad infima inferni sub tyrannide dæmoniorum promebatur? Quæ vero tanta pietas, quæ tanta clementia divinæ bonitatis, ut non solum dignitas quam in primo parere perdidicimus, nobis restituatur, sed insuper dona et beneficia magnificèntius et cumulatius crescant? Ubi pietas? ubi devotio? ubi laudes? ubi gratiarum actio? ubi est lætitiæ et exultationis D jubilatio? O mysterium ab æterno dispositum, a sæculis et generationibus promissum, et signis et ænigmatibus mirabiliter præsignatum, in fine sæculorum mirabiliter adimpletum! Cum enim omnipotens Pater per unigenitum Verbum, visibilia et invisibilia cuncta creaverit, mihi quidem præ universis, quæ mirabiliter condidit, in opere redemptionis nostræ maxime mirabilis apparet. An alii itidem sentiant, haud scio; mihi vero pium est et dulce ita sentire. O gaudium, quo lætantur cæli, et exultat terra! O mysterium cujus virtutem etiam senserunt inferna!

Jubilate Domino, omnis terra, cantate, et exultate, et psallite (Psal. xcvii, 4). Recognosce, o homo, ad quantam dignitatem, ad quanta gaudia vocaris! In

A contemplatione reparationis tuæ errat fidei tuæ fervor invictus; et oblita transeuntium bonorum, ad cœlestia se attollat spei tuæ indubitata expectatio: assidua tantorum beneficiorum meditatione, more rotatæ rhodæ fervescat desiderium, ignescat charitas, quæ cœlestia tantum bona norit amare, et adulterinos visibilium appetitus prudenter declinare. Mirare vero, prædica, et lauda incessanter bonitatem divinam. Quas enim laudes, quas gratiarum actiones digne referes Creatori tuo? Quid retribuēs Domino pro omnibus quæ retribuit tibi? Quid vero dignum poteris facere, ut tantis beneficiis dignus habearis? *Non sunt quippe condignæ passionēs hujus temporis ad futuram gloriam, quæ revelabitur in nobis* (Rom. viii, 18). Quid dicam, o mi charissime et desideratissime, si ad tantam salutem, ad tanta gaudia, quanto certius, quanto securius potes, festinare non contendis? Quid dicam si socius angelorum non timet, imo contendit fieri socius dæmoniorum? si hæres cæli, imo hæres Dei, et cohæres Christi, vult remanere in terra? si filius Dei vult servire mundo? Quid dicam, si naturam humanitatis tuæ, quam debueras in sanctificatione et honore custodisse, propter honorem et reverentiam illius hominis, qui sedet ad dexteram Dei, vis adhuc mundo et actibus ejus, vel illicitis desideriis implicare? Quomodo vero effugiens, si tantam neglexeris salutem? Si qui vias vitæ et veritatis non audierunt, sine fine damnantur, quam damnationis sententiam suscipient, qui audiunt et intelligunt, et negligunt? Age ergo (mi dilectissime), veni, et ad tanta et tam ineffabilia gaudia, omni studio omnique devotione pariter tendamus, pariter Deo præstante perveniamus. Ego te moneo in Christo, qui de provectu tuo in temporalibus bonis, magis (ni fallor) teipso gaudere solebam. Nunc vero arbitror omnia ut stercora, ut Christum lucrificiam. Age, veni, angeli te invitant, quibus gaudium est super uno peccatore penitentiam agente: qui si eos de penitentia tua gaudere feceris, procul dubio suorum gaudiorum te participem facient. Tu non reliques vana gaudia mundi, ut angelorum gaudiis inseraris? Age, veni; Christus te vocat. Quid? Imo et apparet vultui Dei pro te, et interpellat pro te; non enim vult pretium sanguinis sui irritum esse in te. Tu autem facies tibi irritam effusionem sanguinis Christi? Obsecro te, imo et obtestor, pro ipso et per ipsum, ut non auferas ei quod emit in te. Animam suam, sanguinem suum dedit pro anima tua. Non vides quanto pretio æstimatus es? Quid facies homini si Christo auferas jus suum? *Ecce, inquit, sto ad ostium, et pulso: si quis aperuerit mihi, intrabo ad illum, et cænabo cum illo* (Apoc. iii, 20). Curre, charissime, curre, festina aperire Christo pulsanti. Gustabis, crede mihi, et videbis quam suavis est Dominus. Quod si me momentem, et devotas preces, et pias lacrymas pro salute tua ad Dominum fundentem; si angelos invitantes, et opem ferre tibi paratos; si Christum vocantem, et apud Patrem pro te interpellantem,

et pretium sanguinis sui tibi (si neglexeris) impu-
tantem, contemnis; apostolice utroque verbo, *mundus
ego sum a sanguine tuo* (Act. xx, 26). Sanguis tuus
super caput tuum. Testis enim mihi est Deus, quo-
modo capiens te in visceribus Jesu Christi, et preci-
bus, et lacrymis hoc a Deo postulaverim, et præ-
senti exhortatione non sine labore flagitaverim. Sed
non dubito, imo et certus sum te facturum quod
hortor, imo ad quod tanta undique necessitatum
multitudo te impellit. Spiritus enim Domini, qui
mihi hæc scribenti adfuit (non enim sum mihi con-
sciens, de corde meo hæc protulisse), sanctus, inquam,
Spiritus, et scribendi fiduciam præstitit; fiduciam
quoque præstitit lacrymis et scribendo, et orando
profusis, ac tibi pariter adfuturum. Quidquid igitur
inspirante eodem Spiritu sancto facere disposueris,
etsi plura moneam, hoc primum moneo, ut non
præferas consilium hominum consilio divino. Cave,
inquam, consilium hominum: labia enim iniqua sunt,
et lingua dolosa. Quod si omnino forte cavere non
poteris, jaculare contra sagittam potentis et carbones
desolatorios. Deinde moneo, ut non quæ leviora
sunt, et minus etiam ad salutem, facere proponas.
Absit pusillanimitas a forti. *Jacta cogitatum tuum in
Domino, et ipse te enutriet* (Psal. lrv, 23), et saluum
faciet a pusillanimitate spiritus tui (ibid. 9). Ne credas
pusillanimitatem minimum nocere, a qua tantus
Propheta se gloriabatur salvum a Domino factum.
Tempus breve est, salus sempiterna. Jugum Domini
suave est. Expertus crede. In mente habe passiones
Domini. Quid etiam ipse feceris, et quid facere
deberis animadvertite: quantitatem enim mandati
quidam advertentes, seclerumque suorum magnitu-
dinis obliti, non quid fecerint, sed quid jubeantur
attendunt. Dumque ad levem sarcinam et jugum
Domini suave trepidant, in suis cordibus remanentes,
damnationis sibi cumulum augere non meliunt. In
quibus illud verisimile impletur, quod per Prophetam
dictum est: *Illic trepidaverunt timore, ubi non erat
timor* (Psal. xlii, 5). Et illud: *Ut qui in sordibus est,
sordeat adhuc* (Apoc. xxi, 4). Vide etiam quantam
tranquillitatem bonæ conscientiæ afferat, certiori et
viciniori ad salutem via incedere, et quasi quodam
portu salutis quiescentem novissimam horam fida-
cialiter expectare. Vide, inquam, quantam fiduciam
habeat apud Deum conscientia bona; sic scilicet
vivere, ut secundum apostolicam sententiam: in
his quæ agimus, *eor nostrum non reprehendat nos*
(I Joan. iii, 21). Tutum igitur pete portum. Merito
imperitiam arguitur nauta, qui, cum posset tutioris
portus sinus intrare, tempestuoso littori se credere
non formidat. Quid prodest enavigasse pelagus,
evasisse procellas, si ad litus metuas idem naufragi-
um, et importuna crepido naufragi littoris puppim
illidat? Hæc igitur circumspice, et ut fidelis animæ
tuæ consiliarius diligenter adverte: et pusillanimitas
si forte illud es (sed absit hoc a te!) esse desistas.
Tertium quoque moneo, ut orationi creberrime et
vehementer insistas, huiusmodi si fiducialiter, non timide;

si viriliter, non flecto vis agere, consiliarium habebis
Spiritus sanctum. *Spiritus enim sanctus disciplinam
effugiet factum* (Sap. i, 5). Ibi quidquid benignissimi
et clementissimi flatus ejus aura susserit, divino
consilio roboratus, incunctanter, et sine omni dilata-
tione aggredere: est enim hoc quartum, quod volo
te commoneri, ut dilaciones fugias. Multi dum dilata-
tiones quærent, in laqueum inciderunt. Semper
enim nocuit differre paratis. *Dimitte*, ait Dominus,
mortuos sepelire mortuos suos (Matth. viii, 22); tu
autem sequere me. Nam ille, cui hoc dixit, dilaciones
quærebat. Corvina vox est, cras, cras, beatus Augu-
stinus dixit (serm. 71, ad fratres in eremo). Corvus
emissus de arca, non est reversus, columba vero
reversa est, quia non amat Dominus dilacionem in
voca corvina, sed confessionem in gemitu columbina.
Hæc igitur age, hæc, o dilectissime, omni vigiliantia
circumspice. Hæc enim incircumspecta, quantos jam
initia bonæ voluntatis habentes, vel a sancto propo-
sito deflexerint, vel ad minus idonea declinare fecerint
(nescio etiam an in damnationem impulerint)
reminisce, audimus, videmus et dolemus. *Ut
vero rem ad effectum perduxeris, vide quæ fructus
beatæ vitæ statim capere incipies*. Primum, omnis
pagina sacri eloquii, quam modo propter merum et
vitæ dissimilitudinem, velut quemdam invincibilem
adversarium reati tibi sentis, et reluctari ita tibi
conveniet, ita vitæ tuæ consonabit, ut cantando psal-
mos, non tibi prophetiam, non verba ab alio dictata
pangere videaris, sed quasi propria devotissimæ ora-
tionis verba coram Deo funderes. *Ut vero morale eni
quod dicitur, velut quamdam vocis, et vitæ harmo-
niam, tibi dulcissimam, Deo autem gratissimam re-
sonabis*. Quibus epulis, quibus musicorum instru-
mentis, quibus gaudiis, vel cui vitæ humanæ delecta-
tioni est ista jucunditas conferenda? Adverte et
aliud, non minori jucunditate, et delectatione ple-
num, imo omnibus divitiis, omnibus omnino, quæ
jucunda vel delectabilia in vita humana ducuntur,
præferendum. Beatissimi Patres Ambrosius, Augu-
stinus, Hieronymus, Gregorius, atque alii, quorum
quisque in tabernaculo Dei offert, quod potest, cer-
tatim tibi legis ænigmata resolvent, prophetarum
oracula exponent, et quamdam ineffabili gaudio ple-
nam Novi et Veteris Testamenti convenientiam tibi
monstrare contendent. Ille tibi retributiones impio-
rum declarabit, ille gaudia æternæ vitæ monstrabit;
ille te in contemplationem rapiet, ille tibi lacrymas
piæ compunctionis excutiet, ille te ad humilitatem,
ille ad patientiam, ille ad castitatem, hic ad mode-
stiam, ille ad benignitatem, hic ad mansuetudinem,
ille ad fidem, iste ad spem, omnes vero te informabunt
ad charitatem: nec ante cessabunt, donec ita consum-
matus inveniaris, Spiritu sancto ubique operante, ubi-
que dispensante, ut occurras in virum perfectum, in
mensuram ætatis plenitudinis Christi. Hæc gaudia et
hujusmodi dispensat Christus militibus suis, interim
dum differt æterna. Hanc mensam eis interim appo-
suit donec epulentur et exsultent in conspectu D. i

et delectentur in lætitiis. His interim gaudiis eos solatur, A imo hæc gaudia superabundanti fenore compensata multiplicat, pro gaudiis vitæ præsentis, quæ reliquerunt, donec contemptam accipiant et vitam æternam possideant. Pauca quidem sunt, quæ tibi dicere possum; utpote miles adhuc ad nova bella rudis; sed tu pensa magna de minimis, plurima de paucis. Ab his gaudiis te tandiu abfuisse gemes, et dices: *Hæc mihi! quia incolatus meus prolongatus est* (Psalm. cxix, 5), etc. Ad labores te vocari credebas, ad gaudia te invito. Veni ergo, ne differas, et mecum horum gaudiorum fructus, et pariter spei æternorum carpe libamina. Hæc gaudia nec somnari possunt qui secularibus causis et negotiis, et variis vitæ voluptatibus et curis inserviunt. Amisso enim sensu, stupidi corde, et quasi febricitantes sunt. Licet suavia, licet dulcia fercula, et pocula offeras febricitanti, non sapiunt ei, quia sensum non habet. Multitudinem quippe dulcedinis suæ abscondit Dominus timentibus se. Illis scilicet abscondit ab aliis; ut illi sentiant, alii non. Rogo autem ut non proficitatem verborum penses multitudinem charitatis. Nunquam enim mihi satis dixisse, nunquam satis fecisse videbor, donec voluntatem Christi, et desiderium meum impleveris. Vale. Educat te Dominus de lacu miseriæ et de luto factis, et statuat supra petram pedes tuos, et dirigere dignetur gressus tuos. Eripiat animam tuam de morte, oculos tuos a lacrymis, pedes tuos a lapsu. Amen.

EPISTOLA II.

AD LATOLDUM.

De modo orandi.

LATOLDÓ fratri charissimo, frater JOANNES, salutem.

Nuper cum de modo orandi quærenti tibi, quod Domino dante mihi visum est respondiissem, summopere postulasti, ut scripto tibi dirigerem petitiones, in quibus summam orationum, quas pro nobis singuli facimus, dixeram constare debere. Et quia ad excitandum devotionis affectum, hoc plurimum valere dixeram, si non semper eorundem usum verborum sequamur; sed prout affectus dictaverit, verba variantes, vel ex ipsis orationibus, quibus utimur in Ecclesia, vel ex verbis sacrarum Scripturarum, petitiones nostras informemus, hoc quoque devotissime petisti, ut aliqua tibi in hunc modum conscriberem; quibus commonitus hanc orandi formam sequi valeres. Postposita igitur excusatione, ne potius charitati defuisse, quam juste excusasse viderer, pro viribus quas Dominus dare dignabitur, desiderio tuo satisfacere curabo. Malo enim ut me imperitia mea accuset, quam quæ de corde tuo hoc jubet charitas, accuset.

His proponit tria esse postulanda.

Igitur quantum parvitati meæ dedit Dominus intelligere, tria debemus singuli pro nobis in oratione petere. Primum veniam delictorum. Deinde agnitionem et operationem divinæ voluntatis. Tertio salutem æternam, quæ est in Christo. In his autem pe-

tendis, modo prolixius, modo compendiosius est immorandum, prout se habet vel temporis opportunitas, vel devotionis affectus. Plus vero quo affectu et desiderio, quam quibus verbis ista petenda sint curare debemus. Deus enim non necesse habet ut nos ei necessitatem, vel voluntatem nostram verbis quasi manifestemus, qui (sicut legitur) scit quibus opus sit nobis, antequam petamus eum; sed nos ineffabiliter indigemus, ut ejus beneficia ardenti desiderio flagitemus. Hoc autem tanto efficacius possumus; quanto gratia Spiritus sancti adjuvare dignatur nostram infirmitatem. Dicente namque Apostolo: *Quid oremus sicut oportet nescimus, sed ipse Spiritus sanctus postulat pro nobis gemibus inenarrabilibus* (Rom. viii, 26). Postulat, dixit, id est postulare facit, vel postulandi præstat affectum. Nunc ad tres supra positas petitiones revertamur. Primum ergo petenda est indulgentia peccatorum, non eorum tantum, quorum nobis consci sumus, id est, in quibus nos deliquisse cognovimus, sed et eorum in quibus ignoranter lapsi sumus. Si enim culpæ quas ignoranter commisimus non essent timendæ, non diceretur in Psalmo: *Ignorantias meas ne memineris* (Psalm. xxiv, 7). Et Apostolus cum dixisset: *Nihil mihi conscius sum*, continuo addidit: *sed non in hoc justificatus sum* (I Cor. iv, 4): videlicet se in multis per ignorantiam deliquisse, vel delinquere potuisse significans. Juxta quod et alius apostolus dixit: *In multis enim offendimus omnes* (Jac. iii, 2). In secunda vero petitione duo præterea dixi esse postulanda, id est, non solum operationem, sed et cognitionem divinæ voluntatis: quia facile errat quis in eo quod non intelligit, et potest decipi specie recti, ut videatur ei, quod bonum est, malum, et quod malum est, bonum. Unde propheta: *Væ his qui dicunt malum bonum, et bonum malum* (Isa. v, 20). Quod ne nos incurramus, jubemur in Evangelio cum columbæ simplicitate, prudentiam serpentis habere (Matth. x, 16); quam qui habent, luget eos propheta, dicens: *Ephraim factus est sicut columba seducta, non habens cor* (Ose. vii, 11). Quia quidam volentes columbæ simplicitatem sectari, eo quod cor, id est, intelligentiam veritatis non habent, seducuntur et errant. Quas tenebras erroris et ignorantie ne nos incurramus, omni instantia et studio orandum est, ut illum sincerissima et perseverantissima imitatione sequi mereamur, qui dicit: *Qui sequitur me, non ambulat in tenebris, sed habet lumen vitæ* (Joan. viii, 12). Operatio vero divinæ voluntatis in illis duobus consistit, quæ breviter expressa sunt, ubi dictum est: *Declina a malo et fac bonum* (Psalm. xxxvi, 27). Quæ duo quam generaliter comprehendant quidquid ubique in Scripturis præcipitur, facile quilibet animadvertit. Tertio (sicut dixi) petenda est vita æterna, ut simplici oculo, id est, sincera intentione Deum quæramus; et in omnibus quæ agimus, neque ad appetitum laudis humanæ, quod est hypocrisis; neque ad quidlibet aliud, nisi tantum ad Deum habendum nostra floctatur intentio. *In simplicitate*, inquit,

cordis quærite illum (Sap. 1, 4). Et : Ne accesseris ad A Deum duplici corde (Eccl. 1, 36).

De illis quæ inveniuntur in psalmis.

Hæc autem tria, sive quatuor, quam multipliciter et varie in Scripturis, et maxime in psalmis petantur, facile potest advertere, qui diligentem auditum divinis eloquiis novit adhibere. Ex quibus juxta petitionem tuam aliqua ponam, ut ex his prout tibi Spiritus sanctus inspirare dignabitur) et verba in oratione variare discas, quod ad excitandam devotionem valere dixi, et petitiones tuas queas informare.

De illis quæ valent ad petendam veniam.

Ad petendam igitur veniam delictorum, ista valent quæ in psalmis posita sunt : *Ab occultis meis munda me, Domine (Psal. xviii, 15). Et : Delicta juventutis meæ, et ignorantias meas ne memineris (Psal. xlii, 7). Et : Propter nomen tuum propitiaberis, Domine, peccato meo, multum est enim (ibid. 11). Et : Vide humilitatem meam et laborem meum, et dimitte universa delicta mea (ibid., 18). Et : Ne memineris iniquitatum nostrarum antiquarum, sed propitius esto peccatis nostris propter nomen tuum (Psal. lxxviii, 8, 9). Et : Non intres in judicium cum servo tuo, Domine, quia non justificabitur in conspectu tuo omnis vivens (Psal. cxlii, 2). Et : Averte faciem tuam a peccatis meis, et omnes iniquitates meas dele (Psal. l, 11), et cætera, quæ in eodem, et in aliis psalmis scripta sunt. Item alibi : *Ne reminiscaris, Domine, delicta mea, vel parentum meorum, neque vindictam sumas de peccatis meis (Tob. iii, 5).**

Quibus utendum sit ad petendam intelligentiam.

Ad petendam vero intelligentiam veritatis, his uti possumus, quæ de multis pauca commemoro : *Illumina oculos meos, ne unquam obdormiam in morte (Psal. xii, 4). Et : Quoniam tu illuminas lucernam meam, Domine ; Deus meus, illumina tenebras meas, (Psal. xvii, 29). Item : Vias tuas, Domine, demonstra mihi, et semitas tuas edoce me (Psal. xlii, 4). Et : Notam fac mihi viam in qua ambulem (Psal. cxlii, 8). Et : Doce me facere voluntatem tuam (ibid., 10). Et : Doce me justificationes tuas (Psal. cxviii, 26). Et : Da mihi intellectum, ut discam mandata tua (ibid., 73), etc. Qui vero dicit : *Utinam dirigantur viæ meæ ad custodiendas justificationes tuas (ibid., 5). Et : Deduc me in semitam mandatorum (ibid., 35) ; et : Gregus meos dirige secundum eloquium tuum (ibid., 133) : et cætera quæ in hoc præcipue psalmo, qui præ cæteris moralis est, atque in aliis psalmis in hunc modum posita, intelligi quidem possunt, sed numerari vix possunt. Qui ergo hæc et hujusmodi dicit, quid nisi voluntatem Dei facere quærit ; qui autem pio gemitu dicit : *Heu mihi ! quia incolatus meus prolongatus est ! (Psal. cxix, 5). Et : Non confundas me ab expectatione mea (Psal. cxviii, 116). Et : Quando veniam et apparebo ante faciem Dei (Psal. xli, 3), et cætera hujusmodi ; utique visionem Dei, et vitæ æternæ promissa desiderat. Hæc autem quæ quomodo sigillatim in Scripturis petan-***

tur, ostendimus, potest quilibet una simul oratione petere, ita dicendo :

Oratio ad Patrem.

Domine sancte Pater, qui vivificas mortuos, et vocas ea quæ non sunt tanquam ea quæ sunt, peccatorem me servum tuum, quem de morte peccatorum meorum ad tuam misericordiam vocare dignatus es, ab omnibus reatibus et peccatis meis misericorditer absolve : et data mihi intelligentia qua videam, et charitate qua serviam tibi et servis tuis, fac me ita semper in tuo famulatu ad meliora proficere, ut in regno tuo cœptum opus misericordiæ tuæ in me perficias. Per Dominum, etc.

Alia oratio ad Patrem.

Domine sancte Pater, qui quod perierat requiris, et quod abjectum erat reducis, et quod pingue et forte custodis ; custodi circa me opera misericordiæ tuæ, quem errantem requirere, et ad oves tuas redire dignatus es, et concessa mihi plena venia omnium delictorum meorum, da mihi ita intelligere, et cum debita perseverantia facere voluntatem tuam, ut misericordia sempiterna miserearis mei. Per Dominum, etc.

Item alia oratio.

Domine sancte Pater, qui non vis mortem peccatorum, nec delectaris in perditionibus nostris, dele ut nubem iniquitates meas, et quasi nebulam peccata mea, et in agnitione et operatione voluntatis tuæ, fac me ita cum sincera humilitate perseverantem habere profectum, ut salvum me facias in regno tuo cœlesti. Per Dominum.

Oratio ad Filium.

Domine Jesu Christe, qui venisti quærere et salvum facere quod perierat, vivifica me peccatorem servum tuum, quem vocasti : et dans mihi intelligentiam et observantiam mandatorum tuorum, ubi abundavit peccatum, ita fac gratiam superabundare, ut redemptionis et resurrectionis tuæ cum electis tuis me facias veraciter esse participem. Qui vivis, etc.

Alia oratio ad Filium.

Domine Jesu Christe, qui es lux vera, quæ illuminas omnem hominem venientem in hunc mundum, aufer tenebras peccatorum meorum, et da mihi illuminatos oculos cordis, ad cognoscendum te, et ad intelligendam et faciendam voluntatem tuam, nec me dimittas in perpetuum a te separari. Qui vivis, etc.

Cum itaque in hunc modum plura dici possint, nos hæc posuisse sufficiat.

De oratione morosa.

Quidam autem pro imploranda venia delictorum, morosius et studiosius orant ; et peccatorum suorum magnitudinem vel multitudinem attentius considerantes, non tam verbis, quam gemitu, et lacrymis, cordis contriti et humiliati sacrificium Deo offerunt, non tamen eodem fervore præ cæteris quæ supra posita sunt orare valentes. Hoc autem incipientibus, id est, nupor conversis, solet contingere.

qualibus dicit apostolus Jacobus : *Miseri estote, et lugete, et plorate. Risus vester in luctum convertatur, et gaudium in mœrorem (Jac. IV, 9).*

De lacrymis perfectorum.

Alii vero, cum jam in via Dei, et intelligentia, et operatione proficere cœperint, mirantur se nullas aut raras pro peccatis habere lacrymas, sed tentationibus, et infirmitate præpediente, ut minus possint implere quod intelligunt, contra easdem et tentationes et infirmitatem suam, attentius atque ferventius orant, ut per auxilium gratiæ Dei et tentationum conflictus superetur, et intelligentia magis ac magis illuminetur, et infirmitas roboretur. De talibus scriptum est : *Beati qui esuriunt et sitiunt justitiam, quoniam ipsi saturabuntur (Matth. V, 6).*

De his qui cupiunt esse cum Christo.

Aliqui autem jam superatis tentationibus, ad implenda quæ intelligunt, efficacius per Dei gratiam convalescentes, magno æstu ardentis desiderii ad æterna suspirant, atque incolatum suum diutius prolongari ingemiscentes, dissolvi cupiunt, et esse cum Christo. Horum vox est : *Quemadmodum desiderat cervus ad fontes aquarum, ita desiderat anima mea ad te Deus (Psal. XLI, 2), et, Quam dilecta tabernacula tua, Domine virtutum (Psal. LXXXIII, 2), etc.* Hi sunt ergo tres gradus, incipientium, proficientium, et perfectorum.

Item alius modus orandi.

Invenimus autem in Scripturis et alios modos orandi, quibus etsi ea quæ supra posita sunt nequam distincte petantur, omnia tamen, quæ ad salutem expediunt, compendiosa oratione peti intelliguntur, ut est illud : *Fiat misericordia tua, Domine, super nos, quemadmodum speravimus in te (Psal. LXXII, 22); et: Miserere mei secundum eloquium tuum (Psal. CXVIII, 58); et: Fac cum servo tuo secundum misericordiam tuam (ibid., 24); et: Miserere mei secundum judicium diligentium nomen tuum (ibid., 132).* Juxta hunc ergo modum possumus pro aliis quibuslibet orantes ita dicere. Fac eos, Domine, ita in justitia apparere conspectui tuo, ut satiari mereantur cum apparerit gloria tua. Vel ita. Fac eos, Domine, participes omnium timentium te, et custodientium mandata tua. Vel ita. Fac cum eis, Domine, secundum misericordiam tuam, sicut tu potens es superabundanter facere, quam nos petere, aut intelligere. Vel ita : Da eis, Domine, regnum, et justitiam tuam. Vel ita : Ea abundantia pietatis tuæ, qua et merita supplicum excedis et vota, fac eos ita in beneplacito tuo ambulare, ut tibi placeant in regione vivorum. Vel ita : Dirige eos in semita recta, ita ut mereantur videre bona Domini in terra viventium. Vel sic : Institue eos, Domine, in ea soliditate dilectionis tuæ, ut neque mors, neque vita, neque creatura, neque tentatio aliqua possit eos separare a te, et a charitate tua. Vel ita : Da eis, Domine, ut, et te toto corde perquirant, et quæ tibi placita sunt, tota dilectione perficiant. Vel sic : Dirige eos, Domine, secundum beneplacitum voluntatis tuæ, in viam sa-

lutis æternæ. Aliter : Fac eos, Domine, dignos promissionibus vitæ quæ nunc est, et æternæ. Vel sic : Fac eos sic transire per bona temporalia, ut non amittant æterna; quod magis videtur pro his esse orandum, qui in sæculari degunt conversatione. Atque illud : Fac eos, Domine, ita misericordes, ut misericordiam consequantur. Pro iis vero qui perfectiora sectantur, ut ita fiant pauperes spiritu quatenus regnum cœlorum possideant; sic mites, ut terram viventium possidere mereantur; sic lugentes, ut consolationem mereantur æternam; sic esurientes et sitientes justitiam, ut satietatem repromissam obtineant; sic etiam mundicordes, ut Deum videre, sic pacifici, ut filii Dei esse mereantur. Sic de virtute in virtutem ambulando proficiant, ut ad videndum Deum deorum in Sion perveniant.

Quod sit orandum pro prælati ecclesiarum.

Orandum est autem pro universis Ecclesiæ rectoribus, quatenus sic agant curam suscepti regiminis, ut suam, et subditorum salutem operari mereantur. Pro quibuslibet vel in nostro proposito, vel in quolibet sancta conversatione degentibus, ut in vocatione qua vocati sunt, digne ambulare mereantur. Pro universis Ecclesiæ gradibus, ut in eis Dominus famulos suos et numero et merito augere dignetur, atque ut secundum divitias gratiæ suæ, bene in eis ambulantes ad meliora promoveat; errantes vero, ad viam veritatis reducat. Pro his vero qui in quolibet, vel spiritali, vel corporali tribulatione positi sunt; ut omnes sibi in necessitatibus suis misericordiam Domini adesse sentiant; vel ita : Ut secundum divitias gratiæ suæ Dominus universa eis adversantia propitiatus excludat, et omnia profutura concedat. Pro his qui in hæreses vel schismata lapsi sunt, ut ad viam veritatis redcantur. Pro infidelibus, ut ad sortem et societatem electorum perducantur. Sicut autem pro adipsendis beneficiis divinis oratio est fundenda, pro adeptis est gratiarum actio facienda : de qua operosius scriberem, nisi quæ supra posita sunt nimiam etiam habere prolixitatem viderentur.

Hæc autem, quæ tibi quoquo modo manu accelerante exaravi, quantum tibi profutura sint nesciens, hoc certe scio, et te certissime scire volo, me quantum Dominus dedit, desiderio tuo satisfacere curasse. Quæ si tibi utilia esse cognoscere potero, laboris mei compensationem apud Christum tuis orationibus me recepturum sperabo; qui per Apostolum suum jubet *ut per charitatem serviamus invicem (Gal. V, 23).* Fratres omnes per te nomine meo salutari desidero, non omnes simul, sed nominibus suis singulos; quorum orationibus et tuis adjuvari quantum indigeam, nec præsens satis indicare potui, nec absens intimare sufficio.

EPISTOLA III.

AD HUGONEM.

De modo orandi, ac præsertim de gratiarum actione.

Dilectissimo suo fratri Hugoni, frater deus salutem.

Scripti aliquando epistolam de modo orandi, ad fratrem Latoldum, cum hoc ille a me devotissime flagitasset: ubi cum juxta formam orandi de qua agebam, tres ad Patrem, et duas ad Filium orationes exempli gratia posuissem, quando venit epistola illa in manus tuas, instantissime postulasti, ut aliquas etiam orationes adjiceremus ad personam Spiritus sancti specialiter pertinentes. Quamvis ergo Pater, et Filius et Spiritus sanctus, sicut sunt inseparabiles, ita etiam inseparabiliter operentur, et quidquid dat Pater vel Filius, det quoque Spiritus sanctus, acquiescens tamen petitioni tuæ, præmissis orationibus subjecti duas ad Spiritum sanctum, et tertiam ad sanctam Trinitatem. Postea vero cum animadvertisses in cake epistolæ gratiarum agendarum me ita mentionem fecisse, ut si locus vel tempus permitteret, plura inde dicere possem; rursus instanter et omnino importune petisti, ut de hac re, id est, de gratiarum actione aliquid tibi operosius scriberem. Ad hoc itaque quod petis, ego quidem insufficientem me invenio, sed tuis orationibus fultus, ab illo a quo est omne datum optimum, et omnia donum perfectum, sufficientiam spero.

(*Hic totam inserit epistolam 2, ad Latoldum datam, de modo orandi; cui sequentes tres precatiunculas illigat, medio loco inter secundam orationem ad Filium, et articulum de oratione morosa.*)

Oratio ad Spiritum sanctum.

Spiritus sancte Deus, qui me mundo carnaliter natum, in sacro fonte spiritali nativitate regenerasti, da mihi plenam omnium, quæ quoquo modo postea contraxi peccatorum indulgentiam, et fac me in justificationibus tuis ita perseverantissime et intelligentia et actione proficere, ut ad sortem et societatem electorum tuorum merear in æternum veraciter pertinere. Qui cum Patre et Filio habes unam divinitatem, et ejusdem majestatis ac potestatis indivisam unitatem per omnia sæcula sæculorum.

Alia oratio ad Spiritum sanctum.

Spiritus sancte, qui es et donum Dei, et Deus; Deus apud te, donum apud nos, fac, quæso, per in habitationis tuæ gratiam, mentem hujus pauperuli servi tui, et veritatis intelligentia lucere, et charitatis igne fervere; ut ab omnibus peccatorum meorum maculis, beneficio gratiæ tuæ clementer emundatus, in corpore merear, cujus caput Christus est, et hic bene, et in æternum beate vivere; cum quo, et cum Patre est tibi gloria et honor individuus in sæcula sæculorum. Amen.

Oratio ad sanctam Trinitatem.

Sancta Trinitas unus Deus, qui omnes, quos in patria beatificas, prius via adoptionis Spiritu signatos vivificas et sanctificas, da mihi servulo tuo pignus hereditatis nostræ eundem Spiritum sanctum: ut ipso charitatem, quæ operiat multitudinem peccatorum meorum, in corde meo diffundente; et in omni intellectu, sermone, et opere bono me confirmante, mecumque in æternum manente, cum eis qui habitant in dono tua te merear laudare in sæcula sæculorum. Amen.

A Quod ergo in fine illius epistolæ dixi, hoc in hujus principiis repeto; quia videlicet sicut pro impetrandis beneficiis divinis preces fundimus, ita pro adeptis gratiarum agendarum debitores sumus. Si homo quilibet alteri homini a quo beneficia habuit, ingratus existat, quis non hoc malum judicet, et iniquum? Si ergo malum est ingratum esse homini, quanto magis Deo? Quomodo autem nisi gratias agendo, nos beneficiis ejus ingratos non esse ostendimus? Ingratos fuisse illos arguit Scriptura, de quibus dicit: *Et obliiti sunt benefactorum ejus, et mirabilem ejus quæ ostendit eis (Psal. lxxvii, 11).* Dominus quoque in Evangelio, cum decem leprosos mundasset, et unus tantum gratias ageret, reliquos novem ingratos exstitisse conquestus est, dicens: *Nonne decem mundavi, et novem ubi sum? (Luc. xvii, 17.)*

B etc. Animadvertat igitur discretus sanctarum Scripturarum lector, sive auditor, quod quando laudare Deum, vel benedicere, vel magnificare, exaltare, vel glorificare, aut cantare ei, aut exultare, vel jubare, aut gratias agere jubemur, sive monemur, res pane eadem diversis verbis significatur. Verbi gratia: *Benedicite, gentes, Deum nostrum (Psal. lxxv, 8), et: Magnificate Dominum mecum, et exaltate nomen ejus in ipsum (Psal. xxxiii, 4), et: Cantate ei et psallite ei (Psal. civ, 2), et: Venite exultemus Domino, jubilemus Deo salutari nostro (Psal. xciv, 1).* Confessio quoque in Scripturis sæpe laudem significat, ut ibi: *Confitebor tibi, Domine Deus meus, in toto corde meo (Psal. lxxxv, 12).* Nam quasi exponendo quid dixerit, subdit; *et glorificabo nomen tuum in æternum.* Et Dominus in Evangelio: *Confiteor tibi, Pater, Domine celi et terræ (Luc. x, 21).* Non enim peccata confitebatur, qui peccata non fecit, sed Patri gratias agebat. Solent homines amicorum, vel dominorum suorum beneficia ad memoriam reducere, ut ex quantitate beneficiorum perpendant, quantum eis debeant: rependere, vel amorem, vel obsequium. Nos ergo non solum ad mentem revocare, sed studiosissime excogitare et exquirere debemus, quæ et quanta nobis beneficia, et dona divinitus collata sunt, et devotissime auctori eorum laudes debitas, et gratiarum actiones referre. Nam dona cælestia recolendo, amorem Dei in nostris cordibus excitamus. Gratias vero pro illis agendo, et ea quæ accepimus, nobis conservari, et quæ nondum accepimus nobis augeri promeremur. Unde Dominus ait in Evangelio: *Habenti dabitur, et abundabit; ei autem qui non habet, et quod videtur habere, auferetur ab eo (Luc. xix, 26).* Ille enim dona Dei veraciter habere dicens est, qui pia gratiarum actione eis ad id ad quod data sunt, id est, ad quærendum Deum utitur, et meretur gratiam pro gratia. Qui vero ad aliud quærendum eis abutitur, utpote ingratus, is etiam quæ accepit privari meretur. Dona autem Dei quædam communiter dantur bonis et malis, quædam vero specialia sunt electorum. Nam exteriores divitiæ auri et argenti, et cæterorum, sanitas etiam corporis, et membrorum validudo; ingenium quoque et memoria, et litterarum scientia, et cætera hujus-

modi, reprobis pariter dantur et electis. Fidem vero quæ per dilectionem operatur, pietatem, charitatem, timorem sanctum et cætera verarum dona virtutum, solis electis dari manifestum est. Audiamus igitur quemdam in psalmo divina circa se beneficia cum exultatione recolentem. *Expectans, inquit, expectavi Dominum, et intendit mihi: et exaudivit preces meas, et eduxit me de lacu miseriæ, et de luto factis (Psal. xxxix, 2, 3).* Huc usque ostendit de quo profundo malorum per gratiam Dei liberatus sit. Duobus vero sequentibus versibus confirmationem, et directionem, et innovationem suam describit, dicens: *Et statuit supra petram pedes meos (ibid.), et reliqua.* Ubi etsi nihil positum sit, quod benedictionem, vel gratiarum actionem significet, pia tamen divinarum beneficiorum recordatio, pro gratiarum actione habetur. In alio quoque psalmo glorificat Deum, dicendo: *Quis Deus præter Dominum, aut quis Deus præter Deum nostrum? (Psal. xvii, 12)* et quasi quereremus, quid tibi fecit? quare eam ita magnificas et laudas? enumerat multas gratias diviniæ circa se operationes, et subdit: *Deus qui præcinxit me virtute, et posuit immaculatam viam meam (Psal. xvii, 12), et cætera usque illuc, et non sunt infirmata vestigia mea (ibid. xxxiii, 37).* Apostolus autem, *Gratias, inquit, ago ei, qui me confortavit, qui fidem me existimavit, ponens me in ministerio, Subdendo vero, qui prius fui blasphemus, et persecutor, et contumeliosus (I Tim. ii, 12, 13);* tanto majorem circa se gratiam Dei ostendit, quanto indignior erat, ubi eam accipere mereretur. Gratias quoque agit ubi dicit: *Benedictus Deus, et Pater Domini nostri Jesu Christi, Pater misericordiarum (II Cor. i, 3), etc.*

Differentia inter orantem et laudantem.

Hoc autem inter affectum orantis distat, atque laudantis, quod oratio contritionem habet, et gemitum, maxime quando peccata desentur, aut quando inter tentationes, et tribulationes divinum auxilium imploratur. Qui vero laudat, et gratias agit, gaudio et lætitia spiritali perfunditur. Unde illis, qui pro peccatis vehementer canteruntur, expedire videtur, ut post mœrorem pro peccatis habitum, se ad gratiarum actionem convertant; ut animum pro peccatis mœrentem, gratiarum actio consoletur: ne forte abundantiori tristitia absorbeat qui ejusmodi est; sicque mens pro peccatis afflicta, de perceptis beneficiis gratias referendo, ad spem veniæ recreetur. Aliis quoque a gratiarum actione incipienda videtur oratio, ut mens orantis spiritali jucunditate perfusa, et fiducia repleta, ex quadam animi pinguedine totam sequentem effundat orationem.

Semper debemus gratias agere.

Non solum autem in prosperis, sed et inter flagella debemus gratias agere Patri, qui flagellat omnem Aliam quem recipit, sicut in persona justæ scriptum est: *Benedicam Dominum in omni tempore, semper laus ejus in ore meo (Psal. xxxiii, 2).* Qui enim in

A omni tempore benedicit, non solum in prosperis sed et in adversis gratias agit. Nam et mali inter prospera laudant Deum, sicut scriptum est: *Confitebitur tibi, cum benefeceris ei (Psal. xlvi, 19),* in adversis autem murmurare solent, et blasphemare.

De eodem.

Qui autem in gratiarum actione studiosus est et devotus, ante omnia debet illud omnium beneficiorum divinarum maximum atque excellentissimum recollere, et quanta potest devotione et pietate pro eo gratias agere, quo per sacrosanctum mysterium incarnationis et passionis Christi, a morte æterna redempti et ad vitam æternam sumus reparati. In Christo namque ipsa salus ad ægrotos, ipsa misericordia ad miseros, ipsa sapientia ad fatuos, ipsa vita ad mortuos, ipsa via ad errantes, ipsa veritas ad mendaces, ipse Redemptor ad captivos, ipse Deus ad homines venit. Illa majestas diviniæ sapientiæ, quæ cœterna, et consubstantialis, et coœnipotens Patri, et Spiritui sancto, portat omnia verbo virtutis suæ, et attingens a fine usque ad finem fortiter, disponit omnia suaviter, tanta miseratione tantaque abundantia pietatis suæ, nostræ miseriæ voluit subvenire, ut non solum usque ad susceptionem nostræ naturæ, sed etiam usque ad contumelias et ad mortem crucis, pro nostra redemptione et salute se inclinare dignaretur. Altissimus Patris altissimi unigenitus, sicut non habuit quo ultra se humiliando descenderet, quam ut in homine, quem sibi in unam personam univit, quasi reus, et damnatilius morte turpissima moreretur; sic nostra natura non habuit quo ultra posset sublimari, quam ut in Christo sedens ad dexteram Patris, habeat nomen quod est super omne nomen, et flectatur ei omne genu, cœlestium, terrestrium et infernorum. Spem autem nobis firmissimam dedit, nos, si ei fideliter adhæserimus, quo ipse præcessit esse secuturos. *Pater, inquit, quos dedisti mihi, volo ut ubi ego sum, et illi sint mecum, ut videant claritatem quam dedisti mihi (Joan. xvii, 24).* Quis tantam gratiam digne cogitare, quis sufficiat digne pro ea laudes et gratias referre? Sed etsi non valemus dignas laudes persolvere, non tamen debemus a gratiarum actione cessare, docet ipso ducente, illuc perveniamus, ubi hoc sine fine faciamus, sicut scriptum est: *Beati qui habitant in domo tua, Domine; in sæcula sæculorum laudabunt te (Psal. lxxxiii, 5).* Nunc enim tempus est orandi pariter, et laudandi, tunc erit tantummodo laudandi. Tunc quippe sicut miseriæ beatitudo, ita orationi succedet laudatio. Impletis namque omnibus promissionibus Dei, nihil supererit petendum, sicut ipse dicit: *In illo die me non rogabitis quidquam (Joan. xvi, 23).* Quem quanto amplius diligimus, tanto studiosius canonicis, hoc est, prophetis, et apostolicis, nec non et aliis Scripturis intendere debemus et vigilantissime auscultare, quid de illo nobis insinuent, vel quid ipse nobis in eis loquatur. Quis audiens illum dicentem per prophetam: *De manu*

mortis liberabo eos, de morte redimam eos: ero mors tua, o mors, morsus tuus ero inferne (Osee. xiii, 14), non erumpit in hanc vocem jucunditatis et laudis, ut dicat: Gratias, Domine, tantæ pietati, quam nostræ redemptioni impendere dignatus es: et precor ut ejus eum redemptionis, et salutis æternæ quæ est in te, nos facias in æternum veraciter esse participes? Quis audiens Apostolum dicentem: *Fidelis sermo, quia Christus Jesus venit in hunc mundum peccatores salvos facere* (I Tim. I, 15); non effundat laudem pariter et precem, et dicat: Tibi, Domine, laus, tibi gratiarum actio, qui tanta miseratione vitam peccatorum; non mortem inquiris. Placeat tibi, Domine, ut jus iiccare nos a peccatis, et salute æterna salvos nos facere digneris. Audientes ergo eloquia, quibus beneficia ejus vel referuntur, vel promittuntur, debemus (sicut Apostolus docet) *abundare in illo in gratiarum actione* (Colos. II, 7). Sed animus amantis et desiderantis, præmissa gratiarum actione, debet etiam preces subdere, ut promissionibus ejus dignus efficiatur. Qui enim audiendo eloquia divina, ad orandum, vel laudandum, vel amandum Deum inflammatur, veraciter potest dicere quod in Cantico canticorum scriptum est: *Anima mea liquefacta est* (Cant. v, 6), id est, in lacrymas amoris resoluta est. Scio ego prudentem quemdam, et religiosum virum dixisse: Spiritum Christi non habet, qui audiendo verba Christi, non ardet. Sed qui hoc dixit, videtur mihi hoc quod in se sentiebat, æstimasse de cæteris, quod proprium est hominum maxime plurimorum. Ego vero sciens multos etiam bonos et justos nullam habere vel raram gratiam lacrymarum, ad tantum consolationem dico. Quidam enim diligunt Christum ardenti charitatis affectu: quidam non sentiunt quidem magnum affectum dilectionis ejus, sed ostendunt eam in operis effectu. De his ipse dicit: *Qui habet mandata mea, et servat ea, hic est qui diligit me* (Joan. xiv, 21). Et iterum: *Si quis diligit me, sermonem meum servabit* (ibid., 23); unde Gregorius: « Probatio dilectionis, exhibitio est operis. » In persona quoque illorum, qui Christum ardenti affectu diligunt, dictum est: *Quemadmodum desiderat cervus ad fontes aquarum* (Psal. xli, 8), etc. Denique dico, quia tanto quisque melior est, et sanctior, quanto ad amandum, et quærendum Deum devotior est atque ferventior. Nam sicut orationes aliquando Patri, aliquando offerimus Spiritui sancto, sed frequentiori usu offeruntur Patri, per Filium, in Spiritu sancto, ita et de gratiarum actione faciendum est, dicente Apostolo: *Gratias agentes Deo Patri, per ipsum* (Col. III, 17), id est, per Christum. Quantum vero potui experiri utrumque negotium, orandi scilicet et gratias agendi, melius agit quisque suis, id est, de intimo corde prolatis, quam aliorum verbis. Nam neque in oratione, neque in gratiarum actione quæritur verborum ornatus, sed mentis affectus. Cui autem sua verba non suppetunt, psalmis, et aliis quibus potest modis oret, et gratias agat. Feci siquidem quod potui, sicut petisti. Violentus es. Uti-

nam hac violentia regnum colorum diripere mereris! Fructum autem laboris mei a Domino tuis orationibus exspectabo.

EPISTOLA IV.

AD BERARDUM.

De custodia cordis.

Dilectissimo fratri BERARDO, frater JOANNES salutem.

Petitionis tuæ votum, et promissionis tuæ debitum præsentî schedula persolvo. Nam cum tibi et fratribus qui tecum ad nos venerant, de custodia cordis exhortationem fecissem; et quomodo anima vel caro obtemperare debeat rationi, ostendissem, obnixè rogasti ut ea quæ verbis expresseram, scripto tibi dirigeremus. Animadvertite igitur duo esse, ex quibus homo constat, scilicet animam et corpus. Sed rursus anima, non quidem dividitur, sed in duo distinguitur, id est in animam et spiritum. Est autem quædam vis animæ inferior, quæ vivificat et vegetat corpus, et carnis sensibus favens per carnales delicias immoderate defluere gestit: quæ in Scripturis anima nuncupatur, eo quod animet, id est, vivificat corpus. Quibusdam autem placuit, ut eam, sensualitatem appellarent. Et secundum hanc non distamus a pecoribus, quia et pecora animam habent, quæ movet et vivificat corpus, et appetit conducibilia, et noxia fugit. Est autem quædam vis ipsius animæ superior, quæ spiritus vel ratio dicitur, per quam distamus a pecoribus: secundum quam scilicet ad imaginem Dei facti sumus, quia per hanc inter bonum et malum, et inter Creatorem creaturamque discernimus. Hæc tria, scilicet spiritum qui intelligit, animam quæ vivificat, corpus quod vivificatur, ita uno loco distinguit Apostolus, dicens: *Integer spiritus vester, et anima, et corpus sine querela, in adventu Domini nostri Jesu Christi servetur* (I Thess. v, 23). Principale itaque nostrum, spiritus est, qui et mens, et ratio, et animus dicitur: nec est aliquid ab ipsa anima diversum, sed quiddam ipsius animæ quod debet præsidere. Inferius autem nostrum est, ipsa vita corporis, id est anima, quæ etiam quia carnalia appetit, caro nominatur. Unde Apostolus: *Mente servio legi Dei, carne autem, legi peccati* (Rom. vii, 25). Et iterum: *Caro concupiscit adversus spiritum, et spiritus adversus carnem* (Gal. v, 17). Caro vero nihil sine anima concupiscit. Ultimum vero nostrum est corpus, quod est etiam visibile. Sæpe vero ita loquuntur Scripturæ, ut hac distinctione non observata, et solo nomine animæ, et solo nomine spiritus, utrumque simul significetur. Dominus enim dicendo in Evangelio: *Animam meam pono pro omnibus vobis* (Joan. x, 15), uno nomine animæ, illud totum quod est anima et spiritus designavit. Dicendo quoque: *In manus tuas commendo spiritum meum* (Luc. xxiii, 46), non spiritum ab anima distinguere voluit, sed uno spiritus nomine utrumque expressit. Igitur quando vivit homo secundum corpus, carnalis vel animalis vocatur. Carnalis, quia carnalia sectatur; animalis vero, quia fertur dissoluta licentia animæ suæ, quam non

regit spiritus, quia nec ipse subdit se regendum Deo. Hæc est vita hominis inordinata, et perditioni obnoxia. Qui autem spiritu animam regit, et per animam corpus quoque coerctet intra metas naturalis ordinis (quod non potest facere, nisi Deum habeat et ipse rectorem) vocatur spiritalis. Hæc est itaque vita ordinata, ut spiritus hominis seipsum Deo subjiciat, id est, paratum se ad Dei voluntatem faciendam exhibeat, et tunc munere divino habebit et ipse carnem, animamque subjectam, id est, rationi obtemperantem. Primus siquidem homo quandiu præceptum obedientiæ in paradiso servavit, spiritalis fuit. Postquam vero peccavit, dimissus de paradiso, in eo remansit ut esset animalis. Et ideo hominem animalem prius agimus omnes, qui de illo per peccatum nascimur, donec per gratiam Dei spiritalis efficiamur. Unde Apostolus : *Non prius quod spiritalis est, sed quod animale; deinde quod spiritale* (I Cor. xv, 46). Etiam nunc in unoquoque homine nihil aliud agitur cum ad peccatum dilabatur, quam tunc actum est in paradiso in illis tribus, scilicet, serpente, muliere, et viro. Nam primo fit a serpente suggestio, sive per cogitationem, sive per sensus corporis, vel videndo, vel tangendo, vel audiendo, vel gustando, vel olfaciendo. Quæ suggestio cum facta fuerit, si concupiscentia non moveatur ad peccandum, excluditur serpentis astutia. Si autem mota fuerit, quasi jam mulieri persuasum erit. Sed aliquando ratio etiam commotam cupiditatem viriliter refrenat atque compescit. Quod cum fit, non labitur homo in peccatum, sed cum aliqua luctatione coronatur. Si autem ratio consentiat, et quod libido commoverit, faciendum esse decernat; ab omni beata vita tanquam de paradiso expellitur homo. Jam enim peccatum imputatur, etiamsi non subsequatur factum, quoniam rea tenetur in sensu conscientia. His ergo tribus modis perpetratur peccatum : suggestionem, quæ fit per diabolum; concupiscentiam sive delectationem, quæ fit per carnem, et animam, et consensum, qui fit per spiritum. Scit namque perversitatis ille persuasor, rationem ad peccati consensum deduci non posse, nisi prius delectatio, sive concupiscentia mota fuerit in ea parte animæ, quæ debet obtemperare rationi, tanquam viro regenti. Et ideo miris modis non cessat suggerere per cogitationem quidquid potest, et (nisi repulsus fuerit) post suggestionem carnis, concupiscentiam inflammare, ut postmodum captivum animum ad peccati consensum pertrahere valeat. Novit autem illo cui inspiret tumorem superbiæ, cui suggerat appetitum inanis gloriæ, cui virus propinet invidiæ, quem ad libidinem inflammet, quem ad iracundiam irritet, quem aliorum atque aliorum vitiorum peste contamineat : prout deprehendere potest diversorum affectiones, variorum vitiorum fomitem recipere. Ipse itaque (sicut de eo scriptum est) *calcaneo*, id est, lapsui nostro *insidiatur* (Gen. iii, 15). Nos autem debemus caput ejus, id est, initium pravæ suggestionis conterere, exercitum semper tenentes gladium spiritus, et aliam de

A qua nos Apostolus instruit armaturam (*Ephes. vi*) Dicit enim Scriptura : *Omni custodia serva cor tuum, quoniam ex ipso vita procedit* (Prov. iv, 23). Cor autem nullo alio modo melius custoditur, quam ut semper sanctis cogitationibus (quantum per gratiam Dei fieri potest) occupatum teneatur, sicut legitur : *Cogitatio sancta servabit te* (Prov. ii, 11). Quod si studiosissime facimus, nunc per lectionem, nunc per orationem, aliquando per psalmodiam, quandoque per sanctam meditationem : impossibile tamen est ut pravis omnino cogitationibus careamus. Sed nullum est periculum, nullum est omnino peccatum, si eas improbe irruentes instantissime abigat spiritus, sive ratio vigilantissime semper excubias agens, et contra illecebrosos ac noxios cogitatus nostros, orationis clypeum, et sanctarum cogitationum munita opponens. Si vero ratio dormitat, et passim quaslibet immundas et noxias cogitationes, non solum ingredi, sed etiam moram in animo facere permittit, increpat nos per prophetam sermo divinus, dicens : *Usquequo morabuntur in te cogitationes noxiæ?* (*Jerem. iv, 14.*) Si autem post pravam suggestionem, per nimiam negligentiam, etiam concupiscentia mota fuerit : tunc saltem debet animus evigilare ; et extinguens ignem excitatum, hostes jam intra januam admissos, fortiter resistendo excludere, ne et ipse (quod absit) peccato consentiens perimatur. Hæc tibi breviter scripsi, petitioni tuæ (sicut potui) satisfacere curans : quæ si tibi grata esse didicero, mercedem tuis orationibus compensabo.

EPISTOLA V.

AD BERNARDUM NEPOTEM SUUM, QUI DE CARTHUSIENSI AD ALIUM ORDINEM TRANSIRE COGITABAT.

De constantia in proposito.

Frater JOANNES, domus Portarum qualiscunque monachus, BERNARDO dilectissimo secundum spiritum filio, et secundum carnem nepoti, debitam in divino famulatu perseverantiam et profectum.

Audivi quod a proposito ad quod te, Christi gratia vocaverat, vis recedere, et ad alium ordinem migrare. Hæc persuasio non est ex eo qui te vocavit, sed serpens, qui seduxit Evam astutia sua, te quoque vult seducere, et ab angusta via, quæ ducit ad vitam, per quam cœperas ambulare, te cupit ad latam et spatiosam viam, quæ ducit ad perditionem, reducere. Audi ergo potius Christum dicentem : *Contendite intrare per angustam portam, quia multi (dico vobis) querent intrare, et non poterunt* (*Luc. xiii, 34*). Non ait tantummodo, *intrate*, sed *contendite intrare*, quia profecto magna contentione et pugna, magno conamine et conflictu opus est, contra infirmitatem et mentis et corporis, contra innumerabiles quæ occurrunt infirmitates, et difficultates, et impedimenta, contra jacula linguarum et contumelias, et detractiones obloquentium ; contra carnales et terrenas cupiditates, contra innumeras tentationes et dolos, atque insidias invisibilis inimici. Sicut enim ait quidam. Novit exsul cœli, quid agatur in cœlo ; et invidens nobis beatitudinem quam

pse perdidit, non cessat (tentamentorum innumeris modis) per se, et per satellites suos elaborare, ut sicut parentes nostros de paradiso seducendo ejecit, ita aliquos bene viventium illaqueando, de paradiso illo excludat: de quo dicit Christus in Canticis: *Hortus conclusus, soror mea sponsa, hortus conclusus.* Paradisus namque hortus interpretatur. Hortus ergo Christi, est sancta electorum in presenti Ecclesia conversatio. Conclusus, id est, protectione divina munitus. In hoc horto germinant lilia castitatis, hyssopus humilitatis, rosæ patientiæ, abietes contemplationis: fragrat etiam myrrha abstinentiæ vel sobrietatis, et thus orationis, cæteraque virtutum ornamenta, quæ diversis aromatum, vel aromaticarum arborum sive herbarum vocabulis in Scripturis significantur. In hoc horto servi Dei, quanto magis proficere merentur, tanto suavius et efficacius carpunt illos fructus Spiritus, quos enumerat Apostolus, dicens: *Fructus autem Spiritus est, charitas, gaudium, pax, patientia* (Gal. v, 22), etc. Horum fructuum adeo amant dulcedinem, ut etiamsi nulla sequeretur futuræ vitæ beatitudo, magnam, imo multiplici fenore abundantem, se jam accepisse a Deo recompensationem faterentur, pro divitiis, et voluptatibus, et mundi gaudiis, quibus abrenuntiauerunt. Nam profecto magna portio, et quædam imitatio futuræ beatitudinis est, nulla superbia inflari, nulla invidia morderi, liberum esse a servitute peccati; nulla ambitione, nulla avaritia, nullis aliis cupiditatibus raptari; prosperis non extolli; nullis adversitatibus frangi, nulli nocere, omnibus velle prodesse; cadenti vel quamlibet injuriam inferenti, non solum læsionem vel injuriam non referre, sed insuper bonum pro malo reddere; omnibus affectum charitatis impendere, Scripturarum sanctarum epulis pasci, Spiritus sancti consolationibus perfrui; exitum de hac vita non solum non timere, sed etiam ex testimonio bonæ conscientiæ, cum desiderio expectare. Hæc et alia hujusmodi ideo appellat Apostolus fructus Spiritus, quia nemo nisi per gratiam Spiritus sancti talis esse potest. Quem quanto abundantius quisque recipit, tanto facilius et efficacius hæc et alia quæ Scripturæ sanctæ docent, implere meretur. Diabolus ergo duobus præcipue tentamentorum modis insurgit adversus eos, quos de paradiso præsentis Ecclesiæ ejicere, hoc est, de sancta conversatione, ad vitam reprobam trahere conatur. Nam, sicut dicit beatus Augustinus, aut terret ut frangat, aut blanditur ut decipiat. Terret scilicet per adversa, suadens intolerabilia, et importabilia esse ea, quæ molesta, dura et laboriosa occurrunt; ut desperatione fracti et dissoluti, a proposito sancto resiliant. Blanditur vero per prospera; ad carnales voluptates, et ea quæ in mundo appetibilia videntur, invitando. Tu ergo animadvertite quæ circa te sunt, et cave ne a serpente seducaris. Pater namque qui quos diligit, corripit, et flagellat omnem filium quem recipit, te per corporalem quam sustines molestiam, cœpit flagellare. Si ergo durum tibi videtur, quod flagellat; incomparabiliter amplius

A tibi dulce esse debet, quia recipit: et gratias agere debes, si tanquam filius mereris flagellari. Si hoc feceris, hæc duo operatur tibi flagellum Patris; quia scilicet et præterita peccata purgantur, et futura caventur. Præterita purgantur, quia hand dubium quin Deus, sicut scriptum est: *Remittet in tempore tribulationis peccata* (Eccl. ii, 13). Futura caventur, quia item scriptum est: *Priusquam humiliarer* (id est priusquam per flagellum affligerer), *ego deliqui* (Psal. cxviii, 67). Nam et in hoc loco, et ubi dictum est: *Humiliatus sum usquequaque* (ibid. 107); hoc est valde, et: *Vide humilitatem meam, et eripe me* (ibid., 153); et: *Vide humilitatem meam et laborem meum, et dimitte universa delicta mea* (Psal. xxiv, 18), et in plerisque aliis locis, humilitas non est nomen virtutis, sed afflictionis. Justus ergo, in persona cujus totus ille psalmus scriptus est, dicendo: *Priusquam humiliarer, ego deliqui*; significavit quod propterea flagellatus est, ut peccaret. Flagellatus vero desiit peccare; ut de se dicit: *Propterea eloquium tuum custodivi.* Audi ergo, non serpente, sed Apostolum dicentem: *In disciplina perseverate*; id est, in flagello perseverantiam nolite perdere. Et adjevit: *Tanquam filius vobis offert se Deus* (Hebr. xii, 7). Si autem, inquit extra disciplinam eritis (id est si flagellari requiritis), *ergo adulteri et non filii eritis* (ibid., 8). Quod si serpenti, concervatione tentationum tibi desperationem facere conanti credere malueris, eris cibus illius, sicut scriptum est: *Serpenti pulvis panis ejus* (Isai. lxxv, 25). Pulvis enim sunt, id est, pulveri comparati illi, de quibus dictum est: *Non sic impii non sic; sed tanquam pulvis quem projicit ventus a facie terræ* (Psal. i, 4). Ventus, id est, tentatio; a facie terræ, hoc est, a stabilitate Ecclesiæ; pulvis, id est impii, qui tentationibus non resistent, sicut pulvis vento resistere non valet. Si serpenti credideris, inter inimicos Dei reputaberis, de quibus dictum est: *Inimici Domini mortui sunt ei, et erit tempus eorum in secula* (Psal. lxxx, 16). Si enim quod in die professionis tui spondidisti, irritum feceris, voti atque mendacii coram Deo et hominibus reuseris. Non solum autem tibi nocebis, sed etiam multis efficietis petra scandali, et multo pluribus nocebis scandalo, quam potuisti prodesse exemplo. Igitur non tantum de tua apostasia, sed de illorum pernicio judicaberis. Dicit enim Dominus: *Væ homini per quem scandalum venit* (Matth. xviii, 7). Job scatus vermibus et percussus vulcore pessimo a planta pedis usque ad verticem, dicebat: *Justificationem meam quam cepi tenere non dixeram* (Job. xvii, 6). Uxore quoque illius suggerente blasphemiam: *Si bona, inquit, suscepimus de manu Domini, melius quare non suscipiamus?* (Job. ii, 10.) Dicit enim Apostolus: *In fame et siti, in jejuniis multis, in frigore et nuditate, in carceribus et plagis, et mortibus frequenter* (I Cor. xi, 27). In periculis, et tribulationibus, et persecutionibus innumeris Christo serviens non deficiebat, sed dicebat: *Gloriamur in tribulationibus, scientes quod tribulatio patientiam*

operatur, et patientia probationem, probatio vero A
spem (Rom. v, 3, 4), etc. Et alibi: Placeo, inquit, mihi in infirmitatibus, in contumeliis, in necessitatibus, in persecutionibus, in angustiis pro Christo (II Cor. xii, 10). Et quare in his omnibus non deficeret, reddit causam alibi, dicens: Omnia possum in eo qui me confortat (Phil. iv, 13). Nec solum eum confortabat, sed et, consolatur nos, inquit, in nostra omnimoda tribulatione (II Cor. i, 4). Tu vero corporali, quamvis tolerabili molesti correptus, animo defecisti: quia spem et fiduciam quam debes habere in Deo de omnibus quæ circa te sunt, vel futura sunt, perdidisti, dissolutus es, et cœpit minui corporis et animi tui fortitudo, sicut dicit sacra Scriptura: Si desperaveris lassus in die angustiarum, minuetur tua fortitudo (Prov. xxiv, 10). Nam si non desperasses, veraciter diceres: In Domino sperans non infirmabor (Psal. xxv, 1). Igitur respisce, et time quod scriptum est: Væ dissolutis corde, qui non credunt Deo; ideo non protegentur ab ipso (Ecclesi. ii, 15); et illud: Væ his qui perdidit sustinentiam (ibid. 16). Respisce, inquam, et super hoc, quia suggestionibus inimici assensum præbuit, poenitentiam agere, et crede Christodocenti: Omnia possibilis sunt credenti (Marc. vii, 23), et quicquid orantes petitis, credite quia accipietis, et fiet vobis (Marc. xi, 24). Pete igitur ab eodem necum instanter et devòte, ut det tibi in suo famulatu perseverantiam, et semper ad meliora profectum: et in corporali ægitudine ita faciat tecum (secundum sære gratiæ clementissimam dispositionem) sicut C ipse novit tibi expedire, et salutare esse. Et hæc orando, crede quia vel sanabit, vel sublevarit, vel citata morte finiet eam. Nam fortasse hoc novit Satan, te scilicet citius moriturum: ideo ita importunus est, ut tibi perseverantiæ bonum tollat. Novimus enim de domo in qua es, et de Carthusiensi, et de nostra, et de aliis hujus propositi particulares exisse, quorum nonnulli post paucos dies, aliqui vero post paucos menses obierunt. Audi igitur Scripturam dicentem: Crede Deo, et recuperabit te (Eccli. ii, 6). Et iterum: Bonus Dominus, et confortans in die tribulationis, et sciens sperantes in se (Nahum. i, 7). Et illud: Spera in eo, et ipse faciet (Psal. xxxvi, 5). Non dixit quid faciet: sed hoc ideo, ut intelligeremus eum omnia D facturum, quæ sperantibus in se necessaria et salu-

aria erunt. Hæc ergo et similia meditando, confortare in Domino, et viriliter age. Si non potes jejuna quantum alii, jejuna quantum potes, certissime sciens, quia non potest in aliqua virtute esse perfectus, cui gulæ vitium dominatur. Nam ut consueta jejunia omnino dimittas, crede mihi, non expedit adolescentiæ tuæ. Noli ergo temporalem et momentaneam corporis sanitatem præponere saluti æternæ animæ. Nam Apostolus dicit: Qui Christi sunt, carnem suam crucifigunt cum vitio et concupiscentia (Gal. v, 24). Et Dominus: Qui non accepit crucem suam et sequitur me, non est meus discipulus (Matth. x, 38; Luc. xiv, 27). De sananda ergo vel leviganda corporis ægitudine, et de jejuniis, et de omnibus omnino quæ ad justificationes Domini pertinent, spera in eo et ipse faciet (Psal. xxxvi, 5). Ipse enim, sicut legitur in Isaia, dat lassos virtutem, et his qui non sunt, fortitudinem et robur multiplicat (Isa. xl, 29). Audi igitur quid dicat Scriptura: Qui mollis est et dissolutus in opere suo, frater est sua opera dissipantis (Prov. xviii, 9). Noli esse inutilis et remissus in tuis operibus, sed spiritualia, quanto studiosius et devotius poteris, corporalia vero suo tempore impigre et quanto utilius et melius valebis, invocato semper auxilio divino prosequere. Hæc meditare: in his esto, ne forte (quod absit) si immundus spiritus vacantem te invenerit, assumptis altissimis, nequioribus revertatur in domum unde exierat, et fiant novissima tua deteriora prioribus. Instantissime autem et devotissime pete a Domino, ut in charitate radicari et fundari merearis. Quod cum obtinueris, tunc (sicut scriptum est) curre et non laborabis, ambulabis et non deficies (Iva. xl, 51). Si credis videre bona Domini in terra viventium, fac quod sequitur: Expecta Dominum, viriliter age (Psal. xxvi, 14), etc. Si sic egeris, mox Spiritu principali confirmatus, Deo gratias agendo exultabis, et inimicis tuis insultabis, dicens: Qui tribulant me inimici mei, ipsi infirmati sunt et ceciderunt (ibid. 1). Et iterum: Confusi sunt, quia speravi (Job. vi, 20). Deo autem gratias agendo dices: Benedicite, gentes, Deum nostrum (Psal. lxxv, 8), etc. Usque et non dedit in commotionem pedem meum (ibid. 9). Adde et reliqua quæ sequuntur, usque illuc: Reddam tibi vota mea quæ distinxerunt labia mea (ibid. 14). Vale, ora pro me. Saluta mihi domum priorum, et alios nominibus suis.

STEPHANI^{us} DE CHALMETO / Fr.

CARTHUSIÆ PORTARUM MONACHI

Étienne de Chalmet.

EPISTOLA

DE PERSEVERANTIA ORDINIS

AD NOVITIOS S. SULPITII ORD. CISTERC.

(Ex codice ms. S. Augendi Jurensis seu S. Claudii.)

Dilectissimis In Christo fratribus, BONAAMICO, et sociis ejus apud Sanctum Sulpitium in annua examinatione positis, Stephanus de CHALMETO, Spiritu principali confirmari.

Quidam amici vestri rogaverunt me (supra id quod enim fortasse me existimantes) ut ad confirmandos, sive confortandos vos, quam possem operam impenderem. Unde ego volens non tam subvenire necessitati vestræ, quam non deesse charitati, cum Dominum priorem consulissem, visum est ei ut hæc schedula meo nomine ad vos dirigeretur. Igitur non ego tanquam emeritæ militiæ veteranus, tyrones instruo, sed quasi miles adhuc ad nova bella rudis, quæ ad meam, sicut ad vestram æque vel confirmationem vel exhortationem valeant, profero. Debemus ergo, tam ego quam vos, divinæ circa nos misericordiæ opera sollicita pietate considerare. Primum quidem, quod non conclusit nos in manibus inimici, sicut merueramus, ut (juxta quod scriptum est [Apo. xxii, 11]) qui in sordibus eramus, adhuc sordesceremus; sed contra merita nostra, non solum misericorditer, verum etiam potenter eduxit nos de lacu miseræ, et de luto fæcis, ubi jacebamus. Deinde quod tantam nobis sobrie et juste, et pie vivendi opportunitatem concessit; præveniente nos gratia sua, ut non facillora et leviora quæque pusillanimitatis spiritu eligeremus, sed eam potissimum serviendi Domino viam, constanter aggredieremur, quæ quanto arctior, tanto ad salutem certior, quanto magis ardua, tanto securior, et ad perveniendum compendiosior. Pro quibus omnibus debitam quotidie gratiarum actionem ei, qui nos vocavit exhibentes audiamus Apostolum dicentem: *Hortamur vos ne in vacuum gratiam Dei recipiatis* (II Cor. vi, 7). In vacuum gratiam Dei recipit quisquis prout ab eo præparationem sive opportunitatem accepit gratiæ Dei, non operatur. In vacuum etiam Dei gratiam recipit, qui missa manu ad aratrum retro respicit (Luc. ix, 62), quales (dicente Domino) non sunt digni nec apti regno Dei: *habentes* (juxta Apostolum) *damnationem, quoniam primam fidem irritam fecerunt* (I Tim. v, 12). Cum magno pondere et tremenda divinæ vocis denuntiatione dictum est: *Memento uxoris Loth* (Luc. xvii,

51). *Noli retro respicere, ait angelus ad Lot, nec steteris in omni loco circa regionem, sed in monte salvum te fac* (Gen. xix, 17). Qui vocante nos divina gratia montem conscendimus, id est, arduum atque supremum virtutis atque justitiæ iter arripimus, (*Justitia, inquit, tua sicut montes Dei* (Psal. xlv, 7) non debemus ad campustria regionis descendere, id est, ad facillora quælibet et minus laboriosa declinare, ne forte involvant nos incendia Sodomorum, aut ne sicut Abel a Cain, ita nos a diabolo trucidemur. In campo quippe Abel occisus est. Campus autem est lata et spatiosa via, quæ ducit ad mortem et perditionem. Licet ergo mors Abel pretiosa fuerit in conspectu Domini, non incongrue tamen eorum exitium intelligitur significare, qui nihil arduum vel laboriosum aggredientes, in campo, id est, in lata mundi via a diabolo perimuntur. Ait ergo Dominus ad Moysen: *Non coques hædum in lacte matris suæ* (Deut. xiv, 21). Nomine igitur hædi, intelliguntur peccatores. Hædi quippe ad sinistram in judicio stabunt, et in lege hircus pro peccato jubetur offerri (Lev. xxiii, 19). Lac vero matris est facillior Ecclesiæ doctrina, secundum quam merito permittuntur vivere, qui nulla gravia delicta commiserunt. Nos ergo quanto minus abstinemus ab illicitis, tanto justius nobis amputavimus licita, ad lac matris Ecclesiæ pertinentia: ut dignos penitentiae fructus faciendo, veniam a Domino et misericordiam consequamur. Igitur juxta apostolicam exhortationem, videamus, *ne forte sit in aliquo nostrum cor malum incredulitatis, discedendi a Deo viro et vero* (Hebr. iii, 12): sed adhortemur nosmetipsos per singulos dies, ut non obduretur quis ex nobis fallacia peccati. Si non capiant nos blandimenta, quæ suggerit tentator, ut seducat: si non terreant nos ea quæ difficilia et intolerabilia esse proponit, ut frangat; adjuvante Domino, qui refugium factus est nobis, facile omnes tentationum laqueos superabimus. In ipso enim sperantes non infirmabitur, nec delinquent omnes, qui sperant in eo. Fidelis namque, qui non patietur nos tentari supra id quod possumus; dicente Apostolo: *Patientia vobis necessaria est, ut voluntatem Dei facientes, repertis*

promissiones (Hebr. x, 36). Per patientiam igitur A curramus ad propositum nobis certamen (Hebr. xii, 1): recogitantes quantam pro nobis, et patientiam, et obedientiam usque ad contumelias et mortem crucis, exhibuerit Christus; ut non fatigemur animis nostris deficientes. Non enim dictum est, qui cœperit, sed, qui perseveraverit usque in finem, hic salvus erit (Matth. x, 22). Cum autem ipsa infirmitatis nostræ experientia doceamur quam vera sit illa Domini sententia, qua dicit: Sine me nihil potestis facere (Joan. xv, 5); cum misericordia ejus prævenierit nos, certum est quod ipse non subtrahet nobis auxilium gratiæ suæ, nisi ipsi prius subtraxerimus nos. Unde in persona ipsius Domini dicit Apostolus: Justus autem meus ex fide vivit (Hebr. x, 38). Quod si subtraxerit se, non placebit animæ meæ. Mox vero ex sua et electorum voce subjungens Apostolus: Nos, inquit, fratres, non sumus subtractionis filii, in perditionem, sed fidei, in acquisitionem animæ (ibid., 39). Quibus verbis satis terribiliter insinuavit, qui sint filii subtractionis, eos esse etiam filios perditionis. Nisi autem cum debita perseverantia digne ambulaverimus vocatione qua vocati sumus, dicente apostolo Petro: Melius erat vobis non cognoscere viam justitiæ, quam post cognitionem retrorsum converti (11 Petr. ii, 21). Unde etiam Salomon: Sicut canis qui revertitur ad vomitum, sic imprudens, qui iterat stultitiam suam (Prov. xxvi, 11). Atque iterum: Vir qui erraverit a via doctrinæ, in cœtu gigantum commorabitur (Prov. xxi, 16). Hic vero nomine gigantum, superbi, atque a Deo alieni, vel dæmones, vel homines significantur. Quia C vero quidam cum ad nostrum vel vestrum propositum venerint, solent vel de nostro ad vestrum, vel de vestro ad nostrum suspirare; ne vero et nobis hujusmodi suggestionibus tentator illudat, audiamus Apostolum dicentem: Unusquisque in qua vocatione vocatus est, in ea permaneat (1 Cor. vii, 20). Unde Salomon: Sicut avis transmigrans de nido suo, ita et vir qui relinquit locum suum (Prov. xxvii, 8).

Et iterum: Si spiritus potestatem habentis ascenderit super te, locum tuum ne dimiseris (Eccli. x, 4). Quoniam autem abundante iniquitate refrigescit claritas multorum, et quidam a serpente seducti, et a vestro et a nostro proposito resilientes, plus nocent scandalo quam profuerant exemplo (non formidantes illam dominicæ denuntiationis tremendam, terribilemque sententiam qua dicitur: Væ homini per quem scandalum venit (Matth. xviii, 7); cavere valde debemus ne plus perturbet nos paucorum retro abeuntium levitas, et inconstantia, quam confirmet multorum perseverantium gravitas et constantia. Imo vero sicut debet nos roborare honorum perseverantia, ut perseverantior atque viriliter stemus; ita debet nos cautos et sollicitos reddere perversorum apostasia, ne cadamus. Et juxta Domini vocem in Evangelio, fiant novissima nostra deteriora prioribus (Matth. xii, 45). De cætere Scripturis sanctis legendis, audiendis, meditandis, aure fidelissima debemus intendere, et quicquid in eis invenerimus, de destruenda per humilitatem superbia, de superanda per mansuetudinis et patientiæ lenitatem iracundia vel impatientia, de fuganda per fervorem spiritus torporis et teporis negligentia, de repellendo per benignitatis gratiam livore invidiæ; de calcando per testimonium conscientie appetitum inanis gloriæ, de orationis instantia, de jugi cordis et oris custodia de apprehendendis quatuor virtutibus, prudentia, temperantia, fortitudine, et justitia; de observanda in incessu, in silentio, in colloquio, in omni statu et actu, gravitate et modestia; de vitando per sinceræ obedientiæ subjectionem, in obedientiæ malo, de apprehendendo debite cum pio profectu perseverantiæ bono; postremo de ea, quæ est omnis consummationis finis et legis plenitudo, charitate; debet quotidianis coram Deo profectibus et incrementis, in conversatione et moribus nostris apparere. Valete. Vestris et totius sancti conventus orationibus, per interventionem vestram me commendo-

EPISTOLA ALEXANDRI PAPÆ III

Ad Arthaudum priorem Alveriz, de schismate illius temporis.

(Ex Archivo domus Alveriz, ordinis Carthusiensis.)

ALEXANDER episcopus, servus servorum Dei, dilecto filio A. prioris Alveriz salutem et apostolicam benedictionem. Dum piam simplicitatem, etc. (*Hanc epist. vide inter opp. Alexandri PP III.*)

APPENDIX.

Probationes eorum continens quæ de tribus Bernardis Portarum prioribus, et his illigato Nantelmo, in præfatione ad lectorem disputata sunt.

1. — Rainaldus reclusus Sancti Ragniberti, circa annum Christi 1134.

(Ex tabulario Carthusiæ Majorevi.)

Guido de Aranda omnem calumniam quam fratribus Majorevi faciebat super pascuis eorum dere-

liquit: juravitque in manu Rainaldi reclusi Sancti Ragniberti, fidelem eis adiutorem et amicum fore. Et inde habuit tres solidos, duodecim nummos, et septem denarios. Testes Bernardus Portarum prior, Hugo procurator Majorevi, et Donatianus monachus Sancti Ragniberti.

II. — *Bernardus de Portis, prior Portarum ex episcopo Bellicensi, anno Christi 1147.*

(Ex tabulario Carthusiæ Majorevi.)

BERNARDUS de Portis, Portarum prior dictus, in Christo dilectissimis HUMBERTO priori Majorevi, et fratribus ejus salutem et omne bonum.

Notum sit vobis quod G. de Benuntia laudavit quidquid pater suus vobis perpetuo concesserat in monte de Chevillaco, ad meam requisitionem cum adhuc Bellicensis episcopus forem. Promisit pariter idem Giraldus vobis omnem fidelitatem et retentionem cunctis diebus, sicut pater suus promiserat. Hoc autem factum est in Ecclesia nostra, die sancti Thomæ apostoli, anno Christi millesimo centesimo quadragesimo septimo, coram toto conventu nostro, et Paulo et Antonio los Forts domicellis, et Petro Moschet de Latiniaco.

III. — *Nanthelemus episcopus Bellicensis, qui vulgo Anselmus, ad annum Christi 1164.*

(Ex tabulario Carthusiæ Majorevi.)

Ad concordiam et pacem futurorum, ut quietius in silentio vivant, placuit antiquis res gestas litteris memoris commendare. Noverit igitur quicumque hanc chartamegerit vel audierit, quod ego Nanthelemus humilis Bellicensis ecclesiæ episcopus, ad domum venerim Majorevi, ob quasdam calumnias quæ obortæ fuerant inter domum illam et milites de Rubemonte; inter quos pax hoc modo Deo largiente reformata est. Remota siquidem omni querela, et sedato omni rancore et discordia, concesserunt et libere dederunt dominus Willelmus et dominus Garnerius cum filiis suis, pro se suisque omnibus vivis et defunctis, fratribus Majorevi omnia quæ ab ipsis vel antecessoribus dono vel pretio acquisierant, et quibus ipso die investiti erant. Terras scilicet et memora, pascuarum usum per omnem terram quæ infra eadem continetur pascua: ita ut nullam persecutionem ejusque ordinis vel religionis, in terra prædicta ad habitandum suscipiant, imo suscipere volentibus pro posse suo omnino resistent. Excepto quod dominus Garnerius in villa de Mionz, in eo quod suum est, religiosos quos voluerit potest suscipere ad habitandum; non ad pascua eremitis data devastanda, nisi quantum ad ipsam villam pertinet: ubi etiam pecoribus Majorevi transitus non negatur. Præterea omnia quæ fratrum Majorevi sunt, in mantenentia et custodia sua susceperunt; euntibus et redeuntibus ad domum supradictam, firmam de se suisque hominibus securitatem dederunt: et si quam aliquando injuriam sæpeditis fratribus, vel ad se venientibus, vel redeuntibus fecerant, veniam suppliciter postulaverunt. Hæc quæ dicta sunt fideliter intellexi, promiserunt et juraverunt in manu nostra dominus Willelmus de Rubemonte, et filii ipsius Willelmus et Aimo, dominus Garnerius; et filii ejus Willelmus, Gruffredus, Garnerius, Gaucerrannus. Laudantibus etiam idipsum uxoribus eorum, quæ ad eremum venire non poterant. Definita vero sunt hæc apud Majorevum, in domo inferiori, anno

ab Incarnatione Domini millesimo centesimo sexagesimo quarto. Interfuerunt autem hæc determinationi mecum hi. Guillelmus capellanus noster, monachus Portarum. Magister Anselmus canonicus Bellicensis, Andreas etiam Sancti Selpicii monachus, et Willelmus monachus. De Majorevo Humbertus prior, et Hugo procurator, conversi, Bonulfus, Philippus Girardus, Willelmus: sacerdotes seculares, Vicardus de Balmeto, Jordanus et Willelmus de Breuno, Humbertus de Barco, Daa et Johannes de Isinana. Milites vero Hugo et Vicardus de Balmeto, Aalardus de Biliniaco, Garnerius de Balmeto, Jordannus de Camberiac, Erardus de Martiniaco, Jordanus et Aimo de Enhafol. Fuit etiam ibi Guido præpositus Bellicensis, Lambertus clericus, et Pocius frater ejus de Balmeto, Willelmus pellicerius de Nantuaco. Sciendum vero est quod pro prædicta concessione et donatione, Willelmo de Rubemonte condonatae sunt sex libræ Gebennensium. Filii etiam domni Garnerii supradicti in conventa monachorum laudaverunt quæ prædicta sunt, et habuerunt inde ferme quadraginta solidos Gebennensium.

IV. — *Origo castri Majorevi in valle de Meria, ubi nunc Carthusia ejusdem nominis.*

(Ex tabulario Carthusiæ Majorevi.)

RAINALDUS Dei gratia primæ Lugdunensis Ecclesiæ minister humilis.

Notum facimus universis, quod nos vidimus, et de verbo ad verbum legimus diligenter quasdam litteras, sanas, integras, non rasas, non violatas nec corruptas, sigillo aureo perantiquo munitas, quarum tenor talis est: *Noverint omnes presentes et futuri quod Valentinianus imperator anno decimo regni ejus concessit Majorevo ejus cubiculario, quidquid ei antea dederat in montibus et vallibus, prope vallem Helnonis, prope vallem Michaliæ et prope montem del Cambes, cum omnimoda potestate altæ et basse; domos, turres, castra et urbes construendi, leges condendi, propria numismata fabricandi, et ita agendi ac si esset imperator. Eo quod ille maluit oculis orbis dextro, quam clavum cubicali imperatoris tradere Arbogasti hosti. Apud Isernoros Kalendis Aprilis. A tergo autem hæc scripta erant. Majorevus edificavit urbem del Balmeto, a qua nomen est sortitus, et castrum proprio nomine ab ipso vocatum Majorevum in valle de Meria, dicta a justis arborum évulsarum, ad coercenda latrocinia Jovini Popæ nefarii et ferocis templi Montisægrorum. Genuit Majorevus Ginioldum del Balmeto post triginta septem nepotes ab ipso directe descendentes, Ginioldus Pontium procreavit, Pontius vero Ritboldum, Ritboldus Nortboldum. Nos vero ad preces Aimonis domicelli del Balmeto, presentem transumptum fecimus sigillari sigillo nostro, itaquam conveniens cum originali. Testes fuerunt. Willelmus de Colongia, Albo de Monte aureo, G. pœnitentiarius, Le. senescalcus refectorii. Datum anno ab incarnatione Domini 1213, mense Aprilii, cum sigillo ejusdem pontificis.*

ANNO DOMINI MCC

SANCTUS HUGO

EPISCOPUS LINCOLNIENSIS IN ANGLIA

ORDINIS CARTHUSIENSIS

HUGONIS VITA

AB ALEXANDRO

Ut videtur, monacho ac postea abbate monasterii S. Augustini Cantuariensis, libris quinque conscripta.

(Edidit R. P. Bern. Pezau, *Bibliotheca ascetica*, X.)

MONITUM.

Hæc ut primum vidit reverendissimus et celsissimus S. R. I. princeps et episcopus Pataviensis, Josephus ex comitibus de Lamberg, in bibliotheca inclitæ Carthusiæ Gemnicensis in Austria, illico dignissimam censuit quæ in lucem publicam ederetur. Nec id adeo mirum. Nam sui in ea animi imaginem statim agnovit antistes pietissimus alterque Germaniæ nostræ Altmannus. Tanti præsulis autæ acensus vir venerabilis ac undequaque doctissimus, celeberrimi loci vicarius, admodum reverendus et cl. P. Leopoldus Widemannus, non uno nomine universæ Europæ jam notus, ad hos e veteri bibliothecæ suæ codice libros erudendos mox se accinxit, eosque eruditissimis notis et observationibus illustratos mihi typis evulgandos liberaliter amanterque commisit.

Vita hæc præto cuidam amplissimo amœnissimoque consimilis est, unde omnigenarum virtutum veluti flosculos legant non solum privati ascetæ et Christianæ pietatis studiosi, sed Ecclesiarum etiam præsules, qui læcè facile discant quantum roboris ac fortitudinis animo concilient, etiam adversus potentissimos, vanarum mundi rerum despicientia et mens divinis rationibus conformata. Singula hujus generis in magno Hugone exempla curatius hic recensere nostri ævi mores non sinunt. Qui Franciæ ac Anglicæ historiæ cupidi sunt, multa de rebus Henrici II. Joannis, aliorumque utriusque regni principum hinc cognoscent, quæ alias nusquam existent. Sed ista pluribus monere vix hujus loci est.

Auctoritatem operi non exiguam affert quod ejus auctor pluribus locis indicet se sancto Hugoni non modo æqualem, sed et familiarem fuisse (Vide libri I, cap. 9, et libri V, cap. 2, 20, 25 et 24). Unde præterea liquet eundem sancti episcopi capellanum exstitisse. Audiendus ipse in prologo libri II, col. 961 : « Cum Lincolnensis, inquit, Ecclesiæ præsulatum annis jam Hugo bis senis, et diebus quinquaginta tribus religiosissime administrasset, placuit sanctitati suæ parvitatem meam de vitæ claustralis dulcedine in sollicitudinum suarum qualescunque solatium assumere, suoque inseparabiliter lateri sociare. A quo tempore annos tres et dies quinque, quandiu scilicet in corpore postea vixit, ab ejus nunquam, nisi per unam solam noctem, absui comitatu, die semper ac nocte adhærens ei, et ministrans sibi ipsi. Hujus igitur spatii temporis omnia fere quæ de illo libellus præsens continebit, aut propriis vidi oculis, aut a sanctis ipsius labiis audivi.

Porro auctorem hujus S. Hugonis Vitæ, quam ab alio quodam Carthusiano in compendium, servatæ tamen primigenia phrasi, redactam hic damus, fuisse monachum Benedictinum, et quidem monasterii S. Augustini Cantuariensis, aperte colligitur ex prologo libri I et II, ac libri V cap. 25, ubi videsis notam 545, et ejusdem libri cap. 12 et 22. Ac hæc quidem extra controversiam sunt. De proprio ejus nomine duntaxat dubitari potest propterea quod in originaria eaque proluxiori Vita, teste Molano in Adnotationibus ad Usuardi Martyrologium die 17 Novembris, nomen suum non nisi hoc modo expresserit : « Dominus et amicus in Christo charissimis Q. priori, et qui cum eo sunt Withamiensibus monachis, minimus frater A. » nec in isthuc, quod exhibemus, breviario aliter ab abbreviatore exprimitur, ut ex ejusdem abbreviatoris prologo constat. Theodorus Petreus in *Bibliotheca Carthusiana*, dubitans tamen, Vitæ S. Hugonis, Lincolnensis episcopi, scriptorem appellat *Adamum*, uti et abbas Morotius. Verum cum hunc Adamum velint floruisse circa annum 1340, manifestarium est hunc esse non posse fratrem A. auctorem magnæ ac originariæ Vitæ, hic compendio redditæ, cum ille ea se tradere testetur quæ suis ipse oculis viderit, aut ex labiis sanctissimi episcopi hauserit, imo qui ultra triennium adhæserit, ut numero præcedente vidimus. Potuit tamen hujus breviarii auctor esse Adamus, ex doctore theologo Carthusiano, qui circa annum 1340, quem ei assignat Morotius, florere debuit. Adest enim in membraneo Carthusiæ Gemnicensis codice alia magnæ Vitæ Hugonis abbreviatio hoc titulo : *Incipit secunda abbreviatio Vitæ S. Hugonis episcopi Lincolnensis. Igitur Hugo nobilibus religiosisque parentibus*, etc. Cum itaque secunda abbreviatio manu sæculi XIV exarata in laudato codice Gemnicensi exstet, abbreviatio prima inferioris sæculi esse non potest. Atque hæc de auctore abbreviationis magnæ Vitæ S. Hugonis, qui quanta fide et curâ

majus illud opus in compendium redegerit, ipse sat explicat in præfatione libri I, et cl. Pater Leopoldus in Adnotatis accurate observavit: licet omnino fatendum sit abbreviatorem hunc amplius de posteris mortuorum fuisse, si resectis duntaxat moralibus digressionibus ac locis communibus, *præfationem ipsius fratris A. in librum I* reliquaque omnia, ut ut pauca, historiam tamen non nihil illustrantia, nobis conservasset. Sed ad fratrem A. primarium magnæ Hugoniana Vitæ auctorem redeundum, videndumque est quis sub hoc principe litterarum elemento probabitur delitescat.

Verò mihi similitudinem semper visum fuit hunc fratrem A. alium non esse quam Alexandrum, « natione Anglum, professione monachum, ordinis S. Benedicti apud Cantuariam, et tandem ibidem in cœnobio S. Augustini abbatem, » ut refert Joannes Pitseus De illustribus Angliæ scriptoribus ad an. 1217, pag. 287, ubi et sequentia de Alexandro commemorat: « Hic cum esset ingenii felicitis, et fere a teneris, ut aiunt, unguliculis, sollicitam in bonis artibus habuisset educationem, in virum doctissimum evasit. Cum autem ad eruditionem eminentem accessisset, solidum iudicium, matura prudentia, et mira in rebus agendis dexteritas, multa etiam in Deum pietas, in proximum charitas, dignus unanimitate suorum consensu habitus est, qui toti conventui præficeretur. » Has notas ingenii animique characteres a Pitseo Alexandro tributos egregie convenire fratri A. primariæ Vitæ S. Hugonis scriptori, mox reperiet, qui vel unum ac item alterum ejus librum apud nos evolverit, in quibus insignis pro illo ævo eruditionis, prudentiæ, iudicii ac probitatis indicia singulis prope paginis deprehenduntur. Ast pergit Pitseus de Alexandro: « In quo munere (abbatiali) administrando cum se ad aliquot annos strenue prudenterque gessisset, et fama virtutum ejus usque ad ipsius regis Joannis aures pervenisset, rex eum consuluit super controversiis quas eo tempore gravissimas habuit cum summo pontifice. Alexander regem in spem bonam induxit, rem omnem componi posse dicitans. Cum itaque rex hominem in suas partes nonnihil propendentem deprehendisset, anno Domini 1206, eum legatum Romam super dicto negotio misit. In qua legatione tam aperte se pro rege stare declaravit, eique tam fideliter in omnibus adhæsit, ut magnam adversarum partium sibi coulaverit invidiam. Unde factum est ut successu temporis, rege mortuo, a Pandulpho summi pontificis in Anglia legato, fuerit excommunicatus, omnique ecclesiastico beneficio, munere et functione privatus. Atque ita ferunt eum in paupertate et miseria vitam finivisse. » Hactenus Pitseus de Alexandro, cujus aliorum ingenii monumentorum catalogum loco citato texit, additque, « dici eum usque ad annum Christi 1217 pervenisse, quo feliciter in Anglia regnum suum inchoavit Henricus III. »

Ex his porro novum robur conjecturæ nostræ de Alexandro, magnæ Vitæ Hugoniana auctore accedit. Nam hunc non solum ad annum 1217, sed etiam ad 1220 pervenisse, patet ex libri I, cap. 9, ubi refert Hugonem canonizatum a papa, id quod evenisse sub Honorio III dicto anno ex Raynaldo certissimum est. Quod si cui hic locus suspectus sit, et glossæ abbreviatoris videatur, saltem ex prologo libri V palam est, eum adhuc vixisse et scripsisse anno 1212, qui Joannis Angliæ regis quartus decimus est, ipsissimusque, quo se scribere ibidem testatur. Vide adnotata doctissimi Wydemanni ad hunc locum. Itaque cum et ætas, et eruditio, et littera initialis in Alexandrum, Cantuariensem S. Augustini monachum et abbatem quadret, nec de ullo alio ejusdem cœnobii, tunc quidem, claro scriptore, cujus nomen ab A. incœperit, constet, vix dubitandum amplius videtur, fratrem A. magnæ Vitæ Hugoniana auctorem, eundem esse Alexandrum. Verum de fratre A. cujus opus integrum sine dubio vidit Laurentius Surius, et in aliud compendium suo stylo redegit, hactenus.

DISSERTATIO

De anno quo S. Hugo in episcopum Lincolnensem consecratus sit.

Sanctum Hugonem die S. Matthæi apostoli et evangelistæ in episcopum Lincolnensem consecratum fuisse, ac anno 1200, die 16 vel 17 mensis Nov. obisse concors scriptorum sententia est. Verum de anno quo illa consecratio evenierit, non idem omnes statuunt. Baronius, Raynaldus et Antonius Pagius in critica Baronii, Rogerium et Mathæum Parisium secuti, contendunt Hugonem consecratum fuisse anno 1186. Neque de hoc anno lis admodum moveri posset, nisi auctor Vitæ quam hic dedimus, et cum eo Laurentius Surius, dubitandi occasionem præberent.

Ac auctor quidem Vitæ, licet prædictum, nec ullum definite alium consecrationis annum in sua historia usquam commemoret, pro anno tamen 1085 potius quam sequente stetit, ex diversis locis, mox adducendis, manifeste colligitur. Surius, qui nec ipse in contextu annum exprimit, dum annos et dies ab auctore Vitæ in prologo lib. II positos colligit, recte scribit: « Hugo tenuit cathedram episcopalem annis quindecim et quinquaginta octo diebus. » Anni siquidem et dies in prologo ab auctore memorati et a Surio putati, totidem ipsos annos et dies conficiunt: qui si abstrahantur a die 16 Novembris, qua S. Hugo anno 1200 et vivis excessit, necessum est eum consecratum fuisse anno 1185, non anno sequente. Raynaldus tom. XIII Annal., pag. 48, arbitratur Acta in numero annorum mendo laborare, et loco annorum *quindecim*, putat *quatuordecim* legen-

dum esse. Verum in Acta a Surio edita nullum irrepsit mendum, nisi a primario auctore forsitan ante Surium, errore vix credibili, admissum. Auctori autem si non majorem, saltem non minorem tribuero fidem, quam quæ Rogerio aut Parisio tribuitur. Ille enim ultra triennium S. Hugoni familiaris fuit, et in hac vita, sicut ex nostris notis et observationibus liquet, accurati scriptoris partes exsecutus est. Rogerius vero, licet subæqualis fuerit, utpote teste Oudino tom. III Hist. Script. eccl., col. 96, an. 1237 mortuus, nec tamen sancto convixit, nec ejus vitam singulari studio digessit. Parisius autem, Rogerio recentior, ex eodem plura in Historiam suam transtulit, ut idem refert Oudinus, cit. loc., col. 211. His præmissis afferenda jam sunt loca ex hac ipsa Vita, quibus ostendatur sanctum Hugonem præcise anno 1185 in episcopum consecratum fuisse.

I. Prologo lib. II agnoscit auctor Vitæ S. Hugonem « annis bis senis et diebus quinquaginta tribus » ante suum ad eum accessum fuisse episcopum; et subdit se ab eo tempore « annis tribus et diebus quinque » nunquam, nisi una unica nocte, ab ejus comitatu abfuisse, dum Hugo postea vixit. Anni hi, diebus adjuncti, dum efficiunt annos 15 et 58 dies, deducunt nos ad annum 1185, et probant hoc anno Hugonem factum esse episcopum, ut cuilibet intuenti patet.

II. Libro V, c. 7, hæc leguntur: « Hactenus fere per tredecim annos a relictis prædecessorum meorum

vestigis non recessi. » Et : « Protrahitur inter hæc tempus a festo S. Nicolai pene usque ad Kalendas Septembris. » Et rursum : « In die doctoris eximii S. Augustini continuo salutavit eum, » Hugo nempe regem. Quibus omnibus laudato capite sequentia præmittuntur : « Uno igitur anno et fere mensibus quatuor ante mortem suam rex Anglorum Richardus in gravem contra ipsum (Hugonem) exarsit iram tali de causa. » Ex quibus, quomodo eruendus sit annus 1185 jam nunc videbimus.

Obiit Richardus Angliæ rex, ut apud omnes in confesso est, anno 1199, die 6 Aprilis. A festo autem S. Nicolai sive 6 Decembris anni 1197 usque ad diem Aprilis anni 1199, transitit cum mensibus quatuor annus unus, a quo rex in gravem contra Hugonem iram exarsisse narratur. Protrahitur interim a prædicto S. Nicolai festo anni 1197 tempus pene usque ad Kalend. Sept. anni 1198, videlicet usque ad festum S. Augustini, quod non longe a Kalendis Septembris distat; et in hoc festo Hugo regem audientem missarum solemnita salutavit, et ab eo oseulum petiit et accepit.

Si igitur S. Hugo, uti supra citati viri doctissimi volunt, in episcopum consecratus fuisset anno 1186, die S. Matthæi, profecto nec anno 1197, die S. Nicolai, nec anno quidem 1198, die S. Augustini complevisset annum episcopatus sui duodecimum, multo minus inchoasset tertiam decimum: quem tamen, si anno 1185 die prædicta factus est episcopus, anno 1197, die S. Nicolai ante duos menses et ultra inchoaverat, et anno 1198, die S. Augustini, fere compleverat, dempto unico, nec integro mense.

III. Libro v, cap. 12, narratur historia de muliere a dæmone delusa, et precibus S. Hugonis liberata. Liberatio hæc aut facta est Hugone adhuc existente priore in Witham, aut eo in episcopum recenter consecrato. Prius adversatur auctoris menti tum propter illa verba : « Digressis ab invicem episcopis, » tum ob illa : « Et hæc quidem Oxoniensis episcopus retulit episcopo nostro. » Alterum dependet ex anno, quo Bartholomæus Oxoniensis præsul obijt. Huic non superstitem fuisse anno 1186 liquet ex Chronico Trivetii apud Acherium tom. III Spicilegii, p. 165 nov. edit., in quo ad hunc annum legitur : « Joannes cantor Oxoniensis, factus ejusdem Ecclesiæ episcopus. » Si Joannes hoc anno factus episcopus, igitur Bartholomæus aut jam obijt, aut a se episcopatum abdicavit. Decessisse autem hoc anno Bartholomæum testantur Annales Wintonienses part. I Angliæ sacre, pag. 302, his ipsis verbis : « Anno 1186 Bartholomæus Oxoniensis episcopus obijt. » His majorem utique fidem adhibendam judicabunt viri docti, quam Oudino, qui illius obitum, et de hoc ipso quidem dubitans, anno 1185 consignat.

Sed forte obijt Bartholomæus postremis anni 1185, diebus, sæt ante diem 25 Martii anni 1186. Atque hinc orta fuerit levis de anno contentio, dum hi a Natali Domini, alii a prima Jan., alii a Paschate ultim annum inchoarent. Demum ergo Bartholomæum mortuum fuisse aut post Natale Domini ultimis anni 1185 diebus, aut ante 25 Martii anni 1186, juxta hodiernum temporis calculum: quo casu conciliari quidem poterit Oudinus cum Annalibus Wintoniensibus. Ast nos ex narrata hic historia habemus evidentem probandi rationem, Hugonem non anno 1186, sed 1185 in episcopum fuisse consecratum. Consecrationi enim anno 1185 factæ potuit interesse Bartholomæus, et tunc mulieris casum Hugoni retulisse, et aliquanto tempore elapso ereptionem ejusdem infortunatæ addidisse. Minime vero illi adesse, casumve referre potuisset Hugoni jam episcopo, si primum anno 1186 is consecratus fuisset, propterea quod Joannes anno eodem, uti ex Trivetio vidimus, jam ex cantore existit episcopus Oxoniensis, mortuo utique jam Bartholomæo suo antecessore.

IV. Libro III, cap. 1, de vacatione sedis Lincolnensis hæc habes : « Vacaverat vero paulo ante sedes tam egregia annis circiter decem et octo, duobus

A videlicet et semi, post translationem præfati episcopi (Walteri) quindecim vero ante illius consecrationem. » Ex quo loco, ut iterum eliciatur annus 1185, præmittenda nonnulla sunt. Et quidem primo, vacationis dictæ tempus ab anno, quo Robertus episcopus Lincolnensis obiit, numerandum esse usque ad annum quo ei S. Hugo in thlo episcopatu successit. Secundo, Robertum obiisse aut anno 1166 post Natale Domini, aut saltem ante 25 mensis Martii an. 1167, ut hoc modo conciliantur Annales Wintonienses, qui ejus mortem ad annum 1163 referunt, cum Trivetto, juxta quem decessit an. 1567. Tertio, Galfrido, solo nomine episcopo Lincolnensi anno 1181, uti ad hunc annum vult Baronius, a sede apostolica injunctum fuisse, ut aut munus benedictionis obtinere studeret, aut episcopatu renuntiaret. Quarto, Galfridum reapse renuntiasse, idque in manus Richardi Cantuariensis archiepiscopi « anno 1182 in Epiphania Domini, » ut Whartonus testatur part. I Angl. sacre, pag. 75, in notis. Quinto, etsi non certum, probabile tamen esse, eo tempore quo de abdicatione Galfridi agebatur, etiam actum fuisse de promotione Walteri in episcopum Lincolnensem, eo anno, forsitan et mense quo Galfridus renuntiavit, consecratum, ne sedes, quæ tam diu vacaverat, diutius vacaret. Sexto, Walterum vix uno anno integro episcopatu Lincolnensi præfuisse, eum a Giraldo Cambrensi, coævo, annis ibidem episcopus existisse dicitur. Septimo, juxta Chronicon Rothomagense, a Labbeo tom. I Nov. Bibliothecæ editum, Rotrodus archiepiscopus an. 1183 obijt, eique successit Walterus, quo mense dicti anni aut ille obierit, aut hic successerit, non additur.

His præstructis, statuamus jam Robertum Lincolnensem, si non anno 1166, uti Wintonienses Annales volunt, saltem ante diem 25 Martii anni sequentis obiisse, adeoque quindecim illos annos, quibus ante consecrationem Walteri sedes illa tam egregia vacasse dicitur ab autore Vitæ S. Hugonis, præterlapsos fuisse, si non in fine anni 1181, certe ante diem anni 1182. Addamus quindecim his annis annum unum, non inter vacationis tempus computandum, quo Walterus, teste Cambrensi, sedem Lincolnensem rexit, et his sedecim annis addamus etiam annos duos et semi, quibus post translationem Walteri iterum sedes illa vacavit. Hi anni simul juncti efficiunt octodecim annos ac menses sex, et, si a 24 Martii anni 1167 numerentur, præcise 21 Sept. anni 1185 complebuntur.

Quod si a dicta die et anno usque ad diem 21 Septembris anni 1186 calculum inire velimus, reperiemus annos novemdecim et menses sex: cogemurque totum biennium Waltero in episcopatu Lincolnensi tribuere, quod erit Giraldo contrarium, a quo, ut supra observatum, non nisi *annuus* ibidem episcopus dicitur. Imo et ultra biennium Waltero tribuendum foret, si Robertus aut anno 1166 aut in Januario anni 1167 obiisset. Militat igitur hæc ratio longe fortius pro an. 1185 quam pro anno sequenti, et stat pro annis quos auctor Vitæ sive ante consecrationem Walteri, sive post ejus translationem enumeravit.

Dubium interea occurrit a quo anno et mense sint quo illi anni et semi, quibus post Walteri translationem juxta auctorem Vitæ Lincolnensis sedes vacavit, inchoandi. In Chronico Rothomagensi, supra citato, additur ad annum 1185: « Hoc anno receptus est Waltherus, etc., in festo B. Mathiæ in archiepiscopum Rothomagensem. » Si semitertius ille vacationis annus a die S. Mathiæ anni 1185 esset inchoandus, cogemur asserere Hugonem primum anno 1187 factum episcopum, quod omnibus universis repugnat. Non ergo a receptione Walteri in festo S. Mathiæ, sed a nominatione regis, quæ fieri poterat statim ab obitu Rotrodi, qui forte obijt in primis anni 1183 mensibus, licet receptio successoris ob alia obstacula fuerit dilata, semitertius ille annus erit numerandus: et ita recte deducemur ad annum

1185. Nominari autem potuisse a rege Walterum A anno 1185, circa mensem Martium, posset ex eo colligi quod Galterus anno 1182, in die Epiphaniæ, resignaverit, Walterus ei quidem successerit, sed non nisi unius anni episcopus Lincolnia fuerit, et Rotrodus anno 1183 mense tamen incerto, obierit : et quod Walterus ideo, teste Giraldo, Lincolnia Rothomagum translatus sit, ut regi in consiliis et arduis negotiis propius adesset : quæ forte causa, quod a rege non longe ab obitu Rotrodi Walterus in archiepiscopum nominaretur.

His quatuor rationibus inducor, ut credam, secundum mentem auctoris Vitæ S. Hugonem anno 1185, die S. Matthæi, in episcopum Lincolnensem consecratum fuisse. Ratio prima et secunda pro hoc anno satis perspicuæ et evidentes sunt, nec minoris ponderis ratio tertia, cum Bartholomæus Oxoniensis juxta Annales Wintonienses anno 1186 obierit, et eodem anno secundum Trivetum Joannes eidem successerit. Quarta vero ratio cum ex multis circumstantiis dependeat, quæ vel veræ vel falsæ esse possunt, eruditi lectoris judicio et examini subjecta esto.

Porro quid huic pro anno 1185 sententiæ nostræ ex hac Vita opponi possit, non video. Dubium unicum movet Trivettus, ad hunc annum ita scribens : « Rex Anglorum mare transiens diem Paschæ Rothomagi celebravit. » Et iterum : « Rex Francorum

regem Anglorum infirmitate tactam visitavit 11 Id. Nov. » Et demum ad annum 1186 : « Rex Anglorum una cum regina in Angliam transiens in porta Hamtone applicuit v Kal. Maii. » Si igitur rex anno integro hæsit in Northmannia, non videntur potuisse fieri anno 1185 in Anglia, quæ ibidem facta fuisse lib. III, cap. 1 hujus Vitæ narratur. Verum toto anno regem extra Angliam hæsisse vix credibile est. Potuit enim rex Pascha celebrasse Rothomagi anno 1185 ; eo celebrato in Angliam mense Maio redire, Hugonis electioni favere, ipsoque consecrato in Northmanniam reverti, ibidem in adversam valetudinem incidere, a rege Francorum invisi, ac demum Angliam sequenti anno repetere. Quo dato, dispartent nubes quæ ex Trivetto contra nostram sententiam et ipsum præsentis vitæ auctorem adduci posse videbantur.

Multo adhuc levius est, quod contra annum 1185 forsitan objici posset, eo scilicet anno festum S. Matthæi, in quo secundum omnes S. Hugo consecratus fuit, in Sabbathum incidisse, et anno demum sequenti in diem Dominicam, quæ consecrationibus episcoporum destinata est. Nam præterquam quod nec auctor Vitæ, nec Rogerius nec Parisius, nec quisquam alius asserat S. Hugonem die Dominica sacra episcopalia suscepisse, consecrationes episcoporum etiam in festis apostolorum fieri potuisse, extra controversiam videtur. Sed de his satis.

SANCTI HUGONIS

EPISCOPI LINCOLNIENSIS IN ANGLIA ORDINIS CARTHUSIENSIS

Alexander Cantuariensis

VITA

LIBRIS QUINQUE CONSCRIPTA.

PROLOGUS ABBREVIATIONIS VITÆ HUGONIS EPISCOPI LINCOLNIENSIS.

Inspecta serie descriptionis Vitæ beati Hugonis, C quam composuit frater A., de quo in salutatione ante prologum mentio sit expressa, inventum est ibi contineri verborum dilatationes, quas pro ornatu et ædificatione apposuit frater prædictus, nec tamen sunt de substantia rei gestæ. Inseruntur etiam digressiones variæ, quibus, non nostri Hugonis, sed aliarum vita describitur personarum. Adhuc autem ad hunc nostrum Hugonem contingentibus interponuntur aliqua minus notabilia, quæ pro vitanda prolixitate nimia videntur potius omittenda. Sane prolixitas jam præacta in causa fuisse creditur, quare minus libenter hactenus lectus est, et auditus liber continens seriem antedictam. Ideo pro honore sancti, et tam lectoris quam auditoris fastidio removendo, visum est mihi plurimum expedire, sub breviori compilatione præsentis volumini inserere illa quæ de Vita et conversatione sancti de quo igitur, magis notabilia sunt inventa. Nec aliqua invenies in hoc volumine, nisi sumpta de serie prædicta

Dividitur autem volumen istud abbreviationis per libellos quinque, sicut liber continens majorem seriem memoratam. In quorum primo agitur de vita et conversatione gloriosissimi nostri Hugonis a pueritia sua usque ad suam in Angliam transmigrationem. In secundo de transmigracione et gestis suis in regimine domus Withamie ante episcopationem. In tertio, qualiter in episcopum est creatus, et quam strenue cœpit episcopale officium exercere. In quarto autem et quinto adjicitur de pluribus ejus factis laudabilibus, tam miraculosis, quam aliis. Nec videtur horum libellorum inter se et a tertio ratio alia distinctionis, nisi ut per distinctionem ipsam minuatur legendi et audiendi fastidium, quod majus foret, si coprehenderentur tres in uno. Prologi vero de verbo ad verbum hic, sicut in majori volumine supractæ, libellis singulis proponuntur. Capitulum vero aliquorum non servatur ordo. Sed nec omnia capitula inseruntur, quia aliqua sunt sublata, et contenta quædam ibi sub quibusdam capitalis, hæc ad capitula alia transferuntur

Explicit prologus abbreviatoris.

LIBER PRIMUS.

CAPITULUM PRIMUM.

Qualiter Hugo genitricis solatio destitutus, et regulari collegio clericorum una cum genitore sociatus, jugum Domini ab infantia portaverit, et inseruntur de sua institutione puerili verba ejusdem.

Hugo (1) genitricis solatio, cum necdum ætatis metas excessisset, orbatus est, collegioque regularium clericorum una cum genitore brevi postmodum sociatus. Erat ferme octennis, cum militiæ spiritualis subiit tirocinia. Boni quippe parentis, salubriter pro eo invigilantis, solertia prius docetur militare Deo, quam addisceret vivere mundo. Sic demum infantile corpusculum flagella pædagogi attrahant, sic disciplinæ compedes motus in eo pueriles coercent, ut et virtutibus vitia præteriret, et tota vita ejus præsens a sui ortu usque ad occasum unum esset atque jure martyrium. Ipse quidem de seipso, familiariter sæpius cum suis agens, talia referebat: « Reversa, aiebat, ego mundi hujus gaudia nunquam attigi, Jocos nunquam didici, ludere nunquam scivi. Pater, inquit, meus, cum pueriles ingressus annos elementa jam prima litterarum percepissem, patrimonium liberis suis (2) in funiculo distributionis partitus est; portionem vero, quæ inter fratres me contingebat minimum, regularium (3) clericorum collegio contulit. » Nec diu moratus, omnia quæ mundi sunt funditus abiciens, Christi militiam subiturus, tiro in castris cælestibus, in mundanis jam emeritus, repente efficitur, vitæ regularis cujus jam olim gesserat mentem suscipiens vestem, et, quod sibi concessum non fuisse medullitus gemebat, in ipso mundi ingressu de mundo egredi, quæ mundi sunt, nescientem facile persuadens, me (4) pariter secum spiritalis vitæ consortem ascivit.

Est ecclesia (5) in territorio Gratianopolitano, canonicæ professionis clericos fovens, numeroque (6) ad minus septem. Spectat quoque cum suis incolis locus ipse ad matricem et cathedralem ecclesiam Gratianopolitanam. Hanc semper affectu coluit speciali genitor meus, quæ et suis castellis (7) ac terris situ erat confinis; et ipse, ut filius devotus, majoris ecclesiæ gratiam in filiæ ipsius reverentia se complecti gaudebat. Inter canonicos illius loci senior quidam, religione celeberrimus, scientia quoque spectabilior cæteris habebatur.

(1) Ex stemmate de Avalim. Unde lib. II, cap. 1: Natalibus quidem clarus dicitur, sed morum strenuitate longe præclarior, nomine Hugo de Avalim. Et abbas Morotius in Theatro Carthus.: « Hugo nobilis Delphinus, cujus genitor oppidi vulgo Avalon, tertio lapide a Gratianopolitana urbe discreti, dominus erat. »

(2) Wilhelmo saltem et Petro, qui laudantur lib. III, cap. 13, et lib. IV, cap. 4.

(3) Canonicæ professionis clericis. Unde liquet Hugonem fuisse primum canonicum regularem. Subditur enim mox: « Inter canonicos illius loci se-

A Huic nobillium liberi certatim a parentibus traduntur, sæcularibus simul et ecclesiasticis litteris imbuendi, nec non et ethicis informandi disciplinis. Hic mihi sacras litteras inter ipsa rudimenta summpere ingerens, blandimentis quibus posset et monitis teneros animos meos ad solidioris spiritualisque amorem doctrinæ accendere nitebatur; a ludendi vero jocandique vanitate mentis meæ intentionem varia arte suspendens, honestis implicabat cujuscumque rei exercitiis. Coævus autem et sodalibus pueris frequenter ex more ludentibus, mihi talia leniter instillabat paternæ dilectionis hortamenta: « Non te, inquit, dilectissime mihi, stolidam illiciat vagaque levitas sociorum; sine illos. Sorti tuæ istorum studia minus conveniunt. » Addebatque: « Hugonete, Hugonete, ego te Christo nutrio, Jocari non est tuum. »

CAPUT II.

De ejusdem profectu in scientia et virtute, et quam devotus ac sedulus in divinis officiis ac fratrum obsequiis existebat.

Jam vero pubertatis tempore, adolescentiam mediis in eo annis dirimente, quantum discretioris et scientiæ, quantum virtutis et gratiæ fons ei infuderit, quem sitiabat, vitæ, nullus de facili posset stylus evolvere. Vigebat pro tunc ingenii acumine magno, velocius, quæque vellet, addisceret. Memoriam vastissimis gaudebat apothecis, ubi; quæ nulla oblivione didicisset perdenda, reconderet. Hæc tamen naturalia nullius fuissent momenti, nisi gratiæ apposita et præclara, quæ discerentur, suggereret, et cumulatis quæ suggestisset propagando auget. Fervebant in pectore meditationum examina beatarum, flagrabant cælestium odoramenta gaudiorum.

Cœpit interea divinis adeo sedulus adesse officiis, ita quoque sollicitus fratrum inservire obsequiis, ut utrobique nihil minus quam se totum impenderet. Nihil unquam oblivio, nihil quævis poterat occupatio sedulitati ipsius furari, quin Deo quæ Dei erant, et, quæ proximorum proximis in prætermisere et inoffense, prout sibi competebat, pro tempore et loco reddere meminisset. Nec tantum deputata sibi explere satagebat officia, sed omnia tanquam specialiter, a se credebatur exigi, quæ, teste conscientia, pro cuiuslibet utilitate aut refrigerio a se possent exhiberi.

nior. »

(4) Pater igitur una cum filio se tradidit memorato collegio; non post illum, ut quidam a-serunt.

(5) Villa Benedicta nomine, vulgo *Vilar Beneith*, in qua Hugo, ut lib. V, c. 22, refertur, sacræ religionis libavit primordia, cui et bibliothecam donavit, sicut ibidem memoratur.

(6) Videtur erratum in numero, et legendum, « decem ac septem. »

(7) Inter hæc castrum de Avalim, « cujus, inquit Hugo lib. III, c. 13, frater noster Wilhelmus arcem, noscitur obtinere. »

Denique, cum talia de eo, coram eo jam episcopo, qui eum tunc temporis noverant, fratres aliquoties, me quoque præsente, referrent, ipse aiebat: « Uti que posteaquam Carthusiam adii, nescio si vel semel mihi subrepsit morantia in officio aliquo quod implere deberem. » Dicitur autem vulgo morantia inter monachos, cum legendi, cantandi vel serviendi munus sibi assignatum obmittit quis, unde moram patitur functio regularis. Dicebat vero, non quidem jactanter, sed constanter ista de se: « Cum enim in dedicationibus ecclesiarum, in celebrationibus ordinum, vel quantumcunque in diurnis nocturnisque officiis per incuriam ministrorum, cantorum seu lectorum aliqua tardatio emergebat, talem suorum castigare cupiens negligentiam, hæc eis de se ipso habendæ in divinis officiis exemplum diligentiae intimabat. » In eo autem hæc perseveravit in finem diligentia cunctis cognoscentibus, miranda facilius quam imitanda. Nunquam præsens tumultuantis frequentiae importunitas, nunquam transactæ vel præsentis cujuscunque disceptationis implicitas, aut alius taliscunque casus, undecunque emergens, ei potuit subrepere, quin corde semper vel labiis paratum et promptum haberet, quidquid tempore et hora, tam in altaris quam in alterius officio ministerii, esset prosequendum.

CAPUT III.

De patris sui commendatione, et quam humiliter ac devote ministraverit ei Hugo noster, ejusdem obsequiis specialiter deputatus.

Ut autem captæ narrationis ordinem seriatim prosequamur, Hugone (8) jam adulto, pater ejus senectutis extremæ crebris cœpit urgeri incommodis. Tanta vero idem in utraque, prius scilicet in mundana, ac deinceps in spiritali obtinuerat militia virtutis palmam, ut nihil suis gratius haberetur commilitonibus, quam ei in omnibus gratum deferre contubernium. Fuerat enim modestiæ singularis, moribus sua via et honestus, comitate strenuus, benignitate acceptissimus. Igitur Hugoni, qui fratribus universis devotione viribus totis deserviebat filiali, prioris sui

(8) Octennis ferme Hugo militia spiritalis subiit tirocinia, et tunc pater ejus, uti cap. 4 relatum est, regularis vitæ vestem suscepit. Cui dum Hugo, jam adultus, in infirmitatibus inservivit, oportet et patrem illius aliquot annis in sacra religione vixisse.

(9) Mortuus igitur fuit pater Hugonis ante illius in Carthusiam secessum, non post illum, uti quidem insinuant.

(10) Ex titulo hujus et quorundam aliorum capitulum liquet abbreviatorem quædam contraxisse, auctoris verba quidem retinendo, sed reseccando, quæ putabat superflua.

(11) Si anno 1200 Hugo obiit, teste Surio, jam sexagenarius, videtur natus fuisse: circa annum 1140 et in levitam ordinatus anno 1158 aut sequenti.

(12) Is erat Gaufridus ex Carthusiano per id temporis ibidem episcopus. Et hic est ille, de quo in actis S. Anthelmi apud Bollandianos illa legitur: « Anthelmus cum egregiæ sciendiæ viro, atque in Scripturis valde erudito Gaufrido consocio suo, » etc. Eundem his celebrat abbas Morotius: « Godefridus episcopus Gratianopolitanus, Othmari supra laudati

mandato injungitur speciali, quatenus suo præcipue et peculiarius, in quibus opus haberet, serviret genitori. « Nihil enim, ait, mihi aut cæteris fratribus præstabis gratius, quam si viro adeo spectabili nihil voti denegaveris obsequii. Te vero inter fratres nullus devotior, sed nec humiliter prouior, aut officiositate nemo te promptior invenitur, cui a nobis adeo grati viri cura demandetur. » Excipit libens, libentisque exsequitur adolescens pius patris jussa spiritalis erga necessitates carnalis imo et spiritalis quoque parentis, per quem se potius gaudebat, non solum fuisse Deo genitum et oblatum, quam mundo antea procreatum.

Videres jam eum, qui in singulorum obsequiis fratrum, gratiam sibi uberiorem conciliaverat universorum, in eo quam maxime universis placere, quod in paternis necessitatibus studia vinceret singulorum. Quod namque viro strenuissimo exhiberi universi et singuli præoptarent, solus ille pro cunctis implebat. Hunc igitur, ut ipse sæpius gratulando referebat, de cætero (9) quandiu supervixit, ducebat, portabat, vestibus et calceamentis tegebat, nudabat, lavabat, extergebat, lectum ei sternebat, cibos languenti parabat, paratis debilem ipse cibabat. Hæc et his similia dulcius ei sapiebant, cum ea faciebat, quam saperent mella comedenti, atque quælibet pigmenta vehementer sitiendi. Accipiebat millies ad singula hæc benedictiones ab ore patris, et has corde avido sitienter hauriebat. Sciobat namque, quod benedictiones patrum confirmant domus filiorum. Nimirum benedictiones omnium gentium daturus illi Dominus, præveniebat eum in benedictionibus dulcedinis, dulcem, amabilem et benedictibilem illum exhibendo universis.

CAPUT IV.

Qualiter ordinatus levita, mox prædicationis studio plebem informans, cellulam S. Maximi regendam accepit, et ita laudabiliter rexit. Et sub hoc comprehenditur quintum capitulum magnæ Vitæ (10).

Annum vero ætatis jam ingressus (11) nonum decimum, petente omni cætu fratrum, per venerabilem Gratianopolitanum (12) antistitem, gradum coactus

in hujus institutionis (Carthusiensis) parente domo olim collega eundem fati concedentem pastorali in sollicitudine excipit. Exstat in tabulario Gratianopolitano diploma Friderici imperatoris sub dato an. 1161, in quo principis titulo insignitur. Qualis quantusque vir Godefridus fuerit, dignoscere licet ab auctore anonymo Vitæ S. Anthelmi Bellicensis antistitis, apud quem hoc elogio attollitur: « Ordo Carthusiensis, primus ante omnes, in Ecclesia occidentali, quemadmodum satis constat, Alexandrum pro catholico et vero pontifice habendum, » eique præstandam obedientiam, confirmavit. Equis autem ejus rei auctor fuit? nimirum Anthelmus, et cum eo Gaufridus, sapiens et egregia facundia vir, atque in divinis Scripturis eruditissimus. » Ejus quoque mentio in Indice pastorum hujus gregis vulgato a Joanne Cheuu, Claudio Roberto, et Scævola ac Ludovico Sammartanis. » Hæc Morotius in Theatro ord. Cart., parte tertia, anno 1681, edito Taurini. In adnotatis ad Vitam S. Anthelmi, pag. 234, scribit Henschelius: « Gaufridus hujus alibi miramur nullam reperiri mentionem. »

et invitus ascendit leviticum. Cœpit etiam mox sanctæ prædicationis studio plebem informare, et ad amorem cœlestis patriæ torpentium corda instantius excitare. Peccantes publice coram omnibus arguebat. Gaudebant si quidem universi in verbis gratiæ, quæ procedebant de ore ejus; sed præ cæteris prior suus, vir religiosus et pius, qui eum educaverat et qui ut animam suam eum diligebat. Hic corde lætissimo suum alumnum cum sublimitate vitæ sublimari cernens verbo gloriæ, contendit etiam ipse eum ad altiora attollere.

Vicinam igitur cellulam, quam vocant Sanctum Maximum, eo quod loci ejus basilica sancto est Maximo, regentium nobili patrono, consecrata, ei committit regendam. Quam ille rebus quidam necessariis pene vacuam (quia recusare obedientiam obedientiæ addictum legibus fas non erat) suscepit, bonisque in brevi ubertim implevit. Loci sane ipsius possessiunculæ vix unico ad honestam videbantur habitatori sustentationem cum familia parva sufficere. Verum Hugo, sciens melius duos simul esse quam unum, noluit esse solus, ne sibi quandoque dici potuisset: « Væ soli, quia si ceciderit non habet sublevantem se (Eccle. iv, 6). » Sciens quoque juxta viri doctissimi sententiam: « Sicut junioris juveniorem, ita cœhabitationem senioris esse tutiorem. » presbyterum concanonicum annis et moribus gravem accepit in socium. Ageli curam et vinearum rusticis timoratis commendans, ipse et lectioni et orationi vacabat. Factumque est ut in brevi, locus rerum et incolæ morum stipendiis ditati, celebrem opinionis bonæ circumquaque famam obtinerent. Ipse quippe et sui, qui cum ipso erant, in sua abundantia sobrie, et pie, et juste viventes, egenis subministrabant alimoniam, divitibus honorificentiam exhibentes. Saeræ vero exhortationis studio, non solum ecclesiæ suæ parochianos, verum etiam confluentes undique turbas ad audiendum verbum Dei, instantius edocebat, monens unumquemque pro status sui conditione irreprehensibilem se catholicæ traditionis et piæ per omnia conversationis sectatorem exhibere.

CAPUT V.

Qualiter illud evangelicum: « Si peccaveris in te frater tuus » circa quendam dictæ cellulæ parochianum

Occasione hujus præter elogium abbatis Morotii, addo testimonium ex miss. sæc. XIII, statatis erutum, sic habens: « Ob tenorem et confirmationem totius propositi nostri, ego Basilius Carthusiæ prior dictus, et cæteri fratres nostri, uno animo et una voce domum nostram communi capitulo corrigendam tradimus, servatis institutis quæ in præsentiarum scripto vel consuetudine religiose servamus. Ob eundem quoque propositi tenorem B. Portarum prior communi capitulo pro se et pro domo sua obedientiam promisit. Quod et cæteri priores singuli ordine suo subsequenter fecerunt. Item ad confirmationem prædicti capitali domus Carthusiæ a domino Godfredo Gratianopolitano episcopo litteras accepit hunc modum continentes: « Ego G. Dei gratia Gratianopolitani episcopus rogatu B. Carthusiæ prioris et cæterorum fratrum ibidem Deo famu-

A *exsecutus est de peccato adulterii diffamatum (13).*

Erat autem inter creditas curæ suæ oviculas ôvis quædam morbida, erratica, lupinis ultro se morsibus ingerens. Crimine si quidem adulterii quidam ex parochialibus suis pertinacius laborabat. Verum quid curæ, quid sollicitudinis, quid instantiæ huic impenderit pastoris boni sequipeda bonus, ejusdem potius verbis absolvere dignum duximus. Nam vice quadam plurimis consædentibus viris litteratis, contigit ipso præsentem, et cum eisdem familiariter plura conferente, a quibusdam canonici nec non et civilis juris peritis quæstionem illam de Evangelio proponi, qua Dominus Petro dicit: « Si peccaverit in te frater tuus, corrippe illum inter te et ipsum solum (Math. xviii, 15). » De his vero quæ sequuntur, scilicet de adhibendis secum duobus vel tribus testibus, seu de forma dicendi Ecclesiæ peccatum fratris, aliis sic, aliis vero sic diffinientibus, sed in eandem assertionem minime accedentibus episcopus deinde quid sibi videbatur protulit, suamquæ sententiam exempli hujus prosecutione astruxit.

« Dum, inquit, adolescentulus quondam mihi traditæ parochiæ regimen ipse quidem diaconus administrarem, simplici quodam sacerdote, quod sui erat officii, in sacramentorum sive officiorum ecclesiasticorum celebrationibus vel collationibus exsecuente, notam, imo, quod deterioris est, noxam adulterii quemdam ex parochianis meis contigit incurrisse. Compertam ego mali famam ægre satis tuli, rem diligentissime inquisivi, inventam et agnitam, cooperante Domini nostri gratia, hoc progressu emendavi. Conveni virum inter me et ipsum solum, dixique pro negotio et loco, quæ dicenda putavi. Ille contra reatum suum pertinaciter inficiari, irasci et, quatenus ausum mentis suggerebat cæca obduratio, comminari etiam mihi cœpit et convitari. Abecedens domum, tam tristem me reliquit, quam se incorrigibilem ad tempus ostendit. Præcepti vero hujus evangelici memor, duobus priman; ac postea tribus testibus, qui rem æque noverant, mecum adhibitis, hominem corripui, correctionem ei suasi, et veniam correcto mediante satisfactione repromisi. Distulit ille correctionem polliceri, criminis vero nec suspicionis materiam sustinuit aboleri. Tandem ejus reatum jam omnibus manifestur

« lantium præfatam domum communi capitulo, si
« cut generali consilio totius ordinis decretum est
« episcopali auctoritate corrigendam, et in proposit
« Carthusiensi in perpetuum conservandam con
« cedo. Decernimus etiam, quod si prædicta domus
« a suo proposito ad aliud propositum, quod Deus
« avertat, aliquando se transferre tentaverit, vel
« prior, vel persona quælibet ipsius domus, vel
« etiam tota domus obedire prædicto capitulo no
« fuerit, sententiæ excommunicationis tam nostræ
« quam totius capituli subiaceat. »

(13) De narratis in hoc capite nihil reperitur apud Surium, præter hæc pauca: « Iungitur ei cuiusdam parochiæ administratio, qua adeo perfectus functus est, ut simul omnes dicerent magnæ eum prudentiæ et sanctitatis virum fore. »

(*media in ecclesia quadam die solemniter palam coargui, immanitatem*) flagitii cum totis audientibus denotavi, et tradendum eum Satanæ interitum carnis, si non citius resipiscat, terribiliter denuntiavi. His ille et territus vehementer, et confusus in medium prosilivit, et peccato suo non sine genita et imbre lacrymarum renuntians penitentiam egit, atque correctus et reconciliatus veniam accepit.)

Hæc vir sanctus de his. Quæ præsentis historiae idcirco inserenda putavimus, quatenus ex his manifestius pateat lectori, quid sollicitudinis et zeli, quid discretionis et studii circa salutem animarum vir Deo plenus ab ineunte ætate habuerit, ut non immerito super multa sui Domini bona in modico reperit fidelissimus, tempore demum opportuno videatur constitutus.

CAPUT VI.

Qualiter cum priore suo Carthusiam invisit, et visam dilexit.

Verum, ut dicit Scriptura sancta: « Cum consummaverit homo, tunc incipiet (*Eccli. xviii, 6*). » Jam Hugonem pro modo suæ professionis, ac supra modum suæ ætatis, perfecte consummatum in virtutum apice omnibus exclamantibus, ipse nec initium quidem perfectionis vel dignæ conversationis se attingisse putabat. Comperta vero sancta et sublimes opinione Carthusiensium monachorum, inexplebili cordis desiderio eorum anhelabat informari exemplo. Ac primo quidem dissimulata hujus desiderii vehementia obtinere studuit, ut simul cum priore suo (14), jam superius memorato, illorum mereretur aspectu et affectu potiri. Quo facto, laetus mox in ejus pectore spiritalis illius conversationis amor succensus est, ut nullatenus incendii ejus flammam intra se posse cohibere. Experiebatur enim jam feliciter ardens infeliciter ardentis verum eloquium dicentis:

Ubi magis legitur, totius magis aestuat ignis.

Intuebatur vero, et intuendo mirabatur locum, ipso quoque situ nubes pene supergressum, cælisque contiguum, ac ab omni penitus terrenarum inquietudine senosum. Considerabat tantam ibi opportunitatem vacanti soli Deo: cui negotio hoc præcipue videbatur administrari, prædives scilicet librorum abundantia, legendi facultas copiosa, orandi quies inconcussa. Et quidem quoad loci dispositionem hæc ita se habere dignoscuntur. At in loci habitatoribus attendebat carnis mortificationem, mentis serenitatem, spiritus libertatem, hilaritatem frontis et puritatem sermonis. Insituta eorum solitudinem, non singularitatem commendabant; segregabant mansiones, sed mentes sociabant. Unusquisque habitabat secum, nec agebat, aut habebat aliquid suum. Omnes seorsum, et communiter quisque debebat. Seorsum manebat unusquisque, ne experiretur impedimen-

tum ab alio; communiter debebat, ac fraterno privaretur solatio. Hæc et his similia notata ibidem, ac etiam obedientiæ securæ munitio (quæ multos sæpe solitarios destituit ac extremæ perniciæ exponit) Hugoni placebant, Hugonem rapiabant, ipsamque tanquam extra se effectum sibi funditus vendicabant.

Erat in illo cœtu sanctorum senior (15) quidam, magni quondam in sæculo nominis, tunc quoque in sancto proposito celeberrimæ opinionis. Huic Hugo secretius pectoris sui æstus aperiens, nec tam consilium, an faceret quantum quoniam pacto quam citius, quod optabat, perficeret, cum genuit et terra ab ipso inquirens, longo aliud quam sperabat responsum accepit. Intrens namque vir prudens adolescentem, ut aspectus renuntiabat, qualitate delictum et ætate (16) tenellum: sciens etiam ipsum natalibus clarum, nec moribus ejus credebat, posse rigorem illius ordinis congruere: nec viribus convenire. Hunc ergo sic terrificæ responsione, quasi a tali præsumptione compescens, aut potius constantiam animi ejus explorare nitens, inquit: « Istud, o filiole, quomodo vel cogitare præsumis? Homines, quos rupes incolere præsentis cernis, saxis omnibus duriores sunt, nec sui acuiant, nec aliorum secum habitantium misereri. Locus iste horridus ipso visu est, ordo usu gravissimus; ipsius cilicii asperior amictus eum et carnes desuper ossibus vivo tibi abraderet; disciplinæ rigor teneritudinem istam, quam in te intueor, penitus exossaret. »

Hic vero Christi tiro, et Martini beatissimi familiaris cultor et devotus imitator, illato terrore constantior, Laurentii secum invictissimi eloquium tacito versabat in pectore, qui prolatore ante se omni tormentorum genere terrere eum cupientibus ait: « Has ego epulas semper optavi. » Ut enim caninus injectis exsilit aquis, et flammarum in sublime comas extollit sic sanctorum ignescens desiderium, cum obviant adversa, fortius convalescit.

CAPUT VII.

Qualiter ad prioris sui instantium fide interposito juravit, quod ipso superstite ad ordinem Carthusiensium nullatenus transvolaret; et fidem non sereno, nec tamen de fidei transgressione scrupulum habuit, unde profectum tantum cepit.

Senem itaque memoratum, tanquam votis suis crudelius adversantem, declinans, aliis quibusdam e fratribus hos cordis sui æstus confestim pandit. Nec morantur illi cum ingenti favore et instanti exhortatione persistendi in salubri proposito, eum et assensum impertiri ei, et auxilium polliceri. Tunc Hugo, gaudio gestiens infinito, hæc priori suo (17) celanda summopere deprecatur. Evangelicæ nimium institutionis sedulus æmulator inventum menti-

(14) Id est, superiore villæ Benedictæ, qui titulo prioris supra, cap. 3 et 4, honoratur.

(15) Verosimiliter ipse Basilius tunc prior Carthusiæ, cui præ cæteris incumbere novitios probare, et recipere.

(16) Annorum videlicet circiter viginti trium, cum nondum uti infra ex cap. 9, constat, esset sacerdotio initiatus.

(17) Præsidenti in villa Benedicta.

nit thesaurum abscondi oportere, donec tam omnis omnibus quæ habuisset, potius quam venditis, emere illum mereretur et securius possidere.

Verumtamen, licet dissimulatione multa, quod moliebatur, legere niteretur, effugere tamen suspicionem solertis nequivit pastoris, nimio eum amore celantis. Unde ad propria eis sub festinatione regressis, sic lacrymis ora suffusus senior illum affatur: « O, inquit, filii charissime, scio, utique scio, quia in grande malum meum, et in irreparabile Ecclesiæ meæ damnum, te ad Carthusiam duxi. Te sibi Carthusia totum rapuit, totum te possidet. Nos interim te corpore tenus vix tenemus, sed anima tua nobiscum non est. Sed nec istud, vereor, diu erit: nam spiritum ab ineunte secutus ætate, carnem villas ducens, illius procul dubio impetu, non istius ductus, nobis in brevi es abducendus. Proh dolor! lumen oculorum meorum sic subito exstinguitur, et baculus meæ senectutis, cum eo jam solito plus indigeam, nutabundo præripitur. Sed nunquid dulcedo mellis mei sic derepente vertetur in absinthium, et gloria mea, qua de filio sapiente tantum gloriabatur pater, ita redigetur in nihilum? Miserere, filii, miserere potius patris tui, nec tantæ strenuitatis tuæ solatiis canos meos, jam busto proximos, cæstitudo, innatæ tibi pietatis et compassionis cancellos transcendas. Quod si materna viscera Ecclesiæ, quæ te Deo genuit, si paterna piorum dulcedo, quæ te suaviter fovit, non funditus revocavit animum ad perfectiora æstuantis, saltem in hoc paternæ condescendas senectuti, ne adhuc spirantem deseras, quia modo in te solo debuit respirare. »

Inter hæc et huiusmodi, jam utriusque spiritum luctus absorbit, cum resumpto vix flatu senex etiam hæc est locutus: « Spero, inquit, spero de ingenta tibi bonitate confusus, dilectissime filii, quia exaudisti me. Juret ergo mihi in nomine Domini Dei sui filius meus, quod patre derelicto (18) Carthusiæ usibus, dum advivam, minime sociabitur. Alioquin suspicionis telum, quo viscera spiritus mei atrociter transfixit timor, nullatenus avelletur. » Deus bone! Quid inter hæc mentis, quid animi servo tuo fuit (quantus in corde ejus geminæ dilectionis conflictus sæviebat?) O mira res! o et perplexitas mira! Utrobique tempestas, et utrinque serenitas, hinc inde et ad naufragium et ad portum impellunt fluctuantem. Si vocanti ad perfectiora non obediat Deo, deseritur una charitas; si potestati contradicat ordinata a Deo, gemina læditur charitas. Una deseritur, quæ Dei est; gemina non impletur, quæ Dei et proximi est. O angustię undique, sed præ nimia, quod dictu mirum est, latitudine? Quid tamen faciet, sic dilatatus et sic angustatus? Dicere inter hæc po-

terat: O anima dilatata, o et anima angustata, quid eligam, ignoro. Verumtamen dico ego quod horum elegeris, sive præstiteris, sive renueris præstare, quod posceris, vita, non mors, tibi est. Verum quid egeris, quem exitum inveneris, et qualiter effugeris manus importunas jam videamus.

« Solitus utique et assuetus obedire præpositis et subjacere eis, nescius contradicere, ignorans nolle acquiescere, das manum exigenti, et præcipienti fide corporaliter præstita satisfacis, atque exitum de cætero tui negotii divino prorsus arbitrio committis. Sed paulo post, cum hæsitares aliquandiu, et quid ageres ignorares, et cum dispendia vitæ spiritualis quotidie sustineres, et contra fidem datam venire potius abhorreres, infudit subito cordi tuo superna clementia verissimæ et lucidissimæ radium discretionis, inspirans tibi et certificans te plenissime sacramentum non esse observandum, inconsideratus extortum contra utilitatem animæ aut in detrimentum veræ salutis. Sciens igitur et exultans, quia revera ista in te loqueretur Dominus Deus tuus, audiens eum et exaudiens, deposita domo tibi credita, nullo sciente, quia nullo insidiante, nec tale aliquid suspicante, clam discessisti, et Carthusiam (19) aliiisti, et cum gaudio exceptus in multa ibidem gratia perstitisti. Inquisitus sane multoties a puero tuo (20) utrum nullum aliquando, ut assolet, scrupulum hæc fidei transgressio tibi peperisset, mihi semper istud iude respondebas: « Nunquam certe inde scrupulum, sed potius mentis jubitum sensi, cum factum memini, unde profectum tantum cepi. »

CAPUT VIII.

De tentatione gravissima, quæ post ordinis Carthusiensis ingressum ipsum arripuit, nec tamen defuit ei tutio salutaris.

Ipso vero ad ordinem Carthusiensem translato, arripuit eum gravissima tentatio, de qua ipsomet ita referre solebat: « Mox, inquit, ut infra celæ (21) limen pedem misi, exurgentem tentationis novæ notum in corde meo sensi. Nec uniformis tentatio illa fuit, imo ingresso novam utilitatem omnia tentator innovavit antiqua sæe malitiæ instrumenta, præcipue, quasi balistam robustissimam, et eo, ut sperabat, mihi insuperabilem tetendit, imo accendit contra me stimulum carnis meæ. Die ac nocte non discedebat a me (imminens mihi, et perurgens me angelus Satanae, et colaphizans me). Quid ad hæc ego, Jesu bone, imo quid bonitas tua ad hæc, faciens bonitatem cum servo tuo? Ego quidem genibus terram, gemitibus cælum, pectus pugnīs, genas lacrymis rigavi, tutudi, pulsavi, cecidi. Sed hæc omnia et alia innumera quasi aërem verberans feci, quoque et tu, qui non dormis, nec dormitas, et qui

(18) Spirituali, non carnali.

(19) Anno, uti colligi datur ex cap. 12. 1163, factus post bina circiter iustria ab ingressu in ordinem anno 1173 procurator.

(20) Id est, ab auctore vitæ. Hinc et sequitur: « Mihi semper. »

(21) Tentatio hic relata, alia est ab illa, quæ infra cap. 13, refertur. Hæc enim mox ab ingressu in ordinem, vivente adhuc Basilio, altera post obitum Basilii, et circa initium suscepti prioratus Hungaricæ nostrum affixit.

custodis Israel, o Samaritane benedictæ, manum A apposuiti. Tu custos te nocte, ut manum apponebas semivivo, vix, ut putabam, relinquendo a latronibus, hinc inde repente irrepentibus et dure irrupentibus, omne malum subito dissipabas. Tunc videns cordis aream arefactam carnisque fornacem fatiscentem, cedentibus inde fluxis cogitationibus, hinc ignitis motibus, mirabar quis fuerim, et quis subito effectus essem. Talibus erga me, imo intra me, alternantibus vices, obliviscebar persæpe mei, memor tui de terra Jordanis. Inde quasi de duobus, unde nomen et originem is fluvius ducit, duplicabam confessionem humiliationis meæ et glorificationis tuæ, misericordias tuas tibi cantans, et injustitias meas adversum me pronuntians, sentiebam, quia tu remittebas impietatem peccati mei. Manente enim in Hermon et monte modico, dum detestarer et anathematizarem omne lubricum turpitudinis obscenæ, humilians me, post ferale incendium pulverem me et cinerem sentiens esse, mox benefaciebas cum servo tuo, revelans oculos meos, ut considerarem mirabilia de lege tua. Dabas quoque fatigato et defecto vel modice interdum prælibare manna illud absconditum. Istud vero tantillum, quod hinc merui prægustare, tale erat et tam immensum, ut facile contemnerem propter ipsum obtinendum plenus et diutius, quidquid mundus novit dulce vel amarum, lene vel asperum. Verum in his rara mihi hora, et parva mora. Rursum ad certamina, rursus ad bella rapiebar. Nusquam vero, sed nec unquam defuit, licet indigno mihi, piissimi Redemptoris miseratio: semper in aure cordis mei erat vox ejus erudiens et consolans me; semper manus ejus inecum eripiens et corroborans me.

Et hæc quidem ac plurima in hunc modum mente contrita, non modo pro consolatione nostra, sed et pro devotione et humiliatione sua secretius agens de statu suo (quem in episcopatu desebat immutatum) de his, quæ in vita priore humanitas vel pertulerat aut divinitus perceperat, memorare solebat. Inferebat autem hæc in sui ipsius vehementem suggestionem, quasi Deo pro beneficiis suis congrue non responderet, aut se post largiora Domini sui dona, jam in ætate robusta infirmioribus annis viribus animi imparem exhiberet.

CAPUT IX.

De commendatione ordinis Carthusiensis, et profectu

(22) Vera hæc esse probant archiepiscopatus et episcopatus eo sæculo collati Carthusianis. Quales sunt, Arelatensis, Lugdunensis, Viennensis, Tarentasiensis, Gratianopolitanus, Bellicensis, Diensis, Maurianensis, Sistaricensis, et plures alii.

(23) Honorius papa III, anno 1219. Stephano Cantuariensi examen de Vita S. Hugonis commisit: et eundem anno sequenti juxta Raynaldum ad dictos annos, in sanctorum numerum, retulit. Vivebat igitur his annis adhuc auctor Vitæ, dum ista scripsit, aut antea scriptis inseruit.

(24) Nomen hujus viri Dei nec exprimit Surius, nec Dorlandus. At Bzovius ad annum 1200. Ex Dorlando ita scribit: « Hæc dum ægeret tempore illo

in eodem nostri Hugonis, et qualiter senior ad eum obsequium fuerat deputatus, ipsum de suscipiendo ordine sacerdotali tentavit, et ipsum suum episcopum prænuntiavit. Et sub hoc capitulo comprehenduntur 10 et 11 capitula magna Vitæ.

Erant (22) quidem, ut semper, in domo Carthusiæ tunc temporis quam maxime viri, tam clerici quam laici, miræ sanctitatis et gravitatis, ipsisque summis principibus et Ecclesiarum prælatis admodum reverendi. Nec erat facile quis ferventior et quis perfectior inter illos censeri potuisset dignoscere. Tanta ibi in domandis corporibus rigor, tanta in rigore servabatur discretio, ut medium cum bias tenendo nihil infra vires quis aggredi contentus esset, nihilque, quod virium metas excederet, exercere vellet, sineretur. De ordine si quidem isto in registro (23) papæ, cujus tempore noster Hugo canonizatus est, ita legitur: « Ordo Carthusiensis in eo alios ordines antecedit, quod cupiditati modum posuit. »

Quid vero hic egisse, quantumque profecisse Hugonem putamus, ubi inolitus ei a primævis, ut ita dicatur, mensibus, discendi amor cum libris, cum magistris, cum ingenio præclarissimo, cum otio quam opportuno, tam fraterne et ferme continuo juvari et promoveri potuit? In his dies, in his studiis continuabat et noctes; nec aliud causabatur profectibus suis novercari et gaudiis, nisi temporis brevitate, cui mirum in modum legenti semper aut meditati vel oranti omnis dierum noctiumque prolixitas minori, quam optasset, spatio tendebatur.

Injungitur autem sibi aliquando cura et obsequia C cujusdam monachi senis, magnarum virtutum viri. Hunc tam valetudinarium, et præ ætate ac debilitate suprema cellulæ suæ parietes nusquam excedentem, Hugo in horis regularibus decantandis, vel quibuscunque necessariis suppeditandis, servitor devotus et indefessus, tanquam nutritrix alumnum aut mater filium juvabat et mulcebat, nec aliter quam ipsi Domino Jesu Christo in omnibus ei ministrabat. Contigit aliquando tempus sacrorum ordinum ab episcopo loci istius celebrandorum instare annis aliquantis jam in conversatione tali ejus transactis. Hoc sciens (24) vir Dei, Hugonis pariter et institutor (25) et alumnum, cepit dicere illi, quasi tentans illum: « Ecce, ait, filii, jam in te est, an velis sacerdos fieri: si acquieveris, ad hunc gradum modo promoveberis. » Ad hæc ille, cui

contigit, quo sacri ordines conferri solent, ut sanctus Pater Basilius prior, quasi Hugonem tentans, illi diceret: Ecce, filii, jam interest, an velis sacerdos fieri. » Verba quidem sunt Dorlandi, exceptis illis, « sanctus Pater Basilius prior, » quorum loco habet Dorlandus, « sanctus ille senior, » subintellige, ut Dorlandus præmisit, cujus volente priore, id est Basilio, curam susceperat Hugo. Distinguendum igitur senior ille a Basilio priore, licet ejus nomen ignoretur.

(25) Institutur, uti arbitror, in spiritualibus, alumnum, dum Hugo illum, ut præmittitur, tanquam nutritrix alumnum, aut mater filium in infirmitate juvit et fovit.

jam olim nil dulcius, nil æque dulce erat, quam sacris deservire ministeriis, quam divinis sacramentis saginari, Jesumque suum, quia sibi dulcissimum, ut inferius plenius docebitur, cordis faucibus et corporis in hostia liberius contingere salutari, æstuanti ad audita desiderio, mox suppliciter et pura, quod optavit, aperuit. Ait ergo : « Quantum in me est, Pater, nihil sane magis appeto in vita ista. » Tunc vero senex ad eum : « O quid dixisti? o, inquam, quid dixisti? o miraculum! o toties legisti, ad sacerdotium qui non accedit invitus, accedit indignus, et tu modo non invitus, imo et avidus, ut ipse fateris, accedere non metuis? » Ad hanc vocem territus et quasi fulmine tactus tota corporis strage ad pedes objurgantis prosternitur, flens ubertim, et veniam præsumptionis tantæ gemebundis vocibus petens. Qui ad modicum velut dissimulans anxietatem, cum ad tantam illius devotionem et humilitatem totis et ipse visceribus conculceretur, tandem ita leniter et flebiliter alloquitur : « Surge, inquit, surge. » Quo etiam ad jussum ejus sedente, hæc spiritu prophetico vir Dei locutus est : « Ne turberis, inquit, non jam fili, sed domine mi, ne, inquam, turberis. Scio, et vere scio quo spiritu et quo affectu locutus sis verba hæc. Tibi igitur dico, mox quidem sacerdos, ac post, cum tempus a Deo præscitum advenerit etiam episcopus eris (26). »

CAPUT X.

De ipsius in devotione profectu, postquam est sacerdos effectus, et corporalis asperitatis ac abstinentiæ rigore.

Promotus itaque juxta verbum viri Dei ad gradum sacerdotii, quantum crevit ordine, tantum profecit in sacra devotione. In altaris officio ita quidem versabatur, ac si visibilem manibus contrectaret Dominum Salvatorem. Videbatur astantibus, divina celebrans, opere et veritate ipsum cum sponsa illud epithalamicum decantare : « Dilectus meus mihi, et ego illi (Cant. II, 16). » Domabat corporis membra vigiliis, jejuniis, flagellis, et juxta morem ordinis usu cilicii et potu aquæ cum arido pane; nihil omittebat de austeritate ulla, quam communis regula vel majorum admittebant exempla.

Peculiariorum etiam quam plura supererogare non desistens, genua flectebat crebrius, corpus totum D sternebat in terram, jacensque pronus cum Moyse et Aaron, cum Josue et Daniele, divinam exorabat

(26) Lincolnensis videlicet factus an. 1185 aut sequenti.

(27) Igitur jam Hugonis ætate moderatus erat rigor primorum Patrum, qui singulis totius anni hebdomadis ita jejunare consueverant, non ex præcepto, sed pro arbitrio. Unde Guigo quintus Carthusiæ prior in consuetudinibus a se editis hæc habet : « Secunda, quarta, sextaque feria, pane et aqua et sale, si cui placet, contenti sumus. »

(28) De insertis huic capiti nulla fit mentio apud Surium in Vita S. Hugonis, sed neque in Vita S. Petri apud Bollandi socios.

(29) Archiepiscopatus præfuit Petrus annis triginta tribus, anno 1141 factus archiepiscopus, et

clementiam quatenus a populo suo furorem suum averteret, et propitiationem acceleraret. In omni Quadragesimæ (27) septimana tres ferias in aqua et solius panis edulio, nullo penitus condimento adhibito, nisi forte salis adhiberetur prælibato, transigere consuevit; in ultima vero hebdomada Sabbati adjiciebatur observantia in simili diæta. Nunquam infirmitas, aut debilitas seu casus alius, ante sumptum episcopatum, alio cibo vel potu istud quadriduum compulit eum aliquatenus relevare.

Abstinentiæ vero huic ascribebant medici in ætate progressibili stomachi illius nimiam in-frigidationem; unde plures interdum perfererat dolores et juges pene molestias. Hanc quoque designabant causam, qua virtus in eo appetitiva, virtute digestiva potentior, corpulentior eum jam quinquagenarium faciebat, quam fuerat pridem adulescens.

CAPUT XI.

Qualiter Petri archiepiscopi Tarentasiensis obsequio deputatus, tam in Scripturarum perscrutatione, quam in omnibus, quæ poterant reverentiæ congrua, aut animo grata esse, devotissime ministrabat, ab ipso quotidie recipiens benedictionem, absolutionem et instructionem salubrem.

Per (28) idem tempus vir sanctissimus, Tarentasiensis (29) archipræsul Petrus, Cisterciensis monachus, Carthusiam sæpius adire (30) solebat, ibique; in cella solitaria infra sanctorum illorum habitacula commanebat. Hujus jidem Hugo mancipatur obsequio, servitio delegatur. Si lectio recitari, si quælibet sententia in tanto librorum pelago inquiri petebatur et inveniri, ad hæc Hugo promptus erat : ad manum ei omnis quæ posceretur scriptura fuit. Si de Veteris, et si de Novi Instrumenti paginis, sermo erat, si gesta sanctorum, si tractatus doctorum inquisitionem movebant, Hugonis solertiam nihil latebat. Cum sanctus ille loqueretur, hic auditor erat mausetus et docilis; cum loqui juberetur, pronuntiator acutus, et mirum in modum eloquio efficax erat et suavis. Obsequabatur quidem in cunctis gratiose, quæ sancti poterant aut reverentiæ congrua, aut animo grata esse. Alluebat frequenter pedes ejus, et osculabatur osculo cordis sui eos, qui osculo oris sui non sinebantur.

Hæc autem et alia Hugo jam episcopus referre auditus est de suo quondam archiepiscopo, jam regnante (31) in cælo. De quo etiam hæc memorabat,

anno 1174, die 14 Septembris, mortuus, uti refert Pagius tomo IV in crit. ad Baronium, p. 644 contra Henschenium, qui contendit illum obiisse anno 1175, die 8 Maii, in ejus Vita.

(30) Non dubium, quin hausto erga Carthusianos a suis parentibus singulari affectu. De his etenim in Vita illius hæc habentur : « Religiosos non modo suscipere, sed expetere satagebant, maxime vero Carthusiensibus et Bonævallensibus, in quibus maxime complacebant, congrua ferre cibaria et salutis consilia ab eisdem, non modo sibi sectanda, sed pluribus communicanda referre, » etc.

(31) Illo videlicet tempore, quo auctor ista scribebat.

quod post strati sui ingressum, ut fatigata diurno labore quiete nocturna membra relevaret, dum hunc Hugo in lecto componeret et vestibus operiret, quotidie hanc orationem eum proferre audiebat: « Præsta, quæsumus, Domine, ut de perceptis muneribus gratias exhibentes, beneficia potiora sumamus. » Quotidie vero et benedictione potenti ministrum suum Hugonem muniebat, et auctoritate pontificali a peccatis omnibus absolvebat, ac monitis spiritualibus instruebat. Nihil denique utilium subtrahebat, sed omne consilium Dei, quod sciret ei profuturum, et pluribus per eum, illi sollicitè manifestabat.

CAPUT XII.

Qualiter domus Carthusiæ procurator effectus, ipsam tam spiritualiter quam temporaliter strenue gubernabat, omnibus se reddens merito commendatum.

Post hæc, cum jam Hugo in quietis suæ nidulo per bina (32) circiter lustra moratus, et mundo plene mortuus, plumis undique et pennis fultus solidissimis, ad volatum esset aptissimus, procurationem totius domus ei, quantum licuit, renitenti, prior saus delegavit. Regebat (33) ergo industrie commissam sibi familiam, fratres sollicitè instruebat, et juxta illud de sancto Honorato Arelatense dictum, quod frequenter in ore habebat, multumque laudabat: « Torpentes semper excutiens a desidia, ferventes spiritu cogebat ad requiem. »

Dominus autem benedixit domui, valde exuberare eam faciens in omnibus bonis. Quis ab Hugone consilio etiam in temporalibus destitutus, non consilium retulit necessitatibus suis profuturum, sapientibus quoque hujus sæculi admirandum? Quem vero in temporalibus erudit, quem mox ad perpetua non incendit? In capitulo monachis inaudita, fratribus et sæcularibus, qui forte advenissent, loquebatur verbum Dei; pauperes recreabat, ut licebat præ rigore ordinis, diurnis etiam subsidiis. Istos vero, cum rebus nequivit, consolabatur sermonibus, adimplens illud viri sapientis: « Ecce, inquit, verbum bonum super datum optimum (Ecclesi. xviii, 17). » Omnes interea Hugonem loquebantur, sive prior, sive monachus, sive conversus, gratiam attollebant collatam Hugoni. Dives Hugonem laudibus efferebat; egenus Domino precibus Hugonem commendabat, et coegenis commendandam supplicabat. Istud vero ille votivum dicebat, tanquam et frivolum contemnebat.

CAPUT XIII.

De tentatione illius alia ab illa de qua supra, capitulo

(32) Ex hoc loco patet, Hugonem an. 1163 aut circiter ad Carthusiam venisse. Bina etenim lustra circiter in cella implevit, an 1173 quo Basilius obiit Carthusiæ prior, et Hugo a Guigone novo priore in procuratorem assumitur. Vide tamen, quæ de lustris infra ad lib. v, c. 20, not. 306, observavi.

(33) Annis saltem quatuor, antequam mitteretur in Angliam.

(34) Insigne de B. Basilio ex relatione S. Hugonis ab auctore nostro deproptum testimonium, cui consonat quod ab auctore Vitæ S. Anthelmi Basilius dicatur « miræ sanctitatis et devotione vir. » De quo proinde Sausseius in Martyrologii Gallicani supple-

octavo, et qualiter ab ipsa per illum sanctum quondam priorem Carthusiæ Basilium, quem suum nutritorem vocavit, exstitit liberatus. Et inseritur hæc tentatio in magna Vita libro secundo.

Tanta vero ei carnis tentatio subito exorta est, tanque continue, tanque importune in eum delachata est, ut mallet gehennalibus interim tradi pœnis, quam tantis urgeri flammis. Tam ingens pugna, tam forte certamen fuit, et solius divinæ non dubitetur virtutis fuisse, quod humanitus non cessisset; sed viriliter resistendo triumphum reportavit. Ad plenum autem hujus modum congressus nemo referre posset, quibus lacrymis, quantis gemitibus, quam crebra confessione, quam aspera flagellatione, vel divinum expetierit adjutorium, vel cor contriverit, vel corpus proprium cruciaverit. Diei vero cujusdam diticulo visitavit eum hoc ordine oriens ex alto Sol justitiæ, mittens angelum suum, et eripiens eum de potestate tenebrarum harum.

Egerat noctem illam in tenebris, sic ipse insomnis pene totam. Demum quidem athletæ fortissimo, prostrato nec superato, non victo sed fatigato, tenuis obrepit sopor. Continuo velut in excessu positus vidit virum (34) Dei, qui eum susceperat ad ordinem, illum sanctum quondam priorem Carthusiæ Basilium, vultu et amictu angelico radiantem astitisse sibi, seque sic voce blanda compellantem: « Quid, inquit, tibi est, fili charissime? Surge, et velle tuum fiducialiter enarra. » Ille vero ad eum ait: « O pater bone, et nutritor meus piissime, affligit me usque ad mortem lex peccati et mortis, quæ est in membris meis; et nisi more solito auxiliari mihi, en morietur puer tuus. » Vix dictum compleverat, et sanctus sic paucis: « Bene, inquit, auxiliabor tibi. » Moxque patefactis novacula, quam manu videbatur tenere, visceribus ejus quasi strumam igneam inde visus est exsecuisse, et longius extra collam projectisse, dataque benedictione medicus recessit. Aeger sanatus et sibi redditus somno fugiente resedit; lætusque supra modum de ostensa sibi claritate nutritii sui, qui ante aliquot (35) annos migraverat ad Dominum, omnimode in corde et in carne se reperit immutatum.

Horum summam cum ab ipsius ore Hugonis, secretius mecum loquentis, pluries acceperim, in extrema demum ægritudine planius et diligentius totius eventus ordinem, sicut eum modo digessi, mihi enarravit. Quærenti vero utrum aliquem postea hujus senserit in carne sua motum: « Revera, inquit, quod aliquem senserim, non nego, sed simplicissimum,

mento, p. 1125 ita scribit: « Pridie Nonas Junii in Carthusia majori depositio sancti Basilii conf. ejusdem ordinis generalis: cujus sacris institutionibus et exemplis idem ordo mirifice floruit. » Et idem iterum ibidem, fol. 1134. « Apud Gratianopolim memoria beati Basilii, octavi generalis Carthusiæ, ibidem defunoti pridie Nonas Junii. » Meminerunt ejusdem inter prætermissos ad diem 4 et 14 mensis Junii clar. Bollandiani.

(35) Non ante paucos dies, uti Surius habet. A morte enim Basilii ad hanc usque tentationem, distinctam ab illa, cujus fit cap. 8, mentio, quantum saltem effluerant anni.

et quem non minus contemnere quam comprimere esset facillimum. Hæc idcirco dixerim, quia aliter de his alium quemdam (36) scripsisse accepi, asserentem videlicet, quod per beatam virginem, Dominam nostram, Dei Genitricem sibi apparentem visitatus, eunuchizatus et ira curatus fuerit, quod nullam deinceps carnis utilitatem sit omnino expertus. Verum,

A quæ ab ore illius de curatione ejus audivi, verissime expressi. »

Jam vero de Hugonis nostri de Burgundia (37) in Angliam translatione et gestis ejusdem sequentibus tractaturi, finem imponentes præcedenti libello, alium advertamus.

Explicit liber primus.

PROLOGUS LIBRI SECUNDI

Cum Lincolnensis Ecclesie præsulatum annis jam Hugo (58) bis senis, et diebus quinquaginta tribus religiosissime administrasset, placuit sanctitati suæ parvitatem meam de vitæ (59) claustralis dulcedine in sollicitudinem suarum qualescunque solatium assumere, suoque inseparabiliter lateri sociare. A quo tempore annos tres et dies quinque, quam diu scilicet in corpore postea vixit, ab ejus nunquam, nisi per unam solam noctem, absui comitatu, die semper ac nocte adhærens ei et ministrans sibi ipsi. Hujus igitur spatio temporis omnia fere, quæ de eo libellus præsens continebit, aut propriis vidi oculis, a sanctis ipsius labiis audivi.

Causam, qua in nostrum (40) venit orbem, tum ab eo, tum et ab aliis, qui hujus adventus sui pro

B curatores exstiterunt, accepi: similiter et modum quo dilecta sua Carthusia discessit, quo domum Withamiensem a fundamentis construendam disposuit, instituit, et viris optimis adimplevit, ac post hæc ad episcopatum accessit. De his, quæ in episcopatu gessit, antequam ei adhærere copissem, de industria prætereo innumera, certissime comperta, notitia cunctorum dignissima. Quia enim plurima ex his quosdam me longe (41) doctiores litteris mandasse accepi, superfluum imo et præsumptuosum esse judicavi, ab aliis congruentius exposita, insipidiori eloquio replicare. Ad ea vero seriatim referenda, quorum istos notitiam minus ad liquidum credimus assecutos, calamum pariter intendentes et animum, tale invocato Spiritus sancti adjutorio sumamus exordium.

Explicit Prologus.

LIBER SECUNDUS.

CAPITULUM PRIMUM.

Qualiter pro domo Carthusiensis ordinis, in Anglia apud Withamiam construenda, mittitur ad quærendum Hugonem.

Contigit eo tempore ad reges Anglorum Henrici

(36) Quis ita scripserit, adhuc lalet. Giraldus Cambrensis apud Warthonum part. II, pag. 432: « Viri quidem Angelici, » at sine nomine, meminit, sed nihil de Dei Genitrice habet. Qui si aliquammodo cum hic dictis discordat, major adhibenda fides est auctori, qui relata a S. Hugone in extremis hausit.

(37) Sabaudi: de Burgundia late sumpta, et prout Delphinatus sub ea comprehenditur.

(38) Inito calculo annorum et dierum, qui in prologo indicantur, recte Sarius in Vita scribit: « Tenuit cathedram episcopalem annis quindecim et quinquaginta octo diebus. » Quod si ita Hugo consecrari debuit in episcopum in feste S. Matthæi apostoli anno 1185 non sequenti, in quem passim omnes, Rogerium secuti, consecrationem rejiciunt. Sed de hoc in dissertatione operi huic præmissa plenius agitur.

(59) Satis innuit his verbis auctor se monachum fuisse, et idem confirmat aliis in locis, præsertim lib. V, c. 23, ubi post illa: « Hæc ipsi, qui scripsit ista, locutus est, » addit post pauca: « Sub testimonio prius ejusdem, cum quo loquebatur monachi et presbyteri sui.

C secundi notitiam virtutum nostri Hugonis famam tali occasione pervenisse. Quadam de rege (42) in transmarinis agente, venit ad eum vir quidam nobilis de partibus (43) Northmanniæ. Rex vero de ordine Carthusiensium inter alia matuæ sermocinationis

(40) Ex Carthusia majori in Angliam, quam dum nostrum vocat orbem, indicat se Anglum fuisse natione. Monachum vero fuisse Cantuariensem colligi videtur ex lib. V, c. 22.

(41) Scripsisse de S. Hugone Giraldum Cambrensem, Rogerium et Parisium lego. Horum primus evulgatus est a Warthono in Anglia sacra, sed non adeo multa refert de sancto. Alter allegatur a variis, et de sancto videtur scripsisse incidenter. Tertius plura mutuavit ex Rogerio, et nostro auctore est junior. An alii eæ ævo de Hugone scripserint, ignoro. Vide, quæ observata sunt ab alio ad lib. III, cap. 6, nota 96.

(42) « Mense Augusto (inquit Trivettus ad annum 1177 in Chronico a Luca Acherio tom. III Spicil. edito) Henricus Anglorum rex senior cum Galfrido filio duce Britannorum in Northmanniam transfretavit. » Baronius ad hunc ævum addit adhuc fuisse ibidem regem XI Kal. Octobr.

(43) Anno igitur 1177 creditur vir ille nobiliorum coram rege in laudem Hugonis excurrisse, et circa finem hujus aut initium sequentis Hugo per legatos petitus in priorem.

verba pleraque ab eodem inquirere cœpit. Nam (44) A dudum sanctæ illius conversationis fama præventus, asciverat de dono præfata quosdam fratres, quibus et ex locis, quam ipsi elegerant, in Anglia contulerat villam, scilicet Withamiam (45) appellatam, in Bathoniensi territorio sitam, cum terris silvis, cum pascuis et vinariis, nec non et aliis fundandæ illius ordinis domui necessariis. Qui vero prædictis fratribus prior fuerat designatus (46), ad breve vix tempus in Anglia degere acquivit. Vacationi namque et quieti solitudinis assuefactus, negotium sollicitudinis tantæ constructioni debitum mente delicata non ferebat. Tædebat eum, imo et socios ejus pene cunctos, ritus gentis alienigenæ, diætæ insolitæ, et cæterorum quæ moribus advenarum et votis in solo peregrino de facili parturiunt B offensionem. Nam et provincialium nonnullis formidolosus eorum videbatur esse in suos fines accessus, frustra scilicet illis metuentibus sibi, ne illi propriis minus contenti limitibus, eorum occupandis jugeribus inhiarent. Quem indigenarum adversum se viri innocentes motum pullulare sentientes, priorem suum ad domum redire permiserunt, quatenus communicato cum viris sanctis consilio, vel animæquior ipse rediret, vel alium loco suo ad hoc magis sufficientem destinari obtineret. Rediit ergo, et loco ejus alius mittitur, qui tædio simili affectus, morte beata finem laborum et vitæ initium citius accepit. Reliqui inter ista fratres variis perturbationum procellis unanimiter fluctuabant. Rex ipse angebatur medullitus ad hæc. Cœpit namque imaginari jam et pertinere futuri notam ruboris, qua inurendum se noverat apud magnates multarum in circuitu nationum, si cœpta adeo salubria, adeo cunctis exteris gentibus favorabilia, nequivisset consummare.

A viro igitur memorato super his tale recepit consilium: ab his, inquit, domine mi rex, fluctibus unico vos et efficacissimo liberare potestis consilio. Est in domo Carthusiæ quidam monachus, natalibus quidem clarus, sed morum strenuitate longe præclarior, nomine Hugo de Avalim. Hic omni virtutum gratia decoratus, ita est omnibus qui eum noverunt acceptus et graciosus, ut aspectu solo omnium in se rapiat affectus. Qui vero etiam ab ore ejus verbum audire merentur, tanquam divinum se vel angelicum

A gaudent oraculum perceperisse. Hæc si novella in partibus adhuc nostris sanctissimi ordinis hujus plantatio cultorem habere meruerit atque rectorem, videbitis eam lætissime ad omnem subito gratiam fructificando proficere. Tota insuper Ecclesia, ut certum sum, Anglicana illius purissimæ religionis et religiosissimæ puritatis nitore venustius decorabitur. Cæterum hunc sui de facili non emittent de domo sua. Ipse quoque non nisi coactus et invitus, alterius habitationis adhibet sedem. Favorabili proinde ac strenua opus est legatione: operosa etiam precum ambitione nitendum, quatenus, hoc solo quantocius impetrato, et vester de cætero animus a sollicitudinis hujus molestiis relevetur, et hæc sublimis religio ad gloriam excellentiæ vestræ insignius propagetur. Luvnietis enim in uno isto homine cum cæterarum virtutum cumulo, quidquid longanimitatis et dulcedinis, quidquid magnanimitatis et mansuetudinis in aliquo mortalium poterit reperiri. Nulli hujus esse ingrata vicinitas aut cohabitatio valet; nullus bene vitabit, ut alienigenam; nullus non ut civem, nullus non ut domesticum, ut fratrem, ut amicum intimum, illum respiciet. Nam et ipse omne humanum genus non aliter quam propria attendit viscera, universos homines amplectitur et fovet ulnis et gremio unica charitatis.

Hæc et in hunc modum plurima ipse dixerat. Dicenti quoque rex multum applaudens et gratias agens, dirigit quam celerrime cum litteris regis ad domum sanctam Carthusiæ venerabiles legatos, dominum videlicet Reginaldum (47) Bathoniensem episcopum, cognominatum Lumbrach, et cum eo viros quosdam strenuos et industrios.

CAPUT II.

Qualiter nuntii ad Carthusiam venientes super petitione sua invenerunt fratres dissentientes, et qualis erat sententia ipsius de ipsa exaudienda, et hoc est Cap. 3, in serie magna Vitæ.

Venientes autem regis legati ad Carthusiam, assumpto secum venerabili (48) Gratianopolitano episcopo, ipsius loci diocessano, litteras Domini sui priori et fratribus præsentatas persuasoriis verbis suppliciter et strenue prosequuntur. Omnibus vero ad primum contristatis auditum, prior quam maxime conturbatur, procrastinatur eorum responsio, conscientia et vota super negotio tali discutuntur inte-

(44) Anno, ut videtur, 1175 rex enim Henricus juxta Pagium in criticis ad initium mensis Julii anno 1174 visitavit tumbam divi Thomæ: et illa visitata, juxta Trivettum in Chronico, rediit in Northmanniam. Post Pascha vero anni 1175: « Rex senior (verba sunt Trivetti) et filius ejus rex junior, in Angliam transfretavit. »

(45) Vel, ut in Monastico Anglicano legitur, in agro Somersetensi.

(46) Dum prior primis in Witham ex Anglia rediit in Carthusiam, et alter inde illuc missus citius obiit, facile triennium abiit, antequam Hugo Withamiam mitteretur prior tertius.

(47) Baronio teste, Reginaldus anno 1175 designatus episcopus, consecratur anno sequenti a S. Petro Tarentasiensi, ut refert Henschenius in prælim. ad ejus Vitam. Qui cum anno 1178 missus

fuerit legatus adversus hæreticos Tolosanos, et anno sequenti interfuerit concilio Lateranensi, non obscure colligitur, illum circa finem an. 1177 missum fuisse ad Carthusiam pro postulando in priorem Hugone.

(48) Præerat eo tempore episcopatu Joannes et dominorum de Sassenage propagine ortus, ex Carthusiano episcopus. De quo in serie episcoporum et ordine assumptorum ita scribitur: « D. Joannes ex Carthusiano episcopus Gratianopolitanus, optimis moribus domi forisque spectatus, ab anno 1163 usque ad Kalend. Junii, qua die cœelos anno 1191 adiit. » Abbas Morotius de illius obitu, quem ad annos plures differi, hæc scribit: « Subinde atatibus suis expletis, placidissima vitæ clausula, scæ ad æternitatem composuit. »

rim singulorum. Prior primus petitioni penitus contradicit, et fratrum in diversa variatur sententia. Hi talem virum, et universitati ordinis (49) adeo futurum, in tam remota loca dirigi nullatenus oportere dicebant. Alii, quorum unus dominus (50) Bovo fuit (quem postea priorem Withamiae hæc sæpius referentem audivimus) a Deo exiisse verbum regis asserebant, nec tutum contradicere esse plurimis rationibus edocebant. « Vos, inquit Bovo, nescitis quidquam, nec cogitatis, quia superna dispositio facit hæc omnia ut ordinis hujus sanctitas per virum sanctum usque in supremos mundi limites splendidius elucescat. Sed neque putetis illum diu sub modio latebrarum nostrarum posse cohiberi. Credite meæ parvitati, inter præcipua Ecclesiæ sanctæ luminaria ipsum in brevi audietis super candelabrum ecclesiastici regiminis subilmari. Dudum enim mihi virtutibus Hugo episcopus (51) potius visus est, quam monachus exstitisse. »

Postulatus demum Hugo super hæc suam proferre sententiam, et suam aperire voluntatem, ita citius ait: « Voluntati meæ super statu meo nihil penitus reservare jam pridem edoctus fui. Quid autem de his vere sentiam, libere exponam. In medio vestræ sanctitatis tandiu conversatus, monitis et exemplis vestris in tantum adjutus, nunquam vel per unum diem animam meam custodire scivi. Unde miror, quomodo in sapientis alicujus animum ascenderet, quod ad aliorum regendas animas per me ipsum mitti longius debuisset. Qualiter vero novam domum instituire sufficerem, qui antiquorum instituta servare nequivi? Puerilia sunt ista quæ audio, nec deliberationis tantæ spatio, salvo reverentiæ vestræ beneplacito, aliquatenus digna. Omissis igitur de cætero talibus cura et negotium arduum sit, nec patiens dilationis, vestraque intersit solerter providere, ne regis illius cæpta ad periculum animarum ac ordinis sancti dedecus protelentur diutius imperfecta. E vobis, aut ex cæteris domibus vestris, virum quempiam ad hoc opus idoneum eligite, et cum suis mittite. Viris autem istis, tanquam sapientibus, et vos sapienter respondete, velle vos eorum votum melius, quam ipsi postulant, adimplere, assignantes eis, non quem, utpote decepti, sed qualem, ut religiosi et discreti, quærunt. Non expedit enim deceptos in persona postulati inconsultius exaudiri, quia decipi in qualitate personæ nec ipsi volunt. Sic

(49) Ex his colligitur, quod Guigo, tunc prior Carthusiæ, qui meditabatur, uti et paulo post fecit, resignare prioratui, voluerit illum una cum generato in nostrum Hugonem transferre. Unde nec mirum, si legatorum petitioni, quantum potuit, restiterit, nec, nisi coactus, eum a se dimiserit.

(50) Hic est ille Bovo, qui Hugoni in prioratu Withamensis Carthusiæ successit: et cui Guigo ex prior Carthusiæ « Tractatum de quadripartito cellæ exercitio, » a Chiffletio S. J. editum, inscripsisse creditur.

(51) Esse iterata de futuro Hugonis episcopatu prædictio. Prima lib. 1, c. 9, facta a sene, præ ætate parietes cellæ suæ nusquam deserente; altera a Bovone, qui aliquot post annos e cella in Angliam

A denique in sua petitione exaudiantur, ut gaudeant se utilius, quam petierunt, exauditos. »

CAPUT III.

Qualiter demum obtentum est, ut adiret Angliam Hugo ad regem veniens, et qualiter Withamiam cum honore deductus sit.

Licet autem hæc quæ præmissa sunt, seu et alia pro sui excusatione instantius Hugo prosequeretur, interna tamen dispositione cuncta scæviter moderantibus sapientiæ Dei, nullatenus potuit nutus sui effectui privari. Sed nec prioris quidem patrocinium, Hugonem retinere cupientis, ei contra dispositarum a Deo rerum ordinem poterat suffragari. Utriusque vero contradictio, et prioris videlicet et Hugonis, dum nescienter nititur refragari, compellitur necessario famulari operanti invisibiliter majestati. Nam, quo pertinaci prior resistebat, et quo instantius Hugo se ad hoc insufficientem assereret, eo vehementius episcopi præsentibus cum suis consiliatoribus, junctis tandem sibi quibusdam fratrum de conventu natu majoribus, ut fieret, quod rex tantus petierat, perurgebant. Quid plura? Fratrum tandem universitas cum precibus, tum et rationibus eorum qui advenerant victa petentibus cedit.

Hugo vero assentire flagitatus a cunctis, in priorem cum aliud non posset, transfundi sententiam. Sciebat enim id sibi ab illo qui eum ut animam suam diligeret, et a se nullatenus elongari optaret, vix an nunquam injungi posse. Quem monitis episcopi sui, cunctorum etiam gemebundis precibus, qui aderant, interpellatum sic dicunt eis qui intererant respondisse: « Vivit Dominus! nunquam iste sermo egredietur ex ore meo, quo jubeam Hugonem meam senectutem (52) deserere suaque dulcissima et per-necessaria præsentia Carthusiam viduare. » Qui nimia importunitate universorum tandem obrutus, et quid faceret prorsus non inveniens, conversus ad Dominum Gratianopolitanum ait: « Jam quidem ratum est quod de me dixi: Hugonem a me vox mea aut mens mea nunquam removebit. Tu jam videris, tu episcopus noster es, tu pater (53) et frater noster: si ei hoc injungas, si præcipias, ego non contradico, non resisto. » Nec plura locutus, jam vocem fletu interruptente, lacrymis indulgebat, quibus mentis anxietas leniret dolorem.

Videres jam per ora cunctorum rivos fluere lacry-

transiit, ibidemque Hugoni in prioratu successit, et ad annum usque 1200 eidem præfuit.

(52) Senio igitur gravabatur, qui tunc prior erat Carthusiæ, non Basilius, ut refert Dorlandus, utpote quatuor aut quinque ab hinc annis mortuus, nec Jancelinus, hoc tempore adhuc vegetus, qui triginta tribus annis post Hugonem obiit. Sed Guigo prior medius inter istum et hunc, homo omnino senex, et his, ut videtur, prior Carthusiæ, nec distinguendus ab Hugone, qui regimine S. Anthelmu præcessit.

(53) Pater, qua episcopus diocesisanus, frater, qua comprofessus, tunc factus (inquit Morotius) « quando præfectura monasterii S. Roberti abiens, secretiores latebras inter Carthusienses conce-sivi. »

marum. Episcopus et ipse, ut erat piissimus, monachus valde honestus et mansuetus, compellentibus omnibus, ut promissa sibi a priore in Hugonem uteretur potestate, ita primum universos alloquitur: « Quia vobis, fratres charissimi, quos non minus conversatione quam professione Christianæ perfectionis apicem conscendisse manifestum est, nos desides et a culmine vestræ sanctitatis longe inferiores, non necesse est ostendere quid in his, quæ Dei sunt, agere debeatis, aut etiam monere quatenus vobis melius cognita, strenue compleatis, qui in omni vita vestra non quæ vestra sunt, sed quæ Jesu Christi, vos quærere comprobatis. Hoc unum ad memoriam vobis, Domine prior, sed et vestræ, fratres, universitati revocandum putavi, quod vobis ante oculos ponatur, qualiter in casu sicillimo se habuerunt prædecessores vestri. » Cum enim ad instantiam sancti Cenomanensis tunc episcopi Bertirramini (54) in occidentas Galliarum partes sanctissimus Benedictus dilectum et sanctum discipulum suum Maurum fundandæ gratia religionis monasticæ destinaret, similem ibi luctum et luctus causam non dissimilem, legis exortum. Quem suum pariter et fratrum dolorem ea sanctus Dei ratione compescuit, ut ostenderet servos Dei nullatenus contristari super his, quæ velle noverint Dominum suum. Ubi et verbum intulit memoria dignissimum: « Ne forte, ait, hac ipsa nostra tristitia Deo, quod absit! inveniamur contraire. Sed te, et Hugo, frater charissime, in hoc quoque imitari eum convenit, quem sequi semper dulces habuisti, unigenitum Filium summi Patris, qui de altissimo sævæ divinitatis pro multorum salute ad publicum dignatus est exire humanæ conversationis. Et tu igitur peregrinari ad modicum a tuis charissimis, postposito interim quietis adeo dilectæ silentio, pro eo ne cuncteris, in præsentis vitæ exsilio, ut ei perenniter postmodum socieris in beatitudinis sævæ regno. Hoc ego, licet indignus, vice ipsius in remissionem peccatorum tuorum, ob compensationem etiam æternorum præmiorum, tibi injungo, et in vi obedientiæ firmiter præcipio. Perge itaque sospes et felix cum venerabilibus viris istis, qui te vocare venerunt, curamque suscipe domus Withamiæ in Angliâ, favente Domino, construendæ: præsis quoque constanter, et prosis instanter loco et fratribus ibi congregatis, in nomine Domini, et congregandis. »

Hanc Hugo diffinitionem aliquandiu pedibus se pontificis advolvendo irritare nitens, nec quidquam proficiens, cessit postremo; seseque orationibus

(54) Alias Bertichramnum, Bertramnum, etc., de quo, et factis hic narrato vide Mabillonium tomo I. *Annalium Bened.*, p. 107, et Bollandum in *Vita S. Mauri abbatis*.

(55) Quorum unus et præcipuus Reginaldus Bathoniensis, qui cum anno 1178 contra Tolosanos egerit, et anno sequenti concilio Lateranensi interfuerit, uti jam ante monui, vix dubium, quin circa finem an. 1177 una cum Hugone ad regem venerit.

(56) *Ham* scilicet Anglosaxonibus idem est, quod

omnium præsentium commendans, fratribus in ocularo pacis valefaciens, cum illis legatis (55) profectus est, ad regem venit, tandemque cum favore maximo ab ipso dimissus, et Withamiam cum honore deductus, tanquam angelus Domini a paucis fratribus, qui tunc ibi erant, in priorem suscipitur cum gaudio ineffabili.

CAPUT IV.

Qualiter statu, quem invenit apud Withamiam, titulo, ad regem reversus, fecerit villam de Witham habitatoribus, inde discessurus, largiasque providi.

Invenit autem fratres, velut alter Joseph in Dothaim, quod interpretatur defectus. Consistebant equidem in silva haud procul a regia tunc villa vocabulo Witham, quæ futurorum quodam præsigio tale nomen creditur sortita. Dicitur namque Latine *mansio*, sive *habitatio* (56) sensus, quod excellenter præ adventum viri hujus, Christiani philosophi, locus iste effeci meruit in re, attractis undique ad odorem notitiæ suæ viris sensatis, in omni verbo et in omni sensu præstantissimis. Qui manentes ibidem et habitantes corpore, ad illam æternam patriam, cujus perfectis jam sensibus gaudia prægustant, cogitatione et aviditate inhiare non cessant.

Quos autem invenit fratres, habebant hi (57) cellulas ex asseribus contextas, vallo perexiguo et palis circumseptas. In his utcumque usque ad tempus correctionis se recipientes, omnibus, ut breviter dicatur, aut pene omnibus necessariis ac debitis ordini suo adminiculis erant carentes. Neque etiam diffinitum erat usque adhuc, ubi major, ubi minor ecclesia, monachorum cellæ, et claustrum cum fratrum demunculis et hospitum diversoriis aptius construi debuissent. Villam supradictam, eorum jam ditiorum cessuram, habitatores pristini adhuc incolebant, et necdum provisum eis fuerat, ut sedes suas sine murmure, sine sui læsione, novis vellent aut possent successoribus cedere.

His et aliis de situ, de qualitate loci, nec non et de cæteris, quæ necessitas ordinis flagitabat loco convenire, vel utilitati ibidem conversantium inservire, diligenti solertia perspectis ac sigillatim prænotatis, Hugo noster (inter eos ita conductum fuerat) ad regem citius repedavit. Cumque de singulis quod sibi videbatur exposuisset, rex in omnibus prædicationem illius et modestiam admiratus, quæcumque ille disposuit, et ille approbavit, et quæ postulavit libenter indulxit. Ac primo quidem universos convocari fecit prædiorum vel rerum quarumlibet possessores, quos loco cedere oportebat, ne quolibet strepitu aut

Germanis *Haim*, *Haimat*, id est, *mansio*, *patria*. *Wit*, idem quod *Witz*, sensus.

(57) Cellulæ ex asseribus, ecclesia nondum designata, claustrum nec inchoatum, plures ad regem accessus, et alia, quæ hoc et sequenti capite referuntur, et tandem completa sub Hugone ædificata, septem aut octo facile annos requirebant, ut perficerentur. Quod ideo dictum volo, ne Hugonem serius anno 1178 in Angliam venisse quis existimet.

frequentiae ejuscuoque accessu, solitudinis suae alta silentia interrumpi, aut saltem interpellari, vel interpolari vel modice potuissent. Quibus ex parte regis optio data est in communi, ut e duobus quod minusque maluisset eligeret. Agro scilicet et habitandi loca conditione pari, ut apud Withamiam fuerant sortiti, aut in regni, ubi elegissent, maneriis reciperent; aut pristinae servitutis jugo absoluti, quas vellent, regiones libera ad incolendas adirent.

Tunc alia terras, aliis potentibus libertatem, Hugo rex benigni aculeator tenuissimus regi ait: « Jam, domine, hoc etiam provideri necesse est, ut pro domibus vel quibuscunque in culturas et varias structuras sumptibus aut sudoribus istorum compensatio pecuniarum tribuatur, quatenus in nullo detrimentum per nos sustinentibus, laetis laeti, et benevolis succedamus grati. » Ad hoc in primis, cum velot difficilem si exhiberet rex, ille in bonitate praecipuus et in interventu strenuus adiecit, dicens: « Revera, inquit, domine mi, nisi usque ad obolum novissimum super omnibus satisfactum fuerit prius hominibus istis, locus idem non poterit conferri nobis. » Ita vero mercem sibi, ut putabat, in nullo profuturam emere rex compulsus, in tuguria videlicet vetustissima, ligna cariosa, ac parietina semirutamenta effudit ac pro brevi commode.

Verum negotiator iste bonus, tantillo non contentus lucro, nisi justitiam servasse potius, quam facere misericordiam sibi videretur, ita regi ore faceto rursus inquit: « Eia, domine mi rex, ecce in terra tua propria divitem te domibus numerosis advena ipse et egenus feci. » Ad haec subridens rex: « Sic, inquit, dicescere, ego non cupiebam: divitiae istae jam pene egenum me fecerunt. Sed nec scio cui sint usui opes istae? » Tunc Hugo hoc modo elicita per ejus responsum occasione proferendi quod intendebat: « En bene, inquit, ut video, parvipenditis commercium istud. Fiat igitur quod vestram deceat magnitudinem, et mihi non habenti tibi caput reclinem dentur istae aedes. » Stupens ad hanc postulationem rex, et postulante cum admiratione intuitus: « O te, inquit, dominum mirabilem! Num putas, quod novas domus vobis nequeamus construere? Dedita tamen quid tu inde faceres? » Et ille: « Non deceat, inquit, regalem amplitudinem de quibusque minimis interrogare. Haec prima est petitio mea ad te, et, cum sit modica, cur moram patier in exaudiendo? » Tunc rex alludens (libenter enim ingenium viri, ut erat prudentissimus, longa concertatione verborum explorabat): « O, inquit, hominem in solo peregrino pene jam violentum! iste, si viribus nitetur, quid ageret, qui verbis ita extorquet? ne vero nobis duriora inferantur ab eo, fiat quod

A exigit. » Tunc ille concessas sibi aedes omnium dedit possessoribus pristinis, quarum illi jam pretium possidentes, iterato ipsas aut pretio distrahunt, aut ad alias transferunt iterum inhabitandas. Ipse vero Hugo locum, ut modo cernitur, extruere festinabat.

CAPUT V.

Qualiter loci constructione pro sumptuum defectu nullatenus procedente, fratre Girardo regem adveniente cum nostro Hugone, et regi verba asperissima proferente, Hugonis exstitit patientia approbata, cujus ex tunc ad regem familiaritas est vehementius confirmata.

Accidit interea, majoris constructionis jam parte convenienter explicita, regem variis regni curis detentum minus intendere quibusdam fabricis perficiendis, quarum usus videretur pernecessarius. Inde sumptibus in stipendia deficientibus artifices querunt priorem et fratres importunis crebro verbis lacescebant. Hinc quosdam e fratribus ad curiam prior destinavit, qui regi super hujusmodi defectu opportune suggererent, huncque supplementum obtinerent. Ille provisurum negotio se, et necessaria citius pollicetur missurum. Redeunt, qui missi fuerant, nihil praeter verba reportantes.

Dissimulante interim principe quod promiserat adimplere, cessatum est funditus ab opere. Prior sub silentio sustinendum credidit, ut rex motu proprio quod expedire noverat, exsequi studuisset. Verum, ipso diutius negligente, iterata interpellatur legatione, iterumque, sicut prius, verbum, non datum, reportatur. Inter haec multa dilatione protracta tedium subrepsit fratribus. Quidam ex his, etiam hile commoti, verbis in priorem asperioribus invehuntur. Desidia enim simul et negligentiae incusant, quod per seipsum regem, licet in remotis agentem, pro tanto negotio jam olim non aduisset. Frater autem quidam, Girardus (58) nomine, vir austeri quidem ingenii, sed bene religiosus, et sermone inter magnates et principes efficacissimus, talibus priorem affatur verbis: « Quousque, inquit, domine prior, palpandum judicatis hominem durissimum, nec potius palam ei denuntiatis ut consummet citius aedificia, quibus carere non debet forma ordinis nostri? aut, si ulterius differre maluerit, valesciantes ei ad patriam et ad domum propriam redire una cum nobis omnibus maturius festinetis. An minus animadvertitis, quia in ordinis nostri redundat injuriam tanta circa nos illius incuria, et nos ipsi pateamus ennetorum in circuitu derisioni, qui tot jam temporibus hic commanentes, exiguis nequivimus mansiunculis istis culmen imponere? Quod si verecundia innata vos cohibet, ne homini huic, quae deceat, proferatis, ipsum adeamus pariter, et, quae ei dicturus sum ego, audietis. »

(58) Idem cum illo, de quo in Vita S. Anthonii ita scribitur: « Aderant autem ex Carthusiae fratribus duo genere nobiles, sed humilitate ac fidei firmitate nobiliores, Aymo videlicet, vir quondam in saeculo magnificus ac potens, et Girardus ei virtute non impar, » etc. Hic igitur, sicut S. Anthonio ad

mortem usque, ita post illius obitum Hugoni astitit in Angha: in qua notus Petro Cellesti ab eo in comment. in lib. Job, c. 17, ita laudatur: « Nudius tertius vidi quemdam Gerardum nomine, Carthusienensis ordinis fratrem. Qui super omnia, » etc.

Convocatis autem cunctis fratribus, et negotio in commune profato, placuit omnibus Girardum eum priore proficiaci ad regem. Et prior: « Consilium, inquit, vestrum et ego gratanter accepto. Verumtamen vobis, frater Girarde, providendum erit ut, quemadmodum libere, ita et modeste vos habeatis in sermone vestro. Cum enim sit, ut vere comperi, princeps iste sagacis admodum ingenii et inscrutabilis fere animi, forsas, ut tentet nos dissimulat exaudire nos. Scit procul dubio perfectionis, quam professi sumus, quam maxime interesse, illud divinum implere documentam, quo dicitur nobis: « In patientia vestra possidebitis animas vestras (Luc. c. XXI, 19); » nec non et illud beatissimi Pauli: « In omnibus exhibeamus nos, sicut Dei ministros, in multa patientia (II Cor. vi, 8). » Multa vero patientia in eo comprobatur, si multa contraria sive adversa in multa lenitate supportet longanimitas multa: patientia enim sine longanimitate non multa, sed curta erit, absque lenitate vero prorsus nulla erit. »

Assumptis igitur prior secum, prædicto Girardo et alio fratre, nomine Cynardo (59), grandævo et probatissimæ in sancta religione virtutis, ad regem profectus est. Quos ille omnes, ac si cælestes angelos, venerabiliter excepiens, ad insinuationem instantis negotii blanda locutus, bona pollicitus, dilationis excusans causam, celerius omnia perficienda promittens, sumptus tamen in præsentiarum non contulit, nec quando esset collaturus certius intimavit. Tum vero infrendens frater Girardus, suæque potius deliberationis pristinae, quam admonitionis sibi factæ, memor regem aggreditur durius arguere. Demum: « Quidquid, ait, de cætero visum vobis fuerit, domine rex, aut faciendo vel omitiendo opere inchoato, mea ulterius non intererit. Totum vobis regnum vestrum quietum cedo, et ad nostram Carthusiensem eremum vobis valefaciens mox redibo. Putatisne vos nobis gratiam exhibere, si vestro nos vel pane sustentetis, cum eo penitus non egemus? Verum satius est nobis ad saxa nostrarum confugere Alpium, quam ad talem hominem habere conflictum, qui totum, quod pro sua salute geritur, tanquam perditum arbitratur. Habeat sibi citius amissurus, et, cui nescit, relicturus opes, quas tantum amat; nec Christus his dignatur, nec quisquam Christianus, participari. » Hæc ita, imo et his similia satis duriora, Girardi blandimenta ad tantum dominatorem referuntur fuisse.

Quid vero pio inter ista et modesto priori suo animi fuerit, referebat ipse sæpius jam episcopus talia

(59) De quo vide plura infra lib. IV, c. 12.

(60) Ex familia, ut videtur, comitum Nivernensium. Comes namque Nivernensis dicitur a Dorlando, et a Morotio: qui tamen eum confundunt cum Guillelmo, etiam ex comite Nivernensi, Carthusiano, Acta utriusque commiscendo. Quos distinguendos constat, tum ex Vita S. Authelmi, in qua utriusque fit mentio, tum quia ex epist. Eugenii papæ III et ex altera S. Bernardi ad Idam comitissam apud Acherium tom. II Spicil., p. 513, nov. edit., constat

A eum et tanta persecutum, ut horum post tantum temporis ipse reminiscens totus inhorresceret. Tunc vero, cum ista proferebat heros ille, cui ex Spiritu Dei libertas tanta fuit, Hugo tanto vice regis suffundebatur rubore, ut vix confusionem cordis sui ipse toleraret. Monebat fratrem talibus effatis parere, aut penitus sifere. Verum is, ut erat conscientia purioris et reverendæ canitie, sanguinis etiam (60) generosi, nihil ducebat, quæcumque dixisset, quin diceret alia atque alia, quibus principem corrigeret aut erudiret, et alia adhuc dicendo subnecteret. Interea vero rex, nec vultus immutavit, nec verbum edidit, imo tacitus et tranquillus dicentem sustinuit, quousque universa, quæ mente concepisset frater, ore parturiret. Tandem ille satius præcordialique parturitione exoneratus sinem fecit objurgationibus, et silentio labia flagellantia concedens, spiritum contulit, et vocem repressit.

Habito post hæc ab universis aliquandiu alto silentio, priore vultum præ confusione deprimente, regem autem aspiciente, æstusque mentis illius ex gestibus ipsius perpendente, sic tandem ipse rex orsus est loqui: « Quidnam tu, inquit ad Hugonem, meditabundus tecum deliberas, vir bone? Num etiam tu abire disponis, et cedere nobis regnum nostrum? Ad quem ille submisso et leniter: « Non a teo de vobis, inquit, Domine despero; potius compatio impedimentis vestris et occupationibus, quibus præpediuntur salutaria animæ vestrae studia. Occupati enim estis, et, cum Dominus adjuverit, bene prosequimini cæpta salubria. » Tunc rex complexus eum, ita cum juramento ait: « Per salutem animæ meæ, dum vitales spirabæ auras, tu a meo regno non discedes; tecum partiar enim consilia salutaria, tecum et studia animæ meæ necessaria. » Misit extemplo et sumptus, opusque summa cum instantia jussit compleri.

CAPUT VI.

Quod rex Hugoni credidit præ cæteris omnibus in his quæ suæ salutem animæ contingebant, et quod a multis regis filius putabatur; et quod ipsum super variis excessibus arguendo, non cessabat sacris informare exhortationibus, quia ejus varia consolatione levius ferebat adversa, et fretus ejus orationibus superabat facilis, et consiliis instructus circumspectus declinabat.

D Post hæc princeps ille magnus viri Dei crebrius fruebatur colloquio, et consilio amplius delectabatur. Nec erant multi; sed et, ut a multis credebatur, vel unus sub omni ejus potestate, in quo magis requiesceret spiritus ejus, quam in priore Withamiz. Erat autem potestas ejus multa, cui tota cum parte (61) maxima Hiberniæ serviebat Anglia, cui Neustria

Guillelmum ante annum 1153 mortuum; Gerardum vero adhuc vixisse sub Hugone certum est. De Guillelmo ad an. 1138 ita scribit Guillelmus de Nangis apud Acherium Spicil. tom. III, pag. 5. « Florebatur etiam Guillelmus Nivernensis comes insignis; cujus devotio mira enituit, dum de potenti principe sæculi factus est in Carthusia humilis pauper Christi. »

(61) A patre Henricus Andegavensem ducatum, Angliam cum Neustria jure materno obtinuit, Hiberniam autem sibi armis subjecit.

cum Andegavia, Aquitania quoque cum Gasconia, A nec non et finitimarum regionum tractus multi et magni subiacebant. In omnibus vero terris his nulla inveniebatur persona cujuscunque gradus aut ordinis, cui libentius auscultaret, et cul promptius obtemperaret, quam homini huic, in omnibus, quæ ratio salutis animæ suæ ab eo inquiri seu exaudiri exigebat. Tanta denique familiaritate illi seipsum committebat, tam singulari amoris privilegio enactis fere omnibus præferebat illum, ut crederent et assererent pertinaciter nonnulli, hunc illum filium esse naturalem, et hujus illum genitorem fuisse carnalem.

Vidimus post mortem regis Richardi (82), hujus, de quo loquimur, filii regis et successoris, cum esset Hugo in finibus Aquitanie, innumeras undique B diversæ conditionis et dignitatis turmas ad ipsum concurrere, nec aliter quam a regis defuncti germano, super statu suo ipsum consulere. Contendebant nobiscum plures, illum fratrem regis nuncupantes; nec credebant nobis de illius cognatione aut progenie, quod verum noveramus, asserentibus. Nos, inquit, quid verum habeatur, de his melius scimus, et agnovimus evidentiis. Dominus quondam rex noster Henricus nunquam externum hominem, ut istum amabat, ut istum honorabat, de nullo, et de isto, confidebat nemini, ut isti, seipsum credebat. Nisi iste esset filius ejus (quod etiam corporis forma consimilis fateri probatur) nunquam se et sua tam specialiter illi exponeret, nec in tantum honoris cultum hominem alienigenam tanta cum instantia promoveret. » Et hæc quidem illi :

« Verum nos quod verissime scimus firmissime asserimus, quia non istam ei penes regem gratiam conciliaverat caro et sanguis, sed revelatio Patris, qui est in cælis. Nam conscius ipsius qui in excelsis erat, manifeste noverat quam sincero, quam perfecto affectu cordis, ipsum relictis omnibus ille sequeretur, qui, nisi propter ipsum, nihil amare sciebat. » Rex quoque acute id ipsum pervidens et perpendens, sicut hanc a Deo gratiam noscitur percepisse, ut viros bonæ conversationis testimonio probatos arctius diligeret, tanto eum præ cæteris coluit eminentius, quanto senserat illum divini amoris facibus flagrare excellentius. Nec enim in sermone assentationis, nedum adulationis, fuit aliquando apud eum. Enimvero, qualem noverat expedire, sibi primo, deinde suis, postremo universis, illum cupiens exhiberi, instabat opportune importune pro causa et negotio, pro tempore et loco, arguens, obsecrans et increpans eum in omni patientia et suavi doctrina *miscens*, juxta S. Benedicti egregiam sententiam, *temporibus tempora, terroribus blandimenta*.

De illius itaque rebus duntaxat sua negotiis consiliabatur iste cum illo, quæ Christum, quæ Ecclesiam, quæ regni tranquillitatem, quæ populi pacem,

(82) Obiit anno 1199, die 6 Aprilis, Richardus c. 45, interfuit.

quæ denique suam ipsius contingebant salutem. Curas tamen terrenorum in nullo cum illo tractabat, quia sola ipse cælestia curabat, sola, quibuscunque posset modis, amanda, quærenda et obtinenda inculcabat. Quam multis tamen bona quoque terrena Hugonis hortatu ille contulerit, quoties iras in clementiam per Hugonem mutaverit, et his a quibus offensus esset, veniam concesserit; quot ecclesias et loca religiosa Hugonis obtentu protexerit, rebusque necessariis ampliaverit, perlongum esset sigillatim recensere. Monebat huic Hugo assidue, non in vana ventoque fugaciori mundi prosperitate atque potentia confidere, non in incerto divitiarum sperare, sed in Deo vivo, qui vera est fortitudo, et qui certa et æterna est beatitudo sperantibus et consentibus in se. Suadebat ei facile tribuere, perituris permansura comparare, indigentibus communicare bona momentanea, cum quibus sortiretur æterna.

Super variis excessibus sæpius arguebat eum, et ad correctionem sedulo invitabat. Corripiebat eum vehementissime pro ecclesiis cathedralibus et cœnobiiis vacantibus, quæ in manu sua illicite sæpius ac diu detinebat, et per manus suorum pessime tractabat; in præficiendis tandem episcopis et abbatibus eum abuti usurpata a prædecessoribus suis potestate convincebat. Insinuabat omnium pene malorum causam et materiam in populo Dei per indignos pullulare prælatos, per eos feveri, per ipsos augeri, per eos et vigere. Pro his omnibus vero in illos præcipue penas divino assererat judicio retorquendas, qui talibus in eorum promotione auctores se aut fautores non timuissent exhibere: « et quid necesse est, aiebat, o princeps sapientissime, ut pro vano cujuscunque favore personæ tot animabus mortem inferas perniciosam? tot de perditione multorum, Christi morte redemptorum, dispendia Deo irroges, tibi quoque proinde tot suppliciorum cumules in futurum reponas? quanto satius liberais quibusque electiones juxta canonum scita relinquens, teipsum tot malorum labyrintho explicares, et tuas ad hoc tantum partes interponeres ut, qui Deo acceptum, et in his quæ Dei sunt, populo tibi credito et subdito profuturum eligerent, prævalerent, et in contrariorum nitentes in suis molitionibus elisi delicerent? » Hæc enim ratione, provida sanctorum Patrum dispensatio in præficiendis ecclesiarum rectoribus, Christianissimis olim principibus locum noscitur accommodasse non extremum, quo per eorum sincerissimam diligentiam ambitiosorum, si quæ emersisset, temeritas facilius premeretur, religiosorum vero unanimitas in studiis suis robur, et in votis effectum expeditius consequeretur.

Talibus Hugo insistebat eloquiis, et hujuscemodi erga principem vacabat monitis, quoties occasione qualicunque ejus utebatur familiari accessu, aut quoties secretiori illius potiebatur affatu. Et quidem ratione multiplici ipsum adibat frequentius, nunc

rex, cujus exsequiis S. Hugo, uti refertur, lib. v.

accersatus ab ipso, nunc pro variis domus, quam A fundabat et regebat, necessitatibus ultro ad eum pergens. Emergebant vero creberrime tunc temporis regi hinc inde adversa plurima, quæ jugiter viri spiritualis consolatione variaterebat levius, nonnunquam vero superabat, fretus ejus orationibus, facilius, plerumque autem ejus instructus consillis circumspectius aut prudentius declinabat.

CAPUT VII.

Qualiter rex in periculo maris Britannici constitutus; liberationem suam Hugoni ascripsit: et voveri dicebatur quod ad pontificalem gradum niteretur eum quantocius promovere, si ad portam incolumis eveniret.

Contigit autem vice quadam regem cum classe non modica medium pelagus, inter Neustriam Britanniamque limitatum, sulcautem nimis repente suborta tempestate pene naufragari. A prima denique vigilia noctis mare intumescens furentibus ventis, nimis motibus aut obsistere, aut alidere visum, naves medias nunc astris inserere, nunc mergere abysso laborabat. Hoc elementorum ludo, nescio, an aliquid in hoc humana pertulit conditio luctuosius. Sub hac morte ipsa amarioris mortis imagine, non modicum temporis expensum docebat singulos navigantium, omne vitæ mortalis spatium vix exiguum reputari momentum si sagax inspector rerum illius contempleretur occasum. Nil rex, nil consul, nil potens, nil fortis aut dives, nil quilibet senior aut juvenis, totum illud causabatur, quod catenus vixisset, et quod serenum aliquando vidisset et tranquillum. Jam sub oculis præsens mortis imago cogebat nonnullos habere in votis ipsius prideam aculeum pertulisse. Quibus mens sanior erat, confessioni peccatorum insistebant, ex desperatione vitæ præsentis sollicitudinem futuræ capientes. Precibus plerique gemebundis, votisque ad Dominum, ad sanctos et ad sanctas succlamitabant. Rex tandem et ipse in hæc verba prorupit: « O, inquit, si vigilaret nunc Carthusiensis Hugo meus! si secretis intenderet modo precibus! si vel solemnibus cum suis fratribus interesset modo divinorum officiorum excubiis, non ita in longum mei oblivisceretur Deus! » Tunc orans et alius ingemiscens: « Deus, inquit, cui servit prior Withamiæ in veritate, illius interventu et meritis, nobis in tanta pro peccatis nostris angustia juste deprehensis clementer miserere. » Ferunt quidam etiam vovisse eum quod ad pontificalem niteretur gradum quantocius illum promovere, si meruisset incolumis ad portam pervenire. Nec mora, pelagi fragor, ventorum turbo subsedit et evanuit; cadunt fluctus, redit aura lenior, et fretum funditus complanatur, naves universæ optatio potiuntur litore, referuntur gratiarum actiones ab universis divinæ clementiæ, et rex de cætero venerationi viri Dei se totum devovit.

(63) Quæ, ut alibi præmissi, septem aut octo annos, ut completeretur, requirebat.

(64) Diebus tempo ferialibus intra hebdomadam.

CAPUT VIII.

Qualiter devotioni totaliter Hugo intendebat, ita quasi in somnis hanc dictionem, Amen, de consuetudine proferebat; et qualiter etiam se gerebat in mensa; et quod, quatenusque habebat in manibus occupationem, se totum ei dabat.

Ipse jam completa (63) ædificatione utriusque mansionis, fratrum scilicet et monachorum, solius sanctæ conversationis exercitiis, quo liberius, eo et impensis vacabat. Tempus omne quod somni sola necessitas sibi minime vindicasset, orationi, aut lectioni, aut meditationi, vel spirituali indulgebat collationi sive exhortationi. Quanquam dormienti corpore, mentis nunquam dormiturationem subripere credidisset, si ei familiarius adhereres, si dormientem sollicitius observares, si referentem, qui conie vigili inter soporis nexu spiritu liber perciperet, studiosius attendisses: audires huic centies cum vehementi spiritus impulsione, cum forti labiorum impressione, sive in die sive in nocte quiescentem, mysticum illud ore toties Dominico iteratum, « Amen, » quasi conclusionem præmissæ orationis proferre; nihil vero aliud ab ore dormientis, sicut plerisque moris est, aut voces aut verba somnando emittere, aliquando procedebat, sed leniter et quietissime pausando, nunc per intervalla rarius, nunc vero frequentius, protracta aliquantulum prima syllaba, et ultima in acutum velut jaculando emissa, innumeris vicibus repetebat. Nec vero mirum, si dormienti non deerant interna serenitas, intima claritas et mera suavitas, quem vigilantem externa vanitas, cæca curiositas, et impura voluptas suis irretire illecebris nullatenus prævalebant.

Cum vero corporea sumebat alimenta, cum laucibus tereret cibum nutritimenti terreni, tunc potissimum aures ejus esuriebant, et hauriebant verbum Dei. Si cum fratribus pro more juxta consuetudinem diei festi refectorium ingressus una cum illis pranderet, prout cæteros ipse monebat et docebat, oculos in mensa, manus in scutella, et aures ad librum, cor autem ad Deum habebat. Si solus edebat in cellula (64), partiebantur sibi liber et mensula oculorum officia. Tunc enim lamina ejus se distrahebant vicissim, hinc liber apertus, hinc panis erat appositus. Nam pulmenta rarius adiciebantur, aqua sola sæpius poculum simul et jusculum fuit. Condimentum his epulis pretiosissimum nunquam defuit sermo Dei.

In omni namque tempore et in omni loco, quod loci, quod temporis flagitare ratio, hoc et ipse faciebat, hoc et aliis agendum monebat. Adeo velut in habitum sibi voverat ordinatissimam et saluberrimam institutionem, ut semper totus et integer videretur in eo, ad quod eum intendere præscribebat loci præsentis aut horæ dispositio, et ut hoc ipsum etiam tempore quiescendi observaret in lectulo. Nunquam eum lectul.

juxta Carthusiensium consuetudinem, diebus tantum Dominicis et festivis simul in refectorio comedebat.

dummodo esset incolumis, vel ad momentum tenuit vigilansem. Mox, ut ejus membra stratum excepsisset, etiam ipsa soporem pariter excipiebant. Si quando intempestive in quolibet casu excitaretur a somno, confestim vel ad orationem surgebat, vel sub momento solvebatur orationi in soporem.

CAPUT IX.

Qualiter ad ipsum apud Withamiam confluebatur pro solatio cupiendo; et quod multi cum eo religionis suæ vitam ducere cupiebant, ipse tamen nec cito, nec facile pulsantes recipiebat.

His et hujusmodi spiritualis disciplinæ studiis florente apud Withamiam Hugone, et cum suis condiscipulis salubriter philosophante, confluebant ad eum plurimi diversæ conditionis seu professionis viri religiosi (65), aspectu illius et affatu ædificari instrui et munere optatæ consolationis refoveri certius præsumentes. Nec vero sua quempiam spes falsebat, nullus in parte pio fraudabatur cordis desiderio. Cunctis apud Withamiam exempla dabantur perfectæ religionis, omnes inile reportabant documenta sanæ instructionis, et quisque affectu replebatur piæ devotionis. Hinc subito per omnes Britannicæ sinæ, sanctæ hujus opinionis fragrantia suaviter diffusa, multorum præcordia tantæ dulcedinis afficiebat gratia, ut viri literatissimi, variisque ditati redditibus, relictis hujus mundi pompis, sanctæ et sinceræ illius conversationis humilitatem tota devotione expeterent, totaque alacritate subirent.

Gaudebant illustrissimi disciplinarum scholarium magistri sub tanti magisterio doctoris illud implere apostolicum: « Si quis videtur inter vos sapiens esse, stultus efficiatur, ut sit sapiens (I Cor. iii, 10). » Abdicata itaque vana mundi sapientia sub disciplina præceptoris adeo docti efficiuntur et ipsi docibiles Dei, tramitem Christianæ philosophiæ indeclinabili vitæ carpentes rectitudine. Nonnulli quoque et monachorum, nec non et ex clericorum ordinibus regularium sub virgam se solertis transferre cupiebant pastoris, sagaci nimirum animo perpendentes, corporeæ quidem pascuæ ariditatem, quæ penes eum reperiebatur, pinguedine spiritualis alimonix uberius compensari. Ipse vero præpositus, ut erat prudens per omnia et circumspectus, nec cito nec facile aperiebat pulsantibus. Probabat namque spiritus, ut monet Apostolus, si ex Deo essent, et quidem non sine dulcedine et leni quadam asperitate. Aperuit autem quibus iam post largiora probamenta perseverantibus in pulsando.

CAPUT X.

De apostatatione fratrum Andreæ et Alexandri, et de conviciis ac blasphemis eorundem in Hugonem et ordinem Carthusiensem illatis.

Ut autem ex sine patuit, non in omnibus, quibus

(65) Inter hos Andreas et Alexander, de quibus cap. sequenti Robertus prior, et Radulphus sacrista, cap. 12, et Walterus (apud Whartonum in Anglia sacra, part. 1, p. 586) ex priore Barthoniensi Carthusianus factus, qui tamen ad prioratum rediit.

(66) In Monastico Anglicano t. I, p. 194 et 197, appellatur Michelniense et Micelense in agro Dor-

aperuerat Hugo noster perseverantibus in pulsando, beneplacitum fuit Domino. Abierunt enim quidam retrorsum, quorum duo erant Andreas et Alexander. Andreas monachus habebatur et sacrista monasterii, quod Mulhelneix (66) nuncupatur; Alexander (67) sæcularis, ut vulgus loquitur, exstiterat canonicus.

Versi namque in seditionem, Hugonem durius exacerbabant. Andreas utenque furebat modestius, Alexander vero sine moderaminis aspectu multa suo Paulo (68) mala ostendebat. « Seduxisti nos, inquit, pessime, et induxisti in locum horroris et vastæ solitudinis, privatos et exutos habitationibus amœnis, rebusque opimis: et quasi non essent religiosæ quietis habitacula in sæculo, ita inter frutices nobis ferino modo et n.ore delitescendum præscribis. Abundat omnis terra religiosorum vivorum cœtibus, ubi et cohabitantium multitudo ad solatium, et perfectio satis nobis sufficeret ad exemplum: et ecce soli, sine solatio, præ accidia languidit et torpentes, neminem totis diebus videmus, quem imitemur, sed parietes solos, quibus includimur, intuemur. Sed nec cedent nobis nimium licet arguat rationes tuæ. Manifestis enim et rectissimis sententiis nostris semper adversatur sermo tuus. Ita vero rarissimæ adhuc in terris et novellæ hujus legis jugum nobis portandum ingeritur, ac si perierit ubique, præterquam apud Carthusienses, Christianitas tota, et vix paucissimis homunculis via sit comperta salutis. Verum, quos potiora non latent, hac inutili: et vana diutius tenere nec debent, nec valent. » His ergo et talibus sacrum illum ordinem arguebat blasphemis, et talibus virum Dei afficiebat conviciis hominis perveracia vesani.

Dolebat interea Hugo periculis eorum, qui jam firmaverant sibi sermonem nequam apostasiæ. Timebat quoque scandalum infirmorum ac recenter conversorum, quos præter inevitabiles undecunque procedentes tentationum æstus vehementius hujusmodi exagitabant tempestuosæ procellæ. Erat enim spiritus eorum, male scilicet robustorum, velut turbo impellens parietem sanctæ illius societatis, et discindens pro viribus compagem. Quantum denique cœtitudinis, quantumque tædii sacrum illud pectus, in fraterna compassione et vera pietate tenerrimum, occupaverit pro amara illorum obstinatione, nec ipse, qui hoc pertulit ullis potuit, ut sæpius fatebatur, verbis declarare.

Vidimus autem postea hunc ipsum Alexandrum (69), Cluniacensem monachum, rebus sibi aliquantulum cedentibus contra votum, permutationis suæ pœnitentia ductum, Hugonis tunc episcopi ambitiosius gratiam implorare, nobis etiam multiples ingeminare preces, quo, interventu nostro, reditum setensi.

(67) Ad quem exstat epistola Petri Blesensis, ubi numer. 86, qua eum ad constantiam animat.

(68) Almsio ad illud Timoth. cap. iv. « Alexander ærarius multa mihi mala ostendit. »

(69) Sub tribus ultimis vitæ Hugonis annis, quibus auctor Vitæ Hugonis adhæsit.

mereretur ad veri, ut assererat, paradisi incaute perditam mansionem. Verum, sicut per Apostolum dicitur est de Esau: « Non invenit poenitentiae locum, quarquam cum lacrymis inquisierit eam (Hebr. xii, 17). » Rediit autem et memoratus Andreas, nominis sui honore mutilatus, ad nota (70) infantiae suae cunabula.

CAPUT XI.

Qualiter difficilem se habuerit noster Hugo ad eorum receptionem, qui semel apostatassent; et quam tenere persistentium in sua religione quietem dilexerit.

Semper Hugo difficillimus inveniebatur ad recipiendos semel egressos ab ordine, seu monachos, seu conversos, asserens quam maxime huic religioni cavendam sedulo instabilium levitatem palearum. Hoc siquidem nomine illos exprimebat, qui ad facilem tentationis motum separantur a collegio bonorum, excussi ab area inite professionis. Hujusmodi homines in aliis commodius habitare posse locis religiosis dicebat, in quibus vitae activae disciplina etiam lectos quandoque promovet ad salutem. Eo autem ipso, quod talium experta et probata societas repudiatur ab ordine Carthusiensi, tam illis consuli aiebat, qui, ne ingrediantur, repelluntur, quam et illis, qui intus admissi, quieti interius morantur; et, cum istis id ad quod minus idonei sunt non conferatur, aliis eorum accessu impedimentum non irrogatur. Nullius vero, quamlibet dilecti, quamlibet praeminentis viri, nullatenus admittebat in hoc casa preces, omnibus in communi auditum claudens reddendi, qui sponte deseruissent, in quibus se prius intractabiles exhibuissent, septa ovillis sui.

Zelabat per omnia suorum quietem, tanquam sui ipsius salutem. Videbatur autem ei, non solum ipsos quietem hanc perturbare, qui aliqua improbitate Sabbatum illorum sanctum et delicatum praesumerent infestare; imo et illos qui infestos dissimularent vel inclusos reprimere, vel infestatos et excludere, ne ingrederentur, negligenter creere.

CAPUT XII.

Qualiter, licet esset de libris congregationis suae necessariis perquirendis sollicitus, bibliothecam (71) tamen per regem sibi a monachis Withoniensibus, acquisitam ex inaudito charitatis affectu ultro reddi fecit. Unde convaluit ex illo praesertim tempore inter monachos Wintonienses et Withamenses eremitas dilectio specialis, per quam Robertus prior cathedralis ecclesiae, et Radulfus sacrista, Withamienses effecti solitarii sunt; ad quorum instantiam inscripisse se asserit Vitam nostri Hugonis ejusdem dictator.

Libet succincte quaedam ex gestis viri, pleni geminae dilectionis, Dei videlicet et proximi, referre, quod ejusdem, quae in illo vehementer emicuit, sincerissimae charitatis insigne documentum fuit. Igitur pene jam pro consuetudine illius ordinis integro

(70) Id est, Mulchelniam, uti interpretor.

(71) Id est, sacra Biblia, quae veteres passim bibliothecam vocabant.

(72) Alias in Martyrologio Romano ad diem 2

A fratrum numero, aedificiis quoque regularibus decenter consummatis, aedificandis indesinenter in sancto proposito sibi commissarum omnium animabus boni hujus pastoris invigilabat solertia. In cuius negotii non mediocre adiutorium, sacris codicibus conficiendis, comparandis et, quibus posset modis, acquirendis laud segnem operam impendebat. His enim et pro deliciis et pro divitiis tempore tranquillo, his bellico sub procinctu pro telis vel armis, his in fame pro alimonia, et in languore pro medela, religiosis quibuscunque, maxime vitam gerentibus solitariae, utendum esse memorabat.

Hinc contigit ut cum rege familiaris quodam tempore agens de penuria librorum intersereret mentionem: a quo admonitus, ut conscribendis per conductivos scriptores libris insisteret, membranas sibi deesse respondit. Tum ille: « Et quantum, ait, pecuniae tibi vis conferri ad supplendum hunc defectum? — Una, inquit, marca argenti diu sufficit. » Rex ad haec subridens: « O, ait, quam immoderate gravas hos? » Jussitque in continentem decem marcas fratri, qui cum eo erat, numerari. Promisit etiam unam bibliothecam, utriusque Testamenti corpus integre continentem, se transmissuram ei. Rediit prior domum. Et rex promissi sui non inmemor, inquiri sollicito bibliothecam optime confectam, quam ei conferre potuisset. Suggestur demum curiosius quaerenti, monachos Sancti Withonii (72) egregiam recentem et decentem opere confecisse bibliothecam, in qua ad mensam edentium fratrum legi debuisset. Quo ille comperto, oppido gavisus est, accessitque quanto citius ad priorem illius Ecclesiae, et sub multae recompensationis sollicitatione donari sibi munus optatum petiit, atque citius impetravit. Itaque prior Withamiae cum fratribus suis, bibliotheca regio munere suscepta et inspecta, non mediocriter et ipsi laetati sunt, et in eo potissimum gavisus quod styli elegantiam totiusque operis venustatem operosior emendatio sublimius commendaret.

Contigit post hoc quemdam ex monachis Ecclesiae Withoniensis (73), aedificationis gratia, venisse Withamiam: Quem prior more suo summa cum affabilitate optato reficiens sanctae discretionis suae colloquio, didicit repente ab eo, cum quanta supplicatione Dominus rex bibliothecam ipsam dignatus fuerit a priore suo postulare. « Et nos quidem in eo, ait, etiam gratulamur impensius, quod vestrae illam contulerit sanctitati. Quae si vobis per omnia placet, bene res processit. Sin alias, et si a vestra consuetudine dissidet aliqua sui parte, nos ista pro libitu vestro longe meliorem citius conficiemus pro vestra in omnibus dispositione ordinandam. Hanc enim nostro usui nostraeque consuetudini, nec sine magni sodo-

mensis Julii sancti Swithuni. De quo Bollandiani ad dictam diem, et Mabillonius tom. III Annal., p. 98.

(73) Sive Wintoniensis, de qua vide Monast. Anglicanum t. I, p. 31 et in addendis fol. 979.

ris impensa fecimus consonare. » Ad hæc prior admirans (nesciebat enim prius quonam ordine rex obtinisset illam) fratrem continuo ita affatus est : « Itane dominus rex ecclesiam nostram fundavit adeo necessario labore vestro ? Credi mihi, amantissime, restituetur vobis in continenti bibliotheca vestra. Sed et fratrum vestrorum per vos devote supplicamus universitati, quatenus nostræ dignentur humilitati indulgere, quod occasione nostri, nobis tamen id ignorantibus, defectum sustinuerunt sui codicis. » His monachos auditis vehementer expavit, gemebundis orans vocibus, ne talia cogitaret vel loqueretur, nullatenus expedire affirmans ecclesiæ suæ, ut sibi utiliter conciliata tali ex xenio regis gratia quavis occasione descivisset. « Estne, inquit, hoc verum, quod de ejus favore plus solito præsumitis, nec vobis triste est tali munere negotiis vestris proptium esse effectum ? » Cum ille fratribus suis omnibus ex hoc gaudium provenisse assereret, Hugo subjunxit : « Ut hoc, inquit, gaudium perpetuetur in iongum, cunctos necesse est ut lateat facta vobis

A restitutio pretiosi revera laboris vestri. Si vero bibliothecam hanc recipere clanculo minime acquiescitis, ego illam ei restituo, qui hoc ipsum destinavit. Si vero eam reportaveritis, hoc illi per nos nullatenus innotescet. » Quid multa ? Recipiunt monachi codicem suum, quasi recenti dono acquisitum, multum de codice, sed multo plus de transmittentis ac restituentis dulcedine, et de charitatis ipsius plenitudine exhilarati.

B Convaluit siquidem ex illo præsertim tempore inter utriusque loci accolæ, Withonienses videlicet cœnobitas et Withamienses eremitas, eximia dilectionis prærogativa, præstante Dei gratia, in ævum duratura. Visi sunt autem postea viri omni laude attondi Robertus (74) prior cathedralis ecclesiæ Withoniensis, et Radulphus (75) særista ejusdem ecclesiæ, Withamienses effecti solitarii, in sua solitudine optime profectisæ. « Ad quorum instantiam dicit se compositor magnæ Vitæ nostri Hugonis illa, quæ de eo scripsit, scribendo posterorum notitiæ commendasse. »

Explicit liber secundus.

PROLOGUS LIBRI TERTII.

Quia, præstante Domino, beati viri resta, quibus ab ipso pueritiæ suæ tempore omnipotenti Deo meruit placere, usque ad episcopationem sui qualicumque stylo summam exaravimus : nunc, qualiter ad episcopatum, cœlesti prosequente gratia conscenderit, et qualiter in eo vixerit et docuerit, succinctus sermo percurrat. Nec enim singula sed neque præcipua gestorum ejus atque verborum a nobis modo recensenda promittimus ; sed ea sola, nec tamen ea omnia, quæ nobis sunt ex ejusdem actibus et memorialibus dictis certius comperta et memoriter retenta. In quibus non admirationem superfluum legentium sive audientium captamus, sed potius ea, quæ sancta et salubria sunt, nosse et imitari cupientium ædificationem. Nam et in hoc etiam traditam a sanctis (76) ordinis Carthusiensis auctoribus gravitatem pariter et humilitatem alius et perfectius imberat, ut nihil minus quam miraculorum prodigia mirari aut æmulari videretur, cum hæc tamen de viris sanctis lecta aut cognita suaviter referret, D

et sublimius veneraretur. Referebat, inquam, hæc ad commendationem exhibentiam et ad excitationem talia admirantium, cum ipsi sola esset sanctorum sanctitas præ miraculo, et sola sufficeret et pro exemplo.

C Unico autem et universali erat ei miraculo Conditoris sui, quæ nunquam ei deerat, præcordialis recordatio, et magnalium quoque illius stupenda et inexplicabilis multitudo. Plurima vero ad suam ipsius quandoque revelationem, nec non et aliorum sapius xpulationem per eum, dum adviveret, seu scientiam seu nescientem, Dominum exhibuisse miracula, nemini, qui familiaris illi adhæsit, incertum fuit. Sed nec ista, quæ utcumque fidelibus communicando scribemus, rei hujus certitudo, superna optulante gratia, denegabitur. Hæc vero de præmio hujus libelli tertii in Vitam beati viri prælibasse sufficiat ; et jam historiæ seriem, incultus licet stylus, evolvet.

(74) Wintoniensis, et postea prior Withamiensis, nisi sit alius ab eo cujus fit mentio lib. v, c. 24.

(75) Ad hujus et dicti Roberti preces scriptam esse Vitam S. Hugonis asserit abbreviator, qui id accepisse videtur ex primo auctoris prologo, qui

deest in ross.

(76) Non tam miracula in oculis hominum, quam vitam sanctam in conspectu Dei, semper expetivisse Carthusianos ex hoc loco patet.

Explicit prologus.

LIBER TERTIUS.

CAPUT PRIMUM.

Qualiter Hugo in episcopum est electus.

Promoto (77) in archiepiscopalem Rothomagensia Ecclesie sedem viro venerabili Walthero, Lincolnensi episcopo, rex Anglorum Henricus secundus apud Eynesbaim octo ferme continuatis diebus (78) tractatum habuit super variis regni negotiis cum episcopis et magnatibus terræ. In eodem siquidem monasterio, tempore illo, piæ memoriæ Waldevinus (79), Cantuariensis archiepiscopus, et suffraganeorum eius quidam hospiti gratia sese contulerant. Rex etiam singulis diebus illuc mane adventabat, indeque ad palatium suum, quod apud Woldestock (80) habetur, post actitatum enia prædictis colloquium denuo redibat. Celebratæ sunt ibidem (81) tunc temporis episcoporum et abbatum quorundam electiones. Huic et Lincolnenses canonici advenierant electuri, seu potius suscepturi episcopum cœlitus electum.

Fuerunt eo tempore præ eminentiores ipsius Ecclesie personæ non paucæ, consiliis aut obsequiis, etiam palatinis, astrictæ vel addictæ. Erant in secularibus famosi, litterarum scilicet et divitiarum mundanarum copia præpollentes. Plerique ex his nullum, quemlibet amplum, episcopatum magnitudine sua reputabant majorem: nimirum cum ipsi amplioribus cumularentur redditibus, quam ingens quilibet episcopatus. Eorum tamen aliqui, sive ad honum juxta Apostolum opus, sive juxta sæcularem ambitum ob honoris et potestatis decus minime

A renuissent episcopari, si adfuisset qui eos coegisset. Verum Domino cor regis in manu habente, et quo vellet illud inclinante, annuentibus sibi metropolitanis aliisque nonnullis personis religiosis, maxime vero, de quo superius mentio habita est, Bathoniensi episcopo Reginaldo instante, ad tot Dominicarum ovium custodiam rex ipse utiliorem provideri satagebat pastorem. Illa namque diocesis, bis (82) quaternos continens archidiaconatus, per novem et eo amplius distenditur comitatus. Urbes prægrandes, plebes vero innumeras complectitur; nec facile invenitur alter ab eo vastior aut populosior episcopatus. Vacaverat vero paulo ante sedes tam egregia annis circiter decem (83) et octo, duobus (84) videlicet et semi post translationem præfati episcopi, quindecim (85) vero ante illius consecrationem. Tot annorum curriculis ager ille domivicus industria destitutus, haud mirum si vitiorum sentibus multisque abusionum germinibus squalebat operatus. Discrimen tanti mali sibi rex sentiens imputari (quem videlicet vocationis tam inconsultæ auctorem existitisse patebat) omnimodis nititur per cultoris electissimi strenuitatem omnis diutius cultura dispendia compensare.

Clericis itaque illis in disparia vota frustra studentibus, nullius vero, nisi propriam quisque suam ipsius promotionem ex animo, ut dicebatur, expectantibus, insistunt plurimi, consulentes eis obnixius, ut virum incomparandæ bonitatis, videlicet priorem Withamie, studeant in pastorem obtinere. Com-

(77) Anno 1183, obiit Rotrodus archiepiscopus (Rothomagensis) cui successit Walterus de Constantiis, Lincolnensis episcopus. Ita Chronicon Rothomagense a Labbeo tom. I Bibl. nova, p. 369 editum. Idem confirmat Chronicon cœnobii Mortui maris p. 1440, apud Martene t. III Anecdol. Adhuc in Chronico Rothomagensi: « Hoc anno 1185 receptus Walterus de Constantiis in archiepisc. Rothomagensem in festo B. Matthiæ. » Et huic consentit Trivettus in Chronico quoad annum, ommissa die.

(78) Duo ejusdem fere nominis monasteria refectur in Monastico Anglicano t. I; Eveshamense in agro Wigorniensis pag. 144; Eyneshamense in agro Oxoniensi pag. 258. In horum ultimo videtur coactus fuisse iste conventus.

(79) Balduinus archiepiscopus fuit ab anno 1184 usque ad annum 1191 quo obiit in Palestina, teste Pagio in crit. ad Baronium, p. 701. Obiisse tamen anno 1190 vult Whartonus in Anglia sacra, part. 1, pag. 115.

(80) Forte idem cum Wodestkam, de quo infra c. 8: imo et cum Wdestoc, ubi teste Henrico Huntingdonensi apud Acherium tom. III Spicil., p. 503, Robertus ep. Lincoln. cum rege loquens apoplexia tactus legitur.

(81) Anno 1185 convocatos fuisse per regem prælatos et proceres refert Trivettus in Chronico, sed locum, ad quem vocati, non notat. Londinum vocatos ex Rogerio, ait Baronius, et causam, propter

quam vocati, una cum Trivetto assignat subsidium terræ sanctæ. Utrum hoc aut sequenti anno etiam congregati fuerint in Eyaeshaim nemo asserit, nec negat.

(82) Hos enumerat cum archidiaconis apud Acherium dicto tomo p. 504 Henr. Huntingdonensis, unus ex ipsis.

(83) Computandis ab anno 1167 quo, teste Trivetto, Robertus Lincoln. episcopus obiit, mense et die non additis, nec lætasque inventis. Si ita, non circiter decem et octo anni, sed decem et novem effluxissent, si Hugo anno 1186, die S. Matth. in episcopum consecratus fuisset.

(84) Unde hic semitertius annus post translationem inchoandus sit, indiget examine, maxime, dum non diu Walterus Lincolnensis Ecclesie præfuit, annuus tantum (ut ait Cambrensis apud Warthonum p. II Angliæ sacra, pag. 418) existens.

(85) Ab obitu Roberti, qui, ut præmisi, obiit anno 1107 aut 1166 mense incerto, abierunt anni quindecim anno 1182. Verum an hoc anno sit in Lincolnensem consecratus Walterus, nullibi reperi. Probabile id tamen videtur ex eo, quod apud Baronium ex Rogerio Galfridus anno 1181 mandatum a papa acceperit, ut sacros ordines suscipiendi, aut resignandi episcopatum: ex quibus ultimum fecit anno 1182 in Epiphania Domini: cui successit Walterus, anni unius episcopus in hac Ecclesia.

mendatur a multis ejus sanctitas, ejus discretio, affabilitas ejus, ejus et religio in immensum attollitur. Omnis denique morum elegantia, omnis virtutum quadratura in solo homine isto convenisse prædicatur. Nullus eo, summo dignior sacerdotie, consona multorum voce acclamatur. Ad hæc primo velut horrore quodam perfundi cerneret homines præfatos, homines nimirum, quæ carnis sunt, sentientes, homines, inquam, etiam in causa Dei, quæ hominum potius quam quæ Dei sunt querentes. Denique cultum regionis illius, ritus et loquelam ipsius, sibi prorsus aut contraria aut ignota præferre non sine derisionis cachinno proferebant. Verum hæc illorum derisio a sanam sapientibus, magno eorum commodo, salubriter derisa est. Ipsi quoque ad immensum, non modo sua, imò et totius Ecclesie sanctæ decus, quem pauciliter despexerant, mutato repente consilio, unanimiter denuo elegerunt. Ita, quem ab æterno in hoc ipsum elegerat Dominus, tempore divinitus præfinito eligitur ab hominibus. Gratulantur qui venerant eum, et qui notitiæ ejus expertes erant, mirantur; in commune vero ab omnibus Dominus Deus voce altissima collaudatur.

CAPUT II.

Qualiter Hugo electionem primo de se factam reputans irritam et inanem, ad se venientibus persuasit ut, ad cathedralem ecclesiam remeantes, electionem ibidem canonicam celebrarent.

Clero igitur petente, rege approbante, proceribus cum episcopis acclamantibus, a metropolitano ejus mox electio confirmatur, ipso interim in suo eremo latente, et quid de se ab illis (86) longe a se positus ageretur prorsus nesciente. A loco autem ipso, ubi celebrata est electio ipsa, directi sunt ad eum quidam ex primis electoribus, illis jam in spe clericis et filiis suis. Qui domini archiepiscopi mandatum, ejuſ litteris regis quoque deferentes, ut ad eum perveniunt, ei vocationis suæ ordinem ad gradum superiorem exponunt. Quo ille audito, litteris etiam quas attulerant inspectis (quibus post alia denuntiabatur ei, quatenus sub celeritate regi et archiepiscopo sese præsentaret, de consecrationis suæ negotio tractaturus) tale in continenti ad audita et inspecta dedit responsum,

« Non, inquit, videtur mirandum, si dominus archiepiscopus, aut etiam dominus rex, personam meam, quamvis tali honore indignam, licet tanto oneri longe imparem, ad gradum libenter videant proveli altiore. Nam et domino regi quis ambigat placiturum, si viros a se religionis obtentu de partibus ascitos remotis, prosperis in regno suo videat florere successibus? nihilominus et domino Cantuariensi, qui religionis habitum jam pene solus (87) inter episcopos terræ hujus præferre videtur, quis

stetiat esse volutum ut in susceptæ curæ pastoralis officio coadjutores accipiat, et comministros regulari disciplina experientia instructos? Verum hæc istorum vota vel studia vobis præjudicare non valent. Vestrum est rectorem libere eligere, cujus de cætero moderamina oportet necessario moresque tolerare. Denique non in regali palatio, sed neque in pontificali consilio, dummodo schismatis vel alterius non interveniat noxa criminis, quia potius in suo cujuscunque ecclesie capitulo rectoris ecclesiæ est celebranda electio. Itaque, ut meæ vobis parvitatæ sententiæ intimetur, novitius me quidquid de electione actum est, irritum habere et prorsus inane. Vos quoque pro infecto habentes quodcunque super hoc pars quædam cætus vestri nescitur attentasse, ad propriam cum Dei benedictione ecclesiam remeate. Ibi Spiritu sancti consilio pariter et adjutorio freti, canonice pastoris vestri electionem solemniter celebratis. Quod ut digne efficiatis, non regis, non præsulis, non denique cujuscunque hominis, sed solius Dei omnipotentis voluntatem, gratiam et favorem præ oculis habeatis. Aliud a meæ parvitate minime reprobabitis. Abite igitur, et angelus Domini bonus comitetur vobiscum. »

Eo itaque in sententiæ persistente, cum nulla posset ratione iuduci ut regi seu archiepiscopo suam præfati negotii præsentiam exhiberet, illi ad eos, qui somnaserant, quantoculus redierunt, miro modo in omnibus, quæ ab eo audierant, et quæ circa eum viderant, edificati. Nec solum ipsi, sed et omnes qui audierunt mirati sunt et vehementer invidati, calaudantibus in eo cunctis ac magnificantiſus sinceritatem animi, virtutem eximiam discretionis, vivacitatem consilii et zelum ecclesiasticæ libertatis.

CAPUT III.

Qualiter pro electione secunda apud Lincolnium celebrata, ad se missis responderit, se sine prioris Carthusiæ obedientia episcopalis onus non susturum.

Talibus igitur ad notitiam Lincolnienſis capituli perlatis, universitas illius collegii jam quasi arham futuræ strenuitatis et quasdam virtutum primitias de suo electo se percepisse impensius gratulatur. Quique prius se male inductos ac circumventos querebantur, ut hominem natura barbarum, moribus, ut formidabant, agrestem et asperum, sibi in rectorem et dominum elegissent, nunc vice versa bonitatis et sapientiæ illius virtute comperta, accelerant denuo de novo eligere illum, et, ut super se pastoralis curæ ministerium dignetur suscipere, devotissime supplicant.

Mittuntur iterum cum litteris capituli, regis quoque et archiepiscopi nuntii plures prioribus. Omnibus itaque existimantibus consummatam jam esse negotium nec ullum ei de cætero superesse procrastin-

(86) Erant illi in cœnobio Eynesham sub Lincolnienſi diœcesi, Hugo autem in Carthusia Withamienſi diœcesis Bathoniensis.

(87) Bakluinus erat ex ordine Cisterciensium, et præ-

ter hunc adhuc vivebat Gilbertus ex abbate Gloucestriæ episcopus primus Herefordensis, et ultimus Londinensis, et Johannes ex Cisterciensium episcopus Norwicensis, forte et quidam alii.

nandi suffragium, legati jam plene instructi, hilares et læti superveniunt ad eum. Præsciverat quidam ab olim vir beatus ad pontificatus officium se (88) quandoque divinitus perducendum; unde quod vitari non posse dolebat, ne demum fieret, quantum in se fuit, ne citius fieret, differri cupiebat.

Auditis ergo post inspectas litteras præfatas nuntiorum verbis, sic eos alloquitur: « Mirum est, inquit, quod viri sapientes adeoque civiles me hominem incultum et idiotam tantopere sollicitatis ut familiarem et mihi ab adolescentia mea amicam quietem solitudinis auferre curetis, publicisque conventibus et negotiorum implicamentis, mihi prorsus insuetis et inexpertis, ingerere laboretis. Verum quia, ut video, id vobis dissuaderi prolati a me rationibus non potest, hoc sciatis indubitanter, quia vestri laboris meta in meo arbitrio non est constituta. Latere enim vos non potest quia homo sum sub aliena potestate constitutus. Monachum me novistis prioris (89) mei nutibus subjectum, servandæ usque ad mortem obediendi additum, et præcepto illius, qui in has terras misit me, usquequaque substratum. A meo mihi præposito domus hujus custodia credita est, nec admittit ratio ut, ea neglecta, alterius cujuscunque domus vel ecclesiæ suscipiam gubernacula. Dominus quidem Cantuariensis, primas et princeps Ecclesiæ Anglicanæ, sub pontifice summo est; attamen in hujusmodi est alius inter nos medius. Aut igitur petitionis hujuscemodi intentione discedendum est, aut itineris onerosi usque ad Carthusiam fatigatio subeunda. Nam citra prioris nostri jussionem, oneris vestri sarcinam humeris meis nullus imponet. »

CAPUT IV.

Qualiter missi priorem Carthusiæ requirebant; et Hugo ipse devotioni fortius insistens se contra jugum episcopale sibi imminens præparabat.

Hoc illius accepto responso, cum verbum ejus cernerent penitus non posse mutari, redeunt illi tam de infecto, pro quo venerant, negotio mœsti, quam de futuri pastoris sui virtutibus insignique constantia unde non exigua ceperant documenta. hilares effecti. Verum, ne multis immoremur, honorabiles sub festinatione diriguntur ad Carthusiam legati. Quo pervenientes petitionem Lincolnienſis Ecclesiæ, regias quoque preces et monitionem archipræsulis scriptis verbisque allegant. Qui etiam, ut dignum fuit, honorifice suscepti, gratiffice exauditi, reditum accelerant, mandatum (90) prioris et fratrum ad Hugonem reportantes, quatenus canonicam de cætero domino Cantuariensi exhibiturus (91) obedi-

(88) Ex prædicatione illius senis, cujus fit mentio lib. 1, c. 9 et alterius Bovonis lib. 11, c. 2, et forsitan ex alia revelatione sibi nota, nobis incognita.

(89) Prioris scilicet majoris Carthusiæ, utpote generalis totius ordinis.

(90) Carthusiæ videlicet majoris, cui tunc ab a. 1178 præerat Jancelinus. De quo apud Sausaium in Martyr. Gallic. suppl. p. 1095: « In majori Carthusia Gratianopolitanæ diocesis pium efflavit

etiam, in eo ad præsens simpliciter ei obediat, et hesitatione omni postposita suscipiat humiliter id quod ei divinitus constabat imponi jugum Domini.

Dum vero hæc agerentur ab illis. Hugo minime indulgebat otio. Omni namque instantiâ, die noctuque compunctioni cordis ac puritatis incumbens, assidueque orationi præparabat, non cultum pretiosarum vestium, seu vasorum splendorem ad inanem gloriam, sed animam suam ad tentationem. Imminentem enim non aliter expectabat status sui mutationem, quam nubibus conglobatis suspectam nanta tempestatem; aut in longum servatus miles olim formidatam agminum hostium congressionem. Cum familiari vero provisoro et nutritore suo Deo de sumptibus, sollicite tractabat necessariis ad diem festum, quo erat ungendus oleo lætitiæ. De sumptibus, inquam, non quibus ventres reficeret destruendos, escis æque destruendis, sed quibus ingentem sensuum internorum et affectionum multitudinem virtutibus roboraret non defecturis. Nihil sane ducebat miserabilius, quam in die tantæ solemnitatis exterius quidem madescere sacramentalis olei pinguedine, interius vero tabescere squalore ardentis conscientiæ. Quam ille miseræ inmanitatem præcavere satagens, ita se agebat in comparandis præparandisque copiis in hoc ipsum necessariis, ac si nihil esset, quidquid ab ineunte ætate studii et laboris circa id negotii expedisset.

Versabantur præterea indesinenter ei ante mentis oculos, non imminentiâ deliciarum aut divitiarum plerisque optata lenocinia, non dignitas aut potestatis excellentia, non demum obsequiorum acutilitas officiosa, sed amara vitæ contemplatiæ dispendia, quietæ et serenæ meditationis orationisque detrimenta. Nemo, ut plerumque ipse nobis secretius non sine gemitu fatebatur, quotidianam cordis ejus exponere sufficeret agoniam qua medullitis angebatur, cum perenda mox imaginabatur fructuosa cellula suæ otia, pro quibus succederent dispendiosa palatiorum negotia. Metuebat quoque, ne inter hæc cedente psalmodia litibus, cessante lectione sacra superfluis rumoribus, cederet pariter vel iatima contemplatio cæteris phantasmalibus, vel interna puritas externis vanitatibus.

Denique, cum rediisse nuntios accepisset, quos certe maluisset, tunc primum iter illud arripere, non cessabat fratres in sacro proposito paternis exhortationibus corroborare, suumque timorem eorum suffragiis attentius commendare. Videriat jam, qui episcopatum tantopere desiderant, et qui ad prælationum culmina tot devitiis callium anfractibus

spiritum beatæ memoriæ Jancelinus prior generalis decimus ordinis Carthusiani: cui annis fere sexaginta, non sine insigni laude ac vitæ sanctimoniam, ut habet ejus Mnemosynon in nomenclatura Patrum ipsius ordinis præfuit. » Ita ibi. Obiit autem dicta die anno 1234.

(91) Qualem debet episcopus archiepiscopo, Lincolnienſis Cantuariensi.

aspirant, quoniam virtutum genere, quibus morum divitiis, et quibus meritorum stipendiis virum istum antecedant. Istæ et seipsam a vulneribus indemnem servare, et aliena vulnera curare, tam perfecte edoctus, pabulo quoque doctrinæ salutaris adeo copiosus, intimo cordis affectu evidentissimo etiam operis effectu loquebatur: « Non sum medicus, et in domo mea non est panis, nolite me constituere principem populi (Isa. III, 7). » Verum, quo alius propriam in omnibus attendebat vir beatus defectum, eo cumulatus divinæ plenitudinis percipere meruit supplementum, illud Doctoris gentium decantans: « Non, quod sufficientes simus cogitare aliquid a nobis, quasi ex nobis; sed sufficientia nostra ex Deo est (II Cor. III, 5). » Quia vero non a se, sed a Deo sibi hanc sufficientiam esse sciebat, noluit de alieno commodato aut etiam dato insolescere, neque in magnis ambulare, sed sese attendens in se, dona vero Dei, quæ percipiebat, supra se, ultimum tota mentis affectione in ecclesiasticis nuptiis tenere studebat locum. Is autem, qui eum segregavit ex utero matris suæ, et vocavit per gratiam suam, ut per eum glorificaret nomen suum in multis gentibus, invitatione amabili eum coegit superius ascendere, quo de sufficientia cœlitus sibi collata conservis suis, daret cibum in tempore.

CAPUT V.

Qualiter nuntius a Carthusia regressis, vocatione jam tertia de domo sua exire compulsus, versus Londinum pro consecratione recipienda se transferens, illam nondum sui ordinis humilitatem deseruit: quin potius post sellam equitando sarcinulam deferret, in sua consecratione a regia magnificentia largissima honoratus.

Trium itaque mensium (92) elapso tempore a die electionis suæ primæ, legalis sæpe dictis regressis a Carthusia, vocatione jam tertia compellitur exire de domo sua, qui dudum egressus fuerat de terra et de cognatione sua. Egreditur ergo ad pontificalis percipiendam consecrationis benedictionem. Pergens vero ad suscipiendum tantorum successuum culmina, humilitatis ima minime deserebat. Complens enim opere quod semperolvebat in corde, viri sapientia

(92) Facta prima in Eynesham electione itur in Witham pro consensu, ex Witham pro altera electione Lincolniam, inde rursus in Witham, ex Witham ad Carthusiam majorem, et inde reditur pro vocatione jam tertia in Witham, et ex Witham Londinium pro consecratione. An hæc intra trium mensium angustias potuerint perfici, anceps hæreo.

(93) Ubi cathedralis ecclesia. De qua plura in Monastico Anglicano, t. I, p. 31, et Mabillonius tom. III Annot., p. 567.

(94) De die conveniunt omnes, non item de anno.

(95) Aut igitur rex adfuit consecrationi, aut non præcui ab illa absuit.

(96) Archidiaconus Menevensis, Giraldus Cambrensis, S. Hugoni coetaneus, quem Henricus Whartonus in præfatione ad part. II Angliæ sacræ, p. 20, non inutiliter monet fuisse archidiaconum Brechinensem in Ecclesia Menevensi, non Brechinis ac Meneviæ, quod Baleus habet, nec primo Brechnocensem, postea Menevensem, quod vult Pitseus. Uicium enim Brechinis archidiaconatum Giraldum

A consilium, quanto major erat, et quanto ad majora conscendebat, tanto se in omnibus humiliabat. Solitam animi gravitatem cum exterioris cultus abiectione retentans, sedebat equum non phaleris adornatum, sed post sellam oneratam, quibus diurno uteretur tempore et nocturno, peltium et sagorum involuero [Cod., sagorum involutus]. Ita cum suis clericis equos sedentibus, anreis decoratos sagmatibus, electus Dominus equitabat; illis varia scrutantibus arte, suam ei sarcinulam auferre, et ferendam suis sagmariis imponere. Verum, cum ab eo neque seriis, ut hoc permetteret, neque joco extorqueri potuisset (cavebat namque ante gradus sublimioris conscensum, observationis pristinae usum obmittere vel mutare quantumcumque), illi animo sæculari confundebantur rubore vehementi in humilitate spiritualis viri.

Cum vero Winthoniensium (93) appropinquaret civitati, ubi et regia illi familia et civium occurrura erat frequentia, quidam ex ipsis clericis verecundiam non ferens cordis sui vani, amputatis clamoris quibus pelle astringebatur sarcinula memorata, prædo efficitur improvisus, spolians nescientem onere, quod ferebat. Perveniens tandem Londoniis, in die festo (94) beati Matthæi evangelistæ, benedictione consecratus pontificali, ordini apostolico ad evangelizandum pauperibus dignissime sociatur. Rex (95) autem congratulans voti sui circa illius promotionem se compotem effectum gaudio gestiebat infinito. Contulit quoque ei liberalitate munificentissima vasa quædam aurea, multa quoque argentea, et varia etiam in usus quosque necessarios utensilia, adjiciens in sumptus celebrandæ solennitatis universa copiose impendia.

CAPUT VI.

Qualiter incathedratus apud Lincolniam archidiacono Cantuariensi responderit, quantum pro mitra dederat, tantam et pro cathedra se daturum. Qualiter etiam responderit procuratori domus suæ de capiendarum numero damarum: et de avis apud Stowam mirabilitate, quam retulit archidiaconus Menevensis (96).

Incathedratus autem in ecclesia sua, Cantuariensi

obtinnisse, quamvis ab ecclesia cathedrali Menevensis archidiaconus in pontificum, regum ac sui ipsius litteris sæpius appellatus sit. Porro in citata Angliæ sacræ parte a pag. 410 exatit Giraldi liber De vitis episcoporum Lincolnensium, et a pag. 420, ejusdem copula ter gemina, seu liber De vitis seu episcoporum coetaneorum. Utrobique magnis laudibus Hugonem nostrum Giraldus celebrat, sed historiam Oloris tantum in posteriori opere p. 431 et seq. totidem fere verbis quot auctor Vitæ describit. Idem Giraldus in catalogo tam fustori, quam breviori librorum suorum, p. 442 et 445 testatur se etiam scripsisse « Vitam S. Hugonis, quinti post Remigium, loci ejusdem, » scilicet Lincolnensis « antistitis. » Sed hæc in Angliæ sacra nusquam comparat, nec ubi hodieque existet, in præfatione generalis observat Whartonus. Forte hæc Hugonis Vita ab egiis, eidem a Giraldo in præfatis duobus opusculis sat large tribuitis, diversa non est, quidquid aliud innuero verba Giraldi videantur.

archidiacono solenne ex more donarium postulanti ita respondisse fertur et dignoscitur : « Quantum, inquit, pro mitra dedi, tantum nec amplius pro cathedra dabo. » Suggestente vero procuratore domus suæ, quem sibi providerat rex, oportere eum ex damulis suis, in saltu suo inclusis, aliquantas capi ad solenne convivium instaurandum; nec fas esse plures quam jussisset ipse comprehendere : « Trecentæ, inquit, capiantur, nec, si videbitis expedire, numero huic adjicere dubitatis. » Quod ab eo juxta cordis sui magnificentiam simpliciter prolatum, regi et curialibus, quibus sermo innotuit, in jucundum versum est proverbium.

Celebrantibus igitur cunctis apud Lincolniam in summa cordis lætitia diem festum pro adventu cœlitus sibi destinati rectoris, Christi benignitas non longe a civitate ipsa signo evidenti valdeque memorabili visa est primitus alluisse. Eo namque die, vel circiter ipsum proximo, quo apud Lincolniam primo susceptus fuit Hugo episcopus et incathedratus, apud Manerium (97) ipsius quasi per octo milliaria ab urbe Lincolnensi distans, juxta Stowam (98), silvis et stagnis delectabiliter obsitum, olor novus et nunquam ibi ante visus advolavit, qui infra paucos dies, cygnos, quos ibidem reperit plures, mole suæ magnitudinis omnes oppressit, uno tantum feminei sexus ad societatis solatium, non ad fecunditatis augmentum reservato. Erat enim tanto fere cycno robustior, quanto cygnus est anseris major; cycno tamen in omnibus et præcipue in colore et candore sublimior : præter quantitatem etiam in hoc distabat, quod tumorem in rostro atque nigredinem more cygnorum non præfererat; quin imo iocum eundem rostri planum, croceoque decenter colore una cum capite et colli parte superiore distinctum habebat. Avis autem hæc regia, et tam qualitate quam quantitate perspicua, in primo ad locum illum præsubito adventu, quasi sponte et absque difficultate, domestica facta, ad ipsum in camera sua, propter admirationem est adducta. Quæ statim a manu ejus panem sumens et comedens, eique familiariter adhaerens omnem, ut videbatur, silvestrem interim exuta naturam, nec ejus contactus, nec astantium undique turbarum et intuentium accessus sive tumultus abhorrebat. Consueverat etiam interdum, cum ab episcopo

pascebatur, caput cum colli longitudine tota in manicam ipsius largam et peramplam, inque sinum interiorum avis extendere, ibique aliquandiu cum sollicitudine quodammodo domino suo congratulans atque præludens, aliquid quæritando mussitare. Item, sicut asserebant ministri et custodes manerii, contra præsulis adventum ad locum illum, cum de more aliquandiu abfuisset, tribus diebus vel quatuor solebat se solito alacrius avis agitare, volitando videlicet in amnis superficie, et aquas alis verberando, altaque voce clamando. Interdum etiam a stagno exeundo, nunc ad aulam, nunc ad portam ulteriorem, tanquam venienti domino obviam pergens, magnis passibus ambulabat. Mirum hoc etiam, quod nemini præterquam soli episcopo, se familiarem vel ex toto tractabile exhibebat, quin potius astans domino, ab aliorum accessu eundem, sicut aliquoties cum admiratione conspexi, clamando, alis et rostro minando, voceque altisona juxta naturæ suæ modulos crocitando, defendere solebat, tanquam se propriam ejus esse demonstrans, eique soli in signum fuisse transmissam, manifeste declarans (99).

Cum vero ad locum ipsum circa Pascha proximum (100) ante suum ex hac luce transitum, adventu scilicet postremo, episcopus accessisset, non solum ei solitum non exhibuit occursum, sed neque ad illum mirari aut e vivario, cui innatabat, educi acquivit. In ipsis autem aquis volatum mestum gerens aut morbidum aspectum, nihil quolibet gestu alacritatis præfererat. Mirantibus ad hoc omnibus qui aderant, tandem præcipiente episcopo, ut introduceretur vel invita, triduo a plurimis frustra insudatur. Capitur vero ad postremum in carcere remotiori, ubi fugiens insequentibus lætitabat. Producta vero ad episcopum, capite pendulo ac vultu ægro, ægrisque per omnia gestibus, maestam prætendebat imaginem. Cujus rei novitas tunc quidem stupori fuit intuentibus. Verum a loco ipso celeriter abscedente episcopo, et post sexti mensis (101) a tempore illo excursum viam universæ carnis ingresso, nec ab amica sibi volente ulterius viso, satis rei eventum considerantibus patuit quid gestus hic lugubris protenderit; quo adeo mesta illud vale ultimum domino suo fecit. Permansit autem ibidem postea multis temporibus.

(97) Apud Manerium suum, id est villam suam. Orlenerius Vitalis lib. IV apud Cangium in Glossar. med. et infimæ Latinitat. : « Ducentas et octoginta villas (quas a manendo manerios valgo vocamus) obtinuit. »

(98) Juxta Stowam, olim cœnobium, a Remigio instauratum, et a Roberto ejus successore in Eyneshaim translatum. Unde legitur in monastico Anglie, t. I, pag. 262 : « Stow in agro Lincolnensi cella de Eyneshaim. » Et iterum : « Cœnobium monachorum apud S. Mariam de Stow. Remigius Lincolnensis episcopus de novo fecit. » Et apud Giraldum Cambrensem Angliæ S. part. II, p. 417. « Monachos quoque de Stowa usque ad Eyneshaim lau-

dbili commutatione, et Ecclesiæ Lincolnensi tam propter manerii propinquitatem et amicitiam, quam et præbendarum vicinitatem valde accommodata, provide transposuit. »

(99) Quæ hucusque de Olore dicta sunt, etiam leguntur apud Giraldum Cambrensem loco citato. Incertum, quis ab altero acceperit, dum uterque sub Hugone Lincolnie vixerit, et narrata conspiciere potuerit. Sequentia addit auctor Vita.

(100) Anni 1200 quo Pascha incidit in Nonam Aprilis, et Hugo obiit in Novembri.

(101) Subintelligendi hic veniunt menses integri, intermedii inter Aprilem et Novembrem.

CAPUT VII.

Quam sollicitus erat Hugo noster de personis idoneis in Lincolnensi Ecclesia collocandis, et pro incumbentis sibi oneris supportatione suo lateri adjungendis. Et est hoc capitulum in serie magnæ Vitæ octavum.

His in hunc modum prælibatis, de signo, quod universi mirantur, viro Domini exhibito per avem famosissimam, ad alia quoque meritorum insignia fidelibus vel ex parte, prout possumus, intimanda, opitulante gratia Domini nostri Jesu Christi accedamus. Ac in primis, quantum studii, quantumque impenderit sollicitudinis, ut Ecclesiam sibi commissam viris adornaret illustribus, videtur commemoratio dignissimum: Perpendens quippe altiusque considerans, quia absque virorum proborum adiutorio, nec populo, nec clero, quem regebat, posset prodesse, nec quibusque justitiam ecclesiasticæ jurisdictionis expetentibus sufficeret competenter adesse. Viros sapientia præditos et scientia, quodque pluris est, in timore Domini probatissimos, suo instantius satagebat lateri sociare. Horum siquidem et consilii fretus, et auxiliis comitatus, munus suscepti regiminis strenuissime adimplebat. His denique Lincolnensem Ecclesiam cunctis per orbem universum Ecclesiis gloriosius copiosiusque illustrabat. His etiam, cum vacare cœpissent, præbendas seu alia beneficia conferebat. Hos variis dignitatibus, singulis quoque ecclesiasticis functionibus præficebat. Hujusmodi homines, non solum in toto orbe Anglicano, imo et in nationibus exteris scholisque transmarinis, omni studio investigatos suæ Ecclesiæ gremio inserebat.

Ad venerabilem quoque metropolitanum suum [Balduinum], fratrem superius nominatum, accedens his eum alloquitur: « Novit, inquit, Pater reverende, discretio vestra quantum expediat, non solum animæ meæ, non solum commissæ mihi indigno Ecclesiæ, quin potius præcipue nobis, deinde universæ pariter religioni sanctæ, quatenus in officio mihi credito non prorsus me inutilem studeam exhibere. Gratias ago bonorum omnium auctori Deo, quia hoc ipsum ex munere suo velle quidem adjacet mihi, ceterum implere, quod velle merui, cum non sciam, et quod non sufficiam per me ipsum, ipsi prius et melius nostis. Nec solum quidem ad hoc mihi et scire et posse minus suppetit, verum etiam a quibus suppleri congruentius possit meus in hac parte defectus, non satis agnovi. Advena quippe homo sum, et indigenas terræ quo minus novi, eo imperfectius, quibus meritorum suffragiis et quibus studiorum præpolleant experimentis, compertum habeo. Vobis ulteriorem istius rei notitiam multiplex comparavit experientia. Vos enim inter eos nutriti, vos eis

(102) A pago, ut videtur, Bedefortensi, aut a cœnobio S. Albani, quod in agro Bedefortensi situm est, ita cognominatur Robertus.

(103) Item cum eo, de quo apud Dzovium in anal. ad annum 1200, p. 86 legitur: « Infra quindecim dies post obitum magistro Rogero de Roleston,

A longo tempore prælati, eos, ut vulgo dicitur, intus et in cute novistis. Non igitur meo tantum, quin vestro potius discrimini, prospicientes, qui tam inscium promovere non timuistis ad opus hoc arduum, tales mihi ex his, qui vestro diutius lateri adhærendo probabiles se in omnibus, vestro apprime informati exemplo, demonstrarunt, committite adiutores, quos in partem sollicitudinis adjunctæ mihi securus valeam admittere, qui mecum onus pastoralis curæ laudabiliter valeant supportare. »

His archiepiscopus auditus non modice gratulatur. Ex una quippe sancti viri petitione, multa in eo bona animi evidentius prospiciebat. Videbat primo quantæ istud humilitatis esset, ut vir tantus tam de se infima sentiret, ut solus ipse eo honore se censeret indignum, quo divino simul et humano probaretur indicio esse dignissimus. Mirabatur contra usum humanæ felicitatis hominem ex humili ad summa provectum plus humilitate quam dignitate, plus mansuetudine quam dominatione crevisse. Videbat quantum zelaret subditorum salutem, ad cuius procuracionem tantopere expetebat bonorum opitulationem. Intuebatur quanta, sibi puritatis conscius, benevolentia in suum primatem plenus, quanta etiam prudentia per cuncta esset præditus, qui eos sibi domesticos collaterales, primosque fieri optasset consiliarios, quos idem locis suis habuisset metropolitanus. Duos igitur ex his, qui sibi adhæserant, ei delegavit magistros, Robertum (102) Bedefordensem et Rogerum (103) Roystonensem; quorum uterque in toto totius Angliæ clero distinctis gratiarum prerogativis visus est emittisse.

CAPUT VIII.

Qualiter Hugo noster summum regis forestarium excommunicando, et se a conferenda præbenda ab ejusdem instantia excusando, ipsius regis incurrit offensam.

His aliisque viris eximiis, lateri suo sollicito adhærentibus, Spiritum Dei habens (de quo scriptum est: « Ubi Spiritus Dei, ibi libertas (II Cor. III, 17), » peccantes libere increpabat, et nullis contra justitiam potentatibus deferbat. Unde contigit ut in ipsius promotionis (104) suæ auspiciis, dum in sublimes quasdam regni potestates ecclesiasticam districtius exsequitur coercionem, ipsum quoque non mediocriter visus sit offendisse regem. Est enim inter altas abusionum pestes prima in regno Anglorum tyrannidis forestariorum pestis provenciales depopulans. Huic violentia pro lege est, rapina in laude, æquitas exsecrabilis, innocentia est reatus. Hujus immanitatem mali nulla conditio, gradus nullus, nec quisquam, ut breviter totum exprimamus, rege inferior, mansit et evasit indemnis, quem illius injuriosa jurisdictione non sæpe tentasset elidere. Ilac cum pernicie pri-

decano Lincolnensis Ecclesiæ (Hugo) apparuit dicens: Concessit mihi Dominus, » etc.

(104) Hoc et sequenti capite relata succinetius ex Særio refert Baronius, et ex Petro Blesensi expliat, quoniam sicut et dicantur forestarii.

mus Hugoni congressus fuit, hæc illi prima et prælii causa, et materia triumphii. Hæc eum ancipitem gladium spiritus exerere primum coegit.

Cum enim more solito, ut in cæteros, ita et in suos homines contra Ecclesiæ suæ libertatem forestarii debacchari cœpissent, eo usque res tandem processit, ut summum regis forestarium, nomine Galfridum (105) excommunicationis vinculo inodaret. Quo rex comperio vehementem exarsit in iram. Contigit interea unam ex præbendis Ecclesiæ Lincolnienſis discessu canonici, qui eam possederat, vacantem, novum exspectare dispensatorem. Hoc nulli audito regem concito exorant, quatenus unum eorum ipsam conferri ab eo litteratorie deprecetur. Arbitrabantur se obsequium etiam in hoc præstare viro, cui dedissent occasionem, motam adversus se indignationem regiam utcumque mitigandi. Nec cunctatur rex petitioni eorum favere; quippe et in hac parte pontificis animum libenter cupiebat propositumque explorare. Consistebat eo tempore rex quidem apud Wodestkam, episcopus vero apud Dorkeestram (106) quæ ab invicem mansiones tredecim (107) creduntur millibus distare. Lectis vero episcopus petitoriis sibi destinatis: « Non, inquit, aulicis, sed potius ecclesiasticis ecclesiastica oportet beneficia conferri personis, quorum possessores, non palatio, aut fisco, sive staceario (108), sed, ut docet Scriptura, altari debent deservire. Habet dominus rex unde exhilaret obsequentes negotiis suis, habet unde compenset in temporalibus militantium sibi pro temporalibus laborem. Bonum est ei, ut summo regi militaturos, deputatis eorum necessitatibus, permittat gaudere proventibus, nec debitis eos privare stipendiis acquiescat. » Hæc dicens regios a se nuntios, inanes et vacuos, redire non expavit.

CAPUT IX.

Qualiter predictis offensis a rege vocatus ita se habuit respondendo, quod cum ejus benevolentia liber abscessit.

Talibus vero in curia declaratis de Lincolnienſi adhuc novo ac quasi recenti episcopo, non defuerunt qui regem, ut videbatur, jam satis commotum adversus eum, in vehementiorem niterentur furorem sermonibus incitare venenatis. « Jam, inquit, domine, in manifesto est, quam ingratus sit tautis homo iste beneficiis vestris: jam patet quo loci operam locaveritis et impensam, dum ejus tantopere promotioni invigilastis. Et utinam tantummodo gratiam non referre contentus sit homo animi inhumani, non autem et injuriam rependere insistat pro tanto honore! cæterum quid pro vobis eum speremus subsequenti tempore esse facturum, aut vestria (jussis) inquantum delaturum confidimus, quem

(105) Qui, ut cap. proximo dicitur, se virgis subjecit, et Hugoni in expediendis negotiis deinceps favit.

(106) Ubi olim sedes episcopalis, translata sub Remigio episcopo Lincolniam.

(107) Ex distantia utriusque loci ab invicem col-

A jam cernimus post tot, adhucque recentia beneficia, in tantilla re vestram excellentiam adeo irreverenter contempnasse? quem et proces intimosque bellios (109) vestros tam proterva dolemus sententia contempnasse? »

B Ad hæc princeps ille, quamvis plurimum turbetur, modestiæ tamen cancellos non excedens, misit protinus, et episcopum ad se cæcessivit. Quem foribus jam imminere prænosces, cum universa nobilium, qui tunc aderant, frequentia, in saltum contiguum assensu equis secedit. Ubi in loco residens amœno, consulibus cæterisque magnatibus in modum coronæ consedentibus præcepit ut nullus accedenti episcopo assurgeret, nullus advenientem saluaret. Nec mora, adest ille, assistit, salutem regem et consedentes, sed eum nullus resalutat. Quos, ut vidit, incurios sui tacitosque sedere, accedit propius; manuque leniter imposita scapulis magni ejusdem consulis, qui proximus assederat lateri regio, locum sibi juxta regem ipse fecit. Obstinato quoque silentio, cunctis diutius insistentibus, rex tandem vulum erigens demissum, a quodam assistentium dari sibi acum præcepit cum filo. Quo facto, suere cepit manu propria læsam panniculoque involutum læræ suæ digitum. Agebat hoc, ne nil ageretur aliquandiu, nihil interim loquens. Ita vero se gerebat, ut solent nimium irati, cum in eis animi rancor vocis absorbet officium, meatu spiritum intercluso.

C Hoc episcopus intuens, ac sui causa omnem hujus simulatis pompam exhiberi cognoscens, apud se, velut a sublimiori quadam intimæ rationis specula, cogitationum carnalium mollimina longe despexit; ac demum conversus ad Regem his verbis paucissimis totam cordis ejus erectionem tumidam elisit, ipsaque vim verborum non ferentem corpore etiam resupino solotenus rejectit. Verba ipsa exprimemus, nil eis demendo vel adjiciendo. Ait ergo: « Quam similis es modo cognatis tuis de Falesia! Hoc quasi telo, blando quidem et levi, sed mirum in modum penetrabili et præacuto rex præcordialiter trajectus conserit digitos, solvitur in cachinnum, ore sapino in terram deponens cervicem, et sub tali diutius schemate risibus frena laxabat. » Ex consedentibus, qui verbum intellexerant, niro tenebantur stupore. Mirabantur enim supra modum sub tali articulo tale improprium principi tanto ab homine tali fuisse intortum. Subridere tamen et ipsi se cohibere non valentes, cœperunt animis expectantes [f., expectare] attonitis, quidnam ad audita rex tandem esset responsurus. Plures sensum nescientes prolati sermonis amplius stupebant ob repentinam gestus regii percunctationem. Quorum demum ignorantiam rex ipse intelligens, propria, ut eos instruat, efficitur interpres injuriæ. Præventus enim tam urbana

ligi posset, Wodestkam an idem sit cum Woldestok aut Wdestoch, de quo lib. III, c. 1.

(108) F. Scocario, de qua voce vide not. ead. lib. v c. 13.

(109) Alias dicti Ballivi, Germanis Lanwoigt Ummann.

invectionis novitate modullitus commovebatur, hominisque confidentiam et ipse admirans, sic orsus est loqui. « Num, inquit, intelligitis cujusmodi nobis contumeliam barbarus iste intulit? Ego vobis dictum ipsius explanabo. Constat genitricem (110) proavi nostri Wilhelmi, triumphatoris hujus terræ, de stirpe mediocri traxisse originem, ac de oppido iam so Northmannorum, quod Falesia (111) nuncupatur, fuisse oriundam. Municipium hoc arte peliparia celebrius extollitur. Quia vero me suere digitum meum derisor iste conspexit, idcirco similem Falisiensibus et eorum cognatum me esse dixit et impropertavit. »

« Attamen age, inquit ad episcopum, vir bone, quidnam tibi visum fuit, ut nobis inconsultis principalem forestarium (112) nostrum anathemati subijceres? nostram insuper petitunculam (113) ita floccipenderes, ut neque per teipsum ad nos venires hujus repulsæ expositurus rationem, neque verbum per nostros nuntius nobis placabile remandares? » Talia exposulanti mox ita respondet episcopus: « Novi, inquit, vos, ut episcopus efficerer, studiosius desudasse. Ut igitur vestram a discrimine animam expedirem, quo illam periclitari contingeret, si, quod mei noscitur esse officii, circa Ecclesiæ mihi commissæ utilitatem exsequi non curarem, necesse fuit ut oppressorem ipsius Ecclesiæ per censuram ecclesiasticam coercerem, et indebite præbendam sibi in eadem Ecclesia cupientem extorquere nullatenus exaudirem. Excellentiæ autem vestræ præsentiam pro utrolibet adire negotio, non modo superfluum esse, imo et ineptum sentiebam, cum vestræ discretioni pronum sit id, quod rite geritur, prudenter advertere, et voluntati nihilominus vestræ sedent, quod rectum esse cognoscitis, favorabiliter approbare. »

Hujusmodi rationibus rex, quod contradici posset, non inveniens, postposito temere concepto simultatis nubilo, amplectitur jam ore sereno pontificem, ejusque orationibus se commendans obnixius, illius per omnia reliquit dispensationi, qualiter hominem sententiæ innodatum, absolutionis beneficio redonaret. Quem etiam valde contritum animo et humiliatum, præstito juxta formam Ecclesiæ sacramento publico, cum suis complicitibus virgis castum absolvit, dataque benedictione, per omne reliquum vite sue tempus speciali quadam benevolentia familiaris eum sibi devotum sensit et suis negotiis provisorem.

A præbendarum quoque violentis postulationibus, quibus velut importunis milvorum unguibus universas passim infestabant ecclesias, et diripiebant

(110) Erat illa Hervela aut Harlotta, Pessiparii filia, ex qua Robertus dux Northmanniæ genuit Wilhelmium Conquestorem, Henrici II regis proavum.

(111) Oppidum famosum Northmannorum una cum arce alias *Falaise* dictum: De quo quidam: « Falaise cum arce, patria Guillelmi Conquestoris, ambitur fossis profundissimis, duobusque cingitur stagnis. »

(112) Galfridum videlicet de quo actum præce-

ditur, hac una interim repulsa curiales vehementer repressit, et eorum a se importunitatem præcui avertit.

Ejus tamen venerationi et ipsi certatim læserviebant, adeo ut devotionis eorum et industriæ experientiam plurimum ipse sæpius commendaret, familiaribus asserens suis; quibusdam eorum se libentius beneficia largiturum ampliora, si non earum tenerentur nexibus irretiti.

CAPUT X.

Quod in ecclesiis præbendatos teneri ad residentiam reputabat: et secundum hoc magistro Parisiensi respondit, qui præbendari in Ecclesia Lincolnensi affectavit; et quod inter fratres seu homines quosque dilexit præcipue unitatem.

« Sic tamen curiales, imo quarumlibet eorum cathedralium clericos, suæ ecclesiæ canonicos rariis efficiebat: residentiam præcipue in Ecclesia Lincolnensi ab illis exoptans, quibus illius Ecclesiæ canonica stipendia conferebat. Nimirum, sicut qui altario deserviunt, altario jure participant, ita minime deservientibus altaris commoda dicebat incongrua ratione provenire: et cum ecclesiis debitis [cod., et ecclesiis cum debitis] servientium excubitis ex eo fraudari contingeret, speciem [cod., contingeret et speciem] videretur habere rapinæ, cum militaturis deputata militiæ spiritualis stipendia non militaturi præsumerent occupare. Nam et illam Apostoli quoque sententiam in hac potissimum causa intelligi: teneri debere sanciebat, ut, qui in sanctuario nequaquam laborant, in eo etiam non manducent, quæ sanctuario consecrantur. Si enim gloriatur Dux gentium quod sine sumptu posuit Evangelium, quam ignominiosi, aiebat, reputandi sunt, qui sine evangelizandi studio, sine ministrandi obsequio, sumptus evangelizantibus aut ministrantibus assignatos usurpare præsumunt! Meminimus (114) autem quendam eo tempore summi fere inter theologos canonicosque Parisienses nominis dixisse quendam vice Hugoni: « Gloriosam, domine episcopo, præ cunctis totius orbis Ecclesiis vestram exhibitis Ecclesiam, insignem multitudinæ clericorum: essetque mihi (nec enim id celandum vobis dixi) satis optabile eorum numero quolibet vel pærexili titulo sociari. » Cui statim episcopus: « Et nos, ait, eorum vos numero libenti animo jungeremus, si etiam inter eos residere velitis, et si quoque ad scientiam moros vobis passibus æquis responderent. » Præerat enim sabbulis Parisiensibus regens et ipse scholas (115), celebrior tamen eo tempore scientia quam disciplina. Qui responso tali accepto erubuit, se nimis libere protulisse, quod minus sincere involvebat in pectore, expertus in se verissimum esse, quod de sinceris-

menti capite.

(113) De præbenda alicui in Lincolnensi Ecclesia concedenda, et ab Hugone eidem cap. præcedente denegata.

(114) Anno 1200 quo Hugo una cum auctore Vita Parisiis fuit, uti constat ex lib. v, c. 19.

(115) Quis eo anno præfuerit scholis Parisiensibus noverunt Parisienses.

simam libertate hujus viri non semel in patria sua se meminit audivisse. Recordens autem ab eo, castigatioribus de cætero moribus instituisse fertur.

Homines vero quieti spiritus et pudici arctius diligebat Hugo : nec alios suo de certa conscientia regi aliquatenus sociabat, quantalibet industria aut cujuscunque litteraturæ prærogativa eminent. Nihil autem pacis bono in hac vita dicebat præferendum, et nihil seditionis et turbationis peste amplius fugiendum ; ideoque vitandam omnimodis societatem alio spiritu ad schismata anhelantium, et discordiarum inter fratres seminantium, admonebat. Monebat quidem indifferenter quoslibet, et indesinenter prælatos unitatis et concordie vinculum cum suis subjectis inviolabiliter retinere, suimet illis exemplum proponens. Aiebat namque : « Quia novi, me cum filiis nostris bonum pacis et unitatis tenacius observare ; non regem, non quemlibet timendum mihi æstimo mortalem. Sed neque internam perdo securitatem quæ æmpiternæ imitatrix et preparatrix existit tranquillitatis. Noc vero, inquit, idcirco mihi a dominis nostris (sic enim suos canonicos nuncupabat) quies hæc defertur totius ignara dissidii, quia lenem me sentiunt et mansuetum. Sum enim revera pipere asperior atque mordacior : qui et eorum præses capitulo ex re frequenter levissima nimis inflammor ad iram. Illi vero scientes quia oporteat eos, qualem susceperunt talem et me sustinere, faciunt de necessitate virtutem, deferentes mihi. Gratias illis habeo copiosas. Nunquid enim vel sermone in uno quidem resisterent mihi, ex quo primum inter eos residere cæpi ? Egreredientibus autem universis hujus capitulo nullus, ut arbitror, de nostra sibi æstimat dilectione diffidendum, nec ipse me existimo a quovis eorum non amari. »

Talis vero ac tantus ei dilectionis affectus ad singulos nimirum suæ Ecclesiæ filios ab exordio promotionis suæ usque ad extremum vitæ ipsius perseveravit diem, ut illius evidenter se probaret imitorem esse, de quo evangelista Joannes venerabili profitetur assertione : « Cum dilexisset suos qui erant in mundo, in finem dilexit eos (Joan. xiii, 1). » Quorum etiam in tuitionem se objiciens, si quando ex eis quempiam gravandum quocunque incursum agnovisset, non modo factis, imo et sermone, dicere consueverat : « Qui tangit vos, tangit pupillam oculi mei (Zach. ii, 8). »

CAPUT XI.

Qualiter tam Baldewino Cantuariensi archiepiscopo,

(116) De hac Baronius ad annum 1186 : « Præsentum tibi auctoritate » (verba sunt Urbani papæ III) « mandamus ut liceat tibi ecclesiam in honorem beatorum martyrum Stephani et Thomæ construere, etc. » Verum, ut habet Trivetius ad annum 1187, « Baldewinus Cantuariensis per litteras apostolicas prohibitus est ab executione ecclesiæ novæ, quam inchoaverat, » etc.

(117) Huberto. Raynalus ad annum 1198, ex Parisio hæc refert : « Innocentius papa III monachos Cantuarienses contra Huberti archiepiscopi Cantuar. et Anglorum regis gratiam protexit, atque ecclesiam

quam ejus successor, capellarum constructioni insistere dissuaserit, ex qua inter ipsos et suos monachos Cantuarienses gravissima discordia exorta fuit, inter quos pacem reformavit.

Piæ vero recordationis Baldewino, Cantuariorum archiepiscopo, quorundam insulnetu ecclesiam (116) seu capellam in honorem pretiosi protomartyris Stephani, et inclyti neomartyris Anglorum Thomæ, in territorio civitatis suæ construere festinanti, cum monachi cathedralis ecclesiæ vehementius obstiterent, opus illud in suum asserentes præjudicium attentari, Lincolnensis Hugo, quod rei probavit eventus, super eodem ab illo consultus negotio certissimo prædixit oraculo : « Si inter vos, inquit, domine archiepiscope, et capitulum vestrum, hujus operis causa schisma, quod non expedit, contingat suboriri, et discipline vigor in conventu vestro emarcescet, et ordinis censure imminet. Hinc quanta successura sint pericula animarum, nullius æstimatio sufficere præmetiri. Vos præterea regie vestram oportebit auctoritatem substernere servituti. Curie Insuper Romanæ, nec non et plurimorum et sublimitate consistentiam variamque habentium potestatem subiacebitis fastui ac timori, ipsius quoque summi pontificis, hora omni et tempore omni, motus necesse erit animosque vereri. Ipse tam consummato quam opere isto inchoato demoliri præcipiet, quidquid demum cognoverit præjudicialiter actitatum. »

Cumque diceret archiepiscopus sanctum Thomam hujus fabricæ in honore sancti levitæ Stephani instituendæ gestis propositum, satis ad hoc eleganter respondit episcopus : « sufficiat, inquit, inquit, vos simili jam proposito martyri adæquatam. Si meam vultis audire imperitiam, ulterius eo minime procedetis. » Verum illo aliorum potius consiliis innitente mentisque propositum in operis effectum pertrahente, tandem expertus didicit, quam verum sit, quod Scriptura dicit : « Anima viri sancti magis enuntiat aliquando vera, quam septem circumspectores sedentes in excelso ad speculandum (Eccli. xxxvii, 18). » Nam malorum, quæ justus prædixerat, ne unum quidem præterit inexpectum. Structura vero illa jussu Domini papæ funditus eliminata est et demolita, auctore cum roboris et pectoris multiplici quesu operam perdente operisque impensam.

Idem quoque ejusdem successor (117) in opus simile gestiente et vir fidelis prædixit, et verum finis induxit. Nam et ipse haud procul a Londoniis capellam contentiosam, instar prioris (118), quæ secus

Lamelich, dissensionis fontem everti imperavit. De qua etiam Trivetius ad annum 1199 : « Hubertus archiepiscopus ecclesiam, in beati Thomæ honore fundatam apud Lambete, quam prædecessor ejus Baldewinus inchoaverat, de mandato domini papæ Innocentii tertii demolitus est. »

(118) Aliam, ut videtur, non eandem, Balduinus etenim secus Cantuariam, sive, ut præmittitur, in territorio civitatis suæ, Hubertus autem non procul Londoniis capellam sive ecclesiam voluisse construere hic memorantur.

Cantuariam fuit, diruta, fretus regia potestate crexit: clericos in ea præbendarios, secularium more canonicorum, aut per se ipsos aut per interpositas personas ministratos instituit, a quibus jam circa locum pluribus contractis ædificiis, pertracta in longum inter Patrem et filios, archipræulem et monachos, lite amara, multis quoque personis electissimis, tam e monachis quam e clericis, Romanis febribus in urbe sub tunc intestino bello, extinctis, viri tandem magnanimi inconsulta molitio, eodem ipso demotiente, in pulverem redacta est. Fecit hoc, quam invitus tam et confusus, apostolica nimirum severitate compulsus.

Ad postremum vero, jam viro Dei Hugone per ultimam vitæ mortalis ægitudinem ad æternam properante felicioris vitæ incolamitatem, ipso simul arbitro et conjudicibus suis a summo delegatis pontifice, pax inter prædictos reformata est (119), mirum in modum exultante et in hoc divinæ clementiæ gratias referente eodem veracissimo filio pacis. Gratulabatur namque impensius, quia instar beatissimi Martini (cujus semper et amator devotus et strenuus imitator esse mereorat) hanc virtutum suarum bonam fecisset consummationem, qua pacem Ecclesiæ Dei redditam reliquisset.

CAPUT XII.

Quomodo in mensa et in victualibus se Hugo habebat; et quam potenter in executione eorum, quæ sui erant officii, se gerebat; et quam humiliter ac devote circa pueros confirmandos et alios infirmitate detentos astabat.

Erat quoque in mensa hilaris et jucundus, sed non sine gravitate et modestia, illud semper attendens, et quandoque hortantibus se ad lætandum ore etiam proferens quod in libro Esther [Judith] legitur: *Læti simus secundum faciem sanctorum (Judith. xvi)*. Si quando histriones aut musici suis interessent occasione quadam solemnibus conviviis, ubi ipse, sive ad propriam, sive ad alienam mensam resideret, tunc quam maxime gravitati studebat, vix unquam oculos a mensa erigens, et ita se in omni gestu et sermone exhibens, ut manifestum esset intuentibus quia tunc se ad interiora arctius constringeret, cum se sensus exteriores hujusmodi lenocinia blandius mulcerent.

Sacras inter vescendum lectiones tanta audiebat diligentia, ut præter nonnullorum passionum martyrum, præter gesta quorundam sanctorum, et celebriorum de præcipuis solemnitatibus doctorum sermones, totum fere vel ex integro Velas Novumque Testamentum (120), exceptis quatuor evangelistarum libris (121) (quos aliis, sicut infra dicitur, temporibus legi instituit), cum ad nocturnum officium coram se, tum ad praudium faceret recitari. Ut autem supra

(119) De hac pace, plenius altero ab Hugonis obitu anno confirmata, vide Annales Eccl. Wintoniensis. apud Warthonum, pag. 305.

(120) Ex consuetudine ordinis Carthusiensis, in quo eadem annis singulis, aut in ecclesia, aut in rectorio, leguntur hodie, et legi statuta voluit.

A memoravimus, hoc uniformi jugiter institutione et ipse servabat, et quibusque rationabile Deo cupientibus obsequium præstare, observandum inculcabat, ut omni scilicet tempore et loco, quod rerum exigeret præsentium instantia, convenienter adimplerent. Ad quod etiam dignius exsequendum, se ipsum habilem, et, quantum potuit, idoneum studuit exhibere.

Sentiens autem magni esse laboris opus episcopalis officii, nec sine viribus etiam corporis id posse decenter impleri, ita jumento corporis alimenta præbebat ut necessariis usibus congrue subserviret. Quod eo securius eoque sufficientius faciebat, quominus, ne contra suum recalcitraret cessorem, castigatione diutissima jam satis edemtum, motuendum erat. Nam et per continuum frigidioris diætæ usum eo usque internas jam corporis vires attriverat, ut fatiscente naturali calore, crebras infrigidati stomachi perferret molestias, iliis insuper passionibus sæpius amarissime torqueretur. Nihilominus tamen inter hæc adfuit ei, et affluxit singularis gratia, robur illi accumulans, fortissimis quibusque admirandum. Videre quasi miraculum erat quemadmodum in ecclesiarum dedicationibus, in celebrationibus ordinum, cæterorumque ecclesiasticorum officiorum, seu quibuslibet pontificalis ministerii exercitiis (in quibus plurimum videtur esse laboris) omnium sibi adhærentium vires solus ipse excederet, quemadmodum non solum fassis, sed pene deficientibus cunctis, aliis ad resumendas vires paululum secedentibus, aliis ad obsequendum ei succedentibus, ipse indefessus et alacer de opere ad opus, de labore percurreret ad laborem.

Ad ista, nonnunquam surgebat ante lucem, et usque ad profundas sequentis noctis tenebras jejuniens, nec a labore cessans, diem medium transigebat. Plerumque, dum immodicus æstatis fervor immineret, quosdam altaris ministrorum cogebat panis et vini modicum prælibare (122), ne prægravati æstu, jejunio et labore, citra periculum post toties repetitos circuitus, in ecclesiarum dedicationibus astare, demum et ministrare missarum solemnia celebranti nequivissent. Cum prægustatis jussu suo panibus, horri quibusdam et formidini esse scisisset, sacrum inter agenda vel calicem vel Dominicam contingere sindonem, arguebat eos quasi pusillæ fidei et discretionis infirmæ, qui nec obedire velent jubenti sine hæsitatione circumspæctæ Jussionis.

Quotiescunque iter agenti occurrissent, ut assolet, qui per manus suæ impositionem confirmari expecterent, aut qui parvulos ei ad illud percipiendum sacramentum offerrent, mox opportuno loco in pedes ab equo descendens, quod illius erat officii, sollicita

(121) Hæc annue in capitulo post nonam canonicam a Paschate usque ad festum Omnium Sanctorum apud Carthusianos leguntur.

(122) Contrarium innuit Surius his verbis: « Neminem sinebat ad sacra officia ministrare, qui jejunium quacunque occasione fregisset. »

devotione adimplebat, in quacunq[ue] dioc[esi] hoc acc[er]disset. Nulla unquam fatigatione aut infirmitate, nulla viæ asperitate aut aeris intemperie, ut equum sedens tantum exhiberet sacramentum, potuit induci. Data quidem benedictione optata circumstantibus, infirmis quoque, qui adfuissent, oratione ad Deum pro eis fusa, in spem adipiscendæ sospitatis cum exultatione respirantibus, repletus et ipse benedictionibus eunctorum, cœptam repetebat viam. Quamplurimos autem per hujusmodi ipsius orationem seu benedictionem speratam consecutos fuisse incolumitatem indubitanter sæpe agnovimus.

CAPUT XIII.

Qualiter ex dulcedine affectionis infantulis adjocabatur, qui vice versa eidem mirabiliter applaudebant.

Ex multa quidem parvitat[is] et innocentiæ abundantia, ut erat simplicitatis et munditiæ præcipuus amator et custos, infantulos vir sanctus miro excolebat affectu, non modo sinceritatem, sed etiam ætatem respiciens. Parvulis enim, ubi eos reperisset, spirituali quadam suavitate dulcius adjocabatur, et a talibus vix adhuc balbutientibus miri cujusdam leporis semiverbia eliciebat. Imprimebat subinde frontibus vel quibusque sensibus eorum vivificum sanctæ crucis signum, fausta eis imprecans, eosque iterata sæpius benedictione communiens. Illi quoque mira ei vicissim celeritate familiariter alludere gaudebant, quique omnium p[er]ne virorum aspectus veneri solebant, ei potius quam suo parenti desideranter adhærebant.

• Vidimus parvulam quemdam (123) menses sex ab ortu habentem, cum ei frontem chrismate sacro consignaret episcopus, tantis illi omnia[m] artuum motibus applausisse, ut singulare illud Præcursoris Domini, in utero exultantis, gaudium æmulari crederetur. Laxabat vero ita risibus inexplebilis oris

A exigui labella, ut putaretur incredibile sic posse in tali ætate solis adhuc vagitibus assuetum ridere. Deinde brachiolis quasi ad subvolvandum, nunc distortis, nunc disjectis, cervicem huc illucque jactando, quasi importabilem sibi esse monstrabat lætitiæ, qua afficiebatur, magnitudinem. Tunc manum ejus utrisque attractans palmulis, et distingens pro modulo suo ori applicat, applicitam vero allambere potius quam osculari festinabat. Faciente hæc pontifice diutissime infanti, et infante pontifici, inaudito invicem de se spectaculum delectabiliter exhibebant. Oblata sunt quidem puero ab ipso episcopo poma, vel quæ talibus solent esse grata pueris, pleraque, aliæque singula, ac si tædio sibi forent, repellebat. Quæ repellendo tunc, quasi vicisset, totus in episcopum inhiabat. Ipsius quoque nutricis, quæ cum gestabat, cum quodam fastidio manus sibi admotas respiciens, oculis in episcopum intuebatur, et manibus illi applaudebat, ac ore iudecime aridebat.

• Asportato demum eo, cum mirarentur presentes super tali prodigio, asserentes nunquam visum fuisse tripudium tam immensum in tam angusto corpore, episcopus semel alias tale quid se vidisse narravit. • Nam dudum, inquit, cum prioratum gererem Withamiæ (124), contigit me tempore generalis capituli adire Carthusiam. Occasione autem itineris præteriens castrum de Avalim, cuius frater noster Willelmus arcem noscitur obtinere, declinavi in domum ejus. Ibi nobis præsentabatur puerulus, necdum fandi peritus, filius videlicet ejusdem fratris nostri (125). Hic similibus per omnia nobis applaudebat motibus, ita ut dimissus a nutrice, et super lectum nostrum expositus, inter gaudia, quæ ducebat, etiam cachinnari quodammodo supra vires nature cerneretur.

Explicit liber tertius.

PROLOGUS LIBRI QUARTI.

Ut autem temporis serie paululum intermissa pro ætatum ordine adhuc sicut cœpimus, pauca referamus, post exactam infantilis, nec non ævi puerilis historiam, adulescentium est intentio breviter subnectenda, sicque per succedentium gradus ætatum usque ad mortuorum exsequias narratio extendenda, in quorum diligentissima executione, post Tobiam nemo reperitur adæquasse Hugonem, qui, ut superioribus innuit, singula vitæ suæ momenta divinis nanciundo præceptis id jure promeruit, ut pluribus

in quolibet ætatis gradu existentibus etiam ipse prodesse valuisset. Factus vero jam ætatis integræ et pontificali officio insignitus, sepeliendis mortuis tantam visus est sollicitudinem impendisse, ut misericordiæ hujus præmio in futurumposito, sub præsentis quoque tempore singulari donaretur honore sepulturæ (126). Quod tunc plenius Domino favente exponetur, cum quarto hæc atque penultimo gestorum illius libro imponetur meta, cujus exordium ista duximus prælibanda.

Explicit prologus.

(123) Circa parvulum hic narrata evenisse postremis vitæ S. Hugonis annis insinuat auctor, dum se ea vidisse astruit.

(124) Verosimiliter n[on] ex annis bissextilibus 1180, aut 1184, quo priores Angli ad generale capitulum venire obligabantur.

(125) Distinguendus ab altero ejusdem fratris sui filio, quem (uti lib. v, c. 20, legitur) S. Hugo annis

1200 baptizavit puerum septennem, dum ille, de quo modo agitur, ad minus sexdecim annorum fuerit anno 1200.

(126) De sepultura sancto exhibita proluxe agitur infra lib. v, c. 27 et 28, per totum. De eadem Radulphus Cuggeshale in chronico anglicano a Martene et Durando evulgato t. V, novæ collectæ, column. 366

LIBER QUARTUS.

CAPUT PRIMUM.

De Martini nostri Hugonis scriiniarii tonsione, ad religionem conversione, et professione in eadem.

Deputaverat custodiae pontificalium scriniorum reverendus antistes Hugo juvenem quemdam, modestum quidem moribus et pudicum, sed vanitatis mundanae non plene vacuum, Martinum nomine. In scriniis autem vasa et vestimenta, aliaque hujusmodi sacra, quorum in altaris ministerio usus erat, continebantur. Moris autem erat horum custodem et bajulum, quamvis laicum, tamen quia inter ecclesiastica versabatur cum clericis ministeria, tonderi ut clericum, et tunicam propriis vestibus superindutum hancam creditis sibi deservire obsequiis. Martinus huic de recenti subrogatus officio tonsionem suscipere jubetur ab episcopo. Quam ille triduo jussio-
nem, pudore obsistente non bono, distulit adimplere, variis per dies singulos excusationibus velare nitens, cum argueretur, omissi praeccepti voluntariam ob inobedientiam. Hoc episcopus advertens reportantem ab ecclesia quadam die post missam scriba observat, eumque in ulteriorem secutus exedram, cincinnio [al. cicinno] capitis illius digitos innectens : « Ecce, ait, quia tonsorem non reperisti, qui ordinatam tibi faciat tonsuram, ego ipse tondebo te. » Haec dicens, sumptis forcipibus caesariem illius in rotundum circumcidit. Quo facto, mox juvenculus in lacrymas resolutus genibus sancti provolvitur, constringensque manibus fortiter pedes ejus. « Domine, inquit, per misericordiam Dei adjuro vos, ut audiatis parumper me. Quia enim dextera vestrae sanctitatis capiti meo signum abstulit mundanae vanitatis, oro, quatenus a mundi hujus laqueis penitus me absolvere velit. Nam revera amputata per manus vestras coma saecularis meas ulterius cervicem minime praegravabit. Ut quoque propositum mentis per manus vestrae obsequium coelitus mihi inspiratum manifestius pandam, viluit mihi prorsus hoc nequam saeculum, et appeto monachatum : Deo in posterum me totum devoco, et saeculi ex toto pompis renuntio. Prosequatur, obsecro, gratia vestra, qua per vos metui praeveneri gratia Dei, ut et ipsa prosequatur me quae jam praevenerit omnibus diebus vitae meae. Per vos religionis merear suscipere vestem, per quem modo suscepti characterem. » Quid multa? Cum episcopus haec quasi dicta puerilia duceret ac negligenter acciperet, dissimulabat quidpiam referre auditis, processitque

A jam comesturus ad triclinium. At caeteris vescentibus edax desiderii flamma depascebat Martini praecordia, adeo ut vix contingere sineretur corporca alimenta, praec interni ardoris quo medullitus aestuabat vehementia. Finito igitur convivio accedit seorsum ad cunctos singillatim, quos in tali cenabat negotio magis exaudibiles fore episcopo. Quorum pedibus advolutus, aures, animos affectusque eorum singulibus pulsat, movet precibus, et fletibus pietate plenis inclinat, ut aestuanti penes episcopum suffragia conferant, quo per eum salutaris desiderii consequatur effectum.

In talibus vero diebus persistens indefessus et noctibus, tandem post triduum obtinuit quod perseveranter postulavit. Expiata siquidem tridua ejus inobedientia ex dilatae, non minori tempore, exauditionis mora, sciens vir clementissimus temperamentum misericordiae suae, fecit ad se accersiri venerabilem virum, priorem Sancti Neothi (127); utque absolvamus compendio quod gestum est, sancto coetui ejusdem collae suae Martinum favorabiliter sociari petiit et impetravit. Compertam namque a praecedentibus annis Beccensium habuerat idem juvenis laudabilem prorsus institutionem, nec non et ordinatam familiae sancti Neothi conversationem. Unde professione illius astringi, isti vero habitationi praeelegerat conjugii. Cui provisor pius et vestitum contulit regularem, et diem susceptionis illius ad habitum sacrum solemnem refectione universis fratribus exultabilem fecit.

C Martinus vero, quae Dei sunt non minus facere quam scire infatigabiliter studens, prosequente pia ejus vota gratia Christi, in bonitate et disciplina, in scientia adeo in brevi profecit ut omnibus ejus profectus etiam imitandus esse censeretur. Quem postea ad subdiaconatus gradum nutritus saus cum gaudio ingenti promovit. Erat quidem in eo cunctis mirabile, quod in semetipso unicuique videbatur impossibile, ut in aetate scilicet jam proveciore tanto cito litteras scivit quas in tenerioribus annis minime didicisset. At Martinus admirantium laudibus, non dico, non extollebatur, imo nec quidem leviter movebatur, quin potius coevos et consodales quondam suos firmissimis rationibus arguebat vanitatis, ad studium eos invitans vitae correctioris. Rogavit etiam pontificem, quatenus a Domino abbate Beccensi suis dignaretur precibus obtinere, ut ad domum ma-

(127) S. Neoti prioratus (scribitur in Monast. Anglicano t. I, p. 368) in comitatu Huntingdoniae, primo cella abbatiae de Becco in Northmannia, deinde vero factus indigena. Acturi sunt de S. Neotho Bollau-

diani, aut jam egerunt, ad diem 31 Julii. Videndus quoque Mabillonius Annal. tom. III, p. 221, et t. V, p. 327 et 520.

tricem (128) de Becco veniendi et in ea diutius persistendi copia daretur sibi, quo sacri ordinis perfectius informaretur caeremoniis, et probatissimorum, quos ibi esse noverat, plenius Instrueretur monachorum exemplis. Consecutus est autem post modicum tempus interventu præsulis piæ hujus petitionis effectum. De cujus (129) nuper conversatione et industria, tam ab ipsius abbate quam ab aliis, pleraque didicimus satis commendabilia.

CAPUT II.

De osculo leprosum (130) et multiplici consolatione, verbis nostri Hugonis, de dulcedine Salvatoris, et eleemosynæ largissima distributione. — Et hoc est capitulum in serie magnæ Vitæ libro quarto.

Inter alia vero pietatis insignia quantam ægrotantibus curam, quantam etiam lepræ tabe laborantibus benignitatem impenderit, quis digne commemoraret? Illis nimirum pedes propriis sæpe manibus diluens, et extergens osculisque demulcens, nummos iussu refectis cibo et potu largiri consueverat, faciebatque illud secretus coram paucis arbitris in camera sua tredecim sæpius personis, cum tot inveniri potuissent in locis quibus ipse interfuisset.

Erant præterea in quibusdam fundis episcopi matricule, in quibus non pauci hujus morbi incommodo detenti, tam viri quam feminae, sustentabantur. Illis, præter assignatos a prædecessoribus suis redditus, varia in multis rebus subsidia cum omni diligentia conferebat, frequenter ad eos in propria quoque accedens persona, ac cum paucissimis ex sibi adherentibus, viris timoratis et devotis, medius inter illos in cella residens secretiori, verbis optimis relevabat animos eorum, dolentibus materna quodammodo lenitate blandiens et ad spem retributionis æternæ desolatos temporaliter afflictosque sustollens. Morum quoque honorum documenta suavitate mira interserens verbis consolatoriis, ita, si quid reprehensibile de eis percepisset, ne iterum admitteretur, suadebat ut eos et admisi vehementius pœniteret, et ulterius admittendi audentia seu voluntas nulla eis remaneret.

Ante exhortationis vero alloquia, semotis interim jussu ejus feminis, mares singillatim circueiens exosculabatur, singulis se inclinans, et quos cerneret atrocius jam tabe confectos diutius ac suavius complexans. Tales prædicabat esse felices, tales esse paradisi flores et præclaras coronæ Regis æterni dicebat esse margaritas. Hos fiducialiter et secure expectare Salvatorem memorabat Dominum nostrum Jesum Christum, qui reformet corpus humilitatis

(128) De hujus cœnobii origine agit Mabillonius Annal. tom. IV, p. 438.

(129) An quid noverint Beccenses de hoc Martino, nō lateat.

(130) Dicitur memorabile, quod Surius refert de differentia osculorum leprosis a S. Martino et S. Hugone exhibitorum dum abbreviator tacet, utcumque insinuat Surius præ manibus habuisse Vitam prolixiorem S. Hugonis, uti et ex variis locis colligi datur; et Petreus indicat, suo tempore illam in Coloniensi Carthusia existisse.

A eorum, configuratum corpori cœlestis suæ (Phil. III, 21), cum ex adverso formidolosi expectent sublimem adfuturum Judicem, qui modo de corporis specie gloriantes, illius per mentis elationem refugiunt humilitatis et munditiæ conformitatem.

Agens vero seorsum cum familiaribus suis de tanta Salvatoris nostri clementia, qui miserrimos quosque in vita præsentis toties ore divino beatificat in Evangelio suo, nunc Lazarum inducendo ulcerosum in sinum Abrabæ ab angelis perductum, nunc seipsum in infirmis asserendo esse infirmum, mira cum dulcedine omnium Auctorem dulcedinum attollebat. « O, inquit, quam felices erant, qui Medico adeo dilecto familiariter adhærebant! Quam mihi dulce fore quæcumque his seu pedibus calcasset, seu qualibet corporis sui parte contigisset, vel manibus attritasset osculis lambere, oculis opponere, intimis etiam, si fieri posset, visceribus inserere! Quam vero miseris sunt qui aliud quidquam timent quam adeo dulcem offendere! quam gemendi sunt, qui aliud quidpiam dulce reputant aliudque expetunt quam sic dulci dulciter adhærere et dulciter parere! Nescio quid jam possit amarum sentire qui dulcis hujus dulcedinem jugi didicit meditatione in interno cordis sui palato dulciter ruminare. »

Hæc vir sanctus de cœlesti vulnerum nostrorum Medico sentiens, hæc dicens, hæc etiam quæ præmisimus, de membris illius infirmantibus proferens, hæc illis impendens evidenter satis exprimebat, quanto interiori serferet igne divinæ pariter et fraternæ dilectionis. Qui etiam in commune quibusque indigentibus tantas largiebatur eleemosynas ut præter illa quæ multis sæpe specialibus ex causis nunc interpellatus, nunc ipse voces præveniēns necessitatem patientium, secretis erogabat, annuas omnium rerum suarum obventiones usque ad tertiam partem æstimationem sub certa constitutione in opera expendisse non dubitetur misericordix.

CAPUT III.

Quam constanter rebellibus se opposuit, et in Deum contumaciter delinquentes ecclesiastica censura punivit.

Post præmissa recensendum videtur quam egerit fortiter in superbiorum præsumptionibus coercendis, quam incunctanter armatorum sæpe ipse se inermem ingresserit turmis, quam steterit inter micantes gladios et exertas dexteris, in Lincolnensi priuim Ecclesia, deinde in Hollandia (131) ac demum in Northantona (132), nudo capite constans et intrepidus

(131) Lege « in Hoylandia, » parte Angliæ, diocesis Lincolnensis, in qua cœnobium, de quo in Monast. Anglic. t. I, p. 773: « Swineshevedensis abbatia in agro Lincolnensi fundata anno 1134. » Et Vischius in Chronologia ad dictum annum: « Cœnobium Swinsbel, id est, Hoylandia in Anglia. »

(132) Alias Northamptona, comitatus ad diocesium Lincolnensem pertinens. Adest charta in Monast. Anglic. t. I, pag. 681, in qua Hugo noster monachis S. Andree in Northamptona confirmat diversa illis olim concessa

das. Minus vero dixi, steterit, cum huc et illuc dis-
currendo gladium spiritus tota cum libertate in fu-
reates et frementes conspiratores seu intrusores
vibraverit, tradens contumaces Satanæ in interitum
carnis, ut spiritus salvus feret in die Domini (1 Cor.
v, 5). Cujus eo constantia sublimius emicuit quo
ibidem virorum fortium robor formidini evidenti-
us cessit, eoque illius confidentia illustrius claruit quo
eorum diffidentia comitum et officialium in tanto se
discrimine apertius probavit. His namque non modo
ad aras fugere parum fuit, imo et sub ipsis men-
sis Dominicis se abscondere videbatur minus tutum.
Quibus ita confugientibus et latebras foveantibus Hugo
persistebat solus, cædebatque labiis intentantes cer-
vicibus suis gladios. Cujus magnanimi audentia, nec
non et protegentium se angelorum custodia ipsius-
que divinæ virtutis armatura fracti et confusi, apud
Lincolniam tam clerici quam laici, apud Hollandiam
milites et armigeri, apud Northantonam quoque
burgenses [i. e. cives], infensi cesserunt plures
uni, sævientis miti, et tranquillo turbati.

Apud Hollandiam tamen, quod prætereundum non
est, Wilhelmus de Avalim, consobrinus episcopi,
miles acerrimus, generosi sanguinis vena incale-
scens, cum stricto mucrone quidam armatorum
pontificem funesta pararet ferire audacia, jam per-
cussuro se fortiter objecit. Cui etiam vi magna ex-
torquens gladium, nisi prohiberetur a præsule dis-
trictius, enim absque vulnere abire non sivilset.

Ita vero paratus erat Hugo juxta formam apostoli-
cam, omnem in gladio spiritus ulcisci inobedientiam
(1 Cor. x, 6), ita quoque ejus ultioni animadversio
celerem subinferebat vindictam, ut in Deum conta-
macer delinquentibus, sicut ipse nullatenus parceret,
sic quemcumque zelo justitiæ, spirituali mucrone
ipse percelleret, nisi citius respiceret, corporali
pariter exitio interiret. Hinc rebelles quosque et
ecclesiastici juris violatores, de sua quandoque po-
tentia insolenter præsumentes ac præ tumore men-
tis ad minas interdum procaciter erumpentes, sic
voce terrificâ objurgabat: « Quid de vestris, ait, viri-
bus vel armis contra manum omnipotentem præsu-
mitis, quando nobis etiam indignis et infirmis hæc
manus adeo potentia arma contulit ut eis humana
nullatenus cœqueatur armatura? Loricas nostras
jacula vestra non penetrant, et galæ nostræ enses
vestros non fornidant. Nostris vero ensibus nec cas-
sides vestræ nec thoraces resistunt. Vos, si quando
carnem cæditis, animam prorsus contingere non
valetis. Gladius noster et corpus perimit, et morti,
non transitoria, sed æternæ eorum quos percellit,
animas addicit. »

CAPIT IV.

*De partu ab uxore cujusdam militis suppositione, et
eorum punitione qui tanto facinorosi consenserunt,
de nomine forestarii, et de crudeli cujusdam epi-
scopi maledictionem retinentis interfecione.*

Jam vero de numero illorum quos in reprobam

(153) Anno, uti colligitur, 1195. Puella etenim viri
in præsentia auctoris detegitur.

A tradidit mortem solo anathemate, qui sine horribili
de hac luce migrarunt, paucos exempli gratia com-
memorare non erit inutile. Erat in territorio Lincol-
niensi miles quidam jam provectoris ætatis, uxorem
habens sterilem. Habebat quoque fratrem æque
militem industrium et prudentem, quem jure hæredi-
tario, si absque liberis ille decederet, habiturus vi-
debatur successorem. Invidebat autem huic uxor sua,
verens de forte viduata marito sub illius deveniret
dominatum, erga quem placitum nunquam gessisset
affectum. Nequitia igitur viperæ dolis incitata, ut
ei consequendæ hæreditatis præcluderet aditum, quia
partum non habebat proprium, supposuit sibi alie-
num (153). Refertis siquidem ac tumentibus interna
fraude visceribus cervical præcingit exterius? Si-
mulat quoque uterum intumescere puerperio, quæ
solummodo scelere fetabatur infando. Miles, in cu-
jus præjudicium versutæ malignitatis componitur
strophæ, dolum sibi stui deprehendens, sed artifi-
cem doli non convincere nec cohibere sufficiens, rem
defert ad notitiam amicorum. Rimatur sollicitus
consilii remedium, sed minime reperit opportunum.
Interea mulier decumbit lecto; et factæ parturitionis
indulget suspiriis. Quæsitam vero a vico proximo
muliereculæ cujusdam recens natam prolem semi-
neam in publicum edit, ac veluti a se veraciter
enixam omni cum diligentia studiosius enutrit. Cujus
etiam veriore ad se accersivit genitricem, eique
nutriendi pignoris proprii delegavit sollicitudinem.

Dum talia geruntur non procul a Lincolnia, con-
tingit instare jam Resurrectionis Dominicæ festa pas-
chalia. Accedens igitur miles, muliebri circumventus
astutia, ad pontificem, astipulantibus sibi viris
discretis, quos fama certior tanti perflaverat male-
ficii, omnem rei cunctis audientibus adeo suspectæ
pandit rationem. Nec vero, cujusnam esset filia, seu
quemadmodum a falsa genitrice acquisita, per
quam sibi exhereditatio parabatur, adhuc certius
sibi innotuerat. Motus autem vehementer vir justus
et pius ad aulita, malignæ maritum mulieris ad se
jubet quantoculus accersiri. Quem secretius advoca-
tum discutit instantius, instruit et coarguit, tantique
reatus confessionem ab eo elicere magnopere insistit.
Verum ille, conjugis nimium procacis plus jurgia
quam Dei justitiam pertimescens, ejus quoque si-
bilis præincantatus viperæ, se primum criminis
hujus inflciatur habere conscientiam. Urgente de-
mum episcopo et æstimationis publicæ argumenta
acriter inferente, quibus patebat verosimillimum
esse nec ei sobolem nasci potuisse jam valetudinario
et seni, nec eum videri ignarum uxorii commenti,
attractus evidenti ratione hac, tandem seipsum ré-
sponsione deludit. « Quia longo, ait, tempore, corpo-
ris incommodo me premente, conjugis neæ secreta
minus perfecte novi, ideo volo, si placet, arctius de
his ab illa perdiscere veritatem. Quidquid vero inde
mihi compertum fuerit, vobis mane nuntiabo, vestro
quatuor annorum desponsatur, et fraus anno 1199.

indubitanter pariturus consilio super omnibus, quæ fuerint iuxta rei inquisitione seriem utilius exsequendi. »

Tum præsul satis admonitum, in his verbis eum abire permittens : « Scias, inquit, die crastina excommunicationis sententia omnes illos a nobis solemniter ac terribiliter esse feriendos qui hujus mali auctores exstiterint aut fautores, si minus forte, quod polliceris, fueris exsecutus. » Sic ille dimissus, et ad suos reversus, sterili puerperæ, quæ audivit a pontifice, vel quæ pontifici retulit ipse, seriatim exposuit. Ad hæc illa, infrendens et infelicem illum procaciter objurgans, redire eum ad fidelem consiliarium penitus dissuasit. Qui male acquiescens domitrici suæ, cui ordine præpostero diu consueverat ancillari, rediit domi, crimen adiciens mendacii præcedenti errori.

Facta est dies crastina, quæ fuit sacrosanctæ Resurrectionis Dominicæ paschali solemnitate gloriosa, qua episcopus, habito sacræ exhortationis verbo ad populum, cunctis negotii hujus pandit eventum, enormitatem exaggerat maleficii, et se non defuturum asseverat, quia tanto pro viribus occurrat piculo ex censura pastoralis officii. Cumque plenius perdoeuisset quanti sit criminis, non tantummodo in fratrem proprium, sed vel in quemvis proximum, quippiam hujusmodi attentasse, unde necessarie contingat eum cum omni posteritate sua irremediabili dispendio subjacere (quod etiam peccati genus sub mole suæ nequitie ad mortem sui sæpe perpetratores dicebat irremissibiliter astringere), omnes illos vinculo innodavit anathematis qui, de partus prædicti suppositione exhæreditationem militis sæpius memorati minime timuissent procurare. Nec vero in longum distulit in traditos sibi ex sententiâ viri justî Satanæ sævitie suæ tyrannidem exercere. Virum namque sequenti nocte invadens, qui perveritatem conjugis dissimulando potius fovit quam correxit, ejus subito animam extorsit. Repente etenim in lectulo apparuit mortuus, in quem se locaverat quiete, ut credidit, pausaturus. Hujus autem mulieris ita furor pertinax et ira adeo dura fuit ut proprium tam exitialiter virum perdidisse non ei sufficeret, nisi inceptam contra ejus germanum nequitiam hostiliter adimpleret. Perstitit enim confirmare sermonem nequam, debitam sibi retentans maledictionem et indebitam alumne suæ vindicans hæreditatem.

Excluso igitur legitimo hærede a fraterna successione, datur regio munere infantula cum ipsa hæreditate cuidam juveni, qui frater erat Hugonis de nova villa, summi scilicet in regno forestarii (134). Quæ ætatis vix quartum implentem annum dispo-

nebat idem more nuptiali solemniter sibi desponsare, præcavens nimirum ne forte qualibet occasione privaretur talis patrimonii acquisitione. Quod ubi innotuit episcopo (qui generali sæpius constituto inhibuerat ætatis indiscretæ copulam nuptialem) non etiam speciali prohibuit interdicto ne quis presbyterorum seu quilibet fidelium Christianorum his præsertim nuptiis præsumeret interesse. Prospiciebat in hoc perenni simul et temporali multorum indemnitati, consulens etiam juri communi, videlicet ne ante plenius cognitam et discussam rei hujuscemodi veritatem in alicujus partis præjudicium tale iniretur connubium.

At episcopo citius post hæc ob quædam negotia ad regem in Neustriam profecto (135), convenerunt in vico quodam remotiori juvenis prædicti fautores et consanguinei, ibique simplicitate abutentes seu cupiditate sacerdotis loci illius, solemnî more conjungunt in facie Ecclesiæ militi infantulam, illustri rusticanam, ingenuo ex servili conditione procreatam. Tanta fuit aviditas alieni juris occupandi ut nec ingenuitatem degenerata conditio, nec salutis manifesta perditio infaustas nuptias præpediret. Regresso interea a transmarinis episcopo, quæ gesta sunt citius innotescunt. Hinc presbyter, talium micister nuptiarum, suspensione ab eodem pariter beneficii mulctatur et officii. In reliquos vero veliti sui transgressores, cum viri coram eo parere contumaciter detrectarent, excommunicationis sententia promulgatur.

Interea sictæ matris cubicularia (cujus ministerio proles alienæ genitricis quæsitæ est et inventa) terrente conscientia, primum ad pœnitentiarium Ecclesiæ Lincolnensis, sanetæ recordationis magistrum Willelmum de Bredesfeldo subdecanum (136), et ipsius demum hortatu ad ipsum accedens episcopum, omnem rei ordinem cum magna detegit profusione lacrymarum. Tunc episcopus de his omnibus certior effectus, secretum quidem apud se interim habuit, quod secretius audivit, latam vero pridem sententiam singulis circumquaque per Ecclesias diebus Dominicis renovari publico demandavit. Quod aliquandiu, ut fuit impletum, machinatrix et materia hujus mali mulier infelix, reversa demum in se cœpit horrere opus adeo perniciosum a se commissum, tandemque animata consilio prudenti accedit pariter socum assumpta delicti sui conscia et ministra, cubicularia prænotata, ad episcopum, atque primum illi soli, deinde pluribus viris discretis (inter quos et ille, qui hæc scripsit (137), præsens fuit) reatum suum flebiliter confitetur, et se proprium maritum perdidisse, se fratrem ejus circumvenisse, illum ad mortem, hunc ad proscriptionem et exhæredationem voce gene-

(134) Qui in hoc munere successerat Galfrido, de quo dictum, lib. III, c. 8.

(135) In Neustriam venit Hugo in Septuagesima anni 1199, infra lib. V, c. 15, iturus ad Richardum regem.

(136) Forte et cancellarium, qui apud Surium ten-

tavit Hugonem de differentia osculorum inter sua et S. Martini.

(137) Ex hoc conjicio pœnitentiam adultere accidisse anno 1199, postquam Hugo rediit ex Neustria in Angliam.

hunda protestatur. Quæ universa Cantuariensi metropolitano (138), tunc temporis totius regni justitiaro, sollicite per episcopum insinuantur, fratribus quoque et amicis alieni patrimonii, ut prædictum est, insidiosè obtenti, cunctis etiam primoribus fere et baronibus curiæ Anglicanæ.

Nihilominus vero sponsus puellæ insonter noxiæ cum suis consiliariis incumbit possessioni nocenter adeptæ. Asserunt enim juxta leges Angliæ cujusque sobolem decerni legitimam, quam uxoris maritus legitime, quoad viveret, legitimam habuisset. Arcetur itaque hujus prætextu sententiæ hæres legitimus ab ingressu possessionis hereditariæ. At interim, est reverentiam magis episcopi quam propter evidentiam universis pene notificatæ rei, non sinebatur contra eum judiciaria diffinitio sententialiter proferri. Revato autem constantissimo juris propugnatore in Northmanniam transfretante (139), inque discessu suo sæpius protestante quia, si hanc miles sibi, ut proponit, in conjugem acceperit, rusticam profecto se noverit habere, nec de illa plurimum gaudebit. Homines rursus facinorosi conspiratione facta diem partibus statuunt, quo diffinitum litigiū hujus calculum apud Londoniam profendum procrastinatione remota edicunt. Igitur Adam de nova villa (hoc enim nomen erat viro, qui puellam duxerat) stipatus propinquorum turmis Londonias festine petens, nocte diem præcedente, qua iudices sibi terram illam promiserant in solidum adjudicandam (cujus solummodo eatenus obtinebat custodiam) non procul ab urbe hospitio suscipitur. Cujus dum fautores et consilarii de forma sententiæ dandæ cum iudicibus in civitate sollicite deliberant, ille in diversorio lætus et temulentus lecto excipitur, sed sopori mortem socians subito exstinguitur (140), solusque ad tribunal justioris iudicis, factorum recepturus vicem, tam imparatus quam nil tale arbitratus extemplo protrahitur. Timendum autem ne forte cum improperio ibidem audierit ex sententia districti iudicis quod sæpius in ore veridici ipsius sui præcomis vertebatur. Cum enim incognitum sibi et peregrinum quondam nomen forestariorum crebrius vir sanctus audires, querelis etiam oppressorum ab eis hinc inde crebrescentibus, barbaræ nuncupationi alludens dicere consuevit: « Recte homines isti et satis proprie nuncupantur forestarii. Foris nainque stabant a regno Dei. »

Alius etiam quidam forestarius episcopi maledictione retenta infra paucos dies, ex quo tradi meruit Satanae in interitum carnis (1 Cor. v, 5), crudelis interitū sententia mortis. Nam a quibusdam, quos

(138) Huberto, de quo iterum cap. sequenti et alibi.

(139) Anno 1200, cum Joanne Rege ex causa, lib. v. c. 19, indicanda.

(140) Intra illud tempus, quo Hugo in Northmannia et in Gallia morabatur.

(141) Hubertus. in archiepiscopum electus anno 1193, obiit anno 1205. Ita Whart., p. 1, pag. 114,

A in foresta sua, quam servabat, inventos insolentius more suo tractare disposuit, ita peremptus est, ut brachii amputatis et a capite avulsis fustes quidam satis exigui (pro quibus ab eodem satis injuriati fuerant, qui eum peremerant) inter cadaver truncatum et caput exsectum, nec non et alia membra feraliter excisa, et hinc inde posita per loca tria relinquerentur, in signum videlicet et testimonium nequitiae, quia in finitimos quosque tyranicam rabiem consueverat exercere.

CAPUT V.

De quodam diacono, qui militem quemdam super crimen regis prodicionis acriter impetebat. — Et hoc capitulum inseritur magnæ Vitæ cap. 6, lib. IV.

Diaconus quidam, nomine Richardus de Wara, militem quemdam vocabulo Reginaldum de Argentemi super crimine impetebat regis prodicionis. Erat uterque de episcopatu Lincolnensi. Erat vero plurimis non incertum falso impeti militem a clerico. His episcopus cognitis, diaconum per censuram ecclesiasticam nititur a temeritate sua cohibere. Inhibet proinde sub interminatione anathematis, ne in foro sæculari, præsertim ad iudicium sanguinis, audeat eam pertrahere diaconus. At ille, de regio qui eum tuebatur elatus favore, monita pariter et minas pontificis contemnebat. Nam et Cantuariensis archiepiscopus (141) (qui et tunc publicus regni justitarius habebatur, cujus protectioni eum rex Richardus impensius commendaverat) episcopo injunxisse dicitur, ne contra honorem regium compelleret clericum a prosecutione initæ accusationis desistere. Verum Petri imitator versus in hoc, sicut in similibus sæpe mandatis illius, sui potius officii jura quam hominis attendebat verba. Nam, quia magnus ille vir, ut ipse veraciter perhibere solebat, utrumque sibi gladium commissum habebat (erat namque, sicut potestate ordinaria metropolitanus, et auctoritate apostolica totius Angliæ legatus (142): ita vice quoque regia super forenses iudices arbiter summus) episcopus, quid, a quo idem loqueretur gladio, prudenter et caute discernere studebat. Unde, quotiescunque aliquid monebat aut jubebat quod materiali potius quam gladio congrueret spirituali, non verebatur vir Dei dicere ei quod apostolorum summus pontificibus legitur dixisse: *Oportet obedire Deo magis quam hominibus* (Act. v, 29).

Quamobrem clericum rebellem et discipline contumaciter resistentem ecclesiasticæ, pontificali non distulit rigore percellere. Suspendit itaque ab officio et beneficio nolentem iugo subdi canonico. Qui, ad legatum perveniens, per eum de facto a suspen-

Angl. Sac.

(142) *Iste Hubertus* (inquit Radulphus de Diceto apud Whart. p. 2 Angl. Sacr. p. 693), anno Domini 1195, plenitudinem potestatis in officio legationis favore omnium cardinalium assecutus est ab eodem Cœlestino, tam in archiepiscopatu Eboracensi quam proprio.

sione obtinuit relaxari. Hinc timore plenus, ad episcopum accedens, sub præsentia multorum optatum regni, tam procerum videlicet quam episcoporum, minaricœpit grandia. Jactabat vero se a jurisdictione Lincolnienſis episcopi taliter jam auctoritate legati exemptum, quod de cætere nullatenus omitteret præter illam, quin et domiâ regi omnem fidelitatem exhiberet, eiq̃ue justitiam de suis obtinere proditoribus decertaret. Insultans quoque episcopo, asserebat se relaxatum a suspensione qua ipseuni, ut dicebat, minus licite decreviſset punire.

Ad hæc ille non enervis naviculæ Petri gubernator suo more, ut semper, illato terrore constantior, ut de quodam sancto legitur qui in diebus suis non extimuit principem, ita cunctis audientibus inſt: « Lucassum sane, inquit, super hujusmodi relaxatione tibi blandiris. Nam excommunicandum te in continenti noveris, si juri parere super excessibus tuis ulterius detrectaveris. » Quid multa? Illo contumaciter obstrepente et tanquam ore regio minas furiosas intonante, episcopus eum innodare nec timuit nec distulit solemnî anathemate. Qui legatum adiens queritur de episcopo quod in ejus præjudicium regisque diſpendium adeo, ut allegabat, proterve eum excommunicasset. A quo tandem litteras impetravit ad episcopum, quatenus pro absoluto haberet eum, utpote a se absolutum. Cui episcopus, tali perlecto mandato, ita dixit: « Si centies te Dominus archiepiscopus absolvendum duxerit, centies aut etiam sæpius te scias a nobis excommunicandum, quandiu te videbimus in præsumptionis tuæ amentia irrevocabiliter induratum. Tu videris quanti habeas sententiam nostram; nos enim hanc omnimodis ratam habemus et firmam. » Sic ille abscedens, jamque metu tantæ illius constantiæ aliquantulum corde fractior, pollicetur deliberaturum se utrum, juxta quod exigebatur super parendo juri, coram episcopo vellet cavere. Qui cito post hæc a quodam suo puero lethaliter securi percussus in capite, prohi dolor! prius exhalavit animam quam erroris sui insinuavit pœnitentiam. Uno enim ictu excrebratus et repente extinctus est.

CAPUT VI.

De adolescentula Oxoniæ, quæ, priore sponſo contempto, de facto alteri conjugata et super hoc convicta, parere contempsit beato Hugoni. — Et est hoc similiter capitulum in magna Vita sub capitulo sexto.

Adolescentula quædam Oxoniensis, cujusdam burgensis filia, convicaneo cuidam juveni legitime nupta, alterius juvenis amore amplius succensa, priore contempto sponſo, illi de facto est conjugata. Quæ super impetita a priore atque convicta monebatur diligentissime ab episcopo, quatenus primo se redderet marito. Ipsa vero dissuasa a matre, quæ in consilio nequam alteram se filiæ suæ exhibebat Herodiadem, ante se morituram quam ei nupturam procaciter clamitabat. Tunc vir Domini, apprehensa ejusdem sponſi illius dextera, miscens terroribus quoque blandimenta: « Filia, inquit, mea si vis esse, obaudi

A jussioni meæ, et suscipe in pacis osculo cum Dei benedictione maritum tuum. Alioquin revera de cætero non parcam tibi, nec perniciosis consiliariis tuis. » Jussitque virum ejus in osculo sancto suscipere eam. Quod dum ille implere vellet, infelix illa impudentissime exspuit in faciem ejus, cum prope esset altare, præsensque eum pluribus viris reverentissimis adesset tantus sacerdos, et turba fideium multa, in ipsa ecclesia pariter constituta. Tunc universis ob tantam contumeliam viro illatam vehementer erubescens, episcopus voce terribili ait: « Quia noluiſti, inquit, benedictionem, sed maledictionem dilexisti, ecce apprehendet te maledictio. Moxque excommunicavit eam. Quæ in propria contumaciter abscedens, post dies paucos sibi ad inducias utilius secum deliberandi cœlesti pietate concessos, cum magis induraretur cor ejus et nullatenus respisceret, præfocata ab hoste maligno, delicias repente illicitas et caducas tam perpetuis quam justis commutavit supplicis. »

CAPUT VII.

De clerico Eboracensis diocesis, qui super ecclesia dimittenda, de qua contra eum a beato Hugone auctoritate delegata ferebatur sententia, parere noluit judicari. — Et est adhuc capitulum hoc sub eodem capitulo sexto in magna Vita.

Idem clerico cuidam Eboracensis diocesis, nomine Willelmo, suam, qua injuste eum spoliaverat quorundam violentia, restituendam ecclesiam auctoritate Hugo decreverat apostolica. Quem pars adversa diutius ab ingressu possessionis sibi adjudicatæ manū repellebat armata. Miles namque, illius villæ dominus, in qua sita erat ecclesia Nigiosa, fratrem suum in eandem ingressum per intrusionem armis tuebatur, viribus nitens illicite occupatam vindicare illi possessionem. Fovebant quoque partem intrusoris tam ecclesiastici quam et mundani judices et optimates illius regionis. Tandem Willelmus nimis jam laboribus confectus, sumptibus quoque curiæ Romanæ suffragium in propria implorat persona, plurimorum etiam hinc inde auxilia pervigili, sed parum utili, requirit instantia. Penitus exhaustus totus convertitur ad unicum oppressorum refugium, et ad invictum juris patronam, ejus quoque flebilibus vocibus interpellat subsidi-um. Indignatus quoque bonus Eliæ atque Elissæ in zelo æmulator, auctoritate sultus apostolica, intrusorem prænominatum et ipsius complices duræ maledictionis ferit sententia.

Nec paulo tardius in sacrilegos deservire cœpit ultio divina. Nam, ut viris plerisque religiosis referentibus nobis innotuit, alii ex his in amentiam versi sunt, alii repentina morte miserabiliter præventi interierunt, alii ex cavis orbibus oculi cum immensis cruciatibus exciderunt. Sic itaque virtus absentis præsentem ad nocendum innoxio perdomuit superborum audaciam, sic legitimo possessori restituta est defensiva bonorum possessio, sic denique athleta fortis nostrisque temporibus ambidexter probatissimus, utraque manu pugnare et utraque pro dextera

uti doctus, hos percutiebat et interficiebat, illos A percieperet) pro tempore Waltheri (145) sui decessoris (qui nec ipse pallium regi debitum aliquando dedisset) et detentionis ream, et redditionis debitorum esse perhibebant. Conventus super talibus ab ipso tunc rege Richardo episcopus, vix tandem, inimico (146) adversante sibi, ut ferebatur, maxime archiepiscopo sæpius memorato, pro tribus millibus marcarum tam a repetitione subtracti muneris quam et ab ejusdem in posterum collatione, et se et suos eripuit successores, suamque perpetuis temporibus a præsentationis illius onere absolvit Ecclesiam. Nihil enim indignius, nihil sibi intolerabilius fore æstimabat quam Regis æterni sponsam, aut se ipsum, illius pro tempore custodem, mortali homini censualem constituere, et quodammodo vestigalem

CAPUT VIII.

Qualiter a rege Richardo redemit pallii servitutem, et quam liberaliter contribuit clerus diocesis suæ ad illam redemptionem, et quod etiam pœnam pecuniariam recipi prohibuit pro delictis. — Et hoc est capitulum in magna Vita sub cap. 7.

Sentiens vero cruentus generis humani inimicus in sui grave dispendium viri ubique victoriosissimi vires prævalere, a castris eorum quos ejus tuebatur præsentia, eum arte callida nititur amovere, quatenus [saltem, elongato a certaminis loco insuperabili totius aciei protectore, in reliquo licentius grassaretur agmine. Sciens namque serpens virulentus virum Dei libertatem Ecclesiæ impensius zelare (qui nec subjectis sibi Ecclesiis pecuniarias ullatenus exactiones imponeret, nec quibusque potestatis tale quid a sua exigentibus Ecclesia ulla ratione acquiesceret) in talem eum perplexitatem conatur inducere, ex qua præter aliquid saltem inconveniens haud facile ipsequivisset erumpere.

Armatus igitur astu inveteratæ malitiæ perversas quorundam familiariter subditorum sibi instigat mentes, per quos regis animos contra episcopum ad novas et inopinatas querelas excitaret. Suggestur per eos regi ingentis ejusdam debiti, quod ei annuatim solvere tenebatur, Lincolnensem episcopum esse detentorem, unde et reus in ejus, ut vulgo dicitur, misericordiam incidisset, et ad summam æris plurimi fisco ex diutina retentione refundendam addici potuisset. Nam Lincolnensis quidam olim antistes, dictus Alexander, qui tertius (143) Hugonem præcesserat, pallium centum argenti marcis appetitum regi, suo tempore imperanti, aliquot in prætermissis annis dedisse ferebatur. Cujus successor, vocabulo Robertus (144), idem aliquoties egisse dicebatur. Hinc calumnia in Hugonem devoluta. Non enim solum hoc, quod eum pontificatus sui tempore quotannis debuisse præstare memorabant, anxie ab eodem repetunt, sed etiam pro injuriosa regii muneris subtractione ipsum ad regis nutum satisfactioni esse obnoxium satis invidiose decernunt. Nec tantum personam episcopi, imo et Ecclesiam (cujus ille et onera subiisset, et emolumenta

B exhibere (147).

Sed unde viro liberalissimo hæc tanta proveniret pecunia, qui omnes semper annuos redditus, ve: quoscunque proventus ad impendia misericordiæ, et in sumptus justæ necessitatis effundere solitus erat, cui nunquam ultra præsentis anni spatium quidquam pecuniæ erat residuum, quippe cum et mutuum æs frequenter sumeret alienum? ubi inveniret qui regi persolveret tot millia talentorum? Erat quidem paratum ad manus consilium, si, quod propriis deerat crumenis, a subjectorum vellet extorquere locellis. Sed, qui non modo pecuniam, imo et propriam pro sibi commissorum indemnitate in votis semper habuit animam ponere, qualiter eis suam extorqueret substantiam? vel, qui suam a præbitione ignobili eximere satagebat Ecclesiam, quomodo Ecclesias oneraret aliorum, ut seipsum relevaret, et pro sua libertate jugum aliis imponeret servitutis?

Jam itaque viro Dei videbatur unicum superesse remedium, quod et sibi satis erat votivum, ut ipse scilicet ad suam interim secedens Withamiam (148), ibique solitarie degens, proventus universos totius episcopatus ad summam hujus debiti persolvendam converti ordinaret. Gaudebat toto animo et exultabat quia, non modo justam et honestam, imo et necessariam, putabat se invenisse occasionem, ut a mundanis tumultibus aliquandiu secederet, ac secretis coelestibus eo suavius quo liberius inhaeret. Verum, ut hoc suum propositum notitiæ suorum intimavit clericorum, obniti vehementius universi cœperunt, intolerabilem sibi prorsus illius remotionem tantam protestantes, sed et religiosæ personæ innumeræ ne id fieret quod disponebat

(143) Non numeratur Galfridus aut Gaufridus, qui sine consecratione et sine pallio aliquot annis episcopatum tenuit, et tandem resignavit.

(144) Hujus nominis II, qui primus Alexandro accessit.

(145) Qui secundus Alexandri fuit successor, et cui tertius noster successit Hugo.

(146) Id est, Huberto. Ubi nota, Baronium, ad annum 1189, quædam retulisse ex Surio, velut sub primordiis regni Richardi regis facta, quæ primum anno 1197 contigisse, ex hujus Vitæ lib. v, c. 7,

constat. Unde et Baronius in indice lit. B. erronee de Balduino scribit: « Accusat S. Hugonem Lincolnensem episcopum apud Richardum novum regem Angliæ. »

(147) De pallio ejusque redemptione legatur Giraldus Cambrensis apud Whart., part. II, Angl. Sacr., pag. 419.

(148) Semel aut bis annue Withamiam secessisse Hugonem, infra c. 10, asseritur. Nunc, ut onus pallii redimeret sine aliorum sumptibus, illuc secedere cogitabat.

magnopere disnaiebant. Denique universis diocesis suæ et ecclesiasticis personis in communi placuit ad exemptionem matricis suæ Ecclesiæ pecuniam de suis copiis conferre animo libenti. Unanimiter quoque, ut patrem et defensorem pium atque fortissimum, obnoxius ipsum efflagitabant episcopum, ne huiusmodi rei gratia suam ab eis aliquatenus præsentiam absentaret. Ita multum, licet invitus, et coactus filiorum suorum petitionibus acquievit, suæ voluntatis desiderio præponens pium generalitatis decretum. Suis vero districtius inhibuit officialibus, ne a quovis hominum quidquid amplius exigere præsumerent, quam quod voluntate spontanea quilibet obtulisset; de proprio autem peculio, quantum facultas admitteret, dari præcepit. Sicque provinciales potius Ecclesias, quam earum matrem Ecclesiam Lincolnensem, a turpi simul et gravi diu inolitæ servitutis jugo semel eripiendo, perpetuæ restituit libertati. Nam citra cuiusque gravamen a clericis modo seculi percepit eorum, ut sic dicatur, redemptor et manumissor hoc quod, imo amplius, non sine multorum gravamine extorquere solitus erat uterque præmemoratus huius tributi inventor ac redditor, palliata scilicet, sub prætextu regalis pallii, ambitione pontificali. Quod tamen ex nobis dicere non audent, sed hoc dicimus ex sententia plurimorum, qui sapius ex tali divitum colludio egestati suæ gemebant illudi. Nam et ipse rex edoctus, ut credebatur, a quibusdam lac suarum ovium usque ad expressionem butyri libenter ac frequenter emulgentibus, hoc episcopo potius quam sibi profuturum dixerat, si more prædecessorum suorum multa sumeret a suis clericis, unde vix pauca daret pro pallio, appendendo suis humeris.

At verus et bonus pastor, quantum oves sibi creditas diligebat, tantum immunitatem illarum zelabat. Quantum vero ad se pertinebat, sicut omnem avaritiam sedulo fugiebat, ita et occasionem avaritiæ summis, ubi posset, nisibus jugiter evellebat. Unde multam pecuniariam a quibuscunque delinquentibus tam archidiaconos suos quam eorum officiales ac decanos exigere prohibebat, nimium verens ne pro muneribus aliquem aut opprimerent insontem, aut in suis excessibus sotentem foreverent, juxta illud antiqui legislatoris: «Munera excæcant oculos sapientium, et subvertunt verba justorum (Exod. xxiii, 8).» Itemque illud Scripturæ alterius crebro suis officialibus ingerebat: «Ignis

(149) Ab anno 1066, quo triumphator Willelmus (de quo mox) e Northmannia in Angliam transfretans, in die Natalia Domini Londoniæ coronatur in regem Angliæ. Ita Pagius in Crit., p. 228.

(150) Giraldus Cambrensis part. II, Angliæ sacra, pag. 417. «Monachos quoque, inquit, Robertus Bloeth de Stowa usque ad Egnesham, etc., provide transposuit, baculique pastoralis donationem sibi et successoribus suis reservavit.»

(151) Ab anno 1067, circa initia regni præfati Willelmi a Lanfranco Cantuariensi in episcopum consecratus, obiit anno 1095, in die Ascensionis Domini.

devorabit tabernaculo eorum, qui munera libenter accipiunt (Job xv, 34).»

Contrario illis frequenter asserentibus plus terere improbos pecuniæ damnum quam excommunicationis probrum, aut corporalium poenarum afflictionem illis indicendarum, ille e diverso assererat id suæ negligentiae ascribendum, qui remissius se haberent in corripiendis illis qui peccassent, et districtius coercendis, nec eos tam studiose observare, ut illi injunctam explerent satisfactionem, quam observarent ut sibi pollicitam enumerent pecuniæ taxationem. Illis interdum pro se allegare studentibus ac dicentibus beatissimum archiepiscopum et martyrem Thomam huiusmodi a delinquentibus sumpsisse mulctas, ille confestim respondebat: «Credite mihi, non idcirco sanctus, fuit. Alia enim virtutum merita sanctum exhibuerunt, et alio titulo meruit palmam reportare martyrii.»

CAPUT IX.

Qualiter jus advocatiæ abbatiæ de Eyneshaim contra regem Richardum illud sibi vindicantem, per inquisitionem solemnem exierit. — Et est hoc capitulum in magna Vita cap. 8.

Cum autem, ab adventu Northmannorum in Angliam, belico sibi jure subactam per annos centum (149), et eo amplius, Ecclesia Lincolnensis continue et inconcusse usque ad id temporis patronatum gesserit Eyneshaimensis cœnobii (150), hæc ei dignitatem subripere maligni quidam pertinaciter sunt aggressi. Beatus sane pontifex Remigius (151) (quem in brevi post triumphatam insulam gloriosum habuit cathedralis ecclesia Lincolnensium fundatorem) (152) vastatam, fugatis hostili metu fratribus, abbatiæ reformavit prænotatam. Quam sibi auctoritate regis inelytus triumphato, Willelmus ita confirmasse dicebatur in propriam, ut præter ipsum episcopum ejusque successores nulla in eam vindicare sibi præsumeret ecclesiastica seu laicalis persona quancunque dominationem.

Accidit autem ut anno præsulatus beati Hugonis decimo (153) venerandus cœnobii huius rector et abbas migraret ad Dominum, novitiæ Godefridus (154), qui a diebus Stephani (155) regis usque ad tempora regni penultima Richardi (156), filii Henrici regis, annis circiter quadraginta quatuor loco eidem noscitur præfuisse (157). Quo episcopus audito, misit juxta morem antiquum ex suis clericis unum, qui abbatiæ custodiam in manus suas reciperet, ac rerum monasterii usque cum fratribus

(152) Ideo sic dictum, quia Dorkecestra sedem transtulit Lincolniam.

(153) Qui erat annus Christi 1195, aut 1196, ob dubium, quo anno Hugo sit factus episcopus.

(154) Nullus in serie abbatum Eveshamensium sub hoc tempore occurrit Godefridus; unde liquet huic Eyneshaimensem fuisse abbatem.

(155) Obiit Stephanus rex Angliæ anno 1154.

(156) Error videtur admissus, aut sensus est obscurior.

(157) Præesse igitur coepit ante mortem regis Stephani uno aut altero anno.

diligentia sollicitudinem gereret, quousque abbatibus instituenti canonica electio celebrari potuisset. Cæterum tam vacantis abbatibus custodiam, quam substituendi abbatibus debitam facultatem, qui regis in Anglia præerant negotiis, episcopo nitentur auferre (158). Nam rex ea tempestate in transmarinis confugebat cum Francorum rege (159).

Complures itaque viri prudentes, et episcopum sincere diligentes, persuadere ei conati sunt ne, ut dici solet, contra ictum fluminis brachia, ob adversantium multitudinem atque potentiam iuterum minus valida, inaniter fatigando exsereret. Asserebant namque regis genitorem Henricum generali constitutione decrevisse ut universæ regni sui abbatibus in sua manerent donatione. Nec fore existimabant de facili, ut contra patris decretum filius, eo, ut videbatur, in multis pertinacior, gaudere eum sineret privilegio, avitis licet temporibus obtento. Denique negotium hoc laboris plenum, modice fructuosum, multimodis damnosum, nullatenus monebant attendendum. Metiendum cum labore etiam laboris fructum suggerebant, nec maxima aiebant subeunda rerum innumerabilium dispendia, quæ jam citius præviderent ex hac controversia sibi suisque emersura, ubi, quod intendebat, assequendi spes esset fere nulla, forte etiam assecuti utilitas parva.

Talia suggerentibus vir singularis confidentiæ miræque discretionis confestim respondit: « Absit, inquit, ut mortalium quisquam tale decretum statuere præsumat, unde Deo nostro et beatissimæ reginæ cæli quod suum est auferre prævaleat! Huiusmodi leges, etsi justæ essent, futuris duntaxat negotiis formam darent, non etiam convellerent statuta priorum. Quis vero prædecessorum meorum tali subscripsit decreto, quo solo posset juri non immerito præscribi eatenus ab eisdem possessio? Absit enim ut personæ cujuscunque laicalis statutum ecclesiasticæ libertatis privilegium infringat! Mihi vero non contingat ut qualiscunque timore potestatis, seu quantæcunque formidine difficultatis, jus Ecclesiæ meæ, quantum in me est, sinam deperire! Cum enim sit satis pudendum a majoribus acquisitas et ab antiquis defensas non etiam augere dignitates sanctæ Ecclesiæ atque libertates, quam est probrosum, si ex inertia ignavi atque inutilis rectoris a suæ integritatis statu decendant, quæ per strenuum dispensatorem augmentari ac melius prochi debebant! »

Talia prosequens, continuis duobus seni annis (160) nec sumptibus nec proprio sudori parcens, tum pro expedienda libertate canonici status præfati monasterii, tum pro tuenda dignitate sua, invictis-

(158) Jure quo baculi pastoralis donationem Robertus de Bloeth sibi et successoribus suis reservavit, haud dubie a Remigio olim obtentam.

(159) Richardus rex annis singulis ab anno 1195, usque ad obitum suum cum rege Francorum in transmarinis conflavit, pace, nunc facta, nunc rupta.

(160) Dilata proinde fuit novi abbatibus electio ad minus ultra annum.

sime contra ipsum regem, quam et contra plerosque sub dolo clam adversantes sibi, cis citraque mare decertans, tandem favente Domino celebri potitur triumpho. Recognito namque per sacramentum viginti quatuor fide dignorum, clericorum pariter et laicorum, quid juris prædecessores sui in illo habuissent cœnobio, testimonio, adjudicatur ei ejusdem patronatus in regis curia. Hinc restituitur ei abbatibus vacantis custodia, præficiendique abbatibus jurisdictio plena et absoluta (161). Post quæ ad eam in propria accedens persona per dies octo mansit in ea cum fratribus loci tanquam benignus pater cum filiis charissimis, ingrediens et egrediens, cum eis in communi refectorio pariter convescens, eosque vino jucunditatis et dapibus suæ largitatis copiose reficiens.

Tractabatur interea jussu ejus in conventu super electione futuri abbatibus. Expleta vero hebdomada una, accitis abbatibus vicinis aliisque religiosis viris, præsentatur episcopo monachorum electio, ac solemniter confirmatur ab eodem. Quibus rite gestis, pastor egregius Lincolniam proficiscitur, ibique in cathedrali ecclesia electus Eynesheimensis cum favore atque lætitiâ cunctorum, benedictione ejus sacra in abbatem honorifice promovetur. Instructoque solemnî convivio tam clericis quam abbatibus et monachis suis, discumbebat utriusque cohortis inclitus dux in medio eorum, mirum in modum gaudens et exultans in Domino, eo quod instar pastoris summe boni alias oves adduxisset, quæ essent ex ovili alio, ut efficerentur de cætero unus grex, istæ et illæ oves, et esset utrisque unus pastor, qui sic mutuo sibi Ecclesiam confœderasset et abbatiam, ut foret perpetim utraque unum. Dedit quoque abbatibus novo virgam pastorem argenteo et chore pulchre vermiculatam cum scypho ingenti atque insigni. Locum etiam ipsius regimini commissum pluribus ampliavit beneficiis, et donariis decoravit, ac paterno semper affectu tam ipsum abbatem quam gregem ei subditum fovit et dilexit.

CAPUT X.

Quod annis singulis fere Withamiam declinaverit, ubi cornutam faciem gerere videbatur. Et qualiter sæcularibus ibidem prædicando de tribus specialiter eos instruere nitentur, scilicet de cordis charitate, veritate oris et corporis castitate, et quam stricto servare apud se nitentur veritatem. — Et hoc capitulum est in magna Vita sub capite 9.

Ad suam vero Withamiam singulis propemodum annis semel aut bis secedere vir sanctus consueverat. Manebat ibi aliorum more in cella solitaria, quæ semper ei absque habitatore vacua servabatur, in qua meditabatur, et orabat, rediciebatur cibo, et

(161) Confirmat relata Giraldus Cambrensis in Angliæ suæ part. II, pag. 419, his verbis: « Item monasterium de Egnesham olim perditum iri regia potestate paratum viriliter (Hugo) retinuit, baculi-que pastoralis donationem sumptuosos laboribus sed efficacibus et fructuosis ad Ecclesiam Lincolnensem revocavit. »

somnum capiebat. Inde ad publicum quandoque, ut salutaret adventantes, sibi loqui cupientes, progrediens, cœlestibus radiis quodammodo ex consortio sermonis Domini cornutam gerere diligenter intuentibus videbatur faciem, quam viva cujusdam leporis comitate totiusque dulcedinis suavitate palliabat, ac colloquentibus sibi frontem contemperbat.

Laicis quidem atque sæcularibus angelicæ illius vitæ statum collaudantibus, et de suæ mundanæ vitæ impedimentis conquerentibus (quos tamen nec velle, nec posse sciret ad perfectiora instituta vivendi transire) hujusmodi proferebat instructionem: « An solum, inquit, monachi, sive eremitæ tantummodo atque solitarii consequentur regnum Dei? Denique cum unumquemque judicabit Dominus, nequaquam id exostulabit quod eremita quisque non fuerit aut monachus, sed potius reprobo cuique exprobrabitur quod minime exstiterit veraciter Christianus. Nam tria quædam a quolibet sunt exigenda Christiano, ex quibus si vel unum illi, cum iudicabitur, defuerit, noniam illi Christianum non valetit prodesse. Nocebit nomen potius sine re, quia damniolior est falsitas in veritatis professore. Exigitur autem ut virtus et veritas habeatur boni nominis hujus, quatenus indesinenter teneatur charitas in corde, veritas in ore, castitas quoque in corpore non fallaciter Christiani (162). » *Inter plura, quæ de his tribus in serie magnæ vitæ prolixius inseruntur, notabile est verbum, quod de castitate et Dei dilectione mulieribus prædicando dixisse refertur, ita inquit:* « Satis a sexu femineo Deus omnipotens diligi promeruit, quia nasci de femina non refugit. Magnificum quoque ac vere dignum ex hoc omnibus feminis privilegium contulit. Nam cum viro concessum non sit, quod sit, vel dicatur Pater Dei, hoc tamen præstitum est mulieri, ut sit Dei parens. »

Jam vero tantam in ore veritatem habebat, ut nullus sermo ab ejus exiret labiis cui sentiret aliquid inesse falsitatis. Nam et cautela vitandi cujuscunque falsi, cum referebat quidpiam, seu recensebat, quæ egisset vel audiisset, aliquo temperamento semper utebatur, in his etiam quæ indubitanter verissima esse noverat, ut diceret: « Sic: [f. sicut] nobis occurrit modo, » aut aliquid aliud in hunc modum, quo temeritatem assertionis falsæ funditus declinaret. Nec minori quoque observantia veritatis, sigilli sui reverentiam tuebatur, nihil unquam non verum in litteris, eo signandis, contineri permittens. Ubi adeo scrupulosus fuit, quod juxta tritam scribendi formulam, cum citatorias alicui ederet, in eis nullatenus poni sineret, « *Meminimus 'nos te aliquando citasse* » ne forte, quod in sua non erat memoria, in ea esse sua mentiretur chartula.

(162) Subducta non auctoris, sed abbreviatoris sunt verba, quædam ob prolixitatem omittentis.

(163) Ergo jam quotidiana celebrabatur missa, saltem conventualis et publica, qualem et olim sub Guigonis V, tempore celebratam fuisse quotidie con-

CAPUT XI.

Qualiter Withamiam veniens nitorem habuerit insolitum, colore rubicundo superfusum, ad primum loci conspectum ineffabili quadam spiritualis gaudii jucunditate sentiens se perfundi: et qualis erat conversationis, dum morabatur ibidem. — Et est hoc capitulum in magna Vita caput decimum.

Ne cui vero minus credibile videatur hoc, quod de epirituali quadam vultus ipsius claritate in eo relucente, cum egrederetur a cella sua, ut supra teigimus, aliud quoddam satis de eo suis familiaribus notum, et a multis sæpenumero non absque stupore et admiratione notatum veracissime, huic narrationi duximus breviter inserendum. Quotiescunque enim a longinquis partibus ad illam sibi dilectam tendebat solitudinem, mox, ut a remotis finitimam ejus ingrediebatur regionem, nitor quidam insolitus, colore decenter rubicundo superfusus, genas ei cum facie tota simul vestire consuevit. Ipse quoque intima cordis sui ad primum illius conspectum et ineffabili quadam jucunditate spiritualis gaudii sentiebat perfundi, quod suis quoque familiaribus sæpissime fatebatur. Quo jam consistente apud Withamiam, tantam in eo omnium sensuum innovationem superna efficiebat gratia ut subito intus et simul extra renovari videretur, sicut aquilæ juvenus sua.

Deposito quidem exterius pallio, quo utebatur in publico (quod ex integro erat vel subrufo panno, candidis agnarum pellibus forrato [f. foderato]) pelles induebat arietinas, nullo panni tegmine cooperatas. Cilicio, ut supra tegebatur, ad nudum; huic tunicam in medio superinducto velabat pelliceo. Lectisternia ejus hæc tantum erant, sagum, cervical et pelles. Mane cum manus de more ablueret, ut ministro nullo, ita nullo utebatur manutergio. Missam devotissime duobus contentus ministris, sacrista scilicet loci, et capellano suo, quotidie celebrabat (163). Annulo pontificali excepto, in reliquis sacerdotalibus indumentis a consuetudine Carthusiensium in nullo penitus differebat. Utebatur enim alba et amictu, stola, favone atque planeta, planis et candidis, nec ornatis serico, nec aurifrisio seu gemmis. Diebus Dominicis post cœnam cum cæteris monachis ad ostium refectorii cum silentio et gravitate procedebat, ubi panis singulis ad totius hebdomadæ victum (164) a fratre interius consistente præbebatur. Sæpe tamen de licentia prioris ex cophino, sive ex arca, qua missæ condebantur a fratrum cellis seu a refectorio collectæ, crustulas duriores, et minutias fragmentorum præ ariditate jam torridas propriis manibus colligebat, non, quod ei suus panis non sufficeret, sed superabundaret, sed hæc dicebat fragmenta sibi sapidiora quam solidum panem videri. Revera quidem benedictionibus condita justorum gratius sano ejus palato sapiebant.

stat, licet privatæ rarius fierent.

(164) In hanc usque diem idem actitatur in Carthusiano ordine, dum panis cuilibet distribuitur, non ad hebdomadæ integræ, sed ad sequentis diei victum sufficiens.

Scutellas, non modo, quibus pulmenta ei fuissent ministrata, sed etiam, quas fortuito illotas alicubi reperisset, delectabiliter gaudebat abluere, tanta eas diligentia manibus digitisque nitidissimis intus exteriusque defricans ac polliciens, ac si calicem Dominicum se contractare putaret.

Et ipse quidem omni tempore semel in hebdomada, id est, die sabbati purissimæ confessionis lavacrum frequentabat. Quod de traditione inviolabili ordinis sui exsequens, nullatenus omittebat, quin etiam crebrius hoc ageret, mox ut aliquis ex quocunque facto, dicto, cogitatu scrupulus præter solitum ejus animo subortus fuisset. Frequenter quoque iterata innumeris vicibus confessione, quidquid ab infantia se meminisse delicti commisisse poterat, domino revelare, ejusque vicarii, cui constabatur, oratione veniam obtinere satagebat. Quasi vero minus esset, quidquid totius anni tempore alia fecisset, tunc in auribus discretissimis venerabilium servorum Dei cum ingenti cordis contritione id agere impensius curabat, indesinenter conquerens quod bona sua, si quæ ex dono Dei in se essent, ex suo reatu fieret, quod pura salis non prodirent; mala vero sua, non aliud quam pura mala fuissent.

CAPUT XII.

Qualiter fratre Eynardo in arreptione itineris constituto, ut Withamiam relinquens, Carthusiam remearet, reductus est a beato Hugone, inito inter eos vicissim fœdere, quod nec ille Withamiam, nec iste Lincolniam desereret in futurum.

Cum autem superius memoratus frater Eynardus (165) jam admodum senex esset effectus, utpote qui annis pene centum in diversas mundi partes pro instituendâ illius ordinis domibus a suis Carthusiensibus longe lateque directus, demum jam decrepitis hujus negotii causa pervenerat Withamiam, ad Carthusiam redire cupiebat. Videbat enim, opitulante Dei misericordia, jam locum ipsum tam interius quam exterius ad perfectionis culmen feliciter enituisse. Disponebat igitur ad suos redire, et cariosa jam membra bustis sanctorum, qui eum adolescentem olim educaverant, sociare. Verum, cum cerneret suam de die in diem rationibus variis eludi intentionem, nec jam ferret quo mens sua astuabat desiderii vehementiam, valedicens fratribus, tremulos baculo sustentans artus, abire cœpit.

At Episcopus solitis tunc in cella sua vacabat exercitiis contemplationisque dulcedini. Caverat enim senex ille devotus, ne quod moliebatur ei citius inuotesceret, a quo se maxime præpediendum multis jam argumentis certissime prænoscebat. Sed non in longum res latere eum poterat. Mox ergo ita, pedibus usque ad interiora vicini nemoris eum insecutus, his illum affatur: « Parcat, inquit, tibi omnipotens Deus, frater Eynarde! Quid enim est quod agere decrevistis? quid absque alumno tuo recedere, meque solum, et dulci nutritoris solatio destitutum, in terra aliena relinquere cogitasti? Equidem non

A ignoro, quam pio duceris desiderio, ut supremæ jam vitæ tuæ reliquias inter sanctos Burgundiæ eremitas expendere valeas. Verum me potius et ratio urget et voluntas, ut id ipsum agam. » Extracto igitur annulo pontificali a digito, et accersitis ad se clericis suis, ait eis: « Ite quantocius, et hunc anulum vobiscum deferentes, ac salutantes dominos nostros Lincolnix, verbis nostris denuntiate illis, quatenus sibi alium provideant, et eligant pontificem, ut nobis de cætero amicam fovere liceat solitudinem. Nimis diu est, ex quo inter mundanos versor turbines, sanctæ conversationis dulcedini, in qua a principio calui, vanas et amaras occupationes hujus sæculi non recte anteponeus. »

Talia eo prosequente, timere cœpit ac tremere vir B ille desideriorum, quem ducebat non dulcedo natalis soli, sed flagrans amor poli, stetitque stupefactus. Tunc clericis super tali infortunio conquerentibus, quo per eum suo forent pastore destituendi, et exagitantibus vehementer incommodum hujus mali, frater ille suffusus lacrymis et ingemiscens graviter, pedibus advolvitur sancti præsulis. Cumque ore læcundo ac doctissimo laicus iste episcopo niteretur tum precibus, tum rationibus persuadere, quia non ita sibi liceret divinitus commissas relinquere oves, nec illum hoc modo flecti conspiceret, genua ejus complectitur, dicens: « Vere, ait, quandiu spiritus vitalis aget et reget hos artus, non te permittam gregem tuum relinquere, et plurimorum salute contempti, tui tantummodo gerere curam. Mibi melius est enim in terra peregrina usque ad finem morari, et tandem morte finire, quam auctorem fieri tanti discidium, id est divisionis. Redeamus ergo ad solita, ne dum quarimus, quæ sunt nostra, negligere culpe-mur quæ sunt Jesu Christi. » Ita, quem ab intentione recedendi a loco prius flectere tempore multo nullus prævaluit, prudentia viri sancti in momento non modo flectit, sed etiam, ut eo minime discedente et ipse quoque non discederet, cum vehementi instantia ipsum exorare coegit. Initio itaque vicissim fœdere, quod ille Withamiam non desereret, nec iste Lincolniam, redeunt alacres pariter, gaudente utroquo se de alterutro triumphasse.

CAPUT XIII.

D *De peracto innoxie coquinæ incendio in nostri Hugonis finali de Withamia recessu*

Singulis autem annis, tempore potissimum autumnali, venire Hugo Withamiam consuevit: quatenus dum sui ad fruges temporales colligendas studiosius vacarent, ille dimissa suorum frequentia domesticorum in propria, eo facilius, quo liberius, carpendæ et in intimis animæ suæ apothecis recondendæ invigilaret ænonæ spiritus. Nunc autem quid in ultimo (166) ejus ab inde recessu ibidem acciderit referemus.

Nocte igitur quæ diem illum clausit quo ultimum fratribus valescit, eos ulterius corporaliter non visurus, id accidit quod sequitur. Cum enim jam sin-

(165) De quo etiam agitur lib. II, c. 5.

(166) Qui evenit circa finem anni 1199.

gulum orationibus se, præmissa confessione vicissim petita et percepta, seorsum prius in eorum cellis commendasset, ex more demum in commune licentia postulata et solemnè omnibus data benedictione, libato etiam pacis osculo, sub his verbis, quæ frequenti usu, et a charis suis discessurus proferebat, ab eis recessit: « Nunc, inquit, commendando vos Deo et verbo gratiæ ejus. » Hinc ad diversoria fratrum laicorum, ubi clerici et servientes sui commanebant, ibi mane crastinum expectaturus accessit. Quo post quietem ad solvendas nocturnas Deo laudes ecclesiã ingressus, per vitreas ab occidua oratorii parte fenestras fulgor subito nimis illuxit, ita ut solis jubar eadem videretur claritas excessissæ. Unde attoniti quidam, qui valvis ecclesiæ propius astiterant, festine erumpunt, cernuntque culinam, id est, coquinam, quæ proximis undique domibus pene fuerat contigua, porrectis longe in æra flammis exuri. Quod episcopus agnoscens vehementer expavit, metuens scilicet, ne in proxima forte ædificia edax incendium desæviret. Nec enim secus futurum situs et status ædium circumquaque imminentium cuiquam dictabatur præsumendum. Ipsa vero ædificia, occasione servientium nec non et hospitum episcopi, ut eorum usibus pumentia coquerentur in ea, fuerat constructa, eratque ex virgulis ac virgulis vicem parietum supplentibus contexta, stipula levi culmen ipsius tegente. Quæ ab aula hospitali sex aut septem vix pedum spatia disparata

A tecto ipsius, quod ex aridis erat scindulis confectum, ex proximo imminere. Cellulæ præterea lignæ conversorum usibus deputatæ, haud procul in girum erant dispositæ. Ipsi nihilominus ecclesiæ viciniam astanti, circumpositis undique officinis, justissime timebatur.

Cernens itaque vir providus his omnibus sui causa inevitabile, nisi divina virtute arceatur, imminere periculum, animo partim consternatus, sed plurimum de Salvatoris bonitate confusus, salutifera crucis signum contra ignem aliquoties edidit. Intermittens vero cursum nocturnalis officii, quod ex parte jam inchoaverat, ante aram Dominicam sese protinus in orationem dedit. Nec prius destitit a prece quam domunculam funditus adsumptam succubuisse flammis, et incendia tepuisse nuntiatur, et quidem citra cujuscanque rei detrimentum, præterquam illius solummodo ædificii quod etiam, si stetit illæsum, manibus hominum de industria fuisset diruendum. Jam enim sæpius jusserat ad usus necessarios lapideum ex demolito ibidem construi domicilium, hoc scilicet quod modo accidit, veritas inde provenire periculum. Cujus mane incendium cum universi mirarentur adeo exstillesse innoxium, ille in Domino exultans aiebat: « Benedictus Deus, qui non solum præsentem in tali casu timorem nostrum consolari voluit, sed et futuri metus sollicitudinem sub mea tandem præsentia funditus amputavit. »

Explicit liber quartus.

PROLOGUS LIBRI QUINTI.

Quatuor jam libellis de vita sancti Patris nostri Hugonis antistitis juvante Christi gratiã utcumque explicitis, de ejusdem opulacione confisi quintum (quem et ultimum hujus opusculi fore disponimus) subrepto inferius ordine tentabimus adoriri. In cuius serie nulla penitus retexere decrevimus, nisi ea solummodo, quibus præsentialiter interfuimus, aut ea quoque, quæ mox gesta per eum, nobis intimata fuisse evidentè recolimus (167). Hic vero narrationis sumetur initium a singulari devotione, qua præditus fuit erga studium sepulturæ mortuorum: cui demum conclusionis causa succedet postremum de incomparabili sepulturæ simul et exsequiarum honore et decore, quibus cœlitus donari meruit, peracto præsentis vitæ agone. Media inter hæc illa præsertim continebunt, quibus docetur pro Angli-

C canæ Ecclesiæ immunitate, tam contra regem Richardum, quam contra ejus justitiarum propriamque suum ipsius metropolitanum, viriliter decertando feliciterque Deo protegente superando, plurimum desudasse, atque ad postremum ipsi regi suoque persecutori, sepulturæ humanitatem exhibendo insigniter triumphasse. His quoque alia, scitu digna de exordio regni Joannis (168), nunc jam anno ipsius quarto decimo (169), mense tertio, plurimum fatiscantis, sensimque, ut ille prædixerat futurum, deficientis videntur subjicienda. Consequenter vero, uti ipse Carthusiam, et alia loca religione celeberrima adierit, reversus quoque in Angliam apud Londonias, ad gaudia supernæ Jerusalem felici beatus excessu migravit, tentabimus explicare.

(167) In hoc igitur libro v, refert auctor quædam, quibus ipse interfuit, et alia quæ ab aliis audivit.

(168) Joannes rex Angliæ Londini coronatur anno 1199, in die, aut Dominica infra octavas Ascensio-

nis Domini, apud Westmonasterium.

(169) Anno videlicet Christi 1212, durante adhuc exilio Cantuariensium et aliorum

Explicit prologus.

LIBER QUINTUS.

CAPUT PRIMUM.

De immensitate divinæ ad homines dilectionis, quæ in sepulture humanæ officio notabiliter demonstratur, et de nostri Hugonis circa hujus officium affectionis immensa.

Memoriam abundantiae suavitatis divinæ erga genus humanum suaviter eructans, intimis a secretis Dei que amicus Hugo, hæc et his similia, quæ subinferimus, suis sæpissime in odorem suavitatis ingerebat auditoribus. Cum, sicut aiebat, innumera quæ divinæ ad hominem dilectionis declarant immensitatem, ea quam maxime inter cætera prærogativam singularis excellentiæ noscuntur præferre quæ vel ante hominis ortum, vel post ipsius occasum homini non desint conferre. Ut enim de hominibus, qui modo oriuntur et occidunt pauca attingamus, ante cujusque ortum, suæ pro eo mortis præmium Deus Dei Filius dedit, Deus Pater eundem suam Filium in mundum, ut pro homine moreretur, misit, Deus Spiritus seipsum etiam in pignus effudit. Totæ etiam simul Trinitas, unus Deus, sacramenta, quibus mox natus et mundetur et muniatur et roboratur, instituit: ac legis suæ adminicula, quibus regatur et erudiat, concessit, aliaque satis inexplicabilia, utilitati ipsius hominis multipliciter profutura, indulxit. Quem post vitæ instabilis cursum, occasu præventum (cum a suis, olim charissimis, non sine tædio quodam recipitur, dum propriis quondam ædibus anxia quadam parentum et filiorum festinatione propellitur) gratissima Dei sui benignitas sola, a cæteris despectum, non aspernatur. Extemplo namque, non solum spiritus angelicos in præsidium animæ, ad suum Factorem remeantis dirigit, verum etiam primos ac præcipuos, quos in terris habet, ministros, sacerdotes videlicet et alios, in sacris ordinibus positos, in obsequium funeris mittit. Eis etiam quodammodo dicit: «Cernitis, inquit, o sacerdotes mei, et meorum, quæ in mundo sunt, palatiorum æditui, cernitis facturam meam, quam semper amavi, pro qua Filio meo Unigenito non peperi, sed eam immortalitatis ipsius et mortis participem feci? cernitis, inquam, suis hanc amicis quondam et necessariis effectum oneri, hanc quoque ab eis quasi turbulentam ejici et expelli? Eia, festinanter currite, et occurrite ad me confugienti, imaginem filii mei, pro ea crucifixi, cum thymiamateriis et cereis assumite, Ecclesiæ meæ signa in solempne classicum conculcite, vocibus hymnidicis clarius concrepate, basilicæ meæ fores et abdita interiora pandite, nec longius ab ara Filii mei corpus continente, fratris illius aut sororis lipsana deponite; palliis quoque denique pretiosis lætitiâ illius nunc demum triumphantis redimite, stipate lampadibus atque lu-

A cernis, assistentibus obsequentium catervis, quamvis jacentem, ambite. Iterata præterea Filii mei votiva immolatione convivium pinguisimum instruite, quo et spiritus anhelus, ac de concertatione mortalitatis inolitæ, sed jam depositæ, adhuc irrequietus et fessus in robur respiret; caro quoque habitatore pristino interim vacuata, atque matris terræ gremio subinde confovenda, sanctificatione irrigetur gratissima, quatenus sub die ultima, contubernali, olim præcognito, delectabiliter socianda, alacriter refloreat, viriditate æterna feliciter induenda.»

Hujusmodi sententiam per singula pœna verba de benigni Conditoris circa defunctos clementia proferens, hic ejus dispensationis in multis consciis et fidelis interpretis, evidenter satis prudentibus innuebat quonam affectu, quoque respectu, ut tantam sepeliendis curam exhiberet, duceretur. Generali siquidem inhibitione statuerat ne in villis, ubi ipse præsens fuisset, sacerdos parochialis quemlibet defunctum, præsertim ætatis jam adultæ, traderet sepulture, nisi forte, aliquo obstante incommodo, illo id exsequi non valente, de sua hoc ipsum permissione adimpleret. De adultis vero præcipue volebat observari, quia his, si laudabiliter vixissent, propensorem scenam deberi honorificentiam; sin autem vitam duxissent culpabilem, noverat eos uberiorem desiderare interventionis instantiam.

Ubat igitur passim ad universos, eisque, ut mos exigit ecclesiasticus, cum summa alacritate obsequium exhibens, pauperibus luminaria vel cætera in funeribus desiderata per eleemosynarium suum abundanter subministrari procurabat. Si quando, dum iter ageret, et funus in quolibet cæmeterium, ut humari deberet, perlatum conspiceret, confestim equo descendebat, et ad feretrum accedens, ac aliquantisper orans, si librum non haberet competentem, in quo inoffense legeret (cum jam circa diem ejus extrema aliquid soliti acuminis oculis ipsius deperiisset) junctus presbytero exsequi celebranti, psalmos cum eo decantabat et collectas inchoanti vel complenti, amen et alia respondendo, vicem clerici, ne dixerimus, idiotæ, adimplebat. Si non defuisset codex idoneus, ipse, quod sacerdotis erat, prosequeretur, orationes pronuntians, aquam benedictam aspergens, thuribulum circumferens, terram super jaciens, ac reliqua illius officii sollicitè complens et, post absolutionem cum benedictione iter ceptum peracturus adibat.

Plerumque autem in magnis consistens urbibus, dum ad unum quemlibet sepeliendum processisset, nuntiabantur ei alii atque alii, passim per diversas ecclesias sepeliendi; qui magna cum alacritate universos adibat, universis singillatim debitum sepe-

liendi officium devote impendens. Nec prius, quotlibet isti si essent, a tantæ humanitatis munere destitit, quam nullum superesse qui sepeliretur cognovit. Querebantur nonnunquam, et murmurabant potentes quilibet viri, cum eo pariter comesturi, quod, dum hæc diutius ageret, hora prandii jam dudum præteriret. Verum ille nunquam, seu ipsos ipse invitasset, seu ab eis ille esset ad prandium invitatus, sive hujus rei sive alterius cujuscunque negotii obtentu, hujus omittebat pietatis opus exercere, dum, ubi exerceret reperire posset (170).

Sed parum est quod hæc de minoribus referimus personis. Constat enim quia et a regibus invitatus ad mensam idem effecerit. Nam et posterius apud Rothomagum a rege Richardo (171), et prius olim ab ejus genitore (172), rogatus ad convescendum, tandiu ad palatium distulit venire, quandiu in urbe reperit, quos potuisset sepelire. Unde regi utrumque cum optimatibus, vel tota simul familia, in longum compulsi jejunia protelare, dum religiosum officium nec per aulicos accersitus, contemplatione dignitatis seu voluntatis humanæ, nullatenus acquievit omittre. Urgentibus vero ministris curiæ, ut acceleraret ad regem expectantem, et moras ægre ferentem, quantocius venire ille nihil festinantius agens, aiebat: « Non opus est, inquit, ut nos rex expectet, vescatur in nomine Domini. » Suis quoque familiaribus dicebat: « Expediit magis ut rex terrenus absque nobis prandeat quam mandatum æterni Regis nostra humilitas inexpectum prætereat. » Hinc fortassis animadverti licet divinitus ei non immerito fuisse retributum, ut, qui duos reges ob pauperum sepulturam neglexerat, ipse demum in funeris sui obsequium, cum viris sublimibus multis, reges duos (173) haberet adunatos. Verum hæc suo inferius loco dicturi, interim cepta prosequamur.

CAPUT II.

De cujusdam pauperis sepultura in Northmannia, et plurimum in Lincolnia, et prælati cujusdam in Bermundesia.

Quoniam apud Rothomagum, Northmannorum scilicet metropolim, nec tamen a nobis visa (174), sed veraciter audita, retulimus, libet, ut in re simili, quod in eadem provincia ipsi ab eodem actum vidimus (175), breviter absolvamus. Die igitur quadam, iter agente servo Dei, contigit illum non longe a castro, quod Argentum (176) vocatur, tumulum recens sepulti humani, ut videbatur, cadaveris circa

(170) Hujus rei exemplum præbuit Hugo noster ab archidiacono Bedefordensi invitatus, uti sequenti capite refertur.

(171) Anno 1197, aut 1198. Utroque enim anno Hugo regem in transuarius accessit, uti constat ex c. 8, hujus libri.

(172) Forte id accidit primo aut altero episcopatus sui anno, quo apud Henricum regem fuisse legitur lib. III., c. 9.

(173) Angliæ et Scotiæ, uti habetur infra hoc libro, cap. 27.

(174) Hiuc colligere licet relata capite præcedenti de Richardo rege accidisse anno 1197, quo auctor

A publicum aggerem cominus prospexisse. Quo diligentius notato, confestim substitit, mittensque protinus ad rucolias, eminus aratro humum præcidentes, didicit cujusdam homunculi ostiatim pridem mendicantis alimoniam ibidem busta contineri. Defunctus namque idem egenus in pauperis cujusdam rus proximum incolentis domo, et a p esbytero illic parochiæ ob inedia neglectus, eo loco sepulturam accepit, dum, a quo portaretur ad cæmeterium, non habuit. Quo vir piissimus audito altius ingemuit, moxque in pedes ab equo descendens accepto (quem fere semper secum habebat) codice orationes cum psalmis, quos recitari usus instituit sepulturæ, diligenter pro eo ac devote percurrit. Postea vero loci episcopo attentius orando suggestit, quatenus in sacerdotem illum durius adverteret, qui homini Christiano, propter illius inopiam, sepulturam negaverat Christianam.

Vidimus alio tempore (177), cum apud Lincolniam in crastino Natalis Domini de glorioso Christi protomartyre Stephano missam devotissime celebrasset, ut rogaretur a quodam cæmentario, qui in fabrica ecclesiæ desudabat, quatenus fratris sui animam, præcedenti nocte rebus humanis exemptam, auctoritate pontificali a peccatis absolveret Dominoque devotione peculiari commendaret. Quod statim adiungens, inquirere cœpit utrum ejus adhuc corpusculum humatum fuisset. Quod in remotiori ecclesia nequid sepultum audiens servari, jussit mox unum sibi, alium suo capellano et tertium famulo, qui ante eum equitare consueverat, caballum adduci. Deceverat enim cum his tantum tribus ad funus procedere. Sed cum defuisset equus cum capellano, caballum servientis eum præcepit conscendere et illum præeundo ad destinatum locum quantocius properare. Sicque duobus tantum contentus equis, solummodo uno monacho et duobus pueris comitatus, pervenit ad corpus defuncti. Quo terræ matris gremio paterna sollicitudine commendato, quinque deinceps ipsa die (si nos memoria non fallit) in diversis successive cæmeteriis sepelivit funera, per ipsorum amicos sibi assignata. Cum vero jam se hora tardior protraheret, ipseque cum cleri parte non modica ab archidiacono Bedefordensi (178) invitatus, ad epulas solemnes venire differret, rogatur a multis, et ab ipso tandem qui suum ei mortuum denuntiaverat, quatenus pro defuncti anima tantis-

nondum fuerat apud Hugonem, exceptis ultimis anni mensibus.

(175) Narrat auctor hoc cap. quæ ultimis Hugonis annis, quibus ipse episcopo adhæsit, contigerunt.

(176) Idem cum « Argentoniago » seu « Argentono, Argentomove, » circa quod casus hic accidit anno 1198 quo, ut infra cap. 7, dicetur, Hugo in die S. Augustini accessit Richardum regem.

(177) Anno videlicet præmisso, quo juxta cap. 9, rex ab Hugone duodecim sibi mitti petiit ditiores e gremio Ecclesiæ suæ.

(178) Qui cap. 4, appellatur Laurentius.

per orando et absolutionis suffragium porrigendo, eam Creatori commendaret ut ad fatigatos jam prædiutina expectatione saltem post moras longissimas venire ulterius non tardaret. Qui sibi ista suggerentibus non sine cuiusdam reprehensionis asperitate respondit, et quare, inquit, non advertitis vocem Domini nostri ore sacro loquentis : « Meus cibus est, ut faciam voluntatem Patris mei, qui in cœlis est? » (*Joan. iv, 34.*) Nec plura locutus, intermisso instar sancti Tobie prandio, maluit, ut monet Sapiens, « ire ad domum luctus, quam ad domum convivii » (*Eccle. vii, 3.*) Ivis igitur, plurimumque ex sanctitatis suæ præsentia lugentes consolatus, eum sepeliens, qui lugebatur, a luctu, ut pie creditur, Christo miserante, orando absolvit.

Quodam iterum tempore (179) Londonia ad generale colloquium accersitis prælatis et proceribus Angliæ, Lincolnensis episcopus eo pariter advenit. Agebant quoque illum urgentissima suæ Ecclesiæ negotia, super quibus necessario erat cum apicis suis, qui ad locum confluerant, tractaturus. Contigit vero proxima die quæ statutum conventus illius præcessit diem, quemdam ex prælatis, qui convenerant, subita præveniri ægritudine, quam mox citato vitæ terminavit sine. De quo a multis ferebatur quia fuisset gulæ illecebris plus quam satis obnoxius et in potatione superflua nimis assiduus. Cujus discessu audito, licet ei parum notus exstitisset, nihilominus intimæ pietatis visceribus eidem condoluit, et pro eo apud Dominum suppliciter intercessit. Proinus tamen explorari iussit quonam loci, vel a quibus personis idem deberet tumulari, et renuntiatur ei quia in Ecclesia Domini et Salvatoris nostri apud Bermundesiam (180) foret humandus, sed nullus episcoporum sive abbatum ejus crederetur exæsequias celebraturus. Nullus vicinorum etiam aut familiarium seu charorum illi quondam prælate abesse volebat sive audebat solemnî conventui, qui die sepulturæ illius apud Westmonasterium debuit aduniri. Quod episcopus audiens, « noluit Deus, inquit, quod talis persona, tot modo in hac pariter urbe (181) consistentibus prælatis, in hac suprema necessitate deseratur ab omnibus nobis. Non ita faciemus proximo nostro, nec enim hoc sibi quis fieri vellet ab alio. »

Dispositio igitur, ut quosdam ex suis mitteret ad curiam, qui et suam interim excusarent absentiam, mane facto perrexit ad exhibendam defuncto sepulturam. Ubi die ipsa, si ea quæ visu, vel quæ de olfactu, hausimus in medium proferremus [*Cod.*, proferramus], horrorem sane et stuporem audientibus

(179) In annal. Ecclesiæ Winton. apud Wharton, part. 1, Angl. Sac. p. 303, ad annum 1198, legitur : « Obit Simon abbas de Persora apud Bermundesiam iv Idus Maii. » Et iterum ad eundem annum in annal. Wigorn., p. 478 : « Simon abbas Persoræ obiit. Anselmus succedit, et benedicitur Wigornæ die Omnium Sanctorum. » Ex quo colligi datur hic relata evenisse anno 1198, mense Maio.

(180) Cœnobium in agro Surregiensi, circa annum 1082, fundari cœptum, ordinis Cluniacensis, cujus benefactores una cum chartis quibusdam ad annum

A inferemus. In nos etiam aliquorum forte indignatio concitabitur, asserentium quod inhumane cladis humanæ, sortis moribundæ, communem ærumnam, quam conspeximus, publicis auribus ingeramus. Cæterum, quia ex his susceptæ relationis portio magna dependet, nostramque in his potius dedemus miseriam quam alienæ calamitati, quod Deus avertat, insultamus, audiatur, ad omnium utilitatem, quod dicimus. Sit notum viventibus, ad humilitatis profectum, quod innotuit in defuncto ad horrores cumulum. Sit quandoque etiam extinguendis ad virtutis æmulationem id, quod vivis circa defunctum, cui propitiatur Deus, ad intuendum exhibeat stuporem.

Visum est jacens in feretro cadaver extinctum, more quidem quorundam vultu nudatum, sed super carbonem denigratum. Erat sane corpus reliquum alba sacerdotali, sed et casula indutum, sed præ timore nimio vix eisdem inclusum. Nam, cum adhuc dudum vegetabatur spiritu, ita grossitie vehementior tumebat ut vix spirare potuisset. Jam vero, postquam exspiraverat, adeo interna sanies et torrida æstatis ignea intemperies distendebat exanimem, ut ærentibus prodigiosum videretur. Verum quod ita ibi luminibus patebat, tolerabile fuisset, si suo nares supplicio carere potuissent. Cæteri, quos feretro interdum approximare rei ordo posebat, nares, thure immisso, aliæve aromatibus sibi præcludebant, manibus quoque suave fragrantia quædam ori sæpius apponenda tenebant. Solus episcopus, quo lumen nullius inveniretur nare sagacior, et nullus tetri nidoris aspernator, ita tamen horum nihil (quæ levare arte solet aeris corruptelam) admittens, jacenti astabat, et obambulabat, ac si non in feretro, sed in cunis agentem mater parvulum suum fovendo circuitret. Post hæc, cum ad suum se contulisset hospitium, quidam ex suis formidantes, ne forte ex inspirato aeris contagio quid illius præcordiis indidisset, super hoc interrogare cœperunt. Quos ipse reputabat errare, nec quidquam eos insuave ibidem hausisse, ubi ipsemet (quo nullus eorum subtiliore vigeat odoratu) nil triste spirans in loco sensisset. Nimirum Christi bonus odor, qui sibi revera fuit odor vitæ, in vita ipsum faciebat mortis patorem penitus non sentire.

CAPUT III.

De contentione inter ipsum et comitem Leycestriæ super pago quodam Leycestriæ contiguo.—Et est hoc in magna Vita sub capitulo secundo.

Die sequenti (182) cum venisset ad curiam, gravi cœpit pulsari calumnia per comitem (183) Leycestriæ,

usque 1117 enumerantur in Monastico Anglicano tom. 1, pag. 639 et sequentibus.

(181) Londinensi, a qua Bermundesia, aut, ut hic scribitur, Bermundesia non longe distabat.

(182) Post prælati dicti sepulturam. Unde conjicitur etiam illud generale colloquium prælatorum et procerum anno 1198, in Maio fuisse habitum, quo soluto, Hugo transfretavit ad regem.

(183) Cujus progenitores fundaverunt abbatiam apud Etouiam in agro Warwicensi, et cœnobium Luffeldense in agro Northamptonensi, teste Monast.

qui pagum optimum, eidem urbi contiguum, ipsi nitebatur auferre. Suggerebant etiam episcopo amici et consilarii ipsius quatenus cum adversario sub pacis forma transigeret, proponentes multa causæ suæ, quamvis satis justæ, formidanda. Qui pertinaciam comitis atque insolentiam nimiam aspernatus, omnibus consiliariis suis cum magnæ assertionis fiducia dixit: « Sciatis pro certo quia me in hac luce superstitie iste nullatenus hujus suæ intentionis prævæ sortiatur effectum. Habeat ergo ad suæ suorumque damnationis cumulum guerræ quondam tempore extorta violenter instrumenta chartarum; nos autem patrimonium dominæ nostræ, tuitioni nostræ creditum, ipsa adjuvante, dum advixerimus, integrum retinebimus, et in nullo penitus diminutum. Cujusmodi assertio plerisque tunc viris prudentibus minus considerate videbatur emissa, cum et colorem æquitatis præferret actio impetentis, et tam regis quam pene totius curiæ favor in comitis crederetur vota concurrere. Prævaluit tamen viri sancti sermo, cogitatum suum plenissime jactantis in Domino.

De quo etiam pluribus illud mirum videbatur, quia nunquam more celeberrimo fori laicalis, ubi lites illas agitabantur, se per internuntium de impossibilitate in iudicio comparandi voluit excusare, quantumcumque urgeretur discrimine ex litigantium improbitate, ne vel speciem mendacii videretur incurrisse. Post ejus vero decessum (184) comes quidam pagum, quem petebat, obtinuit, sed in continenti lepræ contagione percussus, mox corporis valetudine, et brevi post etiam vita carens, absque liberis decessit. Ante cujus obitum cum fratrem ipsius, episcopum videlicet S. Andræ de Scotia, plurimi conarentur in cathedram viri Dei, qui jam pridem ad Dominum migraverat, subrogare, visum est nocte quædam per soporem nobili cuidam religiosæ matronæ, quod cerneret prædictum Dei famulum, pontificem memoratum, ambitionis æstu succensum, dum suum niteretur conscendere thronum, virga pastoralis durius percussisse sub pectore, ita ut videretur, qui lectum receperat, resupinus in terram corruisse (185). Facto mane, cum illa somnium suis enarrasset, ecce assunt quidam mortem hominis illius, non sine stupore audientium, palam nuntiantes. Horum igitur adeo illustrium, adeo hujus mundi floribus vernantium, tam abjectus et tam repentinus interitus, quid aliud hæc scientibus innuit quam jura Ecclesiarum evolvere servosque Domini injuste lacessere supra modum exitiosum esse?

CAPUT IV.

De revelatione clerico insinuata, qui inter manus episcopi celebrantis formam vidit pueri sub hostia sa-

Anglic. tom. 1, p. 518 et 520.

(184) Id est post S. Hugonis mortem.

(185) Corruere aut mori debuit hic S. Andræ de Scotia episcopus anno 1201, aut 1202, cum anno sequenti in episcopatu Lincolnensi successerit Wilhelmus, ex præcentore electus.

lutari.— Et est tertium capitulum in magna Vita.

Die quadam (186) consistente episcopo in manerio juris sui, quod Bukkedena nuncupatur, venerunt ad illum quidam monachi, presentantes ei ad benedicendum vestes sacerdotales, et calicem unum valde speciosum. Episcopus tunc a sepultura cujusdam viventis Laurentii Bedefordensis archidiaconi in ecclesiam venerat sacra missarum solemnia celebrans. Erat vero Sabbatum, quo semper die, si varet, de beata Dei genitrice Maria tam dium quam nocturnum officium solebat celebrare. Ad quoque sub die illo plures undique confluerant rici, ecclesiasticis redditibus admodum ditati. vero in Ecclesia jam præsentibus episcopum calicem superius memoratum in manibus, ut consecraret eum, tenebat nudatum. Quem cernens metallo, plitudine et artificiositate conspicuum, ipsum altari in chorum detulit, omnibusque clericis præ eum exhibens considerandum, devotam virorum religiosorum circa divini ministerii cultum et collaudabat solertiam, illis econtrario improprie quod multis ecclesiarum redditibus opulenti, nec libris nec vasis, sed nec aliis necessariis convenienter excolerent, sed his omnibus Christi basilicas spoliare potius quam ornare gerent.

Post hæc ingressus ad altare, missam devotis est orsus celebrare. Cumque cæteris jam rite actis ad eum pervenisset locum, ubi elevatam tantum hostiam benedicere moris est, mox in Christi corpus mystica sanctificatione convexam, cujusdam clerici superna clementia dignatam, oculis aperire, eique sub specie infantis (187) valde Christum suum demonstravit mundissimis præsulis digitis reverentissime contrectari. Erat vero idem puer forma quidem permodicus, sed divino quodam nitore atque candore super æstimationem hominis nimium decorus. Clericus, qui hæc viderat, mira devotione (nec mirum) succensus, plurimumque compunctus, tempus omne continuabat in lacrymis quod intercessit ab illa elevatione, usque iterum eam levare cerneret frangendam, jam et sumendam sub trina sui partitione. In qua rursus elevatione sub eadem, qua prius, imagine natum intuetur de Virgine Filium Altissimi, seipsum offerentem Patri pro humana salute. Post hæc, jam explicitis omnibus quæ in ecclesia fuerant peragenda, clericus, qui ista conspexerat, accedens ad verum Domini sacerdotem, taliter ei secretius est locutus: « Domine Pater, vobis, inquit, habeo aliqua referre, quæ vestram, si placet, sanctitatem diligentius opteat audire. » Cumque flexis genibus ista coram eo erat prosecutus, vir Domini cum eo secedens a turba,

(186) Anno 1194, aut sequenti, quo visio hæc accidit, Huberto jam existente archiepiscopo, at auctore Vitæ nondum Hugoni existente.

(187) Inde data occasio S. Hugonem cum parvulo supra calicem representandi.

soorsum secus altare resedit, eique proferre quae voluisset leniter imperavit. Tum ille : « In crastino (id est postridie), inquit, festivitatis Omnium Sanctorum, quae haec ipsa septimana celebrata est, cum Psalterium in quadam ecclesia decantarem pro animabus fidelium defunctorum (sicut ipsa die sollemnis exhiberi earum memoria solet) vox quaedam subito auribus meis illapsa est, quae verbis absolutissimis diceret : Surge, inquit, fili, et perge cito ad Lincolnensem episcopum, disceque ei ex parte Dei, quatenus moneat diligentius Cantuariensem archiepiscopum (188), ut pariter secum subito vigilantius intendant ad corrigendum statum cleri et Ecclesiarum. Nimis enim offenditur divina majestas per ea quae indesinenter fiunt a rectoribus Ecclesiarum et earum ministris. Sacerdotes enim et aliorum graduum personae, omnimodo vitiorum genere, maxime luxuriae sordibus, foedati, sacramenta divinis ex indigno accessu injuriosi existentes, ea irreverenter sumendo atque tractando, quantum in se est, polluere non verentur. Ipsae Ecclesiae indignis et Deo ob perditos mores invisibilibus passim ad regendum traduntur personis, a quibus saepe more secularium praediorum aliis atque aliis relinquuntur ad firmam, quam emphitheosim alii nuncupant, utque viles tabernae, sic ecclesiae, turpis lucri gratia sub annuo censu locantur ad quaesitum. Et his de cura animarum, et de indigentibus sustentandis ex fructibus nullus est sermo, sed sarcinendis crumenis, quas vel luxus evacuet, vel avaritia solummodo ærugini contingendas includat, tota indesinenter aviditate inhiare non cessant. Hæc et similia rectorum vitia, in regendos contagiosa æmulatione transfusa, omnium fere tam minorum quam majorum praecordiis dominantur. Hinc grandis furor et ira Dei imminet tam populo quam universis pariter terræ hujus habitatoribus. His festinum inferetur exitium, et genti huic miseræ, si non anticipet acceleratio et accelerata correctio, jamjam impendet flagellum cœlestis vindictæ. » His dictis, vox quae audiebatur siluit.

Ego siquidem, priusquam hæc audirem, psalterio jam excurso usque ad centesimum primum psalmum flexis genibus coram altari sanctæ Dei Genitricis in oratione animum vehementer intenderam. Oborta namque fuerat in mente mea repente memoria patris mei ante non multos annos in terra Jerosolymitana, quo religionis studio perrexerat, defuncti (189); indeque tantus subito compunctionis fervor spiritum meum absorbit, ut omnia penitus psalmodia omnique strepitu labiorum suppresso, undatim ruentibus ex oculis lacrymarum rivis, præcordialibus tantum votis Domino effunderem preces. Audita igitur hac voce, quae a proximo altari videbatur emissa, vim compunctionis, quae me sibi totum vindicaverat, horror quidam stupore mistus confestim interdicat, cœpique attonitus mecum admirari quis et cui talia

(188) Hubertum, qui anno 1193, III Kal. Junii, electus in archiepiscopum, et anno eodem VII Idus Novembris inthronizatus fuit, part. I Angl. Sacr.,

esset prosequendo locutus. Sciebam enim neminem præter me cominus circa locum ipsum constituisse. Igitur cum post longa pavidæ cogitationis volumina vocis auctorem nequavissem ullatenus deprehendere consignans meipsum salutari crucis signo, intermissæ orationis studium vehementiori, quam prius, desiderio repetere cœpi. Nec mora; et iterum audio vocem eodem sono eisdemque syllabis eandem quam prius exprimere sententiam. Tunc ego, cum nec stantis personam, nec illius, cui sermo fiebat iste, potuissem advertere, cedendum loco existimavi, id tantum mecum reputans, quia aliquid sacratoris mysterii ibidem ageretur ab aliquibus, quorum ego indignus existerem arcanis interesse. Adorato itaque Domino, signans mihi frontem a loco discessi.

Cumque pervenissem ad valvas ecclesiae, occurrit mihi virgo quaedam, religiosa valde, quae Domino in jejuniis et orationibus, in frigore et nuditate, die noctuque deserviens, ab ecclesia eadem rarissime, ab ejus vero atriis nunquam pene recedebat. Hæc, cum audirentur prædicta, in remoto ecclesiae angulo solitis vacaverat orationibus. Quæ genibus meis advoluta rogabat instantius, quatenus, si fieri posset, aliqua sibi ex his quae interius, ut assererat, mihi dicta cognoverat, communicare studuissem. Sed, quia nescius eram adhuc cuinam dicta essent ea quae audieram, illam vice versa potius duxi exorandam, quatenus ipsa, quae dignior me esset audire et nosse mysteria interna, mihi revelare dignaretur, quod de vocis cœlitus, ut fatebatur ipsa, emissa sententia ego minime advertissem. Ad hæc illa : « Scio equidem bis factum sermonem a Domino tibi aliqua præcipientem, quae ego quidem minus adverti, sed, quia tibi præciperetur, certo certius intellexi. » Tunc ego : « Ora, inquam, soror dilecta, quatenus circa nos beneplacitum suum Dominus adimplere dignetur. Super talibus vero, quae modo prosequeris, ego certitudinem nullam percepi. » His a me dictis ecclesiam ipse egredior; illa ad consueta orationum suarum latibula introrsum regreditur.

Post hoc, cubiculum hospitii mei ingressus ibidem usque ad vespere diem in orationibus jejunus exegi. Qui tantum lectulo exceptus, dum variis aestuaret animus horum gratia, quae præmissi, cogitationum fluctibus, vocem repente audivi idipsum jam tertio, quod primo et secundo intulerat, replicantem, hæc tamen præmissa insinuatione, unde mihi constaret, quia ad me sermonem haberet. Ait namque : « Tibi dico, fili, qui ibi præsens quiescis, perge quam celerime ad virum venerabilem, Lincolnensem episcopum, eique omnia hæc quae tibi in ecclesia secundo præcepi, ex parte Omnipotentis nuntiare non differas. » Cui statim ita respondi : « Et quomodo vir tantæ auctoritatis fidem habebit verbis meis, cum ego et ætate et ratione infirmior vix quidquam ea loqui sciam? » Tunc is qui loquebatur ad hoc re-

p. 114.

(189) Anno scilicet 1190; quo cruce signati in expeditione contra Sarracenos plurimi obierunt.

spondens ista subjicit : « Fidem verbis tuis indubitata[m] idem vir habebit, cum ei pro intersignis ea insinuaveris quæ super altare coram eo videbis, qua primum die ad illum perveniens ipsum missarum solemniam celebrantem intueberis. Ne igitur differas parere eloquiis meis, sed, quæ præcipio tibi, devotus exsequere. His dictis vox loquentis ablata est. At ego ad exsequendum imperata plurimum animatus, modico prælibato somno, de nocte surrexi, clamque sociis meis iter ad vos inquirendum ita pedibus meis assumpsi (190). Huc autem ante missæ introitum paulo ante veni, et celebrantem divina sanctitatem vestram devotus observavi. Intendens quoque sollicitus ad mensam Dominicam coram vobis, et in manibus vestris corpus Domini nostri Jesu Christi sub specie infantis parvuli bis supra calicem a vobis elevatum, indignis licet oculis, evidenter conspexi. Quia vero id ipsum et vos multo perspicacius, quia et diutius et vicinius et satis dignius perspexistis, non est ambigendum. » Hæc clericus ille fluentibus per genas lacrymis est prosecutus. Vir quoque Domini ubertim inter hæc flebat.

Cumque pariter aliquandiu stantes super his verba plurima conversuissent, episcopus utriusque genas et oculos, suos videlicet et clericus illius, sacris extergens digitis, osculatus est eum. Erat autem idem clericus annorum circiter viginti quinque. Præcepit vero ei quatenus hæc reverenter celare meminisset. Præterea diligentius cum adhortari studuit, ut religionis habitum suscipere et religiosis moribus Domino servire ex integro maturaret. Asserebat enim non esse conveniens ut, qui talia vidisset et audisset, in sæculi vanitate ulterius spatium vellet. Qui statim hisse libentissime monitis pariturum respondit.

Post hæc aulam jam pransurus ingreditur episcopus. Plurima itaque stipatus convivantium turba, hilaris et lætus discubuit, clericum toties memoratum in area non longe a loco sessionis suæ præcipiens simul recumbere. Qui die postera ab eodem cum benedictione dimissus, et ad quemdam sibi familiarem monachum transmissus, monachus et ipse cito postea effectus, religiose admodum est conversatus. Cui plurima quoque spiritualium visionum mysteria postmodum fuisse revelata certissime experti sumus, ex quibus non pauca litteris dudum de mandato sancti præsulis tradita (191), longe lateque vulgata noscuntur. A cuius etiam ore hæc ipsa, quæ modo retulimus, frequenter audivimus.

CAPUT V.

De stupendo valde miraculo quod in Francia de corpore Christi contigerat inter manus indigni sacer-

(190) Itinere unius aut alterius diei a loco, ubi monitio facta, ad locum, in quo morabatur S. Hugo, distante.

(191) Ex hoc loco colligitur visionem hanc accidisse antequam auctor Vitæ S. Hugoni astitit.

(192) Nescio an eventus ille, qui hic dicitur manifestus multis, sit ab aliquo alio divulgatus.

(193) Anno 1206, quo Parisiis et in Gallia fuisse Hugonem ex hoc capite constat.

dotis, et de sententia mirabili nostri Hugonis ad visendum illud miraculum invitati. — Et eui capitulum quartum in magna Vita.

De vivifico autem sacrosanctæ Eucharistiæ sacramento adhuc referre quiddam non videtur incongruum, quod in Gallia accidisse multis est manifestum (192). Quod, licet multorum notitia fidelium æstimemus dignissimum, præsentem tamen historiæ id a nobis minime fuisse insertum, si non ad hoc inserendum illius nos urgeret sententia, de re ipsa mirabiliter prolata, qui horum omnium, quæ paginæ huic inseruntur, materia est et causa. Hic igitur quodam tempore (193) a Parisiensium digressus civitate, dum Treca[m] peteret, metatione prima hospitatus est in villa quadam Joi (194) nuncupata. Moris vero illi fuit, ubicunque hospitium sese excepisset, presbyterum parochialem cum Ecclesiæ illius ministris ad suam invitare mensam, verbo frequenter utens cum liberali quadam jucunditate ad suum dapiferum, quo sæpe olim usus est Dominus ad Hebræorum populum : « Non deseras, inquit, levitas, qui inter portas civitatis tuæ sunt (Deut. xiv, 27). »

Illius tamen loci presbyter a ministris more solito vocatus, ad mensam episcopi venire obstinatius recusavit; venit autem post prandium invisere eum. Venit quoque, non solum, ut episcopo celeberrimæ opinionis obsequium exhiberet salutationis, sed potius, ut ejus orationibus sese Domino commendari obtineret. Venit etiam, ut ei rem valde stupendam, quæ sibi dudum (195) contigerat, de adorando corporis Domini sacramento et verbis exponeret, et ad videndam ipsam rem, sub oculis adhuc in ecclesia sua positam, eum invitaret. Erat enim idem sacerdos jam grandævus et aspectu reverendus, corpore etiam toto, non tam præ ætate quam præ abstinentiæ, ut dicebatur, rigore præmarcidus, et cute ossibus insidente peraridus. Qui postquam salutavit episcopum, non potuit præ verecundiâ, quod optavit illi declarare per seipsum, sed quibusdam ex suis seriatim hæc exposuit in hunc modum :

« Cum essem juvenis, inquit, et gradum sacerdotii, nec annis adhuc, nec moribus meis tanto apici digne respondentibus, conscendissem, contigit insidiante mihi hoste antiquo, ut crimen quoddam mortiferum incurrissem, a cuius necdum contagio aut remedio, pœnitentiæ aut confessionis lavacro mandatus, ita, ut eram, corde pollutus et corpore, mento insuper cæcus et fide infirmus (quod dictu horrendum est) ad sacri altaris ministerium impudens et temerarius accedere consuevi. Cumque die quadam sacris assisterem missæ secretis, et criminis mei

(194) Cum villa hæc inter Parisios et Treca[m] sita, una sive prima metatione, dicatur, viderint locorum vicini, an facti hujus ibidem adhuc habeatur memoria.

(195) Fore inter annos 1160 et 1170, dum sacerdos Hugoni factum narrans, grandævus quidem dicitur, sed magis præ rigore abstinentiæ, quam præ ætate.

enormitatem in ipsa hostiæ salutaris consecratione mente revolverem tacita, inter alias tenebrosi pectoris cogitationes, hæc mecum versabantur in corde: Putasne, illius corpus et sanguis hic a me sordidissimo peccatore veraciter conficitur, et tractatur, ac sumitur, qui candor lucis æternæ esse describitur et speculum sine macula? Dum hæc et alia his minus stolidi versarem in animo, perventum est ad hoc, ut frangenda esset trifariam more debito hostia sacramenta. Quam ut per medium frangi, mox cruor liquidissimus per fracturam effluere cœpit, qui mediam hostiæ partem, quam manu tenebam, in carnis specie subito conversam, rubore sanguineo infecit. Quibus ego visis præ timore totus dirigui, et pene exsensis effectus perditio rationis consilio, quidquid de ipsius sacramentis in manibus tenebam, in sacrum calicem decidere permisi.

« Erat tunc ibi videre, quod usque in præsens cernitur, sæculis omnibus stupendum miraculum, vinum videlicet in sanguinem et panem in carnem, media sui parte conversa, rem pariter sacramenti, et formam, significans videlicet et significatum, sub gemina specie manifestissime præferre. Quæ ut vidi, has species inconversibiliter retinere, ea penitus contingere non præsumens, calicem patena, et patenam sacra palla cooperui, et missæ officium percantavi. Hinc, populo dimisso, calicem cum sacris, quæ in eo adhuc hodie continentur, loco congruo secus altare reposui debita reverentia custodiendum. Post hoc summi pontificis adivi præsentiam, rei hujus seriem illi præmissa confessione reatus mei exposui, et absolutionis beneficium, injuncta mihi satisfactione competenti ab ipso reportavi. Ad hæc vero magnalia Dei præsentialiter contuenda a multis huc per circuitum locis passim a fidelibus concurrunt, a quibus cum summa reverentia magnificatur Deus, qui facit mirabilia solus. Hæc, sancte episcope, vobis cupio, istis mediantibus, intimari, quo et illius merear ego orationibus apud Deum adjuvari, et ipse cum suis sociis in Domino valeat, cum ista perspexerit, amplius jucundari. »

Hæc igitur referentes episcopo, quibus innotuerat a presbytero, sperabant illum, non sine avida cordis devotione, ad ea mox videnda processurum. Verum ille ad audita confestim ita respondit: « Bene, inquit, in nomine Domini habeant sibi signa infidelitatis suæ. Quid ad nos de his? Num miramur particulares imagines hujus divini muneris, qui totum et integrum hoc celeste sacrificium quotidie intuemur fidelissimo aspectu mentis? Intueatur illius exiguas portunculæ visu corporeo, qui totum non intuetur fidei conspectu interno. » Hæc dicens, commendantem se orationibus ejus presbyterum, data ei benedictione, abire permisit. Suorum vero curiositatem redarguens, in fidei soliditate ipsos non solum roboravit, imo certius ea quæ fides præscribit, quam ea quæ lux ista visibilis ostendit, teneri a fidelibus debere et intelligi luculentissime declaravit.

A Sic itaque a proposito curiosæ visionis illos coarctavit, et ad excitandum devotionis aspectum pariter et amplexum, ad hæc verba et vivifica cordium alimenta, mentes audientium erudit. Ex præmissis vero, necnon et ex aliis ejus verbis certius nobis persuasum tenemus quia non semel tantum, ut supra ostensum est, imo etiam frequenter, illi concessum sit, revelata hominis interioris facie, illa singulariter de hoc sacramento visu quodam intimo perspicere, quæ nobis invisibilia docemur omnes pariter fide purissima credendo retinere.

CAPUT VI.

Qualiter Hago noster suum corripuit metropolitanum, et quam sollicitus erat de moribus subditorum. — Et est hoc capitulum quintum in serie magnæ Vitæ.

Sed, dum solito crebrius metropolitanum suum, solitoque instantius vir Dei, post factam sibi divinitus admonitionem, hortatur, quatenus omissis parumper quibus indefessus adhærebat curis sæcularibus, studio potius indulgeret pontificalis officii quam reipublicæ administrationi, animum ejus ad gravem contra se excitavit similitudinem. Sux vero jurisdictioni subditos, tam clericos quam presbyteros, ipse totis viribus per seipsum, et per officiales suos, ad vitæ rectoris transtem et disciplinæ regularis honestatem revocavit. Nihil enim de paterna sollicitudine omittens, languidis commissorum sibi moribus infundebat oleum et vinum, ut severitas coerceret distractionis, quos curare non potuit lenitas pietatis.

C Quantum vero sudaverit, quantumve profecerit ad correctionem subditorum in hac gemina ecclesiasticæ dispensationis exhibitione, non est facultatis nostræ, prout dignum esset, exponere, cum hæc peritissimorum etiam ingenia vix multis sufficerent voluminum prolixitatibus enodare. Ecclesias quoque diocesis suæ in omnibus pro posse suo ad statum curavit debitum erigere. Admittebat enim sedulo ad earum regimen viros scientia et vita commendabiles, his vero destitutos ab earum ingressu pro viribus repellebat. In qua nimirum intentione, quanto duce-retur zelo, ex ipsius verbis melius perpenditur, quibus de seipso ita sæpissime fatebatur: « Miror, inquit, quosdam, ut dicitur, gaudere, cum vacant præbendæ aut ecclesiæ, quas pro libitu possint novis possessoribus conferre. Vera enim de meipso loquor, quia nihil unquam in hac vita animum ita affixit ut anxia sollicitudo personas idoneas eligendi ac discernendi, quibus congrue possit regimen vacantium præbendarum aut dignitatum Ecclesiæ nostræ committi. Nec quidquam mundanum adeo me unquam contristavit ut error ille, quo ad mutorum sæpe commendationem talibus ecclesiasticæ concessi beneficia, quos frustra credidi in canonicis disciplinis esse strenuos, dum eos postmodum, Ecclesiæ bonis ditatos morum perversitas ostenderit fuisse ignavos. » Et in hunc quidem modum sibi a quibusdam fuisse subreptum non sine gemitu querebatur.

Novinus vero eum pro hujus rei errore diligentius

avendo, alicui suorum collateralium, de cuius sinceritate non parum confidebat, specialiter injunxisse ut, si quid vel tenuiter sensisset, vel audisset sinistri de aliquo quem in sua Ecclesia beneficiare disponderet, hoc ei nullatenus celare præsumeret, non, quod ipse incertis de aliquo rumusculis fidem esset habiturus, sed ut a dubiis etiam certa quandoque selgeret, et conceptum ex incertis quoque laudibus favorem interim temperaret, quousque discussa super auditis veritate, inoffenso mentis iudicio, quod ratio dictaret, liberius exsequeretur. Plurimis vero Deum, ut sperabat, timentibus viris atque discretis injunxit ut personas moribus et doctrina probatas, quas in gremium Ecclesie suæ opportunitate concessa colligeret, suæ notitiæ diligenter exploratas intimarent. Sed vix infelicitati humanæ infirmitatis et ignorantiae! Nam et ex illis plerique pro affinitatis, aut cujuslibet necessitudinis, seu familiaritatis obtentu, culpandos potius ei satagebant commendare, quibus ille interdum non distulit (quamvis infideliter contra se, imo contra Deum, agentibus) fidem accommodare. Ita se aliquoties circumventum a quibusdam sciebat, et gemebat, tantamque hominum infidelium perversitatem (qui Dei patientia suasque simplicitate purissima abusi fuissent, magna de cætero cum detestatione abhorrebat, et a suis, quantum licuit, consiliis eos sequestrabat.

CAPUT VII.

Qualiter in concilio Ozoniensi petitioni resistit de auxilio petito, a rege Richardo, a quo tamen fuit susceptus honorifice post offensam. — Et continetur hoc capite sub capite quinto in serie magnæ Vitæ.

Verum hæc eo agente, et de lucris dominicis ex acquisitione fidelium animarum studiosius satagente, non quieverunt virulenta contra eum serpentis antiqui molimina. Uno igitur anno et fere mensibus quatuor ante mortem suam (196) rex Anglorum Richardus in gravem contra ipsum exarsit iram tali de causa. Ipso siquidem rege, in transmarinis agente, ac contra Francorum regem Philippum acriter præliante, coacta est (197) vocante archiepiscopo Cant. Humberto ad generale colloquium universitas magnatum totius Angliæ apud Exonford. Quibus archiepiscopus, qui vice regis publicis præsidebat negotiis, regias proposuit necessitates, ut qui sumptibus et militantium copiis inferior, contra regem dimicaret potentissimum, ad suam exhæreditationem et perniciem nisibus totis aspirantem. Postulat deum quatenus decernant in commune quo genere auxilii domino suo in tam

196 Obiit Richardus rex anno 1199, die 6 Aprilis. Ira ergo regis contra Hugonem exarsit anno 1197, circa festum S. Nicolai episcopi, quo 6 Decembris recolitur.

(197) Anno 1197, quo rex Angliæ, teste Triveto in Chronico, contra regem Francorum acriter dimicabat.

(198) Richardus Londoniensis fuit episcopus ab anno 1189, ita Annales Winton, p. 302, et obiit juxta eosdem, pag. 304, anno 1198, iv Idus Septembris.

A arcis posito valeant subvenire. Jam vero præstatum erat ab his qui secum regis ex toto vultibus decolat parendum, ut barones Angliæ, inter quos et ipsi censebantur, trecentos milites regi exhiberent, qui suis sumptibus ei per annum integrum contra hostes transmarinos indesinenter militarent.

Requisito igitur super hoc in eodem illo Lincolnensis episcopi assensu, ipse tacitus secum delibans paulisper (cum prius tam primas Cantuariensis quam Londoniensis episcopus Richardus (198), qui et decanatus privilegio fungebatur inter episcopos, se suos et sua regie per omnia necessitati exposituros pronuntiasset) ita respondit citius: « Nostis, ait, o viri prudentes et mobiles, qui in presentiarum adestis, me in partibus istis advenisse, et de simplicitate conversationis orationis ad episcopale officium assumptum. Cum igitur ecclesia dominæ meæ, sanctæ Dei genitricis Mariæ, me dudum imperitiæ ad regendum fuisset commissa, consuetudines illius et dignitates, debita etiam et onera, solerter addidici; in quibus conservandis alve exhibendis hætenus fere per tredecim annos (199) a rectis prædecessorum meorum vestigiis non recessi. Scio quidem ad militare servitium domino regi, sed in hac terra solummodo exhibendum, Lincolnensem Ecclesiam teneri; extra metas vero Angliæ nihil ab ea deberi. Unde mihi consuetus arbitrator ad natale solum repedare, et eremum meo solito incolere, quam hic pontificatum gerere, et Ecclesiam mihi commissam, antiquas ejus immutatas perdendo, insolitis subjugare angariis. »

Hoc ejus responsum archiepiscopus satis agre accipiens, suppressa paululum voce, tremebundus tremantibus præ indignatione labiis adiecit a Sarisburiensi episcopo, nomine Heriberto (200), inquirere quidnam et ipse animi haberet, super auxilio regi prospiciente? Qui ad inquisita sic respondit paucis: « Videtur mihi quia, citra Ecclesie meæ enorme præjudicium, aliud a me dici nequit vel fieri quam quod faciendum esse ex responsione domini Lincolnensis episcopi modo audivi. » Ad hæc nimium indignatus archiepiscopus, primum in Lincolnensem verbis amarissimis atomachus, soluto consilio nuntium regi (201), per ipsum Lincolnensem caruisse effectum negotium illius. Quo jam rex secundo et tertio per nuntios [archiepiscopi accepto, in ira et furore magno universa, quæ erant episcopi, præcepit quætoctus confiscari. Id ipsum mandavit et de Sarisburiensi episcopo fieri, qui Lincolnensis diffinitionem suo assensu comprobaasset. Quid multa? Sarisbe-

(199) Argumentum manifestum, quo Hugo probatur, anno 1185 factus episcopus. Siquidem, dum anno 1198, in die S. Augustini venit ad regem, nondum complevisset annos duodecim in casu, quo creatus fuisset anno 1186 in episcopum.

(200) « Heribertus archidiaconus Cantuarie cigitur anno 1193 in episcopum Sarum. » Ita Annales Wigorn. in Angl. Sacra, part. 1, p. 478.

(201) Circa finem anni 1197, uti etiam ex sequenti nota constat.

riensis episcopus confestim proscibitur (202). A Veniensque ad regem post injurias et damna, atque vexationes et plurimas contumelias, vix tandem maxima pecuniarum summa pacem et possessiones suas redemit. In res vero et possessiones Lincolnienſis episcopi nemo præsumpsit manus extendere, dum et offensam ejus metuunt incurrere, anathema vero illius subire non aliter quam capitale supplicium formidabant.

Protrahitur inter hæc tempus a festo sancti Nicolai pene usque ad Kalendas Septembris (203) rege a rebro mandante ut proſcriberetur episcopus, et regis exsecutoribus id exsequi nulla ratione præsummentibus. Tandem vero motus precibus, maxime eorum quos dicta urgebat regalia, ut res illius jure fisci occuparent, transfretavit ad regem. Apud Rothomagum vero accesserunt ad eum duo nobiles viri, comes videlicet Willelmus cognomento Marescallus (204), et comes de Albamara (205). Hi quidem, per quantas injurias furor regis in dominum Sarisburiensem efforbuisset, quantas etiam Lincolnienſi minatus fuisset exponentes illi, supplicabant quatenus eis, quæ viderentur expedire ad sui ipsius commodum, regi per eos intimanda, ad animum ejus mitigandum de causa sua vel negotio insinuare dignaretur. Asserebant enim sub jurejurando quia nullatenus totis facultatibus suarum viribus pacem ei redemissæ, quam eveniret, ut juxta motum furoris sui regia in eum immanitas debaccharet. « Nec solum, inquam, quia vos fidelissime diligimus, talia prosequimur, verum etiam quia tam nobis et domine nostro regi et suis omnibus non mediocriter in hoc casu timemus. Nulli enim dubium esse potest quin ipsum quam celerrime celestis ultio percelleret, si vestram (quod Deus avertat!) indignis exagitare injuriis præsumpserit sanctitatem, erimusque nos et amici nostri in opprobrium et direptionem dimicantibus adversum nos inimicis nostris. »

Talia prosequentibus episcopus statim respondit: « Gratias quidem immensa benevolentia, quam habetis erga nos, referimus toto mentis affectu. Optime vero novi quia præ cæteris in sua præſenti vexatione, cui satis compatimur domino nostro regi estis necessarii. Bene etiam novi quia vobis præ cæteris ad compensationem tenetur impensæ beneficii.

(202) In *Annal. Winton.*, p. 303, ita legitur ad ann. 1198: « Episcopus Sarum, etc., possessionibus suis desseisatus transfretavit mense Februarii. » Et post pauca: « Herbertus pauper episcopus Sarum reversus de Northmannia, etc., applicuit in Angliam vi Idus Junii. »

(203) A sexta scilicet Decembris anni 1197 usque ad diem S. Augustini anni 1198, quo Hugo ad regem venit, et ab eo in pace, sed non diuturna, dimissus fuit.

(204) Magnæ apud reges Angliæ auctoritatis, et tandem comes Pembrochiæ. De quo plura in *Monast. Anglic.*, t. I, p. 725, et in *Chronico Trivetti* ad annum 1219, quo obiit Londoniæ apud novum templum in crastino Ascensionis sepultus.

(205) Willelmus nomine, cognomine de Fortibus, per conjugem suam Havisiam comes de Albemarl.

Nolo igitur ut pro me, cui adeo rex irascitur, verba aliqua faciatis, ne, si vobis duriora responderit, in ejus obsequio reddamini segniores, aut, si vos pro me exaudierit, se pro vobis magnum quid gessisse reputet, et ad retribuendum vobis bona, quæ meremini, ipse inveniat aliquatenus remissior. Id tantum, si videtur, dicere ei poteritis, quia, ut eum inviseremus, in partes istas venimus. Cui si libuerit ut ipsum videamus, per quemlibet ex suis nobis significet quo loci debeamus occurrere ei. »

His ab eo dictis, nobiles illi viri prudentiam simul et magnanimitatem ejus admirantes plurimum, abierunt ad dominum suum, hæc ei omnia renuntiantes. Qui et ipse non parum illius verba miratus, et animo per omnia fere erga illum repente divino nutu immutatus, jubet ei renuntiare, quatenus sequenti die tertia apud novum castellum Rupis de Andeli (206) occurreret ei. Ad quem noster Hugo confidenter accessit, reperiensque illum in capella loci illius audientem missarum solemniam in die doctoris eximii sancti Augustini, continuo salutavit eum. Stabat vero ipse rex æcus introitum ostii in solio regali, et duo episcopi, Duvelniensis (207) videlicet et Heliensis (208) stabant secus pedes ejus. Cum ergo salutasset eum episcopus, ipse rex non respondit ei verbum, sed, cum illum parumper torvis oculis fuisse intuitus, faciem ab eo avertit. Cui episcopus constanter ait: « Da mihi, inquit, osculum, domine rex. » Qui magis avertit aspectum ab illo, vultumque et caput in partem aliam declinavit. Tunc Hugo episcopus vestem illius circa pectus fortiter constringens, hunc vehementius concussit, iterum dicens: « Osculum mihi debes, inquit, quoniam de longinquo ad te venio. » Rex ad hæc ait: « Non meruisti ut osculer te. » Qui fortius occutiens eum per cappam, quam stricta tenebat manu, confidenter ait: « Iuno, inquam, merui. » Et adjecit: « Osculare me. » Tunc rex admirans fiduciam constantiæ ejus paululum, subridensque, osculatus est eum.

Aderant autem ibi duo archiepiscopi (209), et episcopi quinque, qui inter solium regis et gradus altaris constiterant. Qui non procul a rege hoc modo præsulem de rege jam triumphantem inter se accersiri cupientes, locum ei sessionis fecerunt. Quos

Hujus meminit ad annum 1221 *Trivettus*.

(206) Unde magna, anno 1197, dissensio inter Richardum regem et archiepiscopum Rothomagensis exorta, uti habetur p. 840, tom. V collect. novæ apud Martene, sed sopita, ut colligitur ex *Trivetti Chronico* ad hunc annum, mediante permutatione quadam.

(207) Legendum Dunelmensis, qui erat Philippus Pictaviensis, de quo in *Anglia sacra* part. 1, pag. 726 et seq.

(208) Eustachius, anno 1197, electus in episcopum, de quo etiam in *Anglia sacra* part. 1, p. 633.

(209) Walterus Rothomagensis, jam regi reconciliatus, et, ut videtur, Hubertus Cantuariensis: Galfridus etiam Eboracensis eo anno in disgratia erat apud regem.

tamen ipse directe pertransivit, ac secus cornu altaris gressum figens, demissis obstinatius in terram luminibus, divinatorum tantummodo celebrationi animum intendebat. Quem interea rex non parum curioso et pene continuo aspectu considerabat. Cum igitur ad trinam invocationem Agni, qui tollit peccata mundi, jam pacis osculum sacerdos dedisset cuidam archiepiscopo, qui regi de more pacem erat allaturus, rex usque ad gradus ei obvius processit, sumptumque ab eo signum acceptæ per immolationem cælestis agni pacis, cum humilli reverentia episcopo Lincolnensi per oris sui osculum porrexit. Ita princeps illustrissimus venerationis signum, quod sibi archiepiscopus parabat deferre, ipse potius episcopo sancto studuit exhibere. Nam ad ipsum alacriter perrexit, et nil tale suspicanti, sed attentius domino supplicanti honorem (ipse Domino id utique disponente) impendit, ut imple-retur quod Dominus ait: *Glorificantes me glorifi-cabo* (1 Reg. II, 30).

CAPUT VIII.

Qualiter sedata regis offensa eundem corripuit, et ab eodem honoratus recessit; cui etiam post recessum rex contingentem sibi de hospitibus victoriam nuntiavit.

Explicito igitur superius memorato sacri altaris officio, Hugo ad regem accessit, et super indignatione ejus contra se citra meritum suum excitata, pauca, sed fortia expostulavit, et quod in illum nihil penitus deliquisset, evidentissima ratione propala-vit. Quibus rex, cum in contrarium nihil referre potuisset, crimen hujus offensæ in Cantuariensem retorsit archiepiscopum, qui sibi multoties sinistra de eo litteratorie suggestisset. Quæ simul universa veritate vacua fuisse promptissima rationum facilitate convincens episcopus, « salvo, ait, honore Dei et salute animæ meæ ac tuæ, utilitatibus tuis nunquam prorsus vel in modico obviavi. » Ita regia indignatione sedata, regis æniis episcopus honoratur, et a rege hospitandi gratia in castellum, quod vocita-bat Portum gaudii (210), et quod recenter constru-xerat in quadam insula non procul sita, destinatur. Rogabat vero, ut etiam die sequenti ad se veniret, et ita cum gratia et favore ad propria, post iteratum cum eo colloquium, remearet. Quod ille gratanter audiens, se in crastino reversurum promisit.

Verum et de salute animæ ipsius pastoralis sollici-tudine pie curiosus, apprehensa ejus manu a sede sua ipsum elevans, protraxit seorsum usque ad locum prope altare, ibidemque eum sedere monens, cum et ipse pariter sederet, sic cum secretius allo-quitur: « Noster, inquit, parochianus es, domine rex, nobisque incumbit ratione pastoralis curæ pro anima vestra, quam universitatis Dominus proprio

A redemit cruore, in tremendo ipsius judicio respon-dere. Volo igitur, mihi dicas qualiter se habeat status interior animæ vestræ, ut ei consilium vel auxilium, prout superna juverit aspiratio, efficaciter possim adhibere. Jam enim unius anni spatium elapsum est (211), ex quo vobis alias locutus fui. » Cui cum rex diceret ei conscientiam bonam esse fere in omnibus, nisi quod odio laboraret hostium, quos injuriosos sibi pateretur, et nequiter infestos, episcopus ait: « Si per omnia Dominatoris omnium gratiæ placueris, facile tibi inimicos tuos aut pæc-tos efficiet, aut expugnatos subjiciet. Verum summo-pere tibi cavendum est ne tu (quod absit!) Auctori tuo in aliquo injuriosus existas, aut etiam in proximos quidpiam iniquum committas. De te vero, quod B quidem inæstus loquor, jam publicus rumor est, quod nec propriæ conjugii maritalis thori fidem con-servas (212), nec Ecclesiarum privilegia in præfi-ciendis maxime sive in eligendis earum rectoribus illibata custodis. Dicitur enim, quod (quod sane ni-mium peculiare crimen est) pecuniæ seu favoris in-terventu quosdam ad regimen animarum promovere soleas. Quod procul dubio, si verum est, pax tibi a Domino concedi non potest. » De his itaque regem pro tempore admonitum diligentier et instructum, et de aliis quidem se penitus excusantem, de aliis in-tercessionis suæ opem sedulo flagitantem, cum bene-dictione dimisit, et ad hospitium regia sibi provi-sione delegatum lætus recessit.

C Rex interea de eo cum suis loquens, et virtutem animi ejus multa cum laude concelebrans: « Vere, inquit, si tales, qualis iste est, essent passim et cæteri episcopi, nullus contra eos regum aut prin-cipum attollere præsumeret cervicem. »

Tunc ei a suis consiliariis suggestum fuit, quatenus per eum in Angliam litteras dirigeret, et a magnatibus terræ alienjus modi subventionis auxilium flagitaret. Quas de ea causa illum ferre potis-simum consulebant, quia procul dubio a cuicunque favorabilibus exciperentur, si per tantum sibi nun-tium allatæ fuissent. Nonnulli etiam libentius hoc episcopum sperabant exsecuturum, ut inde regio fa-vori ulterius commendari potuisset. Verum, ut ait Sapiens: « Frustra jacitur rete ante oculos pen-natorum (Prov. I, 17), » protinus siquidem per re-gis domesticos sibi omnia hæc innotuerunt. Suggestentibus autem sibi clericis, quatenus in re tam fa-cili pareret alacriter regis voluntati, ille cum magna aspersione verba eorum respuit, dicens: « Absit, inquit, hoc a me! Non est meum, portitorem fieri regalium litterarum. Nec enim proposito, sed neque officio meo, congruere istud potest. Non, inquit, est meum, exactionum hujusmodi vel in mo-dico existere cooperatorem. Non latet vos, qua

(210) Idem, ut videtur, cum castello de Andeli, cum illud novum, et hoc recenter constructum dicitur.

(211) Ex hoc colligitur Hugonem etiam anno 1197 apud regem fuisse.

(212) Berengariam regis Navarræ filiam Richardus, anno 1191, duxit in conjugem, quam Hugo in castro Bevaforestensi, juxta libri hujus cap. 15 inveni-sit, et consolatus fuit anno 1199.

semper velut nudato supplicat esse iste potens; et hæc præsertim potestas, cum jugiter petit, premitur. Angli nostri blandis quidem sollicitationibus primo alliciuntur, qui demum asperimis coactionibus, non ad quod ipsi volebant, sed ad quod regi placuerit, conferendum impelluntur. Sæpe etiam invitati id exsequi coguntur, quod semel utroneos, vel ipsos aut eorum prædecessores fecisse noverunt. Non ergo me contingat talibus immisceri quibus cum dispendio proximi cooperatur gratia regis terreni, et indignatio succederet et incurreretur omnipotentis Dei. » Monuit igitur regis consiliarios episcopus, ut procurarent ne sibi talia injungantur, unde contradicendo regie deliberationi, ipsius denuo gratiam ipsam demereri necesse sit. Quæ ut regi innotuerunt, statim mandavit ei quatenus ad suam eum Dei benedictione Ecclesiam rediret, ac mane altero ad se veniendi, ut condixerant, laborem assumeret, sed pro eo ad Dominum bono animo indesineret oraret. Sic Hugo in nomine Domini a curialium laqueis liberatus, Domini magnifice benedicens cum suis omnibus ad sua cum gaudio remeavit.

Vix autem episcopo in Angliam reverso, cum nec ad Ecclesiam suam pervenisset, ideam rex contra regem Francorum (215) prope Gisorsium impetu facto, et captis pluribus ipsius opulentiæ, ipsum in fugam egit. Tunc etiam comes Niverniensis in fossatum castelli defectus, aquis eneatis interiit. Hujus autem triumphi seriem rex mox Lincolnensi episcopo significans, et, ut pro eo, sicut cæperat, orare dignaretur suppliciter exorans, nomina quoque et numerum virorum fortium, quos cæperat, litteratorie expressit, scribens inter cætera et asserens quod etiam ipsa rex Philippus satis de fossato bibisset in quod cecidisset, fuga quidem præcipiti, nisi suorum ope subvectus evasisset interitum. Hunc honorem atque trophæum regi coelitus concessum meritis sancti præsulis multi etiam suorum affirmabant, quem ipse pro Domino, pristina similitudine omissa decreverat impensius venerari.

CAPUT IX.

Quam constanter se ad mandatum regum excusavit, quo sibi mandatur ut ad ipsum mitteret duodecim de personis suæ Lincolnensis Ecclesiæ qui ad sua forent nuntia expedienda aptiores, contra exsecutores datos ad confiscandum omnia bona sua censuram exercendo ecclesiasticam. — Et hoc est capit. 7 in serie magnæ Vitæ.

Excogitato autem ab æmulis viri Dei versutæ sublimitatis irrefragabili, ut putabatur, machinamento, suggeritur regi, plurimos esse inter Ecclesiæ Lincol-

(215) Philippum. De hoc prælio et victoria videatur Trivettus in Chron. ad annum 1198, ubi hic relata confirmat.

(214) De opulentia et amplitudine episcopatus Lincolnensis ita scribit Giraldus Camb. Angl. Sacrae part. II, p. 417: « Crevit ergo diocesis Lincolnensis per Remigium, sed decrevit enormiter per Robertum et Robertum. Cunctas tamen catho-

niensis canonicos, qui innumeris redditibus locupletes (214), auro etiam vel argento prædivites, citra gravaminis jacturam non modicas pecunias suis quivissent scriuiis inferre. « Hujusmodi vero ingenio eas, inquit, facile erit extorquere ab eisdem. Scribat Dominus noster rex Cantuariensi archiepiscopo (215), ut de gremio Lincolnensis Ecclesiæ duodecim viros prudentia et consilio præminentes, eloquentia etiam præditos (quos ipse noverit servitio vestro esse idoneos) ad vos destinare festinet, qui rebus opportunis sufficienter instructi vestra possint negotia, propriis illorum sumptibus, in Curia Romana, in Alemannia atque Hispania, necnon et alibi, quo eos censueritis destinandos, competenti solertia expedire. Quid pluribus immoremur? Venit tandem nuntius archiepiscopi ad episcopum, præsentans ei duodecim paria litterarum, totidem Ecclesiæ sui personis ex eminentioribus porrigenda. sigillo archiepiscopali inclusa. Attulit etiam speciales episcopo litteras, in quibus prædictarum tenor litterarum juxta formulam superius comprehensam exprimebatur. In earum vero calce, regia auctoritate pariter et sua mandavit quatenus litteras singulas illis ad quos erant scriptæ mitteret, quos ad suam quoque præsentiam destinaret, paratos juxta formam regii mandati ad ipsum quantocius regem transfretare. » His cognitis, illi specialius turbabantur, qui tunc ibidem præsentibus inventi, ad invisam se audierunt expeditionem accersiri.

At episcopus ad audita nihil respondens (erat enim hora prandendi) ad mensam jam accessit paratam. Clerici inter prandium invicem mussitantes, se timere asserunt ne duriora episcopus nuntio responderet, cum non pontificali severitate, sed potius lenitate submissa, in casu tam formidoloso, opus esset ad experiendum primitus, si forte blanditate supplicatione dominus Cantuariensis posset deliniri, qui, si vellet, ipse consilium istud in melius facile commutaret. Hæc illis mutuo conferentibus, avertit Hugo, vir robusti pectoris, citius formidinis eorum diffidentiam. Unde nullius ex eis super reformanda responsione consilium expetivit, sed continuo, ut surrexit a discubitu, ad nuntium qui venerat hæc est prosecutus: « Nova, inquit, nec uspiam, hæcenus sunt audita, tam ea quæ auctoritate regie quam et illa quæ sua voluntate injungit dominus noster Cantuariensis. Sciat tamen ille me nunquam litterarum suarum fore vel fuisse portitorem, nec me clericos nostros regis aliquando servitii obligasse, aut obligaturum esse. Prohibui sæpe clericis, etiam alienis, in episcopatu nostro beneficiatis, ne in publicis functionibus, ut est in distrahendis forestis,

drales adhuc regni totius ecclesias, VII comitatus et dimidium in se continens, terræ populosæ, et præter varios personatus, alios VII vel VIII archidiaconatus habens, longe lateque diocesis amplitudine vincit. »

(215) Id factum creditur anno 1198, post reditum Hugonis a rege, licet et ante ejus recessum eodem anno fieri potuerit.

et aliis in hunc modum administrationibus, se obnoxios seculari clientela efficere audent. Quosdam etiam in hoc minus obedientes salutaribus monitis nostris, beneficiorum suorum dura privatione castigavimus. Qua igitur ratione de intimis Ecclesie nostrae visceribus evellere deberemus quos ad regia obsequia mittere jubemur? Satis sit domino nostro regi, quod certe in periculum salutis animae suae, professionis suae officio praetermisso, negotiorum illius executioni se archiepiscopus jam ex integro devoverit. Quod tamen, si parum ei videtur, veniet cum suis; en iste episcopus: Veniet, inquam, audire jussa regis ex ore ejus. Veniet etiam juxta eadem illius jussa, quod justum fuerit promptissime exsecuturus. Tu vero duodenarium litterarum, quas nobis attulisse te dixisti, asporta tecum, inde, quod libet, accitaturus. Haec vero universa, quae tibi loquor, domino nostro archiepiscopo seriatim enarra, ad extremum vero dicturus et quia, si ad regem hoc ordine ituri sunt clerici nostri, cum eis pariter et ego ipse ibo. Nec enim ipsi sine me modo ibunt, nec sine ipsis alias ivi ego. Haec enim pastoris boni ad oves suas, et bonarum ovium ad pastorem suum ratio est, ut nec iste illas incaute exponendo dispergat; nec illae latum temere fugiendo aberrant.

Iras ad haec spirabat litterarum bajulus. Erat enim curialis clericus, in hoc ipsum, ut tali fungeretur legatione, de industria assumptus. Erat quoque, ut dabatur intelligi, fastu imato tumidus, sed tumidissimus ex flatu spiritus curialis. Qui cum pararet minas emovere, quas anhelitu praetumore cordis intercluso vix sufficiebat proferre, intercidit verba ejus virosa episcopus, eum quantocius recedere jubens. Qui protinus ita perturbatus et confusus abcessit.

Misit vero quosdam ex suis viros prudentes episcopus ad archiepiscopum, rogans et monens eum, quatenus praemetiri dignaretur et praecavere in edictis hujuscemodi ecclesiasticae immunitatis (quam tueri tenebatur) praedudicium evidens, nec in talibus suae auctoritatis vtilatenus praerberet assensum. Quorum ille precibus sive rationibus specie tenus potius quam medullitus flexus, rancore parumper dissimulato (quem palam ex inobedientia, ut dicebat, suffraganei sui, se concepisse memoraverat) cum auctoritas simul et ratio certa praescribat nunquam debere per obedientiam malum fieri, et cum debeat interdum bonum intermiti, spondit se provisurum quatenus salva utilitate regia huiusmodi ut praesens negotium ad pacem domini Lincolnensis, aut funditus sopiretur, aut moderatius ordinaretur.

Verum non in longum habuit locum quies pacis repromissae. Emissis enim cito post ista publicis edictis, jubentur possessiones episcopi in manus recipi regalium exactorum. Quod ut audivit episcopus, nonne, inquit, clericis suis, dixi vobis, quia vox

A quidem hominum istorum, «Vox Jacobae, sed manus, manus sunt Esau?» (Gen. xxvii, 22.) Verum ut ea quae gesta sunt summatim percurramus, illi quibus demandata fuit executio edicti tyrannici, praeter nimiam formidinem, primo supersedere mandato suggererunt regi, deinde quanti esset periculi, tam jubentibus quam exsequentibus quidquam, unde incidere in maledictionem viri illius attentare. Manifestissimum esse siquidem dicebant quod cuicumque ille maledixisset, eidem malediceret Dominus, et maledictio illa, ut ait propheta, citius devoreret illum (Isa. xxiv, 6).

B Erat autem tunc in exercitu quidam Rotanorum princeps, vocabulo Marchadeus (216), homo per omnia saevitiae belluinae et perditae conscientiae, vis ad quodlibet scelus et sacrilegium praecipuus. Rex vero, nihil aut parum motus ad meliora per ea quae a suis exsecutoribus crebro ei suggererantur, «Meticulosi sunt, inquit, Anglici isti. Mittamus itaque Marchadeum, qui ludere novit cum Burgundienae illo. Cui statim quidam amicorum suorum ait: «Necessarius est, domine rex, Marchadeus guerrae vestrae. Sacerum opera illius et obsequio certissime fraudabimini, si efficiatur anathema Lincolnensis episcopi.» Quod rex sibi nequaquam expedire affirmans, plus quoque ipsius periculum, quam suum proprium reformidans, illum quidem, ne periret, mittere supersedit, sed, unde ipsemet rex exitiabiliter periclitaretur, committere non praecavit.

C Cuidam igitur officiali suo, nomine Stephano de Curcheya, viro utique fideli et timorato, nostro etiam pontifici satis devoto, dedit in mandatis, ut, sicut vitam suam et membra diligeret, bona Lincolnensis episcopi absque dilatione in manus suas reciperet. Qui tandem, regio metu coactus, misit quosdam ex suis ad terras, et ad mobilia quaecunque reperissent, cum villis et castellis ipsis episcopi occupandas. Quibus primum ad recipiendum oppidum Laffordum tendentibus occurrit forte, non longe a burgo Sancti Petri, comitatus episcopi. Cujus occursum illi territi divertunt paululum a via, et, accitis quibusdam ecclesiasticis, exposuerunt eis quanta minatus fuerit rex dominus ipsorum, quod distulisset episcopum desaisire (217); et quia, invitati, et metu supremi discriminis astricti, ad id exsequendum modo irent. More igitur tertii quinquagenarii, missi ad Eliam a rege perfido, isti quoque humilantes se supplicabant obnoxios, ut, clericis illis mediantibus, misereretur animabus eorum verus ille servus Dei, ne propter ejus offensionem, quam timebant lacurrere, ultio caelestis consumeret eos. Orant ut regiam potius mitigare festinaret animositatem, ne detrimenta cumlaret undique, etiam insontibus, et a merito contentione inter regem et pontificem prorsus alienis. Spondent insuper se pro viribus servaturos illas res illius. Peunt

pag. 51.

(217) *Desaisire*, id est, possessione exuere.

(216) Mercaderum vocat Trivetius ad annum 1197. Verum a Raynaldo appellatur Marchadeus in annal. ad annum 1199, ubi de ejus crudelitate agi

quatenus suspendat ad tempus sententiam excommunicationis, qua et regem amplius exacerbari et suam eorum innocentiam proveniret periclitari.

Hæc ubi episcopo innotuerunt, « non est, inquit, istorum servare res nostras. Eant tantum, et res, non tam nostras, quam res dominæ nostræ sanctæ Dei genitricis Mariæ, ut eis videbitur, tractent. » Hæc dicens, protulit e sinu sabbriam stolæ lineæ, qua collo suo, dum illic ageret, semper apponere utebatur sub cappa sua, eaque manu agitata: « Hæc certe, inquit, restituet nobis usque ad extremum obolum, » quidquid isti duxerint rapiendum. Veniensque in villam suam Baggodenam appellatam (ubi litterarum archiepiscopaliū supradictos portitor ad illum venerat, ubi quoque de tuenda libertate ecclesiastica divini quondam oraculi periculum per monitionem, ut eadem supra commemoratum est, acceperat) jussit continuo litteras fieri; quibus præcipiebat archidiaconis et decanis locorum (in quibus constituta fuerint possessiones suæ) quatenus, aduatis eorum vicinarum Ecclesiarum presbyteris, mox, ut in partes illorum venirent exauctores memorati, palæatis campanis acconisque candellis omnes illos subijcerent anathemati, qui res ecclesiæ suæ violenter contingere, et injuste occupare, sive præcipiendo sive obsequendo, præsumpserant.

His in hæc modum dispositis, cum omnes pene sui metu et perturbatione vehementi fluctuarent, ille demum lectulo exceptus, ac si nihil inquietudinis pertulisset, suavissimum in soporem extemplo membra laxavit. Nec causa ista ad intima cordis ejus unquam penetrabat. Ea quoque nocte crebrius solito et intentius, ac velut cum vehementiori spiritus impulsu, amen iterare non desistebat (218).

CAPUT X.

Quod archiepiscopo consulenti, ut mitteret pecuniam regi, qui eam sitiebat, sicut hydropticus aquam, respondit: « Si ipse hydropticus est, ego aqua non ero, » et de curatione apud Cestreham furiundi.

Et siquidem temporis articulo (219) quo regis inactionis procella in Lincolnienis Ecclesiæ pastorem, semetipsum pro ovibus suis exponentem, primum efferbuit, id accidit quod referimus. Ea namque tempestate idem pervigil ovillis Dominici custos Londonias adierat, cum archiepiscopo cæterisque regni optimatibus super tanto negotio tractaturus. A quibus id solum consilii reportavit, ut pecuniæ ingentis summam a clericis suis exigeret, quam ad sedandum regis avari furorem ei per quemlibet ex suis celerius destinaret. Ait namque archiepiscopus: « An necitis, domine episcope, quia, ut hydropticus aquam, ita dominus rex sitiit pecuniam? » Cui citius more suo ille responderat: « Plane et si ipse hydropticus est, sed ego aqua non ero, quam ille deglutiat. »

Discedens itaque a Londoniis, ad suam festinus repedabat Ecclesiam, unde proponebat dispositis omnibus ad regem transfretare citius, ut supra dictum est. Mane igitur quadam die Dominica per villam quam Cestreham antiquitas nominari instituit, agebat iter. Cumque jam pene totus comitatus illius præcessisset, ipse, cum paucissimis socijs villæ medium ingressus, magno vulgi clamitantis clamore subite vallatur. Exoratur autem a populo conflente ut quemdam convensuum suum, a sævissimo dæmone obsessum, sacræ suæ dexteræ consignatione dignaretur benedicere. Quem ut vidit aperto domus suæ ostio interius jacere ligatum, mox spiritu totus infremuit, nec contentus illum, ut erat a remotis, benedicere, equo quem sederat descendit, ita dicens: « Proh nefas! hæc utique non se recte habent. » Cernebat namque dæmonis captivum jacere supinum, caputque ad postem, et manus singulas ad singulos hinc inde paxillos humo altius defixos habere religatas; pedes quoque pariter juncti, palo erant stricti. Ipsius autem oculi mirabiliter rotabantur in gyrum, os nunc in hæc, nunc in illam partem miserabili ritu contorquebatur. Nunc linguam in immeusum protendebat ab ore, nunc dentibus stridebat, nunc hiata faucium immanissimo patulum gutturis meatum, ac si quoddam ingens barathrum esset, et intuentibus horridum demonstrabat. Ad quem præsul velociter accurrens, facto super eum signo sanctæ crucis, inclinavit se, et dexteram aliquandiu prope os illius tenebat oppansam, evangelicum interim capitulum scilicet: « In principio erat Verbum (Joan. 1, 1), » voce suppressa percurrens. Et cernebat miserum inter hæc caput, quod huc illucque indesinenter agitare consueverat, immotum habere et quietum, ut solent canes, cum ictus timent castigantium; oculos vero sub aspiciendo eum quadam formidinis nota in partem variam meticulose dirigere. Percorso itaque Evangelio, ut ad locum, ubi dicitur: « Plenum gratiæ et veritatis (ibid., 14), » venit, erexit se episcopus, et patientem aliquandiu tacitus considerabat. Qui repente in partem alteram vultum ab illo declinans, linguam more subsannantis produxit ab ore.

Tunc indignatus ille strenuus potestatis adversæ debellator, aquam et salem more ecclesiastico et ritu celerrime benedicens atque commiscens, aspersit super illum, jubens quoque circumstantibus ut de eadem aqua ei in os mitterent. Et ita dans omnibus benedictionem, equum ascendit atque discessit. Benedicebant vero illum universi et singuli, asserentes quod eorum episcopus, paulo ante eadem via descendens, cum vidisset dæmoniacum, nimio tactus pavore, equum cui insiderat calcaribus urgens, non solum absque subventione miserum pertransierit, sed, tanquam ipsemet furiis ageretur, equo currente aufugerit. Vir autem ille, extunc liberatus a dæmone, vitam suam in posterum in omnibus studuit

(218) Amen, de quo dictum est lib. 11, c. 8.

(219) Circa finem anni 1197, quo primum, ut mox sequitur, efferbuit ira regis in Hugonem.

emendare, vacansque diutius sanctorum peregrinationi pie, cum annis aliquot vixisset devote, sine tandem bono quievit in pace. Hæc de consummatione illius in villa præfata nuper a vicinis suis, qui et interfuisse se dicebant curationi memoratæ accepimus.

CAPUT XI.

Qualiter mulierculam quamdam a spiritu pythonico liberavit. — Et est capit. octavum in magna Vita

Jam vero prætereundum non est quod in capitulo Lincolnensi ad regem se pro communi necessitate trans mare iterum prædixerat (220). Jam filiis benedictione ritu solemni data, illa scilicet qua benedicere jussi sunt filiis Israel sacerdotes in lege per Moysen, et quam in benedictionali suo scribi fecerat, commendatus orationibus singulorum, atque libato invicem sancto pacis osculo, apostolicis verbis universos commendaverat Deo et Verbo gratiæ ejus. Inde, ut præmissum est, directe ad manerium pervenerat supradictum (221). Ubi cum paucis maneret diebus, suggeritur ei a loci vicini decano mulierculam quamdam in decanatu suo, quæ spiritum videretur habere pythonicum, plurimas ad se divinando turbas pertrahere populorum. Indicabat enim passim furta, a quibuscunque admissa, et occulta quæque detegebat maleficia. Si vero ab ipso, ut idem aiebat decanus, seu a quovis discreto et literato viro conveniebatur aut corripiebatur super hoc, mox importuna linguæ volubilis dicacitate arguentem illum quasi suppidum reddebat et elinguem, sicque omnes vestitatis affluentia opprimebat, ut nullus eam convincere, aut silentium ei valeret imponere. Ad hoc statim episcopus, jam, inquit, non post multos dies Londoniam adituri, cum per fines vestros transitum facerem, adducetis eam loco opportuno in occursum nos. Quod et factum est.

Descendit itaque visa muliere de equo suo ipse episcopus. Astabat vero ibidem populi frequentia cum parvulis, qui manus impositione erant confirmandi. Muliere igitur sibi præsentata, vir Domini, quasi cum indignatione oblectans, non tam miseram illam quam ejus inhabitatorem, occultum dæmonem, alloquitur: « Age jam, o infelix, inquit, quid nosti divinare nobis? » Proferens autem clausum dextere suæ pugillum, implicatam in eo tenens extremitatem stolæ suæ, « Dic, ait, sedes dæmonis, siquidem nocti, quid habeat inclusum manus mea? » Hæc eo dicente, statim velut exanimis corruit ad pedes ejus muliercula, paulo ante procax, nunc autem subito ad vocem virtutis tantæ, non modo fandi, sed etiam standi, impotens effecta. Aufugerat enim interea

A habitator, qui eam male vegetaverat, et illa remanserat sub manu sanantis medici salubriter debilis, quæ sub impetu morbi perimentis existerat prius lethalliter fortis.

Cum ergo ad vestigia viri sancti inclinata aliquandiu jacisset, præcepit elevari eam. Tunc decano interprete usus (ignorabat enim linguam rusticam mulieris) inquiri jussit, qualiter divinationis peritiam acquisivisset. Quæ tenui et submissa voce, cum sæpius interrogata fuisset, dixit: « Nescio, inquit, divinare, sed misericordiam imploro sancti hujus episcopi. » Iterumque defixio in terram vultu procidit ad pedes ejus. Cumque imposita capiti ejus manu pro ea breviter oravisset, data ei benedictione, præcepit eam ad priorem (222) Huntendonensem illarum videlicet partium penitentialem, adduci, dante ei in mandatis quatenus veram ageret præmissa confessione de omnibus suis peccatis penitentiam. Quod etiam, et postmodum accepimus, fideliter implevit. Præceperat enim ei, ne ulterius præsumeret maleficia aliena divinare, sed propria assuesceret indesinenter mala loquere et accusare. Quæ ex hoc tempore adeo modesta apparuit et taciturna, cum prius garrula nimis existeret et provocatissima, ut hoc ipsum loco ingentis miraculi haberetur penes universos, qui mores illius pristinos agnoverunt.

CAPUT XII.

Qualiter mulierem aliam liberavit a dæmone incubo. — Et continetur hoc capit. in magna Vita sub capit. octavo.

C Huic loco pro causarum, nec non et personarum, similitudine alterius ab infestatione dæmonica mulieris ereptionem virtutibus hujus viri juste enumerandam, reservavimus exponendam, licet tempore diverso celebratam (223). Intimaverat enim quodam tempore vir eximia eruditionis et doctrinæ Bartholomæus Oxoniensis præsul (224), quia dæmon quidam in specie juvenis abuti consueverat quadam infelici muliercula in sua diocesi constituta. Quam etiam asserebat, tam sibi quam aliis venerabilibus personis, detestabilis hujus passionis suæ ærumnam flebili sæpius confessione propalasse, et consilium quo eriperetur ab obsceno oppressore studiosius inquisivisse, se juniis insuper et varia carnis maceratione illam memorabat peccatrix membra sua fere usque ad interneccionem perdomuisse. Hæc vero simul omnia nihil sibi contra odiosum et improbum amatorem contulisse. In talibus quoque non paucorum jam curricula temporum eam dixit protaxisse. Hinc venerabilis Pater Hugo, pariter et pietatis instinctu compatiens miserabili femine, et

(220) Supra cap. 9, in hæc verba: « Si ad regem hoc ordine ituri sunt clerici nostri, cum eis pariter et ego ibo. »

(221) Buggedenam in itinere inter Lincolniam et Londonium situm.

(222) Forte idem cum Huntindonensi, ubi teste Monasterio Anglicano tom. I, p. 530, est prioratus monachialium extra Huntendon fundatus.

(223) Anno 1185, aut 1186, et non serius, Hu-

gone, aut adhuc existente in prioratu Withamensi, aut recenter consecrato in episcopum. De qua re uberius agendum in questione, quo anno Hugo sit factus episcopus.

(224) In Annal. Ecclesie Wintoniensis apud Whart. in part. 1 Angliæ Sacre ita legitur pag. 300: « Anno 1161, magister Bartholomæus episcopus Exoniensis factus est. » Et iterum in iisdem, p. 302. « Anno 1186 Bartholomæus Exoniensis episcopus obiit. »

indignans impuritatis dæmoniacæ, « Jam, inquit, ista, ut asseritis, contra peccatum suum contritione cordis, confessione oris et corporis afflictione erigitur, nil aliud demum superesse video, nisi ut oretur pro ea instantius apud clementiam piissimi Redemptoris. » Episcopus autem Oxoniensis hæc se, secumque alios innumeros jam fecisse, sed nihil profecisse commemorans, ipsum quoque, ut pro ea dignaretur orare, suppliciter flagitabat. Cui ille : « Hoc ego non tantum, sed quisque fideliam devotissime facere debebit. »

Post hæc, digressis ab invicem episcopis (225), cum iterum occurrissent sibi aliquanto tempore elapso (226), inquisivit sollicitus iste animarum liberator illum episcopum superius memoratum qualiter res se haberet circa illam oviculam gregis sui, quam pestifer ille lupo tam immaniter laniaverat. Cui pontifex non solum ejus ereptionem, sed ereptionis quoque ordinem mirabilem exposuit in hæc modum : « Adjuta, inquit, orationibus vestris dudum illa evasit probrosæ servitutis jugum. Cum enim die quadam incestus ille dæmon incredibili eam libidinibus furore delusam, exanimem pene reddidisset, ille abscedens evanuit, et illa in suo conclavi nimio dolori et mœrori addicta remansit. Cum ecce in alterius specie juvenis alius, ut ei videbatur spiritus ingrediens ad eam, unde mœstos gereret animos sciscitari cepit. Qua nihil respondente, ait ille : « Scio, vereque novi quia nequam illo te afflixit. Sed non mirum; est enim perversus et admodum malignus. Verum, si desideris meis atque consiliis præstare velis assensum, nunquam de cætero is ad te accessum habebit. » Ad hæc illa plurimum exhilarata confestim respondit : « Nihil est, inquit, sub cœlo facultati meæ possibile, quod non libens facerem seu perferrem, dummodo ab istius accessu perinde salvari potuissem. — Mecum ergo, ille ait, amoris foedus non dubites inire. Ego siquidem, quæcumque poposceris, aut optaveris, tibi præstabo, et nihil a te visis vetis contrarium exigam, et nihil non delectabile sive amabile tibi inferam. » Spondet illa hæc et alia pollicenti assensum, dummodo experiat promissæ liberationis effectum. Tunc ille adduxit eam ad proximum domui suæ locum, et herbam eminens succrescentem illi demonstrans : « Istam, inquit, herbam tolle, et in sinu tuo reconde, ac circumcirea in domo tua sparge : et experimento disces, cum hoc feceris, me in promissis veridicum existisse. » Fecit illa quod fuerat edocta. Venitque post hoc in nota effigie dæmon versipellis, atque astat prope fenestram, qua intrare et exire solebat : et introspicens dixit ad mulierem : « Quidnam est istud horridum et putride dum, quod in hac aede sparsisti? Projice quanto-

A « cius longe a te et a domo tua invisum istud gra-
men, quod imprudens tibi applicuisti. » Illa dissimulante monitis obtemperare maligna, cepit ille nunc animis, nunc blanditiis instantius agere, ut herbam ejiceret quam se exhorruisse dicebat. Qui, ut se contemni vidit ab ea, post morulas aliquot recessit furibundus et minax.

« Nec paulo tardius adfuit alter, ac quasi aggratulus dilectæ ait : « Veraze esse didicisti, quæ tibi locutus sum? Nunc ergo, dum ego tecum secretius loquar, amovebis parumper herbam nostratium universitati odiosam a te. Post meum vero discessum resumes armaturam graninis tui, qua illasa conservaberis ab insidiis hostis virosi. Nequaquam enim furcifer ille ad te præsumet ullatenus accedere, dum sentiet me tecum præsentem esse. » Ad hæc illa : « Venies, inquit, si velis, et si possis, ad me; nec enim promissioni meæ debeo contaire. Cæterum herbam istam, vita comite, nunquam rejiciam a me, quæ sola mihi potuit contra impurissimum oppressorem securitatem præstare. » Quid plura? Et iste, sicut prior, post diuturnas preces, post minas et blanditias frustra protractas, circumventum se a muliercula diu multumque deplorans, in auras inanes demum evanuit. Mulier vero jam fide et devotione, ac bona conversatione, melius quam herba illa armata, vitam ducit in Dei timore honestam et quietam. Hæc autem omnia, ut a nobis narrantur, ego ab illius ore (cum ad me jam curata, demum præsentia modalum et absolutionis beneficium susceptura venisset) audivi. » Et hæc quidem Oxoniensis episcopus ratulit episcopo nostro, quæ et ipse frequenter nobis præsentibus referebat plurimis

C Mulier vero præfata, dum orationum gratia multa peragraret sanctorum loca, pervenit demum Cantuariam. Ubi, dum a viris religiosis orationum inquiri suffragia, eidam monacho Sancti Augustini herbam illam e sinu suo prolata ostendi. Quam ille nobis (227) et nos ipsam episcopo postmodum demonstravimus; nam eatenus eam minime agnoverat. Ipsam vero herbam Græci hypericon, Latini herbam perforatam, sive herbam Sancti Joannis appellare solent (228). Hæc in magna Vita inseritur historia. Si cui ista forte minus videbuntur credenda, legat Bedam in *Explanatione Lucæ evangelistæ*, et his similia, quæ suis temporibus acciderunt, a tanto doctore ibidem scripta reperiet.

CAPUT XIII.

D *De furis ereptione, qui ad suspendium ducebatur, et qualiter baronibus scacarii est locutus. — Et continetur hoc capit. sub capit. nono in magna Vita.*

Sed redeundum est ad cœptum iter pontificis nostri versus regem (229), et stylo jam currente

(225) Ad mentem igitur auctoris Hugo jam erat episcopus, dum hic narrata contigerunt.

(226) Uno aut altero mense post primum occursum poterat fieri secundus.

(227) Nobis, id est auctori Vitæ.

(228) Subducta videntur esse abbreviatoris.

(229) Ad ea nempe quæ evenerunt in itinere, ad Richardum regem circa finem anni 1198 aut sequentis initium suscepto.

illud exponendum. Cum igitur expulso, ut diximus, spiritu pythonico a muliere (230), die sequenti territorium Sancti Albani (231) fuisset ingressus, ecce occurrit ei cum apparitorum turba quidam damnatilis, qui ob commissam furum revinctis post terga brachiis ad promeritum traheretur suspendium. Cæteris igitur ad benedictionem pontificis expetendam de more suppliciter accurrentibus ingressus se vi, qua potuit, etiam vinculus ille, ruensque primum ad cervicem caballi ejus, ac statim sub pedibus ejus procidens, misericordiam flebilibus vocibus inclamavit. Tunc episcopus reductis confestim habenis, quisnam ille esset, vel quid sibi vellet inquisivit. Cui dictum est a suis rem, ut erat, agnoscentibus: « Non est vestrum, domine, de isto plura inquirere, quin potius sinite eum, et pertransite. » Dicebant ita metuentes ne illum in sui omnium periculum penes regem tentaret eripere. Sed ipse eo magis causam inquirens, misericordiam interpellantis, ut eam plenius agnovit, voce alacri dixit: « Eia benedictus Deus! » Tunc ait ministris, qui eum deducebant ad suspendium: « Redite, filii, nobiscum in villam et nobiscum illum dimittentes, majoribus vestris et iudicibus nos eum vobis abstulisse reantiate. Nos enim vos securos faciemus. » Qui resistere non ausi, hominem ei dimiserunt. Quem ille mox solutam a vinculis elemosynario suo commendavit.

Qui ut hospitium est ingressus, convenientes ad eum clerici sui ministri, monebant illum instantius et exorabant quatenus permitteret iudices quod sui esset officii exsequi circa reum. Dicebant namque: « Hactenus, domine, nullam contra nos, sive rex, sive alius quis, qui vobis insidiatur, aut justam aut justæ similem potuit reperire causam. Si vero sententiam forensium iudicum, jam latam et jam executioni demandatam, vestra duxeritis auctoritate pontificali irritandam, dicetur ab æmulis quod in ipsam regis coronam delinqueritis, et quasi in reatum incidere læsæ majestatis. » Quibus ille: « Novi, inquit, magnanimitatis vestræ confidentiam. Sed accersantur ad nos huc iudices isti (jam enim foris aderant quærentes ei loqui) et audietis, inquit, illorum sermones, et nostros. » Quibus ad suum concessum admissis, sic eis est locutus: « Nostis, o viri prudentes, hanc sanctæ matris Ecclesiæ ubique terrarum prerogativam esse, ut cujuscunque periculum declinantibus damnationis et ad eam confugium facientibus, securitatem

(230) De quo dictum supra cap. 9.

(231) Celebre olim monasterium, de quo plura in *Monastico Anglicano* tom. I, p. 176, et *Mabillonius*, tom. II, *Annal.* p. 298, et tom. IV, p. 672. Subiectum illud olim fuisse episcopatu Lincolniensi colligitur ex *Giraldus Cambrensis* in *Anglia sacra* part. II, p. 417, ubi hæc scribit de Roberto de Cleinto: « Item Sanctum Albanum amisit, cum tamen tanta familiaritate monasterium illud Ecclesiæ Lincolniensi junctum fuisset, quod abbates ejusdem plerique in Ecclesia Lincolniensi præbendati existerant, » etc.

(232) Ex hoc loco colligi datur eos qui in territo-

riæ præset et incolunitatem conservet? » Quibus id bene scire idque jure observari debere respondentibus, adjecit ille: « Si istud scitis, illud, inquit, nihilominus scire debetis quia, ubicunque fuerit episcopus cum simul adnatis Christi fidelibus, ibi est et Ecclesia. Qui enim materiales lapides ecclesiæ suo ministerio consuevit Domino dedicare; qui et lapides vivos, ex quibus verius constat Ecclesia, per singula sacramenta, ut Dominica templa ex eis fiant, habet sanctificare, jure debet, ubicunque fuerit, dignitatis ecclesiasticæ privilegio gaudere, et cunctis periclitantibus, juxta illius formulam, subvenire. » Quod iudices illi gratanter accipientes, antiquis etiam Anglorum legibus hoc ipsum recolentes fuisse expressum, sed nunc, vel modernorum pontificum desidia, vel tyrannide principum esse abolitum assercbant. Habito tamen super hoc ad invicem tractatu, locuti sunt ei in hanc formam: « Domine, inquit, filii et parochiani vestri sumus (232), vosque pater et pastor noster estis. Nec igitur contra privilegium vestrum venire vel disputare nostram est, nec erit, si placet, vestrum, in nostri periculum quidpiam attentare. Proinde, si istum liberatis, nos minime resistemus; sed vobis, si placet, ne erga dominum nostrum regem periclitemur, prospiciendum relinquimus. » Tunc ille: « Bene inquit, et recte locuti estis. Ego igitur de manibus vestris illum tollo; pro qua violentia ego respondebo, ubi oportebit, sufficienter. » Sic reus locum supplicii lætus evasit, liberque Londonias cum episcopo venit, et deinde, quo libuit, indemnis abiit.

Episcopus autem ad proceres, regis scaccario (233) præsidentes accessit, eosque, ut indignitatem Ecclesiæ, sub ejusdem præsentia absentia, benigne prospicerent, amicaliter exoravit. Qui ei reverenter assurgentes, et, quod petierat, obtemperanter se facturos pollicentes, compulerunt eum multis precibus, ut secum vel ad momentum resideret. Quibus ille vix acquiescens, sedit tandem. Unde illi exhilarati: « Jam, inquit, triumphaliter gaudere valebimus, qui diem vidimus, quo ad regis scaccarium Lincolniensis sedit episcopus. » Ad hoc ille, locum erubescens, continuo surrexit, osculumque porrexit universis, dicens: « Jam, inquit, et ego de vobis triumphabo. Si post libatum pacis osculum in Ecclesiam meam quidquam admiseritis minus pacificum. » Quod factum et dictum illi nimium admirati, mutuo loquebantur: « O mirabilem prudentiam viri hujus! Ecce quam de facili præscribit nobis,

rio S. Albani erant adhuc remansisse sub cura et diocesi episcopi Lincolniensis, quem ut Patrem et pastorem venerabantur.

(233) Erat illud eo tempore apud Westmonasterium juxta Londonias, sed non longe post translatum Northamptoniam, sicut refertur in *Chronico Trivetii* ad annum 1209. Cæterum scaccarium Angliæ dicitur curia, in qua res fisci pertractantur. fisdem pro ipso fisco seu ærario regio interdum sumitur, quod ærarium regis Angliæ in eadem æde, ubi iudices scaccarii consistunt, asservetur. Vide *Glossarium Cangii* in hac voce.

ut neque jussi a rege alio magno dederere ei debeamus molesti existere. Quibus ille benedictione data recessit, et regem adire disponens, post hæc citius in Northmanniam transfretavit.

CAPUT XIV.

De juvene, quem apud urbem Rossensem desperatum invenit, cujus postmodum computruit caro secus utrumque femur, qui per nostrum Hugonem tam in corpore, quam in anima est curatus. — Et hoc est ex cap. 2 in magna Vita, libro IV.

Dum autem episcopus Rossensem perveniret ad urbem (234), accessit ad eum ibidem quidam juvenem, quem perniciosius suis illaqueaverat dolis hostia humani generis. Qui mediante interprete (neque enim vel ipse pontificis, vel pontifex ipsius sufficienter dignoscere loquelam) miserabilem in hunc modum de seipso recensuit tragediam. « Cum, inquit, dudum adolescentulus, discretionis adhuc minus capax, vacuis ducerer et vagis affectuum motibus, contigit me infelicem ex insidiis adversarii humanæ salutis detestabile enormis cujusdam periculi incurrere crimen. Nec contentus lapsu simplici, lapsum adjeci lapsui, sicque, quod deterius est, criminis addo ad crimen, longam in criminum lapsibus feci consuetudinem. Erat scelus meum sui qualitate nimis horrendum, cujus honorem quadruplicaverat loci, temporis et personæ, cum suis ipsius immanitate, consideratio. Nil ex peccatorum circumstantiis supreme defuit malorum cumulo, nisi forte ignorantia juris semiplena. Suasus præterea et illactus ab alio, primitus in me semper ferè peccabam. Nuper vero sacerdote quodam verbum Dei prædicante, in ecclesia me indignissimum turbis accidit confluentibus interesse. Sacerdos ille catalogum retexens criminum capitalium, in hoc, cujus eram mihi conscius, verbi divini gladium fortius vibrans, ejus damnabilem adeo exaggeravit fœditatem, ut me pene crederem, terra subito dehiscente, absorbendum, ac vivum in infernum collapsurum. Tantam denique mentis confusionem incurri, ut extra meipsum funditus me putarem effectum. Diem vero illum cum prima sequentis noctis parte in lacrymis expendi et singulibus. Tum ecce post noctis medium, lassatum præ tristitia corpusculum in soporem resolvitur, visaque est mihi astitisse femina, inæstimabili præfulgens decore, talia referens monita desolato: « Noli, ait, miselle, desperare, larga est enim clementia et potentia filii mei, qui te nominem vult perire. Surgens vero diluculo sacerdotem inquire, quem tibi notum designo ex nomine, eique fideliter, pure et integre peccata tua confitere. » His dictis visio mihi cum somno est ablata. Ego de nocte consurgens mihi injuncta peregi. Nec multo post, confusionis meæ ruborem non sustinens, insuper locum perditionis meæ exhor-

(234) Episcopalem, in qua sedes sub titulo S. Andree, anno 604, erecta fuit, nunc *Hrosensis, Rosce-trensis, Rovecestrensis, Rossensis, Rochestrensis* hodie dicta.

(235) Non longe igitur aberat ab urbe Rossensi, in

reacens, disecasi a domo genitricis meæ clanculo, et a civitate, in qua natus et conversatus iufelicitè eram. Pergenti vero, sed, quo tendendum vel ubi consistendum mihi esset commodius nescienti, occurrit anxio et mœrenti vir ex improvise horrendi aspectus, statura perlongus, capillo rufus, qui ore terrifico hæc est mihi locutus: « Pessime, inquit, offendisti Deum et ejus genitricem; quos si velis quovis pacto habere propitios, ipsum necesse est ut corpus extinguas, quo eis toties injuriosus extiteras. Erras enim, si credis quod in eodem vasculo quod tot contaminationibus polluisti, quidquam divinæ sinceritati acceptum operari queas. » Vix dictum expleverat, et ecce peregrini adveniunt beati martyris Thomæ busta petitori, ad quorum præsentiam, qui loquebatur, repente disparuit. Ego in formidinem simul et desperationem licet vehementer impulsus, signavi tamen frontem signo salutare, bergensque itinere cœpto mœrens, vixque præ cordis dolore gressus proprios regens, hac ipsa die, qua mihi hæc dicta sunt, in hanc urbem circa horam tertiam devenio (236). Immissum quidem fuerat animo meo, etiam antequam hominis prædicti suasionem visibiliter percepissem, ut me metipsam interficerem. At postmodum hæc in me fortius prævaluit cogitatio, fecissemque quod ille suggererat, nisi paululum me animaret miserum recordatio visionis præmissæ, qua mihi aliquantulum blandiebar de Salvatoris nostri suæque genitricis misericordia. Nam et hoc pro constanti olim acciperam traditione quod quicumque sibi ipsi necem inferret, æternaliter procul dubio periret. Tam vero iufesta mihi, et adhuc existit ista, ut credo, inimici suggestio, quod bis hodie perrexi, ut me ipsum de ponte hujus villæ præcipitarem in fluvium: At primo, ob commeanium multitudinem revocavi pedem; secundo, adventus vester auribus meis insinuat per vestros præcursores jam imminente me suspendit præcipitio. Mox enim, ut comperi, sanctitatis vestræ præsentiam adfuturam, omni fluctuatione cordis explosa, in tantæ cœpi discretionis alloquium respirare. »

Talibus vero ab eo peroratis, episcopus breviter eam pro tempore adhortatus, data benedictione, mœnet illum, quatenus ad usque Doroberniam (236) sua subsequatur vestigia, ibidem plenius et liberius salutis consilium, nec non et auxilium percepturus. Pareit ille monitis salutaribus. Qui veniens Cantuariam, sacra ejus instructione firmatus et intercessionem adjutus, a tentatione pestifera funditus in perpetuum liberatur. Perendinante autem ibidem pontifice, et tempus navigationi congruum per dies fere quindecim (237) præstolante, jam in fide et devotione prævalidus, consistebat ille in eadem urbe per unam

qua miser hic natus fuerat.

(236) Id est, usque Cantuariam.

(237) Quibus elapsis Hugo in Neustriam transfretavit, et illic circa Septuagesimam anni 1199 pervenit.

circiter septimanam. Disponebat vero limina summorum apostolorum orationis gratia quantocius invisere.

Cæterum rem inauditam illi novimus interea accidisse. Subito enim secus utrumque femur, et circa ejus vœrenda, caro illius ita computruit ut duo alitrinsecus foramina, seu potius fossæ binæ, horrendæ amplitudinis et profunditatis apparerent cum tamen ipse ex tam immenso vulnere hiatu nihil penitus sentiret doloris. Ostendit autem metu gravioris periculi cuidam fidelissimo viro, curandorum vulnere notitiam habenti, magistro Reginaldo pistoris. locum illum putridum, a quo accepimus, quia jam pene usque ad intima viscerum carnes ejus putridæ defluxissent. Insinuatur ista episcopo, qui ceram jubet vulneribus imponendam dari, quam tunc forte appositam foco ad conficienda in usus necessarios luminaria, ut est consuetudinis, ministri calefaciendo mollem tractabilemque redderant. Res mira! Ut enim hedera Jonæ sub una nocte exorta, sub una itidem nocte confungentibus ad pœnitentiam Ninivitis exaruit (*Jonas* iv, 7); ita repente istius pœnitentis ulcera in cicatricem citius sunt redacta, quibus nec signum quidem obductionis repente superfuit. Qui totus jam evangelico more, anima scilicet et corpore sanatus, sumptis solemniter pera et baculo, apostolica, ut proposuerat, mœnia petiit; obtentaque benedictione summi pontificis in Angliam reversus, ac Cisterciensis ordinis habitum indutus, bonæ conversationis merito, non minus rem sibi, quam nomen conversi, perseveranter vindicavit.

CAPUT XV.

Quod ad clerici ordinationem in subdiaconum induci non poterat, qui futurus erat leprosus. Et quam violentæ fiebant sibi persuasiones, ut regis nostri iram sedaret pecunia mediante, et qualiter superveniente de morte regis rumore ei suaderi non poterat, quin ejus sepulturam adiret. — Et hoc est cap. 10 in serie magnæ Vitæ.

Circa id temporis rex jam expeditionem direxerat adversus comitem Engelismensem (238), cui injustum (239), ut dicebatur, bellum inferre parabat.

(238) Contra comitem Lemovicensem factam fuisse istam expeditionem, anno 1199, asserit Trivetius, et alii passim cum eo.

(239) Hujus causa, inventus thesaurus, de quo ad hunc annum agunt Trivettus et Raynaldus.

(240) Petri videlicet cardinalis, qui, ut legitur, p. 33, apud Raynaldum, inter utrumque Galliæ et Angliæ regem hoc anno inducias fecit quinquennales, a papa confirmatas.

(241) A Septuagesima usque ad Quadragesimam.

(242) Vulgo *Anjou* et *Angers*, olim comitatus, nunc ducatus Andegavensis caput, in qua et sedes episcopalis.

(243) Abbatia ord. S. Bened. in suburbio, sive, ut Mabillonius scribit, sita ad prospectum urbis Andegavensis occidentalem, fundari cœpta a Fulcove Nigro, et a Godfrido, ejus filio, anno 1060, consummata.

(244) Imo majoris, inclusa mora, quam apud Grandimontenses fecit.

(245) In quibus rex Angliæ ex castro, quod Ca-

A Inter ipsum vero et regem Franciæ ab armis interim quiescendum præscribebant legales trengæ, quas indixerat nuntiatiæ jam tempus Septuagesimæ. Cum igitur pervenisset ipse episcopus in Neustriam, in terra illa ob præsentiam maxime legati (240) domini papæ, qui in illis erat partibus, tribus ferme septimanis moratus est (241). Inde circa principium Quadragesimæ Andegaviam (242) profectus, in quodam manerio abbatis Sancti Nicolai (243) non longe ab urbe Andegavensium, non minoris (244) temporis spatio perendinavit, regis præstolans reditum a locis remotioribus, in quibus ipsum bellicis vacantem tumultibus (245) adire videbatur nimis importunum.

B Interea a viris rogatus religiosi ordinis Grandimontensis (246), qui in vicino degebant loco (247), sacros ordines apud eos celebravit (248). Qui dum obnixius peteretur ab archidiacono Oxenfordensi (249), nomine Walthero (250), quatenus juvenem satis, ut videbatur, idoneum, notumque ipsi episcopo et charum, familiæ ipsius archilevitæ præpositum, præsentandum ad gradum promoveret subdiaconatus, nulla ratione acquievit, sed pro eo intercedentes non sine motu quodam indignationis compepsit. Quod tunc quidem mirati sunt universi qui aderant; sed paulo post, eodem clerico, culpâ suis exigentibus, lepræ contagione terribiliter per-fuso, rei eventum considerantibus satis claruit virum Dei, quod ei futurum esset, in spiritu prævidisse, in quo noluit benedictionem sacræ ordinationis deperire.

C Manente autem episcopo in loco prænotato (251), audiebatur passim regem in contemptores suos minari grandia, et sæva moliri, unde et comitem prædictum (252) evertere penitus festinabat. Perhibebat etiam nonnulli Lincolniensem episcopum simul et clerum inter illos computari, quibus ob sui contemptum gravia quoque rependere quantocius maturaret. Talia de homine ferocissimo audientes clerici non mediocriter timebant sibi. Erant sub ipso tempore apud urbem Andegavensium ex clericis Herefordensis Ecclesiæ præminentiores quædam per-

luca apud Trivettum dicitur, juxta Lemovicas vulneratus telo post paucos dies occubuit.

D (246) Ordo Grandimontensis a S. Stephano Mœrtensi circa annum 1076 fundatur sub magna districtione in quodam cœnobio, quod caput est omnis diocesis Lemovicensis.

(247) Non procul, ut videtur, ab urbe Andegavensi dissi-to.

(248) Sabbato ante Dominicam Passionis.

(249) Unos ex septem aut octo archidiaconatibus, sedi Lincolnien-si subjectis, et a Kemigio olim institutis.

(250) De quo ad annum 1197, in Chronico Trivetti ita legitur: « Walterus Map, de quo nulla referuntur jucunda, ex præcentore Lincolnien-si archidiaconus Oxoniensis efficitur. »

(251) In manerio abbatis S. Nicolai, aut in cœnobio Grandimontensi, ex quibus primum videtur verius.

(252) Lemovicensem, uti plerique aiunt, aut Engelismensem, cujus auctor vitæ meminuit.

sona presentes (253), pro eligendo episcopo ad regem venire disponentes. Erat unus ex his memoratus Waltherus, qui et archidiaconus et canonicus erat Lincolnensis episcopi, et præbendatus etiam in Ecclesia Herefordensi. Quem dum in loci ejusdem episcopum quidam præfici exoptarent (254), vetuebant, ne similitate præsentis, qua adversus Lincolnenses regius intamuerat animus, sui desiderii præpediretur effectus. Communi igitur consilio Herefordenses cum Lincolnensibus, assumptis secum decano et præcentore Andegavensi, nec non et aliis quibusdam ipsius Ecclesiæ canonicis, ad episcopum pariter convenientes, summis ei visibus, conati sunt persuadere quatenus præ malitia præsentium dierum (ut suus archiepiscopus crebro præmonuerat) tempus redimendo nuntios ad regem destinaret, eique in auxilia sumptuum certam pecuniæ summam se daturum sponderet, ac tali compendio seipsum a labore dispendioso et sollicitudine anxia absolutum ad suam quantocius sedem revocaret: « Jam, inquit, non modo regna, sed et regiones singulas bellicus hinc inde fragor concutit, turbantur populi, urbes et vicus metus invadit. Nihil jam tutum, non civitas ad inhabitandum, non ager publicus ad manendum; in brevi nec manere in his locis securum erit, nec abscedere liberum. »

In talibus pene totum diem usque ad vesperum consiliarii in nostro Job non parum onerosi decreverunt. Nam et isti a tribus locis convenerant, ut hæc illi consulerent, et his eum quasi consularentur. Illic vero solus, non contra tres homines, sed contra totidem hominum turmas, indefesse repugnans, rationes eorum ratione vacuas ostendebat. Hoc enim non esse, ut illi sentiebant, tempus redimere, sed tempus perdere, et quidem turpissime, astruebat, ubi dignitas et libertas Ecclesiæ laicali adeo substernitur satellitio, ut nec personis nec possessionibus ecclesiasticis ecclesiastica quies et tranquillitas concedatur, nisi pretio importabili pro laicorum arbitrio hodie pax redimatur, quæ die crastino rescindatur. Et ille quidem talia de redemptione tali sentiebat et proferebat. Nobis vero jam factum satis est conspicabile, quid per hujusmodi exactiones ille Spiritu Dei plenius præviderit in Ecclesia Anglicana paulo post eventurum (255); qui in præsentiarum videmus, expulsis et in exilium trusis monachis et clericis, episcopis etiam et archiepiscopis, non partem quamlibet, sed universi-

(253) In Annal. Wigorniensis Ecclesiæ pag. 477, in Angl. Sacra: « Anno 1186, obiit Robertus Foliot episcopus Herefordensis, cui successit Willelmus Le Ver. » Trivetius, ad eundem annum, addit Willelmum in die S. Laurentii consecratum. Obiisse autem illum in theatro vitæ humanæ, anno 1199, refert Laurentius Beyerlinck. Et ita, obiisse debuit in Januario aut Febuario dicti anni, uti ex hoc loco colligi datur.

(254) Sine optato successu. Non enim Waltherus, sed Ægidius de Brewes (uti habetur in Annal. Wigorn. p. 470) eligitur anno 1199, in episcopum Herefordensem.

Atatem pariter honorum suorum, rapinis cessasse laicorum.

Cum igitur vehementius imminerent consiliatores memorati, ut, procrastinatione remota, statim ipse acquiesceret consilio jam diutissime reprobo, ille nimio affectus tædio, quia cernebat eos, quantum in proposito suo pertinaces, tantum, nisi eis morem gereret, animo implacabiles, invisum tandem colloquium ita conclusit: « Ita, inquit, fratres, quod ad præsens ista sufficiant, mane Domino inspirante, in unam et bonam convenientem sententiam, quam ipse ad gloriam nominis sui noverit uberius profuturam. Nox enim habet consilium, ut frequentius experimento docti sumus. » Illis post hæc recedentibus, afflictus ipse et spiritu anhelus confitebatur se vix unquam in tam brevi mora tantum tædii pertulisse. Sedit vero meditabundus aliquandiu, Omnipotentem intimo cordis affectu exorans, ut sic perplexitatis tæntæ noxillum effugeret, quatenus et illum minime offenderet, et amicos et filios nequaquam, velut aspernando eorum sententiam, scandalizaret. Laxatis autem membris demum in soporem, cordis ejus intima Dominum somnare cœperunt. Tunc post longas visionis almifere delicias, hanc cœlitus emissam vocem audivit: *Mirabilis Deus in sanctis suis, Deus Israel ipse dabit virtutem et fortitudinem plebi suæ. Benedictus Deus!* (Psal. LXXVII, 36.) In hac voce ille somno exutus stratum deseruit, solitoque citius ad confessionem, quam die qualibet Sabbati (256) faciebat, accessit, in qua se vehementer reprehendebat super quantulacunque titubatione hesternæ, qua vel speciem convenientiæ [f., convenientiæ] suæ consulentibus noxia prærogasset. « Spero tamen, inquit, ut contenti sibi et desistenti iniquitatem meam propitietur mihi Dominus noster clemens et pius, et juxta omnia mirabilia sua eruat nos a præsentis angustia. »

Ecce autem in brevi post hæc venit ad eum, venerabilis abbatissa de Fonte Ebrandi (257), indicans ei secretius regem telo balistæ percussum, ancipiti sorte inter confinium vitæ et lethi fluctuantem, dies jam aliquot (258) doloribus in nimis pertraxisse. Quantum vero recolere possumus, rex ipsa die jaculatus est ictu lethali, qua episcopus adeo cruciatus fuit importunitatibus sinistri consilii. Eo autem interstitio temporis, quod ictum et nuntium intercessit regis vulneris, nemo etiam (unde mirabamur), ei quidquam loquebatur super diffinitive

(255) Archiepiscopis, episcopis et monachis, anno 1207, in exilium missis, in quo annis multis remanserunt.

(256) Die itaque Veneris, sive feria sexta, qua rex vulneratur, Hugo a consiliariis, sicut hic scribitur, summe affligitur; non vero illa nocte qua rex mortuus, uti ex Surio refert Raynaldus in Anna!. ad hunc annum pag. 35.

(257) Mathildis, hujus nominis III, quæ eo anno præerat huic tam celebri monasterio.

(258) Scilicet a die 26 Martii, qua rex vulnus accepit.

tam ardui negotii tanque urgentis; ipse vero sub A silentio præstolabatur salutare Dei.

Decanus interea et canonici Andegavensis Ecclesie rogabant eum, quatenus instanti die Dominica Palmarum divinum apud eos exsequeretur officium, quia suus pontifex a curia necdum redierat Romana, in qua nuper episcopalem perceperat consecrationem. Quibus ille acquiescens, cum jam præcedenti Sabbato ad urbem tenderet memoratam, in medio itinere occurrit ei clericus, nomine Gilbertus de Lasci, verbis certissimis annuntians regem jam debitum mortis exsolvisse (259). Quem et die sequenti ad vestigia patris sui apud monasterium Fontis Ebrandi tradendum innotuit sepulturæ (260). Illis ille auditis altius ingemuit, seque ad locum designatum mox in obsequium suis intimavit esse iturum. Quod ne faceret, eorum pene universitas ei dissuadere tentavit. Ubi autem pervenit ad urbem, agnovit jam circumquaque hos percrebuisse rumores, passimque viantibus violentias inferri, et rapinas undique exerceri. Nam et suorum quidam, qui ab Anglia ei sumptus afferbant, in manus prædantium inciderunt, qui eis quadraginta argenti marcas abstulerunt. Suadebant igitur amici una cum domesticis suis ne seipsum et suos talibus exponeret tumultibus, quin potius in civitate resideret, quousque regi defuncto princeps legitimus succederet, per quem violentorum nequitiam comprimere eveniret. Asserebant namque plurimi tantam eorum esse perversitatem, quod non magis deferrent pontifici quam personæ cuilibet laicali. « Quid enim, aiebant, vobis suppeteret consilii, si (quod Deus avertat!) in remota solitudine vecturis et vestibus vos per istos spoliari contingeret? » Ad hæc ille, ut vere justus, qui, sicut leo confidens absque terrore in omni terrore fuit, imo et illato terrore semper constanter, inquit: « Satis utique patet quanta in hoc itinere timenda, sed timidis, occurrere possunt. Verum mihi moribus magis timendum existimo, ne Domino quondam et regi meo meam ignaviter videat in tali articulo subtrahere præsentiam, nec fidem vel gratiam mortuo resumere, quam viro semper devotus exhibui. Quid enim mirum, si molestiam nobis intulerit, dum sibi malignis adulantium consiliis minus cavet? certe præsentiam meam nunquam sine summo recepit honore, nunquam me inexcusatum dimisit, cum ei ore proprio super negotiis meis aliqua sug-

(259) De hoc. in *Annal. Winton.* apud Warth. in *Angl. Sacra*, pag. 304: « Richardus rex apud oppidum Chatelew telo perfoctus est vii Kal. Aprilis, obiitque vii Idus ejusdem mensis, die videlicet Martis.

(260) « Sepultumque est corpus (Richardi) ad pedes patris sui Henrici regis apud Fontem Ebrandi. » Ita *Annales Winton.* loco proxime citato.

(261) Andegavensi, ad quam Hugo summo mane pervenerat.

(262) Vulgo *Beaufort*, in quo Berengaria Richardi regis tunc vidua morabatur.

(263) Id est, die 10 Aprilis, qua relictis in Andegavia sociis, et celebrata in Beaufort missa, pervenit ad vesperum in Salmurium, civitatem ad Ligerim sitam.

gessi. Si quid in absentem dantur, obtreptantium livori, non suæ id debuit pravitati seu malitia ascribi. Reddam igitur vicem pro viribus meis sepius mihi ab eo impensis honoribus, nec per me stabit quin ejus exsequiis devotus assistam. Si pergenti prædones occurrant, si equos tollant, si vestes auferant, eo expeditius incedemus quo fuerint vestrum sarcinæ leviores. Si et pedes constringantur, et incedendi facultas denegetur, tunc primo legitime excusabitur absentia corporalis, cum non suo vitio, sed alienis fuerit remota [f., remota] obstaculis. »

Hæc dicens, relictis in civitate (261) sociis, et universa pene suppellectili sua, uno tantum ex minoribus clericorum suorum, et uno cum paucis clientibus monacho, secum pergentibus ire coepit. Audiens vero reginam Berengariam in castro morari, quod Beaufordense (262) appellatur, divertit a via publica, et per horrenda silvarum loca, ut eam super viri sui consolaretur interitu, ad memoratum oppidum pervenit. Locutusque ad cor viduæ, mœrentis, et usque ad animam pene consternatæ, miro modo spiritum ejus delinivit. Quam optimis sermonibus ad habendam in adversis tolerantiam, et in prosperis cautelam informans, celebrata ibidem missa ac benedictione solemnî reginæ et aliis, qui aderant, multa ex devotione impertita, continuo recessit. Pervenit autem ipsa die (263) ad oppidum quod Salmur dicitur, exceptusque cum litania in occursum festino ab oppidanis illis, apud prædictum Gilbertum de Lasci (264), tunc ibi scholis vacantem, nimis ejus devotus precibus mansit. A quo liberalissime exceptus, sequenti mane, Dominica videlicet Palmarum die (265), venit ad monasterium Fontis Ebrandi, obviamque habuit in ipsis foribus ecclesie regii funeris portitores. Quo demum honorificentissime juxta magnificentiam regiam tradito sepulturæ, rediit episcopus denuo ad hospitium prætaxatum. Inde per triduum continuatum (266) ad monasterium illud pergens, superstium missarum et psalmodiarum replicatione, tam regibus ibidem sepultis quam fidelibus cunctis in Christo quiescentibus, veniam implorabat, et lucis perpetuæ felicitatem.

CAPUT XVI

D *Qualiter Joannes, rex futurus, post sepulturem fratris, apud Fontem Ebrandi accessit et qualis et facturum monialibus per nostrum Hugonem pro-*

(264) Progenitum ex nobili, de Northmannia in Angliam translato, stemmate.

(265) Quæ eo anno incidit in diem 11 Aprilis, *Baldulphus Goggeshale*, tom. V. *Collect. Martene*, pag. 857, scribit corpus Richardi regis Dominica in Palmis juxta patrem suum regio honore apud sanctimonialibus ab episcopo Liucoliniensi humatum esse.

(266) Ex Salmurio ad Fontem Ebrandi ivit, et rediit Hugo diebus scilicet 11, 12 et 13 Aprilis, ad quem etiam, die 14 una cum Joanne futuro rege perrexit, et cum eodem rediit Salmurium, ut et seq. cap. patet.

miserit, et de pluribus gestis ejusdem Joannis, A suam insinuantibus reprobationem futuram.

Feria vero quarta jam dilucescente (267), frater regis, Joannes, Sine-Terra (268) cognominatus, susceptus est apud Chinonem (269) a proceribus quibusdam Anglorum, castrum ipsum servantibus, ut præset omnibus loco fratris sui. Familia quoque regis defuncti ibidem constituta se ad ipsum contulit eadem die. Præstiterat enim solenne juramentum, quod testamentum regis defuncti fideliter exsequeretur. Quod præterea legitimas priorum consuetudines, justasque terrarum sive populorum leges, quibus erat præficiendus, inviolabiliter conservaret. Rex quidem defunctus modico ante obitum suum tempore terris omnibus quas habuerat ipsum destituerat, eo quod accepisset eum cum rege Francorum in sui perditionem conspirasse. Qui sub ea tempestate qua rex occubuit, apud nepotem suum Arthurum in Britannia fuit. Fratris vero nece audita, Chinonem venit cum paucis. Misitque statim ad episcopum nostrum, in burgo supradicto (270) consistentem, et repatriandi comeatum præstolantem, suppliciter exorans quatenus suam celerius sibi exhibere dignaretur præsentiam. Ad cujus sibi in via occurrentis aspectum, ille gaudio gavisus immenso, admissis equo et relicto comitatu universo, obvius ei processit, eumque veneratim rogavit, ut ab eo minime discederet, sed pariter secum reversurus in Angliam, in partibus transmarinis contubernium sibi individuum exhiberet. Quod ille se nequaquam facturum prolatis rationibus insinuans, venit cum eo usque in Samur, cum prius visitasset apud Fontem Ebrandi busta regalia, patris scilicet et fratris illius. Ubi, quæ gesta sunt tunc, cum sint notitia et imitatione digna, non videntur desidiose silentio suppressenda.

Cum enim ille novus tantarum gentium dominus, plurima stipatus nobilium turma, ad ostium chori manu propria pulsans ingredi vellet (271), ut sepulcrum videret prædictorum, sequæ orationibus sanctæ illius congregationis commendaret, responsum accepit a duabus reverendæ gravitatis sanctimonialibus quia mortalium nulli liceret aut conventum inspicere, aut septa interiora adire, nisi sub præsentia abbatissæ suæ. « Illius, inquit, reditum igitur vos exspectare oportet, quæ mox de itinere speratur reversura. Nec durum reputet excellentia vestra quod nec illius intuitu ordinis statuta infringimus. In hoc potius clara: memoriæ genitor vester. vobis imitandus censeatur, qui in viris religiosis id quam maxime venerabatur, si tradita sibi majorum instituta rigida et inviolabili devotione observarent.»

(267) Quæ erat dies 14 Aprilis.

(268) Sic dictus, vel quia, fratribus ejus ad honores amplissimos ab Henrico patre sublimatis, ipse velut junior nihil habebat, ut scribit Trivetius, vel quia a Richardo fratre etiam tandem obtentis terris spoliatus fuit.

(269) « Statim (scribit Coggehalæ apud Martene, col. 859) Chinum castellum adiit, ubi thesaurus re-

His dictis, et ita prolatis, virgines illæ prudentes pulsantem principem compescunt et excludunt, clausisque diligenter foribus ad socias revertuntur.

Is vero ad episcopum conversus, rogabat eum, quatenus petitionem suam, pro suffragiis illarum apud Deum obtinendis, Christi auxillis exprimeret, plurima etiam bona, quæ eis conferre disponebat, eidem propalaret. Cui ille: « Nostis, inquit, quia satis aversor omne mendacium. Cavebo igitur mihi ne labiis meis promissa vestra enuntiem, nisi hæc certissime a vobis implenda præsumam. » Jurat ille se, non modo quæ tunc promittebat, impleturum, sed pro tempore et loco se ea cumulaturum abundantius. Quod tandem episcopus sanctimonialibus, ipso astante, exposuit, ejusque auspiciis præcibus illarum meritisque commendans, data universis benedictione, una cum ipso rege discessit. Cui etiam jam plurima de pietate in Deum, de clementia in subditos, de justitia in universos disseruerat. Qui ad omnia se paratum animoque primum ac devotum contestans, ei tanquam patri et præceptori se ex integro semper pariturum affirmans, totius sui moderationem illius sanctitati attentius commendabat. Cui etiam inter amicæ confabulationis verba productum e sinu lapidem auro inclusum, et collo suo appensum ostenderat, asserens hunc cuidam suorum progenitorum cum tali fuisse concitus pollicitatione donatum, quod nunquam privaretur avitæ dominationis amplitudine, quisquis successorum suorum ipsum meruisset possidere. Ad hæc vero episcopus confestim responderat: « Non, inquit, insensibili lapide fiduciam ponatis, sed tantum in lapide vivo et vere cœlesti, Domino nostro Jesu Christo. Huic fundamentum cordis vestri, huic spei vestræ anchoram firmissime imprimatis. Hic enim solidus et vivus lapis, ut omnes resistentes sibi conterit, ita sibi innitentes defluere non sinit; sed ad altiora semper attollens, ipsos etiam ad ampliora promerenda dilatando extendit. »

Cum vero ad porticum jam pervenissent ecclesiæ, ubi species seu imago regressuri extremi examinis, quo electi a reprobis discernuntur, eleganter pro modulo humani artificii exprimitur opere sculptoris, episcopus comitem, futurum in proximo regem, manu protraxit ad lævam iudicis, ubi reges cum suis insignibus inter damnatos audituri: « Ite, maledicti, in ignem æternum (Math. xxv, 41); » a gehennalibus tortoribus rapiuntur in tartarum, tunc ait episcopus: « Horum ejulatus et interminabilis cruciatus vobis indesinenter anifus representet. Hæc perpetua supplicia vobis ante cordis oculos assidue versentur. Horum malorum sedula recor-

gius servabatur, traditoque sibi castello et thesauro a Roberto de Turnham, mox alia castella, etc., occupavit. »

(270) Videlicet in Salmuriõ, vulgo Samur, et Saumur.

(271) Egregium omnino de illius temporis accuratissima sanctimonialium Fontis Ebraldi clausura testimonium!

datio doceat vos quanto sui dispendio aliis ad tempus medicum præficiuntur regendis hominibus, qui seipos male regendo sine fine cruciandi dæmoniacis subijciuntur spiritibus. Hæc dummodo vitare licet, semper expedit formidare ne, cum non licet, jugiter postmodum contingat tolerare. » Dicebat quoque cælaturam seu picturam hujuscemodi in ipsis ecclesiarum aditibus congrua satis ratione prætexi, quatenus intraturi, et pro necessitatibus suis Deum rogaturi, hanc summam et supremam necessitatem suam esse sciant, ut impetrent veniam pro delictis, qua impetrata, et securi permaneant a gehennæ pœnis, et gaudeant in deliciis sempiternis. Et qualem episcopus talia prosecutus est.

Transiens quippe comes, in proximo futurus rex, et manu secum trahens episcopum ad parietem oppositum, ei que ostendens regis speciosis insignitos coronis, angelico ductu in gaudium tendentes superni regis: « Hos, inquit, domine episcope, nobis potius monstrare debuistis, quorum exemplum atque consortium sequi et assequi habemus in votis. » Tam vero in gestu et affatu ille paucis post hoc diebus humilem se ostendebat et submissum, ut videretur modum excedere. Occurrentibus sibi obiter mendicis ac fausta imprecantibus, corpore incurvato et capite altius demisso gratias diligenter referebat. Salutantes se pannosas etiam anicolas mitissime resalutabat. At vero post triduum, lætificatos non mediocriter ex his tam episcopum quam et alios ista conspicientes, ex aliis gestis et dictis incongruis multo amplius contristavit. Ex quibus compendii gratia, plurima supprimentes, pauca referimus, ut conjiciat prudens auditor, ubi perpenderit talem radicem, qualem æstimare liceat securam fructuum ex ea lem arbore fertilitatem.

Cum igitur die sacratissimo Resurrectionis Dominicæ (272) oblaturus ex more ille ad manus acrescit episcopi, altario assistentis, aurea ei circumdata a cubiculario suo, sicut mos regius exhibebat, bis sena dabantur in palmam. Hæc ille stipatus undique hand modica turba nobilium, cum staret ante episcopum, diutius intuens, et quasi ludendo exagitant, tandiu offerre distulit, quousque omnes eum intuentes mirarentur. Tandem præsul motus ob hunc ejus gestum tali hora et in tali loco: « Quid, inquit ad eum, ita respicis? » Cui ait ille: « Istos sane inturo aureos, quos, si ante dies paucissimos tenuissem, non vobis illos offerrem, sed meæ potius crumensæ inferrem. Verumtamen jam modo accipite illos. » Indignatus ad hæc vir Dei, et vice illius vehementer erulescens, ut erat mentis piæ et cordis generosi, protensum ad se retraxit brachium, nec illius aurum contingere passus, nec suam dexteram ore tam avaro sustinens osculari, fremens vero in seipso, et caput suum movens: « Jacta, inquit, ibi

A quod tenes, et recede. » Qui in pelvin argenteam, in quam oblata congregabantur; nummos ipsos præjiciens, abscessit.

Nihil vero sibi de oblatione quisquam eorum qui episcopo adhærebant, in aliena unquam ecclesia; nisi forte, ubi ecclesias dedicaret, retinere præsumpsit, dicente sæpius ipso, satis injustum videri sibi ut ab ara alterius illi quidquam temporale asportent, qui de gratia locum ipsum custodientis spiritualem mentium alimoniam ibidem participant. Hoc quoque tam in propria, quam in aliena ubique diœcesi observabat, et observari a suis faciebat. Nec de ista ergo oblatione quilibet suorum quidquam accepit. Videbatur autem tunc quibusdam quia Dominum in hoc imitaretur fidelis et prudens servus ejus. Ut enim Dominus ad Cain et ad muera ejus olim non respexit (*Gen. iv, 5*); ita modo servus Domini, quia munus oblatorem non immerito improbavit, ejus vel munus tangere contempsit.

Verbum autem Domini episcopus astantium multitudini prædicare exorsus, cum de bonorum vel malorum principum moribus, et præmiis post futuris multa dissereret, dum ab aliis devote acclamaretur, sibi princeps memoratus, more principum qui mane comedunt, tam materiam quam notam sermonis non æque ferens, tertio misit ad eum, flagitans obnixè, ut sermoni metam ponat, et divina celebret, quatenus sibi post tanta jejunia vesci concedatur. Sed fortis evangelizator noster, qui super montem excelsum ascenderat, vota et mandata ejus despiciens, quin et vocem fortius exaltans, multitudinem maximam auditorum tam diu pane spiritualis doctrinæ cibare non destitit, donec cunctis acclamantibus, plurimis quoque illacrymantibus, ad digne percipiendum panem sacramentalem, qui de cælo descendit, et dat vitam mundo (*Joan. vii, 33*), eos sufficienter pro tempore informaret (273). *Hic autem in serie magnæ Vitæ inseruntur plura mala de rege Joanne, quæ videre poterit ibi, qui voluerit intueri.*

CAPUT XVII.

Qualiter post mortem regis Richardi repatriando hostium evaserit violentias, et a sibi occurrentibus cum quodiodio sit susceptus. — Et hoc est cap. 12, in magna Vita.

Sciendum itaque ipsum vere mundi exsulem, et cæli civem, extunc quam maxime præsentis incolatus sui dispendia exhorruisse, et cælestis quoque habitationis desiderio flagrasse, ex quo plenius animadvertit optatam a quibusdam regni mutationem ad deteriora vergere, et speratam status ecclesiastici meliorationem in adversum cadere (274). Ad Ecclesiam ergo suam quantocius censuit repedandum, quatenus saluti commissarum sibi solertius provideret animarum, sibi que liberius ex uberiori fructu pietatis omnimodæ ad superna gaudia

(272) Quæ eo anno incidit in diem 18 Aprilis.

(273) Subductis duabus lineis agnoscit Vitæ abbreviator se omisisse nonnulla, quærenda in majori, id est, ab auctore Vita conscripta.

(274) Factum in anno 1207, quo archiepiscopi, episcopi, monachi cum clericis, pulsati in exsilium non redierunt ante annum 1214.

exquireret comœtatum. Valedicens itaque memorato principi, recessit ab eo secunda feria Paschæ (275). Cumque pervenisset ad villam quamdam, in qua hospitari decreverat, et quam incolæ *Flèche* (276) vocant, ingressus ecclesiam missas celebrare parabat. Et ecce, illo necdum sacris vestibus induto, turbati ad eum currunt ministri sui, nuntiantes, equos et rhedas ipsius ab illius loci custodibus retineri, quosdam etiam ex sagmariis suorum a prædonibus abduci.

Erat vero in comitatu ipsius Gilihertus Revescensis (277) episcopus, et clerici diversorum locorum quam plurimi. Qui omnes unanimiter rogabant eum, quatenus, prætermissa ob tantæ necessitatis et perturbationis eventum missarum celebratione, Evangelium sibi legi contentus foret, et ut se et suos expediret a tantis periculis intenderet. Qui nihil turbatus ex his quæ a raptoribus gerebantur, sed nec motus ex his quæ a comitibus suggerebantur, ut surdus et mutus ad audita cœptis tantum insistebat. Nec simpliciter et plane sacrum contentus officium peragere, imo sandalibus, tunica, dalmatica cum cæteris insignibus utens, ut universos divino præsidio melius communiret, pontificalem in agendis benedictionem interserens, missam more solemniori quam devote peregit. Omnibus ergo rite completis, dum sacris se exiit indumentis, accurrunt ipsius loci magistratus in ecclesiam, suppliciter et obnixè veniam petentes, quod impedire suos vel perturbare præsumpsissent. Spondent quoque obsequia, si dignaretur pernoctare in loco. Si autem duxerit ulterius procedendum, conductum ex suis ad loca usque tutiora pollicentur. Quos ille satis hilariter allocutus, ut erat spirituali jucunditate ac cœlesti repletur convivio, conductum illorum non respiciens, continuo ab eis recessit. Ipsaque die cum universo comitatu ad monasterium Sancti Petri (278) in suburbio constitutum Cenomanensi pervenit.

Sequenti diluculo, dum matutinale Deo exsolvit officium, et longas more solito recitari facit lectiones, tumultus ingens a mœnibus civitatis increpuit. Milites namque cum manu armata directi a comitissa Britannicæ (279), et ejus filio Arthuro (280) insultum fecerunt, ut Joannem prænominatum caperent. Qui nocte quidem illa illuc advenerat, sed præsentiens insidias sibi paratas, ante lucis ortum clanculo urbem pertransierat (281). Hæc ut primum agnovit Girardus quidam ex clericis episcopi, turbulenter

(275) Id est, 19 Aprilis.

(276) Nunc *La Flèche*, Latine Flexia, civitas est cum arce. decem fere milliaribus distans Andegavo.

(277) Alias Rovestrensis sive Roffensis episcopus. De quo in *Annal. Winton. part. 1, Angliæ Sacræ*, p. 302, ita scribitur ad an. 1185: « Gilbertus de Glauvilla Roffensis episcopus factus est. » Et, pag. 346: « Anno 1214, durante adhuc interdicto, obiit Gilbertus Roffensis episcopus, qui 30 annis episcopatum tenuit. »

(278) De Cultura dictum, de quo Mabillonius t. I *Annal.* p. 191: « Huic, inquit de Bertichramno loquens, originem debet nobile S. Petri, quod de Cultura Dei appellatur, monasterium in suburbio Ce-

A satis et anxie ei studuit, quæ diligerat, nuntiare, orans instantius, ut officium, quod agebat, brevitate lectionibus percurreret; quatenus discursantium armatorum manus dubia adhuc sub luce facilius declinando, cum sociis, qui jam præcesserant, instantem tutius perageret diætam. Verum ille, ut hunc quoque turbinem impavidus exceperit, sic tranquille cum omni diligentia debitos Deo hymnos exsolvit. Nec plane ad insipientiam sibi. Nam, dum moratur, adfuit ejusdem loci abbas (282), qui illum eques præcessit, et per semitarum compendia illæsum deduxit ultra civitatis suburbia. Ex his vero qui ipsum præcesserant, plures intercepti atque detenti sunt hostili violentia. Reliquit autem ibidem in custodia prædicti abbatis rhedas duas cum aliquibus B equis et varia suppellectili; quæ omnia præfata comitissa ad civitatem ipsam sequenti die adveniens, ad ipsum deduci fecit, orationibus suis seipsam et filium suum studiose commendans. Ipse vero Sagiensem tendebat ad urbem (283).

Acceperat quoque relatione plurimorum, abbatem optimis esse [cod. abbatem de optimis esse, etc.] studiis prædictum, probisque moribus valde insignitum. Audiens quoque illius cœnobium non procul a via, qua pergebat, constitutum, cupiensque viri Dei notitiam sibi comparare, et ejus orationibus seipsum commendare, nec temporis inquietudine, nec itineris longitudine, potuit revocari quin ad ipsum inquirendum alacri devotione properaret. Per devios itaque suisque omnibus ignotos calles, cum paucis C suorum ad diu quesitum demum pervenit monasterium; reliqui, servientibus et sociis recto itinere ad urbem præmissis, qua erat ipse hospitium subiturus. Cum cognovisset vero abbatem tunc esse absentem, celebrata missa discessit, totum videlicet expendens devotionis piæ unguentum in ipso Justorum capite et Domino nostro Jesu Christo, quod participare decreverat cum abbate, membro ipsius et servo fideli admodum et honesto.

Jam vero post hæc, omni sublato cujuscunque difficultatis obstaculo, Ecclesiæ suæ gremio excipitur, pacem exoptatam filii reportans, multo quidem sudore, sed et multiplici honore partam, et toto ipsius vitæ spatio duraturam. Occurrebant vero illi undique modo ex civitate, et in civitate, et in diocesi sua turbæ lætantium et applaudentium tanquam duci eximio sublimiter triumphanti. Plurimi quoque viri in Northmannia, in Anglia vero ex populo nonanicæ urbis situm. »

(279) Constantia nomine, filia Conani ducis Britannicæ, et vidua Gaufridi filii Henrici II, regis Angliæ, quæ ducatum Gaufrido contulit.

(280) Constantiæ et Gaufridi filio, tunc duodecim annorum adolescente.

(281) Cenomanensem, et Rothomagnum perrexit; ubi Joannes, teste Trivetto, triginta duorum annorum princeps in octava Paschæ, die 15 Aprilis anni 1199, ducatus Northmannici gladio cinctus fuit.

(282) S. Petri de Cultura Dei abbas.

(283) Vulgo *Seez*, in cujus suburbio cœnobium sub titulo S. Martini, cujus et abbas, ut videtur, plurimum hic commemoratur

et ex clero prorsus innumeri, unanimiter erant ei A : conclamantes : *Benedictus, qui venit in nomine Domini (Matth. xxiii, 39)*. Ipse vero totum Deo, et nihil sibi, tribuens benedicebat Dominum, qui semper in omnibus triumphat.

CAPUT XVIII.

(284) *Qualiter habens in votis Carthusiam visitare, cedendi petitam licentiam non obtinuit, et quam strenue se gesserit in causis sibi delegatis, et specialiter contra quemdam Jordanum de Turri, et quom grave fuerit sibi se de negotiis sæcularibus personaliter intromittere, quæ aliis imponendi censuit, fidelibus et discretis.*

Habuerat sane jam diu in votis, ante vitæ præsentis excursus, episcopus locum Carthusiæ semper amatum adire, statumque ordinis præsentialiter intueri, et gregis illius, quam pusilli, tam et sanctissimi, aspectu et affatu interna sua desideria ab externis tumultibus aliquantulum respirando uberius refovere. Optaverat profecto etiam sarcinæ pastoralis curæ ex integro, si daretur facultas, renuntiare, cum mundanis litibus decidendis, sub prætextu spiritualis officii, ordine, ut memorabat, præpostero, totis ferme diebus cogereur inservire. « Jam, inquit, urbium prætores vel præsides, et Ecclesiarum præsules, eo fere solo distare cernuntur quod isti continuis, illi diebus interpolatis vacant forensibus litigiis. Illis interdum licet rei familiaris suæ utilitatibus consulere; istis ipsa etiam animarum suarum negotia vix quandoque permittitur tractare.

Sollicitaverat etiam secundo vel tertio aures summi pontificis per internuntios super hujusmodi cordis sui proposito; sed et ille nullatenus acquiescens, non modo petitionem ejus repellerebat, sed et petitionis mediatores durius objurgabat. Omnium enim sane difficiliores et magis arduas negotiorum decisiones, quas inter fines totius Angliæ auctoritate ventilari contingebat apostolica, episcopo delegabat Lincolniensi (285), quoque suis temporibus Ecclesiæ præsederunt Romani summi pontifices.

Personæ quoque nihilominus, et mediocres et infimæ, quantum de meritis præsumebant causæ suæ, tantum coram eo contra suos adversarios optabant litigare. Illos enim, sive viribus niterentur, sive armarentur dolis, sub examine iudicis justissimo, et veritas facilius convincebat, et æquitas citius percellerat. Nam et hoc quoque donum acceperat a Deo, ut, sicut eo nemo æqui et recti tenacior, ita nemo inveniretur de facili, qui eo videretur volocior sive acutior in discussione veri et falsi. Quod in eo attendentes hi, qui peritiores in jure et in ventilationibus forensium sive ecclesiasticarum causarum exercitatissimi habebantur, miraculis ascribebant, dum ille talium insuetus et quasi legum nescius, omnium præcederet acumina, et ingenia prævolaret jurisperitorum.

(284) Relata in hoc capite diversis contigerunt anni.

(285) Quæ Hugoni nostro in causis archiepiscopi

Vidimus quemdam in Londinensium civitate præpotentem, Jordanum de Turri vocitatum, quem auctoritate domini papæ litterarum in jus traxerant pauperes et pusilli duo sub tutoribus adhuc agentes orphani super iniqua detentione quarundam domorum, hæreditaria successione ipsis competentium. Causam ipsam in forum ecclesiasticum titulus, cui dicebatur inniti, adduxerat usurarum. Hic die præfixa, non quasi litigaturus, sed quasi litis progressum discissurus, ad episcopum, plurimo stipatus agmine, propugnatorum potius quam advocatorum, accessit. Cui dum litteratoria, simul et viva voce inhibitiones precesque obtulissent stipatores sui, tam ex parte domini regis quam et aliarum sublimium potestatum, nec non et civium communiter Londonensium, ne in causa ipsa procederet, quia si faceret hoc, ut asserebant, in suæ urbis præjudicium redundaret. Cum ergo assessores et domestici sui subsistendum esse in causa illa unanimiter decernerent, ille intra seipsum paululum deliberans, hæc demum voce oppressorem opprimit pupillorum. Meminerat enim ille orphanorum pater Scripturæ dicentis : « Pupillo tu eris adjutor (Psal. x, 14). » Ait itaque : « Revera, Jordane, quanquam nobis extiteris charus, nullatenus tamen contra Deum tibi deferre valeamus. Verum, quia contra tot et tantos fautores tuos niti, non modo parvulis istis, imo et nobisipsis, nostrisque conjudicibus constat esse inutile, quid simus acturi, nolumus te latere. Pro me ipso tamen loquor : Liberabo animam meam. Scribam ergo domino papæ quia tu solus in terris istis ejus jurisdictioni contradicis, ejusque auctoritatem solus tu evacua contendis. » Hac ille sententia, ac si sagitta feriretur, præcordialiter tactus (nimium intelligens, quanti foret ponderis relatio ista in auribus summi pontificis, præsertim emissa ab ore viri tanti nominis) tractare cœpit in continenti cum suis super restitutione faciendâ destitutis. Nec enim alium exitum invenit alias. Verba quippe viri justî, sicut stimuli quasi in altum desixi, non ducere, sed nec attingi quidem rationibus aut blanditiis quiverant viri in generatione sua prudentissimi. Mox igitur conquerentibus ad condignum satisfecit, nec quidem sine enormi, ut asseruit, dispendio sumptuum, quos in fundo ipse expenderat. Sic una brevique viri justî obtinuit allegatio id, quod vix unquam crederetur obtinere causidicorum quantalibet multitudo.

Licet vero, in similibus sæpe casibus, naufraganti subsidium præstaret innocentæ seu veritati, indignum tamen pontificis opera reputabat sollicitudinem, qua circa terrena et transitoria sapius quam erga cœlestia et æterna versaretur. Portabat vero, sed in angaria, crucem hujusmodi actionum, de solius obedientiæ merito, excusationis potius suffragium quam præmium rei commendabilis, ex-

Eboracensis a Cœlestino papa commissa fuerunt, refert Baronius ad annos 1191, 1199 et 1105, ipsas papæ litteras adducendo.

spectans. Verum hæc innumeris verborum, nec non A et gestorum ejus non est necesse astrui documentis, quæ scribenti ad manum satis occurrerent, cum talis animi sit in eo ea irrefragabilis approbatio, quod ad proprium seacarium sive computum reddituum vel expensarum suarum nunquam residere, et nunquam hujuscemodi domus propriæ rationibus dignatus sit intendere. Quod vero episcopum domui suæ bene esse propositum monet Apostolus (*I Tim.* iii, 4), ita implendum docebat, et ita implebat ut viris fide et discretione opinatissimis opera hæc imponerentur, de quibus tanquam de seipso consideret, dum se irreprehensibiliter haberent, secus vero agentes (quod quidem diu latere non potuit) in continenti amoveret. Nec enim privato erga quemlibet eorum, quibus dispensationes rerum crederat, amore tenebatur; quos fides et industria poterat commendare, assumebat, non quos quævis arctior necessitudo, ut assolet, poterat animare.

CAPUT XIX.

Qualiter pax inter reges Franciæ et Angliæ reformata, cui et nomen Hugo intererat, a rege et archiepiscopo accepta licentia, ut Carthusiam declinaret, Parisius veniendo, ibidem Ludovico regis Franciæ filio, et Arithuro Joannis nepoti saluberrima est locutus: et de quodam sibi occurrente et absolutio- nem petente, quem in Anglia excommunicaverat multo tempore tunc elapso. — Et hoc est capit. 13 in serie magnæ Vitæ, sub quo etiam continetur capitulum præcedens.

Expleto quidem jam anno (286) post regis Joannis coronationem ad illius petitionem transfretavit iterum episcopus, ut interesset colloquio ipsius cum rege Francorum, in quo demum pax reformata est inter eos. Videbatur sibi Hugo tunc opportunum invenisse tempus, ut domum inviseret Carthusiensem. Licentia igitur a rege et archiepiscopo apud castrum de Andeli petita et accepta (287), ultima die mensis Maii (288), quæ fuit feria quarta Pentecostes, proficisci cœpit. Parisius vero iturus, divertit ad Beatum Dionysium (289). Vicin autem clericorum illum egressus, innumeræ ei occurrerant turmæ. Catervatim namque ruebant de civitate in obviam universali et scholarum consultori (290), ut de illo quidam versificator insignis ait. Universarum pene nationum scholastici eum coram cernere cupiebant, per quem post sanctum Nicolaum incom-

parabilia erga clericos agnovcrant exerceri beneficia. Cunctis itaque adveniendi in nomine Domini applaudentibus, his osculo et alloquio, illis aspectu solo cum benedictione illius glorianter perfruentibus, a nonnullis ad hospitium urgentissime invitabatur. Sed dum omnibus in hoc satisfieri non posset, uni tantum, quæ pridem prece sollicita hoc impetrare satagerat, sese in hospitio non negavit. Erat hic ipsius, ut dicebatur cognatus, nomine Raymundus, vir multa honestate conspicuus, ab ipso in canonicum Lincolniensem, ac demum in archilevitam Leycestrensem promotus.

Venit autem in hospitium illius invisere episcopus illustrissimæ indolis adolescens, regis Francorum filius et hæres Ludovicus, qui proxime (291) sum- pserat in conjugium Anglorum regis neptem ex sorore, Hispaniarum videlicet reginæ, nomine Caudidam (292). Venit autem secum nepos privati regis, Arthurus, Galfridi comitis Britonum quondam filius, tunc annos circiter quatuordecim natus. Hos pariter complexus Hugo plus euique illorum congrua sibi monita saluberrima dulciter instillabat. Ludovicus vultu placido, quæ dicebantur, avide intendebat. Arthurus (293), aspernanter id maxime admittebat, quod eum de dilectione et pace ad patrum suum, regem Anglorum, habenda admonebat. Interea Ludovicus pontificem orat, ut novam nuptiam, quam duxerat, invisere dignaretur. At ille benigne annuens, suis pedibus ad proximum regis palatium ivit, afflictam quoque casu recenti adolescentulam verbis paucis in tantum exhilaravit ut statim, mœrore postposito, quæ diebus aliquot lugubris ince- debat, de cætero et vultum et animum gereret lætissimum.

Post hæc, cum Trecentem jam præterisset comitatum, venit ad eum vir quidam (294) voce miserabili misericordiam illius implorans. Fatebatur enim se, culpis suis exigentibus, excommunicationis sententiam ab ipso exceperat, unde cum metu continuo finalis interitus crebris jugiter infortuniis agebatur. Sententiæ causa ista fuit: Fuerat custos quondam villarum comitis Leycestriæ, quo tempore fur quidam in ecclesiam confugit villæ, quæ vocatur Brackeleia, cujus ipse villicus fuit. Est autem fundus ipse in episcopatu Lincolnien-
D

(286) Ecclesiastico forsitan, non naturali. In regem enim Joannes Londini coronatus fuit anno 1199, in die Ascensionis Domini, quæ erat 27 Maii, vel in Dominica infra octavas dicti festi, id est, 30, dicti mensis. Et c. anno 1200, ut scribit Trivetius, in Ascensione Domini, quæ occurrebat die 18 Maii, inter Vernonem et insulam Andeliaci in subscripta forma pax et concordia inter utrumque regem reformatur. Ita ille. Verum pacem factam xi Kal. Junii sive 22 Maii, ex Rogerio refert Raynaldus in *Annal.*, pag. 47.

(287) Circa hoc, uti ex Trivetto vidimus, pax, cui Hugo noster interfuit, coaluit, et Hugo obtinuit facultatem adeundi Carthusiam et cætera loca, de omnibus sit mentio in sequentibus.

(288) Pentecostes eo anno incidit in 28 Maii, et feria quarta in 31 ejusdem mensis.

(289) De celeberrimo hoc monasterio orl. S. Benedicti consulat Mabilonius, tom. I *Annal.*, pag. 340 et seq.

(290) Cap. 28 integer cerni poterit versus, cujus hic pars una ponitur.

(291) Postridie ejus diei, qua pax facta inter reges, uti refert Raynaldus Nota (286) citatus.

(292) Hanc alii *Blancam*, *Blanchiam*, et *Blandam* vocant. Filia fuit Alphonsi VIII regis Castellæ ex Eleonora, Henrici II regis Angliæ filia et mater S. Ludovici regis Franciæ.

(293) Jure enim paterno jus in Angliæ regnum prætendebat.

(294) Roberti comitis Leycestriæ subditus, qui olim deliquerat, nunc penitentiam, olim spretam, ultro suscipit

tem præcipuus habitus fuit in bellicis rebus; linea vero sanguinis generosi potioribus regni proceribus jungebatur. Hinc regis favore comitatus, non minus suis quam sibi nonnulla præter jus usurpandi fiduciam vindicabat. Officiales itaque illius contra monita Scripturæ dicentis: « Noli esse nimium justus (Eccle. vii, 17), » in hominem, quærentem Ecclesiæ misericordiam, sævam exercentes justitiam, ipsum de Christi asylo productum dolo, peremerunt suspendio. Tunc vero episcopus in transmarinis agebat. Unde reversus, et, quod factum erat, agnoscens, sententiam generalem in auctores et complices hujus malefacti promulgavit. Reliquis vero, qui super hujusmodi sacrilegio cauteriatam gerebant conscientiam ecclesiasticæ humiliter se subjicientibus disciplinæ, hic satisfactionis abhorrens districtiorem, relinquens Angliam, a: Coninum suum confugerat in Neustriam. Siquidem compulsi erant illi qui necem intulerant fugitivo, nec non et illi qui proditiōne illum de septis ecclesiæ protraxerant, omnibus, exceptis femoralibus, vestibus nudi, jam putrefactum cadaver hominis effodere, feretroque impositum a suspendii loco, humeris ita nudis, in villam per unius fere milliarii spatium reportare. Ad omnium quoque limina ecclesiarum ipsius vici a cunctis illius capituli presbyteris verberati, circumportati corporis membra, jam putredine tabefacta, propriis manibus, et, ut dictum est, nudis semper corporibus in cœmeterium basilicæ, unde vivum eduxerant, sepelire sunt coacti. Post hæc nudis pedibus Lincolniam adire, ac præ foribus singularum tantæ civitatis ecclesiarum latera flagellis exponere, et his similia, hiemali præsertim tempore, ad tolerandum satis aspera jussi sunt perferre.

Hæc iste, de quo agitur, cum unus esset ex illis, ferre non sustinens, Angliam maluit exire quam Anglis ex condigna pœnitentia gaudium exhibere. Cæterum (sicut) juxta sententiam beati Job: « Qui timet pruīnam, irruet super eum nix (Job. vi, 16), » et sæpe periclitatur morbo, qui non patitur aspere tractari a medico, huic non dissimiliter ex suo cessit consilio. Qui enim reatus sui noluit correctionem sustinere, dum adhuc status sui integritatem potuit retinere, ingruentibus hinc inde super eum adversitatum procellis, eo usque damnis affectus est et variis incommodis, ut, sicut asserebat, læderet eum vitæ suæ. Domini quoque sui, cui præstare obsequium se arbitratus est, dum contra episcopum recalcitrare nisus est, adeo gratiam sibi senserat ex hoc ipso sublata, ut eum in suo nec obsequio sineret permanere, nec in suo aspectu libenter eum vellet

(295) Omittit abbreviator quedam, quæ si addidisset, labor non fuisset inanis ob antiquitatem, maxime si talia forent Bollandianis in Vita S. Antonii inco, nita.

(296) « Hæc est S. Antonii ecclesia de mota prope Viennam (verba sunt Mabillonii tom. V Annal. Bened. p. 369) ad quam magni illius S. Antonii corpus, sæculo xi, translatum tradunt, ubi erecta a Montis Majoris monachis cella cum adjuncto Xenodochio, recipiendis Antonio igne laborantibus infirmis deputata. »

A apparere. Qui reversus tandem in se, quem censuit fugiendum, jam medicum credidit expetendum. Quem lætiam anhelus et anxius demum invenit, a quo et medelam in remotis posito vix percepit, quam in vicino sponte oblatam recipere contempsit. Subiitque jam lætus septennis sarcinam pœnitentiæ, qui breviorē adimplere contempserat.

(295) Hic autem in magna Vita inseritur peregrinatio, quam fecit Hugo noster ad B. Antonium, cum miraculorum plurimum ejusdem B. Antonii recta recitatione. Quod totum pro vitanda digressionis prolixitate præmittendum censetur ad præsens.

CAPIT. XX.

De adventu illius et receptu apud Gratianopolim, et Carthusiam, et qualiter se in locis illis gerebat. De pacis per ipsum reformatione inter episcopum et consulem Genevensis, et qualiter a Carthusia recessurus de reliquiis ordinaverit a se et suo monacho exquisitis.

Debitis ergo votis patrono tanto (S. Antonio) solutis, cum et xenodochium ipsius loci (296) visitasset, et in solatia victualium pecuniam custodibus largiri præcepisset (grandis quippe debiliū multitudo, quos ante curationem morbus variis membris privavit, ibidem consistit) Gratianopolim (297) proficisci instituit. Inde namque ad Carthusiam per ardua montium et aspera rupium iter expeditius et locorum natura et commentantium frequentia patefecit. Cujus jam adventus, mox ut Gratianopolitanis innotuit, universi pariter obviam ruunt viro ad modum venerabili extra urbis mœnia, ac susceptum per urbem mediam floribus et palliis holosericis, variorumque decore ob ejus reverentiam specialiter et splendidius ornatam, usque ad S. Joannis Baptiste ecclesiam cathedralem cum canticis lætitiæ et solemnibus deducunt processione. Erat autem natalitius dies ejusdem (298), post unicum mundi dominam Dei Genitricem, tam ordinis Carthusiensis quam et episcopi nostri, specialis advocati, præcursoris Domini. Ubi missam majorem maxima cum devotione Hugo celebravit, et post Evangelium sermonem fecit ad populum miræ suavitatis nectare conditum. Sicque geminatam lætitiā, et annuæ solennitatis, et primæ post episcopatum visitationis suæ, civibus quondam et fratribus suis salubris alloquii gratia cumulavit, ut pane lacrymarum cibaret eos, dans eis potum in lacrymis, sed in mensura (Psal. lxxix, 6). Tanta denique cum humilitate, talique ex devotione suffragia orationum ab universis expetiit, exiguitatem sui et indignitatem exaggerans, quem superna dignatio de stercore elevatum collocasset in sublimi, ut ab oculis omnium exitus aquarum educerent lacrymis distillantibus oculi sui.

dochio, recipiendis Antonio igne laborantibus infirmis deputato. »

(297) Vulgo Grenoble, Delphinatus urbs primaria, in qua sedes episcopalis; in qua post sanctum Hugonem sex alii successerunt ex ordine Carthusiensi assumpti.

(298) Qui 24 Junii annuæ recurrit, quo et S. Hugo illic aut præcedenti die venit, honorifice receptus.

Baptizavit quoque ipsa die puerum jam septennem (299), filium militis strenuissimi Willelmi de Avalim fratris sui, quem de sacris fontibus præsul (300) Gratianopolitanus suscepit. Cumque patruus ipsius pueri vehementer instaret, ut nomine suo, quod erat Petrus, vocari debuisset, suggerente præsentium scriptore, respondit ei Hugo : « Nequaquam, sed vocabitur Joannes; præjudicat enim tibi, et loci et diei presentis patronus. Peregrinus autem tantæ solemnitatis diem cum ejusdem civitatis episcopo, a quo tam splendide nobis exhibita sunt, quæcunque jura hospitii exigebant, ut videtur modus ipse excedere modum. Diceris tunc dapsilitatem Burgundionum ipsum quoque vicisse luxum effusionis Anglicorum. »

Inde summo (301) mane sequentis diluculi tendentibus nobis Carthusiam, majorem pene itineris partem pedibus conficere cogebantur, quos equi vehabant. Ascensus enim continuos per ardua et confragosa montis latera equi sessore vacui vix explicabant; burdones autem vel asini huic liberius permeant callem. Episcopus etiam, necessitate cogente, conversus in peditem, nimio licet sudore læsceret [pro lassesceret], spiritu tamen promptus et alacer, socios meando lassabat. Id tamen sollicitus providebat, ut dormientibus tempore meridiano (302) fratribus ad ipsos perveniret. Cavebat enim summopere, ne suus adventus quietem illorum saltem modice infestaret. Mansit apud eos, tribus septimanis (303) continue quasi unus ex eis; horis maxime nocturnis psallentium nunquam choro fratrum absens, dormiebat in cella solitaria semper solus. Quo etiam tempore, ibi quantum hauserit, quantumve sumpserit ex vicaria collatione virorum sanctorum dulcedinis spiritualis, nostris nemo a nobis expectat literis explicari; id namque nec ipse verbis quidem posset effici, qui rebus idipsum meruerat experiri.

(299) Distinguendus hic puer ab altero etiam Willelmi fratris S. Hugonis filio, cujus sit mentio lib. III, c. 13. Iste etenim applaudebat Hugoni, adhuc priori in Witham? hic vero baptizatur ab illo jam episcopo, ultimo vitæ et episcopatus anno.

(300) Præsul Gratianopolitanus, anno 1200, erat aut Joannes, aut Guillelmus, uterque Carthusianus. De Joanne consule adnotata ad lib. II, c. 2. De Guillelmo ita referunt Carthusiani. « D. Guillelmus vere pius huic » (Joanni, quem aiunt mortuum anno 1191, Kal. Junii) « successit et obiit anno 1223. » Abbatem autem Morotio Joannes adhuc erat in vivis anno 1219, dum ita de eo scribit : « Sæculi vero subsequenti undevigesimo anno urbem restauravit. » De Guillelmo idem Morotius : « Anno 1221, Guillelmus jam sextus ex co-nobitibus protocarthusiæ diptychis hujus Ecclesiæ » (Gratianop.) « infertur episcopus, et licet brevis pastor, nimirum infra triennium clatus, prædecessorum tamen dotes æquans, prohibitis, quam in absolutissimo ejusmodi perfectionis Lyco hauserat, eximium specimen præbuit. » Hæc Morotius, Joannis regimen extendens, et Guillelmi minuens.

(301) Die scilicet 25 Junii tetenderunt ad Carthuisiam tribus circiter miliaribus Gratianopoli distantem.

(302) Hugonis igitur temporibus vigeat adhuc

A Veniebant illuc gratia visitandi eum episcopi nonnulli, clerici quoque et laici quam plurimi pauperes in vicina commanentes parochia, quasi ad olim conclamatum, et jam redivivum propriumque parentum confluebant certatim ad eum. Quos ille non impari affectu complexus et deosculans, amabili-ter cognoscentes se recognoscebat. Cum quibus et familiaria miscens colloquia, se parvulo illi docebat et factis et verbis, consimilem, quem magister mitis et humilis suis proposuit in Evangelio imitandum discipulis. Cumulabat vero affabilitatis gratiam manus munere non pareo, quia vigeat in eo pariter, et lingua eucharis, et dextera liberalis. Mansit quoque apud inferiorem, ubi conversi morantur, habitationem diebus aliquot, ut ipsos etiam satiare ab uberibus consolationis suæ, et vicissim ipse ex eorum colloquiis et moribus disciplinatis epularetur quasi ab introitu gloria gentium. Horum enim nonnulli a lata mundialium actionum via digressi, illamque arctam et arduam viam, quæ ducit ad vitam, ingressi spe felici exspectabant paradisi aditum. His præterea diebus, certis et horis, se pauperibus, ad visendum eum confluentibus, exponebat, cum quibus, ita socialiter verba conserebat, ut inter ipsos residens solo monstraret habitum monachali, quod non esset alius quam un is ex ipsis.

Insinuaverat etiam ei episcopus Genevensis (304), quanto cum suus consul (305) præjudicio annis jam ter quaternis depressisset : unde vinculo excommunicationis et anathematis ipsum ab olim innodaverat (306), ob cujus etiam metum civitatem propriam ingredi non audebat. Nam, si nos memoria non fallit, assererat ille tria jam effluxisse annorum lustra, ex quo sedem suæ cathedralis ecclesiæ prohibitus est adire. Tunc fortis ille noster et fidus, ut de illo versificus quidem cecinit (307). « pastorum baculus, » plurimum consolans et corroborans fratrem afflictum et mœstum, misit quantocius prio-

consuetudo, qua Carthusiani post matutinas ad lectum non redibant, at soannum, quem noctu neglexerant, meridiano tempore resumebant. Quæ consuetudo temporis successu sublata est.

(305) Sub his etiam comprehendi dies illi aliquot, quos apud conversos exegit, videntur; nam et sequitur post spatium trium hebdomadarum se ad reditum disposuisse.

(304) Antholinus nomine, alias *Nantelinus*, et *Nanelmus*, ex priore Carthusiæ Vallonis anno 1185, electus in episcopum Gebennensem, qui vigesimo episcopatus anno, id est, anno 1205, Idibus Februarii obiit.

(305) Guillelmus, sive Wilhelmus I, comes Gebennensis. Iste fuit, quem, teste abbate Morotio, altero a suscepto episcopatu anno, sexto Kal Septembris banno imperii, utpote Ecclesiæ bonis multifarie infestum, obtinuit submitti Antholinus.

(306) Eo ipso tempore, quo banno imperii subiectus fuit præfatus comes, videlicet anno 1186, a quo ter quaterni anni ad annum 1200 fere effluerant, sed nondum tria annorum lustra, nisi incløative, nisi *lustrum*, quod et viri docti rectius faciunt, pro quatuor plenorum annorum circulo malis accipere.

(307) Vid. cap. ult.

res duos ex ordine Carthusiæ, ut comitem diutino corporis languore maceratum exhortarentur, quatenus patri suo episcopo et Ecclesiæ matri suæ reconciliari festinaret. Posuit quoque verba in ore eorum, id præcipue discendum ei inculcans, ut patris flagellantis gratiam satageret inquirere, ne morte citius irruente fieret extorris a filiorum Dei hereditate. Hos vero ille ad se talia loquentes, aspernanter quidem audivit. Sed, postquam recesserunt, obtentu viri Dei, ut ipse perhibebat, in se reversus, ac medullitus ad vim verborum, quæ illi mandaverat, compunctus, ecclesiæ, quam læserat, satisfacit; sicque absolutus primum a sententia, deinde a carnis sarcina, in pace quievit.

Post spatium autem trium hebdomadarum, episcopus sciens scriptum esse: « Relinquet homo patrem et matrem, et adhærebit uxori suæ (Gen. II, 24); ad Ecclesiæ curam, quam olim sibi desponderat, redire disponens, præter alia donaria, pignora inestimabiliter pretiosa Ecclesiæ, a cujus uberibus in virum perfectum coaluerat, jam ultimum ei valéfaciens, jamque discedens, in perpetuam sui memoriam dereliquit. Habebat enim in scriniis suis capsulam argenteam, quam in basilicarum dedicationibus circumfererat in manibus, numerosis sanctorum sanctorumque reliquiis plenam. Has vel ipsemet, vel ipsorum scriniorum custos, monachus et capellanus suus, plerique in locis acquisiverat. Sed episcopus a se perquisitas viro religiosissimo Carthusiensi sacristæ coram priore et fratribus tradidit in loco illo conservandas: monacho autem suas dimisit ad proprium monasterium apportandas.

CAPUT XXI.

Quam devotus exstiterit in reliquiarum sanctorum visitatione et conquisitione earum, et qualiter de eis finaliter ordinavit. — Et continetur in magna Vita sub cap. 44, circa medium illius capituli.

Quia (308) vero de sanctorum reliquiis fecimus mentionem, non videtur otiosum, sed ad gloriam vel ædificationem Audientium esse, si de his breviter adhuc aliqua referamus. Jusserat autem episcopus sibi anulum fieri ex auro purissimo et lapidibus pretiosis, habentem in parte, quæ digitum exterius ambiebat, quasi quoddam concavum, quod repositurum esse voluit sanctorum reliquiarum. Erat autem illud receptaculum ad quatuor fere digitorum mensuram undique latum. In hoc portiones congeserat sanctorum pignorum ad numerum usque tricenarium.

Cum verò ex maxima devotione sollicitudinem

(308) Contenta hujus capituli aliis evenisse annis, non in solo hoc itinere, ex contextu liquet.

(309) Cœnobium est longe celeberrimum, situm ad Legerium diœcesis Aurdlianensis, de quo passim scriptiores Rerum Benedictinarum Jépezius, Bucellinus, Mabillonius, etc.

(310) Videtur monachus hic fuisse Morinus, qui ad calcem cap. 26, Hugonis dicitur fuisse elemosynarius apud Stobe portum defunctus. Certe alius fuit ab auctore Vitæ, dum hic Cantuariensis, ille Floriacensis fuit monachus; hic quoque non nisi unica nocte Hugoni absuit. iste vero Lincolnia Floria-

gereret super acquisitione tam salubris thesauris institit magnopere, quatenus de corpore magni Christi confessoris, præcipuique monachorum ducis et legislatoris Benedicti aliquid obtineret. Super tali quoque desiderio suo litteras direxit affectuosas viris venerabilibus abbati et monachis cœnobii Floriacensis (309), ubi sanctissima tanti Patris requiescunt ossa, scribens eis, et mittens per quemdam eorum fratrem, et monachum, et custodem (310), quarundam sanctorum, quas secum Lincolnia obtinuerat reliquiarum possessionem, petiit obnixius, quatenus sibi dignarentur impertiri de copia suarum in hac parte divitiarum. Quid multa? rediit tandem litterarum bajulus, atque attulit viro sancto et desideriorum, desiderii sui precisque suæ effectum, unum videlicet dentem ex dentibus sancti cum palla (311), qua erant involuti crines sancti Benedicti, non modica portione. Habuit quoque in manibus idem bajulus reciprocas illorum litteras, ad quas missus fuerat, quibus et tanto Patri salutationis debitæ rependebant obsequium, et muneribus transmissis indubitatum referebant testimonium. Quibus tandem acceptis et lectis, vir Dei miro gestiens gaudio, jussit extemplo aurificem suum accersiri, qui in castro ipsius manebat, Banvenberia nuncupato.

Verum tempore illo quo hæc gesta sunt, consistebat episcopus in manerio suo, quod Dorcestria (312) dicitur, et quod distabat milliaribus fere triginta a castro prænominato. Interea, dum instruitur nuntius, qui erat aurifabrum adducturus, quatenus instrumenta juberet ipsum secum afferre, quibus aperire convenienter potuisset, iterumque recedere anulum sacramentalem episcopi (sic enim cognominabat eum, quia in ordinem et consecrationum celebrationibus ad devotionis incentivum illo frequentius utebatur) ecce subito, qui jubetur inquiri, aurifex adest, et tam inopinatum quam optatum sui præsentiam gaudentibus pariter et stupentibus offert. Requisitus vero adventus sui causam, affirmabat dormienti sibi circa noctis medium astitisse quemdam, qui juberet eum mox ad episcopum festinare. « Sunt enim, inquit, et transmissæ reliquie pretiosissimæ, quas te oportet in ejus anulo recondere. Surge ergo velociter, interque ad episcopum aggredere. » Ad hanc vocem excussus a somno, ita suspensus gerebam animos ut nihil cujusquam operis tractare possem, quousque ad vos ista dicturus, et, si vera essent, quæ audieram, probaturus venirem.

cum missus et inde redux Dorcestriæ sacras reliquias Hugoni præsentavit.

(311) Ob dentem in monte Cassino a quodam clam ablatum, ut apud Bolland. in Vita S. Benedicti legitur, cogitur ad restitutionem is, qui abstulerat; hic mira Dei providentia monetur et urgetur aurifex, ut Hugonem adeat dentem anulo inclusurus.

(312) Locus, unde episcopatus Lincolniam translatus fuit. Castrum vero Banvenberia ubi situm, non invenio. Forte Lincolnia non procul aberit, triginta fere milliaribus distans a Dorcestria.

« Ecce igitur ego, et ecce utensilia mea! Vos utimini artificis opera, sicut scitis. » Hæc siquidem artificis revelatio atque relatio et certitudinem reliquiarum roboravit, et cumulavit lætitiâ omnibus, qui præsentibus ista cognoverant. Partitus est autem quibusdam abbatibus et aliis, qui interfuerunt, viris religiosus homo liberalissimus portiunculas de palla quam susceperat; dentem vero suavissimo sæpius deosculatum in annulo suo recludi fecit.

Apud Festapum (313) quoque insigne monasterium de osse brachii (314) beatissimæ Christi dilectricis Mariæ Magdaleneæ duo mordicus excussit frusta. Ipsum autem os nullus tunc præsentium, vel abbas, vel monachus aliquando inopexerat tegmine nudum. Erat enim duplicibus pannis sericis et lineo simplici arcissime insutum. Cujus inspectionem dum episcopo flagitanti exhibere nullus auderet, ille, a quodam notario suo scalpellum arripiens, festinanter illa dissecuit, atque involutum illud dissuens, sacratissimum os ori et oculis suis reverenter applicuit. A quo dum impressione digitorum nihil quivisset excutere, prius incisivos, deinde molares dentes apposuit, quorum viribus duas inde citius portiones abrupti, quas dextere ista scribentis (315) intulit, ita dicens: « Serva nobis hæc peroptime. » Cernentes vero hoc abbas et monachi, jam pridem stupentes et pavidî, nunc vero sævientes et iratî, exclamaverunt: « Proh nefas! credebamus episcopum venerationis obtentu expetuisse hæc sacra referenda, et ecce ritu canino hæc dentibus tradidit lanianda. » Quos talia prosequentes ille blandis sermonibus delinivit, dicens inter cætera verbum memorabile: « Si, inquit, ipsius Sancti sanctorum paulo ante corpus sanctissimum digitis licet indignis contrectavimus, dentibus quoque vel labiis attractatum ad interiora nostra transmisimus, quare non etiam sanctorum ejus membra ad nostri munimen et ipsorum venerationem atque memoriam nobis impensius conciliandam sicut

cialiter atrectamus, et debito cum honore servanda nobis, cum facultas datur, non acquirimus? »

Alio quoque tempore apud burgum Sancti Petri (316) de brachio gloriosi regis et martyris Oswaldi (quod adhuc cum ossibus et pelle, carne etiam cruenta; tanquam recenter de corpore vivo excisum monstratur) nervum, qui prominebat, lentum quoque et mollem ductu se contrectanti præbebat, culltello excidit, atque servandum omni cum reverentia sibi retinuit.

Hæc itaque cum aliis, quas enumerare longum est, sacris reliquiis in annulo composuit sæpius memorato. Cum autem vice quadam a partibus transmarinis venisset Lincolniam, hunc annulum more solenni in munus obtulerat super altare beatæ Virginis similiter ibi asservandum. Illius postea oblationis inmemor, ipsum quoque toties memoratum annulum Carthusiensibus cum cæteris dari reliquiis imperavit. Cum autem ad memoriam ei rediisset monachus suus (317), ipsorum sacrorum custos, factam ab eo pridem annuli donationem, annulum jussit Ecclesiæ Lincolnensi restitui; capsulam vero ex auro et gemmis fabrefactam, quæ apud Lincolniam fuit in scriniis suis, eis mittendam dedit, in qua reponerentur collatæ ipsius reliquiæ sanctorum. Quod eodem monacho satagente post excessum viri sancti impletum est.

CAPUT XXII.

De locis quæ pertransivit de Carthusia in Angliam revertendo, et de ejus gestis in iisdem, et qualiter fuerit antequam Londonium veniret agritudine pergravatus.

Expleta vero largitione præfata, episcopus ad inferiora conversorum habitacula continue descendit. Die postera Carthusiæ Dei benedictionem imprecans, et suam largiens, corpore tenuis discessit a loco, in quo corde jugiter permansit et animo. Rogatus autem sæpius instantissime a viro devoto et strenuo, priori Sancti Dominii (318), quatenus domum, quam

(313) Nunc Fiscamnum, vulgo *Fescan*, seu *Fécamp*, pro virginibus, circa annum 658 fundatum, nunc monachorum ord. S. Bened. a sua jam inde restauratione, sæculo x facta. Vide Mabillon. tom. I Annal. Bened., pag. 447, et tom. II, p. 540, ac iterum tom. IV, pag. 152.

(314) Plura de reliquiis, quin et de brachiis B. Mariæ Magdaleneæ recenseat Boll. indiani, t. V, mensis Julii. Verum de hoc osse brachii nulla ab illis fit mentio.

(315) Seipsum auctor intelligit. Unde et hæc actio uno ex tribus postremis vitæ S. Hugonis annis contigit.

(316) *Apud burgum S. Petri.* Cœnobium per antiquum ord. S. Bened. in Anglia, alias dictum Petroburgense, de quo Mabillonius tom. I Annal. Bened., ad an. 655. Aliud est ejusdem ibidem ordinis S. Petri monasterium Glocestrense. De priori, scilicet Petroburgensi fusius agit in *Monastici Anglicani* t. I, p. 63, ex quo clausulam addo: « Anno 970, S. Adewoldus episcopus Wintoniæ transtulit de cœmeterio in ecclesiam reliquias S. Swithuni, etc., monasterium etiam de Medeshamstede (Petroburgense) restaurare cœpit, et burgum S. Petri appellavit, anno desolationis suæ æqualiter centesimo. » Hanc desolationem factam ad annum 770 refert Mabillonius t. III Annal. Bened., p. 167. Porro de monasterio S. Petri Glocestrensi agit in *Monastici Angli.* tom. I, p. 108,

et asseritur, quod E. hellela, filia regis Ælfredi, ossa B. Oswaldi regis ex Bardeneia ad hoc Glocestrense S. Petri cœnobium transtulerit. » Ibidem, pag. 142, Bardeneianum monasterium in agro Lincolnensi describitur, ac inter cætera memoratur corpus S. Oswaldi primum Bardeneiæ sepultum ubi erant id temporis recenti monachi, etc. Quæ dum legi et inter se contuli, cœpi dubitare de brachio dicti S. Oswaldi, utrum in Petroburgensi vel in Glocestrensi S. Petri cœnobio existerit. Sed dubium solvit, quod, ut refert Mabillonius t. V, Annal. pag. 473. Caput S. Oswaldi una cum corpore S. Chutherti, anno 1004, fuerit in ecclesia Dunelmensi repertum. Si enim caput S. Regis Dunelmum, cur non et ejusdem brachium ad monasterium Petroburgense potuit transferri sive Bardeneia, sive Glocestria?

(317) *Monachus suus.* Quod seipsum auctor hic innuat, satis indicant sequentia: « Quod eodem monacho satagente post excessum viri sancti impletum est. » Auctori etenim quanta Hugo ante obitum suum commiserit, infra dicitur.

(318) Cella est, cui aliquando præfuit Petrus Venerabilis abbas Cluniacensis. De quo Mabillonius tom. V, Annal., p. 441: « Constitutus est, inquit, deinde cellæ de Domena diœcesis Gratianopolitaneæ præpositus. »

regebat, visitare presentie suae dignaretur accessu, ad ejus cellam divergit. Qui eum una cum fratribus suis suscipiens obviatione solemniter velut angelum Dei, egit cum eo diem solemnem in cordis laetitia et exultatione spirituali. disponebat vero episcopus invocare quoque Villam-Benedictam (319); sic enim vocatur cella, in qua sacra religionis libavit primordia. Dictante vero ratione itineris prius perrexit ad castellum, quod fuerat Patris sui, in quo mansionem habebant, et non modicam dominationem duo ipsius germani, Willelmus videlicet et Petrus. Hi semper Hugonem, utpote milites strenui, ita ad veritatis cursum incitare gaudebant, ut solet admissis subditi calcar equo. O quoties isti, non tantum episcopo, sed et consiliariis quoque ipsius, et praesentes suggesterunt, et absentes mandaverunt, ne in falsorum fratrum seu crudelium minorum persecutionibus animo ipse lassaretur! Asserebant malle se natum ipsum non fuisse, quam enim contra natales ingenuos ad depressionem libertatis ecclesiasticorum, vel ad momentum animo degenerante cessasse. Ad hos igitur hospitandi gratia veniens, non istorum solummodo, sed et nobilium, meliorum et infirmorum loca vicina accessit, et incolentium uniformi congratulatione suscipitur, a quibus et biduo ibidem detinetur.

Die demum tertia ad canonicam pervenit Villam-Benedictam, quam loci incolae Vilarboneyth vulgari appellant nomine. Nec est dictu facile, quantum suus adventus praestiterit tripudium, non solum ejusdem loci incolis, imo et omnibus circumquaque vicinis. Desit autem Ecclesiae illi bibliothecam (i. e. codicem sacrarum Bibliorum), decem comparatam marcis argenti. Invisit et cellulam, ejus, ut supra diximus, prioratum quondam adolescens gesserat, quae nominatur ad sanctum Maximum. In his vero locis vallabant eum viri decrepiti et senes cano capite, anus etiam incurvae et mulieres annis provectae. Ab his Hugoni plaudentibus Hugonis rudimenta inter eosdem; velut lilium, quondam germinantia, miris at-

colluntur praecociis. Asserebant quoque illius adhuc primae aetatis initia quadam insite virtutis lingua futurae sanctitatis in eo pronuntiasse insignia. At ille castrum repentes denuo praenotatum, una ibidem nocte quievit.

Inde jam festinato in Angliam tendens, ad Belensem (320) altera metatione devenit urbem. Ibi cratem (324) dimidiae manus praecursoris Domini cum digitis tribus, medio scilicet et binis inferioribus, cure adhuc nitide vestitam, suscipere meruit osculandum. Quam discooperire nudamque videre a pluribus retro annis nemo audebat. Verum pedissequus et vernula ipsius Hugo, peculiari flagrans amore sui patroni, fiduciamque erga ipsum nactus ulteriore, hoc facere minime formidavit, congaudentibus sane canonicis ipsius Ecclesiae, quod virum reperissent tantae puritatis, qui hoc attentare dignissime potuisset. Praemissa igitur peccatorum confessio et absolutio, et oratione subjuncta, reverendum illud sanctuarium, tegmine nudatum, cunctis praesentibus palam inspiciendum ostenditur. Ipsos quoque articulos, qui tetigerant sanctum Dei verticem, episcopus digitis suis tangere, oculisque lambere, nequaquam verebatur. Data etiam ceteris benedictione, qui circumcirca prona adorabant, ipse in sublime illos porrigebat, et nos desuper in crucis modum eisdem consignabat. De quodam quidem panno purpureo atque vetustissimo, qui diutissime huic sanctuario, illud tegendo, inhæserat, non modicam portionem incidit, quam suo monacho summa cum devotione amplectendam dedit.

In hoc autem itinere quatuor sui ordinis domos invisit et adivit, Carthusiam (322) videlicet, Alveriam (323), Jovinium (324) et vallem Sancti Petri (325). Alveria cum esset propter loca montuosa accessu difficilis et ab itinere nostro remotior, hac specialiter de causa expetiit. Belensis quondam episcopus (326), ex priore ejusdem domus assumptus ad cathedram, onere jam curae pastoralis abjecto, ibi denuo simplicem et cellicolam effecerat, ut caelestibus desideris

(319) Consulantur notae ad lib. 1, cap. 4.

(320) Bellicensem, *Bellay*, scilicet urbem, in qua episcopus sub archiepiscopatu Vesontionensi sedi Bellicensi ex Carthusianis praefuerat episcopi septem saeculo XII. Ex quibus Bernardus, omnis virtutis et sanctitatis speculum praerant, anno 1200, et obiit anno 1207, pridie Nonas Maii, aut ut quidam volunt, anno 1208.

(321) De crate hac nihil apud Bollandianos, ubi de S. Joanne Baptista agunt, invenio. Referunt illi quædam de brachio et de manu dextera quasi anno 1263. Cisterciun, quin et Rhodium translatis. Verum utriusque translationi praevallet quo ad temporis antiquitatem Ecclesia Bellicensis, nisi forsitan ex hac reliquiae hæc aut Cistercium aut Rhodium sint translatae.

(322) Carthusiam, scilicet majorem, anno 1084, fundatam, in qua se Hugo noster Deo consecravit per emissa vota.

(323) Quae etiam Alveria nominatur, sita in Braccia, fundari coepit anno 1122, et ordini S. Gngone V, priore Carthusiae unita.

(324) Arbitror legendum fore, Luvinium sive Lu-

vigniacum, ejus Carthuae fundatae chartam exhibet Lucas Acherius tom. III Spicileg., pag. 542.

(325) Carthusia est in diocesi Laudunensi circa annum 1140 fundata, cui deinde praefuit, qua prior, Engelbertus sub Basilio adhuc priore Carthuae, postea factus episcopus Cabilonensis; et resignato episcopatu prior Carthuae Montis Dei. Obiisse dicitur circa annum 1200, die 13 Februarii. De eo agit tom. IV Galliae Christ., pag. 895, sed cum levi errore, nisi his fuerit prior Vallis S. Petri, ante scilicet et post episcopatum.

(326) Iste erat S. Arthaudus sive Arthaudus ex priore Carthuae Alveriae episcopus Bellicensis. De quo Petrus Franciscus Chiffletius in praefatione ad Manuale solitariorum hæc habet: «Vir dei Arthaudus, qui ut beatus apud suos colitur pridie Nonas Octobris, ex Carthusiano grege ad Bellicensem praesulatum aretatus, senio confectus ad claustrum sui quietem rediens, in Alveriae eremo in pace Deo spiritum reddidit.» Obiit autem sicut tradunt Carthusiensium memoriae, et continuis claris miraculis pridie Nonas Octobris, anno 1206.

liberius inserviret. Qui nostri pontificis longo ex tempore exarsuans desiderio, affatu ipsius et aspectu cupiebat refoveri; quod etiam per internuntios ei sæpe innotuerat. Processerat quidem vir ille beatus in diebus suis, et mediante jam mundanæ lucis occasu ad indeterminabilis diei suspirabat ingressum. Necdissimiles animi, quamvis in ætate dissimili (327), nostro pontifici erant. Jam enim caduca omnia, quæ annis sub teneris semper vilipenderat, in gravi etiam fastidio habebat. Optato igitur uterque potius colloquio, singuli conscientiæ suæ recessus ex alteræ sanctitatis fulgore, dum sua vicissim occulta pandunt, splendidiore reddunt. Qui tandem simul ad commune fratrum omnium venerunt colloquium. Tunc a Lincolnensi dominus quondam Belensis formam pacis inter reges nostros inite sibi petiit coram fratribus retexi. Nam concordia illorum ipsum interfuisse cognoverat. Ad quam viri tanti petitionem ferventissimus ordinis zelator, haud modice contristatus, ita leniter et quasi jocando ait: « O Pater, inquit, rumores audire et referre etsi liceat episcopis, sed monachis non licet; in cellas vel claustrum rumores ingredi non licet; urbes deserere, et in solitudinem rumorea afferre non licet. » Hæc dicens ad spiritualis ædificationis studium, postpositis rumoribus, verba convertit.

Sequitur quam devote Cluniacum adierit (328) et quam reverendissimè a tanta illius sanctæ multitudinis frequentia exceptus sit, et quanta ejusdem congregationis instantia triduo secum morari; atque vires post laborem sit compulsus resumere. Cujus loci disciplinam in choro, in claustrum et in refectorio, inter eos familiariter missas diversas celebrans, et cum eis pariter convescens, cum plenius attendisset ac plurimum commendasset, sic demum ait: « Vere, si locum hunc, ut modo, pervidissen, et necdum Carthusiam admassem, suum me Cluniacus monachum fecisset. Quoddam inter cætera speciale ibidem vidit et laudavit, quod idcirco breviter paginae inserimus quia a beato Benedicto institutum ab omnibus ubique locorum monachis, nec lectum miramur et quasi oblivioni traditum. Agens namque de suscipiendis hospitibus in Regula sua beatissimus Benedictus inter cætera dicit: *Legatur coram hospite lex divina, ut ædificetur; deinde omnis ei exhibeatur hu-*

manitus. Quo l erga nos Cluniacenses hoc ordine compleverunt. Post susceptionem episcopi, processione festiva perceptaque illius benedictione, ipsum dominus prior in locutorium deduxit; ubi cum eo sedit, assumptis pariter et senioribus de conventu circiter duodecim. Unus assistentium vero fratrum codicem regulæ pastoralis B. Gregorii papæ, quem ad hoc ipsum manibus allatum tenebat, aperuit; procedensque in medium, capitulum unum aperte et distincte ad intelligendum percurrere legit. Quo completo, ineunte priore, finem lectioni fecit, et episcopus similiter ad nutum prioris dicto *Benedicite* loquendi licentiam presentibus dedit.

Sed et Cistercium (329) cursim pertransivimus. Quo divertit, ut missarum solemniam in præclara festivitate Assumptionis Dei Genitricis celebrare potuisset. Gallia namque universa præter quædam privilegiata monasteria ea tempestate sub interdicia fuit (330). Deinde compars effectus, et fratrum illius loci orationibus commendatus, Claramvallem (331) quoque visitavit. Miserat siquidem sanctæ recordationis Joannes (332) quondam Lugdunensium archiepiscopus in occursum ejus quosdam verecundos viros, obnixè supplicans, quatenus sibi in loco prænotato commoranti olim desideratam præsentia suæ copiam exhiberet. Quia jam ævo gravis officio curæ pastoralis renuntiaverat, retentisque duntaxat jussu summi pontificis insignibus pristinis in illo sancto cœnobio sacrae contemplationi sedulus vacabat. Sciscitanti autem episcopo, quibus jam Scripturarum meditationis suæ negotia potissimum devovisset, ita respondit: « Psalmorum, inquit, meditatio sola jam penitus totum me sibi vendicavit. » Ex his quotidie recens et continue demulcens interioris hominis palatum mihi refectio indeficiens jugiter innovatur.

Post hoc, monasterium Sancti Remigii (333) sacris Remensium civitatem situm sanctitatis magnificæ lætificavit accessu. Ubi moratus per triduum librorum antiquorum copiam ibi repositam miratur, modernorum desidiosam exprobrans incuriam, qui non solum Patrum studia in condendis libris atque scribendis æmulari detrectant, sed neque legere, seu reverenter saltem tractare a Patribus elaboratos codices sacros student. Hic vasculum quoque per columbam cœlitus delatam beato Remigio miratus et veneratus est, in quo jugiter ad unctionem regum

(327) Sexagenarius nimirum tum erat, ait Chiffletius ex Surio, S. Hugo, cum erat affectu jam ætatis B. Arthaudus, ac fortasse nonagenario major. Senem capularem eum vocat abbas Morotius. Centenariam crederem, si, ut dicitur, primus fuit Carthusie Alverniæ prior.

(328) *Cluniacum adierit*, sub Hugone V ex Radingensi abbate Cluniacensi. De Cluniaco ejusque abbatibus agit in bibliotheca Cluniac. Andreae Quercetani seu Du Chesne, et in Gallia Christ. tomo IV, col. 1117 et seq. Hic refertur insignis Cluniacensium ejus temporis laus a S. Hugone Lincolnensi.

(329) *Sed et Cistercium*, de quo etiam in Gallia Christiana tom. IV. col. 980 Benedictinæ edi-

tionis. Celeberrimo loco tunc præerat abbas Guido II, postea cardinalis episcopus prænestinus.

(330) Anno 1199, illud propter divortium inter regem et reginam promulgatum, et anno 1201 sublatum fuit. Ita de Nangis et Trivettus in Chron.

(331) *Claram Vallem*, sub Guidone abbate, ut colligo ex tom. IV Gallia Christ. col. 796.

(332) *A bellis manibus* cognominatus, ex Pictaviensi designatus Narbonensis primum, mox factus anno 1181, archiepiscopus Lugdunensis, de quo plura tomo IV Gallia Christ. col. 130.

(333) *Monasterium S. Remigii*. De hoc, et de sacra ampulla vide tom. I Annalium Benedictin. pag. 61, Joannis Mabillonii, qui in hoc monasterio vota monast'ca Deo nuncupavit.

Franciæ sacri balsami copia rediviva exuberat.

Cum autem pervenisset ad castrum Sancti Audomari (334), quod a portu Wistandiæ (335) millibus decem abjungitur. Ibi parumper a fatigatione diutina ante maris ingressum duxit respirandum. Erat inde haud procul situm monasterium ordinis Cisterciensis, Clara Marciis (336) ab incolis nuncupatum. Instabat etiam post triduum gloriosa solemnitas Nativitatis perpetuæ Virginis et miser cordiæ matris. Nolebat autem episcopus elongari a vicinia loci, quo divina celebrari licebat ante festum adeo præclarum, ne forte aura dissentiente in Angliam ad hoc celebrandum minus tempestive occurreret. Ipsa igitur die, qua ad Sanctum Audomarum venit, sibi venam incidi fecit, quo liberius et alacrius post expletæ observantiæ tempus (quod in flebotomia quis vindicare sibi solet) desideratam percoleret celebritatem. Jam enim diebus aliquot in singulis membris, et in corpore suo toto, gravedinem cum lento quodam dolore senserat accrevisse. Post minutionem vero adeo in continenti hæc ipsa molestia augmentata est ut de mensa, qua discubuerat, cum vix modicum quid gustasset, cæteris adhuc edentibus abscedere et lectuli quietem adire sit compulsus. Quem mox, ut cervicem reclinaverat, sudor affudit affluentissimus, qui die ipsa tota cum maxima parte noctis insecutæ fluere non cessavit. Tantum quoque cibi fastidium mox incurrit, ut per illud triduum quidpiam gustaverit.

Circa vespertinas autem horas in vigilia festivitatis memoratæ profectus est ad cœnobium prænominatum, ibique uno tantum monacho, conversoque uno ex suis secum retentis pernoctavit. Reliquos vero cum equis ad hospitium, unde venerant, redire jussit, satis, quoad licuit, resistentibus abbate (337) et fratribus loci, universum illius comitatum secum summopere detinere certantibus. Episcopus autem in infirmaria quiescere prælegit, cujus in obsequium deputati sunt duo fratres, qui nimia devotione ejus famulatum insistebant. A quibus, cum nihil esere sumero cogi potuisset, pedes sibi abluendos, et officiosissime fovendos, et extergendos compulsus est exhibere. Quorum ille benignitate satis delectatus, eis devotionis suæ vice Dei et suam benedictionem rependebat. Nec multum post, alter eorum in abbatem (338), et alter in ejusdem loci priorem favore divino promotus, nos in exsiliî nostri præsentis excursu ad eos parumper digressos humane satis recognoverat. In crastino autem penultimam ibidem Christi pontifex celebravit missam: qua devotissime expleta jejunus a cibo corporali hospitium repetiit suam in

A villa sæpe dicta, ubi rem prodigiosam, quæ tunc innotuit, paucis explicamus.

Pistor quidam farinam die Dominica consperserat, unde sequenti nocte panes quoque venales coxerat. Quos dum mane sequentis feriæ protraheret ex clibano, panis quidam in pavimento fortiter allisus fracturam fecit, unde mox sanguinis rivus, qui panem circumquaque inficeret, effluxit. Quo pistor viso tale portentum vehementer expavit. Panem denique cruentum frustatim comminuit, et per singulas fracturas cruorem liquidum stillare vidit. Fregit et panes alios atque alios, et in omnibus fracturosos cruorem implentem illos aspexit. Conterritus itaque tam monstruoso eventu panes per unam fere hebdomadam, ne ab aliis viderentur, occultavit. Sed interim mercenarii seu vicini ejus id quod acciderat ad auras publicas detulerunt. Quid plura? Res demum oppidanis cunctis innotuit: unus etiam ex his panibus episcopo a convicaneis exhibetur, frangebatur a nobis, et mox sequebatur cruor fracturam, ac si hominis sive vivi cujuscunque animalis caro incideretur. Hujus quoque panis frustum non modicum nobiscum inde in sinu detulimus. Erat autem panis fermentatus. Cocti pariter fuerant in clibano præfato panes azymi et fermentati, sed azymi in sua qualitate prius ostendebantur, nil prodigiosum habentes; fermentati vero omnes fundebant sanguinem, si fractionem acciperent vel sectionem. Hinc sentiebant nonnulli, punitam fuisse tali casu hominis cupidi temeritatem, qua die Dominica præparasset, quod sequenti feria maturius distraheret, dum panis azymus post sacre lucis crepusculum conspersus et coctus nil admisit horrendum, et ante vesperam contra institutum in massam subactus et fermentatus, non questui profuit, sed auctorem suum fecit ostentui. Plures siquidem ex his panibus per monasteria et Ecclesias circumquaque missi sunt ad monumentum posteris, et præsumptuosos solemnitatum sacrarum violatoribus, et ad correctionis documentum diligenter conservandi.

At vero Matris misericordiæ ope post celebratam, ut præfati sumus, in honore ipsius missam famulus ejusdem et vicarius devotissimus Hugo ægritudinis suæ levamen non modicum percepit. Exacta igitur die solemnitatis cum lætitia et exultatione, in crastino Widsandensem portum cum suis adivit. Sequenti vero diei aurora ipsum navim conscendere vidit genitricis Mariæ mater, beatissima videlicet Anna. Quæ primo remissius spiraverat, carbasa repente implevit. Solent quidem universi transvectores Mariam, sicut maris stellam attendere, ut cursum

(334) Audomarum alias et Audomaropolis, vulgo *Saint-Omer*, urbs Artesiæ est, cujus episcopus archiepiscopi Cameracensis est suffraganeus.

(335) In Chronico S. Bertini a Martene edito col. 688, ita legitur: « Statim autem, ut hos sanctos exsules, » Cantuariæ monachos, « dom. Joannes abbas apud Wisantum applicuisse cognovit, » etc.

(336) *Claramariacus*, Latine, ordinis Cister-

ciensis egregium cœnobium circa annum 1140 fundatum.

(337) Qui tunc erat Gerardus de Campania, in abbatem electus anno 1198.

(338) Nicolaus videlicet aut Lambertus, ex quibus primus præerat anno, quo in exsiliû missi sunt Cantuarienses, alter vero durante exsilio.

dirigant, ita Mariæ matrem precibus advocare et A muneribus corrogatis ambire, ut currere queant, cum subsistentibus ventorum, spiramina itineris commestum negant. Huic vero semper (339) post ipsius notam familiaris Hugo et devotius dependebat venerationis obsequiam. Quæ sibi vicissim in cunctis necessitatibus et periculis celerem rependebat opitulationem. Tunc quoque eam invocanti festina adfuit, atque cursu placidissimo littori optato celeriter appulsum adeo exhilaravit ut confestim post pressas vestigiis arenas ecclesiam peteret, missarum solemnias de sacro ipsius puerperio celebraturus. Quo certe ex facto satis patuit quanta fuerit in eo erga Dominica sacramenta devotio, quem neque marina jactatio, nec cum morbida valetudine inediae per multos jam dies protracta maceratio, a divinorum B celebratione potuit cohibere, quia, sicut pridem monachus, quoties de permissu ordinis licuit (340), ita jam episcopus, quoties ratio possibilitati concurrat, missas celebrare nullo tempore prætermisit. Ex qua præcipue muneris sacri devotissima frequentissima perceptione et singularem cordis munditiam et insuperabilem constantiæ cæterarumque virtutum firmitatem obtinere promeruit; sed et invisibilium rerum et spiritualium secretorum mysteria ei divinitus patuisse inter ipsa reverenda canonis secreta familiares ipsius non latuit. Aliquando tamen capellanum suum, quem pridie sanguinem minuisse sciebat, missam celebrasse cognovit; quem tunc quidem blande corripuit, sed hoc iterum attentantem durius increpavit, districte prohibens ne ulterius id facere C præsumeret, et pericula ex tali præsumptione non semel accidisse, et sibi innotuisse memorabat.

Verum, ut cœpta procedat oratio, diem adventus sui in Angliam apud Douram (341) ubi applicuit una cum clericis aliisque domesticis et amicis suis (quorum ibidem turba non modica speratam et præcongnitam ipsius præsentiam expectaverat) lætam lætus ipse cum lætis exegit. In crastino Doberniam venit. Ibi Christi basilicam mox, ubi urbem ingressus, adivit in qua primo ad Salvatoris aram, deinde ad singulas sanctorum in ea quiescentium memorias, maximeque ad gloriosi martyris Thomæ mausolæum diutissime, sed et devotissime orans, seipsum et suos divino præsidio et patrocinio Dei sanctorum attentius commendavit. Hinc, priore multisque fratribus usque ad atrium exterius ipsum cum veneratione deducentibus, ad hospitium suum divertit. Illic regis justitiarum, nec non et plerique optimates regni (quos ad locum illum, nescio quis casus, tunc

(339) Igitur jam S. Hugonis tempore sancta Anna, ut navigantium patrona, venerabatur in Anglia, cujus veneratio plurimum crevit ad finem sæculi XIV.

(340) Vide notam lib. IV, cap. 12, appositam, cui addo, tempore etiam Guigonis V, Carthusiæ prioris, in usu fuisse tricenaria recenter defunctis concessa, quorum quodlibet requirebat, ut per triginta dies sibi invicem succedentes missa pro defuncto redderetur in publico vel in privato.

(341) Doura hodie Douvres, urbs et portus

asciverat) episcopum certatim invisere gaudebant, adventui ejus congratulando applaudentes, sed molestiæ corporali, qua illum affectum didicerant, nimio moerore compatientes. Quos ille magnanima cordis orisque constantia magnopere consolari studuit; vultuque sereno flagella Dominica servis Domini dulcia esse debere, et verbis docuit, et suppius exemplo declaravit.

Et sane oculorum hebetudo sensim irrepserat ei quæ pulveris et caumatis continuato ingestu, memoratæ protectionis tempore, oculorum aciem plurimum reverberaverat. Qui crebro suggerentibus nobis, quatenus alicujus operæ medelæ sineret adhiberi, una semper et eadem voce respondebat: « Satis, inquit, oculi nobis isti sufficient, quando fuerit ipsorum usus nobis necessarius. Illis igitur exterioribus parumper obtusis, nec tamen pristino decore exterius privatis, luminum interiorum limpidior de die in diem claritas reddebatur. Apud Cantuariam vero, ubi solent quorundam sæpius levari ægritudines, ipsius adeo ingravata est ægritudo, ut inde Londonias, non præter molestiam, partim equitando, partim navali vehiculo deportaretur. Nihil tamen hæc suis votis adversabatur, nec precibus, quas in templo devote libaverat, quidquid ei accidit, in aliquo obviabat.

CAPUT XXIII.

Qualiter Londoniis in sua ægrotatione mala Angliæ ventura prædixit, sacrum unctionem suscepit, suadentibus ei testamentum esse faciendum respondit, et zelum, quem semper ad divinum officium habuerat, non dimisit et qualiter ad regem Joannem et archiepiscopum se habuit causa visitandi accedentibus ad eundem.

Postquam vero proprium diversorium, quod secus Londonias apud vetus templum possidebat (342) ingressus est, anhelantia febrilibus membra quies lectuli protinus excepit. Quod amicorum ipsius plurimum intuentes, mœstitia conficiebantur, et ipso quoque audiente divinam exorabant clementiam, quatenus ipsum incolumem Ecclesiæ suæ filiis, ad ipsius jam diu reditum valde suspensis restitui juberet. Hoc ille paucis blande consolatus ait: « Filiis nostris in Christo charissimis, sive præsens corpore, sive absens, spiritali nunquam præsentia deesse valebo. » Verum de valetudine sive præsentia mea corporali, D imo et de meipso toto, Patris solius, qui in caelis est, voluntas semper fiat.

Transacta vero in eodem loco nocte una, postera die, ipsi qui hæc scripsit (343) ista locutus est: « Hi, qui nos, inquit, temporaliter diligunt, imo et spiri- Angliæ meridionalis, e regione Caleti, celebris Galliarum portus.

(342) In hoc extera S. Hugonis, ut infra, c. 27, dicitur, a corpore oblata, in vase plumbeo recondita sunt. Vetus illud vocatur respectu novi templi; unde apud Trivetum in Chron. ad ann. 1219, quidam Londoniæ apud novum templum sepelitur.

(343) Auctori scilicet Vita, qui post pauca se monachum et presbyterum Hugonis fuisse profite- tur.

tualiter nos amplectuntur, vitam meam temporalem (quæ mihi revera fastidio jam pridem cœpit esse) satis cuperent prolongari. Sed nobis sententia longe distans est, qui cernimus manifeste, quam in brevi flebilis sit futurus status Ecclesiæ Anglicanæ. Melius itaque nobis mori est quam vivere et videre imminuentia gentis hujus mala et sanctorum (344). Nam procul dubio in posteris Henrici regis impleri necesse est, quod Scriptura prælocuta est : « Spuria vitulamina non dabunt radices altas (Sap. iv, 3), et ab iniquo thoro semen exterminabitur (Sap. iii, 16). » Sed et rex modernus Francorum (345) genitorem suum Ludovicum ulciscetur in sobole prævaricatricis (346) quæ thorum cum eo immaculatum repudiavit, ejusque æmulo regi Anglorum impudica adhæsit. Quamobrem Gallicus iste Philippus regiam Anglorum ita delebit stirpem, quemadmodum bos herbam solet usque ad radices carpere. Nam a Gallis tres ipsius nati jam abraşi sunt, reges videlicet duo (347), et unus consul; quartus, qui superest, curtam habebit pacem ab eis (348). Scis vero, quia post biduum Natale Domini mei evangelistæ et apostoli Matthæi fiet. Dies illa mei quoque episcopatus natalitius erat; in ea enim, ut scis, unctionem suscepisti præsularem. Sæpius autem ab ineunte ætate ægrotavi, nec ullam tamen unctionem quæ proprie infirmorum dicitur, hactenus percepi. Sola ex unctionibus quæ meæ possent congruere personæ, hæc mihi necdum est collata. Hanc igitur cras in vigilia beati Evangelistæ promereri exopto. Jam igitur modo faciem Domini prævenire debemus in pura et vera confessione, ut ipso Domino annuente tam venerabile sacramentum digne pro modulo nostro et salubriter pro domo sua nobis contingat suscipere. »

His itaque memoratis, quidquid in se noverat accusabile, vel quidquid in quolibet gradu ætatis, ordinis, aut professionis sibi deesse displicere potuerat, cœpit in conspectu Domini sub testimonio prius ejusdem, cum quo loquebatur, monachi et presbyteri sui, deinde ei adjunctis tribus reverendæ honestatis sacerdotibus sollicite confiteri. Quorum primus Lincolnienſis decanus, secundus præceptor [*al.*, præcentor] qui cathedram ipsius post eum ascendit (349), tertius vero archidiaconus Northamptonæ erat, vir vita utique et doctrina clarissimus. In hac confessione nec illa omisit, quæ innumeris pridem vicibus fuerat viris devotis quam pluribus confessus. Illorum quilibet fateri solebat quod neminem ququam eorum eatenus vidisset, qui, sicut vir iste, seipsum nosset accusare, et sic a se omissa, sicut

A indigne commissa, cum circumstantiis reatum suorum prompte, acute et plene enumerare. In confitendo istud semper replicabat : « Mala, inquit mea vera, pura, et sola mala sunt; bona, si quæ sunt non ita sunt, sed malorum admistione impura, malis undique concerta, et idcirco nec vera simpliciter sunt bona. »

Celebrata igitur per triduum hujusmodi confessione, circa horam tertiam in vigilia memorata, eucharistiæ ad se delatæ obviam plantis nudis, ciliis, tunica et cuculla vestitus, processit a lectulo. Ante ipsum quoque tremendum divinumque sacramentum genua flectens, et suppliciter adorans, diutius oravit, commemorans infinita beneficia Salvatoris humano generi impensa, illique gratias inde referens, ac se nimis culpabilem, ut dicebat, ejus misericordissimæ pietati commendans, ipsius denique patrocinium et auxilium usque in finem sibi affore, nec se unquam deserere sibi implorevit. Refectus denique vitæ æternæ dapibus, et extrema unctione in peccatorum remissionem delibutus, gratias egit Domino, dixitque nobis : « Jam medicis et morbis nostris, ut poterit, conveniat, de utrisque amodo erit in pectore nostro cura minor. Ei me commisi, illum suscepisti, ipsum tenebo, et ipsi adhærebo, cui adhærere bonum est, et quem tenere beatum est. Quem qui suscipit, et cui se qui committit, validus et tutus est. »

Admonitus autem postea, dum languor ingravesceret, ut etiam testamentum de more conficeret, ait : « Tædet me sane hujus consuetudinibus jam passum in Ecclesiam traductæ. Nam quoad animam meam, nihil omnimode aut possedi unquam, aut possideo nunc quod teneam meum, et non potius esse Ecclesiæ quam regebam, proprium. Attamen, ne fisco solito rapiat, si quid bonorum temporalium, post meum obitum in episcopatu fuerit derelictum, jam nunc universa quæ videtur possidere, indigentibus eroganda delego Domino nostro Jesu Christo. » Accitisque decano et duobus Ecclesiæ suæ archidiaconis, quæcumque in possessionum suarum facultatibus reperiri poterant, eorum provisione disperienda ipsis contradidit. Post hæc orarium suum (*i. e.* stolam sacerdotalem) jussit afferri, quod cervici appendens anathematizavit illos omnes, qui de rebus suis aliquid fraudulenter suppresserent, vel auferre violenter, liberamque facultatem exsequendi, quod jussisset, predictis executoribus denegare tentassent.

Post susceptum vero munus extremæ unctionis, crescente in dies æstu febrim, duobus continuè mensibus lectulo decubuit, quotidiana prout, et quæ-

(344) Quæ post S. Hugonis obitum evenerunt, et diu duraverunt, clero cum monachis in exilium misso, et tota fere Anglia bello vastata.

(345) Philippus II, dictus Augustus, anno 1179, in regem Galliarum coronatus, obiit anno 1223 mense Julio.

(346) Fuit illa *Alienordis*, *Alienora*, nunc *Eleonora*, quæ facta divortio cum Ludovico rege Philippi predicti patre, anno 1152, in Angliam in maritum duxit Henricum tunc Northmanniarum ducem, deinde

regem electum Angliæ.

(347) Henricus Junior et Richardus, uterque rex Angliæ, ille vivo adhuc, hic mortuo Henrico patre. Gaudredus ex comite Aux Britanniarum, etiam Henrici II, regis Angliæ filius.

(348) Joannes rex, qui obiit post multas clades, a Gallis Angliæ illatus anno 1216 mense Octobri.

(349) Willelmus videlicet Blesensis, anno 1205, consecratus in episcopum Lincolnienſem qui obiit anno 1206.

doque sæpius in die confessione repetita, levissimos cogitationum motus ac verborum excessus, si quando anxianti eveniret ministrantibus indignari, purgare festinans. Orationi mens ejus semper intendebat. Divinum officium utroque tempore, noctis videlicet et diei, studiose curabat horis statutis exsolvere, nec horas propter accessionem æstus febrilis aut præterire patiebatur, aut prævenire. Psallebat et ipse, cum vires suppetebant, cum psallentibus. Neglectum seu propeperanter legentes aut psallentes terribili mox voce aut sonitu castigabat. Utriusque rei summa ei cura tota semper ævo præcedenti fuit, ut distincte et debito tempore Creatori persolveret laudes constitutas. Vicissitudinem etiam standi et sedendi (350) inter psallendum, quandiu valuit, et ipsemet observabat, et clericos suos observare compellebat, ut, dum unus sedendo fatigata membra reficeret, alius stando divinæ et angelicæ præsentie reverentiam exhiberet. Cum magnis interesset nobilium conventibus aut decidendis causarum litibus, sicut aliis moris est ad formandas interlocutorias interdum secedere, ita, cum exigerent momenta lucis, ipse divertebatur ad canendas horas consuetas. In dedicationibus ecclesiarum, et in celebrationibus ordinum mos ei non dissimilis fuerat.

Venit autem rex (351) invisere ægrotantem, cui ille nec modicos visus est quidem assurgere vel assidere, cum necdum vires ei decissent adhuc ad sedendum in strato suo, dum alimenta percipiebat. Rex ei compatientissime loquebatur, exponens ei se ipsum et sua ad beneplacitum ipsius exsequendum. Illo autem, exclusis omnibus suis, ante jacentem diutius sedente, et blandis sermonibus multa prosequente, episcopus fere nihil referebat auditis. Res tandem suas et testamenti sui executores cum tota pariter Lincolnensi Ecclesia protectioni regis commendans, ipse valefecit. Desperaverat jam profecto de maneria ipsius, quamobrem pauca ei loquebatur, ne perderet pulchros sermones suos.

Metropolitanus quoque ipsius, (352) jacentem aliquoties visitans, quidquid humanitatis et benignitatis esset, ei pro viribus se exhibiturum pollicetur. Cui ad postremum suggerenti, ut, si quem forte verbo aut facto minus justo irritasset vel læsisset, veniam ab offenso petere meminisset, ac demum profitente quia suæ sæpius et frequenter animos acerbissime provocasset (qui tamen pater spiritualis et primas ejus haberetur), unde cordis poenitudo, veniæque necessaria videretur postulatio, ita respondit: « Sane,

(350) Secundum antiquum ordinis Carthusiensis consuetudinem, quæ etiam nunc observatur in ordine.

(351) Joannes, de cujus *Maneria*, id est, ni fallor, moribus et ingenio, S. Hugo dubitare, imo desperare cepit. Joannem tamen regem finaliter salvatum colligitur ex visione, quam recitat Raynaldus in *Annal.* ad annum 1226, fol. 335.

(352) Hubertus nempe archiepiscopus Cantuariensis, quem sæpius, et hic, et alibi, Hugo corripuit, nec corripuisse deluit.

(353) Circa festum igitur Omnium Sanctorum

PATROL. CLIII.

dum conscientie nostræ abdita revolvq̄ quoque, quia vos sæpe ad iras provocaverim, evidenter invenio, quid tamen inde poenitendum sit mihi, non perpendo. Sed, quia sæpius et instantius hoc ipsum non egerim, mihi dolendum scio. Sed ore brius solito, si diutius vobiscum vita ducenda restaret, id ipsum me facturum sub oculis cuncta inspicientis Dei firmissime propono. Memini namque quia, ut vobis morigerarer, ea quæ vobis tacere non debuissim, quæque a nobis, si dicerentur, æquanimiter non audirentur, me sæpenumero ignaviter suppressisse, sicque mea culpa vestram potius quam Patris, qui in cœlis est, offensam declinavi. Ex qua accidit quod non solum in Deum (unde indulgentiam supplex inquirō), sed in vestram quoque pateritatem et in primatum vestrum, nec leviter, nec episcopaliter deliqui.

CAPUT XXIV.

Qualiter magistro fabricæ Lincolnensis Ecclesiæ de facienda præparatione contra generale colloquium ibidem in brevi futurum injunxit, et qualiter ea descripsit quæ circa ejusdem exsequias et sepulturam voluit observari, et qualiter se habuit ad suasionem de esu carniū sibi factam.

Postmodum imminente sibi jam post dies quindecim (353) lucis hujus die suprema, Gaufrido de Voires, nobilis fabricæ constructori (quam cœpit a fundamentis in renovanda Lincolnensi ecclesia erigere Hugonis magnifica erga decorem domus Dei dilectio) talia eidem est locutus: « Quia dominum regem cum episcopis, totiusque regni hujus primoribus, Lincolniam in proximo ad generale colloquium (354) conventuros accessuram, accelera, et cura singula, quæcunque necessaria sunt ad decorem et ornatum circa altare domini ac patroni mei S. Joannis Baptistæ, perficere, quod etiam per fratrem nostrum Rossensem episcopum (355), cum eo uno cum cæteris advenerit episcopis, volumus dedicari. Nam et nos ipsi denunciati tempore colloquii illic præsertes erimus (356). Optabamus sane nocte illud ministerio consecrare, sed, quia Dominus aliter disposuit, volumus, ut priusquam illuc perveniamus, occasione omni remota, consecretur. » Hæc ipsa verba et aliis quibusdam repetiit, dans in mandatis servientibus suis cunctisque majoribus Ecclesiæ suæ personis, ut vel in extremis obsequiis, quantum possent, deferrent honorificentiam, non solum regi, sed et episcopis, aliisque amicis suis Lincolniam adventuris.

Urgere interea eum languor vehementissimus cœpit, et geminatis quotidie paroxysmis in solida ejus

mandavit, quæ sequuntur architecto. *Item ecclesiæ suæ capitulum*, ait Giraldus Cambrensis, pag. 419, apud Whartonum, *pariis lapidibus marmoreisque columnis miro artificio renovavit*, etc. quæ ibi sequuntur.

(354) Qui ad generale hoc Lincolniam venerint colloquium, indicatur infra c. 27.

(355) Erat is Gilbertus de Glanvilla, de quo dictum in nota (277) ad c. 17 hujus libri.

(356) Præsens adfuit, non corpore, sed spiritu, imo et corpore, summo cum honore sepulturæ traditus.

1100

membra debile sæviebat incendium, vitalia et inter-
norum medullas dysenteria exhauriebat. Unde
diebus aliquot ante obitum suum, quæcunque ante
exsequias et sepulturam suam voluit expleri, nobis
iterato insinavit documento. « Cineres (357), inquit,
solemni ritu benedicendo præparate, quos in crucis
modum spargetis super locum terræ nudæ, in quo
ponetis me, cum instare videritis horam supremæ
expirationis meæ. Cilicium enim, more quorundam,
in ordine nostro migrantibus, nequaquam substernitur.
Eo quippe quilibet moriens apud nos contentus
est quo pridem vivens usus et indutus fuit. » Hoc
quidem loquebatur cilicio et tunica indutus cuculla
quoque supervestitus. His involutis potius quam
indumentis nullo ægritudinis suæ momento caruit.
Non ardor febris, non corporis tantus sudor aliquid
horum ei detraxit. Cilicium bis aut semel mutari sibi
vix permisit, quod sudore quasi luto concretum et
resistis more contortum, inter corpus et tunicam ejus,
ex laterum frequenti conversione reperimus, et quod
etiam cutem ei enormiter abrasisse, nescio quot in
locis, deprehendimus. Et, quia novimus apud Car-
thusienses plurimum infirmis cilicia (358) ex consue-
tudine tolli, dicebamus ei : « Domine, lædit vos nimium
et exulcerat in continuis jacentem sudoribus hispida
vestis hæc. Oportet ergo vos illam exuere, et ea
juxta morem ordinis, dum ægritudo infestat, penitus
carere. » Ad hæc vero ille dicebat : « Nolit Deus,
et absit istud ne fiat ! non enim lædit, sed lenit nos
vestis hæc ; nec tam ulcerat quam juvat. »

Præcepit quoque scriptori præsentium, di-
cens : « Scio quidam nec episcopum quem-
quam nec abbatem in his locis reperiendum, qui
debitum commendans officium educendæ de isto car-
cere animæ meæ valeat impendere. Universos nam-
que hujus terræ prælatos edictum generale protraxit
Lincolniam. Mittes igitur pueros cum equis ad West-
monasterium (359) qui deducant inde septem vel
octo monachos, ut celebrent vobiscum exsequias no-
stras. Ad decanum nihilominus Sancti Pauli (360)
verbis meis mittes, et mandabis illi quatenus ex
clericis chorum frequentantibus copiosam huc diri-
gat multitudinem. Ita mihi siquidem speciosas per-
solvatis exsequias.

« Cum vero tempus fuerit ut corpus exanime
pontificalibus induatur ex more vestibus, sociabis
tibi (361) unum ex sacerdotibus regularis habitus,
qui tecum totum funus diligentius abluat et abster-
gat. In ecclesia namque matris sanctæ Dei Genitricis
(362) non procul ab altari S. Joannis Baptistæ

(357) Etiam nunc, dum ægroto datur extrema
unctio, apud Carthusianos benedicuntur cineres
et hinc inde super lectum et corpus infirmi spar-
guntur.

(358) De consuetudine hæc nihil constat, posse
tamen tolli cilicia prævia dispensatione permittunt
statuta.

(359) Monasterium est constructum in occidentali
Londoniæ urbis parte sub titulo S. Petri, de quo
Mabilionius tom. I, Annal. p. 285.

(360) Ecclesia cathedralis ad orientalem dietæ

A habeo sepeliri. Quamobrem exuvias corporis hujus
mundissimas oportet exhiberi, quas sudor tantus
multo jam squalore infecit. Cave ne hæc in parte
quævis obrepit negligentia, qua loci reverendi de-
honestetur dignitas sacrosancta. Frater Petrus,
conversus noster, lympham subministret abluenti-
bus, et præter vos trino in numero loci mihi munus
exhibentes, nullus omnino alius, ubi hæc fient
intersit.

« Cum autem ad ecclesiam Lincolniensem perla-
tum fuerit corpus meum, proferetis e scriniis nostris,
quæ ibi sunt, omnia vestimenta, in quibus pontifi-
calem suscepi consecrationem, a sandaliis usque
ad mitram, funusque sepeliendum eisdem omnibus
inductis. Sunt namque plana, nec ambitiosa, quæ
in usus istos hactenus conservavi. » Annulis quoque
suis ei præsentatis, unum modici ponderis, aureum
tamen, habentemque saphyri aqualici gemmam vili-
orem, contrahidit nobis, « istum, inquit, dum
episcoparer, digitus noster excepit, et istum, dum
sepeliar, dextera hæc retinebit. Prospeximus no-
bis in hoc tunc, cum ad gradum istum accessimus,
ut ordinatio et humatio nostra eisdem insignibus
donarentur, quæ videlicet viventem, eisque utentem,
humilitatis admonerent, et circa tandem extinctum
et tumultum, hæc fortuito quempiam reperientem,
ad rapiendum ea sui pretio vel specie iniuste pro-
vocarent. « Eo igitur hæc prosequente, audientibus
significatum est quod post sepulturam primam ipse
corpus suum transferendum (363) quanloque, ac
proinde inspiciendum esse prævidcrit, quandoquæ-
dem primitus in sepulcro duplici, plumbeo scilicet
ac lapideo, utroque solidissime obserato reconden-
dum, nec videre illud quispiam, nec sua sibi orna-
menta præripere valuisset. Ipsum vero sepulturæ
suæ locum ita designabat : « ante aram, inquit, sepe-
dicti patris mei præcursoris Domini, tibi congruen-
tius videbitur spatium, secus murum aliquem ponetis
me, ne pavimentum loci tumba, ut plerisque in
ecclesiis cernimus, importune occupet, et inceden-
tibus offendiculum præstet aut ruinam. »

Cum vero durius vexaretur doloribus immensis
hujusmodi sæpius verba repetebat : « O pie Deus,
requiem præsta nobis ! Bone Domine, Deusque ve-
rax, dona tandem nobis requiem ! » Cui semel ita
enim consolantes diximus : « Jam, Domine, quiescetis ;
tactus nempe pulsus vestri finiri nunc inani accessio-
nem istam ; » Ad hæc ille : « O vere, inquit,
beatos illos, quos vel extremi dies judicii requie
donabit inconcussa ! » Ad quem vicissim dicentibus

urbis partem, an in ea aliquando fuerint monachi,
dubitat idem Mabilionius tom. proxime citato.

(361) Ex hic colligat lector, quem erga auctorem
vitæ habuerit S. Hugo affectum, dum ei, non solum
arcana conscientie, sed et corporis post mortem
abluendi curam commisit.

(362) In cathedrali videlicet Lincolniensi

(363) Translationem factam anno 1280 refert Sa-
rius in fine Vitæ hujus sancti, corrigendus in eo,
quod hunc annum a beati Hugonis obitu vocet
octuagesimum sextum.

nobis : « Hujus diem iudicii illam, volente Deo, **habebitis**, qua istius carnis sarcinam deponetis, » Ille econtra : « **Non** recte, inquit, sentitis. Non enim iudicii, sed **gratiam** et misericordiae dies erit, qua ego defungar. »

Stupori praesentibus **magis**que fuit admirationi inter multiplices cruciatus **violentissimarum** aegritudinum invicta semper animi ejus fortitudo. Ita enim se in lectulo, cum vellet, in latius aliud se girabat, ita robuste incedens, cum secederet a lectulo, quo erat necesse, ibat et redibat, ut congressum quemdam et conflictum cum infirmitate corporis virtus animi ejus iniisse putaretur. Hinc et dicebant medici, hujus gestus intuentes : « Vere spiritus hominis istius sustentat infirmitatem ejus. Vere cum Apostolo insultare potest iste corpori mortis hujus, et dicere : **Quando** infirmor, tunc fortior sum et potens (*II Cor. XII, 10*), » Vox quoque ita succo plena, virilis, ut, licet **submitior**, subtilior tamen solito non satis audiretur. Lectionem post martyrologium de Joannis Evangelio ipsa quoque die, qua decessit, propriae vocis sonitu ita terminari fecit, ut die crastino ibi coram **funere** ejus ad missam inciperet legi Evangelium, ubi pridie nutu ipsius textus Scripturae ejusdem desiit recitari. Quod, postquam advertimus, utpote eo minime procurante, accidisse, glorificavimus Deum, qui pulchro miroque ordine omnia ejus opera vitamque totam usque in finem semper dirigebat. Locus etiam Scripturae summæ dulcedinis praesagium ipsa rerum serie, quæ gestæ fuerant, manifeste praeferebat. **Erat** namque familiari confabulatione Salvatoris nostri et Marthæ ante suscitationem fratris ejus Lazari, quæ ita contextitur : « Dixit Martha ad Jesum : Domine, si fuisses hic, frater meus non fuisset mortuus (*Joan. XI, 32*), » etc. Cum enim alias canonicas Scripturas temporibus statutis, tum ad matutinas, tum ad missam suam, annuatim relegi instituisset, quatuor evangelistarum totidem libros (*364*) post primam diei horam, praemisso capitulo martyrologii, quatuor anni temporibus perlegi faciebat. Has enim lectiones etiam, cum equitando iter ageret, nullatenus omittebat.

Hortatus vero est eum quidam ex amicis suis, ad explendam peccatorum, quantum sciret, sufficientem confessionem, ita dicens : « Quia, Domine, sicut ipse melius nostis, efficacior Deoque gratior est illa confessio quæ specificat singillatim omnia, quam illa quæ sub quadam generalitate includit singula, et vos multo tempore ordinarius, nec non et delegatus iudex, plurimorum exstitistis (quantum memoria recollit), satagite confiteri, quos, vel quot, ob privatum amorem sive odium promovetis, ut assolet, in negotiis suis, aut depresseritis, minus

(364) Nunc annis singulis leguntur a Carthusiensibus in capitulo post nonam canonicam diebus festivis, inter Pascha et festum Omnium Sanctorum occurrentibus.

(365) Ab exordio sacri Ordinis, non ex præcepto, sed ex consuetudine cui anno 1259, accessit publica

videlicet utendo legitime judiciaria potestate. Ad hæc ille verbum protulit, quod pluribus audientium gaudio pariter et miraculo fuit : « Odio, inquit, aut amore, sed nec quidem spe vel timore, personæ seu rei ejuscunquæ, nunquam a veritate iudicii me scienter exorbitasse memini. Si iudicando deviasi a recto, hoc propriae ignorantiae, aut certe assidentium, crimen fuit. »

Nec prætereundum inconsulte videtur quod vir, totius semper vanitatis et superstitionis adversator, gustum potius carniū in extremis hujus aegritudinis quam esum pro bono obedientiae nequaquam repudiaverit. Suggestentibus nempe amicis, et medicis asserentibus quia hieme transacta facilius curaretur, si eibus esculentioribus affectum jam corpus, et quartanis algoribus post alias febres congelascens, foveri permisisset, jussit archiepiscopus, et in remissionem peccatorum injunxit ei, ut in tali quoque diæta consilio medicorum parere debuisset. Ille vero præscriptum obijciens ordinis Carthusiensis (quo in commune omnibus morbidis, sanis et moribundis, esus carniū (*365*) inhibetur) id sibi illicitum fatebatur. Sed, ne multis immoremur, ad petitionem demum clericorum suorum, de mandato quoque et sedula monitione Cantuariensis archipræsulis, susceptis per dominum Robertum, tunc quidem procuratorem, ac paulo post priorem in Withamia, ac fratrum ejusdem loci hortatoriis epistolis, ut suo incunctanter archiepiscopo in hac ejus jussione pareret, carnes ab adolescentia sua usque tunc nulla occasione a se prælibatas in cibam sumpsit. Dicebat vero nobis : « Sciatis quia nec desiderio nec remedio nobis aliquatenus esse poterit adeo persuasus iste carniū esus. Verumtamen, ne tot venerabiles viros scandalizemus, imo ne ab illius vestigiis vel in morte jam positi recedamus qui factus est obediens usque ad mortem, dentur nobis carnes. His enim nunc demum pro fratrum dilectionis condimento libenter vescemur. » Sciscitantibus autem medicis quibusnam carniū vesci placuisset, ita respondit : « Suillis, si vobis videtur, pedibus, quos infirmantibus a sanctis quondam Patribus legimus fuisse concessos. » Hos igitur appositos, vixque primis dentibus attactos jussit amoveri. Similiter de minutis volatilibus minimum quid gustavit (*366*).

Solebat etiam, dum fuisset incolumis, quosdam viros religiosos, et maxime rectores cœnobiū arguere, qui præter consuetudinem regularem fratribus suis a carniū omnimodis dicerent abstinendum. Meminimus enim eum cuidam abbati abstemio talia quondam dixisse : « Tu, inquit, frater, a quo solatium et exemplum sumere debent subjecti tui, propter abstinentiam istam extraordinariam in

renuntiatio, et tandem, anno 1368, pœna in transgressores decernitur.

(366) Obedientia coactus eo adhuc tempore quo ordo nondum solemniter renuntiaverat esui carniū.

utroque peccabis in eos. Tu ipsa quoque non delicias reserabis tibi, sed mutabis, et in hoc quidem vanitatis crimen et superstitionis non facile evades. Tibi enim ab officialibus tuis, aut legumina peregrina, aut pisces carnibus pretiosiores; et vice sagiminis varia condimenta, pigmentis et caris confecta rebus, parabantur. Hoc discent exemplo subditi vestri apposita sibi fercula rejicere, et commentis coquorum novis semper inhiare. Qui vero nihil horum voluerit, aut valuerit quærere, dum funditus apposita, quæ carnes tetigere, respuit, stomacho male confortato a mensis recedet. Quod dum sæpius egerit, primo insomnietas, deinde mentis torpor, ac postremo totius corporis imbecillitas, jam ad omnia spiritualis vite exercitia invalidum possidebit. Quale vero solatium a te recipere illi sperabant, qui diutino affecti tædio, nunquam mensæ tuæ consortium, quidquam sibi recreationis allaturum certissime sciunt. Nam, quod ego carnibus non utor, non tantum mei arbitrii est, quantum decreti ordinis, cui semel cervicem subjeci. Quamobrem etiam in leges suas ordo noster pauciores colligit, quia id quod ille instituit, varie complexionata multitudo non capit. Vos e diverso, qui multitudinem regere suscepistis, sicut moribus multorum servare juxta legislatoris vestri sententiam debetis, sic et multiplicibus eorum infirmitatibus condescendere, et necessitatibus providere habetis. Et hoc quidem ille dicebat.

CAPUT XXV.

Qualiter ab hac vita discesserit. — Et continetur hoc capitulum in magna Vita sub capit. 16.

Sed jam, quæ restant, de boni doctoris nostri recessu a nobis, ut cœpimus, explicemus. Pridie quam migravit a corpore, ut frequenter singulis prius septimanis consueverat, viaticum percepit corporis et sanguinis Christi. Sexto decimo Kalend. Decembris feria quinta (367), jam die advesperascente, cum sentiret sibi vires magis magisque deficere, misit quosdam ex servientibus ad priorem Westmonasterii, et alios etiam ad decanum Sancti Pauli, pro accersendis, sicut pridem jusserat, clericis et monachis in obsequium funeris sui. Post hæc imposita diutius vertici nostro dextera sua commendavit nos et universos filios suos Deo, voce sua pene suprema. Nos autem percepta benedictione illius, diximus ei tertio, antequam verbum aliquod ex ore eius elicere possemus: « Rogate Dominum,

(367) Illis consonat Hovedenus apud Pagium in criticis ad Baronium, pag. 708, ita scribens: *Mensis Novembris xvi Kal. Decembris feria quinta obiit Hugo Lincolnensis episcopus Landoniis.* Obiit igitur S. Hugo die 16 Novembris, quæ anno 1200, in feriam quintam incidit, non sequenti die, qua illius festum recolitur. Hujus ratio petenda est ex consuetudine ordinis Carthusiensis, qui jubet, ut hodie sub aut post completorium mortuus, non die, qua obiit, sed sequenti, libro anniversariorum inseratur.

(368) Juxta antiquam ordinis consuetudinem, de qua in statutis Guigo quintus Carthusiæ prior hæc

ut pastorem Ecclesiæ vestræ provident ei profutura. » Ad quod tandem ait: « Deus id faciat! »

His ab eo dictis, nudari fecimus pavimentum coram eo, et crucis effigiem sparsis ibidem cineribus benedictis expressimus: Quos ille digitis e contra benedicens, capite demisso adorare cœpit. Tunc licet ab ore ejus satis invite tali hora secederemus, ne tamen minus plene die ultima divinum ipse audiret servitium (cui adeo diligens studium omni vite tempore consueverat exhibere), hymnos, qui ad completorium dici solent, cœpimus decantare. Cumque ad illum psalmi locum veniretur, ubi dicitur: *Clamabit ad me, et ego exaudiam eum. Cum ipse sum in tribulatione, eripiam eum, et glorificabo eum* (Psalm. xc, 15), illo ita fieri momento, expositus est ad cineres (368) in medio cinerum impositus. Psallentibus nobis festinantius, ille vultu placidissimo spiritum sentiam colligebat, quem tunc in manus Conditoris tradidit, cum Simeonis canticum psallentium chorus recitare incepit. Sicque tam prophetico quam evangelico claruit testimonio, quia tam crebro, ut prædiximus, rogantem sibi dari pacem Dominus exaudivit. Probatum quoque, et illud verissime est, quod ipse prædixerat, quia dies defunctionis suæ, non sibi foret dies judicii ipsam qualibet amaritudinæ percellentis, sed dies potius misericordiæ, omne delictum clementer ignoscentis, et dies gratiæ leniter in pace ipsum refoventis, præstante eo qui misericordiam et veritatem eum diligere in omni vita sua dedit, Jesu Christo Domino nostro, qui eum Patre et Spiritu sancto vivit Deus benedictus in sæcula. Amen.

Illic in serie magnæ vite inseritur comparationis similitudo multiplex nostri Hugonis ad beatum Martinum: quæ pro vitanda prolixitate in præsentii abbreviatione est omissa. Et de illa similitudine multiplici sumptus est versus ille:

Martini felix imitator, cultor et hæres.

CAPUT XXVI.

De visione cadentis arboris, ex qua sumpta est illa antiphona: Arbor cadit mystici index sacramenti. etc. Et est hoc capit. in magna Vita, cap. 18.

Anno igitur gratiæ millesimo ducesimo sexto octavarum beati Martini die (369), brevi Intervallo post solis occasum, veri Solis imitator et amator Martini, Lincolnensium lucerna Hugo, luci hujus sæculi valesfaciens, Solem adiit qui nescit occasum. Nocte vero illa quam ipsius transitus proxime sub-

habet: *Ad morientem festinat prior, ubi cum ipse ejunxerit, depositoque eo super benedictum cinerem letaniam, prout res patitur, longam vel brevem factunt, consuetudine hac nunc ob periculum accelerandi mortem sublatâ, adhuc cinerem, et ante præmissi benedicuntur, sparguntur, et Litanis leguntur.*

(369) Festum S. martini anno 1200, incidit in Sabbatum, et sexta octavarum dies in feriam quintam; unde confirmata nota 367, in præcedenti capite posita.

secutes est, certo quodam imminentis casus præ-
sagio, sapientia clementia cuncta pie disponente,
Ani eorum (370), qui secum positi erant, hæc visio
præstensa fuit. Quam ille mane facti sociis mani-
festans, ea quæ in solemnibus exsequiis opus erant
sollicitius studuit præparare, medicis, qui aderant,
cum subsannantibus et obfurgantibus: nam physici
sanitatem ei usque in horam ultimam vitæ, vitamque
spondebant longiorem. Est autem huiusmodi visio.
Videbat et ecce in viridario quodam parieti domus
contigua, in qua jacebat episcopus, patabat se
constituisse. Eratque loci hujus situs a parte boreali,
et ab occidua regione domorum sepius claudabatur,
ab oriente cingebatur, et ab austro, fossato, cui ex
parte altera pomærium, et ex altera cæmeterium
adjacebat. Ipsum quoque fossatum dumis et vopribus
succrescentibus obsitum erat. Ab ipso igitur parietis
loco, ubi caput lectuli episcopi decumbentis erat
innexum, pirus proceritatis et pulchritudinis nimis
et immense, longo ultra illius viridarii spatium porre-
cta videbatur corruisse: cujus vastum decorem
decoramque vastitatem ille vehementer admirans,
talisa intra se cogitando tractabat: « Quis unquam
tam pulchram aspexit pirum? o quanta nobilitas
materiei factura erit, si hoc in loco abdito putrescat
speciosissima arbor ista, ex qua dipticæ (371) tot
possent excidi, quod totius Angliæ sive Galliæ studiis
scholasticis quivissent sufficere. » Dum hæc secum
sopitus corpore, sed corde sollicitus, ille pertractat,
supponisse lacertos stipiti jacenti repente se videbat.
Cujus dum molem leviter agitando pertentat, totum
confestim lignum, summa facilitate ab imo suble-
vatum in brachiis, quasi ponderis nihil pönitus
haberet, huc illucque a se circumferri miratur.
Interea subito ramuscull ejus ab ipso stipite decide-
runt; ipse vero medius vectis, planus atque enodis
in gestantis minis permansit. Cujus rei miraculo ille
stupefactus pariter et jucundatus, et sopore mox
deposito, hujus cordi suo impressam visionis reperit
conjecturam, ut etiam labiis et ore talia secum loque-
retur: « Revera in brevi moriturus est homo iste:
ipsam enim demonstravit arbor hæc fructifera et
pulcherrima. » Et talia quidem iste de sacramento
visionis suæ se ad præsens intellexisse mane retulit
illis, quibus referre dignum duxit, ex sociis.

Quid vero facilis illa arboris sublevatio prætendat,
non prius aliquis agnovit quam ille qui ista de vita
illius atque virtutibus, accurato licet, facili tamen
stylo, digessit? Quæcunque enim libellus præsens
de verbis aut gestis excerpta continet, ita præ
magnitudine virtutum et operum viri sancti æsti-

(370) Ipsi, ut videtur, auctori, dum infra subdit:
*Non prius aliquis agnovit quam ille qui ista de vita
illius digessit.*

(371) Dipticæ, id est *Diptycha*, seu tabellæ in
usum scribarum.

(372) Advenit illa monachorum et clericorum mul-
titudine a Westmonasterio et ab ecclesia S. Pauli, uti
S. Hugo, c. 24, petierat, illa ipsa die qua obiit sub
completorio.

A manda sunt, ut frondes exiguæ facileque deciduæ ad
vastissimæ arboris conferri putentur robor immen-
sum. « Sed neque ad ea, quæ memoria ista scribentis
inseparabiliter de magnalibus tanti viri inserta, ejus
semper pectori cohærentia circumfert, nec hæc ipsa
quæ membranis tradidit aliter valent comparari,
quam si levium sarmentorum fasciculos contiguus
cælo abietibus cedrisque sublimissimis quis duxerit
conferendos. »

*Hic in serie magnæ Vitæ ponuntur duæ aliæ vi-
siones, sive revelationes Hugonis gloriæ astipulantes:
quibus incidenter interseritur visio, quam habuit ipse
met apud Laffordum existens de fratre Morino, elee-
mosynario suo apud Stobe portum decedente.*

CAPUT XXVII.

*De corporis defuncti preparatione, exsequiarum, ut
descriperat, celebratione, ejusdem apud Lincolniam
delatione, miraculorum in itinere contingentium
recitatione, et de occurso regum et aliarum subli-
mum personarum. Et est in serie magnæ Vitæ sub
capit. 19.*

Jam vero ad ipsius funerationem revertendum
est. Igitur, prout docuimus, postquam sub pacis can-
tico, pacis amator Hugo in pace in idipsum obdor-
miens requievit in Domino, paucis suorum astantibus,
commendationis officium ei parvitas nostra, qua
potuit, devotione exsolvit. Hinc ad lavandum,
sicut ipse disposuerat, corpus ejus manus appo-
suimus indignas. Quod, ubi nudatum est, supra
quam credi potest, mundum et multo nitore conspi-
cum apparebat; ablutum vero et diligenter exter-
sum pontificalibus induimus insigniis. Interea re-
versi, quos ipse, ut diximus, ad celebratores exsequia-
rum suarum accersiens, destinaverat, septem vel
eo numero plures monachos, copiosam vero clericor-
um deduxerunt multitudinem (372). Ab his tota
ipsius noctis spatia in hymnis et canticis spirituali-
bus expenduntur. Positio in Ecclesia sacro corpore,
et illis per æyrum votivas excubias celebrantibus et
frequentantibus, celebratis in crastino missarum
solemnis (373), consilio medicorum (cum id penitus
ferri non oportere alii sentirent, et assererent) ex-
tra a corpore ejus, quoniam longius ad sepelien-
ta portari debuit, auferuntur. Quæ in eadem
D ecclesia Beate Mariæ ad vetus templum in vase
plumbeo recondita (374), et secus altaris crepidinem
sub lapide marmoreo honeste reposita, gloriosum
redivivi corporis sui templum expectant, sub ma-
ximæ resurrectionis tempore, feliciter subeun-
dum.

Hæc autem, licet inaniter et superflue, quoad

(372) Die videlicet 17 Novembris, qua elapsa, die
18 ejusdem mensis versus Lincolniam transfertur
ibidem tumulandus, quo die 23 ejusd. jam dicti mensis
pervenit. Unde Hovedenus apud Pagium in Criti-
cis p. 708 ad annum 1194, ita scribit: *Mense No-
vembris xvi Kal. Dec. feria v, obiit Hugo, etc. Et
addit: Corpus ejus ix Kal. Decembr. Lincolnis delat-
um esse, ibidem tumulandum.*

(374) Consulatur nota 342 ad c. 23.

hominum prudentiam, gesta fuisse ipsis visceribus mox patefactis claruit; divinitus tamen, ut ita flet, dispositum exstitisse ad gloriam Dei, qui semper est in sanctis admirabilis, ad honorem quoque ejusdem servi sui, varia post hæc ratione innotuit. Et quidem tunc, ubi manu chirurgica ipsa intraneorum secreta patuerant, inventa sunt illa nihil superfluæ collectionis, nihilque prorsus concreti, ut assolet, humoris intra se retinentia continere, sed tali quodam purissimo nitore perlucebant, ac si plurima hominis diligentia abluta essent, et undique purgata. Erat profecto istud mirabile in oculis intuentium, sed apud quosdam levigabat pondus miraculi, cum abstinentia temporis tanti, vis dysentericæ, qua diebus aliquot ante mortem vexatus, ejus impetu credebatur ita potuisse funditus exhauriri. Quod tamen, qualitercunque factum sit, hoc dicere veraciter licet, quia exterius quidem lacte candidior, intus vero et extra vitro purior corpore quoque monstratus est suo similis Martino, ut et merito ipsi dici debeat in hac etiam parte Gemma sacerdotum. De cujus mirabili decore inferius loco competentem plura dicentur.

Conditum autem multis aromatibus, a dormitionis suæ loco Lincolniam eum ad sepeliendum coepimus transferre (375). Non est autem necesse, quia nec possibile nobis foret, fletus et gemitus occurrentiam undique describere populorum. Civitatis enim Londonicæ clerus et populus procul extra urbis mœnia cum crucibus et cereis feretrum prosecuti sunt. Obitum vero per agros et villas, uterque sexus, omnisque conditio gradus et ordinis cujuscunque, ubi audiret, in fines suos venientibus obviam confluebat sacri funeris portitoribus. Tetigisse feretrum palma suprema fuit. Quibus id negabatur præ conspiciantium turbarum multitudine, vel eminus adrasse, et conspexisse non vilo ducebatur trophæum. In ipso itinere per iuge quatrimum, uno quotidie repetito, vel potius continuato miraculo, sanctum suum mirificavit Dominus. In manibus siquidem puerorum equitantium cerei quatuor jugiter ardebant; quos in morem facularum sub die expositos, nec ventorum spiramina, nec interdum guttis densioribus rostantia nubium stillicidia, extinguere prævalebant. Pueri nunc ab equis descendentes, nunc cum vehementi impetu sellas vacuas reascendentes, cereos tenebant: quos ignis inter hæc non deserebat. Stupebant, et præ admiratione in voces exclamationum prorumpentibus hæc intuentium multitudines, asserentes nec inter manus clausum lumen a se teneri posse inextinctum, ubi hi nullo tecti velamine, sed Dei solius freti virtute, flagrare non

(375) Die 18 Novembris, qua die prima mansio fuit apud monachos Bedefortenses, id est in celebri illo cœnobio ad S. Albanum in agro Bedefortensi pridem fundato.

(376) Secunda mansio die Novembris fuit apud villam Bikelsuade.

(377) Mansio tertia die 20 Novembris apud Buckedens, qui idem erit locus, qui supra c. 9 hujus, libri

A cessabant cerei, naturam propriam deglaciante per merita sancti qualitate elementi triplicis. Flatus quippe aereus, humor aquaticus, et splendor igneus, triumphanti Christi militi mira dependebant obsequia. Præter sacratiores vero aliorum de tantis operum Dei magnalibus sententias, hanc interim simplicium fidei commendasse sufficiat, quia non immerito ipse sanctus tam jucunde luminis honore decoratus apparuit, qui, ad decus matris veri luminis perpetuæque Virginis, consueta Ecclesiæ ipsius luminaria, adjectione admodum numerosa, cumulavit. Lincolnensi namque thesaurario amplius in hoc ipsum assignavit redditus ut ampla tantæ adis immensitas, parietibus prope nudum, inter nocturna officia cereorum micaret fulgoribus, ut interdum radiis renitesceret solaribus.

B Prima igitur in corporis deportatione versus Lincolniam cum monachis Bedefortensibus mansio fuit. Crepusculo diei secundæ, postquam iter aggressi sumus, ad villam episcopi Lincolnienensis Bikelsuade (376) nuncupatam, devenimus. Ubi, dum circa feretrum plangentium accolarum se turba conglomeras, in ipso ecclesiæ introitu, in qua per noctem illam venerabile corpus quiescere debuit, hominis cujusdam brachium ita contractum fuit ut crepitum ossis patientis fracturam illi etiam, qui remotius constiterant, clarius audirent. Erat autem nomen viri, qui etiam adhuc superesse dicitur, Bernardus. Quem sui ab ecclesiæ foribus seniammum rapuerunt, et ad domum propriam delatum usque in mane patientiæ operam dare jusserunt, tuncque ei subveniendum pollicentes ope medicorum. Sic ergo cum easset, nec saltem colligatus, nec quovis medicamine lotus facturæ adeo molestæ locus, plurimam noctis partem eum in doloribus magnis pertrahere dolor coegit insomnem. Qui demum in tenuem resolutus soporem mox vidit episcopum brachium suum manibus piissimis contrectantem, dataque benedictione a se post paululum recedentem. Cæterum recessu indultæ visionis, collatæ benedictionis virtus non recessit. Evigilans namque a somno, ita penitus, fugato omni dolore, os consolidatum et brachium sanatum invenit, ut præcedentem potius fractionem quam curationem subsequentem, per somnum suscepisse putaret.

D Tertia mansio fuit apud Buckedens (377). In his quidem duobus maneriis episcopalibus, tot ejulatibus et lamentis indigenarum excepti sumus, ut meminisse horror, scribere vero labor sit.

Quarta protectionis dieta Staunfordiam (378) venimus. Ibi dum agnino deo frequentia populi stipatur circa feretrum, et hinc virginum Deo sacrata-

Buggedena vocatu.

(378) Mansio quarta die 21, Novembris apud Staunfordiam, ubi erat cœnobium quondam ord. S. Bened. de quo Mabillonius tom. V Annal. p. 539, ubi quosdam manachos enumerat hujus cœnobii, forte monialium curam habentes, ut in sequenti nota dicitur.

rum e vicino monasterio (379) chorus, inde circum-jacentium villarum accolæ, populosis ipsius burgi turbis accrescunt, vix ante profundæ noctis tenebras vicum ipsum ingredi valuimus. Istic vero per merita servi sui tale Dominus miraculum patrare dignatus es, ut hoc mortuorum reususcitationi nemo jure dubitet præferendum. Interfuit tanto occursum quidam vir innocenti vitæ, bonisque per omnia studiis deditus, arte sutoria sibi suæque familiæ victum quæritans. Hic eminens conspectæ glebæ pretiosissimi gestatoris cum accedere niteretur, sed præturbarum densitate nitendo parum proficeret, multis audientibus in voces hujuscemodi prorupit dicens: « O bone Deus, quare non permittor ad optimi servi tui corpus accedere, ut vel umbriam palliorum, quibus tegitur, osculari merear, vel caput meum indignissimum sacris ejus supponere reliquii? O Scrutator rerum et cordium, Jesu, Salvator benignissime, in hoc solo desiderium meum adimple, ut feretrum, quod conspicio, corde et corpore prono valeam subire, et sic de hujus mundi colluvione animam meam tolle. » Talia ille clamitans nisibus indefessis, turbis quoque ad clamores ejus attonitis et paulatim secedentibus, immersit se tandem sub feretrum. Quod postquam attingit, et capite submisso adoravit, oculis ac manibus in cælum erectis in hunc modum orare cœpit: « Gratias tibi ago, Pater misericordiarum et Deus totius consolationis, quia misertus es mei, et in tantum consolatus es me ut, quod in hoc mundo super omnia concupivi, sanctissimo corpori servi tui corpus meum, tot peccatis obnoxium, quivissem adjungere, et ei qui fideliter tibi servivit meruissimè approximare. Deprecor te igitur, omnipotentissime Deus, ut in hac nocte animam meam cum anima istius, cujus corpus me adire fecisti, in requie perenni, ubi eam esse non dubito, jubeas collocari. » His ab eo ita peroratis, nos cum sancto corpore ecclesiam, in qua pernoctandum fuit, ingredimur; ille vero suos intrat penates, una sola strata interjacente eidem ecclesiæ pene contiguos. Nec mora, irrupunt vicini illius in ecclesiam, presbyterum turbatis vocibus inquirunt, reperitum ad domum viri sumpto secum sacre communionis viatico celeriter properare compellunt. Quod ille in extremis

A jam positus, mox, ut percepit, præmissa confessione, percepta absolutione, testamentoque legitime confecto, spiritum in pace emisit.

Habuerat vero sanctus in usu familiari, dum adhuc viveret, ut, cum audiret quosdam intemperantius lugere quemcunque mortuum, inter alia consolationis verba eis diceret: « Et quid est istud, quod agitis? per sanctam nucem (sic enim vice juramenti ad confirmationem verbi interdum loquebatur) per sanctam, inquires, nucem nobiscum male nimium ageretur, si mori nunquam concederetur. » Miraculosam quoque mortuorum suscitationem laudibus efferebat, sed vivorum ex hoc sæculo miraculose aliquoties factam ereptionem potius attollebat, ut Petri (380) subdiaconi atque notarii beati papæ Gregorii, et cujusdam pœnitentis, de quo agitur in miraculis sancti martyris et episcopi Projecti (381). Plurimorum quoque monachorum, ut legitur in Vita beati Gemeticensium abbatis Archadii (382); nec non et illorum septem dormientium (383) qui fuerant consobrini S. Martini patroni Hugonis nostri.

Sed jam, ut cætera, quæ restant, prosequamur, in hoc loco procuratores nostri laternas corneas emerunt, in quibus per diem candelæ jugiter circa feretrum lucentes. Cerei namque motibus variis equitantium et impulsibus ventorum irruentium exagitati, a facie ignis devorantis nimium defluebant manus quoque et indumenta gestantium continuis distillationibus molestius infundebant. Quintam mansionem nobis Anacastro (384) præfixit. Hinc milliaria bis dena (385) computantur usque ad civitatem (386) qua eram venturi. Ad quam sexta perfectionis diem jam cominus adventantes, cum ad descensum montis uno pene milliario extra urbem accederemus, obvios habuimus, cum inestimabili multitudine cleri et populi, regem Angliæ (387), et regem Scotiæ (388), archiepiscopos (389), episcopos, principes, abbates, et proceres tot, quot vix unquam in Anglia pariter ante conventum illum contigit inveniri. Rex Scotiæ præ mœrore, quia nimio semper amore dilexerat virum illum, in parte seorsum stans, nec propius accedere valens, lacrymis vacabat, cum sentiret magis esse gauden-

D Julii, p. 375, et apud Martene et Durand. tom. V, Collect. Veterum Columnæ, 928. In chronico Turonensi illorum nomina exprimuntur, et dicuntur ex duobus S. Martini fratribus nati.

(384) Quinta mansio die 22 Novembris. Apud Whart. part. II. Angl. sacræ p. 409. *De juvene quodam de Anacastro in amentiam verso, ad tumbam S. viri (Remigii) sanitati restituta*, fit mentio.

(385) Parva utique, si una die peracta.

(386) Lincolniam, ad quam perventum fuit die 23 Novembris, id est, ut ait Hovedenus, ix Kal. Decembris.

(387) Joannem pro tunc regem Angliæ.

(388) Wilhelmum ab anno 1163 usque ad annum 1214, regem Scotiæ.

(389) Tres vel quatuor, Humbertum Cantuariensem, Gaufridum Eboracensem, Dublinensem vel Raguensem. Vide Raynal. tom. p. 49, in Annal. t. XIII.

(379) De quo in Monast. Anglicano agitur t. I, p. 487, sub hoc titulo: *Stanford in comitatu Lincolnensi domus sanctimonialis S. Michaelis*. In chartis ibidem recitatis nunc *Stanford*, sed sæpius *Staunford* vocatur, et situm dicitur apud Stanfordiam, subjectumque esse abbati Petrobургensi.

(380) In Vita S. Gregorii Magni a Joanne diacono scripta narratur historia, quam quidam aut rejiciunt, aut de ea dubitant.

(381) Duplex sancti Projecti apud Bollandianos reperitur Vita ad diem 23 Januarii. Sed ex neutra colligere potui quis fuerit pœnitens de ante quo hic agitur, nisi forsitan sit Amarinus Projectum occisus, et martyr effectus.

(382) Hujus Vitam vide apud Surium die 15 Septembris in qua quæ huc spectant leguntur sub Num. 20, 22 et 23.

(383) De his agunt Bollandiani tom. VI Mensis

dum, si rationem vis doloris admitteret. Reliqui magnatum, cum Anglorum, tum Scotorum humeros supponunt oneri non ignobili (390). Nec sibi parum successisse gaudebat, quisquis sua membra illius corpori portando aptare meruisset, cujus merita obsequentium animas et corpora sustollere ad cœlestia, et ab omni clade levare potuissent.

CAPUT XXVIII.

De corporis per civitatem deportatione ejusdem nova præparatione, miraculorum ostentatione, oblationis magnitudine, et versuum subscriptione, Pontificum baculus, etc. In loco, ubi præceperat, sepultione. Et continetur hoc capit. in serie magna Vitæ sub capitulo 20.

Igitur dum portando funeri tot se magnorum virorum humeri certatim submitterent, ut nullius personæ in globo tantæ multitudinis delectus esse potuisset, rex tandem et archiepiscopi sive episcopi, ante urbis ingressum pretiosam, quam ferre susceperant, aliis quodammodo diripientibus portandam cesserunt margaritam. Ita, quibus virium præstantior magnitudo feretrum subeundi copiam paravisset, nunc scapulis, nunc manibus illud contingentes, gaudio pleni incedebant. Cumque diutius tali tripudio potiebantur, repente ab aliis explosi, prædam suam novis raptoribus cedere compellebantur. Toto quoque itinere illo usque ad ecclesiam, quod non brevi spatio tenditur, per singula fere momenta novis novi succedebant bajulis bajuli, nec numero pari, sed tot erant portitores, quot machina grabati admittere poterat accedentes. Sed nec alii quam sublimes viri et præ eminentes, istis se conflictibus inserere præsumebant. Quin et per plateas ex hiemalium profluvio aquarum, luto altissimo plenas, incedebant, frequenter suras, et sæpe etiam genua, cœno immergentes. Qui accedere cominus non valebant, nummos superjaciebant arcæ, quæ corpus incluserat, protensisque manibus eminus adorantes, sancto sese devotius commendabant. Judæi quoque lugentes et plangentes, ac verum magni Dei famulum existisse eum conclamantes, occursum pariter et fletu obsequium quod poterant, ei impendentes, illam circa virum Dei impletam esse sententiam nos advertere compellebant, qua dicitur: *Benedictionem omnium gentium dedit illi Dominus (Eccli. XLIV, 25).*

Sonantibus itaque per universas totius urbis ecclesias classicis in hymnis et canticis spiritualibus, suæ tandem infertur gremio ecclesiæ. Hinc post modicum in secretiorem transfertur exedram,

(390) Confirmat hæc Coggeshale col. 866, apud Martene tom. V Collect. Veterum scriptorum, ubi asserit etiam regem et archiepiscopos supposuisse humeros loculo, etc.

(391) Se ipsum intelligit auctor, cui se induendum S. Hugo supra, c. 24, commiserat.

(392) Rogerus erat ille de quo dictum in nota (132) ad lib. III, c. 7, ad ejus etiam instantiam Giraldus Cambrensis quædam part. II Angliæ sacre, p. 454, se digressisse fatetur.

(393) In translatione forsitan, anno 1285 facta, quam ad Vitam S. Hugonis edidit Surius nescio

ipsius vestimentorum insigniis, parvitatibus postea (391) obsequio induendus in quibus olim pontificalem susceperat consecrationem. Erat vero tunc ibidem videre miraculum. Caro namque ejus ita niveo quodam et uniformi candore nitescibat, ut quodam resurrectionis decus jam tot diebus extincta manifeste præferret. Nihil in ea lividum, nihil pallidum, aut submarcidum, nihil fuscum, nihil non lacteum, aut potius liliosum, renebat. Manus ejus et digiti, brachia quoque et hæc, non aliter, quampridem in vivo, nunc in defuncto, palpabiles, molles et tractabiles erant. Balsamo sola ejus facies, et manus ejus dextera fuerat delibuta. De aliorum autem stata membrorum nihil investigavimus. Digito etiam amulom, chirothecas baculumque pastorem manibus ejus et brachiis inserentes, de his solummodo ea quæ diximus, ita se habere deprehendimus.

Omnibus itaque pontificalibus rite insignitus, nodata facie soporati magis quam examinati speciem præferbat. Ita a glorificantibus Deum refertur in chorum. Accurrunt undique turbæ inspectantium, cereos manibus ardentes præferentium, pedes ejus et manus oculantium, aurum quoque et argentum, lapidesque pretiosos offerentium. Interea dum paululum remotius cum viro venerabili, ipsius Ecclesiæ decano (392), consedissemus, invicem de his quæ circa Christum Domini mirabiliter acciderant conferentes, adsunt quidam stupentes et attoniti, talia nobis dicentes: « Vidistisne et attendistis quantum decore jam vernari comperit facies episcopi, ut rosæ rubentibus genas similes prætendat, ut dormientis non defuncti, nuperque de balneis egressi hilaritatem præferat? » Ad hæc decano admirante, hoc nuntiantibus respondit: « Fallimini procul dubio, fratres charissimi. Revera enim candore mirabili nitet vultus ejus; rubi vero coloris nullum in eo vestigium relucet. Satis paulo ante diligenter notavimus omnem ejus speciem atque decorem. » Tunc illi nos quodammodo reluctantes rapuerunt, et in cominus adductis ostendebant fide oculata, se verissima de gratia ruboris, quo nitescit facies ejus, fuisse percipios. Permansit autem idem verus speciei cœlestis aspectus ita candidus et rubicundus, quamdiu mansit in sponsæ sibi commissæ aspectibus super terram manifestus. Utrum vero in sepulcro corpori ille decolor permanserit necne, non est nostrum modo scire, sciatur autem postea (393). Qui si forte evanuit, et cum Moyse evacuata est gloria vultus ejus, non erit;

unde acceptam, non auctore Vitæ. Hinc et Raynaldus tom. XIII Annal., p. 48, recte colligit, ista de translatione corporis ab alio esse adjecta, non ab auctore Vitæ. Petrus Dorlandus in Chronico Carthusiano lib. III, c. 14, etiam meminit hujus translationis, et quia ipse est antiquior Surius, et asserit translationem factam anno post dormitionem S. Hugonis octogesimo circiter sexto, uti et Surius, videtur illa facta esse circa annum 1285, non vero anno 1280, uti in margine ad dictum cap. 14 notatur, et corrigendus fortassis etiam Raynaldus tom. XIII Annal., pag. 48.

unde scandalizentur, quibus id forte scire aliquando donabitur, cum jugiter sit conspicabilis et inextremabilis species ejus: invisibilibus cœli, unde non solum detur pacis formositas, sed et debilitatis sospitas fluere in eam non desistat.

His ea quæ sequuntur jucundo satis auspicio astipulari noscuntur. Nam regressis nobis ad locum memorati concessus, veniunt celeriter ad decanum plures, qui dicerent mulierem quamdam, lumine oculorum multis annis privatam, primo sancti corporis tactu visum recepisse. Suggestum etiam, ut classicum pulsari, atque *Te Deum laudamus* vocibus altisonis Dominus decanus decantari jubeat. Verum istud nos vehementer dissuasimus, quia ignota fuit eis ipsa mulier, ne forte conficta cæcitate lumen mentiretur se de novo recepisse quo jam annosa nullo tempore caruisset. Unde [f. multo tempore] veritatem super hoc, et super aliis quæ procul dubio audiri contingeret, signis diligentissime semper inquirendam primitus, et non nisi certissime probata, quolibet modo propalanda esse aut publice prædicanda monuimus.

Dum igitur super his disceptio aliquantula inter nos et clericos haberetur, accurrunt et alii, de muliere altera indubitatum referentes miraculum. Dum enim matronæ quædam devota oblatione facta juxta corpus insisteret piis precibus, crumenam sibi a zona dependentem, et solidos aliquot argenteos continentem, fur clandestinus repente incidit. Qui mox, nullo adhuc mortalium præter ipsam, quod fecerat, agnoscente percutitur subita cæcitate. Hinc quoque, ut refert, quo gressum tenderet, prorsus nesciebat. Qui nimio attritus timore, cum aliquandiu huc illucque, tanquam ebrius et crapulatus a vino, nutando abire tentaret, nec posset, cum jam oculos in se plurimorum his gestibus converteret, et, quidnam sibi esset,

ut ita gesticularetur in loco tali, inquirerent circumstantes, manum cum bursa nihil dicendo tetendit in altum, quid egisset, rebus ipsis manifestans, et, quid statim perulisset, voce lugulari subinfereus. Inspicit et agnoscit mulier suam in manu sacrilegi incisoris loculum: cui fur ille restituit quod abstulit, et mox lumen recepit quod amisit. Recepit et illa pecuniam quam perdidit, et immensis attollit præconiis patroni clementiam quem devota mente adivit. De præcedenti quoque muliere, quod revera diu cæca fuerit, et amissum lumen ibidem receperit, in brevi post hæc certius innotuit.

Tantus interea flebat concursus populorum, ut infra modicum tempus quadraginta marcarum summam oblatorum quantitas excederet. Jacentem autem in medio filium lucis die et nocte ambiebant viri et femine, tenentes in manibus cereos ardentis, et in modum coronæ gloriæ et honore coronatum a Domino continue cingentes. Tunc etiam magister Leycestrensis, vir litteratus et industrius, hujusmodi distichon ad pedes ejus posuit, in quo multiplices virtutum ejus prærogativas breviter expressit, dicens:

Pontificum baculus, monachorum norma, scholarum
Consultor, regum malleus, Hugo fuit.

Die postera, dum portaretur ad tumulum, mutilatur line scissione crebra sacrarum, quibus induebatur vestium. Sacrarum enim vel sanctificari admodum se credebat, quisquis sacrilegium tale committere valisset, ut a sacro sacri aliquid rapuisset. Sepultus autem est, sicut ipse nobis præceperat, secus parietem, non procul ab altari Sancti Joannis Baptistæ, et, sicut visum est, propter accessum confluentis populi magis congruere, a boreali ipsius ædis regione, ad gloriam Dei, qui vivit et gloriatur super omnia Deus benedictus in sæcula. Amen.

Explicit Vita sancti Hugonis episcopi Lincolnensis.

BEATI HUGONIS

LINCOLNIENSIS EPISCOPI

LITTERÆ CONSTITUTIONUM IN VISITATIONE.

(*Monasticon Anglic.*, I, 924. edit. 1682.)

Omnibus Christi fidelibus ad quos præsens scriptum pervenerit, Huco, Dei gratia Lincolnis episcopus, salutem in Domino.

Cum ad congregationem ancillarum Christi de Coton, causa visitationis ex officii nostri debito faciendæ accederemus, ad ea quæ didicimus ibidem corrigenda, remedium studuimus adhibere. Adversantes igitur multitudinem monialium ampliore

quam sustinere valeant domus illius facultates, habitare, statuimus, cum consensu magistri, priorissæ, et conventus, quod congregatio monialium, de cætero, trigintarium numerum non excedat, sororum numerus sub denario concludatur, duodecim fratres conversi ad officia ruralia sicut ibidem exercenda. Magister capellanus, cum duobus capellanis tantum, ad divina deputentur adimplenda. Nulli vero religio-

nis habitus in eadem domo tribuatur, donec minutus A fuerit præsens conventus ad numerum prætaxatum, nisi propter manifestam domus utilitatem, et hoc ex speciali licentia diocæsani. Sigillum domus sub custodia magistri, priorissæ et monialium ad hoc communiter electæ, cujus religio fuerit, et discretio approbata, sub clavi triplici reseruetur, nec aliquod scriptum inde signetur, sine conscientia totius capituli, vel majoris, vel sanioris partis ejusdem. Redditus omnes instaura, proventus quicumque, singulis annis redigantur in scriptum, quod priorissæ et sub-priorissæ, et cæteris quatuor de melioribus et prudentioribus, a toto capitulo, vel majori ac saniori parte communiter electis, tradatur custodiendum. Magister et procuratores domus, totam pecuniam domus in denariis vel hujusmodi ex quacumque B causa domui sue provenientem cum coram eisdem sex numerata fuerit, sub sigillo magistri signatam ipsis tradent, quam eandem ad negotia domus expedienda, quoties necesse fuerit, et quantum opus fuerit, sub fidei testimonio, tam magistri quam aliorum sine difficultate liberabunt, et residuum sigillo magistri signatum iterato reponent. Singulis autem mensibus eadem sex computum audient de simplicibus ejusdem domus expensis. Et quoniam abdicatio proprietatis professioni religiosorum est annexa, firmiter inhibuimus, ne qua, vel quis in eadem domo, post susceptum religionis habitum aliquid proprium habere præsumat, sed sint eis omnia communia. Eodem etiam pane, tam moniales, capellani, fratres

et sorores, quam hospites vescantur, et potum habeant eundem; excepto quod infirmorum necessitati, prout opportunum fuerit, delicatius provideatur. Quia vero per frequentiam secularium quies religiosorum turbari solet, prohibuimus, ne vir, vel mulier recipiatur in habitu sæculari moram facturus in domo memorata, nisi forsitan hospitalitatis gratia quis ibi pernoctaverit. Item ne quis vel qua, sive secularis, sive religiosæ professionis aliunde veniens, cum sola moniali solus vel sola loquatur, sed honesto testimonio, tali, quod sinistra careat suspitione, et cum licentia, secundum regulam suam ab his quæ præsunt, obtenta. Præterea, quia religiosis, et præsertim in sexu mulieri, discurrere, vel vagari modis omnibus est inhonestum, constituimus ne soror, vel monialis, apud grangiam moretur, causa nutrimentorum animalium, vel aliqua qualibet occasione. Moniales etiam causa visitandi proximos, aut parentes, nullatenus extra mittantur, ex earum sola voluntate vel levi qualibet occasione, nec tandem ullo modo, sine magistri et priorissæ licentia speciali, et maxima, ac cognita necessitate. Quia Simoniaca pravitas plures in errores et interitum adduxit, animarum saluti providere volentes, districtè prohibuimus, ne vir vel mulier, pro pecunia vel re qualibet temporali recipiatur unquam ibidem ex pacto. Sub anathematis interminatione præcipientes quod omnia præternissa salubriter a nobis constituta firmiter ab omnibus utriusque sexus in eadem domo serventur in perpetuum.

BEATI HUGONIS DIPLOMATA.

I.

Charta donatorum concessionem recitans et confirmans.
(*Monastic. Ang.*, tom. III, p. 84, edit. 1675; tom. I, p. 84, edit. 1682.)

Universis Christi fidelibus ad quos præsens scriptum pervenerit, Illico, Dei gratia Lincolnensis episcopus salutem in Domino.

Quoniam ea quæ ad sustentationem pauperum Christi divino instinctu collata sunt beneficia, ne malignantium possint retentari perversitate, episcopalis auctoritatis suffragio tenemur communire. Ad universitatis vestræ notitiam volumus pervenire, nos rata huic et præsentis scripto confirmare Deo et Ecclesiæ S. Joannis Evangelistæ hospitalis de Brakeley, et fratribus ibidem Deo servientibus, beneficia omnia quæ eis a Christi fidelibus fuerint divino instinctu collata, et eorum usibus deputata, de quibus, ut ad omnium notitiam possint pervenire, propriis vocabulis censuimus annotare. Inspectis igitur char-

C tis, quas habent prædicti fratres ex dono bonæ memoriæ comitis de Legrecestre Roberti senioris, et filii ejus comitis de Legrecestre, Roberti scilicet junioris,

Inprimis ratam habemus et confirmamus foundationem Ecclesiæ Sancti Joannis apostoli et evangelistæ hospitalis de Brakeley, et eandem ecclesiam cum eodem hospitali, sicut in chartis prædictorum patronorum, quas vidimus, exprimentur liberam et quietam ab omni subjectione esse statuimus. Salvo moni vero prædicti hospitalis magistro, et successoribus ejus et fratribus in ipso hospitali commorantibus ad sacerdotii gradum provecctis concedimus, ut ad honorem Dei, et pro salute fundatorum, et omnium fidelium divina in ipsa capella celebrent mysteria; ita tamen quod parochiali ecclesiæ aliquo casu vacante, liceat prædictis fratribus, exclusis eorum communicatis et interdictis, submissa voce divini officia celebrare; venerabili patre et domino beati

memoriæ A. tertio, summo pontifice super his auctoritate patrante, sicut in privilegio ejusdem patris eis collato inspeximus.

Sepulturam quoque pauperum et hospitem qui in ipso hospitali decesserint, vel eorum qui in extrema voluntate in territorio hospitalis se decesserint, sine vicinarum ecclesiarum injuria liberam esse sancimus.

Libertates in quas R. bonæ memoriæ abbas S. Mariæ de Prato de Legreestre et ejusdem loci conventus eis contulerint, sicut in eorum scripto vidimus digestus felici perpetuitate gaudere, et nostra solidari confirmatione censemus; Viz. ut Salomon prædicti hospitalis oconomus et successores sui habeant ecclesiam inter septa curtis prædicti hospitalis liberam et quietam ab omni subjectione, in qua perpetuo divinum celebretur officium, et sepultura pauperum et familiæ suæ, et servientium suorum et peregrinorum, et integram facultatem regendi et plenariam dispositionem omnium, quæ ad prædictum hospitale pertinent.

Confessiones autem pauperum et infirmorum consolationem integre habeant, et in perpetuum præsideant.

Ex donatione vero Roberti comitis de Legreestre Roberti secundi junioris duas acras et dimidiam, de creis juxta curtem hospitalis et totam terram de creis subtilus curtem illorum de grava Domini comitis sicut septis suis includitur. Ex dono ejusdem comitis duas virgatas terræ, unam scilicet quæ est de terra de assarta cum quietancia pannagii, quæ pertinet ad Halsow et cum Messnagio quæ ad prædictam virgatam pertinet, quæ est in Brakele, ad caput fontis de Godwelle; et unam aliam virgatam quæ pertinet ad Brakele, cum mesuagio suo, quæ est subtilus juxta rivulum ejusdem fontis quam virgatam Swerman pater magistri Salomonis tenuit.

Ex donatione Gilberti de Monte xxiii acras terræ in dominico suo mensuratas per perticam in Stochinga in parte versus Brakele et pratum Ringesham, prout charta ipsius Gilberti exinde facta manifestat. Ex dono Heliæ de Hinton pratum quod dicitur Herlesham, et aliud pratum quod dicitur Ferham. Ex dono Aliciæ de Romeli quatuor acras terræ in ea parte culturæ de Werveldiche, et ea parte quæ extenditur versus Halsow.

Ex dono Thomæ Sorel et Simonis filii ejus quatuor acras in Siresham; totam quoque terram quam habuit in Eswich, sicut chartæ donatorum manifestant.

Libertates etiam et liberas consuetudines prædictis fratribus concessas, sicut in chartis patronorum continentur expresse... statuimus et præcipimus inviolabiliter observari. Ut igitur... donationes et libertates memoratis fratribus, sicut chartæ donatorum testantur præconcessæ, prout rationabiliter eis sunt factæ, perpetuæ stabilitatis obtineant firmiter, nostræ confirmationis eisdem duximus... are... sidium et ad notitiam posterorum super his

A præsentis scripto et sigilli nostri appositione episcopale auctoritate adhibere testimonium. His testibus, R. abbate de Nostele, magistro Stephano Lincolnienſi Ecclesiæ cancellario, magistro Womero, magistro Geraldo de Rowell, magistro Richardo de Clalveel, et multis aliis.

H.

Charta domini Hugonis episcopi et capituli Lincolnienſis de duabus partibus ecclesiæ de Corbi.

(*Monasticon Anglic.*, tom. I, p. 881, ed. 1673.)

Omnibus Christi fidelibus ad quos præsens scriptum pervenerit, Hugo Dei gratia Lincolnienſis episcopus, salutem in Domino.

Noverit universitas vestra, nos de assensu et voluntate dilectorum in Christo filiorum, Willielmi decani et capituli nostri Lincolnienſis, divinæ pietatis intuitu, dedisse et concessisse dilectis filiabus in Christo monialibus Sancti Michaelis extra burgum Stauneforde, duas partes ecclesiæ de Corby, quæ de dono Mathildæ de Diva, et de dono Ascelinæ de Watervilla et hæredum suorum; de dono etiam Hamonis Peche, ad ipsarum monialium advocacionem pertinent: habendas eisdem, et in propriis usibus in perpetuum possidendas: salva Hugonis de Osberneby portione sua ibidem, quoad vixerit; et salva vicaria perpetua, cum manso competenti, quam Willielmus capellanus obtinet de dictis portionibus, sibi et successoribus suis dictarum portionum vicariis assignata. Prædictæ autem moniales omnia onera episcopalia et archidiaconalia sæpe dictas duas partes contingentia, sustinebunt, salvis etiam in omnibus episcopalibus consuetudinibus, Lincolnienſis Ecclesiæ dignitate: quod ut perpetuam obtineant firmitatem, præsentem chartam sigillo nostro, una cum sigillo prædicti capituli nostri duximus munendam.

His testibus, Willielmo decano, Joanne præcentore, etc. Data, etc., in capitulo Lincolnienſi, xiii Kal. Maii, pontificatus nostri xvii.

III.

Charta Hugonis Lincolnienſis episcopi donatorum concessionem monasterio S. Oswaldi de Bardeneſy recitans et confirmans.

(*Monasticon Anglic.*, tom. I, p. 850, ed. 1673.)

Hugo, Dei gratia Lincolnienſis episcopus, universis sanctæ matris Ecclesiæ filiis salutem.

Religiosorum virorum justis petitionibus episcopalis auctoritas sollicite debet suffragari, ne beneficia eis canonicè collata malignantium inquietationibus aliquatenus perturbentur, aut importunis vexationibus alienentur. Proinde dilectis filiis nostris abbati et monachis de Bardeneſy, in monasterio S. Oswaldi divina gratia congregatis, omnes res et possessiones eorum in terris, in hominibus, in ecclesiis, in decimis et in cæteris rebus, quæ in præsentiarum juste et canonicè possident, et authentice scripta habent, episcopali auctoritate confirmamus et præsentis scripti munimine roboramus. Quæcumque ergo Gilbertus de Gaunt primus, et Aliz de

Muntfort sponsa ejus reparatores præfati monasterii; Walterus de Gaunt et comes Gilbertus filius ejus, nec non et homines feudicorum, pro salute animarum suarum, titulo donationis, in elemosyna, prædicto monasterio contulerunt, sicut chartæ eorum testantur, libera et soluta ab omni terreno servitio et præstatione in perpetuum fore decrevimus; similiter vero quæcumque comes Simon, qui comitissam Aliz, filiam comitis Gilberti, uxorem duxerat, cum hæreditate prænominatorum virorum dedit, et chartis suis confirmavit.

Hæc sunt omnia possessionum collatarum: Bardeney, et Osgotebi cum pertinentiis suis. In Stepings habent præscripti monachi quatuor carucatas terræ, et duas bovatas, et ecclesiam de Frisebi. In Schendelbi ecclesiam S. Petri, cum terris et decimis suis; et ad austrum ejusdem villæ, capellam Sancti Jacobi cum virgulto proximo, et duo molendina ejusdem; et terram Tholi, et servitium ejus, et terram Gunnes cum servitio ejus. In Partenay ecclesiam S. Nicolai cum pertinentiis suis, et capellam S. Mariæ in eadem villa, et decimam molendini ejusdem villæ. In Braitoft domini Simonis filii Willielmi, totam decimam. In Croft, ex dono Philippi de Kima, XX sextaria salis ex redditibus ejusdem villæ. Ex dono Gatteri de Braitoft, X acras prati, in territorio de Frisebi. Ex dono Herberti filii Alardi, XII acras prati ultra Scalslet. Ex dono Radulphi filii Gilberti, pro anima Hugonis fratris sui, terram quam tenuit in Frisebi, et quam habuit in Ingaldemeles et Derfletes Croft, ecclesiam de Stepinge.

In Wainflet unam bovatom cum salinis appendentibus. In Haltona, ex dono Willielmi de Runara quinque bovatas terræ et dimidiam; et molendinum, et nonam partem alterius molendini. In Haggiordingham, ex dono Walteri de Gaunt, sex bovatas terræ, et ecclesiam ejusdem villæ, et ex dono Gilberti de Gaunt feudum militis, quod habuit in eadem villa. In Lucebi duas bovatas terræ et ecclesiam ejusdem villæ, cum pertinentiis suis; et mansionem unam, et molendinum unum in territorio ejusdem villæ; et unam bovatom in Wincebi, et Tonnecroft. Juxta Lyme, ex dono Ranulphi comitis. Cestriæ molendinum de Bradewad, et unam marcam argenti de redditu molendini de Bracebrige. Molendinum de Stratone. Edlingtona, cum universis pertinentiis suis. Ex dono comitis Gilberti tertiam partem Baumburgi, et molendinum ejusdem villæ. Ecclesiam de Sotteberi, cum terris et decimis suis. Ecclesiam S. Hilarii de Spridelingtona, cum decimis suis. In Burtona tres carucatas terræ. In Schamtona cum terris et decimis suis. In Edelingtona ecclesiam, cum omnibus pertinentiis suis.

Ex dono Roberti Marmiren Buteyake, cum omnibus pertinentiis suis. In Bartonæ ecclesiam sancti Petri, cum capella omnium sanctorum, cum terris et decimis suis, et omnibus pertinentiis: et decimam molendinorum ejusdem villæ. Et ex dono Gilberti comitis unam bovatom terræ pro anima Secr

de Arceles: et ad austrum ejusdem villæ terram quam dedit monachis in excambio. In Horkeston decimam domini. In Torpe totam decimam domini. In Folkingham ecclesiam cum terris et decimis suis.

Ex dono Erberti de Gaunt ecclesiam de Irnham, cum terris et decimis suis. In Aswardabi duas partes decimæ domini. In Wilegbi duas partes domini. In Staunton totam decimam domini. In Surray totam terram quæ fuit Ivonis filii Scharzman, cum essarto suo; et essartum Willielmi filii Ilaconis in territorio ejusdem villæ, et essartum Willielmi Bigot, cum terra Gippolf in eadem villa. In Suttona dimidiam carucatom terræ cum pasturis et pratis adjacentibus, et prato in territorio de Hotoft. In Scrubbi, duas bovatas et dimidiam. In Wdetorpe unam bovatom terræ; et Thuit cum terra appendente, et molendinum de Wlierne. Hertelholme cum terris et redditibus. Ecclesiam de Bultham cum appendiciis suis. In Bracebrige, ex dono Willielmi filii Walteri Winterhard, unam bovatom terræ. In Edelesberg ecclesiam cum pertinentiis suis. In Hale ecclesiam cum pertinentiis suis. In Hekington ecclesiam cum pertinentiis suis.

Prænominata itaque omnia quæ prædecessores nostri eis rationabiliter confirmaverunt, cum libertatibus et consuetudinibus et immunitatibus suis, sicut munimenta eorum testantur, sub protectione nostra suscipimus, tuitionem ecclesiasticam impendentes; salvis in omnibus episcopalibus consuetudinibus, et Lincolnensis Ecclesiæ dignitatibus. His testibus, Homone decano Lincolnæ, Willielmo subdecano, magistro Stephano, etc.

IV.

Charta confirmationis donationum per Hugonem Lincolnensem episcopum pro ecclesia Sancti Andrea Northamptonæ.

(*Monastic. Angl.*, t. I, p. 681, edit. 1673 et 1682.)

Omnibus Christi fidelibus ad quos præsens scriptum pervenerit, Hugo Dei gratia Lincolnensis episcopus, salutem in Domino.

Nostrum est justis petitionibus acquiescere et quicquid possumus auxilii filiis sanctæ Ecclesiæ impertiri; unde et fratribus nostris monachis Ecclesiæ Sancti Andrea de Northampton speciali auctoritate qua fungimur confirmamus, scilicet ecclesiam Omnium Sanctorum de Northamptona, cum omnibus pertinentiis suis; et ecclesiam Sancti Egidii cum omnibus pertinentiis suis; et ecclesiam Sancti Michaelis cum omnibus pertinentiis suis; et ecclesiam Sancti Sepulchri cum omnibus pertinentiis suis; et ecclesiam Sanctæ Mariæ cum omnibus pertinentiis suis; et ecclesiam Sancti Gregorii cum omnibus pertinentiis suis, et ecclesiam Sancti Petri cum omnibus pertinentiis suis, scilicet cum ecclesia de Thorp et capella de Upton cum omnibus aliis pertinentiis suis; et ecclesiam sancti Edmundi cum omnibus pertinentiis suis; et ecclesiam Sancti Bartholomei cum omnibus pertinentiis suis, et capellam Sancti Thomæ cum omnibus pertinentiis suis; et

ecclesiam de Ryall cum omnibus pertinentiis suis; et ecclesiam de Ertou cum omnibus pertinentiis suis; et ecclesiam de Newenton cum omnibus pertinentiis suis; et ecclesiam de Sywell cum omnibus pertinentiis suis; et ecclesiam de Multon cum omnibus pertinentiis suis; et ecclesiam de Braufelde cum omnibus pertinentiis suis; et ecclesiam de Preston cum omnibus pertinentiis suis; et ecclesiam de Byllyng cum omnibus pertinentiis suis; et ecclesiam de Hlawton cum omnibus pertinentiis suis; et ecclesiam de Nucaton cum omnibus pertinentiis suis; et ecclesiam de Hardyngystora cum omnibus pertinentiis suis; et ecclesiam de Stotysbury cum omnibus pertinentiis suis; et ecclesiam de Sulgrave cum omnibus pertinentiis suis, et duas partes decimæ totius decimationis domini comitis David in Yordele, et in Bartone, et in Dodygionne et de Haryngwith. Et tertiam partem totius decimæ domini comitis David in Fodryugeya. Et tertiam partem totius decimæ domini de Dverton. Et duas partes totius decimæ domini de Styvede. Et viginti solidos de molendinis de Parton ad vinum emendum ad missas. Et de horto comitis David in Bertona tres summas frumenti ad oblatas faciendas. Et duas partes totius decimæ domini de Willastona. Et duas partes decimæ domini Walteri filii Winemeri in Throp. Et duas partes decimæ domini Walteri prædicti in Wuston. Et duas partes decimæ domini Achardi de Sproxtou in Sproxtou, et in Wythyn, et in Strattona. Et duas partes totius decimæ domini quod fuit Rogeri filii Aze in Psham. Et duas partes totius decimæ domini Henrici de Cogenho in Horrowedon. Et duas partes totius decimæ domini Willielmi filii Burchardi in Flore. Et duas partes totius decimæ domini Henrici de Armenteri in Stowe, et in Ryslyngburg, quas tenent ad firmam de monachis Sancti Projecti de Vermendes. Et duas partes decimæ domini Walteri Level in Lyslyngbury. Et ecclesiam de Postona cum omnibus pertinentiis suis, et in eadem villa duas virgatas terræ et viginti acras de bruera; et duas partes decimæ domini Richardi de Heyforde in Herleston. Et duas partes totius decimæ domini Andree de Braybrooke. Et tertiam partem totius decimæ domini Richardi Foxle in Forle; et duas partes totius decimæ domini de parva Hoctona juxta Langeporte, quas habent ex donatione Godefridi de Bololgne. Et ut hæc omnia præfatis monachis sancti Andree rata et illibata permaneant, sicut ipsis justo et rationabiliter collata sunt, præsentis scripti et sigilli nostri attestacione communimus, salva in omnibus Lincolnien-
 sis Ecclesiæ dignitate. Testibus his, Roberto abbate de Nuttelega, Walkelino abbate de sancto Jacobo, Walkelino priore de Londa, magistro Roberto de Harding, magistro Rogero de Rolvestou, magistro Simone de Sywell, magistro Willielmo de Monte, magistro Richardo de Dodeforde, Henrico filio Petri, magistro Warino de Bedforde, Simone decano de Wilyngbere, Rogero decano de Pateshyll, magi-

stro Samsone de Berebeby, magistro Roberto de Mallum, magistro Roberto Grosteste.

V.

*Confirmatio Hugonis episcopi Lincolnien-
 sis de Waldene.*

(*Monast. Angl.*, tom. I, p. 819, edit. 1673.)

Omnibus Christi fidelibus ad quos præsens scriptum pervenerit, Hucio Dei gratia Lincolnien-
 sis episcopus, salutem in Domino.

Noverit universitas vestra nos pietatis intuitu concessisse et præsentis charta confirmasse canonicis ordinis de Semplingham apud Malton, domino servientibus, ecclesiam de Waldene, cum pertinentiis suis in perpetuum, sicut eis rationabiliter collata est ex dono Walteri de Nevile et Alanj Ayruun, ejusdem ecclesiæ patronum, salvis episcopalibus consuetudinibus, et Lincolnien-
 sis Ecclesiæ dignitate. His testibus, etc.

VI.

*Confirmatio sancti Hugonis Lincolnien-
 sis episcopi ecclesiarum de Thorneberg et Dodeford monachis
 Luffeldensis monasterii.*

(*Monasticon Angl.*, tom. I, p. 522, edit. 1682.)

Omnibus Christi fidelibus ad quos præsens scriptum pervenerit, Hucio Dei gratia Lincolnien-
 sis episcopus eternam in Domino, salutem.

Ut ea que religiosis locis Dei intuitu a fidelibus collata sunt, absque perturbatione possideantur, præ-
 rum sollicito procuravit prudentia, ipsa eis scriptis authenticis confirmando. Quorum nos vestigia se-
 tentes, dilectis filiis nostris in Christo monachis de Luffeld beneficia que eis fidelium constanti donatio sicut ipsi et domui eorum rationabiliter collata sunt, confirmare et in præsentis scripto annotare dignum duximus. Ex dono Radulphi de Caignes, ecclesiam Sancte Mariæ de Dodeford. Ex dono Hamonis filii Memphillini ecclesiani de Thorneberg. Ex dono Richardi filii Nigelli, medietatem ecclesiæ Sancte Mariæ de Beckhampton. Hæc omnia beneficia cum omnibus ad ea pertinentibus, sicut in chartis donatorum, atque archidiaconorum a quibus in ipsis jam dicti monachi sunt instituti, continetur, eis concedimus in perpetuum possidenda, presentisque scripto atque sigilli nostri patrocinio confirmamus; salvis episcopalibus consuetudinibus et Lincolnien-
 sis Ecclesiæ dignitate, his testibus Roberto abbate. . . Rogero de Rolveston, magistro Ricar'do de Swalewal, Galfrido de Leichelave, Roberto de Capella, Johanne decano de Lieston, Eustachio de Wiltona, et aliis multis.

VII.

*Charta Hugonis Lincolnien-
 sis episcopi de confir-
 matione donationis Rodulphi de Abi ad abbatiam
 construendam apud Grenefeld.*

(*Monastic. Angl.*, tom. I, p. 881, edit. 1682.)

Omnibus Christi fidelibus ad quos præsens scriptum pervenerit, Hucio Dei gratia Lincolnien-
 sis episcopus, salutem in Domino.

Ne donationes locis religiosis a fidelibus factæ

aliqua malignantium machinatione possint in irritum revocari, solers antiquorum cavit prudentia eas episcopali auctoritate confirmari; inde est quod nos eorum sequentes vestigia, et domui de Genesfeld atque monialibus in ea Deo servientibus quantum in nobis est providere videntes, ea quæ ipsis pie collata sunt auctoritate qua fungimur duximus ipsi confirmare, et ea propriis vocabulis annotata scripto authentico imprimere, videlicet, ex dono Eudonis de Grenebi et Radulfi filii ejus fundatorum præfati loci, ecclesiam de Abi cum omnibus pertinentiis suis, et culturam de Boland et de Wargarthweit, et de Catecroost, cum cultura juxta boscum de Swine-wit, et prætum quod pertinet de Catecroost. Sexdecim acras præti in campis de Abi, et boscum de Aitterlund et Tiedolf Barnewde, et decimam molen-dinorum de Abi, et totum boscum de Croxhage quod Normannus habuit. Ex dono Roscelini de Rig-gesbi et Jodlani filii ejus quicquid ipsi habuerunt in Wlurikehage. Ex dono Gilberti de Riggesbi et Her-berthi filii ejus quidquid ipsi habuerunt in Wlurike-hage et Prestehage, et sartum juxta Prestehage, et quatuor acras terræ in Heregerethage cum omni pastura de Riggesbi. Ex dono Ainfridi de Hage quinquaginta quinque acras de terra culta, et quin-que acras præti in communi pastura de Hage. Ex dono Alani de Munbi et Eudonis filii ejus quidquid ipsi habuerunt in Wlurikehage, et ecclesiam de Combrewrth quantum ad ipsos pertinebat, scilicet tres partes ejusdem ecclesiæ. Et Snoutecroost cum communi pastura de Sutton et unum tostum quod fuit Gunehien et pasturam ad trecentas oves in pastura ultra Hahedic de Munbi. Ex dono Willielmi filii Otveri triginta tres acras in campis de Abi et

A Toresbi. Ex dono Ivonis de Strubi et Henrici filii ejus quadraginta duas acras terræ in Craeker et Croxhage. Ex dono Willielmi de Wdetorp et Alani filii ejus Motteker, et unam bovatum terræ in Far-ford cum tosto uno. Ex dono Willielmi de Welle et Roberti filii ejus sex acras terræ in territorio de Wiern in loco qui vocatur Hartham. Ex dono Here-berthi de Alebi, et Walteri, et Willielmi filiorum ejus quidquid ipsi habuerunt in Wlurikehage, et Preste-hage, et quidquid ipsi habuerunt inter Bolandewange et Derwennehille, et inter abbatiam et fossatum de Crakethweith per metas dispositas a Crakethweith usque Trentesic, cum communi pastura de Abi. Ex dono Gunteri de Alebi quidquid ipse habuit in Wla-rikehage, et quidquid habuit inter culturam de Pre-athage, et terram Gilberti de Campania. Ex dono Picoti de Houton et Richardi filii ejus unam sali-nam in marisco de Newton; et quinque acras præti in Twafates et in Westenges. Ex dono Thomæ Bur-gefurn duas acras terræ in territorio de Hage, et totam terram suam in Northon quæ jacet inter viam et culturam suam. Ex dono Gilberti Testard tres perticatas terræ in territorio de Abi. Ex dono Wil-ielmi Burgefurn unam acram terræ in territorio de Swabi, in cultura quæ vocatur Brortbebankewange. Hæc omnia sicut eis juste collata sunt et rationabili-ter, presenti scripto et sigilli mei patrocinio con-firmo. Salvis episcopalibus consuetudinibus et Lin-colniensis Ecclesiæ dignitate, his testibus, Haimone decano Lincolniensis Ecclesiæ, magistro Rogero de Rovelton archidiacono de Leicestria, Magistro Ricardo de Swalewecliva, Galfrido de Lechelade, Roberto de Capella, Eustachio de Wilton et aliis multis.

STATUTA ANTIQUA ORDINIS CARTHUSIANI.

(Dom. MABILLON., *Annal. Bened.* VI, App. p. 685.)

MONITUM.

Vixerant primum sub episcoporum jurisdictione Majoris Carthusiæ monachi, in suis cellis visitati ab eis, et prout libebat emendati. Sed cum in illis magis quid mirarentur, quam quod corrigerent, deprehendis-sent, sponte se sua jurisdictione in sanctissimos eremitas exuerunt, eamque in manus capituli generalis et prioris Carthusiæ deposuerunt, plena eis quoad regiminis disciplinam libertate concessa. Hanc dudum libertatem optabant alii ejusdem instituti priores, scribentes Anthelmo Majoris Carthusiæ priori, ac instan-ter petentes ab eo in generali capitulo, ad quod præfixo tempore convenirent, emendari. Pium illorum pro-positum laudavit Anthelmus, consultoque Hugone II, Gratianopolitano episcopo, qui fuerat monachus Carthusianus, rescripsit ut jure hoc in negotio procederent, et episcoporum in singulis domorum suarum diocesisibus, fratrumque omnium in conventibus suis consensum expeterent. Quo facile obtento, Portarum prior Bernardus, Soffordus Excubiarum, Lazarus Durbonis, Stephanus Majorevi, Joannes Alvericæ con-nerunt ad Majorem Carthusiam, et cum Anthelmo, miræ sanctitatis viro, primum capitulum generale cele-braverunt, cujus acta et statuta et quorundam aliorum capitulorum exhibemus

I.
ACTA PRIMI CAPITULI ORDINIS CARTHUSIENSIS.
(Ex ms. cod. Montis Dei.)

Omnibus sanctæ et catholicæ Ecclesiæ fidelibus presentibus et futuris notum sit quod Carthusiensis propositi priores, Portarum videlicet Bernardus, et Soffordus Excubiarum prior, Durbonis quoque prior Sieplianus, atque Alvericæ prior Joannes, diu pro tenore stabili et firmitate præfati propositi a prioribus et fratribus Carthusiæ petierunt, quatenus in eadem domo Carthusiæ commune capitulum eis liceret habere, obtentu correctionis et emendationis totius propositi. Hac igitur precum instantia, et quasi importunitate assidua, prior Carthusiæ Anthelmus cum fratribus suis consilio domni Hugonis II, venerabilis Gratianopolitanae ecclesiæ episcopi, tandem consenserunt, hæc tamen conditione, ut singuli priorum acceptis ab archiepiscopis et episcopis suis, et a communi capitulo fratrum suorum litteris, in quibus generali capitulo omnium quæ corrigenda et emendanda essent in ipso proposito potestas daretur per omnes domos, annotando diem quo convenirent. Accepto igitur cum gratiarum actione tam desiderabili consensu, et litteris impetratis, die qui prænotatus fuerat, convenerunt: et quoniam ab archiepiscopis et episcopis et ab ipsis capitulis consimiles date sunt litteræ, placuit unas episcoporum et unas capitulorum inscribere litteras in hunc modum:

« Falco Lugdunensis Ecclesiæ minister dilecto fratri Anthelmo Carthusiæ priori, cunctisque prioribus sub Carthusiensi ordine Deo militantibus, et qui cum eo sunt fratribus paupertatis præmium a domino obtinere. Domum Portarum et domum Majorevi vestræ religionis æmulas pro voto et petitione sua ad tenorem et confirmationem ordinis vestri, sicut communi consilio capituli decretum fuerit, episcopali auctoritate concedimus et tradimus in perpetuam corrigendas.»

« Patribus et dominis reverendissimis et Dei gratia Carthusiæ priori et qui sub ejus regimine Christo militant fratribus, Portarum fratres universi pacem et salutem æternam a Domino. Quod tandem assensum præbuisistis, ut ad domum vestram, quæ nostri propositi mater est, nostræ et cæterarum domorum priores opportuno, sicut statutum fuerit, tempore conveniant, ut de his quæ unitatem ac stabilitatem sive firmitatem ordinis nostri valeant diligentissime tractare, non solum concedimus et laudamus, sed etiam cum gratiarum actione suscepimus. In omnibus igitur quæ ad tenorem ordinis nostri et confirmationem pertinent, sicut universalis capituli communi consilio decretum fuerit, concedimus et tradimus vobis et successoribus vestris domum nostram in perpetuum conservandam atque corrigendam.»

Hujus itaque universalis capituli decreta per singulas capitulorum distinctiones placuit adnotari.

A. Primum itaque capitulorum hanc habet continentiam, ut divinum Ecclesiæ officium prorsus per omnes domos uno ritu celebretur, et omnes consuetudines Carthusienses domus, quæ ad ipsam religionem pertinent, unimode habeantur.

Secundum autem capitulum de prioribus decretum est, ut si quis priorum, quod absit contra religionem et propositum egerit, semel, bis et ter a fratribus privatim et in capitulo suo admonitus, si incorrectus permanserit, prior Carthusiæ ex communi concilio generalis capituli, aut eum, si fieri potest, corrigere, aut pro incorrigibili alium substituere habeat potestatem. Hoc idem de priore Carthusiæ et emendatione ipsius domus statutum est. Ipse vero supradictus incorrigibilis depositus, postea vel in eadem domo, si tamen cum pace domus ipsius fieri possit, permaneat, vel ad aliam ipsius propositi domum, in qua jussus fuerit, transire non distet. Prior autem qui substituendus in illa domo fuerit, secundum præscriptas institutiones de fratribus ejusdem domus, si tamen rationabiliter fieri possit, assumetur. Sin autem, juxta considerationem communis capituli de aliqua aliarum domorum, excepta Carthusiensi domo, prior desolatis fratribus detur. Id quoque de electione prioris post obitum sui antecessoris fieri decretum est.

Tertium quoque capitulum continet, ut si prior vel fratres cujuslibet domus hujus propositi, propria voluntate sua domum ipsam ad alterius propositi religionem, quod absit transferre voluerint, eis sicut jure perpetuo huic proposito confederatis nullatenus liceat.

Quartum proinde capitulum est statutum, ut nulla domus nova hujus propositi, sine assensu communis capituli exstruatur, et institutiones dari a nullo priorum præsumatur.

In quinto autem capitulo continetur, quod si domui Carthusiæ, quæ aliarum mater est et nutrix, hæc necessitas ingruerit, ut de alia aliqua quam de sua domo sibi priorem asciscat, quamlibet personam, exceptis domorum prioribus, de domo qualibet hujus propositi sibi assumat.

Sextum deinde capitulum hujusce continentiam habet, ut si alicui domorum jam sæpe dicti propositi causa intercesserit de qua ad præsens tractare necessarium sit, prior Carthusiæ statim ad præfatam causam tractandam, tot ad se convocet priores, si per se facere non poterit, quot ad eam definiendam sibi sufficientes esse videantur. Horum autem definitio haud secus quam universalis capituli rata habeatur.

Septimum denum capitulum de his habetur, ut neque priori Carthusiæ, neque cæteris quibuslibet

prioribus his omnibus que vel ad divinum officium, A diderunt, et hujus sancte obedientie jugum suave, vel ad ceteras quaslibet hujus religionis institutiones pertinent, sine communi consilio generalis capituli demere aliquid, vel addere licitum sit. Commune autem, sive universale capitulum vocamus eos qui convocati convenerunt. Ut igitur hæc omnia instituta, quæ ad sanctæ hujus religionis firmitatem, atque indeficientem stabilitatem pertinent, a sanctis viris nulliter inventa et saluberrime considerata, perpetuum habeant perseverantiam, cuncti priores humilitatis vestigia sectantes, sese huic sanctæ disciplinæ et perseveranti correctioni cum omni devotione sub-

IP.

ITEM CAPITULA ALTERIUS CONVENTUS.

(Ex eodem ms.)

1. Capitulum primum continet, quod passiones B Domini, sicut cætera evangelia, cantentur.
2. Secundum capitulum habet quod, quando Nativitas Domini quarta feria evenerit, sequenti Dominica responsorium sicut in die Nativitatis Domini cantetur. In missa, *Puer natus est nobis*. Oratio, *Concede, quæsumus, omnipotens Deus, ut nos Unigeniti*. Epistola, *Apparuit benignitas*. Evangelium, *In principio*, etc., sicut in Dominicali Nativitatis.
3. Tertium capitulum est, quod in ea Dominica, in qua est evangelium *Erat Joseph*, cantetur antiphona *Erat Joseph* in Sabbato ad Vesperas, eademque repetatur ad *Benedictus*. Idemque contigit in Dominica post Ascensionem, ut videlicet antiphona de evangelio, et ad Vesperas in Sabbato, et ad *Benedictus*, cantetur.
4. Quartum capitulum est, quod sexta Domicalia post Epiphaniam, quæ præcedit Septuagesimam, cantetur evangelium, *Constitetur tibi, Domine pater cæli et terræ*, et antiphonæ ex eodem evangelio, *Tollite jugum meum super vos ad Benedictus, Jugum enim meum ad Magnificat*.
5. Quintum capitulum est, quod repetitio responsorii, *Ego dixi, Domine, sit, Sena animam meam*, B *quia peccavi tibi*, eademque repetatur post *Gloria*.
6. Sextum capitulum est, ut illa quæ emendata sunt in psalterio, emendentur in responsorio, verbi gratia: *Si mei non fuerint dominati, Ipse liberavit me, et Exaltabo mans misericordiam, et in generatione et generationem*.
7. Septimum capitulum est, ut post *Venite*, cantetur *Eternæ rerum Conditor*. Ad Laudes, *Splendor paternalis gloriæ*. Ad Vesperas, *Deus Creator*, etc. Ad Completorium, *Christe, qui lux es*.
8. Octavum capitulum est, ut ab octavis Pentecostes, usque ad Adventum Domini omnibus seralibus diebus, exceptis festis, Dominicales orationes dicantur ad Vesperas et ad Laudes.
9. Nonum capitulum est, ut in responsorio unius C martyris in tertio nocturno dicatur versiculus, *Lætabitur justus in Domino*.
10. Decimum capitulum est, ut in festo sancti Andreæ, si in Adventu contingat, semel tantum comedatur, sed nihilominus ad collationem veniatur.
11. Statutum est etiam ut pro charis in conventu aliquid facere, in ordinatione prioris et sui capituli arbitrio consistat.

III.

ALIA STATUTA.

(Ex eodem ms.)

1. Statutum in Carthusiensi capitulo, ut in claustro D post nonam secundum arbitrium prioris pro sermone solito lectio habeatur.
2. Deinde decretum est, ut quomodo de equitatione fratrum cæterarum domorum statutum fuerat, sic et in Carthusiensi servetur, ita dumtaxat ut, cum ad capitulum venerint, vel per capitulum aliqui pro aliquo negotio missi fuerint, liceat eisdem domibus, unde fratres mittentur, prout necessitas postulaverit, solito more fratrem equitando foras mittere.
3. Item communi assensu decrevimus, quatenus pro domno P. Cluniacensi abbate, quando eum obire D contigerit, in cunctis nostri ordinis domibus, excepto anniversario, et quod in martyrologio non scribatur, idem ac per officium fiat quod pro priore vel professo fieri consuevit. Præ cæteris vero totius ordinis Cluniacensis defunctis, præter privatas orationes, semel in anno generale officium, tam de missa quam de agenda in conventu, celebrabitur. A singulis quoque sacerdotibus nram psalterium, a laicis 300 Dominicæ orationes persolvantur. Hoc vero obsequium singulis annis ab ipso capitulo usque ad Nativitatem Domini expleri injungimus. Pro domno vero Ainrico Wintoniensi episcopo, necnon pro prefati

abbatis successoribus, post obitum ipsorum, generale capituli deferatur, ejusque iudicio terminetur.

4. Rursum sancitum est, ut si domus, aut quilibet persona nostri ordinis a Romana curia per se, vel per aliam litteras contra iustitiam communis capituli postulaverit, a societate universi ordinis separator, nisi per idem commune capitulum reconcilietur.

5. Præterea stabilitum est, ut, quia certus est numerus habitatorum locorum nostrorum, certus etiam in animalibus et mercenariis haberetur et modus. Propter modestam igitur unitatem ubique servandam, statutum est, ut nulla ordinis nostri domus ultra 25 mercenarios nec ultra 1200 tam oves quam capras, exceptis hircis, nec ultra 12 canes, nec ultra 52 boves, ac 20 vitulos, nec ultra 6 sagmarios ulterius habeat.

6. De submovendis quoque ac substituendis prioribus, hoc etiam iudicavimus esse servandum, ut nulli ordinis nostri congregationi viventem priorem liceat ab officio suo amovere, nisi ex consensu communis capituli, neque ipsi capitulo liceat ejusdem aggregationis, fratribus inconsultis ac nolentibus, absque culpa condigna, priorem dare vel auferre. Si vero a fratribus cujuscumque domus erga priorem suum pro suis excessibus, quæstio suborta fuerit, idemque prior ab eisdem sæpius admonitus, seipsum emendare noluerit, causa ipsa ad consilium communis

7. Dictum est etiam, ut nulla omnino domus pro suo, aut alieno negotio, ad personam domni papæ scribere præsumat, sine consilio communis capituli

8. Item statutum est, ut si quilibet prior, vel pease, vel per subjectum suum instituta capituli violare præsumpserit, postquam transgressio manifesta fuerit, in conspectu totius capituli culpam professus extra capitulum egrediatur, nudatus pedes, vestibus pro consuetudine detractis, manu virgas portans ante conventum pro suscipienda disciplina humiliter revertatur. Ipse quoque in domo sua, suis subjectis pro simili culpa similem imponat disciplinam.

9. Decretum est etiam, ut si quis præscriptum animalium numerum excesserit, ex decreto capituli, quod super fuerit, pauperibus erogetur.

10. Præterea institutum est, ut monachorum vestimenta a semipede terram non turgent, laicorum quoque fratrum vestes ultra ora calciamentorum non descendant.

11. Etiam hoc statuimus, ut de Cisterciensium, sive præmonstrati congregationibus propter ipsorum reverentiam et pacem, nulla ulterius persona in nostrum ordinem suscipiatur. Quod institutum si quis nostrorum transgressus fuerit, etiam professum expellere cogatur, et a toto ordine separare.

IV.

ANTIQUA STATUTA ORDINIS CARTHUSIENSIS DE SACRIS RITIBUS.

(Ex ms. Colbert. 3808.)

1. In omni missa de vivis quæ voluitur celebranda, per singulos dicitur: *Omnipotens sempiternus Deus qui vivorum.*

2. Declaramus quod missa benefactorum nunquam debet reddi in festis XII lectionum, etiam tricenario corrente, si tamen alia vacaverit in qua possit reddi.

3. Quacunquē die contingant octavæ Apparitionis, si aliter dici non possit responsorium *Ne in ira*, ipsæ octavæ sicut in Sabbato.

4. Declaramus quod missa Dominicalis non impediatur propter missam anniversarii; sed tunc dicatur missa anniversarii privatim, et missa Dominicalis in conventu, nisi alia dies vacet in ipsa hebdomada, in qua dici possit missa dominicalis.

5. Cum dominus noster summus pontifex ordinaverit, et districte præceperit in virtute sanctæ obedientiæ solemniter celebrari ab omnibus festum Corporis Christi, nos ob Dei et sancti præcepti reverentiam ordinamus, et eodem modo quo in decretali præcipitur, præcipimus, ut festum fiat in nostro ordine, et tam in officiis, quam in missis aliis cum candelis solemniter celebretur, scilicet feria v post octavam Pentecostes. Et sicut octavæ de prædicto

festo, eo ritu et ea solemnitate, quibus octavæ Assumptionis B. Mariæ celebrantur.

6. Præcipimus et monemus omnes priores et conventus nostri ordinis, ut quolibet anno non omittant facere tricenarium olim concessum domino Amblardo episcopo Mauriennensi.

7. Declaramus quod quando vigilia Natalis Domini accedit in die Dominico, responsoria mutuata, scilicet *Eccce dies veniunt*, et *Ave, Maria*, debent dici.

8. Declaratur quod in die Exaltationis sanctæ Crucis possit fieri dormitio secundum antiqua statuta.

9. Ordinamus quod de cætero pax sumatur in ecclesia in tabula, in qua sit depicta imago Christi crucifixi.

10. Omni tempore in elevatione corporis Christi in missis conventualibus cereus accendatur, excepto tempore interdicti et cessationis a divinis.

11. Declaramus quod secundum privilegia nostra et statuta, et secundum decretalem positam in titulo de privilegiis in secundo libro in fine dictæ decretalis, possumus ministrare ecclesiastica sacramenta servitoribus nostris domesticis.

12. Declaramus quod priores et vicarii monialium, si contingeret eos mori in domibus quibus præsent

non amittant associationes domorum propriarum, A nisi in domibus in quibus sunt priores vel vicarii fecerint professionem.

13. Quando festum Annuntiationis celebratur infra octavas Paschæ, in primis vesperis dicantur filii psalmi, qui dicuntur infra dictas octavas, scilicet *Dixit Dominus*.

14. Declaramus quod secunda missa Nativitatis Domini celebretur; et si non apparuerit aurora, redeant monachi ad cellas antequam missa celebretur.

15. Inhibemus quod cum cucullis de tela factis amplius non serviatur in conventu, nec etiam in privato.

16. Priores vel monachi nostri ordinis, vel conversi de cætero non eant ad sepulchras, nisi forte B principum et magnorum prælatorum, vel patris et matris eorum de ordine, si sepelirentur infra terminos domorum suarum.

17. Statutum factum de præsentia episcoporum, quod priores dimittant sedes suas in ecclesia ipsis episcopis præsentibus, intelligitur quando sunt præsentibus in ecclesia.

18. Ordinamus ut jejunia quarti temporis in Septembri in qualibet domo nostri ordinis secundum consuetudinem suæ diocesis celebrentur.

19. Ordinamus quod si contingat evenire festum trium lectionum habens officium missæ proprium, feria iv capituli generalis dicatur missa festi, missa vero *Salus populi* privatim ab aliquo persolvatur.

20. Secundum consuetudinem domus Carthusiæ antiphonæ resumentur, scilicet in voce in qua psalmodia est finita.

21. Criminosi reconciliati ordini spirituale beneficium habeant, juxta gradum ad quem fuerunt restituti.

22. Ordinamus quod quando plura tricenarij erunt inchoanda, incepto primo tricenario a priore vel ab antiquiori, cætera incipiantur ab eis, quibus missa tricenarij jam incepti contigerit celebranda.

23. Præcipitur ut districtius et efficacius potest fieri, omnibus personis ordinis ut nullo modo, quovis colore, per se vel alium, directe vel indirecte factis, verbis, vel litteris aliquam personam, cujuscunque conditionis existat, inducat ad petendum ab ordine aliquod beneficium spirituale præter recommendationem generalem, quæ precibus ordinis fieri consuevit, nec leviter concedant anniversarium in domibus suis, nec ullo modo pro temporalibus ad spiritualia se obligent, nisi prout licite fieri poterit, juxta consilium peritorum.

24. Ordinamus quod de cætero, propter præceptum Ecclesiæ, quod per omnes domos ordinis in festis duodecim apostolorum semel in anno, evangelistarum et quatuor doctorum olim non fecimus festum capituli; fiat festum capituli quantum ad monachos, et conversi in prædictis festis in operibus occupati, non cessent ab eis, nec propter capitulum ad domum superiorem ascendant. Nomina apostolorum sunt Petrus,

Paulus, Andreas, Jacobus, et Joannes, Zebedæi, Philippus, Thomas, Bartholomæus, Matthæus, Jacobus Alphaei, Simon, Judas et Mathias.

25. Ut uniformitas, sicut in statutis continetur, in divino servitio servetur in ordine, procurent omnes priores et vicarii habere legendam quæ legitur in Carthusia in octavis et per octavas eucharistiæ, cujus legendæ copia in Carthusia poterit reperiri.

26. Priori et conventui Liminati, et aliis quibus placuerit conceditur, ut festum Conceptionis B. virginis Mariæ possint solemniter celebrare, et fiat officium sicut in Nativitate, in nomen *Conceptionis* nomine *Nativitatis* commutato.

27. Conceditur domui Carthusiæ, ut possit facere festum capituli de domno Ugone Lincolnienſi episcopo, qui fuit monachus Carthusiæ.

28. Tempore paschali dicatur evangelium *Ego sum vitis vera* in festo B. Ambrosii et B. Ugonis, si in dicto tempore dicta festa contigerit celebrari.

29. Movenus ut in omnibus domibus conversorum a domibus superioribus separatis, quibus est capella; cessante justo impedimento, celebretur missa a priore vel procuratore, bis vel ter ad minus. . . . Si vero prior in præmissis defecerit explendis, clamet culpam suam in capitulo proximo.

30. Tricenarium, quod concessum est domino Amblando annis singulis persolvendum, circa festum S. Marci evangelistæ debite persolvatur, sicut fit Carthusiæ, videlicet ut pro ipso et suis parentibus dicatur prima oratio *Inclina* . . . *famulorum et famularum*; deinde consueta.

31. Licet statutum sit quod super annum dicantur sub certo numero centum breves, et non debeat omitti, nec de cætero omitatur antiqua consuetudo in statutis contenta de mittendo et nuntiando per domos ordinis breves obeuntium personarum, ut pro eis dicatur oratio specialis, et consequenter pro aliis dicatur generalis, videlicet pro uno singularis, et pro pluribus singularis, sicut habetur in statutis.

32. Ordinationem olim factam admonendo quatenus omni die dicatur missa B. Mariæ post missam conventualem, alio impedimento cessante, sicut fit Carthusiæ, approbamus, et ut præmissum est, fiat. Item ordinamus et volumus quod dicatur.

33. Declaramus quod in domibus monialium et monachorum, quibus non sunt tot sacerdotes quot missas debitas, etiamsi ultra illam qua debeant hebdomadam differantur, reddere non sufficiunt; pro qualibet missa debita, quæ solvi non poterit, psalmi quinquaginta dicantur, juxta ordinationem et dispositionem prioris vel vicarii.

34. Consuetudinem domorum ordinis, in quibus singulis diebus missa de B. Maria virgine dicitur, tanquam sanctam et laudabilem approbamus et confirmamus, et admonentes in Domino nonnullos priores et monachos ordinis præfatæ consuetudini contrarios, quod ad honorem Dei et B. Virginis dictam consuetudinem devotionis specialis intuitu imitemur.

35. Quia per Dei gratiam numerus personarum A augmentatur et domorum, consequenter breviter ordinamus, quod a capitulo generali usque ad instantem Nativitatem Domini omni anno breves 50, et a Nativitate usque ad capitulum sequens totidem dici possint, brevibus aliis qui super annum mittuntur in hoc numero computatis : ita tamen quod duo breves in hebdomada persolvantur.

36. Novam constitutionem de monachis semel in mense communicandis per sedem apostolicam specialiter editam, causa devotionis extendi volumus ad nostros, cum præ cæteris religiosi devotioni debeamus intendere : statuentes ut quilibet monachus non sacerdos, clericus, redditus apud nos in prima Dominica mensis cujuslibet, ad minus juxta tenorem prædictæ constitutionis cum debita præparatione B eucharistiæ recipiat sacramentum.

37. Monemus autem sacerdotes raro celebrantes, quod de cætero se præparent et disponant.

38. Propter officium benefactorum S. Stephani, Cluniacensis et capituli generalis, ne nimis differatur, concedit quod possit transferri anniversarium : alia non anniversaria quæ transferuntur, solvantur et reddantur quando et sicut in nostris constitutionibus continetur.

39. Quæstioni factæ de festo B. Antonii et ejus officio respondetur, et sicut fit in Carthusia, sermo in matutinis *Omne quod agimus*, etc., evangelium tam ad matutinas quam ad missam, *Si quis venit ad me*, etc., homilia B. Gregorii papæ, *Si consideremus*. Introitus missæ *Os justi*, et epistola *Iustum deduxit*.

40. Cum secundum statutum ordinis monachi non sacerdotes et moniales loco missæ tricenarii 50 psalmos dicere teneantur : similiter declaramus, quod in domibus monialium et monachorum, ubi non sunt

tot sacerdotes quot missas debitas, etiam si ultra illam qua debentur hebdomadam differantur, reddere non sufficiunt, pro qualibet missa, quæ solvi non potuit, psalmi 50 dicantur juxta ordinationem et dispositionem vicarii et rationis, non tamen propter hoc moniales omittant reddere pro brevi unum psalterium, sicut in novis statutis continetur.

41. Dominica infra octavas eucharistiæ dicitur titulus primæ lectionis *Ex dictis sanctorum*.

42. Ordinamus quod festum B. Hugonis episcopi Lincolniensis, quondam monachi Carthusiæ et prioris de *Vitam* cum candelis et capitulo per totum ordinem celebretur. Conversi ab operibus non cessent, nec habeant capitulum. In primis vesperis super psalmos debet dici antiphona prima de laudibus *Ecce sacerdos magnus*, et secundum responsorium, et missa sine symbolo.

43. Declaratur quod missa festi trium lectionum eveniens in die Cinerum et deinceps, propter missam jejunii non impeditur, sed ab hebdomadario est dicenda.

44. Item declaratur quod quando plures breves eveniunt in hebdomada, et missas reddi secundum antiqua statuta cum suis propriis orationibus, non obstante quod de duobus brevibus dicendis in hebdomada est statutum. Si tamen plures quam duo breves in hebdomada contigerint evenire, quot plus eventient, tot minus dicantur in hebdomada subsequenti.

45. In festo de Conceptione B. Mariæ dicatur loco C *Conceptionis, Sanctificationis*.

46. Declaramus quod quando occurrit anniversarium præsentis defuncti, quæ agendæ eodem die debent dici, una videlicet anniversarii post vespas in ecclesia, et alia more solito prope funus.

V.

STATUTA CAPITULI GENERALIS ORDINIS CARTHUSIENSIS EDITA ANNO 1261.

(Ex ms. Colbert. 3807.)

1. Anno Domini 1261, statutum est quod prior et procurator possunt dicere *Piacebo* et *Dirige* post nonam, quando sunt extra conventum, et infirmi similiter.

2. Item, quod domus Vallis Viridis possit scribere domino papæ pro sibi necessariis.

3. Item, conventus non comedat extra domos.

4. Recepti et recipiendi de ordine Minorum et Prædicatorum non possunt habere obedientias cum cura, sine dispensatione summi pontificis. Ipsi etiam qui professi fuerint in prædictis ordinibus vel in Cisterciensi, non possunt aliquas obedientias etiam sine cura habere in ordine nostro sine dispensatione capituli generalis.

5. Priores non dent vicariis generalem potestatem, nisi in casu evidentis necessitatis vel utilitatis.

6. Beneficia anniversariorum privatorum non fiant diebus secundum antiquam consuetudinem absti-

entiæ deputatis; possunt tamen fieri in quibuslibet festis capituli, cujuslibet domus consuetudine non obstante. Illud etiam quod dabitur feria III, vel Sabato possit pro beneficio anniversarii computari, quidquid sit illud.

7. Statutum de facienda coquina per monachos semel in mense revocatur.

8. Nullus appellet nisi ad capitulum generale vel ad priorem Carthusiæ, aliter appellans ordinem amittat. Si autem judicio capituli pronuntiatum fuerit ipsam appellationem injustam fuisse, is qui sic appellavit juxta modum culpæ graviter puniatur.

9. Nullus appellet, et correctionem nisi gravem et manifestam contineret iniquitatem. Appellationem autem quacunque ex causâ emissam non prosequatur in propria persona, sed per nuntium et litteras, et priores teneantur in hoc casu ministrare subditis suis nuntium et expensas.

10. Conversi et redditu teneantur ostendere et ex-

ponere voluntati prioris, vel etiam procuratoris quidquid habent in cellis vel alibi, quotiescunque ab ipsis super hoc fuerint requisiti, ne sententiam excommunicationis contra proprietarios latam incurrant.

41. Quando aliquis monachus de ordine Cisterciensi vel Nigrorum apud nos facit professionem, non benedicitur, si in suo ordine fuerit benedictus. Cætera tamen facit, videlicet versum *Suscipe me, Domine*, orari pro se postulat, professionem legit et communicat.

42. Si aliquis infirmetur infra terminos nostros tam graviter, quod non posset intrare terminos pedes vel eques, non potest recipi vel indui ordinate.

43. Novitii non faciant professionem nisi proprio priore præsentem, vel alio de ordine nostro per voluntatem ejus, si præsens non possit esse.

44. Cuilibet statuum nostri ordinis, scilicet monachorum, conversorum et redditorum, loco trium nullum possunt addi tres utiles.

45. Nullus præsumat proponere aliquid ad statuum, per quod antiquus rigor ordinis minuatur, quicumque vero hoc fecerit, et monitus a priore Carthusiæ vel a definitioribus cessare noluerit, in eo facto ordine sit privatus.

46. Visitationes domorum Cataloniae, Angliæ et Sclavoniae et S. Bartholomæi et cæterarum domorum multum remolarum a Carthusia non fiant nisi anno bissextili, nisi capitulo vel priori Carthusiæ videretur quandoque aliter faciendum.

47. Quicumque de incontinentia indicibili convictus fuerint vel confessi, perpetuo carceri mancipentur sine spe deliberationis.

48. Singulæ domus nostri ordinis carcerem sufficientem habeant, in quo ad agenda poenitentiam, recludantur criminosi, et omnis qui minatur mortem vel ignem, donec de ipsis per capitulum aliter ordinetur. Ad incarcerationes vero prædictos criminosos teneantur subditi suis prioribus vel vicariis, aut visitatoribus obedire.

49. Prior Carthusiæ possit reconciliare ordini quoscunque criminosos, servata ordinis disciplina, propter cavendum scandalum et periculum animarum, et etiam prior proprius ipsorum criminosorum in articulo mortis.

20. Fugitivi reperti absque litteris prioris Carthusiæ vel priorum suorum, per quoscunque priores ordinis licite possunt capi.

21. Diffinitores fugitivorum non se debent intrmittere de reconciliatione vel disciplina fugitivorum, qui causa reconciliationis veniunt ad capitulum, sed diffinitores capituli generalis.

22. Capitulum generale potest ex plenitudine potestatis quamcunque ordinis personam collocare ex causa rationabili in quacunque domo ordinis ad professionem etiam faciendam.

23. Si quis semel professus fuerit in aliqua domo ordinis, et iterum proficteatur in alia, suffleat ei ad

A professionem, ut promittat priori obedientiam in conventu.

24. In octava Nativitatis Domini dicitur præfatio de nativitate, et *Communicantes*, et *Hanc igitur*.

25. Quando Apparitio Domini in dominica contingit, fit commemoratio de dominica, et sunt antiphonæ *Cum factus esses*, etc.

26. Post lectiones de prophetis, cum terminantur cum *Explicit*, dicitur: *Tu autem, Domine*.

27. In festo inventionis S. Stephani dicuntur antiphonæ et responsoria, sicut in octava natalis ejusdem.

28. feria iv et vi jejuniorum quadragesimalium, post alias orationes dicitur oratio, *Omnipotens, qui visoriam*.

B 29. In missis defunctorum, in quibus ex ordine debet dici tractus *De profundis*, dicatur introitus, *Requiem æternam*.

30. Quilibet hebdomada totius anni dicuntur duo breves, et non plures usque ad capitulum generale, nisi in una hebdomada plures personæ in aliqua domo decederent, vel alia subesset aliqua iusta causa. Nam post capitulum generale dicuntur plures, si non sufficerent antedicti.

31. Priores non teneantur sequi consilium conversorum in receptione aliorum, nisi viderint expedire.

32. Conversi et redditi communicare debent in die professionis suæ.

C 33. Hospitantes in domo de Plantatis nihil ibidem, præter ea quæ per illos de S. Roberto promissa sunt, requirant.

34. In stando in ecclesia superiori conversi et redditi debent monachos imitari.

35. Laicorum numerus, quos conversos vocamus, tresdecim est statutus, et redditorum duo possunt esse clerici, et intrare chorum monachorum, etiam sine cappa, et officium monachorum præter missas facere, capitulo interesse, et in refectorio monachorum comedere, cum a prioribus eorum, ut in prædictis, gratia eis fiat.

36. Redditi laici comedant in refectorio cum conversis, tempore quo comedent ipsi redditi in domo superiori.

D 37. Nulla monialis possit eligi de cætero in priorissam, nisi triginta annos ætatis habeat. In qualibet domo monialium priorissa promittat obedientiam vicario, et moniales tantummodo priorissæ. Monachi vero qui sunt in aliqua domo monialium, cappellani atque conversi et redditi promittant obedientiam vicario tantum.

38. Capellani et clerici et redditi cum monachis vel monialibus conversantes, teneant ordinem in jejniis sicut moniales et monachi supra dicti.

39. Declaramus quod ordinem tenere est feria iv et v esse contentum pane et vino et coquina; feria iii et Sabbato, pane, vino et coquina sine pittantia; feria vi, pane et aqua; festis capituli et feria v, sicut et alii ex debito.

40. Quam cito *Sanctus* incipitur, capitulum induitur.
41. In pluribus tricenariis simul inchoandis, quilibet suam habet missam et propriam orationem, et postea addentur simul in oratione plurali.
42. Tapetia universa et quarrelli picturati vel curiosi de cellis amoveantur.
43. Picturæ curiosæ de ecclesiis et hospitibus delectantur.
44. Statutum est ne aliquis de ordine nostro possit præfisci in priorem de cætero, quoad usque a tempore professionis per duos annos laudabiliter in ordine nostro fuerit conversatus.
45. Novitii qui veniunt ad ordinem nostrum sibi provi leant de vestibus, si habeant uide.
46. Sacerdos qui non potest celebrare missam, in conventu inutilis reputatur.
47. Clericum redditum priores recipiant, consultis monachis.
48. Statutum quod termini deinceps per duos priores limitati more solito et scripti ad sequens capitulum apportentur, et ibi rationabiliter examinati per omnes diffinitores confirmantur, et sigillantur, et extunc habeant roboris firmitatem, approbatur et confirmatur.
49. Si contigerit mori equitaturam visitando, emendationes quindecim librarum non excedant; si minus valet, emendatio minuetur.
50. Nulla domus habeat colloquium præter festum XII lectionum.
51. Hortamur et volumus quod priores quorum conventus propter paupertatem dividuntur, nullos novicios interim recipiant absque licentia prioris Carthusiæ vel capituli generalis.
52. Monitio sit effectiosa et districta, ut nullus prior vel alia persona ordinis libros vel quæcumque alia obstinate sibi appropriet per usum fractam sibi concessum.
53. Qui reconciliatus fuerit ordini, licet alibi obierit, et sepultus fuerit, non caret beneficio ordinis.
54. Procuratores ordinis in domo superiori sine licentia speciali nihil debent dare vel possunt, nisi manifeste eis conceditur in statutis.
55. Ili qui volunt ostium chori aperire, in elevatione habeant fracticum ostium, quod aperiatur tantum in elevatione, et postea claudatur.
56. Cum communitas præferenda sit proprietati, nemo de cætero suadeat, consulat vel procuret cleemosynas assignari ad pittantiam, infirmariam vel sacristiam vel aliquid tale.
57. Monemus ne portetur potus a monachis foris, nec super hoc credatur prioribus vel hospitibus adventitiis, et patres domorum, quantum possunt, discussent.
58. Ordinamus præcise, et irrevocabiliter volumus observari, quod conversi et redditus, qui de cætero ad dominos sæculares recurrent, conquerendo et denuntiando per se vel per alium de ordinationibus seu correctionibus, domum suam perpetuo amittant, monachi vero voce careant in æternum.
59. Si quis voluerit exire ordinem, vel alium exire sollicitaverit, per visitatores perpetuo voce privetur.
60. Præcipimus ut cum duo in cella fuerint, primo ostio penitus aperto, secundum ostium nullatenus obseretur.
61. Ordinamus et volumus quod redditus clerici in illis casibus, in quibus conversi amittunt barbam et cellam, ex nunc puniantur sic, quod nunquam portent cappam nisi grisam, et capitia habeant ad modum novitiorum, diuidiam tortam panis monachorum cum pane familiæ tantummodo. Et idem dicimus de redditis laicis suo modo.
62. Ordinamus et volumus modis omnibus, quod quælibet domus custodiat deposita sub duabus vel tribus clavibus, quarum unam custodiat prior, aliam vel alias custodiant illi quibus prior duxerit committendum.
63. Associationem tricenarii faciendam statuimus primo anniversario post inchoationem tricenarii.
64. Non credimus clericos redditos teneri ad psalteria
65. Sacerdos ad altare, quando se vertit ad populum, jungat manus, nec retorqueat ad pectus ad *Dominus vobiscum*.
66. Novitii conversi et redditus possunt mitti extra terminos pro utilitate domus suæ.
67. Conversi se vocent ad invicem fratres; qui contra fecerit, veniam accipiat.
68. Nec monachi, nec conversi præsumant de cætero sigilla servare, vel sculperere; sed qui habent, statim reddere teneantur.
69. Quoties aliquis constituitur novitius, novitiorum propter disciplinam ultimus intelligitur eorum quos invenerit, nisi aliud exprimatur.
70. Quando in festo Trinitatis commemorationem fieri contigerit, fiat de officio paschali.
71. Volumus et monemus ut visitatores vigilent et intendant, nec mittant hospites, ubi hospites tres sciverint esse.
72. Stola non cancellata, sed uniformiter deponitur.
73. Caveant visitatores, quantum poterunt, ne conversi et servientes sui culpas et modum visitationum domorum quas visitabunt, sciant, vel inquirent et revelent.
74. Qui voluerint de cætero aliqua proponere capitulo generali, proponant in scriptis sub brevibus verbis, et tradant lectori.
75. Capellani et clerici cum monachis et monialibus conversantes teneant ordinem sicut moniales et monachi in jejuniis. Beneficia temporalia habent sicut conversi, et spiritualia sicut monachi, et ad reddenda ea pro aliis sicut et ipsi teneantur.
76. Non detur pittantia monachis in cœna carnisprivii in refectorio, nec conversis in celis.
77. Fiat commemoratio in festo sanctæ Crucis, si

st in Dominica, primo de Dominica, post de octava A Mariæ, et post de martyribus.

78. Qui professionem fecerit in ordine nostro, et exierit, et postea redierit, non faciat iterum professionem, sed statim promittat obedientiam.

79. Monachi qui non sunt sacerdotes, dicant unum psalterium pro tricenario concessio illis qui non sunt de domo.

80. Sabbato jejuniorum, legat prior quintam lectionem, licet in mane celebraverit.

81. Ad preces priorum supervenientium, nisi ipsi presentibus, non detur monachis pittance diebus ab ordine concessis, nec exeant domum, causa spatianti.

82. Ordinatum est ut novitii, recitata lectione in capitulo, et propositis quæ proponenda sunt a priore, confestim a capitulo, et omnino de capitulo generali excludantur.

83. Oratio de vigilia S. Andreæ et festi S. Sylvestri bis continuatim dicantur.

84. Inobedientes scienter visitoribus, a suis prioribus absolvi non possunt.

85. Visitatores, ubi invenerint quod monachi extra clausuras domorum comedere consueverunt, consuetudinem reprehendant et castigent.

86. Non revelentur secreta ordinis.

87. Credit ordo, quod statutum Lugdunensis concilii non arceat nos ad inclinandum, quoties hoc nomen *Jesus* auditur; sed fiat sicut ante.

88. Aliqua monialis non mittatur de domo sua per visitatores, nisi pro nova plantula construenda, et tunc de licentia prioris Carthusiæ vel capituli generalis.

89. Monachi qui missi sunt, et qui mittentur de cætero ad domos ordinis ad professionem faciendam, illam faciant infra mensem.

90. Priores qui exonerantur de hospitibus, illis tenentur expensas necessarias ministrare.

91. Missa beneficiorum debet reddi in festo XII lectionum, etiam tricenario durante.

92. Quacunque die contingit octava Apparitionis, si aliter dici non possit responsorium *Domine, ne in terra*, etc., ipsæ octavæ fiant Sabbato præcedenti.

93. Ordinamus et volumus, ut præbendarii sæculares de cætero non recipiantur in ordine sine licentia capituli generalis vel prioris Carthusiæ super annum.

94. Omnes iudi manuales a personis ordinis evitentur.

95. Garciones non permittantur exire potestatem Carthusiæ, sedente capitulo generali, nec priores eorum dent eis pecuniam ad bibendum.

96. Ordinamus et volumus, quod si aliquæ personæ de ordine Mendicantium receptæ sunt, vel recipiantur (quod vix fiat) non possint habere obedientiam sine licentia capituli generalis.

97. Priori Vallis Viridis conceditur tertius clericus.

98. Inhibemus ne de cætero conversi v. g. redditu equitent in campis [f. in cappis] nigris.

99. Injungitur prioribus in virtute sanctæ obedientiæ et præcipitur ne præsumant dare parentibus vel cognatis sine consensu aliquid vel aliqua de bonis domus, unde domus gravelur.

100. Declaramus et volumus, quod de cætero nullus prior recipiat aliquam personam ad ordinem sine consensu et voluntate conventus sui vel majoris partis.

101. Ordinamus, quod redditu, tam clerici, quam laici teneantur ad silentium: aliquando ratione loci sicut in ecclesia et in refectorio, vel in mensa, vel in claustris; aliquando ratione personæ, sicut cum personis quæ tenentur ad silentium.

B 102. De festis SS. Benedicti, Hugonis, Ambrosii, quando paschali tempore evenierint, nihil immutatur, quin fiat sicut ante Pascha, quantum ad homelias et evangelia et epistolas, tam in missa quam in matutinis.

103. Visitatores non possint emittere hospites extra provinciam quam visitant, nisi mitterent in domum unde ultimo fuerint professi.

104. Statutum de velatione monialium, quæ officia habuerint et dimiserint, approbatur et confirmatur.

105. Injungimus visitoribus ordinis, quod non vereantur injungere prioribus quod petant misericordiam, quotiescunque rationabilem causam viderint apparere, et maxime illis quos in hoc viderint obstinatos.

C 106. Deliberatione provida statuendum, quod quicumque subditus monachus vel conversus seu redditus, commiserit crimen furti, seu alienationis, vel proprietatis ultra valorem trium solidorum, nec ipse priori suo saltem constitutis temporibus in statutis confessus fuerit, ipso facto sententiam excommunicationis incurrat, et hanc sententiam denunciati annis singulis priores, vel ipsi absentibus vicarii in domibus suis in Dominica Ramis palmarum latam per capitulum generale; hoc addito quod priores possint absolvere sicut prius, et vicarii usque ad adventum prioris.

D 107. Statutum est ut quicumque conversus de cætero peccatum incontinentiæ commiserit, domum suam perpetuo amittat, et ad statum redditu, quoad victum et barbam reducantur, et cellam amittant sine spe dispersionis.

108. Similiter cellam amittit quicumque priorem suum diffamaverit, aut damnum domus procuraverit, sollicitando creditores ad recuperanda debita, vel exhortando aliquos ad capienda bona domus, vel alia damna inferendo.

109. Illud idem observetur in de furto et proprietate convictis.

110. Statutum factum circa victualia conversorum stet, de duobus... panum et pane avenæ, et de vino dando solummodo temporibus statutis, secundum formam in statutis, contentam firmiter observetur: ita quod, non obstantibus aliquibus con-

suetudinibus contrariis aliquarum domorum, prædictum statutum a modo teneatur; nisi priores, qualitate regionis et personarum et domorum considerata, duxerint cum eis misericorditer dispensandum. Si vero propter hoc vel aliud a laboribus se subtraxerint, aut minus fideliter laboraverint, aut... laborem fecerint, et hoc constiterit priori vel procuratori, et moniti se non correxerint, prior de conventus sui vel majoris partis consilio mittat eos ad priorem Carthusiæ alibi sustentandos.

111. Cum conversi et redditu recipiantur post salutem animarum præcipue pro labore, et nonnulli propria manu laborare recusent, statuimus, ut quicumque super hoc a priore vel procuratore reprehensi fuerint, et moniti non se emendaverint, vino et pittance priventur, quandiu priori videbitur, nisi eos evidens necessitas excusaret.

112. Conversi infra terminos domorum suarum non equitent, nisi ita essent debiles et infirmi, quod pedes ire non possent, nec extra, nisi secundum quod scriptum est in statutis.

113. Prior et procurator quotiescunque eis placuerit, vel saltem semel in mense cellas et officinas conversorum diligenter visitent, et inquirant, et ipsi conversi eis omnia exponere teneantur. Et si aliquis cibaria præter licita et debita in cella assuetus fuerit reponere et tenere, et monitus non se correxerit, cella perpetuo privetur. Et amodo seras clandestinas non habeant sub pœna contenta in statutis; in ostio vero anteriori seras possint habere, si priori videtur expedire, cujus clavem quotiescunque extra domum exierint tradant coquinario: quod qui non fecerint, sequenti die quo dabitur vinum et pittance, careant ipsi.

114. Exhortamur priores, ut in correctione conversorum sint pervigiles et intenti, et in receptione eorum non teneantur sequi consilium conversorum.

115. Ad statutum quod conversi se vocent ad invicem fratres, additur quod qui contra fecerit, in sequenti capitulo clamet culpam suam, et sine misericordia accipiat disciplinam.

116. Statuta de novo facta conversis immediate post sermonem legantur ab illo cui prior duxerit injungendum, quater in anno vel amplius, si priori videbitur.

117. Terræ inutiles, remotæ et steriles ad tempus possint dari in emphyteosim de consensu conventuum, secundum quod sibi videbitur faciendum. Si vero aliqui conversi prædicta impedire palam vel occulte tentaverint, ita quod possit probari, redditu efficiantur.

118. Ordinamus etiam quod prædicta statuta statim probentur et confirmantur.

119. De tribus vero personis, in quibus prior Carthusiæ poterat dispensare supra annum ultra numerum tresdecim conversorum, ulterius cum domibus quæ multum indigebant, ordinamus quod illæ tres personæ in redditu recipiantur, hoc adjecto quod si aliqua persona valde domibus necessaria et utilis appareret, quod prædictus prior inspecta qualitate personæ possit dispensare cum uno vel duobus de illis tribus, ut conversi efficiantur.

120. Volumus omnimodo quod prædicta statuta observentur et in sequenti capitulo confirmantur.

121. Quater in anno legantur hæc statuta conversis et redditu omnibus congregatis in capitulo ipsorum, videlicet in festo Purificationis, S. Joannis, et Assumptionis B. Mariæ.

NOTA. — Etsi hæc statuta annum 1261 præfixum habeant, non omnia tamen eo anno, sed aliqua subsequentibus annis edita esse oportet. Id patet ex statuto 87 in quo fit mentio decreti editi in concilio Lugdunensi.

VI.

STATUTA EDITA IN CAPITULO GENERALI ORDINIS CARTHUSIENSIS ANNO 1289.

Anno Domini 1289, de novo statuimus, quod quælibet domus ordinis possit habere duos clericos redditos, qui sint de numero VII redditorum.

2. Item pro personis in domibus associatis persolvant priores, sicut pro personis propriis, nisi mutua pactio aliud contineat.

3. Item de novo statuimus, ut deinceps termini per duos priores more solito limitati et scripti ad sequens capitulum apportentur, et ibi rationabiliter examinati per omnes diffinitores approbentur et sigillentur, et extunc habeant roboris firmitatem.

4. Item de novo statuimus quod priores et procuratores, qui reperti fuerint culpabiles negligentia vel alio modo de evasione incarcerationum, sequenti capitulo clamet culpam suam, etsi iudicio capituli

dignum fuerit, obedientis priventur; alii vero qui evasionis causam dederint, obedientias de cætero non habeant et locum subeant evadentes.

5. Item, de novo statuimus quod monachi conversi et redditu de incontinentia convicti et confessi, si contigerit aliquo tempore reconciliari eos ordini, nullo modo fiat id domibus in quibus convicti fuerint, nisi ad perpetuum carcerem, de quo si educerentur, nullo modo ibi remaneant, sed alibi collocentur sub debita disciplina.

6. Item, cum scandalum non modicum et inter magnos in terra ista ortum fuerit propter scyphes argenteos a quibusdam prioribus deportatos, iubemus districte ne de cætero extra domos per quem de ordine deportentur.

7. Item, de novo statuimus quod visitatores quos

obire contigerit intra domum aliquam ordinis, ibi A habeant monachatum; et si prope, tricenarium habeant in domo in qua sepeliantur.

8. Item, inhibemus ne quis per se impetret vel impetrari faciat a principibus vel aliis quibuscumque litteras rogatorias pro seipsis.

9. Item, associationem tricenarii faciendam statuimus primo anniversario post inceptionem tricenarii.

10. Item, ad quaedam proa prioris Vallis S. Petri respondetur, quod per modum statuti non fuit concessum quod prior Carthusiæ posset compellere per censuram ecclesiasticam domos quæ ei debeant, et ideo non oportet quod statutum revocetur, quia nullum.

11. Item, uonus Belli Larici vocatur de cætera Bellus Locus.

VII.

STATUTA EDITA ANNO 1290.

1. Anno Domini 1290 statutum de duobus clericis habendis approbatur, et de comedendo in refectorio cum monachis.

2. Item, si cathedra S. Petri accidit in quadragesima, missa ejus dicetur in mane, nisi acciderit in Sabbato vel Dominica.

3. Item, quicumque causam evasionis dederint incarceratis, obedientias amittant, et locum subeant evadentis quandiu placuerit capitulo generali.

4. Item, statutum quod monachi vel conversi aut redditu de incontinentia convicti, si contingat eam aliquo tempore reconciliari ordini, nullo modo hoc fiat in domibus principalibus, vel in quibus convicti fuerint, nisi ad perpetuum carcerem, etc., ut supra approbatur et confirmatur.

5. Item, statutum de brevi dando illis qui habent participationem confirmatur.

VIII.

STATUTA ANNI 1291.

1. Anno Domini 1291 concessa sunt auctoritate capituli generalis per diffinitores datos ab eodem super litem quæ erat in ordine, pro littera a domino Gregorio papa X impetrata, domno priori Carthusiæ qui nunc est, et illis omnibus qui pro tempore fuerint, hæc quæ sequuntur, videlicet omnimoda potestas in foro penitentiali audiendi confessiones priorum, et absolvendi eosdem qui ei voluerint confiteri. Item, quod possit facere misericordiam prioribus super annem eam potentibus, si ex juxta

causa vel utili eam viderit faciendam. Item, quod ubicumque in tractatibus ordinis duplicem vocem habeat ad rigorem ordinis observandum. Item, quod quilibet prior Carthusiæ semel in toto tempore suo tantum possit mittere duos ex monachis suis ad alias domos ipsius ordinis, cum pace tamen ipsorum et conventus dictæ domus, si contingeret quod aliqua bona persona veniret ad dictam domum Carthusiæ, nec possit ibi recipi propter multitudinem monachorum.

IX.

STATUTA NOVA CAPITULI GENERALIS.

1. Professio non sit a novitiis, nisi priore præsentente.

2. Recepti ad statutum terminum venientes, si prior absens fuerit et meltem remotas, nihilominus a conventu induantur et incellantur.

3. Visitatio Scalæ Dei fiat anno bissextili.

4. Concessum est domibus Scalæ Dei, Angliæ, S. Bartholomæi, Hiberniæ, Sclavoniæ, quod vicarius cum antiquiore possit confirmare electionem prioris a conventu, si prior non fuerit in illis partibus, qui pro confirmanda electione possit vocari.

5. Injungitur prioribus, ut se defendant per privilegium indultum a præstatione decimarum.

6. Post completorium dicatur antiphona *Sancta Maria*, et oratio *Concede nos*.

(4) *Agenda* est officium defunctorum.

7. A quarto Nonas Novembris usque ad Septuagesimam, agendam (1) præter laudes in cella dicimus, post Nonam vel post vespas in festis XIII Lectionum; serialibus vero diebus post vespas dicimus propriam sive specialem cum tribus antiphonis, et IX lectionibus, quotidianam vero cum prima antiphona et tribus lectionibus. Et sciendum quod in prædicto tempore dicuntur tres primæ lectiones diebus dominicis, etc., per ordinem.

8. Prior Carthusiæ potest mutare visitatores ex causa.

9. Corpus Domini servetur in capella inferiori cum sera a quibuscumque placuerit, ita tamen quod renovetur in qualibet hebdomada, si commode fieri potest. Missa B. Mariæ in Sabbatis, in festis capituli et candelarum dicatur privata, exceptis diebus

Natalis Domini, Sabbato sancto, et quatuor festis A
B. Mariæ.

10. Vicarius dicat *Benedicite* etiam prioribus extraneis supervenientibus, absente priore.

11. Pro tricenario inchoando possit transferri anniversarium.

12. Agricultura non exerceatur in agris prioris.

13. Loco trium personarum inuitum possent recipi tres utiles, ita quod quilibet numerus non excedatur.

14. Novitii possunt celebrare missas privatas, et ad eas servire ad arbitrium prioris.

15. Nullus presumat contendere vel ludere palam vel privatim cum priore secundum regulam S. Benedicti.

16. Ca, titulum privatum compellat eum propter quem vocabitur ad solvendas expensas quæ sicut in eo.

17. Pro sepultura redditorum laicorum non comeditur in refectorio, nec vigilatur a monachis, nisi eos obire contigerit in domo superiori.

18. Prior non cesset ab officio in festo Reliquiarum ecclesiæ inferioris propter fragilitatem (2), sicut nec in festo dedicationis ejusdem.

19. In festis Purificationis et Annuntiationis dicatur *Gloria in excelsis*, quodcumque contingat.

20. Sine consilio procuratoris, vicarii et sacristæ prior non possit mutuo dare ultra decem libras simul vel per partes.

21. Orationes in missis septenarium numerum non excedant, nisi necessitas orationum incumbat.

22. Dedicatio non mutetur nisi propter festum candelarum, et tunc cum tota solemnitate sua celebretur, et comeditur in refectorio: tamen possunt conversi et familia laborare.

23. Quando vigilia contingit die Dominico, fiat jejunium et commemoratio die Sabbati.

24. Infirmus in ecclesia sedeat in loco suo, vel stet si placuerit, nec transeat ad locum inferiorem.

25. Comedatur in refectorio in sepultura prælatorum.

26. Pro tricenario sive psalteris dicant clerici vel monachi non sacerdotes L psalmos et laici L *Pater noster*.

27. Clericus redditus quando sit monachus, in suo habitu cum cappa probetur.

28. Infra octavam Apparitionis, Ascensionis, et Assumptionis ac Nativitatis B. Mariæ dicatur seriale *Kyrie eleyson* sine *Gloria in excelsis*, nisi in Sabbato aut festo XII Lectionum.

29. Prior debet dicere primam missam tricennarii cujuslibet, si sit paratus, etiamsi sit hebdomadarius.

30. In festo reliquiarum et dedicationis inferius non frangatur jejunium. Item, propter hospites jejunium non frangatur.

31. Pro archiepiscopo vel episcopo dicatur oratio *Da nobis, Domine, ut animam famuli tui sacerdotis et pontificis, etc.*

32. Omnes monachi sepeliantur cum cilicio, tunica et cuculla et caligis et pedulibus.

33. Conversus aliquis non serviat ad missas.

34. Quando contigerit duo festa transferri, officium majoris festi fiat prima die, et aliud sequenti; et si contingat anniversarium die illa, non impediatur translatione.

35. Omnes qui minitantur mortem vel ignem, vel aliquid simile, cuicumque personæ ordinis, possint incarcerationi juxta arbitrium suorum.

36. Missa de Cathedra S. Petri in die Cinerum et post dicatur ab hebdomadario, nisi acciderit in Sabbato, vel Dominica, nec dicatur tractus in ea.

37. Si aliquis prior prioratui cedens non invenerit locum vacantem in domo sua, prior possit eum ponere in hospitio vel in cella, et alium de monachis removere de cella et in hospitio ponere, cum pace et cum bona voluntate monachi.

38. Quando Annuntiatio Dominica celebrabitur post Pascha, dicatur responsorium *Prope est Dominus, alleluia. Surrexit Dominus.*

39. Novitii excludantur a capitulo, si priori videntur.

40. Conversi se vocent fratres, qui contra fecerit, veniam accipiat.

41. Quotiescumque dicitur *In unitate Spiritus sancti Deus* in aliqua oratione, quando postea dicendum est *Deus in adjutorium, ad misericordiam Domini erigamur, cum In unitate, etc.*

42. Statutum est quod nullus appellet nisi ad capitulum generale, et appellans juste non possit excommunicari, et lata excommunicationis sententia contra juste appellantem non teneat; aliter appellans incarcerationi possit.

43. Noviter celebrantes non descendant a gradu altaris pro oblationibus recipiendis.

44. Convictus vel confessus de incontinentia qualicumque, si contingat illum reconciliari, nullo tempore possit eligi in priorem.

45. Clerici redditus gaudeant eodem privilegio quo conversi in victualibus, et comedendo in refectorio, et veniendo ad mandatum.

46. Festum B. Dionysii in domibus ordinis nostri in regno Franciæ possit cum capitulo celebrari.

D 47. Hæc dictio *Litium*, in plurali uniformiter pronuntietur per t.

48. Quando duo festa candelarum immediate succedant, vespere subsequenti festi a capitulo incipiant, exceptis illis de quibus expresse contrarium statutum est.

49. Declaratio quod a die Paschæ in officio B. Mariæ duplex *Alleluia* dicatur, approbatur, nisi in festo Annuntiationis quando fit post pascha, in quo dicitur responsorium *Prope est Dominus.*

50. Statutum de faciendis carceribus approbatur, quibus includantur falsarii, incendiarii, homicidæ, vel minantes mortem, vel ignem, et vagantes

(2) Id est illusionem nocturnam, pro qua veteres monachi solebant a celebratione abstinere.

per mundam, et cæteri de quibus scriptum est et A sequentem rasuram, præter abtinentias ab ordine statutum.

51. Post quinquagesimam usque ad Pascha pro nullo festo frangitur jejunium.

52. Statutum est quod priores non permittant monachos vel conversos seu redditos professos aliqua ex causa servare denarios, suis vel extraneis usibus appropriatos vel propriandos.

53. Statutum est quod qui leviter protulerint *Prius dimitterem ordinem*, sive æquipollentia verba, quam *facerem* vel *obmitterem hoc vel illud*; si prior fuerit, sit extra sedem suam in ecclesia per unum diem; si subjectus, recipiat in capitulo disciplinam pro qualibet vice.

54. Ex præcepto et decreto ordinis teneantur priores recipere et afferre tempore competenti capitulo generali vel priori Carthusiæ denuntiationes conventuum secundum ordinis instituta, alioquin se noverint puniendos.

55. Sententiæ excommunicationis quæ fertur in Ramis palmarum a priore, præsentibus monachis, conversis et redditis, in scriptis proferatur.

56. In missis ad *Gloria in excelsis* et ad *Credo* ad nomen Jesu modice inclinetur.

57. Pelliciosos vulpinos et de bestiis silvestribus, et calceamenta curiosa et plicata reprobamus, et de cætero non habeantur.

58. In omni missa quæ de vivis volvitur celebranda, per singulos dicitur *Omnipotens qui virorum*.

59. Priores possunt dare potestatem vicariis absolvendi in absentia sua de quolibet peccato: ita tamen quod de mortali certo, quod absit, priori teneatur iterum confiteri.

60. Festum B. Magdalene cum candelis solemniter celebretur, non tamen dicatur *Credo*, nec communicet diaconus. In ipso festo propria oratio *Largire*, ad sextam vero *Deus qui nos annua*, ad nonam *Exaudi*.

61. Simples monachi vel clerici vel redditus nostri venientes ad capitulum, exeant de capitulo oblatibus petitionibus; nec redeant, nisi vocati quandiu habetur ibi tractatus. Conceditur omni priori Carthusiæ qui pro tempore fuerit, ut quilibet tempore suo tres monachos ordinis possit accipere de domibus ordinis cum pace personæ vocatæ, et ad professionem admittere in domo Carthusiæ. Cum tricenarium occurrit alteri tricenario sacerdotis, pro incipiendo dicatur *Da nobis*, et pro præcedenti *Deus cui proprium est... famuli et sacerdotis tui*. Deinde adducuntur in plurali numero, scilicet *Da nobis, Domine, ut animas*, etc.

62. Conversi qui contra formam ordinis inventi fuerunt se cum novacula rasisse grennones (3), secunda, quarta et sexta feria a vino abtineant usque ad aliam rasuram: priores vero et procuratores, qui hæc observari non fecerint, postquam sciverint, abtineant a vino semel in septimana, quousque ad

constitutas.

63. Instituta facta de numero conversorum reducto ad XIII confirmatur, hoc addito quod in magna necessitate prior Carthusiæ super annum vel capitulum generale cum domo indigente usque ad XVI poterit dispensare.

64. Quicumque celaverint visitatoribus ea quæ debent revelari eis, non possint a prioribus suis absolvi, nisi injuncta eis penitentia septem abtinentiarum continuarum, diebus abtinentiæ deputatis, ultra abtinentias debitas, quam penam caute et diligenter faciant observari.

65. Statutum quod priores qui reporti fuerint culpabiles negligentia vel alio modo de evasione in B carceratorum, in quibusdam confirmatur chartis. Post hoc verbum *incarceratorum* sequitur: obedientias amittant, et eidem penæ subiaceant subditi, locumque subeant evadentis, quandiu videbitur capitulo generali. Sequenti capitulo clament culpam suam, et si iudicio capituli dignum fuerit, gravissime puniantur. Alii vero qui evasione causam dederint, obedientias de cætero non habeant, et locum subeant evadentis, quandiu placuerit capitulo. Idem faciant et recipiant procuratores coram visitatoribus vel per eos, approbatur et confirmatur.

66. Statutum quod priores omnem subditum suum convictum vel confessum de quocunque crimine, quod secundum ordinis instituta consueverunt de ordine penitus expelli, teneant in carcere angusto C usque ad capitulum generale, vel visitatores generales, vel speciales, ut materia evagandi de cætero amputetur, approbatur et confirmatur, et ad hoc agendum subditi tenentur obedire.

67. Statutum quod monachi et conversi et redditi convicti de incontinentia, si contingat aliquo tempore eos reconciliari, nullo modo hoc fiat in domibus principalibus, vel in quibus convicti fuerint, nisi ad perpetuum carcerem de quo si educerentur, nullomodo ibi remaneant, sed alibi collocentur sub debita disciplina, approbatur et confirmatur.

68. Ordinatio quod clerici redditus non legant evangelium sine licentia priorum suorum, nec comedant in refectorio, nec intersint capitulo sine D mandato prædicto, approbatur et confirmatur.

69. Statutum quod moniales teneantur reddere breves ordinis atque missas, scilicet pro missa una psalterium unum, et nos faciamus pro eis secundum ordinis instituta, sicut pro aliis personis nostri ordinis, approbatur et confirmatur. Pro triceniariis solvant quælibet quinquaginta psalmos sicut monachi non sacerdotes.

70. Statutum quod conversæ monialium; quæ de cætero recipientur, non portent velum nigrum, et si aliqua monialis de cætero de incontinentia convicta fuerit, inter cæteras penas velo careat nigro in per-

(3) Grenones seu graniones sunt ea barbæ pars quæ infra nares est.

petuum, sine spe aliqua rehabendi, approbatur et a scapulariis more monachorum, conversæ vero non, confirmatur.

71. Statutum quod moniales habeant vittas in

—
X.

STATUTA ANNI 1352.

1. Anno 1352. Qui non fecerint carcerem in domibus suis infra primorum visitorum adventum, in futuro capitulo generali clament culpas suas.

2. Festa apostolorum Petri et Pauli, Joannis, Jacobi ntriusque, Andreae, Philippi, Thomæ, Bartholomæi, Matthæi, Simonis et Judæ, et Mathiæ, quatuor evangelistarum, quatuorque doctorum, semel in anno cum capitulo celebrentur, nec ob hoc amplius solito cessent a negotiis, vel ascendant superius in operibus occupati.

3. Priores ordinis portent ubique fessos solutares, cappas totaliter nigras; inter duo linteamina non jaceant, neque duo ministrent hospitibus, nec unquam deat ad mensam nisi duo fercula ad plus post coquinam.

4. Monachus a confirmatoribus eligatur, qui vadat

ad requirendum priorem electum exterius.

5. Quicumque indisciplinati vel contentiosa verba in colloquiis proferre fuerint assueti, ad priorum suorum arbitrium a colloquiis excludantur.

6. Nunquam vadat monachus deinceps ad generale capitulum cum priore.

7. Priores et vicarii dominarum legendam sibi procurent, quæ legitur in Carthusia in Octobri et per octavam Eucharistiæ.

8. Monachi vocati ad domos novas, ibidem statim profiteantur

9. Priores sibi ad invicem scribentes, dicant *Patri venerabili vel dilecto*.

10. Litteræ de vocandis monachis aliisve personis ordinis, ultra triennium nihil valent

ADDENDA

ANNO MCXXV

MAGISTER LAMBERTUS

CARTHUSIENSIS

DOMUS SQUILLACENSIS PRIOR

NOTITIA.

(MABILLON, *Annal. Bened.*, tom. VI, lib. LXXIII, n. 92, ex archivo Carthusiæ Majoris.)

In Calabria, cum in domo Squillacensi per annos fere septemdecim prioris seu magistri (sic enim tum vocabantur præpositi) munus recte gessisset Lanuinus, hoc anno (1119) decessisse memoratur. Beatus appellatur Lanuinus, cujus reliquiæ cum reliquiis S. Brunonis permixtim asservari dicuntur. Ejus successor a nonnullis ponitur magister Secherus, ab aliis Lambertus, qui primus statuta edidit tam pro anachoretis quam pro cœnobitis qui Mentauri haud longe a Squillaco in S. Stephani monasterio debebant.

MAGISTRI LAMBERTI STATUTA.

(MABILL., *ibid.*, tom. VI, app. p. 638.)

De anachoretis. Ut illi de cellis jejunium continuum et continuum teneant silentium, sicut melius tenebatur in diebus magistri Brunonis.

Pro cœnobitis. In inferiori autem cœnobio consti-

tatum est silentium teneri, sicut in regularibus tenetur monasteriis in Quadragesima, videlicet secunda, quarta et sexta feria.

Item pro anachoretis. Si in Adventu Domini dies

contingat festiva, fratres non reficiantur nisi semel, exceptis diebus Dominicis. Ab Idibus igitur Septembris usque ad Adventum Domini constituit magister Bruno in quarta et sexta feria consuetudinaliter jejunium teneri in pane et aqua, secunda autem et septima feria habent fratres unum pulmentum et vinum; tertia vero et quinta, duo pulmentaria cum pittancia, si fuerit unde. Ab Adventu Domini prius deposito caseo et ovis usque ad Natalem Domini, secunda, quarta et sexta feria in pane et aqua, Sabato vero vium habeant et pulmentum unum, tertia vero et quinta, duo pulmenta et vinum. In Natale vero usque ad octavas bis reficiant in refectorio, sicut ubique habetur in consuetudine. Ab octavis Domini usque ad octavas Epiphaniæ, semel reficiant fratres in cellis, excepto die Epiphaniæ et festis duodecim lectionum. Ab octavis vero Epiphaniæ usque ad caput jejuniarum, quarta et sexta feria in pane et aqua, in Septuagesima, caseo deposito et ovis, in solemnitatibus semel reficiant, excepto festo B. Mariæ candelabricæ... A capite jejuniarum tres dies in hebdomada in pane et aqua usque ad pascha, excepto die Cœnæ Domini et cæteris festis, in quibus debent refici in refectorio. A Pascha usque ad octavas bis reficiant fratres in refectorio sicut in diebus festis Natalis Domini. Ab octavis Paschæ usque ad Pentecosten vino et pulmento cum aliqua pittancia, si fuerit unde, semel reficiant fratres per quatuor dies hebdomadæ, tertia vero et quinta feria bis reficiant, excepta Lita-

nia majore et Rogationibus, in quibus semel debent refici fratres. In festo octavarum Pentecostes in refectorio reficiant fratres sicut in festo paschali, exceptis jejuniis Quatuor Temporum, in quibus semel in refectorio reficiant, caseum habentes et ova. Ab octavis vero Pentecostes usque ad Idus Septembris tertia et quinta feria bis reficiant, reliquis autem quatuor diebus sicut ab Idibus Septembris usque ad Adventum Domini. Notandum autem quod hoc tempore remissius agebat magister (id est prior) circa fratres pro qualitate temporis et laboris et aegritudinum.

Item pro cœnobitiis. Fratres vero de Sancto Stephano a Pascha usque ad Adventum Domini reficiant, sicut præcepit beatus Benedictus, exceptis Rogationibus et Litanis majori, in quibus semel reficiant. In Adventu Domini sexta feria in pane et aqua, secunda et quarta feria vinum habeant et unum pulmentum. A Natali usque ad octavas Epiphaniæ bis reficiant, excepta vigilia Epiphaniæ. Ab octavis Epiphaniæ usque ad Septuagesimam semel reficiant, exceptis festis duodecim lectionum. In Septuagesima dimittant caseum et ova; similiter incipiente Adventu Domini. In Septuagesima bis non reficient in aliquo festo, excepto festo sanctæ Mariæ. In Quadragesima reficient sicut in Adventu Domini. Magister, cum non longe equitaverit, quinque ducat equitaturas vel minus, si potest; si autem longe, septem vel novem.

INDEX

IN OPERA DIVI BRUNONIS.

Numeri Arabici Lectorem ad cifras crassiores textui insertas revocant; Romani vero Operum S. Brunonis partem seu totum significant.

A

- Aaron montanus interpretatur, I, 533. Quomodo electus in pontificem, II, 574. Ejus domus prælatorum collectio, I, 456. Virga verum sacerdotium significat, II, 391.
 Abba quid significet, II, 47.
 Abimelech, I, 93.
 Abraham duos filios habuit, II, 221.
 Fides commendatur, II, 405.
 Absalon figura Judæ proditoris, I, 7.
 Absolvi nemo potest nisi per ministros, II, 311.
 Abundantes qui dicantur, I, 141.
 Abyssus nimia profunditas, I, 263.
 Achaia provincia, II, 157.
 Accusare quid sit, II, 50.
 Adam vesper dicitur, et cur, I, 83.
 Omnes corripit, II, 31. In eo post peccatum ratio non exstincta, sed debilitata, I, 129. Figuravit Christum, II, 52. Ecclesiæ custos, II, 52.
 Adeps quid sit, I, 121.
 Adoptatio duplex, II, 48.
 Adulatio oleum vocatur, I, 560.
 Adultera præfiguratur castum, bonus malum citra injuriam, I, 168.
 Ægyptus significat tenebras, I, 249. Et afflictionem, I, 527.
 Ærugo luxuriam designat et cur, I, 511.
 Æstas messem æternam designat, I, 285.
 Affectiones pedibus comparatæ, I, 36. Manuum nomine appellata et cur, I, 51. Item, I, 75. Labris comparantur, I, 263.
 Afflictio corporis parum utilis, II, 525.
 Æmulatio motus animi, II, 192.
 Agar quos significet, I, 11. Quid significet, II, 222.
 Alæ pro protectione, I, 104. Quid significet, I, 215.
 Alleluia in titulo quorundam Psalmorum bis positum, et cur, I, 427.
 Allophyll Judæos denotant, I, 189.
 Alphabeti inscriptio in dedicatione Ecclesiæ, III, 16.
 Amalecitis quos designat, I, 117.
 Ambulare secundum carnem, II, 189.
 Andræ apostoli testimonium de Eucharistia, I, 67.
 Angeli montes dicuntur et cur, I, 564. Ventis comparantur, I, 557. An loquantur inter se, II, 156. Nomina et officia cessabant, II, 147.
 Animæ nomina; I, 89. Vires doræ, 356. Pavimentum caro, I, 475. Quatuor principales virtutes, I, 484. Saginatus bonis operibus, I, 112. Quomodo facies habere dicitur, I, 494. Os, I, 532. Præstantia, I, 157. Totum hominem aliquando designat, II, 71.
 Animi passionem, I, 153.
 Annuntiare dicitur de futuro, I, 187.
 Appetitus aliud est quam intellectus, I, 489.
 Apollo archiepiscopus. Corinth. II, 68.
 Apostoli nominantur arietes, I, 82. Dii, et cur, I, 155. Cælum, I, 197. Sapientes incantatores, I, 99. Fontes Ecclesiæ, I, 247. Oculi Christi,

1, 251. Oculi Ecclesiae, I, 350. Fœtantes, I, 317. Fundamenta, I, 346. Nubes, I, 386. Genua Christi, I, 442. Turres, I, 517. Excussores, I, 524. Aquae populus significant, I, 44. Cur, I, 83. Prosperitatem, I, 254. Aquilaram astus, I, 403. Diaboli typus, I, 411. Aquilo diabolus, I, 154. Ejus latera, diaboli gens, I, 154. Arabia quid signif., I, 270; II, 222. Arcæ cum Ecclesia comparatio, I, 533, 54. Designat populum gentilem, I, 268. Arcus pro deceptione et dolositate, I, 112, 151. Pro occulta defensione, I, 138. Tribulatione temporali, I, 210. Arietes rebelle animal, I, 235. Arietes duces fidelium, I, 434. Arianorum error, I, 515. Arma significant manifestam impugnationem, I, 151. Miracula, II, 189. Asaphidem quod Synagoga, I, 161, I, 286. Aspicere pro diligere, I, 235. Aspis callida, I, 199. Atrium pro amplitudine, I, 228. Auctor Epistolæ ad Hebræos, 2. Auditus animæ intellectus, I, 76. Aures pro intellecta, I, 126. Auris Dei benignitas dicitur, I, 87. Potentia Dei misericordiae, I, 512. Aurum designat perfectionem virtutum, I, 146. Charitatem, I, 147. Austeritas nimia quandoque peccatum generat, II, 286. Avarus pecuniam Deum facit, II, 249. Azymus quid sit, II, 102.

B

Baptismus tripliciter dicitur, II, 377. Janua salutis, I, 66. Diluvium dicitur et nu. I, 84. Mare, I, 301. Quibusdam occasio salutis, quibusdam perditionis, I, 542. Eo dimittuntur omnia peccata etiam actualia, II, 52. Ad salutem necessarius etiam pueris, II, 54. Peccata tollit, II, 280. Baptizati pro mortuis, II, 148. Barba Aaron, I, 535. Barbari, II, 9. Barjona filius columbæ, II, 97. Basiliscus fetore anhelitus sui necat, I, 371. Beatitudo æterna spoliis comparatur, I, 509. Beatus quis dicitur, II, 514. Benedicere pro exaltare, I, 186. Bersabee quid designat, I, 168. Bona temporalia vocantur insania falsa, I, 126. Bonum multis modis dicitur, I, 179. Ejus duo genera, II, 177. Ignoratum minus diligitur, II, 241. Bonus quilibet præsumitur, 274. Boni homines vocantur divini, II, 10. Eos æmulari debemus, II, 220. Boves significant prædicatores, I, 22. Bravium, dicitur præmium laboris, II, 267.

C

Cancer morbus tandem occidit, II, 504. Cæsar et Pompeius se invicem pati volebant, II, 15. Calamus similis linguæ, I, 148. Calumnia quid sit, I, 499. Calcaneus quid signif., I, 158. Pro fine et pro lapsu ponitur, I, 191. Canes linguosi, I, 246. Canticum quid sit, I, 9, 2, 220. Cantica canticorum qualis liber, I, 4.

Capellus pro vanitate, I, 246. Carbones desolatorii vocantur prophetae, I, 515. Caro animæ pavimentum, I, 475. Ei quid debeamus, II, 46. Ejus inquinamenta quæ sint, II, 179. Ejus gloria non est secundum Deum, II, 194. Carnales persequuntur spirituales, II, 225. Casia exaltationem significat, I, 145. Item baptismum et fidem, 16. Castitas gemma virtutum in juvene, II, 324. Cathedra pro gubernatione, I, 433. Catholicon quid, II, 547. Cauteriare quid, I, 524. Cervi natura post devoratum serpentem, I, 133. Chamus quid designat, I, 95. Caritas per aurum signif., I, 147. Radix virtutum, I, 806. Facit opus meritiorum, I, 258. Est vinculum aliarum virtutum, II, 285. Domus vocatur, I, 537. Et nullum malum inest, II, 137. Charisma gratitum dicitur, II, 156. Cherubin plenitudo scientiæ, I, 322. Chore calvariam significat, I, 152. Christus in Psalmis quomodo orat, I, 132. Vir dicitur in Psalmis primo, I, 2. Lignum vitæ, I, 5. Facies, I, 32. Veritas, I, 65. Comparatur diluculo, I, 85. Dicitur os Dei, I, 96. Numerus et cur, I, 123. Veritas, I, 123. Liber et cur, I, 127. Verbum I, 142. Frater noster est, I, 138. Pro salvandis tantum oranti, I, 158. In morte Lazari cur lacrymatus, I, 192. Morte sua potius quam potentia homines redimere voluit, I, 224. Frumentum dicitur, I, 251. Virtus Patris, I, 248. Finis legis et prophetarum, I, 321 et 130. Primogenitus mortuorum, I, 389. Manus Patris, I, 445. Prædicari quando cepit, I, 269. Cur cruci affixus, II, 56. Dicitur peccatum, II, 45. Cur ante omnes incorruptibilis suscitatus, II, 46. Cur assumpsit corpus cum anima, II, 48. Cur primogenitus mortuorum, II, 49. Quomodo interpellat, II, 50. Varie vocat, II, 110. An primus resurrexit, II, 147. Dicitur imago Dei, II, 168. Peccatum factus est, II, 175. Mediator, II, 518. Fecit se ab angelis cognosci, II, 325. Solus a mortuis resurrexit, II, 338. Gloria et honore coronatus, II, 563. Cur homo fieri voluit, cum esset Deus, II, 565. Cur pontifex, II, 366. Sæpe lacrymatus, II, 575. Liber dicitur, II, 598. Christi vestimenta divisa quid, I, 64. Membra annuntiant incarnationem ejus, I, 126. Corpus etiam Judas accepit, I, 132. Resurrectio, 153. Humanitas circuitus dicitur, I, 162. Timor ante passionem non in passione, I, 191. Titulus, I, 195. Humanitas per calcamentum designata, I, 212. Humanitas columna nubis, I, 392. Caritas incomprehensibilis, II, 241. Ætas plena in qua omnes resurgent, II, 245. Dies quis dicitur, II, 256. Sepultura et resurrectio in baptismo significantur, II, 340. Sacerdotium manet in æternum, II, 337. Sacrificium fuit perfectum, II, 395. Sanguinem pollutum qui ducant, II, 400. Christum imitari debemus, per puritatem, II, 49. Confitebuntur omnes in judicio velint, nolint, II, 350. Christiani eum Jædæis non capti, I, 206. Quomodo hæredes Dei, II, 47. Chusi, quid significet, I, 16. Cilicorum usus apud aliquos, I, 253. Cinis designat penitentes, I, 598. Circumcisio quid signif. 18. Cithara, I, 95. Significat Christi hu-

manitatem, I, 199. Civitas quæ dicantur, I, 24. Pro congregatione, I, 184. Signif. periclitos fideles, I, 525. Claudus quis dicitur, I, 55. Clerus quid signif., I, 241. Clericorum et monachorum congregationes sunt Dei vineæ, I, 434. Coagulum quid, I, 245. Concilium quid, I, 4. Concupiscentia fomes peccati, I, 118. Pœna peccati originalis, I, 262. Confessionis sacramentum, I, 447. Confusio quid, I, 265. Cognitiois duo genera, II, 60. Columba dicitur Ecclesia, I, 241. Complicti pro diligere, I, 156. Conscientia lecto similis, I, 15. Factes dicitur et cur, I, 555. Ejus puritas stratum dicitur, I, 221. Consecratio nemini cito impertienda, II, 329. Constantia quando necessaria, II, 505. Convallis pro humilitate, I, 211. Consuetudinis prave reliquæ, I, 405. Continentia quando et quibus necessaria, II, 109. Cubilia propria ferarum, I, 10. Correctio non debet esse rigida, II, 77. Cor duplex, I, 32. Dicitur sinus, I, 320. Cor pro anima, I, 67. Essentia paterina, I, 142. Pro profunditate, I, 149. Quando dicitur esse Dei et quando peccatoris, I, 214. Escis non stabiendum, II, 412. Corinthus in Achaia, II, 154. Corinthiorum errores, II, 84. De resurrectione dubitatio, II, 106. Cornu designat superbiam, I, 267. Potentiam, I, 237. Virtutem, I, 357. Divinitatem Christi, I, 467. Corpus Domini etiam Judas accepit, I, 132. Frumentum dicitur, I, 304. Corpora humana sunt vasa stercilia, II, Domus terrestris, II, 172. Corvus quos signif., III, 5. Creatio duplex, I, 395. Crux secundum Priscianum dobil generis, II, 229. Ejus mysterium, II, 211. Partes quid representant, II, 241. Crystallus quid, I, 584. Cuppiditas radix omnium malorum, II, 332. Et vacantes errant, II, 352. Curiosus designat per pisces, I, 22. Curiositas reprobat, II, 286. Custodia pomorum quid, I, 318. Cymbala, I, 592.

D

Damnatio perpetua, I, 201. Est effectus peccati, II, 166. Dæmones tempestatis nomine significantur, et cur, I, 164. Per dracones, I, 284. Eorum officia, II, 50. Quomodo damnabuntur, II, 104. Habent quandoque potestatem in aere, II, 235. David Christi figura in multis, I, 44. Item Ecclesiae, I, 44. Ter unctus, I, 76. Insaniam simulat, I, 99. Ejus cantores, I, 161. Adulterium et homicidium, I, 167. Mose non minor, I, 309. Deargentatum quid, I, 242. Decachordum est anima servans Decem præcepta, I, 371. Delictum quid sit, I, 94. Descendere quid sit, I, 186. Desiderium majus concupiscentia, I, 474. Desperatio per grandinem designata, I, 311. Deus quomodo audiat, I, 29. Trinces et unus, I, 129. Legalia nunc non ac-

captat, I, 175. Dicitur sol, I, 268. Non est auctor mali, I, 5, 5. Quomodo generator, I, 440. Quomodo puniat filios ob peccata parentum, I, 440. Pater Filio non major, I, 445. Manu non operatur, I, 486. Quæ nesciat, I, 549, I, 535. Quis intelligat, I, 535. Dat seipsum, II, 167. Cœlestia et terrena gubernat, II, 168. A principio mundi semper habuit in quibus gloriaretur, II, 242. Est ubique diversis modis, II, 279. Venit ad fidelem in morte, II, 552. Habitat lucem inaccessibilem, II, 553. Dicitur requievisse, licet non sit fatigatus, II, 370. Cum sit ubique, quomodo in utero, II, 219. Pater tanquam medicus visitavit Christum in sepulcro, II, 565. Habet duplicem voluntatem, II, 512. Dei vias quæ, I, 72. Respondere quid, I, 80. Vultus, et ira quid, I, 105. Mandata justificationes vocantur, I, 471. Vocationes diversimodæ, II, 5. Odium quid, II, 54. Indurare quid, II, 55. Sapientia et scientia, II, 67. Donis non obest ministri malitia, II, 119. In homine dux electiones, II, 321. Sermo multos gradus continet, II, 576. Pœnitentia quæ, I, 426. Deo gratias agere quid sit, II, 8. Nihil contingens, II, 65. Deum ignorantes aut ab eo apostatantes impii vocantur, I, 2. In veritate quis invocet, I, 577. Glorificare et portare quid, II, 107. Dextra et sinistra quid, I, 40. Dextra Christus dicitur, I, 389. Dextra significat potentiam, vel pietatem, I, 156. Favorem, I, 252. Pietatem Dei, I, 525. Diabolus calumniator, I, 267. Assur, I, 535. Laqueus venantium, I, 536. Intelligitur per aquilam, I, 411. Per reptilia, I, 414. Pharaonem, I, 558. Principio Deus habuit suum regnum, I, 542. Diaconi officium, II, 521. Dicere est devovere, I, 148. Dies boni quid, I, 102. Domini et hominis, II, 96. Prosperitatem significat, I, 135. Dil apostoli nominantur et cur, I, 155. Dil aliquando dicuntur, II, 114. Dilectio est clavus ligans, II, 245. Valida sicut mors, II, 312. Discrimen inter egenum et pauperem, I, 106. Inter annunciare et loqui, I, 126. Stultum et insipientem, I, 159. Orare et deprecari, I, 182. Iudicium et iustitiam, I, 499. Inter mansuetudinem et modestiam, II, 188. Inter delicta et peccata, II, 255. Orationem et obsecrationem, II, 254. Expectationem et spem, II, 258. Signa et prodigia, II, 506. Frui et uti, II, 535. Mercedem et retributionem, II, 562. Signa et portenta, II, 565. Dona et sacrificia, II, 574. Iniquitates et peccata, II, 586. Hostiam et oblationes, II, 597. Dispositio divina incerta in hominibus, II, 555. Divites fumo similes, I, 114. Eorum instructio, II, 533. Divitiæ brachium vocantur et cur, I, 415. Interiores et exteriores quæ, I, 177. Vocantur iniquitas, et rapinæ, I, 219. Docere et exhortari quorum sit, II, 69. Doctor multum prodest populo, II, 509. Doctrina Dei pia, II, 551. Doctrinæ astutæ seducunt simplices, II, 245. Domus pro conversatione, I, 146. Donec in sacris litteris quid significat, I, 269. Dormiens in peccato quomodo sur-

gere debeat, II, 249. Dracones, I, 586.

E

Ecce pro palam, I, 205. Ecclesia universalis designata per lunam, I, 21, 268. Particulares per stellas, I, 21. Ecclesia nomen collectivum, II, 86. Non nisi una, I, 258. Non poterit pessumdari, I, 407. Atrium, I, 585. Est vestimentum Dei, I, 555. In Judæa cœpit, II, 9, 16. Creatura Dei, II, 47. Ejus caput Christus, II, 275. Ecclesiastæ liber mysticus, I, 1. Electio non ob merita, sed ex gratia, II, 65. Eleemosyna substantia vocatur, II, 186. Enoch translatus ne videret mortem, II, 405. Episcopus superintendens dicitur, II, 520. Habeat spiritualia arma non corporalia, II, 521. Non sit neophytus, II, 521. Nimia humilitate non incommodet Ecclesiam, II, 546. Esdras Psalmis titulos præfixit, I, 266. Idque Spiritu Dei, I, 435. Eucharistiæ veritas contra hæreticos, I, 66, II, 102, 582. Mysteria, II, 123. Quomodo per signa significat, I, 66. Evangelium legis supplementum, II, 1. Tripliciter quis erubescit, II, 9. Beattitudinem promittit, II, 276. Quid significet, II, 514. Excommunicare quid, II, 516. Excommunicatio infligitur ut spiritus salvetur, II, 102. Non debet inferri occulta, II, 105. Exempla sanctorum muniunt nos contra irruentia mala, II, 406. Exemplar et exemplum quid, II, 586. Exercitatio pro passione, I, 182. Exhortatio multum valet, II, 286. Exstasis quid, I, 87. Exsultare quid, I, 22.

F

Fabula quid, II, 512. Facies pro cognitione ponitur, I, 10. Pro consideratione, I, 171. Pro presentia, I, 210. Pulchritudine, I, 558. Benevolentia, I, 552. Ferrum pro duritia tribulationis, I, 420. Fides non salvat sine operibus, I, 4. Fundamentum omnium virtutum, I, 55. Non eget miraculis, II, 142. Est res voluntaria, II, 160. Donum Dei, II, 237. Ejus gressus primus et secundus, II, 408. Commendatur fides Noe, Abraham, Saræ, II, 403 et seq. Fideles quidam dicuntur inopes et cur, I, 141. Filius non est qui non corrumpitur, ... 407. Filius Dei os Patris dicitur, I, 485. Patri consubstantialis et coæternus, II, 275. Splendor gloriæ Patris. Fimbriæ perfectionem significat, I, 147. Flumina pro prædicatoribus, I, 435. Fœnum designat pauperes, I, 111. Fœnum tectorum qui, I, 527. Fomes peccati cur relictus, II, 45. Fornicatio quid, II, 12. Fugienda non expectanda, et cur, II, 106. Framea pro vindicta, I, 104. Frater noster Christus est, I, 158. Fratres peccantes non sunt superbi deserendi, II, 399. Fremere leonem est, I, 5. Fructus ventris filii spirituales, I, 535.

Fructus spiritus quis, II, 227. Fugere, quid, I, 98. Fulgur est illuminatio cognitionis divinæ, I, 537. Funes peccatorum lenocinia, I, 485. Funiculus mensuram designat, I, 512. Funus quanto plus ascendit, tanto magis evanescit, II, 11. Furor pro vindicta æterna, I, 256.

G

Galaad æcerus testimonii, I, 211. Galatia ubi sita, II, 203. Gaudium ultra Deum querens, II, 260. Genitivus pro ablativo, I, 106. Gentes cur aquæ nominentur, I, 85. De ignorantia excusabiles, II, 14. Gentilium cum Judæis expostulatio, II, 3. Geth passionis figura, I, 190. Gigni filium a patre quid sit, I, 219. Gladii accipites, I, 589. Gladius denotat persecutionem, I, 415. Apertam defensionem, I, 139. Gloria cœlestis non omnibus equalis, II, 184. Glorificare Deum quid sit, II, 107. Graduum cantica cur vocentur, I, 511. Grando desperationem significat, I, 511. Grata pro facte, I, 254. Gratia data unicuique nostrum, II, 243. Dei est diversa, II, 244. Gratias agere Deo quid, II, 8. Gratiarum actio multum valet ad impetrandum, II, 286. Quid dicatur, II, 517. Gutta species medicorum, signat humilitatem, I, 145. Charitatem, I, 145.

H

Hæreticus non est habendus, qui imprudenter errat, II, 552. Hæretici aliquando in adversis intrepidi, I, 24. Pervertunt Scripturas sacras, I, 50. Et lacerant, I, 64. Sinistro eas exponunt, I, 218. Feroce, imo fers in Ecclesia Dei, I, 248. Tauri cervicosi, I, 248. De veritate corporis Christi dubitantes, I, 505. Idiotæ potissimum invadunt, I, 454. Comparantur serpentibus, I, 556. Vera falsis miscent, I, 573. Obstinati excommunicandi, I, 590. Contra eos agere periculosius, quam contra blasphemos, I, 515. Hæreticorum sententiæ sagittæ parvulorum, I, 50. Impostura, I, 217. Fraudes, I, 569. Loquelæ, mæras garulitates, I, 479. Impugnatio, I, 53. Doctrina, aqua turbida, I, 571. Nequitia et impostura, II, 354. Hermon quid significat, I, 553. Herodius qualis avis, I, 411. Per eam qui intelligantur, I, 411. Holera designant divites, I, 411. Holocaustum unde dicitur, I, 58. Unde derivatur, I, 127. Homicidia fiunt dupliciter, II, 12. Homines terræ comparantur, II, 578. Homo primus in multa claritate formatus, II, 268. Superbiendo cecidit, II, 22. Homo duplex, II, 41. Horarum Canonicarum usus, I, 509. Hospitalitas Deo grata, II, 411. Hostia maxima, I, 559. Hostia quid sit, II, 271. Abel fuit gratia Cain vero ingrata, II, 405. Humiliter quid sit, II, 270. Humilitas caput cæterarum virtutum, I, 506. Ejus necessitas, I, 207. Humilitate non indignitate tacendum, I, 122. Hymni quid sint, I, 1, II, 250. Hypopus qualis herba, I, 171. Quid significet, II, 395.

I

Idioma quid, II, 144.
 Idithum quid sit, I, 121.
 Idolorum cultura fugienda, II, 125.
 Ignis emendatorius, II, 96. Ante
 iudicium qualis, I, 165. Signif. adver-
 sitatem, I, 254.
 Imago et umbra, II, 597.
 Impii qui dicantur, I, 2.
 Infernus civitas munita, et quomodo,
 I, 437.
 Infidelitas somnus vocatur, I, 290
 Infideles jumenta Antichristi, II,
 505.
 Iniqui quomodo odio habendi, I, 496.
 Injustitia quæ dicitur, I, 99.
 Inobedientes dure arguendi, II, 350.
 Inobedientia quæ dicitur, II, 362.
 Instantia plus est quam sollicitudo.
 II, 195.
 Iracundus quis, I, 55.
 Isaias a Judæis interfectus, et cur,
 II, 61.

J

Jacob gentes designat, I, 152. Ali-
 quando etiam Judaicum populum, I,
 295.
 Jacobi apostoli devotio, II, 146.
 Jerusalem pro Judaico populo, I,
 248. Salem dicta, II, 381.
 Jesu fundamentum dilectionis, II,
 354.
 Job tentatio non decidit in impa-
 tientiam, II, 50.
 Jonadas quis fuerit, et quem desig-
 net, I, 260.
 Jordanis pro baptismo, I, 134.
 Joseph gentiles designat, I, 296.
 Juda confessio interpretatur, I, I,
 258.
 Judæi unde dicti, II, 17. Quomodo
 duces caecorum, II, 17. Dicuntur mo-
 chari, II, 17. Per orbem dispersi, II,
 22. Non tam graviter peccarunt quam
 gentiles II, 257. Unicornes dicti, et
 cur, I, 85. Caro voluptuosa, II, 207.
 Desertum Cades, I, 84. Vineæ Dei, I,
 535. Frustra de lege gloriantur, II, 14.
 Eorum duplex confusio, I, 445. Fabulæ
 de lapide angulari, I, 466. Cum genti-
 bus expostulatio, II, 5.
 Judas etiam corpus Domini accepit,
 I, 152. Miracula fecit, I, 292.
 Judicans seipsum non judicatur a
 Deo, II, 151.
 Judices car olim in portis sederint, I,
 255. Sedes nominantur et cur, I, 516.
 Judici dies varie explebitur, I, 4.
 Vocatur diluvium, I, 94. Dies genera-
 tionis et generationis, I, 215.
 Judicium utrum vocale futurum, I,
 4. Utrum de die, II, 298.
 Juramentum finis controversiæ, II,
 380. Quid sit, II, 380.
 Justas quando gaudium habet de
 fide, II, 259.
 Justi quare opprimuntur ab impiis,
 II, 502.
 Justi omnes qui sancti, III, 28.
 Justificatus nullam habet maculam,
 II, 313

L

Labia dolosa quis habeat, I, 90
 Labor non otium congruit militanti,
 II, 338.
 Lacus peccatorum profunditas, I, 125
 Lana charitatem significat, II, 395.
 Laus cur a Deo requiritur, II, 235.
 Lectus doloris quid, I, 150.
 Legalia non acceptat Deus, I, 173.
 Lex vetus jugum dicitur, II, 177.
 Testimonium, I, 56. Factorum, et cur,
 II, 25. Tribus modis habebatur in tem-
 pore suo, II, 54. Ad tempus posita,

II, 216. Sacrificium vespertinum, I,
 559. Eam nunc servare est ferme ido-
 la colere, II, 219. In ea prævaricari
 quid sit, II, 18.
 Lex nova est declaratio veteris, I,
 500. Ejus cum veteri conjunctio, I, 19.
 Libanus quid significat, I, 83. Pro can-
 dore et prosperitate positus, I, 272.
 Liber vitæ mens divina, II, 269. Eo
 deleri quid sit, I, 257.
 Libertas arbitrii, I, 91. I, 217. I, 259.
 I, 497. Non beatificat sine gratia re-
 missionis peccatorum, I, 92. Cooperatur
 gratiæ divinæ, I, 218. Debilitata,
 I, 316. Non sublata, I, 397 509. Os
 animæ, I, 552.
 Lingua pro verbo, I, 145. Pro præ-
 cepto, I, 527
 Litigare ad quid utile, II, 359.
 Luna cutem denigrat, I, 515. Signifi-
 cat Ecclesiam universalem, I, 21.
 Omnem creaturam, I, 268.
 Luxuria quid vocatur, II, 226.
 Lyptote quid sit, I, 127.

M

Maceria quid sit, I, 217, II, 238.
 Macula nulla est in justificato, II,
 315.
 Maledicere pro deprimere, I, 186.
 Manasses oblivio, I, 371.
 Mandata Dei vocantur justificatio-
 nes, I, 471.
 Mane pro diluculo, I, 150. Prosperita-
 te, I, 229.
 Manichæorum error contra Christi
 humanitatem, I, 547. Error, I, 515.
 Veteris legis contemptus, I, 477 et 492.
 Mansuetudo et modestia differunt,
 II, 168.
 Manus pro potentia, I, 60. Impulsione,
 I, 111. Vindicta, I, 187. Auxilio, I, 571,
 Maranatha quid sit, II, 154.
 Mare pro amaritudine, I, 228.
 Maria (S.) ab omni peccato libera,
 I, 400.
 Martyres acervus vocantur, I, 211.
 Item juvenes, I, 264. Eorum constan-
 tia multum profuit gentilitati, I, 284.
 Eorum natalitia, I, 465.
 Martinus (S.) semimartyr, I, 465.
 Medium pro manifestatione, I, 155.
 Pro plebe, I, 184. Communi, I, 242.
 Melchisedech sacrificium, I, 446.
 Rex justitias interpretatur, II, 381.
 Melota quid, II, 405.
 Mendacium dicitur omnne peccatum,
 II, 20. Non est cum Spiritu sancto, II,
 160.
 Mens pro altari, I, 468.
 Merces et retributio quomodo differ-
 runt, II, 362.
 Meretrici adhærendo quomodo quis
 ejus membra fieri dicatur, II, 106.
 Mesopotamia quid significat, I, 207.
 Ministri malitia non obest Dei donis,
 II, 119.
 Miracula per fulgura designantur,
 I, 44. Per coruscationes et cur, I, 570.
 Misericordia et miseratio quomodo
 differunt, I, 72. Misericordia pius af-
 fectus, II, 260.
 Missæ sacrificium ex Paulo probatur,
 II, 317.
 Moab quid significat, I, 355. Exlex, I, 212.
 Mors tenebræ vocatur, I, 185. Cal-
 lix, I, 460. Ejus dominia quæ, II, 36.
 Viri solvit mulierem, II, 39.
 Mortuis prosunt suffragia vivorum,
 II, 175.
 Mundus per mare designatus, I,
 135. Ejus sex ætates, I, 575.
 Mulier ad generationem concurrat,
 II, 128.
 Mulieres audiant et non interrogent
 in Ecclesia, II, 319. Non debent domi-

nari in virum, II, 319. Nec aliquibus
 præesse, II, 319. Iis duæ virtutes ne-
 cessariæ, II, 519.
 Myrrha significat incorruptibilitatem,
 145. Virginitatem, I, 145.

N

Narrare dicitur de præterito, I, 187.
 Necessitate nemo peccat, I, 109.
 Negare Dei quid sit, II, 539 |
 Nemo sibi vivit, II, 75.
 Neomenia quid significat, I, 526.
 Unde dicta, II, 281.
 Nero cur Antichristus dictus, II, 99.
 Nicolaitarum error, II, 246. Hæresis,
 II, 292.
 Noe fides commendatur, II, 405.
 Novaculæ similis persecutor, I, 176.
 Nox adversitatem significat, I, 155.
 Numerare pro custodire, I, 580.
 Numerus non est in Trinitatis es-
 sentia, I, 580. Numerus electorum Deo
 cognitus, 262. Numerus septenarius
 quid, I, 320. Totam vitam hominis sig-
 nificat, I, 509 et 512. Octonarius, I, 468
 Quin denarius, I, 512.
 Nunc signum causale, I, 124.
 Nunquam nimis dicitur, quod nun-
 quam nimis fit, II, 269.
 Nycticorax, I, 598.

O

Obsecratio quid sit, I, 564, II, 317,
 Occulta non debent excommunica-
 tione plecti, II, 105.
 Oculi pro potentia providentiæ, I,
 41.
 Odium iniquum, I, 74.
 Odium Dei quid, II, 54.
 Opus legis quid, II, 16. Opus bonum
 involuntarium non laudatur, II, 185.
 Opera bona dicuntur semina, I, 75.
 Pulvis, I, 337. Carnis quæ, I, 236. Spi-
 ritus neminem redigunt sub lege, II,
 216. Mortua quæ, II, 577, 595.
 Orare et deprecari quomodo differ-
 runt, I, 182.
 Oratio et sacrificium pro defunctis, I,
 4. Pro salvandis tantum, I, 129. Per in-
 censum significata, II, 271. Qualis re-
 quiratur ad illam præparatio, II, 319.
 Orbis et circuli perfectio, I, 69.
 Organum, I, 592.
 Originale peccatum cur primogeni-
 tum vocetur, I, 537. Ejus poena per
 baptismum non tollitur, II, 408.
 Otium generat egestatem, II, 297

P

Panis vitæ est doctrina Dei, I, 119.
 Panes propositionis dicebantur olim
 oblationes, II, 248.
 Parabole dicuntur propositiones, I,
 158. Quid sint, I, 297.
 Paries quid, I, 217.
 Parturire quid, II, 221.
 Parvuli non baptizati damnantur
 poena damni, II, 175.
 Pascha transitus dicitur, II, 102.
 Passio cur exercitatio dicitur, II,
 182.
 Passiones animi, I, 155.
 Pater quomodo non judicet quem-
 quam, I, 267. Patris iniquitatem quo-
 modo portet filius, I, 519. Patrum in
 limbo voces, I, 400.
 Patientia non esset, si non esset
 persecutio, II, 540. Opus Spiritus sancti,
 II, 217. Inutilis nisi adsit humilitas,
 II, 257.
 Patientiæ partes multæ sunt, II,
 176.
 Patrini in baptismo, I, 14. I, 507.
 Paulus Hebræa lingua quietus so-
 nat, II, 3. Cur tantum decem epistolas
 scripserit, II, 1. Cur epistola ad He-
 bræos nomen suum non præfixit, II, 1.
 Dirimit contentionem Judeorum et
 gentilium, II, 4. Cur majores perse-

cutiones sustinuit cæteris apostolis, II, 52. Virginem se testatur, II, 109. Prophetare quid vocet, II, 127. Abortivum se vocat, II, 146. An omnes fideles converterit, II, 189. Raptus utrum in corpore, II, 197. Quæ arcana viderit in raptu, II, 198. A quo accipit Evangelium, II, 206. Magnus fuit persecutor, II, 206. Cucurrit et laboravit, II, 252. Athenis misit Epistolam ad Thessalonicenses, II, 294. Quid fecerit die ac nocte, II, 308. Convertit Timotheum, II, 311. Laudes, II, 90. Magna præstantia, II, 28. Peccatum dicitur spina et cur, I, 95. Iniquitas, I, 169. Est corrupta natura, II, 41. Opus mortuum vocatur, II, 395. Duobus modis committitur, I, 525. Dicitur mendacium, II, 20. Et consentire quid sit, II, 15. Peccatores perefluunt, II, 362. Pellicanus, I, 397. Pennæ pro agilitate, I, 183. Penula quid fuerit, II, 543. Peregrinatio nostra duplex, I, 226. Peregrinus quis, II, 235. Perfectus quis dicitur, II, 267. Perfecti quidam damnantur et quomodo, I, 516. Pericula quatuor ex quibus eripiendi boni, I, 437. Persecutor similis novacula, I, 176. Pes pro affectione ponitur, I, 111. Pro humilitate, velocitate et securitate, I, 335. Pro discursoribus, I, 246. Pestilentia qualis morbus, I, 2. Petitio quando invalescit apud Deum, II, 269. Petrus a Paulo publice reprehensus, II, 210. Phariseus unde dicitur, II, 265. Philosophi cognoverant unum Deum, II, 10. Pietas non est questus temporalium, II, 331. Pilatus unde nomen Pontii habuerit, II, 532. Pisces et aves ex aquis, III, 68. Designant curiosos, I, 22. Et philosophos, I, 22. Plasmare quid sit, I, 486. Plateæ pro principibus, I, 184. Plato agnovit Trinitatem, I, 429. Unum Deum, II, 10. Pædagogus quis dicitur, II, 216. Pœnitentia operatur tristitiam secundum Deum, II, 180. Ponere pro humiliare, I, 254. Pontifex Rom. pastor omnium Ecclesiarum, II, 86. Populus gentilis caro dicitur, II, 211. Portare Deum quid sit, II, 107. Præcepta moralia perdurant in utraque lege, II, 314. Prædestinare de quo dicitur, II, 7. Prædicandi tempus, I, 352. Prædicatores designati per boves, I, 22. Calceamenta, I, 212. Aquas, I, 250. Montes et colles, I, 267. Flumina, I, 11, 55. Cælum, I, 581. Sunt odor Christi bonus, II, 165. Exempla bonorum operum, II, 349. Vivant de bonis illorum quibus prædicant, II, 328. Eorum qualitates, II, 337. Prædicatio non vendenda, II, 338. Præjudicium dupliciter accipitur, II, 329. Prælati terra dicuntur, I, 410. Montes et colles, I, 454. Seræ portarum Ecclesie, I, 882. Ultra præcepta non cogant, II, 68. Possunt iudicare subditos, II, 74. Etiam mali possunt dare Spiritum sanctum, II, 311. Præparatio ad orandum qualis, II, 519. Præsentia Dei non potest immutari, 3, 9.

Presbyteri boni duplici honore digni sunt, II, 528. Prævaricatio quid, II, 362. Principes dicuntur flumina, I, 70. Antimendi, II, 72. Prophetiæ plura genera, I, 1. Visio dicitur, II, 516. Prophetæ de futuris quasi de presentibus et futuris loquuntur, I, 2. Vocantur cataractæ, I, 15. Labia Dei, I, 360. Carbores desolatorii, I, 15. Portæ Ecclesie, I, 525. Prophetare Paulus quid vocet, II, 127. Propositiones quæ vocentur, I, 297. Proscriptus quis dicitur, 221. Psallere quid; I, 20. Est orare, II, 141. Psalmus quid sit, I, 5, I, 9, 250. Pro bono opere ponitur, I, 96. Primus titulo caret, et cur, I, 2. Ejus intentio, I, 2. Secundus est primus habens titulum, I, 5. Psalmi quomodo compositi, I, 1. Psalterium quale instrumentum Musicum, I, 4, I, 158. Psalterium liber hymnorum, I, 1. Ejus intentio seu argumentum, I, 1. In eo quomodo Christus orat, I, 2. Pro Christi humanitate, I, 196. Pseudo-canes vocantur, II, 264. Publice peccans publice arguendus, II, 210. Pueris sine baptismo morientibus Deus omnem gratiam denegat, et cur, II, 54. Pulli corverum qui, I, 581. Purgatorium asseritur, I, 14, I, 507. Gladius versatilis, I, 507.

Q

Quatuor virtutes principales, I, 58. Quatuor angelorum ordines, uno loco a B. Paulo enumerati, II, 254. Quies Domini signum nostræ quietis, II, 371

R

Rana garrulitate significat, I, 310. Ratio in Adamo post peccatum non extincta, sed debilitata, I, 129. Sensualitatem regere debet, II, 123. Reditus noster duplex, I, 226. Regnare peccati quid, II, 57. Regnum Dei quid, II, 151. Remissione etiam sancti egent, I, 94. Ejus gratia dicitur oïum, I, 442. Renes delectationes significat, I, 278. Respondere Dei quid, I, 80. Respuere est pius quam spernere, II, 220. Resurrectio Christi, I, 153. Quid operetur in nobis, II, 280. Resurrectio mortuorum probatur, II, 297. Per legem naturæ, II, 149. An eam tuba præcedat, II, 151. Retrorsum ire quid sit, I, 79. Rhamnus quid, I, 201. Roma caput orbis, II, 8. Romani de Judæorum vitione gavisus, I, 281. Romanorum Epistola cur prima, II, 1.

S

Saba quid significat, I, 270. Sabbatum æternam requiem significat, I, 117. Sabbatismus quid, II, 371. Sacerdotium Christi manet in æternum, II, 375. Ejus commendatio, II, 384. Sacerdotes interdum episcopi nominati, II, 256. Non consecrandi sine examine, II, 329. Non licet iis matrimonio jungi, II, 108. Sacramentum quasi secretum, II,

252. Sacramentum confessionis, I, 447. Sacramentorum quorum, qui ministri, II, 88. Sacrarium quid, II, 118. Sacrilegium quid, II, 18. Sacrificia votiva quæ, I, 165. Sacrorum liberorum triplex sensus, I, 1. Sagittæ mortalitatem significat, I, 118. Sententias prædicatorum, I, 144. Salem quid sig., II, 581. Salices sunt impij, I, 544. Salomon pacificus, I, 266. Samaritani qui, II, 119. Sanctum sanctorum, I, 281. Sanctum pro amabili, I, 591. Sancti egent remissione, I, 94. Orant pro nobis, I, 520. Etiam, post mortem, I, 540. Eorum exempla muniunt nos contra ingruentia mala, II, 406. Sanguines pro peccato, I, 175. Sanguis interdum pro morte, I, 175. Ejus mira commistio, II, 251. Sanguinem Christi qui pollutum ducunt, II, 400. Sapientes mundi per pereuntes notati, II, 86. Sapientia interior est quasi adeps, I, 221. Saræ fides commendatur, II, 405. Designat Ecclesiam, II, 41. Saul mortem designat, I, 44. Ejus inobedientia, II, 44. Satanæ tradere est excommunicare, II, 101. Scapulæ significat doctrinam prædicatorum, I, 369. Scientiæ modus, II, 114. Evacuatio, II, 137. Scripturæ cur obscuræ, I, 51. Designatæ per palpebras, I, 51. Plaviam, I, 51. Siateram, I, 218. Mensam, I, 255. Cælum, I, 504. Earum commendatio, I, 348. Seurrillitas quid, II, 249. Scutum designat falsas rationes, I, 151. Senum instructio, II, 349. Sensus mundi vanitas est, II, 246. Hominis portæ sunt animæ, II, 415. Separatio a veritate, error est, II, 515. Sermo quid sit, I, 192. Sermonis divini efficacia, II, 572. Servorum instructio, II, 349. Servire debemus Deo cum meta et reverentia, II, 410. Signa et prodigia quid, II, 80. Differunt, II, 565. Sinai mons in Arabia, II, 222. Sinistrorsum ire quid sit, I, 79. Sion mons, plebs Judæorum, I, 154. Pro Ecclesia, I, 555. Sol mundi creationem designat, I, 272. Sollicitudines, naves circumant, I, 155. Sonus pro manifestatione, I, 154. Sors pro electione, I, 90, II, 255. Spelmea quid, II, 405. Christi humanitas, I, 194. Sperare corde quid, I, 82. Sensualitate quid, I, 82. Sperare beatum est, II, 254. Spes quæ sit, II, 28, 48, 511. Spina in corpore humano quid, I, 95. Spiritus quid appellatur, I, 172. Spiritus sancti agilitas, I, 2. A Patre et Filio procedit, I, 172, II, 46. Non minor Patre et Filio, II, 48. Quomodo postulet, II, 48. Quomodo scrutatur, II, 93. Datur per impositionem manus, II, 325. Est arrha immortalitatis, II, 17. Calor dicitur, I, 25. Flumen, I, 150. Auster, I, 822. Misericordia Patris et Filii, I, 478. Certior in apostolis

quam in prophetis, II, 47. Ejus dona pro terram promissionis designata, I, 512. Futurum ipsi præsens est, I, 2. Stadium quid, et unde, II, 120. Stare dicitur operari, I, 110. Stellæ designant particulares Ecclesiæ, I, 31. Stigma quid, II, 229. Stipendium quid, II, 38. Stratum quid, I, 521. Subsannare quid, I, 6, I, 107, I, 140. Superedificare quis dicitur, II, 95. Superbia delictum maximum et cur, I, 57. Per cornu designata, I, 287. Videretur omnium regina, I, 287. Parem non patitur, II, 227. Superstitio quid, II, 283. Synagoga ante Christi adventum qualis, I, 161. Syria quid significat, I, 207.

T

Tabernaculum pro militia, I, 211. Domo, I, 236. Tabulæ Decalogi, II, 252. Tempestatis nomine demones signif., I, 64. Tempus Christi dicitur consummatio, II, 395. Gratia plenitudo temporis dicitur, II, 232. Tempus pro defectu, I, 329. Tempus quo licet prædicare, I, 352. Tempus redimere quid, II, 230. Perdit qui mali agit, II, 250. Dies malus dicitur, II, 253. Tentationum tria genera, I, 371. Terra Judæos signif., mare gentiles, I, 258. Testamentum vetus umbra novi, I, 495. Novum non fuisse confirmatum nisi Christus mortuus fuisset, II, 39. Testamentum suum habuit quilibet propheta, II, 257. Tharsis quid signif., I, 270. Timotheus a Paulo conversus, II, 511. Fuit episcopus Ephesiorum, II, 520. Timor Christi ante passionem, I, 191. Timores duo, I, 56. Timor servilis via ad timorem castum, I, 449. Titulus Christi non corrupendus, I, 193. Tituli Psalmorum, I, 5. Eorum auctor Esdras, I, 266.

Topazius lapis pretiosus, I, 500. Torcularia sunt Ecclesiæ, I, 20. Pressuræ tribulationum, I, 535. Tribulationes cur quibusdam infinguntur, II, 240. Vocantur fluctus, I, 155. Vinum compungens, I, 210. Earum virtus, II, 50. Tributum quid, II, 72. Trinitas in personis, unitas in essentia, II, 155. Judicat, I, 268. Significatur a Psalmista, I, 325. Ejus significatio, I, 376. Præfiguratio, I, 585. Brevis et bona declaratio, II, 67, 372. Eam Plato agnovit, I, 429. Triplex scriptorum sensus, I, 1. Tuba an præcedat resurrectionem, II, 51. Turpitudinem quid vocet Apostolus, II, 249. Tutor quis dicitur, II, 217. Tympanum, I, 100. Carnis mortificationem signif., I, 326. Tympanistris quæ, I, 47. Tyrus gentilitatem desig., I, 146, I, 535.

U

Ultio bona, I, 320. Ungula discretionem signif., I, 257. Unicornes Judæi cur dicti, I, 85. Unum sequendum non duo, II, 267. Usura penas æternas signif. et nu., I, 271. Uterus pro conceptione, I, 198. Uxor cur a viro diligenda, II, 251.

V

Vectigal quid, II, 72. Vellus Judaicum populum signif., I, 268. Veniali peccato nemo liber, I, 228. Venter multorum Deus, II, 268. Ver, honorum operum laborem designat, I, 285. Verbum folium dicitur, et cur, I, 56. Dei filius, I, 142. Quid sit, I, 19. Vertex pro superbia, I, 246. Veritas umbram fugare debet, II, 59. Membrum Christi, II, 247. Vespasianus aper de silva, I, 324. Vesper cur Adam dicitur, I, 85. Ætas sexta, I, 204. Adversitas, I, 229. Vestimenta Christi divisa quid designent, I, 64. Vetularum morbus, II, 549. Viduæ veræ quæ, II, 327. Earum

bona judicium, II, 327. Vis Domini quæ, I, 72, I, 79. Vigiliarum commendatio, I, 220. Vineæ Dei sunt congregationes clericorum et monachorum, I, 454. Vinum compungens dicitur tribulatio, I, 210. Vinum septiformis gratiæ spiritus sancti, I, 410. Vino uti stomacho prodest, II, 329. Vir gloria Dei, II, 127. Caput mulieris, II, 250, II, 106. Ejus mors solvit mulierem a lege viri, II, 59. Viri sanguinum dicuntur animarum interfectores, I, 76. Virga et baculum quid sig., I, 69. Virga Aaron quid sig., II, 391. Virga regis cerea esse solet, II, 560. Virginitas an præcepta, II, 111. Quæ meritoria, II, 542. Virtutes quatuor principales, I, 38. Virtutis definitio, I, 335. Est cibus animæ, I, 528. Perficit infirmitas, II, 198. Ejus arma, II, 255. Virtutes cælorum quid, I, 585. Viscera pro anima, I, 172. Visiones cur dormientibus magis quam vigilantibus ostendantur, II, 353. Vita æterna designata per terram Chanaan, I, 418. Contemplativa melior activa, I, 574. Eam perdit qui discedit a Deo, II, 567. Vitia populii nomine signif., I, 146. Vivens et vivificans differunt, II, 150. Vocationes Dei diversimodæ, II, 5. Voluntas vultus dicitur, et cur, 41. Voluntas mala quando dicitur interioris carnis intrare, I, 441. Quando vero ossa, I, 441. Voluntas Dei duplex, II, 517. Votum reddere perfectius quam vivere, I, 227. Vox hujus magis afficit quam lectio, II, 525. Vultus pro voluntate ponitur, I, 100. Pro similitudine, I, 154. Pro gratia, I, 158. Pro pulchritudine, I, 147. Filio Dei, I, 256. Vulva pro genitura, I, 198.

Z

Ziphæi quos designent, I, 180. Zymut fermentum dicitur, II, 102.

ORDO RERUM

QUÆ IN HOC TOMO CONTINENTUR.

S. BRUNO CARTHUSIANORUM INSTITUTOR.

OPERUM TOMUS SEU PARS II

EXPOSITIONES IN OMNES EPISTOLAS PAULI	9
Sancti Hieronymi præfatio in Epistolas Pauli.	11
Prologus specialis in Epistolam ad Romanos.	13
Prologus B. Brunonis.	13
EPISTOLA AD ROMANOS.	15
Prologus in primam Epistolam ad Corinthios.	121
Argumentum.	121
Argumentum B. Brunonis in eandem.	121
EPISTOLA I AD CORINTHIOS.	123
Prologus in secundam Epistolam ad Corinthios.	217
Argumentum in eandem.	217
EPISTOLA II AD CORINTHIOS.	217
Argumentum in Epistolam ad Galatas.	279
Prologus beati Brunonis in eandem.	279
EPISTOLA AD GALATAS.	281
Argumentum in Epistolam Pauli ad Ephesios.	315
Prologus B. Brunonis in eandem.	317
EPISTOLA AD EPHESIOS.	317
Argumentum in Epistolam ad Philippenses.	349

PATROL. CLIII.

Prologus B. Brunonis in eandem.	349
EPISTOLA AD PHILIPPENSES.	351
Argumentum in Epistolam Pauli ad Colossenses.	375
Prologus B. Brunonis in eandem.	375
EPISTOLA AD COLOSSENSES.	375
Argumentum in Epistolam primam ad Thessa omnicenses.	397
Prologus B. Brunonis in eandem.	397
EPISTOLA I AD THESSALONICENSES.	397
Argumentum in Epistolam secundam ad Thessalonicenses.	415
Prologus B. Brunonis in eandem.	415
EPISTOLA II AD THESSALONICENSES.	415
Argumentum in Epistolam primam ad Timotheum.	425
Prologus B. Brunonis in eandem.	425
EPISTOLA I AD TIMOTHEUM.	425
Argumentum in Epistolam secundam ad Timotheum.	457
Prologus B. Brunonis in eandem.	457
EPISTOLA II AD TIMOTHEUM.	459
Argumentum in Epistolam ad Titum.	475
Prologus B. Brunonis in eandem.	478

37

EPISTOLA AD TITUM.	473	CONSUEITUDINES CARTHUSIENSES.	631
Argumentum in Epistolam ad Philemonem.	483	Montium.	631
Prologus B. Brunonis in eadem.	483	Prologus.	633
EPISTOLA AD PHILEMONEM.	483	CAP. I. — De officio divino.	639
Argumentum in Epistolam ad Hebræos.	487	CAP. II. — Item de eadem re.	639
Prologus B. Brunonis in eadem	487	CAP. III. — Item unde supra.	641
EPISTOLA AD HEBRÆOS.	489	CAP. IV. — Item unde supra.	644
Epistola B. Pauli ad Laodicenses.	565	CAP. V. — Item unde supra.	647
Hecastichon apologeticum D. Jacobi Hieronymi Car-		CAP. VI. — Item unde supra.	647
tusisæ Parisiensis alumni.	567	CAP. VII. — De officio Dominicali.	647
DIVI BRUNONIS EPISTOLÆ BINÆ.	569	CAP. VIII. — Item de officio divino.	651
SERMO DE CONTEMPTU DIVITIARUM.	569	CAP. IX. — Quoties radamur in anno.	633
CONFESSION S. BRUNONIS.	571	CAP. X. — Quales hospites introducantur in chorum.	635
Appendix ad S. Brunonem. — De origine sacri Carthu-		CAP. XI. — De officio defunctorum.	635
sienis ordinis, auctore Zacharia Benedictino, Vicentino,		CAP. XII. — De visitatione ægroti.	635
Carthusiano.	571	CAP. XIII. — Quomodo tractandus sit qui moritur.	637
GUIGO I CARTHUSIÆ MAJORIS PRIOR GENERA-		CAP. XIV. — Item de cura mortuorum.	639
LIS QUINTUS.		CAP. XV. — De ordinatione prioris.	661
Notitia.	581	CAP. XVI. — De procuratore domus inferioris.	667
Notitia altera.	591	CAP. XVII. — De infirmo qui mittitur ad inferiorem do-	
EPISTOLÆ.	593	num.	667
I. — Ad Durbonenses fratres. — De supposititis beati		CAP. XVIII. — Item de procuratore	669
Hieronymi epistolis.	593	CAP. XIX. — De equitatis hospitium.	671
II. — Ad Petrum Venerabilem, Cluniacensem abbatem.	594	CAP. XX. — De pauperibus et eleemosynis.	673
		CAP. XXI. — De mulieribus.	681
III. — Ad Haymericum cardinalem et cancellarium. —		CAP. XXII. — De novitio.	681
Monet duos esse hostes quibuscum maxime sit pugnan-		CAP. XXIII. — Professio novitii.	685
dum, et contra Ecclesiæ adversarios non armis corporali-		CAP. XXIV. — Oratio super cucullam.	689
bus, sed humilitate et penitentia utendum.	595	CAP. XXV. — Oratio super novitium.	691
IV. — Ad Hugonem S. militiæ priorem. — Docet qua		CAP. XXVI. — De ordine congregationis.	691
ratione bellum spirituale sit agendum.	598	CAP. XXVII. — De ætate suscipiendorum.	691
V. — Ad Innocentium papam II. — Consolatur sum-		CAP. XXVIII. — De utensilibus cellæ.	693
mm pontificem adversus schismatis molestias.	600	CAP. XXIX. — Quo tempore de cella exeat et de vigi-	
VI. — Hugonis Gratianopolitani episcopi, Guigonis et		liis et distinctione horarum.	695
Carthusiensium fratrum epistola ad Patres in synodo I		CAP. XXX. — De his qui in cella manentibus impor-	
Otrensî congregatos propter necem Thomæ, Sancti Victo-		tute se ingerunt, et de coquinario.	701
ris Parisiensis prioris, ab impijs crudeliter occisi.	600	CAP. XXXI. — Item de cella.	703
MEDITATIONES.	601	CAP. XXXII. — De fratribus qui in aliquo opere occu-	
CAP. I. — De veritate et pace, et quomodo per solam		pantur.	705
veritatem pax habetur.	601	CAP. XXXIII. — De jejunijs atque cibis.	705
CAP. II. — De utili displicentia sui ipsius, et de humili		CAP. XXXIV. — De mensura vini et casei.	707
confessione peccati.	604	CAP. XXXV. — Quod nulli liceat majora exercitia fa-	
CAP. III. — De voluptatibus ac vilius delectationibus		cere, nisi favente priore.	709
quinque sensuum.	603	CAP. XXXVI. — De hospitibus suscipiendis.	711
CAP. IV. — De vanis timoribus, doloribus et cruciatibus		CAP. XXXVII. — De tractando consilio.	713
filiorum hujus sæculi, quos contrahunt ex perituro-		CAP. XXXVIII. — De cura infirmorum.	713
rum cupiditate et amore.	608	CAP. XXXIX. — De minutione.	715
CAP. V. — De cupiditate, amore et gloriatione terre-		CAP. XL. — De ornamentis.	717
norum et temporalium, et quomodo per ea vera miseria		CAP. XLI. — Ut nulla extra eremum possideantur, et de	
non tollatur, sed augeatur.	609	sepultura peregrinorum.	719
CAP. VI. — De inutili et vili appetitu laudum et glo-		CAP. XLII. — De divino officio fratrum laicorum.	725
riæ, vel favoris humani.	611	CAP. XLIII. — Item de eadem re, et quo tempore ad le-	
CAP. VII. — De vera laude justorum, et vituperatione		culos redeant.	725
malorum, et quis sit laude dignus vel indignus.	613	CAP. XLIV. — Quis presidere vel respondere debeat.	727
CAP. VIII. — De his qui volunt amari et admirationi		CAP. XLV. — Quod cum prælato suo fratribus loqui li-	
haberi, et quomodo per talem appetitum homo diabolo		ceat.	727
assimilatur, et seipsum facit idolum cæterorum.	613	CAP. XLVI. — De coquinario.	737
CAP. IX. — De anima quæ per frustationem et amorem		CAP. XLVII. — De pistore.	729
temporalium a Deo recedit, et a dæmonibus constupratur.	615	CAP. XLVIII. — De sutore.	729
		CAP. XLIX. — De præposito agriculturæ.	729
CAP. X. — De impudentia et frontositate animæ forni-		CAP. L. — De magistro pastorum.	729
cantibus, quæ petit a Deo in suo scelere confoveri.	616	CAP. LI. — Quo tempore vinum fratres habeant.	731
CAP. XI. — De ignorantia sui ipsius qua homo, per		CAP. LII. — De jejuniu fratrum.	733
amorem terrenorum extra seipsum effusus, se considerare		CAP. LIII. — Quo tempore vescantur avenario pane.	733
non potest.	617	CAP. LIV. — De minutione eorum.	737
CAP. XII. — De vera utilitate hominis, et qualiter om-		CAP. LV. — De silentio ad prandium.	737
nium hominum est una et eadem utilitas.	617	CAP. LVI. — Quid agendum sit in periculis.	737
CAP. XIII. — De prudenti cautela qua utendum est ad		CAP. LVII. — De vestitu fratrum et utensilibus cellæ.	737
suam utilitatem quibuslibet prosperis et adversis.	619		
CAP. XIV. — De adversitatibus hujus sæculi, qualiter		CAP. LVIII. — Quod loquendi cum extraneis licentiam	
tolerandæ sunt, quia per eas cogitur utiliter ad Deum		non querant.	739
redire.	620	CAP. LIX. — Quid fiat de re alicui nostrum missa.	739
CAP. XV. — De vera patientia, qua tolerandi et aman-		CAP. LX. — Quid de re inventa faciendum sit.	741
di sunt peccatores et infirmi, pie sperando correctionem		CAP. LXI. — De brachijs et parvis pellicis fratrum.	741
eorum.	621	CAP. LXII. — De fratre qui sagmarios curat.	741
CAP. XVI. — De pia compassione et medicamine infir-		CAP. LXIII. — De horto.	743
morum, et quomodo mente incorrupta vivendum est in-		CAP. LXIV. — De custode pontis.	743
ter eos.	622	CAP. LXV. — De discipulis fratrum.	745
CAP. XVII. — De virtute et effectu amoris Dei et pro-		CAP. LXVI. — De cinere.	745
ximi, et quemadmodum charitas optanda est et impen-		CAP. LXVII. — Quid faciant pro missa.	745
denda.	624	CAP. LXVIII. — De Coena Domini.	745
CAP. XVIII. — De perfecta angelorum justitia, et quæ		CAP. LXIX. — De Parasceve.	745
sit differentia inter justitiam illorum et nostram.	627	CAP. LXX. — Quomodo se habeant in solemnitatibus.	746
CAP. XIX. — De vera et interiori animæ pulchritudine,		CAP. LXXI. — Quid faciant pro defunctis.	745
et in quo consistat omnis hominis vera perfectio.	628	CAP. LXXII. — De rasura fratrum.	745
CAP. XX. — De Incarnatione Verbi, et quemadmodum			
in seipso nobis perfectionem prædictam plenissime de-			
monstraverit.	650		

- f. CAP. LXXIII. — De novitio suscipiendo. 745
 CAP. LXXIV. — Professio laici. 747
 CAP. LXXV. — Quomodo se habeat frater postquam susceptus est. 747
 CAP. LXXVI. — De hospitio fratrum qui foras mittuntur. 749
 CAP. LXXVII. — De fugitivis, sive expulsis. 749
 CAP. LXXVIII. — De numero habitatorum. 751
 CAP. LXXIX. — Quare tam parvus sit numerus. 753
 CAP. LXXX. — De commendatione solitariae vitae. 753
VITA S. HUGONIS, EPISCOPI GRATIANOPOLITANI. 759
Monitum. 759
 Epistola Innocentii II papæ. 761
 Incipit vita. 761
 Prologus. — Ad pontificem Romanum. 761
 CAP. I. — Sancti Hugonis parentes, studia, canonicatus. 763
 CAP. II. — Episcopatus Gratianopolitanus susceptus. 765
 CAP. III. — Monachus Cluniacensis per annum. Frequens in Carthusia cum S. Brunone et aliis conversatio. Inter afflictiones donum lacrymarum. 768
 CAP. IV. — Oculorum et aliorum sensuum ac linguæ sancta custodia. 772
 CAP. V. — Eleemosynæ factæ, munera spreta, dissidia sublata, concones, auctoritas summorum pontificum defensa. 775
 CAP. VI. — Morbus, visitantibus monita data, mors, sepultura. 779
GUIGO CARTHUSIÆ MAJORIS PRIOR GENERALIS HUIUS NOMINIS SECUNDUS; — BERNARDUS, JOANNES, STEPHANUS DE CHALMETO CARTHUSIANI. 785
 Notitia in Guigone. 785
SCALA PARADISI seu Tractatus de modo orandi et de vita contemplativa, auctore, ut videtur, Guigone. 785
 De Guigonis et aliorum Carthusianorum opusculis præfatio. 787
LIBER DE QUADRIPERTITO EXERCITIO CELLÆ. 787
 CAP. I. — De modo et causa adventus priorum ordinis Carthusiensis ad annum capitulum, et de triplici fructu adventus eorum. 804
 II. — De suavitate sublimi, et sublimitate suavi, quæ in ordine Carthusiensi in tribus specialiter consistit. 805
 III. — De spiritali conversatione fratrum Carthusiensium in qua eunt post Christum, per Christum, ad Christum. 807
 IV. — Quid spiritaliter debeat accipi per vilitatem et asperitatem habitus Carthusiensium, et de paupertate victus eorum. 808
 V. — De puritate contemplationis internæ, quæ ad cellæ potissimum solitudinem spectat. 810
 VI. — Qualiter suavis cellæ quies, et quietas ejus suavis in quibusdam sacræ Scripturæ locis expressa sit. 811
 VII. — Item de eadem quiete cellæ: qualiter per viros sanctos a Moyse usque ad Isaiam ejus secretum sit expressum. 812
 VIII. — De quibusdam viris sanctis qui ab Isai fuerunt usque ad Christum, et de quibusdam qui fuerunt post adventum Christi, qualiter per eos figurata sit cellæ quies. 813
 IX. — De quiete cellæ; et quod non expediat ei qui in ea habitat, ut curiositate, temeraria nimis diu extra eam moretur. 815
 X. — De eo quod cella, ab eo qui eam inhabitat jugiter tenenda est; et quod ei periculum eveniat, si temerarie ab ea fuerit egressus. 817
 XI. — De magnis multisque periculis quæ ille incurrit qui habitat est cellæ, et de illa male exit; et de eo quod magnam animæ sanctæ confert quietem plena ac perfecta abjectio sæcularium rerum. 819
 XII. — De sæcularium (cui præcipue intendunt Carthusienses) negotiorum et sollicitudinum et possessionum abjectione. 821
 XIII. — De loco sanctæ voluptatis, et de spiritali fuga sancti Job. 822
 XIV. — Quomodo spiritaliter egrediatur fluvius de loco voluptatis ad irrigandum paradysum: et quis ille fluvius sit. 824
 XV. — Quod qui ad annum conveniunt capitulum priores, ordinis debent diligenter intendere renovationi: et de quatuor sanctis exercitiis, quibus sollicite studere debet omnis qui in cella vult fructuose commorari. 825
 XVI. — De commendatione cellæ, et de quatuor capitibus illis in quæ fluvius dividitur, qui ad irrigandum paradysum de loco voluptatis egreditur. 827
 XVII. — Quod qui habitator est cellæ omnem debeat illicitam devitare locutionem: et quæ fila sint bona ad quæ nos sacra lectio provehit. 829
 XVIII. — De generibus sanctarum meditationum quibus intendere debet qui in cella solitarius sedet, et de studiosa sacræ Scripturæ recitatione. 850
 XIX. — De illo meditationis modo qui in animo meditantis timoris gignit causam et doloris, qui in octo modos dividitur. 851
 XX. — De generali resurrectione mortuorum, et poenis damnatorum, et qualiter repeti debeant illi octo modi, in quibus timoris existit causa et doloris. 854
 XXI. — Qualiter in animo meditantis timor expellat elationem; et de tertio meditationis modo, qui occasionem administrat amoris et consolationis. 856
 XXII. — De quarto meditationis modo, qui causam gignit in animo meditantis pietatis et compassionis: et quod quædam quæ videmus ab aliis mala fieri, magis debeamus intra nos plerumque excusare quam temere judicare. 858
 XXIII. — Qualiter quintum meditationis modum opponere debeamus in mente nostra, contra illam qua jugiter pulsamur tentationem carnis, diaboli et mundi. 840
 XXIV. — De tædio quod aliquis patitur qui cellæ habitator est: et quomodo illud a se repellere, seque renovare ac reparare possit. 841
 XXV. — De his qui in carne operatus est Christus; et de laboribus sanctorum suorum. 842
 XXVI. — De septimo meditationis modo, qui stuporis in mente meditantis causam gignit, et admirationis: et de eo quod per ea quæ facta sunt conspicitur ipse qui fecit. 845
 XXVII. — De vocibus et locutionibus quas anima spiritaliter audit: et qualiter anima ad imaginem Dei facta sit, et quem motum suscipiat, et cujus motus susceptibilis non sit. 848
 XXVIII. — De illis beatis spiritibus, quæ videlicet illa sint quæ ad eos pertinent; et quid de illis in pura meditatione sua, cellæ debeat infra se habitator revolvere. 850
 XXIX. — De illo meditationis genere quod intra nos in ipsius intimis cordis nostri debemus habere, cum de Deo studemus cogitare: et qualiter de illo nos deceat et liceat sentire. 855
 XXX. — De Trinitate personarum, et unitate substantiæ quæ Deus est, et quod præjudicium aliquod nec Trinitatis unitati, nec unitas facti Trinitati. 859
 XXXI. — De diligenti sollicitudine, et sollicita diligentia quam orationi nostræ quando ei incumbimus debemus impendere: et de magna instabilitate qua in corde, orationis tempore, per otiosa et nociva, dispersis cogitationibus nostris, misere ac miserabiliter fluctuamus, et per innumera evagamur. 862
 XXXII. — De mentis evagatione, quam nobis orationis tempore inesse sentimus: et qualiter et quare per tertium qui de loco voluptatis egreditur fluvium, qui et Tigris vocatur, orationis accipienda devotio sit. 864
 XXXIII. — Quales nos exhibere debeamus priusquam ad orationem accedamus, ut cum ad eam venerimus, sic eam Deo offeramus, ut ipse eam et sibi acceptam, et nobis misericorditer efficiat fructuosam. 869
 XXXIV. — De eo quod, cum ad orationem accedimus, et illis qui in nos deliquerunt, ex puro corde dimittere, et si sunt qui habent aliquid adversum nos, plene eis ac perfecte reconciliari debemus. 871
 XXXV. — De quatuor cogitationum generibus, quæ nobis necessarium est in mente habere, si pure, et devote, atque fructuose Dominum volumus orare. 875
 XXXVI. — De opere manuum, cui debet cellæ inhabitator intendere, et quibus horis spiritualibus exercitiis, et quibus insistere debeat manuum operibus, et de pluribus aliis quæ ad eundem cellæ incolam pertinent. 880
BERNARDUS CARTHUSIÆ PORTARUM PRIOR.
EPISTOLÆ tres.
 Epist. I. — Ad Aymonem de Varennes et Aymonem de Rohoria. — De fuga sæculi. 885
 Epist. II. — Ad moniales de Lugduno. — Hortatur illas ad capessendam magno animo, quam recens susceperant strictiorem disciplinam. 889
 Epist. III. — Ad Rainaldum inclusum. — Qualiter coram Domino sit vivendum. 892
JOANNES CARTHUSIÆ PORTARUM MONACHUS. 899
EPISTOLÆ quinque.
 Epist. I. — Ad Stephanum fratrem carne et spiritu. — De fuga sæculi. 899
 Epist. II. — Ad Latoldum. — De modo orandi. 915
 Epist. III. — Ad Hugonem. — De modo orandi ac præ-

sertim de gratiarum actione.	918
Epist. IV. — Ad Berardum. — De custodia cordis.	924
Epist. V. — Ad Bernardum nepotem suum, qui de Carthusiensi ad alium ordinem transire cogitabat. — De constantia in proposito.	926
STEPHANUS DE CHALMETO.	
EPISTOLA DE PERSEVERANTIA ORDINIS ad novitios Sancti Sulpitii ord. Cisterc.	931
Epistola Alexandri pape III ad Arthaudum priorem Alverie, de schismate illius temporis.	933
Appendix.	935
SANCTUS HUGO EPISCOPUS LINCOLNIENSIS IN ANGLIA ORDINIS CARTHUSIENSIS.	
Hugonis Vita. — Monitum.	937
Dissertatio de anno quo S. Hugo in episcopum Lincolnensem consecratus sit.	939
Incipit Vita. — Prologus.	943
LIBER PRIMUS.	
CAP. I. — Qualiter Hugo genitricis solatio destitutus, et regulari collegio clericorum una cum genitore sociatus, jugum Domini ab infantia portaverit; et inseruntur de sua institutione puerili verba ejusdem.	945
CAP. II. — De ejusdem profectu in scientia et virtute, et quam devotus ac sedulus in divinis officiis ac fratrum obsequiis existebat.	946
CAP. III. — De patris sui commendatione, et quam humiliter ac devote ministraverit et Hugo noster, ejusdem obsequiis specialiter deputatus.	947
CAP. IV. — Qualiter ordinatus levita, mox prædicationis studio plebem informans, cellulam S. Maximi regendam accepit, et ita laudabiliter rexit. Et sub hoc comprehenditur quintum capitulum magnæ Vitæ.	948
CAP. V. — Qualiter illic evangelicum: « Si peccaverit in te frater tuus » circa quemdam dictæ cellulæ parochianum executus est de peccato adulterii diffamatum.	950
CAP. VI. — Qualiter cum priore suo Carthusiam invisit, et visam dilexit.	951
CAP. VII. — Qualiter ad prioris sui instantiam fide interposita juravit, quod ipso superstite ad ordinem Carthusiensium nullatenus transvolarët; et fidem non servavit, nec tamen de fidelis transgressionem scrupulum habuit, unde profectum tantum cepit.	952
CAP. VIII. — De tentatione gravissima, quæ post ordinis Carthusiensis ingressum ipsum arripuit: nec tamen defuit ei tuitio salutaris.	954
CAP. IX. — De commendatione ordinis Carthusiensis, et profectu in eodem nostri Hugonis: et qualiter senior ad cuius obsequium fuerat deputatus, ipsum de suscipiendo ordine sacerdotali tentavit, et ipsum futurum episcopum prænuñtiavit. Et sub hoc capitulo comprehenduntur 10 et 11 capitula magnæ Vitæ.	956
CAP. X. — De ipsius in devotione profectu, postquam est sacerdos effectus, et corporalis asperitatis ac abstinentiæ rigore.	957
CAP. XI. — Qualiter Petri archiepiscopi Tarentasiensis obsequio deputatus, tam in Scripturarum perscrutatione, quam in omnibus, quæ poterant reverentiæ congrua, aut animo grata esse, devotissime ministrabat, ab ipso quotidie recipiens benedictionem, absolutionem et instructionem salubrem.	958
CAP. XII. — Qualiter domus Carthusiæ procurator effectus, ipsam tam spiritualiter quam temporaliter strenue gubernabat, omnibus se reddens merito commendatum.	959
CAP. XIII. — De tentatione illius alia ab illa de qua supra, capitulo octavo, et qualiter ab ipsa per illum sanctum quondam priorem Carthusiæ Basilium, quem suum nutritorem vocavit, extitit liberatus. Et inseritur hæc tentatio in magna Vita libro secundo.	959
Prologus libri secundi.	961
LIBER SECUNDUS.	
CAP. I. — Qualiter pro domo Carthusiensis ordinis, in Anglia apud Withamiam construenda, mittitur ad quaerendum Hugonem.	961
CAP. II. — Qualiter nuntii ad Carthusiam venientes super petitione sua invenerunt fratres dissentientes, et qualis erat sententia ipsius de ipsa exaudienda, et hoc est cap. 3, in serie magnæ Vitæ.	964
CAP. III. — Qualiter demum obtentum est, ut adiret Angliam Hugo ad regem veniens, et qualiter Withamiam cum honore deductus sit.	966
CAP. IV. — Qualiter statu, quem invenit apud Withamiam, visitato, ad regem reversus, fecerit villæ de Witham habitatoribus, inde discessuris, largissime provideri.	968
CAP. V. — Qualiter loci constructione pro sumptuum	

defectu nullatenus procedente, fratre Girardo regem ad-eunte cum nostro Hugone, et regi verba asperrima proferente, Hugonis extitit patientia approbata, cuius ex tunc ad regem familiaritas est vehementius confirmata.

CAP. VI. — Quod rex Hugoni credidit præ cæteris omnibus in his quæ suæ salutem animæ contingebant; et quod a multis regis filius putabatur: et quod ipsum super variis excessibus arguendo, non cessabat sacris informare exhortationibus, quia ejus varia consolatione levius ferrebat adversa, et fretus ejus orationibus superabat facilius, et consiliis instructus circumspiciendo declinabat.

CAP. VII. — Qualiter rex in periculo maris Britannici constitutus, liberationem suam Hugoni ascripserit: et vovere dicebatur quod ad pontificalem gradum niteretur eo quantumcunque promovere, si ad portum incolumis perveniret.

CAP. VIII. — Qualiter devotioni totaliter Hugo intendebat, ita quod in somnis hanc dictionem, Amen, de consuetudine proferebat; et qualiter etiam se gerebat in mensa: et quod, quomocunque habebat in manibus oculum, nec facile pulsantem recipiebat.

CAP. IX. — Qualiter ad ipsum apud Withamiam confuebat pro solatio capiendo; et quod multi cum eo religionis suæ vitam ducere cupiebant, ipse tamen nec cito, nec facile pulsantem recipiebat.

CAP. X. — De apostatatione fratrum Andree et Alexandri, et de conviciis ac blasphemis eorundem, in Hugonem et ordinem Carthusiensem illatis.

CAP. XI. — Qualiter difficilem se habuerit noster Hugo ad eorum receptionem, qui semel apostatassent: et quam tenere persistentium in sua religione quietem dilexerit.

CAP. XII. — Qualiter, licet esset de libris congregationis suæ necessariis perquirendis sollicitus, bibliothecam tamen per regem sibi a monachis Withoniensibus acquisitam ex inaudito charitatis affectu ultro reddi fecit. Unde convalevit ex illo præsertim tempore inter monachos Wintonienses et Withamienses eremitas dilectio specialis, per quam Robertus prior cathedralis ecclesiæ, et Radulphus sacrista, Withamienses effecti solitarii sunt; quorum instantiam inscripsisse se assertit Vitam nostram ejusdem dictator.

Prologus libri tertii.

LIBER TERTIUS.

CAP. I. — Qualiter Hugo in episcopatum est electus.

CAP. II. — Qualiter Hugo electionem primo de se factam reputans irritam et inanem, ad se venientibus persuasit ut, ad cathedralæ ecclesiæ remeantes, electionem ibidem canonice celebrarent.

CAP. III. — Qualiter pro electione secunda apud Lincolniam celebrata, ad se missis responderit se sine prioris Carthusiæ obedientia episcopale onus non subiturum.

CAP. IV. — Qualiter missi priorem Carthusiæ requirebant; et Hugo ipse devotioni fortius insistens se contra jugum episcopale sibi imminens præparabat.

CAP. V. — Qualiter nuntiis a Carthusia regressis, eatione jam tertia de domo sua exire compulsus, versus Lundinium pro consecratione recipienda se transferens, illam nondum sui ordinis humilitatem deseruit; quin potius post sellam equitandum sarcinulam deferret: in sua consecratione a regia munificentia largissime honoratus.

CAP. VI. — Qualiter incathedratus apud Lincolniam archidiacono Cantuariensi responderit quantum pro mitra dederat, tantum ei pro cathedra se daturum. Qualiter etiam responderit procuratori domus suæ de capiendâ numero damarum: et de avis apud Stowam mirabilitate, quam retulit archidiaconus Menevensis.

CAP. VII. — Quam sollicitus erat Hugo noster de personis idoneis in Lincolnensi Ecclesia collocandis, et pro incumbendis sibi oneris supportatione suo lateri adiungendis. Et est hoc capitulum in serie magnæ Vitæ octavum.

CAP. VIII. — Qualiter Hugo noster summum regis festarium excommunicando, et se a conferenda præbenda ab ejusdem instantia excusando, ipsius regis incurrit offensam.

CAP. IX. — Qualiter prædictis offensis a rege vocatus ita se habuit respondendo, quod cum ejus benevolentiam liber accessit.

CAP. X. — Quod in ecclesiis præbendatos teneri ad residentiam reputabat; et secundum hoc magistro Parisiensi respondit, qui præbendari in Ecclesia Lincolnensi affectavit; et quod inter fratres seu homines quosque dilexit præcipue unitatem.

CAP. XI. — Qualiter tam Baldewino Cantuariensi archiepiscopo, quam ejus successor, capellarum constructioni insistere dissuaserit, ex qua inter ipsos et suos monachos Cantuarienses gravissima discordia exorta fuit, inter quos pacem reformavit. 999

CAP. XII. — Quomodo in mensa et in victualibus se Hugo habebat; et quam potenter in executione eorum, quas sui erant officii, se gerebat; et quam humiliter ac devote circa pueros confirmandos et alios infirmitate detentos astabat. 1001

CAP. XIII. — Qualiter ex dulcedine affectionis infantulis adjocabatur, qui vice versa eidem mirabiliter applaudebant. 1003

Prologus libri quarti. 1003

LIBER QUARTUS. 1005
CAP. I. — De Martini nostri Hugonis scrinarii tonsione, ad religionem conversione, et protectione in eadem. 1005

CAP. II. — De osculo leprosum et multiplici consolatione, verbis nostri Hugonis, de dulcedine Salvatoris, et eleemosynæ largissima distributione. — Et hoc est capitulum in serie magnæ Vitæ libro quarto. 1007

CAP. III. — Quam constanter rebellibus se opposuit, et in Deum contumaciter delinquentes ecclesiastica censura punivit. 1008

CAP. IV. — De partus ab uxore cujusdam militis suppositione, et eorum punitione qui tanto facinori consenserunt, de nomine forestarii, et de crudeli cujusdam episcopi maledictionem retinentis interfectione. 1009

CAP. V. — De quodam diacono, qui militem quemdam super crimen regis conditionis acriter impetebat. — Et hoc capitulum inseritur magnæ Vitæ c. p. 6, lib. iv. 1014

CAP. VI. — De adolescentula Oxoniæ, quæ, priore sponso contempto, de factis alteri conjugata et super hoc convicta, parere contempsit beato Hugoni. — Et hoc est hoc capitulum in magna Vita sub capitulo sexto. 1015

CAP. VII. — De clerico Eboracensis diocesis, qui super ecclesia dimitienda, de qua contra eum a beato Hugone auctoritate delegata ferebatur sententia, parere noluit iudicatis. — Et est adhuc capitulum hoc sub eodem capitulo sexto in magna Vita. 1016

CAP. VIII. — Qualiter a rege Richardo redemit pallii servitutem, et quam liberaliter contribuisti clerici diocesis suæ ad illam redemptionem, et quod etiam penam pecuniariam recipi prohibuit pro delictis. — Et hoc est capitulum in magna Vita sub cap. 7. 1017

CAP. IX. — Qualiter jus advocatiæ abbatie de Eynesham contra regem Richardum illud sibi vindicantem, per inquisitionem solemnem evicerit. — Et hoc est capitulum in magna Vita cap. 8. 1020

CAP. X. — Quod annis singulis fere Withamiam declinaverit, ubi cornutum faciem gerere videbatur. Et qualiter secularibus ibidem predicando de tribus specialiter eos instruere nitetur, scilicet de cordis charitate, veritate oris et corporis castitate, et quam stricte servare apud se nitetur veritatem. — Et hoc capitulum est in magna Vita sub capite 9. 1022

CAP. XI. — Qualiter Withamiam veniens nitorem habuerit insolitum, colore rubicundo superfluum, ad primum loci conspectum ineffabili quadam spiritualis gaudii jucunditate sentiens se perfundi; et qualis erat conversationis, dum morabatur ibidem. — Et hoc est hoc capitulum in magna Vita caput decimum. 1024

CAP. XII. — Qualiter frater Eynardo in arreptione itineris constituto, ut Withamiam relinquens, Carthusiam remearet, reductus est a beato Hugone, inito inter eos vicissim foedere, quod nec ille Withamiam, nec late Lincolniam desereret in futurum. 1025

CAP. XIII. — De peracto innoxie coquina incendio in nostri Hugonis finali de Withamiam recessu. 1026

Prologus libri quinti. 1027

LIBER QUINTUS. 1029

CAP. I. — De immensitate divinis ad homines dilectionis quæ in sepultura humana officio notabiliter demonstratur, et de nostri Hugonis circa hujus officium affectione immensa. 1029

CAP. II. — De cujusdam pauperis sepultura in Northmannia, et plurimum in Lincolnia, et prælati cujusdam in Bermundesia. 1031

CAP. III. — De contentione inter ipsum, et comitem Leycestris super pago quodam Leycestris contiguo. — Et hoc est hoc in magna Vita sub capitulo secundo. 1034

CAP. IV. — De revelatione clerico insinuata, qui inter manus episcopi celebrantis formam vidit pueri sub hostia saluari. — Et hoc est tertium capitulum in magna Vita. 1035

CAP. V. — De stupendo valde miraculo quod in Francia de corpore Christi contigerat inter manus indigni sacerdotis, et de sententiâ mirabilis nostri Hugonis ad vi-

sendum illud miraculum invitati. — Et hoc est capitulum quartum in magna Vita. 1039

CAP. VI. — Qualiter Hugo noster suum corripuit metropolitanum, et quam sollicitus erat de moribus subditorum. — Et hoc est hoc capitulum quintum in serie magnæ Vitæ. 1042

CAP. VII. — Qualiter in concilio Oxoniensi petitioni resistit de auxilio petito a rege Richardo, a quo tamen fuit susceptus honorifice post offensam. — Et continetur hoc capitulum sub capite quinto in serie magnæ Vitæ. 1043

CAP. VIII. — Qualiter sedata regis offensæ eundem corripuit, et ab eodem honoratus recessit; cui etiam post recessum rex contingentem sibi de hospitibus victoriam nuntiavit. 1047

CAP. IX. — Quam constanter se ad mandatum regum excusavit, quo sibi mandatur, ut ad ipsum mitteret duodecim de personis suis Lincolnienis Ecclesie qui ad sua forent nuntia expedienda aptiores, contra executores datos ad confiscandum omnia bona sua censuram exercentem ecclesiasticam. — Et hoc est capit. 7, in serie magnæ Vitæ. 1049

CAP. X. — Quod archiepiscopo consulenti, ut mitteret pecuniam regi, qui eam stitebat, sicut hydropticus aquam, respondit: « Si hydropticus es, ego aqua non ero. » et de curatione apud Gestrehant furibundi. 1053

CAP. XI. — Qualiter mulcerulam quandam a spiritu pythonico liberavit. — Et hoc est capit. octavum in magna Vita. 1055

CAP. XII. — Qualiter mulierem aliam liberavit a demone incubo. — Et continetur hoc capit. in magna Vita sub capite octavo. 1056

CAP. XIII. — De furis ereptione, qui ad suspendium ducebatur, et qualiter baronibus scaccarii est locutus. Et continetur hoc capit. sub capite nono in magna Vita. 1058

CAP. XIV. — De juvene quem apud urbem Rosensem desperatum invenit, cujus postmodum computruit caro secus utrumque femur, qui per nostrum Hugonem tam in corpore, quam in anima est curatus. — Et hoc est cap. 2 in magna Vita, libro iv. 1061

CAP. XV. — Quod ad clerici ordinationem in subdiaconum induci non poterat, qui futurus erat leprosus. Et quam violentè fiebant sibi persuasiones, ut regis nostri irasceret pecunia mediante, et qualiter superveniente de morte regis rumore et suaderi non poterat, quin ejus sepulturam adiret. — Et hoc est cap. 10 in serie magnæ Vitæ. 1063

CAP. XVI. — Qualiter Joannes, rex futurus, post sepulturam fratris, apud Fontem Ebrandi accessit et qualia se facturum monialibus per nostrum Hugonem promiserit, et de pluribus gestis ejusdem Joannis, suam insinuantibus reprobationem futuram. 1068

CAP. XVII. — Qualiter post mortem regis Richardi repatriando hostium evaserit violentiæ, et a sibi occurrentibus cum gaudio sit susceptus. — Et hoc est cap. 12 in magna Vita. 1072

CAP. XVIII. — Qualiter habens in votis Carthusiam visitare, cedendi petitam licentiam non obtinuit, et quam strenue se gesserit in causis sibi delegatis, et specialiter contra quemdam Jordanum de Turri, et quam grave fuerit sibi se de negotiis secularibus personaliter intromitere, quæ aliis imponenda censuit, fidelibus et discretis. 1075

CAP. XIX. — Qualiter pace inter reges Franciæ et Angliæ reformata, cui et noster Hugo intererat, a rege et archiepiscopo accepta licentia, ut Carthusiam declinaret, Parisius veniendo, ibidem Ludovico regis Franciæ filio, et Arthuro Joannis nepoti saluberrima est locutus: et de quodam sibi occurrente et absolutionem petente, quem in Anglia excommunicaverat multo tempore tunc elapso. Et hoc est capit. 13 in serie magnæ Vitæ, sub quo etiam continetur capitulum præcedens. 1077

CAP. XX. — De adventu illius et receptu apud Gratianopolim, et Carthusiam, et qualiter se in locis illis gerebat. De pacis per ipsum reformatione inter episcopum et consulem Genevenses, et qualiter a Carthusia recessurus de reliquis ordinaverit a se et suo monacho exquisitis. 1080

CAP. XXI. — Quam devotus existiterat in reliquiarum sanctorum visitatione et expositione earum, et qualiter de eis finaliter ordinavit. — Et continetur in magna Vita sub cap. 14, circa medium illius capituli. 1083

CAP. XXII. — De locis, quæ pertransivit de Carthusia in Angliam revertendo, et de ejus gestis in iisdem, et qualiter fuerit, antequam Londonium veniret, agritudine pergravatus. 1086

CAP. XXIII. — Qualiter Londoniis in sua ægrotatione mala Angliæ ventura prædixit, sacram unctionem suscepit, suadentibus ei testamentum esse faciendum respondit.

et zelum, quem semper ad divinum officium habuerat, non dimisit et qualiter ad regem Joannem et archiepiscopum se habuit causa visitandi accidentibus ad eundem.

1094

CAP. XXIV. — Qualiter magistro fabricæ Lincolnienſis Eccleſiæ de faciendâ præparatione contra generale colloquium ibidem in brevi futurum injunxit, et qualiter ea deſcripſerit quæ circa ejusdem exſequias et ſepulturam voluit obſervari, et qualiter ſe habuit ad ſuſſionem de eſu carniſium ſibi factam.

1098

CAP. XXV. — Qualiter ab hac vita diſceſſerit. — Et continetur hoc capitulum in magna Vita ſub capit. 16.

1105

CAP. XXVI. — De viſione cadentis arboris, ex qua ſumpta eſt illa antiphona: Arbor cadit myſtici index ſacramenti, etc. Et eſt hoc capit. in magna Vita, cap. 18.

1104

CAP. XXVII. — De corporis deſuncti præparatione, exſequiarum, ut deſcripſerat, celebratione, ejusdem apud Lincolniam delatione, miraculorum in itinere contingentium recitatione, et de occuſu regum et aliarum ſublimium perſonarum. Et eſt in ſerie magnæ Vitæ ſub capit. 19.

1108

CAP. XXVIII. — De corporis percivitate deportatione, ejusdem nova præparatione, miraculorum oſtentione, oblationis magnitudinæ, et veſſium ſubſcriptione. Pontificum baculus, etc. in loco, ubi præceperat, ſepelitione. Et continetur hoc capit. in ſerie magnæ Vitæ ſub capitulo 20.

1111

LITTERÆ CONSTITUTIONUM IN VISITATIONE.

1113

DIPLOMATA.

1115

I. — Charta donatorum conſeſſiones recitans et confirmans.

1115

II. — Charta domini Hugonis epiſcopi et capituli Lincolnienſis de duobus partibus eccleſiæ de Corbi.

1118

III. — Charta Hugonis Lincolnienſis epiſcopi donatorum conſeſſiones monaſterio S. Oswaldi de Bardeneſis recitans et confirmans.

1120

IV. — Charta confirmationis donationum per Hugonem Lincolnienſem epiſcopum pro eccleſiâ Sancti Andree Northamptonſis.

1121

V. — Confirmatio Hugonis epiſcopi Lincolnienſis de eccleſiâ de Waldene.

1122

VI. — Confirmatio ſancti Hugonis Lincolnienſis epiſcopi eccleſiarum de Thorneberg et Dodeford monachis Luttedenſis monaſterii.

1123

VII. — Charta Hugonis Lincolnienſis epiſcopi de confirmatione donationis Rodulphi de Abi ad abbatiam conſtruendam apud Grenefeild.

1123

STATUTA ANTIQUA ORDINIS CARTHUSIANI —

Monitum.

1123

I. — Acta primi capituli ordinis Carthuſienſis.

1123

II. — Item capitula alterius conventus.

1123

III. — Alia ſtatuta

1127

IV. — Antiqua ſtatuta ordinis Carthuſienſis de ſacris ritibus.

1129

V. — Statuta capituli generalis ordinis Carthuſienſis edita anno 1261.

1133

VI. — Statuta edita in capitulo generali ordinis Carthuſienſis anno 1269.

1141

VII. — Statuta edita anno 1290.

1143

VIII. — Statuta anni 1291.

1143

IX. — Statuta nova capituli generalis.

1143

X. — Statuta anni 1332.

1149

ADMONDA.

1149

MAGISTER LAMBERTUS CARTHUSIENSIS DOMUS

SQUILLACENSIS PRIOR

Notitia.

1149

MAGISTRI LAMBERTI STATUTA.

1148

Incipit in opera divi Brunonis.

1151

FINIS TOMI CENTESIMI QUINQUAGESIMI TERTII.